

70/2

Neo: 12498.

Ex libris

Josephus Ledbourn cancell. frs.

5 J.

BIBLIOTHECA

MONASTERII S^{ti} MICHAELIS ARCH.

ET OMN. S.S. ANGELORUM,

APUD BELMONT

PROPE HEREFORDIAM.

1771

7

COLLEGIUM PRINCIPIS
IOANNIS MARCI

Georgii-Mariae Augustini-Oliverii
Fidei

et Joannis-Mariae Augustini-Oliverii
Fidei

et Joannis-Mariae Augustini-Oliverii
Fidei

P. HERMANNI
Fidei

et Joannis-Mariae Augustini-Oliverii
Fidei

et Joannis-Mariae Augustini-Oliverii
Fidei

et Joannis-Mariae Augustini-Oliverii
Fidei

et Joannis-Mariae Augustini-Oliverii
Fidei

et Joannis-Mariae Augustini-Oliverii
Fidei

et Joannis-Mariae Augustini-Oliverii
Fidei

et Joannis-Mariae Augustini-Oliverii
Fidei

et Joannis-Mariae Augustini-Oliverii
Fidei

et Joannis-Mariae Augustini-Oliverii
Fidei

7

CONCILIA GERMANIÆ,

QUORUM COLLECTIONEM

CELSISSIMI PRINCIPIS
JOANNIS MAURITII,

GLOR^{MÆ} MEM. ARCHIEPISCOPI PRAGENSIS

SUMPTU

CL. JOANN. FRIDERICUS SCHANNAT

PRIMUM COEPIT,

P. JOSEPHUS HARTZHEIM Soc. JESU P. M.

CONTINUAVIT, ET PRELO DEDIT,

P. HERMANNUS SCHOLL, EJUSD. SOCIET. P. M.

EX HARTZHEMIANIS COLLECTIS

EVOLVIT, AUXIT, AC NOTIS ILLUSTRAVIT.

ad Canon.

TOMUS IX.

Neustift

LAUDATI CELSISSIMI PRINCIPIS MUNIFICENTIA

AD NORMAM ALIORUM

EXACTUS, DIGESTUS, EDITUS

A

Joseph P. ÆGIDIO NEISSEN EJUSD. SOC. SACERDOTE. *Albarm*

COMPLECTITUR CONCILIA

AB ANNO MDCX. AD MDCLXII.



COLONIÆ AUGUSTÆ AGRIPPINENSIIUM,

TYPO VIDUÆ JOANN. WILHELMI KRAKAMP, ET HÆREDUM
CHRISTIANI SIMONIS, Bibliopelarum. ANNO MDCCLXXI.

CUM PERMISSU SUPERIORUM.

PERPETUÆ. GRATISSIMÆQUE.
MEMORIAE.

REVERENDISSIMI. ET. CELSISSIMI.
DOMINI. DOMINI.

J O A N N I S.
M A U R I T I I.
G U S T A V I.

DEI. GRATIA. ARCHIEPI-
SCOPI. PRAGENSIS.

SEDIS. APOSTOLICÆ. LEGATI. NATI.

S. ROM. IMP. PRINCIPIS.

COMITIS. DE. MANDERSCHIED-
BLANCKENHEIM.
ET. GEROLDSTEIN.

LIBERI. BARONIS. IN. JUNCKERATH.

DOMINI. IN. BETTINGEN. DAUN. ET. ERP.

UTRIUSQUE. SACRÆ. CÆSARÆ. NEC. NON. GERMANIÆ.
HUNGARIÆ. ET. BOHEMIÆ. REGIÆ. MAJESTATIS.

CONSILIARII. INTIMI. ACTUALIS.

INCLYTI. REGNI. BOHEMIÆ. PRIMATIS.

ECCLESiarUM. METROPOLITANÆ. COLONIENSIS. ET. CATHEDRALIS.
ARGENTINENSIS. RESPECTIVE.

PRÆPOSITI. SENIORIS. AC. THESAURARII.

ILLUSTRI. ECCLESIAE. COLLEGIATÆ. AD. S. GEREONEM.

PARITER. PRÆPOSITI

NEC. NON. UNIVERSITATUM. COLONIENSIS. ET. CAROLO-
FERDINANDÆ. PRAGENSIS.

CANCELLARII. PERPETUI. AC. PROTECTORIS. &c. &c.

OPERIS. HUIUS. PRIMI. AUTHORIS. ET. MUNIFI-
CENTISSIMI. ETIAM. POST. FATA.


MÆCENATIS.

T O M U M. H U N G. N O N U M.

D. D. C.

A. R. S. MDCCLXXI.

Agidius Neissen S. J.



FACULTAS REV. P. PROVINCIALIS
CUM PRIVILEGIO CÆSAREO.



Um VIDUA JOANNIS WILHELMI KRAKAMP, & Hæredes
CHRISTIANI SIMONIS, Bibliopolæ Colonienſes, typis
vulgare deſiderent Tomum Nonum *CONCILIO-
RUM GERMANIÆ*, a P. *Ægidio Neiffen*,
Soc. noſtræ Sacerdote, ad normam aliorum ex-

actum, digeſtum, editum; Ego infra ſcriptus, ejusdem Societatis in Pro-
vincia Rheni Inferioris Præpoſitus Provincialis, poteſtate ad id mihi facta ab
Adm. R. P. N. LAURENTIO RICCI, Univerſæ Societatis JESU Præpoſito
Generali, iisdem ad primam hanc duntaxat prædicti Tomi editionem facul-
tatem impertio; ſimulque communico Jus Privilegii Cæſarei, quo Biblio-
polis ac Typographis interdicatur, ne quis Librum ullum a Societatis noſtræ
Patribus conſcriptum, citra conſenſum Superiorum recudere, aut alibi recu-
ſum, intra fines S. R. Imperii inferre præſumat. In cujus rei fidem has iis
manu propria ſubſcriptas, ac conſueto officii mei Sigillo munitas, dedi.
Coloniæ 20. Aprilis, 1771.



IGNATIUS CORDES, Soc. JESU
ad Rhenum Inferiorem p. t.
Præpoſitus Provincialis m.pp.

INDEX

INDEX CHRONOLOGICUS

T O M I IX.

CONCILIORUM GERMANIÆ ET EPISTOLARUM &c. AD CONCILIA PERTINENTIUM.

SÆCULO XVII.

AB ANNO MDCX. AD ANNUM MDCLXII.

<i>Annus Christi</i>	<i>Pagina</i>
1609. S YNODUS DIOECESANA MECHLINIENSIS, Præsidente Revmo & Illmo in Christo Patre ac Domino MATTHIA HOVIO, Archiepiscopo Mechliniensis. (<i>Desiderata in priore Tomo.</i>)	1
Decreta & Statuta Synodi Dioecesanæ Mechliniensis.	3
1610. SYNODUS AUGUSTANA, sub HENRICO V. (<i>a Knörringen</i>) Augustano LXII. Episcopo.	23
Decretorum Synodaliū Dioecesis Augustanæ Pars I.	25
Pars II.	38
Pars III.	55
Pars IV.	81
1610. SYNODUS WARMIENSIS Dioecesana, sub SIMONE RUDNICKY, XXV. Episcopo.	92
1612. SYNODUS DIOECESANA COLONIENSIS, sub FERDINANDO, Bavariæ Duce & ERNESTI Coadjutore, LXII. (<i>al. LXIII.</i>) Archiepisc. Statuta Synodi Dioecesanæ Colonienfis.	155 <i>ibidem.</i>
1612. CONGREGATIO CAPITULARIS Concilii Geldoniensis, Dioecesis Namurcensis. . . . Decreta facta per Revmum Dominum FRANCISCUM BUISSET, Namurcensem V. Episcopum.	164
1612. ULTRAJECTINUM CONCILIABULUM, Statibus Hollandiæ Præsidi- bus, seu SYNODUS PROVINCIALIS Dioecesis Ultrajectinæ, illustata Notis ac R. D. P. CUTSEMIO. (<i>Index dyntaxat capitulum Pactorum</i>).	171
1612. SYNODUS DIOECESANA COLONIENSIS, sub eodem FERDINANDO, Archiepiscopo.	172
1612. ARCHI-DIACONALE CONCILIUM Hasbania, sub ARNOLDO DE BOCHOLTZ, Præposito & Archi-Diacono.	180
1612. SYNODUS SECUNDA Dioecesana BUSCODUCENSIS, sub Revmo in Christo Patre ac Domino D. GISEBERTO MASIO, IV. Episcopo Buscoducensi.	197
Oratio, a Revmo Domino EPISCOPO BUSCODUCENSI habita ad Clerum. &c.	<i>Ibid.</i>
Statuta Synodi Dioec. Buscoducensis.	202

1613. Synodus Dicecesana GANDAVENSIS, sub HENRICO FRANCISCO VAN DER BURCH, V. Gandavensium Episcopo.
Decreta & Statuta hujus Synodi. 240
242
1616. Statuta & Decreta Generalia Visitationis pro Prælatiſ, Eccleſiarum Rectoribus, Parochiſ, Curatiſ, & Clericis quibuscunque, ſub MARCO SITTIKO, LIV. Salisburgenſi Archi-Epiſcopo.
Formularium Inſcriptionum, Atteſtationum & Denunciationum.
Appendix ad Sacroſancti Miſſæ Sacrificii Cæremoniaſ. 264
275
277
1617. Synodus CAMERACENSIS, ſub FRANCISCO VAN DER BURCH, VII. (*al. VI.*) Cameracenſi Archi-Epiſcopo. 283
1618. Synodus Diceceſana LEODIENSIS, Præſidente Sermo & Revmo Principe ac Domino D. FERDINANDO, Archi Epiſc. & Electore Colon., LXI. Epiſcopo ac Principe Leodienſi.
Decreta iſtiuſ Synodi Leodienſiſ. 286
287
1618. DORDRACENUM CONCILIAULUM, Statibuſ Hollandiæ Præſidibuſ.
(*Ocaſio tantum Conciliabuli ac finiſ proponuntur.*) 302
1619. Decreta Viſitationiſ Apoſtolicæ, Paſtoribuſ Eccleſiæ Fuldenſiſ præſcripta a Revmo & Illmo Domino D. ANTONIO ALBERGATO, Epiſcopo Vigiliarum, & Legato a latere Nuncio.
Literæ ALBERGATI ad JOANNEM FRIDERICUM, Eccleſiæ Fuldenſiſ Abbatem. 304
Ibid.
1622. Constitutioneſ Diceceſanæ TREVIRENſEſ Revmi & Illmi Principiſ ac Domini D. LOTHARII (*a Metternich*) LXXX. Trevirenſiſ Archi-Epiſcopi, Clero promulgatæ. 325
1624. Synodus GUDSTADIENSIS Diceceſana Sermi & Revmi Principiſ ac Domini D. JOANNIS ALBERTI, Poloniæ ac Sueciæ Principiſ, Epiſcopi Warmienſiſ XXVI. (*Sola mentio Synodi.*) 336
1625. Synodus Diceceſana NAMURCENSIS. Ordinata per Revmum Dominum JOANNEM DAUVIN, Epiſcopum Namurcenſem VI. 337
1625. Synodus OSNABRUGENSIS Diceceſana, ſub Illmo & Revmo Principe ac Domino D. ITELIO FRIDERICO (*ab Hohenzollern*) S. R. E. Cardinale, LVI. Oſnabrugenſi Epiſcopo. 345
1626. Synodus Diceceſana SEDUNENSIS in Valleſia habita, Præſidente Revmo & Illmo Domino D. HILDEBRANDO JODOCO (*vulgo Joſt*) Sedunenſi LXXII. Epiſcopo, Valleſiæ Comite ac Præſecto, S. R. I. Principe.
Conſtitutioneſ Synodaleſ Diceceſiſ Sedunenſiſ. 361
363
1626. Synodus NAMURCENSIS, ſeu Statuta per Revmum Dominum D. JOANNEM DAUVIN, Epiſcopum Namurcenſem. 403
1627. Constitutioneſ ſeu Ordinationeſ factæ & decretæ per eundem Revmum Dominum D. JOANNEM DAUVIN, Epiſcopum Namurcenſem. 404
1627. Synodus Diceceſana COLONIENSIS, ſub FERDINANDO, Duce Bavariz, Colonienſi Archi-Epiſcopo, Præſidentibuſ Reverendiſſ. Illuſtriſſ. & Admodum Reverendo Dominis, D. FRANCISCO A LOTHARINGIA, Epiſc. Virdunenſi, &c. OTTONE GEREONE (*a Guttmanniſ de Sobernheim*) & JOANNE GELENIO, Ss. Theol. Doctore, Revmæ Sæ Serenitatiſ, & Metropol. Eccl. Colon. reſpective Suffraganeo, Decano, & Vicario in Spiritual. Commiſſariis. 406
- 1628.

1628. Synodus MAJOR OSNABRUGENSIS, Præsidente Revmo & Illmo Principe ac Domino D. FRANCISCO GUILIELMO (<i>Comite de Wartenberg</i>) Sanctæ Osnabrugensis Ecclesiæ LIX. (<i>al. LVII.</i>) Episcopo celebrata.	413
Epistola editioni istius Synodi præmissa.	<i>Ibid.</i>
Ordo & Series Episcoporum Ecclesiæ Osnabrugensis.	416
Acta, gesta que cum Cæremoniis, servatis in Synodo.	419
Oratio Synodalis habita per R. P. <i>Guilhelmum Aschendorff</i> S. J. Theologum, & Cathedralis Ecclesiæ Osnabrug. Ecclesiasten.	426
Decreta & Constitutiones, in Synodo Majori promulgatæ.	432
Earum Pars I.	433
Pars II.	459
Pars III.	476
Pars IV.	487
Catalogus Prælatorum, Collegiorum &c.	488
1629. Synodus YPRENSIS Diœcesana sub GEORGIO (<i>Chamberlain</i>) VI. Yprensi Episcopo.	493
Instructio pro Confessariis.	501
Instructio pro Concinatoribus per Diœcesim Yprensem.	502
1629. Synodus OSNABRUGENSIS Diœcesana, sub eodem FRANCISCO GUILIELMO.	504
Constitutiones Synodales.	506
1630. Synodus Diœcesana OSNABRUGENSIS, Præsidente eodem Revmo & Illmo Principe ac Domino D. FRANC. GUILIELMO; Osnabr. Episcopo.	510
Ordo & Cæremoniæ Synodi.	511
Constitutiones Synodales.	512
1630. Ordinationes Revmi Domini JOANNIS MALDERI, Episcopi Antverpiensis V. (<i>al. VI.</i>) in Congregatione Decanorum Christianitatis.	520
1630. Statuta & Ordinata a Revmo Domino D. GEORGIO (<i>Chamberlain</i>) Episcopo Yprensi, in Congregatione Decanorum suæ Diœcesis.	523
1631. Statuta & Ordinata ab eodem GEORGIO.	532
1631. Concilium PROVINCIALE CAMERACENSE, quod Revmus in Christo Pater Dominus D. FRANCISCUS VAN DER BURCH, Archi-Episcopus & Dux Cameracensis celebravit Cameraci.	537
Decreta & Statuta Concilii Provincialis.	538
Breve Apostolicum super Confirmatione istius Provincialis Concilii.	569
1639. Synodus NAMURCENSIS Diœcesana, sub ENGELBERTO DESBOIS, VII. Namurcensi Episcopo.	571
Decreta hujus Synodi.	572
1641. Synodus Diœcesana CULMENSIS, ab Illmo & Revmo Domino D. GASPARO DZIALYNSKIO, Culm. XXXIII. Episcopo, celebrata.	602
Præfatio Illmi & Revmi Domini Episcopi.	603
Acta seu Constitutiones Synodales.	604
Decretum sacræ Congregationis Cardinal. de non levandis funeribus sine scitu proprii Parochi defuncti.	616
Breve Apostolicum, in quo Clericis Regni Poloniæ facultas datur, causas in criminalibus per Procuratorem promovendi.	617
1643. Synodus Diœcesana TORNACENSIS, celebrata per Revmum Dominum D. MAXIMILIANUM VILLANI A GANDAVO, Tornac. LXXXIII. Episcopum.	619
Acta & Decreta Synodi.	620

1643. Synodus Diœcesana ANTVERPIENSIS, habita sub GASPARE NEMIO, Antverp. VI. (*al. VII.*) Episcopo. 638
 Ordinationes Diœcesanæ Antverpienses recollectæ & auctæ. 639
1644. Synodus PADERBORNENSIS Diœcesana, sub Sermo & Revmo FERDINANDO, Bavariz Duce, Archi-Episc. Colon. & Paderbornensi XLIII. Episcopo. 652
 Ordo S. Synodi Diœces. Paderbornensis. 654
 Sermo Synodalis, habitus per Revmum ac Prænobilem D. Theodorum Adolphum a Reck, Eccles. Cathedral. Paderb. & Monast. respectivo Præpositum & Canonicum. 657
 Decreta Synodalia. 664
1648. Synodus PROVINCIALIS BISUNTINA, sub Revmo D. CLAUDIO D'ACEY, Bisuntino XCIII. Archi-Episcopo. (*Constitutio de libro JANSENII, cui Titulus: AUGUSTINUS, sola adfertur ex Lünigia.*) 670
1648. Synodus Diœcesana TORNACENSIS, sub Revmo D. FRANCISCO VILLANI A GANDAVO, Tornac. LXXXIV. Episcopo. 679
1649. *PRODROMUS VISITATIONIS Archi-Diaconatum, Præposituræ, nec non Decanatus Metrop. Ecclesie Colonienf. sub FRANCISCO, Duce Lotbaringiz, Colon. & Argent. Præp. & Decano; in lucem editus.* 682
1649. Synodus TORNACENSIS Diœcesana, sub laud. mox Revmo D. FRANCISCO VILLANI A GANDAVO, Tornac. Episcopo. 692
1650. Synodus GANDAVENSIS Diœcesana, seu Decreta per Revmum D. ANTONIUM TRIEST, Episcopum Gandavensem VII. revisa. 696
 Decreta & Ordinata ipsa. 697
1651. Synodus COLONIENSIS Archi-Diœcesana Sermi ac Revmi Principis ac Domini D. MAXIMILIANI HENRICI, utriusque Bavariz Ducis, Archi-Episc. Colon. 728
 Decretorum Synodaliū Pars I. de Processionibus. 729
 Pars II. de Sanctissimo Missæ Sacrificio. 740
 Pars III. de Sacramento Ordinis. 752
 Pars IV. de Sacramento Matrimonii. 767
1652. Synodus Diœcesana RURÆMUNDENSIS, sub ANDREA CRUSENIO, IV. ejusd. Diœcesis Episcopo. 780
1652. Synodus Diœcesana MONASTERIENSIS, sub CHRISTOPHORO BERNARDO A GALEN, LVII. Monasterienf. Episcopo. 786
1652. Synodus Diœcesana HILDESHEIMFNSIS, Præsidente Sermo ac Revmo Principe ac Domino D. MAXIMILIANO HENRICO, Colon. Archi-Episc., Episcopo ac Principe LIV. Hildesheimenf. 793
 Ordo sacræ Synodi Diœcesanæ Hildesheimenfis. 794
 Decreta Synodalia. 804
1655. Synodus (*pro Vere ind.*) MONASTERIENSIS, sub CHRISTOPHORO BERNARDO A GALEN, Monasterienf. Episcopo. 811
 Decreta Synodi AUTUMNALIS Monasterienfis. 816
Sequuntur Epistole aliquot Pastorales Revmi D. CHRISTOPHORI BERNARDI. 836
1659. Synodus MONASTERIENSIS Diœcesana, sub eodem CHRISTOPHORO BERNARDO A GALEN, Monast. Episcopo celebrata. 841
1659. Synodus Diœcesana NAMURCENSIS, habita Præsidente in ea Per-Illustri ac Revmo in Christo Patre ac Domino D. JOANNE A WACHTENDONCK, Episcopo Namurcens. VIII. 844

CONCIL. GERM. TOM. IX. SÆCUL. XVII.

Annus Cbristi

V
Pagina

1660. Epistola Pastoralis CHRISTOPHORI BERNARDI a GALEN, Monast. Episcopi ad Archi-Diaconos Monasterienses data.	874
1660. Synodus TORNACENSIS, Præsidente Illmo & Revmo Domino FRANCISCO VILLANI a GANDAVO, DEI & Apostolicæ Sedis gratia Episcopo Tornacensi.	876
NOTATIO SCRIPTORIS ad annum Cbristi MDCLX. de Synodis aliis, ab Illmo & Revmo FRANCISCO GUILIELMO, Comite de Warten- berg, glor. mem. celebratis.	881
1661. Synodus TORNACENSIS, Præsidente ob infirmitatem Illmi & Revmi D. FRANC. VILLANI a GANDAVO, Episc. Tornac. ejus Vicario Generali R. Adm. D. ANDREA CATULLE, Presby- tero, J. U. L. Archi-Diacono majori & Canonico Cathedr. Tornac.	882
1661. Synodus CAMERACENSIS. . . . Ordinata ab Illmo & Revmo Domino D. GASPARE NEMIO, LXXXIV. Episcopo (VIII. al. IX. Archi-Episcopo) & Duce Cameracefii, in Congregatione Deca- norum Christianitatis.	887
1661. Epistola Pastoralis CHRISTOPHORI BERNARDI a GALEN, Monast. Episcopi, ad Clerum in Synodo congregatum.	893
1662. Epistola Pastoralis ejusd. CHRISTOPHORI BERNARDI, Invitatoria ad Synodum.	895
1662. Synodus MONASTERIENSIS, sub eodem Revmo & Illmo Dno D. CHRISTOPHORO BERNARDO.	896
1662. Synodus Diœcesana COLONIENSIS, sub Revmo & Sermo Prin- cipe ac Domino D. MAXIMILIANO HENRICO, Utriusque Bavariæ Duce, Coloniensi Archi-Episcopo celebrata.	899
Direktorium pro Synodo Diœcesana Coloniensi.	903
Edictum Convocatorium ad Synodum.	904
Literæ monitoriæ.	906
Ordo & Processus Synodi.	910
Oratio Synodalis.	921
Statuta & Decreta Synodalia.	923
Pars I. Statutorum Synodalium.	924
Pars II.	961
Pars III.	1006

FINIS INDICIS CHRONOLOGICI TOMI CONC. GERM. IX.



INDEX ALPHABETICUS CONCILIORUM GERMANIÆ

SÆCULI XVII.
AB ANNO CHRISTI MDCX.
AD
MDCLXII.

A.		N.	
A ntverpiense a. MDCXXX. pag. 520		Namurcense an. MDCXXV. pag. 337	
Antverpiense - MDCXLIII. 638		Namurcense - MDCXXXVI. 403	
Augustanum - MDCX. 23		Namurcense - MDCXXXVII. 404	
B.		Namurcense - MDCXXXIX. 571	
Bisuntinum PROVIN-		Namurcense - MDCLIX. 844	
CIALE - MDCXLVIII. 670		O.	
Buscoducense II. MDCXII. 197		Osnabrugense - MDCXXV. 345	
C.		Osnabrugense	
Cameracense Diœ-		MAJUS. - MDCXXXVIII. 413	
cesanum - MDCXVII. 283		Osnabrugense - MDCXXXIX. 504	
Cameracense PRO-		Osnabrugense - MDCXXX. 510	
VINCIALE - MDCXXXI. 537		P.	
Cameracense Diœc. MDCLXI. 887		Paderbornense - MDCXLIV. 652	
Colonienſe - MDCXII. 155		R.	
Colonienſe - MDCXII. 172		Ruræmundense - MDCLII. 780	
Colonienſe - MDCXXXVII. 406		S.	
Colonienſe - MDCLI. 728		Salisburgense - MDCXVI. 264	
Colonienſe - MDCLXII. 899		Sedunense - MDCXXXVI. 361	
Culmenſe - MDCXLI. 602		T.	
G.		Tornacense - MDCXLIII. 619	
Gandavense - MDCXIII. 240		Tornacense - MDCXLVIII. 679	
Gandavense - MDCL. 696		Tornacense - MDCXLIX. 692	
Gudſtadienſe - MDCXXIV. 336		Tornacense - MDCLX. 876	
H.		Tornacense - MDCLXI. 882	
Hildesheimenſe - MDCLII. 793		Trevirenſe - MDCXXII. 325	
L.		W.	
Leodienſe - MDCXVIII. 286		Warmienſe - MDCX. 92	
M.		Y.	
Mechlinienſe - MDCIX. 1		Yprenſe - MDCXXXIX. 493	
Monafterienſe - MDCLII. 786		Yprenſe - MDCXXX. 523	
Monafterienſe - MDCLV. 811		Yprenſe - MDCXXXII. 532	
Monafterienſe - MDCLIX. 841			
Monafterienſe - MDCLXII. 896			

FINIS INDICIS ALPHABETICI
TOMI CONCIL. GERM. IX.

CATA.

C A T A L O G U S R O M A N O R U M P O N T I F I C U M

S Æ C. XVII.

AB ANNO CHRISTI MDCX. AD ANNUM MDCLXII.

Nomen & Natio.	Ordo Successio- nis a S. Petro.	Adiit Pontificatum.	Sedit in Cathe- dra S. Petri.	Obiit.
Paulus V. antea Camillus Burg- hesius, Romanus.	CCXXXV.	Anno Christi MDCV. XVII. Kal. Junii.	Annos XV. Menses VIII. Dies XIII.	Anno Christi MDCXXI. IV. Kal. Februarias.

Clarissimis Romæ ortus natalibus a. 1552. XV. Kal. Octobreis, Perusii Philosophiam, Jurisprudentiam Patavii, non sine egregio sub optimis Magistris fructu profectumque didicit. Eum animo paratum & consilio, permagni jure fecerunt duo inprimis Pontifices Gregorius XIV. & Clemens VIII. Ab hoc condecoratus etiam Purpura fuit, præcellentis sui, quem apud Philip-pum II. Regem in Hispaniis Legatus navaverat, laboris decore ac præmio. Annum porro ætatis tertium agens & quinquagesimum, Pontificias ad Insulas, summa Urbis & Orbis lætitia pervenit.

Secundo statim Regiminis suscepti anno, dum controversiæ de gratiæ Divinæ auxiliis & libero arbitrio, haud parum celebri, diuque jam agitatæ imponebat silentium, (a) gravis ipsum inter & Vene-tam Rempublicam lis eo exarsit furore ac periculo, ut, nisi ma-turo flammam illius restringendam consilio Magnus Gallicæ Rex Henricus IV. provide curasset, totam correptura Europam cen-seretur. (b) Promptum sub id temporis, debitumque in Ecclesiæ Caput obsequium Societati JESU caro admodum stetit, Venetiis nimirum, quibus per annos omnino LI. carendum fuit: insti-gante

(a) Augustinus le Blanc *Hist. Congreg. de auxiliis Div. grat.* Lib. IV. apud Sandinum *in vitis Pontif.* Videri etiam potest Livinus de Meyer S. J. Theol. *in Hist. Con-trovers. de D. g. auxiliis*, Ed. Brux. typis Antonii Claudinot a. 1715.

(b) Spondanus *Annal. Eccles.* Tom. II. in Prolus. ad Sæc. XVII. a. Chr. 1607. pag. 949. Joan. Bussiærius *in Elosc. Hist.* P. II. pag. 304. ita de Henrico IV. glorioso pacis illius auctore: "Totam Europam flamma rapiebat; nisi Henricus utrique pacis sequester acceptus, eam composuisset, restincto incendio: Franciæ Regum præ-judicio (exemplo) veteri, quibus tutari Ecclesiam tam avitum est, quam tenere Regnum; & Pontifices liliis non tam ornare, quam regere."

gante Serenissimum Ducem, Senatunq̃ue amplissimum, ac malis artibus suis fallente Paulo Sarpio, ingenii majoris, quam fidei, certe minus tunc exploratæ, homine. (c)

Pontifex in isto cum Venetis dissidio, sui non immemor Pastoralis officii, Anglos orthodoxos, ne præscriptæ sibi ab Jacobo Rege jurisjurandi formulæ se adcommodarent, missis geminis in Britanniam literis (d) serio hortabatur: ubi Bellarminum, Ecclesiæ decus inclytum, fidelem sibi ac strenuum adiutorem habuit. (e)

In exornanda Urbe & Bibliotheca Vaticana, aliisque erigendis magni operis ac sumtus ædificiis, ut erat Princeps ad stuporem liberalis: (f) ita, quod D. Petri, Apostolorum Principis, templo ea, qua hodie fulget, majestate (pauca si exceperis) admirando prorsus & magnifico (g) suprema tandem ab ipso manus accesserit, immortalẽ sibi famam nominis apud posteros comparavit.

Ad Indos, ad Persas, ad Regnum Conganum, exterasque Regiones alias ablegavit Doctrinæ Evangelicæ Magistros Pastor optimus, & Legatos inde Romam venientes maxima semper pietate excepit, juvitque. Franciscam Romanam nobilem viduam, & Carolum Borromæum S. R. E. Cardinalem Sanctorum Catalogo adscripsit. (h) Stanislao Kostkæ & Aloysio Gonzagæ Soc. JESU, Margaritæ Castellanzæ & Jacobo Veneto Ord. Prædic., Philippo & Peregrino ex familia Servorum B. M. V., nec non Pio V. Pont. Max. cultum decrevit ampliorem. Anno 1617. Jubilæum sacrum, futuram irato Numini publicis in calamitatibus supplicationem, prid. Id. Junii promulgabat. (i)

Deni-

(c) Jos. Juvencius *Histor. Soc. JESU* Part. V. Lib. XII. a. n. 97. & Julius Cordara *ejusd. Histor. Part. VI. Lib. VI. n. 24. pag. 287.*

(d) Unas scripsit Pontifex X. Kal. Oct. a. 1606. alteras eod. Kal. a. 1607. utrasque videre est apud Bellarminum *Tom. VII. pagg. 641. & 660. Formulam juramenti ibid. pag. 641.*

(e) Summa jurisjurandi quæ fuerit, ex Bellarmini laudati Epistola (*inter familiares mihi LII.*) ad Georgium Blacuellum, Angliæ Archi-Presbyterum, die 28. Sept. a. 1607. Romæ exarata, pronum est cognoscere. Eadem cum prolixior sit; unum duntaxat, inde quod excerpti, salubre Gregorii M. (*Lib. XI. Ep. XXIV.*) monitum ætati huic nostræ ob oculos pono: *Apostolica Sedis reverentia, ait magnus ille Angliæ Apostolus, nullius præsumptione turbetur: tunc enim membrorum status integer perseverat; si CAPUT FIDEI nulla pulsetur injuria.* Itaque, S. Gregorio teste, cum de Primatu Sedis Apostolicæ vel turbando, vel minuendo, vel tollendo factagitur; de ipso Capite Fidei amputando, & de totius corporis, membrorumque statu dissipando satagitur, concludit verissime Bellarminus.

(f) Cl. & Exim. Georg. Jos. ab Eggs in *Pontificio docto* pag. 344. & seqq.

(g) Templi Vaticani descriptionem edidit Augustinus Oldoinus in *adnotat. ad Ciconium Tom. I.*

(h) Bullarii *Tom. III. pag. 234. & 257.*

(i) Imitatus ridicule Paulum V. Joannes Georgius, Elector Saxoniz, Lutheranus, & ipse annum illum I. sæcularem esse inter Protestantẽs voluit, edito per Theologos suos diplomate (*Meteor. Histor. Belg. Lib. XXXIV.*) & nummis tam aureis, quam argenteis cum hac epigraphe: *SÆCULUM LUTHERANUM 1617.* cufis, divulgatisque, & parentem novitiæ religionis & incunabula & natalem indicantibus. *Spondan. Eggr.*

Denique cum gratularetur (k) Maximiliano, Bavariæ Duci, Pragensem victoriam a. 1620. VI. Id. Nov. (die Dominico, quo legabatur in Evangelio: Reddite, quæ sunt Cæsaris, Cæsari; & quæ sunt Dei, Deo) gloriosissime partam; haud procul ab ultimo ipse certamine suo abfuit: anno enim mox consequente istud initit, felicitique confecit exitu a. æt. LXXIX. Cadaver III. Kal. Febr. translatum est ad Sacellum, in Exquiliis ab ipso erectum. (l)

Nomen & Natio.	Ordo Successionis a S. Petro.	Adiit Pontificatum.	Sedit in Cathedra S. Petri.	Obit.
Gregorius XV. antea Alexander Ludovisus, Bononiensis.	CCXXXVI.	Anno Christi MDCXXI. V. Id. Febr.	Annos II. Menses V. Dies XXIX.	Anno Christi MDCXXIII. VIII. Id. Julius.

Paulo V., a quo renunciatus Bononiensis Archi-Episcopus olim fuerat, Patrumque Purpuratorum adjunctus ordini, in Pontificatu successit, familia perillustri & magnorum in utroque foro luminum ferace, a. 1554. Bononiæ natus.

Tuendæ Religionis nostræ ac promovendi cultus Divini sollicitudine & studio potius illi nihil, nihil antiquius erat. Turcarum ut frangeret ferocissimos conatus, Catholicamque ad fidem Protestantibus reduceret, tum Principum Christianorum fœdus, tum institutam ab se Congregationem de Fide Catholica propaganda nissus est opponere: (m) Lutetiam Parisiorum, a Senonensi dirulsam, erexit in Metropolim; (n) Sanctis adnumeravit IV. Idus Martias, cum ingenti totius prope Europæ atque Indiarum gratulatione, Ignatium Loyolam, Societatis JESU Patriarcham, Franciscum

(k) Literas Maximiliani Bavari ad Paulum V. & hujus ad illum exhibet Cl. Joannes Adlzreiter *Annal. Boic.* Part. III. a pag. 82.

(l) Vitam Pauli V. optime, quanquam non sine vitis, a Bzovio descriptam, & Romæ a. 1625. in fol. editam fuisse, dicit in *Idea plenæ Pontif. Romanor. Historiæ* pag. 419. Christian. Wilh. Franc. Walch, Göttingæ Prof. homo, ut mississimè scribam, laude dignus haud alia, quam quæ ab Alphonso Ciaconio cit. in *Vitis Pontif.* tribuitur Bartholomæo Platinae his verbis: *Barthol. Platina, Cremonensis. . . conviciator acerrimus multorum Pontificum, quos sola libidine detrahendi, nihil tale promeritos conviciis infestatur, & petulanter atque procaciter mordet & lacerat. Quanquam ipsa styli sui acerbitate omnem sibi fidem derogat Walchius.*

(m) Spondanus ad a. 1622.

(n) Suffraganeas illi consignavit Ecclesias Carnotensem, Aurelianensem, & Meldensem, Senonensi antea subjectas. Primum nova Metropolis Anstitem habuit virum nobilem, pium, industrium, Joannem Franciscum Gondium, Petri Cardinalis nepotem & Henrici pariter Cardinalis fratrem. Hodie eidem Metropoli præest Christophorus Bellomontius (de Beaumont) defensor Religionis orthodoxæ impavidus, scientiarum præsidium, speculum Cleri, Galliæ decus, Præful utraque fortuna major, Vir numeris omnibus absolutus, cujus fama nunquam delebitur.

Catalogus Roman. Pontif. Tom. IX. 1622. 1623. 1624. 1625. c

ciscum Xaverium, *Indiarum Apostolum*, Philippum Nerium, *Congregationis Oratorii Auctorem*, Ildorum agricolam, & Theresiam virginem, *Carmelitarum Discalceatorum Fundatricem*. (o) *Festum S. Annæ, Deiparæ Matris*, observari de præcepto, & S. Joachimi sub Officio duplici celebrari jussit. Est ipse, cui Religiosissimus ac florentissimus Benedictinorum Ordo celeberrimum debeat, Romæ ad S. Cæcilie sub D. Petri Apostoli patrocinio, Gregorianum quod hodie audit, Collegium.

Marcum Antonium de Dominis, *Archi-Episcopum Spalatensem*, suum quondam condiscipulum, post vero infelicem fidei desertorem, qui librum in Anglia edidit de Republica Christiana inscriptum atque erroribus quam plurimis (p) refertum, ad saniora revocavit: (q) Decessoris sui Pauli V. de Conceptione B. M. V. amplificavit Decretum; Maximiliano, Bavarie Duci, de quo supra, ad Septemviratum Rom. Imperii, quo dignitate se fecerat Fridericus, Comes Palatinus, ob rebellionis crimen indignum, maximo rei Catholice bono est suffragatus. (r) Denique expectitum ab omnibus, tentatum a multis, atque a nemine perfectum de Romano Pontifice per secreta, ut modo fit, suffragia creando diploma conscripsit ipse ac publicavit. (s)

Hæc breve intra spatium ejusdem ferme anni 1622. postquam gesserat immortalis memorie Pontifex, & nostra de Societate bene merentissimus; acuta eum febris, plura meditantem, transcripsit æter-

(o) "Apotheosin illam non unæ flagitabant Cæsaris, Regum ac Principum literæ; urgebatur Cardinalis Ludovici pietas; & quotidiana pene prodigia suadebant," scribit in *Hist. Prov. Rhen. Soc. Jesu* Tom. I. Lib. XV. C. XIII. pag. 531. cultissimæ vir latinæ, Fridericus Reiffenbergius, a quo citantur Ferdinandus II. Imp., Ludovicus XIII. Rex Gallie, Joannes III. Lusit. Rex, Maximilianus Bavarus & Wolfgangus Neoburgicus, sacre illius celebritatis fautores.

(p) Ex libro *Marci Antonii* erute quinquaginta turpissimæ hæreses & a Sorbona notatæ. Librum resutarunt P. Martinus Becanus Soc. Jesu, P. Zacharias Boverius Capucinus, egregia sua parænesi. Scripserunt de illius gestis Gregor. Letus in *Theat. Brit.* Tom. IV. & Bocalinus in *Bilanc. Polit.* Tom. III.

(q) Recidit damnatos in errores a morte Gregorii, ideoque ab Urbano VIII. carceri fuit inclusus, in quo diem supremum obiit a. 1625. datis, ut referunt passim Historici, cordis vero dolore contriti argumentis: quanquam cadaver ipsius una cum impiis scriptis, non diu post, dictante in relapsum hanc penam, quo alii terrentur, Inquisitione, in Campo Floræ combustum est manu carnificis. *Spondanus, Sandinus, Eggs* &c. "Dedecta postmodum hominis (*Marc. Antonii*) impietate ac flagitiis gravioribus, quæ dum viveret, tenebris involvere studuerat, infelices reliquæ tumulo erutæ, & in ipso Floræ Campo, quæ Urbis platea celebratissima, cum scriptis exustæ sunt." *Juvenc. cit. L. XXV. pag. 915.*

(r) De creatione Maximiliani S. R. I. Electoris & Archidapiferi: nec non de inauguratione, Adlzreiterus cit. Part. III. Lib. VIII. Fragmentum literarum, quibus novam Bavaricæ gloriæ accessionem eidem Maximiliano gratulabatur Gregorius Pont. Max., *Vide L. c. pag. 114.*

(s) Utrumque Religionis polum a Gregorio XV. egregie stabilitum tum in Germania, tum in Italia ea tempestate fuisse, vir & purpura & meritis amplissimus, Eggio teste, verissimo cum elogio quondam adfirmabat.

æternitati, septuagesimo ætatis anno. Mausoleum ipsi, ejusque ex fratre nepoti Cardinali Ludovisio, qui D. Patriarchæ nostro Templum perelegans Romæ condiderat, eadem posuit memor benefactorum Societas. (t)

Nomen & Natio.	Ordo Successio- nis a S. Petro.	Adiit Pontificatum.	Sedit in Cathe- dra S. Petri.	Obiit.
Urbanus VIII. antea Mapheus Barberinus, Flo- rentinus.	CCXXXVII.	Anno Christi MDCXXIII. VIII. Idus Augusti.	Annos XX. Menses XI. Dies XXIV.	Anno Christi MDCXLIV. IV. Kal. Augusti.

Vir eruditissimus & suprema Orbis Catholici Sede multo dignissimus eligebatur octavo Comitiorum die, pulcra eligentium Patrum, miro fors evento (u) excitatorum consensione. Primam is lucem adspexit Florentiæ a. 1568, patre Antonio; matre Camilla Barbadora, parentibus virtute non minus, quam genere claris editus. Romano apud Soc. JESU Patres in Collegio politiores hausit disciplinas & quanto vel tum præstaret, quamque idoneo Poeticæ imprimis facultati ingenio, diversa, quæ annis labentibus felice vena & erudita fudit, poemata satis docent. (x)

*Ad Pontificiam dignitatem non alio, quam scientiarum, virtutum-
que auxilio (y) erectus, malle se, dixit, in statione juxta dram,
ubi de genibus in re tam ardua, æterno sese Numini commendabat,
mori milles, quam DEO, Ecclesiæ, Gregi, & Reip. vel momentum
inutilem vivere aut indecorum. (z)*

*Anno Pontificatus sui tertio, Christi 1625. Jubileum Romæ ex
lege Pauli II. Pontif. Max. obiit, ac Ladislaum, Regis Polo-
niæ*

(t) "Corpus (Gregorii XV.) post aliquot annos translatus est e Basilica Vaticana ad S. Ignatii, ubi commune sepulcrum est familiæ Ludovisiæ. Visitur ibi nunc Mausoleum opere insigni. &c. Utque uno velut obtutu admonearis de duobus maximis & immortalibus beneficiis, quæ illis debet Societas, inter utriusque (Pontificis & Cardinalis) loculos e lecto marmore & simulacra pulcherrima, legitur aureis literis lemma: *Alter Ignatium aris; alter aras Ignatio.*" Cordara Hist. Soc. JESU cit. Part. V. Lib. VIII. ad annum Christi 1623.

(u) Ferunt, Comitiorum, dum in Vaticano agebantur, tempore examen apum in Tuscia Romam advolasse ac supra fenestram cellæ Maphei Cardinalis Sedem suam fixisse. Sed enim & oriundus erat e Tuscia Mapheus & in scuto ipsius gentilitio apes pro insigni visabantur. Fuit quoque, ad clavum Christianæ Reipubl. cum federet, clementiæ severitatem, severitati elementiam admiscendi peritus simul ac studiosus; seseque bonis melleum, aculeatum malis exhibuit.

(x) Cl. Eggius in Pontificio docto pag. 867.

(y) "Si quis, scribit cit. Historicus, adjumenta quærat, quibus cen gradibus ad id fastigium conscenderit Urbanus; alia profecto non reperiet, nisi vitæ probitatem, morum innocentiam, lacrimam literarum singularum cognitionem, exactissimam juris scientiam &c."

(z) Idem Cl. Scriptor eod. Op. pag. 861.

nia primogenitum, & Leopoldum, Austriae Archiducem, Religionis causa eo profectos splendido excepit, coluitque adparatu. (a) De Pace interim summos inter Europae Principes atque Aulas potentissimas procuranda, quod certissimum noverat esse & Ecclesiae & Imperii columen, nunquam non sollicitus.

Beatis adconsuevit Andream Avellinum, Ord. Clericorum Regul. Sacerdotem, Felicem Cantaliciensem, Capucin. Fr. Laicum, Mariam Magdalenam, Florentinam e Pactiorum gente, Riram, Cajetanum Thienæum, Congreg. Cler. Regul. Theatin., Franciscum Borgiam, Gandiae Ducem, III. Soc. JESU Praepositum Generalem: Sanctorum vero in album retulit Andream Corsinum, Ord. Carmelit. Fesulanum Episcopum, Elisabetham, Lusitaniae Reginam, sex denique & viginti Japoniae Martyres: e quibus tres, videlicet Paulus Miki, Joannes de Goto, & Jacobus Kisai institutam ab Ignatio Loyola Societatem mirifice collustrarunt. (b)

Accepit ab Urbani munificentia suum Roma splendorem; suam ditio Pontificia securitatem. Templum Vaticanum ritu solenni consecravit; Sepulcrum Apostolicum mole decoravit aërea; (c) Archigymnasium, quod Sapientiam Quirites vocant, ampliavit; erexit a fundamentis Collegium de propaganda Fide, Urbanum inde nuncupatum; in lustricum Constantini M. Imperatoris religiosissimi, fontem auro, tabulisque affabre pictis totum quodammodo sese effudit. (d) Novis porro Hadriani molem operibus munivit; muris ac propugnaculis cinxit Leoninam urbem; (e) in agro Bononiensi arcem, cui Urbanæ nomen, munitissimam condidit; portum Trajani Imp., multis fatiscentem locis refecit, atque ad prima veluti originis superbae decora, Centumcellis plaudentibus, revocavit. (f)

Bibliotheca Vaticana, quam pretiosis locupletavit græcis MSS. Codicibus, Breviarium ac Pontificale Romana, quæ emendavit, Martyrologium, quod sua perlustratum auctoritate publici juris fecit, monumenta sunt & scientiæ, qua excelluit, & singularis, quam dedit pristino reddendis nitori rebus sacris, industriæ. Pauperum ut consuleret difficultatibus, plures Festos dies ab-
roga-

(a) Spondanus *Annal. Eccles.* Tom. II. ad hunc annum N. I. pag. 973.

(b) Tannerus in *Societate Jesu ad sang. & vitæ profus. militante* a pag. 258. Juvencius in *Hist. Soc. P. V. L. XX.* a pag. 596. ad 604.

(c) Unde, qua indoctam nonnulli plebem ludificantur, ineptia est ac puerilis sententia: *Quod non fecerunt Barbari, fecerunt Barberini.* Nihil enim ab his injuriæ Antiquitatibus Romanis illatum est. Sandin.

(d) "Diceret, *verba sunt Eggii*, quadam fortunæ industria fontem deformatum, quo "ornatior resurgeret. Tantus equidem est ejus hodie splendor, ut præter aurum, "tabulas bene pictas & marmora nitidissima videas nihil."

(e) Sandinus in *vita Leonis IV.* pag. 267. (f) Eggiius cit. pag. 865.

rogavit; (g) & Cardinalium, quos septuaginta quatuor creasse fertur (h) dignitatem novo aucturus titulo, sancivit, ut qui antea Illustrissimi, posthac Eminentiissimi adpellarentur, (i) admissis in honorifici nominis societatem, cum Magno Ordinis Melitenfis Magistro, tribus S. R. I. Septemviris Ecclesiasticis. (k) Obiit anno ætatis LXXVII. Pontifex a Poësi, a Philosophia, a Theologia & ab Historia instructissimus, (l) Doctor sapientissimus, Princeps temperatissimus, æquissimus, sanctissimus.

Nomen & Natio.	Ordo Successio- nis a S. Petro.	Adiit Pontificatum.	Sedit in Cathe- dra S. Petri.	Obiit.
Innocentius III.	CCXXXVIII.	Anno Christi MDCXLIV.	Annos X. Menses III.	Anno Christi MDCLV.
antea Joannes Baptista Pamphi- lius, Romanus.		XVII. Kal. Oëtobris.	Dies XXIII.	VII. Id. Januarii.

Nonis Maji anno R. S. 1574. e stirpe, ob virorum toga, sagoque illustrum multitudinem commendanda, (m) trabens originem, numerabat annos jam pene duos & septuaginta, cum a purpuratis Patribus LVI. (n) Conclave ingressis ad Summi Pontificatus fastigium eveheretur. Hinc certis mox argumentis vigilantiam suam, & Religionem; Apostolicam vero præprimis fortitudinem Orbi commonstrabat. Egenorum enim solatio, judiciorum æquitati, honestati Clericorum, omniumque Ordinum integritati consuluit. Litteras circumquaque misit plenas consilio, pietate ac sapientia, quibus aleret inter Principes Christianos concordiam & heterodoxorum audaciam, sociis illis & adjutoribus, re-
tunde-

- (g) Tom. IV. Bullar. pag. 230. (h) Walchius cit. L. VIII. C. 1. A. 1. Adnot. 2. pag. 422.
 (i) Spondanus ad a. 1630. Exiit Bulla mense Julio. " Moguntinus & Trevirensis Ele-
 " ctors oblatum ultro splendidi nominis titulum cupide admifere: quo evefti
 " difcernerentur ab aliis Illmis Principibus. Ferdinandus Coloniensis pro Succes-
 " foribus, fi vellent, acceptans, pro fe respuit, fatis honoratum fe credens, dis-
 " cretumque a minorum familiarum Antiftitibus, imo Cardinalibus, fi SERENIS-
 " SIMI nomen a Cæfarea, Regiaque Bavarorum ftirpe acceptum, ufurpare per-
 " geret." Ita Turckius in *Annalibus Germaniæ ad Rhenum MSS. ineditis*.
 (k) Vetuit eadem occasione Urbanus, ne, præter Reges & Senatam Venetum, aliter
 deinceps auderet quisquam Cardinales adpellare.
 (l) " Floruit Poëfi & Philofophiæ laude: princeps fuit in Jure: facras linguas apprime
 " calluit: Theologiam pervafit: Græcos, Latinosque Patres evoluit ac compre-
 " hendit: orationis facundia & hiftorica cognitione nemini ceflit." Ex Oldoino
 Eggfius cit. Confuli etiam poterit Allaccius in *fuis Apibus Urbanis*.
 (m) De gentis Pamphiliæ origine & præftantia laudatus Eggfius, & apud eum Oldoi-
 nus in addit. ad *Cracon*; Ludov. Jacobillus Tom. III. *Sanctorum Urbria in vita B.*
Ludolphi; Vincent. Armannus Eugubinus in *Catalogo Virorum illuftrium fua patriæ*;
 Anton. Bagata in *vita Innocentii X. &c.*
 (n) P. Gregorius Kolb in *Serie Roman. Pontificum* pag. 363. fcribit, confenfiffe in Joan.
 Bapt. Pamphilium Cardinales LXVI.

tunderet. Legationes quoque pretiosas, ubi res postulabant, litteris adjunxit. Fortem sese in sustinenda tum auctoritate Pontificia, tum Ecclesiastica Immunitate præstitit: id quod experti præter audaciores quosdam (o) sunt Neapolitanus Prorex, (p) & Gaufridu Marchio, locum Parmensi in aula tum principem tenens. (q)

A Ferdinando III. Imp., Philippus Christophorus Archiep. & Elector Trevirensis ut decemali e custodia in libertatem assereretur, impetravit. (r) Religionis accensus zelo, Pacem Westphalicam nono Kal. Nov. a. 1648. obsignatam, ceu probrosam Imperio, & rei Christianæ noxiam, pro gravissimi, quod obibat, muneris sui ratione quam constantissime averfabatur. (s) Periculosum damnavit Arnaldi librum (t) & propositiones quinque famosas ex Corn. Jansenii Pprensens Episc. Augustino depromtas; (u) Venetis bello Cretico, quod ipsos XXV. annos tenuit, contra Turcas implicitis, triremes suas misit auxilio; A catholicorum pariter molitionibus, in Anglia, Scotia, & Hibernia ferventibus (x) generose obstitit, letum initio Apostolicæ cursum operæ Cromvello, impio parricida apud Anglos, sufflaminante. (y)

Eluxit porro Magni hujus Pontificis in revocandis e Gallia Barberinis Cardinalibus justitia (z); in abigendis, ex Tyberis inundatione & caritate annonæ profectis, Populi Rom. calamitatibus studium (a); in exornando magnis sumptibus Vaticano, in cæde sacra D. Agneti V. Martyri condenda, in alveo, Ravennæ utilissimo,

(o) Læferant illi Majestatem Pontificiam in Lusitani Cleri Delegato. Primpilus eorum, ut esset clarus sanguine & dignitate præfulgens; Urbe tamen egredi ab Rege Catholico jussus.

(p) Ob similem ferme insolentiam ab administratione Regni Neapolitani is amovebatur, cetera tum Regi, tum Principibus Italiæ percarus.

(q) Marchio hic, necis iniquissimæ, Christophoro Giardæ Castri urbis Episcopo illatæ auctor, ut capite plecteretur, Innocentius pro justitia sua effecit. Vid. Eggs in Pontificio docto. Idem de factis Marchionis & exitu in Purpura docta Lib. VI. n. 85. pag. 486.

(r) Eggs, Kolb, Brietius in *Annal. Mundi* edit. Viennæ in Austria a. 1727. in 8. pag. 592.

(s) Vapular acerrime eam ob rem ab Hübnero, Walchio, & reliquis A catholicis innocentissimus Pontifex: cujus Diploma, adversus Pacem illam publicatum, extat apud Bougeant *Hist. de la Paix de W. (ZELO DOMUS DEI &c.)* Bullar. Tom. IV. Part. III. pag. 269.

(t) Liber iste e Gallia prodierat anonymus, cum hoc titulo: *De magnitudine Ecclesiæ Romanæ & Ss. Petri & Pauli Pontificatu*, in quo omnimoda amborum contendebatur æqualitas. Errorem damnavit Pontifex; & refutarunt viri non æstive docti Augustinus de Bellis, Theophil. Raynaudus, Isaacus Habertus, Petrus de Marca. Vid. Biner in *Apparatu Eruditionis* Part. XI. C. XXVIII. A. VII. pag. 335.

(u) Cl. Eggs in *Purpura docta* Lib. VI. n. 44. a pag. 393. & seqq.

(x) Pontificium doctum ejusd. Cl. Scriptoris pag. 876.

(y) Idem l. c. Et Chronica universalia passim.

(z) Cognita eorum innocentia ac probitate, quotquot de familia erant, quamprimum omnes revocavit, fovit, dilexit Innocentius.

(a) Fuscæ hæc apud eundem Scriptorem in *Pontif. docto*.

lissimo, ad colophonem perducendo (b) munificentia, prudentia, pietas.

Hos inter labores postquam & a. 1650. Jubilæum Magnum, a Bonifacii VIII. restauratione XIII. (c) celebrarat, ut cum maxime letus glorioso plurimorum in Germania Optimatum (d) ad Fidem orthodoxam reditu, sensit cum ætate, quam ultra annos octoginta exegit, tantam valetudinis suæ inclinationem, ut Divino pasci epulo, sacroque ceromate, supremum inungi vellet. His instructus salutis nostræ auxiliis, a purpuratis PP. quos eo fine ad se evocaverat, de suis in officio piaculis flagitavit veniam, & eorum se precibus, jugique Ecclesiam præsidio commendavit. Nec multo post, adsistentibus sibi binis Cardinalibus, Fabio Cbiso & Dezio Azzolino, ac P. Joanne Paulo Oliva, sacrotum Oratore, Societatis JESU porro XI. Generali Præposito, extremos anhelitus sanctis in DEUM adfectibus præeunte, inter varia sinceræ pietatis specimina, suam Procreatori DEO animam VII. Id. Jan. reddidit, sepulcrum in Vaticano temporarium nactus, Pontifex Optimus Maximus apud omnes, si eos (e) exceperis, quorum e laude contemptus, e contemptu laus nascitur.

Nomen & Natio.	Ordo Successionis a S. Petro.	Adiit Pontificatum.	Sedit in Cathedra S. Petri.	Obit.
Alexander VII. antea Fabius Cbissus, Senensis.	CCXXXIX.	Anno Christi MDCLV. VII. Idus Aprileis.	Annos XII. Mensem I. Dies XV.	Anno Christi MDCLXVII. XI. Kal. Junias.
				Natus

(b) Ad Ravennæ portam, qua meant navigia, hæc legitur inscriptio:

INNOCENTIO X. PONT. MAX.

Columba (*) novum mare; Columbus novam terram invenit.

Neptunus Cerevi; naves succedunt avatro:

Ubi olim Neptunus Cerevi; naves cesserunt avatro.

ANNO MDCLIV.

(*) Columba, olivam rostro tenens, insigne Pamphiliorum.

(c) Bonifacius VIII. decrevit celebrandum esse Jubilæum centesimo quoque anno; Clemens VI. quinquagesimo; Urbanus VI. trigesimo tertio; demum Paulus II. quinto & vigesimo. Sandinus in vit. Pontif. pag. 443. & 444.

(d) Juvat hic loci, ad perennem Religionis, Germaniæ & familiarum gloriam, splendidissimos eorum recensere. Fuerunt Odoardus, Comes Palatinus; Ulricus, Dux Wirtembergicus; Dux Holfatiæ Juderburgensis; Joannes Fridericus, Dux Brunsvicensis & Luneburgensis; Fridericus, Hassiæ Landgravius Darmstadianus, postea Cardinalis; Ernestus, Landgravius Hassiæ Casselenensis, cum uxore Eleonora Maria Solmensis; Philippus Guilielmus, Neoburgicus, cum conjuge Elis. Amal. Magdal. Darmstadiana; Christoph. Ranzovius, Eques Holfatus; Wolfg. Frid. Hoffmannus, Baro Moravus; Erardus, Comes Truchsesius. His adnumeranda venit Christina, Sueciæ Regina, quæ Fidei nostræ veritatem & docta & amplexa, Romanam petiit. P. J. Kraus S. J. in Exemplis Conversionum.

(e) Hübner, Walch, & alios, qui Ecclesiæ Rom. Catholicæ adversarios se protestantur.

Natus Id. Febr. a. 1599. in celeberrima Hetruriae urbe & a femina lectissima Laura Marsilia ad omnem pietatem; a Celso Citadino, præcellentis ingenii atque existimationis viro, ad omne genus scientiarum (f) quam diligentissime institutus, debitam summis virtutibus ac laboribus, pro DEO & Ecclesia exhaustis, palmam non ante retulit, quam summus ipsi in terris honor tanto deferretur LXII. suffragiorum concentu, quanto per annos omnino trecentos ulli. Fertur de Fabio dixisse Regis Suecorum frater, totum conversum iri Septentrionem, si Chigius renunciatur, Pontifex. Jamtum vel in una Pace Monasteriensi, quanta esset animi fortitudine & constantia, Apostolicus ad Rheni tractum & Inferioris Germaniae Provincias Legatus palam fecerat. (g)

Sic adiit Pontificatum, ut nemo sanctius; nemo inter spes fortunati imperii ampliores. In aræ medutilio, ubi Corpus Christi & Sanguis conficitur, sedere pro modestia sua & animi demissione recusabat; se esse mortalem ne oblivisceretur (quod quidem in tanta supremæ dignitatis luce accidere mortalibus possit) extructa sibi ab ipsis regiminis sui incunabulis sepulchrali urna, extremas meditabatur conditionis humanæ vices ac fata; pauperes vocitare Nepotes suos aut affines gestiebat, Christum in iis suum assidue reveritus, totoque pectore complexus. (h) Documento est, quod proprium sibi symbolum esse voluit Gentium Doctoris apophthegma: Vivo jam non ego; vivit vero in me Christus.

Sueciæ Reginam (de qua supra) unicam Gustavi Adolphi in historiis nominatissimi filiam, abdicato annis florentibus Regno, & erroribus publice Oeniponti (i) ejuratis, Romam e Belgio venientem, pompa vere Regia excepit. (k) Adjuxit pecunia & milite Remp. Venetam adversus Turcas: Leopoldo I. imp. contra eosdem; Carolo Emmanueli Sabaudiae Duci contra Waldenses; Casimiro Regi Poloniae contra Succos plurimis præsto fuit suppeditis.

Erat

- (f) Erat Alexander VII. in Poësi, Rhetorice, Historia, Philosophia, Theologia & Jurisprudentia ad stuporem versatus. Operum ab ipso editorum catalogum exhibet in *Pontif. docto* Cl. Eggs pag. 889.
- (g) Joannes Palatius in *Vita Alexandri VII.* n. 4. Porro de pace Westphalica consuli queunt Bougeant *Hist. de la Paix de Westph.* (quem notis instruxit Everh. Rambach) Londorp in *Act. publ.*, Laurent. Forerus S. J., Ignatius Schwartz in *Colleg. histor.*, ubi P. V. a pag. 493. Herman. Conringium, sub *Irenæi Eubuli* nomine occultum, egregie refutat.
- (h) Brietius in *Chron. univ.* ad a. 1655.
- (i) Sandinus ait: *Bruxellis*; forte, quod plenam in Belgio hausisset Religionis nostræ doctrinam, ibique, quod palam in Tirolis, clam modo præstitisset.
- (k) Misérat jamtum antea virum ætate sua clarissimum, Lucam Holsteinium ad ipsos usque Germaniæ fines obvium, Reginam ad Urbem qui invitaret. Tum præmissis quatuor Apostolicis Nunciis ac duobus a latere Legatis Carolo Mediceo, ac Friderico Hassiæ Landgravio, Cardinalibus, ipse venientem in Æde Vatic. excepit. Eggs.

Erat post Deum singulari prorsus studio Beatissimæ Dei Matri addictus: cujus gloriam simul & cultum toto amplificaturus Orbe Catholico, vetuit VI. Id. Dec. a. 1661. severissime, ne quis contrariam de Immaculato ejusdem Virginis Conceptu sententiam deinceps tueretur. (l) Jansenii Propositiones, ab Innocentio X. a. 1653. pridie Kal. Jun. damnatas, nova & ipse Constitutione, quo novas variorum elideret machinationes, omnemque Atheismo ipsi, ad quem ducit Jansenismus (m) viam obstrueret, a. 1656. XVII. Kal. Nov. damnavit. (n) Honores decrevit cælestes Thomæ de Villanova, Valentino Archi-Episcopo, & Francisco Salefio, Episcopo Genevensi: (o) quocum gloriari Alexander poterat, honores se in Repub. Christiana, honoris ambiendo nihil; nihil laboris recusando, consecutum fuisse. (p)

Serviit maxime Posteritati & idcirco cum Optimis Pontificibus comparandus, quod recondendis magni momenti Apostolicis literis, palatim quoddammodo inter familias bucusque volantibus, certum in Palatio Vaticano, tutumque locum designavit, & pro sacrarum Congregationum monumentis tabularia, quot erant opus, construxit.

Argumentum pro colloquiis Alexandro perfrequens, teste Oldoino, historia sacra & vetus Ecclesiæ disciplina. Antiquos Codices magno conquirebat labore, nullo tam barbaro aut exoleta charactere,

(l) Tom. V. Bullar. pag. 347.

(m) Le Jansenisme dévoilé, ou JANSENIUS convaincu d'athéisme. Opus hoc, solutum typo a. 1736. in 4, tres complectitur partes. Prima solidissimis, imo evidentibus argumentis demonstrat ideam Dei (primum illum & capitalem totius cate-
næ Jansenianæ anulum & veram doctrinæ clavem) in Yprensis Augustino esse a vera Dei veri notione quam longissime remotam: cum, quæ inde fluunt consequentiæ, a vera Religione absint penitissime.

Habet hæc Pars paginas 145., & agit de rebus ad Religionem spectantibus, nimirum de Mysteriis, de Sacramentis, de Fide, de gratia &c.

Secunda Pars explicat latentem in Systemate Janseniano materialismum animæ humanæ, & ostendit, duo esse ex opinamenti Jansenii, quibus ceu machinis anima hæc materialis impellitur, movetur, agiturque: charitatem nempe aut cupiditatem. Paginas numerat 152.

In tertia Parte ob oculos ponitur Janseniana de quovis naturæ humanæ statu doctrina. Constat paginis 144. Totum porro opus ejusmodi est, ut summa Scriptoris anonymi vis ingenii, pari conjuncta cum styli modestia atque animi moderatione, ubi-
vis eluceat. Adjungi huic operi meretur & aliud, quod ex gallico latine redditum, typis Wagnerianis Aug. Vind. & Frib. Brig. a. 1766. prodit in 8. & inscribitur: Veritas consilii Burgofonte initi, ex ipsa hujus executione demonstrata.

(n) Tom. VI. Bullar. Constitut. 136. apud Biner in Appar. Erudit. P. XI. pag. 338.

(o) Conscriptas ab eo rite vivendi ac regendi regulas maximi fecit Alexander. Kolb in Serie Rom. Pontif. pag. 367.

(p) In ipso Comitiorum æstu non solum rejecta fuisse ab Alexandro, quæ offerebant Suffragatores, studia; verum & alienandorum a se illorum occasiones studiosè ipsum quævisse, testatur Eggfius. Porro Cardinalibus, diem aditi Pontificatus pro more gratulantibus, reponebat Virgilianum illud: Dies, quem semper acerbum, semper honoratum (sic vos voluistis) habebam.

Ætate, quem non assequeretur; ex iisque magna cum voluptate, ad illustrandam obscuriorum temporum eruditionem, plura colligebat. Delectabatur Virorum literatorum (q) consuetudine, literarum ipse & omnium artium decus splendidissimum.

Obiit post acutissimos ex renum malo, quicum luctatus dudum fuerat, toleratos magno animo dolores, anno ætatis LXVIII. postquam sacro Cardinalium Collegio gravi pro more suo oratione Sedem commendasset Apostolicam, & eos, ut deligerent idoneum sub istas temporum procellas, Ecclesiæ moderatorem, contestatus lacrymando fuisset.

Fortitudinem porro Alexandri ex illo cum Gallia ob læsum a Corfis militibus Creguium Ducem, Romæ Legatum diffiaio; (r) licuit cognoscere. Ejusdem vero prudentia & dexteritas nunquam elucescebat augustius, quam cum Societatem JESU, soluto, ut sic loquar, inexplicabili multis Pontificibus (s) nodo, in omnem ditionem Venetam a. 1657. reduxerit. Opus, inquit Brietius, (t) & Pontifice & Alexandro Pontifice dignum.



IMPE-

- (q) Principe inter hos loco nominandus venit Ferdinandus Fürstenbergius, Episc. Paderborn., Poëta eximius, ad quem viginti Hexametra *de forma & statu Conciliorum* elegantissima ex ipsomet Conclavi scripsit. In pretio quoque Alexandro & amoribus erant *cum divinisimo suo de actis Sanctorum opere* Scriptores S. J. Antverp.
- (r) Originem hujus dissidii, progressum & finem legere est apud J. Palatium cit. *in vita Alexandri VII.* n. 11. & apud Cl. Eggium *in Purp. doctæ* L. VI.
- (s) Vid. Cordara *l. supra c.* Alexandri VII. fortunato fidere, in Serenissimæ Reipubl. gratiam revocatos esse Societatis homines a. 1657. cum, ut antea restituerentur, effici nullo pacto potuerit, scribit Juvenc. *in Histor. Soc. P. V. L. XII.* pag. 101.
- (t) Tom. VII. *Annal. mundi seu Chron. univers.* pag. 642. Eadem ferme apud Juvenc. cit. qui pag. 107. rem omnem hoc claudit epiphonemate: "Sic magna Alexandri VII. gloria, nec minori laude ac beneficio Reipublicæ; maxima Italiæ ac totius Orbis Christiani gratulatione, Societas JESU Reip. Venetæ anno MDCLVII. feliciter est restituta."

IMPERATORES OCCIDENTIS

AB ANNO MDCX. AD MDCLXII.

SÆCULI XVII.

MATTHIAS.



RUDOLPHI II. Imp. post vitam cœlibem humanis rebus ex-
emti, & Frater (*ut memini Tom. præc.*) germanus & Succes-
sor, omnium, si Brandenburgicum exceperis, Electorum
voto Francofurti ad Mœnum a. M.DC.XII. 3. Junii (a) re-
nunciatus, coronatusque die ejusd. mens. 14. fuit, Diadema
Cæsareum ei imponente Joanne Swicardo (*a Cronenburgh*) Mogunt. Archi-
Episcopo. (b) Anna Regina, Ferdinandi Archiducis, Tyrolensis Comitis filia,
novi Imperatoris conjux, quam duxerat Viennæ in Austria mense Decemb.
a. M.DC.XI., biduo post eodem adparatû solemnia Imperii capeffivit.

Natus erat Matthias Viennæ a. M.DC.LVII. 24. Febr. (die, quam Ca-
roli V. magni patruî natales illustrem olim Gandavi fecerant) & Sceptro
præludere jamtum a teneris visus; cum in ipso ætatis suæ flore, annorum haud
amplius duodeviginti Princeps, ob eximias animi dotes ad supremam Belgii
gubernationem evocaretur. Quam ille provinciam uti, Rudolpho fratre Imp.
ac Maria matre invitis, accepit a. M.D.LXXXVII.: ita personato potius, quam
vero quatuor duntaxat annorum cum Imperio administravit, e Belgio re-
versus in Germaniam, relicta Alenconio, Galliar Regis fratri persona, eodem
in theatro nec diutius, nec felicius sustinenda. (c)

Meliorem postea fortunam inter arma expertus, Belliducem sese præ-
stitit & scientiæ rei militaris & fortitudine & felicitate multo clarissimum:
cui Polonicam Coronam, a Stephano Bathoro ad a. M.D.LXXXVII. defuncto
positam, ex iis, qui genti Austriacæ cupiebant, tum optimus fere & gravissi-
mus quisque, Cl. rerum Polon. Scriptore teste, (d) faveret.

E 2

Anno

(a) Lotich. *Rer. germ.* L. II. aliique *styl. vet.* electum scribunt 13. & coronatum 24. Junii.
Morem scribendi: $\frac{13}{2}$, $\frac{14}{2}$. amant hodie Recentiores, maxime A catholici.

(b) Matthiam à Moguntino redimitum corona, scribit in *Annal. MSS.* Türkcius: cum
Colon. Archiepsc. Ferdinandus sacris nondum esset Ordinibus initiatus. De ce-
tero extat, quantum ad jus coronandi, transactio Moguntinum inter & Colonien-
sem die 25. Jul. a. 1657. fancita: ut observat P. Adrian. Daude S. J. in *Majest. Hie-
rarcb. Eccles.* P. I. pag. 237.

(c) Fam. Strada *de Bello Belg.* Dec. II. Lib. IV. pag. 137. Hugo Grotius in *Annal. de
rebus Belg.* Lib. III. pag. 71.

(d) Rheinl. Heidenstein *Rer. Polon.* Lib. VIII. pag. 253. apud Struvium in *Corp. Hist.
Germ.* Period. X. pag. 1148.

Anno M.D.XCVI. belli Panonici curam, pro Ernesto Archiduce ad Belgii Præfecturam abeunte, suscepit, gessitque annis non paucis, auspice cælo, perquam feliciter. Eo namque temporis intervallo Novigradum, Petrinam, Strigonium, Jaurinum, Vicegradum, & Pestum expugnavit; Sinanem, exercitus Turcici prope immensi Præfectum (*Bassam* barbari vocant) Comorrensi ab obsidione in fugam conjecit; Albam Regalem, caput Regni & Comitatus metropolim, eamque a palude sat ampla munitissimam, nihil aliud, quam trium spatii dierum hosti eripuit, compulso ad annorum XX. inducias a. M. DC. VI. pangendas barbaro Imperatore. Haud absimili sorte & gloria rebellionem Hungarorum, Bohemorum, Dacorumque lenivit, jugo subduxit Danico mare Balthicum, & tutam germanis mercatoribus, liberamque navigationem restituit. Inde factum, ut eum tot victoriis superbum, anno M.DC. VIII. 19. Nov. Hungaria Pofonii; Pragæ Bohemia anno M.DC. XI. 1. Junii Regem sibi inauguraret: (e) demum & VIIviri in solum Imperiale proximo anno eveherent.

Anno M.DC. XIII. celebratis Pofonii in Hungaria Comitibus, Regni que illius statu utcumque disposito, primum Ratisbonæ egit Imperii Conventum. (f) Cæsar, qua fœderum periculoso partium studio istorum, ut posset optime, dissolvendorum, qua revocandæ inter Ordines pacis & exitii a Germaniæ cervicibus avertendi cupidissimus. Sed frustra erat: nam relapsi ad veteres querelas Protestantes, sub novo *Correspondentium* nomine conspicii, vota Imperatoris sanctissima, & laudatissimos nifus turpiter eludere. Postulanti necessaria adversum Turcas, ex Gabrielis Bethleni (*al. Gaboris Bethlemi*) Transilvaniæ Reguli ad Lunam accessione ferociiores, negabant subsidia, nisi suis quamprimum gravaminibus (g) fieret satis. Initia quoque olim ab se fœdera, a. M.DC. XV. primum Norim-

rim-

(e) Hortens. Pallavicinus in *Austriac. Cæs.* pag. 140. & Struvius l.c.

(f) Ratisbonensi huic Conventui e Germania nostra interfuerunt Ferdinandus Archiep. Colon. cum numerofo & magnifico comitatu; Philippus Ludov. Palatinus Neoburgicus cum tribus filiis; Simon Comes & Nobilis D. de Lippia, Cæsari a Consilio aulico, & supremus in Circulo Westph. armorum Præfectus; Sebastianus & Emico fratres, Comites a Falckenstein, Domini in Oberstein & Bruch. *Ceteri Principes, Comites & Urbes, etsi non omnes, comparuere per Legatos.* Theodorus Episc. Paderb. miserat Jodocum a Landsperg in Erweite Satrapam Dringenbergensem, & Guilielmum Horn (dictum *Goldschmidt*) J. U. D. Consiliarium Electoris Colon., qui Elector. tanquam Antistes Monast. legarat Arnoldum a Bucholz Præpos. Hildesf. & Alexandrum a Vehlen Raesfeldiæ Dominum, Equitem Auratum &c. Theodoricus Abbas Corbeiens., Theodoricum a Bisterfeld Cancellarium Colon. & Joan. Adolph. Wolff (dictum *Metternich in Gracht*). Joan. Henr. a Gerzen (condict. *Sinzich*) Abbas S. Cornelii ad Indam Arnoldum Aldenhovium J. U. D. Conradus Abbas Werthinens. & Helmstad. Bernardum Pürzium J. U. L. Elisabetha Princeps Essend. Adamum Hüls, & Joan. Michaëlem Cronenberg Jure Cc. & Syndicos Urbis Colon. Carolus Princeps Arembergius Bisterfeldium laudatum. Joannes Comes in Brunkhorst & Gronsfeld Antonium Wolff sibi ab int. conf. Denique Coloniam principem Urbium Imper. in *Scanno* (ut vocant) *Rbenano* representarunt Constantinus a Liskirchen Consul, Guilielmus Hackstein Consularis, civitati p. t. ab ærario, & Adamus Hüls J. U. D. Syndicus. *Hec adnotavit in Annal. MSS. Türckius cit.*

(g) Carol. Carafa in *suis Comment. de Germ. sacra restaur.* pag. 49. Præcipue Goldastus in opere germanico, quod *Politica Imperialia* inscripsit, a pag. 1050. refert utrumque Statuum gravamina.

rimbergæ, tum rursus a. M. DC. XVII. Heilbrunnæ confirmabant, novisque exterorum augebant. Cæsar, quo ista spectarent molimina, simul & ingravescente in dies valetudine frangi se, prosternique intelligens, metuensque, ne graviores in calamitates, & aliud ex alio in periculum, si nullo ipse decederet Successore delecto, præcepit Imperium daret, Ferdinandum Archiducem, patruelem suum, cum Alberti VII. & Maximiliani III. fratrum quoque impetum & Philippi III. Hispan. Regis consensu, eod. a. M. DC. XVII. sibi pro filio adoptavit, Regnorumque ac Provinciarum suarum omnium hæredem esse voluit.

Anno M. DC. XVIII. bellum in Bohemia atrox erupit, bellum universæ dein Germaniæ funestissimum. Quod qua ratione evenierit, juvat hic loci paucis exponere. (b) Concesserat Bohemiæ Ordinibus *sub utraque* Rudolphus Cæsar, necessitate dura compulsus, per *Litteras Majestatis* (i) die 11. Jul. a. 1609. privilegium, ut suis in fundis templa extruerent. Id liberalius interpretati Lutherici, collatis inter se pecuniis, moluntur templum in oppido Brunoviæ: cujus dominium ad Cænobiarcham spectabat; & alterum Clostergrabii: qui vicus Archi-Episcopo Pragenfi suberat. Qua de re cum delatæ essent ad Matthiam Cæsarem querelæ; neque tamen ejus interdicto parerent Bohemi: Brunovienses in vincula conjecti, & Clostergrabiana fabrica solo æquata. Commoti ea re Magnates heterodoxi capita inter se conferunt, & spretis iterum Mandatis Cæsareis, auctore Turriano Comite, Pragense in Palatium die 23. Maji cum armis irrumpunt; primique Ordinis a consiliis viros, Sclabatam, & Martinizium, una cum Fabritio præaltis e fenestris præcipitant, (k) immani prorsus in optimum Imperatorem scelere, & argumento minime obscuro, agi quo possint audaciæ ac furoris ii, quos in officio continere fides vera desit.

Matthias inter hos, pluresque alios e Silesia, Moravia, Lusatia, quin & ipsa utraque Austria, Bohemorum quasi excitos auxilio tumultus, quos *belli tricennalis* primas veluti scintillas jure dixeris, a. Ch. M. DC. XIX. Imp. VII. æt. LXII. die 20. Martii Vindobonæ, quo Sedem principem Praga transtulerat, e vivis excessit Princeps justissimus, clementissimus, erga omnes humanissimus, de Religione orthodoxa, quam firmissimum noverat esse Regnorum omnium fundamentum, meritisissimus. (l)

FERDI-

(b) Reiffenbergius in *Hist. Prov. S. J. ad Rb. infer.* pag. 504.

(i) Extrat hoc Diploma latino sermone apud Lunigium *Cont. I.* pag. 122. Du Mont *Tom. V. P. II.* a pag. 98. Khevenhüller *Tom. VII.* pag. 184. apud Struvium.

(k) Aubert. Miræus *de Reb. Bobem.* Lib. singular. Adolph. Brachelius in *Histor. temp.* & AA. passim, quorum catalogus bene longus, & ordine quidem chronologico expressus, datur a Cl. Joan. Steph. Püttero Prof. Götting. in *perfect. Enchiridio Hist. Imp. Germ.* a pag. 614.

(l) Opuscul. germanice editum Norimbergæ a. 1684. *de vita, regimine & morte Ducum ac Regum Hungariæ a primo Duce Keveo ad usque Regem Leopoldum I.* pag. 530. & 536.

Imperatores Occident. Tom. IX.

Princeps omnium, quæ Imperatorem decent, præsidio virtutum instructissimus, Græcii in Styria die 9. Junii anno M.D.LXXVIII. patre Carolo Austriæ Archiduce, & Maria Bavara, matre nascebatur. Primos adolescentiæ suæ annos Monachii, religiosissima in Aula Wilhelmi, Boici Ducis, cujus ne vestibulum quidem noverat effrænata credendi, quidquid lubet, & agendi licentia, aut veræ Religionis despectus; Ingolstadii reliquos in celeberrimo t. t. per universam Germaniam Athenæo exegit commendatione nominis sui maxima, atque intaminato morum vitæque exemplo, donec Mariam Annam, laudatissimi ejusdem Ducis filiam, primis sibi nuptiis (m) jungeret ad annum M.DC. die 23. Aprilis, cum eaque ad Virginem Deiparam, quæ summa in hunc diem frequentia piorum & visitur Lauræti & colitur, e Ducatu suo pedes concederet, (n) votis pro se, pro subditis sibi provinciis, maxime vero pro Christi Ecclesia, cujus ubique tutabatur partes, quin & suas putabat, (o) cum potentissima Cœlitum Regina multum oppido, humiliterque acturus.

Anno M.DC.XVII. die 29. Junii Coronam Bohemicam; Hungaricam a. M.DC.XVIII. Kalendis Jul.; demum Cæsaream a. M.DC.XIX. ad diem 9. Septembris, intercedentibus electioni Virali bruto furore & immani audacia Bohemis, (p) non sine iusta Imperii gratulatione & plausu, Francofurti, urbe in A catholicos tum prioniore, (q) retulit annum ætatis agens primum & quadragesimum, ipsa Virginea Matre clientem suum ad supremam hanc dignitatem visa designare. (r) Quæ & cum Christo filio suo in gravissimis, toto

quo ad

- (m) Genuit ex Maria Anna Ferdinandus Ferdinandum III. & duas filias: alteram Electori Maximiliano desponsam, Uladislao IV. Poloniæ Regi alteram. Leopoldus Wilhelmus alter Ferdinandi filius dignitate Episcopi Argentinenfis, Passavienfis, Halberitadenfis, & Olmucensis, Ordinis quoque Teutonici Magisterio inclauit. *Biner in Appar. Erudit. Part. VIII. art. VIII. pag. 215.* Ferdinandus Cæsar a. 1622. secundas Oeniponti celebravit cum Eleonora Manruana nuptias. *Brachel Hist. temp. L. II. pag. 52.* Liberos Ferdinandi recenset *L. V. pag. 271.* idem Author.
- (n) Difficultates viarum præcipuas eundo superatas a piissimis conjugibus fuisse, scribit Kolb in *Hist. Rom. Imp. pag. 345.* Italia, Provinciarum omnium Regina, tanta tantorum Viatorum vestigia memori semper cultu releget & venerabitur, ait Horrens. Pallavicinus in *Cæsaribus Austr. pag. 149.*
- (o) De Ferdinandi solido Religionis orthodoxæ studio, cultu & amore testatur nitidissime Lamormainus S. J., qui singulari libello virtutes ejusdem descripsit. Illum cum Schonlebio, Burgoldensi, & Nicol. Vernulæo citat Struvius in *Corp. Hist. Germ. Period. X. pag. 1157.*
- (p) Lotichius *Rerum German. L. III.* Londorp in *Actis publ. Khevenhüller in Annal. Ferdinandeis.* Causas tantæ Bohemorum audaciæ recenset Biner cit. *C. III. de statu Germaniæ sub Ferdin. pag. 91.*
- (q) "Prodebar in conjuratos affectum non obscuris indiciis ipsa urbs Francofurtensis, tum plena hostium, tum imbuta odio in Austriacos & Catholicum nomen. Fama est, illo tempore adversariorum non paucos, nec imbecilles ardentem gessisse, præsentem utendum opportunitate. . . . Res Papiſtarum univerſas uno poſſe momento præcipitari; ſi, quod erat facile, Catholici Electores, qui omnes aderant, neci traderentur." Hæc Türeckius in *Annal. Inſer. Germ. MSS.*
- (r) Gloriosam DEI Matrem in istis difficultatibus præsentem se Moguntino Archi-Episcopo stitisse, animosque addidisse his verbis: *Conſtanter age, Swicarde: noli timere; elige Ferdinandum,* meminit ex narratione P. Joannis Reinardi Zigleri, quo conscientiæ moderatore Eminentissimus tum utebatur, idem Türeckius.

quo ad clavum sedit tempore gerendis deinceps, bellis eidem non defuit. Præcipua duntaxat hic damus compendio. (†)

Anno M.DC.XX. die 8. Novembris per Maximilianum I. Bavarix Ducem, postea S. R. I. Electorem, fudit adjutrice cæli Domina & Imperatrice (quo quidem nomine compellare MARIAM affolebat Ferdinandus) in monte Albo, Pragæ vicino, Fridericum V. Electorem Palatinum, cui Bohemi rebelles, militarium spebus auxiliorum tumidi, anno superiore ad diem 25. Octobris Sceptrum, Regi legitimo, Ferdinando contra æquitatis leges præreptum, detulerant: fudit, inquam, victoria prorsus mirabili, atque uberrimos tum Imperio, tum rei Catholicæ, quæ lætiorem mox faciem induit, fructus adferente. (‡)

Anno M.DC.XXII. die 26. Januarii Gabor Bethlemus, turbulentissimi vir ingenii, ejusdem perduellionis reus ad restituendum, quod iniquissime Ferdinando rapuerat, diadema Hungaricum, strenua inprimis Bucquoii, clarissimi Ducis virtute compellebatur: quo turbatore post octo annos defuncto, oppida Hungariæ reliqua in Imperatoris potestatem rediere. Fertur de Cæsare dixisse Gabor: *Periculosum est pugnare contra Ferdinandum, ut quem nec adversa dejiciunt, nec extollunt prospera.*

Eodem anno die 6. Maji Georgius Fridericus, Marchio Badensi. Durlacensis ad Wimpinam, & Christianus Dux Brunsvicensis ad Hœchstam die 19. Junii, ambo Imp. Ferdinando iniqui, gravi admodum ac luculenta strage a Tillio, Heroe fortissimo, adsciebantur. Actum penitus de *Rege hiberno* (ita audiebat ob unius tantum hiemis perbreve, quo Regnum alienum, spretis meliora suadentium consiliis (u) occuparat, spatium Palatinus) haud dubie fuerat; nisi ex Anglia ipsi, Daniaque spes quædam adfulsisset: quæ tamen in auras mox abiit; cum & Angliæ Rex Jacobus in medio machinationum suarum, quibus omnem propemodum Europam contra Cæsarem excitare parabat, cursu extingueretur, & de Christiano IV. Rege Daniæ ad Lutteram Regiam fuso, idem Tillius anno M.DC.XXVI. die 28. Augusti insignem reportaret victoriam, ac tandem ad arma ponenda, pacemque Lubecensem a. M.DC.XXIX. ineundam, hostem adigeret.

Duobus etiam ante annis rebelles in Austria superiore rustici ad octoginta millia ad arma ruerunt; sed a Pappenhemio, clarissimo Duce iteratis tantopere contriti sunt præliis, ut victoris se clementiæ superstites permitterent.

F 2

Annus

(†) AA. passim. Recentiores sunt Mascovius in *Introduct. ad Histor. Imp. Romano-Germ. L. IX. a pag. 180.* Pütterus in *Enchir. plen. Histor. Germ. Imp. C. VII.* Bougeant *Histoire des guerres &c.*

(‡) Fructus illos fuscè exponit Biner cit. in *Apparatu Erud.* Breviter Spondanus in *Annal. Eccles. Tom. II.* & ex eo Caraffa in *Commentar. de Germania sacra restaur.* pag. 86. his fere verbis: "Victoria illa, ut constans omnium fama, Bohemiam subjugavit, Austriam coercuit, Moraviam reduxit, universam Germaniam stabilivit, Religionem Catholicam ex captivitate in libertatem asseruit."

(u) Ducem Bavarix, multos præterea Electores, Principesque Friderico V., ne Bohemicis se turbis immisceret, suosores fuisse, scribit ad annum 1619. *Brachelius*, & prolixè *Lotichius*.

Annus denique M.DC.XXX. erat, quo excitus ultimo veluti ex Septentrione Gustavus Adolphus, Sueciæ Rex, ingentis animi ac ferociæ Princeps, facta ad diem 4. Junii in Pomeraniam exscensione, bellum Germaniæ funestissimum intulit, bellum qua temporis diuturnitate, qua populorum calamitate atrocissimum: (x) in quo tamen non ultra biennium personam Rex sustinuit: cecidit enim in pugna ad Luzenam, suburbanum Lipsiæ oppidum, a. M.DC. XXXII. die 6. Novembris inita, a cataphracto milite interemptus; quo cædis auctore, discrepant Historici. (y) Interim Suecorum exercitus, tantum aberat, ut percelleretur Regis fato, ut novo etiam furore atque impetu in Cæsareos effusus, turpem ubivis lanienam ederet, Pappenheimio (z) quem commendabat post Tillium (a) maxime Gustavus & metuebat, rem Cæsaris illa tempestate pene desperatam restituente. Paulo post, die 29. ejusd. mensis Nov. obiit Moguntiae Fridericus Palatinus anno ætatis XXXVI. luctuosissimi fax belli merito nominandus.

Hostes Imperii, reique Catholicæ alios superavit, auspice DEO, Cæsar per Joannem Werthium (b) & inprimis per Ferdinandum III. filium suum, Hungariæ Regem, qui, occiso Wallensteinio, copiis omnibus præfectus celebrem mox victoriam anno M.DC.XXXIV. die 6. Septembris Nordlingæ consequbatur. (c)

Anno M.DC.XXXV. die 30. Maji, ut ferrent adhucdum bellis omnia; pax tamen Cæsarem inter & Saxonem in leges, quas Brachelius, Lotichius, Pütterus, alique recensent, coaluit.

Anno M.DC.XXXVI. die 12. Decembris fractus ætate simul & curis Imperator eo in Comitibus Ratisbonensibus flexit feliciter Electorum animos, Ferdinandum III. Romanorum Regem ut eligerent. Inde Viennam redux obiit piissime die 15. Febr. anno Christi M.DC.XXXVII. ætatis LIX. Imperii XIX. Princeps pietati in Numen Eucharisticum, in Virginem Deiparam, in S. Ignatium de Loyola deditissimus, æquitate, beneficentia & clementia magnus,

(x) Truculentissimi illius belli ordinem chronologicum & seriem reperire est in *Mascevio* ac *Püttero* cit. brevissime simul & clarissime datam.

(y) Vid. Struv. *l.c.* pag. 1282. ibique alleg. Fürstenberg in *Monum. Paderb.* Puffendorff de *Reb. Suecic.* Pfalscius, Burgus &c.

(z) Pappenheimii elogium apud Brachel. *Histor. sui temp.* pag. 224.

(a) Apud eundem & Tillii pag. 214. in hæc verba: "Nemo illi (Tillio) ea ætate aut magnitudine rerum gestarum, aut fama apud summos juxta infimosque par fuit... Sobrietatis & pudicitiae laudem, raras in castris virtutes, ne hostes quidem illi detrahunt. Magnitudinem animi & expertas tot præliis dotes egregii Ducis, militisque admirantur. Sed Religione in Deum ac fide in Imperium supra omnes fuit. Hinc illi perpetuus pene victoriarum cursus & triumphus vitæ annis pares."

(b) "Joannes Werthius, verba sunt Türkii in *Annal. MSS.*, Maximiliano Septemviro militans, unus fere fuit, qui cum delecta equitum manu hostiles conatus sifteret. Impavidus illius animus, heroica in Suecum hostem facinora; prompti atque expediti ubique ausus &c. passim in ore omnium... Debet Germania Catholica virum fidem, belli fulmen Ubiis.... Vidimus natalitiam illius domum, casam rusticam in pago, cui *Büttgenium* nomen, uno fere a Novesio milliari, &c."

(c) Victoriam Nördlingæ fructus explicat Pütterus cit. a pag. 682.

nus, Religionis Defensor & Custos (d) inter tot annorum præcellas maximus: cui e cruce Servator Christus Dominus: *Ferdinande! te non deferam.*

FERDINANDUS III.

Singulari DEI O. M. providentia & favoris in Austriacam Domum, ipsamque Germaniam argumento inter omnes perspicuo, electus ante Rex Romanorum atque inauguratus fuerat, quam Augustissimus parens Ferdinandus II. obiret diem, & Imperium post se relinqueret, certo capite destitutum. Novus enimvero hic Imperator, summa rerum ad se devoluta, totus e vestigio in eo erat, ut parva ab se gloriosissima ad Nordlingam victoria uteretur, & Suecum, horrendam Germaniæ, rei que Catholicæ pestem, aut inter necione deleret, aut aquilonem versus reprimeret. Bellatum igitur, ut refert Türckius, adversus Joannem Bannerium, Suecorum Ducem; qui e Torgavia, quam, media licet hieme, vi expugnaverat, ad Albim frequentius erumpens, Saxonem affligebat gravissime: ausus etiam Lipsiam, urbem captam roties eo bello, toties receptam, obsidere. Sed inde non modo depulsus a Cæsarianis, verum etiam ad Torgaviam, quam probe munierat, & comiteatu large adducto in longam, si opus foret, obsidionem firmaverat, deserendam coactus fuit. Quæ Bannerii strages potentiam Suecorum fregit plurimum, atque in extremum Balthici maris angulum retrusit: postquam, Gallasio Duce, Wolgastum, Demminum, & Insula Usedomia; (e) Ratenavia vero, Havelberga, Werbenæ munimentum, Dœmitza, Luneburgum ac Winsena, Ducibus aliis, Cæsarianorum in manus venerunt.

Nec minus secundo Marte pugnabatur adversum Gallos. Hermansteinium enim (bodie *Ehrenbreitsteinium*) arcem ad Rheni & Mosellæ confluentes munitissimam, præsidio fame vix non enepto (f) subiecit Cæsari Joannes Werthius, a quo & Vinariensium castra fortiter expugnata, hostibus trans Rhenum rejeitis. Prospera hæc erant Ferdinandi Imp. initia: at vero, quæ humanarum vicissitudo rerum est, progressus longe alius. Annum certe M.DC.XLII. expertus est longe acerbissimum: nam Dorstensohnus, novus Suecici Ductor exercitus, paucos intra menses totam fere Silesiam ac Moraviam cum Olomuzio, urbe ejus principe, armis subegit: secuta tum clades Leopoldi Archiducis & Piccolomini ad Lipsiam: ad cumulum malorum accessit strages Lamboii Ducis Cæsarei ad Kempenam, agri Colonienfis oppidum,

(d) Fasset est non semel Ferdinandus, paratum se potius, Regno excidere & extorrem cum Augusta Coniuge ac liberis vivere apud externos Principes, quam descendere e culmine, in quo regnabat, Religionis. Hortens. Pallav. in *Austr. Ges.* pag. 157. De eodem immortalis memoriæ Imperatore Galeazzo Gualdo *historia di Ferdinando III.* Vien. 1672. fol. Lib. X. pag. 615. "Professava (Ferdinando II.) ciecca obediènza, & in tieria rassegnazione alla Santa Sede Apostolica, osservando, e facendo osservare nè suoi" *stati pontualmente i decreti de sommi Pontefici &c.* Lotichius *Rev. Germ. P. II.* L. I. a pag. 429. ad 435. Kropf *Hist. Prov. Germ. Super. Dec. X.* a num. 689.

(e) Brachel *Hist. sui temp.* pag. 273. *Imperatores Occident. Tom. IX.*

(f) Struv. *cit.* pag. 1273.

dum, tanta, ut extremæ similis ruinæ videretur. Hoc tandem etiam anno agitari cœpta pacis consilia, designatis eam in rem Osnabruga & Monasterio, binis Westphaliæ urbibus. Neque interea ab armis destitutum: diversa enim, diverso pariter eventu, commissa prælia.

Anno M.DC.XLIII. die 14. Nov. (*β. v. 24.*) Vinarienses, Duce Guebriano, qui ex vulnere Rothweilenſi in obſidione accepto ceciderat, orbat, a Boicis ad Dutlingam opprimebantur, via paucis cum Roſa, equitum Præfecto, evadendi vix data; reliquis cum ingente pecuniæ vi & bellico adparatu in potestatem victorum venientibus. (*g*)

Anno M.DC.XLIV. novum subito exarſit bellum, Danicum nempe, (*b*) in quo terra marique victores Sueci, Dorſtenſonio & Hornio Ducibus, Gallatum menſe Decembri ad Jüterbocium proſligarunt, viresque Cæſaris maximam partem frerunt.

Anno M.DC.XLV. tot bello implicitæ nationes atque inter ſe collifæ, ut de Europa evertenda agi crederes: Germania, ſcribit Biner (*b*), Gallia, Hispania, Italia, Luſitania, Anglia, Suecia, Dania, Belgicum, Hungaria, Tranſylvania in mutuas clades ibant. Contabulata claſſibus maria; Oceanus, Balchicum, Mediterraneum, Adriaticum, Jonium. Atque ut nihil ad populorum calamitatem deeffet, Turca, Venetos adortus, in exitialis procellæ partem descendit. Annis ad uſque pacem Weſtphalicam conſequentibus, nihil ferme, niſi triſtiſſima ubique a Suecis relicta veſtigia, quæ horret animus, meminiffe.

Ferdinandus igitur tot Imperii conſpiciens vulnera, tantosque dolores miſeratus, pacem iniit anno M.DC.XLVIII. die 14. (*β. v. 24.*) Octobris Monasterii ſubſcriptam, pacem tam Eccleſiæ, quam Imperio probroſam quidem ac faralem, ſed tamen, exhaustis & attritis prope Catholicis neceſſariam. (*i*)

Inde

(*g*) Biner, Putterus, & alii.

(*b*) *Appar. Erud. P. VIII. cit. pag. 230.*

(*i*) Extant Pacis illius articuli verſibus comprehenſi apud Burgoldenſem *P. I. pag. 149.* & Maſen. *Annal. Trev. Lib. XXV.* Quos verſus lubet hic adnectere:

DE PACE MONASTERIENSI.

Articulis quatuor minor eſt pax Gallica Sueca,
Nonnihil in rebus varians, ut & ordine rerum.
In quatuor primis (niſi quod removetur *Iberus*)
Vix eſt diſparitas in re; neque diſcrepat ordo.
Quintus ineſt quinto, Gallorum & ſeptimus uni.
In ſexto fociis Gallus dat præmia Cattis.
Helveticis, quod ſextus ibi, dat ſeptimus iſthc.
Nomus & octavus ſimiles ſunt prorfus utriſque.
At decimus Gallum plumis aquilaribus ornat.
Undecimo in partes Galli pax Itala tranſit:
Ultimus hiis illiſque fere & penultimus idem eſt.

Ut porro diſcrepantia illa benevolo Lectori adpareat, en quoque articuli

PACIS OSNABRUGENSIS.

Articulis ſeptem & denis pax Suecica conſtat:
Primus amicitia conjungit ſedere partes.

Præ-

Inde annos octo, paucosque menses dulci in otio moderabatur clavum iustus, pius ac sapiens Imperator: quos inter Ferdinandum IV. filium, jam inde a puero ad summa quæque institutum, curavit eligendum Augustæ Vindelicorum ab VIII. rali (k) Collegio a. M. DC. LIII. die 21. Maji, Romanorum Regem, quin & Ratisbonæ 8. Junii splendidissime inaugurandum: sed cum altero mox anno die 29. Junii novus hic Rex variolis Vindobonæ extingueretur; in Leopoldum, aris jam consecratum, filium natu minorem Cæsar prudentissimus oculos ac mentem vertit, eumque Austriæ Regentem a. M. DC. LV. die 16. Jan., Regem Hungariæ die 6. Jun. & Bohemiæ Regem 4. Nov. ut Ordines renunciarent, effecit, Romanorum etiam ad dignitatem Regis eundem provecturus, nisi obrutus morte fuisset: quam summo Catholicorum omnium luctu die 2. Aprilis anno Chr. M. DC. LVII. Regiminis XX. ætatis XLIX. oppetiit verus patriæ ac provinciarum suarum Pater, quo potissimum adnitere, ut scribit Author anonymus (l), natanti quodammodo in cruore suo ac tantum non suffocata Germaniæ pax, uberrimis populorum votis, lacrymisque dudum optata rediit. Strenuus paternarum virtutum æmulus & imitator, de quo in Romanorum Regem electo, parens Ferdinandus II. dixisse fertur, placere sibi Ferdinandum filium in Rom. Regem esse electum, non quia filium videret in folio, sed quia talem speraret fore Successo-

Præteriti immemores vult læsos esse *secundus*.
 Pristina restituit *termus* sua jura cuique,
 Enumerat *quartus* speciales restituendos.
 In Sacris *quintus* conflata gravamina solvit.
 Helvetiis *sextus* dat libertatis honorem.
Septimus in fœdus Calvinum pacis adoptat.
 Jura Politicæ Statibus *bis quartus* adumbrat.
 Flori restituit veteri commercia *nomus*.
 Bellorum *decimus* partitur præmia Suecis.
 Brandenburgiaco *undecimus* Pomerana refarcit.
 Mecklenburgiacis *bis senus* adempta rependit.
 Brunswigum *decimi* demulcent munera *termini*.
 Dat Confessori *decimus* solatia *quartus*.
 Hassiam *ter quinto* placant & Clerus, & Hassus.
 Arma *bis octonus* silit, pacemque reducit.
Septimus hanc firmat *decimus*, redditque perennem.

Dura profecto & gravis pax Westphalica fuit, præsertim Catholicis: nam 1. bona, Ecclesiæ Christi erepta, omnia cessere A Catholicis eo prorsus modo, quo possederunt Kal. Januarii anno 1624. quem statuebant ceu normam ac regulam, inde *Normalem* appellatum. 2. Confirmata rursus pax Religiosa & Passaviensis transactio, dato Lutheranis simul & Calvinianis libero religionis exercitio. 3. Cedi debuerunt Gallo Alsatia Austriaca & Episcopatus tres Metensis, Trullensis & Virodunensis. 4. Sueco obvenere præter quinque imperialium myriades pars Pomeraniæ, Archiepiscopatus Bremensis & Episcopatus Verdensis. 5. Brandeburgus accepit Archiepiscopatum Magdeburgensem ac Halberstadtensem, Mindensem & Caminensem Episcopatus. 6. Obtigit Brunsvicensi Domui alterna in Osnabrugensi Pontificatu Successio. 7. Alii alios cum Episcopatus, tum Abbatias, profani omnes juris facias, sibi asseruerunt. Sed de his in *Explanatione historica*, Tom. seq. danda, ageretur prolixius.

(k) P. O. art. 4. §§. 3. 4. 5. 6. 9. 13. Item Adami pag. 504. seq. apud Pütterum cit. pag. 745.

(l) Opusc. Germ. supra cit. de vita, reg. & morte Reg. Hung. pag. 551.

cessorem, cui regnandi imperandique regula esset Divini honoris & gloriæ amplificatio, Catholicæ Religionis propugnandæ zelus, patriæ populiq; sibi subiecti salus & incolumitas. Quam quidem optimi Patris spem abundantissime implevit, (*m*) pietatis perinde ac justitiæ inter assiduos bellorum motus, inter gravissimas Imperii curas, inter prospera & adversa studiosissimus, seu, ut paucis dicam omnia, cultor fautorque Austriacus. Quo occidente, metus profecto erat haud vanus, ne, quod penes Augustissimam Domum ultra quatuor jam ab Rudolpho regnante sæcula Sceptrum Cæsareum fuerat, alio dilaberetur. Verum, Cœlitibus pro illa ceu domo sua agentibus, successit Patri maximo, non minor filius

LEOPOLDUS I.

Cujus regimen ad annum Sæc. XVIII. quintum excurrit.
De illo agam Tomo sequente.



CON-

(*m*) P. Franc. Xav. Kropf S. J. *Hist. cit.* n. 684. pag. 387.



CONCILIA GERMANIÆ SÆCULI XVII.

AB ANNO EJUSDEM X.

Præmittitur, quæ priori in Tomo desideratur,

SYNODUS DIOECESANA MECHLINIENSIS,

Anno Christi MDCIX. Pauli V. PP. V:
Rudolphi II. Imp. XXXIII.

*Præsidente Reverendissimo & Illustrissimo in Christo Patre ac Domino
MATTHIA HOVIO, (*) Archi-Episcopo Mechliniensi,
celebrata.*

CONVOCATIO SYNODI DIOECESANÆ MECHLINIENSIS.

MATTHIAS, DEI ET APOSTOLICÆ SEDIS GRATIA ARCHI-EPISCOPUS
Mechliniensis, universo Clero & Populo Civitatis & Diœcesis nostræ,
Salutem in Domino.

CUm Archi-Episcopale munus nostrum anno sequenti a Sanctissimo D. N. D. PAU-
LO Papa V. debite confirmata sunt, in Syno-
do Diœcesana juxta Sacros Canones publicen-
turi, ac deinde executioni mandentur; consilio
præ-

(*) De Matthia Hovio vid. Tom. præc. pagg. 795. & 796.

præhabito cum Capitulo nostro Metropolitano, statuimus utque decernimus per præsentem Synodo Diocesana celebranda Ieriani tertiam post Inventionem Sanctæ Crucis, quæ erit quinta Maji anni præsentis. Quare dictum Capitulum nostrum Metropolitanum, Reverendos Dominos Abbates, Abbatissas, Præpositos, Capitula Ecclesiarum Collegiarum, Archi-Presbyteros rurales, Priores, Priorissas, cæterosque omnes, qui de jure, vel consuetudine Synodo nostræ Diocesana interesse debent, in Domino moneamus; & nihilominus Sacri Generalis Concilii Tridentini, ac nostra Archi-Episcopali auctoritatibus, in virtute sanctæ obedientiæ, ac sub penis a jure statutis, districte eisdem præcipimus & mandamus; ut per semetipsos, aut si forte justo detineantur impedimento, (de quo competentem fidem facere tenebantur) per Procuratores suos legitimos, ad dictam Synodum Diocesanam, in Civitate Mechliniensi præscripto die, hora septima matutina in Seminario Archi-Episcopali celebrandam, tempestive conveniant in habitu gravi, suoque Ordini ac Religioni convenienti, ad audiendum legitimam publicationem Decretorum supradicti Concilii Provincialis, & eorum, quæ ad ejus facilitatem atque uniformem executionem ac morum correctionem, pro temporum ratione, per modum Statutorum Diocesinarum, matura deliberatione prævia, declaranda censuimus; cum intimatione tali, quod sive ad diem, & horam prædictas præsentem fuerint, sive absuerint, ad ejusdem Synodi Diocesana celebrationem, ac Statutorum decisionem ac publicationem procedemus; absentium contumacia non obstante: decernentes nihilominus absentes perinde, ac præsentem ad observationem omnium illorum, quæ ibidem publicabuntur, ex eo tempore obligatos; ipsosque, nisi legitime excusati fuerint, & eorum excusatio admissa, pro qualitate culpe & contumaciæ, justitia exigente, merito puniendos fore, prout eos, ne eorum exemplo & impunitate alii negligentes reddantur, auctoritatibus præfatis obligari & puniri volumus & mandamus per

præsentem. Ut autem hæc nostræ literæ ad omnium, quorum interest, notitiam perveniant; earum exempla per Secretarium nostrum subsignata, & contra sigillo nostro munita, valvis Ecclesiæ nostræ Metropolitane, nec non Ecclesiarum Collegiarum Sancti Petri Lovanii & Sanctæ Gudulæ Bruxellis, affigi volumus: ac per hujusmodi affixionem, eos omnes, quos concernunt, sic obligari decernimus & declaramus, ac si dictæ nostræ literæ ipsismet coram lectæ ac insinuatæ fuissent.

Datum Mechliniæ in Palatio nostro Archi-Episcopali, anno Domini Millesimo sexcentesimo nono, die 2. mensis Martii.

† De Mandato Rmi & illmi
Domini Archi-Episcopi
Mechliniensis.

JAC. VAN SASSEGHEN Secret.

DECRETUM,

Quod nulli præjudicium fiat ex ordine Sessionis in hac Diocesana Synodo, promunitum a Reverendo Domino Archi-Diacono Ecclesiæ Metropolitane Mechliniensis.

Reverendissimus & Illustrissimus Dominus Archi-Episcopus Mechliniensis statuit & decernit, si cui in hanc Synodum admissio contigerit suo loco non incedere, vel non sedere, aut alium quempiam actum in eo gerere, non ideo cuiquam jus acquiri, aut acquisitum esse, nihilque de hujusmodi jure aut possessione detrahi, sed omnia in eodem statu permanere, in quo antè hanc Diocesanam Synodum reperiebantur.

INDEX TITULORUM TOTIUS SYNODI.

- TITULUS I.** De Professione Fidei, ac his, quæ ad ejusdem fidei integritatem conservandam pertinent.
II. De Sacramentis in genere.
III. De Sacramento Baptismi.
IV. De Sacramento Confirmationis.

- V.** De Sacramento Pœnitentiæ.
VI. De Sanctissimo Eucharistiæ Sacramento.
VII. De Sacramento Extreme Unctionis.
VIII. De Sacramento Ordinis.
IX. De Sponsalibus & Matrimonio.
X. De Doctrina & prædicatione Verbi Dei.

XI. De Officio Divino, Ceremoniis, Locis sacris; & exequiis Defunctorum.

XII. De Festis & Fejuniis.

XIII. De Sanctorum Reliquiis, & Imaginibus.

XIV. De Superstitione & Exorcismis.

XV. De Archi-Episcopali Sede vacante.

XVI. De Archi-Presbyteris, Pastoribus, & Custodibus, eorumque officiis.

XVII. De vita & honestate Clericorum.

XVIII. De Beneficiis & Officiis Ecclesiasticis, ac Beneficiatorum residentia.

XIX. De Scholis.

XX. De Seminario.

XXI. De elocatione & conservatione bonorum Ecclesiasticorum.

XXII. De Regularibus & Monialibus.

XXIII. De Judicibus, Delegatis, & Examinatoribus.

XXIV. De Synodo Provinciali & Diocesana.

DECRETA ET STATUTA SYNODI DIOECESANÆ MECHLINIENSIS.

TITULUS PRIMUS.

De Professione Fidei, ac his, quæ ad ejusdem Fidei integritatem conservandam pertinent.

CAPUT I.

Personis laicis (a) de Fide Catholica publice vel privatim disputare, sub pena excommunicationis prohibitum esse, Pastores, alique Concionatores subinde populo inculcent.

CAPUT II.

Decretum novissimi Concilii Provincialis de Professione Fidei a Professoribus facienda, Lectores in claustris Monachorum & Conventibus Regularium etiam obligat; eorum tamen, qui Religiosi fuerint, commoditati servientes, permittimus, ut illam præsent coram suo quique Superiori regulari tantum.

CAPUT III.

Similiter Religiosi ad concionandum deinceps admittendi, facient Fidei Professionem juxta Bullam PII IV. coram Superioribus suis Regularibus, quos ad id deputamus; & de ea facta docebunt, quando se Nobis fident benedicendos, vel generaliter ad concionandum admittendos. Idemque servetur quoad Religiosos, qui ad excipiendas confessiones deinceps admittentur.

CAPUT IV.

Et si Decretum Sacri Concilii Trident. Sess. 24. Cap. 12. de Reform. quoad

Fidei Professionem non extendat se ad Canonicos Ecclesiarum Collegiatarum, dignitatesve in iis obtinentes, præterquam ad solos Decanos, quibus cura animarum in Capitulares incumbit: quia tamen temporum calamitas, & invalescentium hæresum malicia cogit, ut nihil prætermittatur, quod ad populorum ædificationem, & Catholicæ Fidei præsidium, videatur posse pertinere, mandamus, ut omnes ac singuli Canonicatus aut dignitates in Ecclesiis Collegiatis deinceps obtenturi, faciant Fidei Professionem, singuli in Capitulo suo, antequam residere incipiant.

CAPUT V.

Constitutionem quoque PII IV. incipientem: *Injunctam nobis*, reverenter amplectentes, declaramus eos omnes, quibus de Monasteriis, Conventibus, domibus, & aliis quibuscumque locis Regularium providebitur, ad Fidei Professionem emittendam teneri.

CAPUT VI.

Fidei Professionem emittere obligatus, opera Procuratoris non utatur, sed per seipsum id præstet. Et super Fide Catholica uniuscujusque professionem emissuri, is, qui eam excipiet, summariam informationem ante capiet; si & quatenus id requiri aut expedire judicaverit.

CAPUT

(a) Cap. 2. §. Inhibemus quoque, de hæreticis, in 6.
Tomus IX. Concilior. German.

CAPUT VII.

Statuto Concilii Provincialis, ut nemo præter Typographos, Bibliopolas, & Librarios juratos, ullos libros excudere aut venales exponere præsumat, contravenire censendi sunt, qui passim absque licentia & permissione Superiorum quoscumque libros, cantilenas, ephemerides, aut similia ante fores Templorum, aut in aliis publicis locis venalia exponunt, vel plateatim circumferunt. Ideoque rogat hæc Synodus omnes Prætores, & quoscumque alios id impediendi auctoritatem habentes, ut ea utantur, etiam quo ad confiscationem ejusmodi librorum, cantilenarum, & ephemeridum, prout olim CAROLUS V. Imperator Augustæ memoriæ Edicto sancivit anno 1550. quod & anno 1556. confirmatum est a Rege PHILIPPO Secundo.

CAPUT VIII.

Cum absque legitima licentia (b) Episcopi vel Inquisitoris nemini Sacra Biblia vulgari lingua legere seu habere liceat, & aliter ea legere seu habere præsumens peccatorum absolutionem percipere non possit, nisi prius Bibliis Ordinario redditis; Bibliopolæ exacte observent, quod regula quarta Indicis librorum prohibitorum ipsis mandatur, ut scilicet nemini prædictam facultatem non habenti Biblia idiomate vulgari conscripta vendant, vel alio quovis modo concedant, sub pœnis in eadem regula contentis.

CAPUT IX.

Non est ferenda eorum temeritas, & irreverentia, qui verbis & sententiis Sacræ Scripturæ ad scurrilia, detractiones, superstitiones, libellos famosos, & similia impie abutuntur. Ideoque omnes ejusmodi homines Nobis denuntientur, ut in eos, tamquam temeratores & violatores verbi Dei, debite juxta præscriptum Sacri Concilii Tridentini (c) animadvertere valeamus.

TITULUS II.

De Sacramentis in genere.

CAPUT I.

Parochi (d) materias Sacramentorum fideliter ac sollicitè custodiant;

& nemini umquam, etiam prætextu medicinæ, vel maleficii tollendi, eas tradant: neque ipsi ad alium usum, quam ad quem ab Ecclesia destinatæ sunt, uti præsumant, sub pœna arbitraria, eaque gravi.

CAPUT II.

Dum sacro Oleo Catechumenorum, vel infirmorum, deficienti admiscendum est oleum non consecratum; guttatim hoc fiat; ita ut quantitas ejus quod infunditur, semper minor sit, vel certe non notabiliter major quantitate olei consecrati.

CAPUT III.

Sacramenta omnia (e) libere conferantur, nihilque omnino directè vel indirectè in eorum administratione exigatur; ultro tamen oblatum licite accipi potest. Imo si quis ex laudabili consuetudine debitum solvere noluerit, id Nobis significetur; ut eum, veritate cognita, ad pie introductam consuetudinem perpetuo retinendam ex Canonum jure cogamus & compellamus.

TITULUS III.

De Sacramento Baptismi.

CAPUT I.

Quando Fons sacer juxta præscriptum Concilii Provincialis munda dabitur, aquæ illius in piscinam infundantur.

CAPUT II.

Pastores formam Baptismi lingua vernacula populo sæpe inculcent; simulque doceant, cum pronuntiatione verborum formæ, ipsam infusionem aquæ moraliter concurrere debere.

CAPUT III.

Quia post celebrationem Concilii Provincialis compertum est, quod mulieres per appositionem salis apud pueros exposititios non idem semper significare intendant, sed subinde collatum esse Baptismum, subinde vero contrarium: ideo semper & indistinctè pueri exposititii sub conditione baptizentur, sive sal iis appositum fuerit, sive non.

CAPUT

(b) Regula 4. Indicis librorum prohibitorum.

(d) Pontific. ex Conc. Maguntiaco, can. 27.

(e) Sess. 4. in fine.

(e) Cap. Ad Apostolicam, de Simonia.

CAPUT IV.

Parochi ob id, quod puer baptizandus sit illegitimus, vel ex parentibus pauperibus & exteris casu illic natus, nullusque pro ejus alimentatione fidejussor sese offerat, ipsum baptizare non recusent aut differant; etsi Magistratus loci, vel alii quicumque, ob prædictas, vel alias similes causas, puerum baptizari prohibeant.

CAPUT V.

Cum quis per Procuratorem, (f) infantem e sacro fonte suscipit; non Procurator, at ipse cognitionem contrahit: eoque casu uterque, tam mandans scilicet, quam mandatarius, libro baptizatorum inscribatur, hoc modo: *N. nomine N.*

CAPUT VI.

In Baptismo, (g) qui domi in necessitate datur, cognatio contrahitur; non etiam cum cærimoniarum, quæ tunc defuerunt, in Ecclesia adhibentur. Quare Baptismus infantis, qui domi ob necessitatem baptizatus est, in librum Baptizatorum ita referatur, ut si alius domi ad Baptismum, alius in Ecclesia ad Catechismum, exorcismumque adhibitus sit Patrinus, utriusque nomen in hunc modum simul annotetur: *Susceptor in Baptismo N. Susceptor in Catechismo & exorcismo N.*

CAPUT VII.

Non admittantur in Patrinos notorie hæretici, notorie excommunicati, publici usurarii, vel aliter publice infames; neque etiam minores duodecim annis, aut qui per inopiam mentis noticiam non habent ejus fidejussionis, ad quam se offerunt; eademque cautio sit de Commatribus.

CAPUT VIII.

Monachi quoque, (b) etsi Abbatiali fulgeant dignitate, de Baptismo aliquem suscipere, compadresque aut commatres habere, Sacris Canonibus prohibentur. Quare nec per Procuratorem ejusmodi cognitionem contrahere ipsis licet.

CAPUT IX.

Infans peste laborans, aut eo nomine suspectus, quia ex matre pestifero morbo affecta est natus, quam primum a Sacerdote peste laborantium curam gerente infusionis ritu baptizetur. Ubi vero ejusmodi Sacerdos vel non est, vel non adest, idem confestim ab alio præstetur, qui præsens baptizandi formam norit. Postea si infans superstes fuerit, simul atque ab omni suspitione liber erit, in Ecclesia sua Parochiali Parocho sitatur, ut is reliquas statas cærimonias ex instituto Ecclesiæ adhibeat.

CAPUT X.

Religiosi instituti olim fuit, diem Baptismi, qui solemniter abrenuntiationis sponfione insignis est, quotannis a fidelibus pie celebrari. Quæ sane institutio cum ad pietatis Christianæ cultum, piæque morum disciplinam, non parum adjumenti adferre soleat; eam in usum revocari vehementer in Domino cupimus. Itaque Parochi & Confessarii, prout occasio tulerit, cohortationis officio in id incumbant, ut fidelium, quorum curam gerunt, unusquisque diem illum, quo baptizatus est, non conviviorum apparatu, non luxu, non operibus tenebrarum, cum dies lucis sit, sed ardentiori prece, elemosyna, si per facultates liceat, omnique charitatis opere atque officio, & pietatis exercitatione, spiritalisque gaudii celebritate quotannis recolat, memor se chirographo damnationis deleto hæreditatis cœlestis participem in Christo Domino factum fuisse.

CAPUT XI.

Infantes sine Baptismo morientes in loco sacro non sepeliantur.

TITULUS IV.

De Sacramento Confirmationis.

CAPUT I.

SI quos præmature parentibus orbatos, vel alios quoscumque, post debitam inquisitionem adhuc dubitare contingat, num Sacramentum hoc susce-

A 3

scep-

(f) Sac. Congreg. Conc. Trid. super C. 2. Sess. 24. de Reform. Matr.

(g) Sac. Congreg. ubi supra.

(b) Can. 101. & 102. de Consecrat. distinct. 4.

sceperint, nec ne; illi dubium suum Nobis exponant, ut sub conditione confirmari possint, si ita fieri debere judicaverimus.

CAPUT II.

Christianæ fidei rudimentis (i) non edoctus, non se ingerat ad percipiendum hoc Sacramentum, vel ad tenendum confirmatum.

CAPUT III.

Non confirmatus (k) nec ad susceptionem primæ tonsuræ admitti, nec Patrinus esse potest. Et generaliter, qui in Baptismo Patrinus esse prohibetur, hic quoque esse non poterit.

CAPUT IV.

Jejuni ad Confirmationem (l) accedant, & si non perfectæ ætatis, ut Concilio Aurelianensi olim statutum fuit; saltem septennio non sint minores, ut melius suscepti Sacramenti memores esse possint, nisi ex rationabili causa confirmanti aliud videatur.

CAPUT V.

Confirmati secundo demum aut tercio die post susceptum hoc Sacramentum fascias deponant; & tum frontes eorum sale & aqua a Sacerdote laventur & abstergantur. Porro fasciæ conserventur in Sacrario, aut alio loco honesto, comburendæ ad cineres sacros in die Cinerum. Aqua vero lotionis in piscinam mittatur.

TITULUS V.

De Sacramento Pœnitentiæ.

CAPUT I.

Confessarii prudentes sint ac circumspecti, non solum in injungendis pœnitentiis (ideoque etiam pro peccato occulto pœnitentiam publicam non imponant) verum etiam in examinando pœnitentes, præsertim circa vitia carnis; ne indifferetis interrogationibus eos doceant peccata quæ ignorant, vel aliter scandalizent.

CAPUT II.

Meminerint etiam occasiones propinquas peccandi mortaliter vitandas

esse, easque vitare nolentibus beneficium absolutionis non esse impendendum. Et generaliter ea sinceritate, prudentia, & ædificatione munere suo fungantur, quemadmodum & tanti ministerii sanctitas postulat, & animarum salus deposcit.

CAPUT III.

Nemo etiam vota obedientiæ a filiabus confessionis exigat vel admittat, sub pœna arbitraria.

CAPUT IV.

Si (quod absit) Sacerdotem cum filia spiritali, quam baptizavit, vel de sacro Fonte levavit, vel in Confirmatione tenuit, aut cum muliere, (m) cujus Sacramentalem Confessionem audivit, fornicari contingat; sciat quicumque hoc scandalum dederit, se mox deponendum, & insuper juxta sacros Canones sine conniventia puniendum.

CAPUT V.

Nec ex ritu antiquo fit, nec ex sapientum usu, nec ex ratione, nec ex dignitate Sacramenti, ut Confessarius, dum pœnitentem absolvit, aperto sit capite. Quare deinceps non nisi capite coopertus Sacramentalis absolutionis sententiam ferat.

CAPUT VI.

Casus Archi-Episcopo reservati sunt hi: Sodomia cum aliis delictis ejusdem generis gravioribus, raptus virginum, homicidium voluntarium, incendium ex deliberata voluntate procuratum, Simonia, hæresis, apostasia, incestus cum consanguineis, aut Sanctimonialibus, injectio manuum violenta deliberato proposito cum læsione in parentes facta, fortilegium, adulterium notorium, & omnia delicta, quæ excommunicationem Ordinario reservatam annexam habent.

CAPUT VII.

Pauperes de annua saltem Confessione ac Communione in Paschate legitime non docentes, prima vice ad tres menses, secunda vero vice in perpetuum

(i) Pontificale. (k) Conc. Trid. Sess. 23. c. 4. de Reform. Can. 100. dist. 4. de Consec. & Pontificale. (l) Can. Urj. juni. dist. 5. de Consecr. (m) Can. Si quis Sacerdos, & can. Non debet. 30. quæst. 1.

petuum omni subsidio mensæ S. Spiritus priventur.

CAPUT VIII.

Ut perverſis & reprobis hominibus omnis calumniandi occasio, quantum fieri potest, subtrahatur; ultra ea, quæ circa hujus Sacramenti administrationem in Concilio Provinciali statuta sunt, mandamus, ut dum tenebræ sunt, nemo nisi adhibito lumine sceminarum confessiones excipiat.

TITULUS VI.

De Sano Eucharistiæ Sacramento.

CAPUT I.

Parochi subditos suos sæpe hortentur, ut dum Sanctissimum hoc Sacramentum ad ægrotum deferretur, indeque ad Ecclesiam reducitur, frequentes illud ac devote comitentur, tædasque ardentes eidem præferant: nec non ut ægrotantis cubiculum ab omni sordè prius purgetur, & mensa, si non nitida mappa, saltem alio mundo linteo honeste contrata, & cruce, luminaribus, ac vasculo aquæ benedictæ instructa præparetur, in qua pyxis cum Sanctissimo ipso Sacramento collocari possit.

TITULUS VII.

De Sacramento Extremæ Unionis.

CAPUT I.

Dum sacrum Oleum infirmorum ad ægrotos deferretur, Custos superpelliceo indutus lumen præferat, non etiam nolan sonantem.

CAPUT II.

Si ægrotus, dum sacro Oleo ungitur, extremum spiritum emiseric, Parochus ungere desistat. Si vero aliqua morbi vis derepente illum oppressit, ut dubitetur vivusne sit, an mortuus, Parochus ea conditione in unguendo utatur: *Si es vivus, per istam Sanctam Unionem, &c.*

TITULUS VIII.

De Sacramento Ordinis.

CAPUT I.

Testimonia vitæ, juxta præscriptum Concilii Provincialis ab or-

dinandis adferenda, sint insuper debite clausa & obſignata; vel saltem, si ordinandi sint Regulares, ab eorum Superioribus subſignata, & consueto sigillo munita.

CAPUT II.

Ne quis forte a susceptione Ordinis Sacerdotii a Nobis rejectus, ad confusionem apud suos evitandam Ministerium Sacerdotale, quod non accipit, sacrilega temeritate usurpare attemptet; mandamus, ut nemo Primitias celebrare permittatur, antequam Superiori Ecclesiastico, sæculari, vel Regulari ejus loci, ubi Primitias celebrare intendit, literas suscepti Sacerdotii exhibuerit.

CAPUT III.

Ut Clericus sæcularis sacris Ordinibus initiandus ante docere debet, sibi provisum esse de sufficienti titulo Beneficiali, vel Patrimoniali, & insuper jurare, quod titulum illum, quem pro futura sua promotione exhibet, vere, & sine ulla fraude possideat: ita quoque Clericus Regularis testimonio sui Superioris ante docere debet, se Religionis, cui ascriptus est, professionem emisisse, & insuper jurejurando affirmare, se eam sponte fecisse, aut ratam habuisse; illudque in registro ordinandorum discrete exprimat.

CAPUT IV.

Ordinati Sacerdotes intra quadraginta dies, juxta antiquam consuetudinem, Primitias celebrent.

CAPUT V.

Ordinandi titulo patrimoniali copiam authenticam ejusdem tituli penes Secretarium Curie nostræ relinquant.

TITULUS IX.

De Sponsalibus & Matrimonio.

CAPUT I.

Cum Sponsalia de futuro a Sacro Concilio Tridentino (n) sint intacta, atque ita relicta in terminis, & dispositione Juris communis, præterquam quod per copulam carnalem non tranſeant in Matrimonium; certum est

ea

(n) Sacra Congregatio Conc. Trid. supra Cap. 1. Sess. 24. de Reform. Matrim.

ea esse valida, & servari debere, etiam si coram Parocho & testibus contracta non fuerint: & cum multi perperam aliter sentiant, error ille a Concionatoribus & Confessariis data oportunitate iis eximatur.

CAPUT II.

Ebriis Sponsalia contrahere volentibus Parochus operam suam non impendat.

CAPUT III.

Decretum Sacri Concilii Tridentini (o) irritans & annullans Matrimonium, quæ aliter, quam præsentem Parocho, vel alio Sacerdote de ipsius Parochi seu Ordinarii licentia, & duobus vel tribus testibus contrahuntur, in omnibus & singulis Ecclesiis Parochialibus totius Diœcesis iterum publicetur ante proximum festum Nativitatis Domini: & Archi-Presbyteri in prima visitatione post idem festum serio ubique inquirant, num id præstitum sit, & in actis visitationis singularum Ecclesiarum expresse annotent, an huic mandato satisfactum sit, nec ne; ut inobedientes, si qui fuerint, debite puniri, eorumque defectum suppleri curemus.

CAPUT IV.

Sæpe declaratum est, & ex abundanti rursus declaramus, irritum plane, ac nullum esse Matrimonium, quod contrahitur coram Parocho quidem loci, sed neutrius contrahentium.

CAPUT V.

Grave est peccatum, quod post contracta Sponsalia desponsi carnaliter se cognoscant, antequam Matrimonium per verba de præsentem coram Parocho & testibus contractum sit. Ideoque Parochi Sponsalia coram se contrahentes admoneant, ut ad periculum incontinentiæ, aliæque inconvenientiæ evitanda, intra sex septimanas post factas proclamationes, si Canonicum impedimentum denuntiaturum non fuerit, ad Matrimonii solemnizationem procedant; utque ante Sacerdotalem Benedictionem, in Templo suscipiendam, in eadem domo non cohabitent. (p)

CAPUT VI.

Laudabilis est hujus nostræ Diœcesis consuetudo, quod Matrimonia & in Ecclesia, quæ Sacramentorum proprius locus est, & inter Missarum solemnias contrahantur. Quare cum Sacrum Concilium Tridentinum (q) ejusmodi consuetudines retineri vehementer optet, præcipimus, ne quis absque speciali nostra licentia ei contravenire audeat.

CAPUT VII.

Si quando super una trium denuntiationum a Nobis dispensetur, eo die, quo posterior reliquarum duarum facta fuerit, Matrimonium contrahi prohibemus. Idemque multo magis servetur, quando unica tantum denuntiatio facienda est, reliquis duabus ob causam a Nobis remissis.

CAPUT VIII.

Si Matrimonium contracturi in Parochia, in qua est moderna eorum habitatio, brevem moram traxerint, ita ut ibidem non sint satis noti; etsi ibidem Matrimonio jungi possint, (r) nihilominus in Parochia, in qua prius habitaverunt, ubi verisimilius est fore ut impedimenta sciatur, denuntiationes omnes fieri volumus.

CAPUT IX.

Quando aliter, quam coram proprio Parocho Sponsalia contracta sunt, Matrimonii denuntiationes non ante ab eo fiant, quam ipsimet Sponsus & Sponsa id exigant, aut coram assensum præbeant. Qui quidem assensus, si non ejusdem Parochiæ sint, a proprio cuiusque Parocho cognosci, atque alteri ab altero testimonii literis significari debet.

CAPUT X.

Cum ex longa conjugis absentia non resulet certitudo de ejus obitu, & mors non præsumatur, sed probanda sit, (quilibet enim vivere præsumitur) ad secundas nuptias convolare desiderans, Matrimonio non jungatur, nisi habita prius legitima certitudine de morte prioris conjugis; etiam si non

(o) Cap. 1. Sess. 24. de Reformat. Matrim.

(q) C. 1. §. Postremo, V. Si quæ, Sess. 24. de Reformat. Matrim.

(r) Sacra Congreg. Conc. Trid. super d. cap. 1. §. Postremo.

(p) D. c. 1. Sess. 24. §. Præterea.

non septem tantum, ut multis persuasum est, sed etiam viginti, triginta, & plures annos continuos eum abuisse constiterit.

CAPUT XI.

Qui quarto simul & quinto consanguinitatis, vel affinitatis gradu juncti sunt, cum citra dispensationis beneficium libere, ac licite Matrimonium contrahere possint, nemo illis desuper difficultatem moveat.

CAPUT XII.

Et si desponsi, doctrinæ Christianæ rudimenta plane ignorantes, ob id a Matrimonio contrahendo arceri non debeant; Parochi tamen suaviter, & bono modo, quando contrahentes non instabunt, brevi tempore eos retinere poterunt, donec doctrinam necessariam addiscant: & ita fieri expedit.

TITULUS X.

De Doctrina, & Prædicatione Verbi Dei.

CAPUT I.

Concionator quilibet ita mores suos componat, & in omnibus se gerat, ut ab iis, quæ verbo docet, vita non discrepet; & quod ædificat prædicatione, conversatione non destruat. Nec ostentandæ doctrinæ, vel eloquentiæ causa, difficiles & inanes questiones moveat; unde sui ipsius potius, quam JESU CHRISTI prædicator esse videatur. Sed præcipue in Evangelii, Symboli, Orationis Dominicæ, Salutationis Angelicæ, Decem præceptorum, Sacramentorum Ecclesiæ, Missæ, & Sacrorum Rituum dilucida explicatione versetur.

CAPUT II.

In reprehendis quoque vitiis ita se gerat, ut pietatis, & charitatis studio eum adductum, non hominum, sed peccatorum odio id facere omnes intelligant.

CAPUT III.

Quod in Concilio Provinciali statutum est, ut Pastores neminem om-

nino in Ecclesiis suis concionari permittant, qui de licentia Ordinarii in scriptis non prædlexerit; de licentia Ordinarii, non personæ, sed loci, intelligi debet. Itaque in hac nostra Diocesi nostra licentia requiritur.

CAPUT IV.

Curatoribus animarum (s) seu Parochis per se munus Prædicatoris obire volentibus, sciant cæteri omnes se illis cedere debere.

CAPUT V.

Quia unusquisque juxta Concilium Tridentinum (t) Parochiæ suæ interesse tenetur ad audiendum verbum Dei, ubi commode id fieri potest; quo tempore illud in Ecclesia Parochiali annuntiatur, nemo in Capellis, quæ Parochiæ finibus continentur, concionari, aut Missam celebrare præsumat, sub pœna arbitraria. Et similiter nemo in eadem Ecclesia sub concione Missam etiam privatam celebret.

CAPUT VI.

Nemo extraneus fidelium elemosynis e suggestu commendetur sine consensu nostro in scriptis.

TITULUS XI.

De Officio Divino, Cæremoniis, Locis sacris, & exequiis Defunctorum.

CAPUT I.

Excommunicati (u) ob notoriam percussione Clerici, vel ob quamcumque aliam causam excommunicati denunciati; item usurarii publici, & quicumque alii publice, & notorie criminosi, Sacrificio Missæ interesse non permittantur.

CAPUT II.

Dum Sacrificium Missæ peragitur, nunquam candelæ sebaceæ solæ in altari accendantur; sed cum iis, vel sine iis, semper duæ candelæ cereæ decentis formæ ardeant.

CAPUT III.

Purificatorii calicum nemo ad emungendum nares, sudoresve abstergendum, abutatur.

CAPUT

(s) Sac. Congr. Conc. Trid. super C. 4. Sess. 24. de Refor. (t) Sess. 24. c. 4. de Refor.

(u) Conc. Trid. Sess. 22. in Decret. De observ. & evit. in celebr. Missæ.

CAPUT IV.

Ad satisfaciendum Statuto Concilii Provincialis, quo ordinatur, ut Ordinarii in singulis Decanatibus suæ Diœceseos aliquos deputent cærimoniarum, & rituum Ecclesiæ Romanæ peritos, qui Primitias celebraturos iisdem cæimoniis ac ritibus debite instruant; volumus proxima congregatione Pastorum duos ejusmodi a singulis Archi-Presbyteris nostro nomine designari; & quando aliquem eorum e vivis excedere, aut locum mutare continger, mox alium ejus loco constitui.

CAPUT V.

Irreverentiam omnem circa res sacras cavere cupientes, mandamus, ut Sanctissimum Eucharistiæ Sacramentum, Sanctorumve Reliquiæ, aut statux, non a curru vel equis infidentibus, sed a peditibus tantum in Processionibus circumferantur.

CAPUT VI.

Quia in novissimo Concilio Provinciali ordinatum est, ut in omnibus pagis totius Provinciæ Missa Parochialis Dominicis, & Festis diebus certa, & eadem hora semper fiat; eam determinantes quoad hanc nostram Diœcesim, mandamus, ut a festo Paschæ usque ad festum S. Remigii, seu Kalendas Octobris, Missa Parochialis celebretur hora octava, vel circiter; a Kalendis vero Octobris usque ad Pascha, hora nona.

CAPUT VII.

Celebrans, eique ministrantes, pileum, biretum, chirothecas, claves, cæteraque hujusmodi in altari non ponant.

CAPUT VIII.

Altarium portatilius usus, ex necessitate hætenus permissus, in consuetudinem trahi non debet: quapropter mandamus omnibus, quorum interest, ut altaria sua profana, vel profanata, mox consecrari curent; a Festo S. Remigii proxime venturo, altarium portatilius usum omnibus his, quibus ex rationabili causa interea eum non permiserimus, prohibentes.

CAPUT IX.

Cum propter inæqualitatem præbendarum, aliasque ob causas, una generalis regula statui nequeat quoad executionem Decreti Concilii Tridentini, ac Statuti Concilii Provincialis, de tertia parte fructuum, & quorumcumque proventuum in distributiones convertenda; singula Capitula modum & rationem id debite efficiendi sibi concipiant, & ante finem hujus anni Nobis exhibeant.

CAPUT X.

Ut juxta præscriptum utriusque Concilii Provincialis distributionibus privandi sunt, qui ante *Gloria Patri* primi Psalmi cujusque Officii usque ad finem eidem Officio actualiter non interfunt: ita quoque iis privari volumus, qui in Missis votivis, & anniversariis, quæ ex fundatione sine Commendationibus canuntur, ante primam Collectam; in Vigiliis vero ante finem secundi Psalmi Vesperarum, & in Commendationibus ante initium Psalmi *In exitu*, usque ad finem non interfunt.

CAPUT XI.

Pastores, eorumque Vicarii, tamquam præsentem in Choro habeantur, (u) dum sunt in actu administrandi Sacramenta, vel alia exercendi, quæ spectant ad curam animarum illi Ecclesiæ imminentem.

CAPUT XII.

Qui solum mentaliter Horas dicunt, obligationi non satisfacere declaramus.

CAPUT XIII.

Aëris tempestate exorta campanæ pulsantur, sicut Ecclesiasticæ consuetudinis est; tum ad tempestatem illam vi Divina, quæ ex solemnī prece, sacraque benedictione illis inest, depellendam; tum ut fideles ad orandum, & Dei misericordiam piis orationibus implorandam, excitentur.

CAPUT XIV.

Tolerari non debet, quod Ecclesiæ sic exponantur suppellectilibus profanis, ut potius domus laicæ, quam Dei Basilicæ videantur. Quare, quod ab INNOCENTIO III. in Concilio Late-

(u) Super Cap. 12. Sess. 24. de Reform.

Lateranenſi (*) pie ſancitum eſt, deinceps exacte obſervari volumus; ne ſcilicet huiusmodi ſupelleſtilia in Eccleſiis admittantur, niſi propter hoſtiles incurſus, aut incendia repentina, ſeu alias neceſſitates urgentes, ad eas oporteat habere refugium: quibus etiam caſibus, neceſſitate ceſſante, res in loca priſtina reportentur.

CAPUT XV.

Arbores ab Eccleſiis quibuſvis ita remotæ ſint, ne aut per radicem dilatationem parietum fundamentis, aut per ramorum diſſuſionem tectis, aut fenestris officiant: & ubi officiunt, excidantur. Hederæ quoque Eccleſiarum parietibus adhærentes prorsus evellantur.

CAPUT XVI.

Cœmeteria muris, ſoffis, aut ſepibus ita concludantur, ut equis, vacis, porcis, aliſque ſimilibus animalibus nullus pareat acceſſus.

CAPUT XVII.

Nec ſine gravi injuria loci ſacri tolerari poteſt, ut in cœmeteriis tripudietur; ideoque id diſtrictè prohibemus.

CAPUT XVIII.

Libæ quoque, placentæ, & ſimilia in cœmeteriis non vendantur; neque ſtrues lignorum in iis ſiant, lignave congerantur: & generaliter nihil in iis permittatur, quod loci religioni ac ſanctitati repugnet.

CAPUT XIX.

Uſurarium manifeſtum, etſi per teſtamentum uſuras reſtitui mandaverit, nemo tamen ad Eccleſiaſticam ſepulturam admittat, niſi actualiter etiam, prout facultates tulerint, uſuras reſtituerit, vel de iis reſtituendis idonee caverit, juxta Conſtitutionem GREGORII X. ſub pœna Canonum.(y)

CAPUT XX.

Irrationabilis & irreligioſa eſt conſuetudo aliquorum locorum, qua exequiæ occiſorum differuntur, uſque dum inter homicidam & defuncti hæ-

redes ſit tranſactum; atque ideo eam abrogantes, cum primum fieri poterit, exequias ſic defunctis perſolveri mandamus.

TITULUS XII.

De Feſtis & Jejuniiſ.

CAPUT I.

Diebus Dominicis, aut Feſtivis tempore concionis, (z) ſummi Sacri, vel Veſperarum in tabernis potitantes, aut publicis luſibus, vel tripudiis vacantes, denuntientur, pro qualitate perſonarum, & modo ſcandali puniendi.

CAPUT II.

Sanctus Rumoldus, Archi-Epiſcopus, & Martyr, cujus ſolemne Feſtum Kalendis Julii in Civitate Mechlinienſi quotannis celebratur, extra eam tertio die Julii per omnes Eccleſias totius Diceceſis, Officio duplici honorari merito debet, atque ita fieri mandamus.

CAPUT III.

Feſtum Cathedræ S. Petri, vel feſtum S. Matthiæ in diem Cinerum incidens, in diem ſequentem tam in populo, quam in Eccleſiis celebrandum transferatur.

CAPUT IV.

A die Cinerum uſque ad Vigiliam Paſchæ inclusive, non modo omnibus diebus etiam Dominicis a carnibus, & ovis abſtinendum eſt, omnibuſque diebus præter Dominicos jejunandum, etiam feſtis, ac die Cœnæ Domini; verum etiam quatuor ultimis diebus abſtinendum eſt a lacticiiniis. (a) Cæteris vero diebus lacticiniorum uſus ita permittitur, ut ea gratia uti volentes ſinguli legant ſemel Orationem Dominicam cum Salutatione Angelica, & offerant unum ſuſerum in ciſta, quæ in qualibet Eccleſia Parochiali ad id deſtinata eſt, applicandum pro tertia parte eidem Eccleſiæ, & pro reliquis duabus tertiis Seminario noſtro. Qui vero iſtam erogationem facere non volent, legent quotidie ter Orationem Domi-

(*) Cap. 2. Extrav. De cuſtod. Eucharift.

(z) Ediſto Principum pro obſerv. Feſtorum.

Tomus IX. Concilior. German.

(y) C. Quamquam, de Uſuris. in 6.

(a) Can. 6. & 7. diſt. 3. de Conſecr.

Dominicam, & toties Salutationem Angelicam.

CAPUT V.

Caveant, quantum poterunt, qui ob legitimam causam a jejunio excusantur, quibusve ovorum, vel etiam carniū usus permittitur, ne alios suo exemplo ad violandum jejunium, ventosve cibos comedendum, provocent.

CAPUT VI.

Totis tribus Rogationum diebus festum Ascensionis Domini immediate præcedentibus abstinetur a carnibus, iisdemque usque ad prandium saltem jejunetur.

CAPUT VII.

Festo Nativitatis Domini (b) in feriam sextam incidente carnes comedere omnibus licitum est, qui voto vel professione non impediuntur.

TITULUS XIII.

De Sanctorum Reliquiis, & Imaginibus.

CAPUT I.

ET si antiquæ Sanctorum Reliquiæ haberi debent in veneratione, in qua hætenus habitæ fuerunt; novæ tamen publicæ venerationi non exponantur, nisi prius a Nobis juxta præscriptum Sacri Concilii Tridentini (c) recognitæ, & approbatæ fuerint.

CAPUT II.

Inter novas Reliquias computandæ, seu jure ipsarum censendæ sunt, quæ antiquorum quidem Sanctorum esse dicuntur, at jam recens ad eas Ecclesias, in quibus modo sunt, delatæ fuerunt.

CAPUT III.

Doceatur subinde rudis populus, imaginibus Christi, & Sanctorum cultum & honorem non exhiberi propter ipsarum materiam, elegantiam, externum ornatum, vel aliud quid simile; sed tantum propter eos, quos nobis representant, atque ita nos in signis prototypa venerari, ut in ipsis signis, seu imaginibus neque ullam fiduciam col-

locemus, neque Divinitatem aliquam inesse credamus.

CAPUT IV.

Si quæ sacra tabulæ, imaginesve nimia vetustate, carie, situ, aut sordibus pene deletæ tam indecenti aspectu sint, ut contemptum potius, quam venerationem excitent; eæ pie, religioseque restaurentur ab iis, quorum interest; aut si id fieri nequeat, omnino deleantur.

TITULUS XIV.

De Superstitione, & Exorcismis.

CAPUT I.

A Bominanda est eorum vanitas, & superstitio, qui certo numero, & præscripta forma Missarum, vel precum affirmant certas, designatasque animas e Purgatorio semper liberari; quive certo pollicentur sine Pœnitentia, & Sacramentis ex hac vita non migraturos eos, qui hunc, vel illum ex Sanctis coluerint.

CAPUT II.

Licentiam exorcizandi a Nobis adeptus, pura, & munda conscientia, magnæque humilitate, ac fide ad id muneri obsequendum accedat, in ejusdemque functione graviter, pie, ac religiose se gerat, nec verba vel ritus Pastoralis nostri excedat.

CAPUT III.

Mulier energumænæ exorcismum adhibiturus, id præstet duabus saltem personis probatæ vitæ præsentibus; iisque, si fieri possit, energumænæ consanguineis, aut affinibus.

TITULUS XV.

De Archi-Episcopali Sede vacante.

CAPUT I.

Capitulum Metropoliticum Sede vacante infra octo dies non plures Vicarios, sed unum tantum Vicarium constituet, vel existentem confirmabit, juxta præscriptum Sacri Concilii Tridentini. (d) Et is semel a Capitulo electus, vel confirmatus, postea sine justa & rationabili causâ removeri non poterit.

CAPUT

(b) Cap. ult. De observ. jejun.

(c) Sess. 25. De invoc. venerat. & Reliq. Sanctorum.

(d) Sess. 24. cap. 16. de Reform. & Sacra Congreg. ibidem.

CAPUT II.

Si forte in constitutione Vicarii discordiam inter eligentes oriri contingeret, & plures ad hoc officium eligerentur; in ejusmodi controversia magis idoneus, & habens qualitates Concilii, remanere debet cæteris remotis, ut a Sacra Congregatione declaratum est. In dubio vero is electus censetur, qui a Capituli majori parte electus fuerit.

CAPUT III.

Mox quoque (e) a vacatione Sedis Oeconomus unus, vel plures fideles, ac diligentes a Capitulo decernantur; iique semel electi, a Capitulo non mutantur sine justa, & rationabili causa. Idemque servetur quoad cæteros Officiarios.

CAPUT IV.

Vicario autem, aliisque Officiariis absentibus, substitutorum electio non ad Capitulum, sed ad Vicarium spectabit.

CAPUT V.

Meminerit ejusmodi Vicarius, (f) non solum Capitulo sub pena interdicti prohibitum esse infra annum a die vacationis ipsius Sedis, literas dimissorias ad Ordines etiam minores alicui, qui Beneficii Ecclesiastici recepti seu recipiendi occasione arctatus non fuerit, concedere, at sibi quoque id non licere; & si eas concesserit, se ab officio, & beneficio per annum ipso jure suspensum fore.

CAPUT VI.

Beneficia (g) quoque ad collationem Archi-Episcopi spectantia, per Capitulum, vel Vicarium Sede vacante non conferantur: deservitores tamen & administratores ejusmodi beneficiorum vacantium licite constituentur: & præsentati a Patronis, si idonei judicati fuerint, per Archi-Diaconum institui poterunt.

CAPUT VII.

Denique (b) si quam ex novem præbendis affectis Sede vacante vacare

contigerit; reliqui ejusmodi præbendas obtinentes, libere illam, debite tamen qualificato, conferre poterunt, Sedis vacatione non obstante.

TITULUS XVI.

*De Archi-Presbyteris, Pastoribus
& Custodibus, eorumque
officiis.*

CAPUT I.

Quicumque deinceps de Pastorum providebitur, is, antequam in possessionem ab Archi-Presbytero inducatur, non modo Fidei professionem, verum etiam juramentum a Concilio Provinciali hoc titulo præscriptum, coram eodem Archi-Presbytero & duobus testibus præstabit; & utrumque ab eo præstitum esse, Archi-Presbyter in registro suo annotabit, cum expressione diei & testium.

CAPUT II.

Similiter adepturus deinceps quodcumque beneficium non curatum, præstabit juramentum coram Archi-Presbytero, & duobus testibus, antequam possessio ei detur, quod specificationem omnium fructuum ejusdem sui beneficii cum debita designatione hypothecarum, limitum, & terminorum, infra sex menses Archi-Presbytero tradet; & dies præstiti juramenti, ac nomina testium, registro Archi-Presbyteri exacte inscribentur. Et si quis Pastorum, aliorumve Beneficiatorum, intra tempus juratum debitam specificationem omnium fructuum non tradiderit, mox denuntietur citandus, & puniendus de perjurio.

CAPUT III.

Porro quæcumque, & qualiacumque beneficia curata, vel non curata in præsentiarum obtinentes, si plenam & perfectam designationem omnium fructuum intra decem annos ultimo elapsos Archi-Presbytero suo non tradiderint; ut intra sex menses proxime venturos id præstent, rogamus, & hortamur in Domino: & nihilominus in

B 3

virtu-

(e) Conc. Trid. Sess. 24. cap. 16. de Reform. cap. 10. de Reform.

(b) Cap. unico. Ne Sede vacante, in 6.

(f) Conc. Trid. Sess. 7. c. 10. & Sess. 23.

(g) Cap. 2. Ne Sede vacante.

virtute sanctæ obedientiæ, ac sub pœna arbitraria pro modo culpæ & negligentæ, omnibus & singulis mandamus.

CAPUT IV.

Pastor quilibet de Canonica portione summarie, & de plano sibi providendi desiderans, ante omnia exhibeat Nobis, Vicario, aut Officiali nostro, libellum supplicem, in quo contineatur, cuive annexa sit plena, eaque particularis, & proprio juramento firmata declaratio bonorum, quæ ratione Ecclesiæ suæ Parochialis ipsi competunt. Neque certi tantum fructus & emolumenta exprimantur, sed incerta quoque, & accidentalia trium, aut quatuor communium annorum ultimo præteritorum.

CAPUT V.

Archi-Presbyteri Ecclesias Decanatus sui visitaturi, tempus visitationi designatum Pastori tempestive præsignificent, caveantque, ne occasione visitationum comeffationes ullæ fiant.

CAPUT VI.

Tempestive quoque singuli visitationes suas absolvent, & acta earumdem nitide descripta, & a se subsignata, quotannis ante Kalendas Julii ad Nos, vel Vicarium nostrum Generalem transmittent.

CAPUT VII.

Quotannis etiam prima feria secunda Augusti, & si Kalendæ Augusti in feriam secundam inciderint, ipsis Kalendis aderunt omnes Mechliniæ; & altero die mane hora octava in Sacello nostro domestico se sistent gratiam Spiritus Sancti nobiscum invocaturi, ac deinde audituri, quæ post mutuum collationem, maturamque deliberationem, pro utilitate animarum statuenda & ordinanda duxerimus.

CAPUT VIII.

Præterea singuli undecim Archi-Presbyterorum celebrabunt annuatim Capitulum Pastorum sui districtus ordine & tempore hic designato: Primum omnium celebrabitur Mechliniæ, secundum Diestemii; tertium Leeuwis S. Leonardi; quartum Thenis; quintum Lovanii; sextum Bruxellæ; septi-

mum in Decanatu Leeuwenfi S. Petri; octavum Gerardimonti, nonum in Decanatu Rothnacenfi; decimum in Decanatu Oisterzelenfi; undecimum Alofti. Et primum quidem, scilicet Mechliniense, celebrabitur prima feria quarta post Festum Assumptionis Deiparæ Virginis; feria secunda immediate sequenti celebrabitur Capitulum Diestense: huic feria quarta proxima succedet Capitulum Leeuwenfi S. Leonardi; & sic deinceps, ordine prædicto, singulis feriis secundis & quartis. Quæ feriæ, si per Festum aliquod aut jejunium impediuntur, celebrabitur Capitulum postero die non impedito; alioquin proxima feria secunda vel quarta.

CAPUT IX.

Porro hæc ipsa Capitula sic celebrantur, ut ea non ad comeffandum, sed ad tractandum de rebus feriis indicta esse omnibus innotescat. Proinde in illis initium rerum agendarum sumatur ab invocatione Spiritus Sancti, quo dirigente de rebus Ecclesiæ conferratur. Prandium vero non fiat, nisi frugale & moderatum, ut nemo sumptibus vel potu gravetur; nec unquam illud in taberna vel diversorio instituat. Extranei quoque, per quos tractatio de rebus Ecclesiæ possit impediri, ab eo excludantur.

CAPUT X.

Quandocumque aliquem Beneficiatum ex hac vita migrare contingeret; Archi-Presbyter, cui is suberat, mox in domo mortuaria de literis, manualibus, & munitimentis Ecclesiæ, mensam pauperum, aut beneficia concorrentibus, diligenter inquirat, eaque omnia ad se recipiat; curaturus, ut ea, quæ ad fabricam; & mensam pauperum spectabant, cæteris earum munitimentis mox apponantur; literas vero originales beneficia tangentes, cæteraque hujusmodi, Nobis transmissurus, exceptis tamen manualibus, quæ successoribus defuncti in beneficio traduntur.

CAPUT XI.

Omnino caveant Parochi, ne aliquem Sacerdotem in cura animarum sustinenda, gerendave sibi adjungant, qui

qui se a Nobis approbatum esse, in scriptis non docuerit.

CAPUT XII.

Si quas inimicitias, rixasve aliquas inter subditos suos, præsertim conjuges, intercedere Parochus cognoverit; omni ratione ac studio, ne diuturniores fiant, componere, ac sedare studeat.

CAPUT XIII.

Pastores oblationes suas nullo modo alteri elocent; & quotannis ante messem e suggestu populo publicent tenorem Decreti Concilii Tridentini de solvendis Decimis, quod habetur *Cap. 12. Sess. 25. de Reform.*

TITULUS XVII.

De vita & honestate Clericorum.

CAPUT I.

Illud unusquisque Clericus sæpe repetat, se non ad inertiam & ignaviam, sed ad spiritualis & Ecclesiasticæ militiæ labores vocatum esse. Sciat propterea id in officio suo positum esse, ut cum vel in officiis Divinis ob-eundis, vel in frequentandis Ecclesiis, quod debet, tempus consumpserit, si quid sibi reliquum est, id omne non in rerum sæcularium colloquiis, profanisque actionibus, sed in Divinarum literarum studiis, & in cœlestium rerum contemplationibus, & sanctis, piisque officiis traducat.

CAPUT II.

Quilibet Clerici beneficiati, quamdiu nullo Ordine sacro insigniti fuerint, saltem in quatuor majoribus Festivitatibus anni Sacram Eucharistiam reverenter sumant; salva consuetudine earum Ecclesiarum, ubi frequentior Communio esse solet. (i) Sciantque Diaconi & Subdiaconi maxime decere, ut singulis diebus Dominicis & solemnibus altari ministrantes Sacram Communionem percipiant.

CAPUT III.

Sacerdotes vero, ne tanti, tamque pretiosi talenti sibi frustra crediti severissimo Judici magno suo malo ratio-

nem sint reddituri, nullos dies Dominicos, Festave solemnias; (k) nisi legitima gravique causa impediti, abire sinant, quibus Sacrosanctum Missæ Sacrificium Deo pro suis, ac totius populi peccatis non offerant.

CAPUT IV.

Quidquid in Sacra Tridentina Synodo, & ultimo Concilio Provinciali, de habitu Clericorum statutum est; etiam a Clericis, qui in Universitatibus agunt, servari merito debet. Atque ideo omnes & singulos eorum, ut exacte id præstent, serio monemus, & mandamus.

CAPUT V.

Clericus coram Judice laico testimonium dicturus, vel quodcumque juramentum præstaturus (l) (quod etiam sine nostra, vel alterius Ecclesiastici legitimi Superioris licentia ei non licet) in manibus personæ Ecclesiasticæ juramentum præstet.

CAPUT VI.

Ut in hac hominum malignitate omnis Cleri fugillandi occasio adimatur, & scandalis tempestive occurratur; non tantum incontinentiam, sed omnem quoque ejus speciem unusquisque caveat. Ideoque si quis ancillam habeat, vel cum alia muliere sic conversetur, ut obloquium inde vel scandalum oriatur; ad monitionem nostram, vel etiam Capituli, sub quo quisque degit, hanc ancillam abdicare, seu ab hujus mulieris familiaritate se subtrahere mox teneatur: quod nisi fecerit, primum una libra grossorum mulctetur, ad opus Seminarii Archi-Episcopalis; & pertinacius perseverans, arbitrariam, eamque gravem pœnam subeat.

CAPUT VII.

Ex cellis vinariis ad Capitulorum, aut Cleri administrationem spectantibus lucra non quærantur. Et si quando ex vinorum venditione, omni expensa deducta, emolumenti aliquid crescere contigerit, in pios tantum usus id convertatur.

CAPUT

(i) Conc. Trid. Sess. 23. cap. 13. de Reform.

(k) Conc. Trid. Sess. 23. c. 14. de Reform.

(l) Cap. Quamquam & ibi Glossa penult. 14. quæst. 2.

CAPUT VIII.

Clericus Sacris initiatus, (*m*) aut Beneficium Ecclesiasticum obtinens, coram Iudice sæculari Advocati, vel Procuratoris officio non fungatur; causasque agat, nisi suas, vel Ecclesiæ suæ; vel, si necessitas imminet, propinquorum, aut miserabilium personarum.

CAPUT IX.

Artem quoque medendi (*n*) non exerceat, neque munus tabellionatus, nisi in casibus a jure permissis. Neque intersit executioni sententiæ capitalis, nisi officii spiritualis causa.

CAPUT X.

Ab omni etiam venatione, (*o*) quæ cum armis, aut non sine strepitu fit, Clericus abstineat; nec canes ad venandum, accipitres, aut falcones alat.

CAPUT XI.

Ut altari servientes (*p*) de altari vivere debent: ita quoque omnibus & singulis Beneficia Ecclesiastica tam sæcularia, quam Regularia obtinentibus sæpe recogitandum est, quod, quæcumque ultra honestam sustentationem ipsis superfluit, non ad ditandos amicos, vel alios profanos usus, expendi possint; (*q*) sed pauperibus distribui, aut in alias pias causas erogari debeant.

CAPUT XII.

Sacerdotes, (*r*) Diaconi, & Subdiaconi, (qui nuptiarum evitare convivium antiquo Canonum jure tenebantur) dum iis, aliisque convivis intersunt, ita se gerant, ut sui Ordinis sint memores, & exemplo ædificent; enixeque dent operam, præsertim Pastores, & qui auctoritate aliqua pollent, ne sessio sit nimis longa, vel in potu excedatur, aut inhonesti aliquid fiat, aut dicatur.

CAPUT XIII.

In Primitiarum celebritate, a saltationibus, & omni alia insolentia abstineatur, sub pœna arbitraria.

CAPUT XIV.

Cum pluralitas missuum non modo longiorem faciat sessionem, unde temporis, quo nihil pretiosius est, magna provenit jactura, verum etiam multum pecuniarum vane absumat, non absque injuria vel detrimento pauperum, luxusque ac gulæ magnum sit irritamentum, & multorum sæpe causa excessuum; hortamur & rogamus omnes in Domino, præsertim Clericos, & quoscumque Viros Ordinis Ecclesiastici, qui cæteris & temperantiæ & modestiæ exemplo præluce merito debent, ut amicitia, honestatis, vel alia quacumque ex causa quodcumque convivium instituturi, unicum tantum missum exhibeant præter bellaria.

TITULUS XVIII.

De Beneficiis & Officiis Ecclesiasticis, ac Beneficiatorum residentia.

CAPUT I.

ID merito spectare debet, quicumque beneficia collaturus est, ut ea, cum sint patrimonium Christi, non carni, aut sanguini, vel amicorum precibus dentur, ullave alia, quam Ecclesiæ utilitatis habita ratione conferantur. Justum quippe ac rationi consentaneum est, ut non personæ de beneficiis, sed ut beneficiis de idoneis Ministris provideatur.

CAPUT II.

Parochi jure Divino ad residendum obligantur; & non ulla consuetudine, non paucitate ovium, non defectu domus propriæ eos a residentia excusari declaramus: mandantes omnibus & singulis necdum residentibus, ut sine mora ad residentiam se conferant sub pœnis Concilii Tridentini, (*s*) & aliorum Sacrorum Canonum.

CAPUT III.

Cum distributiones quotidianæ cuiuslibet Capellanæ arguant residentiam

(*m*) Cap. 1. & 3. De postulando.

(*o*) Cap. 1. & 2. de Clerico venatore.

(*q*) Conc. Trid. Sess. 25. c. 1. de Reform.

(*s*) Sacra Congregatio Conc. Trid. super cap. 1. Sess. 23. de Reform.

(*n*) Cap. Sicut. Ne Clerici vel Monachi.

(*p*) Cap. Cum secundum. de Præbendis.

(*r*) Can. Presbyteri. distinct. 34.

tiam in Choro, ejusmodi Capellania incompatibilis cum beneficiis, residentiam requirentibus, haberi merito debet, ut etiam a Sacra Congregatione (z) declaratum est.

CAPUT IV.

Meminerint, qui in Ecclesia nostra Metropolitana Præbendas affectas obtinent, se ad residendum per decem menses quotannis ex Bulla erectionis Archi-Episcopatus teneri. Sciantque cæteri in eadem Ecclesia, aut Ecclesiis Collegiatis Dignitates, Canonicatus, Præbendas, aut portiones obtinentes, sibi non licere vigore cujuslibet statuti aut consuetudinis, ultra tres menses ab iisdem Ecclesiis quolibet anno abesse. (u)

CAPUT V.

Quicumque eorum uni saltem trium majorum Officiorum, scilicet Matutinis cum Laudibus, summo Sacro, aut Vesperis, & minoribus Horis eidem Officio adjunctis, ante *Gloria Patri* primi Psalmi, usque ad finem non interfuerint; illis diebus, quibus id evenerit, non resedisse censendi sunt, etsi a loco beneficii non abfuerint: salva etiam obligatione strictioris residentiae, ubicumque ea est.

CAPUT VI.

Ubicumque ob uniones Capellaniarum, quas vocant animarum, cum Ecclesiis Parochialibus olim factas, diebus Dominicis ac Festivis populus Sacro matutinali destituatur; si unionibus istis dissolutis, Sacrum matutinale populo restitui possit, interesse habentes id Nobis debite exponant, ut, causa cognita, uniones illas rescindere, & alia ratione Pastoribus de competentia providere possimus.

TITULUS XIX.

De Scholis.

CAPUT I.

UT Scholæ Dominicales faciliorem progressum habeant, optamus, ut Sodalitates Doctrinæ Christianæ in omnibus urbibus & pagis celebriori-

bus erigantur, nostramque auctoritatem & operam ad id offerimus.

CAPUT II.

Archi-Presbyteri Scholæ, quæ Scholasticis Capitulorum subjunctæ non sunt, bis quotannis visitent: semel scilicet dum Ecclesiarum Parochialium visitationem instituunt; altero vero semestri, si per se commode non possint, per Pastorem aliquem sui Decanatus, vel quemcumque alium, quem idoneum judicaverint, id præstent.

CAPUT III.

Probanda summopere est eorum pietas & industria, qui per erectiones Sodalitatum Beatæ MARIE Virginis, aliisque suavibus mediis, discipulos suos ad sæpe confitendum, communicandumque inducunt; nec non eorum, qui cum Scholæ linguæ vernaculæ tantum, & quidem ruri aperiant, eam tamen discipulorum curam gerunt, ut sub festum Paschatis & Nativitatis Domini vel ipsimet eos ad confessionem ducant, vel de facta tunc confessione a singulis testimonium Confessarii exigant. Utque omnes ubique ita faciant, simulque advigilent, ut quicumque discipulorum annos discretionis habent, saltem in Paschate communicent, hortamur, & rogamus in Domino.

TITULUS XX.

De Seminario.

CAPUT I.

CUM quilibet Episcopus per Sacrum Concilium Tridentinum (x) duos Canonicos eligere jubeatur, quorum consilio in constituendis regulis, electione puerorum singulorum introducendorum, discipulorum expulsionem, Magistris constituendis, visitatione, ac similibus, semper utatur; ad Decreto illi satisfaciendum elegimus, & elegisse Nos declaramus *D. Henricum Franciscum van der Burch*, J. U. Licentiatum, Decanum Ecclesiæ nostræ Metropolitanæ, & Vicarium nostrum Generalem; & *D. ac M. Petrum van den Wiele*, S. Theologiæ Licen-

(z) Super Cap. 17. Sess. 24. de Reform.

(x) Sess. 23. cap. 18. de Reform.

Tomus IX. Concilior. German.

(u) Conc. Trid. Sess. 24. cap. 12. de Reform.

Licentiatum, dictæ Ecclesiæ nostræ Archi-Diaconum.

CAPUT II.

Similiter cum ex quatuor illis, quorum consilio in tota temporali administratione, beneficiorum unionibus, cæterisque hujusmodi utamur, duo a Nobis sint eligendi, unus scilicet a Capitulo, & alter a reliquo Clero civitatis; idipsum præstantes eligimus *D. Jacobum Boonen*, J. U. Licentiatum, Canonicum Ecclesiæ nostræ Metropolitanæ, & Officiale nostrum, & *D. Petrum Jaecx*, S. T. Licentiatum, Plebanum dictæ Ecclesiæ nostræ: declarantes insuper, quoad duos reliquos, a Capitulo electum esse *D. Petrum Clerici*, Ecclesiæ Metropolitanæ Mechliniensis Canonicum; a Clero vero Civitatis *D. Jacobum Wachelaer*, S. Theol. Licent. Pastorem S. Catharinæ civitatis Mechliniensis.

CAPUT III.

In Seminarium, sumptu illius, assumendi sint omnes octodecim annorum.

CAPUT IV.

Singuli in sua ad Seminarium assumptione declarabunt, se habere animum ad statum Ecclesiasticum; & insuper promittent, se, cum idonei inventur, id muneris in Ecclesia Dei subituros, quod Nos ipsi injungemus, aut refuturos expensas, quibus Seminarium affecerint.

CAPUT V.

Promittent etiam, si ad pinguorem fortunam devenerint, se in memoriam accepti beneficii Seminarium de bonis suis temporalibus adjuturos.

CAPUT VI.

Simul atque per ætatem, scientiam, & alias idonei fuerint, ut fiant Subdiaconi, Diaconi, & Sacerdotes, ad eosdem Ordines suscipiendos se component, & jussi suscipient, & in susceptis diligenter ministrabunt.

CAPUT VII.

Ex omnibus & singulis bonis Ecclesiasticis, quæ secundum Sacrum Concil. Trid. ad contributionem pro Seminario tenentur, circiter sexagesimum nummum annuatim contribuendum

consuemus, & contribui mandamus; donec alia ratione ita Seminario provifum esse constiterit, ut prædictam portionem in totum, vel ex parte remittendam esse judicaverimus.

TITULUS XXI.

De elocatione & conservatione bonorum Ecclesiasticorum.

CAPUT I.

Decimæ ad Capitula, Monasteria, aliaque pia loca, vel beneficia spectantes, ultra triennium non elocentur: præta quoque, quando separatim elocabuntur, non ultra sexennium, & terræ arabiles, ac domus non ultra novem annos. Nec contractus ejusmodi elocationum renoventur; nisi finito biennio prioris contractus quoad decimas, quadriennio quoad præta, & sexennio quoad domus & terras arabiles: nec quis umquam prædictos terminos excedat, nisi observatis solemnitatibus, quæ ad alienationem rei Ecclesiasticæ de jure requiruntur, sub pœna nullitatis ipsorum contractuum, juxta Edictum Serenissimorum Principum pro faciliiori executione Synodi Provincialis anno elapso editum articulo vigesimo, & alias arbitraria.

CAPUT II.

Bona Pastorum, & Ecclesiæ Parochialium, nec non Capellaniarum & Sacellorum, aliorumque piorum locorum, non nisi post tres proclamationes debite factas publice & plus offerenti elocentur, vel saltem non minoris, quam bona vicina ejusdem naturæ & qualitatis elocari consueverunt; & utrovis casu idonea cautio accipiat.

CAPUT III.

Elocationes bonorum Beneficialium a Beneficiatis initas non diutius durare declaramus, quam pro illo anno, in quo moritur, vel beneficium dimittit ipse Beneficiatus contrahens; nisi a Nobis, vel Capitulo, sub cujus jurisdictione ipsa beneficia existunt, confirmatæ fuerint.

CAPUT IV.

Sicut novissima Synodo Provinciali mandatur, ut registra bonorum quorum

rumcumque Collegiorum Ecclesiasticorum, beneficiorum, fabricarum, mensarum Sancti Spiritus, aliarumque piarum foundationum, a quindecim annis legitime non renovata, intra annum proximum ubique renoventur; cum debita designatione limitum & terminorum: ita quoque ubi nulla bonorum registra sunt, aut imperfecta, recta administrandi ratio requirit, ut quam citissime ea fiant, aut perficiantur; idque non modo cum expressione quantitatis quoad terras arabiles, prata, silvas, hortos, vivaria, cæteraque hujusmodi, & hypothecarum, earumque possessorum quoad census & redditus, verum etiam cum debita designatione limitum & conterminorum.

CAPUT V.

Non raro contingit, bonâ beneficiorum, quæ annuis censibus & redditibus, aliisque oneribus gravata sunt, culpa ipsorum Beneficiatorum evinci. Ad id impediendum mandamus, ut omnes & singuli eo tempore, quo specificationem bonorum ad beneficia sua spectantium Archi-Presbytero tradere debent, simul etiam tradant specificationem censuum, reddituum, & aliorum quorumcumque onerum, quibus bona illa subiecta sunt; & insuper eadem illa onera omnia persoluta esse, tempore visitationis alternis saltem annis per apochas, vel alias sufficienter doceant, sub pœna arbitraria.

CAPUT VI.

Census ac redditus quorumcumque granorum, & leguminum, nec non vini, olei, halecum, ceræ, & similes Collegiis Ecclesiasticis, beneficiis, fabricis Ecclesiarum, mensis pauperum, ac quibuscumque piis locis debiti, in specie quotannis persolvantur; saltem non in certa semper & eadem quantitate pecuniæ solvi permittantur, nisi ob legitimam præscriptionem aliter fieri debeat.

CAPUT VII.

In omnibus bonorum Ecclesiasticorum alienationibus, quæ a Sede Apostolica committuntur, videant illi,

de quorum fide & integritate Sedes illa confidit, ut Ecclesiæ utilitate perspecta, omnia, quæ in Pontificiis literis præscripta sunt, mature investigentur, certis testimoniis comprobentur, riteque perficiantur, nulla habita ratione personarum, aut partium: quæ cum in hujusmodi negotiis concordēs sunt, tunc maxime accurate Commissarius advigilare debet pro Ecclesiæ commodo; cuius bona, Rector ipso, seorsum accepta pecunia, consentiente, sæpenumero sub Apostolicæ auctoritatis clypeo divendita, & dilapidata sunt.

CAPUT VIII.

Ut bonorum Ecclesiasticorum, quæ vel in emphyteusum tradita, vel ad longum tempus alio quovis titulo data sunt, memoria, quoad fieri poterit, conservetur; quilibet Ecclesiasticus, cui aliquid in singulos annos eo quolibet nomine solvitur, dum in Manuali suo annuam solutionem annotat, simul causam addat, numerum annorum exprimat: *E. G. Tali die, mense & anno recepti Canonem 8. Flor. qui cessit in initio Julii 1608. & est hic annus, decimus talis emphyteusos.*

CAPUT IX.

Bona piarum foundationum ad certos usus relicta, aliis etiam piis usibus per Administratores eorum, vel Superintendentes, propria eorum auctoritate non applicentur: sed, si quæ foundationes ob earum tenuitatem juxta voluntatem fundatorum adimpleri nequeant, ideoque reductione opus sit, vel bona illarum ad alios meliores, aut magis necessarios usus converti expediat, ad Nos, aut Sanctam Sedem Apostolicam juxta Sacros Canones (y) recurratur.

CAPUT X.

Quicumque piorum locorum administrationem, procurationemve suscipiunt, geruntque, illud in primis sæpe cogitare debent, se pauperum, pupillorum, viduarum, senum, egestate, aut ægritudine laborantium, peregrinorum, & aliorum id generis hominum aliena ope indigentium; prout propria uniuscujusque loci instituta ratio

(y) Clement. *Quia contingit.* De religiosis domibus.

Tomus IX. Concilior. German.

tio est, curam sustinere: & illam quidem tanti esse, ut quidquid in illos vel misericordiæ, vel beneficii, vel operæ, vel opis, vel officii confertur, quidquid rursus damni, detrimenti, injuriæve inferitur, id omne Christus Dominus sæpe in Evangelio demonstrat in se collatum esse; ac propterea se in die iudicii, prout bene illis factum, aut neglectum, omissumve in eorum necessitatibus sublevandis erit, retributurum.

CAPUT XI.

Eleemosynæ mensarum pauperum, sine humano affectu, & acceptione personarum, iis tantum distribuuntur; qui vere pauperes sunt; neque tamen inopiæ & egestatis tantum, sed morum etiam, ac vitæ probitatis ratio habeatur.

CAPUT XII.

Gazophylacia sive trunci, (z) ut vocant, oblationum, tribus distinctis feris firmentur; & clavis una sit penes Pastorem.

TITULUS XXII.

De Regularibus & Monialibus.

CAPUT I.

QUæ in hac, & in Provinciali Synodo, de Sacramentis, doctrina & prædicatione Verbi Dei, ac Officio Divino, bonorumque Ecclesiasticorum conservatione, & alias constituta sunt; ea omnia, quatenus Regulares tangunt, ab iis diligenter servantur.

CAPUT II.

In vestitione Religiosorum, aut Monialium, non fiant sumptus; in Professione vero & Primitiis frugales tantum & moderati.

CAPUT III.

Sciat quilibet Religiosus, (a) etiam si beneficium curatum, vel aliud quodlibet obtineat, vel etiam Abbatiali dignitate emineat, non tamen licere sibi testamentum condere, ne quidem de bonis, quæ industria sua acquisivit, sine speciali permissione Sux Sanctitatis.

CAPUT IV.

Religiosus promotus ad beneficium curatum Monasterio non subiectum, invitus, & Nobis non consentientibus per Prælatum suum Regularem beneficio illo privari, domumque revocari non possit: nisi Prælatus contrarium tentans legitimo privilegio fulciatur.

CAPUT V.

Imprudenter agunt, qui voto se obstringunt, & per professionem se obligant ad ea servanda, quæ non satis norunt. Cumque imprudentius inchoata, minus quoque felicem successum habere soleant; merito in omnibus & singulis Monasteriis utriusvis sexus, regula & statuta Novitiis ante professionem sæpe legi, & explicari debent: atque ita fieri mandamus.

CAPUT VI.

Regularium Superiores, quibus alicujus Sanctimonialium Monasterii cura imposita est, omni cura & studio provideant, ut Monialibus ii potissimum Confessarii assignentur, qui non modo in casibus conscientiarum probe versati, sed etiam ætate provecti, summaque morum integritate sint probati. Nec minorem cautionem adhibeant circa vitam & mores sociorum ipsis Confessariis adjungendorum.

CAPUT VII.

Nemo, cujuscumque status, vel conditionis fuerit, Religiosos fugitivos, & extra Superiorum suorum obedientiam vagantes recipere, fovere, aut ad Sacramenta, vel Ecclesiastica ministeria admittere audeat, sub pena excommunicationis.

CAPUT VIII.

Univerſæ Moniales, si fieri possit, uno loco dormiant, a Præfecta, aut Vicaria optime concluso, cujus claves ab ipsa Præfecta asserventur; singulæ quoque in singulis lectis, & in singulis etiam cellis, Et dato signo eundem cubitum, locoque, ubi dormitur, clauso, Præfecta, aut ejus Vicaria, aut aliqua ex Discretis omnes cellas visitet, ut

(z) Edicto Caroli V. de anno 1531. art. 16.

quæst. 3. c. Quia ingredientibus. De testament. juncto c. fin. De Simonia.

(a) Cap. Quia ingredientibus 19.

ut an omnes in suis dormiant locis, animadvertat.

CAPUT IX.

Monialium Confessarii quicumque sint, itemque Capellani, ne munus aliquod, vel minimum, etiam esculentum, aut poculentum, neque corporalia, purificatoria, aliave, quæ sacro altaris usui sint, a Monialibus, quæ Præfectæ non sint, recipiant.

CAPUT X.

Diebus Dominicis & Festivis, ut otium, a quo mala omnia oriuntur, evitetur; Moniales tempus, quod sibi a Divinis Officiis, & consuetis orationibus superfuerit, in sacra aliqua lectione consumant, quæ ad Dei, & sui ipsarum cognitionem eas ducat, viamque monitret perfectionis & æternæ vitæ.

CAPUT XI.

Quibus etiam diebus Sacra Eucharistia sumitur, cum nemine externo colloquantur, nisi necessitas ita postulet.

CAPUT XII.

Cum Sacra Congregatio (b) declaraverit, Episcopo non licere licentiam dare matri, fororibus, & consanguineis Monasterium ingrediendi causa visitandi filiam, sorores, vel cognatas, gravi aliqua infirmitate detentas, etiam si essent in mortis periculo, & multo minus, quando filia, aut aliæ professionem emitterent, vel habitum susceperent Religionis; nemo deinceps ob huiusmodi, vel alias minus rationabiles causas Monasterium Monialium ingrediendi a Nobis licentiam petat, vel ægre ferat, si repulsam patiat.

CAPUT XIII.

Visitatores quoque, (c) Confessarii, & alii quicumque, Superiores Monialium septa clausuræ non ingrediantur, nisi visitationis, Sacramenta ægrotis ministrandi, moribundas consolandi, spiritualibusque officiis adiuvandi, aut alia necessaria causa, sub pœnis contra ingredientes a jure decretis. Illos ingredientes, & egredientes, & similiter quoscumque alios

ex necessitate claustrum ingredientibus, & intra septa illius commorantes, duæ Moniales ex senioribus semper contentur.

TITULUS XXIII.

De Judicibus delegatis, & Examinatoribus.

CAPUT I.

Cum ex designatis per Concilium Provinciale ad delegationem causarum in partibus, mortuus sit R. Pater D. Libertus Schaloun, Abbas Vlierbaccensis, in ejus locum hæc Synodus nominat, & designat R. Patrem D. Godfridum Lemmens, Prælatum dictæ Abbatæ.

CAPUT II.

Similiter ad satisfaciendum Decreto Concilii Tridentini (d) de constituendis Examinatoribus, Synodo huic propofiti, & ab ea probati sunt, qui sequuntur:

- D. Henricus Franciscus van der Burch, J. U. Licentiat, Decanus Ecclesiæ Metropolitanæ Mechliniensis, & Vicarius Generalis Archi-Episcopatus ejusdem.
 D. ac M. Petrus van den Wiele, S. Theol. Licentiat, ejusdem Ecclesiæ Metropolitanæ Archi-Diaconus.
 D. & M. Joannes van den Eynde, S. Th. Licentiat, supradictæ Ecclesiæ Penitentiaris.
 D. & M. Dismas Briamont, S. Th. Licentiat, & Canonicus dictæ Ecclesiæ.
 D. Jacobus Boonen, J. U. Licent. Canonicus & Officialis Mechliniensis.
 D. & M. Petrus Jaecx, S. Th. Licentiat, & Plebanus dictæ Ecclesiæ Metropolitanæ.
 D. ac M. Jacobus Wachelaer, Sacræ Theologie Licentiat, & Pastor Ecclesiæ S. Catharinæ Civitatis Mechliniensis.

CAPUT III.

Meminerint hi juramenti, (e) quo se obstrinxerunt, videantque, ut omni humana affectione deposita munus a se susceptum recte curent, atque administrent; & nihil prorsus occasione examinis ante vel post accipiant, sub pœnis Concilii Tridentini.

(b) Super Cap. 5. Sess. 25. de Regular. & Monialibus.
 incip. *Dubii, quæ emergunt.*

(d) Sess. 24. c. 18. de Refor.

(e) Constitut. Gregor. XIII.
 (e) D. cap. 18.

CAPUT IV.

In omnibus & singulis examinibus interrogationibus spectetur non solum uniuscujusque eorum, qui examinantur, scientia, sed etiam usus, iudicium, ingenii vis, ac solertia.

CAPUT V.

Cautio diligens sit, (f) ne alterius nomine quis examen subeat; & ut præferatur minus doctus, modo idoneus, quando ejus mores sunt noti & approbati, doctiori, cujus vita ignoratur.

CAPUT VI.

Ne quemquam, de quo examen, periculumque fiet, Examinator Collegis, aut Collegæ suo ulla ratione commendet.

(f) Sacra Congreg. Conc. Trid. super d. cap. 18.

(g) Super cap. 2. Sess. 24. de Reformatione.

TITULUS XXIV.

De Synodo Provinciali, & Diocesana.

SCiant Capitula exempta, exemptionemve prætendentia, se non tantum ad Statutorum Synodi Diocesanae, verum etiam ad Decretorum Synodi Provincialis, prout a Sacra Congregatione (g) declaratum est, observationem teneri.

Decreta, & legitime publicata sunt hæc Statuta Synodalia, præsentem præcipuo totius Diocesis Clero. Mechliniæ, die VI. Maji, anno Domini MDC. IX.

Mechliniæ typis Laurentii Van der Elst.



SYNODUS AUGUSTANA

Anno Christi MDCX. Pauli V. PP. VI.

Rudolphi II. Imp. XXXIV.

Sub HENRICO V. (*) Augustano LXII. Episcopo.

EPISTOLA,

DECRETIS SYNODALIBUS PRÆMISSA.

HENRICUS, DEI GRATIA EPISCOPUS AUGUSTANUS, UNIVERSIS

& singulis Abbatibus, Præpositis, Decanis & Capitulis, Prioribus & Conventibus, atque Rectoribus Ecclesiarum, cæterisque Civitatis & Diocesis nostræ Augustanæ Clericis & Personis Ecclesiasticis tam Regularibus, quam Sæcularibus, gratiam & pacem in Christo JESU precatur.

Cum duo præcipua sint Reipublicæ firmamenta ad bonam, felicemque cujusque Civitatis, Regni ac Provinciæ tam Civilem, quam Ecclesiasticam administrationem omnino necessaria, Lex & Magistratus, magna providentia curandum est eis, qui summæ rerum præsent, ut sint in Republica non modo bonæ Leges, sed etiam ac multo magis bonarum Legum boni Custodes ac Defensores, itque munus & officii sibi injuncti, identidem commoneant. Nam Legi quidem, quod omnes fatentur, tam necessarius est Magistratus, quam Lex ipsa Civitati, quin imo sapientibus Viris multo etiam optabilius videtur esse, ut vel

iniqua Legi præsit optimus Magistratus, quam ut improbus æquissima. Mandatum, inquit Sapiens Proverb. 6. Lucerna est, & Lex Lux, & Via vitæ.

Cæterum neque Lucerna quicquam proderit, nisi imponatur candelabro, ut luceat omnibus, qui in domo sunt, neque lucis radius corda nostra collustrabit, nisi remotis obstaculis, aditus & fenestra pateat, neque tutum erit vie ignotæ sese committere, nisi peritum, fidumque ducem nanciscamur. Qui sane talis erit, si & ipse orbitam illam, quam nobis commonstrat, ingressus fuerit, si non verbo tantum ac digito, verum pedibus etiam

(*) Vide sub finem Synodi.

Et gressibus iter ad vitam Et beatitudinem indicavit.

Fuit hoc Nobis utrumque semper cordi pro eo, ac debuit, ex quo ad istud onus Episcopale, viribus quantumvis imparibus vocati sumus, ut aspirante Divina Numinis gratia, hanc nostram Provinciam ac Diocesim non tantum valido sacratorum legum præsidio communiavimus, verum etiam ut quæ a Nobis constituta forent, ea fidei ac sedula cum nostra, tum Adjutorum nostrorum opera quantocius in usum Et actionem revocarentur. Ac Leges quidem Et Constitutiones, quas in proxima Synodo communi Prælatorum Ecclesiæ nostræ consensu Et consilio ac ejusdem Ecclesiæ utilitatem, decus Et ornamentum ferendas, Et faciendas judicavimus: eas nunc auctoritate nostra Episcopali confirmatas (salvo tamen Apostolicæ Sedis judicio) in lucem edimus, easdemque sic omnibus commendamus, ut earum exemplaria quilibet Prælatorum Et Parochorum Et habeat ipse, Et in sua Ecclesiâ relinquat Successori.

Præterea volumus Et jubemus, ut nostri Sacerdotes, Et in majoribus Ordinibus constituti, sive sint Sæculares, sive Regulares illi Clerici, hæc Decreta sibi comparent, itemque ut in omnibus Collegiis, Parochiis, Monasteriis Et Religiosis domibus, hic liber velut auctoritatis asservetur, quem nostri Visitatores, cum hujus Diocesis inspiciunt Ecclesias, semper exhibendum sibi curabunt, in illos etiam animadvertendi, qui hoc ipso Decretorum codice destituti reperiantur.

Alterum restat, Fratres, Et Filii in Domino dilectissimi, ut vos ad earundem Sanctionum ac Decretorum nostrorum sedulam observationem, officique vestri rationem cobortemur, idque, non alia magis apposite, quam longe gravissima illa Pauli oratione, quam in causa consimili ad Patres Concilii Miletani ad se convocatos in hunc modum habuit: Attendite vobis & universo gregi, in quo vos Spiritus Sanctus posuit Episcopos regere Ecclesiam DEI, quam acquisivit sanguine suo, Actor. 20. Pastores sumus, vigilandum est nobis primum. Parum est Et omnibus ipsis adeo subditis, ac ovibus dictum, quod vobis dico, inquit, omnibus dico, vigilate. Vigilandum ergo nobis, invigilandum etiam gregi, neque id satis. Quid enim si quis sanis tantum ovibus, Et valentibus, ac bene habitis oculum adjiciat, infirmas, debiles, ægras, macie ac scabie confectas

negligat, Et aspernetur? Attendite vobis, inquit, attendite gregi, numquid amplius? Attendite gregi universo.

Hæc vero perfecta jam est, ac numeris omnibus absoluta circumspectio Et vigilantia, si Nobis, si subditis, si promeritis Et inmeritis, si sapientibus Et insipientibus, si gravis Et barbaris juxta formam Apostolicam, quam debemus, ac possumus, sedulam ac benignam cbaritatem impendamus. In quo certe non tantum Apostoli nos Imitatores esse oportet, sed etiam supremi ovium ac Pastorum omnium Pastoris Christi Salvatoris nostri, qui ut errantem oviculam, naturam nostram humanam, liberali causa, manu assereret, ac Satana faucibus ereptam, humerisque suis reportatam, in pristinam dignitatem restitueret, primum nonaginta novem alias, hoc est, innumeras Angelorum myriadas in beatis illis montibus, deseruit, ac tantisper veluti neglectas insuper habuit; deinde in hac sua peregrinatione post continentes dierum ac noctium Vigiliis, post longam famem, sitim, fatigationem, æstus, sudores, algores, opprobria, contumelias, flagella, mortem tandem ipsam eamque acerbissimam oppetere dignatus est, ille DEUS Majestatis, cujus in conspectu contemiscunt, qui portant orbem Seraphimi Et Cherubini, omnesque totius orbis potestates.

Hæc, qui perpendat, serioque secum ipse reputet, fieri potest, ut laborem ullum animarum causa susceptum, gravem ac molestum arbitretur? Fieri potest, ut non ad gloriosissimam pulcherrimi facti emulationem accendatur? Ut non desideret, quidvis Et facere, Et perpeti in procuranda animarum salute, opere omnium, quæ ab homine Divina gratia adjuto proficisci possunt, longe præclarissimo ac Divinissimo. Quid enim tandem est, quod huic tantæ Bonitati Divinæ rependere possimus, etiamsi nos totos impendamus? Quanti æstimare salutem animarum debemus, pro quibus optimum dedisse videmus, ac vitam profudisse Redemptorem, qua nihil erat in tota rerum universitate præstabilius: Quid porro Summo Judici respondebimus, si remissi ac socordes in re tanta reperti fuerimus?

Adbibeamus ergo manum operi indefectam, Et quod universi in Domino legitime congregati optimum factu censuerunt, id singuli studeant executioni quanta maxima poterunt constantia ac diligentia commendare. Non sunt fortia consilia, nisi fortia facta consequamur.

sequantur, timida sunt ac inertia, quæ vel privatis parietibus continentur, vel membranis, aut librorum involucribus conteſta cobibentur. Ex umbra in lucem prodeant, neceſſum eſt, ſi quidem e re & uſu publico futura ſint. De nique non tam multitudine legum ad Reipublicæ cujuſvis quietem ac proſperitatem opus eſt, quam ſeria, diligentique paucarum ac utilium obſervantia.

Poſtremo ſic ſtatuite apud animum veſtrum, Dilectiſſimi in Chriſto, nihil vos præſtare poſſe vel ad Divinæ Majeſtatis laudem &

gloriam magniſcentius, vel ad Eccleſiarum vobis commiſſarum utilitatem fruſtuoſius, vel ad honorem ac dignitatem veſtram præclarius, quam ut Synodicas hæc Conſtitutiones quam ſtrenuiſſime impleatis, & quoad ejus fieri poterit, exactiſſime obſervetis.

Clementiſſimus Dominus noſter Chriſtus JESUS pios ac ſalutares Paſtorum, ac Rectorum Eccleſiæ ſuæ Catholicæ conatus Divini ſui favoris aura proſequi ac promovere dignetur. Dilingæ ex Arce noſtra XV. Calend. Februarii, anno poſt Chriſtum natum MDCXI.

INDEX CAPITUM,

Quæ quatuor his Synodaliſſimis Decretorum partibus continentur.

CAPITA PRIMÆ PARTIS.

I.

De unius Fidei, Veritatiſque Catholicæ profeſſione.

II. Forma Profeſſionis Fidei Catholicæ.

III. Profeſſio Fidei a quibus faciendâ ſit.

IV. De Libris prohibitis.

V. De aliis tuendæ Religionis adjumentis.

VI. De Superſtitionibus, magia, divinationibusque vetitis.

VII. De Catechiſmo ſeu inſtitutione juventutis Chriſtianæ.

VIII. De Prædicatoribus verbi Dei, & eorum officio.

IX. De Feſtis diebus rite celebrandis.

X. De obſervatione Jejuniorum.

XI. De Sanctorum cultu, invocatione & Reliquiis.

CAPITA SECUNDÆ PARTIS.

I. De Cultu Divino.

II. De Sacramentis Eccleſiæ in genere.

III. De Baptiſmi Sacramento.

IV. De Sacramento Conſirmationis.

V. De SS. Sacramento Eucharistiæ.

VI. De celebratione Miſſarum.

VII. De Sacramento Penitentia.

VIII. De Sacramento Extremæ Unctionis.

IX. De Sacramento Ordinis.

X. De Matrimonii Sacramento, & primo de Sponſalibus.

CAPITA TERTIÆ PARTIS.

I. De vita & honeſtate Clericorum.

II. De fugiendo concubinato, & vitanda omni ſuſpecta cum mulieribus cobitatione.

III. De filiis Clericorum.

IV. De reſidentia Clericorum.

V. De pluralitate Beneficiorum.

VI. De Clericis peregrinis.

VII. De Inſtitutionibus.

VIII. De renuntiationibus vel reſignationibus Beneficiorum.

IX. De Cathedralibus & Collegiatis Eccleſiis, ac earum Miniſtris.

X. De officiis Sacerdotum in genere.

XI. De Decanis ruralibus, & Camerariis.

XII. De congregationibus Capitulorum ruralium.

XIII. De Parochis, & Curatis.

XIV. De Vicariis Eccleſiarum incorporatarum, Canonica portione &c.

XV. De Eccleſiarum Parochialium Cooperatoribus.

XVI. De rebus Eccleſiæ non alienandis.

XVII. De locato & conducto.

XVIII. De Teſtamentis.

XIX. De Sepulturis & Exequiis.

XX. De Perſonis Regularibus.

XXI. De Hoſpitalibus pauperum, infirmorum, peregrinorum, & aliis piis locis.

XXII. De Jure Patronatus.

XXIII. De Eccleſiis ædificandis vel reparandis.

XXIV. De Immunitate Eccleſiaſtica.

XXV. De Scholis.

CAPITA QUARTÆ PARTIS.

I. De Conſtitutionibus.

II. De Reſcriptis.

III. De Synodis.

IV. De Foro Eccleſiaſtico.

V. De Vicario, & Officiali.

VI. De Sigilliſero, & Notariis.

VII. De Procuratoribus.

VIII.

VIII. De Commissariis.
IX. De Executionibus Processuum.
X. De Processu judiciario.
XI. De Appellationibus.

XII. De Simonia.
XIII. De Usuris.
XIV. De Penis.
XV. De Sententia Excommunicationis.

DECRETORUM SYNODALIIUM DIOECESIS AUGUSTANÆ PARS PRIMA.

CAPUT I.

De unius Fidei, Veritatisque Catholicæ professione.

UT neminem reperias ex iis, qui Christianorum numero accenseri volunt, cui dubium esse possit, quin vera in DEUM fides omnino sit ad æternam salutem necessaria, dicente Apostolo: Sine fide impossibile est placere Deo. Et: Corde creditur ad justitiam, ore autem confessio fit ad salutem: ita Catholicorum nullus ambigit, quin ea vera, sancta & orthodoxa, Divinaque fidei doctrina sit, quam Sancta, Romana, Apostolica Ecclesia profitetur. Nam huic uni singularem hanc prærogativam promisit ac præstitit is, qui solus promittere, solus præstare potuit, Ecclesiæ Princeps atque Conditor Christus JESUS Dominus noster. Rogavi, inquit Petro, & in Petro Successoribus Petri, ut non deficiat fides tua, & tu aliquando conversus, confirma fratres tuos. Iterumque: Tu es Petrus, & super hanc petram ædificabo Ecclesiam meam, & portæ inferi non prævalebunt adversus eam. Qua pollicitatione, ut nihil magnificentius ac divinius optari potuit: sic nihil clarius ac certius, ad Ecclesiæ Romanæ auctoritatem ac majestatem pronuntiari potuit. Veritas est, qui promisit, ne imposturam timeas: Bonitas est, ne diffidas cuncta adfore jactatis, & periculum adeuntibus. Potentia est, ne qua difficultate movearis, neve vim hostilem ac imperum reformides. Graciam immortalis Deo, quod, ex quo primum Christianæ fidei sinceritas, a Petri Cathedra, & Sanctæ Romanæ Ecclesiæ ministerio, ad hanc nostram Augustanam dimana-

vit, eam tot jam decursis ætatum, sæculorumque centuriis integram, illibatamque inter tot perniciosas & exitiales de Religione dissensiones & sectas, indefesso Majorum nostrorum studio ac labore conservatam videmus, & in posterum Divinæ bonitatis auxilio freti, conatibus nostris, adiutorumque nostrorum accedentibus conservatum iri omnino speramus. Dabimus certe operam, ne qua nostra incuria aut neglectu, quisquam nostrorum subditorum in pietatis aut sanctæ Religionis zelo intepestat; verum ardore ejus magis indies inflammantur universi, simulque rationem inibimus, quoniam pacto, quamplurimos exerrantes, & hæreticæ pestis labe infectos, in Dominici gregis septa reducamus. Nihil sane Divinæ fidei dono, ejusque efficacia, necessitate ac utilitate majus. Quæ quanquam videri potest in se minima, si cum aliis quibusdam conferatur, est tamen virtute summa. Ut enim in modico semine ingens arbor cum radice, trunco, ramis, frondibus, foliis, fructibus includitur: sic in exiguo quasi sinapis hoc fidei grano, universa Christianæ perfectionis summa continetur. Virtutum omnium origo fides est, de qua omnia salutis studia oriuntur & efflorescunt. Præclare D. Augustinus, Nullæ, inquit, majores divitiæ, nulli thesauri, nulli honores, nulla hujus mundi major est substantia, quam fides Catholica, quæ homines peccatores salvat, cæcos illuminat, infirmos curat, catechumenos baptizat, fideles justificat, Martyres coronat, virgines, viduas,

& conjugatos casto pudore conservat, Clericos ordinat, Sacerdotes consecrat, credentes cum Sanctis Angelis in æterna hæreditate cælorum collocat.

Placeat igitur ab his fidei profitendæ auspiciis, veteri Patrum instituto, perpetuoque Ecclesiæ Catholicæ ritu præsentem inchoare Synodum, & apertam fidei professionem in ipso statim limine propositam, tot, tamque variis adversariorum confessionibus seu confusionibus opponere. Quinam autem Jurisdictioni nostræ subditorum, quando, quoque loco professionem hanc edere jubendi sint, Capite tertio decernemus. Ipsa vero Catholicæ fidei formula, in Tridentino Concilio sapientissime concepta, quam ex auctoritatis Apostolicæ præscripto usurpari ab omnibus & singulis præcipimus, sic se habet, ut Cap. proxime insequente præscribitur.

CAPUT II.

Forma Professionis Fidei Catholicæ.

EGO N. firma fide credo & profiteor omnia & singula, quæ continentur in Symbolo Fidei, quo Sancta Romana Ecclesia utitur, videlicet: Credo in unum Deum, Patrem omnipotentem, factorem cæli & terræ, visibilibus omnium & invisibilibus. Et in unum Dominum JESUM Christum, Filium Dei unigenitum, & ex Patre natum ante omnia sæcula: Deum de Deo, lumen de lumine: Deum verum de Deo vero: genitum non factum, consubstantialem Patri, per quem omnia facta sunt: qui propter nos homines, & propter nostram salutem descendit de cælis, & incarnatus est de Spiritu Sancto ex Maria Virgine, & homo factus est. Crucifixus etiam pro nobis sub Pontio Pilato, passus & sepultus est: & resurrexit tertia die secundum Scripturas, & ascendit in cælum, sedet ad dexteram Patris; & iterum venturus est cum gloria judicare vivos & mortuos, cujus regni non erit finis. Et in Spiritum Sanctum Dominum & vivificantem: qui ex Patre Filioque procedit, qui cum Patre & Filio simul adoratur & conglorificatur, qui

locutus est per Prophetas. Et unam Sanctam, Catholicam, & Apostolicam Ecclesiam. Confiteor unum Baptisma in Remissionem peccatorum, & expecto resurrectionem mortuorum, & vitam venturi sæculi, Amen.

Apostolicas & Ecclesiasticas traditiones, reliquasque ejusdem Ecclesiæ observationes & constitutiones, firmissime admittō, & amplector.

Item Sacram Scripturam juxta eum sensum, quem tenuit, & tenet Sancta Mater Ecclesia, cujus est judicare de vero sensu, & interpretatione Sacram Scripturarum, admitto: nec eam unquam, nisi juxta unanimem consensum Patrum, accipiam & interpretabor.

Profiteor quoque septem esse vere & proprie Sacramenta novæ Legis, a JESU Christo Domino nostro instituta, atque ad salutem humani generis, licet non omnia singulis necessaria, scilicet Baptismum, Confirmationem, Eucharistiam, Pœnitentiam, Extremam Unctionem, Ordinem, & Matrimonium, illaque gratiam conferre: & ex his Baptismum, Confirmationem & Ordinem sine sacrilegio reiterari non posse. Receptos quoque & approbatos Ecclesiæ Catholicæ ritus in supradictorum omnium Sacramentorum solemnī administratione recipio & admitto.

Omnia & singula, quæ de peccato originali & de justificatione in Sacrosancta Tridentina Synodo definita & declarata fuerunt, amplector & recipio.

Profiteor pariter in Missa offerri Deo verum, proprium, & propitiatorium Sacrificium pro vivis & defunctis; atque in Sanctissimo Eucharistiæ Sacramento esse vere, realiter, & substantialiter Corpus & Sanguinem una cum anima & Divinitate Domini nostri Jesu Christi, fierique conversionem totius substantiæ vini in Sanguinem, quam conversionem Catholica Ecclesia *TRANS-SUBSTANTIATIONEM* appellat.

Fateor etiam sub altera tantum specie totum atque integrum Christum, verumque Sacramentum sumi.

Constante teneo purgatorium esse, animasque ibi detentas fidelium suffragiis juvari.

Simi-

Similiter & Sanctos una cum Christo regnantes venerandos, atque invocandos esse, eosque orationes Deo pro nobis offerre, atque eorum Reliquias esse venerandas.

Firmissime assero imagines Christi, ac Deiparæ semper Virginis, nec non aliorum Sanctorum, habendas & retinendas esse, atque eis debitum honorem ac venerationem impertiendam.

Indulgentiarum etiam potestatem a Christo in Ecclesia relictam fuisse, illarumque usum Christiano populo maxime salutarem esse, affirmo.

Sanctam, Catholicam, & Apostolicam Romanam Ecclesiam, omnium Ecclesiarum Matrem, & Magistram agnosco: Romanoque Pontifici B. Petri Apostolorum Principis Successori, ac JESU Christi Vicario, veram obedientiam spondeo, ac juro.

Cætera item omnia, a Sacris Canonibus & Oecumenicis Conciliis, ac præcipue a Sacrosancta Tridentina Synodo tradita, definita, & declarata indubitanter recipio atque profiteor: simulque contraria omnia, atque hæreses quasunque ab Ecclesia damnatas, & rejectas, & anathematizatas, ego pariter damno, rejicio, & anathematizo.

Hanc veram Catholicam fidem, extra quam nemo salvus esse potest, quam in præsentī sponte profiteor, & veraciter teneo, eandem integram, & inviolatam usque ad extremum vitæ spiritum constantissime (Deo adjuvante) retinere & confiteri, atque a meis subditis, vel illis, quorum cura ad me in munere meo spectabit, teneri, doceri, & prædicari, quantum in me erit, curaturum, ego idem N. spondeo, foveo ac juro; sic me DEUS adjuvet, & hæc Sancta DEI Evangelia.

C A P U T II.

Professio Fidei a quibus facienda sit.

I.

Quicumque in hæresin lapsi Ecclesiæ Catholicæ reconciliari voluerint, cum hæresis abjuratione, publicam Fidei orthodoxæ professio-

Tomus IX. Concilior. German.

nem facere teneantur, juxta formam a PIO IV. præscriptam, & in Ecclesiæ Romanæ obedientia se permansturos spondeant, ac jurent.

II. In Cathedrali nostrâ, vel alia quavis Diœcesis nostræ Ecclesiæ sæculari ad Dignitates, Personatus, Canonicatus, & Beneficia tam curata, quam non curata admittendi, fidem suam Catholicam simili professione testentur.

III. Idem præstent Monasticorum, & aliorum Regularium Ordinum Prælati & Superiores, antequam suis officiis fungantur, & eorum subditi, cum curæ animarum, audiendis confessionibus, & concionandi muneri præficiantur.

IV. Rector, & Professores Academiæ nostræ Dilinganæ, præter Decretum de Fidei professione quotannis ad Cal. Jan. faciendâ, observabunt, quæ in Concil. Trid. Sess. 25. Cap. 5. & in Constitutione PII V. *In Sacrosancta*, omnium Universitatum Rectoribus præscribuntur.

V. Ad gradus Doctoratus, Magisterii, Baccalaureatus, atque alios honores literarios nullus admittatur, qui prius Fidei Catholicæ professionem non fecerit, & in Romanæ Ecclesiæ obedientia se permansturum, jurejurando promiserit.

VI. Docendi & interpretandi munus sive publice, sive privarim suscipiendi, & quasvis literarias artes, vel earum duntaxat fundamenta, & prima principia tradituri, vel germanice scribere, & legere docturi, cum primum ad aliquam hujusmodi functionem admittentur, orthodoxæ suæ Fidei professionem facere teneantur, eandemque postea iterare, quoties ab iis exigenda videbitur, qui exigendi jus & potestatem habent.

VII. Typographi, ac Bibliopolæ præter Fidei professionem præstabunt juramentum de non imprimendis, invehendis, & compingendis in locis Diœcesis nostræ Catholicis ullis libris prohibitis, quoties id exegerint, quibus jure competit.

VIII. Facienda autem erit dicta Fidei professio ab omnibus ac singulis, interposito solemnī juramento; quam

provisi de Canonicatibus, & dignitatibus in Ecclesia Cathedrali nostra juxta præscriptum Concilii Trident. facient non solum coram Nobis, seu Vicario nostro Generali, sed etiam in Capitulo; provisi vero de Beneficiis curatis, in manibus nostris, vel prædicti nostri Vicarii Generalis; cæteri Clerici coram suis Prælatibus, vel Superioribus, vel aliis, quibus eam exigendi potestas est a jure, vel consuetudine concessa; Laici denique coram suis Parochis, aut Decanis ruralibus, vel aliis, ad quos ejus receptio pertinet.

IX. Qui nostris Decretis parere pertinaciter renuerit, in eum animadvertetur poenis a jure præscriptis; nec officium suum impune negligent, qui, a quibus, & quando debent fidei professionem exigere, prætermiserint.

CAPUT IV.

De Libris prohibitis.

AD fallendos animos, & pravis tum moribus, tum opinionibus imbuendos, vim magnam habet pravorum librorum lectio, a qua ut fideles nostros, pro eo ac res postulat, efficaciter abstrahamus, decernimus, & statuimus, ut sequitur.

I. Qui libri & auctores in Indicibus post Concil. Trid. editis, auctoritate Apostolica damnati vel prohibiti sunt, Nos pariter damnamus ac prohibemus, eorumque lectionem, ac retentionem prohibitam cunctis volumus, quibus facultas peculiaris eos legendi a Summo Pontifice, de qua Nobis sufficientem fidem faciant, concessa non est.

II. Quorum librorum expurgationem faciendam esse declararunt iidem Indices, eos legi, vendi, emique pariter vetamus, donec ab iis, ad quos pertinet, correcti & expurgati fuerint.

III. Volumus quoque damnatæ lectionis & usus haberi libros, scripturas, rythmos, cantiones, & chartas quascunque, quibus continentur artes magicæ, superstitionesve; amatoria, lasciva, scurrilia, & quævis inhonestæ, itemque famosæ, & aliis injurio-

sa, cujusmodi proinde nec vendi, nec emi, nec uspiam per Diœcesin nostram retineri possint.

IV. Pari ratione vendi, emi, haberique prohibemus imagines, ac picturas obscenas & procaces, quæ pias mentes jure offendant, quæque in ludibrium & contumeliam cujuscunque honestæ personæ, præsertim Ecclesiasticorum, & in Religionis Catholicæ contemptum effictæ atque effigiatae sunt.

V. Ne vero quidquam hujusmodi improbarum mercium apud fideles subditos Diœcesis nostræ ullo modo extet, afferretur, vendaturve, vigili cura & studio observabunt Decani, Parochi, & quivis animarum Curatores. Quod si quispiam monitus ejusmodi merces nihilominus pertinaciter retinere pergeret, is ad Nos, vel Vicarium nostrum Generalem deferendus erit, ut ad obedientiam debitæ modis compellatur.

VI. Nihil librorum, cantionum, rythmorum, imaginum, picturarum, chartarumve uspiam in locis Catholicis Diœcesis nostræ typis, aut alias vulgari, effingi, venum exponi, aut emi possit, quod non prius a Nobis, vel Vicario nostro Generali, vel aliis Censoribus nostris (quos pro Dilinga constitumus Rectorem, & Professores Theologos Academiæ nostræ) visum, examinatum, & approbatum fuerit, sub poenis pro ratione delicti infligendis.

CAPUT V.

De aliis tuendæ Religionis adjuventis.

I.

HÆresis, quo nocentius & occultius malum, eo a Christi ovibus, ne inficiantur incauti, majori cura & vigilantia depellendum. In quo proinde tum Ecclesiasticorum omnium, tum eorum maxime, quibus animarum cura incumbit, fidem, diligentiamque potissimum requirimus, hortantes eos in Domino, ut solícite attendant, ne ullus sit ex eorum subditis, pravis in fide opinionibus imbutus, quem, quo par est studio, veritatem non edo-

edoceant, aut in errore pertinaciter manentem, ad Nos, Vicarium nostrum Generalem, vel eum, quem de jure tenentur Magistratum, non deferant.

II. Ad peregrinos artifices, mercatores, & id genus alios, qui ex hæreticis locis adveniunt, & in Diœcesis nostræ oppidis, pagis, locisque Catholicis transeunt, vel aliquamdiu subsistunt, & commorantur, volumus peculiari ratione & studio attendi, ut, si quid adversus Fidem, Religionemque nostram sive palam, sive occulte moliri deprehendantur, pœnis ac remediis debitis coerceri possint.

III. Tutores, Parentes, Mœcenates, Magistratus tam Ecclesiasticos, quam sæculares obsecramus in Domino, ut suæ obligationis memores, filios, pupillos, clientes, subditos, in vera Religione ac pietate conservare, tueri, ac fovere cumprimis studeant, ideoque nec literarum, aut linguæ, nec mercaturæ, aut cujuscunque artis addiscendæ vel exercendæ causâ, vel alio quovis nomine ad hæreticos ablegant, nec sponte abeuntes apud eos morari sinant, nisi & Religionis Catholicæ profitendæ, & juxta illius leges vivendi facultas illis libera sit, & periculum perversionis in fide, depravationisque in moribus procul absit, de quo Nostrum, ac Vicarii nostri Generalis erit cognoscere & judicare.

IV. Et quia nullum magis propinquum perversionis periculum est, quam cum hæreticis Christi fideles connubio junguntur, ideo parentes omnes obtestamur, & quantum possumus, obligamus, ne perverso judicio, affectuque sinistro acti, nimium in temporalem liberorum commoditatem intenti, eos opum, lautæ, amplæque dotis, aut cujuscunque terreni lucri, respectusque causâ, hæreticis Matrimonio jungant, copulente.

V. Hortamur quoque Principes, ac Magistratus tam Ecclesiasticos, quam sæculares, & per viscera misericordiæ Christi Domini obtestamur, ut celeste lucrum terrenis commodis præferentes, omnem suis subditis perniciosam cum hæreticis consuetudinem, ac præfertim connubia sua quoque auctoritate interdiciant, ac prohibeant.

VI. De illis, qui extra patriam ad tempus, quacunque ex causâ morantur, tam Parochi, quam Magistratus frequenter ac sedulo inquirent, num in fide, & pietate Catholica stabiles persistant, curentque, ut quotannis singuli Confessionis, Communionisque Paschalis annuæ Catholico ritu obitæ, fide dignum testimonium vel coram exhibeant, vel transmittant, nec quisquam hoc impune omittere sinatur: & cum quispiam aliquamdiu extra patriam moratus domum redierit, Parochi erit observare, ne qua forte hæretica opinione, aliove errore imbutus sit, ut in viam revocari, ac veritatem edoceri possit, vel si pertinax reperiatur, ad Nos, aut Vicarium nostrum deferatur.

VII. Hospites, tabernarios, caupones, in Domino hortamur, & pro auctoritate nostra obligamus, ne peregrinos quavis de causâ ad eos divertentes, aut de fide disputare, aut in nostræ Religionis ludibrium vel damnum quidquam agere, vel dicere sinant, neve libros de hæresi, vel alios suspectos aliis vendere, donare, legere patiantur, neve eis cibos vetitos coquant, vel aliud quidpiam ab officio hominis Catholici alienum præstent.

CAPUT VI.

De Superstitionibus, magia, divinationibusque vetitis.

I.

GRavis est superstitionis, magiæ, divinationisque vetitæ noxa, in quam tamen cacodæmonis astu atque insidiis cum alii, tum mulierculæ præfertim frequentius incurrunt; quare necessarium visum adversus ejusmodi technas, & fraudes dæmonum, incautas mentes, fallique faciles, salutaribus legibus communire.

II. Nemo sanandis morbis hominum aut brutorum, depellendisque quibuscunque malis, adhibere præsumat res ullas, quibus inscripti characteres, nomina & signa peregrina, & incognita, aut quæ vane ac superstitione collectæ sint, ut nonnunquam fieri solet in herbis, earumque radicibus.

D 3

III.

III. Nemo super rebus deperditis, futuris eventibus, aut quibusvis secretis consulat magos, ariolos, & alios confimiles mala notæ homines, nec auctor vel suavor sit, ut id alii faciant. Qui horum aliquid fecerit, & monitus non abstinuerit, Nobis, vel Vicario nostro denuntietur, ut pro modo culpæ pœnis afficiatur, quas in ipsos magos, ariolos, incantatoresve graviores feremus. Et si hujusmodi contingat esse Clericum, Beneficiis, dignitatibus, officiisque perpetuo privabimus.

IV. Et quoniam rudis populus frequenter ex mera simplicitate & ignorantia in superstitiones prolabitur: Parochorum erit, ut suos quisque diligenter instituat, doceatque generatim supersticiosum esse, expectare quemcunque effectum a quacunque re, vel ulla rei circumstantia, quem illa nec ex sua natura, nec ex institutione Divina, nec ex ordinatione, vel approbatione Ecclesiæ producere potest.

V. In maleficos & veneficas, quæ pacto cum dæmonibus inito, corporibus hominum atque brutorum morbos tabidos, fascinationesque inducunt, venenant, necant, grandines, sterilitatesque procurant, diligentius inquirendum, pœnisque tam Ecclesiasticis, quam civilibus severissime animadvertendum est.

VI. Nemo veneficia, fascinationes, vel ligaturas dissolvere tentet modo & ratione, quæ ab Ecclesia approbata non sit: nec quisquam exorcizare præsumat energumenos sine licentia nostra, vel Vicarii nostri Generalis in scripto obtenta: neve aliis utatur exorcismis, quam in Obsequiali nostro præscriptis, vel alias a Nobis visis, & approbatis.

C A P U T VII.

De Catechismo, seu institutione Juventutis Christianæ.

I.

Hortatur & res ipsa, & gravissima summorum virorum auctoritas, qui a primis nascentis Ecclesiæ sæculis, hucusque sanctitate, prudentia, & doctrina in Ecclesia claruerunt, juventutis in fide ac præcipuis Christianæ do-

ctrinæ capitibus informandæ studium, Parochis, caterisque animarum Rectoribus cūprimis curæ ac cordi esse debere.

II. Nos salutari Concilii Trident. Decreto insistentes, mandamus ac præcipimus omnibus Ecclesiarum Parochialium Rectoribus, ut dictæ juventutis informationi, singulis totius anni Dominicis, unam circiter horam pomeridianam studiose impendant, vel alios idoneos, qui vices ipsorum hac in parte suppleant, suis sumptibus substituant. Si quis tam necessariam sui muneris functionem vel omnino prætermittat, vel segnius præstet, Decanus, cujus Capitulo adscriptus erit, Nos, aut Vicarium nostrum monere teneatur, ut neglectum ovicularum Christi, subtrahendumque illis salutarem pastum, competenti pœna vindicemus.

III. Meminisse autem oportet Catechistam, referre plurimum, quid, quæve elocatione ac modo, quibus personis, quo loco & tempore proponat & explicet, quorum proinde omnium illi maxima ratio habenda erit, qui, quod agendum, cum fructu & suo, & auditorum, agere volet, ut velle quisque debet.

IV. Diversitas libellorum doctrinæ Christianæ, sive Catechismi, magnam in discendo & docendo parit difficultatem. Ideoque mandamus ac præcipimus, ut Parochi, alique omnes, ad quos spectat, in Ecclesiis nostris nec alium explicant, nec juventuti ediscendum proponant, quam Petri Canisii, & Cardinalis Bellarmini, quibus, & quæ ad fidei dogmata pertinent, & quæ de virtutibus ac vitiis tractari utiliter possunt, optimo traduntur ordine, simulque efficaces sunt ad instillandam in animos cum fidei doctrina pietatem.

V. Cæterum, quæ pro Catechismi pleniorè explicatione adferre debebit Catechista, accipiet utiliter tum ex diligenti meditatione, & aliquoties iterata lectione ejus, sive articuli, sive puncti, quod pro tempore explicandum occurrer, tum ex Catechismis aliis, Romano præsertim, Petri Canisii majore, Michaelis Episcopi Merspurgenfis, Naufæ, Petri Michaelis, Tre-

virensi

virens edito cum praxi Catechistica, ex institutionibus Christianis Francisci Costeri, & aliis hujus generis libellis & opusculis.

VI. Elocutione utatur pura, simplici, dilucida ac plana, memineritque illius S. Augustini *Lib. 4. de Doctr. Christiana Cap. 11.* Optimus modus docendi est, quo fit, ut, qui audit, intelligat. Et quid, inquit, prodest clavis aurea, si aperire quod volumus, non potest? Aut quid obest lignea, si hoc potest; quando nihil querimus, nisi patere, quod clausum est?

VII. Modus in tradenda, explicandave Catechesi servetur iste. Catechista amictus superpelliceo, consistens coram juventute informanda medius, signet cruce frontem, puerosque, ut eum imitando idem recteque faciant, hortetur; deinde præeat voce clara lente atque distincte recitans Dominicam precationem, & Salutationem Angelicam, & Symbolum Apostolorum, ad salutares Catechismi fructus a Deo impetrandos.

VIII. Deinde pueros & puellas non permixtim, sed distinctis a se ordinibus confidentes, alloquatur Catechista placida & familiari voce, & præscripta proxima prælectione ea ratione exigat, ut, si singulis vicibus præ multitudinem omnes examinari nequeant, saltem nulli omnino negligentur, quin subinde examinentur. Qui præscripta ex memoria prompte recitaverint, aut ad interrogata apte responderint, eos laudet, & præmiolis afficiat, alios suavi potius ac paterna, quam severiore oburgatione castiget. Committat, cum visum fuerit, binos, quaternos, qui integra capita Catechismi alternatim recitent.

IX. Examinatis rite pueris ac puellis, aggrediatur prælectionem, quam supra mediam horam non producat, pensumque proximo conventu juventuti perolvendum præscribat, rogetque parentes, ac ludimoderatores præfentes, ut vespere ad puerorum memoriam revocent, quod ipsi ex prælectione maturius perceperunt.

X. Postremo antequam conventum dimittat, recitet, ut initio factum,

voce clara, prosequentibus pueris præcepta Decalogi, quinque Ecclesiæ, quatuor novissima, vel alia similia, jubeatque suam quemque domum modeste petere.

XI. Moneantur frequenter pueri officii sui erga Deum, Parentes, Præceptores, Magistratus ceteros, absterreanturque a blasphemis, mendaciis, atque aliis vitiis, quibus frequentius dedita solet esse ætas illa: incitenturque, si domesticos nomen Dei execrari, loqui turpia, aut alia Deo contraria, Religionique injuriosa agere animadvertant, eos precibus, monitionibus, quantum licet, a malo abducant.

XII. Locus Catechismi erit ordinariè Templum Parochiale: tempus hora duodecima, vel prima pomeridiana, tum cujuslibet Dominicæ diei per annum, tum præcipue Quadragesimæ & Adventus Domini, ad quam convocandi erunt pueri sono campanæ.

XIII. Idem porro studium informandæ juventutis utriusque sexus in doctrina Christiana quam maxime commendatum cupimus omnibus Scholarum Magistris, Hypodidascalis, eorumque vicem obeuntibus, mandantes, ut ei quot hebdomadibus certas horas, certis diebus ex proposito tribuant.

XIV. Porro quando Magistratus sæcularis sua auctoritate pium hoc & necessarium institutum plurimum promovere potest, eum in Domino hortamur, ut eos, quos juventutis in literis Intructores & Ludimagistros, Præfatos item orphanorum, pupillorum & pauperum in Hospitalibus, vel aliis similibus domibus subiectos habent, suo imperio ac jussu adigant, ut singulis Dominicis conceditam sibi juventutem, eo tempore, quo Catechismus traditur, ad Templum ordine deducant, & eo absoluto inde reducant. Eo igitur tempore sub certis poenis abstinere curent a choreis, tripudiis, lufibus, & aliis similibus exercitiis ludicris, quibus juvenus a frequentando Catechismo abstrahi posset.

XV. In præcipuis festivitatibus anni cum fidei mysteria celebrat Ecclesia,

ut

ut Incarnationis, Nativitatis, Circumcisionis, Epiphaniæ, Resurrectionis Domini, Ascensionis, Pentecostes, operæ pretium erit, de illis mysteriis juventutem, quantum capax erit, erudire. In quorundam etiam Sanctorum Festis ex eorum vitis incitamenta pietatis, ac multiplicis virtutis proponere, commendare frequenter usum, dum mane surgitur, religiose orandi, & vesperi examinandi conscientiam, utendi aqua benedicta in ædibus contra diaboli & maleficorum insidias, nocendique artes, mensæ benedicendi, mane Sacrum audiendi, vel ubi Sacrum non fit, Templum, vel Oratorium adeundi, se, suæque omnia breviter Deo commendandi, salutandi Matrem Domini, cum mane, meridie, & vesperi campanæ sonitu monemur, orandi pro animabus defunctorum, præcipue pro anima illius defuncti, cum publico signo defunctis quispiam indicatur, comitandi, cum Sacrosanctum Sacramentum ad infirmos defertur, Rosarium orandi, & his similia.

XVI. Postremo Parochi parentes tam publice ex cancellis, quam privatim admoncant, ut pueros suos vel ipsi ad Templum adducant, vel ut alias veniant, sedulo procurent, certi, in posterum ad Eucharistiæ & Matrimonii Sacramenta non admittendos, qui in fidei rudimentis sufficienter instructi non fuerint, memores etiam rationis gravissimæ, quam reddent aliquando supremo Judici, si in tam necessaria liberorum instructione suo desint muner.

CAPUT VIII.

De Prædicatoribus Verbi Dei, & eorum officio.

I.

AD conservationem veræ Fidei & Catholicæ Religionis, ejusdemque propagationem inprimis pertinet, ut sint fideles Dei, Ecclesiæque Ministri, qui salutiferum Dei verbum populo pure ac sincere, sine omni hæreseos, erroris, falsique dogmatis suspitione vel admixtione proponant, quique in docendo certam rationem ac methodum observent, ac audientibus fructum spi-

ritualis ædificationis afferant, Domino messis cooperante.

II. Quod ut rectius efficiatur, in omnibus Parochialibus Ecclesiis curæ sit Parochis, ut per semetipsos singulis diebus Dominicis & solemnibus quibusque Festis, publice pro concione verbum Dei prædicent, sibi dictum interpretantes singuli, quod Gentium in fide & veritate Doctor Timotheo scripsit: Tu vero vigila, in omnibus labora, opus fac Evangelistæ, prædica verbum, in sta oportune, importune, misterium tuum imple.

III. In civitate nostra Augustana, inque oppidis & majoribus pagis Dicecesis nostræ, ubi hæctenus in Adventu Domini, sacro Quadragesimæ, & alio certo anni tempore diebus aliquot ferialibus conciones fieri consueverunt, continuentur; in aliis, ubi commode fieri poterit, volumus, ut juxta Decretum Concilii Trident. instituantur.

IV. Evangelium pro concione in posterum populo non aliud prælegatur & explicetur, quam quod eo die, quo concio fiet, ex ordine & præscripto Missalis Romani in Sacrificio Missæ legendum occurrerit.

V. Si qui ad concionandum non satis, vel alioquin legitime impediti erunt, & impedimenti sui Nobis justam rationem attulerint, illis permittemus per alios a Nobis, vel Vicario nostro prius admissos concionandi munus perficere. Nemo interim in posterum ad Parochialem Ecclesiam admittatur, nisi per se ille concionari possit, & justis impedimentis cessantibus etiam velit, ut ne, qui a Prophetâ dicuntur muti canes, nescientes latrare, Christi ovibus præfiantur.

VI. Præter homilias & sermones sacros veterum Patrum, ad verbum Dei Catholice, solideque prædicandum juvare inprimis possunt, conciones quas conscripserunt Wilhelmus Parisiensis, Hugo de Prato, Jacobus de Voragine, Eckius, Granarensis, Naufæa, Hoffmaisterus, Gabriel Biel, Jacobus Feuchtius, Eisengreinus; Thomas Stapletonus, Georgius Bartholdus, Franciscus Costerus, Georgius Schererus. Dein-

Deinde Commentarii tum veterum, tum recentium Sacræ Scripturæ interpretum, præsertim novi testamenti, ut Pauli de Palatio in Matthæum, Stellæ in Lucam, Cardinalis Toleti in Joannem & Lucam, in Harmoniam Evangelicam Jansenii, Barradii. Præterea opuscula quædam pia & meditationes Granatz, Costeri, Vincentii Bruni, Joannis Busæi, Andreæ Capellæ. Horum igitur & similibus, qui sunt probatæ fidei & doctrinæ libri a nostris Concionatoribus in usu maxime habeantur.

VII. Qui vel legitime Parochi, vel alias a Nobis ad prædicandum admissi non sunt, cujuscunque etiam privilegii prætextu, concionari nec ipsi præsumant, nec ab aliis permittantur. Quomodo enim prædicabunt nisi mittantur, vereque vocati & missi, & per ostium ingressi merito censeantur?

VIII. Regulares nec in propriis quidem suis Ecclesiis absque Superiorum facultate, & nostra benedictione concionentur: in reliquis Ecclesiis nec sine concessione nostra, quam idoneis petentibus, libenter & gratis concedemus.

IX. Quibuscunque vero concionandi munus committetur, ii Evangelium, Sacrasque Scripturas non ex privato suo sensu, & multo minus juxta hæreticorum commentationes (quas sine speciali facultate Sedis Apostolicæ legere nullus potest) exponant; sed quæ docebunt, ex communi Sanctorum Patrum & Ecclesiæ Catholicæ sensu & consensu fideliter comprobent, & confirmant, quem ex assidua & diligenti bonorum Auctorum lectione cognoscere studeant; & verba Scripturæ Sacræ non aliter citent, quam in recepta & probata veteri Bibliorum editione leguntur, sitque sana semper forma verborum.

X. Laborem suum omnem ad ædificationem populi & salutem animarum referre contendant, illudque sæpe ac multum inculcent populo, periculosa hæc esse tempora, quæ Apostoli prædixerunt, ac proinde in primis caveri oportere novas, varias, & peregrinas doctrinas, & pestilentes hæreses passim

modo grassantes, quarum fructus deterrimos experimur: illud cvium Christi esse proprium, ut cum suis Catholicis Pastoribus, piisque Majoribus in Ecclesiæ Catholicæ unitate persistant, idemque quod Majores tot sæculis consentienter crediderunt, & ipsi quoque corde & ore profiteantur.

XI. Magnam dent operam Prædicatores, ut in recitandis & confutandis hæreticorum opinionibus & argumentis, præsertim coram plebe valde sint providi & circumspecti. Aut si satis instructi non sunt, tacere præstat, quam disputare de nostri temporis controversiis, quæ in medium imprudenter adductæ, dubitationes augent plerisque potius, quam ædificant audientes, vel sanant ægrotos.

XII. Concionatores hæreticorum infinitis pene modis misericordiam Dei efferunt, solamque fidem, & sola Christi merita, coram vulgo mirifice jactant, atque commendant. Tanto magis curent Catholici, piique Concionatores, ut non modo misericordiam Dei ac fidem prædicent, verum etiam ut ex verbo Dei charitatem, penitentiam, obedientiam, opera bona & merita justificationum in Christo facta, proponant, & urgeant diligenter.

XIII. Nec solam Dei misericordiam, sed etiam justitiam ejus in remunerandis fidelium benefactis, puniendisque peccatis, præsertim quæ data opera committuntur, auditoribus exponant & inculcent, sicut Dei verbo aperte docentur. Præcipue vero curam habeant necessariæ doctrinæ, quæ sæpe repetenda est hoc tempore; de timore Dei & penitentia serio agenda, deque peccatis fugiendis, & per opera bona redimendis.

XIV. Refellenda in primis, & quoad ejus fieri potest, omnium animis eximenda est hæc persuasio, multorum errorum parens, nihil, nisi quod in Dei verbo scriptum extat, recipi & probari oportere. Hoc fundamentum vel præcipuum est Sectariorum, quod toties Paulus evertit, quoties Traditiones Apostolicas non scriptas, & verbum Dei non in charta expressum, sed viva voce traditum, legemque spiritus no-

bis commendat. Certe Spiritus ille Sanctus, qui in verbo Dei scripto loquitur, in Ecclesia quoque loquitur, & nos docet, ac juxta Christi certissimam promissionem docebit omnem veritatem.

XV. Adhæc Prædicatores Divini verbi populum sæpe ac multum hortentur ad observantiam, obedientiamque præstandam, tum mandatis Dei & Ecclesiæ, tum utriusque legitimi Magistratus, Ecclesiastici scilicet & sæcularis.

XVI. Pertinet autem ad Ecclesiæ præcepta à multis non satis observata, ut quilibet Christianus Dominicos, reliquosque Festos dies ab Ecclesia institutos celebret religiose, ac proinde tunc Missæ Sacrificio, & sacræ concioni coram interfuit, ab operibus servilibus ferietur. Deinde ut observet statos dies jejuniorum Quadragesimæ, Quatuor temporum, Vigiliarum, ab Ecclesia præscriptos, & ut sextis feriis & Sabbatis totius anni ab esu carnum abstineat. Denique ut unusquisque annos discretionis affectus, semel quotannis proprio Sacerdoti sua peccata confiteatur, & sacri Paschatis tempore, hoc est, intra Dominicam Passionis & octavam Paschæ Sacrosanctam Eucharistiam reverenter suscipiat.

XVII. Præterea doceant non modo de observandis Dei mandatis, sed etiam aliquando de consiliis Evangelicis, præsertim paupertatis, castitatis, & obedientiæ recte & salubriter amplectendis: ac nefas esse moneant, eos, qui ad hæc consilia observanda semel & ultro se astrinxerunt, fidem Deo & Ecclesiæ datam, rescindere, vota que sua perfide violare.

XVIII. Symbolum Apostolorum, Orationem Dominicam, & decem Præcepta, cum ex Catholicis Auctoribus, tum ex Catechismo Romano studiose omnes explicant: & quantum fieri potest, plerasque suas conciones ad aliquam partem vel dicti Symboli, vel ejusdem Dominicæ Orationis, vel Decalogi; vel saltem ad locum aliquem Christianæ doctrinæ insignem referre conentur, ut ita non sibi modo, sed & auditoribus rectius consulant; ad quo-

rum captum & ingenium multum refert, ut se, doctrinamque suam norint accommodare.

XIX. Convenit quoque de Sacramentis Ecclesiæ & eorum mysteriis, & quid cæemoniæ illis adhibita significant, populum diligenter informari, eo præsertim tempore, quo illa dispensanda & administranda sunt.

XX. Postulat item res ipsa, rationes tum domesticis, tum adversariis accurate explicari, cur aqua, sal, palma, herbæ, & fructus novi ex veteri more benedicantur: & cur populus aspergatur aqua benedicta, & sal exorcizatum sumat. Præterea cur cerei in Ecclesia accendantur, thus adoleatur, Ecclesiæ, altaria, calices, vestes Sacerdotales, & similia consecrentur & benedicantur.

XXI. Concionatores ab omni genere convitiis & maledicentiæ omnino se abstineant, qui secundum Apostoli sententiam servi Dei non litigiosi, sed mansueti esse debent, ac proinde nullum etiam tam oblique, quam aperte perstringant: ac reverenter loquantur cum de omnibus, tum præsertim de utroque Magistratu & Clero, ad quem populus alioquin sua sponte nimium propensus est calumniandum & contemnendum.

XXII. Vitetur omnis mordacitas, absit contendendi studium & sermo seditiosus, vel qui perturbet magis aut offendant, quam ædificet audientes. Quod si fortasse gravis & necessaria causa offerat sese, ob quam Clerus, vel Magistratus officii sui admonendus, aut etiam reprehendus videatur, id privatim potius, quam publice, debita cum modestia & charitate fiat.

XXIII. Similiter in arguendis populi vitiis, præsertim gravioribus, ita vehementes & ardentis se præbeant Concionatores, ut fraternæ charitatis & illius zeli, qui est secundum scientiam, minime obliviscantur. Sit acris simul & salutaris objurgatio, quæ ex charitate non ficta procedens, non modo publica crimina redarguat, sed etiam ægrotis mentibus præsentem afferat medicinam.

XXIV.

XXIV. Sæpe populus pro concione admoneatur, ut pro Magistratu tam Ecclesiastico, quam sæculari, & pro omnibus tam vivis, quam defunctis fidelibus Deum oret, sicut & Apostoli ætate sua, teste Chrysostomo, fieri voluerunt.

XXV. Postremo, quod alios docent, id ipsi quoque vita & moribus præsent Evangelii Prædicatores, Divinique verbi Præcones, ne alioquin, cum alios docuerint, ipsi forte juxta dictum Apostolicum, reprobi demum inveniantur, seu, ut Christus loquitur, in Regno celorum minimi vel abjectissimi habeantur. Verum de vita & honestate Clericorum, postea suo loco dicetur.

CAPUT IX.

De Festis diebus rite celebrandis.

I.

JAm inde ab initio nascentis Ecclesiæ pio instituto certi quidam dies præ aliis sacri ac religiosi habiti sunt, quibus homines a negotiis, laboribusque corporis feriat, Divinis actionibus ac piis officiis intenti, Domini beneficia in se immensa & innumera cum pio mentis affectu, tum externo quodam religioso cultu grati, venerantesque recolerent. Quorum vestigiis ut firmiter inhæreamus, & ratio hortatur, & omnium Ecclesiarum Catholicarum exemplum postulat.

II. Principio itaque Dominicos dies, qui in memoriam & honorem augustissimæ Resurrectionis Domini, & Redemptoris nostri JESU Christi sunt, & fuere semper venerabiles, ab omnibus Nobis Diocesano jure subiectis, omnino celebrari publice & religiose jubemus.

III. Deinde Festa quædam more veteri mobilia dicta, cujusmodi sunt hæc:

Festum Paschatis cum duobus diebus mox sequentibus.

Festum Ascensionis Domini.

Festum Pentecostes, cum duobus insequentibus.

Festum Corporis Christi.

Tomus IX. Concilior. German.

IV. Præterea Festa illa immobilia, quæ ordine mensium recensita sunt sequentia.

Mense Januario.

1. Festum Circumcisionis Domini.
6. Epiphaniæ, quod trium Regum dicitur.

Mense Februario.

2. Festum Purificationis Beatæ MARIE Virginis.
24. S. Matthiæ Apostoli.

Mense Martio.

25. Festum Annuntiationis Beatæ MARIE Virginis.

Mense Aprili.

24. Festum Georgii Martyris.

Mense Majo.

1. Festum SS. Philippi & Jacobi Apostolorum.

Mense Junio.

24. Festum Nativitatis S. Joannis Bapt.
29. SS. Apostolorum Petri & Pauli.

Mense Julio.

4. Festum S. Udalrici.
22. Beatæ Mariæ Magdalenæ.
25. S. Jacobi Apostoli.

Mense Augusto.

2. Festum S. Afræ Martyris.
10. S. Laurentii Martyris.
15. Assumptionis Beatæ MARIE Virg.
24. S. Bartholomæi Apostoli.

Mense Septembri.

- Festum S. Angeli Custodis Dominica proxima antecedente Nativitatem Beatæ MARIE Virg.
8. Festum Nativitatis Beatæ MARIE Virginis.
21. S. Matthæi Apostoli & Evangelistæ.
29. S. Michaelis Archangeli.

Mense Octobri.

28. Festum SS. Simonis & Judæ Apostolorum.

Mense Novembri.

1. Festum omnium Sanctorum.
11. S. Martini Episcopi.
25. B. Catharinæ Virginis.
30. S. Andreæ Apostoli.

Mense Decembri.

6. S. Nicolai Episcopi.
21. S. Thomæ Apostoli.
25. Nativitatis Domini & Salvatoris.
26. S. Stephani Proto-Martyris.

27. S. Joannis Apostoli & Evangelistæ.
28. SS. Innocentium.

V. Præterea in singulis Ecclesiis Festum Dedicationis & Patroni, & si quæ alia in certis locis Diœcesis nostræ jam olim recepta, & hætenus observata sunt, tam in foro, quam in choro, ut vocant, solemniter celebrentur.

VI. Admoneatur sæpe populus de vero usu, & fructu dierum Festorum. Is in eo versatur, ut sacro tempore fideles Deo, Divinisque rebus libere & integre vacent; ut Sanctorum solemnem memoriam religiose celebrent; ut verbum Dei, & Missæ Sacrificium audiant reverenter; ut orationi & pietati cumprimis vacent; Divinisque Officiis & Horis Canonicis libenter intersint: demum ut sacrum hoc tempus non vanis & profanis, sed piis, sacrisque studiis transigant.

VII. Et graviter illi non solum a Concionatore arguendi, verum etiam a Magistratibus castigandi sunt, quos nihil pudet diebus festis & solemnibus Sacra negligere, rebus mechanicis, & negotiationibus operam dare, aut ita quidem feriari, ut, qui dies a Nobis potissimum sunt sanctificandi, illis ad carnis, ventrisque studium, & ad vitæ tum licentiam, tum turpitudinem, contra jus Divinum & humanum, vel maxime abutantur.

VIII. Hortamur autem, & obsecramus in Domino Principes, ac Magistratus, ut in iis maxime, quæ ad hunc Dei cultum retinendum atque augendum pertinent, Nos sua auctoritate ac vigilantia juvent, jubeantque populum Sacerdotum præceptis obtemperare, opificum ac mercatorum officinas & tabernas iis diebus clausas teneri, nundinas, forumque hebdomadarium, si quando in Festa incidunt, transferri, vel saltem non ante concionem, ac Divina officia absoluta, celebrari.

IX. Choreas, ludos, spectacula secularia, ac his similia ludicra institui, exerceri que verent eo tempore, quo Catecheses, conciones, & vespertinæ preces habentur, & cum propter certas populi Christiani necessitates in

Ecclesiis indictæ, institutæque sunt preces ac supplicationes publicæ.

X. Nemo secularium ex quacunque causa, quemcunque diem Festum relaxandi, atque in eo vel toto, vel ejus parte opera servilia permittendi potestatem sibi arroget, usurpetve, sed si quid ex evidenti aliqua necessitate hoc in genere permittendum videretur, ad illud Nostra, aut Vicarii nostri facultas & assensus postulandus erit, qui, si propter periculum moræ expectari non possit, consilium & judicium Decani ruralis, aut Parochi sequendum erit.

CAPUT X.

De observatione Jejuniorum.

I.

Salutaris est ista D. Augustini admonitio: Qui vult orationem suam valere apud Deum, faciat illi duas alas, id est, eleemosynam, & jejunium, ut ascendat celeriter, & exaudiat. Quare Parochi & Concionatores huc incitent auditores, ut eleemosynas & jejunia cum oratione conjungant, & his piis operibus sibi Deum, Deique gratiam studeant in Christo promereri. Nec enim negari potest, quin horum trium operum unumquodque genus in Sacra Scriptura summopere commendetur, & Divinæ gratiæ promissionem expressam habeat, & præterea sanctorum hominum tum testimoniis, tum exemplis mirifice comprobetur.

II. Cæterum jejunia, quibus diebus ea nobis præscripta sunt ab Ecclesia, quia cujusque conscientiam obligant, qui aut ætatis, aut ægritudinis, aut imbecillitatis, aliamve justam excusationem adferre non potest, religiose sunt omnibus observanda.

III. Dabunt igitur operam Parochi & Concionatores, ut non solum festos, sed etiam jejuniorum dies, qui de præcepto esse dicuntur, mature pro concione denuntient, ne quis fortasse, cum non jejunat, ullum ignorantia, inobedientiæque suæ prætextum possit obtendere.

IV. Cæterum ut salutare jejuniorum dies, qui in desuetudinem apud mul-

multos abiisse videntur, certius agnoscantur, hic enumerandos censuimus. Primum jejunium solemne, quod inde a temporibus Apostolorum, in Græca & Latina Ecclesia, semper in usu Catholicis fuit, est Quadragesimæ jejunium, sacrum & acceptabile tempus ad poenitentiam agendam peccatoribus proprie destinatum, quod a feria quarta Cinerum usque ad Festum Paschatis protenditur: quamvis Dominicis diebus nulla, ut reliquis diebus, jejunatio, sed a quibusdam tantum ciborum generibus abstinencia fiat.

V. Est deinde jejunium quatuor temporum, & illud quoque per vetustum, primum, circa initium Quadragesimæ; secundum, in hebdomada Pentecostes; tertium, in Septembri feria quarta post festum Exaltationis Sanctæ Crucis; postremum, in Decembri feria quarta post festum Lucæ; ita solitum observari, ut feria quarta & sexta, simulque Sabbato tunc jejunium peragatur.

VI. Sunt & alii dies jejunii peculiariter consecrati, ut Vigilia Domini- cæ Nativitatis, Pentecostes, Assumptionis Deiparæ Virginis, Nativitatis Beati Joannis Baptiste. Item dies profesti Ss. Apostolorum, exceptis Vigiliis Ss. Philippi & Jacobi, tum Joannis Evangelistæ. Præterea jejunio consecrata est Vigilia S. Laurentii Martyris, & ea, quæ festum omnium Sanctorum antecedit.

VII. Pro S. Marci, & tribus Rogationum diebus, etsi jejunandi præceptum ab Ecclesia universali non habetur, ex usu tamen, & consuetudine antiqua servari solet præfatis diebus abstinencia a carnibus in pluribus Ecclesiis, quam, quanta possumus efficacia Diocesani nostri commendamus, commendarique quotannis volumus a Parochis & Concionatoribus.

VIII. Qui ad certorum dierum jejunium, aut peculiari voto, aut ex certo vitæ instituto sunt obstricti, hi vota sua Deo fideliter & pie reddant, nihilque dubitent, sibi non minus, quam Nazaræis, & Rechabitis abstinencia suæ mercedem a Deo esse donandam.

IX. Ita vero jejunandum est ex instituto Ecclesiæ diebus illis, qui sunt jejunii consecrati, ut ab esu carniū abstineatur, & unica in die refectio sumatur, permixta ad Vesperam tenui, ut vocant, collatione, medicinae magis, quam refectiois causa.

X. Quando festum incidit in feriam secundam, jejunium ex more Ecclesiæ non Dominico, sed Sabbato præcedenti servatur, si ejus festi Vigilia jejunium exigat.

XI. Parochi hanc Ecclesiasticam jejunandi rationem & disciplinam tam Clero, quam populo sedulo commendent, ejusque verum usum ac uberes fructus diligenter explicant, moneantque jejunio corporali jungendum spirituale, quo mens a vitiis ac sæculi voluptatibus abstinet, hocque perpetuum esse debere.

XII. Quos valetudo, aut alia legitima causa a præcepto jejunii eximet, quique diebus ab Ecclesia vetitis carniū esum a Nobis, aut Vicario nostro, vel urgente necessitate, a suo Parocho legitime obtinebunt, ii facultate sibi concessa ita caute utantur, ut nemo merito offendi possit.

CAPUT XI.

De Sanctorum cultu, invocatione, & Reliquiis.

I.

Observeant Concionatores, populoque tradant hoc discrimen, quod in Ecclesia Catholica semper habitum fuit inter cultum & honorem, qui summo Deo, Divinisque Personis, & qui Sanctis Dei cum Christo jam in cælo regnantibus tribui debet. Honoremus, colimus, invocamus Deum Patrem, Deum Filium, Deum Spiritum Sanctum, sed longe quidem ratione alia, multoque sublimius, quam Sanctos, utpote Dei filios, Christi membra, & Divini Spiritus organa præ cæteris fidelibus divinitus honorata.

II. Peculiariter autem Sanctorum cultus, adversus novos & veteres Vigilantianos(*) vindicetur, & defendatur constans Ecclesiæ mos, qui e Sacris Literis, probatisque Patribus compro-

E 3

bari

(*) *Vigilantius*, natione Gallus & Barcinonensis Eccles. Presbyter, Sæc. V. circa ann. Aetæ vulg. 406., novi auctoris dogmatis.

bari potest, & a multis sæpe Catholicis Theologis comprobatus fuit, ne quis dubitet, nos mortales fidei Sanctorum patrocinis apud Deum juvari, & facilius exaudiri posse. Confirmetur etiam atque etiam, quod Augustinus ante mille ducentos annos & docuit, & scriptum in hunc modum reliquit: Populus Christianus memorias Martyrum religiosa solemnitate concelebrat, & ad excitandam imitationem, & ut meritis eorum confocietur, atque orationibus adjuvetur.

III. Si quando Ss. Apostolorum, Martyrum, Confessorum, & Virginum historiæ in medium adducuntur, eas ex libris, & auctoribus magis probatis petant Concionatores, ne hoc sæculo contentioso, aut ineptis & ridiculis, vel parum firmis exemplis, & incertis prorsus historiis fidere videantur.

IV. Non aspernendæ, sed honorandæ sunt Reliquiæ & exuviæ Sanctorum, in quibus velut electis sedibus Divinus ille Spiritus olim habitavit, suamque virtutem sæpe adhuc exerit, & in resurrectione demum ipsa corporum potenter exeret.

V. Loquimur autem non de suspectis aut prorsus dubiis, sed veris ac probatis Reliquiis, quas in decoris vasis reverenter assevari, neque sine luminibus accensis populo, sicubi mos hic obtinet, demonstrari jubemus. Quod ubi fiet, habeatur ad præsentem vel concio, vel monitio de vero cultu, & debita veneratione Sanctorum, & Sacrarum Reliquiarum, præsertim, ut Vigilantium, qui passim hodie grassantur, erroribus aliqua etiam ex parte occurratur. Interea omnem avaritiæ & quæstus speciem fugiant, qui Sacras Reliquias aut visendas, aut contingendas aliis exhibent, quos Clericos, non laicos esse conveni.

VI. Reprehendantur, prohibeantur, penitusque tollantur superstitiones, imposturæ, & abusus omnes, si qui sunt, aut in visitatione futura reperientur apud simplices in Sanctis, eorumque Reliquiis vel imaginibus præposere honorandis, ut hinc Divino nomini, vel honori nulla injuria, &

fidelibus nullum inferri offencilum possit.

DECRETORUM SYNO- DALIUM DIOECESIS

AUGUSTANÆ

PARS SECUNDA.

CAPUT I.

De Cultu Divino.

I.

AD vitam recte & ex virtute instituendam, ingens momentum adfert, cum probe homines advertunt, hac se lege conditos, & per Christum restitutos esse, ut Dominum Deum suum rite colant, revereantur, ac totis viribus illi in hac mortali vita deserviant, ac tandem serviendo, in altera cælesti salvi & perpetuo beati fiant.

II. Est vero duplex hujusce servitutis cultus, & primarius quidem internus, quo per intellectum & affectum voluntatis homo Deo conjunctus, illius Majestati summum, quod potest, obsequium præstat, fide sincera, spe firma, charitate puro de corde profecta, & piis aliis animi affectibus ex hisce tribus fontibus Christi gratia profectis.

III. Alter cultus externus est, professio nimirum & testimonium interni cultus, quem externis quibusdam & visibilibus indicis ac signis fideles proferunt ac declarant, quo sane opus non foret, si tantum spiritu constaret homo, nec animam haberet cum corpore junctam & implicatam: quoniam vero geminus est homo, ut præclare dixit D. Basilus, convenit geminum esse virtutum studium, quod & corporis laboribus, & animæ exercitiis absolvatur.

IV. Igitur quemadmodum pia mens necessario & testimonium interni cultus, quem externis quibusdam & visibilibus indicis ac signis fideles proferunt ac declarant, quo sane opus non foret, si tantum spiritu constaret homo, nec animam haberet cum corpore junctam & implicatam: quoniam vero geminus est homo, ut præclare dixit D. Basilus, convenit geminum esse virtutum studium, quod & corporis laboribus, & animæ exercitiis absolvatur.

expler,

cet, ac debitæ proximo virtutis ac pietatis exemplum præbeat, suumque corpus etiam rectius in officio contineat, ac illud demum præparet beatæ immortalitati, in qua summus, perfectusque cultus utrimque, tum corpore, tum anima, Deo plene & absque labore ullo, ab humana creatura red-detur.

V. Unde perspicui potest, cultum Divinum late quidem patere, & porrigi ad quævis pia officia, quæ in honorem Divinæ Majestatis intus & foris ab homine fieri possunt; sed eos cultores magis Deo probari ac perfectiores esse, qui rectius cultum interiorem, exterioremque conjungunt. Nam cultus externus nisi ad interiorem, veluti corpus ad animam referatur, & ad Deum ipsum pure ordinetur, laudem forsitan apud homines, sed non apud Deum promeretur, neque salutem & utilitatem solidam adfert.

VI. Sed cum Christiani omnes, tum Ecclesiastici homines ad præstandum Deo cultum, peculiari Religionis vinculo vel maxime obligantur. Neque enim aliter ad Beneficia Ecclesiastica, quam propter Officia Divina rite & legitime persolvenda, eliguntur & assumuntur. Neque solum pro se ipsis, sed etiam pro vivis & mortuis, ad Dei cultum nocte & die celebrandum peculiariter instituuntur, nimirum ut præces, eas præferunt, quas Horarias vocamus, dona & Sacrificia pro suis & populi peccatis in justitia & sanctitate offerant, & Sancto Deo sancti serviant omnibus diebus vitæ suæ.

VII. Ad hunc Dei cultum in universa Dicecesi nostra, ad majorem Dei gloriam magis promovendum, augendumve, atque in eo peragendo uniformitatem instituendam; statuimus & præcipimus, ut tam in Cathedrali nostra, quam in omnibus Collegiatis; & Parochialibus Ecclesiis, ubi plures Clerici sunt, ex eorum numero certus aliquis deligatur, qui sit cæremoniarum Magister, cujus sit singulis Sabbati diebus in Sacristia tabellam proponere, in qua officii tota per hebdomadam sequentem recitandi ratio, Missarumque celebrandarum ordo, eorum item no-

mina, ad quos tum Missas celebrare, tum Evangelia & Epistolas decantare pertinebit, descripta sint.

VIII. Idem omnibus & singulis, qui in choro adsunt, significare teneatur, quo tempore oporteat stare aut sedere, inclinare caput, genua flectere, & his similia facere; quale item quisque munus, quoque pacto præstare debeat, singulosque Ecclesiæ Ministros sui officii in tempore præmonere. Ipse autem Directorem in suo munere sequetur Decanum, vel alium Præsidentem ejus chori, in quo istud munus sustinebit.

IX. Et quo diligentius in tota Dicecesi eadem in Divino cultu persolvendo ratio tenetur, Calendarium, quo singulorum dierum officii ratio præscribitur, ex more jam recepto quotannis ita oportune conficiatur, ut aliquot ante Natales Domini dies evulgari possit.

X. Cum ad Ecclesiam ad Divina Officia conveniendum erit, id campanæ signo indicetur, & interposita mora, qua facile omnes convenire possint signo audito, qui Divinis Officiis interesse debent, præparent se ad Divinas laudes digne persolvendas; ad Ecclesiam mature progrediantur, amicti superpelliceis mundis, cæteraque Clericali statui convenienter ornati; quam, ubi ingressi fuerint, facta ad Ss. Eucharistiam vel altare summum, reverentia & religiosa inclinatione, suum quisque locum in choro adeat.

XI. Ubi inchoandi Officii tempus erit, non vocis tantum decenti, sonora, & cæteris consona modulatione, sed etiam intima cordis & externa corporis devotione debitum suæ servitutis pensum absolvere studeant, & pro temporis & officii ratione, & Ecclesiæ instituto, omnes simul sedeant, stent, flectant genua, caput aperiant, & cætera ejus generis faciant, colloquiis, risui, joci, somno nemo indulgeat, in Choro vel Ecclesia nullus vageatur, neve locum suum extra necessitatem mutet, nec literas, libros, scriptaque profana legat, aut exeat ante Divinum Officium completum, nisi necessitas cogat.

XII. Si, cum Divina celebrantur Officia, alicui e Sacerdotibus, vel reliquo Clero, vel Ministris interdum per Ecclesiam necessario sit incedendum, graviter & modeste id fiat, vitato omni indecenti discursu, deambulatione, otiosa & inutili confabulatione.

XIII. In Ecclesiis nullæ cantiones hæreticorum, quantalibet modulationis & pietatis specie vulgo commendentur, nec ulla profana cantica, sonique leves & quæcunque lasciva canendi ratio usurpentur; sed sint cantus & soni graves, pii & distincti, domui Dei, ac Divinis laudibus accommodati, ut simul & verba intelligantur, & ad pietatem auditores incitentur.

XIV. Retineri in Ecclesiis nostris permittimus antiquas illas & Catholicas cantiones, quas vulgari lingua conscripserunt pii Majores nostri Germani, ut eorum exemplo, solemnioribus Ecclesiæ Festis in Templis, & in publicis supplicationibus adhibeantur.

XV. Organa, tibiæ, cornua, & reliqua musica instrumenta in nostris Ecclesiis intempestive & immoderate ne adhibeantur, caveaturque semper in his omnibus, quævis levis & lasciva modulatio, & quidquid pietati excitandæ & fovendæ non conducit. Cantores, quantum fieri potest, Clerici sint, Clericalibus vestibus & superpelliceo induti.

CAPUT II.

De Sacramentis Ecclesiæ in genere.

I.

SEPTem sunt novæ legis Sacramenta a Christo Domino instituta, & ab Apostolis, Virisque Apostolicis velut per manus ad nos transmissa, per quæ omnis vera justitia vel incipit, vel cæpta augetur, vel amissa reparatur, quorum quanto major est dignitas & præstantior effectus, tanto sunt sanctius & religiosius tum administranda, tum suscipienda.

II. Horum natura, usus, & salutares effectus, pro capto auditorum sæpe a Pastoribus explicandi sunt, non solum in publicis concionibus & Ca-

techismi explicatione, sed in singulorum etiam administratione, cum opportunitas datur: quod ut solidius præstent, familiarem illis esse opus, nunquam satis laudatum Catechismus Romanum.

III. Parochi, atque alii, ad quos cujusvis Sacramenti administratio spectat, quam diligentissime videant, ut tam sacro Ministerio functuri, ab omni culpa mortali immunes, animi puritate & sanctitate præditi sint, ne, dum aliis esse volunt Ministri ad salutem, damnationem sibi acquirant.

IV. Atque ut intus munditie, & candida innocentie stola exornati esse debent, ita etiam extrinsecus semper amicti sint habitu Clericali honesto, superpelliceo mundo, & decenti stola.

V. Pastores, quique eorum vice funguntur, ad Sacramenta ministranda vocati, moram omnem abrumpant, & officio suo satisfacere festinent, gravissime a Nobis puniendi, si quem ipsorum negligentia & tarditate sine Baptismo, Penitentia, Sacro Viatico, aut Extrema Unctione mori contingat.

VI. Preces omnes Sacramentales, maxime vero ipsæ formæ Sacramentorum pronuntientur tractim, distincte, attente & reverenter, cureturque magna diligentia, ut materia quoque legitima adhibeatur, nec quidquam ex consuetis benedictionibus, cæremoniis, unctionibus & precibus prætermittatur; nec aliter fiant, quam in Obsequiali, nostra auctoritate ad Romanum usum reformato, præscribitur.

VII. Sanctum Chrisma & Sacra Olea petant Parochi quotannis in vasculis mundis & decentibus ab Ecclesia nostra Cathedrali, iisque receptis veteribus non utantur, sed quidquid ex illis superfuerit liquidi, infundatur lampadi, quæ lucet ante Venerabile Sacramentum: quod autem bombyci vel gossipio immixtum fuerit, comburatur in cineres, qui projiciantur in piscinam sacram.

VIII. Multas & graves ob causas volumus & ordinamus, ut Ss. Domini nostri Corpus, nec non Chrisma & Oleum sacrum, cæteraque ad res sacras perti-

pertinentia, sub diligenti, fortique custodia & clausura conserventur. Claves, quibus ea recludantur, sint penes Pastorem, & nullo modo Ædituis committantur, ut ne ulla vel injuria, vel profanatio tremendis illis Christi mysteriis, rebusque sacris irrogetur.

CAPUT III.

De Baptismi Sacramento.

I.

CUM in Baptismo Redemptoris nostri mors, sepultura, & resurrectio nobis cum ad contemplandum, tum ad imitandum velut ob oculos proponatur, Sacerdotes monitos inprimis volumus, ut primum, necessarium, & Sacrosanctum hoc regenerationis Lavacrum celebrent accurate, utque suæ pietatis exemplo alios ad Christi gratiam, & Sacramenti hujus dignitatem & virtutem plenius & religiosius contemplandam excitent, ac impellant.

II. Tempestive præparentur, quæ ad Baptismi administrationem spectant, ut ordine, quiete, decenter, & citra tædiosam interruptionem mature omnia coram populo peragantur.

III. Si usquam alibi, tum in ipsa prolatione verborum, quibus hoc Sacramentum, ejusque virtus conficitur, est advigilandum, ut proinde provide ac distincte dicendum sit: *Ego te baptizo in nomine Patris, & Filii, & Spiritus Sancti, Amen.* Quæ verba cum aliis, tum Parochis maxime sunt mandanda memorix, ut in his nihil varietur.

IV. Animadvertant omnes Parochi, ne in ullo liquore alio, quam vera & naturali aqua, & solemni benedictione, & sacri Chrismatis unctione sanctificata, baptizent. Verum tempore necessitatis, aqua etiam non benedicta Baptismum administrare licebit.

V. Solemnnes baptizandi cæremoniæ & mysticæ unctiones, cæterique ritus, quos constat jam inde ab initio Religionis Christianæ per universam Ecclesiam observatos esse, nulla ex parte aut varientur, aut prætermittantur: sed sicut Ecclesiæ nostræ Obsequiale præscribit, nisi necessitas aliud exigat, plene adhibeantur. Neque pa-

rum referet de hujusmodi cæremoniæ significatione populum sæpe moneri, opportunitate oblata in concionibus publicis, in Catechesibus, atque in ipsa etiam hujus Sacramenti administratione.

VI. Obstetricæ & mulieres aliæ, quæ puerperis tempore partus frequenter adsunt, duplici nomine graviter sunt admonendæ: primum, ne extra tempus necessitatis baptizandi officium usurpent sibi: deinde, ut formam baptizandi probe teneant ac servant. Hanc formam nisi norint, ad munus obstetricandi non admittantur, & de eadem omnes, quæ passim hoc ipso munere funguntur, a suis Parochis examinentur. Quod si nonnullæ baptizandi veram ignorent formulam, statim doceantur; at si nolint discere, a suscepto obstetricandi munere, ut merentur, prorsus excludantur.

VII. Infantes in necessitate a laicis baptizati, in Ecclesiam a parentibus, nutricibus, vel obstetricibus, quamprimum fieri potest, adducantur. Ibi Sacerdos diligenter inquiret, an debita forma in baptizando fuerit observata: quæ si accessit, Sacerdos factum approbans, suppleat reliqua, quæ secundum Obsequialis præscriptum supplenda erunt. In aliis vero casibus & dubiis circa Baptismum occurrentibus, quid idem Obsequiale moneat, videndum & sequendum erit, & præsertim, si quem sub conditione baptizare necesse sit.

VIII. Cæterum, quod ad alios pertinet, qui ab hæreticis ipsorum more baptizati, ad Ecclesiam Catholicam redeunt, observari volumus Synodi Provincialis Moguntinæ Decretum, ut qui ritus circa Baptismum in illis sunt prætermissi, Catholico more secundum Obsequialis nostri tenorem caute & pie suppleantur. Primum autem tales ab hæreticis baptizati, ut hos ritus, & solitas unctiones, atque preces admittant, serio exhortandi, &, qua fieri ratione potest, permovendi sunt. Illis vero totum Baptisma secundum Ecclesiæ nostræ ritum tradatur, in quorum forte Baptismo debita quoque forma non fuerit observata.

IX. Sit in qualibet Parochiali Ecclesia Baptismi fons lapideus, vel cupreus, diligenter obſervatus & occluſus, in quo ſemper prompta nitida conſervetur aqua. Hic quovis anno bis, ſemel quidem in Sabbato Sancto, ſemel autem in Sabbato Pentecoſtes ſolenni benedictione, & Sacri Chriſmatis unctione ſanctificetur, fronte prius expurgato per ipſum Parochum, vel alium in Sacris conſtitutum. Ex quo fonte, ne quicquam aquam ſurripere, & ea quomodolibet abuti poſſit, neve ullis injuriis vel immunditiei hæc aqua ſacra expoſita maneat, ſerio mandamus fontem eundem diligenter occludi, mundumque ſervari. Tum ſingulis Parochis inhibemus, ne aquam ex fonte Baptiſmali cuiusvis porrigant, ut in uſum profanum verti nullo modo poſſit.

X. Ubi in eadem Eccleſia propter pacem publicam diverſæ Religionis exercitium tolerari debet, ne ſit fons Baptiſmaliſ communis, ſed ſuum proprium habeat Paſtor Catholicus, quem bene clauſum, obſervatumque teneat.

XI. Ne Baptiſmus forte dilatus periculum adferat infantibus, qui hoc lavacro ad ſalutem egent, ſedulo præcipimus, ut parentes, nutrices, & obſtertrices moram omnem abrumpant, & quam fieri poteſt, citiſſime baptizandos infantes offerant, quibus & ſolemnes cæremoniæ, ſi per tempus licet, adhibeantur. Nec feratur, ut ultra dies octo natis parvulis Baptiſma pro-rogetur.

XII. Nemo baptizet Judæos & Judæorum filios, aut filias, niſi in illis vitæ periculum timeretur, abſque noſtra, vel Vicarii noſtri expreſſa facultate. Refert enim prius inquiri, ſi ceteræ, an vere baptizari tales cupiant catechumeni, tum ſintne in fide ſatis ad hoc fidei Sacramentum capeſſendum inſtructi.

XIII. Obſervari volumus Decretum Concilii Tridentini, ut unus tantum ſive vir, ſive ſcæmina, vel ad ſummum vir unus & una ſcæmina, de quibus primum ſciſcitabitur Parochus, de fonte ſuſcipiant baptizandum. Quod ſi ultra designatos alii infantem tangen-

tes acceſſerint, nullam cognationem ſpiritualem ſciant cum illis contrahi.

XIV. Illi tantum in compadres vel commatres, ut vocant, admittantur, qui officio ſuo, cujus, ſicut & cognationis ſpirituales, quam contrahere ſolent, a Parocho admonendi ſunt, ſatiſfacere poſſe videbuntur.

XV. Animadvertant Parochi, priuſquam ad Eccleſiam veniatur, cum parentibus baptizandorum illud agendum eſſe, ne compadres vel commatres eligant, qui nondum tenent fidei rudimenta, utpote Symbolum Apoſtolorum & Orationem Dominicam: quique ad annos diſcretionis nondum pervenerunt, & qui ſunt perſonæ Regulares cujuſcunque Ordinis, quod neutri pro aliis ſpondendi neceſſariam libertatem habeant.

XVI. Prætere ſciant & moneant iidem Parochi in compadres admittendos non eſſe, qui juſto impedimento ceſſante, eo anno Sacerdoti peccata confeſſi non ſunt, neque in feſto Paſchæ Sacram ſuſceperunt Euchariſtiæ, quique hæreſi forte infecti, aut excommunicati reperiantur. Neutiquam enim convenit eos veluti miniſtros, vel teſtes aſſiſtere Sacramentis, qui de illis male ſentiunt, vel quos a Divinis arcet Eccleſia, quive ſeipſos ab unitate atque communionem Catholica fegregarunt.

XVII. Habeant ſinguli Parochi librum peculiarem, in quo baptizatorum nomina, & parentum eorundem ac compatrum nomina, cognomina, diemque nativitatis ac Baptiſmi accurate deſcribant. Eum librum diligenter cuſtodiant, & in eadem Eccleſia tuto loco conſervandum, & perpetuo relinquendum curent.

XVIII. Parvulos ſive divitum, ſive pauperum, niſi forte gravis neceſſitas aliter fieri poſtulet, non alibi, quam in loco ſacro, & coram conſpectu fidelium volumus baptizari, nec alia illis nomina imponi, quam Sanctorum, quorum exemplo excitati, cum adoleverint, pietatis, virtutisque ſe ſtrenuos cultores exhibeant.

XIX. Dum vero baptizatur infans, manibus eum ſuſtineat Patrinus, Sacerdo-

cerdote affundente aquam, & dicente: *Ego te baptizo in nomine Patris, & Filii, & Spiritus Sancti, Amen.*

XX. Puerperæ a Parochis tum monendæ, tum adigendæ sunt, ut post absolutum puerperii tempus in primo statim egressu ad Ecclesiam procedant, seque Deo clementissimo gratas & devotas ostendant, ac tum benedictionem a Parochis solitam petant, accipiantque.

CAPUT IV.

De Sacramento Confirmationis.

I.

REcce jam olim est constitutum, & a nostris quoque Parochis volumus observari, ut ipsorum admonitione permoti parentes, & alii, qui curam baptizatorum puerorum gerunt, eosdem Episcopo confirmandos afferant, neque sinant horum animas tam præsentî & salutari Sancti Spiritus medicina fraudari. Alioquin, qui ea in re negligenter egerint, sive Parochi, sive parentes, pœnis Canonice subiacent. Curent interim Parochi de Sacramenti hujus institutione, præstantia, fructu sæpe docere, simulque septem dona Spiritus Sancti, quæ in hoc Sacramento conferuntur & accipiuntur, ex professo tractent.

II. Admonendi Patrini, præsertim rudiores in pagis, & qui confirmandi accedent, ut norint & cogitent secum, Sacramentum Confirmationis rem esse sanctitatis plenam, inde ab initio Ecclesiæ magno in pretio semper habitam, magnoque consensu Sanctorum Patrum comprobata, imo etiam ab ipsis Apostolis traditam; eapropter huc magna Religione, compositis moribus, ac sine ullo tumultu, clamoreque honeste & pie præparatos accedere oportere, ut mentes illorum excellentibus donis Spiritus Sancti plenius imbuantur, & in gratia spiritali contra quævis adversa corroborentur.

III. Ad Episcopum accedentes, qui primi erunt, flexis coram eo genibus, mente vero ad cælum erecta, religiose accipiant hoc Sacramentum. Deinde, qui succedunt alii, indecora festinatio-

ne vitata, ordine quodam & servata modestia subsequantur.

IV. Ne putentur omnes idonei ad offerendum Episcopo eos, qui sunt confirmandi (septennes autem confirmandos esse ut minimum suademus ac desideramus) facultatem hanc offerendi duntaxat permittimus his, qui primum & ipsi Catholice confirmati, & ab omni excommunicationis sententia liberi, nec gravioribus criminibus palam obnoxii fuerint, tum qui eo anno ad Sacramentum Confessionis & Communionis acceperint, & prima fidei noverrint rudimenta; Regulares autem personas, cujuscunque sint Ordinis, pro patrinis huc accedere prohibemus.

V. Caveatur, quantum commode fieri potest, ne posthac Laici plures, quam duos offerant Episcopo, præsertim ut eo certius cognationis spiritalis incommodum, quod subsequenti Matrimonio impedimentum afferre posset, evitetur.

VI. Qui adulti ad Confirmationem veniunt, Sacramentali Confessione suas primum conscientias purgent, gravibus autem sceleribus contaminati & infames, vel sententia excommunicationis ligati, nisi antea pœnitentiam agant, & rite absolvantur, ab hoc Sacramento sunt prorsus arcendi.

VII. Singuli confirmandi suum habeant patrinum, qui fascia linea & munda frontem confirmati statim liget, quæ ob reverentiam Sacri Chrismatis triduo gestetur, deponaturque postea, ut jam more confirmatum est, per Sacerdotem, vel patrinum, vel alium e fidelibus, & comburatur, mittanturque cineres in piscinam sacram. Frons autem confirmati abluatur aqua munda in pelvim, quæ deinde effundatur in cœmeterium, vel in piscinam sacram, vel profluentem, nullo modo in locum aliquem immundum.

VIII. De quibus rebus Parochi diserte & tempestive suos moneant, & præsertim ad Sacramenti hujus pium desiderium, & fructum spirituales eosdem incitent & accendant.

CAPUT V.

De Sr. Sacramento Eucharistiæ.

I.

Cum Eucharistia sit Sacramentum Sacramentorum, quo nihil sublimius, aut sanctius, aut augustius habet Ecclesia, graviter nobis & moleste ferendum est, summum hoc Mysterium a Sectariis & impuris hominibus horrendum in modum profanari, & impie passim oppugnari, nequiterque contemni. Quare non possumus non admonere ac jubere Parochis, ut populo diligenter inculcent, quæ de astringenda hujus Sacramenti veritate, transubstantiatione, adoratione, sumptione, & oblatione Sancta Synodus Trid. post clarissima tot Patrum & Doctorum testimonia definivit.

II. Quoniam sæpe accidit, ut simplices plerique hoc ducantur errore, ut ablutionem seu purificationem ex calice capientes, credant se Domini Sanguinem sumere, consultius fore judicavimus a Parochis vas quoddam honestum distinctæ formæ tam a calice, quam domesticæ figuræ cyatho, atque illud, ubi commode haberi potest, argenteum, ad manum haberi, unde Communicantibus ablutio, ut vocant, a quocunque Clerico, vel honesto Laico porrigatur. Ea de re populus, ne erret, aut offendatur, pro concione simul instruat.

III. In qualibet Parochiali Ecclesia sit tabernaculum, seu reservatorium, uti vocant, in loco eminenti, conspicuo, honorifico, mundo, qui etiam minime humidus videatur, ubi secundum antiquissimam Ecclesiæ consuetudinem, quam etiam Sæculo Nicæni Concilii fuisse constat, Eucharistia pro infirmorum viatico conservetur. Et, quo sciri possit commodius, ubi adoranda Eucharistia conservetur, quæ primum honorem ab ingredientibus Ecclesiam promeretur, pia pictura, & sculprura quædam parata sit, quæ spectantes ad pietatis cultum, & Sacramenti hujus dulcem memoriam, Christique Domini venerandam præsentiam excitet.

IV. Sed & lumen ante Sacramen-

tum Corporis Christi, qui est lux indeficiens, & candor lucis æternæ, noctes atque dies accensum volumus præluere. Quod, ut omnino fiat, omnium locorum Parochos, ad ejusmodi luminarium defectus, ubicunque fuerint, corrigendos, aut Nobis, vel Vicario nostro quamprimum denuntiandos, sub pœna Nobis arbitraria, obligamus.

V. Sit in tabernaculo mundum, decens, & honestum vasculum (alii pyxidem nominant) quo Sacramentum hoc, quod est peregrinantium, & ex hac vita migrantium Viaticum vere salutare, ad infirmos deferri, illisque inde porrigi possit.

VI. Sit item Monstrantia, ut vocant, quæ ad Christi Venerabile Corpus suis temporibus exhibendum & circumferendum serviat, eamque in locis illis, quibus facultates ad id suppetunt, argenteam, alibi vero ut minimum ex aurichalco deaurato conflata parari jubemus.

VII. Tabernaculum, quod diximus, una cum vasculo decenter parato diligenter claudi & muniri, & claves a Parocho studiose asservari, & nullo modo Ædituo committi mandamus, nimirum ad irreverentiam, & injuriam omnem, ne hic accidat, prohibendam.

VIII. In hoc ipso vasculo tot Hostiæ consecratæ semper habeantur, quot præsentis ægrotorum necessitati probabiliter sufficere videbuntur. Ubi Parochis omnibus injunctum volumus, ut hujusmodi Hostias, semel aut bis mensē quolibet, reverenter in Missa, ipsi sumant, vel aliis porrigant in Communione. Alias interim novas in usum infirmorum ad justum numerum consecrare, & decenti in loco reservare procurent.

IX. Quando Sacerdos ad ægrotum cum Sacra Eucharistia venturus accersitur, nisi necessitas aut periculum festinationem aliud exigat, mittatur in tempore vel Ædituus, vel alius, ad mensam in ædibus ægroti decenter præparandam, cui mensæ Sanctissimum Sacramentum veniens Sacerdos imponat, ardentibus interim duabus, si haberi poterunt, honestæ formæ candelis, seu cereis.

X. Paratis omnibus, quæ huc pertinent, Sacerdos Venerandam Eucharistiam non sine ingenti reverentia complectens, ad ægrotum graviter & mature procedat, ut composito ad pietatem vultu, ac toto corpore religionem præ se ferente, superpelliceo & stola ornatus in platea cernatur. Præterea mundo imposito velamine, Sacrum Domini Corpus ante pectus honeste ferat, referatque lumine semper prælucente, & sonante tintinnabulo, ut hinc mentes audientium, sive spectantium, ad honorandam Christi præsentiam efficacius extimulentur.

XI. Paticiores autem, quam duas Eucharistiæ Sacræ particulas ad infirmum deferri vetamus, præsertim, ut ne, cum Sacerdos in Ecclesiam redit, falso existimet populus præsentem & adorandam Eucharistiam adesse. Quod si per negligentiam, aut ob qualemcunque festinationem accidat, ut Sacerdos citra Eucharistiam in vasculo conservaram redeat, tum superpelliceum ipse exuat, neque lumen præferatur, neque campanulæ signum ullum datur.

XII. Horrentur sæpe, seduloque curent Parochi, ut fideles, & præcipue viciniore Sanctum hoc Sacramentum, Dominumque suum ad ægrotos euntem pro Christiana pietate non gravatim comitentur, quin & religiose deducant, simulque pro fratris sui salute (quod fraternæ charitatis est proprium) pie comprecantur.

XIII. Non auget, sed minuit debitam huic Sacramento venerationem, quod contra veteris Ecclesiæ morem Sacrosancta Eucharistia sæpe & levibus de causis, paucisque, aut nullis præsentibus exportatur atque circumferatur. Quare constituimus ac jubemus, ut posthac hujusmodi frequens Sacramenti circumgestatio prætermittatur, præterquam in solemni Festo & Octava Corporis Christi; & si aliquando ingenti de causâ publicæ supplicationes instituentur, quibus multi præsentem, & devoti Dei cultores adsint in Christi nomine congregati.

XIV. Item omnino interdiciamus, ne, quibus diebus Sacramentum hoc

publice defertur, ludi profani, vana spectacula, & alia levitatis & vanitatis genera exercentur. Vetamus præterea, ne post hujusmodi processiones, eodem ipso die comestationibus, comportionibus, choreis, aliisque carnis operibus homines vacent, quos tunc pietati, honestati & gravitati Christianæ, cultuique Divino operam dare, vel maxime quidem oportebit.

XV. Eximius, vereque suavis & inexplicabilis est fructus, quem pii referunt ex digne sumpta Eucharistia. Quamobrem nec raro, nec leviter populus pro concione monendus erit, ut non semel tantum Paschatis tempore, sed in præcipuis etiam Ecclesiæ festis, adeoque, si fieri potest, sæpius ad hunc celestem, Divinumque panem libenter & reverenter edendum accedat, utque immensum hunc thesaurum celestium divitiarum, quo primi Christiani quotidie fruebantur, sæpe & avidè sumat, Christo ipso huc invitante.

XVI. In Sacra Eucharistia dispensanda servetur, quod in Ecclesiis Catholicis tot jam sæculis mos obtinet, ac sacris etiam Conciliis Constantiensi & Tridentino comprobatur, nimirum ut non modo fideles laici, verum etiam Sacerdotes non sacrificantes, Corpus & Sanguinem Domini, adeoque totum Christum Deum & hominem sub una panis specie sumant.

XVII. Qui ritus communicandi tanto diligentius in Ecclesia nostra est omnibus retinendus, quo certius constat, hoc non obscuro Symbolo Catholicos a Sæctariis hodie plurimum discerni, & eos, qui usum calicis veluti rem necessariam ad salutem tantopere urgent, Ecclesiæ Catholicæ tum desertores, tum contemptores esse, quos juvat magis de Sacramenti signis contendere, quam Eucharistiæ virtutem & fructum quærere. Nos vero in Sacerdotes illos graviter animadvertemus, qui manifeste vel occulte in Templis vel adibus Communionem sub utraque specie porrexerint quibuscunque. Tum obligatos volumus Parochos ad indicanda Nobis illorum nomina, qui Catholica Communionem non contenti, Ecclesiæ adversantur, & fideles offendunt,

dunt, ut contra illos juris remedia, si cut res ipsa postulat, experiamur.

XVIII. Quoniam plurimum refert, qua fide, quò animo, quantaque religione sint præditi, qui ad Eucharistiam sumendam accedunt, etiam atque etiam hortamur Parochos, & illis severe simul injungimus, ut tempestive, & studiose populum doceant, de ratione sancte & legitime communicandi. Præterea velut ob oculos ponant auditoribus, quæ utilitates & gratiæ munera perveniant ad bene præparatos, & contra, quæ incommoda & pericula indigne communicantes in hoc & futuro sæculo maneant.

XIX. Unde Canonem Apostolicum sedulo urgeant: Probet seipsum homo, & sic de pane illo edat; & current Parochi sedulo, ne Sacrosanctam Eucharistiam illi tribuant, quem sciunt confessum non esse, ne Sanctum canibus, hoc est, indignis & impenitentibus detur.

XX. Urgeant quoque & exhortentur suos subditos iidem, ut præcepto de sumenda Communionem annua satisfaciant in Parochia, ad quam de jure, vel consuetudine pertinent, vel si alibi ex legitima causa communicaverint, ejus rei testimonium fide dignum exigant.

XXI. Citra nostram, vel proprii Parochi licentiam, qui Communionem Paschalem ultra Dominicam in Albis distulerit, & admonitus, quod debet præstare, contumaciter recusaverit, is vivus a communione fidelium & ingressu Ecclesiæ arceatur, & mortuus sepultura Christiana careat, ejusque nomen ad Nos, vel Vicarium nostrum deferatur, ut aliis etiam mediis ad obedientiam Ecclesiæ compellatur.

XXII. Ineatur ratio in singulis Parochiis, ut cognosci certo possit, quinam præcepto Confessionis annuæ & Communionis Paschalis satisfecerint, & quem quisque Parochorum quotannis tenuerit, referre teneatur suo Decano in Capitulo, quod proxime post Pascha celebrabitur, eidemque numerum omnium, qui dicto tempore communicaverint, accurate, & bona fide descrip-

tum tradat, quem deinde Decanus ad nostrum Vicarium Generalem mittat.

XXIII. Tempore Paschali, qui a sua Parochia abfuerint, & intra octo dies a reditu impleri præcepti Ecclesiastici testimonium fide dignum non exhibuerint, pari omnino cum illis, qui domi non communicaverint, conditione censeantur, ut vivis Ecclesiæ ingressu, mortuisque Ecclesiastica sepultura interdictum sit.

XXIV. Pueros, ubi annos discretionis attingerint, ne patiantur Parochi a Communionem diutius abstinere, prius tamen, quam admittantur, diligenter instruantur in iis, quæ ad tanti Sacramenti vim & usum cognoscendum pertinent, ut in eis piam animi devotionem ac reverentiam excitent.

XXV. Damnatiss ad mortem de peccatis rite confessis & contritis, negari non debet Eucharistia, sed tamen danda ante diem supplicii.

XXVI. Quando Sacra Communio in Templo datur, ut omnia convenienti ordine & cum reverentia fiant, observari volumus & mandamus modum, qui in Obsequiali nostro præscriptus est.

CAPUT VI.

De celebratione Missarum.

I.

Semper docuit Ecclesia, & a suis Ministris constanter doceri vult, Eucharistiam duabus de causis esse a Christo Domino institutam, & juxta ejusdem institutionem nobis retinendam. Altera est, ut cœleste animæ nostræ alimentum sit, quo vitam spirituales tueri & conservare possimus. Altera, ut Ecclesia perpetuum Sacrificium habeat, quo peccatorum nostrorum expiatio impetrari possit.

II. Et cum Salvator noster Deo Patri seipsum in ara Crucis oblatus esset, nullam suæ erga nos immensæ charitatis illustriorem significationem dare potuit, quam cum nobis visibile Sacrificium. reliquit, quo cruenti illius Sacrificii in Cruce semel immolari vis in nos derivaretur, ejusque memo-

memoria usque in finem sæculi, quotidie summa cum utilitate ab Ecclesia per universum mundum diffusa coleretur.

III. Quare Parochis, & omnibus Divini verbi Prædicatoribus serio mandamus, ut Sacrificii hujus a Christo in Cœna ultima instituti veritatem, excellentiam, admirabiles fructus, ejusque in Ecclesia perpetuam celebrationem singulari cura doceant, & populum Christianum frequenter adhortentur, ut non solum Dominicis ac Festis, sed aliis quoque per hebdomadem diebus, cum celebratur, interesse studeat.

IV. Sacerdotes Deo tam placent Hostiam oblaturi, quanta maxima fieri potest cordis munditia & puritate, atque summæ devotionis ac pietatis studio ad altare accedant, diligenti prius investigatione discussa conscientia; quam si ullius etiam occultissimi peccati mortalis labe inquinatam reperiunt, priusquam sacrificent, Sacramentali Confessione expurgent. Neque enim sufficit ad digne sacrificandum de peccato mortali suscepta contritio, si Confessio Sacramentalis fieri possit, ut est a Concilio Trident. aperte definitum. Quod si Confessarii facultas nulla sit, & urgeat celebrandi necessitas, celebrata Missa, quamprimum poterit, Confessarium adeat, eique confiteatur.

V. Ut autem minor sit in conquiendis Confessariis difficultas, Sacerdotibus, qui Regulares non sunt, liberum permittimus, ut, quem velint Confessarium a Nobis admissum, & juxta formam Concilii Trident. approbatum, sibi eligere possint, a quo, a peccatis omnibus, quæ Nobis, vel Sedi Apostolicæ reservata non sint, absolvantur.

VI. Cum celebrandi tempus imminet, colligant se Sacerdotes ab omni animi distractione, & gratiam tremendum istud Mysterium digne peragendi a Deo implorent, curentque, ut ex precibus Canonicis saltem Matutinum cum Laudibus absolverint, quemadmodum etiam Rubricæ Missalis Romani præscribunt.

VII. Missam quoque ipsam, ante-

quam ad Altare accedunt, perlegant, & singulas partes ita præparatas atque notatas habere studeant, ut postea neque errent, neque hæreant. In ipso vero altari DEI & Virginis Filium in remissionem peccatorum immolaturi, quam devote, & quam reverenter se habere debeant, Sacrificii excellentia declarat.

VIII. Memores autem Constitutionis Concilii Trid. in privatis ædibus, & extra Ecclesiam & Oratoria, quæ soli Divino cultui dicata, & legitime deputata sint, Missas non legant, sicut nec sine libro Missali, mundo & sacro vestitu, sine duplici lumine cæræ, nec sine uno saltem ministro, qui apte respondeat & devote inserviat.

IX. In altaribus nihil sordidum, nihil indecens, aut incompositum appareat, nihil sit in sacris vestibus laecerum, immundumve. Nihil quoque desit ex sacris vasis; & calices habeantur ex metalli genere jure permisso. Sæpe laventur altaris mappæ, purificatoria, quæ cuiusvis calici propria adhibeantur; corporalia item, & alia similia Sacrificii instrumenta, quæ rite consecrata sint, & integra, & mundis ac tutis in locis conserventur.

X. Dicant omnes Missam ex Romano Missali, & in eo præscriptas caeremonias ad unguem servant, neque alias ulla ratione adhibeant. Vitent omnem indecorum & absurdum capitatis, oris, & reliqui corporis motum. Quæ debent ex instituto Ecclesiæ, palam pronuntient distincte & clara voce, reliqua secreto. Verba neque tardius, neque celerius, quam par sit, proferant.

XI. Symbolum Fidei, Præfatio & Oratio Dominica non abrumpantur, sed semper integre cantentur. Circa Elevationem Sacræ Hostiæ Antiphonæ, vel aliæ intempestivæ cantiones ne intercinantur. Altum silentium, quod præsentibus mysteriis tunc debetur, paulisper ab omnibus servetur, sed elevato Calice, si musice cantandum sit, id devote & submissa voce fiat. Sub concione Missæ ne fiant.

XII. Hostiæ ad Sacrificium sumantur azymæ, ex sola naturali aqua & farina

rina triticea paratæ, quæque non atræ, mucidæ, putres vel fractæ sint. Et vinum adhibeatur clarum & purum, quod non expedit ex publicis cauponis afferri; si tamen aliter haberi nequeat, Ædituus præsens & coram ipse videat, ut immediate ex dolio promatur.

XIII. Servetur in Ecclesiis tempus Missarum certum ac stabile, & ubi eodem die simul plures dici consueverunt, is ordo teneatur, ut pro populi commoditate una primo diluculo, aliæ debito intervallo distributæ dicantur.

XIV. Missæ defunctorum, contra quam hætenus in plerisque pagis factum est, non Dominicis aut Festis, sed aliis per hebdomadam diebus celebrentur, in quos iusta funebria rejiciantur: Quod si aliquando graves ob causas ipsis Dominicis aut Festis peragenda essent, id hac ratione fiat, ut præter consuetam Parochialem Missam una atque altera defunctorum dicatur, si plures alii Sacerdotes ad sint; sin minus, in prædicta Parochiali Missa, quæ semper de Festo, vel Dominica incidente, in vestibus consuieris, non autem in funebribus dicenda erit, adjungi poterit oratio propria pro defunctis.

XV. Quia multis Altaribus & Ecclesiis is numerus Missarum incumbit, cui satisfieri ob nimiam censuum tenuitatem non possit, ut huic incommodo, quantum in Nobis est, occurratur, volumus, ut quæcunque ejusmodi remedio indigere in Ecclesia sua unusquisque Rector viderit, ea in unum diligenter collecta ad Nos deferat, ut vel tenuiora legata conjungere, vel minorem Missarum numerum ex Canonum Jure, & Concilii Trid. auctoritate constituit, vel alia ratione providere possimus, ut, quoad ejus fieri potest, pia defunctorum voluntati satisfiat, & Sacerdotum inopiæ consulatur. Inposterum nemo fundationes ullas suscipiat pro celebrandis Missis annuis, ordinariis & perpetuis, sine consensu saltem Decani ruralis.

XVI. Nemo per Dicecesin nostram primum Sacrum celebret, nisi facultate a Vicario nostro scripto obtenta, quæ

nemini dabitur, qui prius in tota ratione celebrandi juxta usum Rom. instructus non sit. Interdicta etiam & severe prohibita volumus convivia sumptuosa, ludos, choreas, & omne inanium & mundanorum oblectamentorum genus, cæterosque omnes abusus, qui quocunque modo in celebratione Primitiarum irrepperunt, & in eos, qui in hoc genere aliquid peccaverint, graviter animadvertemus.

CAPUT VII.

De Sacramento Pœnitentiæ.

I.

ET sacra Literæ, & sæculi nostri perveritas postulat, ut Pœnitentiæ virtus & Sacramentum a Concionatoribus vel maxime commenderetur. Nam hoc est saluberrimum medicamentum, & unicum perfugium peccatoribus omnibus post Baptismum lapsis ad salutem necessarium, ut Deo & Ecclesiæ reconcilientur, & Christi meritis peccatorum vinculis exsolvantur.

II. Et cum toto anno, tum Quadragesimæ potissimum tempore fidelibus pœnitentiæ atque confessionis usus sedulo commendandus erit a Parochis, & Divini verbi Concionatoribus, & Lex Ecclesiastica de Confessione in Concilio Lateranensi lata, diligenter tum proponenda, tum explicanda. Ea vero talis est: "Omnis utriusque sexus fidelis, postquam ad annos discretionis pervenerit, omnia sua solus peccata saltem semel in anno fideliter confiteatur proprio Sacerdoti, & injunctam sibi pœnitentiam propriis studeat viribus adimplere, suscipiens reverenter ad minus in Pascha Eucharistiæ Sacramentum: nisi forte de proprii Sacerdotis consilio, ob aliquam rationabilem causam, ad tempus ab ejus perceptione duxerit abstinendum: alioquin & vivens ab ingressu Ecclesiæ arceatur, & moriens Christiana careat sepultura."

III. Monendi vero fideles, ut non tantum semel in anno, cum urgentur præcepto Ecclesiastico, sed sæpius etiam confiteantur, & Sacram Communionem

nionem percipiant, neque unquam post mortalia peccata commissa pœnitentiam ad longum tempus differant, sed ab illis quamprimum, ut absolvantur, laborent, atque in Dei gratiam restituantur.

IV. Qui autem per annum sæpius non confitentur, illi moneantur, ut ex veteri ac laudabili more Ecclesiæ nostræ in Quadragesima bis confiteantur, semel in illius principio, & iterum in fine, cum ad Sacram Synaxin accedere volent.

V. Ægroti, puerperæ, atque alii, quibus probabile vitæ periculum imminet, salutaribus pœnitentiæ remediis se munire ex more antiquo ne omitant, peculiari cura ac sollicitudine procurent Parochi, & quicumque animarum curam gerentes.

VI. Porro ad pœnitentiam DEO gratam, & homini ipsi salutarem hæc pertinere doceantur. Primum, ut qui peccavit, de omnibus, quæ vel bona prætermisit, vel mala commisit, ex animo doleat: deinde, ut hic dolor confitendi & satisfaciendi voluntatem conjunctam habeat: præterea, ut Sacerdoti, tanquam Christi Domini Vicario, animæ suæ morbos & vulnera aperiat, non solum in genere, sed etiam in specie peccata mortalia omnia, quorum meminisse potest, simpliciter enumeret, ac verecunde confiteatur.

VII. Nemo autem sive sæcularis, sive Regularis confessiones audire præsumat, nisi Sacerdos rite ordinatus sit, & Canonicè non impeditus, ac Beneficium Parochiale, vel alias legitimam approbationem Ordinarii, & in pœnitentes Jurisdictionem acceperit, quam in mortis articulo quivis Sacerdos habet, ut quemvis sincere pœnitentem a quibusvis peccatis & quavis excommunicatione absolvere possit.

VIII. Cæterum extra mortis articulum diligenter attendant Confessarii, ne quem a Casibus Summo Pontifici, vel Nobis reservatis absolvere tentent, nisi peculiarem & extraordinariam potestatem ad id legitime obtentam habeant.

IX. Verum ne multitudine casuum reservatorum peccatoribus nimi-

um difficilis reddatur pœnitentia, atque ab ea fortasse retrahantur, id Parochis omnibus per Dioecesin nostram constitutis, & Confessariis aliis approbatis permittimus, hancque illis potestatem jam ante ab Antecessoribus nostris concessam confirmamus, ut quoscunque laicos contritos & confessos, a quibuscunque peccatis occultis quantumvis gravibus, quæ alioquin auctoritati nostræ ordinariæ reservarentur, possint absolvere; tribus duntaxat exceptis, nimirum: Homicidio voluntario, Hæresi, & omni majori excommunicatione, quorum absolutionem solis Nobis, Vicario Generali, & Pœnitentiario nostro reservamus.

X. Pro Clericis autem sæcularibus ultra tres illos casus superiore Canone expressos, volumus etiam præsentis Decreto reservare sequentes: Incestum cum Moniali professâ, & cum propria consanguinea vel affine in primo & secundo gradu: Veneficium, incantationes magicas, & maleficium, Sanctæ Eucharistiæ, Sacrarum Reliquiarum, vel Sacræ Scripturæ abusum ad exercitium magiæ: violationem sigilli Confessionis Sacramentalis. Quare, qui ex numero Clericorum aliquod horum peccatorum quantumcunque occulte admisit, absolutionem a Nobis, Vicario nostro Generali, vel Pœnitentiario petere debet.

XI. Porro peccata annexam habentia excommunicationem Summi Pontificis, vel nostræ tanquam Ordinarii absolutioni reservatam, multa sunt, quorum præcipua in Bulla *Cens Domini* referuntur, de quibus, ut & de reliquis expedit legi Navarrum in *Manuali cap. 27. Toletum lib. 1. Instruat. Sacerd. cap. 18.* & in sequentibus. Directorium Joannis Polanci, Summam Fumi, & aliorum Summistarum, verbo: *Excommunicatione*. Franciscum Suarez de *Censuris*.

XII. Extra necessitatem non audiantur confessiones, nisi in Ecclesia, & semper in loco aperto, inque conspectu fidelium, maxime si contentes sint mulieres, quas convenit breviter expedire. Confessionalia, ubi erecta nondum sunt, erigantur quamprimum sumptibus fabricarum.

XIII. Sacerdotes ad confessiones audiendas vocati, abrumpant omnem moram, & prompti eant, quo vocati sunt, pleni desiderio juvandi animas, ferventque ea accurate, quæ Confessariis in Obsequiali nostro præscribuntur.

XIV. Qui consentunt, aperto capite ad pedes Sacerdotis abjiciant sese, & demisso in terram vultu, ac verecunda voce Christianæ humilitatis indicia proferant, ut, sicut Cypr. loquitur, apud Sacerdotes Dei dolenter confiteantur; nec expectata Confessarii interrogatione sua peccata explicent, cujus tamen diligentia adjuvandi erunt, ubi aliqua in parte deficere videbuntur.

CAPUT VIII.

De Sacramento Extremæ Unctionis.

I.

DOceri volumus a Parochis ac diligenter explicari, de Sacramenti hujus institutione, utilitate, ac virtute, sicut & Jacobus Apostolus docuit: qui nec patiantur Sacramentum hoc exeuntium (ut veteres appellant) vel a Catholicis negligi, vel a Sectariis, si prohibere possint, indigne contemni. Hic etenim Dei gratia tribuitur, quæ peccata, & imprimis quidem leviora remittit, & animam a languore & infirmitate, quam ex peccatis contraxit, liberat, & in supremo mortis agone certantem animam, nec solum animam, sed etiam sæpe corpori medicinam efficacem præbet.

II. Observent etiam Parochi Extremam Unctionem negandam esse pueris, amentibus aut furiosis, inpenitentibus & desperatis;tribuendam autem rationis usum habentibus, & gravi morbo affectis ægrotis, quos sensibus utcumque vigere, & religiosi animi significationem asserre præstat, quam ut omni spe salutis corporalis amissa, & sensuum vigore sublato inungantur.

III. Quod si infirmi post susceptam semel hanc Sacram Unctionem convalescerint, iterum hujus Sacramenti subsidio juvari poterunt, quoties in aliud simile vitæ discrimen inciderint.

IV. In ungendis ægrotis nihil præ-

postere ac inordinate fiat, sed quem admodum Obsequiale nostrum præscribit, ritus omnes religiose ac decenter, debitisque in locis corporis adhibeantur, lectis etiam Litanis & precationibus aliis pro veteri more.

V. Tum piam Sacerdos exhortationem adjungat, ut meminerit agrotus, morbum & dolorem omnem Christiano patienter ferendum, & in Cruce ipsa gloriandum esse fidelibus, ad mortem vero usque pro fide & pietate certandum, & demum in supremo mortis agone juxta Christi morientis exemplum, Satanæ nullum locum relinquendum, sed Dei voluntati parendum, & ad celestem patriam anhelandum esse. Deinde non erit abs re astantes admoneri humanæ sortis atque fragilitatis, ut hinc discant etiam & cogitent, qua via sit ad felicitatem omnibus contendendum.

CAPUT IX.

De Sacramento Ordinis.

I.

PER hoc Sacramentum Dei & Ecclesiæ Ministri, non solum in ovile Dominicum ingrediuntur & agnoscuntur, sed etiam functionem & auctoritatem suam ex professio tuentur, exercentque. Unde doceant Parochi Ordinum Ecclesiasticorum collationem, atque Ministrorum institutionem, Divinum institutum, & rem Ecclesiæ maxime necessariam esse, nullumque majorem aut gradum, aut honorem inter homines, quam apud ordinatos præferri novi testamenti Sacerdotes reperiri.

II. Ab iisdem Parochis intelligat populus, sicut recte ordinatis summa dignitas in terra debetur: sic nihil illorum hominum genere contemptius atque infelicius, & Ecclesiæ Dei perniciosius esse, qui in Ecclesiastica Ministeria arroganter seipfos ingerunt, vel a sæcularibus Magistratibus intrusi, ea impudenter exercent munia, quæ ad Ecclesiæ Ministros legitime ordinatos, vocatos & missos, proprie spectant.

III. Præterea doceantur fideles, Ministris Ecclesiæ ordinatis potestatem duplicem Ordinis & Jurisdictionis, nec tamen

tamen utramque omnibus dari, cum multi sint, varique gradus illorum, qui sacris Ministeriis deputantur.

IV. Tempus ordinandos examinandi, ut est jure constitutum, ita volumus observari. Tantum hoc adjungimus, ut ordinandi ad Civitatem Augustanam veniant feria quarta, diem Sabbati, quo conferuntur Ordines, proxime præcedente. Sic enim maturius illi poterunt examinari de convenienti ætate, nativitate, conditione vitæ & doctrinæ, ac id genus aliis, quemadmodum Synodus Trid. præscribit.

V. Quod ad interstitia temporum attinet, quæ inter Ordinum collationes observanda jure præscribuntur, faciemus, quod potestati Nobis ab eadem Synodo Trid. collatæ consentaneum, & Ecclesiæ utile judicabitur.

VI. Tonsurandi non sint ætate minores, quam septennies completes. Quatuor minores suscepturos expedit non pauciores habere, quam annos 12. Ordinandi Subdiaconi inchoasse debent annum suæ ætatis 22. Diaconi 23. Presbyteri 25. De quo fidem facere debent publico Magistratus loci testimonio, sicut & de natalibus legitimis; & si natalium defectum patiantur, super eo dispensationem Apostolicam exhibere tenentur.

VII. Et quia liber esse debet, qui sacre militiæ adscribi desiderat, ut a castris Domini, quibus adjungitur nomen ejus, nullius necessitatis aut Dominiis vinculis abstrahatur, exhibeant ordinandi literas authenticas, quod aut conditione liberi sint, aut a Dominis suis a servitute absoluti, & in libertatem asserti.

VIII. Attendendum quoque diligenter, ne, qui Ordines suscipere cupiunt, irregulares sint, vel censuris Ecclesiasticis irretiti, vel alienæ Diocesis sine legitimis Dimissoriis suorum Ordinariorum.

IX. Ad minores Ordines promovendi, bonum a Parocho & Magistro Scholæ, in qua educantur, testimonium habeant, recte legere & scribere sciant, sintque instituti rudimentis fidei Christianæ, & dent spem majoris progressus in studiis & virtutibus.

Tomus IX. Concilior. German.

X. Majoribus Ordinibus insigniendi, si sint Religiosi, a Superiore suo ætatis, natalium, ac vitæ, morumque probitatis testimonia in scriptis adferant. Sæculares, si in Ecclesia nostra Cathedrali, vel Collegiata, vel his subiecta resideant, vitæ, morum, indolis ac ingenii testimonia exhibeant a Decano Capituli; si in Academia, Collegio, vel Pædagogio aliquo degant, ab illius Præside, alioquin a proprio Pastore, quæ diligenter inspiciantur; & qui illis caruerint, ne ad examen quidem admittantur.

XI. Qui ad aliquem Ordinem promoveri petunt, literas acceptæ primæ tonsuræ, & prioris Ordinis, si quem ante susceperunt, exhibeant. Ad Diaconatum ac Presbyteratum ordinandi peculiariter fidem faciant de functionibus priorum Ordinum rite & sæpius obitis, de recitatis Horis Canonicis, de gestato habitu Clericali, & corona suo Ordini congruente.

XII. Ad Subdiaconatum nullus admittatur, nisi eam scientiam habeat, quæ ad munus Sacerdotis & Curati cum satisfactione obeundum sufficiat. Breve namque tempus est, quod inter eum Ordinem & Sacerdotalem intercedit, & rari admodum sunt, qui Sacerdotes facti, non statim fieri velint Curati, aut Curatorum Vicarii, vel Cooperatores. Quare non modo in literis humanioribus & rhetoricis, verum etiam in doctrina Casuum conscientiæ bene versatum esse oportebit eum, qui Subdiaconus initiari volet.

XIII. Omnino vetamus his omnibus, qui sunt Examinatores ordinandorum, ne vel ipsi, vel eorum loco alii, pecuniam aut munera ab ordinandis, tam pro examine, quam pro collatione quorumcunque Ordinum exigant, recipiantve, non obstante quolibet more vel privilegio, quod ea in parte prorsus abrogamus. Quod si quidam ad Ordines accipiendos pecuniam obtulerint, eos ab ordinatione repelli volumus ac puniri.

XIV. Præterea modis omnibus cavere jubemus, ne circa Titulos, ut vocant, in majoribus Ordinibus fraus aliqua intercedat. Quare inprimis

omnes Prælatos etiam exemptos, hortamur in Domino, atque tam Apostolica delegata, quam nostra Episcopali auctoritate, eisdem respectively mandamus, ne ulli mensæ suæ titulum fictitio donent, neque cautiones accipiant, quod quidam mensæ suæ titulos habentes, nihil unquam ab illis exigere possint. Sciantque hujusmodi reversales, & qualemcunque renuntiationem irritam, & plane nullam ac invalidam esse. Quæ fraudis, avaritiæque turpis nota & Prælatos dedecorat, & sacra obscurat ministeria, & Patrum adversatur Canonibus, qui diserte prohibent, ne quisquam sine certo titulo, qui illi victum necessarium suppeditet, sacris Ordinibus initietur. Nec eos quidem impune peccare sinemus, qui hunc sibi fucum fieri sinunt, & fictitium mensæ titulum afferunt ad Ordines suffragandos. Præterea in illis duntaxat mensæ titulum feremus, qui ob Ecclesiæ vel necessitatem, vel utilitatem ordinandi videbuntur.

XV. Examinari etiam volumus eos diligenter, qui ad patrimonium vel pensionem, ut vocant, petunt ordinari. Probandi sunt enim hi tituli, & ne fucus lateat, inquirendum, nullusque ex illis admittendus, nisi Ecclesiæ necessitate, vel utilitate, ut ordinentur, postulante.

CAPUT X.

De Matrimonii Sacramento, & primo de Sponsalibus.

I.

Justas ob causas Matrimonii Sacramentum Ecclesiæ consuetudine, præcedere solent Sponsalia, quæ sunt Sponsi & Sponsæ in futurum Matrimonium reciproca promissio.

II. Ut minor sit controversiarum occasio, sponsalia non clandestine & in angulis, sed in domo aliqua honesta coram testibus fiant.

III. Nec Parochi, nec alterius ejus loco substituti Sacerdotis præsentia necessaria est, ut legitime & valide contrahantur; Quia expedit magis non interesse, ne imperitiores verum Matrimonium contractum credant, ac

proinde ejus sibi jura interdum male usurpent.

IV. Ubi autem ex longa consuetudine ad Sponsalia vocati sunt Parochi, etsi deinceps quoque, ut vocari possint, permittimus, non tamen aliter, quam ut testes venire atque interesse volumus, idque sine superpelliceo & stola, ac sine ullis peculiaribus cæremoniis.

V. Ultro vero nullus Parochus se Sponsalibus ingerat, & ubi hætenus vocari non consueverunt, non facile etiam vocati ad ea posthac accedant. Ubi tamen absente Parocho inita fuerint, moneri is debet & certior fieri de contractu ab ipsis Sponsis & testibus.

VI. Advigilent autem Parochi, ne Sponsi ante ipsum Matrimonium in Ecclesia rite celebratum, & benedictionem Sacerdotalem acceptam cohabitent, vel Matrimonii Jura usurpent, invocato etiam, si opus sit, auxilio brachii sæcularis, ut hujusmodi scandalosæ cohabitationes de populo Dei tollantur.

VII. Quos publicum fuerit ante vel post Sponsalia, Matrimonio necdum legitime celebrato, carnaliter copulatos fuisse, aut etiam liberos procreasse, ii quidem poena affiendi erunt, non tamen ipso die nuptiarum, ne quid irreverentiæ ipsi Sacramento inferatur, præsertim si publica & infamis sit poenitentia, cujusmodi esset, si certo aliquo signo notati prodire tenerentur ad Templum; vel inde regredi, vel si quæ infamis nota ab alio præferretur.

VIII. Sponsalibus legitime contractis, præsertim juramento firmatis, ita sibi invicem servabunt fidem Sponsi, ut non nisi per causas jure definitas & probatas, a Matrimonio contrahendo resiliant. Quod priusquam fiat, sponsalium, quæ publica fuerint, dissolutionem a Nobis, vel Curiæ nostræ Augustanæ Judicibus petant, quam facile obtinebunt, ubi causa petendi justa apparuerit.

IX. Magnum est Sacramentum Matrimonii, sicut Apostolus Paulus appellat,

pellat, arctissimam, sanctissimamque Christi Sponsi & Ecclesiæ Sponsæ conjunctionem adumbrans & representans. Quod Parochi nostri contra hæreticos defendere & fidelibus ita commendare debent, ut intelligatur hoc mundi initio institutum, & in Evangelio confirmatum esse, utile quidem infirmis hominibus ad remedium, & Christianis conjugibus ad officium mutuum præstandum, Deique populum augendum necessarium, quod præterea conjugibus in Domini nomine convenientibus gratiam Spiritus Sancti conferat, ut sit honorabile in omnibus connubium, & thorus immaculatus.

X. Hæc maris & fœminæ conjunctio individua esse prædicetur, quæ nec alicujus tertii consorcium ferre, nec duorum a se invicem separationem, nisi per mortem, vel solemnem Religionis professionem alterius conjugum ante Matrimonii consummationem, ullo modo admittere possit, cum indissolubile vinculum afferat, eoque gravius adulterii fœdum crimen detestandum est.

XI. Quod si forte conjuges ob fornicationem se invicem dimiserint, intelligant tamen se innuptos manere debere, aut cum dimisso conjuge in gratiam redeundum: neutri vero eorum, donec prior conjunx vixerit, ad secunda Matrimonia transeundi jus & potestatem esse. Et licet aliquando quidem ob graves causas separatio inter conjuges, quoad thorum, seu quoad cohabitationem ad certum, incertumve tempus fieri possit, attamen Matrimonii vinculum dissolvi non potest, quamdiu uterque conjunx supereit.

XII. Adolescentes & puellæ a Parochis graviter & sæpe moneantur, suos parentes, in quorum potestate sunt, cum in aliis, tum in contrahendis Matrimoniis non offendere, sed honorare, ut illis insciis aut invitis nec Matrimonium inire, nec rei serix præsertim cum honestate pugnantis quidquam inchoate præsumant; sed & parentes monendi, ut ne liberos ad certa Matrimonia vi quadam, vel severitate, vel minis adigant, tum ne liberos ætatis maturæ tardius elocent: neve ipsis vel incontinentiæ, vel fugæ, vel dissidentia pœnitendam præbeant occasionem.

XIII. Advigilent Parochi, ut in Templo ter faciant tribus continuis festivis diebus inter Missarum solemnia, solemnes & suggestu denuntiationes seu proclamationes novorum conjugum, qui volunt contrahere, nisi Ordinarius in aliquo casu aliud expedire judicaverit: ac prius etiam diligenter illud observent ac examinent, an inter eosdem ullum secundum Canones impedimentum intercedat, præsertim cognitionis naturalis, legalis, vel spiritualis. Tum admonenda est concio, ut quisquis impedimentum aliquod illis, qui proclamantur, possit opponere, id libere indicet, nec celet veritatem.

XIV. Curam habeant Parochi Nobis, vel Curia nostræ Judicibus denuntiandi, qui prohibitas nuptias contraxisse noscuntur, ut contra eos, quæ juris sunt, persequamur.

XV. Observetur interim, quod Concilium Trid. de cognitione spirituali definit, eam scilicet tantum contrahi ratione Baptismi inter suscipientes ac baptizatum ipsum, & illius patrem & matrem, nec non inter baptizantem & baptizatum, baptizatique patrem & matrem. Ita etiam ex Confirmatione cognatio spiritualis, quæ Matrimonium impedit, non contrahitur, præterquam inter confirmantem & confirmatum, illiusque patrem & matrem, ac tenentem quoque, non obstantibus in contrarium antiquis Ecclesiæ Sanctionibus vel consuetudinibus quibuscunque.

XVI. Prudenter ac pie monet eadem Synodus Trid. quod Nos etiam maxime cupimus observari, ut antequam contrahant conjuges, vel saltem triduo ante Matrimonii consummationem sua peccata diligenter confiteantur, & ad Sanctissimum Eucharistiæ Sacramentum reverenter accedant, ad majorem Dei scilicet gratiam sibi, suoque conjugio, cui varii progressus & exitus esse solent, imperrandam.

XVII. Ubi quis forte sciens ac prudens, quod absit, falsum Matrimonii detulerit impedimentum, ut qui legitime possunt contrahere, impediantur: vel si quis data etiam opera, quod novit inter illos impedimentum esse tacuerit, severe castigetur.

XXVIII. Graves & dubii sæpe casus incidunt de contrahentibus & eorum impedimentis, ac dinumeratione graduum consanguinitatis: nam & quædam impediunt contrahendum Matrimonium, sed contractum tamen non dirimunt. In his igitur monemus Parochos omnes, ne quid ipsi temere statuunt, sed alios doctiores, & potissimum Nos, ac Judices Curie nostræ, mature consulant.

XIX. Severe mandamus, ut Parochi omnes & singuli in sua quisque Parochia publicent, & aliquoties repetant pro concione, præclarum Concilii Trid. Decretum, quod plane tollit & irrita facit clandestina Matrimonia, quæ sine certa & peculiari solemnitate, testiumque præsentia & Sacerdotis benedictione, quovis modo contrahuntur. Secundum hanc Concilii definitionem judicari & pronuntiari volumus in foro exteriori & interiori, quantumvis vir & femina ex libero consensu, per verba de præsentia expresso, contraxissent, ut hætenus non sine gravi turpitudine, & multorum, præsertim parentum perturbatione, ac etiam offensione publica sæpe factum esse constat.

XX. Habeat quisque Parochus librum, in quo conjugum novorum & testium, qui adesse debent, nomina, diemque & locum contracti Matrimonii describat: quem librum diligenter apud se custodiens, in Ecclesia Successoribus bona fide relinquat.

XXI. Instituunt Parochi Christianam & commodam exhortationem in ipsa novorum conjugum benedictione, præsertim, ut contrahentes ad hoc Sacramentum sinceros affectus afferant, voluntatem Dei sequentes, qui Matrimonium ad prolem in timore DEI suscitandam, ad Ecclesiam Dei feliciter augendam, & ob fornicationem vitandam instituit atque confirmavit. Inculcent etiam arque etiam dictum illud Angeli Raphaëlis: His, inquit, qui conjugium ita suscipiunt, ut Deum a se & sua mente excludant, & suæ libidini ita vacent, sicut equus & mulus, in quibus non est intellectus, dæmonium potestatem habet super eos.

XXII. Sciant etiam Parochi, ex gratia Concilii Trid. nunc restringendum esse impedimentum, quod propter affinitatem ex fornicatione contractum inducitur, & Matrimonium postea factum dirimit: ita, ut hujusmodi affinitas Matrimoniorum postea contractum non dirimat amplius, nisi duntaxat illorum, qui in 1. & 2. gradu conjunguntur.

XXIII. Si quis intra gradus prohibitos scienter Matrimonium contraxerit, juxta Synodum Trid. separetur, & spe dispensationis consequendæ careat. Idque multo magis locum in eo habeat, qui non tantum Matrimonium contrahere, sed etiam consummare ausus fuerit. Quod si ignoranter id fecerit, si quidem solemnitates requisitas in contrahendo Matrimonio neglexerit, eisdem pœnis subjiçatur. Si vero solemnitatibus adhibitis, impedimentum aliquod postea subesse cognoscatur, cujus ille probabilem ignorantiam habuit, tunc facilius cum eo, & gratis poterit dispensari.

XXIV. Inter raptorem & raptam, quamdiu ipsa in potestate raptoris manserit, nullum consistere Matrimonium potest: quod si rapta a raptoře separata, & in loco tuto & libero constituta illum in virum habere consenserit, eam raptor in uxorem habeat: & nihilominus raptor, ac omnes illi consilium, auxilium & favorem præbentes, sint ipso jure excommunicati ac perpetuo infames, omniumque dignitatum incapaces: & si Clerici fuerint, de proprio gradu decedant. Præterea teneatur raptor mulierem raptam, five eam uxorem duxerit, five non duxerit, arbitrio Judicis decenter dotare.

XXV. Præceptum volumus Parochis omnibus, ne vagorum hominum Matrimoniis interfint, qui incertas sedes habentes, aliquando prima uxore relicta, aliam, vel plures, illa vivente, diversis in locis ducunt. Igitur hoc genus hominum vagantium non facile ad Matrimonium recipiatur, nisi post diligentem inquisitionem, & re prius ad Ordinarium delata. Quin etiam sæculares Magistratus hortamur serio, ut isti vagabundi, præsertim si nota sit illo-

illorum improbitas, severe coerceantur.

XXVI. Et generatim injunctum volumus Parochis, ne peregrinos & ignotos ad Matrimonia jungenda unquam admittant, nisi probitatis suæ testimonia ex iis locis attulerint, ubi prius versati fuerunt.

XXVII. Ne permittantur, quoad ejus fieri potest, impuri concubinarij, tam soluti, quam uxorati, vivere in statu damnationis, graviusque puniantur; postquam a Parocho vel nostro nomine de peccato suo, statuque publicæ turpitudinis admoniti contempserint obedire, & apertum fovere scandalum pergunt. Quod si per annum in concubinato permanserint, & censuras Ecclesiasticas illis denuntiatis non curarint, severe contra illos, ad excommunicationem usque pro qualitate criminis procedemus.

XXVIII. Prohibitum est, ac Nos etiam prohibemus sub anathematis pœna ipso facto incurrenda, ne qui Nobiles, divites, vel Magistratus quovis modo directe vel indirecte subditos suos, vel quoscunque alios cogant, quo minus libere Matrimonia contrahant, ne legitima & necessaria contrahendi Matrimonij libertas violeatur.

XXIX. Quia sancta res est Matrimonium, sancteque tractandum, pie sanxerunt Patres non omnibus temporibus nuptias solemniter celebrandas esse. Unde Nos Tridentinam Synodum sequentes, volumus & jubemus solemnium nuptiarum prohibitiones diligenter ab omnibus observari, nimirum ab Adventu Domini nostri JESU Christi usque in diem Epiphaniæ, & a feria quarta Cinerum usque in Octavam Paschatis inclusive.

XXX. Probare non possumus, sed corrigi vehementer optamus, præsertim a Magistratibus, varias, graves, & perniciosas corruptelas, quæ passim in nuptiis libenter & improbe committuntur. Non enim licet Sanctorum filios ita conjungi, & Matrimonium suum tam præpostere auspiciari, sicut Gentes, quæ Deum ignorant. Igitur aut plane tollantur, aut temperentur illa levitatis, vanitatis, prodigalitatis

& lascivix studia, quæ tum in Templo, tum domi sub prætextu nuptialis hilaritatis aliquando fiunt.

XXXI. Confirmamus & renovamus Prædecessorum nostrorum justam Constitutionem, nimirum, ne vel Ecclesiastici, vel sæculares Magistratus cujuscunque præminentix vel conditionis fuerint, directe vel indirecte, sine certa commissione ipsis facta, cognoscere vel judicare præsumant de causis matrimonialibus, eorumque impedimentis, vel aliis ad Matrimonij rationem quomodocunque pertinentibus; præsertim cum ad Episcopi cognitionem ejusmodi causæ, ut Synodus quoque Trid. testatur, proprie spectent. Si quis vero aliter fecerit, non modo pœnas, quæ Judicibus male judicantibus infliguntur, sentiet, verum etiam sex mensibus ab officio suspensus erit, pœnamque pecuniariam ex Judicis arbitrio solvet.

Nobis vero erit curæ, ut, quod ad pœnas pecuniarias attinet, in pios usus illæ, sicut Synodus Trid. sancivit, convertantur.

DECRETORUM SYNO- DALIUM DIOECESIS AUGUSTANÆ

PARS TERTIA.

CAPUT I.

De vita & honestate Clericorum.

I.

Nihil est propemodum, quod ad pietatem & Dei cultum homines efficacius instruat, quam eorum vita & exemplum, qui in sortem Domini vocati, Divina munera dispensant, & Ecclesiasticis ministeriis præficiuntur. Cum enim hi, veluti præcipui Dei, Ecclesiæque Ministri, a rebus sæculi in altiore locum evecti, omniumque oculis sint expositi, ab iis quivis facile sumit, quod imitetur, exemplum.

II. Curent ergo Clerici nostri, ut, quo digniore in Ecclesia Dei loco atque ordine sunt, eo vitam inculpatiorem, moresque probatiores adferant, Divinoque

noque illi oraculo: Sancti estote, quoniam ego Sanctus sum: Obsequentes, nemini ullam offensionem dent, ne vituperetur ministerium eorum, sed in omnibus juxta Canonicas Patrum Sanctiones, & Apostoli monita, exhibeant se fideles Dei Ministros.

III. Summa porro Ecclesiasticæ disciplinæ in eo consistit, ut Ecclesiæ Ministri Divini timoris & vocationis memores, omnem criminis notam effugiant, bonum a bonis testimonium habeant, suum ordinem præclaris factis illustrent, ac demum vitam, moresque omnes ita componant, ut habitu, gestu, incessu, sermone, scientia, conversatione, aliisque rebus omnibus nihil, nisi grave, moderatum, ac religione plenum præ se ferant.

IV. Levia quoque delicta, quæ graviora vulgi judicio in ipsis reputantur, sedulo declinent, actionesque omnes ita instituant, ut augeatur in omnibus Dei gloria, & Ecclesiæ utilitas promoveatur. Siquidem ad unumquemque Clericorum hoc etiam pertinet, quod Paulus præcipit: Exemplum esto fidelium in verbo, in conversatione, in charitate, in fide, in castitate: attende tibi & doctrinæ, noli negligere gratiam, quæ in te est, ministerium tuum imple.

V. Omnes Dicecesis nostræ Clerici, cujuscunque gradus, ordinis, vel conditionis fuerint, etiam si studiorum absint gratia, si in sacris Ordinibus constituti sint, vel dignitatem, personatum, officium, aut beneficium aliquod Ecclesiasticum habeant, gestent tam domi, quam foris habitum & tonsuram Clericalem, Ordini, Religioni, & dignitati suæ congruentem.

VI. Vestitu utantur omnes ita honesto & decenti, ut materia, forma, colore, & quoad alia omnia respondeat tum modestiæ & dignitati Clericali, tum conditioni ac statui singulorum; in quo ut nihil vanum, curiosum aut nimis pretiosum & exquisitum sit: ita nihil sordidum, lacerum, & nimis abjectum appareat.

VII. Interior tunica brevior non sit, quam ut infra genua diffundatur, exterior vero usque ad talos. Collaria

non sint crispata, non nimium elaborata, vel acu picta, nec in latitudinem expansa aut directa, sed plana, quæ commode & apte super tunicam reflecti possint. Caligæ non turgidæ, nec vestes dissectæ, nec ad elegantiam incisi calcei.

VIII. Annulos ne gestent, nisi quibus eos officii dignitas, vel honoris gradus jure concedit; nullis vero omnino torques, armillas & monilia; nec arma, nisi necessaria, cum iter faciunt, permitimus.

IX. Tonsuram, seu Coronam Clericalem habeant omnes in vertice conspicuam, & Sacerdotes quidem ita magnam, ut hostiam amplitudine plus minus adæquet, reliqui sensim minorem, quisque videlicet pro gradu ordinis sui, quam minimum in singulos menses renovari curent. Capilli capitis ne crispentur, nec sursum erigantur more laico; barba ne indecora sit, nimium longa aut lata, sed honeste præcisa, præsertim circa labra, ne in Missa sumptionem Sanguinis impediatur.

X. Mensa sit moderata & frugalis, carens omni luxu & deliciis, ut bona, quæ ipsis Ecclesia suppeditat, non solum ad moderatam vitæ sustentationem, sed ad communem etiam Ecclesiæ & pauperum necessitatem convertant, illudque studiose caveant, ne Christi crucifixi patrimonium, cujus expensæ rationem Deo & Nobis reddere debent, cupiditati & intemperantiæ quarumcunque personarum servire videatur.

XI. Et cum tam publicæ, quam privatæ commessationes, compotationes, longiores accubitus, convivationes, ad æquales hauustus provocationes, tum omnes Christianos, tum maxime Clericos magnopere dedeceant; mandamus ac præcipimus Clericis omnibus Dicecesis nostræ, cujuscunque gradus & ordinis illi sint, ne illis ulla ratione indulgeant, sed quanta possunt diligentia declinent atque fugiant.

XII. Lusibus jure prohibitis, choreis, illicitis venationibus, aucupis, turpibus spectaculis neque adesse, neque operam dare ullo modo præsumant Clerici.

XIII. Cauponas aut tabernas vinarias compotandi gratia, ne adeant, Et si quandoque ad nuptias, vel alia publica convivia necessitudinis aut propinquitatis gratia, vel aliis honestis de causis accedendum erit, cæteris modestiæ, mansuetudinis ac sobrietatis exemplum præbere studeant. Nulla vero ratione pro ludionibus, mimis & jocularioribus se vel sponte gerant, aut ab aliis se haberi patiantur.

XIV. Prælatos & Decanos omnes, præsertim rurales, hortamur in Domino, ut in eos serio inquirant, & tam verbis, quam pœnis severe animadvertant, quos contra has Constitutiones nostras male feriatos, deditos esse cognoverint temulentæ, luxui ac ventri; hospitia publica & tabernas vinarias adire, compotationibus & comestationibus indulgere, lufibus prohibitis vacare: Et ubi semel, iterum ac tertio moniti & puniti, nihilominus in ejusmodi se culpabiles præbere perrexerint, eos ad Nos, vel Vicarium nostrum deferant, ut pœna carceris, vel subtractione fructuum ac proventuum Ecclesiasticorum, vel denique etiam ipsa Beneficiorum privatione, pro gravitate delicti & scandali mulcentur.

XV. Peculiari vero ratione eos observari & puniri volumus, quos constiterit alios ad largiorem potum & ad æquales haustus tum invitasse, tum compulisse, quique post publicam ebrietatem, aut aliud simile scandalum, non præmissa confessione Sacramentali, tremendum Missæ Sacrificium offerre sacrilege præsumpserint.

XVI. Negotiationes, mercaturas, alienæ rei procuraciones, advocaciones, actiones causarum apud Judices sæculares, Notariatus & Tabellionatus officia profana, artes medendi tum generatim, tum maxime supersticiosas, cauponandi, tanquam a professione Clericorum aliena, ne quisquam exerceat, severe vetamus.

XVII. Et generaliter quæcunque a sacris Canonibus, præsertim Concilii Tridentini, de vita, honestate, & modestia Clericorum retinenda, & simul de luxu, lufibus, & quibuscunque criminibus vitandis salubriter con-

stitutæ sunt, ea ipsa sub iisdem pœnis tanquam hic repetita, ab omnibus teneri atque observari volumus & mandamus.

XVIII. Denique sciant omnes Clerici, ipsis non licere ullo pacto fori privilegio renuntiare, & si renuntiaverint, nullam esse renuntiationem, in eosque ad sacrorum Canonum præscriptum agi posse, & debere. Caveant proinde, ne ulla ratione coram Judice laico compareant, ab eo citati ad causam dicendam, neve ulli laico multas unquam solvant, aut ullam sibi pœnam imponi sinant.

CAPUT II.

De fugiendo concubinato, & vitanda omni suspecta cum mulieribus cohabitatione.

I.

Quam turpe ac Clericorum nomine, qui se Diviuo cultui addixerunt, sit indignum, in impudiciæ sordibus, immundoque concubinato versari, satis res ipsa, communi fidelium omnium offensione, summoque Clericalis militiæ dedecore, testatur.

II. Ut igitur eam, quam decet, continentiam ac vitæ integritatem Clerus noster teneat & conservet, ac populus hinc eos magis discat revereri, quo illos vita honestiores cognoverit; Sacri Trident. Concilii Decretis inhaerentes, mandamus omnibus & singulis Dicecesis nostræ, cujuscunque gradus, ordinis & conditionis Clericis, ne concubinas, aut alias mulieres, de quibus possit haberi suspicio; in domo vel extra detinere, aut cum iis ullam consuetudinem habere audeant. Si qui huic nostro mandato non paruerint, ii secundum Decreta præfati Concilii Trid. tertia parte fructuum, obventuum ac proventuum, Beneficiorum suorum quorumcunque & pensionum ipso facto sint privati, quæ fabricæ Ecclesiæ, aut alteri pio loco a Nobis applicabitur.

III. Hortamur autem & requirimus in Domino Magistratus omnes, ut

fi quas mulieres cum Clericis in publico concubinato vivere intelligant, illas e loco illo ejiciant, & tam longe arceant, ut, quantum fieri potest, scandalum omne tollatur, quod ipsum & Nos quoque in oppidis & pagis, temporali nostræ jurisdictioni subiectis, ut fiat, curabimus: contra easdem, ubicunque etiam in nostra Dicecesi constitutæ fuerint, ad alias Canonicas pœnas, si necessarium videbitur, processuri.

IV. Quod si quidam Clericorum, non obstante admonitione nostra, & supra positis pœnis, in eodem delicto cum eadem, vel alia fœmina postea perseveraverint, ad graviores contra eos pœnas, secundum Canones & ejusdem Concilii Tridentini Decreta, tandem etiam, si incorrigibiles fuerint, ad privationem omnium Beneficiorum procedemus.

V. Clerici quoque in sacris Ordinibus constituti, etiam si nullum Beneficium Ecclesiasticum habeant, pari ratione ac Beneficiati nec concubinas, nec ullas suspectæ pudicitiae fœminas domi aut foris retinere audeant, sub gravi pœna arbitrio nostro infligenda. Quod si incorrigibiles deprehendantur, eos ad dignitates, Beneficia, & Officia Ecclesiastica inhabiles reddemus.

VI. Ut autem ejectis semel concubinis, Clerici non solum a concubinato, sed etiam ab omni concubinato suspicione immunes sint, nec in diaboli laqueum periculosius denuo incidunt: hortamur eos in Domino, ut, quibus in locis viros ministeriis domesticis præficere possunt, ibi nullas plane mulieres in familiæ numero esse patiantur; in aliis vero locis, si vel matrem, vel patris, matrisve sororem, aut aliam mulierem bonæ famæ, cognatione tam propinqua sibi conjunctam habeant, ut vinculum naturale omnem turpitudinis suspensionem facile excludat, illam domi suæ in matremfamilias, ut assumant, licet. Talis, si haberi nequeat, nullam certe quadraginta annis minorem quæque ab omni incontinentiæ suspicione immunis sit, sibi adjungant.

CAPUT III.

De Filiis Clericorum.

I.

Quandoquidem non antiqui Canones solum, sed Concilium etiam Tridentinum paternæ incontinentiæ memoriam in filiis Clericorum auferendam toties statuerunt: idcirco nullo modo, cujuscunque dispensationis prætextu, liceat filiis Clericorum, qui ex legitimo Matrimonio nati non sunt, in illis Ecclesiis, ubi eorum patres Beneficium Ecclesiasticum habent, aut habuerunt, quodcunque etiam dissimile Beneficium obtinere, nec in dictis Ecclesiis quo quomodo ministrare, nec pensiones super fructibus beneficiorum, quæ parentes eorum obtinent, vel alias obtinuerunt, habere.

II. Si qui vero pater & filius in eadem Ecclesia inveniantur, & filius Beneficium suum intra trium mensium spatium non resignaverit, aut cum alio permutaverit, contra eum ad declarationem privationis secundum Decreta Concilii Tridentini procedemus.

III. Ad eandem quoque Clericalis incontinentiæ maculam delendam, mandamus, ut, si quis Clericus filium habuisse ex epitaphio aliquo deprehendatur, ea epitaphii pars, quæ patris incontinentiam aperit, eradatur. Nec deinceps eodem in loco Clericus, ejusque filius sepeliantur.

CAPUT IV.

De Residentia Clericorum.

I.

UT salutaribus sacrorum Canonum Decretis, ac conscientiae nostræ & officio satisfaciamus, per præfens Decretum mandamus, atque præcipimus omnibus curam animarum gerentibus sub pœnis a Concilio Tridentinis constitutis, ut ovibus sibi a Deo commissis in propria Ecclesia residendo præfint, ut præfentes eas, prout Divino præcepto obligantur, agnoscere, verbi Divini prædicatione, Sacramentorum administratione, ac bonorum operum exemplo pascere, ac cætera munia

nia Pastoralia præstare possint. Quod si æquis ex causis, quales potissimum sunt, quæ in bonum publicum vergunt, quisquam prædictorum a sua Ecclesia abesse velit, id non nisi Nobis approbantibus, & Vicario idoneo pro tempore absentiae cum honesta & sufficiente mercedis assignatione substituto fiat.

II. Etsi qui aliquantisper tantum absint, ex veterum Canonum sententia non videntur abesse, quia statim sunt reversuri; debet tamen id æqua ex causa, & absque ullo spiritualis gregis detrimento fieri. Quamobrem mandamus, ne Parochialium Ecclesiarum Rectores & Curatores ultra octiduum sine licentia Decani sui, & sine Vicarii nostri ad longius tempus a suis Ecclesiis absint.

III. Et ut ovium Nobis commissarum saluti magis consulamus, ad Ecclesias Parochiales deinceps nullus assumi possit, qui non sit actu Presbyter, vel in tali ætate constitutus, ut infra annum in Presbyterum ordinari possit, ac velit, & deinde personaliter residere, subrogato interim cum competenti salario Vicario idoneo a Nobis approbato. Intra præfixum tempus non residentes, aut Sacerdotii ordinem non suscipientes, Parochialibus, & aliis curatis Beneficiis priventur.

IV. Qui in Cathedrali nostra, & cæteris Collegiatis Ecclesiis Decani, Scholastici, Custodis, aut similium dignitatum officia habent, quos Majores nostri disciplinæ Ecclesiasticæ tanquam inspectores & moderatores esse voluerunt, ii in Ecclesiis suis constanter residere, & cum ex justa causa ad breve tempus abesse debebunt, alios interea idoneos, qui absentium vices digne suppleant, substituere teneantur.

V. Qui alia Beneficia quæcunque simplicia obtinent, in quibus residentia de jure vel consuetudine requiritur, ii resident, neque unquam a Beneficiis & Ecclesiis suis sine legitima causa, & sine licentia suorum Superiorum absint.

VI. Qui a Beneficiis sive curatis, sive simplicibus Studiorum causa ab-

esse desiderabunt, iis non nisi sequentibus conditionibus absentiae facultas concedatur. Prima, ut in publico, celebri & Catholico Gymnasio, vel Academia non alia, quam Studiorum causa versentur. Secunda, ut habitum Clericalem & publice, & privatim gestent, & vitam Clericis dignam agant. Tertia, Academiam vel Gymnasium non mutant sine facultate suorum Superiorum. Quarta, quotannis testimonium tam morum, quam Studiorum mittere teneantur ad eosdem Superiores.

CAPUT V.

De pluralitate Beneficiorum.

I.

EXecrabilem eorum avaritiam, qui plura Beneficia incompatibilia, maxime autem Curata habent, veteres & recentes Canones constanter damnaverunt. Unde Patres Concilii Trident. hunc tam gravem & perniciosum abusum ab Ecclesia abesse volentes, sapientissime constituerunt, ut, qui plures Parochiales Ecclesias, aut unam Cathedrali & aliam Parochialem Ecclesiam obtinent, cogantur omnino, quibuscunque dispensationibus ac unionibus ad vitam non obstantibus, una tantum Parochiali, vel sola Cathedrali retenta, alias Parochiales omnes intra spatium sex mensium dimittere: alioquin tam Parochiales, quam Beneficia omnia, quæ obtinent, ipso jure vacare censeantur. Cui Constitutioni, cum sit æquitatis plenissima, si qui parere neglexerint, contra eos ad pœnas ab eodem Trident. Concilio præscriptas, legitime procedemus.

II. Illis vero, qui alias plura Beneficia incompatibilia, vel unam Parochialem Ecclesiam cum alio Beneficio incompatibili vigore dispensationis Apostolicæ possident, sub pena Constitutionis GREGORII X. in Concilio Lugdunensi editæ, quæ incipit: *Ordinarii* &c. quam & Concilium Trid. innovat, mandamus (quemadmodum & in Synodo Moguntina jam pridem mandatum est) ut intra trimestre tempus post hujus Synodi Diœcesanæ promulgationem, Nobis dispensationes suas, quarum prætextu hujusmodi Beneficia

obtinere, exhibeant, alioqui secundum eandem Constitutionem & Decreta Concilii Trident. contra eos ad privationem procedemus.

III. In posterum autem ad plures Parochiales Ecclesias nullus admittatur, cujuscunque etiam dispensationis prætextu. Sed nec ad alia quæcunque plura Beneficia incompatibilia vigore dispensationis alicujus quisquam prius admittatur, quam Nos secundum Decreta Concilii Trident. tanquam Delegati Apostolici summarie & extrajudicialiter cognoverimus, hujusmodi dispensationes subreptionis & obreptionis vitio non subjacere.

IV. In reliquorum Beneficiorum Ecclesiasticorum collatione id observetur, ut unum solum Beneficium Ecclesiasticum singulis conferatur, quod ad vitam ejus, cui confertur, honeste sustentandam sufficiat: sin minus, liceat aliud simplex sufficiens Beneficium, dummodo utramque personalem residentiam non requirat, priori adjungere.

CAPUT VI.

De Clericis peregrinis.

I.

Cum non infrequenter quidam, qui aut omnino Sacerdotes non sunt, aut infames, profugi, irregulares vel excommunicati sunt, aliove impedimento laborant, se tanquam honesti Sacerdotes Sacramentorum administrationi, concionandi muneri, Missarum celebrationi, & aliis Divinis Officiis ingerant; mandamus Decanis ruralibus, & omnium Ecclesiarum Rectoribus, ut in Decanatibus vel Ecclesiis suis vagos ac ignotos Sacerdotes sive sæculares, sive cujuscunque Ordinis Regulares, vel quos sciverint alienæ Diocesis esse, ad Sacramentorum administrationem, concionandi officium, Missarum celebrationem, aliaque Divina Officia ne admittant, nisi vel per Nos, vel per Vicarium nostrum approbati fuerint, atque de eo nostris, vel Vicarii nostri literis legitimam fidem fecerint.

II. Nulli autem peregrino aut ignoto Clerico, vel Nos ipsi literas dimissorias dabimus, vel a nostro in Spiritualibus Vicario dari permittemus,

nisi ab Episcopo suo, vel ejus Vicario literas dimissorias attulerit, quæ de ejus Ordinibus, & vitæ honestate testimonium ferant.

III. Apostatas, & quorumcunque Religiosorum Ordinum desertores in Episcopatu nostro ad omnia Beneficia tam simplicia, quam curata inhabiles decernimus & declaramus.

CAPUT VII.

De Institutionibus.

I.

Nullus omnino Diocesis nostræ Clericus sæcularis vel Regularis quodcunque Beneficium Ecclesiasticum cura, vel sine cura, absque Nostra, vel Vicarii nostri, aut ejus, ad quem jus instituendi pertinet, institutione vel commissione, literisque sigillatis super eo obtentis, ac (si in Capitulis ruralibus fuerit) Decano illius Capituli ostensis possidere, regere, vel administrare audeat; alioquin contra eum ad pœnas Canonicas procedemus.

II. Peculiari vero ratione in eos animadvertemus, qui vel clam, vel palam absque collata sibi a Nobis potestate in Beneficia curata, eorumque functiones sese temere ingesserint, qui cum nullam in solvendo, ligandoque potestatis executionem habeant, populum sibi consentientem absolutione sua fallunt, & beneficio Sacramenti defraudant.

III. Ut autem hæc nostra Constitutio in executionem veniat, mandamus Decanis ruralibus & Camerariis, ut in singulis Capitulis vel Conventibus suis literas institutionis vel commissionis (si de aliquorum institutione vel commissione dubitarent) sibi exhiberi procurent. Et si quem deprehenderint iis carentem, vel exhibere detrectantem, ad Nos, vel Vicarium nostrum saltem intra mensem a die habitæ notitiæ deferre teneantur.

IV. Quoties autem Decani & Camerarii hujusmodi literas exigere, vel eorum nomina, qui eas non habent, aut exhibere nolunt, deferre neglexerint, toties sex aureos in usus pios nostro arbitrio convertendos, in pœnam persolvere teneantur.

V.

V. Officialibus autem nostris, quibus instituendi cura commissæ est, sub interminatione Divinæ ultionis districte præcipimus, ne cui prius institutionis vel commissionis jus tribuant, quam de ejus integritate ac morum probitate fide digna testimonia acceperint, & ad quod præsentatur Beneficium, sufficientem doctrinam, & alias necessarias partes habere diligenti examine, remoto omni sinistro affectu & personarum acceptione, cognoverint.

VI. Præter Professionem fidei Catholicæ, quam, qui ad Beneficia institui volent, facere debebunt, præstabunt etiam juramentum in subsequenter formam:

Forma Juramenti pro instituendis ad Beneficia &c.

EGO N. juro & promitto obedientiam & reverentiam Reverendiss. Domino meo Episcopo Augustano, & Successoribus ejus Canonice intrantibus. Vicarii ejus, & Judicum Curie mandata fideliter exequar, Beneficio, ad quod institui, peto secundum oneris annexi exigentiam fideliter deserviam, atque ab eo sine ejusdem Domini Episcopi, aut Vicarii ejus licentia non discedam. Res, bona, & jura Ecclesiæ & Beneficii nullatenus alienabo, & indebite alienata, quantum in me erit, fideliter recuperare studebo. SIC ME DEUS ADJUVET, ET HÆC SANCTA DEI EVANGELIA.

CAPUT VIII.

De renuntiationibus vel resignationibus Beneficiorum.

I.

Minime ferendi sunt Clerici, qui levissimis de causis, ac exigua spe majoris lucri oblata, oves suas temere deferunt, atque ad alias non tam ut illas, quam ut semetipsos pascant, non accepta prius ab Ordinario potestate, transeunt.

II. Prohibemus igitur omnibus Diecefis nostræ Ecclesiasticis personis, ne Beneficia sua, sive curata ea sint, sive non, propria auctoritate deferere, atque aliis se Beneficiis obstringere præsumant.

III. Si qui vero Beneficia sua resignare volunt, ea vel ad nostras, vel ad

Vicarii nostri in Spiritualibus, vel ad alterius Collatoris ad hoc potestatem habentis, nulla autem ratione ad latcorum manus, Nobis insciis, resignent: nimirum ut de resignationis causa possimus cognoscere, & resignationem ipsam, si causa justa sit, approbare.

IV. Hujus nostræ Constitutionis transgressorem, præterquam quod ad Beneficia secunda, quæ affectat, non admittimus: priori cum Beneficio suo, quamdiu Nobis videbitur, inservire cogemus. Id, si facere detrectaverit, contra eum tanquam contra inobedientem ad pœnas Canonicas procedemus.

CAPUT IX.

De Cathedralibus & Collegiatis Ecclesiis, ac earum Ministris.

I.

UT Decani, Scholastici, Custodes, quique similes dignitates & officia jam obinent, vel in posterum obtinebunt, Ecclesiis suis, ut supra in Cap. IV. etiam statutum, præsentem utilem, & nominibus dignam operam præsent, suæque pietate & assiduitate in Divinis Officiis in aliis studium & amorem Divini cultus accendant, ac augeant, ex Moguntinæ etiam Synodi Decreto apud suas Ecclesias continenter resideant, & cum æquis ex causis aliquando ad breve tempus abesse debebunt, interea alicui ex Capitularibus, qui ipsorum functiones cum laude obire possit, suas vices committant.

II. Atque ut hujus nostræ Constitutionis certior sit executio, volumus ac mandamus, ut omnes Decani, Scholastici, Custodes, priusquam ad dignitatum & Beneficiorum suorum possessionem admittantur, scripto certam fidem faciant se continenter apud illam Ecclesiam, in qua ejusmodi dignitates & officia obtinent, residere velle.

III. Decani Cathedralis nostræ & Collegiatarum Ecclesiarum, in Clerum suæ curæ commissum sedulo ac sollicitè intendant, ne quid vocatione sua indignum agant, sed potius quem super alios tenent ordinis ac dignitatis locum, vitæ innocentia, morum honestate, &

præclare factis illustrent; sordes impudiciæ, fedos concubinatus, vitium temulentia & crapula, scurrilitates ab eo, quanta maxima diligentia possunt, eliminant, ut & saluti singulorum ac suæ conscientia consulant, & officio satisfaciant, & scandala populi vel tollant, vel antevertant.

IV. In Choro veluti vigiles Præfides attendant diligenter, ne quid prætermittatur in Divinis Officiis persolvendis, vel in reliquis, quæ ad probatam Chori rationem pertinent, quæque communibus vel propriis Constitutionibus, præsertim Breviarii, Missalis, Cæremonialis Romani, & Obsequialis nostri in Sacris obeundis præscribuntur, pro loci & personarum commoditate observentur, ut nihil fiat absurde, indecore, præpostere, vel nimis festinanter.

V. Si qui suo officio non satisfaciant, eos graviter & amanter objurget, & si verbis non corrigantur, pœnas quoque ea discretione infligant, ut illas non ex privata affectione, sed æquitatis studio, & ob illius, qui punitur, vel saltem Ecclesiæ publicam utilitatem inferri intelligant.

VI. Si quam cognoscant inter Clericos sui Collegii ortam esse discordiam vel foli, vel adhibito consilio, & auxilio Capituli, eam statim in suis principis opprimere studeant. Neque enim convenit, ut, quos tanquam fratres unanimis in domo Dei versari oportet, libitibus inter se digladiantur.

VII. Qui præter Decanos, dignitates, & officia sive in Cathedrali nostra, sive in Collegiatis Ecclesiis habent, curent, ut officiis suis secundum Canones, & cujusque Ecclesiæ consuetudinem faciant satis.

VIII. Canonici Decano suo debitam reverentiam & obedientiam exhibeant, ejus admonitiones, qua decet animi æquitate & emendationis proposito, suscipiant, Divina Officia, quo tempore apud Ecclesiam resident, quotidie diligenter adeant, eaque, sicut oportet, studiose persolvant, ex fructibus Beneficiorum pro modo facultatum suarum benefici sint erga pauperes,

memores Ecclesiasticorum bona, elemosynas esse piorum.

IX. Vicarii, quos vocant Chori, suo nomini respondeant, Canonicisque in persolvendis Divinis Officiis auxilio sint; & si quæ illis onera, ratione fundationis, vel alicujus Collegii consuetudine incumbunt, ea religiose ac diligenter subeant.

X. Et quando ab honesta educatione, & recta institutione juniorum Canonicorum, quos Domicellos vocamus, salus Ecclesiarum magna ex parte dependet, idcirco solícite curandum erit, ut non tantum in literis, verum etiam in moribus, ac disciplinis Ecclesiasticis fideliter erudiantur, ut adultiores effecti opera sua Ecclesiis utilitatem, & populo bonorum morum exemplis fructus spiritualis ædificationis afferre possint.

XI. Eam ob causam ordinamus & statuimus, ut quotiescunque talis aliquis Domicellus juvenis in numerum Canonicorum alicujus Ecclesiæ assumitur, & in ea residentia, vel alio nomine aliquamdiu manere voluerit, præsertim primo anno, qui est velut probationis, is in Cathedrali nostra summo Scholastico, & in aliis Ecclesiis alicui Canonico seniori ad id a Capitulo designato peculiariter subjectus sit, qui, apud quos Præceptores, quibus studiis & qua diligentia operam det, & quam honeste & pie vivat, attendere debeat.

XII. Ab Ecclesiis cum Studiorum causa abesse volent, id cum consensu Capituli fiat, & conditionibus Cap. IV. hujus Partis Canone sexto præscriptis, & data præterea ante discessum eidem suo Capitulo sufficienti cautione, quod in Ordine Clericali permanere velint. Quod si mutato proposito, ab Ordine Ecclesiastico resilierint, & ad Matrimonium, seu negotia secularia se transtulerint, ad restitutionem fructuum & sumptuum Ecclesiasticorum; quos interea perceperint, teneantur & compellantur.

CAPUT X.

De officio Sacerdotum in genere.

I.

Prima cura Sacerdotum omnium esse debet, ut quæ de vita & honestate Clericorum supra Cap. I. præscripta sunt, ipsi pro ratione sui gradus sibi præcipue dicta esse existiment, ac proinde accurate observent, studiose laborantes, ut tam grandis dignitatis officium non tantum nomine, sed etiam re ipsa digne sustineant. Bene vivendo, & bene docendo, ut præclare monet D. Chrysostomus, Populum, quem admodum vivere debeat, instruit Sacerdos; bene autem docendo, & male vivendo instruit Deum, quomodo eum debeat condemnare.

II. Proxima cura illis sit, ut Beneficiorum suorum foundationibus ac probatis consuetudinibus satisfaciant, cum absque peccato nec unum Sacrum, nec ullas preces pro vivis & defunctis ratione foundationis dicendas, omittere possint sine Ordinarii legitima dispensatione.

III. Memores deinde sint obligationis, quam habent, recitandi quotidie Horas Canonicas, ut eas nec domi, nec iter facientes sine legitima causa, quam doctus & pius Confessarius consultus approbet, unquam omittant, & non solum devote & attente, sed etiam, quantum fieri poterit, certis ac statis diei horis recitent, hoc inprimis observantes, ut semper, cum Sacrum faciendum est, minimum absolverint Officium matutinum cum Laudibus.

IV. Sacrificium autem Missæ pro suis & populi peccatis offerre studeant non modo diebus Festis & Dominicis, sed alijs etiam infra hebdomadem, etiam si nulla peculiari lege ad id astringantur. Semper autem in tota tremendi illius Mysterii actione religiose ac devote se habeant, accurate observantes tam ritus, quam alia, quæ in Missali Romano, ejusque Rubricis præscribuntur; pronuntiationem, & quamcunque aliam exteriorum actionem ita moderentur, ut non minus aliorum ædificationi, quam propriæ devotioni consulant,

ideoque in faciendo Sacro non nimis celeres, nec nimis lenti sint.

V. Missas illas septem, quas Aureas vocant, nullus dicere præsumat, neque ullas preces aut caeremonias supersticiosas in cujusquam gratiam usurpet, quantumvis sub specie pietatis ad id rogetur & requiratur, nec patiatu mappis altarium, dum sacrificat herbas, cereos, aut alia benedictionis, aut alio nomine supponi.

VI. Confiteantur singuli saltem semel quovis mense, & quidem Confessario a Nobis legitime approbato, quem quisque sibi pro eo, ac ratio dictat, doctum, prudentem ac pium deligere studebit, & non facile mutabit.

VII. Sacerdotes, qui in Parochiis sua Beneficia obtinent, debitam Parochis exhibeant reverentiam, fidelemque eis in Divinis Officiis celebrandis operam præstent, & curæ animarum contra Parochi voluntatem nulli se immisceant, nisi ex Beneficiorum suorum foundatione, vel speciali privilegio aliud aut liceat, aut incumbat.

VIII. Assidui sint in pia lectione & oratione, ut per usum lectionis discant, qualiter & ipsi vivant, & alios doceant, & per usum orationis sibi, & alijs, quibus charitate conjuncti sunt, prodesse valeant. Orationem, lectionemve excipiat labor honestus, qui otiositatem pellat, inimicam animæ, alimentum vitiorum.

IX. Homines leves & viles, in quibus nihil singularis pietatis & Christianæ virtutis elucet, quo possunt studio vitent, ad eorum convivia & quæcunque alia conventicula ne accedant. Sit vero eorum conversatio cum pijs, honestis, & sui Ordinis hominibus.

CAPUT XI.

De Decanis ruralibus & Camerariis.

I.

Facit tanta Dicecesis nostræ amplitudo, & tanta negotiorum moles, ut ipsimet præsentis totius gregis nostri necessitates cognoscere, & remedia opportuna adhibere haud possumus. Quam-

Quamobrem visum est, more, exemploque Majorum partem aliquam curæ & laboris Pastoralis cum iis partiri, quos jam ante certis Episcopatus nostri regiunculis Præfectos, vulgo Decanos rurales vocamus; quod ut majori Ecclesiæ bono fiat, curabimus, ut deinceps ei muneri quam maxime idonei præficiantur.

II. Quamobrem, ubi in locum vacantis Decanatus aliquis sufficiens erit, volumus; ut omnes illi Capitulo adscripti & canonice instituti Clerici, ad certum diem, a Nobis, vel Vicario nostro nominatum, conveniant, & ejus integritatis, eruditionis ac prudentiæ Sacerdotem eligant, quem merito sperare possint cum fructu & dignitate id munus obiturum.

III. Deinde electum Nobis, vel Vicario nostro primo quoque tempore præsentent, quem, ubi habita diligenti inquisitione idoneum cognoverimus, post præstitam ab eo publicam orthodoxæ Fidei professionem & juramentum consuetum, confirmabimus. Quod, priusquam fiat, officio Decanatus nullo modo fungatur, nec se hoc titulo scribi vel nominari patiat.

Forma Juramenti a Decanis ruralibus præstandi.

EGO N. juro ac promitto DEO Omnipotenti, & Beatæ MARIÆ Virgini Patronæ Ecclesiæ Augustanæ, quod Episcopo Augustano, & suis Successoribus Canonice intrantibus, fidelis & obediens ero: quod etiam ejus, ac Vicarii, Officialis, & Judicum suorum mandata fideliter exequar: præterea quod remoto omni dolo & fraude Decani officio pro viribus satisficiam. **SIC ME DEUS ADJUVET, ET HÆC SANCTA DEI EVANGELIA.**

IV. Ad Decani officium inprimis pertinet, Pastores in sibi credita regiuncula ad Capitulum bis in anno convocare, tempore a Nobis constituto, ut si ita expedire judicaverimus, vel aliquem ad illud mittere, vel si quæ significanda forent, scripto significare possimus. Rationem vero & modum in celebrando Capitulo observabit sequenti Capite præscriptum.

V. Deinde ejus muneris & functionis esse volumus, adjuncto sibi Camerario, vel alio a Nobis deputato, Ecclesias Parochiales, Capellas, aliaque pia loca districtus sui quotannis visitare, actaque visitationis semper post quodvis Capitulum regiunculæ suæ Nobis, vel Vicario nostro transmittere.

VI. Inspiciet autem non modo Ecclesias ipsas, sed etiam Sacristias, vasa sacra, vestes, ornamenta, cimiteria, sepulturas, Parochorum, aliorumque Clericorum ædes ac familias, prædia & census attente notans, quam omnia integra, munda suo loco & ordine, ac tuto conserventur, & quid in quaque re desit.

VII. Inter cætera inquirat prudenter & caute, an Pastores ipsi, ac cæteri Sacerdotes & Ministri Ecclesiæ officio suo in prædicatione verbi Dei, celebratione Missarum, administratione Sacramentorum, ac cæteris omnibus satisfaciant, & quæ sit eorum vitæ ac morum ratio, qui vestitus, quibuscum versari soleant, qualis eorum familia, an studiis gradui suo convenientibus, an aliis intenti sint.

VIII. Studeat quoque cognoscere, an in populo sint hæretici, vel de hæresi suspecti, cultores artis magicæ & superstitionum, usurarii, concubinarij publici, alique flagitiosi homines, qui inimicitias scandalosas gerant, quique stata jejunia, dies festos, & alia Ecclesiæ præcepta non servant. Speciatim quoque inquirat de Scholis, quos libros Ludimagistri discendos proponant, & an officio suo satisfaciant, & omnino tales sint, & ita admissi, quemadmodum in hac Synodo mandavimus. Neque solum hæc, sed quæcunque a Tridentino Concilio & a Nobis præscripta sunt, quæque pro sua prudentia, & pietate ad utilitatem ac salutem populorum ei in mentem venerint, exquirat.

IX. Ut autem Decani hanc sui muneris partem rectius & majori fructu obeant, expediet illos habere, & diligenter legere libros: Concil. Tridentinum, Manuale Visitationum Feliciani, Obsequiale, & hæc Decreta Synodalia. Deinde singulis locis, a viris ætate, usu & probitate commendatis de omnibus pru-

prudenter inquirent, quæ pro officii sui munere scire volent.

X. Sacerdotes vero omnes Decanis suis morem gerant, cum vocati fuerint ad Capitulum, veniant, ipsos humaniter excipiant, hospitium & victum libenter & gratis præbeant, dum visitare volent, & suam operam prompte ac sedulo præstent; admonitiones & mandata, quæ pro officio dabunt, reverenter excipiant, iisque pareant. Caveant vero Decani, ne sumptus in itinere superfluos faciant, & ut apud eos, quos visitaverint, mensa frugali & modesta contenti sint.

XI. Quando aliquis ex Curatis, vel aliis Clericis ægrotaverit, eum Decani invitant, consolentur, & curent, ut tam spiritualia, quam temporalia subsidia habeat. Si obierit, rerum reliquiarum per se, vel per Camerarium, aut unum ex Deputatis, adjuncto Notario, si haberi possit, & duobus testibus, Inventarium conficiant, hæreditatem totam arrestent, & obsequant.

XII. Porro Vicarium nostrum de obitu, & supra dictis a se peractis sine mora certiore faciant, simulque quo in statu ædes beneficiales repererint, referant, ut, si quid in illis ex negligentia destructum & ruinosum reparatione opus habuerit, de bonis relictis, antequam distrahantur, refici possit.

XIII. Ecclesiis vero ex obitu Parochorum viduaris, provideant Decani per alios Clericos a Nobis ad curam animarum approbatos, vel quos ipsi pro tempore illo idoneos judicaverint, donec alius Canonice substituatur, assignata ejusmodi Provisoribus, salarii loco, congrua portione fructuum.

XIV. Camerarii ærario Capitulari Præfecti, & Decanis legitime impeditis substituti sunt, quibus insciis aut inconsultis nihil facere, aut constituere possunt. Eorum est census Capituli & mæltas, quæ quavis ratione debentur, colligere, & de eisdem singulis semestribus toti Capitulo rationem reddere.

XV. Ut res & jura Ecclesiastica serventur, vel amissa recuperentur, sollicite Parochos & alios Beneficiatos ur-

geant, ne quid vel negligentia, vel aliorum vi usurpetur. Si quid infolentius alicubi fiat, id Nobis significent.

XVI. Ne Ecclesiæ vel Beneficia debitis onerentur, neve fructus in damnum Successoris ab Antecessore vendantur, aut prædia elocentur, aut sine cultura debita relinquantur ac negligantur, invigilent.

XVII. Quia vero interdum Rectores Ecclesiarum res & jura Beneficii suis inique subtrahere recuperare per negligentiam aut simplicitatem omittunt, vel potentia adversariorum absterrenti cum iisdem judicio contendere non audent; Nos, ne jura Ecclesiarum in defensionem remaneant, hac nostra Constitutione singulorum Capitulum ruralium Decanos constituimus, & deputamus in perpetuos Procuratores Synodales ad reperendas & recuperandas res & bona quorumlibet Beneficiorum, Ecclesiarum & locorum piorum Capituli sui; dantes eisdem potestatem & personam legitimam standi in judicio nostro Ecclesiastico, aliisque competentibus contra quoscunque occupatores & detentores, sive Laicos, sive Ecclesiasticos, actionesque congruentes contra eosdem instituendi, & usque ad sententiam definitivam, ejusque executionem plenariam prosequendi, etiam cum invocatione brachii sæcularis, quatenus opus sit, & facultate alium, vel alios in locum suum substituendi, quibus Nos etiam unum ex Advocatis consistorialibus adjungere curabimus, quorum consilio & patrocinio actiones suas instituant.

XVIII. Ad Cathedralicum primarios fructus, subsidia charitativa, & id genus alia quod attinet, Decanus cum Camerario se in illis more antiquo colligendis, fideles præstent, addita etiam, si opus fuerit, ne Ecclesia veteri suo jure privetur, arrestatione.

XIX. Rationem sui muneris dabunt Decani rurales Nobis, aut Vicario nostro Generali quotannis bis, post celebrata nimirum Capitula, & quidem scripto, si coram commode non possint, quo speciatim explicari volumus, quas Ecclesias quisque suæ regiunculæ utro-

que semestri vifitaverint, ejusque vifitationis acta transmitti.

XX. Camerarii, cum primum hoc munus fufcipient, præter Professionem fidei præftabunt etiam more Decanorum Juramentum fidelitatis & adminiftrationis fuæ rationem reddent, quoties a Nobis, vel Vicario noftro fuerint requifiti.

CAPUT XII.

De Congregationibus Capitulum ruralium.

I.

Congregationes Capitulares convocari volumus fingulis feftibus more jam recepto, & quidem die aliquo profeflo, quo ab Ecclefiis fuis tum Parochi, tum alii, quibus conveniendum erit, commode abefle poffint.

II. Convenire autem mandamus cum Decano omnes illius diftriétus Parochos, Sacellanos, Sacerdotes & Clericos beneficiatos non modo faculares, verum etiam Regulares, iis duntaxat exceptis, quos vel Canonicum impedimentum, vel præfens Ecclefiæ neceffitas eximet, de quibus cognofcet Decanus, referetque Vicario noftro, qui, & quamobrem abfuerint; ut, quorum legitima excufatio non fuerit, in eos pœna decernatur.

III. Locus conventus Capitularis erit aliqua Ecclefia Parochialis, vel illius Sacriftia, domus Parochialis, vel alia Canonica, nullo modo publicum hofpitium, vel caupona. Pridie illius conventus confitebuntur omnes & finguli Sacerdoti a Nobis juxta Concil. Trid. approbato, de quo, fi exigat Decanus, fidem facere teneantur, quemadmodum & de confeffione ordinaria, quam menftrua facere debent.

IV. Ipfo die Capituli celebrandi faciant omnes Sacrum pro fratribus & benefactoribus tam vivis, quam defunctis, obfervante interim Decano, vel alio ab eo conftituto fingulorum ritus, num conformes fint ufui Romano, & qui indigebunt, moneantur de notatis defectibus, ut eos corrigant.

V. Fiant etiam, ut hætenus, duo folemnia Sacra, unum pro defunctis,

alterum prout hætenus confueverunt, iisque abfolutis, Proceffio ad locum Capituli, ubi feffionis hunc ordinem fervent, ut poft Decanum, Camerarium, & Affiftentes, proximi fedeant Parochi, deinde Sacerdotes alii, habita inter eos, qui funt ejusdem ordinis, ratione antiquitatis.

VI. Ubi primum confederint, & abfentium, fi qui fuerint, excufationes, quæ fcripto fieri debent, Decanus expofuerit, furgent omnes, & procumbent in genua converfi ad imaginem Crucifixi, quæ ponetur in menfa, ad quam fedebit Decanus cum Camerario, recitabuntque alternatim ad implorandam gratiam S. Spiritus hymnum: *Veni Creator Spiritus*; cui fubjunget Decanus Collectam. Similiter ad finem Congregationis recitabunt finguli flexis genibus *Pater & Ave*.

VII. Confidentibus denuo congregatis, proponetur primum omnium, fi quid Nos, vel Vicarius nofter pro tempore proponendum præfcripferimus. Deinde inquiretur, an re ipfa præftita fint, fi quæ in ultimo conventu Decanus nofter, aut Vicarii noftri, aut fuo etiam nomine facienda injunxit. Tertio dabitur refponfum ad ea, quæ forte in eodem ultimo conventu propofita, tum expediri certas ob caufas non potuerunt. Quarto, quæret Decanus, num quisquam fciat aliquod in tota regiuncula fcandalum in Clero, vel populo accidiffe, cui debito modo, per quos debuit, remedium non fit adhibitum, & fi illud necdum fublatum fit, quomodo videatur tolli poffe. Quinto, num aliqua nova gravamina alicui perfonæ Ecclefiafticæ, vel Beneficio contra jus impofita fint. Sexto, num aliis difficultatibus & neceffitatibus quisquam Clericus regiunculæ, aut etiam fæcularis prematur, cui auxilium debeat. Septimo interrogabit Decanus, num ullus nofcatur in Diftriétu Capituli Beneficiatus, qui Canonicam institutionem non habeat; vel qui confeffiones audiat, non approbatus juxta formam Concilii Tridentini. Oétavo, an Parochi quos, & quales debent Cooperatores, & alios Sacerdotes habeant, & fuo muneri maxime quoad Sacramentorum adminiftrationem,

nem, prædicationem verbi Dei, & celebrationem Missarum faciant satis. Nono, an ullus noscatur in toto Capitulo, in quo jure desideretur honestas Clericalis quoad vitam, mores, studia, habitum, familiam, & qui menstrue non confiteatur juxta præceptum Synodale, & citius etiam, si in eo fuerit notatus excessus, qui præsumi poterat esse mortalis.

VIII. His peractis, Decanus in singulis Capitulis legat ipse, vel legi curer ab alio, unam ex quatuor Partibus horum Decretorum Synodaliū, nec ulla ratione hanc lectionem præmittat, etiamsi propterea in loco congregationis una atque altera hora diutius manendum esset, atque ea occasione intelligere studeat, num omnes ista Decreta habeant, & observent.

IX. Inter legendum si quid Decano occurrer, ad cujus observationem judicet peculiariter exhortandos præfentes, vel de ratione observandi informandos, vel simile quid, licebit id breviter facere.

X. Crapulæ, ebrietatis, & quodvis intemperantiæ vitium cum omni tempore studiose vitare debent ii, qui sunt Divinis consecrati Ministeriis, tum eo potissimum quo ad congregationes Capitulares de suis erga Deum, Ecclesiasque suas officiis tractaturi conveniunt. Si quid enim tum intemperanter a quoquam agi cernitur, cedit id in magnum disciplinæ Ecclesiasticæ contemptum, & fidelis populi gravem offensionem.

XI. Quapropter volumus ac mandamus, ut prandium, quod post ejusmodi congregationes simul sument, admodum moderatum & frugale sit, & quam brevissime absolvatur, ut potius necessariæ refectionis, quam convivii rationem habeat: in quo inprimis evitetur omnis provocatio ad æquales haustus, aut quæcunque temperantiæ & sobrietatis legibus adversa computatio, quocunque nomine aut modo instituta, & ita suam quisque domum maturationis & sobrius repetat.

XII. Porro Capitula ruralia potestatem quidquam definiendi aut decernendi non habent, sed tantum inquiri-

rendi, referendi, exequendi, quæ illis in his nostris Synodalibus actibus commissæ sunt, aut deinceps speciatim a Nobis, vel Vicario nostro commendabuntur.

XIII. Post cujusque Capituli finem referet Decanus Vicario nostro coram, si commode possit, vel per literas, quid actum sit, explicando speciatim, num omnes adfuerint, qui debebant, an lecta fuerit Pars aliqua ex his nostris Decretis Synodalibus, inquisitio facta de Articulis supra Canone 7. præscriptis: & num aliquis notabilis defectus deprehensus, qui corrigi non potuerit, sed vel per Nos, vel præfatum Vicarium nostrum corrigi debeat.

XIV. Sigillum proprium singula Capitula habeant, & Matriculam, in quam omnium ad Capitulum de jure vel consuetudine pertinentium nomina referantur, officia item, patria, Diocesis, mors & tempus ingressus in Capitulum, vel in hanc Diocesin, & post mortem, si quid memorabile ab eo gestum ad exemplum & ædificationem. Atque ex hac Matricula commendentur tempore congregationis.

XV. Habeatur præterea liber in singulis Capitulis, in quem a Cameraio referantur acta singularum congregationum, præsertim majoris momenti, & difficultates propositæ, ut, cum necesse erit, Vicario nostro, & quos subinde mittemus, Visitatoribus certius constare possit, quid quoque tempore actum sit.

CAPUT XIII.

De Parochis & Curatis.

I.

Parochis, & Curatis fidelium animarum in eam sollicitudinis curam traditæ sunt, ut illas & recte custodiant, & salutari pabulo ad æternitatem alant. Sæpe proinde meminisse debent, si qui eorum negligentia pereant, rationem reddendam, si quos autem verbis & exemplis lucentur, pro iis pretium æternæ vitæ percepturos.

II. In quibus maxime invigilare debent, in tribus potissimum versan-

tur: in bonorum morum exemplo; in verbi Dei prædicatione; in Sacramentorum administratione, & in Sacrificii Missæ, Divinorumque Officiorum perfolutione.

III. Ea vitæ integritate præluere debent, ut reliqui omnes ad eorum exemplum conformari pietatis, justitiæ, integritatis, mansuetudinis, sobrietatis, sanctæque obedientiæ viam ingrediantur, divitias & inanes sæculi honores, vanitatesque omnes contemnere discant.

IV. Familiæ suæ studeant quam optime præesse, nihil, ut in tota domo sit, quod a sancto illorum munere alienum sit, quodque non pietatem, Dei zelum, vanitatisque contemptum præ se ferat. Supellex sit moderata, frugalis mensa, honestus famulatus, locus nullus ulli personæ, quæ minimam mali suspensionem parere possit.

V. Et cum boni Pastoris sit agnoscere vultum pecoris sui, frequenter Parochiæ suæ domos obeant ac perlustrent, personas, vitam, mores, ac statum cujuslibet suorum, & necessitates tam temporales, quam spirituales cognoscere, eisque remedia opportuna prompte, benigneque adhibere studeant.

VI. Si quas inimicitias, irasve inter aliquos, maxime domesticos, intercedere cognoverint, eas omni ratione ac studio componere ac sedare conentur. Crebrisque cohortationibus efficere studeant, ut omnes & singuli peccati immanitatem agnoscant, fugiant, atque horreant.

VII. Publica blasphemiarum, adulterii, usuræ, superstitionum, magiæ, & his similia crimina & scandala ne dissimulent, & ubi graves admonitiones frustra adhibuerint, Magistratus etiam civilis opera ad coercendos & debite mulctandos pertinaces utantur. Verum pœnitentiam publicam, Nobis, aut Vicario nostro inconsultis, nemini imponent.

VIII. Sedulo advigilent, ut domestica disciplina patrumfamilias in educandis liberis diligens, pia & honesta sit: ut, qui in Hospitalibus sunt, pie

vivant. Scholæ puerorum in suis Parochiis, ubi nondum sunt, si loci conditio ferat, instituuntur, & ubi institutæ sunt, Magistris idoneis, quique studiose suum munus exequantur, non careant, qui libros probatos, & inter eos maxime Catechismum discendum proponant, & urgeant, quique omnino tales sint, & ita admissi, quemadmodum in hac Synodo mandatum est.

IX. Sollicitudine magna & charitate afficiantur erga ægros, quos etiam non vocati invitant frequenter, etiam postquam salutaribus Pœnitentiæ, Communionis, & Extremæ Unctionis Sacramentis eos communiverint. Ipsos piis cohortationibus consolentur, ad morbi dolorem æquo animo ferendos corroborent, eorum necessitatibus, si forte egeant, vel subveniant, si possunt, vel ab aliis subveniri curent.

X. Nulla ratione metu mortis, morbi, aut alterius periculi suos Parochianos deferant, curentque studiosissime, ne quisquam Sacramentis non munitus obeat.

XI. Missas frequenter & devore celebrent, habita præcipua ratione foundationum & piarum consuetudinum, moneantque populum, ut iis religiose intersit non tantum Dominicis & Festis diebus, verum etiam aliis, in quem finem observent horas Missarum commodas, statas tamen & certas vitata notabili variatione.

XII. Pro mortuis justa pie ac fideliter persolvant, ea tamen cautione, ut in dies Dominicos & Festos Officia & Missas exequiales (nisi ea moderatione, quæ supra *Parte 2. Cap. De celeb. Missarum* habetur) non rejiciant, ne in pagis quidem. Sed eam pietatem erga defunctos in fidelium mentibus excitent, ut cum aliquo etiam temporali incommodo diebus Profestis pro fidelium animarum pio auxilio, in templis prompte & religiose compareant.

XIII. Convivia funebria vel omnino tollantur, vel ea sobrietate & modestia, quæ Christianos decet, celebrentur, & quantum fieri potest, extra publica hospitia.

XIV.

XIV. Singulis Dominicis, & Festis, aliisque diebus in 1. Parte Synodi, Cap. 7. præscriptis sacrum Evangelium, prout eo die in Missali Romano legendum occurrit, populo de suggestu vel certam ejus partem explicant, ad illius caprum observatis accurate, quæ præfata Cap. 7. Prædicatoribus verbi Dei præferibuntur, quorum memoriam lectione subinde renouent, caveantque, ne suo ingenio, eloquentiæ, aut exercitationi nimium confidentes, nulla vel admodum brevi præparatione prævia suggestum conscendant.

XV. Legitime impediti alium substituant idoneum Concionatorem, ne tam necessarium officium ullo pacto prætermittatur. Id ipsum faciant, si Catechismum diebus Dominicis a prandio ipsimet habere nequeant.

XVI. Dies Festos ac sacra jejunia, quæ ex præcepto Ecclesiæ coluntur, in singulas hebdomadas post concionem denuntiare populo non omittant, ne quis imprudens gravem ejusmodi culpam Festos dies, sacrave jejunia violandi, committat. In iis autem religiose colendis aliis ipsi exemplo præcant.

XVII. Ad vicinorum Dedicaciones, Primitias, nuptias, & nundinas diebus festis ne excurrant, suis Parochianis absque Sacro relictis, & itinera etiam necessaria in alios in hebdomada dies, quantum poterunt, instituunt.

XVIII. Ex cancellis Ecclesiæ, in cœmeteriis, vel aliis locis factis nihil ex præscripto Magistratus secularis promulgent profanum, nihil forense aut judiciale, nec alios promulgare sinant, sed ea duntaxat, quæ sacra & pia sunt, & ad cultum Dei ac pietatis opera pertinent. Quod si cuiusvis vis inferretur, ad Nos, vel Vicarium nostrum referat.

XIX. Aquam, salemque singulis Dominicis mane ex antiquo Ecclesiæ ritu benedicant, eorumque, sicut & cereorum, palmarum, Agni Dei, & his similibus rerum benedictarum usum populo frequenter commendent.

XX. Sacramenta omnia, quorum administratio ad eos pertinet, pie, so-

licite ac fideliter sibi concreditis ovibus exhibeant; nec patiantur Confirmationis, & Extremæ Unctionis Sacramenta in neglectu esse.

XXI. Cohortentur graviter suæ fidei commissos, ut Ecclesias pie ac sedulo adeant, Sanctissima Pœnitentiæ & Eucharistiæ Sacramenta frequentent, atque ipsi quoque Parochi suo exemplo eorum utilitatem commendent.

XXII. Ecclesiam ad eum cultum & nitorem exornent, qui domum Dei decet; & si quid restituendum, reparandum, reconcinandumve sit, curent mature resarciri. Reliquias Sanctorum tuto & decenter conditas asservent; vestes sacras, libros, calices, patenas, corporalia, & reliqua ejus generis instrumenta & ornamenta, quæ ad Altaris ministerium & ad Divina Officia necessaria sunt, solícite procurent, ne defint, eaque omnia integra ac munda conserventur.

XXIII. Pauperum, viduarum, pupillorum, & aliarum miserabilium personarum curam peculiarem suscipiant, piorum legatorum executionem sedulo urgeant, & satagent, ut piis Fundatorum voluntatibus ante finem anni satisfiat. Alioquin ii, quibus executio incumbit, Nobis, vel Vicario nostro denuntientur.

XXIV. Ab Ecclesia sua nullus discedat licentia prius non obrenta, quam ad unam hebdomadam dare poterit Decanus, ad longius tempus reservatam volumus Vicario nostro Generali, quæ nemini dabitur, nisi pro tempore absentia alium idoneum a Nobis approbatum Sacerdotem substituerit.

XXV. Sabbatinis diebus & pridie Festorum, quæ in Diœcesi nostra colenda sunt, dato campanæ signo ad Ecclesiam se conferant, ibique Vesperinas preces hora Vesperarum cantent, aut alta voce & tractim legant; idemque observent ipsis Dominicis & Festis.

XXVI. Abstineant penitus ab omni usu benedictionum, quæ in Ecclesia Catholica probatæ non sunt, & non modo sub mappis altarium herbas, cereos, aut alia supponi non sinant, sed nunquam etiam ejusmodi res, nisi tem-

pore & modo ab Ecclesia ordinatis & præscriptis, benedicant. Contra aëris tempestates aliis precationibus aut cæremoniis non utantur, quam quæ in Sacerdotali, sive Obsequiali a Nobis reformato habentur.

XXVII. Ut autem Parochi muneris sui partes plenius intelligant, & rectius impleant, sacræ Scripturæ, casuumque conscientiarum studio sedulo incumbant, sintque assidui in legendis probatis auctoribus, & præsertim in his nostris Decretis Synod. & Obsequiali Ecclesiæ nostræ.

XXVIII. Habeant Parochi & Curati omnes in Ecclesiis libros sequentes. Primus contineat nomina baptizantis, baptizati, ejus parentum & patrinorum una cum die nativitatis & Baptismi in hunc modum: *Die decimo Decemb. anni 1610. fuit a me Rectore curam gerente Parochialis Ecclesiæ Sancti N. Augustinæ, baptizatus filius. N. N. conjugum, natus die 9. Decemb. superscripti anni, eique fuit Petri nomen impositum. Patrini fuerunt Joannes N. & Maria N. Quod si infans non fuerit de legitimo Matrimonio, nomen tantum matris scribatur, si illa nota sit; neque Baptismus negetur, vel nimium differatur, si ignotus vel incertus sit pater. Secundus contineat nomina eorum, qui Matrimonia contraxerunt, ad hanc formam: *Die 10. Octobris anni 1610. Joannes N. contraxit Matrimonium per verba de presenti cum Anna N. in Ecclesiâ S. N. Augustinæ, præsentem me N. Rectorem in Ecclesiâ S. N. præsentibus testibus NN. & aliis multis de populo, qui ad Ecclesiam convenerunt, præmissis tribus solitis denuntiationibus. Tertius completatur nomina & cognomina eorum, qui in Parochia obierunt, & qui ibidem Ecclesiasticæ sepulturæ traditi sunt, cum annotatione diei & anni, mortis & sepulturæ.**

CAPUT XIV.

De Vicariis Ecclesiarum incorporatarum, Canonica portione &c.

I.

PRælati, Capitula, Collegia, Monasteria tam sæcularia, quam Re-

gularia utriusque sexus, & alii cujuscunque status, conditionis, vel emimentiarum, quibus Ecclesiæ Parochiales incorporatæ sunt, nullum Vicarium, sive perpetuum, sive ad tempus assumant, quem Nobis prius approbandum non præsentent, nec semel assumptum absque consensu nostro amoveant, nisi aliud sibi speciali privilegio permixtum esse, Nobis legitime probent.

II. Et quia Vicarii in procuranda salute animarum Parochorum vices sustinent, eadem ad se pertinere existiment, quæ in hac Synodo passim pro Parochis & Curatis præscripta, ac definita sunt; quamobrem quibus eos substituendi jus & facultas est, ita Nobis idoneos vita, moribus, & doctrina præsentare studeant, quos merito pro tanti momenti officio approbare possimus.

III. Porro ejusmodi Vicariis ex incorporatis Ecclesiis congruam ac competentem portionem assignent, unde decenter, & pro ratione temporis honeste atque commode se sustentare, jura Episcopalia persolvere, & eorum statui annexa onera sustinere possint. Quod, nisi illarum Ecclesiarum Rectores fecerint, Nos ex officio nostro assignabimus.

IV. Caveant vero Vicarii, ne cuiquam literas Renuntiationis, seu Reversales, quibus se modica & minus sufficienti competentia contentos fore promittant, de eoque Nobis, aut Vicario nostro, antequam investiantur, vel ad curam admittantur, fidem facere teneantur.

CAPUT XV.

De Ecclesiarum Parochialium Cooperatoribus.

I.

Ecclesiarum quarundam Parochialium tam est ampla jurisdictio, ut eis Parochorum cura & labor sufficere minime possit, sed necessarium omnino sit Cooperatores assumi, quibuscum muneris sui partes dividant. Quapropter volumus & mandamus, ut omnes & singuli Parochi, quibus ea est conceditarum Ecclesiarum conditio, de Cooperatoribus idoneis & sufficientibus

tibus sibi semper studiose ac folicite provideant, ut & suæ conscientiæ consulant, & saluti ovium suarum, quantum tenentur, prospiciant.

II. Cooperatoris munere in audiendis confessionibus, ne probationis quidem causa ullus fungi possit, antequam a Nobis, aut Vicario nostro examinatus, approbationem in scripto acceperit.

III. Cooperatores in officio suo ita se exhibeant, ut ipsa actio spiritualium Cooperatorum titulo respondeat, non minus foliciti ac vigilantes, quam ipsi Parochi, ut salutem animarum optima fide, magno zelo, ac religioso officio & charitate procurent, promoveantque, idque non tam juxta proprium arbitrium, quam prudentem directionem Parochorum, quibus prompte obsequi debent.

IV. Cæterum ne pro habita fide, diligentia, & laboribus digno defraudentur præmio, mandamus, ut Parochi illis honestam, & pro exercitio pietatis, ac studiis literarum commodam habitationem assignent, nec ullo modo inter servos & ancillas, velut ejusdem cum illis sortis, in magnum Clericalis Ordinis contemptum collocent, neve domi in nimium abjectis & servilibus occupent.

V. Victus præbeatür illis honestus, & necessarius, stipendium liberale: si quis autem Parochorum sufficientes Cooperatores habere neglexerit, aut pro meritis, & dignitate, & stipendio, & aliis non tractaverit, eum volumus per Decanum ruralem ad Nos, vel Vicarium nostrum deferri, pro arbitrio canonice puniendum.

VI. Ita vero Parochi ministerio suorum Cooperatorum utantur, ut in ipsos non integrum & præsertim periculiosorem confessiones audiendi laborem transfundant ipsi otiosi effecti.

CAPUT XVI.

De rebus Ecclesiæ non alienandis.

I.

NE, quæ a Majoribus nostris in pios usus donata, legata, aut alia ratione relicta sunt, nostris temporibus

dissipentur: mandamus omnibus & singulis Abbatibus, Præpositis, Decanis, Prioribus, Abbatissis, Priorissis, Collegiis, item Clericis omnibus Civitatis & Diocesis nostræ Augustanæ, ne qua bona immobilia, seu redditus & proventus Monasteriorum, Collegiorum, vel Beneficiorum suorum, neve qualescunque jurisdictiones & immunitates Eccles. vel quæcunque jura Ecclesiastica vendant, obligent, vel quocunque modo in perpetuum vel ad longum tempus contra Canones alienent, locentve absque speciali nostra facultate: quam quidem facultatem nulli concedemus, priusquam legitime probetur istiusmodi venditiones, alienationes in evidentem Ecclesiæ utilitatem cedere. Si quis vero contra hoc nostrum mandatum Ecclesiastica bona & jura alienaverit, vel obligaverit, decernimus contractus super illis habitos invalidos atque irritos esse: ac nihilominus contra transgressores ad Canonicas penas procedemus.

II. Ut ea, quæ ad Diocesis nostræ Parochias pertinent, quoad fieri potest, integra conserventur, statuimus, ut singuli Parochi intra sex menses a publicatione hujus nostræ Synodi vocatis per publicum edictum, quorum interest, Inventarium omnium & singulorum bonorum tam mobilium, quam immobilium, jurium, actionum, annuorum censuum, debitorum, & aliorum quorumcunque ad ipsas Parochias pertinentium, cum eorum confiniis, & plena descriptione, per publicam personam in præsentia duorum saltem testium diligenter confici procurent.

III. Inventarii hujus duo exempla per eandem publicam personam authentica forma conscribantur, quorum alterum apud Parochialem Ecclesiam in Archivo aliquo, vel alio loco benemunito & obserato, qui duabus clavis, iisque diversis aperiatur, quarum unam Decanus ruralis illius Capituli, secundam vero Parochus habeat: alterum Inventarii exemplum in loco a Nobis ad hoc deputato conservetur. Singulis autem decenniis Inventarium illud renovari volumus.

IV. Quando per Nos, vel alios nostro nomine visitatio fiet, Inventaria præ-

prædicta, quæ apud Nos fuerint, vel saltem illorum exempla cum Inventariis, quæ apud singulas Parochias erunt, conferentur: ut si quid ex iis, quæ Inventariis descripta sunt, desit, restituendum curetur.

V. Inhumanum plane est, non in Ecclesiæ solum, sed etiam in defuncti Prælati, Parochi, vel Sacerdotis, vel alterius Clerici bona involare. Prohibemus igitur, ne quis cujuscunque conditionis vacantis alicujus Ecclesiæ, vel defuncti Sacerdotis aut Clerici bona invadat, eave quoquo modo subtrahat. Si quis id facere præsumperit, præter æternæ damnationis pœnam, quam incurrit, Nos quoque contra eum ad Canonicas pœnas, donec ablata, subtrahæque restituerit, ac Nobis & Ecclesiæ de offensa satisfecerit, procedemus.

VI. Omnes Prælati, vel cujuscunque gradus, ordinis, aut conditionis Clerici Beneficia Ecclesiastica habentes, omnesque piorum locorum Administratores Ecclesiæ bona strenue defendant, ac si quæ ablata, subtrahæque Ecclesiæ norint, ea pro virili recuperare conentur.

VII. Quæ de Decimarum solutione, & contra occupatores bonorum Ecclesiasticorum Concilium Triden. æquitati maxime consentanea statuit, ea quotannis circa Pentecosten, vel paulo post ab omnibus Parochis pro concione publicari volumus, ne quis forte per ignorantiam & oblivionem ejusdem Concilii censuras incurrat: atque ut Parochi horum Decretorum exemplum habere possint, placet Concilii verba ex diversis Sessionibus huc transferre.

Ex Sessione 25. Cap. 12. de Reformat.
 " Non sunt ferendi, qui variis artibus
 " Decimas Ecclesiis obvenientes subtrahere moliantur: aut qui ab aliis
 " solvendas temere occupant, & in rem suam vertunt: cum Decimarum solutio debita sit Deo: & qui eas dare noluerint, aut dantes impediunt, res alienas invadant. Præcipit igitur S. Synodus omnibus cujuscunque gradus & conditionis sint, ad quos Decimarum solutio spectat, ut eas, ad

" quas de jure tenentur, in posterum
 " Cathedrali, aut quibuscunque aliis
 " Ecclesiis vel personis, quibus legitime debentur, integre persolvant.
 " Qui vero eas aut subtrahunt, aut impediunt, excommunicentur, nec ab hoc crimine, nisi plena restitutione secuta, absolvantur."

Ex Sessione 22. Cap. 11. de Reformat.
 " Si quem Clericorum aut Laicorum, quacunque is dignitate, etiam Imperiali aut Regali præfulgeat, in tantum malorum omnium radix cupiditas occupaverit, ut alicujus Ecclesiæ, seu cujusvis sæcularis vel regularis Beneficii, montium pietatis, aliorumque piorum locorum jurisdictiones, bona, census ac jura, etiam Feudalia, & Emphyteutica, fructus, emolumenta, seu quascunque operationes, quæ in Ministrorum & pauperum necessitates converti debent, per se vel alios, vi vel timore incusso, seu etiam per suppositas personas Clericorum aut Laicorum, seu quacunque arte & quocunque quæsito colore in proprios usus convertere, illosque usurpare præsumperit, seu impedire, ne ab iis, ad quos jure pertinent, percipiantur, is anathemati tamdiu subiaceat, quamdiu jurisdictiones, bona, res, jura, fructus & redditus, quos occupaverit, vel qui ad eum quomodocunque etiam ex donatione suppositæ personæ pervenerint, Ecclesiæ, ejusque Administratori, sive Beneficiario integre restituerit: ac deinde a Romano Pontifice absolutionem obtinuerit. Quod si ejusdem Ecclesiæ Patronus fuerit, etiam Jure patronatus, ultra prædictas pœnas eo ipso privatus existat. Clericus vero, qui nefandæ fraudis & usurpationis hujusmodi fabricator seu consentiens fuerit, eisdem pœnis subiaceat, nec non quibuscunque Beneficiis privatus sit, & ad quæcunque alia Beneficia inhabilis efficiatur, & a suorum Ordinum executione, etiam post integram satisfactionem & absolutionem, sui Ordinarii arbitrio suspendatur."

CAPUT XVII.

De Locato, & Conducto.

I.

Perniciosam consuetudinem, qua Clerici vel repræsentata pecunia, vel ad non modicum tempus bona Ecclesiæ in Successorum præjudicium etiam laicis locant eadem ratione, qua Synodus Trid. prohibemus, & locationes ipsas invalidas esse decernimus.

II. Cum indecorum sit, ut Canonici, Clericique domos suas Ecclesiasticorum hominum usibus consecratas, laicis locent, ipsi interim vel per diversa discurrant, vel contra decorum se in alienarum ædium angustissimo angulo includant: serio monemus, ne qui Canonici, vel Clerici domos suas Beneficiales ad Ecclesiam pertinentes personis laicis, nisi de Nostro, aut Vicarii nostri consilio & consensu in posterum locent, concedantve, neque in illis nuptias, convivia publica, salutationes, comotationes, aut alia secularia negotia exerceri permittant.

III. Si quæ vero domus jam nunc ad modicum tempus alicui istorum locatæ, aut alio modo concessæ sint, finito locationis, concessionisve tempore, Nobis, aut Vicario nostro inconsultis, non amplius locentur, concedanturve: sin ad longum tempus locatæ fuerint, secundum Decreta Concilii Trid. locationes irritæ sint.

IV. Quia vero ut plurimum ædes beneficiales & Canonice factæ non conservantur, magno tum Ecclesiarum, tum Beneficiorum incommodo & detrimento: quæ ut deinceps avertamus, Capitulo tam nostræ Cathedralis, quam aliis Collegiatarum Ecclesiarum mandamus, ut, quamprimum fieri potest, certam aliquam rationem ineant, qua hujusmodi ædes, si quæ forte refectione indigebunt, reficiantur, & in posterum melius conserventur.

CAPUT XVIII.

De Testamentis.

I.

Cum res scandalo plenissima sit, quod Clerici concubinis suis te-

Tomus IX. Concilior. German.

stamento aliquid relinquunt: usque adeo id prohibitum volumus, ut nec mentionem earum aliquam quacunque de causa & quibuscunque etiam ancillarum, aut aliis fictitiis nominibus faciant, sed nec per interpositas personas illis quicquam tacite in fraudem legis relinquunt. Quod si concubinis suis aliquid quocunque modo legarint, id concubinis, quibus illegitime legatum est, ademptum in pios usus convertemus.

II. Nulla per Clericos de bonis Ecclesiæ nomine acquisitis facta testamenta valida sunt, nisi prius juxta sacrorum Canonum præscriptum a Nobis examinata confirmentur.

CAPUT XIX.

De Sepulturis & Exequiis.

I.

Si qui in Ecclesiis sepeliendi sint, sepulchra eo in loco fiant, ubi Divinis Officiis nihil adferant impedimenti, sintque ita profunda, ut ne quem fœtorem inducere possint.

II. Cimiteria ubique diligenter clausa, & a negotiis profanis libera sint, & veluti loca sacra reverenter habeantur, in quibus nec hæretici, excommunicati, manifesti usurarii, aliive jure prohibiti, nec ulli omnino invito Parrocho sepeliantur. Sitque in cimiteriis locus honestus reponendis ossibus mortuorum, ubi semper vas cum aqua benedicta & aspergillo fidelium devotioni sit expositum.

CAPUT XX.

De Personis Regularibus.

I.

Quod Sancti Patres sæpissime caverunt, ut castitatis, obedientiæ, & paupertatis vota non nisi a sponte illa profitentibus recipiantur, id etiam volumus hoc tempore observari. Nemo igitur, cujuscunque dignitatis vel conditionis, vi, metuve aliquem cogat, vel dolo malo inducat ad Monachatus professionem. Maxime vero id in virginibus, viduis, & quibuscunque mulieribus caveri volumus: cum Trid. Concil. eos, qui id faciunt, aut confi-

K

lium,

lium, auxilium, vel favorem ad hoc præbent, aut præsentiam, consensum, vel auctoritatem interponunt, excommunicationis vinculo constringat.

II. Finis, quem sibi quisque in Religionis ingressu præfixum habere debet, est iste: ut scilicet pro ampliori Dei gloria, & animæ suæ salute magis promovenda, non sola communium præceptorum observatione, verum etiam peculiari vitæ instituto, ac nominatim voto paupertatis, castitatis & obedientiæ, se totum Divino cultui ad dicat.

III. Sed nec ipsa Monasteria, vel eorum Præfecti, aut aliquis eorum nomine ab illis, qui professionem faciunt, professionis nomine pecuniam aliquam, aut quævis bona Novitiorum, neque convivia cujuscunque consuetudinis prætextu exigant.

IV. Nihil etiam ex Novitii bonis ante illius professionem, etiam si sponte offeratur, excepto victu & vestitu illius temporis, quo in probatione fuit, accipiant. Neque plures, quam ex redditibus propriis Monasteriorum, vel ex consuetis eleemosynis possint commodè sustentari, in suum numerum admittant.

V. Omnes post votum solemne præstitum sui Ordinis Regulam, maxime quæ ad obedientiæ, paupertatis & castitatis cultum pertinent, quam arctissime observent.

VI. In quibus Monasteriis consuetudo adhuc locum retinet, ut Monachi vel Canonici regulares bona quædam immobilia ad usum fructum vel administrationem habeant; pro victu, potu, vestimentis & similibus pecuniam aliquam ad se recipiant: hanc Nos consuetudinem secundum Decreta Concilii Tridentini omnino abrogatam esse volumus.

VII. Privatæ mensæ in omnibus & singulis Monasteriis sint interdictæ. Conveniant autem omnes, qui legitime non impediuntur, refectiois gratia in unum refectorium, ibique, quæ Regula circa mensam observanda præscribit, observent. Sed & Monasteriorum Prælatos vel Rectores hortamur in Domino, ut, nisi legitime impedian-

tur, cibum cum fratribus ut plurimum in communi refectorio sumant.

VIII. Ne vero ex sordida Prælatorum quorundam tenacitate, paupertatis votum alicui grave fiat; volumus, ut victus, potus, vestitus, omnia denique necessaria decenter & benigne fratribus juxta vocationis & Regulæ suæ rationem subministrantur.

IX. Habitum monasticum atque tonsuram singuli secundum sui Ordinis præscriptum sive domi, sive foris palam ferant: quibus studeant Prælati & Superiores hac in parte religiose modestiæ, moderationis & decentiæ exemplo prælucere, vitato omni luxu & vanitate sæculari.

X. Divina Officia tam diurna, quam nocturna, quæ in omnibus Ecclesiis diligenter peragi debent, multo majori diligentia, pietateque in Monasteriis, secundum singulorum Ordinum Regulas, & Monasteriorum fundationes, vel laudabiles consuetudines statis horis, & locis celebrentur.

XI. Quanto quisque in Monasterio dignitate vel officio major est, tanto in Divinis ministeriis studeat esse frequentior, ferventiorque, nec se ab iis facile subducat, nisi vel necessitatis, vel majoris utilitatis ratio ita postulet.

XII. Bibliothecæ in Monasteriis, ubi ea non sunt, instituuntur: si quæ vero aut bellorum cladibus, aut Abbatum, Præpositorumve negligentia direptæ, aut aliqua ex parte dilaceratæ, diminutæve sunt, restituantur: repurgentur quoque a libris prohibitis, maxime vero hæreticorum.

XIII. Ædificia omnia sive Templi, sive Monasterii facta, rectaque servantur, neque nimis sumptuosa, picturisve lascivis & sæcularibus ornata, sed religiosæ paupertatis & simplicitatem Evangelicam professis congrua sint, observenturque secundum regulam clausuræ Conventus, nec ullo pacto mulieres virorum Monasteria ingredi permittantur.

XIV. Hortamur quoque Abbates, Prælatosque omnes in Domino, ut juniores fratres, eos maxime, qui bonæ sunt indolis, & in suis Monasteriis in lite-

literis sufficienter erudiri non possunt, ad Universitatem nostram Dilinganam, vel aliud Catholicum Gymnasium studendi gratia mittant, ibique in aliquo Monasterio vel Collegio collocent, ubi disciplina vigeat, adeoque honeste, pie ac religiose in officio contineantur.

XV. Singulorum Monasteriorum Prælati, omnesque Religiosi mensa utantur frugali & sobria, cui nunquam desit sacra lectio. Cum nemine autem vel ipsi poculis certent, vel a suis id fieri permittant. Imo vero ad æquales haustus ab aliis invitati, religiosa modestia constanter repugnent: Deo magis, quam pravis hominum voluntatibus servire parati.

XVI. Caveant, ne ex bonis vel fructibus Monasterii suos dicent propinquos vel amicos: neve quicquam bonorum sive mobilium, sive immobilium tanquam proprium possideant, vel suis Religiosis possidendum, aut aliis donandum relinquunt.

XVII. Officia in Monasterio pro cuiusque dignitate distribuant, ac si quos ibidem sanguine sibi junctos habent, caveant, ne cum certa animarum suarum pernicie a carne & sanguine seducantur.

XVIII. Capitulares congregationes ad disciplinæ conservationem frequenter habeantur, quibus ipsi etiam Prælati, quoad fieri poterit, intersint. In quibus contra honestatem vel Ordinis Regulam admissa puniantur.

XIX. In omni tam spiritualium, quam temporalium administratione ita se gerant, ut amari, quam timeri malint.

XX. Qui in Monasteriis officio aliquo funguntur, secundum cuiusque Ordinis Regulas, ac Monasterii laudabiles consuetudines sedulo id præstent; ex quibus, qui bona temporalia Monasterii curant, quotannis coram Abbate & Senioribus, & ipsi Prælati coram Conventu, aut Senioribus accepti, & expensis rationem reddant.

XXI. Monachi secundum Decreta Concilii Chalcedon. sanctæ quieti operam dent, jejuniis & orationibus vacent, in quibus locis se Deo semel de-

voverunt (nisi eorum Regula & Professio, vel ob ingentes necessitates iussio Episcopi aliud postulet) remaneant, nullisque se Ecclesiasticis vel sæcularibus turbis immisceant.

XXII. Si qui Monachi Sacerdotum habitu extra septa Monasterii sui oberrent, Sacramentorumque Ecclesiasticorum administrationi citra nostrum consensum, & contra Canones, suasque Regulas se ingerant: secundum Decreta Synodi Mogunt. monemus eorum Prælatos & Superiores, ut vagabundos hosce Monachos diligenter inquisitos ad sua Monasteria redire modis omnibus curent: quod, nisi fecerint, Nos tam contra non redeuntes Religiosos, quam non revocantes & non recipientes jure agere compellemur.

XXIII. Statuimus præterea, ut secundum ordinationem Synodi Mogunt. Monasteriorum Abbates & Prælati cujuscunque Ordinis Nobis subiecti Regulares personas in Apostosiam ex quacunque causa lapsas, juxta cuiusque Ordinis disciplinam, Regulam, & probatum morem poenitentes benigne accipiant, nec pro excessibus graviores eis poenas, quam quæ in sacris Canonibus & Regulis Ordinum expressæ sunt, imponant, ut propter excessus nec victus, nec vestitus necessarius eis subtrahatur.

XXIV. Si qui ab hæreticis suis fuerint Monasteriis ejecti, ad alia ejusdem Ordinis Monasteria se conferant: qua in re si difficultatem experiantur, de ea Nos certiores reddant: dabimus enim operam, ut in aliquod sui Ordinis Monasterium alicubi recipiantur: vagari autem cum certa animarum suarum pernicie non permittemus.

XXV. Quod de diligenti Sanctimonialium clausura, prohibitoque aliorum ad eas ingressu Summus Pontifex PIUS V. speciali Diplomate, & ante illum Concilium Tridentinum statuit ac præcepit, id Nos inviolabiliter & sub poenis in ejusdem Concilii Decreto contentis observari mandamus, cujus quidem Decreti hæc sunt verba: "BONIFACII VIII. Constitutionem, quæ" incipit: *Periculoso*, renovans S. Synodus, universis Episcopis sub obrefta-

"tione Divini iudicii & interminatione maledictionis æternæ præcipit, ut in omnibus Monasteriis sibi subiectis, Ordinaria, in aliis vero Sedis Apostolicæ auctoritate, clausuram Sanctimonialium, ubi violata fuerit, diligenter restitui, & ubi inviolata est, conservari maxime procurent: inobedientes arque contradictores per censuras Ecclesiasticas, aliasque penas, quacunque appellatione postposita, compescentes, invocato etiam ad hoc, si opus fuerit, auxilio brachii sæcularis. Quod auxilium, ut præbeatur, omnes Christianos Principes hortatur S. Synodus, & sub excommunicationis pena ipso facto incurrenda, omnibus Magistratibus sæcularibus injungit. Nemini autem Sanctimonialium liceat post professionem exire a Monasterio etiam ad breve tempus, quocunque prætextu, nisi ex legitima causa ab Episcopo approbata: Indultis quibuscunque & privilegiis non obstantibus. Ingressi autem intra septa Monasterii nemini liceat cujuscunque generis aut conditionis, sexus, vel ætatis fuerit, sine Episcopi vel Superioris licentia in scriptis obtenta sub excommunicationis pena ipso facto incurrenda. Dare autem tantum Episcopus vel Superior licentiam debet in casibus necessariis, neque alius ullo modo possit, etiam vigore cujuscunque facultatis vel indulti hactenus concessi, vel in posterum concedendi."

XXVI. Quæ de Abbatis, Prioris, & quocunque alio nomine Præfectæ electione, ut ne minor sit quadraginta annis, & post factam professionem octo annos laudabiliter vixerit, & de reliquis eodem pertinentibus Concil. Trid. statuit, firmiter observari volumus.

XXVII. Monemus secundum Constitutionem Conc. Trid. Moniales omnes, ut saltem semel singulis mensibus confessionem peccatorum faciant, & Eucharistiæ Sacramentum sumant. Quo autem commodius afflictiis quarundam conscientis consulatur, secundum ejusdem Concilii Tridentini ordinationem

bis aut ter in anno extraordinarium Confessarium ipsis offerri volumus, qui a Nobis, vel Vicario nostro fuerit approbatus, qui omnium confessiones audiat.

XXVIII. Ad Professionem ante decimum sextum annum expletum, nemo sive vir, sive mulier admittatur.

XXIX. Cætera quoque omnia, quæ de Regularibus & Monialibus in Concilio Tridentino constituta sunt, observentur.

XXX. Quo vero hæc tam salutaria Decreta in executionis usum inducantur, & semel inducta perpetuo & constanter observentur, adeoque religiosæ vitæ ac disciplinæ ratio, prout oportet, vigeat, floreatque, faciendum Nobis visum, ut pro singulis Ordinibus religiosis, in quos Nobis jus visitandi potestate ordinaria competit, a Nobis deligantur singuli Prælati religiosi, ut sui quisque Ordinis virorum & Monialium quosque per Nos designata Monasteria visitet, atque omnem religiosæ vitæ ac disciplinæ regularis executionem procuret, promoveatque nostro nomine & auctoritate cum alio similis Ordinis & Instituti Religioso, a Nobis, cum visitatio facienda erit, nominando & adiungendo.

XXXI. Horum Visitatorum potestas durabit ordinarie ad sexennium, post quod eandem illis ipsis confirmabimus, vel prorogabimus semel & pluries pro arbitrio nostro, vel transfereamus in alios.

XXXII. Visitabunt singulis trienniis omnia Monasteria, facientque initium statim post hanc Synodum; potestatis ac facultatis a Nobis acceptæ habebunt literas patentes, quibus fidem faciant, quæ illis potestas competeat, sive visitationibus incumbant, sive non. Liberum autem Nobis erit, quoties necessarium censuerimus, adungere prædictis Visitatoribus religiosis Vicarium nostrum Generalem, vel alium, quem idoneum judicaverimus.

XXXIII. Cum quisque primum a Nobis ad hoc munus deligetur, faciet Nobis juramentum, quod munere suo fideliter & diligenter fungetur secundum

dum formam visitationis ipsi traditam, omni odio, rancore, amore & affectu femotis.

XXXIV. Minores excessus & defectus poterunt per se corrigere, emendare & punire, majores vero, totamque visitationis suæ seriem post quamlibet visitationem Nobis scripto referre teneantur.

XXXV. Monasteria dum visitant, sumptibus superfluis non gravent, pro visitatione nihil postulent aut exorqueant sive pro se, sive pro Ministris, quos non nisi omnino necessarios secum habebunt, nec ipsi, nec Ministri ultro oblatum accipiant, contenti moderato victu, & iis impensis, quas visitationis causa necessario facere debebunt; & quas speramus singulorum Monasteriorum Prælatos ac Superiores promptè ac libenter suppeditaturos.

CAPUT XXI.

De Hospitalibus pauperum, infirmorum, peregrinorum, & aliis piis locis.

I.

IN Viennensi & Tridentino Concilio ingens piorum locorum neglectus causam præbuit, ut Episcopis eorum visitatio sedulo mandaretur. Ut igitur in visitatione hujusmodi locorum secundum Decreta Concilii Trid. per Nos instituenda, nihil quod oculis nostris offendere possit, quodque reformatione egeat, inveniamus: mandamus omnibus & singulis piorum locorum Administratoribus, etiam si eorundem locorum cura penes Laicos sit, atque ipsa loca exemptionis privilegio sint munita, ut omnia, quæ ad cultum Divinum, pauperum sustentationem, atque bonorum administrationem pertinent, quam diligentissime exequantur: quod nisi fecerint, contra eos ad excommunicationis, privationis, aliasque Canonicas penas procedemus.

II. Prima cura piis in locis sit de animarum salute: habeant igitur singula proprios Sacerdotes, vel si habere non possint, a Parochis saltem frequenter invisitantur, qui infirmos verbo Dei,

Sacramentorum administratione, aliisque modis consolentur.

III. Medici quoque per oppida constituti, accepto convenienti stipendio, ægrotos in ejusmodi locis agentes diligenter curent. Quod si locorum redditus tenuiores sint, quam ut inde in Medicos aliquid impendi possit, hortamur eos in Domino, ut Christum in membris suis agnoscere, & Christiana pietate & charitate pauperum necessitatem sublevare velint.

IV. Nullus autem piorum locorum Administrator bona, ad certum aliquem usum instituta, aliorum avertat. Quod si alicubi sine Sedis Apostolicæ, vel nostræ facultate sit, in priorem usum bona revocentur: neque in posterum ulla mutatio circa res ad pia loca pertinentes fiat, nisi Nos ex causa per Concilium Trident. approbata, vel alias legitima eam faciendam decreverimus.

V. Si qua igitur pia loca Viduis alendis instituta sunt, ea viduis alendis serviant: si qua mendicis alendis, serviant mendicis: si qua alendis orphanis, serviant orphanis: si qua peregrinis hospitio excipiendis, serviant peregrinis hospitibus; & sic de aliis. Habeaturque in omnibus ratio, ut ad ejusmodi loca personæ, quæ vere pauperes, miserabilesque, præsertim vero Catholicæ, & ibidem oriundæ recipiantur: nec tamen peregrini omnino excludantur, quoad sine pauperum ejus loci præjudicio fieri potest, propter illud Christi: Hospes eram & collegistis me.

VI. Mendicantes, qui ad labores ferendos robusto satis corpore videntur, indiscussa causa non recipiantur, sed neque alii, quibus victus aliunde suppetit, ostiatim mendicare permittantur.

VII. Collegia, vel Monasteria, quibus Hospitalia, vel alia pia loca unita sunt, ædificia eorum locorum facta, rectaque conservent, & quæcunque institutionis eorum ratio postulet, onera sustentent: quod, nisi fecerint, Canonice contra eos ad privationem, excommunicationem, aliasque penas procedemus.

VIII. Piorum locorum five Ecclesiastici, five laici Administratores, qui iuramentum de fidelitate in suo munere servanda nondum præstiterunt, intra duos menses ab horum Statutorum evulgatione illud præstent. Posthac autem ad administrationem nemo admittatur, qui non ante eodem iuramento se astrinxerit.

IX. Administratores omnes administrationis suæ rationem singulis annis, secundum Decreta Concilii Trid. Ordinario reddant. Et quæ præterea in Viennensi & Tridentino Concilio de piis locis, eorumque administratione constituta sunt, inviolabiliter observentur.

C A P U T XXII.

De Jure Patronatus.

I.

MAndamus omnibus personis Ecclesiasticis, ut intra sex menses, Laicis vero, ut intra quatuor menses a die vacationis cujuslibet Beneficii idoneam personam Nobis præsentent: quam Canonice examinatam vel investiamus, vel repellamus, quod si intra præscriptum tempus officio non fecerint satis, autoritate nostra ordinaria ipsis vacantibus Beneficiis de idoneis personis providebimus.

II. Ut autem sine nostra institutione vel commissione aliqui Beneficii Ecclesiasticis, maxime autem Parochialibus Ecclesiis a Laicis, vel etiam Clericis, qui plenum jus providendi non habent, præficiantur, etiam ad tempus per modum provisionis, id nullo modo feremus.

III. Et cum Beneficia Ecclesiastica debeat esse perpetua, Ecclesiarumque Parochialium Rectores Pastores esse conveniat, non mercenarios: reprehendenda inprimis est quorundam Patronorum maxime laicorum ab aliquot retro annis usurpata licentia, qui non contenti ea potestate, quam sacri Canones eis indulgent, quo magis obnoxios sibi habeant Sacerdotes, in præsentatione modum præscribere Ordinario præsumunt, ne scilicet investitura præsentato, sed tantum commissio annua

concedatur. Quæ restrictio, cum etiam in præjudicium auctoritatis Episcopalis tendat, sicut a Prædecessoribus nostris semper fuit improbata, ita & Nos quoque eam reprobamus ac volumus, ut non attentis præsentationibus ejusmodi; præsentatis ad quævis Beneficia, vel Vicarias perpetuas investituræ concedantur, nisi privilegio speciali, vel consuetudine immemorabili circa aliquod Beneficium aliud inductum esse probetur, aut alia evidens causa loci aut personæ præsentatæ qualitate considerata commissionem potius, quam investituram dari suadeat. Circa eas autem Vicarias, ad quas vigore incorporationum Sacerdotes ad nutum amovibiles præsentari solent, quosque ob id Manuales vocant, nihil mutari volumus.

IV. Intolerabile est, quosdam tam Ecclesiasticos, quam Laicos Parochiarum, quarum Patroni sunt, per fas & nefas sibi bona usurpare: Sacerdotibus interim, quibus animarum cura permittitur, tam parce & avare necessaria suppeditare, ut miserrimam illi vitæ rationem subire cogantur. Hortamur igitur omnes in Domino & singulos tam Ecclesiasticos, quam Laicos, cujuscunque etiam dignitatis vel gradus fuerint, illisque sub pena excommunicationis in Decretis Concilii Trid. expressa, & sub obtestatione Divini iudicii mandamus, ut salutis suæ memores, si nihil ipsi in pios usus convertere velint, saltem quæ a Majoribus suis religiose collata sunt, Ecclesiis nulla ex parte subtrahant, eaque in suos, vel aliorum, quamlibet etiam honestos usus convertant: certum est enim hujusmodi bonorum Ecclesiasticorum spoliationem immane sacrilegium esse, cujus, qui rei sunt, etiam si forte in hoc mundo debitas penas non peperderint, justum tamen Dei iudicium in futuro sæculo neutiquam evadent.

V. Quocirca mandamus omnibus Decanis ruralibus & Camerariis, ut, postquam intellexerint, alicui Beneficio five per Clericos, five per Laicos in suo Districtu aliquid esse substractum, vel Vicariis quibusdam nimis tenues assignari proventus, ut quamprimum vel Nos, vel Vicarium nostrum ea de re certio-

certiores faciant, quo & dictos proventus augere, & harum Constitutionum nostrarum transgressores debitæ pœnis afficere possimus, quanquam & in singulis visitationibus, ut Vicariis Parochorum congrui & sufficientes redditus assignentur, per Visitatores nostros admoniti providebimus.

VI. Noverint quoque Patroni Ecclesiarum & Beneficiorum quorumcunque sive Ecclesiastici, sive laici, sibi nullam penitus competere potestatem disponendi de fructibus Beneficiorum vacantium; multo minus eadem supprimendi etiam sub prætextu applicationis in aliud opus pium, eo quod forte ea ad sustentandum proprium Sacerdotem non sufficiant; sciantque tales se non solum injurios esse in pios Fundatores, sed etiam falcem in alienam messem mittere, & Jurisdictionem Ecclesiasticam per ejusmodi applicationem temere usurpare, Deumque suæ temeritatis acerrimum ultorem habituros. Quocirca omnes ejusmodi bonorum & censuum Beneficialium in quoscunque usus etiam Ecclesiasticos sine auctoritate ordinaria, aut majore applicatorum detentores, Administratores, vel Procuratores cujuscunque status & conditionis, etiam si Communitates, & Collegia sint, sub obtestatione Divini judicii monitos, eosdemque sub pœna excommunicationis obligatos volumus ad consignandas Nobis intra duorum mensium spatium ab insinuatione hujus Decreti rationes, indices, & registra omnium ejusmodi bonorum, fructuum & censuum; quibus habitis & perspectis Nos aut restitutionem eorundem in pristinum statum curabimus, aut si evidenti ex causa id omnimodo fieri non posse apparuerit, per unionem, annexionem, aut applicationem legitimam pro potestate Nobis hac in parte a sacris Canonibus concessa statuemus, quod Nobis in Domino magis expedire, Ecclesiisque ipsis utilius esse videbitur.

VII. Mandamus item Patronis omnibus, vel quorumcunque locorum Dominis, sub interminatione Divinæ iræ, quam non effugient, & sub pœna excommunicationis, ne Sacerdotes, qui per Nos examinati & probati, de qui-

buscunque Beneficiis Ecclesiasticis legitime investiti sunt, aliquo modo publice vel occulte per se ipsos, vel alios divexent, sed sinant illos Divina Officia peragere, curæque animarum libere præesse. Quod si contra quamcunque personam Ecclesiasticam querelam aliquam habuerint, eam coram Nobis, vel Vicario nostro explicant, ut auditis utriusque partis rationibus æqua feratur sententia.

VIII. Nullum quoque Sacerdotem indignis modis tractando, vel acerba comminando, vel alio quocunque modo directe vel indirecte ad Beneficii sui resignationem cogant, neve exigendis importune & indebite conviviis pro se, officialibus & familiaribus suis, vel imponendis aliis oneribus Parochos & alios Sacerdotes inique gravent. Nam præterquam, quod Dei omnium rerum inspectoris horrendum judicium non evadent, nostram quoque in vindicandis Ecclesiasticarum personarum injuriis atque oppressionibus æquissimam iram experientur.

IX. Sed nec resignationes Patroni acceptent, nec post factas resignationes prius alios præsentent, quam Nos dictas resignationes, examinatis causis, legitime approbaverimus.

C A P U T XXIII.

De Ecclesiis ædificandis, vel reparandis.

I.

Quam Nobis Concilium Trident. facultatem dat circa Ecclesias, quæ vetustate, aut alias collapsæ sunt, ea facultate, ubi res postulabit, utemur. Explicatur autem hæc sequentibus Concil. Trident. verbis *Sess. 21. Cap. 7. de Reformat.*

"Cum illud quoque valde curandum sit, ne ea, quæ sacris Ministeriis consecrata sunt, temporum injuria obsolescant, & ex hominum memoria excidant, Episcopi etiam, tanquam Apostolicæ Sedis delegati, transferre possint Beneficia simplicia, etiam Juris Patronatus ex Ecclesiis, quæ vetustate vel alias collapsæ sint, & ob eorum inopiam nequeant instau-

staurari, vocatis iis, quorum interest, in Matrices, aut alias Ecclesias locorum eorundem, vel vicinorum arbitrio suo: atque in eisdem Ecclesiis erigant Altaria, vel Capellas sub eisdem invocationibus, vel in jam erecta Altaria, vel Capellas transferant cum omnibus emolumentis & oneribus prioribus Ecclesiis impositis. Parochiales vero Ecclesias, etiam si Juris Patronatus sint, ita collapsas refici & instaurari procurent ex fructibus & proventibus quibuscunque ad easdem Ecclesias quomodocunque pertinentibus. Qui si non fuerint sufficientes, omnes Patronos, & alios, qui fructus aliquos ex dictis Ecclesiis provenientes, percipiunt, aut in illorum defectu Parochianos omnibus remediis opportunis ad praedicta cogant, quacunque appellatione, exemptione & contradictione remota. Quod si nimia egestate omnes laborent, ad Matrices, seu viciniores Ecclesias transferantur cum facultate tam dictas Parochiales, quam alias Ecclesias dirutas in profanos usus, non fordidos, erecta tamen ibi Cruce, convertendi.

II. Ad aedificandas Ecclesias noster primum consensus secundum Canones requiratur: deinde antiquus in iis, & conveniens decor observetur.

III. Cujuscunque generis mercatura etiam librorum praesertim haereticorum, & picturarum, ac omnes profani actus a Templis, coemeteriis, Templorum vestibulo & porticu simul arceantur.

IV. Vinum, linum, frumenta, lana, pannus, cistae, aliaeque similia in Ecclesiis, Sacellis & Sacrariis non reponantur, nisi forte aut hostilis incursus, aut repentina incendia, aut alius fortuitus casus incolas cum rebus suis ad loca sacra confugere coegerit: qua necessitate cessante illico rursus inde exportari illa mandamus. Nec vasa, ullaque onera contra decorem per Templum & Sacella portentur.

V. Procuratores Parochialium Ecclesiarum, quorum est annuos redditus Ecclesiarum colligere, eosque in aedificationem, reparationem, & conserva-

tionem Templorum atque vasorum sacrorum, in emptionem item aliarum rerum, quae ad Divina Officia rite peragenda necessaria sunt impendere, officio suo diligenter cum consilio Parochi fungantur, nec quicquam ex illis in privatum suum vel alterius usum convertant, aut converti patiantur. Singulis annis accepti & expensi rationem coram Parocho, & aliis ad hoc deputatis, reddant.

VI. Abusum autem illum Ecclesiae detrimentosum, quo post subductas rationes, sive post computum, ut vocant, convivia vel computationes expensis Ecclesiae celebrantur, omnino sublatum esse volumus. Parochi quoque, qui ea, quae a Procuratoribus Ecclesiarum scribendi ignaris accepta sunt vel expensa, annotare solent, annotationis hujus nomine nec vinum, nec quidquam aliud sibi solvi permittant. Exhortamurque Magistratus & Patronos, ut in suis territoriis suum Nobis auxilium ad tollendum hunc abusum, non gravatim praestent.

C A P U T XXIV.

De Immunitate Ecclesiastica.

I. Nemo cujuscunque gradus, ordinis, sive conditionis contra nostram voluntatem, & Canonicas Sanctiones Clericos captivare, vel in vincula conjicere praesumat. Qui secus fecerit, ipso facto in sententiam excommunicationis se incurrere sciat.

II. Si quem Clericum in aliquo delinquere contingat, eum ad Nos, vel Vicarium nostrum deferri volumus, ut pro delicti qualitate, eum aut simpliciter citari, aut personaliter apprehendi, invocato ad hoc, si opus fuerit, auxilio brachii saecularis, curemus.

III. Sed nec jurisdictionem in Ecclesiasticas personas, aut earum bona aut loca contra Juris Canonici & Civilis constitutiones sibi quisquam vendicet, nec Clericum coram saeculari Judice conveniat: quod si fecerit, eo ipso secundum Statuta Synodalia Provinciae Moguntinae causa cadat, nec ad ejus prosecutionem etiam coram Ecclesiastico Judice, ulterius admittatur.

IV. Ad munia quoque civilia, præsertim si sordida, si profana, si ludicra, si Clericis indigna sunt, a nullo Magistratu vocentur.

V. In reliquis omnibus ea serventur, quæ in favorem Ecclesiasticarum personarum, & Ecclesiasticæ libertatis sacris Canonibus & Imperialibus Constitutionibus decreta sunt. Hortamur proinde Magistratus omnes, ut severe in eos, qui libertatem Ecclesiasticam perturbant vel impediunt, animadvertant.

VI. Quod de immunitate Ecclesiarum & cœmeteriorum constitutum est, ut nemini iis in locis violentia inferri, aut ob quodcunque delictum invitus inde extrahi possit, inviolabiliter cum omnibus, nisi quis forte vel publicus latro, vel nocturnus agrorum depopulator esset, observari volumus. Alioquin contra transgressores Canonum ad Canonicas censuras progrediemur.

VII. Atque ut tam cœmeteria, quam Ecclesiæ pleno jure immunitatis gaudeant, prohibemus serio, ne quid ibi profani negotii tractetur, neque edicta Magistratuum promulgentur, aut captivi per illa ducantur. Illud etiam omnino caveri volumus, ne deinceps ulla executio Magistratus sæcularis contra adulteros, vel incestuosos, qui ex quorundam locorum consuetudine tribus diebus festivis ante fores Ecclesiæ statui solent, intra septa cœmeterii fieri permittatur; cum hæc non sit pœnitentiæ Ecclesiastica; & atrium Ecclesiæ Divinis tantum & Ecclesiasticis usibus, nullo autem modo sæcularium judiciorum executionibus deferre debeat.

CAPUT XXV.

De Scholis.

I.

EX bona juventutis institutione dependet magnam partem salus Reipublicæ Christianæ. Quapropter ubi Scholæ literariæ per oppida & pagos majores adhuc desiderantur, hortamur in Domino Ecclesiarum Prælatos, & cujuslibet loci Magistratum, ut eas mox erigi curent; simulque rationem in-
eant, ut ipsis Ludimagistris de annuis

Tomus IX. Concilior. German.

stipendiis provideatur. Quod si in quibusdam pagis ratio alia non occurreret, teneri poterit ista, ut deinceps ad munus Aeditui nullus assumatur, qui Scholas habere cum fructu aut non possit, aut non velit.

II. Et ne Christianæ juventuti pro lacte Catholicæ Religionis exitiale hæresis venenum dolo malo a Ludimagistris propinari contingat, volumus, ut omnes Ludimagistri, sicut *Parte 1. Cap. 3.* a Nobis quoque constitutum est, secundum formulam PII IV. apertam Fidei Catholicæ professionem faciant Decano rurali, vel suo Parocho. Quod idem Prælatos omnes cum Præceptoribus, qui junioribus Monachis præficiuntur, studiose volumus observare.

III. De moribus etiam eorundem Magistrorum diligens inquisitio fiat, an sint honesti, probi & incorruptæ vitæ, a quibus tam pietatis Christianæ prima principia, quam rudimenta literarum innocens pueritia & quorumlibet studiorum capax sine metu corruptionis secure hauriat.

IV. Similiter qui privatim pueros suos instituendos curant, eos in Domino hortamur, ut diligenter inquirent & observent, qua Religione & quam probatis moribus illi sint, quos suis pueris Præfectos volunt, cum non leviter ea in re a multis peccetur.

V. Nemo nostræ Diœcesis sive Clericus, sive Laicus, ut supra quoque constitutum est, ad Gymnasia hæreticorum vel ipse proficiatur, vel suos studiorum gratia mittat. Qui secus fecerit, eum Nos graviter, & severe puniri curabimus.

DECRETORUM SYNO-

DALIUM DIOECESIS

AUGUSTANÆ

PARS QUARTA.

CAPUT I.

De Constitutionibus.

I.

SACRORUM Canonum & Generalium
Conciliorum, maxime autem Tri-

L

denti-

dentini, tam in iis, quæ ad doctrinam, quam quæ ad mores pertinent, Constitutiones & Decreta ab omnibus subditis nostris, tam Clericis, quam Laicis, firmiter observari volumus, eorumque transgressores, vel secundum expressas in sacris Canonibus pœnas, vel si pœnæ expressæ non sint, Canonice nostro arbitrio puniri.

II. Catechismus ex Concilii Trident. Decreto ad Parochos, PII V. Pont. Max. jussu editum, omnes nostræ Diœcesis Parochi, ut non semel antea monuimus, habeant, diligenterque legant.

III. Constitutiones insuper, quas Laurentius Campegius S. R. Ecclesiæ Cardinalis, & Sedis Apostolicæ per Germaniam Legatus, Ratisbonæ anno Domini 1524. ad reformationem Cleri Germaniæ, extirpandosque abusus edidit & publicavit, ab omnibus Nobis subiectis servari volumus (*): Provinciales quoque Synodi Moguntinæ Constitutiones suum robur obtineant.

IV. Hujus autem Synodi nostræ Statuta, quo certius ad aliorum notitiam deducantur, statuimus, ut harum Constitutionum Synodaliū liber in Cathedrali nostra & Collegiatis aliis Ecclesiis, Monasteriisque tam virorum, quam mulierum, simul atque typis excusus fuerit, in Choro, vel alio loco, ad quem facilis unicuique pateat accessus, servetur.

V. Mandamus præterea, ut quilibet Prælatus sive sæcularis, sive Regularis, Canonicis vel Monachis suis singulis annis: Decanus item ruralis in Capitulari, ut supra dictum est, congregatione, hæc nostra Statuta Synodalia vel per se, vel per alium prælegi curet. Ipsi vero Prælati, Decani rurales, Camerarii, Parochi, cæterique Presbyteri nostræ Diœcesis hæc nostra, & Concilii Trident. Decreta apud se habeant, servantque, ac diligenter perlegant: atque ex illis, quæ ad Sacramentorum usum, cultum Divinum, morumque disciplinam pertinent, plebi communicent. Quem vero huic nostro Mandato non paruisse Visitationis, vel alio tempore intelligemus, in eum vel per Nos, vel per Vicarium nostrum graviter animadvertemus.

CAPUT II.

De Rescriptis.

I.

Salubriter in Concilio Tridentino constitutum est, ut Ordinarius loci apud Ecclesiam suam residens, tanquam Sedis Apostolicæ delegatus, si quando de crimine publico inquirere cœpit, vel reum ad pœnam condemnare cœpit, de subreptione & obreptione gratiæ super absolutione criminis vel pœnæ per seipsum summarie cognoscatur, ipsamque gratiam, si eam per falsi narrationem, aut veri taciturnitatem obrentam esse, legitime constiterit, non admittat.

II. Quocirca mandamus omnibus Diœcesis nostræ Augustanæ Presbyteris, ne quenquam posthac, cui vel quæstio, vel pœna ab Ordinario constituta fuit, habeant pro absoluto, nisi præter Apostolicas, nostras quoque tanquam Apostolicæ Sedis eo casu delegati literas ostenderit, quas, qui non habebit, ad Nos, ut de veritate, vel falsitate precum ex delegatione Apostolica cognoscere, & justam super illis ferre possimus sententiam, mittatur.

III. Similiter quæcunque gratia a Sancta Sede Apostolica concessa, nemini ante suffragetur, quam juxta Concil. Trid. Decretum impetratorias preces veras fuisse, nostris literis approbaverimus: proinde qui sine hujusmodi literis gratia sibi concessa, in quibuscunque Diœcesis nostræ partibus uti voluerit, eum per Parochos ad Nos mitti mandamus, ut tanquam delegati Sedis Apostolicæ, de obreptione vel subreptione gratiæ, summarie & extrajudicialiter cognoscere possimus.

CAPUT III.

De Synodis.

I.

AD Synodum convenient omnes Prælati tam sæcularium, quam Regularium Ecclesiarum, & quicunque jubentur, a Concilio Tridentino citra exceptionem in Synodo comparere: tum etiam si qui alii Presbyteri vel Clerici nostræ Diœcesis jure, privilegio,

(*) Constitutiones illas CAMPEGII vide Tom. CC. VI. a pag. 196.

gio, vel consuetudine Synodo interesse debent.

II. Capitula vero tam Cathedralis nostræ, quam Collegiatarum omnium Ecclesiarum Procuratores duos, vel saltem unum, qui Ecclesiasticus & idoneus sit, ad Synodum mittant.

III. Capitulorum ruralium nomine, ordinarie comparebit Decanus cum Camerario.

IV. Qui legitimo impedimento venire prohibentur, Procuratorem Clericum, eumque idoneum cum absentia iusta excusatione ad Synodum mittant, qui eorum, a quibus mittitur, locum in Synodo tueatur, paratus etiam, quæcunque in Synodo decreta fuerint, eorundem nomine recipere & approbare.

V. Quotquot alieno nomine comparent, sufficientia habeant mandata, quibus doceant se posse & Synodo interesse, & tractare de omnibus, quæ secundum Jus commune Decreta Concilii Trid. & Diocesis Augustanæ consuetudinem tractanda veniunt: Constitutiones item in Synodo faciendas acceptare, omniaque & singula facere, quæ necessaria erunt, etiam si talia essent, quæ mandatum requirerent magis speciale cum promissione, quod ea, quæ per Procuratores acta erunt, absentes, a quibus mittuntur, rata sint habituri. Habeant etiam iidem Procuratores, qui pro legitime impeditis comparent, mandatum legitimum ad proponenda legitima impedimenta, eaque, si opus fuerit, probanda.

VI. Qui ad Synodum conveniunt, tam eundo, quam redeundo, & in ipso Synodi loco singularem modestiam, sobrietatem, pietatemque præ se ferant, præsertim in hospitibus, ne ullum aliis ex eorum dictis, factisve scandalum, vel Synodo dedecus afferatur.

VII. Qui ad Synodum veniunt, maxime Abbates, ornamenta suæ dignitati & statui convenientia secum afferant. Nec quisquam Clericus sive secularis, sive Regularis sine decenti habitu compareat.

VIII. Ante absolutam Synodum, nemo sine speciali facultate discedat,

Tomus IX. Concilior. German.

diligenterque illis, quæ in Synodo fiunt & dicuntur, omnes attendant.

IX. Synodi scopus erit, ut omnia, quæ ad puritatem fidei conservandam vel restituendam, & ad Cleri, populi que reformationem pertinent, juxta Summorum Pontificum, Concilior. Generalium, Provincialium, & Diocesanorum Decreta constituentur & ordinentur.

X. Prælati, & quicunque de jure vel consuetudine sessionem in Synodo nostra habent, si quæ contra Nos, vel contra Ministros, aut quemcunque alium gravamina vel querelas habuerint, ea libere in Synodo proponendi habeant facultatem.

XI. Post Prælatos Decani rurales, si quid in Synodo proponendum habeant, & ipsi proponant.

XII. Post hos, si quis ex reliquo Clero se ab aliquo, cujuscunque gradus, ordinis vel conditionis, gravatum existimet, causam Synodo libere per supplices libellos exponat: quæ, si ad cognitionem Synodi pertinebit, sine mora illis subveniemus, sin minus eum ad ordinarios Judices, commendata illis negotii æquitate, remitte-
mus.

XIII. Laicis quoque querelas suas, quæ vel ad nostram, vel ad Synodi cognitionem pertinent, libere proponendi facimus potestatem, ut ex Synodi consilio suus iustitiæ detur locus.

XIV. Omnibus tum Laicis, quam Clericis, qui querelas in Synodo proponere volent, de Advocatis, Procuratoribusque Synodalibus providemus: sed & ipsos, qui hæc querelas afferunt, benigne vel privatim audiemus, vel si idoneos existimabimus, ad eas proponendas in Synodum admitte-
mus.

XIV. Ne quem verecundia, vel metus a querela necessario proponenda deterreat: duobus vel tribus id negotii dabimus, ut separatim omnes & singulos sive Clericos, sive Laicos audiant, conquerentiumque nomina pariter & querelas summo silentio tegan-
t.

XVI. Querelis auditis, adhibito Synodi Theologorum & Jurisconsul-

torum consilio, quæ admonitionem postulabunt, admonitione, quæ correctionem vel executionem, correctione vel executione emendanda curabimus, Statuto etiam Synodali, si opus erit, in posterum quibusdam occurremus.

CAPUT IV.

De Foro Ecclesiastico.

I.

UT Juris, Justitiæque ratio fidelis observetur, & pro cujusque negotii difficultate inceptæ lites maturius finiantur, statuimus, ut nec Vicarius, nec Officialis, nec quisquam alius, qui ad Judicium nostrum Ecclesiasticum exercendum pertineat, prius recipiatur, quam vel coram Nobis, vel coram eo, cui vices nostras commiserimus, fecerit Professionem fidei, secundum formulam PII IV. Pont. Max., ac juraverit, se in illis, quæ ad officium suum, & Ecclesiastica Jura pertinent, fore fidelem.

II. Quia vero multi Sæculares nunquam causas Ecclesiasticas ad sua fora sæcularia variis modis trahere conantur; Nos his eorum iniquisurbationibus (quibus hac nostra solemniprotestatione & Synodali Constitutione contradictum, & omnes contrarios actus interruptos volumus) minime obstantibus, Vicario, & Officiali nostro serio mandamus, ut si hujusmodi causæ in forum nostrum adducantur; in iis non attentis ullis avocationibus, appellationibus, inhibitionibus, aut aliis quibuscunque processibus juxta SS. Patrum, Canonumque Decreta, atque immemorabilem Episcopatus & Curix nostræ consuetudinem & stylum procedant, easque uti Judices competentes audiant, determinent, & decident: contra quæ Procuratores nostri Confistoriales nihil alligent, aut opponant, quod in præjudicium aut elusionem jurisdictionis nostræ Ecclesiasticæ cedere possit: alioquin condignam nostram animadversionem non evasuri.

CAPUT V.

De Vicario, & Officiali.

I.

Vicarius, atque Officialis alienam necessitatem suam esse existiman-

tes, singulis, quoad poterunt, juste ac benigne succurrant, dilationes, quantum expedire censuerint, moderentur; Exceptiones verò, & appellationes frustratorias repellant, testiumque multitudini modum imponant. Nec ramen ita festinent, quin cuncta, quæ inquirenda sunt, rerumque ordinem plena inquisitione discutiant.

II. Quod si in causarum tractatione grave dubium oriatur, nihil sine Jurisconsultorum consilio interloquendo, vel definiendo pronuntient.

III. Non ferant, ut dum pro Tribunali sedent Notarii, Procuratores, vel quicumque alii probrosi, ignominiosive verbis, eos, qui in judicio comparent, excipiant, sed neque ipsos litigantes, mutuis se convitiis vel injuriis afficere patiantur: non enim convenit, ut, ubi injuriæ vindicandæ sunt, ibi injuriæ alicui inferantur.

IV. Computationes quoque in loco judicii, utpote a rebus, quæ ibi tractantur, maxime alienas tam Procuratoribus, quam aliis quibuscunque serio inhi-beant: nec etiam permittant, ut ullus ibidem aut pertinaci disceptatione, aut inconditis clamoribus perstrepat, tumultumve aliquem excitet, qui secus fecerit, eum Vicarius, vel Officialis noster, pro excessus qualitate, vel indicta multa, vel alias legitime puniat: si vero excessus magnitudo requirat, rem totam ad Nos referendam curet.

V. Judices nostri tam Advocatos & Procuratores, quam ipsos litigantes diligenter audiant, illisque benigne respondeant.

VI. Insuper cupientes Nos partes a frustraneis & inanibus sumptibus relevare, quos impendunt in rudes & imperitos laicos sibi assistentes, sine ullo consilii & operæ fructu, jus, potestatemque habeant Judices nostri, atque ipsis etiam mandamus, ut hujusmodi assistentes posthac penitus a judicio nostro arceant, & partibus injungant, ut iis repudiant Procuratores nostros juratos, vel alios peritos & probatæ fidei viros in consilium; & auxilium adhibeant, quibus & jura, & stylus Curix nostræ cognita sunt.

VII. Cum ex partium responsionibus, testiumque examine, magna pars causæ dependeat, ipsimet & partes respondentes, & testes audiant. Si vero legitima de causâ testium examini, vel partium responsioni interesse non possunt, non nisi peritis suas partes ad ea subdelegant.

VIII. Vicarium si abesse contingat, vices suas Officiali, ac econtra Officialem si abesse contingat, vices suas Vicario committat; utroque vero absente, vel Sigillifer, vel alius Clericus ad eam rem idoneus in eorum locum subrogetur.

CAPUT VI.

De Sigillifero, & Notariis.

I.

Sigillifer, & Notarii, quæ coram Vicario, vel Officiali fiunt, potissimum vero, quæ a Testibus dicuntur, pro suo quisque officio diligenter, fideliterque describant.

II. Iudicio, personaliter interfint; quod si necessaria causâ impediuntur, permisso Vicarii, vel Officialis eum suo loco substituant, qui Consistorio nostro præstiterit iuramentum.

III. Reliquo tempore aut ipsimet domi sint, aut alium certe suo loco relinquant, qui partibus citationes scribere, aliæ necessaria petentibus satisfacere possit: in quibus expediendis illud diligenter observent, ne ultra primam citationem in qualibet causâ alii posteriores processus dentur partibus, aut eorum Procuratoribus, nisi ii judicialiter decreti fuerint.

IV. Protocolla vero super singulis causis non summariis, atque omnes recessus iis inferendos ipsimet scribant, nec aliena manu quid annotari penitus permittant, & originalia omnia, quæ a partibus producuntur, cum actis in loco iudicii retineant, neque ea unquam per Procuratores, vel alios inde exportari permittant, sed copias tantum petentibus communicent, nisi propter exiguitatem causæ, vel inopiam partium, aut aliis legitimis de causis, aliter Vicario, vel Officiali nostro visum fuerit: si qui vero articuli, vel id genus

alia ad examinandos testes Commissariis mitti debeant, eorum exempla, servatis apud se originalibus, mittant.

V. Actorum item, sive documentorum originalium, quæ in iudicio producuntur, omnium diligens fiat per Notarium collatio, idque factum esse, & in omnibus concordare, manus suæ propriæ testetur subscriptione, quo Iudici in ferendis sententiis de veritate actorum certius constare possit.

VI. Secreta iudicii, causarumque, maxime vero dicta Testium, Iudicumque sententias, donec dicta testium publicata, vel sententiæ lata fuerint, nemini patefaciant.

CAPUT VII.

De Procuratoribus.

I.

Nullus sine solito fidelitatis iuramento in Procuratorem Consistorii nostri Augustani admittatur, & cuius diligentia, probitas, fidelitas, conveniens eruditio & exercitatio non sit ante perspecta, vel commendata.

II. Secundo Procuratores plures quatuor, nisi causarum multitudo exigat, non recipiantur, poterunt tamen esse pauciores.

III. Causas, quas in iudicio defendunt, una cum earundem meritis & processibus super illis habitis diligenter memoriæ mandent, habeantque in scriptis omnia, quæ in singulis causis vel acta sunt, vel proxime agenda; ut sive a Iudice, sive a partibus interrogati de prædictis prompte respondere possint.

IV. Clientum suorum partes ita defendant, ut ab omni convitiandi vel maledicendi temeritate, & licentia se abstineant: alioquin juxta Imperiales Constitutiones bonæ existimationis suæ iacturam pati cogentur.

V. Non enim clientes per interpositas personas, vel per seipsos callide ad se trahant, quin imo ipsosne, an alios iudicii nostri Procuratores ipsi clientes habere velint, in ipsorum cuiusque arbitrio, & voluntate relinquant, multo vero minus eorundem, in quibus cau-

sis jam tum Procuratores habent, mandatum in se recipiant, causasque ipsas in iudicio proponant, nisi forte a prius constitutis Procuratoribus substituantur, vel illi Procuratoris officio legitime renuntient, aut ob legitimas causas a partibus principalibus revocentur.

VI. Præter taxam, quæ a Nobis, ac Prædecessoribus nostris Episcopis Augustanis præfinita est, nihil exigant: si qua tamen a Collegiis, Monasteriis, Prælatiis, vel aliis cujuscunque conditionis hominibus stipendia habeant, ea percipere non prohibentur: sed etsi litigator, officii gratia munus aliquod mediocre, sponte sua obtulerit, id secundum Imperiales Constitutiones accipere poterunt.

VII. Nullam cum clientibus de certa litis parte, expensis etiam in eventum victoriæ solvendis, aut alio litis accessorio passionem ineant: nec cessionem juris in se recipiant, clientesve suos, certa proposita pœna vel per se ipsos, vel per alios, de ipsius causæ victoria securos reddant: denique nihil cum illis, quod Jure Canonico vel Civili prohibitum sit, paciscantur: ne timore litis, homines ad omnia illis danda, concedendave impellantur, aut ipsi Procuratores spe lucris, ad calumnias excogitandas excitentur.

VIII. In quibus causis Procuratores sunt, in illis clientes suos omni consilio & auxilio juvent: caveant tamen, ne in struendis calumniis, litibusque malitiose protrahendis, suam eis operam præstent, alioquin arbitrio Vicarii, vel Officialis nostri ad tempus ab officio procuratoris suspendantur, aut si calumniæ magnitudo exegerit, omni etiam officio priventur.

IX. Dabunt quoque Procuratores sub pœna pecuniaria ipsis infligenda, & Fisco nostro irremissibiliter persolvenda operam, ut termini secundum qualitatem causæ, & iudicii stylum rite & accurate serventur, neque super iis prorogandis inter se, nisi in figura iudicii, & iudicibus pro tribunali sedentibus concordare quoquo modo præsumant.

X. In nulla causa quantalibet parvi momenti, & ut maxime partes con-

sentiant, utriusque partis defensionem in se recipiant, ubi etiam semel alicujus partis secreta, tanquam Procuratores cognoverint, contrarios in eadem causa Procuratores postea non agant, si tamen in causis impedimentorum, dispensationum, & similibus, quæ ad eundem tendunt finem, ambæ partes eundem Procuratorem petent, poterit eo casu Vicarius, vel Officialis noster id permittere, ita tamen ut salarii nomine ab utraque parte non plus Procurator accipiat, quam si alterius solum partis Procurator esset.

XI. Nullus Procurator de facto Principalis sui in iudicio ante respondeat, quam ab eodem Principali plene super eo fuerit informatus. Atque tunc sub pœna perjurii, veritatem, quam accepit, respondere teneatur.

XII. Responsiones partium principalium ad positiones vel articulos, volumus a iudicibus nostris in alterius partis absentia recipi, remotis Advocatis & Procuratoribus.

XIII. Ne quæ ob defectum mandati dubitationes oriantur, nullus iuxta felicis memoriæ CHRISTOPHORI, Episcopi Augustani, Prædecessoris nostri Constitutionem, neque Actoris, neque rei Procuratorem agere permittatur, nisi de sufficienti mandato legitime apud acta doceat; Conjunctæ tamen personæ, consortes ejusdem litis, & reorum absentium defensores cum cautione de rato admitti poterunt. Sed & si qua alia justa subsit causa, quare Procurator cum cautione de rato admitti debeat, in iudicum arbitrio positum erit admittere.

XIV. Excipimus tamen ob frequentiam causas debitorum, quæ propter confessionem rei alio processu non indigent, in quibus sufficienter instar mandati literæ, sive nuntii partium, modo a Procuratoribus illæ literæ ad acta registrentur, & nuntiorum nomina similiter iis inferantur; Ubi vero debita non sunt confessata, sed liquidanda veniunt, tunc Procuratores post primam, vel ad summum secundam juridicam, provideant sibi de legitimo mandato, & alio modo ulterius se non intromittant.

XV.

XV. Procuratores singulis Juridicis mane hora octava, & post prandium circa primam in judicio compareant, nec partes instruant, ne patiantur se, donec ipsi adsint, examinari, sed non obstante negligentia tardius venientium, reliqui præsentēs Procuratores debito modo procedant, & nulli sine Vicarii, vel Officialis nostri facultate a judicio absint, vel recedant, nec alios, dum absint, quam juratos iudicii nostri Procuratores, & illos quidem sufficienter instructos, ne, hoc omisso, iudicium & processum causarum differre necesse sit, substituant: secus facientes arbitraria pœna multari volumus.

XVI. Qui Procuratores non habent, vel habere non possunt, illis Iudices nostri Procuratores ex officio assignent: qui si ob timorem vel gratiam, aut partium potentiam operam suam præstare detrectarint, vel nimis magnam arrham, immodicumque salarium exegerint, Iudices ad satisfaciendum officio eos compellant, eamque moderationem in arrhis, stipendiisque taxandis sequantur, ut nec litigatores graventur, nec Procuratores iusta laboris sui mercede fraudentur.

XVII. In causis summariis, maxime vero matrimonialibus, in quibus simpliciter de plano ac sine strepitu & figura iudicii proceditur, principales ipsi actiones & responsiones suas, per seipso interposito iuramento secundum iudicii nostri stylum proponunt: nisi forte legitima subsit causa, propter quam ad agendum, respondendumque Procurator admitti debeat.

XVIII. Procuratores partibus, maxime victricibus persuadeant, ut literas, & sententiam latam accipiant, ne si absque illis discefferint, maiorem postea molestiam, si de sententia non probare possint, subire cogantur.

XIX. Non persuadebunt Procuratores victis, vel Iudicem, vel Notarium, vel alium iudicii Ministrum auctorem fuisse, quod causa ceciderint.

CAPUT VIII.

De Commissariis.

Qui hætenus fuerunt a Vicario, aut Officiali nostro deputati Com-

missarii ad examinandum Testes, aut in futurum etiam deputabuntur, testes vel partes in quacunque causa ante delegationem sibi specialiter factam ac præsentatam, ne examinent, audiantve, ac in examinibus sibi commissis ea diligentia utantur, ne nullitatem committant, aut testes denuo magno causarum præjudicio, nec non temporis & expensarum iactura reperendi sint, alioquin ultra refusionem sumptuum parti gravata continuo faciendam, contra ipsos etiam ad alias pœnas pro negotii & excessus qualitate procedetur.

CAPUT IX.

De Executionibus Processuum.

I.

NE propter imperitiam vel negligentiam eorum, quibus processus exequendi diriguntur, partes inanibus sumptibus fatigentur, & iustitia retardetur, volumus, ut nulli ad Capitulum rurale admittantur seu recipiantur, nisi præstito prius iuramento, de mandatis Vicarii, & Officialis nostri fideliter exequendis.

II. Utque porro omnes & singulos processus huiusmodi, quorum vigore requisiti fuerint, absque ulla mora aut tergiversatione debito modo, tempore & loco in personas eorum, quos processus tangunt, exequantur, juxta ipsorum continentiam & tenorem.

III. Si tamen illos, quibus Executiones faciendæ sunt, abesse contingat, nec eorum Procuratores, si quos habeant, commode inveniri possint, tunc in domibus habitationum, quas communiter inhabitare consueverunt, si ad eas tutus pateat accessus, & in remotis non existant, aut in Parochialibus Ecclesiis, sub quibus degunt, aut morantur, executiones faciant, alioquin in Cathedrali nostra Ecclesia Augustana, ac alias juxta tenorem *Clement.* causam de Electi fieri volumus & mandamus.

IV. Executiones vero huiusmodi processuum in marginibus inferioribus, aut a tergo eorum cum circumstantiis, quibus factæ sunt, manibus propriis feri-

scribant, in modum infra positum, ipsosque processus, exhibitoribus eorundem, si petierint, cum eorum executionibus, ut præfatum est, legitime consignatos tradant: sin; apud se illæcos custodiant, ut partibus ratione processuum hujusmodi & eorum executiones contendentibus, Judicibus legitima de ipsis possit fieri fides. Alioquin contra denegantem, seu recusantem, aut negligenter seu malitiose exequentem, ad condignam excessus pœnam procedatur, iustitia mediante.

Forma autem Executionis in faciem factæ, talis est.

V.

EGo N. insinuavi præsens mandatum ipsi reo in faciem, præsentibus N.N. juxta tenorem mandati; Et tale responsum tuli, die, mense, anno &c.

Forma illius, quæ in absentia fit.

VI.

EGo N. quia N. citandi personalem præsentiam habere non potui, insinuavi præsens mandatum, ad domum illius solita habitationis, præsentibus N.N. (vel) publice in Cancellis, tali die, mense, anno, coram populi multitudine juxta ipsius tenorem.

Forma Executionis processus, sive Edicti publici, in quo trina proclamatio requiritur.

VII.

EGo N. executus sum hoc Edictum publice pro concione, prima vice tali, secunda vice tali, tertia vice, tali die, mense, anno &c.

VIII. Cum quilibet Parochorum executioni justitiæ gratis inservire teneatur, volumus, ut pro Executionibus processuum, præter necessarios sumptus (si qui faciendi sunt) nihil penitus exigatur.

CAPUT X.

De Processu Judiciario.

I.

IN omnibus tam summariis, quam non summariis causis, citatio adhibeatur, ac legitimatio personarum, Judicis, actionis, rei, atque Procuratorum, ante omnia fiat: etenim nisi hæc, quasi prima judicii jacta fuerint fun-

damenta, quicquid superstruxeris, corruet.

II. Fundata per citationem, & legitimationem personarum jurisdictione, in causis summariis, in quibus secundum Clementinam: *Dispendiosam, de Judiciis*: simpliciter, & de plano, ac sine strepitu judicii & figura procedatur (quibus secundum stylum Curiae nostrae annumeramus causas, quæ decem aureos non excedunt) petitiones ac responsiones in ipso litis exordio, vel scripto, vel verbis summarie fieri poterunt: ita tamen, ut si verbis fiant, actis inferantur: & si partes nihil probare voluerint, atque jam concluderint, extemplo sententia fieri poterit.

III. Si vero aliquid probare, & alio modo ulterius procedere voluerint, poterunt hi termini observari:

- Ad libellandum.
- Ad respondendum libello.
- Ad articulandum.
- Ad dicendum contra Articulos.
- Ad producendum omnia.
- Ad dicendum contra producta.
- Ad concludendum, & audiendum sententiam diffinitivam.

IV. Hos tamen terminos omnes, semper observare necesse non erit; verbi gratia: quando petitiones & responsiones summarie propositæ fuerint, nec terminus ad libellandum, nec terminus ad respondendum libello necessarius erit.

V. Si Testes super summariis petitionibus examinari debent, termini ad articulandum, & dicendum contra articulos supervacanei sunt.

VI. Si factis probationibus partes concludant, non erit necessarium terminos ad producendum omnia, & dicendum contra producta, observare.

VII. In reliquis vero causis, in quibus non proceditur simpliciter & de plano, ac sine strepitu judicii & figura, hi termini substantiales observabuntur:

- Ad libellandum.
- Ad respondendum libello.
- Ad litem contestandam.
- Ad jurandum de calumnia.

Ad

Ad articulandum.

Ad dicendum contra Articulos.

Ad producendum omnia.

Ad dicendum contra producta.

Ad concludendum, & audiendum
sententiam definitivam.

VIII. In omnibus terminis tam substantialibus, quam non substantialibus, Vicarius, vel Officialis noster, arbitrio suo, secundum locorum distantiam ac negotii qualitatem, dilationes dare poterunt.

C A P U T XI.

De Appellationibus.

I.

IN Appellationibus hoc observent Procuratores, ut cum nullam spem victoriæ superesse vident, partibus, ut appellent, ne persuadeant.

II. Quod si appellandum sit, alternative non appellent; si vero alternative appellaverint, intra decem dierum spatium, a die interpositæ appellationis, Judici, a quo appellant, significant, coram quo appellationem prosequi velint, quod, nisi fecerint, appellatio eo ipso deserta sit.

III. Insuper ad præcavendas temerarias appellationes pars appellans, sub eadem desertionis poena teneatur a die interpositæ appellationis, intra mensis spatium, cum Notario iudicii super edendis copiis Actorum in forma authentica transigere, atque mediam partem conventi salarii statim in prompta pecunia persolvere, & de residuo præstando judicalem cautionem interponere, sive appellationem prosequatur, sive non: prout etiam quemlibet appellantem, non aliter ad appellandum admitti statuimus, nisi juret se tantum ob fiduciam justæ suæ causæ, & non ad differendam calumniose litem, appellare.

IV. Caveant præterea tam Partes, quam Procuratores, quod omnino fieri prohibemus, idque sub poena viginti florenorum, & aliis arbitrariis infligendis, ne causas Ecclesiasticas, sub quocunque prætextu ad sæculare iudicium trahant, & multo minus ad quoscunque tales illegitimos Judices appel-

lent, sive in scriptis, sive viva voce, sive judicialiter, sive extrajudicialiter, cum hæc sacris Canonibus, & immunitati Ecclesiasticæ maxime repugnent.

C A P U T XII.

De Simonia.

I.

QUam grave & detestandum crimen Simonia sit, non solum sacri Canones, sed etiam Imperiales Constitutiones testantur. Quamobrem Patrum sequentes vestigia, sacrorum Ordinum, Beneficiorum Ecclesiasticorum, Sacramentorum & Sacramentalium qualescunque emptiones, & venditiones, & omnem omnino Simoniam, quocunque etiam illa nomine vocetur, sub pœnis in sacris Canonibus comprehensis, in Dicecesi nostra prohibemus & abrogamus.

II. Ad evitandam omnem avaritiæ & Simonia non modo maculam, sed & suspensionem, volumus, ut Notarii nostræ Dicecesis, quibus salarium certum constituemus, pro literis Dimissoriis, aut Testimonialibus nihil prorsus accipiant, nedum decimam auri partem, quam Concilium Trid. iis perennit, quibus pro officio exercendo, nullum est certum salarium constitutum.

C A P U T XIII.

De Usuris.

I.

Manifesti Usurarii, juxta Constitutionem Lateranensis Concilii, nec ad Communionem Altaris admittantur, nec oblationes eorum vel elemosynæ recipiantur, nec Christiana sepultura (si in hoc peccato decesserint) donentur. Manifestum autem usurarium eum declaramus, qui per sententiam vel confessionem in iudicio factam, aut aliter per rei evidentiam, quæ nulla tergiversatione celari potest, usurarius esse comprobatur.

II. Mandamus insuper Constitutionem de iisdem usurariis in Concilio Lugdunensi editam, quæ incipit: *Quamquam usurarii*, singulis annis in Quadra-

M

gesima

gesima Dominica: *Judica* pro concione per Parochos publicari, atque ab omnibus in posterum quam diligentissime observari. Verba autem Constitutionis sunt hæc.

III. "Quamquam usurarii manifesti de usuris, quas receperunt, satisfieri expressa quantitate, vel indistincte in ultima voluntate mandaverint: nihilominus tamen eis Ecclesiastica sepultura denegetur, donec de usuris ipsis fuerit (prout patiuntur facultates eorum) plenarie satisfactum, vel illis, quibus facienda est restitutio, si præsto sint ipsi, aut aliis, qui eis possint acquirere, vel, eis absentibus, loci Ordinario, aut ejus vicem gerenti, sive Rectori Parochiæ, in qua testator habitat, coram aliquibus fide dignis de ipsa Parochia (quibus quidem Ordinario, Vicario, & Rectori, prædicto modo, cautionem hujusmodi eorum nomine, liceat præsentis Constitutionis auctoritate recipere, ita quod illis perinde actio acquiratur) aut servo publico, de ipsius Ordinarii mandato, idonee de restitutione facienda sit cautum. Cæterum si receptarum usurarum sit quantitas manifesta, illam semper in cautione prædicta exprimi volumus: alioquin aliam recipientis cautionem hujusmodi arbitrio moderandam, ipse tamen scienter non minorem, quam verisimiliter creditur, moderetur: &, si secus fecerit, ad satisfactionem residui teneatur. Omnes autem Religiosos, & alios, qui manifestos usurarios contra præsentis Sanctionis formam ad Ecclesiasticam ausi fuerint admittere sepulturam, pænæ Lateranensis Concilii contra Usurarios promulgatæ, statuimus subiacere. Nullus manifestorum usurariorum testamentis interfit, aut eos ad confessionem admittat, sive ipsos absolvat, nisi de usuris satisfecerint, vel de satisfaciendo pro suarum viribus facultatum præstent (ut præmittitur) idoneam cautionem. Testamenta quoque manifestorum usurariorum aliter facta non valeant, sed sint irrita ipso jure."

CAPUT XIV.

De Pœnis.

I.

NE vero quisquam temere has nostras Constitutiones transgrediat, statuimus; ut quibus casibus vel Jure communi, vel Statutis nostris Synodalibus certæ aliquæ pænæ constitutæ sunt, illæ sine omni remissione infligantur, nisi causa accedat, propter quam mitigari debeant. Quibus vero casibus nullæ pænæ vel Jure communi, vel nostris Decretis Synodalibus constitutæ sunt, vel Nos, vel Vicarius noster arbitriariam penam, pro personarum & transgressionis qualitate, statuemus.

CAPUT XV.

De Sententia Excommunicationis.

I.

PRIMO sententias Excommunicationis, suspensionis, & interdicti, sive ab homine, sive a Canone latas, a nemine prorsus cujuscunque ordinis vel conditionis negligi, aut contemni, vel earum executionem, publicationemve impediri volumus. Contra eum, qui secus fecerit, ad pœnas Canonicas procedemus.

II. Excommunicatos porro postquam denunciati sunt, & notorios Clericorum percussores, nec ad Sacramenta Ecclesiastica, nec ad Divina Officia ante absolutionem legitime obtentam quisquam admittat: absolutio autem neque a Nobis, neque a Judicibus nostris prius dabitur, quam, qui excommunicatus est, Ecclesiæ, & cui injuria vel damnum eo nomine illatum est, fecerit satis.

III. Vicarius, ac Officialis noster, & omnes, qui in Diocesi nostra jus excommunicandi habent, levibus ex causis, excommunicationis sententiam contra neminem ferant, serventque in causis judicialibus & criminalibus, quod Concilium Trident. statuit: ut, quodcumque executio realis, vel personalis, in qualibet parte judicii propria auctoritate ab ipsis fieri poterit, potius per multas pecuniarias, quæ piis locis ibi existentibus eo ipso, quod exactæ fuerint, assignentur, seu per pig-

norum

norum captionem, personarumque restrictionem per suos proprios & alienos Executores faciendam, sive etiam per privationem Beneficiorum, & alia juris remedia, quam per censuras Ecclesiasticas & interdicta procedant. Sæcularis autem Magistratus Ecclesiasticum Judicem in ferenda excommunicatione ne impediatur, aut latam ab eo revocari mandet.

IV. Quantum vero ad facultatem absolviendi excommunicatos attinet,

qui propter casus Summo Pontifici, vel Nobis reservatos in majorem excommunicationem inciderunt: alibi monuimus Parochos & Confessarios omnes, ut in hujusmodi casibus neminem sine speciali facultate, & commissione temere absolvant: sed ad Superiores, vel alioqui legitimam absolviendi potestatem habentes, ejusmodi poenitentes remittant.

Cl. Lünig Spicil. Eccles. Contin. II. a pag. 381. ad pag. 433.

HENRICUS a Knöringen, Synodi hujus ab illa, quam ante annos quatuor & quadraginta, Dilingæ varias ob tempestates, ex novitio Lutheri dogmate ortas, perque viscera Germaniæ sensim diffusas, Otho Truchsesius, Cardinalis (*vid. Tom. VII. CC. pag. 213.*) ultimam celebravit, nec tractatarum in ea rerum ordine, nec partium numero, immo nec ipsorum multum in locis verborum tenore differentis auctor, ex Equestri & libera Imperii nobilitate V. hujus nominis Augustanus Episcopus, natus anno 1570. Non. Febr., atque inter Canonicos Augustanos a. 1586., inter Elvacenses a. 1598. cooptatus, mitram Episcopalem tulit a. 1599. Idibus Junii.

Antistes erat in DEUM & Divos piissimus, Mæcenas literarum insignis, Diœcesin suam uti in avitæ Religionis officiis continendi, ita novis Episcopatum augendi terris ac fortunis Vir oppido studiosus.

Murum se pro domo Dei ac Religione (*inquit P. Corbin. Khamm, funebre recitans Henrici elogium, in Hierarch. August. P. I. Sect. X. pag. 394.*) opposuit immobilem, honori & cultui Divino amplificando ubique intentus. Ab omni luxu, fastu, vindicta alienus, beneficentia, comitate, ingenio, consilio, eloquio, aliisque dotibus, dignis Principe, omnium in se animos, etiam senex, rapuit ac retinuit.

Pedo vix arrepto, omnes illico curas, cogitationesque eo vertebat, ut boni Pastoris partes quam accuratissime expleret. Emendare Cleri, populique mores, vitia excindere, pietatem promovere, in orthodoxa confirmare gregem universum fide, totis adlaborabat viribus; rei interim economicæ non obliviscens: Ottilienbergeni enim Dynastia cum castris adjacentibus & pagis cœmpta, variisque decimis jura Episcopalia ampliavit.

Anno 1606. Dilinganam Academiam, ab Episcopo & Cardinali laudatissimo, Othone Truchsesio, Societati nostræ olim commissam, penes ejusdem Societatis homines perpetuam esse voluit, clementissimeque, ut foundationis Literæ expriment, pro singulari suo in Musas amore, & benevolo in nos studio decrevit.

Eodem vel 1608., anno item 1614. sacras Reliquias, quæquor Augusta Vindelica suos intra muros veneratur (veneratur autem id genus thesauros quam plurimos) in Ædē summa ostendi publice, ac singillatim, quæ & cujus forent, declarari jussit.

Augustissimis Imperatoribus Rudolpho II. & Matthiæ: illi a. 1612.; huic a. 1619.; eodem etiam anno pientissimæ Matthiæ Conjugi, Annæ Imperatrici, Ducique Maximiliano, Tyrolis Domino, Ord. Teuton. Magistro parentavit.

Anno 1622. SS. Ignatium & Franciscum Xaverium magnis in Ecclesiis meritis & miraculis illustres, fastisque Sanctorum a Gregorio XV. P. M. adscriptos, solenni per urbem supplicatione instituta, & peracto, quo ritu potuit, sacro Officio, mira religione, pulcherrimoque exemplo Præsul integerrimus, solennitatis pars maxima, venerabatur.

Alia aliis annis cum laude gessit, quæ, ne longior sim, sciens prætereo. Legi illa in cit. Khammio, qui & concinnas de hac Synodo habet ephemerides, poterunt.

Florentem relinquens Diœcesin, Henricus obiit Dilingæ VII. Cal. Julii anno Christi MDCXLVI., Ætatis septuagesimo septimo, Pontificatus octavo supra quadragesimum. Funus ad Templum PP. Societatis JESU elatum, ibique ad altare S. Michaelis Archangeli reconditum fuit. *Vide de eo P. Corbin. Khamm l.c., Bucelin. in German. Sac. P. I. pag. 13. & P. Ign. Agricol. in Hist. Prov. Germ. Sup. P. III. ab Adamo Flotto contin. Decad. VII.*

SYNODUS WARMIENSIS DIOECESANA,

Eodem Anno Christi MDCX. (*)

MENSE NOVEMBRI,

Sub SIMONE RUDNICKY, (**) XXV. Episcopo.

SIMON RUDNICKY, DEI ET APOSTOLICÆ SEDIS
gratia Episcopus Warmiensis,

UNIVERSO CLERO DIOECESIS NOSTRÆ SALUTEM.

Synodum Diocesanam Divina cooperante gratia nuper absolvimus, in qua inter alia, quæ vestræ spiritualis utilitatis causa acta sunt, nonnulla quoque ex instituto sunt decreta, quibus morum, Christianæque disciplinæ restitutionem, prosecuti sumus. In iis sicuti Pater nam erga vos pietatem, & debitam aliquam Pastoralis officii Religionem animadvertere potestis; ita iisdem accurate amplectendis, præstare vos debetis, quod vestrum est. Sicut enim in his Decretis nihil aliud Nobis propositum fuit, quam DEI gloria, & vestra salus; ita nihil optatius esse potest, quam ut ita ferventur, ut penitus, quæ delinquentibus sunt propositæ, nullus locus relinquatur, magisque in agendo, vestra Religio & probitas

(qua una vel maxima voluptate noster compensabitur labor) quam nostra in decernendo diligentia commendetur. Quare efficitur, ut, quanto maximo potestis, amoris, obedientiaque studio illa ipsa non suscipiatis solum, sed ita servetis omnino, quo magis indies, & nostrarum Episcopatum vigiliarum, laborumque fructus constet in vobis, quibus in Christi visceribus sollicitè ministramus; & Diæcesis hæc, salutaribus aucta disciplinæ institutis, fructus afferat uberiores in Domino, a quo vobis assidue precamur Christianarum virtutum perfectionem, & salutem sempiternam.

Datum ex Arce nostra Heilsbergensi Calendis Maji anno MDCXII.

De Fidei Catholicæ tuendæ cura.

SI quo in loco de Fide Romana Catholica tuenda & propaganda cura, cogitatioque suscipienda est; sane in hoc Episcopatu nostro, vel maxime, qui intra viscera Prussiæ Ducalis diversarum hæresum morbis ad desperationem usque laborantis constitutus, tanto fortioribus indiget auxiliis, & præservativis, quanto vicinum malum periculosius semper esse consuevit.

Cum itaque sine Fide illa, quam, ut supra meminimus, S. R. Ecclesia colit, atque docet, impossibile sit placere DEO, (***) adeoque prima & maxima Pastorum cura in his consistat, quæ ad eandem integre & inviolate conservandum pertinent.

Nos ab iisdem etiam salutis nostræ fundamentis, fideique Catholicæ professione (quam omnes & singuli tam Præ-

(*) Epocha hæc anni 1610. cum alia 1612. Synodo præfixa componi posse videtur, si Synodus habita prius fuisset, sed biennio post impressa scribatur.

(**) "SIMON RUDNICKY, Secretarius Major Regni, anno 1604. Tylicio successit in Episcopatu Warmiensi. Interfuit multis negotiis, ad Prussiam Ducalem pertinentibus. . . E vivis excessit a. 1624." Hæc de illo Christophor. Hartknockius in Dissertatione XIV. de Origine Religion. Christian. in Prussia. pag. 221. Scripsit Thomas Treterus Custos Canon. Warmiensi. ad usque Andr. Bathoreum XXIII. Warm. Episcopum.

(***) Ad Hebræos XI, 6.

Prælati, quam Canonici, alique Presbyteri & Clerici huic Synodo interfessentes, in manibus nostris fecerunt) Sacrosanctam hanc Synodum Spiritu Sancto duce, ordientes, cupientesque, ut quæ ex eodem Spiritu est fides, eandem una oris confessione omnes prædicent, tueantur, atque defendant, imprimis, & ante omnia Oecumenici Concilii Tridentini vestigiis inhærentes, districtè singulis hujus nostræ Diocesis Clericis, præsertim vero iis, qui in sortem sollicitudinis nostræ vocati, prædicationi verbi Dei præstant, præcipimus & mandamus, ut nemo suæ prudentiæ innixus, in rebus fidei & morum, ad ædificationem fidei & doctrinæ Christianæ pernitentium, sacram Scripturam ad suos sensus contorquens, contra eum sensum, quem semper tenuit & tenet Sancta Mater Ecclesia, cujus est judicare de vero sensu & interpretatione Scripturarum sanctarum, vel etiam contra unanimem consensum Patrum interpretari audeat, vel præsumat.

Sed quia parum est, verum atque genuinum Divinarum Scripturarum sensum ad præscriptum Sanctæ Matris Ecclesiæ, & unanimem Patrum consensum retinuisse, prædicasseque, nisi etiam zizania, quæ segetem agri Domini ad messem usque excrevere non permittunt, evellantur, atque eradicentur: eapropter Parochi & Pastores Ecclesiarum nostrarum sollicitè attendere & animadvertere debent, an in suis Parochiis aliqui sint pravis hæreticorum opinionibus imbuti, aut etiam hæresis nomine quomodolibet suspecti, libros hæreticos clam vel publice retinentes atque legentes, conventicula hæreticorum frequentantes, & apud eosdem communicantes, vel etiam actus quosvis Religioni Catholicæ contrarios facientes. Tales enim ad Nos absque mora deferre teneantur, & sint adstricti.

Porro Magistratibus civitatum nostrarum serio mandamus atque præcipimus, ut si quos inter se ejus farinae homines, perversa loquentes atque docentes subolfecerint, tamquam publicos Ecclesiæ Catholicæ hostes & scandalosos e civitatibus suis auctoritate

nostra mediante, sub poena centum aureorum Ungaricorum irremissibiliter persolvendorum amoveant, domiciliumque suum quocunque voluerint intra unius dimidii anni spatium a die publicationis Constitutionum harum nostrarum numerando, transferri faciant, & impofterum sub eadem poena ad inhabitandum absque scitu nostro non admittant.

Quod si qui reperti fuerint, qui eos nostra licentia non requisita in ædes suas aut recipere, aut domos proprias ad inhabitandum elocare ausi fuerint, eos similibus atque etiam gravioribus poenis pro arbitrio nostro puniendos esse decernimus.

Verum enimvero cum in tanta hæreticorum undequaque Diocesim hanc obsidentium frequentia possibile vix sit, communia eaque publica mercimonia absque gravi dispendio, & Episcopatus & subditorum nostrarum vitari, aut interdici; Civit. saltē Præfectos, Magistratos & Cives jurisdictioni nostræ subiectos paterne pro debito officii nostri non solum hortamur, verum etiam per viscera misericordiæ Christi Domini nostri obtestamur, ut cœlestes lucrum terrenis & temporalibus commodis præferentes, commercium & consuetudinem eorum, pro sua erga Religionem Catholicam pietate & studio, tanto moderatiorem semper habeant, quanto certius est, modico fermento totam massam corrumpi, adeoque ab una ove morbida totum ovile facile infici.

Sed & eundem Magistratum, una cum populo sibi subiecto monitos diligenter esse volumus, ne sub poenis arbitrio nostro infligendis, liberos suos, prout ab Antecessoribus nostris laudabiliter Synodice Constitutionibus decretum fuit, sive linguæ peregrinæ addiscendæ, sive mercaturæ exercendæ, sive alio quovis titulo, etiam serviendi causa, vel ad Scholas, vel ad quævis loca hæretica absque nostra, vel loci Parochi licentia mittere audeant.

Quod si quis huic nostræ monitioni contravenire ausus fuerit, ipse mittens, si in aliqua dignitate constitutus fuerit, ab eadem decidat: missus

vero, præclusum sibi aditum omnem ad dignitates & honores sciat, falvis nihilominus penis, quam arbitrio nostro pro modo contumaciæ & delicti infligendis.

Id, quod Magistratibus & Civibus tanquam laicis facere non licet, majori sane cum diligentia & sollicitudine Clericis est vitandum, atque cavendum.

Proinde quæ a Prædecessoribus nostris pie instituta sunt, & ordinata confirmantes, interdicimus Sacerdotibus, maxime vero Parochis Ducatui vicinioribus, ne quam cum hæreticis, præsertim ministris, familiaritatem, aut consuetudinem habeant, multo vero minus de aliquo Religionis articulo cum ipsis disceptent, quin imo convictum, compotationes, & si commode fieri potest, etiam colloquia eorum (ne, ut S. Joannes Apostolus dicit, operibus ipsorum malignis communicare videantur) perquam diligentissime evitare studeant.

Neque vero nos latet, inter cætera Catholicæ fidei tuendæ impedimenta, temeritas atque audacia Bibliopolarum quorundam tam intra, quam extra Diocesim nostram existentium, quippe qui spretis & contemptis laudabilibus Prædecessorum nostrorum institutis, nullum finem faciunt, clam & furtive libros hæreticos in Episcopatum nostrum invehendi, merces suas putridas, pro solidis & selectas venditantes, atque sub specie mellis, fel æternæ amaritudinis populo simplici propinantes: eos itaque, ut severiori pœna & animadversione in officio contineamus, inhærentes Synodicæ Constitutioni felcis recordationis Domini MARTINI CROMERI, (*) eamque meliorantes præcipimus atque mandamus, ne qui libri in Diœcesi nostra a quibuscunque Bibliopolis venum exponantur, sive id intra, sive extra nundinarum tempus sit, ni prius a Patocho loci revisi, & diligenter ad indicem librorum prohibitorum examinati fuerint. Qui etiam Bibliopolas sub pœna amissionis omnium librorum serio monebunt, ut si quos aut hæreticos, aut de hæresi suspectos libros habent, in lucem non

proferant, multo vero minus vendere audeant, sed omni prorsus fraude cessante, sub bona custodia & sigillo tantisper apud eos deponant, donec eis alio commigrandum erit. Quod si Parochi cognoverint Bibliopolas alia via, quam ipsis præscripta fuit, incedere, remque dolo non vacare, temeritatem hanc Præfectis locorum, aut Magistratibus indicabunt, qui delinquentes confiscatione librorum omnium mulcabit, remque primo tempore Nobis significabunt.

Ad eos autem, qui artem librariam in Diœcesi nostra exercent, quod attinet, volumus, ut libros, quos aliunde in Episcopatum ducunt, vel importari faciunt, venales nullo pacto exponant, nisi indice suorum librorum confecto, & a Nobismet ipsis, vel a loci Parochis, vel a Patribus Societatis JESU, a quibus librorum recognoscendorum curam geri volumus, subscripto.

Quod si alios hoc indice non notatos habere, vendere, vel exponere ausi fuerint, rei veritatē comperta, omnibus libris tam indice notatis, quam etiam suppressis privabuntur.

Et cum non solum turpe, verum etiam impium sit, Catholicam Religionem verbis profiteri, factis autem atque exemplis negare, & eidem contradicere (id quod Bibliopolæ quidam faciunt, qui cum Catholicos se esse jactitent, & pro talibus haberi velint, libros tamen hæreticos nundinatim clam vendendos circumferunt, & hæreticis emendos exponunt, arma eisdem contra Catholicos suppeditantes) Nos temeritatem hanc atque audaciam ea, qua par est, severitate coercere cupientes, decernimus eum, qui hoc fecisse deprehensus & convictus fuerit, pœnis inprimis Cænæ Domini super hujusmodi fulminatis subjacere, & ab officio librariam exercendi, absque ulla spe restitutionis in integrum amovendum esse.

Denique Impressoribus tam præsentibus, quam futuris, modum, prout par est, imponere volentes, confidentesque eos, spe sola lucri, & sordidæ avaritiæ studio indifferenter quædam absque ullo delectu, aliquando

tacito,

(*) Vid. Tom. VII. CC. pag. 797.

tacito, aliquando etiam ementito prælo, & sine nomine authoris, atque licentia nostra, vel Reverend. Societatis JESU Patrum Collegii nostri Brunsvicensis, vel quibus censura librorum a Nobis commissa est, in lucem edere, statuimus atque decernimus, ut nulli imprimere in posterum sub pœna anathematis & pecuniæ in Canone Concilii Lateranensis novissime imposita liceat, vel imprimi facere quosvis libros, præsertim vero sacros, neque etiam impressos vendere, vel apud se retinere, ni primum a Nobis, vel dictis Censoribus nostris examinati & approbati fuerint.

Cæterum ut Parochi, quinam libri prohibiti, qui vero ab Ecclesia Catholica approbati & recepti sint, tanto evidentius scire possint, regulas indicis de libris vetitis ab iis, qui illi negotio a Sancto Tridentino Concilio præfecti fuerunt, autoritate PII IV. editas, postmodum vero a SIXTO V. auctas; & jussu CLEMENTIS VIII. recognitas atque publicatas, legi atque observari ab eisdem diligenter volumus.

Ea vero, quæ de opificum sociis, mercenariis, & aliis vagabundis atque solutis, utriusque sexus hæreticis hominibus ab Antecessore nostro pie defuncto MARTINO CROMERO salubriter constituta & ordinata sunt, grata & rata in omnibus punctis & clausulis habentes, volumus etiam, ut ejusmodi opifices a subditis nostris magna cum discretione & delectu recipiantur, neve dum Catholici haberi possunt, hæretici illis præferantur, qui tamen si in defectu Catholicorum omnino ad labores admittendi sint, & sex mensibus ante tempus Paschale moniti, nihilominus converti noluerint, neque ulla spes conversionis affulgeat, omnino expellantur, & dimittantur.

Ad reprimendam porro impiorum hominum temeritatem potius, quam levitatem, qua in tabernis, & aliis ad computandum conventiculis ad profana quæque convertuntur atque torquentur verba sacre Scripturæ & sententiæ; ad scurrilia scilicet, fabulosa, vana, adulationes, detractationes, super-

stitiones, impias & diabolicas incantationes, divinationes, sortes, libellos etiam famulos Sacrosancto Oecumenico Concilio Tridentino dictante mandamus, atque sub gravibus juris & arbitrariis pœnis districte præcipimus, ne de cætero quisquam, cujuscunque status & conditionis sit, quomodolibet verba sacre Scripturæ ad hæc & similia audeat usurpare, cum ea, quæ a Spiritu Sancto dictata sunt, os impurum temerare minime debeat.

Cantilenarum Germanicarum, ab Ecclesia probatarum, & receptorum usum non rejicimus. Quia tamen, quæ parce fidelibus a Sancta Matre Ecclesia utenda permissa sunt, in abusum & contemptum passim abeunt, ita ut non solum in conviviis & viis publicis, verum etiam in tabernis (incalcescente præsertim cerebro) plures, quam in Ecclesiis, eaque hæreticæ, & amatorie cantiones declamentur: Nos abusum hunc adinstar Prædecessorum nostrorum Cardinalis HOSII & CROMERI improbanter, districte mandamus, ut si qui peregrini cantilenas prohibitas tam in oppidis, quam in villis cantare inventi fuerint, comprehendantur; si vero incolæ Parochiani fuerint, per Officiales nostros ad Nos debita pœna coercendi & puniendi deferantur.

Detestabile quoque blasphemiarum scelus, quod adeo altas jam apud Christianos (proh dolor) radices fixit, ut in eo coercendo, vix satis diligentia adhiberi posse videatur, ex finibus Diocesis nostræ, quantum in Nobis est, & auxiliante Domino possumus, eliminare cupientes, Parochis inprimis mandamus, ut ejus peccati gravitatem populo frequenter inculcent, & quibuscunque tantum possunt comminationibus ab eo absterreant, tum Magistratibus per Dei gloriam, quæ blasphemiam maxime violatur, præcipimus, ut in ejusmodi homines, ea, quæ par est, severitate animadvertant, nec quidquam de rigore juris & justitiæ eo casu remittant, uberrimam a DEO Optimo Maximo, cujus causa agit, præter decem annorum Indulgentias, quas LEO X. in Lateranensi Concilio & ipsis, & Judicibus, & deferentibus est largi-

largitis, mercedem relaturi. Quod si, quod minimum futurum speramus, blasphemiarum alicujus convictos, justis poenis non affecerint, sciant se iisdem, quas de fontibus sumere neglexerunt, ex præmemorato Concilio teneri.

Porro, ut omnibus Officialibus, Præfectorum, Magistratibusque nostris innotescat, quibus potissimum poenis ejusmodi blasphemiarum in Deum & Sanctos afficiendi sint, placet textum ex Bullario PII V. de *Blasphemantibus* hic inferere; sic enim habet: "Ad abolendum vero nefarium & execrabile blasphemiarum scelus, quod in antiqua lege Deus morte puniri mandat, & Imperialibus quoque legibus receptum est, nunc autem propter nimiam Judicium in puniendo segnitiam, vel potius desuetudinem, supra modum invaluit, LEONIS X. Prædecessoris nostri in novissimo Lateranensi Concilio Statuta innovantes, decernimus, ut quicumque laicus Deum, & Dominum nostrum JESUM Christum, vel gloriosam Virginem MARIAM ejus Genitricem expresse blasphemaverit, pro prima vice poenam viginti quinque Ducatorum *Ungaricorum* (*) incurrat, pro secunda, poena duplicabitur, pro tertia autem centum Ducatos solvet, & ignominia notatus, mulctabitur. Si (**) vero plebejus fuerit, nec erit solvendo, pro prima vice, manibus post tergum ligatis ante fores Ecclesiæ constituetur per diem integrum, pro secunda, fustigabitur per urbem, pro tertia, lingua ei perforabitur, & mittetur ad triremes.

"Quicumque Clericus in hoc blasphemiarum crimen incurrerit, pro prima vice, fructibus unius anni omnium, & quorumcunque Beneficiorum suorum, pro secunda, Beneficiis ipsis privetur, pro tertia, omnibus etiam dignitatibus exutus deponatur, & in exilium mittatur.

"Qui reliquos Sanctos blasphemaverit, pro qualitate blasphemiarum atque personarum, arbitrio Judicis puniatur."

Quantum autem in Religione stabilienda atque augenda, laboris po-

nendum est, tantum in superstitione ex hominum mentibus evellenda curæ ac diligentiarum est imponendum. Quare veneficia, incantationes; fascinationes, præstigiæ, auguria, sortilegia, somniorum interpretationes, divinationes, futurorum prædictiones, futurorum commonstrationes, chartulæ, amuleta, characteres, vetularum corporibus humanis & brutorum medendis intentendum, superstitionis ac vanæ Numinis Divini, & Sacrosanctæ invocationes, signique sanctæ Crucis abusus, nec non magicæ artes, quæ fundamento salutis nostræ, fideique Christianæ repugnant, & ab Ecclesia prohibita sunt, ut e Ditecesi nostra exterminentur, & ex fidelium mentibus eliminentur, frequentes hac de re in quavis Ecclesia per Parochos & Concionatores habeantur sermones, atque ab iis idololatricis superstitionibus mentes fidelium avocentur, diligenter laboretur.

Quare si quod ejusmodi superstitionum genus in suæ Parochiæ hominibus advertunt, id semper ad Archiepiscopum suum, vel verbo, vel scriptis referant, ut ei rei oportune occurrì possit. Confessarii quoque diligentes in eo genere se præstent, investigentque, num poenitentes aliquod remedium valetudini aut vulneribus adhibeant, quod non a medica arte aut cognitione, sed a superstitione proficiatur, tum præterea, num tempora, aut loca, aut quid ejusmodi superstitionis opinione observent, & quos ea in re peccare animadvertent, graviter reprehendant, & ab ejusmodi vano sensu atque errore avertere conentur.

De Fide Catholica promovenda, & Fidei Christianæ rudimentis a Parochis tradendis.

Constitutis pro tempore & necessitate occurrente iis, quæ de studio tuendæ Catholicæ Religionis necessario statuenda esse videbantur, consequens est, ut de eadem propaganda & dilatanda nonnulla adjiciamus. Cum ita-

(*) Hæc vox in Bullario non legitur.

(**) Bullarium habet: *Qui*.

itaque rudimentorum Fidei Christianæ tanta sit necessitas, ut ab iis, tanquam a fundamentis Religionis nostræ, univerforum hominum salus dependeat, ante omnia Parochis nostris serio mandamus & præcipimus, ut singulis saltem diebus Dominicis pueris in suis Parochiis tempore æstivo, a Paschate videlicet usque ad Festum S. Michaelis, initia fidei tradant, eosque ad obedientiam primum Deo, deinde parentibus præstandam erudiant, ac propterea a prandio stata hora, proprio campanæ sono ad id munus assignato, ad Ecclesiam convocandos curent. Quod si qui venire neglexerint, a Scholastico diligenter notati, pœnis in mandato felicitis recordationis Antecessoris nostri Domini MARTINI CROMERI, de non frequentantibus Templum publicato, expressis ad id urgeantur & compellantur.

Deinde cum in hac tota Diœcesi nostra vix binæ, aut ad summum ternæ rudimentorum fidei Scholæ erectæ & fundatæ esse inveniuntur, fideles dilectos Nobis populos, maxime vero eos, quibus DEUS Optimus Maximus pro singulari sua benignitate, largiori benedictione in temporalibus providere dignatus est, pio, paternoque affectu monemus, ut induti viscera misericordiae, æternæque temporalibus, terrenis celestia permuantes, de bonis a Deo sibi concessis, in hoc tam pium ac plane necessarium opus, inter alia legata aliquid seponant, lectionesque Catechisticas in Parochiis suis erigant, vel per alios erigi faciant, memoriam Nominis sui sempiternam relicturi in terris, mercedem vero sine fine duraturam, cum lucro plurimarum animarum habituri in cœlis.

Etsi enim, ut paulo ante meminimus, ad salutem omnibus fidelibus plane necessarium sit, Christianæ fidei rudimenta nosse; maxime tamen hujus Provinciæ populis, quæ hæreticis finitimi, nisi in fidei fundamentis firmi fuerint, ac stabiles, summopere verendum est, ne forte quotidiana eaque diuturna cum ipsis conversatione, in aliquam impietatis ac nefariæ doctrinæ fraudem gravius impingant. Qua in

re quamvis Antecessores nostri omnem lapidem movere non destiterint; quam tamen parum, non sua, sed aliorum negligentia, profecerint, nostro magno cum dolore ex præterita visitatione didicimus. Verum ne & Nos quidquam de fervore eorundem remisisse hac in parte videamur, partim negotii, partim periculi magnitudine adducti, præter ea, quæ superius dicta sunt, sequentia quoque hujus Synodi auctoritate decernimus, & Parochis observanda præcipimus.

Primo, ut singuli animarum Curatores, cæterique Confessarii, sive sæculares, sive Regulares, antequam confessiones audire incipiunt, a pœnitentibus incognitis, signum sanctæ Crucis formari, Orationem Dominicam, Salutationem Angelicam cum appendice Sancta Maria, Symbolum item fidei, & decem Præcepta recitari sibi faciant. Et si quos hac in re ignaros, rudesque offenderint, hanc eorum spirituales socordiam acriter reprehendant, ostendantque, quam gravis esse debeat earum conscientiarum ignoratio rerum, quæ ad salutem tantopere necessariæ sunt.

Secundo, ut cum eos absolvunt, præter alias pœnitentias, & actiones satisfactorias, id etiam imponant, ut quatuor hæc saltem potissima doctrinæ Christianæ capita, imposterum accurate addiscant, certo illis pro arbitratu suo, præfinito congruo tempore, quod tamen ob necessariam aliquam causam semel, aut ad summum iterum prorogari liceat. Quod si qui semel ita admissi, ad Sacramentum Pœnitentiæ nihilominus postea in rudi hac, crassaque ignorantia persistere compertum erit, de iis ad Nos referatur, antequam amplius admittantur, ut illorum salutem diligentius & efficacius, prout in Domino expedire viderimus, consulamus.

Tertio, ut animarum Curatores, & Concionatores diebus Dominicis & Festivis finita concione, clara voce, & disertis, distinctisque verbis, quæ facile ab omnibus exaudiri possint, Orationem Dominicam, Salutationem Angelicam, Symbolum Apostolicum, &

decem Præcepta cum Præceptis Ecclesiæ, adjuncta Confessione generali recitent, simulque universos, qui adsunt, hortentur, ut eadem verba, quibus ipsi præbunt, illi etiam simul referant, & intelligibili voce repetendo replicent, atque resumant.

Quarto, ut semper unam concionis partem ex Evangelio occurrentis temporis, alteram ex Catechismo Romano ad Parochos, prout materia & occasio, auditorumque qualitas postulaverit, faciant.

Quinto, ut Scholas singulis annis bis ad minus visitent, videantque, an pueri a Ludibris fideliter & diligenter ac frequenter in septimana in rudimentis fidei instituuntur.

Sexto, ut, ubi commode fieri potest, doctrinam Christianam in Ecclesiis coram populo recitari faciant, Parocho ipso, vel ejus Vicario præsentem, atque hæc, quæ recitaverunt, uberius ad caput populi declarante.

Septimo, ut moneant patres & matres familias, ut singulis diebus mane cum liberis, & si fieri potest, etiam cum familia sua Orationem Dominicam, Salutationem Angelicam &c. Symbolum Apostolorum, decem Præcepta, & Confessionem generalem signo Crucis præmissa, recitent.

Octavo, ut gravibus & disertis verbis ultionem Divinam, tam Dominis, quam patribus & matribus familias denuntient, qui nulla, aut saltem parva diligentia adhibita, omnem rationem non ineunt, ut sui liberi ac famuli Christianam doctrinam addiscant, neque eis, quos in famulatu habent, tantum diebus Dominicis & Festivis saltem vacui temporis concedunt, quo in Ecclesias ad eam percipiendam convenire possint; gravissimam DEO Optimo Maximo rationem aliquando propterea reddituri, Apostolo dicente, Si quis suorum, & maxime domesticorum curam non habet, fidem negavit, & est infideli deterior.

Porro ii, qui Seminarii nostri Diocesani pro tempore sunt, & erunt Præfecti, præ oculis semper mentem & intentionem Fundatoris habeant, eoque

omnium ibidem degentium vitam, mores & studia dirigant, ut armis spiritualibus contra hæreticos, maxime vero rudimentorum fidei sufficienter instructi, Ecclesiæ Dei & huic Diœcesi digne inservire possint; eosdem Præfectos in Domino hortantes & obsecrantes, ut laudabilem illam consuetudinem, hucusque observatam, qua nonnulli ex Seminaristis ad Hospitalia, & alia pia loca, nec non villas Civitatis vicinas, rudimenta fidei explicandi causa, mitti consueverunt, interciderere non patiantur, sed tanto ardentius huic negotio intendere faciant, quanto populus ad ea addiscenda segnior est & negligentior.

De Prædicatoribus, & Verbi Dei prædicatione.

Modo genitis infantibus lacte rudimentorum fidei instillato, aliis etiam provectioribus & adultis, ut solidiores cibi eaque doctrinæ alimenta, quæ spiritum promoveant, augeantque illos in virum perfectum, subministrantur necessarium est.

Cum itaque ad retinendos in officio atque informandos omni pietate homines, prædicatione verbi Dei, nihil in Ecclesia utilius & efficacius invenitur; volumus, ut Parochi, & alii quicunque Ecclesiarum Rectores, Prædicatoresque, vel per se, vel si ipsi legitime impediti fuerint, per alios idoneos atque approbatos Sacerdotes, diebus saltem Dominicis & Festivis ad populum celebribus; tempore autem jejuniorum, Quadragesimæ & Adventus in civitatibus & oppidis; duabus præterea feriis, quarta videlicet & sexta, plebes sibi commissas, pro sua & illarum capacitate salutaribus verbis docendo erudiant, quæ scire omnibus necessarium est ad salutem, annuntiansque eis cum brevitate & facilitate sermonis vitia, quæ eos declinare; & virtutes, quas sectari oporteat, ut penam æternam evadere, & cœlestem gloriam adipisci mereantur.

Et quia in prædicando Dei verbo, maxima pars muneris nostri versabitur, dabitur a Nobis opera, ut ad hoc tam Divinum opus exercendum (quippe quo

quo parvulis doctrinæ panis frangitur, infirmorum fides roboratur, conscientiæ, vel terrentur profligatæ, vel eriguntur perculsæ) nullus absque probatione diligenti, testimonioque nostro admittatur.

Regulares ignoti præsertim & vagabundi, qui in Ecclesiis, quæ suorum Ordinum non sunt, prædicare volunt, ultra licentiam suorum Superiorum etiam nostram habere tenebuntur.

Peregrinos maxime ignotos, cujuscunque conditionis existant, nullo modo, nisi testimonium Ordinum suorum habeant, & approbationem in scriptis, prædicare permitimus. Cumque in vita Concionatorum plurimum sit positum, libentiusque populus ea faciat, quæ a suis Prædicatoribus videt, quam quæ in concionibus audit, dabunt operam omnes, qui hoc munere funguntur, ut vita doctrinæ respondeat, ne forte illud Apostoli illis objici possit: Qui alium doces, te ipsum non doces? qui prædicas non furandum, furaris? qui dicis non mœchandum, mœcharis? qui abominaris idola, sacrilegium facis? qui in lege gloriaris, per prævaricationem legis Deum inhonoras?

Meminerint præterea se Dei causam agere, & pro ipso ad populum legatione fungi. Eorum enim interest, parare viam Domino, rectas facere semitas ejus, procurare, ut sint prava in directa & aspera in vias planas, ut homines pœniteant, & credant Evangelio, ut per pia opera certam vocationem suam faciant, & suum, quem opant, salutis finem attingant.

Quem finem ut facilius consequantur, caveant, ne unquam alicujus peccati lætalis sibi conscii ad prædicandum accedant.

Fabulas aniles, sales, scommata, jocos, intermisceri concionibus prohibemus. Præstat enim gemere, pectus tundere, suspiria ducere, & plorare populum in lacris concionibus audientis, quam risu, cachinnoque dissolvi.

A miraculis quoque vulgandis, & novis aliunde auditis edicendis, præsertim cum adhuc incerta sunt, Con-

cionatores omnino abstineant. Verum enimvero, si quando usus venerit, & res, ut aliqua earum habeatur mentio, postulaverit, sobrie, modesteque, & grano salis adhibito, id fiat.

Inter concionandum non quærant populi applausum, nec se vulgi judicio accommodent, sed graviter & prudenter officio suo fungantur, nihil aliud quærentes, quam commodum & salutem ovium, quarum pascendarum curam susceperunt.

Accommodabunt autem præcipue se & doctrinam suam ætati, ingenio, conditioni, studiis & moribus audientium, ut omnia omnibus effecti, omnes Christo lucrifaciant.

Sed & temporis ipsius rationem habebunt, illique se potissimum conformabunt, & accommodabunt, ita ut tempore carnis privii ab ebrietatibus & impudicitis auditores avertant, in Quadragesima autem ad Pœnitentiæ & Eucharistiæ Sacramentum animos audientium præparent, & sic in reliquis anni partibus, pro occasione ab Evangelio, Epistola, Læctione, Festo, ritibusque, ac cæremoniis Ecclesiæ capta, præcipua doctrinæ capita explicabunt, vel propensionem tunc majorem hominum ad aliqua vitia perstringent, & ad contrarias virtutes hortabuntur.

Ad quorum utrumque Catechismus Concilii Tridentini cum Postillis, Nauseæ, Hoffmeisteri, Ditenbergii, Feuchtii, Schereri, Stapletonii, Otorii, Wuieci &c. & Scarga abunde suppeditabunt illis non solum materiam, sed etiam ejus tractandæ modum. Joannis vero Feri Postillam, & omnia ejus opera, quoadusque emendata & expurgata fuerint, omnibus tam Parochis, quam aliis quibuscunque interdicta omnino esse volumus.

Cæterum ad res controversas in fide, quod attinet, de iis apud rudem & Catholicam plebem, disputationes longas non instituent: si quæ tamen occasio aut necessitas postulaverit, modeste & absque ullis convitiis, ea, qua decet Ministros Dei, charitate præstabunt, ut non tam persequi adversarios, quam errantes ad viam veritatis addu-

cere velle videantur, dogmataque dun-
taxat Ecclesiæ, sacra Scriptura, proba-
tis Traditionibus, autoritate Conci-
liorum, & Sanctorum Patrum doctrina
confirmabunt, recensendis autem argu-
mentis hæreticorum superfedebunt, nisi
illa & ipsi solide resolvere, & qui ea
audiunt, vim & energiam solutionum
exacte percipere valeant.

Scholastica curiosa præsertim, quæ-
que ad ædificationem non faciunt, co-
ram idiotis non tractabunt. Sæpe
enim accidit, ut quia auditores neque
dicta ob subtilitatem intelligunt, neque
ob impensam subtilibus quæstionibus
decidendis totam concionem audiunt
convenientia captui suo, vacui, inanes-
que fructuum verbi Dei recedant, im-
pleaturque illud Propheticum: Parvuli
petierunt panem, & non erat, qui
frangeret eis.

Historias nonnisi probatas usur-
pent, a nugis autem, fabellis, facete
dictis, pigmentis item ac cerussis ver-
borum, quæ Evangelii gravitatem de-
honestant potius, quam ornant, absti-
neant omnino; neque tam studeant
demulcere audientium aures, quam
commovere animos, & deterere a vi-
tiis, quibus nunc potissimum huma-
num genus infestatur, ut sunt inimici-
tiæ capitales, publicæ injuriæ, virgi-
num constuprationes, adulteria, usuræ,
furta, rapinæ, perjuria, calumniæ,
blasphemix in Deum & Sanctos ejus,
subditorum oppressio, violatio festo-
rum, imprecationes, maleficia, præsti-
giæ, ebrietates, luxus incorrigibiles,
perpetuum otium; contra vero hortari
atque inflammare eosdem ad pietatem
in Deum, observantiam in Superiores,
benignitatem in subditos, honorem er-
ga parentes, amorem in omnes, pa-
tientiam, humilitatem, castimoniam,
sobrietatem, & alias id genus virtutes.

Quoties autem in scelera, præser-
tim familiaria, auditoribus invehuntur
acrius, non hominum, sed peccatorum
id odio faciant, neminemque expresse
aut per circumlocutionem notent, &
maxime constitutos in aliqua dignitate
caveant, ne acerbi, aut nominatim ob-
jurgent, sed leniter, atque in genere
tantum admoneant.

Inter concionandum non nisi Cle-
ricalibus pileis utantur. In recensendis
sacra Scripturæ testimoniis, ordi-
nem librorum non confundant, simili-
ter & capitulorum, sed suo ordine om-
nia producant.

Provideant denique, ne dum con-
cio habetur, deambulationes per Ec-
clesiam, aut confabulationes fiant, sed
nec Missæ Officium, quod turbare au-
dientes possit, tunc celebretur, nec
puerperæ in Ecclesiam introducantur,
nec infantes ad Baptismum, vel Eucha-
ristia cum Oleo sacro ad infirmos defe-
ratur; nisi periculum mortis id omni-
no tunc fieri compellat.

Evangelia Dominicalia ad præ-
scriptum Missalis Romani & Rubrica-
rum, Diocesis hujus, populo explica-
re, sub pœna Synodali tenebuntur.

De promulgationibus a Conciona- toribus & Parochis fa- ciendis.

Concione finita dies Festos, jejunia,
& alia his similia, Jubileum, In-
dulgentias, censuras Ecclesiasticas de-
nunciare debent Parochi, commenda-
buntque diligenter populo, tam publi-
cas, quam privatas fidelium necessita-
tes, ac denique Orationem Dominicam,
Salutationem Angelicam &c. prout su-
perius statutum est, cum Confessione
generali recitabunt.

De Festorum dierum cultu.

Cum ex sint morum corruptelæ,
ut Deo dicati dies, sanctisque re-
rum Officiis consecrati, ac Spiritus
Sancti doctrina, tum ad recolenda Di-
vina Officia; tum ad honores debitos
Sanctistribuendos; ad eorumque vi-
tæ imitationem excitandam, instituti,
non modo, ut oportet, sancte non co-
lantur, sed, quod gravissimum est,
nefarie operibus profanis, officiis, re-
rumque actionibus, ab eorum cultu,
& Christianæ pietatis studio alienis vio-
lentur: Nos Sacrosanctis Sanctionibus
& Concilii Tridentini inprimis Decre-
tis, quibus corruptelas, a Christianæ
pietatis usu, & a dierum festorum,
præsertim cultu alienas, omni Pastora-
lis

lis vigilantia officio, tolli iustum est, & nostræ etiam curæ, officiique munere adducti, tantæ, tamque publicæ offensionis, eo ferventius occurrere volentes, quo minus Antecessores nostros post tot susceptos & exantlatos labores; post tot Synodos coactas; post tot edicta publicata, profecisse animadvertimus: Inprimis mandamus Parochiis, ut populo sæpius inculcent, non propterea festos dies institutos esse, ut comessationibus, ebrietatibus, impudiciis, choreis, lusuibusque indulgeant, temporeque, quod saluti, & placando DEO Optimo Maximo salubriter destinatum est, ad maiorem ipsius offensionem, & suarum animarum perniciem abutantur, sed ut, cum tot aliis diebus curæ temporalium vacaverint, hiis saltem spiritualibus, diligentius invigilent, seque ipsos colligant, recogitent beneficia Dei, & gratias pro illis agant, Sacrificio Missæ, & aliis Divinis Officiis intersint, concionem audiant, Sacramenta curandis animæ vulneribus adhibeant, liberiusque pietatis, & charitatis Christianæ operibus vacent.

Quod, ut cum maiori facilitate fiat, tam Præfectos, quam etiam Magistratus, & alios quoscunque Officiales nostros hortamur, ut sicuti dignitate alios præcellunt, & gubernationi præfunt, ita etiam bono suo exemplo, inferiores præeundo, provocent, ut ad perpetuum pie agendi studium excitentur, & inflammentur.

Quia vero, experientia teste, nulla alia re magis fideles ab ejusmodi pietatis officiis abstrahuntur, quam quod eo potissimum tempore, quo Divina in Ecclesiis peragi consueverunt, perversa quædam consuetudo, vinum sublimatum, aliaque potabilia in tabernis, vendendi & propinandi inolevit. Idcirco abusui huic occurrentes, statuimus, ut si quis tabernator, vel alius quicumque tale quid attentasse convictus fuerit, similiaque potabilia ante Sacra peracta propinaverit, vendiderit, vel alicui vendi (viatoribus & infirmis exceptis) permiserit, gravi pœna arbitraria puniatur. Parochorum autem officium fuerit in id diligenter attendere, & similes incorrigibiles pro-

polas ad Nos, vel Officiales nostros deferre.

Cumque non minor sit muliercularum quarundam diebus prædictis, cum vino cremato per villas circumcursantium, & populum a cultu Divino abstrahentium petulantia, ex fame, ut a Scultetis, & Officialibus villarum nostrarum comprehendantur, & debitis pœnis ablatione cremati, & publica pœnitentia ad stipitem pœnalem, in collari ferreo facta coerceantur, harum Constitutionum autoritate decernimus & declaramus. Quod si Sculteri & Officiales, in officio suo, segniores inventi fuerint, debitam pœnam non evadent.

Et quoniam usu jam in hac Provincia comparatum est, depravatis his temporibus & moribus ad choreas, tripudia, saltationes, & id genus alia, nunquam fere in tabernis conveniri, sine multis, iisque gravissimis Dei offensionibus, idque cum ob turpes cogitationes, obscœna dicta, inhonestas actiones, morum corruptelas, & perniciosas ad omnia carnis opera illecebras, illis perpetuo conjunctas: tum propter cædes, rixas, dissidia, stupra, adulteria, aliaque mala plurima inde consequentia quam sæpissime: His tot offensionibus, & plurimorum malorum atque peccatorum seminariis, iis præsertim diebus, qui dies propitiationis sunt, locum dari, & fideles plerosque nefariis Satanæ blanditiis illectos, a Divinis Officiis abduci, avertique rudes a percipiendis fidei rudimentis, & alios ab aliis Christianæ pietatis officiis, in quæ eo tempore religiose incumbendum est, abstrahi, gravissimum sane est, & in conspectu Dei & Ecclesiæ. Nos itaque pro debito Pastoralis curæ nostræ plurimum capropter solliciti, timentesque, ne indignationem & offensionem Divinæ Majestatis in Nos tot ac tantis peccatis alienis provocemus, cupientesque eadem radicitus evellere & extirpare, ea, qua par est, severitate præcipimus, ut diebus Festis, iis saltem horis, quibus in Ecclesiis Divina celebrantur Officia, omnes & singuli sub gravi arbitraria pœna a saltationibus abstineant, easque, si quando certis temporibus permittendæ sunt,

ultra horam noſtam vèſpertinaſ pro-
trahere minime audeant. Quod ſi quis
huic noſtro Decreto auſu temerario
contravenire præſumpſerit, præter ar-
bitrariam pœnam, alias etiam gravio-
res non evadet.

Porro nundinas diebus Dominicis
& Feſtivis inchoari nullo pacto per-
mitimus. Quod ſi in dies nundinis præ-
finitos Feſtum aliquod celebrè ad po-
pulum inciderit, licitum quidem cui-
libet erit, merces ſuas exponere, &
venales habere, ſed non ante, quam
Officia Divina antemeridiana finita fue-
rint.

Fora hebdomadaria, ſi quando in
fimiles dies inciderint, ea ad præſcrip-
tum Antecellorum noſtrorum felicitis
recordationis LUCÆ & MARTINI
CROMERI obſervari volumus, cujus
etiam edictum de negligentibus Divina
ad continendum in officio deſides Chri-
ſtianos ſummopere neceſſarium appro-
bantes, & harum Conſtitutionum vi-
gore confirmantes, omnes & ſingulos
Parochos monemus, ut ſicubi per in-
curiam neglectum eſt, vel executioni
non mandatur, ex nunc revocetur,
& accuratiſſime nulla prorsus dignita-
tis, aut perſonarum habita ratione ob-
ſervetur, cum illi, qui in dignitatibus
conſtituti ſunt, ac propterea gravius
peccant, non ſolum abſolutionem vel
exculationem non mereantur, verum
etiam duplici pœna ſint afficiendi.

Feſta vero ſervanda in hac Provin-
cia, denuntiandaque populo, præter
Dominicos dies, ſunt hæc: Nativita-
tis Domini cum duobus ſequentibus,
Circumciſionis, Epiphaniæ, Reſurre-
ctionis, Aſcenſionis, Pentecoſtes,
Corporis Chriſti, Inventionis Sanctæ
Crucis, Conceptionis, Nativitatis,
Annuntiationis, Viſitationis, Purifi-
cationis, Aſſumptionis Beatæ Mariæ
Virginis, Dedicationis Eccleſiæ, Mi-
chaelis Archangeli, Nativitatis Joannis
Baptiſtæ, Sanctorum Apoſtolorum,
Matthiæ, Philippi & Jacobi, Petri &
Pauli, Jacobi majoris, Bartholomæi,
Matthæi, Simonis & Judæ, Andreæ,
Thomæ, Laurentii, Martini, Nicolai,
Annæ, ut in ordinatione Rubricellæ
Mariæ Magdalenæ, Catharinæ, Eliſabe-

thæ, omnium Sanctorum, Transfigu-
rationis Domini, nec non proprii loci
aut Parochiæ cujuſque Patroni. Quæ
omnia ac ſingula ſanctificanda ſunt, tam
a populo, quam a Clero cultu & ve-
neratione ſolenni. Si quæ tamen di-
ctorum Feſtorum ex propriis diebus
transferri contingat, tunc a Clero tan-
tum celebrabuntur in Eccleſiis, labo-
res autem & operas populi minime
impedient, ſolennitate duntaxat Annun-
tiationis Beatæ Mariæ Virginis excepta.
Hoc enim Feſtum translatum populus
celebrare tenebitur.

Dies Sancti Marci Evangeliftæ, &
omnium animarum, Clerus quidem
venerabitur duplici Officio, ſed po-
pulus a prandio laboribus licite va-
cabit.

Feſtum Sancti Andreæ celebrabi-
tur eo die, quo incidit.

Verum enimvero cum Eccleſia ſit
Mater non noverca, filioſque ſuos ma-
ternis ſemper viſceribus proſequatur,
ſcire debent Parochi ea, quæ de feſto-
rum dierum cultu, hic a Nobis ſtatuta
ſunt, non adeo ſtriſte intelligenda
eſſe, ut aliquando, ſummo præſertim
neceſſitatis tempore, etiam feſtivis die-
bus laborare fidelibus non liceat, tem-
pore præſertim meſſium, quando adeo
frequentes ſunt inundationes, ut niſi
diebus etiam ab Eccleſia alias prohibitis,
aliquid fieret excreſcentiæ in campis
facile putrefierent, & non collectæ
funditus perirent: dummodo id cum
conſenſu Parochorum fiat, & non ante,
quam Divina Officia omnia in Eccleſia
finita fuerint, quorum conſcientias hac
in parte oneratas eſſe volumus, præ-
cipimusque, ut nonniſi ſummo neceſ-
ſitatis tempore Parochianis eam ſacul-
tatem neque aliter, atque a Nobis jam
conſtitutum eſt, concedant.

Fieri etiam ſingulis ferme annis
conſuevit, ut ex nivium diſſolutione,
aquarumque inde deſcendentium in-
undatione, quædam flumina in tantam
altitudinem exuberent, ut etiam pon-
tes, per quos Parochiani ad Eccleſias
ſuas Sacra audituri, & Parochi ad Pa-
rochianos ſuos Sacramenta adminiſtra-
turi alias venire conſueverunt, earum
impetu demoliantur, & diſjiciantur,
quo

quo casu antequam restaurentur, subditi per aliquot septimanas a perceptione Divinorum, & Parochi ab administratione Sacramentorum impediuntur. Nos huic incommodo etiam obviare volentes, præcipimus, ut durante illa inundatione, & incommoditate fideles ad salutem in rebus necessariis, ad Parochiam viciniorem recursum habeant, qui eos pabulo Divini verbi pascere, & Sacramentis debitis providere teneatur, & sit obligatus. Discretionis autem fuerit, ut a Parocho eorum ordinario pro diuturnitate temporis & laborum pro ipso susceptorum sufficienter contentetur.

Chartarum atque foliorum lusus, circa quos præter alia gravia peccata, blasphemiae scelus primas facile obtinet (dum ii, quibus fortuna non currit, maledicendi & pejurandi finem nullum faciunt) illis ipsis quoque Dominicis diebus & Festivis in tota hac Diœcesi nostra, tam in tabernis, quam privatis ædibus omnibus interdictos esse volumus. Quod si qui sunt, qui ex proposito artem hanc profitentur, nihilque aliud faciunt, quam ut malis artibus homines simplices seducunt, eorum pecunias, quas longo tempore ferviendo lucrati sunt, dolo malo, & unico quasi momento suffurentur potius, quam lucrentur, eos a Scultetis nostris comprehensos & victos ad Officiales viciniore transmitti volumus, ut operibus manuum suarum panem lucrari, non aliorum sudoribus vivere discant.

De Jeuniis & Quadragesimæ observatione.

Cum Sacrosancta Synodus Tridentina, per Sanctissimum Domini nostri atque Salvatoris adventum Pastores hortetur omnes, ut tanquam boni & strenui milites, omnem adhibeant diligentiam ad fideles cohortandum, ut ea, quæ ad carnem domandam conducunt, præsertim vero delectum ciborum, & jejunium omni studio amplectantur & observent, Nos attendentes gravissimum peccatum esse, ac propterea nullo modo ferendum, ut quibus diebus Sancta Mater Ecclesia

ad jejunium, pœnitentiam, omneque pietatis studium, animos fidelium excitare & accendere studet, in iis maxime hujus sæculi filii, operibus Satanicis operam navent, diesque Bacchanaliorum usque ad Dominicam primam ferme Quadragesimæ comessationibus, saltitationibus, aliisque tali tempore indignis & inconvenientibus operibus producant: hoc præsentî Decreto, sub gravi in similes Ecclesiasticarum Constitutionum prævaricatores animadversione, edicimus, ut in Diœcesi nostra proxima quarta feria, quæ *Cinerum* nuncupatur, post *Quinquagesimam*, omnes & singuli Quadragesimalis observantiae initium faciant, nemoque audeat prædictos Bacchanaliorum dies ulterius extendere, neque quidquam religioso illo tempore, a die videlicet *Cinerum* prædicto inclusive moliri, quod Sacrosanctum Quadragesimale tempus, virtutum Christianarum disciplinae atque exercitationibus dicatum ullo pacto dedeceat. Contrafacientes debitas pœnas arbitrarías non evadent.

Omnis itaque utriusque sexus, quem urgens necessitas, vel imbecilla ætas, aut evidētis morbi debilitas a Quadragesimali lege non eximit, quocunque etiam gradu, ordine, potestate, dignitateque prædictus sit, carne, cæterisque omnibus, quæ a carne originem trahunt, utpote ovis, lacte, caseo, butyro, & aliis id genus Quadragesimali tempore abstinere debet, sciatque singulis Quadragesimæ diebus, præterquam Dominicis, se jejunii lege obstrictum, nisi facultatem scriptam habuerit, quæ plane extincta sit, cum causa, ob quam data est, expirarit. Eos vero, quibus id negotii committendum duximus, paterne in Domino hortamur & monemus, ut, seposito omni humano affectu, magna cum cautela qualitatem personarum secum dispensari desiderantium considerent; causas, cur ab hac lege liberi esse velint, bene examinent, quin etiam Medicos, si opus fuerit, consulant, nihilque agant, quod Deum & ipsorum conscientiam hac in parte lædere possit. Quibus vero ob infirmam valetudinem, aut etiam justam causam permissum erit, Quadragesimæ diebus carnibus,

aut

aut aliis pro eo tempore vetitis cibis vesci, eos Parochi, vel illi, qui curam hanc subibunt, admoneant, ne publice, neve cum domesticis, sed separatim in remotiori ædium loco ejus generis cibos capiant, ut ob corporis imbecillitatem, aut morbum, quo laborant, potius, quam ob ingluviem id facere cognoscantur. Quin vero, ut Divus Augustinus monet, quodam intimi animi dolore cibos capiant, pro eo, quod aliis jejurantibus ipsi abstinere non possint, aliosque suo exemplo ad violandum jejunium provocent. Quod enim uni duntaxat ob justam & rationabilem causam permissum est, aliis quibuscunque, impedimentum nullum habentibus, sive vir, sive mulier, sive familiares sint, permitti non debet.

Porro audaciam illam atque absque ulli lege liberius vivendi effrenatam licentiam, qua nonnulli civium nostrorum pro libidine sua extra Episcopatum excurrentes, occasionem prævaricandi querere, & cibis ab Ecclesia interdictis apud hæreticos in ludibrium Catholicæ Religionis vesci consueverunt, tanquam scandalosam, & meræ pertinaciæ plenissimam cohibere omni conatu desiderantes, præsentis Decreto statuimus, ut si quis Præceptis Ecclesiæ hac in parte illuisse deprehensus, & per Parochos, vel alios fide dignos, ad Nos delatus, accusatus, convictusque fuerit, primis duabus vicibus pœnis gravibus arbitrariis, aliisque Canonico jure & Pontificiis Constitutionibus, contra Quadragesimæ violatores sancitis afficiatur. Tertia vero vice tanquam hæreticus ex Diocesi nostra proscribatur, & eliminetur.

Jejunia obligantia ex præcepto vel consuetudine Parochi sedulo denunciare curabunt. Magnus enim in ea re est abusus, multique non jejunant, quando jejunandi eis imposita est necessitas, & econtra jejunant, cum eos jejunare nullum Ecclesiasticum præceptum, aut consuetudo publice recepta cogit, sed privata & indiscreta tantum devotio suadet.

Jejunandum est igitur ex præcepto in Quadragesima, quatuor anni

temporibus, Vigiliis Nativitatis Domini, Pentecostes, Assumptionis B. M. Virginis, & omnium Apostolorum, præter Vigiliis Sancti Joannis Evangelistæ, Sanctorumque Philippi & Jacobi, item in Vigiliis Beati Joannis Baptistæ, Laurentii, & omnium Sanctorum. Denique omnibus feriis sextis per annum, nisi ex antiquissima consuetudine aliter observetur, & nisi in eas Dies Nativitatis Domini inciderit. Item ex consuetudine antiqua etiam in Vigiliis Beatæ Mariæ Virginis, scilicet Conceptionis, Nativitatis, Annuntiationis, Visitationis & Purificationis.

Dies Sancti Marci & Rogationum, sic jejunantur, ut usus ovorum, & lactiniorum non sit interdictus. Denique ad tempus inter Pascha & Pentecosten, quod attinet; etsi optaremus, ut & tunc fidelis dilectus curæ nostræ commissus populus aliarum Provinciarum morem laudabilem consecraretur, feriisque sextis a lactiniis, & ovis abstinere, quia tamen id Antecessorum nostrorum Constitutionibus permissum est, adeoque in consuetudinem antiquam jam abiisse videtur, in dubium quidem vocare nolumus, cuperemus tamen hoc totum tempus, quod inter Pascha & Pentecosten decurrit, eidem consuetudini subesse & subjacere.

Verum enimvero cum ex Divinarum literarum scientia parum profit vetitis cibis abstinuisse, si animus in peccatis sit intemperans, dumque caro ab alimentis abstinet, mens pariter a culpa non jejunet, caveant diligenter jejunii cultores, ne dum a cibis abstinent, aliarum rerum delicias, luxuriamque confectentur, imo vero moderato cibo & potu carnis vitia coerceant, mentesque ad cœlestium rerum amorem, & contemplationem erigant, & ad pietatis opera expediti exercenda promptiores inveniantur. Hoc est enim jejunium, quod Dominus Isaïæ ore delegisse testatur.

De Sacramentis in genere.

Parochi, alique Sacerdotes quicunque, quibus vel ex officio, vel ex delegatione Sacramentorum ad-

mini-

ministrandorum incumbit, meminisse debent, sancta se tractare, proindeque omnium temporum momento paratos se esse oportere, ad tam sanctæ administrationis munus.

Inprimis itaque, & ante omnia intime recogitant, an hoc tam sanctum opus aggressuri, sibi alicujus peccati mortalis sint conscii. Nam etsi Sacramenta Divinam illam virtutem, quæ illis inest, nunquam amittant, indigne tamen ea administrantibus semper eternam afferunt mortem. Itaque si reos se esse noscent, prius (nisi extrema necessitas accelerare cogat) Sacramentali confessione se expiare studebunt, vel in defectu Confessariorum, contritionem saltem sufficientem habere.

Cum autem accerferentur, tantum abest, ut verbis, vel nutu, vel alio signo ostendant se gravate ituros, ut etiam illius, cui ministrare debent, salutis desiderio accensi, patrem se præbentes, verborum benignitate, vultuque hilari, & ut possunt, celerrime se accessuros demonstrant.

In omni Sacramentorum administratione, cum ruri sit, semper superpellicem decens & stolam adhibebunt, quæ ejus coloris erit, quem Sacramenti ministrandi ratio postulat.

Ministrabunt vero ea, ritu & cæremoniis in libris Agendorum, in hac Synodo approbatorum, præscriptis, materiamque & formam debitas adhibebunt, cum intentione faciendi, quod facit Ecclesia.

In delatione Sacramentorum animi meditatione attentis erunt ad rem, quam sancte acturi sunt, pieque a salutationibus & colloquiis prorsus abstinentes, Psalmos poenitentiales, vel aliquas alias devotas orationes, inter eundem recitabunt.

Cumque Sacramenta Ecclesiæ non solum sine Simonie labe, verum etiam sine omni avaritiæ suspitione sint administranda, cavebunt omnes, ne in eorum collatione quidquam verbis, nutibus, signis, directe vel indirecte petant, multo vero minus importune verbis exigant.

Tomus IX. Concilior. German.

Consuetudo tamen pia & spontanea, fidelium largitione introducta, qua Ministro ad ejus consolationem aliquid porrigi consuevit, servanda erit omnino & retinenda.

Ut autem hæc Divina Mysteria vernerentur fideles impensius, majorique illorum exardescant desiderio, non neglegant Parochi, cum alias sæpe, tum in administratione, illorum præstantiam, atque dignitatem ex Catechismo Romano, vel etiam aliis probatis authoribus explicare.

Ante omnia vero sub interminatione Divini judicii, pœnisque gravissimis a Nobis infligendis caveant, ne vel sine Baptismo infantes, vel infirmos sine Poenitentia, Eucharistia, & Extreme Unctionis Sacramentis illorum culpa decedere permittant. Quod ut tanto efficacius præcaveatur, cum pleræque Parochiales Ecclesiæ, quæ partem populi sui extra mœnia Civitatum habent, in hac Diocesi inveniantur, unde accidit, ut nocturno tempore, cum nemini aditus ad Civitatem portis clausis conceditur, multæ negligentia in Sacramentorum administratione subrepere possint, & de facto subrepant, Nos etiam huic malo, & omnium saluti prospicere cupientes, autoritate, qua in hac parte fungimur, mandamus, ut in his & aliis occurrentibus casibus (de quibus tamen populum a Parochis propriis inter concionandum, vel post concionem præmonitum esse volumus) ad viciniorem ruralem Parochum recursus habeatur, qui omni seposita excusatione, in necessitatis tantæ periculo, defectum proprii Parochi supplere tenebitur. Quod si requisitus, negligens in hac parte inventus fuerit, animadversionem nostram non evadet.

De Baptismo.

Parochi, antequam ad baptizandum accedunt, diligenter ab iis, ad quos spectabit, sciscitabuntur, an oblatum ad baptizandum suæ Parochiæ sit, an domi baptizatus, a quo, qua materia, qua forma, tum quem, vel quos elegerunt, ut baptizandum de sacro Fonte suscipiant, & eos, vel eum tantum, si tamen digni sunt, & rudimen-

O

ta

ta fidei non ignorant (de quibus ignoti omnino examinandi sunt, antequam admittantur) ad illum suscipiendum admittant, eorumque nomina una cum infantis & parentum in libro ad id destinato, ipsimet, vel illorum Vicarii, statim, ac infans baptizatus fuerit, describant. In hunc modum: *Anno, mense, die &c. Ego N. Plebanus, aut Vicarius N. Ecclesie Parochialis N. baptizavi Filium N. Conjugum legitimorum N.N. Patrini fuerunt N. & N.*

Neminem in privatis ædibus, extra casum necessitatis baptizabunt, nostra præsertim licentia non requisita.

Animadvertent, ut aqua, quæ est materia hujus Sacramenti, non solum vera, naturalisque sit, sed etiam eo ipso anno, quemadmodum sancte cautum est, Sabbato Sanctæ Pâschæ aut Pentecostes benedicta; quæ si infra annum corrupta casu aliquo fuerit, vel defecerit, ex viciniore Ecclesia in vasculo nitido accepta, & in fontem antea bene extersum & mundatum, aliquantum aquæ puræ & recentis superaddita immixta, defectum supplebit.

Quoniam vero aquam baptismalem, puram illam quidem, mundam, nitidamque esse, ob tanti Sacramenti dignitatem convenit; sane totum opus undique ita coniectum teneri necessum est, ut nec pulveres, neque ullæ aliæ fordes, multo vero minus muscæ, & araneæ intus penetrant, quibus aqua corrumpi, aut impura fieri possit.

Et ne temeraria manus materiam hujus Sacramenti ad veneficia, superstitiones, incantationes diabolicas abutatur, Parochi fontem bene munitum, & cancellis, ubi commode fieri potest, bene septum, sera & clave claudent, quam, ne Clerico quidem committentes, apud se perpetuo custodient, neminemque, cujuscunque tandem conditionis sit, ad speculandum in ea admittent.

Erudiant populum, ac præsertim foeminas, quæ obstetricantur, quomodo baptizare debeant in necessitatis casu, si nimirum adeo debilem videant infantulum, ut neque deferri ad Ecclesiam, neque, dum Sacerdos vocatur,

supervenire posse videatur; nempe ut fundendo ter aquam super caput ejus, proferant hæc verba: *Ego te baptizo in nomine Patris, & Filii, & Spiritus Sancti*, ad quamlibet Trinitatis personam super effusionem iterando; ea tamen cautela adhibita, ut præsentem Clerico laicus abstineat, atque viro mulier (nisi forte vir formam Baptismi ignoret) hæreticus præsentem Catholico, Christiano Judæus vel gentilis, qui etiam hoc casu baptizare possunt, modo aquam & verba debite adhibeant, & intentionem faciendi, quod facit Ecclesia, habeant.

Quod, si sic baptizatus periculum evadat, deferendus est postea ad Ecclesiam, ut sollemnes circa eum Baptismi cæremoniæ, prætermisiss tamen exorcismis, suppleantur.

Si vero re accurate investigata exploratum habuerit Parochus, infantulum domi debita materia & forma, atque intentione adhibita baptizatum esse, caveat omnino, ne eum sub conditione rebaptizet, cum sacrilegium committat, si contrafecerit, & illud impedimentum contrahat, quod sacri Canones irregularitatem appellare voluerunt.

Si vero dubitetur, an vel hujusmodi, vel etiam expositus infans, aut etiam adultus baptizari cupiens, baptizatus sit antea & debite, baptizandusque propterea, diu atque multum re examinata, videatur Parocho, adhibeatur hæc forma: *Si non es baptizatus: Ego te baptizo in nomine Patris, & Filii, & Spiritus Sancti. Amen.*

Id quod etiam servare oportebit, si foetus ex utero matris, quæ in partu periculose laborat, vel manu, vel pedé, vel alia aliqua parte extans, in ea ipsa parte ab obstetrice, vel ab aliquo alio est baptizatus. Si vero in capite, quod primum ex utero prodiit, hoc Sacramento initiatus est, omnibus aliis ad integritatem Baptismi rite servatis, ad Ecclesiam, si supervixerit, deferatur, ut reliquæ cæremoniæ, quæ ad sollemnitatem Baptismi requiruntur, ex libris Agendorum suppleantur.

De materia etiam hujus Sacramenti, cum occasio tulerit, populum diligenter

genter instituent, docebuntque eam esse omne naturalis aquæ genus, five ea maris sit, five fluvii, five putei, five fontis, five alia quævis, quæ sine ulla admixtione, aqua pura dici & esse consuevit. Aliis autem liquoribus aut aquis, quæ e floribus, herbis, aliisque id genus rebus exprimuntur, vel eliciuntur, Baptismum confici non posse.

Et quamvis aquam, qua infantes baptizantur, puram semper, mundamque esse, pro tanti Sacramenti dignitate conveniat, in lutulenta tamen, necessitate urgente, baptizare licere, dubium nemini esse debet.

Verum quia interdum accidit, hyeme intensiori aquam baptismatis vi frigorum congelari, aut gelidam nimis fieri, tunc ut aliquo calore liquefacta usui ad baptizandum infantem esse possit (cum animadverti debeat, ne illa gelida infanti tenello noceat) aliam aquam vase mundo calefactam immiscere licebit, quæ tamen longe paucior erit, quam illa, quæ est benedicta.

Cæterum monstra humana, si quando Baptismo offeruntur, antequam baptizentur, Parochi diligenter videre debent, an una persona sit, an duæ; tum masculusne, an femina. Quod si monstro oculis subiecto dubium est, an sint duo, utpote quia duo capita non habet, nec pectora bina distincta, tantum unus, intentione certa, neque vaga simpliciter baptizandus erit, alter vero, seu alii sub conditione. Si vero duo capita, duo pectora, aut corpora etiam distincta in monstro apparent, quia duos homines esse perspicuum est, singuli simpliciter (nisi in mora periculum fuerit) tunc vero in numero plurali: *Ego vos baptizo*: baptizandi erunt.

Si autem unam personam esse apparuerit, utpote quia unicum tantum caput habet, etsi alia membra plura, geminataque apparuerint, tantum unus baptizetur.

Monstra, quæ hominis speciem non habent, nec præ se ferunt, baptizari non debent, sed sunt ad Nos deferenda, ut plena informatione, & descriptione per Parochos accepta, quid factu opus sit, videamus.

Tomus IX. Concilior. German.

Gravissime peccant obstetrices, si quando mortis instantis necessitate non cogente, Baptismum infanti ministrare præsumunt; nec minus parentes, qui nullo periculo urgente, eas ad id faciendum compellunt; proinde huic excessui providere solliciti, volumus; ut Parochi singuli in suis Parochiis iterato tam obstetricibus, quam puerperis inculcent, ut extra præsentem necessitatis casum a Baptismo abstineant, neque nomina, dum baptizant, imponant, alias poenas non evasuræ debitas.

Id quoque quod Sacrosancti Concilii Tridentini Decreto salubriter constitutum est, ne Patrini, Matrinæque ad levandos de sacro Fonte infantes, uno vel una, vel ad summum uno & una plures adhibeantur, sacrosancte ab omnibus tam Parochis, quam aliis observari volumus, declarantes præterea, nec virum, nec uxorem simul, nec hæreticos, nec excommunicatos, nec interdictos, nec publice criminosos, nec infames, nec amentes, nec pueros fidei rudimenta ignorantes, neque qui præcepto Ecclesiæ de Communione Paschali non satisfecerint, neque vero Monachos regulares, & qui Confirmationis Sacramento initiati non fuerint, ad suscipiendum de sacro Fonte infantes admitti nullo pacto debere.

Porro cum experientia doceat, propter multitudinem prohibitionum multoties in casibus prohibitis ignoranter contrahi Matrimonia, in quibus vel non sine peccato perseveratur, vel ea non sine magno scandalo dirimuntur, volens Sancta Synodus Tridentina huic incommodo providere, a cognitionis spiritualis impedimento incipiens, statuit, ut inter baptizatum ipsum, & illius patrem & matrem, nec non inter baptizantem, & baptizatum, baptizatique patrem & matrem tantum spiritualis cognatio contrahatur.

Cum infans, præsertim si iter longius est, ad Baptismum fertur; vasculum etiam aquæ portari monebunt Parochi, ut si quod fortassis mortis periculum (quod frequenter incidere potest) in itinere evenierit, etiam in via hoc Sacramentum ministrari possit.

Quod si quando in partu mulier obierit, hoc diligenter monebunt, ut uterus aperiatur, indeque fœtus eductus, si vivat, quamprimum baptizetur. Id vero cautione magna fiat, ut & is vivus ex utero extrahatur, & tunc in primis, cum mater vere mortua est, ne pro filii salute occidatur.

Mulieribus tempori pariendi propinquis præcipient, ut si se mortali peccato aliquo gravatas sentiunt, tempestive confiteri, & Sacram Eucharistiam percipere non intermittant.

Ad usum eorum, qui baptizandi sunt, sal speciatim benedicatur, & sale Dominicis diebus ad aquæ benedictionem exorcisato non utantur (diversas enim habent exorcismi & benedictionis formulas) illud caute, ne ab omnibus haberi possit, asservetur.

Curabunt, ut infantibus proprio nomine in Baptismo appellandis, ea nomina non imponantur, quæ vel turpia, vel ridicula sint, quæque gentilium, atque adeo impurorum & impiorum hominum referunt memoriam, sed illorum, qui ob veræ pietatis & S. Religionis, virtutisque Christianæ laudem Sanctorum numero sunt adscripti, ut & in ipso vitæ ingressu cum Ethnicis ne nomen quidem commune fideles habere velle protestentur, & ipsimet infantes etiam, cum ætate processerint, nominum similitudine ad horum, a quibus illa accepta sunt, imitationem excitentur, & præterea, quos imitari student, eosdem frequenter precentur, ac sperent eos potissimum sibi ad salutem tum animi, tum corporis advocatos fore.

Monebunt etiam Compatres, docebuntque eorum officii esse partes, quas pro suscepcionis, fidei iussionisve munere præstare debent, ut scilicet infanti sollicitudinem veræ charitatis semper impendant, curentque, ut parentibus præsertim destituti, doctrinæ Christianæ rudimentis diligenter instruantur.

Baptizati ab hæreticis vel schismaticis rite baptizati esse censi debent, si in baptizando legitima forma, & intento faciendi, quod facit Ecclesia, servata fuit. Quod si sic baptizati adul-

ti, Ecclesiæ Catholicæ incorporari velint, reliquæ etiam cæremoniæ (si tamen assentiantur) præter formam adhiberi possunt & debent, alias ad eam cogendi non sunt, quamvis hæresim abjurare teneantur, priusquam aliorum Sacramentorum participes fiant.

De Confirmatione.

Cum in Sancta Dei Ecclesia Sacramentum hoc a multis omnino prætermitti compertum habeamus, paucissimi vero sint, qui Divinæ gratiæ fructum, quem deberent, ex eo capere studeant, idcirco fideles de hujus Sacramenti materia, vi, atque dignitate, tum in die Pentecostes, quo præcipue administrari consuevit, tum aliis etiam diebus, cum id commode fieri possit, Parochi judicaverint, maxime vero, si quo in loco a Nobis administrandum est, ita docendi & instruendi erunt, ut intelligant non solum non negligendum esse, sed summa pietate & religione suscipiendum, ne ipsorum culpa maximoque malo eveniat, ut frustra in eos hoc beneficium Divinum collatum esse videatur. Quamvis enim hoc Sacramentum ejusmodi necessitatem non habeat, ut sine eo salvus quis esse non possit, a nemine tamen prætermitti debet, aut sub pœna peccati mortalis contemnere; neque in re sanctitatis plena, per quam nobis Divina munera tam large impertiuntur, aliqua negligentia committatur, præsertim cum id, quod Deus communiter omnibus ad sanctificationem proposuit, ab omnibus etiam summo studio sit appetendum & affectandum.

Docebunt autem ea, quæ sequuntur.

Ut semel confirmati Sacramentum hoc sacrilege non iterent.

Ut confirmandi non solum corpora, quasi templa Sancti Spiritus peculiariter dedicanda, præparent, sed etiam animos per præviam confessionem expurgent, præsertim si conscientia noxæ alicujus mortalis culpa teneatur. Quod si hoc ante Confirmationem fieri non poterit, saltem firmum quantocius confitendi propositum habere debent.

Ut quilibet habeat Patrinum vel Ma-

Matrinam, prout ipsi mares vel fœminæ fuerint, confirmatos jam, non tamen patrem aut matrem, vel vitricum, vel novercam, maritumque aut uxorem, qui tamen duos aut tres ad summum, una die tenere non poterunt, & quos tenuerint, instruere debent ad omnem pietatem, ac fidei rudimenta docere.

Ut pie, reverenter, & sobrie (necessitate excepta) ad Sacramentum hoc salutare accedant, neque nisi Confirmationis actu finito, & Benedictione Episcopali accepta, deterfoque a Sacerdotibus, si præsertim remotius habitent, Chrismate, de Templo discedant.

Ut linteola munda pro alligando sibi in frontibus Chrismate habeant.

Ut meminerint cognationem spirituales in hoc Sacramento contractam confirmantem & confirmatum, illiusque patrem & matrem, ac tenentem non egredi, omnibus inter alias personas hujus spiritualis cognationis impedimentis sublati.

Porro Confirmatorum omnium nomina & cognomina Notarius noster cum expressione temporis & diei, in codice bene ligato, & huic usui destinato, annotabit hoc modo; *Anno, mense, die, confirmatus, vel confirmata est ab Illustrissimo &c. &c. Filius, vel Filia N. & N. Patrinus, vel Patrina fuit N.N.*

Qui quidem libri, sicut & alii tam baptizatorum, quam copulatorum, postquam impleti fuerint, inventario Ecclesiæ bene custoditi inscribantur, & alii novi in eorum locum substituantur, ut Parochi videre possint, quinam in Parochiis suis hoc Sacramentum negligant, & qui ob cognationis spiritualis in hoc Sacramento contractæ vinculum Matrimonium inire non possint.

De Pœnitentia.

Parochi, & alii Confessarii, cum ad audiendam confessionem vocantur, vel accedunt, ante accommodata brevi pœcatione, qua Divinæ gratiæ lumen in eo ministerio recte peragendo sibi postulent, tacitus utentur.

Cumque hoc Sacramentum animorum vulneribus medendis sit insti-

tutum, ipsimet videant, ne se proprio peccati mortalis alicujus telo configant, dum ad illud ministrandum accedunt, neve censure aliqua Ecclesiastica, aut alio Canonico impedimento sint irretiti.

In qualibet Parochiali Ecclesia præparentur sedes confessionales cum cratibus pro numero & frequentia Parochianorum, quot ad excipiendas confessiones videbuntur necessariæ, æque non in angulis, sed locis conspicuis, ita ut tam pœnitens, quam Confessarius ab omnibus videri possint, non tamen nimis prope summum altare constituentur.

In confessionali hæc affixa sint, sacra Crucifixi, vel aliqua alia pia imago, literæ processus die Cœnæ Domini quotannis edi solitæ, tabella casium, quos sibi Episcopus reservavit, & forma absolutionis.

Porro quo frequentius in scopulos vitiatorum impingunt fideles, eo ut sæpius Sacramentum Pœnitentiæ, quæ est secunda post naufragium tabula, frequentent, admoneant Parochi, semel vero ad minus per annum, præsertim in Paschate, confiteri & communicare, eosdem etiam compellant; non confessos & non communicatos notent, ad Nos, vel Archi-Presbyteros suos deferant, ac demum, si inviti parere noluerint, vivos aditu Ecclesiæ, mortuos Ecclesiastica sepultura privent.

Accedentes ad confessionem caput aperire, ad pedesque Sacerdotis demisso in terram vultu, ac manibus supplicem in modum conjunctis, genuflexos se abjicere, & munire signo sanctæ Crucis doceant. Deinde data eis benedictione in hunc modum: *Domine sit in corde tuo & in labiis tuis, ut digne confitearis omnia peccata tua in nomine Patris, & Filii, & Spiritus Sancti.* De statu pœnitentium (si quos non norint) generatim inquirent, tunc hæc inter cætera; An sciant necessaria ipsis ad salutem? quamdiu est, quod confessi non sint? an integre, neque suppresso ullo de industria peccato? an pœnitentiam injunctam præstiterint? an censuris Ecclesiasticis innodati non sint? an examinandæ suæ conscientiæ, antequam

ad confessionem acceſſerunt, diligentiam, prout opus eſt, adhibuerint. Omnes enim ſuper omnia doceri debent, ut luſtratis & excuſſis diligenter conſcientiarum ſuarum latebris, integre & aperte, nihil tacendo, vel palliando involucris verborum, cum interno animi dolore, ſaltem attritionis, quam vocant, & cum firmo propoſito non peccandi amplius, ad hoc Sacramentum accedant, alias ſacrilegam, irritam & nullam, ac proinde iterandam confessionem illorum eſſe.

His ita peractis, ad alia interroganda, ſi opus fuerit, procedent, ita tamen caute, diſcrete & prudenter, ne ſimplicioribus præſertim atque utriusque ſexus rudioribus ad novum & nunquam auditum antea, multo vero minus attentatum ſcelus, occaſionem ullam dent, vel aperiant.

Recenſentes vero peccata ſua, patienter, & attente audiant, timidos confirmet, vacillantes inſtruant, nec ſi enormia, aut turpia peccata protulerint, ſignum ullum admirationis, abominationisve ſuſpirando, ſpuendo, ſignando ſe ſigno ſanctæ Crucis, corrugando frontem, caput agitando præ ſe ferant, ſed ac ſi nihil audirent prorſus huiusmodi, ad finem uſque confessionis diſſimulent.

Caveant, ne eos, qui ad conſitentium veniunt, tam prope ad conſſionale admittant, ut quid inter Pœnitentiarium & pœnitentem agatur, facile a circumſtantibus audiri & percipi queat.

Inhærentes Decretis ſancti Concilii Tridentini ad conſſiones audiendas, non niſi a Nobis, vel noſtro Vicario, vel etiam Examinatoribus ad id deputatis, approbatos admittant.

Neque vero ipſimet in Eccleſiis aliorum, abſque ſpeciali ordinarii Parochi licentia, conſſiones excipere audeant.

Sed nec Regularibus peregrinis, ignotis præſertim, neque Sacerdotibus alterius Diœceſeos, eam facultatem concedant, niſi ipſis approbationem in ſcriptis exhibeant.

Attendant autem, ne inquirent nomina perſonarum, cum quibus pœ-

nitens peccavit, ſed de circumſtantiis tantum mutantibus ſpeciem, aut peccatum valde aggravantibus aut minuentibus.

Alienos, niſi de licentia proprii ſui Parochi, non admittant.

Norint etiam, quibus caſibus poſteſt eſſe conſſio, non integra, quibus caſibus reiteranda, regulas diſcernendi peccatum mortale, a veniali, excommunicationes, a quibus non poſſunt abſolvere, peccata quæ excommunicationem habent annexam, quæ peccata ſint annexa reſtitutioni, qui contraſtus liciti vel illiciti, quæ ſint impedimenta abſolutionis dandæ, de quibus omnibus conſulendi ſunt Caſiſtæ.

Non conſistentes in ſpecie peccata ſua, non abſolvant, ſed doceant pro concione populum, de eſſentia veræ Sacramentalis Conſſionis eſſe, & requiri neceſſario ad obtinendam abſolutionem, ut quiſque conſitens peccata ſua ſpeciatim mortalia enumeret, & omnes circumſtantias aggravantes delictum, vel minuentes, aut etiam ſpeciem mutant, ſciens non reticeat.

Quod ſi pœnitentes peccata ipſi ſua, ob pudorem, vel ſimplicitatem indicare nequeant, non contenti generalem Conſſionem recitare cum illis, interrogent etiam ſigillatim de commiſſis, omiſſisque contra Decalogum, Præcepta Eccleſiæ, miſericordiæ opera, de peccatis clamantibus in cælum, & contra Spiritum Sanctum, de peccatis mortalibus, adhibita peccatorum, cogitationis, verbi & operis diſtinctione.

Finitis interrogationibus, proponant oportuna peccatis quibusque remedia, arguant, obſecrent, increpent in omni patientia & doctrina, ut Divus Paulus docet, cauſas peccatorum præſcindere, reſtitutionem, ſi quam habent, famæ, damni, aut rerum facere præcipiant, doloremque in primis pro peccatis, ac deteſtationem eorundem propter offenſam maxime Dei, cum ſummo propoſito non peccandi ulterius, in animis conſitentium excitare ſtudeant, inculcando turpitudinem, & gravitatem peccati, ac damna illud conſequentia.

Hor.

Hortandi præterea sunt præsertim ii, qui rarius confitentur, ne confessiones differant in postremos illos dies Quadragesimales, quibus Sacerdotes, vel ob mysteriorum celebritatem assiduum, vel Divinorum occupationem ab audiendis confessionibus, vel frequenti tunc concursu fidelium defatigati, ita in eo ipso munere præstando opprimuntur, ut tantum, tamque salutare ministerium, in confertissima multitudine, vix recte illis præstare queant; sed Antecessorum nostrorum Constitutionibus salutaribus inclinati primam quidem confessionem tempestive ante Dominicam *Letare*, secundam vero de commissis vel revocatis in memoriam delictis paulo ante Communionem faciant.

Quod si qui ante mediam Quadragesimam confessi non fuerint, in eos penitus ab Antecessoribus nostris statutis animadverti a Parochis volumus, præcipimusque.

Qui plures villas extra civitatem, vel Parochias sibi subiectas habent, Quadragesimæ hebdomadas, vel dies, pro populi sibi commissi ratione sic partiri curent, ut quælibet villa sciat, quo potissimum tempore se præsentem sistere debeat, ne forte ab aliis impediti, rebus infectis tanto itinere domum redire cogantur, & vel confessionem intermittant, toties repulsam passi, vel saltem ad eam faciendum reddantur morosiores & segniores.

In pœnitentiis & satisfactionibus injungendis sint prudentes atque discreti, nec nimium mites, neque severi nimium, considerando non solum peccatorum gravitatem, verum etiam qualitatem personarum, ita ut habita ratione ætatis, sexus, status, & conditionis pœnitentium pœnas culpis quam maxime congruentes imponant, ipsæque pœnitentiæ peccatis commissis, quantum fieri potest, sint contrariæ.

Carnis peccatum carnis maceratione, & castigatione spiritui subjiciatur, avaritia eleemosynis expellatur. &c. Pœnitentias tales non injungant, ex quibus alii in cognitionem Confessorum criminum devenire facile possint.

In furto, usura, rapina, fraude ante omnia injungant, ut, si possunt, ablata restituant, cum peccatum non dimittatur, nisi restituatur ablatum.

Considerabunt etiam personarum pœnitentium qualitatem, quantum videlicet quilibet exequi possit, & quidnam. Neque enim pauperibus eleemosynæ, nec famulis peregrinationes, neque etiam quæ statui, juribus, atque etiam dispositioni pœnitentium repugnant, imponi debent.

Sciant bene & expedite proferre verba absolutionis, juxta Agenda in hac Synodo approbata, caveantque, ne aliquid impertinens superaddant, vel quod ad integritatem formæ necessarium est, omittant.

In absolutione Laicorum omittant semper verbum illud: *Suspensionis*. Soli enim Clerici ad Ordines promoti hanc pœnam incurrunt.

In sigillo quoque fervendo, fidelissimos se semper præbeant, caveantque, ne peccata audita in confessione, verbo, signo, aut quovis alio modo, directe, vel indirecte extra illam prodant, sub pœna depositionis, carcerisque perpetui, & excommunicationis sententia.

Si quem forte ob reservatum casum, aut quia peccatum, vel ejus occasionem dimittere, satisfactionemve, aut restitutionem præstare recuset, absolvendum non existimabunt, signo saltem Crucis cum precatione aliqua propter circumstantes, admonitum prius, benedicant, & sic a se dimittant.

Ne vero & se ipsos, & alios Parochi decipiant absolvendo a peccatis, a quibus revera ob defectum jurisdictionis non possunt absolvere, noverint bene Casus S. Sedi Apostolicæ, præsertim vero in Bulla: *Cane Domini*, reservatos, de quibus post alios optime Navarrus, tunc & eos, qui ordinariæ nostræ potestati reservantur. Sunt vero tales:

CASUS PAPALES.

Qui Clericum enormiter percussit, aut læsit, vel causam dedit, adjuvitque, ut fieret.

Perse-

Persequens Episcopum, vel qui auxilium, consilium, vel favorem dedit.

Qui incendit Ecclesiam, vel effregit, aut adjuvit, postquam denuntiatus fuerit.

Hæreticus & Schismaticus monitus, & non resipiscens.

Excommunicatus a Papa, vel Delegato ejus : & qui cum eo in crimine participat.

Religiosus professus apostata.

Falsarius literarum D. Papæ.

Impediens, ne Bullæ Apostolicæ suum sortiantur effectum, aut ne Delegatus Papæ suo fungatur officio.

Arma, aut alia auxilia suppeditans infidelibus contra Christianos.

CASUS EPISCOPALES.

Percutiens Clericum levi percussione.

Percutiens parentes suos.

Homicida.

Procurans maleficia inter conjuges, ne coire possint.

Procurans abortum vel sterilitatem in se, vel in alia.

Oppressor liberorum suorum.

Machinans in mortem uxoris, aut uxoricidium committens.

Clericus, qui bello interfuit.

Si corpore enormiter vitiatum sine dispensatione celebravit Sacra, sive irregularis.

Si quis Clericus coivit cum ea, quam baptizavit, vel in Confirmatione tenuit, vel cujus confessionem audivit.

Si Clericus fuit bigamus, vel in Sacerdotio contraxit Matrimonium.

Si quis committit peccatum contra naturam, sive Sodomiticum.

Coitus in Ecclesia.

Contrahens Matrimonium post Sponsalia prius contracta & juramento firmata cum alia, vel alio.

Oppressor virginis.

Qui cum Monacha, vel quæ cum Monacho rem habuit.

Incestus seu copula carnalis vel Matrimonium inter propinquos, affines, & spirituales, consanguineos, & compadres.

Mulier alienum partum marito pro ipsius, vel suo supponens.

Clericus excommunicatus majori excommunicatione celebrans, vel Sacramenta administrans.

Clericus admittens excommunicatum ad audienda Divina.

Clericus absolvens excommunicatum sine facultate vel in casibus prohibitis, præterquam in mortis articulo.

Excommunicatus & cum eo scienter communicans in Divinis.

Sepeliens excommunicatum in Templo, vel cimiterio.

Celebrans in altari non consecrato, vel si celebrat sine sacris indumentis, aut sine corporali, vel si celebrat non jejunos.

Celebrans in loco interdicto.

Bis baptizatus.

Baptizans proprium filium extra imminentem mortis necessitatem, vel tenens eundem ad Baptismum, aut Confirmationem.

Qui revelat confessiones aliorum.

Contrahens Matrimonium post votum castitatis.

Clericus ordinatus sine licentia sui Episcopi, vel per saltum promotus.

Si quis illegitimus sine dispensatione Beneficium accepit, vel ad sacros Ordines promotus est.

Abutens Sacramentis, vel rebus sacris & Sacramentalibus ad profanos, vel illicitos usus.

Fautores & receptatores hæreticorum, propagantium hæreses.

Habentes & legentes scienter libros hæreticos.

Qui cum hæreticis in cultu Divino, vel circa administrationem Sacramentorum communicavit.

Simoniaca labe.

Rem sacram pecunia comparans aut vendens.

Absolutus in mortis articulo a casu Episcopali, vel Papali, si, postquam convaluit, non repræsentavit se Ordinario suo, nec ejus autoritate denuo absolutus est.

Sacrilegus & coadjutor ejus.

Raptor, aut usurpator bonorum Ecclesiasticorum.

Violans Ecclesias & Immunitates earum.

Incen-

Incendarius etiam ante denuntiationem.

Publice blasphemus.

Qui publice crimen usuræ, perjurii commisit.

Falsarius literarum, & publicæ monetæ.

Incantatrices, fortilegi, malefici.

A præmissis Casibus Episcopalibus, quatenus occulti sunt, omnibus approbatis Confessariis attribuitur potestas, omnes cujuscunque status & conditionis homines absolvendi. (in quo puncto quidem discendum a nostrorum Prædecessorum ordinatione, sed non absque gravibus causis) His tamen quatuor exceptis: nimirum Homicidis, opprimentibus pueros, excommunicatis, & hæreticis, qui tamen ultimus Papalis alioqui est: in his quatuor ad Episcopum omnino remitti oportet.

Porro in casibus enormibus & dubiis, præsertim si qui accidant, qui supra non sunt expressi, Sacerdotes debent consulere Episcopum, vel ejus vices gerentem, vel alios sapientes, quorum consilio penitentem absolvant, vel transmittant ad alium, absolvendum, nisi imminet periculum mortis.

Denique ut nihil, quod ad animas Christi lucrandas omittere velle videantur, etiam iis dignam Sacerdotibus Domini exhibeant charitatem, qui ob crimina publica morte mulctandi, ad supplicii locum deducuntur, hortenturque, ut ad pie in Domino moriendum se disponant.

Illud etiam ab omnibus tam Regularibus, quam sæcularibus Presbyteris requirendum paterne esse duximus, requirimusque in Domino, ut, quo tempore Parochiani ex præcepto, ordinario suo Parocho, vel de ejus licentia alteri confiteri tenentur, nomina eorum, qui coram ipsis confessi fuerint, Parocho transmittant, ut scire possit (prout tenetur) qui præcepto Ecclesiæ, vel non satisfaciunt.

Expedit autem, quin imo necessarium est, ad faciliorem penitentium cognitionem, ut Parochi non contenti sigilli sui appensione, etiam singulis schedulis, familias singulos, familiarum

que singula nomina inferant, & adscribant addito Anno, mense & die. &c.

De Sanctissima Eucharistia.

Sicut inter omnia sacra Mysteria, quæ nobis tanquam Divinæ gratiæ sanctissima instrumenta Dominus Salvator noster commendavit, nullum est, quod cum Sanctissimo Eucharistiæ Sacramento comparari queat: ita etiam nulla gravior animadversio a Deo metuenda est, quam si res omnis sanctitatis plena, vel potius, quæ ipsum sanctitatis Authorem & Fontem continet, neque sancte, neque religiose a fidelibus tractetur.

Ut igitur populus fidelis, ex hoc tam admirabili memoriali Divini amoris erga nos, Sacramenti hujus uberiores fructus capere, & justissimam Dei iram effugere possit, illa omnia a Parochis exponenda erunt, quæ ad Majestatem illius illustrandam & frequentandum, & digne hoc Sacramentum a fidelibus suscipiendum, spectare videbuntur.

Monebunt itaque Parochianos suos, ut ad tanti beneficii memoriam recolendam solennioribus saltem Festivitatibus Domini nostri & Beata Mariæ Virginis hoc Sacramentum frequentare non contemnunt; quodque ad minus semel in anno, hoc est tempore Paschatis, a Dominica videlicet Passionis, usque ad Dominicam in Albis inclusive computando (juxta Diocesanam consuetudinem) Ordinario suo, vel de ejus licentia alteri confiteri, & communicare teneantur, quo tempore elapso, si quos præcepto Ecclesiæ hac in parte non satisfecisse animadvertent, eorum nomina scripto, infra duarum septimanarum decursum, quilibet ad Archi-Presbyterum suum, vel ad Nos, expositis etiam causis, quas (extra confessionem tamen) cognoverunt, deferre teneantur, penas alias pro nostro arbitrio subituri.

Quod si qui necessitate coacti, vel alia iusta causa a Nobis, vel etiam Parocho ipso probanda, extra Parochiam suam, dicto tempore Paschali Eucharistiam se sumpsisse affirmaverint, fidem de eo faciant, quam si probare non

P

pote-

poterunt, in eos, ac si non communicassent, animadvertetur.

Nec obstant inimicitia, illarum injuria, jura continuanda: petita namque ab offenso venia, & satisfactione oblata, semotaque penitus ex animo ira, cupiditateque vindictæ, habilem se quilibet ad eam reddere potest.

Excommunicati, interdicti, usurarii, concubinari, ebriosi, blasphemi, & alii qualitercunque publice fornicarii, scandalosique homines, qui semel & iterum post promissam emendationem veluti canes ad vomitum revertuntur, computrescuntque, ut jumenta in stercorebus suis, nisi eos postea vitam & mores reipsa emendasse Parochi perspexerint, ab hac celesti mensa arcendi, repellendique sunt.

Præterea furiosi atque amentes, præterquam cum vel lucida habeant intervalla, vel in mortis versantur articulo, exsputionisque aut irreverentiæ non est periculum, si tamen, antequam in amentiam inciderint, desiderio hujus Sacramenti tenebantur.

Adolescentes porro, qui primum Eucharistiam fumere voluerint, Parochi non admittant, nisi eos ante examinauerint, & idoneos ad hoc Sacramentum suscipiendum judicaverint.

Docebunt autem frequenter & diligenter populum, quomodo se ad tantum Sacramentum recipiendum præparare debeant, videlicet, ut examinatis conscientiarum suarum latebris fordes & maculas omnes, Confessione Sacramentali ex animis eluant, odia, rancores, atque offensas quascunque, si quas mentibus alunt, deponant, dimittantque ex cordibus confratribus suis, cotosque se cordibus & animis ita præparent, ut dignum Majestate sua tantus hospes habitaculum in illis inveniat.

Quod antiquissimi instituti est, ut intra Missarum solemnia, post Sanguinis sumpcionem Sacram Communio- nem Parochi præbeant, id ipsum quoque impofterum observabunt; quamvis nonnunquam accidat, ut ea etiam extra Missarum solemnia sit administranda. Quod cum statim & imme-

diatè peracta Missa fieri necesse est, non in habitu, in quo celebratum est, fiat, sed cum alba, aut superpelliceo, adhibitis luminibus, genuflexionibus, campanarum tinnitu, & non nisi generali Confessione & Absolutione præmissa.

Accessuri ad hanc mensam Christi moneantur sedulo, ut attenta dignitate atque præstantia hujus Sacramenti probent seipsos, & sic tandem de pane illo edant, & de calice bibant, ne (quod absit) rei Corporis & Sanguinis Domini peragantur.

Tempore Paschali non gregatim & tumultuarie omnes, sed tot, quot cancellorum, vel scamnorum in ipsorum defectu circumcirca altare æqualiter collocatorum, mappisque mundis instratorum circumferentia capere potest, ad communicandum admittant; quibus expeditis, alii (qui tamen non stantes, sed genuflexi Communionem expectare debent) paulatim, illis ab uno latere recedentibus, his vero ab altero accedentibus, modeste atque graviter succedant.

Dispositis tandem rite in ordinem populis circum altare, Parochus generali Confessione per ministrantem latina lingua præmissa, conversus ad populum dicat: *Misereatur vestri Omnipotens Deus, & dimissis peccatis vestris perducatur vos in vitam æternam.* Et respondente Ministro: *Amen. Indulgentiam, absolutionem & remissionem peccatorum vestrorum concedat vobis omnipotens & misericors Dominus.* Deinde versus ad Altare positus pro numero communicantium non quidem super patenam propter dejectionis, vento, insufflatione communicantium, aut motu aliquo incauto periculum, sed in calice consecrato, vel pixide gestatoria, ad hunc usum destinata, pluribus vel paucioribus hostiis, unam illarum summis dextræ manus digitis super vasculum tenens, denuo ad communicaturos conversus dicat: *Ecce Agnus Dei, ecce, qui tollit peccata mundi.* Et mox juxta qualitatem communicantium vel latina, vel vernacula lingua ter repetat subsequenter verba; *Domine non sum dignus, ut intres sub tectum meum, sed tantum dic verbo, & sanabitur anima mea,* singu-

singulisque singulas particulas porrigens proferat sequentia verba: *Corpus & Sanguis Domini nostri JESU CHRISTI custodiat animam tuam in vitam æternam. Amen.* Quæ verba dum pronuntiat, Crucem faciat super communicantem cum Hostia, nihilque aliud vel dicat, vel agat.

Inter communicandum personarum respectus prorsus nullus sit, sed qui primo acceperit, primo expeditur.

Recedente ab altari populo, pro ablutione non calix, sed vas peculiare habeatur, quod tamen ad formam calicis factum esse debet, sitque in promptu strophium nitidum pro abstersione oris eorum, qui communicarunt, quam tamen ablutionem, nonnisi Clericus, si adsit, dare debet.

Tandem moneantur fideles, ne post susceptam Eucharistiam, comestationibus, atque conviviis indulgeant, sed frugali refectioe contenti, totum illum diem visitandis Templis, aliisque pietatis officiis impendant.

Cumque in omnibus ferme Civitatibus hujus Diœcesis nostræ, Sodaliates Sanctissimi Corporis Christi non minus pie, quam laudabiliter institutæ, & ab Antecessoribus nostris confirmatæ inveniantur, quæ charitate frigescente, quibusdam in locis, ita elanguerunt, ut præter nudum nomen vix aliquod earum extet vestigium; idcirco præcipimus, ut Parochi eorum locorum omnium, in quibus ejusmodi Fratritates erectæ inveniuntur, pro debito officii sui prædicando, monendo, suadendo, obsecrandoque easdem in pristinum vigorem revocare contendant, doceantque ejusmodi & similes Congregationes, propter reverentiam & debitum huic Sacramento cultum præstandum institutas esse; maxime vero, ut illud Confratres certis majoris campanæ percussionibus convocati, ad ægros omni reverentia, omnique religiosi cultus studio honorifice comitentur, summoque animi cum ardore, immensa Divinæ largitatis beneficia, populo Christiano, in hoc tam admirabili Sacramento exhibita recolentes, sæpe sæpius ad tam pretiosum,

& omni sanctitate plenum convivium accedant, atque in aliis piis operibus, circa venerationem & observantiam ipsius se se aliis fidelibus promptiores exhibeant.

Porro Parochi ad ægrotos cum hoc Sacramento vocati, accurate præmoneant eos, per quos vocantur, ut ægrotantis cubiculum ab omni sorde, omnique inquinamento purgetur, & amota omni re prophana, pio apparatu, præsertim vero sacris imaginibus, quam potest, exornetur, mensaque mappa nitida cum Cruce, candelabris, & candelis instructa præparetur, in qua super corporali, pyxis cum Sanctissimo Sacramento constitui possit.

Cum autem ad infirmos deferri debet, quam honorificentissime a Sacerdote superpelliceo nitido & integro, atque stola convenienti induto, capiteque (si quando aeris injuriæ non urgent) detecto, Ecclesiæque Ministris superpelliceatis, cum vexillis elegantibus, laternisque integris & munda careis ardentibus, nec non tintinabulo, atque adeo cantu (ubi possibile est) præcedentibus deferatur.

Quod si facultates Ecclesiæ suppetant, habeatur velum longum sericeum, humeris Ministri deferentis circumpositum, cujus extremitatibus vas, in quo Sanctissimum Sacramentum deferatur, contegatur.

Sed & illud Parochi circa delationem hujus Sacramenti ad infirmos exacte observabunt, ut & alias particulas consecratas in Ciborio relinquant, & plures una secum ad communicandos deferant, quatenus etiam in reditu Hostiæ aliquæ pro adoratione in tabernaculo gestatorio inveniantur.

Quod si remotius a villa vel oppido, ac proinde equitem ire oporteat Presbyterum; tunc omisso prædicto apparatu, unicaque tantum Hostia in perulam auro vel serico textam, quæ ex collo ejus cum nolula tinniente dependeat, assumpta proficiatur, lento & modesto gradu, quantum infirmi necessitas postulabit, ubi tamen ad locum, in quo communicandus est æger, venerit, superpellicem & stolam adhi-

beat, ministratoque Sacramento, occultata perula sine sonitu campanulæ revertatur: quæ tamen non in Sacrificia, nec in Ecclesia prope ciborium, sed in loco aliquo commodo & secreto, ubi a Laicis tangi non possit, diligenter asservari debet.

Pyxis, in qua Sacramentum hoc peregre ad infirmos deferretur, a vasculo Olei infirmorum ab intus omnino vacua sit & libera.

Collocato denique supra mensam Sacramento, si ob distantiam loci, vel instantis mortis periculum, una eademque opera audienda ægroti fuerit confessio, primum excedere omnes cubiculo, atque extra paululum orare iussis, foribus apertis id præstet, deinde Sacram Communionem ei ministrat. Porro alias semper, quando vicinitas loci, nec adeo afflictæ infirmi valetudo patitur, aditum prius hoc nomine audiat, tuncque ad eam domum Sacram Synaxin ferat. Ad neminem autem deferatur, qui eam percepturus non est.

Quod si interea, dum deferretur, ægritudo infirmi ita invalescat, ut ei tuto Sacramentum hoc ministrari non possit, tunc posita supra mensam pyxide Parochus paululum immoretur, prostratusque genibus una cum aliis, qui aderunt, Deum supplex oret: deinde consolato salubriter ægroti, videndam, si optet, atque adorandam eidem Eucharistiam exhibeat, aut saltem recessurus inclusâ in vasculo benedicat.

Potest autem, imo debet hoc Sacramentum ministrari ægrotis, tam valde & repente vi morbi oppressis, ut periculum sit, ne sine Viatico decedant, quandocunque etiam noctu, postque cibum ab eis sumptum, si nihil aliud obstat.

Denique monendi sunt Magistratus, ne mulctandos capite mori sine Sacra Communionem permittant, communicaturosque huiusmodi, vinculis exolutos carcere educi in liberiores, ac decentiores locum, pro reverentia tanti Sacramenti faciant, nec quenquam eo die, quo Eucharistiam sumpsit, supplicio affici patiantur.

De Sacrificio Missæ.

Sacerdotes celebraturi in primis & ante omnia videre debent, ne impedimentum aliquod habeant, quod ipsos ab altari arcere possit.

Et quia Divina Synaxis non Sacramenti tantum & alimenti cœlestis fidelium, sed etiam jugis, Christo ita ordinante, vereque propitiatorii pro vivis ac defunctis Sacrificii, vim ac nomen obtinet, provideant etiam atque etiam, ut quam sanctam, augustam & tremendam Hostiam hanc esse sciunt, tam pie & sancte comparatis animis, locoque, & tempore atque modo convenientibus ad celebrationem illius accedant.

Ad præscriptum Sacrosancti Concilii Tridentini, Antecessorumque nostrorum nemo in privatis ædibus extra Ecclesiam, vel Oratorio ad hunc ipsum usum deputato, probatoque a Nobis, quin & in Ecclesia non consecrata, interdicta, prophanata, sine licentia nostra, aut interdicti, prophanationis, pollutionis, execrationis huiusmodi relaxatione celebrare audeat.

Rubricas Missalis Romani, de Missarum celebratione, nec non Decretum Concilii Tridentini de observandis & evitandis in Missa, diligenter non solum legant, verum etiam ad ipsarum præscriptum uniformiter celebrare assuescant.

Nullus excommunicatus, interdictus, vel suspensus ab Ordinum officio, publice & notorie criminosus, nisi quem postea vitæ & morum honestas commendent, nullus item vagus, peregrinus, ignotusque sine testimonio ordinationis, conversationisve suæ, tum etiam approbatione nostra ad celebrationem Missæ admittatur.

Nemo nisi jejunos, recitatisque Horis Canonicis, saltem Martynis, Confessione item Sacramentali, si sibi sit conscius mortalis peccati, & copiam Confessoris habeat, præmissa, aut saltem contritus, firmumque propositum confitendi, quamprimum Confessarium nactus fuerit, habens, ad altare Domini sacrificaturus accedat. Adfint & præterea sequentia.

Altare

Altare consecratum, aut ejus loco portatile integrum, vel non enormiter læsum, neque violatum, quod calicis & patenæ sit capax.


Crux, seu Passio, in medio altari, nisi icona ipsam repræsentet, & tabula Secretorum, quæ finito Sacro sub corio aut panno recondetur.

Mappæ mundæ tres, quarum superior ex utraque parte usque ad planum defluat, reliquæ duæ, quæ divisæ sint, totam mensam contegant.

Pallium, seu antependium pro qualitate temporis decens, bene & æqualiter stipiti altaris adstrictum.

Ampullæ cum vino & aqua. Vinum autem defecatum, verum non acidum, neque alias quomodolibet corruptum, atque ex instituto CROMERI non ab Æditu ruralibus, sed ab ipsis Parochis comparatum.

Hostia non parva nimis, ut in pluribus hujus Dicecesis Parochiis animadvertum est, sed mediocris, quæ etiam a longe ab interessentibus Divinis commode pro adoratione videri possit, eaque triticea, pura, candida, illæsa, mediocriter subtilis, & recens sequentis ad minus magnitudinis.



Calix cum patena consecratus, tersus, nitidus, integer & mundus, non fractus, non ligneus, non æreus, sed argenteus, & ab intus ad minus deauratus. Vestes item non sordidæ, non pannosæ, non ex quamp pluribus coloribus emendicatæ, sed integræ, & quoad omnia conformes.

Corporalia triplici, vel quadruplici plicatura complicata. Purifica-

toria crucibus in extremitatibus ab aliis stropholis distincta, bene lota, universa autem hæc consecrata ritu solenni & ab Episcopo, vel alio facultatem habenti benedicta.

Omnibus, ut indicatum est, præparatis, vestitusque decenter Minister Dei Sacerdos vultu & habitu totius corporis ad omnem devotionem composito, ad altare accedat, dicatque & faciat omnia juxta præscriptum Missalis, nihil addens, mutans, minuensve, neque fidens memoriæ, sed lecta in libro, secretiora quidem submisit, reliqua autem clare & distincte pronuncians.

Altari jam assistens non moretur alicujus expectandi gratia, neque Missa jam inchoata subsistat, multoque minus in gratiam alicujus, cujuscunque conditionis aut status sit, ab initio repetat, aut resumat.

Atque ut populus scire possit, quando Sacerdotes Sacrum facturi Sacristia exeunt supra vel prope portam ejusdem (in civitatibus præsertim) ubi plura in die Sacra fieri consueverunt, sit affixa campanula, qua fideles ad audiendum Sacrum signo dato convocentur.

Duo vero simul & semel, præsertim in Parochiis populosioribus, ubi Sacerdotes pauciores sunt, ad celebrandum non exeant, sed, quantum possibile est, propter fluxum & refluxum populi curent, ut unum Sacrum aliud excipiat, sicque Divina Officia pedentim usque ad horam circiter meridianam Festivis diebus decurrant.

In omni extensione manuum ante pectus illud accurate observent, quod Missali Romano cautum est, ut palma unius manus alteram respiciat, digitorumque simul junctorum summitas, humerorum altitudinem, distantiamque non excedat.

Dum Hostiam vel calicem facta consecratione elevant, & populo adorandum exhibent, ipsi in eam sint oculis intenti, caveantque, ne retro caput declinent, sed rectum utrumque elevent, fixosque in illos oculos habeant, & calicem suo loco reposituri non exosculentur.

Dum cantanda Missa habetur, videant Cantores, ut concinne, distincte, ac non nisi propriam temporis ejusque, juxta Rubricæ Cathedralis & Missalis Romani præscriptum, quantum quidem possibile est, decantent.

Kyrie eleison. Et in terra &c. Credo &c. Sanctus &c. Benedictus &c. aliaque similia detruncari non debent, sed integra decantari, prout Antecessores nostri statuerunt, nulloque alio alieno a Missali textu infarciant, & si vel arte, vel numero symphonico cantu sint impares, choraliter potius devote psallant, Missasque, prout cantando vel legendo cœptæ sunt, sive pro Defunctis, sive aliæ fuerint, proseguendo finiant.

Et cum præceptum Ecclesiæ de Missa singulis diebus Dominicis & Festivis audienda, neminem, nisi legitime prædicitum, excuset, multæque Ecclesiæ in hac Diœcesi inveniantur, a quibus partim altera, partim etiam tertia qualibet Dominica vel Festo Divina peragantur; unde populus in iis, quæ ad animarum salutem spectant, non solum negligitur, verum etiam adeo rudis existit, ut de Deo, præceptisque suis parum admodum sapiat: Nos attendentes Ecclesias aliquas vere filiales non esse, sed ob penuriam duntaxat Sacerdotum, ut *Hofiana* Constitutione manifestum evadit, quibusdam Parochis ad tempus eo sine tantum concessas, ne omnino fideles pabulo verbi Divini in tanto operariorum in vinea Domini defectu defraudarentur, considerantesq; subditis nostris non parvam injuriam a Parochis fieri, qui tertia vel altera duntaxat septimana in Ecclesiis sibi commissis laborantes integras in solidum decimas, ac si singulis Dominicis & Festis laborassent, accipiunt, eos ad integrum ministerium, singulis Dominicis, & Festis celebribus tam Missas celebrando, quam concionando, aliaque omnia Pastoralia officia exercendo, vel per se, vel per Vicarios, aut Capellanos idoneos suos tamdiu obligatos esse decernimus, donec de Ecclesiis prædictis, aliud a Nobis ordinatum fuerit & constitutum.

Illud etiam malo quodam & inveterato usu ex præterita visitatione di-

dicimus, in civitatibus insignioribus quibusdam hujus Diœcesis ob votiva Sacra matutino tempore, vel ex foundationibus, vel etiam ex oblationibus piorum passim decantanda, summum & ordinarium Sacrum non absque scandalo Parochianorum negligi. Nos communis juris via incedentes, qua jubetur, ut, qui habet commodum, sentiat & laborem, illud statuendum esse duximus, statuimusque, ut in posterum propter similia votiva Sacra, sive fundata, sive conducta, ordinaria diei Missa nunquam negligatur aut intermittatur, idque Parochi diligenter observare tenebuntur, qui, si hac in parte negligentes inventi fuerint, Synodalem pœnam toties, quoties nullatenus effugient.

Moncantur fideles, ut devote, reverenter, & attente semper assistant Divinis Mysteriis, & imprimis, ne statim post elevationem Sanctissimi Sacramenti non expectata Communione, ex qua præcipuus auditæ Missæ fructus, capi debet, antequam benedictionem a Sacerdote datam discedant, sed ad finem usque perseverent, alioquin præterquam, quod se spirituali participatione, Sacramenti hujus privant, præcepto quoque Ecclesiæ, de audienda integra Festis diebus Missa, non satisfaciunt. Quod si Parochiani, ea de re per Parochum tertio moniti, rebelles & inobedientes fuerint, pro absentibus habeantur, & ad præscriptum edicti *Cromeriani*, absentium pœnam deponere compellantur.

Non solum turpe, verum etiam scandalosum est, & ab omni status spiritualis decencia prorsus alienum, ut Sacerdotes in sortem Domini vocati, quique non solum moribus, sed etiam habitu a laicis differant, vestibus nihilominus quibusdam brevioribus, pileisque ante & retro discissis, vel etiam Galeis uti vocant, nec non aliis pannosis & laceris indumentis, a vocatione sua prorsus alienis utentes, ad altare celebraturi accedant, quod cum Sacerdotium regale, & genus a Deo electum minime deceat, nulloque pacto a Nobis tolerari queat, decernimus, ut tam intra, vel extra Ecclesiam vesti-

bus

bus non aliis, quam statui suo convenientibus, ad altare vero accessuri, pro qualitate tamen temporis byretis & Clericalibus pileis, nec ante, nec retro discissis, vestiantur, eosque super altare non projiciant, sed alio loco commodò vel appendant, vel deponant.

Cumque in nonnullis Ecclesiis Dicecesis nostræ apparamenta pretiosa non pauca inveniantur, quæ tamen stylo antiquo ita laborata sunt, ut alterius potius rei quam casularum aut planetarum formam referre videantur, confidimus, ut sicut omnes in receptione officii & Missæ Romani promptissimos se erga Sedem Apostolicam præbuerunt, ita etiam in iis, quæ minutiora sunt, quæque ad majorem Domus Dei decorem pertinent, ad apparamenta videlicet nonnulla, quibus pro qualitate temporum & Festorum Romana utitur Ecclesia, Romano stylo accommodanda, diligentiam suam tanto minus desiderari patiantur, quanto plus ei Sedi, a qua Fidem & Religionem, quin & salutem animarum nostrarum accipimus, quæve omnium Ecclesiarum Mater est & Magistra, obligatos nos esse videmus.

Quod mala consuetudine quibusdam in locis est introductum, ut Ædificii, seu Campanatores calicem ad altare portent, id Nos una cum Antecessore nostro CROMERO improbantes, præcipimus, ut imposterum Sacerdos ipse celebraturus, prout Missæ Romani rubrica notatum est, & nemo alius calicem, ne linceo quidem involutum, ad altare deferre præsumat.

Cum Corpus JESU Christi Domini nostri sustollendum est in Missa, quam vocant majorem, vel quæ in unaquaque Parochiali Ecclesia quotidie celebrari consuevit, tunc signum sono campanæ alicujus, pro consuetudine cujusque Parochiæ detur, cujus soni significatione fideles, qui in Ecclesia Missæ Sacrificio non interfunt, admoniti ad tantæ, tamque magni Mysterii ac beneficii recordationem, animum excitando, mente supplicii religiosas preces pie adhibeant. Ad insinuandum autem Missam jam finitam

esse, ac propterea prandium accelerari debere, nemo signum ullum sub pœna depositionis imposterum dare audeat, aut præsumat.

De Processione cum Sanctissimo Sacramento.

Solennitate Sanctissimi Corporis Christi, in qua summo cum apparatu Venerabile Eucharistiæ Sacramentum Musicis Symphoniis undique perstreptantibus, per vias publicas & plateas Civitatum, cum ad gloriosum Salvatoris Domini nostri repræsentandum de morte triumphum, tum ad hæreticorum Christum in hoc Sacramento præsentem negantium confusionem, processionaliter circumfertur, nulla major aut celebrior excogitari potest. Ea itaque, ut, quam fieri potest, religiosissime, decentissimeque, piissime atque ordinatissime tam in oppidis, quam villis peragatur, Parochi, & alii, ad quorum minus & officium id spectat, sedulam operam navabunt.

Dominica ergo Solennitatem hanc proxime præcedente, ubi talem ac tantam solennitatem in proximo adesse denunciaverint, eandem quoque ut Christi fideles, orationibus & jejniis, nec non piis misericordiæ operibus, prævia peccatorum suorum confessione, Communionequæ percepta, aliisque pietatis Christianæ exercitiis prosequantur, & Processionem comitentur, omnibusque etiam Divinis Officiis tam ipso Solennitatis die, quam per totam Octavam interesse studeant, exhortabuntur. Quod, ut tanto libentius atque ferventius a fidelibus præstetur, stipendia spiritualia Apostolicis largitionibus ab URBANO IV. CLEMENTE V. MARTINO V. EUGENIO IV. hoc nomine concessa, publicare sciant. Quicunque enim vere pœnitentes, & confessi matutinali Officio, Missæ, primis & secundis dicti Festi Vesperis centum; qui vero Primæ, Tertiæ, Sextæ, Nonæ, ac Completorio pro qualibet quadraginta; qui vero per totam Octavam Matutinalibus, Vespertinis, Missæ, ac prædictarum horarum Officiis interfuerint, centum dies singu-

singulis Octavæ ipsius diebus, Indulgentias consequentur.

Porro ad Processionem ipsam, quod attinet, cum in ipsa Sanctissimum Domini nostri Corpus per civitates & plateas religioso cultu defertur, ne Reliquiæ ullæ, sed illud solum, ut veteris instituti, Ecclesiæque Romanæ Matris consuetudo est, deferatur.

Ubicunque plures existunt Ecclesiæ, omnes reliquarum etiam Regularium Clerici, Officiis suis, ac Processionibus circa eas primum tempestive factis, Eucharistiam in locum aliquem decentem, & tutum delata, ad Cathedralē, Collegiatam, vel alias ad Parochialem Ecclesiam cum vexillis: Regulares quidem habitu Ordinis quique sui: Clerici minores superpelliceis, Subdiaconi & Diaconi dalmaticis; Presbyteri casulis pretiosioribus super albam, non superpellicem; Prælati vero atque Canonici pluvialibus hora a Prælati, vel Parochis illis assignata conveniant.

Egrediente ab Ecclesia Processione, & ad illam revertente, omnes ejus pulsantur campanæ, reliquarum autem Ecclesiarum tunc, cum per vicina illius loca Processio transibit. Atque primo quidem loco Sodalitia Laicorum præcedant, hos sequantur pueri, seu scholares lineis induti, & coronas in capite, non calices tamen, sed candelas accensas, aut insignia Passionis Domini, vel nolas in manibus portantes, & pulsantes; subinde Regulares, si adsunt, loco & ordine quisque suo; post hos Chorus, vel Musica, & Clerus sæcularis, ac demum Sacerdos cum Ministris Sacrosanctam Eucharistiam in tabernaculo ostensorio, sub baldachino deferens, quod ab honoratioribus loci illius personis, Proconsulibus, Consulibusque (nisi id tamen quibusdam aliis ex officio aut privilegii specialis prærogativa incumbat) magna devotione, atque fixis in illam continuo oculis portari consuevit. Sed & alii omnes modeste ac devote inter eundem se gerant, a colloquiis abstineant, oculis curiose hinc inde non vagentur, sed orationibus, vel piis meditationibus vacent, Psalmosque, Antiphonas, vel Hymnos psallant, recitentque.

Constituantur duo viri maturi & graves, qui progredientes in Processione ordinent, dirigant, & si opus erit jubeant subsistere, arceantque populum, ne immiscens se Clero, filum & ordinem processionis perturbet, sed ut omnes a tergo Sacramentum sequantur, primo quidem mares, posterius feminae.

Via publicæ, per quas transeundum erit, pridie mundentur, ornenturque; nulla tamen in eis signa aut imagines prophanæ exponantur, nulla adhibeantur spectacula, vel repræsentationes; quæ oculos, aut animas transeuntium a sancta Mysterii hujus cogitatione avertant.

Altaria quoque, quæ pro Stationibus parantur, stragulis cubilium, conopæis, & cæteris hujusmodi ad alios, quam sacros usus destinatis, non ornentur, sed ab Ecclesiis accepta, omniaque circa illa modo & ordine in libro Agendorum præscripto fiant.

Finita & reducta ad eandem Ecclesiam Processione, omnes tam Clerici, quam laici, eo ordine, quo venerant, ad Ecclesias suas revertuntur.

In pagis vero vel oppidis, ubi una tantum est Ecclesia, per nobiliorem atque planiorem eorum partem, non tamen per campos & agros, quam decentissime juxta supra scripta, hæc eadem Processio est facienda.

De Octava Corporis Christi.

ET cum nihil sit, quod ad digne, frequenterque tanti Mysterii memoriam populo refricandam sufficere posse videatur, omnes & singulos civitatum Parochos Dicecesis nostræ paterne in Domino requirimus, atque monemus, ut sacrosanctos hujus solennis Octavæ dies, omni, qua debent ac possunt, reverentia non solum obeant, verum etiam piorum operum exemplum semetipsos exhibentes, omnibus Horis Canonicis intersint, summaque cum diligentia singula faciant, quæ ad debitam huic Sacramento reverentiam exhibendam, & populorum suorum devotionem promovendam necessaria fore videbuntur.

Quod

Quod etsi ab aliis etiam ruralibus Parochis Ditecensis nostræ libenter fieri optarem: quia tamen id ob distantiam Parochianorum a suis Parochiis, & eorum, qui Ecclesiæ viciniore sunt, domestica negotia difficulter præstari posse, animadvertimus, idcirco omnibus & singulis distarum Ecclesiarum Parochis pro speciali, quò erga hoc Divinissimum Sacramentum tangimur, affectu præcipimus, ut Parochianorum suorum negligentiam pio fervore sarcientes, omnibus saltem & singulis præfatæ Octavæ diebus, Sacrosanctum Missæ Sacrificium, signo campanarum præmissò, Monstratorioque cum Hostia in altari exposito, celebrent, eoque finito, in locum suum restituant atque reponant.

De Missis votivis de Corpore Christi.

AD votivas autem singulis feriis quintis de hoc Sanctissimo Sacramento celebrari solitas, quod attinet, in iis, ut Monstratorium cum Hostia pridie conservata processionaliter, debitis adhibitis cæremoniis, cum cantu, cereis, vexillis Clero universo comitante, ad altare, in qua Missa celebrari debet, deducatur, atque in eodem loco eminentiori, ita ut a populo commode videri & adorari possit, constituatur, finitoque Sacro, ad locum suum simili reverentia referatur, harum Synodicarum Constitutionum vigore, distincte præcipimus atque mandamus.

De Processionibus cum Sanctissima Eucharistia in orationibus quadraginta horarum.

Porro in orationibus, quæ per quadraginta horas continuantur, & coram Sanctissima Eucharistia super altare majus exposita fieri semper debent, Processio cum Sanctissimo Sacramento, sub initium & finem orationis exponendo videlicet, & reponendo illud intra Ecclesiam cum Litanis de Nomine JESU, de Sanctissimo Sacramento, aliisque statis precibus, & antiphonis, &

Tomus IX. Concilior. German.

orationibus necessitati temporum accommodatis, & correspondentibus semper fiat.

De frequentiori Missarum celebratione.

Quanta cura adhibenda sit, ut Sacrosanctum Missæ Sacrificium, omni religionis cultu ac veneratione frequenter celebretur, quivis facile existimare poterit: cum enim necessario fateri debeamus, nullum opus adeo sanctum, atque Divinum a Christi fidelibus tractari posse, quam hoc ipsum tremendum Mysterium, quo vivifica illa Hostia, qua Deo Patri reconciliati sumus, in altari per Sacerdotes quotidie immolatur, satis etiam apparet, omnem operam & diligentiam in eo ponendam esse, ut, quanta maxima fieri potest, interiori cordis munditie & puritate, atque exteriori devotionis ac pietatis specie frequenter peragatur.

Cum igitur, charitate præsertim jam frigescente, multa irrepassisse videamus, quæ a tanti Sacrificii dignitate merito aliena esse deberent, maxime vero, quod nonnulli Sacerdotum ad sacrarum Missarum Officia celebranda (in suæ salutis ac animarum, pro quibus hujusmodi offerre tenentur Sacrificia, dispendium pro fidelium videlicet vivorum peccatis, pœnis, satisfactionibus, & aliis necessitatibus, sed & pro defunctis in Christo nondum ad plenum purgatis) rarius, quam par est, & functio Sacerdotalis requirit, non sine gravi scandalo accedunt. Nos Concilii Tridentini in hac parte secuti auctoritatem, volentes, Sacerdotes ad frequens Altaris Mysterium inducere, omnes & singulos, cujuscunque gradus, conditionis & dignitatis sint, per viscera misericordiæ Domini nostri obsecramus, ut ad peragenda veneranda sacrarum Missarum Officia tam reverenter, quam devote juxta doctrinam Apostoli se ipsos probando, semper parati existant, ac roties de pane illo edant, & de calice bibant, quoties id suæ ac proximorum salutis putaverint expedire, ita tamen, ut si non frequentius, saltem in Festis anni principalioribus Apostolorum, & aliorum præcipuorum

Q

San.

Sanctorum, atque Ecclesiæ Doctorum, Dominicis diebus, & quando ipsis Deus hoc inspiraverit, facere non prætermittant. Ii autem, qui curam animarum habent, tam frequenter, ut suo muneri satisfaciant.

De Matrimonio.

QUO gravius aliquando a plerisque circa magnum hoc Sacramentum Matrimonii peccari consuevit, eo ferventius a Parochis curandum est, ut illud a fidelibus digne suscipiatur.

Inprimis igitur habebunt bene cognita, & perspecta ea omnia, quæ in Matrimoniis recte stabiliendis ac conficiendis, præsertim autem de Matrimoniis clandestinis, Sacrosancta Tridentina Synodus decrevit.

Deinde monebunt fideles sibi subditos, ut ad hoc Sacramentum accessuri, se Sanctorum filios esse meminerint, ac proinde, prout Sanctos decet, cum timore Domini ad illud non aliter, quam ob prolis ad gloriam Dei procreationem, ac educationem, & ob adversorum simul ac prosperorum societatem individuum, nec non ob communionem inter se colendam, ut alter alterius ope adjutus, vitæ incommoda sustinere facilius queat, accedere debere.

Quia vero aurea libertas fundamentum est hujus Sacramenti, eam inviolabiliter in matrimoniali omni contractu, ut Concilium Tridentinum docet, observandam esse, tam Dominis temporalibus, quam Magistratibus sub anathematis interminatione inculcabant frequenter, neve vi, aut metu, alioque quovis modo contrahentes impediunt, vel cogant, admonebunt, quin vero a filiis familias sine consensu etiam parentum contracta, vera esse demonstrabunt.

Porro inter raptam & raptorem, quamdiu ipsa in potestate raptoris manserit, Matrimonium consistere non posse, disertis verbis declarabunt. Quod si rapta a raptoře separata, atque in loco tuto & libero constituta, raptorem in virum habere consenserit, eam raptor in uxorem quidem habebit, verum tamen ita, ut & ipse, &

omnes illi consilium, auxilium, aut favorem præbentes, sint ipso jure excommunicati, & perpetuo infames, ac omnium dignitatum incapaces.

Et quia non parva, eaque enormia peccata inde consequuntur, quod homines ignoti, peregrini & vagi, prout non raro contingit, nullo habito delectu & respectu, absque ullis literis testimonialibus, & prævia diligenti de ipsorum statu inquisitione ad contrahendum admittuntur, & ut improbi sunt ingenii, prima uxore relicta, aliam, & plerumque plures, illa vivente, diversis in locis ducunt, posteaque brevi tempore cohabitantes, dote, quam cum sponsa acceperunt, secum ablata turpiter profugiant, & quas, conscientia reclamante, duxerunt, omni solatio destitutas relinquunt. Nos ejusmodi excessibus tam enormibus, pro debito officii nostri Pastoralis obviare, omnemque occasionem delinquendi circa hoc amputare volentes, Decretis Concilii Tridentini innixi, inprimis omnes, ad quos spectat, paterne monemus, ne hoc genus hominum vagabundorum ad Matrimonium facile recipiant; deinde vero Parochis sub pena depositionis præcipimus, ut ignotos præsertim & externos non modo non copulent, sed eorum Matrimoniis ne intersint quidem, nisi prius certam aliquam & sufficientem informationem de ipsorum statu habuerint, quam ad Nos deferre teneantur, & licentiam eos conjungendi impetrare.

Sanguinis vinculo conjunctos, & cognatione aliqua spiritali sibi invicem connexos, in gradibus a jure prohibitis, ad contrahendum nullo pacto admittant, nisi dispensatione a Sede Apostolica super ea re obtenta, & a Nobis, vel Officiali nostro, vel eo, cui negotium de causis dispensationis examinandis a Sede Apostolica commissum fuerit, approbata.

Cognitionem tam consanguinitatis, quam affinitatis legitimæ ad quartum usque gradum, affinitatem autem ex fornicatione contractam, ad secundam usque inclusive impedire & dirimere Matrimonia, idemque operari cognitionem spiritualement, ex Baptismo &

& Confirmatione inter certas personas provenientes, scire debent.

Cætera impedimenta qualiacunque, ut Parochiis melius innotescant, Decretum Concilii Tridentini, quo jubetur, ut, antequam Matrimonium in facie Ecclesiæ contrahatur, ter a proprio contrahentium Parocho, tribus diebus continuis Festivis, non profanis in Ecclesia, inter Missarum, non Vesperarum solemnias denunciatur, inter quas Matrimonium sit contrahendum, nisi forte Nos vel post Matrimonium contractum, denunciationes has differendas, vel omnino omittendas esse censerimus, diligenter observabunt.

Alienæ Parochiæ incolas, nisi de licentia proprii eorundem Parochi, & de factis ab eo bannis, nec reperto tamen ullo impedimento, attestazione præhabita, conjungere non præsumant, sciantque se ipso jure tam diu, si hoc fecerint, suspensos manere, donec a Nobis absolvantur.

Persuadeant autem Sponsis, ut salutaribus Sanctionibus Concilii Tridentini obtemperantes, antequam contrahant, vel saltem triduo ante consummationem Matrimonii sua peccata diligenter confiteantur, & ad Sanctissimum Eucharistiæ Sacramentum pie accedant, & ante Benedictionem Sacerdotalem, in una eadem domo non cohabitent.

Habeant Parochi librum, in quo conjugum & testium nomina, denique & locum contracti Matrimonii describant, quem diligenter apud se in Sacristia custodiant, insertumque nominibus & inscriptionibus, inventario Ecclesiæ inferant.

Sed & illud publicare non intermittant, ut meminerint contrahentes, Sponsalia per verba de præsentis, id est, Matrimonium ipsum nullum esse, nisi forma, a Concilio Tridentino præscripta, de Parocho & testibus ad minus duobus adhibitis, observata fuerit.

Publicabunt præterea Concilii Tridentini Decretum, de clandestinis Matrimoniis, ad minus bis in anno.

Fidei rudimenta ignorantes ad contrahendum non admittant.

Tomus IX. Concilior. German.

Et si quidem in hac Diœcesi non pauci inveniuntur, qui propriæ salutis suæ, & juramenti in facie Ecclesiæ præstiti immemores, & separatim ab invicem propria autoritate habitare non erubescunt, in perpetuo adulterio, altero adhuc superstite, viventes. Nos solliciti, quomodo huic malo mederi possimus, præcipimus, ut nemo, sive spiritualis is sit, sive sæcularis, ejusmodi personas ad servitiis sua domestica, sub gravi arbitraria pœna recipiat, & si de facto domi suæ fovet, cum admonitione, ut ad uxorem, vel si uxor fuerit, ad maritum intra octiduum, a publicatione horum Statutorum redeat, dimittat; quod si obtemperare noluerint, negotium ad Parochum, vel si Parochus id fecerit, ad Archi-Presbyterum deferatur, qui vocatos ad se, serio ad mutuam animorum conjunctionem, & cohabitationem exhortabitur, parereque recusantes, brachio sæculari indicabit, qui rebelles carceribus victos tam diu detinebunt, quoadusque eos temeritatis suæ, atque perjurii pœniteat, & ad individuum vitæ societatem continuandam revertantur.

Laudabilem illam consuetudinem, pluribus in locis Diœcesis hujus, negligentia procul dubio Parochorum neglectam, & multo tempore intermissam, qua Statuto *Cromeriano* decernitur, ut in Sponsarum offertoriis, Parochi pro concionibus ad exosculandas venerabiles Sanctorum Reliquias exhortentur, non solum approbantes, verum etiam in pristinum usum revocantes, edicimus, ut Pacificale, seu Reliquiarium, non per Ædituum & Scholarem, sed per alium aliquem venerabilem Sacerdotem altari astantem, venientibus ad altare offeratur.

Quia vero ut in aliis, ita & in hoc Sacramento, gratia spiritualis fidelibus, debita animi præparatione illud suscipientibus confertur, videlicet, ut vir & uxor mutuo charitatis vinculo conjuncti, alter in alterius benevolentia conquiescat, alienosque, & illicitos amores atque concubitus non quærat, sed in omnibus sit honorabile connubium, & thorus immaculatus: quam gratiam minime consequi possunt, qui

in peccato mortali accedunt, idcirco cupientes, ut omnes & singuli ad hoc Sacramentum accessuri, tantæ gratiæ participes efficiantur; statuimus, ut Sponsi & Sponsæ, eo die, quo benedictionem matrimonialem accepturi sunt, ornando se se, & alias personas (ut majori cum pompa in Ecclesiam deducantur) expectando inutiles moras domi minime nectant, sed gratiæ potius illius, quæ in Divino hoc Sacramento datur, sitibundi tempestive se expediant, & ad Templum, concionem audituri, Ecclesiæque præcepto satisfacturi, si tamen dies celebris fuerit, veniant, alias benedictionis omnis expertes domum reversuri.

Nec obstat nuptiarum (quod a plerisque obrudi importunis verbis Parochis solet) qualiscunque tandem etiam sumptuosissimus apparatus. Sin admonitio semel atque iterum ex ambona præcessit, sibi imputent. Quod si benedictione non accepta domum reversi Solennitates nihilominus nuptiales celebrare, convivari, Musicam exercere, choreas ducere, Sponsam Sponso ad consummandum Matrimonium tradere, aliasque cæremonias, pro patriæ more facere ausi fuerint, poena gravi arbitraria per Nos irroganda, & piis locis applicanda, pro qualitate tamen & conditione personarum punientur. Parochus vero ejusmodi deinde copulans, vel copulari permittens absque Nostro, vel Vicarii nostri consensu, debitam quoque animadversionem non effugiet.

Et quamvis ab Adventu Domini nostri usque ad diem Epiphaniæ, & a feria quarta Cinerum, usque ad Octavam Paschæ inclusive, antiquas solennium nuptiarum prohibitiones, diligenter ab omnibus observari Tridentinum Concilium præcipit; in aliis vero temporibus nuptias solenniter celebrari permittit: Nos nihilominus vestigiis Antecessorum nostrorum ambulantes, Statutum ipsorum de nuptiis, a die etiam Rogationum, usque ad festum Sanctissimæ Trinitatis inclusive non celebrandis, juxta antiquam & laudabilem consuetudinem Diœcesis hujus ratificandum esse duximus, ratificamus-

que, atque ordine Officii Divini Diœcesis hujus hanc nostram Constitutionem inter cætera tempora, quibus Matrimonia celebrari non possunt, ab iis, quibus interest, inferi volumus.

Grave peccatum est, homines solutos concubinas habere; gravissimum vero est in hujus magni Sacramenti singularem contemptum, uxoratos quoque aliquando in hoc damnationis statu vivere, & audere eas domi suæ alere, atque fovere. Nos itaque, ut huic tanto malo opportunis remediis provideamus, statuimus hujusmodi concubenarios tam solutos, quam uxoratos cujuscunque status, conditionis & dignitatis existant, si postquam ter ea de re moniti fuerint, concubinas non ejecerint, sequæ ab earundem consuetudine non sejunxerint, excommunicatione feriendos esse, a qua non absolvantur, donec monitioni factæ reipsa paruerint.

Mulierum solutarum vitam corrigentes, decernimus, ut si mulieres semel lapsæ, & pro qualitate criminis etiam puniæ, iterum ad vomitum reversæ fuerint, nullo etiam requirente, aut ex officio accusante, sine ulla forma, & juris strepitu, sed sola rei veritate inspecta, a Magistratibus & Officialibus nostris, atque Scultetis, non solum extra oppida & villas, sed etiam extra Diœcesim ejiciantur & propellantur, nulloque pacto sub arbitraria poena a Nobis infligenda, ad habitandum denuo admittantur.

Præterea magno nostro cum mœrore, atque animi perturbatione non modica ingemiscences intelleximus, subditorum nostrorum filias, in Catholica Religione natas & educatas, hæreticis passim nuptui tradi, & in Matrimonium collocari, filiosque bonorum temporalium cupiditate excecatos domicilium nubendo extra Diœcesim nostram ad loca hæretica frequenter transferre. (quod absque dispendio & jactura animarum curæ nostræ commissarum, magnæque Catholicæ Religionis injuria fieri non posse videmus) Parochis nostris ea, qua par est severitate præcipimus, ut nullum finem ab hoc proposito amovendi populum pro-

con-

concionibus faciant, ostendantque, quam graviter peccent, quamve crudeliter parentes cum filiis & filiabus suis agant, dum, quos ex propriis visceribus genuerunt, post tot annorum susceptos pro ipsis in educando labores tandem in æternæ damnationis barathrum, miserandum in modum præcipitent, non attendentes, nihil prodesse homini, si totum mundum lucretur, animæ vero suæ detrimentum patiat. Cavebunt sub pœna suspensionis & interdicti, ne Sponsalia, aut Matrimonium cum hæreticis contrahenda ex ambona, ut *Cromeriana* Constitutione optime cautum est, denuncient, multo vero minus eos copulent, qui Sacram Eucharistiam ritu Catholico confessi, prius non suscepint.

Cum vero de Matrimonio cum hæreticis contrahendo aliquid certi mandaverint, & prout superius a Nobis mandatum est, eos, ne id faciant, serio admonuerint, nec tamen proficere quidquam potuerint, Nobis quamprimum significant, ut rationem & modum inire possimus, quo illos a proposito suo dimovere, & ad saniorē mentem, quantum in Domino possumus, revocare, paternis nostris admonitionibus & persuasionibus valeamus.

Puerorum oppressiones in hac Diocesi ab ebris, aut diuturno labore fatigatis mulierculis, infantes suos in cubili, nulla, vel saltem non sufficienti adhibita cautione collocantibus, adeo frequentes esse reipsa compertum habemus, ut eas studio a quibusdam potius, quam negligenti cautela fieri, merito suspicari liceat, præsertim cum quædam inveniantur, quæ secundo ac tertio etiam solenni facta pœnitentia lapsæ in idipsum relabantur, Nos omnia ea, quæ ab Antecessore nostro piæ memoriæ CROMERO salubriter statuta sunt, præsertim vero de pœnitentia publica, in vel ante Ecclesiam, per totam Quadragesimam in loco, ubi similes peccaverint, illis a Parochis imponenda, & publice peragenda confirmantes, ac pro expressis hic habere volentes, illud superaddendum esse duximus, ut Magistratus civitatum & villarum, diligentissimam ea de re inquisitionem, maxi-

me circa illas, quæ frequentius in tali casu oppressionis relapsæ fuerunt, instituant, circumstantias omnes diligenter inquirent & considerent, attendantque, ne ipsorum culpa, talia peccata impune perpetrentur, præsertim si ea temerarie & nulla adhibita cura commissæ fuisse, animadversum fuerit.

Neque vero illos tantum, qui vere & in effectu pueros oppresserint, puniendos esse his Constitutionibus nostris declaramus, verum etiam eos gravi pœna coercendos esse decernimus, qui, vel quæ toties moniti, nihilominus infantulos in lecto habuisse, quamvis eos non oppresserint, deprehendantur & convincuntur.

Porro cum incontinentiæ habentæ hisce nostris deplorandis temporibus adeo laxentur, ut puellæ partim dotis, partim etiam clandestini Matrimonii spe, promptiores ad stupra, & fornicationem efficiantur, ea, quæ a piæ memoriæ Antecessore nostro CROMERO non minus prudenter, quam laudabiliter decreta sunt, approbantes: Statuimus, quod puellæ per vim tantum stupratæ dote competenti gaudebunt. Ex vero, quæ ultro, vel libidine sua illectæ, vel sub prætextu clam datæ fidei de Matrimonio contrahendo se deflorare passæ sunt, præter multam pecuniariam, pœnitentia etiam publica illis a Parochis in loco, ubi peccaverunt, assignanda peracta, pro arbitrio nostro aut modicum quid accipiant, aut omni dote careant. Stupratores vero pro delicti qualitate, conditionisque suæ, præter publicam pœnitentiam in loco, ubi peccaverunt, agendam, pœna etiam carceris, aut pecuniarum, per Nos, vel Officiales nostros Fisco postea Dominii inferendarum, puniantur.

De Extremæ Unctionis Sacramento.

EXtremæ Unctionis Sacramentum, non potest supremi illius diei memoriam conjunctam non habere; unde facile intelligitur sæpius a Parochis de eo agendum esse, non solum ob eam causam, quod illarum rerum mysteria, quæ ad salutem pertinent, aperire

& explicare maxime convenit, sed etiam quia fideles moriendi necessitatem omnibus propositam esse animo repetentes, pravas cupiditates coercerunt, & ad virtutes confectandas magis excitabuntur. Quare fiet, ut in ipsa mortis expectatione se minus perturbari sentiant, sed immortales Deo gratias agant, qui sicut per Baptismi Sacramentum aditum nobis ad veram vitam patefecit, ita etiam, ut ex hac mortali vita decedentes, expeditiores ad cælum viam haberemus, hoc Extremæ Unctionis Sacramentum instituit.

Quo ergo periculosius venenatus ille serpens infidiatur calcaneo hominum, sæviusque, quam alias unquam in extremo agone positos aggreditur; eo diligentiores sint Parochi in suppeditando fidelibus ultimo hoc præsidio, dum integris adhuc sunt sensibus. Quod si quem illorum vel violentia morbi, vel repentinus aliquis casus ita oppresserit, ut sensu & ratione penitus destituatur, confiterique propterea & communicare non valeat, inungendus erit nihilominus, præsertim si dum adhuc usum rationis haberet, significatione pii animi præ se tulit, confessusque in proximo Paschate, Eucharistiam percepit. At siquidem inter unguendum expiret, mittatur ulterior unctio: si vero non constet, viusne sit, an mortuus, terminetur hac cautione: *Si es vivus, per istam Unctionem indulgeat tibi. &c.*

Quod si infirmus compos sit rationis, & audiat, quæ ei dicuntur, consoletur cum præterea Parochus, suadeatque, ut ægritudinem illam patienter ferat, deponat curam rerum terrenarum, cœlestia cogitet, mortem non timeat, quin potius bono & alacri sit animo, misericordiam Dei speret, evocarique se ex hac lacrymarum valle ad æternam felicitatem gaudeat.

Oret item & ipse pro eo, & alios, qui aderunt, ut orent, admoneat, si que illum animam agere perspexerit, ne discedat, sed præsto sit agonizanti, cum omni charitate, commendetque Deo animam ipsius orationibus sollicitis, & maximo, quo poterit, Christianæ pietatis affectu.

Oleum infirmorum in vasculo, ab aliis sacrorum liquorum vasculis separato, ad infirmos honeste atque decenter, etiam intempesta nocte, si necesse est, deferatur, gratisque & prompte, Confessione tamen generali præmissa, ministretur.

Scire debent Parochi, quibus in locis, & quomodo infirmi sint unguendi. Membro enim aliquo, quod inungendum est, carentes in parte viciniore, Sacerdotum manus ab interiori parte unctæ, ab exterius, aliorum vero infirmorum ab intus injungi debent.

In membris, quæ in homine paria sunt, hoc valde cavebunt, ut, cum utrumque membrum unius tantum sensus sit, utriusque itidem unctionem, unica tantum forma verborum absolvat; dextrum primo, deinde sinistrum inungendo.

Noverint, quibus Sacramentum sit dandum, quibus non. Sicut enim adultis periculose ægrotantibus, propeque moribundis ministrandum est: ita pueris usu rationis carentibus, amentibus, nisi interdum usum rationis habeant, furiosis, excommunicatis, interdictis, impenitentibus, ad bellum proficiscentibus, navigantibus, peregrinantibus, ultimo supplicio afficiendis, ministrari nullo pacto debet.

Porro in una eademque ægritudine, semel tantum inungendus est infirmus, idque in extremis, qui, si convalescat, repetatur unctio, quoties in simile vitæ discrimen inciderit.

Cum ad ægros, qui a Parochiali Ecclesia longius absunt, Sanctissimum Corpus Domini deferunt, ne, ubi ad Parochiale domicilium redierint, mortem ille prius obeat, quam ad Extremæ Unctionis Sacramentum eidem ministrandum reverti possit, vasculum etiam illius sacræ Unctionis secum ferant, illam ei, postquam communicaverit, ministraturi, si tamen ita pro morbi ingravescentis ratione, mortisque periculo faciendum esse censuerint.

Caveant autem, ne in eo ministrando negligentiam, ullamve moræ culpam contrahant. Quod si quis ad illius

illius administrationem requisitus ire neglexerit, præter rationem, quam DEO Opt. Max. redditurus est, etiam arbitriam pœnam non evadet.

Quia vero quam plurimi nefaria quadam superstitione laborantes, existimant, se statim atque hoc salutari remedio usi fuerint, ex hac vita necessario migraturos, explicandæ sunt accuratius utilitates, quas ex hoc Sacramento capimus, ut si nihil aliud fideles ad ejus usum possit allicere, ipsa saltem utilitate ducantur, cum ita comparatum sit, ut omnia fere nostris commodis metiamur.

Docebunt igitur hoc Sacramento gratiam tribui, ac peccata leviora, & ut communi nomine appellantur, venialia remitti, animam a languore & infirmitate, quam ex peccatis contraxerunt, curari, & a cæteris omnibus peccati reliquiis liberari, arma & vires, quibus vim & impetum hostis infringere possimus, subministrari, sanitatemque corpori, si ita expediat, restitui.

Quod si ægroti eo tempore eam minus consequuntur, id quidem non Sacramenti vitio, sed ob eam potius causam evenire dicendum est, quod eorum magna pars, vel qui sacro Oleo unguntur, vel a quibus administratur, fides infirmior sit, quæ tali tempore maxime excitanda est; utrumque enim, quod ad corporis valetudinem attinet, Dei consilio & voluntate, ceciderint, certa spe niti debent, se hujus sacri Olei virtute, spirituales sanitatem consecuturos esse, futurumque, ut si eos vita decedere contingat, præclaræ istius vocis fructum percipiant, qua scriptum est: Beati mortui, qui in Domino moriuntur. Una eademque stuppa, vel panniculo plura loca unctæ, non detergant, sed ad quamlibet unctionem aliam semper adhibeant.

Quibus in Ecclesia Cathedrali, vel alibi, id muneris datum est, ut Oleum, aut Christina sacrum Archi-Presbyteris, vel Plebanis distribuunt: ii in librum eo nomine confectum, illarum Ecclesiarum nomina referent, quibus dederunt, nihilque prorsus quocunque titulo, nisi Simoniacæ crimini, pœnisque eorum succumbere velint, exigant.

Pari ratione Archi-Presbyteri, Plebani, Capellani & Episcopales libro notent eas Ecclesias Parochiales, quibus singulis annis Olea sacra distribuerunt. Si vero omnes, ne illa aliis, quam Presbyteris, vel ad minus in Sacris constitutis deferenda dent, prout Constitutionibus LUCÆ & HOSII optime est constitutum. Deferre autem debent in vasculis mundis, bene tersis & studiose clausis, atque theca lignea corio obducta inclusis, non stola involutis.

Ii, qui ad ea accipienda mittuntur, moras inutiles, & minus necessarias, in loco, ubi ea accipiunt, non nectant, multo vero minus iis acceptis, tabernas, vel alia loca profana frequentent, sed statim atque ea receperunt, ad Ecclesiam, vel ad locum, unde ad Ecclesiam solenni ritu, cum cereis, cantu, campanis, vexillis deducenda sunt, referant, & suo loco deponant.

Vascula Olei infirmorum, sicubi ob paupertatem Ecclesiarum argentea esse non possunt, ad minus ex stanno puro Anglicano esse debent tantæ altitudinis, ut etiam si vascula inclinari vel inverti contingat, Oleum tam facile effluere non possit. Aerea quoniam omnis generis fordes attrahunt, omnino sint interdicta.

Denique post novi Chrismatis consecrationem, nemo sub depositionis pœna, ut ab Antecessoribus nostris ordinatum est, veteri Chrismate in ullis cæremoniis utatur, sed eo super altari, vel portatili aliquo antiquo combusto, recens currentis anni die Cænæ Domini consecratum adhibeat.

De Ordinatione Clericorum.

Parochi Dominico illo die, qui quatuor stata jejunii tempora, quibus Ordinis Sacramentum ministrari consuevit, proxime antecedit, solenne illud jejunium hujus rei causa institutum accurate denunciabunt, supplicationesque & Litanias in sua unusquisque Parochiali Ecclesia pie & religiose instituent, ut Dei, Sanctorumque ope implorata, tum Ordinans in eorum delectu, quibus Ordines conferet, Spiritus Sancti

Sancti lumine illustretur; tum illi, quibus conferuntur, in vitæ sanctitate, doctrina, religiosisque virtutibus proficiant.

Quicumque autem nuncupari deinceps Ecclesiastico ministerio volent, caveant, ne aliquod Canonicum impedimentum habeant, quod illos ab Ordinibus suscipiendis arcere possit.

Deinde ne gratia cujusquam vel metu, vivendique licentius, aut sæcularis judicii fugiendi animo, vel quod sæpe accidit, temporalis commodi, lacerare intuitu quæstum facientes, pietatem, vel quantum in eis est, ostentui Divina habentes, eligant hoc sanctum vitæ atque Angelicis humeris formidandum officii genus, quin potius id sibi propositum habeant, ut pie & caste viventes in hoc sæculo, Deo fidelem cultum, Ecclesiæ obsequium, proximorum salutem sedulam operam navent.

Sint deinde scientia & literatura instructi competenti.

Prima Tonsura non initiabuntur, qui Confirmationis Sacramentum non susceperint, & Fidei rudimenta edocti non fuerint, quique legere & scribere nesciunt. Ad minores Ordines promovendi, bonum a Parocho & Magistro Scholæ habeant testimonium, linguamque latinam saltem intelligant, & fidei rudimenta norint.

Cumque hinc ad altiores gradus, & sacratissima Mysteria sit ingressus, nemo iis initiabitur, quem non scientiæ spes majoribus Ordinibus dignum ostendet. Porro admittendi ad majores, præter bonum testimonium, quod habere debent, sint etiam mediocriter saltem in literis versati, Breviarium habeant, noverintque recitare Horas Canonicas. Sciant item reddere rationem Sacramentorum omnium in genere: speciatim vero pertinentia ad naturam & exercitium Ordinis ejus, ad quem promoveri cupiunt: Presbyterandi autem idonei sint præterea ad docendum populum ea, quæ scire omnibus necessarium est ad salutem, & ad ministranda eidem Sacramenta, atque ita pietate ac castis moribus conspicui, ut præclarum bonorum operum exem-

plum, & vitæ monita ab eis possint expectari. Et quidem ad majores singulos evehendi uno mense ante ordinationem Archi-Presbyterum quisque suum adeant, exposituri illis nomen, cognomen, parentes, & patriam, in qua nati sunt, vel ubi domicilium habeant, ut desiderio illorum publice in Ecclesia proposito, de natalibus, ætate, moribus & vita ipsorum perquirant, literasque testimoniales bene clausas, & sigillo suo munitas inquisitionem hujusmodi continentes, ad Nos, aut ad Officiale nostrum tempestive transmittant, vel ejusdem ordinandis (qui feria quarta ordinationem proxime præcedente præsentare se Nobis pro examine debebunt) deferendas tradant.

Quicumque aliquem Ecclesiasticum Ordinem susceperint, de iis periculum fiat, non solum in literarum scientia, verum etiam in cantus peritia ad Ordinis, quem tunc suscipient, functiones rite, recteque obeundas necessaria.

Cum autem inquisitio fiet de vita & moribus atque scientia ordinandum, Parochi, vel Archi-Presbyteri investigent etiam, perscribantque, an promoti jam ad aliquos Ordines, si ulterioribus insigniri cupiunt, modeste, ut Ministros Dei, vocatosque in sortem ejus decet, vixerint: num in ministeriis Ecclesiæ assidui fuerint: reverentiamque Presbyteris, & aliis Superioribus exhibuerint: ante omnia vero, an Sacramentum Pœnitentiæ & Communionis crebrius, quam antea, usurpaverint.

Viderint autem isti, quibus & quomodo testimonium perhibeant, quamque si (quod absit) inhabiles aut scandalosos commendent, præter gravissimum falsæ attestationis crimen, quod incurrunt, impii sint etiam in Deum, atque Ecclesiam, dum Superioribus tales ordinandos in dedecus Ordinis Clericalis, ruinamque & perniciem multorum obrudunt.

Atque ætas quidem in assumendis ad primam Tonsuram & tres minores Ordines septem, ad Acolythatum duodecim completorum, ad Subdiaconatum viginti duorum, ad Diaconatum viginti

viginti trium, ad Presbyteratum viginti quinque annorum requiritur : istos sufficit tamen inchoatos esse.

Et quoniam prohibet Apostolus, ne cuiquam manus cito imponamus; nemo se in posterum a susceptione ultimi minorum Ordinum gradus ad maiorem, vel ab uno majorum ad alterum promovendum speret, qui in ante suscepto annum saltem unum in Ecclesia, cui ascriptus est, non ministraverit, nisi forte vel causa studiorum ab sit, vel Ordinarius loci exequere aliter ob necessitatem, aut utilitatem Ecclesiæ existimaverit.

Verum ne ii, qui Divino Ministerio adscripti sunt, cum dedecore Ordinis sui mendicare, vel sordidum aliquem quæstum exercere, sedibusque incertis hinc inde vagari cogantur, nullus sæcularis Clericus, quamvis alias idoneus sit, & omnia requisita habeat, ad Ordines sacros admittendum se sciat, nisi prius juxta Concilii Tridentini Decretum legitime constet, eum Beneficium Ecclesiasticum, quod sibi ad victum honeste sufficiat, pacifice possidere, vel in aliqua Ecclesia certam provisionem habere, quod Beneficium resignare non poterit, nisi facta mentione, quod ad titulum ejus sit promotus, neque ea resignatio admittetur, nisi constito, quod possit aliunde commode vivere. Sed etiam Ecclesiam, in qua provissus est, absque speciali nostra, vel Officii nostri permissione & scitu non dimittet, nisi interdictum sibi esse propterea exercitium Ordinum velit.

Neque vero illi, qui patrimonium, vel pensionem aliquam obtinent ordinari post hac poterunt, nisi quos Nos pro necessitatibus & commoditatibus Ecclesiarum nostrarum assumendos esse judicaverimus; eo quoque prius perspecto patrimonium illud vel pensionem vere ab eis obtineri, taliaque esse, quæ eis ad vitam sustentandam satis sint; atque deinceps sine licentia nostra alienari vel extinguì, vel remitti nullatenus possint, donec Beneficium Ecclesiasticum sufficiens sint adepti, vel aliunde habeant, unde vivere possint.

Caveant autem Parochi, & alii quicunque assignantes illis provisiones

Tornes IX. Concilior. German.

in suis Ecclesiis, ne quod interdum fieri solet fictis atque ementitis provisionibus Nobis, vel Officiali nostro imponere conentur; alias scienter & in fraudem provissi, hoc pacto ab executione susceptorum Ordinum sint ipso facto suspensi, speque & facultate omni aspirandi ad superiores careant, providentes autem pœnam excommunicationis incurrant.

Alienæ Diœcesis Clerici, nisi vel per triennium Nobiscum fuerint commorati, vel domicilium saltem firmum a decem annis sine voluntate redeundi ad locum originis in Diœcesi nostra habuerint, vel alias domicilium contraxerint, juxta juris dispositionem ordinari absque dimissoriis Ordinariorum suorum literis (in quibus præter facultatem suscipiendi Ordines causæ etiam legitimæ, ob quam a propriis Episcopis ordinari non possint, exprimentur, examinatosque illos de natalibus, ætate, scientia, moribus ac probatos esse, & beneficium, aut patrimonium, vel provisionem sufficientem in aliqua Ecclesia habere constet) nullo pacto poterunt.

Noverint denique ad sacros Ordines non admittendos esse citra obtentam legitime atque exhibitam Nobis, vel Officiali nostro dispensationem, aut nisi alias idonei, & habiles reddantur, illegitimos, hæreticos parentibus non conversis postea natos, aut quandoque in hæresin lapsos neophitos, bigamos, irregulares, suspensos, interdictos, excommunicatos majori excommunicatione, minores natu, non confirmatos, rudes, atque ignaros, criminosos, & solenniter pœnitentes, homicidas, adulteros, perjuros, usurarios, manifestos & ebriati deditos, infames, obligatos ratiociniis, servos, vitiatos corpore, insigniter deformes, peregrinos, & ignotos, hermaphroditas, amentes, morbo caduco laborantes, energumenos, non examinatos & probatos, & alios id genus quibuscunque Canonici impedimentis irretitos.

De

R

*De Sacramentalibus, Cæremoni-
alibusque, & abusu eorum
tollendo.*

Cum, quæ ad propulsandas artes Satanae, animique & corporis sanitatem benedictione Domini tuendam salubriter instituta sunt, fidelem populum in propriam animarum suarum perniciem abuti minime conveniat; Parochi iis Festivitatibus, quibus res nonnullæ, puta, cerei, cineres, palmae, herbæ, & similia pro temporis qualitate juxta vel institutum Ecclesiæ, vel consuetudinem hujus Diocesis, non absque sacratissima plurimorum mysteriorum significatione benedicuntur, ut Parochiani frequenter adsint, aliquot diebus ante sedulo exhortabuntur, docebuntque, ut, sicut pium valde ac utile est, Sacramentalibus, Cæremonialibusque religiose uti, ita e contra sacrilegum prorsus aliter illis, quam qualiter instituta sunt, ad superstitiones, veneficia, & incantationes adhibere. Proinde quid prædictæ cæremoniarum & benedictiones sibi velint, & quid circa eas Ecclesia a DEO Opt. Max. precetur, pie ac diligenter populo explicabunt, enarrabuntque, atque ut in cæremoniis uniformitas ubique per Diocesim in prædictarum rerum benedictionibus observetur, Cathedrali Ecclesiæ omnes se se conformabunt, ita tamen, ut quando ex Missali Romano haberi possunt, aliis non utantur, sed tunc tandem ad librum Agendorum hujus Diocesis recursum habeant, quando ibi non inveniuntur.

Circuitus, seu Processiones circa fontem Baptismalem in triduo Paschatis fieri consuetæ imposterum non fiant: orationes Paschales, obequitationes segetum, ereptionesque sacrarum ab invicem imaginum, repræsentationem Ascensionis Domini in cælum, simulacrorum daemoniacorum in hebdomada sancta, ex fornice dejectiones, aliæque similia Christianis hominibus indigna prorsus, excitationes item ignium in Vigilia Sancti Joannis Baptiste, arborum erectiones, & choreas, quæ circa illas fiunt, tanquam ab Ethnicis introducta (a quorum moribus & vita

Christianus populus quam longissime abesse debet, eoque malitia procul dubio & fraude Diaboli directæ, ut fideles a recolendis nostræ Redemptionis mysteriis, cultuque & observantia Festorum debita, ad nugas vel ludicra avertantur, omnino abrogata, sub pœna viginti Ducatorum Ungaricorum esse hisce Synodalibus Constitutionibus volumus, & declaramus præcipiendo Officialibus nostris, ac Magistratibus, ut in similes excessus severe animadvertant, neminemque inobedientem in hoc passu impunitum abire permittant.

Cæterum cum puerperas fornicarias, qualescunque in templum post partum introducere nihil aliud sit, quam illorum peccatis communicare, & crimen earum cæremoniis ab Ecclesia institutis approbare, idcirco, ne similes inhonestæ mulieres imposterum introducantur, sub excommunicationis pœna interdicimus & prohibemus.

Ad præces vero, quæ supra puerperam funduntur, quando post partum illa gratias Deo actura ad Ecclesiam se confert, domum puerperæ Parochi non ingrediantur, etiam si mulier ob adversam valetudinem Ecclesiam adire non possit.

Denique consuetudinem illam, vel potius superstitionem abominabilem, qua puerperæ in partu mortuæ, & postmodum ante illationem in Ecclesiam reconciliatæ, opera mulierum per portam specialiter ad id ordinatam, ter circum altare feruntur, ac tandem aliis vanitatibus non paucis expeditis extra Ecclesiam prope parietes sub stillicidiis ex tecto decidentibus in lintre sepe liuntur, tanquam vanum & supersticiosum abrogantes, præsentī Statuto interdicimus, neve Parochi sub pœna Synodali id imposterum fieri permittant, serio inhibemus.

De vita & honestate Clericorum.

Unus ædificans, & alius destruens, quid prodest? Cum igitur Parochi, & alii, quibus cura animarum incumbit, non tam sæpe doctrina atque accurato officii sui exercitio in resurrectionem, quam vita corrupta

ta & malo exemplo positi sint in ruinam multorum, caveant, ne quod Pharisæis exprobravit Dominus: Dicunt & non faciunt, voxque quidem illorum sit vox Jacob, sed manus, manus Esau, quin potius exhibeant se in omnibus sicut Dei Ministros, nemini dantes ullam offensionem, ne vituperetur ministerium illorum, & nomen Dei propter illos blasphemetur.

Ac inprimis, ut ex habitu etiam corporis externo interior compositio mentis, animique appareat, coronam, seu tonsuram in vertice capitis suo quisque Ordini congruentem deferat, barbas, comasque nimis prolixas non nutriant, quin imo frequenter præscindi, faciant superioris labri lanuginem, capillos non calamistrent, nec eminentiores supra frontem gerant.

Vestitu utantur nigro, talari modesto, non fordido tamen, ac pro conditione quisque sua pileis non utantur ante & retro discissis, nihil festum, nihil acu pictum, nihil elaboratum ad corporis cultum exteriorem exhibeant.

Niteant potius, quam splendeant, absint sordes, adsit mundities, annulos sub & amissione eorundem, & alia juxta valorem illorum pecuniaria pœna, distribuenda in pauperes, non gestent, nisi Prælati sint, aut quibus hoc competit ex officio, dignitate, gradu, vel privilegio speciali.

Horas Canonicas singulis diebus tempestive, integre, attente ac devote recitent ex Breviario Romano, juxtaque Rubricam hujus Dicecesis, ad cujus præscriptum etiam reliqua Divina Officia dirigant.

Denique in suo quilibet officio ac ordine, Deo, Ecclesiæ, ac populo fideliter serviant, otiumque inprimis, quod multa docuit mala, imo malorum omnium est seminarium, cane pedes & angue oderint, ac proinde in altam non stertant diem, sed quidquid illis ab oratione, Ecclesiæ cultu, sacris officiis, cura animarum, reique etiam familiaris necessaria inspectione temporis supererit, totum id lectioni, & meditationi sacrarum Literarum tribuant, quo potentiores sint, exhorta-

Tomus IX. Concilior. German.

ri in doctrina sacra, eosque, qui contradicunt, arguere.

Vitam deinde domi præ, caste, sobrie instituant, & imprimis suppellectilem domesticam, non pomposam, neque exquisitam, mundam tamen, & decentem habeant, quæque ut ab omni superfluitate & vanitate abesse debet, ita dignitati & statui vocatorum in sortem Domini maxime respondeat.

Familiam quoque non alant superfluam, nec discolam, sed bene & laudabiliter moratam, & quæ in vestitu, cultu, & omnibus actionibus honestatem præ se ferat, sicut decet ministros Ministrorum Dei.

Accubituri mensæ benedicant, & post eam gratias agant, lectionemque sacram, si qui legat, non desit, comestioni adhibeant, gulæ & ebrietati nec ipsi indulgeant, nec hospites, si quos apud se habebunt, ad eam invitent, sed temperantiam & frugalitatem colant in omnibus, colereque alios mensa sua doceant.

Ex altera autem parte avaritiam, quæ est idolorum servitus, fugiant, caveantque, ne proventus Ecclesiasticos, qui post provisas competenter ipsorum necessitates ornamentis Ecclesiæ, pauperumque elemosynis debentur, pro ditandis consanguineis coercerent, vel surripiendos alienis, abusus illorum labore relinquunt.

Simoniarum item & usurarum filiarum rabiosæ hujus cupiditatis abominentur turpitudinem, & gravissimas pœnas perhorrescant. Ante omnia vero indignam, quæ etiam ne nominari quidem debet in bajulis Christi, libidinem, suspensionemve, ac occasionem ejus omnem vitent, neque concubinas, aut alias suspectas mulieres, præsertim juvenes, vel in quarum obsequio aut familiaritate juniores versantur, domi suæ tenere, vel extra fovere, ullamque cum eis consuetudinem habere audeant, multo vero minus cum illis ad civitates & alia loca in eodem curru assidentes proficiantur, aut propriis suis Sacerdotalibus vestibus indutas ad civitates, & mercatus tam intra, quam extra Episcopatum

R 2

mit-

mittant, sub pœnis a Concilio Tridentino, & Constitutionibus Synodali-
bus piæ memoriæ CROMERI, quas
hic pro insertis haberi volumus, ex-
pressis.

Licitum tamen erit Sacerdotibus
provestas jam annis & moribus fœmi-
nas habere pro honesto servitio, dum-
modo de turpi consuetudine secum an-
te suspectæ non fuerint, & in separatis
ab invicem cubiculis manserint.

Curent præterea, ut testimonium
habeant bonum, etiam ab his, qui for-
is sunt, sicque inter homines versen-
tur, ne in opprobrium incidant, & la-
queum diaboli, & cum Apostolo bonus
odor sint Christi. Et ideo tabernas
compotandi gratia non adeant, come-
sationes & convivia sæcularium etiam
rogati, præsertim ubi fœminæ adsunt,
non frequentent, prophanis spectaculis
tam in publico, quam in secreto non in-
terfint, a choreis, lusu chartarum, &
aleæ abstineant, aves & canes venati-
cos non alant, nec venationibus cla-
morosis utantur.

Non sint etiam iracundi, maledici
& percussores, quin de arma quidem
ulla offensiva deferant, vel deferri a
famulis post se faciant, nisi quando
sunt in itinere.

Non arent item in bove simul &
asino, neque militantes Deo, implicant
se sæcularibus negotiis, mercaturam
proxeneticam, tabernariam, & alias in-
dignas statu suo luci artes non exer-
ceant, negotia laicorum & tutelas abs-
que licentia nostra non gerant, neque
causas in foro sæculari advocent, nisi
forte suas & Ecclesiarum suarum, pro-
pinquorumve, aut miserabilium perso-
narum.

Fidei iussiones, excepta Ecclesiæ ne-
cessitate, non faciant, Clericos ad Ju-
dicem sæcularem, omisso Pontifice, non
pertrahant, neque citent, sub pœna
depositionis & amissionis causæ iudicii
capitalibus non interfint, quin nec spe-
ctaculis suppliciorum, nisi confortandi
puniendos gratia.

In sermone sint pauci, graves, mo-
desti, prudentes, non mordaces, va-
niloqui, mendaces, seminantesque in-

ter fratres discordias, in actione vero
omni humiles se se mansuetos, patien-
tes, benignos, cumque opus fuerit,
fortes, invictos, atque zelum Domini
zelantes præstent.

Denique ita vitam domi, moresque
suos & foris componant, ut habitu,
gestu, incessu, studiis, sermone, &
actibus omnibus nihil, nisi grave, mo-
destum, moderatum, ac religione ple-
num præ se ferant, sicque doctrina &
exemplo luceant omnibus, ut debitam
sibi & Ordini concilient venerationem,
normamque eis ac vivum exemplar pie
& sancte vivendi se ipsos exhibeant.

De modo acceptandi Beneficia Ecclesiastica.

Nemo resignanda ab aliis Beneficia,
priusquam revera resignentur,
etiam si sub clausula resignaturus est, im-
petrare audeat, cum ejusmodi præsen-
tationes & collationes contrariæ sint
juri, ac proinde irritæ ac nullæ.

Nullus item pacisci cum Patronis,
aut transigere quovis modo audeat, de
alienandis hoc nomine, vel non repe-
rendis ab eis bonis aut juribus Eccle-
siæ, decimisque frumentariis in pecu-
narias in præjudicium Successoris con-
vertendis vel locando, vel minuendo
earum pretio, sub pœnis a jure in taliter
provisis simoniace, latis.

Sint vero Plebani omnes instituti,
teneanturque Nobis, vel Vicario no-
stro, aut etiam Visitatoribus nostris re-
quisitis, literas Institutionis suæ osten-
dere; quod si institutio eorum ad in-
feriores pertineat, ab Episcopo tamen
juxta alia Statuta a Sacrosancta Triden-
tina Synodo examinari debet, alioqui
institutio irrita sit, & inanis, licebitque
præsentatos taliter a Patronis, si idonei
repti non fuerint, repellere.

Si quis autem eo temeritatis pro-
cesserit, ut Parochialem Ecclesiam, vel
aliud quodcumque curatum, aut non
curatum Beneficium, administrationem-
ve, vel detentionem ejus sine institu-
tione, commendationeve canonica re-
perire, aut recepta quovis colore, aut
prætextu tenere ausus fuerit, præter-
quam quod jure & autoritate admini-
strandi

strandī in eis Sacramenta carebit, frustisque non faciet suos, etiam ad restitutionem tenebitur, ad Beneficium quoque illud, & aliud quodcunque obtinendum reddetur inhabilis, aliisque, si quæ habet, canonice obtentis, privatus sit eo ipso.

De Canonicis, & eorum officio.

Dignitates in Ecclesiis, præsertim Cathedralibus, ad conservandam, augendamque Ecclesiasticam disciplinam institutas esse, ut, qui eas obtinent, pietate præcellant, aliisque exemplo sint, atque Episcopos opera & officio juvent, sicut Concilium Tridentinum disertis verbis docet. Cum igitur Canonici primi sint post Episcopum, prima quoque cura ipsorum, & præcipua esse debet, ut suo nomini respondeant, sique in omnes partes oculos convertant, nihil ut sit inter eos, quod fieri non debeat, quodque Ecclesiastica disciplina cohiberi oporteat, sed sicut primi sunt post Episcopum, præstantque dignitate Sacerdotibus cæteris, ita exemplo, doctrinaque sua præluceant aliis, eisque ad pietatem & vitam cum honestate transigendam duces existant.

De Archi-Presbyteris, & ipsorum officio.

Archi-Presbyteri dignitatem(*) imprimis habere debent notitiam limitum Archi-Presbyteratuum suorum, numerumque Ecclesiarum ad eosdem pertinentium, & quibus in locis sitæ sunt, sub quibus Patronis, quot villas, quotque Parochias ad suam jurisdictionem spectantes habeant.

Semel in anno, visitatione videlicet Archi-Presbyterali prius peracta, Ecclesiarum Parochos in locum aliquem commodiorem convocabunt, præmissaque Missa cantata de Spiritu Sancto, atque exhortatiuncula aliqua facta, Conventum Archi-Presbyteralem celebrabunt, in quo de scandalis amovendis, ac de occurrentibus negotiis Ecclesiasticis mutuo cum Parochis conferent, & si qui scandalosi, atque re-

prehensione digni reperti fuerint, eos diligenter monebunt. Majora vero scandala, si quæ fuerint, quibus ipsi obviare non potuerint, Nobis, vel Vicario nostro Generali deferre sint obligati.

Ipsorum erit etiam in suo districtu Archi-Presbyterali Visitatoribus generalibus a Nobis deputatis comites se se exhibere, & executioni omnia, quæ in memoratis visitationibus ab ipsis, vel potius a Nobis ordinata fuerint, diligenter mandare, quod si ex Parochis in executione dictorum negligentes, vel contumaces fuerint, aut etiam ordinationes præfatas glossis quibusque impertinentibus & injuriis notare in margine, ac maculare ausi fuerint, præter pœnam carcerum, quam ad beneplacitum nostrum subire debebunt, etiam arbitrariis pecuniariis pro qualitate verborum, & injuriarum irremissibiliter subicientur.

Mandata nostra, & quoscunque processus ad ipsos directos Parochis vicinis intimare, & executioni omnia opportune demandari curabunt.

Semel in anno Ecclesias & Parochias visitantes, intelligent, quomodo per suos Parochos cultus Divinus peragatur, an circa Ecclesiam Ciborium, Baptisterium, Olea sacra, & similia suo ordine & decore omnia ad præscriptum Visitatorum nostrorum consistent; Quomodo Sacramenta administrantur, an forma, & materia rite servetur, an pueri sine Baptismo, & adulti, absque aliis Sacramentis necessariis moriantur, an in administratione Sacramentorum, & aliis ritibus Agendis Diœcesis, & libris a Nobis approbatis utantur; an Missæ, quas concio, & processio præcedere debent, Dominicis & Festivis etiam celebribus pro more & consuetudine Ecclesiarum habeantur; an aliqui ex Parochianis in Paschate Confessionem, Communionemque Sacram intermiserint, an in confessionibus excipiendis cautiones debite adhibeantur, an Officia Divina ad præscriptum Missalis Romani & Breviarii decurrant. Secus enim si quos fecisse animadverterint, ad Nos, vel Officiale nostrum deferant.

R 3

Item

[*] Addendum videtur: *adepti*, aut quid simile.

Item curabunt, ne Parochiani signum Sanctæ Crucis, Orationem Dominicam, Salutationem Angelicam, Symbolum, & Decalogum ignorent.

Intelligent etiam de vita & moribus Parochorum, de frequenti ipsorum celebratione, & an debita reverentia & confessione, quantum probabile est, opus esse, præmissa faciant Sacra: an in consecratis Ecclesiis, vel cum indulto in non consecratis celebrent, portatilibusque in altaribus violatis, aut enormiter factis in defectu Consecrationis utantur, & an Horas Canonicas debito tempore, etiam in itinere recitent. Denique etiam eorum erit Parochorum sibi subjeutorum confessiones excipere, vel alicui alteri viciniore & doctiori id ipsum committere, ita ut omnibus de idoneis Confessariis propicietur, in quo ipsorum conscientias oneratas esse volumus.

Curabunt semper de successu, de cursu visitationum Archi-Presbyteralium suarum informationem debitam, & sufficientem habeamus, & si quæ graviores exorbitantiæ currunt, literis suis aut viva voce Nos certiores faciant.

Inquirent etiam de Parochorum proventibus, an librum reddituum, & proventuum suorum, atque honorum, beneficiorumque in Ecclesia sua fundatorum habeant, an Vicarii & Beneficiati officio suo satisfaciant, an aliquid ab Ecclesia sit alienatum, quo tempore, & per quem.

Inspicient etiam Parochialia ædificia, an facta testâ Parochis tradita in debito esse conserventur, an Parochiani hac in parte ultra debitum & posse ab ipsis graventur, an ea perire omnino permittant, & collabi.

Inventaria domorum Parochialium exhiberi sibi curabunt, videbuntque, an omnia inventario illata salva & integra existant, & si quæ sunt nulli usui, vel quæ diu durare non possunt, taxatione per viros præcipuos Parochiæ facta pecuniis distrahant, easque inventario inscribant.

Fraternitatum tam sæcularium, quam spiritalium Statuta videant, & examinent, & si qui articuli fuerint

ejusmodi, ut non videantur esse ferendi, de iis, ut eos aboleamus, & alios in ipsorum locum substituamus, ad Nos referant.

Quod si forte in aliqua Ecclesia confluxus hominum & frequentia certis anni temporibus ex consuetudine vel indulgentiis, aut miraculorum in eo factorum gratia fieri solet, moneant Parochos, ut, quam fieri potest, diligentissime ad concionandum se præparent, vel si sibimet ipsis insufficientes ad hoc videbuntur, saltem de aliquo idoneo & docto Concionatore tunc temporis provideant.

De Confessariis, & eorum officio.

MAgnum profecto Confessariis incumbit onus purgando Sacramento Penitentiae animas confitentium. Quamobrem cum Judicis & Medici personas sustineant, gravitatem beniginitate temperatam habeant, necesse est, sciantque, quæ ad iudicium faciendum & ad morbos fugiendos pertinent, ut inter peccatum & non peccatum, inter lepram & non lepram, inter veniale & mortale, commissum & omissum discrimen facere possint, atque sic ægro condoleant, ut magis indulgentes Patres, quam severi Iudices videantur.

Oportet autem Confessarios potestate præditos esse, sive ordinaria ea sit, sive delegata, qua si caruerint, nihil agent, frustra que laborem capient.

Scientia deinde sint instructi sufficienti, ut, cum opus est, casus incidentes prudenter expendere, nodosque conscientiarum recto iudicio dissolvere queant, vel saltem in dubiis ad Doctores recursum habere.

Etiam atque etiam videant, qualem confitentes contritionem, sive attritionem secum afferant, tum quale sit peccatum, quod confessione exponitur, quibus sepiatur circumstantiis, & an ex mutent speciem peccati, num habeant excommunicationem annexam, & reliquas censuras Ecclesiasticas: qui sint casus Pontifici Maximo & Nobis reservati, an sit restitutioni locus,

cus, an sit integra confessio, & quibus casibus repeti debeat.

Et cum de iis quisque pœnitens peculiariter quærendus sit, in quibus versatur ipsius officii ratio, sciant etiam pro statu cuiusque personæ accomodandum esse examinandi modum, ut aliter eorum, qui sunt liberi, aliter Laicorum, aliter Clericorum exploretur conscientia.

Propter Sacerdotes vero confitentes necessarium etiam videtur, ut Confessarius etiam casus noverit, ex quibus contrahitur irregularitas, vel saltem, ut in his dubitare sciat, quo possit uti peritiorum consilio.

Neque tamen existiment ad eorum munus rite obeundum summam illam & exquisitam scientiam requiri, sed satis esse sciant, si ea sufficiens fuerit, & si conjunctam prudentiam habeat.

Verum hoc non propterea dictum esse volumus, ut suum in perdiscendis conscientiarum casibus, & aliis ad hanc rem necessariis, studium remittant, sed ne animum abjiciant, & pondere hujus muneris absterreantur.

Videant autem, ut pro peccatis occultis secretem, pro manifestis vero publicam pœnitentiam pœnitentibus injungant, ut, si quos exemplo suo ad malos mores provocarunt, eosdem emendationis suæ testimonio ad rectam revocent vitam.

Nobis tamen licebit, si respoposcerit, hoc publice pœnitentiæ genus in aliud quodvis secretum mutare.

Fœneratorum, & qui illicitis contractibus, atque iniquis operam dant, peculiarem gerant curam, eorumque conscientias verbo Dei, & sceleris magnitudine terreant, neque absolvant, nisi in quantum jura communia concedunt.

De Parochis, & ipsorum munere.

PRæter ea, quæ de prædicatione verbi Dei superius a Nobis ordinata sunt, Parochis etiam ab cura incumbit, ut agnoscant pecoris sui vultum, ut ante oves vadant, & pascant

in lætis & pinguibus pascuis, ab omni hæresi & errore avertant, nec permittant, ut in aliquam pravam opinionem, a Dei verbo, & Ecclesiæ Catholicæ doctrina abhorrentes (quod absit) incidant.

Quia vero vultum pecoris sui agnoscere minime possunt, nisi oves, quas pabulo verbi Divini & Ecclesiasticis Sacramentis pascendas susceperunt, nominatim vocare didicerint, idcirco omnium non solum villarum suarum Parochialium, singularumque familiarum tam intra, quam extra oppidum existentium, verum etiam personarum utriusque sexus catalogum habeant, videantque, ut omnia recte in iis, quæ ad salutem ipsorum spectant, promovendis, obeant, & exequantur.

Quantum quidem possibile est, & per alias graviore Ecclesiæ occupationes licebit, ipsimet per se animarum sibi concreditarum curam agant, nihilque eorum intermittant, quæ ad officium bonorum Pastorum pertinere videbuntur.

Originale foundationis Ecclesiæ suæ semper apud se in promptu habeant, illudque ad Acta Heilsbergensis Cancellariæ, ni alias ipsius copia ibidem habeatur, ingrossari faciant.

Conscribent inventaria tria omnium suorum agrorum, bonorum, reddituum & proventuum, quorum unum sibi reservabunt, alterum vitricis Ecclesiæ tradent, tertium vero ad Cancellariam nostram remittent.

Exhibebunt se magis liberales erga Ecclesias Sponsas suas, quam hucusque fecisse videntur, singulisque annis de redditibus propriis mensæ suæ Parochialis aliquid saltem iuventario Ecclesiæ inferant, videlicet de qualibet casta 6. grossos (prout ipsemet se sponte facturos in hac præsentī Synodo promiserunt) salva tamen Constitutione *Cromeriana* de inventariis agendis, præsertim cum collectæ Ecclesiarum eo usque se non extendant, ut singulis & omnibus Ecclesiæ necessitatibus sufficere possint.

Quod superest, in omnes & singulas Ecclesiæ suæ necessitates quam diligenter

gentissime semper intendent, providbuntque tanquam solliciti & prudentes Patres familias, quæ vel proficua eidem, vel etiam nociva successu temporis esse possint.

Habebunt Vicarios sufficienter literatos, & circa Sacramenta administranda bene exercitatos, quos monebunt, ut Sacramenta administranda vocati nullam tam sanctis exercitiis moram interponant, sed semper quavis hora, etiam noctis, parati existant.

In administratione Sacramentorum sequantur Agendorum in hac Synodo receptorum præscriptum, nec ab illis vel latum unguem quidem discedant, nec ullas cæremonias prætermittant (quæ non carent suis peculiaribus mysteriis, quarum contemptus non esset futurus absque gravi peccato) modo absit necessitas.

Cum exorcisant, seu catechisant, cum liniunt, cum abluunt, cum ungunt, cur, cum absolvent, enarrabunt omnia & singula, quæ ad rem præsentem pertinent, non obiter, non præcipitanter, non veluti fugientes, & alio intendentes, sed graviter & reverenter faciant, ut populus eos religiose agere videns, tangatur, & ipse religione magis magisque rapiatur in Sacramenti amorem. Ebriis autem ad similes actus exercendos ne fas sit omnino accedere.

Vitricos Ecclesiæ, si singulis annis rationem facere contempserint, aut frivole omiserint, trina admonitione facta Archi-Presbytero suo, vel Nobis denuntiabunt, quod etiam de aliis Parochianis excessivis & incorrigibilibus facient.

In Ecclesiis suis cœmeterio, atrio, vestibulo, & porticu, foribusque non permittant, ut quis venale quid (candelis exceptis) habeat, ne si ad usum quidem Sacrificii, vel Ecclesiæ sit futurum. Qui admoniti a Parochis contrafecerint, mercibus, quas exposuerint, careant, ipse vero Parochus, in hoc præcavendo si negligens fuerit, arbitraria pœna punietur.

Libros hæreticos apud se non habeant, nec legant, quin vero, quoad

fieri poterit, omnem solertiam & industriam adhibeant, ut si qui apud Parochianos inveniuntur, eosdem auferant, & comburant, necessarios vero ad exequendum officium suum, ut Agenda Sacramentalis & Cæremonialis, Concilium Tridentinum, Catechismum Romanum, Navarri Manuale, vel ejus Compendium, Directorium Polanci, Casus conscientiæ Toleti, vel alterius probati, neoterici Authoris in promptu semper habeant; pro concionibus vero, ut in titulo: *De Prædicatorem*.

Non solum diebus Dominicis & Festivis ad populum celebribus per annum, quibus tenentur ex obligatione, sed etiam ferialibus aliquibus diebus Sacra facere non prætermittant, ita ut Parochus quisque ruralis saltem plures, quam unam Missam, singulis quibuscunque septimanis in sua Ecclesia vel per se, vel per alium idoneum Sacerdotem faciat, nisi ad plures, vel ex consuetudine, vel ex fundatione sit obligatus.

In rudimentis Christianæ pietatis Parochianis explicandis, nullam operam, studium & diligentiam prætermittant.

Populum ad Missam cum devotione & attentione audiendam, quo uberiori fructum ex tremendis Mysteriis hujus propitiatorii Sacrificii referat, hortentur, instruunt, atque capacem reddant, perniciosoque illo more, quo statim post Hostiæ & Calicis elevationem ex Ecclesia defluere, atque potiore ejus partem deferere solent, sublato, de præcipuo horum Mysteriorum fructu, sedulo & frequenter mo-neant, diligenterque inculcent.

Processuum omnium transumpta apud se habeant, & observent, eaque decedentes vel incedentes, una cum inventariis Successori relinquant.

Juxta Catechismi Concilii Tridentini præscriptum, certis anni temporibus, salutaria dogmata, & Religionis Christianæ tesseræ, eisdem temporibus accommodata, suis ovibus proponant, ita ut a die Epiphaniarum ad Quadragesimam usque in Decalogi explicatio-ne versentur. In Quadragesima de Pœnitentia & Eucharistia differant.

Tem-

Tempore Paschæ de Baptismo, Confirmatione, & Extrema Unctione verba faciant; circa Pentecosten Orationis Dominicæ sensum aperiant, ac demum post Trinitatis festum in duodecim Symboli Apostolici articulis occupentur, nisi tempus & occasio aliter fieri suadeat.

Bis ut minimum in anno, primis scilicet Adventus & Quadragesimæ Dominicis, præcipua quædam Bullæ *Cane Domini* capita, quanta possunt, diligentia explicant, maxime vero, quæ de excommunicatione eorum, qui jurisdictionem Ecclesiæ violant, & Christi patrimonium diserpunt, habent, eademque occasione in usurarios & incestuosos invehantur.

Quæ de Festorum dierum cultu & jejuniis superius determinata sunt, sæpius & frequentius populo inculcabitur.

Noverint Casus Papales, eosque in tabula aliqua descriptos, ante oculos semper habeant, cum confessiones excipiunt, scientque, a quibus peccatis & censuris absolvere, ipsis sit a jure, & a Nobis permittum.

De ædibus Parochorum, & sepibus.

Magnæ exque perpetuæ controversiæ circa ædificia Parochialia facta testata tenenda inter Parochos & Parochianos oboriuntur, illis pro arbitrio suo ea, quæ Antecessoribus placuerunt, diruentibus & disjicientibus, his vero acerbioribus lachrymis & suspiriis conquerentibus, quod præterquam ab ædificiorum tam novorum ædificandorum, quam etiam antiquorum sanciendorum molestiis nunquam liberi existant, etiam ea, quæ facta testata Parochis consignata fuerint, conservare detrectent. Nos etsi sciamus multa, eaque laudabilia ad sopiendas, tollendasque hujusmodi controversias inter Parochos & Parochianos ab Antecessoribus nostris sancita & constituta esse (quæ omnia hic pro expressis & insertis habere volumus) quia tamen ipsos parum hac in parte proficisse videmus, Parochis videlicet in suo proposito perseverantibus, & omnia

interire permittentibus, sed ne clavum quidem parieti aliquando insigentibus, existimantibusque tunc tandem ad facta testata servanda se teneri, cum sibi ædificia non frustatim, sed omnia simul ac semel, quod impossibile factum est, integra, factaque testata a Parochianis tradita, ac consignata fuerint.

Decernimus & declaramus, Parochianos ad nulla alia ædificia nova, qualiacunque tandem ea fuerint, quin vero ne ad antiqua quidem diruenda, vel mutanda, aut renovanda ante teneri, quam ad Nos re delata, informationeque ab Archi-Presbyteris habita, id scripto fieri debere, permiserimus, & concesserimus, quodque Parochi ædificia, quæcunque etiam frustatim, & per partes sibi, vel a vitricis, vel ab ædilibus integra consignata, in debito suo esse conservare, & manu tenere perpetuis temporibus teneantur. Id quod etiam de sepibus tam campestribus, quam circa domos extendi omnino volumus. Quod si quis ausu temerario hanc nostram Ordinationem & Constitutionem infringere & contemnere ausus fuerit, cedens Parochia, non antea ad Beneficii alterius institutionem, & possessionem capiendam admittetur, decedens vero testatus, non antea sciat se confirmationem testamenti sui a Nobis obtenturum, quam de damnis illatis plene & integre, tam Ecclesiæ, quam Parochianis fuerit satisfactum. Id quod conscientiæ vicinorum Parochorum, & Archi-Presbyterorum nostrorum, nec non vitricorum Ecclesiæ committimus, qui statim atque Parochia sua quis cesserit, vel decesserit, de statu ædificiorum, & aliorum damnorum illatorum Nobis sufficientem informationem absque ulla mora vel oretenus, vel scriptis dare tenebuntur, derelictis defuncti interim salvis & integris in omnibus manentibus.

Porro (quod etiam Constitutionibus Antecessoris nostri piæ memoriæ CROMERI cautum est) ne vitrici de Ecclesiastica pecunia in fabricam domus Parochialis, vel aliorum conferant ædificiorum, id etiam Nos gratum & ratum habentes, confirmandum esse duximus, confirmamusque, ita tamen,

ut liberum illis sit cum consensu Archi-Presbyteri sui, pro faciliori expeditione ædificiorum mutuo ad tempus aliquid dare, ex communi Parochianorum contributione recompenſandum. Verum quia circa contributiones prædictas multæ in præterita visitatione querimonix sunt allatæ, eo quod nulla in eis proportio & iustitia observe-tur, sed æqualiter omnes, sive divites, sive pauperes sint, de domibus & familiis solvere teneantur, non attento, quod aliqui pauciores, alii plures manſos habeant.

Nos pro paterna erga omnes affectione solliciti, ne ultra debitum & posse quispiam gravetur, sed juxta facultatum proportionem, alii plus, alii minus contribuant; præsentibus hisce Constitutionibus nostris declaramus atque decernimus, quod si quæ contributiones, in necessitates Ecclesiæ imposterum faciendæ sunt, non de domibus & familiis, sed de numero manſorum, quos quis excolit, similes collectæ fiant.

De Inventariis Parochiarum.

Quæ de Inventariis Parochialium ædium ab Antecessoribus nostris diversis Synodicis Constitutionibus ordinata fuere, talia sane sunt, ut illis aliquid addi posse vix videatur. Quia tamen non idem solet esse perpetuo rerum status, quod sit persæpe, ut quæ bene cæpta sunt, progressu temporis languescant, nec eum, quem oporteret, quique fuit præpositus a principio, exitum consequantur, Nosque ex decursu visitationis præteritæ didicerimus multa, quæ partim Parochorum, partim etiam vitricorum inadvertentia hac in parte irreperunt, emendatione digna, tum quod quædam res ad prædicta inventaria spectantes, nec asservatione quidem dignæ, aliæ vero diuturnitate temporum consumptæ, putrefactæ, & etiam a vermibus corrosæ; aliæ vero in unum aliquem angulum a Parochis comportatæ & abjectæ, rubigine ita exesæ inveniantur, ut nullis ursoribus deserviant. Nos tot ac tantis damnis obviare, & bono Parochiarum consulere cupientes, sequentia circa dicta inventaria decernimus.

Inprimis, ut Archi-Presbyteri in prima futura visitatione Archi-Presbyterali omnia inventaria ædium Parochialium diligenter revideant, & quæ inventaria tali digna sunt, relinquunt, quæ non, abjiciant; quæ vero temporum diuturnitate facile absumi & putrefieri possunt, pecuniis a duobus vel tribus præcipuis bonæ fidei viris, aut vitricis æstimari & distrahi faciant, atque pecunias pro iis acceptas inventario inscribant.

Cæterum ad pecora, equos videlicet, boves, vaccas, oves, porcos, & his similia, quod attinet, quia nonnulli Parochorum bonorum suorum privatorum magis, quam publicorum studiosiores, & ad res domesticas suas, suorumque magis, quam Ecclesiæ augendas attentiores, postquam iis longo tempore usi fuerint, & fructus inde non contemnendos perceperint, plerumque debiliora, & quæ neque incedere, neque loco se movere possunt, tam post cessum, quam decessum Successoribus suis relinquere consueverunt; idcirco ne successu temporis inventaria hæc dolo malo minuantur, & pereant, statuimus, ut Parochi non ante Parochiis suis cedant, neque a Nobis institutionem ad aliud Beneficium transeundi petere audeant, quam testimonium in scriptis propria manu Successoris, vel ejus, cui id a Nobis committeretur, subscriptum attulerint, se in omnibus ac singulis, inventario Ecclesiæ & domus sufficienter non solum satisfecisse, verum etiam illud ipsum pro posse & diuturnitate temporum auxisse, atque ampliassè, & nihil Successori, quod ad rem domesticam promovendam inutile foret, obtrusisse. Id, quod etiam decedentium testamentorum Executores observare diligenter tenebuntur, nihilque de rebus defuncti disponere & ordinare, antequam confirmato a Nobis testamento, similibus inventariis, in omnibus punctis & clausulis satisfactum accurate fuerit. Reliqua de inventariis duplicatis, mox post adeptam possessionem a Parochis de omnibus inventis coram vitricis & notabilioribus Parochiæ faciendis, a LUCA quondam Episcopo constituta, & a MARTINO CRÓMERO au-

cta,

sta, suum esse, & robur habere volumus.

De rebus post obitum Clericorum relictis, Testamentis & piis Legatis.

MULTA & laudabilia de Testamentis ab Antecessore nostro piæ memoriæ LUCA Episcopo Synodalibus Decretis constituta sunt; quæ cum emendatione non indigeant, salva & intacta ab omnibus Clericis semper observari volumus. Illud tamen adjiciendum duximus, ut meminerint Parochi, dum testamenta condunt, se illorum confirmationem nullo pacto a Nobis obtenturos, ni Executores, vel hæredes ipsorum, sufficiens ab Archi-Presbytero suo testimonium attulerint, de inventario Ecclesiæ integre relicto, de domestico vero pro diuturnitate temporis, & posse aucto; de ædificiis in suo esse conservatis, & damnis Ecclesiæ non illatis, atque debitis eidem solutis. Quod si factum non fuerit, dispositio de relictis, quantum ad prædicta, apud Nos remanebit.

Cum itaque Parochus aliquis e vis excesserit, ne subinde Ecclesia detrimentum aliquod patiat, diuque opportuno solatio careat, teneatur statim alius vicinior, vel etiam, si aderunt, Executores testamenti, proprium Archi-Presbyterum, per literas, aut nuntium certiores ea de re facere, addito, testatusne, an intestatus decesserit.

Porro Sacerdos vicinior, vel Executores testamenti, si adsunt, adhibitis in civitate Consule, Judice, alibi vero in villis Sculteto, & aliquot viris Parochiæ fide dignis, nec non hæredibus, vel amicis defuncti, consiciant inventarium tam jurium, quam supellestilis Ecclesiæ, & rerum defuncti, omniaque illa tuto & idoneo loco deponant, retento apud se inventarii exemplo, quod postmodum, cui vel de jure competet, vel nos mandaverimus, consignabunt.

Tenantur autem hæredes defuncti Parocho Successori libros, scripturas, instrumenta, & jura quæcunque ad Parochiam vel Beneficium illud spe-

Tomus IX. Concilior. German.

ctantia, ac in bonis mortui reperta, etiam si propriis ipsius impensis confecta, vel ex Archivo Episcopali extracta fuerint, gratis omnino sub excommunicationis pœna consignare.

Cæterum de bonis post obitum Rectoris relictis, parentes & consanguinei defuncti utriusque sexus, nihil omnino exigere poterunt, nisi coram vitricis, & aliis personis fide dignis inventarium sub accessum suum ad Parochum fecerint, de bonis per eos ad Parochum introductis.

Concubinæ vero aliquid testamenti relinquere in tantum interdiximus, ut ejusmodi testamenta irrita prorsus, & nulla esse declarem.

Et cum nonnulli hominum eo temeritatis deveniant sæpe, ut Clericorum mortuorum bona invadere, & temerario ausu illa etiam, quæ Ecclesiæ Ministris in locum mortui succedentibus, & Ecclesiæ item debentur, sacrilege diripere non subvereantur, sub pœna excommunicationis latæ sententiæ vetamus, ne quisquam Clerici alicujus Parochiæ bona, præsertim vero ad Ecclesiam, ejusve Ministros pertinentia temere, citra vel voluntatem testatoris in testamento expressam, vel arbitrium, & dispositionem nostram invadere, multo vero minus auferre audeat, aut præsumat.

Ex intestatorum bonis absoluta sepultura, persolutis debitis, expedita familia, consolatis propinquis, fabricæque Ecclesiæ & animæ defuncti procuratis, quod reliquum est, arbitrio nostro, & Successorum nostrorum dispensabitur.

Hæredes, & ultimarum voluntatum Executores, si quæ piarum causarum nomine legata, relictæ sunt, intra anni unius spatium ad summum, aut tempore ab ipso testatore præscripto non præstiterint, pœnis ipso jure constitutis omnino cogantur, piam testatorum voluntatem explere.

Neque vero præscriptum illud, vel a jure, vel a testatore tempus progetur, ni constiterit, quæ earum causarum nomine relictæ aut legata fuerunt, vere præstari non potuisse.

S 2

Quod

Quod si Parochi hac in parte negligentes fuerint, & similia legata, intra præscriptum a jure vel testatore tempus non exegerint, aut coram Nobis de negligentia hæredum conquesti non fuerint; ipsimet ad damni refusionem teneantur.

Meminerint autem in testando Ecclesiæ Sponsæ suæ, a qua plurima bona receperunt, ejusque conditionem, quantum possunt, ex acquisitis meliorem faciant, quæ, si præterita fuerit, juxta antiquam CROMERI ordinationem, testamentum totum irritum sit & nullum.

Denique ad pia legata Ecclesiis facta, quod attinet, etsi nonnulla a piæ memoriæ MARTINO CROMERO Prædecessore nostro jam pridem ordinata fuerant.

Nos tamen temporum modernorum rationem spectantes, & Ecclesiarum nostrarum necessitates, impensasque circa eas faciendas considerantes, ita statuendum esse duximus, ut quicquid Ecclesiæ Parocho prætermisso, legatum fuerit, id totum Ecclesiæ cedat, quod vero Parocho Ecclesia suppressa, id totum Parochus habeat.

De satis, pratis, pabulis, &c.

Cum variæ passim suboriantur lites, & controversiæ inter Parochos sibi invicem quodammodo succedentes, nec non testamentarios Executores vita defunctorum, vel vitricos Ecclesiarum de satis, pratis, pabulis, &c. in Parochia relictis, sive relinquendis. Hac Synodica Constitutione occasiones earundem succedentes, sequentia statuenda esse duximus.

Inprimis, quod si facta consensatione Hyemali, Parochus in Septembri, Octobri, Novembri decesserit, quartam crescentiæ partem habeat; si vero in Decembri, Januario, Febuario, mediam; si in Martio, Aprili, Majo, tres partes: si in Junio, Julio, Augusto, totam consensationem Hyemalem tollat.

Porro ad Æstivalem, quod attinet, si quis post consensationem factam, in Majo aut Junio cesserit, vel deces-

serit, mediam partem habeat, qui vero in Julio vel Augusto, totum pro se accipiat, ea tamen conditione, ut inde demigrans; vel decedens obligatus sit utriusque consensationis tam æstivalis, quam hyemalis segetem relinquere.

Fœnum, si nullus labor per cedentem, vel decedentem adhibitus fuerit circa illud, totum Successori obveniat, si vero tantum sectum fuerit, & non investum, tunc impensas & mercedem sectionis ei restituat Successor, ipse vero fœnum accipiat. Sin autem sectum, collectum & investum fuerit, ex æquo intercedentem, vel decedentem & Successorem dividatur, salva medieta-te mercedis, quam Successor Antecessori restituere tenebitur, & erit obligatus.

Idem de stramine observabitur.

Ligna ex mansis Parochialibus cæsa & convecta, sine ulla recompensatione Successori sunt relinquenda.

Idem de fimo observabitur.

Circa oblationum & decimarum partitionem servabitur antiqua CROMERI Constitutio, videlicet, ut tantum quisque accipiat, quantum pro rata temporis deservivit.

De visitatione Parochiarum.

Quia plurimum ad bonum regimen refert, præter providentiam mentis, corporis etiam sensus adhibere, & cuncta præsentis lustrare intuitu, non contenti publice, & in Ecclesia tantum saluti suorum inservire Parochi privatim, etiam domi, statum, vitam & mores cujusque cognoscere studeant.

Deinde per se, vel Vicarios suos ad pietatem, non ad quæstum, nec quærendo, quæ sua sunt, sed quæ Jesu Christi, domos singulorum, præsertim in vigilia Nativitatis Domini, pro consuetudine Dicecesis nostræ, visitent, ingressique juxta Domini præceptum dicant: Pax huic domui, vel alia quam benedictionis formula utantur.

Convocata deinde tota domo, examinent eos de necessariis ad salutem, & an sciant, munire se se signo sanctæ Cru-

Crucis, Orationem Dominicam, Salutationem Angelicam inquirant, deque vita, moribus, occupationibus, studiisque, & necessitatibus singulorum perferuntur. Ac siquidem alios ebriosos, perjuros, fures, fœneratores, fornicarios, adulteros, homicidas, blasphemos, festorum violatores, maleficiis & incantationibus deditos, aut quovis alio peccati, & criminis onere obstrictos reppererint, primum eos charitate atque lenitate verborum, qua maxime poterunt, inter se & ipsos solos corripiant, deinde, si nihil profecerint, unum vel alterum probos & prudentes peccatoribus familiares adhibeant, quod si ne tum quidem resipuerint, nomina & excessus ipsorum ad Nos, vel Officiale nostrum deferre teneantur.

Exhortentur etiam pro ætate & conditione quemque sua, Senes, ut sobrii sint, pudici, prudentes, sani in fide & patientia: Anus in habitu sancto, non criminatrices, non ebriati, præstigijs, lenociniisque deditæ: Viduas, ne circumæant vicos ociosæ, verbosæ, curiosæ, loquentes, quæ non oportet, sed ut regant domos suas, filiis & nepotibus bene præsent, mutuamque vicem parentibus reddant; Maritos, ut diligant uxores suas, sicut Christus dilexit Ecclesiam; filios ad iracundiam non provocent, sed educant illos in disciplina, & correptione, necessitatibus eorum provideant. *Qui enim suorum maxime domesticorum curam non habet, fidem negavit & infideli est deterior.* Uxores, ut viros suos ament, subditæque sint illis, castas & sobrias se præsent, curam domus habeant, & ne secum infantes propter suffocationis periculum noctu in lectis collocent; filias, ut obediant parentibus; servos & subditos, ut ministrent Dominis in cordis simplicitate, sicut Christo, non ad oculum fervientes, nec fraudantes, sed finem bonum ostendentes, placentesque in omnibus; Dominos, ut remittant ruinas, scientes, quia utrorumque Dominus est in cælis, & personarum acceptio non est apud Deum.

Postremo si sint ibi aliqui pupilli, virgines, mendici, infirmi, aliæve personæ miserabiles, quæ tam spirituali,

quam corporali ope indigent, consolentur eos, ineantque rationem, qua illarum orbitati, pudicitæ, egestati, valetudini consulatur, & tum demum, postquam seminaverint spiritualia, non erit magnum, si corporalia merant, strenasque, quas vocant, vel porrectiones ab offerentibus ultro accipiant.

De Vicariis.

Cum ea, quæ ab Antecessoribus nostris pie ac laudabiliter circa reformationem Ministrorum Ecclesiæ, maxime vero Vicariorum constituta sunt, parum admodum vel nihil profint, nisi debitum in omnibus effectum sortiantur: Eapropter Vicarii Ecclesiæ nostræ Cathedralis omnia, quæ illis Statutorum Capitularium, & propriorum vigore præscripta sunt, accurate & diligenter & observent, & executioni mandent, serio præcipimus atque mandamus.

Discant omnes & singuli, etiam Parochorum Vicarii ad præscriptum & ordinem Missalis Romani, sub pœna suspensionis ab officio uniformiter celebrare, & Missæ solenni inservire, studeantque omnibus iis satisfacere, quæ inferius de observandis & evitandis in Missa sunt ordinata.

In Officijs Divinis fræquentandis diligentiores se se exhibeant, diebusque Dominicis, & Festivis celebribus ad populum (legali impedimento cessante) omnes & singuli sub pœna trium grossorum, locis pijs applicandorum, superpelliccati interesse teneantur.

Et cum servire Deo regnare sit, adeoque veritas ipsa disertis verbis testetur, eos ex Deo non esse, qui verba Dei non audiunt. A concionibus quoque se nullo pacto subducant, sed bonum exemplum semetipsos populo exhibentes, a principio usque ad finem interfint.

Si qui sunt, qui confessiones Prælatorum & Canonicorum, aut etiam aliorum tam Laicorum, quam Clericorum excipiunt, approbationem a Nobis, vel Vicario nostro Generali habeant, caveantque, ne flexis genibus quenquam absolvant.

De Scholis, & Scholarum Magistris.

QUoniam ad Christianam pietatem hoc valde interest, ut instituendæ pueritiæ atque adolescentiæ munus committatur viris, vita, moribusque probatis; ad Scholarum regimen nemo assumendus erit, nisi nostro, vel Capituli, aut Officialis nostri, vel saltem Parochi iudicio probatus, quique literas non habeat testimoniales conversationis suæ ab eo, apud quem simili muneri præfuit, & professionem fidei fecerit, Catholicumque se esse docuerit. Non enim expedit iuventutem in eorum disciplinam tradere, qui corruptores magis sunt, quam Præceptores, & ea doceant, quæ postea sunt magno labore dediscenda.

Assumpti ad hoc officium, pro captu eorum, quibus præfunt, nullos tamen impudicos & impuros Scriptores, quique moribus puerorum officere possunt, sed optimos tantum & Catholicos, eosque a Parochis approbatos, prælegere debent.

Cumque non minor pietatis, quam doctrinæ ratio sit habenda, quæ ad omnia utilis est, promissionem habens vitæ, quæ nunc est & futuræ, idcirco certis quibusdam diebus rudimenta Christianæ fidei in septimana non solum perlegere, verum etiam lingua patria explicare tenebuntur.

Si quæ profana aliquando exponant, omnia ad rectam disciplinam, egregiamque morum indolem præclaris interpretationibus traducere studeant, quod facile assequantur, si quid perpetuo in suis explicationibus interponant, quod ad institutionem Christianæ pietatis studiis dignam pertineat.

Sacrofanctum Missæ Officium singulis diebus, eos, quos erudiant, integre audire faciant, maxime vero Dominicis & Festivis, quibus etiam magis capaces & ingeniosiores ad conciones audiendas mittent.

Præcepta scientiarum pro captu uniuscujusque tradant fideliter, ita ut non tantum eas pueri memoriæ com-

mendent, verum etiam sciant, quis ex eis fructus petendus, & quomodo ad praxin accommodanda.

Porro ad hæc omnia bene & feliciter cum fructu præstanda, vita Præceptorum non parvum affert emolumentum, nimirum si talis ea fuerit, in quam nulla possit cadere iusta reprehensio. Sicut enim infantes nutricum; sic pueri vitam & mores Præceptorum sæpe referunt.

Itaque sint bono exemplo iis, quos erudiendos in suam curam susceperunt, videantque, ut omnes in ea innocentia, in qua fidei ipsorum commendati sunt, semper conservent. Tabernas, comporationes, nocturnas divagationes, & digladiationes, aliaque similia, quæ Ecclesiæ Ministros minime decet, omnino devitent, memores, quam gravis pœna incumbat iis, qui unum ex istis pusillis scandalisaverint.

Habitu in Ecclesia utantur Clericali statui suo convenienti, collaribusque non crispatis, sed simplicibus, in processionibus intersint. Habeant autem peritos, quantum possibile est, utriusque cantus Cantores, sobrios & diligentes, quique pueros singulis diebus per horam ad minus in Musica instruere teneantur.

Quotidianas ludi exercitationes ac studia inchoent, ac finiant pia aliqua oratione & prece, quæ, antequam absolvetur, pueri e ludo, sine urgenti causa ne missi fiant. Quo autem explorationes vitæ, disciplinæque Christianæ, mores Magistrorum; Præceptorumve sint, Parochi eam cautionem semper adhibeant, ut cum illos moribus probant, hujus probationis facultas literis exarata, ne diutius cuique eorum suffragetur, quam per annum.

Quo tempore confecto, cum ipsum audierit, qui illam proroget, tunc maxime de eorum moribus, vita, ac etiam docendi, instituendique ratione diligenter denuo perquirat, sique illos interim nec præstare, quæ debent, & insuper scandalosos & inquietos fuisse animadverterit, nullo dato conversationis testimonio statim expediat atque dimittat.

Deni-

Denique ad jurisdictionem talium, & etiam aliorum Ecclesiæ Ministrorum, quod atinet, eam Nobis, & Parochis, coram quibus solis conveniendi & iudicandi sunt, reservamus.

Id, quod etiam de Ludimagistro-
rum ruralium stipendio ampliando, & de vestura lignorum jam pridem in deliberatione etiam apud Prædecessores nostros fuit, in proximo futuro Conventu Statibus proponendum, & decidendum erit, & quod communi Ordinum consensu statutum fuerit, Parochis atque Ludirectoribus significabitur.

Scholarum Parochialium curam penes Parochos esse volumus, qui eas quater in anno visitando, diligentem operam dabunt, ut ætas tenera, quæ ibidem instituitur, ita erudiat, ut spes optima effulgeat, eam feliciter jactis ibi fundamentis, ad magnam per Dei gratiam & uberem postea frugem perventuram.

Quia vero in proxime præterita visitatione compertum est, vitricos ex collectis Ecclesiarum ad eas non solum fariendas, & manutenendas, verum etiam ædificandas nullo solido fundamento a Magistratibus cogi, cum iustum & æquum sit, ut, quorum juvenus ad pietatem & bonos mores in ipsis informatur, ii quoque grati animi significationem ostendentes, onus hoc in se suscipiant, idcirco earum ædificationem & conservationem ad Parochianos, non ad vitricos spectare, præsentibus hisce decernimus & declaramus, præsertim cum ne Ecclesiæ quidem necessitatibus singulis collectæ eleemosynariæ sufficiant.

Quod si nonnullæ pecuniæ ad importunam instantiam, vel potius imperium Magistratus, a vitricis expositæ in hunc usum sunt, juxta Constitutionem CROMERI mutuo Parochianis pro faciliiori & expeditiori ratione ædificii erigendi, ad tempus datæ esse censeantur, adeoque publica contributione facta, vitricis, vel potius Ecclesiæ ex integro remunerandæ atque solvendæ. Schola nulla sit, quæ Sanctissimi Crucifixi, vel alterius alicujus Sancti, vel Sanctæ imaginem piam non

habeat parieti affixam, vel in pariete depictam; ante quam pueri mane convenientes, & vesperi recedentes paululum orent: debet esse a pulveribus & aliis immunditiis omnibus, atque araneorum operibus libera, scamnisque & mensis decentibus, pro numero puerorum frequentantium sufficienter instructa.

De Organistis.

Organistarum oppidanorum præsertim, magna sub decursu visitationis nostræ generalis inventa est negligentia, eo quod non modo mentibus Fundatorum in Missis votivis organo ludendo non satisfaciunt, verum etiam a Matutinis, Vesperarum precibus, & aliis quibusdam Officiis Divinis, quibus ex officio interesse tenentur, multoties se absint, & tamen integram sibi pensionem seu mercedem annuam consignari a vitricis velint. Quod cum æquitati sit contrarium, statui-
mus, ut quotiescunque aliquis Organistarum, in officiis, quibus interesse tenetur, se præsentem non exhibuerit, vel alium idoneum non substituerit, & officio suo non satisfecerit, toties, quoties ei ab illis, quibus interest, tantum detrahatur, & in usum Ecclesiæ necessarios convertatur, quantum ipsi die ista pro rata obvenire debuisse.

De Vitricis.

Vitricis singulis annis suffragiis Consulum & Proconsulum, accedente tamen ad id consensu Parochi, deponi, eligi, vel confirmari debent.

Esse debent viri discreti, prudentes, bonæ famæ ac fidei, bene possessionati, ac inter alios cives non potestremi.

Omnium bonorum Ecclesiæ, reddituum, proventuum, censuum, obventionum perceptorum & expositorum, duplicia conscribere & servare tenentur registra, quorum unum apud se retinebunt, aliud vero in Ecclesiæ thesauro recondent, cistas & truncos elemosynarios soli nunquam aperient, sed vel Parocho, vel aliquo alio Sacerdote ab ipso constituto præsentem, unamque ei clavem consignabunt.

Ceden-

Cedente vel decedente Parocho, præsentés esse debent cum primoribus Parochiæ, ad conscribendum inventarium omnium pecorum, jumentorum, frumentorum, suppellectilium, & aliarum rerum quarumcunque ad Parochiam pertinentium, ejusdemque inventarii atque etiam Ecclesiæ copias, vel apud se, vel in thesauro Ecclesiæ asservare.

In rebus ad Ecclesiæ decorem & ornamentum spectantibus, a judicio & præscripto Parochi sui, non a Magistratu dependeant, cum Magistratus officium sit civitates & cives, non Ecclesias & Sacerdotes regere, eisque regulas, quæ in Ecclesiis fieri debent, quæ non, præscribere.

De Aedituis & Campanatoribus.

Etsi optimum foret Aedituos, qui in Ecclesia quotidie circa Altaria, Capellas, Sacristiam, in qua tota suppellex Ecclesiastica servatur, versantur, Clericos ab omnique vinculo Matrimonii solutos esse, quia tamen in hac Dicecesi difficile tales inveniri possunt; idcirco ii, qui huic officio præstant, sequentia diligenter observabunt.

Pulsabunt singulis diebus ter, mane, meridie, & vespere tribus interpolatis vicibus, mane quidem & vespere una ex campanis, juxta temporum qualitatem, nunc majori, nunc minori, ita tamen, ut ab omnibus per civitates & villas audiri possit, meridie vero tangendo duodecim vicibus majorem campanam, & solenniore, pro pace a DEO Opt. Max. impetranda.

Id ipsum facient pulsanter tempore Elevationis Sanctissimi Sacramenti in summa Missa, ut ii, qui in Ecclesia præsentés non sunt, saltem animum erigant, & pro beneficio institutionis tanti Sacramenti, quantum possunt, maximas gratias agant.

Ad Templum referenda & claudenda, ad campanas item in Ecclesia pulsandas, vel ignem in Templum inferendum, ipsimet in propria persona veniant, & uxores suas nullatenus sub pœna depositionis substituere audeant. Templum, Ciborium, Altaria, Sacri-

stiam in omnibus munda & nitida semper conservare debebunt. Ad Missas nonnisi superpelliceati interservient.

Dum Sacerdotes Sacra facturos vestiunt, videant, ut decenter omnia accommodent, albaque æqualiter circa terram defluat.

Calices ne sacculis quidem involutos ad altaria ne deferant.

Parocho suo, & aliis Sacerdotibus in omnibus licitis & honestis, non Magistratui, vel vitricis contra Parochum, vel Visitatorum ordinationes obediētes erunt.

Collaribus crispatis, dum in Ecclesia officium suum faciunt, more hæreticorum non utantur, sintque semper, dum in Ecclesia ministrant, superpelliceo & veste talari induti.

De Matutinis, Concionibus, & Vesperis.

Omnes inferiores Ecclesiæ, quæcunque illæ sint, Divinorum Officiorum rationem dirigant, juxta ordinem Officii Cathedralis Ecclesiæ a Nobis præscriptum, ita tamen, ut habeatur ratio locorum, atque Festorum principium anni.

Cum omni enim pietatis ratione conjunctum est, in oppidis & civitatibus saltem majoribus, ubi magnus populus concursus sit, ut quædam saltem Divinarum precum horaria Officia, ad excitandam populi majorem devotionem, anniversariis præsertim solennitatibus celebrandis, per Parochos præstentur.

Itaque integrum Matutinum in iis præsertim Parochialibus Ecclesiis, ubi id decenter præstari posse censuerimus, solenni ritu canatur, videlicet die Nativitatis Domini, Festo item Circumcisionis, Epiphaniarum, Paschalis, Pentecostes, Ascensionis, Corporis Christi, Annuntiationis, & Assumptionis B. M. V., dieque Natali S. Joannis Baptistæ, Beatorum Apostolorum Petri & Pauli, & in solennitate omnium Sanctorum, ac festo die Sancti, Sanctæve, cujus nomine Ecclesia nuncupatur, sub pœna Synodali hac nostra Constitutione districtè mandamus.

Rura-

Rurales Parochi ad ordinem in Ruricella præscriptum se se accommodabunt, ita tamen, ut Solennitatibus prædictis, ad primas & secundas Vesperas præmissis semper debito pulsû, & earum loco diebus Dominicis & Festivis celebribus per annum Antiphonas aliquot cum orationibus de Beata Maria Virgine, Patrono, pace, & aliis necessitatibus decantandas, sub pœna Synodali teneantur.

Porro Lectiones, quæ in Matutinali Officio, pro ratione temporum ac Festorum legi consueverunt, non a Cantoribus, vel Ludimagistris in Choro, neque ab iisdem in sedibus Templi communibus, sed a Sacerdotibus solis ante summum altare stando, ea, qua par est, devotione, clara, intelligibilique voce imposterum cantari debebunt.

Verum ne Parochorum quoque nostrorum ruralium socordiam sicco pede pertransisse, & quasi approbasse subticendo videamur, qui præterquam, quod ad laudes Deo debitas dicendas, somno in altum diem producto, in Ecclesiam non veniunt, etiam eam perpetuis temporibus more claustrorum clausam relinquunt, domique potius inter strepitus curarum domesticarum, quam in ædibus Deo dicatis, in conspectu Altissimi, & in corona innumerebilibus S. Angelorum pensum suum Horarium absolvere malunt. Nos considerantes Oratoria non alium in finem ædificata esse, quam ut in illis DEO Opt. Maximo debitus cultus quotidie exhibeatur, scientesque, officium potissimum Sacerdotum, inprimis Curatorum in eo consistere, ut non solum verbo, verum etiam vita, moribus & exemplo, alios ad pietatem & devotionem inducant, omnes & singulos Parochos rurales sub gravi arbitraria pœna monemus, ut, quo tempore in ætate, signum ad Salutationem Angelicam dari mane consuevit, in hyeme vero sub aurora, Ecclesias non solum aperiri faciant, verum etiam in iisdem ad Officia nocturna & diurna recitanda, præsentibus se exhibeant, conveniantque, ut alii videntes ipsorum bona opera, glorificent Deum Patrem, qui in cœlis est, & ipsorum exemplo ad frequen-

tandum quotidie Templum provocentur, atque incitentur.

De Sodalitatibus & Fraternitatibus tam Sacerdotum, quam Sæcularium.

Sodalitates in oppidis institutæ sunt Ecclesiæ, proximorumque re opera, consilio, ope, precibus adjuvandum causa, non ut Fratres sua privata commoda sectentur.

Itaque si quis ex Fratribus fortuna iniquiore premitur, si cui res est angusta, si dissensio quoque intercedit, si pax & concordia turbatur, Sodalitatis est ejusmodi curare, & ut quiete Fratres vitam transigant, providere. Denique habent etiam Sodalitates prædictæ in Ecclesia partes suas, quæ in disciplina inter Fratres, ad præscriptum articulorum sibi concessorum, & a Prædecessoribus nostris confirmatorum retinenda, in visendis & solandis ægrotis, in sepeliendis mortuis, in frequentanda Eucharistia, & aliis Divinis Officiis peragendis versantur.

Eas ergo Fratres, qui sunt, diligenter observent, & quæ ex officio debent, graviter præstent, Parochoque suo, cum opus est, adjumento sint in omnibus.

Qui sunt in Fraternitate fortunæ pinguioris, abjectorum & pauperum curam gerant. Qui consilio & sapientia valent, oppressos, errantes, indoctos, quibus possunt, rationibus juvent.

Omnibus vero in commune sit hoc propositum, diligenter ut caveant, ne quis esuriat, vel rebus necessariis egeat, & omnis postremo simulas, odium, atque inimicitia tollatur e medio, & sit unum cor omnium, & anima una.

Habent etiam quibusdam in locis suas Sodalitates Presbyteri, qui certis anni temporibus peragunt conventus suos, quibus mandamus, ut quotiescunque id factum fuerit, ita se gerant, quo possint exemplo esse Sæcularibus, omninoque ab ebrietate & choreis abstineant. Orent autem pro defunctis Fratribus, Vigiliis cantent, Sacrificia

celebrent, conciones habeant, populum ad pietatem colendam, & ad mortis recordationem hortentur.

Dispiciant etiam in conventibus prædictis, num quid sit inter Fratres, quod tolerari non oporteat, consulant de modo Fraternitatis propagandæ, alter alterum in bono vincere studeat, infirmum fortior confirmet, peritior indoctiorem doceat, senior juniorem instruat, & informet.

Si quid non recte sit, a Fratribus emendetur cõmmuni consilio, si cuius vita obest fidelibus, castigetur, ut objurgantibus multis, in melius vitam & mores mutare cogatur.

Pecunias, si quas habent, eas in bonum communitatis pro censu rē-emptio emendo exponere non tardent, ita tamen, ut ea, quæ ad Missarum celebrandarum & Altarium apparatus pertinent, prius pro modo facultatum Fraternitatis decenter expendantur, & procurentur.

Singulis annis de expositis & perceptis semel in præsentia omnium Fratrum rationes deducant, deque illis sufficientes codicillos exhibeant.

Bonorum suorum omnium, proventuum, censuum, & obventionum triplicia regestra conficiant, quorum unum apud se Seniores servabunt, aliud in thesaurum Fraternitatis reponent, tertiam vero ad Cancellariam mittere non negligant. Ex proventibus autem prædictis, ne quidquam ad instruenda convivia, aut ad exhauriendos calices giganteos, accipiant, sed si quid præstare volunt, ex propriis faciant, ita tamen frugaliter, & moderate, ut statum Clericalem deceat, & nemo scandalifetur.

De fabrica Ecclesiarum, & earum cultu.

Ecclēsiā novam, scripta facultate non obenta ædificare; prout & altare erigere, vel demoliri nemo præsumat.

Porro, ut quisque suam quasi Sponsam excolat, vel exornet, diligatque decorem domus Dei, & locum habitationis gloriæ ejus, inter multa, quæ

curam & studium Parochorum, & aliorum Sacerdotum decent, haud est postremum. Nihil enim invenitur, quod eos chariores reddat, vel populum ipsum ad devotionem & pietatem moveat, atque magis excitet.

Dabunt operam Parochi, cum iis, quorum interest, ut Ecclesiæ, quibus præsumt, facta recta habeant, probeque sint tam ab intus, quam ab extra clausæ, parietes mundos, firmosque nullis scissuris hiantes, fenestras sufficientes, integras, vitro clausas, fornicemque decentem.

Sacrofanctum Eucharistiæ Sacramentum teneatur in Tabernaculo competenti super altare majus (si & in quantum possibile est, & ubi commodè fieri potest) seraculis sufficientibus firmiter munito, cujus clavis caute a Parocho, vel ab eo solo, cui cura hujus Sacramenti incumbit, custodiat, nulloque pacto vel Ædituis, vel Vitricis ad referandum Tabernaculum detur.

Recondatur autem (præsertim ubi res Ecclesiarum non adeo angustæ sunt) in pyxide argentea bene clausa, in bursula de tela spissa, nitida & munda, nullo tamen serico vel stricâ, vel pista, & renoveatur octavo quolibet, aut quindecimo ad summum die, sique ante illud aut lampas ordinaria, vel cereus, si non perpetuo, saltem diebus Festis ardens, dum populus ad audientium Divina concurrat.

Quoties ad infirmos deferendum erit, deferatur honestissimo atque decentissimo modo, cum cereis, laternis integris atque mundis, nec non vexillis, nola & cantu, si fieri potest, & ad minus Ædituo præcedente, particulæque aliquot in civitatibus præsertim in alia pyxide relinquantur, propter ingredientes interim in Ecclesiam, ne flectendo ante Sacrarium, cultumque latræ exercendo errorem committant.

Olea sacra cum Crismate in Ecclesia in loco bene clauso & decenti, extra tamen tabernaculum Sanctissimi Sacramenti, in quo nihil præter illud constitui debet, aut collocari, inque tersis ac nitidis vasculis stanneis ad minus, non æreis, infirmorum autem etiam

etiam in separato ab aliis collocentur, neque ad Baptismum, vel infirmos, ni a superpelliceatis Sacerdotibus, atque cum lumine deferantur.

Nova singulis annis tempeste post diem sanctæ Cænæ Domini per Clericos, non Laicos (ut titulo: *De S. Extrema Unctionis*, superius meminimus) ex Ecclesia Cathedrali, vel Archi-Presbyterali afferantur, ac modice, ubi necessitas exiget, mundo, & recenti oleo olivarum diluantur, vetera autem extra casum necessitatis, ne adhibeantur a Parocho, sed quotannis in lapide destinato ad hunc usum comburantur.

Fontes baptismales nitide atque sub clausura tenere semper debent Rectores Ecclesiæ, vasque fontis, quod circumferentiæ interiori undequaque strictim adhærere necesse est, sæpius intra annum mudent, aquam ejusdem per pannum lineum mundum, in novam ollam colando, qua refusa in vas suum sic mundatum, pannus ille comburatur. Quando vero renovanda erit statim ab Ecclesia præscriptis temporibus, aqua, quæ supererit, nemini prorsus in quoscunque dari usus debet, sed tota in Sacrarium projici.

Reliquiæ, si quæ sunt approbatæ, in Ecclesia loco decenti, tuto, neque humido, non tamen immediate prope Ciborium, sed in loco aliquo remotiori servari debent, quæve & quorum sint Sanctorum, superscriptis eorum nominibus pateat, quin & catalogi illarum, cum Antiphonis, Versiculis & orationibus suorum Sanctorum in tabellis describantur, quæ in loco, ubi illæ asservatæ fuerint, pro oraturis ante eas fidelibus appendantur.

Quoties autem venerandæ populo exponantur, fiat id per Sacerdotem superpelliceo & stola indutum, & non ni cerco præcedente.

Si quæ inventæ sunt, & inscriptione carent, non ostendantur publice, sed reverenter, vel in Sacratio, vel in alio quovis loco honesto sub seraturis bonis custodiantur.

Imagines non nisi Sanctorum, exque decentes, non nudæ, & quæ ore, affectu, habituque corporis religionis

speciem præ se ferant, ac ad pietatem animos intuentium provocent, in templis & altaribus collocentur, ejicianturque sub pœna Synodali, quæ in locis hæreticis, cum textu hæretico sunt impressæ, & parietibus affixæ.

Imago autem Sanctissimi Crucifixi loco eminenti inter populum & altare in omnibus Ecclesiis sit, tanto decentior & elegantior, quanto Ecclesia est insignior.

Altaria sint omni tempore munda, cooperianturque tribus ad minus mappis mundis, consecratis, nulloque laneo filo intertextis, quarum superior utrinque æqualiter ad planum usque defluat.

Porro ea, quæ a Visitatoribus nostris circa apparamenta Ecclesiæ, & alia usibus Sacrificii necessaria, atque altaribus ordinata sunt, adamussim ab omnibus etiam observari volumus.

Et ne Sacerdotes hinc inde in angulis latitantes confessiones pœnitentium excipere cogantur, confessionalia etiam tot in publico & aperto loco, remotiori tamen ab altari majori extruenda erunt, quot pro Confessariorum & pœnitentium numero sufficiunt.

Pulveres tormentarii, trabes, frumentum, merces, feretra, resque aliæ qualescunque profanæ, etiam in cistis, scriniis, valis, vel doleis non asserventur in Ecclesia, ni forte id belli, aut incendii necessitas postulet, qua cessante, Parochi ea inde amoveri, ab iis, quibus interest, statim faciant. Quod si ter moniti, ea amoveri neglexerint, ac contempserint, extra Ecclesiam ipsis invitis ejiciantur.

Ne animalia, pisces grandiores, eorumve membra in Ecclesiis appendantur, sed ea tantum, quæ voti, aut piæ significationis causa Episcopus permittenda esse censuerit.

Qua in Parochiali porticus non est, neque præ inopia, vel loci incommoditate extrui potest, hoc in ea omnino curetur, ut ante januam majorem, vestibulum ædificetur, quod duabus tantum columnis aut pilis aliquantulum ab ea distantibus extructum, Parocho in Baptismi administratione usui esse possit.

Fenestræ in Ecclesiis, in tanta præfertim prædonum frequentia clathratæ existant, nisi præalte ita extructæ sint, ut sine clathris etiam ab omni violentia & furtivo; aliove per eas ingressu tutæ admodum existant.

Altare unumquodque lapideum sit, vel saltem lateritium cum tabula lapidea, ipsi stipiti altaris medio æqualiter inserta. In eo fenestella; foramenve nullum appareat, ubi quidquam affervari aut recondi possit; ni forte Reliquiæ Sanctorum, aut res aliæ consecratæ sint, & usibus Sacrificiorum deserviant.

Quia vero passim in Ecclesiis sub altaribus sordes, quisquilæ, scopæ, lateres, candelabra antiqua, aliæque immunditiæ, tali loco indignæ inveniuntur, eæ ut quamprimum eruantur & ejiciantur, neque ullo pacto amplius inferantur, serio præcipimus: atque mandamus. Quod si Parochi & Ædificii, quibus decor & nitor sacrorum locorum cordi esse debet, negligentes in hoc negotio fuerint, Parochi quidem pœnis Synodalibus irremissibiliter subjaceant, Ædificii vero tanquam in officio suo negligentes deponantur, & alii diligentiores in eorum locum substituantur.

Suggestus pro prædicando verbo Dei, loco eminenti atque conspicuo, quo melius videre omnes Prædicator, viderique ipse possit, & audiri ab omnibus valeat, ad parietem Septentrionalem, si commoditas erit, colloceatur, regaturque laqueari ligneo, quo sensibilibus vox Concionatoris diffundatur. Conveniens enim est, ut, ex qua parte Evangelium in Missa decantatur, ab eadem populo prædicetur & explicetur.

Labrum, seu vas aquæ benedictæ intus in Ecclesia ad ostium a latere ingredientium dextro existat, habeatque appositum aspergillum decens pro asperzione ab intrantibus faciendâ.

Nemo præterea vasa, vestes, vel alia ornamenta Sacris addicta, aut omnino quidquam a sacra suppellectili, profanis hominibus, aut ad profanum usum accommodare audeat, Sacrista, qui id fecerit, ab officio deponetur, alii

vero graviter arbitrio nostro punientur.

Et ut controversiis ac rixis, quæ ex sedium muliebrum in Ecclesiis collocatarum oriri perpetuo solent, occurratur, Synodicam Constitutionem CROMERI piæ memoriæ Antecessoris nostri confirmantes, statuimus, quod postquam ea semel emptæ fuerint, ad hæredes perpetuo transire non debent, quamvis aliis in redimendo jure sint potiores.

Magnam etiam Vassallorum nostrorum quorundam intelleximus esse præsumptionem, & negligentiam, quod in Ecclesiis loca potiora & ampliora sibi semper usurpent, ad structuram autem & reparationem tam Ecclesiarum, quam cœmeteriorum, parum omnino vel nihil prorsus conferre dignentur. Eos itaque, ut in officio contineamus, statuimus, ut quicumque Vassallorum & Nobilium, ad ea, quæ de jure vel consuetudine circa Ecclesias & cœmeteria præstare tenentur, tertio ex ambona a Parochis moniti non præstiterint, locis suis, quæ in Ecclesiis obtinuerunt, absque ulla spe restitutionis excidant, & aliis, qui talia diligentius atque libenter sustinent, consignentur.

De iis, quæ pertinent ad bonorum & jurium Ecclesiasticorum conservationem.

Ecclesiarum res quam plurimæ aut destitutæ defensoribus, aut etiam ab iis, quibus earum procuratio credita fuit, neglectæ, ita quibusdam in locis hujus Diœcesis interierunt, ut nulla jam quasi spes reliqua videatur, illas in pristinum statum suum vendicandi & recuperandi.

Quod ne deinceps accidat, neve quisquam in patrimonio Christi negligentior sit, quam in suo merito reprehendi possit, statuimus, ut Parochi jura imprimis Ecclesiarum, quæ sunt quasi bases, & seges rerum agendarum, manuteneant, & conservent, juxtaque juramentum, quod instituendi ad Beneficia, in nostris, vel Antecessorum nostrorum manibus præstiterunt, bona &

& redditus Ecclesiasticos non modo non alienent sine speciali & expresse Sanctæ Sedis Apostolicæ, nostroque, & omnium, quorum interest, assensu, quamvis id evidens Ecclesiæ videatur suadere utilitas, quin potius alienata ab aliis recuperare studeant, & contendant.

Deinde ut Hospitalium, ac quorumcunque piorum locorum Gubernatores, seu Administratores, & alii, qui Beneficia Ecclesiastica cum cura vel sine cura, quocunque nomine nuncupentur, nunc obtinent, ab hujus Decreti publicatione; qui vero in futurum quomodocunque obtinuerit, ab adeptæ possessionis die, quisque intra spatium unius mensis omnium & singulorum bonorum mobilium, & immobilium, jurium, annuorum censuum, & reddituum debitorum, & aliorum quorumcunque proventuum ad Ecclesias, vel eorum administrationem quocunque jure pertinentium, rationem diligentissime conquirentes, inventarium, in quo locorum etiam fines, conditionesque omnes sigillatim describantur, per publicum Notarium diligenter conficiendos curent, ex quo exempla duo, Notarii publici auctoritate munita, conficiantur, quorum unum apud se habeant, alterum ad Archivum Episcopale mittant.

Parochi ne locare quidem possint bona Ecclesiastica ad breve etiam tempus, præsertim anticipata solutione, vel compensatione faciendarum a locatore meliorationum ad exitum usque locationis in præjudicium Successorum rejecta, aut iis, qui fundum contiguum Ecclesiastico habent, ne fines propterea turbari & subijci litibus contingat.

Et quia nonnullis in locis bona Ecclesiastica certis quibusdam familiis, hæreditario quasi jure, vilique admodum pretio, a Patronis Beneficiorum, & Fraternitatum Senioribus, nostro consensu non requisito conceduntur, ita ut parentibus filii, filiis alii ejusdem lineæ personæ succedant, sibi que vicinitatis cujusdam titulo, utpote a proavis, abavis Ecclesiæ donata & inscripta, ea sibi præ cæteris deberi persuasum

habeant: Nos errorem hunc pro debito officii nostri Pastoralis emendantes, ne bona Ecclesiastica hæreditaria laicis efficiantur: decernimus, ut nemini imposterum Beneficiorum Ecclesiasticorum & Fraternitatum bona propinquis suis, vel etiam Fundatorum consanguineis, ad cujusvis spatium temporis, etiam per suppositas personas locare liceat, nisi vel mens Fundatoris ea fuerit, vel evidens & magna Ecclesiæ utilitas, judicio & consensu nostro, præter alia juris requisita, illud postulare videatur. Si aliter factum fuerit, nulla sit locatio, & qui locarint, debitas arbitrarías penas non effugient.

Quibusdam in civitatibus decimarum solutio ex aratris dependet ita, ut ab uno aratro, quod quatuor mansos includit, unicus tantum filiginis, & alter avenæ modius, ab uno vero, duobus, tribus, medio manso tantundem solvatur. Quæ res cum intricata valde sit, & ditiores nonnulli, ut integrum aratrum habere possint, ab aliis mansos coemunt, tantundem de uno manso, quantum de toto aratro solvuri, unde fit, ut Ecclesiis decimæ auferantur & pereant, Parochique debitam & honestam sustentationem habere non possint. Nos ordinationes similes seu contractus Ecclesiæ valde nocivos esse animadvertentes, cupientesque, ut Ecclesiis non subtrahantur, & minuantur, quin potius augeantur, & in dies crescant decimæ: decernimus, ut aratris sublati, Parochis imposterum decimæ ex singulis mansis, per unum modium filiginis, alterum avenæ, ab omnibus juxta antiquissimam hujus Diocesis consuetudinem persolvantur, & in ipsorum ædes invehantur.

Porro, ne decimæ frumentariæ, pensione aliqua pecuniaria, perpetuis, vel ad vitam Parochi duraturis temporibus commutentur, severe interdiciamus. At vendere eas, & pecunias pro iis accipere, sine præjudicio Successoris, non inhibemus.

Quod si qui Sæculares, perfractis omnium Divinarum atque humanarum Legum, quæ decimas statuunt, repagulis, persolvere easdem recusent,

moneantur a Parochis, ut tremendum anathematis fulmen, quo propterea feriuntur, exclusionemque a Sacramentis & Ecclesiastica sepultura horreant; quin & illud Prophetæ vereantur: Respexistis ad amplius, & ecce factum est minus. ... Experimur enim quotidie eos, qui debitam Ministris Ecclesiæ decimam subtrahunt, reliquas omnes novem partes perdere infelicitè, mittereque mercedem in sacculum pertusum, seminare multum, & inferre parum, prohibitis super eos cælis, ne dent rorem, & terra, ne det germen suum, vel si aliquid pullulare atque excrefcere ceperit, oriente subinde vento, ærugine, vel grandine percuti a Deo. Cum econtra alibi protestetur Dominus: inferte omnem decimam in horreum, & sit cibus in domo mea, & probate me super hoc, si non aperuero vobis cataractas cæli, & effudero vobis omnem benedictionem usque ad abundantiam. Quæ & alia familia inculcare non negligent Parochi.

Jura præterea, privilegia, -litteras fundationum Ecclesiarum, & quorumcunque Beneficiorum Ecclesiæ suæ, in libro speciali exactè descripta habeant, & quominus fortuitis casibus subjaceant, & custodiantur securius, eorum Copias ad Archivum nostrum Episcopale, una cum descriptione seu registro omnium bonorum, fructuumque sui quisque Plebanatus, & Beneficiorum servandas deferant & mittant, aut saltem Actis officii nostri inscribi curent.

Denique ne quidquam de bonis ram mobilibus; quam immobilibus, aut juribus ad Ecclesias, Sacerdotia, Hospitalia, aliaque loca pia spectantibus, alienetur, donetur, vendatur, aut obligetur, sicuti CROMERI Constitutione sancitum est, severe interdiciamus.

Quod si quid simile, sine autoritate & consensu nostro attentatum fuerit, pro irritò habeatur, & alienatum ad locum suum revocetur, pretium vero, si quod pro tali exolutum fuerit, emens semper amittat; & alienantes pœnis sacrorum Canonum sub-
jaceant.

Neque vero cuiquam posthac liberum erit absque speciali & expresso nostro consensu, ædificia in fundis Ecclesiæ & Hospitalium erigere. Quod si quis ausu temerario, huic nostræ inhibitioni contravenire ausus fuerit, omnia, quæ extruxerit, ipso facto amittat, locis, in quibus ædificata fuerint, perpetuo applicanda.

De cura & administratione Hospitalium, eorumque & aliorum piorum locorum Provisoris.

Quicumque piorum locorum administrationem, procuracionemve sustinent, illud sæpe meminisse debent, se pauperum, viduarum, senum egestate & ægritudine laborantium, & aliorum id genus hominum, aliena videlicet ope indigentium curam gerere, quiddive in illos misericordiz, vel beneficii, vel operæ, vel officii, vel opis conferunt, id omne Dominus sæpe in Evangelio in se collatum, aut illatum esse, ac propterea in die iudicii, prout illis benefactum, aut neglectum, omissumve in eorum necessitatibus sublevandis fuerit, retributurum.

Quare primo id valde curent, ut omnibus suscepti muneris partibus satisfaciant: deinde videant, ut nihil a curæ, quam gerunt, ratione alienum, ullo pacto admittant: tum id solícite studeant, ut, quæ illis officia; pro administrationis susceptæ munere incumbunt, ea obeant, atque præstent omni pietatis affectu, non suis, sed eorum, quorum curam susceperunt, commodis atque utilitatibus servientes.

Magnus quippe census pauperum est, fidelium charitas, & diligens atque ordinata Hospitalium administratio, quæ cum Pastoralis non postrema sit pars officii, dent operam Parochi, ut non solum ipsi ex frugalitate & parsimonia sua illorum necessitatibus subveniant, sed & alios, quibus forte cura eorum incumbit, inducant ad id faciendum, & ad explendum sedulo officium suum.

Volumus autem, ut Hospitalium, & aliorum piorum locorum administratio viris bonis, providis, industriis quolibet triennio permutandis, non tamen id ambientibus, vel debito aliquo Hospitali obstrictis, a Parochis, vel Magistratibus conjunctim committatur, qui inventarium omnium rerum conficere, exhibereque Nobis, vel Visitatoribus nostris, sed & clavem unam Parocho consignare, & rationem acceptorum, datorumque quotannis reddere teneantur.

Qui vero ad hoc officium electi fuerint, provideant, ne Mendici, qui vel opera manuum suarum sibi victum possunt quærere, vel alias habent, unde vivant, recipiantur ad Hospitalia, prætextuque eleemosynæ, inertia otiosorum hominum foveatur, sed confecti tantum morbo, vel ætate, mutilive, & ad labores minime idonei, ac præsertim incolæ civitatis illius admittantur. Vagi autem & validi mendicantes, si laborare noluerint, prohibeantur a Parochis mendicare apud Ecclesias, & a Magistratu sæculari ex villis & oppidis expellantur.

Porro in quolibet Hospitali cubacula atque hypocausta virorum distincta sint a feminarum habitationibus, neque unquam conversari simul, multo vero minus condormire permittantur.

Si qui sunt contagioso morbo aliquo laborantes, separatim a cœtu, & contubernio aliorum maneant.

Neque interim, dum corpora illorum curantur, animi negligantur, sæpeque a Parocho, vel proprio Sacerdote informantur ad patientiam, & de necessariis ad salutem doceantur, orationi etiam vacent assidue, atque principalioribus saltem Festis ad Sacram Synaxin confessi accedant.

Moneantur fideles, ut præter quotidianas eleemosynas, quas vel ad januam Ecclesiæ mendicis distribuunt, vel Collectori ad id deputato, in arculam, pyxidemque seratas imponunt, liberaliores interdum mittere per suos, aut ipsi deferre, visitareque Hospitalia, & ibidem pauperibus, aut Christo potius in illis servire assuescant.

Quo autem maturius & majori ordine ista peragantur, volumus, ut Consules, vel alii locorum Magistratus cum Administratoribus, sive Præpositis Hospitalis, Parochisve etiam ipsis semel saltem in mense, vel potius, prout necessitas postulabit, diebus Festis in loco ad id destinato conveniant, acturi de rebus, ad rectum regimen Hospitalis pertinentibus, & si quæ alia occurrunt pro tempore, quæ consilio, subsidio, vel opera indigere existimabunt, in medium afferant, consultent, atque opportuna adhibeant remedia, & inprimis provideant, ne in dispensandis eleemosynis, aut proveniuntibus, Hospitalis defraudentur viscera Christi.

Quia verò ex actis præteritæ visitationis intelleximus, pecunias quasdam Hospitalium, Capellarum, & aliorum quorundam piorum locorum contra mentem Fundatorum a Magistratibus quibusdam in prætoriiis, nulla requisita nostra licentia, nulla etiam clave Parocho consignata detineri; propterea omnes & singulos Ecclesiasticarum pecuniarum detentores monemus, ut mense uno a publicatione præsentium lapso, eas in locum suum inferant, vel saltem una clave Parocho consignata, eas apud se retineant, neque tamen cistam, nisi Parocho præsentem, sub excommunicationis ipso facto incurrendæ pœna aperire præsumant.

Porro Hospitalium Administratores, qui reipsa hospitalitatem non exercent, quin vero ædificia pauperum habitationibus destinata, mercenariis quibusdam contra mentem Fundatorum elocare non subverentur, sub pœnis in Concilio Tridentino expressis interdicimus & inhibemus, ne personas, quæ ex eleemosynis vivere (in fraudem Hospitalium videlicet, ne ipsorum derelicta Hospitalibus cedant) nolunt ad Hospitalia impofterum recipiant, sed eas tantum, quæ cum gratiarum actione eleemosynis Christi fidelium uti volent.

Et cum quibusdam in locis, ex privato affectu Magistratuum, passim absque ullo delectu, nulloque Parochi, aut Provisorum requisito consensu, non modo

modo validi, sed etiam, quibus alias vitus & amictus sufficiens suppetit, recipiantur. Præcipimus, ne quisquam omnino ad Hospitalia admittatur, qui non antea a Parocho de rudimentis fidei examinatus, peccatorum suorum confessionem fecerit, & Sanctissimum Eucharistiæ Sacramentum sumpserit.

De Cæmeteriis & Campanilibus.

Cæmeteria sint undequaque bene septa, habeantque januas sufficientes, bene clausas, ne brutorum incurfionibus pateant, nullæque sint in illis immunditiæ, lignorum strues, aut cementorum acervi, sed & spinæ, frutices, urticæ, si quæ excreverint, succidantur, arbores tamen ob tuendas a circumvicinis incendiis Ecclesias, fini poterunt, dummodo testæ & lumini, propinquitate sua non officiant.

Et quia in illis passim domicilia sunt, quæ ab Ædituis, atque aliis Sæcularibus aliquando inhabitantur, in quibus multa inhonesta, & tali loco indigna projiciuntur, idcirco adhibeatur diligentia, & gravi pœna, multa-que agatur, ut ejusmodi loca ab excrementis, aliisque cujusvis generis sordibus munda conserventur.

Porro ii, qui in dictis cæmeteriis habitationes suas, ratione officii alicujus, quod in Ecclesia præstant, habent, eas non nisi honestis personis, idque de consensu Parochi & Vitricorum elocare audeant, vel potius ipsimet, si possunt, ita inhabitent, ne clamores, quibus quies Ministrorum Ecclesiæ impediri possit, ulli audiantur. Ad reparationem vero fenestrarum, fornacis, & aliorum similium minuciorum, sibi facta testæ consignatorum, quæque valorem unius marcæ non excedunt, omnino teneantur.

Nec in cæmeteriis sartagines, a hena cerevisiaria custodiri, nec frumenta quasi in area ventilari, neque ficari, quin vero nec vestes profanæ, telæ, pannive linei, lixivio & aqua madefacti soli ibidem exponi, nec lecticalia pulvinaria inungi, neque in eo mares, feminaeque colo quidquam la-

borare, nere, aut aliud præterea opus facere debent, sub amissione rerum ibidem expositarum.

Nemini etiam in profanis rebus, oneribusque transportandis, hac & illac, quasi per viam publicam transeundum usui esse debent, sed clausa semper teneri & observari. Quod si Vitrici, quibus ea cura imposita est, negligentes ad decursum unius mensis, a publicatione harum fuerint inventi, debitis pœnis & multis, a Nobis ad id omnino præstandum compellentur. Magistratibus vero sub pœna depositionis mandamus, ne posthac falcem suam in alienam messem immittant; Vitricisque quo minus ea, quæ a Visitatoribus nostris ordinata sunt, præstent, impediant, vel interdiciant, cum ipsorum officium sit in prætorio temporalibus & sæcularibus negotiis incumbere, non Parocho, Vitricis, aliisque Ecclesiæ Ministris, hæretico quodam eoque temerario ausu imperare.

Sint etiam Ossoria, ubi nova ædificanda sunt, a parietibus Ecclesiæ separata, in quæ ossa mortuorum ordine optimo inferantur, habeantque cancellos, si pressa nimis fuerint, ne bestiae ascendere intus queant, & inscriptionem aliquam piam exterius, literis majusculis exaratam, diei extremæ vel resurrectionis testificativam, ab intus vero imaginem Crucifixi parieti asseratam, vel depictam.

Campanæ non appendantur in trabibus parieti Ecclesiæ innixis, sed sublimes in campanili erigantur, sintque omnes benedictæ, antequam in altum eleventur.

Turres campaniles clausæ ubique sint, nec quisquam ad pulsandum sine consensu & licentia Parochi admittatur, qui etiam una cum Vitricis attendere debent, ne pro mortuis frequenter & nimis diu, sed bis, vel ad summum ter, idque per dimidium horæ quadrantem tantum, certo soluto pretio a Parocho, Magistratibus, Vitricisque pro funibus tractoriis, aliisque rebus ad eas spectantibus, constituto pulsantur.

Nimbis, procellisve imminentibus, sicut Ecclesiasticæ consuetudinis est, campanis sonetur, tum ad tempestates depel-

depellendas, tum ad Dei misericordiam Christianæ pietatis orationibus implorandam.

Quod si fideles tunc campanarum sono excitati, ad orandum in Ecclesiam venire non possunt, saltem ubicunque sunt, sive domi, sive foris Deum exorent, Clerici vero Psalmis, Lytaniis, precibus & orationibus, quæ ex ritu Sanctæ Matris Ecclesiæ ad arcendas tempestates dicuntur, Dei misericordiam deprecantur.

De Funeribus, Exequiis, & Sepulturis.

UT vetus institutum Ecclesiæ, mortuorum funera, piis precibus & officiis, solenni ritu prosequendi, multis locis, avaritia, ambitione, vel negligentia depravatam, ad pristinam pietatis rationem revocemus, hæc servanda proponimus.

Primo, ut Exequiarum, sepulturarum, vigiliarum, & anniversariorum causa, nemini pacisci quidquam aut exigere liceat, neque etiam petere, vel quid aliud committere, quod Simoniacæ labis aut sordidæ avaritiæ suspicionem habeat. Pias tamen & laudabiles consuetudines aliquid dandi non rejicimus, nec improbamus.

Secundo, ut miserabiles personæ, quibus mortuis aut nihil superest, aut ita parum, ut sua impensâ humari non possint, gratis omnino & debita cum solennitate processionaliter cum cruce & cantu sepeliantur.

Tertio, ut caveant Parochi, ne, quod pietate adducti, suadere debent mortuorum videlicet hæredibus, ut vigilias in die depositionis & anniversaria officia illorum causa celebranda curent, id cupiditate inducti, molestius etiam ab iis flagitent, quibus res domesticæ adeo angustæ sunt, ut id commode facere non queant.

Quarto, ne ad funus ducendum, aut Officia pro mortuis celebranda, alios pro se mittant, ipsimet emolumentum, aut ejus aliquam partem percipere, neque secum pueros aut Clericos ea spe perducant, mittantve, ut eleemosynæ, quæ illis dandæ foret, parti-

cipes efficiantur, nullo vero pacto, etiam consuetudine immemorabili non obstante, aliquid funeris deducendi nomine accipiant, si personaliter processioni & deductioni non interfuerint; scriptum est enim: Qui non laborat, non manducet.

Quinto, ne eleemosyna, quæ ob funus curandum Clero, aliisque Ecclesiæ Ministris datur, in Ecclesia spectante populo inter cantandum, sed alio remoto & separato loco finitis exequiis distribuatur.

Sexto, ut omnis prorsus avaritiæ suspicio, ab hoc tam pio exercitio omnino amoveatur; statuimus, ne Parochi unicis exequiis & vigiliis decantatis, eleemosynam pro pluribus accipere ausint, prout in quibusdam Parochialibus, mala quadam introducta consuetudine fieri compertum habemus. Quod si quis hanc consuetudinem nostram Synodalem, temerario ausu infringere non subverbitur, in triplo, quod accipit, restituet, & a perceptione similibus eleemosynarum, per tres menses suspensus erit.

Septimo, ut totis duplicibus Festis, tam Fraternalitatum, seu Anniversariorum, quam recentium funerum exequiæ non peragantur, etiam si plures sint Sacerdotes, qui absque fraude & diminutione summi Sacri, debita munia pro defunctis exolvere queant. Idipsum quoque observetur diebus Dominicis & Festis, qui Ecclesiæ præcepto coluntur, ruralibus duntaxat Ecclesiis exceptis, in quibus, dum similia Anniversaria, vel recentium funerum exequiæ incidunt, Missa de tempore cum impositione Collectæ pro defunctis fieri poterit.

Octavo, ne præter licentiam nostram, vel Vicarii nostri Parochi defunctum alterius Parochiæ intra vel circa Parochialem Ecclesiam suam sepelire sub pœna Synodali præsumant.

Nono, ut eorum defunctorum hæredes, qui in Ecclesiis sepeliuntur, sepulchra ita complanari & exæquare curent, ne quid tortuosum post sepulturam in pavimento appareat.

Decimo, Statutum de quarundam personarum gratuita in Ecclesiis

sepultura, ab Antecessore nostro laudabilis memoriæ. CROMERO sancitum, approbamus, quod sic habet: "Gratuitam sepulturam in Ecclesiis habeant, non nisi earum Parochi, Capellani, & Beneficiati, Patroni, Patronæ, qui, quæve discesserunt in fide Catholica & a jure Ecclesiastica sepultura non prohibentur, atque Virrici in eo officio mortui, si ipsi, eorumve hæredes id desideraverint."

Undecimo, ne cuique, cujuscunque status & conditionis sit, vexilla, hastæ, & similia in Ecclesia suspendantur absque Nostra, vel nostri Vicarii Generalis licentia & consensu.

Duodecimo, ut siquidem ultimum charitatis officium impendendæ populo a Parochis funus est, atque oratio pro defunctis, cum primum obiisset aliquem ex suis cognoverint, Psalmos: *Miserere mei Deus*, aut *De profundis* &c. pro anima illius Parochi orent, recordenturque ejus in Missa, quam primam habebunt.

Decimo tertio, ut persuadeant hæredibus & amicis defunctorum, ne diu cadavera insepulta teneant, oppressos tamen aliquo repentino morbo aut casu ante expletas viginti quatuor horas, vel quamdiu de vita illorum spes superest, sepulchro ne inferant.

Decimo quarto, ut Vigiliarum cantus more Romano fiat ad Cathedralis Ecclesiæ imitationem.

Decimo quinto, ut conciones funebres sic instituuntur, ut non tam mortuorum in illis celebrentur encomia, quam vivi ad imitationem, mortis recordationem & vitæ emendationem inducantur.

Decimo sexto, ut quarta funeralis juxta sacros Canones salva & integra maneat Parochiali defuncti Ecclesiæ, ubicunque is tandem extra illam electione etiam sua sepeliatur.

Decimo septimo, ut Parochi, & Fraternalitates, etiam Sacerdotum Rectores provideant, ne pias fidelium voluntates, qui fundando aut dorando suffragandi pro se onus Ministris aut Fratribus imposuerunt, deperire ulla ratione, defraudarive patiantur, nec perfunctorie, sed diligentissime juxta

mentem Fundatorum omnia adimpleant, & a Vicariis suis adimpleri faciant.

Decimo octavo, ut sepulchra in templis prope altaria nullo pacto fiant, sed duobus ad minus cubitis ab iis remota.

Decimo nono, prohibendi autem & arcendi sunt ab Ecclesiastica sepultura, præter Paganos, Judæos, & hæreticos, parvuli abortivi, & sine Baptismo defuncti, excommunicati excommunicatione majori; interdictione nominatim, ni reconcilientur Ecclesiæ, decedentesque item in torneamentis vel duellis; consciscentes mortem sibi ipsis, nisi id ex amentia, vel contra intentionem suam fecerint; vel si quis volens fugere, præcipitet se in fluvium, & pereat; injicientes violentas manus in Ecclesiasticas personas, non confessi & non communicati in Paschate, ni de consilio Parochi a Communionem abstinerint; blasphemii in Deum & Sanctos; usurarii manifesti, ni poeniteant, & faciant saltem cautionem de restituendo; Monachi inventi proprietarii; impenitentes; ac denique quilibet notorius peccator, in ipso notorio mortali decedens, nec confessus, aut signo saltem voluntatis confitendi, vel contritionis non exhibens.

His adjiciendum duximus Statutum HOSII Cardinalis, quo interdicitur, ut Parochiani cujuscunque linguæ fuerint, si diebus Dominicis & Festivis fideliter ad suam Ecclesiam confluere, Divinaque & prædicationem ad ædificationem fidei audire neglexerint, & per suos Parochos moniti, emendare se non curaverint, careant Ecclesiastica sepultura.

Nemo tamen ob debita, aut non solutas obsequii, operæ mercedes, sepulturam cujuscunque impedire audeat.

Quod si in aliquibus Ecclesiis, vel tam magnus Missarum celebrandarum hoc nomine impositus est numerus, ut omnibus præscriptis diebus celebrari nequeant, vel adeo tenues pro Celebrandis illis assignatæ sunt elemosynæ, ut non facile inveniantur, qui subire hoc munus velint, quam primum id Nobis significant, ut de his statu-

mus,

mus, quod magis ad Dei honorem & Ecclesiæ utilitatem expedire viderimus, quemadmodum Concilium Tridentinum statuit.

Convivia funeralia etsi non omnino improbamus, si sobria & moderata fuerint; malleus tamen pauperes & egenos illis interesse potius cum piis Ecclesiæ Ministris, quam quoscunque alios profanos, quibus venter magis solet esse curæ, quam defuncti spiritus.

Actum Heilsbergæ in Templo nostro Parochiali, presentibus Reverendis &c. Dominis Prælati &c. ut supra. Anno MDCX. XVII. XVIII. XIX. Novembris.

Ex Codice impresso Brunsbergæ in 4to. apud Georgium Schönfeld MDCXIII., commodato a Reverendissimo & Illustrissimo D. Zaluski, Episcopo Kiöviensi.

ARGENTORATENSIS de A. 1610. SYNODUS
LEOPOLDI Archi-Ducis Episc.,
in Programmata adnotata, desideratur.

SYNODUS DIOECESANA
COLONIENSIS

Sub FERDINANDO, () Bavariæ Duce & Ernesti Coadjutore,*
LXII. Archi-Episcopo,

Anno Christi MDCXII. Pauli V. PP. VIII.
Matthiæ Imp. I.

Statuta Synodi Diœcesanæ Coloniensis
de Dat. Fer. 3. post: INVOCAVIT A. 1612.

IN NOMINE SANCTÆ ET INDIVIDUÆ TRINITATIS, PATRIS, ET
 FILII, ET SPIRITUS SANCTI. AMEN.

NOS FERDINANDUS, DEI gratia
S. Coloniensis Ecclesiæ Electus & Confirmatus Archi-Episcopus tot. tit. Legatusque Sedis Apostolicæ natus, ad DEI Omnipotentis gloriam, Beatæque Mariæ semper Virginis,

SS. trium Regum, ac Beati Petri, Felicis, Naboris, S. Gregorii Patronorum nostrorum laudem, Sacrosanctæ Missæ per Reverendissimum Patrem Theodorum, Cyrenensem Episcopum, de Spiritu Sancto decantata, & Synodali Oratione

(*) Obierat in arce Arensbergensi XIII. Kal. Martias anno 1612. piissima inter suspiria Ernestus, annum ætatis agens octavum & quinquagesimum, *Ligæ* a. 1609. contra Protestantes conditæ author, *Religionis*, ut haber epitaphium Metropolitano in Templo, ubi conqueiscit, æri incisum, *Columen, & publicæ pacis Assertor, patriæ Pater laudabilis*, (de quo jam egimus *Tom. præc. a pag. 532.*) & quem pluribus modo annis Adjutorem sibi esse voluit, Successorem habebat FERDINANDUM, ex fratre Wilhelmo V. Bav. Duce nepotem, ex Renata Principe Lotharingiæ anno 1577. Non. Oct. natum, Ecclesiæ Coloniensis Præpositum, datum sacris Leodiensi, Monasteriensi, Hildesienfi, ac Paderbornensi Sedibus Episcopum, Præclaræ hic erat indolis, maximæque expectationis Princeps. Celebratis Patruo suo exequiis, & Synodo, quam hic damus, absoluta, Francofurtum ad novi Cæsaris electionem

tione in Choro recitata, ad fidem orthodoxam omnibus finibus nostræ Diœcesos propagandam, & præcipue ad Cleri, populiq; fidei nostræ concediti mores reformandos, adfidentibus Nobis, prædicto Cyrenensi Episcopo, cæterisque Abbatibus, Prælatibus, Decanis, Archi-Presbyteris, seu Christianitatum Decanis, & burgis Urbis Pastoribus, de consilio & assensu Venerabilis Capituli nostri decernimus, statuimus, sancimus, ac per Notarium nostrum specialiter ad hoc deputatum, promulgamus Constitutiones & Decreta, quæ sequuntur.

DE

insigni cum Procerum comitatu profectus est. Urbem XIV. Kal. Junii primus omnium cum Joanne Sweicardo, Moguntino Archi-Episcopo ingressus, toto, quod supererat, tempore ad exeuntem usque Junium Matthiæ Rom. Regis, & electi Imperatoris honoribus, *Strunkio Annal. Paderb. P. III. narrante*, communi Imperii salutis, Catholicæque Religionis inprimis consultum ivit.

Magno illum plausu & apparatus excipere Monasterienses, sacramentum solenne dicturi; magno Eburones: Patrum in Nepote optimum utrique desiderantes. Hæc ab illis facta gratulatio: *Maxime Princeps, magnam inire urbem saluto. Latus in illam, faustus in illam, Felix intrato. Subiectos populos justitia rege, paceque protege. Si quæ forte jacent, legibus erige, menteque dirige: Quæque erecta vides, jugiter imperans conserva & ange. Sic te regat, sic te tegat feliciter; Qui nos tibi dedit regendos & tegendos magnus DEUS.* Legiam ingredienti obviam se stitit eximiae formæ virgo, triplicique sermone Latino, Hispanico & Gallico felicem adventum gratulata, auream clavem obtulit. Post hæc quatuordecim civitatum, quas Principatus iste numerat, Oratores, suum quisque bovem una cum aliis muneribus, largiebantur. Juratum deinde ab utriusque urbis S. P. Q. in verba ac vota Principis fuit.

Sub ejusdem regimine Patres de monte Carmelo, quos *Discalceatos* vocant, anno 1613. VII. Kal. Dec. & Virgines dicti Ordinis, Sylva Ducum extorres, Kal. Jul. a. 1630. domicilium apud Ubios fixerunt; ab eoque impensis tum restituendo fidei orthodoxæ Aquisgrano, tum paci Julienses in Provincias reducendæ curis, primo templo Societatis nostræ surrecturo lapis collocabatur Leodii a. 1614., ubi malevolorum in nos convitia gravi hoc responso dispulit, diluitque: *alieno vel judicio, vel auctoritate nihil mihi opus est in Societatis æstimanda innocentia, cujus a puero probationem hausam habeo quam exploratissimam.* Cum, Matthia Imperatore XIII. Kal. April. anno 1619. Viennæ sine liberis defuncto, innumeris propemodum difficultatibus obseptum videretur novæ electionis negotium, mira Ferdinandi tum prudentia, tum magnitudo animi eluxit: ringentibus enim Bohemis, lusisque spe sua Calvinianis unitis, atque ut remoras, quas possent, Comitibus injicerent, vehementer connitentibus, Ferdinandum Austriacum V. Kal. Sept. Francofurti cum cæteris Electoribus ad dignitatis Cæsareæ fastigium evexit; commodamque in Conventu Mulhusiano navavit operam, ut Friderici Palatini, Regnum Bohemiæ invadentis frangeretur superbia & progressus rei Catholicæ admodum infesti præpedirentur. Victus hic ad Pragam fuit & VII. virali dignitate a Ferdinando II. Imp. exutus: suffectum in illam, aliorum pariter Electorum ex sententia, a. 1623. Maximilianum, fratrem suum vidit Ferdinandus Princeps ut æqui tenax; ita cultui & amoribus Sanctorum, Civitatis potissimum & Archi-Diœcesis suæ, quos inter SS. Engelbertus Ep. Martyr, Bruno Ordinis Carthusianorum Fundator, & Hermannus Josephus Steinfeldæ Angelus eminebant, addictissimus. Officia illorum propria typis mandari jussit a. 1648. Ex eo, quod *Wilnii ex Chronico MS.* adjicio, in B. V. MARIAM, sine labe originis conceptam, quam porro reverens ac religiosus fuerit, elucescet. Hæc ille ad annum 1629. "Fortunatissimus ad hunc usque annum Ferdinandus Imp. ab anno hujus Sæculi undevicesimo nobilissimas & quidem viginti numero obtinuerat de variis hostibus victorias. . . Has quia religiosissimus Princeps in acceptis referebat post Deum patrocinio Virginis Mariæ, quam castrorum suorum GENERALISSIMAM nuncupare consueverat, petiit a totius Germaniæ Antistitibus, ut in gratiarum actionem, & honorem fortunatissimæ suæ Propugnatricis, diem, quo illam sine labe conceptam pie credimus ac colimus, suis quam solennissimum esse juberent. Paruit præ cæteris pio desiderio Cæsaris pius Colonienſium Archi-Episcopus Ferdinandus, ac datis in subiectis sibi Diœcesibus Colonienſi, Leodienſi, Paderbornenſi, Monasterienſi ac Hildefienſi ad Ecclesiarum Rectores, & Religionum Prædices literis, jussit

ob

DE CLERICORUM VITA ET HONESTATE,
EORUMQUE BENEFICIIS.
TITULUS I.

CAPUT I.

Renovantes, (*) & Archi-Episcopali authoritate, qua fungimur, confirmantes ea, quæ præcedente Synodo hæc de re constituta sunt; ut a nobis iram & flagella Dei avertamus, censemus ante omnia domum ejus ab omnibus impudicitiae sordibus ac immundo concubinato esse purgandam. Quod, ut pro munere & provincia Nobis credita præstemus, Prædecessorum nostrorum vestigiis insistentes, præcipimus Prælati & Decanis omnibus, ut pro ea, quam Deo ac Nobis debent, pietate ac obedientia satagent; ne Clerici sibi subiecti, cujuscunque fuerint Ordinis, concubinas, aut alias mulieres, de quibus haberi potest suspicio, in domo, vel extra detinere,

aut cum iis ullam consuetudinem habere audeant; alioquin pœnis a sacris Canonibus, vel Diocesanis, aut Provincialibus Statutis impositis, puniantur. Qui vero a Superioribus suis moniti, ab iis se non abstinuerint, tertia parte fructuum, obventionum ac proventuum Beneficiorum suorum quorumcunque, etiam pensionum ipso facto sint privati: quæ fabricæ Ecclesiæ, unde proveniant, vel alteri pio loco applicentur. Hi autem, qui in delicto eodem, cum eadem, vel alia femina perseverantes, secundæ monitioni non paruerint, vel postquam eas semel dimiserint, intermissum consortium repetere, aut alias hujusmodi scandalosas mulieres sibi adjungere ausi fuerint, Nobis, aut Officialibus nostris denun-

cien-

" ob causas jam memoratas, ut hortarentur fidelem populum, quam maxima religione diem illum habere celeberrimum, in pervigilio abstinere ab esu carnum,
" Confessionis Sacramento perpurigare animum, Sacrosancto Christi Corpore pasci, Deoque debitas gratiarum actiones persolvere, simulque ejus Matri, quæ a Filio tanta Cæsari, tanta Catholice Ecclesiæ beneficia impetrasset. Inde Clerum, Religiososque admonuit, eo ut die in suis quique Templis quæsitissimo apparatu facerent rem Divinam, integroque octiduo repetitis Sacrificiis, & precum horariorum pensis Virginem ab originaria culpa divinitus præservatam, ac tot victoriarum Conciliatricem venerarentur. Manet inde hodieque pluribus in locis ejus Festivitatibus inusitata celebritas monumentum insignis utriusque Ferdinandi erga augustissimam cœli Reginam pietatis." *Ita Scriptor Chronici Colonienfis cit.*

Cessit e vita Ferdinandus Arensbergæ anno 1650. Id. Sept., Leodio domito, Pace Germanica confecta, Diocesibus suis omnibus (Mindensem, Metropoli subtraham, si excipias) ne A catholicis darentur in prædā, fortiter, sapienterque conservatis. Opera Ipsi factum legimus, ut paucos intra menses duodeviginti hominum millia, ejurata hæresi, avitæ fidei nomina darent. Vixit Princeps optimus annos tres supra septuaginta, minus diebus quatuor & viginti. Archi-Diacesi Colonienfi ceu Coadjutor annis fere 16.; ut Archi-Episcopus annis 38. mensibus 7. diebus 5. præerat. Pari temporis spatio Monasterienfes rex; pari Leodienfes ac Hildesienfes: Paderanæ vero Ecclesiæ clavum annos 21. menses 9. dies 20. moderabatur. Verissime de illo P. Joannes Heim S. J. Orator panegyricus: *Quasi Sol resurgens, sic Ille effulsit in Templo Dei.*

Cadaver prudentissimi, fortissimi, piissimique Præfulis devesctum Coloniam, & in æde Metropolitana reconditum fuit, parentantibus meritissimo Principi totius Archi-Diacesis Ordinibus; ac Solem pudicitiae, Religionis, Justitiæ, aliarumque virtutum suæ ereptum patriæ, collacrymantibus.

Vide præter AA. cit., Michaëlis Mörkensii Conatum Chronol. Archi-Ep. Colon. typis Krakampianis Col. Ub. 1745., Joan. Bapt. Castillionii Sacr. Belgii Chronol., Joan. Erhardi Fullonii S. J. Historiam Leodiens. & alios.

(*) Vide Statutum Friderici cap. 8. & D. Nicolai Cusani Cardin. Concil. Trid. Sess. 25. cap. 14. de Reformatione.

cientur, ut, quod muneris nostri est, contra eos, secundum Canonum, ac Synodaliū & Provincialium Statutorum rigorem, severius procedere possimus.

II. Haud minus curæ Nobis est, (***) ut Clerici nostri per decentiam habitus extrinseci morum honestatem intrinsecam ostendant. Eos igitur a suis Superioribus moneri volumus, & urgeri, ut habitum deferant Clericalem, Ordini suo, forma, colore, ac modestia congruentem. Refractarii autem per suspensionem ab Ordinibus, ac officio & beneficio, ac fructibus, redditibus & proventibus ipsorum Beneficiorum a suis Decanis: & qui semel correpti, denuo in hoc deliquerint, etiam per privationem Officiorum & Beneficiorum hujusmodi a Nobis se noverint esse coercendos.

III. Similiter confirmamus & renovamus Serenissimi ERNESTI Archiepiscopi Colonienſis, Prædecessoris nostri Decretum, quod est tale:

" Omnes Diaconi, Subdiaconi & Clerici, pro tempore existentes Canonici, aut Vicarii, si Sacerdotes non fuerint, confiteantur in Sacratissimo festo Paschæ, Pentecostes, Assumptionis Beatæ MARIE, omnium Sanctorum, Natalis Domini, Dominica prima in Quadragesima, & in summa Missa, per Venerabilis Eucharistiæ sumptionem, Deo se reconcilient, &, ut alias frequentius, his item temporibus Coronas, pro Ordinis sui decentia, sibi renovari curent, & comam tonderi. Sacerdotes iisdem diebus celebrabunt, sub poena suspensionis a fructibus Beneficii."

IV. Publicamus & Synodali auctoritate promulgamus Decretum nostrum de pluribus Vicariis, in unam contrahendis, anno 1602. 6. Augusti emanatum, quod est tale:

" Quandoquidem indecens, & pio Fundatorum instituto repugnans est, quod ex tam multis Canonicis, at-

" que Vicariis, admodum pauci in Ecclesiis suis residere conspiciantur; idcirco Collegiatarum Decanis, Abbatibus, & Patronis Ecclesiasticis, juxta salutare Statutorum Colonienſium definitiones, districtè mandamus: ut omnes suos Canonicos, Canonissas, atque Vicarios, sub privationis poena ad residentiam in suis Ecclesiis, infra certum tempus, citari faciant, quo fidei professionem, a Ss. Tridentino Concilio præscriptam, edant: & apud suas Ecclesias residendo, emolumenta legitime sua faciant: inobedientium, & non parentium fructus, Ecclesiarum suarum fabricæ, seu etiam ornamenti, prout Statuta earundem Ecclesiarum ferunt, applicent. Quia vero quarundam Vicariarum dotatio, tam exilis, ac tenuis est, ut ea Possessor pro Statu sui dignitate honeste vivere, ac proinde ad residentiam adigi nequeat: itaque Decani, Abbates, & Patroni Ecclesiastici, quorum interest, vocatis cum consensu, ac dispositione Superiorum, ipsius videlicet Ordinarii, seu ejus in Spiritualibus Vicarii Generalis, per duarum, aut plurium Vicariarum unionem, Beneficia quidem pauciora, sed ita dotata constituent, quo eadem possessorem suum, pro istorum temporum difficultate, alimentare queant: & proinde ipse ad Ecclesiasticam residentiam in fundationis ac beneficii loco Decani, aut Superioris legitimi auctoritate sub privationis aut arbitraria poena obligetur."

DE OFFICIO DECANORUM CHRISTIANITATUM.

TITULUS II.

CAPUT I.

I. OMnes Decani Professionem fidei, (juxta præscriptum Concilii Tridentini & formulam in fine hujus Synodi appositam) faciant, & ab Ordinario confirmentur.

De

(***) Concil. Provinc. sub Conrado Archiep. c. 4. & c. 9. Statut. D. Sifridi c. 1. Statut. D. Henrici cap. 1. §. 3. & 4. & c. 5. Statut. D. Friderici c. 9. Concil. Provinc. sub Henrico 5. Parte 2. c. 6. Concil. Trid. Sess. 14. c. 6. de Reform.

De Synodis.

CAPUT II.

II. Synodos annue celebrent, & a suis Pastoribus, si ipsi adeste non poterunt, celebrari procurent, a Scabinis & Juratis autenticam mulctarum tabellam & copiam, vulgo *Strag-Zettel*, sibi exhiberi procurent.

Viri in Religione zelosi, ac sine ulla suspitione integri, Scabini Synodales eligantur.

Communia puncta & interrogatoria Decani Scabinis communicent, super quibus inquisitionem facere, & informationem dare tenebuntur.

Necessarios in Synodis sumptus, si ex mulctis haberi non poterunt, loci Pastores & fabricæ Magistri curabunt.

Decani exceptis criminibus aliis gravioribus, contra delicta in Synodis denunciata, procedent.

De Visitatione.

CAPUT III.

III. Singulis annis a Decanis, si pro temporum ratione fieri potest, visitatio instituat.

Visitatio autem talis ab iis, juxta præscriptam in Statutis Synodalibus formam, salubriter instituat.

Advigilabunt Decani, ut curæ suæ commissi Pastores, ab Ordinario debito tempore investiantur & instituuntur.

Neque permittent, ut a Laicis, Ecclesiæ Pastoribus occludantur.

Si Pastores, aut alii Beneficiati non satisfaciant Divino Officio, reditus non meriti, juxta ratam temporis, ex dispositione Ordinarii, vel Archi-Diaconi ad reparationem Ecclesiæ, Beneficii, vel Altaris, aut ad pios usus per Decanos applicabuntur.

Decani singulariter & serio in eos animadvertent, qui Pastores vel Clericos contumeliose, verberibus, aut aliis illicitis modis tractant.

Diligenter etiam & cum zelo Decani curabunt, ut singuli Pastores, Vicarii, Sacellani, Altaristæ, commissi sibi officio fideliter & decenter incumbant.

Omnibus vero Pastoribus serio mandabunt Decani, ne Communionem sub utraque specie, sine auctoritate & consensu Sedis Apostolicæ administrent.

Pastores insuper moneant, ut computationibus Ecclesiæ Confraternitatum & pauperum quotannis intersint, & sumptuosas convivaciones in iis habere solitas amoveant.

Decani in visitationibus, & alias, quando ipsis visum fuerit expedire, de redditibus Ecclesiæ, pauperum, Vicariorum, Altarium, Confraternitatum exigent.

Decani mandabunt Pastoribus, ne patiantur obliterari reditus: panes etiam exigent, & ubi hætenus soluti non sunt, non obstantibus ullis contractibus, aut pactiõibus sine legitimo Superiorum consensu factis, per debita media solvi curabunt. Denique Decani, Divina favente gratia, officio suo, quanta poterunt diligentia maxime, satisfaciant. Ut & Deus benedicatur, Ecclesia honoretur, & denique Christi fideles ædificentur.

DE OFFICIO PASTORUM.

TITULUS III.

De Pastorum institutionibus.

CAPUT I.

AD defervitionem Parochialium Ecclesiarum, Altarium, aut quæcumque Ecclesiasticarum functionum nulli assumantur aut admittantur Religiosi, nisi expressum & legitimum consensum habeant Superiorum & Ordinarii.

In Ecclesiis aut Altariis administratione, parentibus filii non succedant.

Pastores a suis Parochialibus Ecclesiis, in quibus instituti sunt, citra consensum & præscientiam sui Decani non recedant.

Quos Libros habere debeant.

CAPUT II.

Breviarium omnes habeant approbatum, Horasque Canonicas juxta Colonienfis Diocesis consuetudinem quotidie diligenter legant.

Omnes

Omnes habeant Latina Biblia, & Germanica Dietenbergii, vel Eckii. Expediet etiam, ut, quibus per facultatem licet, habeant ac diligenter legant Catechismum Tridentini Concilii, Directorium Polanci, Pastorale Binsfeldii, Casus Tolerti, Compendium Concionum Fuichtii, item libellum Sodalitatis Patris Colteri, & ejusdem Enchiridion controversiarum postremæ editionis.

Hæreticorum libros nulli habeant, nec eos absque consensu Superioris legant.

Omnes habeant indicem librorum prohibitorum.

Pastores a suis auferant libros hæreticorum, quos aut comburent, vel Decanis suis tradent, nec patiantur libros hæreticos venales prostare.

De Celebratione Missarum, & Divinis eorum Officiis.

CAPUT III.

Pastores ad minimum bis in hebdomada celebrent, ratione Pastoratus, si etiam alia Sacra ipsis imposita sint, ea diligenter curent.

Instruant Pastores populum, quid sit Sacrificium Missæ, explicant Cæremonias, & quod omnes teneantur diebus Dominicis & Festis sub pœna peccati audire integrum Sacrum.

Sæpius pro concione explicant præcepta Ecclesiæ, dividantque conciones, ut una parte Contenta Catechismi doceant.

Dominicis & Festivis diebus sub Sacrificio Missæ concio fiat.

De Sacramentorum administratione.

CAPUT IV.

In confessionibus Pastores confidentes examinent, & eos non absolvant, qui particulariter peccata confiteri nolum.

Non audiant plures una vice, excipiant confessionem non in ædibus, aut tabernis, sed in Templo, non tamen in Sacristia, aut alio loco clauso vel obscuro, nisi necessitas alicujus surdi, vel infirmi aliud postulet: Nec au-

diantur stantes vel sedentes, sed genu flectentes; Neque ante, vel post confessionem cum pœnitentibus bibant.

Utantur stola, & superpellicio, aut honesta toga vel alba, dum confessiones excipiunt.

Secretum confessionis inviolabiliter Pastores servant.

Curent Pastores pueros adduci ad confessionem circa medium Quadragesimæ, ne impediatur adulti.

Doceant & diligenter explicant in Quadragesima, quæ ad Pœnitentiam & Communionem sunt necessaria.

Adhortentur suos serio, ut ad confessionem diligenter se præparent, nec procrastinent usque in ultimam horam.

Nomina pœnitentium assignent.

Parochiale, sive Pastorale suæ Dicecesis, Pastores in administratione Sacramentorum sequantur.

Missali suæ Dicecesis utantur, si autem ordinationem Missalis Romani sequantur, id in privatis tantum, non in solennioribus Sacris fiat.

Pastores ultro infirmos visitent, eosque, ut Sacramenta petant, salubriter inducant, & in concionibus ad hoc suos adhortabuntur, & Extrema Unctio, quam sit necessarium Sacramentum, explicabunt.

Monebunt diligenter suos, ne in infirmitate admittant hæreticos.

Nulla modo patiantur hæreticos in Templis, aut cœmeteriis sepeliri, sub gravi pœna: multo vero minus ipsi hujusmodi sepulturis interfint.

Non patiantur infantes sine Baptismo mortuos, in loco sacro sepeliri, curentque, ut certus & abstractus sit locus, pro talium puerorum sepultura.

In sepultura consuetas Dicecesis suæ cæremonias observent. Nullus alterius Parochiæ infantes sine proprii Pastoris licentia baptizare præsumat, sola necessitatis causa excepta.

Et similiter non, nisi extrema necessitate cogente, infantes in ædibus baptizent.

Nec baptizabunt Pastores infantes Nobilium in ædibus sine justa causa, & licentia expressa Decanorum.

Nul-

Nullus alterius Parochianos absol-
vat, sine consensu proprii Pastoris.

Neque jungantur Matrimonio
nulli, nisi per proprium Pastorem, aut de
ejus licentia.

Dimissoriales Pastores diligenter
custodiant.

Pastores diligenter moneant suos,
ne contrahant cum hæreticis, nec con-
jungan, aut copulent Catholicas per-
sonas cum hæreticis, nisi spes conver-
sionis moraliter loquendo certa sit.

Sponsalia contrahantur ad modum
in Agenda Coloniensi præscriptum.

Quando Sponsalia, in præsentia
amicorum contracta sunt, absente Pa-
store, mittantur duo, qui referant Pa-
stori Sponsalia contracta, petantque
fieri proclamationes, quas Pastores
examinabunt, an illis de impedimentis
constet.

Non patiantur Sponsos verberari
in Ecclesia, & omnem insolentiam &
petulantiam impendant.

Nullos admittant ad Matrimonii
solemnizationem, absque præviis tri-
bus proclamationibus. Nisi Superio-
res ex causis in his dispensent.

Contracturi Matrimonium prius
consecrantur, atque communicent.

Nulli copulentur extra Ecclesiam,
aut etiam tempore interdicto, sine ex-
pressa & in scriptis habita Superiorum
licentia.

Non copulent in gradibus prohi-
bitis, sive affinitatis, sive consanguini-
tatis, neque etiam conjungant eos, qui
spiritualiter sibi conjuncti sunt, & di-
scant diligenter ex Auctoribus Casus
conscientiæ, qui sint gradus affinitatis,
& quæ Matrimonii impedimenta ex-
istant.

Moneant suos, ne Matrimonium,
sine parentum & amicorum consensu
contrahant.

Contrahentes Matrimonium præ-
vio Sacro, aut sub Sacro, aut post Sa-
crum sollemniter conjungant.

Quale sit tempus interdictum Ma-
rimonii suos commoneant.

Adhortentur suos, ne nuptias ce-
lebrent, aut instituant circa dies qua-
tuor temporum, vigiliarum, aut jejunii.

Totius IX. Concilior. German.

Prægnantes, ut confiteantur &
communicent, moneant Pastores, ut post
purificationem Templum ingrediantur,
benedictionem a Pastore petant, & si
fieri potest, puerperæ Sacrum audiant.

Pastores peculiarem librum ha-
beant, in quo scribant nomina infan-
tum, parentum, patrinorum, neque
plures duobus admittant, aut, si adsint,
tantum duas personas annotent, eisque
declarent, quam cognationem contra-
hant. Et hunc librum apud Ecclesiam
relinquant.

Præterea librum habeant, in quo
assignent nomina copulatum, annum,
diem, & duos testes; Item librum, in
quo conscribant Testamenta. Quos
libros relinquant Ecclesiis. Pastores
non proficiantur foras, nisi aliquo con-
stituto, qui in absentia eorum suppleat
vices.

Ab omnibus illicitis & inhonestis
cantilenis, & ab Ecclesia non approba-
tis, Pastores abstineant.

Ut gerant tonsuram, habeant co-
ronam ac habitum Starui Ecclesiastico
convenientem, disfectis & coloratis ve-
stibus non utantur.

Omnes Pastores, Vicarii, Altari-
stæ, quotannis rescriptiones suas, secun-
dum præscripta interrogatoria Decanis
suis tradent in Capitulo generali, quod
in Autumno celebratur, sub pena quin-
que Dalerorum, quoties omiserint.

Diligentissime cavent Pastores, ne
sint Nigromantici, venefici, divinato-
res, & similibus superstitionibus inno-
dati, quarum si rei comperiantur, juxta
præscriptum Canonum, acerrime pu-
niendi erunt.

Et tales nullatenus in suis Paro-
chiis admittent, sed suis Decanis eos
denunciabunt.

Nullo modo Pastores divinatores,
aut similes supersticiosos consulant. Ne-
que ab aliis id fieri permittent.

Nulli Pastores Chirurgiam, aut
artem medicam exercent, nisi in quan-
tum sacri Canones hoc ipsis permittant.

Communes aut speciales cæremo-
nias non omittant.

Parochianos suos in certo libro
conscribant, & cujus Religionis affig-
nent,

nent, quique convertantur, avertantur, deficiant & moriantur.

Pastores a Capitulis generalibus se non absentabunt, sub pœna in Statutis assignata, nisi habita expressa licentia, quam mature petent.

Excusati, nihilominus solvant pro Symbolo, sicut præsentes.

Falso excusati duplici pœna puniuntur, juxta arbitrium Decani.

Novelli Pastores non acceptentur, nec admittantur ad Capitulum, nisi secundum Statuta.

Nulla testamenta Pastorum, & aliorum Ecclesiæ Ministrorum valida sint, quæ per Ordinarium non fuerint confirmata; Itaque post defunctorum mortem hæredes, vel Executores eadem, cum inventario bonorum, juxta formam in Synodalibus Statutis præscriptam, Sigillifero majori præsentabunt.

Non celebrent, nisi in Altaribus consecratis. Curent Calices, albas, capfulas, mappas altarium, corporalia debite consecrari ab Ordinario, aut ab alio potestate habente; neque celebrent, nisi habitis necessariis ad Officium Missæ. Quæ omnia munda esse curabunt.

Diligenter curent circa Sanctissimum Eucharistiæ Sacramentum, ut locus sit mundus & clausus, Hostiæ consecræ non sint antiquæ, sæpius renoventur, & semper adsit lumen continuum, quoad fieri potest, & colligant potius eleemosynas pro lumine, ne desit.

Item curent, ut habeant Oleum sacrum, Chrisma, & Oleum infirmorum. Et, antequam exsiccecur, adjungant oleum olivarum.

Baptisterium curent, ut sit clausum.

Pastores habeant claves Baptisterii, & domunculæ Sanctissimi Sacramenti, nec eas permittant Matriculariis.

Nullæ fiant computationes, concernentes fabricam Ecclesiæ, aut bona pauperum, nisi in præsentia Pastorum, qui curabunt, ne Officiati sint rigorosi, aut curiam quærant commodum, ex ipsis bonis Ecclesiæ, vel pauperum.

Purificatoria & Corporalia antequam tradantur aliis, a Pastoribus ab-

loantur, & aqua illa in Sacrario, aut aliquo angulo Templi effundatur.

Pastores non patiantur ornamenta, cultui Divino semel dicata, in profanum usum converti.

Ut publicent Pastores jejunia ab Ecclesia præscripta, & servari mandent.

Déclarabunt populo in tribus Rogationum diebus, & in festo S. Marci, omnibusque diebus Sabbatinis, etiam infra Nativitatem Domini & Purificationem occurrentibus, abstinentiam esse a carnibus.

Festa suæ Diœcesis promulgent, & observari curent.

Quod si Pastores in præscriptis punctis non satisficiant, ea negligant, aut alias suo officio fideliter non respondeant, juxta qualitatem delicti, & excessus, a Decanis mulctabuntur.

De Custodibus.

TITULUS IV.

Non admittantur Custodes, nisi Catholici, & probæ vitæ, ac prævia fidei professione: neque assumantur, nisi de consensu Pastoris: & non nisi prævio ejus, aut Decani examine.

Sciant, quæ sui officii sunt, nec non cantum Gregorianum; singulis annis Custodes suis Decanis tradant descriptiones suorum proventuum, sub pœna duorum Dalerorum.

Emittant etiam juramentum fidelitatis, ac præstent ante admissionem, debitam ac sufficientem cautionem.

Tradatur Custodibus inventarium.

Panes, & alios redditus Custodibus debitos, fideliter, & irremissibiliter exigant sub pœna privationis.

Lampades & luminaria Ecclesiæ teneant, curentque, ut Ecclesiæ altaria, candelabra, vasa, imagines, & alia ornamenta sint munda, & aliquoties auferant araneorum telas.

Ut ter in die, juxta morem Ecclesiæ, pullent, & cætera fideliter faciant, quæ antiquitus & de jure Custodibus incumbunt.

De Ludimagistris.

TITULUS V.

Nulli admittentur vel tolerabuntur Ludimagistri, nisi cum præscientia & examine Decani.

Ante admissionem faciant Professionem fidei Catholicæ.

Jurabunt quoque se non admissuros, aut docturos hæreticorum libros, sed tantum a Decano & Pastore approbatos.

Debitam Decanis & Pastoribus obedientiam spondebunt.

Dominicis & Festivis diebus, pueros ad Sacrum & concionem adducant.

Quater ut minimum in anno eodem confiteri faciant.

Prælegent Catechismum Romanum, aut alium cum Decani & Pastoris consensu.

Nullas exhibebunt comœdias, nisi a Decanis & Pastoribus approbatas.

Sabbatinis & profectis diebus, quantum fieri potest, pueros in cantu Gregoriano instituant.

De Magistris fabricæ.

TITULUS VI.

Sint Catholici, & professionem fidei, ac fidelitatis juramentum edant.

Necessaria Ecclesiæ, & ad eandem spectantia procurabunt, diligenterque curabunt, ne bona fabricæ in alium usum controvertantur.

Nihil novi procurent vel ædificent, citra Pastoris consensum. Ut computum quotannis non sine præsentia Pastoris ac requisiti, parati sint reddere rationem omnium reddituum Archi-Diaconis, aut suis Commissariis visitantibus, aut alias exigentibus.

De Magistris pauperum.

TITULUS VII.

Sint Catholici.
Non distribuunt eleemosynas aliis

personis, quam Catholicis, & quibus ex fundatione debentur.

Agnoscant Archi-Diaconos & Pastores, tanquam generales Provisores pauperum & perpetuos, quibus cura pauperum præcipue incumbit.

De Hospitalibus.

TITULUS VIII.

Hospitalia, sicubi profanata, restituantur; & Divina Officia ibidem, juxta foundationes peragantur.

Rectores Hospitalium non assumantur, nisi Catholici sint.

Et qui se benevolos erga pauperes demonstrent.

Præstent juramentum fidelitatis.

Advigilent diligenter, ne infirmi sine Sacramentis Ecclesiæ vita discendant.

*Professio Fidei juxta formulam a
PIO IV. Pontifice Maximo
præscriptam.*

EGO N. firma fide credo & profiteor omnia & singula, quæ continentur in Symbolo fidei, quo Sancta Romana Ecclesia utitur, videlicet: Credo in unum Deum Patrem omnipotentem, &c.

*Ein öffentliche Bekantnuß des
Catholischen Glaubens.*

In Nahmen der Allerheiligsten Dreysaltigkeit, des Vatters, vndt des Sohns, vndt des Heiligen Geistes. Ich N. glaub und bekenne mit beständigem Herzen alle vnd jede Stück, so in dem Christlichen Glauben, den die heilige Römische Kirch auff diese Weiß gebrauchet, verfaßt seyndt. Nemblich: Ich glaub in einen Gott Vatter den Allmæchtigen Schöpffer, &c.

Lünig Opicil. Eccles. Contin. II. pag. 186.





CONGREGATIO CAPITULARIS

CONCILII GELDONIENSIS,
DIOECESIS NAMURCENSIS.

Eodem anno Christi MDCXII.

DECRETA FACTA

Per Reverendissimum Dominum FRANCISCUM BUISSET, (*)
Episcopum Namurcensem

In Capitulari Congregatione Concilii Geldoniensis in Gallica Brabantia,

Eodem Reverendissimo Domino presente, nec non Reverendis Dominis Archi-Diacono & Archi-Presbytero Ecclesie Cathedralis, & Decanis aliorum Conciliorum, cum sibi adjunctis Pastoribus ab eorum Concilio deputatis die quarta mensis Junii, anno Millesimo sexcentesimo duodecimo.

FRANCISCUS BUISSET, DEI ET APOSTOLICÆ SEDIS GRATIA
Episcopus Namurcensis. Dilectis nobis in Christo Decanis & Pastoribus totius
nostræ Diœcesis Salutem in Domino.

Fam dudum deprehendimus, plurima Decreta valde utilia pro reformatione Cleri & populi Nobis subiecti, in Synodo nostra Diœcesana facta & publicata, aut in totum habita non fuisse neglecta, aut valde imperfecte observata, & ab eo tempore multa etiam occurrerunt, quæ nostrum officium & auctoritatem requirunt; idcirco dum propter causas animi nostrum moventes, similem Synodum solemus totius Cleri nostri congregare differimus, de consilio & assensu Rever. Dominorum Vicariorum nostrorum Generalium, nec non Decanorum & Pastorum, qui nostra ordinatione Congregationi Capitulari Concilii Geldoniensis bodie interfuerunt, vobis præscribenda duximus, quæ sequuntur.

De observatione Decretorum Synodi Diœcesanæ.

Imprimis absque ulla dissimulatione curetis Ludimagistros Parochiarum vestrarum facere Professionem fidei suæ, juxta formulam C. 3. Tit. De fidei Professione, Synodi nostræ Diœcesanæ præscriptam; & si qui non intelligant linguam Latinam, faciant illam sub hac verborum forma:

Je N. croy fermement, & sans aucun doute, tous les Articles, qui sont contenus au

Symbole de la Foy, duquel use la Sainte Eglise Romaine, & tout ce qu'a esté enseigné, défini & déclaré par les Saints Canons & Conciles généraux, & principalement par le Sacré & Saint Concile de Trente. Aussi je promets & jure-vraye obediencia au Pape de Rome, Souverain Vicaire de JEsus-Christ sur la terre, & toutes les heresies, qui ont esté condamnées & rejettées par l'Eglise, je les condamne & rejette pareillement. Ainsi m'ayde Dieu, & les Saints Evangiles de Dieu.

A Scabinis vero pagorum, & aliis personis publicis in Edicto Regio super executione Decretorum Concilii Provincialis Cameracensis nominatis, in iisdem pagis habitantibus, Pastores, tanquam nostri hac in parte Deputati, in ipsorum Scabinorum creatione, aut cum alii suas commissiones recenter acceperint, exigant Fidei professionem, juxta formulam eidem Edicto articulo secundo insertam, & Decani in visitationibus suis se informant, an illam fecerint; & quos non fecisse repperint, ad illam in manibus ipsorum, etiam tanquam Deputatorum nostrorum, faciendam hortentur: & si qui eam facere recusent, Nos statim certiores redant.

Quia

(*) Vide Tom. CC. VIII. præc. pag. 633. Illmi Viri elogium.

Quia vero a publicatione induciarum deprehendimus hæreticos, ex iis locis, ubi libere degunt, sub prætextu suorum commerciorum, aut disponendi de suis bonis, ad loca nostræ Diœcesis venientes, variis artibus, semini bono, quod nos, & vos, ac Prædicatores a Nobis deputati seminavimus, superfeminare zizania, contra expresse conditiones tractatus dictarum induciarum, vobis præcipimus, & sub pœna trium Scutorum aureorum mandamus, ut quamprimum aliqui ejusmodi fieri intelligitis in Districibus aut Parochiis vestris, hoc statim Nobis significetis, quo, juxta literas a Serenissimis Archiducibus Nobis scriptas, de opportuno remedio providere valeamus.

Ad eundem finem totum Titulum: *De Scholis Parochialibus & Dominicalibus*, dictæ nostræ Synodi a vobis, & unoquoque vestrum diligenter relegi jubemus; & ubi dictæ Scholæ nondum fuerint erectæ, adhibito consilio eorum, qui sunt de Magistratu, & præceptorum Parochianorum uniuscujusque loci, eas, quamprimum fieri poterit, erigi cupimus & mandamus.

Quæcunque vero ordinata fuerunt in dicta nostra Synodo *de Officio Divino, de Sacramentorum administratione, de vita & honestate Clericorum, de Decanis ruralibus & Pastoribus, & Cap. 8. 9. & sequentibus Titul. de bonorum Ecclesiasticorum conservatione*, cum præcipue vos concernant, ea diligenter a vobis legi, & quantum in vobis est, in praxim deduci præcipimus, sub pœna arbitrio nostro in eos, qui prima visitatione negligentes deprehensi fuerint, decernenda, nisi causas sufficientes Nobis exposuerint, ob quas executio non sit in eorum potestate, sed nostro, aut etiam brachii sæcularis indigeant auxilio, quod Nos impendamus, aut impendi procurabimus.

Porro ultra prædicta, & alia in dicta nostra Synodo contenta, adjicienda, & vobis præcipienda duximus, quæ sequuntur.

De Distributione Sacrorum Oleorum.

PRimo, ut sacra Olea, quæ cum pulcherrimis cæremoniis ab Episco-

po, assistente præcipuo Clero & populo solemniter benedicuntur, & consecrantur; magno etiam cum honore & reverentia distribuuntur, & ad singulas Parochias deferantur: præcipimus Decanis, ut præfigant diversis Pastoribus diversas horas ad ea deferenda, ne ipsis simul cum suis Parochianis, qui honoris causa eos comitantur, ad eundem locum convenientibus occasio detur altercationum & potitationum in tabernis vicinis, non absque scandalo aliorum.

Et quamprimum aliqui adveniant, aliis non expectatis primo venientibus suas portiones distribuunt, sicque continent, donec omnibus sit satisfactum. Pastores autem serio moneant suos Parochianos, ne amplius comitentur cum sclopetis & bombardis, quod ex abusu tempore belli introductum est, ex quo etiam homicidia secuta sunt, ac proinde deinceps fieri sub pœna suspensionis a Divinis eorum Pastorum, qui suos Parochianos hoc facere non prohibuerint, & excommunicationis Laicorum, qui monitioni non obtemperarint, omnino interdiciamus: comitentur potius Parochiani, qui honorem dictis sacris Oleis, tanquam sanctificationis & salutis nostræ instrumentis impendere voverint, cum cædis & candelis ardentibus, vel Rosariis B. Mariæ Virginis in manibus suis; & Pastores cum aliis Sacerdotibus, si qui sint in eorum Parochiis residentes, & Matriculariis suis Antiphonas, ac Psalmos & Hymnos in Ecclesiis usitatos, devote per viam decantent.

Cum autem æquum non sit Decanos suis sumptibus nomine suorum Pastorum iter conficere, ut Nobis eadem Olea consecrantibus in die Cœnæ Domini quotannis assistant, eaque de manu Domini Archi-Presbyteri suis Pastoribus deferenda accipiant, suæque ipsi jura persolvant, declaramus, ad evitandas omnes oblocutiones, Pastores teneri ad ipsos refundendum suas expensas, idque pro rata longitudinis itineris, seu distantiae locorum suæ residentiae, a loco, ubi per Nos fit, aut imposterum fiet ipsa consecratio, ita quod Pastores locorum magis distantium suis Decanis amplius refundere teneantur.

*De Sacramentorum administra-
tione.*

Quia scimus magnis fraudibus uti hæreticos nostri temporis, Diabolo patre eorum instigante, ut fructum Sacramenti Baptismi impediant, adeoque sæpius variare formam ejusdem; decernimus, infantes expositos baptizandos esse sub conditione, etiamsi reperiatur schedula continens nomen aliquod, & assertionem, quod fuerint baptizati, cum hoc relinquatur incertum, quamdiu per testes dignos aliter non constat juxta Cap. 8. secundi Concilii Provincialis Cameracensis Tit. *De Baptismo*. Imo hoc ipsum fieri expedit de infantibus, per obstetrices, aut alias mulieres baptizatis, si examinata a Pastore deprehensa fuerint, aliquem errorem admisisse in materia, vel in forma, juxta Caput septimum ejusdem Tituli Concilii Provincialis. Illegitimorum autem non minus, quam aliorum nomina describi volumus, & mandamus in libro Pastorum, sub pœna unius Philippici, pro medietate Decanis visitationes suas facientibus, & pro altera Seminario nostro applicandi, si non descripsisse inveniantur.

Ne contingat detegi aliqua impedimenta Matrimonii, post concessam a Nobis bannorum remissionem, significant Pastores e suggestu nostræ Synodi Decretum Tit. *De Sacramentorum administratione*, Cap. 18. quod qui eam obtinere voluerint, habere debent testimonium ab ipsis, quod nullum sciant Canonicum impedimentum, præsertim quando contrahere volentes, sunt diversarum Parochiarum; alioquin declaramus Parochum unum non teneri eos conjungere, nisi visis literis testimonialibus alterius Pastoris.

Nullum Sacerdotem admittant Pastores ad audiendas confessiones in suis Ecclesiis, nisi visis literis suæ admissionis: & faciant Pastores registrum, in quo annotent omnes, qui docuerint de sua admissione; idque ad evitandos multos, quos deprehendimus, abusus.

*De Prædicatione verbi Dei, &
catechizanda juven-
tute.*

Pastores per se ipsos insistant prædicationi verbi Dei, nec toti dependeant a religiosis Terminariis, quos non convenit e suis Monasteriis majori parte anni abesse, sed tantum tempore suarum stationum Adventus & Quadragesimæ, & aliquot diebus solemnioribus, quibus consueverunt a Pastoribus evocari. Et si qui Pastores nequidem in catechizanda juventute operam navare voluerint, ultra multam unius floreni, Cap. 8. Tit. *De Scholis Parochialibus & Dominicalibus*, nostræ Synodi ipsis impositam, pro prima vice, qua deprehensi fuerint in tanta negligentia, unius Scuti aurei; pro secunda duorum Scutorum dicto Seminario applicandorum pœna mulctentur; pro tertia, ab Officiali nostro ad tres menses ab exercitio sui muneris Pastoralis amoveantur, aliique Sacerdotes, qui catechizare possint & velint, sumptibus eorum præstanciantur.

Extra tempus dictarum stationum Pastores prædictos Terminarios ad prædicandum in suis Ecclesiis admittere non teneantur, nisi, antequam ipsi se præparaverint, ex justa causa obtinuerint eorundem consensum ad prædicandum.

Venerabile Eucharistiæ Sacramentum, ob varias causas animum nostrum moventes, deinceps portari prohibemus in iis Processionibus, quæ fiunt per agros seu campos, ad aliquot miliaria, & durant ad multas horas, ordinamusque, ut vel in illis deferatur imago Patroni, aut Patronæ Ecclesiarum, seu aliorum Sanctorum, quorum Reliquiæ in ipsis affervantur, vel certe turnus seu via Processionis abbrevietur, nec unquam, præsentem eodem Venerabili, cibus aut potus sumatur.

De Ornamento Altarium.

Singula Altaria consecrata, ultra talem ceratam, quæ immediate cooperit tabulam lapideam, ad minus duas tobaleas seu mappas habere debent,

bent, quæ a lateribus notabiliter & æqualiter dependant, & cum purgandæ erunt, aliis duabus similibus altaria contegantur, quo fit, ut quatuor mappæ pro singulis altaribus consecratis necessariae sint, ideoque provideat Pastor cum mamburnis Ecclesiæ suæ, ut præter illas, ad quas grossa decima teneretur, aliæ sumptibus fabricæ, aut collectis seu eleemosynis Parochianorum comparentur; alioquin sciant sua altaria a Nobis, præsertim summum altare cujusque Ecclesiæ impofterum non esse consecranda. Ut autem dictæ mappæ a pulvere & sordibus diutius puræ conserventur, unumquodque altare alia grossiore tela alterius coloris semper sit coopertum, præterquam Missæ & Divini Officii tempore.

In majori altari sint semper ad minus candelabra duo, quæ super pedem ligneum, vulgo passerum dictum, collocentur, ne mappas lacerent, aut cera aut aliis sordibus inficiant: nec liceat Pastoribus, aut aliis Sacerdotibus celebrare in dicto altari, nisi duabus candelis accensis, quarum una, si Decimator eam præstare noluert, sumptibus ipsius Ecclesiæ suppeditetur.

In medio candelabrorum semper ponatur Crux cum imagine Domini nostri JESU Christi eidem affixi, quæ sit ænea, si facultates Ecclesiæ ferant; sin minus, lignea, sed pulchre cælata & depicta.

Quæ autem ad ornamenta Altaris non faciunt, ea in altaribus poni omnino prohibemus, qualia sunt pilei, galeri, aut libri alii a Missali, quin etiam casulam cum alba, amictu & cingulo, quibus usus est Sacerdos in sacra oblatione, ibidem relinqui veramus, sed ad Sacristiam referri, & singula honeste replicari, & in mensa aut armario recondi præcipimus, sub pœna unius floreni a Pastore ad opus fabricæ ejusdem Ecclesiæ solvendi, quoties dicta ornamenta in altari reperta fuerint, quæ duplicabitur, si superius dicta, vel alia quæcunque ad ornamentum altaris non pertinentia in illo reponi, etiam extra tempus Divini Officii, patiatur.

Casulæ dicto majori altari subservientes sint diversæ, & quantum fieri potest, accommodatæ iis coloribus, quibus Romana Ecclesia utitur, applicatis ad eum finem ultra eas, ad quas grossa decima teneretur, bonis fabricæ aut Parochianorum eleemosynis.

Albæ non minus sint duæ, quæ altari majori soli deserviant, ac singulis mensibus mutantur, ut nomen suum vere tueantur; & post duos annos ab iis, qui ad illas subministrandas tenentur, tertia peratur, ne simul detritæ inveniantur; amictus vero non sint pauciores numero, quam quatuor.

Corporalia pro summo altari sint ad minus duo, ex candida & tenui tela confecta; & semper, ac omni ex parte amylo, seu amydo, non tamen cæruleo indurata, non serico, aut alio artificio multum elaborata, & si facultates ferant, juxta antiquos Canones expedit ea esse duplicia, & competentis longitudinis ac latitudinis, videlicet trium quartarum ulnæ Namurcensis in quadro.

Purificatoria etiam conficiantur ex candida tela, sed paulo solidiori, non tamen rudi, quadrangula forma, ab omni latere. Quartam ulnæ partem cum dimidia quartæ continentia. Sint pro summo altari ad minus sex, quæ simul atque ex frequenti calicis ablutione notabiles maculas contraxerint, ab ipso Pastore, prout etiam corporalia laventur, & aqua lotionis in baptisterium aut piscinam mittatur, antequam ulli mulieri lavanda tradantur.

Bursæ pro corporalibus in eis recondendis sint ad minus duæ, in quibus corporalia decenter replicata, statim post Communionem, aut saltem post finitam Missam semper recondantur, nec unquam super ipso altari relinquantur, prout nec Missale, quod præcipimus (prout supra dictum est de ornamentis Sacerdotis) ad Sacristiam aut armarium reportari, & semper suis claustris, ligulis, seu funiculis claudi, ut diutius mundum & integrum conservetur.

Mantilia vero ad abstergendas manus sint ad minus sex, quæ cum fuerint sicca,

ficca, a Matriculario decenter repli-
centur, & ad Sacristiam reportentur.
Quia vero non debent aliis usibus pro-
fanis deservire, prout nec mappæ, nec
purificatoria, præcipimus, ut juxta
antiquam Ecclesiæ consuetudinem,
mappæ in extremitatibus, mantilia vero
& purificatoria in medio Crucis signo
rubei aut cærulei coloris muniantur,
ut ab aliis profanis linteis dignoscan-
tur. Et si quis Pastor, aut alius Sacer-
dos, vel etiam Matricularius ausus fue-
rit in domo privata, iisdem uti ad ali-
os fines, a Decano in sua visitatione,
ad aliam novam mappam aut mantilia
suis sumptibus præstanda, condem-
netur.

Multo magis pro arbitrio ejusdem
Decani ad opus fabricæ mulctetur, si
quis deprehensus fuerit (quod absit)
alba, aut mappa, vel mantili altaris usus
fuisse ad emungendas nares; quod sæ-
pius fuisse factum, & ipsi olim vidi-
mus, & a Laicis cum queremonia au-
divimus. Habeant ergo, qui ea ne-
cessitate premuntur, singuli sua ad eum
finem strophiola, seu sudaria honesta &
candida.

Omnes etiam Sacerdotes deinceps
velo utantur, ad cooperiendum cali-
cem, quod, quo pretiosius, eo erit
convenientius: potest tamen esse line-
um, dummodo sit ex candida tela,
& extremitates habeat artificiose elabo-
ratas.

Omnes Pastores habeant superpel-
licum, quod certe etiam Nobis non
præcipientibus semper habuisse debue-
runt. Est enim primum Clericorum
ornamentum, quo uti ipsi debent,
cum stola collo appensa, dum confes-
siones audiunt, aut Sacrosanctæ Eucha-
ristiæ, vel Extremæ Unctionis Sacra-
mentum ægrotis deferunt, ad eas au-
tem actiones eos alba uti plane inter-
dicimus, nisi tamen jam parati ad cele-
brandam Missam, ab aliquo penitente
pro confessione audienda interpellentur.
Sint autem superpellicea ex can-
dida tela, & ejus longitudinis, ut vestem
usque ad genua cooperiant.

De Officio Divino.

Decretum primum nostræ Synodi
Tit. *De Officio Divino*, quo ad Pa-

stores regulares, quos hætenus illi
non paruisse intelleximus, sub pena de-
cem Scutorum aureorum arbitrio no-
stro applicandorum, si ante proximas
visitationes non se conforment Eccle-
siæ nostræ Cathedrali, & cæteris no-
stræ Diœcesis, innovamus.

Sint omnes Pastores tam hujus Ci-
vitatis, quam oppidorum & pagorum
nostræ Diœcesis uniformes in Cæremoni-
is Ecclesiasticis, præsertim iis, quæ
concernunt administrationem Sacra-
mentorum, & inhumationem corpo-
rum defunctorum, & exequias eo-
rumdem, nec omittatur cantus lugu-
bris aliquorum Psalmorum, Respon-
soriorum, aut Antiphonarum per vias
aut plateas, cum ad sepulturam depor-
tantur, sub pena trium florenorum
fabricæ Ecclesiæ Cathedralis applican-
dorum. Quia vero difficile esset taxa-
re jura Pastorum, pro dictis exequiis
per totam Diœcesim nostram, singula
Concilia dispiciant, quæ fuerit hucus-
que ordinaria & laudabilis consuetudo,
tam super dictis, quam Paschalibus &
aliis juribus, quam Nos approbabi-
mus, & executioni demandari curabi-
mus.

Nullus Pastorum præsumat ea of-
ficia exercere, quæ per Decreta Synodi
nostræ Diœcesanæ ad Decanos pertine-
re declaravimus, nisi accedente eorum
licentia & consensu, & servatis eorum-
dem juribus, sub pena duplicium ju-
rium, quorum tertia pars ipsi Decano,
reliquæ duæ nostro arbitrio piis usibus
applicentur.

Similiter cum incolæ alicujus loci
invitant Abbatem, seu alium Prælatum
ad benedicendas campanas, aut hære-
des defuncti ad celebrandas ejusdem
exequias alioquin ad officium De-
cani pertinentes, servantur ipsi sua ju-
ra, non secus ac si ipse Officium cele-
braret, nisi aliter inter eos conve-
nerit.

Ubi sunt plures Capellæ sub una
Ecclesia, solvantur jura visitationis pro
rata bonorum earundem.

Non tam ex consuetudine, quam
ex abusu introductum putamus, quod
in plerisque locis puellæ nobiles in
supplicationibus generalibus, maxime
sacra-

sacrarum Rogationum, præeunt Crucem gestantes, ac parva cum reverentia ac ædificatione munus illud obeunt, proinde hoc fieri impofterum prohibemus; & præcipimus Pastoribus, ut deputent aliquem virum honestum, qui cum gravitate Crucem deferat. Si autem dictæ puellæ deferre voluerint imaginem B. MARIE Virginis, seu alterius Virginis, non impediantur, dummodo decenter ac modeste incedant, loco per Pastores ipsi designato.

De Capitulis, seu Conciliis Pastorum.

DEclaramus, omnes Pastores teneri interesse Capitulo, seu Concilio, nisi ob legitimam causam, quam ante Decano significaverint, excusentur, & absentes debere contribuere sumptibus, qui sunt a Confratribus, juxta antiquas & laudabiles consuetudines, sive propter convivium, sive propter jucundum ipsorum adventum.

Ut autem sumptus minuantur, contenti sumus, ut unum tantum Concilium annuatim celebretur, in quo ea, quæ Nos in Capitulari Congregatione Decanorum (quæ Synodi loco erit) statuerimus, publicentur. Et si Pastores tunc a convivio excusari velint, per Nos licet, dummodo hoc fiat de communi omnium consensu, & refundantur Decano eæ, quas sustinuerit, expensæ.

In Congregatione Pastorum indecens est Laicos esse præsentis, ideoque, Missa finita, jubeat Decanus omnes recedere, quos negotia ibidem tractanda non tangunt, etiam si sint Ecclesiastici.

Consuetudinem, qua in plerisque congregationibus dictorum Conciliorum ante Missam de Spiritu Sancto cantatur alia Missa pro Confratribus defunctis, & qua unusquisque Pastor in sua Parochiali Ecclesia annuatim unam Missam celebrare solet pro ultimo Confratre defuncto, plurimum laudamus, & generatim ab omnibus Conciliis & Pastoribus observari mandamus.

De morum reformatione, ultra ea, quæ Decretis Synodi nostræ Diocesanae continentur.

DIem Primitiarum novorum Sacerdotum cum omni modestia, re-

Tomus IX. Concilior. German.

verentia ac devotione peragi, seu absolvi convenit; & ideo lufores adhiberi, & tripudia post convivium fieri, omnino prohibemus: ipsosque novos Sacerdotes hortamur, ut cum parentibus & amicis suis, loco ejusmodi temporalium recreationum, ad Ecclesiam, in qua suas Primitias Deo obtulerint, statim post prandium revertantur, & Vesperas solemnes decantent. Quod si post nostram prohibitionem lufores admittere, aut tripudia permittere, sub prætextu, quod non ipsi, sed parentes eorum hoc faciant, præsumperint; Nos eosdem ex nunc, prout ex tunc a celebratione Missæ, cui in ipsis initiis tantam injuriam fecerint (quod absit) ad unum mensem suspendimus.

Similiter interdicimus, ne Pastores, aut ipsorum Capellani, seu alii Sacerdotes interfint convivii, quæ in quibusdam locis parantur, in camera puerperæ, post reportatos a Baptismo infantes; Conviviis vero nuptialibus raro interfint, & tunc omnino egrediantur peractis gratiis, antequam tripudia incipiant, sub pœna duorum Scutorum aureorum, arbitrio nostro piis usibus applicandorum.

Decreta Synodi nostræ Diocesana de habitu Clericali deferendo, tonsura singulis mensibus, & præcipuis anni festivitatis renovanda, barba honeste præcindenda, armis, & specialiter bombardis, & sclopetis non gestandis, tabernis non ingrediendis, mulieribus male famatis in suam familiam non recipiendis, non solum innovamus, sed etiam Promotoribus nostris serio injungimus, ut contravenientes absque ulla dissimulatione citari faciant coram Officialibus nostris, quibus mandamus, ut summarie cognita rei veritate, eos condemnent, in notabiles emendas, quarum quartam partem, deducta tertia ipsius Promotoris, secretis denunciatoribus ex nunc, prout ex tunc applicamus.

Nullus Pastor absit unquam a suo Pastoratu, nisi substituto aliquo idoneo Sacerdote, per Nos ad Sacramentorum administrationem admissio, teneaturque hoc indicare suo Decano, qui poterit, cognita causa, absentiam

Y

per-

permittere ad sex dies tantum, pro longiore vero absentia, si causa sublit, ad Nos, aut Vicarium nostrum Generalem recurratur; nec unquam licentia, nisi in scriptis detur, quam etiam dicto Decano suo ostendere teneatur.

Habeant singuli Pastores & Rectores altarium, seu Beneficiorum simplicium registrum, in quo bona ad suos Pastorus aut Beneficia pertinentia particulariter sint descripta, & in quo ipsi singulis annis annotent solutiones sibi factas, specificando nomina debitorum, qui ipsis solverunt, ut futuris temporibus de dictis solutionibus fides fieri possit, quod multum faciet ad conservationem dictorum bonorum; curentque etiam singulis suum registrum per aliquem Notarium publicum cum antiquis registris collationari, & subsignari.

De Matriculariis.

Quia intelligimus Matricularios Ecclesiarum Parochialium hæcenus negligentes fuisse in servandis Decretis Synodi nostræ, quæ ipsos concernunt, sub prætextu, quod cum ipsis dispensaverimus, declaramus nostræ intentionis esse, nulli eorum nostras dispensationes suffragari, nisi illas habeant in scriptis, & ostenderint Decanis, & nihilominus eos in cæteris ad dicta Decreta observanda obligari.

Similiter ad diligenter purgandum singulis diebus Sabbatinis per se, vel alios, Ecclesias, quibus deserviunt, ab omnibus immunditiis, tam in pavimento, quam in fenestris & muris, & ab araneorum telis sub pena emendæ, quam eorumdem Decanorum arbitrio relinquimus.

Ipsorum etiam est Ecclesias diebus solemnioribus ornare floribus & fron-

dibus, si alia ornamenta haberi non possint, nec non ampullas singulis quindenis purgare intus & foris, & campanam Parochianorum sonare diebus Sabbati & Profestis, in meridie & vesperi, prout ante bella fieri solebat; & ipsas campanas sæpius visitare, & si quid contractum, vel contractioni obnoxium deprehenderint, hoc mamburnis significent, ut antequam damnum aliquod emergat, restauretur.

Ad eos etiam pertinet juventutem docere, quod, ut faciant omnibus in locis, optamus, & iisdem Matriculariis ordinamus, sub pœna privationis sui officii: ut autem sua mercede non frustrentur, mamburnis permittimus, ut contemplatione pauperum, quos docebunt gratis, aliquam ipsis portionem super bonis pauperum, vel redditibus Ecclesiæ persolvant. Si tamen Pastor ipse juventutem docere voluerit, dummodo diligenter faciat, Matriculario præferatur.

Porro ut ipsi Matricularii animentur ad diligentem operam in prædictis omnibus, & aliis, quæ ipsos concernunt, præstandam, declaramus ipsos habere debere pro suis laboribus tertiam partem omnium jurium, quæ per consuetudinem debentur, aut imposterum taxabuntur pro funeralibus, Missis votivis, & aliis officiis, ad ratam honorarii ipsorum Pastorum.

Acta & publicata fuerunt hæc Decreta in Ecclesia Parochiali S. Medardi oppidi Geldoniensis, die 4. mensis Junii, anno Domini 1612. omnibus supra in principio nominatis, ac Nobis infra scriptis presentibus.

Henricus Cocquelet, loco Secretarii.

Jeanes Des Fosses, loco Scribae.



ULTRA-

ULTRAJECTINUM CONCILIABUL.

STATIBUS HOLLANDIÆ PRÆSIDIBUS,

SEU,

(ut alibi habetur,)

SYNODUS PROVINCIALIS

DIOECESIS ULTRAJECTINÆ, (*)

CELEBRATA

a Nobilibus & Potentibus Dominis Statibus ejusdem Provinciæ,

24. Aug. Anno 1612. Ultrajecti:

Ex idiomate Belgico in Latinum versa, ac brevibus illustrata Notis

a R. D. P. CUTSEMIO.

HAGIOPOLI Anno 1614.

INDEX CAPITALIUM PUNCTORUM

ISTIUS SYNODI. (**)

- | | |
|--------------------------------------|---|
| I. De vocatione Prædicantium. | VIII. De Ecclesiasticis Cætionibus. |
| II. De officio Ministrorum verbi. | IX. De Senioribus. |
| III. De publicis precibus. | X. De Diaconis, sive Eleemosynariis. |
| IV. De sacro Baptismo. | XI. De Ecclesiasticis Congregationibus, sive Convent. |
| V. De sacra Cæna. | XII. De Disciplina Cleri. |
| VI. De Festis & feriis. | XIII. De Disciplina plebis. |
| VII. De Jejunis & Rogationum diebus. | XIV. De Scholis, Ludimagistris, & Aedibus. |

(*) Cl. & Exim. D. Petrus de Cutsem, cujus elogium, scriptaque polemica videre est in *Hartzbemii Bibliotheca Colonienfis* pag. 271., mentem de hac Synodo suam explicat, ita ad Georgium ab Aultria, apud Lovanienfes S. Petri Præpositum scribens: "Ex-
" istimo te, ut hoc dicam liberius, simile quid, qualis est hæc Dominorum Statuum
" Provinciæ ac Diocesis Ultrajectinæ Synodus, nec legisse, nec vidisse, nec ob-
" servasse unquam. Sæpius quidem Hæretici, *Catholicorum Simia*, & antiquis &
" modernis temporibus Conciliabula concitaverunt, ac instituerunt. Sed tamen in
" quibus potiores dicendi, agendique partes ipsimet Prædicantes, ipsorumque
" Pseudo-Ecclesiastici obtinuerunt & administrarunt. In hoc vero Synodali Con-
" venticulo docendi, pascendique munus totum ac integrum DD. Status, Civilis
" nempe istius loci Magistratus, sibi usurpant, vendicant, arrogant. In quo Apo-
" stolico officio nullum prædicti DD. Status agnoscunt, præter Deum summum &
" altissimum, a quo, si perplexi dubique uspiam hæreant, immediate illuminari
" debeant, se superiorem &c. . . Unde quid prædicandum &c. . . id omne ipsi
" suos docent Prædicantes, sui ipsorum revera *verbi Ministros*. Nihil dico amplius &c.
Titulum porro Synodi: *Christiana Ecclesiarum Ordinationes Civitatis, Oppidorum, &
" Diocesis Ultrajectinæ, conclusæ Ultrajecti die 24. Aug. anno 1612. & editæ a Nobili-
" bus ac Potentibus DD. Statibus ejusdem Provinciæ*, considerans Vir doctissimus col-
" lacrymatur primum, Cathedralẽ Provinciæ Ultrajectinæ Ecclesiam, adeo vene-
" rabilem, nobilem, antiquam misere dirutam jacere atque subversam; tum refert,
" primum, qui eam erexit, fuisse S. Willibrordum; defuncto suffectum S. Bonifa-
" cium, Germaniæ Apostolum & Martyrem, atque ab eo deinceps ad Fridericum a
" Tautenberg, primum post novarum aliquot Cathedralium in Belgio erectionem,
" designatum Archi-Episcopum, continuam fuisse per annos octingentos & amplius
" Ultrajectinorum Antistitem successionem; denique ex tota istius Synodalis conven-
" tus structura hæc eruit: " Oves itaque in hac Synodo pascunt & regunt suos Pa-

“stores; discipuli ex cathedra docent in subfelliis Magistros; auditores concionantur Prædicantibus, & qui Comititia solebant, nunc Concilia celebrant: quod quid est aliud, quam sursum deorsum vertere, miscere cælum terra & sacra profanis?”

(*) Indicem duntaxat Punctorum Synodi Capitalium, non ipsam in extenso Synodum communicandam duximus, ne Synodis aliis, ad Hierarchiæ Germanicæ splendorem facientibus, locum præriperemus.

SYNODUS DIOECESANA COLONIENSIS,

Sub eodem FERDINANDO, Archi-Episcopo,
E T

Eodem anno Christi MDCXII.

2. OCTOBRIS CELEBRATA.

TENOR COMMISSIONIS ISTE EST.

FERDINANDUS, DEI GRATIA ARCHIEPISCOPUS COLONIENSIS, tot. Tit. Reverendis in Christo Patri & Generoso devote Nobis Dilectis Theodoro, Episcopo Cyrenensi, & Joanni Gerbardeo, Comiti in Manderscheid & Blanckenheim, Domino in Keil, Daun & Bettingen, Majoris & Collegiæ Ecclesiarum S. Gereonis, Civitatis nostræ Colonienfis respectivè Decano & Presbytero Canonico &c.
Salutem in Domino.

Cum imminenti Synodo Diœcesanæ in Civitate nostra Colonienfi secunda die proximi mensis Octobris celebrandæ, ob gravissimas occupationes, quibus exteris in partibus adhuc detinemur, Nobis interessè personaliter haud quaquam liceat: Vobis, de quorum legalitate singulariter confidimus, per præsentem in Domino committimus, ut per vos ipsos, aut alios, quos ad id elegendos duxeritis, præmemoratam Synodum Diœcesanam accedatis, eidemque nostro nomine præsideatis, procurantes inibi sedulo, ut morum reformatione sollicitè prospecta, vitiorum vepres de cordibus fidelium discretionis vestræ studio succidantur, ac virtutum semina, Divina cooperante gratia, uberius con-

crescant. Eapropter Synodales hæc, quas vobis transmittimus, Constitutiones & Decreta debite promulgari, ac rite deinceps observari, nec non omnia & singula alia faciatis, quæ de jure vel consuetudine usitata, quæque in præmissis & circa eadem necessaria fuerint, & quomodolibet opportuna, prout vobis in Domino concedimus. Datæ ex oppido nostro Bonnenfi, die vigesima nona Septembris, anno Millefimo sexcentesimo duodecimo.

Ad Mandatum Revdissimi & Serenissimi Dni Electoris proprium.

PETRUS HULSMAN.

IN NOMINE SACRO-SANCTÆ ET ADORANDISSIMÆ TRINITATIS,
PATRIS, ET FILII, ET SPIRITUS SANCTI, AMEN.

NOS FERDINANDUS, DEI gratia Electus & Confirmatus Archi-Episcopus Colonienfis, S. R. I. per Italiam Archi-Cancellarius & Princeps Elector tot. Tit. Ad honorem & cultum DEI Omnipotentis, Ecclesiasti-

cæ disciplinæ reformationem, ac fidelis populi Nobis commissi ædificationem & æternam salutem, de consilio & assensu Venerabilis Capituli nostri constituimus, decernimus, & ordinamus.

TITU-

TITULUS I.

De Officio Archi-Presbyterorum.

CAPUT I.

Archi-Presbyteris, five Decanis ruralibus secundo mandamus, ut Statuta suorum Decanatum revidenda Nobis tradant. Capitula sua bis in anno convocent, & in eodem Canones & Statuta Synodalia publicent; nec non contra ea delinquentes, severitate, qua dignum est, corripiant & puniant. Ad tribunal Archi-Episcopale, vel Archi-Diaconale, pro ea, qua illis etiam juramento adstricti sunt obedientia, remittant causas omnes Ecclesiasticas; quales sunt, quibus de institutione vel destitutione Clericorum, seu jure præsentandi, instituendi, conferendi, seu providendi agitur, vel super decimis, rebus, bonis, facultatibus, proventibus & obventionibus Ecclesiasticis; & testamentis ad pias causas conditis, vel cum de conjugiorum nexu & vinculis, vel de usuris, aliisque similibus spiritualibus negotiis contradictorie & contentiose disceptatur.

II. Archi-Presbyteri diligenter curabunt, ut Catechisticae lectionis institutio ubique introducat & frequentetur, juxta tenorem Mandati subsequenti:

FERDINANDUS, DEI

Gratia Electus & Confirmatus Archi-Episcopus & Princeps Elector tot. Tit. Universis & singulis Decanis ruralibus, Ecclesiarum quarumcunque Rectoribus, Pastoribus, Plebanis, Vice-Plebanis, Presbyteris & Sacellanis per totam Diocesim nostram Coloniensem constitutis, aliisque quibuscunque hæc literas nostras visuris, lecturis, seu legi audituris, salutem & gratiam nostram.

Postquam antebac Nos, & piæ recordationis quondam proximus Antecessor & Patruus noster dilectissimus, Catechisticam lectionem & institutionem Juventutis, tanquam summe fructuosam, salutiferam, & hisce turbulentis temporibus maxime necessariam, plurimis in locis hæcenus neglectam & intermissam per vos resuscitari, promoveri, & in pristinum florem ac statum reduci gratiosissime demandaverimus, inque eum finem Catechis-

ticam minorem P. Petri Canisii nuperrime Coloniae impressum, tanquam puerorum & adolescentum institutioni bene accommodatum, iisdem prælegendum esse ordinaverimus, ac deinde quandam generalem institutionem Catechisticam praxin ad usum Pastorum, aliorumque curam animarum gerentium, ac subditorum eorundem Parochianorum colligi & typis demandari, nec non diversimodas a Sanctitate Pontificia gratiose in favorem ejusmodi pii exercitii non ita pridem concessas Indulgentias (quarum Bulla Apostolica infra subicitur) denunciari ac publicari fecerimus: Hinc est, quod Nos eidem erudiende juventutis, & Diacesanorum nostrorum factæ ordinationi insistentes, vobis omnibus & singulis supra dictis, & vestrum cuilibet, maxime iis, quibus animarum cura incumbit, & qui Ecclesiis Diæcesis nostræ Colonienfis quomodolibet præesse tenentur, serio per præsentem mandamus, quatenus deinceps sine ulla intermissione omnem diligentiam in hoc impendatis, ut dicta institutio puerorum & Catechistica lectio, ubi necdum juxta prioris Mandati præscriptum cepta est, absque longiore mora fideliter introducat, observetur & promoveatur. Volumus item, & sub pena quinque florenorum aureorum unicuique Pastori, & Plebano, five Vice-Curato injungimus, ut infra mensis post publicationem harum immediate sequentium spatium, quilibet eorum supra tactam Catechisticam praxin per Bernardum Walteri Typographum Coloniensem impressam, cujus exemplar unum sex albis currentibus venditur, sibi comparet. Et quo tanto certius & fidelius in hac re procedatur, necessitate summa id ipsum postulante, universis & singulis dictæ nostræ Diæcesis Droftatis, Ambtmannis, Præfectis, Prætoribus & Officiariis nostris Ecclesiasticis & secularibus gratiosissime præcipimus, ut quovis loco sui districtus unusquisque eorum strenuam curam atque inspectionem adhibeat, quo hæc nostra ordinatio undequaque suum sortiatur debitum effectum, & nullus in ea parte irrepat torpor aut negligentia, eoque, qui eidem decenter parere detrectaverint, Nobis pro condigna ipsis incutienda pena significant, insuper quoque omnes & singulos subditos nostros, quibus illi præfuerint, remediis & penis congruis adhibitis eo constringant & impellant, ut ad Catechisticam hanc puerorum institutionem, suos liberos & domesticos simplices & ignaros, pro capienda bona & Christiana instructione tempestive mittant, & nullatenus eosdem in hoc pio opere impediunt:

quoniam potius iisdem liberis & domesticis suis, ut singuli, qui legere possunt præmentionatum libellum Catechismi minoris Petri Cavisi ad manum habeant, pro posse (cum exiguo pretio vendatur) procurent. In quibus omnibus mens nostra & voluntas adimplebitur. Datum in Civitate nostra Bonnenſi, die vigesima tertia Novembris, anno Milleſimo ſexcentefimo undecimo.

PAULUS PP. V.

AD FUTURAM REI MEMORIAM.

Cum Fidei Catholicæ rudimenta & Christianos mores accurate rudes docere tantopere Christianæ Reipublicæ interſit, ut huiusmodi negotium ab iis, ad quos ſpectat, ardentis studio & charitate peragatur; Idcirco pro Paſtoralis officii noſtri munere, de Omnipotentis DEI miſericordia, Beatorum Petri & Pauli Apoſtolorum ejus auctoritate conſiſſi, omnibus Chriſti fidelibus Civitatis & Diœceſis Colonienſis auctoritate ordinaria deputandis, qui poſterum pueros, ſeu adultos quoscumque doctrinam Chriſtianam approbatam, & juxta Sacri Concilii Tridentini Canones & Decreta docere conſueverint, & vere pœnitentes & conſeſſi Sanctiſſimo Eucharistiæ Sacramento, in die Feſto, ab Ordinario designando, reſecti fuerint, plenariam: nec non iisdem Chriſti fidelibus, qui etiam vere pœnitentes & conſeſſi, dictum Sanctiſſimum Eucharistiæ Sacramentum ſumpſerint, aut ſi id facere nequiverint, ſaltem contriti, Nomen JESU, ore ſi potuerint, aut corde, in mortis articulo devote invocaverint, plenariam ſimiliter omnium peccatorum ſuorum indulgentiam & remiſſionem miſericorditer in Domino concedimus. Eisdem & Chriſti fidelibus, qui pariter vere pœnitentes, & conſeſſi, ſemel quolibet menſe idem Sanctiſſimum Eucharistiæ Sacramentum ſumpſerint, ſeptem annos, & totidem quadragenas: Qui vero in cauſa fuerint, ut pueri, famuli, aut quævis aliæ perſonæ, ad diſcendam doctrinam Chriſtianam eant, ducentos dies: Hi autem, qui diebus Stationum Urbis, hanc doctrinam in Eccleſiis, aut Oratoriis, vel Scholis docuerint, ac & illi, qui ad eandem diſcendam acceſſerint, easdem conſequantur Indulgentias, quas conſequerentur, & conſequi poſſent, ſi Eccleſias Stationum ejusdem Urbis perſonaliter viſitarent. Præterea eisdem, qui diebus feriatis doctrinam Chriſtianam huiusmodi aut publice, aut privatim explicaverint, centum dies: nec non omnibus & ſingulis Magiſtris, qui diebus Fe-

ſtis diſcipulos ſuos ad doctrinam Chriſtianam prædictam duxerint, illosque eam docuerint; quique diebus ſerialibus in propriis Scholis eandem doctrinam explanaverint, centum dies: Omnibus vero Patribus, & Matribus familiaribus, qui in ſuis domibus liberis, famulis, & familiaribus utriusque ſexus, doctrinam Chriſtianam approbatam, ut prædicetur, ſimiliter explanaverint, qualibet vice id egerint, centum dies: item iis, qui per civitatem viros, mulieres, aut pueros ad eandem doctrinam Chriſtianam docendi cauſa circumſiſerint, ſeptem annos: ac etiam, qui extra Civitatem ad illam docendam per caſtra & villas exierint, decem annos: omnibus etiam & ſingulis Chriſti fidelibus, qui per mediam horam doctrinam prædictam, aut docendi, aut diſcendi cauſa ſtuduerint, aut eidem doctrinæ interſuerint, centum dies: eisdem etiam, qui prædictam doctrinam docere ſolent, ſi infirmos viſitaverint, quoties id fecerint, ducentos dies, de injunctis eis, ſeu alias, quomodolibet debitis pœnitentiis in forma Eccleſiæ conſueſta, relaxamus, præſentibus ad ſeptennium tantum valituris, non obſtantibus Conſtitutionibus & Ordinationibus Apoſtolicis, cæterisque contrariis quibuscunque. Volumus autem, ut ſic alias Chriſti fidelibus prædictarum Civitatis & Diœceſis præmiſſa peragentibus, aliqua alia Indulgentia perpetuo, vel ad tempus nondum elapſum duratura, per Nos conceſſa fuerit, præſentes nulla ſint, utque etiam præſentium tranſumptis manu alicujus Notarii publici ſubſcriptis, & ſigillo perſonæ, in dignitate Eccleſiaſtica conſtitutæ munitis, eadem proxiſus fides adhibeatur, quæ ipſiſmet præſentibus adhiberetur, ſi forent exhibitæ, vel oſenſæ. Datum Romæ apud Sanctum Marcum ſub Annulo Piſcatoris, die XVI. Julii M. DC. X. Pontificatus noſtri anno ſexto.

S. COBELLUTIUS.

FERDINANDUS, DEI

Gratia Eccleſia Colonienſis Electus & Conſirmatus Coadjutor &c. Comes Palatinus Rheni, utriusque Bavarie Dux &c. Univerſis & ſingulis Abbatibus, Prioribus, Præpoſitis, Decanis, Canonicis, Plebanis, cæterisque Eccleſiarum tam Collegatarum, quam Parochialium Reſtoribus Civitatis & Diœceſis Colonienſis, ſalutem in Domino ſempiternam.

HAs præſcriptas S. D. N. Papæ PAULI P. literas, quibus doctrinam Chriſtianam

nam privatim aut publice profitentibus, aut tandem quavis ratione promoventibus, certas Indulgentias paterne largitur, mandamus typis mandari: Et e suggestu sub concionibus, aut aliis Divinis Officiis, ad DEI Omnipotentis gloriam, Et doctrinæ Christianæ propagationem publicari, Et explicari, omnes Et singulos tam Collegiatarum, quam Parochialium Ecclesiarum Præfatos, Superiores, atque Rectores in Domino cohortantes, summam ut diligentiam pie, ac ferventi zelo adhibeant, ut Catholicæ Religionis doctrina, iis in locis, in quibus hactenus in usu non fuit, introducatur, ut pulsus ignorantie tenebris, omnes Christi fideles de ea, quæ in ipsis est fide, rationem dare possint. Datum Bonæ, Anno Domini M. DC. X. die 30. mensis Augusti.

III. Cum experientia doceat, nonnullos Sacerdotes, tam sæculares, quam Regulares, nulli hujus Civitatis & Diocesis Ecclesiæ, Ordini, vel Monasterio adscriptos, in ea publice divagari, extra immunitates Ecclesiarum, & claustra Monasteriorum habitare, cultui Divino, Altaris ministerio & Sacrosanctæ Missæ Sacrificio cum animarum suarum periculo, & publico scandalo, temerario ausu se ingerere & immiscere, priusquam de ordinatione sua rite adepta, deque vita, moribus, eruditione, titulo, ac dimissione, per Ordinarii sui literas aut publica instrumenta fidem fecerint. Hinc est, quod nos ad majora scandala, pericula, & inconvenientia præcavenda, volentes prohibitiones in Concilio Provinciali (a) de anno 1536. & in Synodo Diocesana, (b) de anno 1598. de vagis & peregrinis Sacerdotibus, sancte desuper editas, & emanatas innovare, omnibus & singulis Abbatibus, Prioribus, Præpositis, Decanis, Archi-Diaconis, Pastoribus, Parochialium aut ruralium Ecclesiarum Rectoribus, & reliquis eorum locum tenentibus, sub suspensionis a Divinis & excommunicationis majoris pœnis præsentium vigore serio, ac districte præcipimus, & prohibemus, (c) ne quisquam de cætero post publicationem & insinuationem harum, ullum Sacerdotem peregrinum, vel extraneum, aut etiam qualemcunque alium, tam Sæcu-

larem, quam Regularem Ecclesiis, aut Monasteriis hujus Civitatis & Diocesis non adscriptum, nisi qui prius de sua Ordinatione & qualificatione legitimam fidem fecerit, & a Nobis, seu nostro pro tempore Vicario in Spiritualibus Generali licentiam desuper inscriptis habuerit, & illam in forma authentica ostenderit, ad cultum Divinum, Altaris ministerium, & Missæ Sacrificium, illiusque celebrationem, aut alios actus sacros exerceendum in Ecclesiis, Monasteriis, Conventibus, Sacristiis, Oratoriis, aut Capellis publice, vel occulte, sub quovis quæsito colore, vel prætextu admittere, vel recipere audeat, seu præsumat. Alioquin & si secus per quemquam factum, præmissisque in ullo contraventum fuerit, contra eos, qui contrarium attentare præsumperint, ad censuram & pœnarum præinsertarum declarationem procedemus.

TITULUS II.

De Canonica Institutione, & concessione Præbendarum.

Item volumus, ut omnes per Diocesi Coloniensem, de sua jurisdictione, & Canonica institutione, sive investitura, coram suo quisque Archi-Presbytero, sive, ut vocant, Decano rurali, per legitima instrumenta fidem faciant. Deinde ad manus eorundem Professionem fidei edant, secundum formam, a Sacrosancta Tridentina Synodo præscriptam. Qui sine Canonica Institutione curam animarum administrare præsumperint, aut fidei professionem edere detrectaverint, eos disti Archi-Presbyteri ad proximam Synodum Nobis scripto denunciabunt.

TITULUS III.

De Qualitate Ordinandorum.

Recipimus, & respectively innovamus, ac per nostros Vicarios & Examinatores observari mandamus Decreta

(a) Adolph. 3. (b) Herman. 5. Part. 1. cap. 31. Wigbal. cap. 3. Philip.
(c) Conc. Trid. Sess. 22. de observ. in celebr. Missæ.

creta Concilii Tridentini, (d) nostrorumque Antecessorum, quæ de forma & qualitate Dimissorialium literarum, & ætate Ordinandorum, continentur subsequetibus Capitulis.

I. Facultates (e) de promovendo a quocunque non suffragentur, nisi habentibus legitimam causam, ob quam a propriis Episcopis ordinari non possint, in literis exprimendam.

II. Episcopi (f) subditos suos non aliter, quam jam probatos & examinatos, ad alium Episcopum ordinandos mittant.

III. Unusquisque (g) a proprio Episcopo ordinetur: quod si quis ab alio promoveri petat, nullatenus id ei, etiam cujusvis generalis, aut specialis rescripti, vel privilegii prætextu, etiam statutis temporibus permittatur, nisi ejus probitas ac mores Ordinarii sui testimonio commendentur: si secus fiat, Ordinans a collatione Ordinum per annum, & ordinatus a susceptorum Ordinum executione, quamdiu proprio Ordinario videbitur expedire, sit suspensus.

IV. Nec Abbates, (b) & alii empti, aut Capitula quæcunque, etiam Ecclesiarum Cathedralium (excepto casu Sedis vacantis) literas Dimissorias, aliquibus Clericis sæcularibus, ut ab aliis ordinentur, concedant. Concedentes autem Dimissorias contra formam Decreti, ab officio & beneficio per annum sint ipso jure suspensi.

V. Nullus in posterum (i) ad Subdiaconatus Ordinem ante vigesimum tertium; ad Diaconatus ante vigesimum secundum; ad Presbyteratus ante vigesimum quintum ætatis suæ annum promoveatur.

VI. Prohibemus quoque, (k) ne Officiales nostri, literas Dispensatorias, quæ vulgo Licentiatoria ordinandi vocantur, alicui temere concedant.

VII. Statuimus, (l) ut nemini posthac (ubi digna & justa causa non est) dentur Licentiatoria Ordines extra

suam Dîcecesin recipiendi, nisi prius sit juxta modum præscriptum in sua Dîcecesi examinatus. Ad hoc enim competerimus quosdam Licentiatoria petere, ut examen subterfugiant.

TITULUS IV.

De suppellectili Sacra.

Confirmamus subsequens Mandatum: *De munditie suppellectilis sacrae*, editum Anno Millesimo Sexcentesimo tertio, quod est tale:

"Quandoquidem innotuit in multis, tam Collegiatis, quam Parochialibus & Regularium Ecclesiis, suppellectilem sacram & actionum Divinarum instrumenta pro Christianæ Religionis dignitate, non satis reverenter conservari: Præterea ad Divina Officia necessaria, ab iis, quibus hoc ex officio incumbit, & quibus eorum procuratio concredita est, minus commode subministrari; idcirco in Domino expedire judicatum fuit, antequam per nostros Deputatos, peculiarem visitationem & inspectionem desuper instituamus, omnes & singulos Decanos, Parochos, ac Monasteriorum Superiores præmonendos esse, ut solcite provideant, quo in Sacramentorum administratione, & Sacro Missæ Officio (in quo placens Deo Patri hostia JESUS Christus in odorem suavitatis offertur) omnia decenter & summa cum veneratione religiose peragantur, & Sanctissimum Eucharistiæ Sacramentum, quo nihil habet Ecclesia sublimius, pro dignitate, reverenter cum lumine, loco honorato conservatum, juxta Synodalia Archi-Episcoporum Statuta sapius renovetur. Eumque in finem sedulo, ac solcite curabunt, ut suppellex Ecclesiastica, veluti Baptisteria, mappæ, mantilia, telæ lineæ, corporalia, & cætera actionum sacrarum instrumenta, vestium, & Altarium apparatus, albæ, cortinæ, laterales alæ, propendicula, & omnia tegumenta sint nitida, a putredine

(d) Cap. 11. Sess. 7. cap. 3. 8. 10. & 12. de ætate. Sess. 23. de Subd.

(e) Sess. 1. c. 10.

(f) Concil. Trid. Sess. 23. c. 3.

(g) Ibid. 23. cap. 3.

(b) Cap. 10. Sess. 23.

(i) Cap. 12. Sess. 22.

(k) Concil. Provinc. Colon. sub Herm. VI. c. 29. part. 1.

(l) Concil. Provinc. sub Adolph. III. Medio 2. c. 2.

"dine & situ præservata, casulæ non
 "sint lacerae, aut ruptæ; pyxides, vasa
 "repositoria, tabernacula Sanctissimi
 "Eucharistiæ Sacramenti sine fuligi-
 "ne, & pulvere munda; ac pro Ec-
 "clesiarum facultate, bene & conve-
 "nienter ornata: vinum Sacrificii pu-
 "rum, candelæ cereæ sufficientes,
 "libri integri, Æditui & Ecclesiarum
 "Custodes aquam benedictam puram,
 "in mundis vasis, usui fidelium, con-
 "servari procurare. Sint demum om-
 "nia tali decore composita, ut cultus
 "elegantia, administrationis devotio,
 "& sollicita conservationis cura, Re-
 "ligionem ac Dei zelum contesten-
 "tur."

TITULUS V.

*De Matrimonio clandestino, aliis-
 que impedimentis.*

CAPUT I.

Iterato quoque recipimus, recipi,
 & in singulis Parochiis debite pu-
 blicari, & observari mandamus De-
 cretum Concilii Tridentini, de *Clande-
 stinis Matrimoniis*, quod publicatum &
 promulgatum a Nobis est in Synodo
 præcedenti, anni Millefimi quingen-
 tesimi nonagesimi octavi, die 2. Octo-
 bris celebrata, verbis ibidem extanti-
 bus, addentes tamen & declarantes hoc
 Decreto comprehendendi Illustres etiam
 ac Nobiles cujuscunque status perso-
 nas, nisi ex causis legitimis in quibus-
 dam secus faciendi facultatem, & dispen-
 sationem a Nobis, vel a nostro in Spi-
 ritualibus Vicario in scriptis obtine-
 rint.

II. Præterea cum inter impedi-
 menta Matrimonii, latissime pateant
 Cognationis spiritualis, consanguinita-
 tis & affinitatis, ac denique publicæ
 honestatis justitiæ, volumus, ut *Cap.*
2. 3. & 4. Trident. Sessio. 24. de Reformat.
Matrimon. in Parochiis vobis concredi-
 tis, summa providentia custodiantur
 & observentur, eorumque vis & usus
 populo publicentur & explicantur, ne
 ob ignorantiam, negligentiamve ta-
 lia dissimulentur, vel contemnantur:
 cum citra peccatum, scandalum, peri-
 culumque quotidianum dissimulari &

contemni nequeant. Capitulorum ve-
 ro prædictorum tenor est hujusmodi:

"Docet experientia propter mul-
 "titudinem prohibitionum, multo-
 "ties in casibus prohibitis, ignoranter
 "contrahi Matrimonia: in quibus vel
 "non sine magno peccato persevera-
 "tur, vel ea non sine magno scandalo
 "dirimuntur. Volens itaque sancta
 "Synodus huic incommodo provide-
 "re, & a cognationis spiritualis impe-
 "dimento incipiens, statuit, ut unus
 "tantum sive vir, sive mulier, juxta
 "sacrorum Canonum instituta, vel ad
 "summum unus & una baptizatum de
 "Baptismo suscipiant: inter quos, ac
 "baptizatum ipsum, & illius patrem
 "& matrem, nec non inter baptizan-
 "tem & baptizatum, baptizatique pa-
 "trem ac matrem tantum spiritualis
 "cognatio contrahatur. Parochus an-
 "tequam ad Baptismum conferendum
 "accedat, diligenter ab iis, ad quos
 "spectabit, sciscitetur, quem, vel quos
 "elegerint, ut baptizatum de sacro
 "Fonte suscipiant, & eum, vel eos
 "tantum ad illum suscipiendum ad-
 "mittat, & in libro eorum nomina
 "describat, doceatque eos, quam
 "cognationem contraxerint, ne igno-
 "rantia ulla excusari valeant. Quod
 "si alii, ultra designatos baptizatos
 "tetigerint, cognationem spirituales
 "nullo pacto contrahant: Constitutio-
 "nibus in contrarium facientibus, non
 "obstantibus. Si Parochi culpa vel
 "negligentia secus factum fuerit: ar-
 "bitrio Ordinarii puniantur.

"Ea quoque cognatio, quæ ex
 "Confirmatione contrahitur, confir-
 "mantem & confirmatum, illiusque
 "patrem & matrem, ac tenentem non
 "egredietur: Omnibus inter alias per-
 "sonas hujus spiritualis cognationis
 "impedimentis omnino sublati.

"Justitiæ publicæ honestatis im-
 "pedimentum, ubi Sponsalia quacum-
 "que ratione valida non erunt, San-
 "cta Synodus prorsus tollit; ubi au-
 "tem valida fuerint, primum gra-
 "dum non excedant: quoniam in ulte-
 "rioribus gradibus jam non potest hu-
 "jusmodi prohibitio absque dispendio
 "observari.

" Præterea Sancta Synodus eisdem & aliis gravissimis de causis adducta impedimentum, quod propter affinitatem ex fornicatione contractam inducitur, & Matrimonium postea factum dirimit, ad eos tantum, qui in primo & secundo gradu conjunguntur, restringit: in ulterioribus vero gradibus statuit, hujusmodi affinitatem Matrimonium postea contractum non dirimere. "

TITULUS VI.

De Regularibus, Monachis, & Sanctimonialibus.

CAPUT I.

Confirmamus & innovamus ea, quæ Cap. I. II. IV. & V. Synodi, sub Reverendissimo Prædecessore nostro ERNESTO, Nobis præsidentibus, celebratæ: de *Confessariorum & Concionatorum approbatione, tum Sanctimonialium clausura*, convenienter Decretis Conc. Tridentini statuta & promulgata sunt.

II. Proinde renovantes Decretum de non recipiendis Laicis Convictoribus, iterum prout alias statuimus, si a sacris Canonibus salubriter cautum est, ne laicis cognatis, aut cæteris, accessus ad Religiosos, habitu & professione a mundo separatos, nimis frequens permittatur, ne animæ in virtutum officina devotioni, orationi, ac meditationi diu, noctuque operam dantes, per talem conversationem a recto virtutum tramite, in devia deturbentur: multo magis parentum, cognatorum, aut aliorum Laicorum, cum Religiosis in ipsis Monasteriis cohabitatio, & detestabilis consuetudo improbanda venit, quæ tales ad certum annorum tempus, vel ad dies vitæ in convictum, atque adeo in communem refectorii mensam pro certa pecunia admittuntur.

Unde cum præter distractionem, multa alia oriantur incommoda, & Monasteria Laicorum habitacula fieri videantur, quod sacris Canonibus vehementer improbatum, idcirco omnes & singuli, cujuscunque sexus, aut conditionis Monasteriorum Superiores, sub pœna excommunicationis, aut deposi-

tionis ab officio, sibi interdictum & prohibitum esse noverint; ne ullos, aut qualescunque Laicos, vel cognatos, tam intra, quam extra Monasterii septa in culinam, refectorem, vel aliam privatam mensam, tanquam convictores, posthac unquam admittant. Ubi vero tales, ante hanc Constitutionem quacunque ratione sunt recepti, quibus melioribus modis ac rationibus poterunt, sedulo laborabunt, ut restituta pecunia eisdem bona occasione dimittant.

Quod si vero contingat, ut viri aliqui boni Deum timentes, vel piæ feminae mundo renunciare, & quod ipsis superest vitæ, Dei servitio consecrare, & substantiam suam, aut potiorum ejus partem, ad Monasterium aliquod transferre, & in modestia ac simplicitate, circa Regulæ ac Monasticæ disciplinæ impedimentum, in Monasterio aliquo, vitam traducere velint, tali casu Monasteriorum Superiores, prius tractent cum nostro in Spiritualibus Vicario, aut cum iis, quos ad hoc specialiter deputabimus, qui in tali convictorum admissione, quod sacris Canonibus honestati, commodo, & utilitati Monasteriorum maxime conveniet, statuent, atque definient. Hisce tamen non prohibemus honestam, & piam puellarum in Monasteriis educationem, & institutionem hætenus usurpatam.

III. Observari quoque volumus, quæ de Regularibus, & Monialibus Concilium Tridentinum (m) salubriter præcipit, ut sequitur:

" Libertati professionis Virginum
" Deo dicandarum, prospiciens Sancta
" Synodus, statuit atque decernit, ut
" si puella, quæ habitum regularem
" suscipere voluerit, major duodecim
" annis sit, non ante eam suscipiat, nec
" postea ipsa, vel alia professionem
" emitat, quam exploraverit Episcopus,
" vel, eo absente aut impedito,
" ejus Vicarius, aut aliquis eorum
" sumptibus ab eis Deputatus, Virginis
" voluntatem diligenter, an coacta, an
" seducta sit, an sciat, quid agat. Et
" si voluntas ejus pia, ac libera cognita
" fuerit,

(m) Sess. 25. cap. 17. de Regular.

" fuerit, habueritque conditiones re-
 " quiritas juxta Monasterii illius, & Or-
 " dinis Regulam; nec non Monaste-
 " rium fuerit idoneum, libere ei pro-
 " fiteri liceat. Cujus professionis tem-
 " pus, ne Episcopus ignoret, teneatur
 " Præfata Monasterii eum ante men-
 " sem certiore facere. Quod si Præ-
 " fata certiore Episcopum non fece-
 " rit, quamdiu Episcopo videbitur, ab
 " officio suspensa sit.

" Anathemati Sancta Synodus sub-
 " jicit omnes & singulas personas, cu-
 " juscunque qualitatis, vel conditionis
 " fuerint, tam Clericos, quam Laicos
 " sæculares, vel Regulares, atque etiam
 " qualibet dignitate fulgentes, si quo-
 " modocunque coegerint aliquam Vir-
 " ginem, vel Viduam, aut aliam quam-
 " cunque mulierem invitam, præter-
 " quam in casibus in jure expressis, ad
 " ingrediendum Monasterium, vel ad
 " suscipiendum habitum cujuscunque
 " Religionis, vel ad emittendam pro-
 " fessionem: quique consilium, auxi-
 " lium, vel favorem dederint: quique
 " scientes eam, non sponte ingredi
 " Monasterium, aut habitum suscipere,
 " aut professionem emittere, quoquo
 " modo eidem actui, vel præsentiam,
 " vel consensum, vel auctoritatem in-
 " terposuerint. Simili quoque ana-
 " themati subjicit eos, qui sanctam Vir-
 " ginem, vel aliarum mulierum volun-
 " tatem vel accipiendi, vel voti emit-
 " tendi, quoquo modo sine justa causa
 " impedierint."

IV. Decernimus porro, nulla ra-
 tione Superioribus, Abbatibus, Vifi-
 tatoribus, Generalibus, Provincialibus,
 aut Commissariis Regularium, etiam
 exemptarum, vel qualiumcunque Con-
 gregationum, hanc licentiam & pote-
 statem esse permittendam, ut ullis Mo-
 nialibus, sive in dignitate, sive extra
 eam constitutis, qualicunque de cau-
 sa etiam si Medici suadeant, faculta-
 tem & veniam dare possint, Mona-
 sterio exeundi, aut ex professionis
 loco, in qua stabilitatem voverunt, in
 aliud Monasterium commigrandi; mul-
 to vero minus religionis habitum de-
 ponendi, nisi Ordinarii & Diocesani
 consensus impetratus accedat. Quod

si vero contingat aliquam propria te-
 meritate locum aut Monasterium suum
 mutare, habitu religionis deposito, sæ-
 cularem assumere, ejus Superior, sub
 quo votum emisit religionis, eam, ad
 professionis suæ locum, & habitum sa-
 crum, ad certum temporis terminum,
 præfixum revocet. Quod si facere
 neglexerit, arbitraria, & Nobis refer-
 vata pœna punietur: Si vero legitime
 monita, parere recuset, ad Ordinarium
 recurratur.

V. Mandamus insuper, ut singu-
 li Visitatores, infra anni spatium Mo-
 nasteria sibi subiecta visitent, & Apo-
 stas, vel fugitivos utriusque sexus,
 Vicario nostro in Spiritualibus scripto
 exhibeant.

VI. Confirmamus etiam Decre-
 tum: *De reformatione Investituræ, & sacræ
 Professionis Religiosæ*, a Nobis, & Præde-
 cessore nostro bene & salubriter consti-
 tutum, Sedisque Apostolicæ auctori-
 tate confirmatum per Bullam, quam
 videsis. *Tom. præced. pag. 764.*

Hæc erat Bullæ Inscriptio:

*Venerabili Fratri Archi-
 Episcopo Colonienfi, Sacri Ro-
 mani Imperii Principi Electori.*

Hiscæ non obstantibus, remitti-
 mus omnes Prælatos & Superiores quo-
 cunque nomine censentur, ad Decre-
 ta a Prædecessoribus nostris hætenus
 salubriter edita, eos in Domino serio
 monentes & hortantes: Ut eadem justo
 pietatis zelo, pro Dei honore, & anima-
 rum ac Ecclesiarum sibi commissarum
 salute, suæque conscientiae exoneratione
 fideliter exequantur.

Ut demum hæc omnia in præsentī
 Synodo, salubriter constituta, inno-
 vata & confirmata strictius observentur,
 mandamus & præcipimus in virtute
 sanctæ obedientiæ, ut omnes Archi-
 Diaconi, Abbates, Præpositi, Deca-
 ni, cæterique Ecclesiarum quarum-
 cumque & Monasteriorum Prælati &
 Superiores in suorum subditorum vi-
 tam ac mores sollicitè animadvertant,
 & quos in prædictis culpabiles offende-
 rint, debitæ pœnis coerceant: Consi-
 derantes Heli Sacerdotem pro filiorum

iniquitate fuisse condemnatum, alioquin Nos illorum negligentiam suppleantes, ad censuras & poenas Canonicas procedemus.

His itaque de mandato benemeritorum Dominorum Commissarium in Scholis Theologorum publicatis & prælectis, consequenter in domo Capitulari Metropolitana Ecclesiæ Colonienfis *M. Bernhardus Schikelingh*, Curia Archiepiscopalis Colonienfis Procurator Fiscalis, recitatis nominibus Citatorum, reproduxit citationem legitime ad effectum insertum executam,

ac petivit & obtinuit contra absentes contumaces ulteriora. In quorum fidem, robur & testimonium eadem non solum a Notario Publico jurato prædictæ Curia Archiepiscopalis Colonienfis munita, sed & sigillata sunt. Anno reparatæ salutis 1612. die quidem Martis secunda mensis Octobris.

Jacobus Wilch, Curia Archiepiscopalis Colonienfis Sententiararius præscript. Synod. Notarius publicus subscripsit.

Lünig Contin. II. Spicil. Eccles. pag. 193.

ARCHI-DIACONALE CONCILIUM

HASBANIAE (*)
IN ECCLESIA LEODIENSI,
CELEBRATUM

Eodem anno Christi MDCXII.

Sub *ARNOLDO* de *BOCHOLTZ*, Præposito
& *Archi-Diacono*.

ARNOLDUS, PRÆPOSITUS HILDESHEMENSIS, ET
Tungensis Canonici, & Archi-Diaconi Hasbania in Ecclesia Leodiensi, &c. Dominus temporalis de Bocholtz, Corteschem, &c. Universis, & singulis Presbyteris, Clericis, Ecclesiarum Parochialium Rectoribus; Deservitoribus, Capellanis, Beneficiatis, Matriculariis, Officiatis, aliisque omnibus & singulis in Archi-Diaconatu nostro præfecto Nobis subditis, Salutem.

Quoniam docet experientia, quantum præteritorum injuria temporum (causantibus bellorum calamitatibus) boni pridem & ordinati regiminis in Ditione, ac Diacesi hac Leodiensi, & nominatim Archi-Diaconatu nostro præfecto, facies immutata sit, & quam exiguus antiquæ disciplinæ appareat color, qui nec aliter possit restitui, nisi sublata primitus omni (quæ invaluit) confusione, bonarum deinceps legum & consuetudinum integritas revocetur, incerta ad regulam, obscura ad lucem, & singule demum ad observantiam reducantur: hinc est, quod Nos dignitatis nostræ Archi-Diaconalis (qua fungimur) exigentia postulante, prævio diligenti omnium,

quæ ad hæc facere videbantur, studio, & examine, ad DEI imprimis honorem, & pro communi subditorum nostrorum pace, tranquillitate, & salute, felicitque disciplinæ Ecclesiæ redintegratione, sequentia (hactenus per Nos adhuc licet in Conciliis publicata) ex integro duximus declaranda, decernenda, statuenda, mandanda, & publicanda, eaque in eodem Archi-Diaconatu nostro, sub censuris alioquin, & penis juris, & statutiis, aliisque comminatis, etiam gravioribus arbitrariis (si opus erit) inviolabiliter observanda, prout illa harum serie declaramus; decernimus, statuimus ac publicamus, & ab omnibus in eo Nobis subditis observari volumus, & mandamus.

Prin-

(*) De Hasbania, vel *Haspinga*, uti in Diplomate Henrici Regis, qui Leodiensium illam Ecclesiæ anno MXL. donavit, Nithardo Episcopo LI. deprecante, legitur, adifis *Chapevilli Gesta Pontif. Leod. Tom. I. pag. 279.*, *Fulwii Hist. Leod. Tom. I. Lib. IV. pag. 225.* & *Dictionaire de Trevoux Tom. III.*

Principio igitur, ut Pastores omnes, & ceteri, qui animarum curam sustinent, pro officii sui munere susceptum sollicitudinis onus circa ovium sibi commissarum cognitionem, custodiam & pastum, ac suarum Ecclesiarum statum, debite exsequantur, quod certe ab eis præstare minime potest, qui in Ecclesiis suis magno scandalo, nec minore animarum periculo, propriæque salutis dispendio non resident; hinc est, quod Canonum & Sacri Concilii Tridentini, aliasque Apostolicas insequendo Sanctiones, & nominatim Constitutionem Sanctissimi D. N. PII Papæ V. super residentia facienda in Parochialibus per obtinentes easdem, incipientem: *Cupientes*, serio mandamus omnibus & singulis Ecclesiarum Parochialium Rectoribus, ut infra mensem proximum a publicatione hujus Decreti nostri, sub pena alioquin centum florenorum Brab. in pios usus applicandorum, ipso facto, aliisque tum Ecclesiasticarum censurarum, tum privationis penis incurrendis, personaliter deinceps in suis Ecclesiis resideant, & ibi in Divinis deserviant; omninoque debito suo fungantur officio.

Et ne quispiam Pontificiæ Constitutionis præstata ignorantiam prætere valeat, eam huic nostræ paginæ censuimus inferendam, quæ talis est:

PIUS EPISCOPUS,

SERVUS SERVORUM DEI, AD PERPETUAM rei memoriam.

Cupientes pro nostri Pastoralis officii munere Christi fidelium animarum saluti, quantum cum Deo possumus, salubriter consulere, & Parochialibus Ecclesiis ab earum Parochis, prout tenentur, in Divinis debite, & laudabiliter deserviri, inherendo etiam Decretis Sacri Concilii Tridentini, motu proprio, & ex mera deliberatione, certaque scientia nostra, ac de Apostolicæ potestatis plenitudine, omnes & singulos Rectores Parochialium Ecclesiarum, cujuscunque dignitatis, status, gradus, ordinis, & conditionis, & præ eminentiæ fuerint, in quibuscunque Regnis, Provinciis, Civitatibus, Diocesis, ac aliis Christiani Orbis partibus consistentes, qui Parochialem Ecclesiam, ac Canonatum, aut dignitatem, etiam post Pontificalem majorem, seu principalem in qui-

buscunque Patriarchalibus, aut Metropolitanis, vel Cathedralibus, seu Collegiatis Ecclesiis, seu aliud quodcumque Beneficium Ecclesiasticum, etiam quarumcumque dispensationum a Romanis Pontificibus Prædecessoribus nostris, seu etiam a Nobis hactenus quomodolibet impetratarum, ac Literarum Apostolicarum desuper expeditarum titulo (quas omnes hac præsentī Constitutione abolemus, & revocamus) seu quocumque alio prætextu obtinent, cum prima & præcipua debeat esse cura animarum, eos ad residendum in Ecclesia Parochiali, & ibi in Divinis deservendum, debitoque eorum officio fungendum omnino, Ordinaris, etiam tamquam Apostolicæ Sedis delegatos, sub sententiis, & censuris Ecclesiasticis, ac pecuniariis arbitrio eorum declarandis, ac etiam privationis dictarum Parochialium, quoruncunque Beneficiorum penis, quacumque appellatione remota, cogi, & compelli posse, & debere, auctoritate Apostolica, tenore presentium statuimus, præcipimus, & ordinamus. Eos tamen sic residentes in Ecclesiis Parochialibus, omnes & singulos fructus, redditus & proventus, etiam Canonatus sui vel dignitatis, seu alterius cujuscunque Beneficii (exceptis dumtaxat quotidianis distributionibus, & aliis, quæ ex iusta causa absentes percipere non solent) lucrari volumus. Sicque per quoscunque Judices, & Commissarios, etiam causarum Palatii Apostolici Auditores, ac S. R. E. Cardinales sublata eis, & eorum cuilibet, quavis aliter judicandi, & interpretandi facultate, interpretari, judicari & diffiniri debere. Nec non irritum, & inane quidquid secus super his a quoquam, quavis auctoritate, scienter, vel ignoranter attentatum forsitan est hactenus, vel in posterum contigerit attentari, decernimus, & declaramus. Non obstantibus præmissis, ac quibuscunque dispensationibus & exemptionibus, literisque Apostolicis desuper concessis, nec non Apostolicis, in Provincialibusque, & Synodalibus Conciliis editis generalibus, vel specialibus Constitutionibus, ordinationibus, etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis & literis Apostolicis quibuscunque personis in genere, vel in specie, alias quomodolibet concessis, & approbatis, imposterum concedendis, & approbandis. Quibus omnibus, etiam si de illis, eorumque totis tenoribus specialis, specifica, & individua, non autem per clausulas generales idem importantes mentio, seu quævis alia expressio habenda, aut alia exquisita forma ad hoc servandum foret,

ret, eorum tenores, ac si de verbo ad verbum infererentur, præsentibus pro sufficienter expressis habentes, illis alias in suo robore permanfuris (hac vice dumtaxat) ad effectum præsentium specialiter & expresse derogamus, cæterisque contrariis quibuscumque. Volumus autem, quod harum literarum transumptis, etiam impressis, manu Notarii publici subscriptis, ac sigillo alicujus personæ in dignitate Ecclesiastica constitutæ munitis, eadem prorsus fides tam in judicio, quam extra adhibeatur, si forent exhibitæ vel ostensæ. Nulli ergo omnino hominum liceat hanc paginam nostræ abolitionis, revocationis, statuti, præcepti, ordinationis, decreti, declinationis, derogationis, & voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis DEI, & Beatorum Petri & Pauli Apostolorum ejus se noverit incursurum. Datum Romæ apud Sanctum Petrum, anno Incarnationis Dominicæ Millesimo. quingentesimo. sexagesimo octavo, 8. Idus Julii, Pontificatus nostri anno tertio.

CÆ. GLORIERIUS.

H. CUMIN.

Registrata apud Cæsarem Secretarium. Anno a Nativitate Domini Millesimo. quingentesimo. sexagesimo octavo, Indictione undecima, die vero decima quinta mensis Julii, Pontificatus Sanctissimi in Christo Patris, & Domini nostri D. PII Divina providentia Papæ V. anno tertio, retroscriptæ Literæ Apostolicæ lectæ, affixæ, & publicatæ fuerunt, ad valvas Basilicæ Principis Apostolorum de Urbe, Cancellariæ Apostolicæ, & in acie Campi floræ, dimissis ibidem præsentibus literis per aliquantulum temporis spatium (ut est moris) affixis, & deinde amotis per nos Joannem Borvotum & Julium Parinum, prælibati Sanctiss. D. Papæ Cursores.

Antonius Clerici, Mag. Curs.

Cujus quidem Pontificæ Constitutionis tenore attento, volumus, quod si Pastores aliqui habeant gratias, seu dispensationes (etiam Apostolicas) de non residendo; Nobis, seu Officiali nostro, illarum authenticam copiam, cum exhibitione Originalis, infra proximam quindenam tradant, ut his visis, juxta Sacri Concilii Tridentini De-

creta & Constitutionem præactam, certius & specialius quippiam quoad easdem diffinire possimus: easdem aliquin pœnas, nisi infra mensem (his etiam non obstantibus) resederint, incursuri.

Ad hæc, præcipimus singulis Parochis, ut pro necessaria sui gregis cognitione, in quo boni Pastoris consistit sollicitudo, habeant etiam infra mensem proximum commodum & expensis Communitatis codicem, seu registrum authenticum, debite compactum, in quo capitatum, Primo quidem Capite adnoent nomina Nascentium, & Baptisatorum, Parris & Matris, ac Susceptorum eorundem; Secundo Capite nomina eorum, quos in suis Parochialibus Matrimonio jungi contigerit, quosque ipsi conjunxerint; mensem item, & diem conjunctionis; & duorum ad minus testium, qui adfuerint; Terzio, Confirmatorum, & Patrinatorum eorundem; ac postremo singulorum subditorum nomina per familias conscribant.

Ac primum quidem Caput Baptisatorum nomina complectetur, hoc modo:

Anno... mensis... die... fuit a me N. Rectore Parochialis Ecclesiæ... baptisatus filius N. & N. Conjugum natus die... eique fuit Nomen impositum N. Susceptores illius fuerunt Petrus, filius N. & Maria uxor N. filia N.

Quod si proles illegitima fuerit, Matris dumtaxat nomen (si tamen de ea constiterit) registretur.

Alterum nomina contrahentium Matrimonium comprehendat, hoc tenore:

Anno... mensis... die... N. filius N. contraxit per verba de præsentis Matrimonium cum N. filia N. in Ecclesia Parochiali loci de... præsentis me N. Rectore dictæ Parochialis, & N. atque N. testibus præsentibus, & aliis plerisque.

Quod si remissis (puta per rubrum sigillum) aut præmissis una, vel pluribus proclamatorialibus, Matrimonium fuerit celebratum, hoc ipsum exprimatur hac forma: Idque una, duabus, vel omnibus remissis, aut præmissis inter Misseriam solemniam denuntiationibus; quæ, vel quarum

quarum prima facta est die Dominico vel Festivo Sancti N. mensis... die... altera vero &c.

Et concludatur hoc modo: *Et præmissis attentis, nullo prorsus detecto impedimento, quo minus libere contrahere possent.*

In tertium Caput, Confirmatorum nomina referantur, hoc pacto:

Anno... mensis... die... confirmatus est N. filius N. & N. per Reverendiss. Dominum N. Suffraganeum Leodiensem, cujus Susceptor fuit N. & filius N.

Quod vero ad mulieres, si nuptæ fuerint, tam quæ suscipiunt, quam suscipiuntur, præter ipsarum, & Parentum earundem nomina & cognomina, addantur etiam nomina & cognomina virorum seu conjugum, hoc modo:

N. filia N. & filius N.

Quantum denique Caput distingas continebit familias, hoc modo:

N. filius N. Paterfamilias annorum...
N. ejus uxor, filia N. annorum...
N. eorum filius, annorum...
N. eorum filia, annorum...
N. eorum famulus, annorum...
N. eorum ancilla, annorum...

Ex hoc Capite, diem obitus, vel recessus cujusque a Parochia: item anne eo anno in festo Paschæ singuli confessi fuerint, & communicarint, marginaliter adnotabitur, hoc modo:

Obiit vel recessit anno... mensis... die... confessus est, & communicavit (vel) confessus est tantum.

Habeant etiam Pastores magnam exterorum aliunde ad Parochias suas adventantium rationem, ac de vita, & eorum moribus sese informant; cum vel maxime inquirent, anne suspecti sint de hæresi, vel publici, & notorii gravioris alicujus criminis rei? Quod Seren. Episcopo, aut Nobis, Officialis nostris per literas, vel aliter, secreto declarare tenebuntur. Nec tales deinceps recipient in subditos, nisi cum authentico fidei, & probitatis morum testimonio. Qui, si mulierem comitem habeant, diligenter quoque investigent, anne uxor sit legitima, an fornicaria vel concubina?

Ad custodiam porro, & gregis sibi commissi pastum, quod attinet, diligentem cum primis curam adhibeant circa juventutis tam in moribus Christianis, quam literis institutionem.

Ideoque, quantum fieri poterit, singuli per se, vel alium, fidei rudimenta, literarumque elementa doceant.

In oppidis vero, & locis frequentioribus, & aliis, in quibus solemniores Scholæ sunt, vel esse ab antiquo consueverunt, curent Pastores cum Magistratu loci, ut diligens Ludimagister, non fidei modo puritate, sed etiam vitæ, morumque integritate, & doctrina præstans habeatur, qui hanc ætatem in modestia, & pietate instruat, & ad altiora literarum, & virtutum studia promoveat.

Ad quam juventutis disciplinam, si res, bona, seu proventus (uti plerisque in locis esse constat) spectare dignoscantur, curent Pastores, ne bona hujusmodi in alios usus convertantur, aut depereant, quamvis ab institutione, etiam primæva, alii forent designati eorundem Administratores; sed re ad Nos, vel Officiarios nostros delata, seu Visitatoribus detecta, suæ, & Administratorum consulant conscientiæ.

Summopere etiam advigilent, ut Dominici, & Festi dies Divino cultui dicati recte colantur, & observentur, atque in officiis pietatis, ac Religionis transigantur, eoque magis, quod hac in parte videre est, ex eorum frequentissima, & quasi consuetudinaria violatione, Divino cultui nedum plurimum decessisse, sed iis ipsis populum passim ad graviora etiam quæque scelera committenda, Divinamque iram incitandam abuti.

Ideoque Festa multoties jam in Conciliis nostris publicata, ac sacra jejunia ex præcepto Ecclesiæ observanda, in singulas hebdomadas inter Misæ sollemnia denunciare populo non omittant, ne quis imprudens Pastoris culpa, in præmissis discrimen incurrat.

Repetant porro frequenter, & inculcent totos illos dies in Dei cultu, Sancto-

Sanctorumque laudibus celebrandis, & Dei in nos beneficiis recolendis religiose transigendos esse; ita videlicet, ut quilibet fidelis non solum Missæ, sed etiam Prædicationi, Vesperarum Officio, aliisque piis exercitiis, pie, soliteque interfit.

Ideoque mandamus omnibus Ecclesiarum Rectoribus & Matriculariis, ut Dominicis ac Festis diebus, populo per campanæ pulsus convocato, deinceps Vesperas in suis Ecclesiis, aut (ob adjuvantium fors paucitatem) saltem Laudes Deiparæ Virginis devote canere non omittant; exhortantes omnes & singulos, ut ad eas conveniant; Pastoribus, quoties hoc neglexerint, decem stuphorum Brab., in Festis autem solemnioribus unius floreni confimilis, Matriculariis vero (quorum culpa intermittitur) arbitrariis penis propositis, & per Fiscos nostros irremissibiliter exigendis.

Festa autem, quæ præcipiuntur per totum annum celebrari, sunt hæc: videlicet præter Dominicalia, Festum Circumcisionis Domini, Epiphaniæ, Conversionis Sancti Pauli, Purificationis Beatæ Mariæ Virginis, S. Machiæ Apostoli cum jejuniis, Annunciationis Beatæ Mariæ, Festum Paschæ, cum feriis secunda, & tertia sequentibus, Sanctorum Philippi & Jacobi, Inventionis Sanctæ Crucis, festum Ascensionis Domini, festum Pentecostes cum jejuniis, & feriis similiter secunda, & tertia sequentibus, festum Venerabilis Sacramenti, festum Nativitatis Sancti Joannis Baptistæ cum jejuniis, Sanctorum Petri & Pauli Apostolorum cum jejuniis, Visitationis Beatæ Mariæ Virginis, Sanctæ Mariæ Magdalenzæ, festum Sancti Jacobi Apostoli cum jejuniis, Laurentii Martyris cum jejuniis, festum Assumptionis Beatæ Mariæ Virginis cum jejuniis, Bartholomæi cum jejuniis, festum Nativitatis Beatæ Virginis, S. Mathæi cum jejuniis, Sancti Michaelis Archangeli, Sanctorum Simonis & Judæ cum jejuniis, festum omnium Sanctorum cum jejuniis, Sancti Andreæ cum jejuniis, festum Conceptionis Beatæ Mariæ Virginis, Thomæ Apostoli cum jejuniis, Nativitatis Domini cum jejuniis, San-

cti Stephani, Sancti Joannis Evangelistæ, & denique festa Patroni, & Dedicationis cujuslibet Ecclesiæ in & sub ipsa Parochiali & districtu ejusdem, quorum omnium, & singulorum, talis erit observatio, ut populus dictis diebus ab operibus suis servilibus cesset, & ea, quæ suæ fuerint salutis, devote operetur.

Festa porro Sanctorum Lamberti, Dionysii, Huberti, Leonardi, Martini, Nicolai, si aliquibus in locis servari consueverunt, servabitur consuetudo.

Et quoad ultimos dies Paschæ, Pentecostes, & Nativitatis Domini, nec non Sanctorum Servatii, Leonardi, Ægydii, S. Catharinæ, Cathedræ S. Petri & Vinculorum ejusdem, servabitur (donec temporis exigentia melius suadente aliud statuendum videbitur) Ordinatio Serenissimi, & Reverendissimi bonæ memoriæ Episcopi, & Principis nostri ERNESTI, data Junii die secunda, anno Domini 1608. cum repetita exhortatione, ut illi, quibus hæc labore manuum, benignissimus Deus vivendi facultatem concessit, cultum, quem Deo imprimis, & Sanctis ejus his præfatis diebus impendere solent, non remittant, sed potius augeant: alios vero, quibus ea vivendi facultas non suppetit, rursum monemus, ut si quid de cultu Deo, Sanctisque ejus debito, exterius per opera manualia remittant, hoc animi candore, innocentia vitæ, frequentioribusque ad Deum precibus, aliisque consimilibus rationibus compensare studeant.

Dominicis igitur & Festivis diebus præscriptis, nominatim prohibita hæc: Mercatus, agrorum cultus, aut messis, fabrorum, aurigarum, coctorum cerevisiæ, sartorum, sutorum, aliorumque mechanicorum operæ, vecturæ plaustrorum, ac in univsum manualia ejusmodi exercitia.

Quæ, ut quantum fieri potest, tollamus, omnemque deinceps diem Festum violandi occasione præscindamus, omnibus mercatoribus lanariis, linariis, vestiariis, aromatariiis, aliisque, qui merces venales habent, inhibemus, ne prætactis diebus ante fores, vel

vel in fenestris domorum suarum, vel alibi illas venales exponant; Pistoribus & Ianionibus, ne publice (officinis videlicet ædium suarum apertis) esculenta sua distrahaant: Oenopolis, cauponibus, ac tabernariis, ne iisdem diebus, tum vel maxime tempore Divinorum, puta summæ Missæ, & Divinorum, cenopolia, vel tabernas aperiant, comestationes, aut computationes permittant.

Fruges etiam, cupedia, bellaria, aliaque familia in oppidorum foris venditioni palam exponi consueta, deinceps tempore summæ Missæ non exponantur, nec publice distrahantur; saltem impune.

Urgente vero aliqua notabili necessitate, messium tempore, vel alias, post audita Missarum solemnia, & causa primitus per Pastorem loci intellecta, ejusque in scriptis, & quidem in præsentia duorum testium (si noti communitati fiat permissio) concessa & accedente licentia, permittimus pro hujusmodi necessitatis exigentia operis manualis exercitium; inhibentes Fiscis nostris, & Curie nostræ negotiorum Procuratoribus, ne præmissis accedentibus, subditos nostros quoquo modo molestant: ideoque tenebuntur ante, quam citationem seu articulos desuper emittant, litemve ulterius prosequantur, an præmissa intervenerint, perquirere; ipsique vicissim citati, in termino servientis citationis, de hujusmodi in scriptis licentia fidem facere; in expensis aliouin prosecutionis, seu oppositionis indebite, respective condemnandi.

Quo etiam dies sacri uberiore fructu traducantur, meminerint Pastores, & alii curam animarum habentes, ut juxta Sacri Concilii Tridentini Decretum, nec non ejusdem Serenissimi & Reverendissimi fel. record. Episcopi & Principis nostri ERNESTI Edictum, Dominicis & Festis diebus plebes sibi commissas certa ad hoc & opportuna arbitrio suo selecta, præfixa, & denunciata hora catechisent, eaque diligenter observent, & observari faciant pro viribus, quæ latius dicto Edicto continentur, quod est tale:

Tomus IX. Concilior. German.

ERNESTUS, DEI GRATIA

Archi-Episcopus Colonienfis, Sacri Romani Imperii per Italiam Archi-Cancellarius, Princeps Elector, Episcopus & Princeps Leodiensis, Administrator Monasteriensis, Hildesheimenf. Frisingenf. & Stabulensis; Comes Palatinus Rheni, Dux utriusque Bavarie, Westphalia, Angaria & Bullonenfis, Marchio Franchimontensis, Comes Loffensis, Lognenf. Hornensis, &c.

Universis & singulis Pastoribus, Vice-Pastoribus, & aliis animarum curam per Diocesim nostram Leodiensem habentibus, Officiariis quoque & aliis Nobis subditis quibuscunque, Salutem in Domino.

Cum inter alia ab Oecumenico Concilio Tridentino laudabiliter instituta, mandetur Episcopis, ut curent diligenter pueros in singulis Parochiis fidei Rudimenta, & obedientiam erga Deum, & Parentes ab iis, ad quos spectat, saltem Dominicis, & Festis diebus doceri, & si opus sit, eisdem etiam per censuras Ecclesiasticas compellant, non obstantibus privilegiis, & consuetudinibus: & speciatim Parochis omnibus præcipiat, ut eisdem diebus populo inter Missarum solemnia, aut Divinorum celebrationem sacra eloquia, & salutis monita, vernacula lingua explanent, eademque in omnium cordibus, postpositis inutilibus questionibus, inferere, atque eos in lege Domini erudire studeant: tum vero visu sunt Nobis salutaria hujusmodi præcepta eo magis hisce locis amplectenda, quo per hæreticorum circumquaque grassantium viciniam, facilius est ab orthodoxa fide defectio. Quocirca nos eisdem præceptis insistentes, monevi vos ejusmodi officii non raro curavimus, editis etiam Catechismis, & aliis libris ad id opportunis. Et licet apud nonnullos fructum aliquem fecisse videamur, nihilominus quia animadvertimus multos adhuc Parochos, aut desidiosi & torpori, aut sublimioribus concionibus plerumque ad Parochianorum suorum captum parum accommodatis, postpositis fidei, & pietatis rudimentis, ad salutem maxime necessariis, vacare. Hinc est apud Nos, eadem Concilii Tridentini Mandata, ut par est, exequi, & subditorum nostrorum saluti, opportune, quantum in Domino possumus, providere cupientes, vobis universis curam animarum habentibus supradictis districte præcipiendum, mandandumque duximus, prout præsentium tenore præcipimus & mandamus, quatenus statim & indilate, saltem

A a

intra

intra tres hebdomadas a publicatione presentis nostri Mandati computandas, diebus saltem Dominicis, & Festivis inter Missarum solennia, postpositis difficilioribus & subtilioribus concionibus plebes vobis commissas, & maxime pueros, pro vestra & eorum capacitate catechizetis, docendo, quæ scire omnibus necessarium est ad salutem, annuntiansque eis cum brevitate, & facilitate sermonis, vitia, quæ eos declinare, & virtutes, quas sectari oporteat, ut penam æternam evadere, & cælestem gloriam consequi valeant: sub pena suspensionis ab omnibus officiis, & beneficiis vestris, & privationis fructuum eorundem pro tertia parte irremissibiliter a vobis (si muneri vestro defueritis) exigendorum ad ejusmodi instructionem applicandorum, aliæque arbitraria; non obstantibus quibuscumque vestris, aut Ecclesiarum vestrarum exemptionibus, aliisque, quæ idem Concilium voluit, non obviare. Vobis autem eorundem Parochianis omnibus & singulis sub pena arbitraria similiter applicanda mandamus, ut toties, quoties a Parochis vestris moniti fueritis, præsertim vero præactis diebus, liberos vestros, & alios curæ vestræ commissos, ad Ecclesiam instruendos & catechizandos pari diligentia mittatis. Et ulterius vobis omnibus Prætoribus, Consulibus, & aliis Officiariis Nobis subditis mandamus, ut in eventum, quo præacti Parochiani in iis mittendis moram fecerint, eosdem ad id, & ipsosmet pueros ad eundem, & obtemperandum, realiter, & cum effectu cogatis, & compellatis, sub pena excommunicationis, aliæque arbitraria. Veementer vero hortamur in Domino, & requirimus omnes, qualicumque demum conditione, aut dignitate præfulgeant, ut tam pio & salutari instituto, favorem & auxilium, etiam per præsentia suæ exhibitionem conferant; Archi-Diaconos vero, ut & ad præmissa, & illorum observationem diligenter per suos Archi-Diaconatus attendant, & contra rebelles, vel alias inobedientes ad penas, & censuras superatas procedant, prout & Nos procedemus iustitia mediante. In quorum fidem præsentem literas fieri, & per Vicarium nostrum in Spiritualibus Generalem subscribi curavimus. Datum in Civitate nostra Leodiensi anno a Nativitate Domini 1611. decima nona Novembris.

Nos certe, ad hujusmodi Mandati observantiam diligenter attendemus, & contra defectuosos, rebelles, & inobedientes, ad censuras & pœnas inibi, & per Sacrum Concilium Tridenti-

num comminatas, sine dissimulatione procedemus.

Et quia in plerisque locis Parochiales Ecclesiæ, seu Capellæ, Divino cultui, & Sanctorum venerationi sacræ, superiorum annorum motibus & miseriis destructæ, profanatæ, labefactæ, spoliatæ, necessariisque ad sacra Ministeria destitutæ comperiuntur, quarum rescindendarum, & restituendarum onera, pro casuum & defectuum diversitate multiplicia sunt & distincta, suosque juxta laudabiles & antiquissimas Archi-Diaconatus nostri consuetudines, concordias, & statuta, diversos habent obligatos Reparatores, & Provifores; ne gravissima Divini Numinis offensa, summoque fidelis populi scandalo, ipsis vel ignorantiam prætendentibus, eorumve tergiversationibus, quæstionibus & controversiis, tam piæ & necessariæ reparationes, & necessariorum exhibitiones ulterius differantur, sed Ecclesiarum status ex dignitate conservetur, dicimus & declaramus, majorem imprimis cujusque Parochialis in Archi-Diaconatu nostro decimam, illiusque possessores, de usu & consuetudine præactis, teneri per omnia, & obligari ad integram summi altaris erectionem, ejusque consecrationem, nec non casu postulante ejusdem reparationem, & reconciliationem, omniumque & singulorum ad Missæ celebrationem requisitorum præstationem; videlicet ad tabulam decentem, tapetum, seu mappam crassiorum lapidi altaris contiguam, ad tres honestas mappas, & ad coopertorium, quo fordes ab altari arceantur, ad manutergia quatuor, ad antependium, cortinas decentes, syndonem, sive corporale, ejusque thecam honestam, ad calicem cum cratere & patena argenteis, iisque recludendis honestum sacculum, ad cereos duos ordinariis & consuetis Missis celebrandis (juxta Ecclesiæ qualitatem) necessarios, cum eorum candelabris, ad vinum, vinique & aquæ ampullas, ad hostias, & pyxidem qua recludantur, ad Missale integrum & approbatum, tabulam pacis, ad albas duas cum cingulis, & ad amictus totidem, ad manipulum, stolam, casulam, Psalterium, Matutinale, Graduale, & his omni-

omnibus asservandis cistam sufficentem, cum debita clausura; item ad navim Ecclesiæ a primo lapide fundamenti ad cacumen usque cum testitudine, seu tabulato, & fenestris vitreis a lateribus utrimque imaginis Crucifixi; ad principalem fenestram orientalem in Choro; ad campanam bannalem tantæ magnitudinis, ut per totum decimæ circuitum facile audiri possit, & ad omnia eidem campanæ incumbentia, illiusque pulsum necessaria, cum ligneo, ex quo secure dependeat ædificio, ad turrin, si in illa muris ipsius navis innitatur, & insistat (alioquin si illa separatim a fundamentis exstructa sit, & per se stet, ad eandem tenetur communitas) ad taurum & verrem in commodum Parochianorum, a quibus dicta decima percipitur. Denique ad alia onera, quæ ex Sacri Concilii Tridentini Decreto, illi præscripta esse dignoscuntur, & nominatim quoad competencias Pastorum. De quibus & iuribus supra & infra scriptis, in filialibus Ecclesiis, nullis ut plurimum, aut forte exiguis gaudentibus decimis & redditibus, nec non in quartis capellis (Sacri juxta ejusdem Concilii Tridentini Sanctiones) quod Beneficiorum unione primitiarum, & decimarum assignatione, aliave commodiore ratione fieri non poterit, per Parochianorum symbola & collectas, pro Rectorum, & Parochiarum necessitate, quantum decenter suffecerit, provideri curabimus, & quantum in Nobis erit, providebimus.

Quod si Parochiani ornamentis ordinariis ex parte majoris decimæ subministratis, decentiora habere velint, hæc proprio ære, non vero ex bonis fabricæ comparabunt: nisi tamen fabrica, seu luminare redditibus abundet, pecuniamvè habeat otiosam; ita quod absque præjudicio, de oneribus ipsi fabricæ incumbenibus idonee, & commode arbitrio Domini Pastoris (nec aliter) provisum esse possit.

Ad Chorum vero instaurandum vel restaurandum, iis in locis, quibus Pastores, loco portionis congruæ, majorum decimarum suæ Parochiæ tertiam partem possident, ipsos Pastores, in

aliis vero minorem decimam, ejusve possessores obligari declaramus.

Et si Pastores in suis Parochiis ultra tertiam majoris decimæ partem, ultteriores possideant, tenentur pro quantitate, quam ultra tertiam præactam possidere dignoscuntur, cum cæteris Decimatoribus in reparationes & necessariorum præstationem, ad ratam concurrere, privilegiis semper & patetis notoriis in contrarium salvis.

Pastore autem ratione tertiæ partis grossæ decimæ, quam possidet (aliasve quando tenebitur) Chorum Ecclesiæ suæ, ædesve suas Pastorales reparante, debent, & debebunt Parochiani, ligna, & lapides, & alia materialia ad ædificationem. reparationemve requisita (cum oportunitate tamen eorundem) vehere, mediante potu vectoribus sobrie per Pastorem, pro sua qualitate ministrando.

Porro defectibus, quorum reparatio majori decimæ incumbit, & de quibus per visitationem, aliasve summarie constiterit, Decimatoribus ipsis, seu decimæ Possessoribus intimatis, & ad reparationem, suppletionemve gratiose requisitis, nec parentibus; mandamus ex tunc Officiatis nostris, ut juxta Diocesana Synodalia Statuta, ad arrestum & imbannitionem decimarum procedant, nec recedant ab arresto (oblata licet per Decimatores cautione de parendo judicato) nisi defectibus imprimis recognitis, iisque ad nostrum, seu Officialis nostri Decretum restaurari oblatis: quibus proinde per Decimatores negatis, ad sententiam nihilominus provisionalem de reparando sufficient visitationes, & summarie inquisitiones, nec non probationes, quæ a novo incontinenti (arresto interim manente) fient, & compertis defectibus, eorundem adstatim ex arrestatis provisionalis reparatio decernatur, & plenarie executioni demandetur.

Ecclesiarum vero fabricas, declaramus obligari ad exhibitionem Ciborii Venerabilis Sacramenti, una cum decente pyxide, in qua reponatur, & ad Tabernaculum, ejusdem depositioni, exhibitioni, & conservationi cum debita clausura, opportunum, ad vasa sacri

Chrismatis, five Olei sacri, & Unctio-
nis Extremæ cum honesto Sacrario,
quo ad infirmos deferatur, & ad lucer-
nam, quæ huic deportationi subserviat,
ad librum Baptismalem, & infir-
morum ordinarium, ad sacrum Fon-
tem cum decente coopertura, & firma
clausura, ad vasa aquæ benedictæ fixæ,
& portatile cum aspersorio, ad nolum,
ad sedem in choro pro Sacerdote sa-
crum Missæ Officium in summo altari
celebrante, ad honorabilem imaginem
Ecclesiæ Patroni, ad tapetum Cruce
signatum, quo imago Crucifixi qua-
dragesimali tempore veletur; nec non
ad tapetum funerale; ad præstationem
aliorum cereorum ultra duos, ad quos
tenetur major decima, extraordinariis
scilicet Missis in summo altari pro
cujusque devotione celebrandis paratos,
ad vexillum processionale, ad lampa-
dem cum oleo ante Augustissimum
Sacramentum, quam volumus & man-
damus deinceps in singulis Parochiis,
diu, noctuque continuo lumine splen-
dere.

Quod si fabricæ proventus præ-
missis non sufficiant, ad defectuum sup-
plementum tenentur Parochiani.

Beneficiatos teneri declaramus ad
totalem reparationem suorum Altari-
um, nec non omnium & singulorum
ad Missæ celebrationem requisitorum
præstationem; item ad decentem ima-
ginem Divi Patroni ipsius altaris: mo-
nentes serio Beneficiatos omnes, ut de-
fectus in præmissis quantocius supple-
ant per arrestum alioquin similiter fru-
ctuum, & aliter (justitia mediante)
compellendi.

Astruætas Parochialibus Ecclesiis
Capellas, cessantibus in contrarium par-
ticularibus notoriis consuetudinibus,
constitutionibus, aut pactis, restaura-
re tenentur Fundatores earundem, eo-
rumve hæredes, tum vel maxime hu-
jusmodi Capellis utentes; qui, si noti
non sint, altarium Rectores obligari
declaramus. Si tamen altaris proven-
tus exigui sunt; utpote qui sex modios
annuos ultra onera debita non exced-
ant, Parochianorum auxilium potest
Rector invocare.

Si vero Capellæ sint extra Eccle-

siam Parochialem, seu continentia ejus-
dem (quales multis in locis ad usum
commodiorem Parochianorum extare
comperiuntur) nec sint Fundatores
cogniti, incolas (si quos habet) ad
reparationem teneri declaramus: sal-
vo, quod si Capella amplas, & sufficien-
tes habeat proventus, utpote ultra one-
ra consueta duodecim modios an-
nuos, Rector de recto & fenestra ori-
entali providere tenetur.

Interveniente tamen in præmissis,
Nostro, seu Officialis nostri debite in-
formati arbitrio, omni semper melio-
re modo pro rerum comperiendarum
occurentia, servata Sacri Concilii Tri-
dientini forma, interesse habentium in-
demnitati provisiuri.

Denique, Incolas, Parochianos,
seu loci cujuslibet Communitatem,
ultra onera præscripta obligari decla-
ramus ad cancellos chorum a nave sepa-
rantes, eorumque debitam clausuram,
ad restaurationem appendicum seu la-
terum navis, si quæ sint, vel deinceps
habuerint, ad secundam campanam
cum omnibus ad illius pulsus necessa-
riis, ad vestibulum Ecclesiæ instauran-
dum, vel restaurandum, ad cœmite-
rium muris cingendum, illiusque con-
servationem, & clausuras.

Tenetur etiam Communitas suo
Pastori ad procurationem & assignatio-
nem fundi seu hæreditatis dotalis juxta
Ecclesiam Parochialem, aut saltem in-
tra villam, eamque liberam, ac in ea-
dem instruere domum honestam & com-
modam, cum coquina, cubiculis sal-
tem duobus, granario, penario, cæ-
terisque hac in parte pro qualitate Pa-
storatus, & proventuum ejusdem arbi-
trio nostro necessariis.

Statuimus autem & ordinamus,
quod si ædes hujusmodi Pastorales de-
functi Pastoris negligentia destructæ,
seu labefactæ comperiantur, hoc to-
tum expensis hæredum & hæreditatis
restitui debere; ita tamen, quod infra
annum ab obitu Pastoris per Justitia-
rios loci (quos ad hoc tenore præsen-
tium deputamus) fiat domus visitatio,
quando videlicet prævia Reverendissi-
mi Episcopi licentia Pastor fuerit testa-
tus: Quod si intestatus decesserit, fiet
visita-

Aa 3

ennale; plane ut hoc termino elapso, nemo invitus continuo illud subire cogatur; sed deficientibus aliis qualificatis Parochianis, subsequente biennio succedet Pastor, qui coram Nobis, aut Officiali nostro, ad dicta munia imprimis authorandus; literas nostras admissoriales obtenturus comparere, & debitam cautionem præstare tenebitur.

Fietque cautionis per Mamburnos (uti præfertur) præstandæ authenticum instrumentum, quod in capite rationum per eos reddendarum priore administrationis anno registrari volumus, Originali penes Nos, aut loci Iustitios (qui obligationem recipiunt) remanente.

Mamburnos porro (debitis oneribus salvis) quidquam largiri aut distribuere, citra expressum Pastoris consensum, nolumus: ideoque hoc ipsum in redditione rationum exprimere tenebuntur, hoc vel simili modo: *Item expofui (vel) item curavi de consensu Domini Pastoris &c.*

Unde inhibemus omnibus piorum ejusmodi membrorum debitoribus, ne ipsi per se, pro sua voluntate, ea, ad quæ tenentur, pendant, aut distribuant; sed deputatis deinceps dumtaxat Mamburnis debitum omnino solvant, si secus faxint, ratum non habeatur.

Advertant porro diligenter Pastores, ut in distribuendis bonis pauperum, fideles reperiantur, ne uni plus nimio tribuant, & alterum defraudent, sed prout cujusque poposcerit necessitas, omni pravo deposito affectu juxta facultates ipsius membri procedat distributio.

Injungimus adhuc dictis Mamburnis Ecclesiæ, & pauperum, ut bonorum omnium suarum ejusmodi administrationum (earundem, aut aliorum, quorum fuerit expensis) legitima procurent ante instans trimestre relivia seu recognitiones cum earundem limitibus, & jungentiis annotatione: mandantes omnibus Pastoribus, ut quid hac in parte Mamburni præstiterint, Nobis infra quartum mensem subsequentem fideliter, sub pœna trium florenorum Brab. rescribant, & ita de decenio in decenium observari faciant.

Computus, & rationes eorundem, palam deinceps & publice coram Pastore, & Communitate, per campanapulum ad hoc specialiter convocata, quotannis reddantur.

Qui si justis, & legales comperierint, non in corrupto folio, sed in registro authentico debite conscripti per Pastorem, aut Notarium subsignentur, & penes eundem Pastorem, aut in Archivis publicis conserventur, reservata Mamburnis eorundem copia sumptibus ipsorum respective membrorum conficienda, & similiter subsignanda.

Habeant etiam dicti Mamburni aliud registrum authenticum, in quo omnium & singulorum bonorum, reddituum & proventuum annua & ordinata fiat descriptio, cum pertinenti hypothecarum, & jungentiarum designatione, possessorum earundem nominatione, & solutionum, seu restantiarum marginali annotatione tali: *solvit, vel restat*; finita Mamburnorum administratione, similiter penes Pastorem, aut in Archivis conservandum.

Comestiones & computationes, in redditionibus dictorum computuum plerisque in locis sumptibus Ecclesiæ, aut pauperum fieri consuetas, districtius interdiciamus; proposita in contraventores singulos dupli totius, quod sic consumptum fuerit, pœna, per Fiscum irremissibiliter exigenda.

Insuper curent diligenter Pastores, & Mamburni prælibati, ut registra, documenta, munimenta, chartæ & notulæ suarum administrationum bene conserventur, ne vetustate, locive, in quo asservari consueverint, incommoditate, aut aliter corrumpan- tur, aut depereant, sed deperdita omni diligentia requirant, & corrupta faciant autoritate nostra per Notarium nostrum quantocius fideliter extrahi, cum authographo in archivis reponenda, & vetustate vel aliter consumpta registra, curent caute a novo compingi, & secure omnia collocari; alioquin Nos contra defectuosos in visitationibus, & alias, pro demeritis animadvertemus.

Quia vero nedum fabricarum & pauperum in Parochialibus Ecclesiis, sed

sed & aliorum Beneficiorum Ecclesiasticorum, & piorum locorum bona & proventus, in Archi-Diaconatu nostro; registorum & munimentorum defectu, hætenus temporum calamitate; aut aliter perierunt, & in dies verisimiliter pereunt; quibus incommodis pridem Sanctiss. D. N. Papa GREGORIUS XIV. & de Mandato ejusdem, Reverendiss. & Sereniss. q. Episcopus & bon. mem. Princeps noster ERNESTUS, voluerunt & mandarunt per Superiores, & nominatim Archi-Diaconos, remediis debitis provideri; in expeditis desuper ejusdem Sanctiss. D. N. Brevi Apostolico, nec non dicti Reverendiss. q. Episcopi & Principis conformibus Literis, & Mandato latius respective comprehensis; ad quorum omnium executionem ingravescens abinde bellis, & tumultibus, aliisque supervenientibus impedimentis, uti debuimus, & optavimus, procedere nequivimus: Hinc (quod jam factum pridem oportuit) ad dictarum literarum Apostolicarum executionem (quantum Deo dante poterimus) Nos accingentes, omnia, & singula dictarum Literarum & Mandatorum textu comprehensa, renovamus, publicamus, & repetimus sub infra scripto tenore:

ERNESTUS, &c.

Notum sit omnibus & singulis presentes nostras literas visuris, & lecturis, quod presentatis Nobis nuper Sanctissim. Domini N. Papæ GREGORII XIV. Literis in forma Brevis, sub annulo Piscatoris expeditis, quas cum ea, qua decuit, reverentia recepimus, & legimus hujusmodi sub tenore, videlicet:

VENERABILIS FRATER, SALUTEM
& Apostolicam Benedictionem.

Cum, sicut nuper ad aures nostras pervenit, compertum fuerit; fructus, redditus & proventus Beneficiorum Ecclesiasticorum, & piorum locorum Civitatis & Diœcesis Leodiensis, propter defectum registorum & publicorum documentorum, quia partim propter bella evanescent, partim propter negligentiam Rectorum non conservantur, nec restaurantur, deperdi, & perire, & licet sapinus provideri tentatum sit, ut Rectores, & Beneficiati, sua exhiberent registra: Nihilominus propter varia impedimenta, nihil hætenus fuerit sequu-

tum: Nos præmissis incommodis de opportuno remedio providere cupientes, Fraternitati tuæ per presentes injungimus, & mandamus, quatenus omnes & singulos Rectores, & Beneficiatos quorumcunque Beneficiorum & locorum piorum Civitatis & Diœcesis Leodiensis, cujuscunque illi fuerint dignitatis, status, gradus & conditionis, ordinis, exhibenda in Curia tua Episcopali, vel alio loco Tibi bene viso, intra certum tempus eis per Te arbitrio tuo præfigendum registra sua auctoritate nostra cogas, & compellas, nec non alia, quæ ad conservationem bonorum Ecclesiasticorum necessaria, & opportuna esse judicaveris, facias, & exequaris. Nos enim Tibi adversus quoscunque venientes, contradictores & contumaces; primo per penas & multas pecuniarias, deinde per subtractionem fructuum annui, demum usque ad Beneficiorum privationem procedendi, appellatione postposita, plenam, liberam, & omnimodam facultatem & potestatem concedimus: Non obstantibus quibuscunque Constitutionibus, & Ordinationibus Apostolicis, & consuetudinibus, etiam immemorabilibus & statutis, etiam juramento, confirmatione Apostolica, vel quavis firmitate alia roboratis, exemptionibus quibuscunque, etiam Clero secundario, & quibuscunque aliis, nec non privilegiis, indulgentiis, & literis Apostolicis, sub quibuscunque tenoribus & formis, ac cum quibuscunque clausulis & decretis in genere vel specie, etiam alias in contrarium quibuscunque concessis, approbatis, & innovatis: Quibus omnibus, eorum tenores presentibus pro expressis, ac de verbo ad verbum insertis habentes (illis alias in robore permansuris) hac vice dumtaxat, specialiter & expresse derogamus, cæterisque contrariis quibuscunque. Datum Romæ apud Sanctum Petrum sub annulo Piscatoris die vigesima octava Aprilis, Millesimo quingentesimo nonagesimo primo, Pontificatus nostri anno primo.

M. Vestrius Barbianus.

Hæc erat inscriptio:

**Venerabili Fratri Episcopo
Leodiensi.**

Impressio supra plicam a tergo earundem:
Annuli Piscatoris.

Ut autem presentium verum status, quo calamitatibus diuturni belli nostra Leodiensis Diœcesis, ac Patria, ac etiam tota ditio Belgica, graviter attrita, & afflicta dignoscitur, admo-

admodum expostulat easdem Sanctissimi D. N. Papæ præsertim literas debitæ executioni ad Ecclesiæ utilitatem, Divinæque cultus in eadem conservationem demandari; & cum variis ac multiplicibus gubernandis Provinciis nostræ curæ, & sollicitudini a Deo commissis distrahamur, usque adeo quod rei tam necessaria & utili intendere, & ad suprascriptarum literarum executionem (quod dolenter dicimus) commode procedere non valeamus: hinc est, quod vobis Reverendis, Venerabilibus, & Eximiis Nobis sincere dilectis Dominis, Præposito, Decano, ac septem Ecclesiæ nostræ Cathedralis Leodiensis Archi-Diaconis, Confratribus nostris, nec non omnibus, & singulis Præpositis, Abbatibus, Decanis, Capitulis, Collegiis, Conventibus, Commendatoribus quorumcumque Ordinum, & Militarium, cæterisque omnibus, & singulis utriusque sexus Collatoribus in vel extra dignitatem constitutis, Communitatibus, Congregationibus, Administratorem tam laicis, quam Ecclesiasticis, quocumque titulo, vel nomine, collationes, vel nominationes Beneficiorum, etiam de Jure Patronatus laicalis, tam conjunctim, & vestrum singulis, nec non Officiali nostro Leodiensi in casu infra limitato, hanc curam demandavimus, & demandamus, vos, & vestrum quemlibet, ac etiam Officiale nostrum prædictum tam conjunctim, quam divisim ad executionem dictarum perinsertarum Literarum Apostolicarum subdelegavimus, & subdelegamus, vicesque nostras in eo commisimus: & committimus per præsentem, cum ea exhortatione, ut vestrum singuli jurisdictionem habentes, & non habentes auctoritate Officialis nostri prædicti, infra limites suarum quisque jurisdictionum, sub quibus Beneficia, & Officia Ecclesiastica, vel alia pia loca sita sunt, per Vos, vel alios Magistratus inferiores Vobis, & singulis vestrum subditos Rectores, Administratores, & Officiatos omnes & singulos Civitatis, Patriæ, & Diocesis nostræ Leodiensis, cujuscunque illi fuerint dignitatis, status, gradus, & conditionis, auctoritate nostra, imo verius Apostolica compellatis ad exhibenda locis opportunis, ubi singulis vestram videbitur infra certum terminum arbitrio vestro limitandum, registra sua, ac alia, quæ ad conservationem bonorum Ecclesiasticorum necessaria, & opportuna esse judicabitis cum vera & authentica copia, sub expurgationis juramento, & sub pena duodecim florenorum Brab. pro prima vice, ac alias successive gravioribus in suprascriptis Literis Apostolicis commi-

natis, arbitrio singulorum vestrum juxta rebellium contumaciam moderandis, & in pios usus applicandis. Et insuper vobis omnibus, & singulis auctoritate Apostolica prædicta Nobis in hac parte commissis mandamus, ut in præmissis seriam vestram operam impendatis, quo ex hac prima omnium & singulorum vestrum opera libri stipales, qui contineant designationem omnium & singulorum bonorum, & proventuum cum eorum hypothecis, reliquiis, & recognitionibus quorumcumque Beneficiorum, & Officiorum Ecclesiasticorum, ac priorum locorum, per singula Concilia ruralia, & per singula alia loca, exempta, & non exempta, in authentica & probante forma fieri, atque confici possint; idque singulorum Beneficiorum, Officiorum, & priorum locorum Administratorum sumptu, & impensa, quos in Archivis vestris, vel aliis locis tutioribus conservandos reponi, asservarique curabitis. Ad quos libros occurrente defectu registorum particularium, recursum, eisque tam extra, quam in judicio fides habebitur. Super quibus omnibus & singulis, per vos, & vestrum quemlibet in, & circa præmissa gestis, rationes suo tempore sumus exacturi. Quo etiam Nos vicissim Sanctissimo D. N. Papæ de hac cura Nobis demandata respondere, vestramque hac in re præstitam operam commendare possumus. Datum Leodii sub sigillo nostro ad causas, & signatura Notarii sigilli majoris Curie nostræ Leodiensis, anno a Nativitate Domini Millesimo, quingentesimo, nonagesimo primo, die secundo mensis Octobris.

Ne igitur in præmissis muneri nostro defuisse arguamur, omnibus & singulis Pastoribus, Vice-Pastoribus, Vicariis, Beneficiatis, Matriculariis, Mamburnis, Hospitalariis, & quovis nomine censeantur Officiatis Ecclesiasticis, & priorum locorum Administratoribus, Beneficia, vel Officia Ecclesiastica, in, & sub Archi-Diaconatu nostro possidentibus, Officiantibus, Administrantibusque Nobis subditis, auctoritate Apostolica, qua fungimur hac in parte, præscriptorum Mandatorum vigore, aliasque omnimoda jurisdictione Nobis competente, & quomodolibet attributa, in virtute sanctæ obedientiæ districtè præcipiendo mandamus, quatenus omnes & singuli prædicti, infra proximum quadrimestre a publicatione hujus nostri Decreti seu Mandati

dati in Conciliis ruralibus, quibus dicta Beneficia, & Officia subesse, vel sub quorum districtu consistere dignoscuntur, sub poena duodecim floren. Brab. ipso facto in pios usus applicandorum, pro prima vice incurrenda, exhibeant, & quilibet eorum exhibeat, ad manus fidelis Notarii & Sententiararii nostri *Franconis Bonmverschom* (cui omnimodam extractionem, & Registorum stipalium confectionem committimus) omnia & singula registra, munimenta, documenta, relivia, & recognitiones cum designatione hypothecarum, limitum, & iungentiarum, ac denominatione possessorum earundem; dimittendo ad manus ejusdem Notarii, & Commissarii nostri veram, & authenticam sic exhibitorum copiam sub expurgationis juramento, quod præter sic exhibita aliud non habeant, aut habentem sciant, dolove habere desierint; quodque nihil ulterius vel amplius declarandum habeant, quod ad conservationem jurium & bonorum, beneficiorum, administrationum, & officiorum suorum, aut deperditorum recuperationem cedere possit, & valeat.

Quo quidem primo termino elapso per arrestum fructuum, & alias omni expeditiore modo ad executionem poena præactæ, & deinde ulterius crescente contumacia, gradatim ad alias graviore in dictis mandatis comminatas, irremissibiliter exigendas, & executioni demandandas, de quadrimestri in quadrimestre respectivè procedemus, & procedi faciemus incunctanter.

Adhæc, aliis difficultatibus tum vel maxime quoad exorbitantes jurium quorumcumque exactiones, modum, & multis multorum hac in parte querelis remedium adhibere satagentes, ad inducendam in his æquitatem, ne Ecclesiarum Rectores, & Officiarii, debitis, & condignis juribus defraudentur, aut in his subditi prægraventur, statuimus imprimis, ut antiquam laudabilem insequendo consuetudinem, Pastores a qualibet familia suæ Parochiæ singulis tribus anni Festivitatibus majoribus, videlicet: Nativitatis Domini, Paschæ, & Pentecostes, pro de-

bita recognitione, loco quadrantis, seu orchini debiti, seu solvi consueti, percipiant deinceps, propter diminutum in quadruplum, & amplius verum, & intrinsicum pecuniæ valorem, unum stupherum Brab. constituentes quotannis tres consimiles currentis monetæ, seu medium Regalem.

Quod si amplius, insuperve aliud quippiam, utpote panes, ova, vel aliquid simile pendi solitum sit, servabitur nihilominus iis in locis consuetudo.

Pro celebratione Sponsalitorum, habebit Pastor duos Regales, Matricularius unum, si a contrahentibus adfuerit vocatus.

Pro unaquaque proclamatione, seu banno, Matrimoniali realiter proclamato, assignamus Pastori proclamanti unum Regalem.

Et pro juribus Matrimonialibus quartam partem Coronati aurei, & unum par chirothecarum, hoc sensu videlicet, ut si ambo contrahentes sint unius, ejusdemque Parochiæ, percipiat Pastor medium Coronatum, si duarum, singuli Pastores singulos habeant quadrantes cum pari chirothecarum, Matricularii vero medietatem, scilicet octavam partem unius Coronati.

Quod si non coram proprio alterutrius contrahentium Pastore, puta in vim rubri sigilli, coram tertio (propriis Pastoribus posthabitis) Matrimonium solemnifari (uti alias frequenter vidimus) contigerit; eo casu, dictis Pastoribus jura duplicia (justæ recognitionis loco) assignamus; ut si ejusdem sint Parochiæ contrahentes, habeat Pastor unum aureum Coronatum, si diversarum, quilibet medium Coronatum, aut verum valorem, cum pari chirothecarum, Matricularii tertiam partem.

Pro administratione Sacramentorum Baptismi, Eucharistiæ, Pœnitentiæ, & Extremæ Unctionis, quippiam exigi veramus, sed hoc totum discretionis, & beneplacito eorum, quibus ejusmodi Sacramenta administrantur, aut Parentum, aut propinquorum eorundem respectivè relinquimus: salva quod ubi consueverunt Susceptores,

B b

seu

seu Patrini certa jura solvere, servetur consuetudo; alioquin idem ex eorum libero dependeat arbitrio.

Pro registratione vero Matrimoniorum, Baptisatorum, & Confirimatorum, & earum qualibet, habeant Pastores medium Regalem.

Pro purificatione Puerperarum, tantundem, Matricularii medietatem.

Pro Sepultura, Exequiis, Tricenario, & Commemoratione, quæ Dominicis aliquot, & Festivis diebus, toto pendente ab obitu defuncti quadraginta dierum spatio ad tumbam, seu sepulturæ locum haberi solet, habebit Pastor unum Philippi Dalerum, Matricularius medietatem: Tricenarium autem vocamus Missam pro defunctis, cum aliqua parte Officii defunctorum, postmodum exequiarum celebrari, & haberi solitam.

Et pro tertia Missa de defunctis cum simili parte aliqua Officii defunctorum (vulgo Quadragesimum vocant, tertii siquidem vel quadragesimo die ab obitu defuncti celebrari consuetum) habebit Pastor duos Regales, Matricularius medietatem.

Percipient etiam tantundem pro Anniversario, quod est simile Officium pro defunctis, quod anno ab obitu revolutum celebratur.

Pro sepultura infantum, & puerorum, qui ad annos discretionis non pervenerunt, & officio tunc impendi solito, simile erit honorarium.

Cereos duos, aut quatuor (pro ratione facultatum defuncti) in funeris processu deferri solitos, fabricæ Ecclesiæ cedere volumus: si vero (pro diutioribus forte aut honoratioribus) plures candelæ adhibebuntur, dictis quatuor fabricæ cum una tēda (si etiam tēdæ adfuerint) cessuris; quod reliquum fuerit, sibi hæredes, vel ad quos spectabit, recipient.

In locis tamen, quibus Pastores cum fabrica concurrere in præmissis consueverunt, servabitur consuetudo.

Quod si Parochianum quempiam alibi, quam in propria Parochiali sepulturam eligere, seu etiam propinquorum voluntate sepelire contigerit,

volumus Ecclesiæ, Pastori, & Matriculario jura manere salva.

Sepulturas Laicorum in choro, aliter, quam prævia nostra licentia, (Nobilium tamen, & aliorum, qui ab antiquo notorie illas habere dignoscuntur, exceptis) penitus interdiximus.

In Ecclesiæ, & Capellis fient de consensu Pastoris, & erunt hoc casu jura fabricæ (ultra præscripta) tres Philippi Daleri.

Ab his excipimus ipsarum Capellarum Fundatores, & alios, qui proprias in Parochialibus, & avitas habent sepulturas, assignato capropter in usum Ecclesiæ seu fabricæ aliquo reditu, nostro, aut etiam Pastorum arbitrio competente, sed quoad hos servabitur Ecclesiæ consuetudo.

Monemus porro Pastores omnes, ut in exactione jurium modeste & discrete sese habeant, & ne tenuiores fortunæ subditos, plus æquo gravent, a pauperibus autem quidquam exigere prohibemus: an vero pauperes fuerint, nec ne, ad evitandas controversias, conscientiæ Pastorum & Mamburnorum (nostro semper moderamine salvo) relinquimus, quorum etiam voluntati, & determinationi acquiescere tenebuntur.

Jura etiam Decanalia subinserta volumus illæsa permanere: mandantes serio Pastoribus, & aliis Sacerdotibus, ne falcem in messem mittant alienam; sed suis contenti, ab officiis, & juribus præactis (sub poenis arbitrariis) penitus abstineant; subditis vero, ut ejusmodi jura sine contradictione præstent, & persolvant.

Imprimis igitur declaramus, ad Decanos spectare celebrationem omnium Exequiarum, & singulorum suorum defunctorum Pastorum, Vice-Pastorum, & Sacerdotum, sub suis respective districtibus, & Conciliis degentium, Nobilium etiam, & aliorum, in quorum exequiis, armorum fastus adhibetur; & leproforum: ita plane, ut debeant imprimis opportune certiorari, vocari, & requiri, quam alius quispiam (illis invitis) sese dictis officiis ingerat.

Jura vero funeralia præactorum Pasto-

Pastorum, Vice-Pastorum, & Sacerdotum, declaramus esse duos florenos aureos cum superpelliceo, Breviario, & Missæ funeralis oblatione, seu offeritorio: Nobilium autem, florenos totidem aureos, cum oblatione, & una ex candelis majoribus, aut tertia una: leproforum denique duos florenos con-
similes.

Et horum quidem leproforum expositionem etiam ad Decanos spectare declaramus, pro qua debetur eis a loci communitate unus florenus aureus.

Morte vero eorundem, domunculam, cum bonis illorum mobilibus, etiam ad Decanos devolvi declaramus: illam tamen ob contagionis periculum demoliri, & mobilia inficientia comburere tenentur.

Ad Decanos etiam spectat campanarum benedictio, pro quo honorantur uno floreno aureo.

Et si vel omnes Decani, vel eorum aliqui legitime præscripta consuetudine, optimum, vel secundum mobile defunctorum Pastorum, & Sacerdotum suorum respectu Conciliorum sive vendicare consueverunt, servabitur consuetudo.

Pro juribus deservituræ unius Missæ septimanalis percipiet deservitor annuatim quinque Philippi Daleros, ex quibus tamen vinum, hostias, & cereos subministrare tenebitur.

Matriculario vero inservienti assignamus pro Missa septimana media Philippi Dalerum.

Et sic in præmissis ad ratam proportionis erit jurium assignatio.

Obsonia porro Cachedratica, & placetorum absentiarum jura, statim temporibus, sub poenis juris & statutariis ab omnibus persolvantur.

His ita constitutis & declaratis patet, quod licet in præmissis diversa sint diversorum munia, & onera, specialem tamen, & præcipuam omnium curam ad Pastores pertinere; utpote qui non solum circa cultum Divinum, & plebis sibi commissæ custodiam, & pastum, sed etiam temporalium bonorum Ecclesiæ, fabricæ & luminaris, nec non pauperum, & piorum mem-

brorum conservationem, externam etiam mundiciem Ecclesiæ, altarium, ornamentorum, & vasorum, ministrandis & conservandis Sacramentis, & rebus sacris necessariis, & circa ipsius Ecclesiæ structuram, ut nullus in ea sit defectus, sic advigilare debent, domique & foris, se suæque ira componere, ut commissus sibi populus ab iis diligentia, pietatis, frugalitatis, munditiei, honestatis, gravitatis, cultusque & reverentiæ, quæ Deo & rebus sacris debetur, exempla petere possint.

Caveant igitur diligenter, ne qui exemplum esse debent subditis, fiant scandalorum, tum vero abstineant vel maxime a frequentationibus tabernarum, quibus Sacerdotalis status in notorium contemptum adducitur; alioquin sæpius alias in Concilium comminatum unius floreni aurei, toties, quoties sine causa legitima Domino Decano opportune declaranda in his comportarint, & alias graviores poenas incursum.

Concubinas, aut suspectas de continentia mulieres, si qui penes se domi, vel alibi habeant, quantocius a se dimittant, & ab omni colloquio, consortio, & familiaritate suspectis cum iisdem abstineant; alioquin tam contra easdem per incarcerationem, & aliter, justitia mediante, quam contra concubinos ipsos, & ad hujusmodi suspectas ventitantes, & cum iis consuetudinem habentes, juxta Canonicas Sanctiones, & Sacri Tridentini Decreta procedatur.

Et quidem hac in parte, & præmissis omnibus, Decanorum officium, & sedulitatem potissimum desideramus, quos suorum Pastorum & Sacerdotum vitam & mores ita perspectos habere convenit, ut de his Nobis respondere, & fideliter rescribere valeant.

Ideoque, quo de singulis debite informari, & juxta rerum comperendarum exigentiam decernere possimus, serio mandamus omnibus Curatis, ut (quomodo Statutis Synodalibus caveatur quotannis oportere) rescribant suis Decanis nomina imprimis, & cognomina Beneficiorum curatorum, &

non curatorum, ac officiorum Ecclesiasticorum intra Parochias suas consistentium, una cum vero annuo valore Beneficiorum, vel officiorum ejusmodi juxta communem æstimationem, vel prout melius sciverint, ac nominibus, & cognominibus Rectorum eorundem, residentium atque absentium ab eisdem, & defervitorum eorundem, & anne debite iisdem deferviat, rursum anne circa Ecclesiam & Altaria sit aliquis defectus; Num sub suis Parochiis sint aliquæ notoriæ meretrices, concubinarij, vel adulteri manifesti.

Mandamus denique Decanis, & Pastoribus omnibus, ut Conciliis annuis per Nos celebrandis interfint; penam alioquin geminandæ solutionis jurium, & alias statutaras, & arbitraras incurfuri, si causa cessante legitima (quam per Confratrem aliquem viciniorem significare in ipso Concilio tenebuntur) abfuerint, & tam necessarium, & salubre institutum fraudulenter, aut malitiose subterfugerint.

In quorum præmissorum fidem, robor, & testimonium, præsentis nostras manu nostra signatas, sigilli Archi-Diaconatus nostri jussimus impressione communiri. Datum Leodii anno a Nativitate Domini Millesimo, sexcentesimo, duodecimo, Mensis Septembris die decima quinta.

Sic signatum:

ARNOLDUS a BOCHOLTZ,
Præpositus & Archi-Diaconus.

Publicata sunt præinserta Ordinationes, & Statuta per me Notarium infra scriptum, in præsentia admodum Reverendi, & Illustris Domini ARNOLDI a BOCHOLTZ; Præpositi, & Archi-Diaconi præfati, Domini mei observantissimi, in Concilio Trudonensi, die vigesima quarta mensis Septembris; in Concilio Hasselensi, vigesima quinta, & Tongrensi, vigesima septima mensis ejusdem, ac denique Trajectensi, prima Octobris anni præfati, præsentibus Venerabilibus Dominis Decanis dictorum Conciliorum, videlicet Concilii Trudonensis, D. Friderico Sassenio, Hasselensi, D. Henrico Duyfkens, Sacra Theologiae Licentiatis, D. Joanne Thuringo, Tongrensi, & D. Nicolao Jamart, Trajectensi, nec non Dominis Arnoldo Raymundi, Officiali, & Canonico S. Petri Leodiensis, & Joanne Belteno, Canonico Cortesebemensis, locum teneute Archi-Diaconatus ejusdem, Jurium Licentiatis.

Ita esse testor,

Franko Bomerschem, Sacris, Apostolica & Casarea, auctoritatibus, nec non Venerabilium Leodiensis, & dicti Archi-Diaconatus Hasbanie, respective Curiarum, & quoad publicationem præscriptam Notarius subsignari.

Vid. Lünig Spicil. Eccles. Contin. III. a pag. 1123. ad pag. 1136.

Cl. D. de Louvrex Dissertat. Canon. Append. pag. 32. Typis Guilielmi Barabé a. 1729.



SYNODUS *Secunda* DIOECESANA BUSCODUCENSIS

Eodem anno Christi MDCXII.

S U B

*Reverendissimo in Christo Patre ac Domino,
D. GISBERTO MASIO, (*)
IV. Episcopo Buscoducensi.*

O R A T I O

*a Reverendissimo Domino EPISCOPO BUSCODUCENSI,
Habita ad Clerum Buscoducensem in Synodo Diocesana*

IX. Octobr. MDCXII.

Causa convocationis hujus Synodi, Reverendi ac Venerabiles Domini, est Sacrosanctum Oecumenicum Concilium Tridentinum, (a) in quo Spiritus Sanctus præsedir; quod districte mandat omnibus Metropolitanis, ut singulis triennis Concilia Pro-

(*) Post Clementem Crabelium, sub quo solennis anno 1590. die Januarii 27. facta est Abbatie Tongerloensis, ab Episcopatu Buscoducensi separatio, ex aliis bonis, quæ ad octo florenorum millia tum aestimabantur, Episcopatu attributis non ingrata, ad Sedem, duobus abhinc annis suo destitutam Pastore, venit GISBERTUS MASIOS, ortus Bommeliæ, parvo in Beravia Ducatus Geldriensis oppido, Ss. Theologiæ Licentiat. Annis jam fere septemdecim Plebanum Cathedralis Ecclesiæ ad S. Joannem Evangelistam egerat ante, quam ejusdem Episcopus renunciaretur. Hac dignitate anno 1594. die 7. Martii Bruxellis insignitus, suamque post paulo deductus in Ecclesiam, nihil, quod ab optimo Præsule desiderare posses, prætermisit. Vir numeris omnibus absolutus & celeberrimi nominis Ecclesiastes audiit. Sermones, quos singulis prope Dominicis, majoribusque per annum celebritatibus frequentem ad populum habebat, singulari condire gratia, ipsi solenne fuit. Quotquot illum accedebant Confirmationis Sacramentum suscepturi, tanto votis eorum satisfaciebat promptius, quanto cognoscebat luculentius, sacro ejusmodi robore inter gravissima temporum illorum pericula opus esse. Pro sua in Deum ejusque Domum religione, pravam illam Cathedrali in Ecclesia sub Officio Divino & alias obambulandi consuetudinem Buscoduci penitus abrogavit, magnam inde laudem promeritus: immortali porro fama nominis dignissimus eo, quod salutem animarum rebus omnibus anteponendam ratus, tres Anno 1607. die 19. Nov. ex autoritate Ss. Conc. Trid. suppresserit Ecclesiæ suæ *Canonicatus*, eorumque reditus bono Parochialium Ecclesiarum Ss. Petri & Pauli Apostolorum, S. Jacobi Apostoli & S. Catharinæ, in Fidei Catholicæ conservationem deinceps impendendos prudentissime decreverit, etsi concessio sibi ab Alberto Archi-Duce, omnes primo decennio *Præbendis* conferendi jure gauderet.

Synodi hujus ab ipso celebratæ Statuta primum edita Coloniae apud Joannem Kinckium sub Monocerore anno 1613. in 8., recusa curis *Martini Stejartii*, Ss. Theol. Doct., Vicarii Gen. Apost. Sylvæducensis, Lovanii Typis Petri de Vadder anno 1692. Iterum Lovanii apud Ægidium Denique anno 1703.

Transiit Præsul egregius Buscoduci anno 1614. die 11. Julii ad immortalitatem, laborum suorum, quibus frangi pro veri Numinis gloria infracto animo voluit, mercedem consecuturus.

Arnold. Havens. Commentar. de erection. Novor. in Belg. Episcopat. pag. 85.

Joann. Bapt. de Castill. Sac. Belgii Chronol. g. P. II. pag. 534.

Joann. Franc. Foppens Biblioth. Belgica Tom. I. pag. 367.

(a) Sess. 2. cap. 2. de Reform.

Provincialia : Episcopis autem, ut quotannis Synodos Diocesanas celebrent, & in iis, quæ ab Oecumenico Concilio Trident. & sacris Canonibus (b) ad horum temporum levandas calamitates, sedandas de Religione controversias, coercendas linguas dolosas ac depravatorum morum abusus corrigendos laudabiliter sancita sunt, publicent, repertant, reiterentque : Voluit autem hujusmodi Synodis Diocesanis omnes personas Ecclesiasticas, etiam exemptas, interesse, ne quisquam, maxime in Clero, horum tam salubrium Statutorum ignorantiam præterdere queat : quo autem sæpius renovantur, ac auribus nostris inculcantur, eo magis culpandi erimus, & gravius offendemus, si vitam & mores nostros ad eorum præscriptum non corrigamus. Scriptum est enim Lucæ 12. : *Servus, qui cognovit voluntatem Domini, & non fecit voluntatem ejus, vapulabit multis.* Quod ne nobis aliquando eveniat, quid factu opus sit, præsentis oratione ostendere decrevi, si primum breviter demonstravero, quam grave nobis judicium immineat, si hujus Synodi & Divinæ visitationis rationem non habuerimus. Equidem nostis, quoties, & quam acriter Dominus reprehendat Judæos, quod cum legem accepissent, Prophetas & Scripturam haberent, ex qua voluntatem Dei cognoscerent; imo ipsum Deum jam hominem factum, arque inter eos conversantem, prædicantem, miracula operantem, eos ad pœnitentiam provocantem, vitamque æternam offerentem, audissent & vidissent, & tamen malitia excecati noluerint intelligere, ut bene agerent: Quoties etiam illud horrendum, Væ, auribus eorum occulaverit, dicens: (c) *Væ vobis Scribæ & Pharisei, hypocritæ* (d) *Væ tibi Corozaim, Væ tibi Bethsaida: quia si in Tyro & Sidone factæ essent virtutes, quæ factæ sunt in vobis, olim in cinere & cilicio pœnitentiam egissent.* Verumtamen dico vobis, quia Tyro & Sidoni remissus erit in die judicii, quam vobis. Sed nec hoc ignorare potestis ipsum Dominum, cum appropinquasset & vidisset civitatem (e) Hierosolymam, flevisse super illam, eo quod non cognoverit tempus visitationis suæ, & toties provocata pertinaciter Dei misericordiam spreverit. In quam sententiam multa passim in Evangeliiis legimus, quibus Dominus rebellem illum & incredulum populum, & omnes obstinatos peccatores severe admonet, & extremum malum comminatur, nisi conversi pœnitentiam egerint. Quæ sane ad doctrinam & correptionem nostram scripta sunt, nimirum ut cogitemus, quid nobis expectandum erit, si ad Ecclesiæ præcepta, Superiorumque Statuta surdi & obdurati

permaneamus, Judæis nihilo meliores, quippe quorum peccata, vel æquamus, vel superamus: cum tamen tanto meliores, & perfectiores illis esse deberemus, quanto majorem & pleniorum de Deo, de Divina voluntate, de Scripturis Sanctis accepimus cognitionem. Neque enim dumtaxat Legem & Prophetas habemus, ut illi: sed potius a servitute legis per Christum liberati, suscipimus suave illud Evangelicæ legis jugum & onus leve, & cum hoc Spiritum Sanctum, qui nobis bene viventibus omnia suggerit, omnia docet, omnia quæ videntur aspera, seu difficilia, mitigat & condulcat, qui consolatur nos in omni afflictione nostra. Taceo hic Apostolos Christi, & Apostolicos viros, tot Sacrosanctæ Ecclesiæ Doctores, qui nos præcesserunt, qui nos verbo pariter & exemplo docuerunt, qui nunc etiam scriptis & libris suis loquuntur: ita ut post tantam illuminationem & cognitionem Dei, post tot præclara Sanctorum Virorum exempla merito desenda sit hujus nostri sæculi inexcusabilis cæcitas & ingratitude; præsertim in nobis Sacerdotibus, qui non considerantes Ordinis Sacerdotalis, quem amplexi sumus, dignitatem, tamquam homines sæculares, sæculariter ac fere carnaliter vivimus, nihil amantes, nihil mirantes ac meditantes, nisi terrena, mundana, & caduca, ad omne opus bonum lenti, repidi, frigidi, ne dicam præfracti. B. Apostolus Paulus in Epistol. ad Romanos cap. 1. scribit Gentilium Philosophos damnatos esse, quod cum Deum cognovissent, non sicut Deum glorificaverunt, aut gratias egerunt, sed evanuerunt in cogitationibus suis, & obscurum est insipiens cor eorum: dicentes enim se sapientes, stulti facti sunt. Quod si arguuntur & condemnantur illi, qui post tenuem quandam & modicam admodum de Deo cognitionem, quam cum multo labore per creaturas invenerant, se ad Deum non converterunt, nec illum pro dignitate glorificaverunt, alioqui ethnici ex ethnicis nati, in paganismo educati, qui nec verbum Dei audierant, nec Prophetas viderant, nec legem acceperant, cogitate, cogitate obsecro, Fratres mei, quid tandem de nobis futurum sit? Quæ ratio reddenda? quale judicium expectandum? qui Christiani ex Christianis parentibus procreati, & in fide Catholica enutriti, ex ore Filii Dei, ac deinde ex eruditione Spiritus Sancti piam ac nude omnium myfteriorum cognovimus veritatem? Adhæc facti Sacerdotes Christi & Ministri Altaris Dei viventis: Cogitate [inquam] quid eventurum sit nobis, si tanta accepta Dei cognitione, eum non sicut Deum glorificaverimus, nec gratias egerimus, sed evanuerimus in cogitationibus

(b) Sess. 17.

(c) Matt. 23.

(d) Matt. 11.

(e) Luc. 19.

nibus & studiis nostris, alii dediti voluptatibus carnis & pompis mundi, alii impliciti negotiis sæcularibus, alii dediti quotidianis compositionibus & comestationibus, alii ludis & jocis intenti, nec non curiosa sectantes? Nam hæc sunt ferè studia Sacerdotum præsentis temporis, inter quos (proh dolor) paucos videas sancte & sacerdotaliter vivere: pauciores, qui gultum habeant ac desiderium rerum cœlestium: paucissimos, quos delectet studium S. Scripturæ, & meditatio legis Dei, quæ unicuique solatium & singularis Sacerdotum & Ecclesiasticorum virorum deberet esse occupatio.

Et cujus rei gratia ac intentione putatis primum esse erecta Capitula, fundata Beneficia Ecclesiastica relictos redditus, ac datos proventus, quibus Ecclesiæ Ministri sustentarentur? Utique ut expediti rerum temporalium curis, tranquillo, libero, pio, prono libentique animo Deo militarent. Quod Regius ille Vates palam ostendit, etiam de Sacerdotibus veteris legis loquens: *Dedit* (inquit) *illis Dominus regiones gentium, & labores populorum possederunt, ut custodiunt justificationes ejus, & legem ejus requirant.* Quid, obsecro, sunt proventus Ecclesiasticorum Beneficiorum, quid decimæ frumentariæ, & quævis alia emolumenta, quæ percipimus, quam labores populorum? Quam [ut rem ipsam dicam] sudor & sanguis pauperum? Nos merimus, quod non laboravimus: illi laboraverunt, & nos in illorum labores introivimus: horum tamen labores Dominus nobis dedit, non sane ut in otio vivamus, non inde luxuriemur, Veneri ac ventri fervientes; non in ambulando, ludendo, venando, aucupando, in tabernis desidendo optimam præiosissimi temporis nostri partem turpiter consumamus, non etiam ut avare thesaurizemus, & de Patrimonio Christi carnem & sanguinem ditemus. Ad quid ergo? ut custodiamus justificationes Domini, & legem ejus requiramus. Custodiamus, inquam, non negligamus, non dissipemus, non transgrediamur, non lacremur, sed cum omni timore, sollicitudine, ac diligentia præcepta Divinæ legis observemus, & in conspectu Altissimi vigilijs, orationibus, Psalmodijs, Missis, ac penitentiæ operibus jugiter insitamus, non solum ut pro delictis propriis, verum etiam pro fundatorum, amicorum ac benefactorum, populorumque peccatis, quorum laboribus partemur, indelesse oremus, ac Deo satisfaciamus. Equum enim est, imo necessarium, ut pro alienis delictis penitentiam operemur, qui aliorum peccata comedimus, aliorum culpas bibimus, aliorum defectibus vestiti, & calceari incedimus. Qui habet au-

res ad audiendum, audiat. Iterum dico, quia Christus in Evangelio magna voce clamavit: (f) *Qui habet aures audiendi, audiat.* Nam quæ dico, non ex cerebro meo effingo, sed ex Sacra Scriptura sic me docente loquor. Sic enim Dominus per Prophetam de nobis ait: *Peccata populi mei comedent.* Ozæ 4. Et signanter Regius Vates addit: *Ut legem ejus requirant.* Quo significatur non satis esse, ut Legem & Scripturam raptim ac tumultuarie semel legendo percurramus, quod tamen, heu nimium pauci adhuc faciunt Sacerdotes, sed inquiramus, *hoc est*, studiose solcite, totoque ingenio & viribus eam scrutemur, assidue legamus, & imbibamus, ut videre & cognoscere possimus, quomodo juxta vocationem nostram, nos vivere & ambulare deceat, quod sola nos docet S. Scriptura. Quod si qui rudes & parum docti (ut multi sunt) per imbecillitatem ingenii ad legendum Prophetas, aliasque difficiliore Scripturas minus idonei erunt, faciant illi, quod B. Virginem & Martyrem Cæciliam fecisse legimus, quæ Evangelium Christi semper in pectore portabat, & non diebus, neque noctibus a colloquijs Divinis & oratione vacabat. Compensent, inquam, illi infirmitatem suam frequentibus & devotis ad Deum orationibus, compunctionibus, meditationibus, simul legant, evolant, & ediscant Evangelium Christi, a quo nemo Christianus, nedum Sacerdos, qualiscumque sit, excusare se unquam poterit: nam omnibus citra exceptionem clamat & prædicat Christus: [g] *Penitemini & credite Evangelio.* Jam quis Evangelio credere poterit, nisi illud ante cognoscat? Quomodo cognoscere poterit, nisi didicerit? discere autem non potest, nisi assidue legat, audiat, imo inquirat, *hoc est* ut dixi, summa diligentia scrutetur, meditetur, & ad illud, tanquam ad regulam aliquam, vitam & mores suos applicet, & in primis Domini Canonici, [h] de quibus eleganter scribit Cardinalis Nicolaus de Cusa, eos a Canone, hoc est, a regula nomen habere: Omnis, inquit, Christianus Evangelica regula dirigitur, ne dominetur concupiscentia in ipso, sed in suo Ordine plus Canonici, qui se voto particulari ad Canones astrinxerunt, & ut Divinis laudibus tantum vacent, Sacratio operari statuerunt, & ideo de illo edunt.

Diceret forte aliquis: literarum sum ignarus, juvenis aut senex sum, atque alijs occupatus, nec meditationi assuetus. Quisquis sic cogitat, revertatur ad cor, dum tempus habet, & relictis vanis, sæcularibus & inutilibus occupationibus affuecat melioribus, ut salvare possit animam suam, ne aliquando horribile illud verbum a Domino audiat:

(f) Lucae 8.

(g) Marci 1.

(h) Lib. 1. exercit.

audiat: [i] *Quia tu scientiam repulisti, repellam te a me, ne Sacerdotio fungaris mihi, ex quo manifestum est opera Sacerdotis, sive legat, sive psallar, sive celebret, ingrata esse, ac displicere Deo, si notitiam Scripturarum negligat, nimium mundanis negotiis immerfus.*

Quam multi sunt hodie Sacerdotes & Ecclesiastici viri, qui mundana sapientia tumidi, noverunt de quibusvis rebus prophanis ingeniose & facunde differere, qui interim muti sunt, cum de Scripturis Sanctis, de Evangelio Christi, de præceptis Dei, & iis, quæ ad salutem animæ prorsus necessaria sunt, sermo est: imo si interdum alios narrantes audiunt, cum tædio & fastidio audiunt. Nunquid est ista magna cæcitas? c. 2. Malachias Propheta de Sacerdotali Ordine loquens, vult eos labia habere erudita, & ita instructa in lege, ut populo laico de Scripturis & Divinis mandatis interroganti apte respondere possint. Plures certe hoc tempore reperies, qui facilius interrogati, denunciare poterunt, qua taberna melior cerevisia aut præstantius vinum promatur, aut ubinam lepus aliquis lateat, aut quibus rebus, artibusque aves capiendæ sunt: usque adeo alieni sumus atque aversi ab iis, quæ honestatem atque professionem nostram decent. Et hoc est, quod idem Propheta eodem capite Malachias 2. queritur: *Vos [inquit] recessistis de via & scandalizastis plurimos in lege. Propter vos nomen meum blasphematur inter gentes.* Rom. 2. Quis non videt his corruptis temporibus ob indisciplinam, deformem ac perditam multorum Sacerdotum vitam plurimos scandalizari, seduci ad vitia & hæreses pertrahi? Quæ causa est, quod nunc defecti sint Sacerdotes, ac veluti digito demonstrantur, ac nulla pene illis relicta sit reverentia, obedientia, autoritas, quos olim omnis populus propter doctrinam & vitæ puritatem reverebatur, admirabatur, laudabat, magnificabat.

Sed dixerit aliquis: quo pertinet ista ad Sacræ Scripturæ studium, verbosa adhortatio? huc pertinet Auditores: Quia si vobis, adjuvante Deo, persuadere possem, ut interdum domi taciti vobiscum pio, humili, ac devoto animo verba Sacræ Scripturæ legeretis, expenderetis, ac scrutaremini, dictum mirum, quantum brevi in via Dei proficeretis; viveretis certe, timorate, caste, Sacerdotaliter atque exemplariter coram hominibus. In Horis Canonicis, aliisque Precibus legendis & decantandis, non essetis tam frigidi, tepidi, distracti; nec tam corrupte, neque cum tanto tædio, tristitia, & festinatione sine fide & reverentia Divinæ Majestatis, sanctam Psalmodiam, & cantum Ecclesiæ præcipitaretis: sed potius distincte,

attente, devote, alacriter & mature Divinum Officium persolveritis: rursus ad Altaris tremenda Mysteria, atque ad immolandum, fumendamque salutarem illam ac Sacrosanctam Hostiam, non tam dissoluto & impræparato animo, atque impenitenti conscientia, interdum etiam ore hefterna crapula foetente, sed reverenter, sed cum timore, sed cum summa animi & corporis puritate, & firmissimo melioris vitæ proposito accederetis. Deinde post jam lætas ac decantatas Horas Canonicas, post acceptum in Altari Sacrosanctum Corpus & Sanguinem Domini, non luberet reliqua parte dici otiosi, nugari, ludere, in tabernis desidere, & calicem Christi in calicem demoniorum commutare: quod fit comessando, potando, se ingurgitando, intempestive ac dissolute ridendo, scurriliter fabulando, rixando, pugando, similiaque exercendo; quod supra modum scandalosum est, & damnabile, & eo damnabilis, quo sæpius fiat. Ut interdum extra cauponam cum amicis honestam sumatis recreationem, quis sanæ mentis inhibeat? Verum in publico & extra necessitatem prophano loco cum laico, ac promiscuo & sæpe ignobili vulgo vos miscere, qui paulo ante nempe inter sacrificandum focii fuistis Angelorum, nequaquam tolerabile est, sed sacris Canonibus, sacris sanctorum Patrum Concilii, Decretis, ac Ordinationibus nostris, imo & Capitulorum omnium Statutis vetitum ac prohibitum est. Postremo futurum esset, ut longe diligentius & alacrius Chorum frequentaretis, ac Divinis Officiis interessetis, neque cogitaretis vos minus astrictos, quia distributiones non accipitis, sed expectaretis mercedem a Domino. Qui enim omnem oculum ad distributiones convertunt non venturi, nisi compendium expectarent, indubio mercenarii sunt, audituri a Domino: *Amen dico vobis, quia receperitis mercedem vestram.* Matt. 6. Agite ergo Fratres mei charissimi & desideratissimi Philipp. 4. *Gaudium meum & corona mea*, sic stete in Domino charissimi, Cooperarii mei estis? fideliter ergo & prudenter mecum in Evangelio laborate. 1. Mach. 3. Erigamus Fratres, erigamus cum Machabæis dejectionem populi nostri, & pugnemus pro populo nostro & Sanctis nostris. *Curate vos probabiles exhibere Deo operarios inconfusibiles recte tractantes verbum veritatis*; 2. Tim. 2. Fidem prædicate, & quod ore prædicatis, vivis operibus exponite, Ecclesiam defendite, lupos arcete, oves custodite, mores corruptos reformate, tabernas, quantum auctoritatem vestram amatis, vitate, suspecta contubernia fugite: sectamini (k) *justitiam, fidem, spem, charitatem, &*

pacem

(i) Ozeæ 4.

(k) 2. Cor. 6.

pacem cum iis, qui invocant Dominum de corde puro, ut non vituperetur ministerium nostrum: (1) Abjicite opera tenebrarum & induite arma lucis, sicut in die honeste ambulate: non in comestationibus, & ebrietatibus, non in contentione, & emulatione, non in cubilibus, sed induite Dominum JESUM CHRISTUM, & carnis curam ne feceritis in desideriis. Caste vivite, qui in tremendis mysteriis Filium Virginis manibus vestris tractatis: Denique sic agite, ut, quod dicimini, vere esse possitis, *Lux mundi, Sal terræ, Pastores, Sacerdotes, Reges, Canonici.* Lux mundi estis? Sic luceat lux vestra coram hominibus, ut videant opera vestra bona, & glorificent Deum Patrem, qui in celis est. Sal terræ estis? Col. 4. Sit sermo vester semper in gratia sale conditus, ut sciatis, quomodo vos oporteat unicuique respondere. 1. Pet. 4. Pastores estis? *Pascite, qui in vobis est gregem Dei, non dominantes in Clevo.* Sacerdotes estis? *Sacerdotaliter vivite*, ut non solum tonsum verticem, & vestem talarem geratis [quamvis & illa etiam ad ornamentum & decentiam Status Sacerdotalis pertineant.] sed & Angelicam conversationem ducatis. Sacerdos siquidem *Angelus Domini exercituum est.* Malaob. 2. Regale Sacerdotium estis? Prius vobis ipsis, quam aliis imperare. Canonici estis? Canones a Romana Ecclesia Matre nostra nobis datos [a quibus

etiam vocabulum sumpstis] amplecti in omnibus, & imitari debetis: Nam (ut eleganter ait Wernherus (*) Carthusianus Coloniensis) Canonicus idem est, quod Regularis, unde qui non vult regi, aut dirigi, non est Canonicus, ideo enim appellari estis Canonici, quod Canonicas regulas vos velle servare, cæteris arctius devovistis: Quare etiam major a vobis, quam ab aliis Sacerdotibus requiritur perfectio & devotio. Incipite ergo Fratres mei, incipite; bonus Deus pro sua benignitate vobis aderit, adjuvabit, illuminabit, perficietque. Audite, quid per Prophetam pollicetur, vere pius & misericors. *Intellectum tibi dabo: instruat te in via hac, qua gradieris: firmabo super te oculos meos: nolite fieri sicut equus & mulus, quibus non est intellectus.* Psal. 31. Ne negligamus tam obviam Dei benignitatem tam dulciter nos vocantis, auxilium suum tam efficaciter promittentis. Quod si hæcenus tamquam effrenes more brutorum ac pecudum carnis sensum secuti sumus, respiciamus. *Venite adoremus & prociadamus ante Deum, & ploremus coram Domino, qui fecit nos.* Psal. 94. & renuntiantes mundo, illiusque pompis, *serviamus illi in sanctitate, & iustitia omnibus diebus nostris.* Luca 1. Quod per suam Misericordiam nobis donare dignetur, qui est benedictus in sæcula, Amen.

INDEX TITULORUM SYNODI.

- | | |
|---|--|
| I. De Fide & Doctrina Religionis Catholica. | XVI. De Archi-Presbyteris & eorum districtu. |
| II. De Sacramentis in genere. | XVII. De Pastoribus. |
| III. De Sacramento Baptismi. | XVIII. De Custodibus. |
| IV. De Purificatione Puerperarum. | XIX. De Scholis. |
| V. De Sacramento Confirmationis. | XX. De Bonis Ecclesiarum & Beneficiorum. |
| VI. De Sacramento Penitentiae. | XXI. De Bonis Fabrica & Mensa S. Spiritus. |
| VII. De Sacramento Eucharistiæ. | XXII. De Ecclesiis & Cemiteriis. |
| VIII. De Extrema Unctione. | XXIII. De Testamentis. |
| IX. De Sacramento Ordinis. | XXIV. De Sepultura Ecclesiastica & Exequiis. |
| X. De Sponsalibus & Matrimonio. | XXV. De Seminario. |
| XI. De Cultu & Officio Divino. | XXVI. De Iudicibus delegatis. |
| XII. De Festis & Jeuniis. | |
| XIII. De Superstitione. | |
| XIV. De vita & honestate Clericorum. | |
| XV. De Ministris Ecclesiæ & eorum Residentia. | |

STA-

(1) Rom. 13.

(*) De Viro hoc, libris tum editis, tum ineditis clarissimo, agit in Bibliotheca sua Coloniensi *Exim. Hartzbemius* pag. 314.

STATUTA SYNODI DIOECESANÆ BUSCODUCENSIS

ANNO DOMINI MDCXII. DIE IX. ET X. MENSIS OCTOBRIIS
CELEBRATÆ.

*Præsidente in ea Reverendissimo in Christo Patre ac Domino,
D. GISBERTO MASIO,
Episcopo Buscoducensi.*

Quandoquidem laudatissima sit & tanto Imperatore dignissima sententia, quam magnum illum Constantinum protulisse, scribit Eusebius Cæsariensis in vita Constantini libro I. cap. 18. Quidquid in sanctis Episcoporum Conciliis decernitur, id univsum Divinæ voluntati debet attribui; adeoque vigilanter impleri, ut ea, quæ tam in Generali & Oecumenica Synodo Tridentina, quam Provinciali Mechliniensi, potissimum posteriori, recte & Catholice ad Ecclesiæ bonum & utilitatem ordinata sunt, facilius in nostra Diocesi in usum deducantur, hæc, quæ sequuntur, decernenda & statuenda judicavimus.

TITULUS I.

De Fide & Doctrina Religionis Catholicæ.

CAPUT I.

Cum sine Fide, (a) quæ est rerum spectandarum substantia, & rerum non apparentium argumentum, impossibile sit placere Deo, nec nobis spes æternæ beatitudinis ulla certa esse possit: mandamus omnibus Ecclesiasticis nostræ Diocesis, quocumque gradu & dignitate præfulgeant, & præsertim Ecclesiarum Parochialium Rectoribus, ut doctrinam veræ fidei juxta verbum Dei, receptam Sanctæ Matris Apostolicæ & Catholicæ Romanæ Ecclesiæ traditionem solide teneant, & Symbola tam Apostolorum, quam Niceni Concilii & Athanasii probe norint, eaque pro ingenii modulo & capiti intelligere conentur: ac denique quæcumque ex Sacrosanctis Conciliis Ecclesia Catholica de S. Trinitate & Orthodoxa Fide

credenda tradidit, sequantur & credant, quo & se & suas mentes adversus omnes Hæreticorum technas, & conatus impios muniant.

CAPUT II.

Proinde Decretis Concilii tam Generalis Tridentini (b) quam primi Provincialis Mechliniensis (c) inhærendo, ordinamus, ut omnes, qui ad hanc Synodum Diocesanam convenerint, & Decretorum dicti Concilii Tridentini receptionem, & obedientiæ professionem hæcenus non fecerint, veram obedientiam Summo Romano Pontifici spondeant, simulque Hæreses omnes a Sacris Canonibus & Generalibus Conciliis, præsertimque a Sancta Synodo Tridentina damnatas, detestentur & anathematizent.

CAPUT III.

Et ut, quantum in Nobis est, Orthodoxa Fides integra per Diocesim nostram conservetur, disciplina Ecclesiastica, ubi collapsa est, restituatur; restituta vero in debita observantia stabilietur; Volumus, ut non solum juxta præscriptum Concilii Tridentini (d) provisi de Beneficiis curam animarum habentibus, & de Canonicatibus, & dignitatibus in Ecclesia nostra Cathedrali, sed etiam omnes, qui posthac ad aliquod Beneficium seu Officium Ecclesiasticum admittentur, in eorum institutione coram Nobis, aut nostro in ea parte Deputato. Quique in Collegiatis Ecclesiis Canonicatus & Sacellanias obtinebunt, in pleno Capitulo coram suo Decano, seu Vice-Decano dictam

(a) Heb. 11.

(b) Sess. 25. de Reform. c. 2.

(c) In principio.

(d) Sess. 24. c. 12. de Reform.

dictam fidei Professionem & Decretorum receptionem faciant.

CAPUT IV.

Presbyteri vero, ac alii omnes Beneficia aut Officia Ecclesiastica in nostra Dicecesi obtinentes, qui dictæ Synodo non interfuerunt, eandem Professionem coram suis Decanis Christianitatis, aut aliis nostra autoritate eorum Ecclesias visitantibus, quodcumque requisiti fuerint, juxta formam a PIO IV. præscriptam, facere teneantur.

CAPUT V.

Quæcumque insuper in postrema (e) Synodo Mechliniensi de professione fidei a Professoribus, Concionatoribus, Confessariis, Typographis, Bibliopolis, Ludimagistris, & ab hæresi redeuntibus emittenda, decreta sunt, hic pro insertis habeantur.

CAPUT VI.

Porro cum hoc nostro sæculo hæreseon feracissimo, vel maxime locus sit illi B. Hilarii ad Constantium querimoniarum, qua deplorat, tot esse fides, quot voluntates, tot doctrinas, quot mores, dum autem ita fides scribuntur, ut volumus, aut ita, ut volumus, intelliguntur, diligenter moneant Parochi subditos, ne per liberiores hærese induciis cum Hæreticis conversationem aut familiaritatem, Religionis Catholicæ naufragium faciant. Quos memores esse convenit salutaris præcepti, quod morti proximus (f) B. Antonius, teste Athanasio, discipulis suis dedit: *Hæreticorum & Schismaticorum venena vitare, meumque circa eos odium sectamini; scitis ipsi, quod nullus mihi nec pacificus sermo cum eis unquam fuerit.*

CAPUT VII.

Videant proinde Parentes, ne temere vel linguæ, vel mercaturæ discendæ causâ, filios in partes hæreticorum ablegent, ne forte secularis commodi gratia cum fidei Catholicæ jactura pretiosæ subeant animæ detrimentum.

CAPUT VIII.

Meminerint etiam Catholici patriam hæreticorum peragrantes, non licere quovis prætextu cum dissimulatione suæ Religionis alienam simulare, aut Ecclesiæ præcepta de observantia juniorum, Festorumque præterire, cum scriptum sit: *Qui me negaverit coram hominibus, negabo & ego eum coram Patre meo, qui in celis est.* Et contravenientes Pastores crebro de gravitate hujus criminis in concionibus informant.

CAPUT IX.

Cum vero longo temporis experimento observatum sit, disputationes cum adversariis super materiis fidei initas, non tantum nullum Religionis profectum, sed sæpius ejusdem detrimentum operari, magnamque animorum exacerbationem parere, atque (ut dicebat Theodosio Imperatori Sifinnius (g)) *non solum schismata non unire, sed magis dividere:* (h) omnibus Laicis ejusmodi disputationes inhibemus sub pœna excommunicationis in jure expressa. Quod si Hæretici ad certamen super Religione sollicitent, respondeant ipsi talem conflictum non ad se pertinere; sed ad eos, qui exercitatos in Scriptura sensus habent: Deinde insanum esse ea in disputationem vocare, quæ multis retro centuriis in plenariis Conciliis toto spectante orbe disputata fuerunt, & usu conformata, secundum celebrem illam Augustini Regulam: (i) *Si quid tota per orbem frequentat Ecclesia, id quoniam ita faciendum sit, disputare velle, insolentissimæ insania est.*

CAPUT X.

Quoniam pestilentius est venenum, quod auribus, quam quod ore hauritur: istud enim corpus, quod nobis cum belluis commune est, inficit; illud vero animas Dei imagine insignitas interimit: districte omnibus subditis inhibemus tam Ecclesiasticis, quam Laicis, ne quovis prætextu conciones hæreticorum adire præsumant: cum illorum sermo, ut cancer serpit, & per dulces sermones seducant corda innocentium.

(e) Tit. 1. cap. 1. 2. & 3.

(f) In vita Antonii.

(g) Lib. 9. Histor. Tripart. c. 18.

(h) 2. §. Inhibemus, de Hæret. in 6.

(i) Epistola 118.

centium. Idemque de eorum sectæ exercitiis, iudicium esto, quibus nulli Catholico interesse liceat, sub interminatione maledictionis æternæ.

CAPUT XI.

Pari ratione libros Hæreticorum, aut ex professo lubricos subditis nec legere, nec retinere licere, Pastores diligenter admoneant, pœnasque contravenientibus constitutas in indicibus librorum prohibitorum crebro eisdem insinuent, doceantque sub libris interdictæ lectionis etiam comprehendi omnes eos, qui etsi ex professo de hæresi non tractent, tamen sub alio argumento indifferenti pernitiōsa dogmata inspergunt: item parva ista missiva, quæ Hæretici in Fidei Catholicæ suggestionem edere consueverunt: quæ licet mole & quantitate sint exigua, scommatibus tamen, scurrilitatibus, calumniis, & Religionis opprobriis, maximis etiam voluminibus non cedunt.

CAPUT XII.

Statuto Synodi Provincialis, (k) ut nemo præter Typographos & Librarios juratos, ullos libros excudere, aut venales exponere præsumat, refragantur, qui passim sine licentia Superiorum quoscumque libros, cantilenas, ephemerides, aut similia venalia exponunt, aut plateatim circumferunt. Dent itaque operam Prætores, aliive potestatem id impediendi habentes, ut sanctio Serenissimarum suarum Celsitudinum, quæ conformis est edicto CAROLI V. a. 1550. edito, & a PHILIPPO II. anno 1556. confirmato, inviolabiliter observetur, procedendo etiam ad ejusmodi librorum, cantilenarum, aut ephemeridum confiscationem.

CAPUT XIII.

Qui ab hæresi ad fidem Catholicam convertuntur, facta errorum omnium abjuratōe, & fidei juxta formam a PIO IV. præscriptam professione, libros, quos penes se habent, tradant Confessariis, & paulatim ad Sacri Chrismatis susceptionem: item Eucharistiæ, Pœnitentiæque frequentationem sacris concionibus audiendis, piorum-

quæ librorum lectione sedulo præparentur. Item quicumque patriis hæreticorum relictis, fixum apud Catholicos domicilium quærunt, id eis concedi, nisi facta prius Catholicæ fidei professione, omnino prohibemus, serio requirentes locorum Magistratus, ne hac in re operam suam Nobis deesse patiantur.

CAPUT XIV.

Nefaria est eorum temeritas, qui Sacra Scripturæ verbis vel sententiis ad jocos, scurriliter, superstitiones, libellos famosos, aut ad quosvis profanos sensus abutuntur: ideoque, ut qui in hoc genere deliquerunt, tamquam temeratores & violatores verbi Dei, juxta præscriptum Concilii Trid. (l) puniri queant: Nobis eos volumus denunciari.

TITULUS II.

De Sacramentis in genere.

CAPUT I.

Sacramenta novæ Legis cum instrumenta sint salutis nostræ, per quæ omnis vera justitia incipit, vel cœpta augetur, vel amissa reparatur, magnam in ministrante sanctitatem requirunt, cum scriptum sit; (m) *Mundamini, qui fertis vasa Domini.* Et licet ipsa per indignam administrationem non contaminentur, neque a probitate confertis, eorum virtus & efficacia dependeat; multum tamen apud infirmos in fide per indebitam administrationem, eorum honori decedit. Monemus propterea, & in Domino hortamur omnes Pastores, cæterosque Sacramentorum Ministros, ut ea reverenter mente, manumque pura petentibus impendant, ne dum aliis Cœlum aperiunt, ipsi sibi viam muniant ad gehennam. Et inter administrandum singulorum institutionem, utilitatem, necessitatem, & efficaciam, prout occasio permittet, exponant. Ipsaque verba Sacramentalia, tractim, graviter, & distincte proferant.

CAPUT II.

Si quis (quod absit) potus, vel aliter indispositus & inidoneus ad Sacramentum

(k) Post cap. 3. Tit. 1.

(l) Sess. 4. in fine.

(m) Isaïæ c. 52.

mentum administrandum acceperit, five is Pastor, aliusve Sacerdos, aut Custos fuerit, pro delicti enormitate puniatur.

CAPUT III.

Requisitus Pastor ad Sacramenta ministranda, statim se paratum, facilemque exhibeat, neque tergiverfetur, aut se sub prætextu horæ importunæ, temporis intempestivi, alteriusque occupationis, multo vero minus convivii excuset, aut durioribus verbis Sacramenta petentes excipiat.

CAPUT IV.

Quod administraturis Sacramenta in (n) Provinciali Synodo præscribitur, ne videlicet sine superpelliceo, vel alba ea administrent, omnino præcipimus observari.

CAPUT V.

Volumus etiam, ut in Sacramentorum ministerio approbati Ecclesiæ ritus, & cæremoniæ adhibeantur, declarantes, eos gravissime peccare, qui huiusmodi ritus & cæremonias rejiciunt aut mutant, aut iisdem aliquid addunt vel demunt.

CAPUT VI.

Statuimus item, ne ullus Sacerdos, cessante mortis articulo, extra limites suæ Parochiæ, aut alienis Parochianis intra suos limites Sacramenta, sine Parochi loci, aut nostra speciali licentia unquam administrare præsumat, sub pœnis arbitrio nostro infligendis. Quod præcipue in Sacramentis Pœnitentiæ & Matrimonii observetur, cum nullæ & invalidæ sint alienorum Parochianorum extra casum necessitatis absolutiones, invalida etiam conjugia coram alieno Parocho contracta; ipsique Sacerdotes, qui Matrimonio sic coniungunt, ipso jure suspensi, quamdiu ab ordinario ejus Parochi, qui Matrimonio interesse debebat, non absolventur.

CAPUT VII.

Nullus a Judice Ecclesiastico nominatim excommunicatus & denunciatus, aut etiam notorius Clerici percussor ad Ecclesiastica Sacramenta, extra verisimile mortis periculum admit-

tatur, nisi prius literatorie, seu alias per legitimum ac fide dignum testimonium confiterit, eum ab eodem Judice, aut suo Superiore in foro exteriori debitam ab ejusmodi excommunicatio-
ne absolutionem obtinuisse.

CAPUT VIII.

Nullus etiam hæreticus, aut publice facinorosus absque legitima pœnitentia, nec ullus publice usurarius, etiam in mortis periculo constitutus, nisi usuris prius restitutus, aut saltem de iisdem restituendis, sufficienti juxta sacrorum Canonum dispositionem cautione constituta: (o) nullus etiam concubinaris, vel concubina, nisi se tanta loci interapedine separaverint, ut cesset omnis incontinentiæ suspicio: nulli demum, qui in statu illicito, aut crimine notorio publice vivunt, aut vitam turpiter transactam non detestantur, ad Ecclesiastica Sacramenta recipiantur.

CAPUT IX.

Occasione administrationis Sacramentorum nihil exigatur ante administrationem, post eam tamen, vel quod sponte offertur, vel quod consuetudine laudabili tamquam debitum præstari solet, velut vitæ stipendium accipi potest. Imo si quis illud solvere noluerit, id Nobis significetur, ut eum, veritate cognita, ad pie introductam consuetudinem perpetuo retinendam ex Canonum jure compellamus.

CAPUT X.

Parochi materias Sacramentorum fideliter, solíciteque custodiant, & nemini umquam, etiam prætextu medicinæ, vel tollendi maleficii eas tradant: neque Medicis hunc earum usum ægrotis commendantibus fides adhibeatur.

TITULUS III.

De Sacramento Baptismi.

CAPUT I.

SAcerdos baptizaturus primum, quam actionem suscepturus sit, diligenter ipse animadvertat, & ad tanti muneris functionem non leviter & per-

Cc 3

functo-

(n) Post Tit. 2. cap. 2.

(o) Can. Quamquam. tit. de Usuris in 6.

functorie, sed sancte, graviterque accedat: Deinde Patrinos moneat & Matrinæ baptizandum ad templum comitantes, ut jocos omnibus, fabulis, nugisque semotis, pie ac religiose quid agatur, attendant, Deoque gratias agant, qui filium iræ & hæredem gehennæ, benigne ad Sacramentum regenerationis admittit, ut fiat filius Dei, & hæres vitæ æternæ.

CAPUT II.

Videat Parochus, ubi primum infans Baptismi causa ad se delatus est, an suæ Parochiæ sit: quem si alienæ esse norit, non nisi instante necessitate baptizet, sed ad proprium Parochum deferri jubeat. Quod vel maxime observandum erit, quando proles ex illegitimo complexu procreatæ, baptizandæ veniunt, quas, parentes ut crimen suum proprium Pastorem celent, qui eos correcturus esset, in alienam Parochiam, ubi incogniti sunt, deferri curant.

CAPUT III.

Nullus, nisi prævia licentia Pastoris, prolem suam extra Parochiam, etiam in loco privilegiato baptizari procuret; & ubi baptizata fuerit, de Baptismo collato testimonium Pastori ferat.

CAPUT IV.

Præcipimus item, ut antequam Presbyter ad conferendum Baptismum accingatur, nomina Patrinorum, parentum & baptizatorum registro inscribantur, annotato simul anno, mense, & die Baptismi: sic enim & ætas pueri, & ejus conditio, & inter quos spiritualis cognatio contracta sit, facile dignoscetur. Quod quidem registrum quorannis in visitatione Archi-Presbytero Pastor exhibeat, & futuris temporibus diligenter in Archivis templi custodiat.

CAPUT V.

Non admittantur ad susceptionem prolium ii, qui ebrii sunt, aut hæretici, aut ex partibus hæreticorum oriundi, nisi de sinceritate fidei prædocuerint, aut qui sunt scandalosæ vitæ, ut publici usurarii, & concubinarij, &c. Item notorie excommunicati: aut de-

nique minores duodecim annis, quive per inopiam mentis notitiam non habent ejus fidejussionis, ad quam se offerunt.

CAPUT VI.

Moneant Pastores, ut quicumque viri, quæcunque feminae proles de sacro Fonte spiritualiter susceperunt, cognoscant se fidejussores pro eis apud Deum extitisse, & ideo super eos sollicitudinem veræ charitatis impendant, & admoneant, ut castitatem custodiant, virginitatem usque ad nuptias servant, cantica turpia, vel luxuriosa ex ore non proferant, non superbiant, non invideant, a maledicto & perjurio linguam custodiant, & cætera, quæ fuscæ persequitur Augustinus, (p) ad quem Pastores remittimus.

CAPUT VII.

Fideles in Baptismo filiorum eos potius Patrinos & Matrinæ eligant, qui eorum animæ consulere, quam qui inopiæ subvenire possint.

CAPUT VIII.

Observent quoque Parochi id, quod in (q) Concilio Generali Tridentino, de numero Patrinorum admittendorum constitutum est, ne videlicet plures, quam unum vel unam, vel ad summum unum & unam ad suscipiendum permittant. Et si qui alii ad tangendum infantem instar Patrinorum se ingerant, declaretur aperte ante Baptismum, nec eos, nec alios præter descriptos, seu designatos ullam cognitionem spirituales contrahere: qualis nec inter susceptorem nec susceptricem, nec etiam inter baptizatum vel confirmatum & susceptum, & suscipientis conjugem contrahitur, sed tantum inter baptizantes, & baptizatum, baptizatiq. patrem & matrem: Item inter suscipientes & baptizatum, ejusque patrem & matrem.

CAPUT IX.

Monachi, etsi Abbatiali fulgeant dignitate, de Baptismo aliquem suscipere, compadresque, aut commatres habere, sacris Canonibus prohibentur. (r) Quare nec per Procuratorem ejusmodi cognitionem contrahere ipsis licet.

CA.

(p) Serm. de Refur.

(q) Sess. 24. c. 2. de Refor.

(r) Dist. 4. Can. 101. & 102.

CAPUT X.

Inhærentes declarationi Congregationis sacræ interpretum Concilii Tridentini: docemus, cum quis per procuratorem, infantem e sacro Fonte suscipit, non procuratorem, sed ipsum cognationem contrahere, eoque casu uterque tam mandans scilicet, quam mandatarius libro baptizatorum inscribatur hoc modo: *N. nomine N.*

CAPUT XI.

Censuit eadem Congregatio in Baptismo, qui domi in necessitate datur, cognationem contrahi, non etiam cum cæremoniæ, quæ tunc defuerunt, in Ecclesia adhibentur. Quare Baptismus infantis, qui domi ob necessitatem baptizatus est, in librum baptizatorum ita referatur, ut si alius domi ad Baptismum, alius in Ecclesia ad Catechismum, Exorcismumque adhibitus sit Patrinus, utriusque nomen in hunc modum simul annotetur: *Susceptor in Baptismo N. Susceptor in Catechismo & Exorcismo N.*

CAPUT XII.

Sciant Catholici, non licere sibi suscipere infantem, nec per se, nec per procuratorem, qui ab hæretico ministro baptizatur, cum sit *Susceptor apud Deum fidejussor de adhibenda cura prolis susceptæ in vera fide instituendæ*; Nec Catholicis cum hæreticis in Sacramentis communicare liceat. Quinimo tenentur Patrimi laborare, ut ad fidem Catholicam convertantur ii, quos in Ecclesia Catholica susceperunt, si in hæresim fuerunt prolapsi.

CAPUT XIII.

Ab hæresi conversi, si baptizandi sunt, aut cæremoniæ Ecclesiæ adhibendæ, priusquam id fiat, hæresim abjurent.

CAPUT XIV.

Quoniam autem Baptismus omnibus necessarius est ad salutem: Volumus, ut ejus susceptio, nulla de causa diutius, quam ad tertium diem differatur, nec quisquam aut susceptorem expectandorum, aut alterius rei gratia per laicas personas prolem suam baptizari curet, aut permittat.

Illud enim sine summo salutis periculo non accidit: istud vero extra necessitatem factum, Ecclesiæ traditioni & dignitati Sacramenti repugnat.

CAPUT XV.

Quia sal appositum pueris expolitius non est sufficiens & infallibile signum Baptismi adhibiti; ideo semper & indistincte pueri tales sub conditione baptizentur, siue sal iis appositum fuerit, siue non.

CAPUT XVI.

Prohibemus præterea, ne quis Pastorum Baptismi Sacramentum sine cæremoniis Ecclesiæ adhiberi solitis, aut alio in loco, quam in illis Ecclesiis, in quibus sacri fontes constituti & consecrati sunt, exceptis casibus in jure expressis, conferre audeat sub pœna suspensionis a Pastoralibus, & alia arbitraria.

CAPUT XVII.

Quod de obstetricibus ordinavit Synodus Provincialis Mechliniensis postrema, hic tanquam insertum habetur. Quas etiam serio monitas volumus, ne aliquem infantem extra casum necessitatis baptizare præsumant. Baptizatum autem prima opportunitate ad Ecclesiam deferant, si supervixerit, ut Ecclesiasticæ cæremoniæ circa eum servari possint: nisi forte justa suspicio Pastori oboriat non rite administrati Sacramenti, quo casu sub conditione Baptismus adhibendus erit, & cæremoniæ simul supplendæ.

CAPUT XVIII.

Adhæc mandamus, ut in locis omnibus Diœcesis nostræ, in quibus certæ sunt obstetrices constitutæ & admittæ, una illarum, ut minimum ab omnibus puerperis in partu adhibeatur: Inhibentes, ne ulla nutrix in posterum prolem alienam lactandam suscipiat, quam non constet per attestationem Pastoris baptizatam fuisse.

CAPUT XIX.

Quod de vitandis conviviis ruri post Baptismum infantis celebrari solitis, statuit Synodus Provincialis, (s) Pastores in usum deducere annuntantur.

CAPUT

(s) Post. de Baptismo cap. 9.

CAPUT XX.

Quoniam in Baptismo unusquisque pie ac religiose pollicetur operibus Satanæ renunciare, ejusque pompas deferere, id Parochus, cum usu venerit, populum doceat, quam simplici & Christiano habitu infans ad illum deferendus sit; Nihilque adhibendum, quod hujus mundi pompam præ se ferat; cum minime deceat in ipso vitæ Christianæ limine iis rebus studeri, quibus potissimum solemnī sponſione renunciat.

CAPUT XXI.

Curet denique Parochus, ut infantibus, proprio nomine in Baptismo appellandis, ea nomina non imponantur, quæ turpia, quæ ridicula sunt, quæque gentiliū, atque adeo impiorum memoriā referant; sed illorum, qui ob veram pietatis ac sanctæ Religionis, virtutisque Christianæ laudem Sanctorum numero adscripti sunt, ut in ipso vitæ ingressu cum ethnicis ne nomen quidem commune fideles habere velle protestentur, & ipsi infantes etiam cum ætate processerint, nominum similitudine, ad illorum, a quibus ea accepta sunt, imitationem excitentur, & præterea quos imitari studeant, eosdem quoque sæpius precentur, ac sperent eos potissimum sibi ad salutem, tum animi, tum corporis Advocatos fore.

CAPUT XXII.

Parochi ob id, quod infans baptizandus sit illegitimus, vel ex parentibus pauperibus ab exteris casu illic natus, nullusque pro ejus alimentatione fidei iussor se se offerat, ipsum baptizare non recusent, aut differant, etsi Magistratus loci, vel alii quicumque ob prædictas, vel alias similes causas infantem baptizari prohibeant.

TITULUS IV.

De Purificatione Puerperarum.

CAPUT I.

INjungimus omnibus Parochis id, quod in Concilio Provinciali Mechliniensi, primo de purificatione puerperarum in usum revocanda, recte

constitutum est, suis Parochianis diligenter inculcent; & observari curent: cui Constitutioni id, quod sequitur, addendum putavimus: nempe, ut nulla omnino puerpera ad purificationem ante 25. a partu diem, admittatur, eaquē nonnisi à proprio Parocho, ejusve Vicario in Ecclesiam introducat, & benedicatur, volumusque, ut Missæ Sacrificio intersint, aut contra eas, tamquam piæ consuetudinis violatrices, procedatur.

CAPUT II.

Non licet etiam scienter ulli Presbytero sub pena suspensionis, quam eo ipso incurrat, mulieres, quæ ex illicito concubitu pepererunt, ad purificationem admittere, nisi facultate ab Archi-Presbytero loci ad hoc literatorie obtenta.

TITULUS V.

De Sacramento Confirmationis.

CAPUT I.

Sacramento Baptismatis succedit aliud, quod a Patribus nunc Confirmatio, nunc manus impositio, vel Sacramentum Chrismatis, aut Unctio, quæ sit Divinæ generationis sacrosancta perfectio, nominatur: in quo quidem Sacramento plenitudo datur Spiritus S. & auxilium, roburque singulare, quo fidem Christianam coram Principibus mundi, & toto orbe sine pudore constanter profiteri valeamus; de qua re ita Sanctissimus ille Pater Christianæ plebis Papa MELCHIADES: (1) "In fonte Deus plenitudinem tribuit ad innocentiam: in Confirmatione augmentum præstat ad gratiam: In Baptismo regeneramur ad vitam, post Baptismum confirmamur ad pugnam: In Baptismo abluimur, post Baptismum roboramur."

CAPUT II.

Mandamus itaque omnibus nostræ Diocesis Pastoribus, ut parentes crebro adhortentur, quatenus suos liberos nondum confirmatos ad suscipiendum hoc Sacramentum adducant, non quidem omnes, sed qui saltem sine septem, aut plurium annorum, ut melius

(1) In epist. ad Episcop. Hisp.

lius Sacramenti suscepti memores esse possint: si vero duodecimum annum attigerint, aut 10. natu majores sint, doctique capaces, Confessionem Sacramentalem præmittant.

CAPUT III.

Jejuni ad Confirmationem accedant, ut olim in Concilio Aurelianensi statutum fuit, (u) cujus salutarem monitionem expedit observari.

CAPUT IV.

Moneantur Parentes, ne suas proles in Confirmatione teneant, sed adjungant ipsis aliquem alium, qui illas Episcopo offerat, atque teneat: inter quem & ipsum confirmatum, ejusque parentes contrahitur cognatio spiritalis, quæ Matrimonium contrahendum impedit & dirimit contractum. Ideoque consulendum est parentibus, ne multiplicentur Matrimonii impedimenta, ut pro præsentantibus, aut teneantibus, quantum fieri poterit, consanguineos, vel affines, aut in sacris Ordinibus constitutos assumant. Et cum ordinarius hujusce Sacramenti Minister sit solus Episcopus, illud a nullo alio absque Sedis Apostolica licentia, etiam in mortis articulo conferri potest.

CAPUT V.

Christianæ fidei rudimenta non edoctus, non se ingerat ad percipiendum hoc Sacramentum, vel ad tenendum confirmandum.

CAPUT VI.

Non confirmatus, nec ad suspensionem primæ tonsuræ admitti, nec patrinus esse potest: & generatim, qui in Baptismo patrinus esse prohibetur, hic quoque esse non poterit.

CAPUT VII.

Dum Sacramentum hoc ministratur, non modo qui illud suscepturi sunt, quique eos offerunt, sed quotquot etiam præsentés sancto illi Ministerio adsunt, sancte, pieque orent, ac summa animi intentione spectent, quod in ea solemnii Ministerii celebritate peragitur: Tum vero mente reputent cæ-

lestia illa Spiritus S. dona, quæ illius Sacramenti virtute fidelibus impenduntur: Inprimisque tacita meditatione videant, quas in illis progressionem habeant, & an vitam agant tanta celestium donorum ubertate dignam. Curent etiam parentes, aut patrini, ut qui ridiculum, vel gentilitium nomen habet, neque conveniens homini Christiano, illud mutet, sumatque nomen alicujus, quem vitæ, pietatis & sanctæ Religionis laude floruisse constat.

CAPUT VIII.

Confirmati tertio die post susceptum hoc Sacramentum fascias dependant, & tum eorum frontes sale & aqua a Sacerdote laventur & abstergantur: porro fasciæ conserventur in Sacrario, aut alio loco honesto comburendæ ad sacros cineres: aqua vero lotionis in piscinam mittatur.

CAPUT IX.

Denique, quia hujus Sacramenti utilissima susceptio nequaquam negligenda, aut parvipendenda est; mandamus Parochis, ut de fructu & utilitate ejus suos Parochianos frequenter informet, & præsertim in festis Pentecostes, ac quandocumque Episcopum ad ipsorum loca venturum esse audierint. Et quia hæretici nostri spiritu humilitatis destituti, & ridere soliti, quod non intelligunt, hoc Sacramentum ludibriis ac cachinnis excipere consueverunt, doceant in concionibus Parochi, tam ex Scripturis, quam Patrum Scriptis & Conciliorum definitionibus, Confirmationem pro Sacramento novæ Legis semper habitam fuisse, usumque ejusdem in florentissima Ecclesia viguisse, & hæresiarcham Novatum (quia signaculo hoc confignari contempsit) in graves errores incidisse, ut refert ex Cornelio Eusebio Cæsariensis libro 6. capite 35. alias 33.

TITULUS VI.

De Sacramento Pœnitentiæ.

CAPUT I.

Quod nondum regeneratis est unda Baptismatis, hoc relapsis & candidam

(u) Can. Ut jejun. dist. 5. de Consecr.

didam iustitiæ vestem mortali crimine sordidantibus est Sacramentum Pœnitentiæ: sine quo, vel saltem sine cuius voto, nemo in nova lege lethaliter peccans salvari potest. Quapropter diligenter docendus est populus, ut post mortalis peccati reatum tempestive de eo conteratur, deinde coram proprio Sacerdote illud Sacramentaliter confiteatur, & salutarem pœnitentiam sibi injunctam adimpleat: nec confessionem ad Festum usque Paschæ differat, sed sæpius in solemnioribus saltem Ecclesiæ festis animæ peccatis contaminatæ per confessionem & Eucharistiæ sumpcionem medeatur.

CAPUT II.

Doceant Parochi diligenter suos Parochianos institutionem, partes, & effectum hujus Sacramenti, quodque summa humilitate & animi dolore, ac magna spe misericordiæ Divinæ ad latebras conscientiæ detegendas unumquemque accedere oporteat, declarentque remissionem & expiationem peccatorum, quæ in confessione per Sacerdotis Dei Vicarii absolutionem impenditur, merito Sanguinis Christi præcipue inniti, & ab eo pendere.

CAPUT III.

Abusus est minime tolerandus nihil confiteri velle, nisi de quo pœnitens interrogetur: nec ad absolutionem percipiendam idoneus est, qui aliter confiteri renuit: est enim id velle tacere peccata, de quibus non interrogabitur. Recte nihilominus & pro officii sui ratione faciet Sacerdos, si pœnitentem, quem examinandæ conscientiæ vacasse videt, sua diligentia & prudenti interrogatione adjuvet, ubi aliqua in parte confessionem ejus deficere animadvertit.

CAPUT IV.

Moneant etiam Parochi subditos, & numerum peccatorum, quantum fieri potest, & circumstantias eorumdem speciem mutantes, aut etiam enormiter aggravantes, in confessione explicari debere.

CAPUT V.

Adhortentur eosdem, ut tempore Quadragesimali, statim in principio peccata confiteantur, & nihilominus confessionem resumant, antequam ad Sacræ Eucharistiæ sumpcionem festo Paschæ accedant. Quare injungimus Pastoribus, ut se dicto tempore, tam in principio, quam in fine Quadragesimæ, & circa solemniora Festa ad confessiones audiendas paratos exhibeant.

CAPUT VI.

Ne quis ignorantiam Capituli: *Omnis utriusque sexus*, Ext. de *Pœnitentiis & Remissionibus*, prætereque queat, volumus idipsum Dominica *Passionis* publicari, & post Dominicam in *Albis* advigilare Pastores, quinam defuerint officio: eosque moneri, alioqui extra Ecclesiam ejiciendos, & ad Ecclesiasticam sepulturam non admittendos, & ad Nos, vel Officiale nostrum deferendos.

CAPUT VII.

In pagis, qui se allegabunt, in Paschate alibi confessos esse, testimonio Confessarii id docere teneantur; si non docuerint, agatur contra eos, ac si confessi non essent.

CAPUT VIII.

Cæterum, cum Sacerdos non hominis, sed Dei judicium exerceat, idque in animas pretiosas Christi Sanguine emptas, dum confessionibus pœnitentium intendit: ne quis idoneus huic tam Sacrosancto & periculoso Ministerio se ingerat, prohibemus sub pœnis suspensionis a Divinis Officiis, & aliis nostro arbitrio infligendis, ne quis deinceps confessiones secularium audiat, aut Parochiale Beneficium obtineat, nisi aut Nobis, nostrisve in ea parte Vicariis approbatus sit; prout in Concilio Trid. (x) decretum est, & in Concilio Provinciali (y) repetitum. Nec is omnes promiscue ad se venientes audiat, sed eos dumtaxat, in quos ordinariam, vel subdelegatam habet jurisdictionem.

CAPUT IX.

Ut autem confiteri volentibus, Sacerdotes idonei non desint, curent, ad quos

(x) Sess. 21. c. 15. de Reform.

(y) De Sacram. Pœnit. c. 1.

quos hoc pertinet, ut tot Confessarii deputentur, quot, spectata temporis ratione & numero, confiteri volentium in quaque Ecclesia audiendis confessionibus necessarii videbuntur.

CAPUT X.

Sint Confessarii prudentes ac circumspecti, non solum in injungendis penitentiis: (ideoque etiam pro peccato occulto penitentiam publicam non imponant, ne dum Medici animarum videri volunt, peccatorum proditores fiant) verum etiam in examinando penitentes, præsertim circa vitia carnis, ne indiscretis interrogationibus eos doceant peccata, quæ ignorant, vel aliter scandalizent.

CAPUT XI.

Meminerint etiam propinquas occasiones peccandi mortaliter vitandas esse, easque vitare nolentibus, beneficium absolutionis non esse impendendum, ut nec iis generatim, quos cognoscunt evidenter, non habere propositum abstinendi a peccatis, aut nullam in confessione admissorum peccatorum habere contritionem.

CAPUT XII.

Exquirant omnes Confessarii, dum rudiores audiunt, utrum in rudimentis nostræ Religionis sint instructi; & an Orationem Dominicam & Salutationem Anglicam, cum Symbolo Apostolorum ac Decalogo teneant.

CAPUT XIII.

Examinent etiam, an tituli illi, quibus penitentes se pecuniam cum assecuratione fortis & certo lucro mutuam dedisse dicunt, sint veri; an tantum imaginarii & usuræ pallia: Et si solido fundamento contractus usurarios esse deprehenderint, non prius illos absolvant, quam usuris prius restituerint, aut saltem pro prima vice firmiter restitutione promissa. Si secundo redierint, non absolvantur, nisi reipsa restituerint: in quem finem diligenter legant Bullam SIXTI V. *Execrabilis*, contra usuras hujusmodi palliata editam. Quod item superius de concubi-

nariis, & aliis facinorosis dictum est generatim, id specialiter in hoc Sacramento a Confessariis observetur.

CAPUT XIV.

Nemo quoque a Casibus Sedi Apostolicæ, aut Episcopo reservatis, quemquam, nisi in mortis articulo, absolvere præsumat. Cum enim Sacerdos in dictis Casibus, non sit legitimus Judex, nullam ab iis absolvendi auctoritatem habet; ideoque absolutio, quam impendit, invalida est, prout hæc tam in Generali Tridentino, (2) quam primo Provinciali Mechliniensis (a) Conciliis aperte declarata sunt. Casus autem reservati Episcopo sunt ii, qui in prædicto Mechliniensis Concilio numerantur: Raptus Virginum; homicidium, &c. & omnia delicta prædictis graviora; illis tamen, quæ Sedi Apostolicæ reservantur, eidem Sedi semper salvis.

CAPUT XV.

Quod si quis a dictis Casibus Episcopo reservatis absolvendi potestatem, vel ea majorem a Romano Pontifice obtinuerit, inhibemus, ne is ulla utatur in nostra Diocesi, nisi prius eam Nobis examinandam exhibuerit: ne sub ovina pelle, lupi sub hoc prætextu se insinuent, & gregem nostrum corrumpant. Quod si legitime constiterit, de data tali facultate, ne tamen is super irregularitatibus, aut voris dispensare præsumat, nisi alium specialem potestatem ad hoc habuerit. Quod etiam locum habet, quantum in Jubilæis facultas a gravissimis peccatis, censurisque absolvendi, concedi solet.

CAPUT XVI.

Tolerari non debet, ut qui confitentur, sive Laici sint, quacumque etiam dignitate præfulgeant, sive Ecclesiastici, Confessario assideant: sed requiritur, ut animo contrito, non quasi hominis, sed Dei sententiam super suis sceleribus audituri, ipsi humiliter ad genua provolvantur, non subiectis pulvinaribus; discincti gladiis: Sacerdos vero confessiones excepturus decenti habitu induatur, nec vultus austeri-

(2) Sess. 14. cap. 7. de Sacram. Penitentiae.
Tomus IX. Concilior. German.

(a) De Sacramentis, cap. 6.

steritate, aut verborum asperitate pœnitentes deterreat: sed potius magna cum mansuetudine ad veram peccatorum confessionem invitet.

CAPUT XVII.

Non permittat Presbyter, ut, dum unus confessionem audit, alii etiam confiteri cupientes, nimis appropinquent, ne & ipse confitens, dum ab aliis audiri metuit, peccata reticeat, & Confessarius minus libere confitentes examinet: caveatque, ne in audiendis confessionibus ea in medium proferat, quæ materiam confessionis non concernunt, neve ab ipsis confitentibus aliena a confessione adduci permittat.

CAPUT XVIII.

Mandamus etiam omnibus onus audiendi confessiones habentibus, ut confitentes, præsertim mulieres, in loco publico ac aperto, & non in tenebris, nisi adhibito lumine, neque extra Ecclesiam audiant, nisi necessitate aut infirmitate hoc exigente.

CAPUT XIX.

Prohibemus sub pœna arbitraria, ne quis Sacerdos confessionem mulieris, cum qua peccatum incontinentiæ commisit, aut focii, aut fautoris peccati, nisi in necessitate, excipiat: sed tales ad alium idoneum Confessarium remittere teneatur. Sicut & illos graviter ad nostrum arbitrium puniendos censemus, qui aliquos ad sibi solis confitendum voto obligare præsumpserint, votum huiusmodi tamquam irrationabile, & indiscretum, irritum declarantes.

CAPUT XX.

Abstineant Confessarii ab interrogatione & inquisitione tali, per quam in notitiam personarum, cum quibus peccata commissæ sunt, devenire possint. Imponat autem pœnitentias salutares peccatis admissis contrarias: pro peccato luxuriæ jejunium, pro avaritia largitatem, pro furto primo restitutionem, deinde opera misericordiæ, &c.

CAPUT XXI.

Meminerint Confessarii sigillum confessionis strictissime sibi servandum

esse, sub pœnis a jure præscriptis, (b) idque etiam post mortem pœnitentis, cum is per eam famæ suæ jus non amiserit, neque confessio ejus, propterea minus confessio esse cœperit, quam prius. Ideoque non ferenda quorundam Judicum sacrilega interrogatio, qua post latam in reum mortis sententiam, inquirunt ex Confessariis, sitne iuste damnatus reus, an non: Quo casu nec minimum confessi veniale delictum, quibuslibet etiam tormentis præpositis, Confessariis divulgare liceat. Observent etiam, ne cum pœnitentibus, quorum confessionem audierunt, agant extra confessionem de iis peccatis, quæ ipsis in illa manifestata sunt; nisi forsitan petita venia, ob incommoda alias secutura.

CAPUT XXII.

Cum autem res, ad quemcunque transit, transeat cum suo onere, & Confessio Sacramentalis habeat illud onus annexum: ut, quod ea continetur peccatum, sacro sigillo obsignetur, & consequenter sine sacrilegio aperiri non possit: Non solus Confessarius hoc sigillo tenetur, sed omnes omnino, qui peccata alterius ex sola confessione noverint, sive Clerici, sive Laici, sive licite, sive illicite, etiam illi, quibus confessio a Confessario sacrilego detecta fuerit: ideoque omnibus istis districte præcipimus, ne peccata sic cognita ulli propalare præsumant: qui contra fecerint, gravissime nostro arbitrio puniantur. Pœnitentes quoque non facile eliminant, quæ Confessarius dixerit, præsertim si per ea aliis ridiculus videri queat.

CAPUT XXIII.

Hortamur in Domino omnes Medicos, ut tanquam viri boni ac Catholici in visitatione infirmorum, Constitutioni INNOCENTII Tertiæ, & Bullæ PII V. quæ incipit: *Supra gregem*, se conforment, quæ sancitur, ut infirmos in lecto jacentes ante omnia admoneant, ut idoneo Confessario peccata confiteantur, neque tertio die ulterius eos visitent, nisi longius tempus infirmo Confessor ob aliquam rationabilem

(b) Concil. Lateran. cap. 21.

bilem causam concefferit, & eis per fidem a Confessore factam, confiterit, quod infirmi peccata sua confessi fuerint: Eosdemque rogamus, ut si quos fidei Catholicæ non satis addictos, tergiversari animadverterint, Pastori ex charitate statim velint denunciare.

CAPUT XXIV.

Denique cum in Capitulo: *Omni utriusque sexus*, generatim omnibus præcipiatur conscientia coram proprio Sacerdote purgatio, & annua Communio, sequitur, quod neque prætextu diffidii, quod quis cum proximo habet, ab ea excusari possit: Idem enim Dominus, qui semel tantum in anno confitendum & communicandum per Ecclesiam præcipit, etiam dixit: *Sol non occidat super iracundiam vestram: & Diligite inimicos vestros, & benefacite istis, qui oderunt vos.* Et ideo eos, qui prætextu dicti diffidii (quod per annum depocere negligunt) proprio Sacerdoti, ultra annum confiteri differunt, præfenti Statuto declaramus, poenis in dicta Constitutione expressis, subiacere; cum nemini sua malitia debeat patrocinari.

TITULUS VII.

De Sacramento Eucharistiæ.

CAPUT I.

Quod inter septem Planetas est splendidissimum jubar Solis, hoc inter Ecclesiæ Sacramenta est Sacrosancta Eucharistia, ipsum purissimum & lucidissimum justitiæ Solem substantialiter in se præsentem comprehendens, ad quam accedendum non est, nisi pura conscientia, & corde bene probato. Declarat autem Ecclesiastica consuetudo eam probationem necessariam esse, ut nullus sibi conscius peccati mortalis, quantumvis sibi contritus videatur, absque præmissa Sacramentali Confessione ad Sacram Eucharistiam accedere debeat: quam consuetudinem simul & Ecclesiæ præceptum inviolabiliter a Laicis communicaturis, majorique ratione a Sacerdotibus sacrificantibus præcipimus observari: excepto casu a Concilio Triden-

tino expresso, videlicet concurrente defectu Confessarii.

CAPUT II.

Si quis autem Presbyter pridie temulentus, aut in crimen incontinentiæ, aliudve notorium lapsus, rem Divinam facere non vereatur, is pro illata Sacramento, & Sacrificio irreverentia, & dato scandalo, gravissime se sciat nostro arbitrio puniendum.

CAPUT III.

Cum etiam Episcopi ex ordinatione Concilii Tridentini (c) curare debeant, ne quis publice criminosus Sacerdos, aut sacro Altari ministrare, aut Sacris interesse permittatur: Mandamus omnibus Capitulorum & Christianitatum Decanis, ac aliis universis curam habentibus Regularibus, & Sæcularibus, ut auctoritate nostra, publicos Concubenarios, Usurarios, Simoniacos, aliosque notorie criminosos Presbyteros ab Altaris Ministerio arceant, alioqui tam illi, qui in statu peccati publici celebrant, quam qui ad illa convinent, severe a Nobis punientur.

CAPUT IV.

Mandamus itaque omnibus Presbyteris, ut non nisi probati & mundi cum mundis, honestisque Altaris ornamentis, calicibus integris & consecratis Missam celebrent, eamque in vultu inter sacrificandum præ se ferant maturitatem, eamque in caeremoniis peragendis gravitatem, quam tantum Mysterium requirit; totumque Missæ Officium distincte & attente pronuncient.

CAPUT V.

Adhæc mandamus Parochis, ut Hostias conservandas in usum infirmorum, in loco & vasculo accurate custodiant, & ante tabernaculum Sacramenti jugiter lumen ardere procurent. Quod si quæ foundationes in eum usum relictæ sint, ea strikte impleantur: & iis obligati satisfacere si recusent, Nobis, aut Vicario nostro insinuentur: & singulis hebdomadis, aut circiter, species Sacramentales Pastores renoveant, seduloque advertant, ne in Paschate, aliisque solemnioribus Festis (quando populus

(c) Sess. 22. in Decret. de evit. in celebr. Missæ.

pulus communicare solet) piores Hostias confecerent, quam pene esse necessarias judicaverint.

CAPUT VI.

Insuper cum notorii percussores Clericorum, etiam non denunciati, & alii excommunicati post publicam denuntiationem, ab omnibus vitari debeant; & id maxime in Missæ celebratione: caveant Sacerdotes, ne scienter illis præsentibus, rem sacram peragere præsumant sub pœna suspensionis a Divinis, eo ipso incurrenda, ac alia arbitraria. Quod si moniti ab Ecclesia decedere noluerint, id statim Officiario loci intimetur.

CAPUT VII.

Similiter quæ de Missis in loco profano in privatis domibus, atque omnino extra Ecclesiam non celebrandis, in Generali Tridentino (d) & Provinciali Mechliniensis primo (e) Conciliis recte statuta sunt, ea in nostra Diœcesi diligenter & inviolabiliter præcipimus observari.

CAPUT VIII.

Porro quia sicut corpus pane materiali, ita & anima spirituali cibo sæpius reficienda est: ideo diligenter hortentur subditos Parochi, ut frequenter, aut saltem in Festis celebrioribus Sacrosanctum Corpus Christi reverenter sumant, & Sacramenti hujus sublimitatem, usum ac fructum iisdem crebro exponant.

CAPUT IX.

Moneantur etiam parentes, ut liberos, postquam ad legitimam ætatem, & usum discretionis pervenerint, ad Eucharistiæ sumptionem inducant, & Ecclesiæ offerant, ut hoc cœlesti cibo pasti, in omne opus bonum suscipiant incrementa.

CAPUT X.

Mandamus item, ne Pastores, aut eorum Vicarii Eucharistiam publicis peccatoribus, ut meretricibus, usurariis, excommunicatis & denunciatis administrent: sicut nec amentibus & rationis usu carentibus, nisi lucida habeant intervalla: nam cum illis Corpus

Christi porrigere licebit, si pio animi affectu illud sumere desiderent. Eandem etiam de energumenis rationem haberi volumus. Cum autem in administratione Sacramenti Eucharistiæ nulla debeat adhiberi fictio: prohibemus, ne Presbyteri Hostiam non consecratam pro consecrata, quacumque ex causa administrare præsumant, ne dum honori Sacramenti consulere videri cupiunt, adhibeant falsa remedia, quæ vere periculis sunt graviora.

CAPUT XI.

Districte observari volumus, ut juxta Edictum Regiæ Majestatis in hac patria promulgatum, quando Sacerdos ad administrandum ægrotis Sacramenta accersitur: semper duo ut minimum ex ipsius ægroti vicinis Presbyterum cum Custode a Templo ad ægrotum deducant, & inde ad Ecclesiam reducant, volumusque, ut comitantes Sacramentum una cum Custode aperto capite procedant, & ab omnibus fabulis inter eundum abtineant.

CAPUT XII.

Ægrotis quoque Sacramenta Pœnitentiæ, Eucharistiæ, & Extremæ Unctionis distinctis temporibus administrentur, nisi necessitas aliud exegerit, cureturque, ut ægrotantis cubiculum ab omni prius sorde purgetur, & mensa, si non nitida mappa, saltem alio linteo mundo honeste contrata, & Cruce, luminariis, ac vasculo aquæ benedictæ instructa præparetur, in qua pyxis cum Sancto Sacramento poni possit.

CAPUT XIII.

Sacra Communio ad ægrotum non deferatur, nisi ad eum, qui vere eam sumpturus est: si vero aliquando fiat, ut dum ad eum Parochus venit, morbi vi ita illum affectum inveniat, ut eam tunc illi rite administrare non possit, cum aliis, qui adsunt, sancte oret: & si ægrotus optet Sacramentum, aperta pyxide liceat ostendere adorandum. Frequenti quoque vomitu laborantibus Corpus Christi non Sacramentaliter, sed spiritualiter, dumtaxat fide ac devotione, animæque desiderio administretur.

CAPUT

(d) Sess. 22. in Decret. de evit. in celebr. Missæ.

(e) Tit. de cultu Divino, cap. 13.

CAPUT XIV.

Cum quis Sacerdoti ad ægros Eucharistiam deferenti aut cum eadem inde redeunti obviam fit, dum vel equo, vel curru vehitur, ubi primum eam ferentem viderit, inde statim descendat, humique flexis genibus tamdiu in adoratione permaneat, quoad ille cum Sacramento transferit. Quod, dum fit, nihil cujusquam dignitate indignum committitur, & plurimum reverentiæ accedit Sacramento.

CAPUT XV.

Abusus, qui frequens esse solet, ut ad ægros deferatur Eucharistia sub Vesperam, tollatur, moneaturque populus, ut, quantum fieri potest, non nisi jejuni hoc Sacramentum ægri percipiant, nec expectent tempus ultimæ necessitatis. Nunquam tamen Pastor tempore nocturno, aut alias quantumvis importuno vocatus, cum id infirmi status postulat, ab officio faciendo se excuset, gravissime puniendus, cujus culpa infirmus non munitus Sacramentis e vita excesserit.

CAPUT XVI.

Quoniam in Processionibus, quas vocant Dedicationum, multas insolentias fieri contingit, & quædam ineptæ ac lascivæ immiseri (quæ tamen non esse toleranda decernimus) omnino prohibemus in illis Venerabile Sacramentum circumferri.

CAPUT XVII.

In Parochia quemque sua in Parochate ad Sacram Synaxim accedere cum oporteat, non satisfaciunt communicantes in aliis Ecclesiis quorumcumque, etiam Ordinum privilegiorum, ut declaravit sacra Congregatio, Laici proinde famuli quicumque Regularium Monasteriis operam navant, tametsi in illis habitent, stato Paschatis tempore in sua quique Ecclesia Parochiali Sacram Communionem sumant, nisi ex speciali concordia aliud ipsis sit permisum.

CAPUT XVIII.

Cum abusus iste quibusdam locis inoleverit, ut puerperæ, quibus ante Dominicam in albis purificari non li-

cuit, citra licentiam Pastoris Eucharistiam sumere negligant: Statuimus, ut tales tempestive C. Omnis utriusque sexus, satisfacere, & Paschalem Communionem domi sumere teneantur, neque dum in Ecclesiam introductæ sunt, eam differre possint, nisi Parocho aliud videatur.

TITULUS VIII.

De Sacramento Extremæ Unctionis.

CAPUT I.

Institutionem & effectus Sacramenti Extremæ Unctionis promulgavit Apostolus Jacobus: (f) Ideoque populus tam publice in concionibus, quam privatim a Pastoribus frequenter moneatur, ut adultus quisque in verisimili mortis periculo propter infirmitates constitutus, dum adhuc sensus vigent, ratioque integra est, tempestive hoc exeuntium Sacramento muniat.

CAPUT II.

Si Pastor quempiam ex suis infirmum esse resciverit, de quo veretur, ne forte negligentia aut malignitate domesticorum, aut propinquorum non munitus Sacramentis moriatur, adibit ædes infirmi, etiam non vocatus, dicetque se ex charitate & officii sui ratione tantum bonum Pastorem oviculam suam invisere, monebitque infirmum de cura salutis suæ gerenda, & Sacramentorum susceptione, frequenterque infirmum visitabit, & si per occupationes non liceat Pastori adesse morituro, submitat ipse aut moneat infirmum, ut advocetur alius Sacerdos & vir Religiosus, qui morti propinquum in luctu contra serpentem calcaneo insidiantem adjuvet, diligenterque soletur & hortetur, ut bono animo sit; & a curis vitæ, ad cœlestis beatitudinis cogitationem ita eum erigat, ut abjecto mortis metu, se a Deo in æternam requiem vocari gaudeat. Sciantque Pastores ab hujusmodi charitatis officiis præter meritum apud Deum, plurimum sibi subditorum animos conciliari, sicut scriptum est Eccles. 7.: *Non te pigeat visi-*

(f) Jacob. 5.

visitare infirmum: ex hoc enim in dilectione firmaberis.

CAPUT III.

Declaretur quoque per Pastores merito eos reprehendi debere, qui ex contemptu, aut timore parum Christiano, quo sibi videlicet persuadent sese, si inungantur, eo citius morituros, ad extremum vitæ spiritum, hoc Sacramentum differre volunt, quique eo suscepto testamentum non posse condi, stulte opinantur.

CAPUT IV.

Ut vigilanter Pastor hoc Sacramentum infirmis impendat, non tantum officii sui ratio eum excitare debet, sed etiam exemplum B. Malachiæ Episcopi, de quo scribit Bernardus in ejus vita: " Quod cum ad nobilem fœmi-
" nam Oleo sacro unguendam vocatus
" esset, & illa tamen sine hoc Sacra-
" mento exspirasset; ita vir sanctus ani-
" mo consternatus est, ut juxta eam
" stans, pro Oleo S. largissimo lachry-
" marum imbre mortuam perfunderet,
" totaque nocte gemitibus consump-
" ta, non prius animo quietem resti-
" tuerit, quam defuncta ad vitam revo-
" cata gratia hujus Sacramenti, qua
" caruerat, frueretur. "

CAPUT V.

Admoneatur etiam populus Sacramentum hoc toties utiliter reiterari posse, quoties quis in gravem & periculosum morbum relabatur, præmissa tamen Sacramentali Confessione, si fieri queat: in una autem & eadem infirmitate iterari non posse. Nec preces adhiberi consuetæ omittantur, & omnibus sensuum organis inunctio adhibeatur, juxta formam Pastoralis; nisi vel mortis periculum, vel morbi genus obstant.

CAPUT VI.

Dum sacrum Oleum ad infirmos deferatur, Custos superpelliceo indutus lumen præferat, non etiam nolam sonantem.

CAPUT VII.

Prohibemus Pastoribus, ne in hebdomada S. antiquum Oleum sacrum & Chrisma comburant, priusquam no-

vum receperint, ne quis, si aliter fiat, absque hujus Sacramenti perceptione & fructu e vivis excedat.

CAPUT VIII.

Administraturus hoc Sacramentum ægroto, explicet fructus & effectus ejus a D. Jacobo Apostolo expressos.

CAPUT IX.

Indignum est, tum demum de testamento condendo cogitari, cum infirmus muniendus est Sacramentis, & coram pacis Principe in Mysterio Eucharistiæ præsentem, de bonis temporalibus difficultates, rixas, & jurgia inter hæredes & legatarios concitari: Ideo serio monemus omnes animarum Curatores, ut, antequam cum Venerabili Sacramento ægrotum adeant, eum ad bonorum dispositionem tempestive inducant, quo sic animo paciori Sacramenta recipere mereatur.

CAPUT X.

Cum autem multis in Diœcesis nostræ locis pravus ille mos inoleverit, ut cadaver defuncti pridie quam ad sepulturam deferatur, a vicinis adolescentulis utriusque sexus, vespere & nocte tota custodiri soleat: qua occasione multæ levitates, petulantia, lascivia, & aliæ enormes impertinentiæ committi consueverunt; quæ omnia indigna sunt Christiano, eo præsertim tempore, quo is cadaver custodire videri vult, cujus præsentia ad mortalitatis suæ recordationem excitetur: Præcipimus Pastoribus, ut serio tales nocturnas vigiliæ, aut custodias impediant, doceantque expedire magis defunctum ab una, aut altera gravi persona custodiri, quæ preces pro anima ejus ad Deum fundat, quam specie probitatis tot scandala committit. Contravenientes etiam volumus Curia nostræ insinuari, graviter puniendos.

TITULUS IX.

De Sacramento Ordinis.

CAPUT I.

Accurate complexa est Sancta Tridentina Synodus Generalis, & utraque Provincialis Mechliniensis, quæ
in

in suscipiendis Ordinibus requiruntur. Quare ordinandos duximus admonendos, ut idem studium in exequendo præsentent, quod in præcipiendo adhibitum esse omnes intelligunt, sequentia breviter exprimentes.

CAPUT II.

Ad minores Ordines admittendi, a Parocho & Magistro Scholæ, in qua studuerunt, probitatis & literaturæ testimonium habeant: Ad singulos autem majores promovendi, feria quarta, vel quinta ante ipsam ordinationem tempestive in civitate, aut loco, ubi Ordines conferentur, adsint super ætate, vita, doctrina, proclamationibus, natalibus, nec non valore Beneficii, patrimonii, pensionis (cujus titulo intendunt ordinari) a Nobis, seu Deputatis examinandi.

CAPUT III.

Et ut Clericus sæcularis sacris Ordinibus iniciandus, ante docere debet sibi provisum esse de titulo sufficienti, Beneficiali, vel patrimoniali, & insuper jurare, quod titulum illum, quem pro futura sua promotione exhibet, vere possideat: ita etiam Clericus regularis testimonio sui Superioris ante docere debet, se Religionis, cui adscriptus est, professionem emisisse: Et insuper jurejurando affirmare, se eam sponte fecisse, aut ratam habuisse, illudque in registro ordinandorum diserte exprimitur.

CAPUT IV.

Ordinibus sacris insigniendus examen subeat, quantum possit in horariis precibus recitandis: Ordinatus vero sciat se obligatum ad istas preces quotidie persolvendas sub pœna peccati mortalis, & si Beneficiatus est, amissionis insuper fructuum illius diei, quo Officium non implevit.

CAPUT V.

Ordinati Sacerdotes intra quadraginta dies, juxta antiquam consuetudinem Primitias celebrent.

CAPUT VI.

Ordinandi titulo patrimoniali copiam ejus authenticam penes nostrum Secretarium relinquunt. Idemque fiat

Tomus IX. Concilior. German.

de præsentationibus Capitulorum & Monasteriorum.

CAPUT VII.

Cum omnia Christianorum convivia frugaliter & honeste esse deceat, & sobrietatem sapere, tum ejus præcipue, qui Primitias celebraturus est; Ideoque ad evitandum immoderatum luxum, & ea, quæ luxum comitari solent, pericula, insolentias, cædes, &c. omnemque immodestiam & confusio-nem: Mandamus, ut Sacerdos primitus Sacris operaturus, non plures, quam quinquaginta convivis invitari patiatur, sub pœna quinquaginta florenorum Seminario applicandorum, & alia arbitraria.

CAPUT VIII.

Ad tollendum quoque abusum, qui apud nonnullos frequens esse solet, ut videlicet oblationes ad Primitias conferri solitæ, in ædibus privatis super mensam communem reponantur, manifestando palam, quod quisque obtulerit, unde varia incommoda oriri notum est: districte mandamus, ne præfactæ oblationes alibi, quam in templo super altare sacrum fiant, ut non in necessitate sit munus offerentium, sed ex libera voluntate, & pia erga Sacrificantem charitate proficiatur, sub pœna oblationum, & alia arbitraria.

CAPUT IX.

Denique nemo nostræ Civitatis aut Diocesis ad primam Tonsuram, aut Ordines coram alieno Episcopo præsentetur, nisi de speciali nostra licentia literatorie obtenta: Neque etiam, qui alterius Diocesis est, absque sui Diocesis literis dimissorialibus Nobis præsentetur.

TITULUS X.

De Sponsalibus, & Sacramento Matrimonii.

CAPUT I.

DOcet quotidiana experientia Matrimonia temere & præcipitanter contracta infinitas parere difficultates, & infelices sæpe exitus sortiri; ideo recte ordinatum est, ut Sponsalia de futuro, quæ Matrimonii quædam præ-

E c

ludia

ludia sunt, præmittantur. Quæ cum a Sacro Concilio Tridentino intacta sint, & relicta in dispositione & terminis juris communis, præterquam quod per copulam carnalem non transeant in Matrimonium, certum est ea valida esse, & servari debere, etiamsi coram Parocho & testibus contracta non fuerint: & cum multi aliter perperam sentiant, error ille a Concionatoribus & Confessariis debita opportunitate extimatur.

CAPUT II.

Volumus nihilominus, & stricte præcipimus ad evitandas varias difficultates, ut ea non nisi coram duobus testibus & proprio Parocho, (cujus est Matrimonium celebrare) deinceps contrahantur: non in privatis ædibus, multoque minus in diversoriis, sed in loco sacro. Qui contra tenorem hujus nostri Statuti Sponsalia de futuro contraxerint, incurrant poenam trium florenorum irremissibiliter solvendum, & mensæ Sancti Spiritus loci applicandorum: Ipse vero Parochus, aut Sacerdos, si ejusdem nostræ ordinationis violator extiterit, poena duplici & suspensionis a Divinis puniatur: Cui etiam stricte inhibemus, ne proclamationes super Sponsalibus aliter, quam prædictum est, contractis, aut ad Matrimonii solemnizationem procedat, nisi illa præscripto modo iterentur.

CAPUT III.

Ebriis Sponsalia contrahere volentibus Pastor operam suam non impendat: Inquirat etiam de consensu parentum, quos si sponsalibus oblectari videt, non temere procedat: sed liberos moneat, ne pietatem erga parentes deserant, sed eorum consilio & arbitrio ineant conjugia: Malintque Jacob virum electum, quam profanum Esau imitari, quem scriptura uxores duxisse, scribit, quæ offenderant animum Isaac. Neque tamen parentes iras gerant irreconciliabiles, sed attenta liberorum humilitate & petita venia, bonoque regimine, benigne eos in gratiam recipiant. Quod a Parochis ex Ambr. Ep. 43. poterit pulchre doceri.

CAPUT IV.

Moneantur identidem Parentes, ne per vim filios adigant ad hoc, illudve Matrimonium, & irrita esse etiam Sponsalia de futuro, quæ per parentes sine liberorum consensu expresso, vel tacito contrahuntur: Ideoque declarent contracturi, an libere, an coacte consentiant.

CAPUT V.

Etiam si Desponsi rudimenta Religionis ignorantes, ob id a Matrimonio contrahendo arceri non debeant, Parochi tamen suaviter & bono modo, quando contrahentes non instabunt, brevi tempore eos retinere poterunt, donec doctrinam necessariam addiscant. Et hoc observari præstat.

CAPUT VI.

Grave est peccatum, quod post contracta Sponsalia Desponsi se carnaliter cognoscant, antequam legitime Matrimonium contraxerint, ideoque Parochus Sponsalia contrahentes admoneat, ut ad periculum incontinentiæ evitandum intra sex septimanas, nisi obsit impedimentum, ad Matrimonium procedant. Et si præscripto tempore non processerint, eos Curia nostræ insinuet, simulque mandet, ut ante Sacerdotalem Benedictionem in templo suscipiendam, sub eodem testio non cohæbent, sub poena arbitrio nostro infligenda.

CAPUT VII.

Antequam Sponsi ad solemnizationem admittantur, ter a proprio contrahentium Parocho tribus Dominicis, aut Festivis diebus discontinuis in Ecclesia publice denunciarentur, nisi per Nos, vel Sigilliferum nostrum ex causa desuper dispensatum fuerit. Semper autem inter ultimam proclamationem & Matrimonii solemnizationem, unus saltem dies intercedat.

CAPUT VIII.

Mandamus proinde Parochis, ut, quando aliquos ad contrahenda Sponsalia admittunt, diligenter ab eis exquirant nomina, cognomina, Parentes, & patriam utriusque, & sub qua Parochia pro majori parte vitæ, maxi-

me post pubertatis annos, si adolescentes sint, si vero aliquando conjugati fuerint, post mortem conjugum habitaverint: & veritate rei probe intellecta, illis exponant, quo in loco, vel in locis eorum proclamationes fieri oporteat, & quibus attestationibus indigeant, antequam ad Matrimonii celebrationem procedere possint: declarando, quod ubi septem annis post pubertatem, vel mortem conjugum habitaverint, ibi proclamationes fieri debeant. Quod si forte quatuor annis, vel circiter in una, & tribus, vel quatuor in alia Parochia habitaverint, eo casu in utraque proclamatio fieri debeat.

CAPUT IX.

Quandocumque Matrimonium contrahentes, sunt diversarum Dicecesium, Decanatum, aut Parochiarum, id observetur, quod in posteriori Concilio Provinciali (g) ordinatum est, ad quod Lectorem remittimus.

CAPUT X.

Si quando super una trium proclamationum a Nobis dispensetur, eo die, quo posterior reliquarum duarum facta fuerit, Matrimonium contrahi prohibemus. Idemque multo magis servetur, quando unica tantum proclamatio facienda est, reliquis duabus a Nobis remissis.

CAPUT XI.

Admoneant sedulo Parochi Matrimonio copulandos, ut juxta Concilium Tridentinum (h) antequam contrahant, vel saltem triduo ante Matrimonii consummationem sua peccata confiteantur, pieque communicent: & ipsi Parochi non nisi confessos saltem ad solemnizationem Matrimonii admittant sub pœna arbitraria.

CAPUT XII.

Laudabilis est consuetudo nostræ Dicecesis, quod Matrimonia & in Ecclesia, & inter Missarum solemnias contrahantur. Quare cum (i) Concilium Tridentinum ejusmodi consuetu-

dines retineri optet: Præcipimus, ne quis absque speciali licentia ei contravenire audeat, aliqui arbitrio nostro graviter puniendus.

CAPUT XIII.

Verum cum experientia didicerimus quosdam Parochos in dignoscendis Matrimonii impedimentis parum esse versatos: serio ab iis requirimus, ut attendant, quod in Concilio Trid. (k) de cognationis spiritualis ex Baptismo & Confirmatione contractæ, & justitiæ, publicæ honestatis impedimenti recte præscriptum est: caveantque sub pœna suspensionis ab officio & beneficio, ne quos sciemer ad Sponsalia aut Matrimonium admittant, qui sibi consanguinitate, vel affinitate juncti sunt, & invicem atinent: nisi ea affinitas ex fornicatione ortum habeat, quæ tum ultra secundum gradum, juxta ejusdem (l) Concilii Tridentini ordinationem, Matrimonium non impedit. Reliqua vero Matrimonii impedimenta, qualia sunt inter cætera: Frigiditas, votum solemne, Sacer Ordo, crimen, cultus disparitas, error personæ, vis seu coactio, ligamen ex Canonibus & Summistis quærenda relinquimus. Quæ omnia, cum non solum Matrimonium impediunt, sed etiam dirimant contractum, diligenter a Parochis observari volumus sub gravissimis pœnis nostro arbitrio imponendis.

CAPUT XIV.

Qui falsum impedimentum sciens, prudensque attulerit, quo Matrimonium futurum impediatur: quique verum impedimentum sciens reticuerit, excommunicationis pœna, aliaque arbitraria castigetur.

CAPUT XV.

Qui quarto & quinto consanguinitatis, vel affinitatis gradu juncti sunt, cum citra dispensationis beneficium liceat contrahere possint, nemo illis de super difficultatem moveat.

CAPUT

(g) De Sponsal. & Sacram. Matrim. cap. 3.

(i) Ibidem. (k) Ibidem capite 2.

(h) Sess. 24. de Reform. cap. 1.

(l) Ibidem capite 4.

CAPUT XVI.

Statuimus, ut si futuro Matrimonio se quispiam opponat, aut Canonicum impedimentum denunciaret, aut etiam dubium sit & controversum, an Matrimonium de jure subsistat, nec ne, non prius per Parochos ad ultiores proclamationes procedatur, quam re ad Nos, vel Officiale nostrum delata: & quid de ea fuerit ordinatum, per patentes nostras literas ipsis legitime constiterit. Nec permittimus Parochis, ut de causis hujusmodi oppositionis, justane sint, an injuste, cognoscant, aut de illis inquirent, sed volumus id totum nostro, vel Officialis nostri judicio relinquere. Ipsi vero Parochi denunciatores impedimenti, ac desponsos coram Nobis, ac dicto Officiali nostro ad certum diem ad allegandam oppositionis causam citare, illisque literatoriam attestationem hujusmodi citationis cum causæ declaratione concedere teneantur.

CAPUT XVII.

Præterea, si post oppositionem super futuro Matrimonio semel factam, partes inter se convenire, & impedimenti denunciatores in ultiores proclamationes, aut Matrimonii celebrationem consentire contingat: non tamen ob id Parochus ad Matrimonii hujusmodi contractum procedat, donec illi auctoritatem nostram ea in re intervenisse, literatorie significatum fuerit.

CAPUT XVIII.

Similiter non permittimus, ut Pastores consentiant, si qui legitima Sponsalia contraxerint, se mutuo a facta promissione futuri Matrimonii absolvant: sed illos volumus Curia nostræ denunciari.

CAPUT XIX.

Quoniam autem intelligimus Parochos quosdam in solemnizatione Matrimonii nullam facere distinctionem inter primas nuptias & secundas: statuimus, ut secundum laudabilem Ecclesiæ consuetudinem, & doctrinam secundæ nuptiæ non benedicantur, sicut primæ benedici debent.

CAPUT XX.

Decretum (m) Conc. Trident. de Matrimonii annullatis alter contraetis, quam coram proprio Parocho vel alio Sacerdote de ipsius Parochi, seu Ordinarii licentia & duobus testibus sæpe populo inculcetur, & Archipresbyteri in visitatione serio inquirent, num id præacticum sit: & in actis singularum Ecclesiarum annotent, an sit huic mandato satisfactum, & inobedientes puniri queant, & eorum defectus suppleri: nec patiatur Parochus quempiam cujusvis gradus & conditionis hominem, qui sibi ignotus in suam Parochiam ex aliena Diocesi commigrat cum muliere, quam secum uxoris nomine duxerit, in ea habitare, si modo ex infamia, vel alia suspitione legitima conjicere possit, illam habere in concubinam, nisi sufficienter probaverit, se illi legitimo connubio conjunctum esse.

CAPUT XXI.

Sciant etiam Parochi, non sufficere licentiam proprii Pastoris solum præsumptam: ut non suos Parochianos Matrimonio conjungere possint; quemadmodum id sacra Congregatio declaravit.

CAPUT XXII.

Cum ex longa conjugis absentia non resulet certitudo de ejus obitu, & mors non præsumatur: sed probanda sit (quilibet enim vivere præsumitur) ad secundas nuptias transire volens Matrimonio non jungatur, nisi habita prius legitima certitudine mortis prioris conjugis, etiam si non septem tantum, ut multis persuasum est, sed & viginti, triginta, aut plures etiam annos abfuisse constiterit.

CAPUT XXIII.

Favore prolis superstitis concedimus, ut absque debitis solemnitatibus, etiam nulla proclamatione facta, in duorum testium præsentia concubinam cum viro, non sine periculo mortis ægrotante, Matrimonio jungat Parochus: sed si forsitan convalescit, proclamationes fieri volumus, & jubemus, nisi aliter Nobis faciendum videatur.

CAPUT

(m) Sess. 24. de Reform. cap. 1.

CAPUT XXIV.

Propter evidens salutis animarum periculum Pastores sapius in concionibus significant, præter legem naturalem & Divinam esse etiam Ecclesiæ prohibitionem, ne fideles cum hæreticis Matrimonia ineant, ejusque impedimenti rationem habeant singularem. Quomodo enim potest congruere charitas, si discrepat fides? cum verum sit illud Hieronymi: *Nusquam fidus affectus, ubi diversa fides*; pro hac materia legant Parochi insignem D. Ambrosii Epist. ad Virgilium Episcopum Tridentinum.

CAPUT XXV.

Præterea, ut Sacramento Matrimonii suos honores conservetur, ineptas illas consuetudines, in quibusdam locis nostræ Diœcesis introductas, de Sponso post Sponsalium, & Matrimonii contractum magna cum petulantia & Sacramenti dehonestatione, manibus rundendo, eodemque Sponso & Sponsa, dum finito Sacro apud altare flexis genibus sub Missali procumbunt, attollendis, abrogamus sub pœna unius floreni a transgressoribus irremissibiliter exigendi, & mentæ Sancti Spiritus loci applicandi, aliaque arbitraria.

CAPUT XXVI.

Similiter, quia nonnullis in locis dictæ nostræ Diœcesis mos iste per abusum irrepsit, ut adolescentes cerevisiam, aut illius loco pecuniam, quam ipsi *Dorf-gelt, Bal-gelt, Schat-gelt*, appellant, a desponsis exigant, unde contentiones & pugnæ cum magna Sacramenti irreverentia non raro oriuntur: Mandamus sub simili pœna, ne id deinceps a quoquam fiat, requirentes serio locorum Magistratus, ut eadem sub similibus vel majoribus pœnis prohibeant.

CAPUT XXVII.

Quod item in Concilio Tridentino (n) de tempore clauso durante ab Adventu Domini, usque ad diem Epiphaniæ, & a feria quarta Cinerum, usque in octavam Paschæ inclusive: & de Matrimoniis, nuptialibusque con-

viviis, & choreis, & similibus insolentis dicto tempore in utroque Mechliniensi Concilio prohibitum est sub pœnis arbitrariis, id inviolabiliter volumus observari: mandantes Parochis, ut si a quoquam huic Statuto contraventum fuerit, id ad Nos, vel nostrum Promotorem deferatur.

CAPUT XXVIII.

Districte quoque inhibemus sub pœna arbitraria, ne ulli conjuges auctoritate propria, non intercedendo Ecclesiæ judicio, etsi subsit causa legitima, & jure permissa, divortium attemptent, aut se mutuo repudient, aliquosque contractus, aut vota de seorsum vivendo inire præsumant: si autem secus a quoquam fiat, id Nobis, aut Officiali nostro per Parochos denunciatur.

CAPUT XXIX.

Denique meminerint Pastores frequenter docere populares suos tria in Matrimonio novæ legis bona, secundum B. Augustinum reperiri (o) Fidem, prolem & Sacramentum, Fidem quidem, quæ jus conjugii conservet indissolubile, prolem, ut Dei beneficio suscepta mutua benevolentia nutriatur, religiosèque instituatur: Sacramentum autem, ut exemplo Christi & Ecclesiæ connubii indivisibilitate retineatur.

TITULUS XI.

De Cultu & Officio Divino.

CAPUT I.

Quod a Nobis Pastoralis officii ratio postulat, hoc exoptamus, ut omnes nostræ Episcopali curæ subiecti in Divino cultu & officio uniformes sint, & unitatem semper observent. Quare omnia, quæ de cæremoniis ac ritibus Ecclesiasticis in Tridentino & Mechliniensibus (p) bene decreta sunt, ea, tanquam hic inserta, mandamus exacte observari, iis, quæ sequuntur, superadjecis.

CAPUT II.

Sicut una est Christi Ecclesia, sic omnia Ecclesiæ membra unitatem servare

Ee 3

(n) Sess. 24. cap. 10.

(o) Lib. 1. de Nupt. & concup. cap. 11. & 17.

(p) Sess. 24. cap. 12.

vare necessum est; maxime autem in Sanctissimo Corporis & Sanguinis Christi Mysterio. Quare ante omnia prospiciendum iudicamus, ne privatis affectibus ducti Pastores, aut alii Sacerdotes, aliis cæremoniis ac ritibus in Missa utantur, quam in Missali Romano præscribuntur, sed tremendum illud Missæ Sacrificium reverenter, pie & devote ab iis peragatur.

CAPUT III.

Cum in Synodo Mechliniensi ultima (g) statutum sit, ut in Capitulis tam Collegiatis, quam Cathedralibus, ac singulis Decanatibus, cujuscunque Diocesis aliqui depurentur cæremoniarum ac rituum Romanæ Ecclesiæ periti, qui Primitias celebraturos dictis cæremoniis, ac ritibus devoto instruant. Et deinceps nemo sæcularis Sacerdos Primitias celebrare præsumat, nisi ab aliquo ex dictis Deputatis easdem cæremonias & ritus se perfecte didicisse, Capitulo, vel Archi-Presbytero, cui subest, testimonio Instructoris sui debite probaverit sub pœna arbitraria: Volumus, & ordinamus, ut Capitula eosdem quamprimum; Archi Presbyteri vero in primo Capitulo Pastorum celebrando designent.

CAPUT IV.

Ut autem omnis irreverentiâ circa Missæ Sacrificium evitetur, ante omnia quod ad hanc rem attinet, quæcumque Sacrum Oecumenicum Concil. Trident. (r) statuit, observari mandamus, atque omnibus modis interdiciamus, ne quis vagus, aut peregrinus Clericus, aut Sacerdos, etiam Regularis, sine commendatitiis sui Ordinarii literis ad Divina celebranda, & Sacramenta administranda, aut etiam ad prædicandum verbum Dei, admittatur: Tenebuntur autem Pastores eas literas exigere sub pœna in negligentes nostro arbitrio statuenda.

CAPUT V.

Ne ex Sacerdotum sordibus res, quæ Sacrosancta est, in contemptum abeat, maledictus namque, qui opus Dei facit negligenter, volumus & or-

dinamus, ut, dum Sacrificium Missæ offertur, numquam sebaceis folis, sed & cereis candelis, iis ad minimum duabus utantur secundum festi solemnitatem augendis, vasis & ornamentis, calice, patena, corporali, palla, vestibus sacris utantur mundis, & integris. Integre etiam absque Symboli Apostolici, Præfationis & Orationis Dominicæ per organa, aut chorum abbreviatione celebretur & decanetur. Organis, aliisque instrumentis ita psallatur, ne modulatione lascivas cantiones imitentur: & ea, quæ voce canuntur, procul ne sint a mente.

CAPUT VI.

Cum inter Christianæ Religionis mysteria Missa magnam contineat populi Christiani eruditionem, ut populus eorum, quæ in ea leguntur, ex verbo Dei notitiam, ac gustum aliquem habeat: injungimus Parochis, & quibuscumque Sacerdotibus, ut eam clare, distincte & exacte legant, usque ad Offertorium; Secreta vero & Canon submisso pronuntientur, nihilque in eis, etiam pietatis, vel devotionis prætextu, unquam addatur, vel mutetur.

CAPUT VII.

Ubi is abusus irrepsit, ut, ubi a pluribus simul in eodem templo ad diversa Altaria sacrificatur, populus ab Altari ad Altare ad Sacræ Hostiæ elevationem discurrat, ut ad Orationem Dominicam, vel etiam ad pacem datam, sicut plerisque moris est, perinde ac si absolutum esset Sacrificium, Templum egrediatur, plane tollendus est: In Templis etiam nunquam circumambulent, uti nec in Cæmeteriis, præsertim sub Divino Officio, donec ad Hostiæ Elevationem signum datur, quæ longinquo conspecta intermissæ tantisper inambulationes ne resumantur, ut populi etiam distractioni occurratur, pauperes per Ecclesias elemosynas petere non permittantur.

CAPUT VIII.

Cum in ultima Mechliniensi Synodo statutum sit, (s) ut in omnibus Provinciæ pagis Missa Parochialis Dominici

(g) De cultu Divino. cap. 18.

(s) De cultu Divino. cap. 16.

(r) Sess. 22. Decret. de evit. in celebr. Missæ.

cis & Festis diebus, certa & eadem hora semper fiat, quacumque ratione in contrarium non obstante sub pena arbitraria: Volumus & ordinamus, ut in omnibus Ecclesiis Parochialibus, non Collegiatis, Missa, quam Summam vocamus, diebus tam Dominicis & Festivis, quam Ferialibus, in hyeme quidem hora nona, in æstate vero hora octava; Missa autem matutinalis in hyeme hora sexta, in æstate hora quinta peragatur. Qua finita, solliciti sint Pastores, ut pauperes mendici, famuli, ancillæ, arque alii mechanici catechizentur & erudiantur in his, quæ sine salutis suæ periculo ignorare non possunt. Caveant Sacerdotes, ne tempore concionis hujus matutinæ, sive etiam Pastoralis audeant Missam legere, ne hac occasione auditores a catechisatione audienda avocentur.

CAPUT IX.

Ut major sit populo serviendi Deo quotidie occasio, curabunt Pastores, aut eorum vices gerentes, ubi magna est Missarum frequentia, ut per singulas horas, aut semihoras Missa fiat; sic enim & Mysteriis major redibit reverentia, & populo erit gravior ad Templum veniendi occasio. Idipsum & in Monasteriis fieri optamus, ne simultanea illa plurimorum Celebrantium turba decori domus Dei, aut Mysteriorum venerationi & gravitati aliquid decedat; sed omnia ordine, ac summo cum decore, dignitateque fiant in Dei Ecclesia.

CAPUT X.

Romana Catholica Ecclesia non sine gravi & iusta ratione singulis diebus Dominicis, ac Festis, singula ac peculiaris appropriavit officia: quare ordinamus & statuimus, ut non obstante contraria fundatione aut institutione, quæ Ecclesia peculiaris ordinavit, singulis Dominicis Officia celebrentur & observentur.

TITULUS XII.

De Festis & Jeuniis.

CAPUT I.

Dies Festi Deo colendo, pietatique augendæ & fovendæ instituti,

etiam sanctis exercitiis sanctificentur & transigantur solito plenius & accuratius.

CAPUT II.

Improbæ hominum cupiditati modum ponere volentes, serio prohibemus, ne imposterum in locis nostræ jurisdictioni subiectis, diebus Dominicis, aut aliis Ecclesiæ festivitibus mercatus (nisi forte earum rerum, quæ ad usus quotidiani victus necessariæ sunt) exerceantur; aut ne subditi nostri ulli operi servili, quod sine evidenti periculo differri potest, manum admoveant, uti panno laneo, vel lineo lavando, aut dealbando, aut tingendo; oves & boves mactando, aut saliendo: merces etiam suas dictis Festis ante fores, vel in fenestris domorum, vel alibi venales non exponant. Transgressores autem hujus nostræ ordinationis, Pastores, & animarum Curatores Nobis, aut Officiali, seu Promotori nostro denuncient, arbitrio nostro pro qualitate delicti graviter puniendos. Officiali nihilominus & Promotori nostro injungimus, ut in tales, etiam non moniti a Pastoribus, inquirant.

CAPUT III.

Ut populus Dei, a rebus vanis, otio & computationibus ad salutaria suæ salutis æternæ negotia revocetur, & ad preces præsentissima pietatis ac spei cælestis fomenta frequentius excitetur, ac frequenter: Hortamur in Domino Pastores omnes, & obsecramus, ut Festis diebus cultum Dei in Templis potissimum a prandio instaurent, & Vesperas suo cum Custode & Scholasticis celebrare studeant: post Vesperas vero Catechizationem instituant pro juventute, ut adolescentiores in doctrina Christiana diligenter educati, & instructi, a vitiis & multis aliis erroribus retrahantur: Breve Apostolicum PII Quinti super hac re sæpius publicent, in quo hortatur locorum Ordinarios, ut in suis Civitatibus & Dicecesibus Ecclesias, seu alia loca, in quibus pueri in doctrina Christiana erudiri debeant, deputent, cum facultate Christi Fidelium confraternitates in Ecclesiis, seu locis hujusmodi erigendi, ac indulgentiis pro Confratribus & pueris docentibus.

CAPUT

CAPUT IV.

Sicut ab omni illicito opere Dominica die & Festis abstinendum est; ita prohibemus sub pœna trium florenorum, ad usum Ecclesiæ applicandorum, omnibus Oenopolis ac Tabernariis, ne iisdem diebus tempore, quo Divinum Officium peragitur, aut verbum Dei prædicatur, pro ullis, nisi viatoribus cenopolia, aut tabernas aperiant; volentes etiam omnes & singulos, qui prædicto tempore tabernas & cenopolia potandi, aut aleis, chartis ludendi causa frequentaverint, eandem pœnam qualibet vice incurrere.

CAPUT V.

Similiter prohibemus, ne iisdem diebus Scholæ gladiatorum, aut tripudiorum aperiantur; aperientes & frequentantes, iisdem pœnis subijciendi: Histriones etiam, comœdi, empyrici, sive erronei & impostores non admittantur ad agendum, seu exhibendum: requirentes Magistratus locorum, ut eadem etiam prohibeant sub pœnis ipsorum arbitrio imponendis, in quibus præstandis eo magis Magistratus Catholici desideramus officium, quod ad magnam Catholicorum confusionem, quid in his a vigilanti Magistratu servari possit, odiis, ac inimicitiiis incensa æmulatione ostendant, ubi rerum potentiuntur hæretici.

CAPUT VI.

Qui autem sint dies Festi, quibus in hac Dicecesi ab opere servili cessandum est, standum est Statutis Concilii Mechliniensis, ac consuetudini singularum Parochiarum, in quibus festum Patroni celebratur.

CAPUT VII.

Festum Cathedralis S. Petri, vel festum Sancti Matthiæ in diem Cinerum incidens, in diem sequentem tam in populo, quam in Ecclesiis celebrandum transferatur: si vero festum Matthiæ incidat in feriam tertiam post Dominicam *Quinquagesimæ*, jejunium servetur Sabbato immediate præcedenti, insequentibus ea in re antiquam desuper observatam consuetudinem.

CAPUT VIII.

Jejunia ab Ecclesia indicta reverenter observari volumus, admonendusque populus, cur sint instituta, nempe in expiationem, castigationemque peccatorum, & ut corpus per intemperantiam cibi ac potus luxurians, castigetur, in servitutem redigatur, quo animus vegetior, ac liberior Divinæ voluntati sese subjiciat.

CAPUT IX.

Vigiliæ singulis annis per nostram Dicecesim Buscoducensem ab universis pro rata, ac ratione suæ ætatis, nec legitime excusatis sub periculo peccati mortalis jejunandæ, in locis ab Ultrajectensi & Leodiensi Ecclesiis dismembratis præter Quadragesimam & quatuor anni tempora sunt Vigiliæ Pentecostes, Nativitatis S. Joannis Baptistæ, & omnium Apostolorum (præter vigiliis Ss. Philippi & Jacobi, & B. Joannis Evang.) Sancti Laurentii Martyris, Assumptionis Beatæ Mariæ Virginis, omnium Sanctorum, & Nativitatis Domini: quibus postremis tribus vigiliis a lacticiis ex observata & antiqua consuetudine abstinendum esse mandamus.

CAPUT X.

Ut Pastoribus, & animarum Curatoribus, aliisque nostris subditis augendæ pietatis demus occasionem: mandamus & injungimus, ut in iisdem illis locis illam laudabilem consuetudinem jejunandi pridie festorum Deiparæ Virginis Mariæ solemniter celebrari indictorum receptam servent, populo publicent, ut piam consuetudinem observent.

CAPUT XI.

Cum uno, eodemque Ecclesiæ Dei præcepto omnibus feriis sextis & Sabbatis, uti & toto Quadragesimæ tempore, carniū esus interdictus sit; districte inhibemus, ne quis etiam Sabbatis intra Natalem Domini, & Purificationem Beatæ Mariæ Virginis occurrentibus esum carniū attentare præsumat, aut viatoribus, etiam alterius Dicecesis proponat.

CAPUT XII.

Quod a THELESPHORO Papa olim decretum fuit, ut Clerici aliquot dies jejunando Laicos excederent: volumus & mandamus omnes Clericos Nobis subiectos feria secunda & tertia ante carnisprivium, carnibus abstinere, ut ita religiosæ vitæ exemplo Fideles ad observantiam sacrorum Canonum, & præceptorum Ecclesiæ inducant.

TITULUS XIII.

De Superstitione.

CAPUT I.

Varia genera Divinationum recensens Scriptura demonstrat, non solum condemnandam esse eam Divinationem, ubi expresse Dæmon invocatur, ut fit in necromantia, & consultatione Pythonis; sed etiam eam, ubi tacite dumtaxat, advocatur, ut fit in auguriis, ubi ex garritu, vel volatu avium prædicuntur futura.

CAPUT II.

Neque vero hi solum, qui prædictis superstitionibus & maleficiis dant operam, gravissime peccare censendi sunt, sed & illi, qui in ejusmodi rebus talium hominum auxilium implorant, sollicitant, pecunia redimunt, eosque super amissis rebus, aut occulta veritate cognoscenda, vel solvendis maleficiis consulunt. Quare ad excludendos abusus nemo, exceptis Archi-Presbyteris, sine nostra licentia in scriptis obtemperare præsumat, sub pena arbitraria.

CAPUT III.

Ut detestabili superstitionum, & illicitarum divinationum, artiumque magicarum studio certius occurratur: prohibemus omnes & singulos libros, opera & tractatus astrologiæ judicariæ, qui de futuris contingentibus, successibus, fortuitivis casibus, aut iis actionibus, quæ ab humana voluntate pendent, certi aliquid affirmare audent; in hisque omnibus servetur Bulla SIXTI V. anno 1585. edita, contra exercentes astrologiæ judicariæ artem, prout & in ultima Mechliniensis Synodo declaratur Tit. *de Superstitione*, eaque om-

Tomus IX. Concilior. German.

nia ab ea ibidem ordinata, hic pro infertis habeantur.

TITULUS XIV.

De vita & honestate Clericorum.

CAPUT I.

Vehementer Ecclesiam Dei destrueret, si Laici meliores essent, quam Clerici; Quare ut vere Clerici sint, & peculiari quadam ratione Dominum possidentes, & a Domino possessi, terrenis cupiditatibus & voluptatibus non deserviant; cujus eos admonet regale decus Clericalis Tonsura Christi Domini Regis nostri, nostræque militiæ & immarcescibilis gloriæ insigne, quam omnes Ordini & gradui suo convenientem, perspicue gerant, eamque sæpius renovent. Nulli barbam nutriant, aut eam gestent alutam, aut ultra supremum labrum in os propendeat, ne Corpus & Sanguinem Dominicum accepturi in peccatum irreverentiæ incidant.

CAPUT II.

Vestibus utantur coloris dumtaxat nigri, aut subnigri, non dissectis, non etiam superfluo cultu ornatis, aut aliqua levitate, vel singularitate notandis, sed quæ Clericalem modestiam præse ferant; Ab odorum suavitatibus se contineant: eorumque fumis, nec vestes, nec corpus imbuant.

CAPUT III.

Veste non utantur, nisi Clericali & talari, nisi forte itineris causa. Nec larvati, aut personati unquam publice, aut privatim conspiciantur. Delinquentem pro prima vice duorum mensium fructibus Beneficii sui privamus; quod si contumacia meruerit, carceris etiam poenæ subjiçiat.

CAPUT IV.

Tabernas non adeant, nisi sola itineris causa. Computationes quoque pomeridianas, vel domi suæ, vel apud alios, & consortium quorumvis intemperantium, & male moratorum studiose declinent. Choreas non ducant aut saltent; Taxillis, aleis, multo minus gladiis, hastis, sclopis non ludant.

F f CAPUT

CAPUT V.

Non conducant alienos agros, nec eos quæstus causa colendos accipiant, neve cujusvis personæ domus, aut familiæ secularis patrocinium, tutelam, curam, aut administrationem suscipiant. Quomodo enim, inquit D. Hieronymus, (†) Procuratores & Dispensatores domorum alienarum atque villarum esse poterunt Clerici, qui proprias jubentur contemnere facultates.

CAPUT VI.

Nulli suspectam cum muliere consuetudinem habeant, de qua quis monitus, si non reliquerit, juxta Decreta Canonum & Concil. Trident. rigoroſe puniatur. Reliqua omnia generaliter quæcumque in Generali Tridentino & postremo Mechlinienſi Conciliis de luxu, incontinentia, lusu, ac aliis quibuscumque vitiis vitandis sancita, ac salubriter constituta sunt, eadem omnia sub iisdem pœnis, tanquam hic repetita, servari mandamus.

TITULUS XV.

De Ministris Ecclesiæ, & eorum Residentia.

CAPUT I.

SCiant omnes, qui Divinis mancipati sunt Officiis, se ideo de Altari vivere, & populi peccata comedere, ut Officium Ecclesiasticum pure & strenue peragendo, totius humani generis apud Divinam Clementiam causam agant, totiusque congemiscantis Ecclesiæ vota, preces & laudes Deo offerant.

CAPUT II.

Quare mandamus omnibus Beneficia, vel Officia Ecclesiastica in hac nostra Dicecesi obtinentibus, aliisque in sacro aliquo Ordine constitutis, ut Horas Canonicas devote, tractim & attente singulis diebus legant sub pœnis in Canonibus expressis, aliisque arbitrariis; declarantes eos graviter peccare, suoque officio non satisfacere, nec fructus facere suos, qui non per se, sed per alium, aut alias Horas Canonicas, aut alio modo legunt, quam a PIO V. præscriptum est.

CAPUT III.

Quorum fundaciones personalem residentiam requirunt, illi ipsi resideant, aut si neglexerint, ipso facto a proventuum perceptione suspendantur, & adversus eos ad sacrorum Canonum, ac Sancti Concil. Trident. præscriptum procedatur.

CAPUT IV.

Plerique Beneficiatorum suæ obliſi fundacionis altaria sua destructa restituere negligunt, & sic sese a persolusione officii excusare nituntur: Quare mandamus, ut intra tres menses proxime subsequendos omnia altaria instaurata sint, debite instructa atque ornata, prout honestas & loci pietas postulaverit, alioquin impensis eorum, qui ad hoc tenentur, Pastores exequantur.

CAPUT V.

Cum ab omnibus semper judicatum sit ordinem Ecclesiasticum vehementer perverti, quando unus plura occupat Beneficia, certumque sit animarum periculum, præsertim si sine legitima auctoritate & dispensatione fiat; volumus & mandamus, ut omnes plura Beneficia possidentes, ante Natalem Domini Nobis sese præsentent, aut privandi, aut si alterum ad honestam sustentationem non sufficiat, in eo, vel iis tolerandi.

TITULUS XVI.

De Archi-Presbyteris, & eorum Districtu.

CAPUT I.

Cum ex præscripto primæ Synodi Provincialis Mechlinienſis, & vigore Bullæ: *Limitum Episcopatus nostri*, a Prædecessore nostro Reverend. D. METSIO Episcopatus noster in decem Decanatus distributus sit, atque divisus, nempe Civitatensem, Ortensem, Boemelsenem, Beeckenſem, Eyndhovenſem, Ossenſem, Montis Sanctæ Gertrudis, Huesdenſem, Ghelenſem, Helmondensem; hinc est, quod attendentes ejus divisionis & distinctionis commoditatem, eam auctoritate Nobis in dicta Bulla: *Limitum*, data confirmamus,

(†) Epist. ad Nepot.

mus, eamque, prout sequitur, ab omni-
bus Archi-Presbyteris servandam esse
statuamus.

SUB CURA ARCHI-PRESBYTERI
CIVITATENSIS erunt hæ Ec-
clesiæ Parochiales:

- 1. Plebania S. Joannis.
- 2. Ecclesia Parochialis Ss. Apostolor. Petri & Pauli.
- 3. Ecclesia Parochialis Divi Jacobi.
- 4. Ecclesia Parochialis Divæ Catharina.
- 5. Ecclesia Parochialis Baginagii.
- 6. Ecclesia Parochialis majoris Hospitalis, cum universis Sacellis in Civitate Buscoducensi constitutis.

SUB DECANATU ORTENSIS.

- | | | |
|--------------|-----------------|------------------|
| 1. Alem. | 9. Gestel prope | 16. Oostermyck. |
| 2. Berlicom. | Herlaer. | 17. Roosmalen. |
| 3. Boextel. | 10. Gemonde. | 18. Schyndel. |
| 4. Dungen. | 11. Helvoert. | 19. Vlymen. |
| 5. Dyntber. | 12. Haven. | 20. Vucht Sancti |
| 6. Empel. | 13. Heeswyck. | Petri. |
| 7. Essche. | 14. Lyembde. | 21. Vucht Sancti |
| 8. Engele. | 15. Orten. | Lamberti. |

SUB DECANATU BOEMELENSIS.

- | | | |
|--------------|----------------|----------------|
| 1. Aelf. | 6. Driel. | 12. Herwyck. |
| 2. Ameyfoe- | 7. Gamenen. | 13. Nyewael. |
| den. | 8. Herwaerden. | 14. Poderoyen. |
| 3. Boemel. | 9. Hedel. | 15. Rossem. |
| 4. Braeckel. | 10. Hemert. | 16. Swlichem. |
| 5. Brueckem. | 11. Horwenen. | 17. Wel. |

SUB DECANATU BEECKENSIS.

- | | | |
|----------------|-----------------|----------------|
| 1. Arendonck. | 9. Dieffen. | 17. Mierdt su- |
| 2. Beke. | 10. Duyffel. | perior. |
| 3. Bladel. | 11. Eersjel. | 18. Mierdt in- |
| 4. Berse Mo- | 12. Gestel pro- | ferior. |
| nachi. | pe Ooster- | 19. Oirschot. |
| 5. Berse Cano- | myck. | 20. Poppel. |
| nici. | 13. Gboirle. | 21. Ruefel. |
| 6. Bist. | 14. Huisfel. | 22. Tilborght. |
| 7. Cafteren. | 15. Hapaert. | 23. Wyntelre. |
| 8. Neterfel. | 16. Hoogbeloon. | 24. Vesslem. |

SUB DECANATU EYNDHO-
VIENSIS.

- | | | |
|---------------|---------------|---------------|
| 1. Aelf. | 7. Gbestel. | 13. Nedermet- |
| 2. Bergbeyck. | 8. Geldorp. | ten. |
| 3. Bruggel. | 9. Heeze. | 14. Oerle. |
| 4. Blaertbem. | 10. Knechtel. | 15. Roje. |
| 5. Dommelen. | 11. Leend. | 16. Rytboven. |
| 6. Eyndbovia. | 12. Merveldt. | 17. Strathum. |

Tomus IX. Concilior. German.

- | | | |
|---------------|---------------|---------------|
| 18. Stryp. | 21. Tongelre. | 25. Westerbo- |
| 19. Steensel. | 22. Waelre. | ven. |
| 20. Sonder- | 23. Weerde. | 26. Zeelfs. |
| wyck. | 24. Woensel. | 27. Zon. |

SUB DECANATU OSSENSI.

- | | | |
|------------------|---------------|-----------------|
| 1. Berchem. | 10. Herpen. | 19. Nulant. |
| 2. Dieten. | 11. Kessel. | 20. Nistelroye. |
| 3. Demen. | 12. Lith. | 21. Os. |
| 4. Derenberch. | 13. Lithoyen. | 22. Oyen. |
| 5. Doerne. | 14. Loon. | 23. Ruenssteyn. |
| 6. Geffen. | 15. Langel. | 24. Tefelen. |
| 7. Heessche. | 16. Maren. | 25. Uden. |
| 8. Haven. | 17. Megen. | 26. Velpen. |
| 9. Haeffelingen. | 18. Macbaven. | |

SUB DECANATU MONTIS
S. GERTRUDIS.

- | | | |
|---------------|-----------------|-----------------|
| 1. Baerdwyck. | 6. Mons S. Ger | 10. Sevenberge. |
| 2. Besoyen. | trudis. | 11. Smalve. |
| 3. Capelle. | 7. Raemdonck. | 12. Waelwyck. |
| 4. Druenen. | 8. Sprange. | 13. Venloon. |
| 5. Druymelen. | 9. Sgrevenmoer. | 14. Waesbeeck. |

SUB DECANATU HUESDENSIS.

- | | | |
|----------------|-----------------|----------------|
| 1. Autbeusden. | 11. Gbeenderen. | 20. Sleemyck. |
| 2. Alkercke. | 12. Huesden. | 21. Worcom. |
| 3. Aelborch. | 13. Heesbeen. | 22. Veen. |
| 4. Borchoven. | 14. Herpt. | 23. Wyck. |
| 5. Broeck. | 15. Hedickbuy- | 24. Wercken. |
| 6. Doeveren. | sen. | 25. Witwyck. |
| 7. Duffen. | 16. Meeuwen. | 26. Wercken- |
| 8. Eeten. | 17. Neerael. | dam. |
| 9. Emmichoven. | 18. Opael. | 27. Weert-buy- |
| 10. Ghyfen. | 19. Ryfwyck. | sen. |

SUB DECANATU GHEELENSIS.

- | | | |
|-------------|----------------|----------------|
| 1. Balen. | 6. Mol. | 11. Retby. |
| 2. Bel. | 7. Millingben. | 12. Samale. |
| 3. Deßchel. | 8. Oevele. | 13. Tongerloe. |
| 4. Gheel. | 9. Oosterloe. | 14. Westerlo. |
| 5. Loemel. | 10. Postel. | |

SUB DECANATU HELMON-
DENSIS.

- | | | |
|----------------|---------------|----------------|
| 1. Asten. | 7. Erp. | 14. Maerbeeze. |
| 2. Aerle. | 8. Gemert. | 15. Nuenen. |
| 3. Beeck prope | 9. Gerwen. | 16. Rixtel. |
| Aerle. | 10. Helmont. | 17. Stipbout. |
| 4. Bakel. | 11. Lieerop. | 18. Someren. |
| 5. Buedel. | 12. Liesbout. | 19. Veechel. |
| 6. Doerne. | 13. Mierloo. | |

CAPUT II.

Sicut autem ad Archi-Presbyterum Civitatensem autoritate dictæ Bullæ finium nominavimus *D. Baltazarum Boncium*. Decretorum Licentiatum, Ecclesiæ nostræ Cathedralis Canonicum; Ita nunc ad hos Decanatus Christianitatis personas subsequentes, tanquam aptas & idoneas, assumimus, & primo ad Ortensem, Bæmelensem, & Huesdensem *D. Jacobum Cassajer*, Sacræ Theologiæ Baccalaureum, Pastorem S. Petri Buscoducensis; Ad Beeckensem *D. Matthæum Langekrucium*, Sacræ Theologiæ Baccalaureum, Pastorem ibidem; Ad Eyndhoviensem *D. Jacobum Francisci a Liesbout*, Sacræ Theologiæ Baccalaureum. Ad Ossensem *D. Joannem Ghisberti*, Sacræ Theologiæ Baccalaureum, Pastorem Marensem. Ad montis S. Gertrudis *D. Arnoldum Olevinum*, ibidem Decanum & Canonicum. Ad Gheelensem *D. Antonium Wilsium*, S. Theologiæ Baccalaureum, Pastorem in Mol. Ad Helmondensem *D. Franciscum Snoeck*, S. Theologiæ Baccalaureum, Pastorem in Vechel.

CAPUT III.

Dictos Archi-Presbyteros tanquam nostros in suo quemque Decanatu Vicarios constituimus, eosque ab omnibus sibi subditis volumus honorari, & in Ecclesiis Parochialibus primum semper locum obtinere, veluti Pastorum, & totius Cleri sui districtus Pastores. Quorum officium imprimis erit, singulas districtus sui Ecclesias in propria persona obire & visitare super excessibus, erroribus, vitiis, & criminibus inquirere, eaque corrigere, ac Curiæ nostræ Promotori indicare.

CAPUT IV.

Dicti etiam Archi-Presbyteri, seu Decani Parochias sibi commissas cum Xenodochiis, Capellis & Confraternitatibus, assumpto secum Notario, vel saltem aliquo Presbytero, quotannis secundum instructionem illis dandam, autoritate nostra visitent, ac de vita, fide & moribus Parochorum, Sacellanorum, Custodum, Ludimagistrorum, Ædituorum, ac Gubernatorum mensæ Sancti Spiritus, reliquorumque in-

colarum sese diligenter informant, ac advertant, an piis foundationibus, elemosynis & oneribus Beneficiorum & Officiorum Ecclesiasticorum laudabiliter satisfiat, itemque utrum Ecclesiæ reparatione egeant, & cœmeteria bene occlusa sint: nec Sacramentalium & ornamentorum Ecclesiæ, atque Scholarum visitationem prætermittant. Denique observent, an Constitutiones Conciliorum tam Generalis Tridentini, & Provincialis Mechliniensis, quam nostri Diocesani debitæ executioni demandentur; mandantes iisdem Archi-Presbyteris, ut juxta ordinationem Concilii Trid. acta suæ visitationis nitide descripta, infra mensem Nobis exhibere teneantur.

CAPUT V.

Capitula Pastorum singuli Archi-Presbyteri quotannis celebrent, præcise illo die, quem illis præfigemus, ut ita si expedire judicaverimus, vel personaliter interesse, vel iis significanda perscribere possimus: In iis vero Capitulis post Missam per eos de Sancto Spiritu decantatam, Statuta Synodalia, præsertim Parochos concernentia, legi curabunt, eosdemque ad illorum observantiam, ac diligentem munerum suorum adimpletionem, & defectuum suorum Parochianorum declarationem pia & seria orationūcula adhortabuntur, & si quæ Nos illis significata, aut dicta voluerimus, ea nostro nomine exponant: Deinde locum & tempus singulis Pastoribus concedent, ad suas difficultates in medium adferendum; & si quid inter eos dissidiorum sit, ad mutuam benevolentiam adducere conabuntur. Si quis autem eorum mandatis minus obtemperaverit, is Nobis, aut Officiali nostro denunciatur, gravi-ter puniendus.

CAPUT VI.

Hæc Capitula sic celebrentur, ut ea non ad comedendum, sed ad tractandum de rebus Ecclesiæ indicta esse omnibus innotescat, prændiaque in tabernis seu diversoriis fieri vetamus, tamque frugalia sint & moderata, ut nemo sumptibus, vel potu gravetur; Extranei quoque præter eos, qui fortasse a Nobis mittentur, ab his convivii

viviis prorsus excludantur; quo majore cum fructu inter se Pastores de rebus Ecclesiæ colloqui & conferre possint: declaramusque ad sumptus dictorum conviviorum ferendos Pastores absentes, etiam si legitime excusaverint, perinde ac præsentibus æqualiter obligari, & contribuere debere.

CAPUT VII.

In prima Mechliniensis Synodo (u) statuitur, ne Christianitatum Decani alibi, quam in Templo, aut loco saltem decenti & honesto, neque aliis, quam personis Ecclesiasticis, & in mundis & distinctis capsulis sacrum Chrism, & reliqua Sacramentalia distribuant, aut deferenda committant, nec etiam pro traditione novi Chriftmatis aliquid accipiant, nisi forte sumptus ejus causæ factos arbitrio nostro pro pagorum numero, & locorum a nostra Sede Cathedrati distantia, taxandos; In via etiam in tabernis non potitent, nec aliud, quod sanctitatem in hac Chriftmatis & Oleorum sacrorum portatione non decet, committant: Novis autem acceptis Oleis ac Chriftmate vetera super piscinam comburant, aut in fomentum lampadis convertant, ac consumant.

CAPUT VIII.

Cum dignum sit & justum, ut qui subditorum obsequiis addicuntur, illorum sustententur stipendiis: volumus, ut Archi-Presbyteri exequias Parochorum, & reliquorum Ecclesiasticorum, ac Nobilium sui districtus celebrent, & jura funeralia juxta taxationem per Nos faciendam recipiant; sunt enim Archi-Presbyteri Parochorum & Sacerdotum sui districtus Pastores, quare solliciti de eorum salute, ubi aliquem e sui districtus Pastoribus, aut Sacerdotibus periculose labore intelligunt, statim ad eum excurrant, moneantque, ut suæ salutis consulat, eique, si opus est; Sacramenta administrent; quod si eum ex ea agritudine decedere contigerit, etiam si regularis alicujus instituti sit, statim curabunt fieri Inventarium omnium bonorum relictorum, ut piis legatis, aliisque creditoribus de solutione debitorum cau-

tum sit, atque omnia munimenta Fabricæ Ecclesiæ, vel mensæ pauperum apud eum reperta, fabricæ eidem vel mensæ pauperum respectu curent restitui. Quæ vero ad Pastoratum, aut fundata ibi Beneficia spectabunt, ac speciatim defuncti enchiridium, seu manuale, in quo reddituum a se receptorum rationes descripsit, secum deferent: neque ulla hujusmodi munimenta relinquent in manibus aliorum, etiam sub prætextu, quod iis forte indigeant ad executionem testamenti. Si tamen aliquo revera opus sit, dabunt exemplum seu copiam istiusmodi documenti, quo se indigere afferent. Curam etiam gerent Archi-Presbyteri, ut infra annum in Curia nostra Ecclesiastica domus mortuariæ computus & rationes exhibeantur & peragantur.

TITULUS XVII.

De Pastoribus.

CAPUT I.

Cum salus & incolumitas Christiani gregis a Pastoribus, seu Ecclesiæ Parochialium Rectoribus, aliisque omnibus, quibus animarum cura commissæ est, magna ex parte dependeat, valde Nobis curæ est, ut in oculis Dei hoc esse inveniantur, quod humano ore dicuntur, omnesque, quotquot in nostra Diocesi hisce nominibus censentur, digni sint atque idonei, quibus cura animarum tuto credi possit, & forma facti gregis ex animo scientia & doctrina illum pascant, & in viam dirigant salutis æternæ.

CAPUT II.

Quare mandamus Examinatoribus a Nobis ad examen Pastorum juxta dispositionem Concilii Trident. (x) assumendis, ut diligenter intendant, ne indoctos, indoctos, aliosque, qui magis destructuri, quam ædificaturi sint domum Dei admittant; scientes, quod non solum coram Nobis, sed coram Deo præcipue, & Pastore Pastorum Christo ejus rationem reddere teneantur, si in admissione talium laxiores fuerint. Ad examen vero Parochorum assumimus, & nominamus Venerabiles Viros Do-

(u) De Archi-Presbyt. cap. 5.

(x) Sess. 24. cap. 18.

minos, D. Gislebertum Carverinx, Decanum Ecclesiæ nostræ Cathedralis & Episcopum Daventriensem nominatum, D. Antonium Bruginx, Archi-Diaconum, D. Joannem Kievitz, Pœnitentiarium, D. Everardum a Ravenstein, Officialem, & D. Joannem Hermans, Vicarium, Ecclesiæ nostræ Cathedralis Canonicos. Præfati autem Examinatores non singuli, sed ut minimum tres simul cum Episcopo, juxta ordinationem dicti Concilii Tridentini, hanc examinandi potestatem habeant, caveantque; ne quidquam prorsus occasione hujus examinis, nec ante, nec post accipiant, sub pœna in eodem Concilio expressa.

CAPUT III.

Cum non tantum Pastoribus, sed etiam eorum Vicariis, Capellanis, eorumque Adjutoribus cura animarum incumbat, iique etiam de sufficientia docere debeant, districte inhibemus, ne cujusquam ceu Vicarii, Capellani, Adjutoris opera in Pastoralis functione utantur, qui non Examinatorum suorum testimonium in scriptis exhibuerit, in quo testimonio & locum designari volumus, cum pro diversitate locorum aut personarum, quibus quis præficiendus erit, diversum esse possit, de præficiendi qualitate judicium.

CAPUT IV.

Volumus etiam & mandamus, ut omnes Ecclesiarum Parochialium Rectores, sive Pastores, cum ad Pastorum possessionem admittentur, ultra Professionem fidei, etiam Juramentum, prout in ultima Synodo Mechliniensi, præstent, quod est tale: Ego N. juro & promitto obedientiam, reverentiam & honorem Summo Pontifici Romano, ac Reverendissimo Domino Episcopo N. eorundemque Successoribus. Item juro & promitto Ecclesiæ meæ Parochiali de N. fideliter deservire secundum oneris illi annexi exigentiam; & in eo personaliter residere. Boni Pastoratus, vel Ecclesiæ meæ non alienabo, & indebite alienata, quantum in me erit, fideliter recuperare studebo. Specificationem omnium fructuum Pastoratus mei cum debita designatione Hypothecarum, limitum, & terminorum intra annum a festo Nativitatis S. Joannis Baptistæ proximo venturo Archiepiscopo tradam; fructus anni,

in quo me mori, aut meam Ecclesiam dimittere contingeret, subjicio & obligo ad laudabilem deservituram, usque ad festum Nativitatis S. Joannis Baptistæ mortem vel dimissionem meam proxime subsequiturum. Sic me Deus, &c.

CAPUT V.

Cum ex dilata vel suspensa Parochialis Ecclesiæ collatione, provisione & institutione salus populi in periculum veniat, omnia, quæcunque in Constitutione PII V. anno 1566. xv. Kal. Aprilis, anno ejus secundo edita, quæ incipit: *In conferendis Beneficiis Ecclesiasticis*, ad hujus periculi & incommodi cautelam statuta, decreta, & ordinata sunt, in usum ducenda publicamus; declarantes omnes ad collationem, provisionem & institutionem, intra tempus ibidem præscriptum faciendam esse obligatos, diesque ibidem præscriptos nullatenus esse prorogandos.

CAPUT VI.

Intelligent Pastores omnes, quibus animarum cura commissæ est, præcepto Divino sibi mandatum esse, ut oves suas agnoscant, pro his Sacrificium offerant, verbiq; Divini prædicatione, Sacramentorum administratione, ac bonorum omnium exemplo pascant, & pro earum salute, quodcumque opus est, animam suam ponant, pauperum, aliarumque miserabilium personarum curam paternam gerant, piorum legatorum diligentem rationem habeant, & seriis monitionibus satagant, ut ante finem anni piis Fundatorum voluntatibus satisfiat, & in cætera Pastoralia munera incumbant.

CAPUT VII.

Ad implenda & præstanda hæc Pastoralis officii debita, ad assiduam apud oves suas residentiam se jure Divino obligatos esse intelligent Pastores, nec ab ovibus suis sine licentia Decani ruralis, ac, nisi alteri approbato, ab Ordinario cura commissæ, ultra octiduum absint.

CAPUT VIII.

Pastor domui suæ erit bene præpositus, ut non tantum ipse, sed & ejus familia irreprehensibilem vitam agat: Qui enim domui suæ præesse necit,

scit, quomodo Ecclesiæ Dei diligentiam habebit. Si vero familiam non alat, habitationem eligat, non procul tamen ab Ecclesia, nullo autem modo in diverforio, aut in domo malæ famæ.

CAPUT IX.

Serio mandamus Parochis, ut diligentissime advigilent, ut notorios excessus & scandalosa crimina suorum Parochianorum: qualia sunt hæreses, alique in doctrina Christiana errores, adulteria, incæstus, blasphemix, usuræ, & similia, aliaque omnia, quæ ad cognitionem & correctionem Ecclesiæ pertinent, Nobis, seu Decano suo Christianitatis, aut Curix nostræ Promotori absque dissimulatione, aut conniventia denuncient.

CAPUT X.

Pastorali solitudine & diligentia providendum est, ne simplices in hæreticorum libros ignoranter incidant, & incauti ex venenato eorum calice mortem imbibant, ut libri hæretici & a veritate discordes in nullo usu habeantur, sub pœnis a Sancta Sede Apostolica & sacris Canonibus constitutis, nostrisque arbitrariis, præter eas etiam, quas super hoc Regia Catholica Majestas iuste edidit, & promulgavit.

TITULUS XVIII.

De Custodibus.

CAPUT I.

Cum Custodes ostiariorum in Ecclesia munus gerant, decernimus, & ordinamus, ut in posterum ad Custodum ministerium non alii admittantur, quam viri Deum timentes, religiosi pii, non bigami, aut tonsura Clericali non insigniti, boni nominis & famæ, honestæ etiam conversationis, periti etiam cantus, qui si Sacerdotes haberi possint, præ cæteris ad officia Custodum assumantur, ut hac commodiori ratione Officii Divinum honestius peragi possit.

CAPUT II.

Habiles ad id muneris & idonei inventi, atque ad ministrandum Deo & Ecclesiæ assumendi Decano rurali præsentabuntur, ab eo cum Pastore

examinandi, & admittendi. In admissione præsentent juramentum de obedientia in his, quæ officii sui sunt, exhibenda Pastoribus. Promittant etiam, quod personaliter residebunt, & officium & ministerium per se præstabunt; quod si ob justam rationem per se non possint, substituere teneantur debite qualificatum a Decano rurali, & Pastore loci examinandum, ac cum assignatione honestæ competentix admittendum.

CAPUT III.

In administratione Sacramentorum, & Officio Divino superpelliceo induti Pastoribus assistant, alioqui officio privandi; Ostia Ecclesiæ diligenter custodiant, eaque debitis temporibus aperiant. Baptisterii singularem curam habeant, ne apertum relinquantur.

CAPUT IV.

Ex antiqua & laudabili Ecclesiæ consuetudine mane, meridie, & vesperti ad innovandam Incarnationis ac Passionis Dominicæ, nec non Resurrectionis memoriam campanæ majoris pulsus dent signum, ut & in omni summa Missa Elevationis Sacratissimæ Eucharistiæ: concitata etiam tempestate campanas pulsare non omittant.

CAPUT V.

Qui tabernas aperiunt, aut officium Prætoris, Forestarii, Procuratoris subeunt, aut aliqua officia sordida exercent, nullatenus in officio sunt tolerandi, sed ipso facto privati existant, possitque statim alteri de officio Custodis provideri.

TITULUS XIX.

De Scholis.

CAPUT I.

Juventutis institutio tanti momenti est, ut ab ea totius propemodum Reipubl. Christianæ salus dependeat; quare id curent Pastores omnes, ut quamprimum Scholæ in urbibus, oppidis & pagis Dicecesis nostræ, si collapsæ fuerint, restituantur, si conservatæ, colantur & augeantur. Hoc, ut cum effectu fiat, Scholæ Scholasticis Capitulorum, vel etiam ipsis Capitulis tan-

tanquam Scholasticis subjectæ, ab iisdem Scholasticis, vel a Capitulis deputandis, cæteræ omnes ab Archi-Presbyteris, vel aliis ad id a Nobis deputandis, singulis saltem semestribus serio visitentur.

CAPUT II.

Christianam juventutem ante omnia optime institui volumus in Orthodoxa Fide, & fundamentis Christianæ Religionis, uti & in cantu Gregoriano, ac doceri modum orandi, Sacerdoti sacrificanti inserviendi, peccata sua confitendi; utque a teneris omnes discant immaculatam semper habere conscientiam, quatuor anni Festivitatibus omnes Scholares ad Confessionem ducantur; quod & in Scholis Dominicalibus inviolabiliter ab earum Rectoribus observandum statuimus.

CAPUT III.

Quæcumque de Scholis Dominicalibus instituendis, in utraque Synodo Mechliniensi (y) autoritate Concil. Trid. (z) constituta sunt, ad effectum deducantur: Et ne juventus a visitandis ejusmodi Scholis avocetur, requirimus Magistratus locorum, ut adhibitis Parochis, primo quoque tempore earum erectioni, seu institutioni diligenter ac serio incumbant: eoque tempore, (a) quo juventus in Scholis instituitur, a tripudiis, & aliis insolentis, quibus juvenes a Scholis avocentur, omnino absteineatur.

CAPUT IV.

Omni querelæ & executioni pauperiorum obviando, quo minus filios ad Scholas mittant: decernimus & statuimus, ut Rectores mensæ S. Spiritus solvant Ludimagistris dimidium didactri ejus, quod ditiores pendunt, & ex eleemosynis mensæ ejusdem suppeditent eis libros ad discendum necessarios, curentque, ne unquam desint ipsis Catechismi, & præmiola in Catechizatione pauperibus distribuenda.

CAPUT V.

Nullus post hac Ludimagister ad docendum publice vel privatim assumatur, nisi per Nos, aut Decanum ru-

ralem ad hoc a Nobis deputandum examinatus & idoneus repertus fuerit: Volentes, ut antequam quisquam admittatur, Fidei professionem in Synodo prima Mechliniensi expressam faciat, & ante omnia literas testimoniales vitæ & conversationis suæ exhibeat.

CAPUT VI.

Nallus etiam Custodum, seu Ludimagistrorum libros a Nobis, vel Archi-Presbyteris nostris non visitatos, aut approbatos in Scholis prælegere Scholaribus præsumat, alioqui officio suo privandus, si contrarium attentaverit.

TITULUS XX.

De Bonis Ecclesiarum & Beneficiorum.

CAPUT I.

Cum spiritualis dignitas sine bonis temporalibus haud facile possit consistere, maxima sane est cura adhibenda, ut a quibus sacra Mysteria dependent, debite conserventur: Mandamus itaque universis Parochis, aliisque Beneficiorum & Officiorum Rectoribus, ut fructus, proventus, aliaque bona ad suas Ecclesias, & Beneficia, ac Officia pertinentia, facta & recta teneant, multo magis absteineant ab eorum venditione, permutatione, oppignoratione, & alia quavis alienationis specie, nisi ad hoc Decretum nostrum in scriptis sigillo nostro munitum habuerint, quod sine causâ cognitione, & aliis de jure requisitis elargiri non solemus: Injungentes iisdem, ut si quæ bona illegitime & indebite alienata sint, repertant & recuperent sub pœna suspensionis ab Officio & Beneficio, aliaque arbitraria.

CAPUT II.

In illum finem Archi-Presbyteri incumbant non tantum, ut Beneficiorum, omniumque Ecclesiasticarum fundationum sui districtus notitiam habeant; sed etiam eorundem qualitates, valorem videlicet & onera norint, an hæc persolvantur, & an ipsa bona juxta verum valorem elocentur: Num etiam alienationes perpetuæ, aut ultra tempus

(y) 1. Tit. de Schol. Dom.

(z) Ibid. cap. 2.

(a) Sess. 24. c. 4. de Reform.

tempus legitimum de iis fiant: & si quos in huiusmodi possessionibus male versari cognoverint, Nobis nominatim transmittant.

CAPUT III.

Et quia experientia cognovimus, Ecclesiarum res quam plurimas destitutas defensoribus, hac diuturna belli injuria, munimentis suppressis, vel perditis ita periisse, aut certe ignorari, ut vix spes ulla superfit, illas in jus suum vindicandi: Nihilominus ne officio nostro, quantum in Nobis est, deesse videamur, ex intimo charitatis affectu requirimus omnes Secretarios, Grapharios, antiquorum censuum & jurium Dominicalium Receptores, aliosque, quibus similis est professio, Notarios, ut si quæ bona Ecclesiastica occasione officiorum, negotiorumque in domibus mortuariis, vel aliter quocumque modo occurrerint, & de præsentī occurrunt, de quibus est suspicio, inique supprimi, & detineri, Nobis amore Dei & zelo, quem debent Ecclesiæ, suggerere non graventur, beneficio præstito semper salvo.

CAPUT IV.

Ut autem populus intelligat, quam sit grave & enorme facinus Christi patrimonium, & suorum Ministrorum alimoniam injuste possidere: monemus Pastores, ut Decretum Concilii Tridentini (*Sess. 32. Cap. 2. de Reformatione*) insertum ultimo Concilio Mechliniensī Provinciali hoc Titulo, cum edicto Serenissimorum Principum *art. 21. 22.* oblata occasione, suis frequenter inculcent, declarando non tantum peccare malæ fidei possessores, sed etiam confcios injuste detinentium, nisi tales ab iis revelentur.

CAPUT V.

Similiter promulgari sæpius volumus, quæ in eodem Concilio Trid. *Sess. 25. Cap. 12. de Reform.* de reddendis Decimis decreta sunt, & in eandem sententiam adduci edictum PHILIPPI secundi.

CAPUT VI.

Curent Pastores, Custodes, & Matricularii Ecclesiarum, ut antiqua & consuetura jura sibi solvantur a Parochia-

Tomus IX. Concilior. German.

nis, ut sunt inter cætera panes præbendales, oblationes Paschales, & certa quota seu mensura filiginis pro agrorum, quos colunt, quantitate, & numero equorum, & alia similia emolumenta, curis & matriculariis pro anniverfariis, aut alia de causa legata vel debita, utque iis in locis, ubi eorum solutio in diffuetudinem venit, negligentia Pastorum, aut alia ratione, rursum in usum revocetur, implorato, si est necesse, nostro auxilio. Quoad illa vero jura, quæ post Sacramento- rum administrationem Parochis dari consueverunt, observentur ea, quæ in Concilio Provinciali Mechliniensī primo. (*De Deca. Christ. Cap. 12.*) hac de re decreta sunt.

CAPUT VII.

Ne autem prædictis juribus, & aliis quibuscumque Curia nostra commissis, solutione præjudicium generetur: præcipimus, ut census in specie debiti, ac redditus quorumcumque granorum & leguminum, nec non haledum, vini, olei, ceræ, & similium in specie quotannis persolvantur, aut saltem in pecunia juxta præsentem fori æstimationem, non autem in certa semper pecuniæ quantitate: redimi vero non patiantur, absque nostro decreto, & causa a Nobis mature examinata: sed nec si originarie eos pecunia emptos docuerint debitores (quibus, si se onere illo exolvere prætendant, id demonstrare incumbit ex edicto Regiæ Majestatis anno 1571. super reductione & redemptione reddituum promulgato, ac sententia & declaratione facta in Concilio privato, habita aliorum Conciliorum deliberatione, inter Status Ecclesiasticum & sæcularem Namurcensem 26. Octob. anno 1573.) sine scitu tamen nostro pecuniæ capitales recipi non possunt, cum in redemptione similium reddituum, præsertim antiquorum, multa ad emolumentum, aut jacturam piæ causæ spectantia attente & industrie perpendi debeant. Quoad Decimas autem, ne loca, termini & jura earum deperdantur, aut saltem obscurentur: Pastores, & omnes, qui eas intuitu Ecclesiæ possident, omnino advigilent, ut illæ curru decimali cir-

G g

cum.

tumeunte, colligantur, prohibentes venditiones, elocationes earum, aliosve contractus, per quos collectioni ejusmodi præstatur impedimentum.

CAPUT VIII.

Si quæ bona ad Parochiales Ecclesias, aut quæcumque Beneficia, sive Officia spectantia, ob non solutionem census ab ipsis Pastoribus aut Beneficiariis evincantur, non propterea liceat pignora sic evicta sibi reservare, aut ea transmittre in suos hæredes, sed ipsis Ecclesiis, Beneficiis aut Officiis acquisita habeantur. Si quis aliter se fecisse deprehendatur, ultra notam malæ suspicionis arbitrio nostro puniatur, & contra hæredes, tamquam detentores Ecclesiasticorum bonorum, procedatur.

CAPUT IX.

Cum Ordinarius in sua Dicecesi omnium Beneficiorum, bonorumque Ecclesiasticorum sit Curator, & Rector supremus: ordinamus, quod tempore vacationis ac litispendentiæ deservituræ Ecclesiarum ac Capellaniarum, Beneficiorum, officiorumque Ecclesiasticorum, ac etiam ob temerariam Rectorum absentiam, ab iisdem videlicet, quando illi Nobis literas privilegii & dispensationis, quibus a residentia excusari volunt, tempestive ante festum S. Ægidii non exhibent, nec juxta ordinationem Concilii Provincialis Mechliniensis primi, docent, quod extra locum residentiarum Clericaliter, & convenienter Ordini suo incedant & vivant, tunc dispositio servitii, seu deservituræ, ac omnium fructuum ejusmodi Ecclesiarum & Beneficiorum, ad Nos juxta antiquam & laudabilem consuetudinem habentem in Jure Canonico fundamentum spectet & pertineat.

CAPUT X.

Cum usu & diuturna consuetudine sit compertum, quantum Ecclesiis detrimenti importetur ad longum tempus rerum Ecclesiasticarum locatione: ordinamus & statuimus, ut Decimæ ultra triennium non elocentur; præta quoque, quando separatim elocabun-

tur, non ultra sexennium, & terræ arabiles ac domus non ultra novem annos. Nec (b) contractus ejusmodi elocationum renouentur, nisi finito biennio prioris contractus: quoad decimas quadriennio, quoad præta sexennio, quoad domus & terras arabiles, nec quis umquam prædictos terminos excedat, nisi observatis solemnitatibus; quæ ad alienationem rei Ecclesiasticæ, de jure requiruntur, sub pœna arbitraria, & nullitatis totius contractus.

CAPUT XI.

Elocationes Bonorum Ecclesiasticorum, quæ anticipatis solutionibus fiunt, a Concilio Trid. (c) reprobata, præfenti Statuto reprobata declaramus: ulterius statuentes, ne Ecclesiarum Rectores, aut Beneficia Ecclesiastica quomodolibet obtinentes, pendentes Beneficiorum fructus, aut proventus currentes, quovis prætextu, vel causâ vendant, aut elocent, nisi dilata in id tempus pretii, vel mercedis solutione; quo fructus erunt a solo separati, aut annus cessit, ne illis cedentibus aut decedentibus fraudatis successoribus, Ecclesia debitis muneribus destituatur sub pœna arbitrio nostro infligenda.

CAPUT XII.

Actu quoque comperimus, a nonnullis fieri elocationes cum facultate conductoribus data in elocandis fundis ædificandi & plantandi, & cum onere ædificata & plantata, æstimatione peritorum termino elocationis finito, per Possessores acceptandi, aut elocationis terminum prolongandi. Quæ cum plurimum detrimenti & difficultatis secum sæpissime ferant causam perpetuæ elocationis, aut obligationis generantes, etiam cum præjudicio Successorum: omnibus bonorum Ecclesiasticorum Possessoribus inhibemus, ne peragant elocationes suas, cum dictis, & aliis ejusmodi conditionibus, sub pœna arbitraria, & damna atque interesse recuperandi.

CAPUT

(b) Editum Sereniss. Principum art. 20. in calce Concil. Mechlin. post.

(c) Sessione 25. capite 11.

CAPUT XIII.

Hoc etiam serio mandamus universis Parochis, aliisque Beneficiorum & Officiorum Rectoribus, ut in locum arborum cæduarum, quæ vel vetustate, vel alio modo pereunt vel cæduntur (quas tamen nonnisi congruo & debito tempore pro locorum consuetudine cædi volumus) alias plantent: quoad arbores vero incæduas, illæ absque nostra speciali licentia non cædantur, ac pretium inde proveniens ad augmentum, & utilitatem Beneficiorum, aut reparationem ædificiorum eorundem applicetur, & nihilominus in locum earum aliæ substituantur, sub pœnis arbitrio nostro imponendis.

CAPUT XIV.

Ut saluberrimum Decretum Concilii Provincialis Mechliniensis ult. *Cap. 3. hoc Tit.* primo quoque tempore ob iustas causas huc usque intermissum, executioni mandetur: mandamus omnibus & singulis Beneficiorum Possessoribus, curatis & non curatis, residentibus & non residentibus, ut secundum illius Capituli tenorem, munimenta, literas originales fundationum earundem, & omnium bonorum ad Beneficia spectantium, intra trimestre a conclusionem præsentis Synodi, una cum claro & distincto inventario sive registro eorundem bonorum, censuum, omniumque proventuum, & onerum cum plena & determinata designatione limitum & hypothecarum, illoque, si a quindecim annis factum est, renovato & autorizzato Decanis Capitulorum, vel Archi-Presbyteris, quorum visitationi subsunt, exhibeant in Archivis Episcoporum, vel Capitulorum asservandis sub pœnis ibidem contentis arbitrio nostro applicandis: ubi vero prædictæ literæ & munimenta sunt consumptioni proxima, in authenticam formam transumantur, expensis Possessorum: eodem modo si nulla, aut imperfecta sunt registra, statim confici & perfici procurentur.

CAPUT XV.

Prædicti autem Possessores sibi reservabunt copias authenticas dictorum

registorum, illaque quotannis Archi-Presbyteris visitantibus tempore ab iis præfigendo exhibebunt, & juncto novissimo & legali statu bonorum dictorum fundationum, illaque registra in dicta qualitate, gratis Successoribus relinquent.

CAPUT XVI.

Ut conservationi munimentorum & registorum ad Beneficia spectantium magis sit prospectum: mandamus omnibus Ecclesiasticis, ut dum testantur semper aliquam personam Ecclesiasticam, Executorem sui testamenti nominent, aut alioqui per Ordinarium, vel Capitulum, cui immediate subsunt, adjungetur Executor Ecclesiasticus, sub pœna arbitraria, si eundem non admiserit.

TITULUS XXI.

De Bonis Fabricæ, & Mensæ Sancti Spiritus.

CAPUT I.

Fabricis Ecclesiarum, Capellis, mensis Sancti Spiritus, Zenodochiis, aliisque piis locis præstentur viri providi, idonei, & boni testimonii, nullo modo de hæresi suspecti, qui sciant, velint, valeantque loca ipsa, bona eorum ac jura sub juramento fidelitatis, instar Tutorum, & Curatorum coram Parocho præstando, antequam administrationi seipsos immisceant, utiliter regere, & teneantur singulis annis, vel saltem singulis bienniis, ubi tenuiores sunt proventus, Decano Christianitatis, aut saltem Pastore loci, tamquam nostris hac in parte Deputatis, præsentibus, aliisque in edicto Serenissimorum Principum nominatis *Cap. 23.* legalem computum sine fautis & restantiis reddere, qui de decennio in decennium plenam contineat specificationem, juxta Concilium Mechliniense (d) novissimum.

CAPUT II.

Pro illis autem restantiis, quæ a multis retro actis annis cesserunt, assumatur per Optimates cujusque loci Receptor, qui illas absque ulla dissimulatione

(d) De elocar. & consil. bon. Ecclef. cap. 8.

latione sub certa mercede exigit, & colligat, ac computum de eisdem modo præmissis præstet.

CAPUT III.

Cum autem administratio illorum bonorum suscipiatur, sub juramento fidelitatis instar Tutorum & Curatorum: nolumus, si quæ damna patiantur ejusmodi bona, culpa regentium, aut alii fiant sumptus immoderati in bonis elocandis, aut cum venditoribus candelarum cerearum, aliarumque rerum Divinum cultum concernentium, ut in computu faciendo illorum dispendiorum, & sumptuum inutilium, ratio habeatur. Et ut de computibus ejusmodi bene confidamus: mandamus prædictis Magistris, ut Decanis visitantibus ex nostra parte deputatis, debite illos exhibeant.

CAPUT IV.

Si quæ bona reddantur litigiosa, & agatur de notabili præjudicio eorundem, nihil litis attentetur a Magistris absque consensu Pastorum, & magis notabilium, aut potius Nos requirant, ut prudens consilium, evitatis expensis, suggeramus.

CAPUT V.

Fructus, qui pauperibus addicti sunt, vere pauperibus frugi & Catholicis, & diebus Dominicis & Festivis post summum Sacrum & Concionem (quibus omnes interesse debent sub privatione eleemosynæ) sine humano affectu distribuantur. Notabiliter ante festum Nativitatis JESU Christi & Paschæ, Magistri S. Spiritus, dabunt nomina Pastoribus gaudentium subsidio S. Spiritus, ut Fidem eorum & Religionem cognoscant: non enim eleemosynis gaudere poterunt, nisi de confessione & communicatione in Paschate docuerint.

CAPUT VI.

Ad minimum duo sint eodem tempore Magistri fabricæ, mensæ S. Spiritus, Confraternitatum, aliorumque ejusmodi locorum, & illi non ultra biennium in officio continuentur, nisi rursus renovatis juramentis legitime resumantur, & quolibet anno unus de-

stituatur, & alius assumatur, ita ut senior, cui in omnibus junior auxilio esse debet, solus rationem & computum reddat, & restantias sui anni exigit, & recipere teneatur, similiter junior anno sequenti, & sic conformiter.

CAPUT VII.

In omnibus Parochiis fiat registrum (si nulla sint authentice conscripta) in quo describantur omnia bona, legata, census, aliaque emolumenta, & proventus ad illas Parochias, sive fabricas, Capellas, mensas S. Spiritus, & ejusmodi loca pia pertinentia, cum distincta & determinata designatione, ut Titulo: *De bonis, Benef. & Eccles. C. 16.* fieri volumus. Hoc autem registrum cum aliis munimentis originalibus, in tutiore parte Templi Parochialis in firmo scrinio ad hoc parato, recludatur, sub tribus clavibus diversimode fabricatis, quarum unam habet Pastor, alteram primarius Mamburnus fabricæ, & tertiam Rector S. Spiritus. Si quando scrinium ejusmodi erit aperiendum, clavium Custodes ipsi personaliter compareant, nisi ægritudine, aut legitima absentia excusentur, & tunc non alii claves suas credant, nisi dignioribus & senioribus post se, aut aliis probatissimæ fidei.

CAPUT VIII.

Cum bona Beneficiorum, Officiorumque quocumque nomine appellentur, & fabricarum, mensarum Sancti Spiritus, Confraternitatum, aliorumque piorum locorum tamquam paris conditionis, eadem sollicitudine conservari debeant, quæcumque Tit. *De bonis Benef. præsertim Cap. 1. 7. & 8.* fieri mandavimus circa venditiones, alienationes, censum ac proventuum solutiones, elocationes, hoc etiam Magistri, sive Administratores fabricarum, mensarum S. Spiritus, Confraternitatum, & ejusmodi locorum facere teneantur.

TITULUS XXII.

De Ecclesiis & Cæmeteriis.

CAPUT I.

Quia Domum Dei mundities maxime decet, præcipimus, ut Ecclesiæ, Sacella, & alia loca Deo sa-

era per eos, quibus id oneris incumbit, frequenter mudentur, ac eadem in tectis, campanis, fenestris vitreis, pavimentis, ostiis, seris, aliisque similibus debite interteneantur. Altaria tribus, aut ad minus duabus mappis mundis benedictis cooperiantur, & antependiis, cortinis, ac aliis necessariis ornentur: in Sacristiis lavacra cum aqua, & munda manutergia ad usum Presbyterorum celebratorum semper appendeant, & in iisdem Ecclesiis, præsertim Parochialibus, aqua lustralis suis locis numquam defit. Præcipue autem Sacratissima Eucharistia, & Olea sacra sub fideli custodia, & in loco tuto, vasis mundis servantur, ita ut impiis & sacrilegis hominibus non facilis ad ea accessus pateat: Et ob reverentiam tanti Sacramenti perpetuum lumen (quo significetur præsens esse, qui lucem habitans inaccessibilem mentium nostrarum tenebras illustrat) ante Sacratissimam Eucharistiam ardeat. Denique Fons Baptifimalis sera & operculo, cancellisque occludatur, & mundus adferveretur, atque aqua cum mantili ibidem etiam in promptu sit, ut post Baptismum collatum Parochus digitos abluat & abstergat.

CAPUT II.

Et cum Tempia Dei piis atque honestis ornamentis illustrari & adornari debeant, quæ popularium animos non ad lasciviam atque gentiles cogitationes alliciant, sed ad devotionem, & religionem excitent: pro executione Concilii Tridentini (e) mandamus, ne quis in illis ornandis adhibeat aulæa aut imagines lascivas procaces, & ob pudendam nuditatem, vel aliter obscenas, & quæ vel ethnicorum hominum, vel aliarum rerum, quæ a Religione, aut a rei veritate & loci sanctitate alienæ sunt, speciem referunt.

CAPUT III.

Quoniam Ecclesiarum proventus tam sunt exigui, ut necessariis non sufficiant expensis, multo minus ornamentis earundem, Æditui, aut Præfetti Ecclesiarum, juxta antiquam & laudabilem consuetudinem diebus Domini-
cis & Festis solemnioribus collecturi

elemosynas per Ecclesias ad illarum usum circumveant, & receptorum curam habeant, reddituri rationem earundem tempore generali computui præfinito: Ad eundem finem in dictis Ecclesiis Parochialibus ponatur capsula sive vasculum sub clauistro duarum clavium diversi fabrilis operis; quarum una teneatur a Pastore, altera a seniore Ædituo.

CAPUT IV.

Ecclesiæ & Cœmeteria non sint usui res profanas, onerave asportantibus, sacraque loca per viam quasi publicam transeuntibus: neque in iis frumentum, hordeum, aut leguminum genus, instrumenta ad prædiorum rusticorum usum comparata, aut quæcumque supellex profana recondantur, aut aserventur. Neque similiter in dictis cœmeteriis frumenta, quasi in area ventilentur, frugesque expandantur.

CAPUT V.

Præterea stricte mandamus, ne in dictis Ecclesiis & cœmeteriis judicia sæcularia servantur, neque ludi histriionum, & jaculatorum exhibeantur, nec forum rerum venalium, prandia publica, comotationes, tripudia teneantur, nec banna seu edicta sæcularium Judicum proclamentur; requirentes locorum Magistratum, ne hæc sub certa poena fieri permittant: nec deinceps abusum, qui in nuptiis, dedicationibus, aut aliis sagittariorum conventibus in cœmeteriis per tympanorum pulsationem, bombardarum ejaculationem, & alias ejus generis insolentias contingere solet.

CAPUT VI.

Ut Ecclesiæ, vel Cœmeteria sanguinis effusione, vel aliter polluta, diabolo suadente, & instigante, sub tanta diu non maneant sceditate: statuiamus & mandamus Custodibus, Matriculariis, Pastoribus, & quibuscumque, ad quorum notitiam pervenit, ut illam profanationem statim Archiepiscopatibus suis insinuent. Curati, in quorum Parochiis præmissa contingent, ita sollicitè in hoc se mandato habeant, ne possint de negligentia deprehendi.

(e) Sess. 25. de Invocat. &c.

CAPUT VII.

Quia occasione confugientium ad Ecclesias jura asyli irreverentiæ subinde comitantur, convivia & computationes agendo; Præcipimus Pastoribus, ut si ab illis in loco sacro talia fiant, eos autoritate nostra moneant, ut intra triduum post monitionem ipsis factam, recedant, alioqui privilegiis & immunitatibus indigni judicabuntur; Nam ratio non permittit illos gaudere privilegiis & immunitatibus Ecclesiæ, qui in eam scelera & insolentias committere non verentur. Ut evitetur omnis difficultas & occasio litis, quæ circa immunitatem præstandam confugientibus ad Ecclesias, exoriri solet, observetur Constitutio GREGORII XIV. quæ incipit: *Cum alias nonnulli*, &c.

CAPUT VIII.

Cæmeteria, quæ a belli tempore adhuc fortalitii speciem tenent, statim compleantur, & muris, fossis, aut sepibus ita muniantur, ut nec contentiosis ac dissolutis hominibus, qui eadem sæpius profanant, nec feris aut fœdis animalibus pateat ingressus, sed nec in hortos redigantur, nec bestię in illis pasci ulla ratione permittantur: etiam inhiabentes, ne dicta loca Fidelium sepulturæ deputata, hominum excrementis conspurcentur; requirentes locorum Magistratum, ut ejusmodi profanationes pœnis ipsorum arbitrio imponendis coerceant.

TITULUS XXIII.

De Testamentis.

CAPUT I.

Cum in officiis charitatis & piæ remunerationis, iis primo loco debeat beneficium impendere, in quorum gratiam beneficium noscitur datum & acceptum; ardentius monemus omnes Ecclesiarum nostrarum Clericos, ut de iis, quæ ex justa rerum suarum dispensatione supererunt, supremæ voluntatis declaratione non secundum carnem & sanguinem, sed utilitatem Ecclesiæ Dei disponant. Licet enim requirentibus indulgeatur, ut de acquisitis etiam per Ecclesiam testari possint, scire tamen debent ejusmodi indulto,

non permitti libertatem legandi, testandique in quosvis fines & usus instar patrimonialium.

CAPUT II.

Quoniam in omnibus piis voluntatibus sit per locorum Episcopos providendum, ut secundum defuncti desiderium omnia fideliter fiant, licet etiam a Testatoribus contingeret interdici: districte mandamus sub pœna condigna omnibus ejusmodi testamentorum Executoribus, ut omni diligentia, omnibusque viis & modis, quibus possunt, sanius piæ decedentium voluntates executioni demandent, & infra annum a die mortis Testatorum coram Nobis, vel nostris Deputatis de solutione piorum legatorum legitime edoceant, sub pœna in jure expressa, aliæque arbitraria, Nobisque testamenta, codicillos, & alia munimenta ad hoc necessaria sine dolo & tergiversatione exhibere teneantur.

CAPUT III.

Omnes Notarii, & quicumque ultimas voluntates conscribendi potestatem habentes, Nobis, seu nostris Deputatis intra trimestre a morte testantium extractum authenticum de piis legatis exhibeant: Mandantes eisdem, ut pia legata, quæ a Testatoribus consueverunt Cameracensi, Leodiensi, Trajectensi ascribi, deinceps Ecclesiæ nostræ Buscoducensi ascribi.

CAPUT IV.

Et ut prædicta circa Notarios super missione extractus firmitus observentur, duximus subjungendum, ut omnes & singuli Curati locorum, ubi Testatores decedunt, Notarios ejusmodi super extractu mittendo Nobis, ut præmittitur, nostra autoritate moneant diligenter, ac Nobis, aut nostris Deputatis insinuent ipsorum Testatorum & Notariorum nomina, & utrum ipsos Notarios monuerint, & eorum monitioni parere parati fuerint.

TITULUS XXIV.

De Sepultura Ecclesiastica & Exequiis.

CAPUT I.

Manifestum usurarium, nisi secundum Decretum LEONIS X. de usuris

ufuris restituendis (f) cautionem præstitit, hæreticum, veneficum, fortilegum, & eos, qui sibi manus violentas intulerunt, aut in duello mortui sunt, eosque, qui tempore Paschali confiteri peccata sua, & Sanctissimum Sacramentum Eucharistiæ recipere contempserunt, ac postmodum subita morte præventi sunt, nec non etiam eos, qui cum antea fuerint suspecti de hæresi, Pastorem ad se in morbo advocare neglexerunt, usque in extremam viæ horam, qua ipsis jam rationis usu & officio privatis a parentibus & amicis Pastor advocatur (nisi eodem Pastore præsentem signum aliquod notabile pœnitentiæ dederint) Ecclesiastica sepultura privandos declaramus, sicuti omnes alios, qui juxta Ecclesiæ Constitutiones ad mortem more fidelium digne se non præparaverint.

CAPUT II.

Pastorès, casu necessitatis excepto, neminem ad sepulturam admittant nocturno tempore, sed ab iis servetur antiqua & laudabilis consuetudo, quæ postulat corpora Defunctorum efferri ad sepulchra ante meridiem, Missasque pro iis celebrari servata precum & aliarum caremoniarum solemnitate.

CAPUT III.

Ne sepulta Defunctorum corpora aere incendant, aut gravem per Templam, aut cœmeteria effundant odorem, & liberata sint a bestiis & canibus, fossore sepulchrorum ad quatuor pedes profunda fodiant, sub pena arbitraria per Nos infligenda: pro infantibus sine Baptismo decedentibus, in aliqua cœmiterii parte locus profanatus, deputetur, in quo soli illi sepeliantur, ut impediatur etiam abusus illos in parentum hortis & domibus sepeliendi.

CAPUT IV.

Exequiæ Defunctorum non protrahantur ultra sex septimanas, a die mortis absque consensu nostro. Quod si dictis septimanis elapsis, hæredes, vel consanguinei defuncti, etiam postquam ad hoc a Pastore præmoniti & requisiti fuerint, illas persolveri non cu-

rent: Injungimus Pastoribus, ut eos Nobis, aut nostro Promotori enuncient. Item, ut serio moneant Parochianos suos, eisdemque autoritate nostra præcipiant, ne quod per eorum corruptelam irrepsit, convivia exequiarum in multas horas protrahant, potuque nimio excedant.

CAPUT V.

Quoniam Ecclesiasticæ est Constitutioni contrarium, & a rationis tramite alienum, ut quis falcem mittat in messem alienam: nullus defunctum alienæ Parochiæ, in Parochia sua sepehære præsumat, cum secundum BONIFACII VIII., & ALEXANDRI III. Constitutionem, corpus defuncti & omne emolumentum occasione illius receptum, debeat restitui, graviter eum puniemus, si secus factum fuerit, nisi tamen defunctus salvo jure Parochiali libere & non inductus fide interposita ab alieno Parocho, ibidem elegerit sepulturam, aut fuerit peregrinus, sive occasione parentum, aut alio jure sepulturam habuerit.

CAPUT VI.

Si qua controversia de efferendis aut sublati Defunctorum corporibus, vel aliqua alia re, eo spectante, oriatur, ad nostrum judicium referatur. Nec non inhumata semel corpora sine expressa licentia exhumari interdiciamus.

TITULUS XXV.

De Seminario.

Cum juxta Oecumenici Concilii Tridentini, & primæ Synodi Provincialis Mechliniensis Decreta, (g) ac serias admonitiones Catholicæ Majestatis gloriosissimæ memoriæ desuper subsecutas, Seminarium Clericorum in hac Diœcesi per Reverendissimum Dominum LAURENTIUM METSIUM piæ memoriæ, secundum Episcopum Buscoducensem, alias fuerit institutum detractis a fructibus mensæ Episcopalis, tum Capitulorum tam Cathedralis, quam Collegiatorum, Abbatiarum, Monasteriorum, Pastoratuum, & aliorum Beneficiorum certis portionibus: iisque

(f) Cap. 2. de Usur. in 6.

(g) Sess. 23. cap. 19. de Ref. Tit. de Seminario.

iisque ad opus ejusdem Seminarii assignatis, quæ etiam per aliquot annos pro majori parte ita fuerunt perfolutæ: Atque cum postmodum supervenientibus præteritis intestinorum bellorum in hoc afflictissimo Belgio tumultibus, aliisque calamitatibus inde secutis, idem Seminarium paulatim omnino interierit: Nos igitur dictum Seminarium restituere cupientes, illud ipsum Seminarium cum consilio duorum de Capitulo nostro Cathedrali, & duorum de Clero hujus Civitatis Deputatorum auctoritate Nobis per dicta Concilia attributa denuo erigimus, & similes fere portiones juxta modum & formam præscriptos detraximus, & eidem Seminario assignavimus: Statuentes insuper, ut omnes mulctæ & jura absentiarum ad usum ejusdem Seminarii deinceps revertantur & applicentur.

TITULUS XXVI.

De Judicibus delegatis.

CUM ex designatis per Concilium Provinciale Tir. 25. Cap. 5. ad de-

legationem caufarum in partibus mortuus sit Reverendus Pater *D. Arnoldus Vesselius*, Abbas Monasterii Bernensis, in ejus locum hæc Synodus nominat & designat Reverendum Patrem *D. Joannem Vercuylen*, Prælatum dictæ Abbatix: nec non, ut plenius Decreto Concilii Tridentini satisfiat, Reverendum Dominum *Judocum Vossium*, Juris Utriusque Licentiatum, Ecclesiæ Cathedralis Buscoducensis Canonicum & Cantorem.

Acta & publicata fuerunt hæc Decreta in Refectorio Fratrum Dominicanorum Buscoducensium præsentibus Synodi Patribus, de mandato Reverendissimi Domini Episcopi, eidem præsentis, Anno a Nativitate Domini 1612. Mensis vero Octobris die 10.

JUDOCUS VOSSIUS,
Synodi Secretarius.

G. KEMPEN, *Scriba dictæ Synodi.*

SYNODUS DIOECESANA

GANDAVENSIS,

Anno Christi MDCXIII. Pauli V. Papæ IX.

Matthiæ Imp. II.

S U B

HENRICO FRANCISCO van der BURCH (*),
V. Gandavensium Episcopo,

UNDECIMA DIE MENSIS SEPTEMBRIS
ABSOLUTA.

HENRICUS FRANCISCUS van der BURCH, DEI

& Apostolicæ Sedis gratia Episcopus Gandavensis, omnibus Clericis & potissimum Ecclesiarum Rectoribus suæ Diocesis Salutem.

UT novissimum Concilium Provinciale Anno Millesimo sexcentesimo septimo celebratum, & anno sequenti a Sua Sanctitate

confirmatum, in hac nostra Diocesi debite publicaretur Rmus **D. DAMANTIUS** pie memorie Diocesanam Synodum non diu post indixe-

(*) **HENRICUS FRANCISCUS VAN DER BURCH**, patre Joanne, Viro peritissimo & integerrimo, sanctioris apud Belgas Concilii Præsides, ac Belgicis de rebus quam optime merito, Gandavi natus, ibidemque in Parochia **D. Nicolai**, ubi magnificum

indixerat conformiter plane sacris Canonibus, qui in Conciliis Episcopalibus Statuta Provincialia publicari mandant C. Sicut olim. De Accusation. Sed per ejus mortem paulo post subsecutam, & diuturnum languorem, ac mortem quoque non diu dilatam Rmi D. MASII immediati ejus Successoris evenit, ut sub neutro eorum celebrata fuerit. Et ut paucis mensibus, quibus hic refcedimus, de abusibus & defectibus, ac statu hujus Diaceos plene informari nequivimus, ita quoque præstat Concilii celebrationem ad menses aliquot differre non injuste potuissimus, sed persuasi plus damni emerisurum ex dilata publicatione Concilii Provincialis, quam sperari queat utilitatis ex dilatione & exactiori celebratione Synodi Diaceosane, eam diutius differre noluimus. Ut autem ea, quæ reformanda sunt, minus nos laterent, non solum Archi-Presbyteros nostros, & diversos alios, qui de statu hujus Diaceos notitiam aliquam habent, desuper audivimus, ac serio examinavimus; sed ipsi quoque quanta potuimus diligentia Diaceos nostram percurramus, & præcipua loca visitavimus. Contra defectus, abusus, corruptelas & scandala, quæ partim personali nostra visitatione, partim ex fide dignorum relatione cognovimus, per convenientes Ordinationes, & Decreta, quæ

concepimus, opportuna remedia adhibere conati sumus. Ea quoque adjecimus, quæ ad faciliorem executionem Concilii Provincialis facere judicavimus. In omnibus (quantum potuimus) laudabilibus consuetudinibus, & Statutis Sedis Archi-Episcopalis (cui subsumus) & Diaceos Mechliniensis nos conformare studuimus, amore concordie & uniformitatis multis de causis merito semper expetenda. Eo etiam magis uniformitatem istam amplexi sumus, quod ut Diaceos ista, Mechliniensis scilicet & Gandavensis, sunt contigua, ita quoque parva utrobique vitia, iidemque abusus & defectus iisdem modis & rationibus, paribusque remediis curari debere videantur. Et quia multi Pastores & Confessarii Statutis præcedentis Concilii Diaceosani, quod sub Reverendissimo Domino JANSENIO pia memorie celebratum fuit, passim deservunt, & illud ipsum Concilium venale baud reperiri conqueruntur, ne iterato excudi debeat, & diversorum Conciliorum libellis Pastores & alii graventur, præcipua illius Statuta in hoc nostrum Concilium transulimus, ommissis omnibus, quæ vel per Concilium Provinciale abrogata sunt, vel ei inserta reperiuntur, vel ob mutationem temporum utiliter servari nequeunt. Cæterum superest, ut unusquisque juxta

cum postea Baptisterium erexit, sacro ablutus ac renatus fonte, eas in spes adolevit, quas æqui rerum æstimatores de ipso conceperant. Candidi semper apertique pectoris erat, ad voluntatem aliorum nihil, ad veritatem loquens omnia: pietatem, ac morum integritatem tanto semper & amavit, & coluit studio, ut ne latum quidem unguem ab illa discederet. Religiosum fuerat agere quidquam aut alteri consulere, quod cum recti honestique legibus adamussim non consensisset. Optimo vitæ exemplo tam domi, quam foris prælucebat. Juris utriusque Licentia, quem sibi gradum honoris tum felici, quo suos inter socios præstabat, ingenio, tum suapte industria pepererat, exornatus, Atrebatensibus primum Canoniciis adensebatur; inde ad Decani in Ecclesia Mechlinicensi ac Vicarii Generalis anno 1591. provectus dignitatem, nihil quæsit studio, quam gloriæ Divinæ ubivis propagandæ, animorumque celo lucratorum occasionem. Hanc reperiisse videatur, cum Gandavensis ipsi anno 1612. Ecclesia ac triennio post Archi-Episcopalis Cameracensis crederetur regenda. Utramque Provinciam magna prudentiæ, ac pietatis laude administravit. Non reticendum, quod novem & octoginta dedecavit Ecclesias, ampliarit novis magnificisque ædificiis Episcopale Palatium, & alia, præter dotatas liberaliter pauperum Scholas, plurima munificentie suæ monumenta posteritati reliquerit. Obiit Montibus Hanoniæ, plenus meritis Antistes anno 1644. die 23. Maji, ætatis annuum agens septuagesimum septimum. Breve itius, ibidem in templo Societatis nostræ tumulati, elogium legitur; longius apud Rev. & Cl. D. Ludovicum Fulonium in libro, cui titulus: *Epitome vitæ & virtutum Illustrissimi & Reverendissimi Domini D. FRANCISCI van der BURCH, Archi-Episcopi & Ducis Cameracensis, S. R. I. Principis, Comitis Cameracensi, &c. auctore R. D. LUDOVICO FOULON, Ecclesiæ Metropolitanae B. Mariæ Cameracensis Canonico, Infulis edito in 4to. ex Officina Nicolai de Rache M. DC. XLVII.*

Vide Anton. Sanderum de Gandavensib. eruditionis fama clariss. Lib. I. pag. 56. Joannem Bapt. de Castillon in sacra Belgii Chronolog. P. II. pag. 358. & pag. 512.

juxta vocationem suam cum hæc nostra, tum Provincialia Statuta, quæ omnia magno omnium applausu legitime publicata fue-

runt, executioni mandare pro virili conetur. Valet, & Omnipotentem DEUM pro nobis orate.

INDEX TITULORUM HUIUS CONCILII.

- I. De Professione Fidei, ac his, quæ ad ejusdem Fidei integritatem conservandam pertinent.
- II. De Sacramentis in genere.
- III. De Sacramento Baptismi.
- IV. De Sacramento Confirmationis.
- V. De Sacramento Penitentiae.
- VI. De Sanctissimo Eucharistiae Sacramento.
- VII. De Sacramento Extremæ Unctionis.
- VIII. De Sacramento Ordinis.
- IX. De Sponsalibus & Matrimonio.
- X. De Doctrina & prædicatione verbi Dei.
- XI. De Officio Divino, Cæremoniis, Locis sacris, & Exequiis Defunctorum.
- XII. De Festis & Jeuniis.
- XIII. De Sanctorum Reliquiis, & Imaginibus.

- XIV. De Exorcismis.
- XV. De Usuris.
- XVI. De Archi-Presbyteris, Pastoribus, & Custodibus, eorumque officiis.
- XVII. De vita & honestate Clericorum.
- XVIII. De Beneficiis & Officiis Ecclesiasticis, & Beneficiatorum residentia, ac oneribus Beneficiorum adimplendis.
- XIX. De Scholis.
- XX. De Seminario.
- XXI. De elocatione & conservatione bonorum Ecclesiasticorum.
- XXII. De Regularibus & Monialibus.
- XXIII. De Judicibus delegatis, & Examinatoribus.
- XXIV. De Synodo Provinciali, & Diocesana.

DECRETA ET STATUTA SYNODI DIOECESANÆ GANDAVENSIS.

TITULUS I.

De Professione Fidei, ac his, quæ ad ejusdem Fidei integritatem conservandam pertinent.

CAPUT I.

Cum postrema Synodus Provincialis statuât, & decernat, ut omnes omnino Concionatores, & Confessarii faciant Fidei professionem juxta Bullam PII IV. Religiosi ad excipiendas confessiones, aut concionandum deinceps admitti volentes, facient eam singuli coram Superiore suo regulari, & de ea facta docebunt, dum se Nobis fident pro admissione obtinenda.

CAPUT II.

Cuicumque deinceps de Canoniatu in Ecclesia Collegiata providebitur, is quoque ante faciet Fidei professionem in Capitulo suo, quam ad residentiam admittatur.

CAPUT III.

Quæ in novissima Synodo Provinciali de Fidei professione a Ludimagistris utriusque sexus, Typographis,

Bibliopolis, ac Librariis emittenda, decreta sunt, æque præsentibus ac futuris Ludimagistros, Typographos, Bibliopolas, ac Librarios concernunt: Ea propter quicumque eorum, debitam Fidei professionem hætenus non fecerunt, eam sibi faciendam superesse, non ignorent, & jussi facere non detrectent, ne quid durius alioquin in eos statuere cogamur.

CAPUT IV.

Fidei professionem emittere obligatus, opera Procuratoris non utetur, sed per seipsum id præstabit, & super Fide Catholica uniuscujusque professionem emissuri, is, qui eam excipiet, summariam informationem ante capiet, si & quatenus id requiri, aut expedire judicaverit.

CAPUT V.

Statuto Concilii Provincialis, ut nemo præter juratos Typographos, Biblio-

Bibliopolas & Librarios juratos, ullos libros excudere, aut venales exponere præsumat, contravenire censendi sunt, qui passim absque licentia, & permissione Superiorum quoscumque libros, cantilenas, ephemerides, aut similia ante fores Templorum, aut in aliis publicis locis venalia exponunt, vel platearum circumferunt. Et re ipsa compertum est, complures venenosos libros hac ratione per Diocesim sparsos fuisse magno multorum malo. Ideoque instantissime rogat hæc Synodus omnes Prætores, ac Præfectos Justitiæ & Magistratus, ut ad id impediendum, autoritate sua viriliter utantur, etiam quoad confiscationem ejusmodi librorum, cantilenarum, & ephemeridum, prout olim CAROLUS Quintus Augustæ admodum memoriæ, edicto sancivit Anno 1550. quod & Anno 1556. a Rege PHILIPPO Secundo confirmatum est.

CAPUT VI.

Regulares, quibus de libris Religiosorum sui Ordinis censere ex privilegio, aut concessione Superioris permittitur, eam potestatem non extendant. Et nemo omnino sæcularis vel regularis prætextu folius gradus, quem in Universitate adeptus est, censendi facultatem sibi vendicat.

CAPUT VII.

Cum absque legitima licentia (a) Episcopi vel Inquisitoris, nemini sacra Biblia vulgari lingua legere, seu habere liceat, & aliter ea legere seu habere præsumens, peccatorum absolutionem percipere non possit, nisi prius Bibliis Ordinario redditis, Bibliopola exacte observent, quod Regula 4. Indicis librorum prohibitorum ipsis mandatur, ut scilicet nemini, prædictam facultatem non habenti, Biblia idiomate vulgari conscripta vendant, vel alio quovis modo concedant, sub pœnis in eadem Regula contentis: Et sciant omnes non modo integra Biblia lingua vulgari legere, legendique potestatem non habenti vendere illicitum esse, verum etiam non permitti lectionem aut venditionem, solius veteris, vel novi Te-

stamenti absque simili licentia, & quatenus opus est, id ipsum prohibemus.

TITULUS II.

De Sacramentis in genere.

CAPUT I.

Claves Tabernaculi Sanctissimi Sacramenti, & armarii, in quo recluduntur sacra Olea, nec non seræ, qua concluditur sacer fons, nunquam relinquuntur in summo altari, vel Sacristia, vel penes Custodem, aut quemcumque alium non constitutum in Ordine sacro.

CAPUT II.

Ex sacra materia cujuscumque Sacramenti, nullus unquam Parochus aliquid tradet alicui, vel tradi permittet prætextu medicinæ, vel maleficii tollendi, neque ipse ad alium usum ea utatur, quam ad quem ab Ecclesia destinatur, sub pœna arbitraria, eaque gravi.

CAPUT III.

Constat hæreticis in more esse, ut etiam ad periculosissime laborantes non curent advocari Pastorem antequam agonizent, vel usum linguæ cum intellectu amiserint, atque ita omnis admonitionis sint incapaces, & ad Sacramenta rite suscipienda se disponere non possint: tum vero Pastor accersitur, ut morientium famæ consulatur, qui propriæ salutis consulere noluerunt, & ne indigni videantur Ecclesiastica sepultura. Ut his periculosissimis fraudibus utcumque obvietur; Pastores singuli, simul atque aliquem subditorum de hæresi non remere suspectum ægrotare cognoverint, mox ægrotum accedent, etiam non vocati, & aperte & candide cum eo agent, non celantes suspicionem hæreseos, qua laborat, & discrete proponentes, quæ ad resipiscentiam & contritionem excitandam facere judicabunt, debitam Fidei professionem ab eodem exigent, & ad piam Sacramentorum susceptionem ipsum inducere conabuntur. Et si quis forte ita monitus debitam Fidei professionem emittere, ac Sacramenta suscipere pertinaci-

(a) Regula 4. Indicis Librorum prohibitorum.

Tomus IX. Concilior. German.

tinaciter recusaverit, eidem morienti Ecclesiastica denegetur sepultura.

CAPUT IV.

Si dum ægrotis Sacramenta administrantur, irrisione, gestibus ludicris, vel aliter quomodocumque notabilem irreverentiam ab aliquo fieri contingat, is Nobis, seu Curix nostræ denunciatur, in exemplum & terrorem aliorum puniendus.

CAPUT V.

Dum sacro Chrismati, vel aliis sacris Oleis deficientibus admiscendum est oleum non consecratum, guttatim hoc fiat, ita ut quantitas ejus, quod infunditur, semper minor sit, vel certe non notabiliter major quantitate Olei consecrati.

CAPUT VI.

Occasione administrationis Sacramentorum nihil exigatur ante ipsam administrationem, post eam tamen, vel quod sponte offertur a fidelibus, vel quod laudabili consuetudine tamquam debitum præstari solet, velut vitæ stipendium, recipiatur, imo & jurium solutio juridice exigatur, cum eam subditos ex malicia recusare constat.

TITULUS III.

De Sacramento Baptismi.

CAPUT I.

SI forte alicubi aqua sacri Fontis corrumpi, vel lapideum vasculum Fontis tempore gelu, vel aliter quomodocumque findi, atque ita ipsas aquas effluere contigerit, Parochus non expectet Sabbatum sanctum, vel vigiliam Pentecostes, ut novas aquas consecret, sed faciat id, quam fieri poterit, citissime, ostiis tamen clausis, & exclusis laicis, ipso vasculo debite antea mundato, &, si necesse fuerit, curet quoque illud ipsum ære, vel plumbo antea obduci, aut aliud integrum & honestum comparari.

CAPUT II.

Ubicumque juxta sacrum Fontem necdum extructa est piscina, citra moram extruatur, & in eam, dum aqua Fontis renovanda est, vetus aqua infundatur.

CAPUT III.

Liber, in quo scribuntur nomina & cognomina baptizatorum, & patrinorum ac matrinarum, continere insuper debet nomen & cognomen utriusque parentis, hoc est, patris & matris uniuscujusque baptizati, & quando completus fuerit, servabitur in archivis Ecclesiæ, quemadmodum in novissimo Concilio Provinciali ordinatum est de libro Matrimonio junctorum.

CAPUT IV.

Infantes sine Baptismo morientes nec in loco sacro, nec in parentum, vel aliorum privatorum hortis sepeliuntur, sed communis aliquis locus juxta cœmeterium eorum sepulturæ deputetur.

CAPUT V.

Quandocumque infans sub conditione baptizandus est, eum baptizaturus hac forma utetur: *N. Si es baptizatus, ego te non baptizo: Si autem non es baptizatus, Ego te baptizo in nomine Patris, & Filii, & Spiritus Sancti.* Et antequam dicere inceperit: *Ego te baptizo*, aquam infanti non superfundat.

CAPUT VI.

Pueri expositi semper & indistincte sub conditione baptizentur, si vel sal iis appositum fuerit, si vel non: si quidem post celebrationem Concilii Provincialis, re ipsa compertum est, subinde sal pueris expositiis apponi in signum Baptismi non conferendi, sed collati.

CAPUT VII.

Parochus ob id, quod puer baptizandus sit illegitimus, vel ex parentibus pauperibus, & exteris casu illic natus, nullusque pro ejus alimentatione fidejussor sese offerat, ipsum baptizare non recuset, nec differat, etsi Magistratus loci, vel alii quicumque, ob prædictas vel alias similes causas, puerum baptizari prohibeant. Et generaliter quandocumque infans baptizandus offertur, vel Parochus ad baptizandum vocatur, is officio suo fungi non differat, & nullo modo in diem Dominicum, vel Festum proximum, Baptismum rejiciat sub pœna arbitraria. Et moniti, ut infantes suos baptizari curent,

curent, si intra triduum non obedierint, denuncientur.

CAPUT VIII.

Monachi & Moniales, etiam Monasteriis Præfecti, ut per se, ita quoque per Procuratorem, infantem e sacro Fonte suscipere prohibentur.

CAPUT IX.

Alieno nomine infantem suscipiens, cognationem spirituales non contrahit, sed is, a quo mandatum habuit: uterque tamen libro baptizatorum inscribatur hoc modo: *Susceptor N. nomine N.*

CAPUT X.

In periculo mortis domi baptizatus, si postea ad Ecclesiam deferatur, ut omissa caremoniæ a Parocho adhibeantur, nullam omnino cognationem contrahit cum patrino ad Catechismum vel exorcismum in Ecclesia adhibito. Quare nec nomen ejusmodi patrini libro baptizatorum & susceptorum inscribendum est. Et si forte inscriptio urgeatur, hoc modo ea fieri debet: *Susceptor in Catechismo & exorcismo N.*

CAPUT XI.

Convivia puerperiorum, quibus Parochi per novissimum Concilium Provinciale interesse prohibentur, non ea tantum intelligimus, quæ fiunt ipso die Baptismi, sed illa quoque omnia, quæ ante purificationem puerperarum occasione Baptismi, aut patrinorum celebrantur: Et ut cæteri omnes Sacerdotes ab iis abstineant, mandamus.

CAPUT XII.

Advigilent Pastores, ut, quod de obstericibus in novissimo Concilio Provinciali Tit. 3. Cap. 7. & in edicto Serenissimarum suarum Celsitudinum pro observatione ejusdem Concilii Art. 8. ordinatum est, debitæ executioni mandetur.

TITULUS IV.

De Sacramento Confirmationis.

CAPUT I.

Pastores singuli sub id temporis, quo Episcopus in iis locis hoc Sacramentum ministraturus est, subditos suos plene instruant de iis omnibus,

quæ ad Sacramentum hoc digne suscipiendum pertinent, nec non de multiplici utilitate, ac effectibus ejusdem, simulque serio eos adhortentur, ne illud suscipere differant.

CAPUT II.

Consultant etiam confirmandis, eorumve parentibus, ut Sacerdotes, aut in aliis sacris Ordinibus constituti, vel patrui, avunculi, amita, aut matertera, aut similes consanguinei, aut affines in patrilinos, aut matrilinas potius assumantur, quam extranei, ne cognatio spiritualis, quæ est impedimentum Matrimonii dirimens, inter eos contrahatur, qui aliquando forte Matrimonio jungi optarent.

CAPUT III.

Dubitantes, num aliquando Sacramentum hoc susceperint, illud ipsum dubium, & rationes dubitandi Nobis exponant, ut sub conditione confirmetur, si ita fieri debere judicaverimus.

CAPUT IV.

Confirmandi septennio non sint minores, nisi ex rationabili causa Confirmanti aliud videatur.

CAPUT V.

Non confirmatus, vel Christianæ fidei rudimentis non instructus, ad tenendum confirmatum non se ingerat.

TITULUS V.

De Sacramento Pœnitentiæ.

CAPUT I.

Cum Decreto novissimi Concilii Provincialis de erigendis confessionariis, quæ Confessarium a pœnitente asserculo cancellato, ac pœnitentem a sequentibus alio asserculo disjungant, in plerisque locis necdum satisfactum sit: intra quatuor menses ubique illi satisfieri mandamus, iisque elapsis extra ejusmodi confessionalia fœminarum, etiam religiosarum, confessiones a quocumque excipi prohibemus extra casum necessitatis, sub pœna suspensionis ab officio Confessarii, & alias arbitraria.

CAPUT II.

Ut quis in hac Dicecesi confessiones excipere possit, non sufficit eum a
Hh 3 quo-

quocunque Episcopo examinatum, & admissum esse, sed ab Ordinario loci, seu Episcopo Gandavenfi admissus esse debet: & asserenti se a Nobis, aut aliquo Prædecessorum nostrorum admissum esse credi nolumus, nisi id ipsum in scriptis doceatur. Ita quoque admissus aliorum confessiones excipere non præsumat, quam in quos ordinariam, vel subdelegatam habeat jurisdictionem. Et si forte aliquibus ab aliquo Prædecessorum nostrorum data sit potestas admittendi Confessarios, vel absolute, vel in certo loco, vel ad certum tempus, eam morte concedentis extinctam esse declaramus, & quatenus opus est, revocamus.

CAPUT III.

Sacerdotes sæculares non nisi superpelliceo, vel alba induti sæcularium non ægrotorum confessiones excipiant: Pastores vero & Vice-Pastores etiam stolam superaddant, & nullus omnino Confessarius regularis vel sæcularis, cujuscumque personæ confessionem aliter excipiat, quam sedens, nec aliter, quam cooperto capite Sacramentalis Absolutionis sententiam ferat.

CAPUT IV.

Nemo etiam vota obedientiæ a filiabus confessionis exigat, vel admittat, sub pœna arbitraria. Et ut perverfis & reprobis hominibus omnis calumniandi occasio, quantum fieri potest, subtrahatur, mandamus, ut, dum tenebræ sunt, nemo, nisi adhibito lumine, feminarum confessiones excipiat.

CAPUT V.

Casus in Diœcesi Gandavenfi Episcopo reservati sunt hi: Sodomia, cum aliis delictis ejusdem generis gravioribus, raptus virginum, homicidium voluntarium, incendium ex deliberata voluntate procuratum, Simonia, hæresis, apostasia, incestus cum consanguineis aut Sanctimonialibus, injectio manuum violenta, deliberato proposito, cum læsione in parentes facta, fortilegium, adulterium notorium, & omnia delicta, quæ excommunicationem Ordinario reservatam, annexam habent.

CAPUT VI.

Qui ab his casibus absolvendi potestatem accepit, non ad destructionem, sed ædificationem ea utatur, exponendo pœnitentibus peccatorum gravitatem, & convenientes satisfactiones, prout spiritus suggererit, prudenter injungendo.

CAPUT VII.

Pro peccato occulto pœnitentia publica non imponatur; & occasiones propinquas peccandi vitare nolentibus, beneficium absolutionis non impendatur.

CAPUT VIII.

Caveant etiam Confessarii in examinandis pœnitentibus, præsertim circa vitia carnis, ne indiscretis interrogationibus eos doceant peccata, quæ ignorant, vel aliter scandalizent: & in cæteris omnibus prudentes sint ac circumspecti, eaque sinceritate ac ædificatione munere suo fungantur, quemadmodum & Sacramenti sanctitas postulat, & animarum salus deposcit.

CAPUT IX.

Male admodum faciunt, qui absolventes non dicunt simpliciter: *Ego te absolvo a peccatis tuis*, sed addunt, *confessis, contritis & oblitis*. Quare deinceps ab hujusmodi additione quilibet abstinere. Pœnitentia quoque ante imponatur, quam detur absolutio.

CAPUT X.

Quod in Generali Concilio Lateranensi sub INNOCENTIO III. *Can. 21.* salubriter decretum est, & in Cap. *Omnis utriusque sexus. Extra de Penit. & Remiss.* repetitur, frequenter in Ecclesiis publicari debet, atque ideo etiam ad commoditatem Pastorum, & Confessariorum illud ipsum Decretum de verbo ad verbum hic inferendum censuimus.

" Omnis utriusque sexus fidelis,
" postquam ad annos discretionis pervenerit, omnia sua solus peccata, saltem semel in anno fideliter confiteatur proprio Sacerdoti, & injunctam sibi pœnitentiam, studeat pro viribus adimplere, suscipiens reverenter ad minus in Pascha Eucharistiæ Sacramentum, nisi forte de consilio proprii

" prii Sacerdotis ob aliquam rationa-
 " bilem causam ad tempus, ab ejus per-
 " ceptione duxerit abstinendum. Alio-
 " quin & vivens ab ingressu Ecclesiæ
 " arceatur, & moriens Christiana ca-
 " reat sepultura."

Unde hoc salutare Statutum fre-
 quenter in Ecclesiis publicetur, ne quis-
 quam ignorantia cæcitate, velamen ex-
 cusationis assumat: Si quis autem alie-
 no Sacerdoti voluerit iusta de causa sua
 confiteri peccata, licentiam prius po-
 stuler, & obtineat a proprio Sacerdo-
 te, cum aliter ipse illum non possit sol-
 vere vel ligare. Sacerdos autem sit
 discretus & cautus, ut more periti Me-
 dici, superinfundat vinum & oleum
 vulneribus sauciati, diligenter inquir-
 ens & peccatoris circumstantias, &
 peccati, per quas prudenter intelligat,
 quale illi consilium debeat exhibere,
 & cujusmodi remedium adhibere, di-
 versis experimentis utendo ad sanan-
 dum ægrotum. Caveat autem omni-
 no, ne verbo aut signo, vel alio quo-
 vis modo prodat aliquatenus peccato-
 rem: sed si prudentiorum consilio in-
 diguerit, illud absque ulla personæ
 expressione caute requirat. Quoniam
 qui peccatum in penitentiali iudicio
 sibi detectum præsumperit revelare,
 non solum a Sacerdotali officio depo-
 nendum decernimus, verum etiam ad
 agendam perpetuam penitentiam in
 arctum Monasterium detrudendum.

CAPUT XI.

Quicumque ex mensa Sancti Spi-
 ritus eleemosynas percipiunt, apud
 Pastorem suum, & Magistros mensæ
 quotannis legitime doceant se Decreto
 præacti Canonis, *Omnis utriusque sexus*,
 quoad annuam Confessionem, & Com-
 munionem in Paschate satisfecisse, &
 idipsum non docentes, prima vice ad
 tres menses, secunda vero vice in per-
 petuum omni subsidio mensæ Sancti
 Spiritus priventur.

CAPUT XII.

Si (quod absit) Sacerdotem cum
 filia spirituali, quam baptizavit, vel de
 sacro Fonte levavit, vel in Confirmatione
 tenuit, aut cum muliere, cujus Sa-

cramentalem Confessionem audivit,
 fornicari contingat: sciat quicumque
 hoc scandalum dederit, se mox depo-
 nendum, & insuper juxta sacros (b)
 Canones sine conniventia puniendum.

CAPUT XIII.

Statutum est ab INNOCENTIO
 III. in Concilio Generali, ut Medici ad
 ægros in lecto decumbentes vocati,
 antequam illorum curam suscipiant,
 eos moneant de advocando Confessa-
 rio, & intra quadriduum non parenti-
 um curam deferant, sub pœna excom-
 municationis, nisi æger paulo ante mor-
 bum confessus sit. Hanc salutarem
 admodum Constitutionem, a Medicis
 omnibus exacte observari, præsertim
 quoad ægros, qui aliquo modo de hæ-
 resi suspecti sunt, vel liberius vixerunt,
 singulariter optamus. Vel si hoc du-
 rius fortassis videatur, aut timoratis
 Medicis damno fore metuetur; Pa-
 rochum saltem moneri curabunt quilibet
 Medici, quam primum aliquem ægrum
 in ejus Parochia visitaverint. Idemque
 facient Religiosæ, quæ ægrotis assi-
 stunt; & Pastor sic monitus, ægrum
 ipsum accedere non differet, eumque
 ad suscipiendum hoc salutare Pœniten-
 tiæ Sacramentum modis omnibus indu-
 cere, & in cæteris omnibus officio suo
 debite perfungi conabitur.

CAPUT XIV.

Antiquam consuetudinem confi-
 tendi in initio Quadragesimæ in usum
 revocari summopere optamus, ut fu-
 tura jejunia, & alia pietatis opera in
 statu gratiæ fiant, & meritoria existant.
 Quare & Pastores Dominica *Sexagesimæ*,
 vel *Quinquagesimæ*, subditos suos ad Sa-
 cramentum Pœnitentiæ in capite je-
 junii rite suscipiendum seriohorta-
 buntur.

TITULUS VI.

*De Sanctissimo Eucharistiæ Sa-
 cramento.*

CAPUT I.

Non sufficit, ut quis in aliquo Mo-
 nasterio, vel alio pio loco in Pa-
 schate communicet, sed quilibet in Ec-
 clesia

(b) Can. Si quis Sacerdos. & Can. Non debet. 30. quæst.

clesia sua Parochiali Eucharistiæ Sacramentum suscipere tunc tenetur : Et quicumque id non præstiterit, cum tamen a Parochia sua non abesset, Curia nostræ denunciatur, etsi extra Ecclesiam Parochialem se communicasse asseverit.

CAPUT II.

Ordinatio ultimi Concilii Provincialis, ac præcedentis Synodi hujus Diocesis, ne unica dumtaxat sacra Hostia ad ægrotum deferatur, regulariter servanda est ab omnibus. Quando tamen vel nimia loci distantia, vel itineris, temporisve difficultas, vel alia iusta causa impedit, quo minus id præstari possit, tum licebit Parocho, eam Sanctissimæ Eucharistiæ particulam solum deferre, quam æger percipiturus est, quo casu tamen inane vasculum occulte, silente campanula, & sine lumine ad Ecclesiam referetur; Illis etiam, qui Sanctissimum Sacramentum comitati fuerunt, præmonitis, unicam dumtaxat sacram Hostiam pro ægrotodelatam fuisse.

CAPUT III.

Ut plures passim hoc Sacramentum, dum ad ægrotos deferretur, comitentur, vel lumen ei præferant, aut præferri curent, singulis eorum, qui illud devote comitabuntur, indulgentias decem dierum: iis vero, qui facem aut tædam ardentem præferri curabunt, aut ipsimet præferent, viginti dierum indulgentias in Domino elargimur.

CAPUT IV.

Quandocumque hoc Sacramentum ad ægrotum deferendum est, ægroti cubiculum ab omni forde prius purgandum esse, ac mensam nitida mappa, vel alio mundo linteo honeste contratam, & Cruce, luminaribus ac vasculo aquæ benedictæ instructam, in qua pyxis cum Sanctissimo Sacramento collocari possit, præparari decere, Pastores subditis suis data occasione inculcare non omittant.

TITULUS VII.

De Sacramento Extremæ Unionis.

CAPUT I.

Sacrum Oleum infirmorum cum debita reverentia ad ægrotum defe-

ratur. Custode, qui & honesto superpelliceo semper sit indutus, lumen præferente, absque sonitu tamen nolæ.

CAPUT II.

In dubio an is, ad quem inungendum Parochus vocatus est, adhuc vivat, vel non, hac conditione Parochus inungendo utatur: *Si es vivus, Per istam sanctam Unctionem, &c.*

CAPUT III.

Nec pueris, qui rationis usum necdum habent, nec amentibus, aut furiosis, qui lucidum circa mortem non habent intervallum, nec iis, qui bene valent, etiam si mortis periculo se brevi exponere debeant, vel etiam ad ultimum supplicium jam sint damnati, ulla ratione conferendum est hoc Sacramentum.

CAPUT IV.

In una quoque & eadem ægritudine, etiam ad plures menses perdurante, iterato conferri hoc Sacramentum nemini debet.

TITULUS VIII.

De Sacramento Ordinis.

CAPUT I.

AD primam Tonsuram nemo se præsentet, qui non sit confirmatus, Fidei rudimenta edoctus, legendi & scribendi peritus, ac debito vitæ testimonio munitus.

CAPUT II.

Ordinandi titulo Patrimoniali, copiam authenticam ejusdem tituli penes Secretarium nostrum relinquunt.

CAPUT III.

Ut Clericus sæcularis sacris Ordinibus initiandus, ante docere debet sibi provisum esse de sufficiente titulo Beneficiali, vel Patrimoniali, & insuper jurare, quod titulum illum, quem pro futura sua promotione exhibet, vere, & sine ulla fraude possideat: Ita quoque Clericus regularis, testimonio sui Superioris ante docere debet, se Religionis, cui adscriptus est, professionem emisisse, & insuper affirmare se eam sponte fecisse, aut ratam habuisse, illudque in registro ordinandorum diserte exprimatur.

CAPUT

CAPUT IV.

Ordinati Sacerdotes Primitias celebrare non differant ultra sex septimanas, nisi ex causa legitima a Nobis approbanda.

TITULUS IX.

De Sponsalibus & Matrimonio.

CAPUT I.

L Audabilem consuetudinem, ut coram proprio saltem alterius contrahentium Parocho, & duobus testibus Sponsalia de futuro contrahantur, nullo modo abrogare intendimus, at potius inviolabiliter ab omnibus servari vehementissime cupimus. Nihilominus tamen, si aliter ea contracta fuerint, valida esse ac servari debere declaramus, & ne quis Concionatorum, aut Confessariorum aliter docere præsumat, prohibemus.

CAPUT II.

In tabernis, aut aliis locis minus honestis Sponsalia de futuro contrahere volentibus, Parochus operam suam non impendat; in honestis tamen ædibus libere sine consensu Decani Christianitatis, vel cujuscunque alterius id facere poterit.

CAPUT III.

Cum impedimenta Matrimonii a plerisque hominum ignorentur, & non raro contingat, impedimentum aliquod vere subesse, quod tamen ipsos contrahentes bona fide lateat: periculosum videtur, ut a Sponsalia, vel etiam Matrimonium contrahere volentibus exigatur juramentum, quo absolute affirmant non subesse Canonicum impedimentum: atque ideo etiam deinceps id fieri vetamus, & sufficere volumus, ut Sponsalia & Matrimonium contracturi declarent se non scire, quod subest aliquod ejusmodi impedimentum.

CAPUT IV.

Ebriis aut potu captis Sponsalia contrahere volentibus, Parochus non assistat, sed eos rejiciat in aliud tempus, quo sobrii erunt.

CAPUT V.

Ad periculum incontinentiæ, aliaque inconvenientia evitanda, moneant

Tomus IX. Concilior. German.

Parochi Sponsalia coram se contrahentes, ut intra sex septimanas, Canonici impediementi denunciatione cessante, ad Matrimonii solemnizationem procedant; utque ante Sacerdotalem Benedictionem in Templo suscipiendam, in eadem domo non cohabitent.

CAPUT VI.

Decretum Concilii Tridentini irritans & annullans Matrimonium, quæ aliter, quam præsentem Parocho, vel alio Sacerdote de ipsius Parochi, seu Ordinarii licentia, & duobus vel tribus testibus contrahuntur; in omnibus & singulis Ecclesiis Parochialibus totius Diœcesis iterum publicetur intra sex menses proximos, & Archi-Presbyteri in prima visitatione serio ubique inquirent, num id præstitum sit, & in actis visitationis singularum Ecclesiarum expresse annotent, an huic mandato satisfactum sit, nec ne; ut inobedientes, si qui fuerint, debite puniri, eorumque defectum suppleri curemus.

CAPUT VII.

Ubi quis vere habitat, ibi Matrimonio jungi potest, etsi brevi tantum tempore ibidem egerit: nihilominus tamen in Parochia, in qua prius habitavit, ubi verosimilius est fore, ut impedimenta sciuntur, denunciations omnes fieri volumus.

CAPUT VIII.

Impedimento aliquo denunciato, etsi postea illud a denunciante fuerit revocatum, nolumus tamen Parochum ad Matrimonii solemnizationem ante procedere, quam re ad Nos, aut Officiale nostrum delata, debitam licentiam in scriptis ab altero nostrum receperit, cum reipsa compertum sit ejusmodi revocationes, subinde fieri a pecunia, vel favore corruptis, contra veritatem.

CAPUT IX.

Cum ex longa conjugis absentia non resultet certitudo de ejus obitu, & mors non præsumatur, sed probanda sit; (quilibet enim vivere præsumitur) ad secundas nuptias convolare desiderans, Matrimonio non jungatur, nisi habita prius legitima certitudine de morte prioris conjugis, etiamsi non

Ii

septem

septem tantum, ut multis falso persuasum est, sed etiam viginti, triginta, aut plures annos continuos eum abfuisse constiterit.

CAPUT X.

Tribus continuis Dominicis, vel Festivis diebus deinceps proclamationes fieri poterunt, juxta Decretum Concilii Tridentini. (c) Quare & revocamus, quod aliquando de die intermedio ordinatum fuit.

CAPUT XI.

Sponsalia contrahentes, si non sint confirmati, moneantur a Parocho, ut se confirmari curent, antequam ad Matrimonium procedant; Idemque allaboret, ut doctrinæ Christianæ rudimenta prorsus ignorantes, saltem Orationem Dominicam & Salutationem Angelicam, Symbolum Apostolorum & Decalogum antea teneant, quam Matrimonio jungantur.

CAPUT XII.

Erronea est multorum opinio existimantium Matrimonium consistere non posse inter susceptorem & susceptricem unius & ejusdem infantis, si tempore Baptismi nullus inter eos steterit medius. Nec minus falluntur, qui impedimentum cognationis spiritualis, quod est inter suscipientem & baptizatum, ejusque patrem & matrem, ad uxorem susceptoris, vel maritum susceptricis extendunt. Quare de utraque hac, & aliis similibus erroneis persuasionibus, subinde Parochi subditos suos publice instruant.

TITULUS X.

De Doctrina & prædicatione Verbi Dei.

CAPUT I.

Quod in novissimo Concilio Provinciali statutum est, ut Pastores neminem omnino in Ecclesiis suis concionari permittant, qui de licentia Ordinarii in scriptis non prædocerit; de licentia Ordinarii non personæ, sed loci intelligi debet. Itaque in hac Gandavenſi Diœceſi, Episcopi Gandavenſis licentia requiritur.

CAPUT II.

Mandato novissimæ Synodi Provincialis, ut unus & idem modus in docendo, & discendo doctrinam Christianam ubique teneatur, quantum in Nobis est parentes, Catechismus Mechliniensis, cui major Catechismus editus lingua vernacula pro Catechistis, & inscriptus: *Den Schat van de Christelijcke Leeringhe*, correspondet, per totam nostram Diœcesim deinceps, saltem a proximo festo Nativitatis Domini, doceri jubemus.

CAPUT III.

Cumque hodie nihil æque sit necessarium, quam juventutem debite catechisari; & tamen hoc ipsum plurimis in locis vel omittatur omnino, vel neglectum admodum peragatur, omnes & singulos Parochos, & quoscumque alios, quos ea cura tangere debet, rogamus & obsecramus per viscera misericordiæ Dei, & cum obtestatione Divini judicii, ut huic officio suo serio satisfaciant.

CAPUT IV.

Dominos etiam quorumcumque locorum, & Magistratus, ac quoscumque alios autoritate, ac jurisdictione sæculari pollentes, obtestamur in Domino, ut in hanc ipsam rem sedulo incumbant, necessaria subsidia Catechistis procurando, & juventutem ad Catechismum venire compellendo.

CAPUT V.

Pastoribus per se in propria Ecclesia concionari volentibus, (d) sciant ceteri omnes se illis cedere debere.

CAPUT VI.

Regularium Terminariorum quoscumque Superiores in Domino moneamus & requirimus, ut omnis dissolutionis causam suis subditis adimant, ne Nos illos, qui sua conversatione plus destruunt, quam prædicatione ædificent, tamquam inutiles in vinea Domini operarios, a suis terminis, & a munere prædicandi amovere debeamus.

CAPUT VII.

Repleta est patria validis mendicantibus, & multi passim penam potius,

(c) Sess. 24. Cap. 1. de Reform. Matrim.

(d) Sacra Congregatio Concilii Tridentini sup. Cap. 4. Sess. 24. de Reform.

tius, quam commiserationem merentes, fidelium eleemosynas non modo impudenti importunitate, sed falsis etiam, vel subreptitiis, aut obreptitiis commendationum literis extorquere conantur, cum gravissima injuria eorum, qui vere pauperes sunt. Atque ideo hujusmodi fraudibus, quantum in Nobis est, obviare cupientes, ut Nos ipsi neminem omnino, Fidelium eleemosynis per Pastores & Concionatores commendari mandabimus, quem non fide dignis testimoniis gratiam istam mereri cognoverimus: ita quoque sine nostro consensu in scriptis, ejusmodi commendationem cujuscumque extranei e suggestu fieri nolumus.

TITULUS XI.

*De Officio Divino, Cæremoniis,
Locis sacris, & Exequiis
Defunctorum.*

CAPUT I.

Quia in novissimo Concilio Provinciali ordinatum est, ut in omnibus pagis totius Provinciæ Missa Parochialis Dominicis & Festis diebus, certa & eadem hora semper fiat, tam determinantes quoad hanc nostram Diœcesim, mandamus, ut Missa Parochialis semper celebretur hora nona, vel circiter.

CAPUT II.

Ut similiter satisfiat Statuto præfacti Concilii Provincialis, quo mandatur, ut Ordinarii in singulis Decanatus suæ Diœceseos aliquos deputent cæremoniarum, & rituum Ecclesiæ Romanæ peritos, qui Primitias celebraturos iisdem cæremoniis ac ritibus debite instruant: singuli Archi-Presbyteri in proxima congregatione Pastorum diligenter dispiciant, qui ad hoc erunt aptissimi, eosque Nobis præsentent, & facta per Nos eorum designatione, nemo deinceps sæcularis Sacerdos Primitias celebret, qui se ab aliquo illorum cæremonias usus Romani edoctum esse, testimonio ipsius Instructoris Archi-Presbyterum suum non prædocuerit.

CAPUT III.

Cum Altarium portatilius usus ob urgentem necessitatem hætenus

Tomus IX. Concilior. German.

permisus, in consuetudinem trahi non debeat: mandamus omnibus, quorum interest, ut Altaria sua profana, vel profanata mox consecrari curent; a festo Pentecostes proximo venturo, Altarium portatilius usum omnibus iis, quibus eum ex rationabili causa interim non permiserimus, prohibentes.

CAPUT IV.

Conscientiarum tranquillitati consulentes, antiquum Statutum, quo præcipitur, ut nullus Sacerdos, nisi Horis suis Canonicis, Matutinis & Prima perceptis, celebrare præsumat, abrogamus.

CAPUT V.

Ubi cumque tam longi sunt Processionum circuitus, ut occasione præbeant in itinere bibendi, vel ipsæ Reliquiæ aut Statuæ Sanctorum commode a peditibus circumferri nequeant, vel etiam populi devotio languecat; eos ita contrahi & abbreviari volumus, ut omnis scandali & irreverentiæ tollatur occasio, & viarum longitudine devotio non tepeſcat.

CAPUT VI.

Optamus in singulis saltem Ecclesiis Parochialibus introduci consuetudinem signo campanæ ter de die, scilicet mane, meridie, ac vespere, populum excitandi, ad recordandum Resurrectionis, Passionis, & Incarnationis Dominicæ, & in gratiam memoriam tantorum beneficiorum convenientes orationulas recitandum.

CAPUT VII.

Exorta quoque aeris tempestate, campanæ pulsantur, tum ad tempestatem illam vi Divina, quæ ex solemniori prece, sacraque benedictione illis inest, depellendam; tum ut Fideles ad orandum, & Dei misericordiam piis orationibus implorandam excitentur.

CAPUT VIII.

Cum Altaria sint sepulchra Martyrum, & in magna reverentia merito haberi debeant; non est permittendum, ut ab aliqua parte pateant, & rerum vilissimarum, imo & sordium receptacula fiant: Quare & mandamus, ut non modo a fronte, sed a posteriori

quoque parte, & utroque latere, ubique obstruantur.

CAPUT IX.

Dum Missæ Sacrificium celebratur, duæ semper candelæ cereæ in Altari ardeant, nec umquam ei per mulierem inferviat; Celebrans quoque nec purificatoriis Calicum ad emungendum nares sudoresve abstergendum abutatur, nec pileum, biretum, chirothecas, claves, cæteraque huiusmodi in Altari ponat.

CAPUT X.

Cæmeteria diligenter sepiantur, & claudantur; & equi, vaccæ, aut porci in iis non pascantur; nec liba, vel placenta, aut similia in iis vendantur; & ubi arbores in iis plantatæ, vel per radicum dilationem parietum fundamentis, vel per ramorum diffusionem, testis aut fenestris officiant, excidantur. Hedera quoque Ecclesiarum parietibus adhærens prorsus evelatur.

CAPUT XI.

Eos, qui sibi ipsis manus violentas intulerunt, aut in duello mortui sunt, quique in Paschate non communicarunt, nemo in loco sacro sepeliatur sub pena suspensionis.

CAPUT XII.

Nemo etiam pro iis, quarum cadaveribus Ecclesiastica denegata est sepultura, officium Exequiarum celebrare attentet, sub eadem pœna, & alias arbitraria.

CAPUT XIII.

Extra duellum occisorum corpora in loco sacro humari licite possunt; nec eorum exequiæ differendæ sunt, usque dum inter homicidam, & defuncti hæredes transactum sit: & ubi contraria est consuetudo, eam ut irrationabilem & irreligiosam abrogamus.

CAPUT XIV.

Usus Calicum cupreorum absolute prohibemus; stanneorum vero post festum Paschatis omnibus interdictum esse volumus, quibus ob probatam Nobis pauperatam, specialiter non permiserimus.

CAPUT XV.

Et si iura funeralia per totam Dicecesim nequeant esse uniformia, quod ea in multis locis sint magna pars congruæ portionis Pastorum, alibi vero absque iis, honeste Pastoribus sit provisum: curent tamen Archi-Presbyteri, ut eadem, & quævis alia iura Pastoralia, sint certa in singulis Parochiis, agendo desuper cum Pastore, & Magistratu loci, ac Aedituis, & Rectoribus mensæ pauperum: & si alicubi communi consensu illa determinari non poterint, id ipsum Nobis significetur.

CAPUT XVI.

Dum Ecclesiæ verruntur, non aspergatur pavimentum aqua benedicta; neque etiam illud aspersurus utatur vase aquæ benedictæ, vel aspersorio.

TITULUS XII.

De Festis & Jeuniis.

CAPUT I.

A Fermento hæreticæ pravitatis originem traxit corruptela, quæ passim invaluit, præsertim in pagis, non audiendi Sacrum diebus Festivis. Quare Pastores, & Concionatores omnibus modis eam eradicare studeant, docendo auditionem Missæ æque præcipi sub peccato mortali diebus Festivis, ac Dominicis.

CAPUT II.

Doccant etiam non satisfacere præcepto Ecclesiæ, qui partem tantum Missæ audiunt, ante Elevationem, aut paulo post Ecclesia exeundo. Et ne ipsimet aliquam ejus occasionem præbeant, statis semper horis Officium inchoent, & nunquam diutius, quam per horulam concionentur.

CAPUT III.

Per totam Dicecesim observari debent Festa sequentia, scilicet: Nativitatis Christi, S. Stephani, S. Joannis Apostoli & Evangelistæ, Sanctorum Innocentium, Circumcisionis Domini, Epiphaniæ, Conversionis S. Pauli, Purificationis Beatæ Mariæ, Cathedræ S. Petri, Sancti Matthiæ Apostoli, Annunciationis Beatæ Mariæ, Festum Paschæ cum Feria II. & III. sequente, S. Marci

Marci Evangelistæ, Sanctorum Philippi & Jacobi, Inventionis Sanctæ Crucis, Festum Ascensionis Domini, Festum Pentecostes cum feria II. & III. sequente; Trinitatis, Venerabilis Sacramenti, Nativitatis S. Joannis Baptistæ, Sanctorum Petri & Pauli, Visitationis Beatæ Mariæ, Sanctæ Magdalenzæ, S. Jacobi, S. Laurentii, Assumptionis B. Mariæ, S. Bartholomæi, Nativitatis B. Mariæ, S. Matthæi Apostoli, S. Michaelis, S. Lucæ, Sanctorum Simonis & Judæ, Omnium Sanctorum, S. Martini, Sanctæ Catharinæ, S. Andreæ Apostoli, S. Nicolai, Conceptionis Beatæ Mariæ, S. Thomæ Apostoli, & denique omnes dies Dominici.

CAPUT IV.

Festa Sancti Bavonis, & Sancti Livini Episcopi & Martyris, non per totam Dicecesim, sed per totam Civitatem Gandensem observanda sunt, illud Kalendis Octobris, hoc vero XII. Novembris. Idemque fit de festo Decollationis Sancti Joannis Baptistæ, Festum vero præcipuum Patroni cujusque Ecclesiæ Parochialis, in ipsa tantum Parochia celebrari debet.

CAPUT V.

Festum Cathedralæ S. Petri, vel festum Sancti Matthæi Apostoli, quando incidet in diem *Cinerum*, transferetur in diem sequentem, tam in populo, quam in Ecclesiis celebrandum.

CAPUT VI.

Sanctus Ruimoldus, Archi-Episcopus & Martyr, ac Patronus Metropolitane Ecclesiæ Mechliniensis, tertia Julii per totam hanc Gandensem Dicecesim, honorabitur Officio novem Lectionum, juxta præscriptum primi Concilii Provincialis; & Sanctus Bavo Kalendis Octobris Officio duplici.

CAPUT VII.

Pie faciunt Pastores, qui diebus Dominicis, & Festivis celebratione Vesperarum, & Laudum de Sanctissimo Sacramento, & de Beata Virgine, subditos suos a tabernis, & illicitis occupationibus ac otio, ad Ecclesiam & res Divinas pertrahere conantur, & ut cæ-

teri omnes Pastores idem præsent, vehementer optamus & obsecramus in Domino, ac, quantum possumus, mandamus.

CAPUT VIII.

Iisdem diebus agros, prata, reditus, equos, vaccas, aut similia vendentes aut ementes, aut sub concione, summo Sacro, vel Vesperis in tabernis potitantes, aut publicis lufibus, vel tripudiis vacantes, denuncientur, pro qualitate personarum, & modo scandali puniendi.

CAPUT IX.

Jejunari debet in hac Dicecesi, non modo per totam Quadragesimam, & in Quatuor Temporibus; verum etiam sequentibus Vigiliis, scilicet: Nativitatis Christi, Pentecostes, Nativitatis S. Joannis Baptistæ, Sanctorum Petri & Pauli, S. Laurentii, Assumptionis Beatæ Mariæ, S. Matthæi, Sanctorum Simonis & Judæ, Omnium Sanctorum, & S. Andreæ. Et insuper in festo S. Marci, & totis tribus Rogationum diebus, festum Ascensionis Domini immediate præcedentibus, abstinendum est a carnibus, & jejunandum usque ad prandium.

CAPUT X.

Festo Nativitatis Domini (e) in Feriam sextam incidente, carnes comedere omnibus licitum est, qui voto, vel professione non impediuntur. Ab eodem etiam festo, usque ad festum Purificationis, diebus Sabbatinis esum carniæ permittit consuetudo; Idemque licet ipso festo Purificationis, incidente in diem Sabbati. Reliquis quoque diebus Sabbatinis totius anni, quando non jejunatur, permittitur esus adipis, & jusculi carniæ: at nullo modo farciminum, intestinorum & extremitatum animalium. Et ut Nos contrariam consuetudinem, quæ in aliis quibusdam locis est, non damnamus; ita illi, qui ex hujusmodi locis huc commigrarunt, vel quacumque occasione hic agunt, consuetudini hujus Dicecesis se interim conformare, & ab esu farciminum, intestinorum & extremitatum animalium abstinere merito debent; & si quem forte contra fecisse

Ii 3

cogno-

(e) Cap. ult. De observat. Jejunii.

cognoverimus, sine conniventia & acceptione personarum, eum pro meritis in aliorum exemplum puniri curabimus.

CAPUT XI.

Ipso die Cinerum, Feria VI. Quatuor Temporum in Quadragesima, & Feria VI. in Parasceve, non modo jejunandum est, sed abstinendum insuper a lacticiiniis. Cæteris vero diebus Quadragesimæ usus lacticiiniorum ita permittitur, ut ea gratia uti volentes, singuli offerant unum stuserum in cista, quæ in qualibet Ecclesia Parochiali ad id destinata est, applicandum pro media parte eidem Ecclesiæ, & pro altera medietate Seminario nostro. Qui vero istam erogationem facere non volent, legent quotidie ter Orationem Dominicam, & toties Salutationem Angelicam.

CAPUT XII.

Quibus esum ovorum, vel etiam carniū in Quadragesima, aut aliis prohibitis diebus, iudicio Medicorum necessarium esse cognoscemus, non erimus difficiles in eo permittendo. Sed videant Medici, ne vel eorum, qui de hæresi suspecti sunt, simulationibus decipiantur (sæpe namque huiusmodi homines morbos fingere solent, ut ova & carnes comedendi licentiam extorqueant) vel nimia facilitate attestandi, alienorum peccatorum se reddant participes.

CAPUT XIII.

Caveant etiam, quantum poterunt, qui ob legitimam causam a jejuniis excusantur, quibusve ovorum, vel etiam carniū usus permittitur, ne alios suo exemplo ad violandum jejunium, vel titosve cibos comedendum provocent.

TITULUS XIII.

De Sanctorum Reliquiis, & Imaginibus.

CAPUT I.

NOvæ Reliquiæ publicæ venerationi non exponantur, antequam a nobis, juxta præscriptum Sacri (f) Concilii Tridentini, recognita & approbata fuerint. Porro inter eas com-

putandæ, seu jure illarum censendæ sunt, quæ antiquorum quidem Sanctorum esse dicuntur, sed jam recens ad eas Ecclesias, in quibus jam sunt, delatæ fuerunt.

CAPUT II.

Pastores, & alii Concionatores diligenter rudem populum instruant, non ratione materiæ, formæ, vel ornatus, Sanctorum imaginibus cultum & venerationem exhiberi; sed propter eos, quos Nobis repræsentant; atque ita Nos in signis prototypa venerari, ut in ipsis signis seu imaginibus, neque Divinitatem aliquam inesse credamus, neque ullam fiduciam collocemus.

CAPUT III.

Statuæ & imagines falsi aliquid significantes, ut nullibi tolerari debent, ita omnium minime tolerandæ sunt in locis sacris. Atque ideo etiam, ubi aliqua ejusmodi esse deprehenduntur, si periti Sculptoris, aut Pictoris manu debite corrigi, & ab omni falsitatis significatione vindicari nequeant, ab Ecclesiis efferantur & delectantur.

CAPUT IV.

Tabulæ quoque ac statuæ ab Iconomachis ruptæ aut mutilatæ, interim dum decenter reparatæ non sunt, ab Ecclesiis tollantur, & extra conspectum populi ponantur.

TITULUS XIV.

De Exorcismis.

CAPUT I.

OB justissimas rationes statutum est in novissimo Concilio Provinciali, ut nemo exorcizare præsumat sine licentia Ordinarii in scriptis obtenta. Et ob easdem rationes, revocamus omnes licentias exorcizandi, ab aliquo Prædecessorum nostrorum quibusvis, etiam in scriptis, datas.

CAPUT II.

A Nobis ad exorcizandum admissi, & deinceps admittendi, utentur exorcismis Pastoralis Mechliniensis, & non aliis, sine speciali nostra permissione.

CAPUT

(f) Sess. 27. De Invocat. Venera. & Reliquiis Sanctorum.

CAPUT III.

Nemo etiam eorum, ulli umquam fœminæ exorcismum adhibebit aliter, quam in præsentia duarum personarum probatæ fidei.

TITULUS XV.

De Usuris.

CAPUT UNICUM.

OB invalescentem passim corruptelam dandi pecuniam pupillarem ad usuram seu mutuo, cum pacto percipiendi lucrum ad ratam denarii decimi sexti, retenta facultate sortis pro arbitrio vel certo tempore repetendæ; antiquum Statutum primi Concilii Provincialis, Titulo: *De usuris*, innovantes, de verbo ad verbum illud ipsum hic inferendum duximus, & observari mandamus.

“ Quoniam usura Jure Divino & Canonico omnibus Christianis sub pœna peccati mortalis interdicitur, neque facienda sunt mala, ut eveniant bona; Synodus statuit, & ordinat, ne quis Tutor, aut Curator sub prætextu augmentandi patrimonii pupillorum, aut sub eorum curatela existentium, pecunias illorum sub certo lucro singulis annis ultra sortem recipiendo mutuo dent, retenta facultate repetendæ sortis, quando ad majorem ætatem pervenerint, aut Matrimonium contraxerint, aut alias ad illorum voluntatem & arbitrium, declarando omnes hujusmodi contractus usurarios; & contra (ut præmittitur) mutuantes, tamquam contra usurarios ad pœnas juris procedendum.”

TITULUS XVI.

De Archi-Presbyteris, Pastoribus & Custodibus, eorumque officiis.

CAPUT I.

Archi-Presbyteri & Pastores Decreta Concilii Tridentini, & utriusque Provincialis, & hæc nostra sæpe, diligenterque legant, & quæ passim in iis ponuntur officium ipsorum

concernentia, quam diligentissime exequantur.

CAPUT II.

Archi-Presbyteri Ecclesias Decanatus sui quotannis intra Pascha & Pentecosten serio visitabunt, juxta instructionem suam, tempore, quod visitationi destinabunt, Pastori tempestive præsignificato. Et ne occasione visitationum comessationes ullæ fiant, serio cavebunt. Acta quoque suarum visitationum nitide descripta & a se subsignata, quotannis ante Kalendas Julii ad Nos transmittent.

CAPUT III.

Quotannis etiam prima Feria II. Augusti, & si Kalendæ Augusti in Feriam II. inciderint, ipsis Kalendis, aderunt omnes Gandavi, & altero die mane hora octava in Sacello nostro domestico se sistent, gratiam Spiritus Sancti nobiscum invocaturi, ac deinde audituri, quæ post mutuam collationem, maturamque deliberationem pro utilitate animarum statuenda & ordinanda duxerimus.

CAPUT IV.

Præterea singuli Archi-Presbyterorum celebrabunt annuatim Capitulum Pastorum sui districtus, ordine ac tempore hic designato: Archi-Presbyter Gandavenfis celebrabit Capitulum suum prima Feria II. post festum Assumptionis Beatæ Mariæ Virginis; Feria IV. immediate subsequente celebrabitur Capitulum Teneramundanum; huic Feria II. proxima succedet Capitulum Wasianum; deinde Feria IV. subsequente, Hulstense; post illud prima Feria II. celebrabitur Capitulum Everghemienfense; ac deinde Feria IV. Aldeyardense; & subsequenti septimana Feria II. Capitulum Donzanum; & Feria IV. Tiletanum. Porro aliquo festo in Feriam II. vel IV. incidente, celebrabitur Capitulum postridie.

CAPUT V.

Hæc ipsa Capitula sic celebrentur, ut ea non ad comessandum, sed ad tractandum de rebus feriis indicta esse, omnes intelligant; proinde in illis initium rerum agendarum sumatur ab invocatione Spiritus Sancti, quo dirigente

gente de rebus Ecclesiæ conferatur; prandium vero non fiat, nisi frugale & moderatum, ut nemo sumptibus vel potu gravetur; nec umquam illud in taberna vel diversorio instituatur; extranei quoque, per quos tractatio de rebus Ecclesiæ possit impediri, ab eo excludantur.

CAPUT VI.

Archi-Presbyteri singuli in suo districtu provisos de Personatu, Pastoratu, Capellania vel Matricularia in possessionem introducent, ac debitum iuramentum a singulis excipient; novas campanas benedicent; a Sacellanis non residentibus exigent quotannis exhibitionem licentiæ non residendi, & attestationem impleri oneris Missarum, & persolutorum censuum, quibus forte bona Beneficiorum gravantur; & hanc ipsam attestationem etiam requirent a Beneficiatis residentibus.

CAPUT VII.

Cui deservitura dumtaxat cuiuscumque Pastoratus est commissæ, is quotannis uno mense ante festum Nativitatis S. Joannis Baptistæ literas suæ deservituræ Archi-Presbytero suo tradet, ab eo deinde cum cæteris deservitorialibus ad Nos transmittendas, & a decimis, aliisque bonis Pastoratus elocandis abstinere; ab Archi-Presbytero enim ob justas causas id ipsum præstari volumus.

CAPUT VIII.

Quoad cætera omnia officium Archi-Presbyterorum concernentia, sequentur singuli commissionem & instructionem suam, & quæcumque in eis, aut his Statutis nostris non continentur, ea sibi non permitti sciant: etsi forte aliquando permixta fuerint.

CAPUT IX.

Sæpe recogitent Pastores, se ad ovium suarum salutem, omnes suas actiones & functiones Pastorales dirigere debere, & sibi aliquando pro animabus earum reddendam rationem in strictissimo iudicio Dei: atque ideo etiam earundem salutem continuis precibus & quotidianis Sacrificiis Deo fer-

venter commendent; omnibus rite dispositis non minus prompte ac benigne, quam reverenter Sacramenta administrent; atque ita grandiores pascant verbo Dei & salutaribus monitis, ut parvulis quoque panem frangere non omittant; & in omnibus præbeant se ipsos exempla bonorum operum, facti forma gregis ex animo.

CAPUT X.

Nullum quoque Sacerdotem in Ecclesia sua confessiones excipere permittent, vel in cura animarum sustinenda, gerendave sibi adjungent, ne quidem ad brevissimum tempus, qui se a Nobis approbatum esse in scriptis non prædixerit.

CAPUT XI.

Decretum (g) sacri Concilii Tridentini de solvendis decimis, in Ecclesiis ruralibus ab unoquoque Pastore paulo ante messem e suggestu publicetur.

CAPUT XII.

Collectoris vectigalium, cauponis vel tabernarii, vel aliud vile, & fordidum officium exercens, ad deservituram Custodiæ non admittatur, nec bigamus sine legitima dispensatione.

CAPUT XIII.

Non modo diebus Dominicis & Festivis, sed cæteris etiam omnibus, Pastori Missam celebrare volenti Custos affiter, & in habitu decenti inferviet.

CAPUT XIV.

Interest animarum; atque ideo etiam ordinamus, ut Pastoratus Abbatis, vel aliis quibuscumque Monasteriis uniti, aut ab iis dependentes, & per Regulares regi & administrari soliti, certam habeant dotem, ut Prælati forte neminem ad eorum regimen Nobis præsentantibus, Nos jure devoluto, vel quovis alio meliore modo, eorum defectum supplendo, iisdem Ecclesiis de idoneis Pastoribus providere possimus, nullo modo id ipsum præstare valentes, quamdiu incertitudo competentis unumquemque arcebit.

TITU.

TITULUS XVII.

De vita & honestate Clericorum.

CAPUT I.

Meminerit unusquisque Clericus vocationis suæ, & sciat se non ad ignaviam, desidiam, aut iners otium, sed ad salutare Ecclesiasticæ militiæ labores vocatum esse. Atque ideo etiam cum Officiis Divinis obeundis, & frequentandis Ecclesiis debitum tempus impenderit, quod reliquum est, non in vanis & inutilibus colloquiis, profanisque actionibus, sed in Divinarum literarum studiis, & cœlestium rerum meditationibus; & sanctis, piisque officiis traducat.

CAPUT II.

Clericos beneficiatos habitum Clericalem juxta præscriptum sacri Concilii Tridentini, & novissimi Concilii Provincialis non deferentes, Archiepysbyteri singuli in suo districtu, nostro nomine & auctoritate, legitime desuper moneant, mandentque iis, ut mox habitum decentem, juxta præscriptum dictorum Conciliorum, assument & gestent, sub pœna suspensionis ab officio, & fructibus, redditibus, & proventibus ipsorum Beneficiorum, & non obedientium intra duos menses mox fructus, redditus & proventus omnes arrestent, ac iterato iis mandent, ut habitum honestum juxta Decreta dictorum Conciliorum deferant, sub pœna privationis officiorum, & beneficiorum. Et si nec tunc quidem obedierint, denuncientur, ut per Officalem nostrum; prævia unica citatione, declarentur privati beneficiis & officiis, & quatenus opus est, de novo priventur. Porro si ejusmodi Beneficiati extrâ Diocesim agant, vel locus habitationis eorum ignoretur, fiant prædictæ monitiones & mandata per edictum publicum, affigendum ad valvas Ecclesiarum, ubi Beneficia fundata sunt, & si sciatur, ubi Beneficiati agant, mittatur eis copia literarum edicti.

CAPUT III.

In fraudem Canonum & Decreti novissimi Concilii Provincialis, quos-

dam tabernas frequentare compertum est, prætextu contractuum ibidem celebrandorum, ad quos tamquam Notarii, vel alias publicæ personæ vocantur. Quare id deinceps fieri prohibentes, mandamus, ut nullus omnino Clericus beneficiatus, vel in Sacris constitutus, tamquam Notarius, vel quicumque alia qualitate, aut prætextu deinceps intersit contractibus, qui in tabernis fiunt.

CAPUT IV.

Notarii quoque, Tabellionis, Advocati, vel Procuratoris officio non aliter fungatur, quam in causis, & causibus a jure permisis.

CAPUT V.

Ut in hac hominum malignitate omnis Cleri fuggillandi occasio adimatur, & scandalis tempestive occurratur; non tantum incontinentiam; sed omnem quoque ejus speciem unusquisque caveat. Ideoque si quis ancillam habeat, vel cum alia muliere sic converseatur, ut obloquium inde vel scandalum oriatur, ad monitionem nostram, vel Capituli, sub quo quisque degit, hanc ancillam abdicare, seu ab hujus mulieris familiaritate se subtrahere mox teneatur, sub pœna arbitraria.

CAPUT VI.

In Primitiarum solemnitate a tripudiis & choreis, omnique alia insolentia abstineatur.

CAPUT VII.

Quilibet Clerici beneficiati necdum in Sacris constituti, in quatuor saltem majoribus anni Festivitatibus, Sacram Eucharistiam reverenter ac devote sumant. Porro Diaconi & Subdiaconi meminerint Decreti (b) Concilii Tridentini, & ei satisfaciant.

CAPUT VIII.

Sacerdotes vero, ne tanti, tamque pretiosi talenti sibi frustra crediti severissimo Judici magno suo malo rationem sint reddituri: nullos dies Dominicos, Festive solemnias, nisi ex legitima gravique causa impediti, abire sinant, quibus Sacrosanctum Missæ Sacrifi-

(b) Sess. 23. Cap. 13. de Reformat.
Tomus IX. Concilior. German.

erificium Deo pro suis, ac totius populi peccatis non offerant, prout a sacro (i) Tridentino Concilio præscribitur.

CAPUT IX.

Omnibus & singulis Beneficia Ecclesiastica tam secularia, quam regularia obtinentibus, sæpe recogitandum est, quod quæcumque ultra honestam sustentationem ipsis superfluit, non ad ditandos amicos, vel alios profanos usus expendi possint, sed pauperibus distribui, aut in alias pias causas erogari debeant.

CAPUT X.

Scandalosum est Pastores, aliosque Sacerdotes ad psittacum jaculari, aut in locis publicis ludere pila palmaria. Ideo etiam quilibet deinceps ab eo abstinebit, sub poena arbitraria.

CAPUT XI.

Sacerdotes, Diaconi & Subdiaconi (qui nuptiarum evitare convivium antiquo Canonum (k) jure tenebantur) dum iis, aliisque conviviis interfunt, ita se gerant, ut sui Ordinis sint memores, & exemplo ædificent; enixeque dent operam, præsertim Pastores, & qui auctoritate aliqua pollent, ne sessio sit nimis longa, vel in potu excedatur, aut inhonesti aliquid fiat, aut dicatur; & dictis gratis mox recedant, & ne umquam secundo aut tertio die, nuptiarum conviviis interfunt, hortamur.

TITULUS XVIII.

De Beneficiis & Officiis Ecclesiasticis, & Beneficiatorum residentia, ac oneribus Beneficiorum adimplendis.

CAPUT I.

ID merito spectare debet, quicumque Beneficia collaturus est, ut ea, cum sint patrimonium Christi, non carni aut sanguini, vel amicorum precibus, ullave alia, quam Ecclesiæ utilitatis habita ratione conferantur. Justum quippe, ac rationi consentaneum est, ut non personæ de Beneficiis, sed ut Beneficiis de idoneis Ministris provideatur.

CAPUT II.

Reipsa compertum est, per Beneficiatorum absentiam, fructus Beneficiorum deperdi, & onera negligi; ea propter licentiam absentiae, & literas de non residendo nemini suffragari volumus, qui non constituerit legitime Procuratorem, & quidem virum Ecclesiasticum Nobis subiectum, ad Nos, seu Archi-Presbyterum nostrum quotannis in visitatione, vel saltem ante festum Nativitatis S. Joannis Baptiste sufficienter docendum de Missarum, & aliorum onerum adimplerione, ac de censibus, & redditibus, quibus bona ipsius Beneficii gravantur, plene persolutis, aliisque similibus.

CAPUT III.

Beneficiatis sive resideant, sive non resideant, per se, vel Procuratorem suum non docentibus onera Missarum adimpleta esse, Archi-Presbyteri fructus omnes ipsius Beneficii, cujus onera neglecta sunt, arrestari, & ipsum Beneficiatum, seu ejus legitimum Procuratorem coram Officiali nostro citari curabunt, ad videndum dictos fructus arrestatos Ecclesiæ pro implendis oneribus adjudicari.

CAPUT IV.

Cum jure Divino Parochi ad residentiam teneantur, nec ab ea ob paucitatem ovium, defectum ædium Pastoralium, aut consuetudinem excusentur: mandamus omnibus & singulis necdum residentibus, ut sine mora ad residentiam se conferant, sub poenis Concilii Tridentini, & aliorum sacrorum Canonum.

TITULUS XIX.

De Scholis.

CAPUT UNICUM.

NOvissimum Concilium Provinciale tam plene statuit de iis omnibus, quæ ad Scholas & Ludimagistros quoquo modo pertinent, ut nihil iis addi debere videatur. Sola illorum executio desideratur; quam ut procurare non differant, quibus ex officio, vel mandato Serenissimarum suarum Celsitudinum, vel ordinatione Concilii

(i) Sess. 23. Cap. 14. de Reformat.

(k) Can. Presbyteri. Dist. 34.

lii onus illud incumbit, eosdem, quam possumus, enixissime rogamus, & monemus in Domino.

TITULUS XX.

De Seminario.

CAPUT I.

Cum quilibet Episcopus per sacrum Concilium Tridentinum, duos Canonicos ex Capitulo suo eligere jubetur, quorum consilio in constituendis regulis, electione puerorum singulorum in Seminarium, introducendum, expulsionem dyscolorum, Magistris constituendis, visitatione, ac similibus semper utatur: ad Decreto illi satisfaciendum, elegimus, & elegisse Nos declaramus Dominum *Franciscum Del Rio*, U. J. Licentiatum, Ecclesiæ nostræ Cathedralis Decanum; & Dominum *Georgium Chamberlain*, Juris Canonici Licentiatum, dictæ Ecclesiæ nostræ Archidiaconum.

CAPUT II.

Similiter cum ex quatuor illis, quorum consilio in tota temporali administratione, Beneficiorum unionibus, cæterisque ejusmodi utamur, duo a Nobis sint eligendi, unus scilicet e Capitulo nostro Cathedrali, & alter e reliquo Clero Civitatis, idipsum præstantes, elegimus prædictum Dominum Archidiaconum *Chamberlain*; & Dominum *Marcum Bardeloos*, J. U. Licentiatum, Canonicum Ecclesiæ Collegiæ Sanctæ Pharahildis: declarantes, quoad duos reliquos, a Capitulo electum esse Dominum Decanum, a Clero vero Civitatis, Dominum *Adrianum Plettincx*, Pastorem Sancti Nicolai in Civitate Gandensi, & Sigilliferum nostrum.

CAPUT III.

Sumptu Seminarii in illud assumendi, excessisse debebunt annum ætatis decimum octavum, & eum in studiis fecisse profectum, ut idonei sint ad audiendam Theologiam moralem.

CAPUT IV.

Omnes & singuli in sua ad Seminarium assumptione, inscribent registro Seminarii, penes illius Præsidentem affervendo, sequentem declarationem

Tomus IX. Concilior. German.

& promissionem, eamdemque propriæ manus signatura confirmabunt.

Ego N. N. die mensis Anni in hoc Seminarium assumptus, declaro in his scriptis, me habere animum ad Statum Ecclesiasticum, & promitto me, cum idoneus inveniar, id munus in Ecclesia susceptrum & obiturum, quod a Rmo Domino Episcopo Gandensi mihi injungetur, aut refuturum expensas omnes, quibus Seminarium affecero. Promitto insuper me gratum fore & memorem beneficii a Seminario accepti, si quando ad meliorem fortunam devenero.

CAPUT V.

Per ætatem, scientiam, & alias idonei, ut fiant Subdiaconi, Diaconi, & Sacerdotes, ad eosdem Ordines suscipiendos se component, & jussi suscipient, & in susceptis diligenter ministrabunt.

CAPUT VI.

Ex omnibus & singulis bonis Ecclesiasticis, quæ secundum sacrum Concilium Tridentinum ad contributionem pro Seminario tenentur, circiter sexagesimum nummum annuatim contribuendum censemus, & contribui mandamus, donec alia ratione ita Seminario provisum esse constiterit, ut prædictam portionem in totum, vel ex parte remittendam esse judicaverimus.

TITULUS XXI.

De elocatione & conservatione bonorum Ecclesiasticorum.

CAPUT I.

UT adeptus Pastorum, antequam ejus possessionem, vel curam animarum accipiat, jurare debet inter alia, se traditurum Archi-Presbytero suo intra certum tempus, specificationem omnium fructuum ejusdem sui Pastoratus, cum debita designatione, hypothecarum, limitum & terminorum, prout in novissimo Concilio Provinciali *Ti. XVII. Cap. II.* præscribitur: ita quoque adepturus deinceps quodcumque Beneficium non curatum, intra sex menses a capta possessione, tradet Archi-Presbytero suo, plenam & perfectam specificationem omnium bonorum, & fructuum ejusdem sui Beneficii, cum

K k 2

debita

debita designatione hypothecarum, limitum & terminorum, & idipsum se præstaturum ante jurabit, quam possessio ei dabitur. Omnes etiam & singuli quæcumque, & qualiacumque Beneficia curata, vel non curata in præsentiarum obtinentes, si plenam & perfectam designationem omnium bonorum & fructuum, intra decem annos ultimo elapsos, Archi-Presbytero suo non tradiderint, ut intra sex menses proximos id præstent, in virtute sanctæ obedientiæ, ac sub pœna arbitraria pro modo culpæ & negligentia mandamus.

CAPUT II.

Ut bona Beneficiorum, quæ annuis censibus, & redditibus, aliisque oneribus gravata sunt, defectu solutionis non evincantur; quodcumque Beneficium curatum vel non curatum modo obtinentes, vel deinceps obtenturi, dum tradent Archi-Presbytero specificationem fructuum sui Beneficii, simul etiam tradent specificationem censuum, reddituum, & aliorum quorumcumque onerum, quibus bona illa subiecta sunt; & illa ipsa onera omnia persoluta esse tempore visitationis per apochas, vel aliter sufficienter docebunt, sub pœna arbitraria, prout superius Tit. de Archi-Presbyteris, Cap. VI. indicatum est.

CAPUT III.

Porro singuli Archi-Presbyteri, ubi habuerint debitas specificationes omnium bonorum & fructuum singulorum Pastorum, & quorumcumque aliorum Beneficiorum sui Decanatus, non different sibi conficere debitum registrum cum expressione onerum tam Missarum, quam censuum ac reddituum, & quorumcumque aliorum, ipsis Beneficiis incumbentium; & illud ipsum registrum mox Nobis exhibebunt, ut descriptam copiam, in Archivis nostris conservemus.

CAPUT IV.

Authorisamus etiam Archi-Presbyteros nostros, ad petendum nostro nomine a Possessoribus quorumcumque Beneficiorum, Patronis, & quibusvis aliis, literas originales, vel copias authenticas quarumcumque fundationum, & bonorum Ecclesiasticorum ha-

bentibus, easdem sibi exhiberi, & exhibere nōlentes ad id debite compellendum, juxta Art. XXII. editi Serenissimarum suarum Celsitudinum, pro faciliore executione novissimi Concilii Provincialis anno 1607. emanati. Porro literæ originales, vel copiæ authenticæ quæcumque exhibebuntur, mox nitide & correcte describentur, & facta debita collatione, authenticabuntur, ut optime poterunt, sumptu Beneficii, vel foundationis, cui servantur.

CAPUT V.

Ubicumque nulla, vel imperfecta bonorum fabricarum, mensarum S. Spiritus, aliarumque piarum fundationum sunt registra, ut ea quam citissime fiant, aut perficiantur, recta administrandi ratio requirit, & non tantum quantitas terrarum arabilium, pratorum, sylvarum, hortorum, vivariorum, & cæterorum hujusmodi declaranda est; sed designandæ quoque hypothecæ cum earum Possessoribus quoad census & redditus, ac in omnibus exprimendi limites & contermini. Ubi vero registra quidem sunt, sed non renovata intra quindecim annos, fiat eorum debita renovatio, juxta mandatum novissimi Concilii Provincialis hoc Titulo, Capite quarto.

CAPUT VI.

Census ac redditus quorumcumque granorum & leguminum, nec non vini, olei, hælecum, ceræ, & similes Collegiis Ecclesiasticis, Beneficiis, fabricis Ecclesiarum, mensis pauperum, ac quibuscumque piis locis debiti in specie quotannis persolvantur, saltem non in certa semper, & eadem quantitate pecuniæ solvi permittantur.

CAPUT VII.

Quilibet Beneficiatus, in legitimis manualibus, quæ ex præscripto ultimi Concilii Provincialis sibi conficere jubentur, dum annuas solutiones annuant, simul etiam causam, seu contractum, cujus virtute singulæ solutiones receptæ sunt, nec non numerum annorum adscribent, præsertim quoad bona data in emphyteusim, exempli gratia:

Tali die, mense & anno, recepi a N. vatione talium bonorum (ea hic exprimenda cum

cum iusta eorundem quantitate, & conterminis) *ei datorum in emphyteusim, canonem viginti quatuor solidorum, qui cessit Kalendis Augusti anno 1613. Et hic annus est vigesimus secundus talis emphyteuseos.*

CAPUT VIII.

Bona piarum foundationum ad certos & determinatos usus relicta, aliis etiam piis usibus per Administratores eorum, propria ipsorum authoritate non applicentur: sed si quæ foundationes, ob earum tenuitatem, juxta voluntatem Fundatorum adimpleri nequeant, ideoque reductione opus sit, vel bona illarum ad alios meliores, aut magis necessarios usus converti expediat, ad Nos, aut Sanctam Sedem Apostolicam, juxta sacros Canones, recuratur.

CAPUT IX.

Inventarium omnium ornametorum, & utensilium, quod in singulis Ecclesiis Parochialibus, & Sacellis, fieri mandat novissima Synodus Provincialis, non solum a Pastore, vel Rectore Sacelli, ac Ædituis; sed ab eo quoque, cui illorum custodia committitur, subsignabitur: qui & idoneam cautionem præstabit de illis fideliter custodiendis. Et quancumque nova ornamenta comparabuntur, vel suppellectili Ecclesiæ aliquid accedet, mox ea omnia inventario debite inscribuntur.

CAPUT X.

Gazophylacia, sive (I) trunci (ut vocant) oblationum, tribus distinctis feris firmentur, & clavis una sit penes Pastorem.

CAPUT XI.

Elocationes bonorum ad quæcumque Beneficia spectantium, anticipatis solutionibus non fiant: & si fiant, nullatenus Successores obligent, quocumque privilegio vel indulto fulciantur. prout a (m) sacro Concilio Tridentino decretum est.

CAPUT XII.

Post tres demum proclamationes debite factas, bona spectantia ad Pastorem, Capellanas, fabricas Ecclesiarum, mensas S. Spiritus, aliasque pias

foundationes ac pia loca, elocari volumus; neque tunc quidem aliter, quam publice, & plus offerenti, & danda idonea cautione a conductoribus: casu quo tamen publicam elocationem propter collusionem incolarum loci, vel ob aliam causam rationabilem, elocantibus fore damno verosimiliter appareat, omisissis proclamationibus, secreto, seu e manu, ut vocant, præacta bona elocari poterunt; non minoris tamen, quam bona vicina ejusdem naturæ & qualitatis elocantur, nec aliter, quam accepta idonea cautione.

CAPUT XIII.

Decimæ ad Capitula, Monasteria, aliaque pia loca, vel Beneficia spectantes, ultra triennium non elocentur: prout quoque, quando separatim elocabuntur, non ultra sexennium, & terræ arabiles ac domus non ultra novem annos; nec contractus ejusmodi elocationum renoventur, nisi finito biennio prioris contractus quoad decimas, quadriennio quoad prout, & sexennio quoad domus, & terras arabiles. Nec quis umquam prædictos terminos excedat, nisi observatis solemnitatibus, quæ ad alienationem rei Ecclesiasticæ de jure requiruntur, sub pœna nullitatis ipsorum contractuum, juxta edictum Serenissimorum Principum, pro faciliore executione Concilii Provincialis anno 1607. editum *Art. XX.* & alias arbitraria.

CAPUT XIV.

Non expedit Pastores vel Deservitores ita cum Ædituis, vel Communitate quoad competentiam convenire, ut ipsi Æditui, vel Scabini, vel quicumque alii, omnes fructus Curæ, & foundationum recipiant in subsidium honorarii Pastori vel Deservitori annuatim persolvendi: inde enim fit, ut diversi fructus Curarum & foundationum passim pereant, & plures indies perituri merito timeantur, nisi opportuno remedio tempestive occurratur. Quare deinceps quilibet Pastores & Deservitores, si quoad competentiam cum Ædituis, vel aliis convenire voluerint, ita tantum id faciant, ut ipsimet omnia bona ad Pastorum suum, & Anniversario-

K k 3

fario-

(I) Edicto Caroli V. de anno 1531. Art. 16.

(m) Sess. 25. Cap. 11. de Reform.

fariorum, aliasque foundationes spectantia, per se recipiant, oneraque foundationum expleant, & census ac redditus, quibus bona gravantur, debite solvant; & id tantum, quod ad justam competentiam deest, ab Aedituis, Communitate, vel aliis, ipsis numeretur.

TITULUS XXII.

De Regularibus & Monialibus.

CAPUT I.

QUæ in hac, & in Provinciali Synodo de Sacramentis, doctrina, & prædicatione verbi Dei, ac Officio Divino, bonorumque Ecclesiasticorum conservatione, & elocatione, & alias constituta sunt; ea omnia, quatenus Regulares tangunt, ab iis diligenter servantur.

CAPUT II.

In omnibus & singulis Monasteriis utriusque sexus, Regulæ & Statuta Novitiis ante professionem sæpe legantur, & explicentur.

CAPUT III.

Archi-Presbyteri singuli in suo districtu diligenter explorabunt voluntatem singularum Virginum Deo dicendarum, tam ante susceptionem habitus, quam ante professionem; non modo in Monasteriis Nobis subiectis, sed & in cæteris omnibus.

CAPUT IV.

In vestitione Religiosorum aut Monialium, non fiant sumptus: in professione vero frugales tantum & moderati, nec aliquid in ea fieri permittatur, quod offendere possit.

CAPUT V.

Dum Confessarii Sacramenta ægrotis Monialibus administrandi, vel moribundas consolandi gratia, vel quicumque alii ex necessitate septa claustræ ingredi coguntur: eosdem ingredientiæ & egredientes, ac interim dum intra claustrum hærent, duæ Moniales ex senioribus semper comitentur.

CAPUT VI.

Nullus, etiam ex Confessariis, vel eorum sociis, munus aliquod, etiam esculentum aut poculentum, vel

quod Altari serviat, ut Corporali vel Purificatorium, a Moniali, quæ Præfecta non sit, citra ipsius expressum consensum recipere audeat.

CAPUT VII.

Si pensio vitalis, aut etiam redditus perpetuus, alicui Monialium, a parentibus, vel aliis quibuscumque datus aut relictus fuerit; ipsa eum recipere non permittatur, sed Præfecta vel Procuratrix Monasterii eundem recipiat, & inde ante omnia subministret necessaria Religiosæ, ex cuius parte redditus, vel pensio illa processit; & si quid superfuisset, in communes usus Monasterii convertatur.

CAPUT VIII.

Quibus diebus Moniales Sacramentum Eucharistiam sumpserint, cum nemine externo colloquantur, nisi necessitas ita postulet; sed manentes apud semetipsas, & sedentes solitariae, levant se pennis piarum meditationum supra se, & præstolentur salutem Dei, ac Divinam consolationem in silentio.

CAPUT IX.

Regularis promotus ad Beneficium curatum Monasterio suo non unitum, nec ei subiectum; invitus sine nostro consensu domum revocari, & Pastoratu privari non possit; nisi Prælatus contrarium tentans, legitimo privilegio fulciatur.

CAPUT X.

Nemo cujuscumque status, vel conditionis fuerit, Religiosos fugitivos, & extra Superiorum suorum obedientiam vagantes recipere, fovere, aut ad Sacramenta, vel Ecclesiastica ministeria admittere audeat, sub pœna excommunicationis.

TITULUS XXIII.

De Judicibus delegatis, & Examinatoribus.

CAPUT I.

DEsignatis per novissimum Concilium Provinciale ad delegationem causarum in partibus, addit hæc Synodus R. P. Dominum *Guilelmum de Castillo*, Abbatem de Baudelo, Dominum

num *Leonem de Meyere*, J. U. Licentiatum, Protonotarium Apostolicum, nec non Præpositum Ecclesiæ Collegiatae Sanctæ Pharahildis, & Dominum *Georgium Chamberlain*, Juris Canonici Licentiatum & Archi-Diaconum Gandavensem, item Dominum *Joannem Wilgiers*, J. U. Licentiatum, Scholasticum & Canonicum Ecclesiæ nostræ Cathedralis.

CAPUT II.

Similiter ad satisfaciendum Decreto Concilii Tridentini (n) de constituendis Examinatoribus, Synodo huic propositi, & ab ea approbati sunt, qui sequuntur:

D. ac Magister Adrianus Vareus, S. T. Licentiatum, Cathedralis Ecclesiæ S. Bavonis Præpositus.

D. Franciscus Del-Rio, U. J. Licentiatum, ejusdem Ecclesiæ Decanus, & Officialis Gandavensis.

D. Georgius Chamberlain, J. Canonici Licentiatum, & ejusdem Ecclesiæ Archi-Diaconus.

D. Joannes Wilgiers, U. J. Licentiatum, dictæ Ecclesiæ Cathedralis Canonicus & Scholasticus.

D. Guilielmus Arents, S. T. Licentiatum, & ejusdem Ecclesiæ Penitentiarius.

D. Antonius Smets, S. T. Licentiatum, ejusdem Ecclesiæ Canonicus.

CAPUT III.

Meminerint hi juramenti, quo se obstrinxerunt, videantque, ut omni humana affectione deposita, munus a se susceptum recte curent, atque administrent; & nihil prorsus occasione examinis ante vel post accipiant, sub pœnis Concilii Tridentini, nec quis eorum aliquem, de quo examen periculumque fiet, Collegis, aut Collegæ suo, ulla ratione commendet.

CAPUT IV.

Non solum uniuscujusque eorum, qui examinantur, scientia, sed etiam usus, judicium, ingenii vis, ac solertia spectanda sunt, & præferendus minus doctus (modo idoneus) quando ejus mores sunt noti, & approbati, doctiori, cujus vita ignoratur.

TITULUS XXIV.

De Synodo Provinciali, & Diocesana.

CAPUT UNICUM.

STatuta novissimi Concilii Provincialis, & hæc nostra Synodalia, quæ omnia legitime promulgata, & publicata fuerunt, ab omnibus & singulis, quos concernunt, observari debere declaramus, observarique mandamus.

F I N I S.

Recusa hæc Decreta typis Petri de Goeftin Gandavi, jussu Illmi ac Revmi D. Philippi Erardi van der Noot, XIII. Gandavensis Episcopi.



STA-

STATUTA & DECRETA Generalia VISITATIONIS

*Pro Prælatiſ, Eccleſiarum Reſtoribus, Parochiſ, Curatiſ,
& Clericiſ quibuſcunq̃ue*

Sub MARCO SITTICO, () LIV. Salisburgenſi
Archi-Epiſcopo*

*Anno Chriſti MDCXVI. Pauli V. Papæ XII.
Matthiæ Imp. V.*

NOS MARCUS SITTICUS, DEI GRATIA, ARCHIEPISC.

& Princeps Salisburg. Sedis Apoſtolice Legatus &c.

*Omnibuſ & ſinguliſ noſtræ Archi-Diaceſeoſ Prælatiſ, Eccleſiarum Reſtoribuſ, Parochiſ,
Curatiſ & Clericiſ quibuſcunq̃ue, quocunq̃ue nomine ac dignitate fulgeant,
Salutem & obedientiam in Domino ſempiternam.*

UT qua majori decet aq̃ poteſt reverentia
& induſtria tum Sacra omnia admini-
ſtrentur, tum Cleruſ univerſuſ ſui, ſuorumq̃ue
munerum & Eccleſiarum, juriuſq̃ue ac digni-
tatiſ earundem rationem quam exactiſſimam
habeat: Decreta Viſitationiſ per Noſ inſtituta
generalia antebac ſub ejuſ initium edita, (†)
hoc ipſiuſ progreſſu pro ejuſdem faciliiori, ſeli-
cioriq̃ue ſine aſſequendo, non modo confirmanda,
verum etiam quorundam aliorum acceſſione
augenda, ſecunda hac editione operæ pretium
judicavimuſ. Quæ proinde omnia & ſingula,
nec non ſi quæ particularia a noſtriſ Viſita-
toribuſ Generalibuſ, quibuſcunq̃ue veſtrum,
quando & qualitercunq̃ue decerni contigerit, in
virtute ſanctæ obedientiæ, ſub panis tam Ca-
noniciſ & Synodalibuſ, quam arbitrariuſ, per
voſ & veſtrum quemlibet, juxta ſtatuſ &
ordinem ſuum, quanta maxima diligentia ob-
ſervari, debitumq̃ue effectum conſequi volumuſ
& mandamuſ: ita tamen, ut quæ moram

aliquam temporis vel ſumptuſ & expenſaſ ma-
joreſ exigunt, ſucceſſive, juxta locorum ſacul-
tatem, data opportunitate, inſallibiliter execu-
tioni demandentur. Ea, ut ſublata omni con-
fuſione & difficultate, commodiuſ inveniri, &
præ manibuſ haberi poſſent, in hanc formam
ſub tribuſ diſtinctiſ Tituliſ generalibuſ, Per-
ſonarum ſcilicet, Rerum & Locorum, in ſua
Capita ſubdiſtinctiſ redigi ac reduci curavimuſ.
In quorum executione, ſi quæ forte difficul-
tateſ, impedimenta, controverſiaſ, contuma-
ciaſ, aut negligentiaſ deprehendi, ſive & ex-
oriri contigerit, Conſiſtorium noſtrum, aut lo-
corum Archi-Diaconiſ diligentem conſulantur &
admoneantur, ut tempeſtively & canonice qui-
buſcunq̃ue illiſ occurratur, atq̃ue provideatur,
ad laudem DEI Omnipotentis: cui honor &
gloria in ſecula. Data ex Civitate noſtra
Metropolitica Salisburg. die 7. Menſe Octobr.
Anno 1616.

TITU.

(†) Prima hæc Decretorum editio præſto non erat.

(*) Brevi, quod Tom. CC. VII. pag. 420. extat, MARCI SITTICI elogio pauca hæc
adjungenda videbantur: Anno 1612. XV. Cal. Apr. eundem, Salisburgenſem an-
tea Canonicum ac Præpoſitum Conſtantienuſem, ob illuſtram virtutum, quibuſ
præcellentiſſimuſ erat, perennemq̃ue famam, ſacer Senatuſ elegit Archi-Epiſcopum,
electum, atq̃ue a Wolſgango Ratiſbonenſium Antiſtite VIII. Id. Octobriſ inaugu-
rarum, altero mox die Salisburgenſeſ ex Majorum inſtituto, ſolenni pompa in
urbem deduxere.

Anguſta Pontificatuſ ſui tempora ad memoriã nominis ſui non intermorituram, re-
buſ præclare geſtiſ ampliavit. Author fuit celeberrimi, florentiſſimique illiuſ
Gym-

TITULUS PRIMUS.

DE PERSONIS.

De Archi-Diaconis.

CAPUT I.

Archi-Diaconi, juxta Canonum Sanctiones, diligenter visitent sibi subditas Ecclesias & personas: ejusque visitationis rationem Nobis accuratam, quotannis transmittant.

Iidem in Synodis Archi-Diaconalibus curent, ut Parochi suorum Cooperatorum nomina, status & vitæ testimonia scripto deponant: inquirantque, quam prompte ab eorum singulis Visitationis Decretis tam generalibus, quam particularibus satisfiat, & quo ære alieno sint obstricti; Nostrumque Consistorium diligenter & sincere desuper informet, transcribantque puncta per ipsos in Synodis proposita & conclusa.

Officio suo fungantur diligenter, suæque sint jurisdictione contenti, neque temere ampliorem sibi quovis respectu aut prætextu arrogent, nec unquam crimina subditorum mulcta pe-

cuniaria punire præsumant, sed alius debitis, & a jure constitutis pœnis coerceant.

Archi-Diaconi, ut suis Parochis & Sacerdotibus, qui ad id tenentur, Steurarum annalem solutionem, ac legitimum sufficiensque præstite solutionis testimonium quotannis sibi ab iisdem exhibendum imponant & procurent, districtius mandamus.

De Decanis, & quasi.

CAPUT II.

Decani non solum assidue in suo Decanatu resideant, verum etiam impediti legitime a principio usque ad finem Divinis semper in Ecclesia intersint Officiis, eaque non cursim ac festinanter, sed sensim ac pederentim, non truncate, sed integre, distincte, devote ac reverenter a suis Sacerdotibus persolvere curent.

De

Gymnasii, justam in Academiam Anno 1623. a Paride Archiep. erecti, & quo quot viri, tot scientiarum lumina, ac veræ Fidei decora hucusque prodierunt. Cathedralis Basilicæ, quæ Salisburgi hodie conspicitur, muros principes, mole sua spectabiles, ad coronidem perduxit. Ecclesiam S. Marci cum adjacente Monasterio, Templum Corporis Christi, perelegans Sacellum avunculo suo inprimis caro, D. Borromæo non minori condidit religione ac liberalitate: quæ Juvavienfes etiam limites superavit, atque, ut ædiculam D. Virginis Thaumaturgæ in Eremito Helvetica percelebrem, magnis licet impensis, exornandam, aramque egregii operis in aula Lycæi nostri Constantiensis ponendam curaret, eundem impulit.

Migravit e vita, postquam de Provincia Salisburgensi universa heterodoxos proturbaverat, VII. Id. Oct. anno 1619. sacri Regiminis septimo. Hoc ipsi Cathedrali in Ecclesia monumentum Successor posuit.

MARCO SITTICO

EX COM. AB HOHENEMS ARCHIEP. & PRINCIPI SALISB. SED. APOST. LEGATO, HERESUM PROFLIGATORI, HUIUS TEMPLI A FUNDAMENTIS PROPE AD TECTA USQUE CONDITORI, ALIARUMQUE MULTARUM ECCLESiarUM RESTAURATORI, PATRONO LITERARUM ET MÆCENATI, PAUPERUM PERFUGIO, ANTECESSORI SUO DE ECCLESIA, DE REPUB., DE LITERIS, DE OMNIBUS OPTIME MERITO

PARIS.

Ex Com. Lodron. Successor Archiep. posuit, satis functo, cœloque recepto M.DC. XIX. IX. Octob., postquam rebus præfuit An. VII. Mens. VI. dieb. XXI.

Bucelinii German. sac. P. I. Metzgeri Histor. Salisburg. Lib. V. Cap. XVI. Hansitzii nostri Germ. sac. Tom. II. Kropfi pariter nostri Histor. Provinc. German. Super. Decad. VIII.

Tomus IX. Concilior. German.

LI

*De Parochis, Cooperatoribus,
& Vicariis.*

CAPUT III.

Parochi tot semper Cooperatores & Vicarios alant, quot vel ex fundatione, vel laudabili consuetudine pro onerum atque obligationum qualitate & quantitate requiruntur.

Cooperatores vel Vicarii, neque assumantur a Parochis, neque ex quavis causa dimittantur sine Nostra, sive & nostrorum Officialium approbatione & licentia.

De Concionatoribus.

CAPUT IV.

Conciones, diebus Dominicis & Festivis ad populum habeant, nec eum, dum habentur, in foribus, aut extra Ecclesiam, absque necessitate, commorari patiantur.

Sint Concionatores in concionando diligentes, cauti, orthodoxi, prudentes, & Catholicorum, approbatorumque Doctorum sensus & opiniones sequantur: hæreticorum doctrinas falsas & argumenta apud imperitam multitudinem, nisi loci ac temporis conditio contrarium requirat, minime referant, aut ineptas & ridiculas fabulas, aut historias apogryphas: vitæque, moribus & exemplo cæteris præluceant, quodque verbis alios docent, factis ipsi præsent.

*De vita, honestate, ac officiis
Clericorum & Sacerdotum.*

CAPUT V.

Clerici tam domi, quam foris, honesto & cuiusque gradui competente habitu Clericali semper utantur, & coronam seu tonsuram deferant.

Horas Canonicas quotidie, ad Brevariæ Romani novi, nec non Officii proprii Salisburgensis præscriptam methodum, quam diligentissime persolvant.

Comestationes, comotationesque quascunque, atque maxime choreas domi, seu alibi, in hospitiiis præsertim ac tabernis quibuscunque fieri solitas, etiam Baptismi, & nuptiarum seu Ma-

trimonii occasione institutas, confortaque intemperandum quorumcunque & male moratorum evitent & declinent.

Ebrii officiis publicis interesse, aut ipsa peragere, nullo modo præsumant.

Nullus aliorum prædia lucris causa conducatur.

Nullus domi suæ, seu in ædibus Parochialibus cauponam vel tabernam per se, vel alios exerceat: neque vino, vel rebus aliis, mercatorum more, emendis & vendendis, aut aliis quibuscunque negotiationibus, seu quæstibus ac lucris sæcularibus inhiet, & insistat: salva Constitutione Synodali Salisburgensi, 21. Cap. XI.

Nullus concubinas, unam vel plures aut detineat, aut recipiat: quin si qui habeant, ad sex minimum milliaria eas statim ablegent, nec ullo umquam prætextu ac colore easdem aut alias reassumant; neque vel eas ipsi accedant, vel ad se accedere patiantur: prolesque ex illis susceptas, nullo modo apud se cohabitare, sine speciali nostra in scriptis licentia permittant.

Suspectarum feminarum familiaritates, servitutes & colloquia, veluti pestem fugiant.

Abstineant ab omni incontinentia, intemperantia, crapula, ebrietate, luxu, armorum delatione, vetitis lufibus, venationibus illicitis, blasphemis, ris, percussione, tumultibus, scandalis, aliisque vitiis quibuscunque & actibus, qui vitæ & honestati Sacerdotum repugnant, eosque dehonestant; diligenter in suis Ecclesiis, qui tenentur, resideant.

De Medicis.

CAPUT VI.

Nullus Medicorum, antequam coram nostris Officialibus Fidei Catholicæ professionem emisit, artem medicam exercere præsumat.

Medici infirmos decumbentes ante omnia admoneant, ut peccata sua idoneo Confessario confiteantur: quod si intra triduum, cessante causa rationabili, id minime præstiterint, eos amplius non visitent.

De

De Vitricis Ecclesiarum.

CAPUT VII.

Vitrici nulli ad Ecclesiarum administrationem absque sufficienti & idonea fidei iussione, nec nisi Catholici recipiantur: & quotannis suæ administrationis rationem coram Parocho & loci Præfecto reddant.

Iidem curent diligenter, ne Ecclesiarum jura ac proventus annui defraudentur, diminuantur, aut penitus subtrahantur.

De Aedituis.

CAPUT VIII.

Aeditui, quantum fieri potest, modum ministrandi Missæ discant: Ecclesiam & Sacristiam diligenter expurgent; aranearum telas ubicunque sedulo dejiciant: Salutationem Anglicam suis temporibus ter quotidie, nec non semel sub noctem signum pro defunctis pulsant: Ecclesiarum januas clausas, beneque munitas conservent, earum claves penes se tuto detineant: & Parochis omnem reverentiam atque obedientiam debitam exhibeant: idoneamque cautionem præstent, de suppellectili Ecclesiastica sibi credita diligenter custodienda.

De Ludimagistris.

CAPUT IX.

Ludimagister quicumque, antequam munus suum exerceat, Catholicæ Fidei professionem emittat: suos discipulos non minus pietatem & bonos mores, quam literas, & semel saltem in hebdomada Catechisticam doctrinam doceat: utatur vero in docendo libris neque turpibus & obscenis, neque hæreticis aut hæreticorum, seu alias quomodolibet a Sac. Concil. Trident. prohibitis.

TITULUS II.

DE REBUS.

De Sacramentis in genere.

CAPUT I.

Materiæ Sacramentorum fideliter, sollicitèque ac loco congruo cu-

Tomus IX. Concilior. German.

stodiantur, & nemini umquam, etiam medicinæ vel tollendi malefici prætextu concedantur.

In Sacramentorum administratione quilibet tam Constitutiones Synodales, quam Agenda nova Salisburgensia, exactissime observet, superpelliceoque & stola competenti semper utatur.

Nullus in mortali peccato existens, Sacramentum ullum, nisi vel necessitas subsit, vel copia Confessoris desit, & ne tunc quidem sine contritione administrare præsumat.

Quoscunque Sacerdotes ulla Sacramenta administrare, aut concionari, antequam a Consistorio nostro, aut locorum Archi-Diaconis sint approbati, vel Missam celebrare, nisi legitimum, sufficiensque admissionis testimonium exhibuerint, quavis causa & prætextu non permittant.

Requisiti a suis subditis pro Sacramentis administrandis, promptos se ac faciles, nec morosos, pro loci, temporis, personarum, rei que exigentia exhibeant, infirmosque etiam non vocati, sæpius invisant, & eorum animabus sollicitè consulant. Sacramenta hæreticis ministrare nullus umquam præsumat.

Pro qualiscunque Sacramenti, vel Sacramentalis, aut etiam sepultura administratione, Sacerdotes nullo modo paciscantur de danda sibi certa pecunia, vel alia re quavis: post administrationem tamen, quod juris & laudabilis consuetudinis est, discrete exigere non prohibentur.

De Baptismo.

CAPUT II.

Baptisteria in Ecclesiarum media erecta, qua commode possunt, transferantur, vel, illis sublatis, nova ex marmore, vel petra solida cum operculo seu turricula, quæ in medio dividi seu aperiri possit, in Ecclesiæ ingressu ad finistrum latus erigantur, & cancellis muniuntur.

In ipso Baptisterio, sive turricula locus pareatur aptus ad sacra Olea, munda absterforia, vas pro infundendo, & librum baptizatorum commode ac tuto conservanda.

Obstetrices Curati instruant diligentissime, in quibus casibus, quomodo & sub qua verborum vulgarium forma Baptismum impendere valeant.

Cum infantes domi ex necessitate baptizati ad Ecclesiam catechizandi deferuntur, Sacerdos diligenter inquirat, an rite baptizati fuerint.

Provideant pro fonte Baptismatis, ne manibus aqua contrectetur, de vasculo condecanti, quo baptizandis superinfundatur.

Procurent, ne aqua baptismalis capiti infantis infusa in eundem fontem recidat, sed in piscinam profluat, vel vase excepta in eam postea mittatur.

Baptizati infantis caput, antequam absterforio fuerit abstersum, non patiantur ab ullo tangi.

Curent omnino Curati, ut infantium Baptismus, nisi ex rationabili aliqua causa & sua licentia, ultra octavum a nativitate diem non differatur, iisdemque Sanctorum nomina imponantur.

Baptismum semper in Ecclesia tantum, nunquam in Aedituorum aut Parochorum ædibus, quantumvis Ecclesiis ipsis contigua fuerint aut annexa, nec alio ullo in loco, extra necessitatem administrent.

Patrinos hæreticos, minores quatuordecim annis, necdum confirmatos, transgressores præcepti Ecclesiæ de Confessione & Communione, ignorantem Orationem Dominicam, Salutationem Angelicam, Symbolum fidei & præcepta Decalogi, aliosque jure prohibitos & inhabiles nullos, habili-um vero nunquam plures, quam unum, vel ad summum unum & unam admittant.

Baptizatorum, parentum, ac patrinatorum, nec non mandantium, & mandatariorum nomina atque cognomina, diemque collati Baptismi, ad modum in Formulario adnotatum, certo in libro describant, eumque tuto afferrent.

De Confirmatione & Extrema Unctione.

CAPUT III.

Populum frequentius in concionibus & confessionibus ad Sacramen-

ta hæc suis temporibus rite suscipienda commoneant, instruant, inducant.

Admoneant, ne Confirmationis Sacramentum iterare quis temere præsumat.

Librum habeant, cui Confirmationum nomina, juxta præscriptam formulam, inscribant.

Infirmorum Oleum in vase a cæteris distincto, & sacculo violaceo cooperto, tuto ac diligenter conservent.

Cum Extrema Unctio ad infirmos deferenda est, detur signum campanæ, distinctum a signo Eucharistiæ deferendæ: deferatur autem sine luminibus, præterquam forte de nocte, prævia cruce minori & vase cum aqua lustrali & populus moneatur, ne, cum deferatur, genua flectat, sed tantum aperto capite condignam ei reverentiam exhibeat.

Sacerdos ægrotos longe distitos communicaturus, ferat secum etiam vasculum sacræ Unctionis, ut post Eucharistiam infirmo administratam, si necesse judicaverit, Unctionem quoque administret.

De Sacramento Pœnitentiæ.

CAPUT IV.

Sacerdotes sapius Sacramentaliter confiteantur.

Confessiones non plurium simul & promiscue, sed singulorum singulas excipiant: eodemque modo in Absolutione Sacramentali se habeant.

Diligentissime populum instruant & admoneant, ut peccatorum circumstantias & intelligat, & confiteatur. Nec confessione generali, in qua nulla sit alicujus commissi peccati mentio specialis, sint contenti, aut taliter confessos absolvant.

Confessionis Sacramentalis sigillum quam exactissime servent.

Cathedras confessionales convenienter fabricatas, earumque fenestellas lamina ferrea perforata, vel cancellis ligneis munitas, unam, vel plures, pro Ecclesiarum necessitate, loco comodo ac patente in ipsis Ecclesiis erigant: nec extra eas, etiam in Sacristia, mulierum præsertim confessiones excipiant,

piant, nisi exigente necessitate, vel alia rationabili causa.

Habeant in confessionalibus affixas piam aliquam imaginem, & tabulas continentes Canones Pœnitentiales, formam Absolutionis, & Casus tum Summo Pontifici, tum Nobis de jure & consuetudine reservatos: a quibus sine Canonica facultate neminem absolvere quovis prætextu, extra mortis articulum, ac ne tum quidem, nisi servatis de jure servandis, præsumant.

Singulis Quadragesimæ diebus Dominicis publicent suis subditis, & publice ex suggestu, vel altari intiment præceptum Ecclesiæ, & obligationem confitendi & communicandi in Paschate, prout in Formulario.

Quotannis debito tempore suos nuncios pro deferendis auctoritatibus a reservatis absolvendi ad nostrum Confistorium, vel suos Archi-Diaconos, diligenter transmittant.

De Eucharistia.

CAPUT V.

Augustissimum Eucharistiæ Sacramentum, ubi & quamprimum commode potest, ad altaris summi medium in condecenti & elevato tabernaculo, quod intus panno serico circumquaque vestitum sit, & substratum habeat mundum corporale, supra quod pyxides collocentur, reponi ac transferri, idque mundum ac optime munitum semper conservari curent.

Sacramentum hoc rationis usu carentibus, & amentibus, nisi cum forte lucida habent intervalla, ac frequentiori vomitu laborantibus, aut tempore ac personis a jure prohibitis non administretur, nec nisi iis, de quorum Sacramentali Confessione præmissa certo constiterit.

Advertant diligenter, ne aliqua ex Hostiis communicantium sufflatu, vel suspiriis e Ciborio vel patena ejiciatur.

Laicis nullo modo abluionem per calices subministrent, sed per alia convenientia vasa, sive pocula, quæ calicis formam non repræsentent.

Curati, antequam juniores ad hoc Sacramentum admittant, eos diligen-

ter instruant tum de ipsius dignitate, virtute, excellentia, tum de fide requisita, & modo se ad digne suscipiendum præparandi.

Cum Venerabile Sacramentum ad infirmos deferendum est, dato prius campanæ signo, populus ad Ecclesiam & ad concomitandum invitetur.

In ejusmodi delatione adsint semper duæ minimum sacre Particulæ in pyxide sive vasculo: aut certe si vel distantia loci, vel alia ratio id non patiatur, sine pulsu, lumine, stola ac superpelliceo revertendum.

Administraturus ægroto, hoc Sacramentum, deferat secum in bursa corporale mundum pyxidi super mensam substernendum, nec non purificationis ad digitos abstergendos.

Eucharistia, quantum fieri potest, ad ægros mane, non sub vesperam, vel noctem, ut a jejunis sumi possit, deferatur.

Communicantium mento Sacerdos pyxidem, vel patenam apte supponat, ne particularum fragmenta in terram, aut super linteam, quod mundum semper substernatur, decendant.

Sacerdos ægroto Eucharistiam allaturus curet ac præmoneat, ut ejus cubiculum ab omni sorde, indecorisque imaginibus expurgetur, instruatque mensa, mappa nitida, sacris imaginibus, candelabris & candelis accensis, nec non aliquo poculo, seu vase cum vino, vel aqua ad usum abluionis.

Umbella, ubi commode potest, comparetur pro Venerabili Sacramento, cum ad infirmum non longe diffitum deferatur, contegendo: quod nihilominus semper velo condecenti ex utroque Sacerdotis humero composito demisso cooperiatur.

Vas aquæ lustralis cum aspersorio, & tintinnabulum, quod interpollatum eundo & redeundo pulsetur, semper Sacerdos portari curet; & lumen prævium, cum Sacramentum hoc deferat ad infirmos.

Sodalitas Sanctissimi Sacramenti, ubicunque potest, erigatur.

Habeant librum, de quo in Formulario, in quo capaces Communio-

nis sibi subditos omnes diligenter describant.

Inobedientes indifferenter notent: tum confecta Regesta tempore debito nostro Consistorio, sive & suis Archidiaconis transmittant.

De Pyxidibus & Vasculis.

CAPUT VI.

DUæ in quavis Ecclesia curata pyxides habeantur argenteæ, intus deauratæ, foris competentibus palliis vestitæ: major una continuo in Tabernaculo pro Communione populi asservanda: altera minor pro communicandis infirmis: quas sæpius Curati a particularum fragmentis purgent, hasque renovent ac mutant novis & recentibus singulis mensibus ad minus semel, aut pluries, secundum earum, locorumque ac temporum exigentiam & opportunitatem. Quod si nullam pyxidem cum Sacramento in Tabernaculo sive hebdomada sacra, sive alio quovis tempore esse contigerit, ad tollendam omnem idololatræ occasionem; Tabernaculum apertum ac patens omnino dimittant.

Particulæ in vasculis, non super corporale nudum, quantum commode potest, consecrentur.

Nullæ pallæ vel pulvinariola in pyxide Eucharistiæ substernantur.

Vasculum præterea rotundum argenteum intus deauratum pro Augustissima Eucharistia ad infirmos longe diffitos commodius deferenda, ubi opus, comparetur, quod mundum & sericis cordulis instructum, ut collo suspendi possit, conservetur.

Monstrantia pro Venerabili Sacramento in processionibus circumferendo, vel minimum ejus lunula sit argentea, atque hæc ita accommodetur, ut facile claudi & aperiri possit.

Vasculum decens, ligneum saltem, in quo Hostiæ pro Sacrificio conserventur, in Sacristia habeatur.

De Lampade & Cereo Paschali.

CAPUT VII.

LAmpas semper ante Tabernaculum accensa Venerabili Sacramen-

to ita præluceat, ut ejus splendor conspici aliquo modo possit.

Cereus Paschalis juxta Missalis Rubricas pro Ecclesiarum facultatibus accommodetur, accendatur, extinguatur.

De Altaribus, eorumque ornatu.

CAPUT VIII.

OMnia & singula Altaria instructa sint tela cerata, tribus mundis mappis, quæ totam Altaris mensam apte contegant (quarum superior benedicta, cæterisque amplior & prolixior sæpius pro necessitate ac decencia mutetur) Cruce, Secretorum tabella, candelabris condecensibus, pulvinari vel scabello ligneo ad Missale fulciendum, & tela viridi, seu alterius coloris in locum tabellarum lignearum, quas omnino ocyus amoveri volumus.

Altare summum, ubi commode potest, columellis præcludatur.

Altaria, si quæ sub suggestu vel organis sita sunt, alio transferantur, vel omnino tollantur, si eorum fundationes id patiantur.

Altaria nimis angusta & breviora, quæ commode possunt, dilatentur & amplientur.

Altaria parvis ac tenuibus imaginibus, tabellis, & crucibus non onerentur.

Ab Altaribus sedilia qualia & quorumcunque annexa submoveantur.

Altaria portatilia tela cerata includantur, inque Sacristia loco honesto ac tuto asserventur.

De sacra suppellectili.

CAPUT IX.

Curent provideri de Antependiis, ex tela saltem, vel ligno depictis, de casulis cum suis stolis & manipulis, velis ac buris quatuor colorum, deque thuribulo, navicella & cochleari, juxta Romanæ Ecclesiæ usum, ac cujusque necessitatem.

Antependia & paramenta quæcunque vetera, indecentia, ac lacerata, si vel refarciri, vel in pium aliquem & Ecclesiasticum usum converti nequeant, comburantur, cineresque in piscinam mittantur.

Para-

Paramenta omnia probe complicata, cæteraque omnis Ecclesiastica & sacra suppellex in armariis & cistis intra Sacristiam, vel alibi commode, tutoque dispositis, decenter, diligenterque asserventur.

Sacra vasa, corporalia, purificatoria, pallas, humeralia, albas, cingula (quæ sufficientis longitudinis conficiantur) urceolos, reliquamque sacram omnem supellestilem & ornamenta nitida, mundaque semper conservari procurent.

In quavis Ecclesia juxta cujusque necessitatem, plura comparentur corporalia, purificatoria, vela, & strophio-la, ut commode immunda mundis mutari possint.

Purificatoria Cruce in medio figentur.

Vexilla pro Processionibus fracta reficiantur, vel nova pro cujusque Ecclesiæ necessitate ac dignitate procurentur, aptisque ac tutis locis asserventur.

Quemadmodum pro Hostiis, ita & pro particulis formandis & exprimendis, nisi aliter forsan commode haberi possint, ferrum aliquod comparetur.

Totius sacre supellestilis inventaria duo conficiantur, quorum unum Ædituus, alterum Vitrici penes se conservent.

De Missæ Sacrificio.

CAPUT X.

Nullus Sacerdos ab officio suspensus, excommunicatus, vel in peccato mortali existens, vel non jejunus a media nocte, multo minus adhuc ebrius, vel sine luminibus, vel idoneo Ministro, vel Missali, quamvis Missam memoriter sciat, vel non dictis saltem Matutino & Laudibus, vel in loco polluto aut interdicto, Missam celebrare præsumat.

Celebrent omnes in Altaribus consecratis, vel super Portatili sufficientis magnitudinis; nec nisi Calicibus ac Patenis argenteis inauratis ac mundis & consecratis utantur: vilioris materiæ quoscunque serio interdicimus.

Missas, quantum fieri potest, dicant in Altaribus, ad quæ fundatæ fuerint.

Missæ nec notabiliter ante auroram vel post meridiem, nec nisi regulariter singulæ a singulis legantur.

Missali Salisburgenfi novo vel Romano in Missis dicendis utantur: earumque cæremonias ac ritus Ecclesiasticos tam secundum Missalis Rubricas, quam inferius annexam appendicem ad unguem ediscant, & quam accuratissime observent.

Dominicis, aliisque Festis diebus Missas pro defunctis nullatenus celebrent: Orationem tamen pro iisdem inferere, majoribus ac solemnioribus Festivitatibus exceptis, non prohibentur.

Quo die Festum duplex celebratur, Missæ votivæ non dicantur.

Birretum seu quadratum, vel Celebrantis sudariolum, super altare non collocetur.

Totus tenor Canonis Missæ, & Secreta omnia, voce submissa recitentur.

Tintinnabulum adsit pro signo ad Elevationem dando.

Faces paulo ante Elevationem accendantur, nec nisi post Celebrantis, aut populi Communionem extinguantur.

De Sacramento Ordinis.

CAPUT XI.

Parochi originis & domicilii publice, adinstar Matrimoniorum, semel saltem denuncient præsentandos ad aliquem sacrorum Ordinum, fidemque legitimam in scriptis occlusis faciant, tum de dictis denunciationibus habitis, tum de impedimentis, si quæ detecta fuerint: nec non de eorundem ætate, moribus & vita.

De Matrimonio.

CAPUT XII.

A prima Dominica Adventus, usque ad festum Epiphaniæ, & a die Cinerum ad octavam usque Paschatis inclusive Matrimonia nullatenus solemnizent.

Sciunt

Sciant omnia impedimenta Matrimonii, tam impeditentia, quam dirimentia.

Clandestinis Matrimoniis nullo pacto interfint: neque alias ullum celebrent, nisi præmissis tribus Canonicis denunciationibus, & legitimo cessante impedimento.

Denunciationes ejusmodi non fiant, nisi ad petitionem, vel de consensu eorum, qui sunt Matrimonium contrahaturi.

Nullus ullos Sponfos, qui fidei rudimenta ignorant, antequam ea discant, Matrimonio jungere præsumat.

Secundas nuptias non benedicant. Solutas personas de concubitu suspectas cohabitare, vel conjugatas divertere, ac separatim pro earum libitu vivere, nullo modo patiantur.

Habeant librum, cui contrahentium, testiumque nomina, juxta infra notatam formulam, inscribant.

De Sacrorum Liqueurum, & Reliquiarum custodia.

CAPUT XIII.

Vascula omnia sacrorum Liqueurum sint saltem argentea, si non decorata.

Vascula ejusmodi, Reliquias, & alias res sacras non nisi in Sacristia, vel alio congruo loco extra Venerabilis Sacramenti Tabernaculum, decenter ac tuto reponant.

Reliquias in thecis decentibus disponant, nec nisi a Clericis reverenter tangi, efferri ac referri patiantur: notis sua nomina inscribant: ignotas decenter una asservent.

Claves sacrorum Liqueurum, Tabernaculi, Fontis Baptismalis & Reliquiarum Parochi sub sua, vel Cooperatorum custodia diligentissime semper retineant.

De Cruce & Crucifixi, aliisque imaginibus ac picturis.

CAPUT XIV.

In quavis Ecclesia inter Altare summum & populum loco conspicuo Sanctissimi Crucifixi imago sculpra, vel super trabe collocata, vel ex fornice

Ecclesiæ pensilis demissa, vel terræ infixæ & nonnihil elevata erigatur.

Cruces & Nomen JESUS, si in Ecclesiarum pavementis, aut locis fordidis reperiantur, illico tolli serio mandamus.

Cruces, quæ de tumultibus defunctorum decidunt, ne pedibus conculcentur, opportune provideant.

In locum depictarum imaginum, quæ retro Altaria concisæ reperiuntur, laminæ ferreæ Christi facie depictæ, reaffigantur, vel omnino illæ deponantur.

Si quæ sint in Ecclesiarum muris intus seu foris picturæ turpes, prophanae & indecentes, eas statim deleri, nec imposterum nisi devotas, sacras & honestas depingi curent, aut patiantur.

Linteamina, & quæcunque donaria deformia, a statuis discrete amoveant.

De Benedictionibus.

CAPUT XV.

Procurent, ne esculenta, vel poculenta in Ecclesiis benedicenda Altari, sed alicui commodo scamno, vel mensæ decenti, juxta Altare paratæ imponantur, aut certe in Sacristia benedicantur.

De Jejuniorum, Festorumque dierum cultu, & observatione.

CAPUT XVI.

Parochi omnino curent, ne diebus vetitis carnes comedantur.

Festos dies & jejunia tam de præcepto, quam consuetudine observanda populo studiose diebus Dominicis inter Missarum solemnias vel concionem proponant, ab eoque inviolabiliter curent observari.

Curent etiam, ut sui Parochiani Dominicis, Festisque diebus in propriis Ecclesiis, quantum fieri potest, Missæ Sacrificio, verbique Divini prædicationi a principio ad finem usque diligenter, ac devote interfint: nec quicquam ante finita Officia Divina quovis loco venale publice exponi patiantur.

Domi-

TITULUS III.

DE LOCIS IN GENERE.

CAPUT I.

Ecclésiæ, Sacristiæ, Cœmeteria, & quævis loca sacra a prophanis, indecoris, illicitisque actibus immunia, munda semper, eorumque tecta facta conserventur, fenestræ demissiores, Sacristiarum maxime ferreis contextis muniantur, aut rotulis vitreis, vel tela diaphona contegantur, parietesque ac pavimenta, ubi opus, reficiantur, in iisque dormitiones nocturnæ nullæ fiant, nec frumenta, vasa, cistæ, arcæ, vel alia suppellectilia ad usum prophanum reponantur, nisi forte propter hostiles incursus, aut incendia repentina, aut urgentem aliam necessitatem.

Prohibeant omnino Ecclesiarum Rectores, ne ullæ merces nundinarum, seu alio tempore, in liminibus, porticibus & continentis Templorum, aut cœmeteriis venales exponantur.

Adulterorum Catastræ & cœmeteriis, aliisque locis sacris omnino tollantur.

De Ecclesiis.

CAPUT II.

AD Ecclesiarum ingressum, seu januas loco commodo atque elevato vasa aquæ lustralis lapidea erigantur, mundaque servantur: aqua vero singulis saltem Dominicis diebus benedicatur ac renovetur.

Curent Curati, ut Ecclesiæ opportuno tempore ab Ædituiis aperiantur & claudantur.

De Rebus & Juribus Ecclesiarum.

CAPUT III.

Res & Jura Parochialia, Beneficiorum, Ecclesiarum, sacrorumque locorum sive corporalia, sive incorporalia alienare, quovis titulo non præsumant, quin potius diligentissime tueantur, illegitimeque ac indebite alienata inquirent, repetant & recuperent: nec non morosos aut contumaces eorum occupatores & perturbatores indiscriminatim ac serio ad Nos,

M m

vel

Dominicis ac Festis diebus, quibus Vesperæ in Ecclesia decantari & haberi solent, populum ad earum frequentationem inducere contentur.

Iisdem diebus Catechismum statim hora post meridiem, aut certe inter concionandum, usumque deferendi ac modum recitandi Rosarii juventutem ac rudem populum quam accuratissime doceant, nec ulli labori ac industria in tam salutari & necessaria institutione parcant.

De Sepulturis & Exequiis.

CAPUT XVII.

Sepultura sacra nusquam vel hæreticis, vel non baptizatis infantibus, aliisque personis jure prohibitis concedatur.

Extra Cœmeterium loco clauso infantium non baptizatorum corpuscula nullo funere & absque caremoniis sepeliantur.

Parochus nullum defunctum ad sepulturam sinat deferri, nisi ipse vel aliquis suorum Cooperatorum, aut Sacerdos superpelliceo amictus, & stola competenti ad collum appensa, prævia Cruce, luminaribus, & aqua benedicta funus conducatur.

In reliquis Agenda nostra nova omnino & diligenter observentur.

De Libris.

CAPUT XVIII.

Curati animarum libros inferius in Formulario descriptos & habeant, & asservent diligenter.

Adfint Psalteria, Gradualia, Antiphonaria, & Agenda nostra nova in quibusvis Ecclesiis curatis.

Provideant sibi non modo de Brevariario Romano novo, proprioque & ordinario Salisburgensi, verum etiam de Casuum & Concionum Auctoribus approbatis.

Quivis Parochorum, & Sacerdotum, seu Clericorum absolutum, integrumque habeat suorum quorumcunque librorum indicem, eumque diligenter asservet.

Nullus libros hæreticos, seu alias quomodolibet prohibitos legat, vel detineat, multoque minus venales exponi patiatur.

vel ipsorum Magistratum sæcularem deferant.

Parochi redituum suorum Ecclesiasticorum, & Vitrici suarum Ecclesiarum, una cum oneribus duo conficiant authentica Inventaria, seu Urbaria, spatio trium mensium a præsentium notitia, sive exhibitione, quas Parochi Vitricis insinuent: quorum alterum nostro Consistorio, sive & suis Archidiaconis (qui eorum transumpta authentica Nobis communicent) ex tunc illico transmittant, alterum penes se detineant.

De Sacristia.

CAPUT IV.

IN Sacristiis loco commodo genuflexorium cum Oratorio & orationibus pro Celebrantibus curent.

Ibidem in tabellis affixis descriptas habeant foundationes, functiones & obligationes Missarum, Legatorum, Votorum, Processionum, Peregrinationum, piarum consuetudinum, nec non onera, quæ Ecclesiis & cuique Altari incumbunt, eaque omnia solícite ac diligenter adimpleant.

Curent, ut in Sacristiis lavacra cum aqua & manutergiis mundis ad usum Celebrantium adsint parata.

De Cæmeteriis.

CAPUT V.

IN medio cæmeterii Crucem erigicurent, ac ejus pedi vas aquæ lustralis appendi.

Ad cæmeteriorum ingressus cancelli ferrei, vel saltem lignei, super effossa humo accommodentur.

Cæmeteria claudi & in custodia retineri, maxime ad bruta animalia inde prohibenda, vitesque ac arbores quascunque ex eis eradicari curent.

In cæmeteriis, vel ab iis non procul, loco commodiori tum ossarium erigatur, in quo defunctorum ossa aliquando exhumata iusto ordine disponantur: tum locus accommodetur, in quo feretra, schalæ, scopæ, ligones, & similia tuto asserventur.

De Hospitalibus, eorumque, ac aliorum sacrorum locorum rationibus.

CAPUT VI.

Hospitalia, juxta suarum fundationum tenorem, fideliter ac diligenter regantur ac gubernentur.

Omnia & singula suas Regulas seu Statuta a nostro Consistorio approbata habeant, quæ sedulo observentur.

Nemo recipiatur, qui nesciat, aut certe discere facile possit Orationem Dominicam, Salutationem Angelicam, Symbolum Apostolorum, & Decalogum, exceptis mutis, stultis, aut furiosis.

In hypocaustis & cubiculis adsint piæ imagines & aqua lustralis.

Rationes Hospitalium remotorum ac pauperum Parochus cum Præfecto loci diligenter excipiat, ac deinde nostrum Consistorium de ejusmodi rationum atque Hospitalium statu ingenue informet.

In rationibus tam Ecclesiarum, quam Hospitalium, Confraternitatum, ac quorumcunque piorum locorum reddendis & excipiendis computationes, postpotationes, superfluasque, inutiles, ac graves expensas prohibere, paulatimque non obitante ulla in contrarium consuetudine, verius corrumpela, omnino tollere Ecclesiarum Rectores procurent.

De Domibus Parochialibus.

CAPUT VII.

Parochi ædificiis domorum Parochialium opportune, satisque provideant, atque ea tecta & facta conservent.

Parochi, Cooperatores, Vicarii, & Capellani in domibus Parochialibus habitent & cibum sumant, non in conductitiis, vel tabernariis: nisi quis in domo propria, aut consanguineorum sine scandalo habitaret.

Ædes, atque etiam prædia Parochialia, Beneficiorum, seu Ecclesiæ personis infamibus, aut quæ solvendo non sunt, nullo modo locentur.

DECRETORUM FINIS.

FORMULARIUM INSCRIPTIONUM, ATTESTATIONUM, ET DENUNCIATIONUM.

Habeant Curati animarum quatuor distinctos libros papyraceos mundos: quorum uni animarum seu Parochianorum: alteri Baptizatorum: tertio Confirmatorum: quarto Matrimonio conjunctorum nomina ad methodum, quæ sequitur, inscribant.

Forma libri Animarum.

In libro animarum describantur omnes & singulæ familiæ distincte (inscripto primum nomine ac cognomine patris & matris, deinde filiorum, cæterorumque de familia (sat amplo margine & competenti inter eas intervallo relictis, tum ut recens natorum, ac baptizatorum nomina, eorumque pariter, qui de novo in servitiis, vel alia de causâ ab aliqua familia assumuntur, vel Parochiam habitatum veniunt, subseribi, tum ut nominibus eorum quidem, qui moriuntur, Crux † in margine iisdem directe respondens, adjunctis die, mense, & anno obitus: eorum vero, qui e Parochia domicilium transferunt, vel migrant, ejusmodi linea — apponi: tum etiam, qui sunt maturæ ætatis ad Sacram Eucharistiam suscipiendam litera C. notari possint.

Forma libri Baptizatorum.

Die N. Mense N. Anno N.

N. Filius N. & N. ex legitimo Matrimonio (vel illegitimo) natus die N. Mense N. fuit per me N. Rectorem Ecclesiæ N. baptizatus: Patrini fuere N. & N.

Cum vero infans domi ob urgentem necessitatem baptizatur, & deferretur ad Ecclesiâ, forma sequens observetur.

Die N. Mense N. Anno N.

N. Filius N. & N. ex legitimo Matrimonio (vel illegitimo) natus die N. Mense N. necessitate urgente, ab N. domi baptizatus fuit, Suscipientibus N. & N. ei ad Ecclesiâ præsentato, cæremonia, quæ desueverant, per me N. Rectorem Ecclesiæ N. fuerunt adhibita.

Quando autem Procurator constituitur ad aliquem de sacro Fonte susci-

Tornus IX. Concilior. German.

piendum, servata prædicta forma in cæteris, omittantur illa: Patrini fuere &c. & eorum loco notetur: Suscipiente N. Nomine ac de mandato N. N. vero nomine proprio, si quando alterum proprio, alterum mandantis nomine suscipere contigerit.

Modus denunciandæ Confirmationis.

Volente Illustrissimo & Reverendissimo D. D. Archi-Episcopo, seu Reverendissimo Domino Suffraganeo, confirmare, publicetur in Ecclesia, ut confirmandi curent, sua nomina, parentum, ac patrinorum, nec non cognomina in schedula describi, quæ in actu Confirmationis tradatur Presbytero ad id muneris destinato: Parochus deinde selectis singulorum chirographis, in libro Confirmationum per ordinem alphabeti eos, prout sequitur, describet ac disponet.

Forma libri Confirmationum.

Die N. Mense N. Anno N.

Illustrissimus & Reverendissimus &c. in Ecclesia nostra Parochiali N. confirmavit N. filium N. & N. conjugum (vel illegitimum) Suscipiente N. Et ita deinceps cæteri, singuli a capite subnectantur.

Formula observanda ad inquirendum ab iis, qui Matrimonium contraxerunt, an denunciationes in Ecclesia fieri velint.

Domine N. vel Domina N. visne fiant denunciationes in Ecclesia, quod agatur de Matrimonio inter te N. & N. contrahendo. Ut iis factis, & nulla interveniente contradictione, sive impedimento, possit id postmodum libere celebrari.

Quibus annuentibus, curabit eas Parochus tribus continuis diebus inter Missarum solemnia, publice fieri ad modum, qui sequitur.

Formula denunciandi Matrimonia.

Significatur Devotioni vestræ, quod N. filius N. & N. contraxerunt Matrimonium

M m 2

cum

cum N. filia N. quare si quis vestrum sciat inter eos impedimentum aliquod, quo ab ejusmodi contractu Canonice prohibeantur, id mihi Parocho, sub obedientia, qua S. Matri Ecclesiæ tenetur, denunciatur.

Et casu, quo contrahentes sint diversarum Parochiarum, prius Parochi se se mutuo certiores reddant de utriusque partis consensu, quam ex fiant, juxta sequentem modum.

Formula supradictæ mutæ Parochorum certiorationis.

Die N. Mense N. Anno N.
Attestor ego Presbyter N. Curatus Ecclesiæ N. quod requisiverim ex Domino N. vel Domina N. mea Parochiana; an velit fieri denunciations de Matrimonio cum Domina N. vel Domino N. vestro Parochiano contrahendo: qui vel qua, ut fiant, libere consentit.

Formula attestationum unius Curati ad alterum, cum contrahentes sunt diversarum Parochiarum, de factis denunciationibus.

Attestor ego N. Curatus Ecclesiæ N. per me in mea Ecclesia inter Missarum solennia publice denunciatum fuisse Matrimonium contrahendum inter N. filium N. meum Parochianum, & N. filiam N. Parochianam Ecclesiæ N. tribus infra scriptis diebus Festivis, juxta dispositionem S. Concilii Tridentini.

Prima denunciatio facta fuit die N. Mensis N. qui fuit Dominicus, vel N.

Alteræ, die N. Mensis N. qui fuit Dominicus, vel N.

Tertia, die N. Mensis N. qui fuit Dominicus, vel N. neque aliquod detectum vel detectum fuisse impedimentum.

Hujusmodi autem attestations consuevantur & conserventur ab iis Curatis, qui illas recipiunt.

Formula Matrimoniorum inscribendorum.

Die N. Mense N. Anno N.
 N. Filius N. & N. contraxit Matrimonium per verba de presenti cum N. filia N. in Ecclesia N. coram me N. Parocho (vel de licentia N. Parochi) presentibus testibus N. & N. & N. &c. atque servatis servandis, juxta dispositionem & Decretum Sacri Concilii Tridentini.

Et statim atque Matrimonium in suo libro descriptum fuerit, vel innoverit, scribatur nomen mulieris in libro Animarum infra nomen viri loco suæ familiæ proprio, in margine tamen libri Animarum, ubi erat nomen mulieris, apponatur linea — sive contraxerit in propria Parochia, sive extra. Quod si accadat, ut ab Illustrissimo & Reverendissimo, ex rationabili causa denunciations dispensative remittantur, Curatus id annotet in libro, & testimonium talis dispensationis ac remissionis diligenter conservet.

Dies vero & anni non numeris, sed distinctis, expressisque literis scribantur, hoc modo, verbi gratia: Die quinta Mensis Augusti, Anno Millesimo, sexcentesimo, decimo sexto.

Formula denunciandi promovendos ad aliquem sacrum Ordinem.

Significatur Dilectioni vestræ, quod N. filius N. & N. intendit se presentare Illustrissimo & Reverendissimo &c. ad suscipiendum sacrum Subdiaconatus (vel N.) Ordinem. Quare si quis vestrum noverit in ipso aliquod impedimentum, seu defectum reperiri, ratione cuius promoveri nequeat, secretus Illustrissimæ Suae Celsitudini, vel mihi Parocho deferat.

Formula denunciandi populo Dominicis Quadragesimæ præceptum de Confitendo & communicando in Paschate.

EX commissione Illustrissimi &c. in executionem præcepti Ecclesiæ, omnes hujus Parochiæ incole generaliter & singulariter admonentur, ut, quotquot sunt ætatis maturæ ad communicandum, sub pena interdicti ab ingressu Ecclesiæ, & privationis sepulture sacre, sint confessi, & communicent intra terminum trium hebdomadarum ante, totidemque post Pascha, alias dicto termino lapsa, contra inobedientes & contumaces ad hujusmodi interdicti publicationem procedetur.

Formula publicandi sic interdictos.

EX commissione Illustrissimi &c. denunciatur N. N. interdictus ab ingressu Ecclesiæ, & in eventum mortis, privatus sepultura sacra, juxta sacrorum Canonum Decreta, eo quod non

non fuerit confessus, nec communicavit in Paschate, prout decernit Sancta Mater Ecclesia, licet de eo generaliter fuerit admonitus: qui proinde si tempore Divinorum Officiorum Ecclesiam forte ingredi temere presumpserit, ab eorundem celebratione cessabitur: si vero per mensem in ejusmodi interdicti censura contumaciter perseveraverit, contra ipsum, ad excommunicationis, aliasque penas Canonicas procedetur.

Formula denunciandi excommunicatos.

EX commissione Illustrissimi &c. denunciatur innodatus majori excommunicatione N. N. contra ipsum prævis Canonice Monitionibus, aliasque Canonice lata in Consistorio Salisburgensi, die N. Mense N. Anno N. causa N. prout latius in ipsa sententia. Quare, cum ipse exclusus sit a participatione Sacramentorum, suffragiis & communione fidelium, quilibet vestrum eum vitare sub pena excommunicationis tenetur: qui si nihilominus in ejusmodi excommunicatione perseveraverit, contra ipsum, veluti de hæresi suspectum, prout juris procedetur.

Formula denunciandi liberatos a Censuris Ecclesiasticis.

Significatur Dilectioni vestræ, quod N. N. olim interdictus (vel excommunicatus) per DEI gratiam, rediit ad Ecclesiam sanctæ obedientiam, & confessus est atque communicavit; quare nemo ipsum vitet, nec male de

ipso, sed tanquam de fidei Christiano atque Catholico sentiat.

Formula conscribendi Relationes

Citationum, Mandatorum, & Actuum quorumcunque Venerabili Consistorio presentandorum.

Die N. Mense N. Anno N.

Ego N. Rector Ecclesiæ N. secundum formam presentis Mandati (vel Citationis, vel Edicti) citavi N. die N. Mense N. juxta presentium literarum continentiam. In cujus testimonium manu propria hæc scripsi, & sigillum meum apposui.

Atque hæc Attestatio scribenda est a tergo literarum citatoriarum &c. quando sunt Superiori remittendæ: alias utendum sequenti forma:

Alia Formula.

Die N. Mense N. Anno N.

Attestor ego N. Curatus Ecclesiæ N. quod N. N. mihi jurejurando retulit, se die N. Mense N. præstasse (vel intinasse) N. N. personaliter reperto (vel ad domum habitationis) Mandatum, vel aliam authenticam Scripturam, confectam sub die N. Mense N. Anno N. ex officio: (vel ad instantiam N. N.) in cujus rei testimonium manu propria hæc scripsi.

Hujusmodi relationes, & aliæ quævis scripturæ Consistorio transmittendæ scribantur & mittantur in folio integro, & proprio sigillo muniantur, & non aliter.

FORMULARII FINIS.

A P P E N D I X

Ad Sacrosancti Missæ Sacrificii Cæremonias.

Sacerdos celebraturus sacris vestibus juxta Missalis Rubricas indutus, caput primum cooperiet, tum calicem sinistra accipiet, dextra supra extensa, ne quid decidat, itaque elevatum deferet, ut ejus summitas ad pectus pertingat, nec tamen excedat, factaque Cruci, vel imagini sacre in Sacristia reverentia, ad Altare oculis demissis, incessu gravi, erecto corpore procedet, eodemque modo ab Altari ad Sacristiam revertetur, nec in egressu, vel ingressu quemquam salutabit, vel

salutanti respondebit, aut reverentiam cuiquam, nisi proprio Episcopo exhibebit.

Cui si ante Altare majus transeundum fuerit, in quo non sit Venerabile Sacramentum, profunde se se erga illud cooperto capite inclinet: si vero sit Sacramentum in Tabernaculo Altaris occluso, capite item operto reverentiam dextro genu ad terram usque demisso eidem exhibebit: quod si patenter sit expositum, vel super Altari quocunque post Consecrationem in

M m 3

Missæ

Missa collocatum, vel sumatur, vel ministretur, primum genu dextrum flectat, tum dextra a calice semota, caput denudet, birretumque calici superimponat, ac manu teneat, & Sacramentum capite inclinato adoret: post adorationem caput tegat, dextram super calicem reponat, ac demum decenter se se erigat. Quod ipsum observet diligenter, si quando transit ante Altare, ubi Missa celebratur, in qua sacra Hostia vel Calix elevatur; hoc tamen addito, quod tunc genu utrumque flectat, nec ante surgat, quam Calix super corporale fuerit depositus.

Cum vero ad Altare, in quo Missam celebraturus est, pervenerit, stans ante illius infimum gradum, caput de-
tegit, (*) birretum Ministro porrigat (quod quemadmodum & stropholum ad usum Sacerdotis proprium nusquam super Altare collocandum) Altari sive Cruci super eo posita se se profunde inclinet, vel, si addit Sanctissimum Sacramentum in tabernaculo, seu extra, genu flectat, ad medium Altaris ascendat, corporale illico super lapidem sacratum extendat, neque ejus extensionem differat usque ad Offeritorium, ac demum calicem medio corporali superimpositum velo ex anteriori parte totum cooperiat.

Ut autem compendiosa non minus, quam exacta reverentiarum in Missa concurrentium scientia, ratioque habeatur, sciendum est, tres esse earum modos: quædam enim fiunt, genu tantum dextri ad terram usque flexione: quædam capitis, humerorumque profunda incurvatione: quædam solius capitis inclinatione.

Genuflectit Celebrans semper & ubique cum Sanctissimo Sacramento exposito reverentiam exhibet: exhibet autem, quando ad Altare ingreditur, vel ante id transit, aut inde discedit, & quotiescunque, vel ad medium Altaris accedit, indeque recedit, vel antequam Hostiam consecratam in manus accipiat, & postquam eam deposuit, nec non ante & postquam ad populum se convertit: quo casu ne dorsum unquam Sacramento invertat, semperq;

se a sinistra ad dextram paulo ultra medium Altaris versus cornu Evangelii vertat, curandum. Genuflectit etiam, antequam Missam incipiat in Altari, ubi sit Venerabile Sacramentum, sive expositum, sive in Tabernaculo: item cum dicit: *Festamus genua: In nomine JESU omne genu flectatur*: post Epistolam in Quadragesima ad Versum: *Adjuva nos Deus*: itemque in Missa de Spiritu Sancto, ad Versum: *Veni Sancte Spiritus*: præterea cum dicit: *Et Verbum Caro factum est*: *Et procidentes adoraverunt eum*: *Et procidens adoravit eum*: *Et incarnatus est de Spiritu Sancto ex Maria Virgine*, & homo factus. Cum vero dicitur: *Hic est Panis, qui de celo descendit*, neque genuflectat, neque humeros vel caput inclinet.

Circa quam genuflexionem duo observanda: alterum, ut fiat absque pedum strepitu, non in composito vel contorto, sed recto capite & reliquo corpore, dextro pede nec super finistram posito, nec extra supremum Altaris gradum projecto, manibusque in Altari non in modum crucis compositis, neque conjunctis, sed hinc inde extra corporale quidem ante Consecrationem, post eam vero super corporalis extremitates disjunctis, & apte ita dispositis, ut extensarum palmarum junctis digitis jungendis Altaris mensæ imponantur. Alterum, ut fiat ea Altaris parte, & situ corporis, ubi tunc Celebrans reperitur; non convertendo se ad Tabernaculum, vel ad medium Altaris accedendo, sed genuflectendo versus librum, verbi gratia, cum ad Epistolam vel Evangelium est genuflectendum.

Caput & humeros Sacerdos incurvat, cum facit reverentiam vel Prælatum, vel Altari majori, vel in quo celebraturus est, aut celebravit, dummodo in neutro sit Venerabile Sacramentum: præterea cum dicit: *Confiteor*, donec Minister absolverit, *Miserereur*: (*) ad, *Oramus te Domine*: *Munda cor meum*: *Dominus sit in corde meo*: *In spiritu humilitatis*: *Suscipe Sancta Trinitas*: *Sanctus*, usque ad *Benedictus*: *Tu igitur*, usque ad Altaris osculum: *Supplices te rogamus*: *Agnus Dei*: Orationes ante Communionem.

(*) In Germania praxis in discessu caput tegere.

(**) Et Sacerdos respond. Amen.

munionem: *Placeat*: & profundius quoties Altare osculatur, cuius loco calicem non osculetur, vel patenam. Cum vero dicit: *Deus tu conversus*, usque ad: *Aufer a nobis*, inclusive, vel profert verba Consecrationis, vel Hostiam sacram sumit, incurvat quidem caput & humeros, non tamen ita profunde, sed aliquanto remissius.

Caput tantum inclinat Celebrans, & quidem versus Crucem, quoties a medio Altaris discedit, & eo accedit, cumque ante Orationes, etiam Dominicam, dicit, *Oremus*: quandocunque profert Nomen JESU, præterquam in fractione Hostiæ, dum dicit: *Per eundem Dominum nostrum Jesum Christum*: & ante ejusdem, ac Sanguinis sumptionem dicens: *Corpus*, vel *Sanguis Domini nostri Jesu Christi*, & quoties inclinatus id profert: neque enim ulla tunc fit reverentia. Similiter caput inclinat ad *Gloria Patri*, & *Filio*, & *Spiritui Sancto*, in Psalmo *Judica* tantum & Missæ Introitu. Nec non in Gloria in excelsis, ad verba, *Deo*: *Adoramus te*: *Gratias agimus tibi*: *Suscipe deprecationem nostram*. In Credo ad verba, *In unum Deum*: *Simul adoratur*. In Præfatione ad verba, *Domino Deo nostro*: ante utramque Consecrationem ad verba: *Tibi gratias agens*. Post Memento pro Defunctis ad verba, *Per eundem Christum* &c. In fine Missæ ad verba benedictionis, *Omnipotens Deus*. & quando profertur Nomen Mariæ, vel Sancti, cuius festum eo die celebratur, vel Pontificis.

Circa quos duos reverentiarum modos tria sunt advertenda: primum, ne cum Venerabili Sacramento in Altari existenti Celebrans reverentiam genuflexionis exhibuit, Cruci etiam se postmodum quandocunque inclinet. Alterum, ut, cum Venerabile Sacramentum est ad latus Altaris, ad initium Missæ Sacerdos versus illud non genuflectat, sed Cruci tantummodo in Altari suam reverentiam exhibeat. Tertium, ne Celebrans, dum prædicta, vel similia verba profert, genu unum, vel utrumque ullo modo curvet, vel alias unquam aut aliter in Missa reverentiam exhibeat. (*)

Circa capitis inclinationem duo occurrunt notanda: alterum ad Nomen JESU caput aliquanto profundius, quam ad Nomina Mariæ, Sanctorum & Pontificis inclinandum esse, eo versus, ubi tunc Celebrans erit, ita, ut si in medio Altaris existat, versus Crucem, seu medium Altaris inclinet: si in cornu Epistolæ, vel Evangelii, versus librum: præterquam cum in fine Orationum dicitur, *Per Dominum nostrum Jesum Christum*: & in Missæ Introitu, *Gloria Patri*, &c. tunc enim etiam versus Crucem caput inclinet. Cum vero Orationes terminantur per, *qui vivis* & *regnas*: vel, *qui tecum vivis*, & *regnat*, nulla fit reverentia; quemadmodum neque cum ante, aut post Consecrationem dicitur, *Per Christum*, vel, *Per eundem Christum Dominum nostrum*, nisi, ut dictum est, post Memento pro defunctis. Alterum Celebrantem ad verba in Confiteor, *Vobis*, &, *Vos fratres*, nullo modo debere inclinare, vel quomodolibet convertere caput ad Ministrum, aut populum; ita etiam, cum ad populum versus dicit, *Dominus vobiscum*, *Orate fratres*, *Ite Missa est*, maneat recto capite & corpore, nec Altari dorso innitatur, totaliterque & junctis manibus se convertat.

Paramentis Sacerdos non utatur, quæ ab Episcopo, vel alio facultatem habente benedicta prius non fuerint.

Verbis Missæ nihil addatur, detrahatur, vel immutetur: quare, ubi Missale habet, *In nomine Patris*: *Beata Mariæ*: *Vobis*, &, *Vos fratres*: *Dimissis peccatis vestris*: *Domine non sum dignus*: *Benedicat vos omnipotens Deus*, &c. non dicat Celebrans, *In nomine Dei Patris*: *Beatissimæ Mariæ*: *Tibi*, &, *Te frater* (etiam si solus Minister adsit) *Dimissis omnibus peccatis*: *Domine Jesu Christe non sum dignus*: *Benedicat vos omnipotens, & misericors Deus*: & similia: neque ad Elevationem dicat: *Adoramus te Christe*, &c. vel post Communionem, *Nunc dimittis servum* &c. aut alia quæcunque.

Cum manus & digiti junguntur, dexter pollex super sinistrum in modum Crucis semper ante Consecrationem ponitur, post vero nunquam, sed

(*) Genu dext. genuflexio fit, nunquam sinistro.

sed usque ad Communionem pollices & indices non disjunguntur, nisi cum sacra Hostia tractanda est: quo casu caveat Celebrans, ne eos super corporale unquam extergat: post Communionem vero omnes digiti æqualiter extensi & simul juncti detinentur.

Manus ante pectus ita junctæ detineantur, ut summitates digitorum non tabulam Altaris, sed Celebrantis faciem respiciant, sive cum standum, sive cum a medio ad cornu Altaris, aut a cornu ad medium transeundum est; dum tamen impediri non fuerint.

Extendens, elevans ac jungens manus humerorum altitudinem, distantiamque non excedat, nec antequam prius junctas extendat ac elevet, quod ad *Gloria, Credo*, & alias fieri consuevit, super Altaris mensam deponat (ad utrumque tamen Memento, & post summam sacram Hostiam, etiam ad faciem usque junctas elevare ac tenere potest) quod ipsum in iisdem disjungendis observet, nec non, ut cum disjunctæ elevatae tenentur, unius palma alteram respiciat, non tabulam, vel mensam Altaris. Cum vero manus junctæ Altari, vel Corporali superimponendæ erunt, extremitates tantum digitorum parvulorum anteriorem faciem mensæ Altaris punctim, summitates vero anularium superiores cœsum attingat. Ita vero junguntur & collocantur, cum dicit, *Oramus te Domine: In spiritu humilitatis: Suscipe Sancta Trinitas: Te igitur: Supplices te rogamus: Domine Jesu Christe*, & cæteras Orationes ante Communionem, & Placeat tibi Sancta Trinitas. Cum vero dicit: *Munda cor meum, Sanctus*, primum *Agnus DEI*, pro vivis, & omnes pro defunctis, manus quidem ante pectus jungit, iis tamen Altaris mensam non attingit.

Signans se signo Crucis, palmam dextræ manus ad faciem suam convertat, omnesque digitos extendat, & simul jungat, præterquam post Consecrationem: producatque non in aere, sed frontem, pectus, humerosque sinistrum primum, tum dextrum attingendo, Crucem magnam sinistra infra pectus extensâ: factâ vero Cruce, numquam digitum vel manum osculetur.

Signans se patena, hostia vel calice, caput aut humeros non excedat, neque patenam super caput, vel oculos ponat, neque osculatum in planeta, vel aliter extergat.

Cum incepturus Missam dicit, *In nomine Patris &c.* sic dispense verba ad singulos sui contractus: tangens frontem dicat, *In nomine Patris*: pectus, & *Filii*: humerum sinistrum, & *Spiritus Sancti*: humerum dextrum, *Amen*.

Quotiescumque pectus percutit, dextra manu decenter, nec nimis fortiter, aut vehementer id faciat, tota manu extensâ ante Consecrationem: post vero tribus ejus postremis digitis, qui sacram Hostiam non attigerunt, connexis & extensis, sinistra infra pectus pariter extensâ & locata, præterquam ad *Agnus Dei*, & *Domine non sum dignus*, de quibus suo loco.

Quando Altare, liber, vel aliud osculandum, nunquam prius Crux super eo qualitercunque formetur: Altare vero semper in medio osculandum, manibus hinc inde super ejus mensam, vel corporale compositæ extensis, & capite, corporeque ita directe Altaris medio correspondentibus, ut in nullam ejus partem propendeant.

Introitus, & reliqua in cornu Epistolæ dicenda sunt in ipso cornu versa facie directe ad tabulam Altaris, non vero stando in medio Altaris, quantumcunque facie versa ad angulum dicti cornu. Cum autem dicto, *Dominus vobiscum*, dicenda est *Oratio* in cornu Epistolæ, nunquam est ad medium Altaris redeundum, ut ibi dicatur, *Gremius*.

Dicturus, *Dominus vobiscum*, non se signet signo Crucis, neque dicat *Versum*, *Domine exaudi orationem meam*, &c.

Alterutram tantum manum numquam apertam vel elevatam teneat. Quod si quandoque altera solum vertendum sit, vel oblata benedicenda, vel post Orationem Dominicam patena dextra tenenda, alteram interim super corporale, vel librum, vel Altare, secundum rei exigentiam & opportunitatem, deponat.

Celebrans dicto ante Evangelium, *Dominus sit in corde meo*, &c. non se signet,

net, neque dicat, *In nomine Patris*, &c. cum vero dicit, *Initium*, vel, *Sequentia Sancti Evangelii*, &c. semper signet se tribus parvis crucibus pollice dextro, prima in fronte, altera in ore, tertia in pectore; non vero una magna a fronte ad pectus, humerosque ducta. Cum respondetur, *Gloria tibi Domine*, non se vertat, neque inclinet versus Crucem, aut librum, aut alio.

Evangelium non legat in medio Altaris, sed ad cornu Evangelii stando recto corpore versus librum, manibus ante pectus junctis, non innitendo brachiis libro, vel Altari. Eo autem, etiam in fine Missæ, lecto absque ulla crucis productione librum ad Evangelii principium osculetur, præterquam in Missis defunctorum, & In principio in fine Missæ. Moxque Evangelio absoluto una cum pulvinari, vel scabello, ne tamen corporale tangat, librum attrahat versus Altaris medium, & post in medio semper maneat, & cætera prosequatur, nisi cum forte inde omnino ad aliquod ejus cornu recedendum fuerit.

Ad Offertorium patenam cum hostia, & calicem neque elevet, neque teneat ultra, vel infra, sed juxta, seu ante pectus.

Infusis a cornu Epistolæ in calicem vino & aqua, eoque purificatorio absterfo, Celebrans calicem super Altare ibidem deponat, ipseque ad medium Altaris progressus, purificatorio super patenam deposito, in medio stans calicem dextra accipiat, & dicat, *Officium* &c.

Ad *Lavabo*, extremitates digitorum utriusque pollicis & indicis lavet, corpore vel ad Altaris tabulam, vel cornu Epistolæ converso: quos tamen dum extergit, ad ipsam tabulam recta ibidem se convertat.

Ante quamvis benedictionem super Oblata adhibendam sive osculato Altari, sive non, semper manus prius coniungendæ.

Crucis super Oblata, vel aliam rem benedicendam infra Missam, fiant manu dextra extensa recta in longum, ac deinde in transversum hoc modo †

ducta, non autem formando tantum quatuor puncta hoc modo ✠ digitis ita junctis & dispositis, ut parvus rei benedicendæ sit versus, & crucis formandæ longitudo & latitudo palmum non excedat. Et quando Hostia & Calix cruce communi signantur, transversum crucis in medio inter utrumque, non super alterutrum tantum ducatur.

Ad *Sanctus* pectus non percutiat, neque ad *Agnus Dei* pro defunctis.

Antistes, seu Episcopus loci, in cuius Dicecesi quis celebrat, est in Canone, ibi, *Et Antistite nostro N.* nominandus.

Tenens manu Hostiam, vel Calicem mox consecrandum, pectus non percutiat, neque ullo modo, quamcunque reverentiam, maxime genuflexione perfecta vel imperfecta faciat, neque Hostiam consecrandam sinistra elevet, sed demissam teneat.

Proferens verba Consecrationis, caveat, ne afflet, ne barba, vel ore Hostiam aut Calicem contingat, Calicive barbam immittat, ne caput, faciemve moveat, ne Crucem ore, capiteve producat, ne Hostiam vel Calicem osculetur, neve Calicem consecrandum ante Hostiam transferat: quem, dum consecrat, rectum & nonnihil elevatum teneat.

Hostiam, vel Calicem consecratos elevaturus genuflectens capiti non superimponat, neque elevando extra limites corporalis umquam ferat, nec retro post se, neque directe supra suum caput, sed iis oculos semper intentos habeat, numquam in utrumque, vel alterutrum latus convertat, aut illis crucem effingat, sed rectos & immotos in alto adorandos aliquantillum teneat, moxque reverenter deponat, nec osculetur Hostiam, aut nodum, pedemve Calicis, aut manum; postremosque tres utriusque manus digitos post sacram Hostiam conjunctos, rectos, firmosque teneat.

In elevatione & depositione Calicis advertat, ne manipulus Hostiam tangat.

Quandocunque Hostiam tractat, pedem non incurvet, neque manum osculetur.

Cum dicit, *Per ipsum &c.* Hostia super Calicem formet Cruces, ita ut fere, sed non omnino labia Calicis tangat: reliquæ vero Cruces inter Calicem & Celebrantem non excedant Calicis altitudinem: postea non multum elevet Calicem cum Hostia, nec umquam ferat Hostiam retro post Calicem, neque in gyrum.

Dum Hostiam frangit, brachiis Altaris mensæ non innitatur.

Cum dicit, *Agnus Dei*, pro vivis, ad primum *Miserere nobis*, manus disjungat, sinistram super corporale deponat, usque dicto, *Dona nobis pacem*: dextram a pectore non removeat, nisi cum ad id percutiendum eam extendit.

In Missâ privata non dicatur, *Pax tecum*, nisi per osculum instrumenti danda pax fuerit.

Dicens, *Domine non sum dignus &c.* cubitum sinistram non imponat Altari, non levet Hostiam in altum, nec ad latus, non genuflectat, nec ullo modo pedem incurvet, vel corpus contorqueat; sed capite inclinatus, stans reliquo corpore erectus, neque in aliquam Altaris partem propendens, sinistra super corporale inter calicem & pectus, suppositis postremis tribus ejus digitis patenam sustineat, pollice, interrim & indice Hostiam sacram supra patenam tenentibus: dextra vero pectus, ut ad *Agnus Dei* dictum est, percutiat.

In sumptione tam sacræ Hostiæ, quam Sanguinis ne pedem quovis modo incurvet, neque tintinnabulum pulsari permittat.

Patena, postquam super Calicem extensa est, eidem inversa nullo modo superimponatur.

Sumpturus Sanguinem calice se signans, dextra ejus nodum, sinistra pedem teneat: peracta Cruce patenam sinistra accipiat, Calicique, dum sumit, supponat.

In sumendo Sanguinem non circumferat, vel circumquaque Calicem lambat, sed uno eodemque loco sumat.

Infusum vinum pro purificatione ea ex Calicis parte sumat, qua Sacrosanctum Sanguinem sumpsit: dumque infunditur, a Calice dextram non removeat.

Infusa ablutione non lambat digitos, neque iis madidis oculos sibi abstergat &c.

Purificatio & ablutio infunduntur, stante Celebrante in medio Altaris.

Sumpta Communione operam det, ne per aliquantulum temporis expuat.

Cum intra Missam ministratur Eucharistia, non est ulla tunc danda Communicatis Benedictio.

In fine Missæ unica tantum Benedictio danda est, formando Crucem unicam rectam in longum & transversum in medio Altari, quæ frontis altitudinem, humerorumque latitudinem non excedat, toto corpore ac facie ad populum versa.

Cum quis celebravit in Altari, in quo non est positum Ven. Sacramentum, finita Missa caput tegat, superius stans ad Altaris medium, tum accepto calice descendat: si vero Sacramentum adsit, aperto capite cum calice ad infimum gradum descendat, ubi genuflectat, ac demum caput cooperiat, revertaturque ad Sacristiam.

Aspergens populum aqua benedicta, nemini aspergendo faciat reverentiam.

Cætera, quæ Cæremonias tam in privatis, quam solemnibus Missis, vel Pontificalibus adhiberi solitas, & ex usu, rituque Romano præscriptas concernunt, ex ipsius Missalis Rubricis generalibus & Pontificali perantur, diligenterque observentur.

APPENDICIS FINIS.

Diligenter collatum cum suo genuino Textu in Archivo Archi-Episcopali Pragensi sub fide mea jurata asservato per omnia concordare testor. Praga die 7. Octobris Anno 1757.

(L.S.)

WENCESLAUS PROCOPIUS DUCHOWSKY mpp.
Regia Capell. OO. Sanctorum in Castro Pragensi Beneficiatus, Notarius Apostolicus, & Curia Archi-Episcopalis Archivarius juratus.

Lünig Spicil. Eccles. Cont. II. pag. 236.

SYNO.

SYNODUS CAMERACENSIS

Anno Christi MDCXVII. Pauli V. Papæ XIII.

Matthiæ Imp. VI.

SUB FRANCISCO VAN DER BURCH, VII. CAMERACENSI ARCHIEP.

S E U

ORDINATA (*)

ab Illustrissimo ac Reverendissimo Domino, D. FRANCISCO van der
BURCH, Archi-Episcopo ac Duce Cameracensi,
IN SYNODO DIOECESANA
II. Octob. M. DC. XVII.

I.

CUM Altaria sint mensæ sacrarum Oblationum DEO singulariter dicata, & sepulchra Martyrum, atque ideo in magna reverentia merito haberi debeant; non est permittendum, ut ab aliqua parte pateant, & rerum vilissimarum, imo & sordium receptacula fiant. Quare & mandamus, ut non modo a fronte, sed a posteriori quoque parte, & utroque latere obstruantur.

II.

Ubicumque aliquod Altare consecratum est, ibidem a proximo festo Assumptionis Deiparæ Virginis, usum Altaris portatilis omnino prohibemus. Ubi vero omnia Altaria adhuc sunt profanata; statim ea honestis lapidibus instruantur, & ad Consecrationem debite aptentur; & interim dum consecrata non sunt, in iis tantum Altaribus portatilibus celebretur, quæ sint integra & justæ magnitudinis, & de quorum consecratione constet.

III.

Pastores, & quicumque alii Sacerdotes, aut in Sacris constituti, edendi vel bibendi causâ tabernam ingredientes, nisi professionis necessitate fuerint compulsi, solvent pro prima vice sex florenos, secunda vice duplum, tertia vice plectentur pena carceris, & sæpius recidivi punientur tanquam incorrigibiles.

IV.

Quanto magis Clericos decet mansuetudo, & spiritus lenitatis, tanto gravius scandalum patitur populus, si eos ad verbera venire contigerit. Eapropter districte mandamus omnibus & singulis Beneficiatis, vel titulo patrimonii Ordinatis, ut ab omni percussione abstineant, sub pœna gravis & exemplaris correctionis. Et si ea percussio in taberna, vel cultro, aut aliis majoribus armis facta fuerit, mox percussorem carceribus mancipari, & recidivum & incorrigibilem a Divinis suspendi, ac Beneficio privari volumus.

V.

Nemo in Sacris constitutus barbam gesserit alatam. Insuper quilibet Sacerdos superius labrum ita semper rescissum habeat, ut Sanguinem Christi sumpturo non sit impedimento.

VI.

Non decet Clericos in sacris Ordinibus constitutos, præsertim Sacerdotes, ad psittacum, vel ad scopum jaculari, aut in locis publicis ludere pila palmaria. Ideo etiam quilibet deinceps ab iis abstinebit sub pœna arbitraria.

VII.

Pastores ad administranda Sacramenta vocati, officio suo fungi non tardent, graviter alioqui puniendi: gravissime vero, si quem negligentia ipso-

(*) Provocatur sæpe numero in iis ad Titulos Gandavenfis Synodi, ab eodem Illmo habitæ, & supra a nobis insertæ.

Tomus IX. Concilior. German.

ipforum sine Baptismo, Confessione, Sacro Viatico, aut Extrema Unctione ex hac vita migrare contigerit.

VIII.

Non in Sacristia, sed in loco Ecclesiæ aperto & patulo feminarum confessiones excipiantur: & dum tenebræ sunt, etiam lumen adhibeatur.

IX.

Si (quod absit) Sacerdotem cum filia spiritali quam baptizavit, vel e sacro Fonte levavit, vel in Confirmatione tenuit, aut cum muliere, cujus Sacramentalem Confessionem audivit, fornicari contingat; sciat quicumque hoc scandalum dederit, se mox depnendum, & insuper juxta sacros Canones sine conniventia puniendum.

X.

Nemo exorcizare præsumat sine licentia nostra in scriptis præobtentâ. Ita quoque admissus non aliter fœminis exorcismum adhibebit, quam in præsentia duarum personarum probatæ fidei, nec aliis exorcismis unquam utetur, quam qui in Pastoralis Camera-censû continentur, sine speciali nostra licentia.

XI.

Extra diem Natalis Domini, nemo bis uno eodemque die Missam celebret, nisi ratione succursus, aut repentini morbi vicini Pastoris, vel alias ex speciali nostra licentia id ei permîssum fuerit, sub pœna arbitraria, eaque gravi. Cui autem id permîssum fuerit, caveat is diligenter, ne in priori Sacro vel ablutionem sumat (sic enim desineret esse jejunos) vel statim a sumptione Sanguinis Domini, calicem abstergat (hoc enim foret Sacrilegium) sed prius infuso vino calicem plene abluat, & hoc ipsum ablutionis vinum in vitrum, vel aliud honestum vasculum infundatur, in alium diem, quo non binetur, pro ablutione sumendum.

XII.

Formæ Sacramentorum tractim ac distincte admodum pronuntientur, & in Canone Missæ nihil, etiam pietatis prætextu unquam addatur vel mutetur. Et generaliter alios ritus, alias-

que cæremonias vel preces in celebratione Missarum nemo adhibeat, præter eas, quæ ab Ecclesiâ approbatæ & receptæ sunt.

XIII.

Curent ubique Pastores, nec non alii, ad quos id pertinet, ut sacri Calices, corporalia, purificatoria, albæ, ac reliquæ vestes Sacerdotales, omniaque paramenta altaris semper sint integra & munda, sub pœna arbitraria pro modo culpæ & negligentia.

XIV.

Omnino caveant Parochi, ne aliquem Sacerdotem in cura animarum sustinenda, gerendave sibi adjungant, ne quidem ad brevissimum tempus, qui se a Nobis approbatum, & ad confessiones excipiendas admissum esse, in scriptis non docuerit.

XV.

Singuli Pastorum in proxima visitatione Decani exhibebunt ei Concilia Tridentinum, utrumque Provinciale, & novissimum Dioecesânium Camera-censu cum proprii nominis & cognominis adscriptione in prima pagina.

XVI.

Habeat insuper quilibet Parochus duos libros, unum, in quo singulorum Baptizatorum, nec non parentum, & patrinorum ac matrinarum nomina & cognomina, diemque Baptismi diligenter describat: alterum, qui nomina & cognomina Matrimonio junctorum ac testium, nec non diem contracti Matrimonii plene contineat. Et uterque quorannis in visitatione a Decano examinabitur.

XVII.

Ebriis Sponsalia contrahere volentibus Parochus operam suam non impendat.

XVIII.

Quilibet Pastor sedulo advigilet circa Obstetricem suæ Parochiæ, an scilicet materiam & formam Baptismi probe norit, & ignorantem debite instruat.

XIX.

Quoniam rudis populus sæpe ex ignorantia superstitionibus inquinatur, Parochi subditos suos diligenter de iis doceant, & inter cætera supersticiosum esse expectare quemcunque effectum a qua-

a quacunque re, quam res illa nec ex sua natura, nec ex institutione Divina, nec ex ordinatione vel approbatione Ecclesiæ producere potest.

XX.

Nemo extraneus fidelium eleemosynis e suggestu commendetur sine consensu nostro, seu Vicariatus nostri, in scriptis.

XXI.

Si quæ sacræ tabulæ aut imagines nimia vetustate, carie, situ, aut sordibus pene deletæ, aut mutilatæ, tam indecenti aspectu sint, ut contemptum potius, quam venerationem excitent, eæ pie, religioseque restaurentur ab iis, quorum interest, aut si id fieri nequeat, ab Ecclesiis tollantur.

XXII.

Ubicumque Scholæ, præsertim Dominicales, adhuc requiruntur, vel male frequentantur, agent Decani cum Magistratibus, & Præfectis locorum, ut eæ mox erigantur, & pauperes per subtractionem eleemosynarum mensæ pauperum, alii vero aliis penis, liberos, aliosque domesticos suos ad Scholas Dominicales, ac lectionem Catechisticam mittere compellantur. Eoque tempore, quo juvenus in Scholis instituitur, vel catechizatur, a tripudiis, & aliis insolentis, quibus pueri a Scholis & Catechesi avocantur, omnino abstineatur.

XXIII.

Cum nihil æque sit necessarium, quam juventutem debite catechizari, & tamen hoc ipsum plurimis in locis vel omittatur, vel neglectum admodum peragatur: omnes & singulos Pastores, & quoscunque alios, quos ea cura tangere debet, rogamus & obsecramus per viscera misericordiæ Dei, & cum obtestatione Divini iudicii, ut huic officio suo serio satisficiant.

XXIV.

Ubicumque certa sunt jura funeralia, Pastores ea nullatenus excedant. Ubi vero hæcenus ea fuerunt incerta, & pro discretionem Pastorum exigere consueverunt, curent Decani ea legitime taxari, agendo desuper cum Pastore & Magistratu loci, ac Aeditis & Recto-

ribus mensæ pauperum: & si alicubi communi consensu illa determinari non potuerint, id ipsum Nobis significetur.

XXV.

Ubicumque ab aliis, quam juratis Bibliopolis & Librariis, libri, cantilenæ, ephemerides, aut similia, publice venalia exponuntur, vel plateatim circumferuntur, satagent Decani & Pastores, ut auctoritate Magistrarum & Præfectorum locorum id impediatur, secundum Edicta annis 1550. & 1556. a CAROLO V. Imperatore, & Rege PHILIPPO II. desuper edita.

XXVI.

Decani Christianitatum singuli primo quoque tempore sibi conficiant debitum registram omnium Pastorum, & quorumcunque aliorum Beneficiorum sui districtus, omniumque & singulorum bonorum ad ea spectantium, nec non Missarum, censuum, & reddituum, ac quorumcunque aliorum onerum tam ipsis Beneficiis, quam bonis eorum incumbentium. Et ut debite id præstare valeant, mandamus omnibus & singulis quæcumque & qualiacumque Beneficia curata, vel non curata impræsentiarum obtinentibus, ut intra sex menses proximos plenam & perfectam designationem omnium bonorum & fructuum suorum Beneficiorum, & onerum iisdem, eorumve bonis incumbentium, Decano suo in scriptis tradant, sub pena arbitraria pro modo culpæ & negligentia.

XXVII.

Reipsa frequentissime compertum est per Beneficiatorum absentiam, fructus Beneficiorum deperdi, & onera negligi: eapropter licentiam absentia, & gratiam vel consuetudinem non residendi nemini suffragari volumus, qui non constituerit legitime Procuratorem, & quidem virum Ecclesiasticum Nobis subiectum, ad Nos, vel Decanum quot annis in visitatione, vel saltem ante festum S. Magni seu 19. Augusti, sufficienter docendum de Missarum, & aliorum onerum adimplerione, ac de censibus & redditibus, quibus bona ipsius Beneficii gravantur, plene perolutis, aliisque similibus.

IN SANCTITATE ET IVSTITIA, SERVITE DOMINO."

ET ERIT DEVS VOBIS CVM."

Ex Editione Parisina A. 1739. apud Marcum Bordelet.

N n 3

SYNO.

SYNODUS DIOECESANA LEODIENSIS,

Anno Christi MDCXVIII. Pauli V. Papæ XIV.
Matthiæ Imp. VII.

IN ECCLESIA CATHEDRALI LEODII,

*Præsidente Serenissimo & Reverendissimo Principe, ac Domino,
D. FERDINANDO, (*) Archi-Episcopo & Electore Colonienſi,
LXI. Episcopo, ac Principe Leodiensſi,
utriusque Bavarie Duce,*

CELEBRATA.

M A N D A T U M

SUPER OBSERVATIONE DECRETORUM SYNODALIIUM.

FERDINANDUS, DEI ET APOSTOLICÆ SEDIS GRATIA

*Archi-Episcopus Colonienſis, Sacri Romani Imperii per Italiam Archi-Cancellarius, & Princeps
Electoꝝ; Episcopus Leodiensſis, & Monasterienſis; Administrator, & Coadjutor Hildesheimenſis,
Paderbornenſis, & Berchtsgadenſis; Princeps Stabulenſis; Comes Palatinus Rheni;
utriusque Bavarie, Westphalie, Angarie, & Bullionis Dux; Marchio Franchi-
montenſis; Comes Loffenſis, Longienſis, & Hornenſis, &c. Universis & sin-
gulis Archi-Diaconis, Præpositis, Decanis, Capitulis, Abbatibus,
Prioribus, Conventibus, aliisque omnibus Ecclesiasticis, tam
Sæcularibus, quam Regularibus Diœcesis nostræ
Leodiensſis, Salutem in Domino.*

Magno Ecclesiæ proventu, ac animarum
bono Synodales cætus institui, tum Pa-
tres, tum Concilia satis inculcant; utpote
quibus compendiose rituum, morumque abusus
corrigantur, cujusque muneris ratio præscri-
bitur, disciplina Ecclesiastica aut collapsa resti-
tuitur, aut inviolata custoditur; ut non im-
merito eorum opportuna frequentia commen-
detur. Quapropter Nobis hæcenus cordi fuit,
ut in Diœcesi nostra Leodiensſi ad prædictos fines
Synodum cogeremus; quam antea semel ten-
tata negotiorum Nos alio vocantium, &
detinentium pondus bucusque perficiendam pro-
rogavit. Eam vero auctiorem, & ad gras-
santes in grege nostro defectus plenius extir-
pandos, bonosque mores infinuandos, pro soli-
tudinis nostræ Episcopalis exigentia, com-
pletiorem meditabamur: Verum rerum publi-
carum Nobis incumbentium diversitas effecit,
ut eam contrahiorem reddere debuerimus.
Soliciti tamen fuimus, ut ea Decreta conde-

rentur, quæ maxime & præsentis temporis
ratio, & occurrentes subditorum nostrorum
spirituales necessitates minime negligenda sug-
gererant.

Quoniam vero eorum quantumvis pau-
corum observantiam, ad magnam animarum
curæ nostræ commissarum utilitatem conduce-
re, & ex eis velut paucis granis, magnam
honorum operum messem posse exurgere non
ignoramus; in Domino hortamur, & in vir-
tute sanctæ obedientiæ mandamus, ut ii, ad
quos nostrorum Synodaliū Decretorum exe-
cutionis cura, ex officio, vel de mandato, aut
commissione pertinet, ea a nostris subditis in-
violabiliter faciant observari; omnibus vero,
& singulis Nobis subiectis districte inhibemus,
ne quovis colore, vel prætextu iis contravenire
presumant; ne si his nostris Constitutionibus
ultra obedientiam præstare veniant, ad eam
severioribus panis inviti extorquendam provo-
cemur.

(*) Elogium Ferdinandi videſis h. T. pag. 155.

centur. In quorum fidem, & testimonium, Datum in oppido nostro Bonpensî, die octava
præsentes manu nostra propria subscripsimus, Maji, Anno Millefimo, sexcentesimo, decimo
& sigilli nostri appensione communiri iussimus. octavo.

Signatum.

FERDINANDUS.

Et Signat.

(L.S.)

Ar. Heufft.

DECRETA SYNODI DIOECESANÆ LEODIENSIS,

IN ECCLESIA CATHEDRALI LEODII CELEBRATÆ,

Præsidente Serenissimo, & Revdissimo Domino, D. FERDINANDO,
Archi-Episcopo, & Electore Coloniensi, Episcopo ac Principe
Leodienfi, utriusque Bavarie Duce, &c.

INDEX TITULORUM SYNODI.

- | | |
|--|---|
| I. De Fidei professione, & eam concernentibus. | IX. De Matrimonio. |
| II. De Archi-Diaconis. | X. De Locis sacris, & Officiis Divinis. |
| III. De Decanis Ruralibus. | XI. De diebus Festis, & Jeuniis. |
| IV. De Pastoribus. | XII. De Provisione Ecclesiarum Parochialium,
& Examinatoribus Synodalibus. |
| V. De Judicibus Apostolicis. | XIII. De Visitationibus. |
| VI. De vita, & honestate Clericorum. | XIV. De Decretis typo mandandis, & com-
parandis. |
| VII. De Regularibus, & Monialibus. | |
| VIII. De Sacramento Ordinis, & examine
requisito. | |

TITULUS PRIMUS.

De Fidei professione, & eam concernentibus.

CAPUT I.

UT Fides, quæ salutis fundamen-
tum est, in hac nostra Diocesi,
semper, quantum in Nobis est, illiba-
ta servetur; statuimus, & ordinamus,
Sancti Concilii Tridentini (a) Decre-
ta insequendo, ut Fidei professio fiat,
juxta fœd. record. PII Papæ IV. Consti-
tutionem, in fine præsentis Synodi de-
scribendam, ab omnibus, quibus de
dignitatibus, sive Regularibus, sive
Sæcularibus, & Canonicatibus provi-
debitur; idque coram Vicario nostro
in Spiritualibus Generali: quibus ve-
ro de Parochialibus, aut Vicariis, vel
simplicibus Beneficiis providebitur, co-
ram loci Archi-Diacono; & ejusmodi
professionis præsticæ registrum facient,

& asservabunt eorundem Notarii; alio-
quin secus provisi, fructus non faci-
ant suos, nec illis possessio suffrage-
tur.

CAPUT II.

Fidei quoque professionem faci-
ant omnes Lectores Monasteriorum,
sive Regulares, sive Sæculares: nec-
non Ludimagistri, & Præceptores qui-
cumque, coram eis, a quibus juris-
dictionem, vel admissionem ad hæc
munia exercenda accipient; idque an-
tequam se istiusmodi muneribus inge-
rant.

CAPUT III.

Volumus præterea, ut omnes, qui
ad Magistratum eliguntur, aut assu-
muntur, vel circa administrationem
fiasti-

(a) Sess. 24. c. 12. de Reform. & Sess. 25. c. 2.

justitiæ, tam Civilis, quam Ecclesiasticæ, publico funguntur munere, ut sunt Gubernatores, Baillivi, Prætores, Consules, trigintaduū-viri, vigintiduū-viri, Scabini, Senatores, Commissarii, Jurati, Judices, Advocati, Procuratores, Notarii, Prælocutores, Fiscales, Satellites, Executores, nec non omnes, qui tam in Civitate, quam oppidis, jus civicum, vel cuiuscumque Communitatis acquirunt, sicut & Doctores Medici, Chirurghi, & obstetrices, per totam nostram Leodiens. Diocesim, eandem publicam Fidei professionem præstent, priusquam ad dicta officia admittantur; idque coram iis, ad quos de iure, vel consuetudine, ejusmodi Officiatorum spectat admissio; iique teneantur infra mensis spatium, Pastori suo fidem, de ejusmodi professione præstita, testimonio legitimo facere. Mandantes Pastoribus omnibus, & singulis, ut per suos districtus, diligentem ejusce curam habeant, sub pœna suspensionis a Divinis, & alia arbitraria: & insuper admissio secus facta, cum inde secutis, sit ipso jure irrita & nulla, & tam contra admissos, quam admittentes procedatur ad pœnas arbitrarias.

CAPUT IV.

Similiter Impressores, & Bibliopolæ, in manibus Vicarii nostri in Spiritualibus, aut per eum deputandi, facient Fidei professionem, inferius quoque adjiciendam: & jurabunt se nihil impressuros, aut impressum habituros, aut scriptum vendituros, aut venale exposituros, seu quovis modo communicaturos, quod non prius eodem nostro Vicario, seu per eum deputando, communicaverint fideliter: & si in præmissis deliquerint, ultra perjurium, arbitrariis pœnis subjacebunt: habebunt etiam in suis officinis catalogum librorum prohibitorum.

CAPUT V.

Exteri quoque, priusquam ad habitandum in patria nostra admittantur, professionem eandem facere teneantur, coram Pastore loci, quem inhabitaturi erunt, a quo desuper moniti, si non paruerint, volumus, ut idem

Pastor illos Vicario nostro prædicto, aut Archi-Diacono loci referat absque dilatione.

CAPUT VI.

Pastores, & animarum curam habentes, serio advigilent contra hæreticam pravitatem, ut si quos noverint in sua Parochia hæreticos esse, aut schismaticos, aut de hæresi diffamatos, vel vehementer suspectos, seu libros hæreticos aut prohibitos legentes, vel penes se retinentes, illos diligenter, ut supra, referant; imo iisdem mandamus, ut saltem in die solenni Nativitatis Domini, & Paschæ, inter Missarum solemnias, districtè vigore hujus Synodalis Constitutionis mandent subditis suis, ac sub excommunicationis pœna, quatenus, quos noverint hæreticos, aut alios prænominatos, eos suo Pastori, seu animarum Curatori, vel Vicario nostro, locique Archi-Diacono, infra quindecim dies denuntient.

CAPUT VII.

Nullæ comœdiæ, tragediæ, historiarum, aut ludi scenici, ejusque generis actiones, nisi prius Nobis, aut Vicario nostro, seu a Nobis ad hoc deputatis, integre exhibitæ, similiter & visitatæ, atque approbatæ fuerint, nec hæ quidem tempore Officiorum Divinorum, exhibeantur a quoquam, sub pœna viginti florenorum aureorum, pro una medietate ad pios usus, & alia in Denuntiatorem & Fiscum dividenda: aliaque arbitraria pro delicti qualitate.

CAPUT VIII.

Omnes magicas præstigias, diabolicas artes & superstitiones, librosque illas continentes, ut & libros hæreticos, gravissime prohibemus; & si quem nihilominus in eis delinquentem Pastores intellexerint, mandamus eisdem, ut eum denuntient & moneant; & si ad primam monitionem non desistat, aut libros ejusmodi a se non dimiserit, significant nostro Vicario, & loci Archi-Diacono, ut ejusmodi delinquentes pœnis a sacris Canonibus comminatis, & aliis arbitrariis, coerceantur.

Magica & superstitiosa remedia, quæ expressum, vel implicitum pactum cum

cum Dæmonibus continent, quibusque morbi & vulnera tam hominum, quam brutorum curantur, vel in rerum deperditarum notitiam devenitur, aut quæcunque transitoria commoditas procuratur, quia vehementer Deo despicient, Pastores, & Confessarii, ac verbi Dei Concionatores, admodum detestentur, & delicti hic latentis gravitatem populo exaggerent, & si quos in hac re vitiosos adverterint, ad penitentiam, & emendationem eos hortentur, & contumaces, ut supra, deferant puniendos.

CAPUT IX.

Hortamur porro, & mandamus Magistratibus sæcularibus, & quibuscunque Judicibus patriæ, & Diocesis nostræ, ne hæreticæ pravitatis Inquisitores, quoquomodo, prætextu forsitan privilegiorum, aliove quæsito colore, impediant; Sed contra, eis omnem favorem, & auxilium impertiantur, eorum conscientias desuper onerantes, & edicta de Religione a Nobis, & Prædecessoribus nostris Leodiens. Episcopis hæcenus edita, speciatim Edictum *feel. mem.* Patru nostri ERNESTI, die xxiii. Octobris, Anno M.D. XCVIII. cujus tenor hic etiam in fine inseretur, renovantes.

TITULUS II.

De Archi-Diaconis.

CAPUT I.

Archi-Diaconi non arrendent, (b) vel subarrendent, aut elocent jura, seu proventus, aut emolumenta suorum Archi-Diaconatuum; & si munere suo per se fungi non possint (quod vehementer optaremus, eos ad id in Domino hortantes, & serio admonentes) non committant vices suas Officialibus, aut Collectoribus levibus, aut vitiosis, vel conjugatis hominibus, sed tantum Ecclesiasticis gravibus, & probatæ opinionis viris. Visitent Ecclesias suas diligenter, adhibito Notario Sacerdote, aut Clerico cœlibe, aut saltem conjugato, Clericali privilegio gaudente; & in visitatione facienda

contenti sint moderatis, & frugalibus expensis.

CAPUT II.

In processibus contra Pastores, & alias personas Ecclesiasticas, gerant se Archi-Diaconi, & eorum Officiales, mature & circumspecte; ne quid in contemptum status illorum temere committatur.

CAPUT III.

Caveant vero Archi-Diaconi, quempiam in Beneficiis curatis instituere, aut admittere, nisi is fuerit ab Ordinario, & Examinatoribus Synodalibus examinatus, & approbatus: teneanturque in literis institutionum inferere, suos institutos fuisse, ut præfertur, examinatos & approbatos; alioqui institutiones, & admissiones hujusmodi, irritas & nullas, ipsosque admissos, ab omnibus Officiis, & Beneficiis, ipso facto suspensos esse declaramus.

Curent Archi-Diaconi, ut Pastores in sua institutione, antequam possessionem Ecclesiæ suæ accipiant, juramentum præstent, quod in adeptione illius Beneficii nullam Simoniam, vel pactiorem illicitam commiserint, nec credant ab aliquo commissam, sed ipsum Beneficium canonice sint adepti; quodque bona Ecclesiæ suæ non alienabunt, & indebite forsitan alienata, quantum in se erit, fideliter recuperare studebunt; & si Sacerdotes non sint, se infra annum promoveri faciant, & personaliter in sua Ecclesia residebunt, ac deservient; quodque erunt fideles, & obediens Episcopo, & Archi-Diacono suo.

CAPUT IV.

Curent præterea diligenter Archi-Diaconi, ut fiant Registra bonorum, & emolumentorum ipsorum, & compositionum super excessibus: Item & registra bonorum omnium, & quorumcumque Beneficiorum, Officiorum Ecclesiasticorum, nec non piorum locorum, juxta Apostolicum Mandatum, a Serenissimo Patruo, & Prædecessore nostro ERNESTO, renovatum.

CAPUT

(b) Conc. Trid. Sess. 25. c. 11. de Reform.

CAPUT V.

Similiter ut per singulas Parochias suorum Archi-Diaconatum eligantur Scabini Synodales, viri honestissimi, & integerrimi, qui adhibeantur in reddendis rationibus pauperum, & fabricæ ac Confraternitatum; neque fiant in eis convivia.

CAPUT VI.

Pari diligentia curent, ut Pastoribus egenis detur talis competentia, quæ decentem, & honestam sustentationem suppeditet.

CAPUT VII.

Archi-Diaconi, quotannis, aut saltem intra biennium, totum suum Archi-Diaconatum visitent, & Synodos consuevas, juxta laudabilem Diocesibus hujus consuetudinem, celebrent, ac temerarios a Synodis absentes puniant.

CAPUT VIII.

In excessus, ac defectus, & titulos suorum Pastorum, aliorumque Beneficiatorum, præsertim novellorum, diligenter inquirent, Statutaque Synodalia, & alias reformationes publicari, & diligenter observari faciant.

CAPUT IX.

Et quoniam in celebratione Missarum, utpote re maximi momenti, indecorum, & periculosum est, tam varias & difformes cæremonias & ritus adhibere, uti passim videmus: Archi-Diaconi per suos Archi-Diaconatus, certos aliquot Sacerdotes bene cæremoniarum peritos, & probos designent, qui novellos Sacerdotes instruant in Romanis, aliisque a Nobis præscribendis cæremoniis, & observationibus; cæteris autem Sacerdotibus interdiciamus, ne huic muneri se commisceant.

TITULUS III.

De Decanis Ruralibus.

CAPUT I.

Decani Rurales diligentissime legant, & perpendant Statuta Synodalia, & alias Constitutiones, ac reformationes; quas etiam pari diligentia publicabunt, & observari manda-

bunt; ac refractarios, & culpabiliter negligentes, ad Nos, seu Vicarium nostrum, vel ad Archi-Diaconum referent: semperque animum ad executionem Decretorum antea factorum intendunt.

CAPUT II.

Omnes, & singulas causas beneficiales, & matrimoniales, ac reliquas Ecclesiasticas, ad Tribunal nostrum, vel Officialis Capituli nostri, vel etiam Archi-Diaconorum, in quantum ad eos spectat, pro ea, qua juramento alstricti sunt, obedientia, remittant.

CAPUT III.

Nec immisceant se bannorum Matrimonialium remissionibus, propria autoritate, per suas quartas capellas, distribuendis, sicut nec cognitioni criminum: sed cum primum crimina ad notitiam illorum venerint, fideliter, & diligenter Nobis, & Archi-Diaconis suis rescribant juxta Statuta Synodalia antiqua.

CAPUT IV.

Decani omnino teneantur in sacrorum Oleorum consecratione, & distributione, juxta antiquam consuetudinem, & Synodalia Decreta, personaliter adesse, eaque ulterius distribuenda referre, nisi necessitate inevitabili præpediantur; de qua tunc fidem legitimam nostram in Spiritualibus Vicario faciant: alioquin suspensionis a Divinis poenam, ad menslem, aliasque arbitrarías, eos volumus incurrere; & nihilominus quantumvis impediti teneantur alios, non Laicos, sed Sacerdotes bonæ vitæ, & integri nominis, loco suo legitime substituere, qui dicto tempore Olea exposcant, reverenter referant in vasis mundis, & ad hoc ab Episcopo benedictis, ac in repositoriis integris, ac firmis collocent, ut nihil effluere possit.

Tam Decani, quam quicumque alii illa deportantes, sint in toro itine sobrii, ne per oblivionem, aut aliam mentis indispositionem, aliquid irreverentiz circa illa committant.

Diligenter, & statim tantum puri olei olivarum (guttatim infundendo) sacro Christmati, & aliis Oleis sacris probe

probe admisceant, ut singulis Ecclesiis Decanatum abunde, & absque alia mixtione, quantum fieri potest, sufficiat; & Pastoribus suorum Conciliorum, absque avaritiæ nota, prompte, benigne, & liberaliter distribuunt, prout eis etiam liberaliter distribui mandamus.

Si vero Decani aliter in prædictis se gesserint, præcipimus Pastoribus, ut statim apud Nos, vel Archi-Diaconos nostros conquantur.

TITULUS IV.

De Pastoribus.

CAPUT I.

Quoniam institutio Canonica janua est, per quam fit ingressus in Ecclesiarum administrationem, sine qua haberi non potest Pastoralis jurisdictio, nec ligandi, solvendique autoritas exerceri; Decernimus, quod nullus in Beneficium quodcumque Pastoralis, vel in exercitium curæ animarum, quocumque titulo, vel prætextu, a quoquam institui, vel immitti possit, qui non præcedente maturo examine, idoneus repertus fuerit, & approbatus per Vicarium nostrum, & Examinatores ad hoc deputatos; aliter vero institutos, & immixtos ab officio ex nunc suspendimus.

CAPUT II.

Sed & diligenter, ac zelose recognoscant vultum pecoris sui, frequenterque visitent domos & familias suorum subditorum: & in Paschate, Eucharistiæ Sacramentum non aliis, quam sibi, aut alicui ex Confessoribus approbatis confessis administrent; & de ipsa confessione aliis facta, fidem legitimam exigant.

CAPUT III.

Soliciti sint Parochi, ut diebus Festis & Dominicis, unam horam in instruendis Parochiæ suæ pueris, aliisque etiam adultis rudioribus catechizandis, impendant, memores semper, quod pro eorum animabus sint Deo rationem reddituri.

Renovamus proinde, & denuo promulgamus Mandata de Catechizatione, per Prædecessores nostros edita, & sub finem horum Decretorum extensa; procedaturque per Archi-Diaconos, contra eos, qui in hoc notabiliter fuerint defectuosi, ad pœnas in dictis Mandatis comminatas, irremissibiliter.

Quo tempore fiet hæc puerorum institutio, abstineatur in plateis a tripudiis, & lusibus, quibus avocari possent pueri ab hac utilissima doctrina rudimentorum fidei; & imploreatur ad hoc auxilium brachii sæcularis, quod hoc etiam casu succurrere volumus, & mandamus; sub pœna arbitraria.

Quo autem lubentius ad Catechismum fideles accedant, quoties compauerint, decem eis Indulgentiarum dies potestate nostra ordinaria relaxamus.

Dabunt etiam operam Pastores, ut in districtibus Parochiarum suarum, Scholæ erigantur, & pueri, ac puellæ instruantur quotidie, ante omnia in Rudimentis fidei.

CAPUT IV.

Doceant sæpe populum, modum recte confitendi, pie & frequenter communicandi, devote & utiliter orandi; dies Festos, & jejunia de suggestu denuntient, & observari mandent.

Patres, & Matresfamilias, Tutores, Dominos, Præceptores, & Præfectos instruant, filiorum, pupillorum, & famulorum, discipulorum, & subditorum curam habere, eisque referre debere, quæ a Pastore in Ecclesia didicerunt, ut Dei, & Ecclesiæ præcepta rite adimplere possint.

CAPUT V.

Si alicujus Parochi culpa, infans aliquis sine Baptismo, vel adultus sine Confessione, aut Extrema Unctione decesserit, talis Parochus ab administratione Sacramentorum per mensem suspendatur, ac alias arbitrio Judicis puniatur.

CAPUT VI.

Baptismi, Pœnitentiæ, Eucharistiæ, & Extremæ Unctionis Sacramenta, (c)

præ-

(c) Clem. Religiosi. de Privilegiis. c. Interdicimus 16. q. 1. Conc. Flor. sub Eugenio.
Tomus IX. Concilior. German.

præterquam in casu necessitatis extremæ, non ab aliis, quam a propriis Parochis ministrantur, nisi de Episcopi, Archi-Diaconi, aut proprii Pastoris licentia: & ubi ad infirmum Venerabile Sacramentum deferendum est, curet Pastor campanam pulsari, qua vicini pro eo sequendo, & orationibus faciendis moneantur, in ipsoque itinere campanula per plateas pulsetur per Custodem, sub pœna arbitraria.

CAPUT VII.

Publicos usurarios, (d) manifestos hæreticos, & excommunicatos denunciandos, nec ad Sacramentorum perceptionem, nec ad Ecclesiasticam sepulturam, si tales obierint, admittant.

CAPUT VIII.

Quoties tempore morbi contagiosi, ex edicto publico, aut alias, aliquos Parochianos ex domo sua, & populi frequentia exire, & curationis solum gratia ad tempus abscedere (non tamen medio miliari remotius a propria Parochia) contigerit; volumus, & decernimus, eorum Pastores tantisper, illorum curam habere, non secus, quam si in propriis ædibus adhuc commorarentur: hisque illi teneantur Extremam Unctionem ministrare, qui alias eisdem alio morbo laborantibus ministrare tenerentur; his vero deficientibus, proprii infirmantium Pastores Sacramentum hoc, ut & alia, administrent, aut administrari procurent, sub pœna arbitraria.

CAPUT IX.

Quoniam pauperes (e) tempore Divinorum Officiorum in Ecclesia mendicantes, populi attentionem perturbant, & irreverenter per Templum divagantes, nec ipsi Divinis, qualiter tenentur, assistunt; curent Mamburni, ut pauperes a mendicatione in Ecclesia abstineant, sed eleemosynam præforibus expectent.

CAPUT X.

Pastores, (f) singulis diebus Dominicis excommunicatos denuntient

eos, qui usurpant jurisdictionem Ecclesiasticam, aut convertunt in proprios usus decimas, bona, census, aut jura Ecclesiarum, Beneficiorum, aut officiorum Ecclesiasticorum, piorumve locorum, & qui impediunt, ne ab iis, ad quos pertinent, percipiantur; nec non eos, qui impediunt visitationem Ecclesiarum, piorumque locorum, & citationes, mandata, aut sententias Judicum Ecclesiasticorum executioni mandari: prout omnes & singulos prædictos excommunicamus, & excommunicatos declaramus.

CAPUT XI.

Absentes Parochiani (g) tempore Paschatis, nisi reversi fidem faciant suo Pastori, quod alibi confessi sint, & Eucharistiam sumpserint, aut certe ea, qua par est devotione, præstare parati sint, ad Superiorem deferantur, & interim ab Ecclesia arceantur per Pastorem, mortuique Ecclesiastica careant sepultura.

CAPUT XII.

Quando sacrorum Oleorum vascula evacuanda erunt, ut eis novum imponatur, alia honesta sint parata, in quibus, pro ea, quæ occurrere posset, populi necessitate, vetera tantisper conserventur, donec nova alia allata sint, quibus allatis, vetera in Ecclesiæ lampadibus comburantur.

CAPUT XIII.

Pastores non deferant Sacrum Eucharistiæ Sacramentum in processionibus, quæ per agros ad magnum spatium se extendunt, nisi videant hoc cum omni modestia, & reverentia, præcedente semper lumine, ac campanula sonante, & populo sequente deferendum; abstinentes interim cum suis Parochianis ab omni comestatione, & potitatione: verum si longitudo itineris aliquam corporis refocillationem depolcat, tunc potius in alium diem, vel plures, alia processionis pars transferatur, ita ut antea Missæ intersit populus, & post processionem aliqua in hono-

(d) Cap. Omnis, de Penit. & Remiss. c. Excommunicatos, 11. q. 3. c. Quamquam, de Usuris, in 6. (e) Pius V. Bulla de data anni 1566. Kal. Apr.

(f) Conc. Trid. Sess. 25. c. 12. de Reform. Statut. antiq. Leod. fol. 6.

(g) Cap. Omnis utriusque, de Penit. & Remiss.

honorem Venerabilis Sacramenti coniuncta reficiatur.

Umbella autem Venerabilis Sacramenti, semper a Tenantibus, & Mamburnis Ecclesiæ deferatur, nisi honoratiores id officii præoccupaverint.

CAPUT XIV.

Denique ea, quæ ad Sacramentorum rectam administrationem, & salutarem usum, in Conciliis Generalibus, & Illustrissimi Nuncii Apostolici Decretis, (b) novissima ipsius visitatione factis, & auctoritate nostra publicatis, pie sancita sunt, diligenter observentur.

TITULUS V.

De Iudicibus Apostolicis.

CAPUT I.

AD vitandam confusionem hæcenus in multitudine Iudicum Apostolicorum animadversam, Concilii Tridentini Sess. 25. C. 10. Decretum insequentes, designamus, in præsentī Synodo personas infra scriptas, scilicet:

Radifimum Episcopum Dionisensem, Suffraganeum Leodiens.

Petrum Stevartium, Vicarium in Spiritualibus Generalem.

Wynandum a Wyngarde, Præpositum Leod.

Franciscum a Montmorency, Decanum Leod.

Arnoldum a Boeboltz, Archi-Diaconum Hassaniæ.

Arnoldum a Wachtendonck, Archi-Diaconum Brabantie.

Guilhelmum ab Omalia, Archi-Diaconum Hannoniæ.

Carolus a Lynden, Archi-Diaconum Ardennæ.

Joannem ab Elderen, Archi-Diaconum Condrosii.

Christophorum a Blocquere, Archi-Diaconum Famenne.

Henricum Platten.

Joannem Damen a Merlo.

Wynandum Marotte.

Henricum a Ruyssenbergb.

Henricum Waba.

Egidium Glen.

Joannem de Erpe.

Henricum Mæwen.

Nicolaum Raue.

Gerardum Scheinck.

Jacobum de Horion.

Hermannum Berge de Trips.

Servatium Marcelis.

Guilhelmum ab Elderen.

Gasparem de Roblesse.

Udalricum Hoen ab Hoensbrouck.

Joannem ab Eynetten.

Henricum Molbais.

Franciscum Oranum.

Lambertum de la Motte.

Erasum Xbenceval.

Joannem Boeboltz.

Egidium Boeboltz.

Ernestum a Kerkum.

Arnoldum Horion.

Canonicos insignis Ecclesiæ Leodiensis.

Nicolaum Gerard a Muno, Decanum S. Petri.

Joannem Berto, Decanum Sancti Martini.

Albertum a Lymbourg, Decanum S. Pauli.

Hieronymum Gberinx, Decanum S. Crucis.

Hubertum Ursinum a Campo, Decanum S.

Joannis Evangelistæ.

Nicolaum Lampsonium, Decanum S. Dionysii.

Bartboldum Steuart, Decanum S. Bartholomæi.

Quibus quidem imposterum causæ ad forum Ecclesiasticum quomodo-libet pertinentes, a quolibet Legato, vel Nuncio, atque etiam a Sede Apostolica committantur: quam designationem propediem ad S. D. N. mitemus, ita ut delegationes quæcumque aliorum Iudicum, aliis, quam his factæ, subreptitiæ censeantur.

CAPUT II.

Judices Apostolici, (i) terminandis causis, quanta fieri poterit brevitate, studeant, ac litigatorum artibus, seu in litis contestatione, seu alia parte iudicii differenda, modis omnibus occurrant: nunquam vero ultra annum, vel saltem biennium, eas coram se agitari patiantur; alias omnes causas coram se pendentes, lapsō biennio, deferatas pronuntient.

CAPUT III.

Assessores vero assumant, non quosvis promiscue, aut magis ambientes, vel ab aliqua partium ingestos, aut

O o 3

(b) Videantur Decreta Nuncii.

(i) Conc. Trid. Sess. 25. c. 10.

aut illi faventes, sed viros probos, & boni nominis, diligentes, maturos, ac juris & praxis peritos, actaque statim ad manus suas deponi curent, & per se de meritis causarum cognoscant, sportulas & honoraria taxent moderate, scientes, quod iustitias ipsorum Deus aliquando iudicabit.

TITULUS VI.

De Vita, & honestate Clericorum.

CAPUT I.

Cum apud omnes Ecclesiæ filios, omnia honeste, & secundum ordinem fieri debeant, (siquidem ea est quasi castrorum acies ordinata) multo id magis convenit obtinere apud personas Ecclesiasticas, quæ aliis integriori vitæ sanctitate præire, & morum fulgore præluere debent: præcipimus itaque prædictis omnibus, præsertim iis, qui in Ordinibus sacris constituti sunt, vel Beneficium aliquod obtinent, ut continenter & caste vivant, ab omni vitio libidinis præcavescentes, quatenus puro corde, & mundo corpore, valeant ministrare.

Abstineant a concubinato, & incontinentia, nec ullam detineant in domo, vel extra, mulierem, de qua possit haberi suspicio, nec cum tali ullam consuetudinem habere audeant: quod si qua sinistriori fama in hoc laboraverint, ad simplicem sui Superioris, seu alterius ad id potestatem habentis monitionem, illam dimittere cogantur, appellatione remota: alias contra ipsos procedatur ad poenas a jure statutas, & poenis a sacris Canonibus, vel Statutis hujus Ecclesiæ impositis puniantur.

Ab aleis, comestationibus, ebrietatibus, scortationibus, luxu, aliisque criminibus pariter abstineant, sub consimilibus poenis, & aliis arbitrariis.

CAPUT II.

Monemus porro eos, qui Sacris insigniti sunt, vel Beneficium Ecclesiasticum possident, ut tonsuram, & habitum gerant, quisque statui suo, Ordinique convenientem, juxta sacros

Canones, & laudabilia hujus Diocesis Statuta, sub poenis arbitrariis per Superiores imponendis.

Clericum autem habitum, & tonsuram Clericalem non deferentem, privilegio fori privamus, & privatum declaramus, ac ab omnibus iudiciis ita observari & judicari debere, conformiter ad consuetam hujus Diocesis edita, mandamus.

CAPUT III.

Armorum gestationem, ac tabernarum frequentationem, extra itinerum necessariorum causam, omnibus interdiciamus, sub poenis arbitrariis, etiam carceris, pro delicti qualitate.

CAPUT IV.

Et quia Clericos, (k) utpote in sortem Domini vocatos, sæcularia negotia fugere oportet; statuimus, ut in posterum nulli in sacris Ordinibus constituto, aut Beneficium Ecclesiasticum obtinenti, officia Procuratoris, aut Notarii quorumcumque tribunalium jurisdictionis contentiosæ conferantur; sintque ex nunc ad ejusmodi officia obtinenda inhabiles, & actus per eos gesti ipso jure nulli. Qui vero de præfenti officium ejusmodi obtinent, neutiquam amplius per se exerceant, sub poena privationis tam officiorum, quam beneficiorum.

TITULUS VII.

De Regularibus, & Monialibus.

CAPUT I.

Ut in Monasteriis, ubi disciplina collapsa est, restauretur, & constantius, ubi observata est, perseveret, Ss. Concilii Trid. (l) Decretum repetimus, quo præcipitur, ut omnes Regulares, tam viri, quam mulieres, ad Regulæ, quam professi sunt, præscriptum, vitam instituant, ac componant; atque in primis, quæ ad suæ perfectionem professionis, ut obedientiæ, paupertatis, castitatis, & si quæ alia sunt alicujus Regulæ, & Ordinis pecuniaria vota, vel præcepta, ad eorum respective essentiam, nec non ad communem vitam, victum, & vestitum pertinen-

(k) Trid. Sess. 22. c. 1. de Reform.

(l) Sess. 25. c. 1. de Regular.

inentia, fideliter observent; nec ab iis quovis quæsito colore eorum Superiores recedant.

CAPUT II.

Non immerito damnanda est illa consuetudo, qua in nonnullis Monasteriis certa pecunia singulis Religiosis, pro vestimentis assignatur, cum non minus vestiri, quam nutrirı debeant in communi, & nequidem permitti possit, ut ullam penes se pecuniam habeant; sed si quam habent a parentibus, vel amicis donatam, aut propria industria acquisitam, eam in manus Superioris, aut ab eo deputati confignare, aut certe ab eo licentiam impetrare teneantur, eam in usus necessarios ab eodem Superiore determinandos, convertendi. Sicut & valde indecorum est, ac multis grave, in die vocationis, aut professionis Religiosorum, aut Monialium, adeo magnos fieri sumptus, ut sæpe hac via pauperibus, aliquin maxime idoneis, adiutus ad Monasteria præcludatur.

Itaque Abbates, (m) Abbatissæ, & quivis alii Monasteriorum Superiores, e domibus suis quantocius assertas has consuetudines eliminant; si tamen in professione, ipsis Religiosis, vel Monialibus aliquid in mensa dari consuevit, id parce, & honeste fiat, nec florenum unum gravem capitam excedat.

CAPUT III.

Monemus Abbates, & alios Monasteriorum Superiores, ut infra tres menses a publicatione horum Decretorum, de Lectore sibi provideant, juxta Concilii Tridentini præscriptum; alioquin a Nobis, tanquam Sedis Apostolicæ delegatis, ad id opportunis remediis compellantur.

CAPUT IV.

Extra horam refectiois, Religiosi comessionibus, aut cõpotationibus non indulgeant, etiam prætextu adventus parentum, vel amicorum: sed ipsi parentes, aut amici ab Oeconomo excipiantur, Religiosis ad prandium vel cenam dumtaxat evocatis; & si extra refectorium commune cœ-

nati fuerint, ante horam nonam dormitorium repetere compellantur. Semper vero dormitorium clavibus obferetur, ut nullus Religiosus, nisi confcio, & consentiente Superiore, egredi possit.

CAPUT V.

Cum Sacrum Concilium Tridentinum, (n) sub obtestatione Divini iudicii, & interminatione maledictionis æternæ, omnibus Episcopis præcipiat, ut in omnibus Monasteriis sibi subiectis, ordinaria, in aliis vero, Sedis Apostolicæ autoritate, clausuram Sanctimonialium, ubi violata fuerit, restituant, & ubi inviolata est, observari maxime procurent, inobedientes, atque contradictores per Censuras Ecclesiasticas, aliasque pœnas, quacumque appellatione postposita, compescendo, advocato etiam ad hoc, si opus fuerit, auxilio brachii sæcularis: Nos ne nostro officio hac in parte defuisse inveniamur, omnes Sanctimonialium exemptarum Superiores, ex intimo charitatis affectu requirimus, & sub eadem obtestatione, & interminatione monemus, ubi tam salutare Decretum necdum executioni mandatum est, ut statim post publicationem hujus Synodi, summo studio illud exequantur, ne Nos tanquam Sanctæ Sedis Delegati, eorum officium supplere cogamur.

Omnibus vero aliis Monialium Superioribus Nobis subditis, in virtute sanctæ obedientiæ districte præcipiendo mandamus, ut eidem Decreto quamprimum pareant, & insuper nulla ratione Monialibus, sive in dignitate, sive extra eam constitutis, quacumque demum ex causâ, etiam si Medici suadeant, Monasterium suum egredi permittant, nisi expressus Vicarii nostri consensus accefferit.

TITULUS VIII.

De Sacramento Ordinis, & Examine requisito.

CAPUT I.

Ministri nostri, Secretarii, vel Notarii quorumcumque, nihil sub quovis prætextu occasione Ordinum, vel

(m) Extrav. Sane in communibus. de Simon.

(n) Sess. 25. c. 5. de Regular.

vel examinis accipiant, nequidem sponte oblatum, nisi regalem unum cum dimidio pro literis testimonialibus, vel dimissorialibus. (o)

Nullus absque vitæ & morum probitatis testimonio (p) (quod volumus esse clausum) tam Ludimagistri, seu Præceptorum; quam proprii Pastoris loci, ubi notabili tempore immediate antea degit, ad Ordines, tonsuramve promoveatur; nec ad tonsuram approbetur, (q) nisi sciat legere, scribere, & rudimenta fidei, habeatque fundamentum linguæ latinæ, & præ se ferat spem, quod in studiis, & moribus, utiles Ecclesiæ progressus faciet; & sit duodecim annos natus: Si autem viginti unius annorum ætatem exceaserit, non facile promoveatur, nisi constiterit, quod solo desiderio Ecclesiæ inserviendi, promoveri velit; nec nisi qualificatis, ut præfertur, relaxentur literæ dimissoriales.

CAPUT II.

Ad Ordines nullus recipiatur, nisi habeat, & gestet habitum Ecclesiasticum, & promittat, quod eum assidue deferet: quod promissum, si non adimpleverit, ab Ordine ulteriori suscipiendo rejiciatur.

CAPUT III.

Nullus ordinetur titulo patrimonii, (r) nisi certæ Ecclesiæ adscribatur, in qua suscipiendi Ordinis officium exequatur; neque ullus ad ulteriorem Ordinem admittatur, nisi Ordinis prius suscepti publicum fecerit exercitium.

Attendant porro Examinatores diligenter, ut valor tituli Beneficii, vel patrimonii promovendorum, non sit minor quatuordecim aureorum Rhenensium ab omni onere reali liberorum, exigantque juramentum infra scriptum.

Ego N. juro, quod in mea acquisitione, & designatione bonorum meorum Patrimonialium, quorum titulo sum promovendus ad sacros Ordines, nulla fraus, aut dolus intercessit; quodque illa vere & pacifice possideam, neque imposuerim directe, aut indirecte alienabo, nisi mihi fuerit de Beneficio Ecclesiastico, eoque sufficienti provisum; quo casu, id ipsum non faciam sine consensu mei Episcopi, in literis ipsius alienationis specialiter exprimendo. Beneficium autem, quod in dicti mei tituli locum successerit, sine simili consensu non resignabo. Ita me DEUS adjuvet, & hæc Sancta DEI Evangelia.

CAPUT IV.

Qui ad majores Ordines aspirant, teneantur juxta præscriptum Parochialis nostri Leodiensis Parochum suum ante adire, (s) curareque, ut populo suo ad Missarum solemnia, quodam die Dominico, vel Festivo congregato, id ipsum denuntiet, ut si quis sit, qui contra natalia, ætatem, vel mores ipsorum quid habeat, Pastori suo primum indicet: literasque testimoniales ejusmodi publicationis factæ, & nullius impedimenti reperti secum deferant.

Impediuntur porro, qui sequuntur:

- i. Minores natu. (t)
- ii. Illegitime nati. (u)
- iii. Bigami, (x) aut qui viduam habuerint uxorem. (y)
- iv. Rudes, & ignari. (z)
- v. Corpore vitati, insigniter deformes. (a)
- vi. Curia, aut ratiociniis obligati. (b)
- vii. Amentes, caduco morbo laborantes, energumeni. (c)
- viii. Olim hæretici, aut Schismatici. (d)
- ix. Solemniter penitentes. (e)
- x. Furtim per saltum promoti. (f)
- xi. Lapsi post Ordinem susceptum. (g)
- xii. Ebrietati, gula, aut impudicitia dediti. (h)

XIII.

(o) Trid. Sess. 21. c. 1. de Reform.

(p) Trid. Sess. 23. c. 4. de Reform.

(q) Trid. Sess. 23. c. 5. de Reform.

(r) C. 1. De filiis Presbyt. extra, & in 6. & alibi.

(s) Dist. 34.

(t) Conc. Trid. Sess. 23. c. 4. de Ref.

(u) Cap. Præcipimus, dist. 34. & dist. 51. c. 1. 2. 3.

(v) Conc. Elibert. (e) Cap. Maritum, dist. 33.

(w) Reform. (g) Dist. 50. c. 1. & 2.

(x) Cap. De vita & honest. Clericorum.

(p) Trid. Sess. 23. c. 5. de Reform.

(r) Trid. Sess. 23. c. 11. & 16.

(t) Trid. Sess. 23. c. 12.

(x) Dist. 26. & 34. & tit. De bigamis.

(a) Cap. Si Evangelica, dist. 55.

(b) Cap. Maritum, dist. 33. & seqq.

(c) Conc. Trid. Sess. 23. c. 14. de

(d) C. Ut Clericorum, & c. A cra-

- xiii. Qui uxorem adulteram retineant, cognoverintque, sive scienter, sive ignoranter. (2)
 xiv. Qui in adolescentia mœchati fuerint. (k)
 xv. Usurarii. (l)
 xvi. Qui culpa sua hominem occiderint, aut mutilaverint. (m)
 xvii. Ministri iustitiæ criminalis. (n)
 xviii. Criminosi, (o) infames, irregulares, aut quovis alio modo suspensi, interdicti, excommunicati.

CAPUT V.

Externi, qui non sunt hujus nostræ Diœcesis, nullatenus cujusvis generalis, aut specialis rescripti, aut privilegii prætextu, etiam statutis a jure temporibus promoveantur, nisi prius a suo Episcopo probentur, & examinentur; & illius testimonio examinatorum & probatorum probitas, & mores commendentur. Et facultates de promovendo a quocumque non suffragentur, nisi habentibus legitimam causam, ob quam a propriis Episcopis ordinari non possint, in literis expressam.

De reliquo Suffraganeus noster ordinationes sibi a Nobis præscriptas, prout in Domino confidimus, observabit.

Formula faciendi Denuntiationes pro Ordinando titulo patrimonii.

Notum sit Charitati vestræ, quod die mensis N. fiunt sacræ Ordinationes in Ecclesia N. quod N. filius N. desideret promoveri ad Ordinem Subdiaconatus, titulo patrimonii, quod habet super talibus bonis, in tali loco, per donationem, vel successionem talis N. Quapropter si sit aliquis, qui sciat aliquod subesse impedimentum, vel crimen, propter quod ille promoveri non debeat ad illum Ordinem, vel sciat ejusmodi patrimonium non valere 14. florenos aureos Rhenen. ab omni genere liberos, hoc ipsum tempestive indicet Vicario Leodiensi, aut mihi.

Si Ordinandus sit aliquis absque titulo Patrimonii, omittantur in prædicta forma, quæ faciunt mentionem patrimonii.

Forma Testimonialium remittendarum Examinatoribus, super denunciacionibus Ordinandorum.

Atestor infra scriptus N. N. Parochus loci N. me tali die inter Missarum solennia, dum frequens adesset populus, denunciasse N. aspirare ad sacrum Subdiaconatus Ordinem, ad titulum Beneficii N. vel Patrimonii, seu bonorum, censuumque infra scriptorum valoris annui ut si quæ subessent fraudes, seu fictiones in titulo, aut quæcumque impedimenta, tempestive deferrentur Vicario Leodiensi, aut mihi; neque bucusque quidquam delatum fuit, quod videretur, impedire posse, quo minus præfatus N. promoveretur.

TITULUS IX.

De Matrimonio.

CAPUT I.

Decretum Concilii Tridentini Sess. 24. C. 1. de Reform. Matrimonii, dudum hic promulgatum, repetitum volumus, & omnino observandum decernimus: proinde mandamus omnibus Matrimonium contrahere volentibus, ut non nisi coram proprio unius ipsorum Parocho, vel altero Sacerdote, de ipsius Parochi licentia, Matrimonium ineant, nisi speciali ad id licentia obtenta a nostro in Spiritualibus Vicario Generali in scriptis, causa, coram eometipso vocatis (si videbitur) propinquioribus, & proprio ipsorum Parocho, summarie cognita: quo etiam castiteneatur alienus Sacerdos a Vicario nostro deputatus, Matrimonium sic contractum, proprio contrahentium Parocho, quamprimum indicare; alioquin tam contrahentes, quam Sacerdos ipse, qui eos contra præscriptam formam conjunxerit, gravissime puniantur, & Matrimonium contra prædicti Decreti formam contractum, sit ipso jure nullum.

CAPUT II.

Si quandoque necesse fuerit omnes bannos remittere, non fiat, nisi ea cautione per omnia servata, quam in licentia coram aliis, quam propriis Parochis

(2) Dist. 34. c. Si cujus.

(k) Conc. Elibert. c. 3.

(l) C. Maritum. dist. 33.

(m) Conc. Trid. Sess. 14. c. 7. c. Miror. dist. 50.

(n) C. Aliquantos. d. 51.

(o) C. Ex tenore. De temporib. ordinand.

Tonus IX. Concilior. German.

rochis contrahendi mox præscripsimus, sub pœna quoque arbitraria gravissima, tam contra contrahentes, quam contra conjungentes, licentiamve dantes, requirenda.

Non committantur remissiones bannorum, nisi Decanis ruralibus, aut Foraneis, & famosiorum locorum Pastoribus, qui omnes antea juraverint in manibus Vicarii nostri Generalis, suorumque Archi-Diaconorum, vel eorundem Officialium, quod ejusmodi literas nunquam distribuent, aut distribui, quantum in se est, permittent, nisi sui solum Decanatus Pastoribus, & curam animarum habentibus; idque pro solis incolis Parochiarum sui Decanatus; neque tunc quidem, nisi visâ prius attestatione proprii partium Parochi, de banno uno rite proclamato, nulloque impedimento detecto; quodque Matrimonii solemnizationem semper proprio partium, vel alterius earum Parocho committent; & si secus factum fuerit, tam ipsi Decani, quam impetrantes, seu impetratis utentes, & conjungentes, gravissime puniantur.

CAPUT III.

Pastores frequenter inculcent populo nostra Decreta de Matrimonio, & denuntient eos esse excommunicatos, qui ligaturis, aut quibuscumque maleficiis actum Matrimonii inter conjuges impedire conantur; quos etiam ex nunc Nos excommunicamus, & excommunicationis hujus absolutionem Nobis reservamus, ultra pœnas a jure comminatas.

CAPUT IV.

Nullus ad contrahendum Matrimonium admittatur, qui ignorat Orationem Dominicam, Salutationem Angelicam, & Symbolum Apostolorum; nisi de impedimento insuperabili Ordinarius cognoverit, & dispensaverit.

Neque ille, qui confirmatus nondum est, aut qui vi, vel metu parentum, aut aliorum, ad Matrimonium coguntur; de quibus singulis, Pastores illos seorsim interrogabunt, priusquam ad bannorum proclamationem procedant, aut eis testimoniales, pro bannorum remissione obtinenda, relaxent.

Si Parochi alterum contrahentium hæresi infectum, aut non temere suspectum inveniant, eos non conjungant, nisi hæresi in manibus Vicarii nostri prius abjurata.

Nemo vagabundos admittat ad Matrimonium, absque expressâ Ordinarii licentia in scriptis obtenta, sub pœna suspensionis a Divinis, & alia arbitraria; neque peregrinos aut exteros sub pœna consimili conjungat.

TITULUS X.

De Locis sacris, & Officiis Divinis.

CAPUT I.

Cum, experientia teste, licentiosiores sint homines ad cædes, & alia crimina patranda, spe immunitatis Ecclesiasticæ, ubi rei facili negotio recipiuntur, & proteguntur; hortamur in Domino, & monemus seriose, Præpositos, Abbates, Decanos, & Capitula, atque Priores, & alios, qui claustris, & aliis locis Ecclesiasticis præsunt, quique ea inhabitant; ne criminosis ullis, quocumque prætextu, immunitatem Ecclesiasticam concedant; sed ad se recurrentes inde quamprimum abire faciant, eorundem conscientias desuper onerantes.

CAPUT II.

Sicut & monemus eosdem, aliosque omnes, ad quos spectat, quatenus claustra sua, & cœmeteria, quantum in se est, diligenter concludant, ab Ecclesiis suis mercatus, ambulationes, nundinationes, confabulationes, & etiam pauperum mendicationes arceant; exteros, Sacerdotes, Diaconos, ac Subdiaconos sese distitantes, ad Divina Officia celebranda nequaquam admittant, nisi noti sint eorum Ordines, vitæque ac mores probati, aliasque celebrandi licentiam a Vicario nostro habeant, sub pœna arbitraria.

CAPUT III.

Et quia, in tanta Cleri frequentia, videre est Ecclesias passim in Officiis Divinis, a suis Prælatiis, & Canonicis, ac aliis Ecclesiasticis desertas, Divinaque in eis per mercenarios præcipi-

cupitanter, & tumultuarie decantari, non sine magno salutis illorum dispendio, & populi Christiani scandalo; Hortamur pariter omnes, & moneamus, ut diligentiores sint in Divinis apud Ecclesiam suam celebrandis, & audiendis, aut e tractim, & devote decantent, & a Ministris suis decantari faciant.

CAPUT IV.

Similiter Parochianos omnes moneamus, & eis mandamus; ut in suis Parochialibus Ecclesiis diligentes sint, ad verbum Dei, aliaque Divina audienda; alioquin, si eos ad tres continuas septimanas diebus Dominicis, & Festivis abesse, absque legitima causa, vel sui Pastoris licentia, contigerit; volumus contra eos, ad penas Canonicas, & Statutarias antiquas hujus Diocesis, aliasque arbitrarias procedi.

CAPUT V.

Prohibemus omnibus, & singulis, quocumque Ordine sacro insignitis, ac etiam Pastoribus cujuscumque qualitatibus, & conditionibus, ne energumenos, aut a Demone obsessos, exorcizare præsumant, nisi habita a nostro in Spiritualibus Vicario speciali licentia in scriptis obtenta, sub pena suspensionis, & alia arbitraria.

CAPUT VI.

Ad majorem porro hujus Diocesis Ecclesiarum cum Romana conformitatem, rituumque, ac caeremoniarum certiorum uniformitatem, desideramus, ut saltem paulatim, & quantum fieri poterit, omnes ubique Romanum Officium sequantur.

CAPUT VII.

Ne amplius subsidio salutarium Suffragiorum tam diu careant animæ defunctorum, quando eorum mors homicidii crimine procurata fuit; mandamus hæredibus occisorum, ut eorum exequias statim, & non secus, quam si naturali morbo obissent, celebrari curent, sub pena arbitraria contra eos requirenda.

Et cum Christiana charitas non permittat, ut liberi, aut propinqui ejusmodi interfectorum, aliusve quisquam,

Tomus IX. Concilior. German.

pro iis vindictam contra homicidas privata sumat autoritate; abstineant liberi, & propinqui occisorum ab armis, tam in ipsa mortui sepultura, quam in exequiis ejus: & cum fient de more proclamata contra homicidas, non intererunt iis, sed ea per justitiæ Ministros fieri patientur, sub consimili pena arbitraria, contra omnes, & singulos, qui contravenerint, per Fiscos, & alios Officiatos nostros requirenda.

CAPUT VIII.

Excessivam vero exequiarum pompam, ad rationabilis pietatis, & modestiæ limites reduci vehementer optamus: & interim ut aliquis ponatur modus, præcipimus, ne conciones funebres pro quoquam habeantur, nisi pro Prælatibus, ac Illustribus, & honoratioribus personis, idque spatio mediæ ad summum horæ. Suffraganeus noster, & Abbates, pro nemine solemniter celebrent; nec vinum in posterum pro quoquam in exequiis distribuatur: Non impedimus tamen, sed hortamur, ut non ad pompam funebrem, sed per modum eleemosynæ, ad pauperes, piave loca mittatur.

Prohibemus vero, ne exequiæ & publica mortuorum Officia, in posterum diebus Dominicis, aliisque Festis peragantur, sed in diem non impeditam rejiciantur, per Pastores, & alios, ad quos spectat, sub pena arbitraria.

TITULUS XI.

De diebus Festis, & Jejuniiis.

CAPUT I.

ET si per diversa edicta a Prædecessore nostro edita, fuerit ante Nos juxta Festorum celebrationem ordinatum: quia tamen intelligimus aliquos etiamnum desuper dubitare, declaramus præter Dominicas, Festa sequentia inviolabiliter esse observanda, Circumcisionis Domini, Epiphaniæ, Conversionis Sancti Pauli, Purificationis B. Mariæ, Sancti Mathiæ Apostoli, Annunciationis B. Mariæ, Festum Paschæ cum feria secunda & tertia sequentibus, Sanctorum Philippi, & Jacobi,

P p 2

Inven

Inventionis Sanctæ Crucis, Ascensionis Domini, Pentecostes cum feria secunda & tertia sequentibus, Venerab. Sacramenti, Nativitatis S. Joannis Baptiste, Ss. Petri, & Pauli Apostolorum, Visitationis B. Mariæ, S. Mariæ Magdalene, S. Jacobi Apostoli, S. Laurentii Martyris, Assumptionis B. Mariæ, Sancti Bartholomæi, Nativitatis B. Mariæ, Sancti Lamberti, S. Matthæi, S. Michaelis Archangeli, S. Dionysii, Ss. Simonis & Judæ Apostolorum, Omnium Sanctorum, Sancti Huberti, S. Martini, S. Andreæ Apostoli, Sancti Nicolai, Conceptionis B. Mariæ, S. Thomæ Apost., Nativitatis Domini, Festum S. Stephani, S. Joannis Evangelistæ, Ss. Innocentium, & in qualibet Parochia festum Patroni Ecclesiæ, Dedicationis illius, arque in Civitate Leodiens. Festum Translationis Sancti Lamberti.

CAPUT II.

Festa vero feriæ 4. post Paschæ, & Pentecostem, nec non Sanctorum Servatii, Ægidii, Catharinæ, Cathedræ Sancti Petri, Vinculorum ejusdem, & Sanctæ Annæ, devotioni populi relinquimus; hortantes nihilominus eos, quibus absque manuum suarum labore vivendi media suppetunt, ut cultum Dei, & Sanctorum idcirco non intermittant.

Festa porro, quæ jam declaravimus observanda, volumus ab omnibus, etiam exemptis, & Regularibus servari.

CAPUT III.

Si festum Annunciationis B. Mariæ Virginis, inter Dominicam *Palmarum*, & *Quasimodo* inciderit; juxta antiquam consuetudinem, Sabbato ante Dominicam *Palmarum*, si vero illud aliqua Dominica Quadragesimæ contigerit, Feria secunda sequenti etiam a populo servetur. Ac de his quidem Pastores Parochianos suos singulis Dominicis moneant; & Fisci, ac etiam Officiarii Laici contra Festorum violatores, absque dissimulatione, vel cunctatione procedant; maxime vero contra tabernarios, tabernas, aut sphæristeria tempore Divinorum Officiorum iis diebus aperientes, carnesve in macellis aut alibi vendentes.

CAPUT IV.

Si quæ nundinæ in Festum, vel Dominicam diem inciderint, nullo modo tunc ferventur, sub pœnis violationis festi, sed in sequentem diem non impeditam hoc ipso translata censeantur, prout transferimus: & Pastores hoc ipsum sufficienti tempore antea populo ad Divina audienda frequenter congregato, solemniter denuncient, sub pœna arbitraria.

CAPUT V.

Et quia laudabilis est consuetudo in Civitate nostra Leodiens., & aliis locis, ut festum Venerabilis Sacramenti celebretur successive per Parochias Dominicis, ac etiam diebus aliis, usque ad festum D. Magdalene; eaque occasione per modum communis lætitiæ, ac recreationis, fiunt compotationes, choreæ, tripudia, pulsatis tympanis & aliis instrumentis, in quibus multi, & graves committuntur abusus: mandamus pariter Pastoribus, ut opportune, importune suos Parochianos a comestationibus, choreis, & tripudiis ejusmodi deterreant: Officiarii vero secularibus, ne licentiam ejus rei faciendæ quovis prætextu concedant, sed contra in abusus hujusmodi animadvertant; aliquin Fisci in illos ipsos, & abusores absque mora procedant.

CAPUT VI.

Jejunia in hac Diœcesi servanda, præter Quadragesimæ, & quatuor anni temporum, sunt Vigiliæ Sancti Mathiæ Apostoli, Pentecostes, Nativitatis Sancti Joannis Baptiste, Ss. Petri & Pauli, Sancti Jacobi, Laurentii Martyris, Assumptionis B. Mariæ, Sancti Bartholomæi Apostoli, Sancti Matthæi Apostoli, Ss. Simonis & Judæ Apostolorum, Omnium Sanctorum, Sancti Andreæ Apostoli, Sancti Thomæ Apostoli, & Nativitatis Domini.

CAPUT VII.

In Festo Sancti Marci Evangelistæ, & tribus diebus Rogationum, juxta laudabilem Ecclesiæ consuetudinem, usque ad meridianum tempus jejuneatur, & tota die ab esu carniū abstineatur.

Quod si dictum Sancti Marci festum in

in hebdomadam Paschæ inciderit, ad feriam secundam post Dominicam *Quasi modo transferatur*, & eo die supplicationes fiant, ac a carnibus abstineatur.

CAPUT VIII.

Hæc igitur jejunia, cum abstinentiis prædictis, Pastores omnibus, qui XXI. ætatis annum exceßerint, aliasque ob impotentiam, necessitatem, aut majus bonum non excusantur, observanda esse, diebus Dominicis Divinorum Officiorum tempore annuncient.

CAPUT IX.

Hortamur, ut abstinencia a carnibus feriis 2. & 3. ante Cinerum die, Sacerdotibus, & a læticiis, etiam Laicis tempore Quadragesimali, & in vigiliis Assumptionis B. Mariæ Virginis, Omnium Sanctorum, & Nativitatis Domini olim indicta, quinque *Pater*, & totidem *Ave Mariæ*, ad honorem, & gloriam quinque vulnerum Christi, quovis dierum illorum recitandis, ac elemosynis compensetur.

TITULUS XII.

De provisione Ecclesiarum Parochialium, & Examinatoribus Synodalibus.

CAPUT I.

Cum non pariat Christiana charitas, quod populus pretioso Christi sanguine redemptus, sub cura qualiscumque Sacerdotis constituatur, quando magis idonei possunt reperiri; ideoque Sacrosancta Tridentina Synodus *Sess. 24. Cap. 18. de Reform.* statuerit concursum ad Ecclesias Parochiales observandum, & eo ab ejusdem Synodi promulgatione, fuerit a Prædecessore nostro semper collinatum: Mandamus idcirco Vicario, & Examinatoribus Synodalibus, ut prædictum Decretum diligenter observent, habita tamen ratione Patronorum in suis mensibus ordinariis, quando idoneum, præsentabunt.

CAPUT II.

Et quia eodem Concilio jubentur Episcopi, seu eorum Vicarii in Diœce-

sana Synodo Examinatores ad minus sex proponere, qui Synodo satisfaciant, & ab ea probentur, probat idcirco præfens Synodus Examinatores a Nobis propolitos sequentes.

Rdissimum Stephanum, Episcopum Dionysien. Suffraganeum Leodiensem.

Nicolaum Raue, Juris utriusque Licentiatum, Cathedralis Ecclesiæ Leodien. Canonicum, & Scholasticum.

Udalricum Hoen ab Hoensbrouck, Cathedralis Ecclesiæ Leodien. Canonicum.

Lambertum de la Motte, Juris utriusque Licentiatum, Cathedralis Ecclesiæ Leodien. Canonicum.

Ægidium Boeboltz, Cathedralis Ecclesiæ Leodien. Canonicum.

Gerardum Beckman, S. Theol. Doctorem, S. Pauli Canonicum.

Sebastianum Hustinum, S. Theol. Licentiatum, S. Crucis Canonicum, S. Michaelis Pastorem.

Theodoricum de Grace, S. Theol. Licentiatum, S. Crucis Canonicum.

Joannem Fanchon, S. Theol. Licentiatum, S. Dionysii Canonicum.

Nicolaum Rocourt, S. Theol. Baccalaureum formatum, S. Bartholomæi Canonicum, S. Thomæ Pastorem.

Arnoldum Loncinum, S. Christophori Rectorem.

Andream Henrici, S. Theol. Licentiatum, Cornelii montis Vicarium.

Rolandum Georgii, S. Theol. Baccalaureum formatum, S. Aldegundis Pastorem.

Gasparem Pacquier, S. Theol. Licentiatum, S. Stephani Pastorem.

Jurabunt vero iidem Examinatores sub forma seq. (p)

Ego Deputatus in præsentī Synodo Examinator eorum, qui eliguntur ad Parochiales Ecclesias, juro me fideliter, juxta Sacros Canones, ac Sancti Tridentini Concilii formam, persunfturum hoc onere examinandi, rejecto omni humano respectu.

Ita me DEUS adjuvet, & hæc Sancta DEI Evangelia.

Et quia Archi-Diaconorum interest, ut Ecclesiis suorum Archi-Diaconatum, de Ministris opportunis quam optime provideatur; permittitur eis-

P p 3

dem

(p) Omnes supra nominati Examinatores juramentum hic adscriptum præstiterunt, & inter Archi-Diaconos *Carolus a Lynden, Archi-Diaconus Arduenna.*

dem Archi-Diaconis, ut quoties Parochialis aliqua sui respectu districtus vacaverit, possint prædicto examini ad eam faciendo interesse: ad quem effectum deputantur quoque omnes, & singuli pro suis districtibus Examinatores Synodales, si modo ante dictum juramentum juxta formam juris præstiterint.

TITULUS XIII.

De Visitationibus.

CAPUT I.

Cum nervus Ecclesiasticæ disciplinæ sit Visitatio; mandamus Vicario nostro in Spiritualibus Generali, nec non Archi-Diaconis, Decanisque Ruralibus, & aliis, ad quos de jure, vel consuetudine spectat onus hujusmodi, ut in eo se quam diligentissimos exhibeant juxta Statuta Synodalia hujus Diocesis, & Oecumenici Concilii Tridentini Decreta; & in visitatione, ac extra eam, defectuosos corrigant.

CAPUT II.

Curet Vicarius, ut Superiores Monasteriorum Ordinum exemptorum, etiam si in eis vigeat regularis observantia, ea quotannis visitent: & si admoniti ad eodem, intra sex menses non visitaverint, & abusus reformaverint, tunc eorum negligentiam suppleat, juxta prædicti Concilii dispositionem.

CAPUT III.

Procedat diligenter Vicarius noster in casibus autoritate Apostolica, & vigore Concilii Tridentini Nobis specialiter commissis, & delegatis; pro ut eum ad eosdem subdelegamus.

CAPUT IV.

Quia ad Vicarium nostrum in Spiritualibus forum gratiosum spectare consuevit; volumus, ut commissiones omnes Apostolicæ fori gratiosi ipsi præsententur, quem proinde solum ad hunc effectum Officiale esse volumus, & declaramus.

TITULUS XIV.

De Decretis typo mandandis, & comparandis.

CAPUT UNICUM.

Provideant sibi Decani, & Pastores omnes de præsentibus Decretis Synodalibus intra duos menses proximos: in quem finem, pro majori eorum commoditate, prælo propediem mandabuntur.

Lecta & publicata fuerunt hæc Decreta in majori Capitulo Cathedralis Ecclesiæ S. Lamberti Civitatis Leodiensis, præsentibus Synodi Patribus, de mandato Serenissimi, & Reverendissimi Episcopi, & Principis eidem Præsidentis, Anno Domini Millesimo, sexcentesimo, decimo octavo, die vigesima quarta & vigesima sexta mensis Aprilis.

M. Joannes Garitte, Pastor S. Remachi in monte, Leodii.

M. Gabriel Leewen, S. Theologiae Baccalaureus, Pastor Ss. Clementis, & Trudonis Leodii.

M. Nicolaus le Bracônier de Muno, Notarius Curiae Episcopalis Leodien.

Præsentis Synodi Notarii.

Ex Officina Christiani Ouwerx, Typogr. S. C. jurati, e regione Palatii, Leod. 1618. in 4.

Lainig Spicil. Eccles. Contin. II. pag. 770.

DORDRACENUM CONCILIABUL. (*)

STATIBUS HOLLANDIÆ PRÆSIDIBUS,

EODEM ANNO CHRISTI MDCXVIII.

OBITUM.

(*) Hujus occasionem Conciliabuli duntaxat, ac finem lubet ex Joannis Knippenbergii, *Historia Ecclesiastica Ducatus Geldriæ*, cum Lectoris erudito communicare. Batavi [scribit *Lib. VI. Cap. VII. pag. 219.* præstans Historicus] "externo nunc metu licet liberi; domesticis tamen moribus colliquantur: notæ sunt ex Hollandorum Annalibus Arminianorum & Gummoïstarum de Religione concertationes, quæ Batavorum

"vorum animos usque occupaverant, ut eorum Respublica nondum sat firma, iis
 "turbis nutare inciperet, certumque minaretur interitum, nisi vergentes ad finem
 "induciæ asperatos animos in belli instantis curas convertissent. Id porro diffidii
 "circa annum 1604. inter Jacobum Arminium & Franciscum Gummarum in Schola
 "Leidenſi ortum, intra scholasticos primùm parietes aliquamdiu vixit, donec
 "ex pulpitis per ministros in populum sparsum universam turbaret Bataviam. *Ar-*
 "*minius* ubi Calvinī, primorumque Reformationum doctrinam de prædestinatione,
 "de libero arbitrio, de bonis operibus, de inamissibilitate gratiæ, duram
 "admodum, neque Divinis literis, neque sanctis Patribus congruam comperisset,
 "ab ea cœpit pedetentim recedere, tandemque velut gradibus ad veritatem Catho-
 "licam accedere: quomobrem Catechismum Heidelbergensem, ipsamque adeo
 "fidei Confessionem hac in parte emendanda atque reformanda esse censebat.
 "Gummarus Arminio restitit, neque fas esse prinā Reformationis fundamenta
 "temerare; a quibus si abirent semel, cunctis tunc liquido daretur intelligi, pri-
 "mam, quæ tanti steterat, Reformationem fuisse omnino inanem, atque aperta
 "semel via, reformationum nunquam finem dari. Arminii placita cum rationi,
 "tum sacris Literis magis consona Cives cumprimis ac Magistratus passim ample-
 "stebantur; atque a Magistro *Arminiani*, nec non a libellis pluries exhibitis *Re-*
 "*monstrantes* dicti sunt. Gummarum Ministri passim, & qui arma tractabant,
 "sequebantur: quibus inde *Gummaristarum* pariter nomen adhæsit. Tentata cre-
 "bro inter partes colloquiis concordia; at res in pejus ibat, neque post varios
 "conatus gliscenti malo poterat modus poni. Sacram Scripturam Arminius; hanc
 "& Gummarus profert, eandem pro se stare clamat uterque: numerantur textus,
 "coacervantur testimonia, clamatur; at non terminabatur controversia. Quid
 "igitur? Si sacra Scriptura sola juxta illorum sensum, sit controversiarum Judex,
 "eccur has tam acerbis non terminet? Admiranda igitur Dei dispositione eo ne-
 "cessitatē redacti sunt Apatholici, ut ultro cum Catholicis fateantur, unicam
 "Scripturam, eamque *solum* controversiis finiendis haud sufficere; verum ut Judex
 "vivus adsit præterea, qui juxta Dei verbum seu scriptum, seu traditum, contro-
 "versias finiat adeo clare atque perspicue, ut litigantium uterque sententiam a Ju-
 "dice latam aut pro, aut contra se liquido intelligat. Ad hanc veritatem Aca-
 "tholici integro pene sæculo, docentibus Catholicis, haud valuerunt perducī;
 "perduxit Armini, Gummarique diffidium. Nulla igitur concordie spe reliqua,
 "Batavi Ecclesiam Catholicam æmulati, Conventum publicum ad initium Nov.
 "1618. Dordraci indicunt, eoque ex Germania, Anglia, Gallia (*Hanc excipit*
 "*Spondanus Annal. Eccles. Tom. II. pag. 963.*) ac Belgio novatæ Religionis Magistri
 "vocantur. Gummaritæ non causa, sed Principis Mauritiī armis atque potentia
 "superiores, cum partes essent, loco Judicum sedent; Arminiani ut judicandi
 "seu rei vocantur ac sessione arcantur: hinc multa de injuriis ac injustitiis conque-
 "sti, non a sola Scriptura, verum ab adversariis suis in quinque positionibus dam-
 "nantur, ministeriis exuuntur, ac pluribus (ultra centum) exulare jussis." *Ita*
Cl. Knippenbergius Gelro-Heldensis cit.

Synodum hanc Novembri mense cœptam, in eaque suum ab aliis dissensum *Armi-*
manos ad quinque capita reduxisse, memorat *Hildebrandus in Hist. Conciliorum*
pag. 340. 1mo. dixerunt, se a cæteris dissentire de absoluta prædestinatione: 2do.
 de particularitate meriti Christi: 3tio. de gratia Dei irresistibili: 4to. de libero
 arbitrio in conversione: 5to. de perseverantia Sanctorum seu de inamissibilitate
 fidei.

Dordrechtum, urbium Hollandicarum principem, & in Ordinum Hollandiæ Con-
 sessu primariam, traxisse ab ista Synodo celebritatem, testatur *Heussenius Batav.*
Sacræ P. II. pag. 165.

Vid. præter A.A. cit. Moreri Lexicon Hist. Tom. II. pag. 371. Natalis Ale-
xandri Hist. Eccles. Tom. VIII. pag. 152. & Jac. Masenii S. J. Annal.
Trevirenj. Contin. Lib. XXIII. pag. 464.



D E C R E T A
VISITATIONIS APOSTOLICÆ, (*)

Anno Christi MDCXIX. Pauli V. Papæ XV.
Ferdinandi II. Imp. I.

PASTORIBUS ECCLESIE FULDENSIS
PRÆSCRIPTA

A REVERENDISSIMO ET ILLUSTRISSIMO DOMINO,
D. ANTONIO ALBERGATO,
EPISCOPO VIGILIARUM, ET LEGATO A LATERE
NUNCIO.

L I T E R Æ

ALBERGATI AD JOANNEM FRIDERICUM,
ECCLESIE FULDENSIS ABBATEM.

ANTONIUS, DEI ET APOSTOLICÆ SEDIS GRATIA
Episcopus Vigiliarum, & Ssmi D. N. PAULI Papæ V. Ejus-
demque Sedis ad inferiores Germaniæ partes, & per tractum Rhenanum cum
potestate Legati de latere Nuncius.

Reverendissimo & Illustrissimo Domino,

D. JOANNI FRIDERICO, ECCLESIE FULDENSIS ABBATI,
Divæ Augustæ Archi-Cancellario, per Germaniam, & Galliam
Prinati, & S. Rom. Imperii Principi.

CUM Ssmus D. N. pro paterna sua cura, ac sollicitudine, qua omnium Ecclesiarum incolumitati, ac saluti prospicere satagit, mihi in mandatis dederit, ut Ecclesiam Fuldensem visitare personaliter, eamque pro viribus, si qua in parte ob temporum præcedentium calamitates collapsa esset, in pristinum statum restituendam curarem: Ego, ut par est, Sanctitatis Suae mandato obedire volens, eo me contuli: ac licet vigilantia, industria, zeloque Reverendissimæ C. T. multa invenerim restau-

vata, multaque emendata, quia tamen nihil est ex omni parte beatum, reperi quoque, ac notavi, quæ adduc reformatione seu emendatione indigerent: quæ autem illa forent, ea me Celsit. Tuæ per Decreta quædam demonstraturum promisi.

Datam itaque fidem libero, & Decreta illa ad bonum illius Ecclesiæ regimen, adeoque ad reformationem instituendam apposita sane, ac necessaria Celsit. Tuæ transmittito, quæ si sedulo perpendantur, exacteque observentur,

- (*) Meminit istius Visitationis Cl. Sebannatus *Histor. Fuldensis* P. III. pag. 278. his verbis:
- " Fridericus [a Swalbach Gieslæ ad Loganam amnem natus] optimi ac religio-
 - " sissimi Præfatis laudem retulit, utpote qui salutaribus vitæ præceptis ad Ecclesiæ
 - " sibi concredita gerenda munia ab ineunte ætate diligenter institutus, agrum Do-
 - " minicum assidue repurgabat; coacta enim ad annum MDCXVII. totius Cleri sui
 - " Synodo amplissima, quod videret non satis se inde consecutum, quin plurimi in
 - " pristina revoluti vitia ea denuo arripere, perstitit in eodem labantes, pravos-
 - " que mores castigandi studio, omnemque deinceps huc opem contulit, ut quæ
 - " postmodum anno MDCXIX. etiam ANTONIUS ALBERGATUS Summi Pon-
 - " tificis a latere Nuntius retinendæ Disciplinæ Edicta Fuldæ sancivit, hæc incun-
 - " ctanter optatum sortirentur effectum.

De eodem Joanne Friderico vide *Christoph. Brower S. J. Fuldens. Antiquit. Lib. IV. pag. 373.*

non tantum defectus illius Ecclesiæ apparebunt, sed & aliam ejus faciem cum maximo ejusdem fructu ac emolumento brevi futuram spero.

Neque ingratum illi, quod a Romana Ecclesiæ mandata, instructionesque recipiat, fore confido, cum ea sit Ecclesiarum omnium Caput, Mater, ac Magistra, (a) ac proinde uti ipsius est membrorum, filiarumve saluti consulere, ita & harum partes sunt, capitis, matrisve directionem non modo sequi, sed & ultro appetere. Decet, & expedit, inquit Possessor Episcopus, (b) ad capitis recurrere medicamentum, quoties agitur de sanitate membrorum.

Quod autem in Fuldensi Ecclesiæ nonnulla sint, ac reperta fuerint, quibus plane sit providendum, id nemini mirum videatur, cum & ipsa universalis Ecclesiæ agro, (c) vineæ, aræ ideo comparetur, quod sicut in his semper sunt zizania, spinæ, palææ continuo evellendæ, seu eventilandæ, sic & in illa nunquam non reperiantur, quæ aut eradicari, aut velut ventilibro quodam excuti possint ac debeant. A Pastoribus vero, Christi Domini doctrinam sequutus, exordium duxi: cumque eorum exemplum tanquam normam fere sequatur populus, qualesque sunt Pastores, tales plerumque solent esse & oves, quasdam ipsis regulas ad gregem suum bene gubernandum, & se, suosque mores rite componendos necessarias

tradendas censui, ut non tantum verbo, sed & exemplo erudiant, pascantque suos, neque quod verbis dicunt, moribus contradicant. (d) Alios enim in officio quomodo continebunt, qui ipsi non præstant suum? Nonne cujus vita displicet, ejusdem & contemnitur doctrina?

Pro Religiosis paulatim Decreta alia sum missurus: Interim hæc talia fore spero, ut Pastoribus & bonis & malis prodesse possint; bonis quidem, ut in officio suo debite peragendo persistant alacrius, occasionemque habeant pietate sua varia pietatis opera instituendi: malis vero, ut si non virtutis amore, neque ut Deus ob peccata nostra juste offensus placeatur, plagasque suas clementer a nobis, suæque Ecclesiæ avertat, saltem formidine pænæ ad meliorem frugem redeant, & Pastoralia sua munia decenter obeant.

Quæ duo me consequuturum spero, si Rma C. T. uti in Domino confido, hæc quamprimum executioni mandanda curaverit, non solum Christo Domino nostro, ejusque in terris Vicario, cujus nomine hæc eduntur, ea de causa rem gratissimam præstatura, sed & laudem in terris immortalem, & æternum in Cælis gloria pondus sibi comparatura. Quod faxit ille, cujus solo nutu Principum reguntur corda. Colonia Agrippinæ 25. Novemb. 1619.

ÆJUSDEM Revmi & Illmi Domini NUNCII APOSTOLICI ad Fuldensis Ecclesiæ Pastores Cohortatio.

Mirum non est, quod antiqui Ecclesiæ Episcopi, ac Visitatores nihil fere antiquius habuerint, magisque curarint, quam ut subiectos sibi Pastores instituerent, & quomodo sapienter greges suos pascere, ipsis inculcarent: Sciebant enim sapientissimi Patres, (e) a Prophetæ illos Dei Angelos appellatos, legemque ab ore ipsorum esse petendam. Intelligebant præterea, illos idem debere in suis præstare Parochiis, quod oculi in corpore, intelligentia in mente, Gubernator in navi præstant. Cognoscebant denique illorum esse, suos sibi subditos dirigere, etique viam vitæ demonstrare ac præbere. Horum exemplum Nobis ob oculos statuentes, nostrum esse reperimus inprimis

incumbere, præcipuosque hujus nostræ visitationis nervos eo intendere, ut tales formentur Pastores, quales Christus Dominus, animarum summus Pastor eos esse postulat, quales Christi in terris Vicarius desiderat, quales demum ipsorum vocatio & populi salus efflagitat. Hanc ob causam, cum per tot annos visitationem intermissam cognoverimus, Pastoresque multos vel in suis exercitiis flaccessere, vel ea scientia baud quaquam pollere, quæ ad ipsorum functiones rite exercendas, aut necessaria, aut certe consentanea videatur, Decreta quædam confestim, quæ inter exequendum Pastoralia sua munia ipsos dirigere, atque adjuvare valeant. Neque existiment Nos nova moliri, ex nostro

(a) Concil. Trid. Sess. 7. can. 3. de Bapt.

(b) Epist. ad Hormisdam Papam.

(c) Matt. 3. & 13.

(d) S. Greg. hom. 29.

(e) Cypr. Ambr. Gregor. Malach. 2.

Tomus IX. Concilior. German.

nostroque cerebro ejusmodi Pastorum institutiones hausisse, cum nihil in iis propemodum reperiatur, quod Sanctorum Patrum doctrinis non sit consentaneum, quodque cum antiquis Conciliorum Statutis non conspiret plane, ac consentiat.

Quapropter Pastores omnes hortamur, imo & ipsi mandamus, ut hæc nostra Decreta optime percallere, & exequi studeant; sic enim muneri suo non deerunt, & subditos non solum obediētes, sed etiam pios ac studiosos red-

dent; nam vix dici potest, quantum Pastoris exemplum promoveat populum: Tritum est enim illud: Qualis Pastor, talis populus. Si igitur verbo, & exemplo eos doceant, ut debent, si Sancta sancte tractent, si sedulam curam, & diligentiam in suis functionibus adhibeant, si hæc a Nobis imperata Decreta ad amussim observent, ipsi indubie, & seipso salvos facient (ut inquit Apostolus (f)) & eos, qui ipsos audiunt, hoc est, subditos suos.

DECRETA VISITATIONIS APOSTOLICÆ

De Qualitatibus præficiendorum Pastoratus.

Reipublicæ Christianæ salus, cum a bonis potissimum Pastoribus pendeat, (nam qualis Rex, talis grex) idcirco illi ad hoc onus subeundum soli eligantur; (g) qui vita, moribus, prudentia, ac doctrina tales sunt, ut omnium virtutum exemplum aliis præbere, pro subditorum peccatis preces & Sacrificia offerre, & pro eorundem salute animas suas ponere possint. Excludantur propterea ab hoc onere omnes criminosi, suspecti de hæresi, processati, vel diffamati de gravioribus delictis, & præcipue de incontinentia, ebrietate, apostasia, Simonia, & aliis similibus. Quod si qui tales eligantur, nominentur, vel præsententur, seu electi, nominati, vel præsentati fuerint, eorum electiones, nominationes, vel præsentationes ex nunc, prout ex tunc irritas, & inanes declaramus, ipsique eligentes, vel præsentantes, siue sint Ecclesiastici, siue Laici, ea vice electione, præsentatione, vel nominatione sint privati, (h) prout Jure cautum est.

Quid vacante Pastoratu populo agendum?

Vacante per mortem Pastoris, (i) vel alias quomodocumque Ec-

clesia Parochiali, spectabit ad populum Pastore orbatum instituendas curare preces quadraginta horarum, pro bono Pastore ab eo, a quo bona cuncta procedunt, obtinendo.

Quid Vicario Generali?

Reverendissimus D. Abbas, vel ejus Vicarius Generalis, habita notitia de morte Pastoris, (k) curet sumptibus illorum, ad quos fructus spectant, provideri Pastoratui de Vicario, donec novus succedat Pastor, & intra decem dies ad summam, & ad vacantis Ecclesiarum valvas publicum edictum affigi jubeat, quo omnes invitentur, qui volent examini se subijcere, vel alios examinandos nominare, ut transacto præstituto tempore examen confici possit, ac deinde orbatogregi juxta formam a Concilio Tridentino traditam novus Rector præfici.

Examen promovendorum ad Pa- storatus.

Transacto præfinito tempore Vicarius Generalis in loco solito ad minimum tres Examinatores approbatos advocandos curabit; (l) qui examinant concurrentes in materiis Canoniciis, ut de Sacramentis, de Simonia, de contractibus, de restitutione, de usuris, de peccatis, vel de aliis ad-

libi-

(f) 1. ad Tim. c. 4.

(g) Conc. Trid. Sess. 7. c. 3. de Refor. & Sess. 22. c. 1. Joan. c. 10.

(h) Conc. Trid. Sess. 22. c. 4.

(i) Conc. Trid. Sess. 24. c. 1.

(k) Conc. Trid. Sess. 24. c. 18. de Refor.

(l) Conc. Trid. Sess. 24. c. 1. & 18.

libitum suum; illud servabunt, ut in concursu plurium unus post alium examinetur, & eadem omnino quæstiones omnibus proponantur.

Et ut melius dignoscatur differentia, constituentur tres classes, in prima sint eminentes, in secunda boni, & satis versati, & apti etiam ad docendum alios, in tertia, qui aliis non quidem sint æquales, sed possint tamen aliquantulum admitti: Et ut major etiam possit constitui differentia, inter ipsos poterit alter gradus constitui inter primam & secundam; & inter secundam & tertiam classem. Quod si inter examinatos unus doctrina excellat, alter moribus, & hic, qui moribus præstat, etiam sit admittendus, huic Beneficium conferatur. Teneat D. Vicarius librum examinum penes se, in quo Examinatores scribant manu propria examinis statum, vel ipsemet Vicarius manu sua scribat, & ejus relationem, & quis ex examinatis prævaluerit, & palmam obtinuerit.

Beneficia Patronalia.

SI Beneficium fuerit Juris patronatus Ecclesiasticorum, (m) Patronus digniorem inter approbatos præsentabit Illustrissimo D. Abbati, ut ei fiat collatio. Quod si institutio non spectet ad D. Abbatem; tunc Illustrissimus D. Abbas digniorem inter approbatos eligeret, quem Patronus præsentabit illi, ad quem spectat institutio. Si vero laicus sit Patronus, ab eo præsentatus examinandus erit a deputatis Examinatoribus, & si idoneus reperiatur, illi facienda collatio.

Pastor electus faciat Professionem fidei.

PROVISUS de Beneficio Pastoralis intra duos menses post collationem & acceptam possessionem, (n) in manibus Illustrissimi D. Abbatis, vel ejus Vicarii emittat Professionem fidei juxta formam præscriptam in Bulla PII IV. quæ incipit, *Injunctum nobis*, & hisce Decretis annexam. Jurabit etiam debitam Sanctæ Sedi Apostolicæ, & Ab-

bati suo, ejusque Successoribus obedientiam, quodque nihil dederit, aut promiserit pro obtinendo hoc Beneficio, & quod pro viribus bona suæ Ecclesiæ conservaturus & defensor sit, nec alienaturus sine debita autoritate Superiorum, & quæ a suis Antecessoribus injuste alienata, vel vendita invenerit, pro viribus recuperaturus.

Exercitia Spiritualia.

FACTA Fidei professione laude dignum esset, si provisus, cum in se gravissimum onus suscepit, diligenter indagaret rationem vitæ suæ recte & sancte in posterum instituendæ. Et ut puriori mente, ardentiorque animi fervore accedat ad rem tanti momenti, priusquam munia Pastoris obeat, aliquem locum semotum eligat, ubi ab omnibus curis & occupationibus liber, tum omnia antea vitæ suæ peccata diligenti conscientiæ excussione recte confiteatur, tum salutaribus meditationibus, aliisque exercitationibus spiritualibus totus incumbat, duce & moderatore adhibito religioso viro hujus rei perito, & approbato; & in illis ad minus per decem dies permancat. Si provisus non fuerit Sacerdos, intra annum ad summum fiat, alias non faciet fructus suos, & nova indigebit collatione. Interim vero, ne Ecclesia patiatur in Divinis aliquod incommodum, curet illi per Sacellanum inserviri.

Nullus audeat curam animarum suscipere, (o) nisi legitime fuerit ab Ordinario approbatus (per quem hic D. Abbatem intelligimus) sub pœna suspensionis a Divinis ipso facto incurrenda; Instituti vero contra formam Bullæ PII V. nullum jus ex ea institutione, vel provisione acquirant, sed collatio & institutio irrita sit & nulla.

De Residentia.

CUM præcepto Divino mandatum sit omnibus, quibus animarum cura est commissa, oves suas agnoscere, (p) pro eis Sacrificium offerre, verbique Divini prædicatione, Sacramen-

torum

(m) Conc. Trid. Sess. 24. c. 18. de Refor.

(n) Conc. Trid. Sess. 7. c. 13. de Refor.

Tomus IX. Concilior. German.

(o) Conc. Trid. Sess. 24. c. 12.

(p) Conc. Trid. Sess. 23. c. 1. de Refor.

torum administratione, ac bonorum morum exemplo pascere, pauperum præterea, aliarumque miserabilium personarum curam paternam gerere, & alia munera Pastoralia præstare, quæ indubie illi adimplere nequeunt, qui gregibus suis non invigilant, neque assistunt, sed more mercenariorum oves suas deferunt, atque derelinquunt; Nos inhærentes Decretis Concilii Tridentini, & Summorum Pontificum in hac materia editis Bullis, mandamus omnibus Pastoribus, ut resideant in suis Parochiis assidue; alias in pœnas contra non residentes infligtas incidant, ut statuit Concilium Tridentinum, cujus hæc sunt verba Cap. primo:

"Eadem omnino, etiam quoad culpam, (g) amissionem fructuum, & pœnas de Curatis inferioribus; & aliis quibuscumque, qui Beneficium aliquod Ecclesiasticum curam animarum habens obtinent, Sacrosancta Synodus declarat, & decernit, ita tamen, ut, quodcumque eos, causa prius per Episcopum cognita, & probata, abesse contigerit, Vicarium idoneum ab Ordinario ipso approbandum cum debita mercedis assignatione relinquunt. Discedendi autem licentiam in scriptis, gratis, que concedendam ultra bimestre tempus, nisi ex gravi causa non obtineant." In diebus autem Festivis, vel Quadragesimalibus non absint, in quantum fieri potest.

Non retineant duo Beneficia incompatibilia sine expressa Summi Pontificis licentia, quam Nobis intra mensem post Decretorum horum publicationem factam examinandam exhibeant, sub pœna suspensionis a Divinis statim incurrenda.

De Fide Catholica.

Advertat inprimis diligenter Parochus, an in sua Parochia adsit aliquis pravis opinionibus imbutus, vel eo nomine suspectus, eumque Superioribus denuntiet. Moneat præterea populum, ut si quos noverit aliquid fecisse, vel dixisse, quod hæresin sapiat, eos deferat.

Illis, qui mercaturæ gratia adeunt loca hæreticorum, dent documenta & præcepta, quomodo se gerere, & pie gubernare debeant, ut neque cum hæreticis de fidei controversiis disputent, neque libros eorum legant, aut Ecclesias adeant, &c.

Investiget diligenter, an aliqui in Parochia sua libros prohibitos habeant, ut illis provideat. Non admittat ad Fidei professionem ignorantes ejusdem rudimenta, qui semel moniti ea discere neglexerunt. Non permittat Ludimagistros docere in sua Parochia, nisi prius facta fidei professione, super quorum vita, doctrina, & moribus sit diligens, & advigilet propter instantia pericula. Superstitiones, & incantationes pro viribus tollat, & si sagas in Parochia adesse sciat, eas Superioribus denuntiet.

In Ecclesia.

Pastor in Ecclesia sit assiduus, in administratione Sacramentorum diligens, in Divinis Officiis, & muneribus præstandis valde sollicitus, nec operam suam in his a suis subditis desiderari patiat, ne nomine negligentiae, avaritiæ, vel modicæ Religionis ab illis notetur; & sit memor se populum ad devotionem, pietatem, & religionem hortari debere non minus exemplo, quam verbis.

Circa Catechismum.

Ad salutem cum omnibus fidelibus omnino necessaria sint Christianæ fidei rudimenta, (r) tum certe inprimis hujus loci incolis, ut qui hæreticis sint finitimi, ac quasi vallati, ideoque nisi fidei fundamenta firmiter teneant, summopere verendum, ne ab eis in aliquam impietatem, ac nefariam doctrinam adducantur. Quamobrem Pastoribus, & animarum Curatoribus in virtute sanctæ obedientiæ districte mandamus, ut hæc in re sint diligentes, & omnibus diebus Dominicis, & aliis Festis pueri in Ecclesiam peculiari campanæ sono a prandio convocatis hora statuta initia fidei tradant, eosque ad obedientiam primum Deo, deinde

(g) Conc. Trid. Sess. 23. c. 1. de Reform.

(r) Conc. Trid. Sess. 24. c. 7. de Reform.

deinde parentibus præstandam erudiant. Quod si solus Pastor hoc munus præstare nequeat, advocet Sacellanos, atque etiam viros sæculares cum pueris; quin & pias mulieres, ut idem sanctum exercitium cum puellis peragant; introducere deberet, ut in multis aliis Ecclesiis practicatur. Catechismo utatur communi Patris Canisii, aut simili approbato: Doceat patresfamilias, quod teneantur famulos suos, & liberos fidei rudimentis imbuendos curare. Hinc Pastor catalogum habeat, in quo puerorum & puellarum, qui sunt in ipsius Parochia, nomina descripta sint, & moneat singulos patresfamilias, ut filios hora præstituta ad Ecclesiam transmittant; quod si facere recusaverint, certiores de his faciat suos Superiores.

Circa Conciones.

Cum magna vis verbo Dei insit ad commovendos auditorum animos, & ad eos in viam veritatis reducendos, si aberraverint, ideo Pastor diebus Dominicis & solemnioribus Festis oves sibi creditas salutaribus verbis pascit; & ita permovere studeat auditores, ut sua peccata desceant, interdum propostis suppliciis ignis æterni, a facinoribus, & sceleribus eos deterreat; interdum vero commemoratis cœlestis vitæ præmiis, ad virtutes, præcipue ad Dei & proximi amorem accendat, & ut cum fructu verbum Dei audiant, & spirituales utilitates ex eo percipiant, doceat populum, (r) cum ad concionem accedit, ut non dictionem prophanam, aut curiosam, sed sacram, religiosam, sanctæ doctrinæ institutis exculcam, atque charitatis studio elaboratam se auditurum putet, proindeque sibi persuadeat se a Deo, qui Concionatoris ore tunc sane loquitur, salutaribus præceptis, consiliisque imbuendum, atque ideo ingressus Ecclesiam, a Deo sibi peccata remitti, & aures cordis aperiri postulet, ut audiat, oculos mentis, ut videat, eaque ad instituendæ vitæ rationem &

usum accommodet, quæ Concionator enuntiaverit, saltem firma, fixaque animi deliberatione statuatur, se velle perficere, & exequi, quæcunque in concione audierit.

A quibus in Concione cavere debeat Pastor.

Abstineat a curiosis quæstionibus & difficilioribus controversiis, & præcipue a proponendis hæreticorum opinionibus (t) apud imperitam multitudinem: popularia tamen hæreticorum argumenta, quæ imperitioribus solent ad primum statim congressum objicere, licebit breviter, dilucide ac nervose dissolvere, ut populus aliquo modo ad ea discat respondere.

In reprehendis vitiis ita se gerat, ut illum pietatis & charitatis studio adiectum, non hominum, sed peccatorum odio id facere omnes intelligant; & in illa peccata potissimum invehat acriter, ad quæ populus propensior esse videtur, & quibus Dei honor magis læditur. Nec pravas solum consuetudines reprehendat, sed & eas, quæ etsi malæ non videantur, facile tamen peccandi occasionem afferant; nec quemquam nominatim, aut tacite, nec ullum vitæ genus ab Ecclesia receptum carpat, sed vitia tantum. (u) Doceat præterea populum Præpositis obedire, (x) & subiacere eis, etiam discipulis. Quod si aliquando per alium concionari cogatur, nullum, nisi legitime a Reverendissimo Abbate, vel ejus Vicario approbatum, etiam si Regularis fuerit, admittat.

Si qui inepti sint ad concionandum, (y) illis Coadjutores dentur, ne impleatur illud: Parvuli (*) perierunt panem, & non erat, qui frangeret eis.

Circa dies Festos, & sacra tempora jejuniorum.

UT dies Festi a Christi fidelibus ad honorem & gloriam nominis Dei reugiose & pie sanctificentur, (z) &

Qq 3

ad

(r) Conc. Trid. Sess. 5. c. 2. de Reform.

(t) Conc. Trid. Sess. 24. c. 7.

(u) Ad Heb. 13.

(x) 1. Pet. 2. cap.

(y) Conc. Trid. Sess. 21. c. 6.

(*) Thren. 4.

(z) Vide Conc. Trid. Sess. 25. De defectu ciborum, jejuniis & diebus Festis.

ad Fidei, Religionis, spei & charitatis incrementum cum debita reconciliatione, ac gratiarum actione sancte ab omnibus celebrentur, Pastores in eo diligentes esse debent, ut populus Christianus Festorum dierum causas intelligat, & in quibus se exercere, & a quibus debeat abstinere, juxta documenta Catechismi Romani de tertio Decalogi præcepto, & in illis potissimum diebus Missam celebrent in sua Ecclesia, Vesperas canant, aliaque munera Pastoralia præstent. Doceant pariter populum gravitatem peccati, quod committunt ii, qui opera servilia exercent diebus Festivis, quique choreis, ebrietatibus, & aliis stultitiis indulgendo, Festa ad DEI & Sanctorum honorem instituta Satanico cultui dedicant.

Prohibita diebus Festivis ne fieri patiantur: Quæ ut, quantum in Nobis est, tollamus, omnemque violandi diem Festum occasionem præscindamus: Præcipimus Mercatoribus, omnibusque, qui merces aliquas venales habent, ne eas Dominicis diebus ante fores, vel in fenestris domorum suarum, vel alibi venales exponant; Oenopolis vero, ac cauponis, ne iis diebus tempore Missæ, & concionis oenopolia, aut tabernas aperiant. Ordinarium vero, seu Reverendissimum D. Abbatem, & Magistratus etiam sæculares, ut in istis puniendis sedulo pervigilent, hortamur & monemus.

Et quoniam circa Festorum dierum observantiam alicui forte dubium suboriri posset, cum pro locorum diversitate nonnulla ea in re sit diversitas, ideo ad hujus institutionis finem Festorum indicem addendum curavimus, ut sciat Pastor, quæ Festa sint celebranda, eaque celebrari & observari curet.

Doceat Pastor populum opera pietatis, quæ exercenda tempore Quadragesimæ, Adventus, & aliorum jejuniorum; quæque peccata evitanda.

In concedenda licentia infirmis, ut eis vesci carnibus liceat in Quadragesima, vel aliis diebus alioquin prohibitis, debitam adhibeat diligentiam, & illa sine Medici attestacione, & fide

non concedatur, nisi necessitas magna urgeret, vel persona esset valde miserabilis. Studeat quoque Pastor, ut delectus ciborum fervetur exacte, ut nempe omnibus feriis sextis & Sabbatis, nisi Nativitas Domini in alterutrum horum dierum incidat, item in festo S. Marci, & tribus diebus Rogationum, Quatuor anni temporibus, & omnibus Vigiliis, quibus ex præcepto Ecclesiæ jejunatur, a carnibus abstinenceat, & per totam Quadragesimam a carnibus & ovis.

Circa Reliquiarum, Imaginumque venerationem.

Reliquiarum & Ss. Imaginum debitum cultum populum doceat Pastor; easque in loco decenti repositas religiose colat, nec novas Reliquias sine Superiorum mandato exponi permittat. Deferantur processionaliter debita cum reverentia, (a) cum tædis & luminaribus accensis: absit autem omnis quæstus sub pœna a Concilio Tridentino, & a sacris Canonibus iis, qui contrafaciunt, inflicta.

Ad tollendum abusum, quo passim in multis Ecclesiis imagines deformes, obscenæ, & historias apocryphas repræsentantes, & item fractæ, vetustate consumptæ, vel corrosæ, aliisque de causis indecentes reperiuntur: Mandamus Pastoribus, & aliis quibusvis Ecclesiarum Rectoribus, ut imposteriorum nulla imago in Ecclesiis, vel Ecclesiasticis locis, nisi ab Ordinario approbata, ponatur; eæ vero, quæ tales, uti jam dictum, vel amoveantur statim, vel ita reparentur, & accommodentur, ut decorem Domus Dei augeant, non deturpent. In cultu vero & ornatu sacrarum imaginum abstinenceat ab omni procaci venustate, pudendaque nuditate. Imagines, quæ juxta hæc Decreta amovendæ sunt, comburantur, & cineres in Sacratio reponantur.

In pavimento Sanctorum imagines, vel Cruces ne pingantur, vel sculptantur.

Circa

(a) Conc. Trid. Sess. 25. de Reliquiis Sanctorum.

Circa Sacramenta.

Quoniam pro Sacramentorum administratione quicquam petere semper ab Ecclesia fuit improbatum, cum ratione manifesti periculi Simoniz, tum etiam propter turpem avaritiæ notam, (b) quam hac de causa Ecclesiastici subire viderentur, ideo prospiciant Pastores, ne in hoc genere quidquam agant, quod vel sit contra Canones, vel contra Concilii Trident. dispositionem, vel contra Bullam PII Quinti in hac causa editam, alioquin penas & censuras talia perperrantes incurrant.

Quod autem a sponte dantibus pro eleemosyna post administrationem quippiam recipiant, non prohibemus.

Quoniam vero nonnulli Pastores conqueruntur, sibi necessaria de futura media ad se sustentandos, si pro Sacramentorum administratione nihil exigatur, ideo D. Vicarius, aut alii, ad quos spectat, agant cum Parochianis, ut suorum Pastorum alia ratione adaugent stipendia.

Antequam ulla administrent Sacramenta, a peccatis mortalibus sint mundi, (c) vel saltem conterantur, si copia Confessarii desit, vel periculum sit in mora; ante celebrationem autem Missæ, post lapsum in mortale, realis necessaria est confessio. In illis ministrandis (excepto Sacramento Pœnitentiæ) luminaribus utantur, omnesque adhibeant cæremonias in Sacramentali positas, & stola semper, & superpelli-
ceo induantur, & orationem ante administrationem dicant, intersitque semper Clericus, excepto Sacramento Pœnitentiæ.

Circa Baptismum.

Baptismi administratio nunquam diu differatur, (d) nec Patronorum invitandorum gratia, neve alia quacunque de causa, cum illud in parvulis, ac primum natis, quorum valde infirma & incerta valetudo est, sine eternæ periculo vitæ raro fieri possit. Curet itaque, ut infantes quamprimum

baptizentur. Diligat etiam Pastor decorem domus Dei, & ideo, qui habet fontem Baptismi in sua Ecclesia, procuret, ut vel ex marmore, vel ex alia sit materia, quæ non imbibat aquam, & sit mundum a sordibus, coniectumque tabulato, & hoc conopæo ex tela alba, quod clave & serra claudatur, cujus clavis remaneat semper apud Pastorem; & locus esse deberet in Sacello separato ante ingressum Ecclesiæ a latere septentrionali; quod si commode extra Ecclesiam fieri non possit, in Ecclesia accommodetur in Sacello prope portam a prædicto latere.

In benedicenda aqua servet formam traditam a Rituali: idem præstet in faciendis cæremoniis, & exorcismis. Instituat & doceat obstetrices formam baptizandi, aut examinet eas, an eam recte sciant.

Circa Patrinus.

Unum tantum virum, & unam fœminam pro Patrinis admittat Pastor juxta dispositionem Concilii Tridentini, (e) eosque doceat de cognitione spirituali inter ipsos contracta. Nullum admittat Patrinum hæreticum, vel suspectum, vel qui fidei rudimenta ignoret, nec eos, de quibus constat, vel est verisimile, quod suum hac in re officium præstare nequeant, ut qui cura Pastoralis, vel alia vitæ professione prohibentur, cujusmodi sunt omnes utriusque sexus Religiosi. Sic de Religiosis disponit Capitulum in Baptismate *De Consi. distinct. 4.* quæ ratio militat etiam in aliis Ecclesiasticis, ut prudenter consideravit Synodus Mediolanen. 2. *Decreto 17.* Hoc idem docet Catechismus Romanus: nam quanto minus istis involvuntur curis Pastores, tanto melius cum illis agitur. Doceat Patrinus etiam, quam curam & sollicitudinem erga filios & Fonte S. susceptos gerere debeant. Admoneat parentes, ut nomina Sanctorum imponant infantibus. Non baptizet filios alterius Parochiæ, nisi in causa necessitatis. Antiquo Chrismate & Oleo non utatur, nisi in necessitate. Moneat præ-
sentes,

(b) Conc. Trid. Sess. 22.

(d) Vide Conc. Trid. Sess. 7. c. 13. & 14.

(c) Conc. Trid. Sess. 13. c. 7.

(e) Sess. 24. c. 2. de Reform.

sentes, ut occasione sacri Baptismi non se dent ebrietatibus, & abstineant ab immodicis conviviis, & sumptibus, &c.

Circa librum Baptizatorum.

Librum habeat, in quo describat nomina Baptizatorum, (f) Patrem, Matrem, & Paternos eorum; & duo testes, qui Baptismo interfuerunt, essent describendi, si unus esset tantum Patrinus. Et ut plena fides libro adhibeatur, in posterum diem, mensem, & annum notet, nec permittat quicquam aliud in eo libro describi, ita ut si casus contingeret, sit authenticus, & fides illi in iudicio adhiberi possit.

Circa Sacramentum Confirmationis.

Doceat populum, quanti sit momenti hoc Sacramentum, & quæ virtus in eo conferatur, illiusque effectus & dona exponat, moneatque Patresfamilias, ut transmittant suos filios ad recipiendum hoc Sacramentum, quo fortitudo, animi robur, & constantia magna recipientibus datur, ut fidem suam non solum non erubescant, verum ut non obstantibus, etiam opprobriis, irrisuibus, & persecutionibus usque ad extremum vitæ spiritum, cum magna in Deum fiducia eam libere profiteantur; quod hisce calamitosi temporibus maxime necessarium est. Doceat etiam hoc Sacramentum suscepturos, quomodo se debeant præparare ad ejus susceptionem; Susceptores vero, quod onus suscipiendo vel astando alicui, dum confirmatur, in se suscipiant, & ad quid coram Deo & Ecclesia se obligent. Deum moneat populum, neminem esse posse Patrinum in hoc Sacramento, qui ignoret rudimenta fidei, aut ipsemet non sit confirmatus: referat in librum nomina omnium Confirmatorum, & Patrinorum, ne hoc onus in Suffraganeum rejiciat, ille enim est Minister Sacramenti, ipse est Pastor; ideoque ad ipsum spectat instruere populum suum, non autem ad illum.

Circa Sacramentum Eucharistiæ.

Doceat frequenter populum excellentiam hujus Sacramenti, & modum accedendi ad illud, item utilitatem & vim illius, si frequentetur; præcipue vero explicet & inculcet, quæ ad excitandam fidem, quæ de hoc Sacramento haberi debet, & in Catechismo Romano late tractata, & explicata est, populo proponuntur, deque operam, ut ex Divinis instructionibus, & probatis Authoribus intelligant, cum ob alias, tum ob hanc maxime causam Deum gravissime offendi, & varias in populos calamitates immittere, quod non ea, quæ par est, devotione, reverentia, atque cultu in hoc Sacramento colatur, atque veneretur: Quia non dijudicatis Corpus Domini, ideo inter vos, o Corinthii, ait Paulus, (g) sunt multi infirmi & imbecilles, & dormiunt multi. Propterea hortetur populum ad debitam illius frequentationem, & præcipue in Solemnitatibus, tempore Adventus, & Quadragesimæ, & occurrentibus negotiis gravioribus.

Circa modum illud conservandi.

Conservabit illud Pastor super altari majori, in Tabernaculo ligneo decenti, quod claudetur clave, & intus vestiatur holoserico rubeo: quod si hoc ab aliquibus præstari nequeat, saltem locus, in quo asservatur in Ecclesia, sit clatris ferreis ita munitus, ut non facile disrumpi possit, & sit affertibus intus omni ex parte, & præterea panno serico rubeo vestitus, ut humilitas arceatur. Clave & sera ita claudatur, ut nulli pateat aditus, præterquam Pastori, qui penes se clavem ab aliis separatam (quæ & inaurata esse deberet) detineat. Lampas ante illud in signum devotionis, & honoris continuo luceat, sumptibus vel Fraternalitatis Sanctissimi Sacramenti, vel fabricæ Ecclesiæ. Quibus deficientibus mediis, aliisque, si Pastor una cum aliquibus piis viris hunc in finem per Parochiam eleemosynam quæreret, populus pro sua in hoc Sacramentum devotio-

(f) Conc. Trid. Sess. 24. c. 2. de Reform.

(g) 1. ad Cor. 11.

votione necessaria omnia suppeditaret: nam nullo modo hoc Ven. Sacramentum in aliqua Ecclesia sine lumine conservari debet. Singulis ad summum quindecim diebus renovetur a Pastore. Conserveatur solum in pyxidibus aureis, vel argenteis, exclusa quacunque alia viliori materia, & supponatur semper illi nitidum corporale; hoc enim, ut fiat in S. Ecclesia, antiquitus decretum est, nec tanti sunt sumptus, quin possint haberi, si a Pastoribus cura ac diligentia debita adhibeatur, juxta jam insinuata.

Circa ejus administrationem.

OMni studio & diligentia omnes suos subditos excitet Pastor, ut magna cum animi devotione, ac omnimoda præparatione vivificum illud ac salutare Sanctissimi Domini nostri JESU CHRISTI Corpus frequenter percipiant, & modum præparationis doceat, eosque instruat, & moneat, ut post ejus perceptionem, tanquam novi homines, ac novo Sacramenti vigore confirmati, ita vitam & mores suos instituant, ut par est eos, qui Spiritum Sanctum receperunt, & Christi Sanguine & Carne pasci sunt, sese gerere. Advigilet præterea, omnes utriusque sexus, qui legitimam ætatem attigerint, tempore Paschali communicent. (b) Antequam vero admittat pueros ad hoc Sanctissimum Sacramentum, instruat eos, ita ut cum fructu & digne illud percipere possint. Eorum nomina, qui tempore Paschali communicaverint, in librum referat, vel si hoc forsitan non ita facili negotio expediri possit, saltem curet cuique communicanti signum aliquod dari, vel sancti Ecclesiæ Patroni, vel aliud simile, quod postea repetat, ut inde cognoscat, qui non communicarint. Publicis peccatoribus, hæreticis, & aliis indignis illud non administret. Curet præterea, ut Parochiani, si ipsi non fuerint confessi peccata sua, ferant fidem suæ confessionis, nec sine hac fide suos etiam subditos admittat ad Communionem. Regulares, si Paschali tempore audiant

confessiones, nullum pœnitentem dimittant; nisi prius illi testimonium confessionis auditæ dederint. Pastor illorum, qui communicarunt in Paschate, nomina suo Ordinario mittat, vel personaliter ferat.

Circa Fraternitatem Sanctissimi Sacramenti.

Erigi curet Scholam, seu Sodalitatem, aut Fraternitatem Sanctissimi Sacramenti in sua Ecclesia, cujus sit Venerabile Sacramentum comitari, quando vel in processione, vel ad infirmos deferatur, & curare, ut debito cum honore in Ecclesia conserveatur, & ab omnibus veneretur. Pastor eos, qui huic Fraternitati se dederunt, instruat, ut in piis, ac sanctis operibus præ cæteris sese exerceant, & suo exemplo alios ad majorem pietatem, & exercitium virtutum inducant, atque accendant; & inter cætera ita cum illis agat, ut qualibet prima Dominica mensis Missa major de Sanctissimo Sacramento celebretur, & Confratres eadem die communicent juxta Regulæ institutum; neminem tamen obliget sub pœna peccati.

Circa Sacrificium Missæ.

ITa necessarius est usus Sanctissimi Sacramenti populo Christiano, & præcipue iis, qui ad altioris & perfectioris vitæ gradum vocati sunt, ut quemadmodum corpus cibo materiali, ita & animam Cibo hoc spirituali conservari, aliquæ credendum sit. Qui enim illud instituit, dixit; Qui manducat me, (i) ipse vivet propter me; & cum hoc Sacramentum sit antidotum, (k) quo a mortalibus peccatis præservantur, & a quotidianis liberantur, qui digne illud suscipiunt, omnes salutem animarum suarum fidentes illud frequentare debent, & præcipue Sacerdotes & Pastores, (l) qui sunt medii inter Deum & homines; memores Deum placatum hujus oblatione gratiam & donum pœnitentiæ concedere, & crimina etiam ingentia dimitte-

mitte-

(b) Conc. Lateran. c. Omnis utriusque sexus. Trid. Sess. 13. c. 2.

(i) Joan. 6. (k) Conc. Trid. Sess. 13. c. 2.

(l) Conc. Trid. Sess. 22. c. 2.

mittere. Quapropter ad minus ter in hebdomada Pastor celebret in sua Ecclesia: si habet Sacellanos, ut hoc idem præsentent, prout tenentur, curare debet. Ut autem muneri suo satisficiant omnes, advigilet Pastor per suos Ministros diligenter, ne fraus committatur. Curet etiam Pastor, ut nunquam populo hoc Sacramentum adorandum exponatur, nisi accensis ad minus sex luminaribus; multo enim melius est, ut non ita frequenter exponatur, & tunc cum debita reverentia, quam ut frequentius sine ista.

Circa ejus delationem processionaliter.

Moneat Pastor populum, (m) ut ad processiones conveniat, & comitetur hoc Sanctissimum Sacramentum ad fidem profitendam, Crucis Christi Mysteria commemoranda, de Ecclesiæ hostibus triumphandum, in multis benedictionibus glorificandum Nomen Dei nostri, ac eum pro necessitatibus Ecclesiæ ac Reipublicæ Christianæ conservatione simul precandum. Quas ob causas prima Dominica cujuslibet mensis per Parochiam erit processionaliter deferendum; quo in munere Sodales Sanctissimi Sacramenti operam suam præstabunt, cum cædis, & candelis accensis. Idem fiat in festo Sanctissimi Sacramenti quolibet anno.

Habeat autem Pastor decentem Monstrantiam una cum lunula argentea vitro contexta, quando Ven. Sacramentum processionaliter deferendum est.

Delatio ad infirmos.

Cum deferatur ad infirmos, Pastor pulsandam curet campanulam, (n) qua deputati Fratres Ven. Sacramenti ad Ecclesiam congregentur, ut illud debita cum reverentia & honore comitentur; nec unquam prodeat, nisi comitantibus saltem sex viris, si commode haberi poterunt, cum luminaribus accensis: nec hac super re excusationes adducantur; nam non est dubium,

quin populus, præsertim in civitatibus habitans, monitus a Pastore de gravitate negotii, dignitate Sacramenti, deque mandato Sanctissimi, sit plene pariturus, & si debitam adhibere voluerit diligentiam Pastor, libenter admodum omnia suppeditaturus. Venerabile Sacramentum in Civitatibus a Pastore deferatur sub umbella; uti in processionibus fieri solet, ita ut umbella feratur a viris quatuor; extra Civitatem vero umbella parva rotunda ab ipsomet Sacerdote deferenda tegatur, quæ fabrefacta erit ex corio rubro, ita ut claudi & aperiri possit. Cum locus infirmi non multum distat ab Ecclesia, duas deferat Hostias consecratas; quarum unam det infirmo, alteram referat ad Ecclesiam; ad quam statim, ut venerit, benedicat populum. Unam vero solam deferat, quando longe ab Ecclesia distat infirmus, & via est difficilis. Curet in domo infirmi mensam nitidam cum mappis albis, & cum candelis accensis parari, super quam poni Sanctissimum Sacramentum possit, antequam infirmo ministretur. Habeat Pastor pyxidem parvam, in qua Sanctissimum Sacramentum conservet, & quam possit gestare sine magno incommodo, cum ad villas per viam longam & difficilem est eundum, eaque sit circumvestita panno serico albo, cum funiculo ex serico appendendo ad collum Sacerdotis. Habeat etiam alteram pyxidem, cujus cuppa sit ad minus argentea, & sit apta ad continendum sufficientem numerum parvarum Hostiarum pro Communionem populi.

Circa Sacramentum Pœnitentiæ.

Parochus fideles sibi commissos sæpe hortetur, (o) ut ad Pœnitentiæ Sacramentum non solum cum ex Ecclesiæ præcepto tenentur, sed & alias quam frequentissime accedant, tanquam ad secundam post naufragium tabulam, qua merita mortis Christi applicant; & licet ejus radices sint amaræ, suavissimi tamen sunt fructus. Per Pœni-

(m) Conc. Trident. Sess. 13. c. 5.

(n) Conc. Trid. Sess. 14.

(o) Conc. Trid. Sess. 13. c. 6.

Pœnitentiam enim nos in Dei gratiam redire, quo nihil optabilius; animam quovis scelerum pondere oppressam sublevare, quo nihil jucundius; conscientię pacem & tranquillitatem, quæ omnes superat voluptates, restitui, & fideles aliquo modo experiuntur, & Ecclesia semper credidit Catholica. Proinde iis, aliisque fructibus propositis, & juxta doctrinam Catechismi Romani explicatis, studeat Pastor fideles suos eo permovere, ut tantum remedium animæ suæ quam frequentissime adhibeant, idque cum ea præparatione, quæ ipsius fructibus respondeat, ut nempe in spiritu humilitatis, & in amaritudine animæ suæ quisque peccator sua peccata confiteatur & debeat.

Moneat populum, antequam accedat ad hoc Sacramentum, ut examen conscientię faciat, & multitudinem, gravitatemque peccatorum, quibus ea gravata est, in memoriam revocet, quo plenius ea confiteri, de iisque dolere possit. Ut autem diligentius conscientiam quisque suam examinet, inprimis proponet sibi ante oculos Decalogum, juxtaque singula ejus præcepta se, mores, vitamque suam accurate examinet: deinde & septem peccata capitalia, ut videat, an & quoties cogitatione, verbo, vel opere eorum, vel aliqua, vel omnia admiserit. Quam examinandæ conscientię rationem Parochus docebit subditos suos, prout opus esse judicabit, pro auditorum capacitate magis vel minus explicare. Ante Quadragesimam etiam moneat fideles Parochiæ suæ, qui confessionis frequentem usum non habent, ne eam differant in postremos Quadragesimæ dies. Moneatque illos, ut sese sacra hac confessione muniant, qui eo proficiuntur, ubi mortis periculum adire possint, vel ubi Confessarii copiam non sint habituri; item si rem arduam sint aggressuri. Et ne, dum aliorum vulneribus Pastor mederi studet, ipse peccati telo confodiatur; caveat inprimis, ne peccato mortali, vel censura Ecclesiastica irretitus, ad hoc Sacramentum administrandum accedat. Non absolvat a casibus Ordinario reservatis, multo minus a casibus in Bulla: Cæ-

na Domini, descriptis, sine debita facultate. Et quoniam Judicis & Medici personam gerit, quæ gravia, quæ levia sint, & quomodo corrigenda, & quæ remedia ægroto adhibenda ad animam illam sanandam, noverit. In Sacramenti igitur hujus doctrina optime sit versatus; & quæ illius ratio, qui effectus, quæ partes, quæ earum partium vis, & natura, per se intelligat; & quæ sint peccata mortalia, quæ venialia, quæ circumstantiæ mutant speciem, quando restitutio facienda, &c. recte cognoscat; Censurarum etiam vim, & quibus sint illæ criminibus annexæ. Et antequam accedat ad audiendam confessionem, brevi aliqua precatiuncula, qua Divinæ gratiæ lumen in eo ministerio peragendo sibi postulet, tacite utatur.

Confessiones audiat in Ecclesia solum, non extra, nisi necessitate suadente; Mulierum confessiones noctu non audiat; Relapsos & concubenarios inveteratos, blasphemos, & consuetudinarios non facile absolvat: publice peccantes publica pœnitentia coerceat: Mulieres non audiat, nisi in confessionali sede, & interpositis inter ipsum & eas cancellis seu cratere saltem ligneo; Quod si non adsint sedes confessionales, spatio unius mensis Parochia provideat de illis, alias suspendimus Pastorem ab auditione confessionum. Stola & superpelliceo semper utatur in hujus Sacramenti administratione: hoc enim antiquum est institutum, & a Pastoribus observandum.

Si pœnitens omnia sua peccata per se confiteatur, contentem Pastor audiat, & de aliis peccatis ab eo forsitan omissis illum interroget. Antequam absolvat, pœnitentiam injungat. Nullo modo pecunias, vel aliud pro hujus Sacramenti administratione recipiat. Audita confessione ostendat gravitatem peccatorum pœnitenti, & curet, ut a peccatis præcipue, in quæ sæpe est relapsus, abstinere promittat, moneatque pœnitentem, ut in officio, quod exercet, bene & juste se gerat, & ut non solum peccata, sed etiam occasiones peccatorum fugiat.

*Circa Vistationem & curam
infirmorum.*

OMni quidem tempore Parochus gregi suo invigilare debet; sed cum primum aliquis ex illo in morbum inciderit, tunc vel maxime diligentiam adhibeat, ut eum in via salutis recte dirigat, & a nequissimis demonis insidiis & conatibus tueatur, ac defendat, idque præsidio salutarium adjumentorum. Quamobrem non expectabit, dum ab ægroto vocetur, sed ipse ultro ad eum accedet, moneatque Parochiales suos, ut cum aliquis in infirmitatem inciderit, illum accersant: quod si aliquando ipse Pastor aliquibus aliis curis distentus, eo personaliter ire nequiverit, mittat aliquem suo loco idoneum Sacellanum. Ad mulieres ægrotas associatus semper accedat ab aliquo viro probo, vel fœmina qualificata: licet etenim in Pastorem non deberet cadere suspicio, liber erit tamen per hanc cautelam a detractionibus aliorum, & quotidiana nos docet experientia, ea opus esse.

Infirmarum mulierum confessiones ostio cubiculi semper aperto audiat, sub pœna suspensionis a Divinis ipso facto incurrenda. Pro pauperibus infirmis in Parochia eleemosynas colligi curabit: Parochum vicinum, vel alium Sacerdotem infirmum, præcipue aliorum ope destitutum accedat, consoleturque eum remediis animæ maxime salutaribus. Cum ad infirmum venerit, inprimis recitabit Orationem præscriptam in Sacramentali, postea eum hortabitur ad Confessionem Sacramentalem, & ad patientiam exemplo Sanctorum, & Christi Domini, monebitque, ut eleemosynas pro viribus faciat, & pro se orationes a piis personis fieri postulet, ut domi suæ singulis diebus familiam pro eo orare jubeat, ut (dum per morbum potest) aliquid meditetur de mundi vanitate, morte, & passione Christi Domini, ut patientiæ exempla sibi proponat, ut septem Psalms, & Litanias in cubiculo suo singulis diebus recitari faciat. Ingravescente morbo illum ad communicandum hortabitur, & ad testa-

mentum condendum, & res suas componendas. Legata sua, quæ fecerit, quamprimum (si fieri potest) ipso vivente præstari curet. Monebit inprimis, ut si famam vel facultates alicui subtraxerit, ea restituat, si inimicitias habeat, eas deponat, si aliquem læserit, ut pro viribus illi satisfaciat: vel si læsus vel vulneratus ipse fuerit, ex animo parcat; monebit eundem, ut Sanctissimum Viaticum petat, & Extrema Unctionis Sacramentum. Curet, ut ægrotus promittat Deo emendationem vitæ, si ex infirmitate convalescerit. Animadvertat autem ægrotos tribus tentationibus potissimum turbari. Primam affert metus mortis: secundam conscientia peccatorum: tertia autem ex contemplatione Divinæ justitiæ oritur. Quibus respondebit Pastor, & ad primam quidem, mortem Christiano non extimescendam, sed amandam esse; illa enim mediante ex miseriis, & calamitatibus hujus vitæ ad æternam felicitatem, intervenientibus Christi meritis, perveniet. Secundam tentationem frequenti confessione tollet. Tertiam proponendo misericordiam, & bonitatem Divinam, quæ non patietur tanto pretio redemptum perdi, vel destitui. Accedente mortis periculo, præsto sit ad commendandam animam infirmi.

Circa Extremam Unctionem.

DOceat Pastor populum & infirmos, (p) cum tempus feret, quod extremo vitæ nostræ tempore præsidia Divinæ gratiæ nos eo plura habere conveniat, quo & vehementius torquemur metu mortis impendentis, & in periculo etiam majori versamur. Sicut igitur clementissimus Redemptor noster Divina in aliis Sacramentis adjumenta fidelibus, dum in sæculo vivunt, paravit; ita hoc Extremæ Unctionis Sacramento in fine vitæ hujus, tanquam firmissimo quodam cœlesti præsidio illos communivit. Proponat itaque illis, quis sit fructus & utilitas, quæ ex hoc Sacramento percipitur.

Sacra

(p) Vide Conc. Trid. Sess. 14.

Sacra Olea Pastores singulis annis ad festum Paschæ nova petant ab Ecclesia, unde veteri ac probata consuetudine, vel de jure sunt petenda, & ii, quorum id est, illa distribuere gratis, & sine mercede debent. Vetera autem olea comburantur in lampade ante Sanctissimum Sacramentum. Ægrotis, dum sunt integris sensibus, illud ministrent, induti superpelliceo tamen semper & stola. Deferat sacra Olea semper in vasis ex stanno cum suis cotilis ex corio, & cum bursa ex serico coloris violacei, cum funiculo pariter ex serico, ut ex collo Sacerdotis possint dependere. Curet, ut infirmis, antequam illud recipiant, per Penitentia Sacramentum se disponant, & Eucharistia reficiant. Mulieribus renes non inungat.

Circa Sacramentum Ordinis.

Cum Sacramenti Ordinis utilitas, & necessitas ex eo potissimum dignoscatur, quod alia Sacramenta ita ab illò pendeant, ut sine illo partim confici, partim ministrari nullo modo possint, partim solemnè cæremonia, & religioso quodam ritu, ac pio cultu sine Ordine carere videantur; Pastores tanquam Episcoporum cooperatores, quæ in Catechismo Romano tradita sunt, ad populi & ordinandorum institutionem referant; & ipsi religiose observent. Moneant inprimis populum, ut jejuniis, quæ ex vetustissimis Ecclesiæ institutis ante ordinationem præmittuntur; & piis, sanctisque precationibus toto corde ad Deum convertantur, ab eoque petant, ut Episcopi in examinandis & eligendis Ecclesiæ Ministris suo rectè fungantur officio. Processionem intra ambitum Ecclesiæ instituunt & Litanias recitent; Parentes inducant, ut filios sacræ Militiæ offerant, oblatosque religiose educant, vel educandos curent, non rei familiaris augendæ, vel quæstus gratia, sed ut Deo, Ecclesiæque serviant: Aliis fidelibus dignitatem Cleri, & quo honore sint digni Ministri Ecclesiæ, ostendant. Quare paterne moneant,

reprehendantque eos, qui Clericos & Ecclesiasticos contemnunt, & spernunt; Docebunt etiam eos, qui ordinandi sunt, ut quod omnibus commune est, bonum faciant propositum non solum Deo fideliter & pie serviendi, sed etiam alicui certo Ecclesiæ ministerio addicti, (q) vitæ innocentia, morum castitate, & sanctitate omnibus præstandi. Eos, qui ordinandi sunt, in Ecclesia denuncient. Inquirant item de eorum natalibus, ætate, moribus, & vita; literasque testimoniales clausas ad Ordinarium mittant. Explicent populo, quæ impediant, quo minus ordinari quis possit, & quæ ætas cuique Ordini suscipiendo a jure præscribatur.

Circa Matrimonium.

UT Matrimonium inter fideles sancte contrahatur, eo diligentius curandum est, quo gravius aliquando a plerisque peccatur. Habebit itaque Pastor perspecta in primis ea, quæ circa Matrimonium rite celebrandum Synodus Tridentina (r) præcepit, eaque a Parochialibus suis observari curabit, docebitque populum ex Catechismo Romano Sacramenti hujus institutionem, vim, naturam, & sanctitatem, quamque ob causam fideles Matrimonium inire debeant, non explendæ libidinis gratia, ne fiant sicut equus & mulus, nec præcipue cupiditate divitiarum, sed prolis suscipiendæ, & evitandæ fornicationis causa, & ut alter alterius ope adjutus incommoda hujus vitæ facilius ferre possit.

Pastores non passim omnibus Matrimonium contrahere concedat, (s) præsertim vagantibus & peregrinis, aliisque ignotis, sed debita cum diligentia observet præcepta Concilii Tridentini: Si Matrimonium sit contrahendum cum aliquo, vel aliqua, quæ sit in partibus hæreticorum, nuntiet prius hoc Ordinario. Si conjugum alter peregre profectus obiisse narretur, ideoque superstes aliud Matrimonium inire cupiat, Pastor tales non conjungat, nisi certam de obitu prioris notiam

R r 3

(q) Conc. Trid. Sess. 23. c. 5. & seq.
(s) Conc. Trid. Sess. 24. c. 7.

(r) Sess. 24. c. 1. & seq. de Reform.

tiam habuerit. (†) In Matrimonii autem celebratione instructiones a Synodo Tridentina datas servet; & præcipue publicationes inter Missarum solemnias, nec illas sine Ordinarii licentia omittat. Notos habeat gradus consanguinitatis, & eos diligenter exponat populo, & alia impedimenta Matrimonii, & sumat etiam informationes, an inter contrahentes sint impedimenta, nuntietque excommunicationis penam infligi contrahentibus in gradibus prohibitis scienter. Antequam faciat denuntiationes, intelligat tam a mare, quam a femina, an Matrimonii inter ipsos contrahendi denuntiationes fieri placeat. Quod si in diversis Parochiis degant, hoc idem in utraque servetur. Monebit eos, ut antequam Matrimonium contrahant, commendent se Deo orationibus, peccata sua confiteantur, & communificent. Eo die, quo ultima denuntiatio facta est, non celebret Matrimonium sine licentia Ordinarii. Moneat eos etiam, ut a copula carnali abstineant, donec Matrimonium fuerit contractum. Nullus in posterum Pastor, vel alius Sacerdos quomodocumque deputatus, celebret Matrimonium sine proprii Parochi scitu, & consensu, nisi ex legitima, & gravi causa aliter Ordinario videatur; quod ipsum tamen scripto comprehensum, postea proprio Pastori erit nuntiandum. Celebret Matrimonium inter Missarum solemnias, si fieri commode potest, & sine periculo, non autem post prandium. In celebratione Matrimonii sermonem faciat ad altare de vita a contrahentibus instituenda, & de mutua obligatione & officio præstando, de mutua fide servanda usque ad mortem, & de bona institutione filiorum, & familiarum. Scribat in libro separato conjugum nomina, & testium, item diem, mensem, & annum, locumque contracti Matrimonii, item an publicationes factæ sint, an omiffæ, &c.

*Circa Sacramentalia, Orationes,
& Processiones.*

Æ Des Parochialium semel quolibet anno, nempe Hebdomada

Sancta, ut in more positum est in multis locis, & præcipue in Germania, a qua benedicta aspergere deberet Pastor superpelliceo & stola indutus, & Clerico stipatus. In die Purificationis B. Virginis instruat populum de Mysteriis, & de Benedictione candelarum. Dominica ante Cineres doceat eos cinerum mysteria. Et Dominica Palmarum explicet eorum utilitatem, & benedictionis causam. Curet campanam pulsari ad Orationem vespertinam pro mortuis, & Salutationem Angelicam horis consuetis, & ad elevationem Sanctissimi Sacramenti in Missa. Doceat populum modum consequendi Indulgentias, earumque utilitatem. A quam singulis diebus Dominicis benedicat, nec Baptismali utatur, eam guttatim miscendo cum alia aqua. Hortetur populum, ut veniat ad processiones ordinarias, & ut mulieres capite recto incedant in Ecclesia. Laudabilem illam consuetudinem introducere deberet Pastor, ut populus totus canat Litánias; & incipiendum prius erit a pueris: est enim iste antiquissimus mos in Ecclesia, & adhuc in Germania in multis Ecclesiis, & particulatim Colonia servatur, ita ut mirum sit, Pastores quosdam, qui profitentur se esse piissimos, hæc refugere.

Circa Funera & Exequias.

F Unera nullo pacto deferantur sine Pastoribus, qui cum superpelliceo, stola, & sua Cruce accedere debent, nec ullo pacto pro deducendis funeribus quippiam ex pacto accipiant. Nullius corpus ante sepeliatur, quam per 24. horas spiritum exhalaverit, idque nec ante Solis ortum, nec post illius occasum fiat.

Funera ad sepulturam sine luminibus non efferantur. Miserabiles personas gratis ex amore Dei sepeliendas curet Pastor. Usurarios manifestos, excommunicatos, duellantes, & hæreticos ad sepulturam Ecclesiasticam non admittat. Caveant Pastores in suadendis Anniversariis mortuorum, ne in avaritiæ notam incidant. Caveant, ne

(†) Conc. Trid. Sess. 24. c. 7.

ne hac occasione in ebrietatem, & comotationes incident.

Constituatur taxa a Reverendissimo D. Abbate eorum, quæ in delatione funerum recipere possint, quam non transgrediantur.

Circa bona Ecclesiæ.

Conficiat spatio unius mensis Pastor sub pœna decem aureorum Indicem omnium bonorum spectantium ad suam Ecclesiæ, quod si instrumentis careat, confessiones saltem a debitoribus Ecclesiæ habeat, quibus caveat, ne bona Ecclesiæ alienentur, & si aliqua alienata invenerit, eorum procurer restitutionem juxta juramentum ab eo factum. Inventarium suppellectilis Ecclesiæ conficiat, cujus ipse unum exemplum conservet, aliud vero a Mamburnis, seu Aedituis asservandum curet. Bona Ecclesiæ sub pœna excommunicationis nec vendat, nec ad longum tempus aliis elocet. Frequenter publicet in Ecclesiâ pœnas usurpantium bona Ecclesiæ, & decimas non solventium; singulis mensibus eleemosynas colligi jubeat a Deputatis Parochiæ pro pauperibus ejusdem.

Circa Sacellanos.

Habeat registrum distinctum omnium Beneficiorum, quæ sunt in sua Parochia, Altarium, Personatum, & Sacellaniarum cum omnibus eorum oneribus, & ad quos spectat eorum collatio; & vigilet, an illi satisfaciant oneribus suis, uti celebrando Missas, vel residendo, prout eorum quilibet ex fundatione tenetur. Si Sacellanos scandalosos, publice peccantes, apostatasve habeat in sua Parochia, illos denuntiet Ordinario. Intimet hoc nostrum Decretum Sacellanis, & qui parere recusaverint, non deerunt media ipsos cogendi. Spatio unius mensis vigore hujus visitationis afferri sibi curet a Sacellanis, vel Altaristis registrum, seu notam omnium bonorum spectantium ad ipsorum Beneficia sub pœna decem aureorum applicandorum fabricæ illius, cui servit, Ecclesiæ, quæ quidem registrum asservari curet, una cum registro bonorum Paro-

chiæ; Quod si qui registrum suum dare noluerint, eos Pastor cogat mediante auxilio Superiorum suorum. Insuper si adsit aliquis, qui sibi Beneficia usurpaverit, vel eorum collationem, aut alienaverit eorum bona, eos omnes deferat apud Ordinarium. Current Pastores, ut Sacellani habeant sua paramenta necessaria; Calicem nempe, Missale, planetas, albas, mappas, & alia pro Officio Missæ, suæque altaria ornata & parata; ut decet, nunquam celebrent, nisi accensis duobus cereis in candelabris saltem cupreis.

In altaribus sint mappæ duæ minores, una major; item Crux, tabella secretarum orationum, & antependium decens.

De electione Sacellanorum, aut aliorum Ecclesiasticorum, quæ fit a populo.

Unice semper observatum fuit, ut magno delectui, & gravi maturitate ad Ecclesiâ Dei regendam, & Divina Officia peragenda Ecclesiastici assumerentur. Unde cum reperimus, aliquos hac in parte, præsertim Laicos, nihil aut parum de regimine Ecclesiæ sollicitos, ad electiones Capellanorum, & aliorum Ecclesiasticorum ex privato affectu (ne quid gravius dicam) prorumpere, ita ut sæpiissime inutiles Dei Ministri, & suæ, & aliorum salutis prodigi in Ecclesiâ protrudantur, volumus, ut Pastores admoneant Laicos, si quibus de jure, aut ex consuetudine hujusmodi electio seu præsentatio competit, quam graviter peccent contra Deum, Ecclesiâ & proximum, quotiescumque sic in prædicta electione se gerunt.

De Congregatione Pastorum quolibet trimestri instituenda.

UT Pastoribus aliqua porrigitur occasio, & casibus conscientiæ studiendi, & in literarum studiis sese exercendi, deque necessitatibus suarum Ecclesiarum agendi, quod in aliis Ecclesiis laudabiliter institutum est, illud in hac etiam introduci enixe desideramus, ut tertio quoque mense certo loco

loco Pastores, tam urbani, quam forenses conveniant, ubi discussis prius quibusdam conscientiae casibus de suarum Ecclesiarum regimine & difficultatibus occurrentibus inter se agant, juxta infra scriptum ordinem seu modum.

Tempus Congregationis.

Facienda erit Congregatio quolibet trimestri semel in Civitate Fuldensi feria secunda post primam Dominicam tertii mensis hora secunda, in loco a Domino Vicario deputando. Illi intererunt omnes Pastores, & eorum Coadjutores, & Sacellani, & alii quicunque Ecclesiastici curam animarum habentes.

Quis Congregationi prærit, & casus decideret.

Huic D. Vicarius prærit. Intere-rit etiam Theologus deputandus a Reverendissimo D. Abbate, qui decideret quæstiones, & casus proponendos.

Interfit pariter Secretarius eligendus a D. Vicario, qui casus propositos, & resolutiones annotet in libro ad hoc parando.

Modus faciendi Congregationem.

Congregatis omnibus, & facta debita oratione, imploratoque Divino auxilio ab illo, qui Congregationi prærit, notabuntur primo absentes, qui, nisi legitime se excusaverint, multabuntur poena unitus floreni applicandi locis piis, ad arbitrium D. Præsidis.

Deinde proponentur quatuor casus conscientiae a D. Theologo, & D. Præses interrogabit singulos Pastores suam sententiam super istis casibus; qui singuli suo-loco breviter & sedate illas explicabunt, & istorum postea resolutionem a D. Theologo intelligent. Materiam poterunt subministrare Sacramentorum materia, & administratio.

Vota seu resolutiones notentur a Secretario, & si placebit Domino Theo-

logo, poterit mandare alicui Pastorum ex iis, qui magis docte votum suum explicarunt, ut illud ipsi scripto exhibeat. Quibus postea bene discussis & perpensis, ex multis casibus ita decretis, poterit confici libellus, ad praxim regiminis Ecclesiastici utilissimus.

In fine Congregationis intimabitur dies proximæ futuræ Congregationis, & dabitur unicuique præsentis scheda, cum casibus proponendis, ut spatium habeant Pastores eis studendi.

Disciplina Ecclesiae.

In eadem Congregatione post casuum resolutionem tractabitur a singulis Pastoribus, prout unicuique videbitur magis opportunum, de executione Decretorum Visitationis, & de aliis difficultatibus spectantibus ad regimen Ecclesiarum suarum, ut aliorum auxilio & consilio facilius Ecclesias suas regere possint.

Occasione istius Congregationis seu Conventus, ut inter Ecclesiasticos ipsos etiam perfecta charitas sit & vigeat, valde desideramus, & ideo in necessitatibus tam spiritualibus, quam corporalibus, ut juvent se invicem, in primis optamus.

Mortuo itaque uno ex Confratribus, quilibet ex cæteris saltem Missam unam pro anima illius celebrabit, & preces ad Deum pro ipso ex charitate fraterna unanimiter fundent.

Congregatio Annua.

Reverendissimus D. Abbas singulis annis infra octavam Pentecostes omnes Pastores ac animarum Curatores in unum locum convenire jubebit, illique Conventui personaliter intererit, si quo modo possit, aut saltem aliquem nomine suo mittet, & in vitam ac mores singulorum Pastorum inquireret, & intelliget etiam, an Decreta Apostolicæ Visitationis observentur ab iis, quæque emendanda invenerit, emendari quamprimum curabit: siquidem hic primarius Congregationis hujus est finis.

Item singularum Ecclesiarum Parochialium necessitates cognoscere studebit,

debit, eisque provideri curabit. Adsit etiam, qui exhortationem ad Pastores faciat, ut illi suo bene fungantur officio, & abstineant ab iis, quæ pusillis scandalo esse possint, & quæ decorem domus Dei maculare possint.

Ex hac autem Congregatione hoc consequetur Reverendissimus D. Abbas, quod ab omnibus verus Pastor sit censendus, ut cui de ovibus suis sit cura; unde & vicissim subditi se oves declarabunt, vocem ejus libenter audient, dictisque amore potius, quam timore obediunt.

Circa Populum.

HAbeat Pastor notitiam particularem suorum Parochianorum, præcipue vero, an in ea adsint Apostata, vel Clerici Simoniaci, vel Sæculares scandalosi, adulteri, concubinari, vel alii publici delinquentes; quos omnes pro viribus ad bonam frugem reducere conetur, & interim eorum nomina Ordinario suggeret. Invigilet præcipue, ut Patres & Matres familias, filios & famulos recte instituunt, & ut eos mittant ad discenda fidei rudimenta in Ecclesiam; utque saltem diebus Dominicis & Festis audiant Sacrum; & ne in domo sua homines malæ famæ, præcipue suspectos de hæresi, blasphemos, ebriosos, concubinarios, & alios similes alant, qui malis moribus totam familiam inficere facile possunt.

Librum habeat appellatum Statum animarum, in qua omnium Parochialium nomina notentur, hoc est, Patrum & Matrum familias, filiorum, filiarum, famulorum, ancillarum, & reliquorum ibidem degentium, in illoque noter, qui in Paschate communicarint, qui non; item qui confirmati sunt, qui non, &c.

De juramentis & blasphemis, ac superstitionibus eliminandis.

ET quoniam sunt permulti valde rudes & ignari, ideoque ad blasphemias, juramenta, & superstitiones

nes nimis proni, imò & illis (proh dolor) addicti & assueti, Pastores omnes pro sua in Deum pietate, & animarum salute & zelo nunquam desinant inculcare eisdem dictorum peccatorum gravitatem & periculum, eisque exemplis, ratione & auctoritate, ac alias omni meliori modo persuadere, urgere & terrere, ut ab illis abstineant, ac Deo debitum honorem reddant, nec animas suas tam misere perdant. Quandounque vero aliquem publice, vel privatim aliqua cæremonia, vel ritu uti viderint, vel ad sanitatem restituendam, aut recuperandam, vel ad aliquid aliud consequendum, quæ in Ecclesia hætenus recepta non fuerint, vel saltem quoquo modo suspecta sunt, diligenter quamprimum de illis, vel approbandis, vel reprobandis, judicium Sapientiorum, præsertim Ordinarii inquiret, & juxta illud sese quoad subditos habeat.

De picturis, & chartis impudicis, ac Hæreticis tollendis.

SAcra Scriptura confirmante (u) compertum est, quod corrumpant bonos mores colloquia prava: & quoniam picturæ, & literæ sunt quædam etiam tacita verba, & alloquia, quibus sæpe perniciosissime decipiuntur homines; & eo facilius, quo interdum occultius ac cautius irrepunt. Ideo hac in re non dormiant Pastores, sed perscrutentur mente sagaci agrum Dominicum, inquirentque prudenter, anne forsitan inimicus homo (x) superfeminaverit picturarum, chartarum, literarum, seu librorum impudicorum, seu hæreticorum zizania; ut ea vel opportune eradiceat, ad se recipiendo, & comburendo, vel defectuosos contumaces ad Superiores deferendo.

De vita & moribus Pastorum.

PAstores in Dei militiam adscripti, ad regendas animas Christi Sanguine redemptas, sciant se non ad commoditates & voluptates, sed ad labores

(u) 1. Cor. 15.

(x) Matt. 13. c.

res & sollicitudines fuisse vocatos: Quare ipsis diligentissime providendum est, ne a recta vivendi via, & ab officio suo ullo modo defleant, neque quicquam præ se ferant, quod non simplex, castum, integrumque sit, ut modestiæ, frugalitatis, benignitatis, & quæ nos Deo tantopere commendat, sanctæ humilitatis, ac virtutum omnium cæteris exempla præbeant; illi enim uberrime pascunt, & efficacissime docent, qui pietatem, quam profitentur, vitæ integritate, & innocentia comprobant, quique ea, quæ verbis alios docent, factis exprimunt suis, non jam quæ sua sunt quærentes, (y) sed quæ JESU Christi, nec quæ sibi utilia sunt, sed quæ multis, ut salvi fiant. Laborent itaque, ut ministerium suum impleant, omnia ad voluntatem Dei dirigentes animo castissimo. Et in orationibus, & in meditationibus sint ferventes. Divinas laudes & Horas devote recitent, & assidui sint in muneribus suis præstandis, audiantque patienter, & libenter suos Parochianos in necessitatibus ipsorum. Caveant a nimia Laicorum conversatione, & a sordibus, avaritiæque nota, quæ illos in cursu bene cœpto remorari, & interdum sistere solet. Laicalia convivia, tabernæ, & ebriitates, tamquam animarum pestes fugiant; vestitu talari, & modesto incedant. Non sint negotiorum gestores secularium, nec bona ipsorum conducant, vel locent; vel mercaturæ, vel aliis vilioribus exercitiis sese immisceant, familiam habeant honestissimam, nec teneant in domo sua mulieres ullo pacto suspectas, aut ancillas formosas & juvenes. Quod si aliqua fama contra ipsum in hoc genere increbuerit, ad simplicem sui superioris Ordinarii monitionem, mulierem illam dimittere cogatur appellatione remota; alias contra ipsum procedatur ad penas in jure expressas. (z) Habeat libros, præcipue Biblia, Catechismum Romanum, Concilium Tridentinum, Sacramentale, & Rituale suæ Ecclesiæ, item vitas Sanctorum approbatas, & Concionatorem unum, alterumve bonum pro concionibus suis formandis.

Circa eleemosynas, & fabricam Ecclesiæ.

Curet Pastor, ut Sodales Sanctissimi Sacramenti omnes servant Regulas, & Statuta ipsis inferius præscripta: præsit, & intersit eorum Congregationibus, & præcipue, cum Officiales creandi sunt, & eleemosynæ distribuendæ, ne fraus committatur.

Catalogum habeat pauperum & miserabilium personarum, quibus, cum tempus requirit, ab iis eleemosynas dari curabit; diligentiam etiam adhibeat circa Ecclesiæ suæ fabricam, curetque, ut Custodes & Mamburni Ecclesiarum suo munere recte, & fideliter fungantur, ut libri Missales, alique, casulæ, dalmaticæ, corporalia, aliaque Ecclesiæ ornamenta semper integra sint, ac talia, ut cum honore & decore Divinis functionibus deservire queant. Si quid autem laceratum, fractumve, aut aliqua reparatione indigere adverterint, id quam primum instaurari curabunt, ne ex diuturniori dilatione damnum majus aut etiam irreparabile sequatur.

Hujus rei gratia fenestras vitreas, tectum, sedilia, aliaque, quæ ædificant, vel ad ornatum, vel ad suppellectilem Templi faciunt, diligenter perlustrent Pastores, & si quicquam instaurandum deprehenderint, ejus quamprimum eos, quibus hæc cura incumbit, admonebunt; qui, si hac in re negligentes fuerint, Superiores hujus negligentia ceriores reddendi sunt: & quamvis hæc sollicitudo perpetua esse debeat, peculiariter tamen eam, imminente quotannis festo Sancti Michaelis, cordi eis esse volumus, quo tempore eis præcipimus, ut omnia Templi loca obeant, supra ac infra diligenter inspiciant, armaria, ac arcas omnes aperiant, & perscrutentur, ornamenta singula revolvant, & studiose intueantur, quæque reparatione aliqua indigere comperient, eadem ante festum omnium Sanctorum reparari jubeant.

Curent etiam Pastores, ut Custodes Ecclesiarum, vel Custodum vices obeuntes, nihil unquam ex Ecclesiæ orna-

(y) I. Cor. c. 10.

(z) Conc. Trid. Sess. 25. c. 14.

ornamentis, thesauris, aut supellestili extra Ecclesiam efferant, aut aliis ad ornandam Ecclesiam suam dent mutuum, sed omnia & singula, quæ curanda & custodienda eis sunt tradita, juxta præstitum juramentum fideliter servant, atque custodiant, ac fidelitatis suæ quotannis juxta Ecclesiæ inventarium dent testimonium. Sed & juxta Fæstorum Ecclesiæ diversitatem diversa exponant paramenta pro Divinis Officiis celebrandis, juxta præscriptum (quantum fieri poterit) Ritualis Romani.

Quandocunque autem viderint Pastores, ex corporalibus, vel aliis Ecclesiæ ornamentis, quædam aut usu, aut vetustate detrita, eadem igne in Ecclesia comburant, & cineres vel in piscinam projiciant, vel alibi in loco honesto, ubi transitus non est, sepeliant.

Erectio & Regulæ Confraternitatis Sanctissimi Sacramenti in Civitate, & Ditione Fuldensi.

INter alia media, quibus a vitiis alienantur homines, ad virtutes accendantur, & ad suscipiendam proximorum curam excitantur, efficacissima judicantur, zelus honoris Dei, & proximorum salutis sollicitudo; his enim primariis virtutibus Christianis, tamquam igniculis quibusdam erga Deum charitas, erga proximos amor vehementer accendi solent: hinc tot in multis Ecclesiis Congregationes & Sodalitates, tam Ecclesiasticorum, quam Sæcularium erectæ, in quibus mutuis studiis Sodales sese exercentes, tamquam in palæstris quibusdam spiritualibus, plurima virtutum exempla præbere dignoscuntur.

Quibus commoti Ditionem hanc Fuldensi (cujus incolumitatem ac salutem unice desideramus) talibus mediis spiritualibus tanquam pretiosissimis mercimoniis replere cupientes, ut illius odor a vertice capitis usque ad oram vestimenti ejus descendens suavitate & fragrantia omnia repleat. Igitur Congregationes quasdam in Parochialibus Ecclesiis sub titulo Sanctissimi Sacramenti erigere constituimus,

ut Sæculares ad illius honorem promovendum, & ad salutem animarum procurandam excitaremus, cujus Confratres, tamquam Christi laterales Milites, Venerabilis Sacramenti custodes in Ecclesia, & quando exponitur, vel ad ægrotos, aut processionaliter deferitur, adstent, assistant, comitentur, & ut ad illud idem agendum alios incitent, & pro illius amore ad proximorum salutem ea præstent, quæ ex Regula hujus Congregationis sequuntur.

Inprimis itaque Confratres non modo peculiarem ipsi Sanctissimo Sacramento venerando ac honorando operam navabunt, sed etiam curabunt, ut suis exemplis alios quoque ad majorem pietatem erga hoc Venerabile Sacramentum & devotionem alliciant.

Eum finem ut assequantur, operæ pretium erit, tales ut soli admittantur, qui propensiori animo erga Ministeria sancta putantur futuri, quique prudentia, pietate, zeloque Religionis Catholicæ merito aliis præferendi.

Excludantur itaque publici peccatores, hæretici, alique, qui Confraternitati probro, & dedecori esse possint, immo si qui tales irrepserint, in eaque reperiantur, ii aut fraterne corrigantur, aut ex numero Sodalium excludantur. Confratrum autem erit curare, ut honor tanti Sacramenti promoveatur, ut in Templo debito cum lumine conservetur, ut cum populo adorandum exponitur, vel in publicis processionibus circumfertur, debite honoretur: deinde cum ad infirmos Viatici nomine portatur, ne quid indecentiæ, aut irreverentiæ circa illud admittatur. Ut autem omnes Confratres intelligant, non abs re se eam societatem inivisse, cujusque munus erit, & officium singulis mensibus Sacrosancta Eucharistia sese reficere, idque in ea Parochia, in qua Confraternitati fuerit adscriptus, & præterea quinquies singulis diebus Orationem Dominicam, & Salutationem Angelicam in memoriam Passionis Domini nostri JESU CHRISTI recitare. Existiment etiam ad verum cultum hujus Sacramenti pertinere, opera pietatis exercere erga proximos, ut infirmos visitare, & eos

inprimis, qui Sodalitio sunt adscripti.

Quia porro non potest Confraternitas ipsa sine peculio aliquo diutius conservari, duo ex Confratribus designandi erunt, qui piorum eleemosynas diebus Festivis conquirant in capitis clausis in usus varios Confraternitatis convertendas, quos Theſaurario ad eam rem destinato statim conſignabunt: qui eas in libro ad id comparato notabit, nec aliquem in uſum expendet, niſi ex voluntate & mandato Confraternitatis.

Ad meliorem conſervationem, & profeſſum Confraternitatis conventum habebunt Conſreres certa ſtatuta hora ſingulis ſeptimanis, tractabuntque in eo de negotiis Capituli ſui, prout maxime ad rem illius pertinere judicaverint. Sialunde ſumptus haberi nequeant, ut aſſidue luceat lampas ante Sanctiſſimum Sacramentum, Fraternitas ex eleemoſynis ſuis ſuppeditabit, & curabit, ut hac in re nihil deſideretur.

Perſuadeant ſibi omnes, id etiam boni Conſratriſ eſſe, ut ſi intelligat lites inter fratres, jurgia, diſcordiaſve vigere, magna cura, & ſollicitudine advigilet, ut quamprimum ſopiantur.

Confraternitas tota Prioris unius cura, & quatuor Conſiliariorum gubernabitur. Hi vero quotannis (niſi aliud neceſſitas poſtulare) ipsis Cal. Januarii mutandi ſunt.

Non eligantur Officiales, qui debeant quippiam Fraternitati ſub pœna nullitatis.

Prior, ſeu Præſectus, ne bona, eleemoſynæ, legata Fraternitatis pereant, curet intra menſem poſt ejus erectionem librum conſcribi, in quo illa deſcribantur, eumque det Paſtori cuſtodendum.

Paſtor loci, cui maxime incumbit, ut cultus Sanctiſſimi hujus Sacramenti augeatur, & Prior, ſeu Præſectus Sodalium Congregationi ſemper interſint.

Curam habebunt, tum Paſtor ipſe, tum Prior, & Conſiliarii, ut res temporales illius recte adminiſtrentur; ob eamque cauſam tempus ſingulis annis

designabunt, quo tam a Theſaurario, quam ab aliis exigant rationem adminiſtrationis peculii, antequam ſuis officiis deſungantur.

Non vendant bona Fraternitati legata ſub pœna excommunicationis ipſo facto incurrenda, niſi ſint mobilia, & id fiat ex conſenſu Fraternitatis.

Quia porro experientia docuit, & vere etiam docet, intemperantia Conſratrium nonnullas Sodalitates ſanctę inſtitutas paulatim aut omnino diſſolvi, aut certe ſcandalo eſſe aliis: Mandatur ſub pœna excommunicationis ipſo facto incurrendæ omnibus Præſectis, Conſiliariis, cæterisque Officialibus, & Conſratribus, ne in convivia, compotationes, comeſſationes, aut quemvis alium ſimilem uſum quicquam expendant, quod ſit Fraternitati ad ejus conſervationem, aut eleemoſynæ nomine donatum, immo ſi legata ſiant, ut in abuſus prædictos convertantur, acceptari non debent a Confraternitate.

Ut demum ii, qui ex Sodalitate iſta deſuncti fuerint, ſentiant aliquod Conſratrium ſuorum ſuffragium, ſtatim poſt obitum cujuſque pro ſingulis decem Miſſæ celebrabuntur, & ſemel ſingulis annis Anniverſarium pro omnibus deſunctis ex illa Societate, idque ſumptibus ipſius Fraternitatis.

Dies Feſti, præter Dominicos, in Civitate ac Diaceſi Fuldenſi celebrandi.

MENSE JANUARIO.

Circumciſionis Domini.

Epiphanie Domini.

IN FEBRUARIO.

Purificationis B. Mariæ Virginis.

S. Matthiæ Apoſtoli.

IN MARTIO.

Annuntiationis B. Mariæ Virginis.

Paſcha cum duobus diebus ſequentibus, etiam quando in Aprilẽ incidit.

IN APRILI.

In die S. Marci populus interſit Proceſſioni.

IN MAJO.

S. Philippi & Jacobi Apoſtolorum.

Inventionis S. Crucis.

Aſcen-

*Ascensionis Domini.
Pentecostes cum duobus sequentibus diebus.
Corporis Christi.*

IN JUNIO.

*S. Bonifacii Martyris.
Nativitatis S. Joannis Baptista.
Ss. Petri & Pauli Apostolorum.*

IN JULIO.

*Visitationis B. Mariæ.
S. Mariæ Magdalene,
S. Jacobi Apostoli.*

IN AUGUSTO.

*S. Laurentii.
Assumptionis B. Mariæ.
S. Bartholomæi Apostoli.*

IN SEPTEMBRI.

*Nativitatis B. Mariæ.
S. Matthæi Apostoli.
S. Michaelis Archangeli.*

IN OCTOBRI.

Ss. Simonis & Judæ Apostolorum.

IN NOVEMBRI.

*Omnium Sanctorum.
S. Martini.
S. Andreae Apostoli.
Præsentationis B. Mariæ Virginis.*

IN DECEMBRI.

*S. Nicolai.
Conceptionis B. Mariæ.
S. Thomæ.
Nativitatis Domini nostri JESU CHRISTI.
S. Stephani.
S. Joannis Evangelistæ.
Ss. Innocentium.*

Quælibet etiam Ecclesia Parochialis festum Patroni sui, & suæ Dedicationis celebrare tenetur, & præterea, si qui Sancti aliquo in loco peculiariter colantur, eorum etiam dies Festi juxta Ecclesiæ ritum celebrentur.

*Professio Fidei Catholicæ juxta
formam a PIO IV. Pontifice
Max. præscriptam.*

EGO N. N. firma fide credo & profiteor omnia & singula, quæ continentur in Symbolo Fidei, quo Sancta Romana Ecclesia utitur, videlicet: Credo in unum DEUM Patrem omnipotentem, &c.

*Colon. Agripp. ex Officina Kimbiana
Anno 1619.*

CONSTITUTIONES DIOECESANÆ TREVIRENSES (*)

Reverendissimi ac Illustrissimi Principis ac Domini,

*D. LOTHARII, (**) LXXX. Trevirensis Archi-Episcopi,*

*Anno Christi MDCXXII. Gregorii XV. Papæ II.
Ferdinandi II. Imp. IV.*

CLERO PROMULGATÆ.

LOTHARIUS, DEI GRATIA S. TREVIRENSIS ECCLESIE

*Archi-Episcopus, Sacri Romani Imperii per Galliam & Regnum Arelatense Archi-Cancellarius, Princeps Elector, Administrator Prumiensis
perpetuus, &c.*

AD CLERUM NOSTRUM TREVIRENSEM.

VIndex irati Dei calamitas, quæ hodie vastat Ecclesiam, & per vicinas palumbunda, nostram Dioecēsin sensim allambit,

monet nos, ut solliciti pro grege nostro, ne ille eadem indies gliscente latius involvatur, studeamus placare furorem Divinæ iræ, cujus

jus certissima sunt, hæc tempestates argumenta, irritamenta vero iniquitates, non tam populi, quam Sacerdotum ejus, id quod ipsum flagelli genus ostendit. Ex eo enim, quod Deus olim non solum in homines, & fortunas, sed in ipsum Templum sanctum suum, Augustissimam Sanctitatis ac Religionis sedem, defœviret, probe colligit Jeremias; ipsum summa iracundia irarum esse Israël propter peccata Sacerdotum ejus: *Repulit, ait (a), Dominus altare suum, maledixit sanctificationi sue: Tradidit in manus inimici muros turrium ejus: Et [b], Complevit Dominus furorem suum, effudit iram indignationis sue: & succendit ignem in Sion, & devoravit fundamenta ejus. Causam hujus furoris subdit: propter peccata Prophetarum ejus, & iniquitates Sacerdotum ejus.*

Eandem, pro dolor, jam Divinæ iræ videmus expensam hederam. Audimus enim non solum homines, fortunas, tecta, sed & ipsa Sancta ad pœnas trahi: Tempia, Altaria, SS. Reliquias, atque adeo Augustissimam Eucharistiam, polui; illudi, pessumdari, ac impuris objici canibus. Hanc vero iram excitari peccatis, omnium quidem hominum, præcipue tamen eorum, qui in sortem Domini vocati sunt, credimus Jeremiæ, & docemur Heli & Filiorum ejus Sacerdotum exemplo, quorum peccata, Filiorum quidem perpetrantium, Parris vero dissimulantis, ipsi cum populo multiplici pœna luerunt. Videamus primum peccata eorum, deinde pœnas, quæ Scriptura enumerat.

I. Ophni & Phinees erant filii Belial, id est, perversi, absque jugo. II. [c] Nesciebant Dominum, neque officium Sacerdotum ad populum. III. Gulæ, quam Deo, sacrificabant potius victimas, quorum deus venter erat. IV. Munera ab oblatoris ex-

torquebant avare, cætera rapinæ modo tollebant injuriose. V. Retrahebant homines a Sacrificio & cultu Domini impie. VI. Cum mulieribus, quæ observabant ad ostium Tabernaculi, lasciviebant sacrilege. VII. Sacrum Sacerdotum ordinem apud populum infamabant turpiter; Non enim est bona fama, quam audio, ait ad eos Pater. VIII. Contumaces erant, cum moniti non respicerent, nec audirent vocem Patris sui. Illa sunt peccata Filiorum Heli: Patris vero hæc.

Nimis indulgenter habebat filios; cum & videret, & publica fama eorum malitiam cognosceret, connivebat tamen, aut molli admonitione, quam mordebat, eos mulcebat potius, nec iterabat illam sapius, vel si iteraret, non acri castigatione urgebat emendationem, filios magis, quam Deum honorans. [d] Cum ferire deberet, ut ait Gregorius: Abjicere, ut Hieronymus: Minari, e conspectu suo amovere, exhereditare etiam, atque verberibus afficere, ut Chrysostomus: Post unam & alteram monitionem, eos ex sacris locis exturbare, id est, excommunicare, ut Theodoretus & Procopius volunt. Hæc sunt peccata Patris, & filiorum ejus. Quæ pœnæ?

Has Deus interminatus est. (e) *Suscitabo adversus Heli omnia, quæ locutus sum super domum ejus: eo quod noverat indigne agere filios, & non corripuerit eos: Idcirco juravi domui Heli, quod non expietur iniquitas domus ejus, victimis & muneribus usque in sempiternum.* Hoc minarum tonitru, secuta sunt illa fulmina pœnarum, ut quicumque audierit, tremant ambæ aures ejus. Octo filiorum scelera, flagra totidem.

Primo, inito cum hoste prælio, destitutus Divino præsidio terga vertit Israël, & cæsa sunt quasi quatuor millia virorum. II. Cum

(*) *A tergo Tituli & e regione Archi-Episcopalis parænesis hæc leguntur:*

" CHRISTUS JESUS, ÆTERNI DEI FILIUS,

" PRÆLATIS, CLEROQUE UNIVERSO:

" Vos estis sal terræ. Quod si sal evanuerit, in quo salietur? ad nihilum valet ultra, nisi ut mittatur foras, & conculcet ab hominibus. Vos estis lux mundi. Sic luceat lux vestra coram hominibus, ut videant opera vestra bona, & glorificent Patrem vestrum, qui in cælis est. *Matt. 5.*

" S. GREGORIUS, PONTIFEX MAXIMUS,

" PRÆLATIS ET PASTORIBUS:

" Scire Prælati debent, quia si perversa unquam perpetrant, tot mortibus digni sunt, quot ad subditos suos perditionis exempla transmittunt. Unde necesse est, ut tanto se cautius a culpa custodiant, quanto per prava, quæ faciunt, non solum moriuntur, sed aliorum animarum, quas pravis exemplis destruxerunt, rei sunt. *Part. 3. Past. c. 5.*

(**) Vide sub finem Synodi,

(a) *Thren. c. 2. v. 7.*

(b) *Thren. c. 4. v. 13.*

(c) *1. Reg. 2. v. 12. seqq.*

(d) *L. 1. contra Pelag. & L. 1. adversus Jovin. L. 3. Monast. q. 10.*

(e) *1. Reg. 3. v. 12. 13. seqq.*

Cum Arca in aciem allata, prælium instauraret, cæsus est, nec ante faciem hostis stare potuit. III. Facta est plaga magna nimis, & ceciderunt de Israël triginta millia pedum. IV. Arca fœderis capta est, & translata gloria ab Israël. V. Ipse Filius Heli ferro hausti occubuerunt. VI. Omnis pene domus in ætate juvenili perijt ferro virorum, & præcisum est brachium ejus, & brachium Patris ejus, ut non fuerit senex in domo ejus. Cum postea ex jussu Saulis octoginta quinque Sacerdotes Doëg Idumæus trucidavit, (f) eorumque civitatem, viros & mulieres, & parvulos, & lactentes, bovemque & asinum, & ovem percussit in ore gladii. VII. Superstes vero pars ita abjecta & depauperata est, ut rogaverit Pontificem, ut acciperet nummum & tortam panis & admitteretur ad unam partem Sacerdotalem, ut comederet buccellam panis. VIII. Translatum est Sacerdotium a domo Heli in æternum. Ipse vero Heli, (g) primo gravissimam a Deo objurcationem tulit: deinde defecerunt oculi ejus, & tabuit anima ejus: deinde Sacerdotio exutus: morte demum filiorum, & cæde populi percussus, lapsu cervicibus fractis exhalavit animam; & forte cum filiis ex temporariis his pœnis in æternas, ut timent Beda; & Gregorius Magnus: (h) Timor, ait, nobis incutitur, quia Heli filiorum culpa damnatur, cujus peccata nulla referuntur; nam bonis subditis bene vivere, ad salutem sufficit. Prælati vero propria vita non sufficit.

Hæc Nos & præsentem Ecclesiæ statum dum consideramus apud animum nostrum, & tempora temporibus, Sacerdotes Sacerdotibus, peccata peccatis, pœnis pœnas conferimus, angimur vehementer & contremiscimus. Veremur enim, & non immerito, ne calamitatem & vindictam, quæ bona, homines, Provincias, Templà, aras, Sacerdotia, Christi thesauros lata clade pervadit, peccata nostra non minus, quam Sacerdotum olim, cælo devocaverint; veremur, ne sint Ophni & Phinees inter illos, qui in sortem Domini vocati sunt, quorum grande peccatum sit coram Domino, & retrahat populum a bonis operibus, & prævaricari faciat: Dum enim Pastor, ait S. Gregorius (i), per abrupta graditur, consequens est, ut grex ad præcipitum sequatur. Veremur, ne Nos, dum hos errores severo fœno non inhibemus, in sella Pontificia cum Heli ultio Domini persequatur. Nam subditi vitia qui fert, facit sua.

Primum enim illorum peccatum est Perversitas. Erant enim filii Belial, id est,

perversissimi, sine jugo. Tales sunt Clerici, qui Christi suavis jugi impatientes, nulla lege coerceri, nulla admonitione vel reprehensione cum delinquant, volunt: qui freti Ecclesiastica immunitate ac dignitate, plus, quam sæcularibus, impune sibi licere putant perverso ordine, in habitu, incessu, totis moribus: nempe, ut ait S. Bernardus (k); In congregatione temporalium Laici, habitu Milites, quæstu Clerici, sed non laborant ut Laici, neque pugnant ut Milites, neque evangelizant ut Clerici. Ideo curritur in Clero passim, ab omni ætate & ordine, a doctis pariter & indoctis, ad Ecclesiasticas curas, tanquam sine curis victurus sit, cum ad curas pervenerit.

Secundum, Ignorantia: Nesciebant enim Dominum, neque officium Sacerdotum ad populum. Certe, nesciunt, qui rudes sunt jurium & rerum ad suum officium, sive curatum, sive liberum, spectantium; nesciunt illi, qui lepram a lepra, peccatum a peccato discernere, conscientia morbis mederi, gregem suum Divini verbi pabulo pascere, errantem corrigere, ignarum instruere, peccantem redarguere, ægrum consolari, lapsus erigere ex doctrina inopia non possunt, cæci cæcis ducarum præstantes. Quod lucere debent, tum ipsi apud Oseam (l); Quia, ait, Tu scientiam repulisti, & ego repellam te, ne Sacerdotio fungaris mihi; tum populus apud Isaiam (m): Propterea captivus ductus est populus meus, quia non habuit scientiam; non solum ductus in captivitatem peccati, sed etiam Babylonis. Qui nesciunt Sacramenta rite administrare, Sacris reverenter operari, Horas Canonicas pie persolvere, aut si sciunt, negligunt, & Horas vel omitunt, vel cursim, fractim, mutilatim, intercisim, sive in Choro, sive extra Chorum deblaterant potius, quam canunt aut orant, velut mercenarii mercedi & fini inhiantes, labori non item. Idcirco audietur populi querela gravis, accusatio dura, quorum vivere stipendiis, nec diluere peccata, quibus facti sunt duces cæci, fraudulentum mediatores; unde linguam dolosam vocat David (n): Dilexisti omnia verba præcipitationis lingua dolosa, quæ fraudat laude Deum, populum apud Deum intercessione.

Tertium est Gula, cui lautiores victimarum partem immolabant, non Deo. Imitantur hos, si qui forte bonis Ecclesiasticis, & Christi patrimonio abutantur ad luxuriam; quod Deo & Templis, & Divino cultui debetur, in suum usum & gulam avertant, & decoquant; si in tabernis & cauponis, in intempestivis comessationibus, in immoderatis

(f) 1. Reg. 12.

(g) Lib. 1. Reg. c. 2. v. 27. & seq.

(h) Gregor. Mag. L. 2. c. 3.

(i) Gregor. in Pastor.

(k) S. Bern. L. 1. de Consid. ad Eugen.

(l) Cap. 4. v. 6.

(m) Isa. c. 5.

(n) Psal. 51.

ratis bibonum symbolis & conventiculis vino madeant in multam noctem, neglectis Horis: deinde hesternam crapulam exhalantes trementibus manibus, tremenda Angelis mysteria Altaris scelerate, non sine pernicioso scandalo contrectare, ac fumere audeant: ut, sicut *Isaias* [o] queritur; *præ vino nesciant, & præ ebrietate errent; Sacerdos & Propheta nesciant præ ebrietate, absorpti sint a vino, errent in ebrietate, nesciant videntem, ignorant judicium*: Hæc voluptas crudelitate plena est, qua videlicet ita servitur corpori, ut anima juguletur.

Quantum, Luxuria: Dormiebant enim cum mulieribus. Doleo, si similes sint in Clero nostro, atque utinam non sint, qui cum castitati se astrinxerint, libidini potius ferviant, dum aut domi specie famulationis focaria scorta alunt, aut foris vaga venere sanctum Ordinem contaminant: & scurrili gestu & turpiloquio, quam animus coquit, impuritatem exhalant; nec timent postea, dum puritatis Auctori impuro corde, & corpore ministrant, stare Angelum Domini, qui secet medios, & disperdat, sed omnino auri sunt Agni immaculati sacras contingere Carnes, & intingere in Sanguinem Salvatoris manus nefarias, quibus paulo ante carnes, pro dolor, meretricias attraxerunt, sic altaria circuire, sic frequentare Psalmos, cum & ejusmodi laus execrabilis, & oratio fit in peccatum, ait *S. Bern.* (p)

Quintum est Avaritia injuriosa & impia. Ejusmodi i. sunt, de quibus Apostolus [q] queritur, *qui sua quærent, non quæ JESU CHRISTI*; qui magis satagunt circa domus frequens ministerium, quam Ecclesiæ: plura dolia quam folia numerant: Evangelizant, ut manducent, & perverso nimis ordine cœlestibus terrena mereantur, digniores, ut pro carnali victu carnalia negotia exercerent, nec fierent rerum inversores; Cum interim miseranda sit & inculta Ecclesiæ facies; Altaria squalida, paramenta sordida, ornatus nullus. Similes item essent, qui dolo malo, aliena ad se derivant, qui Ecclesiæ stipendiis non contenti, superflua, quibus egeni sustentandi forent, impie, sacrilegeque sibi retinent, aut in superbæ suæ usum, aut hæredum abusum, duplici iniquitate peccantes, quod & aliena diripiunt, & Sacris ad suas vanitates abutantur. Quicquid enim præter victum necessarium ac simplicem vestitum de altario retines, tuum non est, rapina est, sacrilegium est, inquit *S. Bern.* [r] Etsi enim minus ex rigore juris, tamen lege charitatis, supervacanea de-

bes pauperibus: parum autem refert, ait quidam Doctor, utrum quis defectu justitiæ, sive defectu charitatis in gehennam descendat. Demum illi ejusdem farinae sunt, qui Beneficiis, Sacerdotiis, Præbendis nundinantur, emunt, venduntque, palliato Simoniacæ mercimonio; item qui muneribus exoculari se sinunt, ne videant justitiam, & alienos excessus quæstui habentes, quos castigare deberent, tegunt, protegunt; qui odorem turpis lucri sectantes, taxam augmenti jurium suorum, sive visitationis, sive investituræ, sive stolæ in nuptiis, exequiis, atque adeo Sacramentis dispensandis, quando illa sine mercede pauperibus administrare nolunt, non sine certa multarum animarum jactura, quæstum facientes pietatem, quorum damnatio iusta est, ait *S. Bern.* Nolite ex domo Patris mei facere domum negotiationis.

Sextum, Infamatio Sacerdotii. Hos æmulantur, qui immemores dignitatis suæ sacrum Clericorum Ordinem inordinatæ vitæ labe notant, ut qui venerationi summæ deberent esse, passim contemptui ab omnibus habeantur in penam, ut queritur Deus apud Prophetam: [s] *Vos recessistis de via, & scandalizastis plurimos in lege; & irritum fecistis pactum Levi.* Propter quod & ego dedi vos contemptibiles, & humiles omnibus populis. Quod etiam Deus Heli prædixit eum; qui autem contemnunt me, erunt ignobiles.

Septimum, Scandalum, quo retrahantur populum a Domino. In hoc etiam genere quosdam illis pares esse ex dictis, si ita se habeant, necessario conficitur: sicut ignis caleat, nix frigeat, sic iniquitas pariat scandalum necesse est, ait *Hieron.* (u): Sic quos una manu ad Dominum adducunt, velut altera repellunt: Si enim videant Clericum, habitu sæcularem, vino madidum, verbis scurrilem, lingua blasphemum, moribus petulantem, officii negligentem, lusus amantem, rixis implicatum, vitam infamem, pessimo exemplo scandalizentur oportet. Nullum puto, ait *S. Gregor.* [x], ab aliis majus præjudicium, quam a Sacerdotibus tolerat Deus, quando eos, quos ad aliorum correctionem posuit, dare de se exempla pravitatis cernit, quando ipsi peccamus, qui compescere peccata debuimus. Ideo tot mortibus dignos esse judicat, quod ad subditos suos perditionis exempla transmittunt. Cui subscribit Dominus: [y] *Qui scandalizaverit unum de pusillis istis, expedit ei, ut mola*

(o) *Isa. c. 28. v. 7.*
(v) *Epist. ad Eugen.*
(u) *In Matt. 18.*

(p) *In Colloq. sim. & Chri.*
(s) *Malach. c. 2. v. 9.*
(x) *Rom. 17. in Luc. c. 10.*

(q) *Phil. 2.*
(f) *1. Reg. 2. v. 30.*
(y) *Matth. 18. v. 6.*

mola asinaria suspendatur in collo ejus & demergatur in profundum maris.

Octavum est Contumacia: Vocem enim Patris non audiebant. Haud paulo sunt illis pejores, qui nulla censura in officio continentur; cum semel errant, dura cervice, & attrita fronte pergunt, nec leni castigatione, nec severiore, ad meliorem frugem revocari possunt: nec medicam manum, cum vulnere adhibetur, admittunt ad salutem, lætantes in rebus pessimis, quæ est consummata infelicitas, cum vitia non solum delectant, sed etiam placent, & deficit esse remedio locus, ubi, quæ fuerunt vitia, mores sunt. Audiant illi Apostolum: (2) *Secundum duritiam tuam & impenitentem cor, thesaurizas tibi iram in die iræ, & revelationis justi judicii Dei.* Est enim reprobationis manifesta nota; uti in filiis Heli, qui non audierunt vocem Patris, quia voluit Dominus occidere eos, cum non mererentur specialis gratiæ, qua respicerent, beneficium.

Hæc Nos & alia, dum cum gemitu expendimus, venimus non immerito in suspicionem, Filios Heli in Clero nostro esse, qui hanc circa nos effusam cladem, ad nos

accerfant peccatis suis, & non minus, quam Ophni & Phinees, faciant, ut DEUS in nos & Templum sanctum suum vindictam effundat. Quare justo timore commovemur juxta, & commonemur, quo Divinæ iræ causa subtrahatur, peccata Cleri nostri severiore virga compescere, si quo modo iratum nobis Numen propitiare, & impenitenti vindictæ salutari remedio contravenire possimus: Ne dum illum corripimus, ficut Heli, cum lenitate ac mansuetudine Patris, non severitate & auctoritate Pontificis, culpæ illius nobis incumbant luendæ: qui enim non vetat peccare, cum possit, jubet.

In hanc ergo rem, Deo & ratione in consilium advocatis, decrevimus insistendo piis Prædecessorum nostrorum vestigiis (quorum Decreta tanquam hisce inserta, rata, confirmata, & innovata esse volumus,) cum singulas Ecclesias adire, nimii operis, & temporis esset, compendio uti: ut Ecclesiastica disciplina pauculis Sanctionibus comprehensa in Capitulis proponatur, & earum seria & irretactabilis executio commendetur.

CONSTITUTIONES.

I.

STatuimus ergo primo & Archiepiscopali auctoritate sancimus, impunem & scandalosam, si quæ sit, vendi licentiam tolli ex Clero nostro, mandantes in virtute S. obedientiæ, Officialibus, Archi-Diaconis, Visitatoribus, Decanis, Fiscalibus, cæterisque Vicariis nostris, ut si quem filium Belial, perversum & sine jugo effrænem habitu, moribus, vita deprehendant, severa castigatione, quam si emendatio non sequatur, penis juxta sacros Canones coerceant.

I I.

Ut ignorantæ simul & inutili multitudini occurratur, nemo deinceps ad sacros Ordines promoveatur, nisi quem diligens examen, moribus integrum, scientia idoneum, & honeste se alendi ratione instructum legitime probavit. Patrimonium vero, vel pensionem obtinentes ordinari non possunt, juxta sacros Canones, dispensatione super hoc titulo Patrimonii Nobis, vel iis,

quos Nos ipsi designabimus, reservata, quæ non dabitur, nisi publico testimonio constet, hos non suam, sed Ecclesiæ & utilitatem & necessitatem spectare: deinde etiam patrimonium illud vel pensionem posse ab illis obtineri, taliaque esse, quæ iis ad vitam sustentandam satis sint, atque ea deinceps absque licentia Episcopi alienari non possint, nisi aliunde habeant, unde possint vivere. Qua in re, uti est gravissima, eorum, qui non legitime dispensant, conscientiam gravamus.

I I I.

Similiter nemo posthac, five a Nobis, five ab Archi-Diacono, five a Monasterio, aut Collegiata Ecclesia, vel quocunque præsentatus seu investitus, ad Ecclesiæ gubernationem, Sacramentorum administrationem, concionandi munus, aut Conventum Capitularem admittatur, nisi præter instrumentum præsentationis, & collationis, etiam Apostolicæ, exhibeat litteras nostras, aut Examinatorum, quæ fidei,

(2) Rom. 2. v. 5.

Tomus IX. Concilior. German.

fidei, examinationis, approbationis & doctrinæ sufficientis testimonium exhibeant.

I V.

Vicariis quoque, sive Sacellanis Pastorum, non prius concionari, aut alia Pastoralia munera exercere permiffum fit, quam a Nobis, aut deputatis Examinatoribus, approbationis & sufficientiæ habeant testimonium, quod & pro tempore Decanis, ac deinde in prima Capitulari Congregatione exhibere teneantur.

V.

Examen autem hoc accuratum erit; nec dabunt Examinatores hujusmodi testimonium, nec admittent ullum quocunque respectu, nisi quem, stricta inquisitione habita, sufficiens doctrina, & in conscientiæ casibus, modo concionandi, Sacramentorum administratione dexteritas commendat: Nec sine his conditionibus ulli deprecationi aut favori sit locus: ne ipsorum & multarum animarum salus in discrimen adducatur, cujus ipsi rei erunt. Ideo Apostolus Deum, & Christum JESUM, & electos Angelos testans, præcipit Timotheo Episcopo, (a) ne sacrorum Ordinum Candidatis cito manus imponat, ne scilicet alienis peccatis communicet. Quare optandum esset, ut per *Concursum* plurium hujusmodi curata Beneficia conferrentur juxta Concil. Trid. Sess. 24. C. 18. de Reform.

V I.

Curent insuper Curati necessariam librorum suppellectilem, nimirum Biblia Latino & Germanico idiomate, Agendam Trevirensis, Concionatores aliquos idoneos, & qui casus conscientiæ pertractant; Catechismum item Romanum & Trevirensis &c. quorum indicem Decano in visitatione annua exhibeant; his legendis tempus pretiosum utiliter impendant. Amasacrarum Literarum studia, & vitia carnis non amabis, ait S. Hieronymus. (b) Librum autem hæreticum, nec apud se, nec apud alium patiantur.

V I I.

Caveant omnes sub districto Dei judicio, ne Sacramenta ulla, Baptismi, Pœnitentiæ, Eucharistiæ &c. cum remorsu gravioris peccati tractent, aut dispensent, nisi prius Confessione Sacramentali illud expiaverint, ne rursum, sibi metipsis crucifigant Filium Dei, (c) & ostentui habeant, quem propitiare deberent. Et si cui, qui peccati mortalis sibi sit conscius, aut Sacrum facere, aut alia Sacramenta dispensare ex officio incumbat, copiaque Confessoris longius absit, quantumvis sibi contritus videatur, postea quamprimum potest, Sacerdoti confiteatur; *Qui enim manducaverit Panem hunc, vel biberit Calicem Domini indigne, reus erit Corporis & Sanguinis Domini.* (d)

V I I I.

Omnes igitur Pastores Decano, aut alteri, cum licentia tamen Decani, alios vero Clericos suo Confessori, saltem in mense confiteri volumus. Quam in rem Decanus cum in Visitatione, tum in Capitulo inquirat, an fiat: si qui gravius labantur, periculum in mora est. Convenit enim, ut omnium Sanctissimum immaculati Agni Sacrificium, cæteraque Divini cultus Officia, quanta maxima fieri potest, cum interiori munditia atque exteriori pietatis sensu & candore peragant; ut Isaias (e) monet: *Mundamini, qui feritis vasa Domini.*

I X.

Decano autem rite electo & approbato concedimus facultatem absolvendi a casibus Nobis reservatis, (de quibus in Agenda) ex occulto tamen delicto venientibus, idque gratis in conscientia foro tantum. Casus autem quoscunque circa Clericos, nec non in Laicis, de quibus publicum scandalum extat, ad Nos, vel Officiales nostros referri volumus, sicut & hæresis crimen, quod quis publice hæresim docendo, aut cum Hæreticis in Sacramentis communicando incurrit.

X.

(a) 1. Tim. 5. v. 21. & 22.

(d) 1. Cor. 11. v. 29.

(b) Epist. ad Rust.

(c) 1. Cor. 11. v. 29.

(e) Hebr. 6. v. 6.

X.

Ut Divinis etiam laudibus consulari, volumus & monemus serio, ut deinceps debitum Deo & hominibus Honorum Canoniarum ac Missarum pensum, cum privatim, tum maxime publice statis temporibus decenter persolvant, ac in Choro decantent articulatim ad numerum, distincte ad intelligentiam, compositæ ad pietatem, ea pietate, ut Deo placeat, ea vocis moderatione, ut populo sit psalmodia ædificationi, Ecclesiæ vero honori. Hoc, ut fiat, sciant Decani muneris sui esse, ut curent, & in hujus nostræ admonitionis prævaricatores animadvertant, ne pro benedictione maledictionem incurramus: *Maledictus homo, qui facit opus Dei negligenter.* (f)

X I.

Ut vitetur scandalum ab ebrietate, nemo Clericorum publicas ganeas, præsertim diebus Festis frequentare audeat, aut in multam noctem, præsertim sequenti die celebraturus, comestationem protrahere, aut in omnibus bibonum symbolis comparere; sed ita dispensent proventus suos, tanquam Patrimonium Christi, de quo reddituri sunt rationem. In honestis vero conviviis ita se habeant, ut præsentia sua moderentur excessus, exemplo doceant temperantiam. Si quis cum scandalo ebrius deprehendatur, juxta Canones poenas dabit. Ebrietas enim in Laico crimen est, in Sacerdote sacrilegium, quorum alter animam suam necat vino, alter Spiritum sanctitatis extinguit, ait *Petrus Ravenn.*

X I I.

Admonemus omnes, quod serio mandamus Fiscali nostro ex Decreto Officialis executionem eorum, quæ in Concilio Tridentino contra concubinos, & alios delinquentes & contumaces sunt decreta, nisi ipsi statim expulsa ultra tria miliaria persona turpi aut suspecta, re ipsa testentur se resipuisse, & veræ emendationis propositum suscepisse. Si autem rursus convenerint, personam suspectam per ju-

stitiæ Ministrum publice virgis multetur, ut & in aliis locis usurpatum audimus: Ipse vero incarceratus Nobis, vel Officialibus nostris ex rigore Canonum plectendus reservabitur. Si Decanus ipse culpabilis repertus fuerit, ab officio Decanatus, uti eo indignus, venit amovendus.

X I I I.

Ut fornicatio, ita avaritia ne nominetur quidem in vobis, juxta *Apostolum.* (g) Caveant ergo omnes, ne quæstum faciant pietatem, ab omni Simoniaco commercio, in Beneficiis, Præbendis & officiis: deinde caveant illi, quos in partem curæ Pastoralis vocavimus, a muneribus, & quocunque respectu, quibus excæcati non videant noxas, aut placati in noxios non animadvertant; vel quod severiori castigandum esset censura, pecuniaria multa plectant, in proprium potius peculium, quam nocentis vindictam: Demum ne in quocunque genere officii taxam jurium suorum & sumptus augeant, sed pro æquo & bono ita temperent, ut qui potestatem habent, benefici potius vocentur, quam quæstui habentes Ecclesiam; ne in lepram Giezi, (h) Judæ laqueum, (i) & Simonis Magi (k) perditionem se se induant, & audiant illud: *Pecunia tua tecum sit in perditionem.*

X I V.

Similiter Parochos, ne ab hominibus mercede accepta, a Deo nihil expectent remunerationis, non decet, ut exigendis præsertim a pauperioribus stolæ juribus, mordicus sui juris retinentes, ita justiciam quærant, ut misericordiam obliviscantur. Ordinamus ergo, ut ab unoquoque Capitulo certa taxa a Nobis approbanda definiantur jura stolæ, particulatim in Nuptiis, Exequiis, Vigiliis, Sepultura, Sacramentorum dispensatione, &c. quam excedere non liceat, moderari autem pro conditione personarum prudentiæ Parochi sit, & misericordiæ, juxta regulam S. Petri: (l) *Pascite, qui in vobis est, gregem Dei, providentes, non coacte, sed spon-*

(f) Jerem. 48. v. 10.

(g) Ephes. 5. v. 3.

(h) 4. Reg. 5.

(i) Marth. 27.

(k) Act. 8. c.

(l) 1. Pet. 5. v. 2.

Tomus IX. Concilior. German.

Spontaneæ secundum Deum, neque turpis lucri gratia, sed voluntarie.

X V.

Vivant omnes juxta Apostoli (m) normam: Nemini dantes ullam offensionem, ut non vituperetur ministerium nostrum, sed in omnibus exhibeamus nosmetipsos, sicut Dei Ministros; scientes, quod mandamus Officialibus, Archi-Diaconis, Decanis, & Fiscalibus, ut tanquam e specula ad publica scandala circumspiciant, ut si quos forte notaverint, qui habitu, juramentis, blasphemis, lusu, choreis, convitiis &c. in Ecclesiasticam disciplinam peccent, illos arguant, increpent, & juxta delicti modum, Ecclesiastica censura compescant, nec impune abire sinant; cum impunitas peccandi maxima sit illecebra. Quod si forte refractarii salutaribus monitis non acquiescant, ad Nos referri volumus, pro arbitrio nostro, & sacrorum Canonum tenore, puniendos.

X V I.

Parochi omnium Sacramentorum sint fideles dispensatores, Baptismatis primum: ne qui infantes, etiam illi, quorum parens ignoratur, eo destituti salutis dispendium faciant; proinde horum Baptisma non diu differant: Deinde de forma baptizandi obstetrices examinent, ac doceant; demum non admittant multitudinem Patrinatorum, sed ex illis unum & unam designent, reliqui sint tantum testes; baptizatique in librum, quem habere debent, referantur; claves autem Baptisterii, multo magis Sacramenti, penes se solos habeant.

X V I I.

Sic Baptizatos curent, primo Sacramentum Confirmationis suscipere ea ætate, qua illius reminisci possint; post etiam Pœnitentiæ & Eucharistiæ solemnioribus Festis frequentare, explicato rite, & integre confitendi, & communicandi modo.

X V I I I.

Ut aboleatur falsa persuasio, Extremam Unctionem certæ mortis prænuncium esse, rudioribus ejus dignita-

tem, fructumque exponant. De Matrimonio vero advertant, ne illud, nisi doctrina Christiana probe instituti, & in præcipuis ejus capitibus examinati, prævia Confessione, & Communione contrahant, quorum nomina in librum referantur.

X I X.

Qui in partem Episcopalis officii (quod est, verbum Dei prædicare) vocati sunt, meminerint Apostolici moniti: (n) *Solicite cura te ipsum probabilem exhibere Deo, operarium inconfusibilem, recte tractantem verbum veritatis*: Bene itaque instructi suggestum conscendant, nec quæ raptim ex Homiliario aliquo sublegerint, nec freti lingua sua, ea, quæ in labiis nascuntur, sed quæ hebdomadaria lectione, & meditatione coxerunt, ea populo proponant, dilucide ad captum, apposite ad mores, acriter ad motum, solliciti interim, ut quæ verbis dicunt, exemplo probent, sed suo, ut monet. *S. Bern.*[o]: Boni sollicitique Pastores impinguare pecus bonis, electisque exemplis, & suis magis, quam alienis debent: Nam si alienis & non suis, ignominia est illis, & pecus ita non proficit.

X X.

Licet vero omnia vitia exagitare debeant, tamen maxime in propria suo cuique loco, in detestabile blasphemiarum scelus, jurandi consuetudinem, superstitiones &c. ferventi dicendi zelo exardescant. Sæpe Deus flagellat populum ideo, quod Prædicatores popularis auræ, quam salutis avidiores peccata populi concionatoria virga non censeant, ut pœnitentiam agant, uti Jeremias (p) queritur de vastitate Jerusalem: *Propheta tui viderum tibi falsa & stulta, nec aperiebant iniquitatem tuam, ut te ad pœnitentiam provocarent*. In superstitiones autem diligenter inquireant, & ad Officiales nostros examinandas deferant, & pœna abolendas.

X X I.

Cum in eo vertatur totius vitæ salus, ut tenerior ætas imbuetur doctrina

(m) 2. Cor. 6. v. 3.
(p) Thren. 2.

(n) 2. Tim. 4.

(o) S. Bern. super Cant. Serm. 26.

na Christiana, quæ fidei capita & bonos mores complectitur; Volumus omnino, præcipimusque singulis nostræ Diœcesis Parochis, & Parochorum vices gerentibus, ut in posterum hoc tam necessarium juxta ac salutare tradendæ doctrinæ Christianæ opus maximo ardore suscipiant, indefessa diligentia constantissime urgeant; ferventque a Nobis hanc infra præscriptam in hoc munere rite peragendo rationem & ordinem.

XXII.

In Supplicationibus, Litiis & Processionibus, quæ ex solemnibus Ecclesiæ ritu instituuntur, videant Parochi, ne quid indecenter fiat, deinde ut intersint & præeant gregi suo sua persona, habitu Clericali, toga, superpellicio & stola decenter induci; demum caveant, ne supplicationem comensationibus contaminent, & finiant: si quis in hoc deliquisse notatus fuerit, castigetur.

XXIII.

Decani non omittant quotannis, tum, ut moris est, Parochos suæ Christianitatis ad congregationem evocare, tum etiam visitare, a quo officio, ut minus impediatur, & sumptu subditi leventur, Archi-Diaconi suam visitationem, quam anno quoque Bissextili obire debent, intra anni spatium, si minus per se possint, per vicariam aliorum idoneorum operam omnino fident: Visitaciones autem, quas Synodales instituere solent, & convivium, quod apparare Synodales electi debebant, omnino prohibemus.

XXIV.

In hoc Conventu, post decantatum a Decano, duobus Pastoribus, Diaconi & Subdiaconi vice fungentibus, Sacrum de Spiritu S. in loco Capitulari Oratio ab aliquo Capitulari habeatur: deinde hæ nostræ Ordinationes prælegantur, quarum exemplar deinde in sequentibus Synodis exhibebunt; quomodo autem servent, & servaverint, Decanus inquirat.

XXV.

Ab his Capitularibus Congregationibus nulli, a Monasteriis etiam &

Collegiatis Ecclesiis ad Parochias incorporatas præsentati, seu quocunque modo provisi, uti nec ab obedientia Decani ullatenus se subtrahere præsumant; non suffragantibus eis privilegiis, exemptionibus, five consuetudinibus quibuscunque. Idem quoque juxta Decretum Concilii Trid. deberent esse perpetui, & sine scitu, consensuque nostro minime amoveri seu revocari.

XXVI.

Quo magis autem vitia innotescant, eisque maturius contraveniatur, quilibet ex Pastoribus tempore Capituli, non ex invidia, sed ex zelo Legis Divinæ privatim, & secreto indicare teneatur Officialibus Archi-Diacono, vel Decano scandala & vitia, quibus Pastores sub eodem Capitulo sciverit obnoxios, & has nostras Constitutiones violasse.

XXVII.

Teneantur Pastores singuli semel singulis mensibus scribere Decano, de iis, quæ eo mense in sua Ecclesia acciderint. Et si nihil scriptione sit dignum, hoc ipsum significant, nihil accidisse, de quo Decanum oportuerit fieri certiore. Quod si memorabilis aliquis casus contigerit, non expectetur menstruum spatium, sed primo quoque tempore ad Decanum referatur.

XXVIII.

Ipse vero Decanus quater in anno, nempe singulis Angariis, diligenter de omnibus, quæ in toto suo Decanatu, per tres illos menses acciderunt, literis comprehendat, quas Sigillifero nostro dabit in manus nostras, vel Officialium nostrorum tradendas. Ita enim fore existimamus, ut major sit conjunctio membrorum cum Capite, & vitiis, quæ occultatione latius manare solent, via obstruatur.

XXIX.

Percribat quoque Decanus, si qui Pastores sui Decanatus non resideant personaliter, & quam ob causam: cum Pastor a suo grege sine gravi offensione Dei abesse non possit. Si qui tamen justis & rationabilibus de causis, obtin-

obtentâ dispensatione (quæ Nobis constare debet) residere nequeant, curent, ut tales sufficiant Vicecuratos, qui prævio examine sufficientis sint eruditionis, & vitæ honestate commendati: qui Decano obedientiam præstare, & Capitularibus Congregationibus interesse teneantur.

XXX.

Hæc ita Archi-Episcopali auctoritate sancimus, atque accurate a vobis, qui in sortem Domini vocati estis, observari volumus, & mandamus sub pœnis in Jure & Conciliis expressis, stricte præcipiendo per JESU Christi Sanguinem, animarum & Patriæ salutem, vobis Officialibus, Archi-Diaconis, Decanis, Fiscalibus, &c. Nostreis, ut eorum absolutam executionem, observationem, & vigorem, qua verbis, qua pœnis urgeatis; urget vos ira Dei, periculum gregis, periculum animarum vestrarum. Vos enim estis Presbyteri populi Dei, & ex vobis pendet anima illorum; (q) *In quo posuit vos Spiritus S. regere Ecclesiam Dei, quam acquisivit Sanguine suo, vos spondidistis pro grege, illaqueati estis verbis oris vestri, & capti propriis sermonibus, vosmetipsos liberate, quia incidistis in manum proximi vestri, qui, si perierit, ejus sanguis e manu vestra requiretur, ut Deus apud Ezechielem (r) minatur. Fili hominis speculatorem dedi te domui Israel. Si, dicente me ad impium, morte morieris, non annuntiaveris te, neque locutus fueris, ut avertatur a via sua impia, & vivat; ipse impius in iniquitate sua morietur; sanguinem autem ejus de manu tua requiram. Si autem tu annuntiaveris impio, & ille non fuerit conversus ab impietate sua, & a via sua impia; ipse quidem in impietate sua morietur, tu autem animam tuam liberaisti. Ego libero animam meam, & annuntio vobis. (s) Quapropter cōtestor vos hodierna die, quia mundus sum a sanguine omnium: non enim subterfugi, quo minus annuntiarem omne consilium Dei vobis. Cui honor & gloria in sæcula sæculorum.*

RATIO ET ORDO tradendæ Doctrinæ Christianæ.

I.

Singulis Dominicis & Festis diebus Pastores, & Pastorum vices gerentes, vel per se, vel per alios ad hoc munus rite præstandum idoneos Catechisticam lectionem docebunt accuratissime, accommodando se in fractione hujus cœlestis panis, juxta uniuscujusque captum & necessitatem; idque non tantum in Templis Parochialibus, sed etiam in illis Capellis, aut ædiculis sacris, in quibus præfato tempore Missa & concio habebitur. Præcipimus serio, ne hoc necessarium, & salutare exercitium, tam serio a Concilio Trident. (t) inculcatum, absque gravissimo, legitimoque impedimento (de quo præmoneri debet Parochus) intermittant unquam.

I I.

Ut autem illi, quibus incumbit docere Catechismum, in officio contineantur, volumus eos pro singulis lectionibus, leviter & sine causa omisissimodimidio Dalero multandos esse; Eos vero, qui lectiones has audire neglexerint, tribus, ut vulgo dicunt, albis, vel stufferis: Et eo fine in horum & illorum negligentiam existimavimus animadverti debere, ut etiam nolentes, secundum Evangelium, Regnum DEI ingredi compellamus. Quæ multa vel in pios Templi usus cedent, vel ad emendas imagines, Rosaria, & ejusmodi sacra munuscula, quibus ad discendum excitetur juvenus. Hæbit autem Parochus, vel Sacellanus nomina singulorum in tabella signata, ut facilius absentes deprehendi possint.

I I I.

Tempus Catechesi faciendæ opportunum erit pomeridianum, idque statim a prandio, cum omnes domi sunt; Omnes itaque interesse volumus cum ea instructione plerumque tam gran

(q) Prov. c. 6. v. 1. 2. & 3.

(s) Act. c. 20. v. 26. & 27.

(r) Ezech. 3. v. 17. 18. & 19.

(t) Sess. 24. c. 4. de Reform.

grandiores egeant, quam minores; nisi legitima causa adsit, cujusmodi esset nimia distantia pagorum a Templis ad hanc rem destinatis. Qui autem pagi hanc ob causam excusari debeant, a Decanis ruralibus in charta notati designabuntur.

I V.

Si vero talis esset locorum constitutio, ut major pars Parochianorum post meridiem hyemali tempore, ad Templum redire non posset, vel ob distantiam, vel viæ difficultatem, mandamus, ut ante meridiem, inter vel post Missæ Officium omnibus præsentibus Divina illa Catechesis habeatur, fiatque concio eo brevior, ut plus temporis sit ad rudes animos commodius & fructuosius erudiendos, utiliora & magis necessaria proponendo, interrogando, repetendo, inculcando. Quod ad concionem attinet, volumus initio ejus præmitti Symbolum Apostolicum, Orationem Dominicam, & Salutationem Angelicam, in fine vero decem Præcepta Decalogi, quinque Ecclesiæ, & septem Sacramenta subjungi.

V.

Et quo posthac Juventus majori cura & studio Catechesi addiscendæ incumbat, volumus & ordinamus, ut auctoritate nostra denuntietur iis duntaxat fore ad Matrimonium accessum, qui præcipua fidei mysteria callebunt: In illis itaque examinandos esse Sponsum & Sponsam, antequam prima ad nuptiarum celebritatem proclamatio fiat a Pastoribus.

V I.

Sacramenta accurate explicant, & moneant, ut juxta Agendam vicini ad honorandum & venerandum Sacramentum Eucharistiæ & Extremæ Unctionis, cum defertur ad infirmum, usque ad infirmi domum, & inde usque ad Templum comitentur, ad quod pietatis officium signo campanæ convocandi sunt; inter eundem autem signum nolæ admonendi obvi, ut debitam reverentiam Sacramento exhibeant.

VII.

Ad Juventutem erudiendam conducet plurimum, si singulæ Parochiæ suas Scholas habeant, in quibus parvuli erudiantur, vel a Pastoribus, vel a Ludimagistris, vel ab Ædituis, quos imposterum oportebit ad hoc munus esse idoneos, & tales, qui possint Sacerdoti celebranti ad omnia respondendo inservire. Quod si alendo Ludimagistro non esset alicubi sufficiens stipendium, ob bonum commune contribuat pro se quisque aliquid, juvet Parochus & ipsa fabrica.

VIII.

Ut prædicta omnia perpetuo & constanter observentur, Visitatores Diocesanos inquirent, an quæ a Nobis præscribuntur, in hoc genere accurate observentur, & semper observata fuerint. Et præsertim, an aliquando absque legitima causa in locis Catechismo docendo deputatis, omissa fuerit Christianæ doctrinæ traditio. De hac re rationem dabunt Synodales privatim serio examinati, nec peccatum, si ullum fuerit, sinent abire impune.

I X.

Denique, ne quis ignorantia pallio suam culpam velare possit, mandamus, ut hoc Decretum de Catechismo docendo e sacro suggestu omnibus promulgent, & verbo ad verbum coram tota multitudine prælegant singula exponendo, quo facto, mox lectionem Catechisticam auspicabuntur, & posthac mandatum nostrum super hac re initio Adventus pro concione recitabunt & exponent annis singulis.

Si quis ergo se emundaverit ab istis, erit vas in honorem sanctificationis, & utile Domino ad omne opus bonum paratum. 2. Tim. 2.

Excudebat Augustæ Trevirorum Ægidius Immendorff, anno 1622.

Colonie Agrippina F.W.J. Meternich, A. 1764, in Mantissa Dipl. ad Historiam Soc. JESU Prov. Rh. Infer. ab Reiffenbergio editam.

LOTHARIUS a METTERNICH, genere perquam illustri, atque in Rhenana Eque-
stri Nobilitate multis abhinc Sæculis clarissimo natus, patrem Joannem, Dominum
in Vettelhofen, matrem Catharinam a Petra habuit. Parentes optimi optimis
mox filium præceptis imbuere primum ipsi, tum Societatis JESU Patribus, Co-
loniæ Agrippinæ Gymnasio Tricoronato præfidentibus, porro excolendum tra-
didere. Adolevit Patrum illorum in gremio lectissimus furculus, quasque de ipso
humaniorum pariter, ac Philosophicarum artium Magistri spes conceperant, tui-
tus semper quam præclarissime fuit; immo, qualem in Republica fore aliquando,
morum elegantia, majestas oris & gratia, amor Religionis, benevolentia erga
omnes ac humanitas, cæteraque ornamenta, quæ in illo emicabant quotidie ma-
gis, Moderatoribus præstiterant, non multo post sese exhibuit. Variis enim pe-
regrinationibus confectis, & Metropolitico Augustæ Trevirorum adscriptus Clero,
in eoque Scholastici dignitate ornatus, gravissimis Principum negotiis & legatio-
nibus adhibebatur: quam quidem ille provinciam e votis omnium tanta admini-
stravit prudentia, ac felicitate, ut Joanni Schœnenbergio, cujus jam ante Adjuto-
rem pari cum laude egerat, vivis crepto, die 7. Junii a. 1599. sufficeretur. Re-
nunciatus Archi-Episcopus, ærarii, quod ingens plurimum annorum sterilitas &
gliscens per Archi-Diœcesim Ministrorum quorundam, suo potius compendio
servientium, fames auri pene exhauferant, illico refecit vires, & labefactatæ in
Clero Limburgensi disciplinæ consuluit eo facilius; quo ad Regiminis sui primor-
dia, ad Sacerdotium, ad anni 1600. sæcularis solemnia cum fructu obeunda per sa-
cræ dierum aliquot æfcesim impensius sese compararat. Protestantium sub illa
tempora audaciorum ut coerceret impetum, novis arcem Ehrenbreitsteinianam
operibus auxit, fœdus cum Swicardo Mog. & Ernesto Colon. Electoribus Archi-
Epp. (*Ligam dixere*) *unioni* famosæ, apud Heidelbergenses cæptæ, summo Re-
ligionis bono a. 1609. opposuit, ac fidem suam prudentiamque Rudolpho II. Imp.
variis in rebus probavit. Studia literarum ad pristinum revocaturus vigorem, qui
Treverica in palæstra nonnihil remiserat, illorum in emolumenta, qui deinceps
docendi munere fungerentur, Beneficia aliquot Ecclesiastica, probante & favente
Roma, convertit, datis 3. Januarii a. 1618. patentibus literis, aliis ejusdem argu-
menti a. 1623. die 23. Augusti exaratis. Obiit die 7. Septembris Princeps, pie-
tate in Deum filiali, in subditos paterna illustris, & quinque Linguarum Latinæ,
Germanicæ, Gallicæ, Italicæ, Belgicæque peritissimus anno æt. 75. Reg. 24.

*Vid. Brow. Contin. Jacobi Masenii Annales Trev. Lib. XXIII. & Illmi Hont-
bemii Histor. Trevir. Diplom. Tom. III. a pag. 186.*

SYNODUS GUDSTADIENSIS DIOECESANA (*)

Serenissimi & Reverendissimi Principis ac Domini

*D. JOANNIS ALBERTI, (**)*

Poloniæ ac Sueciæ Principis, Episcopi Warmiensis XXVI.

Anno Christi MDCXXIV. Urbani VIII. Papæ II.
Ferdinandi II. Imp. VI.

(*) Meminit de hac Synodo Christophorus Joannes Szembekius, Episcopus Warmien-
sis, Cap. XVI. Constitutionum Synodaliū, a. 1726. die 14. & seqq. mensis Julii
promulgatarum his verbis: " *Quamobrem insistendo Statuto Sermi & Revmi Prin-
cipis Poloniarum, Joannis Alberti, Prædecessoris Nostri, in ultima Synodo Gutt-
stadii in Collegiata An. 1624. die 17. Maji condito. &c.*" Ipsa porro Synodi
Decreta nobiscum hucusque nemo communicavit.

(**) JOANNES ALBERTUS, tredecim annorum Princeps, Simonis Rudnicii, *de quo*
supra pag. 92. pauca delibavimus, Successor quæ fata, ab ipsa statim administratio-
ne

ne Episcopatus capessita, rulerit, recenset Cl. Thomas Treterus in suo de Episcopatu & Episcopis Ecclesiæ Warmiensis Opere perquam hodie raro: quod posthumum anno 1685. juris publici fecit *Matthias a Lubomierz Treterus S. R. M. Secretarius*, Historiam Warmiensis Ecclesiæ ad XXXI. illius Episcopum persecutus, adnectensque Chronicon de vitis Episcoporum Warmiensium, ab *Joanne de Plaszwig* coepum, & ab *Joanne Cretzmero*, utroque Warmiensis Ecclesiæ Decano, ad usque *Andream Bartboreum* stilo rudiores continuatum. Hæc notanda duximus, ut, qui cit. pag. 92. T. b. irrepsit, error Lectori detegeretur. Treterum comminabat Pl. R. Perill. & Cl. D. de Borje, Eccl. Archidiac. Colleg. B. M. V. ad Gradus intra Coloniam Canonicus Capit.

SYNODUS DIOECESANA NAMURCENSIS

Anno Christi MDCXXV. Urbani VIII. Papæ III.
Ferdinandi II. Imp. VII.

ORDINATA

Per Reverendissimum Dominum JOANNEM DAUVIN, (*)
Episcopum Namurcensem VI. in Congregatione Synodali,
habita die 26 Martii 1625.

De Synodali Statutorum observatione.

JOANNES DAUVIN, DEI ET APOSTOLICÆ SEDIS GRATIA EPISCOPUS
Namurcensis. Dilectis Nobis in Christo Clero & populo totius nostræ Diœcesis
Salutem in Domino.

Licet abunde & copiose in Diœcesanis Synodis, præteritis temporibus celebratis, statuta sint, quæ pro reformatione morum & munium Ecclesiasticorum rite exequendorum faciunt: quia tamen plurima eorum lapsu temporum negliguntur, aut sane imperfecte observantur, necessarium iudicavit Sacrosanctum Conc. Trident. quotannis Synodos Diœcesanas convocari debere, in quibus præteritarum Statuta renovarentur, & observanda mandarentur, nec non, quatenus opus fuerit, nova conderentur.

Serio itaque præcipimus & mandamus, quatenus omnes & singuli unusquisque secundum statum suum & ordinem; quæ in Synodis hujus Episcopatus hætenus celebratis decreta & stabilita sunt, & pauca illa, quæ istis djici curavimus, quam diligentissime

observent, & in praxim deducant, recordenturque, quod servus sciens voluntatem Domini sui, & non faciens, plagis vapulabit multis.

De Fidei Professione.

Inprimis mandamus Officiali nostro, ut, dum titulos ordinandorum examinat, eosdem ordinandos curet Professionem Fidei emitte juxta Cap. 2. Synodi celebratæ an. 1604. (**) & nomina eorundem, qui sic fidei professionem præstiterint, in librum ad id destinatum describi curabit, adjectis die, mense, & anno, quibus professi sunt fidem. Quare mandamus omnibus ad Subdiaconatum ordinandis, ut pridie suæ Ordinationis simul circa horam decimam ante meridiem coram dicto nostro Officiali compareant, & fidem sic profiteantur, sub pœna rejectionis pro illa vice a susceptione Ordinis. Simi-

(*) DAUVINUS, Buseretii magni prudentisque Viri Successor, ex Archi-Diacono Namurcensi factus Episcopus, obiit anno (ut scribit *Castillionius*) 1624. fors: 1628. Adhucdum enim A. 1626. superstes Congregationem Synodalem habuit; quam postpaulo ex Editione *Albertiana* A. 1720. ad posteros transmittemus.

(**) Vid. Tom. præc. pag. 608. & seqq.
Tomus IX. Concilior. German.

Similiter Vicarius noster Generalis similem Professionem fidei excipiet ab eis, qui ad conciones faciendas, ad confessiones audiendas, & qui ad Pastorale munus admittentur, eorumque nomina in librum, ut supra, referri curabit.

Si qui Bibliopolæ de novo sedem fixerint in hac Civitate, Censor librorum curabit, ut in manibus suis Fidei professionem faciant juxta Formulam *Cap. 3. hujus Tituli & Synodi supradictæ*: & si linguam Latinam non intelligant, juxta formam Gallicam, quæ habetur in Capitulari Congregatione Geldoniensi.

Inquiret insuper, an Bibliopolæ Civitatem pro tempore inhabitantes similem Professionem emisissent, & si reperiat non emisisse, eandem ab eis excipiet, & nomina illorum, prout supra dictum est, in libro notari faciet, & ultra dictam Fidei professionem curabit omnes juramentum præstare, secundum tenorem *Cap. 6. Tit. supradicti ejusdem Synodi*, prout Formula continet sub finem horum Decretorum posita.

In aliis oppidis hujus Diocesis, ubi aliqui habitare solent Bibliopolæ, Decani rurales eo munere fungentur, cum visitationem suam peragent, & prout præcedenti Decreto dictum est, se gerant. Idem etiam præstabunt Pastores singuli recipiendo Professionem fidei a Matriculariis & Ludimagistris suæ Parochiæ.

Obtestamur & monemus omnes, qui præsentem creandis & renovandis Magistratibus, ut personas, quas diligenter, curent Professionem fidei facere secundum Formulam in Edicto piæ memoriæ PHILIPPI SECUNDI Hispaniarum Regis super executione Decretorum Conc. Provincialis Cameracensis contentam.

Decani supradicti & Pastores per Nos, & hanc Congregationem moniti sunt, ut diligenter & sedulo satisfaciant ordinationi contentæ in octavo seu ultimo Capite, *Tit. De fidei professione, supradictæ Synodi*. Frequenterque eandem ordinationem seu eis contenta populo inculcent.

Renovanda hic duximus, prout & renovamus Decreta *Capitis sexti &*

septimi hujus Tituli in Synodo prædicta, de Libris prohibitis & Bibliis vulgari lingua legendis, eaque sub penis in quarta Regula Indicis librorum prohibitorum contentis, observare mandamus.

De Scholis & Ludimagistris.

Monemus omnes & singulos Decanos, Pastores, Capellanos ac Matricularios, seu Ludimagistros, quatenus diligenter & sedulo exequantur omnia, quæ sub hoc Titulo in Synodo Anni 1604. continentur, & signanter, quæ Capite octavo in dicta Synodo ipsis injunguntur, alioquin contra ipsos ad penas ibidem comminatas, procedi curabimus.

Nullum omittent Decani in suis visitationibus inquirere, an Pastores in suis Parochiis catechizent, & concionentur: quod si quos in his defectuosos repererint, per suas relationes ad Nos deferent, ut illi mediante justitia corrigantur, & dignis penis afficiantur.

De Officio Divino.

Decani in proxima sua visitatione animadvertent, an omnes Pastores, & signanter Regulares, Officium peragant secundum usum Romanum, & si quos repererint in eo defectuosos, prima sua relatione ad Nos deferent, ut contra tales, juxta præscriptum *primi Capitis Tit. De Officio Divino, Synodi celebratæ anno 1604.* procedatur.

Serio monemus omnes tam nostræ Cathedralis, quam aliarum Collegiatarum Ecclesiarum Canonicos, sicut & omnes Pastores, ut satisfaciant Decreto *secundi Capitis hujus ejusdem Tit. & Synodi supradictæ*.

Iis, quæ Capite 3. continentur, addendum duximus, prout & addimus, ut in Choro rite servantur cæremoniæ præscriptæ, quoad stationes & genuflexiones faciendas.

Capitula Ecclesiarum tam Cathedralis, quam Collegiatarum, & Decani rurales juxta *Cap. 8. eorundem Tit. & Synodi* deputabunt Sacerdotes bene in Rubricis & Cæremoniis versatos, qui recenter ordinatos Sacerdotes doceant cæremonias & ritus observandos in celebratione Sacrosancti Sacrificii Missæ, eorumque nomina primo quoque tempore

pore ad Nos transmittent. In singulis autem Capitulis sint ad minus duo, in Decaniis vero singulis, ut minimum tres aut quatuor, nec liceat recenter ordinatis aliis Directoribus uti, sub pœna arbitraria.

Licet sancta Mater Ecclesia omnes Sanctos nobis proponat venerandos; illi tamen majori cultu sunt prosequendi, quos Dominum & Servatorem nostrum specialius honorasse scimus. Cum autem ipse, dum in terris versaretur, S. Josephum Genitricis suæ Sponsum, præcipuis honoribus condecorare, & ei ut Patri obsequium præbere non sit designatus, ordinationi Apostolicæ obsequendo mandamus præsentī Constitutione, omnibus Pastoribus ac verbi Divini Præconibus, quatenus placidis, efficacibus tamen monitis, fideles curæ suæ commissos, seu in concionibus assistentes, sedulo hortentur, ut in ejusdem Sanctissimi Josephi festivitate, quæ 19. Martii quotannis celebrari solet, ab omni opere servili abstineant, ac piis orationibus vacent, nec non Officiis Divinis interesse non detrectent.

De Administratione Sacramentorum.

Quandoquidem Sanctissimus Dominus, felices recordationis, PAULUS QUINTUS Pontifex Maximus, Rituale, in quo recepti & approbati Catholicæ Ecclesiæ ritus, plene continentur, edi sub nomine Ritualis Romani publico Ecclesiæ Dei bono curaverit, & eo uti mandaverit, tam in Sacramentorum administratione, quam in aliis functionibus Ecclesiasticis, præcipimus omnibus Pastoribus, aliisque personis Ecclesiasticis nostræ Diocesis, ut in posterum dicto Rituali & non alio utantur, & omnia, quæ in eodem mandantur, diligenter observent.

Cum intellexerimus Pastores aliquos in alienis Ecclesiis Sacramenta suis Parochianis nonnunquam administrare sine proprii istius Ecclesiæ Parochi licentia; mandamus iisdem, quatenus a simili actione abstineant, nec præsumant aliquod Officium in aliena Eccle-

sia sine Pastoris ejusdem licentia facere.

In Parochialibus & aliis Ecclesiis, dum concio habetur, nulli liceat Missæ Sacrificium facere, aut Baptismi Sacramentum (si modo periculum mortis absit) administrare.

Baptismi administratio non differatur in longum tempus, nequidem Patrinorum invitandorum gratia, nec alia de causa, propter periculum imminens noviter natis perdendæ æternæ vitæ.

Si contingat infantem ad Baptismi fontem deferri, quem Pastor certo sciat fuisse baptizatum per aliquem Sacerdotem, aut per obstetricem, vel per alium quemcunque, curabit sibi per baptizantem recitari formam, qua baptizavit, & si repererit formam fuisse integram, cum iterum (quod nefas est) non baptizabit, nequidem sub conditione: quod si facere præsumpserit, præter irregularitatem, quam dicto facto incurrit, alia gravi pœna plectetur nostro arbitrio. Si vero invenerit aliquid in forma defuisse, poterit sub conditione baptizare:

Infantes autem expositos, etiam si collo habeant testimonium, quod fuerint baptizati, si alia ratione non constet de Baptismo collato, baptizare poterunt Pastores sub hac forma: *Si tu es baptizatus, ego te iterum non baptizo: Et si nondum es baptizatus, ego te baptizo, &c.* quod si scedulæ testimonii appensæ nomen sit adscriptum, idem nomen ipsi imponant.

Ultra ea, quæ continentur in secundo Artic.: *De morum reformatione Capitularis Congregationis Geldoniensis*, præcipimus, ne Pastores, aut eorum Capellani, qui Baptismi Sacramentum alicui infanti ministrarunt, ad convivium accedant, quod in ædibus parentum recenter baptizati ad id paratum fuerit.

Similiter interdicimus, ne puerperæ domum ingrediantur, multo minus ejus cubiculum, nequidem cum illa primo post partum ad Ecclesiam venerit, ut super ipsam fundantur preces consueta: neque si valetudo adversa impediatur, quominus ad Ecclesiam venire possit ratione dictarum precum

fundendarum, domum ejus vel cubiculum adibunt sub pœna arbitraria, doceantque illas non requiri tempus præfixum ad similes preces fundendas, sed, postquam convalescerint, id posse fieri.

Sæpius mandavimus omnibus Ecclesiasticis Nobis subditis, ut cum decore ac reverentia magna Sanctissimum Eucharistiæ Sacramentum conservarent in suis Ecclesiis: quod & nunc hac Constitutione serio præcipimus, curabuntque, ut in Tabernaculo decenti, intus & extra valde mundo, clathris ferreis munito, clave & sera bene clauso, ut nulli alteri pateat, honorifice collocetur, clavemque ipse Pastor, aut alter Sacerdos, cui id munus incumbit, reservet. Lampas, aut cereus in signum devotionis appendeat accensus. Pyxis, in qua reponendæ sunt Sacræ Hostiæ, prout & calix ac patena non nisi ex auro vel argento conficiantur, vel saltem quoad pyxidem, ubi media desunt, ex panno serico, prout tanti Sacramenti Majestas requirit.

Ut vero omnis irreverentia tollatur, prohibemus in Capellis dictum Venerabile Sacramentum aservari, nisi de præmissis iisdem provideatur.

Quid autem servari debeat, cum idem Sanctissimum Sacramentum in Processionibus & ad infirmos deferri debet, satis cautum & declaratum est in Capitibus 14. & 16. *Tituli De Sacramentorum administratione, in Synodo anni 1604.* quapropter omnes hortamur in Domino, ut illa, quæ ibidem statuta sunt, quam diligentissime observent.

Quia vero frequentius in processionibus illud Augustissimum Sacramentum deferri solet, quam reverentia illi debita requirat, mandamus, ne in posterum deferatur in aliquibus processionibus, nisi in illis, quæ sunt in festo Corporis Christi & per ejus Octavas, & in Civitate Namurcensi in festis Inventionis sanctæ Crucis & Visitationis Beatæ Virginis: ubique autem in processionibus Confraternitatis ejusdem Venerabilis Sacramenti, nec non in iis, quæ pro re gravi & necessitatibus Ecclesiæ, aut Patriæ: in aliis vero, quæ ratione aliarum Confraternitatum vel

Solemnitatum fieri solent, deferatur tantum imago Patroni, cum aliquibus Reliquiis, si quæ habeantur in Ecclesiis.

Cum Altaria sint mensæ Sacrificii Deo offerendi dicatæ, & sepulchra Sanctorum Martyrum cum maxima reverentia & munditie servari debeant: idcirco in omnibus Ecclesiis bene muniuntur ex omni parte, ut nullis immunditiis pateant, & nonnisi in consecratis in posterum Sacrum Missæ Sacrificium celebretur.

In pagis vero, ubi Altaria omnia sunt profanata, nec ob bella & pericula ad illos Nobis pateat aditus, ut consecrentur, usus permittitur altaris portatilis, dummodo integrum & justæ magnitudinis fuerit, ac de ejus consecratione sufficienter constet. In Civitate autem usus similis altaris portatilis prohibetur, & si quæ sint altaria non consecrata tam in dicta Civitate, quam aliis oppidis & locis, quæ sine periculo per Nos adiri possunt, statim honeste instruantur, & ad consecrationem debite aptentur.

Confessarius mulierum ægrotarum confessiones, cujusunque illæ fuerint ætatis, non præsumat audire, ostio cubiculi, in quo decumbunt, clauso.

Caveant Pastores, ut quemquam sibi in adjutorium assumant, qui non fuerit per Nos, aut nostrum Vicarium admissus, cujus admissionis exhibere is teneatur, qui sic assumitur, literas sigillo nostro munitas, & per dictum Vicarium, aut Scribam subsignatas, describentque dicti Pastores in Matrimoniorum libro nomen, cognomen & patriam sic assumpti, notato præterea die, mense & anno, quo sibi illum adjunxerunt.

Non dentur in posterum relaxationes matrimonialium proclamationum, nisi illi, qui petent, afferant testimonium proprii Pastoris, quod nullum inter Sponsos sciatur impedimentum: & cum per dictam relaxationem saltem una sollemnis denuntiatio fieri debuerit, non procedatur ad Matrimonii solemnizationem eodem die, quo dicta denuntiatio facta fuerit, nec cum tres fa-

Et fuerunt eodem die, quo ultima proclamabitur.

Quod si contrahentes Matrimonium in diversis habitent Diœcesibus, relaxationem dictarum proclamationum utriusque Ordinarii afferant, & si in diversis morentur Parochiis, utriusque Pastoris testimoniales exhibere teneantur.

Licet relaxatio proclamationum matrimonialium sit jurisdictionis Ordinariorum, quibus per Conc. Trid. reservata reperitur: intelligimus tamen quosdam Decanos rurales sibi auctoritatem usurpare dictas relaxationes concedendi, & non solum personis suorum Decanatum, sed etiam alienis, quod minime tolerandum judicamus. Quare omnibus Decanis supradictis hac Constitutione inhibemus, in posterum similem auctoritatem sibi arrogare, sub pœna privationis suorum officiorum: & si forte aliqui a Prædecessoribus nostris licentiam id faciendi obtinuerint, eandem per præsens Decretum revocamus, & revocatam esse declaramus.

De vita & honestate Clericorum.

Pœnæ decretæ in *Capitibus sub hoc Titulo Synodi Anni 1604.* sine aliqua dissimulatione executioni demandentur.

Quia intelleximus plerosque Nobiles & alios, eos Sacerdotes, quos in obsequiis suis habent, vilibus addicere officiis, contra Sacerdotalem dignitatem; eosdem obtestamur, & in Domino monemus, quatenus dictos Sacerdotes similibus in posterum officiis non implicent, sed magis honori illorum consulant, cum illi suum tempus orationi & sacris studiis impendere debeant, non autem sæcularibus negotiis. Iisdem vero Sacerdotibus præcipimus, ne similia officia in se suscipiant, sub pœna suspensionis a Divinis.

De Decanis ruralibus & Pastoribus omnibus, seu eorum officiis.

Decani rurales exacte suum exequantur officium, *Capite quinto*

hujus ejusdem Tituli specificatum in dicta Synodo, alioquin sciant se ejus rei rationem Deo reddituros: & non præsumant dicti Decani aliis, quam suis propriis Pastoribus, & Monasteriis sub suis Decanatibus sitis, sacra Olea distribuere, sub pœna arbitraria, nisi illi, qui petent, licentiam exhibuerint proprii sui Decani, ut illa ab alio accipere possint: Pastores autem nulli communicabunt.

Cum animadverterimus pericula animarum & difficultates oriri, cum Pastores ex hac vita discedunt, antequam Decani eos accedere & visitare possint; mandamus dictis Decanis, ut habeant aliquos sibi fidos saltem in locis remotioribus sui Decanatus, qui ipsis tempestive significant, cum aliquis Pastor in morbum inciderit, quo intellecto, statim dictum Pastorem visitabunt, & quæ ejus salutis sunt, eundem monebunt, aliaque præstabunt, quæ sui officii esse sciunt.

Quia quandoque rationabili de causa Pastores coguntur ordinandis testimonium suæ ætatis præbere ex dictis aliquorum testium, illorum dicta non excipiant, nisi juraverint prius de veritate in ea re dicenda, idque se fecisse in suis testimonialibus affirmabunt, adjecta causa, quare id per testes probari debuerit, prout Formula in calce horum Decretorum adjecta continet.

Pastores singulis annis certis anni temporibus & diebus infra notatis in Ecclesia, cum frequentissimus populus in sacris Missarum solemnibus præsens adest, sequentia Decreta Conc. Trid. & Synodi supradictæ de scripto, sermone tamen vulgari summatim expressa, legere & promulgare non omittent.

Primo dicti Concilii Trid. Decretum contra eos, qui clandestinum Matrimonium attentaverint, quod habetur *Sessione 24. Cap. 1. de Reformatione Matrimonii*, idque die Dominica Palmarum & Dominica prima Adventus.

Secundo ejusdem Concil. Trid. Decretum de his, qui non solvunt Decimas, extans in *Sessione 25. Cap. 12. de Reformatione*, & hoc primis Dominicis mensium Maji & Septembris.

Tertio Decretum ejusdem Conc.
V v 3. de

de usurpantibus Bona & Jura Ecclesiastica, in *Cap. 11. Sessionis 22.* in die festo Omnium Sanctorum.

Quartò Caput septimum Tituli de Fidei professione Concilii Provincialis Cameracensis (*) A. 1586. Dominica prima Quadragesimæ.

Quæ Decreta reperientur sub finem bonum Decretorum vulgari lingua edita.

De Provisione Ecclesiarum Parochialium, Examinatoribus Synodalibus & Judicibus Apostolicis.

Cum hætenus in hac nostra Diœcesi fuerit usu receptum, ut Parochialibus Ecclesiis vacantibus juxta Decretum Sacrosancti Conc. Trident. *Sessione 24. Cap. 18. de Reformatione*, provideatur, & Examinatores juxta præscriptum dicti Conc. per Episcopos in Diœcesanis Synodis ad minus sex proponi debeant, qui Synodo satisfaciant, & ab ea probentur: probat idcirco præsens Synodus Examinatores sequentes per Nos nominatos:

Reverendos Dominos:

Ægidium Bosman, Decanum Ecclesie Cathedralis.

Nicolaum Dauvin, Archi-Diaconum.

Joannem Marbais, Scholasticum & Officialem.

Andream Wipion, Penitentiarium.

Joannem Charlier, &

Nicolaum Turlot, Canonicos ejusdem Ecclesie Cathedralis, & in Theologia & Jure respectue Licentiatos seu Graduatatos, qui omnes juraverunt ad sancta Dei Evangelia se quacumque humana affectione postposita fideliter hoc munus executuros.

Forma Juramenti præstandi per Examinatores.

Ego N. deputatus in præsentì Congregatione Synodali Examinator eorum, qui eliguntur ad Parochiales Ecclesias, juro me fideliter juxta sacros Canones, ac sacri Conc. Trid. formam perfuncturum hoc onere examinandi, rejecto omni humano respectu, ita me Deus adjuvet, & hæc sancta Dei Evangelia.

Ut similiter satisfiat Decreto dicti Conc. Trid. *Sessionis 25. Cap. 10. de Reformatione*, quo mandatur, ut aliquot personæ aptæ designentur in Concilio Provincialibus aut Diœcesanis, quibus causæ Apostolicæ delegentur, designamus in præsentì Synodali Congregatione personas infra scriptas, scilicet:

Reverendos Dominos:

Ægidium Bosman, Decanum Ecclesie Cathedralis.

Nicolaum Dauvin, Archi-Diaconum.

Bartholomæum de Grace, &

Joannem Godart, dictæ Ecclesie Canonicos.

Alexandrum Heren, Decanum Ecclesie Collegiate Beate Virginis.

Gabrielem Huenayr, Ecclesie Collegiate S. Gertrudis oppidi Nivellensis Decanum; quorum nomina ad Sanctissimum Dominum nostrum Summum Pontificem, ejusque ac sanctæ Sedis Apostolicæ in his partibus Nuntium, primo quoque tempore transmittimus, ut juxta tenorem dicti Decreti delegationes aliis, quam his factæ, subreptitiæ habeantur. Hortamur autem eosdem, uti & alios Judices ordinarios nostræ Diœcesis, ut terminandis causis, quanta fieri poterit brevitate, studeant, Assessoresque deligant, cum opus fuerit, non quosvis promiscue, sed viros probos & boni nominis, diligentes, maturos, nec non juris & praxis peritos.

De visitationibus & observationibus supradictorum Decretorum.

REperimus Decanos visitationum suarum relationes valde perfunctorie peragere, vel defectus reticendo, vel in genere tantum referendo: quare omnibus Decanis mandamus, quatenus in dictis suis relationibus omnes & singulos defectus, quos in visitationibus repererint, fideliter & specificè cum omnibus suis circumstantiis referant & rescribant, sub poena correctionis arbitrarie.

Ut autem hæ nostræ Ordinationes Synodales omnibus innotescant, & ab omnibus observentur, prælo propediem mandabuntur: præcipimusque, ut

(*) Celebratum istud Concilium sub Bonhomio & Berlaymontio, Præsulibus dignissimis, & extat Tom. CC. VII. pag. 991.

ut omnes Decani, Pastores & alii Sacerdotes Nobis subditi, de iisdem sibi provideant infra mensem, postquam fuerint impressæ, sub poena unius scuti aurei, solvendi per eos, qui in hoc defecerint. An autem illas habuerint, Decani in relatione primæ suæ visitationis referre non omittent.

Insuper ut satisfiat Decreto Sacrosancti Concil. Trid. de celebrandis Synodis Diocesanis, statuimus & ordinamus, Deo bene propicio, & si vita comes fuerit, sequenti anno hac eadem die similem Congregationem Synodalem celebrare; & ita singulis annis, quod omnibus, qui dictis Synodis interesse debent, hoc Decreto intimatum volumus, ut pridie ejus diei in Civitate adsint, sciscitenturque, quibus loco & hora sequenti die Congregatio celebrari debeat, ut mature ibidem compareant.

Lectæ & publicatæ fuerunt Constitutiones præsentis in Sacello Palatii Episcopalis, adstantibus Synodalis bujus Congregationis Patribus, de mandato Reverendissimi Domini Episcopi eidem præsentis Anno Millesimo sexcentesimo vigesimo quinto, mensis Martii die vigesima sexta.

JOANNES DES FOSSEZ,
Synodi Secretarius.

LÉO DE HACCURIA, ejusdem
Synodi Scriba.

Forma Testimonialium dandarum per Pastores super ætate Ordinan- dorum.

EGo infrascriptus Pastor Ecclesiæ Parochialis N. loci de N. præsentibus fidem facio & testificor N. fuisse baptizatum in dicta Ecclesia, die N. mensis N. anno N. eundemque de sacro Fonte suscepit N. N. quod constat ex libro, in quo nomina Baptizatorum totius bujus Parochiæ scripta & annotata reperiuntur. In quorum fidem has manu propria subscripsi die N. mensis N. anno N.

Quando ex dictis Testium sunt daturi Testimoniales, facient secundum formam sequentem.

EGo infrascriptus Pastor Ecclesiæ Pastoralis N. loci de N. præsentibus fidem facio ac

testificor N. agere ætatis annum... prout mihi retulerunt N. N. Parentes ejus, vel Susceptores, vel viri fide dignissimi, idque jurando in manibus meis præstito affirmarunt, & se id scire, quia &c. &c. Nec aliter ejusdem ætas sciri potuit, eo quod liber baptizatorum occasione bellorum fuerit deperditus, vel laceratus &c. &c. In cujus rei fidem has manu propria subscripsi Anno N. die N. mensis N.

Forma Juramenti adjiciendi Professioni fidei per Bibliopolas facienda.

Item je jure, que jamais je n'imprimerai rien & ne retiendray, ny mettrai à vendre, & ne communiquerai à personne aucune chose imprimée, soit secrètement ou publiquement, si premierement je ne l'ai communiqué à mon Evêque ou son Vicaire, ou bien au Censeur des livres par luy constitué & d'j ce luy obtenu permission de ce faire, comme aussi d'observer les regles dressées par ledit Seigneur Evêque sur ce sujet. Ainsi m'ayde Dieu & ces Saints Evangiles.

Decreta Concil. Trid. & Synodi Provincialis Cameracensis singulis annis certisque diebus per Pastores populo recitanda sermone vulgari, prout mandatur in Tit. De Decanis & Pastoribus, bujus Synodi.

De la Session 24. du Saint Concile de Trente au Decret de la Reformation du Mariage, Chap. 1.

Ceux qui entreprennent de contracter mariage, autrement, qu'en presence du Curé, ou d'un autre prêtre par la permission du Curé, ou de l'Ordinaire & de deux ou trois témoins, le Saint Concile les rend du tout inhabiles à contracter de la sorte, & ordonne que semblables contrats seront invalides & nuls, comme par ce present Decret il les casse, & annulle. De plus, il commande, que le Curé ou autre Prêtre, qui aura assisté à un tel contract, avec moindre nombre de témoins, & que les témoins qui y auront assisté sans le Curé, ou le Prêtre, & que les contractans mêmes soient grièvement punis à la discretion de l'Ordinaire.

Lequel Decret se doit faire & reciter au peuple, le Dimanche des Rameaux ou Pâque fleurie, & le premier Dimanche des Advents.

De

De la Session 25. du même Concile

Chap. 12. contre ceux, qui ne payent les
dîmes, ou les usurpent.

Ceux-là ne sont pas à supporter, lesquels tachent par divers artifices, de soustraire les dîmes, qui viennent aux Eglises, ou qui faisoient temerairement celles, que les autres doivent payer, & les tournent à leur profit: attendu que le payement des dîmes est deu à Dieu, & ceux qui refusent de les donner, ou empêchent que les autres ne les donnent envahissent le bien d'autrui. Partant le S. Concile commande à tous ceux, auxquels appartient de payer les dîmes, de quelque degré & condition qu'ils soient, que désormais ils les payent entierement à ceux, auxquels de droit ils en sont redevables, soit à l'Eglise Cathédrale, soit à d'autres Eglises, ou personnes. Quant à ceux qui les retiennent, ou empêchent, qu'ils soient excommuniés & qu'ils ne soient pas absous de ce crime, jusques à ce qu'ils ayent pleinement restitué.

Lequel Decret se doit reciter au peuple, les premiers Dimanches des mois de May & Septembre.

De la Session 22. du même Concile

au Decret de la Reformation Chap. 11.
contre ceux, qui usurpent les biens
& Droits Ecclesiastiques.

Si l'avarice, qui est la racine de tous maux, avoit tant gagné sur quelque Clerc ou Lay, de quelque aignite, qu'il soit, fut-elle même Imperiale ou Royale, que de luy faire convertir en ses propres usages, & usurper les Jurisdictions, les biens, les censés & les droits, même les fendaux & emphyteutiques, les fruits, les emolumens, & quelques revenus que ce soient de quelque Eglise, ou de quelque Benefice seculier ou regulier, des mons de Pieté ou d'autres lieux pieux, lesquels se doivent appliquer aux necessitez des Ministres, & des pauvres; soit qu'il le fasse par soy même, ou par autrui, soit par force, ou par terreur, ou bien par personnes supposées de Clercs ou des Layz, ou par quelque artifice, ou couleur que ce soit, empêchant que ces fruits ne viennent à ceux, auxquels de droit ils appartiennent, qu'il soit & demeure excommunié, jusques à ce qu'il ait entierement restitué à l'E-

glise & à son Administrateur ou Beneficé, les Jurisdictions, les biens, droits, fruits & revenus, qu'il avoit usurpé, ou qui luy étoient venus, comme que ce fut, voir même par donation de personne supposée & puis obtenu l'absolution du Pape. S'il est Patron de la même Eglise que par cela même outre les peines susdites, il soit privé du droit de Patronage. Le Clerc qui aura machiné cet execrable artifice & usurpation, ou qui y aura consenti, soit sujet aux memes peines, qu'il soit aussi privé de tous Benefices & soit fait inhabile à en avoir d'autres, & d'abondant, qu'il soit suspendu à la discretion de l'Ordinaire de l'exercice de ses ordres, même apres l'entiere satisfaction & absolution.

Lequel Decret se recitera au peuple le jour de la Feste de tous les Saints chacun an.

Chapitre 7. du 2. Concile Provincial de Cambray, Titre premier de la Profession de Foy.

Que l'on se garde bien d'appliquer aucuns signes, ou images, ou anneaux, ou oraisons écrites (ou comme ils les appellent) des brevets marquez de caracteres, ou de noms inconnus pour guérir quelque maladie d'homme, ou de bête. Que l'on se garde pareillement de neier l'aiguillette, pour empêcher l'acte de mariage, ou de pratiquer autres forcelleries ou charmes, ou de les diffoudre par observation superstitieuse: comme aussi de penser les playes, se servant superstitieusement de certain nombre des signes, de paroles ou de prieres, ou avec de petits linges, ou en autre maniere, qui n'est pas approuvée des medecins. Somme que tous ceux, qui auront pratiqué les susdites superstitions, ou autres, ou auront invoqué les diables, fait avec eux pact exprés, ou tacite, ou exercé l'Astrologie judiciaire, condamnée par N. S. Pere le Pape SIXTE V. en une special Constitution, encourrent l'excommunication, & soient publiquement denoncez excommuniés par les Pasteurs au sermon, & qu'ils soient soumis aux autres peines, que le droit leur impose.

Lequel Chapitre se recitera au peuple le premier Dimanche de carême, chacun an.

SYNODUS OSNABRUGENSIS

DIOECESANA,

Eodem anno Christi MDCXXV.

Sub Illustrissimo & Reverendissimo Principe ac Domino,
D. ITHELIO FRIDERICO, (*) S. R. E. Cardinale,

LVI. Osnabrugensi Episcopo,

CELEBRATA

Feria 3. post Dom. Oculi;
quæ erat 4. Martii.

ITELIUS FRIDERICUS, DEI GRATIA S. R. E. CARDINALIS DE ZOLLEREN, EPISCOPUS OSNABRUG. &c. Universis, & singulis Prepositis, Decanis, Archi-Diacois, Abbatibus, Prioribus, Pastoribus, Ecclesiarum Rectoribus, Monasteriis, & Conventibus, aliisque Civitatis, & Diœcesis nostræ Osnabrugensis subditis & incolis, tam Ecclesiastici, quam secularis Status, cujusunque Ordinis, qualitatis, & conditionis, Salutem in Domino sempiternam.

POSTquam DEO ita disponente, ad regimen Ecclesiæ Osnaburg. vocati sumus; nihil sane Nobis, a primo in Diœcesin nostram ingressu, magis cordi fuit, quam ut, pro Episcopali nostra obligatione, qua Deo obstricti, & subditis nostris debitores facti sumus, in illa, quæ ad ipsorum salutem æternam, pacem & tranquillitatem pertinet, toto pectore incumberemus; & imprimis Cleri nostri reformationi (ex qua deinde communis populi mores dependent) serio intenderemus.

Cum vero inter alia media nullum tam efficax videatur, quam Synodorum celebratio, quarum præcipuus scopus esse debet, sanam orthodoxamque doctrinam, hæresibus omnibus antiquiorem, defendere ac stabilire, bonos mores tuere, pravos corrigere, vigorem disciplina Ecclesiasticæ conservare, aut collapsum restituere, populum in vera Religione, pace, ac vitæ innocentia instruere, & continere, ut pro-

inde Synodi non immerito, Ecclesiasticæ disciplina nervi, dici possint.

Hinc, Sancti Spiritus auxilio invocato, pro Episcopali munere nostro (quantum quidem pro præsentium rerum ac temporum statu fieri potest) intendentes omni studio, ea quæ ad fidem & pietatem, Religionem, cultumque Divinum, mores, & disciplinam Ecclesiasticam spectant, & ad bene, Christianeque vivendum opportuna sunt & necessaria, ordinare, constituere, & reformare; Statuta, Ordinationes, & Constitutiones sequentes sub modo & forma infra scripta, duximus ordinandas, constituendas; confirmandas & publicandas, ordinamus, constituimus, confirmamus & publicamus, & sub penis ac censuris infra scriptis, aut alias in Canonibus expressis, ac Nobis etiam arbitrariis, firmiter observari præcipimus per præsentem.

CAPUT

(*) ITELII (al. Eitelii) FRIDERICI AB HOHENZOLLEREN, Carolo II, quatuor omnino & viginii liberorum Patre geniti, amplitudinem & gloriam mira, qua præstabat, pias, singularis famæ prudentiæ conjuncta, variis in Ecclesiastica Hierarchia dignitatibus auxerat. Colonienfis enim, Salisburgensis, Argentinensis, ac Magdeburgensis Sedis agebat Præpositum, cum purpuratus ex Urbe Patribus anno 1621. a Paulo V. P. M. adensebatur, pileo, Tituloque S. Laurentii in Pano & Perna, ut refert Imbosius in notitia S. R. G. I. Procerum, a Gregorio XV. exornatus. Biennio post a Philippi Sigismundi Brunswicensis obitu, ad Episcopatum Osnabrugensem suffraganeis sibi primario de Clero Electores habuit. Præfæctam toti

CAPUT I.

Publicatio & Receptio Ss. Concilii Tridentini.

IN primis itaque debito nostro Episcopali satisfacere, ac vestigiis recolendæ memoriæ JOANNIS AB HOYA, Antecessoris nostri insistere volentes, Sacrosancti Generalis Concilii Tridentini Deceſſa, tam Doctrinam Fidei, quam Reformationem morum respicientia, ad DEI Omnipotentis gloriam, & subditorum nostrorum salutem recipimus, insinuamus, promulgamus, & publicamus; & ab omnibus subditis nostris, omni, quo fieri potest, meliori modo recipienda & servanda esse, decernimus per præſentes, in contravenientes, contumaces & rebelles, debitis & consuetis censuris & poenis animadversuri.

CAPUT II.

De Ecclesia, Fide, & Doctrina Catholica.

I.

UNam, Sanctam, Catholicam, & Apostolicam Romanam Ecclesiam, unam æterni Regis amicam, columbam, uxorem, Agni ipsius Sanguine acquisitam, a Sancto Spiritu & Apostolis edoctam columnam, & firmamentum veritatis, Divo Petro, ejusque Successoribus Romanis Pontificibus conceditam, in iis, quæ ad fidem, moresque pertinent, errare non posse, ipsius Sponsi, & Capituli Ecclesiæ Domini nostri JESU CHRISTI fidelis promissio, Apostolorum, & omnium orthodoxorum Patrum autoritas & consensio, omnibus sæculis ita confirmavit & approbavit; ut, qui illud non tenent, & contrarias aut diversas ab ea doctrinas, & opiniones seminant, suscipiunt, defendunt; tanquam filii tenebrarum

mox Diceſi Religionem ut redderet, excitavit Osnabrugi Societatis JESU Collegium, puerorum præcipue in fide ac bonis moribus Magistris Patriæ suffecturum, & quam modo damus, Synodum a saluberrimis, quas complectebatur, legibus excellentem anno 1625. celebravit. "Sed hos inter labores, scribit ad h. a. in *Annalib. MSS. Turcius*, ac renaſcentem fidem egregius Princeps Iburgi vita fungitur." Parentatum ad VI. Kal. Nov. ab Ordinibus Diceceſeos ac Magnatum Legatis vero Patriæ Patri & Religionis avitæ, Reparatori, qui pauculos intra menses, duorum usus e Societate Patrum opera, septem adultorum millia & amplius Orthodoxis adgregaverat. Hoc ipsi apud Osnabrugenses in Æde Cathedrali positum est Epitaphium:

EITELIO FRIDERICO

ZOLLERANO COMITI, PRINCIPI, EPISCOPO, CARDINALI,
GERMANIÆ OCULO,

Sed eheu! jam clauſo, jam purpurato cineri,
Jam nullo;

Violentia Superum, qui præpropere transcribere cælo,
Quem grandiore putavere terris,

DESIDERATISSIMO FRATRI
JOANNES PRINCEPS ET COMES ZOLLERANUS
Mæſtus poſuit & invitus:

Neque enim velle potuit eum tegi,
Quem ſpectari oportuiſſet uſque & uſque.

Conceſſit Osnabrugi Sede ſua Pontificia
Anno Chriſti MDCXXV. die XIX. Septembris,
Ætatis ſuæ XLIII.

Vid. P. Julium Cordarum in Hiſtor. Societ. P. VI. Lib. X. a p. 578. & ex eo P. Frid. Reiffenberg. in Hiſt. ejusd. Soc. ad Rhen. Infer. Tom. I. Lib. XVI. Cap. X., qui Cordaræ verbis pauca duntaxat notulas & ſcholæ ad calcem addidit.

brarum & diffensionis, ab ea procul sint alieni, & damnationem sibi acquirant, ac merito pro hæreticis ac schismaticis haberi debeant.

II. Quamvis autem, licentia, & iniquitate superiorum temporum, in hac Diœcesi nostra, variæ novatorum hæreses, & opiniones disseminatæ sint: confidimus tamen, ac fere etiam ita animadvertimus, tam altas radices in animis simplicium subditorum non egisse; ut existimare possimus, plurimos, superiorum temporum incuria, & ignavia, subversorum fraudulentia, & mobilitate quadam imperitæ plebis, atque adeo ignorantia magis, quam prava & obstinata animi malitia, delinquere.

III. Quorum saluti ut consulatur, & errantes oviculæ, Episcopali nostra cura, & vigilantia, ad unicum orthodoxi gregis ovile, & mysticam Noe Arcam, extra quam salus non est, & gremium Sanctæ Matris Ecclesiæ, in quo in fide & charitate fovemur & alimur, revocentur ac reducantur.

IV. Hortamur in Domino & serio monemus omnes & singulos cujuscunque status & conditionis subditos nostros, ut rejectis pravæ opinionum erroribus, & diverticulis, ac novatorum corruptelis, & imposturis ad puram, sanam, integram, sinceram Catholicæ & Apostolicæ Ecclesiæ fidem & doctrinam convertantur, ac redeant, errantibus, & dubitantibus directionem, instructionem, & satisfactionem, per nostros ad id deputatos Theologos, sive apud Nos, sive ubi ipsi voluerint, offerentes, ut tandem ovium animi cum suo Pastore conformentur, & unanimiter, & uno ore honorificetur Deus, & Pater Domini nostri JESU Christi.

V. Ad hunc finem nostrum optatum feliciter assequendum, statuimus, ut Pastores per totam Diœcesin nostram, sanam, orthodoxamque doctrinam secundum intellectum Catholicæ & Apostolicæ Romanæ Ecclesiæ, omni novitate rejecta, amplectantur, & ubique doceant: simulque etiam a vitioz, turpi, carnali, ac fordita vita (quæ defectionis, apostasiæ, & omni-

um hæreseom ac novitatum initium, ac fomentum omnibus fere sæculis extitit) ad sanctam, castam, puram, sobriam, & Sacerdotio dignam redeant, ac sicuti veros Dei Ministros & Dispensatores Mysteriorum Dei decet, Sanctissima Sacramenta digne administrare, docere, catechizare, verbo & exemplo prodesse laborent; secumque serio cogitent, quantam a Sacerdotibus novi testamenti Deus requirat cordis, corporisque munditiem, qui etiam in figura veteris Testamenti Sacerdotibus, & Levitis præcepit: *Mundamini, qui fertis vasa Domini*, quamque displiceat Filio Virginis, quem ipsi æterno Patri pro peccatis totius mundi quotidie offerunt, impuris animis suscipi, pollutis manibus tractari; Qui, etsi quidem infirmitatibus nostris se subjecit, de Virgine tamen nasci voluit, quique per Apostolum suum comminatus est: An nescitis, quia templum Dei estis, & Spiritus Dei habitat in vobis? si quis autem templum Dei violaverit, disperdet illum Dominus.

CAPUT III.

De Sr. Sacramentis, & eorum usu.

I.

CUM vero malorum omnium incensor Diabolus, cujus invidia mors in orbem terrarum introivit, post sparsa errorum suorum zizania, per suos emissarios (quorum commune cum maligno est studium) nihil majori favitia & humani generis damno moliat, quam ut Sanctissima Ecclesiæ Sacramenta, per quæ omnis justitia incipit, vel cæpta augetur, vel amissa reparatur, partim exterminentur, partim temere contemnantur, ac proculcentur, partim non legitime administrantur; ut fontibus, ac canalibus Divinæ gratiæ obduratis, vel sublati, Divinorum charismatum defluxus ac continuus gratiæ ac promissionis Christi in Ecclesia usus, & utilitas cesset, & definentibus remediis, spes omnis vitæ æternæ præscindatur.

II. Hinc maligni conatibus pro virili obistere cupientes, volumus, &

præcipimus omnibus & singulis Ecclesiarum Prælatiſ, Paſtoribus, Curatiſ, Vice-Curatiſ, aliisq; Eccleſiaſticis ſubditis noſtriſ, ut Sacramentorum verus ac legitimuſ ſit uſuſ, & quæ partim neglecta, partim exterminata, partim haud Catholice adminiſtrata in hiſ regionibuſ fuerunt, in ſanctum, rectumque uſum iterum revocentur, & de hoc populuſ diligenter inſtruatur; doceaturque, Sacramenta novæ legiſ, a Domino noſtro JESU CHRISTO inſtituta, neque plura, neque pauciora eſſe, quam ſeptem, videlicet Baptiſmum, Confirmationem, Eucharistiā, Pœnitentiā, Extremam Unctionem, Ordinem, ac Matrimonium; Quæque de eorum recto uſu, gratia & efficacia Chriſtuſ Dominuſ, Apoſtoli, Ss. Patreſ, Concilia, & noviffime Concilium Trid. unanimi conſenſu tradiderunt, & docuerunt, & Sancta Eccleſia Apoſtolica Romana recepit, approbavit, & fidelibuſ ſuiſ credenda, obſervandaque tradidit.

III. In primis autem, cum ex reliquiſ adhærentium ac glifcentium adhuc malarum, & Hæreticarum opinionum præteriti temporis ruduſ populuſ, ad uſum Caliciſ & Communionem ſub utraque ſpecie, adhuc propendeat; volumuſ & ſerio præcipimuſ, ut a Paſtoribuſ, Vicariis, Confeſſariis, Concionatoribuſ, & quibuſcunque curam animarum habentibuſ, & populuſ diligenter inſtruatur Communionem ſub una ſpecie, neque præcepto Chriſti, neque naturæ Sacramenti, neque fruſtui, & ſaluti communicantiſ repugnare, aut quidquam præjudicare; Et Eccleſiam pro communicata ſibi a Chriſto poteſtate, juſtiſ & rationabilibuſ, de cauſiſ conſuetudinem ſub altera ſpecie communicandi approbaſſe, & pro lege habendam decreviſſe. Nolumuſ vero ad illam temeritatem quemquam procedere, ut ſe univerſali, Catholica, Apoſtolica, Romana Eccleſiæ authoritati opponere, aut aliud ab ea ſentire, diſputare, aut etiam uſurpare, vel præbere audeat. In quo etiam hoc iſſidem Paſtoribuſ & Curatiſ mandamuſ, ne poſt Communionem ipſi ex calice, ſed ex decenti aliquo poculo, ablutionem per Cuſtodem, vel

aliquem ex honeſtioribuſ Laiciſ exhibeat; ne populuſ in opinione priſtina retineatur, aut etiam in pejorem errorem labatur, adoretque, quod adorandum non eſt.

IV. Sacroſanctum Miſſæ Sacrificium, quo vivifica illa Hoſtia, qua Deo Patri reconciliati ſumuſ, in altari per Sacerdoteſ quotidie immolatur, quantæ reverentia tractandum ſit, ex iſtiuſ operiſ Sanctitate ac Divinitate facile liquet. Quoniam vero multa in hiſ regionibuſ irrepſerunt, quæ a tanta Sacrificii dignitate aliena ſunt; inhærentes Conciliorum Generalium, ac Provincialium, & noviffime Tridentini Decretiſ; volumuſ & ordinamuſ, ut ab omnibuſ Sacerdotibuſ hoc tremendum Sacrificium, quantæ maxima fieri poteſt, interiori cordiſ munditiâ, & puritate, atque exterioriſ devotioniſ, & pietatiſ cultu peragatur, populuſque de huiuſ Sacrificii præſtantia, & dignitate diligenter inſtruatur, neque rituſ alii, aut aliæ cæremoniæ, quam ab Eccleſia approbatæ, adhibeantur, neque concioneſ germanicæ maxime ſuſpectæ, & Lutheranæ, aliudve quod minus Fidei ſanctæ integritatem ſapiſ, & non maximam venerationem ac reverentiam in ſe continet, admittatur.

V. Volumuſ etiam, ut Sacramenti Baptiſmatiſ adminiſtratio fiat adhibitiſ precibuſ, exorcismiſ, & Chriſmate, & Oleo ſacro, ſecundum librum Paſtorales, de quo poſtea mentio fiat.

VI. Ad Confirmationiſ Sacramentum adminiſtrandum pro Episcopali noſtro munere omnibuſ ſubditis Noſ offerimuſ; quod, cum ad ſanctificationem, & robuſ Spirituſ, augendamque gratiam omnibuſ propoſituſ ſit, a ſinguliſ etiam ſummo ſtudio expetendum & a nullo contemnendum eſt. De cujuſ etiam utilitate Paſtores, & Curati ſuoſ ſubditos diligenter admoneant.

VII. Pœnitentiæ quoque Sacramenti rectum legitimuſque uſum eſſe volumuſ, & ejuſ parteſ integraleſ Contritionem, Confeſſionem, & Satisfactionem, & quaſ conditioneſ habere debeat confeſſio, a Parochiſ & Curatiſ populo diligenter oſtendi, & explicari, ne iſ ſufficere exiſtimet generalem

ralem illam formulam tenuisse, neque ullam specificationem peccatorum necessariam esse.

VIII. Confessionem audituri Parochi & Sacerdotes sæculares, superpelliceo, aut saltem toga, & stola vestiti, in sedibus confessionalibus (quæ in Ecclesiis omnibus aperto, & commodo loco ponentur, obstaculo aliquo discriminata, ut dum quis confitetur, cæteri a spatiis plus æquo propinquis arceantur) tanquam Iudices sedent, & pœnitentes seu confitentes coram Sacerdote reverenter genua flectant, & ritu pœnitentium coram ipso, tanquam Christi Vicario, & Ministro se habeant.

IX. Ut vero Pastorum & Curatorum (maxime circa Pascha, & alia præcipua Festa) levior, & fructuosior sit labor; Nos, certos ad id deputatos Sacerdotes per Parochias mittimus, qui eis adjumento esse, ac simplicem plebem instruere, & expiare possint.

X. Quoniam præcedentium temporum licentia usus confessionis apud plerosque Pastores, & Curatos in pagis exolevit, & ob inhabilitatem ruralium Pastorum, forte non cum debito fructu perfici potest, & huic incommodo, remedio aliquo competenti per certas regiones deputatis Confessariis, succurramus.

XI. Extremæ Unctionis Sacramentum, quo ex hac vita migraturis Oleo salutis, & fidei oratione contra inimicum, præsertim calcaneo & fini hominis insidiantem, confertur gratia, & robur, eliminatum fere ex his regionibus nunc iterum revocatum, & in suum gradum & usum propositum esse volumus. Et ne hic difficultas aliqua remaneat, Nos, pro Episcopali nostro munere, omnibus & singulis Pastoribus Oleum sacrum in hos usus confectum in die Cænæ Domini, seu feria quinta hebdomadis majoris ante Pascha, secundum morem sanctæ Ecclesiæ distribui curabimus. Ad quod reverenter, decenterque suscipiendum omnes & singuli Pastores honesta vascula cum tribus receptaculis præparata habeant, & in decenti loco Templi reverenter custodiri curent.

CAPUT IV.

De ornatu, & munditie Templorum, & sacratorum locorum.

Merito quisque bonus, & honoris Dei Zelator, dolenti animo aspiciat publicum illum Divini cultus, & puritatis exterioris neglectum, qui communiter fere in Templis Diocesis nostræ conspicitur, & summam erga Deum, & res Divinas irreverentiam arguit, dum sancta Tempia, & Altaria, in quibus Sacratissima illa Victimæ incruenta pro totius mundi peccatis Deo exhibetur, ita situ, fuligine, & squallore obfita sunt, ut merito iram Dei excitare, & cuivis homini, Deum amanti, horrorem incutere debeant, hinc ad iram Dei & varias calamitates averendas, quas Deus immittere solet, quando in Templo sancto suo, ubi ipse non quasi conclusus, neque naturæ immensitate, qua ubique est, sed efficaci quadam assistentia, providentia, opulutione, benignitate, & in Ss. Eucharistia, singulari ac corporali sua præsentia existit, non omni, qua par est, interiori reverentia, modestia, & religione, exteriori vero cultu, munditie, & nitore colitur, honoratur, & adoratur: monemus, & hortamur omnes & singulos, quorum hæc in quibuscunque Ecclesiis, & piis locis cura est, & sub arbitraria pœna iis injungimus, ut in Templis & Sacellis, & circa Tabernacula, Altaria, & Baptisteria, & alia sacratoria loca, majorem nitorem, munditiam, elegantiam, ornatum procurent, ne Arca Dei non solum sub pellibus, sed etiam sub sordibus habitare dicatur. Hic cum universi, qui se omnia de manu Dei accepisse cognoscunt, tum vero Ecclesiastici, qui Beneficiis & opibus ab Ecclesia ornantur, suam erga Deum fidem, charitatem, reverentiam & gratitudinem ostendant.

CAPUT V.

De vita & honestate Prælatorum & Clericorum.

Cum vero Religionis optima sit reformatio Præsulum, ac Prælatorum

rum Ecclesiæ, Sacerdotum, ac Clericorum bona vita, sine qua tarda, difficilis, ac pene nulla erit reformatio, cum in Sacerdotum & Clericorum crimine sit causæ imperitiæ plebi videatur, cur hæreses non deserantur, maxime, dum in Dicecesi nostra ea hætenus in accusationem contra plerosque adducta sunt, quæ nec negari, nec defendi possunt, facileque consequatur, ut, quorum vita contemptui est, eorum quoque doctrina proculcetur, hinc Nos curam nostram Episcopalem adhibere, & securim ad radicem ponere cupientes, illa, quæ de vita & honestate Clericorum sacris Canonibus, & Conciliis, præsertim Concilii Tridentini, & Conciliorum Provincialium, & Dicecesanorum, Colonienſium & Osnaburgensium Decretis statuta sunt, & ordinata, omnibus pro diligenti observantia proposita, & serio commendata esse volumus.

CAPUT VI.

De Simoniacis.

Ubi ingressus ad Ecclesiam, & ejus officia vel beneficia vitiosus est, & præsumpta Spiritus Sancti circumventio, ejusdem influxum, & cooperationem impedit, nihil bonum, sanctumque subsequi potest, sed id solum, quod ad gehennam ædificat, & damnationem operatur. Quod eo magis in publicis Ecclesiæ Ministris evitandum est, quo ab his, detrimento publico & privato, periculosius, & damnabilius in isto genere erratur; dum spiritualia, aut iis annexa exitioso conatu, & damnabili nundinatione emuntur, aut venduntur; quæ ab impio & honesto suo Authore *Simonia* nuncupatur, gravissimumque crimen censetur. Quæ Simonia cum a radice omnium malorum; cupiditate & avaritia, quæ idolorum servitus nuncupatur; procedat, & suos authores cancroſo vulnere miserrime depascatur, ut propterea ab Ecclesia Dei, quæ domus orationis est, non spelunca latronum, aut nundinas exercentium, omnino sit expellenda: Hinc Nos, Constitutionibus Ecclesiasticis inhærentes, & omnes conatus, tractatus, intercessionem, pactiones,

consequendi, emendi, vel vendendi spiritualia, vel iis annexa, & inde subsecutas Provisiones, Electiones, Nominationes, Confirmationes, & Dispositiones quascunque, quæ præcedentibus temporibus contigerunt, vel in posterum attentari, aut præsumi possent, irritantes & annullantes, & ipso jure talia esse declarantes, hujusmodi Simoniacos, secundum terminos juris, & Pontificias Sanctiones, Beneficiis, & officiis Ecclesiasticis, omnibusque emolumentis inde procedentibus privatos, & præterea excommunicationis pænæ subiacere declaramus, a qua, secundum antiquas & novas Constitutiones Canonicas, nonnisi per Summum Pontificem, & Nos, speciales desuper sub certis modificationibus facultates habentes, absolvi poterunt.

CAPUT VII.

De Beneficiatis non residentibus, Ordines debitos non suscipientibus, pueris, & imidoneis &c.

Magnum præterea & damnabilem nec temporibus nostris tolerandum abusum in Ecclesiasticis Beneficiis comperimus, ut multi, illa obtinentes, vel absentes sint, vel Ordines Ecclesiasticos, Beneficiis, & officiis ex fundatione annexos, non suscipiant, aut alias pueri imidonei, & inqualificati sint, multique longa annorum serie Beneficia obtinuerint, quorum ne quidem institutiones, ac fundationes sciant, quæque etiam interdum penitus oblitteratæ sint, & suppressæ; Altaria vero, & alia pia loca, cum ipso Divino cultu, & debito officio, omnino negligantur, adeo, ut in isto genere omnia confusa esse animadvertamus, & quod ad laudandum & placandum Deum est institutum, ad majorem ejusdem cedat offensionem, & contemptum, magnoque populi scandalo & Divini Nominis irreverentia; Ecclesia dignis Ministris destituatur, & Beneficia indigne recipiant, qui nullum officium præstant, ad animarum certam perniciem eorum, qui indigne conferunt, & recipiunt. Hinc renovare cogimur ea, quæ

quæ de Beneficiorum collationibus, dignis, & qualificatis faciendæ, & de personali debitæ servitutis Ministerio Deo, & Ecclesiæ præstando (quod Residentiam vocant) tam jure communi, quam diversis Conciliis & Summorum Pontificum Sanctionibus statuta sunt & ordinata; quod ipsum diligenter, & sub obestatione Divini judicii, Ecclesiarum Prælati, & quibuscunque Colatoribus, aut Jus Patronatus obtinentibus, iungimus, & commendamus, sine exceptione observandum. Quorum negligentiam, & infidelitatem Episcopali nostra sollicitudine, & auctoritate supplere curabimus, eorum vero Beneficiorum, quæ indignis collata sunt, indignationem, & respective suspensionem, privationem, restitutionem; & ad terminos juris mentemque Fundatorum reductionem, Nobis reservantes, & nostro in Spiritualibus Vicario diligenter commendantes.

CAPUT VIII.

De concubinariis Clericis, eorum focariis, & spuriiis; ut eos neque ditent, neque dotent, neque domiant, nec Beneficiorum fructus iis relinquunt, directe, vel indirecte.

I.

INter illa vero vitia, quæ celari non possunt, cum nihil tam detestabilem, vilemque Clericum faciat, quam scdum illud carnis vitium, & concubinarus apertus, quo se illi, qui templa Dei, Ministri Filii Virginis, membra Christi esse debebant, membra Diaboli, & meretricis faciunt; & populum, quem exemplo vitæ bonæ, tanquam salis confricatione, erudire & servare tenebantur, scandalosæ vitæ offenculo perdunt; adeo ut a plerisque prudenter animadversum sit, cum primum in nostra Germania Sacerdotes effraetis modestiæ retinaculis, contubernales ducere, aut apud se retinere, prolemque procreare cœperunt, contemptum Sacramentorum, & in S. Eucharistia titubationem inchoatam, erroresque alios subsecutos fuisse, ut propterea

detestabilem hunc concubinatum, qui per Dicecesin nostram nimium grassatus fuit, & focariarum ac pellicum in domo detentionem, gravissimis pœnis & sanctionibus Conciliorum Generalium, & Provincialium, ac Dicecesanorum Colonienfium & Osnabrugensium, atque etiam in ipso Juris Canonici, ac Civili corpore contentis, ac demum Sacrosancti Concilii Tridentini Decretis explosum, reprobatum, & damnatum; evellere, & eradicare modis omnibus cupiamus, ejusdemque Concilii Tridentini Decretis inhærentes, ea omnia, quæ de concubinatus detestatione, persecutione, pœnis & censuris, statuta sunt, in realem viridemque observantiam traducta esse volumus.

II. Cum vero vitium illud tam turpe habeatur, ut merito Patroni, & quicumque Laici pro suo interesse illud accusare possint, atque adeo intolerabile sit, ut nullam excusationem mereatur, aut tergiversationem admittat; utque etiam Ordinariis locorum concedatur de jure, ac quovis meliori modo, sola facti veritate inspecta, sine strepitu & figura judicii contra concubenarios procedere: omnibus & singulis quoquo modo huic vitio innodatis iungimus, & mandamus peremptorie, ut sub expressis, & arbitrariis Nobis pœnis, quamprimum suas pellices domo ejiciant, tamque procul a se eliminent, ne ulla suspitionis peccati, scandalive causa, atque occasio amplius superesse possit. Cujus executionem nostro in Spiritualibus Vicario Generali serio committimus & commendamus. Nolumus vero ullum, qui concubinatus nota infamis fuit, ad officium aliquod posthac admitti, aut in eo tolerari, nisi ex speciali nostro scripto.

III. Cum etiam multas spurcitiarum reliquias luxuriosa præcedentium temporum calamitas copiose nimis Nobis effudit, quæ agrum Dominicum non secus, quam locustæ Egyptiacæ depascuntur, & patrimonium Christi fœde depeculantur; renovare cogimur ea, quæ a sacris Canonibus, & Provincialibus Conciliis salubriter statuta sunt; ac prohibemus omnibus & singulis Ecclesia-

clesiasticis Personis, cujuscunque status, & qualitatē sint, ac quocunque nomine censeantur, ne de patrimonio Christi, seu Præbendarum, Beneficiorum suorum fructibus concubinas suas, aut eorum filios, vel filias dotent, aut ditent, testamento, vel alio modo, expresse, vel simulate, fructus Beneficiorum, quos ante mortem perceperant, aut annos gratiæ, quos vocant, aut aliquid aliud, quod post mortem se accepturos sperabant, iis relinquant, neque eorum nuptiis aut exequiis intersint, iisque pompam & solemnitatem aliquam adhibeant, nec manusfideles, aut executores inveniant, per quorum manus, spurii, vel concubinis, fructus Præbendæ, Beneficii aut officii suppeditentur. Qui si Ministri iniquitatis esse voluerint, & contra hæc eorum attentaverint, præter poenas Nobis arbitrarias, ipso facto excommunicationis vinculo se innodatos cognoscant, & sic legare, aut donare præsumentes, Ecclesiastica careant sepultura, ac legatum Ecclesiæ cedat, a qua processerit.

IV. Ne verò impudicis patribus ex sua libidine perceptæ voluptatis, spuriorum aspectu, refricetur memoria, maleficus ardor remaneat, aut peccatorum & scandalorum occasio amplius alatur; illud serio injunctum volumus omnibus & singulis lapsis, ne impudenter spurios suos apud se domi retineant; neve filias domi in circuitu mensæ, & in publico, compositas & circumornatas in similitudinem Templi, populo ostendent, ac venditent; nec, de patrimonio Crucifixi, Veneris triumphum instituant; sed magis sciant, quod D. CONRADUS Archi Episcopus Coloniensis in suo Provinciali Concilio graviter moneat, ipsos, qui patrimonium Christi in usus malos, cum suis peccando sociis, expenderunt, teneri ad satisfactionem Ecclesiæ, cujus bonis taliter in suis concupiscentiis, & peccati illecebris sunt abusi. Quod sicuti perpetua Ecclesiæ autoritate ac lege fuit receptum; sic ita diligenter considerent, qui per hujusmodi fœdam consuetudinem, non Ecclesiæ, quæ ipsorum ministeria abominatur, sed magis Diabolo hætenus servierunt, &

ideo nec fructus juste percipiunt, nec suos faciunt, & ad restitutionem perceptorum obligantur: quæ qualis ipsis post hanc vitam futura sit, ubi ad novissimum quadrantem solutio exigetur, ipsis cum timore & tremore cogitandum relinquitur, si annos æternos in mente habere velint.

V. De Beneficiis vero & Ministris filiorum impudice natorum hoc observari volumus, quod tum de jure communi Canonico, tum sanctissime a Concilio Tridentino est statutum, ut ne ullus ad officium quodcunque, sine nostro speciali consensu, posthac admittatur.

CAPUT IX.

De Testamentis Clericorum, & Executoribus ultimarum voluntatum.

Volumus etiam & mandamus, ut Manusfideles seu Executores testamentarii quorumcunque Clericorum, seu Beneficiorum Civitatis & Diocesis nostræ Osnabrugensis de dispositione facta, bonisque inventis infra unius mensis spatium, post uniuscujusque obitum, & deinde de executione perfecta, infra unum annum, a tempore obitus sequentem, Nos, vel Officalem nostrum certiores reddant.

CAPUT X.

De habitu Clericorum & Barbis.

AD Clericalis Ordinis præstantiam, vitam, decentiam, ac honestatem spectat competens statui, & ordini corporis exterior habitus, qui personarum qualitatem & distinctionem a communi plebe designet, & dignum justumque est, ut, cujus stipendiis vivunt, ejus quoque habitu, tessera, insignisque utantur. Hinc omnino volumus, ut ad militiam Christi, & ministeria illius Sponsæ Ecclesiæ adscripti, istius militiæ & Regis gloriæ insignia præ se ferant, ac coronam Clericalem aperte gerant, capillorum vero & barbarum rasura tali utantur, ut nec comæ nimium producantur, aut in occiput reji-

rejiciantur, nec barbæ & mystaces ita alantur, ut ex superiore labro in alas excrescant, aut ultra ipsum in os propendeant, ne Sacerdotes, Corpus Dominicum & Sanguinem accepturi, per contactum barbæ, irreverentiæ peccatum incurrant, & ut hæc in aliis Clericis sacræ militiæ adscriptorum, non vero sæculo militantium, symbola sint.

II. Ecclesiastici vestibus longis utantur, secundum status sui exigentiam, non nimis pretiosis, neque superfluo cultu ornatis, aut aliqua levitate, aut singularitate notandis, in colore, aut brevitate nimia, aut scissura, aut forma peregrina; adeo ut omnis superbia, vanitas & curiositas absit; honestas vero, frugalitas, & simplicitas Clericali Ordini conveniens, ubique sit conspicua.

III. A crapula vero & comessationibus, ludis prohibitis, & quibuscunque commerciis sæcularibus, serio abstineant.

CAPUT XI.

De Præpositis.

PRæpositos, tanquam præcipuos Ecclesiarum Prælatos, ex iurisdictione a se præstiti religione, illa præcipue cura tangere debet; ut res, bona, jura, & privilegia Ecclesiarum defendant, bonas consuetudines observari, malas eliminari curent, & quæcunque ad utilitatem & pacem Ecclesiarum quovis modo pertinent, curare & promovere, easque ab omni damno & injuria vindicare & conservare satagant. Et quia ex nobilioribus membris Cathedralis Ecclesiæ nostræ defumuntur, & ampliores fructus Ecclesiasticos percipiunt, Nobisque ex officio conjuncti sunt, ea diligenter curent, ad quæ, ratione officii sui & iurisdictionis sunt obligati; in rebus vero difficilioribus, & quæ vires eorum superant, ad Nos, & nostram Episcopalem auctoritatem recurrant.

CAPUT XII.

De Decanis.

I.

DEcanorum ea sit cura, ut quæ ab omnibus & singulis Canonicis,

Tomus IX. Concilior. German.

Vicariis, ac Templi Officiatis, & Ministris debentur, in Residentia personali, Ordinum debitorum secundum Beneficii, aut officii qualitatem susceptione, Divino Officio, vitæ honestate, decenti habitu, fidei integritate, fidelitate, & officii executione &c. diligenter observentur; contumacium vero, inobedientium, & negligentium excessus, secundum rigorem disciplinæ Ecclesiasticæ corrigantur; crimina vero publica, luxuriæ, ebrietati, infirmitati, alex, rixis, carnis vitio & ignaviæ deditorum, secundum censuram Canonum, seclusionem a Sacris, fructuum subtractionem, & similibus modis puniantur.

II. Ad hoc Capitula, quæ vocantur Disciplinæ, multum valebunt, si cum nomine rem ipsam conservent, ac in iis de vitæ Canonicæ, morumque disciplina, & rebus sacris serio & efficaciter tractetur.

CAPUT XIII.

De Archi-Diaconis.

ARchi-Diaconorum, qui in subsidium, & relevamentum sollicitudinis nostræ Episcopalis, tanquam Ministri cooperatores, admissi sunt, eam cum primis curam esse volumus, ut Nos opere & officio juvent, in Synodis suis Archi-Diaconalibus, scopum & finem rectum diligenter observent, ad Dei gloriam, honorem, & utilitatem Ecclesiæ, & animarum salutem omnia dirigant, Commissarios suos, viros inculpata vitæ, in sacris Ordinibus constitutos, graves, modestos, ac Deum timentes habeant: Excessus canonice puniant, ab omni avaritiæ, fordidumque specie abstineant; poenas pecuniarias (si quando aliæ non ita proficiunt) ad salutem tamen animarum referant, nec poenitentia loco pecuniam emungant, neque vitiorum correctiones, pecuniæ, muneris, aut alterius rei gratia dissimulent, ne subditi nostri pauperiores simul, & deteriores fiant, aut spolientur magis, quam emendentur. Quod si interdum Canonica Sanctione, pecuniaria poena aut decreta, aut decernenda sit; ea in pios tantum usus, eo ipso, quod exacta fuerit, assignetur, ne ma-

Y y-

gis

gis avaritiæ, quam correctionis causa extorta censeatur, serioque apud se reputent, nihil gravius Prælatos coram Deo accusare, quam si peccata, ob pecunias & munera, relinquunt impunita; in his vero omnibus observent, quæ tam a sanctis Canonibus, quam Generalibus & Provincialibus Conciliis optime sunt constituta.

CAPUT XIV.

De aliis Ministeriis, & Gradibus Ecclesiasticis.

Sunt deinde in Ecclesiis, præter Præpositos, Decanos, Archi-Diaconos, diversi Ministrantium gradus; nempe Scholastici, Cantores, Thesaurarii, seu Sacristæ, Canonici, Vicarii, atque id genus alii. Interpretetur quisque vocabulum suum, & curet esse, quod dicitur, secundum veterum Patrum institutionem & regulam: atque eo solo fecerint, ut vocationi suæ & nostræ, ac piorum omnium expectationi, magna ex parte respondisse videantur.

CAPUT XV.

De Parochis, Sacellanis, Sacerdotibus, Vicariis, & aliis Ecclesiæ Ministris.

Quanta vitæ innocentia & munditie præditi, quanto zelo inflammati, quanta perfectionis Christianæ puritate conspicui esse debeant, qui alios mundare, accendere, & perficere cupiunt; quod Parochorum, & Concionatorum, & eorum, qui animarum curam gerunt, & universim Sacerdotum, Sacellanorum, Vicariorum, & aliorum Ecclesiæ Ministrorum, qui populi peccata comedunt, seu publico Ecclesiæ stipendio sustentantur, proprium est, dum attenta mente consideratur, simul etiam facile animadvertitur, quantum in nostræ Diœcesis Pastoribus, aliisque Ecclesiasticis desideretur, quos tam procul a vocatione & status sui obligatione discessisse videmus. Quorum omnium salutem & veram vitæ morumque conversionem, qua populo præluce, & illum in viam salutis reducere possint, cum ar-

denti desiderio sitiamus, nec quemquam abjicere, sed, quantum fieri potest, præsentī necessitati mederi, & futuro periculo modis omnibus occurrere cupiamus; cum seria periculi, statumque sui admonitione, invitamus omnes & singulos, qui præcedentium temporum injuria atque incuria in quosvis errorum, aut opinionum labyrinthos, aut carnales nævos, prolapsi sunt, ut Nobis, aut Vicario nostro in Spiritualibus, ac illi adjunctis Theologis, ac viris prudentibus & Religiosis pro instructione, & suorum errorum revocatione, & criminum abolitione se fistant, & ad Dei gratiam & sanctæ Matris Ecclesiæ unitatem redeant. In quo omnibus & singulis, ad cor vere conversis, & pœnitentibus, eam, quam hætenus cæteri Curati experti sunt, gratiam & benignitatem nostram offerimus; contra inobedientes, & Statui Ecclesiastico conformiter non viventes, aliter processuri.

CAPUT XVI.

Ne Parochi sordida Ministeria usurpent.

Nolumus vero Pastores & Curatos rurales opera sordida, & servilia subire, ita ut magis colonorum & rusticorum hominum, quam Pastorum, & Ecclesiæ Ministrorum speciem præ se ferant. In quem finem intendimus, quantum fieri potest, ut prædia eorum, & agri pro competente censu elocentur, ad honestum victum & vestitum eis suffecturo.

CAPUT XVII.

De Parochorum victu competente, seu honesto.

Illud etiam compertum est, quosdam Pastoratus, cessantibus nunc quotidianis oblationibus, & pia Majorum liberalitate, ac forte etiam substractis, & incorporatis decimis, censibus, juribus, & obventionibus, Majorum liberalitate, ac munificentia, ad Pastorum sustentationem & solatium destinatis, ad eam tenuitatem redactos, ut fere sufficienti, & honesto vitæ subsidio destituantur: quo fit, ut, magno

animarum detrimento, pauci reperiantur idonei, qui hujusmodi Ecclesiis præfici desiderant, & multi ad fordida, & servilia opera, non levi Ecclesiastici Ordinis dedecore converti cogantur. Cui incommodo occurrere volentes, constituimus & mandamus, ut omnes & singuli Parochi, & Pastores, proveniunt Ecclesiarum suarum, Altarium, & Beneficiorum Nobis, aut nostro in Spiritualibus Vicario Generali, quam primum exhibeant cum designatione, & intimatione, si quid ab aliis detineatur, aut usurpetur, ut ratio certa iniri possit, qua Pastoralis necessitati ac honori, quantum fieri potest, succurratur.

CAPUT XVIII.

De Juribus Ecclesiasticis, piis foundationibus & officiis conservandis.

QUibus etiam & universim aliis Prælati Ecclesiasticis, & Ecclesiarum Ministris serio commendatur, ut diligenter adlaborent, quo Ecclesiarum jura integra permaneant, & sacrarum foundationum obligationes non obliterentur; neve constituta a fidelibus Missarum Officia, aut piæ foundationes, Ministrorum negligentia, omittantur, aut aliorum etiam infidelitate intervertantur; & scilicet aliquid tale factum esse meminerint, aut indagare potuerint, similiter ad Nos quamprimum fideliter referant.

CAPUT XIX.

De Libro Pastoralis, seu Cæremoniali.

Quia etiam rituum, ac cæremoniarum in Sacramentorum administratione magna est variatio; hanc præcavere cupientes, autoritate Serenissimi, & Reverendissimi Principis, & Archi-Episcopi Colonienfis, tanquam Metropolitanis, anno 1614. Colonie impressum, & approbatum librum Pastoralem, quem Agendam vocant, ita omnibus commendatum cupimus, ut illo solo in Sacramentis dispensandis, & sacris Officiis & Cæremoniis perficiendis utantur, ut nec Sacramentalibus, nec essentialibus alicujus

Tomus IX. Concilior. German.

Sacramenti quicquam unquam detrahatur, vel contra morem Ecclesiæ Catholicæ, aliquid in iis immutetur; injungentes omnibus & singulis Pastoribus, Vicariis & Sacellanis curatis, ut hunc librum non solum habeant, sed & diligenter revolvant, sibi que usu & lectione frequenti familiarem reddant; & requirimus omnes & singulos, quibus visitandi Ecclesias munus incumbit, ut in hanc rem oculos diligenter intendant, ne qua Parochia isto libro careat, sed bina exemplaria habeat, & contra negligentem debitam animadversionem adhibeant.

CAPUT XX.

Sacramenta & Parochialia officia quomodo gratis administranda.

Quamvis in Pastoribus & Curatis reprehensibile non sit, illud, quod post Sacramentorum administrationem sponte offertur, accipere, aut, quod juxta laudabilem consuetudinem eis debetur, peracto ministerio petere; caveant tamen, ne directe, vel indirecte passionem aut contractum aliquem ineant, pro Sacramento administrando, prædicatione, sepultura, vel quovis alio Pastoralis officio peragendo, aut ne contra voluntatem pauperum hominum aliquid ab ipsis extorqueant, aut pretia certa præfigant, aut in ipso Baptismate infantium, qui legitime nati non sunt, ulterius aliquid, & quasi in pœnam (quod factum esse, illibenter intelleximus) requirant, ne avaritiæ, & Simonie a Canonibus inflictæ pœnæ reatum incurrant, ac etiam pro modo culpæ, arbitrarie a Nobis puniantur. Superfluum etiam & ab Ecclesiæ Catholicæ usu alienum censemus, in quorumvis rusticorum, & puerorum sepultura conciones adhibere; sed poterit populus, post cæremonias Catholicas, admonitionem succinctam moralitatis, ac cohortationem solitam ad preces deinde dimitti.

CAPUT

CAPUT XXI.

In Matrimonio contrahendo servetur Decretum Concilii Tridentini.

DE Matrimonio autem servetur Decretum Concilii Tridentini *Sess.* 24. *C. 1. de Reformat. Mat.* sciantque omnes, qui aliter, quam præsentem Parochi, vel alio Sacerdote, de ipsius Parochi, seu Ordinarii licentia, & duobus testibus præsentibus Matrimonium contrahere attentabunt, huiusmodi contractus nullos & irritos esse, nec Matrimonium, nec prolem inde natam legitimam esse: Quod a Parochis, subditis suis publice denunciari mandamus, & ut diligenter ea observentur, quæ ibidem de proclamationibus faciendis, & præparatione ad sacrum Pœnitentiæ, & Eucharistiæ Sacramentum, Sponsis insinuanda præcepta sunt.

CAPUT XXII.

Ss. Sacramenta ne in privatis ædibus administrantur, sine gravi causa, & expressa licentia.

Volumus autem in his Ss. Sacramentis debitam majestatem & reverentiam observari, ne sine justa causa, necessitate, aut Ordinarii licentia, in privatis ædibus ministrantur, aut celebrentur, sed in locis, quæ ad hoc publico usu destinata sunt, & quæ Ministrantes & suscipientes, omnesque circumstantes, in fide, charitate, ac debita reverentia magis accendant, omnique cultu ac religione sanctissime peragenda admoneant.

CAPUT XXIII.

Ut decor domus Domini conservetur, & habitus decentia in administratione Ss. Sacramentorum.

Quapropter quod supra quoque insinuatum fuit, omnino volumus & mandamus, ut Tabernacula, Baptisteria, Altaria, & similia loca, nitida omnique cultu adornata sint:

quæ Parochorum perpetua inspectio, Aëditorum, aut Custodum diligens cura erit. Et ut Sacramentum aliquod administraturus, decenter indutus sit vestibus sacris, ad minus superpelliceo, & stola, & qui illi adfuit, sive Clericus, sive Aëditus, aut Sacristanus, mundo & decenti superpelliceo sit indutus, qui Sacerdoti oranti totius Ecclesiæ nomine respondeat.

CAPUT XXIV.

De non admittendis Sacerdotibus, nisi cum approbatione.

Non liceat vago, ignoto, aut extraneo Sacerdoti, Missarum celebrationem, vel etiam cuivis alteri Sacerdoti, Confessionis, vel aliorum Sacramentorum administrationem, aut verbi Divini prædicationem in Ecclesiis nostræ Diocesis assumere, nisi examine præmissio & approbatione nostra, vel nostri in Spiritualibus Vicarii, in scriptis obtenta.

CAPUT XXV.

De libris necessariis Parochorum, & Catechismo.

I.

Hortamur etiam Parochos, ut libros necessarios, & ad officium suum exequendum commodos, sibi comparent, ac, præter utrumque Testamentum approbatæ translationis, latinæ & germanicæ, Sanctorum Patrum libros, quoscunque pro facultatibus suis poterunt, comparare sibi studeant; præsertim eos, qui Pastoralia officia exercuerunt, & ad hæc in scriptis suis excolenda collimarunt, ac præsentem statui Ecclesiæ ad defensionem fidei, & restitutionem morum, ac disciplinæ Christianæ plurimum conferunt, quorum indicem, si ita res postulet, ipsis posthac dabimus.

II. Parochi quoque & Curati, Catechismum Canisii, quem edi, & distribui curavimus, diebus Festivis, ac Dominicis, tempore congruo, pueris & rudi populo proponant, & diligenter explicant.

III. Volumus quoque ad incertitudi-

itudinem omnem multaque incommoda præcavenda, ut omnes Pastores & Curati tres libros habeant, in quorum uno Baptizatorum nomina cum Patris, cum anno & die & parentum nominibus scribantur; si sit autem illegitimus partus, matris tantum nomen adscribatur.

IV. in secundo referantur nomina eorum, qui Matrimonio junguntur, similiter cum anno, die, nominibusque parentum, seu proximorum cognatorum, & aliquot testium.

V. In tertio, juxta ordinem domorum, vicinitatum, ac familiarum, conscribantur omnium, & singulorum Parochiali curæ subsectorum nomina, cum die nativitatis, & Baptismatis; & si ad rationis annos pervenerint, singulis annis per notam illud adscribatur, qui peccata sua confessi fuerint circa Pascha, & Communionem susceperint, & aliorum nomina, qui confessi non fuerint, nec communicaverint, & infra Pascha, & Pentecosten Nobis, aut nostro in Spiritualibus Vicario, in scriptis exhibeantur.

CAPUT XXVI.

De promulgatione, & insinuatione rerum necessariarum a Pastoribus faciendæ.

His quoque Pastoribus, & Curatis serio injunctum volumus, ut, quæ in Statutis Synodalibus, aut alias a Nobis constituta & promulgata sunt, aut quæ ex Concilii Tridentini Decretis ad Parochianos suos pertinent, ipsis intimare, & inculcare non omittant.

CAPUT XXVII.

De Provisoribus, Structoribus, seu Magistris fabricæ.

Provisoribus, seu Ædilibus, & Structoribus Ecclesiarum & Capellarum (quos non alios, quam Catholicos esse volumus) serio injungimus, & mandamus, quatenus Ecclesias, Capellas, Oratoria, Altaria, cimiteria, campanas, fenestras, Sacerdotalia paramenta, & quæcunque vasa ad Divinum usum & Ecclesiæ Sacramenta deservien-

tia, fieri, reparari, restaurari, conservari, & renovari faciant, & procurent, & ad Pastorum, & Curatorum requisitionem in hoc se faciles, & obediens præstent; alioquin poenam nostram arbitriam pro modo negligentia, seu contumaciæ experturi.

CAPUT XXVIII.

De rationibus reddendis.

Quibus etiam sub distinctione eadem mandamus, ut Ecclesiæ redditus non in alios usus extraneos convertant, & singulis annis, in præsentia Parochi, & ad hoc deputatorum accuratas & particulares rationes reddant in scriptis, conservandas in cista aliqua Templi; quas, requisiti, Nobis, aut nostris ad hoc Deputatis, facile exhibere possint.

CAPUT XXIX.

De Archivo, Inventario, & Transumpto literarum, monumentorum, & Registorum.

I.

Literæ originales, Registra, & alia quæcunque monumenta & instrumenta, in Archivo, vel cista, tribus differentibus seris custodita, diligenter asserventur; cujus unam clavem habeat Pastor, alteram senior Ecclesiæ Provisor, seu Ædilis, tertiam ejus senior Collega obtineat; nec unquam archivum, vel cista aperiatur, nisi singuli clavium Custodes personaliter sint præsentibus.

II. Præter vero summariam illam designationem reddituum Pastoralium & Beneficiorum (de qua supra C. 17.) harum omnium literarum, monumentorum, instrumentorum, jurium, reddituum, obventionum inventarium quamprimum opera Pastorum in præsentia Notarii ubique conficiatur, & paulatim etiam in authenticam formam a Notario transsumatur, sicuti etiam quæcunque rerum Ecclesiasticarum mobilium, calicum, corporalium, purificatoriorum, sanctarum Reliquiarum, vestium sacrarum, ornamentorum, librorum, aliorumque sacrorum instrumentorum.

mentorū repertorium instituat, ut Ecclesiarum necessitates eo magis agnoscere, ac juvare possimus.

CAPUT XXX.

De Ludimagistris.

Magistri quarumcunque Scholarum in civitatibus, oppidis, ac pagis, aut aliis locis non admittantur, nisi se Nobis, aut nostro in Spiritualibus Vicario præsentarint, & licentiam ludum aperiendi, ac juventutem docendi, in scriptis obtinuerint.

CAPUT XXXI.

De Custodibus.

Custodes quoque, seu Campanarios qualificados requirimus; qui non admittantur, nisi Catholici, & approbata vitæ, noverintque ea, quæ sui sunt officii, Pastori suo & Parochiæ fideles sint, & ab initio officii sui cum inventario omnia recipiant, & quatenus necesse videbitur, fidei iussores constituent, ac dum Divinis assistunt, aut in ministerio Templi, ac Chori sub sacris Officiis, cereis accendendis, necessariisve procurandis interfunt, superpelliceis induti esse debent; Quod Thesaurariis Collegiarum Ecclesiarum, & iis, ad quos hæc cura in Parochialibus pertinet, iunctum esse volumus, & ut diligenter caveatur, ne sacra vasa, ab iis, aut aliis indignis, irreverenter contingantur, aut tractentur, & ut vestimentorum, mapparum, pallarum, & altarium, corporalium ablutio, secundum communem Ecclesiæ consuetudinem, ac toties fiat, ut nitor, puritas, & reverentia Deo, sacrisque rebus debita, conserventur.

CAPUT XXXII.

De Hospitalibus, Capellis, & aliis piis locis.

Hospitalium quoque, Capellarum, Conventuum, Altarium, & quorumvis piorum locorum curam, & restitutionem ita ad nostram Episcopalem inspectionem pertinere scimus, ut sine reatu conscientiae ex his negligere nihil possimus, aut velimus; sicubi pro-

fanata, suppressa, aut interversa, ut restituantur, & Divinum Officium, & aliæ piæ fundationes, juxta tenorem institutionum, peragantur.

CAPUT XXXIII.

De Commissariis, Visitatoribus, & Superioribus Sanctimonialium.

Hortamur & requirimus quoque omnes, & singulos Ordinum quorumcunque Monialium Superiores, Commissarios & Visitatores, ut in vitam & mores sibi subditarum Sanctimonialium serio inquirent, quæ ad clausuram earum pertinent, studiose observari faciant, & eas nullatenus extra Monasterium vagari, sed ne quidem Monasterio exire, aut clausuram ad brevissimum tempus relinquere sinant, nisi ex causis a jure expressis, & nostro consensu, in scriptis obtento.

Habitum etiam earum ad simplicitatem Ordinis Religiosi reducant, Patres aut Confessarios idoneos illis perficiant (quorum nullum sine socio residere permittimus) bis, terve singulis annis Confessarios extraordinarios illis offerant. In primo ad Religionem ingressu, nullam Simoniam, in vestitionibus nulla, in professionibus vero non lauta, & sumptuosa convivia, nullas particulares familiaritates, nec victualia, quæ ipsæ secundum voluntatem suam administrent, neque alia, quæ statui ipsarum & carentiæ proprii, vel paupertatis voto, contraria sunt, admittant; & omnia, quanta fieri potest accuratione, ad normam Regulæ (sine qua nihil recte fit) exigant.

Virorum vero Monasteriis pietatem, graves & religiosæ vitæ congruentes mores, & sacrarum Literarum studia serio commendamus; sine quibus non tam religiosa, quam vita otiosa esse, dicique potest.

CAPUT XXXIV.

De Examine Ordinandorum, & admittendorum ad sacra Ministeria, maxime ad curam animarum.

Volentes autem in futurum præcavere, ne ad ministerium Ecclesiæ,

fiæ, & maxime animarum curam accedant ii, qui idonei non sunt, cum illud certum sit, quod ordinatio, & institutio janua sit, per quam fit ingressus ad Ecclesiarum ministeria, qui si sit corruptus, totam Ecclesiæ œconomiam evertit; repetimus ea, quæ in Concilio Tridentino de ordinandorum, & ad curam præcipue animarum admittendorum examine salubriter sunt statuta. Nolumus autem ullum posthac cujuscunque status ad Ordines & Beneficia, maxime curata, sine hujusmodi examine admitti, provisiones autem, collationes, institutiones, investituras, aliter factas, nullius roboris declarantes.

Deputantur autem Examinatores cum Vicario nostro in Spiritualibus Generali:

D. Præpositus Cathedralis Ecclesiæ Sixtus a Lauckema.

D. Decanus Cathedralis Ecclesiæ Theodorus Morrien.

P. Stephanus Pulingius, Abbas Iburgensis.

P. Nicolaus Altenhausen, Prior Domini canorum.

P. Joachimus Joannis, Societatis JESU Presbyter.

D. Conradus Bueren, Sacellanus Curatus Cathedr. Ecclesiæ.

CAPUT XXXV.

De Judicibus delegatis in partibus constituendis.

UT etiam sumptibus litium, compendationibus, ac longioribus evocationibus obviam eatur, ut ea, quæ de Judicibus delegatis in partibus constituendis, quibus præter Ordinarios locorum in partibus causæ Ecclesiæ ac spirituales, seu ad forum Ecclesiasticum pertinentes, committi possint, a Ss. Concil. Trident. Sess. 25. de Reform. Cap. 10. statuta sunt, in usum & praxin quamprimum deducantur, designantur in Synodo:

D. Præpositus Cathedr. Ecclesiæ Sixtus a Lauckema.

D. Decanus Cathedr. Ecclesiæ Theodorus Morrien.

D. Decanus Collegiæ Ecclesiæ S. Joannis, David Fabricius.

D. Judocus Uphausen, J. U. D. & ejusdem Ecclesiæ Collegiæ Canonici.

CAPUT XXXVI.

De Civibus, Incolis, & Subditis Diœcesis Osnabrugensis.

Cum vero in Republica Christiana, & utroque Statu, Ecclesiastico, & Politico, suprema lex sit salus populi, omnesque leges tam Ecclesiasticæ, quam Civiles ad interiorem munditiæ, & pacem exteriorem, ordinentur, quorum finis est, beatitudo omnium & singulorum hominum, quæ sine vera Religione & virtutis exercitio obtineri non potest, hinc mandamus omnibus & singulis nostris subditis, civibus & incolis, ut post puritatem veræ & Catholicæ Religionis susceptam, virtutis studio se dedant, publica crimina, maledicentias, blasphemias in Deum, Ss. Sacramenta & Sanctos, adjurationes, imprecationes, ebrietates, comestationes, rixas, dissensiones, discordias, impudicitias, scortationes, & quæ sunt cætera opera carnis, non spiritus & virtutis, evitent; sub gravibus penis, in sacris Sanctionibus, & tam criminalibus, quam civilibus Constitutionibus contentis, aliisque Nobis arbitrariis. In hanc rem etiam serio Superiores, Magistratus, Officiales, Curati & Pastores incumbant, ne quid per eorum socordiam, & negligentiam debitæ admonitionis, ac necessariæ instructionis, & respective punitionis & correctionis publicæ & privatæ prætereatur; ut Deo cultus debitus, honor & gloria, & Politico Statui civilis honestas, & modestia integra observentur.

Hactenus Constitutiones Synodales.

Sequitur Instrumentum Notarii.

IN NOMINE DOMINI, AMEN.

NOverint universi & singuli hoc præsens publicum Instrumentum inspecturi, lecturi, & audituri, quod anno a Nativitate ejusdem nostri Domini JESU CHRISTI, Millesimo, sexcentesimo, vigesimo quinto, Indictione octava, die vero Martii, quarta mensis Martii, stylo correcto, inter undecimam & duodecimam horam ante meridiem, Pontificatus

catus Sanctissimi in Christo Patris, & Domini nostri URBANI, Divina Providentia Papæ VIII. anno Secundo, in mei Notarii publici, Testiumque infra scriptorum ad hoc specialiter vocatorum & rogatorum, præsentia, finita Concione Synodali, & peractis aliis solemnitatibus, personaliter constitutus, Reverendus admodum Clarissimus & Consultissimus Vir, Dominus ALBERTUS LUGGENIUS, Illustrissimus & Reverendissimus Principis & Domini, Domini ITELII FRIDERICI, Dei gratia S. R. E. Cardinalis de Zollerem, Episcopi Osnaburgensis, Domini nostri Clementissimi, Vicarius in Spiritualibus Generalis, ac Proto-Notarius Apostolicus, habens ac suis manibus tenens Schedulam quandam Protestationis, quam clara & intelligibili voce coram tota Synodali Congregatione prælegit, lectamque mihi Notario tradidit, fuitque protestatus solenniter, prout in eadem latius continetur; requirens & petens desuper unum vel plura publicum, seu publica fieri & confici Instrumentum & Instrumenta. Acta sunt hæc in superiori Domo Capitulari Osnaburgensi coram tota Congregatione, sub anno, Indictione, mense, die, horis & Pontificatu, quibus supra, præsentibus ibidem Honorabilibus, Eximius & Doctissimis Viris Dominis, Davide Martingio, & Conrado Bueren, Ecclesiarum Cathedralis Osnaburgensis, & Collegiatae ad Sanctum Joannem ibidem, respective Canonico, Vicario, & Concionatore, tanquam Testibus ad præmissa specialiter rogatis & requisitis. Præactæ Protestationis autem schedulæ tenor est talis:

Illustrissimus ac Reverendissimus Princeps & Episcopus Osnaburgensis, Dominus noster Clementissimus, publice & in his scriptis per expressum protestatur, ex quo nonnulli, qui huic Synodo (*) de jure, vel consuetudine interesse debuerant, pro hac quidem vice, tanquam notorie inhabiles, in specie citati non sunt; alii etiam vel metu, vel prætextu alicujus exemptionis non comparuerint, quod in hoc Illustrissima & Reverendissima Celsitudo Sua, sibi, suisque Successoribus nullatenus præjudicare, sed potius jus suum sibi integrum & inviolatum, & contra contumaces omnia competentia juris remedia reservare & reservata esse intendat, petendo desuper a vobis Notario Instrumentum & Instrumenta.

Et ego Gerhardus Brickwedde, publicus Notarius, & Venerabilis Curie Episcopalis Osnaburgensis Scriba communis, quia prædictæ declarationis publicationi, protestationi, omnibusque & singulis, dum sic, uti præmittitur, fierent, & agerentur, una cum prænominatis Testibus præsens interfui, eaque sic fieri vidi, audiui, ac in notam sumpsit, idcirco præsens publicum Instrumentum exinde confeci, subscripsi, publicavi, & in hanc publicam formam redegi, signoque, nomine & cognomine meis solitis & consuetis signavi & corroboravi; in fidem & testimonium omnium & singulorum præmissorum specialiter rogatus & requisitus.

Lünig Spicil. Eccles. P. II. a pag. 597.



(*) Nullis Synodum hanc Notis distinctam exhibet citatus, unde illam transcripsi, Lünigius. Secus fit in Editione Osnaburgensi A. 1628., ubi præter Scripturæ sacræ, SS. PP. & Juris Canonici locos, varia variis sub Archi-Episcopis, maximam partem Colonienfis Concilia, inprimis vero Ss. Oecumenicum Tridentinum, opere continuo, ac serie designantur.

SYNODUS DIOECESANA SEDUNENSIS (*)

IN VALLESIA,

Anno Christi MDCXXVI. Urbani VIII. Papæ IV.
Ferdinandi II. Imp. VIII.

HABITA,

Præsidente Reverendissimo & Illustrissimo Domino,

D. HILDEBRANDO JODOCO, (**) Sedunensi LXXII. Episcopo,
Vallesiae Comite ac Præsfecto, S. R. I. Principe,
ad diem 25. Aprilis.

HILDEBRANDUS JODOCUS, DEI ET APOSTOLICÆ

Sedis gratia Sedunensis Episcopus, Præsfectus ac Comes Vallesiae & S. R. I. Princeps &c.

Universo Clero, populoque nostræ Civitatis & Diocesis Sedunensis,
Pacem & Episcopalem Benedictionem.

PLures sunt anni, cum plura collecta habuimus, quæ ab ipso suscepti Episcopalis officii exordio notari capta, ad exoptatum nostræ Diocesis statum conducere judicabamus. Ea ipsa de Illustrum, Reverendorum, Venerabilium Dominorum Decanorum, reliquarumque Dignitatum, & Canonicorum nostræ Cathedralis Sedunensis Ecclesiæ consensu, in nostrâ Diocesana Synodo anno M. DC. XXVI. non tantum fuerunt promulgata; verum etiam ab omnibus, qui eidem Synodo per Nos legitime congregati, & ex præscripto Sacrosancti Concilii habita interfuerunt, unanimi assensu sunt acceptata. Nunc aliquando eadem aeneis consignata typis, superatis omnibus, quæ diu, multumque nostris conatibus, & votis obstiterunt, difficultatibus eo fine in lucem evulgantur, ut, quæ post longam plurium annorum observationem & experientiam ad DEI gloriam, & animarum salutem sunt decreta, tot Venerabilium, Reverendorumque Patrum consensu & assensu ac-

ceptata, illa ab universo in posterum nostri Episcopatus Clero, populoque observentur. Quare pro ea, quam in vos habemus, auctoritate; pro reciproca, qua vos in Nos obstricti estis, observantia per JESU CHRISTI Domini nostri viscera, & Sanguinem cunctos rogamus, & vero jubemus, ut universi pro statum, officique sui partibus & munere in exactam horum Decretorum incumbant observationem. Etsi prout res fert, aliquas subinde sacræ Scripturæ, Canonum, sacrarum tam Generalium, quam particularium Synodorum producamus auctoritates; multo tamen plures conticemus. Quin indocti credent, docti recognoscent, nihil in his Decretis haberi, quod Divinis Literis, sacris Conciliis, & Canonibus, Sanctis Patribus & Theologiæ Doctores, vel acceptum non referri debeat, vel conforme non sit, quod vel unum ad diligentem nostrorum Decretorum observationem, universos vehementer commovere potest, debetque. Ne quis

(*) Episcopatum Sedunensem unum esse e vetustissimis totius Galliæ, scribit Jofias Simlerus in Vallesiae & Alpium descriptione, anno 1633. Lugduni Batavorum in 24to. edita. Cratopolis in assertionem Missæ cum eodem facere viderur. Sunt, qui Italiæ Episcopatum nominent. Nos Bucelino in Germania sacra, Josepho Binero S. J. in observat. Cathol. de Ecclesia Part. III., & Historiæ Ecclesiæ Germaniæ de Archi- & Episcopatibus, aliisque Scriptoris adfuerunt, Episcopatum illum Germaniæ nostræ tribuimus, atque inter antiquissimos ipsius Episcopatus numeramus.

(**) Vide sub finem Synodi.

quis porro ullam ignorationem possit prætexere, mandamus omnibus Parochis, aliisque curam animarum habentibus, ut has nostras Constitutiones comparent, inter libros suarum Parochiarum inscribant, suis Successoribus relinquant, comparatas legant, lectas intelligere studeant, intellectas data, quesitæque occasione etiam pro concione populo edicant, ipsi observent, & ab universis, quibus poterant mo-

dis, curent observari: dum hæresum, si quæ supersunt, reliquæ extirpentur; dum Divinus cultus, Catholicaque Religio augeatur; dum emendatis vitis, vitæ Christianæ sanctitas toto nostro Episcopatu efflorescat, qui unus finis est, ob quem has Constitutiones evulgamus, & evulgatas observari mandamus. In nostra Sedunensi arce, (alias Majoriæ) die 28. April. Anno Domini 1635.

ELENCHUS CAPITUM ET PARAGRAPHORUM hujus Constitutionum Synodi.

CAPUT I.

De Religione & Fide Catholica.

- §. I. Professio Fidei orthodoxæ.
- II. Loca & exercitia prave Religionis interdita.
- III. Libri & imagines contra fidem & bonos mores prohibita.
- IV. Superstitiones & Magia tollenda.

CAPUT II.

De Personis Ecclesiasticis.

- §. I. Prælati, Dignitates, & Canonici Cathedralis Ecclesiæ Sedunensis.
- II. Vicarii rurales.
- III. Curati, seu Parochi.
- IV. Vicarii Parochiales.
- V. Sacellani.
- VI. Rectores Altarium.
- VII. Clerici inferioris Ordinis.
- VIII. Clerici peregrini.
- IX. Religiosi.
- X. Procuratores Templorum.

CAPUT III.

De statu, vita & honestate Clericorum.

- §. I. Status Clericalis in genere.
- II. Tonsura Clericalis.
- III. Vestitus.
- IV. Viçus.
- V. Cohabitatio.
- VI. Conversatio.
- VII. Exercitium.
- VIII. Libri.
- IX. Residentia.
- X. Privilegia Clericorum.

CAPUT IV.

De Exercitiis Ecclesiasticis.

- §. I. Cultus Divinus & Cereemoniæ.
- II. Horæ Canonicae.
- III. Prædicatio verbi Dei.
- IV. Catechismus Christianus.
- V. Scholæ privatae.
- VI. Confraternitates.
- VII. Fæsta Ecclesiæ.
- VIII. Processiones.
- IX. Jejunia & abstinentia.
- X. Angelica Salutatio.
- XI. Benedictiones.
- XII. Exequiæ & Sepulturae.
- XIII. Administratio & susceptio Sacramentorum.

CAPUT V.

De Sacramentis Ecclesiæ.

- §. I. Sacramenta & administratio eorum in genere.
- II. Baptismus.
- III. Confirmatio.
- IV. Eucharistia.
- V. Missæ Sacrificium.
- VI. Pœnitentia.
- VII. Confessarii.
- VIII. Casus reservati.
- IX. Extrema Unctio.
- X. Ordo.
- XI. Matrimonium.

CAPUT VI.

De re & supellectile sacra.

- §. I. Ecclesiæ, Capellæ, Oratoria.
- II. Sacristiæ.
- III. Campaniæ.
- IV. Camiteriæ.

- §. V. Altaria cum ornatu suo & paramentis.
 VI. Tabernaculum cum lampade, custodia,
 & vasculo, ad deferendum ægris Ss.
 Sacramentum.
 VII. Unctiones sacræ cum vasculis.
 VIII. Cathedra Concionatorum.
 IX. Confessionalia.
 X. Suppellex sacræ.
 XI. Fabrica Templi.
 XII. Domus Parochialis.
 XIII. Xenodochia.

CAPUT VII.

De Beneficiis Ecclesiasticis.

- §. I. Fui Patronatus & præsentationis.
 II. Collatio Beneficiorum.
 III. Pluralitas Beneficiorum.
 IV. Resignatio Beneficiorum.

CAPUT VIII.

De Bonis Ecclesiasticis.

- §. I. Bona & jura Ecclesie.
 II. Immunitates & Privilegia.
 III. Decimæ, Primitiæ, Oblationes.

CAPUT IX.

De Judicio Ecclesiastico & non-
nullis Criminalibus.

- §. I. Jurisdictio fori externi.
 II. Causæ Ecclesiasticæ.
 III. Hæresis.
 IV. Simonia.

- §. V. Concubinatus.

VI. Usura.

- VII. Violatio Immunitatum Ecclesie &
 usurpatio bonorum Ecclesiasticorum.

CAPUT X.

De Pœnis Ecclesiasticis.

- §. I. Pœna in genere.
 II. Censuræ Ecclesiasticæ.
 III. Excommunicatio.
 IV. Suspendio.
 V. Interdictum.

CAPUT XI.

De Visitationibus.

- §. I. Visitatio ipsa.
 II. Sumptus Visitationis.
 III. Executio articulorum Visitationis.

CAPUT XII.

De Synodo Diœcesana.

- §. I. Celebratio Synodi.
 II. Personæ Synodales.
 III. Utilitas & necessitas Synodorum.

Adjiciuntur, ut liquet, in Exemplari

Forma Professionis Fidei ex Bulla S. D. N.
 D. PII Papæ IV. &c. Latina, Germa-
 nica, & Gallica.

Modus conferendi Institutionem.

Forma Juramenti Curatorum, seu Beneficia-
 torum.

Juramentum Procuratorum Ecclesie.

CONSTITUTIONES SYNODALES DIOECESIS SEDUNENSIS.

CAPUT I.

DE RELIGIONE ET FIDE CATHOLICA.

IN NOMINE SANCTISSIMÆ ET INDIVIDUÆ TRINITATIS;
 PATRIS, ET FILII, ET SPIRITUS SANCTI. AMEN.

§. I.

Professio Fidei orthodoxæ.

NOS HILDEBRANDUS JODO-
 CUS, Dei & Apostolicæ Sedis
 gratia Episcopus Sedunensis, Comes
 & Præfectus Vallis, S. R. I. Prin-
 cept &c. una cum tota Diœcesis no-
 stræ Synodo in Spiritu Sancto legitime
 congregata, principium a vera, & or-
 Tomus IX. Concilior. German.

thodoxa Religione facturi, Unam,
 Sanctam, Catholicam & Romanam Fi-
 dem a Christo, Apostolisque profe-
 ctam, ab Ecclesia Christi receptam,
 explicatam, definitam, traditamque am-
 plectimur, credimus & profitemur,
 contraria vero & adversantia huic veræ
 Z z 2 fidei

fidei dogmata repudiamus penitus, ac anathematizamus. Idem universo Dicecesis nostræ Clero ac populo injungimus, & ad solidum, firmum, indefessumque Religionis, & Fidei studium, usum atque exercitium, ad omnimodam in ea perseverantiam, omnes & singulos exhortamur. Mandantes, ut Professionem fidei ex Bulla PII IV. quæ incipit: *Injunctum nobis* &c. petitam, & in Ecclesia Christi consuetam, in promptu habeant illi, quorum interest, eamque, ubi usus, necessitasve postulaverit, emittant, atque emitti curent ab iis, quorum res agitur, cujusmodi sunt ab Hæresi resipiscentes, vel de illa suspecti, nec non Beneficiati beneficio curam animarum habente, & alii, de quibus Conc. Trid. *Sess. 24. C. 12. de Reform.* Formula Professionis fidei Latina, Germanica, & Gallica inferius post Constitutiones Synodales seorsim reperietur.

§. II.

Loca & exercitia prava Religionis interdicta.

OMnibus & singulis cujuscunque status & conditionis hominibus sub pena LX. Lib. Maurifensium, & nostræ indignationis toties, quoties incurrenda inhibemus, ne quis famulatus, opificii, mercaturæ, linguæ vel Scholæ literariæ gratia, ullam Sectariorum urbem, pagum, castrumve, ad moram inibi diuturniorem faciendam adeat, cenam, ut vocant, sumat; Matrimonium solemnifet, infantes ibi baptizandos & mortuos sepeliendos absporet. Parochos, Concionatores, & Confessarios gravissime monemus, ut invigilent, ne Christianæ oves fœda atque hæretica scabie inficiendæ, relicta Christi caula ad fœlia, siliquasque hæreticas se conferant, mentem hæresibus, ventrem prohibitis cibis repleant, repletæ denique ac bene impinguatæ, alias Christi Domini oves & agnôs, ut vulgo fit, post suum in patriam reditum inficiant, infestæque perdant juxta illud 1. Cor. 5. *Modicum fermentum totam massam corrumpit.* Et Psal. 17. *Cum perverso perverteris.* Parochi proinde, quibus velut Pastoribus ea proprie cura incumbit, & alii Catholicæ

Religionis amatores & zelatores, reprobe & mature intellecta, Nos quantocius commonefaciant, ut tanto malo, quod antehac Patriam, Episcopatumque nostrum destruxit, ac propemodum perdidit, occurrere, tempestiveque mederi possimus.

§. III.

Libri & imagines contra Fidem & bonos mores prohibita.

Librorum prohibitorum, cujusmodi sunt hæretici, vel de hæresi suspecti, superstitiosi, magici, amatorii, scurriles, obsceni, impuris imaginibus, emblematis, & id genus aliis picturis aspersi, famosi, inhonesti &c. Iconum quoque spurcarum, venerarum, hæresiarcharum, & aliarum quarumcunque contra fidem ac bonos mores facientium usum, emptionem, venditionem, & publicam, sive privatam domi retentionem penitus interdiciamus. Quemvis insuper exhortamur, ut libros tales & imagines cuivis habenti impune eripiat, Censoribus Ecclesiasticis tradat, ut secundum antiquissimum Ecclesiæ morem *Ast. cap. 19.* bonis flammis typus corrigatur.

Posseßores talium librorum & imaginum prohibitarum, si prius amice ad ea promenda moniti non acquieverint, sed se potius rebelles & perversos exhibuerint, eos pœnis Ecclesiasticis coercemus; incorrigibiles adhibito Pastoralis Pædo, Regali æque, ac Principali autoritate emendabimus.

§. IV.

Superstitiones & Magia tollenda.

Superstitionem quamcunque & Magiam, utpote vero Dei cultui diametraliter oppositam, severissime inhibemus, Pastoresque animarum gravissime monemus, ut pro concione in illa crebro invehantur, mala cum spiritualia, tum temporalia inde emergentia populo proponant, exaggerent, & explicant: in superstitiosos, si quosprehenderint, & vero fatidicas, divinatrices febrium, & aliorum morborum

rum signatrices, ut vocant, mulierculas graviter animadvertant, invocato etiam, si opus sit, vel nostro auxilio, nisi lenioribus, & facilioribus se mediis submittant, & resipiscant.

CAPUT II.

DE PERSONIS ECCLESIASTICIS.

§. I.

*Prælati, Dignitates & Canonici Cathedralis Ecclesiæ Sedu-
nensis.*

Digno plane & competente titulo Prælatos Ecclesiæ Christi affecit Matth. 5. *Vos estis Lux mundi. Non potest Civitas abscondi supra montem posita: neque accendunt lucernam, & ponunt eam sub modio, sed super candelabrum, ut luceat omnibus, qui in domo sunt &c.* Ideo Lux mundi dicuntur, ut Ecclesiæ, cui post Episcopos dignitate & autoritate præfunt, virtute & pietate præfulgeant. Ideo supra candelabrum Ecclesiæ positi sunt, ut luceant omnibus, qui in domo Dei sunt. Ideo ut Civitas supra montem collocati sunt, ut sicut dignitate præcellunt, ita etiam verbo & exemplo præeant, & excellent in reformanda, retinenda, & conservanda Ecclesiastica disciplina, in promovendo Dei cultu, atque juvando, ac manutenuendo omni opera, consilio, favore, amore, officio, & obsequio suo Episcopali. Quocirca evigilent diligenter Dignitates & Canonici, ut juxta Statuta Canonica in Domino vivatur, disciplina debita servetur, cultus Divinus rite peragatur, Episcopus cum Episcopatu foveatur, juvetur, in suo esse conservetur, atque pristino nitore restituatur. Et quia homines sumus, nihilque humani a nobis alienum putamus, dent sedulam Prælati operam, ut delinquentes mature emendentur: ita tamen, ut plus juris sibi, & autoritatis in puniendo non assument, quam legitime competat. Meminerit Venerabile Capitulum visitari juxta Sanctiones Canonicas, potissimum Conc. Trid. Sess. 6. Cap. 4. de Reformatione, & Sess. 25. Cap. 6. de Reform. Corrigi se & emendari etiam

Apostolica autoritate toties, quoties opus fuerit ab Episcopo suo posse. Cæteris autem in rebus Capituli jurisdictionem & potestatem, quæ eis competit, cum bonorum administratione, salvam & intactam omnino juxta idem Conc. Trid. relinquimus: sicut & laudabiles consuetudines, usu ipso receptas, & a nostris Prædecessoribus pie approbatas adhuc in præsentiarum approbamus & confirmamus. Omnem moveant lapidem, ut jura omnia, ut instrumenta, ut jurisdictiones, ut fundi &c. facta, testata conserventur, amissa recuperentur: videant diligenter, ut jura Episcopalia, & id genus alia ad Episcopatum pertinentia non amittantur, & amissa restituantur. Maxime vero attendant, ut morituro Episcopo bono numero adsint Canonici, animam Deo commendent, claves ad jura Episcopalia quamprimum ab Oeconomo & Camerariis exigant, diligenter asservent, nec non ex Dignitatibus duo in arce Episcopali, toto vacantis Sedis tempore, diu noctuque permaneant, ac rem ita gerant, ut Successor Episcopus plena auctoritate, plenius iuribus possessionem plenissimam quiete & pacifice capere possit. Alia Canonici & Clerici communia videri suis quæque locis, Capitibus, & Paraphis infra scriptis poterunt potissimum Capite sequenti: *De vita & honestate Clericorum.*

§. II.

Vicarii rurales.

Multum situm est in officio Vicariorum ruralium, ut Episcopus variis distentus negotiis, per eos non nihil sublevetur, Clerus, populusque supra & infra Morgiam in officio contineatur, cultus Divinus augeatur, virtus excolatur, vitia tollantur, novem proinde per Nos, vel nostrum Vicarium Generalem in Spiritualibus, & temporalibus omnino Vicarii rurales eligentur probatæ vitæ, & eruditionis, magnæque experientiæ viri. Electi se quamprimum Nobis sistant, pro facienda Fidei professione, pro præstando obedientiæ & fidelitatis juramento, ac denique pro accipienda Vicariatus

ruralis confirmatione, sine qua nemini fungi officio tali permittimus. Officium ejusmodi Vicariorum erit quot annis semel Capitulum cum Confratribus celebrare; illis Constitutiones Synodales prælegere; ortas subinde in eis intelligendis, vel ad praxim redigendis difficultates explicare, gravaminibus cum Ecclesiasticorum, tum Laicorum occurrere; consulere, sublevare, in vitam, mores, doctrinam, & munus Cleri, populique inquirere, Ecclesias, sacram suppellectilem, prædia visitare, in census Beneficiorum, decimasque inquirere; Hospitalia, ac eorum jura & proventus diligenter inspicere, Clericorum ædes & familias studiosè lustrare; defectus & excessus minores corrigere, majores vero, cujusmodi sunt scandala, hæreses, lectio vel retentio librorum prohibitorum ad Nos referre. Omnes suæ jurisdictionis Ecclesias annis singulis obibunt, quid cuivis loco desit, annotabunt, minora reformabunt, majora Nobis commendabunt, quid denique in annua visitatione fecerint, quid notaverint, quid improbaverint, approbaverintve, quid emendaverint, vel emendandum duxerint, id omne scripto clare, perspicue, succincte, atque sincere comprehensum Nobis actutum repræsentabunt. In negligentes graviter animadvertemus. Charitas exigit, ut Confratres tanquam membra de membro mutuo se foveant in Christo, mutuo amplectantur, sibi que opulentur, cujus rei specimina crebriora dabunt, ut sit Ecclesiasticorum cor unum, & anima una, sicut est omnium Sponsa una Christi Ecclesia. Anteibit omnibus exemplo quivis Vicarius in districtu suo, maxime cum aliquem ex Confratribus suis morbo laborantem intellexerit, ut eum inviset, soletur, ei necessaria, cum spiritualia, tum temporalia subministret, ut omnes intelligant Ecclesiam Dei Ministris suis Novercam non esse, sed matrem, charitatemque in Ecclesiasticis ad se mutuo fovendos ac juvandos, usque ad extremum vitæ spiritum, vulgarem non esse. Ita fiet, ut Clerus, & populus ubique locorum, non parum ædificetur, & Ecclesia Dei miris laudibus extollatur.

Vicariorum denique erit Nos, vel Fiscum nostrum quantocius certiorum facere de morte defuncti Curati. Antea omnia meminerint justorum defuncto persolvendorum, ut nihil desideretur, advocatis aliunde aliquot ex Confratribus Sacerdotibus. Quod si tam curta defuncti suppellex esset, ut sumptibus funebribus par non foret, reliquum ex fabrica Ecclesiæ, cui deservivit, sumatur, vel aliunde (si fabrica ipsa laboraret) accipiat. De Successore idoneo quamprimum provideatur, ne vidua diu maneat Ecclesia. Interea temporis Vicarius ruralis, vel ipse, vel per alium viduatæ inserviat Ecclesiæ, percipiendo & gaudendo, pro rata ejus temporis Beneficii fructibus, donec alius eligatur & canonice instituitur.

§. III.

Curati, seu Parochi.

Parochorum, seu Curatorum munus quantum sit, vel ex eo patet, quod tanquam legitimi Pastores pascere suas oves, & pro illis mori (ubi opus fuerit) debeant, ut docet Christus Joann. 10. Cum ergo pascere verbo & exemplo gregem Christi teneantur, facile est videre, quanta in eis virtus, quanta scientia, quanta dexteritas & experientia, quanta denique in omnibus prudentia requiratur, ne, cum ædificare putant, destruant potius. Eam ob rem posthac studiosè cavebitur, ne quisquam ad ullam, quantumvis exiguam animarum curam admittatur, qui non minimum Rhetoricam absolverit, casus conscientiarum & fidei controversias per biennium cum fructu audierit, Cantum Choralem didicerit, allatis & ostensis hac de re luculentis testimoniis. Videant porro diligenter, ut per ostium in ovile ovium intrent, & non aliunde tanquam fures & latrones ascendunt. Joann. 10. Caveant a Simonia; dolo, fraude, deceptione, ne postmodum (ut fit) oves ab hujusmodi fugiant, & vocem eorum non audiant, uti prædixit Christus citato Cap. Joannis 10. Adepti bono jure, & non Simoniace vel fraudulenter Beneficia Parochialia, iis se ante nostram probationem nequaquam immisceant, sed quam-

quamprimum Sedunum veniant, se legitimo & ad curam animarum facienti examini subiciant, ut vel ad illa Beneficia administranda, & animas curandas admittantur, vel ab illis repellantur. Idque toties, quoties de nova Parochia provisi fuerint. Ejusmodi examen sustinebunt, & omnes Parochorum Vicarii; ne, ut solet, quod Parochi ædificant, Vicarii destruant.

Ubi ergo ad Parochiale officium admissi fuerint, caveant, ne se potius, quam oves quærant, suisque studendo privatim commodis salutem ovium negligant. Ante omnia notas, & bene exploratas habeant sibi commissas oves, cui rei inservient Baptismi, Confirmationis, Matrimoniorum contractuum, defunctorum denique catalogi, in quibus nomina, cognomina, & patria (si sint exteri,) cum diei, mensis, & anni accurata annotatione describentur, ut omnia probe legi ab ipsis & Successoribus queant. Ita fiet, ut trita quam plurimæ circa Matrimoniorum & sacrorum Ordinum susceptionem oriri solita vitentur, dubia, difficultatesque solvantur, impedimenta comperta habeantur, postremo infinita mala, quæ ex talium rerum ignorantia emergere solent, arceantur. Missas, Divinaque Officia magna cum animarum puritate, ac devotione peragant, Sacramenta pari munditie administrent, prævia, ubi Confessariorum copia fuerit, confessione vel minimum contritione, cum proposito prima quoque occasione confitendi. Juxta ea, quæ habet Concil. Trident. *Sess. 13. Cap. 7.* Ægrotos ultro etiam non vocati invitant, recreent, exhortentur, Sacramentisque reficiant. Verbum Dei Dominicis, Festivisque diebus populo proponant, luculenter explicant, non altis, & ultra captum auditorum conceptibus & discursibus terentes tempus, & jactantiæ, vanæque gloriolæ potius, quam animarum salutis & utilitati studentes. Sint in catechizandis suo loco & tempore rudibus, & imperitis assidui, cum ordinariæ major ex Catechismo, quam concionibus fructus hauriatur.

Festos dies, supplicationes, jejunia, anniversaria, contractus matri-

moniales distincte promulgent; nulas vero citationes vel literas, nisi de nostra, vel Vicarii Generalis, aut nostri Officialis autoritate, & titulis, sigillisque nostris expressissime munitas, ad proclamandum vel annunciandum suscipiant. Jura Parochialia, titulos, recognitiones, perlustrent, & ubi opus fuerit, renovari curent, ne vetustate atterantur. Bona Ecclesiastica, decimas, census, prædia, & id genus alia ad Ecclesias suas pertinentia pro virili defendant, invocato hac in re, si videatur, nostro auxilio. Caveant insuper, ne per incuriam eadem immineantur, obscurantur, amittantur; ne oppignorentur, ne debitis graventur, diutius locentur, ne fundi, census, decimæ, & alii proventus vendantur, vel ullo modo sine nostra expressa licentia alienentur.

Domum Parochialem curent mundam, sartam, tectam, idem de horreo, penu, stabulo, &c. Ecclesias suas mundas, & nitidas conservent, fenestras, parietes a pulveribus, & aranearum telis sæpius purgent, & pavementum a sordibus.

Paramenta Sacerdotum & Altarium rite componantur, laventur, mudentur, reficiantur. Reliqua suppellex sacra, & utensilia pari modo curentur. Vicarios suos, & alios Ecclesiasticos Ministros ita tractent, ut nulla sit de habitatione, victu & amictu, querela justa; nimis laboribus, & iniustis in Ecclesia oneribus, non graventur, non vexentur, nec a domesticis vexari finantur: uno verbo ita amice, benevole & humaniter tractentur, ut differentia inter alios domesticos, & ipsos tanquam Christi & Ecclesiæ legitimos Ministros habeatur. Tempore pestis, vel similis periculi, oves suas ne deferant, vitam potius pro illis ponant. In desertores ovium, seu mercenarios graviter animadvertetur.

§. IV.

Vicarii Parochiales.

Vicarios, seu Cooperatores in Divinis nemo Parochorum assumat, vel eorum opera in Sacramentorum admi-

administratione utatur, nisi prius a Nobis sint legitime approbati. Norint Vicarii, se iisdem in animarum cura administranda subiacere oneribus, quibus ipsi Parochi, cum vices eorum gerant: proinde eadem ab ipsis, quæ a Parochis superiore Paragrapho, requiri. Nec Vicarius, nec Parochus ullus alienis Parochianis, sine propriorum Parochorum licentia, extra casum necessitatis, Sacramenta ullo modo dispensent, idque sub pœna arbitraria. Vicarii Parochis suis exacte pareant, potissimum circa usum & administrationem Sacramentorum, ut non omnia pro arbitratu suo, sed prout ipsi a Parochis præscriptum, injunctumque fuerit, prompte expendant.

§. V.

Sacellani.

Sacellani sciant se a Patronis solis institui, ad talia Beneficia sine gravi Ecclesiæ præjudicio non posse; proinde videant, quid agant, non tantum ipsi, sed etiam Patroni. Sacellanis ut sic nulla conceditur potestas administrandi Sacramenta, sed tantum Missas legendi, & Horas Canonicas recitandi. Caveant Sacellani, ne quidquam derogari juribus Sacelli sinant, potissimum in oblationibus, quas sibi Laici, vel Patroni, vel Procuratores ipsi reservare nonnunquam solent, pro fabrica, ut ajunt, dando duos vel tres ex tota oblatione grossos, ei, qui celebravit. Intolerabile prorsus est, ut oblata in altari a Laicis accipiantur, & in alium usum convertantur.

§. VI.

Rectores Altarium.

Rectores Altarium pleraque communia cum Capellanis habent. Attendant diligenter, ut foundationibus fiat satis, qua celebrando, qua Horas Canonicas recitando. Altaria sua cum paramentis, & ornatu integra, incorrupta, mundaque conservent. Quod reliquum est temporis, id utiliter cum aliis Clericis in cultu Divino terant, ne otio tepefcentes, in vitia prolabantur. Prælati & Superioribus suis mo-

rem gerant, illos debite observent, bene monentibus non obstrepant, sed correctionem paternam æquo animo suscipiant.

§. VII.

Clerici inferioris Ordinis.

Clerici inferioris cujuscunque gradus, five sacris, five minoribus duntaxat Ordinibus initiati sint, Choro assidue, tempestive, decenter, & modeste interfint, Horas Canonicas rite persolvant, non syncopando, ut vocant, integraque verba absorbendo, non præcipitando, sed integre & devote singula inter psallendum, cantandumque efferendo. Dum Divina decantantur Officia, rudiores doctioribus cedant, non nimium attollendo vocem, nec nimium accelerando, potissimum cum nonnulla communia canuntur, qualia sunt votiva.

§. VIII.

Clerici peregrini.

Clericis peregrinis diligentissime attendatur, cum multi ex illis sint subreptitii, vel non Sacerdotes, vel apostatæ religiosi, vel profugi, vel infames, vel aliquo Canonico impedimento irretiti.

Nemo ergo Sacerdotem extraneum, ad celebrandum, ad prædicandum, ad administranda Sacramenta, nisi de expresso mandato nostro, vel Vicarii Generalis facultate admittat, idque sub gravissima indignationis nostræ pœna. Quod si vi in Ecclesiastica munia se ingerere attentaverit, id quamprimum Fiscali nostro, vel Nobis innotescat, ut dignis arcere pœnis ejusmodi opportune valeamus. Qui vero sint admittendi, nostrum erit dijudicare, ut approbati, & admissi, authenticas a Nobis literas repræsentare per totam Dicecesim nostram queant.

§. IX.

Religiosi.

Religiosi cum alios ad virtutem pertrahere suo exemplo debeant, plurimum refert, ut tales in religiosis domi-

domibus eligantur Superiores, & qui spiritualibus & temporalibus rebus non sine singulari emolumento præfici possint. Proinde volumus, ut tales eligantur, qui nec luxus, nec prodigalitatis, nec avaritiæ, nec incontinentiæ, nec infamiæ vitio laborent, sed viri boni, pietate & probitate conspicui, viri graves & iudicio maturi, viri singulari rerum bene gerendarum prudentia præditi, tales denique, qui vere spirituales Patres, non Domini esse & haberi velint, suosque Religiosos, non ut servos, sed ut filios habere, fovere, amare, tractare soleant. Ita enim fiet, ut amor, reverentia, & observantia inter ipsos floreat, sine quibus status religiosus subsistere non potest. Videant in Domino Superiores, ut tria religiosa vota, paupertatis, castitatis, & obedientiæ strictè observentur, velut tres columnæ firmissimæ, quibus religiosum ædificium fulcitur, ut vel una ex his deficiente, corruit. Paupertas ita servetur, ut nemo apud se, vel alium pecuniam, vel id genus alia habeat. Nemo fundos, vineas, prata, agros &c. tanquam suos habeat, colat, fructusque tanquam suos colligat, sed omnia in usum communem convertantur: hæc enim religiøsæ paupertati directè sunt contraria, Religiosorum familiarum pestis. Quocirca Superiores invigilent, ut duo illa: *meum & tuum* prædictæ ex adibus Religiosorum relegendur, omnia sint communia, mensa una, cui ordinariæ Superiores intersint, & attendant, ut debita temperantia, modestiæque servetur, semper aliquid spirituale ex bonis, probatisque Authoribus legatur, ut sicut corpus, ita etiam anima suo pabulo reficiatur. Una omnium sub eodem tecto sit habitatio, dormitorium unum cum sua, cuique Religiosæ cella, seu cubiculo & lecto. Nemo quicquam clausum sine Superioris facultate habeat, paratusque sit quilibet promere, ostendere, & dare Superiori, quotiescunque id requisitum fuerit, ut de eo ad voluntatem ipsius disponatur: dent operam Superiores, ut victus & vestitus, ut cætera religiøsæ vitæ necessaria, prompte & religiöse, non sordide ac tenaciter singulis subministrentur ex communibus

domorum religiosarum facultatibus, dum valent vel ægroti sunt Religiosi, ne justam querendi occasionem arripiant, & quod pejus est, ad præstinam contra votum paupertatis licentiam redeant. Castitatis voto ut fiat satis, fœminæ omnes a locis conventualibus excludantur: extra septa locorum talium accessum habere poterunt, ita tamen, ut ubique honestatis ratio habeatur, & scandali periculum vel occasio excludatur. Virorum opera in subeundis Monasteriorum laboribus potius utantur, quam mulierum, ne familiaritatis etiam extra septa suspicionem aliquam & scandalum pariat. Peregrinæ insuper mulierculæ & puellæ, quæ fortassis, vel eleemosynæ, vel voti & peregrinationis causâ ad Templâ Religiosorum convolant, intra domum nullo modo admittantur, quocunque paupertatis, necessitatis, & honestatis prætextu, cum occurrî talibus aliter, & citra ullam suspicionem possit a bonis, probatæ vitæ & Regularum observantissimis Religiosis: in quorum Monasteriis, aut domibus omnes quoque computationes, utpote castitatis maxime contrariæ, studiose caveantur.

Obedientiæ votum, quam exactè sit servandum, norunt omnes, ut sine quo nullum regimen constare potest. Nobis ergo, Successoribusque nostris tanquam Episcopis Diocesânis, debitam reverentiam, & obedientiam in iis præstent, quæ Jure Canonico, & Conc. Trident. passim complectuntur. Omnes Præpositis, seu Superioribus suis obediant, illisque, ut monet *Apost. Hebr. Cap. 13.*, subjaceant, ne invitis olim auribus illud hauriant Roman. 13. *Qui resistit potestati, Dei ordinationi resistit.* Et alibi 1. Reg. 8. *Non te abjecerunt, sed me, ne regnem super eos. Juxta omnia opera sua, quæ fecerunt a die, qua eduxi eos de Ægypto (mundo in Religionem) usque ad diem hanc: sicut deliquerunt me, & servierunt Diis alienis (Satanæ, carni, & propriæ voluntati) sic faciunt etiam tibi &c.* Quocirca rebelles & inobedientes ita corrigantur, ut aliis exemplo sint. Nemo sine expressâ vel implicita facultate pedem domo efferat; multo minus rus, vel ad compita, vel ædes exterorum se conferat. Et ne religiøsæ disciplinæ

nervus paulatim remittatur, atque adeo sancta obedientia sensim violetur, atque pessumdetur; si Religiosis subinde querulosis aditus ad amicos & consanguineos externos non præcludatur, monemus, & exhortamur serio Prælatos, & Superiores omnes, ut ejusmodi querulosis hominibus omnem potestatem præscindant adeundi, tractandi, & conquerendi apud externos, sive consanguineos, sive alios. Quod si vi, vel dolose erumpant; graviter pro meritis excipiantur, nec ulla excusatio acceptetur, nec querulosa, & expostulatura parentela, amicorum, necessariorumve caterva admittatur, ut qui nihil juris in querulosum amplius habent Religiosum, multo minus in ipsius Superiorem. Nonnullis Religiosis arcta nimis videntur claustra: eam ob rem nullum non movent lapidem, ut ad aliqua Beneficia promoveantur, quo tantillum respirationis habere foris possint, dum eunt, redeuntque, atque adeo horas, dies, menses & annos insumere, quod quidem parvum erga Regulam & Institutum religiosum redolet affectum, & animum. Sarius ergo est Sæcularibus Ecclesiasticis Beneficia dari, ut qui melius, cautius, & citra scandalum deservire possunt, Religiosis vero solitariam in Monasterio vitam agere, Deo per contemplationem, orationem, & omne genus virtutum vacare, Choro interesse, Ordini suo, Institutoque satisfacere, Christum sequi; & finire, ut mortui sepeliant mortuos suos. *Luc. 9.*

Nè otium malorum omnium origo ullum in religiosa domo locum habeat, ita rem familiarem administrabunt Superiores, ut commodam ex superfluis nummis Bibliothecam comparent; quot annis augeant paucis, sed bonis & probatis Authoribus, Religiosos hoc pacto ad privata in cellis studia pelliciant.

Magni refert ad reformandam, stabiliendamque religiosam disciplinam, ut bonus, prudens, probus, & maturus habeatur, qui Novitiis præsit, eosque bene instituatur, cum sint novellæ plantationes horti conclusi, quæ fructum suum dabunt in tempore suo.

Multum etiam interest, habere ex doctioribus Patribus aliquem exhortatorem domesticum, qui subinde ad reliquos sermones, seu exhortationes spirituales habeat, Regulas, Institutumque explicet, & ad eas observandas animos accendat & foveat. Id genus mediorum est saluberrimum, olim, nostraque tempestate apud omnes Religiosos usitatissimum.

Superiores in gravioribus rebus institutum, domusque administrationem spectantibus attentent nihil sine prævio suorum Religiosorum consilio, cum plus videant oculi, quam oculus. Alienent nihil sine nostra, vel aliorum suorum Superiorum licentia. Caveant, ne se, vel amicos, & propinquos suos ex bonis & fructibus religiosis locupletent: nihil tanquam suum (cum sint Administratores tantum & non Domini talium bonorum) & sibi proprium vindicent, possideant, vel aliis possidendum relinquunt. Si quæ a Prædecessoribus alienata, vel oppignorata aliquando fuissent, dent operam, ut quamprimum redimantur, invocato (uti etiam aliis in rebus & causis) nostro Episcopali auxilio.

§. X.

Procuratores Templorum.

Procuratores Templorum inter Ecclesiasticas personas retulimus non ratione subjecti, sed objecti tantum, quod est Ecclesiasticum. Eorum enim munus est, ut Ecclesiæ, ejusque Ministris adsint consilio, & auxilio, non semper expectando, dum ab Ecclesiasticis moneantur, sed omnem potius, (si digne & laudabiliter officio fungi velint) admonitionem præveniendi. Procurabunt ergo, quæ sunt Ecclesiis necessaria ad peragendum. Divinum cultum, ut sunt luminaria, paramenta, ornatus, utensilia. Curabunt cum Parochis, Sacellanis, & Altaristis, jura, titulosque Ecclesiasticos, census, decimas, & id genus alia. Domos Ecclesiasticas, ut sunt Tempia, campanilia cum suis pertinentiis, ut vocant, cæmeteria, ossuaria, domus curæ, Vicarii, Sacellani, Altaristæ non neglegant; nec prædia quæcunque Ecclesiastica,

fiastica, qualia sunt prata, vineæ, agri, horti, & si quæ in istis oriantur disti- cultates, si quæ gravamina, & incom- moda, ea ubi probe perspexerint, & cum Ecclesiasticis personis contulerint, cum eorundem consilio, approbatione, & consensu, populo graviter, fideliter, & constanter proponent, impeterrite causam Episcopi propugnantes. Pro- curatorum præterea est populum Do- minicis, Festisque diebus, ex cœmite- riis, triviis, & hospitii in Templum compellere: iisdem diebus pãgos, pos- sessiones, & sylvas obire. & si qui la- borent, circumspicere, punire, vel ad Fiscalem nostrum, ut multentur, de- ferre. Videant etiam diligenter, ut populus tempestive adsit pro instituen- dis post Pascha solitis Processionibus, absentes pro more noteant, multent, pecuniam in Ecclesiæ fabricam referant. De fabrica Ecclesiæ dicetur sigillatim inferius.

CAPUT III.

DE STATU, VITA, ET HO-
NESTATE CLERICORUM.

§. I.

Status Clericalis in genere.

CUM Clericus in fortem Domini sit vocatus, æquum est, ut vita, moresque tali statui conveniant, ut quia sanctior, excellentiorque est, vita quia probior existat. Sic luceat lux vestra coram hominibus, ut videant opera vestra bona, & glorificent Patrem vestrum, qui in Cælis est. Mat. 5. Mores proinde, vitamque ita componant Clerici, ut habitus, cultusque corporis, incessus, loquela, gestus, conversatio denique singularem gravitatem & sanctimoniam redolcant, ut Christi sint bonus odor in iis, qui salvi sunt, odor vitæ in vi- tam. 2. Cor. 2. Nostri igitur muneris est pauca e multis ex antiquo, novoque jure seligere, eaque coram studiose servanda brevi methodo proponere. Qui plura volet, videat C. Clerici. Ext. de vita & honestate Clericorum. C. Quisquis. Distinct. 41. C. Hospitiorum. Dist. 32. C. Erubescant. Dist. 22. Clement. 1. & 2. de vita & honest. Cleric. C. Amul- tis. Ext. de ætate, & qual. &c. item

Tomus IX. Concilior. German.

Conc. Trid. Sess. 14. in Proam. de Reform. Sess. 21. Cap. 6. de Reform. Sess. 22. Cap. 1. Sess. 24. Cap. 12. de Reform. Sess. 25. Cap. 14. de Reform.

§. II.

Tonsura.

Tonsuram Clericalem quivis suo Ordini competenter ferat, reno- vetque crebrius. Barbam, atque ca- pillos minus deceros nemo alat. Pili a labio superiore sæpe rescentur, ne in sumptione calicis Domini ulla irre- verentia committatur.

§. III.

Vestitus.

Vestitus sit decens & statui Clerica- li congruus; non vanus, non sæ- cularis, non variatus, sed nigri, quia omnium optime convenit, coloris, non nimis pretiosus, nec etiam nimis vilis, ne propter excessum & defe- ctum probro status Sacer habeatur. Vestes interiores, cujusmodi sunt in- ter alias thorax & caligæ, habeant. Talari, præsertim in æde sacra, in ur- be, pago, &c. vel porrecta infra genu minimum toga tegantur, quam nun- quam domi, forisque exuent, præter- quam in casu occulto, vel necessitate prudentis determinanda judicio. Præ- ter prædictam togam alia adhuc super- induta talari veste, vel pallio ad talos demisso utentur, cum vel Templum, vel publicum aliquem locum hone- stum sunt adituri. Bireti, seu quadra- ti pilei usum in Templo & Civitate, qui ibi degunt, galeri vero honesti, cum peregre sunt profecturi, commen- datum habeant.

§. IV.

Vitus.

Vitus sit moderatus, absque ex- cessu & defectu. Hospitia, & id genus alia similia loca vitentur, quan- tum fieri potest. Si a Clericis, vel ho- nestis viris, vel amicis conveniantur, & sit domi curta suppellex, tum per fa- mulum petere ex hospitio seu taberna poterunt necessaria ad exhibendam ad- venis charitatem. Ita tollitur omnis

occasio scandali, quod generari in mentibus hominum plerumque solet, cum cernunt Clericos tam libere per hospitia, & alia id genus loca vagari. Convivia ne adeant, quæ communiter annexum habent ebrietatis, lasciviz, scandali periculum. Aequales haustus, quantum fieri potest, & insanas, ut ajunt, sanitates (cum honestis enim, & moderatis dissimulatur), neutiquam admittant. In mensa Clericorum sex commendantur, ut videre licet Dist. 44. Cap. *Convivia. C. Pro reverentia. C. Non liceat*. Primum est, ut vita absentium non mordeatur. Secundum, ut præsentēs non irrideantur. Tertium, ut inanes secularium ineptiarum fabulæ non recitentur. Quartum, ut verba sacræ testionis legantur & audiantur. Quintum, ut cibus, & potus non nisi ad necessitatem sustentationis sumantur. Sextum, ut in principio, & in fine laudes Deo referantur.

§. V.

Cohabitatio.

Cohabitatio honesta, ut suus sit castitati locus, esse debet, non cum mulieribus, propter scandali & peccati propinquam occasionem. Excipiuntur Mater, soror, amita, matertera, & aliæ consanguineæ per lineam rectam ascendentium, & descendentium, & lineam transversalem; nisi hæ haberent pedisequas, aut alias mulieres suspectas. Concubinarij, nisi concubinas suas amoverint, a Beneficiis suspendantur. Quod si necdum se emendaverint, ab eis perpetuo removebuntur, omni officio interdicto: ne, ut ait Apostolus 2. Cor. 6., vituperetur ministerium nostrum, cum homines ejusmodi refugiant, nec immerito, concubinatores Deo, cæli & terræ incolis abominabiles.

§. VI.

Conversatio.

Conversatio sit cum viris probatæ vitæ; non suspectis, & infamibus; non cum puellis, & mulieribus: ob periculum & scandalum: *Qui enim amat periculum, peribit in illo. Eccl. 3. & qui tetigerit picem, inquinabitur ab ea. Eccl.*

13. Nihil commercii cum jocularibus, histriionibus, luctatoribus, digladiatoribusque habeant. Ab illicitis recreationibus, aucupis, choreis, lufibus, & spectaculis minus honestis, saltem præsumptis talibus, penitus abstineant. Dedecet etiam videre Clericum in plateis, circulis, ac officinis opificum, horas aliquot inutiliter terentem garriendo, ridendo, fabulando, jocando, & nonnullas aliquando levitates exercendo. Divites denique juxta ac pauperes omnes amplectantur in Domino, cum necessitas, ratio, & unctio spiritus docebit: ita tamen agant, ne pix tacta inquinet.

§. VII.

Exercitium.

Exercitium Clerici non sit inhonestum, & sordidum: tabernas publicas non exercent. Laniones, coriarios, fabros lignarios, ferrariosque publicos, Mercatores, Medicos, Chirurgos, & Apothecarios non agant. Villia, immunda, & agrestia non tractent, cujusmodi sunt arare, seminare, occare, stercoreare, metere, vehere, triturare, rigare, sepire, fodere, ligna in sylvis cadere, & avellere, pascere pecora, stabulari &c. Suas in iis agrestibus laboribus operas visitare, nonnunquam monere, & impellere, contra decorum non est, sicuti vites, & ex arboribus ramusculos pro recreatione putare, plantare, seu inferere, hortulum colere, imo pro necessario corpori exercitio, clam vel intra privatos parietes fodere, ligna findere &c. Fugiant negotia, & officia secularia Advocatorum, Procuratorum &c. apud Judicem secularem. Tabellionatus officium Clericis in majoribus constitutis Ordinibus penitus est interdictum. Extrav. *Ne Clerici vel Monachi*. Optimum Clerici exercitium est sine intermissione, ut vult Apostolus 1. Thess. 5., orare, in Templo ad idum esse, in recitatione Horarum Canonicarum, in administratione Sacramentorum, in prædicando Dei verbo impigrum, devotum, in exoneranda, & a peccatis ablunda per sacram confessionem, & absolutionem con-

conscientia frequentem; acquirendis solidis Deo, & hominibus gratis virtutibus deditum, domi æconomiæ honestæ, & non sordidæ attentum; pro domo Dei, ac pro Ecclesia Sponsa sua, proque ejus juribus, usibus, immunitatibus, libertatibus, ac privilegiis, pro bonis mobilibus, & immobilibus farris testis conservandis conclusum esse, bonis literis, Sacræ Scripturæ, casibus conscientiæ, controversiis fidei, libellis piis, cæremoniis Ecclesiasticis, & cantui Ecclesiastico diligenter studere, illud *Osee 4.* identidem ruminando: *Quia scientiam repulisti, Et ego te repellam, ne Sacerdotio fungaris mihi: & illud Dan. 12. Qui autem docti fuerint, fulgebunt, quasi splendor firmamenti: Et qui ad justitiam, erudierint multos, quasi stellæ in perpetuas æternitates.*

§. VIII.

Libri.

UT autem ratio aliqua & delectus librorum habeatur, proponi Clericis hi possent tanquam magis necessarii, & eorum usibus magis accommodati:

Biblia sacra.
Catechismus Romanus.
Concilium Tridentinum.
Constitutiones Synodal. Eccles. Sedun.
Controversiæ Costeri, Martini Becani, & prudentioribus, Card. Bellarm.
Summa Casuum conscientiæ, Toleti, Manuale Navarri.
Theologia moralis Pauli Layman.
Thomas de Kempis de imit. Christi.
Meditationes Vincentii Bruni.
Opuscula & Conciones Lud. Granat.
Conciones Custeri.
Promptuarium morale & Catholicum Thomæ Stapletoni.

Pro Germanis.

Postilla Georgii Schereri, & Joannis Hesselbach.

(Immo) Pro Gallis.

Diego de la Vega.
Conciones Bessæi.
Jardin de plaisir par F. P. C. Gelestin.
Catechisme historial. &c.

§. IX.

Residentia.

RESIDEANT in Ecclesiis suis, qui Beneficia qualiacunque Ecclesiastica habent exigentia de jure vel consuetudine residentiam, nisi legitima ex causa, & consensu suorum Superiorum absint: quo tempore aliquem Vicarium idoneum, & a Nobis approbatum substituent, qui vices obeat. Curati illegitime ab Ecclesia sua absentes, præter alias penas Canonicas adversus non residentes statutas, mortalis peccati reatum incurrunt, (inquit S. Synod. Trid. Sess. 23. Cap. 1. de Reform.) & pro rata temporis absentiæ, fructus suos non faciunt, nec tuta conscientia, alia etiam declaratione non secuta, illos retinere sibi possunt, sed tenentur per Superiorem Ecclesiasticum eos fabricæ Ecclesiæ, aut pauperibus loci erogare. Plura huc spectantia ibidem videre licet.

§. X.

Privilegia Clericorum.

PRIVILEGIA Clericorum communiora certis de causis huc attexere volumus, quas quisvis prudens conjectura assequi facile potest. Privilegium ergo est Clericorum coram seculari Judice non conveniri, (De foro compet. C. Si diligenter.) non teneri Clericum præstare onera personalia vel realia. (De immunit. Ecclesiæ. C. Non minus.) Puniri non posse, nisi a suo Ordinario, vel cum ejus interventu, (Concil. Trid. Sess. 25. C. 20. de Reform.) denique verberans Clericum est excommunicatus, (C. Si quis. 17. q. 4.) sicuti etiam statuta contra ipsum facientes. (Cap. Eor, qui. de immunit. Eccles. Lib. 6.) His, & aliis id genus privilegiis solus ille Clericus frui potest, qui habitum & tonsuram deserit; aut Ecclesiæ inservit. (Trid. Sess. 23. Cap. 6. de Reform.)

CAPUT IV.
DE EXERCITIIS ECCLE-
SLASTICIS.

§. I.

Cultus Divinus & Cæremonia.

Ritus Ecclesiasticus, quo Deum colimus, inter alios omnium optimus est Romanus; utpote communis, certus, expeditus, & apud Catholicos passim in Ecclesiis usitatus. Eum proinde volumus in Diocesi nostra ubique servari, in celebratione Missarum, Horarum Canonicarum decantatione vel recitatione, in Ss. Sacramentorum administratione, & aliis Ecclesiæ Cæremoniis. Nec hic ullam prætendant Canonici, & alii Clerici difficultatem; cum experientia doceat, ubique in Helvetia, nedum aliis locis Catholicis suavissime eum ritum vel jam introductum, vel adhuc introduci cum magna Cleri, populique satisfactione, propter filiarum cum matrice Ecclesiæ Romanæ conformitatem. Ejusmodi vero ritus, & cæremoniæ discuntur facile ex Rubricis Missalis, Breviarii, & Ritualis Romani secundum usum Concilii Tridentini. Ingressuri, egressurive Chorum prius se lustrali, seu benedicta aspergant aqua, quam in honesto, & commodo Templi vase metallico vel lapideo asservabunt; singulisque hebdomadibus renovabunt. Salutato insuper magna cum reverentia, & humilitate, Venerabili Sacramentó, ad locum quisque suum constitutum in subsellis se recipiet, nec in Sacristiis mora fiet, ne forum potius, quam Sacrarium a populo existimetur. Nugatores, fabulatores, ambulatores, bibones, moratum in triviis & cæmeteriis necentes, & maleferiari Clerici, & Laii ex hospitibus, viis, & sepibus compellantur intrare, ut impleatur domus Dei, *Luc. 14.* Merces, esculenta, & poculenta in cæmeteriis, vel prope, tempore Divinorum Officiorum nullo modo tolerantur, invocato, si opus sit, nostro consilio, & auxilio, cum domus Dei domus sit orationis, & non spelunca latronum, *Matth. 21.* *Luc. 19.* *Sí quis esurít, domi manducet,* inquit Apostolus *1. Cor. 11.*

§. II.

Horæ Canonicae.

Horæ Canonicae attente, distincte, devote, non cursim, distracte, & præcipitanter, & suo tempore ab omnibus recitentur, qui vel majoribus initiati sunt Ordinibus, vel Beneficio aliquo Ecclesiastico sunt ornati. Matutinum cum Laudibus præmittatur celebrandæ Missæ, nisi legitima subinde Parochos & Vicarios causa excusaret, qui quavis hora parati ad administranda ægris Sacramenta debent esse. *Videatur Tolet, in Summa Lib. 2. Cap. 1.*

§. III.

Prædicatio verbi Dei.

Prædicatio verbi Dei, quam sit necessaria, norit Vallesia nostra, ut quæ neglecto Dei verbo paulatim labi cepit. Recolenda proinde, & ad usum & frequentiam reducenda, arque ad populum Dominicis, Festivisque diebus semper habenda est. Dent operam sacri verbi Præcones, ut vita, moresque doctrinæ respondeant, ne quod verbo ædificant, pravo destruant exemplo. In producendis sacris Scripturis, & dogmatibus hæreticorum refutandis sint cauti, præsertim coram rudioribus, ne, dum refutare student, errores subinde præ inscitia doceant. Vicia cum discretione, & in communi reprehendant, neminem vel aperte, vel tacite perstringentes. Ab apocryphis, incertis, & minus probatis, a ludicris, salibus, & fabulis anilibus abstineant: Historias, & miracula minus explorata & certa non adducant, nec quidquam aliud, quod levitatem, quod dubium, incertitudinem, vel errorem gignere queat, bonos ea de re, & probatos Autores legant; necessaria futura concioni excerptant, scribant, memoriæ tradant, & prævia diligenti, & devota oratione (quæ se, suosque auditores Deo commendabunt) cathedram ascendant, atque cum energia & spiritu proponant, explicant, doceant, moveant. Christi fideles monemus omnes, & in Domino obsecramus, ut se verbo Dei audiendo nunquam subtrahant, conciones Dominicis, Festivisque

que diebus nunquam negligant, cum ille ex Deo non sit (& consequenter, & diametraliter ex Diabolo) qui verba Dei non audit. Et vice versâ, ille ex Deo sit, qui verba Dei audit. *Joan. 8.*

§. IV.

Catechismus, seu institutio Christiana.

Catechismus, seu institutio Christiana omnibus Parochis, & Vicariis commendatissima habeatur, ut pueri, ac puellæ Fidei rudimenta, Christianamque Religionem cum lacte materno imbibant. Diebus Dominicis Adventus, & Quadragesimæ, atque extra hos dies singulis saltem mensibus semel in Templo, prævio campanæ pulsu, habeatur ab aliquo Ecclesiastico Parocho, Vicario, vel alio Catechismus. In hunc finem moneantur pro concione vel post, parentes, ut mittant, vel quod melius, & satius est, ipsimet veniant, discant, recolant, iaculentur, tam sibi, quam suis, quod in Catechismo audiverint: negligentes & protervos venire compellant adhibito nostro auxilio. Methodus isthæc erit: Ecclesiastes post ultimum campanæ signum superpelliceo nitido cum stola indutus prodeat in Templi navem, vel gradus Choro & navi interjectos, illico S. Crucis signo formando, Dominica Oratione, Angelica Salutatione, Symboloque Apostolorum, patrio idiomate, recitando ita præeat juventuti, ut assequi resumendo per partes singula, commode illa possit. Signo Crucis, & solitis istis (quotiescunque Catechismus habebitur) orationibus succedent præscriptæ ex Catechismo lectiones, & concertationes, quas Ecclesiastes audier, emendabit, & enucleabit ad captum parvorum, & aulorum præsentium. Et sicut nervus belli est pecunia, ita etiam Catechismi sunt munuscula, quibus bene meritos donabit, ad maiorem cum ipsorum, tum aliorum excitationem, & studendi promptitudinem. Ad hæc alias præscribet lectiones Christianas, quas memoriæ mandabunt, & proximo conventu recitabunt, Coronidis loco nudato rursum capite (ut

in principio Catéchismi) & flexis puerorum, puellarumque poplitibus, decem præcepta Decalogi, quinque præcepta Ecclesiæ, quatuor novissima hominis, & alia id genus ad rem facientia, vernaculo sermone, iterato rursum Crucis signo, recitabit, subsequenter, & per partes resumentibus parvulis.

§. V.

Scholæ privatae.

Scholarum privatarum usus crebrior esse deberet, quam oculis usurpamus, cum maximus Reipublicæ Christianæ inde pullulet fructus. Statuimus ergo, ut Scholæ passim collapsæ rursum erigantur in celebrioribus pagis: ubi nec fuerunt, nec adhuc sunt, instituantur; ubi pueri, nonnullæ etiam puellæ, legere, scribereque latine, germanice, vel gallice discant, saltem in hyeme, quando indocta juvenus domi tempus aureum, inutili garrulitate, nugisque terit. Ludimoderatores sint omnes sani in Catholica fide, non suspecti vel hæretici, probi viri, pietateque insignes, ut eadem pietas in teneram derivari, stillarique juventam verbo & exemplo possit; atque adeo, quod infantes ex matribus, hoc pueri ex Præceptoribus sugere, ad maiorem Dei gloriam, & Vallisæ salutem queant.

§. V.

Sodalitates, seu Confraternitates.

Sodalitates, seu Confraternitates magni a populo fieri intelligimus. Ideirco renovandæ sunt, sicubi exolevissent, atque aliæ & aliæ potissimum Rosarii Beatæ Virginis (ut vocant) introducendæ. Ut autem plures utriusque sexus, Deoque & B. Virgini gratiores Sodales fiant, populus bene de tota re imbuatur, emolumenta ejus congregationis clare proponantur, & expendantur, auditores pro re nata in concionibus, privatis exhortationibus & conversationibus ad amplectendam tam sanctam & apprimè utilem Rosarii congregationem inflammentur. Hinc fiet, ut omnes parvi, & adulti utriusque

que sextis homines Rosarium B. Virginis addiscant, illud ter minimum in hebdomade percurrant, palam ex manibus domi, forisque (quod hætenus plerosque viros & mulieres facere sine causa puduit) ferant, atque adeo Dei, Virginisque cultus in dies augeatur, pristinus Ecclesiæ nitor, & Catholicæ Religioni decus restituatur.

§. VII.

Festa Ecclesiæ.

Festi dies, cur & in quem finem ab Ecclesia instituti, norint omnes vel ex ipso Ecclesiæ præcepto, atque quotidiano ubique usu. Quia nihilominus plebs sæpe rudis est, vel cultui Dei minus addicta, monitos volumus Curatos, & Prædicatores omnes & singulos, ut pro suggestu, hac sæpe de re tractent, firma & gravia, ad persuadendum, incitandum & compellendum populum proponant argumenta, ut non tam speculative, quam practice suum feriat dies sortiantur effectum. Quod si gratis, nec non irritò conatu tentaverint omnia, tum ad pedum Episcopale, vel Vicarium Generalem, vel nostrum Officiale recurrant, ut rebelles, & cervicose oves debitis pœnis exerceantur.

In promulgandis Festis caute procedant, ne Parochi, vel eorum Vicarii alia pro aliis accipiant, populoque proponant. Teneant unum, eundemque tam Germani, quam Galli promulgandi modum, qui Festa fori a Festis Chori clare distinguat, vitentque odiosas in Ecclesia Dei, inusitatas, & periculosas (ut hætenus experti sumus) Festorum cum Festis, & Dominicis diebus comparationes, ut cum aliqui dicunt: *Hoc Festum, verbi gratia, Sancti Andreae, celebrabitur adinstar diei Dominicæ.*

Aliud.

Hoc Festum v. g. Conceptionis Beatæ Virginis celebrabitur adinstar Nativitatis Domini, vel Paschæ.

Isti modi promulgandi sunt prorsus absconditi. Ita ergo imposterum Festa substantialiter promulgentur, ut sit differentia clara inter Festa fori, quæ sunt obligatoria, & inter Festa Chori,

quæ devotionis sunt Festa, & non obligatoria. *Tali die incidit Festum S. Andreae Apostoli, quod vi præcepti Ecclesiastici ad feriandum sub reatu peccati mortalis obligat.... Tali die incidit Festum S. Francisci Confessoris, quod est devotionis Festum duntaxat, nec obligans ad feriandum.*

Festa obligatoria præter Dominicos dies totius anni in nostro Episcopatu sunt ista:

Circumcisio Domini,	Assumptionis Beatæ Virginis,
Epiphania Domini,	S. Theoduli Episcopi & Confessoris, Patroni Patriæ.
Festum Sancti Sebastiani,	S. Bartholomæi Apostoli,
Caroli Magni Imperatoris,	Nativitatis B. Virginis,
Purificationis Beatæ Virginis,	S. Matthæi Apostoli & Evangel.
S. Matthæi Apostoli,	Ss. Mauriti & Sociorum,
S. Josephi,	S. Michaëlis Archangeli,
Annuntiationis B. Virginis,	Ss. Simonis & Judæ Apost.
Paschæ cum duobus sequentibus diebus,	Festum omnium Sanctorum,
Ss. Philippi & Jacobi,	Fest. septem Gaudiorum B. Virg.
Inventionis S. Crucis,	S. Catharinæ Virginis & Martyris, Patronæ Patriæ.
Ascensionis Christi,	S. Andreae Apost.
Pentecostes cum duobus sequentibus diebus.	Conceptionis Beatæ Mariæ Virg.
Corporis Christi,	S. Thomæ Apost.
Nativitatis S. Joannis Baptiste,	Nativitatis Domini nostri JESU CHRISTI,
Ss. Petri & Pauli,	S. Stephani,
Visitationis B. Virginis,	S. Joannis Evang.
S. Jacobi Apostoli,	Ss. Innocentium Martyrum.
S. Laurentii Martyris,	

Festa denique Dedicationum, & Patronorum Ecclesiæ, & alia peculiarium locorum, ex pia devotione suscepta.

Ita observabuntur Festa prædicta, ut a media nocte præcedente Festum aliquod usque ad alteram noctem inclusive

elusive nullum opus servile, rurale, vel mechanicum exerceatur, ipso Festo Divinum Officium frequentetur, Missa integra cum concione audiatur. Et licet Laici ad Vesperas, cum habentur, audiendas sub peccato mortali non obligentur, uti nec ad adeundum Catechismum, non idcirco excusamus illos a peccato, quando commode possunt: cum ideo Festi dies sint instituti, ut in illis Deus plenius honoretur, colatur, & gratiæ eidem peculiariter agantur. Satius est bonis operibus tunc vacare, quam male tempus perdere, potare, saltare, ludere, vagari, nugari, & alia id genus peccata committere. Nolumus, ut id temporis circa Vesperam acuantur in æstate falces ad demetendum fenum, exportetur finus e stabulis; findantur, & vehantur ligna pro culina; fructus ex arboribus decutiantur, vel sub illis numerose colligantur, atque domum ferantur, multoque minus, ut sartores & sutores profanent dies Dominicos & Festivis laborando in multas horas, ut Matres familias retineant iis diebus in domibus netrices, filatrices, & alios hujusmodi opifices. Intolerabilis plane, & indigna clitellariorum, & aliorum plerorumque est consuetudo, qui vina emunt, & avehunt Festivis diebus, vel ad debita sua colligenda, vel exigenda, qua data porta ruunt, nullam Missæ, & concionis habentes rationem; nec ullam operosos inter & Festos dies differentiam ponentes, & quod pejus est, factum suum impie excusantes. Intolerabilis quoque mulierum mos increbuit (conviventibus procul dubio Parochis, & Templi Procuratoribus) quæ Festivis diebus hortos & olea sua ita impune colunt, ut altera alteram, velut annulus annulum, ad peccatum pertrahat.

Serio ergo mandamus, ut prædicta Festa ab omnibus, & singulis observentur a media nocte præcedentis diei, ut dictum est, usque ad mediam noctem subsequens: nihil toto illo tempore servile fiat: Missa integra cum concione & aliis Divinis Officiis audiatur: Deus majore cum pietate & devotione colatur; orationi magis, & bonis operibus vacetur. Uno ver-

bo: totum illud spatium temporis pie, sancte & religiose in Domino transigatur.

Quod si evidens aliqua necessitas ingruat. circa messem vel vindemias; tunc Festa cum nostra, vel Parochorum locorum facultate transferri poterunt, vel post absolutum mane Officium Divinum, reliquum diei labori impendi. Caute hic agatur propter ineptas populi subinde, & crudas consequentias.

§. VIII.

Processiones.

Processiones, seu Supplicationes tam communes Ecclesiæ, quam Diœcesis nostræ particulares, & propriæ locorum, observentur diligenter cum omni decencia, modestia & devotione, sine risu, levitate, confabulatione, evagatione, quibus ad iram Deus potius provocatur, quam placatur. Diebus Dominicis & Festivis assuescat populus tempestive processionibus interesse, & non glomeratim incedere. In extraordinariis processionibus, quæ aliquando ex necessitate instituuntur, caveant sibi Parochi quidquam a seculari Magistratu præferibi, amice potius & pacifice, pro temporis, loci, ac personarum qualitate utrimque conveniatur. Cum supplicatio ad remotum aliquem locum fit; mulieres non admittantur propter varia, quæ nonnunquam oriuntur pericula & scandala. Viri maturi ætate eant, in tempore sint memores sobrietatis & temperantiæ, ne Deus merito offendatur. An, quales & quantos sumptus pro ferenda Cruce & vexillo quisque Parochus facere teneatur, cum remotius supplicatum itur; in hac Synodo deliberabitur, cum res non tantum a Parochis, sed etiam a populo pendeat.

§. IX.

Jejunia & abstinentiæ.

Circa jejunia & abstinentias attendant ubique Parochi, ut rite servantur omnia, ne scandala in populo generentur. Sunt autem isthæc obligatoria jejunia: Quadragesima tota, Dominicis exceptis, quibus abstinetur

B b b

tantum

tantum & non jejunatur, incipiens a die Cinerum inclusive, usque ad Sabbatum Sanctum inclusive. Cui maxime derogant, qui dicunt Quadragesimam primum incipere a Dominica prima Quadragesimæ, atque adeo licitum esse carnibus, & ovis illuc usque vesci. Tales notentur, & in utroque foro graviter puniantur. Quatuor anni tempora, Vigilia Nativitatis Domini, Pentecostes, Assumptionis Beatæ Virginis, Nativitatis S. Joannis Baptistæ, Sancti Laurentii, omnium Sanctorum, omnium Apostolorum, præterquam Ss. Philippi & Jacobi, & Sancti Joannis Evangelistæ. Quæ tempora jejuniorum diligenter promulgabunt Parochii, ut nullum sit excusationis velamen. Inculcent etiam differentiam inter jejunium & abstinentiam; quæ maxima est, ne qui jejunare tenentur, existiment per abstinentiam fieri præcepto Ecclesiastico satis. Ostendant jejunium in eo consistere, ut, corpus semel tantum in die jejunii, hora undecima ante meridiem audita reficiatur, sine ullis omnino carnibus (& in Quadragesima etiam sine ovis) vesperi vero pro collatione, ut vocant, pauxillum panis & fructuum breviter sumatur. Bibere die jejunii extra refectionem & collationem illam sæpius licet, imo aliquando, si haustus obsit, buccellam panis assumere. Quod simplici populo inculcare sæpius oportet, ut qui aliquoties jejunaret, sed absterretur ab eo, propter vini vel alterius potus abstinentiam, quasi de die extra refectionem, & collationem bibere nefas sit, aliosque strictè & Ecclesiasticè jejunantes judicant, cum eos extra tempus pauxillum bibere vident. Abstinentia Ecclesiastica multum a jejunio jam explicato differt. Consistit vero in eo, ut quis a certis cibis, debito tempore abstineat, uti fieri solet, & debet singulis diebus Dominicis Quadragesimæ, in quibus abstinetur ab ovis & carnibus tantum, in Diœcesi nostra. Qui ad jejunium obligentur, qui non, videatur apud Casitas, & hoc ipsum populo aliquando intimetur ad sublevandas conscientias. Tollatur nonnullorum consuetudo, qui tribus ultimis Quadragesimæ diebus, sine

omni omnino cibo ita transigunt, ut postmodum in varios mentis & corporis languores incidant, subest enim aliqua diaboli fraus. Circa dispensationem ovorum, vel carniū in Quadragesima, videant, quid agant Parochi. Infirmis judicio Medici & Parochi aliquid concedatur. In carnivoros helluones, & ovi mandones serio animadvertatur, & ad Nos referantur, vel Vicarium Generalem, vel nostrum Officiale.

§. X.

Angelica Salutatio.

Angelica Salutatio sicubi exoleverit, in integrum restituatur. Convenit, ut in tota Diœcesi nostra conformis sit ad eam pulsus, non ut hactenus difformis: cum conformitas in uno, eodemque Episcopatu magis ædificet, uniatque animos. Ter quotidie pulsandum est ad Salutationem istam, in aurora, meridie, & crepusculo vespertino. Pulsus nec nimis longus, nec nimis brevis sit, sed commensuratus communi Ecclesiæ Salutationi, quæ incipit: *Angelus Domini nuntiavit MARIÆ* &c. Toto reliquo anno ad hunc pulsus omnes genu flectant: tempore vero Paschali, id est, a Paschate usque ad Dominicam Ss. Trinitatis, statur ad illum. Qui modus, & ejus ratio pro concione sunt denuntiandi.

§. XI.

Benedictiones.

Benedictiones salis, aquæ, cereorum, cinerum, herbarum, vini, panis, fructuum &c. uti maximi a Majoribus nostris factæ sunt, ita & hoc ævo nostro fiant. Proinde virtutem & effectum rerum benedictarum explicent Concionatores, & Catechistæ, moneantque populum, ut in pravum, & ab Ecclesiæ instituto alienum usum non convertantur, sed Religiose gestentur, atque in pium Ecclesiæ finem, & intentionem usurpentur.

§. XII.

Exequiæ & Sepultura.

Exequiæ & Sepulturæ religiosius, quam antehac peragantur: corpora

pora mortuorum non nimis cito efferrantur, expectetur paulisper, dum bene rigescant. Sufficientes sint semper in efferendo, nunquam defint, qui Crucem præviam, & aquam lustralem portant. Nemo Laicus, excepto pestis tempore, vel minimum baptizati corpusculum sine præsentia Parochi, vel Vicarii sepeliat, ni hæreticus (ita enim sepeliunt) audire velit. Sepulchra sint profunda, capita & alia ossa carnibus & pilis adhuc vestita nunquam extrahantur, sed vel alibi defodiantur, vel dextre & decenter in angulo recondantur, superjecta, ne videantur, terra. Alia vero ossa carnibus exuta extrahantur, laventur, & in ossuario decenter reponantur. Non baptizati loco proprio non benedicto sepeliantur a Laicis, sine pulso, sine Sacerdote & cæremonia ulla. Mortuaria, si quæ sunt, vel de jure, vel consuetudine, ad pristinum usum revocentur, cum in honestiorem Clericorum sustentationem cedant: nec Parochi permittant, ut oblatum semel panis iterato offeratur, quod est plane indecens, & bona multa dignum. Vigilia & Missa pro defunctis recitentur, dum fossa sit, nec permittatur facile corpus aliquod pomeridiano tempore humari. Quævis Parochia sepeliat suos, non alienos Parochianos quantumvis pauperes; cum alia nulla ordinarie subsit ratio, cur compendia quærantur, quam tenacitas, avaritia, & extinctus erga vivos & mortuos fideles zelus. Cæmeteria bene claudantur, ne ulli pecudi pateat accessus, nihil ibi seratur, plantetur, nec panni, nec telæ, nec aliquid aliud exsiccentur; oves non tondeantur; non ibi pensæ a mulieribus ducantur, nec consilia politica a populo habeantur, nec ullum denique opus a locis talibus alienum a quoquam peragatur.

§. XIII.

Administratio & susceptio Sacramentorum.

DE administratione, & susceptione Sacramentorum, quod est potissimum in Ecclesia exercitium, dicendum hic esset, verum eum peculiarem locum, & Caput requirat, id proxime subneſteatur.

Tomus IX. Concilior. German.

CAPUT V.

DE SACRAMENTIS ECCLESIE.

§. I.

Sacramenta, & eorum administratio in genere.

Sacramenta univérſe sunt septem a Christo instituta, quæ sunt instrumenta, & vasa gratiæ sanctificantis: quæ quò excellentiora sunt Sacramentis antiquæ Legis, eo majore reverentia & sanctimonia sunt administranda & recipienda. Tria ad administrationem Sacramentorum sunt necessaria necessitate Sacramenti, ut dicunt Theologi: Materia, forma, & intentio Ministris ministrantis, & conferentis: quorum si vel unum defit, nullum Sacramentum fit. Materia in genere debet coexistere formæ, coexistentia morali, & realiter suscipientem attingere ad producendum suum effectum. Forma debet materiæ ab uno eodemque Ministro simul similitate morali copulari, & tota ab eodem proferri. Intentio debet esse vera, absoluta, virtualis (non enim requiritur semper actualis) & generalis, & sufficit. Vera procedit ex veritate objecti. Absoluta nullam habet oppositam conditionem, maxime de futuro: virtualis emanat ex aliqua actuali prius habita, nec unquam revocata: generalis est voluntas faciendi, quod Christus instituit, vel quod Ecclesia, vel Christiani faciunt; sicuti particularis intentio (quæ non est necessaria) est voluntas faciendi, quod facit Romana v.g. Ecclesia. Ex dictis colligitur invalidum aliquando, aliquando illicitum esse Sacramentum. Invalidum quidem ex parte materiæ, si materia sit substantialiter corrupta, ut si acetum pro vino &c. accipiat: illicitum vero, si accidentaliter tantum sit corrupta, ut si vinum subacidum, vel lymphatum, pro puro & integerrimo. Invalidum erit ex parte formæ, si quid contra essentiam ejus mutetur, seu transferatur, addatur, vel dematur: illicitum vero, si quid accidentale tantum, & non contra essentiam formæ transponatur, addatur, vel dematur.

B b b 2

matr. *Exempla facile occurrent in forma Baptismi, & Eucharistiæ. Invalidum denique erit Sacramentum ex parte intentionis Ministri, si ea non sit recta, ut si non intendat facere, quod facit Ecclesia, sed illudere tantum, & joculari: illicitum vero, si intendat aliquid prævum consequens ipsum Sacramentum v.g. Corpus Christi ad veneficia applicare. Quando dicimus invalidum Sacramentum, idem est atque nullum; quando vero illicitum, intelligimus Sacramentum validum quidem esse, sed peccare Ministrum in ejus administratione mortaliter, vel venialiter pro ratione materiæ. Præter intentionem in Ministro requiritur etiam legitima potestas, sive jurisdictio, sine qua omnia Sacramenta illicitè administrantur, præter Pœnitentiæ Sacramentum, quod etiam invalide juxta Trident. Sess. 14. Cap. 4. Sit in Ministro fides recta, probitas, devotio &c. ut digne, sancte, & licite suo fungatur officio. Non sit excommunicatus, suspensus, interdictus, nullo mortali peccato, vel affectu peccandi irretitus: si Confessarii copia suppetat, confiteatur: si Confessarius desit, pœniteat de peccato, eliciatque actum contritionis, vel attritionis, quo se probabiliter contritum existimet. (*) Nec sibi blandiatur prætenſa juris vel facti ignorantia: ignorantia enim juris non excusat Ministrum; ignorantia vero facti vel naturalis inadvertentia peccatum excusare potest. Quod de jure vel legitima consuetudine debetur pro Sacramentorum administratione, illud tuta conscientia Ministri Ecclesiæ possunt accipere: neque hic ulla Simonia vel avaritia locum habet, cum Sacramenta non vendantur (quod alias nefas, Simoniacumque esset) nec labor intrinsecus, qui æque spiritualis est, atque ipsum Sacramentum, & sine quo administratio vel confessio Sacramenti consistere non potest, cujusmodi est actus ipse v.g. ablutionis in Baptismo,*

absolutionis in Pœnitentia, unctionis in Extrema unctione &c. cum, inquam, labor hujusmodi intrinsecus non vendatur, sed tantum extrinsecus, qui est pretio æstimabilis ex natura sua.

Parochi, Vicarii, Concionatores, & Catechistæ studiose exponant omnia ea, quæ requiruntur ad dignam & fructuosam cujusvis Sacramenti receptionem. Ejusmodi autem sunt usus rationis (præterquam pro Baptismo, Confirmatione, & Extrema unctione in phreneticis, qui antea usi sunt ratione) competens ætas, fides recta, vera, sincera, & nullo modo ficta intentia, status denique gratiæ ad suscipiendâ Sacramenta vivorum (ut vocant) quæ sunt Confirmatio, Eucharistia, Extrema Unctio, Ordo, Matrimonium: vel sufficiens dispositio ad recipiendam primam gratiam, quæ confertur per Sacramenta mortuorum, quæ sunt Baptismus, & Pœnitentia, nam ad hæc duo Sacramenta licite accedunt homines cum conscientia peccati mortalis, illicite vero cum affectu peccandi, vel perseverandi in peccatis, qui est obex gratiæ. Ad alia vero Sacramenta quinque, nunquam licet cum conscientia peccati mortalis accedere, quia talia Sacramenta non sunt instituta ad remittenda peccata mortalia, sed ad augmentum gratiæ sanctificantis, seu justificantis, quæ solis justis impertitur. Ergo per confessionem peccata sunt delenda, si copia sit Confessarii; sin minus, habeat suscipiens veram contritionem, vel attritionem, quæ bona fide putetur esse contritio.

Inculcetur insuper populo necessitas quorundam Sacramentorum, ut est Baptismi, qui omnibus necessarius est necessitate mediæ, seu salutis; Pœnitentiæ, quæ est eadem necessitate necessaria relapsis in peccatum mortale hominibus. Eucharistia, Confirmatio, & Extrema Unctio sunt necessaria necessitate præcepti, ita ut eorum receptio sit suo loco & tempore necessaria.

Ulti-

(*) Nomine *attritionis* designari videtur, tam hic loci, quam paulo inferius, dolor saltem ille, quo quis prudenter, conscientia teste, contritum se & existimare possit, & opere ipso existimet: tum enim vero abest sacrilegii periculum. Quanquam hac in re memor præcepti Divini Sacerdos, monentem audiat Sess. 6. C. 11. Tridentinam Synodum: *Deus (inquit illa) impossibilia non jubet, sed jubendo monet, & facere, quod possis, & petere, quod non possis, & adjuvat, ut possis.*

Ultimo mandamus, ut in posterum omnes Curati & Vicarii Romano Rituali utantur in administratione Sacramentorum.

§. II.

Baptismus.

Baptismus, quia necessarius est homini ad assequendum finem suum supernaturalem, & quidem necessitate medii; ideo monemus Parochos & Vicarios, ut parati sint quocunque tempore ad baptizandos infantes allatos. Si enim propter absentiam, vel alia de causa eis imputata infans presentatus absque Baptismo moriatur, puniemus, atque pro qualitate culpæ eos vel ab officio suspendemus, vel beneficio privabimus. Cum baptizandus ad valvas Ecclesiæ presentabitur, diligenter inquirent, num domi privatim propter mortis periculum, Baptismo initiatus jam fuerit, nec ne? a quo? quomodo? si intelligat legitime baptizatum esse, ne amplius baptizet, sed reliquas Baptismi caeremonias propter casum necessitatis, omittas suppleat. Si vero cognoverit non fuisse lustratum aqua, tum baptizet servatis diligenter caeremoniis in Rituali Romano contentis. Si denique in collato privatim infanti Baptismo errorem aliquem, sive in materia, sive forma, sive intentione Ministri deprehenderit, vel saltem dubitaverit de valore Baptismi collati, idque non leviter, & speculative tantum, sed practice; adhibita omni diligentia, tum infantem, sub conditione baptizet, dicendo: *Si non es baptizatus, ego te baptizo in nomine Patris &c.* Privatum intra domesticos parietes baptizandi morem penitus tollimus, nisi subsit evidentissima, & urgentissima necessitas, quam pigri & male feriat, ob difficultatem itinerum sibi imaginantur, & aliis obstantibus persuadent, atque ita demi, vel in propinqua aliqua Parochia aliena baptizari curant, non sine scandalo, & gravi simul periculo, vel damno olim fortassis emerfuro. A die Joyis sacro (quantumvis propter distantiam locorum novæ, recentesque unctiones nondum haberi possint) infantes more solito ungantur, usque dum novæ habeantur, nec ullo modo eorum Bap-

tismus differatur. Patrinum & Matrinam præterea monemus, ut cum ex pago infans ad remotiorem Parochiam baptizandus deferetur, secum aquam benedictam mundo vasculo portent, ut in via, si quod probabile mortis periculum immineret, infans, indito prius nomine, baptizetur. Non immerito statuit Tridenti Synod. *Sess. 24. C. 2. de Reform. Matrim.* ut pro evitandis difficultatibus & periculis impedimentorum, cognationis spiritualis, & Matrimoniorum unus tantum sive vir, sive mulier, vel ad summum unus & una baptizatum in Baptismo suscipiant; inter quos, ac baptizatum ipsum, & illius patrem & matrem, nec non inter baptizantem & baptizatum, baptizatique patrem ac matrem tantum spiritualis cognatio contrahatur. Hunc morem de uno vel duobus summum patrinis, a Concil. Trident. præscriptis, amplectimur, Parochisque omnibus præscribimus, & injungimus, sub pena arbitraria posthac servandum. Susceptores volumus esse probos, atque Catholicos (non Religiosos) quos breviter post Baptismum de officio rite fungendo instruet Parochus, eosque in librum seu catalogum baptizatorum una cum baptizato, baptizatique patre & matre referet, annotato die, mense, ac anno.

§. III.

Confirmatio.

Confirmationis Sacramentum, ejusque vis, atque effectus populo sæpius inculcentur, & ubi tempus confirmandi ingruerit, parentes edoceantur, ut qui ad annos discretionis pervenerunt, ipsos Episcopo suo sistant confirmandos; per patrinum unum, non plures, quem Parochus loci, ab Ordinario suo repetet, ut eum cum confirmato, ejusque parentibus inscribere possit.

§. IV.

Eucharistia.

Eucharistiæ Sacramentum, cum sit omnium Sacramentorum Augustissimum, in spiritualem animæ refectionem & memoriam Passionis Christi

sti institutum, convenit, ut magna cum puritate, reverentia, & devotione tractetur, & sumatur. Eniten- tur ergo Parochi, & Concionatores, ut populus bene imbuatur, ne ad men- sam cum Juda quisquam accedat, reus- que fiat Corporis & Sanguinis Domini. Etsi circa festum Paschæ ab unoquoque adulto vi præcepti Ecclesiastici (Cap. *Omnis utriusque sexus*, de Pœnitent. & Remiss.) sumendum sit: hortamur ni- hilominus omnes, ut crebrius id in anno fiat, majoribus scilicet & festivo- ribus solemnitatibus. Nemo in aliena Parochia Pascha liter, seu communicet, sine expressa ab Ordinario, vel suo Pa- rocho licentia. Prius se probet homo per Confessionem scilicet Sacramenta- lem, & sic de Pane illo edat, (1. Cor. 11.) proinde præsumat nemo ad tre- mendum hoc Sacramentum, absque prævia, vera, & non fucata & hypocri- tica confessione, contritione & emen- dationis proposito accedere, nisi, ut ait Apostolus prædicto capite, judi- cium sibi manducare & bibere velit, non dijudicans Corpus Domini. Doceatur populus id, quod pro ablutione datur, non esse Christi Sanguinem, ut imperiti putant, sed merum vinum, in eum finem datum, ut sacra Hostia facilius in stomachum demittatur. Satiusest hoc nomine alterius formæ populo uti pro ablutione communicantium, quam calice, ut inveteratus error penitus eximatur. Prima vice communicatu- ris adolescentibus accessus non pateat ullus ad Sacramentum, si Orationem Dominicam, Salutationem Angelicam, Symbolum fidei, & usum hujus Sacra- menti probe non calleant: detur et- iam opera, ut præcepta Decalogi & Ecclesiæ, nec non alia Sacramenta ha- beant perspecta. Præstat semper plu- res pro magna Communione consecra- re Hostias, quam pauciores, ne aliqui propter penuriam Hostiarum abire non communicati cogantur. Cauti sint, & circumspècti Curati in communicando populo, ne ulla committatur Sacra- menti irreverentia: extrema digito- rum sæpius inspiciant, si quæ particulæ adhæreant, eas quantocius Ciborio vel patenæ reponant, priusquam ela- bantur. Cum ad ægros sacrum defe-

rendum est ferculum (nemini enim unquam laico id muneris committatur, ut sacram ad ægros ferat Hostiam) Sa- cerdos superpelliceo, stolaque indu- tus, cum lumine & campanula, ad dan- dum fidelibus signum prævia, proce- dat cum Ciborio reverenter & de- center, non conjiciendo in quemvis angulum & personam oculos, sed mo- deste continendo, cum reliqua to- tius corporis gravi compositione, ut po- pulus anam genu flectendi, & Deum suum adorandi, majorem accipiat: si æger longe a Parochia absit, gravissi- meque laborare intelligatur; tum ea- dem opera sacrum Oleum secum defer- re potest, & post Communionem un- gere: priusquam aggrediantur com- municare ægrotum, videant diligen- ter, num sacram Hostiam commode, & citra periculum, irreverentiamque sumere possit. Si enim periculi certi aliquid subsit, ostendatur potius, quam sumenda præbeatur S. Hostia, ut eam æger adoret, non item ut osculetur propter præsens periculum: ibi enim bona voluntas pro facto reputatur. Quod si dubitet, prius modico pane ex- ploret, non deglutire valeat, si enim panem naturalem sumere possit, super- naturalem & Angelicum consequenter poterit. Casu, quo ægrotantis lin- guæ, vel faucibus sacra Hostia adhæ- reret, nec vino affuso avelli adhuc pos- set, eam durioris panis crustula, vel vi- no abradat; crustulam, si æger sumere non possit, vino studiose abluat, vi- num cum miculis illis, quæ sacram attigere Hostiam, sumendum ægro porrigat. Hostia non consecrata nun- quam detur ægrotantibus quacunque de causâ. Cum ab ægris cum sacro Ci- borio reditur; si in Civitate sit, vel pago majore, ubi Parochia existit, de- beat in eodem Ciborio Hostiam, & cum eadem solemnitate, qua exivit, revertatur. Si vero ad remotum ali- quem pagum tulerit, non est opus re- ferre aliam sacram in reditu Hostiam, propter ineptas sæpe & difficiles vias, ut experientia ipsa docet, & nunc ex- utus superpelliceo, & stola, ciborio- lum in silentio ante pectus referat, sine lumine & campanulæ pulsû. Pestis vel

vel alterius luis contagiosa tempore, nihil de officio suo & sedulitate remittant Parochi, prudenter tamen & caute confessiones audiant, atque sacrum Viaticum porrigant, ardentibus cereis ante os & nares, ut infectus aer purgetur, & aliis id genus remediis & antidotis præmuniti.

§. V.

Missæ Sacrificium.

DE Augustissimo Missæ Sacrificio, a Christo in ultima Cœna instituto, videantur passim Auctores, præcipue controversistæ. Missa legatur ex Romano Missali. Missas ficas de Spiritu Sancto, & alias ejusmodi passim in nostra Diœcesi celebrari solitas, interdiximus penitus, sub pœna indignationis nostræ, & suspensione ab officio & beneficio. Quod si pecuniæ nonnunquam pro hujusmodi Missis celebrandis offerantur, instruantur offerentes, & aliæ veræ & non ficæ Missæ pro illis dicantur, vel minimum collectæ ad ipsorum offerentium intentionem adjungantur. Locus celebrandi debet esse consecratus, vel benedictus, vel ab Episcopo designatus, ita, ut in alios usus amplius non convertatur. (Trident. Sess. 22. in Decreto de Missa, & Cap. *Quanta*, de observand. in celebr. Missæ.) Conceditur vero in necessitate (absente Episcopo) celebrare sub dio prope Templum tempore belli & pestis, in processionibus, & magnis solemnitatibus, (C. 1. & 2. *Concedimus*, de Consecrat. D. 1.) in loco polluto & violato nemo celebret, nemo sine Ministris altaris ad respondendum apto, nemo censura aliqua irretitus, nec in peccato mortali, sed confessus (si sit copia Confessarii) vel contritus, si desit Confessarius, nemo in paramentis notabiliter immundis vel attritis. Diebus Dominicis & Festis solemnissimæ Missæ pro defunctis non habeatur, sed in alium diem transferatur, vel Collecta pro anima defuncti addatur in Missa de Dominica vel Festo: vel si plures sint Sacerdotes, privata pro defuncto Missa habeatur.

§. VI.

Pœnitentia.

Pœnitentiæ Sacramentum (tanquam secunda post naufragium tabula, summopere necessarium (ut supra §. 1. dictum est) cupimus sapè tam ab Ecclesiasticis, quam Laicis iterari, cum nunquam desit consistendi materia his potissimum temporibus, & corruptis moribus. Laici præcipuis Festivitatibus, Clerici vero multo crebrius confiteantur, ruminando illud Isa. 52. *Mundamini, qui fertis vasa Domini.* Egrotantes periculose medicinam animarum prius, quam corporum petant, (C. *Cum infirmitas*, de Pœnit. & Remiss.) prægnantes, & alii in probabili vitæ discrimine constituti tempestive confiteantur, nec ullo modo in dies differant. Supplicio extremo afficiendis personis non denegetur Confessio, nec sacra Communio (quantumvis venefici, veneficæ &c. fuerint) pridie diei supplicii, & non ipso die, propter Sacramenti reverentiam. Sacrilegus, & intolerabilis multorum abusus tollatur, qui sua peccata tantum in genere, & non in specie, multo minus in individuo recensent. Jubeantur ergo in specie, & sigillatim omnia mortalia dicere, observata quantitate, & qualitate, & aliis circumstantiis peccatorum debitis. Assuecant pœnitentes post dictam Confessionem generalem, ut vocant, sua peccata, quantumvis enormia dicere, nec expectare, donec cum molestia tam Confessarii, quam pœnitentis interrogentur, cum ingenui, humilis & contriti pœnitentis sit prævenire potius, quam præveniri, ut quem non puduit cum Davide peccare, non pudeat cum eo confiteri.

§. VII.

Confessarii.

Confessarii officium quantum, & quam periculosum, ni attendatur, sit onus, ex Castis percipere licet. Quod tamen juniores Clerici non perpendunt, sed ita temere & incaute se confessionibus audiendis ingerunt, ut quod doctissimi & expertissimi quæ

que Theologi non-auderent, ipsi ultro & audacter, & citra ullum scrupulum faciant, atque adeo ab omnibus peccatis & censuris absolvant, penitentes, quæ ipsimet nesciunt, non tantum doceant, sed docere ipsos Theologos & corrigere ausu nefario conentur. Reprimenda itaque est talium insolentia, & ad Joannem Polancum, Navarrum, Toletum, & alios prius remittendi tales, quam ad munus Confessariorum admittendi, ut prius ipsi discant, quod alios doceant. Nemo Confessariorum mittat falcem in alienam messem defectu jurisdictionis, cum nullâ sit absolutio, quæ datur a Sacerdote carente ordinaria, aut delegata in eum penitentem, quem a peccatis absolvere conatur, jurisdictione. Approbari ergo prius debent Parochi & Vicarii a Nobis per peculiare examen, quam se confessionibus audiendis ingerant, ut vult Trident. *Sess. 14. de Sacramento Penitent. C. 7. & Sess. 23. de Reform. C. 15.* ne dum intricatos extricare volunt, se & alios perdant. Dent operam, ut sufficientem (si nondum habeant) doctrinam ad excipiendas confessiones acquirant, audiendis adhuc in Schola conscientia casibus, vel pervolvendis, & bene ruminandis probatis & bonis Casistis, ac denique frequentandis bene doctis & expertis Confessariis, a quibus obortæ difficultates enodentur. Confessionalia sint in locis publicis collocata, non in Sacristia, vel aliis obscuris & inviis Templorum angulis: sint in confessionalibus assidui, mulieres breviter expediant, peccata peccatis diligenter conferant, ut congruam postmodum injungere penitentiam possint. Quæ penitentia sit discreta, non nimia, nec in multas hebdomades protracta. Sigillum confessionis ita stricte servant, ut nec verbo, nec signo aliquo directe, vel indirecte unquam, vel minimum in confessione auditum, vel perceptum pandant, vel revelent, sub penis a jure statutis.

§. VIII.

Casus reservati.

Casus nonnulli ideo Sedi Apostolicæ, vel nostræ sunt reservati, ut

non tam libere & graviter a multis peccetur; nec tam libere absolutionis beneficium a quovis Confessario conferratur. Id in bonum & ædificationem mystici Corporis Christi, & non in destructionem cedit, cum Christus ipse præmonuerit Christianos, & illis indirecte ante denunciaverit dicendo Joan. 20. *Quorum* (peccata scilicet) *retinueritis, retenta sunt.* Ideo autem dicuntur aliqui reservati Papæ, quod solus Papa, vel alius accepta ab eo potestate absolvere ab illis possit; Episcopales vero, quod solus loci Episcopus, vel ejus Superior, vel alius ab eo delegatus. Qui secus faxit, tantum abest, ut absolvat, ut se potius, cum jam ligato liget, sacrilegè forum alienum usurpando. Quocirca Casistas adeant Parochi, & Vicarii, ex illis discant, quid cuique sit reservatum, ne, quod non possunt, absolvant, ita cæcus cæcum ducat, atque ambo in foveam cadant. *Matt. 15.* Bullam: *Cenæ Domini*, ut vocant, omnes habeant, familiarem sibi faciant, quæ ad rem, & usum proprium faciunt, excerptant, populo inculcent, & vero directionem in Bulla positam bene inspiciant & sequantur. Alias censuras videant apud *Joan. Polancum, Navarrum, Toletum, Sayrum, Sotarez, Layman, Bonacinum*, & alios.

Casus Sedi nostræ reservati sunt 20.

1. Omnes Fidei, & Religioni orthodoxæ, Catholicæ, Apostolicæ, & Romanæ adversantes.
2. Conjugati ob dissidium non cohabitantes.
3. Mulier partum suffocans, seu abortum procurans.
4. Vir, vel mulier procurans sterilitatem.
5. Homicidium voluntarium.
6. Sacrilegium, vel furtum rei sacræ.
7. Manuum violenta in Clericos, & Religiosos, atque parentes naturales injectio.
8. Bestialitas, sive coitus cum brutis animantibus.
9. Incestus cum consanguineis & affinibus.
10. Commixtio carnalis cum filia spiritali (& vicissim) ex Baptismo, vel Confirmatione suscepta.

11. Copula carnalis cum Sanctimonialibus.
12. Perjurium in iudicio factum.
13. Magia & veneficium.
14. Baptizans prolem propriam extra tempus necessitatis extremæ.
15. Suscipiens propriam prolem in Baptismo & Confirmatione.
16. Contrahens, & non observans inita Sponsalia, seu Matrimonium de futuro.
17. Absolvens a peccatis, & censuris reservatis.
18. Absolvens vel communicans Parochianum non suum, sine proprii Parochi expressa facultate, excepto mortis articulo.
19. Baptizans solemniter, vel conjungens matrimonialiter Parochianos non suos sine licentia propriorum Parochorum.
20. Notarii, & alii id genus Dominici, Festisque diebus mane tempore Divinorum Officiorum, in cæmeteriis vel extra, causas civiles &c. Rusticorum, vel aliorum legentes, scribentes &c.

Quorum Casuum absolutionem Nobis, & Pœnitentiariæ nostræ Seduenti, ita reservamus, ut nemini potestatem nisi expresse certis de causis, a Nobis obtineatur, faciamus. Excipimus articulum mortis, in quo quis simplex Sacerdos (quando proprius haberi non potest) sæcularis, vel regularis ab omnibus censuris & peccatis, etiam Sedi Apostolicæ reservatis, in foro conscientię potest absolvere, servatis servandis, quæ in Bulla: *Cena Domini*, circa finem servari jubentur.

§. IX.

Extrema Unctio.

EXtremæ Unctionis Sacramentum a Christo institutum, & per S. Jacobum in Canonica sua Epist. C. 5. commendatum, ad antiquum vigorem suum revocandum est, cum pro concione, tum crebra ejus in urbe, pagisque exercitatione. Refutandus est error nonnullorum, qui dicunt Unctionem Extremam suæ derogare vitæ, manus, pedesque & faciem lavare amplius non posse, nec nudis pedibus in-

cedere, & sexcenta alia impie & satanice inventa. Hoc Sacramentum solis infirmis adultis de vita periclitantibus conferendum est, non pueris doli incapacibus, perpetuo amentibus, nec supplicio extremo plectendis, nec impenitentibus. Eidem infirmo si convaluerit, & rursus in simile vitæ periculum inciderit, dari Extrema Unctio toties, quoties potest. Unctio renum vel umbilici, semper est in fœminis omittenda propter decentiam, & honestatem, ut monent *Suarez, Bellarminus* & alii. Oculi ungantur clausi: manus Laicorum in vola; Sacerdotum vero parte altera; os clausum, aurium concavitas, pedes denique, non plantæ, decenter ungantur pollice, ac stupa quantocius pars uncta tergatur: stupæ singulæ in vasculo collectæ post pollicis absterfionem, & omnem Sacramenti hujus perfectionem, igni tradantur. Quod si infirmus membro aliquo alias ungibili mutilatus esset, tunc proxima pars ungatur. Modus autem deferendi ad ægros sacrum Oleum sit omnibus uniformis: Minister sine campanula cum lumine, & S. Cruce in hunc finem propria, & aqua benedicta, si locus sit vicinus (si enim remotus, ut in pagis accidit, in domo ægri confici aqua lustralis poterit) procedat. Sacerdos aperto capite, superpelliceo, stolaque indutus, subsequetur ferens ante se sacri Olei vasculum, cum Rituali Romano.

§. X.

Ordo.

Sacramentum Ordinis multas in ordinandis merito requirit dispositiones, nostris potissimum temporibus, ubi adversarii Ecclesiæ Romanæ diu, noctuque rimantur, quo pacto prævalere adversus petram Ecclesiæ, Petricæ naviculam submergere valeant. Multi nihilominus Sacerdotes ita secure dormiunt, quasi omnia tuta essent, nec sua interesset vigilare, attendere, & se pro virili opponere. Verum quomodo se tales opponant, qui triviales vixdum bene triverunt Scholas? Atque ita fit, ut hæreses, prohdolor! propter ignorantiam Sacerdotum tam longe lateque serpent, ut ex-

tingui

tingui postmodum a doctis difficulter & non sine vitæ periculo queant. Quocirca enitendum est, ut boni ac docti Sacerdotes habeantur, indoctique a sacris Ordinibus repellantur. Docti ergo & probi juvenes, quos Spiritus S. ad Sacerdotium vocavit, statutis ab Ecclesia temporibus, mature se Nobis sistent, cum suis ætatis, natalium, libertatis & Scholarum testimoniis, ut consuetum examen subeant. Ætatis quidem Testimonium a Parocho & Magistratu suo sæculari accipiant: Natalium & Libertatis a Magistratu loci, & si legitimatus sit, a Sede Apostolica: Scholarum vero ab earum Præceptoribus & Præfectis. Literas dimissorias (si ex alieno sit Episcopatu) ab Episcopo loci; Religiosi vero a suis Superioribus adferent. Ordinum jam susceptorum formata singuli singula repræsentent, & cum nemo ad majores promoveri Ordines possit, sine sufficienti mensuræ titulo, quem habeat aliquis per Beneficium aliquod Ecclesiasticum sufficiens, & pacifice, & canonice possessum; vel ex patrimonio in defectum Beneficii; volumus, ut alterutrus attestantes literæ, ab ordinandis ostendantur, potissimum de patrimonio illo sufficienti, idque a Magistratu sæculari, vel ab Administratoribus bonorum ejus patrimonii, apposito literis Magistratus illius sigillo, sine ulla fitione, fraude, & deceptione corroboratum habeatur. Examinatores singula diligenter perlegent, excutient, & studiose cavebunt, ne qua calliditas vel versutia & dolus irrepat, atque adeo vani & inutiles operarii in vineam Domini conducantur. Ad primam Tonsuram, quatuor Minores Ordines, & Majores accessurus debet esse baptizatus, sacro Chrismate confirmatus, legitimis parentibus ortus, vel a Sede Apostolica legitimatus, Diecephanus noster origine, vel domicilio, vel Beneficio Ecclesiastico legitime & pacifice possessio, vel denique a proprio Episcopo cum literis patentibus dimissus. Ad primam Tonsuram & tres minores Ordines, septem; ad Acolytatum duodecim anni completi requiruntur. Ad Subdiacnatum viginti duo, ad Diaconatum viginti tres, ad Presbyteratum quinque

& viginti saltem incepti. Doctrina in tonsurandis, & minoribus quatuor Ordinibus iniciandis, a Nobis non requiritur tanta, dummodo latine bene legere & scribere norint, doctrinamque Christianam probe calluerint. In Subdiaconandis, Diaconandis, & Presbyterandis longe alia requiritur, utpote absoluta minimum Rhetorica, & casus conscientiæ per biennium cum fructu auditi, nisi cum aliquo ex rationabili, legitimaque causâ, absque ulla aliorum conscientia dispensatum a Nobis fuerit. Nullus ad Tonsuram, minores & majores admittatur Ordines, qui aliquem corporis vel animæ patiat defectum, seu irregularitatem, ut sunt phrenetici, infani, lunatici, epileptici, leprosi, obsessi, membro aliquo notabiliter læsi vel mutilati, aut deformi alio defectu notati. Quia vero nonnulli ex prædictis defectibus ad tempus velari possunt, perscrutentur diligenter Examinatores, si quid deprehendere possint: in dubio, jurejurando se ordinandi obstringant, ejusmodi defectibus se non esse obnoxios. Idem de ætate ordinandorum maxime ad Sacerdotium intelligendum est, quando vel aspectus, vel totius corporis compositio puerilis & suspectæ ætatis videtur. Rigide etiam circa Cantum Ecclesiasticum omnes examinabuntur, cum videamus negligi, & scandala in Ecclesiis passim ob ejus ignorantiam pari. Approbati & ad Ordines admissi, coram Nobis, Notario & Testibus, Professionem Fidei Catholicæ facient, præstitoque tactis Ss. Evangelis juramento promittent, se Nobis, Successoribusque nostris, debitam observantiam, fidelitatem, reverentiam, & obedientiam semper præstatuuros. Restat, ut ordinati modeste, & sine ulla insolentia, ante & post colatos Ordines in hospitiiis se gerant, & quamprimum formata sua a Nobis habuerint corroborata, itineri se rursus accingant.

§. XI.

Matrimonium.

Matrimonii Sacramentum a Christo institutum in signum desponsatæ ab ipso Ecclesiæ, ut pulchre notat Apost. *ad Ephes. 5.* Quam misere passim

passim & sacrilege tractetur a multis, dici vix potest. Proinde lapis omnis movendus est, ut impiæ consuetudines, & abusus, qui plerisque locis, vel ex fragilitate, vel ignorantia, vel denique malitia hominum irrepere, penitus tollantur: usus hujus Sacramenti verus & sanctus revocetur. Principiis vero obstandum est, & a Sponsalibus incipiendum, quia tanti a plerisque fiunt, ut pluris, matrimonialem de præsentis contractum, non faciant. Volumus ergo & mandamus, ut Sponsalia coram aliquot Testibus, & Parocho, si commode fieri queat, in domo aliqua honesta, non in angulis, horreis, itabulis, lectis illicitis &c. fiant per verba de futuro, & non de præsentis: Clandestina Sponsalia declaramus nulla, etiam si copula carnalis intercesserit. Ita vitabuntur discordiæ & simultates infinitæ. Contractis semel legitime Sponsalibus fidem sibi invicem servabunt in conscientia, coram Deo & Ecclesia, ad contrahendum suo tempore Matrimonium de præsentis. Si tamen rationabilis & jure ipso definita causa subesset, cur contractus iste videretur rescindendus, eam Nobis tempestive planam facient, ut re altius examinata, certi aliquid determinare circa separationem possimus, si ita in Domino videatur; cum coacta Matrimonia difficiles habere exitus soleant. (*C. Requisitis, de Sponsal.*) Qui Sponsalibus constructi sunt, sciant se sponfos tantum esse & non conjuges, atque adeo jure matrimoniali gaudere, invicem cohabitare, multo minus dormire simul, & carnaliter se cognoscere non posse. Qui secus fecerint, pecuniaria, fortassis etiam corporali poena a Nobis emendabuntur. Contracturi Matrimonium de præsentis caveant, ne cum aliquo impedimento prohibente simul & dirimente contractus fiat: attendatur etiam, ut quæ ad solemnitatem, & piam hujus contractus celebrationem faciunt, accurate observentur. Impedimenta prohibentia simul & dirimentia contractum paucis versibus comprehenduntur, quorum usus apud Theologos & Casistas ubique est, & huc spectant, ut a Parochis plene cum eorum explanatione intelligantur.

Tomus IX. Concilior. German.

Error, conditio, votum, cognatio, crimen, Cultus disparitas, vis, Ordo, ligamen, honestas,

Si sis affinis, si forte coire nequibis, Si Sponsam rapies, si clandestinus inibis, Hec celebranda vetant connubia, facta tractant.

Error personæ dirimit, ut quando Catharina pro Susanna accipitur. Error qualitatis non dirimit, ut quando ignobilis pro nobili, deformis pro pulchra, paupercula pro divite, inhonesta, & diffamata pro honesta ducitur.

Conditio, quæ dirimit Matrimonium jam contractum, duplex est, servilis & honesta. Servilis dirimit, quando conditio errantis fit deterior. Ut quando putans ducere liberum, vel liberam, ducit servum, vel servam, quando vero conditio contrahentis non fit deterior, sed manet eadem, vel fit fortassis etiam melior, non dirimit. Ut cum servus servam, vel liberam ducit. *C. 1. 2. 3. & 4. de conjugio servorum, & 29. q. 2. C. Si quis liber.* Conditio honesta & possibilis (turpes enim & impossibiles habentur in Matrimonio pro non adjectis, *C. Si conditiones, de condit. appof.*) adjecta Matrimonio, & non adimpleta impedit, & dirimit, *Cap. Super. de Spons. C. De illis, &c. Per illas, de condit. appof.* Ut cum dicitur: Accipiam te, si parentes mei contenti fuerint, si tui non sint infames &c.

Votum solemne in approbata Religione ab aliquo, vel aliqua, vel utroque emissum. Votum simplex in Societate JESU post absolutum in Novitatu biennium, eandem vim impediendi, & dirimendi habet.

Cognatio triplex est, Spiritualis, Naturalis, & Legalis: de legali, quia inusitata apud nos est, dicere superfedemus. Spiritualis oritur ex Baptismo, & Confirmatione. Ex Baptismo contrahitur inter baptizantem & baptizatum, baptizatique patrem & matrem; item inter levantes ex Baptismo & levatum, levatique patrem & matrem tantum. Ita ut sola spiritualis paternitas, & compaternitas, seu comaternitas hodie resultet, & nullò modo fraternitas, uti nec compaternitas inter

ipsoſmet levantes, ut videre eſt Trid. *Seſſ. 24. de Matrim. Cap. 2. de Reform.* Spiritualis cognatio ex Confirmatione eſt inter confirmantem & confirmatum, confirmatique patrem & matrem, & inter ſuſceptorem & confirmatum, confirmatique patrem & matrem; ut ibid. videre eſt *Cap. 2. ſupra dicto.* Quod autem aliqui prætendunt, mortuo filio ſpirituali baptizato, ſeu confirmato cognitionem ceſſare, falſum eſt: ſola enim per mortem filii ſpiritualis ceſſavit paternitas, non item compaternitas, quæ tam diu durat, quam diu partes vivunt, ſicut in cognatione naturali accidere ſolet. Cognatio naturalis, ſive conſanguinitas vel eſt in recta linea vel tranſverſali. Recta linea vel eſt aſcendentium, ut pater, avus, proavus, abavus, tritavus &c. vel deſcendentium, ut pater, filius, nepos, pronepos, abnepos, trinepos &c. in recta linea tam aſcendentium, quam deſcendentium eſt perpetuum impedimentum. In tranſverſali vero linea non eſt perpetuum, ſed tantum uſque ad quartum gradum incluſive, in qua linea tranſverſali ponuntur fratres, ſorores, patrui, amitæ, avunculi, materteræ, & qui ex his generantur uſque ad quartum gradum incluſive. In quinto & remotioribus conſequenter gradibus licet contrahere in tranſverſali linea, non item in recta linea, ut dictum eſt. Qui in prohibito gradu contrahunt, non tantum invalide contrahunt, ſed etiam excommunicationem Episcopalem latæ ſententiæ incurrunt. (*Clement. 1. de conſang. & affin.*) Notandum vero hic diligenter eſt circa gradus æquales, & inæquales tranſverſalis lineæ, quod, ſi Petrus cum Catharina in æquali ſecundo, tertio, vel quarto contrahat, invalidum ſit Matrimonium, ſi vero in æquali quinto, validum & licitum ſit. Rurſus ſi Petrus ſit in ſecundo, tertio vel quarto, & Catharina in quinto, ſexto vel remotiore gradu inæquali, licitus ſit & validus contractus. Ratio eſt, quia juxta Caput finale de *Conſanguin.* remotior gradus (cujusmodi eſt quintus vel ſextus &c.) trahit ſecum minus remotum, cujuſmodi minus remotus gradus eſt ſecundus, tertius, vel quartus, a comuni radice, ſive trunco, ut vocant.

Crimen dicitur impedire & dirimere Matrimonium, quando alter conjugum, vivente adhuc altero conjuge, cum alio contrahit Matrimonium, vel contrahere promittit, & hunc illegitimum contractum, vel promiſſionem contractus ſubſequitur adulterina carnis copula: quod impedimentum adulterinæ pollutionis nuncupatur. Alio adhuc modo committitur iſtud crimen dirimens, quando quis vel propriam, vel alterius conjugem per ſe, vel alium occidit, ut alio illicito queat Matrimonio uti.

Cultus diſparitas dicitur ratione Baptiſmi: Baptizatus enim cum non baptizato, ſive pagano, ſive Judæo contrahere nec licite, nec valide poteſt. 28. q. 1. Can. *Cave.* Inter baptizatum Catholicum & hæreticam, apoſtatam, & excommunicatam, validum quidem eſt Matrimonium, ſed non licitum. Gloſſ. C. *Non oportet.* 28. q. 1. & Cap. *Decrevit.* de Hæret. l. 6.

Vis, ſeu metus injuſte illatus cadens in conſtantem virum, aut ſcemi- nam tunc dicitur, quando minus malum ſuſtinetur, ut majus malum vitetur, ut poſt alios Martinus Bonacina de Legib. diſp. 4. q. 2. p. 3. §. 1. n. 2. Minus autem malum eſt ducere uxorem (quam alias ducere adhibito conſenſu licite poſſet) quam bonis, liberis, patria, vita ſpoliari, ſtuprum, ſervitutem, carcerem perpetuum pati, vel denique infamia laborare. Quod ſi metum & coactionem conſenſus liber ſubſequatur, tum validum erit Matrimonium, alias illicitum & nullum.

Ordo Sacer Subdiaconatus, Diaconatus & Presbyteratus nullum reddit Matrimonium ſubſequens propter ſolemne votum caſtitaſis, non item inferiores quatuor Ordines.

Ligamen Matrimonii jam rati vivente altero conjuge impedit, & dirimit propter Polygamiam. Cap. *Luet.* de Sponſa duorum. Trid. *Seſſ. 24. Can. 2. de Matrim.*

Honeſtas publica oritur dupliciter, primo ex validis Sponſalibus, dirimitque Matrimonium inter ſponſum & conſanguineos ſponſæ, & viciffim in primo tantum gradu. Trid. *Seſſ. 24. Cap. 3. de*

de Matrim. 20. Ex Matrimonio rato nondum consummato, & hoc dirimit usque ad quartum gradum inclusive: sicut affinitas, & in consummato per copulam Matrimonio, quæ copula differentiam constituit inter honestatem publicam & affinitatem, adeo ut affines inter se contrahentes etiam excommunicentur, non item, qui contra honestatem publicam contraxerunt. (*Clement. un. de Consang.*)

Affinitas nascitur primo ex illegitimo toro inter Sponsum & consanguineos Sponsæ usque ad secundum tantum gradum inclusive. (*Trid. Sess. 24. C. 4. de Reform. Matrim.*) Secundo ex legitimo toro usque ad quartum inclusive gradum. Quoto enim gradu aliquis est cognatus viri vel uxoris, eodem gradu est affinis uxoris & mariti.

Impotentia perpetua seminandi, ex quacunque causa oriatur, præcedens Matrimonium (non subsequens) dirimit ipsum. Hujusmodi vero impotentia est in castratis, arctis, frigidis, & maleficiatis. (*Tit. De frigid. & malef. per totum.*)

Raptus Sponsæ, quamdiu est in potestate raptoris, dirimit. Necessario est, ut Sponsa libero loco constitutur, constitutaque libere de novo consentiat. (*Trid. Sess. 24. C. 6. de Matrim.*)

Clandestinum Matrimonium est illicitum & invalidum, (*Trid. Sess. 24. C. 1. de Reform. Matrim.*) Clandestinum vero dicitur, quod clam, vel sine Parochio, aliove Sacerdote, de ejus, vel Ordinarii licentia, & duobus, tribusve testibus initur.

Impedimenta impediencia, seu prohibencia tantum, & non dirimentia sunt, Sponsalia cum alia, tempus ab Ecclesia interdictum, votum simplex castitatis, Religionis vel Ordinis, peccatum mortale, excommunicatio major & minor, contractus matrimonialis cum hæretica. Denique quia ad contrahendum Matrimonium requiritur consensus, excluduntur ab eo tanquam inhabiles, furiosi, amentes, stulti, & id genus alii.

Proclamationes futuri Matrimonii tribus continuis diebus Festivis, inter

Missarum solemnias a proprio contrahentium Parochio fiant, non duæ uno die. Si contrahentes diversarum sint Parochiarum, tum in utraque Parochia publicationes fiant, scriptæque ab altero ad alterum Parochum, qui conjuncturus est Matrimonio, mittantur, quo pacto nullum repertum sit impedimentum, quo minus legitime in facie Ecclesiæ conjungi possint. Quamdiu rescriptum non fuerit, tamdiu a nuptiis celebrandis abstinebitur. Externi, vagabundi, & qui certam sedem non habent, non conjugantur, nisi re Nobis fideliter communicata, examinataque, & licentia a Nobis conjungendi impetrata. Si Matrimonium impedire malitiose notaretur, tum de denunciationibus Nobiscum agatur, ut certi quid decernere circa illas possimus. Quod si ex denunciationibus impedimentum aliquod verum deprehensum fuerit, tum celebrandis nuptiis supersedeatur, donec aliqua a Nobis declaratio habeatur. Prædie nuptiarum, vel biduo circiter ante contrahenturi consiteantur diligenter, & sacro Epulo pie reficiantur, nec simul cohabitent in eadem domo ante Benedictionem Sacerdotalem, sub poena arbitraria a Nobis imponenda. Nullus Sacerdos privatum in ædibus sine nostra expressa facultate nuptias benedicat, nec diebus Festivis, si contrahentes cum reliquis nuptialibus hominibus Missam integram non audiverint. Nemo coactas nuptias benedicat, sub poena privationis Beneficii; sed coactores illos ad Nos deferat, ut dignis poenis corrigantur. Moneantur sedulo juvenes privatum & publice, ne cum hæreticis, vel invitis etiam parentibus (quibus honor debetur) contrahant, nisi sæpe maledictionem pro benedictione accipere velint. Caveant Sacerdotes omnes, ne ullos alienæ Parochiæ Matrimonio jungant sub poena suspensionis latæ sententiæ, & privationis Beneficii: hujusmodi conjunctionem illegitimam (si facta esset) declaramus nullam (uti de facto nulla est) & sacrilegam atque provenientes inde liberos declaramus spurios (uti de facto sunt): mandantes, ut Sacerdos, qui eos conjunxit sacrilege, conjunctis significet, Matrimonium nullum,

lum, eosque ad proprium Parochum remittat. Caveant insuper Ecclesiastici & Laici cujuscunque dignitatis, conditionis, ac præminentie fuerint, ne se causis matrimonialibus ingerant, ne de Sponsalibus, vel de Matrimonio præsentem, ne de eorum divortio vel separatione cognoscere, judicare, definire, & re ipsa separare præsumant, sub pena excommunicationis latæ sententiae. Facta vero hujusmodi divortia vel separationes conjugum, volumus, & mandamus notari, notataque ad Nos quamprimum per ipsos Ecclesiasticos, vel Laicos, vel Fiscalem deferri, ut legitimo nostro judicio subiciantur, cognoscantur, & decendantur. Abusum in nostra Diœcesi prorsus intolerabilem quotidie cernentes circa dispensationes, sine ulla necessitate aucupandas, præmonemus omnes, & in Domino exhortamur, ut a talibus dispensationibus minime necessariis posterum abstineant. Contrahentium nomina, cognomina, patria, cum die, mense & anno a Parochis, nuptias illas benedicientibus, in proprium librum diligenter referantur.

CAPUT VI.

DE RE ET SUPELLECTILI
SACRA.

§. I.

Ecclesiæ, Capellæ, Oratoria.

Quoniam Ecclesias, Capellas, & Oratoria, extrui ad Divinum cultum videmus, tam obscuris, remotis, inviis & incommodis locis, & quod gravius est, sine prævia dote, fundatione, vel ullo pro fabrica & Ministri Ecclesiæ proventu: volumus, ut de loco, ac fundatione ejusmodi Ecclesiarum, Capellarum, & Oratoriorum Nobiscum fideliter & sincere conferatur, prius, quam ad ipsam ædificationem veniatur: ne postquam sumptus multi facti fuerint, Episcopum ad ratificationem, & benedictionem, compellendum vi, stulte existiment. Cariosa, ruinosa, vel collapsa sumptibus fabricarum, vel eorum, qui vel de jure, vel consuetudine obligati sunt,

instaurentur. Quæ consecranda erunt, quamprimum consecrentur, quæ polluta, reconcilientur. Ecclesiæ sint munda, pavimentum & scamna a pulveribus & sordibus, parietes a telis araneorum. Imago Crucifixi in medio Templi erecta habeatur, ut ingredienti Christiani habeant, quod pie & religiose contemplantur. Noctu fiat clausa Ecclesiæ, nec pateant interdiu tam facile quibusvis hominum quisquiliis, potissimum ubi altaria bene ornata patent. Mulieres nullibi sint in odais, seu choris pensilibus, sed infra in navi Templi. Mendici sub Officiis Divinis vagari per Tempia ad corrogandam stipem non permittantur. Sub iisdem Officiis nullæ promulgationes, & citationes, & instantiæ, ut vocant, habeantur, nec ulla id genus sæcularia negotia pertractentur. Nil nisi quod ad Templum spectat, in Choro, navi, vel sub tecto recondatur. Testa studiose & frequenter visitentur, reparenturque tempestive, ne filicidiis pleraque computrescant. Piscinam suam singula Tempia habeant, sub terra prope altare, vel in navi, vel aliquo certo & peculiari loco cæmeterii, in quam cineres & similia immittantur.

§. II.

Sacristiæ.

Sacristiæ sint altiore nonnihil loco, sicco non humido, firmo, fornicato, fenestris bene clathratis, januis firmiter obseratis. Ita sint compositæ, ut vasa, vestes, paramenta, atque ornatus Templi, conservari commode, decenterque in illis possint. Arca ibi sit pro recognitionibus, titulis, instrumentis, juribus Ecclesiarum, & pecunia fabricarum conservandis. Cujus arcæ (vel arcarum) clavem unam Parochus, alteram vero Procuratores Ecclesiæ habebunt.

§. III.

Campanilia.

Campanilia non sint cuiusvis obvia, potissimum adolescentibus, qui cum ludere pulsando cum campanis volunt, pedes, brachia, crura & cervices

vices frangunt, uti plura habemus exempla. Campanæ priusquam in campanile attrahantur, ab Episcopo more Ecclesiæ benedicantur. Campanæ sæpius visitentur, ne linguæ earum lapsæ, quemquam, ut sit, lædant, vel omnino interimant. Horologia, si quæ sint corrupta, reficiantur. Pulsus in tota Dicecesi nostra sit conformis matri- ci Ecclesiæ Sedunensi, ne advenæ & peregrinantes propter diversum in pagis pulsus, diversos quoque Episcopus existiment.

§. IV.

Cæmeteria.

Cæmeteria sint muro cincta, portis clausa, magno aliquo visibili Crucifixo ornata, munda, sine arboribus, benedicta, excepta parte aliqua vel angulo pro sepultura parvulorum non baptizatorum, pro hærenicis & excommunicatis, quos Parochi nullo modo cum aliis Christi fidelibus sepelient. Vas aquæ benedictæ tam in cæmeteriis, quam templis prodest, ut ingressuri, egressurive fideles aqua se lustrali, ex antiquissimo Ecclesiæ usu aspergant. Cæmeteria pecoribus ad demetendam herbam nunquam pateant. Sparsa mortuorum hinc inde ossa colligantur, & in ossuaria abdantur.

§. V.

Altaria cum paramentis & ornatu suo.

Altaria sint lapidea, consecrata, vel portatili saltem lapide consecrata instructa. Crassiore cerata tela, & duabus lineis mappis tegantur, quarum una oblongior latus utrumque cingat. Post absolutas Missas velum vel tapes mappis contra pulveres & alias sordes superinducatur. Crux in medio altari cum duobus candelabris constituatur. Candelæ sint cereæ, non ex sevo, vel lampades ex butyro: alio enim spectant. Imagines cariostæ, vel pene obsoletæ, vel minus decentes auferantur, vel renouentur ex integro, vel pulchriores substituantur, ut non detur adversariis ridendi occasio, sed potius ab hæresi resipiscendi, quando

Templa Catholicorum ornata, cum haris suis conferunt. Usus imaginum non solum in Ecclesiis, sed etiam privatim in ædibus, hypocaustis, & cubiculis observetur, ut quæ doctos & idiotas, ad devotionem Dei & Sanctorum cultum, ad patientiam, amorem, & alias virtutes alliciunt. Cultus, seu veneratio imaginum (cujusmodi est capitis nudatio, osculatio, genuflexio) non terminatur in ipsis imaginibus, sed earum prototypis, quæ sunt Christus verbi grat. Beata Virgo, & alii Sancti. Coluntur ergo imagines cultu imperfecto, sive secundum quid, Christus vero, Beata Virgo & alii Sancti, cultu perfecto, seu simpliciter, cum maxima tamen differentia: Christus enim Patriæ, B. Virgo Hyperdulæ, reliqui Sancti Dulæ duntaxat cultu honorantur. Sacra Reliquiæ decenter & reverenter in liphanothecis asservuntur, singulis singulæ schedæ appendantur, dubiæ & suspectæ a certis & indubitatis separata, alium in locum, honestum tamen, abdantur. Calix sit vel argenteus totus, vel saltem cupa argentea: stannei & plumbei calices abscondantur, ususque eorum, uti & fractorum argenteorum e medio tollatur. Patenæ sint cum calicibus suis nitidæ, itidem argenteæ, & ad colligendas micas aptæ. Purificatoria sint bene munda, alba, integra, non lacerata, non perforata; Pallæ item & corporalia, quæ amylo roborantur: obsoleta comburantur, cineres in Sacrarium recondantur. Vela calicum sint plura pro ratione colorum in Ecclesia Romana usitatorum, ut videre erit in Missali Romano de paramentis, & coloribus in Rubricis. Mappæ altarium sint duplices, ut & corporalia, pallæ, purificatoria, & mantilia ad tergendos Celebrantis digitos, ut dum alia lavanda dantur, alia recentia substituantur. Antipendia altarium non negligantur. Altaria valvis suis claudantur lubinde. In Quadragesima vero propriis abtegantur velis.

§. VI.

§. VI.

Tabernaculum cum lampade, custodia, & vasculo ad deferendum ægris Ss Sacramentum.

TAbernaculum pro Ss. Sacramento sit in medio altari, more Romano, Unctiones sacræ cum suis vasculis, & pyxis sacræ pro deferendo ad ægros Venerabili Sacramento ibidem, vel in armario antiquo collocentur. Monstrantia pro festo Corporis Christi suum habeat in medio pellucidum vitrum, ut sacræ videri Hostia a populo commode possit. Lampas ante Tabernaculum dies, noctesque luceat, quam fovebit mane & vespere Ædituus post signum Salutationis Angelicæ. Sump-tus pro perpetuo hoc lumine facient Parochiani, uti & aliarum lampadum & cereorum, nisi de jure vel consuetudine ab Episcopis approbata ad ejusmodi teneri, Parochi ostendantur.

§. VII.

Unctiones sacræ cum vasculis.

Sacras unctiones in mundis & nictidis stanneis, vel argenteis stola involutis Curati singulis annis Seduni in Episcopali arce, tempestive, reverenter, & pie excipient, & sub privatione curæ, vel Beneficii ad suas quique Parochias deferent, pristinas unctiones comburent, cineres Sacrario immitterent, novis vero in Paschate & Pentecoste, pro renovando Baptismate utentur.

§. VIII.

Cathedræ Concionatorum.

Cathedra, seu suggestus Concionatoris in Templo non sit humilis, neque obscuro loco, sed aperto, ut Concionator audiri facile & intelligi a populo queat.

§. IX.

Confessionalia.

Confessionalia propria habeantur ad audiendas confessiones, lamina perforata inter faciem Confessarii & pœnitentis interposita, mutuum tollat aspectum. Ex latere confitentis appen-

datur pia aliqua imago, qua excitari ad devotionem possit.

§. X.

Supellex sacræ.

Supellectilis sacræ, quæ in vasis, vestibus, paramentis, & ornatu Ecclesiastico consistit, diligens ratio habeatur, ne per incuriam, negligentiamve Ecclesiasticorum, res sacræ, atque adeo cultus Divinus probro habeatur. Omnia sint munda & nitida, ne prophana sacris præferri, quoad munditiam & splendorem in Ecclesia Dei audiantur. Calices, patenæ, vascula Oleorum ab iis solis, qui sacris Ordinibus initiati sunt, abluantur, tergantur. Pari modo corporalia; pallæ, & purificatoria primum ab illis, deinde ab aliis honestis personis bene laventur, & corporalia, pallæque sic lota amylo roborentur. Reliqua cum vasa, tum paramenta, ut sunt mappæ altarium, mantilia, humeralia, albæ, cingula, superpellicea, urceoli, candelabra, lecyti, cruces & imagines, antependia, tapetes, pulvinaria, casulæ, dalmaticæ, stolæ, manipuli, vela &c. ab Ædituis, seu aliis honestis personis excutiantur, purgentur, laventur, mudentur: fracta, laceraque reficiantur. Caveant Ecclesiastici, ne vel ipsi, vel Æditui, quidquam horum in profanos convertant usus, licet tritissimum esset: Sacra enim sunt omnia & Deo dicata. Ex antiquis ornatibus unius speciei, fiat aliquid alterius speciei, v.g. ex vexillis fiant vela calicum pro quotidiano usu, vel bursæ corporalium, & sic deinceps. Quod si adeo attrita sint, ut nulli usui nec sint, nec esse possint, comburantur. Cineres in Sacrarium mittantur. Attriti & notabiliter fracti calices, & patenæ fundi possunt, & novi alii, vel simile quid confici.

§. XI.

Fabrica Templi.

Fabricæ Ecclesiæ ubi nullæ sunt, erigi debent; ubi collapsæ, ad nitorem suum revocandæ propter singularem in Ecclesiis necessitatem. Cavendum ante omnia diligenter est, ne fabri-

fabricæ nimium graventur, vel a Parochis, vel Procuratoribus, & aliis plus imponendo oneris, quam ferre valeant. Cum rationes acceptorum & expensorum redduntur, viderint omnes, ne immodicis conviviis, & sumptibus fabricæ onerentur. Supremus fabricæ Procurator erit Parochus loci, tum alii duo Laici assumentur, qui, ut supra dictum est, distinctas cistæ, vel cistarum claves pro diversis seris singuli singulas habeant, & cum jura vel instrumenta aliqua lustranda sunt, vel nummi exponendi pro usu Ecclesiæ, omnes una cum suis clavibus ad aperiendas arcas conveniant. Plura videantur supra in §. 9. *De Procuratoribus Templi, Cap. 2.*

§. XII.

Domus Parochialis.

Parochialis domus facta tecta conservetur. Parochiani in instaurandis ruinosis, & aliis emendandis materiam suppeditent; Parochus vero inducat per operarios suis sumptibus formam. Quod si aliquid de novo extruendum sit ex fundamento, id totum quoad materiam & formam sumptibus Parochianorum fiet. Attendant Templi Procuratores, ne quid jacturæ domus, horreum, stabulumque patiantur; præmoneant, ut occurratur, vel (si nulla speretur emendatio) Vicario rurali, vel Nobis opportune significent. Idem intelligimus de possessionibus, seu prædiis Parochialibus.

§. XIII.

Xenodochia.

Cum ex Decreto Conc. Trid. *Sess. 7. C. 15. & Sess. 22. C. 8. & Sess. 25. C. 8. de Reform.* & aliis juribus antiquioribus Xenodochiorum, seu Hospitalium cura Episcopis competat, monemus iterum, iterumque exhortamur omnes & singulos Administratores, ut fructuum, eleemosynarum, ac bonorum diligentem rationem habeant, neo quicquam eorum in alium usum, quam a piis Fundatoribus præscriptum est, convertant: pauperibus liberaliter, & charitative sua promant: nihil ex pauperum bonis in suam utilitatem trahant,

Tomus IX. Concilior. German.

inutiles sumptus vitent, nulla bona vendant, permulent, vel quovis modo alienent, nisi servatis servandis. (Clement. *De rebus Eccles. non alienand.*) In Hospitalia maleferiati scurræ, nebulones &c. non recipiantur; robusti mendici de addiscenda honesta arte aliqua admoneantur. Hospitalis incolæ sæpe confiteantur, frequentes sint in Sacro, orent assidue pro Benefactoribus, laborent, dum vires suppetunt; a rixis, dissensionibus, & simultatibus abstineant, pacifice vivant, Ecclesiasticos Exhortatores grater audiant, vitam denique Deo, Angelis, hominibusque gratam & acceptam vivant.

CAPUT VII.

DE BENEFICIIS ECCLESIASTICIS.

§. I.

Jus Patronatus & Præsentationis.

Jus Patronatus prave & perperam a multis sæpe numero explicatur, & usurpatur; adeo, ut qui eo potiuntur, sibi penitus persuadeant, jus omne disponendi, tractandique de Beneficio Ecclesiastico penes se esse; Episcopum verò & Collatores parum vel nihil juris reliqui habere. Ergo ut malo huic tandem occurratur, & Patroni nulla amplius culpabili laborent ignorantia, sciendum est, Patronum jus sui Patronatus acquirere vel ex fundatione, vel ædificatione, vel dotatione alicujus Ecclesiæ divisum vel conjunctum sumptis istis tribus causis seu titulis. Jus vero, quod acquirit sui Patronatus, est potestas Clericum idoneum instituendum ad vacans Beneficium Ecclesiasticum nominandi vel præsentandi Episcopo, vel Superiori, vel Inferiori instituendi jus habenti. Patroni possunt esse vel Ecclesiastici, vel Laici, qui nisi intra præscriptum a jure tempus personam aliquam idoneam præsentent, vacantibus pro illa vice Beneficiis, autoritate ordinaria providebimus. Patronis Ecclesiasticis spatium præsentandi sex mensium; Laicis verò quatuor mensium conceditur.

D d d

C.

(C. unico. de Jure Patronatus in 6.) Caveant Patroni a promissionibus Simoniacis, & a pactis illicitis præsentandorum: multo magis Clerici, ne tanquam fures & latrones aliunde in ovile Christi ascendant: intrent potius per ostium legitime, & canonice in ovile. (Joan. 10.) Caveant etiam Patroni, ne præsentatis Clericis ulla qualiacunque nova, & insolita, sine nostra auctoritate imponant; nihil sibi in pratis, agris, vineis, decimis, & quibusvis redditibus usurpent, sed totum instituto legitime Clerico sine ulla diminutione relinquunt, caveant denique Patroni, ne præsentatos vel canonice institutos Clericos ita tractent, ut conquiri merito possint, atque adeo Beneficia deferere vel resignare compellantur. Quod quia in maximum Ecclesiæ præjudicium vergit, ideo justis pœnis quemvis in officio suo, ne alienum usurpet, continebimus.

§. II.

Institutio, seu collatio Beneficiorum.

Institutio Beneficii Ecclesiastici ordinaria est Episcopi Diocesani. Cum Patronus idoneum præsentaverit Clericum, cogitur Ecclesiasticus Institutor instituere præsentatum. Collatio Beneficiorum, si scienter indigno, vel canonico aliquo impedimento laboranti fiat, ipso jure nulla est, & hoc ipso devolvitur collatio ab uno Collatore ad alium Collatorem plerumque superiorem, sicuti etiam devolvitur, si Beneficium intra sex menses a die, quo rescitum est, numerandos, absque legitimo impedimento conferatur. Nemo ad curata Beneficia assumptus Sacramenta administret, nec quidquam fiat, quod animarum curæ sit annexum, nisi prius sit canonice approbatus, & investitus. Alias sacrilege & frustra absolvet a peccatis, eos, in quos nullam adhuc habet jurisdictionem. Nemo etiam ullum Beneficium sive curatum, sive simplex possideat, neque fructus illius suos faciat, qui legitime institutus non fuerit. Quod si ab aliquo, cujus est collatio, investiendus sit, a Nobis tamen juxta Trident. Sess.

25. C. 9. de Reform. prius de vita, moribus, & sufficiente doctrina examinabitur: alioqui collatio ab inferiore facta hoc ipso nulla erit. Ad institutionem admittitur Professionem fidei, tum infra scriptum juramentum præstabit: Ego N. Reverendissimo & Illustrissimo Domino &c.

§. III.

Pluralitas Beneficiorum.

De pluralitate Beneficiorum, cum jura sint clara, & verba S. Conc. 1. rid. Sess. 7. C. 2. & 4. Sess. 24. C. 17. sint tam fusa, & perspicua, videantur ibi, atque ad praxim referantur.

§. IV.

Resignatio Beneficiorum.

Resignatio Beneficii in Ecclesia Dei (nisi iustissima de causa fiat, cujusmodi est Religionis ingressus &c.) plerumque est odiosa, quasi minus pingui Beneficio relicto, pinguiori inhietur. Proinde resignatio cujuscunque Beneficii, non nisi ad manus nostras, vel ejus, qui Collator est Beneficii, fiet: qui sedulo observabit, ne quidquam in præjudicium Ecclesiæ vergat.

CAPUT VIII.

*DE BONIS ECCLESIAS-
TICIS.*

§. I.

Bona & jura Ecclesiæ.

Bona Ecclesiarum sunt bona DEO consecrata, ita ut nefas sit ea aliis, quam piis & sacris usibus applicare, eoque major, & strictior ratio ab istis sit reddenda, qui illegitime ea usurpant, dispensant, & alienant. Quocirca omnibus cum Ecclesiasticis personis, tum templi Procuratoribus, serio injungimus, & imperamus, ut quæcunque ad Ecclesias spectant, in inventarium referantur, ut sunt paramenta, utensilia, ornamenta &c. Item fundi, prædia, census, decimæ, & alia similia. Volumus insuper, ut omnia ista scriptis mandata, cum recognitionibus, titulis, & quibuscunque juribus & literis loco in Ecclesiis fornicato, turo &

& sicco recondantur, obserentur, reservatis arcæ clavibus tam ab Ecclesiasticis, quam Procuratoribus. Nemo prædia, bona, jura, &c. sine evidenti utilitate vel necessitate, nostraque expressa approbatione vendat, permuet, oppignoret, obliget, ad longum tempus locet, vel quomodocunque alienet: factas secus alienationes, & obligationes irritas ac nullas declaramus, justas alienatoribus pœnas interminantes. Prata, agri, vineæ, & horti diligenter colantur, fœnum, stramen, & similia non distrahantur, ne per eam distractionem possessiones (deficiente fimo) steriles reddantur. Fœnum, si opus sit, ita vendatur, ut non exportetur ad alienum fœnile, & stabulum, sed in Parochiali stabulo penitus consumatur. Non ita parti, vel potius renaces Parochi in ædificiis & prædiis sartis testis conservandis, ut omne onus in Successores suos devolvere velint, & parum vel nihil emendare, cum id non hominibus, sed Deo ipsi præstetur. Caveant hæredes Clericorum, ne jura scripta, & similia, quæ ad Ecclesiam, vel Ecclesiasticos ipsos pertinent, reperta apud se retineant, sed ea Successoribus in eadem Parochia, Capella &c. sine ulla tergiversatione, dolo, fraude, muneris vel doni exactione reddant. De occupantibus bona Ecclesiastica videatur *Conc. Trid. Sess. 22. Cap. 11. de Reform.*

§. II.

Immunitates, Privilegia, Libertates.

Immunitates Ecclesiasticas, Privilegia, & libertates, quia per hæretes, & pravorum cum Ecclesiasticorum, tum Laicorum mores, jacturam nonnullam passæ sunt, renovari volumus, sive loca sacra, sive personas Ecclesiasticas concernant. Quocirca Ecclesiasticos omnes, & Laicos, cujuscunque status & præminentiæ sint, in Domino monemus, ut ad prædictam immunitatem, & privilegiorum renovationem, & observationem contendant prævio aliis exemplo, nec ullo modo sinant ea, vel minimum impediri, violari, imminui. Nemo Sæcularium manus violentas in

Tomus IX. Concilior. German.

ullum Clericum injiciat quacunque de causa, nec incarceret, neque vinculis ullis coerceat, sed crimine Nobis, vel Fiscali nostro patefacto, totam Ecclesiam (cujus est castigare) potestatem & jurisdictionem istam relinquat, memor verbi Domini: *Qui gladium (illegitime usurpando) acceperint, gladio peribunt.* Matth. 26. Quod si Clericus crimine aliquo enormi, quod dispositionem Ecclesiasticam, & capitale supplicium ex genere suo mereretur, suspicioque vehementer de fuga haberetur, in hoc casu permittimus Magistratui sæculari, ut vel decenter vinctum ad Nos perducatur, vel loco honesto, tanquam in arresto eousque detineat, donec de toto negotio plenius informemur. Qui ad Ecclesias, & loca sacra, & ædes Clericorum tanquam ad asylum fugerint, inde a Magistratu sæculari ne extrahantur, præterquam latrones publici, agrorum devastatores nocturni, viarum obsessores, & alii, de quibus C. fin. *De immunit. Eccles.* & 17. q. 4. C. *Inter. & C. Antiquitus.* Clerici neque se ipsos ad Judices sæculares provocent, confugiant, appellent, neque patiantur ad sæcularia tribunalia a Laicis se citari, vel pertrahi, cum tribunal Clericorum sit tribunal Episcoporum. Parochi sæpius immunitates & privilegia Ecclesiastica populo inculcent, Bullam *Conæ Domini* familiarem sibi, plebique faciant; ne alicubi impingatur, & excommunicatio lætæ sententiæ incurrat. De Privilegiis nonnullis Clericorum videatur supra Cap. 3. §. 10.

§. III.

Decimæ, Primitiæ, Oblationes.

Cum Decimarum solutio debita sit Deo; (*Exod. 22. & 23. Levit. 27. Num. 18. Tob. 1. Malach. 3.*) "non sunt ferendi, inquit S. Synod. *Trid. Sess. 25. C. 12. de Reform.*" qui variis artibus decimas Ecclesiis obvenientes subtrahere moliantur, aut qui ab aliis solvendas temere occupant, & in rem suam vertunt, & qui eas dare noluerint, aut dantes impediunt, res alienas invadunt. Præcipit igitur Sancta Synodus omnibus, cujuscunque

D d d 2

gradus

" gradus & conditionis sint, ad quos
 " Decimarum solutio spectat, ut eas,
 " ad quas de jure tenentur, in posterum
 " Cathedrali, aut quibuscunque aliis
 " Ecclesiis, vel personis, quibus legi-
 " time debentur, integre persolvant.
 " Qui vero eas aut subtrahunt, aut im-
 " pediunt, excommunicentur, nec ab
 " hoc crimine, nisi plena restitutione
 " secuta, absolvantur." *Hucusque Synodus.*
 Novalia decimas debent, sive aratro,
 sive ligone fiant.

Primitiæ rurales, pecorum, fru-
 ctuum, caseorum, butyri &c. (cum
 earum solutio debita sit Deo, ut ex
 plerisque Capitibus supra pro Decimis
 citatis, & aliis adhuc pluribus constat)
 plenius & æquius, quam hactenus ple-
 risque in locis, solvantur. Convivia
 propter Primitias institui solita, quo-
 niam Parochorum in onus cedere intel-
 ligimus, vel tollantur, vel rediman-
 tur, vel minus sumptuosa habeantur.
 In Primitiis suis Neomystæ sub pœna
 arbitraria non ducant choreas.

Oblationes non tantum in veteri
 Testamento, ut videre est in *Exod.*,
Levit., *Deut.* &c., commendatæ semper
 populo fuerunt, sed etiam in Ecclesia
 Catholica usitatissimæ. Hæresis vero
 & suffocata Christianorum charitas, eas
 propemodum extinxerunt. Suscitan-
 dæ igitur sunt dextre, & cum discre-
 tione, populoque inculcandum subin-
 de, quam graviter errent ii, qui parum
 vel nihil toto anno offerunt, cum non
 hominibus, sed Deo ipsi auferatur.

CAPUT IX.

DE JUDICIO ECCLESIAS- TICO ET NONNULLIS CRIMI- NALIBUS.

§. I.

Jurisdictio Fori externi.

Ratione duplicis Status, Ecclesia-
 stici scilicet, & Sæcularis, duplex
 etiam assignatur jurisdictio, quæ sunt
 gladii duo Evangelici, *Luc. 22.* de qui-
 bus Christus, *satis est*, inquit. Harum
 jurisditionum altera alteri neutiquam
 derogat, sed potius sublevat in neces-
 sitate. Magistratus sæculares manus

ab Ecclesiastica jurisditione abstineant,
 causas Ecclesiasticas pertractando, de-
 cidendo, puniendo, uti, pro dolor!
 antehac sæpe numero factum est, cum
 non tantum causæ, sed & personæ Ec-
 clesiasticæ Deo consecratæ ad extremum
 mortis supplicium damnatæ sunt, sine
 ulla prævia degradatione Ecclesiastica,
 & alia juris forma. Meminerint tam
 in novo, quam veteri Testamento
 sumptæ, a Deo de tam immani scelere
 vindictæ. Recolant, quid contra tales
 S. Synodus Trid. *Sess. 25. C. 20. de Reform.*
 jactet, quæ, & quanta Bulla *Cenæ* ful-
 minet. Attendant denique penitius,
 quid Christus Petro *Matth. 26.*: *Conver-*
te gladium tuum in locum suum, omnes enim,
qui acceperint gladium, gladio peribunt.

§. II.

Causæ Ecclesiasticæ.

CAUSÆ Ecclesiasticæ sunt triplicis
 generis: aliæ sunt ex natura sua
 mere spirituales, ut quæ circa Fidem,
 Sacramenta, Cæremonias & Ecclesias
 versantur. Aliæ, quæ ex spiritualibus
 emergunt, ut quæ ex Matrimonio, lo-
 cisque sacris. Aliæ denique sunt mix-
 tæ, ut quæ spirituali temporale aliquid
 annexum habent, cujusmodi sunt jura,
 proventus, servitutes Ecclesiarum, Xe-
 nodochiorum &c.

§. III.

Hæresis.

HÆRETICI formales, qui videlicet
 habent errorem aliquem perti-
 naciter contra Fidem veram, Catholi-
 cam, & Romanam, idque signo, verbo
 vel omissione alicujus exteriorum, quod
 facere debebant, produnt, turbas sæ-
 pius ciere in Episcopatu nostro solent,
 ægerrimeque ferre, si intelligant, suis
 commilitonibus sacram negari sepultu-
 ram, in loco sancto, atque adeo im-
 portune & moleste Parochos tractant,
 ut non immerito de relinquendis quan-
 doque paræciis apud Nos agant. Er-
 go ut pro munere nostro Episcopali
 tantis malis occurratur, volumus, ut
 similes hæretici (si cum reliquis Chri-
 sti fidelibus in eodem cæmiterio qui-
 escere velint) opera quoque fidelium
 &

& vere orthodoxorum exerceant, id est, hæresim abjurent, confiteantur, communicent, & id genus alia faciant, quæ Christianos decent, & in Professione fidei inferius visenda complectuntur. Ita cessabunt querelæ, jurgia, & odia, quibus Divina Majestas sæpe offenditur, & populus scandalizatur.

§. IV.

Simonia.

Simonia etsi grave & omnibus detestabile crimen esse non ignoretur; viger nihilominus, vigebitque semper, nisi acerrimis pœnis compescatur, quas equidem nobis gravissime pendent Simoniaci. Contingit autem id vitii frequentius in Beneficiis Ecclesiasticis petendis, conferendis, resignandis, & permutandis, rarius in aliis. Si quid pure, sponte, & sine pacto vel conventionione, gratisque offeratur, id Simoniacum non est. Quæ pro acquirenda Dignitate aliqua, Canonatus, alteriusve Beneficii possessione dantur, vel accipiuntur, si moderata sint, & in pium usum, atque ad Ecclesiæ & fabricæ necessitatem convertantur, concedimus: si secus fiat, Simonia est.

§. V.

Concubinatas.

Concubinatus vel minima suspicio populum graviter offendit. Quocirca ita a mulieribus frequentandis, conducendis, admittendis, vel retinendis abstinébunt Clerici, ut nonnisi consanguineas domi suæ habeant. In concubinarios tam Ecclesiasticos, quam Laicos ita animadvertetur, ut si moniti actutum non acquieverint, seque emendaverint, ac scoria sua non deseruerint, eos vinculis excommunicationis & corporis finis emendaturi. Nec mitius tractabuntur concubinæ per Nos, vel nostrum Vicarium Generalem, aut Officialem.

§. VI.

Usura.

Quoniam usurarii nunquam carent excusationibus usuræ suæ, nec videri unquam tales (quamvis

revera sint) volunt, monendi, atque de usura diligenter informandi sunt. Omnis ergo ille usurarius est, qui ex mutuo dato aliquid præter sortem capitalem ex conventionione percipit. Qui ergo nulla habita ratione tituli, lucri cessantis, vel damni emergentis, sed solius lucri intentione mutuo dant, & quinque vel plura, vel aliquid æstimabile pretio postulant & accipiunt, ejusmodi vere usurarios esse dicimus. (C. Consult. de Usuris.) Mutuum date, inquit Christus Luc. 6., nihil inde sperantes. Nec excusantur, qui pupillorum, viduarum, & piorum locorum bona per usurarios contractus augere volunt. Viderint quid agant, qui plura, quam quinque pro centum petunt. Item, qui nummos aureos, vel argenteos carius exponunt, quam communis taxa patiatur. Rursum, qui corruptas merces mutuo dant, ut quid melius & carius in integrum recipiant. Præterea, qui frumenta, vina &c. comunt, ut cariore tempore cariora vendant. Confessarii hac in re sint prudentes & cauti. Parochi cum Concionatoribus sint vigilantes, carpant prudenter & efficaciter id vitii pro concione, usurariosque ad restitutionem cum Zachæo Matth. 19. compellant.

§. VII.

Violatio Immunitatum Ecclesiæ, & usurpatio bonorum Ecclesiasticorum.

Violatores immunitatum, privilegiorum, & jurisdictionis Ecclesiasticæ, sicut & occupatores bonorum Ecclesiasticorum sæpe instruantur; ex Bulla Cæne miserimus eorum status (nisi resipuerint) serio proponatur. Caveant Parochi, & alii, qui potestatem absolvendi a casibus Papalibus non habent, ne talibus beneficium absolutionis ullo modo impertiant, nisi in articulo mortis, ut habetur in prædicta Bulla, facta prius restitutione, vel sufficienti data cautione &c. Plura videantur in Trident. Sess. 22. C. 11, de Reformatione.

CAPUT X.
DE POENIS ECCLESIAS-
TICIS.

§. I.

Pœna in genere.

DUO sunt genera pœnarum in Ecclesia, corporale alterum, alterum spirituale. Corporalis pœna, quæ communis est cum pœnis civilibus, consistit in bonis corporis & fortunæ, uti est carcer, exilium, multa pecuniaria: quæ pœnæ antecedunt vel concomitantur, vel subsequuntur censuras Ecclesiasticas, vel pœnas alias spirituales corporalibus longe graviores. Spirituales pœnæ sunt censura Ecclesiastica, & quæ strictius pœnæ appellantur, depositio, degradatio, cessatio a Divinis, & nonnullæ irregularitates.

§. II.

Censuræ Ecclesiasticæ.

CENSURA, quæ est nervus Ecclesiæ, (C. Cum inter. de consuetud.) est pœna spiritualis, medicinalis, & temporalis, privans usu rerum spiritualium, de quibus Ecclesia disponere potest, peccatis Christianorum ita per Ecclesiasticam potestatem imposita, ut per eandem tolli ordinarie possit. Tres sunt ejus species: Excommunicatio, quæ Ecclesiasticos & Laicos; Suspendio, quæ Ecclesiasticos duntaxat; & Interdictum, quod personas & locum divinum, vel conjunctum concernit. Censet vero & punit Ecclesia, propter peccatum externum (de occultis enim non judicat Ecclesia (Can. Erubescant. d. 32.) consummatum, & in jure expressum: siquidem in censuris non valet argumentatio à simili, ut tradunt Casistæ. Non est cujusvis excommunicare, sed ejus solius, qui in foro externo jurisdictionem ordinariam vel delegatam, non impeditam publica aliqua excommunicatione, suspensione, interdicto, vel notoria Clerici percussione habet. Talem excommunicandi potestatem in nostra Diœcesi habent Ordinarius, Decanus Sedunensis, Ca-

pitulum Sedunense, vacante Sede, Officialis, Abbas, Præpositus, non item Curati & Vicarii. Censuræ aliæ sunt a jure; aliæ ab homine: aliæ generales, particulares aliæ: aliæ lata sententiæ, aliæ ferendæ, seu comminatoriæ: aliæ validæ, aliæ invalidæ: aliæ personarum, aliæ locorum, aliæ utrorumque simul: aliæ denique reservatæ, aliæ non reservatæ. Violator censuræ alicujus peccat mortaliter, & fit irregularis.

§. III.

Excommunicatio.

EXCOMMUNICATIO est duplex, major & minor. Major privat Christianum hominem bonis fidelium omnibus, minor vero aliquibus tantum: privat enim passiva receptione Sacramentorum citra incurfionem irregularitatis, & passiva electione ad Beneficium & dignitatem Ecclesiasticam. Incurritur vero minor excommunicatio propter communicationem cum notorio percussore Clerici, vel cum nominatim denunciato excommunicato, non item cum excommunicato minore excommunicatione. Absolvere ab excommunicatione minore potest quivis Sacerdos habens potestatem absolvendi a mortali peccato, si poenitens mortali laboret: si enim veniali tantum laboret, tum a quovis Sacerdote etiam non approbato potest absolvi: talis enim respectu peccati venialis est proprius Confessarius. (*)

Major excommunicatio incurritur ob peccatum mortale cum inobedientia Ecclesiæ & contumacia commissum. Si quis Ecclesiam non audierit, sit tibi sicut Ethnicus & Publicanus. Matth. 18. Ut cum quis volens & prudens id committit, quod scit sub excommunicatione prohibitum esse, sive id ex contemptu, sive ex affectu, & passione fiat, ut patet ex multis Capitibus Jur. Can.

Majore excommunicatione irritus ex notoria Clerici percussione, vel nominatim & publice denunciata, ac proclamata excommunicatione, privatur communibus Ecclesiæ suffragiis, activa

(*) S. Congregatio Conc. Trid. an. 1679. die 12. Febr. edidit Decretum ab Innocentio XI. approbatum, sub cujus finem hoc Ordinarius præcipitur: *Non permittant, ut venialium confessio fiat simplici Sacerdoti, non approbato. &c.* Videri possunt Viva, Michel, Cardenas &c.

activa, & passiva susceptione Sacramentorum, Beneficii Ecclesiastici receptione, omni jurisdictionis usu, tam in foro externo, quam interno, omni actu forensi (sola sui defensione excepta) omni humana pactione, contractu, & usu cujuslibet officii publici, electione ad Ecclesiasticas dignitates, omni etiam humana & politica conversatione cum aliis Christi fidelibus, adeo, ut nec vicissim cuiquam, cum ipso communicare unquam liceat in Divinis, in humanis vero & politicis rebus solum licet in casibus hoc versu expressis:

Utile, lex, humile, res ignovata, necesse.

Privatur denique excommunicatus Ecclesiastica sepultura. (C. *Sacris*. de Sepult.)

Absolvi potest excommunicatus a quovis legitimo Confessario, vel proprio Sacerdote, si excommunicatio sit a jure & nulli reservata: si vero reservata, tum ab eo absolvendus est, cui est reservata, vel ab ejus Superiore vel Delegato, vel ab Episcopo, si excommunicatus Papam adire non possit, vel cum excommunicatio ex occulto crimine contracta fuit. (Trid. Sess. 24. C. 6. de Reform.) Vel denique a quovis Sacerdote in articulo mortis: Quod si excommunicatio lata sit ab homine, ab eo tantum absolvi potest, vel ejus Superiore, vel Delegato, vel ejus Successore legitimo. In articulo mortis absolvere possunt omnes Sacerdotes, (præter præcisos hæreticos, & schismaticos secundum meliorem opinionem) quosvis penitentes a quibusvis peccatis & censuris etiam reservatis, in eo enim articulo nulla est reservatio: (Trid. Sess. 14. C. 7.) Debet autem is, qui absolvitur a reservata excommunicatione, quam primum fieri commode poterit, Superiorem, cui erat reservata, se, si convaluerit, sistere vel per se, vel per Procuratorem. (Cajet. V. *Excommunicatio*. C. 69.) Et ideo moneri hac de re ab absolvente debet, alias reincidit in eandem. (C. *Eos* de Sentent. excommun.) Debet insuper penitens prævia satisfactione (si opus sit, & temporis mora pariat) vel cum cautione per fidei iutores, seu juramentum, vel alio modo sufficienti, absolvi. (Clem. de hæretic.) Notandum vero est circa absolutionem,

in foro poli, seu conscientiae, absolutionem ab excommunicatione, præcedere semper debere absolutioni a peccatis, alias Sacramentalis absolutio nulla esset, cum excommunicatus separatus sit ab Ecclesia, extra quam Sacramenta conferri non possunt.

§. IV.

Suspensio.

Suspensio est censura Ecclesiastica privans Clericum usu seu exercitio Ecclesiastico Officii solius, aut Beneficii solius, aut utriusque simul, ad tempus tantum, vel in perpetuum, propter suam culpam. Per Officium intelligitur Ordo, & jurisdictio Ecclesiastica; per Beneficium vero, Dignitates, Canonicatus, curata & simplicia quæcunque Beneficia. Ab horum usu suspenditur Clericus vel in toto, vel in parte, prout in sententia vel lege scriptum est. Suspendus ab ingressu Ecclesiae non potest exercere Officium, nec interesse Divinis in illa Ecclesia, eo tempore, quo Divina peraguntur ibi, extra vero illud tempus orare ibi, illac transire, Sacramenta percipere ipsi licet, sed non officiare, ut officiat Hebdomadarius, &c. Suspendus privatur communione fidelium aliorum in eo, in quo est suspendus, ita ut peccet communicando cum aliis. Vicissim peccant mortaliter fideles, si cum eo, quando nominatim denominatus est suspendus, communicent in Divinis: v.g. recipiendo ab illo Sacramenta, Sacrum illius audiendo, vel ipsum ad talia inducendo. Occulti vero suspensi quamdiu tolerantur in officio, valide & licite officium suum exercent, quoties fideles id ab eis exigunt, ne Constantiense privilegium sit frustratorium, sub MARTINO V. Pontif. in Extrav. *Ad evitandum scandala*. Quod si durante suspensione impeniens moriatur, ei tam intra Ecclesiam, quam cæmeterium sepultura negatur.

Absolutio a suspensione propter quodcunque delictum occultum, fieri potest ab Episcopo. (post Conc. Trid. Sess. 24. Cap. 6. de Reform.) Si vero procedat ex delicto manifesto, non potest absolvere, nisi ille, cui reservatur, vel ejus Superior, vel Successor. Temporalis suspensio elapso tempore evanescit;

nescit; conditionata ad adventum conditionis.

§. V.

Interdictum.

Interdictum aliud est locale tantum, aliud personale tantum, aliud mixtum ex locali & personali, quod ambulatorium appellatur. Interdictum privat activa & passiva receptione Sacramentorum Ecclesiæ, exceptis Baptismi, Confirmationis, Pœnitentiæ & Eucharistiæ Sacramentis, pro ægris, peregrinis, & ad bellum profecturis &c. privat etiam Ecclesiastica sepultura. Tollitur interdictum ab eo, qui posuit, vel ejus Successore, vel Superiore. Si sit a Canone ad certum terminum, elapso termino cessat. Si non sit reservatum, Episcopus relaxare potest, cessante causa, propter quam positum est; at causa non cessante, non potest quisquam, nisi Papa. Quando personale interdictum reservatum Summo Pontifici provenit ex occulto delicto, nec deducto ad forum contentiosum, absolvere ab eo potest Episcopus suos subditos. (Trident. *Sess.* 24. *C.* 6.) Si vero ex manifesto delicto, non potest, nisi Pontifex.

Ex his facile constat, quam reformandæ sint censuræ Ecclesiasticæ, quam cavendæ, cum hominem ab Ecclesia, a mystico Christi Corpore separant, a Regno Dei excludant, Satanæque tradant. Proinde Parochos, Concionatores, & Confessarios monemus, ut sæpe de illis tractent, mentibus hominum imprimant, vim & energiam hujusmodi pœnarum expendant, ne ignorantia culpabili laborantes in barathrum damnationis collabantur. Omnes etiam in Domino exhortamur, qui jurisdictionem in foro externo habent, atque adeo censere suos possunt, ut moderati sint in fulminandis excommunicationibus, ne ex crebra iteratione & frequenti earum usu vilescant. Si, quod absit, nonnulli post legitimas monitiones in excommunicatione sua obdurato prorsus animo inforduerint, certiores hac de re facti, contra eos, tanquam de hæresi suspectos, procedemus. Attendant diligenter Parochi, & alii, quorum interest, ne absolutis ab

excommunicatione faciles præbeant aures, illisque credant, nisi literas authenticas ab absolvente de facta legitime absolutione repræsentent.

CAPUT XI.

DE VISITATIONIBUS.

§. I.

Visitatio ipsa.

Non immerito dicere de Parochiis possumus (dum diligenter visitantur) cum Job. cap. 10. *Visitatio tua custodivit Spiritum meum.* Quantum ex Visitationibus fructus oriri possit, vel ex contrario colligi facile potest. Cum enim raræ sunt visitationes, rara est disciplina Ecclesiastica, rarus vel nullus est Dei cultus, languent omnia, excessus vel defectus ubique inveniuntur, vix in medio constititur: hinc superstitio & acedia tam in Parochis, quam Parochianis, atque vera vel ficta & prætena succrescit ignorantia. Quibus omnibus ut occurratur, statuit S. Synod. Trid. *Sess.* 24. *C.* 3. *de Reform.* Ut quovis saltem biennio singulæ Dioceses visitentur. Cui ut fieret satis, ex intimis vellemus visceribus, sed cum tantæ sint excusationes & remoræ propter sumptuum difficultatem, quando in propria persona visitamus, satis videtur, ut rarius Episcopus propter majorem, & vero necessarium comitatum visitet, sed id munus subinde vel Vicario Generali, vel Officiali, vel Vicariis ruralibus infra & supra Morgiam committat. Qui ut viri graves & docti prudentia, & rerum bene gerendarum scientia præditi, id muneris studiose, sine superfluis expensis, sine pravo affectu obibunt, excessus & defectus minores corrigent, majores vero cum tota visitationis serie, Nobis, quamprimum ex visitatione redierint, luculenter in scriptis referent, ut quod ad Ecclesiasticæ disciplinæ reformationem & conservationem facere in Domino videbitur, post maturam deliberationem nostra auctoritate corroboretur.

§. II.

§. II.

Sumptus Visitationis.

Sumptus qui facere teneantur, facile apparet. Illi enim faciant necesse est, propter quos laboratur, & visitatio instituitur. Compertum vero est, & indubitatum, laborem hunc & visitationem suscipi non tantum propter Parochos & alios Ecclesiasticos, sed etiam propter Parochianos; atque adeo visitari Pastorem, oves & ovile ipsum. Conveniant ergo Parochus & Parochiani inter se de sumptibus, ob visitationem faciendis, amice & benevole, sine querelis & acerbitatibus, cum prædicti sumptus pauci futuri sint, vitatis conviviis, & multitudine conviviarum, & omni omnino munere repudiato. Dabunt Visitatores operam, ut vel in Parochia, vel honesto aliquo hospitio refectionem suam honestam, minime sumptuosam & superfluam, cum Parocho, & (si opus sit) uno tantum vel altero Parochiano sumant, visitationemque omnem brevissimò tempore, exacte tamen perficiant, ne sit querela de sumptibus.

§. III.

Executio Articulorum.

An te omnia examinabunt, indagabuntque de Articulis superioris Visitationis, observati, executionique mandati, nec ne sint. Causas intelligent, monitisque iterato Parocho & Parochianis pœnas interminabuntur, ni pareant, quas ab illis infallibiliter repetemus, ne Sedes & Episcopalis auctoritas, susque deque habeatur, atque disciplina cum obdientia Ecclesiastica paulatim nihili fieri existimetur. Pervicaces & rebelles sigillatim annotentur, ut etiam sigillatim in eos animadvertatur.

CAPUT XII.

DE SYNODO DIOECESANA.

§. I.

Celebratio Synodi.

Inter alios Deo acceptos Ecclesiasticos actus non in postremis habentur.

Tomus IX. Concilior. German.

da est Synodorum celebratio, quæ in primitiva (ut de veteri lege taceamus) statim Ecclesia floruit, ut videre est in Actibus Apostolorum. *Ego sapientia habito in consilio, & eruditus intersum cogitationibus.* Prov. 8. rursum Matt. 18. *Ubi sunt duo vel tres congregati in nomine meo, ibi sum in medio eorum.* Quæ enim conformitas Divini cultus, & cæremoniarum in uno eodemque Episcopatu esse potest, ubi per multos annos nullum Ecclesiasticorum Concilium habitum est? In Synodo Diocesana omnia tanquam in speculo, uno intuitu videri, examinari, revideri, corrigi, emendarique possunt: ubi Sacerdotum cum Prælato suo cor unum & anima una invenitur, ibi fraus, ibi dolus, & deceptio exultat; cum quod oculus unus nequit, plures simul videre queant, assistente potissimum Deo, cordium & cogitationum universarum scrutatore.

§. II.

Personæ Synodales.

Personæ Synodales sunt Ecclesiastici duntaxat, qui ubi indicta Synodus fuerit, sigillatim vocabuntur. Neque enim prophana ibi, & politica tractari solent, sed tantum Ecclesiastica; quæ prophanis permisceri hequaquam convenit, uti nec decet spiritualia in patriis (ut hætenus) comitiis, sive dicetis proponi, examinari, atque decidi, ne Ecclesiasticum forum sæculari foro subdere se (quod est gradus ad hæresim) paulatim videatur. Ecclesiasticorum est sedere, super Cathedram Moysis, aliorum vero servare & facere omnia, quæcunque dixerint illis. (*Matt. 23.*) Alia est ratio, quando brachium sæculare nonnunquam invocatur ad coercendos corporaliter (quod Ecclesia spiritualiter facit) effrænatos: tum enim commissionem ab Ecclesia politicus status accipit, ut legitime exerceat, quod antea facere nec licuisset, nec valuisset.

§. III.

Utilitas, & necessitas Synodorum.

Utilitas, necessitasque Synodorum quanta sit, vel inde patet (ut

E e e

ex

ex pluribus supradictis §§. conicere licet) quod in illis saluberrimæ Leges & Constitutiones proponantur, examinentur, perpendantur, confirmantur, & omnes utriusque sexus homines ad eas studiose observandas excitentur. Ergo pro virili conabuntur omnes Superiores Cathedralis, Collegiatæque nostræ Ecclesiæ, nec non quorumvis Ordinum Religiosorum, Parochi, atque alii Ecclesiastici in sua quivis Ecclesia & Ordine, in quantum unumquemque concernunt, servari, executionique mandari omnia & singula, quæ in hac sacra Synodo definita, sancitæque sunt.

Denique quæcunque in hac nostra Synodo Diocesana decreta, statutaque sunt, ea Nobis declaranda servamus, omnia & singula cum debita reverentia & observantia, authoritati & censuræ Sanctissimi Domini nostri, D. URBANI Papæ hujus nominis VIII. & Sanctæ Sedis Apostolicæ, revidentia, censenda, & approbanda demisse subjicimus, ad Majorem Dei, B. Virginis MARIÆ, sanctæque Ecclesiæ, & Episcopatus nostri incrementum.

Approbatio.

Prescriptæ Constitutiones Synodales, in omnibus suis punctis & articulis per Reverendissimum, & Illustrissimum Dominum nostrum, Dominum Sedunensem Episcopum &c. & Reverendos Dominos Capitulares Sedunenses, universamque Congregationem Synodalem approbatæ, & admittæ fuerunt, falsis protestationibus, & articulis peculiariter annotatis. Seduni in Choro Cathedralis Ecclesiæ die 27. Aprilis, anni 1626. in quorum fidem nos subscripsimus:

Henricus Teler, Canonicus & Pastor Sedunensis.

Georgius Niggelius, Canonicus Sedunensis. Jacobus Pollen, Curatus Vespertensis, & Vicarius forensis.

Guilielmus Berodus, Curatus S. Sigismundi apud Agaunos, & Vicarius forensis.

Joannes Columbinus, Secretarius.

Excusa hæc Synodus fuit Friburgi Helvetiorum A. 1635. in 12mo. apud Wilhelmum Darbellay.

HILDEBRANDUS JODOCUS, (vulgo *Jost*) Adriani II. de Riedmatten anno 1613. defuncti Successor; ex Curione Leutroni Canonicus Sedunensis, dein a die 15. Octobris Episcopus, a S. Francisco Salesio, Gebennensi tunc Episcopo consecratus, primas ab adito Pontificatu curas in lustranda Diocesi posuit, nihilque ita curavit studiose, quam ut omne Religionis discrimen Catholico suo a grege propulsaret, Antecessorum suorum, sub quibus orthodoxa Fides ultra Sæculum quantum jam & decimum per Valleham floruerat, Octodurensium quondam, nunc Sedunensium Episcoporum exemplar imitatus. Ritus salutandæ ad certum calculorum numerum Deiparæ Virginis pene extinctum Seduni, ac ludibrio vel ipsas inter mulieres habitum vitæ quodammodo suæ, majestatique reddidit, jacentem erexit pietatem, Sacramentorumque usum per inferiorem Valleham non sine ingenti solatio restituit. Anno 1618. Bernates inter & Hildebrandum Episcopum, Capitulum ac septem Defenos Valleii; anno autem 1623. inter septem Pagos Cathol. Helvetiæ & eosdem Friburgi Helv. instauratum est fœdus. Acris ipsi erat cum populo & vehemens dissensio, quæ jura potissimum utriusque partis respiciebat; eo tamen, uti quidem cognovi, prorupit nunquam, ut sua illum Sede dejectum, Principatu Vallenfes exuerint: quemadmodum refert *Historia Ecclesiastica Germaniæ* Tom. II. pag. 253. gallice Bruxellis A. 1724. edita. Veniam abdicandi sese Episcopatu, gravibus de causis, clam popularibus, clam ipso etiam Sedis Apostolicæ Nuncio, Alexandro Scappio, quam ab Urbano VIII. P. M. anno 1627. petierat, non obtinuit. Societatem JESU, quam amabat assidue & magni ducebat, adversus malevolorum, maxime ad alienam ab Ecclesia nostra Sectam propendentium calumnias singulari studio defendit, e vivis evocatus anno MDCXXXVIII. Vallehiæ Descriptio, quæ a Simlero ad manum mihi fuit, in Hildebrando de Riedmatten, Sedunensi i. t. Episcopo, definit pag. 170.

Vid. Valleham Christianam seu Diocesis Sedun. Historiam sacram anno 1744. editam a Cl. Brigueto Sedun. Canon. P. II. C. III. pag. 198. Item Histor. Provinciæ S. J. Germaniæ Super. Franc. Xav. Kropf. ejusd. Soc. Dec. VIII. & IX. pag. 145, 394. & seqq. Monachii Typis Pötterianis A. 1746. in fol.

SYNO-

SYNODUS NAMURCENSIS

Eodem anno Christi MDCXXVI.

S E U

S T A T U T A

*Per Reverendissimum Dominum, D. JOANNEM DAUVIN,
Episcopum VL. Namurcensem in Congregatione Synodali habita die
8. Aprilis anni 1626. Decretis & ordinatis in Synodo
præteriti anni adjicienda.*

*JOANNES DAUVIN, DEI ET APOSTOLICÆ SEDIS GRATIA EPISCOPUS
Namurcensis, Dilectis Nobis in Christo Clero & populo totius nostræ Diœcesis,
Salutem in Domino.*

INsequendo saluberrimum Sacro-
sancti Concilii Tridentini Decre-
tum, præcipiens quotannis Synodos
Diœcesanas convocari debere, hanc
Congregationem Synodalem hac die,
prout declaravimus ultimo Decreto
Synodi præcedentis anni, celebrandam
duximus. Et quamvis putaverimus
in dicta Synodo sufficientia Decreta &
Statuta, prout tunc tempus require-
bat, fuisse ordinata, quia tamen suc-
cessu temporis difficultates diversæ ori-
untur, pauca, quæ sequuntur, illis ad-
jicienda esse declaramus. Et primo iis,
quæ ordinata sunt de *Professione Fidei*,
addendum duximus, ut Censor libro-
rum in hac Civitate, & Decani ac Pa-
stores ruri degentes diligenter visitent
libros, quos solent Sabaudi, ut vocan-
tur, vel alii, quos Gallice vocant *Port-
panniers*, deferre venales, & si aliquos
libros apud ipsos repererint hæresim
tractantes, aut de illa suspectos, aut etiam
res lascivas & impudicas, ipsis adimant,
ad Nosque deferri curent, & punire
faciant per Judices, ad quos spectabit.

De Scholis & Ludimagistris.

Quia graves abusus noscuntur ori-
ri ex eo, quod pueri & puellæ
simul in eodem loco, & sub eo-
dem Magistro degunt & docentur, mo-
nemus Scholasticum Ecclesiæ nostræ
Cathedralis, & Decanos, ac Pastores
ruri degentes, quatenus id impediant,

Tomus IX. Concilior. German.

& serio præcipiant, ut viri tantum pue-
ros, & mulieres tantum puellas in suis
Scholis admittant, nisi fuerint in tali
ætate constituti, ut nullum periculum
subesse possit alicujus malæ conversa-
tionis.

*De Administratione Sacramen-
torum.*

INtelleximus aliquos Pastores tem-
pore pestilentiae suis subditis Eu-
charistiam porrigere vino immersam,
quod omnino fieri prohibemus, prop-
ter periculum mutationis speciei panis
sic vino immersæ, cum sint alii modi
sufficientes porrigendi iisdem Sacram
Eucharistiam, nempe per virgulam ob-
longam, vel etiam involvendo dictam
Sacram Eucharistiam charta munda,
quam ex illa infectus peste poterit ac-
cipere, ac chartam ipsam statim igne
consumere.

Pastores quicumque non permit-
tant aliquos sibi subditos ad suscipien-
dos Ordines sacros venire, nisi prius
juxta ordinationem S. Conc. Trid. pro-
clamationes de illorum intentione, in
suis Ecclesiis populo congregato ad
Officium Divinum, fecerint.

De Quæstoribus.

INtelleximus quosdam Quæstores
per nostram Diœcesim divagari
publicando indulgentias, benedicendo

E e e 2

stabula

stabula animalium, aliaque scandalosa faciendo; quare omnibus Decanis & Pastoribus inhibemus, ne tales admittant, etiam si nostram exhiberent facultatem quæstuandi per nostram Diocesim, quam per præsens Decretum declaramus subrepticam & nullius valoris.

Lecta & publicata fuerunt Decreta supradicta in Sacello Palatii Episcopalis, adstantibus Synodalis hujus Congregationis Patribus de mandato Reverendissimi Episcopi eidem præsentis, die octavo Aprilis anni millesimi sexcentissimi vigesimi sexti.

JOANNES DES FOSSEZ, Synodi Secretarius.

CONSTITUTIONES,

SEU

ORDINATIONES

Anno Christi MDCXXVII. Urbani VIII. Papæ V.
Ferdinandi II. Imp. IX.

FACTÆ ET DECRETÆ

Per eundem Reverendissimum Dominum

*D. JOANNEM DAUVIN, Episcopum Namurcensem,
in Synodo Diocesana Namurci habita,
& die 21. Martii celebrata.*

JOANNES DAUVIN, DEI ET APOSTOLICÆ SEDIS GRATIA EPISCOPUS
Namurcensis. *Dilectis Nobis in Christo Clero & populo totius nostræ
Diocesis, Salutem in Domino.*

Salubriter sane Sacrosancta Synodus Tridentina, Sancti Spiritus gratia afflata constituit, ut Synodi Diocesanae quotannis celebrarentur, eumque in finem, ut remedia occurrentibus defectibus semper adhiberentur. Cui Constitutioni satisfacere cupientes, præsentem Synodalem Congregationem convocavimus in hunc diem, ut diligenti inquisitione facta, Statutis & Ordinationibus salutaribus, pravis actibus & consuetudinibus, quæ ab ultimis Synodis irrepsere, occurratur.

In primis deprehendimus non sine magno animi dolore & experti sumus toto hoc anno Dominicorum & Festorum dierum nullum fere amplius haberi delectum, nec rationem: quare mandamus omnibus Ecclesiarum Parochialium Rectoribus, quatenus Mandatum nostrum, quod in fine harum Constitutionum reperietur, diligenter observari curent, quodque habebitur in eo, de Catechistica doctrina tradenda, cum

omni sedulitate executioni demandent.

Parochi, fideles suarum Parochiarum ad frequentissimum Sacramentorum usum cohortentur, ac crebris & efficacibus monitis illud, quod SILVERIUS P. M. statuit, revocare studeant in consuetudinem, ut, qui non sæpius communicare solent, singulis saltem Dominicis Adventus & Quadragesimæ, Corpus Domini sumant, præmissa peccatorum confessione.

Ipsimet Parochi, nisi invaletudine aut alia causa legitima & necessaria impediuntur, Corpus Domini deferant ad ad ægros: si vero aliquando hoc in Ministerio necesse habeant alterius opera uti, non alteri hoc committant, nisi illi, quem noverint ad confessiones audiendas esse admissum & approbatum: cum sæpe contingat ægrum, cui Sanctissima Eucharistia deferretur, iterum confiteri velle, quia post peractam confessionem

fectionem aliquid commiserit, vel ante commissum recordatus sit.

Quod si Sanctissimum Corpus Dominicum deferendum fuerit ad ægrum, qui longius a Parochiali absit, non sine periculo mortis morbo laborantem, ne ille prius obeat, quam Sacerdos reverti possit, ut ei Sacramentum Extreme Unctionis administret, vasculum etiam sacre Unctionis secum deferat, illam ægro, postquam Corpus Domini præbuerit, ministraturus: si ita pro morbi ingravescentis ratione mortisque periculo faciendum judicaverit.

Advertimus Rectores quosdam Parochialium Ecclesiarum non rite suas annuales rescriptiones facere, reticendo qualitates suarum dictarum Ecclesiarum, an sint scilicet integræ, an mediæ, an vero quartæ Capellæ vel tertianæ; nec etiam earum onera expriment, imo, quod deterius est, a dictis oneribus sese propria auctoritate eximunt. Quare dictos Rectores serio monemus, ut supradicta omnia in posterum in suis ponant rescriptionibus, nec non onera, prout tenentur, persolvant, sub pena arbitraria ipsis infligenda. Quod si aliquam justam causam habeant, qua putent se ad illud non teneri, illam ad Nos deferant, ut, quod juris & rationis fuerit, ordinetur, & quid in posterum faciendum fuerit, statuatur.

Idem præstabunt rescribendo Beneficia simplicia in suis Ecclesiis sita.

Quia autem Domino Deo visum fuerit evocare ex hac vita Reverendum Dominum *Ægidium Bosman*, Ecclesiæ Cathedralis Decanum, dum viveret, & in Synodo olim Judicem in causis Apostolicis, & Examinatorem deputatum, in ejus locum subrogandos duximus, prout subrogamus Reverendos Dominos *Andream de Wypion* Decanum, ut Judicis fungatur officio, & *Guilielmum Dauvin*, Examinatoris: qui ad sancta Dei Evangelia juravit se fideliter hoc munus executurum.

Insuper perspeximus, Decretum Synodi anni 1625. de Visitatione per Decanos sive Archi-Presbyteros non solum non observari, sed etiam pene ne-

gligi. Quare eos serio monemus, ut secundum illud in suis Visitationibus fegerant, suasque relationes juxta modum in eo præscriptum faciant.

Intelligimus quoque aliquos Sæculares, imo mulieres nonnullas nostræ Diœcesis, legere sine nostra facultate, sacram Scripturam lingua vulgari, contra prohibitionem expressam. Invigilent itaque Pastores, ut tales deprehendant, eosque moneant, ut a tali lectione abstineant, doceantque, quantum ipsis ex ea immineat periculum; & si abstinere noluerint, ad Nos deferant, ut pro modo culpæ juridice coercantur.

Lectæ & publicatæ fuerunt hæc Constitutiones, seu Ordinationes in Sacello Palatii Episcopalis, adstantibus hujus Synodalis Congregationis Patribus, de mandato Revmi D. Episcopi eidem præsentis, die trigesima prima Martii anni millesimi sexcentessimi vigesimi septimi.

JOANNES DES FOSSEZ, Synodi Secretarius.

MANDATUM pro Observatione Fæstorum.

JOANNES DAUVIN &c. Cum in dies non sine magno animi dolore experiamur, dierum Dominicorum & Fæstorum nullum fere amplius delectum & rationem haberi, sed plerosque promiscue iis diebus, quibus Dei cultui vacare deberent, operum servilium exercitiis incumbere: Nos pro muneris nostri Pastoralis debito, tanto malo mederi cupientes, vobis & vestrum cuilibet committimus & mandamus, quatenus proxima Dominica harum receptionem immediate sequente, & exinde quolibet ut minus trimestri, serio moneatis Parochianos, vobis respectively subdiros, ut præfatis diebus Dominicis & Fæstis, ab omni opere servili, quod a dierum ejusmodi debita sanctificatione, & celebratione prorsus est alienum, omnino abstineant. Quodque a reatu violationis Fæstorum immunes non censentur rustici, qui ad forum publicum aut alio cum cur-

ribus & equis onustis proficiscuntur, & ii, qui in urbibus macella & officinas, granis, carnibus & mercibus respectu vendendis aperient. Contra quos proinde & quosvis alios Festorum violatores stricte inquiri & animadverti volumus. Et quoniam nobis satis compertum est ejusmodi jam dicta & alia pleraque zizania inimicum hominem in agro Dominico, dormientibus & oscitantibus Pastoribus, superseminare; hinc est, quod vobis rursus districte præcipimus, prout hætenus identidem præcipere nunquam destitimus, ut in Ecclesiis vestris, Dominicis saltem diebus, & majoribus Festis, Fidei rudimenta pueros & populum vobis commissum diligentissime doceatis, quamque vim habeant Dei & Ecclesiæ præcepta, & quæ sunt ejusmodi facilis & Catechisticæ doctrinæ capita, sincere & pro muneris ve-

stri debito, & subditorum capti exponatis, nisi velitis penes contra deficientes hac in parte statuti subiacere, & quod maximum est, Dei omnipotentis judicium & indignationem incurrere. De cætero rogamus in Dei nomine omnes Curiarum sæcularium Ministros, ut etiam super debita Festorum observatione sedulo advigilent, & pro eo, quo summæ memoriæ PHILIPPUS II. Hispaniarum Rex in idipsum ferebatur zelo, uti Diplomate suo, quod pro Synodi Cameracensis Decretorum executione tulit, clare testatus est: muneri suo hac in parte satisfaciant, laboris desuper sancte impensi mercedem amplam consecuturi a Domino. Datum Namurci 31. Martii A. 1627.

Namurci,
Ex Typographia Caroli Gerardi Albert,
1720.

SYNODUS DIOECESANA COLONIENSIS,

Eodem anno Christi MDCXXVII.

Sub FERDINANDO, Duce Bavariæ, LXIII. Coloniensi
Archi-Episcopo,

AD DIEM 19. APRILIS

COLONIÆ IN ÆDE METROPOLITANA

HABITA,

Præsidentibus Reverendiss. Illustriss. & admodum Reverendo Dominis:
D. FRANCISCO a LOTHARINGIA, Episc. Viridunensi, &c. OTTONE
GEREON, Episc. Cyrenensi, &c. JOANNE GELENIO, Ss. Theolog.

Doctore, Reverendissimæ Suae Serenitatis & Metropol. Eccl. Colon. respectu Suffraganeo, Decano, & Vicario in Spiritualibus Generali Commissariis,
ad hoc specialiter deputatis.

TENOR COMMISSIONIS ISTE EST:

FERDINANDUS, DEI GRATIA ELECTUS, ET CONFIRMATUS Archi-Episcopus Coloniensis, Sacri Romani Imperii per Italiam Archi-Cancellarius, & Princeps Elector: Episcopus Paderbornensis, Leodiensis, & Monasteriensis: Administrator Hildesheimensis, Berchtesgadenensis, Corbejensis, & Stabulensis: Comes Palatinus Rheni: Utriusque Bavariæ, Westphaliæ, Angariæ, Bullionis Dux: Marchio Franchimontensis: Comes Lossensis, Longiensis, Hornensis: S. Sedis Apostolicæ Legatus Natus, &c. Reverendis, Illustrissimo, Venerabilibus sincere, & devote Nobis dilectis FRANCISCO a LOTH.

THARINGIA, Episcopo Ardunensi, OTTONE GEREON, Episcopo Cyrenensi, & JOANNI GELENIO, Ss. Theologie Doctori, Nostris, & Ecclesie nostrae Colonienfis respective Suffraganeo, Decano, & Vicario in Spiritualibus Generali Salutem.

Gravissima sollicitudinis nostrae occupationes præpediunt Nos, quo minus futura Synodo Diocesana, quam ad diem decimum nonum mensis Aprilis celebrari iussimus, personaliter præsidere possimus. Quapropter Vobis, de quorum prudentia, & legalitate confidimus, præsentium tenore committimus, ut quæ ad consummationem Sanctorum in opus Ministerii, in ædificationem Corporis Christi spectant, pro vitiorum destructione, ac morum reparatione, vel ordinanda, vel renovanda provideritis, ea Vos vice nostrâ ordinetis, ac

renovetis. Atque in hunc finem imprimis præsentis Constitutiones, antehac a Venerabili Capitulo Nostro mature examinatas transmittimus, ut easdem publicari faciatis, & quicquid Nos in dicta Synodo personaliter agere possimus, nostro nomine peragatis. Hæc est seria nostra voluntas, manu, & sigillo nostris roborata. Dat. in Civitate nostra Bonne, die 29. Martii Anno 1627.

FERDINANDUS.

Joannes Spies.

IN NOMINE SACROSANCTÆ, ET ADORANDISSIMÆ TRINITATIS PATRIS, ET FILII, ET SPIRITUS SANCTI, AMEN.

NOS FERDINANDUS, DEI gratia Electus & Confirmatus Archi-Episcopus Colonienfis, &c. Ad honorem & cultum DEI omnipotentis, Ecclesiasticæ discipline reformationem, ac fidelis populi Nobis commissi ædificationem, & æternam salutem, de consilio & assensu Venerabilis Capituli nostri constituimus, decernimus, & ordinamus, uti sequitur:

TITULUS I.

De Professione Fidei.

Cum Fides sit fundamentum Religionis, & humanæ salutis inchoatio, sine qua impossibile est placere Deo: (a) Ideo renovamus Decreta nostra de Professione Fidei, juxta formam Ss. Concilii Tridentini antehac a Nobis publicatam. (b) Et districte præcipimus, ut eandem Professionem edant omnes & singuli tam sæculares, quam regulares Prælati, Canonici, Parochi, Vicarii, Sacerdotes, alique Clerici, & Ecclesiarum Ministri, Concionatores, Confessarii, Universitatum Rectores, & Gymnasiorum Regentes, Scholarum quoque trivialium Magistri, Doctores, & Professores, antequam Ordines suscipiant, & Dignitatibus, Beneficiis, & officiis suis fungi, & frui cæperint.

Ad eandem Fidei professionem faciendam volumus obligari, juxta ordinationem Religionis a Nobis vulgatam, Satrapas, Judices, Præfectos, Schultetos, Cellerarios, Quæstores,

aliosque Ministros nostros, idque initio administrationis officiorum suorum: nec non Consules, seu Magistratos Civium, Scabinos tam Judiciorum, quam Synodales, Senatores, Cives, ac Subditos, idque toties, quoties Magistratus renovari, aut in album civium, ac tribuum quenquam inscribi contigerit. Et Prælati quidem, Canonici, cæterique Clerici, & Ecclesiarum Ministri coram Nobis, aut nostro nomine coram Vicario nostro in Spiritualibus Generali, Archi-Diaconis, Examinatoribus, Decanis ruralibus, vel Capitulis suis, aut Ecclesiarum, quibus serviunt, Pastoribus respective, & Vice-Curatis: Regulares vero in manibus suorum Superiorum, aut eorum, quibus receptio Professionis fidei de jure, vel consuetudine competit: sed Laici coram Nobis, Vicario nostro, Parochis, seu aliis, quibus Nobis id mandare placuerit, Professionem hujusmodi edent.

TITU.

(a) Ad Hebr. II.

(b) In Synodo 1612. post: *Invocavit.*

TITULUS II.

*Quo innovantur Decreta trium
præcedentium Synodorum, & man-
datur Catechetica lectionis
institutio.*

Innovamus quoque omnia & singula Decreta nostra in Synodis Diœcesanis anno millesimo quingentesimo nonagesimo octavo, secunda Octobr. (c) anno millesimo sexcentesimo duodecimo, feria tertia post Dominicam *Invocavit*, itidemque secunda die Octobr. ejusdem anni, sub felicitis recordationis Reverendissimo, & Serenissimo Domino, D. ERNESTO Patruo, & Antecessore nostro, ac Nobis publicata. (d)

Inter hæc omnia speciatim præcipimus, ut ii, qui curam habent animarum, sedulo & legant, & in praxin deducant, quæ in Synodo Diœcesana Nobis ipsis præsentibus, anno millesimo sexcentesimo duodecimo, feria tertia post *Invocavit*, fuerunt publicata, & sub *Tituli III. Cap. IV.* quod est *de Sacramentorum administratione*, continentur.

Innovamus quoque Decretum nostrum a Nobis anno millesimo sexcentesimo decimo quinto, die vigesimo nono mensis Novembris emissum, sub tenore sequente, illudque ad Diœcesin nostram totam extendimus.

FERDINANDUS, &c. Venerabilibus devote Nobis dilectis Civitatis Colonienſis Pastoribus notum facimus, insuperque districte præcipimus, & mandamus, autoritate ordinaria, nulli deinceps ægroto Ss. Eucharistiæ, Extremæ Unctionis, & Matrimonii Sacramenta porrigi, vel administrari debere, præterquam a propriis Parochis; inhibentes proinde sub excommunicationis majoris, ac ulteriori etiam Nobis arbitraria pœna omnibus & singulis Presbyteris, & Clericis, tam Regularibus, quam Sæcularibus quibuscunque, ne prædicta Sacrosanctæ Eucharistiæ, Extremæ Unctionis, & Matrimonii Sacramenta, citra expressam Parochorum propriorum in

scriptis obtentam licentiam, cuiquam porrigere, aut quomodolibet administrare, prout nec in privatis domibus, absque nostri in Spiritualibus Vicarii Generalis speciali concessione, sacrum Missæ Officium celebrare ullatenus præsumant. In quorum fidem, & testimonium præsens nostrum Decretum sigillo Archi-Episcopali jussimus communi. Datum ex Oppido nostro Bonnenſi die 29. mensis Novembris, anno millesimo sexcentesimo decimo quinto.

Adhæc districte mandamus, omnibus & singulis Parochis, Vice-Curatis, aliisque curam animarum habentibus, ut Catechetica lectionis institutio ubique introducatur: Archi-Presbyteris vero, seu Decanis ruralibus præcipimus, ut infra mensis spatium enixam hanc nostram voluntatem significant Parochis, & Vice-Curatis, sub districtu Decanatum suorum: Itidemque infra secundi mensis spatium a die publicationis horum Decretorum nostrorum, Vicario nostro in Spiritualibus Generali designent Pastores eos, qui Decreto nostro in re hac tam salutari morem non gesserint, pariterque contumaciter parere neglexerint. Nos enim contra omnes, & quoscunque tales contumaces pœna Nobis arbitraria procedere intendimus.

Mandamus quoque Magistratui sæculari, ut sub pœnis arbitrio eorum imponendis, jubeant eo tempore, quo lectio Catechetica servatur, abstinere a choreis, lusibus, aliisque recreationibus nonnunquam populo indultis. Sic enim futurum confidimus, ut frequentius non solum pueri, sed etiam adulti, & senes ad institutum hoc adeo pium, & necessarium confluant.

Adhæc requirimus, & in Domino hortamur eosdem, ut sumptus necessarios pro Xeniolis, & munusculis puerorum, vel ex publico ærario, pro cuiusque loci commoditate, vel redditibus fabricæ, aut, quod malum, fraternitatum, quæ passim in Ecclesiis Parochialibus, & Collegiatis habentur: quam maxime vero ex ea parte reddituum, & obventionum, quæ conviviis, &

(c) Tom. VII. pag. 517.

(d) Utamque Synodum anni 1612., quæ serius ad manus venit, dabo in Supplemento.

& Sympofis fratrum infumi confueverunt, contribuant. Nihil enim falubrius fieri; & in nullos alios meliores ufus hæc Ecclefiarum, ærarii, & Fraternalitatum bona converti poffunt, quam ut pueri a teneris fidei rudimenta doceantur, & cum lacte materno Chriftianam Religionem, & pietatem imbibant. Si in hac applicatione difficultates aliquas oriri contigerit, eas Decani feu Paftores ad Nos, Vicarium noſtrum, vel futuram Synodum referant. Utque fe Paftores, & Vice-Curati ad inſtructionem promptiores, alii quoque Eccleſiaſtici, vel Laici cujuſcunque ſexus ad pueros adducendum paratiores exhibeant, omnibus inplantanda Vineæ Domini ſtrenue laborantibus, indulgentias quadraginta dierum qualibet vice concedimus.

TITULUS III.

De abrogando abuſu circa diſtributionem ſacri Olei.

BEllicis hiſce temporibus abuſus nonnulli irreperunt circa ſacri Olei diſtributionem, quæ fieri ſolet feria quinta Septimanz ſanctæ. Siquidem Archi-Presbyteri, feu Decani rurales, quorum erat perſonaliter, feu faltem per Camerarios ſuos, vel ſubſtitutos alios Presbyteros, in Eccleſia noſtra Metropolitana comparere, ſacrum Oleum e manibus Clerici, quem vocant, Cameræ recipere, & dein Parochis, & Vice-Curatis ſuorum Decanatum diſtribuere, domi remanentes, per Pedellos ſuos homines laicos, ſeu etiam, quod maxime abuſum eſt, ſubmiſſas fœminas petere confueverunt, & ad ſe per multa itinerum ſpacia deferri curant. Huic abuſui, & periculo ſacrilegii occurrentes, & Sanctis Sacramentis debitum honorem impendentes, mandamus & ſevere præcipimus omnibus & ſingulis, quibus jus adferendi, & ſubdiſtribuendi ſacri Olei debetur, ut vel in perſonis propriis, vel per Camerarios ſuos, ſeu alios idoneos ſubſtitutos Sacerdotes, feria quinta Septimanz ſanctæ in Eccleſia

noſtra Metropolitana cotta, & ſtola, ſeu orario induci compareant, ac dein, pro ut moris eſt, diſtributum ſacrum Oleum, non per Pedellos, alioſve Laicos cujuſcunque ſexus, ſed Presbyteros ad Parochias ſuas, ſuorumque Decanatum deportari faciant. Ubi vero Eccleſiæ Parochiales extra Civitatem Coloniæ (nam de intraneis nulla eſt difficultas) non habent plures, quam unum, vel duos Sacerdotes, qui ſacro illo tempore explicandæ Paſſioni Dominicæ, aut excipiendis confeſſionibus dant operam, ſequentem in modum diſponitur: Ut per Decanos, Archi-Presbyteros, alioſque jus adferendi & ſubdiſtribuendi habentes, in ipſa ſubdiſtributione pyxides ligneis capſis ad formam, quam fieri curavimus, & per ſingulos Decanos ſibi ſubjectis Parochis oſtendi volumus, reverenter clauſæ, ſigillis Decanorum, Archi-Presbyterorum, & jus habentium conſignentur, atque ad Parochias ſubjectas per honeſtos viros laicos deferantur. Speciatim vero iſdem Laicis demandatur, quocunque locorum divertant, & morerentur, antequam ad Paſtores, a quibus emiſſi ſunt, redierint, ut, in qua decet veneratione, ſacrum Oleum habeant.

TITULUS IV.

De promulgatione Concilii Tridentini circa Sacramentum Matrimonii.

IN Synodo Diceceſana, quæ habita eſt anno Milleſimo quingentefimo nonageſimo octavo, die ſecunda Octobris, mandavimus publicari Decretum Sacri Concilii Tridentini, (e) quod factum eſt, ſuper abuſibus, & ſcandalis, quæ circa Matrimonia irrepſerant. Et quidem juxta normam a Concilio præſcriptam, in Ducatibus, Comitatibus, & territoriis temporali noſtræ Dominationi ſubjectis, & quæ ſub hiſ ſunt, Parochialibus Eccleſiis pene omnibus, jam dictum Decretum ad notitiam omnium & ſingulorum devenit.

Quan-

(e) Conc. Trident. Seſſ. 24. C. 1.

Tomus IX. Concilior. German.

Quandoquidem vero ejusdem promulgatio undequaque ac præcipue in Ecclesiis, Ducatibus, Comitatibus, territoriiis, & Dominiis in Diœcesi nostra quidem existentibus, sed altæ sæculari nostræ jurisdictioni non subditis; Decanorum ruralium, & Parochorum negligentia subsecuta non fuit: Hinc iterum mandamus, & serio præcipimus Archi-Diaconis, Decanis ruralibus, Pastoribus, & Vice-Curatis omnibus & singulis, tam sub temporali nostra jurisdictione, quam extra eam in Diœcesi nostra constitutis, ut quocunque loci allegatum Decretum *de Reformatione Matrimonii* e suggestu non est publicatum, idipsum publicent, & explicant infra unius mensis, ab hoc die incepturi spatium, ac deinde sæpius publicationem hanc, & explicationem, ne simplices & populo ignorantiam prætereundere possint, repetant: Eandem repetitionem, prout & in Synodo nostra Diœcesana anno Millesimo quingentesimo nonagesimo octavo factum est, aliis in locis, in quibus hætenus Reformationis illius promulgatio effectui data fuit, injungimus. In hunc vero usum sæpius dicti Decreti verba lingua latina ex sacro Concilio Tridentino excerpta, & nostro idiomate translata (ut cuius excusandi se occasio præcatur), alias quoque jussu nostro typis vulgata denuo hic adjungenda duximus.

Quod sequitur Decretum Conc. Trid. de Reform. Matr. Vide Tom. VIII. cit. pag. 521.

TITULUS V.

De Missali, Breviario Colonienfi, & Cæremoniis Ecclesiasticis.

Nuper inprimis quidem Breviaria, atque dein Missalia Colon. ad dispositionem S. Romanæ Ecclesiæ accommodata renovari fecimus: Cujus pie intenti operis fructu ne Ecclesia nostra fraudetur, omnibus in virtute S. Obedientiæ mandamus, ut amoris quibusvis aliis, sive jam antiquatis, sive peregrinis, vel privatis, & singularum Ecclesiarum propriis Missalibus, & Bre-

viariis, deinceps novo tam Missali, quam Breviario Colonienfi utantur. Congruum enim est, ut idipsum omnes dicant, unoque ore Deum honorificent. Singularum vero Ecclesiarum peculiaribus Festis a Nobis, vel nostris Prædecessoribus, nostrisque, & eorum Vicariis approbatis foundationibus non intendimus derogare.

Et quia quandam nonnullarum cæremoniarum, ac rituum potissimum in sacra Missæ Officio confusionem temporis tractu irrepsisse advertimus: Idcirco eidem Missali plenissimam instructionem generalibus, & specialibus Rubricis complexam de cæremoniis, & ritibus uniformiter in Ecclesiis Nobis subiectis servandis præfigi fecimus, quorum usum omnibus & singulis præcipimus.

Atque ut hæc uniformitas facilius introducatur, & constantius perseveret: Volumus, ut in omnibus Ecclesiis Collegiatis, & Parochialibus, aliisque, ubi plures sunt Clerici, unus constitutur, qui cæremoniarum curam in se recipiat, novellos Sacerdotes in cæremoniis instruatur, & ut omnia suo ordine, loco, ac tempore fiant, observet. Is etiam Superiores singulorum Ecclesiarum, Decanos, Pastores, Priores, Rectores, aliove quovis nomine vocatos, de difformitatibus quibusvis certiores reddere tenebitur, ut eorum auctoritate, quod commode interdum Cæremoniarum introducere, aut corrigere non possunt, introducatur, vel corrigatur.

TITULUS VI.

De Divino Officio, munditia Ecclesiarum, & sacrae suppellectilis, pulsu Mariano, & pro defunctis.

Clerici ubique meminisse debent, se esse de sorte Domini, & Ecclesiam intrantes se esse in domo Dei sancta, quæ *domus orationis* (f) vocatur, quare nemo, cujuscunque fuerit Ordinis, & dignitatis in Ecclesiis palliatus, & in brevibus, ut vocant, quovis id fiat tempo-

(f) Marc. II. c.

tempore, compareat, sub Divinis etiam nullus, nisi vestem choralem pro temporis ratione indutus, deambulet, confabuletur, aut aliquid aliud loco sacro indignum tractet, sed recta ad chorum ingreditur, & reverenter Venerabili Sacramento, aut Altari salutato, ad locum suum se recipiat. In egressu similiter reverentiam Ven. Sacramento, aut Altari faciat. In choro confabulationes, risus, cachinni, & discursus vetantur.

Horæ alternatim, devote, distincte, non clamorose, sed leniter, servata non solum in medio, sed & in fine cujuscunque Versus paussa, cantentur. Et pro temporis, atque officii ratione omnes simul stent, sedeant, genua flectant, & surgant.

Thurificationes sub *Benedictus*, & *Magnificat* in summis, duplicibus & infra Pascha, & Pentecosten, Homiliarum Festis, & in locis singularum Ecclesiarum consuetis, potissimum vero coram Venerabili Sacramento Corporis Dominici, ubi id intra chorum servatur, cum debita semper genuflexione, nunquam intermittantur.

Templa, Sacella, & Altaria, calices, patenæ, vasa sacrorum Oleorum, corporalia, purificatoria, urceoli, mappa, vestes sacræ, candelabra, cruces, & imagines, ac reliqua sacra suppellex, semper sint munda & nitida, atque sæpius laventur, purgentur, & a sordibus excutiantur: præsertim illa, quæ ad tremendum Altaris Sacrificium pertinent. Indignum enim est domos proprias exquisitè mundari & ornari, aulam autem Domini congruo cultu non resplendere, (g) Sane nimis videtur absurdum in sacris sordes relinquere, quæ dedecere etiam in prophanis, ait magnum Concil. Lateranense. (h)

Calices autem, patenæ, vasa sacrorum Oleorum soli Sacerdotes, aut Clerici majoribus Ordinibus initiati: corporalia & purificatoria primum Clerici, dein aliæ honestæ personæ: Sed ipsa sacra loca, & reliquam suppellecti-

lem Æditui, & Sacrificæ abluant, mudent, purgent. Ablutio autem a Sacerdotibus, & Clericis majorum Ordinum piscinæ, vel sacrario infundatur.

Ut populus fidelis mane, meridie, & vespere, atque etiam sub elevatione in summa Missa signo campanæ ad orationem incitetur, pie in omnibus Ecclesiis introductum est. Et quia sancta, ac salubris est cogitatio, pro defunctis exorare, ut a peccatis solvantur, (i) Idcirco præcipimus, ut in posterum post vespertinum pulsus diversæ campanæ signo, ubi plures sunt, ejusdem autem, ubi una duntaxat, existit, populus ad habendam commemorationem pro Defunctis admoneretur. Et curent Decani, Archiepiscopi, & quicunque alii Superiores infra unum mensem a publicatione Decretorum præsentis Synodi in Ecclesiis, Oratoriis, & Sacellis sibi subjectis sanctum hunc morem introduci. Concionatores insuper, & Divini verbi præcones populum de tam pii usus fructu frequentius instruant.

Deinceps quoque (k) relinqui incorrectum nolumus, quod quidam Clerici sic exponunt, Ecclesias suppellectilibus propriis, & etiam alienis, ut potius domus laicæ, quam Dei Basilicæ videantur, non considerantes, quod Dominus non sinebat, ut vas transferretur per Templum. (l) Firmiter itaque prohibemus, ne hujusmodi suppellectilia in Ecclesiis admittantur, nisi propter hostiles incursus, aut incendia repentina, seu alias necessitates urgentes, ad eas oporteat habere refugium: Sic tamen, ut necessitate cessante, res in loca pristina reportentur.

TITULUS VII.

De veneratione Sanctorum, Reliquiis, & earum Catalogo consiciendo.

Sanctorum Martyrum, & aliorum cum Christo viventium sancta corpora, quæ viva membra fuerunt Christi,

(g) C. Pulchra, dist. 86.

(h) Conc. Lateran. c. 19.

(i) 2. Mach. c. 12.

(k) Conc. Lateran. sub Innoc. III. c. 19.

(l) Marc. 11.

"Christi, & templum Spiritus Sancti ab ipso ad æternam vitam suscitanda, & glorificanda," (m) seu partes corporum, & Reliquiæ quantumvis minutæ in omnibus Ecclesiis, Sacellis, & Oratoriis ut munda servari, sic decenter claudî, & non facile e thecis suis extrahi, multominus e Dicecesi nostra exportari, sine expressa nostra, & in scriptis obtenta licentia, sub pœna excommunicationis latæ sententiæ præcipimus: Ad maiorem autem Dei, & Sanctorum cum Deo regnantium gloriam, nec non populi devotionem accendendam, in festis Sanctorum, quorum Reliquiæ elevatæ, ornatæ, & decenter inclusæ sunt, easdem in altaribus, aut aliis convenientibus locis exponi mandamus.

Volumus etiam, ut singularum Reliquiarum inscriptiones, quatenus opus, renoventur, & Catalogus illarum, siue ex nominatæ sint, siue non nominatæ, infra duorum mensium spatium post publicationem hujus Decreti, ab Ecclesiarum quarumcunque Rectoribus, & Superioribus conficiatur, & Vicario nostro in Spiritualibus mittatur.

In Synodo Dicecesana, quæ celebrata est anno millesimo quingentesimo nonagesimo septimo, sub felicis record. ERNESTO Prædecessore, & Patruo nostro relaxata fuit obligatio certis diebus Festis feriandi, idque ex causis quibusdam prægnantibus in ea-

dem Synodo allegatis. Quarum nonnullæ cum nostris temporibus sublatae sint, visum est Decretum illud nonnihil moderari.

Volumus itaque, ut festa Ss. GERONIS, URSULÆ, ET SOCIARUM VIRGINUM, AC MARTYRUM, quæ sanguine suo Ecclesiam nostram Coloniensem consecrarunt; intra Civitatem Coloniensem, tam in foro, quam in Choro, deinceps sint celebria.

Mandamus insuper, ut singulis annis Dominica proxima post Dedicationem S. Michaelis Archangeli, festum S. Angeli Custodis Officio duplici (quod a Sanctissimo Domino nostro PAULO Papa V. felicis record. est approbatum) translato, si quod in eandem Dominicam incidat Festum, in aliam vacantem feriam, per totam Dicecesin nostram celebretur. Et Parochi, ac Concionatores sedulo populum doceant, quantam Angelis suis tutelariibus observantiam debeant; utpote, quibus mandavit Deus de nobis, (n) ut præcedant nos, & custodiant nos in omnibus viis nostris; (o) quos observare, & quorum vocem audire jubemur, & quibus omni tempore ad reverentiam pro præsentia, devotionem pro benevolentia, fiduciam pro custodia (p) obligamur.

JACOBUS WILICH, Curie Archiepiscopalis Colonienfis Sententiarum præscript. Synod. Notarius Publicus subscripsit.

Coloniæ Agrippinæ apud Petrum Cbolumum Archiep. Typogr. Anno MDCXXVII.

Exemplar tam hujus Synodi, quam duarum, de quibus paulo ante, nobiscum communicavit Vir Cl. Dominus de Borse B. M. V. ad Gradus Canonicus Capituli. Eandem hanc Synodum contraxit in Annalibus MSS. ad b. a. Turckius.



SYNO-

(m) Conc. Trid. Sess. 25. de invoc. ven. & Reliq. Sanct.
(o) Exod. 23.

(p) S. Bern. Psal. 90.

(n) Psal. 90.

SYNODUS MAJOR (*)

OSNABRUGENSIS,

Anno Christi MDCXXVIII. Urbani VIII. Papæ VI.

Ferdinandi II. Imp. X.

PRÆSIDENTE

Reverendissimo & Illustrissimo Principe ac Domino,

D. FRANCISCO GUILIELMO, (**)

Sanctæ Osnabrugensis Ecclesiæ LIX. Episcopo,

CELEBRATA

DIE 28. MENSIS MARTII.

EPISTOLA,

EDITIONI ISTIUS SYNODI PRÆMISSA.

FRANCISCUS GUILIELMUS, DËI ET APOSTOLICÆ

Sedis gratia Episcopus Ecclesiæ Osnabrugensis, Præpositus Ratisbonensis, Comes de Wartenberg, Dominus in Walddt, &c. Universis & singulis Cathedralis nostræ, & Collegiatarum,

Parochialiumque Ecclesiarum Prælati, Abbatibus, Præpositis, Decanis, Archi-Diaconis,

Pavocibus, Rectoribus, & Curatis, cæterisque Civitatis & Diocesis nostrarum

Osnabrugensis Clericis, & Personis Ecclesiasticis, tam Regularibus,

quam Secularibus, Salutem in Domino

sempiternam.

MEmoria vos tenere arbitramur, quanto promovendi honoris Divini, quanto proferenda Christianæ Fidei, Religionisque Catholicæ, quanto denique Status Ecclesiastici ornandi, augendi desiderio flagravit, MAGNUS ille CAROLUS Romanorum Imperator, & Rex Francorum, non avitæ duntaxat fortitudinis, gloriæque bellicæ Heros, sed barbararum etiam gentium invictus Domitor, & Episcopatum in Saxonia plurimum munificus æque ac pius Fundator. Quam etiam ob rem, Saxonibus illis præcis, non minore felicitate prælio victis,

quam Religione, ad Christum una cum Duce ac Principe suo WEDIKINDO, maxima Orbis Christiani gratulatione traductis, totus in eo fuit, ut agnitam jam Christi fidem, defultoria levitate ne mutarent, sed retinerent constantissime, jactasque salutis radices, dignis Christiana arbore, bonorum operum fructibus confirmarent. Hoc Consilio Episcopatum hunc nostrum Osnabrugensem, primum omnium ac vetustissimum in Saxonia, sub patrocinio Apostolorum Principis instituit, accitoque ex Frisia, viro non minus vitæ sanctimoniam, &

Fff 3

Sacer-

(*) Hac insigniri appellatione Synodum hanc voluit Celsissimus Princeps, quod solemnitas ea & generalis, qua omnes omnino Prælati, omnia Collegia & utriusque sexus Monasteria, omnes & singulæ Diocesis suæ Parochiæ, seu Clerus universus Episcopali jurisdictioni subiectus evocaretur, esse debuit. Qualem profecto ab hominum memoria Patria Osnabrugensis non viderat. Gemina porro extat Synodi Editio: altera ex Typographico Episcopali Osnabrugi A. 1628.; altera Typis Jodoci Kalcovii anno 1653. Coloniz Agrippinæ: utraque elegans, utraque jussu ejusdem Principis Francisci Guilielmi excusa, & varias tam Archi-Episcoporum Colonienfium, cæu Metropolitanoorum, quam Prædecessorum Osnabrugensium Episcoporum Constitutiones Synodales (quod bonum pluribus & commodum est) insertas habens.

(**) Vide sub finem Synodi.

Sacerdotii dignitate, quam doctrina laude, & rerum Divinarum cognitione, id ætatis Clarissimo *WIHONE*; primum quidem, plebem ac populum in Myſteriorum ſacrorum diſciplina ſtudioſe inſtitui, deinde vero Eccleſiam ab ſe conditam, fundatamque, ſanctorum Chriſti Sacerdotum multitudine, eruditione etiam, ac ſcientiarum graviorum, & religioſe poſſiſſimum integritatis laude anteaſtare cæteris, imo Eccleſiam Oſnabrugenſem, quaſi Matrem, ac nutricem reliquarum omnium eſſe voluit, a qua ille & primam gratiæ vitam, & doctrinæ Chriſtiane lac haurirent, quod quanto vicinorum Episcopatuum commodo, quam luculento fidei Chriſtiane incremento factum ſit, ſatis prodiderunt vetera Hiſtoria Saxonica monimenta, (a) ex quibus in præputulo eſt, ex Oſnabrugenſi Eccleſia, tanquam ex communi adſtarum Diœceſon Seminario, integer rimos Clericos, abſolutiſſimosque Sacerdotes, ad promulgandam veram fidem, procurandamque animarum ſalutem prodiſſe. Incubuit in hoc maximo ſtudio primus hujuſ Sedis Antisſtes *WIHO*; incubuerunt in idem alii plures Eccleſiæ noſtræ Præſules (quorum ſyllabum vobis ſub oculos ſubjicimus) qui votorum ſuorum compotes, ad ſeptingentos & quod excurrit annos, nobiliſſimam, ut ait Cyprianus, (b) Chriſtiani gregis portionem, Sacerdotes inquam & Clericos, Divino cultui inauguratos numero multos, eruditione præſtantes, pietate eximios, numeris omnibus perfectos, ſingulari Dei beneficio, illuſtri cum Episcopatus hujuſ ornamento, non ſine admiratione infidelium, omnium vero commendatione habuerunt, atque utinam conſpicuus ille Ordinis Eccleſiaſtici nitor, qui tanto cum decore reſplenduit, conſtanti ſemper luce fulſſet. Verum Dux tenebrarum, illuſtriſſimo Soli auſus offundere nebulas, id eſſecit, ut Nazaræi noſtri candidiores nive, nitidiores lacte, rubicundiores eboſe antiquo, Sapphiro pulchriores, (c) mutato colore optimo, vultuque inſtar carbonum denigrato, vel probroſa turpitudine laſſi ſint violato caſtitatis voto, vel impio perjurio ad errores ſediſſimos, ac hæreſin deſciverint: quod eveniſſe juſta Dei ultione experti ſumus, ab illis maxime annis, quibus vel iniquitate temporum, vel libertatis amore, vel conniventia Acatolicorum Præſidum, vel vulgi errore, vel Sacerdotum licentia, tota hæc (pro dolor!) Diœceſis, non

ut orbis univerſus Ariamum ſe eſſe ingemuit, ſed Acatolicam eſſe vidit. Quod uti alienis imbuti opinationibus Eccleſiæ Rectores diſſimulaverunt: ita ſolliciti de ſe, de ſuorum ſalute Curatores reſtituere in integrum pro viribus nixi ſunt. Certe celebriſ prudentiæ laude Prædeceſſor noſter *JOANNES* Comes de *HÖHA* ſelic. ret. & pronuper *ITELIUS FRIDERICUS* S. R. E. Cardinalis & Comes *ZOLLERANUS*, magni ambo, & memoriæ nunquam interitura Episcopum, introducto in hanc Diœceſin promulgatoque palam Tridentino Concilio, ſumma deſideraverunt, conati ſunt plurima, multa eſſecerunt. Noſtis ipſimet vos plerique, & memorare poteſtis, quid tantorum impenſis operum moliti, quid emoliti ſint. Nos in curam Episcopalis muneris, Episcopum animarum noſtrarum ſupremo ita volente, illo maxime tempore, quo turbinum omnis concitatio, tempeſtatumque effuſarum indignatio, in Diœceſin noſtram, Nauclyro jam ſuo ac Gubernatori orbatam, inundabat, adſciti, unum id in votis habuimus, ut ſi non reducta malacia, ſedatis ſaltem perturbationum procelſis, creditas nobis Petrini naviculæ reliquias, quocunque poſſemus pacto, aſſeremus & ſervaremus. Nec vos præterit, quanta cum diſſicultate, quanto ſumptu atque opere, quanta Adverſariorum obſtrectatione, quanta repugnantia Filiorum Belial, poſt ſelicem inaugurationem noſtram, Deo nobis opitulante, effectum dederimus, ut noſtra in Urbe Principe, totaque Diœceſi Religioni Orthodoxæ integritas conſtaret. Plura hic non perſequimur: Deus enim pro nobis, & cauſæ æquitas loquitur. Tantis certe impendiis, tanta moleſtia (conſcientiam habemus ad Deum Dominum bonam) unum hoc quaſivimus, ut proſcripta impietate, revocata omnino, vel reſtituta ex parte Religione avita, Fides Catholica in Diœceſin noſtram reduceretur, Eccleſiaſticarum autem Conſtitutionum obſervatio in Clero noſtro, ſi non ad laudem priſtinam (quod tamen vel maxime optamus) revireſcat, ad ſacrarum tamen Legum, Canonumque normam, ac diſciplinam Eccleſiaſticam erigatur ac conſormetur. Quod eo magis neceſſarium eſt, quo Clerici & ſacrorum Præſecti, exemplo ſuo in utramque partem plus in vulgus poſſunt, aut nocere, ſi mali ſint & improbi, aut prodeſſe, ſi Religioſi & pii: uti enim morbus a capite ortus, facillime per venas atque arterias in membra

(a) Ex Saxonia Krantzii, Kerſſenbrug & Kleinſorgi Hiſtor.

(b) Cypr. Serm. de Virgin.

(c) Threnor. 4. v. 7. 8.

membra traducitur ac dividitur, totumque corpus pervadit & inficit, ita vitia Clericorum (qui corporis Christi capita quadam sunt) proclivi admodum contagione, in populum diffunduntur, dum quilibet imitari non borret, quod tanto videt Autbore perpetrari. Quod indicasse nobis videtur tam Jeremias, (d) dum asserit a Sacerdotibus egredi pollutionem super omnem terram; quam Oseas (e) dum vaticinatur, Sacerdotes esse factos in laqueos, & rete expansum; laqueos; quibus integritati gula interfunderetur, rete, quo decepti malorum esca, pisces rationis compotes caperentur. Quae etiam de causa, ex S. Joannis Chrysostomi sententia, (f) Clerici unius peccatum, sicut commune quoddam Parvæ integræ contagium, tam grave atque enorme est, atque multitudinis totius, quod ille adducta, ad confirmationem assertionis suæ, Aarons indulgentia, (g) Opbni (h) & Phineas (i) sacrilegio stabilit, additque idcirco unius Sacerdotis delictum expiatum fuisse eadem hostia, qua populi universi piacula propitiabantur. Atque ut taceamus de scandalis passim præbitis, de offensionibus datis, quibus horrendum illud Væ, Summus noster Pontifex a peccatoribus segregatus intonuit. (k). Tantam hactenus in Diœcesi vestra credendi, vivendique libertatem, tantam errorum impenitentem, tantam rerum Divinarum ignorance, tantum salutis neglectum, magnam sane partem confusionem hanc culpa Pastorum natam esse in grege existimandum est. Morbo huic fontico tam noxio, ac virulento, non mederi, cum possemus, grande arbitramur nŕas, cum eam ad curationem a supremo Psychiatri, & Oleum acceperimus & Vinum. (l) Nec præsentius Alexiparmacum disciplinæ Ecclesiasticæ (quam in Oratione Synodali præscribi vobis, eademque de causa excudi præcepimus) observatione, ex qua nullo negotio perspicuum, quibus obnuntiationibus, divisque configantur, quibus mulentur penis atque censuris impii, dissoluti, leves, impudici, negligentes muneris sui Sacerdotes. Quid vero Christianæ Reipublicæ & Ecclesiæ Dei conferant pii ac religiosi Sacerdotes & Clerici, qui cum integritate morum, eruditionem sacram & zelum animarum castum conjungunt, a primis fidei incunabulis, ad declivem hanc usque senectam, per singulas

ætates abunde in Ecclesia constitit: adeo ut nemo diffiteri possit, plures sanctitate & exemplo Pastorum suorum, quam docendi contentione, & miraculorum multitudine, ex errorum tenebris, ad veram fidei lucem, ex flagitiorum ceno, ad justitiæ Christianæ studium emeruisse. Ita scilicet oculos, ita animos ferit honesta & innocens Clericorum vita. Sicut enim unius Sacerdotis flagitiis provocatus ad iracundiam Deus, toti populo infligit plagas: ita unius etiam Religione ac pietate mitigatur, ut propitius sit ac volens, quod exemplo suo Samuel (m) & Onias (n) docent: sunt Clerici Lux mundi, Sal terræ; (o) Oculi corporis mystici, in hac luce si tenebræ, in hoc sale si fatuitas; in his oculis si albugo, decoram ceteroqui Ecclesiæ faciem obscurari, evanescere, sedari perspicuum est: si e diverso in luce hac vitæ ardor, ac doctrinæ splendor, in sale hoc condiendi acrimonia, in oculo hoc puræ perspicacitas, manifestus evadit speciosissimi oris Ecclesiæ nitor, sapor, pulchritudo. Hunc corporis splendorem, vel oblitum nonnihil, deterfis maculis expolietis; vel jam interpolatum reddetis illustriorem, si ea, quæ de officio Ecclesiastico, de animarum cura, de Sacramentorum administratione, de vitæ & honestate Clericorum, de interna, externaque modestia, in Synodo hac nostra inŕigimus, quæ Antecessor noster Cardinalis ZOLLERANUS in sua, quæ Metropolitanis in Conciliis Provincialibus decreverunt, quæ omnia & singula vobis ab oculis poni curavimus, effectuetis, sed etiam subditis curæ vestræ commissis, quatenus eos eorumque salutem respiciunt, exponatis, utque tum a vobis ipsis, tum ab iis diligenter & accurate observentur, curetis. Quod uti a Principe Pastorum & Episcopis animarum nostrarum supremo, qui nos consecravit Deo genus electum, regale Sacerdotium, Gentem sanctam, Populum acquisitionis (p) impensissime efflagitamus, ita serio mandamus, atque præcipimus, ut quisque vestrum exactissimè sanctæque observet; Officio nostro im puniendis iis, qui deliquerint, promovendis vero ornandisque iis, qui paruerint, nequaquam defuturi. Deus Dominus vos sanctos & immaculatos in adventum Filii sui servet. Dabamus ex Civitate nostra Osnabrugensi, in Fêsto S. Marci Evangelistæ, Anno 1628.

ORDO

(d) Jerem. 23. v. 15.

(e) Oseas c. 5. v. 11.

(f) Lib. 6. de Sacerdotio.

(g) Exod. 32. v. 22. & 28.

(h) 1. Reg. 2. a v. 12. & c. 4. v. 10.

(i) Ex Levit. 4.

(k) Matth. 18. v. 7.

(l) Luc. 10. v. 34.

(m) 1. Reg. 3. & 12. v. 3.

(n) 2. Machab. 15. v. 12. 13.

(o) Matth. 5. v. 13. & 15. & 6. v. 22. 23.

(p) 1. Pet. 2. v. 9.

ORDO AC SERIES EPISCOPORUM ECCLESIAE OSNABRUGENSIS,

AB ANNO CHRISTI DCCLXXII. AD ANNUM USQUE MDCCLXI.

<i>Numerus Episcoporum.</i>	CAROLUS M. Imp. Osnabr. Ecclesiæ, in Saxonia primæ, Fundator.	<i>Anni Sessionis</i>	<i>Anni Obitus.</i>
I.	S. WIHO ex Frisia a CAROLO M. evocatus, Vir genere, doctrina, sanctitate vitæ, zelo animarum illustris.	32.	804.
II.	MEINGARDUS.	29.	833.
III.	GOSWINUS Fuldæ fit Monachus.	32.	866.
IV.	S. GOSBERTUS Martyr genere Sweo, five Suecus, Discipulus S. Ansgarii, præstantissimi Apostoli Sueciæ,	8.	874.
V.	EGBERTUS, five Eginhardus, recuperandis Decimis Episcopatu ablatis sollicitè intentus.	10.	884.
VI.	EGILMARUS, ei redduntur alienatæ Decimæ, & quinque aliæ Ecclesiæ ab ARNULPHO Imperatore adjiciuntur.	33.	918.
VII.	DODO I. is obtinuit Confirmationem Privilegiorum, Ecclesiæ Osnabrugensi datorum.	16.	934.
VIII.	DROGO, illustria impetrat ab OTHONE I. Imperatore, circa cudendam monetam, instituendos mercatores, & nundinas privilegia.	35.	969.
IX.	LUDOLPHUS, OTHONIS Imperatoris Consanguineus.	26.	983.
X.	DODO II. OTHONI II. & III. gratus.	13.	996.
XI.	GUNTARDUS, five Guntradus, aliis Guntherus, quem internoctu Ss. Martyres Crispinus & Crispinianus ad acceptandum Episcopatum animant.	4.	1000.
XII.	WACHOLPHUS Polyonymus, qui & Warnandus, Wedilolphus, Wannerus, Wannonus.	2.	1002.
XIII.	DIETHMARUS, ex Canonico S. Mauritii extra muros Monasterienses factus Decanus Aquisgranensis, tandem Episcopus Osnabrugensis, fundavit Ecclesiam S. Joannis Baptistæ, librisque suis Bibliothecam donat, & oculis tandem capitur.	21.	1023.
XIV.	MEINERUS, five Mencherus, vel Menicherus.	5.	1028.
XV.	GOSMARUS.	9.	1038.
XVI.	ELVERICUS, aliis Alverus, vel Elevericus.	15.	1052.
XVII.	BENNO I. & ipse Polyonymus: dicitur enim Bernardus, Wernicherus, Brenno, &c.	16.	1068.
XVIII.	B. BENNO II. Miraculo natus, sterilibus Parentibus, ex Præposito Hildesienfi Episcopus Osnabrugensis, a S. ANNONE consecratus, Fundator Cænobii Iburgensis & Montis S. Gertrudis, Privilegiorum egregius Vindex, Glires sacris obnuntiationibus devovit, qui intra 280. annos tota Diœcesi conspecti non sunt.	20.	1088.
XIX.	MARQUARDUS, Abbas Corbejenfis, loco & honore motus.	51.	1093.
XX.	WIDO seu WIHO II. sub quo Civitas Osnabrugensis conflagravit.	8.	1101.
XXI.	JOHANNES I.	9.	1111.
XXII.	GODTSCHALCUS, Nobilis Dominus de Diepholte.	8.	1119.
XXIII.	DIETHARDUS, ab Imperatore & Capitulo contra competitorem egregie defensus.	18.	1137.
XXIV.	UDO, Turres ædis Cathedralis exstruxit, & Montem S. Gertrudis absolvit.	4.	1141.
XXV.	PHILIPPUS Comes Catimelibocus, præter alia præ-		

<i>Numerus Episcoporum.</i>		<i>Anni Sessionis</i>	<i>Anni Obitus.</i>
	clara facinora, instituit duo Virginum Monasteria Ofede & Quernheim.	32.	1173.
XXVI.	ARNOLDUS.	2.	1175.
XXVII.	GERHARDUS de Lippia, qui quod reformato Cœno- bio Hersebroch, gestis contra vicinos Principes bel- lis, motisque litibus gravibus, relicta Sede Osnabra- genfi, factus sit Archi-Episc. Bremensis, incerto haber calculo annos supputatos, sub illo vixit Osnaburgi Vir Sanctus Reinerus nomine, videntur sedisse circiter	35.	
XXVIII.	S. ADOLPHUS (*) Thesaurariam auxit, Cantoriam insti- tuit, ac Festum S. Catharinæ, Episcopus in Capitū- lum, in Ministros Ecclesiæ, in leprosos liberalis.	20.	1220.
XXIX.	ENGELBERTUS I. Comes de Teckleburg, Ecclesiam Osnabrugensem, contra fratris sui violentiam gloriose propugnat.	24.	1244.
XXX.	BRUNO Comes de Isenburg Pacificus, qui multas composuit controversias.	8.	1252.
XXXI.	WEDEKINDUS Comes de Waldeck cum laude præ- fuit.	7.	1260.
XXXII.	BOLDWINUS de Rufsle ampliavit Ecclesiam Widen- brugensem.	10.	1270.
XXXIII.	CONRADUS I. Comes de Rittberg.	28.	1298.
XXXIV.	LUDOVICUS Comes de Ravensberg, gestis feliciter præliis, adversus Diocesis suæ hostes inclytus, piæ- tatis laude & Religione celebris.	14.	1312.
XXXV.	ENGELBERTUS II. de Wenghe construxit Wittlage.	11.	1324.
XXXVI.	GODEFRIDUS Comes de Arensburg, Capellæ Epi- scopalis in nova Civitate Fundator. Sub hoc Judæi insecerunt puteos, unde eluviones & pestilientia gravis.	26.	1350.
XXXVII.	JOHANNES II. dictus Hoer, Doctor Ss. Canonum, a Papa CLEMENTE V. confirmatus, Regalibus a Ca- rolo IV. donatus, maximas inter turbas præfuit annis	16.	1366.
XXXVIII.	MELCHIOR Dux Brunswicensis, excluso Theodorico a Marca ad Episcopatum Osnabrugensem provectus, ab eodem ad Swerinensem transfertur.	10.	1376.
XXXIX.	THEODORICUS, sive Diethenius de Horn, subactis randem Diocesis hostibus, expugnatoque Cloppen- burgo, Curiam in Urbe sua Episcopali fundat, in Ec- clesias beneficus.	28.	1402.
XL.	HENRICUS I. Comes de Holfaria resignat.	2.	1404.
XLI.	OTHO Comes de Hoya.	20.	1424.
XLII.	JOHANNES III. Comes de Diepholte, pugnat is va- riis pugnis, pro Decimarum, & limitum suorum de- fensione, accepto in Urbe Telonio, propinato sibi veneno moritur.	13.	1437.
XLIII.	ERICUS I. Comes de Hoya resignat.	3.	1440.
XLIV.	HENRICUS II. Comes de Morfe, Administr. Monaster.	10.	1450.
XLV.	ALBERTUS Comes de Hoya, Postulatus, sed non confirmatus a Papa.	3.	1453.
XLVI.	RUDOLPHUS Comes de Diepholte postulator.	1.	1454.
XLVII.	CONRADUS II. Comes de Diepholte laudabiliter præ- est, & reformat Monasteria S. Benedicti.	28.	1482.
XLVIII.	CONRADUS III. Comes de Rittberg, qui reformat Monasteria Quernheim & Rulle. Sub illo, cives duce Lententuen tumultuantur adversus Clerum, sed gra- viter luunt injuriam.	26.	1508.

(*) Editio posterior hæc addit: *Illustris genere, ex Canonico Colonienfi Monachus Cister-
ciensis in Vetere Campo. In eadem Editione Engelbertus, Comes de Isenburg, & Con-
radus, hic XXX. ille XXIX. Osnabrugenses recensentur Episcopi.*

Numerus Episcoporum.		Anni Sessionis.	Anni Obitus.
XLIX.	ERICUS II. Dux Brunswicensis ex Grubenhagen, Princeps apprimè Catholicus, qui commotos ad seditionem, ac Lutheranismi libertatem postulantés Cives, animosè compescuit, & Rebelles 6000. Florenorum Aureorum pœna multavit.	24.	1532.
L.	FRANCISCUS I. Comes de Waldeck, sacris Ordinibus initiatus, consecratur Episcopus in Marienfelt, inductus postea in Lutheranismum, a Summo Pontifice & Imperatore monitus respicit, & Catholicus moritur. Sub hoc primi Religionis veteris deformatores, Præcones novi Osnaburgum aliunde accersiti, Scholas, Ecclesias, concordiam Statuum perturbant. Faceßere tamen iussis novæ Hæresis Magistris, ab alto Heterodoxo exercitio, restituta in integrum Religione Catholica, & Ecclesiis, puniuntur ab Imperatore, ob violatam Religionem, & Jurisdictionem Ecclesiasticam Cives Osnaburgenses.	21.	1553.
LI.	JOANNES IV. Comes de Hoya, Princeps Religiosissimus, Prudentiæ laude Clarissimus, Doctrina magnus, linguarum variarum expertissimus; in promovendo Ss. Concilio Tridentino (<i>quod etiam primus in sua Diœcesi promulgavit</i>) studiosissimus, pacis amantissimus, in tractatu illo Passavico in Germania cum Hæreticis inito, laboravit plurimum, & Ecclesiæ Catholicæ, ac Religioni profuit maxime.	II.	1574.
LII.	HENRICUS, Dux Saxoniae, Administrator.	II.	1585.
LIII.	WILHELMUS Schencking ex Beveren.	5. dies.	
LIV.	BERNARDUS Comes de Waldeck.	5.	1590.
LV.	PHILIPPUS SIGISMUNDUS Dux Brunswicensis, Administrator, sub hoc anno 1613. media quasi Civitas Osnaburgensis conflagravit.	33.	1623.
LVI.	ITELIUS FRIDERICUS Comes de Hohenzollern, S.R.E. Cardinalis, pietate ac prudentia præstans, qui Religioni avitæ, paci inter Principes Germaniæ, reducendæ, & publicis Imperii negotiis studuit plurimum.	2.	1625.
LVII. al. LIX.	FRANCISCUS GUILIELMUS Comes de Wartenberg, qui anno hoc 1628. tertium Gubernationis Episcopalis auspicatur; huic felicitatem in terris longam, in Cœlis sempiternam, piorum omnium vota desiderant & apprecantur.		
NB. Series hæc Episcoporum, secundum annos integros supputata est, mensibus, hebdomadis, diebus non subductis, ut eo expediret esset & certior ratio Chronologiæ, in qua nonnulli uti variant; sic vacillant. (*)			

(*) Cur Seriem hanc Episcoporum non prætermiserim, ipsæ satis eloqui videntur literæ encyclicæ, in fronte Synodi legendæ. Eandem porro ad hæc nostra tempora pertexo, ut Lectori meo ferviam. Ex Gelenii calculo Franciscus est LIX. Osnabrug. Episcopus: igitur

LX. ERNESTUS AUGUSTUS, primus e Brunsvicensi domo (*per Instrument. Patris Osnabr. Art. XIII. §. 2.*) Episcopus anno 1662. postea anno 1692. Elector Hannoveranus, qui obiit anno Christi 1698. ætatis suæ 69.

LXI. CAROLUS JOSEPHUS, Dux Lotharingus, Caroli Leopoldi, & Eleonoræ Mariæ Archiducis Austriæ filius, Olomucensis ab anno jam 1694. Episcopus, quadriennio post Osnaburgensis, tum Coadjutor A. 1710. & post paulo ab obitu Joannis Hugonis Archi-Episcopus Elector Trevirensis, Magnus pariter Ordinis

Moli.

Melitenfis Prior, Canonicorum Leodiensium, ac Tridentinorum Collegio adscriptus, vitam florentissimam posuit, annum agens quintum & trigessimum, variolis A. Christi 1715. die 4. Dec. Vindobonæ extinctus.

LXII. ERNESTUS AUGUSTUS, 17. Septembris A. 1674. Ernesto Electore mox nominato genitus, frater Georgii Ludovici Angliæ Regis, Dux Hannoveranus, postulatus anno 1716. decessit 1728.

LXIII. CLEMENS AUGUSTUS, Baviaræ Dux, 16. Aug. A. 1700. natus, ad Episcopatus Monasteriensis & Paderbornensis a. 1719. ad Electoratum Coloniensem a. 1723. ad Episcopatum Hildefinsum a. 1724. ad Præposituram Leodiensem a. 1725. ad Magnum denique Teutonici Ordinis Magisterium a. 1732. inter communes Patriarum plausus, ac vota multa decennalia evehebatur, visus tot augeri dignitatibus, quo plurimum amplificare felicitatem, & accumulare posset. E rebus humanis eripitur a. 1761. die 6. Febr. apud Emmum & Revmum Dominum D. Joannem Philippum, Trevirensis Archi-Episcopum, ad pedem arcis Ehrenbreitsteinianæ alieno in Palatio, qui varia, eaque superbissima ceu totidem munificentiae suæ testes, numerabat. Princeps fuit Religione magnus, clementia maximus.

LXIV. FRIDERICUS, Glocestræ Dux, die 16. Augusti a. 1763. natus, quem suum hodie Episcopum Osnabrugenses venerantur. Numus, monumenti causa in lucem editus, hanc refert posteris inscriptionem: *Annunte Georgio Tertio M. Brit. Fr. H. R. F. D. D. Brunsw. & Luneb. S. R. I. A. Tb. & Elect. Patre & Rege Opt. postulatus Episc. XXVII. Februarii MDCCLXIV.*

ACTA GESTAQVE CUM CÆREMONIIS, SERVATIS IN SYNODO MAJORI OSNABRUGENSI

XXVIII. MARTII, ANNO M. DC. XXVIII.

PRÆSIDENTE

Reverendissimo & Illustrissimo Principe ac Domino,

D. FRANCISCO GUILIELMO,

Dei & Apostolicæ Sedis gratia Episcopo Ecclesiæ Osnabrugensis,

Præposito Ratisbonensi, Comite de Wartenberg, Domino in Walde, &c.

Seria admodum est commonitio, & severa magni gentium Doctores Apostoli Pauli obtestatio: [a] *Attendite vobis & universo gregi, in quo vos Spiritus Sanctus posuit Episcopos, regere Ecclesiam Dei, quam acquisivit Sanguine suo.* Quam, ea qua oportuit consideratione, cum animo suo Reverendissimus atque Illustrissimus Princeps ac Dominus, D. FRANCISCUS GUILIELMUS Episcopus Osnabrugensis, Ratisbonensis Præpositus, Comes de Wartenberg, Dominus in Walde, &c. religiose supputans, muneris sui atque officii esse ratus est, crediti sibi a Deo gregis, commissarumque Ecclesiæ Osnabrugensis ovicularum, boni instar fideique Pastoris, non minori studio, quam caritate satagere: cumque non ignoraret, ex sacro Ezechielis Prophete oraculo, [b] consolidandum sibi, quod infirmum, sanandum, quod ægrotum, alligandum, quod contrafactum, reducendum, quod abiectum, requirendum, quod perditum, pervigilandum denique tan-

quam rationem pro animabus omnium Deo reddituro; omni animi contentione, viribusque in id incubuit.

Optimum itaque & maxime necessarium, ad persanandam gregis sui scabiem, ad conservandam Fidei veræ integritatem, sinceritatemque, ad profligandam hæresin, morborum omnium procreatricem, ad reformandos Cleri mores, defectusque corrigendos, ad dijudicandas lites, componendasque controversias, ad statum denique Ecclesiæ totius instaurandum, visum est remedium, Synodi convocatio: quod non duntaxat suo exemplo docuerunt Christi Domini nostri, Principis omnium Pastorum, & Episcopi animarum nostrarum Apostoli, Concilio primo Hierosolymis celebrato, quos deinde magno consensu ac fructu, gloriosi Ecclesiæ Præsides secuti sunt, sed sacri etiam Canones, & Oecumenicæ Synodi Tridentinæ Decreta præscripserunt: idque eo citius adhibendum esse duxit, quo majus in

more

(a) *Act. 20.* (b) *Ezech. 34.*
Tomus IX. Concilios. German.

mora periculum, & nocentior in morbis chronicis cunctatio, quoque vel negligentius, vel rarius in Diœcesi sua Synodos convocatas esse meminerat. Imitatus itaque communem Episcoporum consuetudinem, & secutus recens, Illustrissimi & Reverendissimi Antecessoris sui Cardinalis ZOLLERANI exemplum, inter ipsa inaugurationis suæ primordia, difficillimis licet, perturbatissimisque hujus Patriæ temporibus, Reverendissima & Illustrissima Sua Celsitudo, ad majorem DEI gloriam, Religionisque avitæ, & Fidei Catholicæ incrementum, ad Ordinis Ecclesiastici reformationem, Synodum non quidem ut hactenus consuetam, sed Generalem, qualis ab hominum memoria celebrata non fuit, indixit.

Eo consilio conscriptæ sunt de more, amandatæque per Diœcesin universam, atque adeo etiam ad alias Satrapias & loca, sub territoris aliorum Principum & Magnatum sita, literæ Episcopales, quibus omnes & singuli, jurisdictioni spirituali Episcopi Osnabrugensis, de jure aut consuetudine, quovis modo subiecti essent, ad Synodum evocabantur, quod eo faciendum fuit studiosius, quo Principes quidem A catholicis, atque ea propter, ad gubernationem hujus Ecclesiæ inhabiles, in celebrandis Synodis, in citandis Parochis sibi subditis negligentiores, quoque callidius aliqui, jurisdictionis sacræ jugum, vel Evangelicæ libertatis prætenas, vel alio quovis prætextu quæsito excutere conati sunt. Ad stabiliendam itaque jurisdictionem, juraque Ecclesiæ suæ, veteremque consuetudinem asserendam, Literæ eæ, quæ sequuntur, per Tabelliones Parochis, atque animarum Curatoribus, cæteroque Clero fide bona exhibitæ, atque acceptatæ, ad valvas etiam Ecclesiarum, passim in oppidis, pagisque affixæ sunt; quod idem in Cathedrali, Collegiata S. Joannis, Parochialibus S. MARIE Virginis, & S. Catharinæ Virginis Martyris Ecclesiis in Urbe Episcopali, cæterisque per Diœcesin Parochiis, solenni ritu observatum est, pauculis solum locis exceptis, ad quæ aditum, & publicam literarum propositionem, insinuationemque, vel aperta Hæresis professio, vel justus periculorum gravium metus, intercludebat.

LITERÆ EVOCATIONIS.

FRANCISCUS GUILIELMUS, DEI
Et Apostolicæ Sedis gratia S. Ecclesiæ Osnabrugensis Episcopus, Præpositus Ratisbonensis, Comes de Wårtenberg, Dominus in Walde, &c. Venerabilibus, Religiosis, Honorabilibus Nobis in Christo sincere dilectis atque devotis Ecclesiæ nostræ Cathedra-

lis, Præposito, Decano, Et Capitulo, Abbatibus Et Præpositis Regularibus, Commendatoribus, Præpositis, Decanis, Et Capitulis Collegiarum Ecclesiarum, Prioribus, Guardianis, Parochialium, Et aliarum Ecclesiarum Rectoribus, Pastoribus, Plebanis, eorum Vicariis, Capellanis, Clericis, Et Beneficiatis, Monasteriorum Sanctimonialium Abbatissis, Priorissis, Magistris, Matribus earum, deputatis Commissariis, seu Confessoris, aliisque Ecclesiasticis, tam Regularibus, quam Sacularibus quibuscunque, per Diœcesin nostram Osnaburgensem ubilibet constitutis, sive exemptis, sive in Diœcesi Et Provincia nostra Osnaburgensi constitutis, sive alias Ordinariæ, Et Diœcesanæ nostræ jurisdictioni subiectis, qui de antiquo jure, Et consuetudine Synodo Diœcesanæ interesse debent, Et tenentur, Salutem in Domino sempiternam.

Epis copalis Officii nostri ratio postulat, ut quanto gravioribus malis Et hæresibus laborantem Dei Ecclesiam conspiciamus, tanto majori studio, atque vigilantia in eam, quam ex alto Nobis traditam, Et commendatam suscepimus functionem incumbamus, ut gregi nostro credito, custodiam simul ac disciplinam adhibeamus, ne si nostra fortasse incuria pervire contingat, quod Christus Dominus noster in ara Crucis, pretioso Sanguine suo redimendum duxit, ipsius pretium ac sanguis de manu nostra requiratur, Et illud *Væ* sempiternum, quod apud Ezech. cap. 34. Dominus Pastoribus negligentibus comminatur, super Nos inducatur.

Hinc est, quod Nos per primum in nostram Diœcesin ingressum, animadversamque hujusmodi rerum omnium turbationem, de celebranda Diœcesana Synodo, in qua morum, Et disciplina Ecclesiastica reformatio institueretur, excessus corrigerentur, Et quantum per horum temporum difficultates fieri posset, hæreses, errores, ac schismata extirparentur, cogitaverimus. Quam quidem cogitationem nostram, Et Prædecessoris nostri sel. rec. Cardinalis ZOLLERANI illustre exemplum, qui simili modo in principio fere administrationis suæ inchoatæ, similem Synodum instituit, ac Decreta Synodalia promulgavit (quæ Et Nos in suo robore permittimus) Et redeuntis temporis istius, quo ex antiqua consuetudine Synodi in Ecclesia nostra Osnabrugensi celebrari solent, admonitio, ita promovit extitavitque, ut tantæ auctoritati ac stimulo, tum etiam sacris, antiquis

tiquis & novissimis Tridentini Concilii Canonibus & Decretis, contravenire, ab Officio nostro Pastoralis alienum duxerimus; sed necessarium omnino, ac valde utile judicaverimus, si non obstantibus etiam multis impedimentis, variisque hujus temporis incommoditatibus, quamprimum Diocesanam Synodum indiceremus, omnesque Status Ecclesiasticos Episcopatus nostri convocaremus.

Quare omnes & singulos, qui de jure vel consuetudine Synodo Diocesana interesse debent, auctoritate vestra Ordinaria, & vigore sacrosancti Concilii Tridentini, in hac parte Nobis concessa Apostolica, in Domino requirimus & hortamur, vobisque & cuilibet vestrum, sub penis & censuris, in dicto Concilio Tridentino, & alias contra contumaces in hoc casu a jure infligi solitis & consuetis, precipimus & mandamus, ut feria secunda, sequente Dominicam Oculi, quæ erit 27. mensis Martii hujus currentis Anni 1628. in Civitate nostra Osnabrugensi, ad dictam Synodum Diocesanam celebrandam, per vos ipsos, aut jussu & Canonice impediti, per legitimos vestros Procuratores, cum sufficienti mandato, post prandium hora quarta, in loco Capitulari consueto compareatis, & nostris ad id deputatis, nomina vestra aut absentium, mandata & excusationes in scripto exhibentis, ac deinde sequenti die 28. in Ecclesia nostra Cathedrali, mane ad pulsam majoris campanæ, in habitu & vestitu Choralis, uniuscujusque Dignitati, Ordini ac Statui congruo, conveniatis, sacro Missæ Officio celebrato, & Divino Numine invocato, una Nobiscum tractaturi, & conclusuri ea, quæ ad Dei Omnipotentis gloriam, & laudem Ecclesiæ Catholicæ, Diæcesisque nostræ Osnabrugensis incrementum, atque totius Cleri & populi mores & disciplinam instituendam, & promovendam, ad Hæresum quoque extirpationem necessaria & utilia videbuntur, certificantes omnes & singulos, qui a Nobis per præsens hoc Edictum vocati, ad Synodum venire neglexerint, vel recusarint, Nos nihilominus tam ad executionem eorum, quæ in Synodo statuentur, ipsorum absentia & contumacia minime obstante, quam ad supra comminatas penas, & censuras inmissibiliter processuros.

Volumus etiam, & ab omnibus Prælatiis, Parochiis, & Curatis requirimus, ut quamprimum hoc Edictum acceperint, singulis septimanis, usque ad finem Synodi, in suis Ecclesiis, sacrum Missæ Officium pro bono in præfata nostra Synodo tractandarum rerum eventu celebrari faciant, & procurent.

Omnes præterea Diæcesis nostræ subditos & fideles monemus, & per viscera misericordie Domini Dei nostri hortamur, ut omni studio Christianæ pietatis, & assiduus, religiosique precibus a Deo misericordiarum, & Patre totius consolationis, Nobis negotium tam salutare tractantibus, opem & auxilium implorent, quo adjuti, in hac Synodali tractatione, omnia consilia, sermones, & actiones nostras, in finem dirigamus, nempe in Christum Jesum, cui in omni sanctitate & justitia servire debemus. In cujus rei fidem, hoc Edictum manu nostra signatum, & sigillo munitum, publice proponi, & legitimæ executioni demandari volumus & jussimus. Datum in Arce nostra Episcopali Iburgensi 24. Februarii Anno 1628.

FRANCISCUS GUILIELMUS
EPISCOPUS OSNABRUGENSIS.

Locus Sigilli subimpressi.

Literis Evocatorii, hunc in modum legitima cum auctoritate promulgatis, palamque affixis, spes erat Clericos omnes, quorum intererat, tam obligationis suæ, quam promissionis memores, lubentes, volentes, parituros, agnituros Pastorem, audituros vocem, secuturos ductum. Nec expectatio ea fefellit: plerique enim omnes, præter paucos illos, quos vel invalerudo corporis, vel periculorum grassantium magnitudo, vel aliud justum impedimentum atinebat, Synodo se coram stiterunt.

Pridie enim ejus diei, quo celebranda erat Synodus, magno numero, in domo, quam vocant Capitulari, convenerunt, ubi coram Illustrissima Sua Celsitudine, Vicario in Spiritualibus, & aliis deputatis Commissariis recensita præsentium nomina, absentium vero causa, vel ex Collegarum relatione, vel aliunde cognita, aliæque commissiones examinatæ sunt.

Hora quinta usque ad sextam, Signo partim lætitiæ, partim auspiciandæ Synodi indice, omnes Templorum campanæ, ad horæ spatium, per urbem Osnabrugensem crepuerunt.

Die postero, qui erat 28. Martii, feria post Dominicam Oculi tertia, anni 1628. hora quarta matutina, in utraque Urbis Ecclesia Cathedrali S. Petri, & Collegiata S. Joannis, matutinarum Precum, & Horarum Officium, de more decantatum est, quod pari ritu excepit augustissimum Missæ Sacrificium, sub quo major ædis summæ campana, Synodi futuræ index, per medium horæ insonuit, quam communis, aliarum per Urbem

bem campanarum compulsatio subsecuta est, atque ad septimam usque horam tenuit.

Post septimam horam Reverendissimus & Illustrissimus Princeps & Episcopus, indutus habitu Episcopali, cappa & rocchetto, progressus est ex domo Residentiæ ad Templum processionaliter, præcedente Cruce cum duobus acolythis, Clero regulari ac secundario, tam intraneo, quam extraneo saculari, Pastoribus Civitatis, ac deputatis Collegiatarum Ecclesiarum, Monasteriorum, Collegio S. Joannis, Commendatore S. Georgii Ordinis Teutonicorum, Præposito Claholtano Ordinis Præmonstratensis, Abbate Iburgensi Ordinis S. Benedicti, deinde Capitulo Cathedralis Ecclesiæ, quos subsecutus est Subdiaconus in Dalmatica cum Cruce, & duo juniores Canonici Capituli majoris cum facibus immediate ante Illustrissimam Suam Celsitudinem, post quam Nobiles, alique de familia Illustrissimi & Status Provinciae processerunt.

Ingressæ in Templum I. S. C. per Admodum Reverendum & Prænobilem D. *Sixtum a Liauckema*, Præpositum Cathedralis Ecclesiæ Osnabrugensis, datum fuit aspergillum, quo sibi primum, deinde aliis ex Capitulo Cathedrali circumstantibus aquam lustralem asperxit. I. S. C. quæ postea procedens ad gradus primos Templi, quibus ad Chorum proceditur, transcendit ad primum Altare, quo Ss. Eucharistiæ Sacramentum exhibetur, in genua procumbens, adoravit viventem in sæcula, quod & cæteri omnes sunt imitati: ubi cum paululum orasset Illustrissimus, surgens ad Chorum & Thronum cum Baldachino in eo præparatum concessit, expectans donec Reverendissimus *Joannes*, Episcopus Cardicenfis, Suffraganeus Paderbornensis, sacrum Missæ Officium de Sancto Spiritu pro felici auspicio in Pontificalibus cantaturus ex Sacristia procederet, cum Diacono, Subdiacono, aliisque Ministris.

Interea Reverendissimus & Illustrissimus deposita cappa sumpsit Crucem pectoralem & pluviale, tres Canonici Capituli majoris DD. *Caspar de Nebem*, *Joannes Otto a Dorgeloe*, & *Benedictus a Galen*, tanquam ordinarii Capellani Episcopales servierunt I. S. C. in Sacro, pro Presbytero assistente, Diacono & Subdiacono præparati in paramentis, & eo modo, ut in Cæremoniali Episcoporum Romano.

Divino Officio solemniter finito, dum cantata fuit Antiphona *Exaudi*, cum aliis ut in Pontificali Romano; Rev. Cardicenfis Episcopus reinduit pluviale; subjunxitque ante Altare majus orationem: *Adsumus*, &c.

Post hæc Reverendissimus & Illustrissimus deposita pluviali, reassumpsit suam cappam Episcopalem, ac deinde instituta est circum Chorum processio, ut supra ad Capitularem Aulam majorem, ordinarium scilicet locum Synodalem, inter procedendum cantatus fuit Hymnus: *Veni Creator Spiritus*. Ad locum Synodalem ubi devotum, inceptæ sunt Litanie, ut in Pontificali, quibus finitis, Reverendissimus Episcopus Cardicenfis Synodum benedixit; & Orationem, seu Collectam subjunxit ante Altare ibidem ad hunc actum præparatum.

Quibus omnibus solemniter ritu completis, I. S. C. in Throno suo ad hoc in capite loci versus meridiem aptato; Reverendissimus vero Cardicenfis cum suis Ministris a parte dextra confedit; cæteri per ordinem, ac secundum dignitatem suam sunt collocati, vel superpelliceis, vel habitu choralibus, secundum uniuscujusque statum induti, interim Magister Cæremoniarum D. *Hippolytus Franciottus*, omnes sæculares, quorum non intererat, loco excedere iussit.

Ac primum quidem cum ordine suo singuli confederunt, I. S. C. ad se vocato Vicario suo in Spiritualibus Generali *Alberto Luccenio*, Protonotario Apostolico, &c. mandatum dedit interrogandi præsentem, an placeat eis inchoare Synodum, quod is fecit his conceptis verbis:

Reverendissimus in Christo Pater, ac Illustrissimus Princeps ac Dominus noster Episcopus Osnabrugensis, per me interrogat omnes & singulos Dominos Prælatos, & alios quoscunque ad hanc Synodum legitime vocatos, an ad Dei Omnipotentis laudem & gloriam, Ecclesiæ Catholice decorem, & Episcopatus Osnabrugensis incrementum, Synodus Diocesana Osnabrugensis, legitime indicta, convocata & congregata, eis aperienda videatur.

Cumque communiter & quasi una voce omnium responsum fuisset: *Placet*, I. S. C. Synodum aperiendam esse decrevit his verbis:

Christi nomine invocato: pronunciamus, & decernimus, Synodum Diocesanam Osnabrugensem, legitime a Nobis indictam, convocatam & congregatam aperiendam esse; prout eandem aperimus, apertamque esse declaramus. In nomine Patris, & Filii, & Spiritus Sancti, Amen.

Hoc responso accepto, idem Vicarius Episcopi Illustrissimam Celsitudinem Suam his verbis est allocutus:

Illustrissime, &c. in Synodis celebrandis, laudabilis est consuetudo, ut aliqui Viri Ecclesiastici

fasciis deputentur, qui procurent, ut omnia rite decenterque fiant; & totius Synodi Acta fideliter conscribantur. Quare Illustrissimam Celsitudinem Vestram, pro hujus Synodi congregata promotione, humillime rogo & requiro, ut viros aliquod idoneos, Promotores & Actuarios Synodi, publice deputare, & nominare dignetur.

Ad quæ Illustrissima Sua Celsitudo se resolvit, sequentibus verbis:

Eligimus, nominamus, & deputamus, ex Capitulo Ecclesiæ nostræ Cathedralis, Jodocum Fridericum Vincke, Canonicum, te Albertum Lucenium, Vicarium nostrum in Spiritibus Generalem, Jodocum ab Hoxar, LL. Licentiatum, Officiale pariter nostrum, in Promotores; in Actuarium vero Jodocum Uphaus, J. U. D. Canonicum & Cantorem Collegiæ Ecclesiæ Sancti Joannis, Civitatis nostræ Osnabrugensis.

Deputati vero Domini Promotores & Actuarius in mensa, quæ in medio ante Altare posita erat, confederunt, subinde I. S. C. Synodum est allocuta conceptis fere verbis: Venerabiles Sacerdotes, & Fratres charissimi, &c. ut in Pontificali.

Quo absoluto, primus Promotorum, Reverendus & Prænobilis Dominus Jodocus Fridericus Vincke, Synodum sequenti modo est affatus:

Reverendi, Nobiles, Venerabiles, Religiosi Viri ac Domini, Illustrissimus & Reverendissimus Princeps ac Dominus, D. FRANCISCUS GUILIELMUS, Episcopus Osnabrugensis, Dominus noster Clementissimus, sub pena excommunicationis; aut alia quavis arbitraria mandat, ac præcipit omnibus, & singulis, in Synodo Diocesana hic præsentibus, & ad eandem vocatis, ne aliquis absque Illustrissima & Reverendissima Celsitudine Sua licentia & consensu discedat, donec Synodus hæc debite finita, & cum benedictione dimissa fuerit.

Hoc mandato præmissis, per D. Vicarium Episcopi, reproductæ sunt literæ Citationis ad Synodum, cum adjuncta protestatione, eas sufficienter transmissas, & legitime intimatas; & per Diocesin, in diversis publicis locis affixas fuisse.

Ut vero de præsentium, & absentium distinctione constaret, demandatum fuit Notario communis, Curie Episcopalis Osnabrugensis Gerardo Brickwedde: ut omnium & singulorum nomina, antiquo more, alta voce pronunciaret, jussuque, ut qui persona-

liter adessent, suam præsentiam per verbum Adsum attestarentur, absentium vero nomina singulariter notarentur, quod & factum est.

Ubi vero compertum fuit nonnullos abesse, tertius Promotorum R. D. Officialis, hujusmodi absentiam, ac non comparentium contumaciam accusavit: atque in penas juris Canonici, ac Concilii Tridentini eos incidisse, declarari petiit, his fere verbis:

Illustrissime & Reverendissime Princeps ac Domine, D. Clementissime, cum ex recensito Catalogo apparent, quosdam ad hanc Diocesanam Synodum legitime citatos, & convocatos, qui de jure vel consuetudine, Synodo interesse teneantur, neque per se ipsos, neque per Procuratores comparere, neque emansionis, & absentiae suæ causas, & excusationes legitime misisse, sed contumaciter, & contra jactorum Canonum, & Concilii Tridentini Constitutiones emanasse; Ideo omnium & singulorum, non comparentium contumaciam accuso, & ab Illustrissima & Reverendissima Celsitudine Vestra, obnix peto, ut eos tanquam contumaces, in penas Canonicas incidisse declaret, ac nihilominus, horum absentia ac contumacia non obstante, ad ea in Synodo hac procedi decernat, quæ pro honore Dei, morum reformatione, ac disciplina Ecclesiastica necessaria videntur.

Ad hæc Illustrissima Sua Celsitudo sic fuit interlocuta:

Determinimus, ut non obstante contumacia, & absentia non comparentium, nihilominus in Synodo procedatur, tractetur, & determinetur, prout illud ad majorem Dei Gloriam, & Ecclesiæ utilitatem, expedire visum fuerit, penas vero Canonicas, in contumaces statutas, ad ulteriorem deliberationem pro hac vice suspendimus.

Subsecuta deinde est ex suggestu Concilio Synodalis, quam habuit Reverendus Pater Guilielmus Aschendorff, Societatis JESU Theologus, & Cathedralis Ecclesiæ Osnabrugensis Ecclesiastes, de vitiis præcedentibus temporibus enatis, & adhuc durantibus, deque optima correctionis, & reformationis ratione. Concio infra dabitur.

Absoluta Concione, primus Promotorum iterum Synodum his conceptis verbis est allocutus:

Illustrissimus & Reverendissimus Princeps ac Dominus, D. FRANCISCUS GUILIELMUS, Episcopus Osnabrugensis, quantum hujus Diocesis Osnabrugensis, & ejusdem Ord.

Ordinum, ac personarum conditio & qualitas, horumque temporum, in quibus versamur, difficultas ferre potuit, nova Statuta Synodalia, sacris Canonibus, & Concilio Tridentino conformia, confici & conscribi curavit, quorum Lectio nunc publice, ex pulpito alta & intelligibili voce fiet. Quare ex mandato Illustrissimæ Suae Celsitud. vos omnes hic præsentem in Domino adhortor, ut diligenter auscultetis, & si quid ulterius pro communi bono, & Ecclesiasticæ disciplinæ, ac libertatis conservatione proponendum esse existimetis, id cum debita moderatione ac reverentia, in medium proferatis, ut communi studio, omnia ad optimum Ecclesiæ statum dirigantur, ad laudem & gloriam omnipotentis Dei.

Hoc dicto Reverendus D. Conradus Bueren, Cathedralis Ecclesiæ Curatus, Reverendissimum & Illustrissimum Episcopum accessit, & flexis genibus novis Statutis Synodalibus ab Illustrissima Sua Celsitudine receptis, pulpitem ascendens, lectionem novorum Statutorum aggressus est.

Finito primo Capite Statutorum, statim ac Professionem Fidei ex Decreto Concilii Tridentini conceptam, tanquam veritatis regulam ac fundamentum pietatis, sanctorumque actionum felix initium, prædictus D. Bueren exorsus fuit, omnes simul ad Illustrissimæ Suae Celsitudinis exemplum, detectis capitibus, manibus junctis stantes, exceptam lectionem, devoto sunt affectu profecti; ad illa vero verba in fine: *Sic me DEUS adjuvet, &c.* omnes & singuli in genua prociderunt, excepta Illustrissima Sua Celsitudine, finita Professione fidei & præstito Juramento, omnes iterum surrexerunt, quos stantes Illustrissima Sua Celsitudo magno affectu, & publica contestatione est affata in fine subjungens: *Qui aliter senserit, anathema sit, qui aliter docuerit, anathema sit. Hæc est sola & vera Fides Catholica, extra quam nulla salus. Hanc solam omni diligentia doceamus. Hanc solam totis viribus defendemus. Hanc ad ultimum usque spiritum servabimus PP.* Quod omnes ad singula, acclamatione fausta, & communi indice voluntatis paratæ, per verbum *Placet* confirmaverunt. Omnibus postea confidentibus, per ordinem lectio Statutorum Synodaliū, ad horam duodecimam producta fuit.

Audito pulsu ad salutandam Virginem Deiparam, admonente Illustrissima Sua Celsitudine Salutatione Angelica peracta, per Vicarium suum in Spiritualibus, Sessionem hanc finiendam, & hora secunda post prandium, secundam iniciendam intimavit, decernens, ne quis sine licentia ejusdem Il-

lustrissimæ Suae Celsitudinis, vel discederet ex urbe, vel ad Synodi sessionem alteram non compareret, sub pœna excommunicationis, & sic Illustrissima Sua Celsitudo data prius per Reverendissimum Episcopum Cardicensem Benedictione solenni, ex loco recessit, Prælatos & Deputatos secum ad prandium deducens, reliquis omnibus ad sua dimissis.

POST MERIDIEM.

Hora prima iterum datum fuit signum majori campana in Ecclesiâ Cathedrali per horam, instante hora secunda Illustrissima Sua Celsitudo in sua cappâ Episcopali ad Ecclesiâ reversa, & totus Clerus iterum congregatus comparuit in Choro, ubi per Reverendissimum Episcopum Cardicensem, in Pontificalibus ante Altare constitutum, incepta fuit Antiphona *Propitius esto*, ut in Pontificali Romano, finito Evangelio & subjunctis orationibus, iterum cantatus fuit Hymnus: *Veni Creator, &c.* & cum processione ut mane, reversi sunt omnes ad locum Synodalem, ubi Reverendissimus Episcopus Cardicensis, subjunxit orationem de Spiritu Sancto.

His peractis omnes iterum suo ordine confederunt, & Curatus Cathedralis D. Conradus Bueren lectionem Statutorum, & continuationem ex suggestu resumpfit.

Ad Caput 17. Partis 2. ubi perventum, Examinatores ordinandorum in specie deputati sunt ab Illustrissima Sua Celsitudine & promulgati:

Admodum Reverendus & Prænobilis Dominus Sixtus a Liauckema, Præpositus Cathedralis Ecclesiæ Osnabrugensis.

Admodum Reverendus & Prænobilis Dominus Theodorus Morrien, Decanus Cathedralis Ecclesiæ Osnabrugensis.

Reverendus Dominus Albertus Luccenius, Proto-notarius Apostolicus, & Vicarius in Spiritualibus Generalis.

Reverendus Pater Nicolaus Altenbaufs, Prior Prædicatorum.

Reverendus Pater Theodorus Reinselt, Guardianus Franciscanorum de Observantia.

Reverendus Pater Joannes Altingh, Rector Collegii Societatis JESU.

Reverendus Pater Guilielmus Aschendorff, Societatis JESU, in Cathedrali Ecclesiastes.

Reverendus Pater Casparus Münsterus, Ordinis Carmelitarum, Sr. Theologiæ Doctor, & Pastor Parochialis Ecclesiæ B.

Mariae Virginis designatus.

Reverendus D. Conradus Bueren, Plebanus in Cathedrali Ecclesiâ.

Reve-

*Reverendus Dominus Ewaldus Marchius,
S. Theologiæ Licentiat.*

Hi omnes & singuli ordine acceperunt ad Sedem Illustrissimi Episcopi, & osculata dextra Suae Celsitudinis præstiterunt juramentum requisitum.

Ad Caput 18. Judices delegati Causarum Apostolicarum similiter nominati sunt:

*Admodum Reverendi & Prænobiles DD.
Præpositus & Decanus Cathedralis Ecclesiae supra positi.*

Item Reverendus D. Jodocus Hoxer, J. U. L. & Illustrissima Suae Celsitudinis Officialis.

Item Reverendus D. David Fabricius, Decanus Collegiatae Ecclesiae S. Joannis.

Item Reverendus D. Jodocus Uphaus, J. U. Doctor, Canonicus & Cantor dictae Ecclesiae Collegiatae S. Joannis.

Qui omnes & singuli, osculati dextram Illustrissimæ Suae Celsitudinis præstiterunt fidelitatis Juramentum.

Similiter etiam observatum est, ad Caput 19. in Cenfore librorum, qui declaratus fuit Rev. Pater Casparus Münsterus, Ordinis Carmelitarum, Ss. Theologiæ Doctör, & Pastor ad B. Virginem designatus, tunc absens in negotiis Illustrissimæ Suae Celsitudinis.

Post quæ Lector Statutorum perrexit, & ad Caput 20. de Pœnitentiario, commissum officium proclamavit Rev. P. F. Theodoro Reinfelt, Guardiano PP. de Observantia & Theologo, qui similiter, ut supra, præstitit obedientiam & juramentum.

Lectione Statutorum Synodaliū intergre finita, D. Vicarius in Spiritualibus, jussu Illustrissimæ Suae Celsitudinis in medium procedens, compellavit omnes & singulos: Num cuiquam placeret amplius proponere, quod ad hujus Synodi discussionem, decisionemque spectare possit.

Omnibus vero tacentibus, post aliquod intervallum, idem D. Vicarius subsequenter protestationem, contra absentes & contumaces, coram toto Synodali consensu, his verbis interposuit, versus Actuarium hujus Synodi deputatum D. Jodocum Uphaus, J. U. D. & Canonicum ac Cantorem S. Joannis Osnabrugensis.

Merito Illustrissimus & Reverendissimus Princeps & Episcopus Osnabrugensis, Dominus noster Clementissimus moleste ferre potuit quorundam, qui in Synodo Osnabrugensi, de jure vel consuetudine interesse tenentur, ac legitime vocati sunt, absentiam, ac contumaciam, quod propter horum temporum incuriam, in nonnullis depravatis in Religione opinionibus, ac detractioni obediētiæ Episcopalis, ac deinde notæ contumaciæ, in aliquibus etiam aliis respectibus, & considerationibus deputandum est. Ne vero per hujusmodi inobedientiam & contumaciam, aut alias per quemcumque respectum alium, de Episcopali auctoritate, ac Diocesana jurisdictione aliquid detrahi, aut aliis inde libertatis aut exemptionis alicujus prætextus, nunc aut post hac accidere posse videntur, nomine ac vice Illustrissimæ & Reverendissimæ Celsitudinis Suae, coram toto Synodali consensu; & nominatim coram re Actuario seu Notario, ad ejusdem Synodi scribenda deputato, solemniter protestamur, absentiam non comparentium Diocesanae Synodi jam celebratæ, & in posterum celebrandæ, aliisque competentibus Juribus Episcopolibus, in nullo præjudicare debere. Ut vero certa horum notitia, nunc & futuris temporibus habeatur, petimus hanc declarationem & protestationem, ad Acta hujus Synodi conscribi ac referri.

Post hanc protestationem Illustrissima Suae Celsitudo Vicario suo in Spiritualibus Synodum finiendam, & Decretum sequentis tenoris ex pulpito publice legendum injunxit.

CHRISTI NOMINE INVOCATO.

NOS FRANCISCUS GUILIELMUS,
Dei & Apostolicæ Sedis gratia, Episcopus Osnabrugensis, Præpositus Ratisbonensis, Comes de Wartenberg, Dominus de Walde, &c. Constitutionibus Synodalibus, in hac Synodo Osnabrugensi publice propositis, lectis, discussis, ac promulgatis, maturo consilio, & deliberatione, ac unanimi consensu pronunciamus, decernimus, ac declaramus, Synodum hanc in Dei nomine concludendam fore, & esse, prout eam ordinaria auctoritate nostra concludimus, mandantes, ut omnes & singuli, Constitutiones Synodi præfatæ, quantum per horum temporum difficultates fieri potest, ab omnibus inviolabiliter, præsertim quæ Catholica Fidei professionem, Sacramenta, Cereemonias, & totius Cleri secularis & Regularis vitam moresque concernunt, serventur, atque a Vicario, Officiali, nec non Ecclesiarum Prælati, Superioribus, & Officiariis nostris, pro ratione cujuslibet officii, executioni demandentur. Facultatem Nobis, & Successoribus nostris, ea omnia & singula declarandi, quatenus opus fuerit, reservantes in his scriptis.

H h h

Quo

Quo Decreto pronunciato, Vicarius Episcopi ex mandato Illustrissimæ Suæ Celsitudinis publice omnes & singulos interrogavit:

Admodum Reverendi, Nobiles, Magnifici, Venerabiles & Religiosi Viri. Illustrissimus & Reverendissimus Episcopus, & Præfatus Dominus noster Clementissimus, omnes & singulos per me interrogat, num vobis placeat, ut ad DEI Omnipotentis laudem, & gloriam, huc sacre Synodæ Episcopali Osnaburgensi finis imponatur.

Omnibus id communi voce Placere respondentibus, idem Vicarius Episcopi, Notarium Synodi subsequenter verbis requisivit:

Domine Notarie, nomine Illustrissimi & Reverendissimi Principis & Episcopi, Domini nostri Clementissimi, hujus Synodi Præsidentis, una cum Dominis Collegis deputatis Promotoribus, nomine etiam totius præfate Synodi, a te requiro & postulo, ut omnia & singula, in hac Synodo proposita, acta, tractata, decreta, & definita, diligenter, ac fideliter describas, unum vel plura, instrumentum vel instrumenta, ad petitionem eorundem, quorum interest, de iis omnibus conficias, & confecta tradas.

His actis, Illustrissima Sua Celsitudo nonnulla ad Synodum prolucata, ac DEO gratias agens, sequæ juxta ac suos pios conatus, precibus & piis votis præsentium commendans, Reverendissimo P. in Christo D. Joanni Pelkingio, Episcopo Cardicensi, Suffraganeo Paderbornensi annuit, ut is pro conclusione Synodi, & errorum deprecatione, ex Pontificali Romano, pro more legeret orationem: Nulla Domine, &c. Qua

finita, idem Reverendissimus D. Suffraganeus incepit Canticum *Tu Deum laudamus*, &c. accedente campanarum solenni compulsionem, & interim ex loco Synodali ordine processum fuit ad Chorum Templi Cathedralis, Cantico completo, subjuncta fuit generalis confessio, & solennis absolutio, promulgatisque Indulgentiis, & data solenni Benedictione Episcopali, Magister Cæremoniarum D. Hippolytus Franciottus ad Synodum conversus, alta voce cantavit: *Recedamus in pace.* Cui præsentibus responderunt: *In nomine Christi:* & sic finis impositus Synodali conventioni, recedentibus omnibus, qui venerant Dominis Prælati, & aliis plerisque ex Clero Illustrissimam Suam Celsitudinem deducantibus & comitantibus usque ad Residendiæ domum.

Et quia ego Judocus Uphaus, J. U. D. Comes Palatinus, Cantor & Canonicus Ecclesiæ Collegiæ S. Joannis Osnaburgensis, a supra memorato Reverendissimo & Illustrissimo Domino Præsidi in Aëtuarium deputatus, omnibus & singulis præinsertis actis & actatibus interfui, idcirco præscripta Acta Synodalia, in fidem eorundem, prævia debita requisitione, propria manu subscripsi. Acta sunt hæc Anno a partu Virgineo M. DC. XXVIII. Indictione duodecima, Pontificatus Sanctissimi Domini nostri, D. URBANI Papæ Octavi anno Sexto, diebus, mense, & loco quibus supra, præsentibus Venerabilibus & Doctiss. Dominis Hippolyto Franciotti & Petro Dawans, Reverendissimi & Illustrissimi Domini Episcopi Osnaburgensis Capellani Aulici, testibus fide dignis.

JUDOCUS UPHAUSS, J. U. D.
Comes Palatinus, Cantor & Canonicus D. Joannis subscripsit.

ORATIO SYNODALIS

Habita per Reverendum Patrem GUILIELMUM ASCHENDORFF Soc. JESU Theologum, & Cathedralis Ecclesiæ Osnaburgensis Ecclesiasten, in illud Ps. II. v. 12.

Apprehendite disciplinam, ne quando irascatur Dominus, & pereatis de via justa.

Reverendissime in Christo Episcopo, Illustrissime Princeps, Clementissime Domine, Admodum Reverendi, & Prænobiles Domini, Venerabiles Christi Sacerdotes, ceterique Clerici atque Auditores.

Vetusta admodum & celebris est in Ecclesia Dei, habendarum quotannis Synodorum consuetudo; quæ a nascentis Fidei

Christianæ exordiis, Apostolorum exemplo inolita, usu deinde recepta, Legibus & Constitutionibus Patrum (a) sancita, in universas

(a) Conc. Aurelian. V. c. 18. Tarracon. c. 7. & 8. cap. Singul. annis d. 18.

fas Orbis Christiani Provincias permanavit: id vero Synodorum hujusmodi, & sacrorum veluti Comitiorum consilium, ea causa fuit, ut in publica Cleri totius Congregatione, de bono communi, de cultu Divino, de sacris caeremoniis ac ritibus, de Religionis incremento, de vita & honestate Clericorum, de disciplina Ecclesiastica tuenda, asserendaque immunitate, communi consilio referretur, quidve statuendum in re quavis foret, Antistitis potissimum autoritate decerneretur. Quo quidem ex instituto cum tanta tam luculenta, in diffusum Ecclesiæ corpus, Ordinemque sacrum, utilitas derivata sit, quanta ab ipsis Hierosolymitani primi Concilii initiis orthodoxa Christi Ecclesiæ, magna nominis sui cum gloria, & militiæ Clericalis dignitate mansisse experta est: ea re faciendum sibi Sacrosancta & Oecumenica Tridentina Synodus censuit, ut antiquum hunc, indicende evocandæque quotannis Synodi morem, nova iterum Sanctione instauraret. (b) Unde mirum nemini videri debet, quod Reverendissimus & Illustrissimus Princeps ac Dominus, D. FRANCISCUS GUILJELMUS, Dei & Apostolicæ Sedis gratia Postularius & Confirmatus Episcopus & Princeps Osnabrugensis, Dominus noster Clementissimus, post solemnem suam inaugurationem pro muneris sui officii ratione, Diocesis hujus Clerum omnem, ad Synodum hanc exciverit: in qua celebranda providus Pastor, hoc potissimum spectat, ut si vel temporum calamitate, vel subreptione hæresum, vel hominum incuria, vel disciplinæ neglectu, vel alia quavis causa, casu abusive aliqui in Clerum, aut Ecclesiam irrepserint aut irruerint, quibus conspicuus ille & Illustrissimus Hierarchicæ dignitatis splendor obfoleaverit, ii paternam suam cura & providentia, vestra vero industria, studioque aboleantur, quo pristina illa status Ecclesiastici autoritas, nitori suo, claritæque vindicaretur. Hujus suæ voluntatis non tam interpreterem, quam præconem me esse voluit: quem ut de Disciplina Ecclesiastica, ejusque Reformatione, ad majorem Dei gloriam, & commissarum ovium utilitatem, ex proposito a me Themate differentem benevole atenteque audiat, obsecro quæsoque. Dicam perspicue & sine cujusquam convicio, ex Divinarum Literarum oraculis, PP. Sanctorum monumentis, ex Canonum & Conciliorum Decretis, & fideliter dicam, quid a Clerico quovis, Sacerdote potissimum, Deo, quid Præsidibus suis, ac Magistratui Ecclesiastico, quid proximo, quid sibi metipso denique præstandum, si tanto nomini & muneri respondere, si disciplinæ Ecclesiasti-

cæ cultor non segnis haberi velit. APPREHENDITE DISCIPLINAM. Chaldaeus interpretatur: *Percipite Doctrinam*. Pagninus, Vatabl. Jansen, Genebr. ex Hebræo vertunt: *Osculamini filium*. [Dei scilicet] q. d. Messiam Dei Filium osculo, obsequii & demissionis indice excipite, colite, religiose amplectiminor. Symmac. & Hiennii transferunt *προσκυνήσατε τὸν υἱὸν τοῦ Θεοῦ*. *Adorate patrem, vel castè, alii Armamini munditia*. Nonnulli *δεξιὰς δε τοῦ μαγδαλὸν* *subjicite vos disciplinæ, correctioni, reformationi*. Omnes hæ versiones, expositiones omnes, proposito meo mirifice congruunt: significant enim dandam esse operam nobis (qui in forem Domini vocati sumus, quibus funes ceciderunt in præclaris) ut Deum in puritate & continentia veneremur, ejusque Filium munditia velut panoplia spiritali instructi, revereamur, ut singulari eordis & carnis castimonia ei, cui initiati sumus, famulemur; ut animum & ingenium doctrina sacra, & Divina sapientia excolamus; ut Magistratui Ecclesiastico nobis Dei vice præstituto, disciplinam ac morum honestatem, urgenti atque imperanti, lubentes volentes obsecundemus. *Disciplina* igitur nomine, Pietas & Religio adversus Deum & res Divinas; subjectio & obsequia erga Præsules Ecclesiasticos; integritas & continentia vitæ in nosipsos, Doctrina postremo sana & integra cum morum vitæque honestate conjuncta, erga oves curæ nostræ commissas significatur. Hanc disciplinam serio apprehendendam, hanc vitorum expultricem, virtutum Matrem, Magistratam morum, gubernatricem vitæ, formatricem status, directricemque operum omnium amplectendam, diligendamque esse, Divinus Psalter, & vates Regius contestatur, ut *ne irascatur Dominus, ut ne, si extra disciplinam simus, adulteri simus, non filii*. (c) Hæc generatim oraculi Davidici mens est, hic Prophetæ sensus, quem nunc pensulati, eo quo exorsus sum filo, exequar. Prima & vere Principes Disciplinae Ecclesiasticæ pars est, Religio adversus Deum, *Timor enim Domini disciplina sapientiæ*, [d] nomine autem Religionis, accipio veram, germanamque pietatem, quam quod Deo, Divinoque cultui nos dedicer, ac consecrer, Devotionem interdum nuncupamus, alias Divini Numinis Reverentiam, quam finio constantem fixamque voluntatem, serviendi ac placendi supremæ Majestati: quæ justitiæ universæ cardo, ac salutis nostræ basis, casto timore carnes nostras ita configit, ut nihil æque metuamus, atque Dei vindicis legibus, & præceptis prævaricari: pia vero caritate ita viscera succendit, ut nihil æque desideremus,

(b) Sess. 24. Decret. de Reform. cap. 2.
Tome VIII. Concilior. German.

(c) Hebr. 12. v. 8.

(d) Prov. 15. v. 4.

mus, atque in tenerrimum immensæ bonitatis amorem effundi: Hujus prima appendix est, sedula quædam seriatimque Ecclesiasticarum functionum, rite decenterque administrandarum, sollicitudo ac cura pervigil, qua quisque in id incumbit, ut sacra officii sui munia, statim vicibus, solenni Majorum more diligenter obeat, ut incruentum Domini Corporis & Sanguinis Sacrificium offerat: ut verbum Dei pro concione graviter eruditeque quot-septimanis interpretetur, ut Matutinas vespertinasque preces, ex Concilio Tridentini descripto [e] & Ecclesiæ ritu decanter, quæque id genus cæremoniz sunt, peragat. Quo in genere nonnullorum foecordiam, cotidianis pæne querelis, & iusta postulatione pii fidelium animi non tam trahunt, quam incusant; Quid enim diurnum denarium accipis, si in Domini vinea recusas laborem? [f] quid vivis de altario, nisi altario servias? nescin, beneficium esse propter officium? & bovi non trituranti os iure obligari ignoras? Ad eandem Religionem pertinet, attenta Precum Ecclesiasticarum, & Horarum Canonicarum cotidiana recitatio, qua septies in die laudem dicamus Deo, [g] quam veluti sacrum quoddam pensum indies absolvendum, filiis suis Sacerdotibus & Clericis, adeo strictè imposuit, injunxitque Mater Ecclesia, ut omnes, quotquot, vel semel omiserint, culpæ lethalis, & peccati mortiferi reos peragat, aliisque præterea censuris devinctos, perceptorum ex beneficiis fructuum proflus damnet. Summulistæ omnes V. Horæ Canonice. (h) Et non probrosum solum, sed pudendum etiam est, hominem Ordinibus sacris initiatum, Ecclesiæ redditu, ac Christi patrimonio viventem, vanis, prophanis, levibus, ludicris, scædis ac spurcis audiendis, legendis, volvendis, totos sæpe dies, & solidas propemodum noctes conterere, Divinis vero laudibus recitandis, tantillum temporis, ad procurandam animæ suæ salutem demere, aut detrachere non posse. Ad idem pietatis caput spectat, ut quisque horum diligat decorem domus Dei, & locum habitationis gloriæ ejus. (i) Nihil intermitrat, quod ad tuenda ornandaque Tempia, & adyta sacra pertinet, ut serventur, facta testæ, ut consistat firmiturque fabrica, ut Aræ instaurentur & expoliantur, ut Beatorum Cœlitum imagines decore vestiantur, ne ara in haram, templum in horreum degeneret. Et tamen, quæ temporum nostrorum calamitas est, videre est alicubi,

magnificas illas, & tantis avorum impendiis, erectas, fundatasque ædium sacrarum moles, in ruinam inclinatæ, vix parietinis inniti suis; videre est, aras neglectas, incultas, deformatas: videre est, Divorum effigies situ ac squalore oblitæ, vix scissili cinctulo velatæ, naribus, auribus, manibus truncatæ, ut Iconoclastarum seculum rediisse videatur. Deploret sane B. Bernardus, (k) Clericos non in templis codices, sed in thalamis pellices ornare, plus nitere calcaria, quam altaria, &c. nec sine dolore & gemitu, versantur ob oculos aliquorum concubinae, & damnato procreati coitu liberi splendidius ornati, quam Sancti, meretrices cultiores, quam Divorum imagines, & quod dicera horror est, direpta e Sacris suppellectilibus sacra, instrumentoque Ecclesiastico, focaria stolatæ amiciuntur, & e pannis Christi, insolentium finguntur vestium novitates. Apprehendite disciplinam, &c. Ephod Davidicum & Theraphim in domo Idololatæ Michæ sunt. (l) Comedat vos zelus domus Dei, medemini qui potestis.

Alterum Disciplina Ecclesiasticæ caput est, demissa ac reverens erga Magistratum Superiorem obedientia, & promptitudo parendi. Est enim in Hierarchiæ Ecclesiasticæ militantis ordine, ad triumphantis illius imitationem atque similitudinem, series quædam dignitatum, & apte digestus graduum ordo; est *castrorum acies ordinata*, (m) ut quidam imperent, subint alii; atque ita summus ille Imperator Deus *imposuit homines super capita nostra*, (n) ut quemadmodum Angeli Angelis, cœli cœlis; sic etiam mortales mortalibus sint subiecti: *Alios enim dedit Apostolos, alios Evangelistas, alios Doctores, &c.* [o] ne quis Core in Moysen, ne quis Abiron in Aaronem sine præsentis exitio, & portentofo terræ hiatus contumaciter insurgeret. (p) Si quis igitur, quem Spiritus Sanctus posuit Episcopum regere Ecclesiam Dei, & attendere gregi Christi, quem acquisivit Sanguine suo, [q] si quis, inquam, facinoræ sibi imposuit, onerisque incumbētis gravitatem, si quis rationis illius, quam pro creditis sibi ovibus reddendam agnoscit, severam commonitionem, comminationemque expendens; collapsam alicubi disciplinam erigere, depravatosque mores, ad sacrorum Canonum, & Ecclesiasticarum legum normam exigere, si quis ex officio scandala de regno Dei colligere [r] & auferre admittatur, nemo oblectetur, nemo detrectet, alligaturam

(e) Sess. 24. de Refor. cap. 12.

(f) Matth. 20. v. 2. 1. Cor. 9.

(g) Psal. 118. v. 164.

(h) Petrus Binsfeldius Pastoral. p. 4. c. 8. Navar. Tract. de Orat. PIUS V. Bulla: Ex proximo. anno 1571.

(i) Psal. 25. v. 8.

(k) Ad Pastores in Synodo.

(l) Judic. 17. v. 5.

(m) Cant. 6. v. 3. & 9.

(n) Psal. 65. v. 12.

(o) 1. Cor. 12. v. 28. Ephes. 4. v. 11.

(p) Num. 16. v. 32.

(q) Act. 20. v. 28.

(r) Matth. 13. v. 41.

ram vulneris refugiat nemo: nemo quod muneris est, auferat: quod æquitatis, rigori nemo tribuat. *Apprehendite disciplinam, &c. obedite*, clamat Paulus, (s) *Præpositis vestris & subjacete eis: ipsi enim pervigilant, &c. Sulti enim est irridere disciplinam Patris sui, [t] & quæ dementia, quod furoris cacoethes est, nolle curare, & instar phrenetici impotenti in Medicum furore bacchari? Desperatæ perviciæ est, si homo semineis plagis confectus, & suo ipse in sanguine volutatus, oblatum, a bono Samarite, vel oleum, quod molliat, vel vinum, quod mordeat, admittere recuset. [u] Audite igitur increpationes, correctionem & disciplinam exofculetur, nemo cum corripitur, indignetur, nemo suam sibi turpitudinem ac deformitatem erugari doleat, quo vivida illa ac venusta Ecclesiastici corporis facies ac species, vel unius nævo obsoleta, hac velut interpolatione renitescat.*

Tertia Ecclesiastica disciplinæ pars est, ut si cum primis, quos Bonus ille Pastor, & Pastorum Princeps, per suos in terris Vicarios, pascendis ovibus suis, legitime præfecit, (x) ea omnia examussim præstiterit, quæ tanti muneris dignitas, atque amplitudo, quæ propria vocationis ratio, quod ovium pedo suo commissarum necessitas quod præstitum, ultronea sponione iusjurandum postulat. His explicandis ne ego immorer, velim ab omnibus C. 33. & 34. Ezech. Prophetæ accurate perlegi & attente expendi: interim duo quædam ad id necessaria esse video: scientiam, qua possit, & charitatem, qua velit proximo opitulari Scientiam quidem, quia dictum est: *Labia Sacerdotis custodiunt scientiam, & legem ex ore ejus, &c. (y) & sane ducem cecorum, lumen eorum, qui in tenebris sunt, eruditorem insipientium, Magistrum infantium habere oportet formam scientiæ & veritatis in lege, (z) nec quicquam perniciosius est ovibus, quam si Divinarum maxime rerum ignarum, aut, quod pejus foret, pravis, suspectisque, & ab Ecclesiæ sensu alienis opinionibus imbutum Parochum, sive Curionem nanciscantur, qui parvulis petentibus panem frangere, qui in sana doctrina exhortari, qui ignorantes docere, qui errantes instruere, qui contradicentes arguere, non possit. (a) Hæc præconum sacrorum raditas, hæc offensionum & scandalorum, hæc superflitionum, aliorumque infinitorum pene malorum autor ac parens est: hæc inscientia Parochos*

fuis risui, Hæreticis ludibrio, contemptui omnibus exponit: fieri enim vix potest, quin cujus vita ob ignorantiam contemnitur, ejus etiam prædicatio despiciatur. (b) Studeant igitur animarum Curatores scientiæ Sanctorum, dent operam sapientiæ illi, quæ desorsum, quæ suadibilis, quæ modesta, quæ pudica est. (c) Gerant in pectoris sui rationali veritatem & judicium, & necessariam tanto muneri cognitionem assiduo comparent lectionis & orationis labore: nec a Scholis trivialibus ad Ecclesiarum suggestus; a scamnis ad ambores; a primis secularium literarum rudimentis ad gravissimorum profundissimorumque Mysteriorum tractatum provolent, tum se apprimere eruditos, tum magnifice concionatos rati, si Phrasiologiam putida Rhapsodia concinnarint, aut ex gentico quoquam scriptore historiam Ethnicam, aut ex Poëta Fabulam pro concione recensuerint. *Erudimini, quæ non terram, sed animas, sed conscientias judicatis. (d) Apprehendite disciplinam, &c. Quoniam vero teste Apostolo: (e) Scientiæ ea, quæ amore Dei, proximique destituta ac casta est, inflat, idcirco scientiæ adjungenda est charitas, quæ edificat, ut nempe fidelis Pastor, summi Pastoris exemplo, (f) oves suas charitate prosequatur non ficta: quærat, quod perierit; reducat, quod abjectum est; consolidet, quod infirmum est; sanet, quod agrotum; alliget, quod contractum est: recte consulat dubitantibus, soletur morstos, ægris medeatur, sanos confirmet ac roboret, satagat gregis illius, qui non corruptilibus auro & argento, sed pretioso sanguine agni immaculati, in libertatem filiorum Dei assertus est, (g) illum insontem innoxiumque, illum lotum sicut gregem tonfarum, summi Pastoris tribunali sistat, persuasissimumque sibi habeat, sanguinem omnium sua iri manu requisitum.*

Reliquum est, ut exponam quo quemque pacto in semetipso disciplinam apprehendere conveniat: quod non tam meo sensu, quam Ss. Patrum, Conciliorumque, & Authorum gravissimorum, verbis & sententia brevissime factum eo; si tamen ante, solenni omnijure formula fuero protestatus, citra ullius injuriam, citra noxam me dicturum de vitiis, personis parsurum. Duplicem igitur, ab unoquoque Sacerdote ac Clerico, erga semetipsum disciplinam apprehendendam censeo: Internam, & Externam. Internam disciplinam apprehendit, qui animum suum continet a vitiis, & a flagitiis cohibet.

H h h 3

Quæ

(s) Hebr. 13. v. 17.

(t) Proverb. 15. v. 5.

(a) Luc. 10. v. 34.

(x) Joan. 10. v. 11. 1. Pet. 5. v. 4.

(y) Malach. 2. v. 7.

(z) Rom. 2. 19.

(a) Tit. 1. v. 9.

(b) Bern. ex Greg.

(c) Jacob. 3. v. 17.

(d) Psal. 2. v. 10.

(e) 1. Cor. 8. v. 1.

(f) Luca 15. v. 11.

(g) 1. Pet. 1. v. 18.

Qui non abit in consilio impiorum, & in via peccatorum non stat, cujus voluntas in lege Domini, (b) qui cordis munditiam diligit, & conscientia amar puritatem, qui nihil Deo exosum invisumque, animo permittit suo, qui vocationis suæ sanctæ, professionisque Ecclesiasticæ memor, tanquam Angelus Domini exercituum, abstinet ab omni inquinamento Carnis & Spiritus, (i) qui si aliquando casu, vel naturæ fragilitate, aut titubet, aut cadat, lapsum suum contritione seriat, & vera Pœnitentia, Confessioneque corrigit, atque emendat. Hanc disciplinam severe inculcat Conc. Trident. (k) ut nemo mortalis peccati sibi conficius, quantumvis contritus sibi videatur, ad Eucharistiam sumendam, vel offerendam accedat, nisi prius animi sordes, confessione Sacramentali eluerit, quo enim (exclamat Chrysoft. (l) solari radio, non oportet esse splendidiorem manum, Carnem hanc dividenter? Os, quod igni Spirituali repletur? Linguam, quæ tremendo nimis sanguine rubescit? Sane veteris aliquis Instrumenti Sacerdos, si inexpectatus, si illorut, si pollutus accederet, subita morte multabatur: (m) Legis novæ Sacerdos, ad verenda illa tremendaque Myſteria pro salute vivorum, mortuorumque offerenda, gravi crimine, & turpi scelere contaminatus impune accedat? Miseranda profecto est sacrilega illorum temeritas, qui spurcissimis ac fœdissimis peccatis, publica fidelium offensione, hebdomadas, menses, annos totos immerſi, cotidie Sacris operantur, pollutoque corpore, & animo inquinato, Divina illa Myſteria & sumere & dispensare non perhorrescunt: aut tum præclare suis se paribus sanctos esse arbitrantur; si ædituo ad pedem altaris generalem peccatorum Exhomologesin debilerent, vel e vicinia, Divini humanique imperitum juris Sacerdotem, eodem secum luto fordidatum accersant, qui mulus mulum scabat, qui insolanum æthiopem non dealbet, sed denigret, non solvat, sed liget, arctioribus censurarum plagis ac nodis irretitum, ut fiat filius gebenne duplo [n] quam ante & qui sordidus erat, adhuc sordescat. (o) Apprehendite disciplinam, &c. Lavamini, mundi estote, qui fertis vasa Domini, &c. (p) Sancti estote, quia Deus, cui servitis, Sanctus est. (q) Hæc de interna disciplina. Externam autem apprehendit, qui quicquid in familia, quicquid in vestibus, quicquid in mensarum luxu redundat, abcidit & amputat. Incipiam a mensarum luxu.

(r) Dedit olim salaris Pontificum cœna proverbio nomen, nunc Clericorum Bacchanalia, nunc prandia ad invidiam opipara, calumniandi ansam Hæreticis juxta ac Catholicis præbent: scimus sobriam, scimus frugalem esse debere Clericorum mensam, ut Conc. Antiochen. ut Trid. [s] etiam atque etiam præcipit, scimus esse dotes pauperum, patrimonium Christi, opes Clericorum; ut Bernard. inculcat; scimus edere nos peccata populi, non irritamenta luxuriæ, scimus non violentos, sed sobrios esse Sacerdotes oportere; scimus, hic frenum effreni gulæ esse injiciendum: interim suspectos nos faciunt cottidiana prope convivia, vita mollis & delicata, continuata noctes & dies symposia, in iisque tympanum, tibia & lyra, nec tamen hoc crimen multorum est paucorum profusio, infontes crudelitate infamat, alii quibus domi perpotandi nec facultas est, nec copia, tabernas frequentant & scurriles ineunt cauponas, atque in gurgustis cum rusticana fœce ac turba, inter ambubajarum consortia, cum collectis e trivio balatronibus, de vacuandis poculis concertantes, Lapitharum more, depugnant. *Apprehendite disciplinam, &c.* De vestibus periculiosior esset tractatio, nisi quid in habitu permissum, quid illicitum, Mantifcon. Constant. Vien. & Trident. (x) Concilium definisset. Derestantur Ss. Patres illos, qui non Clerici, sed sponsi; non Sacerdotes, sed proci sunt, qui comas calamistro, in æthiopicum prope cincinnum intorquent, qui variegata & virgata, diversicolorum vestium incisura farturaque, pavones referunt, non Clericos aut Presbyteros, qui plicata in manticis, extensa in pericis ornamenta ostentant: hic est nitor ille meretricius, histronicus ille habitus, quem mellissus Bernardus gemens delugit, qui sacris legibus, & gravi pœnarum interminatione castigatus, justam reprehensionem meretur, de quo in Decretalibus (u) & in Concilio Tridentino. Sane non ornatu, sed Clericalis habitus majestate, cultus modestia, moderato ac Religionis pleno amictu, Clericorum omnium vestes circumscriptis, concluditque: (x) ut, honestatem illam probet gestus, probet incessus, probet habitus, ne minus pallium ostendat Philosophum, quam tunica Canonicum aut Sacerdotem.

Postremum quod pertractandum est de Disciplina caput, est de familia Clericorum. Non omnes uno pede metior, sed juxta gradus, generis, officiique disparitatem, vel am-

(b) Psal. i. v. 1. & 2.

(i) Malach. 2. v. 7. & 2. Cor. 7. v. 1.

(k) Sess. 13. c. 7. & Canon 11. ibid.

(l) Hom. 83. in Evang. Matthæi.

(m) Lev. 22. v. 9.

(n) Matth. 23. v. 15.

(o) Apoc. 22. v. 11.

(p) Isai. i. v. 6.

(q) Levit. 19. v. 2.

(r) Langecrucius lib. 3. c. 9. & 10.

(s) Sess. 24. c. 1. ex causa 12. q. 2.

(t) Sess. 14. c. 6.

(u) Decr. tit. 1.

(x) Trid. de Reformatione Sess. 22. c. 1. Langecruc. lib. 2. c. 2. 3. 4.

amplius indulgendum scio, vel minus novi permittendum. Non quorū jam equorum phaleras, canum millos, servorum examina, pompam sæcularem: queritur de iis Bernardus ferm. ad Pastores in Synodo: Permisit sibi multum in hoc genere Clericalis nobilitas, Principum suorum, Præfulumque vel dissimulatione excusata, vel munita exemplo. Enimvero si alterutrum ferendum est, ut vel superflua alatur familia vel inhonesta, tolerabilius profecto est, opes Ecclesiæ in dignam generosā indole recreationem, quam in propudiosā voluptatem, & meretricios amores impendi: Invenias etiam nonnullos, qui status sui immemores, obliiti jurisjurandi, & sæderis, quod cum Deo, de perpetua vitæ continentia pepigerunt, foveant domi suæ focarias, alant spurcas lupas, ac lenas pudicitiaē prostitutrices suæ, expugnatrices alienæ, quas uxorum & conjugum, non tantum loco habeant, sed nomine etiam dignentur: Hæc in proptulo sunt, quæ vero in occulto sunt ab ipsis, turpe est & dicere, [z] O lamentabilem Ecclesiæ sortem. O miseram conditionem Sponsæ Christi, quæ talibus credita paranympsis, tam probrosa impudicitia incestatur! *Apprehendite disciplinam, &c.* Filii Heli, Sacerdotes Dei, confuecunt cum mulieribus, ne conniveat indulgens Pater, fracta alias cervice pœnas luiturus, [a] perstringit id genus hominum, quos inaudito in puriore Ecclesiæ nunc passim pervulgato nomine, Concubinarios vocat, integro volumine Pindanus, [b] & alii, qui allatis infelicibus & ominosis exitibus, conantur a facinore deterere, & insautam occidunt Catastrophes pudendæ tragediam, vix tamen paucis persuadent, ut personam ponant, an interim aures illis non tinniant, si contorta in se sanctorum Dei virorum fulmina non bruta, sed bimuga audiant: clamat Propheta Oseas: [c] *Quia Spiritus fornicationis in medio Sacerdotum, quia genuerunt filios alienos, ruent in iniquitate sua, deperabit eos ensis, erunt in desolationem, effundam super eos quasi aquam, indignationem meam, &c.* Clamat S. Bernard. [d] Fornicatores audent agni immaculati, sacras contingere carnes, & intingere in sanguine Salvatoris manus nefarias, quibus paulo ante carnes meretricis attraxerant, &c. Clamat Trident. (e) indignissimum esse Clericos in impudicitiaē sordibus, immundoque concu-

binatu, communi omnium fidelium offensione, summoque Clericalis militiae dedecore versari, jubet severis in illos penis animadvertere, privari fructibus & proventibus, ferire suspensione & excommunicatione, carcere, inhabilitate, aliisque suppliciis petulantem procaciam cohibere, & tamen, &c. Ite, ite in vindicias, ite in ultionem Præsules Ecclesiarum, Dei cum potestate Ministri; [f] sat jam ignominiosa illa labes nomini Ecclesiastico, & dignitati sancti Status, cum dedecore sempiterno inusta, adversariorum in nos stilos dentesque exacuit, sat exercuit libidinem calumniandi effrenatam, satis magnam Ecclesiæ stragem dedit crebra turpionum horum ab Ecclesiâ defectio, in Ecclesiam data offensio: sat hactenus Superiores connixerunt, dissimulare porro per leges, per conscientiam non licet. *Apprehendite disciplinam, &c.*

Atque hæc sunt, quæ ad disciplinam Ecclesiasticam pertinent, quæ indigent Reformatione, in quibus si quidpiam delictum erratumve sit, apprehendenda est disciplina, incipiendum a timore Domini, & parturiendus est Spiritus salutis, conciliandus per seriam penitudinem errorum, & detestationem criminum Deus, mos gerendus Reverendissimo atque Illustrissimo Episcopo & Principi nostro, audiendi sunt morum nostrorum, vitæque inspectores, restituenta in integrum status Ecclesiastici dignitas, amputandas luxus omnis & effusa in libertatem protervia, vel formidine pœnæ, ut virtutis amore coercenda, ut vere simus *lux mundi, sal terræ*, (g) decus Ecclesiæ, ornamentum Religionis. Sustinuit hactenus culpas nostras magna patientia, magno miraculo Deus, & protensam in vindictam ac verbera manum suspendit; sed verendum omnino est, ut tarditatem pœnæ, supplicii gravitate compenser. (b) Miserationi sumus amicis: probro, hostibus: immortalibus ingrati, mortalibus graves. Insurgebant in nos non ita pridem, undique seditiones ac bella, impendebat cervicibus nostris barcaricus ensis, extremam nobis perniciem sectarii machinabantur, jam spe devorarent possessiones nostras, jam bona, jam capita subhastarant, jam ferro, ignique in fana, in templa, in adyta desæviebant, jam fidas suas jugulis nostris intenterant, jam ebulliente in internectionem nostram sanguine, dextras suas cruore nostro imbuiere gestiebant, & ne Divinus ille Custos, qui nec dormitat, nec dormit, pro nobis excubisset, submisso nobis vindice & assertore omnia jam flammæ tule-

(y) Jerem. 5. v. 8.

(z) Ephes. 5. v. 12.

(a) 1. Reg. 2. v. 22.

(b) Spec. Concul. Rebuff. de Concord. Gall.

(c) Cap. 5.

(d) De gradibus humilitatis.

(e) Sess. 25. de Refor. c. 14.

(f) Lange crucis lib. 6. c. 25.

(g) Matth. 5. cap.

(b) S. Hieronym.

tulerant, inimicas, & hauserat ensis. Corrigendi mores, emendanda vira, eluenda peccata, & vestis delinquentiæ maculis obsoletata fletibus expurganda est, commune incendium, peccatorum nostrorum fomite excitatum, pœnitentiæ lachrymis, quasi inundatione quadam sopiendum est & restinguendum, castis precibus propitiandum est Numen, irati Dei vultui obijciendus est uni-

genitus ejus Filius, in Crucem pro nobis actus, Caro illius innocentissima, clavis trajecta, vulneribus sauciata, & suo perpersa Sanguine in Sacrificio incruento offerenda, ut eo spectaculo, quasi salutaris Iridis conspectu mitigatus Pater, temporariam a nobis profliget penam, & ultionem avertat sempiternam.

D I X I.

DECRETA & CONSTITUTIONES,
IN SYNODO MAJORI PROMULGATÆ,
Præsidente Reverendissimo & Illustrissimo Principe ac Domino,
D. FRANCISCO GUILIELMO, S. Osnabrugensis Ecclesiæ
Episcopo.

INDEX CAPITUM,
Quæ quatuor illis Decretorum Synodaliū Partibus continentur.

CAPITA PRIMÆ PARTIS.

- I. De Religione & Fide Catholica, ejusque Professione.
- II. Forma Professionis Fidei Catholicæ.
- III. Professio Fidei a quibus facienda sit?
- IV. De Lektionē sacra & verbi Divini prædicatione.
- V. De Doctrina Christiana, Catechesi, & Scholis.
- VI. De Seminariis.
- VII. De Cultu Divino, Officiis & Ceremoniis Ecclesiasticis.
- VIII. De Templorum ornatu, & cultu sacramentorum Imaginum & Reliquiarum.
- IX. De Indulgentiis & Purgatorio.
- X. De dierum Festorum, Esurialium, & Ferialium observatione.
- XI. De Libris prohibitis.
- XII. De Sacramentis in genere.
- XIII. De Baptismo.
- XIV. De Sacramento Confirmationis.
- XV. De Sacramento Eucharistiæ.
- XVI. De Sacrificio Missæ, & celebratione Missarum.
- XVII. De Sacramento Pœnitentiæ, & Casibus reservatis.
- XVIII. De Sacramento Extremæ Unctionis.
- XIX. De Sacramento Ordinis.
- XX. De Sponsalibus & Sacramento Matrimonii.

CAPITA SECUNDÆ PARTIS.

- I. De vita & honestate Clericorum.
- II. De Concubinato.
- III. De Simonia.
- IV. De Usuris.
- V. De Beneficiis, eorum Collationibus, seu Jure Patronatus, Institutionibus, Re-signationibus & Permutationibus.
- VI. De Residentia Clericorum.
- VII. De Prælati & Canonicis Ecclesiæ Cathedralis, & Collegiatarum.
- VIII. De Archi-Diaconis.
- IX. De Decanis Ruralibus.
- X. De Parochis & Curatis.
- XI. De Testamentis Clericorum.
- XII. De Ecclesiis, Capellis, Oratoriis, Altaribus, Hospitalibus, Sodalitatibus, seu Fraternitatibus & aliis piis locis.
- XIII. De rebus Ecclesiæ conservandis & non alienandis.
- XIV. De Provisoriis Templorum & Fabricæ.
- XV. De Immunitate Ecclesiastica.
- XVI. De Archivio Episcopali.
- XVII. De Examinatoribus.
- XVIII. Judices delegatos causarum Apostolicarum nominamus.
- XIX. De Censore librorum.
- XX. De Pœnitentiario.

CAPIT

CAPITA TERTIÆ PARTIS.

I. De Regularibus & personis religiosis.

II. De Sanctimonialibus.

III. De Sanctimonialium Superioribus, Visitatoribus, ac Confessariis.

CAPUT QUARTÆ PARTIS.

UNICUM. De Jurisdictione & Judicio Ecclesiastico.

CONSTITUTIONUM,

ET

DECRETORUM SYNODALIIUM

DIOECESIS OSNABRUGENSIS

PARS PRIMA.

CAPUT I.

De Religione & Fide Catholica, ejusque Professione.

§. I.

Quandoquidem exulceratissimo hoc Sæculo, & hæreseon feracissimo, tam variaz atque dissectæ in Religione sunt opiniones, ut vel maxime locus sit antiquæ illi B. Hilarii ad Constantinum querimoniz, qua deplorat, tot esse fides, quot voluntates, tot doctrinas, quot mores; dum aut ita fides scribuntur, ut volumus, aut ita, ut volumus, intelliguntur; Merito in hanc curam præ cæteris hi incumbere debent, quibus ex Pastoralis officio, cura animarum est commissa; ne ii, quibus sunt præpositi, in fide aberrant, aut in pietate, & sanctæ Religionis zelo inte-pescant; verum ardore ejus, magis quotidie inflammantur, errantes vero, & hæretica labe infecti, ad Dominici gregis unionem revocentur, ac verbo Dei sanentur & confirmantur.

II. Omnium certe virtutum, (a) actionum bonarum, & meritum bas, fundamentum, ipsiusque justificationis prima radix & origo vera est Fides, ut, dicente Apostolo (b), impossibile sit sine Fide placere Deo, dum, ut idem alibi asserit, (c) corde creditur ad justitiam, ore autem confessio fit ad

salutem, adeo ut præclare majores consueverint actiones suas, præsertim (d) Conciliares & Synodales, si de Fide, moribusque agendum esset, a Fidei protestatione, ac professione ordiri, quam etiam demum Ss. Conc. Trid. (e) actionibus omnibus Synodalibus, aliisque gravioris momenti negotiis, præmittendam censuit, ut esset tanquam scutum (f) inexpugnabile, contra omnes hæreticorum assultus, ac fundamentum firmum inconcussumque, contra quod portæ (g) inferi prævalere non possent.

III. Quare cum dictum Concil. a Prædecessoribus recol. mem. JOHANNES AB HOYA, & ITELIO FRIDERICO Cardinale ZOLLERANO promulgatum, receptumque fuerit, placet quoque ab hac libera apertaque Fidei Catholicæ professione præsentem inchoare Synodum, eamque in ipso statim limine propositam, variis novatorum confessionibus seu confusionibus opponere, volentes & mandantes omnibus & singulis nostris fidelibus subditis, Ecclesiasticis ac sæcularibus Civibus, Officiariis ac incolis Civitatis & Diœcesis nostræ Osnabrugensis utriusque

(a) Rom. 5. Conc. Trid. Sess. 6. c. 8.

(b) D. Paul. ad Heb. 11.

(c) Rom. 10. v. 10.

(d) Conc. Nicæn. Conc. Rom. sub Julio I. Conc. Hipponen. in princ. Conc. Constant. 6. act. 17. Conc. Magunt. c. 1. can. Ante viginti, cum seqq. De Consecr. dist. 4. c. 1. De Summa Trinit. &c

(e) Conc. Trid. Sess. 3. & Sess. 25. cap. 2. de Reform. Cogit temporum.

(f) Ephes. 6. c. 11. 9. 3. Qui resistit.

(g) Matth. 16. v. 18.

que status & sexus, ut hanc Fidei, veritatisque regulam teneant, nec omnivento doctrinæ se jactari aut circumferri patiantur.

IV. Quinam vero ex Clero, subditis nostris & Officiis, ac jurisdictioni nostræ subiectis, quoque tempore ac loco hanc Professionem expressam, edere debeant, *Cap. 3.* describetur.

V. Formula autem Fidei in Concilio Trid. sapientissime concepta, quam ex sacræ Apostolicæ auctoritatis præscripto usurpari ab omnibus & singulis volumus, sic se habet.

CAPUT II.

Forma Professionis Fidei Catholicæ.

EGO N. N. firma Fide credo, & profiteor omnia & singula, quæ continentur in Symbolo Fidei, quo Sancta Romana Ecclesia utitur, videlicet:

Credo in unum Deum, Patrem Omnipotentem, &c.

CAPUT III.

Professio Fidei, a quibus facienda sit?

§. I.

OMnes in Cathedrali nostra Ecclesia, vel alia quavis Collegiata, per Civitatem & Diocesim nostram, ad Dignitates, Archidiaconatus, Personatus, Canonicatus & Beneficia, tam curata, quam non curata, & officia publica admittendi, fidei Catholicæ professionem præmittant. (b)

II. Idem faciant Monasteriorum & Regularium Ordinum Prælati, & Superiores, antequam suis officiis fungantur; & eorum subditi, cum curæ animarum, aliisve functionibus publicis, ut audiendis confessionibus, aut concionibus habendis destinabuntur.

III. Item omnes nostri Officiati, Consilarii, Drossari, Secretarii, Goe-gravii, Judices, Quæstores, Advocati, Procuratores, Scribæ quorumcun-

que Judiciorum, Ludimagistri, Aeditui seu Custodes, Vogreti, & alii ad similia officia quæcunque assumendi.

IV. Item Consules, Scabini, ac quicunque de Magistratu ac Curia, & in officiis publicis Civitatum, oppidorum ac communitatum sunt. Similiter Medici, Chirurghi, Typographi, Bibliopolæ, qui etiam præter Fidei professionem juramentum præstabunt, de non invehendis, imprimendis, & compingendis in Diocesi nostra ullis libris prohibitis, de quibus nostram voluntatem inf. *Cap. 11. §. 3.* penitus intelligent expressam.

V. Quicunque ex hæresi Ecclesiæ Catholicæ reconciliari voluerint, cum hæresis abjurata, publicam Fidei professionem facient, nisi ex causis differendum cum aliquo videatur. (i)

VI. Facienda autem erit Fidei professio solenni modo, publice in Templo, vel loco Capitulari, aut saltem honestiori aliquo conclavi, posito super Altari, vel mensa, imagine Sanctissimi Crucifixi, Missali, vel libro Evangeliorum aperto, cereis duobus accensis, testibus aliquot præsentibus. Recipiens Professionem Fidei, sit indutus superpelliceo, & stola, in sede collocatus, legentem Professionem diligenter audiat, aut si is legere non possit, ipsi distincte prælegat: factam vero Fidei professionem cum anno, die & nomine emittentis, ac testium in particulari libro notet, qui modus in singulis receptionibus servabitur, nisi aliter per Nos, vel Vicarium nostrum in Spiritualibus Generalem ex causis fuerit concessum.

VII. Et quidem provisi de Dignitatibus, quarum Confirmatio ad Nos spectat, ac Beneficiis curatis, coram Nobis, aut Vicario nostro profitebuntur; de aliis vero Dignitatibus, Canonicatibus, Vicariis vel Officiis, siue sint Sacerdotes, siue alii, qui Officia vel Vicarias obtinent, in Ecclesia Cathedrali, vel Collegiata Civitatis ac Diocesis nostræ Osnabrugensis, propositam Fidem in

(b) Conc. Trid. Sess. 24. c. 12. de Reform. & Sess. 25. c. 2. de Reform.

(i) C. Si qui, verb. Ante omnia. c. seq. & c. Si quis Episc. 1. q. 7. c. Ad abolendam. De Hæreticis.

in manibus Decani & Capituli, Ecclesiæ, cujus est Canonici, Officium vel Vicaria, præfente Capitulo, vel ejus potiore parte profitebuntur, antequam fiat provisio, aut ipsis, vel aliis eorum legitimis Procuratoribus tradatur possessio, quæ alioquin deneganda erit. Absentes, vel alio modo impediti, qui per Procuratorem Professionem fidei, in provisione, vel possessionis capione fecerint, ad Residentiam, vel fructuum perceptionem ante ne admittantur, quam ipsi personaliter hanc Fidei professionem emisierint.

VIII. Cæteri Clerici ac Regulares in manibus suorum Superiorum, Officiati vero nostri coram Nobis, aut Vicario nostro in Spiritualibus, Laici vero inferioris ordinis coram suis Parochis, aut aliis a Nobis designandis, hanc Fidei professionem facient.

IX. Illud vero, facta Fidei professione, omnibus diligentissime curandum erit, ut Fidem, quam lingua loquitur, etiam moribus vita fateatur, nec in promittentibus divortium oris & operis damnabiliter inveniatur.

CAPUT IV.

De Lectione sacra & verbi Divini prædicatione.

§. I.

ELECTUM Fidei donum per gratiam Spiritus Sancti infusum, mente jam comprehensum, & professione publica contestatum, non solum elicitis frequenter actibus augendum, sed administrandis etiam piis fulciendum, & sanctis pietatis Christianæ, legisque Ecclesiasticæ exercitationibus, Deo ad gloriam, proximo ad ædificationem, sibi ad salutem meritumque auctius, cuique exornandum est. Ad quod plurimum prodest, lectionibus sacris, quæ de rebus Divinis, controversiis fidei, questionibus morum, & casibus conscientiarum, vel in Scholis publicis, vel in Monasteriis, vel aliis Clericorum Collegiis habentur, attente auscultare, atque eapropter vehementer optamus, hor-

tamurque omnes tam Collegiorum nostrorum, quam Monasteriorum Antistites atque Prælatos, ut Theologiæ moralis Scholas vel habeant ipsi in Monasteriis & Collegiis suis, vel subditos suos ad lectiones Theologicas proponendas (k) in Scholis a Nobis, in Urbe nostra Osnabrugensi, propitio Deo, erigendis mittant, eos præsertim, quibus curæ Pastoralis munus aliquando demandandum est.

II. Fides porro infantibus in sacro Baptismo infunditur, adultis vero per auditum Dei verbum, ut asserit Apostolus, donatur: quocirca sanctum Dei verbum, quanta fieri potest diligentia ac sedulitate, prædicari debet ab iis, qui ad illud promulgandum legitime vocati ac missi sunt, cujusmodi sunt Parochialium Ecclesiarum Pastores, alique animarum Curatores, quos non solum doctrina sacra, & rerum Theologicarum cognitione instructos, sed moribus honestos & graves, vita integros, infamia liberos esse volumus, (l) qui veluti lucernæ ardentes & lucentes, populum verbo erudire, exemplo ædificare possint ac debeant. Dabunt itaque operam, ut sint potentes opere & sermone, faciant & doceant, ut vitam cum verbis, mores cum doctrina consentiant. Arduum hoc concionandi munus nemo suscipiat aut exerceat, nisi qui præmissis examine, a Nobis fuerit, aut a Vicario nostro, Examinatoribus ad id constitutis approbatus.

III. Il vero, qui ex Regularibus, ac Religiosis Ordinibus, ad functionem hanc deliguntur, legitime a suis Præfatis examinari & approbari debent, sive in Ecclesiis sui Ordinis, sive aliis concionentur: (m) & ne sic quidem prædicare verbum Dei præsumant, nisi petita atque impetrata a Nobis Episcopali benedictione atque licentia. Qui secus faxint, eos excommunicationis vinculo ligamus, & excommunicatos publice declarari jubemus, aliis etiam gravioribus pœnis, in eos per Nos, vel Vicarium nostrum irrogatis; plurimum enim refert scire, quis ille, qualisque sit,

(k) Conc. Trid. Sess. 5. c. 5. de Ref.

(l) Conc. Trid. Sess. 5. c. 2. & Sess. 24. c. 4. de Ref.

(m) d. Sess. 5. c. 2. de Refor. c. Excommunicamus. §. Quia vero. De Hæret.

fit, qui Sæculo hoc infinitis Sæctis turbato, oves Christi Sanguine redemptas, Divini verbi pabulo reficiat.

IV. Pro concione ad populum dicent singulis per annum Dominicis, Festisque diebus, ⁽ⁿ⁾ atque alias etiam in Quadragesima pro Diœcesis hujus more: dicent vero modeste & graviter ac cum auctoritate. Et si quidem Scripturæ testimonia producenda sint, editione vulgata utantur, sacrasque Literas non ex suo sensu, sed Ecclesiæ sanctæ (quæ columna & firmamentum veritatis est) sententia, & Patrum sanctorum doctrina interpretentur. ^(o) Nemo aniles fabulas, nemo scommata, sales ac jocos, nemo incertas atque apocryphas historias, aut suspecta jure miracula pro suggestu recenseat.

V. Nemo publice Magistratum, seu Ecclesiasticum, seu Civilem carpat, perstringatque, aut aperte quempiam ita objurget, ut intento quasi digito eum monstret, parcat personis, dicat de vitiis; multo vero maxime caveat, ne in ullam religiosam familiam, aut statum Ecclesiasticum invehatur, a mutuis etiam æmulationibus, contentionibus, & moribus abstineant, ne ab invicem consumantur, & Parochianis suis pariant ob diffensiones scandala. Si quis vero habeat adversus aliquem querelam, ad Nos, aut Vicarium referat. Qui in legem hanc deliquerit, a concionandi munere submovebitur, pœnisque a Nobis infligendis subjacebit.

VI. Hæreticorum libros nemo Concionator sine expressa, eaque in scriptis obtenta, & Nobis exhibita, Sedis Apostolicæ facultate legat, ^(p) argumenta vero eorundem, quæ plus semper ostentationis, & vani in vulgus plausus, quam soliditatis, eruditionis vel ædificationis habent, operose ne enucleet, sed ad captum populi, ad stabiliendam veram Fidem, ubi opus erit, nervose refellat.

VII. Materiam Auditoribus suis aptam Concionatores sumant, abster-

reant eos a vitiis omnibus, præsertim a blasphemis, juramentis, convitiis, detractionibus, mendaciis, ebrietate, &c. Cohortentur vero serio atque impense, ut Magistratui utrique pareant, præcepta Dei, & leges, caeremoniasque Ecclesiæ, nec non Concilii Tridentini Decreta, & laudabiles Diœcesis hujus consuetudines accurate observent, sacro Missæ Officio, non Dominicis duntaxat, Festisque diebus (ad quod sub reatu peccati lethalis obstricti sunt) sed aliis etiam solennitatibus, concionibus & catechesibus, usque ad finem constanter & decenter interfint.

VIII. Potissimum vero elaborent, ut populo religiosam Pœnitentiæ Sacramentalis, & Eucharistiæ frequentationem commendent. Sub finem concionis pias ad Deum preces, pro omni hominum genere, præsertim vero pro Magistratu, pro salute communi, pro pace & tranquillitate publica, pro vivis & mortuis fundant. Dies etiam Festos ac solennes, stata jejunia, supplicationes & processiones ita promulgent, ut simul indicent, quando, quo modo, & sine solennitates hujusmodi sint institutæ.

CAPUT V.

De Doctrina Christiana, Catechesi, & Scholis.

§. I.

Aproba puerorum atque adolescentum informatione, non privata tantum familiarum paucarum, sed publica etiam & communis Reip. totius salus, atque Ecclesiæ integritas dependet. Quamobrem necessarium plane est, ut omnes a teneris, atque ab adolescentia portent jugum Domini, in pietate & bonis moribus, ac literis instituantur, ut una cum pietate ac Religione, honestas conjuncta ab incunabilis imbibatur. Quocirca Parochi omnes tradendæ Christianæ doctrinæ, & explicandi Catechismi studium sibi habeant cordi, ac curæ, ^(q) cogitentque

⁽ⁿ⁾ Conc. Trid. dd. locis.

^(o) Conc. Trid. Sess. 4. in Decr. De edit. & usu sac. libr. 1. Tim. 3. v. 15. 1. Tim. 4. 2. Tim. 2. Ad Tit. 3.

^(p) Ex Indic. libr. prohibitorum & Bulla Confr. PII IV.

^(q) Conc. Trid. Sess. 24. c. 4. de Reform.

que se tanquam bonos optimi Patrisfamilias Ministros, multo diligentiores operam, spargendæ in novali Domini agro, Catholicæ Religionis fementi impendere velle, quam inimicus homo in superfeminandis zizaniis, (quæ evelli deinde ægerrime queant) collocet.

II. Singulis itaque diebus Dominicis, atque etiam, si opus est, Festis, elementa Religionis Catholicæ juxta methodum Catechismi Romani, perspicue explanent pueris, (r) Parochi, Plebani, Vice-Curati, vel per se, vel per alios, ad functionem hanc idoneos, tempore pomeridiano sub horam duodecimam, vel primam, idque in oppidis, & pagis observari jubemus: atque ut rudis pueritia, ad piam hanc exercitationem animeretur, affluatque copiosius, lingua vernacula, per breves & concisas quaestiunculas, suaviter atque humaniter Fidei rudimenta, hoc est, ea, quæ ad Fidem, Spem, Charitatem, Sacramenta, & Officia Justitiæ Christianæ pertinent, continenturque Oratione Dominica, Salutatione Angelica, præceptis Dei & Ecclesiæ, virtutum studio, vitiorum fuga exponant, diligentioribusque munuscula donent, vel aliena liberalitate conquesta, vel aliunde comparata.

III. Enimvero si contingat in pagis, vel ob hyemis asperitatem, & æris intemperiem, vel ob nimiam Parochianorum ab Ecclesia distantiam, aliæ de causa, a Nobis, aut Vicario nostro approbanda, quot septimanis pueros convenire non posse ad Catechismi audientiam, habeatur saltem bis singulis mensibus, aut si ne id quidem fieri possit, Parochus singulis Dominicis, ac præterea per sacros Adventus Domini & Quadragesimæ dies de Mysteriis & articulis Christianæ Fidei, in concione per mediam horam differat. Invitet porro & alliciat etiam juvenes ac seniores ad Catechismum audiendum, cum illi sæpenumero magis, quam pueri indigeant instructione: Parentes vero propositis etiam pœnis admoneat, ut liberos suos ad doctrinam Christianam mittant. Nec ullum ad Euchari-

stiam percipiendam, ineundumve Matrimonium admittat, nisi doctrinam Christianam obeat, & Catechismum calleat. Quod vero plurimum pietissimum hoc opus Magistratus sæcularis industria, attentioque promoveat, idcirco ei præcipimus, ut eo tempore, quo Catechismus habetur, omnia tripudia & choreas, lusus & spectacula, comotationes & levitates silere jubeat.

IV. Modus tradendæ hujus disciplinæ, jam dudum in Catechismo Colonienfi germanice edito, præscriptus est, quem observari ab omnibus volumus, qui in eo consistit, ut pueri, pia æmulatione excitati, præcipientem in preces Catechistam sequantur, deinde ipsi inter sese interrogent ac respondeant, explicationem postea audiant, & repetant. Hoc officium, qui prætermiserint, serio a Nobis, aut Vicario nostro punientur.

V. Magni etiam momenti est, ut pueri, puellæque non in templis solum religiose, sed in Scholis etiam recte erudiantur: tenera enim hæc ætas prona in malum, nisi navis instar secundo flumine defluentis retineatur, in vitia dilabitur, atque ea re ex Ecclesiastici monito erudienda, & curvanda est, ut stultitiam dorso ejus alligatam, virga disciplinæ fuget. (s). Magna itaque cura adhibenda est, ut in singulis Diœcesis nostræ Civitatibus, oppidis, pagis frequentioribus sint, aut erigantur, vel conserventur Scholæ, pro sexus utriusque pueris, Latinæ vel Germanicæ, deinde ut Scholis illis præficiantur cum præcitu nostro Præceptores Catholici, pii, eruditi, bene morati, ac tales, ut ad eorum vitam ac mores, tanquam ad normam puorum vita ac mores exigi componique possint; qui commissos sibi discipulos, sedulo ac studiose doceant, non tantum bonas literas, sed etiam pietatem. Mandamus vero hujusmodi Ludimoderatoribus, ut discipulis suis, sive Latine discant sive Germanice, Catechismum minorem P. Petri Canisii ediscendum dent, Christianis eos moribus imbuant, doceant verecundiam,

Iii 3

mo-

(r) Conc. Trid. Sess. 24. c. 4. de Reform.

(s) Prov. 22. v. 15.

modestiam, pietatem erga Deum & Parentes, erga Magistratum reverentiam & observantiam; Libros hæreticos, obscænos, curiosos, ipsi non solum non proponant aut explicant, sed pueris etiam subducant, ne blandum incautis virus instilletur. Sicubi autem pueri & puellæ Scholam unam frequentent, hæ ab illis sejungendæ erunt, ne quid indecens committatur. Atque ut hæc omnia, pro rei hujus gravitate fiant, sincerius præcipimus iis omnibus, ad quos Scholarum cura atque proviso, in loco quævis de jure vel consuetudine spectant, ut ad hæc attendant, Magistros, Scholas, pueros frequenter visitent, dentque operam, ut nihil in iis contra Religionem Catholicam, castam pietatem, bonosque mores peccetur.

CAPUT VI.

De Seminariis.

§. I.

UT porro tam Divini verbi prædicatio atque institutio puerorum, quam alia Ecclesiastica munia per idoneos, & tam gravi functioni aptos homines obeantur & administrentur, utiliter admodum sanxit Sacrosancta Tridentina Synodus, (§) ut in præcipuis Episcopatum urbibus, constituantur Seminaria, e quibus optimi quique, ad curandam animarum salutem deligantur, cui sanctioni, uti & cæteris ordinationibus, cum lubentes volentes pareamus, incumbemus sedulo in eam curam, ut difficillimis licet temporibus, in Urbe nostra Osnabrugensi, Seminarium, quam fieri potest, citissime erigatur, & constituatur, e quo idoneos in vinea Domini laboratores petere, & procurandis sacris muneribus præficere possimus. Quod cum non utile solum, sed necessarium etiam sit, ad Religionem Catholicam stabiliendam proferendamque, ad Paracias curæ nostræ ac fidei commissas recte gubernandas, ad subditorum nostrorum instructionem atque ædificationem, hortamur omnes in Domino, ut conatus hosce nostros liberalitate sua atque omni ope promoveant; quo suppetant regioni

jam albæ ad messem operarii, nec desint, qui parvulis petentibus panem frangant, data in tempore tritici spiritalis mensura.

II. Præter mediâ autem erigendi Seminarium a Ss. Concilio Trid. præscripta, congruum judicamus, ut Clerici quicunque pro qualitate suorum Beneficiorum, & ratione temporis, quo Ecclesiæ bonis gavisi sunt, ad pi-um hoc opus, in testamentis suis, ultimisque voluntatibus, Nobiscum debite concurrant, nec ullus testamentum condât, in quo Seminarii nostri liberaliter non meminerit.

CAPUT VII.

De Cultu Divino, Officiis, & Cæremoniis Ecclesiasticis.

§. I.

Religio, cujus prima quasi radix est Fides, non solum insita debet esse animo, sed in externos etiam pietatis actus prodire, qui actus varii admodum sunt, Eliciti, Imperati, Interni, Externi, Publici, Privati: Nos de pluribus ad disciplinam Ecclesiasticam pertinentibus, quo pacto exercendi sint, a Clericis potissimum Divino cultui iniatis, nonnullos præscribemus.

II. Officia itaque Divina omnia, eo, quo debent, tempore, modo & methodo, pie ac graviter peragantur: Et cum Breviaria, Missaliaque propria Diocesis nostræ olim edita, vix amplius vel non nisi cum defectu aliquo, & minus authentica supersint, & exinde multi, tempore nostri Prædecessoris Romanum Breviarium, & Missale assumpserint, ex quo magna confusio, & discrepantia consecuta est; ideo uniformitatem in Ecclesiam nostram inducere volentes, mandamus, ut omnes Clerici, Canonici, Pastores & Ecclesiæ Ministri, sibi de Romanis prospiciant intra Pascha, & Nativitatem Christi, ritumque Romanum per omnia servant; quoad Ecclesiam vero nostram Cathedralē, cum Capitulo nostro, de modo & tempore Romanum illa in Ecclesia introducendi, ma-
ture

(§) Sess. 23. c. 18. de Reform.

ture deliberabimus; Procurabimus etiam, ut libri ad hunc Romanum usum necessarii, in Civitate nostra Osnabrugensi commode haberi possint.

III. Nemo novos sibi ritus fingat, introducat, aut usurpet; sed in Ecclesia omnia moderata, conformia, & consona sint. Cursorius ille ac concitatus legendi, cantandique abusus omnino exul; omnia maturitatem, gravitatem, pietatem, religionem, ac reverentiam erga Deum redoleant.

IV. Et quia domum Dei decet sanctitudo, nemo in Ecclesia in conspectu Domini garriat, nugetur, obambulet, circumspiciat curiose, aut aliud quippiam loci sanctitate indignum tractet, quod cum Laicis etiam vetitum sit, multo maxime Clericis interdictum est; qui ubi aqua benedicta se ad ingressum asperferint, ac Sacram Eucharistiam cernui salutarint, conferre se ad locum suum modeste debent, cetero qui ad Nos a Prælatibus Ecclesiarum deferantur, & quotidianis distributionibus priventur.

V. Aquæ lustralis, nec non cinerum, herbarum, palmarum, aliorumque fructuum, definitis temporibus, ac certis diebus, in Ecclesia benedici solitorum, usum legitimum ac rectum probent ipsi, & aliis commendent; & quoniam cæremonias hujusmodi sanctiones hæretici, vel ex ignorantia contemnunt, vel ex malicia derident, ipsi tueantur, mysteriaque, quæ in his latent, vim adversus antiqui hostis insidias, & sciant ipsi, & aliis, ubi opus fuerit, ad confutandos hæreticorum errores, ex probatis auctoribus explicent.

VI. Eadem prorsus ratione, non solum adversus A catholicos defendere, sed ipsimet etiam visitare debent Processiones, seu publicas totius Ecclesiæ, seu peculiare suæ Diocesis, seu statas, seu ex occasione indictas, quoties ex instituantur; Noverint vero omnes in hujusmodi Processionibus, quæ prælata cruce, aut vexillo, bono ordine, viris in unum, feminis in alium cœtum distributis debent fieri, abstinere

dum prorsus esse a fabulis, risibus, nugis, levitatibus, discursibus, curiositatibus, computationibus, præbendumque Laicis esse modestiæ & pietatis exemplum, si qui vero symposiorum aut nundinationum quarumcunque abusus irrepperint, eos abrogent Parochi, aliive, ad quos munus hoc pertinet.

CAPUT VIII.

De Templorum Ornatu, & cultu sacrarum Imaginum & Reliquiarum.

§. I.

PRÆTER externum illum decorem domus Dei, & ornatum, quo templa debent esse conspicua, religiose etiam asservantur Sanctorum Reliquiæ & Lipsana, nec non Christi Domini, ac Sanctorum Imagines, (u) quæ uti a Jovinianistis & Iconoclastis vehementer impugnatae sunt, ita a Catholicis omnibus acriter, ac gloriose propugnatae. Etenim cum sacra illa membra, atque ossa viva quondam fuerint, Spiritus Sancti domicilia, atque templa, ad quorum vel contactum, vel intuitum, vel cultum, maxima Deus edidit prodigia, quod utriusque Testamenti exemplis perspicuum est, plane convenit, ut a fidelibus Christi populis honeste condantur, pretiosisque loculis pie conserventur, ad illorum honorem, & gloriam Dei, cujus Sancti nimis honorificati sunt. Si itaque vel ad populi devotionem excitandam, vel ad Deum per intercessionem Sanctorum suorum, & exhibitionem sacrorum pignorum, placandum, Reliquiæ hujusmodi, aut præter consuetudinem, aut pro more ostendendæ sint, jubemus, ut non a Laicis, sed a Clericis, solenni cum apparatu, accenso lumine, reverenterque, ac sine quæstu omni fiat. Ostendantur vero Reliquiæ sinceræ, non falsæ pro veris, non incertæ & dubiæ, pro certis ac probatis, non incognitæ pro cognitæ, sine superstitione omni, impostura, & abusu: quocirca opus erit, singulis schedam aliquam, e qua dignoscantur,

(u) Conc. Trid. Sess. 25. De invoc. venerat. & Reliq. Ss.

cantur, apponere, sicubi vero nova vel ederentur, vel edi putarentur miraculâ, ad quâ magnus fieret populi concursus, (x) id Prælati, vel Parochi Nobis illico significant, ut mature dijudicetur, quid sentiendum, ne credulum vulgus vel capiat superstitio- ne, vel commentitiis miraculis fasci- netur.

II. Statuimus insuper, ne sacræ Reliquiæ, sine expressâ nostrâ licentiâ in scriptis obtemperata extrahantur, donen- tur, aut extra Diocesin nostram expor- tentur, sub pœna excommunicationis latæ sententiæ.

III. Christi Salvatoris, Deiparæ Virginis, & Sanctorum statuarum atque imagines, non in Templis solum, sed in privatis etiam Oratoriis, Sacellis, aris & agris retinendæ, decore vestiendæ, ornandæque, & verò etiam hono- randæ sunt, eo quod effigies sint suorum prototyporum, quibus etiam honor recte deferatur. (y) Sunt etiam hujusmodi statuarum atque imagines, atque aliæ historiæ sacræ vel pictæ, vel sculp- tæ indoctrinæ plebis veluti libri, in quibus Redemptionis nostræ mysteria le- gunt, ac recolunt, quarum & conspectu pietatem hauriunt atque confirmant, ad imitationem denique excitantur. (z) Unde convenit, decenti eas cultu ornare, ut Deus laudetur in Sanctis suis, quos licet sectarii probris atque convitiis incessant, Catholica tamen Ecclesia semper venerata est, non la- trix, sed longe dispari dulci cultu, non ignara, honorem servo habitum in Dominum redundare, fasque esse homini honorare illum, quem Deus ipse honorat.

IV. Ne qua tamen novis Iconoma- chis calumniandi ansa præbeatur, caven- dum omnino est, ne in Ecclesiis scul- pantur, pinganturve statuarum vel imagi- nes Sanctorum, qui ab Ecclesia & pro- batis historiis, non habent auctorita- tem. Cavendum præterea, ne falsæ ve- ris in hujusmodi imaginibus miscean- tur, aut profanum quid ac fabulosum inferatur. Multo maxime attendendum est, ne turpes, incompolitæ, ex gen-

tilium scriptorum libris petitiæ, aliæ- ve profanæ imagines, sculpturæ, pi- cturæ in domo Dei videantur.

V. Volumus etiam, ut imagines ac statuarum deformes, fractæ, vetustate consumptæ vel corrosæ, aliisque de cau- sis indecentes e Templis removean- tur.

VI. Mandamus præterea Pastori- bus, & aliis quibuscunque Ecclesiarum Rectoribus, ut nullæ posthac imagines, statuarum, epitaphia, altaria in Ecclesiis & locis Ecclesiasticis ponantur, nec quic- quam aliud figatur, constituatur, mu- tetur, nisi nostræ, aut nostri in Spi- ritualibus Vicarii approbatio præcesse- rit: nec Pastores, multo vero minus Aeditui aut Provisores, cuiquam in Cho- ro sedem vel stationem certam conce- dant. Quæ vero hætenus a quibus- dam in Ecclesiis positæ fuerunt sedes ampliores, quæ prospectum ad sum- mum Altare impediunt, aut aliis ob- staculo sunt, maxime vero, quæ prope Altaria collocatæ sunt, directione Vica- rii nostri & cura Pastorum ad debitam moderationem redigantur.

CAPUT IX.

De Indulgentiis & Purgatorio.

§. I.

Quemadmodum fortiori nunquam ariete petita, quassataque est Ec- clesia, quam eo, quem primo quæstuosi Indulgentiarum præcones ad- ornarunt, postea vero iniqui lucri & gloriæ competitores, & voraciter a Re- ligione apostatæ, Quinti Evangelii ver- bicines ei admovent: ita contentio- ne omni, & armatura Fidei obfistendum est.

II. Condonationes illæ, quæ ab ipso exordio nascentis Ecclesiæ, exem- plo Sancti Pauli, cæterorumque Eccle- siæ Præsidum dispensatæ sunt, caute ac circumspicte ex potestate clavium, dataque solvendi ac ligandi facultate & potestate defendantur.

III. Ad tollendos etiam errores, pro suggestu demonstrandum est, In- dulgentias omnes, in meritis (a) Passio- nis,

(x) d. Decr. Sess. 25.
(z) d. c. Perlatum.

(y) Conc. Nic. 2. & Trid. d. loco c. Perlatum, De Consec. d. 3.
(a) Matth. 16. v. 19. & 18. v. 8. Joan. 20. v. 21. & 22.

nis, ac Sanguinis Christi fundari, qui ex copioso & inexhausto satisfactionis suæ thesauro, Ecclesiæ suæ, ejusque Præsidibus, reliquerit instructissimum eleemosynarum spiritualium sacrum ærarium, e quo parce, ac prudenter, pro inopum indigentia, & dispensatoris auctoritate, debiti alieni nomina, & inexsolutæ peccatorum poenæ solvi possint (solvere enim Dispensatores Mysteriorum Dei possunt ex mandato Divino, quidquid ligatum est, sive culpa illud sit, sive poena) accedente præsertim Sanctorum Dei amicorum, quasi collatitia (deprompta tamen ex meritis Christi) liberalitate.

IV. Præcipimus etiam, ne ullæ Indulgentiæ publicæ per Diocesim nostram ab ullo seu Regulari, seu non Regulari, sine nostra scientia & approbatione proclamentur, ne qua incautis Catholicis ad superstitionem, vel Hæreticis ad iniquam calumniam occasio detur, cum illi interdum e taxo suaveolentiam, hi ex flore virus hauriant. Si vero Jubilæum publicum, aut aliæ communes vel privatæ Ecclesiarum, Ordinumque Indulgentiæ denuncientur, earum se compotes faciant Christiani fideles.

V. Indulgentiarum sacrarum usum frequentem, si non induxit, consuluit tamen purgatorius, seu piacularis ignis, in quo inexpiatæ a poenis temporalibus animæ detinentur, donec Apostolo (b) docente, detrimentum passæ salvæ fiant per ignem. Prævit in hoc misericordiæ opere exemplo Laicis omnibus Judas Machabæus, (c) qui ex communi veræ Ecclesiæ consensu, sanctam, & salubrem esse censuit cogitationem pro defunctis exorare, ut a peccatis solvantur. Eapropter præcipimus, ut annuæ, vel aliis definitæ temporibus ac diebus, defunctorum piorum memoriæ, oblatione Sacrificiorum, eleemosynarum ab ipsis constitutionum largitione, aliisque piis operibus, ex Ecclesiæ cujusque consuetudine receptis, & a Nobis probatis, pie, integreque peragantur. Pro Hæ-

reticis vero, & infantibus in prima innocentia defunctis, suffragia hujusmodi ne fiant, cum nec hi indigeant, nec illis prosint.

VI. Quia vero ii, qui in pœnis Purgatorii detinentur, unius nobiscum corporis membra, fratres, & amici nostri, ope nostra & suffragiis maxime indigent, idcirco mandamus, ut diebus singulis sub vesperum, quando ad Salutationem Angelicam signum datum, ad Ecclesiæ nostræ Metropolitane exemplum, alia campana in singulis Ecclesiis detur signum, quo audito, omnes ex Christiana misericordia pro Defunctis, pie ac diligenter Deum divitem in misericordia orent.

CAPUT X.

De dierum Fæstorum, æsurialium, & Ferialium observatione.

§. I.

EXoleverunt jam in Christianismo fasti & nefasti gentilium dies; vanæ, & profanæ annorum, mensium, & dierum observationes, ex Genethliacorum disciplina, Apostolica sententia damnatæ sunt; Fæstos vero dies, vel Dei ipsiusmet jussu, (d) vel auctoritate Ecclesiæ, aut legitimi Magistratus institutos religiose celebrandos esse, exemplo nos suo optimus Magister noster, Encœnia visitans, (e) docuit. In nova etiam lege dies Christo Salvatore, ejusque Matri, & Angelis, nec non aliis Sanctis dicati, solenni ritu observandi sunt. Obeant itaque omnes & servant Fæstos dies, quos vel universus Christianus orbis, vel Diœcesis nostra, ex antiqua consuetudine, vel pia Prædecessorum nostrorum Constitutione, ad celebrandas Dei & Sanctorum laudes, sacros habet, de quibus ut constet omnibus, eorum numerum per menses distributum hic subungere placuit.

FESTA MOBILIA.

Dominica Paschæ cum duabus sequentibus.

Ascen-

(b) 1. Corint. 3. v. 14. 15.

(c) 2. Machab. 12. v. 43.

(d) Gal. 4. v. 16.

(e) Joan. 10. v. 22.

Tomus IX. Concilior. German.

Ascensio Christi.
Dominica Pentecostes cum duabus sequentibus.
Corporis Christi.

FESTA IMMOBILIA.

In Januario.

- Die 1. Circumcisio Domini.
6. Epiphania Domini.
25. Conversio S. Pauli.

In Februario.

- Die 2. Purificatio Beatissimæ Virginis.
24. vel anno Bissextili 25. S. Mattheæ.

In Martio.

- Die 25. Annunciatio Beatif. Virginis.

In Majo.

- Die 1. Philippi & Jacobi Apostolorum.

In Junio.

- Die 24. S. Joannis Baptistæ.
29. Ss. Petri & Pauli Principum Apostolorum.

In Julio.

- Die 2. Visitatio B. Virginis MARIE.
22. S. Mariæ Magdalene.
25. S. Jacobi Apostoli.

In Augusto.

- Die 10. S. Laurentii Mart.
15. Assumptio Beatif. Virginis.
24. S. Bartholomæi Apostoli.

In Septembri.

- Die 8. Nativitas Beatif. Virginis.
21. S. Matthei Apostoli.
29. S. Michaëlis Archangeli.

In Octobri.

Prima Dominica post Festum S. Michaëlis celebratur Festum S. Angeli Custodis.

- Die 28. Ss. Simonis & Judæ Apostolorum.

In Novembri.

- Die 1. Omnium Sanctorum.
2. Animarum ante meridiem.
11. S. Martini Episcopi & Conf.
21. Præsentatio Beatif. Virginis.
25. S. Catharinæ V. & M.
30. S. Andree Apostoli.

In Decembri.

- Die 8. Conceptio Beatif. Virginis.
21. S. Thomæ Apostoli.
25. Nativitatis Christi.
26. S. Stephani Protomart.
27. S. Joannis Apostoli.

II. Festis hisce diebus omnes officinas suas ac tabernas claudant, nemo negotietur, aut mundetur; nemo quicquam emat aut vendat, nisi quod ad diei illius victum aut ægrorum curationem est necessarium. Abstineant etiam omnes ab operibus servilibus, & vel maxime a comotationibus, crapula, blasphemis, choreis, spectaculis, omnique levitate & indecentia, cogitent potius, quomodo mentem negotiis secularibus tota hebdomade distractam colligere, Deum offensum propitiare, & salutem animæ (qui solennitatum hujusmodi finis est) per poenitentiam salutarem, & Synaxin facram procurare possint; Quapropter integrum Missæ Officium, concionemque attente ac religiose audiant, præcipua vero pietate obeant Festa Christi Salvatoris, Deiparæ Virginis, Ss. Apostolorum, Sanctorum Angelorum, Patronorum Patriæ, &c.

III. Si qua evidens exercendi aliqujus operis ac laboris necessitas incideret, messis potissimum tempore, facultas ad id a Nobis, vel Vicario nostro, aut si grave in mora esset periculum, a Parocho peti debet.

IV. Impense commendamus omnibus subditis nostris institutos ab Ecclesia, & religiose a Majoribus nostris observatos, jejuniorum & abstinentiæ dies, noverint frenum tunc maxime gula & ingluviei injiciendum esse, non solum idcirco, ne fratres suos, pro quibus mortuus est Christus, escæ vitæ esu scandalizent, sed ut carni libidinis fomenta subtrahant. (f) Quadragesima igitur tota, quatuor anni temporibus, aliisque per annum præscriptis vigiliis, unica solum refectio contenti vivant, omnes, quos aut ætas aut morbus, aut alia legitima causa non excusat. Sexta vero qualibet feria, & Sabbato, quemadmodum etiam

(f) I. Corint. 8. v. 11. & 13.

tribus Rogationum diebus, & Sancti Marci Fæsto a carnibus omnes abstinento: quoque contentius elaborant illi, quorum Deus venter est, ut primum cæteroqui ad creophagiam vulgus, quocunque prætextu quæsito, a Matris Ecclesiæ obedientia (g) abducant, eo studiosius juniorum observationem Parochi commendent, & ne quis ignorationem causetur, pro concione dies esuriales sequenti hebdomade fervandos palam denunciant.

CAPUT XI.

De Libris prohibitis.

§. I.

QUoniam vero nullum pestilentius venenum animabus, quam ex Hæreticorum libris propinatur, districte omnibus subditis nostris, tam Ecclesiasticis, quam Laicis prohibemus, ne Hæreticorum libros, qui in indicibus, post Concilium Trid. editis (h) designati, aut postea editi, aut alias pro talibus noti sunt, legant, vel apud se retineant, nisi a Sede Apostolica dispensationem desuper in scriptis obtentam, Nobis, aut Vicario nostro exhibuerint, sicuti supra Cap. 4. decretum est.

II. Pariter cum vetitis hisce Hæreticorum libris, damnamus omnes falsos, perniciosos, improbatæ lectionis libros, scripturas, rhythmos, cantiones, chartas, picturas, sculpturas, & imagines quascunque, quæ obscena, inhonesta, famosa, superstitiosa, aut his similia continent, quæ nec vendi, nec emi, nec uspiam in aut per Diocesin nostram importari aut retineri possint. Quam curam diligenter Parochis singulis in suis Parochiis commendamus, qui refractarios & incorrigibiles, ad Nos, ac nostrum Vicarium referre non negligant.

III. Præterea prohibemus Typographis, ne ullum librum cujuscunque generis, sive Ecclesiasticum, sive

profanum, absque nostra, aut Vicarii nostri Generalis, aut ad hoc specialiter a Nobis deputati Censoris singulari licentia imprimant, Bibliopolis similiter & Bibliopegis, ne improbatæ lectionis libros in Diocesin nostram importent, compingant, vendant, aut apud se retineant: in quem finem committimus deputando librorum Censori, & illis, quos ipsi adjungemus, ut officinas Bibliopolarum, quoties illis necessarium videbitur, visitent, librosque inspiciant, & examinent.

CAPUT XII.

De Sacramentis in genere.

§. I.

SEptem esse novæ legis Sacramenta a Christo Domino instituta, & ab Apostolis, virisque Apostolicis veluti per manus ad nos transmissa, per quæ eis vera justitia (i) vel incipit, vel cæpta augetur, vel amissa reparatur, nullus Catholicorum ambigit. Quorum quanto major est dignitas atque præstantia, tanto sanctius ac religiosius sunt administranda ac suscipienda.

II. Quamvis vero ipsa per indignam administrationem non contaminentur, (k) neque a probitate conferentis eorum virtus atque efficacia dependeat, sed a solo Deo salutis, gratiæ & sanctitatis auctore; multum tamen honoris atque reverentiæ apud Christi fideles illis decedit, si in Ministris eorum nota aliqua, & macula vitæ sordioris appareat. Monemus itaque in Domino, & serio requirimus Pastores omnes, & cæteros Ministros Sacramentorum, ut ea reverenter, pura mente, ac casta manu tractent, ac petentibus dispensent, ne dum aliis ad salutem ministerium exhibent, sibi damnationem acquirant; & vocati ad Sacramenta ministranda faciles paratosque se exhibeant, ne eorum tarditate aut negligentia quempiam sine Baptismo, Pœnitentia, sacro Viatico, aut Extrema

Unctio-

(g) Phil. 3. v. 19.

(h) Index Libr. prohibitor. a PIO Papa IV.

(i) Conc. Trid. Sess. 7. in princ. c. Ad abolendam. de Hæret.

(k) D. Aug. contra Crescon. Grammat. lib. 3. c. 6. Et refertur. De Consecr. dist. 4. c. Si inter. & per tot. dist. c. Si iustus. & multis seq. qui sunt S. Aug. contra Donatist. l. q. 1.

Unctione emori contingat: quam negligentiam pro culpæ qualitate. Nos suspensionis ab officio, aut alia pœna arbitraria persequemur.

III. Volumus etiam, ut Divinorum horum Mysteriorum natura, usus, & salutares effectus (*l*) tam in concionibus & Catechismi explicatione, quam ipsorum administratione, quoties id necessarium & opportunum videbitur, ad captum tam suscipientium, quam adstantium, exponantur. Quod ut commodius fieri possit, Catechismum Romanum ex Concilii Tridentini Decreto editum, Parochis & aliis Ministris maxime familiarem esse convenit.

IV. Sacramenta omnia lingua latina, sobrie ante prandium in Parochiali Ecclesia (nisi necessitas aliud exegerit, aut ex causâ Nobis, aut Vicario nostro probanda dispensatum fuerit) administrantur. In quo etiam repetimus & confirmamus, quod a Prædecessore nostro de Sacramentis in ædibus privatis sine gravi & urgenti necessitate, & expressa licentia non administrandis, est ordinatum. (*m*)

V. Quæ vero ad habitum decentem Ministrantium, item salarium & honorarium spectant, repetimus ea, quæ in Synodo præcedenti Osnabrug. a nostro Prædecessore rec. mem. salubriter sunt statuta. (*n*)

VI. Similiter ex eadem Synodo huc revocamus, quæ de ornatu & munditie Templorum & sacrationum locorum ibid. a nostro Prædecessore recte sunt præscripta: (*o*) quibus adjicimus, ut Sanctissimum Domini nostri JESU Christi Corpus, aqua Baptismi, sanctum Chrisma & Oleum sacrum sub diligenti clausura honeste ac reverenter suis locis & in vasculis mundis asserventur & habeantur: Claves vero non penes Ædituos, sed Curatos, vel eorum socios custodiantur, (*p*) ne forte injuria vel prophanatio aliqua sacris Mysteriis irrogari possit.

VII. Ut vero ab usu universalis Ecclesiæ Romanæ in Sacramentorum

administratione ac cæremoniis quam minimum recedatur, & uniformitas per omnia conservetur, librum Pastoralem Romanum typis datum cum utilissimis instructionibus ex Romano Catechismo Pastoribus nostris communicabimus, volumusque, ut Pastores, & quicunque animarum Curatores illo utantur, & ut preces omnes Sacramentales, maxime vero ipsæ Sacramentorum formæ pronuncientur distincte, attente, ac reverenter, magnaue diligentia curetur, ut materia legitima adhibeatur, nec quicquam ex consuetis benedictionibus, unctionibus, precibus, cæterisque cæremoniis prætermittatur.

VIII. Singulis annis sacrum Chrisma & Oleum sacrum (*q*) petant Pastores, aut ab ipsis ablegati Æditui, aut alias viri honesti, in vasculis mundis, argenteis, vel stanneis (non cupreis) ab Ecclesiâ nostra Cathedrali, & quicquid ex veteribus Oleis superest; comburatur, & cineres conijciantur in piscinam sacram.

CAPUT XIII.

De Baptismo.

§. I.

Cum Baptismus janua sit salutis, (*r*) ac primum, maximeque necessarium Sacramentum, ac sanctæ regenerationis lavacrum, quo ex filiis iræ & diffidentie in gratiam regeneramur, & in filios Dei adoptamur; Volumus, ut tam Pastores, aut eorum Socii, Cooperatores seu Vicarii, hoc Sacramentum administraturi, quam patrini ac matrinæ baptizandum ad Templum comitantes non leviter & perfunctorie id agant, sed cum religiosa pietate ac gravitate ad tanti muneris functionem accedant, Deoque gratias agant, qui filium iræ & hæredem gehennæ; benigne ad Sacramentum regenerationis admittit, ut fiat filius Dei & hæres vitæ æternæ.

II. Ad majorem autem venerationem, pietatemque excitandam curandum

(*l*) Conc. Trid. Sess. 24. c. 7. de Reform.

(*m*) C. 22.

(*n*) C. 20. & 23.

(*o*) C. 4. & 23.

(*p*) C. 1. de Cust. Euch.

(*q*) C. Literis. De Consecr. dist. 3.

(*r*) C. Conveniens. De Presb. non baptiz. c. Cum itaque. in fin. De Consecr. dist. 4.

dum est; ut Baptismus semper ante prandium fiat, & susceptores cum amicis pro veteris Ecclesiæ ritu infantem Deo præsentent & offerant, a prandio vero illud non facile admittatur, nisi necessitas aut periculum infanti imminens, aut habitatio remotior, aut alia iusta causa illud requirat.

III. Quoniam vero parvulorum & recens natorum infirma & inconstans est valetudo, adeo ut collatio Baptismi sine vitæ periculo differri non possit, valdeque sit absonum, ut propter respectum aliquem externum diutius filius iræ permaneat, qui in adoptionem filiorum Dei admitti potest: Hinc præcipimus, ne sub aliqua specie, vel causa undecunque quæsitâ Baptismus infantum, etiam quorumcunque Nobilium, aut insignium personarum, ultra octavum diem differatur.

IV. Quod superiore Cap. De Sacramentis in privatis adibus sine necessitate aut dispensatione non administrandis, ex Synodo præcedenti repetimus, hoc etiam de infantibus publice in Ecclesia (s) baptizandis intelligi volumus, articulo necessitatis excepto; si ob morbum mortis periculum infans ad Ecclesiam deferri non possit, quo casu Parochus propere acciri debet, aut si ejus copia non sit, alius Clericus, aut illo quoque deficiente, quilibet alius Christianus (t) homo, habita, quantum fieri potest, sexus & status distinctione ac prælatione, Baptismus administrare potest, modo debita materia, quæ est aqua naturalis simplex, vel sanctificata, & forma, quæ est: *Ego te baptizo in nomine Patris, & Filii, & Spiritus Sancti*, adhibeantur: quod si ex periculo infans baptizatus supervixerit, ad Ecclesiam nihilominus deferatur, & Baptismo excepto, reliquæ cæremoniæ propter necessitatem omissæ, suppleantur.

V. Accurate vero Parochi examinent obstetrices, vel alios, qui in articulo necessitatis baptizasse dicuntur: An, quomodo, quibus verbis, qua forma, qua materia & aqua, & cum qua intentione baptizarint: Quod si debitam

materiam, formam & Ecclesiæ intentionem adfuisse cognoverint, Baptismum (nisi forte ex circumstantiis legitima dubitandi ratio subsit) non repellant, sed cæremonias consuetas tantum adhibeant; si nihil horum adfuerit, aut unum ex illis defuerit, de novo baptizent; si probabiliter dubitent, num essentiale quippiam omissum sit, Baptismum cum conditione conferant, videlicet: *Si tu es baptizatus, ego te non rebaptizo; si vero nondum es baptizatus, ego te baptizo in nomine Patris, & Filii, & Spiritus Sancti*.

VI. Idem faciendum est in expositiis infantibus, ubi nulkum certum & infallibile Baptismi sui præ se ferunt testimonium.

VII. In periculoso vero, imperfecto, & difficili partu secundum regulas prudentiæ observandum est, quod Ecclesiæ usus habet, & Doctores tradunt.

VIII. Nullus, nisi prævia licentia Pastoris prolem suam extra Parochiam suam baptizari curet, & ubi baptizata fuerit, de collato Baptismo Pastori testimonium ferat, quod etiam in libro Baptismali notetur: Pastores tamen raro & non nisi ex gravi causa licentiam talem concedant.

IX. Baptizatis nulla alia nomina imponi debent, quam Sanctorum, quorum denominatio ac memoria adultis, ad virtutis imitationis studium, desiderium accendere possit.

X. Diligenter quoque observare monentur Parochi illud, quod in Concilio Tridentino (u) ad evitandam difficultatem & pericula impedimenti cognationis spiritualis, de numero patrinorum constitutum est, ne videlicet plures, quam unus vel una, vel ad summum unus & una, ad suscipiendum sub quovis etiam prætextu admittantur, nisi nostram indignationem & condignam pœnam sustinere velint. Si qui vero alii forte Nobiles pro majori solennitate & familiæ suæ splendore ad tangendum infantem patrinorum

Kkk 3

instar

(s) Clem. 1. De Baptif. & ejus effectu.

De Consecr. dist. 4.

(t) C. In necessitate. c. Mulier. c. Sanctam.

(u) Sess. 24.

de Refor. Matr. c. 2. c. Quamvis. De cognat.

spir. in 6. c. Non plures. De Consecr. dist. 4.

instar sese ingerant, volumus, ut Parochi ex ipsis duos designent, qui veri susceptores sint, infantem soli contingant, & cognationem spiritualem contrahant, atque in librum baptizandorum a Parochis inscribantur, reliqui non item, quos tamen loco testium Baptismi solennitatibus interesse non vetamus.

XI. Patrini ac Matrinæ sint homines pii, ac Catholici, maturæ ætatis, in Fide atque probatis moribus bene instituti, ut filios suos spirituales in iisdem instruere possint: id enim ipsorum, quam pro infantibus Deo & Ecclesiæ faciunt, (*) sponsio requirit, cujus diligenter a Parochis sunt monendi, ac magis eligantur ii, qui salutis animæ consulere, quam muneribus augere queant.

XII. Arcentur autem merito ab ista sponione, qui nondum ad annos discretionis pervenerunt, nec Fidei rudimenta tenent, utpote Symbolum Apostolicum & Orationem Dominicam. Item, qui iusto impedimento cessante, eo anno peccata Sacerdoti suo confessi non sunt, neque in festo Paschæ Sacram Eucharistiam susceperunt, quique hæresi infecti aut excommunicati sunt. Neque enim convenit illos tanquam comministros & testes assistere Sacramentis, qui vel de illis male sentiunt, vel quos Ecclesia a Divinis arceat, vel qui se ipsos a communione & unitate Catholica segregarunt.

XIII. Regulares quæcunque personæ (y) utriusque sexus de Baptismo aliquem suscipere, aut pro aliis spondere sacris Canonibus prohibentur. Pastores denique diligenter notent a se vel aliis in sua Parochia baptizatos, ut in libro Pastoralis expressius continetur.

XIV. Alienum autem existimamus, magnam huius mundi pompam circa Baptismum adhibere, ne ubi unusquisque in Baptismo pollicetur Satanæ renunciare, ejusque pompas deferere,

in ipso vitæ Christianæ limine iis rebus dari opera videatur, quibus potissimum solenni sponione renunciat.

XV. Antiquam & religiosam illam consuetudinem, qua puerperæ post absolutum puerperii tempus in proximo statim egressæ ad Ecclesiam procedunt, ut Deo pro puerperii beneficio gratias agant, ac precibus & benedictione Sacerdotali expientur, tanquam piam ac laudabilem, conservatam ac revocatam volumus. Nulla vero puerpera ante 25. a partu diem ad benedictionem admittatur, eaque non nisi a proprio Parocho, aut ejus Vicario perficiatur.

CAPUT XIV.

De Sacramento Confirmationis.

§. I.

Sacramento Baptismi succedit aliud, quod contra hæreticorum infestationes, in Divina Scriptura (z) fundamentum ac testimonium habet, secundum Ecclesiæ & Ss. Patrum receptam, ab omni antiquitate sententiam, & a Patribus antiquis Confirmatio, Unctio, Chrisma, vel Chrismatis Sacramentum appellatur, a quo & nos Christiani denominamur. Quid enim aliud est Christus, vel Christianus, (a) quam Chrismate unctus? Quod Sacramentum etsi non omnibus ad salutem absolute sit necessarium, tamen cum in eo plenitudo Spiritus Sancti conferatur, roburque detur adversus Carnis, Mundi, & Diaboli insidias, utque gratia roborati Fidem Christianam (b) aperta fronte, constantique animo coram toto mundo sine hæsitazione profiteri non erubescamus. Non leviter peccant, qui hanc sibi sollicitudinem non assumunt, ut vel ipsi, vel quorum curam gerunt, hoc salutari præsidio muniantur, fortesque in Fide constituantur, multo vero gravius, qui illud per contemptum negligunt: Ut propterea nos omnes & singulos subditos nostros serio commoni-

tos

(x) C. Vos autem. De Consecr. d. 4.

(y) C. Placuit. 16. q. 1. c. Pervenit. 18. q. 2. c. Non licet. c. Monachi. De Consecr. d. 4.

(z) Act. c. 8. & 19. Ad Ephes. 4. v. 30.

(a) Aug. lib. 2. contra literas Petil.

(b) Can. Omnes fideles. De Consecr. dist. 5. & est Urbani Mart. qui vixit an. 227. in Epistola ad omnes Christianos. c. Novissime. ead. dist.

tos esse velimus, ut hanc Spiritus Sancti gratiam oblatam magnò in pretio habeant, ejusque se participes faciant.

II. Pastores vero & Concionatores in Domino requirimus, ut eo majori diligentia, sollicitudine ac zelo in fructibus hujus Sacramenti explicandis versentur: quo vident amplius illud ab antiquis & nostri temporis hæreticis derisui & ludibrio habitum, ac præcedenti tempestate in his regionibus neglectum fuisse. De hoc præclare S. MELCHIADES (e) Papa: "In fonte Deus plenitudinem tribuit
"ad innocentiam, in Confirmatione
"augmentum præstat ad gratiam; in
"Baptismo regeneramur ad vitam, post
"Baptismum confirmamur ad pugnam;
"in Baptismo abluimur, post Baptismum regeneramur."

III. Ne vero tam salutari remedio subditi nostri destituantur, eam in Nos curam assumimus, ut per Suffraganeum nostrum constituendum designatis ab Ecclesia temporibus, aliisque, quibus ipse Diecepsi nostram obiturus est, hoc Sacramentum conferatur: nec desint runc Parochi, cum adventum hunc futurum intellexerint, ut piis exhortationibus & documentis populum, præsertim in pagis rudiores, præparent ac disponant, ostendantque Confirmationis Sacramentum rem esse sanctitatis plenam, inde ab initio Ecclesiæ magno semper in pretio habitam, magnoque consensu Ss. Patrum approbatam, ac propterea huc magna religione, compositisque moribus pie accedendum esse.

IV. Inter alia vero de his populum doceant, ut non alii inter adultos Episcopo stantur confirmandi, quam qui prima rudimenta sciant Christianæ Religionis, scilicet Dominicam Orationem, & Salutationem Angelicam, ac Symbolum Apostolorum.

V. Qui adulti ad Confirmationem veniunt, ne gratiæ Spiritus Sancti obicem ponant, Sacramentali prius Confessione (d) conscientias suas purgent,

gravibus autem sceleribus obnoxii, vel infames, aut sententia excommunicationis ligati, antequam poenitentiam agant & rite absolvantur, ad hoc Sacramentum non sunt admittendi.

VI. Patrinos autem ad offerendos eos, qui confirmati sunt, Episcopo declaramus idoneos, qui primum ipsi sint Catholici, confirmati, maturæ ætatis, ab omni excommunicationis sententia liberi, nec gravioribus criminibus palam obnoxii, tum qui, eo anno ad Sacramentum Confessionis ac Communionis accesserint, prima Fidei novèrunt rudimenta: Regulares autem personas ad hunc actum accedere prohibemus.

VII. Patrinus autem non assumeatur, nisi (e) unus, alius ab eo, qui confirmandum ad Baptismum tenuerat.

VIII. Quilibet confirmandus, vel ejus Patrinus fasciam lineam adferat, novam & mundam, trium digitorum latitudinis, ac longitudinis sufficientis, qua confirmati frons & caput ad reverentiam Chrismatis obligetur, triduoque gestetur; quo transacto, deinde si potest fieri per Pastorem, aut Sacerdotem, aut Patrinum, aut alium e fidelibus deponatur, & panniculus interpositus, quo unctio munita fuit, comburatur, mittanturque cineres in piscinam sacram, frons autem confirmati abluatur, aqua lotionis in piscinam sacram, vel cœmeterium, vel profluentem effundatur, nullo modo in locum aliquem immundum.

IX. Parentes ac Patrini confirmatis suis Filiis diligenter attendant, invigilentque, ut vitam agant tanta celestium donorum ubertate dignam, iisdemque sæpe in memoriam revocent, quando, a quo, & ubi fuerint confirmati, & ut hac gratiæ plenitudine ad Dei gloriam & salutem suam recte utantur. Pastores etiam confirmatos in particulari libro notent, ut in Pastoralibus.

CAPUT

(c) Melchides Papa Epistola ad Episcopos Hisp. & refertur. c. 2. de Consecr. dist. 5.

(d) C. Ut jejuni. De Consecr. dist. 5.

(e) C. In Catechismo, cum seq. de Consecr. d. 5. c. ult. de cognat. spir. Conc. Trid. Sess. 24. c. 2. de Reform.

CAPUT XV.

De Sacramento Eucharistiæ.

§. I.

Cum Eucharistia sit præcipuum (f) ac maximum Dei donum & longe Sacratissimum Sacramentum, (g) quo nihil habet Ecclesia dignius, admirabilius & salubrius, ipsum omnis boni ac gratiæ fontem & authorem continens; dolendum sane est, multorum Sanctæ Religionis Catholicæ adversariorum impia studia, conatusque in oppugnationem hujus Divinissimi Sacramenti converti, multorum item & maxime malorum Sacerdotum impuritate ac vita mala Divinum hoc Sacramentum horrendum in modum profanari, atque contemni; ut mirandum non sit, si Deus merito hinc (h) offensus, gravissimas in populum calamitates immitat. Cui utrique malo occurrere cupientes, serio Pastoribus, ac quibuscunque Concionatoribus, & Divini verbi præconibus commendamus; ut quæ de astruenda hujus Sacramenti veritate, transubstantiatione, adoratione, veneratione, sumptione, oblatione, &c. Sancta Synodus Trident. (i) post Ss. PP. & DD. testimonia definivit, populo diligenter proponant atque explicant, simulque doceant, in Sacerdotibus quidem seu Sacrificantibus ambas Sacramenti species sumendas, sine quibus rite consecratio & oblatio fieri non posset. In aliis vero fidelibus non sacrificantibus, illud certum esse, (k) nullo eos Divino præcepto, ad Eucharistiæ Sacramentum sub utraque specie sumendum astringi, nec Christum in duas partes dissectum, secundum duo Sacramenti hujus signa, sed tam sub una, quam sub utraque specie, imo sub unius etiam Hostiæ consecratæ particula Christum totum exhiberi, atque summi, secundum Carnem, Animam, Sanguinem, Divinitatem, sine ulla gratiæ, fructus, effectusque Sacramentalis diminutione.

II. Qui ritus communicandi tanto accuratius in Ecclesia nostra est ab omnibus retinendus, quo certius constat, hoc evidenti Symbolo Catholicos ab Hæreticis hodie plurimum discerni; & eos, qui usum Calicis, veluti rem ex institutione Christi necessariam, ad salutem tantopere urgent, Ecclesiæ Catholicæ tum desertores, tum contemptores esse; quos juvat magis de externis Sacramenti signis contendere, quam internam Eucharistiæ virtutem & fructum quærere. Pastoribus vero serio & sub gravi poena injungimus, ne in hoc quicquam moribus Ecclesiæ Catholicæ contrarium committant.

III. Ne vero simpliciores errore decipiantur; ut ablutionem ex calice sumentes existiment se Domini Sanguinem sumere, repetimus, quod hac in parte a Prædecessore nostro Cap. 3. Synodi statutum est, & volumus ad rudis vulgi errorem abolendum, a Parochis vas quoddam honestum, distinctæ formæ, tam a calice, quam a domestico cyatho, atque illud, ubi commode haberi potest, argenteum, in Templo aservari, unde communicantibus & peccantibus ablutio seu purificatio ab honesto Laico porrigatur; eaque de re populus ne erret aut offendatur, diligenter instruat.

IV. Volumus etiam, (l) ut in qualibet Ecclesia sit domuncula, seu receptaculum, vel tabernaculum, ut vocant, Venerabilis Sacramenti, in loco elevato, conspicuo, honorifico, munito, in ipso summo Altari secundum morem Romanum Tabernaculo aliquo excitato, quod optamus; vel quod toleramus secundum verustam Germaniæ consuetudinem in latere sinistro Chori, ubi antiquissimo Ecclesiæ usû pro adoratione & infirmorum Viatico Venerabile Sacramentum conservetur. Ut vero ab ingredientibus Ecclesiam animadvertatur, ubi Sancta Eucharistia sit adoranda, monitorio

(f) Chryf. hom. 60. ad pop. & 83. in Matt. 45. in Joan. & 61. ad pop. Antioch.

(g) C. Multi. 1. q. 1.

(h) 1. Reg. 4. 5. 6. 2. Reg. 6. 2. Cor. 11.

(i) Sess. 13. in Decret. de Ss. Euchar. Sacram. can. 1. 2. 3. 4. & 5.

(k) Conc. Trid. Sess. 3. De Sac. Euchar. can. 3. item Sess. 21. de Commun. sub utraque. can. 1. 2. 3.

(l) C. Sane. de celebr. Missar. c. 1. De custod. Euchar.

torio & conspicuo aliquo opere, seu pia aliqua sculptura id designetur, quæ spectantes ad pietatem & cultum hujus Sacramenti, dulcem beneficiorum memoriam, & præsentia Christi Domini nostri venerandam admonitionem excitet.

V. In Tabernaculo sit Monstrantia (ut vocant) argentea, deaurata pro modo facultatum fabricæ, quæ ad Christi Venerabile Corpus suis temporibus exhibendum vel circumferendum serviat, similiter sit vasculum decens ac mundum, ex argento, quo Hostiæ consecratæ pro morientium Viatico & aliis necessitatibus conserventur, eo numero, quo præsentis ægrotorum necessitati sufficere videbuntur. Renoventur vero singulis mensibus bis aut semel, vel etiam sæpius, si loca sint humidiora, veteribus in Missa sub Communionem ante ablutionem sumptis, & aliis in usum infirmorum de novo consecratis.

VI. Coram Tabernaculo, in quo Venerabile Sacramentum asservatur, jugiter lampas ardeat, sumptibus fabricæ, vel alterius, qui ad hoc obligatur, quod ut non negligatur, Parochos & Sacristanos, seu Aedituos ad hujusmodi incuriam & luminarium defectus, ubicunque fuerint, corrigendos, aut Nobis, vel nostro Vicario quamprimum denunciandos sub pœna Nobis arbitraria obligamus.

VII. Cum Sanctissima Eucharistia ad ægrotos deferretur, (m) id summa cum religione fiat, Sacerdos superpelliceo & stola indutus sit, præterea decoro impositum velamini sacrum Domini Corpus ante pectus honeste ferat, referatque, lumine semper prælucente & sonante tintinnabulo, ut spectantium mentes ad honorandam Christi præsentiam efficacius excitentur.

VIII. Quoties autem Sacerdos ad ministrandum ægrotis Sacramentum accessit, semper duo ut minimum ex ipsius ægroti vicinis Presbyterum cum Custode a Templo ad ægrotum usque, detestis capitibus & cum maturitate deducant, & inde ad Ecclesiam reducant.

IX. Monentur vero omnes constituti in via, qua Sacerdos cum Venerabili Sacramento transit, ut summum illi honorem exhibeant, & sive equo, sive curru vehantur, religiose descendant, & tam diu flexis genibus permaneant, quoad Sacerdos cum Venerabili Sacramento transierit, quod multam huic Sanctissimo Sacramento conciliat reverentiam, idque nullius dignitatem dedecere, sed pro Fidei suæ devotione ac professione vere gloriosum ac Christianum esse arbitrari, omnes debent.

X. Curetur vero diligenter, ut in administratione hujus Sacramenti, sicuti & Extremæ Unctionis, ægrotantis cubiculum expurgatum, decenterque sit compositum, ac mensa aliqua linteo mundo instrata sit, ac etiam Cruce, luminaribus, ac vasculo aquæ benedictæ instructa præparetur, in qua pyxis cum Venerabili Sacramento constitui possit.

XI. Nolumus vero, ut in Civitatibus, oppidis & pagis pauciores, quam duæ sacræ Eucharistiæ particulae ad infirmum deferantur, ne cum Sacerdos ad Ecclesiam redit, falso existimet populus, præsentem & adorandam Eucharistiam adesse: quod si procul a Civitatibus, oppidis & pagis ad ægrotos Sanctissima Eucharistia sit deferenda, quia interdum periculum subesse potest, Sacerdos vel pedes, vel eques, vel in curru honeste compositus, ac superpelliceo & stola indutus in pyxide minore argentea honesto loculo inclusa ex collo dependente, vel ante pectus gestata, unam vel plures Hostias pro ægrotorum providendorum numero conservabit, lumine præcedente usque ad domum ægroti; dispensata vero Communionem, Sacerdos deposita stola & superpelliceo sine lumine in silentio & cum modestia ad Ecclesiam revertetur.

XII. Hortamur etiam atque etiam Parochos, & quamvis refrigescente charitate ac devotione populi Christiani, Ecclesia omnes Christi fideles obliget ad sacram Eucharistiam semel minimum in anno circa Festa Paschalia (n) sumendam, quia tamen sicuti corpus

mate-

(m) d. c. Sane, de Celebr. Miss.
Tomus IX. Conciliar. German.

(n) C. Omnis utriusque. De pœnit. & remiss.
LII

materiali, ita anima spirituali cibo sæpius reficienda est, ideo diligenter adhortentur subditos Parochi, ut sæpius vel saltem celebrioribus Festis Exomologesi præmissa, Sacrosanctum Christi Corpus reverenter sumant, eosque ad hanc piam & salutarem frequentiam, verbo, exemplo publice ac privatim invitent.

XIII. Refert autem plurimum, quanta Fide, charitate, ac devotione præditi sint, qui ad Eucharistiam percipiendam accedunt. Hinc Parochi studiose populum doceant, de ratione pie sancteque cum magna præparatione atque reverentia communicandi, diligenterque Canonem illum explicant Apostolicum, & illis, quasi ob oculos ponant. (o) *Probet autem seipsum homo, &c.* Declarentque ex consuetudine Ecclesiastica illam probationem necessariam esse, ut nullus sibi peccati mortalis conscius, quantumvis sibi contritus videatur, absque præmissa Sacramentali Confessione ad Sacram Eucharistiam accedere præsumat, quam consuetudinem simul & Ecclesiæ præceptum ab omnibus communicaturis præcipimus inviolabiliter observari.

XIV. Sacro Paschatis festo singuli Parochiani in sua Ecclesia Parochiali (p) communicent, nec quispiam illud differat, vel alibi faciat, sine causa a Nobis, vel Vicario nostro, vel Parocho approbata: Qui vero tempore Paschali absentes fuerint, aut ex necessitate, aut alia iusta causa alibi communicarint, intra octo dies a reditu impleri præcepti Ecclesiastici testimonium fide dignum Parocho exhibeant.

XV. Si quis vero istud Ecclesiæ mandatum contempserit, & monitus non respuerit, & vivus communione fidelium privetur, nec ad Sacramentum etiam Matrimonii admittatur, & mortuus sepultura Christiana careat, secundum Canonem Concil. Lateranen. quem pro evidentiore intellectu hic inferi curavimus.

XVI. "Omnis utriusque sexus fi-

"nis pervenerit, omnia sua solus peccata saltem semel in anno fideliter confiteatur proprio Sacerdoti, & in iunctam sibi poenitentiam propriis viribus studeat adimplere. Sufficiens reverenter ad minus in Pascha Eucharistiæ Sacramentum, nisi forte de proprii Sacerdotis consilio, ob aliquam rationabilem causam, ad tempus ab huiusmodi perceptione duxerit abstinendum, alioqui & vivens ab ingressu Ecclesiæ arceatur, & moriens Christiana careat sepultura."

XVII. Parochi quoque teneantur annue non communicantium nomina Nobis, aut Vicario nostro in scriptis deferre: quod, ut certius fieri possit, Pastores & alii Confessarii suis poenitentibus, uti etiam communicantibus, certas schedas, quas non imprimi curabimus, distribuunt, illasque post Dominicam in *Albis* recipiant, ut de iis rationem reddere possint. Caveant vero diligenter, ne aliis, quam tempore Paschali confitentibus & communicantibus illas tradant, aut alia fraus surrepat.

Pueros, ubi ad annos discretionis pervenerint, ne patiantur Parentes & Parochi a Sancta Communione diutius abstinere, sed eos pie ad Eucharistiæ sumptionem inducant, & Ecclesiæ offerant, prius tamen in Christianæ Fidei rudimentis, & iis, quæ ad dignum tanti Sacramenti usum ac fructum cognoscendum pertinent, diligenter instructos.

Damnatis ad mortem de peccatis rite confessis & contritis negari non debet Eucharistia; (q) sed tamen danda ante diem supplicii, si commode fieri possit.

Quando Sacra Communio in Templo datur, præsertim in Paschate & in Festis solemnioribus cum multi simul communicant, ut omnia ordine bono & cum debita reverentia fiant, condecens est, ut mares seorsim, & feminae etiam seorsim procedant.

Publici concubinarij, fornicatores, sceneratores, blasphemij, usurarii, Simoniaci, meretrices, excommunicati, alij.

(o) 1. Cor. 11.

(p) d. c. Omnis utriusque. Conc. Trid. Sess. 13. de Sacram. Euchar. can. 9. & Sess. 14. de Sacram. Poenit. c. 5.

(q) Can. Fures. 13. q. 1. Clem. Cum secundum. De poenit. & remiss. c. Quod in te. eod. tit.

aliique notorie criminosi, (*) præsertim si post serias admonitiones vitam, moresque comperiantur, non emendasse. Item furiosi, amentes, & usu rationis destituti, nisi lucida habeant intervalla, ad Communionem non admittantur.

CAPUT XVI.

De Sacrificio Missæ & celebratione Missarum.

§. I.

CONSTANS est Ecclesiæ vera doctrina, quam semper tradidit, & a suis Ministris doceri vult, Eucharistiam simul & Sacrificium (†) esse & Sacramentum. Sacrificium veræ laudis, gratiarum actionis, ac propitiationis pro fidelibus vivis & defunctis: Sacramentum autem spiritualis alimonix, quo vitam nostram spirituales tueri & conservare possimus. Nec potuisse Salvatorem nostrum, quando seipsum in ara Crucis obtulit, illustrius erga nos suam charitatem testatam facere, quam cum nobis visibile Sacrificium reliquit, quo cruenti illius Sacrificii in ara Crucis semel immolati virtus & efficacia in nos derivaretur, ejusque memoria usque in finem sæculi quotidie summa cum utilitate ab Ecclesiâ, per totum terrarum orbem diffusa, recoleretur.

II. Cumque fateri cogamur, nullum opus adeo Sanctum ac Divinum a fidelibus tractari posse, quam hoc ipsum tremendum Mysterium, quo vivifica illa Hostia, qua Deo Patri reconciliati sumus, in Altari per Sacerdotes incruento modo quotidie offertur; factis etiam apparet, omnem operam & diligentiam in eo ponendam esse, ut, quanta maxima fieri potest, interiori cordis munditia & puritate, atque exteriori devotionis & pietatis apparatu ac specie illud ipsum peragatur.

III. Itaque Sacerdotes Deo placationis hanc Hostiam oblaturi, primum

seipsos probent, ac conscientias suas scrutentur, easque, quotiescunque opus fuerit, Sacramentali Confessione expurgent, priusquam ad Altare sacrificaturi accedant, nunquam vero cum conscientia vel reatu peccati mortalis Mysteriorum ista Sacrosancta contrectent. (‡) Quod si Confessarii facultas nulla sit, & urgeat alioquin celebrandi necessitas, cum contritione & proposito statim confitendi habita Confessarii copia, celebret, & peracta Missa, propositum illud quamprimum poterit, exequatur.

IV. Sacerdotes vino & temulentix dediti, impuritatis vitæ, & aliis criminibus obnoxii, a Missarum celebratione arceantur, nisi sinceræ emendationis specimen exhibuerint.

V. Ut autem in conquirendis Confessariis minor sit difficultas, libere permittimus Sacerdotibus, qui Regulares non sunt, ut quem velint Confessarium a Nobis admissum, & juxta formam Concilii Tridentini approbatum, sibi eligere possint, per quem a peccatis omnibus, quæ Sedi Apostolicæ, aut Nobis reservata non sunt, absolvantur. Conabimur autem Diocesim nostram in suas regiunculas distinguere, & singulis certas Parochias assignare, in illisque Decanum aliquem ruralem denominare, qui eminentiorem super alios curam, & certis in casibus potestatem habeat ampliorem.

VI. Præcipit sacra Synodus Tridentina, (u) ut, quæcunque in Missæ celebrationem irrepererunt, a tanti Sacrificii dignitate aliena, illa locorum ordinarii Episcopi prohibere, atque e medio tollere sedulo curent ac teneantur. Quamobrem Nos hujusmodi Decreto inherentes, omnia & singula, quæ vel avaritia, vel irreverentia, vel superstitio, vel malus usus induxit, sublata esse volumus, sicuti sunt pactiones, mercedes, candelarum certus numerus, inusitatae preces, & quæ sunt similia avaritiæ & superstitiosæ vanitatis sufflaminata.

VII.

(*) C. Tua nos, &c. Quæsitum. De cohabit. Cler. & mulier. c. Pro dilectione. de Consec. d. 2. can. Multi. 2. q. 1. c. Si Sacerdos. De offic. Jud. ord.

(†) Conc. Trid. Sess. 22. c. 1. & 2. De Sacrific. Missæ.

(‡) Conc. Trid. Sess. 13. De Sacram. Euchar. c. 7. & can. 11.

(u) Sess. 22. c. 2. in Decret. De observ. & evit. in Miss. celebr.

VII. Missæ nec nimis tarde, nec nimis festinanter, neque memoriter, sed ex Missali legantur: omnes peregrinos & indecoros gestus oris, capitis, manuum, brachiorum, ac totius corporis jactationes ab Augustissimo hoc Mysterio eliminatos esse volumus.

VIII. Sacerdotes, quæ debent ex instituto Ecclesiæ, palam clariori voce pronuncient, reliqua secrete recitent.

IX. Circa elevationem sacræ Hostiæ Antiphonæ, vel aliæ cantiones intempestivæ ne intercinantur, nec organum pulsetur, sed altum silentium cum recollectione animi, quod præsentibus tunc Mysteriis debetur, observetur; Post elevationem calicis, si musice cantandum est, id devote & graviter fiat: ubi vero hætenus moris fuit, ut ad elevationem majori vel alia campana signum detur, etiam in posterum observetur, ubi non fuit, introducat; & populus admoneatur, ut tam domi, quam foris ad dictum signum reverenter, vel stet capite detecto, vel in genua procumbens oret, gratias agens Redemptori nostro, quod propter nos & nostram salutem descendit de cælis, & incarnatus est de Spiritu Sancto, natus ex MARIA Virgine, & Homo factus est.

X. Nec ante auroram, nec post meridiem, nisi ex causâ jure permiffa, nec sub concione Missæ celebrentur.

XI. In oppidis, pagis, & Collegiatis Ecclesiis tam hyberno, quam æstivo tempore Horæ celebrandæ certo modo disponantur, ut omnium devotioni & obligationi satisfiat. Ubi vero eodem die plures Missæ dici consueverunt, is ordo servetur, ut prima in ipso diluculo pro plebis commoditate, aliæ successive, & ex intervallo dicantur, non vero plures (quatenus fieri potest) eodem tempore, præsertim diebus Festivis, ut pro majori sua quisque commoditate præcepto Ecclesiæ de audiendo Sacro satisfacere possit.

XII. Celebrantibus autem semper Minister adsit, (x) qui ipsis inserviat

& respondeat, semper, si fieri potest, superpelliceo indutus, alias corpore & moribus compositis, qui ab Altari non, nisi peracto Sacro, cum Sacerdote secedat.

XIII. Repetimus quoque ex Concilio Tridentino (y) & Synodo Osnabrugensi, (z) quod de Missæ Officio (a) in privatis Oratoriis, seu ædibus, aut ara portatili non dicendo est ordinatum, sine speciali nostra, aut Vicarii nostri licentia in scriptis obteenta.

XIV. Alienum est ab instituto nostro & consuetudine Ecclesiæ Romanæ, ut diebus Dominicis ac Festivis Missa defunctorum solennis propter æquias mortuorum servetur, quapropter satius est, ut iusta funebria in alios hebdomadæ dies rejiciantur. Quod si vero ob singulares causas ipsis Dominicis aut Festivis peragenda viderentur, id ita fiat, ut vel in Missa Dominicæ vel Festi adjungatur oratio propria pro defunctis, in paramentis tamen Sacerdotalibus temporariis convenientibus, vel præter consuetam Parochialem Missam, una aut plures pro defunctis dicantur, si plures Sacerdotes haberi possint.

XV. In Altaribus, & circa illa nihil omnino sit sordidum vel incommpositum, in vestibus sacris nihil lacerum, vel immundum, curentque Sacerdotes, ut paramenta habeant temporariis & officio convenientia; nihil quoque desit in sacris vasis ad Officium Divinum spectantibus. Altaris mappæ, purificatoria, corporalia, & alia Officii Divini instrumenta sæpius laventur, mundaque & integra tutis in locis conserventur.

XVI. Primam Missam celebraturi Sacerdotes, non ante id facere permittantur, quam in sacris Missæ ritibus & rota ratione celebrandi juxta usum Romanum sufficienter fuerint instructi. Severe autem prohibemus omnem conviviorum luxum, ludorum, chorearum, & similium abusu vanitatem, nec admittimus, nisi ad frugale convivium

(x) C. Hoc quoque. De Consecr. dist. 1.

celebr. Miss.

(z) C. 22.

(y) Sess. 22. Decreto: De observ. & evit. in

Presbyter. c. Clericos. De Consecr. dist. 1.

(a) C. Sicuti, cum seqq. c. His ergo. c. Nullus

vium ex viris aliquot honestos, ex fœminis matrem duntaxat, sororem & in secundo gradu conjunctas. Nefas enim & valde indignum est, Sacerdotes Christi illo die, quo primum puras in Sacrificio ad Deum manus levant, rebus profanis & ludicris occupari, aut, quod pejus est, crapulari: In eos, vero, qui in hoc deliquisse inventi fuerint, graviter animadvertemus.

Multum vero pietatem ac devotionem in populo promovebit, si Parochi ac Concionatores hujus Sacrificii a Christo in ultima Cœna instituti (b) veritatem, excellentiam & admirabiles fructus singulari studio doceant, eumque commonefaciant, ut non solum Dominicis & Festis, sed aliis etiam diebus per hebdomadam sacro Missæ Officio interesse studeant, neque sub reatu peccati mortalis Missam diebus (c) Dominicis & Festivis omittant: patres matresque familias etiam commonefaciendi sunt, ne liberos suos, servos & ancillas talibus diebus ita occupent, ut Missam & Concionem audire non possint.

CAPUT XVII.

De Sacramento Pœnitentiæ, & Casibus reservatis.

§. I.

Sic in regeneratis omnibus gratitudo erga Deum esset, ut justitiam in baptismo, ipsius beneficio & gratia susceptam, constanter tuerentur, (d) non fuisset opus aliud ab ipso Baptismo Sacramentum ad peccatorum remissionem esse institutum. Quoniam autem Deus, qui dives est in misericordia, cognovit figmentum nostrum, illis etiam vitæ remedium contulit, qui se in peccati servitutem & Dæmonis potestatem tradidissent, Sacramentum videlicet Pœnitentiæ, quo lapsis post Baptismum beneficium mortis Christi applicatur, ut merito Ss. PP. (e) & Concilium Trid. (f) Pœnitentiam secundam post

nafragium tabulam appellarint, qua scilicet ex vorace mortalis peccati, tanquam e naufragio subvehi, & in portum salutis transferri unusquisque possit.

II. Doceant autem Parochi diligenter suos Parochianos post lapsum ac mortalis peccati reatum, hoc medicamentum atque perfugium Christianis omnibus adeo ad reconciliationem salutemque necessarium esse, ut sine illo, vel ejus voto, nemo in nova lege lethaliter peccato adstrictus salvari possit. Hanc autem frugiferam esse pœnitentiam, (g) ut, quibus modis Deum offendimus, (offendimus autem corde, ore, ac opere) iisdem reconciliemur Deo, corde quidem per contritionem, ore per confessionem, ac opere per satisfactionem, quas integrales partes frequenter populo inculcandas, & præsertim ob laxiores hujus temporis opiniones ostendendum monemus, specialem peccatorum confessionem, cum numero ac circumstantiis speciem peccati aut mutantibus, aut notabiliter aggravantibus, necessariam esse, ut Sacerdos causæ cognitionem recte ex statu pœnitentis intellecto instituere, & ubi peccata solvenda, ubi liganda, recte discernere possit.

III. Cum toto anno, tum præcipuis Christi, & B. Virginis festivitatibus, & Quadragesimæ potissimum tempore, fidelibus pœnitentiæ atque confessionis usus, fructusque ferventer a Parochis & Concionatoribus erit commendandus, ac populus ad eorum frequentationem piis cohortationibus excitandus, monendique communiter omnes, cum per annum sæpius & quidem in gravissima peccata labantur, quanto cum salutis periculo conjunctum sit, si salutare pœnitentiæ remedium non eligant, sed potius in tanto salutis suæ æternæ discrimine versari, ac Dei gratia destitui, majoremque hac confessionis dilatione, humani generis hosti occasionem insidiarum

(b) Conc. Trid. Sess. 22. de Sacrific. Missæ. c. 8. (c) C. Missas. Cum ad celebrandas. De Consecr. dist. 1. (d) Conc. Trid. Sess. 22. de Sacram. Pœnit. c. 1.
(e) S. Hieron. in 3. c. Isaïæ. ad Demetr. De servanda Virg. S. Ambr. ad Virg. laps. c. 8.
(f) Sess. 6. c. 14. & Sess. 14. c. 2. can. Secunda. De pœnit. dist. 1.
(g) S. Chrysost. serm. De vera pœnit.

ac malitiæ suæ in ipsos exercendæ præbere velint.

IV. Sacerdotes singulis quindenis, cæteri Clerici singulis mensibus minimum confiteantur.

V. Puerperæ periculose ægrotantes, & alii, quibus probabile vitæ periculum imminet, non differant, salutaribus pœnitentiæ remediis se munire, idque tempestive; ne cum corpore etiam animæ periculum incurrant; & ad hoc studiose advigilent Pastores, atque etiam, cum necessarium judicaverint, ulro sese offerant.

VI. Ad confessiones autem audendas requiritur in Sacerdote præter potestatem, quam in ordinatione sua accepit, etiam collata per Episcopum jurisdictionis, (b) & absolvendi potestas, prævio examine seu approbatione Episcopi, sine qua nulla est absolutio.

VII. Nullus itaque Sacerdos sive Sæcularis, sive Regularis confessiones audire præsumat quorumcunque, sive Sæcularium & Laicorum, sive Sacerdotum & Clericorum, nisi prius examine præmissio idoneus repertus, & a Nobis, aut nostro Vicario Generali approbatus fuerit, excepto mortis articulo, quando approbatus Confessarius haberi non potest, tunc enim quilibet Sacerdos ab omnibus & quibuscunque peccatis, etiam Sedi Apostolicæ, aut Nobis reservatis, in foro conscientie absolvere potest.

VIII. Præter hanc jurisdictionem præsentem requiritur vitæ integritas, ætatis, aut saltem morum maturitas, scientia Canonum pœnitentialium, censurarum, casuum reservatorum, diligens lectio probatorum & piorum Scriptorum, qui de Sacramento Pœnitentiæ scripserunt, prudentia & discretio, (i) ut sciant distinguere inter lepram & lepram, & salutarem medicinam peccatis contrariam applicare, pro peccato luxuriæ jejunium & continentiam, pro avaritiæ largitatem, pro fur-

to primo restitutionem; deinde opera misericordiæ, & similia.

IX. Extra necessitatem confessiones non audiantur, nisi in Ecclesia, & loco aperto, maxime si confitentes sint mulieres, quas convenit breviter expedire. Confessionalia ubique erigantur in loco commodo Templi, sumptibus fabricæ.

X. Caveant autem Parochi & Presbyteri audientes confessiones, ne alii confiteri volentes, nimium appropinquent, & confitentem aut turbent, aut facultatem illi adimant libere proferendi peccata sua, aut Confessario exactius interrogandi.

XI. Meminerint etiam Confessarii Sigillum Confessionis sibi strictissime observandum, (k) nec verbo; signo, nutu, aut quovis alio modo vel minimum veniale peccatum confitentis prodendum esse; idque etiam post mortem sub pœnis a jure præscriptis. Observent etiam, ne cum pœnitentibus, quorum exomologesin audierint, extra confessionem de iis peccatis agant, quæ illis in confessione manifestata sunt, nisi forsitan prægnantibus de causis, petita ante veniam, & ad singularem confitentis utilitatem id fiat.

XII. Magnopere vero ad Christiani populi disciplinam & Ecclesiæ auctoritatem pertinere semper visum fuit, ut atrociora quædam & graviora crimina non a quibusvis, sed summis duntaxat Sacerdotibus absolverentur. Unde merito Pontifex Maximus (l) pro suprema potestate sibi in Ecclesia universa tradita, causas aliquot graviorum criminum suo peculiari judicio reservavit, quod idem Episcopis in sua cuique Dicecesi supra alios Sacerdotes inferiores auctoritate licitum esse Concil. Trident. (m) ex definitione Canonum antiquorum recte statuit.

XIII. Peccata vero & crimina, reservationi Summi Pontificis subiecta, multa sunt, quorum præcipua in Bulla

Conc.

(b) Conc. Trid. Sess. 14. de Sacram. c. 7. & Sess. 23. c. 15. de Reform.

(i) C. Deus, qui Ecclesiam. De pœnit. & remiss. Conc. Trid. Sess. 14. de Sacram. Pœnit. c. 8.

(k) C. Sacerdos. De pœnit. d. 6. c. Omnis utriusq. De pœnit. & remiss.

(l) Conc. Trid. Sess. 14. de Sacram. Pœnit. c. 7.

(m) d. Sess. 14. c. 7. & c. 1. & c. Si Episcopus. De pœnit. & remiss. in 6.

Cane Domini sigillatim referuntur, de quibus expedit legere Navarrum in Manuali, & Toletum in instructione Sacerdotum, Franciscum Suarez & alios de Censuris, Sylvestrum & alios Summistas verb. *Censura, Casus reservati, Excommunicatio*, &c.

XIV. In quibus tamen casibus Sedi Apostolicæ reservatis, si occulti sint, Nos, & Vicarius noster ut absolvere & dispensare possimus, Concilium Trid. (n) statuit.

XV. Cum vero multi sint casus Episcopali absolutioni ac dispensationi de jure reservati, qui a multis Doctoribus in unum sunt collecti, ac in Pastoralis Romano a Nobis in publicum dando designantur, ex iis tamen plerosque Nobis de jure & consuetudine reservatos hic ponendos existimavimus.

Casus reservati Clericorum.

Fornicatio cum filia confessionis.
Concubinatus publicus, & vaga fornicatio.

Revelatio confessionis.

Furtiva susceptio sacrorum Ordinum sine debita licentia, & Dimissorialibus ab alieno Episcopo, aut cum Censuris irretitis quispiam Ordinem suscipit, aut sine Ordinibus celebrat, aut ministrat.

Casus reservati Laicorum.

Matrimonium contractum cum alia conjuge adhuc vivente, scienter, aut antequam de morte prioris satis certificetur, aut clandestine initum non servata forma Concilii Tridentini; machinatio in mortem conjugis, morte secuta.

Casus reservati Clericis & Laicis communes.

Homicidium voluntarium facto, præcepto, consilio, vel consensu deliberato commissum.

Sacrilegium in re vel in persona.

Incestus cum consanguineis & affinis in gradu a Conc. Tridentino determinato.

Adulterium.

Raptus.

Procuratio abortus vel sterilitatis.
Incendium Ecclesiarum, domorum, aut segetum malitiose factum.

Pollutio Ecclesiæ, cæmeterii, sanguinis vel seminis effusione.

Violatio immunitatis & libertatis Ecclesiasticæ.

Item veneficium, fortilegium, divinatio, incantatio, cum pacto Dæmonis expresso vel implicito, & abusus Sacramentorum & rerum sacrarum ad superstitiones & artes magicas.

CAPUT XVIII.

*De Sacramento Extremæ
Unctionis.*

§. I.

Ecclesia Catholica contra omnes omnium temporum hæreticos ab ipsis Apostolorum temporibus palam semper ex D. Jacobi Apostoli (o) sententia affirmavit, & docendum tradidit, Extremam Unctionem Sacramentum esse vere ac proprie dictum, quo migraturis ex hac vita Oleo salutis & Fidei oratione augetur robur contra hostes invisibiles, in isto momento (ex quo dependet æternitas) fortius impugnantes & calcaneo (p) ac fini vitæ insidiantes, ac deinde gratia confertur remissionis reliquiarum peccatorum ad salutem corporis & animæ.

II. Ideoque hujus Sacramenti usum & salutare effectus sæpius Parochi suis subditis, (q) ac præsertim ægrotis explicent, ut, quod hætenus in Dicecesi nostra fere in desuetudinem abiit, in pristinum, laudabilemque usum revocetur.

III. Parochi induti superpelliceo & stola hoc Sacramentum administrent periculose laborantibus, (r) & quorum jam deplorata videtur valetudo, licet etiam agonizantibus, & qui improvisa vi mortis opprimuntur ac sensibus carent, recte conferatur, modo antea bonæ & honestæ vitæ fuerint, & præcedenti tempore Paschali communicarint.

Custo-

(n) Sess. 24. c. 6. de Reform.

(o) Jacobi 5. v. 14. & 15.

(p) Conc. Trid. Sess. 14. in doctrina: De Sacram. Extr. Unctionis.

(q) d. Sess. 24. c. 7. de Reform.

(r) d. Sess. 14. c. 3.

Custodes quoque superpelliceis induti cum lumine sine nola præcedant.

IV. Observent vero Parochi Extremam Unctionem non esse dandam pueris, extremo supplicio afficiendis; amentibus, furiosis, qui non habent lucida intervalla, impœnitentibus, desperatis, excommunicatis, & qui præcepto Paschalis Communionis non satisfecerint.

V. Eximenda quoque est illa persuasio errōnea & pernicioſa ex mentibus hominum, qua sibi imaginantur, sese si inungantur citius morituros, ut propterea ad extremum vitæ halitum hoc Sacramentum differant.

VI. Invigilent vero Pastores, si ex suis infirmari aliquem graviter intelligant, & mortis periculum subesse existiment, ne forte prædicta opinione, vel negligentia, aut malignitate domesticorum, aut aliorum Unctionis Sacramentum impediatur, aut æquo iustius differatur; quin potius ultro ex charitate, & officii sui ratione sese offerant, oviculam suam invifant, moneantque infirmum de cura salutis suæ habenda, frequentique visitatione ad mortem disponant, ac quatenus per occupationes licet, morituris consilio, solatio & auxilio adesse studeant; aut saltem curent, ut alius aliquis Sacerdos, aut Religiosus advocetur, qui luctantem cum morte adjuvet, habeantque Pastores in hanc rem assiduos sibi libellos quosdam pios, qui de ratione bene juvandi morientes a piis & doctis viris sunt compositi.

VII. Cætera, quæ ad rectam huius Sacramenti administrationem spectant, ex libro Pastoralis petenda sunt.

CAPUT XIX.

De Sacramento Ordinis.

§. I.

Ordinum collatio, seu manuum impositio cum ostium sit ad Eccle-

siarum gubernacula, & ministeria exercenda, omni certe diligentia illud observandum est, quod hæctenus diligenter curatum non fuisse multis in partibus Orbis Christiani lugemus: hinc enim tanta mala uno quasi impetu in Ecclesiam inundarunt, eamque misere affligerunt, ut attentioſiorem posthac curam Episcopalem merito requirant, ne, quod D. Apostolus Paulus discipulo suo Timotheo (s) præscribit, id cum magno Ecclesiæ exitio contemnatur. Manus cito nemini imposueris, neque communicaveris peccatis alienis, qui etiam huiusmodi custodiæ formulam quandam charissimis suis Discipulis ex professo (z) præscribit, quam Nos sequentes circa ordinandos, & eorum ingressum, subiunctas condiciones observandas ex Conciliis & Canonibus depromptas præscribimus.

II. Primam tonsuram & Quatuor minores Ordines suscipere desiderans, debet esse (u) baptizatus, sacro Chrismate (x) confirmatus, ex legitimo Matrimonio (y) procreatus, aut natalibus reſtitutus, origine vel domicilio, vel beneficio (z) Diceſanus, aut a suo Episcopo dimissus. Ad primam tonsuram requiruntur anni (a) septem compleri. Eos, qui quatuor minores suscepturi sunt, expedit pauciores non habere, quam annos (b) duodecim. Ordinandi (c) Subdiaconi inchoasse debent annum ætatis suæ vigesimum secundum. Diaconi vigesimum tertium. Presbyteri vigesimum quintum, de quo fidem facere debent publico Magistratus loci, aut alio fide digno testimonio, sicuti & de iustis natalibus, aut si eorum defectum patiantur, legitima restitutione ac dispensatione.

III. Præter hæc requiritur primo, ut ordinandi sint (d) liberi, mente & corpore (e) integri. Secundo non truncati, non mutilati, aut notabilem deformitatem (f) corporis patientes. Tercio Diceſani, (g) aut a suo proprio Epi-

(s) 1. Tim. 5. (t) 1. Tim. 3. Ad Tit. 1.

(x) Conc. Trid. Sess. 23. c. 4. de Reform.

(z) C. Cum nullus. De tempor. ord. in 6.

c. ult. De temp. ord. in 6. (b) d. can. 2.

(d) C. 1. & c. Consuluit. De serv. non ord.

(f) Dist. 55. per tot. & c. 6. & toto tit. De corp. vitiatas non ord.

(g) C. 3. De temp. ord. in 6. dist. 71. & 72. per tot.

(u) C. 1. & fin. De Presbyt. non baptizat.

(y) C. 1. De filiis Presbyt. in 6.

(a) Can. De his, dist. 28. c. 2. dist. 77.

(c) Conc. Trid. Sess. 23. c. 12. de Ref.

(e) C. Maritum. d. 33. & c. Clerici. ead. dist.

(f) C. Maritum. d. 33. & c. Clerici. ead. dist.

(g) Conc. Trid. Sess. 23. c. 8. de Refor.

Episcopo dimissi. Quarto, Matrimonii (b) vinculo non obnoxii. Quinto, non (c) excommunicati. Sexto, competenter (k) docti. Septimo, (l) vitæ probatæ. Octavo, titulum (m) sufficientem beneficii aut (n) patrimonii habentes, quæ omnia partim per evidentiam & ocularem demonstrationem, partim per Examen, partim Literis & Testimoniis constare debent.

IV. Qui ad superiores Ordines promoveri petunt, literas primæ consensu, seu accepti prioris Ordinis exhibeant. Ad Diaconatum & Presbyterium ordinandi fidem faciant defunctionibus priorum Ordinum debite exercitis, de Horis Canonicis recitatis, de gestato habitu & corona Clericali.

V. Cum nonnunquam contigisse animadvertamus, quod nonnulli Civitatis & Diocesis nostræ Clerici indocti, ac vitæ non satis probatæ dimissoriales variis modis extorserint, & sub earum prætextu in exteris Diocesium Ordines furtive susceperint: Volumus & serio mandamus Vicario nostro in Spiritualibus, ne in posterum sine gravi & legitima causâ literas huiusmodi Dimissoriales concedat, præsertim quando Nos in Diocesi nostra per Vicarium nostrum in Pontificalibus Ordines conferri curabimus.

VI. Qui Beneficia Parochialia, five quævis alia curata adepti sunt, illa non ante administrent, (o) quam per legitimum examen & approbationem, a Nobis jurisdictionis executionem accipiant.

VII. Sacris majoribus Ordinibus initiati, vel in minoribus Beneficium obrincentes, sciant se secundum Constitutiones Ecclesiasticas ad preces Horarias quotidie persolvendas sub pena peccati mortalis, & restitutionis fructuum, pro rata temporis (quo Officium non impleverunt) teneri, ideo-

que huic obligationi studiose satisficiant.

VIII. In Cantu Ecclesiastico addiscendo hætenus magna ordinandorum negligentia animadversa fuit; non sine gravi scandalo populi, ut aut muti sint multi in Choro Clerici, Cantus Ecclesiastici imperiti, aut in voce inconcinna & absone mutis deteriores sæpe reperiantur: Quare serio mandamus omnibus ad sacros Ordines aspirantibus, ut Cantum Gregorianum seu Chorem ex principiis, usu, atque exercitatione addiscant. Cujus etiam in examine posthac rationem accuratam haberi volumus.

CAPUT XX.

De Sponsalibus & Sacramento Matrimonii.

§. I.

RESTE ex antiqua Ecclesiæ consuetudine Matrimonii Sacramentum præcedere solent Sponsalia, quæ sunt futurarum nuptiarum repromissio, & Matrimonii quædam præludia atque præparatio, (p) ne scilicet temere, ac præcipitanter, sine magna consultatione & deliberatione contracta Matrimonia, postea vel impedimento aliquo afficiantur, vel difficiliore pari-ant exitus. Quæ Sponsalia cum a Sacro Concil. Tridentino in suis terminis ac juris communis dispositione relicta sint, præterquam quod nunc, sublato Matrimonio clandestino, per carnalem copulam in Matrimonium non transeant, certum est tamen valida esse, & servari debere, etiam si coram Parocho ac testibus contracta non fuerint, nec posse contrahentes leviter ac voluntate sua, nisi ob causas jure definitas, & a Nobis, aut nostris deputatis Commissariis approbatas, a Matrimonio contrahendo resilire: quod iuste illis concedatur,

(b) Dist. 27. 28. & 32. per tot. & c. 5. De conv. conjug.

(c) C. Cum illorum. De sent. excommun. & c. 1. De eo, qui furt. Ord. susc.

(k) C. Illiteratos. dist. 36. c. Penitendi. 55. c. fin. De ætate & qual. ord.

(l) Conc. Trid. Sess. 23. c. 5. 7. & 12. de Reform. dist. 49. & 50. per tot.

(m) Dist. 70. per tot. & c. Cum secundum. De Præb. & dignit. c. Accepimus. De ætat. & qual. Conc. Trid. Sess. 21. c. 2. de Refor. (n) d. 7. Sess. 21. c. 2. & Sess. 23. c. 16.

(o) Conc. Trid. Sess. 24. c. 12. de Ref. (p) Can. Nostrates. 30. q. 5. l. 1. v. 2. ff. De Sponsal.

detur, ubi causa petendi iusta apparebit.

II. Ut vero minor sit controversiarum occasio, Sponsalia non clandestine, vel in angulo, sed in domo aliqua honesta, aut in loco sacro, parentibus, cognatis, Tutoribus, aut pluribus testibus, aut etiam Parocho presentibus contrahantur, admoneanturque a Parochis adolescentes & puellæ, ne invititis & insciis parentibus, vel Tutoribus Sponsalia vel Matrimonium inire, nec in hac re magni momenti quicquam inconsulto calore, præsertim quod contra honestatem pugnet, inchoare præsumant. Sed & monendi parentes, ac tutores, ne ipsi morositate sua liberos ætatis maturæ tardius doceant, illisque vel incontinentiæ, vel fugæ, aut inconsultæ actionis pœnitendam præbeant occasionem.

III. Grave peccatum est, frequens tamen in his regionibus, quod post contracta Sponsalia desponsi, antequam legitime Matrimonium contraxerint, se carnaliter cognoscant: ad quod periculum incontinentiæ evitandum moneant Parochi Sponsos, ut intra sex septimanas ad Matrimonii celebrationem procedant, (g) nec ante benedictionem in Templo suscipiendam sub eodem tecto habitent, aut soli converfentur; quod si contra hoc aliquid attentaverint, eos Nobis, aut Vicario nostro denuncient.

IV. Monemus vero omnes Parochos, ut, quæ ex Concilio Trident. (r) de contractu Sponsaliorum ac Sacramento Matrimonii, de trinis proclamationibus ac denunciationibus, assistentia proprii Parochi, ac testium, præparatione contrahentium, &c. post ejusdem Concilii publicationem & receptionem tempore Prædecessoris nostri factam, speciali mandato per Nos iterum inculcata sunt, ut quam diligentissime observentur, & bis in anno populo proponantur, scilicet prima Dominica post festum Epiphaniæ, & prima post festum Trinitatis, sub pœna decem aureorum florenorum, quoties illud neglectum fuerit.

V. Cum Matrimonium a Deo primitus in Paradiso ad propagationem generis humani (s) sit institutum, & in Evangelio confirmatum, utile quidem infirmis hominibus ad remedium, ac Christianis conjugibus ad officium mutuum præstandum, Deique populum augendum, magnumque propterea Sacramentum ab Apostolo (t) dicatur, arctissimam juxta ac sanctissimam Christi Sponsi & Ecclesiæ Sponsæ conjunctionem adumbrans, ac propterea maxime debeat, ut res sacra non nisi sancte suscipiatur, honesteque tractetur. Hinc Parochorum diligens erit sollicitudo, ut populum doceant de pio, rectoque contractu, atque usu Matrimonii, de gratia Sacramenti (quæ in nomine Domini convenientibus confertur) de bonis Matrimonii, fide, prole, ac Sacramento, ut sit honorabile in omnibus connubium, & thorus immaculatus.

VI. Caveant diligenter Parochi, ne alibi, quam in Ecclesia, (u) quæ Sacramentorum dispensandorum proprius locus est, & inter Missarum solemnia Matrimonio contrahendo assistant, in privatis vero ædibus, aut Nobilium arcibus id neutiquam faciant, nisi ex licentia nostra, vel nostri in Spiritualibus Vicarii in scriptis obtenta.

VII. Graviter monet Concilium Tridentinum (x) (quod Nos etiam serio cupimus observari) ut, antequam contrahant conjuges, vel saltem triduo ante Matrimonii consummationem, peccata sua diligenter confiteantur, & ad sacratissimum Eucharistiæ Sacramentum reverenter accedant, ad majorem Dei gratiam, & felicem eventum impetrandum, cujus rei curam Nos Parochis serio commendamus.

VIII. Cum experientia didicerimus, multos in prohibitis gradibus præcedentibus temporibus conjunctos, in statu peccati adhuc vivere, pro quorum salute merito sollicitudinem nostram Episcopalem ante hac sub decima quinta Septembris anni 1627. publicato Mandato interposuimus (quod iterum repetimus) hinc volumus, ut omnes

(g) Conc. Trid. Sess. 24. c. 1. de Refor. Marr.

(t) Ad Ephes. 5. v. 32.

(r) d. loco 1.

(u) d. Sess. 24. c. 1.

(s) Gen. 2. v. 22.

(x) d. loco.

omnes in prohibitis gradibus consanguinitatis, aut affinitatis cohabitantes, Pastoribus suis sese exhibeant, ipsi etiam Parochi in eos ac gradus eorum consanguinitatis & affinitatis inquirant, & si dispensatio aliqua prætexatur, hujus editionem postulent, ac rem totam cum circumstantiis omnibus ad Nos, aut nostrum in Spiritualibus Vicarium Generalem pro remedio competenti referant, & ad conjunctionem, nisi declaratione a Nobis, vel Vicario nostro habita, non procedant, refractarios vero & contumaces ab ingressu Ecclesiæ arceant, aut aliis modis puniendos Nobis denuncient.

IX. Quæ ad dignoscenda Matrimonii impedimenta, gradusque affinitatis ac cognationis, naturalis & spiritualis, & legalis, item iustitiæ, publicæ honestatis rationem, ac reliqua obstacula Matrimonium impediencia aut dirimentia pertinent, Parochi diligenti lectione addiscant, & in dubiis nihil temere statuunt, sed alios doctiores, & potissimum Nos, & nostros Commissarios consulant, nec aliquos scienter ad Sponsalia aut Matrimonium admittant, in gradibus a jure prohibitis, aut tempore ab Ecclesiâ interdicto, nisi cum speciali dispensatione.

X. Volumus autem tam in Matrimonio contrahendo, quam in conviviis nuptialibus omnem honestatem observari, & omnia vana, ludicra, & ridicula, & alia prodigalitatis & lasciviæ ostentamenta (quæ sub prætextu nuptialis lætitiæ exorbitanter nimis, ^(y) & scandalose interdum committuntur) removeri. Non enim decet Sanctorum filios conjungi, sicuti gentes, quæ Deum ignorant.

XI. De ignotis, peregrinis, & vagabundis, aut incertas sedes habentibus, id repetimus, quod in Concilio Tridentino ^(z) statutum est: similiter ordinamus, ut absentem (de cujus morte non certo constat) alter conjugum

nolum solum septennium, sed etiam ulterius ad arbitrium Judicis expectare, nec prius ad alias nuptias transire debeat, ^(a) quam causa coram Nobis, aut nostro Officiali cognita, & licentia contrahendi in scriptis obtenta fuerit.

XII. Quoniam vero libera esse debent Matrimonia, & coactæ nuptiæ plerumque miserabiles exitus sortiuntur, monemus tam Parentes, quam Dominos, ac Tutores quoscunque, ne per vim, aut metum ^(b) suos filios aut subditos quovis modo directè vel indirectè ad hoc adigant, quo minus libera Matrimonia contrahant, sub pœna excommunicationis ipso facto incurrenda: Parochis quoque sub pœna privationis Beneficii, aut suspensionis ab officio prohibemus, ne hujusmodi nuptiis intersint.

XIII. Causæ omnes matrimoniales, & ab ipsis dependentes, ad solam nostram, vel Vicarii, & Officialis nostri cognitionem & decisionem pertinent, ^(c) nec ullus alius Judex, sive Ecclesiasticus, sive sæcularis, cujuscunque dignitatis, conditionis, aut præminentiae fuerit, de Sponsalibus, Matrimonio, ejus impedimentis, de divortiiis, & aliis ac iisdem dependentibus & connexis causis inquirere, cognoscere, judicare aut definire præsumat: sed eæ Nostro, & prædictorum nostrorum Officialium iudicio reserventur.

**CONSTITUTIONUM, ET
DECRETORUM SYNODALIIUM
DIOECESIS OSNABRUGENSIS**

PARS SECUNDA.

CAPUT I.

De vita & honestate Clericorum.

§. I.

Nihil fere est, quod hoc Sæculo tam sit exoptandum, quam ut ii, qui

(y) Tob. 8. (z) Sess. 24. c. 7. de Reform. (a) C. In præsentia, & ibi Panor. De Sponsal. c. 2. De secund. nupt. (b) C. Cum locum, & c. Requisivit. De Sponsal. c. Significavit. De eo, qui dux, in Matr. Conc. Trid. Sess. 24. c. 9. de Ref. Matr. (c) Conc. Trid. Sess. 24. de Sac. Matrim. can. 12. & c. 20. de Refor. can. Multorum. 35. q. 6. c. 1. De consang. & affinit. c. Accedentib. De excess. Prælat.

qui in sortem Dei vocati, Divina munera dispensant, ac Ministeriis Ecclesiasticis præficiuntur, vita & exemplo id præsent, quod professione, statu, ac vocatione sua promittunt; ut in eos, tanquam in speculum, oculos suos concipientes Laici, invenire possint, quod digne imitentur; hoc enim omnibus fere sæculis compertum fuit, pro Sacerdotum vita, benedictionem aut maledictionem a Deo in populum procedere, nec quicquam gravius Ecclesiæ aut Reipubl. accidere, aut illam vehementius affligere, quam si a Clericis Laici bonæ vitæ incitamenta & exempla petere non possint. Quod gravissime olim deploravit S. Gregorius, (d) & nos ipsius verbis repetimus: "Nullum puto, Fratres Charissimi, ab aliis majus præjudicium, quam a Sacerdotibus tolerat Deus, quando eos, quos ad aliorum correctionem posuit, dare de se exempla pravitatis cernit: quando ipsi peccamus, qui compescere peccata debuimus, nulla animarum lucra quærimus, ad nostra quotidie studia vacamus, terrena concupiscimus, humanam gloriam intenta mente captamus; & quin eo ipso, quo cæteris prælati sumus, ad agenda qualibet majorem licentiam habemus, susceptæ benedictionis ministerium, vertimus ad ambitionis augmentum, Dei causas relinquimus, ad terrena negotia vacamus: locum sanctitatis accipimus, & terrenis actibus implicamur."

II. Hinc Nos serio ac sub obtestatione Divini judicii monemus omnes & singulos, ut, quo sunt in Ecclesia Dei digniore loco & ordine, eo vitam gerant inculpatiore, statumque suum vitæ innocentia ac morum gravitate diligenter exornent.

III. Cum vero summa disciplinæ Christianæ in eo consistat, ut abnegantes impietatem, ac sæcularia desideria sobrie, pie, juste vivamus in hoc sæculo; (e) idque ad omnes universum Christianos pertineat; intelligunt faci-

le Ecclesiastici, qui cæteris in exemplum positi sunt, quid ad ipsos spectet, qua illos morum gravitate in sermone, gestu, incessu, quo in cultu & vestitu corporis moderatione & decencia, qua vitæ sanctioris innocentia illos cæteris præstare oporteat. De quibus cum multa sparsim per Ss. Canones, Concilium Tridentinum, Statuta Provincialia, & nostri Prædecessoris Constitutiones Synodales tradita sint, illud Nos breviter hoc loco repetendum ducimus, quod de Clericali tonsura, deque vestitu, & victu frugali in præcedenti Synodo Osnabrugensi (f) statutum est, quibus Nos adjicimus, ut ne quispiam Clericorum posthac rugatis, acupictis, & nimium elaboratis collaribus utatur, sed planis, ac quæ commode & decenter super vestem reflecti possint.

IV. Veste omnes utantur honesta ac decente, (g) ut materia, forma, colore, pretio, ac omni modo respondeat tum modestiæ ac dignitati Clericali, tum conditioni ac statui singulorum, in quo uti vanitatem, & affectatam mundi curiositatem, novas levitates ac nitorem, sic abjectionem & nimias sordes exclusas volumus. In omni vestitu, præsertim externo, color tantum niger adhibeatur.

V. In Civitatibus ac oppidis talari veste, in pagis aut villis brevioribus utantur. Itinerariæ vestes breviores non sint, quin simbria infra genua diffluat, nec domesticæ vestes & intrinsecæ colore aut habitus specie a domestica Clericali discrepent.

VI. Quod de coma, barbis, ac alis barbarum Prædecessor noster mandavit, id Nos iisdem verbis, & eodem vigore observandum serio repetimus, cui pro clariore intellectu hoc adjicimus, & admittimus, ut Ecclesiastici vel brevem Romano, vel antiquo hujus Patriæ more, usque ad extremitates inferiores aurium defluentem comam gestare possint, planam non reflexam, nec calamistratam, aut in concinnos compositam, aut instar serarum elala-

(d) Matth. 5. v. 13. Ad Tit. 2. v. 7. c. Qualiter. De accusar. Homil. in c. 10. Lucæ.

(e) Ad Tit. 2. v. 12. (f) C. 10. (g) 1. Tim. 2. Conc. Trid. Sess. 24. c. 12. de Reform. variis locis sub tit. De vita & honest. Cler. extra. in 6. & Clement. c. penult. De vita & honest. Cler. c. 2. eod. in 6. c. Clerici. De vir. & honest. Cler.

elatum; Corona vero (insigne regalis Sacerdotii) conspicua appareat, renoveturque in iis, qui brevi sunt capillitio, singulis quindenis, qui longiori, singulis mensibus.

VII. Mensa moderationem tum status Ecclesiastici ratio, tum præsens temporum necessitas, omnibus fere indicit, (b) volumus tamen hanc ob omnibus, pro conditionis qualitate observari, ut non desit, quod egentibus Christi membris, quibus id, quod superest, debetur, recte distribui possit.

VIII. Publicas & privatas comestationes, conviviones, longiores acubitus, ad æquales haustus provocationes, cum illæ omnes Christianos, & in primis Clericos maxime dedeant; (i) omnes monitos volumus, ne his indulgeant, sed quanta fieri potest frugalitate, concessis sibi a Deo donis utantur.

IX. Si quando ad nuptias & alia convivia, gratia propinquitatis, aut necessitudinis invitentur, cæteris modestiæ, frugalitatis ac sobrietatis exemplo præcant, cauponas vero aut tabernas vitent, nisi in itinere constituti necessitatis gratia; a choreis vero & mimicis, seu jocularibus nugacitatibus ubique abstineant, sicuti etiam a lusu jure prohibitis, aleis, taxillis, gladiis, hastis, sclopis, & similibus, quemadmodum etiam a venationibus illicitis & clamorosis. (k)

X. Similiter alienum est ab instituto Clericorum, ut quæstus gratia mercaturas, negotiationes, alienæ rei procuraciones, advocaciones, (l) nisi pro Ecclesia, necessariis, & miserabilibus personis, actiones, causarum præsertim apud Judices sæculares, Notariatus, & Tabellionatus, officia prophana, artem medendi, aut cauponandi utilitatem exercent, quæ omnia, tanquam a jure reprobata, malorum

irritamenta, Clericis prohibita esse volumus.

XI. Et generaliter quæcunque a sacris Canonibus, (m) & præsertim Concilii Tridentini, de vita, & honestate, modestiæque Clericorum conservanda, deque criminibus, ac superfluitatibus quibuscunque vitandis, salubriter constituta sunt, ea sub iisdem poenis repetita, & omnibus pro debita observantia serio commendata & inculcata esse volumus.

CAPUT II.

De Concubinato.

§. I.

Immundum & damnabilem Concubinum, quo nihil magis ab honestate Clericorum, & Ministrorum Christi Virginis Filii, alienum est, post ferias Prædecessoris nostri Synodales Constitutiones, (n) & nostras subsécutas, diversas mandatorum insinuationes, & monitiones, Nos iterum hoc Decreto nostro execramur, damnamus, & profligamus, & ad superabundantem cautelam, & pro tollendâ omni ulteriore excusatione, omnibus notum hisce facimus, Nos nemini hoc in crimine parcituros, sed posthac simpliciter & de plano, ad privationem Beneficiorum, & seriam ac publicam executionem, contra auctores, complices & feedas amafias ac focarias, ubicunque locorum processuros, quam rem iterum Vicario nostro in Spirituallibus Generali, & quos ipse pro executione requisierit, serio injungimus.

II. Quæ de prolibus ex fædo concubinato susceptis, earumque cum Parentibus Clericis cohabitatione, a Prædecessore nostro ZOLLERANO decreta sunt, (o) hic de verbo ad verbum repetimus, & serio observari volumus. Similiter vetamus, ne Clerici Parentes, in Baptismo, Sponsalibus, Nuptiis,

M m m 3

(b) Can. Prohib. &c. can. Clerici. dist. 23. can. Duo sunt. 12. q. 1. d. c. Clerici.

(i) Ad Philip. 3. v. 19. c. A crapula. De vit. & honest. Cleric.

(k) Dist. 44. per tot. Conc. Trid. Sess. 24. c. 12. de Refor. (l) d. c. Clerici. Trid. Conc. Sess. 22. c. 1. de Refor. can. Qui venator. & seqq. dist. 86. tot. tit. De Cler. venat. c. 1. & 2. & c. Secundum. Ne Cler. vel Monach.

(m) Tot. tit. De postulando. c. Sicut. Ne Cler. vel Monach. c. Sententiam. eod. tit.

(n) C. 8. De Concubin. (o) C. 8.

tiis, exequiis, aut similibus actibus publicis suorum illegitime natorum, ullo modo interfint, nec in publico facile cum iis compareant, aut eos in plateis circumducant, quos certe videre ac nominare non possunt, nisi in pœnam & infamiam.

III. Concubinas vero ad minus dietam unam a cohabitatione suarum, cum quibus peccavere & vixere, relegari volumus; & omnem prorsus cum ipsis conversationem sub pœnis privationis Beneficiorum, aut alias pro qualitate delicti arbitrarie infligendis prohibemus.

IV. Similiter etiam huc repetimus, tam quæ in sacris Canonibus & Conciliis Provincialibus, quam a Prædecessore nostro, (p) de illegitimis Clericorum Liberis ad hæreditates, donationes, & fructus Beneficiorum percipiendos, non admittendis, salubriter statuta sunt.

CAPUT III.

De Simonia.

§. I.

Simonia grave ac detestabile crimen, quod tamen frequens in hac Diocesi nostra fuisse deprehendimus, nos cum ipso Authore, tam ex Constitutione Canonum, (q) quam Legum civilium, damnatum ac reprobatum, sub iisdem pœnis, a sacris Canonibus comprehensis, in Diocesi nostra, prohibemus ac damnamus, & in hoc omnem severitatem Legum, ac præcedentium Constitutionum Prædecessoris nostri renovamus & confirmamus.

II. Volumus etiam in ingressu seu receptione ad Beneficia, (r) expensas pro statutis & finalibus, ut vocant, ac similibus, ad eam moderationem redigi, ut tam quoad exactionem, quam quoad distributionem, nulla Simoniz, avaritiz, ac sordium species subesse possit.

CAPUT IV.

De Usuris.

§. I.

Popularis frequentia, criminis usurarum ipsius fœditatem & enormitatem ex animis hominum pœne delevit, adeo, ut etiam verendum sit, ne spes dolosi lucri interdum multos decipiat, ac in salutis suæ præcipitia deducat. Ut tamen, quantum in Nobis est, ex omni hominum ordine hujus criminis contagio eliminetur, præsentî Decreto prohibemus ac damnamus omnes contractus usurarios sive in mutuo, sive in emptionibus annuorum censuum ac reddituum, & excessu pensionum seu præstationum, seu quocunque alio modo a jure reprobato, contingant; & tam contra usurarios, quam usurarum proxenetas, ministros, contractuum Scribas & Notarios, (s) præter censuras Ecclesiasticas, privationem scilicet Communionis & sepulturæ, ac restitutionem justam, arbitrariis pœnis procedemus.

II. Hortamur vero omnes Ecclesiarum Parochos, Concionatores, Confessarios, & alios curam animarum habentes, præsertim in celebrioribus Diocesis nostræ Civitatibus & oppidis, ut de hoc pernicioso crimine ex Canonibus & probatis libris & auctoribus se ipsos diligenter informant, ac populum sibi commissum doceant, quid in hujusmodi contractibus licitum, quid vero prohibitum ac cavendum sit.

III. Ut vero pœnam in Usurarios a jure statutam omnes agnoscant, repetenda ad verbum visa fuit Constitutio in Lateranensi Concilio (t) edita, quæ sic habet:

” Quia in omnibus fere locis crimen usurarum invaluit, ut multi aliis negotiis prætermisissis, quasi licite usuras exerçant, & qualiter utriusque testamenti pagina condemnentur, nequaquam attendant; ideoque

(p) d. c. 8. §. 3. (q) Causa 1. q. 1. per tot. tit. De Simonia. L. Si quinquam. 31. De Episc. & Cler. Novel. 123. §. Sed neque Clericum. Et quidem apud gentiles ambiguitur quæstio fuit contra Sacerdotium petentem. L. 1. Ad L. Jul. De ambitu.

(r) Conc. Trid. Sess. 24. c. 12. de Ref. Constit. Pii V. incip. *Durum nimis edita*, anno 1570.

(s) C. 3. de Usuris.

(t) C. 3. de Usuris.

"que constituimus, quod usurarii manifesti, nec ad Communionem admittantur Altaris, nec Christianam" (si in hoc peccato discefferint) accipiant sepulturam, sed nec oblationes eorum quisquam accipiat; qui autem acceperit, vel Christianæ tradiderit sepulturæ, & quæ acceperit reddere compellatur, & donec ad arbitrium Episcopi sui satisfaciatur, ab officii sui maneat executione suspensus."

CAPUT V.

De Beneficiis, eorum Collationibus, seu Jure Patronatus, Institutionibus, Resignationibus & Permutationibus.

§. I.

Ipsa rerum magistra experientia loquitur, nihil ita Ecclesiæ obesse, quam quod ipsa suis stipendiis, quæ benignitate Sponsi sui, & Christi fidelium liberalitate obtinet, & ex Christi ærario elargitur, idoneos Ministros, & digne sibi servientes invenire non possit, sed illa sæpe depeculentur ignavi ventres, Beneficiorum Ecclesiasticos redditus usurpantes, non tanquam publica officiorum stipendia & virtutum merita, sed tanquam privata commercia, atque compendia nundinantes. Quæ res merito curam nostram Episcopalem excitat, ut diligentius de remediis, in communi calamitate cogitare, ac providere debeamus, ne pro utilibus & maxime necessariis Ecclesiæ Ministris, rudes pueri, aut alias ætate, scientia, moribus inepti extremo Ecclesiæ exitio, & tam conferentium, quam acceptantium periculo intrudantur, sed ut omnia hac in parte recto modo, & ordine procedant.

II. Inprimis autem cum longo abusu & deploranda corruptela præcedentium temporum irreperit, quod Patroni, præsertim Laici, qui jus nominandi, vel præsentandi habuerunt, nimis libere, ac contra juris rationem, ac primævas institutiones ac fundationes, de Beneficiis Jurispatronatus, tan-

quam de familiaris patrimonii ac privati juris bonis hætenus fere disposuerint; sine ulla fere distinctione ætatis, ordinis, ac qualitarum de jure necessariarum, scire Patronos omnes volumus, illis Jure Patronatus ex præscripto Canonum & Concilii Tridentini, ^(u) ita moderate prudenterque utendum esse, ut neminem pro suo arbitrio violenter intrudent, sed ad Beneficia idoneos, ætate, scientia, vita ac moribus præsentent; aut non ægre ferant, si præsentati inutiles, jure a Nobis repellantur, cum ex Jure Patronatus aliud illis nihil competat, quam potestas præsentandi Episcopo, aut illi, qui jus instituendi habet, Clericum idoneum ad Beneficium vacans.

III. Illud etiam Patronis, cujuscunque Ordinis ac dignitatis sint, observandum ex Canonibus & Concilio Tridentino ^(x) præcipimus, ut in Beneficiorum bona aut perceptiones fructuum, proventuum, obventionum, quorumcunque Beneficiorum, etiam si vere de Jure Patronatus ipsorum, & fundatione & dotatione Parentum ipsorum & Majorum sint, nullatenus, nullave causa vel occasione sese ingerant, sed illos libere Rectori seu Beneficiato non obstante quacunque corruptela præcedentium temporum distribuendos dimittant, sub pœna privationis Juris Patronatus.

IV. Qui hætenus ex Patronis laicis, corrupto temporum abusu, Beneficiorum, quorum Catholici ipsorum Majores, pii Fundatores fuerunt, redditus supprefferunt, aut ad se traxerunt, aut in alios usus converterunt, monentur serio, ut quamprimum omnia in pristinum statum restituant, aut nostram seriam executionem expectent.

V. Quod ipsum etiam omnibus Magistratibus, Communitatibus, Universitatibus, ac quibuscunque aliis hominibus utriusque status, sive in publica potestate constitutis, sive privatis, sub arbitraria Nobis pœna serio injungimus.

VI. Cum vero Nominatio, Præ-

sen.

(u) C. Pæ mentis, cum seq. 16. q. 7. c. Præterea, & parum tot. tit. De Jure patr. Cone. Trid. Sess. 14. c. 12. & Sess. 25. c. 9. de Refor.

(x) Sup. alleg.

tentatio, Collatio, seu Electio, gradus primus & accessus sit ad Beneficia, in quo periculose persæpe peccatur, dum sine discrimine ac certa electione, ex affectuum aut precum importunitate magis, quam virtutum merito proceditur. Nos ad mala, quæ hinc oriri solent, evitanda, in ipso statim principio hoc cavemus, ut citra ullam dissimulationem aut interpretationem, nullus ad quodlibet Beneficium, seu Ministerium Ecclesiasticum admittatur, qui non ætatem, scientiam, mores, Ordines, Beneficio pares adferat, prout istud tenor foundationis & obligationis requirit.

VII. Volumus enim ante omnia, ut foundationum piarum qualitates, ab ipsis Fundatoribus expressæ, exactissime observentur, uti si Capellania etiam simplex, aliudve Beneficium, etiam Juris Patronatus ex præscripto erectionis & foundationis, aut alterius Constitutionis certum Ordinem, aut alias condiciones requirit in eo, cui vel collationis, vel institutionis, vel alio nomine de ipso est providendum, illud Beneficium, ne cuiquam conferatur, etiam Patronorum accedente consensu, qui vere eo Ordine non sit initiatus, aut in ea ætate constitutus, ut infra tempus a jure statutum initiari valeat, neque qui iis conditionibus præditus non sit, quas illa erectio, fundatio, vel constitutio requirit, in quo verba mentemque Fundatorum exacte observari volumus, quæve actum in Ordinibus sacris inducant ac requirant, quæve aptitudinem seu habitudinem admittant, ne quid contra jus & voluntatem Fundatorum temere committatur.

VIII. Qui vero Beneficium quacunque affectus est, ejus Titulum & Foundationem, etiam non monitus, intra mensem Nobis, aut nostro in Spiritualibus Vicario ostendat: quod si non fecerit, dimidia parte fructuum, ac proventuum unius anni mulctetur, nec minus omni modo titulum exhibere cogatur, qui iidem tituli, ac foundationes, quotiescunque id a Nobis, aut nostro in Spiritualibus Vicario, requisitum fuerit, a quolibet, sine ulla cunctatione offerantur. (y)

IX. Intelligimus autem multa esse per Dicecesin nostram Beneficia, quorum Foundationes, atque Institutiones jam perditæ, aut oblitteratæ sunt, eorum vero fructus & obventiones sæpe ab ignavis hominibus, sine ulla obsequii Ecclesiastici præstatione usurpantur, cui incommodo ut, quantum in Nobis est, occurratur, volumus, ut Pastores & Curati Decretum Concilii Tridentini (z) populo proponant, isque intelligere possit, quam sit facinus enorme & grave Christi patrimonium & Ministrorum Ecclesiæ alimoniam injuste possidere. Quæ vero prædicti Curati, aut alii Prælati & Ecclesiarum Rectores, ac quicunque Ecclesiastici & Laici animadverterint in hoc genere remedio indigere, ea diligenter notata ad Nos, vel Vicarium nostrum in Spiritualibus referant, ut Nos ex officio nostro Episcopali pristina officia restituere, sique non satis aliunde constare possit, qualia illa esse debeant, Nos pro ratione fructuum onera, Missas, Divinaque Officia celebrandi iis imponere, aut, ubi Capellæ seu loca pia extincta sunt, secundum Canonicas Sanctiones Beneficia & eorum titulos transferre possimus.

X. Extra omne dubium est, eos, qui hujusmodi Beneficiorum fructus & emolumenta hætenus, sine ullius servitii Divini exhibitione perceperunt, ad perceptorum fructuum restitutionem teneri, nec aliter in foro conscientie tutos esse. Hinc Nos omnibus & singulis sub arbitraria Nobis poena injungimus, ne ullo modo perceptioni fructuum sese immisceant, antequam foundationis tenorem sciant, illique satisfaciant, ac nostrum desuper arbitrium ac consensum requirant. De perceptis vero ita constituturi sumus, ut & Ecclesiæ læsæ satisfiat, & conscientie, receptione indebitorum gravatæ, exonerentur.

XI. Interdicimus vero iis, qui jus habent conferendi Beneficia, seu ad ea eligendi, nominandi, præsentandi, ne vel ipsi, vel eorum Ministri familiares, aut Officiati, quicquam ab aliquo, cui Beneficium Ecclesiasticum conferatur, sub quolibet prætextu aliquod tale capiant,

(y) C. 1. De reg. juris in 6.

(z) Sess. 22. c. 10. de Reform.

capiant, quod pallio gratitudinis involvatur, revera autem speciem Simoniae & injustæ & avaræ acceptationis habeat, quia sub illo velo multa latent, quæ hominibus quidem obscurantur, oculos vero Dei non fugiunt, & Simoniacæ subjacent pravitati.

XII. Iniquæ etiam ac sacris Canonibus contrariæ & prohibitæ pactiones, ac conditiones non ineantur, neque resignationes, præsertim in favorem, cessiones, translationes, ac permutationes aliter, nec coram aliis, quam jure id licitum est, permittantur.

XIII. Monemus vero & obtestamur omnes Patronos, Collatores, & Prælatos, vel ad quoscunque proviso Beneficiorum pertinet, ne illi in suos consanguineos, familiares, ministeriales Beneficia ita conferant, ut illa tanquam operæ & laboris pretia, aut consanguinitatis, aut propinquitatis jura accepisse videantur, sed ut omnes humani affectus, qui, quæ sua sunt, quærunt, non quæ JESU Christi, ab hujusmodi suffragiis, & Beneficiorum collatione separentur.

XIV. Neminem vero præsentatum, vel nominatum, vel electum, vel ab inferioribus provisum prius ad Beneficium admittendum vel instituendum ducimus, quam is præter Professionem Catholicæ Fidei, coram Nobis, aut nostro Vicario in Spiritualibus, aut iis, quibus id competit, factam, infra scriptum quoque juramentum præstet.

Ego N. N. juro & promitto obedientiam & reverentiam Illustrissimo & Reverendissimo Domino meo Episcopo Osibrugensi & Successoribus ejus canonice intrantibus, Beneficio, ad quod institui peto, secundum oneris annexi exigentiam fideliter deserviam, atque ab eo sine ejusdem Domini Episcopi, aut Vicarii ejus licentia non discedam, res, bona, & jura Ecclesiæ, & Beneficii nullatenus alienabo, & indebite alienata, quantum in me erit, fideliter recuperare studebo. Sic me DEUS &c.

XV. Quia vero per annos gratiæ, seu expectantiarum, ut vocant, ac alias

præstationum impositiones, ac portionum detractiones, multum Divinis Officiis detrahitur, & ut consulatur defuncto, aut ejus hæredes persæpe dentur, aut Ecclesiæ fabricæ aliquid accedat, Deus ipse negligitur, & defuncti, Beneficiorumque Fundatores, multarum personarum suffragiis ac intercessionibus, multis quandoque annis fraudantur, ideo maturo consilio, cum præscitu Venerabilis Capituli nostri, tantæ deformitati Ecclesiæ occurrere studebimus, ne cum fraude Divini servitii, ac Fundatorum piæ intentionis Officia Ecclesiastica tanto tempore deferantur.

CAPUT VI.

De Residentia Clericorum.

§. I.

SCiant omnes, qui Divinis mancipati sunt Officiis, (a) & Ecclesiasticos redditus percipiunt, se ideo de Altari vivere, & populi peccata comedere, ut Officium Ecclesiasticum strenue ac pure peragendo totius generis humani causam in se suscipiant, ac congemiscantis Ecclesiæ vota, preces, ac laudes Deo offerant.

II. Ideoque omnibus Beneficia vel Officia Ecclesiastica, (b) & ex iis redditibus & obventiones in nostra Diocesi obtinentibus, quibus personale in Ecclesia obsequium est annexum, illud incumbit, ut in Ecclesia & Officio Divino sint assidui, nec sine causa aliqua singulari ac probata, & scitu suorum Superiorum se absentent.

III. In primis vero omnibus Parochis, Plebanis, & curam animarum gerentibus mandamus atque præcipimus, ut ovibus sibi a Deo commissis, in propria Ecclesia residendo præsent, (c) ut ex Divino præcepto eas agnoscere, verbo doctrinæ, & vitæ exemplo, & Ss. Sacramentorum administratione pascere, & quæ bonum ac legitimum Pastorem decent, munia Pastoralia debite exercere possint, nec oves metu periculi, vel pestis tempore, aut sub prætextu

(a) C. Ad hoc. De Clericis non resid.

(b) Conc. Trid. Sess. 24. c. 2. de Reformatione.

(c) Conc. Trid. Sess. 6. c. 1. & 24 & Sess. 23. c. 1. de Reformatione.

textu aliorum negotiorum deferant, aut ad mensem absint, sine nostra, aut nostri in Spiritualibus Vicarii licentia, nec non idoneo ac approbato Vicario cum debita mercedis assignatione constituto.

IV. Hanc in residendo assiduitatem Ecclesiarum Decani, Scholastici, Cantores, Custodes, aut qui similibus dignitatibus Beneficia habent, quos Majores nostri, tanquam moderatores & inspectores Ecclesiasticæ disciplinæ, esse voluerunt, serio præstare tenentur, ut ii non facile, nec nisi ad breve tempus abesse possint, (d) aut si diutius abesse necesse fuerit, id speciali nostra licentia, & non aliter fiat.

V. Repetimus præterea, ac omnibus observanda injungimus, quæ rec. mem. Prædecessor noster in proxima Synodo Osnabrugensi (e) generaliter hac de re statuit, quibus ad evidentiorum notitiam adjungenda existimamus, ut, quorum foundationes personalem residentiam requirunt, illi ipsi resideant, aut si neglexerint, de facto a proventuum perceptione suspensi sint, & adversum eos, ex sacrorum Canonum (f) & Concilii Tridentini (g) præscripto procedatur, nec valeant dispensationes, collusiones aut dissimulationes de non residendo, aut fructibus in absentia percipiendis.

CAPUT VII.

De Prælati & Canonicis Ecclesiæ Cathedralis, & Collegiarum.

§. I.

Ecclésiasticæ disciplinæ retinendæ & conservandæ causa, Ecclesiarum dignitates sunt constitutæ, quibus etiam pro merito laborum & amplioris curæ majora stipendia sunt assignata, quæ certe non recte uturpabunt, nisi labore, ministerio, atque industria respondeant, ac Divinum cultum promoveri, Ecclesiasticam disciplinam con-

servare, ac Nos opera & officio juvare studeant.

II. Præpositi, tanquam præcipui Ecclesiarum Prælati, illud diligenter curent, ut res, bona, jura, & privilegia Ecclesiarum suarum defendant, (h) ab omni injuria, damno & molestia vindicent ac conservent, eaque provideant ac procurent, quæ ad Ecclesiarum (a quibus dignitates ac stipendia majora percipiunt) defensionem, pacem, & tranquillitatem spectant, ut tanquam fideles servi, quos constituit Dominus super familiam suam, a magno Patrefamilias agnoscantur.

III. Decanos quoque officii sui admonuit præcedenti Synodo (i) Antecessor noster, quæ Nos huc repetimus, & cum ipsis singulariter ex officio illa commendata esse debeant, quæ circa Ministeria Ecclesiæ, & Ecclesiasticarum personarum vitam, Chorique ac Capituli disciplinam, excessus ac correctionem desiderantur; merito ab illis requirimus, ut omnia, quæ ad honestatem & vitam bonam omnium Canonicorum, Vicariorum, Clericorum, ac Ministerialium Ecclesiæ suæ pertinent, ea ut diligenter ab omnibus & singulis observari curent. Quod, ut majori cum fructu fiat, vita ac moribus ita compositi sint Decani, ut alios ad imitationem provocent, talique scientia ac peritia præditi, ut aliis recte possint consulere. Ut vero hac in re bene sancteque ab ipsis procedatur, antiquum illud Capitularis disciplinæ jus, in vetustis Ecclesiæ codicibus fere oblitteratum, in usum revocent, ac sollicitudine sua monitisque sanctis procurent, ut omnes ipsis subiecti vitam ducant, suo statu ac ordine dignam.

IV. Cum vero nequitiam conveniat, ut jurgia, litesque inter illos versentur, quos tanquam fratres in domo Dei unanimes ambulare oportet, omnino advigilent, ut si quam ortam inter Clericos Collegii sui controversiam animadvertant, eam in ipsis statim principiis sopire studeant, graviore vero emer-

(d) Conc. Trid. Sess. 21. c. 3. de Reform.

(e) C. 7.

(f) C. Conquer. c. Ex parte. c. Int. quat. & c. penult. & ult. De Cler. non resid. c. fin. De Rescript. in 6.

(g) Conc. Trid. Sess. 21. c. 3. de Reform.

(h) C. Quamvis. De verb. sig. c. Nullus. dist. 60.

(i) C. 12.

emergentes excessus aut contumaciam, aut insolentias majores (præsertim si in publicum prodeant) pro remedio competenti ad Nos referant.

V. Cum vero officium Decani curam habeat animarum annexam, nolimus, ut quisquam ullis Decanalibus functionibus sese immisceat, nisi confirmatione a Nobis prius petita & accepta.

VI. Qui præter Decanos dignitates & officia in Cathedrali & Collegiatis Ecclesiis obtinent, diligenter curent, ut suis officiis secundum Canones, & cujusque Ecclesiæ consuetudinem faciant satis.

VII. Si quæ Præbendæ Canonicales certum habeant annexum Ordinem, illud Possessores curare debent, ut Ordinem illum suscipiant, & oneri annexo satisfaciant, neque onus in alios rejiciant, nisi approbatis foundationibus aliter sit constitutum.

VIII. Vicarii, quos vocant, Chori nomini suo respondeant, ac Canonicis in persolvendis Officiis Divinis auxilio sint, & omnia illis incumbencia onera ex fundatione vel consuetudine Collegii assidue ac religiose persolvant.

CAPUT VIII.

De Archi-Diaconis.

§. I.

Archi-Diaconi cum functionibus & officio Nobis conjuncti, ac in partem sollicitudinis nostræ Episcopalis vocati sint, adeoque a Canonibus Oculi Episcopi, ejusque Vicarii aliquando vocentur, (k) quod Episcopi Ministri sint, & ea omnia, quæ exercent, ad Episcopum pertineant, hinc illos in Domino monemus, ut pro data sibi commissione strenue Nos adjuvent, recteque suo officio fungantur, nec supra concessam jurisdictionem sese effertant, ac repetimus ea, quæ a recollem. Prædecessore nostro (l) de Commissariis ipsorum, deque multarum exactione & conversione in usus pios

ex Canonibus & Concilio Tridentino sunt mandata.

II. Cum etiam hætenus animadversum sit in Synodis Archi-Diaconalibus, interdum magnam infrugalitatem exerceri, (m) cum non exiguo gravamine Ecclesiarum ac Pastorum: Volimus in his actionibus eam moderationem adhiberi, ne, dum aliorum correctio suscipitur, talia admittantur, quæ alios lædere, & emendatione digna esse judicari possint.

CAPUT IX.

De Decanis ruralibus.

§. I.

Diœcesis nostræ amplitudo ac moles tanta negotiorum, præsertim redeuntibus vicinis Regionibus, eam necessitatem Nobis imponit, ut ad facilem, magisque securam sollicitudinis nostræ Episcopalis explicationem, remedia atque subsidia opportuna & subordinata adhibeamus. Quamobrem visum est Nobis exemplo aliorum bene constitutorum Episcopatum per superiorem & inferiorem Germaniam, & præsertim Ecclesiæ Metropolitanæ Coloniensis, Episcopatum nostrum & vicinas Regiones, jurisdictioni nostræ Diœcesanæ subjectas, in certas regionulas dividere, eisque certum aliquem Pastorem præficere, quem vulgo Decanum Ruralem appellant, qui supra alios Pastores majorem auctoritatem ac jurisdictionem obtineat, in vitam ac mores eorum, & an suo muneri & Officio Divino per omnia satisficiant, item in pia loca, res, ac jura Ecclesiastica diligenter attendat, ac Nos, & Vicarium nostrum, in cura tam ampla subsidiaria opera sua adjuvet & sublevet. Quod, ut majori Ecclesiæ bono fiat, curabimus, ut deinceps Regiones hujusmodi prudenti consilio distinguantur ac describantur, leges certæ hujusmodi Decanis ruralibus dentur, ac ei muneri quam maxime idonei præficiantur.

CA.

(k) C. 1. & c. Ad hæc. & tot. tit. De offic. Archidiacon.

(l) C. 3.

(m) Argumento c. Inter cæter. & c. Relatum. 10. q. 1. c. Cum Apostolis. De censib. & c. 1. §. Procurat. eod. tit. in 6.

Tomus IX. Concilior. German.

CAPUT X.

De Parochis & Curatis.

§. I.

Cum salus & incolumitas Christiani gregis a Pastoribus, aliisque, quibus animarum cura commissa est, dependeat, qui tanquam Cooperatores in partem sollicitudinis Episcopalis assumpti sunt, eapropter magnopere Nobis providendum est, ut quod humano ore dicuntur, illud in oculis Dei esse inveniantur, ut scilicet vere digni sint & idonei, quibus animarum cura ruto credatur, ut ipsi forma gregis facti ex animo eundem pabulo verbi Dei & Sacramentorum pascant, ⁽ⁿ⁾ ac in viam dirigant salutis æternæ.

II. In quo etsi temporis successu sperare ampliora, quam ab initio statim præstare possumus, quando per Dei gratiam Seminarium Pastorale a Nobis erigendum maturos fructus fecerit: omnem tamen, quantum in Nobis est, curam interim adhibentes, monemus in primis omnes & singulos, qui quomodocunque in sordibus impuræ vitæ hætenus hæserunt, ut omnem huiusmodi labem, & vel minimam etiam suspicionem posthac bonæ vitæ exemplo a se avertant, eaque vitæ integritate cæteris præluere studeant, ut reliqui ad eorum exemplum conformati, pietatis, justitiæ, integritatis, sobrietatis, & Christianæ disciplinæ perfectionem sectentur.

III. Sciant vero in primis Pastores, Curati, ac Rectores Ecclesiarum se ex Divino præcepto ad assiduam apud oves suas residentiam, ^(o) & ad debita Pastoralis suæ sollicitudinis officia exhibenda obligatos esse, itaque inviolabiliter observent, quod supra Capite VI. de Residentia insinuatum est.

IV. Ac quidem, cum ipsi Ecclesiæ ac populi Dei curam habere debeant, primum domui suæ bene præesse studeant, ut nihil in ea sit, quod non pietatem, Dei zelum, frugalitatem, & omnem honestatem sapiat.

V. Deinde frequenter domos Parochiæ suæ obeant, ac perlustrent, æ-

gros invitant, pauperum, viduarum, pupillorum, & aliarum miserabilium personarum curam in se suscipiant, iras & inimicitias suorum Parochianorum componant, publica blasphemiarum, adulterii, concubinatus, fornicationis, usurarum, & similia scandalosa crimina, quæ ad cognitionem & correctionem Ecclesiæ pertinent, seria, gravique comminatione atque interpositione corrigere studeant, & ubi monitione sua non profecerint, Nos, & Officiales nostros ad coercentes & puniendos pertinaces implorent.

VI. Conciones statis Festis ac Dominicis diebus diligenter habeant, Festos dies & jejunia, & quæ alias publice denuncianda sunt, populo diligenter post concionem significant. ^(p)

VII. Missas frequenter ac devote celebrent, habita præcipua ratione fundationum & piarum consuetudinum, populumque moneant, ut iis religiose intersit.

VIII. Funebria iusta pie ac fideliter persolvant, & si qua in conviviis funebribus superflue ac immodice fieri hætenus animadvertant, illa tollere studeant, aut Nobis denuncient.

IX. Ecclesiam, & quæ ad ejus cultum & nitorem pertinent, diligenter curent, & si quid reparandum aut faciendum, illud tempestive provideant.

X. Reliquias Sanctorum, vestes sacras, libros, calices, patenas, corporalia, & reliqua ejus generis Ecclesiastica instrumenta & ornamenta ad Altaris ministerium pertinentia, sollicitè procurent, asservent & custodiant.

XI. A nimia Laicorum familiaritate caveant, magis vero a conviviis, tabernis, computationibus, & a sordibus & avaritiæ nota, quæ vilipendium generant.

XII. Denique cum multa, quæ in variis Titulis hujus nostræ Synodi, de Officio Divino, administratione Sacramentorum, Matrimonialibus denunciationibus, ornatu & cura Temporum, & similibus hinc inde constituta sunt & definita, Parochos, eorumque curam & officium concernant, volumus,

⁽ⁿ⁾ 1. Pet. 5.^(o) Conc. Trid. Sess. 23. c. 1. de Reform.^(p) Sup. P. 1. c. 10.

mus, & serio iis præcipimus, ut ea omnia ipsimet integre præsentent, & ab aliis observari faciant & procurent.

XIII. Repetimus præterea & confirmamus, quod de Parochorum variis ministeriis, & ad illa pertinentibus, de peregrinis, vagis & ignotis Clericis ad celebrationem & administrationem Sacramentorum sine nostra, aut Vicarii nostri licentia non admittendis, sicuti etiam de libris Baptismali, Matrimoniali & descriptorio vicinitatum ac familiarum a Prædecessore nostro recem. in Synodo ordinata sunt.

XIV. Volumus etiam & mandamus, ut omnes Ecclesiarum Parochialium Rectores, cum ad Pastoratus possessionem admittuntur, ultra Professionem Fidei, (q) etiam subsequens Juramentum coram Vicario nostro præstent.

Ego N. N. juro & promitto obedientiam, reverentiam, & honorem Summo Pontifici Romano, ac Reverendissimo Domino Episcopo Osnabrugenſi N. eorundemque Successoribus.

Item juro & promitto, quod Ecclesie meae Parochiali N. fideliter deserviam secundum oneris eidem annexi exigentiam, & in ea personaliter residebo.

Bona Pastoratus vel Ecclesie meae non alienabo, & mea alienata, quantum in me erit, recuperare studebo.

Specificationem omnium fructuum Pastoratus cum debita designatione hypothecarum, limitum, & terminorum intra trimestre, Reverendissimo Episcopo, aut ejus Vicario tradam.

Non deseram aut resignabo Ecclesiam mihi commissam, neque alio me transferam sine consensu Episcopi, aut ejus Vicarii.

Fructus anni, in quo me mori, aut Ecclesiam dimittere contigerit, subicio & obligo ad deservituram usque ad proximam semetipsum mortem aut dimissionem meam proxime subsequendam. Sic me DEUS &c.

CAPUT XI.

De Testamentis Clericorum.

§. I.

Cum in officiis (r) charitatis ac pia remunerationis, primo loco illis teneamur obnoxii, a quibus beneficium nos cognoscimus recepisse, facile intelligunt omnes Ecclesiarum nostrarum Clerici & Beneficiati, qui de Ecclesie stipendiis ac redditibus vivunt, ut de iis, quæ ex justa suarum rerum dispensatione superflunt, in supremæ voluntatis declaratione non ex carnali affectione, sed pro Ecclesie Dei utilitate (s) disponant. Licet enim refrigescente charitate, & cupiditate ac cura carnis succrescente, paulatim irrepsisse videatur, ut Clerici etiam de acquisitionis per Ecclesiam testentur; attamen magno salutis periculo conjunctum est, ut mox ad Tribunal Christi rapiendi, deque omnibus usque ad extremum quadrantem rationem reddituri, carnem & sanguinem Christo, & ejus Ecclesie ac pauperibus præponant, magis vero securum voluntati & gloriæ Divinæ, rationi & animarum salutis consentaneum, ut quæ ipsis ex patrimonio Christi, & bonis Ecclesiasticis (quorum Procuratores, (t) Administratores, ac Dispensatores dicuntur, & sunt) post honestam ipsorum sustentationem superflunt, ea in pios usus convertant, ac in cælum præmittant in thesauris cælestibus invenienda, & præsertim Ecclesiarum (quibus adscripti sunt) pauperum, aliarumque piarum causarum rationem habeant, ne, dum forte consanguineos suos ex bonis Ecclesiasticis temporaliter locupletare contendunt, rectum charitatis & obligationis ordinem invertant, & sibi, aliisque damnationem acquirant.

II. Inter cætera vero pia loca vehementer commendamus omnibus testari volentibus Seminarium nostrum Pastorum, quod pro Dieceſis nostræ necessitate & utilitate erigere mediamur, ut supra pag. 1. C. 6. De Seminariis.

N n n 3

rio

(q) C. 15. 16. 17. 18. 20. 21. 22. 23. 24. & 25.

(r) C. Cum in offic. De testam. & ult. vol.

(s) C. Placuit, & seq. 12. q. 3. c. 1. & 3. ead. q. 4. c. 1. & c. Fixum. 12. q. 5. c. Cum in officiis.

c. Ad hæc. c. Quia. c. rel. De testam. tot. tit. De pecul. Cleric.

(t) C. 2. De donat. cum similib.

rio monuimus, ad quod omnes pro modo facultatum suarum aliquid relinquunt. Quod si ab aliquo neglectum fuerit, illud Executores ex hæreditate supplere tenebuntur.

III. Quoniam vero in voluntatibus extremis, præsertim ad pias causas tendentibus, Episcopus supremus est quasi Executor, cui providendum est, ut secundum defuncti desiderium omnia fideliter fiant, (u) ac non raro contingit, ut tam Clericorum, quam Laicorum testamenta, & extremæ voluntates, & præsertim ad loca sacra & pios usus legata & testata, dolosis machinationibus varie impediuntur & retardentur. Hinc universis nostræ Diocesis, tam Ecclesiastici, quam Politici status hominibus gravissime, & sub Canonici censuris ac pœnis præcipimus & mandamus: ne quarumcunque personarum, quos jura a Testamenti factio- ne non repellunt, Testamenta, Codicillos, Legata, ac alias legitimas voluntatis declarationes præsertim ad pios usus sese extendentes, earumque executiones quovis modo negligant, impediant, aut retardent.

IV. Qui in Clericorum Testamentis Executores deputantur, sive Clerici, sive Sæculares fuerint, præmissa eorum exhibitione & approbatione ab Officiario Curie nostræ Episcopalis facta, fideles sint ac diligentes in exequendo. Legata omnia, præsertim ad pias causas, statim persolvant, & intra annum Testamentum executioni mandent, Nobisque, vel Vicario nostro ad nostram, vel ejus requisitionem de omnibus & singulis rationem reddant, nisi res ad judicium seu contentiosum forum sit deducta, quo casu Officiali nostro decisis relinquatur; consuetudinem tamen a Capitulo nostro Cathedrali, quoad suos de gremio hætenus observatam, non immutamus.

V. Repetimus quoque ac firmiter observari volumus, quod de prohibitione Legatorum, institutione, ac donatione a Clericis, concubinis, ac

aliis personis turpibus non facienda, a Prædecessore nostro (x) statutum est, idque nec sub fictitiis nominibus, nec per substitutos aut interpositas personas admittimus, sub expressis & aliis pœnis Nobis arbitrariis.

CAPUT XII.

De Ecclesiis, Capellis, Oratoriis, Altaribus, Hospitalibus, Sodalitatibus, seu Fraternitatibus, & aliis piis locis.

§. I.

Similiter cum Prædecessore nostro declaramus, nostri juris Ecclesiastici & Episcopalis esse, Ecclesias, Capellas, Oratoria, Altaria, Hospitalia, & alia quæcunque pia & Deo dicata loca (y) per Diocesin nostram, in quibuscunque locis, Civitatum, oppidorum, pagorum, agrorum, arcium, domorum, sive illa extent, sive per injuriam temporum ac hominum diruta fiat aut conciderint. Item quæcunque ad hujusmodi pia loca a Majoribus Christi-fidelibus olim deputata, & ad servitium Divinum applicata semel fuerunt, sive mobilia illa sint, sive immobilia, quæ declaramus sine sacrilegii reatu ab aliis hominibus detineri vel usurpari non posse. Horum vero omnium restitutionem & restaurationem, & omnimodam dispositionem secundum Decretum Concilii Trid. (z) Nobis reservamus, diligentem vero indagationem nostro in Spiritualibus Vicario committimus, omnesque & singulos nostros subditos, maxime vero Ecclesiasticos, sub pœnis alias in jure expressis, de rerum Ecclesiasticarum detentoribus, eorumque fautoribus, monemus & requirimus, ut quicquid harum rerum ad notitiam devenierit, id Nobis, aut nostro in Spiritualibus Vicario designent ac significant.

II. Mandamus etiam omnibus & singulis, ad quos ea res pertinet, ut Tempia, Ecclesias, Capellas, Oratoria,

(u) C. Si hæred. c. Tua nobis. c. Si Johan. De Testam. Conc. Trid. Sess. 22. c. 8. de Ref. auth. Licet. c. De Episc. & Clericis. (x) C. 8. §. 3.

(y) C. Omnes Basilicæ. 16. q. 7. Clem. Quia contingit. De relig. dom. Conc. Trid. Sess. 22. c. 8. de Reform. (z) Sess. 21. c. 7. de Refor. & Sess. 22. c. 11. de Refor.

ria, Offaria, & similia loca sacra diligenter restaurent, ac sacra testa confervent, contra negligentes vero Nos ad damnorum restitutionem, & aliis pœnis procedemus.

III. Si quæ Sodalitates aut Fraternitates in honorem Dei, aut Sanctorum ex præcedentium temporum injuria relictae sint, quæ institutionem piam habent, eas in probato usu permanere volumus sublato omni abusu, maxime si census & redditus in comessationes impendantur, quos magis conveniet in usus pauperum, Ecclesiae aut Parochi converti. Harum autem Sodalitatum ac Fraternitatum institutio ac forma a Nobis, aut nostro Vicario examinanda, ac quod redditus quotannis coram Parocho rationibus supererit, ad usus Ecclesiae & pauperum convertendum erit.

CAPUT XIII.

*De rebus Ecclesiae conservandis
& non alienandis.*

§. I.

Diligentem porro curam & rationem ab omnibus Prælatiis, ac iis, quorum interest, institui volumus, ut ea, quæ a Majoribus nostris in pios usus donata, legata, & alio modo concessa, & Ecclesiae acquisita sunt, nostris temporibus non intereant, & quæ præcedentibus temporibus interversa sunt, iterum ad rectum usum & dominium Ecclesiae redeant. Mandamus itaque omnibus & singulis Præpositis, Decanis, Abbatibus, Prioribus, Abbatissis, Priorissis, Collegiis, Clericis, & Beneficiatis, Pastoribus, Curatis, Vicariis Civitatis ac Diocesis nostræ Osnabrugensis, omnibusque piorum locorum Administratoribus, ut Ecclesiae bona strenue defendant, & si aliqua norint Ecclesiae esse sublata aut detracta, ea pro virili recuperare conentur, nostrumque desuper consilium & auxilium in necessitatibus suis implorent.

II. Nulla vero bona seu redditus, proventus & jura Ecclesiastica (a) ven-

dant, obligent, aut quocunque modo in perpetuum vel ad longum tempus contra Canones alienent, elocentve, sine speciali nostra facultate, & cum plena causæ cognitione, num hujusmodi venditiones, alienationes, obligationes, in evidentem cedant Ecclesiae utilitatem. Si quis contra aliquid attentaverit, ipsos contractus invalidos & nullos, de jure decernimus, nihilominus contra transgressores ad Canonicas pœnas processuri.

III. Similiter mandamus omnibus Pastoribus & Provisoribus Ecclesiarum, maxime ruralium, ne nomine Ecclesiarum ullam litem inchoent ipsi projuribus Ecclesiae, (b) aut etiam excipiant, vel patiantur, sine nostro, aut nostri in Spiritualibus Vicarii præscitu: si quas vero nunc lites judiciales aut controversias cum quolibet habeant, eas Nobis, aut nostro in Spiritualibus Vicario intra semestre indicent.

CAPUT XIV.

*De Provisoribus Templorum &
Fabricæ.*

§. I.

Provisoribus, ædilibus seu structuariis Ecclesiarum & Capellarum idem injunctum volumus, quod Prædecessor noster in Synodo Osnabrugensi (c) statuit: qui viri Catholici, providi, idonei ac boni testimonii sint; quorum officii erit, ut, quasi Tutores ac Curatores Templorum, omnes census ac redditus ad fabricam pertinentes, diligenter colligant, ac recipiant, fideliterque expendant, Ecclesiae, turris, campanarum, sacrorum vasorum ac vestium, aliarumque rerum (quæ ad Ecclesiam & fabricam spectant) curam habeant, vinum, oleum, ceram, thus, & alia ad Officium Divinum necessaria tempestive procurent, Parochis suis (quos Nos tanquam Ecclesiarum & Ecclesiasticarum rerum superiores Procuratores declaramus) requirentibus necessaria in iis, quæ ad Officium Divinum pertinent, ministrare non detrectent,

(a) C. Prædia, c. Non liceat, cum seq. r. 2. q. 2. tot. tit. ext. in 6. & Clem. De reb. Eccles. non alien.

(b) C. Quod quis. 35. q. 9. c. Si quis Presb. De reb. Eccles. non alien. c. un. Extravag. cod.

(c) Cap. 27.

Etent, quæ fordida sunt, mundari, quæ fracta vel corrupta, refici ac sarciri diligenter faciant, rationes ministerii sui singulis annis coram Pastore ac Deputatis facere teneantur, eaque in singularem cista templi reponant, ut requisiti omni momento exhibere possint. Negligentes in his Parochi Nobis, aut Vicario nostro denuncient.

II. Habeatur in singulis Ecclesiis cista, in qua literæ redituum, jura & pecuniæ fabricarum conserventur, sub trium clavium clausura, quarum unam Parochus, reliquas duas alii duo Provisores habeant. Volumus etiam, ut iidem conficiendo inventario rerum, jurium, ac monumentorum omnium, in Episcopali Archivio reponendorum, diligenter collaborent.

III. Indignissimum est, Ecclesiæ reditus ac eleemosynas piorum congestas, in non rectum usum converti, aut etiam in computationibus abliguriri, proinde sub restitutionis, ac aliis pœnis Nobis arbitrariis, prohibemus convivia & computationes, dum conventiones instituuntur, vel quicquam ratione Ecclesiæ emitur, aut tractatur, cerei conficiuntur, vel annuæ rationes rerum fabricæ traduntur; quod diligenter Pastoribus curandum commendamus.

IV. Provisores fabricæ nullas arbores vendant, cædant, minus vero donent, vel ipsi sibi usurpent ex sylvis Ecclesiæ, sub pœna restitutionis quadrupli, & alia Nobis arbitraria, in quo diligentes inspectores Parochi esse moneantur.

V. Eleemosynæ pauperibus additæ, vere pauperibus, frugi & Catholicis sine humano affectu distribuantur, ordinatis temporibus, ac maxime diebus Dominicis & Festivis post Sacrum & Concionem, quibus pauperes interesse debent.

CAPUT XV.

De Immunitate Ecclesiastica.

§. I.

Exemptiones ac immunitates rerum ac personarum Ecclesiasticarum (d) tam Divinæ Scripturæ auctoritate, quam perenni usu ab ipso nascentis Ecclesiæ exordio concessæ ac confirmatæ, posteriorum temporum injuria, ac hæreseon malevolentia in his Regionibus nonnihil concussæ ac labefactæ conspicuntur, quas Nos cum antiquis Religiosis Impm. (e) & hujus Diocesis Fundatore CAROLO MAGNO, (f) & Ss. Concilii Tridentini (g) Patribus hoc nostro Synodali Decreto, in pristinum gradum restitimus, & innovamus omnia Concilia Generalia, Apostolicas & Imperiales Sanctiones in favorem Ecclesiasticæ libertatis, & contra ejus violatores decretas, ac propterea omnes & singulos Magistratus, Officiarios, ac Ministros nostros hortamur, ut libertatem Ecclesiasticam impigre defendant, & in illos, qui illam perturbant aut impediunt, graviter animadvertant.

II. Nullus in personas Ecclesiasticas, aut earum bona, aut loca, contra Juris Canonici & Civilis Constitutiones sibi quicquam vendicet, aut Clericum coram sæculari Judice (h) conveniat, aut multam & pœnam, (i) vel indignum & sordidum onus ei imponat, minus illum captivare, vel in vincula conjicere præsumat, sed delinquentes Clerici Nobis, aut nostro Vicario denuncientur.

III. Quod si vero Clericus enormiter valde deliquisset, (k) & vehemens fugæ suspicio adesset, permittimus, ut a sæculari Magistratu in loco certo & honesto, donec Nos, vel Vicarius noster certiores facti fuerimus, detineatur, aut vinctus securo, sed decenti modo ad Nos mitti possit.

IV.

- (d) Gen. 47. v. 26. 1. Efd. 7. v. 24. L. 12. c. De sacro. Eccl. 1. Omnes. c. De Episc. & Cler. 1. De nobis. & 1. ult. eod. tit. 1. Privilegia & Const. seq. Cassa. c. De sacro. Eccl. 1. Si vener. cum Const. seq. c. De Episc. & Cler. c. Non minus. 4. & c. Adversus consules. De immunit. Eccles. & eod. tit. in 6. & in Clem.
(e) Constantino, Valentiniano, & Justiniano, Anastasio, Justiniano, &c. sup. allegatis II.
(f) Lib. 6. leg. c. 109. (g) Sess. 25. c. 20. de Ref. (h) C. Qualiter. De jud. Citeret aut. (i) C. Nullus. De foro comp. (k) Facit. c. Ut famæ. De sent. excom.

IV. Quod de asylo (l) & immunitate ac securitate Ecclesiarum & Cœmiteriorum constitutum est, ut nullus inde extrahi possit, inviolabiliter quoque observari volumus, exceptis publicis (m) latronibus, qui per industriam proximum occiderint, incendiariis, vel nocturnis agrorum depopulatoribus, qui itinera obsident agressionum insidiis, denique qui sub immunitatis spe in Ecclesiis delinquant.

V. Si vero a confugientibus ad Ecclesias talia sint commissa crimina, quæ ne impunita permaneant, interfuit Reip. tantisper sæcularis potestas a manu injectione absteineat, donec Nos, aut nostri Officiales consulantur, & ab iis licentia impetretur.

VI. Ad hanc quoque immunitatem Ecclesiæ & Cœmiteriorum spectat, ne quid in iis ædificetur aut construatur, aut exerceatur, quod usibus prophanis serviat, quapropter loca sacra ubique diligenter clausa, & a negotiis prophanis libera esse volumus. Iudicia vero sæcularia, (n) ludos histrionum, & joculariorum, forum rerum venalium, prandia publica, compotationes, choreas, saltationes, & similes insolentias in iis districte prohibemus.

VII. Animadvertimus etiam in Dicecesis nostræ multis Cœmiteriis habitationes & ædes Laicorum erectas contra sacrorum Canonum prohibitionem, & Ecclesiasticæ libertatis immunitatem. Cui malo, cum debito modo mederi velimus, illud inprimis statuimus, ne posthac ullæ ædes amplius in Cœmiteriis sub quocunque prætextu ædificentur: quæ autem a tempore recol. mem. Prædecessoris nostri extructæ sunt, ut deiciantur, quæ vero jam antiquatæ, aut prope ruinam sunt, ne amplius instaurentur. Conandum vero erit, ut hujusmodi ædes, ad alia loca transferantur, & in primis, ut fimetæ ac vacearum & porcorum stabu-

la, & similes impuritates ex locis sacris removeantur; Quod curæ Pastorum & Officialium nostrorum, quos ipsi ad hoc imploraverint, serio committimus, quorum negligentiam arbitraria animadversione persequemur.

VIII. Prohibemus quoque serio, ne mercatus, etiam tempore Dedicationis & aliarum solennitatum, in Ecclesiis, Cœmiteriis, Templorum vestibulis, ac porticibus instituantur, (o) quod similiter serio Pastoribus & aliis Officialibus nostris, quos illi pro auxilio imploraverint, committimus.

IX. Etsi quidem ob hostilem incursum, subita incendia, aut alios improvisos casus, ad loca sacra cum rebus suis confugere non sit illicitum: Volumus tamen, ut periculo aut necessitate cessante, quæ illata sunt, rursus inde exportentur, nec lino, frumento, lana, panno, cibariis, cistis, hastis, ensibus, sclopis, signis militaribus, aliisque impedimentis, Tempa, Sacella, Sacraria per annum repleta maneant, uti in multis locis apparet, & Pastoribus diligenter emendandum injungitur.

X. Magna cura a Prædecessoribus nostris provisa fuit, ut insignes ædes in immunitatibus, præsertim Cathedralis & Collegiatarum Ecclesiarum ædificarentur, ut ista excellentium ædificiorum commoditate & jucunditate Canonici & Ecclesiarum Ministri ad residentiam & personale obsequium invitarentur. Quæ omnia in plerisque locis contra primam institutionem & sacrorum Canonum Sanctionem perversa & immutata sunt, & domus, quæ olim Canonicorum & Ministrorum Ecclesiasticorum habitationi comparatæ ac dedicatæ fuerunt, nunc laicis conjugatis, mercatoribus, forsitan etiam interdum non satis honestis ac plane hæreticis locantur, magno contemptu & irreverentia Ecclesiæ & Constitutionum Eccle-

(l) Can. Miror. c. Frater. c. Nullus Cleric. c. Si quis. c. Meruentes. c. Definivir. c. Id constituimus. 17. q. 4. tot. tit. De immunit. Eccl. Extr. & in 6. l. Fidel. & l. Pateant. c. De his, qui Eccl. confu.

(m) C. Sicut antiquitus. 17. q. 4. c. Inter. & c. fin. De immunit. Ecclesiarum.

(n) C. 1. De immunit. Eccles. c. Decet. eod. tit. in 6. (o) C. Decet domum. De immunit. Eccles. in 6.

Ecclesiasticarum, eoque minus tolerando, quod ab iis hæc injuria in Ecclesia enascatur, a quibus hujusmodi jurium defensio merito requiritur. Quare, ut quæ tam bona & utili Ecclesiæ Majorum intentione bene sunt constituta, posteriorum negligentia ad Ecclesiasticæ disciplinæ enervationem & immunitatis violationem non confundantur, præsentī Decreto statuimus ac districte prohibemus, (p) ne de cætero quispiam domos Capitulares sive hæreditarias ab aliqua Ecclesiarum dependentes, quas Canonici, seu Beneficiati ipsius Ecclesiæ inhabitare consueverunt, laicalibus seu extraneis personis quibuscunque sine nostra licentia dare, vel locare, committere, seu vendere ad inhabitandum, nullatenus vero ad nuptias, choreas publicas, vel alia secularia negotia in eis exercendum, concedere præsumant.

XI. Etsi forte actu aliquæ domorum hujusmodi locatæ, ac concessæ sint, locationes & concessiones hujusmodi illi, ad quos pertinent domus, intra competentem terminum studeant cum effectu revocare; alioquin Nos præter arbitrariam Nobis pœnam locationis pretia eo ipsa commissa, & judicio nostro piis locis applicanda declaramus.

XII. Quia vero ædes Canonicales ac Beneficiales pudore publico, ac magno Ecclesiarum ac Beneficiorum detrimento destructæ ac ruinosæ conspiciuntur; mandamus omnibus & singulis Capitulis, Collegiis, Struëtuariis, Provisoribus, & aliis, ad quos ea res pertinet, ut ædes hujusmodi ruinosæ annue inspiciantur, visitentur & restaurentur, ac in posterum facta testâ conserventur, sub pœna arbitraria contra negligentes.

CAPUT XVI.

De Archivio Episcopali.

§. I.

Magna Ecclesiæ ac piis locis incommoda accidunt, quod, quæ a Majoribus in pios usus donata sunt, sæpe negligentia vel avaritia postero-

rum aut intercidant, aut ignorentur, aut intervertantur, ut sæpe necessarium sit post obitum Beneficiatorum novas designationes reddituum ex aliorum relationibus facere, antiquis registris vel monumentis deperditis; unde præter defraudationes Ecclesiarum sæpe lites oriuntur, quibus ob ignorationem monumentorum, jurium & designationum non facile decisio invenitur, multaque ex patrimonio Christi deperduntur ac negliguntur.

II. Hinc Nos pro Pastoralis nostri muneris obligatione hujusmodi incommodis obviare volentes, statuimus Archivium Episcopale in nostra Cathedrali Ecclesia Osnabrugensi, vel alio loco commodo a Nobis designando erigendum esse, ac volumus, ut singuli Parochi ac Beneficiati intra sex menses a publicatione hujus nostræ Synodi, vocatis iis, quorum interest, inventarium omnium & singulorum bonorum tam mobilium, quam immobilium, jurium, actionum, annuorum censuum, jurisdictionum, privilegiorum, ac scripturarum, debitorum, & aliorum quorumcunque ad ipsas Parochias seu Beneficia pertinentium, cum eorum confiniis & plena descriptione per publicam personam, in præsentia duorum saltem testium confici procurent, ac Nobis, aut nostro in Spiritualibus Vicario tradant, in Archivio illo publico recondendum.

III. Repertorii hujus duo exempla in forma authentica per eandem publicam personam conscribantur, quorum alterum apud Parochialem, seu aliam Ecclesiam, in Archivio, seu in loco alio bene munito & custodito, quid duabus aut tribus differentibus clavis aperiat, quarum unam Parochus, alias Provissores Templi, vel cum Decesis nostra in Regiunculas suas & Decanatus rurales divisa fuerit, Decanus ruralis illius Capituli habeat, alterum exemplum in dicto Archivio Episcopali ad hoc deputato conservetur: singulis autem decenniis inventarium illud renovari volumus.

IV. Idem faciant & hujusmodi Inventaria conscribant, Capitula omnia &

(p) Vide Constit. Archi-Episc. Col. Friderici c. 7. fol. 227.

& Collegiatarum Ecclesiarum, Hospitalium, ac quorumcunque piorum locorum Gubernatores seu Administratores, & alii quicunque, qui Beneficia Ecclesiastica quæcunque, cum cura vel sine cura, quocunque nomine nuncupentur, obtinent, intra annum a publicatione hujus Synodi, & alterum exemplum in communi suo Archivio retineant, alterum in Archivio Episcopali asservandum tradant. Contra negligentes hac in parte pœna arbitraria procedemus.

V. Nullus autem Pastorum unquam in Pastoratu suo instituatur, quin omnium bonorum mobilium in domo Pastoralis inventorum, similiter calicum, paramentorum, librorum, & quorumcunque instrumentorum Ecclesiasticorum inventarium intra 14. dies Nobis, aut Vicario nostro in Spiritualibus exhibeat, simul cum designatione, si quid in ædibus Pastoralibus corruptum, destructum, demolitum, aut deperditum fuerit, sub pœna 20. aureorum irremissibiliter solvendum.

CAPUT XVII.

De Examinatoribus.

Quæ de Examine Ordinandorum, ac præcipue ad curam animarum ex Concilio Tridentino (q) a Prædecessore nostro (r) salubriter sunt statuta, debite observari volumus, ac propterea diligenter nostro Vicario, & Examinatoribus commendamus, ne quenquam ad curam animarum exercendam admittant, nisi quem ætate, moribus, doctrina, prudentia, & aliis rebus ad vacantem Ecclesiam gubernandam opportunis idoneum judicaverint. Similiter strikte prohibemus, ne quispiam in Pastorales functiones sese ingerat, nisi prævio examine & approbatione licentiam in scriptis a nostro Vicario obtinuerit.

Nolumus ullum posthac cujuscunque status ad Ordines & Beneficia, maxime curata, sine hujusmodi examine admitti, Provisiones autem, collationes, institutiones, investituras aliter factas nullius roboris declarantes.

Deputamus autem Examinatores cum Vicario nostro in Spiritualibus Generali:

Præpositum & Decanum Cathedralis nostræ Ecclesiæ.

P. Priorem Prædicatorum.

P. Guardianum Franciscanorum de Observantia.

P. Rectorem Societatis JESU.

Concionatorem nostræ Ecclesiæ Cathedralis, cum tribus aliis doctrina & bonis moribus præditis ex Clero nostræ Civitatis a Nobis nominandis.

CAPUT XVIII.

Judices delegatos Causarum Apostolicarum nominamus.

Præpositum Cathedralis Ecclesiæ.

Decanum Cathedralis Ecclesiæ.

Decanum Collegiæ Ecclesiæ S. Joannis Baptistæ.

Judicem ordinarium seu Officiale nostrum.

Et unum de Clero nostro secundo Civitatis nostræ a Nobis nominandum.

CAPUT XIX.

De Censore Librorum.

Cum a Nobis Parte I. Cap. II. statutum sit, ne quispiam posthac libros vetitos, aut alios suspectos imprimat, invehat, vendat &c. Hinc deputabimus unum, vel plures librorum Censores de Clero nostro, sine quorum consensu & censura nemo librum ullum imprimat, vendat, aut in nostram Ditecesin invehat, quorum officium quoque erit Typographias & Officinas librorum visitare, libros vetitos confiscare, & alia secundum rationem officii illius persolvere & perficere.

CAPUT XX.

De Pœnitentiario.

IN Pœnitentiarium publicum intra Cathedrali Ecclesia constituimus, quendam ex Patribus S. Francisci Fratrum Minorum de Observantia, ex quibus successive alium qualificatum nominabimus.

CON-

(q) Sess. c. 7. Sess. 13. c. 5. 7. & 12. & Sess. 24. c. 18. de Refor.

(r) C. 34.

Tomus IX. Concilior. German.

**CONSTITUTIONUM, ET
DECRETORUM SYNODALIU
DIOECESIS OSNABRU-
GENSIS**

PARS TERTIA.

CAPUT I.

*De Regularibus & Personis
Religiosis.*

§. I.

Quanti interfuit Reip. Christianæ, ac cujuslibet Provinciæ, Civitatis, ac Communitatis, in sinu suo fovere Regulares & Religiosas personas, quæ peculiari modo a mundi vanitate separatæ, tribus Sacræ, ac Religiosæ vitæ votis substantialibus, Castitatis, Paupertatis, & Obedientiæ sese Deo adstringunt, & noctes diesque in mortificationis, placationisque operibus, contemplationibus Divinis, & precibus, continuas quasi pro cætero populo excubias agunt, Deique iram, infinitis eorum, qui de mundo sunt, & sæcularia desideria sequuntur, peccatis provocatam, sedare & placare contendunt, (*) omnes facile intelligere possunt, qui altiori consideratione expendunt, quanta ex piis eorum exercitationibus, ac vita religiosa commoda atque emolumenta in Remp. redundant, cum pro paucorum, aut etiam unius aut alterius innocentia, & vitæ integritate, sese Deus communitati etiam integræ ac populosæ parciturum promiserit. Hinc uti optandum est, ut plurimi hujus instituti sancti ac Religiosi in Repub. & Dioecesi nostra alantur, sic illis connitendum est, ut dignos ac speratos fructus altioris istius vitæ ad populi ædificationem, Divinæ vindictæ mitigationem ac publicam salutem, pacem, ac prosperitatem proficiant.

II. Volumus itaque, ut quicquid in Monasteriis & Religiosis domibus, vel socordia hominum, vel injuria præcedentium temporum, vel senio quo-

dam, & torpore antiquorum Ordinum irrepserit, ac deformatum est, id magno studio ac fervore spiritus resumpto renovetur, ac in pristinum gradum reponatur.

III. Religiosæ vero vitæ disciplina tunc recte restituetur, si qua ratione quibusque factis illa primum constituta, diuque conservata est, eadem etiam in restitutione & reformatione adhibeantur.

IV. Constituta vero & conservata est diligenti & accurata Regularum & Constitutionum, & trium præsertim substantialium votorum observatione, (†) atque adeo simili modo erigetur & restituetur, ubi collapsa est. Nihil enim, nisi ad Regulam, recte fit.

V. Inprimis autem curandum est Religiosis, ut continentiam ac castimoniam colant, (u) ejusque conservandæ media sedulo amplectantur: quod tunc maxime fiet, si fuga sæculi ac sæcularium negotiorum, evitent scopulos illos, in quos multi caute non ambulantes, ac nimium sibi præfidentes impeerunt.

VI. Ab omni itaque prohibito aspectu, colloquio, consuetudine, ac familiaritate disparis sexus abstineant, feminae omnes ab ambitu, refectorio, dormitorio, & aliis secretioribus locis Monasterii arceantur. Extra clausuram & loca Conventualia, si quæ feminae ex necessitate ad colloquium sint admittendæ, honestatis tamen ubique ratio habeatur.

VII. Ad conservationem vero castitatis valent cætera communia fere omnibus Ordinibus religiosa instituta, sancta sobrietas, virtutum omnium aut parens, aut soror, mortificationes quotidianæ, in jejuniis, vigiliis, silentio, cultus asperitate, otii fuga, ac corporali fatigatione, ad quæ, si sacra lectio, sancta meditatio, orationis frequentia accedant, tutum facile constituent Religiosum ab omni turpitudine actus & delectationis carnalis.

VIII. Si quis vero in his præstitam Deo

(*) Genes. 18. v. 23. & seqq. Ezech. 22. v. 30.

Cum ad Monast. De statu Monach. Conc. Trid. Sess. 25. c. 1. de Regular. (†) Clem. Exivi. De verb. signif. c.

(u) Caus. 27. q. 1. per tot.

Deo fidem irritam faciat, ac sibi fœdam quidem sacrilegii notam inurat, Ordini vero suo turpem incontinentiæ labem aspergat, secundum Statuta, Regulam ac Canonicas functiones graviter puniatur, & ad aliud Monasterium (acta tamen prius salutari pœnitentia in loco delicti) ablegetur, nec nisi ex speciali nostra licentia in Dicecesi nostra morari possit.

IX. Religiosa paupertas exigit a Christi discipulis, & veræ Religionis sectatoribus, ut affectum, amoremque omnem a terrenis rebus divertant, & ad cœlestia transferant. Ut autem voluntaria sit paupertas, non sufficit, ut voto libero sit confirmata, & tamdiu contenta, quamdiu omnia, quæ sunt necessaria, assatim subministrantur, sed & ipsa penuria necessaria, aut quæ facile vitari non potest, & quæ ex illa sequuntur molestiæ & incommoda, voluntati tam ingrata esse non debent, ut linguam in murmur aut contradictionem resolvant, aut ad alias sollicitudinum improbas cogitationes aususque convertant.

X. Prælati vero, ac quibuscunque Superioribus Monasteriorum serio injungimus, ut pro necessitate ac Monasterii facultatibus, juxta vocationis & Regulæ suæ rationem, necessaria in victu, potu, vestitu, cæterisque vitæ subsidiiis decenter ac benigne subministrent; ne sordida ipsorum tenacitas paupertatis votum grave faciat.

XI. Religiosis similiter injungimus, ut quæ ipsis religiosa sobrietate præstantur, magna animi gratitudine suscipiant, & si in omnibus appetitui non fiat satis, memores sint promissæ paupertatis, ad quam spectat, quod de se dicit Apostolus (x): Ego didici, in quibus sum, sufficiens esse; scio enim humiliari, scio & abundare (ubique & in omnibus institutus sum) & satiari, & esurire, & abundare, & penuriam pati. Omnia possum in eo, qui me confortat.

XII. Eliminamus vero omne illud, quicquid in Religiosis sanctam pauper-

tatem vitiat, (y) aut, ut vocatur, proprietati anîam præbet, sive pensiones vitales, annui redditus, mobilia vel immobilia bona, cujuscunque speciei, aut quocunque titulo habeantur, sed omnia ad communitalis participationem redacta; omnia ex eadem deprompta esse volumus, ut, quæ radix est omnis boni charitas, inter fratres simili modo ac forma viventes, facilius conservetur, & radix malorum cupiditas extirpetur.

XIII. Communem quoque vitam, quantum ad victum & vestitum attinet, ab omnibus Religiosis observari volumus, ut ex eodem cellario & vestiario necessitati eorum satisfiat, in eodem Refectorio comedant, & eodem dormitorio requiescant, nec quispiam sibi aliquid operetur, sed omnia in commune fiant, majore studio & frequentiori alacritate, quam si singuli sibi facerent propria.

XIV. Nullus in Monasterio alio pretiosius aut alia forma vestiatur, (z) nec quispiam vestibus populo placere studeat, sed moribus, & sive Superior, sive subditus, domi forisque habitum ac consuram professioni suæ convenientem gerat.

XV. Omnis pecunia, vel res, quam Religiosus qualibet occasione, donatione, labore, industria, aut quocunque modo acquirere potest, Superiori tradatur, (a) & in commune peculium conferatur, ne contingat illa detestanda perversitas, ut alius, qui consanguineos in sæculo divites habet, abundet, alius vero, qui Deo derelictus est, necessitatem patiatur.

XVI. Ad hujus vitii extirpationem quoque pertinet, ut prudenti Superiorum consilio a Religiosis illa subtrahantur, quæ non raro cum affectu & specie proprietatis retinentur, qualia sunt cochlearia, & alia instrumenta argentea, cultri elegantius elaborati, sudariola acupicta, & similia, quæ interdum etiam sub pietatis specie detinentur, & quamvis exigua videantur, affectum tamen inordinatissime detinent.

Ooo 3

(x) Philip. 4. v. 11. & seq.

(y) C. Cum ad Monasterium. De statu Monach.

(z) Clem. Ne in agro Divino. De statu Monach.

(a) d. c. Cum ad Monast. & c. Monachi. De statu Monach. c. Non dicatis. 12. q. 1. Conc. Trid. Sess. 25. c. 2. de Regul.

nent. Indignum enim est, ut qui toti mundo sese renunciaſſe proſitetur, minimis rebus adhæreſcat.

XVII. Obedientiam cum Religioſi omnes profiteantur, eam Præpoſitis ſuis exhibeant ex animo, tanquam Deo ſervientes, imitatores facti iſtius, qui obediens fuit uſque ad mortem, ſubmota omni murmuratione & contradictione, cujus obedientiæ ſolida, ſanctaque ſint exercitia, præſertim in Novitiis, dum illi ſpecimen futuræ vitæ ſuæ anno probationis exhibent, ut huius virtutis exercitatio faciliorem ſuavioremque illis reddat vitam poſteram, Superioribus reſtione & curam.

XVIII. In ſuſcipiendis Novitiis omnis paſſio Simoniaca vitetur, nec ante Profeſſionem, excepto victu & veſtitu, quicquam detur, ut libertas diſcedendi non ardeatur. (b) Nemo ante annum decimum ſextum ætatis exple- tum, & poſt integrum probationis annum exactum ad Profeſſionem admit- tatur, nemo ad alicuius Religionis Profeſſionem emittendam, vi, metu, do- love inducatur. In ſuſceptione Reli- gioſorum non affectibus humanis res agatur, neve divitiæ, natales, & familia ſpectentur, ſed ſolum purus Dei honor, & animarum ſalus quaeratur. In re- ceptione nullæ, in Profeſſione ac Pri- mitiarum oblatione vel celebratione ſobria ac moderata convivia ſint, quæ magis referant ſpeciem lætantium ac exultantium in Domino ob peccatoris converſionem, quam inanem mundi vanitatem aut applauſum.

XIX. In Monaſteriis, quorum Ca- pitula ſeu Congregationes ſingulares Novitiatus non habent, locus aliquis pro Novitiis ſeparetur, (c) iisque de- putetur vir religioſus, pius, prudens, doctus, ac diſcretor ſpirituum, qui uniuſcuiusque mores, affectus, animi motus & propenſiones diligenter ex- quirere, & iis remedium opportunum adhibere poſſit.

XX. Ad Officia Divina tam diur- na, quam nocturna omnes ſine diſtin-

ctione (niſi quos procuratio rerum ex- teriorum Monaſterii interdum excuſat) eo diligentius conveniant, quo perſpe- ctius habent idipſum omnibus ſecun- dum ſtatum, Regulas, Conſtitutiones, Fundationes, ac laudabiles conſuetu- dines magna pietate ac diligentia præ- ſtandum eſſe, ac cum in locis omnibus, tum vel maxime in Choro præſentem Deum agnoſcant & reverentur omni, qua poſſunt, interna pietate, & exter- na reverentia, morumque gravitate. Ni- hil ibi fiat, quod a domo Domini, quam decet ſanctitudo in longitudinem die- rum, ſit alienum.

XXI. In expiatione conſcientia- rum, & humili peccatorum confeſſio- ne, ac Ss. Eucharistiæ frequentatione id fiat, quod in Religioſis deſiderata vitæ integritas, & cujuſque Ordinis Re- gulæ & probatæ conſuetudines requi- runt.

XXII. Capitula, quæ vocant cul- parum, ad diſciplinæ conſervationem inſtituta, diligenter, frequenterque habeantur. (d) In quibus non ſolum vitia ſevere corrigantur, ſed etiam vir- tutum ſtudium, & diſciplinæ amor ex- citetur, fervor ſpiritus foveatur, lan- guor & lenitudo in progreſſu vitæ ſpi- ritualis excutiat: vita enim Religioſi ſi languida eſt, ſi in virtute non proſcit, ſi ad libertatem carnis aſpiret, ruinæ proxima eſt. In his Capitulis ad amuſ- ſim Regulæ & Conſtitutionum, vita cu- juſque examinetur & exigatur, & iis Superiores, quibus de his maxima cu- ra incumbit, ſemper intereſſe ſtude- ant.

XXIII. Regulares Prælati, præſer- tim non mendicantes, ſuos Fratres non facile, nec absque rationabili & magna cauſa ex Monaſteriis dimittant, (e) va- gabundos vero, & apoſtatas diligenter inquirent, & ad Monaſteria ſua redu- cant, & tam in receptione, quam pœ- narum impoſitione, ita manſuetudi- nem cum vigore juſtitie temperent, ut nec diſciplinam ſine miſericordia, nec miſericordiam ſine diſciplina reli- quiſſe videantur.

XXIV.

(b) C. Monachi. De ſtatu Monach. c. Quoniam Simoniaca. De Simon. Conc. Trid. Seſſ. 25. c. 15. de Regular. (c) Clem. Ne in agro Dominico. De ſtatu Monach.

(d) Clem. Ne in agro Dominico. Ne in agro.

(e) C. Ne Religioſi. De Regul. & tranſ. d. Clem.

XXIV. Nolumus etiam, ut Religiosis sub quocunque prætextu, Parentes, consanguineos, amicos, affines invisendi, & ad prandia ipsorum, multo minus ad nuptias, Dedicationes, Baptisinalia, aut similia convivia accedendi licentia a Superioribus detur, ac sub hujusmodi prætextu peregrinationes ac professiones suscipiantur.

XXV. Cum vero Religiosis interdum ex necessitate Monasterii proficiendum est, omnibus iis, quibuscum versantur, modestiæ religiosæ & bonorum operum præbeant exemplum, tabernas, nisi præcisa necessitate, in via non frequentent, & expedito eo, propter quod emissi sunt, quam citissime ad Monasterium redeant.

XXVI. Cum vero periculossime peccetur, si indignis prælatio aliorum deferatur, eaque res affectibus finistris, non iudicio recto, sinceraque intentione agatur, si enim, qui suis affectibus dediti sunt, consentientem sibi Superiorem eligant, actum esse de omni disciplina & reformationis studio, tot insignes deformationes & ruinæ Monasteriorum testantur. Hinc Superiores & Visitatores, aut Commissarios eorum Ordinum, qui in Diœcesi nostra sunt, graviter monemus, & in Domino obtestamur, ut in hoc negotio cauti ac diligentes sint, ne nostram a Canonibus (f) probatam curam & inspectionem merito adhibere cogamur.

XXVII. Qui canonice electi fuerint Ordinum Superiores utriusque sexus, & a Nobis ex antiqua consuetudine benedictionem seu confirmationem expectare debent, non ante se administrationi ingerant, quam a Nobis confirmationem obtinuerint, eamque intra mensem exhibito Nobis electionis seu postulationis publico instrumento petere, ac solitum obedientiæ ac fidelitatis iuramentum præstare teneantur, (g) alioquin ab administrationis officio & dignitatibus, ad quas assumpti fuerint, sese noverint esse suspensos.

XXVIII. Constituti autem Monasteriorum Prælati ac Præfecti illud sciant, se ut Ss. Patrum, quorum Regu-

lam profitentur, Successores ac Vicarios obligatos esse ad reddendam rationem pro singulis sibi commissis, a quibus amari magis appetant, quam timeri. Meminerint quoque se bonorum ac fructuum Monasteriorum non Dominos esse, sed dispensatores tantum, (b) nec se pro arbitrio & voluntate sua, sed secundum intentionem piorum Fundatorum, & Ecclesiæ, pro necessitate & utilitate Monasterii ac Fratrum suorum dispensare debere.

XXIX. Caveant itaque diligenter, ne sumptibus non necessariis Monasteria onerent, in conviviis splendidis, sumptuosis ædificiis, superfluo famulatu, equorum numero, donationibus in propinquos, aut aliis superfluitatibus, & demum nihil admittant in se, vel in suis Religiosis, quod professæ paupertati sit contrarium.

XXX. Hospitalitas ea exerceatur, quæ non luxuriam & in frugalitatem sapiat, sed religiosam sobrietatem & moderationem, (i) si hospites necessario suscipiendi sint, quod aliter non fiat, quam cum Religiosi ac pauperes, honesti ac necessarii amici, aut alii, qui iter iusta de causâ isthac faciunt, aut negotiorum in Monasterii utilitatem tractandorum gratia accedunt, omnia modeste & frugaliter exhibeantur, absit crapula, ebrietas, invitatio ad æquales haustus, sermo scurrilis & inutilis, & quicquid demum religiosæ modestiæ repugnat. Ii vero, qui non nisi Symposiorum, superflue visitationis, & sui causâ, cum damno Monasterii accedunt, speciali hoc nostro mandato excludantur.

XXXI. Officialium inferiorum, qui post Prælatum sunt, electio non ex gratia & affectu, sed ex dignitate & aptitudine personarum fiat, qui vero ad hujusmodi officia deputati sunt, & rerum exteriorum administrationem habent, de rebus sibi commissis secundum Constitutiones ac consuetudines Ordinis, ac quoties id Superiori visum fuerit, rationem reddant, & dum aliis ex charitate servire coguntur, id satagent, ne exteriorum sollicitudine interioris

(f) C. Si quis. 18. q. 2.
(b) d. Clem. Ne in agro.

(g) C. Ne Dei Ecclesiam. De Simon.
(i) Dist. 42. per tot.

rioris hominis jacturam faciant, sed Mariæ pietatem cum sollicitudine & officio Marthæ jungant, & sæpius ad cellæ quietem sese conferant, nihil vero committant, quod vel immodestiam, elationem in officio, studium proprii compendii, vel simile quid sapiat, quod si a Superiore animadvertatur, ad cellæ quietem & suæ salutis curam relegentur.

XXXII. Regulares, sive in ipsis Monasteriis, quibus cura animarum est annexa, sive extra illa, Parochiæ præficiantur, (k) Sacramenta non administrent, nec curam animarum quocunque modo exercent, nisi prævio examine a Nobis, aut Vicario nostro approbati sint. In iis vero, quæ ad dictam curam & Sacramentorum administrationem pertinent, jurisdictioni, visitationi, & correctioni nostræ sint subiecti.

XXXIII. Nihil hoc sæculo tam ornatum Religiosum, quam cum pietate conjuncta doctrina, quæ inter Sectariorum versutias & obreptiones maxime est necessaria. Itaque post ea, quæ a Concilio Tridentino (l) de sacræ Scripturæ lectione sapientissime præscribuntur, cum studium Theologicum publicas exercitationes requirat, Nosque jam in Civitate nostra Osnabrugensi cum Seminario nostro Theologici studii principium fecerimus; hortamur Superiores Religiosorum, ut juniores fratres omnes, maxime qui bonæ sunt indolis, ac in suis Monasteriis in literis sufficienter erudiri non possunt, vel ad Civitatem nostram Osnabrugensem, vel ad vicinam Monasteriensem aut Paderbornensem Universitatem Studiorum gratia dimittant, & in Monasterio vel Collegio aliquo collocent, ubi cum accessione doctrinæ Monasticæ disciplinæ jacturam nullam faciant.

XXXIV. Huc etiam spectat, ut Bibliothecæ in Monasteriis instituuntur, restaurantur, conserventur, augeantur, & repurgentur a libris vetitis, maxime hæreticorum.

XXXV. Temporis pretium cum infinitum sit, maximeque conveniat, ut Religiosis istius certa constet ratio, cupimus omnino, ut, quod tempus a Divino Officio superest, in solidis pietatis exercitiis, sacris meditationibus, orationibus, lectione sacrorum librorum, & similibus sanctis exercitationibus traducatur, ad quod multum valeret, accurata temporis & occupationum distributio mane facta, ac meridiana, vespertinaque rationis repostulatio, & observatio diligens negligentiarum & humanorum lapsuum, renovatio propositorum ac cura diligens particularis examinis. Hoc, si a Religiosis cum ipso tyrocinio inchoaretur, suavem iis vitam religiosam redderet, magisque statui ac vocationi suæ facerent satius.

XXXVI. Demum ea omnia, quæ a Canonibus, Concilio Tridentino (m) & aliis etiam locis hujus Synodi constituta sunt, & Regulares concernunt, ea omnia Monasteriorum Superioribus & Regularibus quibuscunque commendatissima esse cupimus.

CAPUT II.

De Sanctimonialibus.

§. I.

SANCTIMONIALIUM eadem est cum Monachis obligatio, in conservandis votis substantialibus, per quæ Deo devotæ sunt atque obstrictæ, unde ad hujusmodi observationem eas diligenter adhortamur.

II. Inprimis vero, quoniam Christi Sponsæ sunt, cui virginitatem suam consecrarunt, omni cura illis advigilandum est, ut, sicuti Virgines decet, castæ sint corpore & spiritu, (n) Fidem ac integritatem suam Deo dedicatam corde, ore, & opere conservent.

III. Proinde omnia hujus castitatis conservandæ media & adminicula, jejunia, orationes, meditationes, silentium, solitudinem, laborem manuum, ac alias carnis mortificationes ultro amplectantur, vana vero & mundana colloquia, præsertim cum viris, particul-

(k) Conc. Trid. Sess. 25. c. 11. de Regular.
(m) Sess. 25. de Regul.

(l) Sess. 5. c. 1. de Refor.
(n) Causa 27. q. 1. per tot.

ticulares & suspectas familiaritates cum quibusdam personis, etiam Ecclesiasticis & Religiosis, & quæ sunt similia malorum irritamenta, omnino fugiant.

IV. Quoniam vero præcedentibus annis, quibus multa contigerunt, puritati Religiosæ vitæ adversa, (o) interdum etiam Moniales, laxatis libertatis habenis, & virginali verecundia seposita, licentius Monasteriis egressæ, & ad convivia, nuptias, Primitias, Dedicaciones, visitationes Parentum & amicorum processisse dicuntur, huiusmodi similes omnes abusus hac nostra Constitutione abominamur, & sublatos esse volumus; graviter tam in contra facientes, quam earum Superiores, si quid ab ipsis remissione, negligentia, aut indulgentia peccatum fuerit, animadversuri.

V. Carentiam proprii, usque ad paupertatis fastigium Sanctimoniales ament & colant, (p) nulla sibi proprium aliquid dicat aut servet, sed omnia in Præfectæ potestate constituta sint.

VI. Quicquid Monialis hæreditate, donatione, vel alia quavis iusta causa acquirit, id omne in communem Monasterii usum redigatur, nihilque muneris aut donarii sive a Clericis, sive a Sæcularibus capiat, nihil vicissim det, etiam devotionis aut Religionis causa sine Præfectæ præscitu & consensu.

VII. Censu vitales, ancillas, catellos, gallinas, columbas, aves, aut similia nulla Monialis habeat sub pœna proprietatis.

VIII. Ad faciliorem, suavioremque paupertatis seu carentiæ proprii tolerantiam curetur, ut exquisita illa & Religiosæ vitæ communis ratio & usus in Monasteriis studiose introducatur & conservetur, quoad cibum, potum, vestitum, cæteraque necessaria, ne sub prætextu necessitatis sancta paupertas violetur, (q) ideoque nec plures Moniales assumantur, quam ex reditibus Monasterii ali possint.

IX. Vestitus sit simplex, & Ordini conveniens, nihil, quod mundi superfluitatem aut vanitatem sapiat. (r) Si quid ex præcedentibus annis curiosæ vanitatis & deformationis in vestitu Religioso relictum sit, id cura Superiorum, Visitatorum, ac Commissariorum tollatur, sub pœna Nobis arbitraria, si hic indiligentia aut dissimulatio appareat.

X. Ut etiam omnis proprietatis occasio in hoc genere tollatur, Præfectæ ac Confessarii Monialibus persuadeant, ut vestes omnes, laneæ, lineæ, pelliceæ, aut cujuscunque generis in uno loco asserventur, duæque ex Monialibus deputentur, quæ purgandis, excutiendis, sarcindisque vestibus sint constitutæ, quæ etiam fororibus in singulas septimanas, & prout usus postulat, eas distribuunt: nulla vero Monialis vestes apud se habeat, præter eas, quæ ad usum præsentem sunt necessariæ. In hunc autem usum in quolibet Monasterio locus communis vestium constituitur.

XI. Moniales nihil clavibus obsecratum, in scriniis, cistis, aut alibi habeant; si quid tale fuerit, a Præfecta illico auferatur, quæ etiam una cum discretis seu senioribus consilii Sororibus singulis annis bis, aut rer singularum Monialium supellestem diligenter inquirat ac scrutetur, ne ulla quicquam proprii habeat, aut amplius, quam ad usum, ei fuerit concessum.

XII. Cibum omnes simul capiant in uno Refectorio, (s) ad campanæ sonum omnes conveniant ad Benedictiorem mensæ, deinde ordine discumbentes, non prius discedant, quam Deo gratiæ actæ fuerint: ad mensam quotidie spiritualis aliquis liber legatur, qui ad pietatem accendat, omnibus cum silentio & attentione audientibus, ut una cum corpore mens reficiatur.

XIII. Dormitorium idem omnibus sit, (t) singulæ in singulis lectis separatim dormiant, & in singulis cellis,

fi

(o) C. Periculoso. De stat. Monach. in 6. Conc. Trid. Sess. 25. c. 5. de Regul.

(p) d. c. Cum ad Monasticum. Conc. Trid. Sess. 25. c. 2. De Regul.

(q) d. Sess. 25. c. 3. De Regul.

(r) d. Sess. 25. c. 1.

(s) c. Perniciosum. 18. q. 2.

(t) d. c. Perniciosum.

si tanta sit cellarum copia, ut omnes capere possint. Cellæ vero vel apertæ sint, vel ita clausæ, ut tamen communi clave a Præfecta referari possint; Dormitorium vero noctu sit clausum, clave penes Præfectam existente.

XIV. Communis ille curationis ægrotantium locus, (u) quem Infirmaryam vocant, ubi adhuc ædificatus non est, quam citissime constituatur. Extra ejus loci fines Moniales ægrotantes non cubent: charitas erga valetudine afflictas cum primis exerceatur, & convenientes cibi, medicamenta, aliaque necessaria secundum Monasterii facultates suppeditentur.

XV. Præfecta Monasterii Moniales omnes reverentiam & obedientiam præstent, (x) quemadmodum earum promissio postulat. Quæ vero ejus jussa neglexerit, aut superbe ac contumeliose responderit, aut pœnitentiam sibi injunctam præstare noluerit, aut Præfectam tergiversando, excusando, defendendo impedierit, quo minus illas, quæ aliquid commiserint, reprehendat, aut castiger, pro modo delicti & inobedientiæ gravius puniatur, humi prostratione, veli privatione, flagellatione, cibi subtractione, carceris inclusione, & similibus Religiosæ castigationis modis.

XVI. Cum Sanctimoniales eo fine e terra & cognatione egressæ sint, ut peculiari modo Deo serviant, (y) eundemque sacrificio laudis honorent, ac pro populi peccatis deprecantur. Hinc valde convenit, ut in ipsius laudibus & honore assidue sint, diu, noctuque Chorum frequentent, preces suas horarias ac sacra Officia ex communi Ecclesiæ & Ordinis instituto corde & ore perficiant, quibus omnes sine exceptione interesse studebunt, nisi quas officii ratio, & justus impedimenti excusatio, Præfectæ judicio exemerit.

XVII. Singulæ autem in ipso statim initio Divinorum Officiorum adsint, in congruenti suo habitu propriisque locis, & usque in finem perseverent, nisi justa aliqua necessitate exi-

gente, Præfecta, vel quæ ejus vicem gerit, discessus veniam dederit.

XVIII. Cantum Ordini ac tempori convenientem adhibebunt, cum tractu & debita moderatione, ut voci mens concordet, & Divina Majestas digne laudetur.

XIX. Et quoniam sacra meditatio plurimum mentem afficit, ac in Deum convertit, piisque in hac vita magnum adfert solatium & fructum; ideo conandum est, ut sacrarum meditationum usus in Monasteriis introducatur, & præter Horas Canonicas aliaque Divina Officia tempus aliquod commodum deputetur, quo in unum quotidie in Choro universæ convenientes saltem per horam mentali Orationi vacent, semi hora scilicet post Matutinum & Completorium. Poterunt vero hujusmodi sacris meditationibus servire mysteria vitæ & Passionis Christi, & Redemptionis nostræ consideratio, beneficiorum Dei, generalium & particularium, quatuor novissimorum, status & vocationis, & vitæ Sanctorum, &c. aliaque hujusmodi, quæ ad Dei gloriam, propriam, proximorumque salutem pertineant.

XX. Ad promovendam in Monialibus pietatem, conservandamque corporis & animæ puritatem, plurimum confert Divinorum Sacramentorum Pœnitentiæ & Eucharistiæ frequentatio. Quamobrem monemus diligenter Moniales omnes, ut secundum Concilii Tridentini Constitutionem (z) semel saltem singulis mensibus, nec non celebrioribus Christi Domini & Deiparæ Virginis festivitatis, aliisque ab Ordine & Constitutionibus præscriptis diebus peccatorum confessionem faciant, & Sacrosanctam Eucharistiam suscipiant, ut eo se salutari præsidio muniant ad omnes oppugnationes dæmonis fortiter superandas.

XXI. Ut autem afflictis quarundam conscientis consulatur, præter ordinarium Confessorem (a) alius extraordinarius Confessarius iisdem bis, aut ter in anno, a Nobis approbatus offeratur.

XXII.

(u) d. c. Cum ad Monaster.
De Consecr. d. 5. c. Quæ tua. 12. q. 1.
d. Clem. Ne in agro.

(x) d. c. Cum ad Monaster.
(z) Conc. Trid. Sess. 25. c. 10. de Regul.
(a) d. Sess. c. 10.

(y) Facit. c. Nunquam.

XXII. Quæ de Abbatissæ, Priorissæ, Magistræ aut Præfectæ, quocunque nomine appelletur, electione, (b) ut scilicet ætatis ac Professionis annos habeat a Concilio Tridentino designatos, ac cæteras qualitates requisitas, quantum fieri potest, omni modo observari volumus.

XXIII. Hæc non ambitu, conspiratione, collusione, aut alio modo constituantur, (c) sed collectis singularum, Dei gloriam & communem Monasterii utilitatem præ oculis habentium, secretis votis eligatur, quæ omni sinistro affectu remoto, ad id magis digna & idonea judicata fuerit.

XXIV. Præfecta Monasterii, tanquam communis omnium Monialium Mater, ea sibi omnia quam diligentissime commendata habeat, quæ ad ipsarum corporis & animæ salutem spectant: Cum primis vero eas admoneat, ut puræ sint corde & corpore, perfectionem sectentur, pacem & tranquillitatem conservent: studeat etiam, ut singulæ suo recte fungantur officio, & ut obedire libenter discant, refractarias vero & contumaces secundum Constitutiones Ordinis, & iis modis, quibus supra indicatum est, aliisque coerceat.

XXV. Capitulum culparum singulis septimanis habeat, in eoque graviter & sine contentione corrigat ea, quæ unaquæque Monialis in sui officii munere neglexerit, quorum veniam ipsæ sponte ac humiliter coram omnibus petant, curetque Præfecta, ut poenitentiae ac mortificationes adhibeantur, quæ ex instituto ipsarum traditæ sunt, ad profectum in humilitate ac sui contemptu, obedientia, aliisque virtutibus religiosis faciendum.

XXVI. Religiosi etiam silentii singularem curam habeat, ne superfluis, vanisque colloquiis a Monialibus tempus infumatur, neve quispiam extraneus ad colloquendum facile cum Monialibus admittatur, aut Monasterium absurdis & inanibus rumoribus compleatur.

XXVII. Volumus vero, ut silentii observatio diebus sacris diligenter custodiat, idcirco quibus diebus sacra Eucharistia sumitur, item festis diebus, tempore Adventus & Quadragesimæ, & in Vigiliis Sanctorum, & sub Divino Officio Moniales cum extraneis ne loquantur, magna necessitatis causa excepta.

XXVIII. In negotiis gravioribus, Præfecta nihil decernat, nisi scientibus & consentientibus majori ex parte Senioribus consilii Sororibus. Quæ vero majoris sunt momenti, ad consultationem totius Capituli referantur, idque ratum sit, quod majori & saniori Monialium parti placuerit.

XXIX. In quibus Monasteriis Sanctimonialium labor manuum in communi Officina jam in usu est, diligenter conservetur, in aliis locus aliquis singularis deputeretur, in quo operibus elaborandis Moniales diligenter exerceantur, sitque una laboris Magistræ, quæ illa, quæ elaboranda sunt, recipiat, distribuatur, laborum vero pretia ac mercedes Præfecta accipiat, nec quæpiam aliæ in hujusmodi curam sese ingerat.

XXX. Novitiarum quoque curam una sola Magistræ ad hoc constituta, (d) in loco, si fieri potest, separato habeat, quæ Novitias in timore & cultu Dei, & observatione Ordinis erudiat, easque assiduus monitionibus, vitæque exemplo ad Religiosæ vitæ disciplinam & perfectionem formet, ut, Deo adjutore, perfectæ ipsius ancillæ possint evadere.

XXXI. In Novitiatum nulla recipiatur sine habitu Regulari, (e) ad habitum nulla, nisi duodecim annis major, ad Professionem vero non nisi post annum 16. ætatis & integrum probationis completum, & postquam Nos, vel Vicarius noster, aut aliquis ad id a Nobis deputatus Virginis voluntatem diligenter de libertate Professionis exploraverit. Teneaturque Præfecta instante Professionis tempore, Nos, aut nostrum

(b) Sess. 25. de Regul. c. 7.

(c) d. Sess. c. 6.

(d) d. Clem. Neinagro.

(e) d. Sess. 25. c. 15. de Regul.

strum Vicarium mensem ante, de futura Professione certiore reddere.

XXXII. Puella, postquam semel Novitiarum habitum induerit, Monasterio exire non possit, nisi forsitan nondum Professam poeniteret Monasterium introisse. Si vero semel exierit, nulla in posterum redeundi facultas facile concedatur.

XXXIII. In receptionibus puellarum ab illicitis passionibus & contractibus abstinetur, nec ante Professionem quicquam Monasterio datur, præter id, quod ad victum & vestitum ejus, quoad in Novitiatu fuerit, necessarium est.

XXXIV. Inclusionem Monialium tanquam hoc sæculo nequam, præcipuum conservandæ pudicitiae & integritatis virginalis medium maximo opere Concilium Tridentinum (f) ac Summi Pontifices Ordinariis locorum etiam sub obstaculo Divini Judicii, & interminatione maledictionis æternæ commendatam esse voluerunt, illamque rem tot constitutionibus & rescriptis stabilierunt, ut Moniales merito agnoscere debeant, nullam nimiam diligentiam videri posse ad ejus thesauri custodiam, cujus causa ipsæ, Mundo, Parentibus, omnique rei ac spei in hoc sæculo valedixerunt, ac Monasteriis sese incluserunt; Placet autem ad evidentiorum intellectum, ipsam Concilii Sanctionem hic subungere.

"BONIFACII OCTAVI Constitutionem, quæ incipit: *Periculoso*, renovans sancta Synodus, universis Episcopis sub obstaculo Divini Judicii, & interminatione maledictionis æternæ præcipit, ut in omnibus Monasteriis sibi subjectis, ordinaria, in aliis vero Sedis Apostolicæ auctoritate clausuram Sanctimonialium, ubi violata fuerit, diligenter restitui, & ubi inviolata est, conservari maxime procurent, inobedientes atque contradiatores per censuras Ecclesiasticas, aliasque poenas, quacunque appellatione postposita, compescentes, invocato etiam ad hoc, si opus fuerit, auxilio brachii sæcularis. Quod auxilium, ut præbeatur, omnes Chri-

stianos Principes hortatur sancta Synodus, & sub excommunicationis poenâ ipso facto incurrenda omnibus Magistratibus sæcularibus injungit. Nemini autem Sanctimonialium liceat post Professionem exire a Monasterio, etiam ad breve tempus, quocunque prætextu, nisi ex aliqua legitima causa ab Episcopo approbanda; indultis quibuscunque & privilegiis non obstantibus. Ingressi autem intra septa Monasterii nemini liceat, cujuscunque generis aut conditionis, sexus vel ætatis fuerint, sine Episcopi, vel Superioris licentia in scriptis obtemperata, sub excommunicationis poenâ ipso facto incurrenda. Dare autem tantum Episcopus, vel Superior licentiam debet in casibus necessariis, neque alius ullo modo possit, etiam vigore cujuscunque facultatis vel indulti hactenus concessi, vel in posterum concedendi."

XXXV. Memores itaque salutis nostræ, cupientesque a Nobis avertere Divinæ ultionis vindictam, præcipimus in virtute sanctæ obedientiæ omnibus Sanctimonialium Monasteriorum Superioribus, Commissariis, ac Visitatoribus, ut Monasteria omnia Monialium sibi subiecta ad debitam clausuram, & communem vitæ rationem, relegata omni proprietatis specie, quamprimum redigant.

XXXVI. Et quamvis in Diocesi nostra Monasteria Sanctimonialium omnia extra Civitates & oppida ruri, & apertis fere locis sita sint, eam tamen rationem iniri volumus in constituendis januis, fenestris, rotis, cancellis, ingressu Monasterii, & in omni forma ædificiorum, ut omnia ad accuratam formam inclusionis, seu clausuræ debitæ quam proxime accedant.

XXXVII. Januæ septorum Monasterii diu noctuque sint clausæ, duabus feris, quarum altera intus, altera foris claudatur, ac unam clavem habeat Præfecta, seu ex ejus commissione Janitrix senior, alteram Pater seu Confessarius: non aperiuntur vero januæ, nisi ex causis necessariis, & tunc Moniales non audeant eo accedere, ut

exter-

externum quidpiam aspiciant, vel cum mare aut fœmina colloquantur.

XXXVIII. Extra casus necessarios & in jure expressos non admittantur mares & fœminæ cujusvis generis intra septa Monasterii, etiam si Monialibus inserviant, nec sinantur ibidem pernoctare sub pœna excommunicationis, quibus aliæ pœnæ arbitrariæ addentur.

XXXIX. Animadvertimus quoque puellas sæculares interdum, educationis, aliave causâ in Clausuris Monasteriorum commorari, quæ res cum aliquanto periculo non careat, volumus, ut posthac nullæ hujusmodi puellæ in Monasteria recipiantur sine expressâ nostrâ licentia in scripto concessâ, ac Superioris regularis, si ei subiectum fuerit Monasterium.

XL. Hujusmodi vero puellæ habitu incedant modesto, nigri coloris, vel fusco, non varii coloris, aut qui nimiam mundi vanitatem sapiat, & advertatur, ne moribus aut verbis Moniales offendant.

XLI. Quod de Hospitalitate Religiosorum statutum est Cap. præcedente, hoc in Monialibus multo magis observetur, caveaturque, ne sub specie familiaritatis, visitationis, & amicitiae hospites alii facile excipiantur, quam qui necessarii sunt.

In cæteris omnia Constitutionibus Ordinum & Ss. Concilii Tridentini Decretis relinquuntur, eaque studiose servanda Sanctimonialibus, ac earum Præfectis & Superioribus serio commendantur.

CAPUT III.

De Sanctimonialium Superioribus, Visitatoribus ac Confessariis.

§. I.

Nihil æque conservat Religiosum statum, & in eo viventes Deo consecratas personas, quam frequens Superiorum inspectio & visitatio, quæ præsertim teneras Virgines, eo magis in ordine atque officio continet, quo illæ ob sexus fragilitatem ampliori cura

ac vigilantia fuorum Superiorum indigent.

II. Superiores itaque Monialium (quos certe cupimus viros graves, prudentes, Constitutionum Ordinis ac status Monasterii intelligentes, (g) zelo ac rerum spiritualium scientia præditos,) Sanctimonialibus curæ suæ commissas, temporibus a Regula vel Constitutionibus definitis, serio ac solícite visitent, ac quæ corrigenda ac reformanda sunt, in meliorem statum rependant, dictumque sibi ab Apostolo (b) existiment: Rogamus autem vos Fratres, corripite inquietos, consolamini pusillanimes, patientes estote ad omnes.

III. Visitationes suas prudenter instituunt, & ante ipsam posterioris Visitationis chartam perlustrant, defectus examinent, qui emendandi præscripti fuerint, & an emendatio debita subsecuta sit, diligenter perquirant.

IV. In ipsâ autem visitatione hunc modum teneant, ut seorsim singulas de votis substantialibus, de Regula & Constitutionibus, & an illa bene observentur, conceptis secundum morem Ordinis aut præsentem necessitatem vel occasionem interrogationibus percunctentur.

V. Item de vita communi, de Officio Divino, de frequenti Communione, confessione, & exercitiis spiritualibus, & quæ isthuc secundum prudentiam suam spectare existimaverint.

VI. An clausura secundum præscriptum Concilii Tridentini bene observetur, an ipsæ Moniales extra Monasterii septa se conferant, an permittatur viris aut mulieribus ingredi septa, excepta causâ inevitabilis necessitatis; an libellos prohibitos, picturas sæculares, conversationem suspectam cum aliis habeant, an permittatur eis accipere vel dare epistolas, quas non prius legerit Præfecta, an in colloquiis extraneis modus debitus servetur, & Sorores auscultatrices semper adsint. An ad cancellos vel rotas convivia & comotationes fiant cum amicis & aliis?

VII. De munusculis, an modus excedatur.

P pp 3

VIII.

(g) Conc. Trid. Sess. 25. c. 9. de Regul.

(b) 1. Thess. 5. v. 14.

VIII. Quibus exercitationibus ac laboribus post Divinum Officium tempus traducatur, ubi attendendum, ne nimis studiose sint Moniales istius artificiosæ exercitationis in acupictura, opere acuaria, & similibus, quæ magis decent Sæculares, quam Religiosas.

IX. An sint inter eas conspirationes, seu, ut vocant, ligæ, & partes, dissidia, rixæ, contentiones, obrectationes, calumniæ, murmura, &c. Quæ harum causæ, primipilares seu choragæ & incentrices, quæ omnino diligenter corrigendæ, & pax & conciliatio omni modo constituenda.

X. Item interrogentur de Officialibus.

XI. De Abbatissa, Priorissa, Subpriorissa, Magistra Novitiarum, Celeraria, &c. an legitime sint constitutæ; an bene se gerant in officiis suis, quis in qualibet defectus. An res Monasterii procedant, an in deterius vergant, ac cujus id culpa fiat, animadvertendum.

XII. Novitiæ quomodo recipiantur & instituantur: interrogentur quoque de Patre seu Confessario, an sit vir gravis, integer, discretus, prudens, qui Monialium conscientias bene tractare norit, an quicquam in illo desideretur, an is permittat, ut bis vel ter alius Confessarius per annum Monialibus offeratur, item de Concionatore, an bene suo muneri satisfaciatur?

XIII. Et si videatur etiam de personis externis, Oecono, Scriba & aliis de familia, si quispiam ex iis Monasterio inutilis, scandalosus, aut periculosus sit.

XIV. Inquisitione seu examine perfecto mature consideratis & perpensis omnibus depositionibus, Visitatores chartam visitationis conficiant, & in domo Capitulari secundum morem Religiosum omnia peragant, studeantque, ut, quoad ejus fieri potest, pax & tranquillitas in Monasterio constitutur & relinquatur, Divini Officii, clausuræ & votorum bona ratio habeatur.

XV. Si quæ vero supra modum tentatæ ac perturbatæ, & pusillanimes

videantur, in iis sedandis & ad æqualitatem animi reducendis omnem modum adhibeant, atque etiam, si necessarium videatur, viros eruditos & Religiosos procurent, qui eos solentur, instruant, & tranquillitati suæ restituant. Caveant etiam, ne aliquæ sub specie pietatis, apparitionum, & visionum, præsertim si melancholicæ, & validæ imaginationis sint, a maligno eludantur aut decipiantur.

XVI. Qui Monasteriis præsentunt Abbatibus ac Superiores, magno cum delectu Confessarios ac Patres Monialium constituent, viros pios, maturos, prudentes, doctos, sensualitatis, & hujus sæculi contemptores, ac tales, qui antea vitæ experimento ostenderunt, se inter Sponsas Christi secure & cum fructu spirituali conversari, easque non minus verbis & cohortationibus, quam vitæ exemplo ad Religiosam modestiam, humilitatem, pietatem, ac vitæ puritatem informare & excitare posse, quod etiam diligenter facere, & se in omnibus bonorum operum exemplum præbere studeant.

XVII. Familiaritatem vero nimiam, colloquia privata (nisi informationis spiritualis gratia) evitent, cum iis nec prandeant, nec bibant, munuscula vero vel ab iis capere, vel iis dare auctoritate sua indignum existiment.

XVIII. Ipsa rerum magistra experientia docet, artem artium esse regimen animarum, & maxime Sanctimonialium, tractare conscientias & confessiones excipere. Quapropter maxime decet Sanctimonialium Præfectum, ut penitus omnes animæ earum morbos, & in quibus contra vota Religiosa & Regulam peccatur, cognoscat, perspiciat, & remedia in promptu habeat, quomodo hujusmodi tentationibus, emulationibus, pusillanimitatibus, & cæteris animi affectibus medendum sit, ut Deo sacratæ Virgines in vocationis suæ amore & Religiosæ perfectionis studio confirmandæ & promovendæ.

XIX. Confessarius Sanctimonialium, neque nimis rigidus, neque nimis laxus, nec nimis remissus, neque nimis minutim ac scrupulose in quibusdam

dam interrogare debet, quæ omnia cum una Regula comprehendere non possint, Unctio Spiritus Sancti orationibus ferventibus impetrata, pietatis studium, profectus spiritualis diligens conatus desiderantem docebunt.

XX. Verendum etiam est, ne præposterus in confessione metus, & pudor aliquando in Monialibus efficiant, ne illæ coram ordinario suo Confessario conscientiam suam plane exonerent. Unde, quod a Concilio Tridentino in hac parte indultum, etiam ante in Constitutionibus Synodales relatum est, ut alius extraordinarius Confessarius illis bis aut ter offeratur, id ne a Præfectis seu Confessariis Monialium ordinariis tanquam suæ potestatis derogatorium negetur, aut constringatur, cum expediat etiam sæpius hanc potestatem cum Superiorum licentia facere, & libertatem aliquam salutarem ad alia mala præcavenda hac in parte permittere, si perspicuis argumentis angi suarum conscientias animadvertant.

CONSTITUTIONUM, ET
DECRETORUM SYNODALIIUM
DIOECESIS OSNABRUGENSIS

PARS QUARTA.

CAPUT UNICUM.

De Jurisdictione & Judicio Ecclesiastico.

§. I.

Corruptionem tribunalium nostrorum, & confusionem jurisdictionum, ac inde procedentem juris ac justitiæ perversionem, Nos in ipso statim in Diœcesin nostram Osnabrugensem ingressu, facile animadvertimus, & res ipsa adeo manifesta loquitur, ut nullus inficias ire possit, ex illa judiciorum corruptela, infinita sequi incommoda, dum aut coram non suis Judicibus, aut inidoneis, aut non recto ordine, aut ab iis hominibus, qui ad hoc idonei non sunt, causæ perverse tractantur, lites ex litibus seruntur ac pertrahuntur, justitia obscuratur, sub-

diti nostri misere vexantur ac distrahuntur, innocentes opprimuntur, hæreditates ac patrimonia exhauriuntur, & infinita mala oriuntur, quibus, ut obviam procedamus, ac, quantum in Nobis est, integritatem juris ac justitiæ in utroque foro constituamus, ac factam, testamque conservemus, officii nostri Episcopalis ratio a Nobis exigit.

II. Quamvis autem sicuti necessarium judicamus, ita votis omnibus desideremus, ut quamprimum accurata judiciorum reformatio, præsertim in foro nostro Episcopali subsequatur, temporis tamen angustia, Provincialium negotiorum accumulatio, multitudo, & gravitas non patiuntur, ut in Synodali hoc Conventu, iis rebus omnibus certum ordinem dare possimus, sed in aliud tempus commodum suspendere cogamur.

III. Interim tamen volumus, ut in judiciis nostris tam Officialatus, quam alius, certi ac definiti Procuratores & Advocati sint, ac non alii, quam Catholici, compertæ probitatis, fidelitatis, & convenientis eruditionis, quique Fidei professionem secundum Decreta Synodi hujus nostræ fecerint, juramentumque a Nobis proponendum præstiterint, quos etiam volumus ab omni procacitate, maledicentia, superfluis & inutilibus allegationibus, comperendationibus, protelationibus, pactis de quota litis, & aliis illicitis lucris, munerum acceptionibus, & similibus prohibitis actionibus abstinere sub arbitraria Nobis pena.

Causæ omnes ad forum Ecclesiasticum quomodolibet pertinentes, non alibi, neque coram alio, quam iudicio nostro Ecclesiastico agantur, tractentur, definiantur; nec iis cognoscendis ac definiendis Judices sæculares sive in principio, sive per viam appellationis sese immisceant, quocumque prætextu illius consuetudinis vel usurpationis, cui Nos hac nostra solenni protestatione & Synodali Constitutione contradictum, & omnes contrarios actus interruptos esse volumus.

Cætera, quæ de forma & ordine judiciorum ulterius desiderantur, Nos cum præcitu & consilio Venerabilis nostri

nostri Capituli, Deo dante, ad publicam Diœcesis nostræ utilitatem, & subditorum nostrorum tranquillitatem ac prosperitatem diligenter ac serio posthac curabimus.

ET quia Ego JUDOCUS UPHAUS, J. U. D. Comes Palatinus, Cantor & Canonicus Ecclesiæ Collegiatæ S. Joannis Osnabrugensis, a supra memorato Reverendissimo & Illustrissimo Domino Præsidi in Actuarium deputatus, præsertim Decretorum Synodaliū promulgationi interfui, ideo eadem Decreta, in fidem eorundem, prævia debita re-

quisitione, propria manu subscripsi. Acta sunt hæc anno a partu Virgineo, M. DC. XXVIII. Indictione duodecima, Pontificatus Sanctissimi Domini nostri D. URBANI Papæ Octavi, anno Sexto, diebus, mense, & loco quibus supra, præsentibus Venerabilibus & Doctiss. Dominis Hippolyto Franciotti, & Petro Davans, Reverendissimi & Illustrissimi Domini Episcopi Osnabrugensis Capellanis Aulicis, Testibus fide dignis.

JUDOCUS UPHAUS, J. U. D.
Comes Palatinus, Cantor & Canonicus D. Joannis, subscripsit.

Subnectitur cum brevi ad Lectorem monito,

CATALOGUS PRÆLATORUM, COLLEGIORUM, utriusque sexus Monasteriorum, singularumque Parochiarum ad Synodum Episcopalem Osnabrugensem, die vigesima octava mensis Martii, Anno Millesimo sexcentesimo vigesimo octavo celebratam vocatorum, tam eorum, qui per se, vel alios comparuerunt, quam eorum, qui omnino emanferunt.

Reverendissimus & Illustrissimus Dominus, D. FRANCISCUS GUILIELMUS, Dei & Apostolicæ Sedis gratia Episcopus Osnabrugensis, Sacri Romani Imperii Princeps, Præpositus Ratisbonensis, Comes de Wartenberg, Dominus in Waldt, &c. Præsiciens, ac Synodum Diœcesanam convocans.

Reverendissimus in Christo P. Dominus JOHANNES PELCKINGIUS, Episcopus Cardicensis, Reverendissimi & Serenissimi Bavarie Ducis FERDINANDI, Episcopi Padibornensis, &c. Suffraganeus.

Capitulum Canoniconum Cathedralis Ecclesiæ Osnabrugensis.

Admodum Reverendus & Prænobilis Dominus
Sixtus a Liaukema, Præpositus, Archi-Diaconus, hujus & Cathedralis Ecclesiæ Paderbornensis Canonicus.
Theodorus a Morrien, Decanus.
Ludolphus a Varendorff, Senior, Scholasticus, atque Archi-Diaconus.
Casparus a Nehem, Rever. Episc. Osnabrugensis Capellanus in Melle.
Henricus a Mallinkrott, Cantor & Archi-Diaconus.
Joannes a Melschede, hujus nec non Cathedralis Ecclesiæ Hildesienfis Canonicus & Cantor.

Admodum Reverendus & Prænobilis Dominus

Godefridus Droste, hujus & Cathedralis Ecclesiæ Monasterienfis Canonicus.

Benedictus a Nehem.

Joannes Heidenricus a Vörden, Illustrissimi Principis Osnabrugensis Capellanus in Laer, nec non Ecclesiæ Cathedralis & Collegiatæ S. Pauli Monasterienfis respectivè Præpositus & Scholasticus.

Rudolphus a Lutten, Thesaurarius atque Archidiaconus.

Joannes Otto a Dorgelo, Rever. Episc. Osnabrug. Capellanus in Schleddehausen.

Stephanus Schenkingk.

Benedictus a Galen, Rever. Episc. Osnabrug. Capellanus in Dissen.

Adm. Reverendus & Illustris D. Enno Philippus, Comes Oestfrisiæ & Rippergenfis, D. de Esens, Stettesdorff, & Wittmondt, Metropolitanæ Colonienfis, nec non Cathedralis Argentinensis, & Collegiatæ S. Gereonis Colonienfis Ecclesiæ respectivè Canonicus & Scholasticus.

Joan. Eberhardus a Nehem. Jodocus Fridericus Vincke, hujus & Cathedralis Ecclesiæ Mindenfis Canonicus.

Admo-

Admodum
Reverendus
& Prænobilis
Dominus

Nicolaus Hermannus Vincke.
Joannes Jodocus Ledebur.
Franciscus Theod. Westphael.
Joannes Wernerus a Letadt.
Casparus Wilhelmus a Mel-
schede.
Eberhardus a Galen, Colle-
giatæ Ecclesiæ Wildeshau-
sianæ Canonicus.

Abbates & Præpositi Regu- lares.

Adm. Rev. D. Joannes Wasmuth, Abbas Ibur-
genfis, Ord. S. Bened.
Adm. Rev. & Nobilis D. Joannes Schillinck,
Præpositus Claholtanus, Ordinis Præmon-
stratensis.

Commenda S. Joannis Hieroso- lymitani.

Commenda in Laghe, Ordinis Melitenfis,
pro tempore vacat per mortem defuncti
Commendatoris quondam Adm. Reve-
rendi & Prænobilis Henrici a Bernsaw.

Commenda S. Georgii Martyris Ordinis Teutonici in Civitate Osnabru- genfi.

Adm. Rev. Prænobilis & Strenuus Dominus
Hermannus ab Iterfumb, Commendator
S. Georgii in Civitate Osnabrugensi.

Capitulum Canonicorum Collegiatæ Ecclesiæ S. Joannis Baptiste in Civitate Osnabrugensi.

Adm. Rev. & Prænobilis Dominus Henri-
cus a Mallinkrott, Præpositus, Archi-
diaconus, nec non Cathedralis Ecclesiæ
Osnabrugensis Canonicus & Cantor.

Adm. Rev. & Doctissimus D. David Fabri-
tius, Decanus.

Rev. & Nobilis D. Jodocus a Werne, ad S.
Mauritium extra muros Monasteriensis
Scholafticus.

Rev. & Clariss. D. Jodocus Uphaus, J. U. D.
Cantor.

R. D. Georgius Heisterman, Scholafticus.

R. D. Joannes Uphaus, Thesaurarius.

R. D. Hermannus Holtappell.

R. D. Joannes Eickrodt.

R. D. David Martingius.

R. D. Conradus Schmidt.

R. D. Joannes Tilmannus Heisterman.

D. Franciscus Hermannus Uphaus.

R. D. Rabanus Heisterman, Canonicus Ca-
thedralis Ecclesiæ Lubecensis.

D. Georgius Switerdingh.

R. D. Gorfcalcus Heisterman.

Reliqui vacant propter alienam Religionem.

Tomus IX. Concilior. German.

Capitulum Canonicorum Collegiatæ Ecclesiæ S. Alexandri Martyris in oppido Wildeshausen.

Præpositura vacat per mortem.

Adm. Rev. Dnus Hermannus Wilagius, De-
canus.

R. D. Arnoldus Meyer, Senior & Scholafticus.

R. D. Joannes Hillebrandt, Subsenior.

R. D. Joachimus Bispinck.

R. D. Casparus ab Elmendorff, Thesaurarius.

R. D. Henricus Bispinck.

R. D. Theodorus Sleppegrelle.

R. D. Joannes Meyerinck.

R. D. Georgius Nutzhorn.

R. D. Hermannus Vincke.

R. D. Hermannus ab Ohr.

R. D. Christophorus Grotegefe.

R. D. Theodorus Nutzhorn.

R. D. Joannes Vale.

R. D. Hermannus Düvel.

Adm. Rev. & Prænobilis Dnus Eberhardus
Galen.

Capitulum Canonicorum Collegiatæ Ecclesiæ S. Ægidii Abbatis, & Caroli Imperatoris in Civitate Widen- brugenfi.

Adm. Rever. & Prænobilis Dnus Joannes a
Melschede, Præpositus, Archi-Diaconus,
& Canonicus Cathedralium Ecclesiarum
Osnabrugensis & Hildefiensis.

Decanatus vacat per mortem.

R. D. Bitterus Vloeg, Scholafticus.

R. D. Petrus Stroschneider, Thesaurarius.

R. D. Bartholdus Croppius.

R. D. Christophorus Strengerus.

R. D. Joannes Sprengerus.

R. D. Theodorus Hollenhagen.

Capitulum Canonicorum Collegiatæ Ecclesiæ S. Sylvestri Papæ in Civitate Quakenbrugenfi.

Præpositura vacat per resignationem.

Decanatus similiter vacat per resignationem.

R. D. Engelbertus Schröderus.

R. D. Hermannus Hilbrinck.

R. D. Bernardus Manicæus.

R. D. Rudolphus Mönnick.

Reliqui vacant per privationem ob alienam
Religionem & inqualificationem.

Capitulum S. Mariæ in Drebber, cujus nomine nullus comparuit ob alie- nam Religionem.

Monasteria Crucigerorum.

Reverendus ac Religiosus Pater Prior Gerar-
dus Houwerus, nomine totius Oesterber-

Qq q

genfis,

genfis, feu Montis Orientis Conventus comparuit.

Nomine Monasterii Appelenfis ejusdem Ordinis, comparuit idem P. Gerardus Houwerus.

Monasterium Ordinis S. Dominici
Prædicatorum, in Civitate Osnabrugensi.

Rever. ac Religiosus Pater Nicolaus Altenhausen, Prior, nomine totius sui Conventus adfuit cum Socio.

Monasterium Ordinis S. Francisci
de Observantia, in Civitate Osnabrugensi.

Rev. ac Relig. P. Theodorus Reinfeldt, Guardianus, pro Conventu comparuit.

Item Rev. ac Relig. P. Felix Silvius, Parochialis Ecclesiæ S. Catharinæ in Civitate Osnabrugensi Ecclesiastes.

Collegium Societatis JESU in Civitate Osnabrugensi, & Residentiæ ejusdem Societatis in Civitatibus Widenbruggensi, Quakenbruggensi & Meppensi.

Reverendi ac Religiosi PP.

P. Joannes Alting, Rector Collegii Osnabr. P. Wilhelmus Afchendorff, Theologus, & Cathedralis Ecclesiæ Osnabr. Ecclesiastes.

P. Cornelius Heuwer, Parochialis Ecclesiæ B.M.V. in Civitate Osnabr. Ecclesiastes.

Monasteria Sanctimonialium Ordinis S. Benedicti.

Pro Admodum Reverenda Abbatissa Margaretha Spikers, ac nomine totius Conventus Sanctimonialium in Herfenbrock, Reverendus Pater Fridericus Eleinck, ejusdem Ordinis Professor in Iburgh, comparuit.

Pro Adm. Rev. D. Barbara ab Hövell, ac nomine totius Conventus Sanctimonialium in Monte S. Gertrudis, R. P. Joannes Schevinghausen comparuit, ejusdem Ordinis Professor in Abdinckhoff, Padibornæ.

Pro Adm. Rev. D. Alheide a Langen, ac nomine totius Conventus in Malgern, seu Horti S. Mariæ, comparuit R. P. Joannes Martini, Confessus, & ejusdem Ordinis Professor in Iburgh.

Pro Adm. Rev. D. Margaretha Schölers, ac nomine totius Conventus in Oezede, comparuit R. P. Hermannus Gerdinck, ejusdem Ordinis Professor in Iburgh.

Abbatia Sanctimonialium
Ordinis Cisterciensis.

Pro Adm. Rev. Abbatissa Lucretia Elisabetha Vincke, ac nomine totius Conventus in Bersenbrugg comparuit R. P. Severinus Raeckman, Confessus, & ejusdem Ordinis Professor in Marienfeldt.

Pro Adm. Rev. Abbatissa Sophia a Schagen, ac nomine totius Conventus in Rulle, seu ad fontem S. Mariæ comparuit R. P. Bernardus Tor-Bruggen, Confess. & ejusdem Ordinis Professor in Marienfeldt.

Pro Adm. Rev. Abbatissa Gertrude ab Altenhausen, ac nomine Conventus in Börstel nemo comparuit.

Pro Adm. Rev. Abbatissa Maria a Grothaus, ac nomine totius Conventus in Gravenhorst habuit mandatum R. P. Guilielmus Afchendorff, Soc. Jesu.

Monasteria Sanctimonialium, quorum nomine ob alienam Religionem modo nullus comparuit.

Quernheim, Ledem, & Scholde.

Conventus, seu Domus Sororum
tertiæ Regule S. Augustini.

Pro Matre, ac nomine totius Conventus S. Mariæ, dicti Marienstet, in Civitate Osnabrugensi nemo comparuit.

Pro Matre, ac nomine totius Conventus S. Augustini in Civitate Widenbruggensi nemo comparuit.

Parochia Civitatis Osnabrugensis.

S. Petri Apostoli, in Ecclesia Cathedrali.

Beatissimæ Virginis Mariæ, in foro.

S. Joannis Baptistæ, in Ecclesia Collegiata.

S. Catharinæ Virginis & Martyris.

Parochia in Districtu, seu Satrapia Iburghensi.

Iburgh. Oezede. Bissendorff.

Glaen. Borgloe. Belem.

Laer. Dissen. Rulle.

Glandorff. Hilter. Walenhorst.

Hagen. Holte. Schledenhausen.

Parochia in Districtu, seu Satrapia Reckenbergensi.

Widenbruck. Gutersloe. Langenberg.

S. Viti.

Parochia in Districtu, seu Satrapia Fürstenawensi.

Fürstenaw. Quakenbrugg. Bippen.

Bergen. Anckum. Alffhusen.

Newen.

Newenkirchen Barbergen. Swaßtrupff.
in Hulse. Uffen. Merßen.
Menslage. Voltlage. Berßenbrugk.

Hefope. Hede. Landecke.
Wesewe. Neede. Sögelén.
Lathen. Werdt. Meppen.
Dorpe. Holte. Rede.
Asschendorp. Haren. Hasselcke.

Parochia in Districtu, seu Sa-
trapia Vördenfi.

Vörden. Bramsche. Engter.
Newenkirchen. Damme. Gerde.

Parochia in Districtu, seu Sa-
trapia Grönebergensi.

Melle. Newkirchen. Baur.
Gefmell. Rimslohe. Olden-
Wellingholthusen. Hoijell. dorff.

Parochia in Districtu, seu Sa-
trapia Witzlaensi.

Essen. Barckhausen. Lintorff.

Parochia in Districtu, seu Sa-
trapia Honteburgensi.

Honteborg. Oester-Cappelen. Venne.

Sequuntur Parochia Diæcesis Os-
nabrugensis, in districtu temporali Episcopi
& Principis Monasteriensis, in
Satrapia Vechtenfi.

Vecht. Veltrup. Lutten.
Cappel. Dincklage. Goldenstette.
Conen. Backum. &
Visbeck. Oijte. Twisterinck.
Steinfelt. Embstecke.

Parochia Diæcesis Osnabrugensis,
sub districtu temporali Episcopi & Principis
Monasteriensis, in Satrapia
Kloppenburgerfi.

Cloppenborg. Molbergen. Essenn.
Crappendorff. Frisöte. Scharle.
Löningen. Aldenöte. Reinschlagh.
Lastrup. Linderen. Strucklin-
Marckhausen. Bassell. gen.

Parochia Diæcesis Osnabrugensis,
sub districtu temporali Episcopi & Principis
Monasteriensis, in Satrapia
Bevergernensi.

Risenbeck. Dreyerwaldt. Hobsten.
Grauenhorst.

Parochia Diæcesis Osnabrugensis,
sub districtu temporali Episcopi & Principis
Monasteriensis, in Satrapia Meppensi,
seu Embslandia.

Hafelünne. Stennevelt. Locupf.
Grottenwüllen. Bockloe. Berßen.

Tomus IX. Concilior. German.

Parochia Diæcesis Osnabrugensis,
sub districtu temporali Episcopi & Principis
Monasteriensis, in Satrapia
Wildesbusana.

Wildeshufen. Hundtlofen. Kneten.

Parochia Diæcesis Osnabrugensis,
sub districtu temporali Episcopi & Prin-
cipis Mindenfi.

Quernheim, & aliquæ aliæ omnes hæresi
infectæ, ut major pars sequentium.

Parochia Diæcesis Osnabrugensis,
in Comitatu & Satrapia Ravensbergenfi.

Halle. Borckholthausen. Versmelde.

Parochia Diæcesis Osnabrugensis,
in Comitatu & Satrapia Sparenbergenfi.

Waldenbrug- Hepen. Steinhagen.
ge. Darenberg. Ifelhorst.
Engern. Brauwede. Hiddenhausen.
Jollenbecke. Brockhagen. &
Schilske. Spenge. Werter.

Parochia Diæcesis Osnabrugensis,
in Comitatu & Satrapia Limbungenfi.

Punde. Borninghausen. &
Renckhausen. Aldendorff. Heilhusen.

Parochia Diæcesis Osnabrugensis
in Comitatu Tecklenburgerfi.

Tecklenburg. Cappelen. Laffte.
Lengerke. Werßen. Linen.
Ledde. Larbergen. Oesterberg.

Parochia Diæcesis Osnabrugensis
in Comitatu Ritpergensis Catholico.

Ritpergh. Maffholt. Varle.
Newkirchen.

Parochia Diæcesis Osnabrugensis
in Comitatu Oldenburgensi.

Westerwede, cum aliis quibusdam hæresi in-
fectis, uti etiam sequentes.

Parochia Diæcesis Osnabrugensis
in Comitatu Diepholtano.

Oistdrebber, & Bernstorpff cum aliis, quæ
per hæresim vel obliteratæ, vel mutatæ
sunt.

Parochia Diæcesis Osnabrugensis
in Rhedenfi Dominio alienæ Religionis
sitæ.

Rheda. Herßenbrock. Claholtz.

AD LECTOREM.

Cum hæresis a plurimis annis hac in Dicecesi invaluerit, Episcopos & Administratores infecerit, vel ab illis nutrita fuerit, sicut plurima alia, vel incuria, vel malitia perierunt documenta, ita & hic Cleri, jurisdictionisque Ecclesiasticæ subsectorum

locorum compilatio non sine magnis difficultatibus ex monumentis, antiquis designationibus, aliisque documentis authenticis erui debuit. Uti vero nemini per hoc præjudicatum volumus: ita & si quid omissum, nullatenus concedimus. Vale.

FRANCISCUS GUILIELMUS, Ferdinandi, utriusque Baviaræ Ducis, Filius A. 1593. Calendis Martii primam lucem aspexit. Studiis partim Ingolstadtii, partim Romæ, qua in Urbe quatuor ipsum Ordinibus minoribus initavit Bellarminus, maxima sui commendatione absolutis, meta quodammodo erat, ad quam vota & Summorum in Imperio Principum & Capitulorum ex aliis aliorum, novis Wartenbergium dignitatibus illustrare studentium, contendebant. Præcipuas hic refero: Anno 1625. ad Cathedram Osnabrugensem; A. 1629. ad Mindensem; A. 1630. ad Verdensensem; A. 1649. ad Ratisbonensem; Anno demum 1660. ad S. R. E. Purpuram est evehctus, Princeps egregia semper tum continentiar & integritatis laude, tum singulari prudentiæ, virtutumque omnium luce conspicuus, Heros utraque fortuna major, Osnabrugensis Academiæ alter veluti sub Urbano P. VIII. & Ferdinando II. Imp. parens, Defensor rei Catholicæ gravissimas inter procellas acerrimus, constantissimus, gloriosissimus. Operum Francisci memoria dignissimorum catalogum, testatur in *Synagmate Suffraganeorum S. Colon. Ecclesiæ* §. 96. pag. 130. Cl. Gelenus, sentire se facilius animis testium, quam adolescente calamo posse percurri. Obiit Franciscus anno Chr. 1661. ætatis 68. Epitaphium magni Principis & Episcopi, quod Osnabrugi in Cathedrali ad columnam, Choro proximam, ingenti tabulæ lignæ literis prominentibus insculptum prostat, qua mihi fide ac religione missum fuit, huc transcribo:

PIE LECTOR

Syduſ sine jubare
Speculum sine imagine
Agnus sine vellere
Oliva sine oleo
Apis sine aculeo

OMNIA

EMINENTISSIMUS ET REVERENDISSIMUS S. R. E. CARDINALIS
FRANCISCUS GUILIELMUS

D. G. EPISCOPUS OSNABRUGENSIS RATISBONENSIS MINDENSIS ET VERDENSIS
S. R. I. PRINCEPS COMES DE WARTENBERG ET SCHAUENBURG

DOMINUS IN WALD ET HACKENBURG

E prælio ad Patriam evocatus

Certavit enim ut coronaretur

Et mundo mortuus ut æternitati viveret

Clausit oculos vanitati

Aperuit Divinitati

In moribus Purpura & Infulis dignis

Ut syduſ radiat fœcunda WILHELMUS Oliva

FRANCISCUS justis est speculum Agnus Apis

Hæc conare omnia imitari Lector

Pii affectus & memoriæ

ergo posuerunt DD. Executores

& Testamentarii.

Vide Hist. Eccles. Germaniæ gallice editam Tom. II. & Actorum Synodaliū Osnabr. Ecclesiæ editionem Kalcovianam supra cit. variis locis, maxime sub Seriem Epp. Ratisbon. pag. 281. & seqq.

SYNODUS YPRENSIS DIOECESANA,

Anno Christi MDCXXIX. Urbani VIII. Papæ VII.
Ferdinandi II. Imp. XI.

Sub GEORGIO, (*) VI. Yprensi Episcopo

2da & 3tia OCTOBRIS
HABITA.

STATUTA & ORDINATA

A Reverendissimo Domino GEORGIO, Episcopo Yprensi,
in Congregatione Decanorum suæ Diœcesis,

Habita Ypris secunda & tertia Octobris
M. DC. XXIX.

GEORGIUS, DEL gratia Episcopus Yprensis.

POst Consecrationem nostram conati fuimus, juxta Decreta Concilii Tridentini, statum propriæ Diœcesis personali visitatione cognoscere: sed cum propter ejus amplitudinem & variam difficultatem, cui pro majori anni parte subicitur, ac necdum expletam primum anni residentiam, totam perlustrare Nobis atque fuerit impossibile; non injuste etiam potuissimus differre quorumcumque Ordinationum publicationem, donec plenius informati, maturiori deliberatione super omnibus opportune provideremus: eo magis, quod Decretis Provincialibus, nostrorumque Prædecessorum Synodaticis, ac aliis Statutis, ea prudenter ordinata sint, quæ ad Parochorum directionem abunde sufficiunt, si debite observarentur. Verum cum lapsu temporis pleraque magna tepiditate flaccescere, eosdemque defectus & abu-

sus in singula fere Diœcesis loca irrepsisse; tum ex visitatione magnæ & notabilis ejusdem partis, tum ex relatu eorum, qui de statu ejusdem notitiam habere poterant, Nobis sufficienter constitisset: ne diutius dilatum remedium difficiliorum redderet curationem, convocatis & auditis juxta Statuta Synodatica, Decanis, judicavimus infrascriptas Ordinationes pro Pastoralis Officii nostri exigentia publicandas, ac typis evulgandas; ut facilius ad eorum notitiam perveniant, pro quorum instructione emanarunt. Adjunximus insuper instructionem pro Confessariis, aliamque pro Concionatoribus, ab omnibus per Diœcesim nostram observandas, cum brevi schemate vitæ Pastoralis; ut hac compendiosa deductione Parochi officii sui munus intelligant.

ORDINATA

A REVERENDISSIMO DOMINO GEORGIO,
EPISCOPO YPRENSI.

De Decanis, Pastoribus, aliisque Ecclesiæ Ministris, ac eorumdem officio.

I.

INprimis, quia periculosum est, Parochum pro libitu a Parochia sua

se absentare; declaramus, nulli Pastori posthac licere ultra quinque dies

Q 99 3

con-

(*) Vide sub finem Statutorum.

continuos abesse, nisi de licentia sui Decani, scriptis obtenta : quod si ultra decem dies abesse cogatur, similem licentiam a Nobis, aut Vicario nostro, prius impetrabit: contravenientes multabuntur toties, quoties decem solidi grossorum, ac alias arbitrarie.

II.

Nullus etiam Pastorum vel ad unum diem a Parochia sua abesse præsumat, nisi alteri idoneo, & a Nobis admisso Sacerdoti vices suas delegaverit, quique officium, durante ipsius absentia, in se susceperit, quo casu, Substitutus iisdem tenebitur legibus.

III.

Nimia facilitas adhibendi exorcismos, tot & tanta peperit inconvenientia, ut pro remedio cogamur revocare, prout præsentis Decreto revocamus, omnes licentias exorcizandi ab aliquo Prædecessorum nostrorum, vel a Nobis ipsis, ante hunc diem, quibusvis etiam Regularibus, verbo vel scripto concessas : quicunque autem posthac a Nobis admittentur, gratis id officium charitatis præstare tenebuntur : servabuntque ea, quæ in Pastoralis Mechliniensis, ac hujus Diocesis, ordinata & præscripta sunt.

IV.

Ne tamen indigentes hoc exorcismorum remedio, per hanc nostram revocationem careant necessario auxilio; Concedimus per præsentis facultatem exorcizandi omnibus Decanis, in suis respective Districtibus, ac etiam illis Pastoribus, quorum nomina dictis Decanis tradidimus, publicanda in proxima cujusque congregatione.

V.

Nihil est hodie æque necessarium, ac juventutis debita instructio & catechizatio: quare omnes & singulos Parochos serio monemus, & obtestamur, ut attenta Pastoralis obligatione, quam susceperunt, sedulo suo officio hæc in parte satisfaciant; & seposita quacunque excusatione, singulis hebdomadibus, die, loco, & hora magis competenti, per se catechizare non omitant, vel ubi id onus alteri incumbit, ipsi diligenter superintendant.

VI.

Decani in suis visitationibus convocata juventute, breve examen Catechisticum instituant; ut hac ratione Pastorum diligentia, & puerorum profectus melius ipsis innoscat, & populus hanc instructionem magni æstimet, quam Superioribus ita cordi esse perspiciet.

VII.

Quoniam vero pauperes, qui elemosynis vitam sustentant, vel qui addiscendæ arti mechanicæ dies feriales impendunt, ordinarie quo rudiores, eo sunt tardiores, licet hac instructione maxime indigeant; singulariter horum curam commendamus Parochis, quatenus diebus Festis, vel Dominicis illos statuta hora venire procurent, nulloque parcant labori, ut illos necessaria Fidei rudimenta edoceant.

VIII.

Et quia in visitatione nostra Domini temporales & Magistratus magna promptitudine Nobis addixerunt, se curaturos, ut juxta Decretum Concilii Provincialis & Edictum Principum desuper emanatum, ubique Schola Dominicalis erigatur; mandamus omnibus Decanis & Pastoribus, ut pro illius executione efficaciter insistant, atque in notis proximæ visitationis, Decani Nobis successum ejusdem significare non omitant.

IX.

Non sufficit semel in anno simpliciter visitare per familias totam Parochiam, nisi exinde fructus aliquis percipiatur; quare hac occasione maxime curabunt Parochi descriptam habere juventutem aptam Catechizationi, ut si quos negligentes invenerint, frequentare compellant.

X.

Atque ut unus & idem modus in docendo & discendo Christianam doctrinam juxta Decretum Concilii Provincialis, quantum fieri potest, ubique, teneatur: injungimus Decanis, ut in proxima convocatione Pastorum singulis super modo catechizationis auditis, concipiant pro suis respective Districtibus certam & uniformem methodum, quam

quam sequenti Decanorum Congregatione Nobis referent, ut desuper aliquid communi consilio statuatur: in Scholis vero trivialibus non alios libros doceri permittimus, quam qui in catalogo, jussu Prædecessoris nostri edito, continentur, donec aliter ordinauerimus.

XI.

Reipsa compertum est, magnam doctrinæ & morum corruptelam spargi per libellos, cantilenas, ephemerides, & similia, quæ vel platearum, vel ante fores Templorum, aut aliis locis publicis exponuntur venalia: ideo serio monemus Decanos & Pastores, ut magna diligentia observari curent ea, quæ desuper Concilium Provinciale ordinata sunt; instantque apud Prætores & Præfectos justitiæ, ut non permittant per circumforaneos similia divendi; sed ad confiscationem ejusmodi librorum, cantilenarum & ephemeridum procedant juxta Articulum XIII. Ediçti Serenissimorum Principum, publicatum anno M.DC.XVI.

XII.

In locis ubi sæminæ, sive Religioſæ, sive aliæ, Scholas aperiunt, volumus, ut solæ puellæ ibidem instruantur, masculi autem soli apud Ludimagistrum: ubi autem tales seminarum Scholæ non reperiuntur, prohibemus Ludimagistro puellas aliter docere, quam locis & institutis, a masculis separatis.

XIII.

Nemo a Parochiis concionari permittatur, de cujus debita admissione scripto ipsis non constiterit: & sicut solitas stationes a Terminariis auferre nolumus, ita nec insolitas aut novas concedi permittimus. Quod ut præcaveri possit, curabunt Pastores, auditis Magistratu vel Præfectis loci, cum Aedituis, Nobilibus, ac Senioribus Parochiæ, fieri instrumentum authenticum super numero & diebus stationum; illudque servabitur cum munitis Ecclesiæ.

XIV.

Quod novissimo Concilio Provinciali salubriter institutum esse dignosci-

tur, ut Pastores Ecclesiarum ruralium singulis diebus Dominicis, sub concione recitent vernacula lingua tractum & intelligibiliter Orationem Dominicam, Salutationem Angelicam, Symbolum Fidei, Præcepta Decalogi, & Ecclesiæ; id accurate in hac nostra Diœcesi post hac observari volumus, Nobisque per Decanos inter acta visitationis negligentes denunciari.

XV.

Serio monemus Pastores, ut juxta Decretum Concilii Provincialis, neminem ad Parochiam suam commigrare permittant, cujus vitam & Religionem per testimoniales ultimi Pastoris (quas gratis tenebuntur dare) cognitam non habuerint: & si quis illas exhibere recusaverit, vel distulerit, talem sine delatione Nobis denunciari volumus. Sed nec Pastores similes attestaciones facile concedent, nisi bene notis, & meritis.

XVI.

Quando alicui committitur examen alicujus Religioſæ ad Professionem, ne forsan humano favore minus aptam admitti contingat, poterit Examinator inquirere ab aliquibus Monialibus separatim, an examinanda, sit debite in Capitulo per libera suffragia admissa: nec ad examen procedat, si justam habeat occasionem dubitandi de legitima admissione.

XVII.

Omnes provisi de Beneficio Ecclesiastico, seu Matricularia, curabunt se cum tolemitatibus, per Statuta Synodatica requisitis, introduci, antequam ulli administrationi se immisceant; sub pœna amissionis fructuum.

XVIII.

Pastores etiam advigilabunt, ut ad officium Ludimagistri nemo admittatur, nisi qui perite scribere, ac per se alios docere sciat: itemque ut Custodes sub Officio Divino induantur toga una cum superpelliceo.

XIX.

Quando Monialibus permittitur eleemosynas per nostram Diœcesim in pagis colligere, nolumus illas in ædibus

bus Pastorum, vel aliorum Ecclesiasticorum, multo minus sæcularium virorum pernoctare: sed ita suos dies distribuent, ut noctu divertere queant vel ad Religiosas, vel ad ædes honestæ alicujus matronæ.

XX.

Valde offenditur populus, dum videt Sacerdotes suis ancillis tam familiares, ut cum illis ad convivia, aut proxima oppida divertant; unde eosdem in suspensionem incontinentiæ trahit. Prohibemus itaque, ne in prædictis aut similibus actibus se ancillis suis socios aut comites præbeant: si quis contraverit, ad monitionem nostram ancillam abdicare tenebitur, sub pœna arbitraria.

XXI.

Meminerint Pastores, & omnes Clerici, se non ad iners otium, aut ignaviam, sed ad Ecclesiasticæ militiæ labores vocatos esse; atque ideo tempus, quo a Divinis Officiis vacant, in lectionem Divinarum Literarum, spiritualiumque librorum, ac sanctas meditationes, piæque charitatis officia debere impendere.

*De Sacramentis, Sacramentalibus,
Ecclesiæ, Officioque Divino.*

I.

IN tota nostra Dicecesi volumus uniformiter servari infra scriptum modum describendi Baptizatos in registro, idque manu propria Baptizantis, & ab illo signari, antequam baptizatus extra Ecclesiam deferatur.

II.

Anno N. die N. mensis N. ego infra scriptus baptizavi N. filium N. & N. (nomen & cognomen utriusque parentis) conjugum, natum die N. Susceptores fuerunt N. & N. ex Parochia N.

III.

Si infans non fuerit ex legitimo Matrimonio natus, nomen saltem alterius parentis, de quo constat, scribatur; omnis tamen infamiæ vitetur occasio. Si vero de neutro constat, ita scribatur.

IV.

Anno N. &c. ut supra, baptizavi infantem, cujus Parentes ignorantur, & impositum est nomen N. &c.

V.

Si expositus sit infans, exprimat, quo die, ubi, & a quo repertus, & baptizetur sub conditione.

VI.

Porro in Matrimoniali registro volumus describi & signari, ut supra, noticiam contractuum sub forma sequenti.

VII.

Anno .. die .. mensis .. præmissis tribus denuntiationibus, ego infra scriptus Rector Ecclesiæ Parochialis N. (vel) de licentia D. Rectoris) per verba de presenti, conjunxi Matrimonio N. Parochiæ N. & N. Parochiæ N. præsentibus Testibus N. & N.

VIII.

Nullam hætenus invenimus in nostra Dicecesi Ecclesiam, quæ juste se excusare potest ab observatione Decreti Concilii Provincialis de procurando lumine ante Tabernaculum Sanctissimæ Eucharistiæ: quare, ut saltem de die perpetuo illud ardeat, procurabunt Pastores.

IX.

Sicut non licet Regularibus Sacrum Viaticum ad infirmos publice deferre, ita nec secreto Sacramentum Eucharistiæ absque nostra speciali licentia iisdem administrare: sed nec Pastores absque simili nostra licentia secreto alicui, licet longa infirmitate de rento, deferent Sacram Eucharistiæ; nec aliter, quam juxta præscriptum Concilii Provincialis, & Decreta Prædecessoris nostri, extra casum necessitatis.

X.

Consuetudinem quorundam locorum deferendi passim in omnibus fere processionibus Venerabile Sacramentum abrogari cupimus, nec id fieri, nisi diebus solemnioribus, vel publicæ necessitatis causa; nec tum quidem aliter, quam sub umbella, deferenda ab honestioribus Parochianis; quam ex fidelium oblationibus, vel expensis fabricæ

bricæ, ante proximum festum Corporis Christi singulæ Ecclesiæ sibi comparabunt.

XI.

Similem quoque honorem optaremus deferri Augustissimo huic Sacramento, quoties id ad infirmos deferretur, maxime in locis, ubi frequentior est populus, & viæ sunt strata lapidibus; ac ædes Ecclesiæ viciniore.

XII.

Merito mandavit Concilium Provinciale, ut plures sacrae Hostiæ ad usum ægrotorum, in singulis Ecclesiis Parochialibus continuo asserventur: quod ita ab omnibus observari volumus, ut ordinarie ad minimum sex Hostiæ consecrata reperiantur, quas singulis quindenis renovari mandamus.

XIII.

Ad occurrendum diversis defectibus, qui circa confessionem azymi panis occurrere possunt: per totam hanc Diocesim Pastores utentur iis, qui conficiuntur in Civitate Yprensi, vel apud Joannem Focke Ballioli, Beghinas Dixmundæ, vel Norbertinas Furnis.

XIV.

Altarium multiplicatio parit irreverentiam, quando sine ornamentis sordescere permittuntur: quare nulla nova posthac erigi permittimus absque nostro speciali consensu; prout nec imagines, vel sedilia, vel epitaphia, aut inscriptiones in Ecclesiis poni, nisi approbante Decano.

XV.

Optamus Processionem, quæ passim in hac Diocesi fit feria quarta Pentecostes, fieri vel die præcedenti, aut alio magis commodo, ex eo, quod plures illius occasione solvant jejunium: & ut illa fiat cum requisita devotione, omnisque computationis & insolentia tollatur occasio, procurabunt Pastores, dictæ Processionis circuitus ita breviri, ut ad summum una cum concione, quæ tunc haberi solet, & benedictione frugum, non ultra duas horas durare debeat: sed nec equis aut curribus incedere ulla ratione permittimus.

XVI.

Parochi sub concionibus, & alias, data occasione, tempestive suis Parochianis significabunt, Nos posthac futuros difficiles in relaxandis proclamationibus Matrimonii futuri, nec sine gravi causa dispensaturos in re, tam provide a sacro Concilio Tridentino ordinata.

XVII.

In locis, ubi obstetrices juramentum per Concilium Provinciale & Edictum Principum requisitum, nondum præstitisse constiterit, curabunt Pastores, ut infra terminum competentem, per ipsos statuendum, idipsum se fecisse doceant, vel per Decanum Nobis defectuosas denuntiabunt.

XVIII.

In admissione alicujus ad Congregationem, seu, ut vulgo nominant, Ghildam, sicubi utantur aliqua cæremonia, quæ Sacramenti Ecclesiæ ritum præ se ferre videtur; ut sunt, certæ intinctiones in aqua sub concepta verborum forma, & similia, quæ fiunt inter pocula, & vergunt in vilipendium & injuriam rerum sacratarum, curabunt Pastores id abrogari: & si ad illorum monitionem ab hujusmodi non abstineant, a tali convivio se se absentabunt, & nihilominus Nos quanto magis reddent certiores.

XIX.

Ad abolendam pravam consuetudinem, qua quibusdam in locis, præsertim ruri, Baptismus infantum differretur usque in diem Dominicam post summum Sacrum, cujus occasione sæpe contingit plures illo die Missam non audire; Pastores tempestive populum & parentes præmonēbunt, se extra casum necessitatis die & hora supradictis infantes non baptizatuos, nisi constiterit, concomitantes Sacro interfuisse.

XX.

Interpretando *Cap. XI. Tit. VII. Statutorum Synodaticorum de Decanis ruralibus*, declaramus Decanos Christianitatis posse excipere confessiones subditorum sui Districtus, ad se ex causa recurrentium, etiam tempore Paschali.

XXI.

Super Altaria, etiam lateralìa, curabunt Pastores erigi tabulata, ad arendas sordes, quæ communiter ex tecto solent decidere.

XXII.

Decet Divinum Officiũ, maxime vero ipsam Missæ celebrationem, fieri cum requisito decore, & exacta Rubricarum observantia: quare nemini posthac licebit Primitias celebrare, nisi prius bene edoctus a peritis, suæ etiam peritiæ specimen exhibuerit coram Decano loci.

XXIII.

Summopere dolemus, dies Festos Sanctorum ita passim negligi, quasi illorum transgressio nullius aut levis culpe reatum induceret: quare Pastores sæpius de suggestu, & quacumque data occasione, maxime circa Festa, quæ solent parvi æstimari, inculcabunt, omnes teneri sub peccato mortali dictis diebus integrum Sacrum audire, & abstinere a servilibus, sicut diebus Dominicis.

XXIV.

Et quamvis propter necessitatem quædam opera de licentia nostra certis diebus & horis quandoque permittantur; non licet propterea abuti benigna Ecclesiæ dispensatione, & pro libitu illam extendere ultra concessos terminos; prout faciunt, qui sub Divino Officio esculenta & poculenta divendunt, frumentum molunt, in messe toto matutino tempore operantur, ut pomeridiano liberius se recreent; quique equos tunc maxime curant, quando vacandum est Divinis: quos sicut a peccato excusare non possumus, ita etiam ut Festi transgressores puniri curabimus.

XXV.

Similiter etiam Pastores conabuntur emendare malam, licet fere ordinariam ruri consuetudinem, qua populus diebus Dominicis & Festis sub finem *Pater noster*, vel *Agnus Dei*, in Missa discedit; docendo, tales non satisfacere præcepto Ecclesiæ de audiendo Sacro.

XXVI.

Post hac nullos Calices, Patenas, vel Ciboria consecrabimus, quæ non sint ex argento, saltem intrinsecus deaurato: vascula item pro sacris Oleis, si quæ fiant nova, non ex alia materia fiant, quam ex argento: ubi autem sunt ex stanno, adhibebunt Pastores diligentiam, ut nova conficiantur.

XXVII.

Sacra Olea nunquam servantur in repositorio Venerabilis Eucharistiæ, sed in loco aliquo separato, & sera clauso; utpote Oleum infirmorum, si fieri possit; juxta dictum repositorium; Oleum vero Catechumenorum, & sacrum Chrisma, intra baptisterium prope fontem Baptismalem.

XXVIII.

Claves Tabernaculi Sanctissimæ Eucharistiæ, sacrorum Oleorum, & fontis Baptismalis, fervet solus Pastor, & Capellanus admissus ad Sacramentorum administrationem; nec umquam relinquuntur in loco aperto, quantumvis secreto vel ignoto.

XXIX.

Singulis annis Pastores per se, vel per aliquem Sacerdotem, aut in sacris Ordinibus constitutum, sacra Olea petent a suis Decanis.

XXX.

In omnibus Parochialibus Ecclesiis circa fontem Baptismalem volumus fieri Baptisterium sepimento clausum, & intra illud piscinam, ad usus ibidem necessarios, juxta Statuta Synodalia & Decreta Concilii Provincialis: ipsam etiam fontem interius obduci plumbo, ne aqua tam facile possit corrumpi, vel tempore gelu ex fissione lapidis effluere.

XXXI.

Sacrarum rerum munditiem summopere Pastoribus commendamus: quare Ecclesiam totam, si opus fuerit, interius semel nitide dealbari, & a solo usque ad fastigium sub tecto inclusive singulis annis totaliter scopis bene purgari, parietes ad altitudinem fenestrarum, ipsasque fenestras bis in anno mundari, pavementum singulis hebdo-

hebdomadibus verri, ter vero in anno, si lutum adhæserit, eradi; vasa ænea suavi spongia, candelabra panno læneo semel in hebdomada, accuratio-ri vero fricatione ter in anno; argentea etiam deaurata, sexto quoque mense aqua tepida ablui; lampades, thuribula, emunctoria semel in mense, convenienti purgatione extergi solici- te curabunt.

XXXII.

Ornamenta Divino cultui dicata, sive linea, sive lænea, vel ex pretio-ri materia, ita in Sacristiæ scriniis vel cistis decenter complicata serven- tur, ut nec rugas, nec maculas ex in- decenti projectione contrahant: supe-rior altaris mappa, seu tobalea, finita Missa, tegatur panno læneo, vel co-rio, renoveturque singulis mensibus: inferiores quater in anno: & ubi plu- res sunt Celebrantes, corporalia & al- bæ singulis mensibus; purificatoria & amictus singulis quindenis muten- tur: superpellicea, manutergia, & si- milia toties, quoties necesse erit, modo semper nitida habeantur.

XXXIII.

Optaremus ornamenta non tantum pro Sacerdote celebrante, sed etiam pro altaribus variari secundum differenti- am Officii, juxta præscriptum Rubrica- rum: quod Pastores diligentia sua co- nabuntur procurare, ne frustra ab Ec- clesia videatur ordinatum.

XXXIV.

Ornamentorum omnium, & uten- silium Ecclesiæ, mandamus fieri inven- tarium authenticum, ante proximam Decanorum visitationem, & illud re- eludi cum aliis Ecclesiæ munimentis.

XXXV.

Tabernaculum, seu Repositorium Venerabilis Sacramenti interius orne- tur decenti pictura, & ad crates fene- stellarum (si forte tales sint) appen- dantur intrinsecus cortinæ, vel appo- nantur vitra, ad arcendos pulveres; sitque semper pyxidi suppositum cor- porale, quod singulis mensibus reno- vabitur.

Tomus IX. Concilior. German.

XXXVI.

Ubi novum debet erigi Taberna- culum, seu Repositorium pro Venera- bili Sacramento, decet, ut illud collo- cetur, & aptetur super altare majus in choro; quod & minoribus fiet expen- sis, & erit magis honorificum.

XXXVII.

Plura circa munditiem & orna- tum possent præscribi, quæ non tan- tum decorem domus Dei, sed etiam fabricæ & utensilium præservationem (quæ a munditia plurimum dependet) spectare dignoscuntur, sed minutiora, & quæ circa præcipuas Solemnitates observare convenit, diligentia & zelo Parochorum practicanda relinquimus.

XXXVIII.

Procurabunt Pastores cœmeteria claudi, ubi nulla ratione fieri potest, ita saltem, ut non pateat liber ingressus animalibus majoribus & immundis.

XXXIX.

Oratio mentalis, qua veluti cœle- sti cibo spiritus impinguatur, adeo vi- ris Ecclesiasticis deberet esse familiaris & commendata, ut singulis diebus huic exercitio certam horam haberent assignatam; quod cum ita negligi vi- deamus, ut ex ipsius ignorantia Divi- num Officium, defectu debita attentio- nis, perfunctorie sæpius percurratur; declaramus, Nos posthac nullum sæ- cularem ad sacrum Ordinem admissu- ros, nisi prius aliquot diebus sub Dire- ctore spirituali exercitatus, per con- gruas meditationes se se ad futurum onus suscipiendum, & ad vitam con- formiter instituendam debite præpara- verit.

XL.

Ut juxta Decreta Concilii Triden- tini Solemnitates nuptiarum ea, qua decet, modestia & honestate fiant, ad- vigilabunt Pastores, ne convivii nup- tialis tempore ullæ insolentiæ perpe- trentur; maxime tales, quæ in con- temptum pudoris quibusdam in locis exerceri solent; ut est histronica & in- decens repræsentatio sepultæ virginita- tis: quod si moniti a similibus abstinere noluerint, Pastorem volumus a con-

R r r 2

vivo

vivio discedere, & contravenientes Nobis denuntiare.

XLI.

Dolendum est, tam multos, etiam grandiores, ignorare principia Fidei: quare Pastores, antequam ullos, de quibus subest ratio dubitandi, admittant ad Sponsalia, examinabunt illos in Catechismo: quod si omnino rudes invenerit, diligenter doceat; nec ad proclamationem bannorum procedat, nisi se se instrui patiantur.

De Computibus, & conservatione bonorum Ecclesiasticorum.

I.

IN tanto negotiorum concursu impossibile Nobis est, ita singulis vacare, ut omnium Ecclesiarum, parumque fundationum computus & rationes per Nos ipsos semper audire valeamus: quocirca omnes Decanos, Ecclesiarum Parochialium Rectores, conjunctim & divisim autorizamus, ut nostro nomine dictos computus suos suorum respective Districtuum sibi præsentari faciant, ac audiant, bona, juxta Decreta Concilii Provincialis, debite elocari, ac administrari videant, aliaque omnia faciant, prout decet bonos & fideles patrimonii Christi Dispensatores.

II.

Circa quæ pro meliori directione, curabunt sequentia observari.

III.

Primo: ut in singulis locis, de communi consilio, & consensu, quorum interest, statuatur certa dies annua ad dictas rationes reddendas.

IV.

Recurrente dicta die, illa de suggestu (si sit moris) tempestive notificetur; quatenus Receptores parati, & alii, in Templo vel loco consueto, modo non in taberna, sese fistant.

V.

Sub eodem verborum tenore fiat præsentatio Pastori, quo fit aliis.

VI.

Dicta præsentatio, & quæcumque aliarum apostillarum, scribantur in loco Con-

gregationis, antequam auditores discedant, & omnibus audientibus relegantur.

VII.

Si quid difficultatis oriatur, amabili communicatione auditores inter se id sopire studeant: & si convenire nequeant, Pastores sui Decani, vel nostrum desuper responsum expectabunt.

VIII.

Computus similiter signabuntur, antequam a loco auditionis discedatur, etiam a Pastore: ita tamen, ut si consuetudinis sit, quod unus nomine omnium signet, id fiat exprimendo: De mandato Auditorum in præsentatione nominatorum.

IX.

In quolibet computu adducatur clausura præcedentis computus, sub prima rubrica receptæ, si sit in anterioribus; expositorum, si fuerit in posterioribus.

X.

Si qui redditus fuerint redempti, nummi capitales non permittantur distrahi; sed prima opportunitate impendantur in emptionem similis redditus: & donec id factum fuerit, in quolibet computu post clausuram fiat hujus memoria.

XI.

Reditus passivi non admittantur in expositis, nisi sub quitantia.

XII.

Non permittant bona Pastores fabricæ, & mensæ pauperum, vel aliarum fundationum, confundi; sed nec mutuo sibi succurrere, absque nostra licentia; vel de novo grassari pensionibus pro sustentatione Ministrorum Ecclesiæ, maxime si non sint, de necessitate: nisi sic habeat fundatio, vel longa consuetudine sic fuerit practicum.

XIII.

Agant Pastores cum Ædituis, & aliis Præfectis, ut elocationes terrarum spectantium ad Ecclesiam, & mensam pauperum, reducantur, si fieri possit, ad eundem terminum; quatenus hac ratione, minori cum molestia & sumptu arrendæ simul renovari possint.

XIV.

XIV.

Post solutam Congregationem, nulli erit licitum aliquid inscribere vel delere in dictis computibus, nisi iterum in simili Congregatione, consentientibus auditoribus.

XV.

Ideirco dicti computus, saltem exemplar unum debite signatum, statim, ubi fuerint auditi, recludetur cum aliis Ecclesiæ munimentis in loco tuto, sub diversis seris & clavibus, quarum unam servabit Pastor; unde nemini licebit aliquid auferre, nisi relicto ibidem suo recipisse.

XVI.

In constituendis Ædiciis, seu Præfectis fabricæ & mensæ pauperum, similibusque piarum foundationum Administratoribus, vices nostras Pastori- bus delegamus.

XVII.

In singulis Parochiis mandamus fieri tabulam authenticam omnium foundationum, affigendam in Sacristia, ut secundum illam Missæ & Anniversaria expleantur.

XVIII.

Denique quicquid pro meliori regimine dictorum bonorum, sive in elocatione, sive in administratione statuendum, vel ordinandum erit, intentio nostra est, ut Parochi sollicitudinem & auctoritatem Pastoralis vigilantia, nomenque suum, & consensum, conjunctim cum iis, quibus etiam hoc respective incumbit, interponere non omitant, & quodcumque in difficilioribus negotiis per Laicos auditores vel Administratores, ad Superiorem sæcularem pro consilio recurritur, ipsi Pastores similiter suos Decanos consulant, vel a Nobis resolutionem petent, & eidem se se conformabunt.

XIX.

Pluribus in locis adeo neglecta est reparatio domus Pastoralis, ut magnum exinde Pastores sentiant incommodum & gravamen: quare monemus omnes Decanos, ut in suis visitationibus diligenter exequantur ea, quæ Sta-

tuta Synodatica & Concil. Provinc. de- super ordinarunt.

XX.

Pastores omnes, præter registrum bonorum Pastoralium, in quo sint designati limites & hypothecæ, habeant etiam exactum Manuale dictorum proventuum & reddituum; quod Decanis visitantibus exhibere tenebuntur, & sequi ipsius præceptum, quoad formam notitiæ ibidem servandam: dictumque Manuale & Registrum morientes vel discedentes relinquent suis Successoribus.

Instructio pro Confessariis per totam Provinciam Mechliniensem.

I.

Inprimis monentur serio omnes & singuli Confessarii, ut parce, caste, & valde caute interrogent circa peccata carnis, non solum quando virgines habent confitentes, sed etiam quando conjugatos, aut quoscumque coelibes.

II.

Ad confessionem non necessaria non misceantur in confessione, nisi quatenus ad salutarem instructionem evidenter pertinent. Reliqua, ut etiam volens narrare penitens fileat, moneatur a Confessario.

III.

Complicum nomina Confessarius non inquirat; uti nec ipsorum penitentium.

IV.

Interdicimus etiam prolixiora colloquia sceminarum in confessione, uti & invitationes earum, ad nimis frequenter sibi confitendum: potius allaborandum, ut serio vitam emendent, & saltem eo confitendi intervallo sint contentæ, quod plerisque etiam Monialibus præscribitur.

V.

Non utantur Confessarii scientia ex confessione accepta: difficulter enim id fit sine gravamine confessionis, cum ita facile soleat peccator, peccatum vel confessio prodi, aut in suspensionem venire.

VI.

Intolerabile est, quosdam adeo sui oblivisci, ut etiam in conviviiis referant ea, quæ in confessione audiverunt, aut modum, quo quidam confitentur; maxime si peccata ipsa referant, & addant, illo ipso die se ea audivisse. Hoc omnes Confessarii caveant; alioqui sciant, a penis sacrilegii se non fore immunes.

VII.

Non inducant pœnitentem ad sibi soli confitendum; imo etiam volentem id promittere vel vovere prohibeant, sed hoc potius curent, ut omnis tollatur contentio, qua quis dicat: Ego sum Pauli, ego autem Apollo, ego vero Zephæ.

VIII.

Confessarii caveant, ne familiares sint sœminis sibi confitentibus: imo eo ipso, quo eas audiunt in confessione, sciant, se ab earum familiaritate peculiariter debere abstinere.

IX.

Sciant item Confessarii, Sedi Apostolicæ inter cætera esse reservata vota perpetuæ Castitatis, & Religionis. Quoad reliqua vero vota, & excommunicationes, caveant, ne temere se se immisceant, neque excedant, permutando vel absolvendo, potestatem suam.

X.

Caveant etiam Confessarii, ne qua commoda temporalia sibi, vel suis occasione confessionis a pœnitentibus aucupentur: neque convenit, ut ipsorum temporalibus bonis administrandis se se immisceant.

*Instructio pro Concionatoribus,
per Diœcesim Yprensem.*

I.

IN primis doceant populum, quæ scire omnibus necessarium est ad salutem, annuntiando eis cum brevitate & facilitate sermonis vitia, quæ declinare, & quas virtutes sectari oporteat, ut pœnam æternam evadere, & cœlestem gloriam consequi valeant.

II.

Explicationi Evangelii, Symboli Fidei, Orationis Dominicæ, Salutatio-

nis Angelicæ, Præceptorum Decalogi, Sacramentorum, sacrorumque rituum, serio incumbant.

III.

Frequentationem Doctrinæ Christianæ, Festorum observantiam, Sacramentorum Pœnitentiæ & Eucharistiæ necessitatem & utilitatem sæpius inculcent.

IV.

Omnium ætatum ac ordinum, utpote Patris, & filii, uxoris, & mariti, Domini, ac servi, Magistratus, ac privati, officia circumspiciunt demonstrant.

V.

Ubi corruptelas in populo maxime frequentes intellexerint, circa illarum reprehensionem sine dissimulatione versentur; ita tamen graviter, ut vitia infestentur, non personas, nec tacitus aliquem designent.

VI.

Superioribus omnibus, tam Ecclesiasticis, quam Sæcularibus reverentiam & obedientiam a populo deberi doceant; neque tales publice reprehendant; sed, si opus fuerit, officii sui generatim dumtaxat admoneant.

VII.

Apud rudem plebem difficiliore ac subtiliores quæstiones, quæ ad ædificationem non faciunt, & ex quibus plerumque nulla sit pietatis accessio, non tractent.

VIII.

Moneant populum, ut frequenter ad suas Parochias, saltem Dominicis & majoribus Festis, accedant; teneri unumquemque suæ Parochiæ interesse, ubi commode id fieri potest, ad audiendum verbum Dei.

IX.

Fucum orationis, Poëticam locutionem, aut verba peregrina ne sectentur.

X.

Sacra Scriptura secundum vulgarem editionem utantur, eamque interpretentur ex consentienti Sanctorum Patrum autoritate.

XI.

XI.

Contra eos, qui Sacræ Scripturæ sententiis & verbis abutuntur, graviter quandoque invehantur.

XII.

Allegorias ex probatis tantum Ecclesiasticis Scriptoribus adhibeant.

XIII.

Apocryphis authoribus aut historiis non utantur.

XIV.

Fabulis, & earum allegoriis abstinant: nisi pro veritatis confirmatione interdum earum aliquid breviter referre expedierit.

XV.

Hæreticarum opinionum argumenta non referant.

XVI.

Ubi autem necesse erit ipsas opiniones referre, gravi redargutione, & solidioribus tantum argumentis refutant.

XVII.

Miracula nova, nisi prævia approbatione Ordinarii, non promulgent.

XVIII.

Indulgentias item autoritate Ordinarii non approbatas, publicare, aut proponere caveant.

XIX.

Neminem, multo minus seipsum, paupertatis nomine, nisi de Ordinarii licentia, fidelium elemosynis de suggestu commendent.

XX.

Antequam concionandi initium faciant, Pastori loci admissionis suæ testimonium (si illud nunquam ostenderint) exhibeant.

XXI.

Denique, ne cum aliis prædicaverint, ipsi reprobi efficiantur, tanta in privatis colloquiis, victu, vitæque quotidiana, gravitate, modestia, & Ecclesiastica disciplina aliis præluere studeant, ut, quod verbis ædificant, moribus confirmant; sicque aliquando uberes laboris sui fructus colligere mereantur.

F I N I S.

GEORGIUS CHAMBERLINUS, maximi Vir ingenii, omniæque laudum apparatus insignis, quem, Patre Anglo, Prænobili Comitum Transquervillorum familia orto, sed orthodoxam ob fidem, cujus erat tenacissimus, glorioso exule, Gandavum luci dedit, illustri, verum tam egregiis ejusdem virtutibus atque animi dotibus inferiore, apud Hofschium nostrum *Eleg. Lib. 3. pag. 136.* epitaphio commendatur. Juvat nonnulla inde decora excerptere. Scribitur Antistes fuisse GEORGIUS, quem Italia, Hispania, Gallia, Belgica non minus, quam Britannia, ob linguarum peritiam civem suum crederent; quem adhuc adolescentem admirabundi Reges perorantem audirent; quem Theologiæ, Philosophiæ, Juris scientia, Oratoria ac Poëtica Facultas, prudentia omnibus admirabilem, comitas, modestia, mansuetudo, animi submissio, cum illustri genere conjuncta, omnibus carum, Religio, pietas, fides, Pastoralis cura cælo, terræque gloriosum efficerent. Varia ad posteros, erudiraque monumenta transmisit, carnem aspero edomuit cilicio, quotidianis mentem meditationibus pavit, creditum sibi gregem tum lectissimis orationibus sacris, tum virtutum exemplo prorsus intaminato semper enutrit. Ex mortali hac vita ad Superos evolavit, immortalem consecuturus XIX. Decemb. anno MDCXXXIV.

Vide Hofschium cit.; Chronolog. de Castillon, Swertii Athenas Belg., & Anton. Sanderi de Gandavenfibus erud. fama claris Lib. I. pag. 44.

SYNO-

SYNODUS OSNABRUGENSIS DIOECESANA,

Eodem anno Christi MDCXXIX.

Sub FRANCISCO GUILIELMO, Comite Wartenbergio,
Osnabrugensi LIX. Episcopo,

FERIA 3^{ta} POST DOMINICAM: OCULI, DIE 20. MARTII
CELEBRATA,

Præsidentibus in eadem Nomine altememoratæ Celsitudinis Suae,
Admodum Reverendis, Prænobilibus & Doctissimo, Dominis SIXTO
a LIAUCKEMA, & THEODORO MORRIEN, Cathedralis
Ecclesiæ Osnabrugensis Præposito & Decano, & ALBERTO LUCENIO, Proto-
Notario Apostolico, & Reverendissima ac Illustrissima Celsitudinis Suae
in Spiritualibus Vicario Generali, &c.

INDEX EORUM, QUÆ IN HAC SYNODO CONTINENTUR.

Ordo & Ceremoniæ Synodi.
Commissio præsentia Synodi.

CONSTITUTIONUM SYNODALIUUM

- CAPUT I. De Synodo majori Osnabrugensi
typis data, & ejus copia ab Ecclesiasticis
procuvanda.
II. De habitu Clericali competente.
III. De Funerum & Exequiarum ritibus Ca-
tholicis reducendis.

IV. De nominibus communicantium & non
communicantium in Paschate notandis,
& exhibendis.

V. De nominibus Converforum in Civitate &
Diacefi Osnabrugensi.

VI. De Inventario supellectilis sacrae litera-
rum, & rationibus Ecclesiarum exhi-
bendis.

Speculum seu compendium vitæ Sacerdota-
lis & Clericalis, ex Pontific. Rom. præ-
legendum in singulis Synodis, & Oratio-
nes conclusivæ Synodi.

ORDO ET CÆREMONIÆ SERVATÆ SYNODI.

Feria tertia post Dominicam: Oculi, circa
octavam horam, comparentibus ad
signum magnæ campanæ in Cathedrali Ec-
clesia Dominis Præposito, Decano, cæteris-
que Cathedralis Ecclesiæ & Collegiarum
Canonicis; item diversarum Religiosarum,
respective Abbat., Prioribus, Guardia-
nis, Patribus Confessariis, & Civitatis ac
Diocesis Pastoribus & Curatis, &c. cantatum
est Sacrum de Sancto Spiritu, per Reveren-
dissimi Episcopi in Spiritualibus Vicarium
Generalem. Quo absoluto, processum fuit
ad locum consuetum Synodi servandæ; ac
primum Deputati Synodi Præsides in scam-
no tapete intrato, & ad caput fere majoris
Aulæ collocato, ita confederunt, ut Domini
Præpositi in medio consentientis dexteram
Dominus Decanus, sinistram Dominus Vi-

carius in Spiritualibus Generalis, &c. clau-
deret.

Inceptus vero fuit Hymnus: *Veni Crea-
tor Spiritus*, per D. Vicarium in Spirituali-
bus, quem profecuti sunt e Clero præsentibus,
subjunctaque Collecta de S. Spiritu, ex Pon-
tificali Romano: præparatoriam Orationem
clara voce pronuntiavit idem D. Vicarius:

*Adsumus, Domine Sancte Spiritus, ad-
sumus, peccati quidem immanitate detenti, sed
in nomine tuo specialiter aggregati: Veni ad
nos, adesto nobis, dignare illabi cordibus nostris:
doce nos, quid agamus; quo gradiamur, osten-
de; quid efficiamus, operare: Es tu solus, &
suggestor, & effector judiciorum nostrorum,
qui solus cum Deo Patre, & ejus Filio nomen
possides gloriosum: non nos patiaris perturba-
tores*

tores esse iustitie, qui summe diligis aequitatem; ut sinistrum nos non ignorantie trahat, non favor insectat, non acceptio muneris, vel persona corrumpat; sed iunge nos tibi efficaciter solius tue gratiae dono; ut finis in te unum, & in nullo deviemus a vero; quatenus in nomine tuo collecti, sic in cunctis teneamus cum moderamine pietatis iustitiam; ut hic a te in nullo dissentiat sententia nostra, & in futuro pro bene gestis consequamur premia sempiterna.

Rc. Amen.

Qua finita, omnibus confidentibus, prædictus Dominus Vicarius in Spiritualibus assurgens, præsentem Synodum his verbis est allocutus:

Admodum Reverendi, Prænobiles, Venerabiles, Religiosi, & Honorabiles Viri, ac Domini, &c. Reverendissimus & Illustrissimus Princeps ac Dominus, D. FRANCISCUS GUILIELMUS, Episcopus Osnabrugensis, &c. Dominus noster Clementissimus, cum animadverteret, instante hac Synodo Quadragesimali, aliis se negotiis & occupationibus gravioribus impeditum, quo minus ad hanc Synodum accedere, eique personaliter præsidere posset; ne quid tamen eorum, quæ ad reformandos mores ac disciplinam Ecclesiasticam restaurandam ac confirmandam facere possunt, omittatur, aut suspendatur; Admodum Reverendis & Prænobilibus Viris ac Dominis, D. Præposito & D. Decano Cathedralis Ecclesiæ, una mecum in mandatis dedit, ut Celsitudinis Suae nomine huic Synodo celebrandæ præsideamus, eaque omnia faciamus, curemus & præstemus, fierique ac præstari curemus, quæ ex jure & veteri ac laudabili more fieri debent, ac consueverunt, prout in hanc rem Celsit. Sua speciale mandatum clementissime est impertita, & singulares quasdam Ordinationes in hac Synodo promulgandas simul transmisit.

Tradita deinde est Commissio Notario, quam is clara voce prælegit, tenoris subsequens:

FRANCISCUS GUILIELMUS,

DEI & Apostolicæ Sedis gratia Episcopus Osnabrugensis, Præpositus Ratisbonensis, Comes de Wartenberg, Dominus in Waldt, &c. Venerabilibus, Nobilibus, atque Doctissimo, devote Nobis in Christo Dilectis atque fideli, SIXTO & LIAUCKEMA, THEODORO MÖRRIEN, & ALBERTO LUCENIO, respective Cathedralis nostræ

Tomus IX. Concilior. German.

Ecclesiæ Osnabrugensis Præposito & Decano, & in Spiritualibus Vicario nostro Generali, Salutem in Domino.

Venerabiles, Nobiles, Doctissime, devote Nobis in Christo dilecti, & fidelis.

Cum per nostræ gravissimæ sollicitudinis publicas occupationes impediamur, quo minus futuræ Synodo, quæ in Civitate nostræ Osnabrugensi, feria tertia post Dominicam: Oculi, incidentem in vigesimum diem mensis Martii, ex laudabili Majorum nostrorum consuetudine celebrabitur, personaliter interesse & præsidere possimus; Nos vobis, de quorum prudentia, zelo, pietate & legalitate, singularem gerimus fiduciam, præsentium tenore in Domino committimus, ut dictæ Synodo nostro nomine præsentis, & Synodales hæc, quas vobis transmittimus Constitutiones promulgari curetis, ac ad earum observationem Clerum nostræ Diocesis debite admoneatis, & prout juris est, admoneri faciatis, & quicquid Nos in dicta Synodo personaliter agere possemus, nostro nomine peragatis, insuper etiam illius Synodi acta, & præsentium, & absentium nomina ad Nos in scripto referatis. Hæc est serua nostra voluntas, manu & Sigillo nostro roborata. Valete in Domino. Datum ex Arce nostræ solitæ Residentiæ Episcopalis Iburgensis, decima octava Martii. Anno Millesimo sexcentesimo vigesimo nono.

FRANCISCUS GUILIELMUS,
Episcopus Osnabrugensis.

Locus Sigilli subimpressi.

Finita lectione Commissionis, Dominus Vicarius assurgens, signum dedit Reverendo Patri Wilhelmo Asschendorff, Societatis JESU Presbytero, & Ecclesiæ Cathedralis, ut is collationem seu Orationem Synodalem haberet, qui pulpitem ascendens, quædam pro temporis & personarum ratione dixit.

Concione Synodali peracta, Reverendissimi & Illustrissimi Episcopi Vicarius iterum assurgens, præsentibus monuit, ut ad lectionem Synodaliū Statutorum attenderent, quæ ex manibus Admodum Reverendi Domini Præpositi Cathedralis Ecclesiæ accepta, Reverendus Dominus Conradus Burenius, in eadem Ecclesia Vicarius & Curatus, ex suggestu publice prælegit.

SE.

SEQUUNTUR
CONSTITUTIONES
SYNODALES.

FRANCISCUS GUILIELMUS, DEI ET APOSTOLICÆ

Sedis gratia Episcopus Osnabrugensis, Præpositus Ratisbonensis, Comes de Wartenberg, & Dominus in Waldt, &c. Venerabilibus, Religiosis, Honorabilibus, Nobis in Christo sincere Dilectis, atque Devotis, Ecclesiæ nostræ Cathedralis Præposito, Decano & Capitulo, omnibusque & singulis Ecclesiarum Collegiarum, Regularium & Parochialium, Abbat. Præpositis, Decanis, Prioribus, Guardianis, Pastoribus, Rectoribus, Clericis, & Personis Ecclesiasticis, quibuscunque nominibus censeantur, aut in quacunque Ecclesiastica dignitate seu functione per Civitatem & Diocesi nostras Osnabrugem constitutis, Salutem in Domino.

Cum Nos inter ipsa auspicia inauguralis nostri in Civitatem nostram Osnabrugensem ingressus, atque inter ingruentia undecunque motuum bellicorum, nihil magis in votis habuissimus, quam ad Sanctam Religionem Catholicam restituendam, corrigendos excessus & reformandos Cleri mores, profiganda vitia, virtutesque inferendas, animum intendere, illud ante annum indicto ac singulariter conscripto Synodali congressu egimus, ut generales quædam certæque regule, tam ad doctrinam Christianam, Sacramentorum administrationem, & alias functiones Ecclesiasticas, quam ad mores repurgandos, & honestatem, libertatem ac immunitatem Ecclesiasticam reparandam, tuendamque pertinentes in ordinem redigerentur, quas etiam debite promulgavimus, publicavimus, confirmavimus, & ut ad omnium & singulorum notitiam devenire possint, prælo commissimus.

CAPUT I.

De Synodo majore Osnabrugensi typis data, & ejus copia ab Ecclesiasticis procuranda.

Mandamus vero tenore præsentium districte, & sub arbitraria Nobis poena, omnibus & singulis Prælatis, & aliis in dignitatibus & officiis Ecclesiasticis constitutis, Canonicis, Pastoribus, Curatis, Sacellanis, & aliis

Clericis ac Beneficiatis quibuscunque, ut post publicationem hanc typis factam, exemplaria sufficientia hujus Synodi sibi comparent, nec ullus sit, qui non exemplar harum Constitutionum Synodali habeat, diligenter legat, & requisitus ostendere possit.

CAPUT II.

De habitu Clericali competente.

Habitum Clericalem statui, honorem & ordini Ecclesiastico convenientem in multis Ecclesiasticis adhuc desiderari, nec in hoc tam generalibus Sanctionibus Canoniceis, etiam poenalibus, quam Prædecessoris nostri & nostris Synodalibus Constitutionibus, satisfactum esse animadvertimus. Quare iterum post tot monitiones serio mandamus omnibus & singulis sub poena juris & alia Nobis arbitraria, ut legum Ecclesiasticarum & jussis nostris obtemperent.

CAPUT III.

De Exequiarum ac Funerum Catholicis ritibus reducendis.

Curæ mortuorum & piarum Exequiarum antiquitati utrumque Testamentum (*) suffragatur, magnæque religione præcis temporibus Christianorum funera sunt curata. Quia

ratio-

(*) Genes. 49. v. 29. & 50. v. 2. & seqq. & v. 26. Deut. 34. v. 8. 2. Reg. 1. a. v. 17. Tob. 12. v. 12. Matth. 14. v. 12. Luc. 23. v. 53. Act. 8. v. 2. Dionys. de cælesti Hierarchia cap. 7. & de divi. nominib. lib. 1. c. 3. D. Ambros. orat. funebr. Impp. Theodosii & Valentiniani majoris, item Satyri fratris sui. D. Gregor. Nazianz. funeb. orat. Patris, fratris Cæsarii, sororis Gorgoniæ & Magni Basilii. Hieron. Epist. ad Eustoch. de Epitaph. Paulæ.

ratione Nos etiam volumus, ut eorum funera, qui in vera Religione ac cum pietate dormitionem acceperunt, competenti modo ducantur; mandamusque tenore præsentium, ut in sepultura mortuorum Catholici ritus ac cæremoniæ veteres in usum iterum revocentur, & secundum Pastorale Romanum exerceantur; neque existimetur superfluum esse, aut inane, si mortuis iusta funebria fiant, quod ea ad mutuum inter nos benevolentiam declarandam, spem resurrectionis profitemdam & excitandam, (*) & mortalitatis admonitionem multum valeant.

CAPUT IV.

De nominibus communicantium & non communicantium in Paschate notandis & exhibendis.

Cum etiam, ut oves nostras, quæque ad ovile gregis nostri pertinent, propius agnoscamus, plurimum nostra interfit: volumus, ut singuli Pastores quarumcunque Parochialium Ecclesiarum omni modo satagant, ut omnium in Paschate confitentium & communicantium nomina, quatenus fieri potest, ordine, per vicus, plateas, & familias diligenter notata intra tres septimanas a Paschate sequentes, Nobis, aut nostro Vicario in Spiritualibus exhibeant, uti etiam non communicantium nomina denotent. Per Paschale autem tempus intelligimus illud, quod a Dominica *Lætare* usque ad Dominicam in *Albis* inclusive intercedit, quo tempore omnes Catholici præcepto S. Matris Ecclesiæ satisfacere teneantur.

CAPUT V.

De nominibus Conversorum in Civitate & Diœcesi notandis & exhibendis.

Item mandamus, ut eorum, qui in Civitate nostra Osnabrugensi ad Fidem Catholicam redeunt, nomina singulis septimanis, in oppidis vero, & pagis, singulis mensibus Nobis, aut Vicario nostro tradantur a singulis Cura-

tis, & Religiosis, qui confessiones de nostra licentia, vel suorum Superiorum excipiunt.

CAPUT VI.

De inventario supellestilis sacræ literarum ac monumentorum, & rationibus Ecclesiarum exhibendis.

EX gravibus causis animum nostrum ad hoc moventibus, & ne Ecclesiæ Diœcesis nostræ ornatu & apparatu necessario desertæ permaneant, volumus, ut Pastores intra mensem ab harum promulgatione sequentem, omnium & singulorum mobilium, calicum, hierothecarum, Reliquiarum, paramentorum Sacerdotalium, corporalium, mapparum, & quorumcunque instrumentorum utensilium, & ornamentorum Ecclesiasticorum, legitimum inventarium ad Nos, aut nostrum Vicarium transmittant. Item designationes literarum, monumentorum ac jurium Ecclesiæ, ac ubi, quomodo, quibus sub custodibus ac custodiis ea conserventur.

Item quatuor annorum ultimo elapsorum rationes Ecclesiæ cum paratione & subscriptione tam Pastoris cujuscunque loci, quam eorum, qui redivit administrant.

Præterea, ut vos omnes & singuli de Clero nostro compendium eorum, quæ proxime ad vitam & disciplinam Ecclesiasticam, proximique ædificationem pertinent, veluti in speculo compendiose contueri possitis, volumus, ut singulis confessibus Synodalibus, in fine ea, quæ in Pontificali Romano succincte continentur, nostro nomine vobis prælegantur, ut sequitur:

FRATRES DILECTISSIMI, ET SACERDOTES DOMINI, COOPERATORES ORDINIS NOSTRI ESTIS.

” Nos, quamvis indigni, locum
” Aaron tenemus; vos autem
” locum Eleazari, & Ithamari. Nos
” vice duodecim Apostolorum fungimur, vos ad formam septuaginta duo-

(*) Chrysof. hom. 4. in 2. Epist. ad Hebr.
Tomus IX. Concilior. German.

„ duorum Discipulorum estis. Nos
 „ Pastores vestri sumus, vos autem Pa-
 „ stores animarum vobis commissarum.
 „ Nos de vobis rationem reddituri su-
 „ mus Summo Pastori nostro Domino
 „ JESU CHRISTO, vos de plebibus
 „ vobis commendatis. Et ideo, Fratres
 „ Dilectissimi, videte periculum ves-
 „ strum. Admonemus itaque, obse-
 „ cramus Fraternitatem vestram, ut quæ
 „ vobis suggerimus, memoriæ com-
 „ mendentis, & opere exercere studea-
 „ tis: Imprimis admonemus, ut vita
 „ & conversatio vestra sit irreprehensi-
 „ bilis. In domibus vestris suspectæ
 „ mulieres non cohabitent. Officium
 „ vestrum horis certis decantate. Nul-
 „ lus, nisi jejunos Missam celebret, &
 „ non in vestibus communibus, sed
 „ sacris & nitidis, amictu, alba, cingu-
 „ lo, manipulo, stola & casula, quæ
 „ ad alios usus non serviant. Missas
 „ religiose celebrate: Corpus & San-
 „ guinem Domini nostri JESU CHRIS-
 „ TI cum omni reverentia, & tremore
 „ sumite; Corporalia mundissima sint.
 „ Vasa sacra propriis manibus abluite,
 „ & extergite diligenter. Nulla scemi-
 „ na ad Altare Domini accedat, nec
 „ calicem Domini tangat. Altare sit
 „ coopertum mundis linteis, saltem
 „ tribus diversis. Et desuper nihil po-
 „ natur, nisi Reliquiæ, ac res sacræ, &
 „ pro Sacrificio opportuniæ, Missale,
 „ Breviarium, & Martyrologium unus-
 „ quisque habeat. Ecclesiæ vestræ be-
 „ ne sint coopertæ, & munda. In Sa-
 „ cristiis, sive Secretariis, aut juxta Al-
 „ tare majus sit locus preparatus ad
 „ infundendum aquam ablutionis cor-
 „ poralium, & vasorum sacrorum, ac
 „ manuum, postquam sanctum Chris-
 „ ma, aut Oleum Catechumenorum,
 „ vel infirmorum tractaveritis: ibique
 „ pendeat vas cum aqua munda pro
 „ lavandis manibus Sacerdotum, &
 „ aliorum, qui rem sanctam & Offi-
 „ cium Divinum sunt peracturi, & pro-
 „ pe linteum mundum ad illas abster-
 „ gendum. Atria Ecclesiæ sint bene
 „ munita. Nullus sine scitu & con-
 „ sensu nostro, per potestatem sæcula-
 „ rem, Ecclesiam obtineat. Nullus
 „ Ecclesiam, ad quam intitulus est,
 „ dimittat, & ad aliam quæstus gratia

„ se transferat. Nullus plures Eccle-
 „ sias sine titulo, & contra sacrorum
 „ Canonum dispositiones nancisci præ-
 „ sumat. Nullatenus etiam una Eccle-
 „ sia inter plures dividatur. Nullus ex-
 „ tra Ecclesiam in locis non consecratis
 „ celebret. Nullus alterius Parochia-
 „ num, nisi itinerantem, & tunc de
 „ Rectoris sui licentia, ad Communio-
 „ nem recipiat. Nullus in alterius Pa-
 „ rochia absque proprii Sacerdotis li-
 „ centia Missam celebret. In celebra-
 „ tione quisque calicem, & oblata, non
 „ circulo aut digitorum vacillatione, ut
 „ quidam faciunt, sed junctis, & ex-
 „ tensis digitis cruce signet, sicque be-
 „ nedicat. Calix & patena sint aurei,
 „ vel argentei, non ærei, aut aurichal-
 „ ci, vitrei vel lignei. Quisque Pres-
 „ byter Clericum habeat, vel Schola-
 „ rem, qui cum eo Psalmos cantet, Epi-
 „ stolam & Lectionem legat, & in Missa
 „ respondeat. Ipse quoque Presbyter
 „ infirmos visitet, & reconciliet, &
 „ juxta Apostolum propria manu com-
 „ municet, Oleo sancto inungat. Nul-
 „ lus præsumat tradere Communionem
 „ Laico, aut sceminæ, ad deferendum
 „ infirmo. Nullus pro baptizandis in-
 „ fantibus sive adultis, aut infirmis re-
 „ conciliandis, aut mortuis sepelien-
 „ dis, præmium vel munus exigat. Per
 „ negligentiam vestram nullus infans
 „ sine Baptismo, & adultus sine Com-
 „ munionem pereat. Nullus vestrum sit
 „ ebriosus, aut litigiosus. Nullus arma
 „ ferat, nullus canum aut avium jocos
 „ inserviat, nullus in tabernis bibat.
 „ Quisque vestrum, quantum sapit de
 „ Evangelio, Dominico, & cæteris Fe-
 „ stivis diebus suæ plebi annunciet.
 „ Verbum Domini prædicate. Curam
 „ pauperum, peregrinorum, viduarum
 „ & orphanorum habete; ipsosque pe-
 „ regrinos ad prandium vestrum vo-
 „ cate. Estote hospitales, aliis exinde
 „ bonum exemplum præbentes. Sin-
 „ gulis diebus Dominicis, ante Missam,
 „ aquam, qua populus aspergatur, be-
 „ nedicite, ad quod proprium vas ha-
 „ bete. Sacra vasa, & vestimenta Sa-
 „ cerdotalia nolite negotiatori aut ta-
 „ bernario in pignus dare. Minus
 „ digne penitentem cujuscunque rei
 „ gratia ad reconciliationem non addu-
 „ cite,

"cite, neque ei reconciliationis testi-
 "monium perhibete. Usuras non ex-
 "igite. Nullus etiam res, possessiones,
 "aut mancipium Ecclesiæ vende-
 "re, commutare, aut quocunque in-
 "genio præsumat alienare. Nullus
 "decimam ad alium pertinentem reci-
 "piat. Nullus penitentem carnem
 "manducare, aut vinum bibere invi-
 "tet, nisi pro eo tunc eleemosynam fe-
 "cerit. Quisque fontes baptismales
 "lapideos habeat bene mundos, quos,
 "si habere non poterit, vas aliud ad
 "hoc opus solum deputatum teneat.
 "Omnibus Parochianis vestris Symbo-
 "lum Apostolorum, & Orationem Do-
 "minicam insinuate. Jejunia Quadra-
 "gesimæ, quatuor temporum, & alia
 "Ecclesiæ mandata significare obser-
 "vanda. Ante Quadragesimam quarta
 "feria populum ad peccatorum con-
 "fessionem invitate, & confessis juxta
 "qualitatem criminum penitentiam
 "injungite. Tribus temporibus in
 "anno, id est, Nativitate Domini, Pa-
 "scha, & Pentecoste, omnes fideles ac-
 "cedere ad Communionem Corporis
 "Domini nostri JESU CHRISTI ad-
 "monete, & ne desit ullus, quin sal-
 "tem in Pascha communicet. Certis
 "temporibus conjugatos abstinere ab
 "uxoribus exhortamini. Nullus ves-
 "trum rubeis, aut viridibus vel laica-
 "libus vestibus utatur. Diem Domi-
 "nicam, & cæteras Festivitates, absque
 "opere servili, a vespera in vesperam
 "celebrari docete. Cantus & choreas
 "mulierum in atrio Ecclesiæ prohibe-
 "te. Incantationes super mortuos, no-
 "cturnis horis a vulgo fieri consuetas
 "sub contestatione Dei Omnipotentis
 "vetate. Cum excommunicatis noli-
 "te communicare. Nec quis vestrum
 "in eorum præsentia celebrare præsu-
 "mat, quod etiam plebi nunciate. Et
 "nullus ex plebe uxorem domum du-
 "cat, nisi prius nuptiæ temporibus
 "ab Ecclesia permissis publice fuerint
 "celebratæ. Quod nullus ad raptam,
 "vel consanguineam accedat, aut al-
 "terius Sponsam ducat, omnimodis
 "prohibete. Porcarios, & alios pasto-
 "res saltem Dominica die faciatis ve-
 "nire ad Missam. Patrilios, ut filios
 "Symbolum & Orationem Domini-

"cam doceant, aut doceri faciant, ex-
 "hortamini. Sacramentum Eucharis-
 "tiæ, sanctum Chrisma, & Oleum Ca-
 "techumenorum, ac Sanctum, seu in-
 "firmorum, in Ecclesia in loco mundo,
 "condecenci, & securo, sub sera &
 "fida custodia diligenter servate. Quis-
 "quis vestrum expositionem Symboli,
 "& Orationis Dominicæ juxta ortho-
 "doxorum Patrum traditiones penes
 "se habeat, easque, atque orationes
 "Missarum, & Epistolas, Evangelia, &
 "Canonem bene intelligat; ex quibus
 "prædicando, populum sibi commis-
 "sum sedulo instruat, & maxime non
 "bene credentem. Introitum Missæ,
 "Orationes, Epistolam, Graduale,
 "Evangelium, Symbolum, & cætera
 "non secreta, alta & intelligibili voce
 "proferat; Secreta vero, & Canonem
 "morose & distincte submissa voce le-
 "gat. Psalmorum verba, & distinctio-
 "nes, regulariter cum canticis consue-
 "tis intelligibiliter pronunciet. Sym-
 "bolum S. Athanasii de Trinitate, &
 "Fide Catholica memoriter teneat.
 "Exorcismos, & orationes ad Catechu-
 "menos faciendas, ac reliquas preces
 "super masculum & feminam plura-
 "liter, vel singulariter respective di-
 "stincte proferat. Ordinem baptizan-
 "di, & ad succurrendum infirmis, re-
 "conciliationis & commendationis
 "animæ, & in agendis exequiis defun-
 "ctorum, juxta modum Canonicum
 "observet. Exorcismos & Benedictiones
 "salis, & aquæ pertinenter legat.
 "Canticum diurnum & nocturnum
 "sciat. Computum etiam minorem
 "ad inveniendam literam Dominica-
 "lem, tempus intervalli diei Paschæ,
 "& majorum mobilium Festorum non
 "ignoret. Volumus autem, Fratres
 "dilectissimi, quatenus quæ nostra
 "percepistis traditione, bonis studea-
 "tis operibus adimplere, præstante
 "Domino nostro JESU CHRISTO,
 "cui cum Patre & Spiritu Sancto est
 "honor, & gloria in sæcula sæculo-
 "rum, Amen.

Aboluta lectione Constitutionum, &
 hujus vitæ Clericalis compendii, ac nemine
 ulterius aliquid proponente, prædictus Do-
 minus Vicarius, seriam reiteratam commo-
 Sss 3 nitio-

nitioem diligentis observationis prædictorum Statutorum, ac Deëretorum majoris Synodi Osnabrugensis, & aliorum Ecclesiasticorum Canonum, ad mores, vitam & honestatem Clericorum pertinentem interposuit, deinde proximam Synodum consueto tempore indixit, cui sicuti & aliis sequentibus insinuavit omnes ex veteri more sine speciali indictione, vel citatione loco & tempore suo occurrere, & interesse debere.

LECTIS deinde per Notarium hominibus omnium, & absentium singulariter notatis, recitata fuit per Reverendissimi & Illustrissimi Principis & Episcopi Vicarium in Spiritualibus Generalem deprecatio ex Pontificali Romano.

O R A T I O.

Nulla est, Domine, humana conscientie virtus, quæ inoffense possit tue voluntatis iudicia experiri, & ideo, quia imperfectum nostrum viderunt oculi tui, perfectioni deputa misericors DEUS, quod perfecto æquitatis sine concludere peroptamus; te in nostris principiis occursores poposcimus, te in hoc sine iudiciorum nostrorum indultorem nostris excessibus speramus, scilicet, ut ignorantie parcas, errori indulgeas, ut perfectis votis perfectam operis efficaciam largiaris, & quia conscientia remordente tabescimus, ne aut ignorantia nos traxerit in errorem, aut præceptis forsitan voluntas impulerit iustitiam declinare: hoc te poposcimus, te rogamus, ut si quid offensionis

in hac Synodi celebritate contraximus, te miserante indulgentiam sentiamus, ut in eo, quod soluturi sumus, aggregatam Synodum a cunctis primum absolvamus nostrorum nexibus delictorum, qualiter & transgressores veniam, & confidentes tibi subsequatur remanentio sempiterna. Per Christum Dominum nostrum.

R. Amen.

Subjunctoque Versic.

V. Saluum fac servum tuum.

R. Deus meus sperantem in te.

Et Orationibus subsequens:

DEUS, omnium fidelium Pastor & Rector, famulum tuum FRANCISCUM GUIELIUM, quem Pastorem Ecclesie Osnabrugensi præesse voluisti, propitius respice; da ei, quæsumus, verbo & exemplo, quibus præest, proficere, ut ad vitam una cum grege sibi credito perveniat sempiternam.

Omnipotens sempiternus DEUS, cujus Spiritu totum corpus Ecclesie sanctificatur & regitur: exaudi nos pro universis ordinibus supplicantes; ut gratia tue munere, ab omnibus tibi gradibus fideliter serviat. Per Dominum, &c. in unitate ejusdem Spiritus Sancti Deus.

Cum benedictione ac consalutatione soluta est Synodus in nomine Domini, Amen.

SYNODUS DIOECESANA OSNABRUGENSIS

HABITA,

Anno Christi MDCXXX. Urbani VIII. Papæ VIII.
Ferdinandi II. Imp. XII.

Præsidente eodem Revmo & Illmo Principe ac Domino,
D. FRANCISCO GUILIELMO,
Osnabrugensi LIX. Episcopo, &c.

FERIA 3^{ta} POST DOMINICAM: OCULI,

QUÆ ERAT

QUINTA MENSIS MARTII.

INDEX EORUM, QUÆ IN HAC SYNODO CONTINENTUR.

Ordo & Cæremoniæ Synodi.

CON-

CONSTITUTIONUM SYNODALIUM

CAPUT I. De destinatione Diœcesis Osnabrugensis in certas Regiunculas seu Decanatus.

II. Designationes Decanatum.

III. De Constitutione Decanorum ruralium.

IV. De successiva mutatione & nominatione Decanorum.

V. Forma juramenti Decanorum ruralium.

VI. De Officio Decanorum ruralium.

VII. De Congregationibus Capitulorum.

VIII. De Camerariis.

IX. De constitutione Camerariorum.

X. De Festis Conceptionis & Annunciationis Deiparæ solemniter cum publica gratiarum actione celebrandis.

XI. De habitu Clericorum, & usu Romano.

XII. De Mendicantibus.

ORDO ET CÆREMONIÆ

SERVATÆ SYNODI.

Feria secunda post: *Oculi*, pridie ejus diei, quo celebranda erat Synodus, ab hora quinta pomeridiana usque ad sextam per omnes Civitatis Ecclesias compulso campanarum factum est initium Synodi altera die celebrandæ, & piorum mentes excitatæ ad gratiam Dei pro felici auspicio, & profectu diligentius implorandam. Insequente die, quæ erat quinta Martii, circa horam octavam campanis summæ ædis conceperantibus Reverendissimus & Illustrissimus Episcopus & Princeps Osnabrugensis, &c. indutus habitu Episcopali, cappa & rochetto, ex domo Residentiæ, Clero præcedente, & ordine alias servato, ad Cathedralē Ecclesiā processit. Ingresso in Templum Reverendissimo & Illustrissimo Episcopo & Principi aspergillum præbuit Admodum Reverendus & Prænob. Dominus *Sixtus a Liauckema*, Præpositus Cathedralis Ecclesiæ Osnabrugensis, quo sibi primum, deinde aliis prope circumstantibus Cathedralis Ecclesiæ Canonicis, aquam lustralem asperxit Reverendissimus Episcopus, ac deinde per gradus ascendens in Chori vestibulo ad primum Altare venerabundus Sanctissimum Sacramentum adoravit, deinde ad Chorum progrediens thronum ac baldachinum in eo præparatum ascendit, expectans, donec Admodum Reverendus D. Abbas Monasterii S. Clementis in monte Iburgensi, ad Sacrum pro felici auspicio cantaturus, in Pontificalibus procederet. Cantatum vero fuit ab eodem Domino Abbate Sacrum de S. Spiritu solemniter, cui ut Ministri servierunt istius Ecclesiæ Vicarii Sacerdotes.

Divino Sacrificio finito, subjuncta fuit Antiphona: *Exaudi*, &c. quam Admodum Reverendus Abbas Iburgensis pluviali indu-

tus, excepit Oratione: *Adsumus*, &c. ante medium Altare clara voce pronunciata, subinde inchoato Hymno: *Veni Creator*, &c. Reverendiss. & Illustriss. uti & Clerus, ordine suo processit ad Capitularem Aulam majorem, locum Synodo deputatum, Hymnum vero subsecutæ sunt Litanie, ex Pontificali Romano, quas Oratione clausit dictus Abbas Iburgensis.

A Diacono vero cantatum Evangelium diei tertiæ Synodi ex Pontificali Romano, quo per Reverendissimum & Illustrissimum oscularo, ac incensatione in suam Celsitudinem subsecuta, signum datum est a Domino Vicario Episcopali, ut sessum omnes caperent.

Omnibus confidentibus, Reverendissimus & Illustrissimus Episcopus, conceptis ex Romano Cæremoniali verbis, præsentem in Synodo est allocutus, *FRATRES*, &c. ac deinde per Dominum Vicarium Generalem iudicio dato, Reverendus P. *Paulus Rotmannus*, Societatis JESU Theologus, & Ecclesiastes Cathedralis Ecclesiæ, a Reverendissimo & Illustrissimo licentia perita, & flexis genibus accepta benedictione, ex suggestu Orationem Synodalem habuit personis & tempori convenientem.

Oratione Synodali finita, Reverendiss. & Illustriss. Episcopi Vicarius in Spiritualibus, ex mandato Sux Celsitudinis, assurgens præsentem Synodum est allocutus, monuitque, ut ad Statuta Synodalia prælegenda diligenter attenderent, quæ ex manibus ejusdem Reverendissimi & Illustrissimi Episcopi reverenter accepta, R. D. *Conradus Buiren*, in Cathedrali Ecclesia Vicarius & Curatus, ex suggestu publice legit.

SEQUUN-

SEQUUNTUR
CONSTITUTIONES
SYNODALES.

FRANCISCUS GUILIELMUS, DEI ET APOSTOLICÆ

*Sedis gratia Episcopus Osnabrugensis, & Verdenfis, Præpositus Ratisbonensis, Comes de War-
tenberg, & Dominus in Waldt, &c. Venerabilibus, Religiosis, Honorabilibus, Nobis in
Christo sincere Dilectis atque Devotis, Ecclesiæ nostræ Cathedralis Præposito, Decano & Ca-
pitulo, omnibusque & singulis Ecclesiarum Collegiarum, Regularium & Parochialium,
Abbat. Præpositis, Decanis, Prioribus, Guardianis, Pastoribus, Rectoribus, Clericis,
ac personis Ecclesiasticis, quibuscunque nominibus censeantur, aut in quacunque Ec-
clesiastica dignitate seu functione per Civitatem & Diocæsın nostras
Osnabrug. constitutis, Salutem in Domino.*

CAPUT I.

*De distinctione Diocesis Osnabru-
gensis in certas Regiunculas,
seu Decanatus.*

Cum Nos ex debito sollicitudinis nostræ Episcopalis, eam merito curam suscipere debeamus, quomodo Diocesis nostræ satis amplæ, & vicinarum Regionum Ecclesiasticæ jurisdictioni nostræ subiectarum accessione, magis dilatata, cum prudenti circum-
spectione ac distributione particularium quarundam sollicitudinum ac industriarum, faciliorem possimus reddere rationem ac curam, nulla Nobis succurrit ratio melior, quam quæ olim exemplo Moyfis (a) demonstrata, jure Ecclesiastico (b) approbata, & a multis retro Archi-Episcopis Colonienſibus tanquam Metropolitanis, aliisque Præ-
sulibus, per Christianum Orbem ante multa sæcula suscepta, & pro idoneo medio conservandæ disciplinæ Ecclesiasticæ, maxime inter Pastores (a quorum exemplo populi probitas dependet) existimata fuit, nempe ut Diocesis nostra in certas Regiones & quasi classes distinguatur, quarum unaquæque certum & determinatum Parochiarum numerum contineat, quibus unus ex Pastoribus, cæteris vita & doctrina excellentior præficiatur, quem Decanum ruralem vulgo appellare solent, qui præcipuam super alios curam, & in certis casibus auctoritatem habeat ampliorem, ac cæterorum Presbytero-

rum per diversas Parochias habitantium vitam jugi circumscriptione custodiat, (c) & qua quisque industria Divinum opus exerceat, Nobis renunciet, minora emendet, cuncta tamen ad Nos referat, nec aliquid contra nostrum Decretum ordinare præsumat, ut in nullo titubet Ecclesiastica sollicitudo. Cujus rei cum Nos in Synodo nostra majore, anno Millesimo sexcentesimo vigesimo octavo celebrata, (d) spem atque expectationem excitaverimus, eandem nunc, quantum in Nobis est, perficere cupientes, statuimus & ordinamus, ut posthac in Episcopatu nostro Osnabrugensi, & locis Diocesanæ jurisdictioni nostræ subiectis, subsequentes Regionum, seu Decanatum distributiones observentur.

CAPUT II.

Designationes Decanatum.

DECANATUS PRIMUS

Civitatis nostræ Osnabrugensis, cujus erunt hæ Ecclesiæ Parochiales.

S. Petri in Cathedrali Ecclesia.

B. Mariæ Virginis in foro.

S. Joannis in Collegiata Ecclesia.

S. Catharinæ in Civitate prædicta.

Bissendorp.

Rulle.

Belem.

Walenborff.

Schleddehausen.

DECANATUS SECUNDUS

Widenbrugenſis.

Parochia Civitatis Widenbrugenſis.

Gutersloh.

Langenberg.

S. Viti.

Rit-

(a) Exod. 18. v. 18.

(b) C. Ut singulæ. De offic. Archipresb.

(c) Ex d.c. Ut singulæ. De offic. Archipresb.

(d) P. 1. c. 16. §. 5. & P. 2. c. 19.

Ritpergb. Maßböl. Herfenbrack.
 Newkirchen. Rbeda.
 Warle. Clabolt.

DECANATUS TERTIUS
 Ibungenfis.

Iburgb. Dissen. Borgloß.
 Glæn. Glandorff. Ozede.
 Lær. Hagen.
 Hilter. Holte.

DECANATUS QUARTUS
 Fürstenowensis.

Parochia Civitatis Fürstenowensis.
 Parochia Civitatis Quackenbrugenfis.
 Bippen. Newkirchen im Hülfe. Voltlage.
 Bergen. Menslage. Schwastorff.
 Anckum. Batbergen. Mersen.
 Alffhausen. Uffeln. Berfenbrugh.

DECANATUS QUINTUS
 Vördenfis.

Parochia oppidi Vördenfis. Damne.
 Newkirchen prope Vörden. Engter.
 Bramsche. Gerde.

DECANATUS SEXTUS
 Grönenbergensis.

Melle. Newkirchen. Buer.
 Geßmel. Riemslohe. Oldendorff.
 Wellinckboltshausen. Hoyell.

DECANATUS SEPTIMUS
 Witlacensis.

Essen. Lintorff. Oestercappelen.
 Barkhausen. Honteburgh. Venne.

DECANATUS OCTAVUS
 Primarius Embslandiæ.

Parochia Civitatis Meppensis.
 Hüseltinne. Hesepe. Stenmebiell.
 Boecklohe. Wespe. Dorpe.
 Borsen. Latben.

DECANATUS NONUS
 Secundarius Embslandiæ.

Afchendorff. Werdt. Landecke.
 Bersumb. Loeß. Soegelen.
 Heede. Holte. Grætenmullen.
 Rbede. Haven. Hasselcke.

DECANATUS DECIMUS
 Wildeshausensis.

Parochia Wildeshausensis Civitatis.
 Tomus IX. Concilior. German.

Hundtloesen. Vusbeck. Oitte.
 Kneten. Steinfelt. Embstecke.
 Vecbt. Vestrup. Lutten.
 Coenen. Dincklage. Guldenstedde.
 Cappel. Backum. Twißeninck.
 Oesdræber, Bernstorff, &c. & alie in Co-
 mitatu Deipholtano.
 Wetterstede, & alie in Comitatu Olden-
 burgenfi.

DECANATUS UNDECIMUS
 Cloppenburgensis.

Cloppenburgk. Altenoette. Scharle.
 Crapendorff. Frisoette. Struiklingen.
 Loëningen. Lindern. Risenbeck.
 Lastrup. Bassel. Dreyerwald.
 Marekhausen. Essen. Hobsten.
 Morbergen. Rainseblag.

DECANATUS DUODECIMUS
 Tecklenburgensis.

Tecklenburgb. Cappelen. Lotte.
 Lengercke. Wersen. Linen.
 Ledde. Lathbergen.

DECANATUS DECIMUS TERTIUS.
 Ravensbergensis.

Halle. Broeckbagen. Renckhausen.
 Borckholtshausen. Spenge. Bönningk-
 Versmelde. Iselborst. hausen.
 Waldenbrugge. Hildeshausen. Oldendorff.
 Enger. Werter. Holtshausen.
 Jollenbecke. Biine.

CAPUT III.

De constitutione Decanorum
 ruralium.

UT vero hæc res melioribus auspi-
 ciis inchoetur, Nos in singulis
 Decanatibus, seu Regionibus supradictis
 aliquem nominamus & constituimus,
 quem, auditis aliorum testimoniis, ex-
 istimamus aptiorem. Sunt autem se-
 quentes:

Ad Decanatum Civitatis nostræ
 Osnabrugensis denominatus est *P. Caspa-
 rus Münsterus*, Ss. Theologiæ Doctor, &
 Parochus Ecclesiæ B. Mariæ Virginis
 in Civitate Osnabrugensi.

Ad Widenbrugensem *D. Fudocus
 Dulenius*, Ecclesiæ Collegiatæ ibidem
 Decanus & Pastor.

Ad Ibungensem *Fr. Jacobus Thor-
 Wabrt*, Benedictinus, & Pastor in Hilter.

T t t

Ad

Ad Fürstenowensem *D. Reinerus Hardement*, Pastor in Barbergen.

Ad Vördensem *D. Henricus Krumpelman*, Pastor in Engter.

Ad Grönenbergensem *D. Hermannus Hoffhaus*, Pastor in Melle.

Ad Witlacensem *F. Joannes Thorwesten*, Benedictinus, & Pastor in Barckhausen.

Ad Decanatum primarium Embslandiæ *D. Antonius Fredebal*, Pastor in Stennebiel.

Ad Decanatum secundarium Embslandiæ idem Pastor in Stennebiel, donec alius substituitur.

Ad Wildeshausensem *D. Henricus Petzius*, Pastor Vechrensis.

Ad Cloppenburgensem *D. Albertus Kramer*, Pastor in Crapendorff.

Ad Tecklenburgensem ex causis hac vice nullus est constitutus.

Ad Ravensbergen. ex similibus causis nullum hac vice constituimus.

CAPUT IV.

De successiva mutatione & nominatione Decanorum.

AD hujus vero rei firmitatem ac perpetuitatem conservandam, volumus posthac singulo triennio ante Quadragesimalem Synodum, circa Dominicam *Invocavit*, ex Pastoribus uniuscujusque Decanatus unum magis idoneum nominare, qui Professionem Fidei in Synodo post Dominicam *Oculi* publice emitteret, ac fidelitatis juramentum præstabit, quibus præviis illi confirmationem in scripto dari curabimus.

Constitutus vero Decanus in alterum etiam triennium, si ex rationabilibus causis ita Nobis videbitur, continuari poterit. Si quis vero Decanus ante triennium moriatur, alius a Nobis surrogabitur.

CAPUT V.

Forma Juramenti Decanorum ruralium.

EGO N. &c. juro & promitto, quod Reverendiss. & Illustriss. Domino Episcopo *Onabrugensi*, & ejus Successoribus canonice in-

trantibus, fidelis & obediens ero, & ejusdem Reverendissimi Episcopi, & ejus Ecclesiæ commoda promovebo, & damna avertam, atque officium Decanatus, & commissæ mihi ac mandata fideliter exequar, absque omni dolo & fraude. Sic me DEUS, &c.

CAPUT VI.

De Officio Decanorum ruralium.

I.

DEcanis ruralibus in primis commendata sint omnia, quæ in Canonibus, Statutis Synodalibus, ac Provincialibus, de officio, vita, & honestate Parochorum, Sacerdotum, & Clericorum sunt præscripta, & ut ea in seipsis exhibeant, & in aliis suæ Regionis existencibus Pastoribus observent ac requirant.

II. Ad Decani ruralis officium pertinet, bis in anno ante Synodum Diocesanam, nimirum mense Febuario & Septembri, ad Congregationem communem, seu Capitulum suos Pastores convocare; Ecclesias Parochiales, Capellas, Sacristias, sepulturas, cæmeteria, Hospitalia, Parochorum, aliorumque Clericorum ædes ac familias, & alia pie loca districtus sui, quotannis simul, una cum Camerario, vel alio adjuncto visitare ac diligenter inspicere, idque curare, ut facta recta serventur, & quæ ad Divinum cultum sunt necessaria, vasa sacra, ornamenta, vestes, libri, recte & integre suo loco & ordine conserventur.

III. Diligenter quoque inquirent in jura & bona Ecclesiastica sui Decanatus, an recte administrantur, conserventur? An ex iis aliquid alienatum sit, aut ab aliis usurpetur? An Ecclesia aliqua turbetur, debitis oneretur, litibus implicetur, cum quibus & ex qua causa?

IV. Præterea solícite ac prudenter, de Pastorum, Sacerdotum, Custodum, Ludimagistrorum, Aedituorum, seu Provisorum ac Ministrorum Ecclesiæ vita ac conversatione inquirent: num scilicet illi in functionibus suis, celebratione Missarum, verbi Divini prædicatione, Sacramentorum administratione, Carechismi doctrina, Horarum perfoluione, decencia morum, victus ac vesti-

vestitus ratione, studii assiduitate, & alii similiter pro ratione functionis suæ officio suo satisfaciant, ac quid ubique locorum desit aut desideretur, accurate considerent, ut ea ad nostram cognitionem referre possint.

V. Demum graviores Cleri & populi excessus, ac crimina publica, quibus Ecclesia scandalizatur, Decani ad Nos referant, ut mature scandalis obviare, & huiusmodi mala, antequam latius serpent, e medio tollere valeamus.

VI. Decanis ruralibus serio etiam commendatur & iungitur, ut quæ de libris baptismalibus & matrimonialibus, nominibus communicantium, & id negligentium, post Pascha Nobis, aut nostro Vicario designandis, in præcedentibus Synodis præscripta sunt, in praxin redigi curent.

VII. Cum contigerit aliquem ex Parochiis, Curatis, aut Cooperatoribus ægrotare, Decani est eundem invifere, eamque sollicitudinem adhibere, ne quicquam illi desit ex iis, quæ ad animæ seu corporis curam spectant. Si eorum quispiam obierit, rerum reliquarum per se, vel Camerarium, aut unum ex deputatis Pastoribus, adjuncto Notario (si haberi possit) & tribus testibus Inventarium conficiet, easque obsignabit, ut piis legatis, & aliis creditoribus de solutione debitorum cautum sit, atque omnia Registra & monumenta Ecclesiæ vel Pastoratus in usus eorundem conserventur, nec in aliorum manibus relinquuntur, etiam sub prætextu, quod iis ad executionem Testamenti indigeatur, quibus tamen pro necessitate copia dabitur.

VIII. Quæ autem Decani in Capitulis ac visitationibus quorannis fecerint, curaverint, cognoverint, ea omnia per Camerarium scripto comprehendant, ut requisiti diligentiam suam comprobare possint: bis vero singulis annis, scilicet ante Quadragesimalem & Autumnalem Synodum, muneris sui rationem, vel coram, vel scripto Nobis, aut nostro in Spiritualibus Vicario faciant, & quæ ipsis mandabuntur, cæteris Pastoribus & subditis nostris tempestive ac mature insinuabunt; in

Tomus IX. Concilior. German.

negligentes privatione Decanatus, aut aliis pœnis animadvertemus.

CAPUT VII.

De Congregationibus Capitulorum.

I.

Congregationes Capitulares annis singulis bis habeantur, ante Synodum Quadragesimalem & Autumnalem, die aliqua minime impedita. Convenient vero ad Citationem Decani omnes istius districtus Parochi, Sacellani, & Clerici, ac Regulares, si qui ad curam animarum admissi sunt, ad locum a Decano designatum, qui vel Ecclesia erit, vel Sacristia, vel domus Pastoralis, aut alterius Ecclesiastici viri. Qui adesse non poterunt, legitime impediti, excusationes suas & causas scripto proferant, sub pœna arbitraria.

II. Operæ vero pretium est, ut convenientes, tanquam ad rem seriam accessuri, per Confessionem Sacramentalem expiati ac præparati, in loco Capitulari pridie compareant, nisi quidam tam prope habitent, ut eodem die tempestive accedere possint.

III. Camerarius id curabit, ut, ubi Capitulum celebrabitur, adventibus Pastoribus de hospitibus honestis, ipsorum tamen sumptibus, provideatur.

IV. Ipso die Capituli celebrandi Sacrum pro fratribus & benefactoribus, tam vivis, quam defunctis, & alterum de S. Spiritu ab his, qui a Decano præmoniti sunt, celebrabitur.

V. Sacro finito, fiat progressus ad locum Capituli, ubi omnibus ordine confidentibus, postquam Decanus (qui tanquam caput congregationis directionem actionum Capitularium habet) absentium excusationes audiverit, omnes assurgentes in genua procumbent, ad imaginem Crucifixi, quæ in mensa ponetur, aut, si in Ecclesia celebratur Capitulum, ad Altare conversi, alternatim recitabunt Hymnum, *Veni Creator Spiritus*, &c. Decano Collectam de S. Spiritu, & pro Romano Episcopo subjungente.

VI. Ad has Congregationes Capitulares nemo, sive Clericus, nisi de gre-

mio Capituli, nec quispiam Laicus, sub quocunque etiam prætextu, accedet, aut admittetur.

VII. Confidentibus iterum congregatis, a Decano proponetur, si quid ipsi singulariter mandatum aut injunctum fuerit, ac pro temporis ratione prælegeatur, vel dicetur aliquid de his, quæ ad Pastorum, Sacerdotum, aut Clericorum vitam & officia pertinent.

VIII. Deinde inquiretur, si quod gravamen personæ Ecclesiasticæ, vel loco, vel Beneficio sit impositum, vel lis aliqua mota, unde periculum timeatur?

IX. Si quis istius Regiunculæ Clericus, vel etiam Laicus, alterius potentia innocenter prematur, cui merito auxilium ferendum sit?

X. Si in Districtu quispiam sit vagus & ignotus, qui sine legitima institutione & approbatione, Divinis & Sacramentorum administrationi se ingerat?

XI. Si quispiam Parochus aut Sacellanus, particulare gravamen quoad muneris sui executionem, expertus sit?

XII. Si ullus Pastor, aut Beneficiarius in ista Regiuncula sit, in quo desideretur honestas Clericalis, in vita, moribus, studiis, doctrina, habitu, familia?

XIII. Si in ista Regiuncula sint hæretici, schismatici, apostatæ, concubinari, turpiter, impie, ac scandalose in peccatis publicis viventes, aut de his, & aliis publicis criminibus suspecti aut diffamati, quos ipse diligenter notabit ac insinuabit; horum vero, aut similium criminum examinationi, discussioni, aut correctioni, vel notabilium rerum definitioni Decani nullatenus se se immisceant; quod nulla ipsis jurisdictionis competat auctoritas, sed solum ministerii & officii industria, & ad Superiores relatio.

XIV. His peractis, Decanus vel præleget, vel prælegi curabit ex Synodalibus Constitutionibus illa, quæ ad Pastores, Sacerdotes, ac eorum officia spectant; & si inter legendum occurrerit, de quo præsentis, vel eorum aliquem monendum, aut informandum

putet, id breviter & efficaciter faciet; ac deinde Capitulares actiones per convenientes preces concludet, subjungetque Orationem ex Romano Pontificali, *Nulla est Domine*, &c. quæ habetur in cæremoniis Synodi Osnabrugensis, anni millesimi sexcentissimi vigesimi noni.

XV. Quæ in his Capitulis proposta & acta sunt, Camerarius in librum peculiarem referet, ad memoriam & directionem necessariam.

XVI. In his Conventionibus Capitularibus, ut symbola fraterna & honesta constituentur, præsertim pro iis, qui procul Parochiis absunt, nec intra tres aut quatuor horas domum suam perungere possunt, non videtur improbandum.

XVII. Illud tamen cavendum est, ne hujusmodi conventiones, aut prandia, in caupona vel diverforio, sed in domo Decani, aut alterius Pastoris, vel Ecclesiastici viri servantur, ac valde sobria, moderata, & succincta sint, nec ullus ad ea admittatur, nisi qui sit de congregatis Capituli.

XVIII. Hujus collationis sumptus, absentes cum præsentibus simul tolerabunt, & si quis notabilis excessus admixtus fuerit, illum Decanus Nobis denunciare tenebitur, sub pœna arbitraria.

XIX. Ad vitandam vero inanitatem ac superfluitatem otiosi sermonis, initio mensæ sacra lectio, de Officio Pastorum, ex probato Auctore inferi poterit, per juniorem institutione Pastorem, qui etiam in conventionibus Capitularibus Ostiarium ager.

XX. Omnes vero Pastores, & præsentis alii Sacerdotes, ad silentium & secretum Capituli debitum obligati erunt, sub pœna arbitraria.

XXI. Decanis suis Pastores & Clerici debitam reverentiam & obedientiam exhibeant, ad Capitulum vocati compareant, aut legitimas suas excusationes mittant, de vitis, erroribus, defectibus & criminibus interrogati, respondeant, correctiones libenter suscipiant, mandatis obtemperent, inobedientes ac rebelles, quos ad Nos deferri volumus, gravi pœna compescemus.

CAPUT VIII.

De Camerariis.

Camerarii Decanis in subsidium & auxilium adjuncti, & iis legitime impeditis substituti sunt, qui ea, quæ proposita, tractata, indicata, & notata sunt, diligenter in unum librum conferant, & Decano ad visitationes, inspectiones, atque quascunque actiones progredienti comites sint, simulque cum Decano intendant, ut res & jura Ecclesiarum debite conserventur, atque omnia & singula, quæ Decano præscripta sunt, sedulo curentur.

Camerarii singulis bienniis officio suo defungentur, & simili modo, ut Decani a Nobis constituentur, & Professionem fidei, fidelitatisque juramentum præstabunt.

CAPUT IX.

De constitutione Camerariorum.

Nominantur vero hac vice subseqentes:

Camerarius Decani Civitatis Osnabrugensis, *D. Martinus Fischer*, Pastor in Bissendorff.

Civitatis Widenbrugenfis *D. Joannes Sprenger*, Pastor S. Viti.

Ibungenfis *D. Theodorus Mauriti*, Pastor in Hagen.

Fürstenowensfis *D. Theodorus Lisse*, Sacellanus Batbergenfis.

Vördenfis *D. Alexander Hegg*, Pastor Vördenfis.

Groënenbergenfis *D. David Großhaus*, Pastor in Buer.

Witlacensfis *D. Lucas Beckman*, Pastor Vennensfis.

Pro primario Embslandiæ *D. Joannes Streng*, Pastor in Wesewe.

Pro secundario Embslandiæ *D. Joannes Schöele*, Pastor in Boëckloë.

Wildeshausenfis *D. Bernardus Brockman*, Sacellanus Vechtenfis.

Clöppenburgenfis *D. Joannes Brandt*, Pastor in Essen.

Pro Tecklenburgenfis, & Ravensburgenfis, denominationem ex causis differimus.

CAPUT X.

De Festis Conceptionis & Annunciationis B. Mariæ Virginis solemniter cum publica gratiarum actione celebrandis.

Cum Inviçtissimus Imperator Romanus FERDINANDUS II. in perpetuam memoriam, gratiarumque actionem, Omnipotenti DEO pro gloriosis victoriis hæctenus ipsius gratia concessis exhibendam, singulari cultu & honore, Deiparam Virginem MARIAM prosequendam, pie judicaverit; ac desideraverit, ut per Romanum Imperium festum Conceptionis ejusdem Immaculatæ, solenni ac magnifico ritu, cum gratiarum actione quotannis celebretur, repetimus, atque in his Decretis Synodalibus pro monumento perpetuo inserimus programma illud, quod in hanc rem a Nobis antehac publicatum fuit; volumusque, ut eodem die anniversario, nunc & futuris temporibus, per totam nostram Diocesin, preces publicæ & gratiarum actiones in hanc intentionem fiant.

SEQUITUR

EDICTALIS PROMULGATIO.

FRANCISCUS GUILIELMUS, DEI ET APOSTOLICÆ SEDIS GRATIA EPISCOPUS OSNABRUGENSIS, PRÆPOSITUS RATISBONENSIS, COMES DE WARTENBERGH, ET DOMINUS IN WALDT, &c. VENARABILI CLERO CIVITATIS ET DIOECESIS NOSTRÆ OSNABRUGENSIS, SALUTEM IN DOMINO.

" **C**um in præcedentium aliquot annorum periculosa Ecclesiæ Dei, & Romani Imperii perturbatione, hostiumque machinationibus, Inviçtissimus simul ac Religiosissimus Imperator FERDINANDUS II. auxilium de celo ac præsentem manum Domini, evidentissimis signis ac miraculosis a Deo concessis victoriis expertus fuerit, atque a suis Majoribus, ac præsertim inclytæ Domus Austriacæ propagatore RUDOLPHO

" PHO I. didicerit, pietate magis,
 " quam armis elevari familiās, dilatarī
 " & firmari Imperia, stare ac parari vi-
 " ctorias, Deumque Omnipotentem ad
 " misericordiam suam ac beneficentiam
 " in nos continuandam, & augendam,
 " tum maxime moveri, cum pro præ-
 " stitis beneficiis & bonis demissum
 " animum, ac debitæ gratitudinis me-
 " morem, ac ejusdem voces, signaque
 " exhibentem experitur. Hinc Dei
 " præsentem in se misericordiam, & ma-
 " num auxiliatricem extollere, ac omni
 " posteritati contestatum facere cu-
 " piens, e celo petitas ac datas esse vi-
 " ctorias, inde ulterius expectandas;
 " & per æternam gratiarum actionem
 " impetrandas: rectissime cupit & in-
 " tendit, Reginæ celi, & Ecclesiæ, ac
 " Imperii contra hæreses Patronæ ac
 " Proteptricis, Immaculatæ semper Vir-
 " ginis Conceptionis diem festum, in
 " tot, tantarumque victoriarum perpe-
 " tuam recordationem solemnius ce-
 " lebrari, idque per universum Roma-
 " num Imperium sanciri & publicari.
 " Nos igitur piissimo huic desiderio
 " haud immerito consentientes, justum
 " ac rationabile veræ pietatis obsequi-
 " um existimamus, ut Divinæ miseri-
 " cordiæ opera honorifice concelebren-
 " tur, ac Deo gratiæ agantur, qui de-
 " dit victorias per Dominum nostrum
 " JESUM CHRISTUM. Proinde
 " præcipimus, hortamur, & obsecre-
 " mus universos Diocesis nostræ sub-
 " ditos, primum omnium fieri gratia-
 " rum actiones, obsecrationes, oratio-
 " nes & postulationes pro Ecclesia San-
 " cta Dei, Summo Pontifice, Impera-
 " tore, & omnibus, qui in sublimitate
 " constituti sunt, proque subditis, ut
 " tranquillam vitam agamus in omni
 " probitate & castitate. In quem finem
 " dictam Immaculatam Conceptionis
 " festivitatem, in perpetuam accepto-
 " rum beneficiorum memoriam, in
 " Choro & foro solemniter instar sum-
 " mi Festi, cum Octava perpetuo cele-
 " brari, ac pridie (modo Dominica
 " non sit) abstinentiam a carnibus ob-
 " servari mandamus, atque consili de
 " Divina misericordia, quadraginta die-

" rum Indulgentias omnibus, qui ipso
 " die Festo, & per Octavam uni mayo-
 " rum horarum, aut Sacrosancto Missæ
 " Officio interfuerint, elargimur. Da-
 " tæ Osnabrugi decimo septimo Janua-
 " rii, anno millesimo sexcentesimo tri-
 " gesimo."

Ne vero etiam Nos, ac Successores
 nostri, gratæ mentis significationem,
 qua Divinam manum Adjutricem in re-
 cuperanda Diocesi Osnabrugensi, ac
 cæteris nostris actionibus singulariter
 expertos nos esse cognoscimus, & ab
 eadem ulterius omnia bona expecta-
 mus, omittere videamur, similiter per
 præsentem edicimus & statuimus, ut
 posthac singulis annis festo Annuncia-
 tionis Mariæ Christi (quo die anno
 millesimo, sexcentesimo, vigesimo octa-
 vo, explosis erroribus, falsisque dog-
 matibus, quæ Civitatem Osnabru-
 gem plurimis annis occupaverant, re-
 stitutio sanctæ Religionis, Parochia-
 rum, & Monasteriorum, ac reforma-
 tio per Diocesis facta est) publicæ gra-
 tiarum actiones per Civitatem & Dio-
 cesin nostram, & omnes ejusdem Ec-
 clesiæ, in Summo Sacro instituatur:
 In Civitate vero Osnabrugensi eodem
 die post prandium Clerus & populus
 ad Templum B. Mariæ Virginis hora
 prima pomeridiana conveniat, & ex eo
 Litanias de B. Mariæ Virgine per viam
 cantando ad Cathedralē Ecclesiā,
 pro gratiarum actione procedat; Pro-
 cessionis vero tempore omnes per Ci-
 vitem campanæ solemniter compul-
 sentur. Finitis Litanis concio, ac de-
 inde canticum, *Te Deum laudamus*, &c.
 cum solenni sono campanarum Cathed-
 ralis Ecclesiæ subsequatur.

CAPUT XI.

De habitu Clericorum, & usu Romano.

Cum animadvertamus multos de
 Clero necdum honestati statui suo
 competenti, in habitu & corona Cle-
 ricali satisfacere, (*) non sine vilipen-
 dio status Ecclesiastici, & scandalo pub-
 lico: Hinc iterum & peremptorie iis-
 dem, præsertim vero, qui in Civitate
 nostra

(*) C. Præcipimus, 21. q. 4. Conc. Trid. Sess. 14. c. 6. de Ref. Clem. 2. De vit. & honest. Cleric.

nostra sunt (cum pericula per Dei gratiam cessarint) cujuscunque conditionis sint, serio injungimus, ut non differant debitam in hoc sacris Canonibus, & nostris reiteratis jussionibus, obedientiam exhibere. Contra inobedientes & contumaces poenis in jure comprehensis, & aliis Nobis arbitrariis processuri.

Similiter mandamus omnibus & singulis, ut post tot monitiones nostras usum Officii Romani sine ulteriori cunctatione recipiant, & se Statuto nostro ante biennium edito, tandem conforment.

Tenor autem Statuti illius habetur in Synodo majori Osnabrugensi, *Part. II. C. 7. §. 2.*

CAPUT XII.

De Mendicantibus.

CUM etiam ipsa experientia notum sit, multos vagos, ignotos, & validos Mendicantes, etiam sub ementita specie & habitu Religionis, & sub prætextu falsarum causarum, & testimoniarum literarum, eleemosynas conquire, & in usus non pios convertere. Hinc monemus omnes & singulos Parochos, Curatos, & quoscunque alios, ne hujusmodi vagis & ignotis hominibus fidem ullam adhibeant, nec admittant, ut eleemosynas publice per Parochias quarant, minus ex bonis aut ærario Ecclesiæ iis aliquid contribuant, nisi publicum testimonium & mendicandi licentiam a Nobis, aut nostro Vicario exhibuerint. Per hoc tamen nolumus excludere, aut diminuer

charitatem in veros & notos hujus Diocesis Religiosos & alios Christi pauperes.

Statutorum Synodaliū lectione finita, subjunxit antedictus D. Conradus Buirer, ex Pontificali Romano desumptum compendium Sacerdotalis & Clericalis vitæ, secundum præscriptum Synodi præcedenti anno habitæ. Deinde Reverendissimi & Illustrissimi Episcopi Vicarius, jussu Celsitudinis Suae præsentem Synodum est allocutus: *Num placeret cuiquam amplius aliquid proponere, quod ad hujus Synodi discussionem, aut decisionem spectare posset.*

Omnibus vero tacentibus, idem D. Vicarius monuit Curie Episcopalis Notarium seu Actuarium communem, ut is nomina omnium eorum, qui de jure & antiqua consuetudine Synodo interesse solerent, ex breviculo recitaret, & absentium nomina observaret ac notaret.

Lectione completa, multorumque absentia animadversa, qui vel ob itinerum pericula, vel Religionis mutationem, vel ob alios respectus ad Synodum non venerunt, idem Dominus Vicarius coram Synodali confessu, ac præsentem Notario protestatus fuit, quod hujusmodi absentium inobedientia, contumacia, tergiversatio, seu emanatio, ex quacunque alia causa, huic Diocesi Synodo celebratæ, ac in posterum celebrandæ, aliisque juribus Episcopalibus in nullo præjudicare possit aut debeat.

Post hanc protestationem subjunxit Admodum Reverendus Abbas Iburgensis orationem ex Pontificali Romano: *Nulla est Domine*, &c. cum orat. subsequ. pro Episcopo & communi statu Ecclesiæ, ut in Synodo præcedenti, ac cum solemni benedictione, ac Indulgentiarum consuetarum promulgatione Synodus est finita in nomine Domini.



ORDINATIONES

Reverendissimi Domini JOANNIS MALDERI, (*)

Episcopi Antverpiensis VI.

In Congregatione Decanorum Christianitatis

Eodem anno Christi MDCXXX.

XXVIII. AUGUSTI.

Curabunt Pastores, ut Catechismus ubique singulis septimanis forma interius præscripta fiat, neque omittatur, etiam si pauci pueri compareant, sub pœna viginti st. singulis vicibus, quibus omittetur, incurrenda. Præstat enim paucos instrui, quam tam necessariam functionem interrumpi.

Instruent Pastores populum de impedimentis Matrimonii, præsertim de cognatione spirituali, eamque non minus contrahi in Confirmatione, quam in Baptismo. Et an id fecerint, informabunt se Decani in proxima Visitatione.

Annotabunt Pastores eos, qui recentes ad Parochiam habitatum veniunt, & curabunt, ut serventur Edicta circa tales edita.

Custodes & Ludimagistri solita juramenta præstent, & examina subeant etiam illi, qui reipsa serviunt, iis non præmissis.

Quantum fieri potest, curandum, ne desint in pagis saltem celebrioribus Obstetrices juratae & idoneae.

Pastor baptizet prolem peregrinae aut vagabundae mulieris, etiam si non fuerit cautio præstita de ea alenda sine gravamine communitalis aut mensae pauperum, & annotet in libro Baptizatorum talem fuisse prolem.

Confessiones non audiantur, nisi a Pastoribus, aut iis, qui approbationem nostram habeant in scriptis, quam in visitatione exhibeant, & confessionalia sint ubique cancellata, & juxta Decretum Synodi Provincialis deinceps ne-

mo extra ejusmodi confessionalia seminarum confessiones audire præsumat, nisi in casu necessitatis, sub pœna arbitraria.

Communicantium numerus, & non communicantium nomina, ubique in scriptis Nobis danda. De non communicantibus autem statuatur, prout in Domino expedire videbitur. Cura magna est adhibenda, ut ubique honesto loco asservetur Ven. Sacramentum, & lampas sit ubique ante illud ardens, saltem ubi, & quando id sine periculo, quod a furibus nocte timeatur, fieri potest.

Remonstrantiae ubique, ubi desunt, curandae, uti & Ciboria, quae oportet esse ex argento & benedicta, sicut & lunula Remonstrantiae. Calices stannei in posterum nullo prætextu tolerandi.

Mundities & ornatus omnino curanda in altaribus, ne sacra mensa sit vilior, quam prophana, & qui in ultima Visitatione in eo, ac etiam in custodia decenti Ss. Eucharistiae negligentes deprehensi fuerunt, a Decanis pro ratione negligentiae mulcentur.

Oportet etiam debita cum reverentia ab Ecclesia deferre ad ægros sacrum Viaticum; adeoque quando non nimis procul ab Ecclesia deferendum, mandamus non aliter deferri, quam ab induto superpelliceo, & prævio lumine, & pulsu nolæ, sub pœna viginti st.

Pueri, qui ob minorem ætatem non communicant, nihilominus sunt visitandi a Pastoribus in infirmitate sua, præsertim si ad pubertatem jam proxime

(*) Vide sub finem Ordinationum.

me videantur accedere, & de vita periclitentur.

Nulla modo negligent Pastores juxta Synodum Dicecesanam, in Dominica *Passionis* publicare Decretum Conc. Lateranensis Cap. *Omnis utriusque sexus*, de saltem semel Sacramento Eucharistiæ suscipiendo in Paschate: & moneant iidem Pastores, alique Concionatores huic Ecclesiæ præcepto non satisfieri ab iis, qui a Dominica Palmarum usque ad Dominicam in Albis inclusive, in propria Parochia ne semel quidem communicaverint, etiam si alibi eo tempore communicassent.

Præter dictum Caput: *Omnis utriusque sexus*, tria Capitula Synodi Provincialis, prout inferius subjiciuntur, verbatenus eodem die publicentur.

Nullos ignotos Sacerdotes admittant Parochi ad celebrandum absque nostra licentia, sub pœna trium floren. ab ipsis admittentibus solvenda. Aliquem autem residere tanquam Capellanum, absque nostra admissione non permittent sub pœna duodecim floren. Quod si contigerit aliquem per Sæculum intrudi, statim indicare teneantur.

Vascula sacrorum Oleorum, quantum fieri potest, sint argentea, & sufficienti oleo referta.

Pastores, qui admiserint alienos Parochianos ad contrahenda Sponsalia, incurrunt multam sex floren.; qui autem tales ad Matrimonium admiserint, sciant juxta Decretum Conc. Trid. se esse suspensos, & multam in Synodo constitutam incurrisse.

Sub pœna gravi arbitraria nemo Pastorum audeat jungere non dispensatos super eo, sine proclamationibus a Concilio Tridentino requisitis.

Contra Sponsas, quas publice constat concubuisse cum sibi desponsis ante contractum per verba de præfenti, sine dissimulatione procedatur, prout de jure, præsertim si incontinenter vivant.

Sicubi sint aliqui adulteri, concubinarij, aut in divortio, Pastores primum eos Nobis absque dissimulatione denuntiabunt, ut remedium adhiberi queat.

Tomus IX. Concilior. German.

Caveant Pastores, etiam æstivo tempore, omittere Concionem diebus Dominicis, sub pœna trium floren. Neque etiam omitant iisdem diebus post concionem commendare nominatim Defunctos, pro quibus in eum finem, aliquid est relictum, ne inique percipiant mercedem operis, quod non præstant.

Non licet Pastoribus in gravamen subditorum sine necessitate substituere Religiosos mendicantes, quando isti non habent stationes suas ordinarias.

Absque nostra licentia non permittent Religiosos alias accipere stationes, quam ab antiquo habuerunt, sub pœna duodecim flor.

Omnino agendum, ut Capellani, ubi desunt, assumantur, & ut maritinales Missæ ubique celebrentur tempore alias præscripto.

Pastores advigilent, ut Capellani, Custodes & Ludimagistri debite suo fungantur munere; & ubi defectum deprehenderit, quem per se emendare non possunt; statim Decano denuntiabunt, qui, si opus fuerit, ad Nos recursum habebit.

Teneantur Custodes veteri more ter in die ad preces pulsando populum excitare, mane, meridie, & vespere.

Curandum, ut, quemadmodum sæpe ordinatum fuit, oneribus Beneficiorum, & piis foundationibus ubique debite satisfiat, & provisionaliter, donec aliter statutum fuerit, concedimus, ut eleemosynæ in Synodo pro Missis constitutæ augeantur ad duos stuferos, & pro Anniversariis ad quatuor stuferos.

Per Pastorem vero conficiatur Catalogus Foundationum. Defectuosos autem in proxima visitatione Decani annotabunt.

Pari modo curandum, ut cantetur Divinum Officium, ubi id fieri solet; & Laudes vespertinæ ubique resumantur. Eosque non satisfacere, qui ante meridiem canunt, quod vespere cantandum esset, declaramus.

Moneant Pastores serio nostro nomine Officiarios, ut impediunt symposia tempore Divini Officii. Idem iudicium de venationibus.

V v v

Lasci.

Lascivia juventutis utriusque sexus Sacro tempore compotantium multanda pœna arbitraria. Et omnino impediendum, ne juvenes puellas Templum adeuntes, vel ex eo redeuntes ad tabernas trahant, sub pœna nuper statuta.

Præcepta Ecclesiæ de jejuniis, delectu ciborum, & Festorum violatione sæpe inculcentur e suggestu, populo fideli sub peccato mortali esse servanda.

Nemo, præter designatos pro singulis Districtibus & specialiter admissos, præsumat exorcizare maleficios, aut a Dæmone vexatos, sine speciali nostra commissione; ac multo minus præsumat supersticiosum aliquem ritum ad curandum infirmos adhibere.

Decani in visitatione diligenter observent ea, quæ conversationem, honestatem & vitam Sacerdotum concernunt, & curent, ut quoad tonsuram & habitum servetur Decretum Synodi Provincialis Tit. 18. C. 2. 3. & 4.

Pastores non habitent extra limites Parochiæ, & qui necessitatem allegare volunt, ut id faciant, non nisi in scriptis obtenta a Nobis licentia, extra Parochias aliter, quam Jura & Ordinationes nostræ permittunt, pernoctent.

Sine literis suæ commissionis nemo deserviat in Beneficiis, aut Officiis, & Deservitores Ecclesiarum Parochialium singulis annis ante festum S. Joannis Baptistæ teneantur a Nobis petere renovationem Commissionum suarum, nisi habuerint speciale indultum, sub pœna decem floren. Deservitores autem Capellaniarum sub pœna trium flor.

Administrationes Beneficiorum non sunt relinquendæ Ædituis in posterum, nisi de novo eas a Nobis in scriptis impetraverint; sed proximo festo S. Joannis omnes istiusmodi commissiones revocatæ censeantur.

Habeant curam Pastores, ut Ecclesiæ debite reparentur & ornentur, utque ad ingressum Ecclesiarum in vase convenienti non desit aqua benedicta. Curentque quam primum tolli, & extra conspectum populi collocari imagines deformatas & mutilatas, prout sæpius ordinatum fuit, alioqui arbitrarie punientur.

In locis, ubi suppellectilia adhuc sunt in Templis, Pastores quamprimum agent cum Magistratu, ut judicet, an, & quousque ea possint & debeant amoveri: & secundum ipsius judicium amovenda, statim amoveantur ab iis, quorum sunt, sub pœna trium floren. fabricæ applicanda, ut est in Synodo.

Cœmeteria debite sepiantur & mudentur.

Collectæ fiant in Ecclesia circumeundo pro fabrica omnibus diebus Dominicis.

Ædiles intelligant se in officio suo debere sequi directionem Decani & Pastoris.

Ubi Archiva nondum facta sunt, quamprimum curent Pastores, ut fiant: & si difficultatem repererint, eam Decano denuntient ante Natalem Domini proximum, alioqui multabuntur.

Limites agrorum & quorumcumque fundorum singulis saltem decenniis renoventur.

Alienationes indebite factæ retractentur.

Elocationes publicæ fiant plus offerentibus, & attendant Pastores, ne in elocatione bonorum fabricæ & mensæ aut fundationum fiant sumptus inutilles. Ubi id deprehenderint, statim Decano indicabunt, ut remedium adhibeatur.

Computus administrationum singulis annis fiant statò & certo die. Reliquationes omnes sub certo stipendio recipiantur.

Singuli computatores unum annum integrum in posterum in recepta referant, & de eo respondeant.

Summæ restantes & receptæ ad redditum dentur, vel secundum Decani dispositionem applicentur; non autem relinquuntur in manibus Administratorum. Idem fiat de capitalibus reddituum redemptorum.

Tempore Quadragesimæ Decani ad Nos relationem scripto mittant, quid actum sit de harum Ordinationum executione.

De Mandato Reverendissimi Domini Præsati.

P. Caus Secret.

Ad

Ad vacantes medio anno Antverpienses Infulas evexit JOANNEM MALDERUM non inanis quædam ambitio, sed sola virtutum, doctrinaeque fama, ut constans, sic integerrima. Natus is fuit anno 1562. Zegero patre, matre Elisabetha Walravens, in municipio ad secundum ab urbe Bruxellensi lapidem, *Leeuwis S. Petri* nuncupato. Aristotelem, quem Duaci hauserat, Lovanii explicuit, Ss. Theologiae Magisterio ab anno florentis ætatis primo & trigésimo, diè nimirum 22da Augusti a. 1594. ob insignem, quem ista in scientia fecerat, progressum ibi condecoratus. Magnam sibi æstimationem peperit intra ipsos sedecim annos, quos Professor Regius simul & ad D. Petri Canonicus docendæ Lovanii Theologiæ, & Meditationibus Theologicis, præter alia succi plena & eruditionis opera, in lucem edendis impendit; majorem, dum per annos tredecim Regio Pastorum Seminario ibidem præfuit; maximam, cum Antverpiensi in Cathedra, quam diè Augusti septima a. 1611. per Revmos DD. Matthiam Hovium, Archiep. Mechlin., Carolum Masium Gandav. ac Jacobum a Castro Ruræmund. Episcopos inauguratus confecerat, ceu carus omnibus & venerabilis, Pater, Pastor, Præful annis 22. mensibus 2. diebus 14. præfuerit, præluxerit. - Antverpiæ septuagenario major decessit anno Christi 1633. XII. Cal. Nov. ibidemque in Choro Cathedrali tumulatus, splendido sub marmore quiescit. Magnificum ostentat Lovanienfis Academia Collegium Theologorum, sumptibus Malderi erectum.

Vide Hist. Episcopatus Antwerp. apud Franc. Foppens a. 1717. Bruxellis editam, & Cassillonii Sacr. Belg. Chronolog.

STATUTA & ORDINATA

A Revmo Domino, D. GEORGIO, Episcopo Yprensi,

Eodem anno Christi MDCXXX.

in Congregatione Decanorum suæ Diœcesis,

HABITA

YPRIS 2da ET 3tia OCTOBRIS.

GEORGIUS, DEI gratia, Episcopus Yprensis.

ANno præterito, post factam visitationem magnæ partis bujus nostræ Diœcesis, curavimus publicari Ordinationes, quas in congregatione Decanorum, habita initio Octobris, conceperamus: verum cum peracta jam prima totius Episcopatus nostri visitatione, Nobis constitisset, pleraque executioni necdum esse demandata, aliaque etiam notassemus, quæ merito a sollicitudine nostra remedium postulare videntur; præhabita iterum aeliberatione

cum Decanis, omnibusque mature consideratis, necessarium judicavimus, dictas nostras Ordinationes innovare, prout præsentî Decreto innovamus; ac insuper, pro salubri directione Cleri & populi Nobis commissi, infra scriptas præcedentibus adjungere: mandantes omnibus & singulis, quorum interest, sub penis prout de jure, ut tam bis, quam illis sese summa promptitudine conformare non omitant.

De Decanis, Pastoribus, ac eorundem congregatione & visitatione.

I.

Quia molestum & sumptuosum foret, singulis annis solemnem Synodum Diœcesanam celebrare; diversis aliis Diœcesibus Nos con-

formantes, & in primis Sedi Metropolitanæ, cui subsumus, Congregationem Decanorum, loco solemnis Synodi, annuatim celebrare decrevimus; ad quam

Tomus IX. Concilior. German.

V v v 2

sicut

sicut neminem alium evocandum duximus, ita quoque liberum facimus Pastoribus (ne simul omnes a suis Parochiis abesse cogantur) ut per dictos suos Decanos; aliis vero, ad Synodos Diocesanas veniendi jus habentibus, ut in persona propria, si voluerint, compareant, & proponant, si quæ proponenda judicaverint.

II.

Quare omnes Decani posthac, absque alia convocatione, quotannis, prima feria secunda Octobris, juxta Statuta Synodatica, aderunt Ypris; & altero die mane hora octava in Sacello nostro domestico se fistent, gratiam Spiritus Sancti nobiscum invocaturi; ac deinde audieturi, quæ post mutuam collationem, & deliberationem, pro utilitate animarum statuenda & ordinanda duxerimus.

III.

Ut autem dicta Congregatio fiat cum majori fructu, Decani quotannis, post festa Paschalia, præmittent visitationem Ecclesiarum sui districtus, juxta instructionem Statutis Synodaticis præscriptam; in qua, præter ea, quæ ibidem continentur, dispicient, an Ordinationes nostræ observentur, & an habeant librum status animarum; docebuntque illos dictum librum conficere juxta formam Ritualis Romani. Præterea si quem defectum in moribus vel decenti Sacrorum administratione notaverint, gravi monitione emendare studebunt; actaque suarum visitationum ante medium mensis Julii, nitide descripta, & signata, ad Nos transmittent.

IV.

Inter alia etiam singulariter commendamus Decanis, ut, dum visitant, serio moneant & hortentur Pastores, quatenus vitam suam ita componere studeant, ut nullum tempus otio diffluere sinant: in quem finem poterunt ab illis exigere rationem & distributionem temporis, qualiter scilicet illud transigant, & in quibus se exercent, an, & quos libros spirituales legant; an singulis diebus aliquod tempus orationi mentali impendant; an conscientiam suam statuto tempore examinent;

cui & quoties confiteantur; an, & quibus studiis vacent: inspectisque illorum libris, non erit inutile aliquando his de rebus familiares sermones instituire, ut & profectum illorum intelligere, & Nos suo tempore debite valeant informare.

V.

Præterea post festum S. Joannis celebrabunt Decani annuatim Capitulum Pastorum sui districtus, ordine ac tempore hic descripto: Decanus Poperingenensis prima feria secunda post festum Nativitatis S. Joannis Baptistæ: Feria quarta immediate subsequente, celebrabit Capitulum Decanus Bergenensis: huic feria secunda proxima succedet Capitulum Furnense: deinde feria quarta subsequente Neoportuanum: post illud prima feria secunda celebrabitur Capitulum Dixmudanum: deinde feria quarta Waestenense; subsequente feria secunda Baillionanum: ac feria quarta Caslerense. Porro aliquo Festo in feriam secundam aut quartam incidente, celebrabitur Capitulum postridie.

VI.

In his Capitulis, post invocationem Spiritus Sancti, singulis erit lisitum, ordine suo proponere, & serio tractare difficultates, quas in administratione sui officii, & executione Statutorum, ac Ordinationum Episcopaliū patiuntur, communique suffragio remedium in facilioribus adhibere, vel per Decanum (ad quem etiam Pastores pro Concilio immediate semper recurrent, prout Decani ad Nos) graviora, & ea, quæ pro utilitate Ecclesiarum expedire judicabunt, tempestive Nobis suggerere, ut desuper in proxima Congregatione Decanorum, vel alias, opportune providere valeamus.

VII.

Porro sicut sumptuum excessum in visitationibus Decanorum, & Congregationibus Pastorum, merito damnarunt Statuta Synodatica; ita etiam Nobis visitantibus moderamen servari volumus: ac in illum finem Pastores conabuntur impedire inutiles expensas, quas passim in singulis pagis, prætextu nostræ visitationis, fieri dolemus: quod

si circa meridiem alicubi descedendum erit, tempestive curabimus significari, ac moderatam ibidem refectionem Nobis parari permittemus.

VIII.

Necessitati afflictorum consulere volentes, autorisamus Decanos, ut Pastoribus suorum respective districtuum, aut alicui idoneo Sacerdoti faculari, vel Regulari possint committere facultatem exorcizandi; limitatam tamen, vel ad tempus, vel pro certa persona, familia, aut loco, prout in Domino expedire judicaverint: quare Pastores, quibus non est concessa similis facultas, suos subditos, hoc remedio indigentes, ad Decanos mittent, ne cum magno incommodo ad Nos recurrere cogantur.

De Sacramentis, & Sacramentalibus.

I.

Quotidiana experientia advertimus, plures in pagis esse adultos necdum confirmatos, ex eo, quod sæpius similes pro dicto Sacramento ad Nos excurrant: quare monemus Pastores, ut hos in libro status animarum annotatos, diligenter moneant, curentque, ut ad hoc Sacramentum rite suscipiendum bene instructi, & parati Nobis se fiant.

II.

Caveant Pastores in Manuali confitentium notas aliquas scripto apponere, unde vel infamiz, vel suspitionis alicujus justa præbeatur occasio.

III.

Reipsa compertum est, per nimiam casuum reservationem pœnitentes, dum ad alios remittuntur, sæpius vel a confessionis remedio arceri, vel a Pastoribus suis alienari. Quare huic malo obviam ire volentes, posthac solos infra-scriptos casus Nobis reservare decrevimus, prout præsentî declaratione reservamus: nimirum, incendium ex deliberata voluntate factum aut procuratum, hæresim, homicidium voluntarium, Sodomiam cum eodem sexu, & alia ejusdem generis graviora, raptum virginum, adulterium publicum, ince-

stum in primo & secundo gradu cum consanguineis, aut affinibus ex thoro legitimo, fornicationem sacrilegam cum Sanctimonialibus, injectionem manuum violentam deliberato proposito cum læsione in parentes factam; & omnia delicta, quæ excommunicationem Ordinario reservatam annexam habent.

IV.

Omnibus porro & singulis Parochis, ac quibuscumque Confessariis inhibemus, ne de casibus supradictis cognoscere, aut quemquam ab illis, extra mortis periculum, absolvere præsumant, nisi specialiter, & expressis verbis a Nobis facultatem obtinuerint.

V.

Valde incommodum & indecens est, sedes confessionales in angulis Ecclesiarum, vel ita Altaribus contiguas collocari, ut pœnitentes, ac celebrare aut communicare volentes impendant, prout multis in locis practicari vidimus. Quare committimus Decanis, ut in proxima suorum districtuum visitatione curent similes sedes transferri loco decenti, honesto, & conspicuo, ut ad illas facilis & liber pateat accessus.

VI.

Meminerint etiam Confessarii, sed dum pœnitentes audiunt, in sacro Ecclesie tribunali sedere ut conscientiarum Judices, arque ut spirituales animarum Medicos & Doctores: ac proinde nec leviter, nec perfunctorie hoc Sacramentum tractandum, sed cum magna attentione, judicio, & circumspeditione; ut cognito pœnitentium interiori statu, congrua adhibeant vitiis remedia, sententiamque ferant animarum saluti opportunam.

VII.

Sub initium Quadragesimæ Pastores subinde monebunt & docebunt populum, ut ad Sacramentum Eucharistie in Paschate sumendum digne se præparent; nec satisfacere præcepto, qui extra Ecclesiam suam Parochialem communicaverit; vel tempus Paschale, absque nostra, vel Pastoris sui licentia, nisi in casibus permisis, prævenierit, aut procrastinaverit; sed tales Curie nostræ denuntiandos: in quem finem

Pastores visitabunt suam Parochiam tempore per Statuta Synodatica præfixo, & ante festum Pentecostes nomina defectuosorum transmittent Promotori.

VIII.

Ad sacros Ordines promovendi, nisi juxta Decretum Concilii Tridentini, & Provincialis, ac Statuta Synodatica, vitæ, morumque, ac proclamationis factæ, debita attulerint testimonia, ne quidem ad examen posthac admittentur: quod ut omnibus innotescat, uno mense ante proximam ordinationem hoc ipsum publicari per Pastores mandamus.

IX.

In testimonio natalium, quod pro prima tonsura requiritur, non sufficit exprimere nomen patris & matris ipsius ordinandi, sed etiam exprimi debet, an sit parentum suorum filius legitimus.

X.

Facile contingit vinum Sacrificio Missæ destinatum acefcere vel corrumpi, nisi poculo bene mundato, & clauso, ac loco convenienti asservetur: ideo Pastores advigilabunt, ut Custodes, vel illi, quibus hoc incumbit, necessariam diligentiam adhibeant; & nihilominus non ultra tres, aut quatuor dies dictum vinum extra proprium vas in poculis conservari mandamus.

XI.

Altarium portatilium permissio in consuetudinem trahi non debet. Quare cum in singulis locis operam nostram ad consecrationem eorundem impenderimus, nemo in Ecclesiis, in quibus aliquod altare est consecratum, deinceps in portatili celebrare præsumat: ubi vero nullum adhuc esset consecratum, altaris portatilis usum usque ad Kalendas Octobris anni insequentis tolerantes, deinde omnino & stricte prohibemus sub poena suspensionis, nisi ex urgente causa, scriptis expressa, alicubi permiserimus.

XII.

Dedecet auferre lapides a sepulchris, & illos applicare pro tabulis altarium, maxime quamdiu in illis appa-

rent effigies vel inscriptiones defunctorum: quare posthac similibus uti ad dictos usus prohibemus.

XIII.

Ubi nova vascula pro sacris liquoribus debent confici, sicut illa posthac ex argento fieri præcedentibus Ordinationibus mandavimus; ita etiam unum, ab aliis separatum, pro Oleo infirmorum, curabunt Pastores; singulaque suis notis & characteribus ita clare distincta, ut facile ab invicem discerni queant: videlicet his notis, sacrum Chrisma, CH. Oleum Catechumenorum, O.C. Oleum infirmorum, O.I.

XIV.

Pravam consuetudinem, qua plerumque ruri non solet accersiri Pastor ad ægros, nisi jam moribundos, conabuntur sedulo omnes curam animarum habentes, qua monendo, qua exhortando emendare; & nihilominus, ne similes cum animæ periculo Sacramentis Ecclesiæ destituantur, Pastores, quandocumque domo egrediuntur, domesticis suis, vel Custodi significabunt, quonam vadant, & ubinam, occurrente necessitate, reperiri poterunt.

XV.

Postulat fraterna charitas, ut, quos in vita habuimus laborum socios, iisdem post mortem Christianæ pietatis impendamus officium. Quare mortuo aliquo Pastore, cæteri ejusdem districtus, per Decanum moniti, prima commoditate Missam pro refrigerio ipsius animæ celebrabunt: & similiter pro Decano non solum Pastores sui districtus, sed omnes hujus Episcopatus Decani idipsum præstare non omittent.

XVI.

Et quia plures, juxta Decreta Concilii Tridentini & Provinc. ac Principum Edicta, jubentur facere Professionem Fidei, quæ secundum formam a Pio Quarto præscriptam intelligi debet; judicamus eandem Flandrico idiomate in fine harum Ordinationum inferendam, pro usu & intelligentia eorum, qui Latinam linguam ignorant.

De Officio Divino, & observatione Festorum.

I.

Quia in novissimo Concilio Provinciali ordinatum est, ut in omnibus pagis totius Provinciæ Missa Parochialis Dominicis & Feriis diebus certa & eadem hora semper fiat; eam, quantum fieri potest, determinantes quoad hanc nostram Dicecesim, mandamus, quatenus officium Parochiale matutino tempore ita disponatur, ut Summum Sacrum una cum concione in ætate finiatur circa undecimam, hyeme ad medium duodecimæ.

II.

Decani & Pastores omnem adhibeant diligentiam, ut dies Festi & Dominici debite colantur: ac inter alia serio & tempestive agent cum Dominis temporalibus, & illis, quorum interest, ut nullo prætextu permittant diebus Dedicationis, aut Festivæ alicujus solemnitatis, exponi venales merces, usui domestico aut familiæ necessarias, vel vestibus conficiendis, aut corporis ornatui destinatas: sed tantum ea, quæ ex usu Ecclesiæ hætenus per dissimulationem toleravit, ut sunt crepundia, & puerorum ludicra, idque extra Officium Divinum: quod si dictos Dominos temporales, vel Magistratus, aut Officiarios, difficiles hac in parte repererint, Nobis rescribent, ut de fortiori remedio prospiciamus.

III.

Quando propter necessitatem occurrentem aliqua opera manualia videntur permittenda, illud fiet de licentia Decani, si ibidem resideat, aut facilis ad illum detur accessus; alias sufficiet licentia Pastoris: ita tamen, ut dicta licentia non detur ultra unum diem: & ad præcavendas fraudes, quæ in similibus aliquando praticantur, volumus, ut in testimonio licentiæ concessæ annotetur hora dictæ concessionis.

IV.

Ordinationem Prædecessoris nostri, qua exequiæ, & anniversaria celebrari prohibentur die Dominico, aut Festivo, ab omnibus observari volu-

mus: autorisamus tamen Decanos, ut necessitate urgenti occurrente, idipsum in suo districtu permittere possint.

De bonis Ecclesiasticis conservandis & administrandis.

I.

Expedit Pastores vel Sacellanos per se recipere fructus sui Beneficii, nec permittere illud Sæcularibus in subsidium pensionis, annuatim a Parochia recipiendæ: si quid tamen ad justam competentiam defuerit, illud ex conventionem cum Scabinis & notabilibus faciendæ, ab illis recipi poterit.

II.

Omnes Beneficiati in hac Dicecesi, si a capta possessione suorum Beneficiorum non tradiderint Decano, cui subsunt, plenam & exactam, atque ab ipsis signatam specificationem omnium fructuum sui Beneficii, cum debita designatione hypothecarum, limitum, & terminorum, prout præscribitur in novissimo Concilio Provinciali, id præstabunt in proxima visitatione Decanorum, quæ fiet post Pascha anni subsequenti; addendo insuper onera, census & redditus, quibus dicta bona gravantur, de quorum adimpletione & solutione singulis annis tempore dictæ visitationis per apochas vel aliter sufficienter docebunt, & Decani inter acta visitationis, qualiter hoc factum fuerit, annotabunt.

III.

Præterea Decani, ubi habuerint dictas specificationes, non different sibi conficere exactum eorundem registrum, cum expressione limitum, hypothecarum, & onerum, ut supra; illudque Nobis postea transmittent, in Archivis Episcopalibus asservandum.

IV.

In auditione computuum fabricæ, mensæ pauperum, aliarumque piarum foundationum, curabunt Decani, vel Pastores, qui nostro nomine illos audiunt, non solum ut adducatur clausura computus præcedentis, prout habent nostræ Ordinationes; sed etiam ut purgetur clausura super illo computu, annotando ibidem, qualiter dicta clausura sit adducta in computu sequenti.

V.

V.

Quia sæpenumero contingit, Ecclesiam, vel mensam pauperum, aut similes pias fundationes magnum pati damnum, ex eo, quod arbores in fundis illarum plantatæ negligantur, vel indebite alienentur: idcirco posthac in singulis computubus volumus annotari in quolibet articulo, si quæ arbores ibidem crescant, quot, & quales illæ sint, donec ad usum & utilitatem fundationis legitime applicentur, vel dividendantur: quod nec tunc aliter fieri permittimus, quam novis ibidem substitutis; quæ sicut in locum veterum succedunt, ita etiam in sequentibus computubus similis earundem fiet mentio.

VI.

In hunc finem primo quoque tempore, vel saltem antequam expiret currens arrenda, lustrabuntur dictæ terræ per Pastorem & Præfectos, fietque dictarum arborum per singulas terræ partes specificatio, & inventarium, per eosdem signandum, & asservandandum cum reliquis Ecclesiæ munitimentis; cujus copia dabitur Receptori, ut juxta illud computum formare valeat: & si quæ sint terræ minus plantatæ, aptæ tamen ad arbores ferendas, in nova arrendatione curabunt per futurum conductorem tot & tales plantari, & enutriri, quot & quales natura & quantitas fundi permittit.

VII.

Similis diligentia fiet futuris temporibus ante finem cujuslibet arrendæ; tum ut collato inventario dispicere valeant, an aliquæ arbores indebite fuerint excisæ, & an conductores satisfecerint conditionibus stipulatis; tum ut ex oculari inspectione instructionem capiant pro proxima elocatione.

VIII.

Denique, si quas difficultates Pastores præsciant vel prævideant movendas in computubus, tempestive præmonebunt suos Decanos, ut a Nobis, si opus fuerit, consilium petere, vel, si interesse potuerint, instructi venire valeant.

IX.

Et quia ad sumptus Seminarii Episcopalis ferendos, juxta Decretum Concilii Tridentini & Provincialis, Beneficia Ecclesiastica, quæcumque illa sint, portionem aliquam contribuere tenentur, quam dictum Concilium Provinciale declaravit esse circiter sexagesimum nummum: ne aliqui Pastores aut Beneficiati, prætextu alicujus forsan conniventiae, aut nimii oneris, diutius se excusatos credant, singulis moderatam aliquam taxam assignavimus, quam ex suis Decanis in proxima Congregatione intelligent, & quotannis, dum pro sacris Oleis accedunt, ad manus eorumdem sine dilatione solvi volumus.

De Scholis, & Catechismo.

I.

EA, quæ novissimo Concilio Provinciali, nostrisque ac Synodaticis Ordinationibus pro Scholarum directione, juventutis educatione, ac puerorum catechizatione sancita sunt, ab omnibus, ad quos spectant, sæpius relegi, & seposita omni excusatione observari volumus: quibus, pro faciliiori methodo, infra scripta duximus adjungenda.

II.

Nulli in hac Diœcesi permittitur Scholam aperire, nisi facta prius Fidei professione, a Nobis, vel hujus Civitatis Yprensis, vel oppidi Scholastico, aut sui districtus Decano, admissionis suæ testimonium in scriptis habuerit.

III.

Si quis ex nunc admissis Fidei professionem in sua admissione non emisit, infra mensem a die monitionis ipsi faciendæ illud ad manus Scholastici, vel Decani, ut supra, præstabit; simulque promittet, se has Ordinationes pro posse suo servaturum.

IV.

Insequendo mentem ultimi Concilii Provincialis, qua masculos a viris, puellas a mulieribus tantum instrui optat, serio monemus omnes, & hortamur, ut Ludimagistri puellas, quas nunc docent; similiter Ludimagistræ masculos

maſculos a Scholis ſuis dimittant, nec ſimiles poſthac amplius recipiant: ubi tamen nullæ ſunt mulierum Scholæ, vel ubi propter parentum importunitatem illud adhuc tam cito impetrari non poterit, expreſſe inhibemus, aliter puellas a viris, & maſculos a mulieribus doceri, quam horis, vel locis, ſeu interſitiis ſeparatis.

V.

Item ordinamus, ut primus liber, qui pueris legendus proponetur, ſit parvus Catechiſmus, cujus titulus eſt A.B.C. oſt *Beghinsel der Weisheydt*; nec ad alium legendum quemquam admittant, donec illum perfecte & memoriter calluerit: deinde utantur Catechiſmo Mechlinienſi, & ſic ad alios libros docendos tranſire poterunt; non alios tamen, quam qui in Catalogo, noſtro juſſu edito, & infra inſerto, continentur; nec aliam materiam ad ſcribendum proponent, quam quæ ad formandam pietatem, vel bonos mores ſubſervire poterit.

VI.

Initium docendi ſemper faciet Magiſter formando ſignum Crucis alta & intelligibili voce, quem pueri omnes ſimiliter ſequentur; & pro concluſione, antequam dimittantur a Scholis, vel ipſe Magiſter, vel alius ex peritioribus, ſimili voce præleget aliquid de diſto parvo Catechiſmo, cæteris ſimiliter reſpondentibus.

VII.

Ludimagiſtri assignabunt pueris ſingulis hebdomadibus aliquam lectionem ex diſto parvo Catechiſmo; quam memoriter diſcent, & pridie Catechiſmi illam cunctis audientibus recitabunt: cui exercitio ſeu examini ad minus una hora impenderetur.

VIII.

Omnes, quibus Scholam aperire eſt conſeſſum, ducent ſuos diſcipulos diebus ſtatutis ad lectionem Catechiſtici: in quem finem curabunt illos tempeſtively aſſeſſe in Scholis, ut exinde bini & bini per ipſos Magiſtros ad locum deſtinatum deduci valeant, ſingulique ferent ſecum ſuum Catechiſmum, quem in Scholis diſcunt.

Tomus IX. Concilior. German.

IX.

Templum ingreſſi, omnes ſimul in medio Eccleſiæ flexis genibus recitabunt ſubmiſſe *Pater noſter*, & *Ave*; & tunc accipient ſcamna assignata; ita quod ubi plures ſunt Scholæ, ſingulæ ſuis diſtinguantur ſcamnis, & quiſque Magiſter ſuis adſit diſcipulis, ut illos in modestia contineat.

X.

Singuli catalogum ſuorum Scholariiſmum conſcient, & ſecum ad Catechiſmum ferent, ut videant, an omnes ſint præſentes; dictumque catalogum Præſectis Catechiſmini petentibus tradere non recuſabunt.

XI.

Finito Catechiſmo, eodem ordine, ſuos diſcipulos, binos & binos, ad Scholas uique cum modestia reducent, vel ſaltem non ante dimittent, quam longe ab Eccleſia & aliis Scholis ſeparatos.

XII.

Quod ſi aliquis diſcipulorum aliquoties a Catechizatione ſeſe abſentaverit, & monitus ſe non emendaverit, deferetur ipſius nomen per Ludimagiſtrum Catechiſtæ, vel Paſtori, aut Decano, vel Scholaſtico; ut de conuenienti remedio provideant, vel Superioribus negligentiam parentum (ſi forſan illi fuerint in mora) denuntiabunt.

XIII.

Et quia in locis, ubi plures ſunt Scholæ, ſæpius contingit pueros de una ad aliam tranſire, unde aliquando inter Ludimagiſtros oriuntur ſimultates & odia, Scholaſticus, Decanus, vel Paſtor ſtudebit has & ſimiles difficultates paterne & pacifice ſopire, ita tamen ut ante omnia ſatiſſiat Magiſtro a quo.

XIV.

Advigilabunt Magiſtri, ut ſuos diſcipulos non tantum legere & ſcribere doceant, ſed vel maxime, ut in pietate & modestia erudiant; qualiter nimirum Sacerdotes, Religioſos, Parentes, Magiſtratus & Seniores obſervare & revereri debent; res ſacras, & loca Deo dicata honorare; petulantiam & rixas tam domi, quam in plateis vi-

X x x

tare;

rare; Tempa & Officium Divinum frequentare: illosque omnes quinquies in anno, videlicet ante Festa Paschæ, Pentecostes, Assumptionis B. MARIE Virginis, Omnium Sanctorum, & Nativitatis Christi, uno, eodemque die ad Confessionem in sua Ecclesia Parochiali ducent, ubi a Pastore, vel Confessario assignato confessionis factæ scedulam accipient, Ludimagistro tradendam: & si aliquem defectuosum invenerit, talem Scholastico, vel Decano, aut Pastori denuntiabit, aliter, nisi satisfecerit, corrigendum.

XV.

Quæ de Ludimagistris puerorum superius dicta sunt, eadem etiam de Ludimagistrabus puellarum intelligenda declaramus.

XVI.

Si quis circa supradicta se negligentem ostenderit, subiacebit multæ decretæ vel decernendæ: & si contumaciter in sua negligentia perseveraverit, inhibebimus ipsi in hac Diœcesi Scholas aperire; rogantes Magistratus & Præfectos locorum, ut juxta intentionem Concilii Provincialis sine conniventia tam pueros, quam Ludimagistros ad horum observationem compellant.

XVII.

Pastoribus etiam injungimus (in locis, ubi nullus residet Scholasticus, aut Decanus, quibus alias hoc ipsum incumbit) ut Scholas ad minus semel in mense visitent, singulorum diligentiam in legendo & scribendo explorent, de pietate & modestia illorum inquirent, ad frequentationem Catechismi illos alliciant; in primis principiis doctrinæ Christianæ, de oratione matutina & vespertina, de modo faciendæ confessionis, inserviendi Sacro, similibusque minutioribus, ad unicujusque captum, breviter examinent; materiam proximæ lectionis Catechisticæ proponant; ad respondendum & repetendum, imo ad inter se, vel cum aliis Scholis, si plures sint, certandum animent: denique nihil omittant eorum, quæ ulla ratione teneram ætatem juvare, & utiliter dirigere posse existimant.

XVIII.

Similiter Pastores, maxime ruri, faciant duplicem catalogum eorum, qui sunt apti ad catechizationem, unum frequentantium Scholas, alterum non frequentantium, distinctum per vicos & familias; quem singulis annis, dum Parochiam suam visitant, secum conferrent, ut, quorum nomina addenda aut delenda fuerint, una eademque opera id commode fieri valeat: quod si ad opus tam necessarium comitem unum ex Magistratu aut notabilibus impetrare possent, prout in pluribus locis magno cum fructu practicatur, laudabile esset, & valde commendandum.

XIX.

Si quis extra Parochiam suam Scholam frequenter, vel viciniorem habet Ecclesiam alterius Parochiæ, suamque valde distantem, & difficilis accessus, Pastoris sui petat arbitrium: qui, si concesserit, ut alienam adeat Ecclesiam, tunc illius adscribetur catalogo, & iisdem tenebitur legibus, quibus illius loci Scholares.

XX.

Pueri, non Scholares, sedebunt locis seu scamnis distinctis a Scholaribus, prout etiam Scholares inter se, ubi plures sunt Scholæ; tum ut hac ratione, dum ex catalogo singulorum nomina recensentur, facilius annotari possint absentes; tum ut Catechista melius sciat examen seu quæstiones capui singulorum accommodare; tum vel maxime, ut pia æmulatione pueri, ipsique Magistri stimulentur, dum una pars recitantium unius est Scholæ, altera alterius.

XXI.

Rogandi etiam erunt Domini temporales, & Magistratus, prout instantur rogamus, & obsecramus, quatenus etiam ruri semel in anno, vel sæpius, si opus judicaverint, curent renovari Edicta de frequentatione Catechismi, multasque absentibus impositas exigi, ac tempore Catechismi omnes choreas, lusus publicos, & spectacula prohiberi.

XXII.

Et attento, quod Serenissima Princeps sæpius per literas suas declaraverit,

verit, voluntatem suam esse, ut in singulis locis aliquis de Magistratu, vel ab illo depuratus assistat Catechizanti, ad hoc ut ipsius præsentia tam necessarium & utile opus authorisetur; ne nos huic sancto Principis zelo defuisse videamur, viginti dies Indulgentiarum concedimus & elargimur illi, qui ex parte Magistratus catechizationi intererit.

XXIII.

Porro methodus catechizandi, licet semper & ubique difficulter possit esse una & eadem, tamen generalia quædam puncta ordinarie servari poterunt; verbi gratia, ut, pueris suis locis, ut supra, dispositis, & si opus fuerit, recensitis, lectio catechistica dividatur in tres partes. In prima, Catechista clara & alta voce formet sibi distincte signum Crucis, quod ipsum omnes pueri imitantur; deinde aliquot ex junioribus, seu rudioribus, etiam non Scholaribus, jubet surgere, idipsum facere, & similiter alta voce, ac tractim, ac distincte recitare Orationem Dominicam, Salutationem Angelicam, Symbolum Fidei; interrogetque eosdem, vel alios aliquanto peritiores de Deo trino & uno, de Persona incarnata, de Spiritu Sancto, de Mysterio Eucharistiæ, de animæ immortalitate, & similibus doctrinæ Christianæ primis principiis: ignorantes instruat, ac respondere doceat, aliquoties eadem ad captum auditorum explanando, & in responsionibus adjuvando.

XXIV.

Consumpto in hac prima parte circiter horæ quadrante, Catechista seligit aliquot paria juvenum, sive ex eadem, aut diversis Scholis, sive ex non Scholaribus; jubetque illos stare in angulis oppositis, loco eminentiori; ac facto signo Crucis, memoriter alta voce ac distincte recitare lectionem assignatam ex Catechismo, vel partem illius, ita ut unus interroget, alter respondeat, vicissimque sibi succedant: poteritque subinde inter recitandum illorum responsiones breviter repetere, & elucicare.

XXV.

Quibus finitis, ad tertiam & præcipuam partem lectionis Catechisti-

accedendum erit; quæ in eo consistit, ut lectionem recitatam paulo fufius explicet, proponendo sibi ipsi brevissimas quæstiunculas ad illius clariorem intelligentiam, ac illis respondendo, exemplisque ac similitudinibus illustrando: deinde easdem quæstiunculas proponet capacioribus pueris, ut ad eas respondeant, timidos & verecundos adjuvando, verbumque unum aut alterum quandoque suggerendo, quibus responsionem ostendat; quam si puer compleverit, vel aliquot verbis insinuet se aliquo modo intelligere, illum laudabit, & responsionem prosequetur, curando illum, vel alterum, aliquoties idipsum repetere. Et sic faciet Catechista de aliis quæstiunculis a se propositis, si tempus superfit; ita ut sicut ingeniosiores primo interrogat, sic postea eos, qui minus ingenio vel memoria valent, respondere faciat, ut omnes juxta capacitatem proficiant.

XXVI.

His peractis, poterit assignari lectio pro sequenti Catechismo, eadem, vel alia, prout Catechista expedire judicaverit: & sic facto per omnes signo Crucis, absolvitur lectio prout cepta fuit.

XXVII.

In locis frequentioribus juvabit aliquando instituere celeberrimum aliquod certamen Catechisticum, & invitare Dominos temporales, Magistratum, & notabiles, ut velint interesse, ac præmia distribuere, adhibito ad splendorem exteriori aliquo apparatu, quo pueri ad similia exercitia excitentur, & animentur.

XXVIII.

Sæpius etiam recogitent Parochi, hanc juventutis instruendæ obligationem adeo functioni Parochiali annexam, ut si in hac parte remissiores vel negligentiores extiterint, ipsorum periculo hoc Religionis & Reipublicæ semen sine fructu corrumpetur; e contrario, si, prout debent, zelo animarum agantur, sicut aspera in vias planas, omneque laboris tædium unctio celestis alleviabit.

XXIX.

XXIX.

Ac quamvis methodus antedicta maxime serviat pueris in doctrina Christiana instruendis, qui ordinarie sub catechistica lectione videntur comprehendere; tamen quia Parochi omnibus sunt debitores, nec grandiores natu, si rudes sint vel ignari, ut plerumque sunt famuli, mechanici, & artifices, debeant negligi; idcirco, attentis circumstantiis loci, & personarum, sedulo dispicient Pastores, quibus mediis similes erudiri valent.

XXX.

In quem finem non inconsultum putamus, dum Parochias suas visitant, convocatis subinde unius familiæ prolibus, in præsentia adutorum speciem aliquam examinis catechistici ita artificiose instituere, ut etiam grandiores natu, quasi familiari colloquio, ad respondendum invitentur: item, si semel in mense, die Festivo, pro materia concionis proponant aliquam materiam catechisticam, divisam in aliquot puncta & conclusiones, quas ingeniosi aliquot pueri, prius ad hoc instructi,

ordine possent recitare, & Parochus ex suggestu tractim, & ad captum rudiorum singula clare explicare: speramusque, novitate hujus exercitii, maxime si Dominica præcedente sub concione invitentur, plures cum fructu alliciendos.

XXXI.

Denique, ut paucis multa completamur, serio commendamus Parochis, quatenus solliciti pro animabus sibi commissis, omni loco & tempore, opportune, importune occasionem lucrandi oblatam arripiant, nec ullum, quantumvis pauperem, miserum, mendicum, aut vagum, defectu diligentiae & instructionis, in ignorantia sua jacere permittant; quippe qui eodem illo magno pretio redempti, ac ejusdem cum cæteris Christianis gloriæ capaces, sicut eundem habent Patrem in cælis, ita & eodem doctrinæ pane a fideli dispensatore enutriti debent in terris. Actum ut supra. (*)

GEORGIUS, Episcopus
Yprensis.

(*) Subjicitur lingua Belgica & Professio Fidei, & Catalogus librorum, in Scholis prælegendorum juventuti, atque explanandorum.



STATUTA ET ORDINATA

A Revmo Domino, D. GEORGIO, Episcopo Yprensi,
Anno Christi MDCXXXI. Urbani VIII. Papæ IX.
Ferdinandi II. Imp. XIII.

in Congregatione Decanorum suæ Diœcesis,

HABITA
YPRIS 7^{ima} ET 8^{va} OCTOBRIIS.

GEORGIUS, DEI gratia, Episcopus Yprensis.

Interfuimus Capitulis, seu Congregationibus, quas juxta nostras Ordinationes, anno præterito emanatas, Decani in suis districtibus hoc anno celebrarunt, pluraque in singulis Nobis utiliter fuerunt suggesta, super quibus tamen nostram resolutionem distulimus, donec omnibus auditis, & in congregatione Decanorum postea propositis, ac mature discussis, ea statuerentur, quæ pro necessaria &

magis commoda directione Cleri, & populi Nobis commissi, communi suffragio viderentur opportuna. Quare dicta deliberatione cum iisdem præhabita, infra-scriptas Ordinationes duximus publicandas; quas simul cum iis, quæ duobus annis præcedentibus statuimus, ab omnibus, quorum interest, diligenter observari mandamus.

I.

AC in primis, sicut præcedentibus nostris Ordinationibus Pastorum absentiam ad limitatos dies restrinximus; ita etiam Capellanos, qui ad subserviendum Pastori in suis functionibus & Officio Divino admissi sunt, ultra tres dies continuos a Parochia sua abesse non permittimus, nisi de licentia Decani: sed nec ad unum diem, nisi Pastore præmonito, & consentiente; ut hac ratione debita subordinatio servetur, & utriusque simul præcaveatur absentia: idque sub multa trium librarum Parisiensium, toties, quoties contravenerint, incurrenda.

II.

Custodes etiam, qui omni hora parati esse debent, ut Pastoribus subserviant, cavebunt sine ipsius licentia a Parochia sese absentare: imo quoties ob negotia domo sua abesse cogentur, domesticis, si quos habent, vel ipsi Pastori, aut vicino, significabunt, quonam vadunt, ut, si necessitas ingruat, statim inveniri queant.

III.

In assumendis dictis Custodibus advigilabunt Pastores, ut ea exacte serventur, quæ in ultimo Concilio Provinciali & Statutis Synodaticis, quoad illorum personas & officia, ordinata sunt; maxime autem, ut Sacerdotes præ cæteris assumantur, vel alias in Sacris constituti: ubi vero tales haberi non possunt, posthac soli cælibes & tonsurati ad huiusmodi ministerium admittantur (nisi ob evidentem utilitatem, aut necessitatem; aliquando dispensandum judicaverimus) qui se in Divino Officio non solum superpelliceo, sed etiam toga usuros promittant: quam si paratam non habent, infra breve tempus, per Pastorem vel Decanum præfigendum, sibi comparare tenebuntur; quod, ut efficacius obtineatur, poterit illorum prima admissio, si opus sit, ad simile tempus, & sub tali conditione limitari.

IV.

Custodes porro semel admissos sæpius monebunt Pastores, & diligenter instruent in iis, quæ sui sunt mu-

neris; signanter, ut ea, quæ cultum & Officium Divinum spectant, non perfunctorie, non negligenter, sed cum summa decentia, & debita consideratione exequantur; Ecclesiam, & sacram supellectilem, sibi concreditam, mundam, nitidam, & bene compositam habeant: ad quod plurimum juvabit, si Pastores ipsi suo exemplo præeant, & non solum ea, quæ alias super hoc præscripsimus, magna sedulitate observare studeant, sed sua etiam industria Ministros Ecclesiæ adjuvare non detrectent.

V.

In omni supellectile argentea curabunt Pastores insculpi nomen Ecclesiæ, ad quam illa pertinet; ut hac ratione facilius ad verum Dominum redeat, si forte furto auferatur, aut alias deperdatur.

VI.

Sæpius contingit, maxime ruri, clausuras computuum fabricæ, dum est in anterioribus, nimis facile impendi in emptionem novarum campanarum, sine necessitate: unde fit, ut ad plures annos maneat Ecclesia gravata, interim dum illa indiget supellectile & ornamentis omnino necessariis, & quibus carere non debet pro Officio Divino, ut decet, complendo: quare Pastores posthac similes expensas ad onus fabricæ fieri non permittent absque nostra speciali licentia.

VII.

Decet omnino, ut uniformitas ubique servetur in iis, quæ Divinum spectant Officium, ac ut omnes Rubricis Cæremonialis Romani sese conformare studeant: quare in locis, ubi concio solet haberi sub Summo Sacro, illam immediate post decantatum Evangelium fieri debere declaramus.

VIII.

Similiter studebunt Pastores in Officiis trium dierum ante festum Paschæ, sese conformare Rubricis & Ordinationibus Missalis & Cæremonialis Romani, tam quoad Communionem Cleri, quam celebrationem Sacri.

IX.

Inexcusabile est, & scandalosum, Pastores & deputatos Magistratum, cum

cum Terminariis in Quadragesima, prædicata Passione, edendi vel bibendi causa tabernam accedere. Itaque Pastori- bus idipsum sub pœna sex florenorum interdiciamus; mandamusque iisdem, ut tempestive præmoneant omnes, ad quos pertinet, ne sumptus ea occasione fieri permittant; quodque similes expensas curabimus posthac rationibus Ecclesiæ & mensæ pauperum expungi: si autem defatigatio Terminarii requirit refectioem, poterit illi dari extra tabernam, & quæ sacro tempori sit congrua.

X.

Parochi omnem adhibeant sollicitudinem & diligentiam, ut tremendum Eucharistiæ Sacramentum, quo nihil habet Ecclesia dignius, nihil sanctius, ea, qua decet, reverentia; summoque cultu custodiant, tractent, & administrent; præscriptas genuflexiones accurate observent, quoties sub Officio Divino vel Missa exponitur, aut quando repositorium, in quo custoditur, aperiunt, claudunt, vel pertranseunt: dictas genuflexiones, velut etiam benedictiones cum pyxide vel remonstrantia faciant tractim, cum decore, & summa modestia, oculis, ac toto corporis habitu ad devotionem compositis: deum nihil omittant, sive in ornatu, sive in exteriori apparatu, eorum, quæ vivam fidem de tantæ Majestatis præsentia in populo excitare valent.

XI.

Singulis annis, quando sub initium Quadragesimæ promulgabit Pastor Decretum de Communione Paschali, simul etiam declarabit pœnas Cap. *Omnis utriusque sexus*, contra negligentes statutas; nimirum, quod qui in Parochia sua non communicaverit, vivens ab Ecclesiæ ingressu arcebitur, & mortuus Christiana carebit sepultura. Et quia intelleximus, non deesse, qui proles suas a perceptione Eucharistiæ retardant, prætextu quod non pervenerint ad annos discretionis; re tamen vera, ut jura exequiarum non solvant, si illas ante susceptam in Paschate Eucharistiam e vivis discedere contingat; volumus, ut prima Communio a Pastoris pendeat judicio: qui

sicut nec promiscue omnes admittere debet; ita etiam, delectu per familias habito, grandiores, prius bene probatos & instructos, ac aliquot ante diebus examinatos, ad dictam primam Communionem in Paschate sumendam serio monebit: & quos procrastinare perceperit, dictis pœnis subjiendos declarabit. Et ulterius declaramus, omnes, qui completo duodecimo ætatis anno moriuntur, teneri ad jura exequiarum, licet nondum communicaverint. Non intendimus tamen per hoc præjudicare consuetudini, ubi dicta jura persolvuntur ab iis, qui communicarunt etiam ante dictum annum duodecimum.

XII.

Quod Statutis Synodaticis ordinatum est, ut Matrimonium celebretur inter Missarum solemniam, ita omnino servari volumus, ut diebus Dominicis & Festivis desponsi contrahere volentes, compareant in Ecclesia ante summum Sacrum; (nisi aliud Sacrum celebretur, sub quo possint contrahere;) diebus vero feriatis hora per Pastorem præfigenda, quam ultra medium duodecimæ differri non permittimus; auctorisantes Pastores ad hoc, ut serius venientes in alterum diem remittant: quod etiam locum habere volumus in mulieribus, quæ pro purificatione Ecclesiam accedunt, si tarditatem ex negligentia provenire Pastor deprehenderit: & ne quis hujus ignorantiam prætentat, mandamus illud de suggestu publicari, & nihilominus, data occasione, sponso hac de re tempestive præmoneri.

XIII.

Proclamationes antenuptiales semper fieri debent in Parochia, ubi contracturi Matrimonium degunt: si tamen recentior ad illam advenerint, sicut etiam dictæ proclamationes in locis, ex quibus venerunt, & ubi ratione domicilii, aut habitationis propriæ, vel parentum, certior notitia haberi poterit: quod si diversarum sint Diocesium, Decanatum, vel Parochiarum, servetur Decretum novissimi Concilii Provincialis *T. X. Cap. III.* moderantes quoad hoc Statuta Synodatica, & declarantes, quod, quoties faciendæ sunt aliquæ

aliquæ proclamationes in locis, ubi sponsi aut sponsæ non habitant, non obligantur solvere, nisi consuetum jus proclamationum.

XIV.

Noverint Pastores, *Cap. XV. Tit. XIX.* in Statutis Synodaticis prohiberi non tantum solemnitates nuptiarum, sed etiam contractum matrimonialem tempore clauso, nisi a Nobis, aut Vicario nostro licentiam obtinuerint.

XV.

Attento, quod taxa Pastoratuum ad usum Seminarii Episcopalis sit omnibus notificata, declaramus, primi anni solutionem cedere in Paschate M.DC.XXXII. & sic de anno in annum, quam ad manus Decani singuli curabunt numerari, dum pro sacris Oleis accedunt.

XVI.

Ordinationem anni superioris, de exigenda per Decanos ab omnibus Beneficiatis in hac Diœcesi specificatione fructuum sui Beneficii, innovantes, declaramus, illud etiam intelligi de Regularibus, qui Pastoratus administrant Monasteriis unitos, vel ab iis dependentes: quos etiam in omnibus, quæ officium Pastorale concernunt, Ordinationibus nostris, & Decanorum curæ subesse, nulli potest esse dubium: quod si aliqui horum non habeant certam dotem, auctorisam Decanos, ut in proxima visitatione, vel prima opportunitate, cum Prælati tractent de assignanda illis certa competentia: ac inter acta visitationis referant illorum responsum.

XVII.

Porro in dicta specificatione bonorum facienda per Beneficiatos hujus Diœcesis, volumus etiam fieri debitum inventarium arborum, in fundo dictorum bonorum crescentium, ad finem, ut juxta Statuta Prædecessorum nostrorum, nullus sine nostra licentia easdem cedere præsumat.

XVIII.

Dolendum est, rudem populum adeo superstitionibus inquinari, ut passim plures vanæ observationes, quasi certa boni vel mali ominis signa, ha-

beantur; quare ex regula tradita in Concilio Provinciali *Tit. XV. Cap. III.* subinde docebunt Pastores (maxime in locis, ubi isti abusus vigent) obnoxium esse superstitioni, quod desponsi nolint audire suas proclamationes antenuptiales: quod illas velint fieri potius diebus Dominicis, quam Festis: quod mulieres nolint purificari feriis sextis: quod ancillæ nolint inchoare servitium feria secunda: quod abundantiam fructuum sibi pollicentur, si certo die arbores circumligentur stramine; & cætera hujusmodi, quæ operibus, alioquin non malis, circumstantias admiscant, quæ nec ex natura sua, nec ex ordinatione Ecclesiæ, nec ex institutione Divina, effectum aliquem producere possunt.

XIX.

Abominanda est etiam & intoleranda malitia eorum, qui ad præcavenda vulnera utuntur diabolicis remediis, & altis, ut vocant, seu potius magicis nominibus, quorum fiducia in cædes ruunt, suo & aliorum damno, animarumque æterno periculo: cumque execranda ista temeritas latius serpat, quam ut paternis monitionibus possit præcaveri, acriori censura coercendam judicavimus. Pastoribus itaque nostræ Diœcesis mandamus, ut ter, vel quater in anno, videlicet circa solemnitatem Paschæ, Nativitatis Domini, & Dedicationis Ecclesiæ, ac tempus nundinarum, publice de suggestu denuntient, nos omnes & singulos, qui similia alta seu magica nomina gestaverint, vel aliis gestanda concesserint, pœnæ excommunicationis, ipso facto incurrendæ, subdicere, absolutionemque istius delicti, tanquam homicidii voluntarii, Nobis reservare: ac insuper per præsentes prohibemus Pastoribus, sub pœna suspensionis ab officio, ne quem in loco sacro sepelire præsumant; qui cum istis altis nominibus occisus deprehenderetur.

XX.

Multis flagitiis causam præbet dissolutio illa, qua passim ruri puellæ, excusso pudore, una cum procis suis, aliisque juvenibus, tabernas audent frequentare, ibidemque ad plures ho-

ras invecunde potitare : quare Pastores strenue hanc gulæ & libidinis corruptelam conabuntur extirpare, qua concionando, qua parentes damnabilis fœcordiæ reprehendendo, qui in filiabus suis tantum æstimationis & honoris periculum diffimulant.

XXI.

Abusum comedendi diebus Sabbati intestina, fœcimina, & extremitates animalium, qui in quibusdam hujus Diœcesis locis paulatim irrepsit, conabuntur Pastores extirpare, agendo cum Magistratibus, ut per Edictum publicum, si opus sit, id prohibeatur; & publice denunciando, id esse prohibitum per Ecclesiam; quodque sine conniventia similes puniri curabimus.

XXII.

Quando Decani, vel Pastores aliquos denunciabunt super gravioribus delictis, simul etiam transmittent circumstantias, ex quibus Promotor possit habere sufficientem instructionem, ad capiendam desuper informationem: prout etiam Pastores, quando mittent puerperas, quæ ex illegitimo concubitu pepererunt, ad Decanos pro consensu ad purificationem, adjungent etiam literis clausis informationem, qualem habere possunt, de qualitate delicti.

XXIII.

Multa hætenus tam in Concilio Provinciali, quam Synodaticis ac nostris Decretis, salubriter ordinata sunt pro promovenda necessaria & utili instructione Catechistica, quibus accessit Serenissimorum Principum auctoritas & mandatum. Hæc, si exacte servarentur, non esset opus iterata monitione: sed quia non desunt adhuc aliqui Pastores, qui obligationem suam

vel ignorant, vel parvipendunt; alii etiam inveteratam populi fœcordiam suo zelo & labore necdum superare potuerunt; cogimur iterum illorum negligentiam (quam dissimulare non intendimus) arguere, horum diligentiam (quam satis laudare non possumus) excitare; omnesque serio monere & hortari, ut novo fervore præcipuum hoc vocationis Pastoralis opus aggrediantur, bonumque facientes, nullo tædio affecti deficiant; tempore enim suo metent: quod si pro minusculis comparandis a Magistratu loci subsidium impetrare non possint, poterit in hunc finem diebus Dominicis & Festis, sub Officio Divino & concionibus institui Collecta, inducendo aliquem ex magis cordatis Parochianis, qui hujus rei curam ex charitate suscipiat.

XXIV.

Denique, ut paucis omnia complectamur, sæpius recogitent Pastores, etiam ipsis in persona Apostolorum a Christo dictum esse: *Vos estis lux mundi, Vos estis sal terræ*; caveant, ne, dum lumen Ecclesiasticæ vocationis, & sal Pastoralis officii proximis impendunt, de pulvere hujus sæculi maculas contrahant, & tenebræ fiant, vel per iners otium disfluant, & infatuentur; sicque, dum aliis prædicaverint, ipsi reprobi efficiantur: attente relegant compendiosum vitæ Pastoralis schema, quod singulis distribui curavimus: certoque sibi persuadeant, eo melius se officio suo satisfacere, quo diligentius & exactius illud studuerint observare. (*)

GEORGIUS, Episcopus
Yprensis.



CON-

(*) Schema laudatum, una cum Instructione pro Confessariis Diœcesis Ypr. latio sermone adnectitur.

CONCILIIUM PROVINCIALE CAMERACENSE,

QUOD

Reverendissimus in Christo Pater Dominus,
D. FRANCISCUS VANDER BURCH, (*)

Archi-Episcopus VI. & Dux Cameracensis,

Eodem anno Christi MDCXXXI.

CELEBRAVIT CAMERACI.

MANDATUM CONVOCATIONIS.

FRANCISCUS VANDER BURCH, DEI ET APOSTOLICÆ

Sedis gratia Archi-Episcopus & Dux Cameracensis, Sacri Romani Imperii Princeps,
Comes Cameracensis, &c. Omnibus his visis, Salutem
in Domino.

Celebrationem Synodi Provincialis, ob plures causas ex consilio bonorum virorum dilatatam, aliquibus earum modo cessantibus, baud diutius differendam judicamus. Itaque super ea, ejusque loco & tempore, cum Reverendissimis Dominis Fratribus nostris Comprovincialibus, ac Venerabilibus Dominis in Christo plurimum Nobis dilectis Præposito, Decano & Capitulo Ecclesiæ nostræ Metropolitane, nec non Vicariis nostris communicatione habita, de eorundem consilio Provinciale Synodum convocandam, in hac Civitate Cameracensi celebrandam, & Dominica Cantate, quæ est quarta post Pascha, seu decima octava die mensis Maji currentis anni, sub boram octavam matutinam inchoandam duximus. Utque omnibus, qui de jure vel consuetudine interesse debent, nota sit hujus Concilii celebratio, & nemini aut ignorantiam prætere, aut se contemptum dicere liceat, universi & singuli, qui sua quomodolibet interesse putaverint, etiam exemptis & nullius forte Diocesis intra limites nostræ Provinciæ existentibus, per hoc Edictum valvis nostræ Metropolitane, omniumque Cathedralium, & aliarum insignium Ecclesiarum nostræ Provin-

ciæ affigendum, Provincialis Concilii futuram celebrationem significamus & denunciamus, cum comminatione penarum a sacris Canonibus adversus non-comparentes & contumaces statutarum, nec non intimatione, quod absentium contumacia non obstante, ad dictæ Synodi Provincialis celebrationem procedemus, & procedi faciemus, prout juris fuerit & rationis. Porro si qui justo impedimento detenti (de quo fidem facient competentem) personaliter comparere non valuerint, per legitimos Procuratores suos cum plena potestate constituendos, absentiam suam supplere debent, si excusati haberi voluerint. In quorum fidem hoc Edictum confici, ac per Secretarium nostrum subscribi, ac nostri Sigilli impressione muniri jussimus. Datum Cameraci, anno Domini millesimo sexcentesimo trigésimo primo, mensis Januarii die octava.

De Mandato Illustrissimi ac
Reverendissimi Domini
Archi-Episcopi præfati.

(L. S.) FOULON Secret.

INDEX

(*) Vide de hoc Archi-Episcopo Tom. h. IX. pagg. 240. & 241.

Tomus IX. Concilior. German.

INDEX TITULORUM
CONCILII PROVINCIALIS CAMERACENSIS.

- | | |
|--|---|
| <p>TITULUS I. <i>De Fidei professione, ac his, quæ ad ejusdem Fidei integritatem conservandam pertinent.</i></p> <p>II. <i>De Doctrina & Prædicatione verbi Dei.</i></p> <p>III. <i>De Missa, & aliis Divinis Officiis, ac locis sacris.</i></p> <p>IV. <i>De Superstitione & Exorcismis.</i></p> <p>V. <i>De Festis & Jejuniiis.</i></p> <p>VI. <i>De Imaginibus, & Reliquiis Sanctorum, ac Miraculis.</i></p> <p>VII. <i>De Sacramentis in genere.</i></p> <p>VIII. <i>De Sacramento Baptismi.</i></p> <p>IX. <i>De Sacramento Confirmationis.</i></p> <p>X. <i>De Sacramento Pœnitentiæ.</i></p> <p>XI. <i>De Sacramento Eucharistiæ.</i></p> <p>XII. <i>De Sacramento Ordinis.</i></p> <p>XIII. <i>De Sponsalibus & Matrimonio.</i></p> <p>XIV. <i>De Sacramento Extremæ Unctionis.</i></p> <p>XV. <i>De Funeribus, Sepulturis, & Exequiis.</i></p> | <p>XVI. <i>De Oblationibus, Decimis & Portione canonica.</i></p> <p>XVII. <i>De recta bonorum Ecclesiasticorum administratione.</i></p> <p>XVIII. <i>De vita, habitu & honestate Clericorum.</i></p> <p>XIX. <i>De Episcopis & Sede vacante.</i></p> <p>XX. <i>De Capitulis & Canonicis.</i></p> <p>XXI. <i>De Archi-Presbyteris, seu Decanis Christianitatis, Pastoribus & Custodibus.</i></p> <p>XXII. <i>De Regularibus & Monialibus.</i></p> <p>XXIII. <i>De Scholis & Seminariis.</i></p> <p>XXIV. <i>De Foro, Jurisdictione, & Immunitate Ecclesiasticis.</i></p> <p>XXV. <i>De Synodo Provinciali & Diœcesana.</i></p> <p style="text-align: right;">Sequitur</p> <p><i>Breve Apostolicum URBANI PP. VIII. super confirmatione Concilii Provincialis Cameracensis.</i></p> |
|--|---|

DECRETA & STATUTA
SYNODI PROVINCIALIS CAMERACENSIS,

HABITÆ
CAMERACI, ANNO MDCXXXI. MENSE MAJO.

TITULUS PRIMUS.

De Fidei professione, ac his, quæ ad ejusdem Fidei integritatem conservandam pertinent.

CAPUT I.

Cum Fides sit Symbolum, quo Catholicis ab aliis distinguuntur, sacra Synodus Provincialis Cameracensis ab ea principium ducens, in nomine Sanctæ & Individuæ Trinitatis Patris, & Filii, & Spiritus Sancti, statuit ac decernit, ut juxta formulam a PIO IV. sanctæ memoriæ præscriptam, Fidei professionem faciant omnes Ludimagistri, & Ludimagistræ, atque etiam hypodidascali, non solum in oppidis, sed etiam in pagis, ac locis quibusque aliis. Fiet autem ea in manibus Scholastici, ubi is est, alibi coram Archi-Presbytero, seu Decano Christianitatis.

CAPUT II.

Abbates, & quicumque alii Superiores Regulares a suorum etiam Monasteriorum Professoribus regularibus, sive sæcularibus, professionem Fidei ad præscriptum ejusdem Constitutionis PII IV. sanctæ memoriæ excipiant, antequam eos ad docendum admittant; exigantque ab iis, qui jam docent, si necdum illam præstiterint.

CAPUT III.

Decretum S. Concilii Tridentini, (a) ut provisi de Beneficiis curam animarum habentibus, coram Episcopo, ejusve Vicario Generali, provisi vero de Canonicatibus & Dignitatibus in Ecclesiis

(a) Sess. 24. c. 12. de Reform.

clesiis Cathedralibus, non solum coram Episcopo, ejusve Vicario, sed etiam in Capitulo Fidei professionem faciant, si forte alicubi observari desierit, in usum revocetur: sciantque omnes provisi, quod sine ejusmodi Fidei professione non faciunt fructus suos, nec illis possessio suffragabitur. Eandem Fidei professionem facient provisi de Canoniatu & dignitate in quacumque Ecclesia Collegiata.

CAPUT IV.

Presbyteri sæculares ad prædicandum, vel confessiones audiendum idonei judicati, facient Fidei professionem in manibus eorum, a quibus examinati fuerint, qui & de ea facta, & de idoneitate, iisdem literis testabuntur.

CAPUT V.

Regulares ad concionandum, vel confessiones fidelium excipiendum admitti volentes, præstabunt Fidei professionem, quilibet in manibus sui Superioris: & is in literis præsentationis, eas illam fecisse Ordinario testabitur.

CAPUT VI.

Pastor quilibet a singulis ad suam Parochiam commigrantibus, intra quindenam a die scientiæ, Fidei professionem exigit, si sufficiens testimonium suæ fidei & conversationis a Pastore loci suæ ultimæ residentiæ non attulerint, & ipse eorum vitam & fidem aliunde cognitam non habuerit. Et si quis eam facere recusaverit, Ordinario denunciatur.

CAPUT VII.

Custodes quoque Ecclesiarum Parochialium & Obstetrices, Fidei professionem emittent, singuli coram suo Pastore.

CAPUT VIII.

Nullus quoque Medicus, vel Chirurgus ad medicinam, vel artem Chirurgicam exercendam admittatur, nisi facta prius Fidei professione in manibus Episcopi, seu ab eo deputandi: quam & intra semestre facient, qui jam admissi sunt.

CAPUT IX.

Typographi, Bibliopolæ & Librarii intra sex menses, ac deinde singulis

annis renovabunt Fidei professionem, & juramentum de non invehendis, nec distrahendis, nec compingendis libris prohibitis: habeantque propterea singuli Catalogum librorum prohibitorum, & scire curent, si qui de novo prohibeantur.

CAPUT X.

Idem nec alios libros imprimendi, quam qui ab Ordinario, vel a Censore ab eodem Ordinario approbato examinati & approbati fuerint, nec alios venales exponant, aut secreto distribuant, nisi quorum Catalogus ab Ordinario, vel ut supra approbato Censore sit visus & approbatus, sub pœnis pro qualitate & circumstantiis facti infligendis.

CAPUT XI.

Nemo præter Typographos, Bibliopolas & Librarios juratos, ullos libros, cantilenas, rhythmos, aut similia typis committat, aut venalia exponat.

CAPUT XII.

Regula quarta Indicis librorum prohibitorum salubriter statuit, ut nemini absque legitima licentia Episcopi, vel Inquisitoris, sacra Biblia in lingua vulgari legere, seu habere liceat, & aliter ea legere, seu habere præsumens, peccatorum absolutionem percipere non possit, nisi prius Bibliis Ordinario redditis: utque hoc Statutum exactius observetur, Pastores, & alii Concionatores crebro insinuent.

CAPUT XIII.

Si quis contra fidem aliquid fecerit, aut verba hæretica protulerit, librosque, aut scripta prohibita penes se habuerit, Pastor id resciscens non dissimulet, sed, quidquid cognoverit, fideliter eum omnibus circumstantiis ad Ordinarium, ejusve Vicarium referat. Idemque fiat, si quis diebus prohibitis carnes comederit.

CAPUT XIV.

Si quis verba Scripturæ sacræ ad scurrilia, fabulosa, vana, adulationes, detractones, superstitiones, sortes, aut libellos famosos usurparit, tanquam temerator & violator verbi Dei, juris & arbitrii pœnis coerceatur. (b)

CA.

(b) Conc. Trid. Sess. 4. in fine.

Tomus IX. Concilior. German.

CAPUT XV.

Libri domorum mortuariarum (c) non ante distrahantur, quam ab approbato Cenfore, vel alio ad id ab Ordinario deputato visitati & vendi permitti fuerint. Et visitatio ista gratis fiat.

CAPUT XVI.

Ludi theatrales in lingua vulgari, actionesque mimorum & histrionum non ante exhibebuntur, quam Ordinarius, vel ab eo deputatus facta visitatione nihil in iis esse, quod sanæ fidei adversetur, aut bonis moribus officiat, in scriptis declararit.

CAPUT XVII.

Personis laicis de Fide Catholica publice vel privatim disputare, sub poena excommunicationis prohibitum esse, (d) Pastores, alique Concionatores subinde, populo inculcent.

TITULUS II.

*De Doctrina & Prædicatione
verbi Dei.*

CAPUT I.

Quicumque Parochiales, vel alias curam animarum habentes Ecclesias quocumque modo obtinent, memores Decreti sacri Concilii Tridentini (e), per se, vel alios idoneos, si legitime impediti fuerint, diebus saltem Dominicis, & Festis solemnibus plebes sibi commissas, pro sua, & earum capacitate, pascant salutaribus verbis, docentes, quæ scire omnibus necessarium est ad salutem, annunciansque eis cum brevitate, & facilitate sermonis vitia, quæ eos declinare, & virtutes, quas sectari oporteat, ut poenam æternam evadere, & cœlestem gloriam consequi valeant. Et quicumque id præstare neglexerint, etiam exempti & Regulares, sine conniventia debite puniantur, & ad officium implendum pro arbitrio Episcopi compellantur.

CAPUT II.

Meminerint quoque iidem, & alii, ad quos spectat, Mandari prædicti (f) Concilii, ut Dominicis & aliis Festivis

diebus, pueros fidei rudimenta, & obedientiam erga Deum & parentes diligenter doceant, seu doceri curent. Et negligentes etiam per censuras suo muneri satisfacere cogantur.

CAPUT III.

Monet hæc S. Synodus verbi Concilii Tridentini (g) omnem populum, qui intra limites Provinciæ continetur, teneri unumquemque Parochiæ suæ interesse, ubi commode id fieri potest, ad audiendum verbum Dei.

CAPUT IV.

Ubi viget consuetudo, eo tempore, quo Missa Parochialis, & officium Vesperarum in Ecclesia Parochiali celebratur, in Ecclesiis Regularium prædicatio non fiat, præterquam in festo Patroni, & alia simili solemnitate.

CAPUT V.

Pastores, & alii Prædicatores verbi Dei in explicatione Evangelii, vel Epistolæ, per totam Provinciam sequentur usum Romanum, etiamsi alius sit usus Ecclesiæ alicujus particularis quoad Missam.

CAPUT VI.

Parochi neminem omnino vel Regularem, vel sæcularem Sacerdotem in Ecclesiis suis concionari permittant, qui de admissione sua, & licentia Ordinarii loci in scriptis non prædocuerit.

CAPUT VII.

Nullus quoque Sæcularis, vel Regularis etiam in Ecclesiis sui Ordinis, contradicente Episcopo, prædicare præsumat, prout decrevit S. Concilium, (b) & Constitutio sacre mem. GREGORII XV.

CAPUT VIII.

Prædicatores neminem nominatim, aut tacite illum designantes, insectentur, nec in Ordinem ullum, statum aut vitæ genus ab Ecclesia receptum invehantur, neque etiam Prælatos aut civiles Magistratus cum auditorum offensione asperius objurgent.

CAPUT IX.

Si (quod absit) Prædicator errores aut scandala disseminaverit in populum,

(c) Reg. X. Indicis Libr. prohibet.

(e) Sess. 5. c. 2. de Reform.

(g) Ibid. Sess. 24. c. 4. de Reform.

(d) C. 2. §. Inhibemus quoque. De Hæret. in 6.

(f) Sess. 24. c. 4. de Reform.

(b) Ibid. Sess. 24. c. 4. de Reform.

pulum, etiam si in Monasterio sui, vel alterius Ordinis prædicet, Episcopus ei prædicationem interdicit. (i) Et si quis ejusmodi interdictionem contempserit, secundum Canonicas Sanctiones puniatur.

CAPUT X.

Nemo extraneus paupertatis nomine e suggestu commendetur, nisi testimonium in scriptis ab Ordinario attulerit.

CAPUT XI.

Dum habetur concio, nec solemnes, nec privatæ Missæ celebrentur in ea Ecclesia, sed nec per ipsam Ecclesiam quisquam pauper mendicare permittatur, nec Horæ Canonicæ decantentur, nec Cantores, Vicarii, aut Canonici eas incipere audeant ante concionem finitam. Quod si Concionator prolixior æquo fuerit, modeste per aliquem moneatur, non autem hoc prætextu in sua concione turbetur. (*Conc. 2. Prov. Tit. 2. cap. 7.*)

CAPUT XII.

Clerici, Cantores, Capellani & Canonici concionibus frequenter interfint, ut ipsorum exemplo Laici ad verbum Dei frequentius audiendum incitentur. (*ibid. cap. 8.*)

CAPUT XIII.

Decani Christianitatis referant Episcopis, aut eorum Vicariis, si quos prehenderint Pastores, vel ob imperitiam, vel ob negligentiam a prædicatione verbi Dei abstinentes, & longe magis, si quos noverint, qui suis prædicationibus magis destruant, quam ædificent. (*ibid. cap. 6.*)

CAPUT XIV.

Eadem hora, qua concionem habebit Episcopus, nullibi in toto oppido alia concio habeatur. (*ibid. cap. 9.*)

TITULUS III.

De Missa, & aliis Divinis Officiis, ac locis sacris.

CAPUT I.

OMnia, quæ ad Sanctissimum Missæ Sacrificium celebrandum pertinent, munditia & puritate commen-

dentur. Ideoque graviter puniantur quicumque Sacerdotes corporalibus, purificatoriis, mappis & indumentis sacris uti, sordidis & laceris, five in visitationibus, five alias reperti fuerint. (*Conc. 2. Prov. Tit. 3. cap. 4.*)

CAPUT II.

Ne alibi, quam in locis Deo dictis, & ab Episcopis visitatis & designatis Missæ Sacrificium fiat, Tridentini Concilii Decretis inhærendo, omnino prohibet hæc Synodus: nisi quis forsitan speciale Privilegium Apostolicum ad hoc habeat, quo etiam uti nequeat (five Sæcularis, five Regularis sit) quin prius illud loci Ordinario, aut ab eo deputatis ostenderit, sub pœna suspensionis ad tres menses. (*ibid. cap. 5.*)

CAPUT III.

Interdicit vero quibusvis Sacerdotibus, ne quidquam in Officio Missæ, maxime in Canone, etiam prætextu pietatis intermiscere, aut novas cæremonias inducere præsumant: ipsumque Canonem secreto pronunciant. (*ibid. cap. 7.*)

CAPUT IV.

Mandat insuper Synodus, ut si quis temulentia, vel alio notorio crimine scandalum dederit, & nihilominus postmodum celebraverit, aut in officio Diaconatus, vel Subdiaconatus Celebranti inserviverit, Officiali, aut Promotori severe castigandus denunciatur. Qui vero alius Sacerdos id sciverit, nec denunciaverit, arbitraria pœna corrigatur. (*ibid. cap. 8.*)

CAPUT V.

Horam præscriptam singulis Parochis per Statutum ipsius Concilii Provincialis ad celebrandum Missam Parochialem, nempe a festo Paschæ usque ad festum Remigii circa horam octavam; a festo vero Remigii usque ad Paschæ circa horam nonam, ut obvietur querelis multorum, uniformiter & exacte per totam Provinciam (quacumque in contrarium allegatione non obstante,) hæc Synodus mandat observari, sub pœna suspensionis a Divinis, ipsi Parochis contravenientibus infligenda. (*ibid. cap. 10.*)

Yyy 3

CAPUT

(i) Conc. Trid. Sess. 5. c. 2. de Reform.

CAPUT VI.

Organorum usum in Missis atque Divinis Officiis sic servari statuit sancta Synodus, uti Concilio Tridentino mandatum est: id est, ne modulatione lascivas cantiones imitentur, neque illa musica in Ecclesiis admittatur, quæ choreis potius, quam Choro congruat. (*Conc. I. Prov. Tit. 6. cap. 4. & 3.*)

CAPUT VII.

In Choro cum psallitur, Canonici omnes, qui in Choro fuerint, & Sacellani psallant; nec sint in sedibus suis otiosi; nec putent se functos officio, si Vicaria tantum opera cultum Divinum celebrari curent: modo tamen psallere per valetudinem queant, nec aliis impediti iustis de causis fuerint. Colloquia vero nulla permittantur, sed omnes Divino cultui intendant. (*ibid. cap. 7. & 9.*)

CAPUT VIII.

Deambulationes in Templis, Divini Officii præsertim tempore, omnino tollantur, & transgressores puniantur pœnis in Constitutione sanct. mem. PII Quinti expressis, & insuper Canonicis pereat ejus diei totum emolumentum distributionis ordinariæ, Capellanis vero, & Vicariis arbitraria pœna infligatur. Correcti si pergant, contumacesque se præbeant, uti inobedientes puniantur Superioris arbitrio. (*ibid. cap. 9.*)

CAPUT IX.

In Ecclesiis five Cathedralibus, five Collegiatis non constituentur Vicarii, qui Canonicas, quas vocant, Horas in Choro canant; nisi aut Sacerdotes, aut in sacris Ordinibus constituti, aut saltem Lectores ordinati, atque hi, quantum fieri potest, sint cælibes, quorum mores, vitæque probata fuerit. Nec permittantur in Choro psallere, nisi vestitu & habitu corporis, Ministros se esse Dei & Ecclesiæ demonstrent. (*ibid. cap. 15.*)

CAPUT X.

In omnibus Ecclesiis Cathedralibus, & Collegiatis, distributiones fiant exacte juxta Decreta Concilii Tridentini, curentque Episcopi, ne ab iis in quoquam recedatur.

CAPUT XI.

Hortatur præsens Synodus, ut in omnibus Ecclesiis sæcularibus totius Provinciæ recipiatur usus Romanus, etiam si illum Cathedralis Ecclesia non receperit, non obstante contrario Statuto Synodi præcedentis. (*)

CAPUT XII.

Quæcumque Ecclesiæ Collegiatæ, & aliæ majores, proprium usum habent, & tanto tempore habuerunt, ut juxta Bullam san. mem. PII V. eum retinere possint: si eum retinere desiderant; intra triennium proximum omnia officia sua, etiam prosas seu sequentias, debite ab incertis & apocryphis purgari, ac corrigi curabunt, repurgata Episcopo vel Superiori exhibebunt, & sic repurgata ad Sedem Apostolicam transmittant pro confirmatione. Et nisi id fecerint, mandat iis hæc Synodus, ut veteri usu relicto Romanum recipiant intra annum proximum, sub pœna interdicti ipso facto incurrenda.

CAPUT XIII.

Quæcumque Ecclesiæ usum Romanum receperunt, aut recipient, propria Officia Sanctorum suorum, quæ cum Officio Romano servare voluerint, repurgari, ad formam usus Romani, ut supra, accommodari, ac debite approbari a Sede Apostolica curabunt. Et quamdiu id non fecerint, iis omisiss facient Officium juxta Rubricas Breviarii Romani.

CAPUT XIV.

Unumquemque Episcopum hortatur hæc Synodus, ut in Ecclesiis Provinciæ recipiatur Rituale Romanum san. mem. PAULI Quinti.

CAPUT XV.

Nullus peregrinus & ignotus Sacerdos, five Sæcularis, five Regularis, sine sui Ordinarii literis ab Episcopo loci recognitis & approbatis, ad Divina celebranda, & Sacramenta administranda admittatur. (k)

CAPUT XVI.

Consuetudinem abigendi per strepitum eos, qui Chorum tardius ingrediuntur, corruptelam esse, & sine scandalo

(*) Conc. Prov. 1586. Tit. 3. cap. 1. form. & Sess. 22. De observ. in celeb. Miss.

(k) Conc. Trid. Sess. 23. c. 16. in fine. de Re-

dalo tolerari non posse declarat, ideoque & aboleri mandat Synodus. Quare si alicubi corruptela ista necdum sit abrogata, Capitulum istius Ecclesiæ mox abrogari curet, puniatque pro modo scandali ejusmodi strepitum in posterum excitantes.

CAPUT XVII.

Officia Divina, etiam quæ pro fidelibus defunctis persolvuntur, & parvum Officium B. Mariæ non cursim, & perfunctorie, sed diligenter, distincte & accurate peragantur.

CAPUT XVIII.

Onera Missarum Beneficiis suis incumbencia plene ac debite non explentes, hoc ipso (etiã in loco privilegiato resederint,) a fructibus Beneficiorum suorum suspendantur, & suspensi maneant, donec debite docuerint de impleto onere Missarum, ob cuius omissionem suspensi fuerant.

CAPUT XIX.

Dum Missæ Sacrificium celebratur, Crux in altari adsit, & duæ semper candelæ cereæ in eo, aut circa illud ardeant. Nec Celebrans vel ei ministrans, pileum, biretum, chirothecas, claves, aut aliquid simile in altari ponat. Illi quoque, quibus sacri Canones annulum gestare permittunt, dum Missæ Sacrificium celebrant, eundem deponant, Prælati exceptis.

CAPUT XX.

Nemo celebret Primitias, antequam Ordinarius, seu ab illo deputatus, eum in cæremoniis rite obeundis satis instructum noverit & probarit.

CAPUT XXI.

Sciat quilibet Sacerdos se pluribus stipendiis unica Missa in conscientia satisfacere non posse.

CAPUT XXII.

Audiendæ Missæ rationem populum Parochus doceat, quo ex propitiatorio illo Sacrificio uberiorem is fructum capere possit. Et frequenter ex iis, quæ in Missa leguntur, aliquid exponat juxta Mandatum Concilii Tridentini (1), quod & ait magnam in ea contineri populi fidelis eruditionem.

CAPUT XXIII.

Omnes graviter ac modeste in processionibus procedant, colloquisque exclusis, Psalmis, Hymnis, aliisque sacris precibus operam dent, nec ordinem suum quis mutet, non magis in processionibus, quæ septimana sancta instituuntur, quam in aliis.

CAPUT XXIV.

Ubi tam longi sunt processionum circuitus, ut occasionem præbeant in itinere bibendi, vel Reliquiæ, aut imagines, seu effigies Sanctorum commode a peditibus circumferri nequeant, vel populi devotio languescat; ita illi contrahantur & abbrevientur, ut omnis scandali & irreverentiæ tollatur occasio, & viarum longitudine devotio non tepescat.

CAPUT XXV.

Ubi cumque cœmeteria necdum sufficienter clausa sunt, sine mora, muris, fossis aut sepibus ita concludantur, ut equis, vaccis, porcis, aliisque similibus animalibus nullus pateat accessus. Nec in iis unquam tripudietur, nihilque permittatur, quod loci religioni & decentiæ repugnet.

CAPUT XXVI.

In campanili Ecclesiæ columbæ non alantur: nec ullæ puellæ aut aliæ feminae ad pulsandas campanas illud conscendant, ne prætextu quidem festi alicujus Sanctæ.

CAPUT XXVII.

Campanas & tintinnabula ad harmoniam pulsantes, ejusmodi modulatione non profanas cantiones, at potius hymnos & cantica Ecclesiæ exprimant.

CAPUT XXVIII.

Exorta aëris tempestate campanæ pulsantur, tum ad tempestatem illam vi Divina, quæ ex solemnī prece, sacraque benedictione illis inest, depellendam; tum ut fideles ad orandum & Dei misericordiam piis orationibus implorandam excitentur.

CAPUT XXIX.

Mendici ad valvas Ecclesiæ confistant, nec intra illam eleemosynas petere permittantur: nullæque in ea deambulationes unquam fiant.

Ca-

(1) Sess. 22. de Sacrific. Miss. cap. 8.

CAPUT XXX.

Capellæ collapsæ, vel semidirutæ, quæ in aliquibus hujus Provinciæ locis visuntur, sumptibus eorum, ad quos de jure vel consuetudine pertinet, debite restaurentur. Si quæ autem ob inopiam restaurari nequeant, Ordinarius loci juxta Decretum (m) Concilii Tridentini, tanquam Sedis Apostolicæ delegatus, prius omnino dirutas in profanos usus non fordidos, erecta tamen ibi Cruce, convertat, & Beneficia in iis fundata in alias Ecclesias transferat, servata ejusdem Oecumenici Concilii forma.

CAPUT XXXI.

Cum jure statutum sit, ne supellæx profana in Ecclesias admittatur, nisi propter hostiles incurfus, aut incendia repentina, seu alias necessitates urgentes, ad eas oporteat habere refugium; & necessitate cessante res in loca pristina reportari debeant: hoc ipsum in usum revocetur, & exacte ubique servetur.*

CAPUT XXXII.

Clerici conjugati pluvialibus non induantur, nec in processione, aedum Chorum & Cantum dirigant.

CAPUT XXXIII.

Nulli adultero, fornicatori, aut blasphemo notorio, cum Sacerdotibus, vel aliis Ecclesiæ Ministris, in Ecclesia psallere, aut alia Divina Officia canere permittatur.

CAPUT XXXIV.

Conventicula puellarum, & adolescentium, quæ usurpato nomine Confraternitatum S. Nicolai & S. Catharinæ in variis locis instituuntur, ob graves excessus, & scandala etiam in Ecclesia data, hæc Synodus improbat, & abroganda judicat.

TITULUS IV.

De Superstitione & Exorcismis.

CAPUT I.

PAstores, & alii Concionatores in eas superstitiones particulariter invehantur, quas sciunt eo in loco a pluribus committi. Et generaliter populum doceant, supersticiosum esse expe-

ctare quemcumque effectum a quacunque re, quem res illa nec ex sua natura, nec ex institutione Divina, nec ex ordinatione vel approbatione Ecclesiæ producere potest: prædictaque congruis & aptis exemplis explicare in particulari conabuntur.

CAPUT II.

Non modo sortilegi, incantatores, & dantes alta nomina, vel ignotos characteres, quique super futuris eventibus, aliisque secretis rebus respondent, sed illi etiam, qui tales consulunt, altisque nominibus uruntur, secundum sacros Canones & Apostolicas Constitutiones debite puniantur.

CAPUT III.

Sine licentia Ordinarii in scriptis præobtentæ, nemo exorcizare præsumat, & quicumque ejusmodi licentiam obtinuit, in ejus muneris functione, graviter, pie ac religiose in primis se gerat, quæstumque fugiat, & ab omni curiosa percunctatione abstineat, nec aliis Exorcismis utatur, quam quos Ordinarius approbarit.

CAPUT IV.

Immundum spiritum nimis loquacem tacere jubeat, ejusque nugæ, risus & criminationes cohibeat; ac præsentem moneat, ne hæc curent, aut credant; sed Daemonem mendacii patrem esse meminerint.

CAPUT V.

Nemo mulieri energumena aut maleficiatæ exorcismum adhibeat, nisi in præsentia duarum saltem personarum probatæ vitæ.

CAPUT VI.

Exorcizaturus se oratione & jejuniis præparare studeat, & conscientia ab omni culpa pura & munda, magna cum humilitate ac fide ad id munus obeundum accedat, ipsosque energumenos adhortetur, ut omnis anteactæ vitæ peccata diligenti conscientie discussione confiteantur.

CAPUT VII.

Quilibet Exorcista eorum, quibus exorcismum adhibet, actiones caute consideret, videatque, an non sub-

ali-

(m) Sess. 21. c. 7. de Reform.

aliqua fictio, præsertim, si exorcizandus sit pauper. Medicum etiam, si expellere censuerit, consulat, adhibeatque; ut is iudicet, an, quod agitur, non fiat vi morbi vel atræ bilis.

CAPUT VIII.

Observe etiam, ad quæ verba Demones magis contremiscant, & ea sæpius repetat. (n)

CAPUT IX.

Sanctissima Eucharistia super caput obfessi, vel aliter ejus corpori non admoveatur, ob irreverentiæ periculum. (o)

TITULUS V.

De Festis & Jejuniis.

CAPUT I.

PAstores singuli qualibet die Dominica, sub concione vel summo sacro dies Festos & jejunia ea septimana occurrentia populo denuncient, iidemque & alii Concionatores obligationem servandi Festa, sæpe ac serio inculcent, nihilque omittant, quod ad deterrendum populum a scelere violationis eorum facere possit.

CAPUT II.

Meminerint Exempti, etiam Regulares, dies Festos, quos in Diœcesi sua servandos Episcopus præceperit, a se quoque servari debere.

CAPUT III.

Ad tollendos abusus, quibus in hunc usque diem præcedentium Conciliorum Decreta mederi non potuerunt, ut videlicet impedirentur deambulationes, lusus, spectacula ludica, exercitia sagittariorum, balistariorum, gladiatorum, & similia, piscationes & potationes, aliaque opera profana, Dominicis & aliis Festis diebus tempore Divini Officii, maxime Vesperarum & Concionis: decernit sacra Synodus, ut in singulis Ecclesiis Parochialibus singularum urbium totius Provinciæ Vesperæ canantur eadem hora, & semper post prandium extra Quadragesimam: & ante finem earum prædicta prohibeantur, immo exitus e portis

urbium hujusmodi exercitiorum causa, tam Vesperarum, quam Missæ Parochialis & concionis tempore omnino impediantur. (Conc. 2. Prov. Tit. 4. cap. 1.)

CAPUT IV.

De salute opilionum, bubulcorum, ac similia sollicita, hæc Synodus mandat Pastoribus, ut cum parentibus, aut heris eorum desuper agant, curentque, quantum fieri potest (juxta directionem Pastoris) tantum temporis concedi, quo rem Divinam audiant, & Catechesi intersint, pecoribus eorum interim domi reclusis, vel aliis ipsorum loco pascentibus.

CAPUT V.

Festa in populo servanda, si in talem Dominicam inciderint, ut transferri debeant; ea translatio fiet tantum quoad Officium in Ecclesia præstandum, & nullo modo quoad solemnitatem & venerationem in populo: excepto festo Annunciationis B. Mariæ, quod incidens in aliquam Dominicam Quadragesimæ, præterquam Palmarum, celebrabitur feria secunda proxime subsequente, etiam a populo feriandum juxta devotam & antiquam consuetudinem. Si vero inciderit in Dominicam Palmarum, vel inter eam & Dominicam in Albis occurrerit, celebrabitur feria secunda post Dominicam in Albis tam a populo, quam a Clero, & alias juxta ritum Romanum.

CAPUT VI.

Festo Purificationis B. Mariæ incidens in Dominicam Septuagesimæ, Sexagesimæ, aut Quinquagesimæ, in Ecclesiis Beatissimæ Virgini non dedicatis Officium transferetur in diem sequentem: Benedictio tamen candelarum, & processio fient ipsa Dominica, contrario statuto vel consuetudine non obstante.

CAPUT VII.

Festum incidens in diem Cinerum, transferetur in diem proxime sequentem.

CAPUT VIII.

Festum S. Marci, si in hebdomada Paschæ, vel Dominica Quasimodo evenierit, transferetur in sequentem feriam post

(n) Rituale Rom. Pauli V.

Tomus IX. Concilior. German.

(o) Ibidem.

post *Quasimodo* festo solemniter non impediam, una cum processione, & abstinencia a carnibus per totum diem, & jejuniū usque ad prandium, ubi ea est consuetudo. Si vero in aliam Dominicam incidit, festum servabitur ipsa die Dominica, sed processio, abstinencia a carnibus per totum diem, & jejuniū usque ad prandium, servabuntur die sequenti, juxta consuetudinem receptam.

CAPUT IX.

Totis tribus Rogationum diebus festum Ascensionis Domini præcedentibus, abstinendum est a carnibus: jejunium vero servabitur usque ad prandium, ubi ea est consuetudo.

CAPUT X.

Si in diem Ascensionis Domini aliud Festum incidit, illud transferetur in diem proxime sequentem quoad Officiū; sed non celebrabitur a populo, nisi fuerit festum Patroni loci, vel Dedicationis Ecclesiæ.

CAPUT XI.

Festum Nativitatis S. Joannis Baptistæ incidens in festivitatem Corporis Christi, transferetur in diem sequentem, celebrandum etiam a populo ex devotione, juxta consuetudinem. At jejunium servabitur feria quarta præcedente, quemadmodum & tunc, quando postridie Corporis Christi, festum S. Joannis evenire contingeret.

CAPUT XII.

Quando dies Commemorationis omnium fidelium Defunctorum incidit in Dominicam, transferetur in feriam secundam proximam, etiam in iis locis, ubi aliter fieri consuevit.

CAPUT XIII.

Festo Nativitatis Domini in feriam sextam incidente, (p) carnes comedere omnibus licitum est, qui voto vel professione non impediuntur.

CAPUT XIV.

Esū ovorum & carniū tempore vetito ægrotantibus permittere nemo præsumat, qui ad hoc specialem consensum Ordinarii non habuerit.

CAPUT XV.

In Quadragesima cibi vetiti, ad ægrotantium usum in foro, aut alio loco publico venales non exponantur. Nec alii eos domi vendant, quam quibus Episcopus, seu ab eo deputatus id permiserit. Ii quoque neque omnibus, neque omne carnis genus passim dividant, sed iis solum, qui scriptam ab Episcopo, ejusve deputato facultatem habuerint, illudque dumtaxat, quod usui sit ægrotantibus.

CAPUT XVI.

Illi quoque, quibus ob justam causam usus ciborum vetitorum in Quadragesima permittitur, publice iis non utantur.

CAPUT XVII.

Omnibus omnino diebus, qui vel Ecclesiæ præcepto, vel consuetudine coluntur, in Parochiali Ecclesia, hora secunda Parochus Vesperarum Officiū peragat.

CAPUT XVIII.

Moneatur populus, ut frequenter ad suas Parochias saltem Dominicis, & majoribus Festis accedat (q): & Regulares ad hoc ipsum plebem in suis concionibus & catechismis adhortentur.

TITULUS VI.

De Imaginibus, & Reliquiis Sanctorum, ac Miraculis.

CAPUT I.

Pastores, ac cæteri docendi munus curamque sustinentes, de sacrarum Reliquiarum honore & legitimo Imaginum usu fideles diligenter instruant, juxta Mandatum Concilii Tridentini (r), docentes inter alia imaginibus Christi, Deiparæ Virginis, & aliorum Sanctorum debitum honorem, & venerationem impertiendam; non quod credatur inesse aliqua in iis Divinitas vel virtus, propter quam sunt colendæ, vel quod ab iis aliquid sit petendum, vel quod fiducia in imaginibus sit figenda: sed quoniam honores, qui eis exhibentur, referuntur ad prototypa, quæ illæ repræsentant, ita ut per ima-

(p) C. ult. extra. De observ. jejun.

(q) Conc. Trid. Sess. 22. in Decreto: De observ. & evitand. in celebr. Miss. Clem. VIII. an. 1591.

(r) Sess. 25. in Decreto: De invoc. & vener. & Reliq. SS. & sac. Imaginibus.

imagines, quas osculamur, & eoram quibus caput aperimus & procumbimus, Christum adoremus, & Sanctos, quorum illarum similitudinem gerunt, veneremur.

CAPUT II.

Sanctorum Reliquiarum non modo in decentibus capsulis asservantur, sed eadem capsulae sint debite obseratae, & in loco honesto, extra Tabernaculum Sanctissimi Sacramenti, custodiantur. Nec per alios in processionibus deferantur, quam per Clericos in Sacris constitutos, & sacris vestibus ornatos, quantum fieri poterit.

CAPUT III.

Nullae novae Reliquiae publicae venerationi exponantur, etiam in Ecclesia quomodolibet exempta, nullaque nova miracula publicentur, nisi Episcopo juxta Decretum (s) Concilii Tridentini recognoscente & approbante, & servata forma Decreti sacrae Congregationis Rituum novissime editi.

CAPUT IV.

Si quae sacrae tabulae aut imagines nimia vetustate, carie, situ, aut fordibus pene deletae, aut mutilatae, tam indecenti aspectu sint, ut contemptum potius, quam venerationem excitent, earum pie, religioseque restaurentur, aut si id fieri nequeat, ab Ecclesiis tollantur. (*Syn. Cameracen. 1617. cap. 21.*)

CAPUT V.

In nulla Ecclesia, etiam quomodolibet exempta, ulla insolita imago ponatur, nisi ab Episcopo approbata fuerit, qui & cavebit, ne quid pingatur, aut iculpatur, quod veritati Scripturarum, Traditionum aut Ecclesiasticarum historiarum adversetur, ne, cujus lectio prohibetur, ejus imago populo proponatur. Caveatur quoque, ut procaci venustate imagines non pingantur, nec ornentur. (t)

CAPUT VI.

Nihil ad ornatum Supplicationum proponatur, quod oculos spectantium offendat.

CAPUT VII.

Concionatores saepe & acriter, in lascivas, & ob nuditatem, vel aliter ob-

scenas picturas & imagines invehantur. Et nemo Ecclesiastici Ordinis in suis aedibus aut hortis tales habeat, sub poena arbitraria.

CAPUT VIII.

Quia naturaliter fieri potest, ut proles viva edatur, quae tamen ad tempus aliquod, nulla externa vitae animalis prodant indicia, adeo ut mortua videri possit, quae nondum est talis: & nihilominus nonnulli pro miraculo habeant motus ab infante ejusmodi postea editos, quasi ad vitam revocatus esset: Mandat haec Synodus, ne quis campanarum pulsu, vel quovis alio modo, id pro miraculo publice, nisi prius ab Ordinario loci fuerit approbatum.

TITULUS VII.

De Sacramentis in genere.

CAPUT I.

Sacramenta Sanctissimae Eucharistiae & Extremae Unctionis administrantur, superpelliceo & stola sint induti. Idem servetur in Sacramento Baptismi extra casum necessitatis, & in Sacramento Poenitentiae. Quod pariter statuitur in Parocho, vel Presbytero, qui celebrationi Matrimonii intererit, & in Concionatoribus.

CAPUT II.

Pastores ad administranda Sacramenta vocati, officio suo fungi non tardent, graviter alioqui puniendi: gravissime vero, si quem ipsorum negligentia sine Baptismo, Confessione, sacro Viatico, aut Extrema Unctione ex hac vita migrare contigerit. (*Syn. Cameracen. 1617. cap. 7.*)

CAPUT III.

S. Concilium Tridentinum (u) pie constituit, ut Episcopi, etiam tanquam Sedis Apostolicae Legati, Ecclesiarum Rectoribus tot Sacerdotes adjungant, quot & ad Sacramenta Parochianis administranda, & ad cultum Divinum satis esse possint. Ideo haec Synodus mandat, ut in iisdem Ecclesiis Capellanas obtinentes, quos ex originali vel authentica foundationis copia ad personalem residentiam & ad Pastori

in

(s) Conc. Trid. ubi supra. (t) Ibid.
Tomus IX. Concilior. German.

(u) Sess. 21. c. 4. de Reform.
Z z z 2

in prædictis cooperandum obligari constet, huic obligationi satisfaciant. Verum, quia vix ulla ejusmodi fundationis copia, multoque minus ipsum originale, haberi potest: rogat hæc eadem Synodus Patronos aliarum Capellaniarum in iisdem Ecclesiis fundatarum, quarum scilicet fundationes vel non reperiuntur, vel possessorem ad personalem residentiam non obligant, ut onus personalis residentiae, & Pastori in Sacramentis administrandis, Divinisque Officiis obeundis subserviendi, iisdem Capellaniis annecti, utque Capellanis residentibus non desit, unde vivant, plures ejusmodi Capellanas debite uniri, permittant. Et, ubi hoc fieri aut obtineri non poterit, Pastores bene dotati, & numerosum populum habentes, tot Sacerdotes suo sibi sumptu adjungere compellantur, quot ad Sacramenta Parochianis administranda, & ad Divinum cultum sacis esse possint.

CAPUT IV.

Quodvis Sacramentum administratur, magna cum religione id præstet, ac singula verba, præsertim quæ ad formam pertinent, tractim ac distincte pronunciet.

CAPUT V.

Simulatque Pastor aliquem e suis Parochianis de hæresi non temere suspectum ægrotare cognoverit, eum accedere non differet, etiam non vocatus; agerque cum eo candide & aperte, indicando suspicionem hæreseos, qua laborat; & discrete proponet, quæ ad respicientiam & contritionem excitandam facere judicabit; exigerque ab eo Fidei professionem; & ad piam Sacramentorum susceptionem inducere conabitur. Et si ita monitus, debitam Fidei professionem emittere, ac Sacramenta suscipere pertinaciter recusaverit, eidem morienti Ecclesiastica denegabitur sepultura: ita tamen ut Ordinarius ante consulatur, si res tantam moram patiatur.

CAPUT VI.

Archi-Presbyteri, seu Decani Christianitatis quotannis ab Ordinario suo sanctum Chrisma, & sacra Olea tempe-

stive petent, & per honestum Clericum in Sacris constitutum in mundis vasculis, iisque argenteis, vel stanneis, non autem testaceis aut vitreis, ad locum residentiae suæ ferri curabunt. Et mox Pastores singuli ab Archi-Presbytero suo, vel ex ea Ecclesia unde consueverunt, per se, vel alium Sacerdotem, aut saltem Diaconum, vel Subdiaconum, in similibus vasculis sanctum Chrisma, & sacra Olea reverenter ad Ecclesiam suam deferent.

CAPUT VII.

Sanctum Chrisma, & sacra Olea fideliter a Parochis, & aliis custodiantur: & nemo ea sub prætextu medicinae, vel malefici tollendi, alicui tradere præsumat. (x) Claves quoque armarii, in quo ea custodiuntur, sicut & Tabernaculi Sanctissimi Sacramenti & fontis Baptismalis, Pastor ipse diligenter asservet, nec alteri non-Sacerdoti eas committat.

CAPUT VIII.

Episcopi sanctum Chrisma & sacra Olea in tanta quantitate consecrent, ut iis oleum non-consecratum nunquam vel raro admisceri debeat. Et si quando necessum fuerit admisceri, guttatim hoc fiat; quantitasque ejus, quod una vel pluribus vicibus infundetur, semper minor sit prima quantitate olei consecrati.

TITULUS VIII.

De Sacramento Baptismi.

CAPUT I.

Fons Baptismalis honesto semper operculo tegatur, ne quid sordium in eum possit incidere, seraque insuper muniatur, & dum novæ aquæ consecrandæ sunt, veteres in piscinam infundantur.

CAPUT II.

Si alicubi aquas sacri Fontis corrumpi, vel marmoreum ejus vas gelu vel aliter findi, atque ita aquas effluere contigerit; Parochus non expectato Sabbato Sancto vel vigilia Pentecostes, novas aquas quam citissime consecret, juxta formam in Manuali Dicecesano, vel Rituali Romano (y) præscriptam: &

(x) Pontific. Rom.

(y) Rituale Pauli V.

& vas plumbo prius obduci, vel novum comparari curet.

CAPUT III.

Et si jam olim certum ac definitum sit, Baptismum ab hæreticis collatum esse validum, quando nimirum, juxta ritum Sanctæ Romanæ Ecclesiæ baptizant: Si tamen, præmonito Episcopo, & factis diligentis, adfuerit dubium, an hujusmodi ritu S. R. E. servato Baptismus sit collatus, iterum sub conditione baptizetur.

CAPUT IV.

Nemo extra Ecclesiam Parochialem, ubi sacri Fontes sunt, baptizare audeat; nisi in necessitate, aut Principum liberos. (z)

CAPUT V.

In necessitate domi baptizato ceremonias, quæ tunc defuerunt, postea in Ecclesia Pastor adhibeat. Et si alius domi ad Baptismum, alius in Ecclesia ad Catechismum, exorcismumque adhibitus sit Patrinus, utriusque nomen in librum baptizatorum ita referatur: *Susceptor in Baptismo N... Susceptor in Catechismo & Exorcismo N...* qui tamen nullam cognationem spiritualem contrahit, sed is tantum, qui Susceptor fuit in Baptismo.

CAPUT VI.

Qui per Procuratorem infantem e sacro Fonte suscipit, cognationem spiritualem contrahit, & non Procurator: eoque casu uterque libro baptizatorum inscribatur hoc modo: *N... nomine N...*

CAPUT VII.

Monachi, etsi Abbatiali fulgeant dignitate, de Baptismo aliquem suscipere, compadresque aut commatres habere sacris Canonibus (a) prohibentur. Quare nec per Procuratorem ejusmodi cognationem contrahere, ipsis licet.

CAPUT VIII.

Meminerint Pastores sibi non licere sine exorcismo, & alia solemnitate debita aliquem baptizare extra casum necessitatis: utpote, si infans peste la-

boret, aut eo nomine suspectus sit, quia ex matre pestifero morbo laborante natus sit.

CAPUT IX.

Ubicumque Pastores duas habent Ecclesias, unam scilicet principalem, & alteram secundariam, quæ vulgo Succursus vocatur, ne infantem, dum ex loco Succursus ad Ecclesiam principalem (quæ sæpe longe distat) baptizandus deferretur, in itinere mori contingat: permittit hæc Synodus, ut in Ecclesiis Succursuum de consensu Pastoris, sine præjudicio Ecclesiæ principalis, sacri Fontes erigantur.

CAPUT X.

Nulla deinceps ad obstetricandi officium admittatur, quam & materiam, & formam Baptismi probe nosse Pastori non præconstiterit. Et quoad eas, quæ jam sunt admissæ, Pastor easdem desuper examinet, ac ignorantes debite instruat; curetque pueros baptizandos intra diem tertium sibi denunciari.

CAPUT XI.

Rogetur Obstetrix, dum ad Ecclesiam infans baptizandus deferretur, an eum baptizavit: si affirmet, rogetur, quam materiam, & cui corporis parti adhibuerit; an ipsa formam pronunciarit, & quo modo. Si post hæc, Obstetricis conditione, respondendi modo, & aliis circumstantiis consideratis, nullum sit Sacerdoti morale dubium, quin Baptismus rite sit collatus, abstinens a Baptismo, solemnitates dumtaxat suppleat: si vero in Baptismi substantia erratum fuisse deprehenderit, absolute infantem baptizet. Si aliquod ei de valore Baptismi morale dubium vel hæsitatio superfuerit, sub conditione Baptismum conferat.

CAPUT XII.

Caveat Baptizans, (b) ne aqua capiti infantis infusa in Fontem recidat; sed aliquo vase recepta in Baptisterii sacrarium effundatur, ut pericula contagii & morborum vitentur.

CAPUT XIII.

Parochus ob id, quod puer baptizandus sit illegitimus, vel ex parentibus

Zzz 3

(z) Clement. unic. De Baptismo.

(b) Rituale Rom.

(a) Dist. 4. can. 103. & 104. de Consec.

bus pauperibus & exteris casu illic natus, nullusque pro ejus alimentatione fidejussor se offerat, ipsum baptizare non recuset, nec differat: etiam si Magistratus loci, vel alii quicumque ob prædictas, vel alias causas puerum baptizari prohibeant.

CAPUT XIV.

Baptizans ipse, manu propria nomina & cognomina uniuscujusque baptizati, illiusque patris & matris, susceptoris & susceptricis, registro inscribat, sub forma sequenti:

Tali die, talis mensis, talis anni, per me infra-scriptum baptizatus, vel baptizata est, N. filius, vel filia N. N. & N. N. (exprimendo nomen & cognomen utriusque parentis) Susceptor fuit N. N. Susceptrix N. N.

Et hoc registrum quot annis Visitatori exhibeatur. Quando tamen infans non est legitimus, & de altero parente tantum publice constat, illius tantum nomen & cognomen scribatur. Porro, si de neutro parente publice constiterit, ita scribatur:

Baptizavi infantem, cujus parentes ignorantur, natum tali die, talis mensis, talis anni. Susceptor fuit N. N. &c. ut hac ratione omnis infamiae vitetur occasio, prout ordinat Rituale Romanum PAULI Quinti.

CAPUT XV.

Si expositus sit infans, exprimat quo die, ubi, & a quo repertus, & quot dierum verisimiliter sit: & baptizetur sub conditione, si ignoratur fuisse baptizatum. (c)

TITULUS IX.

De Sacramento Confirmationis.

CAPUT I.

EPiscopis hoc Sacramentum administraturis non tantum illic, ubi illud conferent, at in locis quoque vicinis ejusdem Diocesis, hoc ipsum tempore publicetur.

CAPUT II.

Episcopi Sacramentum Confirmationis administraturi, aliquot ante diebus curent per Parochos populum de

sequentibus diligenter moneri: in primis, de dignitate, vi & effectibus hujus Sacramenti: de confessione præmittenda ab iis, qui erunt confirmandi, si ad discretionis annos pervenerint: de prohibita ejusdem Sacramenti iteratione sub pœna sacrilegii, eo quod imprimat characterem: denique de patrinis aut matrinis necessariis non minus, quam in Baptismo, ut proinde singuli puerorum ab aliquo præsentandi adducantur, mares quidem quoad fieri poterit a viris, & puellæ a mulieribus, quorum etiam officium Parochus declararet, nempe quod eorum puerorum, quos susceperint, tanquam filiorum spiritualium curam gerere, eosque prima Fidei rudimenta docere debeant, si ea ignorent. Qui quidem Susceptores ipsi antea sint sacro Chrismate confirmati, majores quoque natu iis, quos præsentant, aut suscipiunt, cum minor majori monendo aut corrigendo patris vice esse non possit. Moneantur etiam de conferendis mundis linteis justæ longitudinis, ut fronti & capiti circumcingi possint. (Conc. 2. Prov. Tit. 7. cap. 1.)

CAPUT III.

Qui in Baptismo Patrinus esse prohibetur, nec in Confirmatione esse potest.

CAPUT IV.

Dubitantes, an hoc Sacramentum aliquando susceperint, causas dubitandi Episcopo exponant, ut sub conditione confirmentur, (si is ita fieri debere judicaverit.)

TITULUS X.

De Sacramento Penitentiae.

CAPUT I.

STatuit S. Synodus Tridentina (d) nullum Presbyterum, etiam Regularem, posse confessiones Sæcularium, etiam Sacerdotum, audire, nisi aut Parochiale Beneficium, aut ab Episcopo idoneus judicatus ejusdem approbationem obtineat, privilegiis, & consuetudine quacumque immemoriali non obstantibus. Itaque ejusmodi Beneficium vel approbationem non habentes, confessiones Sæcularium, etiam Sacerdotum, excipere non præsumant, extra mortis articulum.

CA.

(c) Rituale Rom. Pauli V.

(d) Sess. 23. c. 15. de Reform.

CAPUT II.

PIUS V. Constitutionem INNO-CENTII III. de qua in C. *Cum infirmis*. De pœnit. & remiss. innovando (*) statuit, ac decrevit sub excommunicationis & aliis gravissimis pœnis, ut Medici ad infirmos in lecto jacentes vocati, ipsos ante omnia moneant de confessione peccatorum facienda, & inobedientes tertio die ulterius non visitent. Cumque hoc ipsum exacte servari salus animarum deponat; quatenus opus sit, imploretur etiam brachium Regis Catholici, ut ab omnibus & singulis Medicis præsentibus & futuris juramentum præstari jubeat, quo id facturos se promittant; & contravenientes debite puniantur.

CAPUT III.

Ad audiendas confessiones debite admissus, aliorum confessiones excipere non præsumat, quam in quos ordinariam, vel delegatam habet jurisdictionem. Et is, qui non absolute, sed pro certo loco tantum admissus est, sciat se alibi etiam cum consensu Pastoris confessiones excipere non posse.

CAPUT IV.

Ubi necdum erecta sunt confessionalia, quæ Confessarium a pœnitente a seculo cancellato, ac pœnitentem a sequentibus alio a seculo disjungant, fiant intra quatuor menses post publicationem Statutorum hujus Synodi, expensis fabricarum, eademque in loco parenti & aperte constituantur. Et nemo deinde absque licentia Ordinarii extra ejusmodi confessionalia, sceminarum confessiones audire præsumat, nisi in casu necessitatis, ita ut ab aliis conspici, non autem audiri possit, sub pœna arbitraria.

CAPUT V.

Confessarius sceminarum ægrotantium confessiones non audiat, ostio cubiculi, ubi illæ decumbunt, penitus clauso.

CAPUT VI.

Dum tenebræ sunt, nemo, nisi adhibito lumine, sceminarum confessiones excipiat.

CAPUT VII.

Confessarius sedens confessiones excipiat, quacumque etiam dignitate pœnitentes fulgeant: & non nisi cooperto capite, Sacramentalis absolutionis sententiam ferat.

CAPUT VIII.

Prudentes sint Confessarii in examinando pœnitentes, præsertim circa vitia carnis: ne indiscretis interrogationibus eos doceant peccata, quæ ignorant, vel aliter scandalizent.

CAPUT IX.

Habens facultatem absolvendi a reservatis, prudenter ea utatur, exponendo pœnitenti gravitatem peccatorum; sciatque se super irregularitatibus dispensare, aut a censuris & votis reservatis absolvere non posse, nisi id specialiter fuerit concessum.

CAPUT X.

Quilibet Confessarii, secundum præscriptum Concilii Tridentini, (e) quantum spiritus & prudentia suggesserit, convenientes satisfactiones injungant, habeantque præ oculis, ut satisfactio, quam imponunt, non sit tantum ad novæ vitæ custodiam & infirmitatis medicamentum, sed etiam ad præteritorum peccatorum vindictam & castigationem.

CAPUT XI.

Occasiones propinquas peccandi mortaliter vitare nolentibus, beneficium absolutionis non impendatur.

CAPUT XII.

Neminem vero obligent Pastores, aliive Confessarii, ut perpetuo sibi soli, & non alteri confiteatur. Si quis id fecerit, gravissime puniatur. Et si hoc Statutum non ignorarit, ipso facto ab audiendis confessionibus sit suspensus, siue Sæcularis, siue Regularis is fuerit, etiam exemptus: & ejusmodi obligationem, etiam juramento vel voto firmatam, tanquam irrationabilem & indiscretam hæc Synodus irritam esse declarat, & quatenus opus est, irritat.

CAPUT XIII.

Sigillum confessionis strictissime servandum esse, nemo ignorat. Illud ipsum ad ea se extendit, quæ occasione

eorum,

(*) Vide supra.

(e) Sess. 14. c. De Satisf. necess. & fructib.

eorum, quæ in confessione detecta sunt, post datam absolutionem a Confessariis interrogati pœnitentes vel repetunt, vel fufius enarrant. Ideo & ea non minus, quam alia in confessione dicta, secreta sunt habenda.

CAPUT XIV.

Nullus sæcularis, vel regularis Sacerdos præsumat usurpare formam verborum Absolutionis Sacramentalis, dum infirmo confert Indulgentias, nisi tum etiam confessionem ejus exceperit, & simul velit a peccatis absolvere.

CAPUT XV.

Episcopus ab audiendis confessionibus suspendat, aut omnino amoveat Confessarios, etiam Regulares jam approbatos, quos pro suæ conscientie religione viderit graviter offendere, & in eo munere non ita sincere & cum ædificatione se gerere, quemadmodum & tanti ministerii sanctitas postulat, & animarum salus deposcit.

TITULUS XI.

De Sacramento Eucharistie.

CAPUT I.

Sciat unusquisque fidelis, qui ad annos discretionis pervenit, quandoque a Pastore idoneus judicabitur, se saltem in Paschate (quod juxta declarationem EUGENII Quarti Dominicam Palmarum & sequentes dies usque ad Dominicam in Albis inclusive comprehendit) in sua Ecclesia Parochiali communicare debere, neq̃ satisfacere Ecclesiæ præcepto alibi communicando. Si qui vero a Parochia eo tempore absuerint, domum reversi, intra quindenam, vel in Ecclesia sua Parochiali communicent, vel alibi se id præsticisse doceant. Neutrum facientes & quicumque alii præcepto Ecclesiæ de Communione Paschali non satisficientes, postquam a Pastore moniti fuerint, Episcopo, ejusve Vicario denuncientur, ut secundum præscriptum Canonis: *Omnis utriusque sexus, x. De pœnit. & remiss.* in exemplum aliorum debite puniantur.

CAPUT II.

Parochi paulo ante tempus Paschale Parochianos diligenter instruant,

non modo quali præparatione ad Sacramentum Pœnitentiæ, verum etiam quanta reverentia & humilitate ad tremendum Eucharistiæ Sacramentum accedere debeant, quantaque illis supplicia sint parata, qui indigne suscipiunt.

CAPUT III.

Curent Parochi, ut mendici & vagi tempore Paschali in sua Parochia agentes communicent, eosque antea de requisitis ad dignam Confessionem & Communionem particulariter instruant.

CAPUT IV.

Præceptis Ecclesiæ de annua Confessione & Communione Paschali non satisficientes, elemosynis mensæ pauperum gaudere non merentur. Quare & satagant Pastores, ut illis pro aliqua parte, prima vice, & si se non emendarint, in totum deinde priventur, in exemplum aliorum.

CAPUT V.

Pastor sacram Eucharistiam ægrotanti administraturus, præmoneat, ut ejus cubiculum prius purgetur, mensæque mundo linceo, Cruce, luminaribus, & vasculo aquæ benedictæ instructa præparetur, in qua pyxis cum Sanctissimo Sacramento collocetur.

CAPUT VI.

Pastores, eorumque Vicarii, Venerabilis Corporis Christi Sacramentum ad ægrotos deferentes, superpelliceo vel alba, & stola sint induci; & Clericus superpelliceo vestitus, lumen & campanulam sonantem præferat, etiam quando frequentius eidem ægroti in eodem morbo administraretur. Insuper, ubicumque commode fieri poterit, sub honesto baldachino deferatur: omnibusque & singulis illud deferentibus, nec non iis, qui pro illo habendo contribuent, quilibet Episcopus in sua Diocesi quadraginta dierum Indulgentias in Domino largitur. Nullusque omnino regularis vel sæcularis Sacerdos, etiam exemptus, illud occulte ad ægrotum deferre præsumat, nisi forte Episcopus ob justam causam aliud permiserit.

CAPUT VII.

Quando Parochus, dum per aspera & difficilia loca illi gradiendum est, unam

unam dumtaxat sacram Hostiam ad ægrotum deferret; inane vasculum, occulte, silente campanula & sine lumine, exutus stola & superpelliceo, ad Ecclesiam referet; iis, qui comitati fuerint, præmonitis, unam dumtaxat sacram Hostiam ad ægrotum delatam fuisse.

CAPUT VIII.

Cum quis Sacerdoti Sanctissimi Corporis Domini Sacramentum ferenti obviam sit, flexis genibus tamdiu in adoratione permanebit, quoad ille cum Sacramento transferit, & ad id debite præstandum, si equo vel curru vehatur, ex eo descendet.

CAPUT IX.

Ultimo supplicio afficiendis, pridie, vel saltem quinque. aut sex horis ante mortem, S. Eucharistia administratur, si ad eam recipiendam debite fuerint dispositi.

CAPUT X.

Peste affecto, statim ut confessus fuerit, etiam non jejuno S. Eucharistia pro viatico, & Sacramentum Extremæ Unctionis administrantur.

CAPUT XI.

Populo, postquam S. Eucharistiam sumpserit, vinum pro ablutione & calice consecrato ne præbeatur.

CAPUT XII.

Satagant Pastores, ut vascula, & pyxides S. Sacramenti ubique sint ex argento.

CAPUT XIII.

Tabernaculum Sanctissimæ Eucharistiæ tale sit, ut ipsa commode ex eo depromi possit: nihilque præter eam in eodem conservetur.

CAPUT XIV.

Curent Parochi, ut ante Tabernaculum Sanctissimæ Eucharistiæ continuo tam de nocte, quam de die lumen ardeat: & ubi facultates Ecclesiæ sumpsum istum ferre non possunt, excitetur devotio Parochianorum ad liberaliter contribuendum, aut ex communi aërio, aut per particulares collectas. Et si alicubi nec hac quidem ratione continuum lumen haberi possit, recuratur ad Episcopum, qui pro sua prudentia judicabit, quomodo subvenien-

dum. Hac ratione pro cæteris quoque diebus paulatim, per pia legata & fundationes, sufficiens oleum habendum sperari debet, maxime si Pastores serio ad id allaborent.

CAPUT XV.

Singulis septimanis, aut circiter, & (si humiditas loci requirat) etiam sæpius, species Sacramentales renoventur.

CAPUT XVI.

Advigilent Pastores, ut hostiæ tam majores pro Celebrantibus, quam minores pro Communicantibus, sint delicatæ, honesteque rescissæ, ac recenter coctæ, dum emuntur: utque conferrentur in pyxidibus nullo malo odore infectis, & nunquam ultra mensem.

CAPUT XVII.

Ut occurratur defectibus, qui contingere possunt circa panem, qui in S. Eucharistiam est consecrandus, per Ordinarios, seu ab illis substitutos, in singulis suarum Diocesium civitatibus ac oppidis deputetur aliquis, qui dictum panem ex optimo & purissimo tritico, ac ea, quæ illi præscribitur forma, exactissime conficiat, exacto prius juramento de officio fideliter præstando: neque liceat cuiquam Parocho, vel Sacerdoti, ab alio, quam sic depurato, sibi panem ad Missam celebrandam comparare, nisi forte ab aliquo Monasterio ei subministretur.

CAPUT XVIII.

Magna sollicitudine ubique provideatur, ut vinum, in tremendo Sacrificio in Sanguinem Domini transubstantiandum, semper sit purum, & nullo modo acidum, aut ceptum corrumpi. Et cum re ipsa sæpe compertum sit vendi hydromel, ficeram, vel liquorem mixtum ex utroque, aut similem pro vino Hispanico, vel alio; nemo deinceps hujusmodi vino, aut liquore ad celebrandum utatur, nisi certitudinem habeat, ipsum esse verum & purum vinum.

CAPUT XIX.

Ubi tones publicæ processiones cum Sanctissimo Sacramento instituuntur, ut nimia frequentia minuat reverentiam: Episcopi debitam moderationem adhibeant.

CAPUT XX.

Nemo concionetur, vel sermonem habeat ante Sanctissimum Sacramentum publice expositum, capite cooperato.

CAPUT XXI.

Albæ, amictus, mappæ altarium, & alia benedicta, cum profanis linteis non laventur: & dum corporalia, & purificatoria mundantur, primæ lotionis aqua in piscinam projiciatur.

TITULUS XII.

De Sacramento Ordinis.

CAPUT I.

IN primis, testimonia vitæ & probitatis morumque, adferri debent a singulis ordinandis: quæ signata sint a Decanis Christianitatis, ac deinceps ab eisdem Decanis clausa & obsignata mittantur, sub pœna rejectionis eorumdem, & non admissionis ipsorum ordinandorum. Si quis autem sine literis illis venerit, is non admittatur, immo ne quidem examinetur. (*Conc. 2. Prov. Tit. 10. cap. 1.*)

CAPUT II.

Proclamationes promovendorum ad singulos Ordines, fiant juxta Decretum Concilii Tridentini: & qui de his (sive Sæculares, sive Regulares) fidem non fecerint in examine, rejiciantur. (*ibid. cap. 2.*)

CAPUT III.

Sæculares ad minores Ordines promovendi, ejusmodi testimonia adferant a Parocho, & Magistro Scholæ, quam frequentant: majoribus Ordinibus insigniendi, si in Ecclesia Cathedrali, vel Collegiata resideant, a Capitulo; si in Collegio vel Pædagogio aliquo degant, ab illius Præfide; alioquin a proprio Parocho: & si Theologiæ vel Philosophiæ dent operam, etiam a Professore præfacta testimonia habere debeant.

CAPUT IV.

Religiosi, etiam Ordinum mendicantium, a Superiore suo ætatis ac vitæ, morumque probitatis testimonia in scriptis adferant, doceantque de Ordini-

nibus susceptis per literas a Secretario Episcopi expeditas, & sigillo ejusdem Episcopi communias, antequam ad altiorum Ordinem admittantur. Insuper ad Subdiaconatum promovendi, declarent se libere, & sine ulla coactione professionem fecisse aut ratam habuisse, illudque in registro ordinatorum annotetur.

CAPUT V.

Episcopi subditos suos non aliter, quam jam probatos & examinatos, ad alium Episcopum ordinandos dimittent, juxta Decretum S. Concilii Tridentini. (f)

CAPUT VI.

Virtute literarum dimissorialium Clerico alterius Diocesis majores vel minores Ordines collaturus, sciat se cum eo super interstitiis temporum dispensare non posse.

CAPUT VII.

Tituli patrimoniales, & beneficiales sint sufficientes ad victum, judicio Episcopi, ideoque ad minimum, centum florenorum. Et qui canonicam institutionem, & pacificam possessionem Beneficii non obtinet, ejus titulo non ordinetur.

Forma vero Juramenti, quod præstare tenebuntur ii, qui patrimoniali titulo ad Ordines promovebuntur, sit hæc:

Ego N. . . juro, quod in acquisitione bonorum meorum patrimonialium, ad quorum Titulum sum promovendus ad sacros Ordines, nulla fraus aut dolus intercessit, quodque illa vere possideo, neque in posterum directe aut indirecte alienabo, nisi fuerit mihi de Beneficio Ecclesiastico æque sufficienti provisorum; quo casu id ipsum non faciam sine consensu mei Episcopi, in literis ipsius alienationis specialiter exprimendo. Beneficium autem, quod in dicti Tituli mei locum successerit, sine simili consensu non resignabo. Ita me DEUS adjuvet, & hæc sancta DEI Evangelia. Et alias ad præscriptum sacri Concilii Tridentini. (*Conc. 2. Province. Tit. 10. cap. 4.*)

CAPUT VIII.

Ordinandus Titulo patrimoniali, juramentum a Synodo præcedenti hoc Tit. c. 4. præscriptum, de verbo ad verbum

(f) Sess. 23. c. 3. de Reform.

bum præstabit, nec antea literæ approbationis tituli expeditur: quæ & testabuntur præstitum fuisse. Simile iuramentum, mutatis mutandis, præstabunt ordinandi Titulo beneficiali.

CAPUT IX.

Subdiaconatum susceperunt, vitæ rationem, cui se illum suscipiendo sancte obstringunt, diligentius perpendant. Utque omnis ante-actæ vitæ peccatorum accuratam confessionem præmittant; & Diaconi ad Sacerdotii gradum accessuri, paulo ante in loco semoto, ab omnibus curiæ & occupationibus liberi, exercitia spiritualia obeant, utrosque hæc Synodus hortatur in Domino.

CAPUT X.

Ne quis forte a susceptione Ordinis Sacerdotii ab Episcopo reiectus, ad confusionem apud suos evitandam, ministerium Sacerdotale, quod non accepit, sacrilega temeritate usurpare attemptet; mandat hæc Synodus, ut celebratio Primitiarum nemini permittatur, antequam Superiori Ecclesiastico sæculari vel regulari loci, ubi quis eas celebrare intendit, literas suscepti Sacerdotii exhibuerit.

TITULUS XIII.

De Sponsalibus & Matrimonio.

CAPUT I.

ET si Sponsalia de futuro a Concilio Tridentino sint intacta, ea tamen ad diversâ inconvenientia evitanda inter alienos Parochianos coram se contrahi Parochus non permittat, sub pœna arbitraria, nisi de Ordinarii, vel proprii Parochi consensu fidem fecerint.

CAPUT II.

In taberna quoque Sponsalia contrahere volentibus Parochus non assistat, & nullis unquam potu captis.

CAPUT III.

Satagant Pastores, ut Matrimonium contrahere volentes, si non sint confirmati, curent se confirmari, antequam illud contrahant: sciantque Orationem Dominicam, Salutationem An-

gelicam, Symbolum Apostolorum, præceptaque Decalogi & Ecclesiæ.

CAPUT IV.

Parochi Sponsos, & Sponsas hortentur, ut, antequam contrahant Matrimonium, peccata sua diligenter confiteantur, & Sacramentum Eucharistiæ pie sumant; utque ante Sacerdotalem Benedictionem in eadem domo non habitent. (g)

CAPUT V.

Decretum Concilii Tridentini, (b) irritans & annullans Matrimonia, quæ aliter, quam præsentem proprio alterius contrahentium Parocho, vel alio Sacerdote de ejusdem Parochi, vel Ordinarii licentia, & duobus vel tribus testibus contrahuntur, in omnibus & singulis Ecclesiis Parochialibus totius Provinciæ intra proximum semestrem denovo publicetur: omnesque Decani Christianitatis & alii Visitatores, in prima visitatione tempus illud subsequente, serio ubique inquirent, num id præstitum sit, & in actis visitationis singularum Ecclesiarum expresse annotabunt, an huic Mandato satisfactum sit, necne.

CAPUT VI.

Matrimoniis vagorum, & qui certam sedem non habent, non possunt Parochi interesse, ad præscriptum S. Concilii Tridentini C. 7. Sess. 24. de Reform. Matrim.

CAPUT VII.

Si Parochus Sponsam, vel Sponsum non libere, sed coacte ad Matrimonium procedere adverterit, nec ipse eos Matrimonio jungat, nec alteri ad hoc vices suas committat, sub pœna suspensionis ab officio & beneficio.

CAPUT VIII.

Matrimonii denunciationes a Parochis fiant, cum vir & mulier, eorumve parentes, vel ii, qui puellæ curam habent, id postularint.

CAPUT IX.

Proclamationes Matrimoniorum tribus continuis Dominicis vel aliis Festivis diebus licite fiunt, juxta Decretum Concilii Tridentini. (i)

CAPUT

(g) Conc. Trid. Sess. 24. c. 1. de Reform. Matrim.

(i) Ibidem.

Tomus IX. Concilior. German.

(b) Ibidem.

CAPUT X.

Quo die de Matrimonio contrahendo denunciatio ultima facta est, eo ipso die illud non celebretur, nisi is novissimus dies sit ante Quadragesimæ aut Adventus initium.

CAPUT XI.

Si quando dispensatio super banis, seu denunciationibus matrimonialibus impetretur; ea, sicut & reliquæ omnes dispensationes Ordinario ostendantur, (k) priusquam executioni mandetur. Et qui aliter eam exequi præsumpserit, debite puniatur.

CAPUT XII.

Ex omissione proclamationum, quas Concilium Tridentinum Matrimonii celebrationi præmittendas saluberrime præscribit, gravia incommoda enasci primum est: propterea statuit hæc Synodus, ut raro, & non nisi ex iusta & legitima causa, in iis dispensetur.

CAPUT XIII.

Quia Matrimonia inconсульта, & præcipiti juventutis fervore inita, infelices fortiri solent exitus, stricte præcipitur omnibus, præcipue autem Universitatibus, & similibus locorum Parochis, ut si huiusmodi Matrimonia præter parentum voluntatem contrahi conspexerint, non statim interfint, sed consulto prius Ordinario; qui scandalis & malis, quæ inde forsan provenire possent, occurret.

CAPUT XIV.

Cum ex longa conjugis absentia non resulet certitudo de ejus obitu, & mors non præsumatur, sed probanda sit: ad secundas nuptias convolare desiderans, Matrimonio non jungatur, nisi probato prius legitime obitu conjugis.

CAPUT XV.

Non sunt ferendæ in quibusdam locis depravato morum usu introductæ corruptelæ, ut a nubentibus, præsertim viduis ad secundas nuptias convolantibus, vel ex aliena Parochia uxorem ducentibus, pecunia extorqueatur. Ideoque Episcopi eas, & quasque alias a Christianæ pietatis in-

stitutis, & Matrimonii, quod celebratur, sanctitate alienas, extirpari & funditus tolli curent, etiam invocato (si necesse fuerit) auxilio brachii sæcularis.

CAPUT XVI.

In Ecclesia Parochiali tantum, & mane seu ante prandium, Matrimonium celebretur: nisi Episcopus aliud permiserit.

CAPUT XVII.

Quilibet Pastorum impedimenta Matrimonii exacte nosse & in memoria habere studeat, & subinde in concionibus ea populo declararet.

CAPUT XVIII.

Impedimento aliquo denunciato, etsi postea a denunciante fuerit revocatum, vel Matrimonio desponsorum oppositione aliqua facta, Parochus ad ultteriores proclamationes non procedet, & multo minus ad Matrimonii solemnizationem, antequam re ad Ordinarium, ejusve Officiale delata, sibi hoc permitti cognoverit.

CAPUT XIX.

Registrum Matrimonio junctorum non per Clericum, sed per Pastorem, ejusve Vicarium conscribetur, sub forma sequenti:

Pastor hujus Ecclesiæ, vel N. N. (exprimendo nomen & cognomen Sacerdotis) de expressa licentia Episcopi, vel Pastoris, tali die, talis mensis, talis anni, Matrimonio junxit N. N. & N. N. (exprimendo nomen & cognomen Sponsi, & Sponsæ) Parochianos hujus Parochiæ, (& si alter fuerit alterius Parochiæ, id quoque scribetur, & Parochia nominabitur) presentibus N. N. & N. N. exprimendo nomina & cognomina testium.

CAPUT XX.

Omnes & singuli Decani Christianitatis, & alii Visitatores, quotannis in visitatione singularum Ecclesiarum Parochialium, librum Matrimonio junctorum examinent, videantque, an nomina & cognomina eorum, & testium, diemque ac locum contracti Matrimonii contineat: & si quem errorem adverterint, debite corrigi curent.

TITU.

(k) Conc. Trid. Sess. 22. c. 5. de Reform.

TITULUS XIV.

*De Sacramento Extremæ Un-
ctionis.*

CAPUT I.

Pastores non modo subditos suos subinde e suggestu moneant susceptionem hujus Sacramenti non esse ad extremum differendam, sed insuper ægrotos diligenter visitent, etiam non vocati, satagantque, ut sensibus & usu rationis adhuc integris, illud sibi administrari perant, atque ita uberiorem ejus fructum percipiant.

CAPUT II.

Pastores subinde populum doceant, hujus Sacramenti susceptione non imminui spem convalescendi, nec adimi potestatem testamenti, vel aliter de bonis temporalibus disponendi. Et si forte alicubi statuto, vel usu introductum sit contrarium, declarat hæc Synodus ejusmodi statutum non esse rationi & æquitati consonum, nec obligatorium, talemque consuetudinem etiam immemorabilem pro corruptela habendam esse, utpote causam, cur tam salutaris Sacramenti susceptio a plurimis ad extremum vitæ spiritum differatur, iique interim effectus Sacramenti non percipiant, & non pauci sine eo moriantur.

TITULUS XV.

*De Funeribus, Sepulturis &
Exequiis.*

CAPUT I.

Usurarium manifestum, etsi per testamentum usuras restitui mandaverit, nemo tamen ad Ecclesiasticam sepulturam admittat, nisi actualiter, & prout facultates tulerint, usuras restituerit, vel de iis restituendis idonee caverit, juxta Constitutionem GREGORII Decimi, (1) sub pœna Canonum.

CAPUT II.

Eos etiam, qui in duello morrui sunt, quosque insuper novissima Synodus secundum Canonicas Sanctiones Ecclesiastica sepultura privandos esse

(m) declaravit; nemo in loco sacro sepelire audeat, sub pœnis Canonum, Constitutionis CLEMENTIS Octavi, & aliis arbitrariis.

CAPUT III.

Extra duellum occisorum, & in loco sacro sepulcorum exequiæ non differantur: Et ubi contraria est consuetudo, eam ut irrationabilem & irreverentem hæc Synodus detestatur.

CAPUT IV.

Infantes sine Baptismo decedentes, non sepeliantur in loco sacro, nec in parentum, vel aliorum privatorum hortis, sed communis aliquis locus juxta cœmeterium, eorum sepulturæ deputetur.

CAPUT V.

Infantes post Baptismum defuncti, non nisi præsentem Pastorem, aut alio Sacerdote de ipsius licentia, & cum hymnis, ac cæremoniis ab Ecclesia præscriptis, sepeliantur.

CAPUT VI.

Cum pie speretur corpora in Fide Catholica defunctorum, ad gloriam resuscitanda: æquum est, ut Christiana & honesta sepultura non careant: & si adeo pauperes illi obierint, ut quo ea procuretur, in bonis non reliquerint, eapropter ejusmodi pauperum sepultura sine Missa, duobus cereis ardentibus, & pulsui unius ex minoribus campanis non peragatur, sumptusque ille a mensis pauperum feratur.

CAPUT VII.

Parochus, intra cujus Parochiæ fines aliquis alienæ Parochiæ occisus est, ejus corpus libere alio transferri nullo prætextu prohibeat: nihilque ea de causa accipiat, nisi translatio ista cum funere fieret, quo casu liberum ei sit uti jure suo.

CAPUT VIII.

Cerei, funalia, intortitiave in funere ne extinguantur, nisi sacro Officio, etiam sepulturæ, absoluto & expleto.

CAPUT IX.

Dum in funere aut exequiis Defunctorum concio habetur, referat ea
Aaa 3 ad

(1) Cap. Quamquam. de Usur. in 6.

(m) Conc. Trid. Sess. 25. c. 19. de Reform.

ad humanam miseriam fidelium oculis proponendam, omnesque ad vigilandum cohortandos. Abstineatur vero ab immodicis & adulatoriis laudibus, nihilque dicatur, nisi quod certum sit, & auditores ædificet.

CAPUT X.

Esti jura funeralia per totam Provinciam nequeant esse uniformia, quod ea multis in locis sint, magna pars congruæ portionis Pastorum, alibi vero absque iis honeste Pastoribus sit proviſum: curent tamen Decani Christianitatis, & alii Visitatores, ut eadem, & quævis alia jura Pastoralia sint certa in singulis Parochiis, agendo deſuper cum Pastore, & Magiſtratu uniuscujusque loci, ac aliis, quos res tangit: & si alibi communi conſenſu illa determinari non potuerint, id ipſum ad Episcopum referatur, ut ipſe ſuam auctoritatem interponat, etiam invocato (ſi opus fuerit) brachio ſæculari.

CAPUT XI.

Nemo ex ulla Eccleſia aut cœmeterio mortui corpus perpetuæ ſepulturæ traditum exhumare, vel aſportare audeat, (n) ſine permiſſione Episcopi in ſcriptis præobtentâ.

TITULUS XVI.

De Oblationibus, Decimis, & Portione Canonica.

CAPUT I.

Decretum Concilii Tridentini (o) contra ſubtrahentes, & non ſolventes Decimas, quod huic Capiti de verbo ad verbum ſubjungetur, ſæpe Concionatores populo inculcent, & ſingulis annis paulo ante meſſem omnes Parochi e ſuggeſtu publicare non omittant.

Non ſunt ferendi, qui variis artibus Decimas &c. (tenor habetur ſup.)

CAPUT II.

Cum in multis locis Pastores, quibus olim de Portione Canonica tolerabiliter proviſum fuit, ob malitiam temporum & rerum omnium caritatem, ſufficientem modo vivendi competentiam non habeant, nec bovi rituranti

os claudi debeat, æquum eſt, ut iis omnibus debite provideatur. Ideoque mandat hæc Synodus, ut omnes, qui ad portionem canonicam Parochis aſſignandam tenentur, per unionem Beneficiorum faciendam per Episcopum ad præſcriptum S. Concilii Tridentini (p) iisdem provideant infra quatuor meſes a die publicationis Decretorum hujus Concilii. Quod ſi id fieri non poſſit, Episcopi, ſeu eorum Vicarii, aut Officiales, ſummarie ea forma, quæ *hoc Titulo cap. 7.* præſcribitur, procedentes, quod ipſis Parochis deeſſe compereant ad ſummam inferius taxatam, per modum proviſionis, ſuper qua appellatio executionem non ſuſpenderet, adjudicabunt.

CAPUT III.

Pro ſufficienti Paſtorum ſuſtentatione, curabit Episcopus, ſi per Beneficiorum unionem, non tamen Regularium, id fieri non poſſit, ut Primitiarum vel Decimarum aſſignatione, aut per Parochianorum ſymbola ac collectas, aut qua commodiori ei videbitur ratione, tantum redigatur, quod pro eorum neceſſitate decenter ſufficiat.

CAPUT IV.

Taxa ſit in Pagis ducentorum ut minimum florenorum, & non major ducentis & quinquaginta: in Urbibus autem, non minor ducentis quinquaginta, & non major trecentis florenis. Porro in æſtimatione valoris bonorum cujuſque Paſtoratus tam in Pagis, quam in Urbibus, habebitur ratio eorum accidentium, quæ tribus aut quatuor communibus annis ſimul computatis, aliquantulum ad ſuum valorem in ſingulos annos reduci poſſunt. Per hoc tamen Eccleſiis Parochialibus melius dotatis, nihil a Patronis, aut quibuſvis aliis detrahi poſſe, hæc Synodus declarat.

CAPUT V.

Nulla nova Gazophylacia, vulgo *des Tronques*, in Eccleſia ponantur, ſine licentia Ordinarii loci.

CAPUT VI.

Puellæ pro ornatu Altarium, vel alia quacumque re, eleemoſynas in Eccleſia non petant.

CA-

(n) Rituale Rom.

(o) Seſſ. 25. cap. 12. de Reform.

(p) Seſſ. 24. c. 13. de Reform.

CAPUT VII.

Episcopi, seu eorundem Vicarii, aut Officiales summarie & de plano sine strepitu & figura iudicii, audita nuda petitione Parochorum, ac eorum, quorum interest, responsione, & facta desuper summaria informatione, quod ipsis Parochis deesse compererint ad summam superius taxatam, per modum provisionis, super qua appellatio executionem non suspendat, adjudicabunt. Dicta autem Parochorum petitio continere debet veram & certam, seu particularem bonorum ipsis ratione suæ Ecclesiæ Parochialis competentium & onerum annexorum (quæ deduci debebunt) proprio juramento firmatam declarationem; in qua si ipsi Parochi aliquid scienter suppressisseprehendantur; & causa cadant, & graviter arbitrio Ordinarii puniantur. Decimarum tamen assignationes ita fiant, ut onerum uniuscujusque æqua ratio habeatur. (*Conc. 2. Prov. Tit. 14. cap. 6. & 7.*)

TITULUS XVII.

De recta bonorum Ecclesiasticorum administratione.

CAPUT I.

IN eo, quod decernitur, de alienationibus bonorum Ecclesiasticorum, quæ sine Decreto & causæ cognitione factæ sunt, revidendis & irritandis: de omnibus & singulis, quæ in commissionibus Apostolicis ad decretum alienationis interponendum præscribuntur, exacte servandis: de non faciendis elocationibus, ultra tempus legitimum: de bonis Ecclesiarum Parochialium, Capellaniarum, & piorum locorum, non nisi præmissis proclamationibus & publice elocandis: de piis foundationibus ad alios etiam pios usus per Administratores non convertendis: & de Concilii Tridentini Decretis quoad Hospitalia, & alia pia loca executioni mandandis, strictè præcipit præsens Synodus observari Statuta & Decreta Ecclesiastica.

CAPUT II.

Decretum Concilii Tridentini (q) contra occupatores quorumcumque

bonorum & jurium Ecclesiasticorum, subinde populo per Parochos, & alios Concionatores inculcetur, eumque in finem de verbo ad verbum hic subjungitur.

Si quem Clericorum vel Laicorum, &c. (omittitur tenor, quia habetur supra.)

CAPUT III.

Possessores quorumcumque Beneficiorum literas foundationum eorundem, Archi-Presbyteris, vel aliis, quorum visitationi ipsa Beneficia subsunt, intra trimestre post publicationem præsentis Synodi exhibebunt, & copiam authenticam relinquent: vel, si eas se habere negent, juramento se desuper expurgabunt.

CAPUT IV.

Rectores quarumcumque Ecclesiarum Parochialium, Personatusque & Capellanas obtinentes, intra semestrem a publicatione hujus Synodi, Decano Christianitatis, vel alteri Visitatori, tradant plenam & perfectam declarationem omnium & singulorum bonorum ac fructuum ad sua Beneficia spectantium, a se subsignatam & juramento firmatam, cum debita designatione quantitatis terminorum, & hypothecarum, nec non censuum, reddituum & quorumcumque onerum, quibus bona illa gravantur. Deinceps quoque collationem similium Beneficiorum accepturi, hoc ipsum intra annum præstabunt, & se præstituros jurabunt, antequam possessionem accipiant: quod si qui præstare neglexerint, bona eorum arrestentur, etiam invocato auxilio brachii secularis, si necessum fuerit.

CAPUT V.

Ne bona beneficalia, ob redditus, & census, quibus ea gravantur, non solutos, in controversiam cum damno Ecclesiæ trahi contingat, quilibet Beneficiatus omnia onera bonis sui Beneficii incumbentia se perfolvisse, tempore visitationis per apochas, vel aliter sufficienter docebit, sub pena arbitraria.

CAPUT VI.

Ubi nulla, vel imperfecta sunt registra bonorum fabricarum, mensarum pauperum, aliarumque piarum foundationum,

(q) Sess. 22. c. 11. de Reform.

tionum, ea intra annum debite fiant, aut perficiantur, cum debita designatione quantitatis & limitum quoad terras arabiles, prata, vivaria, & similia, nec non hypothecarum quoad census, & redditus. Ubi quoque ejusmodi registra nunc sunt, sed a quindecim annis renovata non fuerunt, intra annum proximum & deinde singulis quindecim annis, debite renoventur.

CAPUT VII.

Compurus fabricarum, mensarum pauperum, omniumque piorum locorum singulis annis, vel saltem bienniis debite reddantur, & ad hoc certi dies ubique constituantur. Episcopus quoque vel quem is deputaverit, illos auditurus, examinatis præcedentibus computibus videat, num eorum conclusiones debite purgatæ, seu reliqua eorum plene soluta sint: utque omnia debite administrantur, diligenter advigilet.

CAPUT VIII.

Quia injuria temporum multa intercederunt munimenta bonorum Ecclesiasticorum, mandat hæc Synodus universis Beneficiatis hujus Provinciæ, ut singuli conficiant sibi Manuale, in quo sibi factas solutiones bonorum sui Beneficii debite annotent, illudque & Visitatori quotannis exhibeatur, & Successoribus gratis relinquantur.

CAPUT IX.

Elocationes bonorum Ecclesiasticorum anticipatis solutionibus non fiant. Et si fieri contigerit, nullatenus in præjudicium Successorum validæ intelligantur, quocumque indulto vel privilegio non obstante, ut decrevit Concilium Tridentinum. (r)

CAPUT X.

Census & redditus caponum, anserum, quorumcumque granorum, olei, halecum, ceræ & similes, qui Beneficiis, fabricis Ecclesiarum, mensis pauperum, Hospitalibus, & quibuscumque aliis piis locis debentur, non in certa semper, & eadem quantitate pecuniæ solvi permittantur.

CAPUT XI.

Munimenta bonorum fabricarum, Ecclesiarum Parochialium, & mensa-

rum pauperum, sub tribus distinctis clavibus conserventur, & una earum sit penes Pastorem.

CAPUT XII.

In qualibet Ecclesia Parochiali & Capella, fiat Inventarium omnium ornamentorum & utensilium ejusdem Ecclesiæ & Sacelli, subsignandum ab eo, cui illorum custodia committitur: qui & idoneam cautionem præstabit de illis fideliter custodiendis, dum requiratur. Et quodcumque aliquid novi ornamenti vel supellestilis accedet, id ipsum Inventario ascribetur.

CAPUT XIII.

Visitatores Ecclesiarum Parochialium visitabunt etiam quotannis domos Pastorales & Capellaniarum, & quando eas reparatione indigere advertent, mox eam fieri jubebunt: & non-obedientes Episcopo, vel alteri, ad quem spectat, denunciabunt, ut ad debitas reparationes compellantur, & pro præterita negligentia puniantur. Et si vivente Pastore, qui fructus per aliquod tempus considerabile perceperit, ejusmodi reparatio facta non fuerit; ad eam hæredes urgeantur, & Decanus Christianitatis tamdiu bona defuncti sub arresto teneat, donec dicta reparatio integre facta fuerit.

CAPUT XIV.

Hospitalia pro peregrinis erecta, aleatoribus, histriõnibus, aliisque id generis hominibus non pateant, & in iis mares cum fœminis, etiam prætextu Matrimonii, versari ne permittantur.

CAPUT XV.

In distribuendis elemosynis mensarum pauperum, omnis humanus affectus seponatur, nec iis gaudeant, nisi qui vere sunt pauperes: neque tamen solius paupertatis, sed morum etiam & vitæ probitatis ratio habeatur. Quo in genere inter cætera de illis investigetur, an doctrinæ Christianæ Scholas frequentent, aut ad eas liberos suos mittant, an Fidei prima rudimenta teneant, & an religiose ac pie vivant.

CAPUT XVI.

Executores ultimarum voluntatum, pia legata a testatore relicta solvere

vere negligentes, a Pastore loci desper ferio moneantur. Ita moniti, & intra annum non satisfaciētes, Episcopo, ejusve Vicario denuncientur; qui eos etiam per censuras compellet.

TITULUS XVIII.

De vita, habitu & honestate Clericorum.

CAPUT I.

QUæcumque in sacris Canonibus & Concilio Tridentino de vitandis comessationibus, ebrietate, tabernis, lusu alearum, choreis, & fidejussionibus cum renunciacione privilegii Clericalis, de servanda frugalitate, modestia & castitate, de consura Ordini & gradui congrua, & semper conspicua habenda, de penis non legentium Horas Canonicas, & de similibus, salubriter statuta sunt, ea omnia hæc Synodus servari præcipit, additque ea, quæ sequuntur.

CAPUT II.

Quoniam mundana curiositas quotidianas adinvenit levitates, omnis ille habitus quibuslibet Ecclesiasticis personis interdictus sit, a quo Episcopus abstinendum mandavit. Et qui ab Episcopo moniti, etiam per Edictum publicum, honestum habitum Clericalem non gestaverint, per suspensionem ab Ordinibus, Officio & Beneficio, ac fructibus & redditibus, ac proventibus ipsorum Beneficiorum, nec non si semel correpti iterum in hoc deliquerint, etiam per privationem Officiorum & Beneficiorum, per suos Ordinarios coerceantur. (s)

CAPUT III.

Meminerint Sacerdotes dignitatis suæ, & ad ea officia se non abjiciant, quæ illam imminuere & contemptum apud Sæculares parere possint.

CAPUT IV.

Clerici beneficiati, vel in Sacris constituti, decimas, terras, prata, & similia quæstus faciendi gratia non conducant, neve ullam negotiationem sæcularem exercent: nec in profanis

negotiis officium Tabellionis & Procuratoris faciant, sub pœna arbitraria.

CAPUT V.

Meminerint Clerici se non ad inertiam & ignaviam, sed ad spiritualis & Ecclesiasticæ militiæ labores vocatos esse; ideoque non in rerum sæcularium colloquiis, profanisque actionibus, sed in Ecclesiis frequentandis, Divinis Officiis obeundis, Divinarum Literarum studiis, rerum cœlestium meditationibus, & sanctis piisque officiis tempus traducant.

CAPUT VI.

Quilibet Clerici beneficiati, quamdiu in Sacris non fuerint, in quatuor saltem majoribus Festivitatibus anni sacram Eucharistiam reverenter sumant, salva consuetudine earum Ecclesiarum, ubi frequentior Communio esse solet.

CAPUT VII.

Sacerdotes saltem Dominicis & Festis solemnibus Missam celebrent. (t)

CAPUT VIII.

Nemo in Sacris constitutus barbam gestet alatum. Insuper quilibet Sacerdos superius labrum ita semper rescisum habeat, ut Sanguinem Christi sumpturo non sit impedimento. (Syn. Cam. 1617. c. 5.)

CAPUT IX.

Nullus Clericus pila palmaria, globis, clava, aut similiter ludat in loco publico, sub pœna arbitraria.

CAPUT X.

Ab omni venatione, quæ cum armis, aut non sine strepitu sit, Clericus abstineat.

CAPUT XI.

Cum necesse, & cruciamenta, ad quæ improbi homines condemnati sunt, multitudini spectanda proponuntur, nulli Ecclesiastici Ordinis viri iis intersint, nisi eorum pia opera, consolandique officium usui futurum illis sit, qui ad supplicium ducuntur.

CAPUT XII.

Sciat unusquisque, cui de Beneficio ad vitam honeste sustentandam est provisum, se licite alterum Beneficium etiam

(s) Conc. Trid. Sess. 14. c. 6. de Reform.
Tomus IX. Concilior. German.

(t) Conc. Trid. Sess. 23. c. 14. de Reform.
B b b b

etiam simplex habere (u) non posse sine legitima dispensatione.

CAPUT XIII.

Sciat Clericus beneficiatus, vel in Sacris constitutus, sibi non licere coram Judice laico testimonium dicere, sine Ecclesiastici Superioris sui (x) licentia, & in casibus a jure permissis.

CAPUT XIV.

Concubinari, si qui fuerint, (quod Deus avertat) vel suspectam cum mulieribus consuetudinem habentes, juxta Decreta Concilii Tridentini (y) & alias Canonicas Sanctiones debite puniantur. Et hujusmodi mulieres, si monitæ ab Ordinario, se ab eorum consuetudine non separaverint, extra oppidum vel Diocesim, invocato etiam (si opus fuerit) brachio sæculari, ejiciantur.

CAPUT XV.

Quanto magis Clericos decet mansuetudo & spiritus lenitatis, tanto gravius scandalum patitur populus, si eos viderit ad verbera venire. Eapropter quilibet ab omni percussione abstinere, sub pœna gravis & exemplaris correctionis. Et si percussio in tabernis, vel cultro, aut aliis majoribus armis facta fuerit, mox percussorem carceribus mancipari, recidivum a Divinis suspendi, ac incorrigibilem Beneficio privari mandat hæc Synodus. (z)

CAPUT XVI.

Dici non potest, quam Simonix labes in Dignitatum, omniumque Beneficiorum tam sæcularium, quam regularium provisione & acquisitione, sacris Canonibus damnata sit, quam incurri facilis, difficilis reparari. Omnes igitur, qui negotium provisionis Beneficiorum, sive in sua, sive in aliorum causa tractant, monet, atque obtestatur hæc Synodus, ut omne pactum jure non permissum, etiam implicitum, ac rectum, quo illudi potest hominibus non Deo, summa sollicitudine caveant. Quod si aliqui tam tetram labem contraxisse deprehendantur, in eos Judices Ecclesiastici pœnas a jure sta-

tutas absque dissimulatione exequantur.

CAPUT XVII.

Nullus Pastor aliquem Eremitam intra limites suæ Parochiæ admittere, seu habitare vel agere patietur, etiam ad modicum tempus, nisi ei constiterit de prævia admissione, & consensu Episcopi. Et si quis extraneus Eremita, vel gestans habitum Eremiticum scandalum dederit, mox eum, invocato etiam (quatenus opus sit) brachio sæculari, debite puniri, & scandalum impediri curabit.

TITULUS XIX.

De Episcopis, & Sede vacante.

CAPUT I.

Meminerint Episcopi se ad labores & sollicitudines pro Dei gloria vocatos esse: & non ea, quæ mundi sunt, sed salutem animarum & cœlestem patriam cogitantes, factis ipsis ac vitæ actionibus, quod est veluti perpetuum quoddam prædicandi genus, se muneri suo conformes ostendant: moresque suos ita componant, ut reliqui ab eis frugalitatis, modestiæ, continentiæ, & quæ nos tantopere commendat Deo, sanctæ humilitatis exempla petere possint. (z)

CAPUT II.

Quæ in sacris Canonibus & in Concilio Tridentino de visitatione, ac reliquo Episcopali officio continentur, quilibet Episcopus diligenter legat, & exequi conetur.

CAPUT III.

Episcopus, quantum per occupationes Episcopales licebit, præsens adfit in examine ordinandorum, & ad Ecclesias Parochiales promovendorum, eorumque, qui ad confessiones audendas, aut concionandum admitti volent.

CAPUT IV.

Cum excommunicationes illæ, quæ monitionibus præmissis ad finem revelationis, aut pro deperditis, seu substractis rebus ferri solent, a nemine pror-

(u) Conc. Trid. Sess. 24. c. 17. de Reform.

(y) Sess. 25. c. 14. de Reform.

(z) Sess. 5. c. 1. de Reform.

(x) C. Quamquam. & ibi gloss. penult. 14. q. 2.

(*) Vid. Syn. 1617. c. 4.

prorsus præterquam ab Episcopo discerni possint juxta præscriptum Concilii Tridentini, (a) is merito literas earum non concedat, ubi probabiliter negligi, aut contemni dubitet.

CAPUT V.

Capitulum Sede vacante sequetur Constitutionem Concilii Tridentini *Seff. 24. C. 16. de Reform.*

CAPUT VI.

Sicut non licet Capitulo, Sede vacante, infra annum a die vacationis ordinandi licentiam aut literas dimissionarias ad Ordines, etiam minores, alicui, qui Beneficii Ecclesiastici recepti sive recipiendi occasione arctatus non fuerit, concedere (b), sub pœna interdicti; ita quoque illud sibi non licere meminerint, quicumque in jurisdictione Episcopi loco Capituli, Sede vacante, succedunt. (c)

TITULUS XX.

De Capitulis & Canonicis.

CAPUT I.

S Ciant Canonici ea, quæ superius de vita, & honestate Clericorum statuta sunt, ad se quoque pertinere.

CAPUT II.

Si quæ in sacris Canonibus & Concilio Tridentino specialiter de Capitulis & Canonicis constituta sunt, non satis ferventur, præsens Synodus debite servari mandat.

CAPUT III.

Diebus Festis Capitula, seu congregationes Capitulares non habeantur, nisi ob urgentem causam.

CAPUT IV.

Decretum S. Concilii Tridentini (d) de tempore, ultra quod in Ecclesiis Cathedralibus & Collegiatis abesse non liceat, exacte ubique servetur.

TITULUS XXI.

De Archi-Presbyteris, seu Decanis Christianitatis, Pastoribus & Custodibus.

CAPUT I.

A Rchi-Diaconi, ubi jus visitationis habent, Decani Christianitatis,

& alii pro consuetudine & more cujuscumque Diœcesis, officium Visitatorum exercentes, singuli Ecclesias Parochiales, Capellas & Hospitalia, aliaque pia loca districtus sui, quotannis diligenter visitent, actaque visitationis nitide descripta, & a se subsignata intra tempus ab Ordinario præscriptum, vel præscribendum, ad ipsum, ipsiusve Vicarium Generalem transmittent.

CAPUT II.

Inter cætera, dum visitant, serio inquirent, an Pastores debite concionentur, & catechizent: an ipsi, ac reliqui Sacerdotes, & Ministri Ecclesiæ sint bonæ vitæ: an omnes, ad quas rentur, Missas debite exonerent: an bona fabricarum & pauperum bene & fideliter administrentur.

CAPUT III.

Curent quoque sibi quotannis a Beneficiatis omnibus exhiberi apochas de censibus, & aliis oneribus, quibus bona Beneficiorum gravantur, debite persolutis: videantque, an domus Pastorales & Capellaniarum sint satis tectæ.

CAPUT IV.

Pastore, & quocumque alio Beneficiato ex hac vita emigrante, Decanus Christianitatis, cui is suberat, domum defuncti mox adibit, omniaque munimenta, chartas & manualia, Ecclesiam, mensam pauperum & Beneficia concernentia ad se recipiet (nisi alteri Ecclesiastico per immemoriam consuetudinem sit jus quæsitum): ac deinde, quæ ad fabricam & mensam pauperum spectant, cæteris earum munimentis adjungi curabit. Literas vero originales Beneficia tangentes, cæteraque hujusmodi Ordinario transmittet, exceptis Manualibus, quæ Successori defuncti in Beneficio tradet.

CAPUT V.

Semper, & ubique Ecclesiæ Parochiales conferantur secundum præscriptum Concilii Tridentini *Seff. 24. C. 18. de Reform.* Et Examinatores, ut ibidem mandatur, jurent omnes ad Sancta Dei Evangelia, se quacumque humana affectio-

(a) *Seff. 25. c. 3. de Reform.*(c) *Seff. 23. c. 10. de Reform.*(b) *Seff. 7. c. 10. de Reform.*(d) *Seff. 24. c. 12. de Reform.*

fectione postposita, fideliter munus executuros: caveantque, ne quidquam prorsus occasione hujus examinis accipiant, alioquin poenas incurrant ad præscriptum ejusdem S. Concilii Tridentini.

CAPUT VI.

Admissus ad Pastorum ultra Professionem fidei, & solitum cujusque Diocesis Juramentum, faciet quoque illud, quod sequitur, antequam cura animarum vel possessio ei detur.

Ego N. . . juro & promitto obedientiam, reverentiam & honorem Summo Pontifici Romano, & Reverendissimo Domino Episcopo N. . . eorumque Successoribus. Item juro & promitto Ecclesie meae Parochiali de N. . . fideliter deservire secundum oneris illi annexi exigentiam, & in ea personaliter residere. Bona Pastorum, vel Ecclesie meae non alienabo, & indebite alienata, quantum in me erit, recuperare studebo. Specificationem omnium fructuum Pastorum mei cum debita designatione quantitatis, hypothecarum, limitum & terminorum, simul & onerum, intra annum Decano Christianitatis, vel alteri Visitatori tradam.

CAPUT VII.

Quilibet Pastores sibi comparent Statuta hujus Synodi, simulque impressa fuerint, habeantque Concilium Tridentinum: eaque omnia cum adscriptione proprii nominis & cognominis in prima pagina, singuli Decano Christianitatis, vel alteri Visitatori quotannis exhibebunt: & sæpe, diligenterque legent, & quæ passim in iisdem ponuntur, officium Pastorale concernentia, quam diligentissime exequentur.

CAPUT VIII.

Nullum quoque Sacerdotem in Ecclesia sua confessiones excipere permittent, vel in officiis Pastoralibus ob-eundis sibi adjungent, ne quidem ad brevissimum tempus, qui se ab Episcopo loci approbatum esse in scriptis non prædocuerit.

CAPUT IX.

Rectores Ecclesiarum Parochialium, quibus aliquod Beneficium est unitum, quotannis in visitatione decla-

rabunt onus Missarum, ad quod ratione illius obligantur, & an illi satisfecerint.

CAPUT X.

Parochiis non idoneis ad munus suum obeundum, Coadjutores, aut Vicarios Episcopi deputent, cum assignatione partis fructuum: aut aliter pro sua discretionem provideant, juxta Decretum Concilii Tridentini. (e)

CAPUT XI.

Pastores Succursum habentes, serio de ratione cogitent eum in Ecclesiam Parochialem erigendi: & si quam invenerint, Episcopo proponant, eique pro virili cooperentur, ut res effectum fortiat.

CAPUT XII.

Parochi, etsi domum Parochialem non habeant, intra fines tamen Parochiæ resideant. Si vero de ædibus Parochialibus illis provisum sit, eas, & nullas alias inhabitent sine Episcopi expressa licentia.

CAPUT XIII.

Ubi Parochiales Ecclesiæ partem habent sui populi extra mœnia urbium vel oppidorum, & Pastor nocturno tempore illis hominibus Sacramenta administrare non potest: curet Episcopus eorum necessitatibus debite provideri, aut per unionem istius partis ad commodiorem Parochiam, aut per novæ Parochiæ erectionem, aut alio quovis meliori modo, juxta dispositionem sacrorum Canonum.

CAPUT XIV.

Archi-Presbyteri quotannis in actis visitationum annotabunt, qui sint Possessores Capellaniarum, ubi degant, an onera debite impleant; & si non, ubi bona sint sita.

CAPUT XV.

Capitula Pastorum singula eo die, quem Episcopus præfixerit, celebrentur. Et ita quidem, ut ea non ad comessandum, sed ad tractandum de rebus seriis indicta esse, omnes intelligant.

CAPUT XVI.

Officium Custodis nemo exercere incipiet, antequam se tonsuratum, can-tus Gregoriani peritum, probatæ vitæ, &

(e) Sess. 21. c. 6. de Reform.

& alias sufficienter idoneum apud Ordinarium suum prædocuerit.

CAPUT XVII.

Custodes quarumcumque Ecclesiarum Parochialium, & ab iis dependentium, promittent se Pastori in iis, quæ officii sui sunt, obedituros, & in Officio Divino, etiam diebus ferialibus, nec non in administratione Sacramentorum superpelliceo semper usuros.

CAPUT XVIII.

Idem, dum requirentur, dabunt idoneam cautionem pro his, quæ ipsorum curæ committentur. Et tabernarii vel cauponis officium, seu aliud a Clericali professione alienum non exercebunt, nec criminalibus se immiscebunt.

CAPUT XIX.

Quando Sacerdotes bonæ vitæ, & ad docendum juventutem idonei haberi possunt, illi potius, quam alii Clerici, ad officia Custodum assumantur.

TITULUS XXII.

De Regularibus & Monialibus.

CAPUT I.

QUæ S. Concilium Tridentinum & sacri Canones salubriter de Regularibus & Monialibus constituerunt, amplectens præfens Synodus nonnulla ex iis, ut exactius observentur, inculcanda, & paucula adjicienda duxit.

CAPUT II.

Si in aliquibus Monasteriis Decreto S. Concilii Tridentini (f) delectione sacræ Scripturæ habenda, non satisfiat; Abbates ad id per Episcopum loci, ut Sedis Apostolicæ delegatum, opportunis remediis compellantur, ad præscriptum Concilii Tridentini.

CAPUT III.

Abbates, & alii Superiores regulares, tanquam Duces proprii gregis, in frequentatione Divinorum Officiorum, ac cæteris omnibus exemplo suis studeant præluere: computationes, lusus taxillorum & chartarum strictissime prohibeant, nec unquam permittant:

Missarumque & alias foundationes debite expleri curent.

CAPUT IV.

Licet vestis Religiosum non faciat, plurimum tamen ad virtutis atque in primis modestiæ ac humilitatis, quam Religiosi specialiter profitentur, argumentum, augmentumque conducit. Proinde Regularium Superiores, vestes cultumque corporis, sæculi vanitatem redolentes, subditis non permittant: illasque virtutes, quas ab iis exigunt, in seipsis, tanquam in speculo spectandas, illorum oculis objiciant: fastumque & apparatus sæcularem ita fugiant, ut appareat eos cum dignitate mundi contemptum, quem professi sunt, & cum auctoritate modestiam & humilitatem religiosam retinere.

CAPUT V.

Synodus injungit Ordinariis, ne permittant Prælatos Beneficia Pastoralia, quæ Regularibus conferri solent, (g) mensis suis applicare, aut pensiones novas eis imponere, aut veteres augere, nisi ad præscriptum S. Concilii Tridentini. (b)

CAPUT VI.

In omnibus & singulis Monasteriis utriusque sexus Regula, & Statuta sæpe ante Professionem Novitiis legantur & explicentur: iisque formandis, tales præficiantur, a quibus in contemptu mundi, pietate, humilitate, obedientia, charitate, cæterisque virtutibus, ac disciplina regulari quam optime institui valeant.

CAPUT VII.

Cum Monachos Capellaniis sæcularibus deservire, & ea de causa extra Monasterium degere non conveniat, id ipsum prohibet hæc Synodus.

CAPUT VIII.

Quoad Religiosas, etiam ex foundatione servientes ægrotis, cujuscunque Ordinis sint, servetur Breve Sanctissimi Domini nostri.

CAPUT IX.

In conventuali Religiosorum & Monialium mensa lectio sacra, quantum res patitur, nunquam omittatur.

B b b 3

CA-

(f) Sess. 5. c. 1. de Reform.

(b) Sess. 7. c. 7. de Reform.

(g) Clem. unic. De suppl. neg. Prælat.

CAPUT X.

Nullus Religiosus vel Monialis literas, vel ab aliquo recipiat & aperiat, vel ad aliquem scribat & mittat, sine scitu & consensu Superioris, vel ab eo deputati, cui & liberum erit eas legere, quandocumque volet.

CAPUT XI.

Si alicubi Officialibus Monasteriorum aliqua jura, & emolumenta adhuc concedantur, Superiores id stricte prohibeant & impediant.

CAPUT XII.

Religiosi non-Pastores pro Missis celebratis vel celebrandis quidquam pro elemosyna non recipiant, sine speciali permissione sui Superioris. Et Superiores quorumcumque Monasteriorum, quæ non sunt Ordinum Mendicantium, non facile eam concedant.

CAPUT XIII.

Nemini quoque pro cibo, vel potu, aut vestimentis pecunia assignetur: sed victus omnis, & vestitus, & quidquid necessarium fuerit, decenter, quantum facultates domus ferent, ac benigne singulis administretur.

CAPUT XIV.

Sicut cogentes aliquam ad ingressum Monasterii, vel susceptionem habitus, aut professionem; & auxilium præbentes, anathemati subjiciuntur: ita & illi sciant se subjici, qui sanctam Virginum, vel aliarum mulierum voluntatem voti emittendi quoquo modo sine iusta causa impediunt. (i)

CAPUT XV.

Confessarii, & quicumque Superiores Monialium, septa clausuræ non ingrediantur, nisi Sacramenta ægrotis ministrandi, moribundas consolandi, aut alia necessaria causa, sub pœnis contra ingredientem a jure decretis. Illosque, & alios quoscumque ex necessitate claustrum ingredientem, & intra septa illius agentes, duæ ex senioribus Monialibus assidue comitentur. (k)

CAPUT XVI.

Episcopi, vel ab iis deputati Virginum Deo dicandarum voluntatem

ante susceptionem habitus, & rursus ante professionem diligenter explorent, conformiter Decreto S. Concilii Tridentini (l): & ita quidem, ut nemo, quæ rogantur, & quæ puella responderet, audire possit: eaque omnia ab Examinatore scribantur, & ab examinata subfignentur.

CAPUT XVII.

Capilli Novitiarum non nisi in professione, vel paulo ante refectur: & in earum, aut Novitiorum vestitione nulli sumptus fiant.

CAPUT XVIII.

Confessarius extraordinarius ab Episcopo & aliis Superioribus bis aut ter in anno Monialibus offeratur, (m) qui omnium confessiones audire debeat.

CAPUT XIX.

Moniales clausuram professæ, (etiam exemptæ, & Ordinis Mendicantium,) ad aliud Monasterium se non transferant, sine consensu Episcopi loci in scriptis præobtentio, ultra licentiam Superioris regularis, in vim facultatis obtinendæ a Sede Apostolica.

CAPUT XX.

Ne nimia Religiosorum mendicantium utriusque sexus multitudine Monasteria graventur, cum magno Civitatum & oppidorum, in quibus existunt, onere: curent Episcopi omni meliori modo, quo poterunt, ut in iis certus numerus constituatur, ac in posterum conservetur, & quidem non major, quam qui ex redditibus propriis Monasteriorum (si quos habeant) & ex consuetis elemosynis commode possit sustentari, sub pœnis contra ipsos Superiores regulares contentis in Decretis Sacræ Congregationis Concilii, de celebratione Missarum de anno M. DC. XXV. editis.

CAPUT XXI.

Insuper cuilibet Monasterio Monialium non mendicantium, certum numerum Episcopus præfigat, etiam exemptarum Superiore Monasterii interveniente, nec numerus ille unquam excedatur.

CA-

(i) Conc. Trid. Sess. 25. c. 18. de Reg. & Mon. *bis, quæ emergunt.*

(k) Conc. Trid. Sess. 25. c. 10. de Reg. & Mon.

(l) Constit. Greg. XIII. incip. *Du-*

(m) Sess. 25. c. 17. de Reg. & Monial.

CAPUT XXII.

Ac ne in immensum dotatio huiusmodi novorum Monasteriorum sese extendat, quilibet Episcopus in Monasteriis sibi subiectis, juxta qualitatem locorum, personarum, ac aliarum circumstantiarum, certam summam annuam pro dote sufficiente iis præscribet, quam in posterum nullatenus excedent.

CAPUT XXIII.

Quæ in hac Synodo, Concilio Tridentino & in sacris Canonibus, de Fidei professione, de verbi Dei prædicatione, de Officio Divino, ac recta bonorum Ecclesiasticorum administratione statuta sunt, ea omnia, quatenus Regulares concernunt, ab iis diligenter serventur.

CAPUT XXIV.

Eremitæ non-Religiosi habitum Religionis non ferant.

TITULUS XXIII.

De Scholis & Seminariis.

CAPUT I.

UBicumque Scholæ quotidianæ, aut Dominicales adhuc requiruntur, agant Decani Christianitatis (etiam invocato, quatenus opus sit, brachio sæculari,) ut ea mox erigantur, simulque rationem ineant Ludimagistris de annuis stipendiis providendi.

CAPUT II.

Satagatur ubique, ut viri masculos, feminae puellas dumtaxat doceant. Et si in aliquibus pagis id obtineri forte non possit, saltem locis & interstitiis masculi a puellis separentur.

CAPUT III.

Nemo libros prælegat, qui aliquid non sanæ fidei continent, vel quod bonis moribus officiat: sed eos tantum, quos Ordinarius approbat.

CAPUT IV.

Insistent Pastores apud Magistratus & alios auctoritatem habentes, ut pauperes per subtractionem elemosynarum, alios aliis pœnis, liberos, aliosque domesticos suos ad Scholas Dominicales ad lectionem Catechisticam mittere compellant: eoque tempore, quo juvenus docetur & catechizatur,

a publicis choreis, lufibus, & aliis recreationibus abstineatur.

CAPUT V.

Singulis semestribus Scholæ singulæ visitentur a Scholasticis Capitulorum, quæ illis subsunt: cæteræ a Decanis Christianitatis, vel aliis ab Episcopo ad id deputatis, iisve, quibus jus visitandi competit.

CAPUT VI.

In Scholis Dominicalibus non tantum doceantur pueri & puellæ, legere & scribere: verum etiam & quidem præcipue Orationem Dominicam, Salutationem Angelicam, Symbolum Fidei, præcepta Decalogi & Ecclesiæ, modumque confitendi; & qui grandiores sunt, rationem insuper parandi se ad Communionem.

CAPUT VII.

Ludimagistri & Ludimagistræ Scholarum linguæ vernaculæ, juventutem suam statis diebus ad Catechesin deducant, & sub ea in officio contineant.

CAPUT VIII.

Singuli in sua ad Seminarium assumptione, declarabunt se habere animum ad statum Ecclesiasticum; & insuper promittent se, cum idonei invenerint, officium ab Episcopo injungendum in Ecclesia Dei obituros, aut refuturos expensas, quibus illud affecerint; a quibus tamen liberabuntur, qui Religionem aliquam ingredientur, & cum quibus Episcopus ob aliam justam causam dispensandum judicabit.

CAPUT IX.

Alumni Seminariorum & aliorum Collegiorum Sacræ Theologiæ operam dantes, tantum quoque Gregorianum diligenter addiscant.

TITULUS XXIV.

De Foro, Jurisdictione & Immunitate Ecclesiasticis.

CAPUT I.

STatuit penultima Synodus Provincialis, ut omnes Officiales Episcoporum, aut alii ab Episcopis deputandi ad Metropolitanam Ecclesiam convenirent, atque cum ejus Ecclesiæ Officiali, quoad rationem jurisdictionis ex-

exercendæ, Statuta Curiarum, salaria & stipendia Ministrorum ac Practicorum earum, cæteraque ejusmodi, communem formam & regulam conciperent: quæ Metropolitani & Suffraganeorum auctoritate stabilita, ab omnibus deinde per totam Provinciam fervarentur. Sed quia ob variasurbationes, quæ mox toti Patriæ supervenerunt, id executioni mandatum non fuit, mandat præsens Synodus intra semestrem proximum executioni mandari.

CAPUT II.

Cætera a Concilio Tridentino & sacris Canonibus de jurisdictione Ecclesiastica & appellationibus, easque concernentibus, Decreta & Statuta ab omnibus observentur. Et si quæ alicubi a Judicibus sæcularibus impedimenta injiciantur, ad ea tollenda monitionibus & censuris agatur, atque etiam invocato (quatenus opus sit) brachio sæculari.

CAPUT III.

Singuli Episcopi in proxima sua Synodo Dicecesana, designabunt aliquot personas, quæ qualitates habeant juxta Constitutionem BONIFACII VIII. quæ incipit: *Statutum*, & alioquin ad id aptas, quibus præter Ordinarios locorum causæ Ecclesiasticæ ac spirituales, & ad forum Ecclesiasticum pertinentes in partibus delegandæ committantur, earumque nomina & cognomina & qualitates ad S. Sedem transmittent. (n)

CAPUT IV.

Judices omnes Ecclesiastici, cuiuscumque dignitatis existant, in causis judicialibus (quandocumque executio realis aut personalis, in qualibet parte iudicii, propria auctoritate ab ipsis fieri poterit) abstineant se, tam in procedendo, quam definiendo a censuris Ecclesiasticis. (o)

CAPUT V.

Regulares, quibus ex privilegio jus competit Conservatores eligendi, ad quos in iudicium vocentur, quos semel delegerint ex Judicibus in Synodo Dicecesana deputatis, juxta Consti-

tutionem GREG. XV. non mutant; eorumque præterea nomina intra mensem Episcopo Dicecesano significant. Alioquin ad Episcopale forum in jus illos vocare liceat.

CAPUT VI.

Episcopus, etiam tanquam delegatus Sedis Apostolicæ, Notarios, de quorum sufficientia dubitandi causam habet, debite examinet, iisque non idoneis repertis, aut quomodocumque in officio delinquentibus, officii in negotiis, litibus & causis Ecclesiasticis ac spiritualibus exercendi usum perpetuo aut ad tempus prohibeat. (p)

CAPUT VII.

Advocati & Procuratores ad causas, in foro Episcopi non admittantur, priusquam jurejurando se obstrinxerint, se nullam causam suscepturos aut prosecuturos, quam a iustitia & æquitate alienam existimaverint.

CAPUT VIII.

Et si ab indebita incarceratione appellari possit, & appellationi deferri debeat, carceratus tamen per Judicem appellationis non relaxetur, nisi causa cognita.

CAPUT IX.

Similiter, et si a definitiva in causis visitationis & correctionis appellari possit, appellatio tamen executionem non suspendit. Ideoque Judex, ad quem inhibere non præsumat, præterquam in casibus a jure permisis, inter quos censendus est, si Visitator citata parte, & adhibita causæ cognitione judicialiter processerit. (q)

CAPUT X.

A sententia definitiva contra verum contumacem prolata appellatio non recipiatur; nec inhibitio, aut alia quævis provisio concedatur, quamdiu appellans in hujusmodi vera contumacia persistit, ad præscriptum sacrorum Canonum.

CAPUT XI.

Pastores coram Officiali Ecclesiastico citati, personaliter comparere non tenebuntur, nisi ob delicti enormitatem, vel aliam justam causam, ipse Officialis discretis verbis id mandet.

TITU-

(n) Conc. Trid. Sess. 25. c. 10. de Reform.

(p) Sess. 22. c. 10. de Reform.

(o) Sess. 25. c. 3. de Reform.

(q) Sess. 13. c. 1. & Sess. 24. c. 10. de Reform.

TITULUS XXV.

De Synodo Provinciali & Diœcesana.

CAPUT I.

Statuta hujus Synodi nemo publicet, antequam a S. Sede Apostolica, juxta Bullam SIXTI V. quæ incipit: *Immensa*, approbata fuerint.

CAPUT II.

Literis Confirmationis Decretorum Concilii Provincialis a Sua Sanctitate obtentis, ea mox imprimantur, impressaque a singulis Episcopis in Synodo Diœcesana intra sex menses celebranda, promulgentur.

CAPUT III.

Statuta a S. Canonibus, & Concilio Tridentino, ut ad Synodum vocati personaliter compareant, nisi legitima causa impediatur: ut tunc virum Ecclesiasticum Procuratorem constituent cum pleno mandato: ut nemo sine justa causa, & licentia in scriptis obtenta, & debite registrata, a Synodo recedat: utque ea durante solemnibus processio instituantur: pro hic repetitis habeantur.

CAPUT IV.

Deinceps singulis trienniis Provincialis, & quotannis Diœcesana Synodus celebretur, juxta Decretum Concilii Tridentini. (r)

CAPUT V.

Synodo Diœcesanæ universi & singuli interfint, quicumque Canonum jure, vel Ecclesiasticis Sanctionibus, vel Tridentino Decreto, vel consuetudine, aliave ratione interesse debent.

Ego *FRANCISCUS*, Archi-Episcopus Cameracensis, his Decretis consentiens subscripsi.

Ego *MAXIMILIANUS*, Episcopus Tornacensis, his Decretis consentiens subscripsi.

Ego *PAUEUS*, Episcopus Atrebatensis, his Decretis consentiens subscripsi.

Ego *ENGELBERTUS*, Episcopus Namurcensis, his Decretis consentiens subscripsi.

Ego *Christophorus Morlet*, Ecclesiæ Cathedralis Audomarensis Sede vacante Vicarius Generalis a Capitulo deputatus, ejusdem Ecclesiæ Decanus, his Decretis consentiens subscripsi.

Nos *infrascripti* Notarii Apostolici, Ecclesiæ Metropolitanae Cameracensis Canonici Presbyteri, ipsiusque Synodi Provincialis Secretarii, præmemorata Decreta & Statuta Synodalia, aliena manu fideliter scripta, & cum originalibus collata & concordata, in fidem omnium & singulorum in eisdem contentorum, subscriptionibus nostris consuetis signavimus.

FOULON Secretarius.

J. POLMAN Secretarius.

Breve Apostolicum

Super Confirmatione Concilii Provincialis Cameracensis.

U R B A N U S PP. VIII.

AD PERPETUAM REI MEMORIAM.

Speculatores Domus Israël, quæ est Ecclesiæ DEI viventis, ineffabili ejus providentia constituti, inter multiplices, gravissimasque Apostolicæ servitutis curas, in eam peculiari studio jugiter incumbimus, ut felici Ecclesiarum quarumlibet statui ad majorem DEI gloriam & spiritualem Christi fideliū adificationem Pastoralis Præsulum sollicitudine consulatur, & personæ Ecclesiasticæ, quæ in sortem Domini vocatæ & supra candelabrum positæ sunt, tanquam lucernæ ardentes, flamma charitatis, aliarumque virtutum splendore luceant in Domo Dei, illique serviant in sanctitate & justitia coram ipso. Unde illa, quæ propterea per ipsarum Ecclesiarum Præsules matura consultatione adhibita in Synodis Provincialibus statuta & decreta sunt, ut perpetua roboris validitate subsistant, & ab omnibus, quos illa concernunt, inviolabiliter observentur, Apostolicæ Confirmationis patrocinio libenter communimus, prout conspiciamus in Domino, salubriter expedire. Exponi siquidem Nobis nuper fecit Dilectus filius Andreas Cruelsen, Canonicus & Scholasticus Ecclesiæ Cameracensis, ac Venerabilium Fratrum

FRAN-

(r) Conc. Trid. Sess. 24. c. 2. de Reform. Tomus IX. Concilior. German.

FRANCISCI Archi-Episcopi Cameracensis, nec non Episcoporum Comprovincialium suorum Procurator, quod in Synodo Provinciali per ipsos Archi-Episcopum & Episcopos Comprovinciales suos nuper celebrata, nonnulla Decreta confecta, & a Venerab. Fratribus nostris S. R. E. Cardinalibus sacri Concilii Tridentini interpretibus examinata, recognita, emendata atque approbata fuerunt. Quare dictus Andreas Archi-Episcopi & Episcoporum Comprovincialium suorum nominibus humiliter supplicari fecit, ut pro majori eorundem Decretorum firmitate & observantia illa Apostolica auctoritate approbare & confirmare de benignitate Apostolica dignaremur. Nos igitur egregiam **FRANCISCI** Archi-Episcopi & Episcoporum Comprovincialium præfatorum pietatem, singularemque Domus Dei & Catholica Religionis, nec non gregem sibi commissum verbo & exemplo pascendi zelum summo pere commendantes, & communi eorundem Decretorum in illa Provincia observationi, quantum cum Domino possumus, consulere volentes, bujusmodi supplicationibus inclinati, omnia & singula Decreta in Synodo bujusmodi confecta, & ab eisdem Cardinalibus examinata, recognita, emendata atque approbata, ut præfertur, Apostolica auctoritate tenore præsentium approbamus & confirmamus, illisque inviolabilis Apostolica firmitatis robur adjicimus, eaque ab omnibus & singulis personis Ecclesiasticis tam secularibus, quam cujusvis Ordinis, Congregationis & Instituti Regularis, cujuscumque dignitatis, status, gradus & conditionis existentibus, cæterisque, ad quos quomodolibet spectat, & pro tempore spectabit, inviolabiliter observari præcipimus & mandamus: cum expressa tamen declaratione, ut in his, in quibus agitur de Regularibus a jurisdictione Archi-Episcopi seu Episcoporum exemptis, ac de rebus ad eosdem pertinentibus, per bujusmodi Synodalia Decreta nullum intelligatur illatum præjudicium eorum privilegii; sed illa, quatenus alias non fuerit

eis legitima auctoritate derogatum, in suo robore permaneant, volentes nihilominus, ut Regulares ipsius Provincia teneantur exhibere Archi-Episcopo, seu Episcopis respective, in quorum Diocesibus morantur, seu sita sunt eorum Monasteria, omnia sua privilegia in corpore Juris non clausa. Quocirca **FRANCISCO** Archi-Episcopo & Episcopis præfatis per præsentem committimus, ut Synodalia Decreta bujusmodi, sicut præfertur, examinata, recognita, emendata atque approbata, in suis Diocesibus publicent & publicari, illaque ab omnibus & singulis, ad quos spectat, & in futurum quomodolibet spectabit, inviolabiliter observari faciant, contradiectores quoslibet & rebelles per sententias, censuras & penas Ecclesiasticas, aliaque opportuna juris & facti remedia, appellatione postposita, compescendo, invocato etiam ad hoc, si opus fuerit, auxilio brachii secularis: decernentes irritum & inane, si secus super his a quoquam quavis auctoritate scienter vel ignoranter contigerit attemptari. Non obstantibus, quatenus opus sit, quibusvis constitutionibus & ordinationibus Apostolicis, ac quarumcumque Ecclesiarum, Ordinum, Congregationum & Institutum in dicta Provincia existentium, etiam juramento, confirmatione Apostolica, vel quavis firmitate alia roboratis, statutis & consuetudinibus, privilegiis quoque, indultis & literis Apostolicis in contrarium quomodolibet concessis, confirmatis & innovatis: quibus omnibus & singulis eorum, præsentibus pro sufficienter expressis habentes, illis alias in suo robore permansuris, hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam Majorem, sub annulo Piscatoris, die XVII. Aprilis M. DC. XXXII. Pontificatus nostri anno nono. Sic signatum: M. A. Maraldus. Eratque hoc Breve Apostolicum in pergameno sive charta membranea descriptum, & munitum annulo Piscatoris in rubra cera.

SYNO-

Concilium hoc Provinciale Rdmi & Illmi Vander Burch, nomine & omine Archi-Episcopi, tum ab aliis admissum, tum a supremo Belgicæ Senatu fuit. Et spes est, pergit cit. b. T. pag. 241. Cl. Fullonius, fore aliquando, ut tota Camerac. Provincia, ejus Decretis . . . erudita, post hos turbines temporum, novam induat formam. &c. Quod elogium in editione, qua usi sumus, adjicitur.

SYNODUS NAMURCENSIS DIOECESANA

Sub ENGELBERTO DESBOIS, (*) VII. Namurcensi
Episcopo,

Anno Christi MDCXXXIX. Urbani VIII. PP. XVIII.
Ferdinandi III. Imp. II.

7ma JUNII CELEBRATA.

ENGELBERTUS DESBOIS, DEI ET APOSTOLICÆ SEDIS
gratia Episcopus Namurcensis, Dilectis Nobis in Christo Clero, & populo totius
nostræ Diœcesis, Salutem in Domino.

TAmetsi a Prædecessoribus nostris abunde ordinata sint, quæ ad Officia Divina rite obeunda, & ad canonicam morum directionem, atque eorundem reformationem conducunt; tamen sollicitudinis nostræ Episcopalis munus exigebat, ut quotannis ex præscripto S. Concilii Tridentini, Synodum Diœcesanam institueremus, quam usque nunc ab assumptione nostrâ ad Episcopatum. distulimus, quod ejus initio celebrata fuerit hujus Provinciæ Synodus, ad cujus normam Synodi Diœcesanæ Decreta concipi debebant, uti & Nos intendebamus, quæ tunc quidem absoluta fuit, & a S. Sede approbata, sed hoc usque in lucem prodire non potuit. Supervenerunt etiam bellicorum calamitates, & ærumnæ, hostiumque quotidiana incursionibus, quibus Diœcesis nostra sic afflictâ, perturbata, ac desolata fuit, ut convocandâ Synodi, non modo spes omnis crepta,

sed etiam toto sexennio eam visitandi (nisi obiter ac furtim) facultas sublata fuerit; erant autem præsentissima ac certissima, ab Hollandis, vitæ, fortunarumque pericula, quorum improbitate, ac perversitate factum est, ut plerisque locis, Dei cultus, Religionisque Catholicæ publicum exercitium, aliquot annis, magno dolore nostro, intermitti debuerit: quanta vero ex hac calamitate, animarum clades secuta sit, haud facile est æstimare; nec etiam in præsentem, molestiis, aut metu vacui sumus: sed his incommodis resistendum est, immo ultro occurrendum. Quapropter hanc Synodum celebrare, Typisque expressam evulgare, necessarium duximus, ut Divino imprimis cultui consulamus, collapsamque Ecclesiasticam disciplinam restituamus, & quantum efficere ac consequi, Deo adjuvante, possumus, mores depravatos corrigamus.

INDEX TITULORUM SYNODI NAMURCENSIS DIOECESANÆ.

- | | |
|---|---|
| TITULUS I. De Fide, ejus Professione, & eam consequendi modo. | IX. De Sacramento Confirmationis. |
| II. De Doctrina, & Prædicatione verbi Dei. | X. De Sacramento Pœnitentiæ. |
| III. De Missa, Divino Officio, & locis sacris. | XI. De Sacramento Eucharistiæ. |
| IV. De Superstitione & Exorcismis. | XII. De Sacramento Ordinis. |
| V. De Festis & Jejuniiis. | XIII. De Sponsalibus & Matrimonio. |
| VI. De Imaginibus & Reliquiis Sanctorum. | XIV. De Sacramento Extremæ Unctionis. |
| VII. De Sacramentalibus & Sacramentis in genere. | XV. De Testamentis. |
| VIII. De Sacramento Baptismi. | XVI. De Funeribus, Sepulturis & Exequiis. |
| | XVII. De Oblationibus. |

XVIII.

(*) Vide sub finem Synodi.
Torus IX. Concilior. German.

XXVIII. De recta bonorum Ecclesiæ & pauperum administratione & conservatione.

XIX. De vita & honestate Clericorum.

XX. De Capitulis, Canonicis, & aliis Beneficiatis.

XXI. De Decanis, Pastoribus & Matriculariis, seu Custodibus.

XXII. De Regularibus & Monialibus.

XXIII. De Scholis.

XXIV. De Foro, Jurisdictione & Immunitate Ecclesiasticis.

XXV. De modo Ecclesiæ rescribendi.

XXVI. De Synodo Diocesana, Visitatione & Congregatione Conciliorum Pastoralium.

DECRETA

SYNODI DIOECESANÆ NAMURCENSIS

ANNI M. DC. XXXIX.

TITULUS PRIMUS.

De Fide, ejus Professione, & eam consequendi modo.

CAPUT I.

OMnes, qui juxta Sacri Concilii Tridentini dispositionem, ad Fidei professionem tenentur, eam deinceps faciant, secundum formam PII IV, in fine hujus Tituli subjunctam, non autem juxta formulam per Prædecessorem nostrum D. ANTONIUM HAVETIUM, initio suæ Synodi Diocesanae præscriptam, quam omnes convenientes ad hanc Synodum, facere tenebuntur, qui in aliqua præcedenti non fecerint.

CAPUT II.

Eandem etiam omnes Ludimagistri, & Magistræ facient, in manibus Scholastici, vel Pastoris loci, uti & Obstettrices in manibus Pastoris.

CAPUT III.

Pastores ante omnia invigilent, ut Fides Catholica, hætenus Dei beneficio, in nostra Dicecesi, integra & illibata conservata, in nullo diminutionem patiat, ob inimicorum fidei viciniam & violentas incurfiones.

CAPUT IV.

Renovamus, & in usum revocandum statuimus *Cap. 5. Tituli 1. secundæ Synodi Namurcensis. Item Cap. 6. ejusdem Tit. de Juramento Bibliopolarum.*

CAPUT V.

Censores librorum, Decani & Pastores serio attendant, ne Sabaudi, aut alii, vulgo dicti *Portpapiers*, libros invehant, fidei, bonis moribus, & pudicitia contrarios.

CAPUT VI.

Nemo retineat penes se libros suspectos, minusque eos legat; quemadmodum neque Biblia vernacula lingua, absque nostra licentia in scriptis obtenta.

CAPUT VII.

E domibus mortuariis nulli distrahantur libri, nisi a Censoribus, vel aliquo a Nobis deputato, visitati fuerint.

CAPUT VIII.

Si animadvertat Pastor aliquem hæreticum, vel de hæresi suspectum (sive is incola sit, sive advena) in sua Parochia hæresim disseminare, libellos distribuere, de fide disputare, præcepta Ecclesiæ contemnere, aut scandala aliqua facere, statim eum conveniat, & quantum poterit, ad fidem reducere conetur, ne cancer ille serpat, quem, si incorrigibilem animadvertat, quamprimum ad Nos deferat.

CAPUT IX.

Aliunde adveniantes in Parochiam ibi habitaturi, exhibeant suæ fidei, morum & conversationis literas, Parocho loci.

CAPUT X.

Sæpius inculcent Pastores, & Concionatores, graviter eos peccare, qui Nomen Dei sumunt in vanum, blasphemant, & verbis Scripturæ ad jocos & scurrilia utuntur.

*Forma Juramenti Professionis Orthodoxæ
Fidei juxta Bullam PII IV.*

Ego N. firma fide credo & profiteor omnia
& singula, quæ continentur in Symbolo
Fidei, quo Sancta Romana Ecclesia utitur,
videlicet: Credo in unum Deum, &c.

*La manière de faire Profession de Foy,
selon le formulaire du Pape
PIE IV.*

JE N. croy de ferme foy, & confesse tous
châcuns articles contenus au Symbole de
la Foy, duquel use la Sainte Eglise Romaine,
à sçavoir: Je croy en Dieu &c.

TITULUS II.

*De Doctrina & Prædicatione
verbi Dei.*

CAPUT I.

Hortamur omnes verbi Dei Præ-
cones, ut conciones suas ita di-
sponant, etiam diebus solemnioribus,
ut potius Catechismus, quam concio-
nem redoleant, & captui populi, quan-
tum fieri potest, accommodent.

CAPUT II.

Idem caveant pro concione dice-
re ea, ex quibus colligi posset parti-
cularis aliqua contra privatos animi
exacerbatio, aut alicujus ab eis com-
missi criminis taxatio; multo magis ea
proferre, ex quibus revelatæ confessio-
nis suspicio oriri posset.

CAPUT III.

Pastoribus occupatis, Sacellani Ca-
techismus publice doceant.

CAPUT IV.

Moneantur Patres familias, ut li-
beros suos, etiam juniores, famulos
& ancillas, saltem e pluribus unum,
successive, & alternatim, ad Divina Offi-
cia & Catechismus mittant.

TITULUS III.

*De Missa, Divino Officio, &
locis sacris.*

CAPUT I.

Altaria portatilia, quorum usum
tantisper pro temporum præsen-
tium injuria toleramus, sciant Sacer-
dotes ejus debere esse magnitudinis, ut

hostiam & calicem commode conti-
nere possint, cum sacri Canones sta-
tuant, Sacramentum Corporis & San-
guinis Domini nostri, nonnisi in altari
lapideo, confici debere, quapropter il-
lorum, quæ non sunt ejus capacitatis,
& magnitudinis, usum ex nunc inter-
dicimus.

CAPUT II.

Calices stannei, quos periculoso
hoc tempore, non absque dolore no-
stro, & sine recordiorum remissione,
permisimus, statim ubi meliora tempora
supervenerint, omnino tollantur,
& eorum loco, si non deaurati, argen-
tei saltem substituantur: stanneos vero
mandamus singulis saltem mensibus
diligenter mundari. Pyxides autem,
patenæ, & ciboria cuprea, ac remon-
strantiæ ligneæ, penitus removeantur.

CAPUT III.

Singuli calices habeant sua parva
cochlearia.

CAPUT IV.

In patenis nullæ fiant cœlaturæ,
& ipse, quantum fieri potest, sint in-
auratæ.

CAPUT V.

Pallæ calicis inposterum ex lino
fiant.

CAPUT VI.

In omnibus altaribus, dum in eis
celebratur Sacrosanctum Missæ Sacri-
ficium, habeatur tabella Secretarum
& Crucifixus.

CAPUT VII.

Rectores suis altaribus de omni-
bus ornamentis, aliisque ad Missarum
celebrationem necessariis, provideant.

CAPUT VIII.

Renovamus Titulum de ornamen-
tis altarium, factum in Decretis Geldo-
nienfibus.

CAPUT IX.

Nullæ Missæ, nisi ex Missali Ro-
mano, celebrentur, & si quas alicujus
Sancti, v. g. Rochi, vel Rosarii, cele-
brare oporteat, desumantur ex com-
muni ejusdem Missalis.

CAPUT X.

Missæ, uti & Vesperæ, in nulla sui
parte, in cantu decurrantur, aut aliquid
C c c c 3 in

in eis transponatur, vel superaddatur, nisi ultimæ Collectæ: *Et famulos tuos*, & ad Elevationem: *O salutaris Hostia*, & Missis defunctorum, versiculus: *Pie Jesu Domine*.

CAPUT XI.

Sacerdos celebrans, in fine ultimæ Collectæ, Secretæ, & Postcommunio, superaddat clausulam: *Et famulos tuos*, &c. passim in Belgio dici solitam, quam hic subjungimus: *Et famulos tuos N. Papam, N. Antistitem nostrum, N. Regem, Reginam cum prole Regia, exercitu & populo ipsis commissis, & nos ab omni adversitate custodi, pacem & salutem nostris concede temporibus, & ab Ecclesia tua cunctam repelle nequitiam, gentes paganorum & hæreticorum dextera tua potentia contemere, & fructus terræ dare & conservare digneris. Per Dominum &c.*

CAPUT XII.

Dominicis ac Festis summa Missa celebratur de tempore, neque illius loco Missæ votivæ, aut pro Defunctis peragantur.

CAPUT XIII.

Missæ & Vesperæ Parochiales, tempore & horis per secundam Synodum Namurcensem constitutis, decantentur, sub penis ibidem expressis.

CAPUT XIV.

Hora Divino Officio præfixa, propter Terminariorum conciones, vel confessionum exceptionem, non anticipetur, vel differatur.

CAPUT XV.

Diebus feriatis Missæ votivæ Parochiales, & quas Pastor pro sua devotione celebrabit, hyeme hora octava; æstate hora septima, dato antea pulsû competentem, celebrentur.

CAPUT XVI.

Capellani, sive intra, sive extra Ecclesiam Parochialem, tali tempore Missas non dicant, ut populus hac occasione a Missa Parochiali, Concione, aut Catechismo non avertatur.

CAPUT XVII.

Quia intelleximus quosdam unicam duntaxat Hostiam consecrare, quam reponant in Remonstrantia, & veterem, quæ in ea fuit, consumere:

ad conservandam Sacrosancti Missæ Sacrificii integritatem; districte mandamus, ut quotiescumque consecranda erit Hostia, reponenda in Remonstrantia, Sacerdos celebraturus duas Hostias majores tunc consecret, quarum unam sumat, & alteram in Remonstrantia reponat.

CAPUT XVIII.

Illæ vero, quæ fuit in Remonstrantia repositæ, absoluto Officio, & Benedictione data, eodem die in Ciborium reponatur, a Celebraturo sequenti die consumenda, excepta Octava Venerabilis Sacramenti, qua durante, eadem Hostia permanere poterit in Remonstrantia, postriedie Octavæ similiter consumenda: Remonstrantia vero, durante dicta Octava, collocetur in Tabernaculo Venerabilis Sacramenti: quod si ejus non sit capax, extrahatur sacra Hostia, & in Ciborium reponatur, nec unquam dicta Remonstrantia cum sacra Hostia in armarium, Sacrificiam, vel alium locum minus decentem referatur.

CAPUT XIX.

Nulla ratione Sacerdotes aliter celebrent, quam cum majori hostia.

CAPUT XX.

Vinum singulis saltem octiduis quæraturnovum.

CAPUT XXI.

Nemo vinum, quo celebratur, misceat alterius generis vino, v.g. Hispanicum Rhenano.

CAPUT XXII.

Nullus binare audeat, nisi de nostro consensu, cujus in proxima visitatione Decanis fidem faciet.

CAPUT XXIII.

Renovamus *Cap. 11. & 14. secundæ Synodi Namurcensis*, & *Cap. 3. primæ Synodi, Tit. de Sacramento Eucharistiæ*.

CAPUT XXIV.

Ignotus Sacerdos, nisi ostensis Ordinationis suæ literis, vel Superioris sui legitimo testimonio, celebrare non permittatur.

CAPUT XXV.

Nullus recens ordinatus Primitias celebrare præsumat, nisi iisdem literis ostendat.

ostensis, & qui sufficienter in cæremoniis, iudicio eorum, quos in singulis Decanatibus ad hoc deputavimus, non fuerit idoneus repertus.

CAPUT XXVI.

Primitiæ celebrandæ non extrahantur ultra sex septimanas ab ordinatione, nisi de nostra licentia.

CAPUT XXVII.

Parochiani, etiam vicini alicui Capellæ sub finibus Parochialis extructæ, præcipuis anni Festivitatibus & Dominicis Ecclesiam Parochialem frequentare non omittant; qui vero tribus continuis Dominicis ab illa se absentaverint, admoneantur primum a suis Pastoribus, & si monitionem contempserint, ad Nos deferantur.

CAPUT XXVIII.

Nemo recedat a Missa, nisi ea integre absoluta.

CAPUT XXIX.

Altaria, Collegiis, Parochialibus, Seminariis, vel aliis Beneficiis unita, ornentur ab iis, quibus unita sunt, & eorum onera debite supportentur & exolvantur.

CAPUT XXX.

Inhibemus, ne quis propria auctoritate præsumat extra locum & horam foundationis Beneficiorum suorum onera exolvere, & Missas decantandas submisisse legere, sub pœna arbitraria.

CAPUT XXXI.

Nullus propria auctoritate reducat Missas, Anniversaria, & alia quæcumque onera suis Beneficiis incumbentia.

CAPUT XXXII.

Et quia intelligimus plures pauciora Sacra exonerare, quam primæva ipsorum Beneficiorum institutio requirit, mandamus, ut de illorum reductione Nos doceant intra trimestre.

CAPUT XXXIII.

Nullus absque nostra licentia audeat destruere, vel transferre altaria de loco ad locum, aut titulum diruti altaris, vel Capellæ alteri unire.

CAPUT XXXIV.

Altaria, quæ ad eleemosynas recipiendas extructa sunt, destruantur; &

eorum loco abacus, in quo sedere possit Mamburnus, erigatur.

CAPUT XXXV.

Pastores, etiam Regulares, publica Officia Divina juxta ritum Breviarii & Missalis Romani in suis Parochiis persolvant; & non alio, quam Romano Rituali, in Sacramentorum administratione utantur; qui autem non habent, infra semestrem sibi comparent, sub pœna viginti quinque florenorum.

CAPUT XXXVI.

Singulis Dominicis, exceptis Paschæ & Pentecostes, fiat præsentem populo, immediate ante summum Sacrum, cum cantu, aquæ lustralis benedictio, & ejus, ante & post idem Sacrum, aspergio, quamvis illa, in prima Missa fuisset submissa voce, benedicta.

CAPUT XXXVII.

Pastores deinceps solemnum Festorum Vigiliis (prout diebus Dominicis & Festivis) decantent Vesperas; Matutinum vero, diebus Paschæ, Ascensionis Domini, Pentecostes, Sanctissimæ Trinitatis, Corporis Christi, S.S. Joannis Baptistæ, Petri & Pauli, omnium Sanctorum, Nativitatis, Circumcisionis, & Epiphaniæ Domini, Purificationis, Annuntiationis, Visitationis, Assumptionis, Nativitatis, & Conceptionis Beatæ Mariæ; Dedicationis, & Patroni Ecclesiæ, & ubi usus habet, illud etiam diebus Dominicis, vel aliis decantari, is inviolabiliter observetur.

CAPUT XXXVIII.

Pastores non nisi gravi de causâ absint a Vesperis Dominicis & Festivis; nolumus enim eas, Pastore abiente, vel infirmo, a solis matrigulariis Laicis, assistentibus pueris, decantari.

CAPUT XXXIX.

Exhortamur omnes, ut morem, aliis in Diœcesibus receptum, in hanc inducant, pulsandi mane, meridie, & vesperi ad *Ave MARIA*.

CAPUT XL.

Nullus malæ famæ Pastori in Divinis Officiis assistat.

CAPUT XLI.

Innovando *Cap. 9. Tit. 2.* Synodi secundæ Namurcensis, mandamus tempore

pore concionis, & Divinorum Officiorum abstineri a lufibus, insolentis, deambulationibus, & potationibus in tabernis, implorantes ad hoc auxilium brachii sæcularis.

CAPUT XLII.

Laici, in nulla parte Divini Officii, aut processionibus, intra vel extra Ecclesiam, cappis, seu pluvialibus, aut alio sacro habitu (superpelliceo excepto) utantur.

CAPUT XLIII.

Nullus aliquod Officium in aliena Ecclesia, sine Pastoris ejusdem loci licentia, facere præsumat.

CAPUT XLIV.

Dominicis, & Festis solemnioribus Supplicationes, circa Ecclesiam ante summum Sacrum, fiant.

CAPUT XLV.

Longiores processionum circuitus, per Pastorem, præfente Decano, & Magistratu, ad justos terminos reducuntur.

CAPUT XLVI.

In processionibus, in quibus deferitur Venerabile Sacramentum, nihil cibi, aut potus præbeatur.

CAPUT XLVII.

Quia experientia docuit, plura Anniversaria negligi, singuli Pastores, tam horum, quam aliarum piarum foundationum, primo tempore conficiant pertinentem tabellam in Sacristia appendendam.

CAPUT XLVIII.

In Capellis tam erectis, quam erigendis, sub aliqua Parochiali nullæ poterunt decantari Missæ, nisi Dedicationis & Patroni ipsarum respective diebus.

CAPUT XLIX.

In iis tamen, quæ Beatæ Virgini specialiter sunt dedicatæ, poterunt Missæ de Beata tantum decantari, idque diebus ipsius Festivis, & Sabbatinis.

CAPUT L.

Tam vero dictis diebus Festivis B. MARIE, quam Dedicationis, & Patroni celebrari debebunt hæ Missæ, una hora ante, vel post Missam Parochialem, sicuti & Missæ privatæ, quando

iisdem diebus Festivis vel Dominicis, illas celebrari continget, ut Parochiale Officium non impediatur.

CAPUT LI.

Tenebitur Aedituus, seu Custos cujuslibet dictarum Capellarum, Pastorem, Capellanos, & Matricularium loci, ad dicta decantanda Sacra invitare, vel personas, quæ Sacrum petunt decantari, ad eosdem remittere.

CAPUT LII.

Nulli enim permittimus Sacerdoti, vel Matriculario externo supradicta Sacra decantare, nisi Pastor & Matricularius loci requisiti id facere recusarint: excepto casu, quo circumvicini Pastores, cum populo, processionaliter venerint ad aliquam illarum Capellarum, devotionis ergo, solemniter celebraturi.

CAPUT LIII.

Nulla modo in præfatis Capellis reservetur Venerabile Sacramentum, licet illud sub Missæ tempore consecrari, & adventantibus ministrari possit.

CAPUT LIV.

Nullæ etiam ibi habeantur conciones, nisi diebus Dedicationis, Patroni, uti & Festivitatum B. MARIE, in Capellis ei specialiter dedicatis, idque a solo Pastore, vel ab alio de ejus assensu & extra tempus Divinorum Officiorum, in Parochiali fieri consueverunt.

CAPUT LV.

In nulla quoque dictarum Capellarum aliquod munus Parochiale exerceatur, ut sunt purificationes post partum, candelarum, aquæ lustralis, cinerum, palmarum, & novorum fructuum benedictio, neque Exequiæ, Missæ parvulorum, Anniversariorum, & Matrimoniorum celebrentur, aut solemnizationes eorundem, vel alia officia, per Pastores fieri consueverunt, nisi a Pastore, vel alio de ejus consensu.

CAPUT LVI.

Oblationes Missæ, seu Missarum, quas in illis Pastor, aut Rector in sua Capella personaliter celebrabit, solus respective accipiet; aliarum vero Missarum per quoscumque illæ celebrentur, etiam si essent Capellani loci, modo

non Rectores, cedent integre ipsis solis Capellis.

CAPUT LVII.

Æditui vero dictarum Capellarum, seu Mamburni præsentabuntur per Fundatores, vel iis deficientibus, per Communitatem, Decano vel Pastori loci, ut ab his approbentur, & constituantur, recepto juramento, de illis fideliter administrandis.

CAPUT LVIII.

Qui tenebuntur quotannis iisdem de receptis & expensis fideliter rationem reddere, præsentibus Fundatore, vel ejus hærede, & aliquibus de Communitate.

CAPUT LIX.

Earumdem Capellarum Fundatores, seu Dotatores, poterunt, quoad vixerint, Æditui officium subire, sub præfata obligatione reddendi quotannis computus & rationes.

CAPUT LX.

Ad quem effectum Ædituus, sive Mamburnus quilibet dictarum Capellarum diligenter, & ex conscientia colliget & conservabit eleemosynas, & oblationes, quæ quoquomodo a fidelibus fient.

CAPUT LXI.

Gazophilaciorum, vulgo *Troncq*, eleemosynæ sub duabus clavibus excipiantur, quarum unam Pastor, alteram Ædituus habeat.

CAPUT LXII.

Æditui nihil expendant de præfatis eleemosynis, aut oblationibus, nisi de consilio Pastoris.

CAPUT LXIII.

Capellæ Parochialibus Ecclesiis astructæ, seu adhærentes, ab illis reparentur, & conserventur, qui ad id de jure vel consuetudine tenentur.

CAPUT LXIV.

Si vero dictæ Capellæ sint extra Parochialem, Ædituus oblationes in earum conservationem & reparationem impendat, & iis non sufficientibus, Rector altaris, si quis sit, adjuvet, cujus si tenuiores sint redditus, populus, qui illis utitur, contribuat, nisi aliud de consuetudine servetur.

Tomus LX. Concilior. German.

CAPUT LXV.

Innovamus *Cap. 4. Tit. 4.* secundæ Synodi Namurcensis, de Mendicantibus per Ecclesias, tempore Divini Officii, quod optamus exacte servari, & in usum reduci.

CAPUT LXVI.

Ut caveatur insolentiis, quæ intempestiva nocte commemorationes fidelium defunctorum accidere solent ex pulsu campanarum, mandamus, ne ultra nonam vespertinam pulsentur, & ante quartam matutinam.

CAPUT LXVII.

Inhibemus, ne herbæ cœmeteriorum ab ullius, etiam Pastoris animalibus depascantur, nec eo loci lineæ dealbentur, neque in Ecclesiarum vestibus grana exeantur.

CAPUT LXVIII.

In cœmeteriis arbores frugiferae deinceps non plantentur.

CAPUT LXIX.

Nemo, absoluto Divino Officio, in Ecclesiæ vestibulo vel cœmeterio confabulationes misceat; & minus jurgia.

CAPUT LXX.

Pueri non permittantur ludere in cœmeteriis.

CAPUT LXXI.

In iisdem cœmeteriis, aut locis sacris nullæ mercès venales exponantur.

CAPUT LXXII.

Renovamus *Cap. 14. Tit. 11.* secundæ Synodi Namurcensis, de Cœmeteriis.

TITULUS IV.

De Superstitione & Exorcismis.

CAPUT I.

NULLUS se, vel animalia sua a morbo curari, & a periculis præservari procuret per superstitionem, aut verba magica, & quod gravius est, non consulat Divinos, aut cribrum verticutes, ad cognoscendum, quis rem suam, vel alterius furripuerit, aut sibi malum intulerit.

CAPUT II.

Cum intelligamus, quotidie Matrimonia ligaturis perturbari, eorumque finem impediri, non obstante Præ-

D d d d

decesso.

decessoris nostri gravissimo Decreto, quo perniciosissimum hunc abusum, sub pœna excommunicationis, etiam sibi reservatæ, severissimo prohibuit, Nos idem Decretum sub iisdem pœnis renovantes; mandamus Pastoribus, ut huius flagitii gravitatem sæpius populo inculcent, & excommunicatos esse denuntient eos, qui ejusmodi ligaturis, aut aliis quibuscumque maleficiis, actum Matrimonii inter conjuges quomodolibet impedire conantur; cujus flagitii & excommunicationis, prout Prædecessores nostri, absolutionem Nobis reservamus.

CAPUT III.

Renovamus etiam *Cap. 7. & 8. Tituli 1.* secundæ Synodi Namurcensis.

CAPUT IV.

In singulis Decanatibus tres vel quatuor Pastores designentur, qui a Nobis obtineant facultatem exorcizandi.

CAPUT V.

Permittimus Sacerdotibus usum legendi Evangelium S. Joannis, vel aliud conveniens, super capita fidelium, stola in modum Crucis illis superposita.

TITULUS V.

De Festis & Jejuniiis.

CAPUT I.

SI Festum S. Marci in hebdomada Paschæ, vel Dominica *Quasimodo* occurrere contingat, transferatur in primam feriam post dictam Dominicam, Festo solemniori non impeditam, una cum processione, & abstinentia a carnibus per totum diem, & jejunio usque ad prandium.

CAPUT II.

Quod si in alia Dominica occurrat, Festum servetur ipsa die Dominica; at processio, abstinentia a carnibus per totum diem, & jejunium usque ad prandium serventur die sequenti.

CAPUT III.

Festum Dedicationis Ecclesiæ nostræ Cathedralis, quod incidit in ultimam Dominicam Aprilis, eadem die per totam Diocesim ab omnibus, etiam Regularibus, servetur.

CAPUT IV.

Quia festum S. Albani Martyris, Civitatis & Diocesis Namurcensis Patroni primarii, incidens in 21. Junii ob concursum Festorum, & Octavarum, non potest ita commode cum sua Octava celebrari, & populus ratione messis subinde ab eo rite colendo avocatur: Festum cum sua Octava in 22. Octobris (quæ est ejusdem Sancti Translationis dies) a populo tunc celebrandum, transferimus. Ordinantes, ut dies ejus Natalis dicta 21. Junii ritu duplici per totam Diocesim celebretur.

CAPUT V.

Renovamus *Cap. 3.* de Festis, primæ Synodi Namurcensis.

CAPUT VI.

Tempore sementis, tam Vere, quam Autumno, diebus Dominicis aut Festivis terras colere, aut arare prohibemus.

CAPUT VII.

Renovamus *Cap. 2. Tit. 5.* de Festis secundæ Synodi Namurcensis.

CAPUT VIII.

Permittimus Pastoribus, ut tempore messis, urgente necessitate, & extra tempus Divini Officii, Parochianis suis operandi licentiam concedere possint.

CAPUT IX.

Dominica *Quinquagesima* Pastores publicent Jejunium quadragesimale & abstinentiam a leſticiniis feria quarta Cinerum, & sexta Parasceves observandam; & declarent, quod nos aliis Quadragesimæ diebus, eorum usum toleramus, modo qui illis utentur, pro recepto more, quinquies *Pater & Ave*, quotidie legant, vel capitatim duos stuferos, in gazophylacia, ad hoc in singulis Parochialibus constituta, inferant, fabricæ Ecclesiæ nostræ Cathedralis applicandos.

CAPUT X.

Ultra jejunia hætenus in hac Diocesi observari solita, etiam Vigilia Pentecostes jejunetur ex præcepto.

CAPUT XI.

Festo Venerabilis Corporis Christi occurrente in Vigilia S. Joannis Baptistæ,

stæ, vel Nativitate ejusdem, jejunium servetur feria quarta præcedente.

CAPUT XII.

Eodem Festo occurrente in die Nativitatis ejusdem Sancti, Festum S. Joannis transferatur in diem sequentem, celebrandum etiam a populo.

TITULUS VI.

De Imaginibus & Reliquiis Sanctorum.

CAPUT I.

Nemo venerationi populi novas Reliquias, a quocumque oblatas, vel acceptas exponat, nisi prius a Nobis recognitas & approbatas.

CAPUT II.

Et si quæ modo non approbatæ alicubi exponantur, statim removeantur, donec a Nobis sint recognitæ & approbatæ, exceptis iis, quæ ab immemoriali tempore pro veris Reliquiis habitæ & cultæ fuerunt.

CAPUT III.

Dum vero exponentur, Pastores, & ii, quorum interest, caveant, ne qua iis fraus fiat, adhibita congrua custodia, & nunquam exponantur, nisi cum debita reverentia, & supposita mappa, seu linteo, & nihil earum, Nobis inconsultis, cuiquam distribuatur.

CAPUT IV.

Feretra, a quibus ablata sunt Reliquiæ, removeantur.

CAPUT V.

In proceffionibus nullæ, uti hætenus, imagines, vel Reliquiæ per puellas deferantur.

CAPUT VI.

Quæ ad ornatum Supplicationum proponuntur, ejusmodi sint, quæ oculos spectantium non offendant; ea propter tempore earum, nullæ imagines lascivæ, vel quæ turpitudinem redolent, exponantur; cujus rei Pastores subditos suos moneant.

TITULUS VII.

De Sacramentalibus & Sacramentis in genere.

CAPUT I.

Oleorum vascula permittimus turbulento hoc tempore fieri ex stanno, si non possunt ex argento. Separato vasculo Olei infirmorum a duobus aliis simul junctis, suis notulis distincta; quæ omnia munde & honeste conserventur.

CAPUT II.

Si quando contingeret aliquod Oleorum sacrorum exarefcere, aliud non benedictum non admisceat Pastor, sed a Nobis, aut Archi-Presbytero nostro petat benedictum.

CAPUT III.

Olea sacra loco decenti, tuto, a Venerabilis Sacramenti Tabernaculo, & a majori Altari separato, reponantur, videlicet in loculis, in quibus hætenus Sacra Eucharistia reservata fuit, quam nunc in Altari asservandam mandavimus.

CAPUT IV.

Quando veterum sacrorum Oleorum vascula, pro novis imponendis mundanda erunt, parentur honesta alia vascula, in quibus pro populi necessitate tantisper hæc conserventur, donec nova allata sint.

CAPUT V.

Cineres gossipii Oleorum sacrorum, feriæ quartæ Cinerum, linteorum Confirmationis, corporalium, & ex aliarum rerum sacrarum combustionem provenientes, in piscinam vel cæmeterium projiciantur, & non in ignem domesticum.

CAPUT VI.

Nullus Sacerdos, etiam Regularis, præsumat absque nostro consensu cuiquam occulte Sacramenta deferre.

CAPUT VII.

Ante Sacramenti ad infirmos delationem, aliquot campanæ pulsantur, ut populus ad comitandum sacerdotem, & pro infirmis orandum, invitetur.

CAPUT VIII.

Moneatur populus, Nos iis viginti dierum Indulgentias concedere, qui audiendo Sacrum genua flectent a *Sanctus, Sanctus*, usque ad Calicis sumptionem, & omnibus, qui comitabuntur Parochum deferentem sacrum Viaticum, aut Extremam Unctionem infirmis.

CAPUT IX.

Procurent Pastores, ut in ingressu singularum portarum Ecclesiæ vasa quæ benedictæ apponatur.

CAPUT X.

Deinceps in singulis Parochiis Matricularius, vel alius ab eo substitutus, aquam lustralem ad domos Parochianorum Dominicis diebus deferat, nulla autem ratione ejus uxor, filia, vel alia mulier.

CAPUT XI.

Renovamus *Cap. 4. Tit. 6.* secundæ Synodi Namurcensis, de Sacramento- rum administratione. Item *Cap. 5. 8. 10. 14. 15. 16. 17. 19. & 20. ejusdem Tituli.*

CAPUT XII.

Registra Pastoralia in Sacristia, & non domi Pastorum reserventur, ut facta alicujus Sacramenti collatione illico Pastores possint Baptizatorum, & Matrimonio junctorum nomina inscribere, juxta formulas Ritualis Romani.

TITULUS VIII.

De Sacramento Baptismi.

CAPUT I.

Fontes baptismales ubique sub sera & cancellis clausi & mundi, a sordibus & bestiolis ferventur.

CAPUT II.

Infantem extra Ecclesiam Parochialem baptizare, nemo præsumat citra casum necessitatis, aut nisi filios Principum.

CAPUT III.

Nullus audeat infanti solum Baptismi Sacramentum, non adhibitis Ecclesiæ cæremoniis, conferre, eo quod Patrinus expectetur, sed intra triduum a nativitate omnes infantes solemniter baptizentur, & id facere negligentes, Decano, vel Nobis deferantur.

CAPUT IV.

Obstetrices moneantur, ut intra dictum tempus infantes baptizandos Pastoribus denuntient, significantque parentibus, ut procuratorem nomine expectati Patrini accipiant, quandoquidem non ipse procurator, sed patrinus absens, fiat infantis susceptor, & cognationem spirituales cum eo, & illis contrahat.

CAPUT V.

Parochus non differat Baptismum conferre, ex eo, quod baptizandus sit illegitimus, vel ex parentibus ignotis aut exteris, casu illic natus, sive quod nullus pro ejus alimentatione fidejubeat, etiam si Magistratus loci, vel alius quilibet, ob prædictas vel alias causas puerum baptizari nolit.

CAPUT VI.

Infantes illegitime nati, ad Ecclesiam sine solemnitate deferantur, & illorum matres a puerperio non purificentur.

CAPUT VII.

Decreto Synodi a Prædecessore nostro habitæ anno 1625. *Tit. De administratione Sacramentorum. §. Si contingat.* pro pacificandis timoratorum Pastorum nostrorum conscientis, addendum censuimus, ut hi, postquam de materia & ejus applicatione: de forma, & ejus pronuntiatione, deque Obstetricis, aut Ministri intentione, capacitate & conditione, respondendi modo, & aliis circumstantiis debite se informarint; si aliquod eis de valore Baptismi, morale dubium vel hæsitatio superfuerit, sub conditione Baptismum conferant.

CAPUT VIII.

Nullæ admittantur Obstetrices, nisi bene doctæ & juratæ.

CAPUT IX.

Renovamus, & sedulo observari præcipimus *Cap. 8. Tit. 6.* secundæ Synodi Namurcensis, quod de instructione, idoneitate & officio Obstetricum statuit.

CAPUT X.

Pastores inter concionandum, præsertim catechizandum, Parochianos doceant materiam & formam Baptismi, ut quisque in casu necessitatis aptus sit illum conferre.

CAPUT

CAPUT XI.

Hortentur Pastores prægnantes mulieres, ut ad foelicem partum per Sacramentum Confessionis, & Communionis susceptionem se disponant: maxime illas, quæ partum hætenus non sunt expertæ.

CAPUT XII.

Ad proles suscipiendas in Baptismo Pastores non admittant eos, qui ebrii, vel semi-ebrii sunt, aut iuniores, qui nesciunt rudimenta fidei, neque plures, quam unum susceptorem, aut ad summum unum, & unam admittant; nominaque Paganorum nulla ratione parvulis imponantur, immo ne veteris Testamenti: cum enim id hæreticis peculiare sit, ideo ab eis abstinendum declaramus.

CAPUT XIII.

Quando infans non est legitimus, & de utroque parente publice constat, utriusque nomen & cognomen in registro Baptizatorum describatur; & ubi tantum de altero parente publice constat, illius tantum nomen cum cognomine annotetur; porro si de neutro parente publice constat, Pastor scribat in hunc modum: *Baptizavi infantem, cujus parentes ignorantur, natum N. mensis N. anni N. nomine N. Susceptor fuit N. N.*

TITULUS IX.

De Sacramento Confirmationis.

CAPUT I.

Pastores moneant grandiores confirmandos, susceptioni Sacramenti confessionem præmittere.

CAPUT II.

Item, ut die Confirmationis omnes ad illam præsentandi, cultiori habitu induti, munda facie, & jejuni, quantum tempus & ætas feret, lineis fasciis, mundis & oblongis, aliisque necessariis instructi, coram Episcopo, cum patrino reverenter compareant, nec recedant, nisi Sacramento & Benedictione Pontificis accepta.

CAPUT III.

Nullus alias confirmatus ad hoc Sacramentum iterato suscipiendum se offerat.

CAPUT IV.

Pater, vel Mater, proles suas confirmandas nullo modo teneant, & nullus non confirmatus alium teneat, vel offerat, & qui Fidei rudimenta non calleat.

CAPUT V.

De quibus omnibus, uti & de cognatione spiritali inde contracta instante Confirmationis tempore, Pastores subditos suos præmoneant & instruant.

TITULUS X.

De Sacramento Pœnitentiæ.

CAPUT I.

Confessionalia; si quæ sint in Sacristiis, inde quamprimum removeantur, & aperto loco reponantur, extra quæ mulierum confessiones non audiantur, nec in tenebris, nisi lumine adhibito.

CAPUT II.

Fiant autem ubique illa utrimque cum cancellis.

CAPUT III.

Confessarii nullius, nequidem Sacerdotis confessionem audiant, nisi sedentes, nec aliter, quam textis capite, uti Judices decet, pœnitentem absolvant.

CAPUT IV.

Utantur autem forma absolutionis, quam hic subjungimus: *Dominus noster JESUS CHRISTUS te absolvat, & ego auctoritate ipsius te absolvo ab omni vinculo excommunicationis, (suspensionis) & interdicti, in quantum possum, & tu indiges, deinde te absolvo a peccatis tuis, in nomine Patris, & Filii, & Spiritus Sancti. Amen.* Si pœnitens sit Laicus, omittatur verbum: *Suspensionis.*

CAPUT V.

Permittimus Pastoribus, & eorum Vicariis, in quorum Parochiis sunt Confraternitates, vel Indulgentiæ plenariæ, ut illarum diebus quosvis adventantes, & ubi est peregrinatio, omnes peregrinantes absolvere possint: & si quis eorum facultatem habeat absolvendi a casibus Nobis reservatis, illa erga eosdem tempore & loco prædictis uti possit.

CAPUT VI.

Reservamus Nobis omnem casum, cui annexa est excommunicatio major, de jure, aut ex Decreto S. Concilii Trid. Episcopis reservata; Hæresim, apostasiam, homicidium voluntarium, incendium voluntate deliberata procuratum, concubitus contra naturam, raptum virginum, incestum cum Sanctimonialibus, consanguineis, aut affinis in primo & secundo gradu, adulterium manifestum, manuum violentam injectionem in parentes, veneficium, sortilegium, ligaturam, & omne maleficium, quo impeditur actus matrimonialis in conjugibus, oppressio nem tenellorum negligentia qualibet proveniente factam, Simoniam realem, & omnia alia prædictis graviora, in eodem genere peccati: Apostolica tamen Sedi, suis casibus semper salvis.

CAPUT VII.

In unoquoque Decanatum districtu duo Parochi e prudentioribus locis opportunis residentes, in singulorum Congregatione Capitulari eligantur, & electorum nomina ad Nos referantur, qui accepta a Nobis licentia (sicut & ipsi Decani) a supradictis casibus Nobis reservatis, suorum respective districtuum Christi fideles in foro conscientiarum tantum absolvere possint, & valeant; Nemo tamen prædictorum, virtute ejusmodi concessionis, quempiam præsumat ab hæresi absolvere, nisi specialem licentiam id facienti, in scriptis obtinuerit.

CAPUT VIII.

Nullus nequidem Regularis, aliquis confessionem, nisi is infirmus fuerit, extra Ecclesiam, vel locum sacrum audiat.

CAPUT IX.

Declaramus liberum esse Pastori- bus, & quibuslibet Diocesis nostræ Sacerdotibus confiteri, cuicumque voluerint Sacerdoti approbato.

CAPUT X.

Sacerdotes, quam possunt sæpissime confiteantur.

CAPUT XI.

Doceant Pastores Parochianos suos modum rite confitendi, & contritionem eliciendi.

CAPUT XII.

Renovamus Cap. 6. primæ Synodi Namurcensis, de Pœnitentia.

CAPUT XIII.

Item §. *Confessarius*, Tit. *De ministr. Sacrament.* Synodi anni 1625.

CAPUT XIV.

A Nobis admissus ad audiendas in certa Parochia confessiones, in alia, etiam invitatus a Pastore, audire non præsumat.

TITULUS XI.

De Sacramento Eucharistiæ.

CAPUT I.

OMnia Tabernacula Venerabilis Sacramenti illico reponantur in medio summi Altaris.

CAPUT II.

Singulis septimanis sacræ Hostiæ renoventur, vel sæpius, si loci humiditas id requirit.

CAPUT III.

Nunquam maneat expositum Venerabile Sacramentum sine lumine, nec etiam sine aliquo custodiante, nisi clausa Ecclesia.

CAPUT IV.

Quotiescumque Venerabile Sacramentum exponitur, semper ei supponatur corporale, & illo exposito, in eodem Altari nullæ Reliquiæ ponantur.

CAPUT V.

Habeant Pastores parvam pyxidem, in qua consecrentur minores Hostiæ.

CAPUT VI.

Si noctu non potest, ardeat saltem de die lampas ante Venerabile Sacramentum, in quam rem despiciant Decani in visitationibus suis, unde sumptus præstari poterunt.

CAPUT VII.

Pastores semper penes se reservent claves Tabernaculi Venerabilis Sacramenti, Repositorii, in quo vascula Oleorum sacrorum affervantur, & Fontis Baptismalis, quas ex Parochia discedentes, custodiendas committent Substituto suo.

CAPUT VIII.

Nulli Laico communicanti detur ablutio ex calice.

CAPUT IX.

Corporalia & purificatoria nulla ratione aqua benedicta, vel in ejus vase laventur, sed in alio mundo vase aqua naturali, quam postmodum in piscinam projiciant, vel in cœmeterium.

CAPUT X.

Nullus admittatur ad Sacramentum Eucharistiæ, qui non sciat: *Pater, Ave, Credo*, præcepta Dei & Ecclesiæ, & non sit de hujus Sacramenti Mystério mediocriter instructus.

CAPUT XI.

Pastores promiscue non administrent Communionem Paschalem extra Ecclesiam Parochialem, nisi id rationabili de causa in Capella, vel Oratorio, infra Parochialem siccis, aliter fieri expediat.

CAPUT XII.

Optandum esset, ut populus simul cum Communione Paschali Missam Parochialem audiret, ad quod Parochi suos subditos exhortentur, nec ægre ferant Pastores, si illi antea privilegii sint confessi.

CAPUT XIII.

Pastor summum Sacrum celebrans, Communionem nemini, nisi Missa absoluta, administret.

CAPUT XIV.

Quem contigerit in Paschate ex justa causa extra Parochiam communicasse, is Pastori suo de eo fidem faciat.

CAPUT XV.

Infirmorum confessiones prius excipiantur, quam Pastor eis deferat Venerabile Sacramentum, excepto casu necessitatis.

CAPUT XVI.

Omnes Parochiani, dum incipiunt infirmari, curent sibi tempestive & de die Sacramenta administrari, quod si noctu aut vespere superveniente petant Sacramentum, mittant aliquos vicinos, qui Pastorem deducant, & comitentur.

CAPUT XVII.

Pastores plures semper Hostias infirmis Viaticum administraturi deferant,

ut saltem cum una ad Ecclesiam redeant.

CAPUT XVIII.

At pluviosa aura, vel ad remotiora loca, unam duntaxat Hostiam ægroto deferentes, id non faciant, nisi stola & superpelliceo induti, cum lumine & nola, Matriculario comitante; sed regredientes, inane vasculum, occulte, silente campanula, & sine lumine, exuti stola & superpelliceo ad Ecclesiam redeant, iis, qui comitati fuerint, præmonitis, unicam tantum Hostiam ad ægrotum delatam fuisse.

CAPUT XIX.

Semper remaneat in Ecclesia pro adoratione fidelium saltem una Hostia consecrata, etiam dum Sacramentum ad infirmos defertur.

CAPUT XX.

In processionibus Dedicationum, ad quas populus convenit magis spectandi gratia, quam devotionis, non deferatur Venerabile Sacramentum, & quando continget deferri, nullæ aliæ Reliquiæ, vel imagines Sanctorum deferantur.

CAPUT XXI.

Insistentes ordinationi Prædecessoris nostri, Tit. *De Sacrament. administr.* §. 12. Synodi anni 1625. super frequentia delationis Augustissimi Sacramenti, quæ fieri solet minori cum reverentia, quam quæ tanto Sacramento debetur; mandamus, ne impofterum illud deferatur in processionibus, nisi in illis, quæ sunt in festo Corporis Christi, & per ejus Octavas, festis Dedicationis Ecclesiarum, & Confraternitatum ejusdem Venerabilis Sacramenti, nec non in iis, quæ per Nos fient, aut fieri mandabuntur pro re gravi, & Ecclesiæ aut Patriæ necessitatibus: in die vero Patroni, sola ejus imago vel Reliquiæ deferantur.

TITULUS XII.

De Sacramento Ordinis.

CAPUT I.

Insistentes Prædecessoris nostri vestigiis, monemus, ne quis deinceps ad Ordines se præsentet, nisi prius Ecclesiam delegerit, cui per Nos adscribatur,

batur, ubi suis fungatur muneribus; & cum turpe sit, populo Divinis Officiis vacante, Sacerdotes, & alios in Sacris constitutos, cum illius scandalo eo tempore vagari: omnibus, qui hæcenus absque huiusmodi adscriptione a Nobis ordinabuntur, præcipimus, ut in posterum omnia officia in Ecclesia Parochiali, sub qua degunt, diligenter frequentent, & reverenter Pastori obediant, cum ipsi, æque ac cæteri Laici, sint ipsius Parochiani.

CAPUT II.

Volumus formulis Testimonialium pro iis, qui ad Ordines promoveri desiderant, addi: quod sint de legitimo thoro procreati, ex parentibus N. N.

CAPUT III.

Quando autem ex depositione testium deficiente registro Baptismali dandæ erunt similes Testimoniales, dentur sub forma, præscripta in Synodo Namurc. anni 1625.

CAPUT IV.

Sciant promovendi ad Ordines majores, neminem a Nobis deinceps ordinandum, nisi examinandus exhibeat Nobis fide digna testimonia laudabilis vitæ antea, proclamationum factarum in Ecclesia, sub qua residet, ætatis, Ordinum præcedentium susceptorum, eorundemque facti exercitii, tituliq; sufficientis documenta.

CAPUT V.

Subdiaconandi titulo Beneficii, æque ac Patrimonii, solitum juramentum præstent de eo non alienando.

TITULUS XIII.

De Sponsalibus & Matrimonio.

CAPUT I.

CUM Sponsalia justas ob causas ex Ecclesiæ consuetudine debeant præcedere Matrimonii Sacramentum; jubemus, ut illa a contracturis Matrimonium celebrentur.

CAPUT II.

Quæ nonnisi coram alterutrius desponsandorum Parocho, vel ejus vices gerente, aut altero, de nostra licentia contrahantur, neque etiam alibi,

quam publice in Ecclesia, seu sacra aliqua Capella, & præsentibus testibus; nullo autem modo in tabernis, vel loco profano.

CAPUT III.

Proclamationes bannorum ter a proprio contrahentium Parocho tribus continuis diebus Festivis, in Ecclesia inter Missarum solemnias publice denuntientur; & si contrahentes Sponsalia, sint diversarum Parochiarum, illa fiant in utraque Parochia.

CAPUT IV.

Et quia ex illarum omissione (quod S. Concilium Trid. Matrimonii celebrationi præmittendas, saluberrime præscribit) gravia incommoda eveniunt, pronum est, raro, & nonnisi ex justa & legitima causa in eis dispensabimus, renovando *Cap. 5. Synodi i. Namurc.* nullo autem modo Pastores super illis dispensare præsumant.

CAPUT V.

Inquirat Pastor a desponsandis, seorsim ad se vocatis; præsertim si minus sibi noti sint, an sint confirmati, an credant, quidquid Sancta Ecclesia Catholica Romana credit, an sciant Oracionem Dominicam, Salutationem Angelicam, Symbolum Apostolorum, Dei & Ecclesiæ præcepta, & Sacramenta: an sponte & a nemine coacti mutuo fidem sibi daturi, convenerint: an sint liberi, & non altero Matrimonio, aut aliis Sponsalibus, vel voto perpetuæ castitatis illigati: denique an nullum noverint canonicum inter se consanguinitatis, affinitatis vel cognationis spiritualis, vel aliud ejusmodi impedimentum.

CAPUT VI.

Advertat diligenter Parochus, cum ad ea celebranda desponsandi venerint, an sobrii sint.

CAPUT VII.

Nullus Pastorum Sponsalia inter suos subditos contracta, propria auctoritate remittere præsumat.

CAPUT VIII.

Curatus alicujus Ecclesiæ habens fixum domicilium in aliena Parochia, sine consensu Pastoris loci illius, neminem domesticorum suorum Matrimonio

nio jungat, aut eis Communionem Paschalem vel Viaticum administrare attentet, cum ipse illorum non sit Pastor, sed Parochus loci.

CAPUT IX.

Meminerint Parochi sub gravi pena sibi non licere vagorum hominum, militum transeuntium, & eorum, quorum alter conjux abest, quantocumque etiam tempore abfuerit, nulla habita certitudine de ejus morte, Matrimonii interesse, nisi re prius ad Nos, vel Vicarium nostrum delata, licentiam obtinuerint.

CAPUT X.

Qui alios, quam suos Matrimonio conjunxerint absque nostra, vel alterius contrahentis Parochi licentia in scriptis accepta; ultra penas contra ejusmodi transgressores a Concilio Trident. inflictas, multam triginta florenorum incurrant, vel aliam arbitrariam graviolem: quas penas etiam incurrat, qui omisissis proclamationibus, vel aliqua earum, suos, vel aliquem suorum, cum alterius loci Parochiano conjunxerit, antequam de illis, eo in loco rite factis testimonio Pastoris, vel de eorum legitima relaxatione, sibi constituerit.

CAPUT XI.

Si quis Parochianos suos non servata S. Conc. Trid. forma, aut inter quos impedimentum aliquod novit existere, non obtenta dispensatione, conjunxerit, penam incurrat quinquaginta florenorum.

CAPUT XII.

Qui vero aliquo ejusmodi impedimento existente, scienter, aut non servatis S. Conc. Trid. forma, & modo, coram Parocho non approbante, vel invito, Matrimonium contrahere præsumpserint, gravissima pena pro facti exigentia, per nostrum Officium puniantur.

CAPUT XIII.

Norint exacte Pastores omnia impedimenta dirimentia, & impediencia Matrimonii.

CAPUT XIV.

Renovamus Cap. 6. primæ Synodi Namurcensis, de tempore clauso, in Tit. de Matrim.

Tomus IX. Concilior. German.

CAPUT XV.

Quia vero in Rituali Romano, quo nostra Diocesis pridem utitur, Ordo celebrandi Sponsalia non continetur, illum hic ex Cameracensi referendum censuimus.

Ordo celebrandi Sponsalia.

Sacerdos indutus superpelliceo, & stola, vel paramento officii, constitutis ante se futuris conjugibus, & presentibus testibus, compellat cunctis audientibus primo futurum Sponsum ex nomine, dicens:

N. Estes vous icy venu, de vostre libre volonté, & sans contraincte, pour promettre mariage à N. qui est icy présente? Resp. Ouy.

Tum futuram Sponsam similiter compellat, & dicit:

N. Estes vous icy venue, de vostre libre volonté, & sans contraincte, pour promettre mariage à N. qui est icy present. Resp. Ouy.

Accepta ejus Responsione affirmativa cum decente verecundia utriusque dexteram apprehendet, & eas conjunget, dicens futuro Sponso, ut primum ipse solus post se dicat:

En la presence des assistans, je N. promet à vous N. (que je tiens par la main) que je vous prendray pour ma femme, si nostre mere la Sainte Eglise y consente.

Idem facere futuram Sponsam jubebit, dicens:

En la presence des assistans, je N. promet à vous N. (que je tiens par la main) que je vous prendray, pour mon mary, si nostre mere la Sainte Eglise y consente.

Postea subinfert Sacerdos: *Et Ego tanquam Ecclesie Minister, ejus nomine, mutuam hanc vestram promissionem approbo & accepto: in nomine Patris, & Filii † & Spiritus Sancti, Amen.*

Aspergensque eos aqua benedicta, dicit: *Aspergat vos DEUS rore gratiae suae, in vitam æternam. Resp. Amen.*

Deinde subjiciet:

Je vous fait commandement de la part de Monseigneur le Reverendissime Evêque de Namur, qu'en de dans quarante jour, vous

E e e e

aya

ayez accomplis vos promesses, & solemnize le mariage encommencé. Et cependant je vous admoneste l'un & l'autre, de vous comporter bonnement & modestement avec la crainte de Dieu, tout le tems que vous serez en fiançailles: & de vous confesser, & recevoir votre Createur, du moins deux ou trois jours devant vos nocces. Et je prie Dieu que cette alliance, puisse réussir à son bonheur, à vostre salut & à la consolation de tous vos parens, & amis.

Quibus actis, describentur in registro eorum nomina, & cognomina, simul cum testibus, die, mense, & anno, quando & ubi hæc acta sunt.

Si Desponsati fuerint diversarum Parochiarum, Parochus, coram quo contracta sunt Sponsalia, hoc quamprimum significabit Rectori alterius Parochiæ, ut ipse ex sua parte proclamationes requisitas faciat: nec ille Parochus, coram quo Matrimonium erit celebrandum, sive viri, sive mulieris sit, ad ejus solemnizationem procedat, nisi visa alterius Parochi legitima attestatio: dum de dictis proclamationibus factis, nulloque cognito impedimento, tum quod contrahere volens, sit vere Catholicus, ac Confessione facta, sacram etiam Communionem perceperit. Si vero Desponsati sint diversorum Decanatum, Parochus de supradictis rite peractis, certiorum reddet suum Decanum, qui hoc ipsum significabit alteri Decano. Quod si sint diversorum Episcopatum, Decanus diriget literas suo Episcopo, vel ejus Officiali; qui deinde suis literis, in debita forma expeditis, testabitur prædicta omnia rite & legitime fuisse peracta, ut hac ratione multis fraudibus in re tanti momenti, admodum periculosos, obviatur.

Denuntiationes futuri Matrimonii, seu banna, tribus Dominicis, vel Festis, uno a se invicem ut minimum die distantibus, inter Missarum solemnias, sunt promulganda. Et si alter desponsatorum alienæ sit Parochiæ, ea etiam nominatim erit exprimenda, hæc, vel simili verborum forma:

De l'autorité de nostre Meve Sainte Eglise, & de Monseigneur l'Evêque de Namur, nous annonçons les premiers, deuxièmes,

troisièmes bans entre N. de la Paroisse de N. d'une part, & N. de la Paroisse de N. d'autre part. Si quelqu'un sçait entre ces personnes quelque empêchement de consanguinité, affinité, comperage, impuissance, ou autre semblable, pour lequel elles ne pourroient être legitiment mariées, nous luy commandons sous peine d'excommunication, qu'il nous en advertisse discrettement & secrettement.

Sequuntur vulgaria & communiora Matrimonii impedimenta, quæ ex Synodi præscripto, bis singulis annis populo sunt proponenda.

Les empêchemens principaux de Mariage, desquels vous nous devez advertir, si vous les sçavez, ou si vous en doutez, sont ceux cy. Sçavoir:

Si ceux qui se veulent marier, ne sont pas autre part mariés.

Si leur partie est certainement morte.

S'ils n'ont pas fait voeu en Religion.

Si l'homme n'est pas Soubdiacre, Diaacre, ou Prêtre.

S'ils n'ont pas levé l'un l'autre, au Batême, ou tenu l'un l'autre en la Confirmation.

Si ayans autrefois eu des enfans, ils n'ont pas levé au Batême, ou tenu à la Confirmation les enfans l'un de l'autre.

S'ils sont Oncle, Tante, Neveux, Niece, en plus haut ou plus bas degré, de ligne droite.

S'ils sont cousins germains, issus, ou remeus germains, l'un à l'autre.

S'ils ont fiancé, épousé ou charnellement connu les parens l'un de l'autre.

S'ils sont contraincts de se marier, ou fort menacés de leurs Parens, Tuteurs, ou autres.

S'ils ont quelque empêchement secret, pour lequel mariage ne se puisse accomplir.

Absque tribus proclamationibus non præsumat Parochus ullos Matrimonio jungere, nisi earum remissionem viderit, per Episcopum, aut ejus Vicarium in scriptis factam: immo & post tertiam denuntiationem non nisi interjecto adhuc die, aliquos conjungat.

Si Parochus interea aliquod Canonicum impedimentum (dum dictæ Sponsalium publicationes fiunt) a quopiam resciscat, non ultra progrediatur; sed

sed totum negotium ad Ordinarium remittat.

Forma rescriptionis Denuntiatio-
num matrimonialium, seu bannorum,
sit hæc aut similis:

Ego N. Parochus Ecclesiæ de N. fidem
facio, quod tribus Dominicis, vel Festivis die-
bus in Ecclesia infra Missarum sollemnia publice
proclamavi banna N. mei Parochiani, & N.
Parochianæ loci de N. rite affidatorum, quod-
que nullum legitimum oppositum fuit impedi-
mentum, nec ipse deprehendi, propter quod
Matrimonio conjungi non possint: testor quo-
que eundem N. confessum fuisse, & Eucharis-
tiæ Sacramentum recepsisse. Datum sub mea
signatura, anno Domini &c. &c. Ita testor
N.N. Parochus loci de N.

TITULUS XIV.

De Sacramento Extremæ Un-
ctionis.

CAPUT I.

Parochium sacrum Oleum infirmo-
rum ad ægros deferentem, Ma-
tricularius detecto capite comitetur,
non tamen lumen, aut nolam sonantem
præferat, nisi simul deferatur Sanctissi-
mum Sacramentum Eucharistiæ.

CAPUT II.

Si ægrotum inter ungendum spi-
ritum emittere contigerit, Sacerdos
ungere non pergat: si vero aliqua vi
morbi, subito illum opprimente, dubi-
tetur, vivusne sit an mortuus, qui un-
gere cepit, sub hac conditione unctio-
nem continuet: *Si tu es vivus, per istam
Unctionem &c. &c.*

CAPUT III.

Parochus, si per errorem Oleum
Catechumenorum, aut sanctum Chri-
sma ad ægrotum ungendum adhibue-
rit; errorem advertens, Olei sacri, quod
proprium infirmorum est, unctionem
eidem adhibeat, & Sacramenti formam
iteret.

CAPUT IV.

Infirmis, qui sana mente hoc Sa-
cramentum petierunt, aut per vitam
bene actam petiisse præsumuntur,
etiamsi postea in amentiam inciderint,
vel ratione, vel sermone uti desierint,
Sacramentum hoc administretur.

Tomus IX. Concilior. German.

CAPUT V.

Si quis membro careat, quod in-
ungi præscriptum est, inungatur pars
illi proximior.

CAPUT VI.

Ungens oculos, aliaque membra,
quæ in homine paria sunt, cum utrum-
que membrum, unius tantum sensus sit,
utriusque unctio, absolvetur unica so-
lum membrorum forma, fiant tamen
duæ Cruces, sicut & duæ unctiones.

CAPUT VII.

Cæcis & sordis a natiuitate, oculi
& aures nihilominus inungi debent,
quia peccare potuerunt per internas
potentias, quibus ea membra respon-
dent.

CAPUT VIII.

In ea ægritudine, etiam ad plures
menses perdurante, nemini hoc Sacra-
mentum sæpius conferatur, nisi peri-
torum iudicio, status morbi mutatus
fuerit.

CAPUT IX.

Quia advertimus ex pluribus vi-
sitationibus, Pastores tempore pestis,
negligere Sacramentum Extremæ Un-
ctionis infectis impertiri, eo quod pro-
miscue teneant, nulli peste infecto, illud
esse ministrandum. Nos saluti subdi-
torum nostrorum consulere volentes,
ordinamus, ut Pastores suis subditis,
pestilentia correptis, quantumvis Sacra-
menta Penitentia & Eucharistiæ eis
administaverint, non omittant etiam
Extremam Unctionem illis dare, si id
absque manifesto vitæ periculo præsta-
re possint.

CAPUT X.

Qui autem peste affatus non est
confessus, nec potest confiteri, Pastor
teneatur illi Extremam Unctionem,
etiam cum vitæ periculo, dare.

CAPUT XI.

Ut autem prospiciatur Ministro il-
lud conferenti, & simul consulari in-
tegritati Sacramenti, quinque unctio-
nes adhibeat, ungendo quinque sen-
suum organa, quæ sunt in capite, vi-
delicet ex duobus organis ejusdem sen-
sus, saltem unum magis obvium, ocu-
lum scilicet, aurem, narem, os & ge-
nam pro tactu, vel certe continuata &

E e e e a

celeri

celeri unctione, quæ omnia prædicta organa attingat, incipiendo ab aure, transeundo ad oculum, & ab oculo ad genam, ad narem & os sub hac forma: *Per istam sanctam Unctionem, & suam piissimam misericordiam indulgeat tibi Dominus, quicquid deliquisti per visum, auditum, odoratum, gustum & locutionem, & tactum.*

CAPUT XII.

Et ut minori cum periculo hoc Sacramentum conferatur, poterit illud Minister statim dare post confessionem & sacram Communionem factam, & receptam ab infirmo.

CAPUT XIII.

Sacerdos, quantum fieri potest, curet, ut infirmus aperto loco exponatur.

CAPUT XIV.

Deinde minus unget infirmum, gossipio Oleo infirmorum intincto, ad baculi, seu virgulæ oblongioris extremitatem alligato.

CAPUT XV.

Et preces omnes tam præcedentes, quam subsequentes, ejusmodi Sacramenti administrationem, in Ecclesia ipsa postea suppleat.

CAPUT XVI.

Habeat insuper antidota aliqua penes se, quibus de Medicorum præscripto se in ejusmodi occasionibus præmuniat.

TITULUS XV.

De Testamentis.

CAPUT I.

SCiant Decani, ex officio, se non posse valide recipere Testamenta Pastorum sibi subditorum, uti neque Pastores, alterius sibi Confratris Parochi, vel alterius Sacerdotis, sui non Parochiani.

CAPUT II.

Piam & receptam consuetudinem aliquid relinquendi Cathedrali Ecclesiæ in Testamenti confessione, Pastores testantibus commendent, ut aliquo legato eam agnoscant, quod ipsi recipient, Magistro fabricæ dictæ Ecclesiæ consignandum; & casu quo hæredes deficerent, vel negligentes se præberent, dictum Magistrum fabricæ de eo

certiorem faciant: populum vero moneant interdum pro suggestu, & occasione, dum Testamentum condunt, hujus rei sint memores.

CAPUT III.

Caveant serio Pastores, ne a moribundis aliquid sibi Testamento legari perant, si autem nihil eis relictum sit, ab hæredibus nihil exigant, sub gravi poena.

CAPUT IV.

Quia sæpe contingit fidelium Testamenta, etiam ad pias causas facta, ob Juris Civilis non servatas solemnitates, in dubium revocari, & sic Testatores, sua pia voluntate frustrari; ut huic malo medeamur, omnibus Pastoribus nostris, & eorum Vicariis injungimus, ut quæcumque deinceps Testamenta recipient, ea fideliter, & ad longum in scriptis redigant, observata 12. Articuli Edicti perpetui anni 1611. forma, juxta quam curent dicta Testamenta a Testatoribus, & duobus Testibus idoneis, viris probis, ad hoc vocatis subsignari, quæ deinde ipsimet etiam subsignent, & casu, quo dicti Testatores, vel Testes rogati ut subsignent, propter scribendi incertitiam, debilitatem, aut aliam causam subsignare non valerent, ejus impotentia causam annotent: Quod si quis Pastorum, vel eorum Vicariorum in supradictis negligens fuerit, poena arbitraria ex nunc pro tunc per Nos infligenda, soiat se puniendum, & ad satisfaciendum parti sua incuria læsæ, obligatum.

CAPUT V.

Renovamus Titulum: *De Testamentis, & testamentorum Executoribus*, primæ Synodi Namurcensis.

CAPUT VI.

Ut autem in hoc rudioribus consulamus, sequentem formulam vernaculo idiomate, qua uti possint (si velint) subjungendam duximus.

Au nom du Pere, du Fils, & du Saint Esprit, Amen. Le N. jour, du mois N. de l'an N. Pardevant moy N. Pasteur de N. & les témoins embas denommez, pour ce appeller, constitue N. au liet malade, neant moins en bon sens, memoire & entendent, lequel ne voulant mourir intestat, a fait son Testament, en la forme & maniere suivante: revocquant tous

tous autres, qu'il pourroit avoir fait cy devant, voulant que le present sorte son plein & entier effect, reteuant neant moins le pouvoir de l'augmenter, changer, ou diminuer. Premièrement, après avoir recommandé son ame à Dieu, à la Glorieuse Vierge Marie, & à toute la Cour celeste, il a choisi sa sépulture au lieu de N.N. voulant que ses exequs, & funerailles soient faites honestement. Et disposant de ses biens, que Dieu luy a prêté en ce monde, il laisse à la fabrique de l'Eglise Cathedrale de S. Aubain N.N. instituant pour ses heretiers N.N., tels, tels, les enfans, en telle & telle part, ou bien tel & tel ses cousins, parens &c. &c. Laisant pour un Anniversaire N.N. telle chose à un tel &c. &c. Ainsi fait & testate, les jour, mois & an que dessus en la chambre &c. presents N.N. & N.N. comme témoins pour ce appelez ayant ledit Testateur ou Testatrice icy appose sa signature avec moy ledit Pasteur & les témoins.

Et si le Testateur, Testatrice, ou témoins étans requis, ne pouvoient signer, ledit Pasteur ou Vice-Curé, tiendra note audit Testament de les avoir de ce requis & de la cause de leur impuissance.

CAPUT VII.

Meminerint autem Pastores, & eorum Vicarii ea omnia, quæ ad formam & solemnitatem Testamenti pertinent, unico contextu & eodem loco peragere, ita ut Testator, ipsi & Testibus præsentibus signet, & ipsi quoque eodem tempore idem præstent.

CAPUT VIII.

Si Testator ultimam voluntatem suam secretem, sive occultam esse velit, poterit eam a se, vel alio in charta conscriptam, & (ad cautelam) sub-signatam, si norit scribere, sigillo aut alio modo curare claudendam, chartamque ita clausam exhibere Pastori, aut ejus Vicario, coram duobus testibus ad id vocatis, declarando, quod in illa contineatur ultima sua voluntas: Pastor deinde id in prædicta charta, extrinsecus in dorso adscribet, nimirum tali die, mense, & anno N.N. exhibuisse sibi chartam hanc clausam, & declarasse in ea contineri ultimam suam voluntatem, idque coram N.N. & N.N. Testibus ad id vocatis, qui Testes deinde eundem actum, una cum Testatore & Pastore subsignabunt, eodem

modo, quo supra de Testamento aperto est dictum.

TITULUS XVI.

De Funeribus, Sepulturis, & Exequiis.

CAPUT I.

Infantès, quos constiterit rite ab Obstetrice fuisse baptizatos, ordinarius cæremoniis in loco sacro sepeliantur.

CAPUT II.

Missæ Angelorum non decantentur pro pueris defunctis, post septimum ætatis annum.

CAPUT III.

Corpus defuncti, etiam parvuli, quantumvis pauperis, non sepeliatur, sine debitis cæremoniis in Rituali præscriptis.

CAPUT IV.

Omnium, nisi peste defunctorum, corpora in Templis deferantur, ut per soluto Officio, sepulturæ tradantur.

CAPUT V.

Prædicatores verbi Dei sobrie habeant orationes funebres, in eis potius auditores consideratione mortis & judicii, ad peccatorum fugam excitando, quam immodice laudes defuncti propalando.

CAPUT VI.

Nulli deinceps infantes mortui absque Baptismo, in ulla parte cœmeterii sepeliantur, sed extra illud constituatur locus aliquis per Decanum & Magistratum, in quem inferantur.

TITULUS XVII.

De Oblationibus.

CAPUT I.

Laudamus veterem plerisque locis receptam consuetudinem, quæ Parochiani suis Pastoribus in Paschate, Pentecoste, & Natali Domini, panes usuales, & ova donare solent, quam retineri maxime optamus.

CAPUT II.

Reddatur computus omnium collectarum, etiam Confraternitatum, & quocumque alio titulo, vel nomine

fiunt per Mamburnos in Ecclesia, præ-
sente Pastore & Magistratu loci.

CAPUT III.

Oblationes, quæ sunt in Ecclesiis
Parochialibus, & Capellis in iisdem
constructis, ad eos pertineant, qui ha-
ctenus illas ex antiqua consuetudine
perceperunt.

CAPUT IV.

Et ubi consuetudine nihil intro-
ductum est, Pastor solus habeat obla-
tiones, quæ sunt ad majus altare, & ad
altaria dictarum Capellarum, non ha-
bentium Mamburnum particularem.

CAPUT V.

Si quæ vero dictarum Capellarum
Mamburnum habeat, oblationes soli
Capellæ cedant; quemadmodum etiam
Confraternitatibus Confraternitatum
oblationes: illis exceptis, quæ offeren-
tur in altari ad manus Celebrantis,
tempore Missarum, quæ erunt Pastoris.

TITULUS XVIII.

*De recta bonorum Ecclesiæ & pau-
perum administratione &
conservatione.*

CAPUT I.

Quia calamitoso hoc tempore (quo
ad Ecclesias visitandas non est
tutus accessus) intelligimus, illis
in dies aliquid suppellectilis deperire;
mandamus illius inventarium ubique
exacte fieri, & copiam authenticam
Nobis transmitti.

CAPUT II.

Serio monemus Pastores, & Mam-
burnos, ne quid eorum, quæ sunt ad
onus decimatorum, fieri procurent ex-
pensis fabricæ Ecclesiæ, sub pœna resti-
tutionis.

CAPUT III.

Cum multi Beneficiorum ad evi-
tandas molestias, & expensas negligent
bona Beneficiorum suorum deperdita
recuperare, aut ea, super quibus quæ-
stio movetur, lite conservare; districte
mandamus eorum conscientiam one-
rantes, ut, quæ possint diligentia, ea,
quæ possident, conservent, & deper-
dita recuperare studeant, & in hunc

finem omnes Beneficiati manuale confi-
ciant, in quo reddituum sui Beneficii a
se receptorum rationes exacte descri-
bant, Successoribus relinquendum.

CAPUT IV.

Ad evitandam vero præscriptio-
nem, judicium partis citatione, Nobis
consultis inchoent, & quas desuper
difficultates patientur, Decano signifi-
cent, qui graviore, & majoris mo-
menti causas, ad Nos deferret.

CAPUT V.

Bona Ecclesiarum, mensarum pau-
perum, & locorum piorum juxta Re-
gium Edictum anni 1587. nonnisi pro-
clamationibus factis, & pro termino
ibidem expresso, elocentur.

CAPUT VI.

Quia sæpe observavimus, ex Pasto-
rum indiffereta litium intimatione, Ec-
clesiis magnas expensas creari; volen-
tes huic malo mederi, inhibemus, ne
illi, & altarium Rectores, ullam impo-
sterum pro conservatione aut recupe-
ratione bonorum Beneficiorum, vel ju-
rium suorum, nisi communicata Nobis
sua difficultate, & obtenta nostra li-
centia, actionem instituunt.

CAPUT VII.

Administratores fabricarum, men-
sæ pauperum, Hospitalium, & aliorum
locorum piorum nullas lites assumant,
nisi causa prius a Nobis & Magistratu
approbata, ne alicui inconsulta temeri-
tate injuriam inferant, aut inutilibus
sumptibus fabricas & pia loca onerent,
quos ipsimet in pœnam temeritatis
suarum luant.

CAPUT VIII.

Pastoribus inhibemus, ne onus
Mamburni Ecclesiæ, pauperum, vel
pii loci acceptent, vel exerceant, neque
soli ex proprio judicio, & auctoritate,
distributionem bonorum Ecclesiæ aut
pauperum, vel reparationem ad onus
fabricæ pertinentes, faciant, inconsul-
to, longe minus repugnante Mambur-
no.

CAPUT IX.

Nullus Pastor, Beneficiatus, aut
Mamburnus, quocumque prætextu,
præsumat alienare, vel onerare aliquo
annuo reddito, bona sui Beneficii, vel
suarum

suar administrationis, Nobis inconsultis.

CAPUT X.

Inhibemus, ne Pastores, & altarium Rectores, dum bona suorum Beneficiorum elocant, onera spiritualia & Ecclesiastica suis Beneficiis incumbant, in conductores rejiciant, sed illa per se perfolvant, vel per alios idoneos exonerari curent.

CAPUT XI.

Bona Ecclesiastica & certa officia, certosve usus relicta, ad alienos usus converti vetamus.

CAPUT XII.

Pastores, Collegia, Conventus, Monasteria, Dignitates, Hospitalia, Seminaria, loca pia, cæterique Beneficiorum Rectores, seu qualitercumque bonorum Ecclesiasticorum possessores, referant literas unionum Beneficiorum suis respective locis, in perpetuum, seu ad tempus factarum, idque ante festum omnium Sanctorum proximum, ut sciamus, num conditionibus in unione præscriptis satisfiat, sub pœna arbitraria.

CAPUT XIII.

Literæ originales, registra, munimenta, quæ vetustate consumuntur, in authenticam formam transumpta, renoventur.

CAPUT XIV.

Observetur exacte Decretum Synodi secundæ Namurcensis *Cap. 6. Tit. 11.* Item *Cap. 7.* cum cæteris omnibus Capitibus ejusdem *Tit.* quæ in proximam reduci mandamus.

CAPUT XV.

Census & redditus quorumcumque granorum, & aliarum rerum in specie debiti, in natura recipiantur, aut saltem non in certa semper, & eadem quantitate pecuniæ solvi permittantur.

CAPUT XVI.

Nullus quoque census irredimibilis, quantumvis exiguus, redimi permittatur.

CAPUT XVII.

Quandocumque nummi capitales alicujus redditus ad Pastorum, altaria, fabricam, & mensas pauperum perti-

nentis, refundentur; quamprimum seque ad novum redditum applicentur, nec eos liceat in alios usus convertere, sub pœna restitutionis.

CAPUT XVIII.

Ubi vero eorum reapplicandorum non se se offeret præfens occasio, non penes ipsum Beneficiarium vel Mamburum, sed penes Nos & Magistratum loci respective deponantur, donec alium censum emendi, opportunitas se obrulerit.

CAPUT XIX.

Pastores populo declarent, non eos tantum peccare, qui bona Ecclesiastica & illorum munimenta quoquo modo decinent, sed & eos, qui, cum sciant, non tamen deferunt detentores iis, quorum interest.

CAPUT XX.

Rogent etiam Magistratum civilem, ut subditis suis publico edicto mandent, si quem sciant bona ad Ecclesiam, aut alias pias fundationes spectantia, per aliquem suppressi, seu detineri, quamprimum manifestent.

CAPUT XXI.

Requirant insuper antiquorum censuum & jurium Dominicalium Rectores, Graphiarios, & Notarios, ut quando in suis registris & instrumentis, quæ conficiunt & perlegunt, investitionum, inhæredationum, inventariorum, hæreditatis divisionum, tam factarum, quam faciendarum, in quibus mentio erit redditus alicujus, loco pio debiti, ut Pastorem loci reddant certiore, suæque registra vel instrumenta quoad hunc articulum, eidem inspicienda, exhibeant, digno aliquo honorario compensandi.

CAPUT XXII.

Conficiatur Catalogus per Pastorem & Magistratum loci, personarum, quæ in Parochia vere pauperes sunt, ut deinceps bona mensæ pauperum iis solis distribuantur.

CAPUT XXIII.

Non detur subulcis, vel aliis communitati servantibus, aliquid stipendii e mensa pauperum.

Ca.

CAPUT XXIV.

Distributiones panum, & aliarum rerum e mensa pauperum non fiant, nisi finita Missa, & his, qui illis interfuerint.

CAPUT XXV.

Quandoquidem juxta S. Concilii Trid. præscriptum, Leprosarium & Hospitalium, quæ ad certum peregrinorum, vel infirmorum, aut aliarum personarum genus suscipiendum, sunt instituta, ubi similes personæ nullæ, aut perpaucæ reperiuntur, fructus in alium pium usum, (qui eorum institutioni proximior sit, ac pro loco, & tempore utilior) converti debeant: mandamus, ut horum ædificiis conservatis, iidem fructus in nullos alios, quam pauperum usus convertantur.

CAPUT XXVI.

Quod, ut commodius fiat, deputetur dictorum bonorum specialis Mamburnus, qui separatim administrationis suæ rationes reddat, & occurrente necessitate, leprosi vel alterius, quod ei necessarium fuerit, ante omnia juxta institutionis modum administret.

CAPUT XXVII.

Pastores bona pauperum & fabricarum pro sacris hebdomadariis, defunctorum, Venerabilis Sacramenti, supplicationum pompa citharædis, ad libitum non expendant.

CAPUT XXVIII.

Moneant etiam Dominos temporales, non satisfacere obligationi, solvendi quod debent mensæ pauperum, si pauperibus pro suo arbitrio illud distribuant, sed id totum Mamburni administrationi relinquatur.

TITULUS XIX.

De vita & honestate Clericorum.

CAPUT I.

Cum indecorum sit Clericos fortis, ad quam vocati sunt, oblitos, in vestibus, barba & capillitio potius se Laicos exprimere, quam Ecclesiasticos, mandamus omnes decentem suæ conditioni habitum gestare, alutam barbam deponere, nec capillitium oblongum nutrire, & quantum fieri poterit, capillaturæ ubique sit uniformitas.

CAPUT II.

Clerici tonsuram suo Ordini & statui convenientem omnes gerant, eamque singulis mensibus, & præcipuis anni Festivitatibus, renovent.

CAPUT III.

Et quia intelligimus in dies, Decreta tam Provincialia, quam Prædecessorum nostrorum Diocesana (quibus Ministri Ecclesiæ ad comessandum, & potitandum tabernas frequentare prohibentur) male observari; idcirco districte mandamus, ne quis Ecclesiasticus, nisi itineris necessarii, aut alia justa causa, tabernam bibendi gratia intret, sub pœna trium florenorum prima vice, secunda dupli, tertia quadrupli; quod si non abstineat, alia graviore. Si vero inebriatus fuerit, duodecim florenorum, secunda dupli; si sæpius alia arbitraria & graviore.

CAPUT IV.

Constat Nobis nonnunquam concione Passionis absoluta, quosdam Ecclesiasticos ad tabernas se recipere, non absque populi scandalo, quare serio omnibus mandamus, ut ea audita, deinceps domum revertantur.

CAPUT V.

Renovamus *Cap. 5. 6. & 7. Tit. 8.* secundæ Synodi Namurcensis, de vita & honestate Clericorum.

CAPUT VI.

Dedecet Ecclesiasticos canes suos habere circa altare; ideo vetamus, ne illos ad Ecclesiam admittant sub pœna arbitraria, & constituatur in singulis Ecclesiis, qui eos arceat.

CAPUT VII.

Ecclesiæ Ministri non ita in die Dedicacionis excedant, ut ad decantandas Vesperas inepti reddantur.

CAPUT VIII.

Nulli Ecclesiastici, loco publico, Dominicis & Festis ludant pila palmaria, aut alio lusu.

CAPUT IX.

Clericorum nostræ Diocesis ancillæ sint honestæ conversationis & famæ. Si quæ vero suspecta sit, ad monitionem nostram dimittatur, renovato *Cap. 6. Tit. 8.* secundæ Synodi Namurcensis.

CAPUT X.

Nullus etiam Clericus in Sacris constitutus, proles ex illicito concubitu susceptas, penes se retinere præsumat.

CAPUT XI.

Prædecessorum nostrorum Decretis inhærentes, inhibemus, ne nostræ Diecefis Ecclesiastici officiis sæcularibus, Procuratoris, Quæstoris, Tabelionis, Chirurgi, & similibus, quoquo modo se se immisceant, aut Nobilium famulitiis indecore se se subjiciant, vel litium & negotiorum alienorum curam suscipiant.

TITULUS XX.

De Capitulis, Canonicis, & aliis Beneficiatis.

CAPUT I.

Beneficiati, ubicumque habitent, fidem faciant de loco habitationis suæ, infra festum B. Mariæ Magdalenzæ.

CAPUT II.

Qui vero resident in loco privilegiato, doceant Nos quot annis infra idem festum testimonio publico de illa sua Residentia.

CAPUT III.

Omnes supradicti, per testimonium Pastoris loci, de exoneratis anno præcedente oneribus suorum Beneficiorum, conservatione Altarium, & ædificiorum, si quæ sint, Nos doceant, sub pena, quod deficientes placetum absentia a Nobis non obtinebunt, & quod non obstantibus literis suæ Residentiæ privilegiatæ eorum fructus arrestari curabimus.

TITULUS XXI.

De Decanis, Pastoribus, & Matriculariis, seu Custodibus.

CAPUT I.

Decernimus Decanum Christianitatis Pastorum sui Districtus proprium Sacerdotem esse & Pastorem, & pro tali ab omnibus agnosci debere: & Archi-Presbyterum Cathedralis nostræ non solum proprium Sacerdotem esse Pastorem sui Decanatus, sed insuper etiam Decanorum Christianitatis hujus Diecefis.

Tomus IX. Concilior. German.

CAPUT II.

Renovamus *Cap. 3. 7. & 12. Tit. 9.* de Decanis & Pastoribus, secundæ Synodi Namurcensis.

CAPUT III.

Cum propter bellorum tempestatem non pateat facilis ad Nos accessus, juxta concessionem S. Rituum Congregationis Nobis factam, subdelegamus Decanos nostros, ad benedicendum ornamenta Ecclesiastica, & alias quascumque res (in quibus sacra Unctio non adhibetur) pro servitio duntaxat Ecclesiarum sibi respectively subjezarum. Intelligant tamen facultatem sibi olim factam, campanas benedicendi, jam sublatam esse, & Episcopo reservatam.

CAPUT IV.

Absoluta Synodo, Decani faciant suas visitationes, quas absolvant, & ad Nos nitide descriptas, infra Kalendas Septembris transmittant.

CAPUT V.

Præter visitationem ordinariam data occasione, sæpius Parochias sibi commissas invisant.

CAPUT VI.

Decani, cum sint Parochorum sui Districtus Pastores, & Archi-Presbyter Decanorum, solliciti sint de subditorum suorum respectively salute, & profectu spirituali, ac diligenter eorum doctrinæ, vitæ & moribus intendant, hortenturque, ut quotidie aliquid temporis, orationi & lætioni spirituali tribuant, & singuli vicissim suum Superiorem agnoscant, revereantur, & ament.

CAPUT VII.

Iidem in visitationibus suis præcipue inquirent, num Pastores suo fungantur officio in concionando, & catechizando (super quo conscientiam eorum oneramus) & si muneri suo defint, ad Officiales nostros absque mora deferant, pro ratione negligentia multandos.

CAPUT VIII.

In dictis visitationibus suis diligenter inquirent, an onera Beneficiorum unitorum debite & integre exolvantur.

F f f f

CAPUT

CAPUT IX.

Inquirant etiam, an onera realia, quibus Pastoratus, & alia Beneficia gravantur, reipsa soluta sunt, de quo per apochas, vel alias sufficienter Pastores & altarium Rectores illis fidem facient.

CAPUT X.

Singulis annis Decani mittant descriptiones suas ad Nos, seu ad Vicarium nostrum Generalem, ante festum B. Mariæ Magdalenz.

CAPUT XI.

Decani moneant Pastores, & alios Sacerdotes defectuum etiam minorum, si scandalo sint, vel esse possint; & si moniti non se correxerint, ad Nos, aut Officiales nostros deferant.

CAPUT XII.

Quod si excessus sint publici, & aliqua multa castigandi, super iis non componant, sed remittant ad Officiales Curiz nostræ, uti etiam eos, qui neglexerint parere Decreto *Cap. 3. Tit. de sent. excommunic. 1. Synodi Namurc.*

CAPUT XIII.

Decani, vel Pastores neminem criminaliter deferant, nisi expressis notorietate, & loco, ubi crimen est commissum, & nominatis congruis testibus, significant autem Nobis privatim, si quid sciant paternæ corrigendum.

CAPUT XIV.

Mortuo aliquo Pastore, etiam Regulari, Decanus statim faciat inventarium bonorum, ut piis legatis, aliisque creditoribus caveatur, quod si quis ante inventarium factum, bona domus mortuariæ, vel aliquam eorum partem auferre præsumpserit, sciat se debitum & legatorum solutioni obnoxium.

CAPUT XV.

Mandamus Decanis exacte observare ea, quæ *Cap. 6. Tit. 9. secundæ Synodi Diocesanz Namurcensis*, de conservandis chartis, munimentis, registris & mobilibus Ecclesiæ, & defunctorum Ecclesiasticorum continentur, cujus vero culpa in horum aliquo defectus intervenerit, sciat id a se repetendum.

CAPUT XVI.

Pastorum Regularium exequias soli Decani celebrent; si vero alius de

eorum consensu celebret, referrentur illis semper sua jura.

CAPUT XVII.

Sæpius advertimus Pastorum defunctorum hæredes, quam minimo possunt, substituere deservitores vacantis Ecclesiæ, non sine evidenti animarum damno, idcirco juxta S. Concilii Trid. Decretum similibus Vicariorum deputationem, cum congruæ fructuum portionis, nostro arbitrio constituendæ, assignatione, Nobis deinceps reservamus.

CAPUT XVIII.

Quia plures negligentiores sunt in persolvendo constitutis temporibus obsonio, & Cathedralico, & nostra interfit ejusmodi jura conservare; mandamus Decanis Christianitatis, ut pro antiquo more, quolibet anno præcedente annum bissexilem, obsonium Archi-Diacono; & bissextili, cathedralico Nobis debitum, ante festum S. Blasii, qui est 3. Februarii, persolvatur, sub pena olim constituta.

CAPUT XIX.

Officia per Decanos fieri solita, ut puta Exequiæ Pastorum, Sacerdotum, vel in sacris Ordinibus constitutorum, Nobilium, leprosorum, & alia hujusmodi, si per Prælatum, vel alium fiant, servantur Decano sua jura: similiter Pastori, si per Decanum, vel alium peragantur.

CAPUT XX.

Pastores non solum intra limites Parochiæ, verum etiam, quantum commode fieri poterit, prope Ecclesiam, in domo Pastoralis resideant, Matricularii autem idem faciant, quo Parocho & Parochianis, opportunius adesse possint.

CAPUT XXI.

Quod si talis aliqua non extet, habitent in honesta aliqua domo, Ecclesiæ, quantum fieri potest, proxima.

CAPUT XXII.

Etsi eos contingat sibi domum ædificare, eam non extruant, nisi in fundo Pastoralis, si quis sit, sub pena gravi; ubi autem non est talis, agat Pastor cum suis Parochianis, de modo & ratione alicujus ædificandæ.

CAPUT XXIII.

Pastores suarum domorum Pastoralium sacra recta præsentent, super quo Decani Christianitatis in suis visitationibus Nos specialiter informent.

CAPUT XXIV.

Permittimus Pastoribus, ut relaxandi animi gratia, vel occurrente aliqua rationabili causa, abesse possint a sua Parochiali ad tres dies, alteri idoneo, cura suorum commissa; quod si iusta causa eos diutius abesse postulet, id non faciant, nisi a suo Decano obtenta licentia, quam non concedat, nisi pro sex diebus, quod si diuturniori indigeant, illam a Nobis petant, vel a Vicario nostro, quæ nonnisi in scriptis dabitur.

CAPUT XXV.

Sciunt vero supradictas omnes absentias iuxta Decretum S. Conc. Trid. Sess. 23. Cap. 1. de Reform. non posse extendi ultra bimestre, sive continuum, sive interruptum.

CAPUT XXVI.

Quare si quis ultra ejusmodi bimestre se absentaverit, sciat se præter peccati mortalis reatum, pro rata temporis absentia; fructus suos non facere, nec tuta conscientia (alia etiam declaratione non secuta) illos sibi retinere posse, sed teneri fabricæ Ecclesiæ, aut pauperibus loci erogare, nisi ex gravi causa, per Nos cognita & probata, licentiam diutius se absentandi in scriptis obtinuisse.

CAPUT XXVII.

Non temere Pastores stationem suam, & vigilias deserant, alicujus periculi prætextu, quod sibi imminere putarent.

CAPUT XXVIII.

Si contingeret (prout nuper ex causa retorsionum factum est) Pastores nostros gregem suum cogi deserere, & alio migrare, id non faciant, nisi nostro, vel Vicarii nostri consensu, & indicato loco, quo se recipiunt; & non minorem curam habeant conservandæ suppellectilis Ecclesiæ, quam suæ.

CAPUT XXIX.

Singuli Pastores, præter Casuistam aliquem, pro dirigendis conscientis,

Tomus IX. Concilior. German.

Biblia sacra, Concilium Tridentinum, Catechismus Romanum, & D. Nicolai Turlor, Ecclesiæ nostræ Cathedralis Præpositi, Decreta Provincialia Cameracensis, & Diocesana Namurcensis sibi comparent; & quæ passim in iisdem habentur eorum officium concernentia, quam diligentissime exequantur, super quo Decani in suis visitationibus inquirent. Commendamus etiam iisdem, ut cum libello exercitii amoris, Thomam a Kempis de imitatione Christi, & alium, cui titulus est: *Brevis elucidatio totius Missæ, interrogationibus & responsionibus distincta* &c. jussu Illustrissimi Archi-Episcopi Cameracensis publicatum, diligenter evolvant, & pio illi exercitio quotidie aliquid temporis impendant.

CAPUT XXX.

Meminerint Pastores ad hoc se constitutos esse, ut non solum vitia, & exemplo, sed verbo etiam populum instruant; eapropter Dominicis saltem & Festis solemnibus, per se, vel alios idoneos, si legitime impediti fuerint, plebes sibi commissas, pro sua & eorum capacitate, pascant salutaribus verbis, docendo, quæ scire omnibus necessarium est ad salutem, annuntiandoque eis cum brevitate & facilitate sermonis vitia, quæ eos declinare, & virtutes, quas sectari oporteat, ut penam æternam evadere, & cœlestem gloriam consequi valeant.

CAPUT XXXI.

Iidem etiam saltem Dominicis & aliis Festivis diebus pueros in suis Parochiis Fidei rudimenta doceant sub poena unius floreni, qui alterutrum horum neglexerit, toties, quoties incurrenda; & graviora, si sapius id omittant.

CAPUT XXXII.

Rudimenta Fidei; id est, Orationem Dominicam, Salutationem Angelicam, Symbolum Apostolorum, præcepta Dei & Ecclesiæ, & septem Sacramenta, quantum tempus feret, etiam sub ipsa confessione, ignorantes doceant.

CAPUT XXXIII.

Intelligent Pastores non satis esse, si generaliter in suis concionibus pec-

cata arguant, sed etiam obligari, quos vident in statu damnationis versari, privatim monere, & si monendo non proficiant, eos ad Nos deferant.

CAPUT XXXIV.

Præ cæteris etiam magnam rationem habeant pauperum, præsertim infirmorum, sæpe eos visitando, & temporali & spiritali solatio eosdem sublevando.

CAPUT XXXV.

Decani habeant aliquot probos & sibi fidos Pastores, a quibus excessus vicinarum Ecclesiarum addiscant, similiter quilibet Pastor habeat viros probos, & bonos e sua Parochia, qui sibi defectus Parochiæ referant.

CAPUT XXXVI.

Sæpius etiam per hebdomadam celebrent, saltem toties, quoties ipsorum curæ rescriptio requirit.

CAPUT XXXVII.

Singuli Pastores quotannis a festo S. Joannis Baptistæ usque ad idem festum anni revoluti, conficiant libellum, in quem referant hebdomadatim singula Officia singulis septimanis celebranda, una cum denuntiatione Festorum, jejuniorum, bannorum Matrimonialium, Anniversariorum, & obituum illa septimana incidentium, quæ omnia ex eodem libello populo annuntient, & diligenter cum cæteris registris suis conservent.

CAPUT XXXVIII.

Nemo Ecclesiasticorum conducatur agros alienos, etiam fabricæ, pauperum, altarium, Monasteriorum, aut aliorum piorum locorum, ut eos excolat propriis vel alienis sumptibus, longe minus eos suis manibus serat; nec etiam ullam mercaturam, vel negotiationem exercent, toties per Canones Clericis interdictam.

CAPUT XXXIX.

Iisdem tamen permittimus, ut per se Decimarum suarum dumtaxat quotam colligere possint, & agros proprios per suos domesticos excolere.

CAPUT XL.

Singuli Pastores, etiam Regulares, non omittant rescriptiones suas, more

præscripto in Synodo anni 1626. quotannis facere, & Decanis mittere, ad Nos per eos transmittendas, sub festum B. Mariæ Magdalenzæ, sub poena triginta stuferorum, vel alia arbitraria.

CAPUT XLI.

Pastores neminem pro suo Substituto vel Subsidiario nequidem ad celebrandas Missas, quantumvis alias a Nobis approbatum, assument, vel semel admissum dimittant, Nobis inconcussis.

CAPUT XLII.

Parochi vicinis Confratribus operam suam collaturi, videant, ne id cum proprii gregis detrimento faciant.

CAPUT XLIII.

Quia intelligimus Pastores præter officium suum, pro arbitrio & voluntate, scripto designare & assignare Milites, ubi hospitentur, districtè inhibemus, ne ulla ratione id faciant sub poena arbitraria, sed id oneris Magistratui relinquunt, apud quem poterunt nihilominus pro viduis & pauperioribus intercedere.

CAPUT XLIV.

Quando contingeret Pastorem ab auditione computuum Ecclesiæ, pauperum &c. per Laicos arceri, statim Nos moneat, & cum interfuerit, computus exemplar in archivis Episcopi reservandum procuret.

CAPUT XLV.

Ecclesiastici conentur in conviviis nuptiarum, & aliis ita modeste se gerere, ut præsentibus exemplo esse valeant, & ædificationi.

CAPUT XLVI.

Puerperarum conviviis nunquam interfint Pastores nostri, nuptiarum vero, quam poterunt, rarissime.

CAPUT XLVII.

Quando Pastor infirmari cæperit, curet per suos domesticos, vel alios Decanum moneri.

CAPUT XLVIII.

Decimatores, altarium Rectores, & Parochiani prius moneantur defectuum, quos sarcire, & quibus providere respective tenentur, quam de iis ad Nos, vel Decanos nostros deferantur.

CAPUT

CAPUT XLIX.

Nemo præter Pastorem, vel non-nisi de ejus mandato & consensu, mulieres post partum purificet.

CAPUT L.

Nullus Sacerdotum Nobilibus aut Communitatibus operam suam collocet pro celebranda Missa in eorum Oratoriis, vel Capellis, nisi de nostro consensu, sub poena arbitraria.

CAPUT LL.

Locorum vero Pastores curabunt ab iis, qui in præfatis Oratoriis, vel Capellis celebraturi sunt, literas prædicti nostri consensus sibi ostendi, quas, si non exhibeant, eos hujus nostri Decreti moneant, & ad Nos remittant.

CAPUT LII.

Admissus ad Pastoratum, ultra Professionem fidei, faciat Juramentum, quod sequitur:

Ego N. juro & promitto obedientiam, reverentiam & honorem Summo Pontifici Romano & Reverendiss. Domino Episcopo Narnicensi, eorumque Successoribus. Item juro & promitto Ecclesie meae Parochiali de N. fideliter deservire, secundum oneris illi annexi exigentiam, & in ea personaliter residere. Bona Pastoratus vel Ecclesie meae non alienabo, & indebite alienata, quantum in me erit, recuperare studebo. Specificationem omnium fructuum Pastoratus mei, cum debita designatione quantitatis hypothecarum, limitum & terminorum, simul & onerum, intra annum Decano Christianitatis, vel alteri Visitatori tradam.

CAPUT LIII.

Matricularii non admittantur ad exercitium sui muneris, nisi prius Nobis præsentati fuerint, & semel admissi, non dimittantur, nisi causa Nobis cognita & probata.

CAPUT LIV.

Iidem Nobis præsentandi, sufficientem, Pastoris, Decimatoris & Mamburnorum judicio, de ornamentis, & mobilibus Ecclesie fideliter custodiendis, & juxta inventarium, quod eis datum fuerit, restituendis, præsent cautionem.

CAPUT LV.

Non præsententur deinceps, nisi consurati, maturæ ætatis, bonæ famæ,

periti cantus & scripturæ, nullo autem modo bigami.

CAPUT LVI.

In sua admissione promittant aperire Scholam, & Synodorum nostrorum Decreta, eorum officium concernentia, servare.

CAPUT LVII.

Magistri Scholarum deducant discipulos suos ad Catechismum, & eo durante, eos in officio contineant.

CAPUT LVIII.

Vetamus Matricularios perpetuos reservata sibi fructuum matriculariarum suarum certa portione, quemquam substituere absque nostro consensu, & qui ex iis residebunt, habitum Clericalem gestent; annales vero vel temporales Matricularii, honestum & statui suo convenientem, Dominicis saltem & Festis deferant.

CAPUT LIX.

Pastor & Matricularius, ubi alii Sacerdotes non sunt, nunquam, præsertim nocte, simul a Parochia absint.

CAPUT LX.

Renovamus Cap. 2. & 3. Tituli de Matriculariis, Concilii Geldonien.

CAPUT LXI.

Matricularii tam in Officiis Divinis, quam administratione Sacramentorum Parocho assistentes, superpellico utantur.

CAPUT LXII.

Nitide etiam ornamenta Ecclesie conservent, eaque sæpius cæteramque Ecclesie suppellectilem mundent & visitent.

TITULUS XXII.

De Regularibus & Monialibus.

CAPUT I.

NULLI Religiosi, nisi a Nobis admissi & approbati, præsumant in nostra Dicecesi exorcizare, concionari, confessiones excipere, aut alia Sacramenta administrare.

CAPUT II.

Nulli Regulares, nisi de nostro, vel Parochi loci consensu, audeant extra

tra suas domos ulla Sacramenta, præter Pœnitentiæ, administrare.

CAPUT III.

De audita per eòsdem alicujus infirmi confessione Pastorem admoncant.

CAPUT IV.

Regulares & Sanctimoniales attendant, ne vagum, aut alium Sacerdotem ignotum in suis Ecclesiis, & Capellis ullo modo Missam celebrare permittant, nisi exhibitis sui Ordinarii dimissoriis literis, & facultate celebrandi a Nobis data.

CAPUT V.

Nullus Regularis, nequidem Pastor vel Prælatus, fiat Susceptor in Baptismo, vel Confirmatione.

CAPUT VI.

Renovamus *Cap. ult. Tit. 10. de Regular. secundæ Synodi Namurcensis.*

TITULUS XXIII.

De Scholis.

CAPUT I.

Scholæ ubique erigantur loco commo, & Ecclesiæ maxime vicino, & ubi temporum injuria collapsæ sunt, quantocius fieri poterit, restaurentur juxta *Cap. 1. Tit. 2. Synod. Diceces. Namurc. 1604.*

CAPUT II.

Nullus in posterum nisi de nostro consensu Scholam aperiat.

CAPUT III.

Meminerint Decani in visitationibus suis inquirere, num in pagis pueri a puellis separatim in Scholis sedent, & instruantur, quod ubique fieri current; at in Civitate & oppidis in separatis Scholis juxta Decretum Prædecessoris nostri anni 1626. doceantur.

CAPUT IV.

In omnibus Scholis post librum Alphabeticum Catechismus Namurcensis prælegatur.

CAPUT V.

Cum ex ignorantia cantus Ecclesiastici, minus convenienter Officium Divinum peragi videamus; in Scholis bis, terve per septimanam una hora doceatur.

CAPUT VI.

Matricularius, sive Ludimagister curet per unum singulis diebus sub exitum Scholæ clara voce Rudimenta fidei recitari, cæteris audientibus, & repetentibus.

CAPUT VII.

Pastores non ita occupent Matricularios privatis suis ministeriis, ut ab Officio Divino, aut Scholis abesse cogantur.

CAPUT VIII.

Renovamus *Cap. 9. Tit. 2. Synodi secundæ Namurcensis.*

CAPUT IX.

Decani Nobis referant Catalogum Scholarum sui cujusque Districtus.

TITULUS XXIV.

De Foro, Jurisdictione, & Immunitate Ecclesiasticis.

CAPUT I.

Cum personas Ecclesiasticas apud alium, quam Judicem suum Ecclesiasticum conveniri non posse, explorati juris sit: omnibus inhibemus, ne Clericos nostros alibi, quam coram Nobis conveniant, aut se conveniri permittant, neque eorum personas, aut bona mobilia arrestare, detinere, vel detineri facere, quam per Judicem Ecclesiasticum, præsumant.

CAPUT II.

Si aliquem nostræ Dicecesis Clericum, vel externum, in flagranti delicto apprehensum, a Judice sæculari detineri contigerit, id Parochus loci Decano significet, ut cum de captivi Clericatu sufficienter constiterit, eundem Judice requisito, ad Curiam nostram remitti curet.

TITULUS XXV.

De modo Ecclesias rescribendi.

CAPUT I.

Antiquas & consuetas Rescriptiones qualitatum bonorum, & onerum Ecclesiarum hæctenus mitti solitas, conficiant deinceps modo sequenti, quotannis ita tempestive Decanis suis tradendas, ut illi eas infra festum S.

S. Mariæ Magdalena Nobis remittere possint.

RESCRIPTIO ECCLESIAE PARO-
chialis de N. pro anno N.N.

Ecclēsia mea de N. est integra, media, ter-
tiana, quarta Capella, vel Filia, sub
invocatione Sancti, vel Sanctæ N. decrepta ex
Concilio N. & rescribitur ad

NN. mod. Speltæ, Avenæ, vel
Siliginis mensuræ N.N.

Reditus ejus consistunt in Decimis, terris, &c.
Habeo in Anniversariis N.N. mod. Spel-
tæ &c. &c.

Collator ordinarius est N.N.

Majores Decimas percipiunt N.N.

Collectores autem eorundem sunt N.N.

Habeo Capellanum, & in Curæ exercitio Coad-
jutorem N.N. a Reverendiss. Domino
approbatum, & admissum.

Sunt in mea Ecclesia Altaria. . .

Altare sub invocatione N.N. valet N.N. mo-
dios avenæ, speltæ & mensuræ N.N. ad
collationem N.N.

Rector est N.N. personaliter deserviens, sub
onere. . . in hebdomada, quinquena, mensis
&c. &c. vel absens.

Si absens, deservitur per N.N.

Matricularia est perpetua, vel annalis.

Si perpetua, rescribatur quis Collator, quis
Rector.

Si annalis, per quem deservitur, an per Cle-
ricum, vel conjugatum, cum expressio-
ne nominis.

Fabrica habet in redditibus annuis N.N. mod.

Mensa pauperum habet N.N. flor. mod.
& mensuræ N.N.

Mamburnus fabricæ est N.N.

Mamburnus pauperum est N.N.

Subscribat se manu propria rescribens,
notatis Anno mense die.

CAPUT II.

Quo plenius status Ecclesiarum
Dieceſis nostræ tam in Ministris Eccle-
siasticis, quam Parochianis, & illarum
temporalibus bonis, præsertim turbato
hoc tempore, quo morum perversitas
late undequaque serpit, & hæresis an-
tiquam fidem revellere conatur, No-
bis innotescat; mandamus, ut singuli
Pastores quotannis in Congregatione
sui respectivè Concilii juxta methodum
hic subjunctam, Rescriptiones suas
conficiant, Decano suo exhibendas, No-
bisque ulterius remittendas.

FORMA DECLARATIONIS FACIEN-
dæ à singulis Pastoribus in annali Congre-
gatione Concilii sui Districtus, super
statu suarum Ecclesiarum.

PERILLUSTRIS AC REVEREND. DOMINE,
Salutem & Obedientiam.

Multo Reverendissima Gratiæ Vestræ Ec-
clesiæ meæ statum hujus anni N.N.

Primo facta testis Ecclesiæ meæ de N.N.
servantur, vel non.

Decimator circa magnum Altare in or-
namentis, aut aliis, ad quæ major Decima
obligatur, deficit in N.N.N. defectus expri-
mantur.

Parochiani mei deficiunt in reparandis
N.N.N. v.g. campanili, accinctis, camite-
rio, &c.

Item exprinatur, in quibus Rectores Al-
tarium vel Capellarum deficiunt, v.g. in or-
namentis. &c.

Bona mei Pastoratus, Altarium, fabri-
cæ, pauperum, Hospitalis, plene recipiuntur,
vel non.

N.N. Mamburnus Ecclesiæ diligenter ad-
implet suum officium, vel in hoc, vel in illo
deficit.

Computus suos de anno N.N. non red-
didit, vel reddidit die N.N. me præſente, vel
non, quorum copiam habui, vel in Archivis
Ecclesiæ meæ reposui.

Manet vero dictus N.N. Ecclesiæ reliqua-
tor in summa N.N. flor. quos solvit, vel so-
lutionem addixit in diem N.

N.N. Mamburnus mense pauperum, suos
similiter computus reddidit, vel non reddidit.

Bona Ecclesiæ bene applicantur, vel male,
hoc vel illo modo.

Bona quoque mense pauperum rite distri-
buuntur, vel indebite, hoc vel illo modo, &
distributioni adſup.

Ex quibus bonis hoc vel illud est alie-
natum, vel oppignorum.

Solutio unius modii v.g. pro Anniversa-
rio, vel alias debiti &c. hætenus solvi soliti,
denegatur a N.N. quod dicat.

Lis instituta est pro conservatione vel re-
cuperatione bonorum mei Pastoratus, Altaria
N.N. vel fabricæ, vel mensæ pauperum, con-
tra N.N. in Cancellaria, vel N.N.

N.N. Matricularius meus celebs, vel
conjugatus, plene satisfacit officio suo, dili-
genter aperit Scholam, & exemplariter vivit,
vel deficit in.

Item

Item de N. N. Capellano, qui alit familiam cum N. vel corripuit cum N. N.

In Ecclesia mea præfata sunt Communicantes N. N. exprimatur numerus.

Omnes communicarunt hoc anno, exceptis N. N. exprimantur deficientes.

Hoc anno baptizati sunt & Matrimonio juncti N. N. N.

Omnes Parochiani mei, etiam septemnes, norunt Rudimenta fidei, & sue salutis curam habent, vel non.

Talis N. N. publice est de hæresi, vel veneficio suspectus, blasphemus, adulter, concubiniarius, malis artibus deditus, non frequentans Ecclesiam, Festorum violator, & in quibus, a conjugio separatus, inimicitias gerens capitales, denique in quocunque alio vitio scandalosus (exprimatur) de quo eum sæpius serio & paterne, absque ulla secuta emendatione, monui. Quod si se emendaverit, nulla fiat ejus mentio.

Terminarii sunt N. N. qui toties in mense, sub summo Sacro, vel Vesperis concionantur, & catechizant, & veniunt hora fluctata, vel non.

Nullum scio esse, qui in Parochia mea tentet seminare hæresim, nisi quod N. N. tale quid dixerit, fecerit, libros attulerit &c. &c.

Et quidquid Parochus adverterit a quopiam publice committi, quod in contemptum Divini honoris vel animarum detrimentum vergat: si in eo post debitam monitionem perseveret, id Parochus describat, sciens se de commissa in præmissis negligentia, distictam Christo Domino redditurum rationem.

TITULUS XXVI.

De Synodo Diocesana, Visitatione & Congregatione Conciliorum Pastoralium.

CAPUT I.

Cum S. Concilium Trid. Sess. 24. Cap. 2. & 3. insequendo Canones Apostolorum, & varia Concilia Oecumenica, quotannis Synodos Diocesanas celebrare mandaverit, diem Diocesanae nostræ Synodi annuatim celebrandæ, designamus feriam tertiam post Dominicam *Jubilatæ*, quæ est tertia post Pascha. Eapropter omnes, qui de jure vel consuetudine illi interesse debent,

illo die deinceps compareant, nisi legitime impediti fuerint, omnes & singulos ex nunc pro tunc requirentes & monentes, ut absque alia convocatione aut monitione personaliter pridie illius diei hic adsint.

CAPUT II.

Dies Congregationis ejusque Concilii Decanorum serventur, prout infra, scilicet:

Floruit, feria secunda post Dominicam primam Septembris.

Nivellis, feria quarta.

Wavria, feria secunda post Dominicam secundam.

Gemblaci, feria quarta.

Hanresbæ, feria secunda post Dominicam tertiam.

Geldonia, feria quarta.

Hannuti, feria secunda post Dominicam quartam.

Andana, feria quarta.

Brevina, feria secunda post Dominicam primam Octobris.

Pronæremia, feria quarta.

Assessia, feria secunda post Dominicam secundam.

Namurci, feria quarta.

CAPUT III.

Quod si Festum in aliquem supradictorum dierum incidat, in diem proxime sequentem Synodus, vel Congregatio habenda, transferatur.

CAPUT IV.

In congregatione Conciliorum Decanum tractetur de executione Decretorum Synodorum hujus Diocesis, & a singulis Pastoribus in scriptis referatur status suarum Ecclesiarum, item quidquid in eis defectus animadversum fuerit, quorum omnium certiorem Nos faciet Decanus, mittendo Nobis præctas relationes infra Kalendas Decembris immediate sequentis.

CAPUT V.

Quæ in illis proposita, resoluta, & conclusa fuerint, ad Nos Decani nitide descripta, infra easdem Kalendas Decembris transmittenda curent, ut iis visis, ordinemus, quæ Nobis videbuntur opportuna.

CAPUT

CAPUT VI.

Convivia congregationis Conciliorum Decanalium sint frugalia, sobria, & mediocrium expensarum.

CAPUT VII.

Decani dum visitant, secum habeant exemplar formulæ visitandi a Nobis præscriptæ, & simul novissimæ suæ visitationis, ad ejus normam factæ, cum defectibus in ea annotatis, ut advertere possint, utrum emendata sint, quæ præcedenti visitatione emendanda notaverant, & Nos emendari decreveramus, ut negligentes pro ratione delicti puniantur.

CAPUT VIII.

Visitent Decani Sacella, & Oratoria sub Parochialibus sita, & advigilent, utrum debite ornentur, & eorum facta testata conserventur.

CAPUT IX.

Nullus in hac nostra Diocesi, quicumque dignitate præfulgeat, sine nostra speciali commissione in scriptis obtemperata, visitare præsumat; exceptis Archi-Presbytero, & Decanis Christianitatis, quibus id muneris in suis respective Districtibus facere incumbit.

CAPUT X.

Renovamus §. *Reperimus*, de Visitacione, Synodi 1625.

CAPUT XI.

Ad satisfaciendum Decreto S. Concilii Trid. Sess. 24. Cap. 18. de Reform. pro obeundo Examinatorum Synodali munere proponimus

Reverendos Dominos

Nicolaum Turlot, Præpositum & Vicarium nostrum Generalem,

Joannem Charlier, Decanum,

Nicolaum Dauvin, Archi-Diaconum,

Guilielmum Mieulx, Pœnitentiarium,

Bartholomæum de Grace, Officiale nostrum Namurc.

Servatium Nollet, Archi-Presbyterum,

Nicolaum Deswatines, Officiale nostrum per Gallo-Brabantiam,

Carolus Philippum de Wavre, Ecclesiæ nostræ Cathedralis Canonicos, S. Theologiæ & Juris utriusque respective Licentiatos.

Guilielmum Paradis, Decanum,

Tomus IX. Concilior. German.

Pontianum Minet,

Petrum Moniot, Pastorem, Canonicos Ecclesiæ Collegiatæ B. Mariæ Namurcensis,

Martinum Fillee, Pastorem S. Joannis Evangelistæ Namurcensis, qui omnes jurarunt ad sancta DEI Evangelia se quacunque humana affectione postposita, fideliter hoc munus executuros.

CAPUT XII.

Pro Judicibus etiam Synodalibus, designamus

Reverendos Dominos

Nicolaum Turlot, Præpositum & Vicarium nostrum Generalem,

Joannem Charlier, Decanum,

Nicolaum Dauvin, Archi-Diaconum,

Bartholomæum de Grace, Officiale nostrum Namurc.

Nicolaum Deswatines, Officiale nostrum per Gallo-Brabantiam, Ecclesiæ Cathedralis Namurcensis Canonicos, Sacræ Theologiæ & Juris utriusque respective Licentiatos.

Guilielmum Paradis, Decanum Ecclesiæ

Collegiatæ B. Mariæ Namurcensis,

Franciscum Dandelot, Præpositum,

Henricum Reneri, Decanum, Canonicos Nivellenses.

Reverendos Dominos

Gasparem Bensel, Gemblacensem,

Henricum vander Heyden, Villariensem,

Joannem Roberti, Elouffensem,

Joannem Piellemp, Geroldisartensem,

Abbates: quorum nomina ad Ss.

D. N. primo tempore transmittemus.

CAPUT XIII.

Et si quempiam ex designatis hic Judicibus ante proximam Synodum Diocesanam mori contingeret, Nos cum Concilio Capituli nostri, alium in ejus locum, usque ad futuram Diocesanam Synodum substituemus, eandemque substitutionem, ad S. Sedem Apostolicam transmittemus.

CAPUT XIV.

Supradicta omnia & singula hujus Synodi Decreta publicamus, promulgamus, & pro legitime publicatis ab omnibus haberi volumus: volentes &

G g g g

juben-

jubentes, ut ea quamprimum debita executioni mandentur; insuper declarantes Prædecessorum nostrorum Statuta (qua parte non sunt a Nobis mutata) in suo robore & vigore permanere, & in usum reduci debere.

CAPUT XV.

Et ne quis horum ignorantiam prætexere possit, mandamus, ut singuli Pastores Decreta hæc, cum Typis excusa fuerint, sibi intra trimestre compareant, diligenter evoluant, observent, & a suis servari faciant.

Lecta & publicata fuerunt hæc Decreta Namurci in Capella Palatii Episcopalis Patribus Synodalis Congregationis, ac a Nobis infra scriptis præsentibus, de mandato Perillustres & Reverendiss. Domini Episcopi eidem præsentis, die septima mensis Junii, anno Domini Millesimo Sexcentesimo trigesimo nono.

JOANNES BLONDEAU, præfati Reverendiss. Domini & Synodi Secretarius.

JOANNES POTTELET, Curie & Synodi Scriba.

ENGELBERTUS DES-BOIS, origine Bruxellensis, J. U. L. Ecclesiæ Cameracensis Metropolitane primum Canonicus & Valencenensis Archidiaconus; hinc anno 1619. Præpositus Insulensis; inde Namurcensium a. 1629. summa omnium comprobatione creatus Episcopus, patrem habuit Catharinum, Angiæ Gubernatorem, matrem Franciscam Verreycken, feminam lectissimam, nobili apud Burgundos ac perveusta fatus familia, die nono Julii a. 1578. Inter cætera, quæ in eo relucebant, Præfatus vere magni decora hoc principem sibi locum a posteris contendat, ex omnibus Belgii Antistitibus quod, qui Bullam Urbani VIII. P. M. contra librum Jansenii susciperet, promulgaretque, primus fuerit. Abbatiam quoque Broniensem egregio Ludovici Blois spiritui vix a. 1647. imbuerat, cum spirare ipse desit XV. Julii a. C. 1651. sacri Magistratus 22., vitæ 74. Præter Synodi jam datæ Statuta, Namurci 1720. in 4. recusa, latine reddidit *Præxin bonarum intentionum* a quodam Soc. JESU conscriptam, Duaci 1619. in 12. typis Bogardinis editam.

Vide Valerii Andreae Biblioth. Belg. pag. 204., Ludov. de Castillon Sacr. Belgii Chronolog. pag. 453. & Foppensii Biblioth. Belg. P. I. pag. 262.

SYNODUS DIOECESANA CULMENSIS,

Ab Illustrissimo & Reverendissimo Domino,
D. GASPARO DZIALYNSKIO, (*) *Culm. XXXIII. Episcopo,*
LUBAVIÆ IN ECCLESIA PAROCHIALI

Anno Christi MDCXLI. Urbani VIII. Papæ XX.
Ferdinandi III. Imp. IV.

DIE 12. JUNII ET SEQ. CELEBRATA.

INTIMATIO SYNODI.

GASPARUS a DZIALYN, DZIALYNSKI, DEI ET APOSTOLICÆ Sedis gratia Episcopus Culmensis & Pomesanæ, Admodum Reverendis, Reverendis, & Venerabilibus Prælatibus, & Canonicis Ecclesiæ nostræ Cathedralis Culmen, Præpositis, Archi Presbyteris, Parochis, Commendariis, cæterisque quibusvis Eccle-

(*) De CASPARE a DZIALYN DZIALYNSKI paucissima hæc refert *Christoph. Hartknochius* Diff. XIV. pag. 224: "Caspar Dzialynski obiit Episcopus Culmensis. Scutarius porro Domus Dzialiniæ typus in area sua exhibet globum aureum dimidium, volutis tholi uncum, quo Religio Dzialiniorum simul ac fortitudo indicantur.

Ecclesiarum Rectoribus, & Presbyteris, qui de jure, vel consuetudine Synodo Diocesana tenentur, vel consueverunt interesse, per & intra Dioceses nostras Culmen & Pomesanien. quomodolibet existentibus, ad quos presentes nostrae pervenerint, tenore ipsarum requirendis, Salutem ab eo, qui est omnium vera Salus.

DEcet Episcopum in iis, quæ suscepti muneri ratio ab eo postulat, non esse otiosum, sed in ea curam & sollicitudinem convertere, quæ Sac. Concil. Trid., Decretorum Provincial. ac Diæcesanorum Statutorum diligentem & inviolabilem imprimunt observantiam. Quod nostrum animum etiam in Exordio functionis Episcopalis ad boram usque bodiernam, viva & continua pulsabat memoria illud Apost. Actor. 20. v. 28. proponendo: Attendite vobis & universo gregi &c. Nec immerito. Quidquid enim ad Canonum antiquorum vel in Sac. Concil. Tridentino, & alibi editorum, observationem, mores Cleri & populi reformandos, excessus corrigendos, controversias componendas, hæreses extirpandas, injurias Ecclesiis vel ipsarum Rectoribus, populoque Catholico illatas, propulsandas, pravitati vitæ occurrendum, decori domus Dei, nostræque integritati prospiciendum pertinere dignoscitur, super his omnibus, aliisque a Ss. Can. permixtis, & commendatis, sine debito terminandis, nulla interesse invigilare, & veluti arcanorum Dei speculatorem omnia penitus intueri. Quorum ut serviant rationem ineanus, ac singula in suis limitibus, constituamus, Synodum Diocesanam (communicato prius consilio cum Ven. Capitulo nostro) in Ecclesia Parochiali Lubaviensi, die duodecima Junii, anni præsentis celebrandam esse duximus: Divinam opem implorantes, ut nostræ misertus imperfectionis, in his, ad quæ tractanda visitatio proxime præterita, copiosam Nobis subministravit materiam, & aliis præmissis, nostra consilia stabiliat, laborem sustentet, & quod pro gloria Nominis ejus operaturi sumus, gratia sua illuminet. Eam itaque nostram intentionem & volunta-

tem vobis omnibus, & singulis supra scriptis, harum serie quomodolibet requirendis, intimamus & notificamus, volentes & sub penis Synodal. seu alias arbitrio nostro contra negligentes, & nostris mandatis non parentes, extendendis, præcipientes, ut pro die duodecima Junii, ad nostram Civitatem Lubaviensem, ejusque Ecclesiam Parochialem, summo mane, Domini Capitulares, & omnes, utriusque Diæcesis nostræ, Archi-Presbyteri, superpellicis induti, sistere se contendant. Alii vero Ecclesiarum Rectores, quia multa Vicariorum, ob tenuitatem sustentationis, premuntur inopia, neque in locum suum quempiam habent surrogare, proinde a quolibet Archi-Presbyteratu unum, quem viderint idoneum, eligent ad Synodum, pro die assignata, pro hujusmodi negotio, & suis privatis vel publicis necessitatibus, una, Nobiscum agitandis deputabunt, eodem die & mane, cum requisitis, in Ecclesia prædicta parituros. Ut autem opus hoc nostrum desiderato fine terminari valeat, Sacrificium Missæ de S. Spiritu præmitti faciemus. Volumus præterea, & sub penis memoratis præcipimus, ne de præmissis aliquam ignorantiam quispiam prætendat, ut præsentem Processum nostrum per omnes Archi-Presbyteratus, in utraque Diæcesi nostra, solita Cursoria transmitti, & pro exigentia ac debito publicari curent. Ultimus vero ad Cancellariam nostram publicatum, & legitime executum representet; In quorum omnium & singulorum præmissorum fidem, ac evidentius testimonium, præsentem literas manu nostra subscripsimus, & sigillo nostro jussimus consignari. In Arce nostra Lubaviensi, die septima mensis Maji, anno Domini MDCXLII.

PRÆFATIO

ILLUSTRISSIMI & REVERENDISSIMI DOMINI
EPISCOPI CULMENSIS & POMESANIÆ,
SYNODO PRÆMISSA.

Non est sine dolore meo gravi, Fratres Charissimi, quod imbecillis hujus valetudinis meæ, aliarumque difficultatum causa, Synodum Diocesanam, a compluribus annis

intermissam, summe vero necessariam, hucusque indicare non potuerimus: postulabat sane non modo præscriptus per sacros Canones Ordo, dudum illam celebrari, sed ipsa Pastoralis

Tomus IX. Concilior. German.

G g g g 2

Officii

Officii nostri ratio, de indicenda, satis superque Nos admonebat: Quid enim statim, ac in Sede ista Episcopali feliciter consedimus, Nobis porissimum esse debuit, quam ut congregatis, more Patrisfamilias, Dominici ovibus Operariis, de laboribus illorum investigavemus, de grege intelligeremus, causas ipsas, utrum lupis non patent perviæ, consideravimus. Recte admonet Sapiens Proverb. 27. Diligenter agnosce vultum pecoris tui, tuosque greges considera. Unde porro de statu gregis, quam a Compastoribus certius intelligendum, quorum & gregem ab hædis distinguere, & ovium voces (quid nimirum laudum & qualiter Deo personent) & naturam conscientiarum, videlicet statum veraciter digrosce est. Quod quidem facta universali, totius Cleri, utriusque Diœcesis congregatione, quominus assequeremur, gravi, ut dictum est, imbecillitas valetudinis, & aliarum complurium difficultatum obice impediabamur. Ne tamen usquequaque, quid agatur, nescii simus, vestrum, Fratres Charissimi, pauculum hunc numerum convocandum esse censuimus, nimirum ex Vobis de grege nostro, imo etiam de Pastoribus gregis exploraturi. Renunciate mihi, si cuncta prospera sunt, erga Fratres meos, & pecora. Quenam vero prosperitas ista intelligenda est? Prospera sunt cuncta, si Nos, qui Pastores in universum, & Prælati ad invicem vocamur, in Domo Domini, quæ est Ecclesia Dei, in timore sancto, in charitate non ficta ambulaverimus; si animas Christi, curæ nostræ commissas, quomodo illas ambulare oporteat, docuerimus, si verbo salutis instruxerimus; si a lupis devorantibus, & gregem Dominicum dilaniare adnitentibus custodierimus; Monente nos super hoc apud Prophetam Domino, Ezech. 34. v. 25. Audite Pastores verbum Domini: Vivo

ego dicit Dominus DEUS; quia pro eo, quod facti sunt greges mei, in rapinam, & oves meæ in devorationem omnium bestiarum agri, eo quod non esset Pastor: Neque enim quæsierunt Pastores gregem meum, sed pascebant Pastores semetipsos, & gregem meum non pascebant: propterea Pastores audite verbum Domini. Hæc dicit Dominus: Ecce ego ipse, super Pastores requiram gregem meum, de manu eorum. Quis Pastorum ad hoc non paveat? Quis horrore gravi non contremiscat? Itaque Fratres Charissimi, quoniam periculosissimo munere fungimur, munus hoc sollicite ac sedulo exequamur. Attendamus gregi nostro, quem de manibus nostris se requisiturum Dominus comminatur. Ipsi vero sobrie, caste, & sancte vivamus, præbentes Nos in omnibus exemplum bonorum operum, ut non vituperetur Ministerium nostrum. Consideremus, quali honore insigniti simus, nempe Sacerdotali, quibus sacris Altaribus adstare, Divina Mysteria tractare, atque ibidem præsentem vultum Dei cernere datum est. Nonne Moyses voce tantum & colloquio Domini usus? Et resplenduit facies ejus, quomodo nos claritatem puritatis splendorem sanctitatis, ex aspectu ejus non hauriemus? Quod si Ministrantibus & tantum vasa pro ministerio ejus ferentibus, per Prophetam intimatur: Mundamini, qui fertis vasa Domini; quanto magis Nos, qui non vasa ejus, sed ipsum solum manibus nostris attrahimus, Majestati ejus Moysæ propius appropinquamus, mundi esse debemus? Quod ab ipso Datore, omnis boni DEO, ut Nobis largiri, & simul, ut præsentem salutem animarum, & bono Ecclesiæ indicatam Congregationem nostram, Spiritus Sancti gratia aspi-rare dignetur, instantèr posulemus.

ACTA, SEU CONSTITUTIONES SYNODALES.

I. De Constitutionibus Diœcesanis observandis & imprimendis.

Cum laudabiles Reverendissimorum Prædecessorum nostrorum Constitutiones, antea actis temporibus ad reformationem Cleri, populi que Christiani nostrarum Diœcesum lata sint, in se tam numerosæ ac sufficientes, ut

quod ad gloriæ Divinæ augendam celebrationem, ordinis rectitudinem inducendam, in eis desiderari videatur, illud sane perexiguum possit inveniri. Ita enim tempora exigentiæ accommodatæ, ita personarum utilitati, prudentissimè.

dentissimo sunt adaptatæ consilio, ut nulla occurrat difficultas, quæ ipsarum beneficio non sit resoluta, nullum vulnus emergat conscientiæ, cui efficacissima non propinetur medela, & ad bene, sancteque vivendum non præscribatur directio. Verumtamen quia progressu temporis, abusus aliquos in eisdem Constitutionibus observandis, sensim irrepsisse intelleximus, ad occurrendum illis, nonnulla in hac Synodo statuenda censuimus. Non tamen ad novarum descendemus incrementum, priusquam antiquarum commendamus observantiam, illam Cleri & populi universi nostræ sollicitudini subiecti, devotis mentibus imprimi contendamus. Accidit enim sæpenumero Presbyteros, cum discrimine salutis animarum, sibi commissarum, spiritualement acceptare gubernationem, in ea que sine fructu ipsarum, & profectu in virtutibus penitus immorari; ideo vel maxime, quod Dicecesanorum Statutorum nullam omnino ob inopiam exemplarium habeant notitiam. Cupientes ergo pro Pastoralis nostræ cura ignorantiam notitia reformare, erroribusque exinde provenientes occurrere, Constitutiones tam recentiores hæc nostras, quam antiquiores Prædecessorum nostrorum, prælo committendas esse statuimus: districtè præcipientes omnibus & singulis, Ecclesiarum quidem Rectoribus, ut præfatas Constitutiones, Archi-Presbyteris vero, ut præter Dicecesanas Sanctiones Provinciales quinque libris contentas, & alias in eodem volumine (etiam Varsaviensi proxime celebrata compactas) nuper ex Decreto Synodi Petrykovien. cura & mandato Illustrissimi olim Dni JOANNIS WEZYK, Archi-Episcopi Gnesnensis editas, inter alia domestica necessaria habeant; illas memoria teneant, & in viridi observantia conservare studeant. Quarum reſtitutione illustrati, & suæ prospicient integritati, & animabus curæ suæ concreditæ, de æterna providebunt securitate.

II. De Doctrina Christiana.

Quemadmodum vita humana debito carens nutrimento, nequit subsistere: ita spiritualis compe-

tens requirit alimentum, quo non subministrato, vitam humanam ruere, & mori necesse est; quocirca omnibus Ecclesiarum Rectoribus, ac eorum loca tenentibus, præsentis Synodi auctoritate in virtute sanctæ obedientiæ, & sub pœna maledictionis æternæ, mercenariis jam dudum præparata, præcipimus, ne dies Dominicos & Festos celebres, absque celebratione Missæ, & verbi Dei prædicatione transire, suisque Ecclesiis ac ovibus relictis, alienas Ecclesias pro illarum solennitatibus visitare audeant, pœnas, ultra comminatas, etiam arbitrarias verituri. Mandamus præterea, ut in villis, in quibus rudis plebecula est copiosa, diebus prædictis concione ad populum expedita, Orationem Dominicam, Salutationem Angelicam, Symbolum Apostolorum, præcepta Decalogi, per se, vel suos Substitutos recitent; ita clare & distincte, ut audientes percipiant, vocem pronunciatam sequantur, & quod expriment frequentius, memoria teneant, hac ratione suis animabus, & concreditæ, consulturi. In Civitatibus vero & oppidis præscriptum Dicecesanum, quod præsentibus reassumimus, observetur. Insuper quos cognoverint fidei rudimenta prima ignorare, illos neque matrimonialiter copulent, neque officium patrinorum obire permittant, dumque illos absolunt Sacramentaliter, præter alias penitentias salutares, ipsis juxta mensuram delictorum alias injungendas, fidei rudimenta ediscenda præcipiant; præfixo illis certo, & semel atque iterum prorogato, pro sua prudentia termino. Quod si aliqui semel ita ad Sacramentum Penitentiae admissi, nihilominus postea in crassa hac ignorantia perseverare comperti fuerint, ad Nos deferantur, priusquam deinceps admittantur, ut salutem eorum efficacius, prout in Domino expedire viderimus, consulamus.

III. De Sacramentis, & Sacramentorum administratione.

Quia munus & officium Sacerdotale tam onerosum atque periculosum invenitur, ut etiam sit

Ggg g 3

hume

humertis Angelicis formidandum, illudque in administratione Sacramentorum consistat potissimum, magna profecto cum pietate, tum vel maxime indiget scientia, quæ non nisi multo labore, multisque authorum doctrinis & ipsarum voluminibus potest comparari. Cui negotio, quia nec vires plurimorum, nec tempus posset sufficere, & quæ de Sacramentorum administratione prolixè & sparsim in sacris Canonibus Concil. Trid. & Constitut. Provincial. Statuta & Decreta reperiuntur, ea omnia brevi compendio in Epistola Pastoralis, magnæ memoriæ Illustriss. olim Cardinalis MACIOWSKI, ab Eminentissimis Card. Concil. Trid. Interpretibus recognita, complexa reperiuntur, proinde illam nostris Constitutionibus Synodi præsentis adjungemus.

IV. De SS. Eucharistiæ Sacramento comitando.

Non absque gravi cordis nostri amaritudine id sustinere cogimur, cum in his Diocesium hæretica pravitæ infectis, populi Catholici, in venerando SS. Sacramento, intuemur desidiam: Nam contingit frequentissime Corpus Dominicum, absque ullo splendore & comitatu, ad infirmos per Sacerdotes deferri, Catholicis nullam ipsi assistentiam præstantibus. Proinde huic depravatæ consuetudini, mentibusque frigidis prospicere cupientes, majoremque pietatem & venerationem cordibus fidelium imprimere desiderantes; statuimus, & præsentis Synodi autoritate ordinamus, ut quoties per Oppida deinceps & Civitates hoc S. Sacramentum ad infirmos erit deferendum, signo parvæ campanæ in medio Ecclesiæ affixæ dato, populus ad illud comitandum, vel saltem adorandum invitetur; quod facientes devote, Quadraginta dierum Indulgentiam (quam Nos de Omnipotentis DEI misericordia concedimus) consequentur. Ut vero hæc Indulgentia sit nota Fidelibus, illam Rectores Ecclesiarum & Concionatores ex ambona publice tenebuntur.

V. De Communione Paschali.

Quoniam de Paschali Confessione & Comunione præter Concil. Trid., Statut. Provinc., in Epistola Pastoralis, ac Diocesana Constit. Tit. de Penitentia & Eucharistia, sufficienter reperiatur dispositum, proinde præscriptum hoc in prædictis contentum reassumens, mandamus, quatenus Parochi locorum, contra negligentes Communionem Paschalem, quantum de jure, procedant; Nobis tamen prius hujusmodi obstinationis facturi notitiam.

VI. De Penitentis injungendis.

Illud quoque maximo cum dolore Nobis relatum percipimus, quosdam in locis aliquibus Sacramentum Penitentiae ministrantes, magis lucro temporali, quam remedio salutari acquiriendo invigilare consuevisse. Ne igitur hoc magnum Sacramentum ceu columnam salutis humanæ, ad quæstum potius, quam pietatem contingat ministrari, Statutis Prov. inhærendo, omnibus & singulis tam Sæcularibus, quam Regularibus quibuscunque, in virtute sanctæ obedientiæ, & sub pœnis ibidem & in jure communi descriptis, inhibemus, quatenus deinceps passim & districte pro penitentia Missas per se celebrandas, penitentibus laicis non injungant, sed notam cupiditatis fugientes, fructus ex tali penitentia solitos provenire faciant pauperibus erogari.

VII. De Casibus reservatis.

Ut & Penitentium conscientis, & Confessariorum rudiorum commoditati salubriter consulatur, Casus, qui Sedi Apostolicæ & Ordinariæ sunt reservati, primo quoque tempore imprimi curabimus, ac per singulas Ecclesias Diocesum nostrarum distribui faciemus. Quos quidem Casus sic impressos, Parochi, aut eorum Vicarii in confessionali loco conspicuo affigere, & quotannis prima Dominica Quadragesimæ, & feria quinta Ccenæ Domini, vel aliquo solenniori Festo, pro concionibus

nibus publicare tenebuntur, eo etiam superaddito, quod regulares Confessarii, cujuscunque Ordinis, neminem in iisdem casibus, vigore Maris magni, & quorumcunque privilegiorum, ne Rosarii quidem Confraternitati datorum, juxta declarationem Sacrae Congregationis Cardinalium Sac. Conc. Trid. Interpretum absolvere possint, quodque absolventes sine speciali Sedis tam Apostolicæ, quam Ordinariæ licentia, penam in Clementina Const. *De Privilegiis & excessibus Privilegiatorum*, incurrant. Porro, ne aliquis in Dicecesibus nostris prætendat ignorantiam dictæ Clementinæ, eandem ad calcem Constitutionum præsentium apponemus.

VIII. Ut libros Baptizatorum, Copulatorum, vivorum & mortuorum, Parochi fideliter conscriptos habeant.

Licet ea de re, ultra præscriptum Ritualis novi (quod in locum Agendorum Powodovianorum Synodus Provinc. Petrykovien. 22. Maji 1628. Anno celebrata, mandavit imprimendum, & hoc ad initium ejusdem Ritualis continet Præfatio, ubi antiqua jubentur aboleri) Statutis quoque Dicecesanis præscriptum inveniat, quibus Parochi, ipsorumque vices gerentes ad libros Ecclesiasticos, scilicet Baptizatorum, Copulatorum, vivorum, & mortuorum suorum Parochianorum habendos, & cum fidei diligentia conscribendos adstringuntur, huic tamen obligationi, & statutis perquam utilibus ac necessariis, multorum in Dicecesibus nostris Presbyterorum non respondet negligentia, vel crassa non capit ignorantia. Aut enim plurimi libros hujusmodi non habent, aut aliquem duntaxat ex illis, eumque multis refertum erroribus, glossatum, in visitationibus producere non verentur, in quibus nomina & cognomina parentum, & plerumque baptizatorum omittuntur. Mandamus ergo omnibus nostrarum Dicecesum Presbyteris, quatenus deinceps in ea cura se diligentiores exhibeant, neque suum officium in talibus sub pena Synodali

negligere præsumant, aliisque gravioribus arbitrio nostro infligendis.

IX. De Missæ Sacrificio bis in diem celebrando.

Multis in locis nostrarum Dicecesum comperimus, Ecclesias belli præteriti injuria ad eam devenisse conditionem, ut, qui earum curam habere velint, non facile reperiantur: Hinc est, quod illas propriis Rectoribus ita destitutas, Parochis vicinioribus cogamur committere. Quia vero in prædictis Ecclesiis, ob tenuitatem proveniunt Vicarii sustentari, Divinaque Officia solennioribus Festis diebus, in illis non valent celebrari, idcirco scandalis & animarum periculis obviam ire cupientes, faciendum censuimus, ut Rescripto LEONIS X. Pont. Max. incipit: *Sacrosanctæ*, de anno 1515. V. Idus Augusti, pro Regno Poloniæ impetrato, inhærentes, dictis Parochiis, ac ipsorum locum tenentibus duas Missas, uno die, in diversis Ecclesiis absolventi, concederemus facultatem, prout quidem concedimus, & indulgemus in Dei nomine præsentis Constitutionis vigore; ita tamen, ut eo in passu omnis avaritiæ vitetur suspicio, & sic Celebrans in Missa duntaxat secunda sumat purificationem. Quod ne passim & in una Ecclesia contingat attentari, intentionem Rescripti, ex corpore illius depromptam, declaramus: Missasque memoratas, urgente supra expressa necessitate, in Circumcisionis, Epiphaniæ, Paschatis, Pentecostes, Ascensionis Domini, nec non Purificationis, Assumptionis Beatæ MARIE Virginis, tum etiam Nativitatis Joannis Baptistæ, Petri & Pauli Apostolorum, ac Sanctorum omnium Festivitatibus, & Commemoratione omnium Fidelium defunctorum, volumus celebrari.

X. De vita & honestate Clericorum.

Cum vita & mores Clericorum boni vel mali plerumque a populo trahi soleant in exemplum, necessario quilibet in sortem Domini vocatus curabit faciendum, ut correctioni populi, non autem destructioni, vitam & mores

res accommodet. Væ enim Pastori, qui verbo instruit, exemplo destruit. Quamobrem omnes & singulos Dicecesum nostrarum Clericos, in quocunque statu & præ eminentia existentes, auctoritate præsentis Synodi, per viscera misericordiæ Salvatoris nostri DEI monemus & obsecramus, ut vitam & mores ad præscriptum Ss. Canonum, Statutorumque Synodaliū conforment, a vitiis omnibus abstineant, præsertim vero ab illis, quæ iisdem sacris legibus vetantur. Quod si quispiam refractarius fuerit, Nos veritate facti summarie cognita, contra eum procedemus, condignasque neglectæ emendationis penas extendemus. Et quia in tabernis multorum delictorum occasio solet evenire, & Clericalis dignitas per earum frequentationem maximam auctoritatis incurrit diminutionem; idcirco super ea re editas Constitutiones innovantes, auctoritate præsentis Synodi, omnes, cujuscunque gradus & conditionis extiterint, Clericos monemus, ut ne tabernas componendi gratia visitare præsumant, sub pena carceris ad beneplacitum nostrum sustinenda.

XL. De Visitationibus & Congregationibus per Archi-Presbyteros faciendis.

Porro modum visitationis Archi-Presbyterorum, in eorum Regionibus expediendæ, satis copiose constit. Dicecesana ab Illustrissimo Domino olim LAURENTIO GEMBICKI Prædecessore nostro, descriptum videntes Actum, non agimus de tempore, tamen illius determinare perneccesarium esse existimavimus: ac proinde, ut Archi-Presbyteri locorum semel in anno, Culmenses quidem a decima quinta Octobris non impedita, Pomesanientes vero post Octavam Ss. Corporis Christi tempore similiter non impedito, in suis Districtibus instituant; atque sic institutam, diebus non interruptis continuant, processu de eadem maturius expedito. Acta autem visitationis duplici scripto comprehendant, in altero quidem aperto, statum, suppellectilem, reditus tam Ecclesiarum, quam Paro-

chorum conscribant: In altero obfignato, quæ ad Parochi vitam, officiumque spectabunt; ac visitatione perfecta, utrumque ad Nos transferant, vel transmittant. Ita enim facilius Cleri & populi, nostræ curæ concrediti, mores & vitam inspicere, bonorumque, seu Ecclesiæ suppellectilis, incremento, informari poterimus. Congregationes quoque per eosdem, tanquam Decanos rurales, bis in annum celebrabuntur, primam utraque nostra Dicecesis in crastino 2. Dom. post Pascha, secundam Culmen. post primam Dominicam Octobris, Pomesania vero tertia Februarii die, non impedita, expedite curabit: in quibus Archi-presbyteri Episcopalis Pastoralis, de Congregationibus Cleri per Decanos rurales facient, eum & prædictæ Constitut. Gembicianæ se se conformantes, ea tractabunt, quæ ad Reformationem Cleri, Ecclesiastici regiminis integritatem, vocationis Presbyteralis perfectionem, & populi salutarem utilitatem proficua judicabunt, & ea, quæ ibi fuerint agitata, conscripta fideliter, ad Nos curabunt transportari. Si vero aliquis Presbyterorum dictæ Congregationi interesse neglexerit, neque de legalitate absentia docuerit, pena quinque florenorum, pro necessitatibus illius Ecclesiæ, cujus Archi-Presbyter Rector est, convertendorum, eundem puniant: quod si contumaces fuerint, eos ad Nos, vel ad Officium nostrum pena duplici puniendos deferant.

Insuper volumus & ordinamus, ut in Culmensi & Pomesanien. Dicecesibus, infra scriptas Ecclesias Archi-Presbyteri, sub cura sua temporibus perpetuis habeant.

IN DIOECESI CULMENSIS

ARCHI-PRESBYTER CULMSEHENSIS.

<i>Pavochialem</i>	<i>Nawra,</i>	<i>Gronowo,</i>
<i>Culmseben,</i>	<i>Kielbasino,</i>	<i>Lanka,</i>
<i>Papowo,</i>	<i>Dzwierzno,</i>	<i>Rychnowo,</i>
<i>Trzebech,</i>	<i>Biskupiec,</i>	<i>Zajaczkowo,</i>
<i>Wnislav,</i>	<i>Grzywna,</i>	<i>Srebrniki.</i>
<i>Grzybno,</i>	<i>Goskowo,</i>	

ARCHI-PRESBYTER CULMENSIS.

<i>Cbelmno,</i>	<i>Ibidem S. Spiritus,</i>	<i>S. Georgii</i>
<i>Mart., Patroni Prussie,</i>	<i>S. Martini Conf.</i>	<i>S. Agne-</i>

S. Agnetis Virg. & Mart. Starogrod,
Kijewo, Sarnowo, Lissowo,
Wapcz, Czyście, Szynycb.

ARCHI-PRESBYTER THORUNEN.

Thorun, Ibidem *S. Laurentii Martyris*,
Swierczyny, Popowo, Ostromięczk,
Bierzgłowo, Lubicz, Czarz,
Ciarnowo, Przeczno, Grębocin,
Boliminko, Łazyn, Rogowo.

ARCHI-PRESB. GRAUDENTINEN.

Grudziadz, Wiewiorki, Welcz,
Mokre, Tarпно, Będowo.

ARCHI-PRESB. LUBAVIEN.

Lubawa, in qua Capella *B. M. V. Samplawa*,
Bystwald, Grodziczno, Rumian,
Rozental, Kazanice, Turowo.
Złotowo, Grabowo,
Swiniarz, Pratinica,

ARCHI-PRESB. NEOFOREN.

Nowe Miasto, Chwosle, Lipinki,
Mikolayki, Gwierzdziny, Radomno,
Lakorz, Kurzetnik, Tylice,
Smarczynowo, Skarlin, Brzoze.

ARCHI-PRESB. BRODNICEN.

Brodnica, in qua *S. Spiritus, S. Valentini M.*
Mśbano, Lembar, Niezwywiec,
Wrocki, Pokrzydowo, Krušin,
Bobrowo, Zmiejewo, Brudzawoy.

ARCHI-PRESB. GOLUBEN.

Golub, Kurkocin, Radowiska,
Lipnica, Oftronite, Lobdowo.
Zelen, Pluskowczy,

ARCHI-PRESB. LAUTEMBERGEN.

Lidzbark, in qua *Assumpt. B. M. V.*
Wlewszk, Lenck, Kiepsiny,
Brozie, Radofzei, Przylek.
Bolesino, Mroczno,

ARCHI-PRESB. FREDECEN.

Wabrężno, Orzechowo, Niedzwiedz,
Dembowa, Lopatki, Kowalewo,
laka, Ryńsk, Nowawieś,
Cbelmamię, Ofieczek, Ploznica.

ARCHI-PRESB. RADZYNNEN.

Radzyn, in quo *S. Georgii Mart.*
Okunin, Burstinowo, Jablonowo,
Linowo, Gruta, Rywvald.
Ofstrowite, Płowaz,

Tomus IX. Concilior. German.

ARCHI-PRESB. LASINEN.

Lasin, in quo *S. Mariae Magdal.* Szembruk,
Szynwald, Lajnowo, Swięte,
Rogóżno, Szczepanki, Blumowo,
Gubino, Jankowice, Dambrowka, desolata.
Czarlin, Trumica, in manibus hereticorum.

IN DIOECESI POMESANIE

ARCHI-PRESBYT. MARIEBURGENSIS.

Malbork, Ibidem *Ecclesia S. Spiritus*,
Ecclesia S. Laurentii, Capella 2. B. Mariae V.
Kozliczki, Szonowo, Montowoy,
Gnojewo, Mileno, Beysterfeld.
Pogorzala wvies, Mystemberg,

ARCHI-PRESB. NEITYCHEN.

Nytych, Ibidem *Ecclesia S. Spiritus*.
Lachnowoy, Pragowo, Ca- Koncendorff,
Borenty, pella desolata, Lyssowo,
Nowa Cer- Palszewo Ca- Lezwice,
kiev, pella, Szadewald.

ARCHI-PRESB. SZTUMEN.

Sztum, Brunsfald ex- Peterswald,
Sztumska, usta, Pofolin,
wvies, Koniecald, Nowa wvies,
Dambrowka, Sropy, Straßewo,
Kizling, Kalwa, Tychnowoy.

ARCHI-PRESB. CHRISTBURGEN.

Kiżpork, Fißerwo, Starytarg,
Baumgarth, Nocendorff, Nowyitarg,
Tyrgarth, Konisgдорff, Mikolaiki,
Kozengarth, Poßolia, Szenwewa.

ARCHI-PRESB. FÜRSTENWERDEREN.

Fürstenwerder, Szensa, Marynowoy,
Berrwald, Szemberg, Tyga,
Tygenbagen, Szenborß, Tamza,
Petersbagen Ca Ladekop, Lignowoy.
pella desolata. Orlovv Capella.

X. De Ecclesijs desolatis.

DOmum Dei decet Sanctitudo, sa-
crum testatur Eloquium, & in-
dignum est, prout Sanctum dare cani-
bus, ita quod cultui Divino, salutis
humanæ ministerio, Majorum erexit
pietas, id filiorum negligentia, in spe-
luncam latronum, aut fetidum stabu-
lum, aut jumentorum, seu quarumvis
aliarum bestiarum converti receptacu-
lum. Quapropter Synodi præsentis
authoritate, omnes Ecclesiarum Patro-

H h h h

nos

nos & Collatores monemus & requiramus in Domino, quatenus Ecclesiis collapsis, vel quomodolibet vacantibus, quantocius subveniant, Patrimonia debita illis restituant, illas restaurari faciant, fructus earum suis usibus applicare, ac de illis pro libitu disponere, sub pœna excommunicationis, ipso facto incurrenda, & interminatione iudicii Divini, non præsumant, vacantibus vero de personis idoneis providentes, in spatio semestris præsentent, alias jura Patronatus amissuri.

XI. De Viêtricis Ecclesiarum.

STatuimus præscripto Synodi Prov. inhærentes, ut singulis annis infra Octavas Nativitatis Christi, aliquod dierum dict. Octav. Rectores Ecclesiarum, vel alii Curati, communiter & divisim, quilibet in Parochia sua, cum Patrono Ecclesiæ, si Patronus ibi fuerit, & commode adesse poterit, vel saltem cum aliquibus Parochianis principalioribus, duos viros de statu laicali fide dignos eligant & deputent, qui sic electi & deputati, imprimis in facie Ecclesiæ, præsentibus iisdem fidelitatis præstent juramentum, & nemini Parochianorum ex proventibus Ecclesiæ, nisi Archi-Presbytero & Parocho reddant rationem, in reliquis præscripto Statut. Provinc. sese conformantes.

XII. De Erektionibus Ecclesiarum.

QUoniam erectiones & foundationes Ecclesiarum, in Episcopatibus nostris existentium, in Ducali Archivo, & alibi constat reperiri, & ob illarum defectum, non solum Regimini Ecclesiastico, verum etiam piæ Fundatorum intentioni pro debito, a Rectoribus earundem non potest responderi, operæ pretium faciendum censuimus, ut aliqua ratio ineatur, qua jura Ecclesiastica possint vindicari: ut autem hoc desiderium quantocius adimpleri valeat, Sac. Reg. Majestati supplicandum est, ut pro faciliiori illarum recuperatione, suam interponat auctoritatem, atque opportuno provideat remedio: ut vero in recuperatione omnis adhibeatur diligentia, Rdo

Officiali Pomesaniæ; & Montovienſi Plebano committimus, quatenus Regionum, tempore ad id assignando descendentes, negotium hocce pro dignitate Ecclesiæ expediri faciant.

XIII. De rebus Ecclesiarum vindicandis.

INtelleximus in multis locis Diœcesum nostrarum, non solum bona mobilia, ut jumenta, summas pecuniarias, & alia hujusmodi, ad Ecclesias pertinentia, verum etiam immobilia, ut mansos, agros, juggera, prara, in usu & possessione tam Viêtricorum, quam aliorum Laicorum, longiore cujusdam pensionis prætextu detineri, cum magna jurisdictionis Ecclesiæ, & fructuum exinde habendorum diminutione, & juris Parochorum potioris præjudicio; Statuimus ergo, & firmiter hac Synodali auctoritate præcipimus, ut Parochi bona hujusmodi, de manibus, malo jure possessorum eximant, jure mediante vindicent, & sic vindicata vel ipsi teneant, vel aliis, cum scitu Viêtricorum, (in loca tamen securo) collocari faciant, ne illa contingat otari, ac proventus Ecclesiarum diminui, ubi autem summæ exiguæ in Ecclesiarum thesauros fuerint deportatæ, & illis necessitas pro fabrica, vel aliis requisitis indigeat, nec sit ratio, qua necessitati possit provideri, a locatione abſtineant, in fabricam potius Ecclesiæ, & paramenta convertentes.

XIV. De Decimis & Missalibus.

CUM difficile sit egentem bene operari, opportune satis per Ss. Canon., Conc. Trid., Statut. Provinc. tit. *De Decimis ex Antiquis*, lib. 3. fol. 185. & in Epist. Pastoralis tit. *De conservat. bonorum & jurium Ecclesiasticorum*, huic egestati provisum est: dignus enim est operarius mercede sua, & qui servit altari, de altari vivat, necesse est. Quare super hoc fusius descriptæ ordinationi addere nihil amplius volentes, omnes Ecclesiarum nostrarum Rectores, nunc & pro tempore existentes, monemus & requirimus, quatenus juramenti sui in susceptione Beneficiorum emissi memores

mores, jura Ecclesiarum suarum, super Decimis, aut quibusvis proventibus habita, ad effectum deducant, neque tam piam Ecclesiæ Dei provisionem, seu Christi patrimonium distrahi, seu alias permittant aboleri. Volumus insuper & ita statuimus, ut de agris desertis, & in prædia per Dominos locorum conversis, vel ad usum Curiarum applicatis, de quibus (dum per Colonos inhabitarentur) Decimæ, seu Missalia, vulgo Taca, Rectoribus Ecclesiarum solvebantur, nostris quoque temporibus recipiantur, in quo Domini locorum erunt requirendi: Nolentes autem, jure mediante compellendi. Nefas enim est & impium, de iis, quæ sunt juris Divini, humana disponere temeritate, quodque Deo, ejusque Sponsæ Ecclesiæ antiquitus consecratum est, in eo filii perditionis, avaritiæ inhiantes, præsumant derogare.

XV. Ne bona post mortem quorumvis Spiritualium diripiantur.

Cum super hoc negotio Synodus Provinc. lib. 5. cap. 23. satis providere constituerit, non est, cur in eo immoremur, sed ipsius vigorem & rigorem renovantes: Statuimus in hac Synodali Constitutione perpetuo valitura. Interdicimus, ne bona Ecclesiastica post mortem quorumvis Spiritualium diripi, & spoliari permittantur. Cui negotio, moriente Plebano, Vicarius, decedente Vicario Plebanus, & ubi aliquis horum defuerit, Victrici Ecclesiæ serio invigilabunt, neque sub pœna refusionis dupli, & in supplementum excommunicationis, ipso facto per negligentes incurrendæ, deformare, diripere, & dilapidare, cuiquam Sacerdotum vel consanguineorum permittant, donec ea de re per Nos, vel Officium nostrum fuerit declaratum.

XVI. De injuriis Ecclesiarum, Pavochorum, & Parochianorum.

Relatum est Nobis, in quibusdam Capitaneatibus & aliis Tenitis
Tomus IX. Concilior. German.

bonorum Regalium, contra subditos Catholicos, Majores nostris temporibus in Patria, quam contra Judæos tempore Pharaonis in Ægypto, conturgere servitutes & angarias, dum quasdam contributiones, pro Scholiarchis hæreticorum coguntur componere. Quam novitatem uti impiam, & libertati Catholicæ, imo & nomini Christiano præjudiciosam, abrogare & extirpare cupientes, statuimus, ut quicunque hujusmodi Capitaneorum vel Tenutiarum, seu Dominorum etiam hæreditariorum, subditos Catholicos, sic angariare, præsumpserit, quocunque nomine seu dignitate censebitur, excommunicationi majori, ipso facto incurrendæ subiacebit, nec ab ea, nisi mortis articulo, absolvetur, quam se mandantes, permittentes, vel hujusmodi ausus reprimere ac punire non curantes, noverint incursum. Statuimus præterea, ut quotiescunque DD. Capitaneis, Tenutariis, vel Dominis hæreditariis in suas villas desertas Colonos hæreticos introducere contigerit, eosdem jurisdictioni Ecclesiæ subiciant, neque illas ab eadem quomodolibet eximere præsumant, ut sic loca bonorum Catholicorum occupantes, Ecclesiis, ac ipsarum Rectoribus Missalia, Decimas, vulgo Tace, & alias obventiones, de agris prædictis antiquitus provenientes, pendere non negligant, alias nolentes autoritate eorundem compellantur. Insuper Statutum Provinc. reassumendo, ordinamus & constituimus, ne Domini temporales, aut ipsarum vices gerentes, pro libitu diebus Dominicis & Festis, antemeridiano tempore congregationem subditorum expediri faciant, sed necessitate id exigente, in pomeridianum transferri faciant; scientes, istud esse diabolicum inventum, qui, ut animos Christi fidelium a Divinis amoveant, vanis distrahit negotiis, & obtrudit temporalia, ut prius æternis.

XVII. De Regularibus.

Etsi vetitum est in alienam messem mittere falcem, nonnulli tamen Regulares in vetitum nitentes, in Ecclesiis vacantibus & Oratoriiis privatis Pastoralia exercere officia, Missas majores

H h h h 2

majo-

majoribus etiam Festivitatibus, videlicet Nativitatis Domini, Resurrectionis, Pentecostes celebrare, aliaque Divina obire non verentur, unde fit, ut Parochiani proprios Parochos contemnant, Patroni ad vacantes Ecclesias idoneos præsentare negligant, fundos earundem Ecclesiarum sibi usurpent, Decimas, Missalia, aliasque obventiones personis Ecclesiasticis debitas pendere detrectent, & quod maxime dolendum est, animarum pretiosissimo Christi Sanguine redemptarum, salus periclitetur. Nos igitur huic malo, pro nostro Pastoralis munere, eo ferventius occurrere volentes, quo minus Canonum Decreta, Synodalia Statuta, & Prædecessorum nostrorum Edicta publicata, profecisse animadvertimus, omnibus in universum cuiuscunque Ordinis Regularibus, sub debito juramento, quod Episcopis in receptione Sacerdotii præstiterunt, & sub anathematis pœna, eo ipso incurrenda, inhibemus & interdiciamus, ne in Oratoriis privatis, aut Ecclesiis vacantibus, in quibus Sæculares Jus patronatus prætendunt, Missam celebrare, verbum Dei prædicare, aut Sacramenta administrare, absque nostra speciali approbatione, & expresso consensu præsumant. Tempore vero, quo Parochiani ex præcepto propriis Parochis confiteri tenentur, ne in Ecclesiis quidem Ordinum suorum ullum Parochianum ad confessionem, & ad porrigendum ei Eucharistiæ Sacramentum audeant recipere, nisi obtenta desuper proprii Parochi in scriptis licentia. Atque ut multiplici hominum fraudi occurratur, vicissim Regulares de audita confessione eorum, quos de licentia Parochi audiverint, testimonium in scriptis dare eisdem teneantur. Deceverat jam pridem Sacra Congregatio Cardinalium, negotiis Episcoporum & Regularium præposita, non licere Regularibus quorumcunque Ordinum, etiam specialis alicujus consuetudinis prætextu, Parochias cum Cruce processionaliter, ad levanda & efferenda defunctorum funera, intrare, proprio eorum Parocho absente, vel eo irrequisito. Quod Decretum cum alterationum & scandalorum materiam

amoveat, in Dicecesibus nostris ad unguem observari mandamus, adjecta etiam suspensionis in transgressores pœna, per unam septimanam extendenda, a qua non nisi a Nobis, vel Officialibus nostris, prævia satisfactione, absolutionis beneficium valeant obtinere. Inhærendo vero Statuto Synod. Provinc. sub tit. *De Sepulturis*, lib. 3. moneamus Regulares quoscunque, ne aliquem ad vovendum, jurandum, vel ad promittendum inducant, ut sepulturam apud eorum Ecclesias eligat, sub pœnis ibi contentis.

XVIII. De domo pro Senibus & pauperibus Clericis erigenda.

Magnus profecto Dicecesum istarum apparet defectus, quod solæ inter alias bene ordinatas, gravem laborum, & vitæ servitiis consumptæ, redoleant ingratitudinem, dum pro Sacerdotibus ita enervatis, senio confectis, vel etiam morborum incurabilium amaritudine onustis & afflictis, nullum habeant solatium, nullum subministrant respirium, nullum denique ad illis succurrendum ostendant receptaculum. Quod Nos corde sollicito considerantes, Presbyterosque sicut numerosiores, ita ad serviendum istis Dicecesibus alacriores reddere cupientes, & hujusmodi gravitati respirio, amaritudini vitæ (quæ in talibus evenire solet) solatio prospicientes, faciendum Nobis censuimus, ut piam Illustrissimi olim Dni JOANNIS KUCZBORSKI, Prædecessoris nostri, liberalitatem (quæ tria millia florenorum, uti ex testamento ipsius patet, eo nomine apud Rel. Abbatisiam, ejusque Conventum Culmensensem reposuit) & Rel. olim MORTESKA dicti Conventus Abbatisiæ intentionem, (quæ ad eum finem domum Culmæ curavit ædificari) promoventes, hujusmodi Presbyteros in domo eadem collocemus. Ne autem ita collocatis, fame potius, quam senio, vel infirmitate enervatis, mortem contingat accelerari, charitativo subsidio huic periculo providendum est. Quod quia universi harum Dicecesum Sacerdotes, ducta proportionem Beneficiorum,

ciorum, communi laudo, & nemini repugnante, se daturos submiserunt, ipsi contributioni, in Culmeni autumnalem, in Pomesania hybernalem, congregationes assignavimus; Synodi præsentis autoritate, omnibus locorum Archi-Presbyteris mandantes, quatenus dictum subsidium, tempore sibi assignato, collectum recipiant, receptum Provisori (quem Archi-Presbyterum Culmensē, nunc & pro tempore existentem, eligimus ac deputamus) transmittant, omnemque adhibeant diligentiam, ne qua culpa negotium hoc impediatur, retardent, vel, quod absit, segnier tractent, sub pœna arbitraria.

XIX. De Seminario.

Quanto uberiores fructus e Seminariis Clericorum, ad Ecclesiam Dei promanare compertum habemus, tanto promptius erigendis illorum domiciliis, nostram ordinariam autoritatem accommodandam Nobis censemus. Cum itaque hisce temporibus Spectabilis PAULUS PILKOWIC Consul & Civis Culmensis, domum peramplam, suis sumptibus, in Civitate nostra Culmensi, extruxerit, eamque ex singulari devotionis affectu, quo commune Ecclesiæ bonum prosequitur, Seminario Clericorum erigendo dicaverit, Nos præfatam domum, uti rem piam, & ad promovendum cultum Divinum perutilem, in curam nostram Pastoralem, patrociniumque recipimus, a profana potestate segregamus, & jurisdictioni Ecclesiasticæ subijcimus. Porro pro alendis Seminariis, & eorum necessitatibus providendis, communicato cum Venerabili Capitulo Ecclesiæ nostræ Cathedralis consilio, censum a summa Refskoviana provenientem, qui hætenus nonnullis Studiosis Cracoviæ commorantibus solvebatur, una cum legato Generosi olim ALBERTI PEPLOWSKI, Seminario supradicto incorporamus, & eidem perpetuo persolvendum ordinamus. Ad eundem quoque usum Censum, a summa undecim millium & trecentorum florenorum, per Religiosam olim *Magdalenam a Mortag*, Abbatissam Culmensē, anno millesimo sexcentesimo de-

cimo octavo coram Judicio Scabinali Culmensi inscripta, juxta voluntatem dictæ *Magdalenæ a Mortag* converti debere decernimus. Interim tamen, quousque hujus novi Seminarii fundatio non fuerit deducta ad effectum, volumus, ut Provisores Seminarii, a Nobis & Venerabili Capitulo delecti, Censum debitum, sine cujusquam respectu, diligenter exigant, & si opus fuerit, contra detentores jure agant, si id neglexerint, de suo totidem, ad instantiam Instigatoris Curiae nostræ, deposituri.

XX. De Bursa Kuczborsciana.

Plum satis & liberale Reverendissimi olim D. JOANNIS KUCZBORSKI, Prædecessoris nostri, pro juventute, ad gloriam Dei augendam, Ecclesiarum subsidium, Patriæ propugnaculum, in erigendo convictu, seu conventu relicto, exitit desiderium. Cui utinam in tam vasta istarum Diocesis solitudine, personarum qualificatarum subministratio, provisum fuisset. Dederat ille Patribus Soc. Jesu, Collegii Thorunenſis, decem millia florenorum, ad eum finem scilicet, ut quantocius Convictum, seu Burſam erigerent, juventutem aptam studiis literarum perdiscendis, in ea collocarent. Quia ergo tam laudabili desiderio, tamque utili intentioni, eo usque non est satisfactum, eaque summa non debuit esse otiosa; proinde Venerabili Capitulo nostro Culmensi, autoritate Synodi præsentis, mandamus, ut sine procrastinatione, a Patribus prædictis, dictam summam, cum censu debito recipiat, Burſam erigi curet, in qua juxta intentionem Fundatoris juventutem collocabit.

XXI. De Schola Culmensi statui pristino restituenda.

Si quo in loco, de Scholis desertis excitandis & restituendis, cura cogitatioque est suscipienda, certe in hoc Episcopatu nostro vel maxime, qui intra viscera sua, populum, diversarum hæresum contagione infectum, continens, tanto fortioribus doctrinæ salubrioris remediis, & præservativis, quæ

in Scholis Catholicis reperiuntur, indiget, quanto periculosius intrinsecum errorum malum semper esse consuevit. Verum cum eam cogitationem, ob præteriti Belli Prussici, & pestilentie incommoda, ac summam bonorum vastitatem, ad effectum deduci, hoc præsertim rerum statu sit difficile, unam saltem Culmensis Civitatis, olim celeberrimam, e silentio excitandam, ac vigori pristino restituendam existimavimus. Volumus ergo, & ita præsentis Synodi autoritate ordinamus, ut Scholæ hujus Provisores, Magistros idoneos ex Academia Cracoviensi, ad eam invitent, studia pro exigentia loci & personarum tractari faciant, & quæ a Sede Apostolica sibi habeant concessa privilegia, illa non sinant otari.

XXII. De Translatione Festi S. Georgii Martyris.

Licet quemlibet Sanctum in celesti Curia cum Deo regnantem, & visione beatifica fruientem, condigna deceat veneratio, potissime tamen Regnorum vel Provinciarum Patronis exhibenda est; cum æquum sit, eorum præcipuam fieri memoriam, quorum nos patrocinio confidimus liberari. Proinde cum Ducatus Prussie, S. Georgium Martyrem, in patrocinium primum assumpserit, & pro Patrono suo ab antiquo coluerit, consentaneum est, ut ipsius celebritas nostris quoque temporibus exciteretur. Quia vero Festivitas ipsius, cum festivitate S. Adalberti, Regni Polonie Patroni, die vigesima tertia April. concurrit, eaque in diem sequentem, non impeditam, transferri consueverit, idcirco majori solennitate S. Patronum nostrum venerari cupientes, eandem in Dominicam infra Octavas S. Adalberti, præsentis Synodi autoritate, transferimus, ac de illo Officium cum Commemor. Dominicæ volumus recitari.

XXIII. De Sacerdotibus vagis.

Frustra Ecclesiæ implorat auxilium, qui contra illam delinquit: frustra quoque Sacerdotes debitum exigunt honorem, dum contra suam faciunt vocationem, ex Diocesi in Dice-

cesum, de Civitate in Civitatem, ab Ecclesia ad Ecclesiam, prava conversatione corrupti, absque legitimo testimonio curfantur, ac indebite, & cum periculo animarum, in Ministerium Sacramentorum sese intrudentes. Cui dissolutioni, animarum periculo, vitæ scandalosæ, ausibusque hujusmodi temerariis, remedio salutari occurrere cupientes, mandamus Diocesum nostrarum Plebanis, ipsorum Vicariis, Commendariis, cæterisque quibusvis Presbyteris, ad quos cura animarum pertinere dignoscitur, ne Presbyteros peregrinos, vagos, & ignotos, tam sæculares, quam regulares Mendicantes, cujuscunque Instituti fuerint, ad Missas celebrandas, & Officia Divina, in suis Ecclesiis peragenda, sine literis testimonialibus, ab Ordinariis locorum, vel eorum Officialibus, alias obtinendis, admittere præsumant, neque leviter Superiorum testimoniis, fidem adhibeant. Nam sæpe numero contingit, ab ejusmodi hominibus peregrinis, vagis, ignotis, apostatis, ementita monstrari testimonia, & ob quæstum Sacrilegium, penam damnationis promereri. Contra facientes Presbyteri, pena Synodali, in Statut. Prov. lib. x. fol. 69. comminata, irremissibiliter corrigentur.

XXIV. De inutilibus & infidelibus Vasallis.

Non possumus, absque ingenti nostræ mentis acerbitate, intueri, quosdam Vasallos, seu Emphiteutas, nostri Episcopatus, eo dementiae devenisse, ut patrimonium Christi, quod sanum, integrum, & illæsum, ab Ecclesia sibi concessum obtinuerunt, lacerare, desolare, pro hæreditate laica, cum sit spiritualis, æstimare impudenter non vereantur. Hinc est, quod non modo Canonem, in recognitionem directi Domini, Ecclesiæ solvere derectant, verum etiam, ausu plusquam temerario, jurisdictionem nostram manifeste præsumunt excutere. Cui malo & impietati, de debito Officii nostri, obviam ire cupientes, ac illorum effrenatam audaciam, cum temeritate refrenare volentes, hac Synodali Constitutione

tutione statuimus, nullum hujusmodi Vassallorum, seu quorumvis Emphiteutarum toleratum iri; sed eos in crimine Feloniæ repertos, quosdam colluviæ hæretica contaminatos, juxta præscriptum Juris communis & Ss. Canonum, abjudicandos decernimus; pro ut autoritate Synodi præsentis abjudicamus, & de bonis ab ipsis occupatis deoccupationem injungimus. Sicut enim extra Ecclesiam non est salus, ita neque porrigenda sunt alimenta; cum non deceat ante porcos projici margaritas.

XXV. De superstitiosa venarum sectione.

Inolevit a multo tempore, in his partibus, quod plurimi non modo e plebe, verum etiam Nobiliores, venam jumentis, die S. Stephani, in crastino Natalis Christi dicaro, aperire soleant; quam consuetudinem uti pravam, superstitiosam, & a Diabolo, ad retrahendos homines a cultu Divino, & Sanctorum veneratione, inventam, extirpandam, ac eradicandam esse duximus; extirpamusque, ac eradicamus, hac Synodali autoritate mandantes, omnibus Ecclesiarum Rectoribus, illorum vices gerentibus, & Concionatoribus, ut in suis Ecclesiis, concionibus, ejusmodi homines serio adhortentur, ne talia in posterum præsumant attentare. Magistratibus vero, & Dominis temporalibus persuadeant, ut mandatis Ecclesiæ non obediunt, pœna temporali corrigant, ne in laqueum æternæ maledictionis incidunt. Quod si monitis & persuasionibus non obtemperaverint, extunc præmissa fieri curantes, facientes, mandantes, permittentes, graviter noverint se in Deum, ejusque Sponsam Ecclesiam delicturos, a cujus delicti vinculo, a Nobis duntaxat poterunt relaxari.

XXVI. De Judicibus Causarum Apostolicarum.

Eadem autoritate Synodi præsentis, & juxta præscriptum Ss. Conc. Trid. Judices, quorum virtuti ac dexteritati causæ cujuscunque meriti, ad

Forum Ecclesiasticum pertinentes, a Sancta Sede Apostolica Legatis, Nunciis, vel sacri ipsius Palatii Auditoribus, alias committentur, Admodum Reverendos Dnos, *Petrum Sokolovski, Georgium Alexandrum Dorpovski, Joannem Schmak*, J. U. D. Causarum Curia nostræ Auditorem, Ecclesiæ nostræ Cathedralis Prælatos, & Canonicos constituimus & deputamus.

XXVII. De Examinatoribus, ad Ordines & Parochias promovendorum.

Examinatores quoque futurorum Parochorum, ad Ecclesias Parochiales, & Ordines promovendorum, tum & Concurfus non omittendi, eodem Sac. Concil. Trid. præscripto eligere compellimur, illosque, circa Ecclesiam Cathedralē Culmensē, Admodum Rdos Dnos, *Petrum Sokolovski* Præpositum, *Georgium Alexandrum Dorpovski*, Vicarium & Officialem Canonicum Culmensē, *Rdum Alexandrum Radofzkovski*, Archi-Presbyterum & Concionatorem Culmensē: In Curia vero Episcopali, Adm. Rdum D. *Joannem Schmak*, J. U. D. Canonicum & Archi-presbyterum Culmensē, Curia nostræ Caus. Auditorem, Rdos Dnos *Valerianum Radzynski*, Apostolicum, Curiaque nostræ Causarum Notarium, *Andream Kezler*, J. U. D. eligimus ac designamus. Quibus Dominis Deputatis, Parochos ad Beneficia curata examinandi, concursus circa eadem servari solita, cum opus postulaverit, adhibendi, ad sortem Domini promovendi, Ordinibus Clericalibus adscribendi, concedimus facultatem.

XXVIII. De Conservatoribus.

Cum plurimum interfit, Status Regularium habere notitiam, ut ipsis exemptiones suas frequenter allegantibus, in Judiciis nostris, facilius possit responderi, exceptionibusque eorum opportuno juris remedio occurrere, idcirco Constitut. felicitis recordationis GREGORII Papæ XV. de Conservatoribus, in Synodis Provinc. Perricovienfi anno Domini M. DC. XXVIII. mens.

mens. Maji die XXII. publicatam, in Varlavienſi anno Dni M. DC. XXXIV. mensis Novemb. die XIII. reſumptam, Nos etiam hac noſtra Synodali Conſtitutione imprimis publicamus, poſtmodum reſumimus, declaramusque ac decernimus, ut omnes Religioſi, cuſcuſque Inſtituti, & quomodolibet exempti, juxta exigentiam dictæ Conſtitutionis, infra duos meſes a publicatione Synodi præſentis, Conſervatores ſuos eligant & aſſument, de aſſumptis & electis ad noſtram Cancellariam documentum authenticum transmitti teneantur; alias terminum aſſignatum, ac ipſius Electionis teſtimonium negligentes, coram Nobis, & Officio noſtro Ordinario reſpondere conventi, erunt adſtricti.

Sancitis itaque unanimi omnium ſententia Conſtitutionibus ſupra ſcriptis, iſque lectis & publicatis, tum querelis Cleri auditis, gratisque Deo præpotenti actis, & aliis juxta ritum Pontificalis Romani obſervatis, Synodus eſt finita.

Acta fuerunt hæc Lubavie in Eccleſia Paſſiſſi, Anno, meſe, die, ut ſupra. In cujus rei fidem & teſtimonium, Sigillum Sæ Illustriſſimæ & Reverendiſſimæ Ceſſitudinis eſt ſubimpreſſum.

Ita eſt

V. VALERIANUS RADZINSKI,
*Apoſtol. ejusdemq; Illuſtriſſ. &
Synodi præſentis Notarius.*

Ex Concilio Viennenſi

SUB CLEMENTE V.

De Privilegiis & exceſſibus Privilegiatorum.

Religioſi, qui Clericis aut Laicis Sacramentum Unctionis Extremæ, vel Eucharistiæ miniſtrare, Matrimonium ſolennizare, non habita ſuper his Parochialis Presbyteri licentia ſpeciali, aut qui excommunicatos a Canone, præterquam in caſibus a jure expreſſis, vel Privilegiis Sedis Apoſtolicæ conceſſis, eiſdem, vel a Sententiis per Statuta Provincialia, aut Synodalia promulgatis, ſeu (ut verbis eorum utamur) a pœna & culpa abſolvere quencum præſumpſerint, excommunicationis incurrant ſententiam, ipſo factò, per Sedem Apoſtolicam duntaxat abſolvendi: quos etiam lo-

corum Ordinarii (poſtquam de hoc eis conſtiterit) excommunicatos faciant publice nunciari, donec de abſolutione ipſorum eis fuerit facta fides, nullo Religioſis eiſdem ſuper hoc exemptionis vel alio privilegio ſuffragante.

Quibus etiam in virtute ſanctæ obedientiæ & ſub interminatione maledictionis æternæ, diſtrictius inhibemus, ne in ſermonibus ſuis Eccleſiarum Prælatiſ detrahant, aut etiam retrahant Laicos ab Eccleſiarum ſuarum frequentia, vel acceſſu, ſeu indulgentias pronunciant indiſueras: neve (cum conſeſſionibus teſtamentorum intererunt) a reſtitutionibus debitæ aut legatis matricibus Eccleſiis faciendis, retrahant teſtatores: nec legata, vel debita, aut male ablata, in certa, ſibi aut aliis ſingularibus ſui Ordinis Fratribus vel Conventibus, in aliorum præjudicium, fieri ſeu erogari procurent: nec etiam in caſibus Sedi Apoſtolicæ, aut locorum Ordinariis reſervatis, quenquam abſolvere, aut perſonas Eccleſiaſticas, præſertim coram Judicibus delegatis, e Nobis ſuam, contra eos juſtitiam proſequentes, vexare indebite, aut ad loca plura, & præſertim multum remota, convenire præſumant. Si qui vero præmiſſa, vel aliquod de præmiſſis attentare præſumpſerint, per duos meſes ſubjaceant pœnis illis, quæ ſecundum eorum Regulam, vel Statuta, pro gravibus criminibus ſeu culpis, eis conſueverunt imponi; ſuper quibus, abſque manifèſta neceſſitate, cum eis non valeat diſpenſari. Cæterum Prælati eorum, niſi de iſis, quæ occasione præmiſſorum exceſſum ad eos quoquo modo pervernerint, Eccleſiis aut perſonis Eccleſiaſticis damnicatis, vel læſis, ſatiſfactionem plenariam exhibuerint, intra meſem, poſtquam ſuper hoc fuerint reſquiſiti, ſuſpenſionis ſententiam, uſque ad ſatiſfactionem debitam, eo ipſo incurrant, non obſtantibus præmiſſis Statutis aut quibuslibet privilegiis, cuſcuſque tenoris exiſtant. Sane Religioſis illis, quibus eſt ab Apoſtolica Sede conceſſum, ut familiaribus ſuis domeſticis, aut pauperibus, in Hoſpitalibus ſuis degentibus, Sacramenta poſſint Eccleſiaſtica miniſtrare, nullum ex præmiſſis volumus quoad hoc præjudicium generari.

Decretum Sacræ Congregationis de non levandis funeribus ſine ſcitu proprii Parochi deſuncti.

Licet in Sacro Generali Lateranenſi Concilio ſtatutum & ordinatum fuerit, ut Fratres Ordinum Mendicantium, cæterique Regulares, non poſſint intrare Parochias cum Cruce ad levanda funera eorum, qui apud Eccleſias Domorum & locorum eorundem

rundem suam elegerint sepulturam, nisi prius præmonito & requisito ac recusante Parochiæ Presbytero, & tunc sine ejus & Ordinarii præjudicio. Significatur tamen est Sac. Congregationi S. R. E. Cardinal. negotiis Episcoporum & Regularium propositæ, nonnullos Fratres, præsertim Ordinis Minorum de Observantia, cujusdam consuetudinis prætextu, quam neque antiquitate valari neque observantia viridi inniti, neque pacifica & non interrupta possessione firmatam esse constat, contendere sibi licere defunctorum funera, proprio eorum Parocho absente, eoque irrequisito efferre & levare, idque haud leves controversias & altercationes aliquibus in locis, non sine populi scandalo & Dei offensione excitasse, ideo volens eadem Sacra Congregatio omnem ejusmodi dissensionum & scandalorum materiam & occasionem præcidere, atque in futurum providere, ut tam Parochi, quam Fratres ipsi unanimi inter se voluntate, & ea, qua par est, charitate, ultima hæc Christianæ pietatis officia defunctis præstent, declarat, & hujus Decreti tenore statuit, prædictis Fratribus Ordinis Minorum de Observantia, aliisque quibusvis Regularibus, quorumcunque Ordinum & Congregationum, tam Mendicantium, quam non Mendicantium existant, nullo modo licere, etiam specialis alicujus consuetudinis prætextu, Parochias cum Cruce processionaliter, aut alias, ad efferenda & levanda defunctorum funera, intrare, vel illa levare, & efferre, nisi vocato & expectato proprio defuncti Parocho, eoque ibidem præsentem; si tamen ipse aliter fieri non consentiat, & permittat, vel, nisi requisitus, venire expresse omnino recuset. Atque ita observari mandat & districte præcipit, firmis cæteroqui & in suo robore permanentibus. Iis omnibus, quæ super quarta funerum, & Canonica portione, aliisque juribus ad sepulturas pertinentibus, a sacris Canonibus & Conciliorum Decretis, Summorumque Pontificum Constitutionibus, hæctenus sancita, ordinata sunt, vel alias ex particulari consuetudine, vel alio jure observantur. Romæ die XII. Januarii MDCIV.

*Ex libro tertio Constitutionum,
Synodi Provincialis, de Sepulturis.*

Quicumque Religiosi, & sæculares Clerici, aliquem ad yovendum, jurandum, vel, fide interposita, seu alias, promittendum inducunt, ut sepulturam apud eorum Ecclesias eligant, vel jam electam ulterius non immutent, excommunicationis sententiam incurrant ipso facto: nec valet talis

Tomus IX. Concilior. German.

electio, & qui sic elegerit, nec apud sic electam Ecclesiam sepeliri, nec alibi poterit eligere sepulturam, nec contra votum, juramentum, vel promissum hujusmodi a se factum, materiam habeat veniendi, sed, contradictione qualibet cessante, sepeliatur omnino apud illam Ecclesiam, apud quam sepeliendus de jure fuisset, si alias, sepultura non electa, forsitan decessisset. Si vero iidem Religiosi vel Clerici prædictum in sua Ecclesia vel cæmeterio præsumpserint sepelire, ad restitutionem tam sepulti corporis, si petatur, quam etiam omnium, quæ occasione sepulturæ illius perceperint quomodolibet, infra decem dierum spatium, integraliter faciendam obligantur: Quam, nisi fecerint, Ecclesia ipsa, ad quam sepultus fuerit, nec non ipsius cæmeterium, extunc, eo ipso sint, & tamdiu manebunt Ecclesiastico supposita interdicto, donec ab eis fuerit facta restitutio plenaria omnium prædictorum.

Ex eodem.

Um sacris Canonibus sit consonum, ubi quis vivus recipit Ecclesiastica Sacramenta, quod ibi etiam mortuus requiescat, omnibus Christi fidelibus contritis & confessis, qui sepulti fuerint in suis Ecclesiis Parochialibus, vel cæmeteriis earum, de Omnipotentis Dei misericordia, & Beatorum Petri & Pauli Apostolorum ejus, & Beati Adalberti Martyris, Patroni nostri, meritis confisi, in relevamen suorum peccatorum, Quadraginta dies Indulgentiarum, de injecta sibi penitentia, misericorditer relaxamus.

*BREVE APOSTOLICUM,
In quo Clericis Regni Poloniæ facultas datur, causas in Criminalibus, per
Procuratorem promovendi.*

A tergo Brevis ejusdem inscriptio
est talis:

Venerabilibus Fratribus Archi-Episcopo Gnesnensi Primate, Episcopis ejus, Suffraganeis, nec non Capitulis Cathedralium & Collegiarum Ecclesiarum, atque universo Regni Poloniæ Clero.

Intus vero:

GREGORIUS PP. XIII.

VENERABILES FRATRES ET DILECTI
FILII, SALUTEM ET APOSTOLICAM
BENEDICTIONEM.

ET nostra Ecclesiarum omnium sollicitudo, & vester erga Sanctam Sedem
Illi Apo-

Etualia ministrare, salvo item jure conventionum antiquarum, cum Monasteriis, aliisque piis locis, aut Ecclesiis non Parochialibus, inito, quod illæsum permaneat.

Ex typo Gedanensi impressa hæc Synodus in 4. b. a. 1641.

Exemplar nobiscum communicabat Revmus & Illmus Dominus J. A. Comes Zahuski, Kijoviensis Episcopus, vir meritissimus.

SYNODUS DIOECESANA

TORNACENSIS,

CELEBRATA

per Reverendissimum Dominum,

D. MAXIMILIANUM VILLANI a GANDAVO, (*)

Tornacensem LXXXIII. Episcopum,

Anno Christi MDCXLIII. Urbani VIII. Papæ XXII.

Ferdinandi III. Imp. VI.

DIE 21. APRILIS.

MAXIMILIANUS VILLANI a GANDAVO, DEI

& Apostolicæ Sedis gratia Episcopus Tornacen; Univerſo Clero Diœcesis

Tornacen. Salutem in Domino.

Cum a Nobis mandatum fuisset in Synodo Diœcesana, habita feria tertia post Dominicam Misericordia, die decima sexta mensis Aprilis 1641. anteriores Synodales nostras Constitutiones revideri, ex iisque præcipua & maxime utilia colligi, & singula in ordinem sub Titulis redigi, eo quod in illis multa utilia & salutaria Mandata & Statuta continebantur, quæ paulatim lapsu temporum oblivioni tradebantur, & ut obviaretur, ne eadem alias ordinata sæpius repeterentur, in sequenti Synodo nondum peracta, necesse visum fuit hujusmodi negotium alicui e Vicariatu nostro, qui banc curam susciperet, committere: quo tandem absoluto, in præsentī nostra Synodo exhibito, perlecto, revisto, ac mature examinato

auctoritate nostra ordinaria approbavimus, & omnia, prout sequuntur, in ordinem sub Titulis redacta, tamquam nova Statuta & Decreta Synodalia publicari, & ut ab omnibus legantur, observentur, ac debite executioni demandentur, prælo committi curavimus.

Finito Sacro de Spiritu Sancto, Reverendissimus Dominus omnes præsentēs paucis exhortatus est ad procurandam animarum salutem, & Reip. Christianæ utilitatem.

Reverendus Dominus Joannes Schelpin legit Caput 1. de Resid. Conc. Trid. Sess. 23.

Reverendus Dominus Petrus Masureel Officialis legit Acta Synodi Diœcesanæ anni præcedentis.

INDEX TITULORUM

SYNODI TORNACENSIS DIOECESANÆ.

- | | |
|---|-----------------------------------|
| I. De Doctrina & Prædicatione verbi Dei. | V. De Sacramento Baptismi. |
| II. De Divinis Officiis. | VI. De Sacramento Confirmationis. |
| III. De observatione Festorum & Jejuniorum. | VII. De Sacramento Penitentiae. |
| IV. De Sacramentis in genere. | VIII. De Sacramento Eucharistiæ. |

IX.

(*) Vide sub Decreta Synodi.
Tomus IX. Concilior. German.

IX. De Sacramento Ordinis.
 X. De Sacramento Matrimonii.
 XI. De Sacramento Extreme Unctionis.
 XII. De Sepulchris.
 XIII. De Decimis & Oblationibus.
 XIV. De reſta bonorum Eccleſiaſticorum ad-
 ministratione.

XV. De Clericis in genere.
 XVI. De Episcopis.
 XVII. De Paſtoribus, Decanis & Cuſtodibus.
 XVIII. De Regularibus.
 XIX. De Foro, Jurisdictione & Immunitate
 Eccleſiaſtica.
 XX. De Uſuris.

ACTA & DECRETA SYNODI DIOECESANÆ TORNACENSIS,

HABITÆ ET CELEBRATÆ IN PALATIO EPISCOPALI FERIA TERTIA POST
 DOMINICAM MISERICORDIA DIE VIGESIMA PRIMA MENSIS
 APRILIS M.DC.XLIII.

*Præſidente Rdiſſimo Domino MAXIMILIANO VILLANI
 a GANDAVO, Dei & Apoſtolicæ Sedis gratia Episcopo Tornacenſi,
 aſſiſtentibus ei RR. DD. Joannes Baptiſta Stratio, Eccleſiæ Cathedraſis Tornacenſis Decano,
 Joanne Boucher S. T. D. Archi-Diacono Tornac., Adriano Lamoraldo Villani a Gandavo,
 Theſaurario, Joanne Schelpin S. T. L. Andrea Catulle J. U. L. Thoma Muſſin J. U. D.
 Georgio Stalins S. T. L. Pœnitentiario, Lamoraldo Becquet J. U. L. (a) Matthia Naveo
 S. T. D. Eustachio l'Eſcuyer J. U. L. Conſiliario ſupremæ Curie Montenſis, Petro Maſureel
 J. U. L. Officiali præſatæ Eccleſiæ Cathedraſis Tornacenſis, Canonicis. RR. DD. Antonio
 de Roore, & Marco Denys, reſpectivè Monaſteriorum S. Martini Ordinis S. Benedicti, & S.
 Marci diſti S. Nicolai Ordinis Canonicorum Regularium S. Auguſtini Civitatis Tornacen.
 Abbatibus. D. Petro Wullins J. U. L. Decano Eccleſiæ Collegiatæ B. Mariæ Contracen.
 Joanne van Nes Tornacen. Nicolao Lamberto S. T. L. Inſulen. Cornelio vanden Eynde, &
 Leonardo Schaerts Contracen. Bono Camus Helchinien. Gallorum, (b) Antonio Cardon
 Amandinen. Guilielmo Beert Viroviacen. Jacobo de France S. T. L. Seclinien.
 Chriſtophoro Gerard Ulmen. Diſtrictuum Chriſtianitatis Decanis, Judoco
 d'Hauve Secretario, nec non D. Joanne Crols J. U. L. Advocato
 Fiſcali, Joanne de Scheppre Scriba, & Guilielmo Fremaut
 Promotore Curie ſuæ Episcopalis Tornac.*

TITULUS I.

De Doctrina & Prædicatione verbi Dei.

CAPUT I.

Quia quorumdam Parochorum in-
 tolerabilis eſt negligentia in die-
 bus Dominicis & Feſtis concio-
 nando, inſtrueda item juventute &
 catechizando: quæ tamen prima Fidei
 noſtræ Catholicæ baſis eſt, & funda-
 mentum Doctrinæ Chriſtianæ, indeque
 fiat, ut non ſolum juvenus ipſa, ſed
 etiam parentes ipſi, qui proles ſuas alias
 inſtruere deberent, in punctis & Arti-
 culis fidei ſint prorsus ignari: omnes
 Paſtores ſevere monemus, iisque præ-

cipimus, ut impoſterum diebus Domi-
 nicis & Feſtivis concionem inſtituant
 non nimis ſubtilem & doctam; ſed pro
 captu populi accommodatam. Nec
 non ea, quæ in ſecunda Synodo Pro-
 vinciali ordinata fuerunt, diligenter
 obſervent.

II.

Paſtores igitur omnibus diebus
 Dominicis & Feſtis a prandio, commo-
 diore ante vel poſt Veſperas, hora (in
 quo judicium Decanorum ſuorum om-
 nino ſequi tenebuntur) pueros cam-
 panæ

(a) D. Joannes Erneſtus Nieulant J. U. L. Archi-Diaconus Flandriæ abſuit.

(b) Franciſcus Vander Cruycen, Decanus Helchinien. Flandrorum, excuſatus abſuit.

panæ pulsu convocatos prima Fidei rudimenta doceant, observando praxim catechisandi a Nobis editam anno M. DC. XL. satis amplam, quam hic de novo renovamus, de qua in Synodo anni M. DC. XLI. Articulo primo. Si quis autem Parochus non legitime impeditus hoc tam necessarium officium, quod etiam ex Concilii Trident. Decreto præstare debet, prætermiserit, is toties multam trium florenorum; pro secunda vice, sex, fabricæ suæ Ecclesiæ applicandam incurrat: pro tertia autem pœna arbitraria puniatur.

III.

Ac ut numquam Pastores se a tam necessario catechisationis officio excusari possint, id ita præstari volumus, ut si unus tantum aut duo ad Catechismum veniant, illis Doctrinæ Christianæ rudimenta tradere non negligant; qua diligentia Pastoris continuante, Deo (haud dubie) incrementum dante, paulatim auditorum numerus accrescet, Magistratus omnes hortando, ut tam necessarium Reipublicæ officium, juxta Edictum Regium promoveant, ac negligentes venire compellant.

IV.

Quo facto alteri malo facile medebitur, videlicet, quod in aliquibus partibus juniores expectent ætatem nimis adultam, ut primum accedant ad Sacram Communionem, quos proinde volumus bene instrui, & disponi, ut juxta discretionem ad hujusmodi Sacramenti dignam receptionem citius admittantur.

V.

Insuper habeant Pastores & conficiant catalogum omnium puerorum & puellarum ordine alphabetico, secundum quem singulis diebus Dominicis, hora designata, Custos evocabit, & leget publice omnium nomina, & absentes notabit, & singulis mensibus Pastores domos absentium adibunt, & ut sint diligentiores ad mittendos, imo etiam cogendos suos pueros monebunt, & si sæpius moniti officio ejusmodi suo desint, eosdem Curia denuntiabunt, ut tamquam de hæresi suspecti per Promotorem citentur.

VI.

Quoad parentes vero pauperes, qui proles suas ad Catechismum mittere neglexerint, si aliquoties moniti non fiant diligentiores, de libro mensæ pauperum deleantur, & eleemosynis solitis priventur.

TITULUS II.

De Divinis Officiis.

CAPUT I.

Similiter hic diligenter observentur, quæ in secunda Synodo Cameracensi & Tornacensi statuta sunt, his adjunctis.

II.

Ut Divinum Officium, ac præsertim Horarum Canoniarum, conformiter ad usum & observantiam generalem, atque etiam juxta præcepta Rubricarum Ecclesiasticarum, etiam in Ecclesiis Parochialibus tanto decencius peragatur; mandamus & ordinamus, ut in omnibus Ecclesiis Parochialibus nostræ Diœcesis Pastores non omittant in Sabbato & Profestis cantare primas Vesperas: sub pœna correctionis arbitrariæ contra negligentes & inobedientes decernenda.

III.

Et quia intelleximus aliquos nostræ Diœcesis Pastores finistre interpretatos superiorem articulum, dicentes per eundem non fuisse obligatos ad cantandas Vesperas in Sabbato & Profestis, ubi non consueverant cantari. Hinc est, quod tenore præsentium declaramus Nos intendere omnes ad id obligasse, prout de facto obligamus non obstante non usu in contrarium.

IV.

Eosdem etiam serio monemus, ut in observando uniformi tempore quoad decantandas Missam solemnem, & Vesperas diebus Dominicis & Festivis, Officio suo non desint.

V.

Quod ut tanto exactius observetur, innovamus Statutum desuper factum per quondam bonæ memoriæ MICHAELEM D'ESNE Episcopum Tornacensem, nostrum immediatum

Prædecessorem, in Synodo sua A. 1600. Et severe præcipimus omnibus nostræ Diœcesis Pastoribus, eorumque locum tenentibus, ut hujusmodi Missam Parochialem a festo S. Remigii usque ad Pascha hora nona, a Paschate vero usque ad festum S. Remigii hora octava celebrent, Vesperas vero decantent hora secunda pomeridiana sub pœna unius floreni pro quolibet defectu.

VI.

Et ut inter primam Missam, ubi illa celebrari consuevit, & Missam solemnem competens spatium intercedat, quo alii domum reverti, & alii ad Ecclesiam commode venire valeant, ordinamus hujusmodi primam Missam a Paschate usque ad festum S. Remigii præcise celebrari hora sexta, & a festo S. Remigii usque ad Pascha hora septima, sub simili pœna unius floreni contra Sacellanos, & alios, quibus hujusmodi Missæ celebratio incumbet, discernenda.

VII.

Inhibemus etiam severe Capellanis omnibus, & aliis quibuscumque officio Subdiaconi, vel Diaconi fungentibus in Missa solemni, ne cantatis Epistola seu Evangelio discedant ab altari, & Sacerdotem solum relinquunt, etiam prætextu vel occasione confessionum audiendarum: sed continuo usque ad finem cum omni reverentia & gravitate Celebranti assistere mandamus, ordinando Pastoribus, ut deferant defectuosos.

TITULUS III.

De observatione Festorum & Jejuniorum.

CAPUT I.

Hic similiter legantur diligenter ea, quæ a Prædecessore nostro circa observationem Festorum & Jejuniorum in Synodo fuerunt statuta.

II.

Et quia ab aliquibus fuit dubitatum, an in mediis Festis obligetur populus audire Missam & abstinere ab operibus servilibus, declaravimus & mandavimus, ut Pastores publicent

Festa Sanctorum Marci & Lucæ imposterum sub præcepto usque ad meridiem observanda esse, prout antiquitus fuit observatum.

III.

Ordinamus etiam servari Statutum Synodi Diœcesanæ de anno 1632. *art. 8.* & mandamus Decanis Christianitatis & Pastoribus locorum, ut Capitula Collegiata, ac Religiosos omnes, etiam exemptos, moneant de observando Festo Dedicationis Ecclesiæ nostræ Cathedralis per totam Diœcesim sub ritu duplici sine Festo, & ut Festum S. Gregorii, quod in eam diem incidit, differatur in diem sequentem.

IV.

Et quia interdum & a paucis tempore, nonnulli Domini temporales jurisdictionem Curia nostræ spiritualis, temerarie impedire, & super violationibus Festorum ad exclusionem Curia nostræ conantur cognoscere, sub frivolo prætextu juris, quod sibi prætendunt competere interessendi Synodo, quod vulgo nominant *Droit de Semmes*; mandamus & ordinamus Promotori nostro, & non obstante oppositione, quam forsan desuper contingeret fieri, contra eos, quos deprehenderint deliquisse, procedat ulterius, & Nos in jure & possessione nostrâ manuteneri procuret, ac alias Nos ea deturbari non permittat.

V.

Cum fuisset expositum in Synodo 1634. quod in pagis feria tertia & quarta Pentecostes fiant longæ & extensæ Processiones, ut durent quatuor aut quinque horis, sic ut contingat, populum sæpius hic illic potitare, frangere jejunium, & alias insolentias facere, committimus Decanis, ut de restrictione, divisione, seu coarctatione ambitus processionum hujusmodi faciendâ, suo nomine conveniant cum Pastoribus, & Ballivis, ad tollendos omnes abusus.

VI.

Inhibetur etiam ob rationes, ne Tornaci, & alibi per Diœcesim in Processionibus, signanter in Festo Sanctissimi Sacramenti, vulgo *Sacre*, filia utantur superpelliceis Clericalibus, & ne
feli-

feligantur ad ferendos cæreos, quæ excedunt 18. ætatis annum, & ut cærei non sint adeo graves & magni, quin commode possint ab iis portari, & dum feruntur, ut sint accensi, & postea tanquam oblationes ad usum Ecclesiæ applicandi relinquantur.

VII.

Promotor stricte invigilet contra eos, qui diebus Festis & Dominicis, etiam foribus clausis, merces emere, vendere in Civitatibus præsumunt.

TITULUS IV.

De Sacramentis in genere.

CAPUT I.

Diligenter hic observentur, quæ Synodus Cameracensis secunda, & Tornacensis Reverendissimi Domini D'ESNE ordinarunt, & idem in sequentibus servetur.

TITULUS V.

De Sacramento Baptismi.

CAPUT I.

UT Baptismus qua debet reverentiâ administretur, caveant diligenter Pastores, ne ad proles suscipiendas admittant eos, qui ebrii vel semi ebrii fuerint.

II.

Cum Susceptores & Susceprices sint tanquam parentes spirituales eorum, quos suscipiunt, non admittantur ad hoc munus, nisi adulti, qui probe norint Christianæ Fidei rudimenta, & confirmati: & si qui Pastores contrarium fecerint, puniantur. (c)

III.

Et ad suscipiendum de sacro Fonte parvulum duo tantum, vir scilicet unus & mulier una, admittantur, nominaque paganorum nulla ratione parvulis indantur. Immo ne veteris Testamenti, non quod per se improbandum sit, sed quia in hæreticis peculiare est, etiam ab eis abstinendum edicimus.

IV.

Ordinamus præterea juxta Synodum Provinciale ultimum celebratam,

quamvis nondum publicatam conformiter ad Clementinam unicam *de Baptismo*, ne quis in privatis ædibus, sed dumtaxat in Ecclesiis, in quibus sacri Fontes sunt, audeat aliquem baptizare, exceptis casu necessitatis & Regum & Principum filiis; (d) per necessitatem autem ea intelligitur, propter quam sine periculo non potest Ecclesia adiri, si baptizandus periclitetur de vita, & in itinere moriturus timeatur: per Principum filios, non quorumcumque Ducum, Marchionum, Comitum & Baronum infantes intelliguntur, sed eorum, qui cum Superiorem non agnoscunt, Regibus fere æquiparantur.

V.

Nemo igitur quoscumque alios, si necessitas non urgeat, extra Ecclesiam, ubi sacri Fontes habentur, baptizare præsumat, & si contra fecerit, sciat se exemplariter puniendum, juxta d. Clem. unicam *de Baptismo*.

VI.

Insuper juxta eandem Synodum statuimus, ut nemo extra casum urgentis necessitatis sine solemnitatibus & cæremoniis baptizet, easve a Baptismo separet, seu in aliud tempus differat.

VII.

Quod ita volumus observari, sive in Ecclesia Baptismus fiat, sive domi: nulla admittitur excusatione propter expectationem compatrium, aut pompam magis solemnem. Ubi tamen urgens necessitas aliter coegerit, & infans supervixerit, ex in continenti adhibendæ sunt, & quidem in Ecclesia; utque parentes prætextu Patrini, quem expectant, moram non injiciant, doceantur & moneantur, illos, qui post Baptismum domi in necessitate collatum, solemnitatibus in Ecclesia assistunt, non effici patrilinos, & compatres, etiam si infantem teneant, esseque desuper factam declarationem Cardinalium.

TITULUS VI.

De Sacramento Confirmationis.

CAPUT I.

Cum summa sit utilitas Sacramenti Confirmationis, (e) Pastores & Con-

(c) Vid. Synod. an. 1574. & 1600.

(e) Vid. Synod. anni 1600.

(d) Clem. 3. in Conc. Vienn. Clem. lib. 3. Tit. 15.

Concionatores eam interdum populo declarent, & præsertim sub tempus visitationis Episcopalis vehementer adhortentur adultos nondum confirmatos, ut prima quaque opportunitate Sacramentum hoc suscipiant: Patres & Matres familias ut curent suos liberos, ut Curatores & Tutores fidei suæ commissos, prima quaque occasione confirmari, ad quod, ut facilius inducantur, admoneant, nullos posse deinceps admitti in Paternos vel Maternas, nec ad Confraternitates; vel Tonsuræ Clericali insigniri, vel ad Professionem vitæ Regularis seu Religiosæ admitti, nisi in Fide Christiana per Sacramentum Confirmationis roboratos & roboratas, ut partim Synodo (f) Provinciali Tit. 7. Cap. 1. & Art. 20. Cap. ult. partim Synodo Prædecessoris, & novo nostro Manuali decretum est.

TITULUS VII.

De Sacramento Pœnitentiæ.

CAPUT I.

Hic similiter diligenter observentur omnia ea, quæ circa hoc Sacramentum in nostro novo Manuali & Synodo Prædecessoris nostri ordinata sunt.

II.

Pro meliori observatione ejus, quod ordinatum est hoc Tit. Cap. 9. in 2. Synodo Cameracensi (g) insistentes antiquis Decretis nostrorum Prædecessorum, mandavimus omnibus Pastoribus, quatenus registrum conficiant omnium, quorum tempore Quadragesimæ Confessiones excipiunt, & eos, qui aliis ad confessiones audiendas admissis, confessi fuerint, serio moneant, ut allato testimonio Confessarii, cui confessi sunt, se in dicto registro describi curent, nec alios, quam hic descriptos, ad Sacramenta, aut Matrimonium, aut sepulturam admittant.

III.

Et quia intelligimus aliquos transire de Parochia in Parochiam post Festâ Paschalia: ordinamus, ut nulli de una Parochia ad aliam admittantur per Pa-

stores sine testimonio Confessionis & Communionis Paschalis per ipsos factæ.

IV.

Ad dubium in Synodo 1632. propositum, an aliquis Sacerdos habens facultatem audiendi confessiones, dum cum literis nostris dimissorialibus migrat ad aliam Diocesim, possit virtute prioris facultatis, redire ad Diocesim & audire confessiones, declaramus illos de novo debere admitti, & illius facultatem revocamus, cum dimittimus.

V.

Specialiter vero monitos volumus & præsentî Synodali Statuto monemus omnes nostræ Diœcesis Pastores, cuiuslibet ipsorum erga suos dumtaxat Parochianos non alienos competere jurisdictionem circa Sacramentorum administrationem, adeoque cavere debere, ne absque proprii Parochi licentia alienos Parochianos sibi confiteri volentes, absolvant.

VI.

Sacerdotibus etiam indifferenter, cuicumque velint, confiteri liberum non sit, sed illis tantum, qui juxta Decretum Concilii Trid. Sess. 23. Cap. 15. approbati fuerint, aut judicati idonei.

VII.

Cum Nobis constiterit per Pastores, quod sæpius contingat infirmos, necdum tamen morti proximos, dum confitentur, aperire casus reservatos, (b) (qui omnes in Manuali habentur) v.g. hæreses, homicidia, &c. Et illis petentibus, num expediret in simili occurrentia, illis dare facultatem ab illis absolvendi: ordinamus in hoc casu, ut Pastores ad Nos scribant: si tamen subsit aliquod periculum mortis; absolvant similes infirmos, etiam a reservatis, sed in casum reconvalescentiæ debebunt ad Nos rescribere, & facultatem absolvendi a reservatis impetrare, & qui fuit infirmus, de novo confiteatur.

VIII.

Quod in 2. Cap. Synodi Provincialis Prælati concessum legitur, ut suis subditis Confessarios deputare possint: ad

(f) Vid. Synod. an. 1574.

(g) Vid. Synod. an. 1574. & 1600.

(b) Vid. Synod. an. 1574. hic & 1600. de Casibus reservat.

ad Abbatissas & alias Sanctimonialium Præfectas trahendum non esse, declaramus: eorum Nobis deputationem reservantes.

IX.

Quoad subscriptionem Decani Christianitatis loci in licentiis audiendi confessiones, & prædicandi Sacerdotum, ac Religiosorum, cujuscumque Ordinis, de qua Decani conquesti sunt, plures eorundem (ut dicunt) habere licentiam verbalem, non in scriptis, signanter Patres Societatis JESU. Ordinamus, ut omnes in scriptis obtineant & accipiant licentias suas juxta Synodum Cameracensem 2. Tit. de Sacram. Penitentia, & ad eum finem mandamus, ut Secretarius habeat exemplaria parata impressa, sine quarum licentiarum a Nobis, aut Prædecessoribus nostris in scriptis obtentorum prævie facienda ostensione, præcipimus & mandamus omnibus & singulis Decanis, Pastoribus, Ecclesiarum Rectoribus, & quorumcumque Regularium Superioribus Nobis subditis, sub obedientia Nobis debita, ut neminem, cujuscumque qualitatis, dignitatis aut auctoritatis fuerit, Sæcularem seu Religiosum, etiam Societatis JESU Presbyterum, in suis Ecclesiis aut Monasteriis ad audiendum Confessiones & verbum Dei prædicandum admittant, etiam si alias in dictis Ecclesiis, ac locis hætenus confessiones audire aut concionari soliti fuerint: contravenientes Curiae nostrae denunciari, & severe puniri mandantes.

X.

Mandamus etiam & ordinamus innovando Statuta antiqua, ne amplius ullus Confessoriorum audiat confessiones, præsertim mulierum, extra sedem confessionalem, & sine cancellis, & ut ubi non sunt, sedilia curentur extrui.

XI.

Ad obviandum abusibus, qui sæpius committuntur per Presbyteros sæculares, etiam eos, qui admissi sunt ad audiendas confessiones, & dimissa vel amissa conditione Capellani, aut alias, nihilominus continuant in audiendis confessionibus: quia de eorum admisione, approbatione & licentia interdum contingit dubitari: Ordinamus

Tomus IX. Concilior. German.

omnibus Decanis Christianitatis nostrae Diœcesis, ut singuli assumptis duobus Pastoribus, quos judicaverint expedire, singulis annis convocent omnes & singulos Clericos & Presbyteros suorum Districtuum, & eorum nomina scripto committant, cum expressione & adjunctione approbationum suarum & licentiarum, nec non testimonio vitæ, quæ omnia in ordine posita Nobis transmittent, serioque advigilent, ne ex alia Diœcesi venientes & dimissi, in nostra irreperant & commorentur.

TITULUS VIII.

De Sacramento Eucharistiæ.

CAPUT I.

Diligenter observentur, quæ hoc Titulo habentur in Concilio secundo Cameracensi, sub Illustrissimo Domino BERLAIMONT, & novo nostro Manuali.

II.

Cum ad infirmos deferretur Eucharistia, moneantur parentes seu vicini ejus, ad quem deferretur, ut accensis tedis (si quas habent) Venerabile Sacramentum comitentur, & ut magis ad hoc incitentur, de potestate Nobis concessa quadraginta dies Indulgentiarum, singulis, qui illud comitantur, elargimur.

III.

Diebus solemnioribus in illis Parochiis, ubi est major populi frequentia, volumus, ut saltem unus Sacerdos constituatur, qui continue à mane usque ad meridiem petentibus Eucharistiam administret, sacra Hostiæ, quæ pro infirmorum viatico præparatæ sunt, fidei custodia conserventur, & per Parochos singulis mensibus renoventur.

IV.

Et quia advertimus in aliquibus, etiam Collegiatis Ecclesiis contra omnem decentiam ac reverentiam promiscue in Sacellis & Altaribus Laicos per Presbyteros celebrantes communicari, eosdemque Laicos subministrare ac præbere Hostias consecrandas, etiam incepto Sacro ac sæpius oblatione facta; unde nonnumquam ipsi Celebrantes perturbantur, & Communiones fiunt

Kkkk absque

absque debita devotione, subindeque numerus Hostiarum non sufficit sese offerentibus. Inhibemus omnibus & singulis Sacerdotibus, ne imposterum facile & promiscue taliter communicare volentes admittant, & Hostias etiam præsentatas consecrent, mandantes, in Altari seu Capella particulari ad hoc assignata sufficientes Hostias consecratas asservari, ibidemque publice Communionem distribui.

V.

Declaramus etiam famulos, famulas & convictores sæculares Monasteriorum exemptorum & Hospitalium, obligari in sua Parochia in Paschate communicare, nisi exhibeant privilegium, quod sit in usu.

VI.

Et cum ob nimis frequentes supplicationes cum Sanctissimo Eucharistiæ Sacramento, contingat reverentiam & venerationem tanto Sacramento debitas nimia assiduitate diminui. Inhibemus omnibus nostræ Diocesis Pastoribus & animarum Rectoribus, ne hujusmodi processiones imposterum celebrent, nisi in prima Dominica cujusque mensis, & in Missa solemni de Sanctissimæ Eucharistiæ Sacramento, aut aliis diebus per Nos pro tempore describendis.

VII.

Denique conformiter ad literas D. STRAVII, Nunciaturæ Apostolicæ Administratoris, auctoritate etiam Apostolica mandamus, ut Presbyteri omnes, tam Sæculares, quam Regulares, præsertim exempti, insequendo sacros Canones & antiquam consuetudinem, laudabilesque ritus, ultimam Missam meridie, aut paulo post finiant.

VIII.

Similiter prohibemus, ne Augustissimum Eucharistiæ Sacramentum ulli Sacerdotes, etiam Religiosi qualitercumque exempti, clam & occulte sub veste, ad ægrotos, seu ad filios, seu filias suas spirituales ullatenus deferre præsumant, nisi ex urgenti & justa causa per Nos super hoc expresse in scriptis fuerit dispensatum.

TITULUS IX.

De Sacramento Ordinis.

CAPUT I.

Diligenter etiam observentur, quæ in Concilio Cameracensi hic ordinata sunt.

II.

Imprimis statuendum duximus, ut quisquis post hac ad sacrum Subdiacnatus Ordinem & alios promoveri voluerit, tempore competenti ad subeundum examen, (a quo neminem cujuscumque status aut conditionis eximi volumus) paratus adsit adferens secum testimonium Decani Christianitatis, Parochi, & aliorum, apud quos majorem vitæ partem, ordinandus exegit cum testimonio ætatis, bannorum proclamationis & ministrationis in Ordine.

III.

Insuper ordinamus Vicariis & Officiariis nostris, ut Tituli Ordinandorum bene discutiantur, ne fictis aut emendicatis titulis promoti, cogantur in grave Ordinis Clericalis dedecus, aut stipem hostiatim emendicare, aut (quod dolendum est) Sacrosanctum Missæ Sacrificium quasi venale facere.

IV.

Ad Primitiarum solemnia infra quadraginta dies a susceptis Ordinibus, Presbyteros teneri palam sit, & luxus procul exulabunt. (i)

V.

Statuimus etiam, ut quando aliquis fuerit promotus ad sacrum Presbyteratus Ordinem, Pastor loci eum moneat & mander tempestive, ut Primitias non celebret, antequam se apud Decanum Christianitatis, seu ab eo deputandum cæremonias usus Romani probe nosse docuerit.

TITULUS X.

De Sacramento Matrimonii.

CAPUT I.

Præter ea, quæ in Manuali nostro fuerunt circa hoc Sacramentum ordinata, quæ diligenter a Pastoribus legi & observari præcipimus, mandamus

(i) Vid. Synod. Tornac. an. 1574. cap. 4. de Ordine.

mus etiam, ne Parochus ullum ante Matrimonio conjungere audeat, quam tribus proclamationibus tribus festivis diebus, a Synodo per Diocesim nostram observari præceptis, (k) die semper intermedio, infra Missarum solemnitas factis & editis, atque die post tertiam publicationem interposita: nisi causa cognita, aliter fuerit dispensatum.

II.

Et quod attinet ad bannorum proclamationes, eas fieri volumus tam in Parochia, ubi personæ annos nobiles vel viduitatis transegerint, quam in loco, ubi contraxerint Sponsalia, ut fraudibus omnibus & imposturis obviatur.

III.

Ordinamus etiam, ut in dispensationibus matrimonialibus, super tempore clauso, bannorum proclamatione, diversitate Diocesum & Parochianorum non expediantur literæ, nisi prius visa attestazione, Pastorum utriusque contrahere volentium; & inferatur in literis clausula, ut dispensatio hujusmodi prius Pastoribus utrimque ostendatur, & Parochus non præsumat procedere ad Matrimonii solemnizationem, nisi auditis utrimque parentibus contrahentium, aut si non sint, duobus saltem proximioribus amicis aut consanguineis, qui jurent nullum inter dispensatos canonicum subesse impedimentum, juxta stylum hujus Diocesis antiquum.

IV.

Quæ ordinatio exacte jubetur observari, & mandatur, ut clausula semper inferatur dispensationibus, ut sint præsentibus parentes, vel, iis deficientibus, proximiores amici consanguinei, qui jurent, ut sup. & etiam si clausula illa esset fortuito aut inconsiderate omissa & non inserta, tamen Pastores non procedant ad Matrimonii solemnizationem, nisi auditis parentibus, aut duobus consanguineis aut amicis; simulque ne solemnizent Matrimonia post prandium, vesperi vel de nocte, ut honos debitus Sacramento confer-

vetur, nisi ob causas graves a Nobis aliter expediat ordinari.

V.

Favore tamen proles superstitis, nulla proclamatione facta, in duorum testium præsentia, concubinam cum viro non sine periculo mortis ægrotante Parochus Matrimonio conjungere poterit, (l) ea etiam cautela, ut si postea convaluerit, proclamationes rite fiant.

VI.

Nomina Matrimonio junctorum, nec non testium præsentium, dies & locus contracti Matrimonii in registro ad id specialiter ordinato per Parochos describantur. (m)

TITULUS XI.

De Sacramento Extremæ Unionis.

CAPUT I.

QUoad hoc Sacramentum nihil hic statuendum duximus, sed ut diligenter legantur & observentur ea, quæ in nostro Manuali ordinata sunt.

TITULUS XII.

De Sepulturis.

CAPUT I.

CORpora Fidelium defunctorum ex domibus mortuariis per plateas ad locum sepulturæ non deferantur sine Sacerdote & Custode ut minimum assistentibus. (n)

II.

Et quia in pluribus nostræ Diocesis partibus subinde graves oriuntur difficultates super jure taxæ exequiarum: Pastoribus conquerentibus, sibi pro ratione præsentium temporum, durum esse & quasi impossibile taxæ antiquæ bonæ memoriæ Reverendissimi Domini VENDUILLII Episc. Tornac. se conformando, pro status sui decencia posse vivere; Parochianis ex altera parte plus solvere recusantibus. Nos habita præsentium temporum consideratione, auctoritate nostra ordinaria taxam

(k) Vid. Conc. Prov. Cam. an. 1586.

(m) Vid. cap. 8. an. 1600. ibid.

Tomus IX. Concilior. German.

(l) Vid. cap. 7. Synod. an. 1574.

(n) Vid. cap. 1. Synod. a. 1574.

taxam sequentem ordinavimus, eamque in his partibus, ubi Pastores circa illam difficultatem patiuntur, observari mandavimus, nimirum:

III.

Pro omnino pauperibus, & qui vixerunt aut participarunt de mensa pauperum, nec habent, unde solvant, Pastor recipiet ex bonis mensæ pauperum — viginti asses. Pro aliis pauperibus — triginta asses. Pro mediocribus — tres florenos. Pro divitibus — sex florenos. Pro opulentis & nobilibus — decem florenos.

IV.

Declarantes mentem nostram non esse per huiusmodi nostram novam taxam tollere laudabilem consuetudinem plus recipiendi, sed illam continuari volumus: sicut etiam per eandem non intendimus augere salarium seu jus Capellanorum & Custodum, sed dumtaxat ipsius Pastoris; mandantes iisdem Capellanis & Custodibus, ut jus & salarium antiquum non excedant, donec & quoad usque aliter per Nos fuerit ordinatum.

V.

Cum aliquando querelas & difficultates oriri contingat, quando Parochiani morientes, alibi, quam in sua Parochia sepulturam elegerunt, mandamus dicto casu in tota Dicecesi nostra modum hunc uniformem observari, ut scilicet Parochi, vel Presbyteri faculares alterius Parochiæ, atque etiam Regulares, cujuscunque Ordinis existant, non præsumant levare cadavera e domo mortuaria, proprio Parocho irrequisito, sed teneantur dicti Presbyteri sive Sæculares, sive Regulares primo ad Ecclesiam Parochialem defuncti accedere, ibidemque convenire, & inde simul cum Parocho & Clerico ad domum, ex qua cadaver deferendum est, sese conferre, illudque primo deferre in Ecclesiam suam Parochialem ad benedictionem & ultimum vale a Parocho recipiendum.

VI.

Qua benedictione ibidem accepta, ita demum huiusmodi cadavera comitantibus Parocho & Clero ejusdem

Ecclesiæ Parochialis, simulque aliis Presbyteris seu Sæcularibus, seu Regularibus ad locum electæ sepulturæ deferri præcipimus, nisi in ipsa Ecclesia parochiali non tantum benedictio danda sit, sed etiam inibi exequiæ super cadaveribus celebrandæ, quo casu volumus illas ita tempestive ibidem fieri, ut nullum inde incommodum, nullaque retardatio sequatur quoad faciendam sepulturam, sive etiam quoad ipsas exequias, in loco sepulturæ celebrandas.

VII.

Quod si vero super cadaveribus ipso die sepulturæ non celebrentur exequiæ, sed ex differantur, declaramus solemniores exequias prius in Ecclesia propria parochiali fieri debere, antequam ullæ possint celebrari in loco electæ alibi sepulturæ.

VIII.

Si autem proprius Parochus a Presbyteris sæcularibus vel Regularibus monitus & requisitus, ac sufficienter in Ecclesia sua parochiali expectatus recuset, aut plus æquo differat venire, liberum sit iisdem Presbyteris sæcularibus vel Regularibus, apud quos electa est sepultura, sese ad domum mortuariam conferre, & ex ea cadavera levare, eaque recto tramite ad suas Ecclesias, etiam ipso proprio Parocho invito, deferre.

IX.

Quæ omnia ex mente, & resolutionibus Sacre Congregationis Rituum Curie Romanæ observanda esse decernimus, non obstantibus usibus in contrarium, omnibusque aliis, quæ eadem Sacra Congregatio voluit, non obstare, non intendimus tamen per hoc innovare aut infirmare concordias, aut transactiones speciales in nonnullis locis desuper factas, & initas, & a Nobis, seu Prædecessoribus nostris approbatas & confirmatas.

TITULUS XIII.

De Decimis & Oblationibus.

CAPUT I.

Serventur imprimis, quæ de his in prima & secunda Cameracensibus Synodis ordinata sunt.

II.

Et cum intelligamus, Pastores non satisfacere suo officio, non denunciantes tempore messis juxta morem antiquum populo, quod sint obligati solvere Decimas sub pœna excommunicationis juxta Synodum Provincialem Camer. Ordinamus dictis Pastoribus, ut in suggestu annuncient populo, quod Decimas solvere teneantur sub pœna excommunicationis, (o) & imprimatur Constitutio dictæ Synodi tam Gallico, quam Flandrico idiomate, & valvis parochialium Ecclesiarum singulis annis tempore messis affigatur.

III.

Quoad gazophylacia, sive truncos, ut vocant, oblationum, clavis una sit penes Pastorem, alia penes Ædituos, ut administratio eorum fiat communi manu, & non per solos Laicos. (p)

TITULUS XIV.

De recta bonorum Ecclesiasticorum administratione.

CAPUT I.

Imprimis mandamus universis Beneficiatis nostræ Diœcesis, ut singuli librum manuales habeant, in quo annuam solutionem terrarum, seu bonorum ad sua Beneficia spectantium ita signent cum particulari designatione locorum, ubi bona hujusmodi sita sunt, ut ex eodem libro manuali legitima possessio successu temporis probari possit, & illi libri quotannis a Decanis, aut jus visitationis habentibus visitentur, & mortuo Beneficiato e domo mortuaria auferantur, & Successoribus in Beneficio gratis relinquuntur.

II.

Item, ut singuli Beneficiati in ademptione sui Beneficii ultra juramentum huc usque præstari solitum, (q) jurent etiam se intra primum annum inventarium omnium bonorum suorum Beneficiorum in manibus Decani Christianitatis loci daturus, qui Decani invigilent, ut omnes, qui fuerunt defunctuosi temporibus præteritis, ad id fa-

ciendum (si opus sit) etiam via juris compellantur.

III.

Cum intelligamus plures Pastores conqueri, quod aliqui Baillivi soli servant clavem cistæ, sive gazophylacii, quæ unica tantum est, ubi recluduntur chartæ & computus Ecclesiæ, eosque visitent infœciis Pastoribus. Ordinamus servari Statuta desuper alias facta, ut sint duæ claves, una pro Pastore, altera pro Baillivo, aut Ædituis, qui non possint cistam aperire & visitare sine mutuo consensu.

IV.

Volentes etiam aliquorum Pastorum & Beneficiorum nostræ Diœcesis comprimere audaciam, in excidendis sine prævio nostro consensu in scriptis obtento arboribus, in fundis curæ & Beneficii sui excretis, innovamus prohibitiones antea sæpius per Nos repetitas, & eisdem pœnam arbitrariam injungimus.

V.

Ne computus Ecclesiarum, piorumque locorum, qui quotannis reddi debent, omittantur, vel in longum tempus differantur, Pastores Nobis denuncient, si Ecclesiarum Æditui redditionem rationum distulerint ultra duos menses ab eo die, quo reddi consueverunt: idem fiat de bonis pauperum.

VI.

Ut autem piæ testatorum voluntates plene executioni mandentur, diligenter observentur, quæ hac de re in 2. Cameracensi Synodo *hoc Tit. Cap. 16.* ordinata sunt.

VII.

Parochi quoque nostri legatorum ad pias causas factorum diligentem curam habeant, sic ut ante finem anni piis testatorum voluntatibus hac in re fiat factis.

TITULUS XV.

De Clericis in genere.

CAPUT I.

Omnibus Clericis Nobis subditis in virtute sanctæ obedientiæ mandamus,

Kkk k 3

(o) Decretal. lib. 3. tit. 30.

(q) Vid. Synod. an. 1600. cap. 2.

(p) Vid. cap. 2. Synod. an. 1600.

damus, ne in domibus suis concubinas aut alias mulieres suspectas ætate aut moribus retineant; alioquin contra delinquentes per irrogationem pœnæ a Concil. Trid. statutæ sine ulla dissimulatione procedemus. Decanos, Promotoresque nostros, ut sedulo circa hæc invigilent, admonemus.

II.

Quod etiam ad Clericos ebriosos & crapulæ deditos volumus extendi, & injungimus Officiali nostro, ut contra eosdem pœnis, quibus supra, procedat.

III.

Injungimus etiam Pastoribus & aliis quibuscumque Sacerdotibus, aut in Sacris constitutis & Beneficiatis, ne edendi vel bibendi causa tabernas ingrediantur, (r) nisi profectionis necessitate fuerint compulsi. Alioquin pro prima vice solvent sex florenos, secunda duplum, tertia vice plectentur pœna carceris, & sæpius recidivi tanquam incorrigibiles punientur, ne etiam sub eadem pœna computus Ecclesiarum in taberna reddantur, & quandoquidem Ecclesiasticus Ordo maximo pere postulet, immo nunquam satis Clericis inculcari possit, ut cum vitæ, morumque integritate, illorum externus habitus congruat, omnes Clericos, præsertim Sacris initiatos, & maxime Sacerdotes, cujuscumque conditionis existant, juxta Decreta Sacros. Concilii Trid. & Prædecessorum nostrorum repetitas Constitutiones Synodales serio monemus, ut vestium gravitate & honestate a Laicis semper distinguantur, in eumque finem Decretum præfati Concil. Trid. Sess. 14. Cap. 6. legi, & strictè observari præcipimus.

IV.

Juxta quam Constitutionem (s) mandamus, ut vestes Clericorum illius sint longitudinis, ut ad talos usque diffundantur, quamquam interior poterit esse ad tibiam medium, itineris vero causa licet sint breviores, omnino tamen sint infra genua.

V.

Monemus etiam omnes Ecclesiasticos, quatenus abstineant ab usu ta-

baci, maxime in publico seu consortio Sæcularium, sub pœna arbitraria.

VI.

Quod si vero eo temeritatis & irreverentiæ devenerint, ut ante celebrationem tremendi Missæ Sacrificii, seu alterius Sacramenti administrationem illud sumere non erubuerint, mandamus omnibus illud videntibus seu scientibus, ut eosdem sine mora ad Curiam nostram deferant & denuncient, severe pro gravitate tantæ irreverentiæ puniendos: alias contra ipsos, tanquam conniventes, procedi ordinamus.

VII.

Nemo in sacris Ordinibus constitutus barbam gestet alacam, insuper quilibet Sacerdos superius labrum ita semper rescissum habeat, ut Sanguinem Christi sumpturo non sit impedimento.

VIII.

Non decet Clericos in sacris Ordinibus constitutos, præsertim Sacerdotes, ad pſtacum vel ad scopum jaculari, aut in locis publicis ludere pila palmaria. Ideo quilibet deinceps ab iis abstinebit, sub pœna arbitraria.

IX.

Nemo exorcizare præsumat sine licentia nostra in scriptis præobtentâ. Ita quoque admissus, non aliter sceminis exorcismum adhibebit, quam in præsentia duarum personarum probatæ fidei, nec aliis exorcismis unquam utetur, quam qui in Pastoralis Tornacensi continentur, sine speciali nostra licentia.

X.

Prohibemus etiam, ne quis in Dicecesi binare præsumat sine nostra licentia, aut saltem si subita necessitas tantam moram, ut ea haberi possit, non patiatur, sine expressa licentia Decani Christianitatis, cum causæ cognitione.

TITULUS XVI.

De Episcopis.

CAPUT I.

Quæ de Episcopis Synodus Trid. pro Ecclesiæ collapsæ reformatione salubriter statuit & ordinavit,

(r) Vid. Synod. an. 1600. Tit. 16. cap. 10.

(s) Cap. 11. Tit. 16. Synod. an. 1600.

vit, similiter quæ hoc Titulo in Synodo Cameracensi decreta sunt, hic repetenda & renovanda non duximus, similiter de Capitulis, quæ in eadem Synodo decreta sunt, diligenter observentur.

TITULUS XVII.

De Pastoribus, Decanis & Custodibus.

CAPUT I.

Singuli Pastorum in proxima visitatione Decani exhibebunt ei Biblia sacra, Concilia, Tridentinum, utrumque Provinciale, & novissimam hanc Diocesanam Ordinationem cum proprii nominis & cognominis ascriptione in prima pagina.

II.

Pastores ad administranda Sacramenta vocati promptos se exhibere non tudent, graviter alioquin puniendi, gravissime vero, si quem ipsorum negligentia sine Baptismo, Confessione, sacro Viatico, aut Extrema Unctione ex hac vita migrare contigerit.

III.

Et quia subinde Parochiani ob non præsentiam seu impedimenta Pastorum, vix audeant diebus Dominicis & Festivis interpellare, ad excipiendas Confessiones aut dandam Sacram Communionem: mandamus & ordinamus omnibus Pastoribus, & locum tenentibus, ac aliis ad audiendas confessiones & Sacramenta administranda per Nos deputatis, ut diebus Dominicis & Festivis compareant in Ecclesiis ad minus media vel hora integra aut amplius juxta populi devotionem, antequam inchoent Missam Parochialem, ut si qui desiderent recipere hujusmodi Sacramenta, facilem accessum reperiant, nec propter ipsorum incuriam devotio plurimorum refrigescat.

IV.

Monemus etiam Pastores, & alios, quibus incumbet cura animarum, (†) ut Medicos & Doctores requirant & hortentur, quatenus dum visitant in-

firmos, eosque deprehendunt, aliquo usque de vita periclitari, ipsos ægrotos seu domesticos, & ad minus Pastores de hujusmodi periculo certiores, ut tempestive per Pœnitentiæ, Eucharistiæ & Extremæ Unctionis Sacramenta, salutis animarum provideatur; conformiter ad intentionem Bullæ PII V. de data 8. Martii 1566. editæ, circa ea, quæ Medici tenentur observare in curatione ægrotorum.

V.

Quilibet Pastor serio advigilabit circa Obstetricem suæ Parochiæ, an scilicet materiam & formam Baptismi probe norit, & ignorantem debite instruet.

VI.

Et ut Venerabili Sacramento debitus honor servetur, & secundum piam intentionem Serenissimorum Principum ALBERTI & ISABELLÆ gloriose memoriæ, in omnibus Ecclesiis ante illud lampas saltem de die accendatur, committimus Pastoribus locorum, ut pro illius observatione conveniant cum Custodibus suarum Ecclesiarum, eisque certam mercedem solvendam ex bonis fabricæ assignent.

VII.

Prohibemus Pastoribus sub pœna duarum librarum grossorum, ne aliquos Sacerdotes, etiam hujus Diœcesis ex una Ecclesia migrantes, in eorum Ecclesiis recipiant, ad celebrandum Missæ Officium, aut aliquod Sacramentum administrandum, nisi visis nostris literis, neque etiam Custodes ignotis subministrant ornamenta.

VIII.

Transeuntes vero per viam Sacerdotes celebrare petentes, servata super hoc Sacri Conc. Trid. Sanctione per Parochos nostros admitti possunt.

IX.

Advigilabunt etiam Pastores diligenter, ne circumforanei isti vendant libros, & si quos deprehenderint, capiant, ad hoc etiam, si opus sit, invocato brachio sæculari.

X.

(†) Decret. Greg. I. 5. tit. 38. cap. 23. Edict. Reg. super hoc.

Vid. Synod. an. 1366. c. 3. n. 32. Vid. etiam

X.

Et quoniam ad Nos pervenit, diversis in locis hujus Dicecesis Dominicis & Festis diebus Vesperas ante prandium cantari, non sine multorum offensiculo, ne id deinceps fiat, strictissime prohibemus.

XI.

Nemo, etiam extraneus, fidelium elemosynis e suggestu commendetur sine consensu nostro, seu Vicariatus nostri in scriptis.

XII.

Volumus etiam & mandamus omnibus nostræ Dicecesis Pastoribus, Presbyteris, ac quorumcumque Ecclesiarum, etiam Collegiatarum Canonicis, ut juxta morem hætenus in Ecclesia nostra Cathedrali, & alibi observatum, in Missa oblationes recipiantur a populo, antequam offeratur Hostia, & dicatur Oratio: *Suscipe sancte Pater*, &c. ut videlicet oblationes populi una cum hostia Deo offerantur.

XIII.

Ut vero Decretis Sacros. Concilii Trid. de frequentandis Ecclesiis Parochialibus satisficiamus, (u) mandamus omnibus & singulis nostræ Dicecesis Pastoribus, aliisque verbi Dei præconibus, etiam quomodolibet exemptis, ut nostro nomine sæpius moneant populum Missam ac concionem, in Ecclesia sua Parochiali, dum commode fieri poterit, & ad minus diebus Dominicis & Festivis frequentare teneri.

XIV.

Cui præcepto ut tanto promptius, tantoque commodius obediatur, (x) & ne per ullos Regulares, etiam Patres Societatis JESU ullum in eo observando obstaculum fiat, providere volentes: serio inhibemus omnibus & singulis cujuscumque Ordinis Regularibus, ne imposterum in eorum Ecclesiis, seu Oratoriis, aut aliis locis privatis diebus Dominicis & Festivis sub horam concionis aut Missæ Parochialis, ulla congregationes aut sodalitates virorum aut juvenum non scholarium,

quocumque nomine & titulo nuncupentur, habeant & celebrent, sed eas post meridiem extra tempus Divini Officii in Ecclesia parochiali celebrandi, differri & haberi volumus.

XV.

De novo etiam mandamus serio omnibus nostræ Dicecesis Pastoribus, ut sint accurati & diligentes in observandis registris, & in iis annotandis per seipsos solos, non alios, nominibus Baptizatorum cum expressione utriusque parentis, sive sint de legitimo Matrimonio, sive de illegitimo thoro, nec non suscipientium: item Matrimonio junctorum & testium, idque sub pœna arbitraria.

XVI.

Ordinantes insuper sub simili pœna, etiam ubi id hætenus non fuit in usu, ut conficiant registrum particulare, in quo ipfimet, & non alii, annotent nomina singulorum, qui infra limites Parochiæ ejusque discedent.

XVII.

Quæ registra vetamus confidi Custodibus, Fossariis, aut aliis, & si forte baptizentur aliqui per Capellanos, aut alios Sacerdotes de licentia Pastorum, aut in ipsorum absentia, tenebuntur Pastores requirere nomina singulorum, eademque in dictis registris annotare cum omnibus circumstantiis supra requisitis. Dicta etiam registra per Decanos diligenter volumus visitari, per eosque defectuosos Pastores in observatione eorumdem deferri.

XVIII.

Ordinamus etiam omnibus & singulis Pastoribus, ut ædes suas Pastorales inhabitent, ne (quod plerumque contingit) illæ destruantur, & si qui gratiam illas non inhabitandi habeant, curent illam renovari, propositis causis in Vicariatu, prima quaque data opportunitate.

XIX.

Mandamus etiam omnibus nostræ Dicecesis Pastoribus, aliisque Beneficiatis, quatenus pro conservatione ju-

rium,

(u) Missa Parochialis. Vid. Synod. an. 1366. c. 3. n. 38.

(x) De frequentatione Parochiæ ad Missam solemnem, agitur de Consec. dist. 1. c. 52. ex S. Aug. quod vide.

rium, reddituum, proventuum, & quorumlibet fructuum ad curam suam Pastoralem, seu Beneficium spectantium juridice, & in forma probante, seu vidimus, renovari curent foundationes, cartularia, registra, libros, seu rapportus, aliosque titulos, quos penes se habent, quibus dicta jura, redditus, proventus, & fructus quomodolibet probari possunt; Decanis vero invigilare præcipimus, ut dictas foundationes, registra, libros, cartularia, seu rapportus, adveniente morte alicujus Curati, aut alterius sui districtus Beneficiati, in domo mortuaria diligenter inquirent, & sibi reservent tradenda legitimis Successoribus in dicta Cura, seu Beneficio.

XX.

Prout etiam iisdem Decanis injungimus, ut adveniente morte alicujus Pastoris, omnino advigilent, ut Successori tradantur registra Baptifatorum & Matrimonio junctorum in sua Parochia, procurentque, ut eadem juxta Edictum perperuum suarum Celsitudinum gloriose memorie ALBERTI & ISABELLE de anno 1611. expensis Ecclesie renoventur, & in Archivis conserventur.

XXI.

Renovamus Statutum in Synodo Reverendissimi D'ESNE a. 1600. per quod præcipitur, ut nulli alii deferant sacra Olea, nisi Pastores, aut aliquis Sacerdos, & compareant in Ecclesia parochiali, ubi Decanus residet, feria 4. post Pascha, sub pena 30. stuferorum.

XXII.

Pastores, ne ultra triduum a suis Parochiis absint, non habita a suis Decanis Christianitatis licentia, sub pena arbitraria, quam licentiam Decani ultra sex dies concedere non possint.

XXIII.

Insuper animadvertentes paulatim magis magisque invalescere detestabilem impietatem quorundam, qui altis nominibus, ut vocant, abutuntur, ea secum deferendo in scriptis, aut notis, & characteribus, contra ictus pugionum, gladiorum, aut alias, mandamus omnibus & singulis Pastoribus, ut sæpe

eam impietatem a diabolo, ad animas illaqueandum sub prætextu pietatis introductam, in concionibus damnent, & tanquam continentem pactum saltem implicitum cum dæmone, fugiendam esse annuncient, & contra eos, qui hujusmodi alta nomina distribuunt, aut portant, serio inquirent, & Curie nostræ spirituali deferant, exemplariter puniendos: declarantes tales Ecclesiastica carere debere sepultura.

XXIV.

Juramentum, quod quisque Parochus post institutionem vel collationem sibi factam præstare tenebitur in manibus nostris, vel Vicarii nostri Generalis, vel a Nobis deputandi, formula hæc observetur: (9)

Ego N. accepturus institutionem & possessionem Parochialis Ecclesie N. juro & promitto obedientiam, reverentiam, & honorem Sedi Apostolicæ Romanæ, ac Episcopo Tornacensi, & ejus Successoribus, juro & promitto fideliter dictæ Ecclesie deservire, secundum oneris illi annexi exigentiam: Non alienabo aut distrabam, vel in emphyteusim concedam Ecclesiam meam bonam: & quæ alienata aut distracta cognovero, quantum in me erit, fideliter recuperare studebo. Fructus anni, in quo me mori, aut meam Ecclesiam dimittere continget, subijcio & obligo, ad laudabilem deserturam usque ad festum Nativitatis Sancti Joannis mortem meam, aut dimissionem proximè secuturam. Sic me DEUS adjuvet, & omnes Sancti ejus.

XXV.

Quoad Custodes diligenter observentur, quæ Cap. 8. 2. Synodi Camer. super eo ordinata sunt.

XXVI.

Quia indecens videtur viros conjugatos Clerici seu Custodis officio in Ecclesiis Parochialibus saltem in Civitate & oppidis defungi, auctoritate nostra ordinaria mandamus, decernimus & ordinamus, ut imposterum nulli conjugati ad hujusmodi officium exercendum saltem in oppido admittantur, eosdemque tenore præsentium ad hujusmodi custodias obtinendas & exercendas generaliter incapaces & inhabiles

(9) Juramentum Pastoris instituendi.
Tomus IX. Concilior. German.

habiles declaramus. Desiderantes, ut ad hujusmodi custodiarum provisiones non solum cœlibes, cum animo perpetuo clericandi, sed etiam illi, qui ad sacros majores, etiam Presbyteratus, Ordines promoti sunt, aut promoveri intendunt, assumantur; quod etiam in ipsis pagis, quantum fieri poterit, praticari volumus, inhibentes Custodibus conjugatis jam existentibus & deservientibus usum capparum, sub pœna unius floreni.

XXVII.

Inter alia vero renovamus & de novo inhibemus omnibus Ecclesiarum Parochialium & succursuum nostræ Diœcesis Custodibus, ne sese ingerere præsumant exercitio suarum custodiarum seu matriculariarum, etiam a Laicis & Dominis temporalibus, aut aliis quibuscumque etiam Ecclesiasticis collatarum; antequam sese Nobis, aut Vicariatu nostro præsentaverint, exhibuerintque literas tonsuræ, & legitimæ provisionis, & iis visis, & confecto, eos requisitas habere qualitates, ac nullum eis Canonicum impedimentum obstare, obtinuerint a Nobis, seu Vicariatu nostro gratiam hujusmodi custodias exercendi, eaque obtenta, in manibus Decani Christianitatis sui strictus præstiterint debitum & solum juramentum fideliter hujusmodi officio deservendi, & notanter Nobis, & suo Parocho obediendi, strictè mandantes Promotori, ut contra refractarios rigore procedat.

XXVIII.

Et ut omnes abusus circa Custodias seu Matricularias penitus tollantur, & officio earundem debite satisfiat. Mandamus omnibus, qui aliquam custodiam in nostra Diœcesi obtinent, ut personaliter eidem deserviant sub pœna privationis, nullatenus tolerare intendentes corruptelam hanc, ut aliqui proventus earundem recipiant, & alium sub parvo stipendio suo loco substituant, injungentes Promotoribus Curiae nostræ, ut desuper invigilent & cirent ad videndum & audiendum sese privari.

XXIX.

Quæ de officio Decanorum Christianitatis *Cap. 12. hujus Tit. & sequentibus* salubriter ordinata sunt in Concil. Camerac. bene observentur.

XXX.

Capitula Pastorum celebrentur bis quotannis in omnibus Decanatibus hujus Diœcesis, (2) primum quidem ante festum Ascensionis, alterum vero paulo post festum S. Remigii; in quibus per unum ex Parochis, quem Decanus elegerit, nostra Statuta, Synodalesque nostræ Constitutiones legantur, & si quos abusus contra has commissos Decanusprehenderit, suos Parochos, recepto a singulis juramento, dictos abusus scripto fideliter tradere compellet: quos postmodum cum sufficienti instructione ad Curiam nostram corrigendos deferat.

XXXI.

Explicando licentias, quas solemus dare Sacerdotibus, etiam Religiosis cujuscumque Ordinis, prædicandi & confessiones audiendi. Resolvimus, quod non intelligamus eis licentiam prædicandi & confessiones audiendi concessisse, nisi Decanus Christianitatis loci expresse subscripserit.

XXXII.

Ordinamus etiam, ut Decani Christianitatis singulis annis inquirent, utrum Pastores suorum respective districtuum solverint reditus Dominiales & jura Cathedralia: ideoque prædicti Decani habeant specificationem onerum uniuscujusque Pastoratus, ac referant Promotori eos, qui solvere prætermittent.

XXXIII.

Insuper inquirent diligenter, an Pastores singulis annis exonerent reditus & Canonem, quibus pro reparatione domuum suarum Pastoralium de nostro consensu bona suorum Pastoratuum gravaverunt, & delinquentes ad Curiam nostram deferant, ut ad dictam exonerationem compellantur.

XXXIV.

Moneant etiam Decani suorum districtuum Pastores, ut citra laudabilem con-

(*) Vid. Synod. Tornac. an. 1600. tit. 19. c. 20.

consuetudinem nihil exigant ratione visitationis ægrotorum & Baptismi, sed omnino Manuali nostræ Diœcesis sese conforment.

XXXV.

Quoniam vero nihil magis rationi consentaneum est, quam in eo loco fieri exonerationem Missarum Beneficiis incumbentium, in quo eadem Beneficia sunt fundata, mandamus & ordinamus omnibus Decanis Christianitatis nostræ Diœcesis, ut omnium Beneficiorum, quorum Missæ non exonantur in loco fundationis, fructus & proventus arrestent.

XXXVI.

Mandamus etiam Decanis juxta antiquam, eamque laudabilem consuetudinem, quam innovamus, ut imposterum quindecim diebus ante celebrationem Synodi nostræ Diœcesanæ, Nobis transmittant puncta in ipsa Synodo per ipsos proponenda, ut ea prævie per Nos in Vicariatu nostro examinari valeant.

XXXVII.

Cæterum Decanos Christianitatis instanter monemus, ut præsentium Synodaliū nostrarum observantiam cordi habeant, easque a Pastoribus sui districtus nullatenus negligi patiantur, & serio invigilent, ut Pastores teneant Fontes baptismales sub clausura, prout etiam Sanctissimum Eucharistiæ Sacramentum, ejus Tabernaculum intus & foris decenter volumus esse mundatum & ornatum; inhibentes, ne claves patiantur esse in potestate Custodum, sub pœna trium libellarum Parisiensium.

XXXVIII.

Ordinamus ad majorem confirmationem juris, quod habemus in fructibus vacantibus tam Parochialium Ecclesiarum, quam aliorum Beneficiorum nostræ Diœcesis, & mandamus omnibus Decanis Christianitatis, ut notificata Nobis vacatione Beneficiorum hujusmodi statim fructus eorumdem arrestari curent, & arrestent, nec arrestum levent, quousque de Beneficiis præfatis legitime provisum fuerit, pacifica possessione eorumdem subsecuta, in Parochialibus vero Ecclesiis tamdiu

Tomus IX. Concilior. German.

arrestent, servantque quousque & de nostra institutione ac fructuum remissione in scriptis obrenta sibi debite constiterit.

TITULUS XVIII.

De Regularibus.

CAPUT I.

Prohibemus Abbatibus, ne patiantur alicui portionem vini anticipari, aut eam, quæ in refectorio propinari solet, pecunia redimi, vel extra refectorium bibendam servari.

II.

Quia Religiosi Ordinum Mendicantium & Patres Societatis JESU, omni tempore, etiam Paschali, excipiunt Sæcularium confessiones, indeque maxima Pastoribus suboritur difficultas, & confusio cognoscendi & deregendi eos, qui præcepto Ecclesiæ de Confessione & Communione paschali in sua Parochia non satisfaciunt: generalibus omnium fere nostræ Diœcesis Pastorum querelis providere cupientes. Insequendo Statuta provincialia sub Illustrissimo Archiep. BERLAYMONT Tit. 8. Cap. 9. Ordinamus, ut omnes Regulares & Patres Societ. JESU scribant nomina eorum, qui durante tempore Paschali apud ipsos confitentur, utque ea Pastoribus tradant in registrum suum conscribenda.

III.

Ad querelam Decanorum, quod Patres Societatis audiant confessiones, & prædicent verbum Dei in Ecclesiis parochialibus, nec exhibeant suam approbationem instar aliorum Religiosorum. Ordinamus, ut imposterum illam exhibeant non secus ac alii Religiosi mendicantes, prout decretum fuit a sacra Congreg. in visitatione liminum super punctis a Nobis transmissis, his verbis:

" Amplissimi Patres, ita responderi
" censuerunt Amplitudini tuæ, Presbyteros Societatis JESU non posse confessiones Sæcularium audire, nisi primum ab Amplitudine tua per examen, aut alias idonei reperti fuerint,
" neque prædicare, etiam in Ecclesiis
" suorum Ordinum, nisi primum ab

LIII 2

Am-

” Amplitudine tua benedictione accepta, in aliis vero Ecclesiis non solum Ordinum, ultra benedictionem etiam licentiam habere teneri.

IV.

Moneant etiam Decani Superiores Monasteriorum Monialium in districtu suo existentium, easdem sub poena suspensionis officii, & dignitatis, teneri Nos monere, non solum uno mense ante professionem, sed etiam antequam aliquam filiam ad vestitionem aut habitum Religionis admittant, ut per Nos, aut Deputatum examinentur filiae ad habitum Religionis, & exinde ad professionem aspirantes, ante crates, ut sic libertati earundem omnino consulatur. Juxta declarationem Sac. Congregat. Card. de data Junii 27. anni 1631.

V.

Et quia clausura Monialium, quae a sacris Canonibus commendatur, ac notanter a Sacrosancto Tridentino Concilio exacte & rigore observari praecipitur, in nonnullis locis per admissionem puellarum pro commensalibus ratione instructionis & doctrinae saepe & graviter violatur, dum dictae puellae promiscue pro libitu saepius sive in hebdomada, sive in mense, tam causa jucunditatis, quam inviscendi parentes, ac alias claustro egrediuntur, & rursus recipiuntur. Ordinamus omnibus & singulis quorumcumque Monasteriorum Religiosarum Monialium Superioribus tam Nobis immediate subiectis, quam etiam exemptis, ut imposterum hujusmodi puellas commensales, non nisi ex causa necessaria claustro egredi permittant, sub poena, quod contra easdem Superiores, tamquam clausurae violatrices, procedi mandabimus.

VI.

Insuper ulterius consulere volentes bono praefatarum Monialium, quas convenit a praefatis puellis commensalibus esse separatas, inquiri mandamus, an dictae puellae commensales sint constitutae, & cubent in parte distante & separata a dormitorio Religiosarum, ad quod legitime exequendum, commitimus & deputamus RR. DD. Archidiaconos nostros, ut quilibet in suo

respective districtu, assumpto secum Decano Christianitatis loci, visitet Monasteria Monialium nostrae Diocesis, idque auctoritate ordinaria circa Nobis immediate subiectas, delegata vero quoad exemptas.

TITULUS XIX.

De Foro, Jurisdictione & Immunitate Ecclesiastica.

CAPUT I.

AD Ecclesiasticam libertatem in totum vindicandam, spectat providere, ne in Ecclesiis, coemeteriis, aut locis sacris merces veniales exponantur, & ne Domini temporales suis edictis subditos iisdem locis congregent. Nec confugientes ad aedem sacram tanquam asylum a Judice laico violenter extrahantur, juxta GREGORII IV. Bullam.

II.

Non posse personas Ecclesiasticas apud alium, quam apud Judicem suum Ecclesiasticum conveniri pro quacunque causa, certi juris est. Quo fit, ut poenis & censuris legitimis omnibus inhibeamus; ne Clericos nostros alibi, quam coram Nobis conveniant, neque se conveniri permittant. Judicesque saeculares monemus, ne in hoc ulla ratione consentiant, alioquin tanquam libertatis Ecclesiasticae effractores sciamus se excommunicationis sententiam incursumos.

III.

Et cum intelligamus, quod paulatim obrepat consuetudo seu potius corruptela, qua satellites Regii praesumunt in causa *Complainte*, (quam vocant) citare partes ad Ecclesias, imo ad Chorum, ubi est Venerabile Sacramentum, & ibi facere placitationes, & ordinationes contra dispositionem sacrorum Canonum & honorem Sacrosanctis Ecclesiis debitum, declaramus hoc non debere, neque posse fieri; mandando omnibus Pastoribus & Custodibus, ne hujusmodi Satellitibus portas Ecclesiarum pro actibus illis juridicis aperiant, nec eosdem introire permittant: non intelligimus tamen inhibere, quin dicti Satellites suas citationes & placitationes

tationes exequi possint ad pedem cœ-
meterii, si locus controversus sit in, vel
juxta Ecclesiam.

IV.

Ut juris est, illegitimos absque dis-
pensatione ad sacros Ordines pertinge-
re non posse, (a) sic Sacris initiati de
bonis suis, præsertim mobilibus, sine
speciali nostra licentiâ in scriptis obten-
ta testamento disponere non posse.

V.

Legitimos vero Clericos in sacris
Ordinibus constitutos de bonis suis tes-
tari posse, eorumque testamenta va-
lere, si modo in Pastoris, Notarii, aut
personæ publicæ, duorumque testium
præsentia confecta reperiantur, hac
nostra Constitutione declaramus: quam-
vis ea quodque testamenta, quæ propria
Testatoris signatura legitime notantur,
ultimæ voluntatis favore non impro-
bemus. Et inter Executores unus
saltem Ecclesiasticus nominetur, alias
authoritate nostra ordinaria a Nobis,
aut Officiali nostro unus Ecclesiasticus
substituatur.

VI.

Nullæ tamen horum voluntates
ultimæ vim & robur testamenti obti-
neant, nisi quæ per patentes Officialis
nostri literas approbatæ sint & roboratæ.

VII.

Nec Executorum testamentario-
rum fidei, vel aliorum per Officiale
nostrum eorum loco surrogandorum,
Testatoris bona prius committantur,
quam ipsi in Decani præsentia de præ-
dictis bonis inventarium fecerint, atque
de debita eorum administratione, se-
cundum Testatoris voluntatem, & in-
fra annum a die obitus de rationibus
reddendis, vocatis pro suo interesse
vocandis, requisitum juramentum præ-
stiterint.

VIII.

Præterea si quis Sacerdotum No-
bis subditorum testamentum non con-
diderit, vel alias de suis bonis non dis-
posuerit, secundum antiquam nostræ
Diocesis consuetudinem, ære alieno
deducto, omnia mobilia tanquam ab
intestato Nobis competant.

IX.

Quæ Concil. Trid. statuit circa

excommunicationis gladium, sobrie &
magna circumspectione exerceatur.

TITULUS XX.

De Usuris.

CAPUT I.

Cum Nobis fuerit relatum, quod
in locis quibusdam, quando ali-
qui Aeditui in redditione suorum com-
putuum remanent debitores cujusdam
summæ, eandem reservent cum obli-
gatione certum censum annuatim pen-
dendi, & insuper capitale quandocum-
que ab illis exigetur, refundendi. De-
claramus id, cum usurarium sit, non
licere, & ne deinceps amplius fiat, pro-
hibemus.

Insequendo Decreta Concilii Tridentini Sess. 24.

Cap. 18. Nominamus pro examine Pastro-
rum: Reverendos DD. Joannem Bapti-
stam Stratum, Decanum Ecclesiæ Cathed-
ralis, Joannem Boucher S. T. D. Archi-
diaconum Tornac., Adrianum Lamoral-
dum Villani a Gandavo, Thesaurarium,
Joannem Schelpin S. T. L. Andreæ Ca-
tulle J. U. L. Thomam Massin J. U. D.
Georgium Stalins S. T. L. Penitentiarium,
Lamoraldu Becquet, Joannem Ernestum
Nieulant, Archidiaconum Flandriæ, J. U. L.
Matthiam Novæum S. T. D. Petrum Ma-
siveel, Officialem, J. U. L. præfatæ Eccle-
siæ Cathedralis Canonicos, Nicolaum Lam-
berti S. T. L. Insulensis, Cornelium vanden
Eynde, & Leonardum Schaerts Cortraenen,
Christianitatis Decanos, & Pastores.

Deputati vero Judices Synodales RR. DD.

Joannes Baptista Stratus J. U. L. Deca-
nus Ecclesiæ Cathedralis, Joannes Boucher
S. T. D. Archi-Diaconus Tornac., Adria-
nus Lamoraldu Villani a Gandavo Thesau-
rarius, Joannes Schelpin S. T. L. Andreas
Catulle J. U. L. Thomas Massin J. U. D.
Philippus de Boulongne J. U. L. Joannes
Ernestus Nieulant J. U. L. Archidiaconus
Flandriæ, Carolus de Steenbuis J. U. L.
Petrus Masiveel, Officialis, J. U. L. Cano-
nici Ecclesiæ Cathedralis præfatæ, & Anto-
nius de Roore, & Marcus Denys, respective
Monasteriorum S. Martini, & S. Marci Civi-
tatis Tornacensis Abbates.

De mandato Rdissimi Domini mei
Episcopi Tornac. præfati

J. D'HAUWE, Secret.

L111 ;

MAXI-

(a) Vid. ex Synod. 1574.

MAXIMILIANUS VILLANI. A GANDAVO, stirpem, qua apud Flandros illustri erat genitus, illustriorem virtutibus effecit, Majores suos, tum Religionis avitæ, tum patriæ, tumultuante potissimum Belgio, defensores egregie imitatus. Annum 30., quæ pædum Episcopale tenuit, intervallo scripsit in Psalmum 136. *Super flumina Babylonis*, versibus Gallicis; Instructionem publicavit contra diabolicas superstitiones, speculum Sacerdotum in 12. Tornaci a. 1634., brevem Commentarium in septem Epistolas Christi ad septem Angelos, ibid. a. 1641. Demum Synodi, quam mox dedimus, Diocesanae, novies coactæ, Statuta, a. 1643. quæ Infulis a. 1726. in 8. recusa sub titulo: *Summa Statutorum Synodaliū &c. ad Sermonem S. R. I. Principem Joannem Ernestum a Læwenstein Episc. Tornac.* Nihil habuit antiquius, quam ut pulcher ubivis ordo dominaretur: Cathedralis suæ Canonicos & doctos esse voluit & virtute in paucis conspicuos. Obivit Diocesin pedes frequenter, aliquando mulæ infidens, exiguo cum comitatu. Oviculas suas magnæ Dei Parenti & S. Maximiliano Patrono suo mirum in modum commendabat, symbolo, quo amabat uti: *Vigilate & orate*, quam probissime semper respondens. E vivis decessit die 29. Nov. 1644. annos natus 74. calculo, gangrænaque extinctus.

Vide *Andræ Catulli Tornacum, Bruxellis ex Typographia Mommartiana 1652. ad calcem Operis in Ecloga. Castillonii Sac. Belgii Chronol. P. II. pag. 424. Foppensii Biblioth. Belg. P. II. pag. 884. & Summam Statutorum cit. Cap. LVIII. a pag. 156.*

SYNODUS DIOECESANA ANTVERPIENSIS, Eodem anno Christi MDCXLIII.

HABITA

DIE XXVIII. AUGUSTI

Sub GASPARE NEMIO, (*) Antverpiensi VI. Episcopo.

GASPAR, DEI ET APOSTOLICÆ SEDIS GRATIA

Episcopus Antverpiensis, Universo Clero nostræ Diœcesis
Salutem in Domino.

Cum plurima per Concilia Oecumenicâ, præsertim Tridentinâ, & Synodos Provinciales & Diœcesanas salubriter instituta, & Ordinationes Prædecessorum nostrorum bonæ memoriæ, ad exactiorem eorundem observationem diversis temporibus facta, passim negligantur & ignorentur: atque insuper novi defectus & abusus turbulentis hujce temporibus paulatim irrepant; iisdem salutare remedium adhibere volentes, ex consilio Vicariatus nostri, & Decanorum Christianitatis, operæ pretium duximus a dictis Prædecessoribus nostris post habitam Synodum, provide & prudenter Ordinata recolligere, per Titulos ejusdem Synodi disponere ac ordinare, prout sequitur.

INDEX TITULORUM DIOECESANÆ ANTVERPIENSIS SYNODI.

I. De Fide.
II. De Sacramentis.
III. De Baptismo.
IV. De Confirmatione.

V. De Sacramento Penitentiae.
VI. De Indulgentiis.
VII. De Sacramento Eucharistiæ.
VIII. De Extrema Unctione, Testamentis,
& Sepulturis. IX.

(*) Vide post Ordinationes Synodi.

IX. De Ordine.

X. De Sponsalibus & Matrimonio.

XI. De Prædicatione verbi Dei.

XII. De Officio Divino.

XIII. De Fæstis & Jeuniis.

XIV. De Imaginibus.

XV. De Superstitione.

XVI. De Archi-Presbyteris, Pastoribus, Capellanis & Custodibus.

XVII. De vita & honestate Clericorum.

XVIII. De Beneficiis & Officiis Ecclesiasticis.

XIX. De Scholis.

XX. De conservatione Bonorum Ecclesiasticorum.

XXI. De Templis & Magistris Fabricæ, & Mensæ S. Spiritus.

ORDINATIONES DIOECESANÆ ANTVERPIENSES, RECOLLECTÆ & AUCTÆ,

AC

MANDATO PERILLUSTRIS ac REVmi DOMINI,
D. GASPARIS NEMII, Episc. Antverpiens.
PROMULGATÆ.

TITULUS I.

De Fide.

I. S. Ciant Pastores se sub gravi peccato teneri ad instruendos pueros & rudes in Doctrina Christiana; ideoque curent, ut Catechismus ubique singulis septimanis forma inferius præscripta fiat; neque omittatur, etiam si pauci pueri compareant: præstat enim paucos instrui, quam tam necessariam & salutarem functionem interrompi.

II. Decani Christianitatis in actis visitationis suæ annotent, per quem & quo successu in singulis Parochiis sui districtus fiat Catechizatio.

III. Capient Pastores occasionem frequenter colloquendi cum hæreticis, si quos habuerint in sua Parochia; & suaviter conentur eos inducere ad conversionem.

IV. Si qui de novo ad hæresim perverſi fuerint, denuntientur; sicut & omnes, qui eam profitentur, vel in Paschate in propria Parochia non communicant.

V. Maxime autem deferendi sunt, qui contra Religionem scandalum exhibuerint, vel conciones hæreticorum adire præsumperint: adeoque diligenter inquirendum, an hæretici usquam conventicula habeant.

VI. Libri hæreticorum, aut alias prohibiti vel suspecti ad Nos deferantur, & exacte servetur Decretum Concilii Provincialis, quo caveatur, ne libri domorum mortuariarum distrahantur, nisi prius ab approbato aliquo Censore visitati & vendi permissi fuerint. Quod idem observandum in libris, qui sub auctione publica venduntur.

VII. Cum experientia constet, ex conferentiis cum ministris hæreticis exiguum fructum provenire, easque ordinarie desinere in verba & voces; monemus omnes, ne illas sine necessitate suscipiant, nec publicam cum hæreticis disputationem instituunt sine speciali nostro assensu.

VIII. Advigilent Pastores, ne in Parochiis suis aliqui libelli suspecti, aut scandalosi, item cantiones, aut rhythmus inhonesti evulgentur; & ubi similia deprehenderint, ea ad se recipiant, Nobisque eadem deferentes denuntient.

IX. Curent etiam diligenter, ut ii, qui recenter ad Parochias adveniunt, exhibeant testimonium Pastoris ultimæ suæ habitationis, eosque annotent; & defe-

defectuosius denuntientur, juxta Decretum Serenissimarum suarum Celsitudinum datum pro exactiore observatione Synodi Provincialis Mechliniensis.

X. Servetur Decretum Synodi de facienda Professione fidei juxta formam a PIO IV. præscriptam, infra positam, ab iis, quæ ab hæresi convertuntur. Eandem Fidei professionem facient Ludimagistri & Custodes coram Decano, quando admittentur: & si qui illam necdum fecerint, faciant in proxima visitatione.

TITULUS II.

De Sacramentis.

I. **P**ro ratione negligentia multentur Pastores, qui defectuosius deprehensi fuerint circa observationem Ordinationum concernentium Fontem baptismalem, Tabernaculum Venerabilis Sacramenti, confessionalia, vascula Sacrorum Oleorum, & registra Baptizatorum, & Matrimonio junctorum, & Defunctorum.

II. Qui nondum habent vascula argentea pro Chrismate & sacris Oleis, procurent illa ante proximum Pascha, sub poena arbitraria.

III. Nemo citra casum necessitatis extra Ecclesiam baptizet; aut aliquos extra eandem, aut post meridiem Matrimonio conjungere præsumat, sub poena duodecim florenorum.

IV. Nomina Baptizatorum, parentum & patrinorum, item dies Baptismi annotentur propria manu Pastoris vel Vice-pastoris in libro distincto a Matrimoniali: in eodem etiam ex alia parte seorsim annotentur nomina Parochianorum defunctorum. Qui libri, cum jam completi fuerint, diligenter in Archivis custodiantur.

TITULUS III.

De Baptismo.

I. **I**N Ecclesiis Parochialibus, ubi nondum est Fons baptismalis lapideus, quamprimum per Pastores sumptibus fabrica curetur, aut causam, ob quam non procuraverint, Nobis indicent, sub poena arbitraria.

II. Pastor baptizet peregrinæ aut vagabundæ mulieris prolem, etiam si non fuerit cautio præstita de ea alenda sine gravamine communis, aut mensæ pauperum: & annotet in libro Baptizatorum talem fuisse prolem.

III. Proles illegitimæ baptizetur in Parochia, in qua natæ fuerint, ne mori eas contingat sine Baptismo.

IV. Cum deprehensum sit aliquos Pastores baptizare proles alterius Parochiæ citra necessitatem & consensum proprii Parochi: ne id in posterum fiat, prohibemus sub multa quatuor florenorum, applicandorum pro una tertia Custodi loci, in quo proles baptizari debuisset, si ille denuntiaret.

V. Quantum fieri potest, curandum, ne desint in pagis celebrioribus saltem Obstetrices juratæ & idoneæ, vel saltem a Pastore probatæ circa formam & materiam Baptismi: moneanturque, ut non adhibeant superstitiones.

VI. Nutrices moneantur, ne accipiant aliquas proles nutriendas, nisi constiterit esse baptizatas.

VII. Qui proles retinent ultra tres dies non baptizatas, denuntientur & puniantur multa duorum florenorum, qui vero distulerint ad octo dies, ad octo florenos multentur.

VIII. Pastores pro sua discretione continentur impedire comperationes, quæ sunt occasione Baptismi parvulorum; & ubi hoc profuturum putabunt, curent potius mane deferri pueros ad Baptismum, & strictè servent Decretum Synodi Provincialis Tit. 3. C. 9.

IX. Quandoquidem Synodus prima Mechliniensis statuerit, puerperas secundum antiquam consuetudinem purificari, idque a propriis Parochiis fieri conveniat, prout etiam statutum est in secunda Synodo Provinciali a Sede Apostolica approbata, monemus Pastores, ut denuntient puerperas, quæ in hoc defectuosæ fuerint.

TITULUS IV.

De Confirmatione.

I. **D**E Sacramento Confirmationis, ejusque effectu diligenter instruat

struatur plebs fidelis, præsertim circa festum Pentecostes, & alia tempora, quibus illud conferri solet; ne tam salutaris Sacramenti susceptio negligatur.

II. Moneatur etiam in eodem sanguinitatem spirituales contrahi, quæ impedit Matrimonium, sicut in Baptismo.

III. Rescribatur in actis visitationis, an multi in Parochia putentur non confirmati.

TITULUS V.

De Sacramento Pœnitentiæ.

I. Confessionalia sint ubique cancellata; & juxta Decretum Synodi Provincialis deinceps nemo extra ejusmodi confessionalia feminarum confessiones audire præsumat, nisi in casu necessitatis, sub pœna arbitraria.

II. Cura etiam habenda, ut ubique sit sufficiens Confessoriorum numerus.

III. Sub pœna gravi nemo præsumat confessiones excipere, nisi Pastor sit; aut approbationem habeat in scriptis, ac jurisdictionem ordinariam vel delegatam; & non sit ab iisdem suspensus.

IV. Monentur serio omnes & singuli Confessarii, ut parce, caste & valde caute interrogent circa peccata carnis, non solum quando virgines habent confitentes, sed etiam quando conjugatos, aut quoscumque coelibes.

V. Ad confessionem non necessaria non misceantur in confessione, nisi quatenus ad salutarem instructionem evidenter pertinent. Pœnitens, volens alia narrare, moneatur a Confessario, ut fileat.

VI. Complicum nomina Confessarius non inquirat, uti nec ipsorum pœnitentium.

VII. Interdicimus etiam prolixiora colloquia in confessione feminarum, uti & invitationes earum ad nimis frequenter sibi confitendum; potius ad laborandum, ut vitam serio emendent, & eo confitendi intervallo sint contentæ, quod plerisque etiam Monialibus præscribitur.

Tomus IX. Concilior. German.

VIII. Non utantur Confessarii scientia ex confessione accepta: diffidulter enim id fit sine gravamine confessionis.

IX. Intolerabile est quosdam adeo sui oblivisci, ut etiam in convivii referant ea, quæ in confessione audiverunt; aut modum, quo quidam confitentur; & addant illo ipso die se ea audivisse: hoc omnes Confessarii caveant, alioqui metuant, se a pœnis sacrilegii non fore immunes.

X. Non inducant pœnitentem ad sibi soli confitendum: imo etiam volentem hoc promittere vel vovere prohibeant.

XI. Confessarii caveant, ne familiares sint fœminis sibi confitentibus: imo eo ipso, quo eas audiunt in confessione, sciant se ab earum familiaritate peculiariter debere abstinere.

XII. Sciant item Confessarii Sedi Apostolicæ inter cætera esse reservata vota perpetuæ castitatis & Religionis: quoad reliqua etiam vota & excommunicationes, caveant, ne temere sese immisceant; neque excedant, permutando vel absolvendo, potestatem suam.

XIII. Caveant etiam Confessarii, ne quæ commoda temporalia sibi vel suis occasione confessionis a pœnitentibus aucupentur: neque convenit, ut ipsorum bonis temporalibus administrandis se immisceant.

XIV. Diligenter observentur ac denuntientur, quinam omittant confiteri semel in anno.

XV. Quando quidem deprehenditur, aliquando fraudem committi a falsis pœnitentibus, caute eam viter Sacerdos.

XVI. Qui contritionis signum dederint, etiamsi voce confiteri non possint, absolvendi erunt; sufficit enim, quod amissa voce indicium pœnitentiæ Sacerdoti faciant; imo si nec hoc possint, sufficit, quod fidelium testimonio comprobentur, paulo ante petiisse Sacramentum Pœnitentiæ.

TITULUS VI.

De Indulgentiis.

Nullus exemplaria sive schedas pro Indulgentiis, aut Sanctorum solemn-

M m m m

lemnitatibus publicandis imprimet, aut imprimere curabit, nisi prius a Nobis, vel Deputatis nostris visa & probata fuerint, sub pœna arbitraria.

TITULUS VII.

De Sacramento Eucharistiæ.

I. **C**ura magna est adhibenda, ut ubique honesto loco asservetur Venerabile Sacramentum; & lampas sit ante illud ardens, saltem ubi, & quando id sine periculo, quod a furibus nocte timeretur, fieri potest.

II. Ubi vero Tabernaculum non satis decens est, curent Pastores, ut quam primum fiat, aut causam Nobis indicent, sub pœna arbitraria: & in retea provideant, ut saltem mundum sit intus, & candido corporali semper stratum, & exterius decente cortinula rectum, sub eadem pœna.

III. Custodiri autem debet in pyxide argentea, quæ, ubi deest, quam primum procuranda, ad hoc consecrata, absque impositione alicujus lintei. Pyxis vero ponenda est in Tabernaculo, decenter ornato, supposito corporali.

IV. Remonstrantiæ, ubi desunt, procurandæ, uti & ciboria; quæ oportet esse ex argento, & benedicta; sicut & lunulam Remonstrantiæ.

V. Communicantium numerus in visitatione exprimatur; & non communicantium nomina in scriptis Nobis deferantur.

VI. Nullo modo negligent Pastores, juxta Synodum Diœcesanam, in Dominica *Passionis* publicare Decretum Concilii Lateran. Cap. *Omnis utriusque sexus*. De saltem semel Sacramento Eucharistiæ suscipiendo in Paschate. Et moneant iidem Pastores, aliique Concionatores, huic Ecclesiæ præcepto non satisfieri ab iis, qui a Dominica *Palmarum* usque ad Dominicam in *Albis* inclusive in propria Parochia ne semel quidem communicaverint, etiamsi alibi eo tempore communicassent.

VII. Præter dictum Cap. *Omnis utriusque sexus*. tria Capitula Synodi Provincialis, prout inferius subjiciuntur, verbotenus eodem die publicentur,

VIII. Cum vere experientia constet, censuras Ecclesiæ contra defectuosos in Communione Paschali in propria Parochia faciendâ, non sufficere variorum hominum salutis suæ negligentium defectibus obviandis; constituimus, ut omnes & singuli, qui juxta dictum Capitulum: *Omnis utriusque*. mandato Ecclesiæ de communicando in propria Parochia, in quindena Paschali, legitimo impedimento & excusatione cessante, non satisfecerint; ultra pœnas dicto Capitulo expressas, multam viginti florenorum, piis causis arbitrio nostro applicandam, exolvere teneantur. Mandantes Parochis, aliisque curam animarum habentibus, ut hujus Constitutionis inviolabiliter observandæ populum sibi commissum Dominica *Passionis*, aut ante illam singulis annis tempore Quadragesimæ, serio moneant.

IX. Cum intelligamus, ideo quibusdam locis adolescentes tardius accedere ad Sacramentum Confessionis, & Sacram Communionem, adeoque etiam Sacra Unctione fraudari, si infirmari contingat, ne majora jura exequiarum pro eis solvantur, sordidum hunc respectum extirpare volentes, statuimus, ut ubi non conjugati hæc jura solvere solent, incipiant tunc præcise ea debere, quando fuerint quatuordecim annorum completorum, si communicaverint, si non.

X. Publici peccatores, utpote concubinari, adulteri, fornicatores, lenones, non admittantur ad Communionem, nisi post condignam pœnitentiam.

XI. Non serventur pro infirmis plures Hostiæ, neque pauciores, quam requirit numerus Communicantium: renoventur autem singulis quindenis, nisi loci humiditas requirat, ut citius id fiat: & clavem Tabernaculi, in quo servantur, custodiat Pastor. Si quis in his negligensprehendatur, mulctetur per Decanum tribus florenis.

XII. Oportet etiam debita cum reverentia ab Ecclesia præscripta deferre ad ægros sacrum Viaticum; adeoque quando non nimis procul ab Ecclesia est deferendum, mandamus aliter
non

non deferri, quam ab induto superpelliceo, & prævio lumine, & pulsu rolæ.

XIII. Parva pyxis pro Hostiis ad infirmos deferendis sit argentea: & sint ubique buræ ad deferendam istam pyxidem, ubi via est longior vel periculosior.

XIV. Cæterum exacte ab omnibus servetur Constitutio HONORII III. de Celebr: Miss. Cap. Sane. quæ ita habet: "Ne propter incuriam Sacerdotum Divina indignatio gravius exardescat; districte præcipiendo mandamus, quatenus a Sacerdotibus Eucharistia in loco singulari, mundo & signato semper honorifice collocata, devote ac fideliter conservetur. Sacerdos vero quilibet frequenter doceat plebem suam, ut cum in celebratione Missarum elevatur Hostia salutaris, se reverenter inclinet; idem faciens, cum eam defert Presbyter ad infirmum."

De celebratione Missarum.

XV. Mundities & ornatus omnino curentur in altaribus, ne sacra mensa sit vilior, quam profana.

XVI. Ornamenta altarium & Sacerdotum, si non sint pretiosa, saltem ne lacerata sint & immunda.

XVII. Sint corporalia & abstergitoria munda: sintque in altari ut minimum duæ mappæ, & duo cerei justæ magnitudinis, juxta Rubricas Missalis.

XVIII. Calices non habeant cuppam cupream; stannei etiam ulterius non tolerantur.

XIX. Imago Crucifixi nunquam tempore Sacrificii in altari desit: & Cæremoniæ Romanæ deinceps tam in Missa, quam in aliis Divinis Officiis, quantum fieri potest, exacte servantur.

XX. Nullos ignotos Sacerdotes admittant Parochi ad celebrandum absque nostra licentia, sub pœna trium florenorum ab ipsis admittentibus solvenda.

XXI. Omnes licentiæ duas Missas eodem die celebrandi sint revocatæ; quod ipsum Decani quam primum in-

dicent omnibus, quos noverunt in suis districtibus hoc facere.

XX. Extra locum sacrum nemo celebrare præsumat, neque etiam in altaribus violatis sive portatilibus, sub pœna arbitraria.

TITULUS VIII.

De Extrema Unctione, Testamentis & Sepulturis.

I. Extrema Unctio non differatur nimium: sed ubi morbus satis invaluerit, etiam si forte sensu destitutus, aut alias vi morbi oppressus, confiteri aut communicare æger non potuerit, inungatur; non expectata incerta commoditate prius confitendi aut communicandi.

II. Adsint Parochi ægris, quando vocantur, etiam intempesta nocte: moneatur tamen populus, ut ægri, quantum fieri potest, jejuni, & de die sacrum Viaticum accipiant.

III. Ægri illi inungi non possunt, quando jam sunt extra usum rationis; qui, dum mentis compotes fuerunt, Ecclesiæ Communionem sprevisse sciuntur; etiam si id amici instantes petant: secus statuendum de ignotis, qui præsumuntur boni; nisi aliter constiterit.

IV. Pueri, qui ob minorem ætatem non communicant, nihilominus sunt visitandi a Pastoribus in infirmitate sua; præsertim si ad pubertatem proxime accedere videantur, & de vita periclitentur; & qui ea sunt discretione, ut peccare potuerint, de pœnitentia monendi.

V. Pastores omnes serio nosse curent, quæ necessaria sunt ad legitimam Testamentorum confessionem: & se conforment Edicto perpetuo Serenissimorum Principum anni 1611. quo mandatur, ut tam Testatores, quam ad hoc vocati Testes, atque ipsi propria manu ea subsignent.

VI. Nemo alienum Parochianum sepelire præsumat, non præmonito Pastore defuncti, nisi extra propriam Parochiam defunctus fuerit, sub pœna sex florenorum.

VII. Non sepeliantur in loco sacro, qui non communicant in Paschate; neque illi, qui in concubinato, vel in alio peccato mortali notorio sine poenitentia mortui fuerint.

TITULUS IX.

De Ordine.

Curent Pastores, ut juvenes aspirantes ad Tonfuram Clericalem, memoriter teneant Versum: *Dominus pars hereditatis meæ, &c.*

TITULUS X.

De Sponsalibus & Matrimonio.

I. **S**ponsalia solemnizentur coram proprio Parocho, aut ejus Vicario, superpelliceo & stola induto, qui sua manu contrahentium & testium nomina describat in libro ad hoc destinato: in quo etiam describat nomina eorum, qui per verba de presenti Matrimonium ineunt cum expressione testium: & exacte curetur, ut nomina desponsorum primo die Dominico, vel alio Festivo post contracta Sponsalia proclamantur ita distincte, ut ab omnibus presentibus possint audiri.

II. Pastores, qui Sponsalibus in tabernis assistere præsumpserint, incurrant multam sex florenorum.

III. Qui autem alienos Parochianos admiserint ad Sponsalia, multam duodecim florenorum incurrant. Et nullo casu admittantur post auditam horam decimam vespertinam. Neque etiam assistat Pastor Sponsalibus, invitis aut inficiis Parentibus, aut Tutoribus, sine speciali licentia Ordinarii, sub pœna quinquaginta florenorum.

IV. Neque etiam contrahantur tempore jejunii ab Ecclesia indicti: si necessitas aliqua fuerit, ea tali tempore admittendi, id non fiat, nisi ante prandium, ne detur occasio vesperi jejunii violandi.

V. Pastor intelligens subesse impedimentum, non admittat Sponsalia, neque procedat ad proclamationes: & impedimentum Nobis, aut Vicario nostro Generali vel Officiali denuntiet, sub pœna sex florenorum.

VI. Contra Sponfos sub eodem recto manentes, aut concumbentes ante contractum Matrimonium, aut ultra sex septimanas conjugalem contractum differentes, procedatur rigide. Si tamen ante Confessionem Sacramentalem nihil de carnali copula Sponsorum Pastor certi cognoverit, post eam sibi factam, omnino nolumus ipsum ulla ejus rei notitia etiam aliunde accepta, uti in ordine ad punitionem Sponsorum; ne apud imperitos confessio in odium hac ratione veniat, aut aliquibus imperfecte confitendi ansa præbeat.

VII. Sub pœna gravi arbitraria, nemo Pastorum audeat jungere non dispensatos super proclamationibus a Concilio Tridentino requisitis; & non mittant facile pro habenda dispensatione bannorum, nisi urgens sit ratio.

VIII. Moneantur conjugium contracturi, se non fore idoneos, qui rudimenta fidei suas proles doceant, nisi ipsi Orationem Dominicam, & Salutationem Angelicam, cum Symbolo, Decalogo & Præceptis Ecclesiæ teneant; ideoque si in his ignorantes fuerint, non admittantur, nisi, prout potuerint, ea didicerint.

IX. Instruant Pastores populum de impedimentis Matrimonii, præsertim de cognatione spiritali; eamque non minus contrahi in Confirmatione, quam in Baptismo.

X. Servetur Decretum Concilii Dicecesani de non facile ad Matrimonium admittendis iis, qui non fuerint confirmati.

XI. Quamvis Concilii Tridentini Decreto ad valorem Matrimonii sufficiat vel Sponsi, vel Sponsæ Parochum assistere; ne tamen confusionis alicujus oriatur occasio, quando duarum Parochiarum existentibus Sponsis, uterque Pastor prætendit assistere; Ordinamus, quod Parochus Sponsæ sit præferendus: ita tamen, ut aliter fieri liceat, vel consensu Parochorum, vel rationabili de causa a Nobis probanda.

XII. Si qui in aliqua Parochia non habitaverint per medium annum, & ibi volent contrahere Matrimonium, procla-

proclamationes etiam fiant in parochia, unde ultimo migrarunt.

XIII. Matrimonio eorum, qui recenter ad Parochiam inhabitandam advenierint, non assistat Pastor, etiamsi ibidem habuerint trinam proclamationem, nisi prius per examen Ordinarii constiterit, nullam subesse fraudem, aut impedimentum.

XIV. Qui alienos Parochianos conjunxerint sine proprii Sacerdotis licentia, præterquam quod grave Sacrilegii crimen & suspensionis pœnam, ac multam viginti florenorum, juxta Synodum Antverp. *Cap. 2. de Matrim.* incurrant, sciant, tale conjugium esse invalidum.

XV. Qui cum aliqua se contraxisse, sed more hæretico, aut sine Parocho, aut alias, invalide allegaverit, non admittatur quibuscumq; testimoniis munitus, ad contrahendum cum alia; nisi post cognitionem causæ apud Officiale parte audita, & ordine juris servato.

XVI. Hæreticorum matrimonio non assistant Parochi, etiamsi alter solum hæreticus fuerit: & cum constet hæreticos, ut ad contrahendum admittantur, subinde subornare alias personas, quæ ementito nomine a Confessariis testimonium factæ confessionis obtineant; advigilent, ne desponsi non satis noti alteri confiteantur, quam proprio Pastori, vel alicui ab eodem designando, qui eosdem noverit.

XVII. In Districibus tamen sub Provinciis unitis proclamari poterunt a Pastore, qui desponsi fuerint coram Sacerdote, etiamsi alter eorum fuerit hæreticus; antequam autem tales admittat ad Matrimonium, conabitur hæreticum inducere ad conversionem.

XVIII. Divortium facientes conjuges, Parochi Nobis, aut Officiali nostro denuntient.

XIX. Meminerint Pastores, tametsi Concil. Trident. nullius momenti esse declaraverit Matrimonia sine Parocho & Testibus inita; non tamen eo Decreto comprehendisse Sponsalia & promissiones de futuro Matrimonio; sed illa in sua energia & antiqui juris ter-

minis reliquisse; dictumque Decretum irritans Matrimonia sine Parocho & duobus testibus inita, Pastores suis subditis aliquoties in animo exponant; ob cujus ignorantiam multa sæpe incommoda & difficultates oriuntur.

XX. Si qui coram Pastore invito contrahere præsumpserint, aut attentaverint, statim denuntientur, ut exemplum statuatur.

XXI. In locis, ubi adhuc abusus est verberandi aut intercipiendi Sponsos, & extorquendi redemptionem, vel alias insolentias exercendi; moneatur Magistratus a Pastoribus, ut remedium adhibeat, alioqui ad Nos referant.

XXII. Conjugati extra necessitatem non permittantur habitare in locis sacris; qualis est etiam Sacristia & Cœmeterium.

XXIII. Sicubi sint aliqui in adulterio, concubinato, aut in divortio viventes; Pastores quam primum eos Nobis absque dissimulatione denuntient, ut remedium adhiberi queat.

TITULUS XI.

De Prædicatione verbi Dei.

I. Pastores singulis diebus Dominicis, & in majoribus anni solemnitatibus, habeant concionem ad suos Parochianos secundum Conc. Trident. præceptum.

II. Caveant Pastores, etiam æstivo tempore omittere concionem diebus Dominicis, sub pœna trium florenorum; neque etiam omittant iisdem diebus post concionem commendare nominatim defunctos, pro quibus in eum finem aliquid est relictum; ne inique percipiant mercedem operis, quod non præstant.

III. Non liceat Pastoribus in gravamen subditorum sine necessitate substituere Religiosos mendicantes, quando isti non habent stationes suas ordinarias.

IV. Absque nostra licentia non permittant Religiosos accipere alias stationes, aut elemosynarum collectiones, etiam per Fratres laicos, quam ab antiquo habuerunt, sub pœna decem florenorum.

TITULUS XII.

De Officio Divino.

I. **C**Uretur, ut cum devotione, tractim & distincte Divina Officia fiant; ne per culpam negligentiae & præcipitantiae oratio nostra fiat in peccatum, Deum offendens & populum.

II. In Missæ Officio Sacerdos relicto Altari se non jungat Custodi ad cantandum; neque ex ipso altari aliud canat, quam quod Celebrantis Officium postulat.

III. Cantari debet Officium Divinum, ubi id fieri solet, & ubi fundatio ita habet: neque anticipatio permittenda est, ut quod Vespertinarum Laudum loco cantandum est, cantetur ante meridiem, dum populus est simul; sed in usum revocentur Laudes Vespertinae: Laudes etiam Venerabilis Sacramenti, & Beatæ Virginis resumantur; saltem in magnis Festis non omittantur.

IV. Teneantur Custodes veteri more ter in die ad preces pulsando populum excitare, mane, meridie & vespere.

V. Aqua lustralis est benedicenda singulis diebus Dominicis, exceptis die Paschæ & Pentecostes; quibus, juxta præscriptum Missalis, populus aspergendus aqua fontis pridie benedicti.

VI. Moneant Pastores serio nostro nomine Officiarios, ut impediant simposia & ludos tempore Divini Officii: idem judicium de venationibus. Si Officiarii idem faciant, etiam ipsi deferantur.

VII. Lascivia juventutis utriusque sexus sacro tempore compotantium multanda poena arbitraria. Et omnino impediendum, ne juvenes puellas Templum adeuntes, vel ex eo redeuntes ad tabernas trahant sub poena arbitraria.

TITULUS XIII.

De Festis & Jeuniis.

I. **S**æpe inculcetur e suggestu populo fidei præcepta Ecclesiæ de jeuniis, delectu ciborum, & Festorum celebratione obligare sub peccato mor-

tali; ac specialiter moneatur præceptum de audienda Missa, æque obligare diebus Festis ac Dominicis.

II. Contra violatores Festorum aliqui apparitores constituentur: & nihilominus Pastores, saltem secreto, eosdem violatores Officiali nostro denuntient, ut contra illos juridice procedi possit.

III. Tempore Divini Officii non tolerentur ludi aut exercitia guldarum, etiam si pro præmiis fiant, aut comotationes.

IV. In locis ubi abusus est, ut in magnis solemnitatibus, aut aliis diebus juventus utriusque sexus simul potitet, & lasciviet, aut tripudiet, & monitiones & præcepta hætenus in contrarium facta non curantur; requirendos statuimus per Decanum & Pastorem Magistratus, ut cauponibus inhibeat tales istiusmodi diebus admittere sub gravi multa; & requisitionis factæ ac responsi in scriptis Nobis relationem faciant.

V. In magnis Solemnitatibus, & speciatim festo Assumptionis Beatæ Mariæ, non liceat in posterum Pastoribus summum Sacrum prævenire, & omnino mane celebrare, aut consuetum Officium Vesperarum aut Laudum vespertinarum omittere, sub poena sex florenorum. Qui autem diebus Dominicis id fecerint citra necessitatem, luent poenam arbitariam.

VI. Pastores curent, ut eleemosynæ, quæ dantur in Quadragesima pro lacticiis, pro medietate servantur ad usum Seminarii, juxta Decretum Synodi; alioqui ipsi erunt convenibiles, exceptis districtu Bredano & Berghensi; in quibus relinquuntur integræ pro Ecclesiæ.

TITULUS XIV.

De Imaginibus.

Decani invigilent, ut imagines corruptæ, mutilatæ aut carie consumptæ juxta Decretum Synodi Tr. 14. C. 4. auferantur.

TITULUS XV.

De Superstitione.

I. **N**emo præter designatos in singulis districtibus & specialiter ad-

admissos, præsumat exorcizare maleficios, aut a Dæmone vexatos, sine speciali nostra commissione; ac multo minus præsumat supersticiosum aliquem ritum ad curandum infirmos adhibere, aut aliis exorcismis uti, quam contentis in Rituali Romano, Pastoralis Mechliniensis, aut Manuali exorcismorum, pridem hic Antverpiæ edito.

II. Superstitiones, & supersticiosi, item divinatores, ac præstigiatores, si qui deprehendantur, statim Nobis indicentur, ut remedium adhibere possimus.

TITULUS XVI.

De Archi-Presbyteris, Pastoribus, Capellanis & Custodibus.

I. **D** Princeps in visitatione annotent Decani, an bene se gerat Pastor loci in officio & conversatione, & an sapius a Parochia absit. Similiter annotent, quomodo se gerant Capellani & Custodes.

II. Exigant etiam testimonia eorum, qui ab ultima visitatione ad Parochias migrarunt, & nomina eorum, qui in Palschate non communicarunt; annotent etiam emolumenta Custodum; & quis conferat officium Custodis.

III. Exigant etiam juxta instructionem suam, jura Cathedratica, & ea non solventes annotent, ut D. Sigillifer eos compellat.

IV. Acta visitationis suæ descripta quotannis transmittant ante festum S. Jacobi, ut tempestive perlegi possint ante eorum congregationem.

V. Congregationes Pastorum nunquam omitti districte præcipimus: a quibus nemo Pastorum se absentabit, sub pœna duorum florenorum supra taxam ordinariam per Oeconomos constitutam. Qui autem absunt propter legitimum impedimentum, teneantur nihilominus contribuere perinde ac si adfuissent in congregatione.

VI. Ea tamen frugalitate convivium instituatur, ut taxa tres florenos non excedat, sed iis sit minor, si com-

putus Oeconomorum permittat, non tamen amplior; nam suæ indemnitati Oeconomi per frugalitatem consulere possunt.

VII. Decani Christianitatis administrabunt Sacramenta Sacerdotibus externis, aut in Sacris constitutis, non Beneficiatis, & eorum exequias celebrabunt.

VIII. Pastores non habitent extra limites parochiæ: & qui necessitatem allegare volunt, ut id faciant, non nisi in scriptis obtenta a Nobis licentia extra parochias habitent.

IX. A Parochiis se non absentent unquam cum aliquo detrimento subditorum; quod fit, quando non habent idoneum Substitutum.

X. In Quadragesima non liceat eis prætextu Terminariorum (qui tunc solent venire in subsidium Pastorum, ut melius confessionibus audiendis vacare possint) se se a Parochiis absentare quacumque de causâ, nisi a Nobis facultate, propter magnam forte necessitatem, in scriptis prius obtenta.

XI. Quovis tempore, etiam si substituerint idoneum, non liceat ipsis abesse ultra octo dies, nisi de Decani licentia; & ultra duas septimanas, nisi de nostra licentia in scriptis obtenta; sub pœna unius floreni in singulos dies, quibus abfuerint.

XII. Quando Pastores propter metum captivitatis coguntur abesse a suis Parochiis, curent, ut iisdem Parochiis sit sufficienter provisum pro necessitatibus; ipsisque non liceat abesse a districtu suo absque nostra licentia; sed teneantur esse in proximis Civitatibus, quo a suis in difficultatibus occurrentibus possint adiri.

XIII. Pastores advigilent, ut Capellani, Custodes, & Ludimagistri debite suo fungantur munere; & ubi defectum deprehenderint, quem per se emendare non possint, statim Decano denuntient: qui, si opus fuerit, ad Nos recursum habeat.

XIV. Ineatur ratio, ut ubique sint Primissarii, quantum fieri potest per unionem aut deservituram Capellaniarum. Si vero ex proventibus mensæ &

& fabricæ aliquid in eum finem desumi posse videatur, Nobis insinuetur; ut fiat, prout in Domino iudicabimus expedire. Nulli autem assumantur, nisi a Nobis fuerint admissi; & Pastores neminem, non admissum, tamquam Capellanum residere permittant, sub pœna duodecim florenorum. Quod si contigerit, aliquem per Sæculares intrudi, statim Nobis indicare teneantur.

XV. Si qui vero absque nostra admissione recepti vel intrusi sint, curent Pastores, ut præsentent se Nobis, antequam admittantur ad celebrandum; ut dispicere possimus, an sint admittendi, nec ne, sub pœna arbitraria.

XVI. Teneantur Pastores omnes Concil. Trident. & Synodos Provinciales, & Diœcesanam, ac præsentem Ordinationes habere, sub pœna unius floreni, singulis vicibus in visitatione Decano persolvenda ad opus Seminarii: quæ pœna singulis annis, quamdiu sunt in aliquo defectu, duplicabitur.

TITULUS XVII.

De vita & honestate Clericorum.

I. Pastores non sint nimis frequentes in conviviis, ne tali familiaritate vilescant, vel ad officium personaliter quovis tempore obeundum minus sint parati.

II. Nullo modo vadant cum ancillis, etiam si consanguineæ sint, ad convivia, aut ad Dedicaciones Confratrum, multo minus ad tabernas: nec inscribantur aut elegantur in Hofmannum Guldarum aut Confraternitatum Laicorum, sub pœna sex florenorum: & si qui sint Hofmanni, quam primum resignare teneantur, sub pœna duodecim florenorum.

III. Non decet Pastores ludos cum Laicis, etiam licitos, publice exercere: ideoque solemnem jaculationem pfitaci eis interdiximus, sub multa sex florenorum applicandorum pœ cause arbitrio Decani, nisi Promotor præveniat.

IV. Contra eos Sacerdotes, qui in tabernis potitare reperti fuerint, aut

se se uspiam inebriaverint, procedi volumus ad multam in Synodo constitutam.

V. Prohibemus, ne Sacerdotes occasione belli in Templis sæculari habitu compareant.

VI. Sacerdos, qui Scripturis sacris contra Concil. Trid. abusus fuerit, graviter puniatur.

VII. Quia deprehenduntur abusus in præcationibus ancillarum, defunctis Sacerdotibus; ordinamus, ut in posterum in visitationibus Decanorum expriment Pastores, & alii Sacerdotes suarum ancillarum stipendia: & ratione stipendii domus mortuaria nihil debeat ultra triennii stipendium, etiam si amplius prætendatur, nisi constiterit per liquidam obligationem.

TITULUS XVIII.

De Beneficiis & Officiis Ecclesiasticis.

I. Omnes Beneficiati non residentes teneantur juxta antiquam consuetudinem petere placetum absentiae ante festum S. Joannis Baptistæ; & studentes in Universitate testimonium studii exhibere, atque Sigillifero nostro indicare quisnam (juxta Cap. 19. Tit. 18. Synodi 2. Antverpiensis) officio satisfaciatur; alioquin idem Sigillifer administrationem accipiat.

II. Inquirant Decani, an nulli ad residentiam obligati ab ea absint; ut omnino, si qui Beneficiarii inveniantur teneri, ad eam mox compellantur. Circa incompatibilia obtinentes, præsertim sub eodem tecto Decani vigilent, & Nos moneant.

III. Sine literis suæ commissionis nemo deserviat in Beneficiis aut Officiis: & Deservitores Ecclesiarum Parochialium singulis annis ante festum S. Joannis Baptistæ teneantur a Nobis, seu Sigillifero nostro petere renovationem Commissionum suarum, nisi habuerint speciale indultum, quod eidem Sigillifero exhibeant, sub pœna decem florenorum; Deservitores autem Capellaniarum, sub pœna trium florenorum.

IV.

IV. Omnes tam Pastores, quam Capellani, qui a quinquennio non renovarunt registra sua, teneantur illa renovare, & Sigillifero nostro tradere ante festum S. Joannis Baptistæ proximum, sub pena duodecim florenorum; nisi causam a Nobis probandam habuerint.

V. Attenta caritate horum temporum, provisionaliter honoraria Missarum, quæ certa hora celebrari debent, taxamus ad novem stuferos; si autem cum cantu; alias ad octo stuferos.

VI. Quantum ad anniversaria attinet, ne illa negligantur, concedimus, ut quorum fundatio non excedit viginti quatuor stuferos, conjungi possint in unam massam; ex qua pro Vigiliis trium Lectionum & Missa cantatis, Pastor sive Celebrans habeat sexdecim stuferos, & Custos octo; ubi vero præter Custodem etiam sunt Capellani, singuli etiam habeant quantum Custos: portiones autem absentium maneant in massa.

VII. Administrationes Beneficiorum non sunt relinquendæ Aedituis in posterum, nisi de novo eas a Nobis in scriptis impetraverint; sed cum pridem omnes istiusmodi commissiones revocatæ sint, Pastores significant eidem Sigillifero, ubi adhuc administrant: Decani in proxima vifitatione sedulo inquirant & annotent, quid hac in re fiat.

VIII. Occurrente vacatione Pastorum secundum Concilium Provinciale Mechliniense an. 1609. *Tit. 17. Cap. 5.* fructus pro rata temporis usque ad diem mortis relinquuntur defuncto, & Successori; item pro rata temporis a die inchoatæ residentiae intermedii cedunt sigillo: adeoque a morte Prædecessoris statim a Sigillifero nostro accipietur administratio eo nomine hujusmodi proventus. Beneficiorum vero simplicium per cessum vel decessum vacantium fructus cedunt defuncto usque ad diem obitus pro rata temporis; reliqui usque ad festum S. Joannis exinde proximum sigillo, juxta Synodum Antverpiensem *Tit. 18. Cap. ult.*

Tomus IX. Concilior. German.

IX. Archi-Presbyter, ubi aliquem decedere contigerit, & officio suo functus erit, secundum præscriptum Synodi Antverpiensis, & registra ac manualia Beneficiorum ad se receperit, significabit obitum Sigillifero; & Testamentum transmittet: vel si testatus non sit, significabit; ut tam de peculio defuncti, quam nummo sexagesimo respectivo, & fructuum beneficalium administratione mox cura habeatur.

TITULUS XIX.

De Scholis.

I. **S**cholæ, ubi non sunt, erigantur, & de Ludimagistris provideatur; & diligenter observetur, ut sint Catholici, & doceant Catechismum juxta instructionem infra positam.

II. Cantus Ecclesiasticus etiam in posterum doceatur in Scholis Parochialibus.

III. Custodes & Ludimagistri solita juramenta præstent, & examina subeant etiam illi, qui iis non præmissis re ipsa serviunt.

TITULUS XX.

De conservatione Bonorum Ecclesiasticorum.

I. **T**eneantur Pastores ante Natalem Domini Decano aut Sigillifero tradere indiculum munimentorum concernentium bona Pastorum, & aliorum Beneficiorum & piarum fundationum, quæ sub se habent.

II. Insuper ante festum Nativitatis S. Joannis Baptistæ proximum tradant Archi-Presbyteris suis inventarium ornamentorum & supellestilis sacrae Ecclesiarum suarum, quæ extra Ecclesiam servantur, cum designatione loci & personarum, quibus tradita sunt, sub pena trium florenorum.

III. In locis, ubi nondum sunt ci-
stæ cum tribus clavibus, juxta Decretum Synodi, pro conservandis munitis fabricarum & mensarum, curent Pastores, ut quam primum fiant; & transumpta authentica ad Archivia nostra mittantur. Si quæ impedimenta occurrerint, quo minus ista fiant,
N n n n Nobis

Nobis indicare teneantur : & Decani in proxima visitatione annotent loca, ubi nondum tales cistæ sunt procreatæ, ut remedium adhiberi possit.

IV. Limites agrorum & quorumcumque fundorum singulis saltem decennius renouentur.

V. Alienationes indebite factæ retractentur, & bona sic alienata recuperentur.

VI. Elocationes bonorum fabricæ & mensæ pauperum aut foundationum piarum publice fiant plus offerentibus præsentem Pastore, qui serio intendat, ne fraus aliqua committatur, aut fiant sumptus inutiles : quod si alicubiprehenderit, statim Decano indicet, ut remedium adhibeatur.

VII. In posterum bona mensæ S. Spiritus non attribuantur Ecclesiis, Scholis, aut aliis eleemosynis sine nostro consensu.

VIII. Computus administrationum singulis annis fiant stato & certo die; & qui in defectu sunt, Nobis denuntientur.

IX. Reliquationes, si multæ sint, & negligantur, alicui diligenti & intelligenti viro sub certo stipendio recipiendæ committantur.

X. Ubi consuetudo habet, ut Custodes scribant computus fabricæ & mensæ, ea servetur : quod si Custos sufficiens non sit, constituat Decanus aliquem peritum, qui eosdem computus scribat, & in ordinem convenientem redigat.

XI. In locis autem, ubi Secretarius loci computus solet scribere, & apud se retinere, omnino urgendum, ut authentica saltem copia ponatur in Archivis Ecclesiæ. Secretarii, qui in eo difficiles se præbent, Nobis denuntientur; & habeatur ratio, ut stipendium pro scriptione sit moderatum.

XII. Novitas autem, qua introducuntur auditorum salaria, tollenda est, uti & exceptus in sumptu mensali : & in prima visitatione distincte annotent Decani summam expensarum, quæ fiunt ratione auditionis computum : & solcite curent Pastores, ne

obventiones earundem inutiliter impendantur.

XIII. Singuli computatores unum annum integrum in posterum in recepta referant, & de eo respondeant.

XIV. Summæ restantes & receptæ ad reditum dentur, vel secundum Decani dispositionem applicentur; non autem relinquuntur in manibus Administratorum : idem fiat de capitalibus reddituum redemptorum

TITULUS XXI.

De Templis, & Magistris fabricæ, & Mensæ S. Spiritus.

I. **H**Abeant curam Pastores, ut Ecclesiæ debite reparentur; & quantum fieri potest, mundæ conferantur & ornentur; utque ad ingressum Ecclesiarum in vase convenienti non desit aqua benedicta : curentque quamprimum tolli, & extra conspectum populi collocari imagines deformatas & mutilatas, prout sæpius ordinatum fuit; alioqui arbitrarie punientur.

II. Ubi Ecclesiæ necdum debite sunt reparatæ, curent, ut adhibitis remediis per Decretum Principum designatis, quamprimum restaurentur.

III. In locis, ubi supellestilia adhuc sunt in Templis, Pastores quamprimum agent cum Decano Christianitatis; ut iudicet, an & quousque ea possint & debeant amoveri; & secundum ipsius iudicium amovenda statim amoveantur ab iis, quorum sunt, sub poena trium florenorum fabricæ applicanda, ut est in Synodo.

IV. Pastores curent, ut cæmeteria debite sepiantur & mudentur, & ab illis arceantur bestiæ & pecora; pro quibus ibidem deprehensis solvetur multa triginta stuforum : ex quibus viginti cedent Ecclesiæ, & decem fo-restario.

V. In Constitutione Magistrorum fabricæ, & mensæ Pastores nullas admittant novitates; & si impedire non possint, Nobis quamprimum significant : & ædiles intelligant se in officio suo

suo debere sequi directionem Decani & Pastoris.

VI. Collecta fiat per dictos Magistros singulis diebus Dominicis sub concione aut Sacro: & ubi non est consuetudo, introducatur.

VII. Lites pro Ecclesiis aut pauperibus non intentent, nisi necessarias, & non nisi a Nobis auctorizati.

VIII. Adsint iidem in visitatione Decani.

IX. Volumus autem prædicta omnia & singula ubique per totam Diocesim nostram observari: & Curia nostra Officiali, cæterisque Officialiis mandamus, ut contra delinquentes absque dissimulatione procedant, & pœnis condignis alias statutis, vel arbitrariis pro delicti qualitate decernendis castigentur, & exemplariter puniantur, qui in his observandis officio suo defuerint. Datum Antverpiæ die XXVIII. Augusti anno M.DC.XLIII.

Subnecitur Instructio & Ordinatio de promovenda per Diocesim Antverpiensem Doctrina catechetica.

Ex Officina Plantiniana Balthas. Moreti 1786.

GASPAR NEMIUS, Sylvæducentis, Guilielmo Estio, viro ætatis suæ clarissimo, in comparandis sibi Theologicis scientiis usus Duaci fuit. E Pastore animarum, quem Viroviaci, alias *Wervick*, Flandriæ oppidulo agebat strenuum, Duacensis Seminarii Præses denominabatur Serenissimo Alberti & Isabellæ placito, ac dignus præ aliis censebatur, qui inter Doctores Theologos & Collegiatæ Ecclesiæ Canonicos jam cooptatus, Theologiam ceu publicus Professor ac Regius ibi explanaret: Quo in munere annos transegit laude maxima, parique Auditorum fructu undeviginti. Tum die 23. Maji a. 1636. ad Cathedram Antverpiensem, cui annorum circiter septemdecim spatio præfuit; inde ad Cameracensem Metropolitanam a. 1652., quam ad annum vitæ suæ ultimum 1667. rexit, ob singularem doctrinam, prudentiamque inter æquissimos Romæ favores est evectus, Præsul ab assidua in Apostolicam Sedem observantia commendandus. Abbatia S. Bernardi ad Scaldim Ord. Cisterc. sub illo separata a mensa Episcopali ac sui juris facta. Coluit pro symbolo illud Apostoli 1. Tim. 4. *Attende tibi & doctrinæ*, 22. Nov. a. 1667. æt. 81. vivis egressus.

Vide Antonium Sanderum de Scriptoribus Flandriæ L. II. pag. 56. Castillionium Sacr. Belg. Chronol. P. II. pag. 360. & 506. Histor. quoque Episcop. Antverp. Bruxellis in 4. apud Franc. Foppens a. 1717. pag. 81.





SYNODUS PADERBORNENSIS DIOECESANA

Sub Sermo & Revmo FERDINANDO, Bavarie Duce, Archiep.
Colon. & Paderbornensi XLIII. Episcopo,

CELEBRATA

Anno Christi MDCXLIV. Urbani VIII. Papæ XXIII.
Ferdinandi III. Imp. VII.

DIE 8. MARTII.

INDICTIO, ACTA, & DECRETA

Sacræ Synodi Diœcesanæ Paderbornensis,

PRÆSIDENTIBUS,

Serenissimi & Reverendissimi FERDINANDI, DEI & Apostolicæ
Sedis gratia Electi & Confirmati Archi-Episcopi Colonienfis, S. R. I. per Italiam Archi-Can-
cellarii, & Principis Electoris, ejusdem S. Sedis Legati Nati, Episcopi ac Principis Paderbor-
nensis, Monasterienfis, & Leodiensis, Administratoris Hildesienfis, Berchtesgadensis, & Stabu-
lensis, Comitis Palatini Rheni, utriusque Bavarie, Westphalie, Angarie & Bullionis
Ducis, Marchionis Francimontani, Comitis Pirmontensis, Sternbergensis, Loffensis,
Longienfis, & Hornensis, &c. Domini nostri Clementissimi

COMMISSARIIS

Reverendissimis ac Prænobilibus Dominis, D. THEODORO ADOLPHO a RECK,
& D. CASPARO PHILIPPO a KETTELER, Ecclesiæ Cathedralis
Paderbornensis respectivè Prapósito & Decano.

NEC NON

Reverendissimo Domino, D. BERNARDO FRICK, S. Theologiæ Doctore, designato
Suffraganeo Paderbornensi, & in Spiritualibus Vicario Generali.

INDICTIO SACRÆ SYNODI DIOECESANÆ PADERBORNENSIS,

AD FERIAM TERTIAM, QUÆ ERAT 8. DIES MARTII, POST
DOMINICAM LÆTARE, ANNI MDCXLIV.

FERDINANDUS, DEI ET APOSTOLICÆ SEDIS GRATIA

Electus & Confirmatus S. Colonienfis Ecclesiæ Archi-Episcopus, S. R. Imperii Elector, & per
Italiam Archi-Cancellarius, ejusdem Apostolicæ Sedis Legatus Natus, Episcopus ac Princeps
Paderbornensis, &c. &c. Universis ac singulis Abbatibus, Prapósitos, Decanis, Abbatissis,
Prioribus, Archi-Diaconis, Capitulis, Conventibus, Cathedralis & Collegiatarum, Regula-
rium & Sæcularium, Parochialiumque Ecclesiarum, & Divinorum Rectioribus, totique
Clero, Clericis, Notariis, & Tabellionibus publicis quibuscunque per Civitatem
& Diœcesin nostram Paderbornensem ubilibet constitutis, qui de jure
vel consuetudine Diœcesanæ Synodo interesse tenentur, Salutem
in Domino sempiternam.

Postquam grave illud Pastoralis muneris nente) imposuit esse agnosceremus, ut vide-
onus hujusmodi nostris, (Domino sic dispo. licet juxta Apostoli (a) commonitionem, at-
tenda-

tendamus universo gregi; in quo nos Spiritus Sanctus posuit Episcopos regere Ecclesiam Dei, quam acquisivit Sanguine suo: memores Nos aliquando coram iusto Iudice, pro animabus commissæ Nobis plebis districtam rationem reddituros esse, quasi in quadam specula positi, ingentem sane & anxiam solitudinem animo nostro semper concepimus, & ad omnem suscepti muneris recordationem frequenter ingemimus; non enim ignorabamus, depositum, quod tradente & commendante Christo, suscepimus, quanta in illo asseruendo cura, solitudine & labore desudare Nos oporteat, quantave pena Nos maneat, & quam terribilis Nos Domini sententia expectet, si quicquam de thesauro illo, quem sedulus & prudens Negotiator pretio sanguinis sui comparandum duxit, nostra forte incuria perire contigerit.

Accedebat ad hunc cumulum solitudinis nostræ, & timoris pondus in immensum augebat, quod functionem nostram Pastoralem in eam videbamus tempestatem incidisse, qua gravissimorum bellorum injuriæ, ac extreme totius pene Diœcesis nostræ devastationes, dum tumultibus & bellis ferverent omnia, oviculas Christi sanguine redemptas, crudelem in modum depascebant.

Verum cum in presenti Deus paulo meliorem verum speciem futuram promittat, ut ante omnia Ecclesiastica disciplina in Clero nostro, multis partibus deformata, pristinae dignitati ac nitori, quantum fieri adhuc potest, restitueretur, hanc rationem, quam diu multumque optavimus, libenter amplexi sumus, ut sacras functiones & Ecclesiasticam disciplinam ad antiquam reduceremus observantiam.

Nos igitur Officio nostro defuncturi, more Majorum hanc instaurationem a Synodo Diœcesana, quæ quidem juxta S. Concilii Tridentini (b) Sanctiones, quotannis celebranda fuisset, sed pluribus jam annis ob bellorum injurias intermissa, auspicabimur, ut quod ad communem Ecclesiæ utilitatem ac regimen pertinet, plurimum ac majorum Iudicum arbitrio decernatur.

Auspiciabimur autem, Divina favente gratia, Feria tertia post Dominicam Lætare, quæ erit 8. dies Martii proxime futura, mane ad horam octavam in Civitate nostra Paderbornensi loco solito & consueto, videlicet in Ecclesiæ nostræ Cathedralis majore domo Capitulari.

Quocirca ad eum diem & locum Vos omnes & singulos supradictos hisce nostris literis paterne invitamus, ac peremptorie evocamus, idque eo tempestivius, quo instructiores adesse possitis, præmonentes Vos omnes & singulos, ut super his, quæ in Synodo tractanda erunt, diligenter ac sedulo præcogitetis, atque in scripto exhibeatis, videlicet:

An verbum Dei pure & sinceriter in omnibus totius Diœcesis nostræ locis annuncietur? Num alicubi manifeste aut occulte, in conventiculis noxia & perversa doctrina disseminetur?

Quot & quos in locis Vobis commissi Hæreticos sive Nobiles, sive ignobiles habeatis, & an forte Prædicantes ex vicinioribus locis hæreticis assumpti in eorum arcibus aut domibus copulent, baptizent, aut sepeliant?

Et an sciatis quosdam in gradibus prohibitis copulatos?

Ecclesiæ & Altaria vestra an sint consecrata? quot violata?

An Venerabile Sacramentum pro ægris communicandis, sacrum Chrisma, Olea sacra & Infirmorum debite custodiantur?

An Ecclesiæ sartæ & tectæ conserventur?

Et an omnes suos Ministros, & eosdem satis idoneos & utiles habeant?

De Sacramentorum & Divinorum Officiorum administratione; an illa pie & diligenter in veste Clericali, superpelliceo & stola administrantur & observentur?

An circa sacra Missæ Officia, & Horas Canonicas omnia illa fiant, quæ in Reformatione exiguntur?

An omnes habeant libros Missales, Antiphonarios, Agendas, & Breviaria?

An Calicem, patenam, corporalia, & vestes sacras ad Missam pervendam requisitas?

Num dies Festi, Dominica, & Fejunia rite observentur, & populo demuntentur?

An habeant sermonem ad populum? An Catechismo, sive doctrinæ Christianæ docendæ dent operam?

An in amplioribus Parochiis Pastores, qui ad hoc obligati sunt, Sacellanos suos habeant?

An Hospitalia, pro pauperibus fundata, recte & debite administrantur?

An omnis mercatura & nundina sub Divino Officio cessent?

An habeant librum, in quo descriptus sit animarum sibi commissarum status. Item:

Nnn n 3

(b) Sess. 24. c. 2. de Reform.

An habeant libros Baptizatorum, Matrimoniorum, & Demortuorum?

Cui confiteantur, quando ultimo confessi, & confessionis suæ fide dignum testimonium exhibeant?

An in Parochia sua resideant?

An vestem Clericalem, biretum, & superpelliceum habeant?

An etiam aliquem Theologum, qui tradat casus conscientie, Concionatorem, quo utantur in formandis concionibus?

An egros in extremis communicent & unguant?

An orationes 10. horarum juxta nostrum mandatum in Ecclesiis designatis observent, & in reliquis Parochiis injunctas Litanias & Orationes pro bellis avertendis & pace impetranda perfolvant?

An sortilegos, incantatores, superstitiosos, Simoniacos, usurarios, scortatores, adulteros, aut alios excessus in omni Diœcesi nostra dignos animadversione noverint, sive id ad mores & vitam singulorum, sive ad Ecclesiarum utilitatem, atque adeo ad totam Religionem nostram aliqua ratione pertinere videatur?

Nec hoc satis; dispendia etiam sunt consilia, & querenda remedia, ut cum morbo ostendatur simul & medicina, sed & aliorum querelæ atque controversiæ graviter cognoscendæ sunt, & communicatis sententiis designandæ.

De his igitur omnibus & singulis, quæ aliqui in Synodis Diœcesanis tractari, vel necessitas vel utilitas Ecclesiarum Diœcesis nostræ postulat, ut præmeditati & scripto instructi, Sanctæ Synodo prædictæ interfitis, Vos paterne invitamus, ac Vobis omnibus & singulis in virtute sanctæ obedientiæ pro auctoritate nostræ ordinariæ serio demandamus.

Si quæ vero manifesta sint, ea a Vobis non expectata Synodo mox componantur, & corrigantur, ne iis gravetur Synodus, sed eo liberior reliquis, quæ accurata magis deliberatione indigent, intendere possitis.

Volumus etiam, ut die Dominica, quæ proxime Synodum præcedit, Parochi, qui præsertim Capellanos non habent, inquirent publice in Ecclesia, si qui sint egroti in Parochia, ut illos visitent, etiam non requisiti, & eos commendent vicinis Sacerdotibus seu Regularibus, ne durante Synodo fiat eorum moræ periculi occasio. Interim Parochi sæpius mo-

neant populum sibi commissum, ut uberem fructum a Deo suis precibus postulent, idemque multo magis præsentem Clericum, & ad hunc effectum consequendum tribus Festis aut Dominicis diebus ante Synodi celebrationem, Parochi Litanias omnium Sanctorum ante Missam cum populo devote recitent.

Quod si vero quispiam negligentior, aut etiam contumacior ad hanc Decretorum censuram absque rationabili causa aut canonico impedimento venire neglexerit, aut recusaverit, Synodalis confessus arbitrari multabitur, cæteris juris penis ad legitimam prævaricationum vindictam, perpetuo duraturis. In cuius rei testimonium, Secretum nostrum presentibus manu nostra subscriptis est subimpresum. Datum in Civitate nostra Bonnae, hac decima die mensis Februarii, anno Millesexcentesimo quadragésimo quarto.

Ferdinandus.

(L.S.)

ORDO S. SYNODI

DIOCESANÆ PADERBORNENSIS.

Pridie indiætæ Synodi, hoc est septimo die Martii, vespere intra quintam & sextam, dato primo signo in Cathedrali Ecclesia, in omnibus Ecclesiis Civitatis Paderbornensis sollemniter fuit pulsatum.

Octavo Martii, qui erat dies Martis, mane Matutinum inchoatum fuit in Cathedrali, præcise ad punctum quartæ horæ cantando, reliquæ vero horæ legendo, continuatæ sunt usque ad Vesperas. Sub minoribus horis Missæ ordinariæ de tempore, & si quæ aliæ fuerunt, etiam lectæ sunt.

Hora sexta cantata fuit cum Organo & Musico cantu Missa ordinaria de S. V. MARIA.

Hora septima iterum primo dato signo in Cathedrali Ecclesia, in reliquis Ecclesiis per totam Civitatem Paderbornensem pulsus factus est sollemnis.

Medio octavæ convenerunt ad locum Capitularem Reverendissimi Domini Commissarii, cum Reverendissimis Dominis Capitularibus, de pronunciandis, statuendis, & reformandis tractaturi.

Hora octava totius Civitatis Clerus tam primarius, quam secundarius in albis in Choro majoris Ecclesiæ præsto fuit, & e Choro hoc

hoc ordine ad navim sive medium Ecclesiæ descendunt.

Præcesserunt Pedelli more suo; duo Scholares cum Crucibus cappati; deinde duo Ceroferarii.

Hos secuti sunt duo juniores Beneficiarii cappati cum thuribulis, & Scholares cum naviculis & thure.

Post hos Subdiaconus librum Evangeliorum portans, & Diaconus in rubeis Dalmaticis, Missæ ministraturi ante Altare S. Crucis.

Deinde Clerus urbanus ex Collegiata Sanctorum Apostolorum Petri & Andreae, & Cathedrali, sequentibus Canonici & Prælati, ac demum Reverendissimis Commissariis cappatis, & eorum Sacellanis, quousque venerunt ad locum Occidentalem majoris Ecclesiæ ante fontem, ubi Canonici & Clero alternatim hinc inde se trahentibus, Reverendissimi Domini Commissarii tres sedes in medio Ecclesiæ super taperibus positas occuparunt, donec solennis Missa de Spiritu Sancto in organo cum musico cantu a Reverendissimo Domino Theodoro Adolpho a Reck, Ecclesiæ Cathedralis Præposito & Commissario, (quem supradicti Scholares, cum Crucibus, cereis ac thuribulis ad altare S. Crucis duxerunt, & post Missam ad suum locum reduxerunt) celebrata, esset finita.

Interea Dominus Abbas Abdinghoffsensis, qui tunc solus ex Abbatibus aderat, & Clerus foraneus in medio Ecclesiæ se reverenter stiterunt.

Absoluta Missa, lecta fuit Commissio Serenissimi & Reverendissimi Archi-Episcopi & Electoris Colonienfis, Episcopi & Principis Paderbornensis, ante altare S. Crucis, per Reverendum Dominum Franciscum Costerum, Ecclesiæ Cathedralis primum Vicarium, sequentis tenoris:

FERDINANDUS, DEI ET
Apostolica Sedis gratia Electus & Confirmatus
S. Colonienfis Ecclesiæ Archi-Episcopus, S. R. I.
Princeps Elector, & per Italiam Archi-Cancellarius, ejusdem S. Sedis Legatus Natus, Episcopus ac Princeps Paderbornensis, &c. Venerabilibus atque Docto, Nobis devote dilectis,
Theodoro Adolpho a Reck, Casparo Philippo a Ketteler, & Bernardo Frickio, Sr. Theol. Doctori, respectivè Cathedralis Ecclesiæ nostræ Paderbornensis Præposito, Decano, atque in Pontificalibus designato Vicario nostro generali, Salutem in Domino.

Cum per nostræ gravissimæ sollicitudinis publicas occupationes impediamur, quo

minus futura Synodo, quæ in Civitate nostra Paderbornensi, feria 3. post Dominicam Lætare, octava die mensis Martii, ex laudabili Majorum nostrorum consuetudine, celebrabitur, personaliter interesse, & præsidere possimus; Idcirco Vobis (de quorum prudentia, zelo, pietate, & legalitate singularem gerimus fiduciam) præsentium tenore in Domino committimus, ut dictæ Synodo nostro nomine præsideatis, & Synodales hujusce, quas Vobis transmittimus, Constitutiones promulgari curetis, ac ad earum observantiam Clerum nostræ Diocesis debite admoneatis, ac, prout juris est, admoneri faciatis, & quicquid Nos in dicta Synodo personaliter agere possimus, nostro nomine peragatis, insuper etiam illius Synodi acta, nec non præsentium & absentium nomina, ad Nos in scripto obedienter referatis: Hæc enim est seria nostra voluntas, manu & sigillo nostro roborata. Data in Civitate nostra Bonnæ, die 23. mensis Februarii, anno post Christum natum Millesimo sexcentesimo quadragésimo quarto.

Ferdinandus.

(L.S.)

JOANNES SCHÖNHEIMB.

Lecta Serenissimi Commissione, Reverendissimus Dominus Præpositus Synodum aperuit sub sequentibus verbis:

IN nomine igitur Sanctissimæ ac Individuæ Trinitatis, Patris, & Filii, & Spiritus Sancti. Ad Dei Omnipotentis, ac Beatissimæ Virginis Dei Matris, & S. Laborii Episcopi & Confessoris, Patroni nostri, laudem & honorem, hanc Diocesanam Synodum a Serenissimo Principe nobis clementissime commissam, incipimus. Faxit idem Omnipotens Deus, pro sua misericordia, precibusque Virginis Beatissimæ, ac ejusdem S. Patroni nostri, aliorumque Sanctorum, ut, quemadmodum speramus, ex hoc sacro cætu, lumen & spiritum omnes reportemus ad officia nostra secundum voluntatem Dei peragenda.

Post hanc allocutionem cantata fuit Antiphona per Succentorem & Chorales: Exaudi nos Domine, & Psalmus 68. Saluum me fac Deus. Sub octavo tono, quo finito, repetita fuit Antiphona, Exaudi. Deinde imposuit Reverendissimus Dominus Præpositus ex Pontificali Romano.

Asumus Domine S. Spiritus, adsumus, peccati quidem immanitate detenti, sed

in nomine tuo specialiter aggregati: *Veni ad nos, adesto nobis, dignare illabi cordibus nostris: doce nos, quid agamus, quo gradiamur, ostende, quid efficiamus, operare.* *Esse solus & Suggestor & Effector iudiciorum nostrorum, qui solus cum Deo Patre, & ejus Filio nomen possides gloriosum: non nos patiaris perturbatores esse justitia, qui summe diligis equitatem, ut sinistram nos non ignorantia trabat, non favor insectat, non acceptio muneris vel persona corrumpat, sed junge nos tibi efficaciter solius tue gratia dono, ut si mus in te unum, & in nullo deviemus a vero; quatenus in nomine tuo collecti, sic in cunctis teneamus cum moderamine pietatis justitiam, ut hic a te in nullo dissentiat sententia nostra, & in futuro pro bene gestis consequamur præmia sempiterna.*

Responsum fuit ab omnibus *Amen.*

OREMUS.

Omnipotens sempiternus DEUS, qui misericordia tua nos incolumes, in hoc loco specialiter aggregasti, mentes nostras quesumus Paraclitus, qui a te procedit, illuminet, & inducat in omnem, sicut tuus promisit Filius, veritatem, cunctosque in tua fide & charitate corroboret: ut excitati a temporali Synodo, proficiamus ad æternæ felicitatis augmentum. *Per eundem Dominum nostrum Jesum Christum Filium tuum, qui tecum vivit & regnat in unitate ejusdem Spiritus Sancti Deus, per omnia sæcula sæculorum, Amen.*

Finita Collecta, duo Cantores, videlicet primi Vicarii Cathedralis Ecclesiæ, cappati ad pulpitem in medio Ecclesiæ, cantarunt Litanias omnium Sanctorum. Et postquam cantatum fuit: *Ut omnibus fidelibus, &c. Te rogamus, audi nos.* Reverendissimus stans, benedicens Synodo, dixit: *Ut hanc præsentem Synodum visitare, disponere, & benedicere digneris. & Bc. Te rogamus, audi nos.* Cantoribus Litanias perficientibus.

Quibus cantatis, Reverendissimus perrexit, dicens versus Altare.

OREMUS.

Diaconus: *Flectamus genua.* Subdiaconus resp. *Levate.*

DA, quesumus, Ecclesiæ tuæ misericors Deus, ut Spiritu Sancto congregata, secura tibi devotione servire mereatur. *Per Dominum nostrum &c.*

Resp. *Amen.*

Deinde impositum fuit incensum in thuribulo; & benedictum a Reverendissimo.

Diaconus benedictione accepta, regressus fuit ad altare S. Crucis, quod est ante Chorum, præcedentibus Thuriferariis, Ceroferariis, & Subdiacono librum Evangeliorum portante, & cantavit Evangelium ex S. Luca Cap. 10.

Dominus vobiscum. Resp. *Et cum spiritu tuo.*

Sequentia S. Evangelii secundum Lucam. Resp. *Gloria tibi Domine.*

In illo tempore: designavit Dominus & alios septuaginta duos, & misit illos binos ante faciem suam in omnem civitatem & locum, quo erat ipse venturus. Et dicebat illis: *Messis quidem multa, operarii autem pauci. Rogate ergo Dominum messis, ut mittat operarios in messem suam.* Ite: ecce ego mitto vos sicut agnos inter lupos. Nolite portare sacculum neque peram, neque calceamenta, & neminem per viam salutaveritis. In quamcunque domum intraveritis, primum dicit: *Pax huic domui.* Et si ibi fuerit filius pacis, requiescet super illum pax vestra: Sin autem, ad vos revertetur. In eadem autem domo manete, edentes & bibentes, quæ apud illos sunt: dignus est enim operarius mercede sua. Nolite transire de domo in domum. Et in quamcunque Civitatem intraveritis, & susceperint vos, manducate, quæ apponuntur vobis: & curate infirmos, qui in illa sunt, & dicit illis: *Appropinquavit in vos regnum Dei.*

Post Evangelium retulerunt eodem ordine librum Evangeliorum Reverendissimis osculandum, qui & incensati sunt, deinde reliqui Prælati de Capitulo, postmodum Abbas Abdinghoffsensis, reliquis absentibus, & totus Clerus.

Interea imposuerunt Cantores: *Veni Sancte Spiritus.* uti in Missa de Spiritu S. cum nota solenni.

Reverendissimo cantante *V. Emitte Spiritum tuum, & creabuntur.* Bc. *Et renova bis faciem terræ.* cum Collecta:

OREMUS.

DEUS, qui corda fidelium Sancti Spiritus illustratione docuisti, da nobis in eodem Spiritu recta sapere, & de ejus semper consolatione gaudere. *Per eundem Dominum &c.*

Item Cantores incesperunt: *Alma Redemptoris Mater.* Reverendissimo cantante: *V. In omni tribulatione & angustia nostra, nunc & in mortis hora,*

Bc. *Succurre nobis Beatissima Virgo MARIA.*

ORE-

O R E M U S.

Concede nos famulos tuos, quæsumus Domine Deus, perpetua mentis & corporis sanitate gaudere, & gloriosa B. Mariæ semper Virginis intercessione a præsentis liberari tristitia, & æterna perfrui lætitia. Per Dominum, &c.

Post hæc cum regrediendum esset ad Chorum, præcesserunt Scholares cum Crucibus, Thuriferarii, & reliqui, post quos Pastores & Clerus foraneus, qui hætenus in navi Ecclesiæ expectarunt, secuti sunt: deinde Clerus urbanus, Abbas Abdinghoffensis, cæteris absentibus, Canonici Cathedralis Ecclesiæ & Prælati, ac demum Reverendissimi Domini Commissarii, ordine quo supra. Cantoribus imponentibus Responsorium de S. Liborio Patrono, Episcopo & Confessore: *Sint lumbi vestri præcincti, & lucernæ ardentes in manibus vestris; & vos similes hominibus expectantibus Dominum suum, quando revertatur a nuptiis.* Vers. qui cantatus est a duobus primariis Vicariis: *Vigilate ergo, quia nescitis, qua hora Dominus vester venturus sit.* Et vos. Gloria Patri, &c. Et vos.

In Choro facta est statio cum Clero, & finito Responso, cantavit Reverendissimus:

V. Justum deduxit Dominus per vias rectas.

R. Et ostendit illi Regnum Dei.

O R E M U S.

DEUS, qui populo tuo æternæ salutis B. Liborium Ministrum tribuisti, præsta quæsumus, ut quem Doctorem vitæ habuimus in terris, Intercessorem quoque semper habere mereamur in cælis. Per Christum, &c.

Qua Collecta finita, ascendit ad locum Capitularem universus Clerus, atque ubi omnes locum suum a Reverendo D. Joanne Schmedt, Cathedralis Ecclesiæ Beneficiario, atque hujus S. Synodi Notario, sibi assignatum occuparunt, Reverendissimus allocutus Clerum hisce verbis:

Venerabiles Consacerdotes, & Fratres nostri Charissimi, præmissis Deo precibus oportet, ut ea, quæ de Divinis Officiis vel sacris Ordinibus, aut etiam de nostris moribus & necessitatibus Ecclesiasticis, a nobis conferenda sunt cum charitate & benignitate unusquisque vestrum suscipiat, summaque reverentia quantum valet, Domino adjuvante, percipiat; vel quæ emendatione digna sunt, omni devotione unusquisque fideliter student

Tomus IX. Concilior. German.

emendare. Et si cui forte, quod dicitur aut agetur, displiceat, sine aliquo scrupulo contentionis palam coram omnibus conferat, quatenus Domino mediante, & hoc ad optimum statum perveniat, ita ut nec discordans contentio ad subversionem justitiæ locum inveniat, neque iterum in perquirenda veritate, vigor nostri ordinis vel sollicitudo tepescat.

Hic habitus est Sermo Synodalis per Reverendissimum ac Prænobilem Dominum D. Theodorum Adolphum a Reck, Ecclesiarum Cathedralium Paderbornensis & Monasteriensis respectivè Præpositum & Canonicum, Serenissimi & Reverendissimi Electoris Archi-Episcopi Colonienfis, Episcopi ac Principis Paderbornensis Consiliarium intimum, hujus Sacræ Synodi Concommissarium, sequentis tenoris.

S E R M O S Y N O D A L I S.

Et nunc Fratres, quoniam vos estis Presbyteri in populo DEI, & ex vobis pendent animi illorum, ad eloquium vestrum corda illorum erigite. Judith 8. V. 21.

Cum ex diversis horum temporum calamitatibus & indies in tam diuturni, per totam Christianitatem magis incrudescens belli, luctuosissimis spectaculis, indeque Provinciarum & Templorum subsequentibus desolationibus & everfionibus, mala ista, quæ Deus filiis sceleratis, genti peccatrici, populo gravi iniquitate, & ad se in humili & sincero corde non revertenti, clamanti, & penitenti, comminatus est, non immerito agnoscamus, iramque Omnipotentis DEI peccatorum nostrorum vindicem sentiamus: Cum etiam appareat, quod iniquitates nostræ supergressæ sint caput nostrum, & sic juxta Esaiam percussi, *Omne caput languidum, & omne cor marens, terra nostra deserta, civitates nostræ successæ igni, regionem nostram coram nobis alieni devorent, & desolata sit in vastitate hostili, ita ut miseri facti & curvati usque in finem tota die ingrediamur.* Hinc sedulo nobis unanimi consilio ac conatu, opportuna quærenda remedia, nec id, quod propria distantie conscientia & scientia, aut Divina humanaque autoritate & experientia edocti, salutare esse intelligimus, respuendum, negligendum, vel cum nausea aliqua amplectendum & sumendum.

A pluribus jam annis, inter cæteras per arma hostilia Ecclesiæ illatas injurias & damna, non minori loco annumerandum esse videtur, si statum Ecclesiarum, vocationem quisque suam, cum vita & moribus, sicut

O o o o decet,

decer, in timore & tremore, coram Deo, qui renes & corda scrutatur, considerare velit, quod illa Pastoralis officii Serenissimo nostro Episcopo, &c. incumbens sollicitudo a consueta celebratione Synodi, non quidem diminuta, rejecta vel sublata, sed tantum ad effectum ordinario isto modo agendi, per aliquot annos impedita fuerit, nec ista, prouti intentio erat & est, disciplinæ Ecclesiasticæ restauratio, & pravorum morum in Clero correctio, & vitæ emendatio subsecuta sit. Cum vero nunc, DEO ter Opt. Max. fiat laudes, iussu & auctoritate Serenissimi Electoris, Episcopi nostri, [qui gravissimis de causis adesse non potest] convenierimus, ut de sacris functionibus, & Ecclesiastica disciplina, ad antiquam reducendam observantiam, pro communi Ecclesiæ utilitate & bono, plurimum iudicio decernatur, hisce temporibus ac miseriis nostris, nobis Presbyteris ac Pastoribus, inter alia convenientia verba de lib. Judith: *Et nunc Fratres, quoniam vos estis Presbyteri in populo Dei, & ex vobis pendent animi illorum, ad eloquium vestrum corda illorum erigite, consideranda, & de iisdem aliquid, quantum ratio temporis permittit, dicendum esse duxi.* Ita ut primo paucis nobis in memoriam revocem: *Quod Deus peccata, quamvis tardus sit ad irascendum, in hac etiam vita, graviter puniat; quodque Sacerdotum peccata sunt graviora & abominabiliora coram Deo & hominibus. Secundo. Quomodo Deus Sacerdotum peccatis quam maxime ad iracundiam provocetur, qui ad eandem averterendam vocati & electi, & ad orandum pro aliis obligati sunt.* 3. *Quales ideo deceat esse Sacerdotes & Pastores, ut efficaciter orare, & ad eloquium suum corda aliorum cum fructu erigere possint.* De quibus cum ordine proposito tractatum fuerit, bene inferendum & concludendum erit, quod ex vita, precibus, & doctrina Presbyterorum, qui sunt in populo Dei, pendeant animi populorum, & quod ad eloquium Sacerdotum, corda illorum taliter erigi possint; Ut Tu Domine Deus miserator & misericors, [c] *patiens & multæ misericordiæ & verax, in millia bis, qui diligunt te; qui etiam cum iratus fueris, misericordiæ recordaberis, non secundum peccata nostra facias nobis, (d) nec ulterius auferas a populo Christiano pacem, misericordiam & miserationes, sed miseraris omnium, quia omnia potes, & dissimulas peccata propter penitentiam.*

Primo igitur, Quantum attinet peccatorum vindictam, prouti Deus nullum bonum irremuneratum, ex benignitate sua, ita nullum malum impunitum relinquit ex iustitia sua, idipsum de Angelis e cælo ex-

pulsis, scimus; & omnes in hac lachrymarum valle primorum parentum e Paradiso ejectorum luimus peccatum. Quod fratri-
cidium Cain profugum, corruptio universæ carnis diluvium, Sodoma & Gomorra de-
testabili vitio ignem e cælo venire, Egyptios post plagas Aegyptiacas populum Israel opprimentes & inscquentes in mari sepeliri fecerit, satis vulgatum est. *Et operuit aqua tribulantes eos, unus ex eis non remansit.* (e) Calamitates, bella, pressuras, quas passus est populus Israel in tor captivitatibus, omnia ista ob peccata eorum (Scriptura sacra testante) obvenierunt. Quæ & testimonia vindictæ & iustitiæ Divinæ in Nadab & Abia, in ipso Moyse & Aaron, in Saule, Davide, Salomone, Roboam, aliisque Regibus Judæ & Israel, in Sennacherib, Nabuchodonosor, Antiocho, Balthasare, & quam plurimis suppeditat. Invenimus etiam (Biblia sacra pervolvendo) elementa ipsa, Terram, Aquam, Ignem, & Aerem peccata hominum abominando, iræ & furoris Domini, cum aliis creaturis documenta perhorrenda reliquisse, ita ut quæ condita erant ad hominum salutem, ea a Deo ultore, ad impiorum perniciem verterentur. *Levit. 20. v. 22.* dicit Dominus: *Custodite leges meas atque iudicia, & facite ea, ne & vos evomat terrâ, quam intraturi estis & habitaturi, aperta est terra & deglutivit Dathan, & operuit super congregationem Aviron, & exarsit ignis in Synagoga eorum: flamma combussit peccatores.* Et ut reliqua omnia tam veteris, quam novi Testamenti, & approbatarum historiarum exempla omittam, ipsi videmus, *Quod Dominus posuerit iniquitates nostras, [f] seculum nostrum in illuminatione vultus sui. Quoniam omnes dies nostri defecerunt, & in ira ejus defecimus.* In hoc igitur puncto non locus ambiguitatis, dubii vel disputationis, sed magnæ admirationis, confusionis & doloris relinquitur, quod nos Christiani, qui propria Domini confirmati Passione, & ejus proprio Sanguine redempti, & quorum pravos affectus suo cruore diluere intendit, & sic in Sanguine JESU CHRISTI sanctificati sumus, expectantes beatam spem & adventum ejus; quod nos, inquam, cum insipientibus, quasi Deus non esset, nec retroactis sæculis unquam aliquid punitum fuisset, aut bene meritis æterna cælorum præmia manerent, cum sceleratis senibus Susannam ad peccatum invitantibus, & falso de eodem accusantibus, evertamus sensum nostrum, & declinemus oculos nostros, ut videamus cælum, neque recordemur iudiciorum nostrorum, & ita læpius, *sicut equus & mulus, in quibus non est*

(c) Exod. 34. v. 6.

(f) Psal. 89. v. 9.

(d) Sap. 11. v. 24.

(e) Psal. 105. v. 11.

est intellectus, peccatis gravioribus nos contaminemus, & Creatorem ac Redemptorem nostrum ad iracundiam provocemus. Deus *Judex justus, fortis, & patiens*: numquid irascitur per singulos dies? nisi conversi fueritis, gladium suum vibrabit: arcum suum tendit, & paravit illum, & in eo paravit vasamortis, sagittas suas ardentibus effecit. [g.] Satis vero nunc nobis in memoriam revocatum existimo, quod Deus, quamvis infinite bonus sit & misericors, & ejus proprium sit misereri & parcere, in hac tamen vita peccata etiam graviter puniat; indeque tam bella, quam aliae calamitates & adversitates omnes Davidi ab Angelo ob oculos posite proveniant. Discamus & cum Ethnicis moniti justitiam, & non temnere divos.

Restat nunc, quod Sacerdotes in se conspectus crimen habeant, quo Deus singulariter offendatur, declarare. In quo primo pro meliori omnium nostrum intelligentia, admonitione, & ædificatione diligenter observandum, & cum tota historia annotandum est, hoc verbum, quod locutus est Dominus *Levit. 10. v. 9. Sanctificabor in iis, qui appropinquant mihi. Et quod monet Exod. 19. v. 22. Sacerdotes, qui accedunt ad Dominum, sanctificentur, ne percussit eos. Quomodo etiam sit ulciscens in omnes adinventiones eorum, habetur Numer. 20. & ut S. Paulus ad Thessalon. C. 4. v. 6. affirmat: *Vindex est Deus de omnibus. Quantum enim ponderet Deus Sacerdotum peccata, liquet ex punitione Heli & filiorum ejus. 1. Reg. C. 3. v. 11. & seqq.* ubi ait Dominus: *De Heli faciam verbum, quod qui audivit, timuit ambe aures ejus, prædixi enim ei, quod judicaturus essem domum ejus in æternum propter iniquitatem, nec expiabitur iniquitas domus ejus victimis & maneribus usque in æternum.* Ob idipsum arcam capi permisit. Et certe Sacerdotum peccata, dum Divinis Sacrificiis sunt injurii per improbam vitam, graviora esse, & gravius ponderanda, quam aliorum, nulli debet esse dubium; æstimatur enim peccatum non tantum ex natura operis, sed etiam ex conditione & dignitate operantis. Unde non solum propter Sacerdotum peccata ipsi, sed & plebs Dei gravissimis affligatur malis, & exprobrans Dominus improbis Sacerdotibus *Malach. C. 2. v. 8. dicit: Vos autem recessistis de via, & scandalizastis plurimos in lege, irritum fecistis pactum. S. Bernardus mala subsequenter in Sermone. Ecce nos, &c.* hisce paucis expresse: *Quod misera Sacerdotum conversatio sit plebs Dominice miserabilis subverso. Audiamus de similibus Prophetam Jeremiam Cap. 10. v. 18. & seqq. Ecce**

ego longe projiciam habitatores terre in hac vice, & tribulabo eos ita ut non inveniantur. *Va mihi super contritione mea, pessima plaga mea. Tabernaculum meum vastatum est, omnes funiculi mei disrupti sunt, filii mei exierunt a me, & non subsistunt, non est qui extendat ultra tentorium meum, & erigat pelles meas, quia stulte egerunt Pastores, & Dominum non quaesierunt, propterea non intellexerant, & omnis græcæ eorum dispersus est.* Tempus non permittit hanc Jeremiæ querelam particularius explicare, nec ad longum referre, quod S. Cyprianus gravissimam calamitatem, suo tempore Africam depopulantem Sacerdotibus adscripserit; ut S. Gregorius sui temporis clades iisdem attribuit hisce verbis: *Quanto mandas gladio feratur, adspicitis, quibus quotidie percussioibus intreat populus, videtis, cujus hoc nisi nostro Sacerdotum peccato agitur, nos pereunti populo auctores mortis existemus, qui esse debemus duces ad vitam: Ex nostro peccato populi turba prostrata est. Advertant bene Pastores, quod vir sanctus & tantus Ecclesiæ Doctor dicat & deploret: Ex nostro, inquit, peccato populi turba prostrata est, quia nostra negligentia ad vitam erudita non est. Quid nunc miramur, si nosmetipsos confideremus, penitiusque inspiciamus tam diuturnam Ecclesiæ persecutionem, gravissimam vastitatem, Catholicorum Provinciis, [dum & ipsi in gremio S. Matris Ecclesiæ uniti Reges hostilibus armis & animis acerrime inter se decertant] incumbentem, Non obmurmuremus de felici successu Hæreticorum contra Catholicos, sed cum B. Hieronymo fateamur Sacerdotes, nostris peccatis Barbaros & Hæreticos fortes fieri, nostris vitiis Catholicorum superari exercitum. Sæ ergo velimus, ut indies oramus, ut pax Ecclesiarum nulla turbetur tempestate bellorum, emendemus in melius, quod vel ignoranter peccavimus, vel per fragilitatem aut malitiam commisimus. Et examinans se quisque & avertens ab iniquitatibus suis, quas operatus est, studeat habere cor suum immaculatum in justificationibus Domini, ut non confundatur, ac taliter constitutus, offerat dona & Sacrificia pro peccatis, tanquam Sacerdos placens Deo, qui inventus est justus, & in tempore iracundiæ factus est reconciliatio. [h.] Certum est enim, quod si ab alienati retrorsum, addamus prævaricationes, & manus nostras sanguine plenas teneamus, nec avertamus malum cogitationum nostrarum ab oculis Dei, ita ut juxta *Isaiam C. 1. v. 13. & seqq. Iniqui sint catus nostri, nos subjacere, per eundem Prophetam jam lata sententia in subsequenter: Ne offeratis ultra Sacri-**

(g) *Psal. 7. v. 12. & seqq.*

Tomas IX. Concilior. German.

(b) *S. Paul. ad Hebr. C. 1. v. 1.*

Sacrificium frustra, incensum est abominatio mihi. Calendas vestras & solennitates vestras odit anima mea; facta sunt mihi molesta; laboravi sustinens. Et cum extenderitis manus vestras, avertam oculos meos a vobis: Et cum multiplicaveritis orationem, non exaudiam.

De secundo puncto nunc ulterius dicturus, constat omnibus sacrarum Literarum, sanctorumque Patrum documentis, Sacerdotum inter alia proprium esse ad avertendam Dei iram Sacrificium offerre, & pro peccatis populi orare, ita ut sint quasi os commune populi, quo plures Deo loquuntur, & ideo semper in suis publicis orationibus dicunt: *Quasumus*, & non *Quaso*, *Oremus*, & non *Oro*. Numer. Cap. 6. V. 22. & seqq. Locutus est Dominus ad Moysen, dicens: *Loquere Aaron & filiis ejus, sic benedicetis filiis Israel, & dicetis eis: Benedicat tibi Dominus & custodiat te, ostendat Dominus faciem suam tibi, & misereatur tui, convertat Dominus vultum suum ad te, & det tibi pacem.* Invocabuntque nomen meum super filios Israel, & ego benedicam eis. Apud Judæos in veste Podêris, quam habebat Pontifex, totus representabatur orbis terrarum, uti per byssum seu linum, terra e qua nascitur, per Zonam Oceanus, terram cingens, & sic de aliis usque ad signa Zodiaci, per duodecim gemmas, ut & Sacerdos meminisset se pro universo mundo deprecato rem, non minus voce ac mente, quam habitu agere debere apud Deum. Sed ne hæreamus in antiquis, venio ad tremendum & Sacrosanctum Missæ Sacrificium, quod continet omnia genera sacrificiorum antiquæ legis, & ut dicit S. Leo ser. octava de Passione: *Nunc carnalium sacrificiorum varietate cessante, omnes differentias hostiarum una Corporis & Sanguinis Domini implet oblatio.* De qua S. Apostolus Jacobus in Liturgia ait: *Offerimus tibi incruentum Sacrificium pro peccatis nostris, & ignorantis populi.* Nec aliud est Missa, quam *Passionis Dominicæ non solum representatio, sed & mystica & incruenta renovatio.* Quapropter sicut semel patiens, & se in stemmate Crucis æterno Patri offerens, totius mundi peccata in se assumpsit, suo expianda cruore: ita in ipsum tanquam in eandem victimam in altari immolatam, peccata nostra transferimus, ut illa expiare dignetur; quod, ut significet Sacerdos, initio Sacrificii ad altaris gradus descendit, & ibi corpore cernuus, curvis in terram oculis, humilitatis spiritu, æterno se Patri præsentat, quasi totius populi peccatis onustus, ut viscera paterna commoveat; repræsentat porro Christum aut in hortu, aut in Crucis bajulatione incurvum, ob peccatorum pondus, ejus humeris impositum, sudore & san-

guine perfusum, Patri supplicantem. *Orat ergo ibi, ex instituto, in persona Christi Sacerdos pro delictis suis, & omnium circumstantium, pro peccatis totius mundi, pro quibus pretium sufficiens, semel oblatum in redemptionem, iterum renovatur & offertur, ut jam profit efficaciter in expiationem.* Quod superius de veste Podêris antiqui testamenti dictum, id multo magis meminisse debet Sacerdos novæ legis, personam Christi gerens, si nempe in veste Sacerdotali, Crucis figura signata, portare totum orbem terrarum, (quem & Christus Cruce oneratus portabat, & pro quo se immolabat) ideoque pro delictis totius mundi sibi orandum esse, maxime vero pro illis, qui commissi sunt suæ curæ, quorum nomina inscripta debet continuo gerere in mente. Ipsæ orationes etiam & verba component & instruunt Sacerdotem ipsum, non tantum pro circumstantibus, sed & omnibus Christi fidelibus vivis atque defunctis orare in illo tremendo Sacrificio, de quo S. Gregorius scribit: *Nemo fidelium dubium habere debet in ipsa immolationis hora, ad Sacerdotis vocem calos aperiri, & in illo Jesu Christi mysterio Angelorum Choros adesse.* Cogitet nunc quisque, quanta cordis contritione, & lachrymarum fonte, quanta reverentia & tremore, quanta corporis castitate & animæ puritate, istud Divinum & cœleste Sacrificium sit celebrandum. ●

Quare ad tertium progrediamur, ut videamus, quales deceat Sacerdotes esse, ut efficaciter orare, & ad eloquium suum corda illorum erigere possint: Qua in materia cum duo principaliter sint consideranda, Dicam primo de istis, quæ Sacerdotem concernunt, quantum ad interiorem hominem formandum erga Deum, ut bene & efficaciter orare possit: Deinde, cum Sacerdotium non solum Deum, sed & proximum respiciat, functiones varias habens annexas ad proximi salutem directe ordinatas, quædam afferam de perfectionibus & virtutibus requisitis in Sacerdote, ut fructum valeat in proximis cum effectu bono producere, & ad eloquium suum cor populi erigere. Quantum ad primum, non referam hic illa, quæ Deus antiquitus præcepit de lavandis & sanctificandis Sacerdotibus, sed ad nostrum nos convertamus Sacrificium, in quo Christus tradidit semetipsum pro nobis oblationem & hostiam Deo, in odorem suavitatis. (i) Uniuscujusque Sacerdotis menti fixum esse debet, quicquid sacri ministerii ab ipso, ex vocatione & consecratione peragitur, illud specialiter Christum æternum Sacerdotem operari. Ipse enim in Sacerdotibus baptizat, absolvit, consecrat, sacrificat, animas justificat, verbum

(i) Ephef. 5. V. 2.

būm vitæ ministrat, aliasque functiones peragit. Quapropter oportet, ut Sacerdotes ipsum speciali pietate colant, adorent, adament, ac spiritum ejus attrahere conentur, ex cujus virtute, afflatu & directione omnis sacra functio dependet: nec enim nos illam obire debemus quasi ex nobis, sed in illo, & per illum, cujus vices gerimus; cujus personam repræsentamus, cujus verbis utimur, cujus munere fungimur. Utrique ergo *maledictus erit, qui facit opus Dei fraudulenter & negligenter.* Nec vera fides esse videtur in Sacerdote isto, qui non concipit & demonstrat magnam reverentiam, submissionem & devotionem erga Jesum Christum, adeo sublimia per ipsum ministerium operantem, & qui non adnititur omnibus viribus, firma gratiæ & spiritus conjunctione velle illi continuo adherere, cujus est vivens & electum instrumentum: sic etiam deficiente fide, aut illa neglecta, extincta est charitas, & quæ tum spes erit, cum *Domini unicuique daturus sit, juxta viam suam, & juxta fructum adinventionum suarum.* (k) *Sequamur ergo Apostolum* [1], qui voluit nos esse imitatores sui, sicut & ille Christi fuit. Et quicumque hanc regulam juxta eundem Apostolum secuti fuerint, *Pax super illos, & misericordia, & super Israel Dei.* Secundo proponat sibi Sacerdos continuo JESUM CHRISTUM verum Deum & hominem, Sacerdotem, & Sacerdotii institutorem, ut pondus cordis, ut centrum sui amoris, ut scopum totius suæ intentionis, omnia sua ad ejus amorem, ad ejus gloriam perfecte referendo, totam vitam, totum affectum illi devovendo, a quo Sacerdotalem unctionem & consecrationem participavit, ita ut sit principium, medium & finis omnis devotionis & pietatis, qui est principium, medium & finis omnis gratiæ, potestatis; omnisque functionis Sacerdotalis. *Accedamus ergo Sacerdotes ad illum, qui est via, veritas & vita; & bauriamus aquam vitæ & salutis de ipsius inexhausto fonte, aliosque adducamus ut veniant, bauriant, bibant, & non moriantur in æternum, non decipiantur per mendacium, non pertrahantur in exitium.* Cum enim leo ille infernalis circumbeat, querens, quem devoret, ita ut in via, qua ambulabamus, abscondat laqueum, diligentissime attendendum est, ut in omnibus functionibus & actionibus sit pura intentio, quæ est radix & fundamentum bonitatis & perfectionis nostrarum actionum: facile enim vanus aliquis finis subrepat actiones etiam sacras inficiens. Et certum est Dæmonem insidiari non solum actionum principiis, quoad intentionem puritatis, sed & medio, ut illud vanæ complacentiæ fumo

commaculet, & fini, ut illum fastidio bene operandi pervertat. *Sit ergo oculus tuus simplex, & totum corpus tuum lucidum erit.*

Tertio Beatissima Virgo MARIA est Mater specialis Sacerdotum, qui Filium, quem semel mundo edidit, fructum vitæ, quotidie reproducent, ut sit vere nobiscum Deus, & idcirco eis materno afflitis affectu, uti legitur non infrequenter Sacerdotibus sibi dilectis astitisse. Erga hanc igitur Sacerdotes, qui apud Matrem honoratiorem locum inter cæteros fratres tenetis, mensæ JESU CHRISTI primogeniti assidentes, illiusque cibum aliis fratribus partientes, affectum & pietatem continuam fovete, ut digni efficiamini promissionibus Christi, quo illi devotione sua erga misericordiæ Matrem obtinebunt, qui S. Bonaventuræ consilium secuti, ipsius puritatem mente & corpore illibate in se servando, toto conatu nituntur ei placere, humilitate quoque & mansuetudine ejus vestigia sectari.

Quarto Sanctorum etiam omnium invocatio Sacerdotibus singulariter cordi esse debet, ut eos apud Deum mediatores nanciscantur, qui e fluctibus erepti & in securo constituti, fratribus aliis adhuc periclitantibus auxiliatricem manum gaudent porrigere, si invocentur. Illorum vero Sanctorum specialis debet esse cultus, & frequens invocatio, qui vel electi a populo, vel a Deo designati sunt loci, in quo versamur; speciales Patroni & Auxiliatores; Et cum exploratum sit, ac pro comperto habeatur, tales Patronos Sanctos specialiter assistere, & locorum istorum ac personarum curam gerere, cum omni devotionis & humilitatis affectu, invocandi & rogandi sunt, ut nos protegant, instruant, & ad munus nostrum recte obeundum, S. Spiritus gratia illuminatos deducant. Mane etiam, cum ad opus Dei perficiendum & Divinum Officium peragendum surgimus, statim advocandi, nec dimittendi, donec benedixerint. *Clypeo præmunientes a sagitta volante in die, a negotio perambulante in tenebris, ab incursu & demonio meridiano.* (m) Et sic Domine, juxta doctrinam Sapientis 16. *Y. 28. prævenire solem ad benedictionem tuam, & ad ortum lucis te adorare.* Coram iisdem Sanctis Patronis etiam ad minimum circa vespertum, quicquid diligenter conscientiam nostram examinando reperiemus, Divinæ Majestati vel committendo vel omitendo displicere potuisse, pro venia & emendatione vitæ obtinenda deplorandum, & illuminandi oculi nostri, ne unquam obdormiant in morte, atque cum Rege Davide in noctibus extollende manus in sancta, & benedicendus Dominus: *Bonum est enim confiteri Domino, & psallere Nomini tuo Altissime;*

O o o o 3. ad

(k) Jerem. 17. Y. 10.

(l) 1. Corinth. 4. Y. 16.

(m) Psal. 90. Y. 6.

ad annunciamdum mane misericordiam tuam, & veritatem tuam per noctem. Et beatus vir, qui non abiit in consilio impiorum, & in via peccatorum non stetit, & in cathedra pestilentie non sedit, sed in lege Domini voluntas ejus, & in lege ejus meditabitur die ac nocte. Et erit tanquam lignum, quod plantatum est secus decursum aquarum, quod fructum suum dabit in tempore suo. (n) Isto ergo medio inter cetera bona nos ipsos excitabimus & erigemus ad currendum Sanctorum viam. Quandoquidem non sufficit, Patroni Ecclesie, loci, vel Provincia, in qua sumus, implorare auxilium, nisi etiam imitemur exemplum. Cum enim Divi isti Tutelares nobis virtutum exempla, & vite sue pie imaginem, tanquam sacram hereditatem, & speculum morum, in quo profectum & defectum nostrum agnoscere, relinquerint, si jam in vitiis precipitia declinemus, praevia vite & virtutis eorum face collustrari, qua via recta gressum figere poteramus, eorum certe non patrocinium, sed potius iudicium, & ultio expectanda erit; nec aliud quicquam nobis persuadere debemus, quam quod ipsi Iudices nostri erunt, & ultores, si scandalo fuerimus plebi ipsorum dilectae, & impia conversatione animas concreditas in perditionis semitam pertraxerimus. Udonis Magdeburgensis, propter admissa, notum credo esse omnibus supplicium. De omis & neglectis considerabile est, quod Thomas Cantipr. refert, S. nempe Petrum Apostolum cuidam apparuisse, qui male regebat sibi commissos, nec vocationi, bono exemplo praeundo, ut par erat, satisfacere, ipsumque renitentem & se avertentem, coegisse in libro exhibito legere scriptum illud Ezechielis 34. cap. *Mortificas animas, quae non moriuntur, & vivificas, quae non vivunt*, Quo lecto Apostoli praecepto, quamvis haereret & horreret, ad glossam procedere debuit, quae sic in margine habebat: *Quando reduces animas de inferno, quas tuo destitutas exemplo, eterno demersisti supplicio?* Visio haec propter secutam delinquentis penitentiam, feliciter, quam Udonis Magdeburgensis habuit exitum. Sancti nos quotidie exemplo suo, & per propriam vocationem & conscientiam monent, ipsaeque conscientiae vermis, qui non nisi cum ipso peccato supprimendus, continuo nos rodit & affligit, & tamen viam mandatorum Domini, praecuntibus sanctis Patronis, & ad deducendum se offerentibus Sr. Angelis non currimus. Omnia ista nobis bene ponderanda, & cum vocatione ac vita nostra conferenda, & cum vocatione ac vita nostra conferenda, neque ad excusandas excusationes in peccatis, sed ut ploremus coram Domino, ad confiten-

dum Nomini ejus, & faciendos fractas dignos penitentiae. Quod de Sr. Patronorum invocatione dictum, idem de Sr. Angelis observandum.

Quinto, uti reperitur in documentis S. Caroli Borromaei, aliis Sacerdotes perpetuum animi quendam ardorem erga Divina, zelumque gloriae Dei, & salutis animarum; tanquam ignem sacrum ad sacras actiones necessarium. Et sint juxta Apostolum ad Roman. 12. *¶ 12. Sollicitudine non pigri: spiritu ferventes, Deo servientes, ne tepidos Dominus incipiat evomere ex ore suo*. Postquam igitur talis fuerit Sacerdotum conversatio in caelis, ut illa, quoad interiore hominem erga Deum formati sint, Dominum sanctificari, accedent, & non percutientur, vultum vero ejus deprecabuntur, & declaratione sermonum ejus illuminati, intellectum dabunt parvulis, & aliorum eorda ad eloquium suum cum fructu & bono totius Christianitatis erigent, hoc est efficaciter orantes, bene alio quoque instruunt & doceant. Cum vero omnium Divinorum, uti asserit S. Dionysius, (o) sit Divinisimum, Deo cooperari in salute animarum, resuscitantes gratiam, quae est in nobis, per impositionem manuum Presbyterii. Discamus a S. Paulo Doctore gentium, qualiter pro munere isto Sacerdotibus rite obeundo in publico comparandum. S. Apostolus in Epist. ad Timoth. instruens hac in materia Sacerdotes praescibit, ut in omnibus se ipsos praebeant exemplum bonorum operum. Sunt enim Sacerdotes vere a Deo supra candelabrum positi, & sic lucere debent, ut alii videant ipsorum bona opera, & glorificent Patrem, qui in caelis est. Admittantur igitur omnibus viribus lampades suas oleo solidarum virtutum, unde lux & bonus spiret odor, taliter adimplere, & ut oleum istud nunquam deficiat, & prioribus, quae de formando interno homine erga Deum dicta sunt, cum inde dependentibus, sancte observatis, ex flore humilitatis, mansuetudinis, castitatis, patientiae, abstinentiae, aliarumque virtutum perfectum liquorem dilectionis Dei & proximi expriment, & in cordibus suis ad praelucendum aliis continuo alant & conservent, & juxta praeceptum S. Pauli (p), *Sint pudici, non bilingues, non vino multo dediti, habentes mysterium fidei, in conscientia pura, ad orandum & docendum, & sic prodeant & ministrant, nullum crimen habentes, & nemini dantes ullam offensionem, ut non vituperetur ministerium ipsorum*. Isto enim modo super ipsos affloreat sanctificatio Dei, ut alii edocti vias ejus, & cogitantes vias proprias convertant pedes suos in testimonia ipsorum. Et certe, juxta S. Carolum Borrom. *Nescimus*

(n) Psal. 1. *¶ 1. & seqq.*

(p) 1. ad Timoth. 3. *¶ 8. & seqq.*

(o) De caelesti Hierarch. cap. 3.

mus, cuius sit pretii apud Deum unius Sacerdotis boni vita. *Vae autem illis, de quibus dicitur apud Matth. (q) Quia clauditis regnum calorum ante homines, vos enim non intratis, nec introeuntes finitis intrare.* Quod de Presbyteris & Pastoribus dicendum, qui sprete virtutum semita, suis proximis & Parochianis se adeo vitiis, moribusque monstruosos & deformes exhibent, ut & illos a Templo, Divino Officio, & Christiana doctrina, cum persona, & interdum propter personam, abhorre, & alios a recto tramire & via mandatorum Dei, quam verbo & exemplo monstrare debent, seductos perire faciant; qui, si in Presbyteris & Parochis exempla virtutum & lumen aliquod viderent, jam & ipsi admoniti & illustrati, multo facilius corrigereantur, & deducti in semitam mandatorum Domini, inclinarent cor suum in testimonia ejus, & ita in pietate a suis Pastoribus exercitati, Acciperent benedictionem a Domino, & misericordiam a Deo salutari suo. Cum sancto sanctus eris, & cum viro innocente innocens eris, & cum electo electus eris, & cum perverso perverteris. Nec dubium esse debet, Presbyterorum, Parochorum, & Clericorum mala vita, perversis moribus, negligentia in docendo, increpando, corrigendo & præeundo, quam plurimis æternæ damnationis dari causam. Qua de re terribile est, quod Thomas Cantiprat. refert anno 1248. Parisiis coram Clero & omni populo contigisse: Cum enim quidam ab Episcopo munus prædicandi in Synodo suscepisset, & non modicum angustiaeretur, quidnam dignum posset coram tot Prælatiis proponere, & in oratione jaceret, venit ad eum diabolus, & dixit ei: *Quid angustiaris istis Clericis prædicare, dicas eis istud, & non aliud: Principes infernalium tenebrarum, Principes Ecclesie salutant: læti omnes nos gratias eidem referimus, quia cum ipsis eorum nobis offeruntur subditi, & per eorum negligentiam ad nos devolvitur totus pavidus fere mundus: Invitus quidem tibi dico, quod dico, sed Altissimi iussione coactus.* Respondit Clericus: *Mibi quidem, si eis hæc retulero, non credent.* Tum diabolus tangens maxillam ejus: *Ecce, ait, signum nigredo insolita faciei: hanc, antequam prædices, non contingas, quia frustra, post prædicationem vero, aqua benedicta delebit.* Processit ergo Clericus in Synodo prædicaturus, & admirantibus cunctis, in signo indito faciei; tantum illa, quæ sibi iussa sunt, recitavit, & ad horrorem maximum cunctorum corda permovit.

Renovemur itaque spiritu mentis nostræ, & induamur novum hominem, qui secundum

Deum creatus est in justitia & sanctitate veritatis. (r) Id est, in sanctitate vera & solida, non fucata, non larvata, non inani. *Ut veritatem facientes crescamus in illo per omnia, qui est caput Christus, & habitabit nobiscum, bene dirigentes vias nostras, & studia nostra.* (s) Plura alia, uti de arbore infructuosa, & aliis circa materiam propositam dicenda essent, sed ne vos Venerabiles Confacerdotes sermone meo diutius detineam, ipsi scitis, & ex antedictis facile inferetis & concludetis, quod ex nobis, qui sumus Presbyteri in populo Dei, pendeant animi illorum, & quod ad eloquium nostrum, pro moderno Ecclesie, hujus Patriæ, totius Imperii & Christianitatis deplorando statu, corda omnium taliter erigi debeant, juxta consilium Judithæ viduæ sanctæ: *Ut humiliemus illi animas nostras, & in spiritu constituti humiliato, servientes illi, dicamus sentes Domino, ut secundum voluntatem suam, & sicut conturbatum est cor nostrum in superbia hostium, ita etiam de nostra humilitate gloriamur.* Et sic unusquisque cum Regio Prophetæ (z) confidenter dicere & orare possit: *Ad te levavi animam meam, Deus meus in te confido, non erubescam. Vide humilitatem meam & laborem meum, & dimitte universa delicta mea, quoniam tu populum humilem salvum facies, & oculos superborum humiliabis.* (u) Illumina lucernam meam Domine Deus, illumina tenebras meas, & perface gressus meos in semitis tuis, ut non moveantur vestigia mea. [x] Custodi animam meam, quoniam sanctus sum, sisque memor sacrificii mei, & holocaustum meum pingue fiat, ut lætati omnes pro diebus, quibus nos humiliasti annis, quibus vidimus mala, digne juxta Apostoli obsecrationem, in vocatione nostra ambulemus. [y] De qua S. August. serm. 15. de verb. Apostoli: *Proscite fratres mei, discutate vos sine dolo, sine adulatione, sine palpatione. Non enim est aliquis intus tecum, cui erubescas & jactes te, est ibi, sed cui placet, humilitas te probet, proba & te ipsum tu, semper tibi displicens quod es, si vis pervenire ad id, quod nondum es. Nam ubi tibi placuisti, ibi remansisti. Si autem dixeris sufficit, & peristi; semper adde, semper ambula, semper perface.* Et ut monet Cardinalis Bellarminus: *Cogitemus frequenter, quid Deus a nobis, & nos ab illo velimus, ac demum quæ impediant, quo minus illa assequamur, & viam mandatorum ejus, juxta Sr. Patronorum exempla ingrediamur & teneamus. Sint oculi nostri semper ad Dominum, ut ipse evellat de laqueo pedes nostros, & de necessitatibus eruat nos. Os nostrum aperiat, ut spiritum ejus attrabamus,*

ut

(q) Cap. 23. Ps. 13.

(r) Ad Eph. 4. Ps. 23.

(s) Ad Eph. 4. Ps. 15.

(z) Psal. 24. Ps. 1.

(u) Psal. 19. Ps. 4.

(x) Psal. 89. Ps. 15.

(y) Psal. 24. Ps. 15. 17, Ephes. 3. Ps. 14.

ut digne & competenter Evangelium annunciemus, & ita Sacerdotes Domini induantur iustitia, & Sancti ejus exultent.

O JESU Pastor bone, reduc erroneos, da Domine Deus misericordiam miseris, indulgentiam criminosis, vitam mortuis, justificationem gratie induratis. O Pater Clementissime, revoca fugientes, trabe venientes, erige cadentes, suscipe redeuntes, tene stantes, conduc ambulantes, ne obliviscaris te obliviscentes, ne deseras te deserentes. Hujus rei gratia semper in precibus flectamus genua nostra ad Patrem Domini nostri JESU Christi, ex quo omnis paternitas in celis & in terra nominatur, ut det nobis secundum divitias glorie sue, virtute corroborari, per Spiritum ejus, in interiorem hominem; Det etiam scire supereminentem scientie claritatem Christi, ut impleantur in omnem plenitudinem Dei. Ei autem, qui potens omnia facere, superabundanter, quam petimus aut intelligimus, secundum virtutem, qua operatur in nobis, ipsi gloria in Ecclesia, & in Christo JESU in omnes generationes seculorum. Amen.

Ab soluto sermone, Notarius hujus Synodi suprad. legit omnium nomina, & responderunt *Adsum*, & juxta Serenissimi clementissimam Ordinationem, exhibitæ sunt ab omnibus in scripto querelæ, excessus & defectus, atque absentes diligenter notati sunt.

Post hæc Reverendissimi Domini Commissarii, cum Reverendissimis Dominis Prælati & Canonicis majoris Ecclesiæ iterato processerunt ad domum Capitularem minorem, de occurrentibus quibusdam causis & querelis, nec non Decretis infra insertis tractantes & concludentes.

Exinde promulgata sunt per Reverendissimum designatum Suffraganeum, & in Spiritualibus Vicarium Generalem, & hujus Sacræ Synodi Compræsidem, *Bernardum Frick*, Ss. Theologiæ Doctorem, Collegiatæ & ruralis Ecclesiarum respective Præpositum, Canonicum & Thesaurarium,

DECRETA SYNODALIA

SERENISSIMI ac REVERENDISSIMI PRINCIPIS ac DOMINI,

D. FERDINANDI, Electoris & Archi-Episc. Colonienfis,
Episcopi & Principis Paderbornensis, &c.
Domini nostri Clementissimi.

FERDINANDUS, DEI ET APOSTOLICÆ SEDIS GRATIA

Electus & Confirmatus Archiepisc. Colonienfis, S. R. Imp. per Italianam Archi-Cancellarius, & Princeps Elector, Episcopus Paderbornensis, &c. &c. Universis & singulis Abbatibus, Præpositis, Decanis, Abbatissis, Prioribus, Archi Diaconis, Capitulis, Conventibus, Cathedralis & Collegiatarum, Regularium & Secularium, Parochialiumque Ecclesiarum, & Divinorum Rectoribus, totique Clero, Clericis, Notariis & Tabellionibus publicis, quibuscunque per Civitatem & Diocesin nostram Paderbornensem ubilibet constitutis, Salutem in Domino sempiternam.

Cum ex singulari DEI gratia & misericordia, ad Ecclesiarum Nobis subjeotarum disciplinam rite constituendam, atque ad Cleri ac plebis Nobis commissæ salutem promovendam, adeoque ad totius Pastoralis muneris nostri functionem pro virili exequendam, juxta S. Concilii Tridentini præscriptum, ac Ss. Canonum sanctiones, Synodum Diocesanam, multis jam annis intermissam, & 8. Martii, qui fuit Martis, post Lætare, in Cathedrali Ecclesia nostra more Majorum nostrorum rursum celebratam, ad præstinam observantiam in Domino redegerimus (visum Nobis fuit

in eadem de Venerabilis Capituli nostri consensu ac beneplacito decernere, definire, ac præcipere; prout per præsentis decernimus, definimus, ac præcipimus.

Videlicet: Ut vos Prælati, Capitula & Conventus, ad quos subditorum vestrorum correctio & reformatio, de jure vel consuetudine spectat, & pertinet, vobis immediate subiectos corrigatis, reformatisque, atque hujusmodi correctionem & reformationem infra mensis spatium faciatis, & cum effectu adimpleatis, alioquin eorum corre-

correctio & reformatio ad Nos tanquam Superiorem devolvetur.

Mandantes omnibus & singulis Religiosis, cujuscunque Religionis, aut Ordinis fuerint, ne ipsi, aut aliqui ipsorum intra septa Monasteriorum suorum, aut extra ea, mulieres aut personas suspectas secum habeant, aut foveant; habitumve suæ Religionis sive Professionis temere dimittant. Alias vero vestitum sui Ordinis in publico, juxta professionis suæ Regulam, (sine gravi causâ, & absque Superioris sui præscitu) deferre negligentes, & contra votum, & sanctitatem suæ Regulæ se sæculo ingerentes, excommunicationis sententiam de facto incidisse, per præsentis declaramus.

Et quod Moniales de suis Cœnobiis, sive Monasteriis sine rationabili causâ, a Vicario in Spiritualibus Generali prius cognita, atque in scriptis approbata, & manifesto consensu Superioris sui non exeant, sed Superior earum ipsas sub diligenti clausura & custodia habeat & teneat: Serioque interdiciamus, ne personæ Ecclesiasticæ vel Sæculares, utriusque sexus, nisi ex necessariâ causâ, & obtenta in scriptis, vel a supradictō Vicario nostro in Spiritualibus, aut a Superioribus Ordinis licentia, & honesto cum comitatu Monasterium Monialium intrent, sub pœna excommunicationis, ipso facto incurrendæ tam ab intrantibus, quam ab introducentibus. Neque etiam quisquam Regularium, Monialium confessiones audiat, aut iisdem Sacramenta aliqua administret, nisi prius a Nobis, aut Vicario nostro in Spiritualibus Generali idonei judicati, atque in scriptis fuerint approbati.

Insuper omnibus & singulis Ecclesiastici Ordinis & Status hominibus, Canonici & Beneficiatis præcipimus & mandamus, ut in Ecclesiis, Capellis & Beneficiis suis, curatis & non curatis, secundum fundationes eorum resideant, nisi ex rationabili causâ cum ipsis a Nobis, aut Vicario nostro Generali fuerit dispensatum.

Regularium & Religioforum castitatem æmulantes, sedum concubitus, aut incontinentiæ vitium evi-

Tomus IX. Concilior. German.

tent omnes, nec ullas personas quoquo modo suspectas intra vel extra domum residentiæ suæ foveant, sed longissime a se abdicent, sub pœnis in Concilio Tridentino contra eosdem comprehensis.

In incessu & habitu decenti, non deformi, nec nimis brevi, sed aliquantulum talari, ut a Laicis dignosci possint, semper incedant; neque in Ecclesiis, immunitatibus, sepulturis, aut publicis confessionibus, quoad fieri potest, absque habitu Ecclesiastico compareant.

Sacerdotes Missam celebraturi iram amicum accommodent, ut nihil de collari tempore Missæ videri possit; idemque facient Ministrantes. Atque ut eadem inter omnes sacrorum rituum ac cæremoniarum sit observantia, volumus, ut omnes Sacerdotes, atque ad Sacerdotium aspirantes, Missalis Romani Rubricas habeant, & juxta easdem publice ac privatim Missas celebrent.

Divinis diligenter interfint, Officium diurnum & nocturnum in Missis, & Horis Canonicis, secundum laudabiles Ecclesiarum suarum consuetudines, ac universalis Ecclesiæ ordinationes, decenti reverentia & devotione peragant; ita, ut in his peragendis unus per alium se non excuset.

Nemo etiam, dum Divinorum Officia in Ecclesia aut Choro publice decantantur, Horas suas privatim, aut singulariter legere, aut quemcunque librum occupare, aut insimul, ac cum aliis confabulari, aut colloqui, aut literas quasvis legere præsumat. Sed simul omnes easdem non cursim nec festinanter, sed tractim, servatis intervallis decentibus, nequaquam sublato in altum clamore, ratione temporum servata, Deo pie, & alacriter, spiritu ac lingua psallentes, modulentur, ac persolvant, quod, ut exacte fiat, Prælati, quibus hoc incumbit, diligentissime advigilabunt.

Neque tempore Divinorum in Ecclesiis, sine religiosa veste per ipsas evangelizando, aut vana & inutilia colloquia conferendo sedent; vel spaciando deambulent, sicque in morum & vitæ

P p p p

hone-

honestate laudabiliter secundum sacrorum Canonum, Statutorumque Provincialium & Episcopaliū dispositiōnem & sanctiōnem se regant, & gerant, ut operum suorum, & rectæ vitæ bono exemplo subditis, & simplicioribus iter salutis ostendant.

De excessibus commissis & perpetratis DEO Optimo Maximoque, & Nobis rationem reddituri; alioquin (ne sanguis eorum de manibus nostris requiratur) ad declarationem pœnarum & censurarum in dictis sacris Canonibus, Statutisque Provincialibus contentarum, arctius, prout de jure poterimus, procedemus, & procedi faciemus.

Præterea Vobis omnibus & singulis Divinorum & Ecclesiarum Rectoribus, cæterisque Presbyteris & Clericis quibuscunque Nobis subiectis, in virtute sanctæ obedientiæ, & sub excommunicationis sententiæ pœna mandamus, ne per Vos, vel alios Clericos peregrinos & ignotos, sine nostris, aut Vicarii nostri in Spiritualibus Generalis commendatitiis, & speciali licentia ad celebrandum Missas, sive Ecclesiastica Sacramenta ministrandum admittatis, vel quis vestrum admittere præsumat.

Item, ne quis Religiosos quoscunque ad regendum Ecclesias, seu officiandum Beneficia, per sæculares Presbyteros regi solita (nisi ex gravi necessitate, & aliis omnino deficientibus) admittat.

Et quod quivis Ordinandus, aut Ordinatus, primam Missam sine auctoritate & licentia nostra, aut Vicarii nostri Generalis non celebret.

Qui vero in aliena Diœcesi Ordines susceperunt, ad ministerium & executionem Ordinum, quos se habere asseverant, non admittantur, nisi de susceptis Ordinibus, legitimis documentis coram Nobis, aut Vicario nostro Generali fidem fecerint, & testimonium obtinuerint.

Per negligentiam vestram nullus infans sine Baptismo, & adultus sine Communionem pereat. Baptisteria & vascula pro sacris Hostiis sint munda.

Parvulos quoque seu Catechumenos extra Ecclesias, & privatis in locis, nisi necessitate ingruente, nemo baptizare præsumat. Unusque Patrinus in Baptismate & Confirmatione tantum, sive vir, sive mulier, juxta S. Concilii Tridentini, & sacrorum Canonum (a) instituta, vel ad summum unus & una, baptizatum de Baptismo, & confirmatum de Confirmatione suscipiant.

Venerabile Eucharistiæ Sacramentum pro ægris communicandis, diligenter ac reverenter afferveis; & candelæ ardentes, cum omni reverentia, ante illud (cum sit splendor lucis æternæ) nec non sacra Olea ad fontem Baptismatis, aut ægros, per Civitates aut Pagos deportentur. Eademque sub debitis clausuris per vos prudenter & decenter custodiatis, & simili modo in veste Clericali, superpelliceo, & stola deferatis.

Verbum Dei pure & sinceriter in omnibus Diœcesis nostræ locis annuncietis: singulis diebus Dominicis ante Missam, aquam, qua populus aspergatur, benedicatis, ad quam proprium vas habeatis.

Sacro sanctum Missæ Officium, in quo immensum Redemptionis humanæ beneficium, & summum illud, tremendumque Christianæ Religionis Mysterium recolitur, singulis Dominicis ac Festis diebus, nec non feria tertia de S. LIBORIO Patrono, feria quarta de Ss. Angelis, sexta de S. Cruce, & Sabato de Domina nostra, nisi festum aliquod impediverit, omni reverentia, devoto animo & gestu corporis, celebretis, nec non simplicem plebem de usu & fructu hujus Mysteriorum plene erudiri præcipimus.

Corporalia mundissima sint. Altare sit coopertum mundis linteis, saltem tribus diversis, & desuper nihil ponatur, nisi Reliquiæ, & res sacræ, & pro Sacrificio opportunæ. Nullus etiam extra Ecclesiam in locis non consecratis celebret.

Et ne quis Introitum, Kyrie eleyson, Cantica, videlicet: *Gloria in excelsis Deo, Credo in unum Deum, Præfationem, aut Dominicam Orationem, Sanctus,* &

(a) Sess. 24. c. 2. de Refor. de Conf. d. 4. c. Non plures.

& *Agnus Dei*, in Officiis Missarum, ex quibuscunque causis abbreviet, omitat, vel diminuat; sed ea cum solemnitate, juxta Statuta Basilienfis Concilii servet & adimpleat. Dicaturque in singulis Missis post Complendam, vel finem ultimæ conclusionis: *Et famulum tuum Antistitem nostrum N. & omnes sibi commissos ab omni adversitate custodi: pacem tuam nostris concede temporibus, & ab Ecclesia tua cunctam repelle nequitiam.*

Dies Festos & Dominicos, nec non Ecclesiæ jejunia rite populo denuncietis.

Catechismo, sive doctrinæ Christianæ docendæ sedulo operam detis. Litanias Lauretanas ante legi aut cantari, & Rosarium B. V. MARIE post Catechismum devote orari curetis.

Libros, in quibus vobis animarum commissarum status, Baptizatorum, Confirmatorum, Copulatorum & Mortuorum nomina conscribantur, omnes habeatis.

Sacellanos, qui ad hoc obligati estis, idoneos absque mora assumatis.

Hospitalia pro pauperibus fundata recte & debite administrentur.

Singulis quatuordecim diebus Confessariis in sacra hac Synodo deputatis & approbatis, minimum peccata vestra confiteamini.

In Parochiis vestris resideatis & habitetis.

Vestem Clericalem, biretum, & superpelliceum habeatis.

Summam aliquam Casuum conscientiarum, vel Toleti, vel Antonii Fernandes, vel alterius, ad resolvendos occurrentes casus: item Conciones aliquas, aut P. Schereri, aut Lommessen, aut P. Matthiæ Fabri Soc. JESU jam recentem editi, aut alterius cujuscumque, quo in concionibus formandis utamini, habeatis. Unus tamen instar omnium esse poterit, Hortus Pastorum R. D. Jacobi Marchantii, viri præstantissimi & doctissimi.

Ægros communicetis & inungatis: ut Sacramentum hoc Extremæ Un-

ctionis hætenus a multis neglectum, ad pristinum usum, vigoremque revocetis.

Vigilias quoque mortuorum, memoriasque in Ecclesiis vestris fundatas, ne negligatis.

Orationes decem horarum, juxta præscriptum nostrum, in Ecclesiis designatis, pro bellis avertendis, & pace ac Principum Christianorum concordia impetranda sedulo observetis. In aliis Litanias & Orationes præscriptas devote oretis.

Controversias, si quas habetis inter vos & subditos vestros, pacifice componatis; vita ac conversatio vestra sit irreprehensibilis.

Sub iisdem etiam sententiis, censuris & pœnis mandamus moneri omnes & singulos utriusque sexus Parochianos vestros, ne ex eis aliqui contra sacrorum Canonum, S. Concilii Tridentini, & Statutorum Provincialium prohibitionem, se clandestine copulari procurent: sed si aliqui ex prædictis vestris Parochianis clandestine, & absque proclamatione copulari desideraverint, quod hujusmodi copulationes non fiant, sive celebrentur, nisi de nostra, aut Vicarii nostri in Spiritualibus Generalis licentia & consensu speciali.

Proclamationes autem extra nostram licentiam copulandorum observabuntur modo infra scripto. Videlicet: quod hujusmodi copulandi ter a proprio contrahentium Parocho tribus continuis diebus festivis, in Ecclesia inter Missarum solemnias publice denuncientur, (b) inter quos Matrimonium sit contrahendum, ut impedimenta, si quæ forsan latitarent, in lucem deducantur. Neve illusiones circa Matrimonii Sacramentum contingant: discatis etiam exacte gradus prohibitos, consanguinitatis, & affinitatis, cæteraque impedimenta in Agenda nostra Paderbornensi dilucide expressa, neque aliquos in gradibus prohibitis copuletis; illaque omnia, quæ a S. Concilio Tridentino ordinata, & a No-

bis

(b) Conc. Trid. Sess. 24. de Reform. Matrim.

Tomus IX. Concilior. German.

his specialiter recepta sunt, firmissime observetis.

Resignationes quoque Beneficiorum, in præjudicium & fraudem Ordinariorum, sub pactis sive illicitis promissionibus (ut permutationes in jure permixtæ) minime perficiantur.

Et ne quis aliquem de subditis Paderbornensis Diocesis ad externa loca, sive judicia evocet, aut evocari instet ac procuret, sed si quis contra quemcunque Diocesani Paderbornensem, actionem seu causam aliquam Beneficialem, Matrimoniam, Profanam, Civilem, Criminalem, meram aut mixtam movere intendat, illam in prima ejus instantia coram Judice competente, intra limites Paderbornensis Diocesis constituto instituat, ac juris tramite legitime prosequatur.

Et ne vana & scæda colloquia, clamores sive rumores quovis modo in Ecclesiis & cæmeteriis fiant: ideoque mercimonia & mercantias ibidem sub Divinorum Officiis penitus prohibeantur.

Præterea omnibus & singulis supra scriptis inhibemus, ne quis (nisi necessitatis tempore) tabernas publicas intret, Tabernarii officium assumat, & ad æquales haustus bibat, sive quemque cogat; sed omnia sobrie, caste, pie, devote, cum vero Dei timore, proximi ædificatione, in animarum salutem, juxta Capitula in Statutis Provincialibus Moguntinensis Provinciæ contenta, una cum præmissis, & quolibet præmissorum, firmiter teneri & observari volumus & mandamus.

Et ne memoriæ excidant, jubemus ultra præscripta, ac mandamus, ut unusquisque vestrum Statuta hæc Synodalia in præsentem impressa quantocius sibi procuret, memoriæ commendet, ac ut pupillam oculi sui observet.

Cum comminatione, quod contra rebelles & contumaces arctius, pro ut de jure poterimus, procedemus, & procedi faciemus.

Insuper ut differentia inter præsentem & absentes habeatur, mandamus, ut nullus Prælati aut Presbyter cu-

ratus, qui huic concioni, & sanctæ Synodo interfuerunt, recedant, quin nomen suum per Notarium nostrum fideliter registrari procurent: sumus enim contra contumaces processuri.

Quare & omnes, ac singulos, qui de jure vel consuetudine hujus sanctæ Synodi celebrationi interesse tenentur, absentes (licet in Civitate præsentem) contumaces reputamus, monentes eosdem, & per vos moneri præcipientes, ut infra quindecim dies post executionem, seu publicationem præsentium, sub suspensionis pœna; suas coram Nobis, aut Vicario nostro in Spiritualibus Generali expurgent contumacias. Alioquin quindecim dictis diebus effluxis, omnes & singulos contumaces & rebelles suspensionis pœnas, & sententias incidisse declaramus. Insuperque suspensos teneri, ac denunciari volumus, donec aliud a Nobis, aut nostro in Spiritualibus Vicario Generali receperitis in mandatis.

In quorum omnium fidem ac testimonium præsentibus manu nostra subscriptis, Secretum nostrum subimprimi jussimus. Datum Bonæ, die 1. mensis Martii, anno 1644.

Ferdinandus.

(L.S.)

EVERARD. RICHARTS.

His Decretis de Serenissimi & Reverendissimi Electoris Archi-Episcopi Colonienfis, & Episcopi Paderbornensis mandato, ejusdemque Venerabilis Capituli beneplacito, addita sunt ea, quæ sequuntur, inviolabiliter observanda.

De Beneficiis, Vicariis, Commendis, Hospitalibus, & Eleemosynis sub quocunque etiam nomine aut titulo erectis.

Insuper nomine, & autoritate Serenissimi & Reverendissimi Archi-Episcopi Colonienfis, Principis Electoris, Episcopi Paderbornensis, Domini nostri Clementissimi, omnibus Pastoribus, in virtute sanctæ obedientiæ mandamus, ut proxima futura Synodo Parochiarum suarum, omnium Beneficiorum

eiorum in Parochialibus Ecclesiis, aut limitibus Parochiæ suæ fundatorum, Commendarum & Vicariarum, Hospitalium & Eleemosynarum, sub quocunque etiam nomine erectæ sunt, titulos, redditus, etiam alienatos, fundationes, Possessores, & quo in loco iidem degant, Collatores, Patronos, sive Ecclesiasticos, sive Sæculares, atque alias quascunque informationes, quas habere ullo modo poterunt, in authentica forma Nobis exhibeant.

De Examinatoribus & Examinandis.

Praterea, ut nemo, nisi bene qualificatus & probatus in futurum sive hic, sive alibi ad sacros Ordines quoscunque promoveatur, de beneplacito Serenissimi Principis nostri, & Reverendissimi huius Capituli assensu deputati sunt certi Examinatores, qui statuto ad hoc die ac tempore ordinandos omnes examinent, antequam ad sacros Ordines admittantur. Indignos ab iisdem, quacunque humana affectione postposita, diligenter arceant, de iisdem coram Deo rationem reddituri.

De recipiendis curam animarum.

Nec quisquam, sive Sæcularium, sive Religiosorum animarum curam præsumat suscipere, aut susceptam administrare, nisi prius speciali Ordinarii, aut ejus Vicarii Generalis licentia & approbatione in scripto obtenta.

De Confessariis.

Quia, proh dolor, in multis notatur, quod raro conscientiam suam a peccatis expurgent, & tunc tales Confessarios quærant, qui minime ad illos audiendos, ne dicamus absolvendos, approbati sunt, ut cæcus quasi cæcum ducat, donec ambo in foveam cadant. Hinc plena deliberatione habita in hoc Concilio decernimus, ut quisvis Sacerdos curatus, & non curatus juxta Serenissimi Principis nostri Decreta, designatis temporibus, peccata sua diligenter ac integre cum debito dolore constiteatur, & talem Con-

fessarium eligat, ut sibi & Deo unitus in officio suo per Dei gratiam melius contineatur.

De venientibus ad Synodum.

Denum, ut deinceps certo constet, quinam ad Synodum veniant, pridie diei pro Synodo constituta, omnes ad Civitatem accedentes, Promotoribus officii Archidiaconalis sese præsentabunt, & nomina sua inscribi curabunt, indicantes, ad quem pernoctandi causa divertant.

Post Decretorum promulgationem idem suprad. designatus Suffraganeus, tanquam Præpositus ruralis Ecclesiæ S. UDALRICI Episcopi & Confessoris, Festa mobilia in Choro & foro celebranda publicavit, & futuram Synodum indixit.

Publicatio Festorum mobiliu, ex Pontificali Romano.

Noveritis, Fratres charissimi, quod annuente Dei misericordia, sicut de Nativitate Domini nostri Jesu Christi gavisissimus, ita & de Resurrectione ejusdem Salvatoris nostri, gaudium vobis annunciamus. Specialiter igitur ante omnia notandum est: Festum Annunciationis Beatissimæ Virginis MARIE, quod in 25. diem Martii (quæ est Parasceve Domini) incidit, anticipato solenniter esse celebrandum, videlicet 16. ejusdem mensis Martii, quæ erit feria quarta ante Dominicam Palmarum, propter Indulgentias in hac Cathedrali Ecclesia lucrandas. Prout die 27. dicti mensis Martii, sanctum Pascha Domini nostri Jesu Christi cum gaudio celebrabimus. 5. Maji erit Ascensio Domini nostri Jesu Christi, 15. Maji Festum Pentecostes, 26. ejusdem Festum Sacratissimi Corporis Christi, cui est honor & gloria in sæcula sæculorum, Amen.

Indictio futuræ Synodi.

Aliam præterea futuram Synodum nomine, & autoritate Serenissimi & Reverendissimi Archi-Episcopi Colonienfis & Principis Electoris, ac Episcopi nostri Paderbornensis FERDINANDI Domini nostri Clementissimi indicimus juxta S. Conc. Triad. Sanctionem, alias in die S. Galli, cujus Festum in Dominicam incidit, celebrari solitam, iterum habendam

dam hoc eodem anno Millesimo, sexcentesimo, quadragesimo quarto, die 18. mensis Octobr. in Festo S. Luca Evangeliste, quæ erit feria tertia post Dominicam 21. Trinit. nisi aliqua ex causa illam prorogari ad vos datus literis, aut alias per Edictum publicum intellexeritis.

Et postmodum in pace dimissi sunt omnes cum hac conclusione.

CONCLUSIO SYNODI.

Ad laudem igitur DEI Omnipotentis, Beatissimæ Virginis MARIE, S. Liborii Episcopi & Confessoris, Patroni nostri, ac aliorum nostrorum Protectorum, decernimus Synodum dimissam: ac propterea cuique eandem esse ad proprias Ecclesias. Hortamur autem omnes Vos Fratres charissimi, ut oretis sedulo pro vita Sereniss. ac Reverendissimi Archi-Episcopi Colonienfis, Principis Electoris, & Episcopi Paderbornensis, Domini nostri Clementissimi FERDINANDI, ut sint dies ejus, sicut dies celi super terram; & ut det Dominus virtutum nobis, & illuminet oculos nostros, ut vivamus sub umbra Reverendissimæ Serenitatis Suae, & serviamus Ei multis die-

bus, & inveniamus gratiam in conspectu Ejus. Deinde rogamus & monemus omnes in Domino, ut tales vos præbeatis in ministerio vestro, quales maxime decet Sacerdotes, ab omni mundanorum cura segregatos. Illudque maxime cum redieritis præstandum erit, ut populus omnis vos ab hac Synodo non mediocrem fructum reportasse intelligat. Id fiet, si novo Spiritus Sancti lumine illustrati, quæ magna Synodorum est vis & virtus, cæteris in omni opere vestro in posterum præluere studueritis, & in omni parte officii vestri omnem diligentiam adhibueritis. Quod omnibus nobis præstare dignetur Sanctissima Trinitas, Pater, Filius, & Spiritus Sanctus. Cui est honor & gloria in sæcula, Amen.

Exierunt primo loco Reverendissimi Domini Commissarii, Prælati, & Canonici Cathedralis Ecclesiæ, deinde Abbas Abdinghoffsensis, cæteris absentibus, Canonici, Vicarii, Pastores, Beneficiati, & universus Clerus.

Atque interea in Choro Vesperæ cantatæ sunt.

F I N I S.

Typis Huberianis, Paderbornæ b. a. 1644.



SYNODUS PROVINCIALIS

B I S U N T I N A,

Anno Christi MDCXLVIII. Innocentii X. Papæ V.
Ferdinandi III. Imp. XII.

DIE 19. MAJI

Sub Revm D. CLAUDIO d ACEY, (*) Bisuntino XCIII. Archiepsc.

HABITA,

IN QUA SEQUENS EMANAVIT

CONSTITUTIO SYNODALIS.

Quia exigit a Nobis debita S. Sedî Apostolica obedientia, ut cum ea, qua par est, sedulitate & diligentia doctrinas ab ea, velut cæterarum Ecclesiarum Matre, damnatas, damnamus & Nos, vel sic Majorum vestigiis inherentes, quorum mentibus ab ipsis Fidei incunabulis alte impressa versus eandem, ne dum in maximis, quin & in minimis fuit reverentia. Hinc emanatam a felicis re-

cordationis URBANO VIII. Summo Pontifice Constitutionem, quæ incipit: In eminenti Ecclesia, & qua Cornelii Jansenii liber, cui Titulus: Augustinus, legi, aut etiam a non legentibus servari districte prohibetur propter damnatas in opere ejusmodi opiniones, Apostolicis prædicti URBANI PP. VIII. quæ admodum & promulgatis a S. D. N. INNOCENTIO PP. X. ea de re Decretis parere cupiens.

(*) Vide sub finem Constitutionis.

cupientes in omnibus, venerabundi admittimus, & usque adeo stricte servari mandamus, ut in posterum, (quod Nobis placuerit) nullus omnino ad curam animarum admittatur, nisi qui post solemnem Concilii Tridentini Fidei Professionem, formulam hic adjectam Vicario nostro Generali attente legerit & juraverit.

Ego N. profiteor me obedientem S. Romanæ Ecclesiæ & S. D. N. INNOCENTIO X. Pontifici Romano, ejusque Successoribus, atque adeo me acceptaturum, prout de facto accepto debita submissione Constitutionem felicis recordationis URBANI VIII. editam anno 19. sui Pontificatus, Incarnationis Domini 1641. pridie Nonas Martii, quæ incipit: *In eminenti Ecclesia* &c. in qua damnatur & prohibetur liber Cornelii Jansenii, cui titulus: *Augustinus*; quam Constitutionem ego integre accepto, & cum ea in omnibus sentio & confiteor ac promitto me (quantum in me fuerit) curaturum, ut præfatam Constitutionem omnes & singuli acceptent, & in omnibus cum eadem sentiant & consentiant. Ita spondeo, voveo, ac juro, ego idem N. sic me Deus adjuvet, & hæc sancta Dei Evangelia.

Item prohibemus lectionem piorum in speciem librorum N. *De frequenti Communione*. Et N. Abbatis, variorum opusculorum Authoris. Quorum quidem mense Octobri superioris anni adjecta pena arbitraria lectionem per Dicecesim interdixeramus: ad calcem Tom. 5. *De ente supernaturali*.

NOTÆ adversus hunc de frequenti Communione librum vix dici potest, quam gravis animorum incitatio, studiorumque commotio fuerit, ubi anno 1643. in lucem prodiiit: Scissi sunt enim in varias partes nedum Populæ ac Laicorum, sed etiam Sacerdotum ac Pastorum animi, cum nihil præter rumores doctrinarum in circulis, in conviviis, in concionibus audirentur. Et alii frequentis Communionis jugulum peti putarent. Alii attritioni vim ademptam, justitiæ cum Sacramento, reducendæ, quererentur: Alii absolutionem Sacerdotis in formam & conditionem nudi ministerii detrudi, alii ad satisfactionem Canonicam omnia referri. Alii causarentur, quod nihil retineretur de prisca severitate poenarum Canonicarum præter abstinentiam Eucharistiæ. Alii, quod ex mente hu-

jus Scriptoris ordo partium Pœnitentiæ pro communi lege servandus hic sit. 1. Confessio & petitio pœnitentiæ. 2. Impositio pœnitentiæ per excommunicationem pœnitentis. 3. Effectio pœnitentiæ, quæ sanat & justificat pœnitentem. 4. Absolutio seu restitutio in Communionem. Hinc vero, cum in Pœnitentiæ Sacramento principatus absolutioni debeatur ad eluendam peccati maculam, hoc illi imperium Scriptor detraxit, atque in satisfactionis jura transtulit, in quo aiebant, sedes est & cubile totius novitatis, hoc centrum, unde ducuntur exordia, progressiones sumuntur, in quo extrema clauduntur. Hic denique locus non est sicut membrum quoddam in corpore, sed tamquam sanguis per omnes illius partes diffusus.

Habes paucis verbis præcipuas causas commotionis adversus hunc librum, de quo varia fuerunt hominum & adhuc extant judicia. Quod si nihil aliud intenderet, ut ajunt quidam ejus Patroni, quam quod præmitterentur Absolutioni Sacramentali, ex prudenti consilio, quædam opera pœnalia ad molliendum cor peccatoris, quis hoc vituperaret, cum sanum sit consilium, virtutem ipsam pœnitentiæ prius exercere, quam Sacramentum Pœnitentiæ suscipere? Sed aliud verba Scriptoris illius, quicumque sit, indicant, ut ex lectione manifestum erit cuilibet cordato. Quæcunque vero fuerit illius mens, profuit nonnullis ad vitam in melius commutandam librum legisse: meticulosos quoque aliquot Confessarios firmavit, ut cum majori autoritate, erga pœnitentes se haberent: quæ vero aliunde detrimenta emanarunt, dixerunt plures. Accuratus autem scripsit contra illum librum Author Anonymus cujusdam Analysis, quæ Flexiæ edita est anno 1649.; sicut & in aliam assertionem ejusdem libri in Præfatione, Unum & eundem Primatum D. Paulo, ac D. Petro tribuentem, scripsit docte inter cæteros Antoninus Diana, cujus Tractatus extat inter resolutiones ejus morales, ad calcem Tomi 9. Idem Pontifex Officium Conceptionis B. Virginis ab uni-

universo suæ Diœcesis Clero celebrari cum Octava instituit.

Mandatum Illustrissimi & Reverendissimi Archi-Episcopi Parisiensis JOANNIS FRANCISCI GONDII pro publicatione & observatione Constitutionis Pontificiæ INNOCENTII X. post damnatas quinque propositiones, de quibus postulaverant Episcopi Galliæ, ut perspicuam & certam de unaquaque sententiam ferret, de quibus in Gallia disputatio periculosior & contentio ardentior erat. Variis autem locis & temporibus scripserunt Antistites supra octoginta, magnum, si coissent, facturi Concilium, quare ejus postulationis non consignatur dies & consul. Quorum Postulationibus cum post longam accurati examinis indaginem satisfecisset INNOCENTIUS X. Constitutionemque in Galliam misisset, primus, ut cæteris præiret exemplo, eam publicari & observari hortatur, & jubet hoc Mandato Illustrissimus Archi-Episcopus signato die 15. Julii 1653. in Conventu Capucinatorum ad Pontifaram: in quo multa præfatur de autoritate unius Pastoris in Ecclesia, ad quem semper graviore de fide contentiones & causæ delatæ sunt, ut per ipsum terminarentur. Cujus traditionis veritas adeo constans est in Ecclesia Catholica, ut tempus deficiat, si omnia ad illud institutum spectantia sigillatim persequi velimus. Encomium illius Mandati luculentissimum edidit Ludovicus Cellotius S. J. in *Appendicis Miscellaneæ ad historiam Gottschælebi Cap. 5.* Quid enim melius aut uberius, inquit, dicerent Landericus & Marcellus, si modo viverent in terris? Quid ipse Dionysius cum sublimi sua Hierarchia grandius scriberet pro stabilienda in Parisiensem animis Rom. Sedis autoritate &c. quæ apud ipsum videri poterunt a Studiosis, cum non nisi summa rerum fastigia pro ratione summæ hic sequamur.

Mandatum seu ordinatio Domino Vicariorum Generalium Eminentissimi Cardinalis RETZII, Archi-Episcopi Parisiensis, pro subscriptione duarum Constitutionum Summorum Pontificum INNOCENTII X. & ALEXANDRI VII. prout in formula per Clerum Gallicanum 17. 1657. edita, con-

tinetur. Ultima die Octobris anno Millesimo, sexcentesimo, sexagesimo primo.

Censuræ plures Apologiæ Casuistarum.

ANno MDCLVII. plures conduntur & evulgantur Censuræ contra librum prænotatum: *Apologie pour les Casuistes contre les calomnies des Jansenistes* &c. cujus Author innominatus vocabat se Doctorem in Jure Canonico.

Aliquot hujusmodi Censuræ per Episcopos, aut eorum Vicarios, fervente Jansenismi controversia, fabricatæ ad notitiam nostram venerunt, de quibus malim expectare aliorum judicium, ac potissimum Summi Pontificis, qui causam istam Theologorum moralium ad se evocaverat, & per nominatos a Sua Sanctitate examinari præceperat, unde tandem emanavit quadraginta quinque propositionum ad minus ut scandalosarum, damnatio ac prohibitio in duas Constitutionibus supra relatis, inter eas quæ sunt ALEXANDRI VII. qui hac via finem imposuit gravissimæ isti contentioni, sic in fume contentioso res inter utramque partem librans, ut omnibus debite expensis, difficile sit post istam pugnam uni parti gloriam integri triumphii tribuere. Quale enim pondus est judicii inferiorum Judicum, cum lis ad superiorem Judicem devoluta est, nec omni ex parte confirmat, quæ per inferiores judicata fuerant?

Conferri possunt a Studiosis inter se ista omnia. Una ex his Censuris, quæ plura Capita istius Apologiæ ferit gravibus notis, est Dominorum Vicariorum Generalium Eminentissimi Cardinalis RETZII, Archi-Episcopi Parisiensis, edita Parisiis apud Carolum Savreux anno 1658. expostulantibus & conquerentibus contra hunc librum urbis & suburbiorum curionibus quam plurimis, si non omnibus, quorum nomina ibidem indicantur.

Alia est Censura per Rev. ac Illust. Comitem & Baronem ac Episcopum Cadurcensem ALANUM DE SOLMINIACH, virum austerioris vitæ & D. CAROLI BORROMÆI Imitatorem, qui aliquot Capita illius libri expresse damnat, nempe circa Simoniam, occasiones proxi-

proximas peccati, circa usuram, homicidium, calumniam, & delectationes sensuum.

Non intendendo alia probare. Editæ est Censura Cadurci anno 1659. Alia etiam Censura a me lecta est, per D. Illustrissimum ac Reverendissimum Patriarcham Archi-Episcopum Bituricensis, Aquitaniarum Primatem ANNAM DE LEVI, DE VANTADOUR, requirente ejus Promotore ac magnam seriem casuum ex illa Apologia, tum ex dictatis cujusdam Professoris Theologiæ moralis offerente, ut judicium ferret. Censura edita est Biturigis anno 1659. ac nescio, cujus industria factum est, ut ad calcem hujus censuræ alligaretur responsio D. Episcopi Mirapicensis DE LEVI, Fratris nempe Archi-Episcopi præfati, ad Episcopum, a quo invitabatur ad similem censuram conficiendam, qua illi significat, se quamvis magnificat illos Antistites talium censurarum Authores, per tria tamen deterri, ne censuram suam aliis adjungat: 1. Est, quod cum hæc causa sit ex majoribus, in qua agitur de damnatione & antiquorum & modernorum Theologorum, & de statuenda regula bonorum morum: quæ media sunt necessaria ad sanctificandos fideles, ad Pontificem pertineat. 2. Est, quod certior factus fuerit ex parte Nuntii Apostolici, Papam de ista controversia judicium sibi assumpsisse, ac Commissarios designasse, ad libri istius discussionem, proinde expectandam esse ipsius sententiam. 3. Est, quod assertiones istius libri, quæ per censuras impetuntur, habeant insignes Patronos in quibusdam D. Thomam Angelicum Doctorem, Cardinales Hostiensis & de Lugo, Episcopos Antonium Florentinum, Malderum Antverpiensem: insuper Dominicum Soto a Confessionibus CAROLO V. Imperatori, incomparabilem Navarrum, Sylvestrum sacri Palatii Magistrum, Thologos Parisienses Majorem Duvalium, Gamachæum & plures alios bonæ notæ Scriptores.

Significat quoque se tres defectus in quibusdam Censuris antea evulgatis deprehendisse. 1. Quod inter errores recenseant Attritionem ex solo metu pœnarum inferni & excludentem pec-

candi voluntatem sufficere cum Sacramento Pœnitentiæ ad remissionem peccati: item, quod Confessor possit absolvere pœnitentem, quem prævidet adhuc lapsurum in idem peccatum. Quæ non judicat Censuram mereri, 2. est, quod affigantur Authori aliquæ propositiones, quas potius improbat, ut, quod sola intentionis directione res pessimæ innocenter fieri possint. Quod excuset, quod accipiat aut detur pro pecunia Beneficium, modo non sit intentio, æquare utrumque. Author expresse asserit cum tali intentione, quam Jus Canonicum prohibet, tutam non esse conscientiam; 3. Est, quod quædam propositiones Authoris istius referantur sine modificationibus & conditionibus, quos adjungit. Vel ipsa sanctitas & innocentia hoc pacto rea & flagitiosa appareat. Sic notatur Author de hoc dicto, quod unus Author contra plures possit reddere opinionem probabilem: & tacetur, quod dixerit in illo casu, in quo unus Author rationes satis validas ad stabiliendam suam sententiam & rationes adversariorum diluendas profert. Talibus reflexionibus adhibitis, sese excusat a promulganda censura, quam a quibuscumque Episcopis poterant, emendicabant quidam, ut se consolarentur de iis, quæ acta erant in librum Yprensis Episcopi, quamvis non omnium par fuerit intentio. Estque hæc Responsio epistolaris scripta Mazarettæ 15. Jan. 1659. ut exinde appareat qualis conjuratio, & quæ digladiatio tunc fuerit, etiam fratre in fratrem diviso. Epicheia est virtus, sed periculosa, ut diximus in *Theol. Affect. 2. Tract. 5.* unde cum moralis pure casuistica ex Epicheia coalescat, facile obnoxia est reprehensioni plurium, qui literæ toti inhærent, quam faventem habent, cum intentio Legislatoris in raro accidentibus lateat. Quare non consulerem cuiquam tentare hanc scientiam ita abstractam a Theologia Scholastica & Canonica tradere nonnisi casus infrequentiores, & de quibus silent leges, ventilando; quod tamen illius moralis peculiare est objectum, ut est scientia ab aliis separata.

Sed non est præsentis instituti ad

particulares istas contentiones descendere. Scripsi de iis, antequam orientur in libro de triplici examine, ubi sine illa fellea amaritudine quorundam, quos non ratio, sed affectio in transversum egit, sensum meum aperui de huiusmodi quæstionibus. Ex illis quadraginta quinque propositionibus, quas ad sedandam hanc litem ALEXANDER VII. uti scandalosas damnat & prohibet, nullam in isto opere deprehendo hætenus; & si vel unica ex ipsis inserta esset, quod absit, me hortante delenda est in proxima sexta editione: cum fixum sit inherere Decretis Sanctæ Sedis Apostolicæ. Quod testatum facere hic volui contra calumniatores quorumcumque librorum Theologiæ moralis. Hoc uno subjuncto monito, quod valde verendum est, ne qui tantum ævent requiem animarum vastare, & conscientias aliorum perturbare quæsitis unde quaque prætextibus, ipsi quandoque in conscientia sua perturbentur, dum eadem mensura, qua circa alios mensi fuerint, remeietur illis: sicut concionabatur tunc temporis magnæ virtutis & eloquentiæ Prædicator Joseph a Morlaia. Manendum ergo in rebus judicatis contra utramque partem contendendum. Ut omne agens agendo repetitur, non mirum videri debet, si qui in suborientem hæresim debito fervore egerunt pro ratione temporis, aliquid etiam repassi sint, quam graviora passi sunt Athanasius ab Arianis, Cyrillus a Nestorianis, Flavianus ab Entychanis, & per omnia sæcula, qui errantes in orbitam reducere voluerunt. Id totum providentiæ Divinæ deputo, ut purior massa supersit Ecclesiæ, dum ex varia occasione omnium defectus corriguntur, antequam veniat dies Domini, in quo abscondita tenebrarum illuminabuntur. Faxit Deus, ut in illo omnes sancti & correcti appareamus.

Illustriß. & Reverendiß. D. JACOBUS LESCOT, Episcopus Carnotensis, antea Regius Theologiæ Professor in Sorbona, accepto certo Nuntio anno 1661. unam ex Diocesis suæ urbibus Medurram. (*Mante*) Jansenianis infici dogmatibus per prædicationem Curionem ejusdem urbis, illuc se contulit, ac

Curionem cum primo graviter increpuißet, decrevit, jussitque, ut publice pro concione retractaret, quæ male docuerat de iis dogmatibus: cui concioni ipsi interesse voluit, & post concionem iisdem dogmatibus addictos, ea palam retractare compulit.

Et revera tales sunt propositiones illæ, ut non sit moraliter possibile ze-
losum & suarum ovium salutis studiosum Antistitem filere aut dissimulare, cum ab aliquo publice proponuntur, maxime in Cathedra. Nam ut de quinque famosioribus dicam, quas ad tres facile reduxeris, primam de Mandatorum impossibilitate ex defectu gratiæ sufficientis, secundam de lib. arbit. necessitate adacto ad eligendum, 3tiam de morte Christi pro solis electis, si toleretur ab Episcopis talium prædicatione, quo pacto & qua æquitate peccatorem increpabo de transgressione mandatorum, si sint impossibilia? Quomodo ad bene deliberandum & eligendum, quod melius excitabo, si necessitate hæc fiant? quomodo ad compunctionem, si nunquam ipsi peccatores gratiæ ac Spiritui Sancto restiterint? sed quam frigide prædicabitur de morte Christi, si non sit pro communi omnium salute? P. Veronus in illo libello: *De beneficio Crucis*, variis Censurarum notis afficiens doctrinam illam Jansenii, in cæteris 88. vocat illam extinctivam, aut saltem valde imminutivam devotionis fidelium erga omnia Myſteria Christi, quæ toto anno celebrat Ecclesia; Nam 1. quis, inquit Augustinus lib. *De corrept. & grat. C. 13.*, ex multitudine fidelium quamdiu in hac mortalitate vivitur, in numero Prædestinatorum se esse præsumat? Ergo si Christus pro æterna salute & liberatione solorum Prædestinatorum crucifixus & mortuus est, quis ex multitudine fidelium præsumat Christum pro salute sua æterna & liberatione natum, jejunaßet, crucifixum? &c. Quis præsumat, quod magis pro sua liberatione, quam pro Dæmonis &c. Cuique erit dicendum, id occultari opus est, id secretum esse. Horret animus hæc vel effari 2. sed quam frigescente devotione celebrabuntur a Christianis hæc myſteria toto anno? Si hæc principia

cipia Janſeniana inſideant animo? non magis pro mea liberatione, quam pro Dæmonis &c. Ergo dicit quivis, qui ex doctrina D. Auguſtini ſe in numero Prædeſtinatorum eſſe non præſumit: non magis hæc myſteria celebrabo, quam Dæmon, nec magis teneor. Quæ verba mihi non ſatis probantur, quia tot perfectiones in Chriſto meo ſuſpicio, ut ſi de me nunquam cogitaſſet, nec de mea ſalute, illum tamen ob imenſam ejus excellentiam, pulchritudinem, majeſtatem, gloriam in omni æternitate colere, diligere, venerari, ac gloriſicare vellem. Etiam ſi occiderit me, dicebat Job *Cap. 13.*, in ipſo ſperabo, quod quidam vertunt ex textu Hebræo, poſt ipſum æſtuabo, hoc eſt: amoris ejus flamma totus inardebo. Sed pergit idem Author habita ratione imbecillitatis plurimorum ex mortalibus, qui hoc ſublimi motivo non percelluntur, tamque duro ſunt animo, ut melius moriunt erga Deum dilectionem rependere, quam genereſe impendere. Qua ergo certitudine nobis celebrantibus Miſſam, aut ei aſtancibus, cum Symbolum recitatur, procumbimus omnes in genua, & dicit quiſque *Crucifixus etiam pro nobis*, ſi pro ſalute ſolum æterna Prædeſtinatorum, non aliorum mortuus eſt? 4. Sed & Concionatores omnes pro roſtris Chriſtianiſ & Eccleſia tot chiliadas & myriadas deceperit, cum in frequentiffimis auditoriis tota urbe Lutetiæ, verbi gratia, die Veneris ſacra prædicamus Chriſtum pro myriadibus & auditoriis integris Crucifixum, cum certum ſit multos ex illis non eſſe prædeſtinatos ex Auguſtino fuſiffime ſæpe, ſed præſertim in illud Pſalmi 39. *Multiplicati ſunt ſuper capillos capitis mei.* Hæc & plura ibidem ille Concionatorio ſtylo & nimis forſan ſellea amaritudine: qui libellus etſi notatus ſit ab Ampliſſimo Rectore Univerſitatis Pariſienſis, quod de illo minus reverenter quædam ſcripſiſſet, non tamen propter doctrinam notatus eſt, de qua judicare, facultatis eſt Theologicæ.

Sed quia in ore duorum aut trium ſtat omne verbum, juvat addere, quæ ſequuntur ex Michaële Paludano, Doctore Lovaniienſi, in laudata ſæpius

Tomus IX. Concilior. German.

Apologia *Parte 1. Cap. 26.* cujus labori & indiſtriæ in examinando opere R. Yprenſis plura accepta referimus. Illa enim, inquit, libri doctrina, quæ habet Chriſtum non magis pro eorum, qui non ſalvantur, quam pro Diaboli ſalute eſſe mortuum, extinguit unum de præcipuis incentivis, quibus frigida hominum corda in Dei amorem ſolemus accendere, dum iis proponimus tantum illum, quo Deus Pater eos dilexit, amorem, ut Filium ſuum unigenitum daret, &c. Illum itidem Chriſti erga eos amorem, quo pro eorum vita ſe ipſum tradidit in mortem, ut eos, quos antea pigebat, Deum amare, jam ſaltem pudeat non redamare: ad eos cum Auguſtino lib. *De ſancta Virginitate, Cap. 35.* exclamantes: Toto vobis ſignatur in corde, qui pro vobis fixus eſt in Cruce, &c. nam quemadmodum ſi aliquem hoc modo alloquerer: ama Deum, qui te absoluta electione ab æterno ad ſalutem prædeſtinavit: frigeret hortatio, quia nimis incerta eſt prædeſtinatio. Ita quandoquidem in illa Janſenii ſententia tam incerti, dubiiſſimæ ſumus illius Dei & Chriſti erga nos amoris, æque frigida erit hortatio ad illum redamandum? Et ſic dum Janſenius in una doctrinæ ſuæ parte vult cavere, ne accendatur elatio: per alteram facit, ut frigefcat ad charitatem hortatio. Quod ſi parum eſt, addo, quod majus eſt, dum ibi ſatagit, ut creſcat humilitas, hic agit, ut tepefcat charitas: non ſatis attendens ad illa Auguſtini verba: Superflua eſt ſollicitudo, ne, ubi fervet charitas, deſit humilitas, lib. *De ſancta virg. Cap. 51.* Ex quibus omnibus concludit, in agro hujus libri ſimul cum tritico creviſſe zizania, nec librum eſſe Divinum, ut buccinant Janſeniani, & habere mala mixta bonis, & bona mixta malis: ſed nec ita idiotæ ſumus, ut veram humilitatem in agro iſtius libri germinare arbitremur: ut enim creſcere poſſit humilitas ex iſta cogitatione, quod gratia Dei omne bonum in nobis operetur, nec quidquam noſtris viribus tribuere debeamus, attamen alia cogitatio, quam liber iſte ingenerat centies, quod peccata committuntur defectu gratiæ, quæ non datur omnibus, de

Q q q q 2

qua

qua, ubi datur, victoriam reportat de omni tentatione, ut cui nunquam in statu naturæ corruptæ resistatur, ista inquam cogitatio, quam adversa est veræ humilitati, quæ peccatores decet, satis dici non potest. Vera enim humilitas peccatoris est se reum & criminofum coram Deo, Angelis & hominibus agnoscere, admodum humilis Publicani, qui percutiendo pectus suum dicebat: Deus, propitius esto mihi peccatori, velle, ut omnes istud agnoscant, velle quoque propter hoc ignominiose ab omnibus tractari. At quotus quisque est ista doctrina hujus libri informatus, qui apud se ratiocinando non se putet, dum peccat, innocentem, nec ullas penas sibi jure irrogari posse ob delicta, quæ commisisse fingitur ob transgressionem mandati impossibilis, deficiente sibi gratia, qua possibilia fierent? Hæc certe persuasio ineffabile est, quantam nutriet superbiam in reprobis omnibus, qui ea imbuti fuerint. Quæ culpa mea, dicet ille, cui gratia defuit, propter quem ne gutta quidem Sanguinis Christi effusa est? inde oritur in ipsis rebellio adversus judicium Christi ipsos damnantis. Ni mutant hanc sententiam, per totam æternitatem erigent se, nunquam humiliabuntur, sub potenti manu Dei. Excusabunt se, & Deum accusabunt, qui impotentes supplicio afficiat. Perpendant hoc pii viri, nec putent ibi inesse humilitatem, ubi tot sparsa sunt semina superbiæ.

Item Ordinatio Domini Illustriss. Archiep. Paris. HARDUINI DE PEREFIXE ad subscribendum formulæ Fidei, editæ ad executionem Constitutionum INNOC. X. & ALEX. VII. Parisiis die 7. Junii an. Millesimo, sexcentesimo, sexagesimo quarto. In hoc Mandato refertur magna submissio R. Corn. I. ad Summum Pontificem Rom. quam vivens testatus est in libro suo Proce-miali *Cap.* 29. his verbis: Mihi constitutum est eandem, quam ab infantia secutus sum, sensuum meorum ad extremum usque spiritum ducem sequi Romanam Ecclesiam, & Beatissimi Petri in Romana Sede Successorem. Super illam petram ædificatam Ecclesiam scio, quicumque cum ipso non colligit, spar-

git; apud quem solum incorrupta Patrum servatur hæreditas. Quicquid ab ipsa Petri Cathedra, in cujus comunione a teneris vixi, & porro vivere & mori fixum est, ab isto Principis Apostolorum Successore, ab isto Christi Vicario, ab isto Ecclesiæ universæ Capite, Moderatore, Pontifice præscriptum fuerit, hoc teneo, quicquid improbatum, improbo, damnatum, damno, anathematizatum, anathematizo. Quin etiam moriens idem testatus est in Testamento, ut supra narratum est. Quare ex charitate credere convenit propter errores in ipsius libro deprehensos, Deum non intrasse cum ipso in judicium, cum econtra discipuli in manifestæ damnationis periculo forent, si persisterent in defensione talis doctrinæ, quam dici potest ipsum Jansenium damnasse per tam humilem & adeo Christianam dispositionem, juxta Vincentium Lirinensem lib. *adversus hæreses*. O rerum mira conversio! Authores ejusdem opinionis Catholici, confectatores vero judicantur hæretici: absolvuntur Magistri, condemnantur discipuli: Conscriptores librorum regni Filii erunt, assertores vero gehenna suscipiet. Declarat insuper in eodem Mandato, quod etsi in formula Fidei, quam jubet subscribi ab omnibus tam Ecclesiasticis viris, Religiosis, & Monialibus primariis Collegiorum, & Magistris Scholarum, quædam sint juris, quædam facti: attamen illa solum, quæ sunt juris, exigere Fidem Divinam, illa vero, quæ facti sunt, non exigere aliam Fidem, quam humanam & Ecclesiasticam. Quod ideo additum est ad tollendam omnem exceptionem subscribendi sub eo prætextu, quod res facti Fidem Divinam non requirunt. Verum enim est, res facti Fidem Divinam non exigere, sed tamen non impedire Fidem Divinam circa dogmata juris, quibus connexæ sunt. Quod scite, admodum explicat Doctor Almainus in 3. *Sent. Dist.* 25. q. 11. Dico, inquit, quod ista non est de Fide Theologica, hoc est revelatum, demonstrando istam: Deus est trinus & unus. Non licet tamen dubitare, quia esset processus in infinitum in propositionibus de Fide: & ideo ad generandum actum Fidei

Fidei oportet de necessitate habere unum actum saltem, qui non est de Fide Theologica, sed topica circa saltem assumptum minoris, hoc est revelatum. Ubi videre est, Almainum simul conjungere actum Fidei Divinæ & humanæ. Nihil ergo novum & absonum molitus Illustriss. Archi-Episcopus, & vanum est, quicquid contra illius Mandatum hac in parte objectum est in quibusdam libellis magis contemptu, quam responsione dignis: si a peritis Theologis recenseantur, non ab imperitis Laicis & mulierculis.

Caterum indiculum locorum Jansenii, in quibus has propositiones docuit, dedimus in L. *De triplici examine*, & dici potest omnes Tractatus libri ipsius ad has propositiones adstruendas spectare: ut mirum sit quosdam id voluisse in dubium revocare.

Ordinatio D. Archi-Episcopi Parisiensis Illustriss. HARDUINI DE PERE-FIXE, qua post missam ab ALEXANDRO VII. formulam Fidei ab omnibus Ecclesiasticis subscribendam ad improbandas V. propositiones ex libro R. Yprensis Episcopi Cor. Jansenii exceptas, & submitendum se Constitutionibus INNOCENTII X. & ejusdem ALEXANDRI VII. de quibus supra dictum est: jubet omnes Ecclesiasticos suæ Diœcesis, Regularesque quosvis exemptos & non exemptos, aut nullius Diœcesis se dicentes, nec non Moniales, Primariosque Collegiorum, ac Scholarum Præfectos eidem Formulæ intra tres menses a publicatione subscribere, sub pœna juris contra inobedientes. Et quamvis, paucis admodum exceptis, ab omnibus jam satisfactum fuisse censi potuisset, per subscriptionem præcedentem formulæ Fidei de eadem re a duabus Constitutionibus Cleri Gallicani emanatæ: quia tamen putabant quidam Cleri ejusdem auctoritatem tantam non esse, cui teneretur, penitus se submittere, & ad servandam Fidei uniformitatem inter omnes fideles, ac ut omnes honoremus Deum, ut loquitur Apostolus, uno ore & corde, jubet per totam Diœcesim, ut huic Formulæ subscribatur, credendo Fide Divina ea, quæ sunt juris & dogmatum, ac cum sincera animi submissione

acquiescendo iis, quæ sunt facti, quod nempe sit ipsa Jansenii doctrina, quæ in his propositionibus damnatur, cum aliter & alia mente subscribere, vere illudere esset Constitutiones Sanctæ Sedis & Episcoporum. Parisiis die 13. Maji an. 1665.

Notandum eandem esse Formulam Episcoporum & Sedis Apostolicæ, hoc excepto, quod in hac ultima nulla fiat mentio doctrinæ D. Augustini a Jansenio non bene intellectæ, sicut fiebat in formula Episcoporum: intellexerunt enim Episcopi Jansenium Yprensem a mente D. Augustini aberrasse, & Illustriss. Lexoviensis Episc. PHILIPPUS COSPEANUS, concionandi laude tota Gallia clarissimus, & in Augustini lectione optime versatus, dixisse fertur, lecto ejus libro, non est Augustinus, sed pestilentissimus Augustini corruptor: nimirum quia suo artificio Augustinum torquet, & patronum facit salforum dogmatum Lutheri & Calvini ab Ecclesia damnatorum, ut est apud Anton. Moraines *Dist. 12. Sect. 4. Anti-Jansenii*. Abstinere autem voluit Pontifex ab ista clausula ad tollendam quorundam remoram ad subscribendum: tum quia non erat necessaria, nec tantum vult tribui scriptis suis D. Augustinus: maxime vero, quia id non fuit Romæ examinatum, nihil autem inferitur sine prævio examine in Constitutionibus Pontificiis. Porro Christiani omnes tenentur profiteri unam tantum Fidem Christianam Catholicam, & uni subesse Ecclesiæ scilicet Romanæ, unumque solum Vicarium Christi Generalem in mundo, videlicet Rom. Pontificem supra se spirituales habere Pastorem: & qui nolunt eidem Ecclesiæ Romanæ & Vicario Christi spirituali se subicere humiliter, seu propter pertinaciam, cupiditatem, superbiam, aut propter aliud ad mundum pertinens, indigni sunt post mortem veniam & misericordiam a Deo obtinere. Hoc norunt, qui in Catholicæ Ecclesiæ dogmatibus instructi sunt: Hinc est, quod similia Decreta Episcoporum per omnem Galliam extiterunt, quibus tandem paruerunt omnes, exceptis forsitan paucis induratis, quorum pervicaciam potius visum cum silentio

diffimulare, quam cum strepitu frangere.

Constitutio secunda HARDUINI DE PEREFIXE, Archi-Episcopi Parisiensis, qua damnatur *Traductio novi Testamenti*, Montibus edita in Hannonia, quæ Constitutio data est Parisiis 20. Aprilis 1668. & per Parochias urbis in pronais Missarum solemnium lecta & publicata, continetque rationes præcipuas, ob quas dicta translatio prohibita fuit, cum prior Constitutio contra eandem Translationem simplicem ejus inhibitionem contineret. Unde fautores ipsius anam arripuerunt eam magis defendendi, quasi nihil esset in ipsa reprehensioni obnoxium, sed ex sola auctoritate & beneplacito illam Illustrissimus Archi-Episcopus prohibuisset, quin etiam cantilenam ludicram in vulgus quidam sparserunt in ludibrium auctoritatis Archi-Episcopalis. Sic nullum non lapidem movet Sathan ad promulgandum errorem quacumque via, & pro vero ac legitimo Christi Testamento aliud falsum & corruptum introducendi.

Sunt autem hæ rationes damnationis?

I.

Quod hæc Traductio, Montibus edita, conformis non sit vulgatæ latinæ Textui, quam solam authenticam, declarat Concilium Tridentinum, ut nemo illam rejicere sub quovis prætextu audeat vel præsumat. Magis autem conformis est Græco Textui: ut priori jure inscriberetur versio novi Testamenti in Gallicam linguam juxta Textum Græcum cum discriminibus a vulgata, quam prout illam inscripserunt, secundum editionem vulgatam cum discriminibus a Græco Textu: quamvis in locis valde multis Authores illius Translationis nec vulgatæ, nec Græcæ editionis Textui adhæreant.

II.

Quod hæc Traductio in pluribus locis alias versiones ab Ecclesia improbatas, ac præcipue Gebenensem versionem imitetur, etiam ubi de aliquo controversiarum puncto agitur, in quo

contrarium defendunt Catholici contra hæreticos.

III.

Quod Authores illius Translationis multa mutarunt addendo, aut subtrahendo, aut transponendo, & sensum pervertendo pro libito.

IV.

Contra receptam Ecclesiæ antiquam consuetudinem, quod in Textu divisum esse debuit, adunarunt; & quod adunatum esse debebat, divisarunt, non habita ratione punctorum ac virgularum. Quod gravioris est momenti, cum de dogmatibus & veritatibus Catholicis agitur.

V.

In ipsum Textum aliena a Textu induxerunt, exemplum Ministrorum Gebenensium imitantes, qui etiam suas proprias explicationes & paraphrases, quæ, quamvis sæpe minori charactere editæ sint, ut puta Italico, id tamen non est de usu Ecclesiæ, nec vacat periculo, quin tempore futuro eodem charactere cum ipso Textu proprio, sine ullo discrimine editioni reddantur, addiderunt.

VI.

Summaria & Titulos Capitum immutarunt, ipsa Capita aliter disponendo, prout ipsis libuit.

VII.

Ultra hæc omnia, & ea, quæ Facultas Theologica Parisiensis in editione, quæ cum nomine *Renati Benedicti* in lucem prodierat, observaverat, plures in ea interpretationes inveniuntur, quæ favent erroribus Jansenismi ad ipsos renovandos: quin & plures expressionum modi a sensu Scripturæ alieni, quibus ad hoc tenditur, ut Fides imminuatur & debilitetur probatio plurium majoris momenti veritatum Religionis. Denique vidimus & examinavimus, ait Illustriss., Præfationem, quæ multas propositiones continet, sensui Ecclesiæ contrarias, quarum aliquæ ad hoc spectant, ut credatur, non solum licitum esse quibuslibet, etiam rudioribus, Scripturas sacras legere, sed absolute necessarium: quod Facultas Parisiensis expresse damnavit in censuris

suris suis contra Renatum Benedictum ac Erasmus 17. Decembris anno 1527. tamquam doctrinam perverfam & consentientem erroribus Waldensium, Albigenium, & aliorum.

His momentis prohibet sub pœna excommunicationis ipso facto, ne imprimatur aut evulgetur & divendatur, & ne permittatur aut consulatur lectio a Parochis, Vicariis, Confessariis,

aut Directoribus. Caterum pro legentibus ac retinentibus ipsam Translationem pœna excommunicationis videtur tantum comminatoria, hoc est, sub pœna peccati mortalis, quod observare non utile pro regimine animarum.

Lunig Specul. Eccles. Contin. III. a pag. 931. ad 938.

CLAUDIUS D'ACHEY, Major Vefontionis Decanus, Baumenfis, Montisque-Benedicti Abbas, Francisci Ryensis, qui Ferdinando, Patruo suo, Viro in Religiosas familias pio admodum & studioso, datus a. 1626. Coadjutor, ante obiit, quam magistratum Archi-Episcopalem iniret, Successor, ab Illustrissimo Canonicorum Collegio electus, vitam posuit a. 1654.

Constitutionem duntaxat Synodalem, ipsa cum Synodus decesset, huc transcripsimus. Meminit de Synodo Lexion Moveri, verbo: *Befançon* pag. 423. *Chiffletii* opus: cui titulus: *Vesontio, Civitas Imperialis Libera, Sequanorum Metropolis*, in laudato mox Præfule Ferdinando ad a. 1616. definit.

Vide Hist. Eccles. Germanie sæpius cit. Tom. II. pag. 198.

SYNODUS DIOECESANA TORNACENSIS,

Eodem anno Christi MDCXLVIII.

DIE 22. SEPTEMBRIS,

FERIA TERTIA POST DOMINICAM MISERICORDIA,

Sub Revmo Domino FRANCISCO VILLANI a GANDAVO, (*)
Tornac. LXXXIV. Episcopo,

CELEBRATA.

ACTA in SYNODO DIOECESANA per Revmum Dominum EPISCOPUM TORNAC.

CELEBRATA IN PALATIO EPISCOPALI DIE 22. SEPTEMBRIS 1648. FERIA TERTIA POST DOMINICAM DECIMAM SEXTAM POST PENTECOSTEN LOCO MARTIS POST DOMINICAM MISERICORDIA, QUI ERAT DIES ORDINARIUS: SED PROPTER IMPEDIMENTA REVERENDISSIMI DOMINI TUNC NON POTUIT CELEBRARI.

Præsidente Revmo Dno FRANCISCO VILLANI a GANDAVO, DEI & Apostolica Sedis gratia Episcopo Tornacensi, assistentibus ei RR. DD. Joanne Baptista Stratio, Ecclesie Cathedralis Tornacensis Decano, Gaspare van Lauretten J. U. L. Archi-Diacono Tornacensi, Adriano Lamoraldo Villani a Gandavo, Thesaurario, Andree Catulle J. U. Licent. & Cantore, Joanne Ernesto Nieulant J. U. L. Archidiacono Flandriae, Matthia Novo S. T. D. Ecclesie Cathedralis Tornacensis Canonico, Godofrido Wendelino J. U. D. Officiali, Marco Denys, Monasterii S. Marci dicti S. Nicolai Ordinis Canonicorum Regularium S. Augustini Civitatis Tornacensis Abbate, (**) Fudoco

(*) Vide sub Acta Synodi.

(**) D. Abbas S. Martini excusatus absuit.

doco d'Hauwe J. U. L. Canonico semipræbendato prædictæ Ecclesiæ Cathedralis & Secretario, Joanne van Nes Tornac. Nicolao Cornelio vanden Eynde, (*) & Leonardo Schaers, Cortracen. Antonio Cardon, Amandinen. Jacobo de France, S. T. L. Seclinien. Joanne Prus, S. T. L. Helchinien. Gallorum, Joanne (**) d'Haveloose, Peroviacen. Districtuum Christianitatis Decanis, nec non D. Michaele non fuerunt publice & ad longum lecta ob temporis brevitate, sed quia singulorum ibi Decretorum Reverendissimus Dnus habuit plenam & perspectam notitiam, ideo tenuit ea pro approbatis, confirmatis, & reiteratis.

Finito Sacro de Spiritu Sancto, Reverendissimus Dominus omnes præsentibus paucis exhortatus est ad procurandam animarum salutem, & Religionis Cathol. propagationem. Reverendus D. Gaspar van Lauwetten, Archi-Diaconus Tornacen. legit *Cap. 1. res. d. Conc. Trid. Sess. 23.*

Acta Synodi Diocesanae habitæ die 21. mensis Aprilis 1643. & celebratæ per Reverendissimum Dominum Episcopum Tornacen. defunctum non fuerunt publice & ad longum lecta ob temporis brevitate, sed quia singulorum ibi Decretorum Reverendissimus Dnus habuit plenam & perspectam notitiam, ideo tenuit ea pro approbatis, confirmatis, & reiteratis.

ARTICULUS I.

Imprimis ordinamus tractandum esse de consensu DD. Decani & Capituli in Vicariatu de reductione plurimarum Missarum, quæ in Ecclesia Cathedrali sunt fundatæ ab antiquo sub vili admodum pretio per Canonicos in turno, aut eorum Vicarios, seu Sacerdotes majoris altaris celebrandæ, quarum pretium si augeretur juxta proportionem honorariorum, quæ hoc tempore solent dari pro Missis celebrandis, præsertim ubi bona fundationum sufficientia sunt, vel ubi non sunt sufficientia, si combinarentur, procul dubio seu ipsi Canonici, seu Vicarii magis ad acceptandum dictas Missas animarentur.

II.

Ordinamus etiam, ut imposterum nulli Clerici ad sacros Ordines sub titulo Patrimoniali admittantur, nisi vere possideant bona, ad quorum titulum debent promoveri, & nisi realiter & cum effectu sint alicui Ecclesiæ inscripti ac servientes (exceptis tamen Studiosis in aliqua Universitate, qui pro inscriptis alicui Ecclesiæ merito æstimandi & habendi sunt) & præter hoc etiam sint eruditione insignes, bonorumque nominis & famæ, seu in pietate, & probis moribus excellentes, & ex familia honesta, nota, & locuplete oriundi: pauperes vero non habentes hujusmodi dotes fortunæ, compensare

debent excellentiori studiorum & morum probitate.

III.

Præterea ordinamus publicari Bullam SIXTI V. agentem *de habitu honesto Clericorum*: ea occasione, quod plerique jam etiam Pastores præsumunt incedere per vicos & medias Civitatum plateas in habitu curto, vix a Sæcularibus differentes. Super quibus mandamus, ut Promotores serio invigilent, & contra eos agant.

IV.

Mandamus etiam Decanis Christianitatis, ut in suis visitationibus annuis invigilent, & serio inquirent circa redditus annuos, quibus curæ Pastores gravatæ fuerunt de licentia obtenta pro reparatione, seu reedificatione domus Pastoralis. An videlicet præfati Pastores singulis annis redditus hujusmodi exonerent una cum parte summæ principalis juxta tenorem licentiæ ad hoc concessæ.

V.

In quibus visitationibus etiam specialiter inquirent de Pastoribus, qui negligunt aut contemnunt decantare Vesperas diebus Dominicis, Festivis & Sabbatinis: & negligentes ad Nos, vel Vicarium nostrum Generalem deferant a Promotoribus citandos & multandos.

VI.

(*) Nicolaus Lambertus Insulen. abfuit excusatus.

(**) Antonius del Court Ulmen. excusatus abfuit.

VI.

Item, quia ex occasione negotiorum Episcopatus, & Curia spiritualis reperiuntur plura monumenta & registra, quæ debent reponi & consistere in Archivis Palatii Episcopalis, esse deperdita, decretum fuit, ut affigantur Monitoriales primo simplices contra quoscunque, ut intra certum & competentem terminum in iis præscribendum quilibet habens in sua potestate, aut sciens alios habere dicta monumenta, & registra, respective id ipsum declaret, restituat, aut restitui procuret, ne cogamur in re tanti momenti procedere per Monitoriales de occultis sub pœnis excommunicationis, quæ in casu non restitutionis aut declarationis hujusmodi procul dubio decernentur.

VII.

Mandamus item omnibus & singulis Pastoribus, ut numquam Sacramenta in Ecclesia sua administrent aliter, quam superpelliceo & habitu Chori induti, sub pena triginta stuforum pro qualibet contraventione.

VIII.

Cum alias in Synodo celebrata per Reverendissimum Dominum MAXIMILIANUM VILLANI a GANDAVO 21. Aprilis Tit. 17. *De Pastoribus, Decanis & Custodibus*, art. 21. præceptum fuerit conformiter ad antiqua Statuta, ut nulli alii deferant sacra Olea, nisi Pastores, aut aliquis Sacerdos cum onere comparandi in Ecclesia Parochiali, ubi Decanus residet, feria quarta post Pascha, sub pena triginta stuforum, declaramus prædictam emendam in casu contraventionis pro expensis Congregationis ordinariæ per Decanos & Pastores faciendæ, applicandam esse.

IX.

Quia constat nonnullos Regulares sub prætextu privilegiorum sæpius absolvere poenitentes a casibus Episcopo reservatis (quod tamen in eorum literis continentibus facultatem audiendi confessiones ipsis non est indultum, sed expresse reservatum) ordinatum fuit, ut desuper scribantur literæ ad omnes Priores, Guardianos, & quocumque alio nomine Regularium Præfectos, ut

respective moneant hujusmodi Confessarios Regulares admissos, ne præsumant amplius id præstare, ipsisque significant casus ab antiquo reservatos esse homicidium voluntarium seu ex deliberato animo perpetratum, & hæresim, & si qui sint alii casus specialiter nominati.

X.

Quia intelligimus Milites Germanos, aliosque extraneos in locis & oppidis Episcopatus nostri morantes, & hybernantes sustinere contra Pastores, quod habeant facultatem contrahendi coram quovis Presbytero, quem ad hoc elegerint, sive a Nobis admissus sit, sive non, ad hujusmodi officium, etiam contradicente loci Parocho: cum tamen constet Matrimonium debere contrahi juxta formam Concilii Tridentini in locis, ubi Concilium receptum est, prout in Belgio (*), & in omnibus locis nostræ Diocesis; ideo ne hujusmodi abusus ulterius irrepant, mandamus omnibus Pastoribus, ut serio moneant Tribunos, Capitaneos, & Officiarios principales hujusmodi Matrimonia aliter, quam coram Parocho loci, aut de ejus licentia contracta, esse invalida & nulla, & inhibeant, prout Nos inhibemus quibusvis Presbyteris non habentibus ad hoc facultatem sive a Nobis, sive a Parocho, ne hujusmodi Matrimoniis assistere præsumant sub pœna incarcerationis, & suspensionis a Divinis ad annum vel longius tempus, si ita Nobis visum fuerit, vel alia arbitraria a Nobis infligenda.

XI.

Insequendo Decreta Concilii, *Sess. 24. Cap. 18.* nominamus pro examine Pastorum RR. DD. Joannem Baptistam Stratum, Decanum Ecclesiæ Cathedralis, Gasparum van Lauvetten, Archi-Diac. Tornacen. Adrianum Lamoralium Villanum a Gandavo, Thesaurarium, Andream Catulle, J. U. L. & Cantorem, Matthiam Navæum, S. T. D. Eustachium Froidmont, S. T. L. Franciscum du Chateau, S. T. L. prædictæ Ecclesiæ Cathedralis Canonicos, Godefridum Wendelinum Off. J. U. D. Nicolaum Lamberti, S. T. L. Insulen. Cornelium vanden Eynde, & Leonardum Schaerts, Cortracen. Christianitatis Decanos & Pastores.

(*) Videnda est hodie & consulenda Declaratio *Benedicti XIV.* super Matrimoniis Hollandiæ & Confederati Belgii, quæ emanavit die 4. Nov. 1741.

X.

Deputati vero Iudices Synodales
 RR. DD. *Joannes Baptista Stratus*, J. U. L.
 Decanus Ecclesiæ Cathedralis Tornac.
Gaspard van Lauretten, J. U. L. Archidiac.
 Tornacen. *Adrianus Lamoralus Villani a*
Gandavo, Thesaurarius, *Andreas Catulle*,
 J. U. L. & Cantor, *Philippus de Boulogne*,
 J. U. L. *Joannes Ernestus Nieulant*, J. U. L.
 Archidiac. Flandriæ, *Carolus de Steenbuis*,
 J. U. L. *Petrus Mazuril*, J. U. L. Cano-
 nici Ecclesiæ Cathedralis præfatæ, Go-

defridus Wendelinus, J. U. D. *Antonius de*
Roore, & *Marcus Derys*, respectively Mona-
 steriorum S. Martini, & S. Marci Civi-
 tatis Tornacen. Abbates.

**De mandato Revmi Domini
 vnei Episcopi præfati.**

J. D'HAUWE, Secret.

Ex Summa Statutorum Synod. Tornac.
Insulis impressa a. 1726. & sæpius
laudata.

Sedi Tornacensi, tres jamtum annos & amplius vacanti, ad PHILIPPI IV. Hispaniarum Regis designationem, Episcopus dabatur FRANCISCUS VILLANI a GANDAVO, (al. *petit François*) S. Petri Insulis Præpositus, Sacelli Regii Bruxellensis Capellanus major, Seren. LEOPOLDO Austriaco ab eleemosynis, nepos MAXIMILIANE supra laudati egregius, virtutumque sacro Præfule dignarum strenuus imitator. Calendis Dec. a. 1647. solemniter in Sacrario aulae Regiæ Bruxellis consecratus, die ejusdem mensis XV. cum pompa Tornacum ingreditur, ab Magistratu, Virisque nobilibus honorifice excipitur, & more Majorum ad Palatium Episcopale deducitur. Mox totum se ad gregis sui custodiam applicat, ac Diocesim, quo optulatur omnibus, semel atque iterum percurrit. Tum Clero utrique normam vivendi, tum Monialibus præscribit, Synodo eam ob rem septies coacta. Erigit pium juvandis defunctorum animis Sodalitium, quod regulis perquam utilibus, ab ipsomet Summo Pontifice ALEXANDRO VII. plenaria Indulgentia decoratis, communicavit. Cœptam a MAXIMILIANO Patruo suo & Antecessore adversus Asceterium Elnonense causam diu multumque prosequitur, nihil interim, quod Ecclesiasticam ad jurisdictionem & immunitatem defensandam, ad promovendum Divini Numinis cultum, ad incolumitatem ovium suarum stabilendam spectet, præmittens. Obiit FRANCISCUS ex Illustrissima Comitum Kenghianorum stirpe V. Cal. Januarii a. 1666. atque in choro Cathedralis Ecclesiæ quiescit.

Vide Summam mox cit. pag. 159. & Castillonii Chronolog. pag. 424.

PRODROMUS VISITATIONIS ☉

ARCHI-DIACONATUUM, PRÆPOSITURÆ, nec non DECANATUS METROP. ECCLESIAE COLONIENSIS,

Anno Christi MDCXLIX. Innocentii X. Papæ VI.
 Ferdinandi III. Imp. XIII.

Sub FRANCISCO, Duce Lotharingiæ, Verdunensi XLII. Episcopo,
 Coloniensis & Argentinensis Ecclesiarum Præposito
 & Decano,

IN LUCEM EDITUS.

FRANCISCUS, DEI GRATIA, EPISCOPUS VERDUNENSIS,

Dux Lotharingiæ, Barri, Geldriæ, Calabriæ, Marchio Mussiponti, Sacri Romani Imperii Princeps, Metropolitane, Cathedralis, Coloniensis & Argentinensis Ecclesiarum Præpo-

[*] Hunc Prodromum inter Collecta Hartzhemiana reperi, & quod usui olim bonoque posteris esse valeat, atque ad rem Synodaticam commoda quadam affinitate accedat, a temporum injuria putavi hic esse vindicandum.

Præpositus & Decanus. Venerabilibus Christianitatum Decanis, Pastoribus, Curatis, Deservitoribus, cæterisque Nobis subditis Salutem in Domino.

Cum ab Antecessoribus nostris, annisque præteritis ad Reipublicæ Christianæ & Archi-Diaconatum nostrorum saluberrimam directionem multa utiliter emanaverint, quæ vel ob Officialium nostrorum, Decanorum ruralium, Pastorum, Curatorum, Deservitorum, aliorumve subditorum nostrorum incuriam, vel temporum injuriam parum observari deprehendimus, idcirco ne muneri nostro desse videamur, ac ut iustissimam Omnipotentis DEI iram a nobis, populoque Nobis concedito, quantum in Nobis erit, avertere cõnemur: nihil pro temporis præsentis necessitate utilius occurrere potuit, quam si Visitationis Archi-Diaconatum nostrorum Prodromum, ex jure communi, Statutis Provincialibus ac Diæcesanis, nec non laudabili consuetudine concinnatum, ad Decanos, Pastores, aliosque subditos nostros quantocius divergeremus.

Quocirca Vobis omnibus & singulis in Decanatibus Juliacenſi, Berchemenſi, Aten-daviensi &c. existentibus, Præposituræ nostræ; uti in Decanatibus Noveſienſi, Duſſeldorpienſi, &c. Decanatu nostro reſpectivè ſubjectis, in virtute ſanctæ obedientiæ, & ſub gravibus penis arbitrariis præcipimus ac mandamus, ut intra biemeſtre a die inſinuationis præſentium ad omnia & ſingula juxta propoſitam formam inſcriptis, ſub propria manu Officialibus noſtris accuratam reſponſionem exhibeat, aut exhiberi faciat: ne in ipſa Viſitatione (quæ ſi non perſonaliter uti peroptamus, ſaltem per Officiales aut Commiſſarios noſtros meditamur) noſtro, aliorumve incommodo, diutius quam par eſt, detineamur; aut minus feliciter progrediamur. Colonia 1649. die Octava Sanctorum Trium Regum.

PRODROMUS VISITATIONIS.

PARS PRIOR.

De Viſitatione Materiali.

I. Eccleſia.

- 1. An Parochialis.
- 2. Matrix.
- 3. Quam aut quas filiales habeat.
- 4. An filialis.
- 5. Quæ ejus matrix.
- 6. An Capella curata.
- 7. Cui ſubeſt.
- 8. Sub cujus Sancti invocatione.
- 9. An populum capiat.
- 10. Integra.
- 11. Nitida.
- 12. Squalida.
- 13. An ipſius Dedicationis Feſtivitytas agatur.
- 14. Quando.
- 15. An Patroni.
- 16. Quando.
- 17. Quibus ſolenitatibus.
- 18. An polluta tota.
- 19. Qua parte.
- 20. An altare pollutum.
- 21. A quo.
- 22. A quo tempore.
- 23. Cujus Decanatus.
- 24. Cujus Archi-Diaconatus.
- 25. Quis Fundator Eccleſiæ.
- 26. Quis Collator aut Præſentator.
- 27. An Catholicus.
- 28. An directioni bonorum ſe intromittat.
- 29. Proportionaliter eadem ſit ratio de Perſonatu.

II. Tabernaculum Ss. Sacram.

- 1. An ſecurum.
- 2. Bene obſervatum.
- 3. Mundum.
- 4. Ornatum.
- 5. Quis clavem habeat.
- 6. An adſit corporale Ven. Sacram. ſubſternendum.

III. Ciborium, Monſtrantia.

- 1. Ex quo Metallo.
- 2. An integrum.
- 3. Mundum.
- 4. Benedictum.

IV. Euchariſtia.

- 1. An pro ægris ſervetur.
- 2. Quot hoſtiæ.
- 3. An facile corrumpan- tur.
- 4. Qua cauſa.
- 5. Quoties innovetur.
- 6. Quo honore ad ægros feratur.
- 7. Quoties exponatur.
- 8. An lumen adſit.

V. Lampas.

- 1. An coram Ven. Sacram. ſplendeat lumen.
- 2. Quamdiu.
- 3. An ex fundatione.
- 4. Cujus expenſis.

VI. Olea sacra.

- | | |
|---------------------------|-------------------------|
| 1. Quando renovata. | 3. Unde accipiantur. |
| 2. Quo devenerint vetera. | 4. Per quem deferantur. |

VII. Eorum Vascula.

- | | |
|--------------------|------------------------|
| 1. Ex quo Metallo. | 4. Ubi servantur. |
| 2. An munda. | 5. Quis clavem habeat. |
| 3. Bene separata. | |

VIII. Baptisterium.

- | | |
|------------------------|--------------------------------------|
| 1. An lapideum. | 6. An semper adfit aqua baptismalis. |
| 2. Mundum. | |
| 3. Integrum. | 7. Quando purgetur. |
| 4. A periculis immune. | 8. Quis clavem habeat. |
| 5. Sub firma clausura. | |

IX. Reliquiæ sacre.

- | | |
|-------------------------|--|
| 1. An habeantur. | 6. An exponantur. |
| 2. Nominibus distinctæ. | 7. Ubi asservantur. |
| 3. Ornata. | 8. Quomodo. |
| 4. Thecis inclusæ. | 9. Quomodo de his literæ, vel monumenta. |
| 5. Qualibus. | |

X. Imagines Sanctorum.

- | | |
|------------------------|----------------------|
| 1. Quorum. | 5. An imago Patroni. |
| 2. An mutilæ. | 6. Honestæ. |
| 3. Deformes. | 7. Bene constituta. |
| 4. Veritate conspicuæ. | 8. Ornata. |

XI. Pictura.

- | | |
|----------------------------------|--|
| 1. An vanæ. | turarum, & traditionibus Ecclesiasticis conformes. |
| 2. Indecentes. | |
| 3. Veritati Scripturæ conformes. | |

XII. Altaria, Vicariæ, Capelle in Ecclesia, ejusve districtu.

- | | |
|-----------------------------------|---------------------------------|
| 1. Quot. | 4. An mensa altaris consecrata. |
| 2. Quinam eorum Tituli. | 5. E solido lapide. |
| 3. Quinam Collatores aut Patroni. | 6. Integra. |
| | 7. Humida. |

XIII. Candelabra.

- | | |
|----------|------------|
| 1. Quot. | 2. Qualia. |
|----------|------------|

XIV. Antependia.

- | | |
|----------|------------|
| 1. Quot. | 2. Qualia. |
|----------|------------|

XV. Mappæ.

- | | |
|---------------------|---------------|
| 1. An sufficientes. | 3. Benedictæ. |
| 2. Integræ. | 4. A quo. |

- | | |
|---------------------------------|-----------------------------|
| 6. An imago Crucifixi in medio. | 6. An pulvinar pro Missali. |
|---------------------------------|-----------------------------|

XVI. Feneſtræ.

- | | |
|------------------|------------------|
| 1. An integræ. | 3. Satis munitæ. |
| 2. Sufficientes. | |

XVII. Pavimentum.

- | | |
|-----------|---------------|
| 1. Quale. | 2. An mundum. |
|-----------|---------------|

XVIII. Janua.

- | | |
|----------------------|----------------|
| 1. Quando aperiatur. | 3. An integra. |
| 2. Claudatur. | 4. Tuta. |

XIX. Vas aquæ benedictæ.

- | | |
|-----------------------------|--|
| 1. An. | 5. An etiam penes Ecclesiæ januam ingredientibus præsto sit. |
| 2. Quale. | |
| 3. An aspergillum. | |
| 4. Quando benedicatur aqua. | |

XX. Sedilia.

- | | |
|----------------|--------------------------------|
| 1. An commoda. | 4. Qua auctoritate constructa. |
| 2. Nimis alta. | 5. Cujus expensis. |
| 3. Collapsa. | |

XXI. Sepulturas eminentes an Laici habeant.

- | | |
|-------------------------------|---|
| 1. In Choro. | 9. Cujus expensis. |
| 2. In Ecclesia. | 10. An earum intuitu aliquid accedat Ecclesiæ. |
| 3. Recentes. | 11. Quantum. |
| 4. Antiquas. | 12. An Catholici debitis cum cæremoniis, & tempore commodo terræ mandentur. |
| 5. Qua auctoritate. | |
| 6. An illi sint Benefactores. | |
| 7. An Patroni. | |
| 8. An debite præparentur. | |

XXII. Suggestus.

- | | |
|---------------------------|-------------------|
| 1. An debite constructus. | 2. An loco commo. |
|---------------------------|-------------------|

XXIII. Organum.

- | | |
|--------------------|--------------------------|
| 1. An sit. | 3. Quomodo manuteneatur. |
| 2. A quo pulsetur. | |

XXIV. Confessionalia.

- | | |
|-------------------------------------|-----------------------|
| 1. An in propatulo & visibili loco. | 2. An cum fenestella. |
| | 3. Pluteus, qualis. |

XXV. Vexilla.

- | | |
|------------------------|---------------------|
| 1. Quot. | 3. A quo ferantur. |
| 2. Quando iis utantur. | 4. An integra. |
| | 5. ubi recondantur. |

XXVI. Crux.

- | | |
|---|--------------------------|
| 1. An habeatur pro defunctorum sepultura. | 2. Pro hebdomada sancta. |
|---|--------------------------|

XXVII.

XXVII. Sepulchrum pro Hebdomada Sancta.

- | | |
|---------------------------|------------------------------------|
| 1. Quale. | 4. An Imago Resurrectionis Domini. |
| 2. Quo loco. | |
| 3. Quomodo ornari soleat. | |

XXVIII. Sacristia.

- | | |
|---------------------------------------|-------------------------|
| 1. An rebus sacris conservandis apta. | 3. Squallida. |
| 2. Humida. | 4. Inutilibus impedita. |

XXIX. Janua.

- | | |
|------------------|------------------------|
| 1. An firma. | 3. Quis clavem habeat. |
| 2. Bene occlusa. | |

XXX. Feneſtræ.

- | | |
|---------------------|---|
| 1. An sufficientes. | 4. An ad lotionem manuum gutturium, manutergia. |
| 2. Aptæ. | |
| 3. Munitæ. | |

XXXI. Oratorium.

- | | |
|---------------------|-----------------------|
| 1. An cum scabello. | 3. Tabella Oratorium. |
| 2. Imagine sacra. | |

XXXII. Locus induendi.

- | | |
|-----------------|----------------------|
| 1. An commodus. | 2. Cruce instructus. |
|-----------------|----------------------|

XXXIII. Armaria pro ornamentis.

- | | |
|--|-------------------|
| 1. An distinctis capfulis. | 3. Patenæ. |
| 2. An debite conserventur sacri Calices. | 4. Corporalia. |
| | 5. Purificatoria. |
| | 6. Vela. |

XXXIV. Calices.

- | | |
|--------------------|--------------------------------|
| 1. Quot. | 5. Consecrati. |
| 2. Ex qua materia. | 6. Cum patenis convenientibus. |
| 3. An sine vitio. | 7. Adfint ſacculi linei. |
| 4. Mundi. | |

XXXV. Vela Calicum.

- | | |
|---------------------|-------------|
| 1. Quot. | 4. Parva. |
| 2. Qualia. | 5. Immunda. |
| 3. An nimis craſſa. | |

XXXVI. Theca Corporalium.

- | | |
|----------|------------|
| 1. Quot. | 2. Quales. |
|----------|------------|

XXXVII. Corporalia.

- | | |
|------------------|-------------|
| 1. Quot. | 4. Munda. |
| 2. Qualia. | 5. Integra. |
| 3. An benediſta. | 6. Signata. |

XXXVIII. Purificatoria.

- | | |
|--------------|---------------|
| 1. Quot. | 3. Signata. |
| 2. An munda. | 4. Sat magna. |

5. Benediſta.

6. A quo laventur.

7. Quoties.

8. Pallæ ex qua materia.

XXXIX. Pro Celebrante.

- | | |
|-------------------|---------------|
| 1. An manutergia. | 2. Sudariola. |
|-------------------|---------------|

XL. Hoſtiæ.

- | | |
|------------------------|-----------------------|
| 1. unde habeantur. | 3. Quomodo ſerventur. |
| 2. Quoties renoventur. | |

XLI. Vinum.

- | | |
|---------------------|---|
| 1. Unde habeatur. | 5. Cujus expenſis tam panis & vinum ſubminiſtratur. |
| 2. Ubi conſervetur. | |
| 3. Quomodo. | |
| 4. utrum acetofum. | |

XLII. Urceoli.

- | | |
|--------------------------|----------------------|
| 1. Quot. | 4. An patella. |
| 2. Quales. | 5. An tintinnabulum. |
| 3. An literis diſtincti. | |

XLIII. Pro Communicantibus.

- | | |
|-------------------|-----------------|
| 1. An ſcabellum. | 5. An navicula. |
| 2. Linteum. | 6. An cochlear. |
| 3. Scyphus. | 7. An thus. |
| 4. An thuribulum. | |

XLIV. Lucerna, quæ Sr. Sacram. ad agros præfertur.

- | | |
|------------|---------------------------------|
| 1. An. | 3. An in alium uſum adhibeatur. |
| 2. Qualis. | |

XLV. Caſule cum Stolis & manipulis.

- | | |
|-------------------|--|
| 1. Quot. | 5. Benediſta. |
| 2. Quales. | 6. An habeantur tunicellæ & dalmaticæ, ubi his opus. |
| 3. Cujus coloris. | |
| 4. An integræ. | |

XLVI. Pluvialia.

- | | |
|------------|-------------------|
| 1. Quot. | 3. Cujus coloris. |
| 2. Qualia. | |

XLVII. Albæ cum amiſtu & cingulis.

- | | |
|---------------------|---------------|
| 1. Quot. | 4. Integræ. |
| 2. An bene formatae | 5. Munda. |
| 3. Firmæ. | 6. Benediſta. |

XLVIII. Superpellicea.

- | | |
|----------------|-----------|
| 1. Quot. | 3. Munda. |
| 2. An integra. | |

XLIX. Circa libros.

- | | |
|------------------------|-------------------------|
| 1. An Miſſale. | 5. Antiphonarium. |
| 2. Cum ſuis indicibus. | 6. Pfalterium. |
| 3. An novum Coloniæ. | 7. Proceſſionale. |
| 4. Graduale. | 8. Directorium Officii. |
| | 9. Agenda Colon. |

10. Liber Baptizatorum.
11. Confirmatorum.
12. Conjugatorum.
13. Familiarum & nominum Parochianorum.
14. Defunctorum.

L. Archivium.

1. An tuto loco.
2. An liberum a putredine.
3. Quis clavem habeat.
4. An literæ aliquæ distractæ.

15. Anniversario- rum.
16. Legatorum.
17. Processionum.
18. Catalogus seu inventarius totius supellestilis sacræ.

5. Quæ.
6. An habeatur Registrum, seu liber copiarum.
7. An omnia ordinate disposita.

LI. An facta tecta sint.

1. Tectum.
2. Columnæ.
3. Parietes.

LII. Quis teneatur in decenti structura conservare.

1. Chorum.
2. Summum altare.
3. Navem.
4. Fenestras.
5. Turrin.
6. Januas.
7. Septa Cœmeterii.
8. An id fiat.
9. Quare non.

LIII. Campanæ.

1. Quot.
2. Quales.
3. An benedictæ.
4. A quo.
5. Cujus expensis funes restaurentur.
6. An horologium.
7. An in campanili.
- aliquid ruinam minetur.
8. An turri aut tectis Ecclesiæ columbaria appendantur.
9. An circa Ecclesiam immundicia.

LIV. Cœmeterium.

1. An brutis pervium.
2. An muro integro septum.
3. Aequale.
4. Mundum.
5. Arboribus ob-
sistum.
6. Profanatum.
7. Quando.
8. A quo.
9. An immune a sepultura infantium non baptizatorum.
10. Excommunicatorum.
11. Acatholicorum.
12. Publice criminorum.
13. Eorum, qui ad Communionem Paschalem obligati, eandem sua fœcordia aut malitia neglexerunt, & absque Sacramentis sunt mortui.

Quod si ex prædictis aliqui vel in Cœmeterio, vel in Ecclesia sepulti sint.

1. Quales illi fuerint.
2. Ad cujus instantiam factum.
3. Quis terram ad sepulturam composuerit.
4. Quis funus gestaverit.
5. Qui fuerint commutati.
6. Quis campanas pulsaverit.
7. Quis gratiarum actionem habuerit.
8. An & qualia ædificia in cœmeterio.

LV. Officiaria.

1. An conveniens.
2. Officium aptam dispositionem habens.
3. Afordibus vacua.
4. Ad genuflexionem antrosum accommodata.
5. Processione visitetur.

LVI. Feretrum.

1. Quale.
2. Ubi servetur.

LVII. Sepultura infantium non baptizatorum.

1. Ubi.
2. An muro septa.
3. A loco sacro separata.

LVIII. Proventus Ecclesiæ.

1. Quales.
2. Quas decimas habeat.
3. Quis majores percipiat.
4. Quis minores.
5. Quantum hoc tempore percipitur.
6. Quæ bona immobilia.
7. An omnes redditus percipiat.
8. Quare non.
9. Quod si Altaria, Vicariæ, sive Capellæ sint a Pastoratu distincta, de iis sit eadem ratio, quæ de Ecclesiâ Parochiali.
- Insuper si quædam Vicariæ Altaria sive Capellæ vacent, addatur ratio, in quem finem applicentur redditus, & quamdiu vacaverint, cum aliis circumstantiis.

LIX. Hospitalia, Foundationes pauperum, Legata pia, Confraternitates.

1. An.
2. Quot.
3. Qualia.
4. Quæ auctoritate erecta.
5. An confirmata.
6. An testatorum voluntati satisfiat.
7. Quos redditus habeant.
8. A quibus administrantur.
9. Quis administratores constituat.
10. An quotannis fiat computus.
11. An præsentem Pastorem.
- 12.

12. Cui.
13. Num in istis
ratiociniis fiant
convivia aut
sumptus, inuti-
les in gravamen
Ecclesiæ aut fun-
dationis. De fa-

brica Ecclesiæ,
aut elemosyna-
rum capsis, in
Ecclesia fortasse
collocatis; item
de Scholis, sit
proportionaliter
eadem ratio.

LX. Oblationes notabiles extraordinariæ.

1. In quem usum
convertantur.
2. An earum fiat
computus.
3. Cui.
4. Quo præsentē.
5. Cujus ut pluri-
mum sint contra
valoris quamvis
incerti.

*LXI. Extinctæ Vicariæ, Hospitalis, pie
Fundationes.*

1. Cui Beneficio,
Communicati
aut Conventui
unitæ aut incor-
poratæ.
2. A quo tempore.
3. Cujus auctori-
tate.
4. Quos habebant
reditus.
5. Quis modernus
istorum bono-
rum Possessor.
Eadem sit ratio de
Ecclesiis. Paro-
chialibus aut si-
milibus in Perso-
naturum conver-
sis.

LXII.

1. Quod si ex prædictis bonis, rediti-
bus, obventionibus, aut juribus Ec-
clesiæ, Vicariorum, Hospitalium,
Fundationum, &c. sint aliqua oppig-
norata, vendita, permutata, immi-
nuta, aut translata; addatur, quæ-
nam illa sint; a quo, quando, quo-
modo, quare, & cujus auctoritate.
2. Si quæ pensiones redemptæ, aut bo-
na licite ac legitime vendita, quo-
modo, & per quem applicatæ sunt
pecuniæ.
3. An bona quædam ab aliis de facto,
& a quibus, occupata, sive deperdi-
ta; quibusque mediis ea recuperari
possint; & quanta pro iis recuperan-
dis facta fuit diligentia.
4. An pratorum, iugerum, agrorum,
aliorumve elocatio, anticipata solu-
tione, ultra triennium, vel ad quod
tempus, & quibus, idque per publi-
cum instrumentum fiat, coram ju-
sticia loci, vel Notario aliquo publi-
co, cum accurata designatione rerum
elocatarum.
5. An dicta bona pensionibus aut one-

ribus sint gravata, & quibus? sive
an affecta propter exactiones Domi-
ni Provinciali non solutas. Quan-
tum adhuc debeant; quibusque me-
diis Creditoribus, aut Domino Pro-
vinciali satisfieri possit. An pensio-
nes, aut onera excedant medietatem
annuorum reddituum; & an Ordina-
rius desuper dispensaverit.

6. Si quæ bona, aut redditus Pastorum,
Vicariorum &c. sint in lite; specifi-
centur cum debitis circumstantiis, &
in quibus terminis sit causa.
7. Vel, si quædam in pium usum Ec-
clesiæ sint legata, nec ab Executori-
bus hætenus tradita; addatur, quæ-
nam & qualia illa sint, ac quibus viis
recipi possint; ut pie Testatorum
voluntati satisfiat.
8. Tandem addatur Registrum sive
plena descriptio bonorum Ecclesiæ,
Vicariorum, Confraternitarum &c.
una cum modernis limitibus, situ,
numero, mensura, oneribus & aliis
circumstantiis.
9. Item, ubi Pastor, Vicarii, Admini-
stratores prædicti conservent & cu-
stodiant libros, chartas, documenta,
registra, inventaria obventionum &
onerum, nec non computus suarum
administrationum.

LXIII. Domus Pastoralis.

1. An integra.
2. Destructa.
3. An tota.
4. Ex qua parte.
5. A quo tempore.
6. Per quos.
7. Qua occasione.
8. An gravata, sive
oneribus subje-
cta.
9. Quibus.
10. An inhabitetur
a Parocho.
11. Vel a quibus.
12. Cujus, aut quo-
rum sumptibus
reparari soleat,
aut debeat.

Altaribus, aut
Capellis sint pro-
pria ædes anne-
xæ; quo in statu
sint.

Quod si destructæ;
quando, per
quos, qua aucto-
ritate id factum.

Similiter an Ludi-
magister & Cu-
stos Ecclesiæ pro-
prias ædes ha-
beant; vel an
destructæ: spe-
cificentur una
cum eorundem
obventionibus.

Utrum Vicariis,

PARS POSTERIOR.

De Visitatione Personali.

LXIV. Pastor.

1. Cujus nominis.
2. Etatis.
3. Gradus aut studii.
4. Qualem administrationem ante Pastorum habuerit.
5. Super quo titulo ordinatus.
6. Ubi.
7. Quæ Beneficia modo possideat.
8. An Pastorum obtinuerit ex morte.
9. Resignatione.
10. Aut permutatione.
11. An habeat documenta primæ tonsuræ.
12. Ordinum.
13. Legitimæ præsentationis.
14. Institutionis siue investituræ.
15. Possessionis.
16. Placiti Principis territorialis.
17. Quando ultima facta est visitatio.
18. A quo.
19. An limites Parochiæ sint bene distincti a locis & parochiis vicinis.
20. An unus Pastor sufficiat pro administratione Sacramentorum.
21. An singulis diebus Dominicis aquam benedicat.
22. Eaque populum aspergat.
23. Ubi moris est, ut populus inter Pascha & Pente-

- costen aspergatur aqua ex Baptisterio desumpta, quando illa aqua seponitur ex Baptisterio.
24. An quandoque visitet Scholas.
25. An vigore præstiti juramenti conetur inventa conservare.
26. Et pro posse deperdita Ecclesiæ bona recuperare.
27. An habeat honestam vivendi competentiam.
28. Aut quibus mediis juvari possit.
29. An in Capitulo siue Synodo Decanali secundum statuta juraverit.
30. An secundum morem antiquum in Quadragesima celebret Synodum laicalem?
31. An constituat Testes siue Scabinos Synodales.
32. Quos.
33. An Acta Synodi laicalis in Pastoralis Synodo seu Capitulo scripto referat.
34. An (si Pastor sit territorii Juliacensis aut Montensis) Concordata Provisionalia inter Serenissimos & Revmum Elect. Colon. &c. & Ducem Julix &c. inita, diligenter observet.

35. An Monasteria in districtu Pastoris reperiuntur.
36. Cujus Ordinis & sexus.
37. An Religiosi, aliqui privatos cœtus habeant in villulis non parochialibus.
38. An ad parochiam quandoque veniant, qui dicuntur Terminarii.
39. Cujus Ordinis illi sint.

40. Quoties per annum.
41. An habeant permissionem ab Ordinario.
42. An concionentur.
43. Aut quid agant.
44. An Pastor attendat, utrum Vicariis, seu Vicariis Missarum, aut aliarum obligationum debitum diligenter persolvant.

LXV. Sacellanus.

1. An Pastor unum aut plures habeat Sacellanos.
2. Quomodo nominentur.
3. An iidem a legitimo Superiore examinati, ad-

- missi, approbati.
4. Utrum officio suo diligenter fungantur.
5. An ipsis debita sit assignata vivendi competentia.
6. Qualis.

LXVI. Deservitor Pastorum.

1. Quod si Pastor defunctus sit, aut non resideat, Deservitor cuius nominis.
2. Ex qua causa Pastor abest.
3. A quo tempore.
4. An cum licentia aut dispensatione.
5. Cujus.
6. An causa adhuc duret.
7. An ad eandem deservituram sit examinatus & admissus.
8. A quo.
9. A quo tempore.
10. An habeat vi-

- vendi competentiam.
11. Qualem.
12. Utrum Pastor aut Deservitor sit Religiosus Professus.
13. Cujus nominis.
14. Cujus Ordinis.
15. Quæ auctoritate seu licentia sit egressus ex Monasterio.
16. An in habitu Monastico incedat.
17. An requisita ad administrationem documenta habeat.

LXVII. Vicarius, seu Altarista.

1. Cujus nominis.

2. A quo tempore sit Beneficiatus.
3. Ubi

3. Ubi commoretur.

4. An bonæ vitæ.

5. An habeat legitima documenta.

6. Ad quid obligetur.

7. Quomodo, uti juravit, obligationi satisfaciatur.

8. An ipse per se satisfaciatur.

9. An sit Sacerdos.

10. An ad statum Sacerdotalem aspiret.

11. Quod si per alium obligationi satisfaciatur: quan-

tum Deservitori altaris annue detur.

12. Cujus nominis Deservitor.

13. Cujus vitæ.

14. Quantum Rector altaris in absentia inde annue percipiat.

15. Quod si Beneficium fit alteri unitum, addatur, cui Beneficio.

16. Ex qua causa.

17. A quo tempore.

18. An oneribus satisfiat.

19. Per quem.

LXVIII. Magistri Hospitalium, Fundationes pauperum, Aediles.

1. Quomodo nominantur.

2. An Catholici.

3. An viri probi.

4. Diligentes.

5. Perpetui.

6. An quædam procurent absque

consensu Pastoris.

7. An necessaria subministrent.

8. An præstiterint juramentum fidelitatis.

9. An emiserint Professionem fidei.

LXIX. Ludimagister.

1. An aliquis in Parochia.

2. A quo tempore.

3. Qualis est.

4. Quomodo nominatur.

5. An Catholicus.

6. Ecclesiasticus, an Laicus.

7. An emiserit Professionem fidei.

8. An admissus de consensu & prævio Decani Christianitatis examine.

9. An locus ad Scholas specialiter deputatus.

10. Quos libros doceat.

11. Quomodo.

12. An Scholares tam in pietate & bonis moribus, quam in doctrina diligenter instruat.

13. An illos doceat cantum ecclesiæ.

14. An doceat modum inferiendi Missæ.

15. An illos Dominicis & Festivis ad Ecclesiam committatur.

16. An seniores doceat modum confitendi & communicandi.

17. Quibus medijs sustentetur.

LXX. Custos Ecclesiæ.

1. Cujus nominis.

2. An Catholicus.

3. An admissus de consensu Pastoris.

4. Et prævio examine Decani aut Pastoris.

5. An ante admissionem præstiterit debitam cautionem.

6. An fecerit juramentum fidelitatis.

7. An emiserit Professionem fidei.

8. An diligenter fungatur officio.

9. An sciat cantum Gregorianum.

10. An Ecclesiam, ejusque ornamenta in decenti nitore conservet.

11. An ipsi ornamenta tradita una

cum Inventario eorumdem.

12. An vendat vinum.

13. An cerevisiam.

14. Vinum adustum.

15. An hospites recipiat.

Utrum in electione aut constitutione Magistrorum Hospitalium &c. ædilium, ludimagistri aut Ecclesiæ Custodis occurrant aliquæ contentiones.

Unde istæ oriuntur.

An etiamnum durent.

Quomodo componi possent.

LXXI. Circa Officium Divinum.

1. quali utatur Brevariario.

2. quali Missali.

3. An quandoque in Ecclesia decantentur aliquæ horæ Canonicæ.

4. Aut alia.

5. Quæ.

6. Quando.

7. Quomodo.

8. Per quos.

9. An exacte observentur.

10. Quoties in septimana Missæ Sacrificium offerat.

11. Ad quot Missas obligetur.

12. An quandoque duas Missas de die celebret.

13. Qua auctoritate.

14. An singulis diebus Dominicis

& Festivis Missæ Officium in propria ecclesia peragat.

15. An statis horis.

16. An cum cantu.

17. quis Celebranti ministret & respondeat.

18. An Dominicis & Festivis Missam defunctorum celebret.

19. An statuto tempore solemniter benedicat Cereos.

20. Cineres.

21. Palmas.

22. Ignem.

23. Cereum Paschalem.

24. Fontem Baptismalem.

25. Sal & aquam.

S s s s

26;

26. An omnia peragat secundum præscriptum no-

LXXII. Circa Processiones aut Supplicationes omnes.

1. Quot consueverunt per annum fieri.
2. Quomodo.
3. An instituatur processio in festo S. Marci.
4. An diebus Rogationum.
5. An in eis præferatur Crux.
6. An Vexillum.

LXXIII. Confraternitates, aut Sodales.

1. Sub quo titulo institutæ.
2. An Regulæ sive Statuta observentur.
3. An aliquas In-

vi Missalis & Agendæ Coloniensis.

7. An circumferantur Reliquiæ.
8. An Imagines.
9. Quales.
10. Quo ornatu.
11. A quibus gestentur.
12. An in illis Processionibus nulli committantur abusus.
13. Aut quomodo tolli possint.

- dulgentias habeant.
4. Quales.
5. A quo concessæ.
6. Ad quod tempus concessæ.

LXXIV. Circa Conciones.

1. Quibus diebus & horis concionetur.
2. Si alius hoc munus quandoque obeat, an ad hoc approbatus.
3. Quæ auctoritate.
4. Quid in concione potissimum populum doceat.
5. Quas conciones concioni subjungat.
6. An subditos quandoque moneat, ut infantes ad Baptismum tempestive deferant.
7. Et ægrotos Sacramentis Ecclesiæ muniri faciant.

8. An populo annuntiet dies juniorum.
9. An Festa Ecclesiæ.
10. An Catechismum seu doctrinam Christianam concioni frequenter misceat.
11. An Dominicis & Festis Catechismum doceat.
12. An ipsemet doceat.
13. An per Substitutum.
14. An moneat Patres & Matres familias, ut proles, domesticos & subditos frequenter ad Ecclesiam mittant.

LXXV. Sacramenta.

1. An citra necessitatem alienis Parochianis illa quandoque administret.
2. Quæ auctoritate.
3. An id faciat in propria Parochia.
4. An in aliena.
5. An in administratione Sacra-

mentorum quandoque eorum virtutem explicet.

6. An pro administratione pecuniam exigat aut suscipiat.
7. Addatur hic specificæ status Jurium Stolz, ut vocant.

LXXVI. Baptismus.

1. An citra necessitatem cum quandoque in privatis ædibus conferat.
2. Quæ auctoritate.
3. An in Patrinos admittat, qui Professionem fidei edere detre-

4. An Pastor sit Patrinus quarundam prolium suæ Parochiæ.
5. An in Parochia Obstetrix Catholica.
6. Bene instructa.
7. An fidelitatis iuramentum præstitit.

LXXVII. Confirmatio.

1. A quo tempore hoc Sacramentum in Parochia aut locis vicinis non fuit administratum.
2. An multi Parochiani confirmati.

3. An Parochianis hoc Sacramentum quandoque explicet.
4. An eos moneat ad illud cum debita reverentia suscipiendum.

LXXVIII. Confessio.

1. An excepta necessitate eam extra Ecclesiam excipiat.
2. An audiat con-

- fessiones cumulatim.
3. An generaliter tantum absolvat.

LXXIX. Indulgentiæ.

An eas publicet absque licentia Ordinarii.

LXXX. Ss. Eucharistia.

1. An quando ad infirmos deferatur, eam vicini comitentur.
2. An Missæ Sacrificium quando-

- que apud infirmum offerat.
3. Vel alias in privatis ædibus.
4. Cujus auctoritate.

LXXXI. *Matrimonium.*

1. An quosdam Matrimonio jungat absque tribus præviis denunciationibus sive proclamationibus.
2. Qua auctoritate.
3. An sine licentia Matrimonio copulet alienos Parochianos.
4. An vagos & peregrinos.
5. An Catholicum cum Acatolica, vel econtra.
6. An in privatis ædibus Sponsos matrimonio jungat.
7. An promeridiano tempore.
8. An Pastor, Sacellanus aut Deservitor aliquando sua auctoritate causas seu lites matrimoniales definiat.

LXXXII. *Circa Subditos.*

1. An omnes Parochiani sint Catholici.
2. An præceptis Ecclesiæ satisficiant.
3. An debito tempore confiteantur.
4. Communicent.
5. An Dominicis & Festis audiant Missam.
6. Concionem.
7. A servilibus operibus abstineant, excepta messe, qua a Pastore conceditur.
8. Quis sit communicantium numerus.
9. An aliqui ex subditis sint Lutherani.
10. Calvinistæ.
11. Anabaptistæ.
12. Novorum Prophetarum.
13. Judæi.
14. De similibus suspecti.
15. Quam multi.
16. An Acatolica bona ibidem acquiiverint.
17. Cujus Religionis Officiales & Scabini in judiciis.
18. An Prædicans aliquis in Parochia.
19. An quandoque accedat.
20. Cujus Confessionis.
21. An in Parochia sint usurarii.
22. Blasphemi.
23. Lufores.
24. Adulteri.
25. Conjugati domicilio aut thoro scandalose separati.
26. Incestuosi.
27. Concubinari.
28. Venefici.
29. Augures.
30. Eosque consulentes.
31. Homicidæ.

32. Contemptores Sanctorum.
 33. Lætioni librorum Acatolicorum addicti.
 34. Eos vendentes.
 35. Eos domi servantes.
 36. Carnes vendentes diebus prohibitis.
 37. Eas tunc temporis comedentes.
 38. Aliis manifestis criminibus obnoxii.
 39. In iis obstinate perseverantes.
 40. Persistentes ad annum vel ultra sua culpa in excommunicatione.
 41. Qui Matrimonium contraxerunt intra gradus prohibitos consanguinitatis.
 42. Affinitatis.
 43. Vel alio modo.
 44. Mulieres, quæ a partu antiquam Ecclesiæ consuetudinem contemnunt, & ad Ecclesiam DEO gratias acturæ pro beneficio puerperii non procedant.
 45. An in Parochia sint Monachi aut Moniales apostatæ.
 46. An falsis conjugibus adherant.
 47. An diebus Dominicis & Festis pateant tænopolia & tabernæ ante Officium Divinum peractum.
 48. An tempore lætationis Catecheticæ.
 49. An Parochus magnam habeat rationem exterrorum, qui domicilium in Parochia eligunt.
- Tandem quæcunque scandala populum Christianum a vero Dei cultu avertentia, aut impediencia, aliaque gravamina, Divinum honorem, Ecclesiæque pacem, ac quietem conturbantia, una cum viis ac remediis iis obfistendi, in charta separata ejusdem cum hæc forma, aut foliis his insertis, explicari & proponi poterunt; ut aliquando fiat unum ovile, sicut est unus Pastor.

F I N I S.

*Ex Typographia Friesemiana, Colonia
a. 1649.*

SYNODUS TORNACENSIS DIOECESANA,

Eodem anno Christi MDCXLIX.

Sub eodem Reverendissimo Domino, D. FRANCISCO VILLANI
a GANDAVO, Tornac. LXXXIV. Episcopo

CELEBRATA.

ACTA & DECRETA SYNODI DIOECESANÆ TORNACENSIS,

HABITÆ ET CELEBRATÆ IN PALATIO EPISCOPALI FERIA TERTIA POST
DOMINICAM MISERICORDIA, DIE VIGESIMA PRIMA MENSIS
APRILIS M.DC.XLIX.

Præsidente Revmō Duo FRANCISCO VILLANI a GANDAVO, DEI & Apostolica Sedis gratia Episcopo Tornacensi, assistentibus ei RR. DD: Joanne Baptista Stratio, Ecclesiæ Cathedralis Tornacensis Decano, Andraæ Catulle J. U. L. Archidiacono, Torn. & ejusdem Revmi D. Episc. Tornac. Vicario Generali, Adriano Lamoraldo Villini a Gandavo, Thesaurario, Philippo de Boulogne J. U. L. Hospitalario, Lamoraldo Becquet J. U. L. Joanne Ernesto Niculant J. U. L. Archi-Diacono Flandria, Matthia Navæo S. T. D. (a) Eustachio de Froimont S. T. L. Jacobo Dalmans J. U. L. Penitentiario, Judoco d'Hauwe J. U. L. Secretario, præfatæ Ecclesiæ Cathedralis Tornacensis Canonicis, Godefrido Wendelino J. U. D. Officiali, (b) Marco Denys, Monasterii S. Marci dicti S. Nicolai Ordinis Canonico-rum Regularium S. Augustini Civitatis Tornac. Abbate, Philippo de Maulde J. U. D. Eccl. Collegiata Beatae Mariæ oppidi Cortracen. Decano, Nicasto de Febve J. U. L. Canonico semi-præbendato præfatæ Eccl. Cathedr. Tornac. (c) Leonardo Schaers, Cortracen. Joanne Daveloose, Veroviacen. Petro van Iffelsbeyn, Helchinien. Flundvorum Districtuum Christianitatis Decanis, nec non D. Michæle van Liere J. U. L. Advocato Fiscali, Gabriële Coppin, Scriba, Simone Goffet, & Petro Villers, Curia sua Episcopalis Tornac. Promotoribus.

Finito Sacro de Spiritu Sancto, Reverendissimus Dominus omnes præsentēs paucis exhortatus est ad procurandum animarum salutem, & Religionis Cathol. augmentum. Reverendus D. Andraas Catulle, Archidiacon. Tornacen. legit Cap. i. de Refid. Conc. Trid. Sess. 23.

Clarissimus Dominus Godefridus Wendelinus, Officialis, legit Acta Synodi anni præcedentis.

ARTICULUS I.

Cum alias Sede Episcopali vacante per Rdos D. Vicarios Generales reiolutum foret, ut communicatione habita cum Dominis de Magistratu hujus Civit. Tornacensis conciperetur

aliquod regulamentum super violatione Festorum, quæ admodum frequens est & scandalosa, præsertim quoad mercatores, qui aperiunt officinas diebus Dominicis & Festivis, braxatores, moli-

(a) D. Petrus Masureel J. U. L. excusatus absuit.

(b) D. Abbas S. Martini ægrotus absuit.

(c) DD. Nicolaus Lamberti, Insul. S. T. L. Antonius Cardon, Amand. Jacobus de France S. T. L. Seclinien. Joannes Prus S. T. L. Helchinien. Gallorum, Joannes Franco-homme, Ulmen. excusati, ob pericula viarum absuerunt.

molitores, & rusticos suburbanos avehentes, & revehentes publice mane, meridie, & vespere ea, quæ faciunt ad alimenta equorum, vaccarum, ac alias; Mandamus, ut ista communicatio quamprimum executioni demandetur, dando onus Secretario nostro desuper agendi cum Dominis de Magistratu, ut aliquem, vel aliquos e suo corpore ad hunc effectum non graventur deputare. In qua convocatione etiam agatur de Arcubalistis, & Tormentariis, qui habent congregationes suas diebus Dominicis, etiam tempore Vesperarum, & videantur, ac producantur in medium ea, quæ ordinata sunt ab aliis Episcopis circa hoc idem subiectum Bruxellis, Gandavi, & alibi. (d)

II.

Ordinamus concipi & imprimi instructiones pro Confessariis jam admittendis & imposterum admittendis, adiciendo etiam ea, quæ concernunt penitentes, ut rite & digne confiteri possint. Super qua materia examinatur Bulla GREGORII XV. ac revideantur instructiones hujusmodi ab aliis Episcopis desuper emanatæ & impressæ. Quod onus Dominis Canonicis *Navæ* & *Froidmoudo* Theologis committimus, ut infra mensem, si fieri possit, conceptus suos in scriptis forment, & Nobis consignent.

III.

Mandamus, ut Archi-Diaconi & Decani Christianitatis in visitationibus suis serio examinent & inquirent circa administrationem honorum Ecclesiæ & mensæ pauperum, in quibus dicuntur committi plures abusus, per Prætores, Baillivos, Ædituos, & Proviores mensæ pauperum, qui nulla facta denuntiatione juxta Synodos Provinciales & Diocesanas & Edicta Regia desuper subsecuta, præsumunt firma manu ac infra justum pretii valorem bona elocare, vel sibi census reservare: nec non audent etiam hujusmodi bona alienare, aut certe in alios usus, quam foundationum piarum (quas defraudant) convertere. De quo multi Pastores merito conqueruntur. Et quidquid circa hujusmodi abusus invenerint, di-

ligenter annotent, & Nobis referre proxima data occasione non omittant, ut per auxilium brachii sæcularis ac Regis Decretum desuper obtinendum, (si opus est) provideatur.

IV.

Similiter Archi-Diaconi inquirent in singulis pagis, qua auctoritate nonnulli bona spectantia ad Ecclesias Parochiales, seu mensas pauperum consumperint in solutionem talliarum gabellarum, & similibus expensarum, quæ a communitatibus solvi consueverunt & debent.

V.

Archi-Diaconi etiam in hujusmodi visitationibus suis agant cum Dominis temporalibus, Ædituis, & aliis, quos hoc negotium tangere potest, super augmento salariorum, quæ prærendunt Capellani, seu locum tenentes Pastorum, & Custodes in pagis circa exequias, juxta ratam augmenti alias per Prædecessorem nostrorum facti ad commodum Pastorum.

VI.

Mandamus item omnino observari ac in praxim reduci ea, quæ præcipiuntur *Cap. 17. Tit. De Pastoribus*, in Synodo Diocesana Reverendissimi Domini Prædecessoris nostri MAXIMILIANI, celebrata anno 1643. nominatim, ut Clerici comitentur Pastores, dum pueros baptisant, & Sacramenta ministrant.

VII.

Cum a quibusdam Decanis Christianitatis dubitari contingat, quibus expensis fieri debeat convocatio annua Capellanorum, & Clericorum juxta *Cap. 12. Tit. 7. De Sacramento Penitentia*, *Cap. 10.* in eadem Synodo Diocesana anni 1643. dicimus & declaramus, hujusmodi Capellanos & Clericos teneri suis expensis comparere.

VIII.

Mandamus ob gravissimas causas Nobis oretenus atque etiam in scriptis pro parte Pastorum nostræ Diocesis propositas; ut nulli admittantur ad Matrimonium, qui aliquo modo de fide

S s s s 3 suspe-

(d) Vid. Synod. ann. 1520. 1589. & 1600.

suspecti, aut ex patriis externis noviter reversi, & nondum satis noti sunt, nisi prius in manibus Pastoris Professionem fidei fecerint juxta compendium Bullæ PII V. utroque idiomate Flandrico & Gallico jam pridem conceptum pro hac Diœcesi, seu de novo per Secretarium nostrum concipiendum.

IX.

Quamquam alias sæpius in Synodis Diœcesanis ordinatum fuerit, ut Decani Christianitatis decedente e vivis aliquo Pastore, seu Presbytero, ac Clerico Nobis subdito, in suo districtu, quamprimum mobilia omnium & monumentorum in domo mortuaria existentium inventarium conficiant, tamen quia intelligimus aliquos testamenti Executores seu hæredes defuncti procedere ad venditionem hujusmodi mobilia Inventario non confecto: quod tamen est juris publici, neque unquam venit omittendum: idcirco stricte inhibemus omnibus, ad quos spectat, præsertim Executoribus testamentorum hujusmodi Nobis subditis, sub pœna suspensionis a Divinis in Presbyteros, & executionis in alios, ne præsumant quidquam distrahere, alienare, seu vendere, aut alias disponere de mobilibus ac aliis rebus ad defunctum pertinentibus, nisi prius dicto inventario confecto & de corroboratione testamenti per Officalem nostrum facta, prout moris, per literas sigillo Curie munitas constiterit & constet.

X.

Cum experientia constet, Registra & monumenta Ecclesiarum Parochialium continentia nomina Baptifatorum & Matrimonio junctorum sæpius deperdi, præsertim tempore bellorum, non sine maximo boni publici detrimento: ideo ordinamus, ut Pastores conficiant singulis annis parvulum registrum, in quo describantur Baptisati & Matrimonio juncti, quod tradere teneantur Decanis Christianitatis in annua Congregatione post Pascha facienda, & ipsi Decani ea parvula registra Nobis tuto transmittant in archivis Episcopatus reponenda & conservanda.

Et tamen iidem Pastores aliud registrum in Parochia asservent.

XI.

Cum sæpius contingat locum tenentes & Vicarios Pastorum, aliosque Presbyteros per Nos ad confessiones audiendas usque ad annum seu alium terminum limitatum dumtaxat approbati, & interim occurrant festa Paschalia vel alia solemnitates transacto hujusmodi termino, nec liberum sit hujusmodi Vicariis, seu Presbyteris Tornacum venire, vel Reverendissimum Dominum adire pro nova licentia obtinenda, & nihilominus ex præsupposita licentia audent propter populi affluentiam in audiendis confessionibus tantillum continuare, declaramus hoc eis nullatenus licere, seu ex præsumpta voluntate nostra terminum hujusmodi prorogare, sed transacto termino ab audiendis confessionibus omnino debere abstinere, donec novam licentiam impetrarint.

XII.

Qui quidem locum tenentes five Vicarii Pastorum, five alii Presbyteri de novo, & iterum admissi, ad confessiones audiendas tenentur literas suas denuo Decanis Christianitatis exhibere, prout in prima licentia per eos obtenta, sub pœna quod eadem licentia uti non possint.

XIII.

Quia Moniales aliquæ præsumunt auctoritate privata habitum regularem immutare, gestando Scapularia usque ad pectus tantum dependentia, velum etiam capitis ex serico seu tenui materia transparenti assumendo instar domicellarum sæcularium, & in aliis pluribus ab antiquo & consueto habitu discrepando: ideo ad refræmandam dictarum Monialium etiam in Hospitalibus servientium temeritatem & vanitatem; inhibemus stricte sub pœna excommunicationis lætæ sententiæ, ne Moniales, cujuscumque Ordinis fuerint, præsumant habitum suum sine licentia nostra in scriptis immutare.

XIV.

Inhibemus item dictis Monialibus Nobis subiectis clausuram hucusque non

non servantibus, ne ad dies plures abesse, & ad alia oppida divertere, etiam parentum invisorum gratia, audeant & præsumant sub sola Priorissæ licentia, sed ultra eam a Nobis, vel Vicario nostro Generali, aut Officiali in casu longioris commorationis ultra tres quatuorve dies obtinere teneantur. Liceat tamen Decanis Christianitatis in casu subitanei discessus licentiam huiusmodi dare ad septimanam, & non amplius.

XV.

Ex occasione pacis & confederationis initæ inter Regem Catholicum & Ordines Hollandiæ quæsitum fuit a nonnullis Pastoribus, quid illis faciendum sit cum iis, qui ex partibus Hollandicis, & aliis hæresi infectis sub Dominatu huiusmodi Ordinum veniunt, in his partes ad domicilium figendum, sive habitandum? An ad Confessionem & Communionem Paschalem non sint cogendi, & in defectu ad Curiam citandi? Ordinamus hunc articulum amplius examinari, & pacis condiciones revideri, ut desuper postea statuatur, ac Regis Catholici voluntas exploretur, si opus est.

XVI.

Cum alias per Reverendissimum Dominum MAXIMILIANUM, Prædecessorem nostrum, certum arrestum in Concilio Regis privato obtentum fuerit, quo decernebatur, Pastores seu Rectores Ecclesiarum Parochialium manutenendos esse in sua possessione, si ab antiquo eam habuerunt, signandi computus Ecclesiarum & mensæ pauperum ante Baillivos seu Prætores Dominorum temporalium: sicut etiam in præminencia prioris loci in præfatione computuum. Et tamen non obstante huiusmodi arresto adhuc aliqui Prætores, sive Baillivi præsumunt adhuc primo loco via facti signare, Pastoribus seu conniventibus, seu reformidantibus expensas processus: & postea post duos aut tres dumtaxat annos sic turbatæ possessionis querelas deponentibus. Monemus & adhortamur, imo in virtute sanctæ obedientiæ præcipimus, ut, quotquot sunt Pastores, non solum graviter sese huiusmodi

usurpationibus & attentatis Baillivorum in ipso puncto turbatæ possessionis opponant, sed etiam ad Nos quamprimum & infra quindenam certiores de huiusmodi attentatis reddant, ut tempestive de opportuno juris remedio per viam manutenentiæ *complainte*, aut alias provideatur: Mandantes Decanis Christianitatis, ut serio inquirent in prima Congregatione seu visitatione, quales sint Pastores, qui post huiusmodi arrestum possessione sua deturbati fuerunt, quomodo, quando, & qualiter, ut etiam per remedium redintegrandæ possessionis aut cassationis huiusmodi attentatorum, vel alia via juris compendiosa remedium adhibeatur.

XVII.

Denique, quia non obstantibus tot & tam seriis Decretis & Statutis Synodalibus Prædecessorum nostrorum circa Catechismum singulis diebus Dominicis & Festis faciendum, adhuc constât plures Pastores officii sui in hoc immemores esse, & quasi negligentia obdormiscere: injungimus serio Archidiaconis & Decanis Christianitatis, ut singulis annis in suis visitationibus diligenter inquirent super negligentia huiusmodi Pastorum, & defectuosos in Catechizando denuncient Promotoribus ab eis citandos, & pœnis per Prædecessores nostros statutis, quas hic renovamus, absque ulla dissimulatione per Officiale nostrum multandos. Qui quidem Promotores sub initium cuiusque trimestris teneantur Nobis, seu Vicario nostro Generali, & dictis Archidiaconis tradere nomina huiusmodi citatorum, sub pœna, quod ipsi met Promotores ad tres florenas multabuntur, vel etiam ad trimestre ab officio suspendentur.

XVIII.

Insequendo Decreta Concilii Tridentini *Sess. 24. Cap. 18.* nominamus pro examine Pastorum RR. DD. *Joannem Baptistam Stratium*, Decanum Ecclesiæ Cathedralis Tornacen. *Andream Catulle J. U. L. Archidiac. Tornac. & Vicarium Generalem*, *Adrianum Lamoraldum Villani a Gandavo*, Thesaurarium, *Joannem Ernestum Nieulant J. U. L. Archidiaconum Flandriæ*, *Matthiam Naveum S. T. D. Eustia-*

Eustachium Froidmont S.T.L. Franciscum du Chasteau S.T.L. Jacobum Dalmans J.U.L. Pœnitentiarium, præfatæ Ecclesiæ Cathedralis Canonicos, Godefridum Wendelinum J.U.D. Officialem, Nicolaum Lamberti S.T.L. Insul. & Leonardum Schiaerts, Cortrac, Christianitatis Decanos & Pastores.

XIX.

Deputati vero Judices Synodales RR.DD. *Joannes Baptista Stratus J.U.L. Decanus Ecclesiæ Cathedralis Tornac. Andreas Catulle J.U.L. Archi Diaconus Tornacen. Vicarius Generalis, Adrianus Lamoraldus Villani a Gandavo, Thefaurarius, Philippus de Boulongne J.U.L.*

Joannes Ernestus Nieulant J.U.L. Archi-Diaconus Flandriæ, Carolus de Steenbuy J.U.L. Petrus Majureel, Canonici Ecclesiæ Cathedralis præfatæ, Godefridus Wendelinus, Officialis, J.U.D. & Antonius de Roore, & Marcus Denys, respective Monasteriorum S. Martini & S. Marci Civitatis Tornac. Abbates.

De mandato Revmi Domini mei Episcopi præfati.

J. d'Hauwe, Secret.

Ex Summa Statutorum Synod. Tornac. Insulis impressa a. 1726. & sæpius laudata.

SYNODUS GANDAVENSIS DIOECESANA

Anno Christi MDCL. Innocentii X. Papæ VII.
Ferdinandi III. Imp. XIV.

DECRETA & ORDINATA DIOECESIS GANDAVENSIS;

Archi-Presbyteros, Pastores, aliosque curam animarum habentes concernentia.

Per Revmum D. ANTONIUM TRIEST, () Episcopum Gandavensem VII. in Congregatione Vicariatus & Archi-Presbyterorum Diœcesis sue, Anno 1650. revisa, limitata, & iterum edita.*

ANTONIUS TRIEST, DEI ET APOSTOLICÆ SEDIS

gratia Episcopus Gandavensis, Omnibus & singulis Archi-Presbyteris, Pastoribus, & cæteris curam animarum gerentibus hujus nostræ Diœcesis, Salutem in Domino sempiternam.

Cum vos in partem Ministerii Pastoralis Nobiscum assumptos, nihil latere oporteat eorum, quæ ad debitum Ovium & Agnorum Domini nostri JESU CHRISTI vobis concreditorum regimen, nec non ad morum disciplinam, & ad Constitutiones recte & honeste omnia in Ecclesia agendi pertinent & conducunt; ejusmodi sunt, Præcepta, Leges &

Statuta Ecclesiastica tam in Synodo postrema Provinciali Mechliniensi, quam in simili Synodo Diœcesana Gandavensi, nec non in Congregationibus Decanorum salubriter ordinata & antehac evulgata, quorum quidem omnium exemplaria diversis temporibus impressa, apud perpaucos curam animarum habentes extare comperimus; Varia fuerunt plurimorum judicia,

(*) Vide ad calcem Decretorum.

dicia, circa modum eadem Præcepta, Statuta, seu Ordinata convenienter vobis communicandi. Sed tandem, quia dicebatur in hæcenus editis Ordinatis multa contineri, pluries repetita, vel quæ præcisè munus vestrum Pastorale non concernunt, aut quæ mutata rerum nostrarum facie pro tempore in usu non sunt, ideoque mutationem aliquam merito requirunt; prævaluit eorum sententia, qui judicabant Decreta & Statuta hujusmodi universa in uno eodemque libello de novo imprimi & compingi, ac numerum eorundem restringi oportere, rescissis superfluis, nec non adjectis iis, quæ pro varietate temporis adjicienda videbantur, ut eo diligentius observentur, quo facilius ob eorum breviteratem & majorem claritatem in uno Codice perlegentur. Horum igitur saniori judicio annuentes, novæ antiqua hæc Decreta & Ordinata, clara & compendiosa methodo digesta & compilata, juxta ordinem Titulorum in Synodis Provinciali Mechliniensi, & Diocesana Gandavensi observatum, vobis proponimus; ita tamen, ut semper in dubiis memineritis ad fontes utriusque Synodi, aliæque Concilia per otium recurrere, per remissiones ad calcem cujusque Capituli appositæ, citata.

Nec erit, quo quis aliquorum Decretorum, etiam forte utilium, omissionem causetur, cum studio ea sic omitti curaverimus, quæ in Concilio Trident., in Pastoralis nostri Gandavensi, in Rubricis & Ritibus tam Missalis, quam Brevariarii Romani continentur, tum ne hæc nostra Ordinata in nimis magnam molem exerceant, tum etiam ut ad fontes illos, ubi casus tulerit, diligentius & frequentius recurratis, & assidua singulorum meditatione, defectus omnes emendare studeatis. Ut ita de die in diem, de virtute in virtutem, ad consummationem Sanctorum, & ædificationem Corporis CHRISTI progredientes, ad Officiū Pastoralis culmen ascendere valeatis; Pascetes (juxta monitum D. Petri in epist. i. cap. 5.) qui in vobis est, gregem Dei, providentes non coacte, sed spontanee secundum Deum: neque turpis lucri gratia, sed voluntarie: neque ut dominantes in Cleris, sed forma facti gregis ex animo: Et cum apparuerit Princeps Pastorum, percipietis immarcescibilem gloriæ coronam. Valete, & Omnipotentem Deum etiam pro me orate.

INDEX TITULORUM, in his Decretis & Ordinatis occurrentium.

- | | |
|--|---|
| <p>TITULUS I. De Professione Fidei, ac his, quæ ad ejusdem Fidei integritatem conservandam pertinent.</p> <p>II. De Sacramentis in genere.</p> <p>III. De Sacramento Baptismi.</p> <p>IV. De Sacramento Confirmationis.</p> <p>V. De Sacramento Penitentiae.</p> <p>VI. De St. Eucharistiæ Sacramento.</p> <p>VII. De Sacramento Extremæ Unctionis.</p> <p>VIII. De Sacramento Ordinis.</p> <p>IX. De Sponsalibus & Sacramento Matrimonii.</p> <p>X. De Doctrina & prædicatione verbi Dei.</p> <p>XI. De Officio Divino, Cæremoniis, Locis sacris & Exequiis Defunctorum.</p> | <p>XII. De Festis & Jejuniiis.</p> <p>XIII. De Sanctorum Reliquiis & Imaginibus.</p> <p>XIV. De Exorcismis.</p> <p>XV. De Usuris.</p> <p>XVI. De Archi-Presbyteris, Pastoribus & Custodibus, eorumque Officiis.</p> <p>XVII. De vita & honestate Clericorum.</p> <p>XVIII. De Beneficiis & Officiis Ecclesiasticis & Beneficiorum residentia, ac oneribus Beneficiorum adimplendis.</p> <p>XIX. De Scholis.</p> <p>XX. De Elocatione & Conservatione bonorum Ecclesiasticorum.</p> |
|--|---|

DECRETA & ORDINATA DIOECESIS GANDAVENSIS.

TITULUS PRIMUS.

De Professione Fidei, ac his, quæ ad ejusdem Fidei integritatem conservandam pertinent.

CAPUT PRIMUM.

CUm a Fide tamquam a fundamento pendeat vita spiritualis & Religio nostra, ab ea exordium sumendo, statuimus & decrevimus, ut omnes

Totus IX. Concilior. German.

T t t

Concio.

Concionatores & Confessarii, coram Archi-Presbytero aut Secretario nostro; Regulares vero coram Superiore suo Regulari, faciant Professionem fidei, juxta Bullam PII IV. ad finem horum adjectam, & de ea facta doceant, dum se sistent pro admissione obtinenda. Similiter & quicumque in hæresim lapsi ad Ecclesiæ gremium redeunt, præter abjurationem, & alia, ad quæ tenentur, ad hujusmodi Fidei professionem faciendam obligentur. (a)

CAPUT II.

Ludimagistri emittant similem Fidei Professionem, & præter eam Juramentum, juxta formulam ad calcem horum Decretorum appositam, ad manus Scholastici loci, si quis fuerit, vel, eo absente vel deficiente, ad manus Archi-Presbyteri. Typographi, Bibliopolæ, ac Librarii, etiam idem præstent ad manus Archi-Presbyteri juxta formulam ibidem expressam. Sic tamen, ut ubi excepturus Juramentum & hujusmodi Fidei professionem, habeat aliquam rationem de professuri Fidei dubitandi, eum præmoneat & examinet circa aliquos Fidei articulos hoc tempore maxime controversos. (b)

CAPUT III.

Fidei professionem emitte obligatus, opera Procuratoris non utetur, sed per se ipsum id præstabit, & super Fide Catholica uniuscujusque Professionem emissuri, is, qui eam excipiet, summariam informationem ante capiet, si & quatenus id requiri aut expedire judicaverit. (c)

CAPUT IV.

Nemo præter Typographos, Bibliopolas & Librarios juratos, ullos libros excudere, vel venales exponere præsumat. Nec liceat vel alios libros, cantilenas, rhythmos, ephemerides, aut similia, quæ passim ab ignotis & exteris hominibus venalia circumferuntur, aut publice decantantur, imprimere,

aut venalia exponere, aut secreto distribuere, quam debite approbata vel permissa fuerint. (d)

CAPUT V.

Libri etiam domorum mortuaria- rum non distrahantur, nisi ab approbato nostro Censore, in hac Civitate Gandaveni; alibi vero nonnisi ab Archi-Presbytero loci visitati & vendi permisi fuerint, & visitatio ista gratis fiat. (e)

CAPUT VI.

Nemo omnino Sæcularis, vel Regularis prætextu solius gradus, quem in Universitate adeptus est, Libros censurandi, facultatem sibi vindicet. (f)

CAPUT VII.

Moneant diligenter Parochi sibi subditos, libros hæreticos, vel ex professio lubricos nullo modo legere, vel habere licere; eisque prohibitiones Sedis Apostolicæ auctoritate, post Conc. Trid. editas, crebro infinuent. (g)

CAPUT VIII.

Regulæ quartæ Indicis Librorum prohibitorum per Patres a sacra Tridentina Synodo delectos, inhærentes; vetamus, ne sacra Biblia vulgari lingua, passim a Laicis legantur: cum experimento manifestum sit plus inde detrimenti, quam utilitatis oriri; nisi habita a Nobis licentia in scriptis, quam nulli concedere intendimus, nisi habito prius Parochorum aut Confessariorum testimonio, id expedire judicaverimus. Qui autem absque tali facultate, ea legere, seu habere præsumperit, nisi prius Bibliis Nobis, aut Parocho suo redditis, peccatorum absolutionem percipere non possit. Si tamen ita judicetur expedire, ut lectio novi Testamenti maxime cum annotationibus Costeri, aut similis Doctoris Catholici aliquibus timoratis, piisque Fidelibus permittenda sit, poterunt Pastores in hujusmodi lectionem scripto consentire. (h)

CAPUT

(a) Synodus Mechliniensis Tit. I. cap. I. Synod. Gandaven. Tit. I. cap. I. Ordinat.

(b) Syn. Mechl. tit. I. c. 3. & 4. Ordinat.

(c) Syn. Gand. tit. I. c. 4.

(d) Syn. Mechl. tit. I. c. 5. & 9.

Syn. Gand. tit. I. c. 5.

(e) Syn. Mechl. tit. I. c. 6.

(f) Syn. Gand. tit. I. c. 6.

(g) Syn. Mechl. tit. I. c. 7.

(h) Syn. Gand. tit. I. cap. 7. Ordinat.

CAPUT IX.

Cum experimento abunde constet, disputationes cum Hæreticis super materiis Fidei initas sæpius in detrimentum Religionis cedere, nullumque profectum, sed magnam animorum exacerbationem parere: Pastores, Vice-Pastores, aut alii Presbyteri, ab iis prudenter abstinebunt; diligenter nihilominus controversiis ordinariis Fidei nunc occurrentibus studebunt, ut si ab hæreticis in aliorum præsentia cogantur Fidei Catholicæ quandoque rationem reddere, id breviter & solide facere possint, citra disputationis tamen formam, ne Catholici præsentis scandalizentur. Omnibus autem aliis, præsertim Laicis, hujusmodi disputationes inhibemus, sub pœna excommunicationis in jure expressa, & in eos decernenda, qui eas aggredi præsumpserint, nisi à Nobis ad hoc facultatem specialem obtinuerint. (i)

CAPUT X.

Quoniam pestilentius venenum est, quod auribus, quam quod ore hauritur, cum istud corpus dumtaxat, illud vero animas inficiat & interimat, districte omnibus & singulis Fidelibus inhibemus, ne quovis prætextu, præsertim curiositatis, conciones Hæreticorum audire, vel eorum Sæctæ exercitiis interesse præsumant, sub interminatione maledictionis æternæ. (k)

CAPUT XI.

Ludi theatrales numquam, aut saltem raro, & tunc non aliter permittantur, quam si à Nobis, vel ab eo, quem ad id deputaverimus, permittendi videantur, idemque sit de actionibus mimorum & histrionum, qui vulgo *Camer spelders* nuncupantur. (l)

CAPUT XII.

Denique ut Rhetorum, quos nuncupant, congregationes, & exercitia extirpentur & impediuntur, Decani, & Pastores serio monébunt Dominos temporales, Officiarios, & Magistratus,

quatenus suo fungantur officio in hac parte, juxta Mandatum Regium, nec non Serenissimæ Infantis ISABELLÆ, quorum literas ad Concilium Flandriæ desuper directas, in fine horum Decretorum addidimus, alias Nobis sine mora denuntiabuntur. (m)

TITULUS II.

De Sacramentis in genere.

CAPUT I.

IN administrandis Sacramentis, Pastorale nostræ Diocesis omnes sequantur, nihil temere addendo, demendo vel immutando; sed omnia notata & ordinata, nec non ritus & formas, Decretaque ibidem inserta, & prædebita Sacramentorum administrationis præscripta, exacte observando, quorum frequentem lectionem omnibus & singulis hujusmodi Sacramentorum Ministris commendamus. (n)

CAPUT II.

In administratione quorumcumque Sacramentorum, vis & efficacia eorum pro capto fumentium ac præsentium sæpe a Pastoribus explicentur, omnesque preces Sacramentales, maxime vero ipsæ formæ Sacramentorum, tractim, distincte, & attente cum debita reverentia pronuntientur. (o)

CAPUT III.

Et ne, dum quis aliis est Minister ad salutem, damnationem sibi acquirat, caveat quisque diligentissime, ut, quæ decet, munditiæ & puritate tam animæ, quam corporis, Sacramenta administret. (p)

CAPUT IV.

Pastores ad administranda Sacramenta vocati, officio suo fungi non tardent; graviter alioqui puniendi, gravissime vero, si quem ipsorum negligentia, sine Baptismo, Confessione, sacro Viatico, aut Extrema Unctione ex hac vita migrare contigerit. (q)

CAPUT

(i) Ordinat.

(k) Ordinat.

(n) Syn. Mechl. tit. 2. c. 1. Ordin.

(p) Syn. Mechl. tit. 2. c. 4. Ordin.

Tomus IX. Concilior. German.

(l) Syn. Mechl. tit. 1. c. 9.

(o) Syn. Mechl. tit. 2. c. 3.

(q) Syn. Mechl. tit. 2. c. 5.

(m) Ordinat.

CAPUT V.

Non modo Archi-Presbyteri singulis annis a Nobis sacrum Chrisma & sacra Olea tempestive petant per Sacerdotem, Diaconum, vel saltem Subdiaconum, in mundis & honestis vasculis (scilicet stannulis aut argenteis, nullo modo vero cupreis, testaceis, aut vitreis) ad locum residentię suę ferri curent: sed & Pastores singuli quotannis ab Archi-Presbytero suo, vel ex Ecclesia, unde consueverunt, per se, aut alium Sacerdotem, non autem eo inferiorem, in similibus vasculis sacrum Chrisma, sanctaque Olea ferre non omitant, iisque receptis, veteribus non utantur: sed quidquid ex illis super fuerit, si liquidum, lampadi, quę lucet ante Venerabile Sacramentum, infundatur, sin autem bombyci vel gossipio immixtum fuerit, super piscinam comburatur. (r)

CAPUT VI.

Claves Tabernaculi Sanctissimi Sacramenti, vel sacrorum Oleorum, aut Fontis Baptismalis non relinquantur in summo Altari, Sacristia, vel penes Custodem, aut quemcumque alium non constitutum in Ordine sacro. In Parochiis tamen, ubi nullus est Sacellanus, aut Vice-Pastor, quotiescumque Pastorem ex causa abesse contigerit, claves prædictas, durante ejus absentia, in Sacristia reponentur, & servabuntur. In Monasteriis vero a Superiore custodiantur, & nulli unquam Laico credantur; nec unquam permittatur ab ullo, qui non sit saltem Subdiaconus, Tabernaculum claudi vel aperiri. (r)

CAPUT VII.

Advigilabunt omnes & singuli, ut Sacramentorum vascula, Calices, Remonstrantię, Pyxides, Tabernaculum, Fons, Baptisterium, aliaque loca, ubi custodiuntur vel administrantur, singulis saltem bimestribus mudentur juxta reverentię iis debita, nec non puritatis, qua cum tractanda sunt, exigentiam. (t)

CAPUT VIII.

Ecclesia igitur, quantumcumque ampla existat, singulis saltem decenniis a solo ad fastigium usque purgetur. Parietum vero pars inferior ad altitudinem fenestrarum, ipsęque fenestras bis in anno mudentur. Pavimentum singulis hebdomadibus verratur, aut ad minus, forte ruri, ubi non ita frequens est populus, saltem singulis mensibus. (u)

CAPUT IX.

Ex sacra materia cujuscumque Sacramenti, nullus unquam aliquid traderet alicui, vel tradi permittet prætextu medicinę vel maleficii tollendi, neque ipse Parochus ad alium usum ea applicabit, nisi ad quem ab Ecclesia destinatur, sub pœna gravi & arbitraria. (x)

CAPUT X.

Constat, hæreticis in more esse, ut etiam ad periculosissime laborantes non curent advocari Pastorem, antequam agonizent, vel usum linguę cum intellectu amiserint, atque ita omnes admonitionis sint incapaces & ad Sacramenta rite suscipienda se disponere nequeant: interdum vero Pastor accersitur, ut morientium famę consulatur, qui proprię saluti consulere noluerunt, & ne indigni comperiantur Ecclesiastica sepultura: ut his periculosissimis fraudibus utcumque obviatur; Pastores omnes & singuli, simul atque aliquem subditorum de hæresi non temere suspectum agrotare cognoverint, mox agrum accedent, etiam non vocati, & aperte & candide cum eo agent, non celantes suspicionem hæreseos, quę laborat, & discere proponentes, quę ad resipiscentiam & contritionem excitandam facere judicabunt, debitam Fidei professionem ab eodem exigent, & ad piam Sacramentorum susceptionem inducere conabuntur. Et si quis forte ita monitus debitam Fidei professionem emittere, ac Sacramenta suscipere pertinaciter reculaverit, eidem morienti, Ecclesiastica denegetur sepultura. (y)

CAPUT XI.

Dum sacro Chrismati, vel aliis sacris Oleis deficientibus admiscendum est

(r) Syn. Mechl. tit. 2. c. 6.

(t) Syn. Gand. tit. 2. c. 1. Ordin.

(x) Ordinat.

(u) Ordinat.

(x) Ordinat.

(y) Syn. Gand. tit. 2. c. 3.

est Oleum non consecratum, guttatim hoc fiat, ita ut quantitas ejus, quod infunditur, semper minor sit, vel certe non notabiliter major quantitate Olei consecrati. (z)

CAPUT XII.

Ante administrationem Sacramentorum nihil exigatur. Post administrationem tamen, vel quod sponte offertur a Fidelibus, vel quod laudabili consuetudine tamquam debitum præstari solet, velut vitæ stipendium recipiatur, imo & jurium solutio juridice exigatur, cum eam subditos plus nimium differre, vel ex malitia recusare constiterit. (a)

CAPUT XIII.

Ad ornatum & decorem Ecclesiarum spectat, vitare deformitatem non exiguam, quam adferunt sedilia quorundam Nobilium, aut aliorum, quæ passim ac præsertim ruri in Ecclesiis Parochialibus erigi procurant pro se, suisque familiis, unde frequenter inter eos, Pastores, & Aedituos multa oriuntur litigia. Quare expresse mandamus, ne quis Parochus, aut alius quispiam, imposterum Nobis inconsultis, hujusmodi sedilia erigi permittant; imo si aliqua forsitan indebite collocata fuerint, volumus ea quantocius amoveri, nisi convenienti possessione aliqui valeant jus sibi acquisitum probare. (b)

TITULUS III.

De Sacramento Baptismi.

CAPUT I.

Pastores sacrum Fontem sub operculo & serra diligenter servent, sacrum quoque Christum & Oleum similiter sub serra intra Baptisterium & loco honesto, nullatenus autem in Tabernaculo Venerabilis Sacramenti, ac Sabbato Sancto, prout & in Vigilia Pentecostes, aquas baptismales consecraturi, ipsum Fontem antea per se, vel saltem per aliquem alium in sacro Ordine constitutum, mudent. (c)

CAPUT II.

Si forte alicubi aqua sacri Fontis corrumpi, vel lapideum vas Fontis,

tempore gelu vel aliter, quomodocunque findi, atque ita ipsam aquam effluere contigerit; Parochus non expectet Sabbatum Sanctum, vel Vigiliam Pentecostes, ut novas aquas consecret, sed faciat id, quam poterit, citissime, ostiis tamen clausis, & exclusis Laicis, ipso vase prævie mundato, & si necesse aut opportunum fuerit, curet quoque illud ipsum ære, vel plumbo, antea obduci, aut aliud integrum & honestum comparari. (d)

CAPUT III.

Ubicumque juxta Fontem sacrum, necdum exstructa est piscina, citra moram extruatur, & in eam, dum aqua Fontis renovanda est, vetus infundatur. (e)

CAPUT IV.

Quilibet Parochus, vel ejus Vicarius, aut Deservitor, & non alius, librum habeat, in quo singulorum Baptizatorum; nec non utriusque parentis, ac patrinorum & matrinarum nomina & cognomina, diem & horam nativitatis recens baptizari diligenter describat, antequam extra Ecclesiam deferatur, & quando liber hujusmodi completus fuerit, servabitur in Archivis Ecclesiæ, ejusque copia describetur, mittenda ad Archivium Episcopatus. Et singuli Archi-Presbyteri specificè notabunt in actis Visitationis sui Districtus Nobis exhibendis, quarum Parochiarum Registrum, utpote completum, mandaverint describi, ut suo tempore delatio copiarum ad Archivium Episcopatus procuretur. (f)

CAPUT V.

Atque ut ejusmodi descriptio ubique uniformiter fiat, in omnibus & singulis Parochiis servabitur formula sequens:

Anno Die Mensis Ego N. Pastor baptizavi N. Filium N. & N. conjugum, natum Die Mensis circa horam Susceproves fuerunt N. & N. Vel si alieno nomine susceperint, illud exprimetur.

In descriptione Baptismi illegitimum vero, servetur hæc formula:

T t t t 3

Anno

(z) Syn. Gand. tit. 2. c. 5.

(a) Syn. Gand. tit. 2. c. 6.

(b) Ordinat.

(c) Syn. Mechl. tit. 3. c. 1.

(d) Syn. Gand. tit. 3. c. 1.

(e) Syn. Gand. tit. 3. c. 2.

(f) Syn. Mechl. tit. 3. c. 2. Syn. Gand. tit. 3. c. 3. Ordin.

Anno Die Mensis Ego N. Pastor baptizavi N. Filium & N. vel cujus Pater aut Parentes ignorantur. Vel qui per Obstetricem aut alium dicitur esse Filius N. Ac insuper addatur nomen Obstetricis, vel deferentis; Susceptores fuerunt N. & N.

Si infans fuerit expofcitius, eadem forma illegitimorum servabitur, exprimendo insuper diem, ubi, & a quo repertus fuerit, semperque sub conditione baptizabitur, nisi de ejus Baptismo antea collato legitime constiterit. (g)

CAPUT VI.

Parochus, vel ejus vices gerens, nunquam plures, quam unum Susceptorem, unam Susceptricem, vel ad summum unum & unam admittat. Et si forte alii ad tangendum infantem instar Patrinozum se ingerant, declaretur aperte ante Baptismum, nec eos, nec alios præter descriptos seu designatos, ullam cognationem spiritualem contrahere. Alieno autem nomine infantem suscipiens, hujusmodi cognationem non contrahit, sed is, a quo mandatum habuit: uterque tamen, prout dictum est, libro Baptizatorum inscribatur. (h)

CAPUT VII.

In periculo mortis domi baptizatus, si postea ad Ecclesiam deferatur, ut omittæ ceremoniæ a Parocho adhibeantur, nullam omnino cognationem contrahit cum Patrino ad Catechismum vel Exorcismum in Ecclesia adhibito. Quare nec nomen ejusmodi Parrini libro Baptizatorum & Susceptorum inscribendum est. Et si forte inscriptio urgeatur, hoc modo ea fieri debet: *Susceptor in Catechismo & Exorcismo tantum N.* (i)

CAPUT VIII.

Monachi, seu Religiosi, vel Moniales, etiam Monasteriis Præfecti, ut per se, ita quoque per Procuratorem, infantem e sacro Fonte suscipere prohibentur. Et ne Parochi, alique curam animarum gerentes, onus hujusmodi suscipiant, peroptamus; & nisi rogati

ex causa gravi id præstare debeant, quatenus opus est, inhibemus. (k)

CAPUT IX.

Quandocumque infans sub conditione baptizandus sit, habetur Statutum in Pastoralis hujus nostræ Diocesis, & tunc eum baptizaturus hac forma utetur:

N. Si es baptizatus, ego te non baptizo: Si autem non es baptizatus, Ego te baptizo in nomine Patris, & Filii, & Spiritus Sancti; & aquam infanti non superfundat, nisi cum dicere inceperit: Ego te baptizo, &c. (l)

CAPUT X.

Parochus ob id, quod puer baptizandus, sit illegitimus, vel ex parentibus pauperibus & exteris illic natus; nullusque pro ejus alimentatione Fidejussor sese offerat, ipsum baptizare, non recuset; nec differat, etsi Magistratus loci, vel alii quicumque ob has, vel alias similes causas puerum baptizari prohibeant. Et generaliter quandocumque infans baptizandus offeratur, vel Parochus ad baptizandum vocatur, is officio suo fungi non differat, & nullo modo in diem Dominicum, vel Festum proximum Baptismum rejiciat sub poena arbitraria. Et parentes moniti, ut infantes suos baptizari curent, si intra triduum non obdierint, denunciuntur. (m)

CAPUT XI.

Si aliquando contigerit prolem illegitimam deferri ad aedes Patris, nolentis eam pro sua agnoscere, talis proles nullo pacto ibidem deposita relinquatur, nisi deferens eam prius curaverit baptizari. Quare Pastores frequenter monebunt Obstetrices, aut alias mulieres, quæ parturientibus vel ex charitate, vel lucri causa assistunt, ut huic nostro Decreto sese conforment, ac insuper ne officio suo fungi & puerperas adjuvare differant, causa eliciendi nomen patris, quando ex illicito concubitu conceperunt. (n)

CAPUT

(g) Ordinat.

(h) Syn. Mechl. tit. 3. c. 2. Syn. Gand. tit. 3. c. 3. & 9.

(i) Syn. Gand. tit. 3. c. 10.

(k) Syn. Gand. tit. 3. c. 8. Ordin.

(l) Syn. Mech. tit. 3. c. 6. Syn. Gand. tit. 3. c. 5. & 6. Ordin.

(m) Syn. Gand. tit. 3. c. 7.

(n) Ordinat.

CAPUT XII.

Quia verò experientia docet, Obstetrices, aliasque mulieres interdum parvulos recens natos in necessitate baptizantes, errare in forma, & ritu, & forte in materia Baptismi. Mandamus Parochis, ut sæpius pro concione & in Catechismo singula ad baptizandum requisita, clare & distincte explicant, ita ut facile omnes intelligant aquæ naturalis perfusione super parte nuda & vivente principali, & simul formæ pronuntiatione a Christo Domino institutæ, huiusmodi Sacramentum a baptizante & formam ita pronuntiante conferri. (o)

CAPUT XIII.

Occurrentes quorundam temeritati, qui ob Patrinorum absentiam, familiaque minime probanda, diutius, quam par est, prolium suarum Baptismum differunt, aliquando cum earum salutis discrimine, Parochi advigilabunt, ut eæ quamprimum baptizentur, & id quidem in Ecclesia Parochiali, locoque solito, ac neutiquam in domo, nisi evidenti necessitate & periculo urgente (Regum tamen & Principum supremorum filii exceptis) & qui secus fecerint, vel simili factò præsentiam suam exhibuerint, sciant se penam suspensionis a Divinis, aliamque arbitriam & exemplarem incurfuros. (p)

CAPUT XIV.

Infantes sine Baptismo morientes nec in loco sacro, nec in parentum vel aliorum privatorum hortis sepeliantur, sed communis aliquis locus juxta cimiterium, vel intra ejus septa, eorum sepulturæ deputeur. (q)

CAPUT XV.

Hortamur & requirimus omnes Magistratus singulorum locorum, ne quam ad obstetricandum admittant, nisi prius a Pastore loci, ubi Obstetrix moratur, testimonium sinceræ & Catholicæ Fidei habeat, Professionemque fidei coram Archi-Presbytero suo faciat, nec non materiam, formamque Baptismi testimonio ejusdem Pastoris probe

calleat, & ultra consuetum juramentum, juret etiam, quod infantes a se excipiendos quantocius, vel saltem intra tres dies baptizari curabit: aut si obfistentibus parentibus vel amicis id efficere non possit, quod mox illud Pastori loci denuntiabit. (r)

CAPUT XVI.

Puerperæ, cum a puerperio domum exeuntes se ad Ecclesiam contulerint, a Parocho proprio, vel ejus Vicario juxta probatissimam Ecclesiæ consuetudinem purificentur. (s)

CAPUT XVII.

Ad abolendum pravam illam consuetudinem, qua ruri præsertim post Baptismum puerorum, convivia non sine maximis incommodis & periculis tam puerperæ, quam infantis celebrari consueverunt; mandamus Pastoribus, ut subinde moneant & hortentur subditos suos, ut ab huiusmodi conviviis abstineant, quod, ut facilius impetrent, caveant in primis ipsi, ne quantumvis invitati, dictis conviviis interfint. (t)

CAPUT XVIII.

Ea autem convivia non tantum intelligimus, quæ fiunt ipso die Baptismi, sed illa quoque omnia, quæ ante purificationem puerperarum, occasione Baptismi, aut patrinorum celebrantur. Et similiter, ut cæteri omnes Presbyteri ab iis abstineant, mandamus. (u)

CAPUT XIX.

Nemo extra mortis periculum infantis, quovis prætextu, eum baptizare præsumat sine exorcismis, aliisque cæremoniis, sub pœna gravi & arbitraria. (x)

TITULUS IV.

De Sacramento Confirmationis.

CAPUT I.

PAstores sub id temporis, quo Episcopus in iis locis hoc Sacramentum administraturus est, subditos suos plene instruant de iis omnibus, quæ ad illud digne suscipiendum pertinent, nec

(o) Ordin. (p) Syn. Mech. tit. 3. c. 5. Ordin.

(q) Syn. Mechl. tit. 3. c. 7. Syn. Gand. tit. 3. c. 12.

(r) Syn. Mechl. tit. 3. c. 9.

(s) Syn. Gand. tit. 3. c. 11.

(t) Syn. Gand. tit. 3. c. 4. Ordin.

(u) Syn. Mechl. tit. 3. c. 8.

(x) Ordinatio.

nec non de multiplici utilitate ac effectibus ejusdem, simulque serio eos adhortentur, ne illud suscipere differant. Denique Parochianis suis explicent Decreta in Pastoralis nostro contenta, ad quæ eos remittimus. Moneant etiam Confessionem Sacramentalem præmittendam a confirmandis, si sint doli capaces. Item de Parrinorum obligatione, & similibus. (y)

CAPUT II.

Consultant similiter confirmandis, eorumque parentibus, ut Sacerdotes, aut in aliis sacris Ordinibus constituti, vel patrui, avunculi, amitæ, materteræ, aut similes consanguinei vel affines in paternos aut maternos assumantur, vel si extranei assumendi sint, in paternos masculorum, masculi, in maternos foeminarum, foeminae assumantur, ne cognationem spirituales inter eos inconsiderate contrahi contingat, qui aliquando Matrimonio jungi optarent. (z)

CAPUT III.

Dubitantes, num aliquando Sacramentum hoc susceperint, illud ipsum dubium & rationes dubitandi Nobis exponant, ut sub conditione confirmentur, si ita fieri debere judicaverimus. (a)

TITULUS V.

De Sacramento Pœnitentiæ.

CAPUT I.

Nemo Presbyter sæcularis, etiam Regularis, cujuscumque Ordinis vel Societatis, qualitatis, dignitatis, vel auctoritatis extiterit, Confessiones Sæcularium, nequidem Sacerdotum, aut personarum Regularium Nobis subditarum audire præsumat extra mortis articulum, nisi aut Parochiale Beneficium obtineat, aut a Nobis idoneus judicatus & approbatus fuerit: admissio quoque ista in scriptis habeatur, declarantes approbationes, nec non confessiones aliter factas, & absolutiones subsecutas fore nullas. (b)

CAPUT II.

Quapropter nullus Pastorum aliquem ad confessiones excipiendum vel concionandum admittere præsumat, nisi prævie scripto docuerit se a Nobis, vel Prædecessoribus nostris legitime fuisse admissum, idque sub pœna arbitraria. (c)

CAPUT III.

Atque ut mens nostra circa admissiones hujusmodi melius innotescat, declaramus per ordinariam & generalem ad confessiones audiendum & concionandum admissionis formulam, non comprehendendi, sed excipi Moniales clausuram servantes, respectu quarum hujusmodi formulæ minime suffragantur Confessario vel Concionatori, nisi clare & expressis terminis ad eas extendantur. (d)

CAPUT IV.

Extra confessionalia cancellata, vel ante ea seu ad genua Confessariorum extra cancellos, confessiones foeminarum, etiam Monialium, citra necessitatem, audire prohibemus sub pœna arbitraria; si alicubi similia confessionalia hætenus erecta non sint, ea quanto citius sumptibus fabricarum erigantur, nisi aliunde provideatur. Surdi autem vel in Sacristia, vel in Ecclesia, aut alio loco, non tamen clauso, ita discrete audiantur, ut nulli derur aliquod offendiculum. (e)

CAPUT V.

Ut perverfis & reprobis hominibus, omnis calumniandi occasio, quantum fieri potest, subtrahatur, mandamus, ut, dum tenebræ sunt, nemo, nisi adhibito lumine, foeminarum confessiones excipiat. (f)

CAPUT VI.

Sacerdotes sæculares nonnisi superpelliceo vel alba induti, sæcularium non ægrotorum confessiones excipiant: Pastores vero & Vice-Pastores etiam stolam superaddant. Cum vero Judicem sedentem, sententias ferre oporteat,

(y) Syn. Mech. tit. 4. c. 2. Syn. Gand. tit. 4. c. 1. Ordin.

(z) Syn. Mech. tit. 4. c. 2. Ord.

(a) Syn. Gand. tit. 4. c. 3.

(b) Syn. Mech. tit. 5. c. 1. Syn. Gand. tit. 5. c. 2. Ordin.

(c) Syn. Gand. tit. 16. c. 10. Ordin.

(d) Ordin.

(e) Syn. Mech. tit. 5. c. 3.

Syn. Gand. tit. 5. c. 1. Ordin.

(f) Syn. Gand. tit. 5. c. 4.

teat, nullus omnino Confessarius Regularis vel sæcularis cujuscumque personæ confessionem aliter excipiat, quam sedens, nec aliter, quam cooperto capite Sacramentalis Confessionis sententiam ferat, quacumque etiam penitentes dignitate fulgeant, citra casum necessitatis. (g)

CAPUT VII.

Et ne paulatim flaccescat Ecclesiæ præceptum de annua confessione, omnes & singuli Confessarii tam sæculares, quam Regulares (quos, quatenus opus est, ad hoc requirimus) nomina & cognomina confitentium annorabunt, quæ singulis respectu Pastorum tradentur in Registrum ad hoc conficiendum, quatenus opus fuerit, referenda, & examinanda, simulque ut innotescant defectuosi, Curia nostra suo tempore denunciandi. (b)

CAPUT VIII.

Parochos & Confessarios omnes & singulos serio monemus & obtestamur, ut imposterum pueros in confessione exactius, & non ita perfunctorie audiant prout passim, eosque bene instruant, præsertim quoad juramenta, imprecationes, blasphemias, aliaque peccata gravia inter eos nunc perquam communia, ut ab iis queant per Dei gratiam abstinere & emendari. (z)

CAPUT IX.

Sciat quilibet a Casibus Sedi Apostolicæ, aut Nobis reservatis se absolvere non posse, præterquam in mortis articulo, nisi ad hoc specialem facultatem debite acceperit, quo casu etiam super irregularitatibus aut votis dispensare, nisi aliam specialem potestatem ad hoc habuerit, non præsumat. (k)

CAPUT X.

Casus in nostra Diœcesi Gandavensi Nobis reservati, sunt sequentes: Sodomia cum aliis delictis gravioribus ejusdem generis, Raptus Virginum, Homicidium voluntarium, Incendium ex deliberata voluntate procuratum,

Simonia, Hæresis, Apostasia, Incestus cum consanguineis aut Sanctimonialibus, Insectio manuum violenta deliberato proposito cum læsione in parentes facta, Sortilegium, Adulterium notorium, & omnia delicta, quæ excommunicationem Ordinario reservatam, annexam habent, de quibus omnibus videndum est Pastorale Diœcesanum. (l)

CAPUT XI.

Qui ab his Casibus absolvendi potestatem accepit, non ad destructionem, sed ad ædificationem ea utatur, exponendo penitentibus gravitatem peccatorum, & convenientes satisfactiones, prout spiritus suggererit, prudenter injungendo. (m)

CAPUT XII.

Nemo vota obedientiæ a filiabus confessionis exigat vel admitat, sub pena arbitraria, nec ullus aliquem ad perpetuo sibi soli confitendum obliget, & ejusmodi promissionem, etiam juratam, tanquam irrationabilem ac indifferetam, irritam esse declaramus. (n)

CAPUT XIII.

Debent Sacerdotes Domini, quantum spiritus & prudentia suggererit, pro qualitate criminum & penitentium facultate, salutare & convenientes satisfactiones injungere, ne si forte peccatis conniveant, & indulgenter cum penitentibus agant, levissima quædam opera pro gravissimis delictis injungendo, alienorum peccatorum participes efficiantur. Habeant autem præ oculis, ut satisfactio, quam imponunt, non sit tantum ad vitæ novæ custodiam & infirmitatis medicamentum, sed etiam ad præteritorum peccatorum vindictam & castigationem. Nam claves Sacerdotum non ad solvendum dumtaxat, sed ad ligandum concessas, etiam antiqui Patres & credunt & docent. (o)

CAPUT XIV.

Caveant Confessarii in examinandis penitentibus, præsertim circa vitia carnis,

(g) Syn. Mech. tit. 5. c. 2. Syn. Gand. tit. 5. c. 3.

(b) Ordinar.

(z) Ordinar.

(k) Syn. Mech. tit. 5. c. 5.

(l) Syn. Gand. tit. 5. c. 5.

(m) Syn. Gand. tit. 5. c. 6.

(n) Syn. Mech. tit. 5. c. 7. Syn. Gand. tit. 5. c. 4.

(o) Syn. Mech. tit. 5. c. 8.

carnis, ne indiscretis interrogationibus eos doceant peccata, quæ ignorant; vel aliter scandalizent. (p)

CAPUT XV.

Frequenter in Ecclesiis publicetur, Fideles omnes, postquam ad annos discretionis pervenerint, semel in anno proprio Sacerdoti, aut alteri de ejus licentia, fideliter sua peccata confiteri debere. (q)

CAPUT XVI.

Meminerit unusquisque Confessionis sigillum strictissime servandum esse, etiam sub pœna depositionis a Sacerdotali Officio, & detractionis in arctum Monasterium ad agendam ibidem penitentiam perpetuam. Imo caveat omnino, ne verbo aut signo, vel alio quovis modo prodat aliquatenus peccatorem, sed si prudentiorum consilio indigerit, illud absque ulla personæ expressione caute requirat; hoc porro sigillum ad ea se quoque extendit, quæ subinde occasione eorum, quæ in confessione detecta sunt, post datam absolutionem a Confessariis interrogati penitentes, vel repetunt, vel diffusius narrant; quæ perinde, ut ea, quæ in ipsa dicta sunt confessione, secreta sunt habenda. (r)

CAPUT XVII.

Quicumque ex mensa Sancti Spiritus elemosynas percipiunt apud Pastorem suum & Magistros mensæ, quotannis legitime doceant de peracta Confessione annua & Communione in Paschate, & id ipsum non docentes, prima vice ad tres menses, secunda vero vice in perpetuum omni subsidio mensæ præfatæ priventur. (s)

CAPUT XVIII.

Statutum est ab INNOCENTIO III., ut Medici ad ægros in lecto decumbentes vocati, antequam illorum curam suscipiant, eos admoneant de advocando Confessario, & intra quadriduum non parentium curam deserant, sub pœna excommunicationis, nisi æger paulo ante morbum confessus sit. Hanc salutarem admodum Constitutio-

nem a Medicis exacte observari, præsertim quoad ægros, qui aliquo modo de hæresi suspecti sunt, vel liberius vixerunt, singulariter optamus; vel si hoc durius fortasse videatur, aut timoratis Medicis damno fore metuatur, Parochum saltem moneri curabunt quilibet Medici, quamprimum aliquem ægrum in ejus Parochia visitabunt. Idemque faciant Religiosi, qui ægrotis assistunt. Et Pastor sic monitus, ægrum ipsum accedere non differet, eumque ad suscipiendum hoc salutare Penitentiae Sacramentum modis omnibus inducere, & in cæteris omnibus officio suo debite perfungi conabitur. (t)

CAPUT XIX.

Antiquam consuetudinem confitendi in initio Quadragesimæ continuari, vel in usum revocari peroptamus, ut futura jejunia & alia pietatis opera in statu gratiæ fiant, & meritorea existant. Quare Pastores Dominica *Sexagesimæ* vel *Quinquagesimæ* subditos suos ad Sacramentum Penitentiae in capite Jejunii rite suscipiendum, serio hortabuntur. (u)

CAPUT XX.

Atque ut Fideles, præsertim ubi frequentior est populus, diebus Dominicis & Festis copiam Confessarii habeant, monemus, ut, ubi celebratur Sacrum Primarium, eo durante Parochus, vel alius Sacerdos approbatus se deat in confessionali, prout etiam tempore Summi Sacri, quatenus alliciantur plurimi ad sæpius Sacramentum Penitentiae frequentandum. (x)

CAPUT XXI.

Denique Confessarii omnes & singuli exacte observabunt ea, quæ in Pastoralis nostri quoad administrationem hujus Sacramenti præscribuntur, & quæ pro brevi instructione uniuscujusque ad confessiones excipiendas admissi, in schedula ad hoc specialiter edita exprimuntur, & ad calcem horum Decretorum adjiciuntur. (y)

TITU-

(p) Syn. Gand. tit. 5. c. 8.

Syn. Gand. tit. 5. c. 10.

(u) Syn. Gand. tit. 5. c. 14.

(q) Syn. Gand. tit. 5. c. 10.

(r) Syn. Gand. tit. 5. c. 11.

(x) Ordinat.

(s) Syn. Mech. tit. 5. c. 6.

(t) Syn. Gand. ibid.

(y) Ordinat.

TITULUS VI.

De Sanctissimo Eucharistiæ Sacramento.

CAPUT I.

IN singulis Ecclesiis Parochialibus plures Hostiæ ad usum ægrotorum continuo asserventur, & quidem sub sera & in loco honesto, ac argenteo saltem & decenti vasculo, & singulis hebdomadibus aut circiter, vel si humiditas loci requirat, etiam sæpius, species Sacramentales renouentur. (z)

CAPUT II.

Atque ut Augustissimum hoc Sacramentum ea, quæ par est, reverentia custodiatur, præter ea, quæ in Pastoralibus præcipiuntur, inviolabiliter observanda, mandamus, ut solum ipsius Tabernaculi stratum sit semper corporali mundo & candido, sine quo nunquam usquam Venerabile Sacramentum, vel vasculum illud continens, deponi debet, vel collocari. (a)

CAPUT III.

Tabernaculum hoc Sanctissimum vacuum semper sit a quibusvis Reliquiis, sacrorum Oleorum vasculis, etiam infirmorum, aliisque rebus quibuscumque, adeo ut ne quidem pyxis inanis, multo minus Monstrantia ibi ulla remaneat, sed solum illa vasa, in quibus Venerabile Sacramentum continetur, hoc loco asserventur. (b)

CAPUT IV.

Ubi cumque locus ab hostibus, & prædonibus est tutus, & facultates Ecclesiæ ferunt, continuo tam de nocte, quam de die ante Tabernaculum Sanctissimæ Eucharistiæ lumen ardeat, alibi saltem sub Officio Divino. (c)

CAPUT V.

Pastores, aut eorum Vicarii Venerabile Corporis CHRISTI Sacramentum ad ægrotos, aut alios deferant, decenter & reverenter ornati stola & superpelliceo, Custode similiter induto superpelliceo, lumen & campanulam so-

nantem præferente. Idque observetur, etiam si infirmus frequenter in ægritudine sua Viaticum salutis sibi deferri petat. Et quando fieri potest, antequam sacra Eucharistia ad ægrotum deferatur, præmittatur confessio. (d)

CAPUT VI.

Prout in Processionibus quibuscumque, ubi circumferitur Sanctissimum Sacramentum, mandamus & volumus, ut id nequaquam fiat, nisi sub umbella ab honestioribus Parochianis deferenda, idem quoque peroptamus observari, quantum fieri potest, quancumque ad ægrotos deferendum est, præsertim in oppidis, villis, & pagis, ubi frequentior est populus, ac ædes Ecclesiæ viciniore existunt. Atque ut id fiat cum summa religione, populus pro concione moneatur & excitetur, eique inculcetur, Nos omnibus & singulis Fidelibus umbellam huiusmodi deferentibus vel devote comitantibus, quadraginta dierum Indulgentias impertiri. (e)

CAPUT VII.

Parochi deferentes sacrum Viaticum ad ægros, nullatenus permittant, illud per Regularem quemquam ibi forte præsentem, quocumque allegato prætextu, ægroto porrigi, sed per se, servato ritu in Pastoralibus descripto, administrant. (f)

CAPUT VIII.

Nunquam unica dumtaxat sacra Hostia ad ægrotum deferatur. Quando tamen vel nimia loci distantia, vel itineris, temporisve difficultas, vel alia iusta causa impedit, quo minus id præstari possit, tum licebit Parocho eam Sanctissimæ Eucharistiæ particulam solum deferre, quam æger percepturus est, quo casu inane vasculum occulte, silente campanula, sine lumine & ornatu ad Ecclesiam referetur, illis etiam, qui Sanctissimum Sacramentum comitati fuerint, præmonitis, unicam dumtaxat sacram Hostiam pro ægroto delatam fuisse. (g)

CAPUT

(z) Syn. Mechl. tit. 7. c. 1. Ordinat.

(a) Ordinat.

(b) Ordinat.

(c) Syn. Mechl. tit. 7. c. 2.

(d) Syn. Mechl. tit. 7. c. 3.

(e) Ordinat.

(f) Ordin.

(g) Syn. Mechl. tit. 7. c. 4. Syn. Gand. tit. 6. c. 2.

Fornus IX. Concilior. German.

CAPUT IX.

Quandocumque hoc Sacramentum ad ægrotos deferendum est, ægroti cubiculum ab omni sorde prius purgandum esse, ac juxta Pastorale, mensam nitida mappa, vel alio mundo linteo honeste constrictam, & Cruce, luminaribus, ac vasculo aquæ benedictæ instructam, in qua pyxis cum Sanctissimo Sacramento collocari possit, præparari debere; Pastores subditis suis data occasione inculcare non omittant. (b)

CAPUT X.

Decretum Concilii Lateranensis *Omnis utriusque sexus*, in Pastoralis contentum, iterum renovantes, eique adherentes, declaramus nullum a Communione Paschali in propria Parochia semel in anno excusari, etsi perperam aliqui forte probabile esse asserant, ad hujusmodi Communionem Christianos non obligari, quapropter juxta id, quod in Pastoralis præcipitur, Decretum prædictum, Pastores & Confessarii frequenter Fidelibus inculcabunt & in Ecclesiis publicabunt. (i)

CAPUT XI.

Quilibet annos discretionis habens, communicare debet in Paschare in Ecclesia sua parochiali, proinde Pastores sæpius etiam hortabuntur Parochianos suos sub concionibus & alias, eisque inculcabunt intolerabilem esse abusum, quo rudiores ducuntur, credentes, se non obligari ante annum ætatis decimum sextum, vel amplius, ad illud percipiendum. Cavebunt tamen, ne aliquos admittant Fidei rudimenta ignorantes, & quid sub speciebus Sacramentalibus contineatur, non intelligentes. (k)

CAPUT XII.

Pastor etiam hortetur sæpius Parochianos suos sub concionibus & in lectione Catechistica, ac alias, ad frequentem hujus Venerabilis Sacramenti usum & participationem, & ut populi devotio erga illud promoveatur, rogamus, & in Domino obæstamur omnes & singulos Pastores, ac animarum

curam gerentes, quatenus singulis feriis quintis saltem in Parochiis & locis celebrioribus Missæ Sacrificium de Venerabili Sacramento solemniter celebrent, alibi vero per Laudum vespertinarum decantationem, singulis saltem Dominicis post Vesperas, vel per erectionem Confraternitatis ejusdem Sanctissimi Sacramenti; subditi exemplo Pastorum, ad particularem aliquem cultum tanti Mysterii paulatim excitentur. (l)

CAPUT XIII.

Concubinarii publici, antequam concubinas suas actu dimiserint, ad sacram Communionem non admittantur, neque etiam publici Usurarii, nisi usuris renuntiaverint, & injusta lucra restituerint, aut de eis restituendis cautionem dederint. (m)

CAPUT XIV.

Sacrosancta Eucharistia pie & utiliter ad populi devotionem interdum in publicis Supplicationibus defertur; potissimum vero in festo Sacro Christi Corpori consecrato, ejusque Octava. Sed ne nimia frequentia minuat reverentiam, rarius extra prædicta tempora id fiat, & non nisi in arduis causis pacis & publicæ necessitatis. In illis Processionibus, ad quas populus non tam orandi, quam spectandi gratia confluit, abstinere solet, abstinere solet. In communibus autem Supplicationibus, in quibus Venerabile Sacramentum non defertur, circumgestari poterunt Sanctorum Reliquiæ vel Imagines. (n)

TITULUS VII.

De Sacramento Extremæ Unionis.

CAPUT I.

Parochi ægrotos sæpe invitant, horrenturque, ne ad extremum Sacramenti hujus susceptionem differant, ac potius sensibus, rationisque usu adhuc integris, illud sibi administrari petant, ut ita uberiorem ejus fructum percipiant. (o)

CAPUT

(b) Syn. Gand. tit. 6. c. 4.

tit. 6. c. 1. Ordinat.

(n) Syn. Mechl. tit. 7. c. 8.

(i) Ordinat.

(l) Ordinat.

(o) Syn. Mechl. tit. 8. c. 1.

(k) Syn. Mechl. tit. 7. c. 5. Syn. Gand.

(m) Syn. Mechl. tit. 7. c. 7.

CAPUT II.

Falluntur, qui existimant, suscepto hoc Sacramento, vel Testamentum condi non posse, vel spem convalescendi ob id imminui. Ideoque Pastores, contrarium subinde populum doceant. (p)

CAPUT III.

Sacrum Oleum infirmorum cum debita reverentia ad ægrotum deferatur, Custode, qui & honesto superpelliceo semper sit indutus, lumen præferente, absque sonitu tamen nolæ, cæterisque exacte observatis, quæ in Pastoralis nostri observanda præscribuntur. (q)

CAPUT IV.

In dubio, an is, ad quem inungendum Parochus vocatus est, adhuc vivat, hac conditione in unguendo utatur: *Si es vivus, per istam Unctionem, &c.* (r)

CAPUT V.

In una quoque & eadem ægritudine, etiam ad plures menses perdurante, iterato conferri, hoc Sacramentum nemini debet. (s)

CAPUT VI.

Vas Olei sacri infirmorum, in aliquo loco decenti, serraque clauso, juxta & non intra Tabernaculum Venerabilis Sacramenti Eucharistiæ servetur. (t)

TITULUS VIII.

De Sacramento Ordinis.

CAPUT I.

AD primam Tonsuram nemo se præsentet, qui non sit confirmatus, Fidei rudimenta edoctus, legendi & scribendi peritus, ac debito vitæ & natalium testimonio munitus. (u)

CAPUT II.

Majoribus Ordinibus insigniendi, si sint Religiosi, a Superiore suo vitæ, morumque probitatis debita testimonia in scriptis adferant. Sæculares, si in Ecclesia Collegiata resideant, a Capitulo; si in Collegio vel Pædagogio aliquo degant, ab illius Præfide, alio-

quin a proprio Pastore similia, prout & ætatis ac natalium testimonia exhibere debeant. Et non habens ejusmodi testimonia, ne ad examen quidem admittatur, nisi Nobis aliter videatur. (x)

CAPUT III.

Fiant insuper proclamationes promovendorum ad singulos Ordines majores, & qui de iis non docuerint, imposterum rejiciantur. (y)

CAPUT IV.

Quod alias ordinavimus, iterum statuentes, mandamus, ut nemo ad sacros majores Ordines sese sistat admittendum, nisi juxta præscriptum sacri Concilii Tridentini per mensem ante Ordinationem hujusmodi Nobis, aut Archidiacono nostro idipsum curaverit significari, ac insuper statuto tempore Testimonia debita attulerit, quatenus legitime constet eum ad Ordinem sacrum digne posse promoveri. (z)

CAPUT V.

Tituli Patrimoniales; seu Beneficiales sint deinceps ad minimum centum florenorum annue. Nec ulli ad sacrum Subdiaconatus Ordinem admittantur, nisi ejusmodi Titulis legitime in Curia nostra approbatis, & visis literis desuper expeditis. (a)

CAPUT VI.

Monemus omnes & singulos, quicumque ad Ordinem Sacerdotalem aspirant, ut priusquam se sistant examini, sese ad aliquot dies a curis sæcularibus subtrahant, & exercitiis spiritualibus vacent sub pio & prudente Directore. (b)

CAPUT VII.

Ordinati Sacerdotes Primitias celebrare non differant ultra sex septimanas, nisi ex causa legitima a Nobis approbanda, quibus prout omnibus & singulis Presbyteris lectionem frequentem, & exactam observationem schematis vitæ Pastoralis, ad calcem horum Decretorum adjecti, in nomine Domini commendamus. (c)

Vvvvv 3

TITU.

(p) Syn. Mechl. tit. 8. c. 2.

(q) Syn. Gand. tit. 7. c. 1. Ordinar.

(r) Syn. Gand. tit. 7. c. 2.

(s) Syn. Gand. tit. 7. c. 4.

(t) Ordinar.

(u) Syn. Gand. tit. 8. c. 1.

(x) Syn. Mechl. tit. 9. c. 2.

(y) Syn. Mechl. tit. 9. c. 3.

(z) Ordinar.

(a) Syn. Mechl. tit. 9. c. 6.

(b) Ordinar.

(c) Syn. Gand. tit. 8. c. 4. Ordinar.

TITULUS IX.

*De Sponsalibus & Sacramento
Matrimonii.*

CAPUT I.

ET si Sponsalia de futuro, absente Parocho, valida sint ac servari debeant, cupimus tamen vehementissime, ut semper coram proprio saltem alterius contrahentium Parocho, & duobus Testibus contrahantur, & ne quis Concionatorum aut Confessariorum aliter docere praesumat, prohibemus. (d)

CAPUT II.

Uno contrahentium ex aliena Parochia existente, licebit alterutrius Pastori Sponsalibus assistere, etiam non habito praevis alterius Pastoris testimonio sive consensu. Nunquam tamen liceat, si neuter contrahentium subditus fuerit, sub multa gravi & arbitraria, adjudicanda Pastoribus eorumdem contrahentium, qui huiusmodi abusum detexerint. (e)

CAPUT III.

In tabernis, aut aliis locis minus honestis, Sponsalia de futuro contrahere volentibus, Parochus operam suam non impendat, in honestis tamen aedibus libere id facere poterit, nunquam tamen ullos Matrimonio jungat, nisi in sua Parochiali Ecclesia, idque sub multa duarum Librarum magnarum. (f)

CAPUT IV.

Cum impedimenta Matrimonii a plerisque hominum ignorentur, & non raro contingat impedimentum aliquod vere subesse, quod tamen ipsos contrahentes bona fide lateat, periculosum videtur, ut a Sponsalia vel etiam Matrimonium contrahere volentibus, exigatur iuramentum, quo absolute affirmant, non subesse Canonicum impedimentum, atque ideo deinceps id fieri vetamus & sufficere volumus, ut Sponsalia & Matrimonium contracturi declarent, se non scire, quod subest aliquod ejusmodi impedimentum. (g)

CAPUT V.

Ebriis aut potu captis contrahere volentibus, Parochus non assistat, sed eos rejiciat in aliud tempus, quo sobrii erunt. (h)

CAPUT VI.

Ad periculum incontinentiae, aliaque inconvenientia evitanda, moneant Parochi Sponsalia coram se contrahentes, ut infra sex septimanas Canonici impedimenti denuntiatione cessante, ad Matrimonii solemnizationem procedant, utque ante Sacerdotalem Benedictionem in Templo suscipiendam, in eadem domo non cohabeant. (i)

CAPUT VII.

Ubi quis vere habitat, ibi Matrimonio jungi potest, etsi brevi tantum tempore ibidem egerit; nihilominus tamen in Parochia, in qua prius habitavit, & ubi verosimilius est fore, ut impedimenta sciantur (si annus nondum elapsus fuerit a tempore migrationis ex priori Parochia) denuntiationes omnes fieri volumus. (k)

CAPUT VIII.

Impedimento aliquo consanguinitatis, affinitatis, vel alio simili, perpetuo tamen, cum aliqua verosimilitudine, denuntiato, etsi postea illud a denuntiante fuerit revocatum, nolumus tamen Parochum ad Matrimonii solemnizationem ante procedere, quam re ad Nos, aut Officiale nostrum delata, debitam licentiam in scriptis ab altero nostrum receperit, cum re ipsa compertum sit, ejusmodi revocationes subinde fieri contra veritatem a pecunia vel favore corruptis. (l)

CAPUT IX.

Quia vero saepe malitiose impeditur Matrimonii contractus ab aliquo tertio, ob fidem ab alterutro contrahere volentium sibi praesente datam, & id ordinarie contingit, cum gravi scandalo & damno desponsatorum, Pastor ob id interpellatus, in praesentia Testium, praeriger parti sese opponenti termi-

(d) Syn. Gand. tit. 9. c. 1.

(e) Ordinat.

(f) Syn. Gand. tit. 9. c. 2. Ordin.

(g) Syn. Gand. tit. 9. c. 3.

(h) Syn. Gand. tit. 9. c. 4.

(i) Syn. Gand. tit. 9. c. 5.

(k) Syn. Gand. tit. 9. c. 7. Ordin.

(l) Syn. Mechl. tit. 10. c. 4. Syn. Gand. tit. 9. c. 8.

terminum trium, quatuor, vel plurium dierum, pro distantia loci, ut interim querelas suas Curia nostra exponat, & sibi provideat de juris remedio, alias elapso termino, aut tertio illo non comparente cum Decreto inhibitionis, Pastor ulterius ad Matrimonii celebrationem procedet. (m)

CAPUT X.

Cum ex longa conjugis absentia non resultet certitudo de ejus obitu, & mors non presumatur, sed probanda sit, ad secundas Nuptias convolare desiderans, Matrimonio non jungatur, nisi habita prius legitima certitudine de morte prioris conjugis, etiamsi non septem tantum, sed etiam viginti, triginta, & plures annos continuos eum abfuisse constiterit. (n)

CAPUT XI.

Tribus continuis Dominicis vel Festivis diebus proclamationes fieri poterunt, quas Pastores, aut eorum vices supplentes populo intelligibiliter sub concione, vel post eam, aut alias juxta præscriptum Pastoralis annuntiabunt, nec finent, ut unquam per Custodes, aut alios publicentur. (o)

CAPUT XII.

Quia vero impofterum difficiliores erimus in relaxandis hujusmodi proclamationibus, commoditati plurimum locorum, ubi frequentior est populus, favere studentes, concedimus & permittimus, ut in Ecclesiis Parochialibus Civitatis Gandavenfis, oppidorum Teneramundani, Aldenardenfis, Donfani, Tiletani, nec non locorum S. Nicolai, & Lokeren Wafia, etiam feriis quintis infra Venerabilis Sacramenti Missam proclamationes fieri valeant. (p)

CAPUT XIII.

Hujusmodi Proclamationes numquam fiant, nec Sponsalia contrahantur initio temporis clausi, prout ex abusu a quibusdam subinde fuit practicum, sed circa finem ejusdem, quatenus nullum vel modicum dumtaxat tempus

maneat intermedium ab ultima proclamatione usque ad Matrimonii solemnizationem. (q)

CAPUT XIV.

Sponsalia contrahentes, si non sint confirmati, moneantur a Parocho, ut se confirmari curent, antequam ad Matrimonium procedant, idemque allaboret, ut Doctrina Christiana rudimenta prorsus ignorantes, saltem Orationem Dominicam & Salutationem Angelicam, Symbolum Apostolorum & Decalogum antea teneant, quam Matrimonio jungantur. (r)

CAPUT XV.

Quandocumque Matrimonium contrahere volentes, sunt diversarum Dicecesium, Decanatum aut Parochiarum, Parochus unius ad Matrimonii solemnizationem non procedat, nisi omnes proclamationes in Ecclesia sua fecerit, sine alicujus impedimenti denuntiatione, & similiter Parochum alterius desponsorum omnes tres proclamationes fecisse, & nullum Canonicum impedimentum denuntiatum fuisse, ex testimonio ejusdem certo cognoverit, vel de dispensatione Ordinarii ipsi constiterit. Et si forte signaturam illius Pastoris non noverit, aut testimoniales sibi exhibitas de falso suspectas habeat, exigit desuper testimonium saltem unius personae fide dignae, vel si hujusmodi testimonium haberi non possit, exigit juramentum ab altero desponsorum, quem testimoniales illae concernunt. (s)

CAPUT XVI.

Parochi omnes impedimenta Matrimonium dirimentia & impediencia, saltem maxime obvia & communiter in praxi occurrentia, subinde in concionibus declarent & explicant. (t)

CAPUT XVII.

Meminerint Parochi sibi non licere vagorum hominum Matrimonii interesse, nisi re ad Nos delata, a Nobis licentiam id faciendi in scriptis obtinuerint. Antequam autem eos ad Nos,

ALL

(m) Ordinat. (n) Syn. Gand. tit. 9. c. 9. (o) Syn. Mechl. tit. 10. c. 2. Syn. Gand. tit. 9. c. 10. (p) Ordinat. (q) Ordinat. (r) Syn. Gand. tit. 9. c. 11, (s) Syn. Mechl. tit. 10. c. 3. (t) Syn. Mechl. tit. 10. c. 5.

aut Vicariatum nostrum dimittant, serio instruant, ut compareant instructi legitimis testimoniis, quoad utriusque libertatem. (u)

CAPUT XVIII.

Habeant quoque singuli Pastores librum, in quo ipsi, vel eorum Vicarii, & non alii notabunt exacte diem, mensem & annum; nec non nomina & cognomina contrahentium Sponsalia, tempus factarum proclamationum, nisi super iis fuerit dispensatum; ac tandem diem, mensem & annum, & nomina tam eorum, qui Matrimonium contraxerint, quam duorum ad minus Testium, qui Matrimonii solemnizationi interfuerint, quem quidem librum diligenter custodiant, nec Custodi, aut alteri credatur, & quotannis in visitatione Archi-Presbytero exhibeant, qui, ubi jam completus fuerit, servabitur in Archivis Ecclesiæ. (x)

CAPUT XIX.

Pastores Matrimonium contracturos, die Dominico vel Festo tempestive admoneant, ut eo die Missam reverenter audiant, quod si id præstare neglexerint, prout sæpe contigit, caveant Pastores, ne isto die eorum Matrimonio assistant sub multa gravi & arbitraria. (y)

CAPUT XX.

Quandocumque durante tempore clauso, aliqui ex legitima causa ad Matrimonium contrahendum per Nos dispensabuntur, abstinendum erit a solemnitatibus nuptialium conviviorum, choreis, sponсарum publicis traductionibus, & similibus, idem omnino etiam servabitur, etiamsi aliquando Matrimonium antea contractum fuerit, sub poena arbitraria, & contraventores statim Curia nostra denunciabuntur. (z)

TITULUS X.

*De Doctrina & Prædicatione
verbi Dei.*

CAPUT I.

Pastores neminem omnino, etiam Regularem, cujuscumque Ordini-

nis, Societatis aut Instituti, in Ecclesiis suis concionari permittant, nisi do-
licentia a Nobis in scriptis obtenta prædocuerit. (a)

CAPUT II.

Meminerint autem Regulares se sine Benedictione nostra in Ecclesiis Ordinum suorum, & sine expressa licentia nostra in scriptis obtenta in aliis Ecclesiis prædicare non posse; nec usquam omnino Nobis contradicentibus; Pastoribus autem per se in propriis Ecclesiis concionari vel catechizare volentibus, sciant cæteri omnes, se illis cedere debere. (b)

CAPUT III.

Abstineant Concionatores ab inanibus ac difficilibus, captumque auditorum superantibus, & ad Fidei ædificationem minus pertinentibus questionibus; convitiis, fabulis, & a narratione apocryphorum, iisque omnibus, quæ vel auditoribus risum moveant, vel eorum animos a Superioribus suis avertant; neque passim hæreticorum argumenta apud imperitam referant multitudinem; sed ea potissimum doceant, quæ ad fidem, veram pietatem, obedientiam, & concordiam pertinent, quæque scire omnibus necessarium est ad salutem, annuntiando cum brevitate & facilitate sermonis vitia, quæ quemque declinare, & virtutes, quas sectari oportet; denique sedulo observent instructionem omnibus Concionatoribus distribui solitam, & ad calcem horum Decretorum adjectam. (c)

CAPUT IV.

Cum vero nihil æque sit necessarium ad Fidei Catholicæ conservationem & salutem animarum singulis creditarum, quam juventutem debite catechizari, omnes & singulos Pastores rogamus, obsecramus per viscera misericordiæ Dei, & sub obtestatione Divini judicii mandamus, ut huic officio suo serio, diligenter, & sine intermissione incumbant, tum in suis Parochiis,

(u) Syn. Mechl. tit. 10. c. 6. Ordinat.

(x) Syn. Mechl. tit. 10. c. 7. Ordinat.

(y) Ordinat.

(z) Syn. Mechl. tit. 10. c. 8. Ordinat.

(a) Syn. Mechl. tit. 11.

c. 2. Syn. Gand. tit. 10. c. 1. Ordin.

(b) Syn. Mech. tit. 11. c. 1. Syn. Gand. tit. 10. c. 8.

(c) Syn. Mechl. tit. 11. c. 3. Ordinat.

tum in Scholis, aut, si fieri possit, in particularibus congregationibus, per hebdomadam aliquando indicendis, in vicis a Parochia sua remotioribus. (d)

CAPUT V.

Atque ut majori cum fructu in catechizanda juventute Parochi, & eorum vices gerentes adlaborent, hujusmodi lectio ruri habebitur diebus saltem Dominicis totius anni in locis, ubi plura Sacra uno die celebrantur, infra Missam primariam, vel si ita subinde utilius visum fuerit, hora secunda, aut saltem post Vesperas. Festivis vero diebus totius anni, sub summo Sacro, loco concionis, ubi juvenus præmiolis & munusculis externo apparatu lecta, puncta aliqua Catechismi recitabit, vel ad interrogata respondebit, ac Catechista responsa hujusmodi juxta audientium captum explicabit, simulque grandiores instruet, una & eadem opera, oves & agnos pascendo. (e)

CAPUT VI.

Sumptus necessarios pro munusculis (si a Primoribus vel Magistratibus locorum, vel aliunde nequeant obtineri) suppeditabit collecta in hunc finem diebus Dominicis & Festis sub Officio Divino, & concionibus juxta Parochorum judicium specialiter instituenda. (f)

CAPUT VII.

Et ut juvenus, rudiorque populus eo efficacius alliciatur ad lectionis Catechisticæ frequentationem, Pastores modis omnibus conabuntur Dominos temporales, Baillivos, Magistratus & notabiliores Parochiæ inducere, ut præsentia sua juventutem animare, bene meritis subinde in Ecclesia, spectante populo & juventute, manibus suis præmiola distribuere non graventur, atque ut eo facilius ad hujusmodi charitatis opus eximium excitentur, iis, qui ob hunc finem interfuerint, Indulgentias triginta dierum pro qualibet vice, in Domino elargimur. (g)

CAPUT VIII.

Quia vero plurimi arte mechanica & ex eleemosynis viſitantes, quo rudiores existunt, eo rudiores reperiuntur in frequentando Catechismo, eos singulariter curæ Parochorum & Catechistarum in Domino commendantes, quantum opus est, mandamus, ut importune opportune instent apud Dominos temporales & Magistratus, quatenus omnem operam in promotionem profectus spiritualis hujusmodi ignorantium impendant; ac ipsis exponant Decretum Principis desuper emanatum, literis ad Concilium Flandriæ directis, nec non alias literas ejusdem Concilii datas ad singulos hujus Diocesis nostræ Magistratus, quarum copias ad finem horum Decretorum adjecimus. (b)

TITULUS XI.

*De Officio Divino, Cæremoniis,
Locis sacris & Exequiis
Defunctorum.*

CAPUT I.

IN omnibus Pagis nostræ Diocesis Missa Parochialis Dominicis & Festis diebus fiat semper hora nona, vel circiter, quacumque ratione in contrarium non obstante. (i)

CAPUT II.

Pastores ex Parochia sua interdum alio proficisci volentes die Dominico, vel Festo, cavebunt, ne Officium Divinum anticipent, aut citius solito celebrent in Parochianorum dispendium vel incommodum, sub pœna arbitraria. (k)

CAPUT III.

Proceſſionum circuitus nimis longos, ita contrahi & abbreviari volumus, ut omnis scandali & irreverentiæ tollatur occasio, & viarum longitudine, devotio non tepescat. (l)

CAPUT IV.

Quia ex Congregationibus plurium Parochiarum ruralium quam par est, ut Supplicationes devote & ordinate

(d) Syn. Mechl. tit. 11. c. 6. Syn. Gand. tit. 10. cap. 3. Ordin.

(e) Ordinat.

(f) Ordinat.

(g) Ordinat.

(h) Ordinat.

(i) Syn. Mechl. tit. 12. c. 16.

Syn. Gand. tit. 11. c. 1.

(k) Ordinat.

(l) Syn. Mechl. tit. 14. c. 5.

nate habeantur; multa & gravior oriuntur incommoda, ordinamus, ut imposterum nonnisi tres ad summum Parochiæ convenient, ad huiusmodi Processiones per circuitum moderatum habendas. (m)

CAPUT V.

Non solum nitoris animæ, sed etiam exterioris decoris in Celebrante habenda est ratio, quapropter nullus Parochorum, vel Vice-Pastorum, aut Sacellanorum in Ecclesiis ruralibus, prout nec in aliis celebrare præsumat, nisi toga vel calacca oblonga decenter indutus. (n)

CAPUT VI.

Cum vero nimium graves abusus & defectus quodam cæremoniarum & rituum præscriptorum ignorantiam, diutius tolerari nequeant, ordinamus, ut nullus sub pœna reiectionis ad Sacerdotium aspirare præsumat, nisi fide digno doceat testimonio se ad rite celebrandum sufficienter esse instructum. Ac præterea inhibemus, ne quisquam Primitias celebret, nisi iterato constituerit Archi-Diacono nostro, vel sui districtus Archi-Presbytero, eum esse ad celebrandum juxta Rubricas & ritus ab Ecclesia præscriptos, debite versatum, idque sub pœna arbitraria. (o)

CAPUT VII.

Optamus in singulis Ecclesiis Parochialibus introduci consuetudinem signo campanæ ter de die, scilicet mane, meridie, & vesperi populum excitandi ad recordandum Resurrectionis, Passionis & Incarnationis Dominicæ, & in gratam memoriam tantorum beneficiorum convenientes oratiunculas recitandum. (p)

CAPUT VIII.

Exorta quoque aëris tempestate, campanæ pulsantur, tum ad tempestatem illam vi Divina, quæ ex solemnī prece, sacraque benedictione illis inest, depellendum, tum ut Fideles ad orandum, & Dei misericordiam piis orationibus implorandum, excitentur. (q)

CAPUT IX.

Dum Missæ Sacrificium celebratur, duæ semper candelæ cereæ in altari ardeant, nec unquam ei per mulierem inserviat. Celebrans quoque nec purificatoriis calicem ad sudorem vel faciem aut aliquid huiusmodi abstergendum abutatur. Nec pileum biretum, chirotecas, claves, cæteraque similia in altari ponat. (r)

CAPUT X.

Missæ Parochialis seu Conventualis diebus Dominicis & Festis in populo nequaquam sit de *Requiem* sive *Exequialis* pro Defunctis. (s)

CAPUT XI.

Pastores sedulo advigilabunt, & strenue adlaborabunt, ut Vigiliæ & Exequiæ Fidelium Defunctorum solemnius, tractim, graviter & devote decantentur, sub gravi multa in eos decernenda, qui in Officiis huiusmodi fuerint defectuosi. (t)

CAPUT XII.

Curent ubique Pastores, nec non alii, ad quos id pertinet, ut corporalia, purificatoria, albæ, ac reliquæ vestes Sacerdotes, omniaque paramenta altaris semper sint integra & munda, decenterque custodita. (u)

CAPUT XIII.

Vago & ignoto Sacerdoti, etiam Regulari, Missam celebrare non liceat, nisi ostensis testimonialibus vel commendatitiis literis sui Ordinarii; nec cuiquam omnino extra Ecclesiam vel Oratorium dedicatum, & a Nobis designatum ad Divinum cultum. (x)

CAPUT XIV.

Sacerdos Missam celebraturus, advigilabit, ut vino puro de vite sibi noto, non vero Hispanico, vino forte adulterato, vel alio simili liquore incerto & incognito utatur. (y)

CAPUT XV.

Ut jurgia & contentiones inter Parochos, quantum fieri potest, vitentur,

(m) Ordinat.

(n) Ordinat.

(o) Ordinat.

(p) Syn. Gand. tit. 11. c. 6.

(q) Syn. Gand. tit. 11. c. 7.

(r) Syn. Gand. tit. 11. c. 9.

(s) Ordinat.

(t) Ordinat.

(u) Syn. Mechl. tit. 12. c. 13. Ordinat.

(x) Syn. Mechl. tit. 12. c. 15.

(y) Ordinat.

tur, declaramus, eorum quemlibet posse quosvis extraneos in suis respective Parochiis casualiter defunctos (etiā si nulla eis administraverit Sacramenta) sepelire, & Exequias pro iisdem celebrare petentibus, vel negligentibus eorum hæredibus aut curam habentibus vel propinquis, non autem iis ante sepulturam re integra & citra negligentiam invitis. (z)

CAPUT XVI.

Ne Anniversariorum, vel aliarum piarum foundationum interdicat memoria; ea, quæ minus sufficienter dotata sunt, quamprimum ad convenientem numerum reduci volumus, requisito ad hoc consensu nostro, & sic reducta cum aliis in tabula ad hoc confecta vel conficienda, locoque conspicuo in Sacristia, aut alibi appendenda describi, certo aliquo die celebranda, & prævie sub concione populo annuntianda. (a)

CAPUT XVII.

Cœmeteria diligenter sepiantur & claudantur, ut equi, vaccæ aut porci in iis non pascantur, nec liba, vel placentæ, aut similia in iis vendantur, & ubi arbores in iis plantatæ, vel per radicum dilatacionem parietum fundamentis, vel per ramorum diffusionem tectis aut fenestris officiant, excidantur. Hedera quoque Ecclesiartum parietibus adhærens, prorsus evellatur. (b)

CAPUT XVIII.

Eos, qui sibi ipsis manus violentas intulerunt, aut in duello mortui sunt, quique in Paschate non communicaverunt, nemo in loco sacro sepeliat, sub pœna suspensionis a Divinis. In casu vero alicujus rationabilis dubii, Pastores recursum habeant ad Nos, aut Vicariatum nostrum. (c)

CAPUT XIX.

Nemo etiam pro iis, quorum cadaveribus Ecclesiastica denegata est sepultura, Officium Exequiarum cele-

brare attentet sub eadem pœna, & alias arbitraria. (d)

CAPUT XX.

Extra duellum occisorum corpora in loco sacro humari licite possunt, nec eorum Exequiæ differendæ sunt, usque dum inter homicidam & defuncti hæredes fuerit transactum. (e)

CAPUT XXI.

Dum Ecclesiæ mundantur, vel veruntur, non aspergatur pavimentum aqua benedicta, neque etiam illud aspersurus utatur vase vel aspersorio aquæ benedictæ. (f)

TITULUS XII.

De Festis & Jejuniis.

CAPUT I.

Pastores, vel eorum Sacellani, aut vicem gerentes, singulis diebus Dominicis sub concione vel Summo Sacro, etiam in singulis Missis, si plures uno die celebrentur, dies Festos & Jejunia ea septimana occurrentia, populo denuntiare non omittant. (g)

CAPUT II.

Parochi & Concionatores, prout & Catechistæ omnibus modis studeant eradicare corruptelam, non audiendi Sacrum diebus Festis, docendo & admonendo frequenter, auditionem Missæ æque præcipi, sub peccato mortali, diebus Festivis ac Dominicis. (b)

CAPUT III.

Doceant etiam non satisfacere præcepto Ecclesiæ, qui partem tantum Missæ audiunt, ante Elevationem, aut paulo post Ecclesiam exeundo: Et ne ipsi aliquam ejus occasionem præbeant, statis semper horis Officium inchoent, & nunquam diutius, quam per horulam concionentur. (i)

CAPUT IV.

Per totam Dicecesim nostram observari debent Festa sequentia, scilicet: Nati-

(z) Ordin. cap. Is, quæ de Sepultura in 6.

(c) Syn. Gand. tit. 11. c. 11. Ordinat.

(e) Syn. Gand. tit. 11. c. 13.

(g) Syn. Mech. tit. 13. c. 2. Ordin.

(a) Ordin. (b) Syn. Gand. tit. 11. c. 12.

(d) Syn. Gand. tit. 11. c. 12.

(f) Syn. Gand. tit. 11. c. 16.

(b) Syn. Gand. tit. 12. c. 1. (i) Syn. Gand. tit. 12. c. 2.

Nativitatis CHRISTI.
 Sancti Stephani.
 S. Joannis Evangelistæ.
 SS. Innocentium.
 Circumcisionis Domini.
 Epiphaniæ.
 Purificationis B. MARIE.
 S. Matthiæ Apostoli.
 Annuntiationis B. MARIE.
 Feria secunda & tertia post Pascha
 Resurrectionis Domini.
 SS. Apostolorum Philippi & Jacobi.
 Inventionis Sanctæ Crucis.
 Feria secunda & tertia post Pentecosten.
 Venerabilis Sacramenti.
 Nativitatis S. Joannis Baptistæ.
 SS. Petri & Pauli Apostolorum.
 S. Jacobi Apostoli.
 S. Laurentii.
 Assumptionis B. MARIE.
 S. Bartholomæi Apostoli.
 Nativitatis B. MARIE.
 S. Matthæi Apostoli.
 Dedicationis S. Michaëlis, Archang.
 SS. Simonis & Judæ Apostolorum.
 Omnium Sanctorum.
 S. Andreæ Apostoli.
 S. Thomæ Apostoli.
 Et denique omnes dies Dominici. (k)

CAPUT V.

Præter Festa superiori Capite enumerata, etiam celebrabitur in populo festum S. LIVINI Episcopi & Martyris per totam Civitatem Gandavensem, tanquam ejus Patroni, duodecima Novembris, alibi vero in Oppidis & Pagis hujus Diocesis, similia Patronorum Festa locorum, non autem Ecclesiarum particularium, celebrabuntur a populo. (l)

CAPUT VI.

Festum S. Matthiæ Apostoli, quandoque in diem *Cinerum* incidet, imposterum non transferetur in diem sequentem, nisi quoad Officium, in polo vero ipso die *Cinerum* celebrabitur. (m)

CAPUT VII.

S. RUMOLDUS Archi-Episcopus & Martyr, ac Patronus Ecclesiæ Mechli-

nienfis, tertia Julii, per totam hanc Diocesim Gandavensem Officio semiduplici, & S. Bavo Confessor, Patronus Ecclesiæ nostræ Cathedralis, Kalendis Octobris Officio duplici honorabitur, etiam per totam Diocesim. (n)

CAPUT VIII.

Decani & Pastores omnes & singuli, excepta hac Civitate Gandavensi, tempore messis & necessitatis dumtaxat, concedere poterunt licentiam operandi Dominicis & Festis diebus ab hora duodecima meridiana, nisi forsan ob auræ inclementiam, vel aliam urgentem & evidentem necessitatem amplior licentia necessaria fuerit: Parochi vero, exactam teneant notitiam licentiæ hujusmodi pro tempore dandæ, ut subditi a Ministris Curie inquietati, a multa & expensis sese valeant defendere. (o)

CAPUT IX.

Pie faciunt Pastores, qui diebus Dominicis & Festis celebratione Vesperarum & Laudum de Sanctissimo Sacramento, & de Beata Virgine, subditos suos a tabernis & illicitis occupationibus ac otio, ad Ecclesiam, res Divinas & lectionem Catechisticam pertrahere conantur, & ut omnes idem præsent in suis respectivè Ecclesiis Parochialibus, sub pena arbitraria præcipimus. (p)

CAPUT X.

Iisdem diebus agros, prata, reditus, equos, vaccas, aut similia vendentes, aut ementes, vel sub concione, Summo Sacro, vel Vesperis, quas præcipimus semper ubique cantari hora secunda pomeridiana; in tabernis potitantes, aut publicis lussibus vel tripudiis vacantes, denuntientur, pro qualitate personarum & modo scandali, puniendi. (q)

CAPUT XI.

Jejunari debet in hac Diocesi, non modo per totam Quadragesimam & in Quatuor anni Temporibus; verum etiam sequentibus Vigiliis, scilicet:

Nativitatis Christi.
 Pentecostes.

Nati-

(k) Syn. Gand. tit. 12. c. 3. Ordinat.

(l) Syn. Gand. tit. 12. c. 6. Ordinat.

Ordinat.

(g) Syn. Gand. tit. 12. c. 8. Ordinat.

(l) Ordinat.

(o) Ordinat.

(p) Syn. Gand. tit. 12. c. 7.

(m) Ordinat.

(p) Syn. Gand. tit. 12. c. 7.

Nativitatis S. Joannis Baptistæ.

SS. Petri & Pauli.

S. Laurentii.

Assumptionis B. MARIE.

S. Matthæi.

SS. Simonis & Judæ.

Omnium Sanctorum.

S. Andræ.

Ac insuper in die S. Marci, & totis tribus Rogationum diebus, Festum Ascensionis Domini immediate præcedentibus, abstinendum est a carnibus, & jejunandum usque ad prandium. (r)

CAPUT XII.

Festo Nativitatis Domini in Feriam sextam incidente, carnes comedere omnibus licitum est, qui voto vel professione non impediuntur, ab eodem autem Festo, usque ad Festum Purificationis, diebus Sabbatinis esum carniū permittit consuetudo, idemque licet ipso Festo Purificationis incidente in diem Sabbati, reliquis quoque diebus Sabbatinis totius anni, quando non jejunatur, inveteratus usus permittit esum adipis & jasculi carniū, at nullo modo farciminum, intestinorum, & extremitatum animalium. Et ut Nos contrariam consuetudinem, quæ in aliis quibusdam locis est, non damnamus, ita illi, qui ex hujusmodi locis huc commigrarunt, vel quacumque occasione hic agunt, consuetudini hujus Dicecisis se interim conformare, & esu farciminum, intestinorum & extremitatum animalium abstinere merito debent, & si quem forte contra fecisse cognoverimus, sine conniventia & acceptione personarum eum pro demeritis in aliorum exemplum puniri curabimus. (s)

CAPUT XIII.

Ipso die Cinerum, feria sexta *Quatuor Temporum* in *Quadragesima*, & feria sexta *Parasceves* non modo jejunandum est, sed abstinendum insuper a lacticiis. Cæteris vero diebus *Quadragesimæ* usus lacticiniorum permittitur, ita tamen ut ea gratia uti volentes, quotidie legant ter Orationem Dominicam, & toties Salutationem Angelicam, abrogata obligatione offerendi stufferum, prout antebac fuerat ordinatum. (t)

CAPUT XIV.

Quibus esum ovorum, vel etiam carniū in *Quadragesima*, aut aliis abstinentiæ diebus, judicio Medicorum necessarium esse cognoscemus, non erimus difficiles in eo permittendo; sed videant Medici, ne vel eorum, qui de hæreti suspecti sunt, simulationibus decipiantur, vel nimia facilitate attestandi, alienorum peccatorum sese reddant participes. (u)

CAPUT XV.

Caveant etiam, quantum poterunt, qui ob legitimam causam a jejunio excusantur, quibusve ovorum, vel etiam carniū usus permittitur, ne alios suo exemplo ad violandum jejunium, veritosque cibos comedendum provocent. (x)

CAPUT XVI.

Festum Annuntiationis B. MARIE, si quando inter Dominicam *Palmarum* & Dominicam *in albis* occurrerit, celebretur juxta receptam consuetudinem tam a populo, quam a Clero Feria tertia post Dominicam *in albis*; si vero in aliam quamlibet Dominicam *Quadragesimæ*, præterquam *Palmarum*, inciderit, celebretur feria secunda proxime sequenti, etiam a populo. (y)

CAPUT XVII.

Festum S. Marci Evangelistæ, quamvis in hac Dicecesi nostra imposterum non obliget populum ad audiendum Missam, nec ad abstinendum ab operibus servilibus; servandum tamen est quoad carniū abstinentiā & quoad jejunium usque ad prandium tam a Clero, quam a populo, prout Capite undecimo dictum est; itaque si in hebdomada Paschæ, vel in Dominica *Quasimodo* occurrerit, celebrabitur feria quarta post eandem Dominicam a Clero quoad Processionem, & quoad abstinentiā a carnibus & jejunium usque ad prandium tam a Clero, quam a populo. Similiter, si in aliam Dominicam inciderit, servabitur die sequenti. Quod si vero in feriam quartam post Dominicam similem *Quasimodo* translatum cum festis

X x x x 3

(r) Syn. Gand. tit. 12. c. 9.

(s) Syn. Gand. tit. 12. c. 10.

(t) Syn. Gand. tit. 12.

c. 11. Ordinat. (u) Syn. Gand. tit. 12. c. 12.

(x) Syn. Gand. tit. 12. c. 13.

(y) Syn. Mechl. tit. 13. c. 5.

festis Ss. Philippi & Jacobi, aut S. Crucis concurrerit, dicta processio, abstinencia & jejunium, sicut in diebus Rogationum, in feriam quintam transferentur. (2)

CAPUT XVIII.

Dies S. Huberti Episcopi & Confessoris incidens in diem Dominicam, transferetur in feriam secundam. Quapropter Parochi e suggestu eo anno annuntiabunt populo hujusmodi translationem, simulque horam Missæ in honorem ejusdem Sancti dicta feria secunda celebranda. (a)

TITULUS XIII.

De Sanctorum Reliquiis & Imaginibus.

CAPUT I.

NULLæ Reliquiæ publicæ venerationi exponantur, antequam a Nobis recognitæ & approbatæ fuerint. (b)

CAPUT II.

Pastores diligenter populum instruunt non ratione materiæ, formæ, vel ornatus, CHRISTI vel Sanctorum imaginibus cultum & venerationem exhiberi, sed propter eos, quos Nobis repræsentant. (c)

CAPUT III.

Nulla unquam in Ecclesiis, etiam exemptis, insolita imago ponatur, nec toleretur aliquid inordinati, profani, inhonesti, vel falsi repræsentans, neque in intima Altarium tabula vivorum effigies depingatur. Et Parochi contra imaginum lascivarum & obscenarum usum detestandum, frequenter sermonem instituunt. (d)

CAPUT IV.

Reliquiæ, vel Imagines Sanctorum numquam in processionibus deferantur, quantum fieri potest, nisi per Clericos Sacris initiatos. (e)

TITULUS XIV.

De Exorcismis & Superstitione.

CAPUT I.

EXorcizare nemo præsumat sine licentia nostra in scriptis obtenta, & tunc non utatur, nisi exorcismis Pastoralis nostri, vel Mechliniensis, & non aliis, nisi de speciali nostra permissione, neque feminæ alicui exorcismum adhibeat, quam in præsentia personarum probatæ fidei. (f)

CAPUT II.

Et ne populus interdum ad Laicos & Pseudo-exorcistas diffuset, ob Exorcistarum a Nobis admissorum paucitatem; declaramus omnes & singulos Parochos Nobis subditos, ejusmodi exorcisandi facultatem obtinere, quam hi nec alii unquam exercebant, nisi prævie sedulo inquisierint, an exorcismi sint necessario applicandi, & diligenter ante omnia observabunt ea, quæ in Pastoralis pro eorum instructione circa hujusmodi munera præscribuntur. (g)

CAPUT III.

Nemo ad morbos vel vulnera hominum aut brutorum curanda, superstitionis remediis utatur, vel super rebus deperditis aut super futuris eventibus, ac quibusvis secretis, Divinos, seu pro Divinis se vendicantes consultare præsumat; si quis aliquid horum fecerit, & monitus non abstinuerit, mox Curia nostræ denunciatur. (h)

CAPUT IV.

Mandamus omnibus & singulis Pastoribus, ut Curia nostræ denuntient omnes, qui super futuris eventibus, aliisque secretis responsa dant; prout etiam maleficos & incantatores, nec sinant eos, qui vulgo *Aegyptii* vocantur, in Parochiis suis hærrere, & multo minus superstitiones ullas exercere. (i)

CAPUT V.

Et quoniam rudis populus sæpe ex ignorantia superstitionibus inquinatur; Parochi subditos suos de illis doceant,

(2) Syn. Mechl. tit. 13. c. 6. Ordinat. (a) Ordinat. (b) Syn. Gand. tit. 13. c. 1.
 (c) Syn. Gand. tit. 13. c. 2. (d) Syn. Mechl. tit. 14. c. 1. & 3. Syn. Gand. tit. 13. c. 3.
 (e) Syn. Mechl. tit. 14. c. 5. (f) Syn. Mechl. tit. 15. c. 4. Syn. Gand. tit. 14. c. 12. & 3.
 (g) Ordinat. (h) Syn. Gand. tit. 15. c. 1. (i) Syn. Mechl. tit. 15. c. 2.

ceant, & inter cætera superstitiosum esse; expectare quemcumque effectum a quacumque re, quem res illa, nec ex sua natura, nec ex institutione Divina, nec ex ordinatione vel approbatione Ecclesiæ, producere potest. (k)

TITULUS XV.

De Usuris.

CAPUT UNICUM.

OB invalescentem passim corruptellam dandi pecuniam pupillarem ad usuram, seu mutuo, cum pacto percipiendi lucrum ad ratam denarii decimi sexti, retenta facultate fortis pro arbitrio vel certo tempore repetendæ; antiquum Statutum primi Conc. Provincialis innovantes, de verbo ad verbum illud ipsum hic inferendum duximus & observari mandamus.

" Quoniam Usura Jure Divino & Canonico omnibus Christianis sub poena peccati mortalis interdicitur, neque facienda sunt mala, ut eveniant bona; Synodus statuit & ordinat, ne quis Tutor aut Curator sub prætextu augmentandi patrimonii pupillorum, aut sub eorum curatela existentium, pecunias illorum sub certo lucro singulis annis ultra fortem recipiendo mutuum dent, retenta facultate repetendæ fortis, quando ad majorem ætatem pervenerint, aut Matrimonium contraxerint, aut alias ad illorum voluntatem & arbitrium, declarando omnes hujusmodi contractus usurarios; & contra (ut sæpe præmittitur) mutuantes, tamquam contra usurarios ad poenas juris procedendum." (l)

TITULUS XVI.

De Archi-Presbyteris, Pastoribus, Custodibus, eorumque Officiis.

CAPUT I.

Quia partem non minimam functionis Pastoralis concernit, in Ecclesia Dei canere, omnes & sin-

guli imposterum ad Pastorum aspirare volentes, docebunt se in Cantu Gregoriano seu Ecclesiastico; pro decenti muneris sui adimplerione sufficienter esse versatos. (m)

CAPUT II.

Adeptus Personatum, Pastorum, Capellaniam vel Matriculariam, ultra Professionem fidei, antequam cura animarum, vel possessio Beneficii aut Matriculariæ ei detur, faciet juramentum juxta formulas sibi respectivè convenientes, & in fine horum Decretorum adjectas, quatenus onus sibi impositum singuli attente perpendant, & sedulo pro juramenti adimplerione & conscientie exoneratione adlaborent. (n)

CAPUT III.

Archi-Presbyteri Ecclesias Decanatus sui quotannis circa Pascha & Pentecosten serio visitabunt juxta instructionem suam, tempore, quod visitationi destinabunt, Pastoribus tempestive præsignificato. Et ne occasione visitationum comessationes ullæ fiant, serio cavebunt. Acta quoque suarum visitationum nitide descripta & a se subsignata, quotannis ante Kalendas Junii ad Nos transmittent. (o)

CAPUT IV.

Archi-Presbyteri, quandocumque per Nos convocati fuerint, in Sacello nostro domestico se sistent, gratiam Spiritus Sancti nobiscum invocaturi, ac deinde audituri ea, quæ post mutuum collationem, maturamque deliberationem, pro utilitate animarum & fidelium Ecclesiarum regimine statuenda & ordinanda duxerimus. (p)

CAPUT V.

Præterea singuli Archi-Presbyteri celebrabunt annuatim Capitulum Pastorum sui districtus ordine & tempore hic designato. Archi-Presbyter Gandavensis celebrabit Capitulum suum prima feria secunda post festum Assumptionis B. MARIE; feria quarta immediate subsequente celebrabitur Capitulum *Teneramundanum*; hujus ferie secundæ

(k) Syn. Mechl. tit. 15. c. 3.

(l) Syn. Gand. tit. 15.

(m) Ordinat.

(n) Syn. Mechl. tit. 17. c. 1. 2. 15. Syn. Gand. tit. 16. c. 3. Ordinat.

(o) Syn. Mechl. tit. 17. c. 10. Syn. Gand. tit. 16. c. 2.

(p) Syn. Gand. tit. 16. c. 2.

fecunda proxima succedet Capitulum *Wafianum*, deinde feria quarta subsequente *Hulstense*; post illud prima feria secunda celebrabitur Capitulum *Everghemienſe*, ac deinde feria quarta *Aldenardense*, & subsequenti septimana feria secunda Capitulum *Donsanum*, ac feria quarta *Tiletanum*. Porro aliquo Festo in feriam secundam vel quartam incidente, celebrabitur Capitulum postriedie. (q)

CAPUT VI.

Hæc ipsa Capitula celebrentur, ut ea non ad comestandum, sed ad tractandum de rebus seriis indicta esse omnes intelligant; proinde in illis initium rerum agendarum sumatur ab invocatione Spiritus Sancti, quo dirigente, de rebus Ecclesiæ conferatur, prandium vero non fiat, nisi frugale & moderatum, ut nemo sumptibus vel potu graveatur; nec unquam in taberna vel diversorio instituatur, extranei quoque, per quos tractatio de rebus Ecclesiæ impediri possit, ab eo excludantur. (r)

CAPUT VII.

Atque ut prandium sit frugale & moderatum, Symbolum non excedat tres florenos, ad quod omnes Pastores tenebuntur, etiam quantumvis legitima ex causa absentes, a quibus æqualiter Symbolum solvi volumus, prout a præsentibus. Ac insuper ordinamus, ut multa eorum, qui sine causa in ipsa Congregatione a pluralitate votorum approbata abfuerint, ultra Symbolum, sit unius Libræ grossorum solvendæ, ad opus expensarum in tali Congregatione factarum. Et si qui forte ulterius contumaciter adesse Capitulo renuntiaverint, Curia nostra denunciabuntur, alia insuper pœna arbitraria puniendi. (s)

CAPUT VIII.

Mandamus & ordinamus, ut Pastores, Sacellani, & Beneficiati quicumque, Archi-Presbyteris respectue suis, Christianitatis Decanis, juxta Juramentum in adeptione Beneficii præstari solitum, tradant exactam specifica-

tionem bonorum, proventuum, ac jurium suorum respectue Beneficiorum, quod si diutius contra juramentum præstitum id facere distulerint vel recusaverint; defectuosi denuntiabuntur quamprimum Archi-Diacono nostro, sub multa trium Librarum grossorum ad id adigendi. (t)

CAPUT IX.

Atque ut in Ecclesiis Nobis subditis, quoad res animarum curam concernentes omnia ordinate fiant, volumus, ut debitus honor Archi-Presbyteris nostris, qui Pastores Pastorum sunt, exhibeatur ab omnibus, præsertim ab iis, qui ad curam animarum assumuntur; & eorum auctoritatem, dignitatem & superioritatem agnoscant: Sciantque nullas literas curæ animarum, deservituræ, vel Vice-Pastoratus imposterum cuiquam suffragari, nisi prævie Archi-Presbytero illius districtus exhibeantur, & ab eodem subſignentur. (u)

CAPUT X.

Archi-Presbyteri novas campanas benedicent, a Sacellanis non residenti-bus exigent quotannis exhibitionem licentiæ non residendi, & attestationem impleti oneris Missarum, & persolutorum censuum, quibus forte bona Beneficiorum gravantur, & hanc ipsam attestationem etiam requirent a Beneficiatis residentibus. (x)

CAPUT XI.

Cui deservitura dumtaxat cuius-cumque Pastoratus est commissæ, is quotannis uno mense ante festum Nativitatis S. Joannis Baptistæ literas suæ deservituræ Archi-Presbytero suo tradet, ab eo deinde cum cæteris similibus deservitorialibus ad Nos transmittendas, ut novas pro altero anno, quatenus opus fuerit, expediri mandemus, & a Decimis, aliisque bonis Pastoratus elocandis abſtinebit: ab Archi-Presbytero epim ob justas causas idipsum præstari volumus. (y)

CAPUT

(q) Syn. Gand. tit. 16. c. 4.

(r) Syn. Gand. tit. 16. c. 5.

(s) Ordinat.

(t) Ordinat.

(u) Ordinat.

(x) Syn. Gand. tit. 16. c. 6.

(y) Syn. Gand. tit. 16. c. 7.

CAPUT XII.

Quandocumque aliqui manserint defectuosi, qui Communioni Paschali non satisfecerint, Decani Christianitatis eos Curia nostræ. præmissa admonitione debita, denuntiabunt. (z)

CAPUT XIII.

Quoad cætera omnia officium Archi-Presbyterorum concernentia, sequentur singuli commissionem & instructionem suam. Et quæcumque in eis, & his Statutis seu Decretis nostris non continentur, ea sibi non permitti fiant, etsi forte aliquando permissa fuerint. (a)

CAPUT XIV.

Sæpe recogitent Pastores, se ad ovium suarum salutem omnes suas actiones & functiones pastorales dirigere debere, & sibi aliquando pro animabus earum reddendam rationem in strictissimo Dei judicio; ideo etiam earumdem salutem continuis precibus & quotidianis Sacrificiis Deo ferventer commendent; omnibus rite dispositis, non minus prompte ac benigne, quam reverenter Sacramenta administrent, atque ita grandiores pascant verbo Dei ac salutaribus monitis, ut parvulis quoque panem frangere non omittant, & in omnibus præbeant seipso exemplo bonorum operum, facti forma gregis ex animo. (b)

CAPUT XV.

Pastorum a suis parochiis absentias justis de causis restringentes, declaramus nulli eorum licere, ultra quatuor dies (inclusis nempe diebus exitus & reditus) abesse, nisi de licentia suorum respectivè Decanorum in scriptis obtenta. Quod si vero ad octiduum vel diutius abesse cogantur, nostrum erit hujusmodi facultatem concedere, nec tum demum licebit eis discedere; nisi prævie Decano, deinde populo significaverit, (*) cuinam vices suas durante absentia delegaverit. Contravenientes vero mulctari volumus toties, quoties libra grossorum, aut alia graviori pro modo culpæ & arbitraria. (c)

CAPUT XVI.

Imo nec ullus Parochorum unico die a sua parochia abesse præsumat, nisi præmonito Vicario suo, vel (si talem non habuerit) nisi vices suas delegaverit alteri Presbytero idoneo & a Nobis approbato, qui Decretis præsentibus similiter in omnibus subiaceat, ac hujusmodi delegationem Custodi suo significaverit, ut is in necessitate ad eundem Substitutum recurrat. (d)

CAPUT XVII.

Parochi piorum Legatorum diligentem curam habeant, & feriis monitionibus satagant, ut ante finem anni piis Fundatorum voluntatibus satisfiat, alioqui ii, quibus hoc onus incumbit, Nobis denuntientur. (e)

CAPUT XVIII.

Decretum sacri Conc. Trident. de solvendis Decimis in Ecclesiis ruralibus ab unoquoque Pastore, paulo ante messem e suggestu publicetur. (f)

CAPUT XIX.

Pastori, vel ejus vices gerenti diebus Dominicis & Festis Vesperas, vel Laudes Vespertinas solemniter decantanti, Custos in habitu decenti, & superpelliceo indutus, debite assistet, prout & Missam solemnem vel privatam quocumque anni die celebranti, ac paratus erit, quacumque hora (illi a Pastore significanda saltem quoad Missas) ut Pastori intersit in numeris pastoralibus ipsius auxilium requirentibus; cavebit igitur, ne sine Pastoris licentia sese absenter; imo si interdum ob negotia privata, domo sua abesse cogatur, mandamus, ut alteri idoneo & Pastori grato, vices suas committat, vel de absentia sua domesticos aut vicinos suos, vel ipsum Pastorem certiore reddat, quonam pergat, quatenus necessitate vel occasione urgente, facile valeat reperiri & advocari. (g)

CAPUT XX.

Collectoris vestigalium, cauponis, tabernarii, vel aliud vile & sordidum offi-

(z) Ordinat.

(a) Syn. Gand. tit. 16. c. 8.

(b) Syn. Gand. tit. 16. c. 9.

(*) Subintellige: is, qui licentiam obtinuit.

(c) Ordin. (d) Ordin. (e) Syn. Mechl.

tit. 17. c. 9.

(f) Syn. Mechl. tit. 17. c. 11.

(g) Syn. Gand. tit. 16. c. 13. Ordin.

officium exercens, ad defervituram Custodiæ non admittatur; nec bigamus, sine legitima dispensatione. (b)

CAPUT XXI.

Pastores ab omnibus ad suas Parochias commigrantibus, si eorum vitam & fidem aliunde cognitam non habuerint, exigant desuper literas testimoniales ultimi ipsorum Pastoris, quæ si non exhibeantur, Curia nostræ infnuent, ut eas exhibere compellantur, juxta Edicta Regia desuper emanata. (i)

CAPUT XXII.

Pastores omnes & singuli habeant librum status animarum juxta methodum hanc ex Rituali Romano transumptam:

Qui Sacramento Confirmationis sunt muniti, habeant hoc signum: CHR.

Qui ad Sacram Communionem sunt admitti: C.

Pueri, qui frequentant Catechismum: CAT.

Qui in Paschate communicaverunt: PASC.

Qui non communicaverunt: NON PASC.

Qui notorius est Hæreticus: HÆRE.

Qui suspectus: SUSPE.

Verbi gratia: Anno Die Mensis in Parochia N. in propriis ædibus vel in conductis ab N. habitant N.N. Filius N. annorum CHR.

C. Apollonia, ejus uxor, annorum CHR. C. Dominicus, eorum filius, annorum CHR. &c.

Idem fiet de Famulis, ancillis, & aliis.

Et quotannis, antequam Decanus visitaturus accedat, ipsi suam parochiam visitabunt, annotando distincte singulas familias in dicto libro, quem Decano visitanti debite confectum exhibebunt. (k)

TITULUS XVII.

De vita & honestate Clericorum.

CAPUT I.

Clericos beneficiatos habitum Clericalem juxta præscriptum sacri Conc. Trid. non deferentes, Archiepiscopi singuli in suo districtu, nostro nomine & auctoritate, legitime desuper moneant, mandentque iis, ut

mox habitum decentem assument & gestent, sub poena suspensionis ab officio, & fructibus, redditibus & proventibus ipsorum Beneficiorum; & non obedientium intra duos menses mox fructus, redditus & proventus omnes arrestent, ac iterato iis mandent, ut habitum honestum deferant, sub poena privationis Officiorum & Beneficiorum. Et si nec tunc quidem obedierint, denuntientur, ut per Officalem nostrum prævia unica citatione declarentur privati Officiis, & quatenus opus est, de novo priventur. Porro si ejusmodi Beneficiati extra Diocesim agant, vel locus habitationis eorum ignoratur, fiant prædictæ monitiones & mandata per Edictum publicum affigendum ad valvas Ecclesiarum, ubi Beneficia fundata sunt, & si sciatur, ubi Beneficiati agant, mittatur eis copia literarum Edicti. (l)

CAPUT II.

Quilibet Tonsuram habeat suo gradui & Ordini congruam, eamque semper conspicuam. (m)

CAPUT III.

Nemo Beneficiatus, vel in Ordine sacro constitutus, barbam gestet alutam, & quilibet Sacerdos ita insuper superius labrum rescissum habeat, ut Sanguinem CHRISTI sumpturo, non sit impedimento. (n)

CAPUT IV.

Neque edendi vel bibendi causa tabernas ingrediantur (nisi peregrinationis, vel alia necessitate compulsi) sub poena arbitraria; neque etiam prætextu contractuum ibidem celebrandorum, ad quas tanquam Notarii, vel alias publicæ personæ vocantur, quibus contractibus interesse in tabernis similiter prohibemus. (o)

CAPUT V.

Ut in hac hominum malignitate omnis Cleri suggillandi occasio adimatur, & scandalis tempestive occurratur; non tantum incontinentiam, sed omnem quoque ejus speciem unusquisque caveat. Ideoque si quis ancillam habeat,

(b) Syn. Gand. tit. 16. c. 12.

(i) Syn. Mechl. tit. 17. c. 3.

(k) Ordinat.

(l) Syn. Mechl. tit. 18. c. 4. Syn. Gand. tit. 17. c. 2.

(m) Syn. Mechl. tit. 18. c. 2.

(n) Syn. Mechl. tit. 18. c. 3.

(o) Syn. Mechl. tit. 18. c. 6. Syn. Gand. tit. 17. c. 3.

habeat, vel cum alia muliere sic conversetur, ut obloquium inde vel scandalum oriatur, ad monitionem nostram, vel Archi-Presbyteri sui, hanc ancillam abdicare, seu ab hujus mulieris familiaritate se subtrahere mox teneatur sub pena arbitraria. (p)

CAPUT VI.

In Primitiarum solemnitate a tripudiis & choreis, omnique alia insolentia abstineatur. (q)

CAPUT VII.

Scandalosum est Pastores, aliosque Sacerdotes ad psittacum jaculari, aut in locis publicis ludere pila palmaria. Ideoque etiam quilibet ab eo abstinebit sub pena arbitraria. (r)

CAPUT VIII.

Nullus Pastor, vel alius quicumque in Ordine sacro constitutus, fide jubeat, sciantque omnes Clerici, ipsis non licere ullo pacto fori privilegio renuntiare, & si renuntiaverint, nullam esse renuntiationem, in eosque ad sacrorum Canonum præscriptum agi posse ac debere. (s)

CAPUT IX.

Similiter Clericis & Presbyteris omnibus ac singulis prohibemus, ne imposterum aliquod testimonium ferant coram Judice laico, nisi obtenta a Nobis prævie in scriptis licentia. (t)

CAPUT X.

Clerici quoque Beneficiati, vel in Sacris constituti, decimas, census, prædia, aut terras alienas non conducant, quæstus faciendi gratia, neque ullam negotiationem exercent sæcularem, sub pena arbitraria. (u)

TITULUS XVIII.

De Beneficiis, & Officiis Ecclesiasticis, ac Beneficiatorum residentia & oneribus Beneficiorum adimplendis.

CAPUT I.

Re ipsa compertum est, per Beneficiatorum absentiam fructus Be-

neficiorum deperdi, & onera negligi; eapropter licentiam absentiae & literas de non residendo nemini suffragari volumus, qui non constituerit legitime Procuratorem, & quidem virum Ecclesiasticum Nobis subiectum, ad Nos, seu Archi-Presbyterum nostrum quotannis in visitatione, vel saltem ante festum Nativitatis S. Joannis Baptistæ sufficienter docendum de Missarum, & aliorum onerum adimplentione, ac de censibus & redditibus, quibus bona ipsius Beneficii gravantur, plene perlutis, aliisque similibus, (x)

CAPUT II.

Beneficiatis, siue resideant, siue non resideant, per se, vel per Procuratorem suum non docentibus, onera Missarum adimpleta esse, Archi-Presbyter fructus omnes ipsius Beneficii, cujus onera neglecta sunt, arrestari, & ipsum Beneficiatum, seu ejus legitimum Procuratorem coram Officiali nostro citari curabit, ad videndum dictos fructus arrestatos Ecclesiae pro implendis oneribus adjudicari. (y)

TITULUS XIX.

De Scholis.

CAPUT UNICUM.

Scholæ a Scholasticis, quibus subiectæ sunt, singulis saltem semestribus, alibi vero ab Archi-Presbyteris singulis annis serio visitentur, nec ulli omnino libri in iis prælegantur, qui a Nobis, vel Censore nostro non fuerint approbati. (z)

TITULUS XX.

De Elocatione & conservatione bonorum Ecclesiasticorum.

CAPUT I.

UT adeptus Pastorum, obligatur ad tradendum Archi-Presbytero specificationem omnium fructuum ejusdem sui Pastorum intra annum, prout exi-

(p) Syn. Mechl. tit. 18. c. 8. Syn. Gand. tit. 17. c. 5.

(q) Syn. Gand. tit. 17. c. 6.

(r) Syn. Gand. tit. 17. c. 10.

(s) Syn. Mechl. tit. 18. c. 1.

(t) Ordinat.

(u) Syn. Mechl. tit. 18. c. 5.

(x) Syn. Gand. tit. 18. c. 2.

(y) Syn. Mech. tit. 19. c. 4. Syn. Gand. tit. 18. c. 3.

(z) Syn. Mechl. tit. 20. c. 4. Ordin.

exigit juramentum ab eo præstitum, ita quoque adepturus, deinceps quodcumque Beneficium non curatum intra sex menses a capta possessione tradet Archi-presbytero suo plenam & perfectam specificationem omnium bonorum & fructuum ejusdem sui Beneficii, cum debita designatione hypothecarum, limitum, & terminorum, prout idipsum similiter se præstiturum jurabit, antequam possessio ei dabitur. Omnes etiam & singuli quæcumque & qualiacumque Beneficia curata, vel non curata in præsentiarum obtinentes, si plenam & perfectam designationem omnium bonorum, prout præmittitur, intra decem annos ultimo elapsos, Archi-presbytero suo non tradiderint; ut intra sex menses proximos a publicatione & distributione horum Decretorum id præstent in virtute sanctæ obedientiæ, ac sub pœna arbitraria pro modo culpæ & negligentæ mandamus. (a)

CAPUT II.

Atque ut bona Beneficiorum, quæ annuis censibus, & redditibus, aliisque oneribus gravata sunt, defectu solutionis non evincantur, quodcumque Beneficium curatum, vel non curatum modo obtinentes, vel deinceps obtenturi, dum tradent Archi-presbytero specificationem bonorum & fructuum sui Beneficii, simul etiam tradent specificationem censuum, reddituum, & aliorum quorumcumque onerum, quibus illa bona subjecta sunt, & illa ipsa onera omnia persoluta esse tempore visitationis per apochas, vel aliter sufficienter docebunt, sub pœna arbitraria. (b)

CAPUT III.

Porro singuli Archi-Presbyteri, ubi habuerint debitas specificationes omnium bonorum & fructuum singulorum Pastorum, & quorumcumque aliorum Beneficiorum sui Decanatus, non differant sibi conficere debitum registrum cum expressione onerum tam Misarum, quam censuum, & reddituum, & quorumcumque aliorum

ipsis Beneficiis incumbentium, & illud ipsum registrum mox Nobis exhibebunt, ut descriptam copiam in Archivis nostris conservemus. (c)

CAPUT IV.

Authorizamus etiam Archi-Presbyteros nostros, ad petendum nostro nomine a Possessoribus quorumcumque Beneficiorum Patronis, & quibusvis aliis literas originales, vel copias authenticas quorumcumque fundationum, & bonorum Ecclesiasticorum habentibus, easdem sibi exhiberi, & exhibere nolentes ad id debite compellendum juxta Articulum vigesimum secundum Edicti Serenissimarum suarum Celsitudinum pro faciliiori executione novissimi Concilii Provincialis anni 1607. emanati, & ad calcem horum Decretorum adjecti. Porro literæ originales, vel copiarum authenticarum quæcumque exhibebuntur, mox nitide & correcte describentur, & facta debita collatione, authenticabuntur, ut optime poterunt, sumptu Beneficii vel fundationis, cui servient. (d)

CAPUT V.

Ubicumque nulla, vel imperfecta bonorum fabricarum, mensarum S. Spiritus, aliarumque piarum fundationum sunt registra, ut ea quam citissime fiant aut perficiantur, recta administrandi ratio requirit, & non tantum quantitas terrarum arabilium, pratorum, sylvarum, hortorum, vivariorum, & cæterorum hujusmodi declaranda est, sed designandæ quoque hypothecæ cum earum Possessoribus quoad census & redditus, ac in omnibus exprimendæ limites & contermini. Ubi vero registra quidem sunt, sed non renovata intra quindecim annos; fiat quamprimum eorum debita renovatio. (e)

CAPUT VI.

Et quia injuria horum temporum multa interciderunt munimenta bonorum Ecclesiasticorum, ut iniquis debitoribus, quos imposterum forte solutionem denegare contingeret, obviceretur.

(a) Syn. Mechl. tit. 17. c. 2. Syn. Gand. tit. 21. c. 1.

Gand. tit. 21. c. 2. Supra tit. 16. c. 10.

(b) Syn. Mechl. tit. 17. c. 5. Syn. Gand. tit. 21. c. 3.

(c) Syn. Mechl. tit. 17. c. 3. Syn. Gand. tit. 21. c. 4.

(d) Syn. Mechl. tit. 17. c. 4. Syn. Gand. tit. 21. c. 5.

tur. Mandamus universis Beneficiatis hujus Dicecesis, ut singuli legitima faciant manualia, in quibus annuam solutionem ita signent, ut ex iisdem manualibus successu temporis legitima possessio probari possit; & hæc ipsa manualia quotannis a Decanis visitentur, ut Successoribus gratis relinquantur. (f)

CAPUT VII.

Census ac redditus quorumcumque granorum & leguminum, nec non vini, olei, halecum, ceræ, & similes, Ecclesiis, Beneficiis, fabricis, mensis pauperum, & quibuscumque piis locis debiti, in specie quotannis persolvantur, saltem non in certa semper, & eadem quantitate pecuniæ redimi permittantur. (g)

CAPUT VIII.

Quilibet Beneficiati in legitimis manualibus, quæ sibi conficere jubentur, dum annuas solutiones annorant, simul etiam causam seu contractum, cuius virtute singulæ solutiones receptæ sunt, nec non numerum annorum arrendæ adscribent, præsertim quoad bona data in emphyteusim. Exempli gratia:

Die Mense Anno Recepti a N. ratione talium bonorum (ea hic exprimentur cum iusta eorumdem quantitate & conterminis) ei datorum in emphyteusim, canonem viginti quatuor solidorum, qui cessit Kalendis Martii anno sexcentesimo quinquagesimo, & hic annus est vigesimus secundus talis emphyteusos. (h)

CAPUT IX.

Bona piarum foundationum, ad certos & determinatos usus relicta, aliis etiam piis usibus per Administratores eorum propria ipsorum autoritate non applicentur; sed si quæ foundationes, ob eorum tenuitatem, juxta voluntatem Fundatorum adimpleri nequeant, ideoque reductione opus sit, vel bona illarum ad alios meliores, aut magis necessarios usus converti, ad Nos, aut Sanctam Sedem juxta sacros Canones recurratur. (i)

CAPUT X.

Inventarium omnium ornamento- rum & utensilium, quod in singulis Ecclesiis Parochialibus & Sacellis fieri mandamus, non solum a Pastore, vel Rectore Sacelli, ac Ædituis; sed ab eo quoque, cui illorum custodia committitur, subsignabitur, qui & idoneam cautionem præstabit de illis fideliter custodiendis. Et quandocumque nova ornamenta comparabuntur, vel supellectili Ecclesiæ aliquid accedet, mox ea omnia inventario debite inscribentur. (k)

CAPUT XI.

Gazophylacia, sive trunci (ut vocant) oblationum tribus distinctis seris firmentur, & clavis una sit penes Pastorem. (l)

CAPUT XII.

Elocationes bonorum ad quæcumque Beneficia spectantium, anticipatis solutionibus non fiant; & si fiant, nullatenus Successores obligent, quocumque privilegio vel indulto fulciantur. (m)

CAPUT XIII.

Et cum subinde graves controversiæ oriantur super divisione fructuum Pastoratuum, (eorum nempe, quos accidit vacare per mortem possessorum) ejus anni, in quo vacatio illorum contingit; cupientes omnibus litigiis viam omnem præcludere: statuimus & declaramus, quod Hæredes seu Curatores domus mortuariæ cujuscumque defuncti Pastoris, de omnibus certis fructibus & emolumentis ad Pastoratuum hujusmodi pertinentibus, cessis vel cessuris intra annum inchoatum, scilicet a festo Nativitatis S. Joannis Baptistæ, & finitum simili festo alterius anni; Tenebuntur Successori, vel cuilibet ad id jus habenti, relinquere quotam hujusmodi certorum fructuum & emolumentorum correspondentem ratæ temporis computandæ a morte defuncti usque ad Festum S. Joannis immediate sequens; Foundationibus tamen Anniversariorum, Missarum, & similium munerum exceptis, quorum quisque

Yyy y 3

hono-

(f) Syn. Gand. tit. 22. c. 5.

(g) Syn. Gand. tit. 21. c. 6.

(h) Syn. Gand. tit. 21. c. 7.

(i) Syn. Gand. tit. 21. c. 8.

(k) Syn. Mechl. tit. 22. c. 6. Syn. Gand. tit. 21. c. 9.

(l) Syn. Gand. tit. 21. c. 10.

(m) Syn. Gand. tit. 21. c. 11.

honorarium percipiet, qui præstiterit officium. Quoad agros vero Pastortus cultos, vel seminatos a defuncto Pastore, si idem defunctus vixerit tota vigilia similis Festi, immediate postquam hujusmodi agros coluit & seminavit, tunc fructus omnes messis, seu collecti, seu colligendi pertinebunt ad domum mortuariam, ita tamen, ut Hæredes vel Curatores obligentur ad pretium conductionis eorundem agrorum pro illo anno, juxta cordatorum & intelligentium arbitrium & æstimationem faciendam. Quod si autem defunctus non vixerit tota vigilia prædicti Festi, iidem fructus messis, seu collecti, seu colligendi pertinebunt ad Successorem in eodem Pastoratu, vel ad quemlibet ad id jus habentem, ita tamen, ut domui mortuariæ præstentur impensæ simi, culturæ & feminis, juxta similem æstimationem. (n)

CAPUT XIV.

Post tres demum proclamationes debite factas, bona spectantia ad Pastortus, Capellanas, fabricas Ecclesiarum, mensas Spiritus Sancti, aliasque pias fundationes, ac pia loca elocari volumus; neque tunc quidem aliter, quam publice & plus offerenti, & danda cautione idonea a conductoribus. Casu quo tamen publicam elocationem propter collisionem incolarum loci, vel ob aliam causam rationabilem Ecclesiis, aut Beneficiis fore damno verosimiliter appareat, ommissis proclamationibus, secreto, vel e manu, ut vocant, præfata bona elocari poterunt; non minoris tamen, quam bona vicina ejusdem naturæ & qualitatis elocantur, nec aliter, quam etiam accepta idonea cautione, ac de licentia nostra, aut Vicariatus, vel saltem Decani loci. (o)

CAPUT XV.

Decimæ ad Capitula, Monasteria, aliaque pia loca, Pastortus vel Beneficia spectantes, ultra triennium non elocentur; prout quoque, quando separatim elocantur, non ultra sexennium, & terræ arabiles ac domus, non ultra novem annos; nec contractus ejusmo-

di elocationum renouentur, nisi finito biennio prioris contractus quoad Decimas; quadriennio quoad prata; & sexennio quoad domos & terras arabiles. Nec quis unquam prædictos terminos excedat, nisi observatis solemnitatibus, quæ ad alienationem rei Ecclesiasticæ de jure requiruntur, sub pœna nullitatis ipsorum contractuum, juxta Edictum Articulo vigesimo, & alia arbitraria. (p)

CAPUT XVI.

Non expedit Pastores ita cum Ædituis vel Communitate quoad competentiam convenire, ut ipsi Æditui, vel Scabini, vel quicumque alii, omnes fructus Curæ, & Fundationum recipiant, in subsidium honorarii Pastori annuatim persolvendi: inde enim fit, ut diversi fructus Curarum & Fundationum passim pereant, & plures in dies perituri merito timeantur, nisi opportuno remedio tempestive occurratur. Quare deinceps quilibet Pastores, si quo ad competentiam cum Ædituis, vel aliis convenire voluerint, ita dumtaxat id faciant, ut ipsimet Pastores omnia bona ad Pastortum suum, & Anniversariorum, aliasque fundationes spectantia, per se recipiant, oneraque fundationum expleant, & census ac redditus, quibus eadem bona gravantur, debite solvant; & id tantum, quod ad justam competentiam deest, ab Ædituis, Communitate, vel aliis, ipsis Pastoribus numeretur. (q)

CAPUT XVII.

Pastores, & quicumque alii Beneficiati domos Beneficiorum suorum integras conservent, ac debite reparent, nisi reparationes earundem ab aliis fieri debere & solere constet. Archiepiscopi illas singulis annis serio visitent, & quando eas reparatione indigere advertent, ea mox fieri mandent; & non obediens denuntientur Nobis, ut ad debitas reparationes faciendas, prout juris & rationis fuerit, compellantur; & pro præterita negligentia etiam puniantur. Si vero ad hujusmodi reparationes obligatos, iis nec-

(n) Ordinat.

(o) Syn. Gand. tit. 21. c. 12. Ordinat.

(p) Syn. Mechl. tit. 22.

c. 2. Syn. Gand. tit. 21. c. 13.

(q) Syn. Gand. tit. 21. c. 14.

dum perfectis, ex hac vita migrare, vel Beneficia sua resignare contigerit; bona domorum mortuariarum, eorumque, qui Beneficia dimiserunt, arrestentur, & arrestata maneant, donec ex perfectæ fuerint. (r)

CAPUT XVIII.

Rationes fabricarum & mensarum pauperum, aliarumque piarum foundationum singulis annis ubique reddantur, vel saltem, ubi tenuiores sunt earum proventus, singulis bienniis, & de decennio in decennium contineant plenam specificationem quantitatis, limitum & conterminorum, sylvarum, & pratorum, ac terrarum arabilium, nec non expressam designationem tam fundorum & ædium, super quibus redditus vel census hypothecati sunt, quam ædium & fundatorum iisdem hypothecis adjacentium & conterminorum. (r)

CAPUT XIX.

Certi quoque dies ad audiendas rationes ubique statuuntur, & si eorum, quibus rationum redditio incumbit, culpa vel negligentia evenerit, quo minus statuto tempore redditio illa facta fuerit, singuli eorum mulcentur, & multa applicetur fabricæ, mensæ pauperum, vel foundationi, cujus computus reddi debuerat. (r)

CAPUT XX.

Archi-Presbyteri, vel alii ad id deputandi, non tantum fabricarum & mensarum pauperum, sed etiam Hospitalium, domorum orphanorum, & quorumcumque locorum piorum computus semper audiant, ubi de jure & consuetudine id hæcenus fecerunt; & examinatis præcedentibus computibus videant, num eorum conclusiones debite purgatæ, seu reliqua eorum plene soluta sint, utque omnia debite administrantur, atque ut computus semper

in bona & convenienti forma describantur & audiantur, diligenter advigilent. (u)

CAPUT XXI.

Hospitalia in subsidium peregrinorum erecta, histrionibus, aleatoribus, aliisque id generis hominibus non pateant, nec in iis viri cum feminis versari permittantur, etiamsi se Matrimonio junctos esse asseverent. (x)

CAPUT XXII.

Quicumque habent Reliquias, ornamenta, munimenta, vel alia quæcumque ad Ecclesias, Hospitalia, Monasteria, aliaque loca pia diruta, vel deserta, sive Rectoribus destituta, quomodolibet spectantia, ad Archiva nostra deferre teneantur, ibidem conservanda. (y)

CAPUT XXIII.

Denique ut satisfiat Decreto Concilii Trident. Sess. 25. Cap. 10. quod jubet in singulis Conciliis aliquor personas qualificatas, & alioquin ad id apras designari, quibus præter Ordinarios locorum, causæ Ecclesiasticæ in partibus delegandæ a quolibet Legato, vel Nuntio, atque etiam ab ipsa Sede Apostolica committantur. Nominaus personas infra scriptas, earumque nomina, cognomina, & qualitates ad Suam Sanctitatem transmittenda statuimus.

Rdus Dominus *Cornelius Ooms*, Ecclesiæ Cathedralis S. Bavonis Decanus & Canonicus, Juris utriusque Licentiatu.

Rdus Dominus *Maximilianus vander Westyne*, ejusdem Ecclesiæ Thesaurarius & Canonicus, Juris utriusque Licentiatu.

FINIS.

Gandavi, ex Officina Balduini Manilii,
A. 1651.

Nobilis erat *Triesiorum* & antiqua inter Gandavenses familia, ex qua in lucem prodit ANTONIUS, Brugensis Cathedralis V., Gandavensis VII. Episcopus. Maximam illum domus Tristæ laudem & gloriam, quod *Havenstede* de *Erect. nov. in Belgio Epp. Comment.* præmittitur, Eucharisticon jure appellat. Generis enim sui splendorem tum virtutibus, tum scientiis non modo sustinuit egregie, sed mirum etiam

(r) Syn. Mechl. tit. 22. c. 7.

(s) Syn. Mechl. tit. 22. c. 8.

(t) Syn. Mech. tit. 22. c. 9.

(u) Syn. Mech. tit. 22. c. 10. Ordinat.

(x) Syn. Mechl. tit. 22. c. 11. ubi V

(y) Syn. Mechl. tit. 22. c. 13.

etiam in modum amplificavit. Virtutis jam inde a puero ædem ingressus, ac Juris utriusque tandem decoratus laurea, iter ad templum Honoris, veramque ad gloriam facile habebat. Magistratus in Republica sacra præstantissimos gessit. Ex Archidiacono factus Gandavi Decanus, e Decano Brugenſis Episcopus a. 1617. ad Leopoldi, Sermi Belgicæ Principis, cui a sacris Orator erat, nominationem creabatur. Nonnisi quinquennio Ecclesiam illam rexerat; cum revocatur in patriam, ac Sedi Gandavenſi Anſites præſicitur. Accepit Provinciam a. 1622. die 22. Martii, atque per annos triginta quinque ſapientiſſime adminiſtravit Præſul vita immortali digniſſimus. Obiit Episcopali in Palatio a. ætatis 81. Sacerdotii 66. Episcopatus 40. V. Cal. Junii a. Chriſti 1657, relicta omnibus jucunda, perennique nominis ſui memoria. Certe prudentiam optimi Præſidis, paterna conjunctam ſollicitudine, Decreta mox data, quibus inter cætera breve quidem, at multis lucubrationibus commentatum *vita Pastoralis Schema* adnexuit, poſteritati commendant, nec minori cum laude pietatem ipſius, liberalitatem, ac Religionem Cathedralis Gand. Baſilica, Teneramundana Collegiata, rurales Eccleſiæ pene omnes, & egenorum largiſſima ſubſidia, ab eodem fixa, vel hodie teſtantur.

Vide Cl. Beyerlinckium Magn. Theatr. vitæ humanæ Tom. III. in fol. pag. 243. & Caſtillionium Sacr. Belg. Chronol. Part. II. pagg. 513. & 521.

SYNODUS COLONIENSIS ARCHI-DIOECESANA

Anno Chriſti MDCLI. Innocentii X. Papæ VIII.
Ferdinandi III. Imp. XV.

DECRETA & STATUTA

SERMI ac REYMI PRINCIPIS ac DOMINI,

D. MAXIMILIANI HENRICI, (*)

UTRIUSQUE BAVARIÆ DUCIS, LXIII. ARCHI-EPISCOPI & PRINCIPIS
ELECTORIS COLONIENSIS,

De Proceſſionibus, de Ss. Miſſæ Sacrificio, de Sacramento
Ordinis, & Matrimonii,

EDITA

DIE 24. ET 26. SEPTEMBRIS.

† Claritatis, pulcrique ordinis gratia in quatuor Partes dividere hæc Decreta libuit. Notas, tum quod prolixiores erant, tum quod alibi modo impreſſæ, conſulto omiſimus.

MAXIMILIANUS HENRICUS, DEI & APOSTOLICÆ

Sedis gratia Electus & Confirmatus Sanctæ Coloniensis Eccleſiæ Archi-Epiſcopus, Sacri Romani Imperii Princeps Elector, & per Italiam Archi-Cancellarius: ejusdem Apoſtolicæ Sedis Legatus Natus: Episcopus & Princeps Hildeſenſis, & Leodiensis: Adminiſtrator Berchtesgadenſis: Utriusque Bavarie, nec non ſuperioris Palatinatus, Weſtphalie, Angarie, & Bullonii Dux: Comes Palatinus Rheni, Landgravius Leuchtenbergensis, Marchio Franchimontensis, &c. Venerabili Clero, & uniſverſis ac ſingulis Chriſti-Fidelibus Civitatis & Archi-Dieceſis noſtræ Coloniensis Salutem in Domino ſempiternam.

DECRE-

[*] Videſis de Maximiliano Henrico ſub finem Statutorum.

DECRETORUM SYNODALIU PARS PRIMA.

DE PROCESSIONIBUS.

CAPUT I.

Sanctitas Processionum ac Stationum &c.

I. SACRÆ & religiosæ Processiones nihil aliud sunt, quam supplicantis cætus sacro cum ritu & cæremonia ambulationes, tam in veteris, quam novæ Legis institutis fundatæ, & a præcipua, quæ in earum quibusdam adhibetur, Cæremonia, Theophoria, Litanía, vel Staurophoria, dici solent: supplicationes ab humili, demissoque procedentium habitu, corporis demissionis internæ indice; Theophoria a Sanctissima Eucharistia; Staurophoria a sanctæ Crucis signo, vel Dominicæ Passionis instrumentis deportatis; Litanía a Sanctis invocatis nominatur. His accedit subinde Statio, cum inter procedendum certo loco ad solennem aliquam cæremoniam procedentium mentes varietate quadam sacra excitantur, ne continua ambulatione fessi obtorpescant. Hæc nomina æque ac res per ipsa significatas ex antiquissimo Sanctorum Patrum instituto Catholica suscepit Ecclesia, vel ad inflammandam fidelium in penitentia operibus pietatem, vel ad commemoranda Dei beneficia, eique gratias agendas, vel ad Divinum auxilium implorandum; ideoque uti consuevit, & qua par est, reverentia ac pietate celebrari debent; continent enim magna ac Divina Mysteria, & salutares Christianæ pietatis fructus, quos eas pie exequentes a Deo consequuntur, de quibus fideles præmonere & erudire, quo tempore magis opportunum fuerit, Parochorum, Vice-Parochorum, Concionatorum, & Catechistarum est officium: Qui licet omnibus hominibus in genere sanctitatem Processionum suadere possint; speciatim tamen memores erunt modestiæ ac verecundiæ humanæ, neque virgines ad eas, nisi intra Civitatem suam, nunquam certe ad remotiores, ob pericula, invitabunt, monente tum prudentium usu, tum S. Hieronymo

scribente virgini: *Rarus, inquit, sit egres-
sus in publicum. Martyres tibi quærantur in
cubiculo tuo. Nunquam deerit causa proce-
dendi, si semper, quando necesse est, processura
sis.*

II. Processiones duplices sunt: alteræ statæ seu ordinariæ, alteræ imperatæ seu extraordinariæ. Prioris generis certis fixisque diebus per anni circulum in festo Purificationis Beatissimæ MARIÆ semper Virginis, Dominica Palmarum, in festo S. Marci, quæ Litania majores vocantur, ac triduo ante Ascensionem Domini, quæ Litania minores & Rogationes nuncupantur, nec non festo Ss. Corporis Christi, vel aliis diebus pro consuetudine particularium Ecclesiarum, etiam Regularium Ordinum, hætenus toleratæ seu permittæ, quæ nullo Ordinario Diocesano contradicente, obeuntur.

III. Posterioris generis sunt illæ, quæ ratione obortæ necessitatis ad placandum Deum, vel ad Divinam opem implorandam, vel in gratiarum actionem, jussu seu decreto Ordinarii Diocesani indicuntur. Non vero illæ, quæ absque certa scientia & consensu Ordinarii Diocesani ab aliquo Parocho, Vice-Parocho, vel Ordine regulari, seu Superiore Ordinis talis, quovis pietatis colore, instituuntur, uti amplius infra declarabitur.

IV. Cum igitur Episcopi Diocesani sit indicare, quando, quo, & qua, tam ordinariæ, quam extraordinariæ Processiones institui, dirigi, quasve ad Ecclesias nominatim perducere debeant. Laicis autem quibuscunque etiam jure civili Processiones publicas sine Ordinarii Diocesani licentia & consensu imperare sit interdictum. Nos Sanctionibus Apostolicis, & Sacræ Congregationis Cardinalium declarationibus inhærentes, omnibus & singulis Civitatis & Archi-Diœcesis nostræ Abbatibus,

Præpositis, Archi-Diaconis, Decanis, tam Collegialibus, quam Ruralibus, Pastoribus, Vice-Pastoribus, & quorumcunque Ordinum Provincialibus, Prioribus, Guardianis, & aliis quovis nomine nuncupatis Ecclesiarum seu Ordinum Regularium Superioribus, & aliis personis quibuscunque sæcularibus ac Regularibus, etiam quovis exemptionis a Dicecesani jurisdictione privilegio munitis, severissimis sub pœnis arbitrio nostro imponendis prohibemus, ne illorum quisquam ullam prorsus extraordinariam processionem, supplicationem, vel stationem in Archi-Dicecesis nostræ Urbe, oppido, pago vel agro extra suæ Ecclesiæ seu Monasterii septa, foris; multoque minus peregrinationem cum processione, seu processionem cum peregrinatione unquam & usquam, sine expressa nostra, nostrive Vicarii in Spiritualibus Generalis licentia, instituere seu obire audeat.

V. Contra sciant omnes prædicti, quantumvis exempti, tam Clerici sæculares in Civitate, vel Archi-Dicecesi nostra, qui Beneficiis, seu Officiis Ecclesiasticis gaudent, quam Regulares quicunque, etiam Monachi, Sacerdotes quoque, qui Ecclesiis Religiosis Ordinis S. Joannis Hierosolymitani inserviunt, se ad publicas processiones ordinarias, vel extraordinarias ex quacunque causâ, ordinaria nostra auctoritate Archi-Episcopali indictas, vocatos, accedere debere; & contumaces jussu nostro pœnis arbitrariis, aliisque juris remediis, quod vocati comparere detrectent, puniri posse; iis tantum exceptis, qui septis suis arctius clausi perpetuo vivunt; vel quos Sedes Apostolica excipit, quique ultra medium milliare Italicum a Civitate seu loco processionis absunt: hi enim ad processiones quascunque minime sunt compellendi, juxta Concilii Tridentini Decretum, ac desuper editas sacræ Congregationis Cardinalium declarationes.

CAPUT II.

Honestas & Ordo Processionum in communi &c.

I. **I**nsuper quam enixe a Decefforibus nostris Archi-Episcopis Co-

loniensibus laboratum fuerit, ut sacræ Processiones, Supplicationes, & Stationes, juxta pium sanctæ Matris Ecclesiæ Catholicæ institutum & mentem, honeste & secundum ordinem fierent; atque ab eis quidquid leve, petulans, lascivum, & enormibus per sepe flagitiis obnoxium erat, omnino amoveretur, quivis ex iis, quæ in Provincialibus, Dicecesanisque Conciliis, & diversis aliis Constitutionibus Archi-Episcopalibus editis, salubriter statuta sunt, abunde potest cognoscere; quæ proinde hic summatim excepta, ne exemplarium defectus, vel reperiendi ignorantia quenquam excuset, inferemus.

II. De iis itaque extat comprimis Concilii Provincialis sub HERMANNO V. anno Millefimo quingentesimo trigesimo sexto habiti, his comprehensa verbis sanctio: "Quod Processiones, inquit, per agros & campos peraguntur, rationem quidem habet, nempe, quod populus oret, ut segetes ac fruges terræ a Domino conferrentur. Verum ut alia plurima, ita & hic mos hominum malitia depravatus est, qui per occasionem talis deambulationis, quæ Deo placando erat instituta, pleraque scelera committantur. Quamobrem Nobis satius videtur, ut hæc, aliæque Supplicationes, ac processiones de cætero intra septa Ecclesiarum religiose fiant, ac ut in Templo, loco precationibus peculiariter dedicato, oreteur Deus, habeaturque tum pius, tum rei, ac temporis conveniens ad populum commonitorius sermo." Quæ etsi quibusdam prudentibus quiddam Reformationis, vel deformationis potius tunc in Germania perverse colore verbi Divini a Lutheranis attentatæ, & circumstrepentis redoleant; sanum tamen sensum non excludunt, si processionum ritus non damnetur, & malis moribus sublatis, usus bonus servetur.

III. Hoc sensu Catholico, hanc Concilii Sanctionem in usum revocamus, & severissime mandamus, ut ubi tanquam zizania triticum, sic abusus probos ritus obruerunt, ut non videatur ager Dominicus posse ab offenculis repurgari, ejusmodi processiones, in absinthium offenculorum convertæ,

se, omittantur, & loco depravati moris intra Templi, cœmeteriive, aut vicini tractus spatia, aut certe Civitatis, seu oppidi, seu pagi septa brevissimo circuitu contineantur: ne vel minima ullis comessationibus, potationibus, aliisque insolentis, lasciviis & iniquitatibus occasio præbeatur. Verumtamen omnes & singulos Parochos, Vice-Parochos, & Ecclesiarum Superiores serio admonemus, ut sint prudentes vel in talibus abrogandis, cum offendicula adverterint ordinaria evenire, vel retinendis, si magnis & multis abusibus possint occurrere.

IV. Eam rem & Concilium Provinciale sub nostro Decessore ADOLPHO III. Archi-Episcopo Colonienſi, anno millesimo, quingentesimo, quadragesimo nono celebratum, accuratius persequens, hæc, quæ sequuntur, constituit.

V. "Nihil prope, *inquiens*, tam sanctum est, quod sæcularium hominum vanitas non trahat in abusum: Ecclesia de thesauro Corporis Christi exultans, circumfert longis Processionibus, etiam extra sacras aedes, Hostiam illam salutarem, videlicet simul repræsentans itineris Christi historiam; qui, dum quæreret salutem nostram, in medio populi versatus est, & universam Judæam circumambulavit docens, & ægros sanans, Discipulis comitantibus: quamobrem & Sanctorum Reliquias & Imagines eorum, qui vestigia ejus secuti sunt, simul circumferimus, significantes illos nunc cum ipso regnare & triumphare in cœlis; quæ memoria debet piis esse jucunda & læta.

VI. "Verum huc sæcularis stultorum hominum vanitas irrepsit, & adhibentur etiam ludi profani & scurriles magno strepitu, ac quasi ad bellum procedendum esset, tympana pulsantur, & otiosa spectacula eduntur, rebus istis non congruentia; quibus populus delectatus, a rebus, quæ Processione aguntur, avocatur.

VII. "Mandamus idcirco, ut quicquid non valet ad devotionem excitandam, a Processionibus removeatur.

VIII. "Sed sint processiones compositæ, graves & modestæ; absint risus, joci & confabulationes, & orent homines, aut suaviter corde & voce modulentur.

IX. "Nec Beatæ Virginis, aut alterius cujuslibet Sancti plures, quam imago una uniuscujusque circumferatur.

X. "At ubi populus vanus noluerit abusum hunc corrigere, & insolentiam prohibere, mandamus & præcipimus Sacerdotibus & Clero, ne talibus Processionibus interfint, ubi iram Dei, non vero misericordiam in nos provocamus."

XI. Præmissa Nos omnia volumus ubivis locorum Civitatis & Archi-Diecesis nostræ Colonienſis a quibusvis quarumcunque Ecclesiarum seu Sæcularium, seu Regularium, quantumvis exemptarum, Abbatibus, Præpositis, Archi-Diaconis, Decanis, tam Collegialibus, quam Ruralibus, Pastoribus, Vice-Pastoribus, aliisque Superioribus, etiam Custodibus & Aedituis, sub indeprecabili a Nobis arbitraria pœna infligenda, exactissime observari, ita ut in nullis Processionibus, Supplicationibus, & Stationibus plures unquam, quam una, etiam Deiparæ Virginis, vel alterius Sancti statua & imago deportetur, nisi forte Sodalitia plura contingat esse, quæ sub diverso ejusdem Sancti titulo, uti Beatæ Mariæ Conceptoræ, Annunciatæ, Assumptæ sunt instituta, in his enim, ut ejusdem Sancti imago, vel vexillum sæpius circumferatur, præsertim si historicam differentiam imagines ipsæ præseferant, potest tolerari.

XII. Additum est in eodem sub ADOLPHO III. Archi-Episcopo Concilio, ut Visitatores inter cætera, pro Ecclesiarum & locorum diversitate, indaganda expresse inquirent.

XIII. "An in deportatione Venerabilis Sacramenti, quicquid ad veram devotionem excitandam parum valet, removeatur.

XIV. "An unius Sancti plures, quam una, imagines ad excitandam Sancti beatam & utilem memoriam, in ejusmodi processionibus circumferantur."

"ferantur: præsertim indignæ Sanctis,
"veluti ad sæculum magis, quam ad
"Sanctorum repræsentationem effigia-
"tæ ac comptæ?

XV. "An in Processionibus, Sta-
"tionibus & Supplicationibus publicis
"omnes, qui interfunt Clerici, devote
"orent, & cum gravitate religiose &
"suppliciter cantando incedant, & fi-
"nita supplicatione eo, unde processer-
"runt, revertantur, non curiose inte-
"rim circumspicientes, nec vacantes
"profanis colloquiis, nec ad jentacula,
"seu potationes dilabentes, vel alio
"deambulantes?

XVI. "An curent etiam, quando
"in solennibus Festivitatibus circum-
"ferenda est Hostia illa salutaris, quod
"tum omnes ludi profani, & quidquid
"non valet ad veram devotionem ex-
"citandam, removeatur: imprimis
"quod non pulsantur tympana, absint
"risus, joci, confabulationes, popu-
"lus autem oret: & quod unius tan-
"tum Sancti, non plures, quam una
"imago circumferatur: nec vagando
"per agros discurrant, præsertim Ro-
"gationum tempore."

XVII. Quæ item ab omnibus &
singulis Civitatis & Archi-Diœcesis no-
stræ Coloniensis Visitatoribus, Com-
missariis, & Decanis ruralibus nostris
quam diligentissime investigari; etsi
uspiam tales abusus repperint, gravi-
ter in delinquentes, & ita delinquenti-
bus consentientes, jubemus animad-
verti.

CAPUT III.

Processiones contrahendæ intra breviorem viarum circui- tum. &c.

I. Cæterum cum saluberrimis tam
prædictorum Provincialium &
Diœcesanorum Conciliorum, quam va-
riis fel. rec. FERDINANDI Decessoris
& Patruï nostri Archi-Episcopi Colo-
niensis Decretis de contrahenda Pro-
cessionum, Supplicationum, & Statio-
num circuitione, aliisque damnatis ejus-
modi offendiculis, & abusibus, multis
in locis nondum fuerit paritum, ipsa
tamen Augustissimi Sacramenti Eucha-

ristiæ præsentia & A catholicorum su-
per ejusmodi excessibus exhibitatio,
abolitionem eorundem efflagitet.

II. Hinc Pastoribus, Vice Pastori-
bus sub certa trecentorum florenorum
aureorum Rhenensium locis piis appli-
candorum, aliaque arbitraria poena
præcipimus, ne quis eorum, aut alio-
rum Ecclesiasticorum, Processionibus,
Supplicationibus, & Stationibus, per
agros seu campos ad aliquod milliaria
instituitis, & multis horis durantibus,
vel ad quas populus non tam orandi,
quam spectandi gratia confluit, vel in
quibus quasi ad speciem bellici appa-
ratus tympana pulsari, vel aliquæ in-
solentiæ & abusus a Nobis, seu Decef-
soribus nostris Archi-Episcopis Colo-
niensibus speciatim damnati, committi,
vel quædam inepta ac lasciva misceri
solent, interesse audeat, multoque mi-
nus Augustissimum Eucharistiæ Sacra-
mentum in iisdem per se, vel alios de-
portent, ne, uti supra dictum est, Dei
potius in nos ira, quam misericordia
provocetur, & dies jubili in luctum
& mœrorem, sicut, dum Arca, prostrato
subita morte Oza, deportaretur, factum
scimus, convertatur.

III. Præterea non tam pia, quam
damnata consuetudine, & superstitione
introducendum censetur, quod aliquibus
in locis puellæ nubiles, aliæve mulie-
res in Processionibus, Supplicationibus,
Stationibus, Crucem, Vexillum, sacras
Reliquias, Sanctorum imagines, vel
statuas, aut proxime ante Ss. Eucha-
ristiæ Sacramentum tædas gestent, ut
adoptato Connubio & Matrimonio po-
tiantur. Unde nimia plerumque in
comestationes, comotationes, tripu-
dia, oscula, & alios actus libidinosos
oritur profusio; quibus illecebris pro-
næ ad lasciviam puellæ ad nefanda faci-
nora perducuntur. Nos pro Archi-
Episcopalis nostri muneris debito, tan-
tis dehinc malis occursuri sub pœnis
suspensionis a Beneficio & Officio, aliis-
que gravioribus pro modo culpæ &
offendiculi arbitrio nostro infligendis,
prohibemus omnibus ac singulis Civi-
tatis & Archi-Diœcesis nostræ Abbati-
bus, Præpositis, Archi-Diaconis, De-
canis tam Collegialibus, quam Rurali-
bus,

bus, Pastoribus, Vice-Pastoribus, aliisque quorumcunque Ecclesiarum Superioribus, Custodibus, & Aedituis, Officiantibus, & Ministris, ne imposterum cujuscunque Processionis vel Supplicationis Crucem vel Vexillum, nec unquam sacras Reliquias, aut Sanctorum imagines, seu statuas in quibusvis Processionibus, Supplicationibus, vel Stationibus ab ullis cujuscunque status, gradus & conditionis puellis aut fœminis, adhibito etiam contra inobedientes & refractarios brachii sæcularis, si opus fuerit, auxilio, deferri permittant, sed quo major sacris ejusmodi rebus accedat veneratio, juxta Decessoris nostri fel. mem. FERDINANDI Archiepiscopi Decreta, ac nostra Statuta de Reliquiis Sanctorum; de Imaginibus sacris, nec non de Ordine solennis Supplicationis typis respectively vulgata, a Clericis Sacris initiatis ac linteatis, & aliis Ecclesiasticis vestimentis indutis (quoad ejus fieri potest) vel saltem, ubi Tumbarum seu Statuarum moles gravior robustiores bajulos exegerit, a piis honestisque viris sæcularibus, palliatis tamen & detectis capitis, omni reverentia & pietate, præcedentibus duobus cum acerris, qui thus continuo versus sacras Reliquias adoleant, nec non tædiferis saltem duobus latus utrumque stipantibus, quam decentissime curent circumferendas: quos bajulos honeste & decenter vestiti adolecentes, qui fulcra tumbis seu statuis supponenda portant, comitentur.

IV. Singulas Tumbas pro notitia pignorum sacrorum & excitanda pietate, puer Angelico Schemate, vel certe Ephœbi honorarii habitu anteibit cum inscriptione nominis, & si haberi possit, cum insignibus istius Sancti, cujus Exuvie deportantur. Sodales quoque ejusdem Sancti, si qui sint, aut alii ejus Clientes, vel ejus cultus augendi studiosi viri tædis accensis tumbam ambibunt. Duo minimum Canonici, vel Vicarii superpelliceis seu albis & pluvialibus induti, piisque orationibus & precibus intenti sacras quisque Ecclesiæ suæ Reliquias proxime subsequantur.

V. Insuper quia pie introducta consuetudo repræsentandi populo San-

ctissimam Christi Domini Passionem, gloriosa Martyrum certamina, aliorumque Sanctorum res præclare gestas, hac hominum perversitate eo deducta est, ut multis offensionem, multis etiam risui atque despectui sit: ideo prohibemus, ne in quibuscunque sacris Processionibus, vel Supplicationibus, vel Stationibus imposterum ullæ Sanctorum aut sacrarum historiarum, ne ipsius quidem Christi Salvatoris nati vel passi a personatis adolescentibus, aut aliis repræsentationes fiant, vel quidquam, quod possit intuentium animos, ab eo, quod in Processione, vel Supplicatione potissimum intenditur, ad se rapere, sed potius ea mysteria a Concionatoribus ex Cathedra gravi sermone rudi populo explicentur; vel imaginum decore pictarum & non sordidarum, aut imperita manu factarum ad viam expositione adumbrentur, non vero, ut dictum est, vivarum personarum introductione, quæ Christi & Sanctorum gesta nunquam ita exhibuerint, quin sancta vilescant.

CAPUT IV.

*De Statuis & Hierothecis aliis
a Theophoria excluden-
dis. &c.*

I. **T**amet si pium & laudabile sit, ut in communibus Processionibus, Supplicationibus, ac Stationibus deportentur Sanctorum, si quæ in Ecclesiis habeantur, Reliquiæ, vel sola imago Divi loci Tutelaris: in eis tamen Processionibus vel Supplicationibus, ubi Sanctissimum Sacramentum circumfertur, nullæ merito Sanctorum vel Reliquiæ, vel imagines, vel statuae juxta S. Caroli Borromæi præscriptum, nisi pia multorum locorum consuetudo aliud postulet, deportentur; de qua tamen consuetudine integrum erit Nobis, nostræ in Spiritualibus Vicario Generali, seu Decanis ruralibus cognoscere, an cum pietate vera, an persuasa consistat. Simpliciter vero nunquam & nusquam Capsulæ seu Tumbæ quantumcunque pretiosæ, in quibus vel nullæ sunt, vel non approbatæ sacre Reliquiæ, venerationis causa, in Processio-

cessionibus, vel Supplicationibus deferantur, aut Stationibus proponantur, vel in Ecclesiis ipsis populo exhibeantur.

II. Sanctissimum utique Eucharistiæ Sacramentum pie & utiliter ad populi pietatem interdum in publicis Processionibus ac Supplicationibus, potissimum vero in festo sacro Christi Corpori proprie consecrato, & per ejus Octavam deferretur: sed ne nimia frequentia debitam tanto Sacramento minuat reverentiam, rarius extra prædicta tempora id fiat, & non nisi in arduis causis pacis, aut publicæ necessitatis vel utilitatis, seu alias de licentia & consensu nostro, nostrive Vicarii in Spiritualibus Generalis, sicut diserte constitutum est a Concilio Provinciali Colonienfi sub NICOLAO CUSANO, S. R. Ecclesiæ Cardinale ac de latere Legato, THEODORICO Archi-Episcopo Colonienfi, Decessore nostro, his verbis id comprobante: "Ad majorem, inquit, honorem Sanctissimi Sacramenti statuimus, quod deinceps ipsum Sanctissimum Sacramentum nullatenus visibiliter in quibuscunque Monstrantiis ponatur aut deferatur, nisi in Sanctissimo festo Corporis Christi cum sua Octava, & extra hujusmodi Festum cum sua Octava, semel in anno, in qualibet Civitate, aut Oppido, seu Parochia, vel ex singulari indulgentia Ordinarii, aut alias pro pace, vel alia necessitate imminente, ex indispositione Rempublicam prægravante: & tunc cum summa reverentia atque devotione."

III. Insuper ad Processiones Corporis Christi decorandas, juxta exemplum eorum, qui ingressum Domini cum in Jerosolymitanam urbem ramis & vestibus suis oblati honorarunt, omnes viæ & plateæ, per quas Sanctissimum Eucharistiæ Sacramentum portabitur, mundentur, arboribus, ramis, frondibus, floribus, herbis odoriferis, gramine sternantur, decenter ornentur, Ecclesiæ, & parietes viarum tapetibus, auleis & sacris imaginibus, non autem profanis aut vanis figuris, seu indignis ornamentis. Et reliqua singulis Processionibus in Cæremoniali Episcoporum, ac Rituali Romano, seu Pro-

cessionali, seu Pastoralis ad usum Romanum accommodato præscripta, accuratissime servantur.

IV. In ordinariis ergo Processionibus sciant incolæ vias sibi esse curandas, in extraordinariis utique, quæ vel tempore, vel viarum transitu ab aliis differunt, Vicani potissimum monendi erunt, ut munditiam & ornatum in plateis suis procurent. Eam vero curam in Processionibus parochialibus Ædiles, in generalibus Præfecti dirigendis Processionibus constituti ejusmodi per ministros suos Vicanis denuncient domatim, aliove meliori modo, ne se excusare possint, si honestatem Christo debitam neglexerint.

V. Deputentur item primarii aliquot viri, pro portanda umbella, sub qua Sacerdos cum Sacrosancto Eucharistiæ Sacramento, processionis ritu incedat. Quandocunque enim in publicis processionibus Sacrosancta Eucharistia circumfertur, id nunquam posthac, nisi sub umbella fiat, quam honestiores Parochiani deferant, & quam Pastores, seu Vice-Pastores in qualibet Ecclesia, ubi deest, expensis fabricæ, vel ex fidelium oblationibus, quamprimum sibi comparent.

VI. Similem honorem, quoties ad infirmos deferretur, Sacrosancto huic Sacramento optaremus exhiberi, præsertim in Civitatibus, oppidis, & pagis, in quibus frequentior est populus, & ædes sunt viciniore Ecclesiæ Parochiali. Quod ut facilius Pastores, & Vice-Pastores exequantur, hortamur ipsos, ut in suis Ecclesiis Sanctissimi Sacramenti Sodalitium, cujus Sodales cæteris in pio hoc obsequio exemplo præluceant, curent erigendum. Quem in finem Quadraginta dierum Indulgentias iis, qui qualibet vice umbellam detulerint, in Domino elargimur.

CAPUT V.

Ss. Eucharistia, Reliquiæ & Statuæ non curru vel equi debentur. &c.

I. **M**aximopere dedecet Sanctissimum Eucharistiæ Sacramentum,

tum, Sanctorumve Reliquias, imagines, aut statuas in Processionibus, aut Supplicationibus a personis currui vel equis insidentibus circumferri. Quare ne quid in rerum sanctissimarum reverentiam peccetur, sub trecentorum florenorum aureorum Rhenensium, aliaque graviore pœna arbitrio nostro infligenda, prohibemus omnibus & singulis Civitatis & Archi-Diœcesis nostræ Abbatibus, Præpositis, Archi-Diaco-nis, Decanis, Pastoribus, Vice-Pastoribus, aliisque Ecclesiasticis quibuscunque, ne illorum quisquam deinceps in ulla unquam Processione, Supplicatione, aut Statione Sacrosanctam Eucharistiam, vel Sanctorum Reliquias, imaginem, aut statuam aliter, quam pedes, nullo autem modo currui vel equo insidens, deportet, seu a quocunque alio deportari permittat.

II. Eapropter ubicunque tam longi sunt Processionum, vel Supplicationum circuitus, seu Stationum distantia, ut Augustissimum Eucharistiæ Sacramentum, aut Sanctorum Reliquias, imagines, vel statuæ commode a peditibus nequeant circumferri, vel etiam populi pietas langueat, seu in itinere bibendi occasio præbeatur, eos ita contrahi, ad brevius spatium sub eadem pœna mandamus, ut omnis offendiculi & reverentiæ minuendæ tollatur occasio, & viarum longitudine pietatis ardor minime refrigescat.

CAPUT VI.

Choreæ, comessationes, strepitus profanus a Processionibus eliminandus. &c.

I. **M**ulto vero magis Nobis displicent comessationes, compositiones, tripudia, choreæ, pulsatis tympanis, quæ occasione festorum Sanctissimi Sacramenti, vel Dedicationis Ecclesiarum Parochialium solent institui. Fuerint olim eæ testimonia publicæ lætitiæ, gaudii que spiritualis, ut animo simul & corpore fideles, Davidis exemplo, exultarent in memoriam tantæ solennitatis in Civitate & Archi-Diœcesi nostra Colonienſi a quatuor & ultra sæculis, ex speciali Divinæ Ma-

jestatis beneficio institutæ, modo tamen ex morum corruptela, multis periculis lasciviæ & turpitudinis sunt obnoxia, præsertim illæ, in quibus personati vel larvati quidam, mutato sexus habitu, & ad luxuriam & levitatem quomodolibet compositi, choros ducunt. Quare districte injungimus, ut omnes & singuli Pastores, Vice-Pastores, Concionatores & Catechistæ salutaribus suis monitionibus populum generatim a comessationibus, compositionibus, choreis, tripudiis, tympanorum pulsu continentur avocare: quæcunque vero illis admisceri solent circumstantiæ, quæ lasciviam, scurrilitatem, & levitatem, vel quodcunque aliud peccatum redeant, severe prohibeant, & hujus nostri mandati & prohibitionis contemptores, multis & pœnis arbitrariis pro ratione culpæ & offendiculi, adhibito, si opus, brachii sæcularis auxilio, puniantur; præsertim cum quidam ita his capiantur, ut præcepti audiendi Sacri obliviscantur.

II. Salutares hujusmodi cautelas etiam adhiberi volumus in theatralibus historiis, in Templis & publicis Processionibus, Supplicationibus, & Stationibus, occasione similibus festivitatum exhiberi solitis, per quas scilicet Christi, Sanctorum, vel aliorum quorumcunque, sive vivorum, sive mortuorum personæ, miracula, vel res quomodolibet gestæ, repræsentantur, quas imposterum omnino volumus abrogari, vel nullis etiam cujuslibet Instituti Religiosis aliter permitti, quam prævio nostro, nostrive in Spiritualibus Vicarii Generalis, aut ubi id commode fieri non poterit, Decanorum ruralium, vel saltem Pastorum, seu Vice-Pastorum loci, examine & permisso: quorum erit diligenter attendere, ne quidquam in ejusmodi spectaculis, quod a veritate vel pietate sit alienum, quodque oblectet magis oculos carnis, quam mentis, exhibeatur: unde sæpe evenire intelligimus, ut populus ejusmodi ludis sic absorbeatur, & a vera pietate abstrahatur, ut cultus & reverentia Augustissimo Sacramento tunc maxime exhibenda, non sine offendiculo, pro dolor, negligatur, cum populus a de-
bita

bita ipsius ter maximi Sacramenti veneratione, & oratione ad curiosum ornatum puerilis, & quasi comicæ ejusdam actionis aspectum avocetur.

CAPUT VII.

Modestia Cleri, maxime Sacerdotum procuranda. &c.

I. **Q**Uæ de Processionibus, Supplicationibus, & Stationibus ad instructionem populi à Nobis supra decreta sunt, ea tanto religiosius ab Ecclesiasticis personis omnibus sive Sæcularibus, sive Regularibus observentur, quanto reliquis Christianis vitæ sanctioris professione altius eminent, ut in eos tanquam in speculum Laici oculos conjiciant, ex iisque sumant modestiæ ac pietatis exemplum, quod imitentur. Gravissimum enim illud offendiculi genus est, quod ad detestandum nomen Domini, & exprobrandum castris Dei Israel, veræ Fidei & Catholicæ Religionis hostibus isti præbent, qui Fidei Catholicæ præcipui cultores habentur, & in omni Christiani populi Processione seu Supplicatione non solum ne leviter quidem offendere, sed quos omnino decebat pro culpis & offensionibus suis & aliorum omnium sua præcellenti pietate sese Deo iracenti murum opponere, ejus lacrymis furor, sanctis orationibus, gemitibusque atque suspiriis suis placare debuerunt.

II. Quamobrem quod primum in Concilio Provinciali sub Decessore nostro ADOLPHO III. Archi-Episcopo Colonienfi, nulla adjecta poena, sancitum est: deinde in Diocesanis Synodis Colonienfibus sub eodem ADOLPHO III. Archi-Episcopo habitis, sub Divini interminatione judicii prohibitum est, ut, dum Processiones, seu Sanctissimo Sacramento, vel sacris Reliquiis & imaginibus deportatis aguntur, nemo adulatorum, qui hujusmodi processionibus interfunt, esu, potuve jejunium violet, antequam peracta cum timore Dei, piisque precibus processione, singuli ad domos suas revertantur, ac ne tum quidem comestationibus & symposiis indulgendum esse, sed cibum parce

cum gratiarum actione sumendum; ne gratia Divina, quam in sacris processionibus ambiunt homines, fœda ista temulentia duplicato crimine spoliarentur. Id vero ne suo exemplo in mores populi inducant, Clerici & Ecclesiæ Ministri, quos dolenter intelligimus, aliquando Laicos in hac re pravis moribus anteire, ita ut etiam Sanctus, ad cujus honorem die Festo ipsius processio fuit instituta, a gula populi vel Cleri exercita vorax, vel potator alibi proverbio blasphemo nominetur, ut ab aliis festivitatis ejusdem Sancti, vel cognominis Divi discernatur processionis celebritas ventri consecrata.

III. Quod idem sub Antecessoribus nostris ADOLPHO III. & FERDINANDO Archi-Episcopis Colonienfibus salubriter statutum est, ne Imagines sacræ sæculariter comæ, nec in Templis, nec in processionibus tolerentur; & ut quæ ad ornatum Supplicationum proponuntur, ejusmodi sint, quæ oculos spectantium non offendant: item quæcunque vel in Constitutionibus Apostolicis, vel in Conciliis Provincialibus, aut Synodis Diocesanis Colonienfibus, aliisque Sanctionibus hæc de re constituta sunt, singuli Ecclesiarum tam sæcularium, quam Regularium Prælati, Rectores, ac Superiores qualescunque a Clero & populo sibi subiecto exactissime faragant observari.

IV. Curent quoque Magistratum sæcularem, imminente Processionis vel Supplicationis die, tempestive præmoneri, si qua in re officium ejus desideretur; vel ad cohibendam & coercendam impiorum insolentiam, vel ad impediendum, ne in via, qua procedendum erit, esculenta aut poculenta quasi nundinarum & mercatus tempore exponantur & vendantur; vel ad removendam quæcunque alia, quæ ad excitandam veram pietatem nihil faciunt, sed potius ad vanitatem animos relaxant, & a sanctis cogitationibus avocant.

CAPUT VIII.

Canonicarum seu Canonissarum in Processionibus cultus. &c.

I. **Q**UOD Decreta Conciliorum tam Provincialium, quam Synodali-
lium

lium Colonienſium vetant, ne Canonice ſeu Canonice ſæculares nimis exquiſito utantur cultu, neve veſtibus pretioſis ſæculari modo compriſ & exculiſ: illud præcipue in publicis proceſſionibus, Supplicationibus & Stationibus fervari mandamus, eaſque in Collegiis ſuis veluti Scholis, virtutum palæſtra, omni pietate ac timore Dei ita cupimus exerceri, ut omni laſcivia, ſuperbia, ac levitate remota, animi demiffione, modeltia, verecundia, pudicitia, cæterisque virtutibus, quibus Chriſti Sponſas ornatas eſſe decet, vere nobiles & illuſtres appareant.

II. Unde quibuscunque malis moribus, abuſibus, & corruptelis in Proceſſionibus, Supplicationibus, & Stationibus exoriri ſolitis, pro Archi-Epiſcopaliſ noſtri officii debito deinceps mederi cupientes, diſtincte præcipimus omnibus ac ſingulis Civitatibus & Archi-Dioceſis noſtræ Colonienſis Paſtoribus, Vice-Paſtoribus, & verbi Dei Præconibus tam Sæcularibus, quam Regularibus, ut proximo feſto S. Marci, vel triduo Rogationum, quo ſtatæ Proceſſiones, decantatis majori & minori Lyraniis, juxta pium & laudabilem Eccleſiæ morem celebrari conſueverunt: nec non feſto Corporis Chriſti, & alio, quo aliqua habenda erit ſolenis Proceſſio, Supplicatio, ſeu Statio, Dominica ipſum Proceſſionis, Supplicationis, ſeu Stationis diem proxime antecedente, cauſam Proceſſionis, Supplicationis, vel Stationis ejuscemodi populo diſerte exponant, erroresque & abuſus in ea cavendos graviter inculcent, nec non ſerio exhortentur Chriſti fideles, ut omnes ad proſtendam fidem ſuam, ad celebranda Crucis Chriſti myſteria, ad honorandum Nomen Dei ſui, & ad precandum pro neceſſitatibus Eccleſiæ, reiſque publicæ conſervatione, magna pietate, animorumque concordia, ſub vexillo Crucis Chriſti pariter conveniant, conſiſtant, & procedant, atque nominatim ab abuſibus & vitiis in prædictis Deceſſorum noſtrorum & his noſtris Decretis & Conſtitutionibus damnatis, vitato curſu, fabulis, riſu, jociſ, ac a quavis alia levitate, a reverentia & Religione aliena ſibi temperent, ſed potius piis

Tomus IX. Concilior. German.

Orationibus, Litaniarum, aliarumque precum, cantui & recitationi, & myſteriorum, quæ in Proceſſionibus, Supplicationibus & Stationibus peraguntur, meditationi intenti, ex profundo intimoque animo Divinam implorent miſericordiam, ut nemini dantes ullam offenſionem, vituperationibus obloquentium non ſint obnoxii: digna enim reprehentione ab adverſariis fidei, & Catholicæ Religionis æmulis carpentur, & eorum vitio, linguæ impiæ, in injuriam Religionis ſe armabunt, ſi ipſorum mores in actu Religionis, a puritate Chriſtianæ profeſſionis diſcrepant.

III. Ut vero in Proceſſionibus, Supplicationibus, & Stationibus omnes debito, juxta cujuſque gradum, dignitatem, ſtatum & conditionem, ordine incedant, nec is unquam perturbetur, præſertim cum numeroſiore populo conſtant, in ſingulis Collegiis, Monaſteriis, ac Parochiis certi Magiſtri Cæremoniarum & Internuncii conſtituantur, qui ultro citroque comitantur, totumque Proceſſionis, ac Supplicationis corpus conjunctum ordine certo diſponant & contineant; Viris laicis in unum, ſceminis in alterum cœtum diſtributis, ne minus decore utriusque Cleri choro ſe miſceant. Huc valde conducunt Sodalitia, ſimilesque pii tituli, quibus per vexilla & imagines prælatas promiſcua plebs in certas claſſes diſtinguitur, pueri ac puellæ a natu majoribus ſeparantur, & per Catecheſes ac Scholas dividuntur.

IV. Denique quæcunque ad majorem Proceſſionis, Supplicationis, ſeu Stationis Solennitatem ac populi pietatem promovendam ſpectare videbuntur, iidem debita cum reverentia ſingulos Ordines obeundo, luſtrandoque omni diligentia ac ſollicitudine curent.

V. Præter hos ſingulis Collegiis & Monaſteriis adſint Miniſtri, qui ſigno aliquo, cum procedendum vel ſiſtendum fuerit, ſibi mutuo indicent; ita ut priores ad poſteriorum nutum ſeſe dirigant, omnes autem a poſtremo dependeant, qui continuo apud Sanctiſſimum Sacramentum remanebit: & ne hac de cauſa novo graventur ſumptu, poterunt Collegia ſuis Virgiferis aut

Aaa a a

Culto-

Custodibus: Monasteria autem aliquibus ex suis Ministris aut sacris personis provinciam hanc demandare.

VI. Ne aliqui ex Processionibus, Supplicationibus, vel Stationibus digrediantur, earumque ordinem suo discessu deformat, in usum revocamus Statuta Decessoris nostri FRIDERICI Archi-Episcopi Colonienſis, ut nimirum distributiones, quæ ratione Processionum, Supplicationum, aut Stationum dandæ sunt, non alijs dentur, quam qui servato legitimo Processionis, Supplicationis, vel Stationis ordine, in ea toto Supplicationis tempore perseverarint, & Ecclesiæ, in qua fit Statio, Chorum ingressi, ibidem usque ad finem Officii Divini religiose persisterint, & Divinis peractis, cum Cruce eodem ordine, quo venerant, ad Ecclesiam suam revertuntur; exceptis duntaxat his, quos vel necessitas, vel alia justa causa, iudicio Decani & Capituli, in Domino excusavit.

CAPUT IX.

Non turbanda sunt Officia Divina vel Sermones in Ecclesia, quam Supplicantē adeunt.

&c.

I. **C**Um in obeunda via, quam appellant, Romana, aliisque Processionibus & Supplicationibus publicis, per obvias Ecclesias transeuntibus, ut plurimum tam Officia, quæ in his Ecclesiis canuntur Divina, quam Sermones, qui ad populum habentur, istiusmodi Processionum & Supplicationum cantu & strepitu turbari cognoverimus, neque tamen minus optemus, has non nisi congruo decentique modo & ordine cum populi fructu sine offendiculo peragi. Omnibus Pastoribus, Vice-Pastoribus, Concionatoribus, & Catechistis, aliisque Ecclesiarum sive Sæcularium, sive Regularium Superioribus, & similium Processionum ac Supplicationum Præfatis & Moderatoriibus serio mandamus, ut populum & supplicantium cætum admoneant, quod licet per eas quidem Ecclesias Processionis aut Supplicationis ritu cum silentio modestiaque sine cantu & stre-

pitu transire possint, ibique preces fundere, in quibus Divina Officia decantantur, si tamen in eisdem Concio, Catechesis, vel exhortatio alia habeantur, quoad ejus fieri potest, ab earum ingressu abstineant. Habeantque ad manum Præfati Ministrum, qui præcedat, & quid in prænominatis Ecclesiis fiat, tempore exploret, & referat ductori vel primi vexilli aut tituli bajulo, ut is circum Ecclesiam via commoda defleat, quo melius tota Processio seu Supplicatio dirigatur. Quam diligentiam si Processionis Rector adhibere neglexerit, potestas erit Ecclesiæ illius Præfatis, vel Ministris inobedientibus huiusmodi & contemptoribus fores occludendi, ne turbaturi ingredi possint.

II. Quod si omnino Ecclesia præteriri non posset, quod tamen intra Coloniam dici non potest, unus Curatoris loco, vel ipse Curator aut Præfatus Processionis vel Supplicationis præ foribus Ecclesiæ impeditæ consistat, & opportune quemlibet clara voce precantem vel cantantem moneat, ut ob Concionem vel Divinum Officium fileat prius, quam Templi fores attigerit.

CAPUT X.

Temporis ratio aptanda Processionibus. &c.

Insuper severe prohibemus, ne Processiones lugubres de Passione Domini ulla ratione Sabbato sancto, post decantatum Alleluja instituuntur, nec tempore Paschali ea gerantur, quæ Hebdomadæ sanctæ aut Quadragesimæ conveniunt, sed omnium rerum ea ratio teneatur, quam S. Mater Ecclesia, maxime Romana, cunctarum Mater ac Magistra tenet & observat. Paschatis die aboleantur lugubria, quantumvis sacra signa Quadragesimæ, & vice versa tempore Passionis Domini removeantur lætitiæ festivæ, & plausus, maxime ipsa Hebdomada sancta, vitentur, & omnino spiritui sanctorum Patrum congruenter omnia temperentur.

CAPUT

CAPUT XI.

Abrogandi Hypodiaconi. &c.

I. **C**Um porro Ecclesiæ Catholicæ decus non solum in Processionibus, Supplicationibus, & Stationibus rite & recte, ac secundum ordinem superioribus Capitibus a Nobis præscriptum adornatis, verum etiam in respondentibus his Officiis Divinis atque Ecclesiasticis functionibus maxime eluceat, earumque gravi actione populi pietas foveatur, augeaturque. Ideo abolitum prorsus esse volumus (si vel ex parte aliqua alicubi in usu adhuc sit) festum Hypodiaconorum, quod stultorum vocant, omnesque nugas, levitates & abusus, qui hoc nomine in ullam Civitatis & Archi-Diœcesis nostræ Ecclesiam irrepsērunt, antiquamus.

II. Consuetudinem quoque seu potius detestabilem corruptelam, qua pueri a die S. Nicolai, usque ad festum Ss. Innocentium, personatum Episcopum suum colunt, cum ea puerilibus levitatibus & ineptiis plena cœperit esse, multumque gravitatis & decoris Divinis detrahat Officiis, prorsus abrogamus, & abrogatam esse omnino decernimus.

III. Præcipue vero sub pœna trecentorum florenorum aureorum Rhenensium, cujus dimidia pars piis usibus fabricæ Ecclesiæ, seu mensæ pauperum, altera Denunciatori & Fisco nostro applicabitur, aliaque graviore arbitrio nostro delinquentibus imponenda præcipimus, ne Clerus se pueris die Ss. Innocentium submittat, ac eorum locum occupet, & functiones in Divinis Officiis obeat, neque personatus Episcopus benedictiones aliquas faciat, alique pueri in cantandis Horariis precibus, Lectionibus & Collectis, Sacerdotum, Diaconorum, aut Subdiaconorum officia quædam usurpent, ne se puerilis ætatis Episcopus die, quo eligitur, vel munere suo defungitur ad se ostentandum, vel colligendam pecuniam mitratus, Baculo, & ornamentis cæteris Pontificalibus decoratus, cum personatis aliquot militibus per plateas equitet. Multo minus convenit, ut

Canonici & Vicarii ex Collegarum suorum numero aliquem ex ordine designent Episcopum; qui reliquos omnes, magnis impendiis, liberali convivio excipiat: ab his enim, cum sapiant Gentilium Saturnalia, eodem mense Decembri celebrata, quibus Domini servorum, & hi vicissim Dominorum suorum locis, muniisque gaudebant exiguo temporis spatio. Ab his ineptiis Christi Sponsam Ecclesiam, cum deceat esse liberam, severissime prohibemus, ne deinceps personati Episcopi lusu cum Pontificalis dignitatis & honoris detrimento pecunia in symposia profundenda corradatur.

IV. Similiter gravissimis sub pœnis vetamus abusum illum, quo in pluribus nostræ Archi-Diœcesis Ecclesiis Parochialibus, Fauni potius & Satyri, quam sinceri Catholici, sub specie spargendorum inter cantillantes pueros scholares, in secundis Vesperis Natalis Domini, bellariorum in magna quantitate poma, pira, & in eorum defectu alios Sylvestres fructus in domum Dei inferunt, seque sub Divinis in ipsa Ecclesia, vel extra eam in cœmeterio, aut alias honestas matronas & puellas, imo ipsum quandoque Parochum iisdem petulanter, Lupercorum veterum, gentiliumque more imperant, Ecclesias quippe, quæ Divino cultui deputatæ domus Dei sunt, & orationi dicatæ, maxime decet ab omnibus actibus profanis, indecoris & puerilibus immunes conservari, juxta Domini nostri JESU CHRISTI, eas severissime vindicantis, exemplar.

V. Et quia non tantum ridiculum, sed Religioni & sacris Ordinibus probrosum est, quod tempore Bacchanaliorum, vel alias, personati Monachi vel Moniales partim veræ mendicæ, partim vagæ parentum indulgentiæ filiæ per urbem volitent, Parochi, Confessarii, Catechistæ, Parentes, ipsosque pueros ab ejusmodi illiberalibus & impiis moribus arceant, constituto etiam in contumaces, per Magistratum sæcularem, justæ castigationis, pro modo culpæ, exemplo.

VI. Repræsentationes trium Mariarum visitantium Dominicum Sepulchrum, quæ nocte Resurrectionis Do-

minicæ, in quibusdam Ecclesiis fiunt. Item insolens illud tumultuarium, ut vocant, Dæmonum vel Judæorum exterminium in nocte Paschæ, cum potius in iis inveniamus, quod risum movere, pietatem impedire, sacras imagines & Ecclesiæ supellectilem deformare, quam pietatis aliquem affectum excitare possit, volumus prorsus intermitteri. Ritum vero & ordinem servandi feria quinta, sexta & Sabbato majoris hebdomadæ Officium Divinum, quo imago Domini in Crucem acti in sepulchro collocatur, eademque nocte Paschali levatur e tumulo, qui a Sancta Matre Ecclesia Catholica & Apostolica est approbatus, pie atque modo eodem volumus observari.

VII. Quem etiam in finem extra Gymnasia, seu Scholas, aut Sodalitatum Oratoria, nullæ imposterum Comædiæ, Tragædiæ, Historiæ, Ludivæ, Scenæ, ejusque generis actiones tempore Sacro, maxime Hebdomadæ sanctæ diebus exhibeantur. Quod si ejusmodi in Gymnasiis, seu Oratoriis ad promotionem Divini cultus prudentes censuerint aliquando producendas, id non nisi maturo consilio Superiorum, & siquidem sub dio, vel in propatulo, & promiscue patenti loco essent extra septa exhibendæ, ex nequaquam, nisi prius a Nobis, vel ab uno ex Deputatis nostris librorum Censoribus dili-

genter revisæ, atque Archi-Episcopali nostra auctoritate ordinaria approbatæ fuerint, permittantur: nec hæc tunc quidem uspiam Divinorum Officiorum tempore, nec in ulla Ecclesia, aliove loco sacro a quoquam, sub expressa supra pœna centum florenorum aureorum Rhemenensium, dimidiata parte piis usibus, fabricæ Ecclesiæ, seu mensæ pauperum loci, & altera Denunciatori & Fisco nostro applicanda, aliæque graviore pro delicti qualitate Archi-Episcopali nostra autoritate infligenda, in scenam producantur.

VIII. Sæcularium porro spectacula, scenæ & ludi, qui in nundinis a circumforaneis eduntur, cum & pagos atque oppida & urbes ejusmodi circulatorum expilent, hospites suos & fautores decipiant, obscenitatem & cæcæ juventutis illecebras inducant, vehementer in Domino hortamur civiles Magistratus omnes, ut hujusmodi nequitiis modum ac leges severas statuunt, ipsosque, si quid turpe & flagitiosum induxerint, gravissime mulctent, Fisco cunctis eorum instrumentis & lucris applicatis, imo personis eorum, si opus sit, apprehensis, & pro modo delicti castigatis, præsertim cum ejusmodi histriones, tacito vel expresso cum dæmone pacto, spectantium oculos fascinent, vel suos fucos præstigiis perniciosius vendant.

DECRETORUM SYNODALIUM PARS SECUNDA. DE SANCTISSIMO MISSÆ SACRIFICIO.

CAPUT I.

De cura Archi-Episcopi circa Sacra tractantes. &c.

I. **I**nter gravissimas Archi-Episcopalis nostri muneris curas, quo impensius exoptamus eos, qui in sortem Domini vocati, Christi militiæ dederunt nomen, spirituales Ecclesiæ Hierarchiam non perturbare, eo quorundam impietatem majori indignatione detestamur, ac sacrilegam temeritatem execramur, qui sacris Canonibus, Summorum Pontificum & nostrorum Decessorum Archi-Episcoporum Colo-

nienfium Decretis conculcatis, Ordines sacros contra jus & fas suscipiunt; & dum in Ecclesiasticorum Ministrorum cœtum per scelus irrepserunt, Dei cultui, animarum salutem, & iis omnibus, quæ ad tranquillam & uniusmodi Christianæ Reipublicæ gubernationem pertinent, plurimum obesse deprehenduntur.

II. Comprimis autem, gravi animi nostri molestia comperimus, quod com-

complures suæ salutis immemores, Deique timore postposito, ad Ordines sacros non legitime contendant, partim quod ante præscriptam ætatem, vel extra tempora ad id a jure statuta, & quidem diebus nec Dominicis, nec fori Festis, vel absque dimissoriis Antistitis sui Diocesani literis, ab Episcopo alieno, sine dispensatione Apostolica, sese curaverint ordinandos, partim etiam specie tituli, seu Beneficii Ecclesiastici, seu Patrimonii ficti vel fiduciarii, aut etiam falsi contra Sanctiones Canonicas, cum maximo bonorum omnium offendiculo, & status Clericalis opprobrio Ordines impetraverint; imo cum sic dolo, vitioque ordinati, a suorum Ordinum usu & exercitio ipso jure essent suspensi, atque ejusmodi suspensionis vinculo constricti, in iisdem Ordinibus ministrando, pœnam irregularitatis, qua non nisi Summi Pontificis auctoritate liberari queunt, incurrissent, præter alias pœnas, quas talibus generaliter jura decernunt; nihilominus ejusmodi censura irregularitatis affecti, suam patriam, in qua facilius horum notitia potuisset haberi, fugiant, & in Civitate & Archi-Diœcesi nostra Colonienſi sacrificent, Divinis fungantur Officiis, & Ecclesiastica proximis administrare Sacramenta non vereantur.

III. Detestabilis tamen maxime eorum impia videtur temeritas, qui Catholicam veritatem, qua tam ex Divina institutione & Apostolica traditione, quam Sanctæ Matris Ecclesiæ sanctione soli Sacerdoti rite consecrato potestas sit pro vivis & defunctis Sacrificium offerendi: sacrilego facto oppugnant, dum sacro Presbyteratus Ordine minime initiati Sacrum audent celebrare, nec solum idololatriam exteriorem, per externa & aspectabilia Religionis signa committunt ipsi, sed etiam Christi-fideles, qui eos ordinatos esse credunt, vereque Sacramentum Eucharistiæ conficere, subeunt ejusdem periculum, dum panem & vinum, uti verum Christi Domini nostri Corpus & Sanguinem adorant.

IV. Eapropter fel. mem. CLEMENTIS VIII. & URBANI VIII. Summorum Pontificum Constitutioni-

bus desuper editis inhærentes, statui-mus, ut quicumque sive Læicus, sive Clericus sæcularis, aut cujusvis Ordinis, Instituti, Societatis, aut Congregationis Regularis, licet immunitatis privilegio videatur ab Ordinarii Diocesani jurisdictione eximi, si tamen Divinæ hujus legis violatæ, ut atrocissimi scelers reus compertus fuerit, tanquam Ecclesiæ misericordia indignus a foro Ecclesiastico abjiciatur, & sacrorum Ordinum, si quos habet, gradu depulsus, Curia civili tradatur, Judicium sæcularium sententia debitis pœnis puniendus: quin nec hujusmodi reo privilegium ætatis minoris viginti quinque annis, dummodo vigesimum ætatis annum compleverit, valeat aut debeat suffragari, quo minus Decretis a præfatis Pontificibus Maximis pœnis subjiçatur.

V. Nos innumeris, quæ ex hac facinorosa Sanctissimi Missæ Sacrificii celebratione, potissimum autem ex minus Canonica Clericorum Ordinatione proveniunt, malis, quantum in Domino possumus, mature occurrere cupientes, quæcunque sacrum Oecumenicum Concilium Tridentinum, Summi Pontifices & nostri Deceffores Archi-Episcopi Colonienſes, de extraneo, vago, ignoto, seu peregrino Clerico, seu Sacerdote a sacris administrationibus arcendo, rite & recte sanciverunt, ea firmiter observari mandantes, omnibus iterum modis interdici-mus videlicet, ne quis extraneus, vagus, ignotus, vel peregrinus, imo nec quisquam ratione seu originis, seu domicilii, seu beneficii Archi-Diœcesanus noster ab alieno Episcopo ordinatus Sacerdos, etiam Regularis quomodocunque exemptus, in ulla Civitatis vel Archi-Diœcesis nostræ Ecclesia sive sæculari, sive Regulari, ad celebrandam Missam, Sacramenta ministranda, aut etiam prædicandum verbum Dei, aliasve sacras functiones admittatur, nisi exhibitio prius Episcopi sui, a quo consecratus est, testimonio, vel Superioris sui commendatitiis literis.

VI. Quod si a propria Diœcesi diu absens, in aliena commoratus fuerit, commendaticias etiam Ordinarii Diœcesani illius loci literas adferat, quibus

de Ordinatione sua legitima accepta, vitæ, morumque integritate, honesta conversatione, eruditione, ac titulo suæ Ordinationis, nec non celebrandi Sacrum licentia fidem faciat; doceatque nullo excommunicationis, irregularitatis, aliove Canonico impedimento se ab executione Ordinis prohiberi.

VII. Et ne aliquando suppositæ pro Ordinis functione literæ obtrudantur, omnium ac singularum Civitatis & Archi-Diœcesis nostræ Colonienfis Ecclesiarum Prælati, Superioribus, Pastoribus, Vice-Pastoribus, Presbyteris, Sacristis, Aedituis, Custodibus, aliisque Ecclesiæ Ministris quibuscunque præcipimus, ut deinceps nullum alterius Diœcesis, vel etiam nostræ Archi-Diœcesis ab alieno Episcopo ordinatum Sacerdotem ad Sacrosanctum Missæ Officium celebrandum, Sacramenta ministranda, vel etiam concionandum in suis Ecclesiis admittant, aut in Sacellum, Chorisocium, vel Cantorem recipiant, nisi prius ipsis scripto constiterit, quod huiusmodi testimonia & literæ commendatitiæ a Nobis vel nostro in Spiritualibus Vicario Generali visæ fuerint & examinatæ, quodque labor earum in his, quæ ad vitam, mores, doctrinam, nec non ad ritus & cæremonias Sacrificii Missæ pertinent, diligenter examinatus, & a Nobis, vel Vicario nostro antedicto ad Missarum celebrationem, aut Sacramentorum administrationem, vel concionem habendam fuerit approbatus & admissus.

VIII. Itaque Decani omnes tam Collegiarum Ecclesiarum Civitatis & Archi-Diœcesis nostræ, quam Rurales advigilent, qui suis in Ecclesiis, vel sub sui Decanatus districtu degant Pastores, ac Vice-Pastores, & hi, quos in suis Parochiis, seu Ecclesiis Sacellanos, Vicarios, Sacerdotes, Clericosve habeant; ab horum singulis, Decani quidem a sibi subiectis, Pastores & Vice-Pastores a suæ Ecclesiæ Clericis, prævia harum promulgatione, prædicta in scriptis documenta exigant, & hac semel vice ad Nos, vel antedictum nostrum Vicarium referant, vel fideliter referri faciant, intra proximos tres menses a die notitiæ huius nostri Mandati habitæ

numerandos, ut de legitimo eorum, qui modo in Civitate & Archi-Diœcesi nostra versantur, & in Ordinibus sacris ministrant, in Ecclesiam introitu, scientia, vita, & moribus Nobis constet, atque ab his, qui deinceps admittendi erunt, seu constanter in loco aliquo Archi-Episcopali nostræ jurisdictioni in spiritualibus subiecto commoraturi, seu ut peregrini in itinere futuri, hæc nostra Constitutio accurate observetur: ita ut nullus, nisi exhibitis supra commemoratis testimoniis, ad ullum cuiusvis Ecclesiæ, Civitatis & Archi-Diœcesis nostræ Ministerium sub gravi poena arbitrio nostro infligenda admittatur: sic enim lupis ab ovili Dominico abactis Ecclesiæ Hierarchia inviolate conservabitur.

CAPUT II.

De facinorosis Sacerdotibus. &c.

I. **C**UM Episcopi etiam ex sanctione Concilii Tridentini curare debeant, ne quis publice criminosus Sacerdos, aut sacro Altari ministrare, aut Sacris interesse permittatur; injungimus omnibus Ecclesiarum Prælati, Superioribus, ruralibus Decanis, & aliis universis animarum curam habentibus, Regularibus ac Sæcularibus, ut Archi-Episcopali auctoritate nostra publicos Concubinarios, Usurarios, Simoniacos, aliosque palam excommunicatos, criminosos Presbyteros ab Altaris ministerio removeant, alioqui tam illi, qui mortalis peccati publici rei celebrant, quam qui in hoc connivent, severe a Nobis punientur.

II. Ut inter septem Planetas splendidissimum jubar Solis, sic inter Ecclesiæ Sacramenta Sacrosancta Eucharistia eminet, quæ purissimum & lucidissimum justitiæ Solem reipsa & per se præsentem comprehendit, quam non nisi terfa & vitiis omnibus lethalibus expurgata conscientia licet percipere: idcirco Divino & positivo jure præceptum est, ne quis peccati mortalis conscius, quantumvis sibi contritus videatur, absque præmissa Sacramentali Confessione, ad Sacram Eucharistiam accedere audeat; quod præceptum in-

CAPUT III.

Uniusmodi Cæremoniæ Sacri inducendæ. &c.

violatæ a Laicis Communione Sacra reficiendis, majorique ratione a Sacerdotibus sacrificantibus mandamus observari, quoties adest copia Confessarii. Quod si urgente necessitate Sacerdos, absque prævia Confessione, excitata tamen prius contritione Missam celebrarit, ea finita, quam primum, ut definivit Oecumenicum Concilium Tridentinum, teneretur confiteri.

III. Si quis autem Presbyter pridie temulentus, aut in crimen incontinentiæ, aliudve publicum lapsus, rem Divinam facere non vereatur, pro violatâ Sacramenti & Sacrificii reverentia, datoque offendiculo, gravissime se fiat arbitrio nostro puniendum.

IV. Injungimus præterea omnibus & singulis Civitatis & Archi-Diœcesis nostræ Ecclesiarum tam sæcularium, quam Regularium Superioribus, & Ministris, ut nulli Sacerdoti Sacrificium Missæ suis in Ecclesiis celebrare, nullique Diacono vel Subdiacono solenniter inservire permittant, qui honesto habitu Clericorum & Ecclesiastico suo Ordini ac statui convenienti non sit indutus, capillisque abscissis, vel saltem decenter compositis, Clericalem etiam iustæ magnitudinis tonsuram seu coronam in vertice capitis sui pro uniuscujusque Ordinis, gradus, ac status conditione latam, eamque conspicuam non gerat; ac secunda vel tertia qualibet hebdomada, ac præcipuis anni Festivitatibus non faciat renovari; maxime cum pii etiam Laicorum animi Ministros Christi, more militum comatos, & calamistratos Sacris astare, vel inservire Altaribus horreant: & Concilium tam Oecumenicum Tridentinum, quam Provincialia & Synodalia Colonienſia declarent, nullum prima Tonsurâ initiatum aut etiam in Ordinibus sacris constitutum, fori privilegio gaudere, nisi Tonsurâ & habitu Clericali a Laicis distinguatur. Quam latam porro quisque pro ratione Ordinis, gradus, ac status sui coronam, promissamque vestem gestare debeat Clericalem, infra præscribitur.

I. Sicut una est Christi Ecclesia, sic omnia Ecclesiæ membra uniusmodi esse, & concordiam semper observare necessum est, maxime in Sanctissimo Corporis & Sanguinis Christi mysterio, quo multi, teste Apostolo, unum sumus. Quare ad præcavendam omnem varietatem, atque Cæremoniarum ac Rituum in Sacræ Missæ Officio confusionem, Episcopus Sacerdotes omnes a se recens ordinatos admonet, ut diligenter totius Missæ Ritus, ac sacre Hostiæ Oblationem, Consecrationem, Fractionem, & Communionem ab aliis jam doctis Sacerdotibus ediscant, priusquam ad celebrandam Missam accedant. Quia tamen eo non obstante experientia cognovimus, sæpe eos deligi Sacerdotes, qui magis egerent doceri, utpote Cæremoniarum ac Rituum, Romanæ præsertim Ecclesiæ, rudes & ignari, quam docere. Et cum in antiquis Missalibus Colonienſibus nulli certi Ritus aut Cæremoniæ præscribantur, nec extent ulli hujus Archi-Diœcesis aut Provinciæ libri Rituales, qui formam sacram illam ac tremendam actionem peragendi præscribant, tantam Cæremoniarum ac Rituum in hanc sacratissimam actionem tractu temporis varietatem, ignorantiam, neglectum & confusionem videmus irrepsisse, ut (quod omnes graviter offendit) quot sunt Ecclesiarum Ministri, tot pene videre sit in Ritibus atque Cæremoniis Sacrificii Missæ diversitates.

II. Unde merito vehementer agimur & dolemus hac etiam in parte statum Archi-Diœcesis ac Provinciæ hujus vehementer esse perturbatum. Cui malo ut fel. mem. FERDINANDUS Archi-Episcopus Colonienſis, Decessor & Patruus noster, pro Archi-Episcopali suo munere & auctoritate occurreret, Missale Colonienſe ad dispositionem Sanctæ Romanæ Ecclesiæ accommodatum edendum, eidemque plenissime generales & speciales Rubricas inferendas curavit, ut Cæremoniæ & Ritus eodem modo in Ecclesiis sibi

sibi subiectis observarentur; & ne Ecclesia nostra pie intenti operis fructu defraudaretur, in Synodo sua Coloniensi postrema omnibus in virtute sanctæ obedientiæ mandavit, ut amotis quibusvis aliis, sive jam antiquatis, sive peregrinis vel privatis, & omnibus singularum Ecclesiarum propriis Missalibus, deinceps novo Missali uterentur: iussit etiam, ut in omnibus Ecclesiis Collegiatis & Parochialibus, aliisque, ubi plures sunt Clerici, unus constitueretur, qui Cæremoniarum ac Rituum curam gereret, novos Sacerdotes Cæremoniis institueret; quique, ut omnia suo ordine, loco ac tempore fierent, advigilaret. Idem etiam singularum Ecclesiarum Superiores, Decanos, Pastores, Vice-Pastores, Rectores, aliosve quovis nomine vocatos, de Ritibus pravis certiores reddere teneretur, ut eorum auctoritate, quod interdum Cæremoniarum Præfecti corrigere non possent, in usum reduceretur; sed cum hæcenus salubre illud Decretum minus recte sit observatum, & difficillimum sit assueris desuescere.

III. Idcirco Archi-Episcopali nostra auctoritate iterum sub gravi eaque arbitraria pena severe prohibemus, ne quisquam deinceps Sacerdos secularis Primitias celebret, nisi prius generales ac speciales Rubricas & Rituum celebrandi Missam tam privatam, quam solennem, secundum præscriptum Missalis Romani diligenter perlegerit, atque sacris Missæ Ritibus & Cæremoniis, ab aliquo pio & erudito, Cæremoniarumque & Rituum Ecclesiæ Romanæ apprime perito Sacerdote, debite fuerit instructus; nec non easdem Cæremonias & Ritus se perfecte didicisse, Capitulo, vel Decano, aliive Superiori, cui subest, testimonio Instructoris sui legitime probaverit.

IV. Sub gravi item & arbitraria, ut ante, pena vetamus, ne ullus Civitatis vel Archi-Diœcesis nostræ Coloniensis Sacerdos, privatis affectibus ductus, aliis Cæremoniis ac Ritibus in Missæ Sacrificio utatur, plures scilicet Cruces, benedictiones, aut genuflexiones faciat, quam Missalis Romani Rubricis ac Regulis præscribuntur, sed omnes juxta ejusdem normam, vestium

collaribus lineis sub amictu seu humerali tectis, tremendum illud Missæ Sacrificium reverenter pieque peragant, modeste ac religiose in omnibus Sacrosanctæ Missæ Ritibus atque Cæremoniis Sanctæ Catholicæ & Apostolicæ Romanæ Ecclesiæ, cæterarum Ecclesiarum omnium Matri ac Magistræ, obsequantur: indeque normam sumant sacrificandi, unde fidei sumpserunt exordium. Idem sacra Rituum Congregatio in Decreto Missali Romano præfixo his inculcat verbis: " Demum renovando " Decreta alias facta, mandat sacra Congregatio in omnibus & per omnia " servari Rubricas Missalis Romani, non " obstantē quocunque prætextu, & " contraria consuetudine, quam abusum esse declarat. Et facta relatione " horum Decretorum S. D. N. URBANO VIII. Sanctitas sua annuit, & " ab omnibus ubique servari & in Missali Romano noviter imprimendo apponi mandavit. *Julius Respighiosus* " Secret."

CAPUT IV.

Mundities & honestas paramentorum sacrorum procuranda. &c.

I. **E**T ne Sacerdotum sordibus res sacrosancta in oculis quoque vulgi vilescat, & maledictio, quam Deus minuitur, opus suum negligenter facientes feriat, volumus, & quibuscunque Civitatis & Archi-Diœcesis nostræ Presbyteris severe præcipimus, ut omnes tremendum Missæ Sacrificium celebraturi, mundis honestisque Altaris ornamentis, vasis, calicibus, patenis Pontificali ritu consecratis, benedictis corporalibus, pallis, purificatoriis, vestibus item similiter benedictis, nitiis pariter & integris, Romano, aut saltem novo ad Romanum renovato Coloniensi Missali, nunquam solis candelis sebaceis in Altari, sed cum eis, vel sine eis, semper duobus minimum decentis formæ cereis, in Festis autem solennioribus etiam pluribus, ante evangelium S. Joannis, vel aliud, si dicendum fuerit, in fine Missæ plene lectum, non extinguendis, utantur.

II. Omnes etiam Sacerdotes deinceps

ceps velum ad cooperiendum calicem adhibeant, quod quo pretiosius, eo erit convenientius; item bursa seu involucrio utantur pro corporali in ea reconduendo, nec post Sacrificium Missæ peractum hæc, neque Missale unquam in Altari relinquantur, quod sicut & alia Sacerdotis indumenta ad Sacristiam aut armarium reportari, semperque suis claustris, ligulis, seu funiculis clausum, ut diutius mundum & integrum conservetur, præcipimus.

III. Severissimis quoque sub pœnis prohibemus, ne Sacrificans ullus, aut ejus Ministri in Altari, quando in eo Divina litatur Hostia, neque in principio, vel fine, quod valde indecorum censetur, strophium seu sudarium ad emungendas nares deponant: sed potius sub planeta seu casula e cingulo ad dexteram suspendant. Pileum vero, biretum, chirothecas, claves, Breviarium, Diurnale, & alios libros a Missali diversos, bexam, seu almutiam, vel epomidem Celebrantis, ut videatur Canonicus, vel id genus alia, quæ ad ipsum Missæ Sacrificium, vel Altaris ornamentum non pertinent, extra aram collocent, quin etiam casulam cum alba, amictu, cingulo & Missali, quæ Sacerdos ad Sacrificium adhibuit, ibidem relinqui vetamus, sed ad Sacrarium referri, & singula honeste complicata in scrinio aut armario recondi præcipimus sub pœna unius floreni Colonienfis a Pastore, seu Vice-Pastore, seu quovis alio Sacerdote ad opus fabricæ Ecclesiæ loci solvendi, quoties dicta instrumenta in Altari reperta fuerint: ea duplicabitur pœna, si superius dicta, vel alia, quæ ad ornamentum Altaris minime pertinent, in illo reposita, etiam extra tempus Divini Officii, patiantur: quod enim Regius Pſalter de Dei Templo enunciavit: *Domum tuam decet Sanctitudo Domine*. Id de omni sacrosanctæ Domus supellectile ad Missæ usum maxime directæ, quilibet exterioris, interiorisve mundicie cultor pie interpretabitur.

IV. Porro Sacerdotem celebrantem ob majorem honestatem ac decorem oportet esse caleatum, & caput ejus apertum ac nudum; "Nullus enim, inquit ZACHARIAS Pontifex Maximus,

Tomus IX. Concilior. German.

" Episcopus, Presbyter, aut Diaconus
" ad solennia Missarum celebranda præsumat cum baculo introire, aut velato capite Altari Dei assistere; quoniam & Apostolus prohibet viros velato capite orare in Ecclesia: & qui temere præsumpserit, communione privetur." Nec Episcopus Diocesanus, nec cujusvis Ordinis Prælati, ob senectutem Sacrificantis, loci frigus, infirmitatis, vel aliam similem causam licet manifestam, sine peculiari facultate Apostolica, potest sacrificandi capite recto pileolo, usque ad Consecrationem facere potestatem, id enim his verbis veratur: "Nemo audeat uti pileolo in celebratione Missarum sine expressa licentia Sedis Apostolicæ, non obstante quacunque contraria consuetudine." Sicuti videre est in Decreto sacre Rituum Congregationis, præfixo Missali Romano. Quo item Decreto diserte "prohibetur usus Rochetti, exceptis tamen, quibus de jure competit. Et præter hos, statui-mus & declaramus, nemini licere interficere, aut assistere in celebratione Missarum aut Divinorum Officiorum cum rochetto, neque cum cotta, id est, superpelliceo habente manicas angustas instar rochetti; & idem servandum est in concionibus." Quæ omnia in quibuscunque Civitatis & Archi-Diœcesis nostræ Colonienfis, præsertim cujusvis Ordinis Regularium, Ecclesiis diligenter & inviolate præcipimus observari, nullo exemptionis, vel quovis alio privilegio, quavis etiam verborum forma concepto, illis suffragante.

CAPUT V.

Damnatur Tabaci usus ante Sacrificium. &c.

I. **A** pud pios maxime censetur indecorum, ante Missæ Sacrificium a Sacerdote Tabacum sumi, tum ob periculum illud in stomachum trajiciendi, tum ad pravam hac in re quorundam Ecclesiæ Ministrorum consuetudinem, quæ etiam plebeis offendiculo solet esse, eliminandam.

II. Idcirco sub pœna gravissima, arbitrio nostro imponenda prohibemus,

B b b b b

ne

ne ullus Sacerdos, sive Sæcularis, sive cuiusunque Ordinis & Instituti Regularis qualiscunque Sacrosanctum Missæ Officium celebraturus, Tabacum, sive solidum, sive concisum, aut in pulverem redactum, ore, seu naribus, vel fumo per tubulos, seu qualicunque alio modo, etiam specie medicinæ ante Missæ Sacrificium, nec quævis alia persona ante Sacram Communionem hauriat vel percipiat; nam, ut ait S. Augustinus, "placuit Spiritui Sancto, ut in honorem tanti Sacramenti, prius in os Christiani Corpus Dominicum intraret, quam cæteri cibi." Idem de usu Tabaci, si eum invalescere vidisset, dixisset, eoque magis, quo teter odor, quem eo utentes afflare in concursu hominum vicinis solent, præ cibus aliis vehementius offendit alios.

CAPUT VI.

Vitandi in Sacrificio, tempus Officii Divini. &c.

I. **C**UM manifesti Clericorum percussores, etiam non denunciati, vel ob quamcunque causam excommunicati declarati, item usurarii, & alii criminosi publici, ab omnibus Christi-fidelibus, præsertim in Missæ Sacrificio, vitari debeant; caveant Sacerdotes, ne illis præsentibus rem sacram peragant, sub pœna suspensionis a Divinis, & alia arbitraria eo ipso incurrenda. Quod si moniti ab Ecclesia discedere noluerint, id statim Præfesto, seu Magistratui loci, ne illorum protervia cultus Divinus negligatur, insinuetur.

II. Quo Christi-fideles Ecclesiæ præcepto de Missa audienda facilius queant satisfacere, serio mandamus, ut in omnibus Curatis & Vice-Curatis Archi-Diœcesis nostræ pagorum Ecclesiis non Collegiatis, Dominicis & fori Festis diebus Missa Parochialis certa & eadem semper hora fiat, æstate quidem a festo Paschæ usque ad festum S. Remigii hora octava, hyeme vero a festo S. Remigii usque ad Pascha hora nona. Missa autem matutina in æstate hora quinta, hyeme hora sexta, sicuti alibi etiam præscripsimus, peragatur, præmissa tamen singulis prædictis Missis

trina campanarum pulsatione; porro dimidiatæ vel saltem quadrantis horæ intervallum inter unum & alterum pulsus intercedat, ut Parochiani juxta locorum distantiam, etiam remotiores, in Ecclesia sua Sacrificio Missæ, & verbo Dei audiendo tempestive possint interesse, sub gravi pœna arbitraria a seculis facientibus incurrenda. Missa matutina finita, solliciti etiam sint Pastores, & Vice-Pastores, ut pauperes, mendici, famuli, ancillæ, atque alii mechanici Catechismo informantur in his, quæ sine suæ salutis periculo ignorare non possunt. Caveant item Sacerdotes, ne tempore concionis hujus matutinæ sive etiam Pastoralis sacrificent, sicque auditores a Concione seu Catechismo audiendo avocentur. Vesperas quoque, justas ob causas animum nostrum moventes, in eisdem Ecclesiis Parochialibus quovis tempore, singulis diebus Dominicis & Festivis, eadem nempe secunda, vel alia commodiori pomeridiana hora jubemus decantari, nec ullum Pastorem, seu Vice-Pastorem ab illis decantandis ea de causâ volumus excusari, quod filiales, ut vocant, Ecclesias seu Capellas duntaxat possideant.

III. Ut populo major quotidie Deo serviendi sit opportunitas, curabunt Ecclesiarum Superiores, Pastores, aut eorum vices gerentes, ubi magna est Missarum frequentia, ut per singulas dimidiatas, aut saltem horas Missa fiat: qua in re ad omnem evitandam confusionem, nunquam plures una hora simul ad Altare convolent, ne reliquo tempore nullus in Templo Sacerdos Sacrificium offerens reperiat, sed ordinate alter alteri succedat, quibus ex officio sacrificare incumbit, certamque sibi horam in catalogo Celebrantium apte concinnato; & in Ecclesiæ Choro vel Sacrastia affixo, præscriptam habeant; illi vero, qui pietatis studio Sacrum facturi sunt, si priores per spatia diversâ sacrificabunt, idem intervallum observabunt; sin autem sine aliqua temporis intermissione alius alium ad sacrificandum subsequatur, nec post, nec ante illos Sacrificium offerre his integrum sit, ita cum prioribus concurrant, ut tamen non eodem temporis momento, nisi in parte duntaxat Ecclesiæ,

clesiæ, si magna illa fuerit, longissime ab aliis diffita: una cum iis ad Altare accedant, sed vel ad lectionem Evangelii, vel post factam Corporis Christi elevationem, Sacrum inchoabunt. Id ipsum & in Monasteriis fieri exoptamus, ne dum simul plurimi Sacris operantur, decori domus Dei, aut Mysteriorum venerationi & gravitati non nihil decedat, sed omnia ordine, summaque cum honestate & dignitate in Dei Ecclesia peragantur, sic enim sacris Mysteriis major accedet reverentia, populo vero ad Templum quotidie venienti commodior erit Sacri statim audiendi occasio.

CAPUT VII.

Locus Sacrificii proprius. &c.

I. SAnctus FELIX primus nominis hujus Papa & Martyr, vetuit a quoquam, nisi Sacerdote, & nusquam, nisi locis Deo consecratis (nisi forte aliud extrema necessitas exigeret) Missam fieri. Idem ab aliis Summis Pontificibus atque Conciliis fuit confirmatum, quibus visum, fatius esse, Missam non audiri, quam hanc loco non sacro celebrari.

II. Nunc vero, quod concedi consuevit desiderii diuturno morbo laborantium, de Missa in privatis ipsorum ædibus interdum celebranda, paulatim extra fines præscriptos excessit, & in apertum tandem abusum contra sacros Canones degeneravit. Huic occurrit malo Concilium Tridentinum, statuitque, ne quis sæcularis aut regularis Sacerdos privatis in domibus, atque omnino extra Ecclesiam, & ad Divinum tantummodo cultum dedicata Oratoria, ab Ordinariis locorum Episcopis designata & visitata, sanctum Missæ Sacrificium peragat.

III. Quæ ordinatio ut exactius pro rei gravitate observetur, severissime inhibemus omnibus & singulis Civitatibus & Archi-Diœcesis nostræ Abbatibus, Præpositis, Archi-Diaconis, Decanis tam Collegialibus, quam Ruralibus, Pastoribus, Vice-Pastoribus, ac Presbyteris tam Sæcularibus, quam Regularibus quibuscunque, etiam quoquo modo exempis, ne quisquam ob

Tomus IX. Concilior. German.

antiquam quamcunque consuetudinem, statutum, aut privilegium deinceps dictam Concilii Tridentini Sanctionem transgrediatur; nec in privatis ædibus, aut omnino extra Ecclesiam seu Oratorium Divino duntaxat cultui dedicatum, & per Nos, vel nostrum in Pontificalibus Vicarium Generalem Archiepiscopali nostra auctoritate designatum & visitatum, Sacrosanctum Missæ Officium ulla ratione celebret; mandantes pariter cujuscunque status, gradus, conditionis, & dignitatis personis sæcularibus quibuscunque, ne per aliquos Presbyteros, etiam quomodocunque exemptos, suis in ædibus Sacrificium Missæ aliqua ratione celebrari petant aut patiantur. Si quis autem hoc Decretum Tridentinum & prohibitionem nostram violarit, tam Sacrificans, quam is, qui ipsum ad celebrandum requisivit, aut in privatis suis ædibus admisit, arbitrio nostro graviter punietur, Apostolico privilegio, quo ei facultas id faciendi indulta erit, ne tiquam suffragante, nisi illud prius Nobis, aut Generali nostro in Pontificalibus Vicario exhibitum, & ab eodem Archi-Episcopali nostra auctoritate fuerit approbatum. Pastores interim & Vice-Pastores subditos suos, qui diuturno morbo detenti Ecclesiam adire non possunt, doceant, ut illas suas pie preces jungant, qui corpore præsentibus Divinis interfunt Officiis, & ad excitandam pietatem, observent Divinorum Officiorum tempora, vel campanarum pulsum, quo ea, quæ tempore Missæ in Templis peraguntur, indicantur, & ubi corpore adesse non possunt, corde & piis orationibus sese præsentent. Quod dum religiose faciunt, salutaribus hujusmodi ordinationibus, per quas antiqui Canones in usum revocantur, obsequendo, majora veræ pietatis facient incrementa, quam si importunis precibus Missas intra domesticos parietes celebrandi consensum extorserint.

CAPUT VIII.

Calicum, vasorum sacrorum materia. &c.

I. CAlices stannei, quorum usum in Missæ Sacrificio periculoso hoc belli

belli tempore non absque dolore nostro permisimus, simul atque meliora tempora affulserint, omnino tollantur, eorumque loco, si non aurei, argentei saltem substituantur, aut certe superior eorum pars seu cuppa sit argentea inaurata, maxime ubi non est periculum ab hostibus aut prædonibus: sicubi vero ejusmodi periculum, vel extrema Ecclesiarum pauperies, aliave necessitas stanneos retinere jubet, ii singulis quindecim diebus, vel singulis minimum mensibus diligenter mudentur & defricentur. Calices autem, patenæ, pyxides, hierothecæ & ciboria cuprea, vitreave, aut lignea penitus removeantur, quia illa ob vini virtutem celerius æruginem, quæ vomitum provocat, contrahunt, hæc fractioni facillime sunt obnoxia.

II. Quandoquidem prohibitionibus Apostolicis refragatur, patentibus nude collaribus lineis, cum annulis, chirothecis, manicis, etiam hyeme frigoris arcendi causa, Sacrosanctum Missæ Officium celebrare, vel Crucem aliquam sive auream, sive argenteam, sive ex alio metallo ante pectus suum suspendam, etiam extra Missam palam deponere; hinc severe inhibemus, ne ullus Civitatis & Archi-Diœcesis nostræ Colonienfis Sacerdos, etiam Præpositus, Archi Diaconus, Decanus tam Collegialis, quam Ruralis, Doctor Proto-Notarius Apostolicus, Canonicus, Pastor, Vice-Pastor collaribus lineis detectis, aut, nisi sit Episcopus vel Abbas jus baculi ac mitræ deferendæ habens, anulum in digito, aut manus chirothecis, sive manicis tectas, gestans, Sacrificium Missæ celebrare, vel extra illud Crucem in pectore, nisi quibus id ex speciali privilegio Apostolico competit, palam deferat; si autem secus quisquam fecerit, is Nobis, aut Generali nostro in Spiritualibus Vicario, non tantum ipsius collaris, annulive, seu Crucis, chirothecarum & manicarum privatione, sed etiam graviori pœna arbitraria pro ratione delicti puniendus, denunciatur.

CAPUT IX.

Laici Sacri Ministri. &c.

I. **I**N Missis necessario adhibendi sunt Ministri, saltem privatis in Missis unicus, qui totius populi nomine Sacrificanti respondeat; ac vinum, aquamque porrigat. Et ne Ministri hujusmodi male vestiti (quemadmodum ætate pene nudos pueros Scholares in hac Provincia reperire est) vel pannosi & foetidati contra Sacrificii Divini reverentiam adhibeantur; volumus, ut sint honeste, vel palliati, vel superpelliceis induti, quæ in defectum ex antiquis Sacerdotum albis conficiantur, vel ex communibus fabricæ Ecclesiæ redditibus nova parentur; ferventurque eum aliis sacris vestibus in Sacratio, ac publicis Ecclesiæ sumptibus crebro abluantur. Detestabilis verò est consuetudo, quæ in quibusdam Archi-Diœcesis nostræ locis viget, ut Sacerdotes tum Sæculares, tum Regulares, maxime in pagis, Missam sine Ministro respondente celebrent, eam ubi vis locorum, tanquam ab Ecclesiæ traditione & Apostolicis Constitutionibus abhorrentem mandamus, sub gravissima pœna arbitrio nostro insignenda omnino abrogari, & eandem hoc nostro Decreto sancimus esse abrogatam.

II. Cum Minister in Missis adhibendus debeat esse mas, non mulier, nulla prorsus fœmina cujusvis ætatis, aut conditionis, nec Sanctimonialis quidem in Monasterii sui Ecclesia, Sacrificanti ministret, aut Clerici Sacerdoti Sacris operanti Ecclesiæ nomine respondentis officium usurpet; nec Sacerdos ullus eam admittat; sed potius abstineat a Sacrificio, aut si gravior Sacri faciendi necessitas urgeat, sibi ipsi Sacerdos ministret & respondeat; satius enim est sine Ministro, quam fœmina ad Altare respondente & urceolos porrigente, &c. celebrare. Tanti est fœminam abesse a Sacrificio, etiam Religiosam.

III. Dum Missa in quacunque Civitatis vel Archi-Diœcesis nostræ Ecclesia, Subdiacono vel Diacono ministrantibus, cantatur, sacro Subdiaconatus vel Diaconatus Ordine insigniti, debi-

debita Clericali Tonfura, sacrisque vestibus juxta Ordinem quique suum ab aliis sint distincti, nec unquam a Sacerdote, cui inserviunt, ne quidem ut Chorum cantu juvent, recedant, sed ad finem Sacrificii eidem ad Altare assistant, aut si Celebrans sedeat, hinc inde utrumque ejus latus confidentes claudant. Assistant autem locis & modo in Rubricis Missalis Romani, vel Cæremoniali Episcoporum præscriptis, cum omni vultus maturitate, modestia morum, & gravitate, ut ne se invicem quidem, nisi ministerii duntaxat sui causa, multo minus alios aut Clericos, aut Laicos vagis & curiosis oculis vel aspiciant, vel alloquantur. Si quis autem in hoc vel discessu ab Altari, vel alio quovis modo peccaverit, ab Ecclesiarum Prælati, Decanis, & Superioribus, quorum est hujusmodi excessus & culpas corrigere, severe pro ratione delicti, juxta Decessoris nostri SIFRIDII Archi-Episcopi Colonienſis Statuta puniatur; acrius tamen, quam mitius, ut pena unius cæteri facilius emendantur.

CAPUT X.

Officia Dominicalia propria retinenda in Sacrificio. &c.

I. **C**UM Sancta Mater Ecclesia Catholica Apostolica Romana, Spiritus Sancti instinctu non sine gravi & justa ratione singulis Dominicis & Festis diebus, singula ac pecularia assignaverit officia, mos ille admodum est improbandus, quem imperitia cantus, ac librorum defectus in his partibus genuit, nempe quod diebus Dominicis inter Festum Paschæ & Pentecostes, omisso proprio Dominicæ diei Officio, Missa diei Resurrectionis Dominicæ: & a festo Pentecostes usque ad Adventum Domini alternis vicibus, vel de Sanctissima Trinitate, vel de Sancto Spiritu cantetur; indeque fiat, ut ex frequenti & nimia repetitione Divina vilescant Officia, ac præcipitata quadam cantandi consuetudine, magna vœcum confusione, magis adstantes offendant, quam voce ac tono gravi ad dolorem peccatorum & amorem Dei permoveant. Ad tollendam hanc corrupte-

lam, omnibus ac singulis Ecclesiarum Civitatis & Archi-Diœcesis nostræ Abbatibus, Præpositis, Archi-Diaconis, Decanis tam Collegialibus, quam Ruralibus, aliisque Prælati, Pastoribus, Vice-Pastoribus, Superioribus, Rectoribus, Cantoribus, Custodibus, Ludimagistris, & aliis quibuscunque, quorum est eam emendare & abolere, in virtute sanctæ obedientiæ præcipimus, ut non obstante contraria fundatione, institutione, consuetudine, etiam immemorabili, deinceps Dominicis & Festis diebus Sacrum summum fiat de Officio, quod occurrit, neque ejus loco Missæ votivæ, aut pro defunctis peragantur: ita ut Missæ quotidianæ reliquo diei Officio respondeat per annum, & ferialibus vacantibus non aliud, quam proprium illius diei Dominicæ Officium, quod in illam septimanam ac diem incidit, curent decantandum; Rubricas etiam, si, quæ forte in quibusdam Missalibus aut libris ordinem solennium Missarum servandum præscribentibus, huic mandato contrariæ reperiantur, ex hujus Decreti nostri sententia ac voluntate quamprimum expungant & corrigant: ita ut in dicendis vel cantandis Missis servetur ordo Breviarii; ac proinde Missa quotidie, præsertim vero diebus Dominicis, cum diei Officio conveniat; Missæ autem votivæ, quæ pro Sacerdotis pietate quocunque die, excepto Dominico, per hebdomadam, quando Festum duplex non occurrit, dici possunt, passim sine justa causa non legantur.

II. Celebraturi Missam, nulla alia, quam majori Hostia utantur: & quia intelleximus quosdam Sacerdotes ex crassa ignorantia unicam duntaxat Hostiam, quam imponant Monstrantiæ seu Hierothecæ, consecrare, veteri, quæ in ea fuit, in Sacrificio consumpta; ad integritatem autem Sacrificii, Oblatio, Consecratio, & ejusdem Corporis & Sanguinis sumptio pertineant, ideo ad conservandam Sacrosancti Missæ Sacrificii integritatem, districte mandamus, ut quoniescunque erit Hostia, quæ Monstrantiæ imponatur, consecranda, Sacerdos celebraturus duas majores Hostias consecret, alteram ut sumat, & alteram Hierothecæ sive Monstrantiæ

imponat; licet enim idem plane Corpus Domini Hostia nuper & nunc consecrata contineat, non tamen eadem sunt utriusque species.

III. Verus vero Hostia a Celebrante exempta ex Monstrantia seu Hierotheca, vel statim cum ea, quam ipsemet consecravat, Hostia, vel in ipsum Calicem, si auræ humiditate elanguet, injecta; cum Sanguine, vel certe (quod facius est) post sumptum Sanguinem Christi, antequam se abluat, sumatur, vel seponatur, a Celebraturo sequenti die modo jam dicto consumenda. Extra Octavam festi Corporis Christi, qua durante eadem Hostia poterit in Monstrantia sive Hierotheca remanens, post tridie diei Octavæ similiter consumi: Hierotheca autem, durante dicta Octava collocetur in Tabernaculo Sacratissimi Sacramenti; quod si ejus non sit capax, extrahatur Sacra Hostia, & in Ciborium, Calicem, seu pyxidem reponatur; nunquam vero dicta Hierotheca seu Monstrantia cum sacra Hostia in armarium, Sacristiam, vel alium locum minus decentem, vel non satis munitum referatur.

IV. Ex Concilii Florentini definitione constat materiam Sanguinis Christi esse vinum verum naturale de vite, aqua modicissima, & nullis aliis permixtum liquoribus; ideo quod ad Sacrificium adhibetur, sit incorruptum, purum, ac tanto dignum Mystério, & singulis ut minimum octiduis renovetur, ne acescat; cui ulla alia liquida misceri sub indeprecabili pœna arbitraria vetamus: neque vino Rheno Hispanicum temperetur, neque Hispanicum unquam in Missa usurpetur; nam experientia docuit hisce in Regionibus, ejus nomine, sæpe liquorem e melle vel aromatibus confectum & decoctum accipi & distrahi, de quo infra redibit dicendi locus.

V. Gravis porro seu mortalis violatio reverentiæ censetur, in musto seu vino ex uvis recens expresso, idque propter ejus impuritatem, extra necessitatem, consecrare; proinde mandamus omnem omnino consuetudinem, si in aliqua Ecclesia adhuc vigeat, qua uvarum primitiæ in calicem expressæ, certo anni die consecrantur, abrogari.

VI. Quoties Sacerdos ex præscripto Missalis aut libri Ritualis genuflectet, non solum leviter incurvet ea, sed ut adorantes Deum vivum & verum, in spiritu & veritate decet, profundissime usque ad terram sese in dextrum genu demittat, ut internam animi sui demissionem & adorationem externa hac reverentia Deo Omnipotenti profiteatur.

VII. Curent quoque Abbates, Præpositi, Archidiaconi, Decani tam Collegiales, quam Rurales, cæterique Prælati, Pastores, Vice-Pastores, & alii Ecclesiarum quarumcunque Superiores, quo ab offensâ Dei sese liberent, ut, quæ a Provincialibus Conciliis sub Decessoribus nostris HERMANNO V. & ADOLPHO III. Archiepiscopis Colonienfibus præscripta sunt, tandem aliquando post longam & diuturnam negligentiam exequantur, & tam in summa, quam defunctorum Missæ Sacrificio, Epistola, Symbolum fidei, Præfatio, & Oratio Dominica, tanquam præcipuæ eorum, quæ in Missa canuntur, partes, Cantorum & Organorum concentu non mutilentur aut intercipiantur, multo minus reliquum decantandæ Missæ Sacrificium proxime post elevatam Hostiam lectione submissa absolvatur, sed omnis ex integro distinet, & articulate canantur. Nihil organo vel vocali cantui lascivum aut impurum admisceatur, omnisque cantus aliud non, quam quod audientium corda in Deum rapere queat, perfonet. Invigilent quoque, ne concentus organi, vel nimia properatione, vel brevitate sua Majestati cultus Divini aliquid detrahat, aut Clero & astanti populo nimia protractione tedium aut fastidium pariat; sed cantu Gregoriano reverenter ac graviter servato, paulo diutius extendatur.

VIII. Singuli etiam cujuscunque status, gradus, conditionis, & dignitatis Sacerdotes, sacrum Missæ Canonem secreto pronuncient: nihilque in eo, seu alia Missæ parte, etiam vel pietatis vel reverentiæ causâ, unquam addant, demant, minuant, omittant, vel quocunque alio modo immutent, neque orationes, preces, sequentias, aut Missas novas, a Sede Apostolica non approbatas, dicant, sed illas duntaxat, quæ Missa-

Missali Romano, ac propriis Sanctorum Patronorum Civitatis & Archi-Diœcesis nostræ Colonienſis Sacris ad ritum Missalis Romani recognitis continentur.

IX. Elevato Corpore & Sanguine Domini nostri JESU CHRISTI, in Sacroſancto Miſſæ Sacrificio, pulſu tinnabuli omnes Chriſti-fideles adorandi Dei in Sacramento vere & reipſa præſentis admoneantur, curentque Paſtores, Vice-Paſtores, Concionatores, Catechiſtæ, Ludimagiſtri, aliique puerorum Sacrificantibus infervientium Inſtructores, ut pulſus ille nihil puerilis inſolentiæ, vel geſticationis præſeferat, ſed ſoni ſui gravitate & modestia Majeſtati rei præſentis congruens decorem & attentionem eidem conciliet.

X. Ut piis omnibus ad recolendam mortis & amoris Chriſti memoriam totus animus, omnesque vires internæ, nullo eos ſono diſtrahente, penitus intendantur in omni ſummæ Miſſæ Sacrificio altiffimum, dum Corpus & Sanguis Domini nostri JESU CHRISTI elevatur, in canticis & organis ſervetur ſilentium, omnesque, quotquot in Templo Clerici, Cantores, Organcedi, Cuſtodes reperiuntur, cum iis, qui organorum folles agunt, in genua procumbant, ac facie & animo ad Sanctiſſimum Sacramentum converſi, Deum omni pietate adorent & venerentur: quem in finem, tum quoque campanæ majoris pulſu ſignum detur.

XI. Sub gravi pœna arbitraria vetamus, ne in ulla deinceps Miſſa pro Defunctis Sequentia: *Audi tellus*, ſed ejus loco: *Dies iræ, dies illa*, juxta Miſſalis Romani & novi Colonienſis præſcriptum canatur. Neque ſub finem Miſſæ defunctorum a quovis Sacerdote ulla detur Benedictio, cum ea ſit nota ſolenitatis; atque in Miſſalis Rubricis expreſſe prohibeatur. In reliquis vero nemo qualiſcunque Sacerdos ſacrificans, quantumvis Prælaſus, niſi juſ mitræ & baculi Paſtoralis habuerit, & in Pontificalibus celebret, in fine Miſſæ tam privata, quam ſolennis ſæpius quam ſemel benedicat populum, ſed unicuique producens ſignum Crucis, dicat: *Pater, & Filius, & Spiritus Sanctus*, ad

differentiam Episcopii, qui ter populum benedicat. Item nunquam ab Altari, niſi Evangelio S. Joannis plene lecto, recedat, neque dicto S. Joannis Evangelio, vel alio, ſi dicendum fuerit, ullam det populo benedictionem, ſed eodem, quo ad Altare venerit modo, recedat ad Sacrarium, ſicut expreſſe Rubricis Miſſalis Romani & novi Colonienſis præſcribitur.

XII. Extra caſus jure permiſſos, & abſque expreſſa licentia a Nobis, noſtrove Vicario in Spiritualibus Generali ſcripto obtenta, nullus uno die duas Miſſas celebret, neque quiſquam ad duas Miſſas una die celebrandas conſuetudinem, ſine Apoſtolica vel Archi-Epiſcopali noſtra ſacultate ſibi poſſe ſuffragari opinetur. Eadem lege Miſſas ſiccas, in quibus Corpus Domini nec conſecratur, nec ſumitur, interdiciamus, ac penitus abrogamus. Ideoque qui deinceps Miſſam hujusmodi ſiccam, vel ad purificandam mulierem, vel celebrandum conjugium, vel ullum quempiam finem celebraverit, noſtram non effugiet animadverſionem.

XIII. Ubi is abuſus irrepſit, ut pluribus ſimul in eodem Templo in diverſis Altaribus ſacrificantibus, populus ab uno Altari ad aliud, dum Sacra elevatur Hoſtia, diſcurrat, vel ad Orationem Dominicam aut pacem datam, perinde ac, ſi abſolutum eſſet Sacrificium, Templo egrediat, plane antiquandus eſt: caveatur etiam, ne in Templis vel cœmeteriis, ſub Divino præſertim Officio, donec ad Hoſtiæ elevationem ſignum datur, deambuletur, neque Sacra Hoſtia eminus conſpecta, intermiſſa tantisper inambulatione reſumatur, ſub gravi pœna in Parochiali Synodo, noſtrove arbitrio certo infligenda. Ne populus etiam ſub Divino diſtrahatur, pauperes per Eccleſias eleemoſynas petere non permittantur.

XIV. Cum inter Chriſtianæ Religionis myſteria, Miſſa magnam contineat populi Chriſtiani eruditionem, ut populus eorum, quæ in ea leguntur & ſunt, ex ſacris tum verbis, tum Sacrificantis actibus notiā ac guſtum aliquem delibet, injungimus Parochis, Vice-Parochis, & quibuſcunque aliis Sacer-

Sacerdotibus, ut eam clare, distincte & articulate legant ad Offertorium usque, Secreta vero & Canon submissee recitentur, reliqua vero, quæ ad sacrum Missæ Officium pertinent, eadem pietate, attentione, animique moderatione pronuncientur, nec nimium præcipientes, aut æquo tardiores sint, majorem boni exempli & decori, quam proprii affectus rationem semper habeant.

XV. Quod ut honeste fiat, semihoræ circiter spatium Missis communibus necessarium esse & sufficere arbitramur, nihilque in eis, etiam pietatis gratia, unquam addatur vel mutetur. Insuper Sacerdotes eam in vultu, moribus & gestibus modestiam, in cæremoniis peragendis gravitatem inter Sacrificandum præferant, quam tanti

Mysterii majestas requirit. Nec abs re fuerit eadem Mysteria & eorum cæremonias quandoque rudi populo sub concione explicare, ut intellectus eorundem notitia imbutus, voluntatem ad majorem pietatem inclinet, cum ignoti nulla sit cupido, præsertim, cum hoc tempore prodierint libelli, qui sat accurate omnes Sacrificii cæremonias, & Crucis toties formandæ rationes exposuerint. Cæterum, ne hoc nostrum Mandatum aut per ignorantiam violetur, aut secuturis annis intermoriatur, volumus, ut typis editum, in cuiusque Ecclesiæ Sacristia, aliove parenti atque convenienti loco affixum, omnium intrantium & exeuntium oculis exponatur.

Datum die 24. Septembris.

DECRETORUM SYNODALIIUM PARS TERTIA.

DE SACRAMENTO ORDINIS.

I. **E**a, quæ in suscipiendis Ordinibus requiruntur, tam Sancta Tridentina Synodus Generalis, quam Provinciales & Diocesanae Colonienſes Constitutiones accurate quidem sunt complexæ; verum cum a paucis observentur, hinc universos ac singulos ordinandos duximus serio admonendos, ut quo sunt studio præcepta, eo fervore legant, observent, & exequantur: quem in finem sequentia, diligentioris observationis causa, breviter recensemus.

II. Sciant omnes tam ad primam Tonſuram, quam Ecclesiasticos Ordines aspirantes, unumquemque a proprio Episcopo in sua Diocesi residente, aut pro eo Pontificalia exercente, & diligenti prævio examine, ordinari debere; & si secus fiat, ordinantem a collatione Ordinum per annum, & ordinatum ab executione Ordinis, quem ab alieno Episcopo sine proprii sui Antistitis expressa licentia, aut literis dimissoriis acceperit, quamdiu proprio ordinati Episcopo videbitur expedire, ipso jure esse suspensum. Quod vero hic dicitur de ordinatione vel literis

dimissoriis ad ordinandum, intelligitur quoque de prima Tonſura, prout est sacris Canonibus expresse definitum.

III. Vicarius noster in Pontificalibus Generalis, tanquam ad Universitatem causarum, & officiorum Pontificalium in Civitate & Archi-Diœcesi nostra Colonienſi exercendorum a Sede Apostolica, de expresso nostro consensu, delegatus, atque adeo ordinaria, jure communi, jurisdictione, sive potestate præditus, cum ex Lege Divina, tum Canonicis Sanctionibus, Provincialibusque & Synodalibus Provinciæ, & Archi-Diœcesis nostræ Colonienſis Statutis potissimum caveat, ut manus cito nemini imponat, sed ascitis sibi Sacerdotibus, & aliis prudentibus Viris, Divinæ legis ac sacrorum Canonum peritis, atque in Ecclesiasticis functionibus exercitatis, diligenter prius investigate, & examine ordinandorum natales, fidem, ætatem, institutionem, mores, doctrinam, titulum, cæterasque dotes ad suscipiendos Ordines requisitas, ne, si indignos sacro Ordine initiaverit, alienorum fiat particeps peccatorum, & offencicula, quæ consequentur, ipsi adscribantur.

IV.

IV. Quemadmodum ex speciali Apostolicæ Sedis & nostræ de legatione, jus & potestas ordinandi quosvis Civitatis & Archi-Diœcesis nostræ Colonienfis subditos, Ordinis capaces, tam Sæculares, quam Regulares, quantumvis exemptos, est penes nostrum Suffraganeum in Pontificalibus vices nostras gerentem, tanquam ordinarium Ministrum Sacramenti Ordinis, vi & potestate sui officii, ita ad eundem quoque nostrum in Pontificalibus Vicarium, vel maxime spectat, literas dimissorias dare iisdem nostris subditis Archi-Diœcesanis, qui ab alieno Episcopo petunt ordinari, iis enim recte potest dimissorias literas concedere, qui & licite ordinare valet, cum ejusdem sit potestatis ordinare, vel literas dimissorias concedere. Quare nemo Civitatis vel Archi-Diœcesis nostræ prædictæ, vel Sæcularis vel Regularis, etiam quoquo modo exemptus, ad primam Tonsuram, aut Ordinem aliquem Ecclesiasticum alieno se Episcopo sistat, nisi de expressa nostra, nostrive Vicarii in Pontificalibus Generalis licentia, sub propriæ manus subscriptione obtenta: neque etiam, qui alterius Diœcesis est, nostro in Pontificalibus Vicario præsentetur, absque Antistitis sui Diœcesani, vel ejus Vicarii in Pontificalibus Generalis (sicubi talis est) literis dimissorialibus propria alterutrius nostrum manu subscriptis, in quibus ipsius natales legitimi ex Catholicis parentibus, Baptismus, Confirmatio, ætas, morum honestas, sive famæ integritas, doctrina, titulus, cæteræque dotes ad Ecclesiasticos Ordines suscipiendos necessariæ commenduntur. Literæ vero dimissoriæ ab alio, quam a proprio Episcopo Diœcesano, seu ejus Vicario prædicto impetratæ, nullius sint roboris, seu momenti: easque concedens contra Concilii Tridentini Decreta, ab officio & beneficio per annum suspensus sit, nisi a Capitulo Cathedrali, post annum a die vacantis Sedis Episcopalis, aut infra eum annum, ubi Ecclesiastici Beneficii recepti, aut recipiendi occasione, ordinandus fuerit arctatus, concedantur.

V. Cum autem crebro comperit, nonnullos ex Civitate vel Archi-

Tomus IX. Concilior. German.

Diœcesi nostra Colonienfi indoctos, ac vitæ non satis probatæ, nec aliis requisitis a sacris Canonibus, & Oecumenico Concilio Tridentino dotibus præditos, fuisse ordinatos; alios vero, ut Generalis nostri Colonienfis in Pontificalibus Vicarii inquisitionem & examen subterfugerent, quin & minus idoneos, rudes & ignaros, qui ab eodem nostro in Pontificalibus Vicario tanquam inhabiles & indigni rejecti fuerant, dimissoriales literas variis modis extorsisse, atque earum prætextu in exteris Diœcesibus sacros Ordines furtive, & interstitiis minime servatis, suscepisse: unde gravia plerumque nata sunt incommoda & offensuscula, cum sic dolose, vitioseque ordinati, nec Divina Officia rite peragere, nec Ecclesiastica Sacramenta recte valuerint administrare. Nos pro Archi-Episcopalis nostri muneris debito, tanto posthac malo mederi cupientes, severe prohibemus Colonienfi nostro tum Officiali, tum Vicario in Spiritualibus Generali, tum aliis omnibus ac singulis ubivis locorum Archi-Diœcesis nostræ Colonienfis constitutis Officialibus, Vicariis, Commissariis, atque Ministris quocunque nomine vocentur, aut vice nostra fungantur munere, ne illorum quispiam deinceps ulli Civitatis, vel Archi-Diœcesis nostræ Colonienfis subdito, quantumlibet exempto, literas dimissoriales ad primam Tonsuram, Ecclesiasticumve Ordinem seu minorem, seu majorem ab alieno Episcopo suscipiendum, quantumvis gravi ac legitima causa urgente, concedat; neque etiam Archi-Diœcesanorum nostrorum Colonienfium quemquam permittat ab alieno Episcopo ordinari, nisi habitis prius a Nobis, seu Generali nostro in Pontificalibus Vicario propria manu subscriptis literis dimissorialibus. Insuper sub pena suspensionis, inhibemus Archi-Diœcesanis nostris Colonienfibus quibuscunque, etiam exemptis, ne quisquam illorum ab alieno Episcopo Clericalem Tonsuram, vel Ecclesiasticum aliquem Ordinem accipere præsumat absque speciali nostra, nostrive Vicarii in Pontificalibus Generalis licentia in scriptis obtenta.

VL

Ccc cc

VI. Noverint etiam Abbates, & alii quorumcunque Ordinum Superiores intra fines hujus nostræ Archi-Diœcesis consistentes, etiam si exempti, vel nullius Diœcesis esse dicantur, sibi non licere literas dimissoriales ullis Sæcularibus, quantumvis ad suam jurisdictionem spectantibus, aut Regularibus sibi non subditis, ut ab aliis ordinentur, dare; sed horum omnium ordinationem, servatis iis omnibus, quæ in Decretis Sacrosanctæ Tridentinæ Synodi continentur, ad Episcopos, intra quorum Diœcesis fines existunt, pertinere, non obstantibus quibusvis privilegiis, præscriptionibus, aut consuetudinibus, etiam immemorabilibus.

VII. Mòdum, quo Abbates, & alii quorumcunque Regularium Superiores, quamvis nullius Diœcesis, seu exempti sint, Regularibus sibi subditis literas dimissorias dare possint, ex sententia sacre Congregationis Cardinalium explicationi Concilii Tridentini præsentium fel. rec. CLEMENS nominis hujus VIII. Pontifex Maximus præscripsit in hæc verba.

De mandato S. D. N. CLEMENS. TIS Divina providentia Papæ VIII. tenore præsentium mandatur, omnibus & singulis quorumcunque Regularium Superioribus, ut de cætero observent & observari faciant ea, quæ in Decreto Sacre Congregationis Concilii Tridentini continentur, cujus tenor est talis:

Sacra Congregatio Concilii censuit, Superiores Regulares posse suo subdito itidem regulari, qui præditus qualitatibus requisitis Ordines suscipere voluerit, literas dimissorias concedere, ad Episcopum tamen Diœcesanum, nempe illius Monasterii, in cujus familia ab iis, ad quos pertinet, is Regularis positus fuerit: & si Diœcesanus abfuerit, vel non esset habiturus, ordinationes, ad quemcunque alium Episcopum, dum tamen ab eo Episcopo, qui Ordines contulerit, examinentur quoad doctrinam, & dum ipsi Regulares non distulerint de indulgentia concessionem dimissoriarum in id tempus, quo Episcopus Diœcesanus vel abfuturus, vel

nullius habiturus esset ordinationes, vel Sedes Episcopalis vacaret. Verum cum a Superioribus Regularibus Episcopo Diœcesano absente, vel ordinationes non habente, literæ dimissoriæ dabantur, in eis utique hujusmodi causam absentis Diœcesani Episcopi, vel ordinationum ab eo non habendarum exprimendam esse. Quod si Regulares ordinandi morentur in Monasterio nullius Diœcesis, hujusmodi dimissorias concedendas esse per Episcopum viciniorum, in eoque procedere omnia, quæ de Episcopo Diœcesano superius præscripta sunt. Quod qui non fecerint, officii & dignitatis seu administrationis, ac vocis activæ & passivæ privationis, ac alias arbitrio ejusdem S. D. N. Papæ reservatas penas incurrant. In quorum, &c. Datum Romæ die 15. Martii 1596.

Quod Decretum Apostolicum in Civitate & Archi-Diœcesi nostra Coloniensi diligenter & inviolate a Regularibus quibuscunque præcipimus observari, sub penis in eodem Decreto expressis.

VIII. Sed & ab eadem sacra Congregatione Cardinalium declaratum est, Regulares absque sui proprii Episcopi Diœcesani consensu, aut literis dimissoriis extra Diœcesin ad aliquos sacros, aut minores Ordines, vel primam Tonсурam ab alieno Episcopo promotos seu ordinatos, penam suspensionis ab executione Ordinis sic suscepti incurrisse, & si in Ordine hujusmodi suscepto ministraverint, etiam irregularitatem contraxisse. Episcopos autem, qui Regulares taliter ordinaverint, ab Ordinum collatione per annum esse suspensos: sub his verbis.

Sacra Congregatio Cardinalium Concilii Tridentini interpretum censuit Regulares, invito Episcopo Diœcesano, ab alio Antistite extra Diœcesin promotos in suspensionem incidisse, ac si ministraverint, irregularitatem contraxisse: Episcopos vero, qui illos, ut proponitur, ordinarunt, per annum a collatione Ordinum suspensos esse. Romæ 21. Octob. 1617.

Horatius Cardinalis Lancellottus.

Loco † Sigilli.

IX. Tamenſi Abbatibus Regularibus non quidem ex vi ſui officii, ſed jure ſingulari concedatur poteſtas conferendi primam Tonſuram, & etiam Ordines minores, ſaltem uſque ad lektoratum: dummodo ipſi Presbyteri ſint, & ab Epifcopo benediſti, atque jus baculi ac mitræ deferendæ habeant: Ea tamen facultas reſtriſta eſt per Oecumenicum Concilium Tridentinum, ut Abbatibus, etiamſi nullius Diœceſis, vel exempti eſſe dicantur, non liceat primam Tonſuram, vel minores Ordines conferre, niſi ſui duntaxat Monafterii Regularibus, & quidem poſt Profeſſionem expreſſe factam; nullo autem modo Novitiis, ne exeant poſtea, ſicque fraus, quæ præcavenda eſt, committatur. Adeoque cuicumque Abbati hodie prohibitum eſt, Regulari non ſuo, ſed alterius etiam ejusdem Ordinis Monafterii, quantumvis exempti, Prælati ſubdito, etiam expreſſe profeſſo primam Tonſuram vel Ordinem minorem conferre, quamvis accedat conſenſus tum ejusdem Prælati, tum Epifcopi ordinarii, in cujus Diœceſi exempti ſunt, & de jure ordinari debeant.

X. Ac proinde neque etiam licitum eſt Abbatibus prima Tonſura, vel aliquo minore Ordine initiare Sæculares, etiamſi ad ſuam juridiſtionem ſpectent, & Epifcopi ordinarii conſenſus accedat, juxta Rotæ Romanæ coram Cardinale SERAPHINO Deciſionem, quæ omnibus omnino ſequenda eſt; cum ſit exploratum Deciſiones Rotaes maximi apud omnes eſſe ponderis, & majoris auctoritatis, quam communem Doſtorum ſententiam.

XI. Quin etiam Deciſioni huic Rotæ inſiſtens ſacra Congregatio Cardinalium, qui Decretis Concilii Tridentini interpretandis præſunt, conſuit, improbata contrarium ſentientium opinione, Abbates Regulares, quibus inſignia Pontificalia uſurpandi, ac primam Tonſuram, & minores Ordines ſubditis ſuis Regularibus conferendi poteſtas competit, nequaquam poſſe, vel primam Tonſuram, vel etiam Ordines minores Regularibus ſibi non ſubditis, etiamſi a Superioribus ſuis Regularibus, & ab Epifcopis ordinariis,

intra quorum Diœceſium fines ipſi Regulares ordinandi exiſtunt, licentiam vel literas dimiſſorias acceperint, multo vero minus Laicis, quantumvis dimiſſorias quoque habuerint a ſuis Epifcopis ordinariis, conferre. Et inſuper inſubuit Archi-Epiſcopis, Epifcopis, & aliis quibuscunque Prælatiſ inferioribus, tam Sæcularibus, quam Regularibus, ne deinceps literas dimiſſorias ad Abbates directas concedant; neque Abbates eas recipiant, alioquin tam concedentes, quam ordinantes, a collatione Ordinum ſint ſuſpenſi, præter alias pœnas arbitrio ejusdem Congregationis inſtigendas; ſicut conſtat ex ipſius ſacræ Congregationis declaratione, ſub hoc tenore. *In libris ſacræ Congregationis Concilii reperitur Decretum tenoris ſequentis:*

"Die 23. Novembris 1641.

" Sacra Congregatio Eminentiſſimo-
rum Cardinalium Concilii Tridentini
" Interpretum, utraque parte informan-
" te, ore, & ſcriptis, & rationibus hinc
" inde deductis, mature examinatis,
" inhærendo deciſioni Rotæ Romanæ
" ſub die 27. Aprilis 1592. coram bon.
" mem. Cardinale SERAPHINO de Ordine
" fel. rec. CLEMENTIS VIII. factæ,
" nec non declarationibus ejusdem
" ſacræ Congregationis dictæ deciſioni
" conformibus ſubſequentis; cenſuit,
" improbata opinione contraria, Abbates
" Regulares, Benediſtos Congregationis
" Caſſinenſis, ſeu alterius Congregationis,
" vel Ordinis, aut Inſtituti, habentes etiam
" jura Epifcopalia, ſeu quaſi Epifcopalia, uſumque
" mitræ, baculi, & benedicendi, ac ſacra-
" cultatem primam Tonſuram, & minores
" Ordines conferendi, non poſſe dictam
" primam Tonſuram, vel alios Ordines
" minores, niſi ſuis ſubditis Regularibus
" conferre, non autem Regularibus alterius
" Congregationis, Ordinis, vel Inſtituti,
" etiamſi habeant literas dimiſſoriales ſuorum
" Superiorum Regularium, & conſenſum
" Ordinariorum, intra quorum Diœceſum
" fines ipſi Regulares ordinandi exiſtunt.
" Et multo minus perſonis ſæcularibus etiam
" habentibus literas dimiſſoriales a ſuis
" Ordinariis.

nariis. Ac propterea inhibuit Archi-
 " Episcopis, Episcopis, & aliis Prælati-
 " inferioribus tam Sæcularibus, quam
 " Regularibus, ut in futurum conce-
 " dere non audeant, supradictas literas
 " dimissorias hujusmodi Abbatibus di-
 " rectas, nec ab istis recipere: quod
 " si secus fiat, tam concedentes, quam
 " ordinantes a collatione Ordinum su-
 " spensi remaneant, præter alias pœnas
 " arbitrio ejusdem Congregationis re-
 " servatas. Quam declarationem San-
 " ctissimus D. N. die 17. Januarii 1642.
 " ad se delatam approbavit, & invio-
 " labiliter observari jussit.

PETRUS ALOYSIUS Card. CARAFA.

Loco † Sigilli.

Gratis etiam quoad scripturam.

*Franciscus Paulutius, S. Congrega-
 tionis Concilii Secretarius.*

Præmissa nos omnia omnino volu-
 mus, & jubemus in Civitate, & Archi-
 Diecesi nostra Colonienfi exactissime
 observari.

XII. Qui non est de legitimo Ma-
 trimonio natus, tum propter Clerica-
 lem dignitatem, & paterni criminis
 detestationem, tum etiam quia talis me-
 titur futurus incontinentiæ paternæ
 imitator, a susceptione primæ Tonsuræ
 pariter, & Ordinum rejicitur, nisi a
 bona indole, vitæque & morum pro-
 bitate, ac pietate ita commendetur, ut
 non paternum incontinentiæ crimen
 sectaturus, sed vita & exemplo suo pie-
 tatem, & cultum Dei apud alios pro-
 moturus speretur; quo casu ad primam
 Tonsuram, minores Ordines, atque
 simplex Beneficium Ecclesiasticum per
 Archi-Episcopalem nostram a Nobis,
 nostroe Generali in Pontificalibus Vi-
 cario; ad sacros vero Ordines, & alia
 Beneficia Ecclesiastica non nisi per Sedis
 Apostolicæ dispensationem poterit ad-
 mitti; quam nisi ante in scriptis exhi-
 beat, quam ad Clericalem Tonsuram
 se præsentet, ab ea repellatur.

XIII. Ne quis sacrilege fingat, se
 esse in aliquo Ordine, in quo non sit,
 singuli tam Regulares, Ordinum etiam
 Mendicantium, quam Sæculares de
 prima Tonsura & Ordinibus susceptis,
 testimonio Episcopi Ordinatoris per li-

teras commendatitias a Scriba seu No-
 tario ipsius Episcopi subscripras, & si-
 gillo ejusdem Episcopi communitas
 docebunt, antequam ad altiorum Ordi-
 nem provehantur.

XIV. Prima Tonsura nemo initie-
 tur, nisi sit origine vel domicilio Archi-
 Diocelanus noster Colonienfis, bap-
 tizatus, sacri Chrismatis unctiōe confir-
 matus, legitimo toro, Catholicis paren-
 tibus, & ut minimum septem annos
 natus, Fidei Catholicæ rudimenta edo-
 ctus, legendi & scribendi, etiam lin-
 guæ latinæ jactis fundamentis, peritus,
 coram Nobis, seu nostro Generali in
 Pontificalibus Vicario testari paratus, se
 non judicii sæcularis fugiendi fraude,
 sed ut Deo liberius serviat, hoc primo
 Clericorum charactere insigniri velle;
 quique non habeat de his requisitis, ac
 de vitæ, morumque probitate, & lite-
 ratura sufficiens testimonium, tum a
 proprio Parocho loci, ubi baptizatus
 fuit, & notabili tempore proxime an-
 tea degit, juxta formulam *subsequentē*
 §. 15. præscriptam, tum etiam a Magi-
 stro Scholæ, in qua studet, vel studuit.

XV. Formula Testimonialium
 dandarum per Pastorem loci super na-
 talibus, Baptismo, ætate, & Confirma-
 tione ordinandorum.

*Univerſis ac ſingulis, ad quos ſpectat, notum facio, atque præſentium tenore teſtifi-
 cor Ego ſubſcriptus Paſtor Eccleſiæ Parochialis N. loci de N. Colonienſis Archi-Dieceſis, quod N. fuerit de legitimo toro & Catholicis Paren-
 tibus N. & N. ſub Parochia mea prædicta degentibus procreatus, baptizatus in eadem Ec-
 cleſia die N. menſis N. anni N. idemque de ſacro Fonte ſuſceptus a N. & N. ſicut conſtat ex libro, in quo nomina baptizatorum totius
 bujus Parochiæ annotata reperiuntur; quodque idem N. ſacro Chriſmate confirmatus fuerit die N. menſis N. anno N. a Reverendiſſimo Domino N. Episcopo N. in Eccleſia N. prout patet ex libro, in quo etiam nomina confir-
 matorum bujus Parochiæ conſcripta ſunt. In cujus rei fidem hæc literæ propria mea manu ſcripſi ac ſubſcripſi, & ſigillo meo muniti in loco N. die N. menſis N. anno N.*

Quando autem deficiente libro
 Baptizatorum & Confirmatorum, ex
 depositione reſtium dandæ erunt ejus-
 modi testimoniales, dentur formula
 ſequenti:

Uni-

Univerſis ac ſingulis, ad quos ſpectat, notum facio, atque præſentium tenore teſtifi- cor Ego ſubſcriptus Paſtor Eccleſiæ Parochialis N. loci de N. Colonienſis Archi-Dieceſis, N. fuiſſe de legitimo toro & Catholicis Parentibus N. & N. ſub Parochia mea prædicta commo- rantibus procreatum, & in Eccleſia N. bapti- zatum, agereque ætatis ſuæ annum N. nec non ſacro Chriſmate confirmatum a Reveren- diſſimo Domino N. Epifcopo N. in Eccleſia ſeu loco N. die N. menſis N. anni N. prout mihi retulerunt N. & N. Parentes ejus, vel N. & N. Suſceptores, vel viri fide digniſſimi; idque jurejurando in manibus meis præſtito affirmarunt, & ſe id ſcire, quia &c. nec aliter ejusdem N. natales, Baptiſmus, ætas & Confirmatio ſciri poterunt; eo, quod liber Baptizatorum, & Confirmatorum, occaſione bellorum fuerit deperditus, vel laceratus, vel &c. In cujus rei fidem hæc literas propria mea manu ſcripſi & ſubſcripſi, & meo ſigillo munivi, in loco N. die N. menſis N. anno N.

XVI. Quæquot porro ad Cleri- calem Tonſuram ſuſcipiendam admiſſi, præſtituro per noſtrum in Pontificali- bus Generalem Vicarium die, hora, & loco compareant, talari veſte Clericali induti, capillis abſciſſis, vel ſaltem de- center compoſitis, & ſuperpelliceum, atque cereum ſinguli parata habeant, qui ubi Tonſuram acceperint, radi eam ſibi curent, & juſtæ, decentiſque pro gradu ſuo magnitudinis perpetuo de- inde, ut *infra* §. 33. 44. & 45. præſcri- bitor, gerant.

XVII. Ad minores Ordines pro- movendus, non ſolum præditus ſit om- nibus qualitatibus ad primam Tonſu- ram ſuſcipiendam, requiſitis, ſed etiam eadem Tonſura inſignitus, & ſi non origine, aut domicilio, ſaltem Eccle- ſiaſtico Beneficio Archi-Dieceſanus noſter Colonienſis, aut proprii ſui Or- dinarii Dieceſani literis dimiſſorialibus munitus, linguam latinam intelligat: nec minor ſit duodecim ætatis ſuæ an- nis, bonum quoque a Parocho ſuo, & Magiſtro Scholæ, in qua ſtudit, & ab iis etiam, apud quos potiorem vitæ partem tranſegit, & verſatus eſt, de vitæ, morumque probitate, doctrina, ingenio, & indole teſtimonium produ- cat, eorumque commendatione ſe ea voluntate, ingenio & indole præditum

doceat, ut non commoditatis ſuæ gra- tia, ſed Dei tantum cauſa ad capeſſen- dos Ordines aſpirare credatur; vitæque & exemplo ſuo alios ad pietatem, & cultum Dei pertractum ſperetur.

XVIII. Nullus ad plures ſe Ordi- nes minores ſimul ſuſcipiendo (niſi aliud Epifcopo magis expedire videat- ur) præſentet, cum extra hunc caſum Concilium Tridentinum temporum interſtitia in minoribus non minus, quam majoribus Ordinibus ſervari; nec quem- quam ad ſacrum Subdiaconatus Ordi- nem ante annum elapſum ab Acolyta- tus ſuſceptione promoveri voluerit, ut eo accuratius, quantum ſit hujus di- ſciplinæ pondus, poſſit edoceri, & in unoquoque Ordine ſe exerceat, idque in ea, cui adſcriptus erit, Eccleſia, niſi forte cauſa ſtudioſum abſit, atque ita de gradu in gradum aſcendat, ut in ipſo cum ætate vitæ meritum, & doctrina major accreſcat, quod & bonorum mo- rum exemplum, & aſſiduum in Eccle- ſia miniſterium, atque major erga Pres- byteros & ſuperiores Ordines reveren- tia, & ſolito crebrior Corporis Chriſti Communio maxime comprobabunt.

XIX. Sancta Synodus Tridentina ſummo deſiderio flagrat, ut minorum Ordinum ſunctio reſtoreſcat, & ubi Miniſtrorum frequentia, & Eccleſiæ facultas permittit, jugiter vigeat, in- terim decernit, & iis, quibus Divini Officii cura incumbit, injungit, ut nul- lius Ordinis miniſterium per alios, quam per conſtitutos in ipſo Ordine exerceat- ur, qui Clericalem habitum & Tonſuram deferant. Porro ubi Clerici cæ- libes non inveniuntur, qui miniſteriis quatuor minorum Ordinum exercen- dis præſto ſint, ſuffici poſſunt etiam conjugati, vitæ probatæ, dummodo non bigami, ad ea munia obeunda idonei, & qui Tonſuram atque habitum Clericalem in Eccleſia geſtent.

XX. Qui vero ad Ordines majores ſe præſentare voluerint, multo magis intelligant, ſibi in re tanti momenti non eſſe ſeſtinandum; ſed ea, quæ in Sacroſancto Concilio Tridentino de ſin- gulis Ordinibus per temporum inter- ſtitia conferendis, & ordinatis in unoquoque Ordine exercendis ac proban-

dis sancita sunt, exactissime esse servanda. Quin etiam per mensem ante ordinationem Parochum suum adeant, ut is juxta præscriptum Concilii Tridentini, ac Statuta Decessoris nostri ADOLPHI III. Archi-Episcopi Coloniensis, nominibus, ac desiderio eorum trina proclamatione, tribus diversis Dominicis aut Festis diebus, publice in Templo propositis, instar proclamationum Matrimonialium omnes moncat, ut si quod noverint Canonicum impedimentum, ob quod, qui ordinari desiderant, a suscipiendis Ordinibus repelli debeant, denuncient, idemque Parochus de ipsorum ordinandorum natalibus, fide, vita, moribus, & ætate, a fide dignis diligenter inquirat: & literas testimoniales clausas & consignatas ipsam proclamationem & inquisitionem factam continentes ad nostrum in Pontificalibus Vicarium quamprimum transmittat, vel ordinandis ad eum perferendas tradat, cum declaratione, num aliquod Canonicum impedimentum (ob quod ad sacros Ordines admitti non debeat) sit denunciatum, & qui de eis non docuerit, rejiciatur.

XXI. Salutaris autem hæc Concilii Tridentini ordinatio utiliter servari poterit, si ad singulos majores Ordines proclamatio & inquisitio hujusmodi fiat, videlicet: *Primo* pro Ordine Subdiaconatus, ad excludendum eos, qui majoribus forte criminibus involuti sunt: & ad deprehendendum eorum fraudes, qui Matrimonii vinculis, aut illicitis pollicitationibus implicati, ad Ordinem sacrum subdole se ingerunt. *Secundo* pro Ordine Diaconatus. *Tertio* pro Ordine Presbyteratus. Quæ inquisitiones eo pertinere creduntur, ut aptius, juxta Pontificale, cohæreant, quæ de testimonio populi, in suscipiendis Ordinibus, ex veteri sanctæ Matris Ecclesiæ consuetudine requiruntur.

XXII. Parochus ergo pro ejusmodi promulgatione ab aliquo ordinandorum requisitus, faciet eam die Dominico, vel Festo inter Missarum solemnia, aut etiam finita ex suggestu concione, lingua vernacula in hunc sensum.

Formula faciendi Denunciationes pro ordinando ad titulum Beneficii.

Notum sit Dilectioni vestræ, quod die N. mensis N. sient sacræ Ordinationes, quodque N. N. filius N. Deo adjuvante intendat suscipere sacrum Ordinem N. titulo perpetui Beneficii Ecclesiastici valoris annui viginti quinque, ut minimum, florenorum aureorum Rbenensium, quod sub invocatione seu ad altare S. N. in Ecclesia N. loci N. Coloniensis Archi-Diœcesis Canonice, vere ac pacifice absque ulla lite, seu vitio obtinere dicitur. Quapropter admonemus omnes ac singulos tam hic præsentem, quam absentes, ut si quis sciat aliquem defectum, vel quodvis aliud subesse impedimentum, propter quod ille N. non debeat prædicto sacro Ordine N. initiari, vel sciat illum non legitime, vel non pacifice Beneficium prædictum possidere, aut annuos ipsius Beneficii redditus & proventus quotannis ad viginti quinque florenos aureos Rbenenses non accedere, hoc ipsum quamprimum Reverendissimo Domino Episcopo Ordinatori, vel mihi indicet, idque admonemus primo, si fuerit prima, vel secundo, si fuerit secunda, vel tertio, si fuerit tertia denunciatio.

Si quis ordinandus sit titulo Patrimonii seu Pensionis, denunciationes fiant sub hac forma:

Formula faciendi Denunciationes pro ordinando ad titulum Patrimonii, seu Pensionis.

Notum sit Dilectioni vestræ, quod die N. mensis N. sient sacræ Ordinationes, quodque NN. filius N. desideret suscipere sacrum Ordinem N. ad titulum patrimonialium bonorum, reddituum, censuumque loci NN. valoris annui viginti quinque, ut minimum, florenorum aureorum Rbenensium, quos ipse N. vere, legitime, pacifice absque ulla lite seu fraude obtinere dicitur, per donationem, vel successionem talis N. Quapropter admonemus omnes ac singulos, tam hic præsentem, quam absentes, ut si quis sciat aliquam subesse fraudem, seu fictionem in Titulo isto, vel quodvis aliud subesse impedimentum, propter quod ille N. non debet prædicto sacro Ordine N. initiari, vel sciat ipsum N. non vere, nec legitime, vel non pacifice ejusmodi Patrimonialia bona possidere, aut annuos illorum redditus & proventus quotannis ad viginti quinque florenos aureos Rbenenses non ascendere, hoc ipsum Reverendissimo Domino

mino Episcopo Ordinatori, vel mihi tempestive indicet, idque admonemus primo, vel secundo, vel tertio &c. ut supra.

Formula Testimonialium per Pastorem loci dandam super Denunciationibus factis pro Ordinando ad titulum Beneficii.

XXIII. Universis, ac singulis, ad quos spectat, notum facio, atque tenore presentium testificor ego subscriptus Pastor Ecclesiæ Parochialis N. loci de N. Colonienfis Archi-Diœcesis, quod die N. mensis N. anni N. inter Misarum solemniam, dum frequens adesset populus, denunciaverim N. filium N. aspirare ad sacrum Ordinem N. ad titulum perpetui Beneficii Ecclesiastici, valoris annui viginti quinque, ut minimum, florenorum aureorum Rhenensium, quod sub invocatione, seu altare S. N. in Ecclesia N. loci N. Colonienfis Archi-Diœcesis, Canonice, vere, ac pacifice, sine ulla lite, vitiove obtinere dicitur, ut si quis sciret aliquam subesse fraudem, fictionem, vel defectum in titulo Beneficii, aut illius annuo valore, aut quodcumque ipsius N. vitium, seu impedimentum, propter quod non debeat ipse N. ad prædictum sacrum Ordinem promoveri, quamprimum Reverendissimo Domino Episcopo Ordinatori, aut mihi significaret; neque huiusque quicquam significatum fuit, vel detectum, quod videatur impedire posse, quo minus prædictus N. ad prædictum sacrum Ordinem N. promoveri possit. In quorum fidem hæc literas propria manu scripsi, ac subscripsi, & sigillo meo muni in loco N. die N. mensis N. anno N.

Si ordinandus sit aliquis titulo Patrimonii sui, seu Pensionis, in præscripta formula Testimonialium omittantur verba, quæ Beneficii faciunt mentionem. Porro quid Regulares præstare debeant, ut idonei judicentur, dicitur infra §. 33. & 34.

XXIV. Sed ne denunciations, & inquisitiones huiusmodi fructu suo careant, non satis fuerit eas utcumque a Parocho factas esse, verum etiam expediet quandoque, quantum ad prædictæ inquisitionis finem necessarium videbitur, a dicto Parocho eodem tempore fideli populo explicari, quinam ordinari a sacris Canonibus prohibeantur.

XXV. Quin & universus populus a Pastoribus, Vice-Pastoribus & Con-

cionatoribus, Dominico die quamlibet sacram Ordinationem generalem proxime antecedente commoneatur, ut cum plerumque ad utilitatem populi disponatur ordinandorum electio, jejuniis quatuor temporum jam inde ab initio nascentis Ecclesiæ in hunc finem ante singulas ordinationes indictis, nec non piis, sanctisque precibus, toto corde ad Deum convertatur, suæque demissione, & conversione ab eo impetret, ut Episcopi, eorumque Adjutores Sancti Spiritus claritate illuminati, in examinandis, deligendis, & ordinandis Ecclesiæ Ministris suo rite officio fungantur, ac tales Deus in messiem suam mittens operarios subministret, qui ei secundum cor suum, & animam suam, in omni sanctitate, & iustitia omnibus diebus vitæ suæ in munere suo fideliter serviant.

XXVI. Quoniam Apostolo præcipiente, manus cito nemini imponenda est, & ab Ordinandorum examine eorundem prorsus pendet electio, Vicario nostro Colonienfi in Pontificalibus Generali, tanquam huic muneri in partem sollicitudinis nostræ Archi-Episcopalis potissimum delegato, atque adeo ordinariam jure communi jurisdictionem, seu potestatem habenti, vel maxime cordi debent esse ea, quæ ad examen hoc rite instituendum, & ad principia sua revocandum in Conciliis cum Oecumenico Tridentino, tum Provincialibus, ac Synodalibus sub Decessoribus nostris HERMANNO V. ADOLPHO III. & aliis Archi-Episcopis Colonienfibus laudabiliter sancita sunt, & decreta. Et quamvis Concilia hæc permittant, ut idem noster Vicarius adjutores, & focios in hoc examinationis munere habeat, volunt tamen omnino, ut primas sollicitudinis partes teneat, ne quæ ipsi ante omnia agenda erunt, aliis penitus ita committat, ut interim ipse omnium incertus, si indignos temere sacro Ordine initiaverit, alieni criminis confors, secutura inde offencicula portet; Quare inhærentes Decretis tam dicti Generalis Tridentini, quam Provincialium, ac Synodaliū Colonienfium Conciliorum, volumus omnino & serio mandamus, ut ordinandorum examini Generalis noster in Pontificalibus

libus Vicarius, cum cæteris Examinatoribus deputatis non tantum interfit (quandocunque per alias suas occupationes graviore commode potuerit) sed & eidem examini vice, & auctoritate nostra præsit, & quæ ex antiquis & novis Patrum Sanctionibus, de qualitatibus ordinandorum in Oecumenico Tridentino, atque Provincialibus, & Synodalibus Colonienfibus Conciliis præscripta sunt, studiose, magnaque cum diligentia, in usum & consuetudinem deducat, & non frustra, sicut antehac (perinde ac si ista cura ad eum non pertineret) hæc præscripta & toties repetita esse patiatur.

*Juramentum ab Examinatoribus,
& Substituto præstandum.*

XXVII. Examinatores autem ad examen ordinandorum assumendi, ne a recto devient, atque favore vel munere corrupti peccent, quilibet eorum, antequam recipiatur, coram nostro in Pontificalibus Vicario, se munus suum quacunque affectione seposita fideliter exequuturum, in hæc verba jurabit.

Ego N. ad munus Examinis ordinandum assumptus, juro, ac promitto obedientiam, reverentiam, bonorem & fidelitatem Summo Pontifici Romano, ac Reverendissimo Domino N. Archi Episcopo & Principi Electori Colonienfi, eorundemque Successoribus. Item juro & promitto me in eo munere, omni humana affectione deposita, fore fidelem, ac diligenter invigilaturum, ne quispiam indoctus, indolens, aliurve, qui magis destructurus, quam edificaturus esset domum Dei, ad ullum sacrum Ordinem suscipiendum a me approbetur; sciens, quod non solum coram ipso Summo Pontifice, ac Reverendissimo Domino Archi Episcopo, sed coram Deo præcipue, & Pastore Pastorum Christo, ejus rationem reddere teneat, si in admisione talium laxior fuero. Sic me Deus adjuvet, & hæc sancta Dei Evangelia.

Nullus porro Examinatorum valeat sui loco alium substituere, nisi cum nostro, nostrive in Pontificalibus Vicarii Generalis scitu & consensu, atque præmissis per Substitutum simili juramento.

XXVIII. Cum nihil pro collatione quorumcunque Ordinum, etiam Clericalis Tonfuræ, nec pro literis di-

missoriis, aut testimonialibus, nec pro sigillo, nec alia quacunque causa exigendum sit, nec etiam sponte oblatum accipiendum, & Oecumenica Synodus Tridentina omnem contrariam consuetudinem, etiam immemorabilem, tanquam corruptelam, & abusum Simoniacæ pravitati suffragantem expresse condemnet; idcirco caveant non tantum Ordinum Collatores, sed etiam omnes & singuli ordinandorum Examinatores, eorumque Famuli, Ministri, Scribæ, & Notarii, ne ab examinandis ad sacros Ordines suscipiendos, ante, vel post illorum examen, seu ordinationem, quovis prætextu, occasione examinis prædicti, vel collationis Ordinum quicquam prorsus exigant, neve sponte etiam oblatum accipiant. Scriba tamen sive Notarius Episcopi Ordinatoris, cum ipsi nullum salarium pro eo officio exercendo sit constitutum, accipiet, juxta Concilii Tridentini definitionem, pro singulis dimissoriis, aut testimonialibus literis, decimam duntaxat partem unius aurei, quam ad sexdecim albos monetæ Colonienfis, seu unum capitellum taxamus; inhærentes præterea dicti jam Concilii Tridentini Decreto, reliqua omnia jura in examinibus præfatorum ordinandorum, seu collatione Ordinum cuicunque, sub quocunque etiam colore solvi consue- ta, prorsus abrogamus, & abrogata esse omnino volumus, ac proinde eadem exigi, dari, offerri, vel etiam sponte oblata accipi, sub pœnis in eodem Concilio Tridentino commemoratis, severe prohibemus: prædicta vero omnia, ut ad executionem accuratius deducantur, expresse veramus, ne noster in Pontificalibus Vicarius ullum ordinet, circa quem præmissa non esse observata animadverterit; hæc siquidem est enixa nostra voluntas.

XXIX. Circa ordinandorum ætatem servetur Decretum Concilii Tridentini, nimirum, ut nullus ad Subdiaconatus Ordinem ante vigesimum secundum, ad Diaconatus ante vigesimum tertium, ad Presbyteratus ante vigesimum quintum ætatis suæ annum inchoatum promoveatur. Neque singuli in ea ætate constituti ad hos Ordines; sed digni duntaxat, & quorum proba-

probata vita senectus sit, assumantur. Regulares quoque nec in minore ætate, nec sine diligenti Episcopi examine, quemadmodum in eodem Concilio Tridentino præscriptum est, ordinentur; privilegiis quibuscunque quoad hoc, penitus exclusis.

XXX. Si quis autem vel Sæcularis, vel Regularis, absque speciali dispensatione Apostolica, ante hujusmodi ætatem, ad aliquem ex sacris Ordinibus se fecerit promoveri, ab ipsius Ordinis usu & exercitio ipso jure est suspensus; & si ejusmodi suspensione permanente, in eodem Ordine ministraverit, eo ipso irregularitatis pœnam, a qua nonnisi a Summo Pontifice Romano absolvi potest, incurrit, præter alias penas, quas talibus generaliter jura decernunt; quin & Beneficiis Ecclesiasticis, quæ obtinet, potest jure privari. Quæ omnia & singula ex Constitutione sel. rec. PII hujus nominis II. Pontificis Maximi etiam in iis locum habent, quæ extra tempora a jure statuta, vel absque literis dimissorialibus Antistitis sui Diocesani sacris Ordinibus se ingerunt.

XXXI. Tituli quoque ordinandum, five Beneficiales sint, five Patrimoniales, diligenter discutiantur, & nemo sacris Ordinibus ad titulum Beneficii, quantumvis opimi, inicietur, nisi Canonice institutionem seu Collationem, & pacificam possessionem ejusdem se obtinere antea probaverit: sicut, post antiquos Canones, explicate a Concilio Tridentino definitum est: cujus verba, cum alia præterea contineant, hic reperenda duximus: "Statuit, *inquit*, Sancta Synodus, ne quis deinceps Clericus sæcularis, quamvis alias sit idoneus moribus, scientia, & ætate, ad sacros Ordines promoveatur, nisi prius legitime constet eum Beneficium Ecclesiasticum, quod sibi ad victum honeste sufficiat, pacifice possidere: id vero Beneficium resignare non possit, nisi facta mentione, quod ad illius Beneficii titulum sit promotus: neque ea resignatio admittatur, nisi constituto, quod aliunde vivere commode possit: & aliter facta resignatio nulla sit." Idcirco, qui ad Ordinem Subdiaconatus se præsen-

tare voluerint, maturè prius examinata illius muneris, ad quod aspirant, dignitate, & si onus, quod ulro appetunt (nempe perpetuam castitatem servandi, Tonfuram & habitum Clericalem deferendi, Horas Canonicas quotidie recitandi, & Dei servitio, atque Ecclesiæ ministerio se totos mancipandi) vires suas, Deo adjuvante, excedere non sperent, compareant aliquot hebdomadis ante ipsam ordinationem coram nostro in Pontificalibus Vicario cum documentis Canonice institutionis seu collationis, possessionis, nec non annui valoris sui Beneficii, ad cujus titulum promoveri intendunt, quæ si sufficientia noster in Pontificalibus Vicarius judicaverit, hoc suo scripto testabitur, ne, cum ad examen vitæ & doctrinæ venit, hæc inquisitio eundem Vicarium diutius remoretur.

XXXII. Quæ de ordinandis ad titulum Beneficii *n. præcedenti* statuta sunt, ea similiter ab illis, qui titulo Patrimonii, seu pensionis ordinari petunt, diligenter & inviolate præcipimus imprimis observari. Insuper cum Oecumenica Synodus Tridentina de forma eosdem ad sacros Ordines admittendi diserte loquatur, ut sequitur: "Patrimonium vero, vel pensionem obtinentes ordinari posthac non possint, nisi illi, quos Episcopus judicaverit assumendos pro necessitate vel commoditate Ecclesiarum suarum, eo quoque prius perspecto patrimonio illud vel pensionem verè ab eis obtineri, taliaque esse, quæ eis ad vitam sustentandam satis sint: atque illa deinceps sine licentia Episcopi alienari, aut extinguì, vel remitti nullatenus possint, donec Beneficium Ecclesiasticum sufficiens sint adepti, vel aliunde habeant, unde vivere possint, antiquorum Canonum pœnas super his innovando." Et eadem Tridentina Synodus alibi: "Cum nullus debeat ordinari, qui iudicio sui Episcopi non sit utilis aut necessarius suis Ecclesiis; Sancta Synodus vestigiis sexti Canonis Concilii Chalcedonensis in hærendo, statuit, ut nullus imposterum ordinetur, qui illi Ecclesiæ, aut pio loco, pro cujus necessitate, aut utilitate assumitur, non

" adscribatur, ubi suis fungatur mun-
 " neribus, nec incertis vagetur sedibus.
 " Quod si locum inconsulto Episcopo
 " deferuerit, ei Sacrorum exercitium
 " interdicatur;" Maximus itaque est
 abusus, quoslibet ad titulum Patrimo-
 nii ordinare, cum plurimi eorum non
 pro Ecclesiæ, sed sua utilitate intendant
 ordinari, ex celebratione Missæ sordidum
 panis lucrandi commercium, non
 sine magno sancti Sacerdotii vilipendio
 & contemptu exercentes. Imitari pro-
 inde debent Episcopos Sanctos Pon-
 tifices Romanos, qui in primordiis Ec-
 clesiæ parcissimi erant in Presbyteris
 ordinandis. " Melius est enim, ut ait
 " S. Clemens Papa & Martyr, Domini Sa-
 " cerdotium paucos habere Ministros,
 " qui possint digne opus Dei exercere,
 " quam multos inutiles, qui onus gra-
 " ve Episcopo Ordinatori adducant." Eapropter severe prohibemus quem-
 quam deinceps ordinari titulo Patri-
 monii, seu pensionis, nisi copiam ejus
 authenticam penes ordinationis Secre-
 tarium, seu Notarium reliquerit, ser-
 vitio certæ alicujus Ecclesiæ se prius
 adscripserit, in qua suscipiendi Ordinis
 officium & functiones obeat, aliaque
 juxta præscripta Synodi Tridentinæ, &
 Decessoris nostri WALRAMI Archi-
 Episcopi Colonienfis Decreta præstite-
 rit. Vetamus quoque ordinatum ali-
 quem ad ulteriorem Ordinem admitti,
 nisi prius Ordinis suscepti publicum fe-
 cerit exercitium in Ecclesia, cujus ser-
 vitio se adscripsit, desuperque sufficiens
 testimonium exhibuerit.

XXXIII. Titulus beneficalis, vel
 patrimonialis, omnibus etiam deductis
 oneribus, sit deinceps viginti quinque,
 ut minimum, florenorum aureorum
 Rhenensium annui redditus a quovis
 ordinandorum coram Episcopo Ordina-
 tore documentis publicis, seu literis
 debita in forma expeditis, ante omnia
 probandus, qui non solum in registro
 ejusdem Episcopi Ordinantis, sed &
 ipsius ordinati literis diserte exprimat-
 ur. Et quo fraudibus ordinatorum occur-
 ratur, qui suum titulum sæpe resignant,
 vel alienant contra expressam
 Concilii Tridentini prohibitionem, vo-
 lumus, ut quilibet ordinandus, tam ti-
 tulo Beneficii, quam Patrimonii, seu

pensionis, præstet coram nostro in Pon-
 ticalibus Vicario Juramentum hoc.

Juramentum Ordinandi titulo Beneficii.

Ego N. juro, quod perpetuum Beneficium
 Ecclesiasticum, sub invocatione, seu ad altare
 S. N. in Ecclesia N. loci N. Colonienfis Archi-
 Diocesis, cujus titulo ad sacrum Subdiaconatus
 Ordinem sum promovendus, absque ulla frau-
 de, dolo vel Simonie labe affectus sim, ac
 vere & pacifice sine quacunque lite possideam,
 quodque illud Beneficium non resignabo sine
 præscitu & consensu Summi Pontificis Romani,
 vel Reverendissimi Domini mei Archi-Episcopi
 & Principis Electoris Colonienfis, seu ejus Vi-
 carii in Pontificalibus Generalis, & nisi expresse
 facta in literis ipsius resignationis mentione,
 quod ad ejusdem Beneficii titulum sim ordina-
 tus, & neque tum quidem, nisi consiterit mihi
 de alio perpetuo Beneficio Ecclesiastico ad con-
 gruam mei sustentationem sufficienti esse pro-
 spectum, vel quod aliunde vivere commode pos-
 sim. Ita me Deus adjuvet, & hæc sancta
 Dei Evangelia.

Juramentum Ordinandi titulo Patrimonii, seu Pensionis.

Ego N. juro, quod in acquisitione & de-
 signatione bonorum meorum patrimonialium,
 quorum titulo promovendus sum ad sacrum
 Subdiaconatus Ordinem, nulla fraus, aut dolo
 intercesserit, quodque illa vere, & pacifice possi-
 deam, neque ulli alii sint oppignorata, neque
 imposterum directe, vel indirecte alienabo, seu
 quoquo modo distrabam, nisi mihi prius fuerit
 de perpetuo Beneficio Ecclesiastico, eoque ad
 congruam meam sustentationem sufficienti pro-
 visum, neque tunc quidem aliter, quam cum
 præscitu, & consensu Romani Pontificis, seu
 Reverendissimi mei Archi-Episcopi, ac Princi-
 pis Electoris Colonienfis, seu ejus Vicarii in
 Pontificalibus Generalis in literis ipsius aliena-
 tionis seu distractionis specialiter exprimendo.
 Beneficium autem, quod in dicti mei tituli lo-
 cum successerit, sine simili consensu non resigna-
 bo. Ita me Deus adjuvet, & hæc sancta Dei
 Evangelia.

Aliud Juramentum præstandum a promovendo ad sacrum Subdiaconatus Ordinem.

Ego N. juro ad sacrum me Subdiacona-
 tus Ordinem non vi, dolo, aut metu mihi a
 Paren-

Paventibus, aut ab alio mortalium illato, neque ex indebita cujuscunque persone persusione, inductione, vel subornatione; sed sponte & libere, ac prævia matura deliberatione, nec non habita prius notitia onerum, & obligationum eidem Ordini annexarum promoveri velle. Item juro me Clericalem Coronam in vertice capitris mei & habitum Ecclesiasticum Ordinibus suscipiendis convenientem, semper delaturum. Ita me Deus adjuvet, & hæc sancta Dei Evangelia.

XXXIV. Præter dictas porro tituli probationes, quisquis majoribus Ordinibus insigniendus sæcularis, si in Ecclesia Collegiata, ejus subiecta resideat, a Decano illius Capituli, vel, eo absente, ab ipsomet Capitulo; si in Collegio, vel Gymnasio aliquo degat, ab illius Præside seu Regente, alias a proprio Parocho, adferat testimoniales literas laudabilis vitæ antea, doctrinæ, & exercitii in Ordinibus susceptis, etiam quoad vestium usum quotidianum, quæ Clericos decent, & speciatim an collaria sub amictu in sacrorum Missæ Officiorum administratione, tanquam partem vestis sæcularis tegendam, texerit, cæteraque rite & pie, quæ ipsum agere conveniebat, fecerit; uti sunt Horarum Canonicarum recitatio, habitus ac Tonsuræ Clericalis gestatio; denique etiam hoc, quod nulla censura, nulla irregularitate, nulloque alio Canonico impedimento sit irretitus. Religiosus quorumvis Ordinum, etiam Mendicantium, a suo Superiore simile testimonium in scriptis exhibeat; & testimonium hujusmodi non habens, ne quidem ad examen admittatur.

XXXV. Quemadmodum Clericus sæcularis, quamvis alias sit idoneus moribus, scientia, & ætate, ad sacros Ordines promovendus non est, nisi prius legitime docuerit, provisum sibi esse de sufficienti titulo Beneficiali, vel Patrimoniali, vel pensionis; & insuper juraverit, quod titulum illum, quem pro futura sua promotione exhibet, vere & pacifice absque ulla fraude, seu lite possideat: & ante nolit dimittere, quam ei de alio sufficienti beneficiali canonice fuerit provisum; ita quoque Clericus Regularis testimonio sui Superioris ante docere debet, se Religionis, cui adscriptus est, Professionem emi-

sisse, & præterea a jurejurando affirmare, se eam sponte ac libere fecisse, aut ratam, gratamque habuisse, & etiamnum habere: illudque in Ordinariorum Registro diserte exprimitur.

Juramentum Regularis titulo Religiosæ paupertatis Ordinandi.

Ego N. ad sacrum Subdiaconatus Ordinem titulo Religiosæ paupertatis promovendus, juro me sponte, ac libere expressam trium votorum substantialem, Obedientiæ, Paupertatis, & Castitatis professionem in Religione mea Ordinis S. N. emisisse, eamque habuisse, & etiamnum habere ratam, & gratam. Ita me Deus adjuvet, & hæc sancta Dei Evangelia.

XXXVI. Verum ne quis a stiva ad sacros statim Ordines profiliat, & qui paulo ante totus adhuc sæcularis erat, brevi post Clericus, imo cum gravi ipsius populi admiratione, & offensione Sacerdos appareat, antequam probatus, & in unoquoque munere juxta præscriptos a Sancta Catholica & Apostolica Romana Ecclesia Ritus & Cæremonias satis sit exercitatus; volumus, ut nemo deinceps Subdiaconus, vel Diaconus ad superiorem Ordinem promoveatur, nisi prius Commentarium in Rubricas Missalis Romani, Auctore Bartholomæo Gavanto, seu Compendium sacrorum Rituum in quibuscunque Sacris observandorum, in quo Rubricæ Missalis ex novissima fel. rec. URBANI VIII. Pontificis Maximi correctione cum annotationibus ex Cæremoniali Episcoporum, & aliis probatissimis auctoribus continentur, Colonia excusum sibi comparaverit, atque ex iisdem Ritus & Cæremonias Sacrificii Missæ privatz, & solennis perfecte didicisse in examine Ordinandorum debite probaverit; nec non juxta eorundem præscriptum in Ecclesia, cui ordinandus est adscriptus, aut alia, Ordinis illius, in quo est constitutus, ministerio laudate fuerit functus. Verat enim antiquitus in Ecclesia Dei observata consuetudo eos ad superiores Ordines promoveri, qui inferiorum functione se non declaraverint idoneos.

XXXVII. Insuper quivis Clerici beneficiati, quamdiu nullo Ordine sacro insigniti fuerint, saltem in quinque

majoribus anni festivitatibus, videlicet Paschatis, Pentecostes, Assumptionis Beatissimæ Virginis Mariæ, omnium Sanctorum, & Nativitatis Domini, Sacram Eucharistiam reverenter sumant, salva consuetudine earum Ecclesiarum, ubi frequentior Communio esse solet; sciantque Subdiaconi & Diaconi, maxime decere, ut singulis diebus Dominicis, & solennioribus Festis Altari ministrantes, Sacram Communionem percipiant.

XXXVIII. Proin ad singulos majores Ordines promovendi faciant, neminem a nostro in Pontificalibus Vicario deinceps ordinandum, nisi examinandum exhibeat eidem nostro Vicario fide digna testimonia, quod a novissimo Ordine suscepto honeste ac laudabiliter vixerit, Clericalem habitum, ac Tonsuram semper derulerit, Horas Canonicas quotidie recitaverit, in Ordinibus susceptis se rite & debite exercuerit, sæpius Sacram Communionem sumperit, atque novas proclamationes, *sicut supra præscribitur*, in Ecclesia Parochiali, sub qua habitat, fieri curaverit. Item nisi testimoniales literas ætatis suæ per Parochum, inspecto libro Baptismali, aut auditis parentum, vel susceptorum, vel iis deficientibus, aliorum fide dignorum testimonio depositionibus, fideliter expeditas, *secundum Formulas supra annotatas*, tituli que sufficientis documenta produxerit.

XXXIX. Quotquot ad primam Tonsuram, minores, majoresque Ordines aspirant, se cum requisitis documentis mane feria tertia, quarta vel quinta ante ipsam sacram Ordinationem sistant, & nomina sua inscribi curent in domo Vicarii nostri in Pontificalibus Generalis, ut præhabita ab eo in scriptis licentia, deinde juxta præscriptum Concilii tam Generalis Tridentini, quam Provincialis, ac Synodalis Coloniensis, hora, & loco ad id constitutis examinentur: ad examen vero nulli, qui honesto non fuerit indutus habitus, & convenienti pro Ordinis sui ratione, Tonsura insignitus Clericali, aditus pateat.

XL. Examinandus ad sacrum Subdiaconatus Ordinem ante omnia inter-

rogetur, quo affectu ductus Ordinem illum petat, an propositum ejus sit pium, sanctum, ac firmum satisfaciendi triplici, quam ipse Subdiaconatus Ordo habet annexam, obligationi, Tonsuram scilicet & habitum Clericalem gestandi, perpetuam servandi continentiam, ac quotidie recitandi Horas Canonicas; & quantum in horariis precibus recitandis sciat, si enim Religiosorum Ordinum Superiores eos, qui ad Ordinem suum admitti flagitant, diu multumque & severe probent, ac percontentur: cum horum Ordinum comperitores non Beneficia Ecclesiastica, sed disciplinam, ac rigorem, aliaque gravia onera ambiant, Ecclesiam in Beneficiis disperitiendis esse remissiolem, quam illos, in concedendo rigore & disciplina neutiquam decet; Ordinandum vero per hujusmodi examen, sciat se in conscientia teneri ad veritatem exprimendam, & si secus fecerit, dignam cum Anania & Saphira, Spiritui Sancto mentitus, peccato suo mercedem reportabit. Novit itidem ordinatus Subdiaconus se obligatum, juxta Canonicas Sanctiones, ad preces istas horarias quotidie persolvendas sub pœna peccati mortalis, & si Beneficiatus est, amissionis ac restitutionis insuper fructuum, pro rata illius diei ac temporis, quo officium non implevit: ideoque unusquisque huic obligationi studiose satisfacere in præsentem intendat; & post ordinationem, uti debet, re ipsa satisfaciatur.

XLI. Et quia in cantu Ecclesiastico addiscendo hætenus magna Ordinandorum negligentia, non sine gravi offendiculo populi, fuit animadversa, ut aut muti sint multi in Choro Clerici cantus Ecclesiastici imperiti, aut ob vocem inconcinnam, & absonam mutis deteriores sæpe reperiantur. Idcirco serio mandamus omnibus ad sacros Ordines aspirantibus, ut cantum Gregorianum seu Choralem ex principiis, usu, arque exercitatione ante ordinationem addiscant: quia & hujus in examine posthac rationem accuratam haberi, pro ratione personarum, & instituti volumus.

XLII. Ad Ordinem Diaconatus promovendi diligenter secum perpendant, ad quantum gradum Ecclesiæ ascen-

ascendant: nam ut olim Levitæ Arcam fœderis, ita nunc ipsi Ecclesiam Dei portare & munire debent, ornatu sancto, prædicatione Divina, exemplo perfecto, ut vere testentur se esse Levitas, hoc est, assumptos a carnalibus desideriis, & a terrenis concupiscentiis, quæ militant adversus animam, ut hæreditas & tribus amabilis Domini esse mereantur, & tanquam Ministri, & Dispensatores Corporis & Sanguinis Domini sint ab omni illecebra carnis alieni, & quibus Evangelium ore annunciant, vivis operibus exponant, Sanctorumque, maxime S. Stephani ac S. Laurentii exemplis in præparationem Evangelii pacis, pedes suos calceatos habeant.

XLIII. Qui vero ad sacrum Presbyteratus Ordinem, onus Angelicis humeris formidandum, se præsentare intendunt, meminerint magno cum timore ac tremore ad tantum gradum ascendendum, atque solícite providendum, ut cœlestis sapientia, probi mores, & diuturna justitiæ observatio ad id electos commendent, & advocati in adiutorium Episcoporum cognoscant, quod agunt, imitentur, quod tractant, quatenus mortis Dominicæ mysterium celebrantes, mortificare membra sua a vitiis, & concupiscentiis suis omnibus procurent; sitque doctrina eorum spiritualis medicina populo Dei, sit odor vitæ delectamentum Ecclesiæ Christi, ut prædicatione, atque exemplo ædificent domum, id est, familiam Dei. Eluceat in iis totius forma justitiæ, ut bonam rationem dispensationis sibi creditæ reddituri, æterna beatitudinis præmia consequantur.

XLIV. Ad primam Tonsuram, aut etiam minorem Ordinem aliquem admitti, feria sexta matutina hora octava, in domo Generalis nostri in Pontificalibus Vicarii adsint, Clericali vestitu induti, capillis abscissis, seu decenter compositis, & superpelliceum, atque cereum singuli in promptu habentes: qui ubi Clericalem Tonsuram, vel aliquem Ordinem minorem susceperint, sicut & singuli majoribus Ordinibus initiati, in vertice capitis coronam sibi radi curent, pro uniuscujusque Ordinis, gradus ac status conditio-

ne latam, eamque conspicuam perpetuo deinde gerant, ac secunda, vel tertia qualibet hebdomada, atque præcipuis anni festivitibus faciant renovari, ut hoc antiquissimo Ecclesiæ ritu significant, se superflua omnia, curasque omnes sæculares ac terrenas sollicitudines abjecisse, & ea, quæ sursum sunt, quærere & sapere: nec propter Laicorum præcipue hæreticorum derisionem, aut vulgi judicium, quemquam pudeat hoc symbolo Duce[m] & Imperatorem suum profiteri, cui per arma justitiæ a dextris & a sinistris, per gloriam & ignobilitatem, per infamiam, & bonam famam debet militare: maxime cum Concilium tam Oecumenicum Tridentinum, quam Provinciale & Synodalia Colonien[sis] declarent, nullum prima Tonsura initiatum, aut etiam in Ordinibus sacris constitutum, fori privilegio gaudere, nisi Tonsuram & habitum Clericalem gesserit; prorsus quippe indignus est, quem consecratur Christus coram Patre suo cœlesti, & Angelis ejus, qui erubuerit Christum, cujus Minister esse intendit, confiteri coram hominibus: imo Christi nequit esse, verus Minister, si extra grave periculum Ministrorum Christi proprium colorem aut insignia gestare detraxerit, quam rem fel. rec. SIXTUS hujusce nominis V. Pontifex Maximus severioribus adhuc pœnis prosequens, hæc, quæ sequuntur, constituit.

SIXTUS EPISCOPUS, SERVUS

SERVORUM DEI, AD PERPETUAM

REI MEMORIAM.

"Cum Sacrosanctam Dei Ecclesiam, &c. (*Vide Sixti Papæ V. Constitut. 92. Bullarii Tom. 2.*)

XLV. Ut vero constet, quam latam quisque pro ratione Ordinis, gradus ac status sui debeat gestare coronam; Sacerdotis corona amplitudine sua hostiæ magnæ, quæ ad Missæ Sacrificium servit, par sit; Clerici vero, atque item minoribus Ordinibus initiati parvulæ hostiæ, quæ Laicis communicantibus exhiberi solet, quantitatem æquet. Diaconi autem paulo minor sit Sacerdotali, & sicut Subdiaconi paulo major Clericali; ita Pastoris vel curam animarum habentis paulo sit

Ddd dd 3

major,

major, quam Sacerdotalis, & Prælati tonsura paululum excedat eam, quæ est Pastoris.

XLVI. Omnes admissi ad Ordines sacros suscipiendos, Sabbato generalis Ordinationis die simul ad medium horæ octavæ matutinæ in Metropolitana nostra, vel alia pro dictis Ordinibus conferendis ab Episcopo Ordinatore designata Ecclesia adsint, honesta induti veste talari, nec non corona iuxta ac decentis pro Ordine atque gradu suo magnitudinis insigniti, & coram Vicario nostro in Pontificalibus Generali, vel alio per ipsum ad id deputato, Catholicæ fidei Professionem, juxta formulam a fel. rec. PIO Papa IV. præscriptam, palam emittant, sub pœna rejectionis pro illa vice, a susceptione Ordinis.

XLVII. Parata quoque habeant paramenta Ecclesiastica coloris Sacrosancto Missæ Officio sacrarum Ordinationum convenientis, atque cereum: & cum a Secretario seu Notario Episcopi Ordinatoris, fuerint nominati, respondeant *Adsum*; factaque eidem Episcopo debita reverentia, accedant ad locum ordinationis, secundum descriptionis ordinem.

XLVIII. Singuli majoribus Ordinibus initiandi sese præparent, prævia Sacramentali Confessione, ad sacram Communionem, eodem Sabbato ordinationis reverenter ac devote sumendam, hoc modo, videlicet, postquam Episcopus Ordinator ipse communicaverit, accedent ad altare Presbyteri; deinde Diaconi; postremo Subdiaconi, quibus ordinatim genuflectentibus, & Episcopo ad eos converso, singuli Diaconi & Subdiaconi tantum dicent submissa voce: *Confiteor Deo omnipotenti, &c.* vel unus eorum cantabit: *Confiteor, &c.* deinde data per Episcopum Absolutione, & Benedictione, ordinati ad supremum gradum altaris accedent, & quilibet ibidem genuflexus, priusquam Sanctissimam Communionem sumat, manum Episcopi sacram Hostiam tenentem osculabitur, sacraque Communionem sumpta, respondebit *Amen*. Tum surgens, purificatione a Ministro apud cornu Epistolæ altaris stante accepta, ad partem se locabit.

XLIX. Sacro Presbyteratus Ordine insigniendi mappulam quoque albam, & honestam, pro manibus inunctis colligandis, secum adferant, atque singuli Missale Romanum vel saltem novum Colonienſe instar Romani correctum; ut cum Episcopo Ordinatore celebrante celebrare possint, & omnia dicere, præsertim verba Consecrationis, quæ recitari debent eo momento per ordinatos Sacerdotes, quod dicuntur per Episcopum Ordinatorem, ea cautione, ut intendant consecrare, sive Panem & Vinum transubstantiare in Corpus, & Sanguinem Christi Domini, si cum Episcopo tunc consecrante simul absolvant formam Consecrationis; si autem ante illum, vel post illum eandem absolverint, nihil velle pro ea vice agere, aut certe habeant intentionem proferendi verba Consecrationis, secundum mentem Ecclesiæ.

L. Ordinati Sacerdotes, intra quadraginta dies ab ordinatione sua, juxta antiquam consuetudinem, Primitias suas celebrent: & si qui præscripto tempore id non præstiterint, ii Nobis, nostro Suffraganeo in Pontificalibus vices nostras gerenti denuncientur, debite puniendi; sed ne quisquam forte a susceptione Ordinis Sacerdotalis rejectus, ad evitandam apud suos confusionem, ministerium Sacerdotale, quod non accepit, sacrilega temeritate usurpare attentet, districte præcipimus, ut nemini Primitias celebrare permittatur, antequam Superiori Ecclesiastico sæculari, vel Regulari ejus loci, ubi Primitias celebrare intendit, literas suscepti Sacerdotii exhibuerit: atque sacros Missæ Ritus & Cæremonias ab aliquo Cæremoniarum & Rituum Ecclesiæ Romanæ perito Sacerdote se perfecte didicisse testimonio Instruitoris sui legitime probaverit, sicut supra præscribitur.

LI. Cum omnia Christianorum convivia frugalia atque honesta esse debeat, & sobrietatem sapere, tum ejus præcipue, qui Primitias celebraturus est, ideoque ad evitandum immoderatum luxum, & ea, quæ ipsum comitari solent, pericula, insolentias, cædes &c. omnemque immodestiam, & confusionem, serio mandamus, ut Sacerdo-

cerdos primitus Sacris operaturus, non plures, quam quinquaginta convivas invitari patiatur, sub pœna quinquaginta Dalerorum Imperialium Archiepiscopali nostro Seminario applicandorum. In his autem conviviis caveantur omnes comessationum & potationum in seram usque noctem protractiones, saltitationes, ac quævis aliæ levitates & insolentia sub pœna arbitraria.

LII. Ad tollendum quoque abusum, qui apud nonnullos frequens esse solet, ut videlicet oblationes ad Primitias conferri solita in ædibus privatis super mensam communem reponantur, manifestando palam, quod quisque obtulerit, unde varia incommoda oriri notum est, severe prohibemus,

ne dictæ oblationes alibi, quam in Templo super Altare sacrum fiant, ut munus offerentium non ex necessitate, sed ex libera voluntate & pia erga Sacrificantem charitate proficiatur, sub pœna amissionis oblationum eidem Seminario nostro applicandarum.

LIII. Denique Sacerdotes, ne tanti tamque pretiosi talenti sibi frustra crediti severissimo Judici, magno suo malo, rationem reddere cogantur, nullos dies Dominicos, Festave solennia, nisi legitima gravique causa impediti, abire sinant, quibus Sanctissimum Missæ Sacrificium Deo pro suis, ac totius populi peccatis non offerant. Si autem curam habuerint animarum, tam frequenter, ut suo muneri satisfaciant, Sacrosancta Missarum Officia celebrent.

DECRETORUM SYNODALIUM PARS QUARTA.

DE SACRAMENTO MATRIMONII.

I. **Q**uotidiana docet experientia, Matrimonia temere & præpropere contracta infinitas parere difficultates, & infelices sæpe exitus sortiri: proinde recte ordinatum est, ut Sponsalia, quæ futuri Matrimonii promissionem & reciprocam utriusque obligationem continent, præmittantur. Quamvis vero hæc sacrum Concilium Tridentinum non attigerit, & ideo dispositioni juris communis relicta sint (præterquam quod nunc, sublato Matrimonio clandestino, per copulam carnalem, ut olim, non transeant in Matrimonium) certum tamen est ea, sive publice, sive privatim absque præsentia Parochi & testium contracta, valida esse; non sine peccato mortali posse violari, quod Pastores, Vice-Pastores, Concionatores & Confessarii, data opportunitate, subditis suis & auditoribus sapius explicare & serio inculcare non intermittant; ne, quod multi leviter spondent, facilius retractent, & sic plurimorum inde emergentium incommodorum auctores existant.

II. Et ut ipsa Sponsalia tanto maturiore judicio ac libertate arbitrii fiant,

quanto operosius conciliantur, semotis temerariis motibus affectuum humanorum ac passionum, quæ homines passim in mala inextricabilia præcipitant, strictè præcipimus, ut Sponsalia non nisi coram proprio alterutrius contrahentium Parocho, seu Vice-Parocho, & duobus testibus in Ecclesia, locove sacro, aut domo saltem aliqua honesta, nunquam vero in ænopolis, cauponis seu tabernis potoriis contrahantur. Secus autem facientes certam, nec deprecandam trium florenorum aureorum Rhenensium mensæ pauperum loci applicandorum multam subeant. Ipse vero Parochus, aut Vice-Parochus, si ejusdem nostri Decreti violator extiterit, pœna duplici, & suspensionis a Divinis, per immediatos suos superiores nostros Subdelegatos, puniatur. Unde etiam severe inhibemus, ne ebriis aut potu obrutis Sponsalia contrahere volentibus suam dicti Curiones, seu Vice-Curiones impendant operam, sed eos in aliud tempus, quo sobrii cognoscant quid agant, rejiciant.

III. Curet etiam Parochus, seu Vice-Parochus, ut Parentum quoque con-

consensus Sponsalibus accedat, qui, si iisdem iustis ex causis oblucentur, non temere procedat; sed liberos moneat, ne invitis & insciis ipsis, vel tutoribus, aut amicis, Sponsalia seu Matrimonium inire, ne hac in re tanti momenti quidquam impetu præcipiti ducti, quod honestati repugnet, audeant inchoare, sed illorum consilio & auctoritate moti, prævia matura deliberatione, ineant conjugia, & mala, quæ offensos parentes, & amicos comitari & sequi solent sæpe maxima, devitent; malintque Jacob virum electum, qui placitam patri duxit Rebecam, quam profanum Esau imitari, quem refert Scriptura duxisse uxores, quæ offenderant animum Isaac. Admoneat etiam ex altera parte Parentes, tutores, vel amicos, ne ipsi austeritate nimia liberorum, vel sibi commissorum ætatis maturæ tardius æquo differant connubia: ne vel incontinentiæ, vel fugæ, aut fatuitatis, seu mania, quæ subinde ex magnis amoribus nasci consuevit, vel inconsultæ rei aggrediendæ pœnitendam præbeant iis occasionem. Pari, imo urgentiori ratione ac zelo horretur identidem Parentes, ne per vim invitos filios adigant ad hoc illudve Matrimonium, cum irrita sint etiam Sponsalia de futuro, quæ per parentes sine liberorum consensu expresso vel tacito contrahuntur; ideoque coram Pastore, ejusve Sacellario, qui Sponsalibus intererit, declarent contracturi, an libere vel coacte consentiant.

IV. Priusquam Sponsalia contrahantur, Pastor, seu Vice-Pastor seorsum inquirat: *Primo*, an despondendi sint orthodoxi, noverintq; Romano-Catholicæ fidei rudimenta? *Secundo*, an ullius sibi conscii sint impedimenti Canonici, quod contrahendum inter se Matrimonium possit impedire? *Tertio*, an sacro Chrismate confirmati? Quod si in horum aliquo deficere despondendos advertat, opportuna iis remedia Pastor, seu Vice-Pastor adhibere non omittat, nimirum *Primo*, ut doctrinæ Christianæ rudimenta prorsus ignorantes, saltem Orationem Dominicam, Salutationem Angelicam, Symbolum Apostolorum, decem Præcepta Decalogi,

& quinque Præcepta Ecclesiæ antea addiscant, quam Matrimonio jungantur, cum ea deinde liberos suos docere debeant. *Secundo*, impedimenta, si possint, amoveant, aut si dirimentia sint, mature a consilio Matrimonii cogitati desistant. *Tertio*, hortetur, ut si confirmati non sint, curent ante Matrimonium se confirmandos.

V. Pro majori autem securitate & desponsorum corrigenda levitate, atque inconstantia, mandamus Parochis, seu Vice-Parochis omnibus, ne patiantur illos, qui in legitima ad Matrimonium ineundum ætate constituti Sponsalia contraxerunt, ejusmodi promissioni de futuro Matrimonio factæ propria sua auctoritate ac voluntate renunciare, & se mutuo absolvere; sed illos ad Nos, vel nostrum in Spiritualibus Vicarium Generalem remittant, nisi ad forum contentiosum res deducta fuerit; ut causa discussa, si ea secundum juris dispositionem iusta appareat, ab ejusmodi promissione liberentur.

VI. Graviter peccant, qui vel ignorantia vel malitia humana suadentibus, post inita Sponsalia, ante legitime Matrimonium per verba de præsentem contractum concumbunt, ad quod periculum incontinentiæ vitandum, Parochus, seu Vice-Parochus admoneat Desponsos, ut juxta receptam Ecclesiæ consuetudinem intra quadraginta dies, præmissis tamen juxta Concilii Tridentini præscriptum trinis proclamationibus, nisi Canonicum obster impedimentum, Matrimonio solenniter copulentur: simulque injungat, ut interea temporis ab omni carnis commercio abstineant, nec falso quorundam improborum prætexant dictum, desponsos coram Deo esse conjuges. Quæ enim ratione coram Deo conjuges censentur, quos reos sceleris propria redarguit conscientia? Ut vero ab ejusmodi periculo absint longius, ante Sacerdotis benedictionem in Templo suscipiendam, eodem non utantur domicilio, nec soli facile multumve secum versentur. Quod si spreto consilio & jussu, nihilominus desponsi simul habitaverint sine evidenti necessitate (quæ tunc solum erit probabilis, quando ante Sponsalia & Matrimonii consi-

consilium usi fuerunt eadem habitatio-
ne, uti servus & ancilla, minister &
filia) non ante ad Matrimonium ineun-
dum admittantur, quam ab invicem
discesserint, atque etiam pœnæ arbitrio
nostro, nostrique in Spiritualibus Gene-
ralis Vicarii, pro ratione culpæ & of-
fendiculi illis infligendæ satisfecerint;
si vero Pastoris, seu Vice-Pastoris culpa
vel negligentia secus factum fuerit,
arbitrio nostro, seu ejusdem nostri Vi-
carii graviter idem puniatur.

VII. Nec patiatur ullus Parochus
seu Vice-Parochus quempiam cujusvis
status, gradus & conditionis hominem,
qui sibi ignotus in suam Parochiam ex
aliena Dicecesi commigrat, cum mu-
liere, quam secum uxoris nomine du-
xerit, in eâ habitare, dummodo fla-
gret infamia, vel alia suspitione legiti-
ma conjicere possit, illam habere loco
concubinæ, nisi satis idoneis testimo-
niis probaverit, se illi legitimo conju-
bio esse copulatum.

VIII. Cum Sancta Mater Ecclesia
Romano-Catholica iustissimis ex causis
semper detestata sit clandestina Matrimo-
nia, eaque propter incommoda ma-
xima, quæ exinde solent emanare,
gravissime vetuerit; Insuper etiam fel.
rec. ERNESTUS ac FERDINAN-
DUS, Archi-Episcopi Colonienfes, De-
cessores nostri, in tribus ex ordine Syn-
odis, annis scilicet 1598. 1612. & 1627.
celebratis, atque iterum idem FERDI-
NANDUS patentibus suis literis 5. No-
vembris 1647. seorsim typis vulgatis
mandarint, ut Decretum Oecumenici
Concilii Tridentini, irritum & invali-
dum declarans Matrimonium aliter,
quam coram proprio Parocho, vel alio
Sacerdote de ipsius Parochi, seu Epi-
scopi Ordinarii Dicecesani licentiâ, &
duobus testibus contractum, in singu-
lis Civitatis & Archi-Dicecesis nostræ
Parochialibus Ecclesiis populo quam
sæpissime promulgaretur; comperimus
nihilominus cum animi dolore ejusdem
promulgationem juxta præscriptum
non esse ubique subsecutam, præsertim
in Ecclesiis, Ducatibus, Comitibus,
Territoriis, & Dominiis in Archi-Dice-
cesi quidem nostra existentibus; sed
temporali nostræ jurisdictioni & Do-
minio non subiectis, idque ob Deca-

norum Christianitatum, seu Ruralium,
& Parochorum negligentiam. Unde
cum hætenus abusus, offendiculi &
perturbationes maximæ durent in Ar-
chi-Dicecesi nostra, dum quidam mali-
tiose conferunt se ad vicina loca, in
quibus nondum præfatum Decretum
est publicatum, ibique clandestina ce-
lebrent Matrimonia contra prædicti
Concilii prohibitionem. Alii prima
uxore relicta, aliam, & plerumque plu-
res, illa vivente, diversis in locis ducant;
ut his malis efficaciter occurramus,
serio præcipimus omnibus ac singulis
Civitatis & Archi-Dicecesis nostræ Pa-
storibus & Vice-Pastoribus tam sub
temporali nostra jurisdictione, quam
extra eam in nostra Archi-Dicecesi con-
stitutis, ut in quocunque loco dictum
Tridentinum Decretum de Reformatione
Matrimonii non est pro suggestu publi-
catum, idipsum promulgent & expli-
cent intra mensis unius spatium incep-
turi a die habitæ præsentium notitiæ:
idemque in loco patente, ut ab omni-
bus legi possit, per mensem affixum
servent: ac deinde bis in anno prima
scilicet Dominica post festum Epipha-
niæ, & prima Dominica post festum
Sanctissimæ Trinitatis, idque per trien-
nium integrum a notitia hujus incho-
andum, atque etiam sæpius hanc publi-
cationem & explicationem, in Cate-
chetica sua lectione, ne qui simplicio-
res ignorantiam prætereundere possint,
reperant, ac populo inculcent sub pœna
decem florenorum aureorum, quoties
illud neglectum fuerit, fabricæ Eccle-
siæ, seu mensæ pauperum loci appli-
candorum: iidem etiam literas testimo-
niales de facta hac promulgatione con-
ficere, Nobisque, seu nostro in Spiritu-
alibus Vicario Generali consignare
teneantur, cum subscriptione Parochi,
vel Vice-Parochi & ædiliū cujuscun-
que Parochiæ. Eandem quoque repe-
titionem aliis in locis, in quibus hæte-
nus Decreti illius promulgatio effectui
data fuit, injungimus. Et ne deinceps
ullius corpore, negligentia, vel
incuria opus tam pium retardetur, in
hunc usum sæpius ejusdem Decreti Tri-
dentini verba & latina & translata in
idioma nostrum his duximus adjun-
genda.

Eee ee

Decre-

*Decretum Concilii Tridentini
de Reformatione Matrimonii.*

"Tamen si dubitandum non est, &c.

Idem Decretum germanice versum.

"Wiewol man nit zweiffeln soll, &c.

IX. Quem in finem mandamus omnibus Præpositis; Archi-Diaconis, & Decanis Christianitatum, seu Ruralibus, ut in Visitationibus singularum Ecclesiarum Parochialium sedulo inquirent, num Tridentinum Decretum prædictum populo publicatum & explicatum, illiusque publicationis attestatio ad Nos, vel in Spiritualibus Vicarium nostrum Generalem transmissa sit; & in suarum Visitationum actis expresse annotent, an huic nostro mandato satisfactum sit, nec ne, ut inobedientes, si qui fuerint, debitas luant pœnas, & eorum defectus suppleantur.

X. Quamvis jure antiquorum Canonum Matrimonium clandestinum libero contrahentium consensu initum, verum fuerit Matrimonium (siquidem & consensus privatim datus, verus consensus est, isque sufficit ad contrahendum Matrimonium), novo tamen Tridentini Decreti prædicti jure, quotquot ex locis, ubi Decretum istud est promulgatum, conferunt se ad vicina loca, in quibus hoc Decretum nondum est publicatum, ibique clam Matrimonium contrahunt, horum Matrimonium irritum prorsus est ac nullum: sicut sacra Congregatio Cardinalium Concilii Tridentini interpretum hac super re a rec. mem. FERDINANDO Archi-Episcopo Decessore nostro consulta respondit: idemque sel. rec. URBANUS VIII. nominis hujusce Pontifex Maximus per suas literas in forma Brevis sub annulo Piscatoris, ut vocant, expeditas confirmavit, quarum verba hæc sunt.

U R B A N U S P A P A VIII.
AD FUTURAM REI MEMORIAM.

"E Xponi Nobis nuper fecit Ven. Fr. Archi-Episcopus Colonien-
"hs, quod habito nuper per eum ad
"Venerabiles Fratres S. R. E. Cardi-
"nales sacri Concilii Tridentini inter-

"pretes recursu super infra scriptis du-
"biis, videlicet: Primo, an incolæ tam
"masculi, quam feminae loci, in quo
"Concilium Tridentinum in puncto
"Matrimonii est promulgatum, tran-
"seuntes per locum, in quo dictum
"Concilium non est promulgatum, re-
"tinentes idem domicilium valide pos-
"sint in isto loco Matrimonium sine
"Parocho & testibus contrahere. Se-
"cundo, quid si eo prædicti incolæ tam
"masculi, quam feminae solo animo
"sine Parocho & testibus contrahendi
"se transferant habitationem non mu-
"tantes. Tertio, quid si iidem incolæ
"tam masculi, quam feminae eo trans-
"ferant habitationem illo solo animo,
"ut absque Parocho & testibus con-
"trahant. Idem Cardinales ad primum
"& secundum non esse legitimum Matri-
"monium inter sic se transferentes, &
"transeuntes cum fraude.

"Ad tertium vero dubiorum hujusmodi,
"si domicilium vere transferatur, Ma-
"trimonium esse validum responde-
"runt & resolverunt, prout in Decre-
"to desuper emanato plenius contine-
"tur. Cum autem, sicut eadem ex-
"positio subjungebat, dictus Archi-
"Episcopus responsum seu dubiorum
"prædictorum resolutionem hujus-
"modi pro illius subsistentia & validi-
"tate firmioribus, Apostolicæ nostræ
"confirmationis robore communiri
"summopere desideret; Nos eundem
"Archi-Episcopum specialibus favori-
"bus & gratiis prosequi volentes, sup-
"plicationibus illius nomine Nobis
"super hoc humiliter porrectis incli-
"nati; Responsum seu dubiorum præ-
"dictorum resolutionem hujusmodi
"auctoritate Apostolica, tenore præ-
"sentium approbamus & confirmamus,
"illisque inviolabilis Apostolicæ fir-
"mitatis robur adjicimus. Decernen-
"tes illud, seu illum, nec non præsen-
"tes literas, valida, firma & efficacia
"existere & fore, suosque plenarios &
"integros effectus sortiri & obtinere,
"sicque & juxta illa per quoscunque
"Judices ordinarios, & Delegatos,
"etiam Causarum Palatii Apostolici
"Auditores judicari, ac diffiniri debere;
"ac irritum & inane, si secus super his
"a quoquam quavis auctoritate scien-
"ter

"ter vel ignoranter contigerit atten-
 "tari. Non obstantibus Constitutio-
 "nibus & Ordinationibus Apostolicis,
 "cæterisque contrariis quibuscunque.
 "Datum Romæ apud S. Mariam Majo-
 "rem sub annulo Piscatoris die 14. Au-
 "gusti 1627. Pontificatus nostri anno
 "Quinto.

V. THEATINUS.

Loco † *Annulli Piscatoris.*

XI. Decretis proinde Conciliorum
 tam Generalis Tridentini, quam Pro-
 vincialium, Synodaliūque Colonien-
 sium inhærendo severe prohibemus,
 ne deinceps ulli ad Matrimonium per
 verba de præsentī contrahendum ad-
 mittantur, nisi prius ter a proprio con-
 trahentium Parocho, vel Vice-Parocho,
 vel ejus jussu ab alio Sacerdote, nulla
 vero ratione Custode, seu Ædituo (quod
 non raro inaniter factum esse novimus)
 tribus continuis Dominicis seu fori Fe-
 stis diebus discontinuis, seu a se invi-
 cem distantibus; (ita ut aliquot saltem
 duorum vel minimum unius diei in-
 intervallum inter unam & alteram denun-
 ciationem & etiam Matrimonii cele-
 brationem semper intercedat, ne ob
 temporis angustias impediatur detectio
 impedimenti) in Ecclesia sub summo
 Sacro, vel concione antemeridiana pub-
 liche denunciati fuerint juxta hanc for-
 mulam vernacula lingua faciendam.
Notum sit omnibus hic presentibus, quod IV.
vir, & N. mulier, ex tali vel tali familia &
Parochia, Deo adjuvante, intendunt inter se
contrahere Matrimonium. Eapropter admo-
nemus omnes & singulos, ut si quis noverit
aliquod consanguinitatis vel affinitatis, aut cog-
nationis spiritualis, vel quodvis aliud impe-
dimentum inter eos esse, quod Matrimonium
contrahendum invicem impediāt, illud quam-
primum nobis denunciare debeat, & hoc admo-
nemus primo, si fuerit prima, vel secundo,
si fuerit secunda, vel tertio, si fuerit ter-
tia denunciatio: quo impedimenta, si
quæ subsint, ex utraque parte facilius
deregi queant (sicuti etiam decretum
fuit in Provincialibus Conciliis Colo-
niensibus sub Decessoribus nostris, SI-
FRIDO, HERMANNO V. & ADOL-
PHO III. Archi-Episcopis) nisi per
Nos, nostrumve Generalem in Spiri-
tus

Tomus IX. Concilior. German.

tualibus Vicarium ex causis desuper
 fuerit dispensatum.

XII. Parochus itaque, seu Vice-
 Parochus admonitus de aliquibus Ma-
 trimonium in sua Parochia contractu-
 ris, diligenter ab iis exquirat. *Primo*,
 nomina, cognomina, parentes, patriam,
 statum, gradum & conditionem utrius-
 que; *Secundo*, an inter ipsos sit aliquod
 Canonicum impedimentum: *Tertio*,
 utrum sponte, libere, & secundum ho-
 nestatem Sacramenti velint contrahere:
Quarto, utrum ætatem habeant legiti-
 mam, an videlicet vir saltem quatuor-
 decim, mulier vero duodecim ætatis
 annos expleverit, & uterque sciat ru-
 dimenta fidei, aliaque, ut supra fuere
 præscripta: *Quinto*, sub qua Parochia
 pro majori parte vitæ, maxime post pu-
 bertatis annos, si adolescentes sint, si
 vero aliquando conjugati fuerint, post
 mortem conjugum, habitaverint. Et
 veritate rei probe intellecta, illis expo-
 nat, quo in loco, vel locis eorum pro-
 clamations fieri oporteat, & quibus
 attestacionibus indigeant, antequam ad
 Matrimonii celebrationem possint pro-
 cedere, declarando, quod ubi septem
 ultimis annis post pubertatem vel mor-
 tem conjugum habitaverint, ibi pro-
 clamations sint faciendæ, quod si forte
 quatuor annis vel circiter in una, &
 tribus vel quatuor in alia Parochia ha-
 bitaverint, eo casu in utraque Parochia
 proclamatio fieri debeat; si vero in Pa-
 rochia, in qua modo habitant, brevem
 admodum moram traxerint, ita ut ibi-
 dem non sint satis noti, etsi ibi Matri-
 monio jungi possint, nihilominus in
 Parochia, in qua prius habitaverunt, ubi
 nimirum certius impedimenta sciri pos-
 sunt, denuncientur.

XIII. Si Matrimonium contracturi
 diversarum sint Parochiarum, tum in
 utraque fiant proclamations, nec ante
 Parochus unius, ad quem matrimonialis
 copulatio spectabit, ad Matrimonii
 solemnem actum procedat, nisi prius
 habito ab alterius Parochiæ Curione
 testimonio, quod præscriptæ a Con-
 cilio Tridentino trinæ denunciations in
 sua Parochia legitime factæ fuerint, &
 nullum impedimentum sit insinuatum,
 aut a se cognitum. Item, quod Spon-
 sus seu Sponsa sit Catholica, sciat or-
 thodoxæ

rhodoxæ Fidei rudimenta, factaque Confessione peccatorum suorum, ac sacra Communione suscepta ad Matrimonii gratiam se præparaverit. Si vero Sponsi fuerint diversorum Episcopatum, seu Decanatum, præter literas Parochi illius, qui Matrimonio non adfuit, Episcopi, aut Decani Christianitatis testimonium adferant, antequam conjungi valeant.

XIV. Etsi quidam pro Matrimonio proclamandi verecundia, alii vero non longe distante a superstitione errore ducti (dum ex proclamationibus ipsis audientibus factis sibi infaustum Matrimonium ominantur) eodem die e Sacro & concione emanant, ne suis denunciationibus cogantur interesse. Idcirco Pastores & Vice-Pastores, ubi hujusmodi gravissimos abusus vigere adverterint, ab hisce populum frequentius dehortentur, & si quos dictarum denunciationum diebus, nec in sua, nec alia Ecclesia Sacrum audivisse cognoverint, subsequentes eorundem proclamationes diutius in penam protrahant, vel si ultimæ fuerint, multam aliquam pecuniariam fabricæ Ecclesiæ, seu mensæ pauperum loci applicandam, prout magis expedire judicabunt, imponant.

XV. Licet porro dispensationes in proclamationibus matrimonialibus, earumve remissiones sint jurisdictionis Episcoporum Diocesano, quibus a Concilio Tridentino reservantur (Ordinarii enim nomine simpliciter prolato in materia Concilii Tridentini & Constitutionum Apostolicarum non nisi solum Episcopum loci Ordinarium seu Diocesano, privative, seu exclusis Abbatibus, Præpositis, Archi-Diaconis, Decanis, aliisque Superioribus & Prælati Episcopo inferioribus omnibus, etiam Ordinariam & quasi Episcopalem habentibus jurisdictionem, denotari, venire, & intelligi resolvit sacra Congregatio Cardinalium ejusdem Concilii Interpretum) intelligimus tamen quosdam Abbates, Præpositos, Archi-Diaconos, Decanos Christianitatum seu Rurales, quin & Pastores ac Vice-Pastores Matrimoniales proclamationes remittendi, auctoritatem usur-

pare, seu etiam coram alieno Parocho, & quidem cum hæreticis (quod nec ipsis Episcopis contra apertam Ecclesiæ prohibitionem licet) Matrimonium contrahendi licentiam ausos concedere. Hoc vero non est aliud, quam Ecclesiæ hierarchiam perturbare, sacros Canones, Concilii Tridentini, Summorumque Pontificum Sanctiones proculcare, Archi-Episcopalem jurisdictionem violare, & mores populi inquinare. Itaque tantis Nos malis, & aliis inde secuturis gravioribus tempestive providere volentes, Decessorum nostrorum Archi-Episcoporum Colonienfium Decretis & Statutis etiam Synodalibus insistendo, universis & singulis Civitatis & Archi-Diœcesis nostræ Abbatibus, Præpositis, Archi-Diaconis, eorumque Officialibus, Decanis Christianitatum seu Ruralibus, & aliis quibuscumque Episcopo inferioribus, ne eorum quispiam imposterum ullam in proclamationibus matrimonialibus dispensationem, five earum remissionem, five coram alieno Parocho aut Sacerdote, multoque minus cum hæreticis Matrimonium contrahendi licentiam concedere præsumat, sub gravi penâ arbitraria prohibemus. Insuper sub eadem penâ inhibemus cunctis Civitatis & Archi-Diœcesis nostræ Pastoribus, Vice-Pastoribus, aliisque Sacerdotibus, ne quisquam absque proclamationibus matrimonialibus, seu earum remissione a Nobis, nostrove in Spiritualibus Generali Vicario scriptis obtenta, etiam vi seu prætextu cujusvis dispensationis seu proclamationum matrimonialium remissionis a quocunque Abbate, Præposito, Archi-Diacono, ejusve Officiali, Decano rurali, aliove inferiore impetratæ ullos nostros Archi-Diœcesanos minusque alienæ Parochiæ subditos Matrimonio jungere audeat.

XVI. Si quando super una trium proclamationum a Nobis, nostrove Vicario prædicto dispensetur, eo die, quo posterior reliquarum duarum facta fuerit, Matrimonium contrahi veramus, idemque multo magis servetur, quando unica tantum proclamatio facienda est, reliquis duabus ob causam a Nobis, aut prædicto nostro Vicario remissis.

XVII. Favore prolis superstitis concedimus, ut Parochus seu Vice-Parochus absque debitis solemnitatibus, nulla etiam proclamatione facta, in duorum testium præsentia concubinam cum viro periculose ægrotante Matrimonio jungat, si tamen convalescit, proclamationes omnes fieri jubemus, nisi aliter Nobis, nostræ Vicario in Spiritualibus Generali faciendum videatur.

XVIII. Insuper etiam quicumque Matrimonium contracturi serio admoventur, ut juxta Concilium Tridentinum, antequam illud ineant, sua peccata diligenter confiteantur, Sanctissimumque Eucharistiæ Sacramentum pie sumant, quo majori cum Dei gratia Matrimonio jungantur: ipsique Parochi, & Vice-Parochi, nonnisi confessos saltem, ad solemne Matrimonium ineundum unquam sub pœna arbitraria admittant.

XIX. Cum præinserti Decreti Tridentini verbis exprimat & assignetur Matrimonii contrahendis proprius Parochus, aut Episcopus loci Ordinarius, & dubium oriri possit, qui vulgo eo nomine intelligatur, declaratur proprius Parochus, qui contrahendis & benedicendis Matrimonii assistere debet, is esse, in cujus Parochia uterque seu alteruter sponsum, sive vir, sive femina animo ibidem perpetuo manendi, non vero ad propria revertendi, vel alio commigrandi, nisi quid avocet, domicilium fixit; idcirco Studiosi, qui in Universitate vel alibi studiis dant operam, & alii similes, qui sedem fixam non habent, non censentur illius esse Parochiæ, vel Diocesis, quoad effectum Matrimonii contrahendi, in qua octo vel decem annos habitaverunt, si retinuerint animum in patriam redeundi: qui vero alicubi incipit habitare firmo proposito ibidem perpetuo manendi, statim ibidem domicilium contrahit, nec opus est, ut diu habiter, sed sufficit, si animum constanter ibidem commorandi habeat, donec tunc ignoratis, vel nondum certis negotiis alio vocetur.

XX. Si quis autem alios, quam suos Matrimonio conjunxerit, absque

nostro, nostrive Vicarii in Spiritualibus Generalis, vel alterius contrahentis Parochi consensu in scriptis obtento, præter pœnas contra ejusmodi transgressores a sacro Concilio Tridentino inflatas, multam triginta florenorum aureorum partim Sigillifero nostro majori, partim fabricæ Ecclesiæ loci & mensæ pauperum solvendorum, vel aliam arbitrariam graviolem incurrat. Quas etiam in pœnas incidet, qui omnis proclamationibus, vel aliqua earum suos, vel aliquem suorum, cum alterius loci Parochiano conjunxerit, antequam de illis eo in loco rite factis testimonio Pastoris, seu Vice-Pastoris, vel de eorum legitima relaxatione ipsi constiterit. Is vero, qui Parochianos suos non servata S. Concilii Tridentini forma, aut inter quos impedimentum aliquod Canonicum novit existere, non obtenta dispensatione conjunxerit, quinquaginta florenorum aureorum, uti supra, solutione puniatur. Sciant præterea Sacerdotes omnes, non sufficere licentiam proprii Pastoris, seu Vice-Pastoris solum præsumptam, ut non suos Parochianos Matrimonio jungere possint, sed necessario requiri expressam: quemadmodum id sacra Congregatio Cardinalium, qui Decretis Concilii Tridentini interpretandis præstant, definit.

XXI. Singuli Pastores, ac Vice-Pastores impedimenta Matrimonii exacte nosse & memoria tenere studeant, ac subinde in concionibus suis populo declarent.

1. Vinculum impediens Matrimonium esse duplex, ex duplici conjunctione, naturali per cognationem sanguinis, & spirituali per cognationem spirituales. Huic duplici cognationi accedit aliud vinculum, quod dicitur affinitas.

2. Cognationem naturalem spectari posse vel inter personas in generatione hominum ascendentes & descendentes, quales sunt Avus, Pater, filius &c. Qui sursum vel deorsum considerati se mutuo respiciunt. Vel spectari posse inter personas collaterales, id est, ex una radice communi, seu parente, (quem Jura vocant primum stirpem) prægnatas, hoc modo

se referunt fratres, sorores, horum proles, & qui nascuntur ex illis.

3. Affinitatem quoque esse duplicem, unam ex Matrimonio rato & consummato contractam, alteram ortam ex fornicatione.

4. Cognationem spiritualement ex duplici fundamento oriri, nempe ex Baptismo & Confirmatione.

XXII. Inter cætera etiam doceant spiritualement cognationem tantum contrahi ex Baptismo; *Primo*, inter Patrum & Baptizatum ipsum; *Secundo*, inter Patrum ac Baptizati Patrem ac Matrem; *Tertio*, inter Baptizantem ex una, ac Baptizatum ipsum, ac Patrem ejus & Matrem ex altera parte. Eam vero cognationem, quæ ex Confirmatione oritur; *Primo*, inter Patrum & Confirmatum contrahi; *Secundo*, inter Confirmati Patrem, Matremque ex una, & Patrum ex altera parte; *Tertio*, inter Confirmantem ex una parte, & Confirmatum, & Confirmati Patrem & Matrem ex altera parte; nec ultra hos terminos procedere aut egredi cognationem spiritualement; proinde nulla omnino spiritualis cognatio contrahitur. *Primo*, inter Patrum ipsos, seu inter Susceptorem & Susceptricem ejusdem personæ; *Secundo*, nec inter Baptizatos ab eodem Baptizante, vel Confirmatos ab eodem Confirmante; *Tertio*, nec inter Baptizatum unum, & Confirmatum alterum, etiam si ab eodem homine uterque acceperit Sacramentum; *Quarto*, nec inter Baptizatum vel Confirmatum, eorumque parentes ex una parte, & conjugem patrini ex altera parte; *Quinto*, nec inter Baptizantem, Confirmantemve ex una, & paternos ex alia parte; *Sexto*, nec inter Baptizantis, confirmantisve, seu parentes, seu conjugem ex una, & baptizatum, confirmatumque ex altera parte; *Septimo*, nec inter proles Baptizati, confirmatique ex una parte, & baptizantem, confirmantem, aut paternos ex altera parte; *Octavo*, nec denique inter novercam, vitricumque baptizati, aut confirmati ex una, & paternos baptizati, confirmative ex altera parte, multo minus inter patrem, matremque baptizati. Nullum insuper est impedimentum justitiæ publicæ ho-

nestatis ex Sponsalibus per verba, ut ajunt, de futuro contractis, ubi ea quacunque ratione valida non erunt: ubi autem valida fuerint, primum gradum non excedit. Præterea ex Matrimonio verbis de præsentis conceptis contracto, & nondum consummato, quæ interdum Sponsalia, licet improprie, appellantur, etiam hodie oritur impedimentum publicæ honestatis ad quartum usque gradum, juxta Summi Pontificis PII V. Constitutionem, qua definivit. "Concilii Tridentini Decretum duntaxat intelligendum esse de Sponsalibus in futurum, non autem de Matrimonio per verba de præsentis, ut præfertur, contracto, sed in hoc durare adhuc impedimentum in omnibus casibus & gradibus, quibus de jure veteri ante Concilium Tridentinum introductum erat." Impedimentum item, quod propter affinitatem ex fornicatione contractum inducitur, ad eos tantum, qui primo & secundo gradu conjunguntur, se extendere. Nullum quoque posse subsistere Matrimonium inter raptorem, & raptam, quamdiu ipsa in potestate raptoris manserit. Eapropter caveant animarum Curiones omnes sub pœna suspensionis ab officio & beneficio, ne quos scienter ad Sponsalia aut Matrimonium admittant, qui sibi consanguinitate vel affinitate in gradu aliquo prohibito impediendo vel dirimente conjuncti sunt, vel se invicem attingunt, seu aliquo alio ex hujusmodi impedimentis Canonicis detinentur: nisi ea affinitas ex fornicatione ortum habeat, quæ tum ultra gradum secundum, uti paulo ante dictum est, Matrimonium non impedit. Reliqua vero Matrimonii impedimenta, qualia sunt inter cætera frigiditas, votum solenne, Sacer Ordo, crimen, cultus disparitas, error personæ, vis, seu coactio, ligamen &c. ex sacris Canonibus & Summis quærenda relinquimus. Quæ omnia, cum non solum contrahendum Matrimonium impediunt, sed etiam dirimant contractum, diligenter a Parochis, & Vice-Parochis sub gravissimis pœnis nostro arbitrio, ex crassa ignorantia vel malitia delinquentibus, imponendis, volumus observari.

XXIII. Pro majori itaque cautela noverint prohibitionem Matrimonii inter consanguineos & affines ad quatuor inclusive gradum redactam esse; igitur qui primis quatuor gradibus se mutuo non attingunt, recte inter se Matrimonium contrahere valent. Idem est, si unus in quinto vel ulteriore gradu sit, alter in quarto, tertio, secundo, vel etiam primo, eo quod is, qui quinto gradu vel remotior est, trahat ad suam conditionem eum, qui vicinior est stipiti, & in eodem secum gradu collocat in favorem Matrimonii. Ea propter nemo illis, quorum unus quarto, seu proximiori, alter quinto, seu remotiori consanguinitatis vel affinitatis gradu juncti, Matrimonium contrahunt aut contraxerunt, cum citra dispensationis beneficium libere ac licite Matrimonium inire possint, desuper moveat difficultatem.

XXIV. Quia vero Apostolica Sedes difficilior esse solet, & merito, in concedenda dispensatione, ubi distantia graduum consanguinitatis vel affinitatis in linea transversa, intra quartum inclusive gradum, est inæqualitas, ut si a stipite prima distantia unius parris sit primi gradus, altera vero secundi, vel una secundi, altera tertii gradus a communi stipite, vel altera sit tertii, & altera quarti gradus ab eodem stipite; sciant Pastores, & Vice-Pastores hoc casu utrumque & propinquiorem & remotiorem gradum in literis pro dispensatione impetranda dandis, juxta graduum inæqualitatem exprimendum esse; puta, si vir ducere velit filiam avi, aut proavi, aut abavi sui, vel defunctæ uxoris suæ: vel mulier nubere velit filio avi, proavi, aut abavi sui, vel defuncti mariti sui. Hi etenim gradus exprimendi sunt in petitoriis dispensationis literis, alioquin dispensatio tacito gradu proximiori impetrata tanquam subrepticia sive obrepticia nullius momenti est, cum sanct. mem. PIUS Papa hujusce nominis V. expresse declaraverit, non esse mentem Summi Pontificis in tali gradus propinquitate dispensare, nisi exprimat, vel nisi obtineantur postea super propinquiore gradu literæ declaratoriæ: uti & indubitatus Romanæ Curie sty-

lus exactissime observat, qui facit jus & pro lege habetur, tollitque omnem dubitationem facti, non solum in Curia Romana, sed etiam extra eam, quem proinde servare tenentur omnes inferiores Ecclesiæ, adeo ut sententia contra stylum istum lata sit nulla. Quare prudenter faciet Parochus & Vice-Parochus, si ipsum stipitem communem ficto vel vero nomine exprimat, & similiter in utraque linea personas medias usque ad illas personas, quarum Matrimonium impetrari petitur, delineet: sic enim & Ordinarius Diocesanus perspicue rem intelliget, nec dispensatio reddetur irrita, vel subrepticia.

XXV. Propter evidens salutis animarum periculum, Pastores, Vice-Pastores, & verbi Dei Præcones sæpius in concionibus significant, præter legem naturalem & Divinam, esse etiam Ecclesiæ Catholicæ prohibitionem, ne fideles cum hæreticis Matrimonia in eant, ejusque impedimenti rationem habeant singularem. Quomodo enim potest congruere charitas, si discrepet fides? cum verum sit illud S. Hieronymi. *Nusquam fidei affectus, ubi diversa fides*; pro hac igitur materia legant Parochi, atque Vice-Parochi insignem Divi Ambrosii Epistolam ad Virgilium Episcopum Tridentinum inter opera S. Ambrosii. Itaque non minorem rationem habeant hujus inquisitionis in faciendis proclamationibus, quam reliquorum impedimentorum. Et si utrumque vel alterum conjungendorum hæresi infectum, aut non temere suspectum inveniant, eos non conjungant, nisi prius hæresi ejurata orthodoxæ fidei professionem emisierint.

XXVI. Tametsi nuptiæ pro contractu Matrimoniali sumptæ nunquam interdictæ sint, ne quidem Quadragesimali tempore, sacri tamen Canones nuptias, prout solennitates & hilaritates Matrimonii celebrandi causa adhiberi solitas denotant, certis temporibus recte prohibent: quia publico luctui, quem Ecclesia Quadragesimali tempore suscipit, & sancto desiderio Adventus Dominici, quod Adventus tempore recolitur, cum maximis duabus festivitibus Redemptionis nostræ, meri-

merito cedit quævis privata hilaritas & festivitas carnalis. Ea vero tempora Concilium Tridentinum his verbis definivit: "Ab Adventu Domini nostri JESU CHRISTI usque in diem Epiphaniæ, & a feria quarta Cinerum usque in Octavam Paschatis inclusi-
 ve, antiquas solennium Nuptiarum prohibitiones diligenter ab omnibus observari sancta Synodus præcipit: in aliis vero temporibus nuptias solenniter celebrari permittit: quas Episcopi, ut ea, qua decet, modestia, & honestate fiant, curabunt. Sancta enim res est Matrimonium, & sancte tractandum." Quod Decretum Tridentinum inviolate volumus observari: mandantes omnibus & singulis Pastoribus & Vice-Pastoribus, ut si quisquam id violarit, ad Nos vel Generalem nostrum in Spiritualibus Vicarium deferatur, graviter puniendus. Cum igitur, ut supra dictum est, sanctitati talium duorum temporum mysteriis plenissimorum, merito cedat, non solum privatorum hilaritas solennior, sed etiam quidam alii contractus minus spirituales, tanquam in initio quodam sacro. Hinc in Domino hortamur omnes nostros fideles Christi Domini pro se incarnati, & passim amantes, ut ne quidem privatis nuptiis absque solennitate celebrandis operam velint dare eo tempore, sed respicere in Authorem Fidei & Consummatorem JESUM, eique, quod in ipsis est amoris, retribuere. Et si quando legitima ex causa aliqui interdicto tempore nuptias contrahere necesse habeant, eis, ut reverentiam Deo debitam servant, & ex suis necessitatibus eruantur, duo erunt præstanda. Unum, ut ad Matrimonium prædicto sacro tempore contrahendum per Nos, nostrumve in Spiritualibus Vicarium Generalem licentia desuper in scriptis obtenta admittantur; sic enim humilitate & obediencia rogatione sanctimoniam illi tempori debitam, quam eo casu plene observare nequeunt, æquabunt, tanquam alio opere bono suppletes, & Dei benedictione augebuntur. Alterum, ut impetrata prædicta potestate contrahendi Matrimonium intra sanctum tempus abstineant, nihilominus

a solennitatibus nuptialium conviviorum, publicis sponiarum traditionibus ad domum, a choreis & similibus, quæ temporis sanctitati repugnat; eaque similiter intermittenda erunt, etsi Matrimonium antea contractum fuerit, sub poena viginti aureorum florenorum Rhenensium fabricæ Ecclesiæ, seu mensæ pauperum loci applicandorum, aliaque graviore arbitraria pro modo culpæ & offendiculi.

XXVII. Ad secundas nuptias transire desiderans, Matrimonio non jungatur, nisi prius coram Parocho, seu Vice-Parocho loci, mortem prioris conjugis legitime probaverit, etiam si non septem tantum, ut multis persuasum est, sed & viginti, triginta, aut plures etiam annos abfuisse constiterit: cum ex longa conjugis absentia vix ulla resultet de ejus morte certitudo, sed authenticis testimoniis probanda sit: quilibet enim vivere præsumitur, quando non constat eum esse defunctum.

XXVIII. Quamobrem si quis sub ementito nomine vel cognomine, adhuc prima uxore vivente, ad secundas nuptias transire fuerit ausus, gravissima eum poena plectendum censemus ex fel. rec. URBANI VIII. ejusce nominis Papæ Constitutione, quam hic libet suis verbis adscribere.

U R B A N U S P A P A V I I I .
AD PERPETUAM REI MEMORIAM.

"MAGNUM in Christo, & in Ecclesia Matrimonii Sacramentum, ut vitæ est legitima inter virum & feminam indissolubilis societas, in qua ex pari consensu semetipsum alteri debet; ita gravibus, debitisque pœnis corripiendi sunt ii, qui mandatorum Domini immemores, & posthabita propriæ salutis ratione, sacrosanctas hujusmodi Sacramenti leges violare non verentur.

"I. Cum itaque, sicut non sine magna animi nostri molestia accepimus, ii iniquitatis filii reperiuntur, qui sub mentito nomine, seu cognomine adhuc prima uxore vivente, ad secundas nuptias transire audent.

"2. Nos nefariam improborum hominum hujusmodi temeritatem, juxta

juxta creditum Nobis desuper Apostolicæ servitutis officium, quantum cum Domino possumus, reprimere volentes, habita prius super hoc cum Venerabilibus Fratribus nostris S. R. E. Cardinalibus in universa Republica Christiana contra hæreticam pravitatem generalibus Inquisitoribus ab hac Sancta Sede deputatis deliberatione matura, hac nostra perpetuo valitura Constitutione decernimus, ut hujusmodi delinquentes, ultra penas, quibus ipsi ordinarie puniri solent, damnentur ad triremes in perpetuum: quod si inhabiles reperi fuerint, publice fustigentur, & damnentur ad carceres in perpetuum: si vero pro qualitate & enormitate delicti graviore penas meruerint, etiam Curie sæculari arbitrio eorundem præfatæ Congregationis Cardinalium puniendi tradantur &c.

"Datum Romæ apud Sanctam Mariam Majorem sub annulo Piscatoris die XX. Junii 1637. Pontificatus nostri anno Decimo quarto."

XXIX. Statuimus, ut si futuro Matrimonio se quispiam opponat, aut Canonicum impedimentum denuntiat, aut etiam dubium sit & controversum, an Matrimonium de jure subsistat, nec ne, non prius per Parochos, seu Vice-Parochos ad ultiores proclamationes, aut Matrimonii celebrationem procedatur, quam re ad Nos, vel Officiale nostrum delata: & quid de ea fuerit ordinatum, per patentes nostras, nostrive Officialis literas ipsis legitime constiterit; nec permittimus Parochis, seu Vice-Parochis, ut de causis hujusmodi oppositionis, justane sint, an injustæ, inquirant: id est, ne judicialiter cognoscant: etsi paterne, ut Pastor animarum ad directionem examinare secreto pro informatione possit, ne frivole aliquid opponatur, quod Canonicum non sit, sed fictum, vel ex errore natum, vel etiam e malitia depromptum; verum hæc actio omnis Pastoris, seu Vice-Pastoris erit, ut intra forum conscientie, & secreto nullam habens vim sententiæ seu consilii paterni. Ea enim, quæ ad forum contentiosum pertinent, volumus nostro,

Tomus IX. Concilior. German.

vel Officialis nostri judicio relinqui. Ipsi vero Parochi, seu Vice-Parochi tum impediendi denunciatores, tum desponsos coram Nobis, aut dicto Officiali nostro ad certum diem pro alleganda oppositionis causâ citare, illisque literariam attestationem hujusmodi citationis cum causæ declaratione concedere teneantur.

XXX. Adhæc si post oppositionem de futuro Matrimonio semel factam, partes inter se conveniant, & impediendi denunciator in ultiores proclamationes, aut Matrimonii celebrationem consentiant: non tamen ob id Parochus ad Matrimonii hujusmodi contractum pergat, donec illi auctoritatem nostram, nostrive Officialis prædicti ea in re intervenisse literis probatum fuerit, idque propter corruptelas, quæ ex parte impeditorum intercedere possunt, dum denunciator pecunia corrumpitur, aut malis artibus ad silentium aut consensum inducitur: quandoquidem etiam adeo temerarii inventi sint in orbe, qui promissione adulterii consensum opponentis emerunt, & oppositionem Canonicam suppresserunt.

XXXI. Qui vero falsum impedimentum sciens, prudensque attulerit, quo Matrimonium futurum impediatur, quique verum impedimentum sciens reticuerit, excommunicationis poena vel alia arbitraria castigetur.

XXXII. Ut multis quoque periculis, quæ ex hominum malitia & fraude in Matrimoniis contrahendis provenire possunt, occurratur, inhibemus omnibus & singulis Pastoribus, eorumque vicem gerentibus sub poena suspensionis a Divinis, ne ullos alterius Regni, vel Regionis, aut peregrinos, aut ignotos, aut incertis sedibus vagantes Matrimonio jungant, nisi diligenti prius inquisitione facta, & re Nobis, nostrive Generali in Spiritualibus Vicario significata, a Nobis, seu dicto nostro Vicario licentiam (quæ non nisi prævia matura deliberatione concedatur) id faciendi scripto obtinuerint.

XXXIII. Quia coactæ nuptiæ tristitia plerumque initia, & luctuosissimos

F f f f

exitus

exitus habent, Pastores, seu Vice-Pastores ante Matrimonii celebrationem tam Sponsum, quam Sponsam expresse interrogent, num lubenti animo, spontaneo, bene deliberato, nec non iudicio mentis integro, non autem vi, aut metu parentum, tutorum, consanguineorum, amicorum, aut aliorum coacti ad Matrimonium contrahendum procedant, sicuti supra fuit mandatum. Quod si compererint alterutrum ad contrahendum vi adactum esse, nullo modo illos Matrimonio jungant, neque alteri vices suas committant sub pena suspensionis a Beneficio & Officio Pastoralis. Eos vero, qui quovis modo directe vel indirecte subditos suos vel quoscunque alios cogunt, quo minus libere Matrimonia contrahant, ipso facto anathemati, juxta Concilii Tridentini sanctionem, volumus subjacere.

XXXIV. Laudabilis est hujus nostræ Archi-Diecesis consuetudo, quod Matrimonia, & in Ecclesia, quæ Sacramentorum proprius locus est, & inter Missarum solemnias contrahantur. Quare cum Concilium Tridentinum ejusmodi consuetudines optet retineri, præcipimus, ne quis absque speciali nostra, nostrive Vicarii in Spiritualibus Generalis licentia eam transgredi audeat, alioqui arbitrio nostro graviter puniendus. Quin & Pastores, & Vice Pastores doceant, conjugibus non tantum esse honorificum, sed etiam utile, faustum & auspdatum, si res sacra, cujusmodi Matrimonium est, loco sacro celebretur, & uberiores Divinæ benedictionis fructum iis expectandum, qui pie ac religiose ritum Ecclesiæ sequuti fuerint, quam his, qui contempserint.

XXXV. Quoniam intelligimus Parochos, seu Vice-Parochos quosdam in solemnii celebratione Matrimonii nullam facere distinctionem inter primas nuptias, & secundas, statuimus, ut juxta Canonicas sanctiones, laudabilemque Ecclesiæ Catholicæ consuetudinem & doctrinam, conjuges in secundis nuptiis non benedicantur, sed tantum in primis: illæ vero nuptiæ censentur secundæ, (ut non benedicantur sub pena in jure expressa) quæ sunt secundæ ex parte viri, & feminae

simul, vel ex parte feminae tantum, quamvis sint primæ ex parte viri, nec refert, an ipsa vidua secundo nubens sit virgo, vel non, sed an sit semel benedicta: unde quæ semel nupsit, sed ante benedictiones receptas vidua facta est, dum postea iterum nubit, benedicenda est; sed quæ semel est benedicta, non est iterum benedicenda. Si cubi porro more receptum est, ut nuptiæ, quæ sunt primæ ex parte feminae, & secundæ ex parte viri, benedicantur, id potest retineri.

XXXVI. Insuper, ut Sacramento Matrimonii suus honos conservetur, ineptas illas consuetudines de Sponso post Sponsalium, & Matrimonii contractum magna cum petulantia, & Sacramenti irreverentia, manibus tundendo, eodemque Sponso & Sponsa, dum finito Sacro apud Altare flexis genibus sub Missali procumbunt, attollendis, in quibusdam nostræ Archi-Diecesis locis introductas plane abrogamus sub pena trium florenorum aureorum Rhenensium transgressoribus imponenda, & mensæ pauperum loci applicanda, aliaque arbitraria.

XXXVII. Habeat unusquisque Pastor, seu Vice-Pastor librum, in quo conjugum, ac testium nomina, diemque, mensem, annum, & locum contracti Matrimonii suis ipsemet manibus juxta formulam supra positam accurate describat, quem diligenter apud se loco clauso ac tuto custodiat, ut jam completus in Archivo Ecclesiæ asservetur. Quod si Sacerdos alius, Parochi, seu Vice-Parochi loco interfuerit Matrimonio, is tum suum nomen, tum illius, cujus facultate hoc fecit, exactissime eodem in libro annotet, nec unquam hoc Custodi, vel Aedituo, ut male hactenus pluribus in locis observatum fuit, permittatur. Præcipimus etiam Abbatibus, Præpositis, Archi-Diaconis, & Decanis Christianitatum, seu Ruralibus, ut in suis Visitationibus exhibendum hujusmodi librum diligenter inspiciant: errores, si qui sint, corrigendos curent, & si opus fuerit, negligentes & viciosos, Nobis, seu nostro in Spiritualibus Vicario Generali pro debita castigatione denuncient.

XXXVIII.

XXXVIII. Curati, & Vice-Curati frequenter suos subditos & auditores docere meminerint, tria in Matrimonio novæ legis bona secundum B. Augustinum & Concilium Florentinum reperiri, fidem, prolem, & Sacramentum; fidem quidem, quæ jus conjugii conservet perpetuum; prolem, ut Dei beneficio suscepta mutua benevolentia nutriatur, religioſeque instituat: Sacramentum autem, ut exemplo Christi, & Ecclesiæ connubii perpetuitas retineatur, conjugesque nunquam separentur, separatos vero quacumque de causâ alienus torus non ante, quam mors alterutrum recipiat.

XXXIX. Quare districte inhibemus sub pœna arbitraria, eaque gravi, ne ulli conjuges auctoritate propria, non intercedente Ecclesiæ judicio, et si causâ legitima & jure permiffa subſiſt, divortium attentent; aut se mutuo repudiant, aliosque contractus, promissiones, juramenta, aut vota de ſeorſum vivendo inire, aut emittere præſumant: ſecus qui faxint, auctoritate Parochi, ſeu Vice-Parochi ad torum, & mutua obſequia redire moneantur; & ſi monitis hujusmodi obtemperare recuſaverint, Archi-Epiſcopali noſtra auctoritate ad id compellantur, niſi cauſam prætenſi divortii allegaverint efficacem, de qua ordine juris cognitio ad Officiale noſtrum pertineat.

XL. Sed cum intelligamus Matrimonia nonnunquam ligaturis perturbari, eorumque finem impediri, non obſtante quod pernicioſiſſimum hoc facinus ſeveris excommunicationis, aliisque pœnis ſit prohibitum. Nos eandem prohibitionem ſub eiſdem pœnis

renovantes, gravioribusque hujusmodi criminis reos pleſti facientes, ſerio injungimus omnibus & ſingulis Civitatis & Archi-Dieceſis noſtræ Paſtoribus, Vice-Paſtoribus, & Concionatoribus, ut prædicti flagitii gravitatem ſæpius populo inculcent, & excommunicatos eſſe denuncient, quotquot ejusmodi ligaturis, aut aliis quibuscumque maleficiis actum Matrimonii inter conjuges quomodolibet impedire conantur, cujus ſceleris & excommunicationis abſolutionem Nobis reſervamus.

XLI. Denique ſevere inhibemus Curatis, & Vice-Curatis omnibus, ne in Nuptialibus conviviis circumeant menſas, excitando, & adhortando invitatos; ut liberaliter contribuunt ad inſtruendam familiam novorum conjugum, vel gratias agendo pro donativo oblato, multo minus in iis choreas agant: hoc enim ut levitatem, ita iſtud manifeſtas, & Sacerdote indignas ſordes ſapit. In quorum fidem hæſce literas manu noſtra ſubſcriptas, Sigilli noſtri appreſſione muniri juſſimus. Datæ in oppido noſtro Bonnenſi die 26. Septembris 1651.

Maximilianus Henricus

*Archi-Epiſcopus & Elector
Colonienſis.*

Loco † Sigilli.

V. GEORGIUS PAULUS STRA-

*VIVUS Epiſcopus Joppenſis, Suſ-
fraganeus Colonienſis, &c.*

B. Holbeck.

MAXIMILIANUS HENRICUS, celiſſimæ Princeps indolis ex Alberto VI. Bavarix Duce, Comite Palatino Rheni, & Mathilde Landgravia Leuchtenbergica anno ſupra milleſimum ſexcentefimum primo ac viceſimo, VIII. Idus Octobris in lucem edebatur. Ut parentes Sereniſſimi fovebant ipſi & ſumma colebant aſſiduitate veram in Deum religionem: ita cura illorum perdiæ & perniox erat, eandem cum ſcientiis a puero ut filius haurirer: quod non ſine immortalis Alberti laude vel hodie poſteritati loquitur inſtructor Præceptor, cum Duce juvene a. 1636. Coloniam Agrippinam ſtudiorum cauſa abeuntî data, & Sigillo Ducali, expreſſiſſimæ voluntatis indice, communita. Longum foret, catalogum qua monitorum ſaluberrimorum, qua præſtantiffimarum virtutum, quæ iſtic imperantur Maximiliano inſtillandæ, ab ovo hic loci exponere. Eum in oratione funebri a. 1688. die 17. Julii habita, pertextuit P. Petrus Garzen S. J. Eccleſiaſtes p. t. Metropolitanus.

Expectationi parentum & induſtriæ adamuſſim reſpondit filius, qui veluti in gremio virtutum Principe & futuro olim Archi-Epiſcopo dignarum & adolevit ſeliciter,

Tomus IX. Concilior. German.

F f f f f 2

&

& pari cum gloria conquievit. Tenuerim semper in Magnam Dei Matrem amore exarsit, pressis Majorum suorum, maxime Boica de stirpe, vestigiis. Non exemplo duntaxat suo, sed panegyri etiam suopte Marte elucubrata, Sodales Parthenios, quorum cætui tertium apud Ubios præfuit, ad ejusdem B. Virginis cultum, supremi jam Antistitis dignitate fulgens, animavit. Ferdinando patruo ad Ecclesiæ Colonienfis gubernacula a. 1642. admotus *Coadjutor* & Urbani VIII. P.M. ex Urbe die 13. Dec. confirmatus literis, inter alia, quæ Archi-Ditecesi præstitit, beneficia ad decies & sexies centena millia dalerorum Colonienfium, æs Truchsessiano bello contractum, redditus ipsi apochis, remisit. Perfolutis laudato Ferdinando exequiis, postridie in Æde Metropolitana a. 1650. VII. Kal. Nov. frequentissimo Ordium Patriæ conventu, solenni pompa Archi-Episcopus [*ex communi calculo LXIII.*] Colonienfis & S. R. I. Princeps Elector inaugurabatur. Fecit altero mox anno primum ad aram Bonnæ, Novoque post integrum seculum pietatis monumento, ritu solenni in Metropolitana Colonienfi Basilica sacram DEO Hostiam litavit, *Ernesto Landgravio Hassæ & Eleonora Maria Solmenfi* conjugibus Fidem interea Orthodoxam professis, Divinoque palam epulo recreatis. Ratisbona in Ditiones suas reversus, *Isabellam Amatiæ*, Philippo Wilhelmo Palatino, Julæ ac Montium Duci matrimonio junctam, Ecclesiæ nostræ reconciliavit, & sacro confirmavit Chrismate. Anno 1658. Francofurti in Imperii Comitibus Leopoldum Austriacum elegit XV. Kal. Aug. Romanorum Regem, eique XI. Kal., præsentem Moguntino Archi-Episcopo, Coronam imposuit. Synodum, quam a. 1662. die XIII. Kal. Aprilis Colonia celebravit, monitis disciplinæ Ecclesiasticæ ad pristinum vigorem revocandæ aptissimis locupletem, infra dabimus.

Sensit Maximilian liberalissimam manum Bonnenfè templum Soc. JESU, ad quod erigendum quinquaginta Imperialium millia ultro donavit. Pro Symbolo ipsi erat: *Pietate & Sapientia*. Eidem satisfecit quam cumulatifime, nisi quis propositionem in Guilielmum Fürstenbergium, Gallis obstrictum, paulo majorem, ac patriæ infestam, virio illi vertendam putet. Ad Insulas Colonienfem, Leodienfem & Hildesinam, quas eodem ferme tempore induerat, accedebat a. 1683. & Monasterienfis. Eas una cum vita simul omnes possuit Bonnæ a. 1688, cum annum ageret ab ortu suo 67. ab electione in Coadjutorem 45. ab inito Regimine 38. a suscepto Presbyteratus Ordine 37. Princeps iustissimus, Pastor vigilantissimus, Præsul integerrimus, Pater patriæ amantissimus, JESU & MARIÆ addictissimus; cui Virginæ Matri aliquot ante obitum annis totum se ita dederat: *In mancipium tuum me tibi dedico, consecroque, Virgo MARIA, hoc teste cruce atque chirographo. Maximilianus peccatorum coryphæus.* Fulget hic pretiosum e marmore sepulcrum Maximiliani Henrici e regione Sacrarum SS. trium Regum.

Vide sacr. Belg. Chronol. Castilionii & pluribus in locis Hist. Eccles. Germaniæ Tom. I. Conatum quoque Chronolog. Morckenfii pag. 173. &c.

SYNODUS DIOECESANA RURÆMUNDENSIS,

Sub ANDREA CRUSENIO, (*) IV. ejusd. Diocesis Episcopo,
Anno Christi MDCLII. Innocentii X. Papæ IX.
Ferdinandi III. Imp. XV.

CELEBRATA
DIE XXIII. SEPTEMBRIS.

DECRETA ET STATUTA in Congregatione Archi-Presbyterorum, Ruræmundæ habita.

Licet multa ac varia recte & sancte pro dentino Oecumenico & Mechlinienfi Provinciali & Congregationibus aliis Synodali-

bus

bus antehac per Prædecesores nostros Episcopos Ruræmundenses P. M. fuerint ordinata; tamen quia pleraque non observari, dolenter in Visitatione nostra animadvertimus, duximus esse statuenda seu renovanda, prout statuimus seu renovamus per præsentēs ea, quæ sequuntur.

I.

Pastores, imprimis diligentes decorem domus DEI, Venerabile Sacramentum asservabunt in tabernaculo bene ornato, pyxide & ciborio nitidis; ardebit ante id lampas. Olea sacra reponentur in loco mundo, vasisque si non argenteis, ad minimum saltem stanneis, ab omni sorde liberis, haud quaquam æneis. In necessitate & summa paupertate Ecclesiæ, calix stanneus toleratur, dummodo sæpius mundeatur. Altaria vestiantur, & debite ornentur sumptibus eorum, qui ad hoc tenentur; vitrinæ pariter & pavimenta reparentur, cistæ effertantur, & scamna earum loco reponentur; granaria & cubicula & camerae amoveantur, in quantum necessitas & ratio temporis permittit.

II. Fiat Professio fidei ab iis, a quibus & in quorum manibus fieri debet, videlicet a Beneficiatis, Custodibus, Ludimagistris, Bibliopolis, Typographis, obstetricibus & noviter conversis hæreticis.

III. Defectu Pastoralis Ruræmundensis assumatur Romanum seu Mechliniense, donec imprimatur novum. Registra seu Matriculæ Baptizatorum & conjugatorum, prout & defunctorum sint libri probe compacti; non chartæ volantes, quibus inregistrentur debito modo baptizati, & conjugati una cum suis respective Patrino aut Matrino, vel ad summum Patrino & Matrino & testibus per ipsum Pastorem, minime vero per Custodem, qui etiam passim non suscipiet proles, nisi ad id a parentibus sit specialiter rogatus & designatus.

IV. Baptismus non conferatur ulla ratione extra Ecclesias Parochiales, in quibus tantum sunt constituti Sacri fontes, exceptis casibus in jure permis-
ad

[*] Fuit ANDREAS CRUSENIUS Trajecti ad Mosam natalibus perquam honestis ortus, ac studia sua in bonis artibus tam gnaviter, feliciterque posuit, ut Magister Theologici lauream adipisceretur. E Cameracensi Canonico factus Archidiaconus, Decanus, ac Vicarius Generalis, inde virtutis ac præstantis scientiæ auxilio, Ruræmundensi Cathedrali Antistes a. 1651. die 10. Augusti datus, cogitationes mox suas, curasque omnes convertit, quo vitia in grege sibi credito emergentia, ocyus persanaret. Id quod Beneficiorum tenuium unione ad præscriptam a Synodo Tridentina normam effecit. Inde enimvero honesta Sacellanis, ut vocant, curatis sustentatio, & populo ruri agenti tum Sacrum matutinum, tum frequentioris Catechismi occasio procurata fuit. Aliis ut malis mederetur, Decreta, quæ hic loci recensemus, condenda duxit. Ecclesiæ huic Ruræmundanæ non ultra sex annos præerat, cum in dignitatem defuncti Jacobi Boonen, IV. Mechliniensium Archi-Episcopi subrogabatur a. 1657. Nonas Maji. Elegans morituro fibimet ipse Mausolæum erexit hoc sermone cum epitaphio:

ANDREAS CRUSEN

V. Mechliniensium Archiepiscopus,

Qui non timuit mortem a tempore,

Quia expectavit immortalitatem

A Resurrectione.

Ut beatam habeat, precare defuncto

Anno Christi MDCLXVI.

Ætatis LXXI.

Dignitatis

Episcopalis V. Archiepiscopalis IX.

Obiit Bruxellis die octava Novembris a. cit.

Vide plurimum Rev. & Cl. Joannis Kuippenbergii Histor. Eccles. Ducatus Geldriae Lib. VII. C. 3. & 4. Item Castillonii sacr. Belg. Chronol. P. II. pag. 500. ubi scribitur Andreas die 23. Julii consecratus Ruræmundensis Episcopus.

ad obstetricandum, nisi prius edoctæ materiam & formam Sacramenti Baptismi, & Professione fidei ac iuramento præstitis; infantes autem infra triduum deferantur ad Ecclesiam pro Baptismo, qui non conferatur, nisi adsint ii, qui sunt prolem suscepturi.

V. Pro Confirmationis Sacramento pueri instruantur, & habeant fascias & Patrinum aut Matrinam, qui eos suscipiat.

VI. In multis Ecclesiis nulla sunt Confessionalia, & in aliquibus erecta sunt nimis prope summum Altare, quæ transferantur ad navem, vel alium locum commodiorem. Non excipiantur autem confessiones præsertim fœminarum extra confessionalia, munita afferculo cancellato, & alio medio inter Pœnitentiarium & pœnitentem; nullo modo in tenebris.

VII. Pastores non sint difficiles in concedendo licentiam suis Parochianis, ut confiteantur alteri Sacerdoti sæculari, seu regulari admissio; & is non obliget suos pœnitentes, ut semper sibi confiteantur.

VIII. Pastores, seu Capellani nunquam deferant Venerabile Sacramentum ad ægrotos, nisi induci superpelliceo & stola, & comitante eum Custode, pariter induto superpelliceo cum campanula & lumine, & cum vicinis, ubi est laudabilis mos, ferentibus tædas, neque unquam redeant ad Ecclesiam cum inani pyxide.

IX. Quicumque cujuscunque Ordinis, seu conditionis non communicaverit in Paschate in sua Parochia, denunciatur Episcopo, ut, si legitimam excusationem non habuerit, ab Ecclesia arceatur vivus, & mortuus Ecclesiastica careat sepultura.

X. Concubinarij publici, prout usurarii & palam inimicitiam gerentes non admittantur ad Ecclesiam, nisi respectively dimiserint suas concubinas, restitutionem fecerint, & pacem composuerint.

XI. Hortari debent Parochi suos ægros, ut non differant Extremam Unionem usque ad ultimum, quando jam intellectus & sensus usu omnino

sunt privati; & administrantes dictum Sacramentum non omittant secum ferre Crucem.

XII. Ordinandi ad majores Ordines præter testimonium suorum Pastorum, si sint sæculares, etiam exhibere debent factas proclamationes juxta Decretum Concilii Tridentini sub pœna, quod rejiciuntur.

XIII. Nulli imposterum admittantur ad Sponsalia, & ad Matrimonium contrahendum, nisi noverint formare signum Crucis, & recitare Orationem Dominicam, Salutationem Angelicam, Symbolum Fidei, decem Præcepta Decalogi, quinque Ecclesiæ, & septem Sacramenta.

XIV. Magnus obrepfit error per Diocesim, quod existiment statim a Sponsalibus licere sibi concubere absque solemnizatione alia Sacramenti Matrimonii prævia, quod plures etiam contrahunt coram alieno Parochio, & scientes talia illorum Matrimonia esse irrita, non contrahunt de novo: de utroque debent serio moneri, nisi velint in aliorum exemplum severe puniri.

XV. Quidam Parochi sunt nimis faciles in copulando, non monito Ordinario, vagos, sicuti & famulos & ancillas, qui non sunt sui Parochiani, neque animum habent ibi figendi domicilium, & consequenter deberent dimitti, & proclamari a proprio Parochio.

XVI. Peccant gravissime parentes permittendo, quod filii, & filia: grandiores concumbant, ligna in sylvis colligant, pascant simul greges, exponentes ita suas filias magno periculo incestus, corruptionis & æternæ damnationis.

XVII. Conjuges non pauci separant sese ab invicem cum scandalo, & sine autoritate Superioris; alii adulterantur; alii permittunt proles suas cohabitare hæreticis cum manifesto periculo perversionis.

XVIII. Nullo modo permitti debet, ut Catholici copulentur cum hæreticis, aut econtra, neque quod hæretici sint patrini vel maritrinæ prolium
Catho-

Catholicorum; & licet alia Matrimonia permittantur in terris, in quibus Catholici vivunt mixtim cum hæreticis; in ditionibus tamen Regis Catholici non datur illa libertas: quare etiam in posterum nulli copulabuntur, nisi confessi, communicati & sub Missa.

XIX. Satagant Parochi, ut hæretici obstinati abigantur; sicut lupi ab ovibus per bonos Pastores arceri debent; & si committant aliquod scandalum, statim illud deferant ad Episcopum, cui quamprimum Archi-Presbyteri transmittant nomina, cognomina, & statum hæreticorum omnium sui respective districtus.

XX. Non permittant unquam Regulares in suis Ecclesiis Parochialibus seu Capellis prædicare, confessiones excipere, mendicare, aut quolibet modo stationes suas habere sine expressa licentia, ab Episcopo obtenta in scriptis, & ipsis Parochiis exhibita.

XXI. Pastores defectu Læctionis Catechisticæ pro instructione sui populi sub concione diebus Dominicis recitabunt tractum, & intelligibiliter in lingua vernacula Orationem Dominicam, Symbolum Fidei, Præcepta Decalogi, Ecclesiæ, & septem Sacramenta: ubi vero habetur Læctio Catechistica, examinent diligenter, utrum majori cum fructu illa possit institui post Vesperas, & non post Missam matutinalem, in qua rari comparent pueri.

XXII. In omnibus locis, in quibus fieri potest, convenit omnino, ut introducatur pro salute populi Missa matutinalis & Læctio Catechistica & ad hoc uniantur Beneficia simplicia, contribuant Confraternitates, Mensæ pauperum, & communitates de mediis congruis provideant: in quem finem possent etiam Sacerdotes assumi in Custodes, prout in multis locis practica-tur.

XXIII. Ad impediendum lusus puerorum, frequentationes tabernarum & computationes adolescentum & puellarum in multam noctem ac tripudia, per quæ exponitur magno periculo puellarum pudicitia, & plurima committuntur peccata, præstaret in omnibus Parochiis cantari Vesperas &

Laudes, & doceri Catechismum, ad quem obligantur parentes mittere filios suos & filias, cogendi etiam ad hoc per Magistratus sæculares.

XXIV. Scandalosum est post Evangelium exire & negligere concionem, & longe pejus non redire ad Missam, absumere etiam Credo, Præfationem & Orationem Dominicam in Missa cantata, & tuncare alia, est prorsus contra ritus & cæremonias Ecclesiæ, ac proinde ne in posterum huiusmodi fiant, districtè prohibetur.

XXV. Neque ulla ratione permitti debet, ut tempore Divinorum Officiorum frequententur tabernæ, & ita se ingurgitent vino adusto, ut tota die sint inutiles ad serviendum Deo: quare tabernæ eo tempore sub gravi pena claudi debent; sicuti & officinæ omnes, ne fiant nundinæ & publica monopolia.

XXVI. Processiones cum armis & bombardis & aliis distractionibus non probantur; illæ autem, quæ sunt superstitiosæ & potius in dedecus, quam in Sanctorum honorem, debent de toto abrogari, & longiores abbrevientur, ne devotio populi tepescat, & occasiones dentur computationibus, rixis & scandalis.

XXVII. Proclamationes forenses & denuntiationes quarumcunque venditionum seu rerum venalium, seu citationes & monitiones ad solvendum debita, vel similes actus judiciales nequaquam deinceps permittantur fieri in Templis, quæ sunt Domus Orationis, sed extra Tempia, in locis profanis, ac Officiis Divinis jam peractis.

XXVIII. Pastores non recipiant in suos Parochianos advenas, nisi testimoniales exhibuerint ultimi sui Pastoris; defectu cujus denuntientur Episcopo, ut ad id compellantur, vel aliter desuper provideatur.

XXIX. Reddantur singulis annis computus Ecclesiarum, Mensarum pauperum, Fabricarum, Hospitalium & Confraternitatum, ad quas non admittantur hæretici.

XXX. Archi-Presbyteri ad minus semel quorannis celebrabunt sua Capitula, in quibus examinabunt separatim singu-

singulos Pastores super criminibus publicis, statu Ecclesiæ, Registris bonorum, de Ludimagistro, Custode; informabunt etiam, cui Pastor confiteatur & quoties, an legat Breviarium, an habeat libros necessarios, quo habitu utatur, an ipsi & Capellani non dent pravam exemplum, an Capellani non habitent in tabernis, agantque subinde tabernarii vices, aliaque faciant, quæ personam Ecclesiasticam non decent, si non sint dediti venationi, alantque columbas in campanili seu tectis Ecclesiæ cum damno publico ac contradictione Parochianorum, an non nimis familiariter conversentur cum fœminis suspectis de incontinentia, an domos suas interteneant fartas rectas, an non sint ebriosi, & aliquando ita potu obruti, ut non possint administrare Sacramenta cum ingenti præiudicio & iactura animarum.

XXXI. Ne fiat excessus in exigendo accidentia, seu, quæ vocant, jura Stolz, Pastores & Capellani in pagis servabunt sequentem Ordinationem, videlicet pro Baptismo & registratione accipiant tres asses Brabanticos, & Custos mediam partem; pro administratione Venerabilis Eucharistiæ tres asses pariter Brabanticos, & si Extrema Unctio administraretur separatim, totidem.

XXXII. Pro Sponsalibus, proclamationibus & solemnizatione Matrimonii & inregistratione accipiant a Nobilibus & ditioribus ducatum aureum, a mediocribus triginta asses Brabanticos, & Custos duodecim asses; ab iis vero, qui sunt tenuioris fortunæ, sex asses, & Custos duos; a pauperibus vero vel nihil, vel admodum parum pro charitate, qua in illos ferri debent.

XXXIII. Pro purificatione puerperæ a divitibus sex asses & a mediocribus mediam partem. Pro Sepultura, Exequiis, Missa, Vigiliis & Commemorationibus ordinariis accipiant imperialem & Custos quartam partem, pro officiis aliis extraordinariis, ad Nobilibus & ditiorum instantiam fieri consuetis, pro rata, & proportionaliter ad supradicta.

XXXIV. Pro Missa votiva seu defunctorum, solenni cantata duodecim

asses, & Custos tres. Pro Missa lecta sex asses, & si Sacerdos veniat ex loco remotiori, octo asses semper & ubique Brabantinos.

XXXV. Pro sepultura parvulorum sex asses, neque amplius pro omnibus functionibus supradictis per modum stipendii poterunt exigere, sed bene recipere, si fidelium liberalitas ad quid amplius se extendat. Jura Sacellani sunt comprehensa in iis, quæ solvuntur Pastori.

XXXVI. In Civitatibus vero ob diversos usus & consuetudines Ecclesiarum diversæ quoque statuentur suo tempore hujusmodi jurium moderationes & taxæ.

XXXVII. Populus summa laborat ignorantia circa Sacramentum Pœnitentiæ, ita, ut plerique non dent Confessario, dum continentur, materiam absolutionis: quare in catechisatione & in ipsa confessione diligenter instruendus est, quomodo & quando suas confessiones instituere debeat: ut & pueri & puellæ sunt catechizandi, antequam communicare in Paschate incipiant.

XXXVIII. In Festis Dedicationis & aliis Festis Patronorum omittuntur Vesperæ, & alia Officia, ut liberius possint vacare symposiis magno cum scandalo, vel tam obiter & celeriter peraguntur, ut præstaret illa omitti.

XXXIX. In quibusdam locis pulsus macutinus, meridionalis & vespertinus fit cum tintinnabulo; fiat imposterum cum majori campana, ut ab omnibus audiri possit.

XL. Beneficiati, qui de jure aut de consuetudine ad personalem residentiam obligantur, resideant; alii vero suas Missas curent exonerari, Altaria debite ornari, & alia fieri, ad quæ tenentur ratione Beneficii sub pœna suspensionis a Beneficio & officio, & imposterum omnes Beneficiati in admissione sua jurabunt, quod nihil promiserint aut dederint directe aut indirecte, pro consecutione Beneficii, Patronis, aut aliis quibuscunque. Curabunt etiam Archi-Presbyteri, ut solvantur jura absentiarum, Cathedraticum, & recogni-

cognitiones impositæ unionibus, & fructus extra tempora, rationem de iis suo tempore reddituri. Nemo etiam solvat pensionem aliquam de suo Beneficio sine legitimo consensu Superioris sub pœna privationis.

XLII. Oportandum summopere esset, ut possent præsertim in oppidis erigi Scholæ Dominicales ad juventutem instruendam, & avertendam eam a lusu, tripudiis & comotationibus: salaria pro Ludimagistris possent sumi a mensis pauperum, & Confraternitatibus: non minus necessarium esset Seminarium, si posset inveniri modus repartitionis faciendæ inter Ecclesiasticos, prout fit in aliis Episcopatibus.

XLIII. Non est ferendum, quod bona pauperum, Ecclesiæ, fabricæ, Confraternitatum ac Hospitalium tam male administrantur a Laicis, illa vili pretio elocando, & fructus vendendo iis ipsis, seu propinquis & amicis eorum, qui eadem regunt & administrant: qua in re est Pastoribus maxime vigilandum, & congruum tanto malo querendum remedium.

XLIII. Registra prædictorum bonorum pro eorum conservatione renovanda sunt singulis decenniis cum suis limitibus & conterminis; & dicta bona elocanda non ultra triennium aut tempus a jure statutum, & aliis elocariis, quam ipsis administratoribus seu suis consanguineis.

XLIV. Magnus abusus in Diocesi irrepsit in violando jejunia, abstinentias, & festa, super quibus etiam Laici temere ponentes manum ad incensum non verentur dispensare.

XLV. Querendum est remedium contra usurpantes bona, jurisdictiones, res, jura, fructus & redditus Ecclesiarum seu locorum quorumvis piorum: interim populo sapius legatur & explicetur per Concionatores. Decretum Concilii Tridentini *sess. 22. Cap. 11. de Reform.* contra hujusmodi occupatores.

XLVI. Pastores & alii Ecclesiastici non pauci immemores sui status & regalis Sacerdotii, vestiti incedant more sæculari & cum capillitio militari non gestantes coronam, nec per decentiam

habitus extrinseci morum honestatem intrinsecam, juxta modum iis præscriptum in Synodo Mechliniensi *Titulo 18. Cap. 4.* ostendentes.

XLVII. Alii, quod turpius est, agunt Mercatores, Colonos, Factores seu Receptores sæcularium & inhiant lucris temporalibus, per quæ præterquam quod plurimum derogent suæ dignitati, & vituperetur ministerium eorum, etiam sibi maximum odium conciliant suorum Parochianorum.

XLVIII. Statuetur pœna & multa in eos, qui bestias suas immittunt in Cœmeteria, & similiter in eos, qui irreverenter assistentes Divinis, utuntur Altaribus pro suis fulcris.

XLIX. Non exorcizent personæ laicæ seu Ecclesiasticæ, Sæculares seu Regulares sine particulari facultate & licentia Episcopi.

L. Nulli ponantur Ædiles, Ludimagistri, Rectores Confraternitatum, mensarum pauperum, aliorumque piorum locorum & foundationum Provisores, nisi cum consensu Pastorum.

LI. Parochiani habitantes in diffitis ab Ecclesia Parochiali locis, utpote circa Capellas & appendices, ut debito cum honore & reverentia iis ministrantur Venerabile Sacramentum Eucharistiæ & Extrema Unctio, mittent Pastori carrucam, prout multis locis laudabiliter observatur.

LII. Nulli Sacerdotes sæculares aut Regulares possint dicere Sacrum in ædibus privatis, nisi ad id sint sufficienti facultate, Episcopo exhibenda, muniti.

LIII. Pastores ut complacent quibusdam personis negligentioribus, nequaquam mutabunt horam Missæ, quæ fiat tempore per Congregationes Synodales statuto, ita ut omnes sive primæ, ubi ea est, sive secundæ commode possint interesse.

LIV. Computus Testamentorum & domorum mortuariatum debeat infra annum reddi coram Episcopo, seu ejus Officiali, aut alio ad id deputato.

LV. Moniales cujuscunque Ordinis seu Religionis ante investitionem

G g g g g

& professionem examinentur ab Episcopo, seu ejus Vicario, aut alio ad id deputato juxta Decretum Concilii Tridentini *Sess. 25. Cap. 17.*

Quæ ita ordinata, statuta ac decreta in Congregatione Archiepiscoporum supradicta mandamus ab omnibus & singulis, ad quos ea pertinent, in-

violabiliter observari. Actum Ruræmundæ 23. Septembris 1652.

(L.S.)

ANDREAS
Episcopus Ruræmundensis.

Ex Knippenbergio cit.



SYNODUS DIOECESANA MONASTERIENSIS,

Sub CHRISTOPHORO BERNARDO a GALEN, (*)
LVII. Monasteriensi Episcopo,

Eodem anno Christi MDCLII.

DIE XV. OCTOBRI

CELEBRATA.

CHRISTOPHORUS BERNARDUS, DEI GRATIA ECCLESIE Monasteriensis electus & confirmatus Episcopus, Sacri Romani Imperii Princeps, Burgavivus in Stromberg, Dominus in Borkelobe &c. Universis & singulis Cathedralis nostræ Ecclesiæ, Monasteriorum & Collegiarum, Parochialiumque Prælati, Abbatibus, Præpositis, Prioribus, Decanis, Canonicis, Rectoribus, Curatis & non Curatis, aliisque Personis Ecclesiasticis, Civitatis & Diocesis nostræ Monasteriensis, Salutem in Domino sempiternam.

Cum oculos nostros in viciniora loca, quæ banc a DEO Nobis commissam Dioecesin undequaque ambiunt, conjicimus, videmus inter eos Nos versari, qui, sicut a Religione Orthodoxa sunt alieni, sic duriose ac serio, in vitam & vitia, Cleri præsertim, semper intendunt, magnam existimantes se nactus occasionem sive veræ fidei evertendæ, sive conversionis impediendæ, si auditoribus suis pleno ore proponere possint, quam parum vita Cleri & Pastorum cum doctrina & professione concordet, unde fit, ut auctoritas sanctæ Fidei periclitetur, & eorum nomen fateat, qui Christi bonus odor esse deberent in omni loco. Nos itaque, qui pervigilamus, tanquam Deo rationem reddituri de animabus vestris, de vita, etiam de moribus & administratione vestra, illud præ cæteris ex animo optamus, ut vos, qui in adiutorium & partem oneris Angelicis humeris formidandi, Nobis Divino munere electi & adjuncti estis, verbo, facto, exemplo & conversatione illud exprimatis, quod popu-

lus Nobis ac vobis, suo tamen ordine, commissus tuto ac libenter sequatur; facietis autem uti clementissime confidimus non minori nostro gaudio, quam vestro merito, ac animarum fructu, si ad ea, quæ præleguntur Decreta, animum diligenter adverteritis, & ad eorundem executionem ac observantiam Nobiscum DD. Prælati & Archiepiscopi Diaconi, sicut se obligatos agnoscunt, collaboraverint.

Sunt autem tenoris subsequenti:

Imprimis ad compescendos, seu abolendos abusus, & indecentia quæcunque, in quantum possumus, Sacrosancti Concilii Tridentini Decreta, tam doctrinam Fidei, quam reformationem vitæ ac morum respicientia, alias ab Antecessoribus nostris vobis insinuata, de consilio & assensu Venerabilium D. D. Præpositi, Senioris, Præsidentis, & Capituli Ecclesiæ nostræ Cathedralis præsentibus, vobis omni-

(*) Vide sub finem Synodi.

omnibus & singulis superscriptis iterum & serio insinuamus, ac vos nihilominus monemus, & requirimus, vobisque & vestrum cuilibet, in virtute sanctæ obedientiæ districte præcipiendo mandamus.

Quatenus omnes, & quascunque suspectas mulieres, non solum domibus vestris, sed etiam civitatibus, oppidis, & pagis ita a vobis excludatis, ut verisimiliter nihil sinistri possit, aut valeat de iisdem, aut vobis in suspicionem trahi.

Atque hunc in finem edictum de amovendis suspectis mulieribus a Nobis anno superiore emanatum, & in superioribus Synodis ex hoc loco publicatum, denuo vobis insinuandum duximus, & insinuamus.

Quia etiam nonnulli reperiuntur, quod cum horrore dicimus, qui toties moniti, sæpius multati, concubinas ad se recipere præsumperunt, vel adhuc in domibus suis, pagis, & vicinis locis admittunt, fovent & frequentant, Edicto superiore in suo robore permanente, per præsentis dicimus & declaramus, si qui post has Edicti publicationes in tali, ac tam scandaloso crimine deprehensi fuerint, eos privilegio & licentia testandi, quomodocunque ea obtenta & concessa fuerit, per hoc excidisse, nec eorum testamenta, ultimas dispositiones & constitutiones, sive in Camera Sigilli, sive in Cathedrali & Collegiatis effectum & robur sortituras esse.

Item a crapula & ebrietate diligenter abstineatis, & vino vobis temperetis, nec ad bibendum quispiam incitetur, cum ebrietas inducat mentis exitium, & libidinis provocet incentivum.

Insuper tabernas publicas, nisi forsan in itinere constituti, nullatenus visitetis.

Ludos taxillorum & alios actus illicitos non frequentetis.

Usuras, Simoniam, Officia, & Commercia sæcularia per vos, & alios non exerceatis.

Conspirationes contra vos invicem, & maxime contra Prælatos & Majores vestros non faciatis.

Tomus IX. Concilior. German.

Tonsuram, & vestes Clericales ultra genua propendentes, gestetis, quas si non habetis, intra triginta dierum spatium easdem vobis procuretis.

Atque cum hoc DD. Prælatos, Archi-Diaconos, aut quoscunque Ecclesiarum Superiores requirimus, eisdemque in virtute S. obedientiæ per hoc nostrum Edictum serio mandamus, ut sicut a sibi subjectis Clericis omnem in vestitu levitatem, & curiositatem arcerere debent, sic honesti & Clericalis habitus gestationem, tam intra, quam extra civitatem, tum exemplo, tum multis, suspensione ab Ordinibus, Officio, Beneficio, ac fructibus, redditibus ac proventibus ipsorum, vel etiam, si continuata, post unam alteramve monitionem, in nonnullis contumacia deprehendatur, gravioribus censuris introducere satagant, realiter & cum effectu. Alioquin Nos, eorum negligentiam non tantum supplebimus, sed etiam conniventiam pro culpæ qualitate puniemus.

Requirimus etiam cum hoc dictos DD. Prælatos, & Archi-Diaconos, ut in suis Ecclesiis & districtibus, beneficia Ecclesiastica habentes ad sacros Ordines jubeant promoveri, sicut exigit tenor foundationis & ratio beneficiorum.

Novelli Sacerdotes sæculares Primicias suas celebrare non præsumant, nisi prius coram Vicario nostro, vel aliis ad hoc nominandis, specimen dederint, quod in cærimoniis Missæ juxta Rubricas novi Missalis sint bene & sufficienter instructi, & exercitati.

Beneficiatos quoscunque, qui se a suis Beneficiis hucusque absentarunt, & absentant, ad personalem residentiam cogant, & inducant; sic quod nullus Beneficiatorum intra Monasteriensem Diocesim, a personali residentia sui Beneficii sine legitima causa, & absque speciali licentia nostra, aut sui Prælati se absentare præsumat: Alioquin negligentiam ipsorum Prælatorum supplere volentes contra ipsos delinquentes, & personaliter non residentes, prout juris fuerit, procedemus.

Atque hunc in finem renovamus, & insinuamus vobis Edictum de Residentia

G g g g 2 dentia

dentia anno 1651. a Nobis emanatum, & in Synodo ex hoc loco vobis insinuatum.

Cum vero paucos huic nostro Decreto paruisse deprehendamus, dicimus, & declaramus per presentes, omnes eos (juxta S. Concilii Trident. Decretum) qui infra sex menses, post publicationem & insinuationem factam ad residentiam personalem in locis beneficiorum suorum se non qualificarunt, quarta parte reddituum, sive annuarum obventionum per Pastores colligenda, & cum consilio Superiorum ad pios usus applicanda, privandos esse, & nihilominus post lapsum sex mensium (hoc est ante proximam Synodum autumnalem hujus anni 1654. (*)) proxime ab insinuatione subsequens, si contumaciter nihilominus abesse præsumperint, ad privationem beneficiorum, juxta dicti S. Concilii dispositionem, procedendum esse, prout privamus, & ad privationem respective procedi faciemus, realiter & cum effectu, nisi cum eis fuerit legitime dispensatum. Volumusque, ut hæc nostra declaratio Pachtariis, Decimariis, Pensionariis &c. ex ambone per Pastores publicetur.

Requirimus DD. Archi-Diocos, ut diligenter & serio advertant in eos, qui clandestina Matrimonia contrahunt, & propriis Pastoribus irrequiritis, & neglectis, coram aliis, sive intra sive extra Diocesim, fidem matrimonialem sibi invicem dare præsumunt. Unde non tantum sic contrahentes puniendi sunt, sed etiam ad separationem contra hujusmodi erit procedendum, usque dum coram proprio Parocho, vel alio ad id specialem potestatem habente, consensum repetant.

Atque ut hæc omnia melius curentur, Pastorum erit ad minus semel in anno Decretum S. Concilii Trident. Sess. 24. de Reformat. Matrimonii, germanico idiomate Decretis Synodalibus, aut novæ Agendæ, brevi nostro jussu imprimendæ adjunctum, populo prælegere, eundemque de impedimentis in jure Canonico, & Agenda Monasterii expressis, instruere. Et quidem,

nisi gravis ratio aliud suadeat, commodum videtur, ut ab omnibus id fiat Dominica prima post Octavam Epiphaniæ, cum de Nuptiis in Cana Galilææ Evangelium prædicatur.

Monemus insuper Provisores, & Structores Ecclesiarum & Capellarum, quos per vos, & quemlibet vestrum sub præcis antedictis moneri præcipimus, & mandamus, quatenus opportuno tempore Ecclesias, Capellas, Cœmiteria, violatas & violata, Altariaque dotata, & nondum consecrata: neque benedicta aut reconciliata reconciliari, & consecrari procurent, realiter & cum effectu.

Altaria vero, quæ neque dotata, neque consecrata sunt, & ornari propter Ecclesiarum inopiam non possunt, prout & imagines quascunque deformes, mutilatas, aut etiam non satis approbatas amoveri, atque ad tabulatum, vel supra fornices Ecclesiarum extra conspectum populi collocari mandamus.

Circa Altarium verò amotionem, cum ea tam multis & sacris carimoniis, Deo, unctio Episcopali consecrata sint, nihil attentari volumus, sine licentia nostra, aut Vicarii nostri Generalis, a quo modum petere licebit, quomodo religiose & debite talis Altarium amotio facienda sit.

Requirimus omnes & singulos etiam Testamentarios & Executores Testamentorum, Beneficiarios, Defunctorum, & quarumcunque Personarum Ecclesiasticarum Civitatis, & Diocesis Monasteriensis, quatenus Sigilliferum Curie nostræ prædictæ, de bonis Testatorum inventis, infra mensem, de dispositione eorundem bonorum inventorum, infra annum, post obitum Testatoris immediate sequentem, certificent & informant, eique rationem reddant, ut tenentur. Alioquin contra eosdem, prout de jure poterimus, Censura Ecclesiastica mediante, procedemus, sive Manifestos, sive Executores Testamentorum, sive ultimarum voluntatum, illorum, qui ultra annum decesserunt, & dicto Sigillifero nostro de bonis Testatorum per eosdem inventis, nondum computum reddi-

[*] Quo nimirum, jussu Reverendissimi, typis mandabatur hæc Synodus.

reddiderunt (licet tamen per Nos, & nostra mandata ad hoc sapius fuerint requisiti) pœnam arbitrariam incidisse declaramus.

Mónemus interim & sub contestatione Divini iudicii inculcamus omnibus & singulis Clericis, ut in testamentis condendis meminerint Deo, Ecclesiæ, & pauperibus gratam vicem esse reddendam, ut, si quæ eorum gratia & beneficio bona conquesta sunt, Testatorum liberalitate ad eosdem ex majori saltem parte recurrant, nec putent ii, qui spuriis suis sub alimentorum, dotis, aut titulo fiduciariæ institutionis, aut alio amplam hæreditatem, splendidas domos, fundos, bona immobilia, monumenta scilicet impuritatis, & incontinentiæ æterna impendunt, DEI, Ecclesiæ, pauperumque vix memores, se peccati mortalis reatum, Dei vindictam, nostram etiam censuram, iustitiæ & conscientia ita distante, evituros, cum in detestationem damnati coitus lex disponat, ut sit supplicium hoc parentum, ut agnoscant, spurios præter alimenta statui congrua ex bonis nihil habituros.

Insuper requirimus, & in Domino adhortamur omnes & singulos Dominos Abbates, Priores, Præpositos, Decanos, Archi-Diaconos, & alios quoscunque de jure vel consuetudine, jurisdictionem & subditos habentes, conjunctim & divisim, quatenus infra mensis spatium a dato præsentium proxime & immediate sequens, excessus culpabiles suorum subditorum, præsertim circa violationem dierum Festorum, & transgressionem mandatorum Ecclesiæ, qui durantibus superioribus bellis valde scandalose irruerunt, corrigant, errantium correctionem & salutem, non vero multam præ oculis habentes. Quod si tamen multam necessitas, vel scandali ratio exigat, non minus qualitas excessus, quam status excedentium in considerationem trahatur, & tum se correctionis fructum sperare posse confidant, si ad pios usus multæ convertantur.

Inhibemus etiam universis & singulis Ecclesiarum Parochialium, & Capellarum Rectoribus, ne aliquis Mo-

nachos, cujuscunque status & Ordinis fuerint, & Presbyteros extraneos ignotos in suis Ecclesiis & Capellis admittat ad Divina, nisi primitus per Nos, five nostrum Vicarium in Spiritualibus fuerint approbati & admissi, & de eorum admissione per patentes literas sigillo Curie nostræ Monasteriensis antedictæ sigillatas, legitime constiterit.

Insuper mandamus vobis Rectoribus Ecclesiarum sæpeditis, ac Clericis, ut intra Missas & alia Divina Officia religiose, ut decet, sitis induti, sacrum Missæ Officium, prout in duabus superioribus Synodis mandatum est, juxta eas cæremonias, quæ in novo Missali Monasteriensi præscribuntur, citra obligationem, diebus etiam feriabilibus per hebdomadam in Ecclesia tantum, & non in domibus privatis sine expressa nostra, & in scriptis obtenta licentia peragatis. Et si qui iisdem cæremoniis in celebrando se non accommodaverint, a celebratione suspendantur, nisi cum iisdem in scripto desuper fueris dispensatum.

In Missis publicis & privatis, quæ non sunt pro defunctis, post ultimam Collectam in fine Missæ ante conclusionem addantur verba illa: *Et famulum tuum Antistitem nostrum CHRISTOPHORUM BERMARDUM, & omnes illi commissos, ab omni adversitate custodi, & pacem tuam nostris concede temporibus.* NB. nisi conclusio ultimæ Collectæ id non admittat; quod etiam non intermittit Religiosi, & quomodolibet exempti.

Optamus & hortamur omnes Superiores, Pastores, & Concionatores, ut præter supremum Dei cultum, & ea, quæ ad Christianam perfectionem pro status & vocationis ratione pertinent, devotionem erga Beatissimam Virginem MARIAM, S. Angelum Custodem, S. Paulum, S. Josephum Nutritium Christi, qui Patronus est singularis agonizantium, S. Ludgerum Proto-Episcopum Monasteriensem, & omnes Sanctos in animis subditorum plantare, conservare & promovere studeant.

Sanctissimum Eucharistiæ Sacramentum pure, nitide, religiose & reverenter, lampade ante Tabernaculum semper accensa, affervetur, tractetur,

& ad ægros cum ardenti lumine, & superpelliceis & campanula deferatur.

Ad exteriorem cultum & reverentiam, quam Christo in hoc eodem Sacramento præsentī debemus, spectat Sacerdotalium indumentorum, Altarium & calicum mundities & nitor congruus, optamusque, ut restituta jam pace calices, si non ex integro, saltem in cuppa argentei sint, & intus deaurati. Idem de Ciboriis & Tabernaculis sive Ostensoiriis intelligendum putamus.

Processiones cum Sanctissimo Sacramento non habeantur per circulum cœmeterii, nisi in quatuor anni summis Solemnitatibus, Festo & Octava Corporis Christi, & solemnioribus Processionibus Civitatum & Parochiarum. Quando vero sunt preces decem aut quadraginta horarum, Indulgentiæ, Patrocinium, sufficiet, si exposito SSmo Sacramento in Altari, & omīssa aut habita Processione, coram eo flexis genibus dicantur Litanie de omnibus Sanctis. Unde quod Processionem, & Stationes attinet, stari potest laudabili consuetudini, & dispositioni Superiorum ejusque loci.

Pastorum est, male habentibus non in vita tantum & bona valetudine, virtutes & vitia, gloriam & pœnam præparato & zeloso animo proponere, sed vel maxime in mortis articulo assistere; hinc & sua sponte, magis autem invitati & requisiti nihil circa Sacri Viatici & Extremæ Unctionis administrationem, aliaque, quæ moribundos pro æternitate certantes adjuvare possunt, culpabiliter & negligenter intermitterent. Gravamus etiam cum hoc conscientias Archi-Diaconorum, eisdemque coram Deo requirimus, ut Pastorum & Curatorum negligentiam nimis notoriam, præsertim in Extrema Unctione introducenda & administranda, omni modo conentur emendare.

Conveniens etiam est, ut pro aliarum Diœcesium & Ecclesiarum ritu, Festum Dedicationis & Patroni cum Octava in singulis quibusque Ecclesiis celebretur, quod & Nos in publicis & privatis Officiis juxta rubricam Breviarii Monasteriensis, & morem solem-

nium Octavarum ab omnibus fieri volumus & mandamus. Et ut vel maxime unio omnium nostræ Diœcesis Ecclesiarum cum Ecclesia Cathedrali ceu Matre melius agnoscat, visum est, ut juxta S. Romanæ Ecclesiæ dispositionem Festum Dedicationis Ecclesiæ nostræ Cathedralis in hac nostra Civitate Monasteriensi ab omnibus cum Octava; extra vero Civitatem ipsa Dedicationis dies in Choro aut Horarum lectione celebretur, translato aut anticipato S. Hieronymi festo.

Processiones speciales Parochiarum ruralium, quæ ad multas horas protrahuntur, & post medium noctis inchoantur, ne onerosæ sint, & ex quorundam malitia periculosa, contrahantur, tollantur abusus, & ea, quæ fere sine scandalo, aut superstitione vix fiunt.

Insuper curandum, ut populus instruat, in quo consistat vera devotio, quæ in Processionibus requiri solet.

Et quia ingratum est Deo, quicquid ei obtuleris, neglecto eo, ad quod teneris, curandum a Pastoribus, ne per longarum processionum & concionum fastidia, præceptum Ecclesiæ de Sacro diebus Festis audiendo a multis negligatur, prout plerisque in locis fieri dolenter inaudimus.

In casibus, in quibus pœnitentes ad Superiores remitti debeant, eos studeatis diligenter informare, agentesque pœnitentiam solemnem in die Jovis sancto ad Ecclesiam nostram Monasteriensem reconciliandos transmittatis.

In casibus autem occultis Nobis, seu Episcopo reservatis, renovamus, & per præsentem confirmamus privilegium & gratiam a gloriosæ memoriæ Prædecessoribus nostris ERNESTO & FERDINANDO Pastoribus & Curatis concessam, ut omnibus liceat pœnitentes subditos absolvere.

In publicis autem & notoriis, vel qui ad forum externum deducti sunt, nemo se immisceat, nisi qui licentia speciali aut privilegio munitus extiterit.

Catechismum D. Petri Canisii diebus Dominicis, ac Festivis juxta modum, & formam præscriptam in libello

lo quodam Serenissimi q. Principis, & Episcopi nostri Dni FERDINANDI gloriosæ recordationis jussu edito (quem ad hunc finem omnes sibi coemere debeant) juvenuti & rudi populo publice proponatis.

Cantiones germanicas, & Melodias, quæ levitatem non sapiunt, in lectionibus Catecheticis & Scholis, aut etiam ex turribus admittimus, quæ in libris cum licentia Superiorum & Censorum Catholicorum impressis continentur.

Idem ut sub Officio Missæ, sub Elevatione, & Communione fiat in Civitatibus minoribus, in quibus Collegiæ non sunt, oppidis & pagis pro excitando lætitiæ cultu erga Christum sub speciebus consecratis præsentem, gratiose permittimus. Alias cantiones sub pena gravissima irremissibiliter persolvenda prohibemus, usque dum eæ per Nos, aut ex commissione nostra per Vicarium Generalem, & Theologos fuerint examinatæ & approbatæ.

In Ecclesiis Collegiatis, & Parochialibus juxta morem antiquum, præscripta Canonum, & foundationis tenorem per bellicos tumultus interruptum, Officia & Horæ Canonice decantentur & recitentur, & nemo ad illius dignitatis Canonicatus, & Beneficii curati, vel non curati investituram & possessionem admittatur, nisi prius juxta Sacri Concilii Tridentini Sanctionem Fidei professione secundum formulam PII IV. emissæ.

Dies Rogationum & Litaniarum Majores ritu Ecclesiæ Catholicæ celebrentur cum Litaniarum & Sacri decantatione, & ut populus frequens, & libens interfit, pro concione suaviter est cohortandus.

Cum etiam non pugnet cum Religiosorum privilegiis, quin potius salubriter cautum sit, ut in Fæstorum, quæ in foro peraguntur, celebrationibus, Diocesanis consuetudinibus se accommodent, volumus, ut ubi festum S. Annæ per Diocesin nostram, altera ab Assumptionis B. Mariæ Virginis die etiam in foro celebratur, idem a Religiosis obedienter & conformiter fiat.

Cæterum Processus, & Mandata quoscunque, & quæcunque auctoritate Episcoporum Monasteriensium felicitium recordationum, a nostra voluntate, & assensu emissos, & emissæ, & pluries a sacra Synodo generali in dicta Ecclesia nostra Monasteriensi celebrata in præsentia Prælatorum, & aliorum Clericorum Civitatis & Diœcesis Monasteriensis tunc ibidem congregatorum executos & executæ, una cum Statutis tam Provincialibus, quam Synodalibus, in omni eorum forma præsentibus innovamus, ipsosque & ipsa vobis universis & singulis supradictis intimamus, insinuamus & notificamus, ac eos & ea cum & sub penis, & censuris in iisdem contentis & expressis firmiter & inviolabiliter observari præcipimus, & mandamus.

Absentes vero, qui ad sacram Synodum absque nostra, sive dicti nostri Sigilliferi petita & obtenta licentia non venerunt, vel qui sine Religione dictam Synodum intraverunt, præsentibus judicamus contumaces, eosque in penam in nupera Synodo publicatam incidisse declarantes, super hujusmodi contumacia, prout juris fuerit, procedemus, & procedi faciemus.

Demum requirimus, & clementissime mandamus DD. Archi-Diaco-nis, ut horum Decretorum Synodaliū copiam sibi procurent, atque in visitationibus Archi-Diæconalibus, sive Synodalibus privatis eorundem observantiam urgeant, negligentiam & contraventionem puniant, scientes se Nobis, prout de jure tenentur, rationem reddituros.

In quorum omnium fidem ac testimonium Decreta hæc Synodalia auctoritate nostra cum consilio & assensu Rdi Capituli nostri Cathedralis, modo prælecta manu nostra subscripsimus, & Sigillo nostro fecimus communiri.

Datum in Episcopali nostra Civitate Monasteriensi anno Dni Millesimo sexcentesimo quinquagesimo secundo, die decima quinta mensis Octobris.

Christophorus Bernardus

mpp.

(L. S.)

Feria

Feria 3tia post Dominicam *Lætare* anni subsequenti celebrabitur Synodus Quadragesimalis.

Feria 3tia, quæ incidit in 13tiam Octobris, post festum Ss. Gereonis & Sociorum Martyrum celebrabitur Synodus Autumnalis cum Indulgentiis plenariis ac cæremoniis, quæ in Pontificali Romano præscribuntur, ad quam omnes, qui de jure aut consuetu-

dine convenire & comparere tenentur, sub pœna Decretis Synodalibus inserta citantur.

Prælati & Superiores Collegiorum & Monasteriorum, prout & Pastores exemplar intimationis factæ Synodi Episcopalis cum annexa instructione ex Camera Sigilli gratis petere & accipere possunt tum pro se, tum pro vicinis, qui absentiam suam sufficientem & legitime excusant.

CHRISTOPHORUS BERNARDUS, magnum apud Historicos Nomen, Bellidux ætate sua clarissimus, nec minori cum laude nominandus Episcopus, in lucem ex Equestri Galeniorum apud Westphalos familia prodit a. 1606. IV. Idus Octobris. Cursum politioris literaturæ in Paulino PP. Soc. JESU Gymnasio Monasterii Westph. emensus, Philosophica tum Colonia, tum Moguntia sub iisdem Patribus excepit. Lovanium deinde maximi ingenii adolescentem in utroque jure instituit: donec illum variis jam Legationibus functum, & sacri in Æde summa ærarii Quæstorem, ad vacantem ab obitu Ferdinandi Bavari dignitatem Episcopalem præ aliis, illustrem illum Pontificatum procantibus, quinque potissimum Candidatis, quos inter speciali ob turbas postmodum gravissimas ab se excitas memoria notandus est *Bernardus Malingrotius* Monasteriensis Decanus, potior Canoniorum eligentium pars eveheret. Primas novi Principis curas acuebant variæ copiæ, novis patriam sæde laceratam vulneribus in dies perfodientes. Vechtiam Suecus, Hassus Cosfeldiam, Bevergernam Batavus præfidiis sat caris premebant. Suecorum Aulæ quinque debebat imperialium Myriades afflicta Germania, una duntaxat Westphalia pignori data. Conquisitis magna industria pecuniis infestum Dicecesi militem brevi exegit Princeps & prægrandibus patriam difficultatibus eripuit. Urbem Monasteriensem turbulentis quorundam, qui a Malingrotio stabant, male cautorum concionibus motam, primamque in seditionem a. 1654. effusam, iterum pristina velut e cineribus odia a. 1655. suscitantem, nova deinde Principis imperium insolentia a. 1656. molientem excutere, post acrem mensium aliquot obsidionem ad deditio-nem, pacemque petendam compulit, tabulis eo de pacto Geistana in arce ad XII. Kal. Novembres signatis. Sed non diu pax tenuit, Hanseatici juris ambitione Monasteriensium animis altius hærente. Recruduit a. 1659. fatale bellum, cujus flammam pecuniæ Batavorum & sperata summis in miseris auxilia haud parum nutrire. Exinctum illud anno tandem 1661. VII. Kal. Aprilis est, atque Episcopum inter & Cives pax coaluit. Quam epocham ad posteros transmisit nummus publice distributus, his averfa in parte circa D. Pauli Monasteriensium Patroni effigiem adscriptis vocibus: *Monasterium Westphaliæ ad obedientiam reductum a Celsissimo & Reverendissimo DD. Christophoro Bernardo Episcopo Monasteriensi.*

Synodos, quas vigilantissimus gregis sui Pastor celebravit, ex ordine dabimus, bellorum, quæ contra Hollandos, & Sueciæ Regem gessit, tum causas & seriem, tum exitus, Lectori benevolo apud AA. mox citatos inspicienda, brevitate gratia relicturi.

Diem ultimum clausit Christophorus Bernardus a. Christi 1678. æt. 72. Reg. 22. postquam Ferdinandum Fürstenbergium, Paderbornensem Episcopum, virum doctissimum a. 1667. adsumpsisset in Coadjutorem, ac pedum Episcopi, ubi res postulabat, ense Principis & autoritate, DEO O. M. nixus, intrepide defensusset pius Præsul, justus Princeps, fortis Miles, vel, ut aliis placet, pius in Religiosos, justus in subditos, fortis in hostes.

Vide v. Alpeni, Scriptorem coævum in *Vita Christi. Bern. a Galen. Londorp. Tom. VII. & VIII. & alios apud Struvium Hist. Germ. Tom. II. cit.* Adde J. Fordanxi motuam Monasteriæ narrationem Synopticam a. 1661. editam. Legitiam, sed oculo partium studia adverte, poterunt Hubnerus Hist. univers. Tom. VII. in vit. Bern. a Galen a pag. 940. Author vitæ Bern. a Galen ab Hollandis editæ. Denum (*La Vie & les Actions de Monsgr Christ. Bern. de Gale*) libellus, ut in fronte legitur, Colonia apud Petrum Le jeune a. 1679. impressus, Stomachi, quæ velarum & aculeorum ad nauseam plenus.

SYNODUS DIOECESANA HILDESHEIMENSIS,

Eodem anno Christi MDCLII.

PRÆSIDENTE

Serenissimo ac Reverendissimo Principe ac Domino,

D. MAXIMILIANO HENRICO,

Coloniensi Archi-Episcopo, Episcopo ac Principe LIV.

HILDESHEIMENSI,

CELEBRATA

XII. ET XIII. APRILIS, QUÆ FUIT LUNÆ ET MARTIS

POST DOMINICAM PALMARUM.

INDICTIO Sacræ Synodi Diœcesanæ HILDESHEIMENSIS,

AD FERIAM SECUNDAM, QUÆ ERAT XII. DIES APRILIS POST
DOMINICAM PALMARUM ANNI M.DC.LII.

MAXIMILIANUS HENRICUS, DEI ET APOSTOLICA

Sedis gratia Sanctæ Coloniensis Ecclesiæ Archi-Episcopus, S. R. I. Princeps Elector, & per
Italiam Archi-Cancellarius, ejusdem Sedis Apostolicæ Legatus natus, Episcopus & Princeps
Hildesheimensis & Leodiensis, Administrator Berchtesgadensis, Comes Palatinus Rheni,
utriusque Bavarie, Westphalie, Angarie, & Bullionis Dux, Marchio Francki-
montensis, Comes Hornensis & Loffensis, &c. Venerabili Clero Civitatis
& Diœcesis nostræ Hildesheimensis Salutem in Domino
sempiternam.

Auxiliante DEO, Episcopalis Nobis in-
juncti muneris ergo, ad præscriptum SS.
Canonum, nec non SS. Concilii Tridentini,
de Venerabilis Capituli nostri Cathedralis con-
silio pariter & assensu Diœcesanam Synodum ce-
lebraturi, universos & singulos de Clero Colle-
giatarum nostrarum, & quarumcunque alia-
rum Ecclesiarum, & Monasteriorum, hujus
nostræ Civitatis & Diœcesis, rpe. Abbates,
Præpositos, Decanos, Canonicos, Parochos
& Beneficiatos, tam Seculares, quam Regu-
lares, qui Synodo de jure vel consuetudine in-
teresse debent, ne aliqua ignorantia excusari
possint, hoc publico nostro Edicto, quod ad lo-
ca solita affigi, & promulgari jussimus, in
Domino monemus, eisdemque in virtute san-
ctæ obedientiæ, ac sub penis a jure constitutis,
districte præcipiendo, mandamus, ut præsti-
tuta die Lunæ, quæ erit duodecima proximi
Aprilis, hora septima matutina, ad Synodum
prædictam, superpelliceis mundis, aliisque con-

suetis, pro uniuscujusque gradu & conditione,
Ecclesiasticis indumentis, ac paramentis con-
veniant, nec inde cuiquam discedere liceat, nisi
impetrata a Nobis facultate, sub dictis penis,
ut ita ope, atque auxilio DEI, ea pertrahē-
mus ac promulgemus, quæ ad animarum sa-
lutem, Clerique nostri disciplinam, & Divini
cultus incrementum, ac morum reformatio-
nem, pro temporum ratione pertinere, ac spe-
ctare censuimus. In cujus rei fidem hasce li-
teras, manu nostra subscriptas, Sigilli no-
stri appensione jussimus communiri. In Civi-
tate nostra Hildesheimii die 27. Martii, Anno
M. DC. LII.

Maximilianus Henricus

Archi Episc. & Elector Colon.

Episcopus Hildesheimensis, &c.

(L. S.)

Joan. Stam mpp.

Tonius IX. Concilior. German.

H h h h h

ORDO

ORDO SACRÆ SYNODI DIOECESANÆ HILDESHEIMENSIS.

Die II. Aprilis, quæ erat Dominica *Palmarum*, Prædie indictæ Synodi, post quintam vespertinam, facto in Cathedrali Ecclesia initio, in reliquis quoque Catholicis Ecclesiis Civitatis Hildesheimensis solenniter fuit pulsatum.

Luna, quæ erat 12. Aprilis, stylo veteri post datum consuetum signum, mane summo, Maratino & Laudibus &c. decantatis, & aliis Divinis rite peractis, factaque circa sextam solenni compulsionatione, Clerus paulatim in Aula majori prope Cathedralem convenit, & circa septimam jam collectus prælata per Clericum Cruce, processit ad Palatium Episcopale; Cleroque secundario ibidem in Aula majori subsistente, Prælati & Canonici Cathedrales Antecameram ingressi, Serenissimi Principis adventum expectabant. Serenissimus Princeps cappam, ut vocant, Pontificalem indutus violacei coloris, cujus extrema Clericus colligebat, Archi-Mareschallo cum gladio, aulæ Proceribus, Cancellario, ac Consiliariis præcedentibus, stipantibus hinc inde bipenniferis, suo ex conclavi est egressus, quem Clerus secundarius ex aula majori, Cruce prælata, præcessit, secutique Decanus & Canonici Ecclesiæ Cathedralis, Aulicique reliqui.

Ex ordine Serenissimus ex aula majori per gradus & atrium Palatii descendens, Cathedralē Ecclesiam per portam primariam antiqui, ut vocant, Paradysi ingressus, accepto a Decano Cathedrali post manus osculum, aspersorio, aqua lustrali ab uno Sacellanorum porrecta, Clerum, reliquosque circumstantes aspersit, redditoque aspersorio, processione ritu, per Templi navem, Chorum conscendit per medium Clerum hinc inde Principi suo se reverenter inclinantem. Serenissimus Princeps comitantibus Presbytero & Diaconis assistentibus, aulæque Proceribus, ad Altare majus progressus, in faldistorio ad id decenter ornato, aliquamdiu oravit, Suffraganeo suo Hildesheimensi ad cornu Epistolæ e regione Serenitatis suæ alba & stola jamtum induto, nec non tribus Abbatibus insulatis præstolantibus, orantem Serenissimum DD. Presbyter & Diaconi assistentes sacram vestem prius induti utrimque cinxere.

Interea Clerus omnis primarius & secundarius loca sibi pro dignitate & gradu cujusque assignata, in subselliis hinc inde occupavit hoc ordine:

1. Prælati & Canonici Cathedrales.

2. Decanus & Canonici Collegiæ Sancti Mauricii prope & extra muros Civitatis Hildesheimensis.
 3. Decanus & Canonici Collegiæ S. Crucis.
 4. Senior & Canonici Collegii S. Andreae.
 5. Senior & Canonici S. Joannis.
 6. Canonici S. Mariæ Magdalænæ in Cathedralo.
 7. Cathedralis & prædictarum Ecclesiarum respective Pastores, Vicarii, Beneficiarii, Saccentores & Chorales.
 8. Parochi Catholici urbici & rurales.
- De Clero Regulari Prioribus accessere Civitatis & novem Monasteriorum ruralium Prælati.

Finita oratione, Serenissimus Princeps cum suis Assistentibus ad thronum suum conopæo eleganti lectum progressus in eo consedit, manus infervantibus tribus primariis aulæ suæ Proceribus, abkuit, moxque Serenissimum cappa Pontificia prius exutum DD. Presbyter & Diaconi assistentes induere humerali, cingulo, stola, cruce pectorali, pluviali violaceo auro intertexto, & mitra; quæ paramenta a sex Vicariis ex altari majori desumpta reverenter suo ordine exhibebantur. Serenissimo Principe pontificalibus jam paramentis induto, Suffraganeus ejusdem Hildesheimensis juxta credentiam necessariis omnibus instructus, a sibi Assistentibus Episcopali quoque habitu indutus, exhibita Serenitati suæ reverentia, cum duobus Cathedralibus Canonici Diacono ac Subdiacono ad Altare majus progressus, solenne Sacram de Spiritu Sancto, symphoniacis exquisito vocum ac instrumentorum concentu prosequentibus, decantavit. Serenissimo Principe interea suo in throno Collectam, Epistolam, Evangelium, &c. cum celebrante Suffraganeo legente.

Paulo post decantatam Epistolam prodiere Ceroferarii duo, totidemque Ephēbi rædigeri cum Subdiacono Missæ librum Evangelii deferente, Diaconus Serenissimo Principi manum prius deosculatus, porrigebat naviculam argenteam cum thure & cochleari, moxque Serenissimus thus impositum thuribulo benedixit, quo reverenter accepto, Diaconus Evangelii librum incensavit, obtentaque prius genibus flexis benedictione a Serenitate suâ, Evangelium decantavit prope thronum, sub cujus finem librum Evangelii deosculandum Serenissimo Principi exhibuit, qui in folio suo Pontifici reassumpta mitra rursus consedit.

Paulo

Paulo ante Elevationem Serenissimus e throno suo cum mitra & pedo Episcopali descendit cum Assistentibus ad faldistorium separatum ante medium Altare, depositaque mitra & pedo sub Elevatione genuflexus oravit, prodeuntibus utrimque debita cum reverentia Altari & Serenissimo exhibita, Ephebis nobilibus quatuor cum facibus; post factam Elevationem Serenissimus, uti prius, cum suis Assistentibus ad thronum est regressus.

Sacro peracto, D. Suffraganeo ad locum regresso, Serenissimus Princeps cum Assistentibus ex throno cum mitra & pedo processit ad medium Altaris, ibidemque genuflexus aliquamdiu oravit, dein mitra deposita incepit Antiphonam: *Exaudi nos Domine*, &c.

Qua finita, Clerus & Cantores Psalmum 86: *Salvum me fac Deus*, &c. ex Nocturno feriae quintae graviter & alternatim decantarunt, Serenissimo interim Principe in faldistorio, facie ad Clerum versa, consistente.

Decantato Psalmo & repetita Antiphona, Serenissimus Princeps surgens, ex Pontificali Romano dixit:

Adsumus, Domine Sancte Spiritus, adsumus, peccati quidem immanitate detenti, sed in nomine tuo specialiter aggregati: veni ad nos, adesto nobis, dignare illabi cordibus nostris, doce nos, quid agamus, quo gradiamur, ostende, quid efficiamus; operare. Ego solus, & Suggestor & Effector iudiciorum nostrorum, qui solus cum Deo Patre, & ejus Filio, nomen possides gloriosum: non nos patiaris perturbatores esse iustitiae, qui summe diligis equitatem, ut sinistram nos non ignorantia trahat, non favor inflectat; non acceptio muneris vel personae corrumpat, sed iunge nos tibi efficaciter solius tuae gratiae dono, ut simus in te unum, & in nullo deviemus a vero, quatenus in nomine tuo collecti, sic in cunctis teneamus cum moderamine pietatis iustitiam, ut hic a te in nullo dissentiat sententia nostra, & in futuro pro bene gestis consequamur praemia sempiterna.

Clerus respondit: *Amen*.

Subiunxit Serenissimus

OREMUS.

Omnipotens sempiternus Deus, qui misericordia tua nos incolames in hoc loco specialiter aggregasti, mentes nostras, quaesumus, Paracletus, qui a te procedit, illuminet & inducat in omnem, sicut tuus promissit Filius, veritatem, cunctosque in tua fide & charitate

Tomus IX. Conciliorum German.

corroboret: ut excitati a temporali Synodo, proficiamus ad aeternae felicitatis augmentum. Per eundem Dominum nostrum Jesum Christum Filium tuum, qui tecum vivit & regnat in unitate ejusdem Spiritus Sancti Deus, per omnia saecula saeculorum.

Respondit Clerus: *Amen*.

Porro Serenissimus Princeps resumpta mitra, caeteris genuflexis, supra faldistorium procubuit, tum Cantores inchoarunt Litanias de omnibus Sanctis, universo Clero respondente; & post illa verba: *Ut omnibus fidelibus*, &c. *Te rogamus audi nos*. Serenissimus Princeps surrexit, pedumque tenens, Sacrae Synodo his verbis producta super omnes Cruce solenniter benedixit: *Ut hanc praesentem Synodum visitare, dispo-*

nere & benedicere digneris.

Responditque universus Clerus: *Te ro-*

gamus audi nos.

Litanis decantatis, Serenissimus ad Altare conversus, subiunxit: **OREMUS.**

Diaconus: *Flectamus genua*.

Subdiaconus respondit: *Levate*.

DA, quaesumus, Ecclesiae tuae, misericors Deus, ut Spiritu Sancto congregata, serva tibi devotione servire mereatur. Per Dominum nostrum Jesum Christum Filium tuum, qui tecum vivit & regnat in unitate ejusdem Spiritus Sancti Deus, per omnia saecula saeculorum.

Resp. Clerus: *Amen*.

Deinde Serenissimus accepta mitra, ascendit ad sedem sibi in plano Altaris preparatam, in eaque confidens benedixit incensum ac imposuit thuribulo, moxque Diaconus ex Cathedralis Ecclesiae Canonici dalmatica indutus, petita, obtentaque benedictione a Serenissimo, praecedentibus Thuriferario, Ceroferariis duobus, ac Subdiacono librum Evangeliorum deferente, cantavit Evangelium, praemittendo: *Dominus vobiscum*.

Resp. Et cum spiritu tuo.

Sequentia sancti Evangelii secundum Lucam,

Resp. Gloria tibi Domine.

In illo tempore. Convocatis Jesus duodecim Apostolis, dedit illis virtutem & potestatem super omnia demonia, & ut languores curarent. Et misit illos praedicare regnum Dei, & sanare infirmos. Et ait ad illos: Nihil tuleritis in via, neque virgam neque peram, neque panem, neque pecuniam, neque duas tunicas habeatis. Et in quamcumque domum intraveritis, ibi manete, & inde ne exeatis. Et

H h h h a

qui:

quicumque non receperit vos: exeuntes de civitate illa, etiam pulverem pedum vestrorum excutite in testimonium super illos. Egredi autem circuebant per castella evangelizantes, & curantes ubique.

Decantato Evangelio, Serenissimus Princeps delatum ad Serenitatem suam eodem ordine librum deofuscatus, ac dein incensatus fuit, moxque mitra deposita, ante sedem suam ad Altare conversus, reliquis genua suis in locis flectentibus, imposuit Hymnum: *Veni Creator Spiritus*, &c. Clero reliqua cantu solenni alternatim prosequente.

Expleto Hymno, Serenissimus Princeps cum mitra in faldistorio confidens, Clerum allocutus est hisce verbis:

Venerabiles Consecrati, Fratres nostri charissimi, præmissis Deo precibus, oportet, ut ea, quæ de Divinis Officiis, vel sacris Ordinibus, aut etiam de nostris moribus, & necessitatibus Ecclesiasticis a Nobis conferenda sunt, cum charitate & benignitate unusquisque vestrum suscipiat, summaque reverentia, quantum valet, Domino adjuvante, percipiat, vel quæ emendatione digna sunt, omni devotione unusquisque fideliter studeat emendare: & si cui forte, quod dicitur, aut agatur, displiceat, sine aliquo scrupulo contentionis palam coram omnibus conferat, quatenus, Domino mediante, & hoc ad optimum statum perveniat, ita ut nec discordans contentio ad subversionem iustitiæ locum inveniat, neque iterum in perquirenda veritate vigor nostri ordinis, vel sollicitudo tepescat.

Qua allocutione facta, Serenissimæ Celsitudinis suæ Officialis Hildeshelmensis genuflexus ante Serenissimum petita Benedictione, & ea obtenta, contulit se ad suggestum, & habuit Sermonem Synodalem de Divinis Officiis, ac Canonicorum & Ecclesiasticorum nuntis.

Deinde Serenissimus Princeps per eundem Officalem suum aperiri Synodum, & ulterius edici fecit, ut sequitur:

Serenissimus ac Reverendissimus in Christo Pater, Princeps ac Dominus noster Clementissimus, Dominus MAXIMILIANUS HENRICUS Archi-Episcopus Coloniensis, Episcopus Hildesheimensis, Dei nomine invocato, decernit Synodum hanc legitime a Serenitate sua indictam & congregatam aperiendam esse, prout eandem aperit, apertamque esse declarat in nomine Patris, & Filii, & Spiritus Sancti, Amen.

Quoniam vero veteris instituti, sollemniss-

que ritus est, in huiusmodi Synodali Conventu pro publicis rebus orationem fieri, proinde alte memorata sua Serenitas in omni prece a Sacerdotibus, præsertim in Missæ Sacrificio, his Synodalibus diebus ad DEUM orationem adhiberi edicit pro Sanctissimo Domino nostro D. INNOCENTIO, Divina providentia Papa hujus nominis Decimo, pro Serenissimo & Invictissimo Imperatore nostro FERDINANDO III., pro pace & concordia inter Principes Christianos, pro omni Ministerio Serenissimæ Celsitudinis suæ Episcopali, præsertim in hac Synodali rerum tractatione, pro Christianæ disciplina Cleri, populique confirmatione, & progressionem in Civitate & Diocesi hac sua, & pro Ministris, quos in hujus Civitatis & Diocesis suæ regimen & culturam adhibet.

Postmodum a Serenitate sua jam ante deputati Sanctæ Synodi Officiales munia sua obire inceperunt, & quidem Archi-Diaco-nus Serenissimum accedens facta profunda reverentia, incepit Decreta Concilii Tridentini, & alta voce legit Decretum ejusdem Concilii Session. 24. de Reformat. Cap. 2. de Synodo celebranda, in hæc verba:

Provincialia Concilia sicubi omif-
sa sunt pro moderandis mori-
bus, corrigendis excessibus, contro-
versis componendis, aliisque ex fa-
cris Canonibus permittis renoven-
tur &c. Synodi quoque Diocesanae
quotannis celebrentur, ad quas ex-
empti etiam omnes, qui alias cessan-
te exemptione interesse deberent,
nec Capitulis generalibus subdun-
tur, accedere teneantur, ratione ta-
men Parochialium, aut aliarum secu-
larium Ecclesiarum etiam annexa-
rum debeant ii, qui illarum curam
gerunt, quicumque illi sunt, inter-
esse, quod si in his tam Metropolitanis,
quam Episcopi & alii superscripti ne-
gligentes fuerint, pœnas sacris Ca-
nonibus sancitas incurrant. *Hactenus Concilium Tridentinum.*

Post hæc Serenissimæ suæ Celsitudinis Officialis legit sequentia Decreta:

1. Decretum, quod in Synodo nulli præjudicetur in sedendo.

Serenissimus ac Reverendissimus in Christo Pater, Princeps ac Dominus noster Clementissimus, Dominus MAXIMILIANUS HENRICUS, Archi-Episcopus & Princeps Elector Colo-nien-

Ionienſis, uti Epifcopus Hildesheimenſis, decernit & ſtatuit, ſi cui in hanc Synodum admiſſo contigerit ſuo loco non incedere, vel non ſedere, aut alium quempiam aſtum in eo gerere, non ideo cuiquam juſ acquiri, aut acquiſitum eſſe, nihilque de hujusmodi jure, aut poſſeſſione detrahi, ſed omnia in eo ſtatu permanere, in quo ante hanc Dioceſanam Synodum reperiiebantur.

2. Decretum, de Querelis &

Exculationibus audiendis.

Porro alte memorata ſua Serenitas ſtatuit & decernit, ne ſingulorum cauſæ graviorum rerum curſum impedi- ant, aut retardent, ut ſi qui erunt, qui accuſationes & querelas deferre voluerint, aut etiam abſentium excu- ſationes, exponant Reverendis & Ho- norabilibus Dominis alte memoratæ Serenitatis ſuæ Suffraganeo Hildeshei- menſi *Bernardo Frick*, Decano & Archi- Diacono *Friderico ab Oyenbauſen*, *Joanni a Schonebeck*, *Theodoro ab Oyenbauſen*, Celle- rario, & Canoniciſ Cathedralibus Sere- niſſimæ Celſitudinis ſuæ Officiali Hil- deſheimenſi *Joanni Matthiſio*, *Hemrico Matthiſio* Paſtori S. Antonii prope Ca- thedralem, quos ſua Serenitas ad id Judices clementiſſime deputavit.

3. Decretum, ut præſentes in

Synodo ſua nomina deſcribi curent.

Inſuper, ut alte memorata ſua Se- renitas eos, qui ob contumaciam aut negligentiam huic Synodo non inter- fuerunt, facilius cognoscat, ipſosque poenis a ſacris Canonibus injunctis ſub- jiciat, præcipit & monet omnes & ſin- gulos, qui in hac Synodo jure inter- ſunt, ut ante diem craſtinum nomina ſua ab eiſdem Synodi Notariis deputa- tiſ deſcribi curent.

His recitatis, unus ex Notariis pro- nunciavit alta voce, dicens:

Monentur omnes, qui in hac Synodo jure interſunt, ut nomina ſua hodie deferant ad nos Notarios deputatos, ut die craſtina vocari poſ- ſint.

Succeſſive Promotor pro legendis De- cretis Sacroſancti Concilii Tridentini de Pro- feſſione Fidei & Reſidentia faciendi inſtitit in hunc, qui ſequitur, modum:

Sereniſſimæ ac Reverendiſſimæ Princeps ac Domine Clementiſſimæ. Cavit Sacroſancta Tridentina Synodus, ut omnes, qui impoſſe- rum Beneficia Eccleſiaſtica fuerint aſſecuti, & qui in Synodo Dioceſana convenire debent, in ea Synodo, quæ primo quoque tempore celebra- bitur, certum juramentum recipiant, proſi- teantur & præſent, prout Tridentina ſanctio- ne expreſſum eſt.

Decernit præterea, ut non modo Patri- archæ, Archi-Epiſcopi, Epiſcopi, in ſuis Ca- thedralibus Eccleſiis reſidere debeant, verum id ipſum etiam mandat ſervari per Parochos, ac alios inferioris ordinis Chori ſervitio, & quo- tidianæ Reſidentię obſtriſtos, & ea id generis Decreta in Conciliis Dioceſanis publicari præ- cipit. Quocirca a Sereniſſima Celſitudine ve- ſtra Ego Joannes Matthiſius, bujus ſanctæ Synodi Promotor, humillime peto & requiro, Decreta diſſi Concilii circa Fidei profeſſionem & Reſidentiam diſponentia, nec non Conſtitutio- nem ſelicis recordationis PII Quarti, quæ in- cipit, Injunctum, ex ſuggeſtu legi, atque ad illorum præſcriptum ab iis, qui tenentur, omnia & ſingula præſtari.

Quibus lectis, Sereniſſimo Principe au- nente, proſequebatur Archi-Diaconus De- cretum: de Profeſſione Fidei, ex Concilio Tri- dentino *ſeſſ. 25. de Reform. Cap. 2.*

” Cogit temporum calamitas, & in-
” vaſeſcentium hæreſum malicia,
” ut nihil ſit prætermittendum, quod
” ad populorum ædificationem, & Ca-
” tholicæ Fidei præſidium videatur
” poſſe pertinere. Præcipit igitur ſan-
” cta Synodus Patriarchis, Primatibus,
” Archi-Epiſcopis, Epiſcopis, & om-
” nibus aliis, qui de jure, vel con-
” ſuetudine in Concilio Provinciali in-
” tereſſe debent, ut in ipſa prima Syn-
” odo Provinciali, poſt finem præſen-
” tiſ Concilii habenda, ea omnia, &
” ſingula, quæ ab hac ſanctæ Synodo
” definita, & ſtatuta ſunt, palam re-
” cipiant, nec non veram obedientiam
” ſummo Romano Pontifici ſpondeant,
” & proſiteantur, ſimulque hæreſes
” omnes a ſacris Canonibus, & Gene-
” ralibus Conciliis, præſerimque ab
” hac eadem Synodo damnatas, pub-
” lice deteſtentur, & anathematizent.
” Idemque in poſterum quicumque in
” Patriarchas, Primates, Archi-Epi-
” ſcopos, Epiſcoposque promovendi,
” H h h h h 3 i q

in prima Synodo provinciali, in qua
 ipsi interfuerint, omnino observent.
 Quod si quis ex supradictis omnibus,
 quod absit, renuerit, Episcopi Com-
 provinciales Summum Romanum
 Pontificem admonere sub pœna Di-
 vinæ indignationis teneantur, inte-
 rimque ab ejusdem communione ab-
 stineant. Ceteri vero omnes, sive in
 præsentia, sive in futurum Beneficia
 Ecclesiastica habituri, & qui in Syn-
 odo Dicecesana convenire debent,
 idem, ut supra, in ea Synodo, quæ
 primo quoque tempore celebrabi-
 tur, faciant, & observent: alias se-
 cundum formam sacrorum Canonum
 puniantur. Ad hæc, omnes ii, ad
 quos Universitatum, & studiorum
 generalium cura, visitatio, & refor-
 matio pertinet, diligenter curent, ut
 ab eisdem Universitatibus Canones,
 & Decreta hujus sanctæ Synodi in-
 tegre recipiantur, ad eorumque nor-
 mam Magistri, Doctores, & alii in
 ejusdem Universitatibus ea, quæ
 Catholicæ fidei sunt, doceant, & in-
 terpretentur, seque ad hoc institu-
 tum initio cujuslibet anni solemni ju-
 ramento obstringant: sed & si aliqua
 alia in prædictis Universitatibus cor-
 rectione, & reformatione digna fue-
 rint, ab eisdem, ad quos spectat,
 pro Religionis, & disciplinæ Eccle-
 siasticæ augmento emendentur, &
 statuantur. Quæ vero Universita-
 tes, immediate Summi Romani Pon-
 tificis protectioni, & visitationi sunt
 subiectæ, has sua Beatitudo per ejus
 delegatos eadem, qua supra ratione,
 &, prout ei utilius visum fuerit, sa-
 lubriter visitari, & reformari curabit.

Deinde, hoc Decreto recitato, Archi-
 Diaconus subjunxit:

*Serenissimus ac Reverendissimus in Chri-
 sto Pater, Princeps ac Dominus noster Cle-
 mentissimus, Dominus MAXIMILIANUS
 HENRICUS, Archi Episcopus Colonienfis,
 &c. Episcopus Hildesheimensis, volens supra
 dictum Decretum SS. Concilii Tridentini debi-
 tæ executioni mandari præcipit, & mandat,
 vobis omnibus, & singulis hic præsentibus,
 qui ea omnia, quæ in Decreto perlecto habentur,
 hactenus non adimplevistis, ut mox ad
 Serenitatem suam accedatis, & singuli Pro-
 fessionem fidei in manibus ejusdem emittatis.*

Posthæc Notarii dixerunt: *Accedant
 hic præsentibus ad Professionem fidei.*

Tum omnes genuflexi ante Serenissi-
 mum uno, alta voce prælegente, & ceteris
 ad verba, quæ ipse prælegit, alta voce re-
 petentibus, Professionem fidei emiserunt
 juxta formam Constitutionis PII IV, quæ
 incipit: *Injunctum*, &c.

Sequitur forma Professionis fidei.

*Ego NN. firma Fide credo, & profiteor
 omnia & singula, quæ continentur in Symbo-
 lo fidei, quo Sancta Romana Ecclesia utitur.*

Credo, &c.

Post lectam hanc formam Professionis
 fidei, singuli in manibus Serenissimi Princi-
 pis Juramentum emiserunt hoc modo:

*Ego NN. recipio, promitto, spondeo,
 profiteor, detestor, anathematizo, voveo, &
 juro, ut in Decreto, & formula Professionis
 fidei singula singulis referendo, sic me Deus
 adjuvet & Sancta Dei Evangelia.*

In principio erat Verbum, &c.

Peracta Professione fidei, Archi-Diaconus
 prosecuebatur legendo Decretum sacri
 Concilii Tridentini de Residentia Sess. 6. de
 Reform. Cap. 2.

Episcope inferiores quævis Bene-
 ficia Ecclesiastica personalem
 residentiam de jure, sive de consue-
 tudine exigentia in titulum sive com-
 mendam obtinentes, ab eorum Or-
 dinariis, quemadmodum eis pro bo-
 no Ecclesiarum regimine, & Divini
 cultus augmento, locorum & per-
 sonarum qualitate pensata, expediens
 videbitur, opportunis juris remediis
 residere cogantur: Nullique Privi-
 legia seu indulta perpetua de non re-
 sidendo, aut de fructibus in absentia
 percipiendis suffragentur. Indul-
 gentiis vero & dispensationibus tem-
 poralibus ex veris & rationabilibus
 causis tantum concessis, & coram Or-
 dinario legitime probandis, in suo
 robore permanentis. Quibus casti-
 bus nihilominus officium sit Episco-
 porum, tanquam in hac parte a Sede
 Apostolica delegatorum, providere,
 ut per deputationem idoneorum Vi-
 cariorum, & congruæ portionis fru-
 ctuum assignationem cura animarum
 nullatenus negligatur: Nemini quo-
 ad hoc privilegio seu exemptione
 quacunque suffragante.

His

His expeditis, Promotor S. Synodi alterius instituit, ut sequitur:

Serenissime ac Reverendissime Princeps, Clementissime Domine. Sacrosanctum Concilium Tridentinum Sess. 23. Cap. 18. Sanctissimo suo Decreto consulens recte Adolescentium institutioni statuit, ut singula Cathedralia, atque bis Majores Ecclesie, pro modo facultatum, & Diocesis amplitudine, certum puerorum ipsius Civitatis & Diocesis, vel ejus Provinciae, si ibi non reperiantur, numerum, in Collegio, ad hoc prope ipsas Ecclesias, vel alio in loco convenienti, ab Episcopo eligendo, alere ac religiose educare, & Ecclesiasticis Disciplinis instituere teneantur, aliaque pie multa sancivit, & potissimum, ut eligat duos Canonicos, quorum consilio in iis utatur, quæ ad puerorum ejusdem Seminarii institutionem, disciplinam, morisque attinent, & ad fabricam; & mercedem Præceptoribus & Ministris solvendam, nec non ad alendam Juventutem, & ad alios sumptus, ac alia, quæ ad instituendos vel alendos pueros sunt destinata, decrevit, ut Episcopus, sub cujus cura eadem applicata censentur, duos de Capitulo, quorum alter ab Episcopo, alter ab ipso Capitulo, eligatur; Itemque duos de Clero Civitatis, quorum alterius electio similiter ad Episcopum, alterius vero ad Clerum pertineat, adhibeat in consilium, consultationemque administrationis temporalium hujusmodi.

Ego igitur Joannes Matthæus, hujus S. Synodi Promotor, pro executione sanctionis hujusmodi illud a Serenitate vestra humillime peto & insto, quatenus tales eligere velit, prout Spiritus Sanctus suggererit, qui tantæ rei gravitati satisfacere possint.

Ab Archi-Diacono tum legebatur Decretum de eligendis iis ex Capitulo & Clero, qui interessent Congregationibus Seminarii, incipiens:

" **S**acra Tridentina Synodus cupiens Juventutem vel a teneris annis ad pietatem & Religionem informari, Sanctissima sanctione decrevit, in singulis Cathedralibus, & iis Majoribus Ecclesiis, Seminarii Collegia institui, pro quorum recta administratione & regimine illud etiam præscripsit, ut Episcopus Canonicos duos eligat, prout Spiritus Sanctus suggererit, quorum consilio in iis utatur, quæ ad puerorum institutionem & disciplinam, mores-

" que attinent, ac alios duos de Capitulo, quorum alter ab Episcopo, alter ab ipso Capitulo eligatur: duos item de Clero Civitatis, quorum alterius electio similiter ad Episcopum, alterius vero ad Clerum pertineat, quos in consilium adhibeat administratio- nis temporalium ipsius Seminarii.

Quocirca Serenissimus ac Reverendissimus in Christo Pater, Princeps ac Dominus noster Clementissimus, Dominus MAXIMILIANUS HENRICUS, Archi-Episcopus & Princeps Elector Colonienfis, &c. Episcopus Hildesheimensis, &c. hujusmodi Decretum exequi volens, pro cura hac, provisione, directione & inspectione Seminarii, ex Capitulo suo eligit DD. Decanum & Canonicos Cathedralis hujus Ecclesie sue Fridericum ab Oyenhausen, Joannem a Schonebeck, Joannem Godofridum ab Horden. Et rursum tum ex eodem Capitulo suo, tum ex Clero Civitatis ac Diocesis, Reverabili Synodo ad prædictum effectum proponit Theodorum ab Oyenhausen, Joannem Matthæum Canonicum & Scholasticum S. Mauriti, Michaellem Dollen Scholasticum S. Crucis, a S. Synodo hac approbandos.

Porro approbatione hac facta, instituit Promotor S. Synodi pro eligendis Examinatoribus & Judicibus Synodalibus in hunc, qui sequitur, modum:

Serenissime ac Reverendissime Princeps, Clementissime Domine. Quod sanctissime S. Tridentina Synodus peculiaribus Decretis sancivit, ut viri Ecclesiastici tales in hac S. Synodo Diocesana proponantur, tum pro Examinatorum Officio, tum pro Judicum causarum munere obeundo, ad præscriptum Constitutionis felicitis recordationis BONIFACII Papæ VIII. illud, ut a Serenitate vestra, & ab hac S. Synodo executioni mandetur, utque hujusmodi Examinatores, atque Judices probentur, humillime requiro, & insto, Ego Joannes Matthæus hujusmodi S. Synodi Promotor.

Mox Archi-Diaconus prosequendo legit Decretum S. Concilii Tridentini de eligendis Examinatoribus ad Parochiales Ecclesias, Sess. 24. de Reform. Cap. 18.

Expedit & infra, " Examinatores autem singulis annis in Diocesana Synodo ab Episcopo, vel ejus Vicario ad minus sex proponantur, qui Synodo satisfaciant, & ab ea probentur,

"tur, advenienteque vacatione cujus-
 "libet Ecclesiæ, tres ex illis eligat Epi-
 "scopus, qui cum eo examen perfici-
 "ant, Indeque succedente alia vacati-
 "one, aut eosdem alios tres, quos
 "maluerit, ex prædictis illis sex, eli-
 "gat: Sint vero hi Examinatores
 "Magistri, seu Doctores, aut Licen-
 "tati in Theologia, aut Jure Cano-
 "nico, vel alii Clerici, seu Regulares,
 "etiam ex ordine mendicantium, aut
 "etiam Sæculares, qui ad id videbun-
 "tur idonei, jurentque omnes, ad S.
 "DEI Evangelia, se quacunque hu-
 "mana affectione postposita, fideliter
 "munus executuros, caveantque, ne
 "quicquam prorsus, occasione hujus
 "examinis, nec ante, nec post acci-
 "piant, alioquin Simonie vitium tam
 "ipsi, quam alii dantes incurrant, a
 "qua absolvi nequeant, nisi dimissis
 "Beneficiis, quæ quomodocunque
 "etiam ante obtinebant, & ad alia im-
 "posterum inhabiles reddantur. Et
 "de his omnibus non solum coram
 "DEO, sed etiam in S. Synodo Dice-
 "cesana, si opus erit, rationem red-
 "dere teneantur, a qua, si quid contra
 "officium eos fecisse compertum fue-
 "rit, graviter ejus arbitrio puniri pos-
 "sint.

Promotor subjunxit:

*Serenissimus itaque ac Reverendissimus in
 Christo Pater, ac Dominus, Dominus MAXI-
 MILLIANUS HENRICUS Archi-Episcopus
 & Princeps Elector Coloniensis, Episcopus
 Hildesheimensis, hoc Decretum exequi volens,
 S. Synodo proponit ad hujusmodi examinandi
 munus, & in Examinatores, Joannem a
 Schonebeck, Theodorum ab Oyen-
 haufen, Cathedralis Ecclesiæ Canonicos,
 Henricum Mattheium Pastorem S. An-
 tonii prope Cathedralē, M. Henricum Ei-
 nemium Pastorem S. Crucis eligit. Illud
 autem Serenitas sua vos omnes hortatur in
 Domino, ut Examinatores sine ullo affectu pro-
 betis, sicuti illos pro Pastoralis sue vigilantia
 sine aliquo affectu proposuit.*

Propositis Examinatoribus præactis,
 Archi-Diaconus interrogavit Synodum hisce
 verbis:

Placentne Vobis Examinatores?

Secretarius autem accepit vota a Syno-
 do, dicens:

*Si quis est, cui non placeant, ad Sereni-
 tatem suam accedat.*

Approbat a S. Synodo Examinatori-
 bus, Promotor S. Synodi institit, pro publi-
 candis Examinatorum Nominibus, in hæc
 verba:

*Serenissime ac Reverendissime Domine.
 Actionis Synodalis & S. Concilii Tridentini
 ratio postulat, ut jam nomina Examinatorum
 ab hac S. Synodo probatorum publicentur, &
 ut ipsi Examinatores Juramentum, ad præ-
 scriptum ejusdem Concilii, præstent.*

*Quapropter Ego Joannes Mattheius,
 hujus S. Synodi Promotor, illud a Serenitate
 Vestra humillime peto, & enixe insto, ut eos
 omnes & singulos jam publicari faciat, & ut
 debitum Juramentum præstent, Decreto suo
 obstringat.*

Serenitate sua annuente, publicati sunt
 Examinatores a Notario, ut sequitur:

*Examinatores modo in hac sacra Synodo
 propositi & nominati, majori suffragiorum
 parte, sunt hi: DD. Joannes de Schone-
 beck, Theodorus ab Oynhausen, Cathe-
 dralis hujus Ecclesiæ Canonici, Henricus
 Mattheius Pastor S. Antonii, Henricus
 Einemius Pastor S. Crucis.*

Illico denunciati Examinatores, a Ma-
 gistro Cæremoniarum vocati & deducti, in
 manibus Serenissimi Juramentum præstite-
 runt, in hunc modum:

*Ego N. N. deputatus in presenti S. Syn-
 odo Examinator eorum, qui eligentur ad Pa-
 rochiales Ecclesias, juro me fideliter hoc ex-
 aminandi munere perfuturum, rejecto omni
 humano respectu, ita me Deus adjuvet & san-
 cta Dei Evangelia.*

In principio erat verbum, &c.

Prosequendo idem Archi-Diaconus, le-
 git Decretum Sacrosancti Tridentini de eli-
 gendis, quibus præter Ordinarios locorum com-
 mittantur causæ, Sess. 25. de Reform. Cap. 11.
 incipit:

Quoniam ob malitiosam peten-
 "tium suggestionem, & quan-
 "doque ob locorum longinqui-
 "tatem, personarum noticia, quibus
 "causæ mandantur, usque adeo habe-
 "ri non potest, hincque interdum Ju-
 "dicibus, non undequaque idoneis,
 "causæ in partibus delegantur, statuit
 "S. Synodus, in singulis Conciliis
 "Provincialibus, aut Diocesanis ali-
 "quot personas, quæ qualitates habeant,
 juxta

" juxta Constitutionem BONIFACII
 " VIII. quæ incipit, *Statutum*, alioquin
 " ad id aptas designari, ut præter Or-
 " dinarios locorum iis etiam posthac
 " causæ Ecclesiasticæ ac Spirituales &
 " ad forum Ecclesiasticum pertinentes,
 " in partibus delegandæ committan-
 " tur, & si aliquem interim ex desig-
 " natis mori contigerit, substituat Or-
 " dinarius loci cum consilio Capituli,
 " alium in ejus locum usque ad futu-
 " ram Provinciale[m] aut Diocesanam
 " Synodum: ita ut habeat quæque
 " Diœcesis quatuor saltem, aut etiam
 " plures probatas personas, ac ut su-
 " pra qualificatas, quibus hujusmodi
 " causæ, a quolibet Legato, vel Nun-
 " cio, atque etiam a Sede Apostolica
 " committantur: Alioquin post desig-
 " nationem factam, quam itatim Epi-
 " scopi ad Summum Romanum Ponti-
 " ficem transmittant, delegationes quæ-
 " cunque aliorum Judicum aliis, quam
 " his factæ, surreptitiæ censentur.

Postea subjunxit Archi-Diaconus Con-
 stitutionem BONIFACII VIII. quæ est *Cap.*
II. de Rescriptis, lib. 6.

Statutum & infra, " Sancimus igi-
 " tur, ut nullis, nisi dignitate præditis,
 " aut personatum obtinentibus, seu
 " Ecclesiarum Cathedralium Canoni-
 " cis, causæ Authoritate literarum Se-
 " dis Apostolicæ, aut Legatorum ejus-
 " dem de cetero committantur; nec
 " audiantur alibi, quam in Civitatibus,
 " vel locis insignibus, ubi possit com-
 " mode copia peritorum haberi, &c.

Publicabatur porro Decretum sequens:

Serenissimus itaque, ac Reverendissimus
in Christo Pater ac Dominus, D. MAXIMI-
LIANUS HENRICUS Archi-Episcopus &
Princeps Elector Colonienfis, Episcopus Hilde-
heimensis, &c. Ut prædictæ Constitutiones ex-
ecutioni mandentur, deputat & nominat in
Judices RR. DD. Joannem Loleman Ab-
batem S. Godehardi, Joannem a Schone-
beck, Matthiam Schmising, & Theo-
dorum ab Oynhausen, Canonicos Cathe-
drales, ut ex iis omnibus illos deligi per vos li-
ceat, qui S. Synodo satisfaciant & probati
sint.

Propositis præfatis Judicibus, Archi-
 Diaconus ita Synodum interrogavit:
Tonus IX. Concilior. German.

Placentne Vobis Judices modo propositi,
& nominati?

Subjunxit Notarius:

Si quis est, cui non placeant, accedat ad
Serenitatem suam.

Eorum, quorum interest, suffragiis pro-
 baris hujusmodi Judicibus Synodalibus, fie-
 bat instantia per Promotorem de illis evul-
 gandis in hunc modum:

Ut Synodali[m] actionum promotio &
progressio pro injuncti muneris ratione recte
atque ordine fiat, Ego Joannes Matthiſius,
hujus S. Synodi Promotor, illud a Serenissima
Celsitudine vestra humillime rogo, ut Judices
ex auctoritate Ejusdem S. Synodo propositi &
nominati, ac omnium, quorum interest, suffra-
giis secutis probati, jam demum, ut moris est,
publicentur.

Mox facta evulgatio Judicum per No-
 tarium, ut sequitur:

Judices in Synodum relati, & eorum,
quorum interest, suffragiis majori parte probati
sunt, DD. Joannes Loleman Abbas S. Go-
dehardi, Joannes a Schonebeck, Mat-
thias Schmising, & Theodorus ab Oyn-
hausen, Cathedralis hujus Ecclesie Canonici.

His peractis, quia tempus elapsum erat,
 priusquam fieret instantia pro continuatione
 Sessionis, promulgatum fuit per Archi-Dia-
 conum Decretum de non discetendo a Civi-
 tate, nec a Synodalibus Sessionibus, in hanc
 formam:

Serenissimus ac Reverendissimus in Chri-
sto Pater, Princeps ac Dominus: noster Clemen-
tissimus, universis præterea & singulis, qui
huic S. Synodo jure interesse debent, pena ex-
communicationis proposita, vetat, ne vestrum
aliquis, antequam hæc Diœcesana S. Synodus
de more absoluta & dimissa sit, discedat ab
hac Civitate, facultate sibi ab Altememorata
Serenitate sua non concessa, nec a sessionali loco,
nisi absoluta sessione, aut necessaria de causa,
sed huic S. Synodo, & quibuscunque sessionibus
aut conventibus, qui indicentur, interesse de-
beat.

Deinde facta instantia Promotoris, &
 accusatio contumaciæ contra absentes in
 huac modum:

Serenissime ac Reverendissime Princeps,
Clementissime Domine. Cum jam tempus S.
Synodi hujus diei transierit, qua omnes & sin-
guli Ecclesiastici Ordinis hujus Civitatis &
Diœcesis legitime per publicum Edictum moniti
hujus S. Synodo præsentis adesse deberent;
liiii cumque

cumque diversi non paruerint, sed usque adeo negligentes vel contumaces fuerint, ut neque praesentes adfuerint, nec vero iusti impedimenti excusationem, causamve aut nuncium miserint. Ideo pro munere mei officio Ego Joannes Matthaeus, hujus S. Synodi Promotor, reproducto Edicto supratatto eorum contumaciam accuso, hocque apud Serenitatem vestram urgeo & insto, ut Citationem valvis hujus Cathedralis Ecclesiae assignendam committat, & cum iisdem tanquam inobedientibus agi jubeat, proat juris est, & Ss. Canonum ratio postulat, & nihilominus absentium contumacia non obstante ad ea in S. Synodo hac procedi decernat, quae pro honore Dei, morum reformatione ac disciplina Ecclesiastica necessaria videntur.

Annunte Serenissima sua Celsitudine, Archi-Diaconus respondit:

Serenissimus ac Reverendissimus Princeps committit & decernit.

Posthac Promotor institit pro Indictione secundae Sessionis, in hanc formam:

Serenissime ac Reverendissime Princeps. Cum ea, quae in hac S. Synodo tractanda sunt, in ista Sessione expediri non potuerint, propterea a Serenitate vestra humillime peto, ut alteram Sessionem indici faciat.

Illico de mandato Serenitatis suae per Archi-Diaconum fuit promulgatum Decretum intimationis secundae Sessionis, in hunc modum:

Serenissimus ac Reverendissimus in Christo Pater, ac Dominus noster Clementissimus statuit & mandat proximam Sessionem die crastina, juvante Deo, hora septima hoc eodem loco celebrandam esse, eamque indicit universo Clero Civitatis & hujus suae Diocesis.

Porro Promotor conceptis verbis, instantiam fecit sub hoc tenore:

Ego Joannes Matthaeus, hujus S. Synodi Promotor, rogo te Notarium hujus S. Synodi, ut de omnibus & singulis hactenus peractis, unum vel plura conscias Instrumenta.

Respondit Notarius: Consciam.

Rogatus Notarii.

Hec omnia peracta fuerunt publica Sessione, ut supra, adhibitis etiam Testibus infra nominatis.

Demum Serenissimus ac Reverendissimus solemniter benedixit, & Sessionem primam dimisit, depositisque Pontificalibus indumentis & sumpta cappa, ad Episcopale suum Palatium rediit, a Capitulo suo & reliquo Clero associatus.

SECUNDA SYNODI DIE

Quae fuit Martis decima tertia

Aprilis, circa septimam obedienter comparentibus iterum in Cathedrali omnibus de Venerabili Clero.

Serenissimus ac Reverendissimus Princeps ex Palatio suo se ad Cathedralem contulit, uti die praecedenti, & ibidem [Sacra a D. Decano Cathedralis solemniter celebrato] Pontificalibus paramenis, uti hesternodie indutus, cum sibi Assistentibus pariter ad Altare majus processit, ubi absolutis Antiphona, Psalmo, Orationibus, Evangelio & Hymno: *Veni Creator Spiritus*, uti in Pontificali in ordine ad Synodum in secunda die, cum mitra confidens, S. Synodum ita est allocutus:

Venerabiles & Dilectissimi Fratres nostri, &c.

Post allocutionem hujusmodi Pastor S. Antonii supradictus impetrata a Serenissimo Principe licentia ac benedictione, habuit Sermonem Synodalem de muniis Pastoralibus: post quem accedens ad Serenissimum Principem Archi-Diaconum, facta profunda reverentia, accepit librum Decretorum, & legit Constitutiones aliquas Summorum Pontificum alias non promulgatas, nimirum quoad Officium Divinum debite peragendum, nec non quoad Doctrinam Christianam.

Quibus lectis, Promotor S. Synodi instantiam fecit pro eligendis Testibus Synodalibus & Punctatoribus, in hunc modum:

Serenissime ac Reverendissime Princeps, Clementissime Domine. Sacris Canonibus cautum est, ut viri aliquot graves & probati deligantur, qui diligenter animadvertant, an aliquid fiat in Urbe vel Diocesi, quod sit correctione, vel emendatione dignum, & consuetudine introductum est, ut in singulis Capitulis Punctatores deputentur, qui absentes & errantes puniant. Ego igitur Joannes Matthaeus, hujus S. Synodi Promotor, illud humillime a Serenitate Vestra peto, ut ad hujusmodi munus tales eligat, qui valeant satisfacere.

Deinde ab Archi-Diacono Decretum de Testibus Synodalibus publicatum fuit, ut sequitur:

Vetus est consuetudo, Ss. introducta Decretis, ut in omnibus Diocesanis Synodis aliquot viri spectati & probati deligantur, qui testes Synodales appellentur, qui diligenter animadvertant, an aliquid in Civitate, vel Diocesi

ceſi corrigendum, emendandumque ſit, cognitumque ad Reverendiſſimum Epiſcopum loci, aut Vicarium ejusdem, quotiescunque opus fuerit, fideliter referant, ut ſciens ſpirituales neceſſitates & aggritudines, facilius remedia comparare poſſit, idcirco Altememorata Serenitas ſua hoc inſtitutum approbans, huic Officio proponit eos, quos in hac ſchedula annotari fecit, eorumque nomina minime divulganda eſſe cenſuit, ut majori diligentia, & libertate huic muneri vacare poſſint.

Et ſtatim hoc loco porrecta fuit ſchedula annotatorum. Teſtium non evulgatorum.

FORMA AUTEM JURAMENTI
pro his Teſtibus Synodalibus hæc fuit;

EGO NN. uti Teſtis Synodalis a Sereniſſimo & Reverendiſſimo Epiſcopo ac Clementiſſimo Domino meo deputatus, promitto, ſpondeo & juvo, quodammodo inantea quicquid novi, aut audivi, aut poſtmodum inquiſiturus ſum, quod contra voluntatem DEI, & rectam Chriſtianitatem in Diaceſi, vel diſtrictu mihi commiſſo factum ſit, vel futurum erit, ſi in diebus meis evenerit tantum, ut ad meam cognitionem quocunque modo, ſi ſciro, aut indicatum fuerit mihi, Synodalem cauſam eſſe, & ad Miniſterium Sereniſſimi. uti Epiſcopi pertinere, quod nec propter timorem, nec propter præmium, nec propter parentelam ullatenus intimare omitam, Sereniſſimo Principi uti Epiſcopo, aut ejus Vicario, ſeu Officiali, quem hoc inquirere juſſit, quando ex hoc me interro-gaverit, ſic me Deus adjuvet, & hæc Sancta Evangelia.

In principio erat Verbum, &c.

Poſthæc promulgatum fuit Decretum de eligendis Punctatoribus, ſub hoc tenore:

Sereniſſimus ac Reverendiſſimus in Chriſto Pater, Princeps, ac Dominus noſter Clementiſſimus, D. MAXIMILIANUS HENRICUS, Archi-Epiſcopus & Princeps Elector Coloniensis, uti Epiſcopus Hildesheimensis &c. edicit, ab unoquoque ex Venerabilibus Capitulis tam Cathedralis ſuæ, quam Collegiatarum eligi Punctatores, qui abſentes in libro notent, ac ſexto quoque menſe ad Serenitatem ſuam punctationum notulam deferant, & huic officio ex unoquoque Capitulo proponit in hac ſchedula annotatos,

Tomus IX. Concilior. German.

non publicandos, qui ſecreto etiam ad præſcriptam formam poſthæc debitum præſtent Juramentum.

Et mox porrecta eſt ſchedula Punctatorum.

FORMA JURAMENTI

Punctatorum.

EGO NN. Punctatoris officium, quod in noſtra Eccleſia NN. ſuſcepi, per hæc Sancta DEI Evangelia juratus promitto, & ſpondeo, me fideliter & ſincere, quantum in me eſt, executurum; ſic me Deus adjuvet & Sancta hæc Evangelia.

In principio erat Verbum, &c.

Poſthæc Archi-Diaconus legit Decretum de Caſibus reſervatis.

Quoniam expedit pro temporum varietate Caſus reſervatos a Reverendiſſimo Epiſcopo aliquando mutari, ideo quo pleniſſe Caſus Sereniſſimæ ſuæ Celſitudini, uti Epiſcopo Hildesheimenſi reſervatos omnes norint. Ideo caſus hujusmodi edicit, & horum tabellam ſequentem in modum publicari mandavit.

Conſeſum publicabatur ab Archi Diacono tabella Caſuum.

Veneficia, incantationes, ſortilegia.

Homicidium voluntarium.

Percuſſio propriorum parentum deliberala.

Stuprum cum violentia, raptus, inceſtus cum conſanguineis, aut Sanctimonialibus.

Beſtialitas, ſodomia, procuratio abortus, animato ſætu, etiam effectu non ſecuro, perjurium in judicio factum.

Blasphemia enormis.

Crimen incendiariorum.

Reiteratio Baptiſmi, Confirmationis, &

Ordinis tam activa, quam paſſiva.

Violatio immunitatis aut libertatis Eccleſiaſticae.

Violatio ſigilli Confeſſionis.

Falſificatio Literarum publicarum.

Conjugis machinatio in mortem alterius conjugis.

Abuſus Sacramentorum ad vana & ſuperſtitioſa.

Deinde Archi-Diaconus legit ſequens Decretum de Vigiliis & Feſtis.

I i i i 2

Porro

Porro Altememorata Serenitas sua dies Festos, qui in Civitate & Diœcesi hac sua Hildesheimensi tam ex universali S. Matris Ecclesiæ mandato, quam de consuetudine hujus Diœcesis servari debent, annue evulgari decernit; Et tam Parochis, ut Festorum hujusmodi ac Vigiliarum & Jejuniarum aliorum dierum observantiam sedulo denuncient, ac procurent, quam etiam reliquis omnibus de Venerabili Clero suo hic præsentibus præcipit, ac mandat, Vigiliis, & festa Breviarii Romani hæcenus recepta, nec non annue publicandi Calendarii Hildesheimensis Ss. Patronorum Berwardi, Godehardi & Epiphanii festa ad normam Cathedralis modo, loco, & tempore debitè observari.

Porro publicatum fuit Decretum de Cathedralico solvendo, ut sequitur:

Sacrorum Canonum jure, sancitum est, ut in Diœcesana Synodo a singulis Parochis Cathedralici nomine, duo solidi exigantur, idque argumento honoris, qui Cathedrali Ecclesiæ tanquam Matrìci a cæteris Parochiali-

bus Ecclesiis tribui debet, quæ summa licet fortasse per longissimum temporis spatium a Parochis hujus Civitatis, & Diœcesis persoluta non fuerit, ea tamen debita est Cathedrali, nec præscribi potest. Est igitur Cathedralicum hoc jure exigì posset, attamen Altememorata sua Serenitas perpessus temporum injurias perpendens, id pro hac vice clementissime condonat, & remittit.

Hoc loco Altememoratæ Serenitatis suæ Officialis Decreta ejusdem specialia publicavit, ut sequitur:

Hæc sunt nonnulla Decreta Reformationis, condita a Serenissimo & Reverendissimo Principe ac Domino nostro Clementissimo, D. MAXIMILIANO HENRICO, Archi-Episcopo & Principe Electore Colonienfi, uti Episcopo Hildesheimensi, ad usum præsentis S. Synodi, quæ mandat omnibus & singulis, qui eidem S. Synodo interesse tenentur, ut ea suscipiant, & apud se retineant, & observent, atque ab aliis etiam, ad quos pertinet, observari studeant.

Decreta Synodalia hic lecta, quæ incipiunt:

Serenissimi ac Reverendissimi Principis ac Domini,
D. MAXIMILIANI HENRICI, Archi-Episcopi & Principis
Electoris Colonienfis, Episcopi & Principis Hildesheimensis, &c.

DECRETA SYNODALIA.

MAXIMILIANUS HENRICUS, DEI ET APOSTOLICÆ
Sedis gratia sanctæ Colonienfis Ecclesiæ Archi-Episcopus, Episcopus Hildesheimensis. Universis
& singulis Abbatibus, Præpositis, Decanis, Archi-Diaconis, Capitulis, Conventibus
Cathedralis, & Collegiatarum Regularium & secularium, Parochialiumque Eccle-
siarum, & Divinorum Rectoribus, totique Clero Civitatis & Diœcesis
nostræ Hildesheimensis, Salutem in Domino sempiternam.

Cum ex singulari DEI gratia, ad Ecclesiarum Nobis subiectarum disciplinam recte constituendam, atque ad Cleri, ac plebis Nobis commissæ salutem promovendam, adeoque ad totius Pastoralis muneris nostri functionem pro virili exequendam, juxta Ss. Concilii Tridentini præscriptum, ac Ss. Canonum Sanctiones, Diœcesana Synodi celebrationem compluribus annis, temporum injuria intermissam, in Cathedrali hac nostra Ecclesia, more

Majorum, in præsentiarum pristina observantia feliciter restituerimus. Visum Nobis fuit, in hac sancta Synodo de Venerabilis Capituli nostri consilio pariter & assensu decernere, definire, ac præcipere, prout per præsentem decernimus, definimus, ac præcipimus, ut sequitur:

Ante omnia, ut Fides nostra Catholica, sine qua impossibile est placere DEO, purgatis erroribus, in sua since-

sinceritate integra & illibata permaneat, atque ne Pastoralis nostræ curæ commissus grex omni vento doctrinæ circumferatur, tum Ecclesiastica disciplina restauretur, & quod in moribus Cleri ac populi deformatum est, emendetur. Volumus, ut Ss. Concilii Tridentini Decreta, quemadmodum ea superioribus annis in Dioecesana Synodo per Prædecessorem nostrum laudatissimæ memoriæ, Serenissimum ac Reverendissimum FERDINANDUM, Archi-Episcopum Coloniensem, & Episcopum Hildesheimensem, Præsidente Reverendissimo FRANCISCO GUILHELMO, Episcopo Osnabrugenſi publicata, ac recepta sunt, tam quoad Fidei, quam quoad morum Decreta, ab omnibus observentur, ac secundum ea omnes & singuli vitam ac mores instituunt, nec ab ejus doctrinâ, & regulis credendi, ulla ratione deviare, & abscedere tentent.

Prælati, Capitula, Conventus, ad quos suorum correctio, & reformatio de jure, vel consuetudine spectat, & pertinet, sibi immediate subiectos corrigant, & reforment juxta Decreta hæc nostrâ, atque hujusmodi correctionem intra trimestre faciant, & cum effectu adimpleant; aliquin eorum correctio, & reformatio ad Nos tanquam Superiorem statim devolvatur.

Insuper omnibus & singulis Ecclesiastici Ordinis, & status hominibus, Canonicis, & Beneficiatis præcipimus, & mandamus, ut in Ecclesiis, Capellis, & Beneficiis suis curatis, & non curatis, secundum fundationes eorum resideant, atque ad ordinem illum, quem Beneficia singulorum requirunt, & se faciant absque dilatione promovendi, nisi ex rationabili causâ cum ipsis a Nobis fuerit dispensatum.

Porro Beneficiati omnes plura Beneficia obtinentes, intra tres menses de eorum titulis coram Vicario nostro respondeant, ut circa pluralitatem Beneficiorum procedere, & exequi valeamus ea, quæ Ss. Canonibus, & Conciliis statuuntur.

Regularium, & Religioforum castimoniam æmulantes sedum concubitus, aut incontinentiæ vitium evi-

tent omnes, nec ullas personas quoquo modo suspectas intra, vel extradomum residentiæ suæ foveant; sed longissime a se abdicent, sub pœnis in Concilio Tridentino contra eosdem comprehensis.

Ecclesiastici in tonsura, & habitu Clericali decenti, non deformi, nec nimis brevi, sed aliquantulum talari, ut a Laicis dignosci possint, imposterum sub pœnis Ss. Canonum semper incedant, neque in Ecclesiis, Immunitatibus, sepulturis, aut publicis confessionibus, quoad fieri potest, aliter compareant, eodem modo pallium quotidianum Ecclesiasticorum sit talare, aut ad minimum infra, aut ad genua honeste demissum.

Sacerdotes Missam celebraturi ita amictum accommodent, ut nihil de collari tempore Missæ videri possit, idemque faciant Ministrantes, atque ut eadem inter omnes sacrorum rituum, & caeremoniarum sit observantia & conformitas.

Volumus, ut Parochi ad normam nostræ Cathedralis Ecclesiæ, Pontificali Breviario, & Agenda Romana imposterum utantur, nec minus reliqui Sacerdotes, aut etiam ad Sacerdotium aspirantes, Missalis Romani Rubricas habeant, & juxta easdem publice, & privatim Missas devote celebrent.

Ordinandus, vel ordinatus, quicumque imposterum primam Missam sine auctoritate & licentia nostrâ, aut etiam Vicarii nostri in Spiritualibus Generalis celebrare non præsumat.

Parochi quoque parvulos seu catechumenos extra Ecclesias, & in privatis locis, nisi necessitate urgente, non baptizent, unusque Patrinus in Baptismate, & Confirmatione tantum, sive vir, sive mulier, juxta Ss. Concilium Tridentinum, & Ss. Canonum instituta, vel ad summum unus & una baptizatum de Baptismo, confirmatum de Confirmatione suscipiant.

Omnes & singuli Divinis mancipati Officiis, diligenter iisdem intersint, Officium Divinum, & nocturnum in Missis, & Horis Canonicis, secundum laudabiles Ecclesiarum suarum consue-

tudines, ac universalis Ecclesiæ Ordinationes decenti reverentia, & devotione peragant, ita ut in his peragendis unus per alium se non excuset. Similiter Vigiliis defunctorum, memoriasque in Ecclesiis suis fundatas non negligant.

Nullus tempore Divinorum in Ecclesia sua, aut ambitu, & atrio ejus divagetur, nec vana & inutilia colloquia conferendo consistant, aut spatiando deambulent, sicque in mortum, & vitæ honestate, laudabiliter secundum sacrorum Canonum, Statutorumque Provincialium, & Episcopatum dispositionem & sanctionem se regant, & gerant, ut operum suorum, & rectæ vitæ, bono exemplo subditis, & simplicioribus iter salutis ostendant.

Corporalia mundissima sint, Altare sit coopertum, mundis linteis saltem tribus diversis, & desuper nihil ponatur, nisi Reliquiæ & res sacræ, & pro Sacrificio opportuna, nullus etiam extra Ecclesiam in locis non consecratis celebret, aut Baptismi & Matrimonii Sacramentum administret.

Præterea omnibus & singulis Ecclesiasticis districtius inhibemus, ne quis, nisi necessitatis tempore, tabernas publicas, aut popinas intret, ibidemve potitet, neve quis tabernarii officium domi suæ assumat, aut negotiationes illicitas exerceat, sed potius ab hujusmodi, atque in genere ab omnibus abstineat, quibus æstimatio instituti Clericalis minui, & proximus scandalizari possit.

Religiosis, cujuscunque demum Ordinis fuerint, serio mandamus, ne ipsi, aut aliqui ipsorum intra septa Monasteriorum suorum, aut extra ea, mulieres, aut personas suspectas secum habeant aut foveant, habitumve suæ Religionis, sive Professionis temere dimittant, alias vero vestitum sui Ordinis in publico juxta professionis suæ regulam sine gravi causa, & absque Superioris sui præcepto deferre negligentes, & contra votum, & institutum suæ Regulæ se seculo ingerentes, excommunicationis sententiam de facto incidisse, per præsentem declaramus.

Moniales de suis Cœnobiis, sive

Monasteriis, sine rationabili causa, a Vicario nostro in Spiritualibus Generali prius cognita, atque in scriptis approbata, & manifesto consensu Superioris sui non exeant, sed Superior earum ipsas sub diligenti clausura & custodia habeat, & teneat, serioque interdiciamus, ne personæ Ecclesiasticæ, vel sæculares utriusque sexus, nisi ex necessaria causa & obtenta in scriptis vel a suprascripto Vicario nostro in Spiritualibus, aut a Superioribus Ordinis licentia, & honesto cum comitatu Monasterium Monialium intrent sub pœna excommunicationis ipso facto incurrendæ tam ab intrantibus, quam ab introducentibus, neque etiam quisquam Regularium confessiones Monialium audiat, aut iisdem Sacramenta aliqua administret, nisi prius a Nobis, aut Vicario nostro in Spiritualibus Generali, idonei judicati, atque in scriptis fuerint approbati.

Inter omnia Ss. Eucharistiæ Sacramentum ob veram, & realem in eo existentiam, & præsentiam totius Corporis, Sanguinis ac Divinitatis Christi sanctissimum est. Ideoque illi merito ab omnibus Christi fidelibus, idem latræ cultus, qui Christi DEI Filio ad dexteram Patris confidenti in Cœlis exhibetur, exhibendus est; Nos itaque ad cultum hunc promovendum, & ne quis hoc Sacramentum, veluti rem profanam sacrilege habeat, statuímus, ac decernimus, ne Sacrosancta Eucharistia in alio loco, quam in publico Oratorio, seu Ecclesia asservetur, nisi forsitan tempore persecutionis, atque ut Sacrarium sive Tabernaculum sit splendidum, si fieri potest, in ipso altari majori, aut Capella alia ad hoc deputata ordinatum, cujus claves nequaquam Custos, aut Sacristanus, sed Pastor Ecclesiæ, aut Vicarius in Parochiis: in Collegiatis vero Decanus, aut cui id ex consuetudine competit, penes se conservet.

Particulæ vero infirmis, & alias communicaturis asservari solitæ, in singulos menses ad minus mutentur; lumen ad Tabernaculum perpetuo ardeat, vasa sacræ, & corporalia, seu lintea pro Consecratione, conservatione, ostensione, deportatione Sanctissimi

mi hujus Sacramenti deputata, munda sint ex materia, & forma debitis, atque benedicta.

Omnes fideles ad minimum in Paschate communicent sub pœnis Cap. *Omnis utriusque sexus*, à Concilio Lateranensi statutis, nec tamen ad Communionem admittantur, nisi per praviam confessionem peccata sua expiaverint, & ab iisdem fuerint Sacramentaliter absoluti: Moneanturque a Confessariis rudes, qua animi, qua corporis præparatione, dispositione ac devotione ad tantum Sacramentum accedere, atque illud sumere debeant. Nullus uno die sæpius ad sacram Synaxin admittatur, neque amentes, neque furiosi, nisi sub lucidis intervallis, neque excommunicati, & cum æque sub una, ac altera specie consecrata, totus Christus contineatur, decernimus communem Ecclesiæ Catholicæ consuetudinem, justissimamque legem de Communione sub specie panis duntaxat a Laicis faciendam, in Diœcesi nostra observari. Ad ægrotos cum deferendum fuerit Sacramentum Sacerdoti superpelliceo, & stola induto Minister lumen & aquam benedictam præferet, ac tintinnabili sonitu obvios ad adorandum Corporis Dominici Sacramentum excitabit, curabitque, ut etiam alii honestiores viri Sacerdorem sequantur, ipse vero neminem cujuscunque status, aut conditionis obvium per viam salutabit, denique tam infirmum, ejusque domum & incolas, quam populum in Ecclesia præsentem, aut ejus nomine Ministrum, assistentem benedicet.

Cum administratio Sacramenti Pœnitentiæ actus sit jurisdictionis, qui proinde ab illegitimo Judice aliquando exerceri non potest. Cupientes abusus, qui circa hoc irrepere possent, quantum Nobis a Domino conceditur, obviare, volumus, ut omnes Diœcesis nostræ subditi fideles ad minimum semel in anno peccata sua proprio Sacerdoti confiteri non omitant. Nullus autem Sacerdos, etiam Regularis, quantumvis exemptum se dicat, quovis prætextu præsumat, audire Sæcularium confessiones, etiam Sacerdotum, (excepto mortis articulo) nisi aut Parochiale Beneficium legitime obtineat,

aut a Nobis, vel a nostro Vicario per examen, aut alias idoneus fuerit judicatus, aut approbationem in scriptis obtinuerit; Nullus etiam quantumvis approbatus, & admissus aliorum confessiones audiat, quam quos noverit ordinariæ, aut subdelegatæ suæ potestati esse subjectos, nec a casibus S. Apostolicæ Sedis, aut Nobis reservatis absolvere præsumat; Quia nihil ageret, præterquam quod pœnitentem falleret, & propriam læderet conscientiam, & casus quidem S. Sedis Apostolicæ præfatæ reservatos ex Bulla *Cane*, & Corpore juris communis, Navarri Enchiridio, Confessariorum, aliorumque doctorum virorum scriptis libris haurire potuerunt curati; Ne vero etiam ignorantiam prætereundum possint eorum, quæ ob gravitatem delictorum in hac Diœcesi nostra Hildesienfi Nobis, aut Vicario nostro reservata sint, eos in sequenti tabella conscribere, & præsentibus Decretis inferere visum fuit, statuentes, ut hi solum habeantur pro casibus Episcopalis Nobis reservatis, a quibus inferiorum Sacerdotum, nemo quemcunque pœnitentem absolvere possit.

Veneficia, incantationes, sortilegia.

Homicidium voluntarium.

Percussio propriorum Parentum deliberata.

Stuprum cum violentia, raptus, incestus cum consanguineis aut Sanctimonialibus.

Bestialis, sodomia, procuratio abortus animato fœtu, etiam effectu non secuto.

Perjurium in judicio factum.

Blasphemia enormis.

Crimen incendiariorum.

Reiteratio Baptismi, Confirmationis & Ordinis tam activa, quam passiva.

Violatio immunitatis, aut libertatis Ecclesiasticæ.

Violatio sigilli confessionis.

Falsificatio literarum Apostolicarum publicarum.

Conjugis machinatio in mortem alterius conjugis.

Abusus Sacramentorum ad vana & superstitiosa.

*De Executione Decretorum
supra scriptorum.*

Cæterum per horum Decretorum promulgationem & publicationem non intendimus Antecessorum nostrorum, & nominatim VALENTINI Episcopi edita laudabilia Statuta Synodalia abrogare, aut iisdem, nisi quatenus Ss. Concilii Trident. Decretis, & superioribus nostris expresse contraria reperiuntur, in aliqua re derogare; Omnibus & singulis Diæceseos nostræ Hildesheimensis Prælati, Abbatibus, Præpositis, Decanis, Capitulis, Conventibus, Rectoribus, Parochis, Vicariis, Capellanis, Presbyteris, Clericis, & Laicis in virtute S. Obedientiæ, & sub obtestatione Divini iudicii districte præcipiendo mandantes, ut suprascripta omnia, prout quemlibet eorum concernunt, observent, atque faciant observari, ad laudem DEI Omnipotentis, cui honor & gloria in sæcula sæculorum, Amen.

Maximilianus Henricus

Archiepisc. & Elector Colon.

Episc. Hildesheimensis & c. mpp.

(L.S.)

Omnibus silentibus, ac Decretis Synodalibus recitatis, deferentibus alter Notariorum alta voce pronuntiavit:

Omnes & singuli, qui huic S. Synodo Diæcesana interesse debent, nominatim vocati respondeant: Adsum.

Mox singuli præsentibus ordine lecti, responderunt: *Adsum.*

Posthæc Promotor accusavit contumaciam absentium in hunc modum:

Serenissime ac Reverendissime Princeps, Clementissime Domine. Cum aliqui hujus Diæcesis Clerici, qui huic Synodo interesse debebant, adeo vel negligentes, vel contumaces fuerint, ut ad hanc S. Synodum venire omiserint, neque ad se excusandum de iusto impedimento nuntiū miserint, idcirco pro officii mei necessitate, eorum contumaciam accusando a Serenissima & Reverendissima Celsitudine vestra humillime postulo, ut ad reliquos juris gradus procedi velit, & committi Citationem ad valvas hujus Ecclesiæ affigendam, jubeatque, ut omnes ii, qui huic S. Synodo non interfuerunt, nec nomina sua ad Notarios detulerunt, nec se,

quamobrem absuerint, excusarunt, certa ad hoc die præstituta, coram Serenissime Celsitudinis vestræ Deputatis compareant, ad videndum se uti negligentes, & contumaces juxta Juris & Ss. Canonum Decreta puniri.

De mandato Serenitatis suæ Archidiconus dixit:

Serenissimus ac Reverendissimus Princeps admittit & committit.

Posthæc Serenissima sua Celsitudo in Sede sua cum mitra confidens, congregatos ita exhortata fuit.

Fratres dilectissimi, & Sacerdotes Domini, Cooperatores Ordinis nostri estis. Nos, quamvis indigni, locum Aaron tenemus, vos autem locum Eleazari & Ithamari. Nos vice duodecim Apostolorum fungimur, vos ad formam septuaginta duorum Discipulorum estis. Nos Pastores vestri sumus, vos autem Pastores animarum vobis commissarum. Nos de vobis rationem reddituri sumus Summo Pastori nostro Domino JESU CHRISTO, vos de plebibus vobis commendatis. Et ideo, Fratres dilectissimi! videre periculum vestrum. Admonemus itaque, & obsecramus Fraternitatem vestram, ut quæ vobis suggerimus, memoria commendetis, & opere exercere studeatis. In primis admonemus, ut vita & conversatio vestra sit irreprehensibilis. In domibus vestris mulieres suspectæ non cohabitent. Officium vestrum horis certis decantate. Nullus, nisi jejunos, Missam celebret, & non in vestibus communibus, sed sacris, & nitidis, amictu, alba, cingulo, manipulo, stola, & casula, quæ ad alios usus non serviant. Missas religiose celebrate: Corpus & Sanguinem Domini nostri JESU CHRISTI cum omni reverentia & tremore sumite. Corporalia mundissima sint. Vasa sacra propriis manibus abluite, & extergite diligenter. Nulla scemina ad altare Domini accedat, nec calicem Domini tangat. Altare sit coopertum mundis linteis, saltem tribus diversis. Et desuper nihil ponatur, nisi Reliquiæ, ac res sacræ, & pro Sacrificio opportuna: Missale, Breviarium, & Martyrologium, unusquisque habeat. Ecclesiæ vestræ bene sint coopertæ, & mundæ. In Sacristiis, five Secretariis, aut juxta

ta altare majus sit locus preparatus ad infundendum aquam ablutionis corporaliū, & vasorum sacrorum, ac manuum, postquam sanctum Chrisma, aut Oleum Catechumenorum, vel Infirmorum tractaveritis. Ibiq̃ pendeat vas cum aqua munda, pro lavandis manibus Sacerdotum, & aliorum, qui rem sanctam & Officium Divinum sunt peracturi, & prope, linteum mundum ad illas abstergendum. Atria Ecclesiæ sint bene munita. Nullus sine scitu & consensu nostro, per potestatem sæcularem, Ecclesiam obtineat. Nullus Ecclesiam, ad quam intitulus est, dimittat, & ad aliam quæstus gratia transferat. Nullus plures Ecclesias sine titulo, & contra sacrorum Canonum dispositiones nancisci præsumat. Nullatenus etiam una Ecclesia inter plures dividatur. Nullus extra Ecclesiam in locis non consecratis celebret. Nullus alterius Parochianum, nisi itinerantem, & tunc de Rectoris sui licentia, ad Communionem recipiat. Nullus in alterius Parochia absque proprii Sacerdotis licentia Missam celebret. In celebratione quisque calicem & oblata, non circulo aut digitorum vacillatione, ut quidam faciunt, sed junctis & extensis digitis Cruce signet, sicque benedicat. Calix & patena sint aurei vel argentei, non ærei aut aurichalcei, vitrei, vel lignei. Quisque Presbyter Clericum habeat, vel Scholarem, qui cum eo Psalmos cantet, Epistolam & Lectionem legat, & in Missa respondeat. Ipse quoque Presbyter infirmos visitet, & reconciliet, & juxta Apostolorum, propria manu communicet, Oleo sancto inungat. Nullus præsumat tradere Communionem Laico, aut faminae, ad deferendum infirmo. Nullus pro baptizandis infantibus, sive adultis, aut infirmis reconciliandis, aut mortuis sepeliendis, premium vel munus exigat. Per negligentiam vestram, nullus infans sine Baptismo, & adultus sine Communione pereat. Nullus vestrum sit ebriosus, aut litigiosus. Nullus arma ferat. Quisque vestrum, quantum sapit, de Evangelio Domini, & cæteris festivis diebus suæ plebi annunciet. Verbum Domini prædicat. Curam pauperum, peregrinorum,

Tomus IX. Concilior. German.

viduarum, & orphanorum habet, ipsosque peregrinos ad prandium vestrum vocat. Estote hospita-les, aliis exinde bonum exemplum præbentes. Singulis diebus Domini- cis ante Missam aquam, quæ populus adspargatur, benedicite, ad quod proprium vas habet. Sacra vasa, & vestimenta Sacerdotalia, nolite negotia- tori aut tabernario in pignus dare. Minus dignè penitentem cujuscum- que rei gratia ad reconciliationem non adducite, neque ei reconciliationis testi- monium perhibete. Ultras non ex- igit. Nullus etiam res, possessiones, aut mancipium Ecclesiæ vendere, com- mutare, aut quocumque ingenio præ- sumat alienare. Nullus decimam ad alium pertinentem recipiat. Quisque Fontes baptismales lapideos habeat be- ne mundos, quos si habere non pote- rit, vas aliud ad hoc opus solum depu- tatum teneat. Omnibus Parochianis vestris Symbolum Apostolorum, & Orationem Dominicam insinuate. Je- junia Quadragesimæ, Quatuor tempō- rum, & alia Ecclesiæ mandata signifi- cate observanda. Ante Quadragesimam quarta feria populum ad peccatorum confessionem invitate, & confessis juxta qualitatē criminum penitentiam in- jungite. Tribus temporibus in anno, id est, Nativitate Domini, Pascha, & Pentecoste, omnes fideles accedere Communionem Corporis Domini nostri JESU CHRISTI admonete, & ne desit ullus, quin saltē in Pascha communicet. Nullus vestrum rubeis, aut viridibus, vel laicalibus vestibus utatur. Diem Dominicam, & cæteras festivitates, absque opere servili, a ves- pera in vespem celebrari docet. Cantus & choreas mulierum in atrio Ecclesiæ prohibere. Cum excommu- nicatis nolite communicare. Ne quis vestrum in eorum præsentia celebrare præsumat, quod etiam plebi nunti- ate. Et nullus ex plebe uxorem domum ducat, nisi prius nuptiæ, temporibus ab Ecclesia permisis, publice fuerint celebratæ. Quod nullus ad raptam vel consanguineam accedat, aut alterius sponsam ducat, omnimodis prohibete. Porcarios, & alios pastores, saltē Do- minica die faciatis venire ad Missam.

Kkk k k

Patri-

Patrinos, ut filios Symbolum & Orationem Dominicam doceant, aut doceri faciant, exhortamini. Sacramentum Eucharistiæ, sanctum Chrisma, & Oleum Catechumenorum seu infirmorum in Ecclesia in loco mundo, condecienti, & securo, sub sera & fida custodia diligenter servate. Quisque vestrum expositionem Symboli & Orationis Dominicæ juxta orthodoxorum Patrum traditiones penes se habeat, easque atque Orationes Missarum, & Epistolas, Evangelia, & Canonem bene intelligat, ex quibus prædicando, populum sibi commissum sedulo instruat, & maxime non bene credentem. Introitum Missæ, Orationes, Epistolam, Graduale, Evangelium, Symbolum, & cætera non secreta, sed alta & intelligibili voce proferat. Secreta vero, & Canonem morose & distincte submissa voce legat. Psalmorum verba & distinctiones regulariter cum canticis consuetis intelligibiliter pronuntiet. Symbolum S. Athanasii de Trinitate & Fide Catholica memoriter teneat. Exorcismos & orationes ad Catechumenos faciendos, ac reliquas preces super masculum & feminam, pluraliter, vel singulariter respective, distincte proferat. Ordinem baptizandi, & ad succurrendum infirmis, reconciliationis & commendationis animæ, & in agendis exequiis defunctorum, juxta modum Canonicum observet. Exorcismos & benedictiones salis & aquæ pertinenter legat. Canticum diurnum & nocturnum sciat. Computum etiam minorem ad inveniendum litteram Dominicalem, tempus intervalli diei Paschæ, & majorum mobilium Festorum non ignoret. Volumus autem, Fratres dilectissimi, quatenus, quæ nostra percepistis traditione, bonis studeatis operibus adimplere, præstante Domino nostro JESU CHRISTO, cui cum Patre & Spiritu Sancto, est honor & gloria in sæcula sæculorum.

Quo peracto, Promotor finem S. Synodi imponi institit in hunc modum:

Ego Joannes Matthæus, hujus S. Synodi Promotor, cum videam omnia, quæ ad Synodi celebrationem, ex præscripto Ss. Concilii Tridentini requirantur, in præsentem S.

Synodo esse confecta, & decreta, apud Serenissimam Celsitudinem vestram humillime info, ut eadem S. Synodus nunc terminetur, & Clerus omnis ad suas Ecclesias, & munera obeunda dimittatur.

Tum ex mandato Serenitatis suæ Archidiaconus Decretum de finienda S. Synodo ita promulgavit.

Serenissimus ac Reverendissimus in Christo Pater, Princeps ac Dominus noster Clementissimus, ut cum gratiarum actione finis S. Synodo imponatur, decernit.

Post hæc Promotor instantiam fecit, ut de præmissis omnibus in S. Synodo propositis, tractatis, decretis, & definitis publicum in Actis Archivii Episcopalis conficeretur instrumentum a Notariis ad hoc deputatis.

De beneplacito Serenitatis suæ Archidiaconus dixit:

Serenissima Celsitudo sua id confici, & expediri serio mandat.

Porro idem Archidiaconus subjungebat:

Decretorum hujus Diocesis S. Synodi observationem salutarem omnes, qui adjumus, unanimi voto a DEO bonorum omnium largitore humiliter imploremus, intercedente Deipara Virgine MARIA Domina nostra cum Ss. Apostolis Petro & Paulo, Beatis Godebardo, Epiphanio, Barwardo, aliisque hujus Civitatis ac Diocesis Patronis, ac Sanctis omnibus.

Clerus respondit: Amen, Amen.

Campanis dein sonantibus, omnibusque in genua procumbentibus, ipse Serenissimus Princeps genuflexus, incepit Ss. Ambrosii & Augustini Hymnum: Te Deum laudamus, cujus primo versu finito, surrexerunt omnes, & cum Choro musico Hymnum prædictum alternis vicibus graviter prosecuti sunt. Inretea Serenissimus Princeps sine mitra stetit versus ad Altare usque ad finem Hymni, & hoc absoluto subjunxit.

O REMUS.

Nulla est, Domine, humana conscientia virtus, quæ inoffense possit tue voluntatis judicia experiri, & ideo, quia imperfectum nostrum vident oculi tui, perfectioni deputa misericors Deus, quod perfectio æquitatis sine concludere peroptamus: te in nostris principiis occursorem poposcimus, te in hoc sine judiciorum nostrorum indultorem nostris excessibus speramus, scilicet, ut ignorantia parcas, er-

vori indulgeas, ut perfectis votis perfectam operis efficaciam largiaris: & quia conscientia remordente tabescimus, ne aut ignorantia nos traxerit in errorem, aut præceps forsitan voluntas impulerit iustitiam declinare, hoc te poscimus, te rogamus, ut si quid offensionis in hac Synodi celebritate contraximus, te miserante, indulgentiam sentiamus: ut in eo, quod soluturi sumus aggregatam Synodum, a cunctis primum absolvamur nostrorum nexibus delictorum, qualiter & transgressores veniam, & confitentes tibi subsequatur remuneratio sempiterna. Per Christum Dominum nostrum.

Resp. Amen.

Demum Serenissimus Princeps ope Divina implorata, formato ter signo Crucis, Benedictionem Episcopalem Clero solenniter impertivit: Sit Nomen Domini benedictum, &c. & publicata ab Archi-Diacono, ut moris, indulgentia, idem juxta Serenissimum Principem stans, dixit alta voce: Recedamus in pace.

Responsum ab omnibus: In Nomine Christi.

Quibus expletis, Serenissimus Princeps ad thronum suum rediit, ibidemque Pontificalibus indumentis exutus, versus aram processit orationi aliquamdiu vacans. Inde præeuntibus Illustribus ac Prænobilibus Electoralis Aulæ Proceribus, Consiliariis, &c. ad Episcopale Palatium rediit, stipatus Decano & Cathedrali Capitulo, sequente Clero omni & reliquis Aulæ Ministris.

Ita post hominum memoriam, Dicecesana S. Synodus Hildesheimensis, ipso Serenissimo Principe, uti Reverendissimo Episcopo præsentente, ad laudem ac gloriam Sanctissimæ Trinitatis feliciter cæpta, peracta ac terminata est. Cui benedictio, & claritas, & sapientia, & gratiarum actio, honor, virtus & fortitudo in sæcula sæculorum, Amen.

Hildesheimii, typis Hermannii Krameri.
Exemplar communicavit Bibliotheca
Collegii PP. S. J. Trevirensis.

SYNODUS VERNÆ (*) MONASTERIENSIS,

S U B

CHRISTOPHORO BERNARDO a GALEN,

Monasteriensi Episcopo,

Anno Christi MDCLV. Alexandri VII. Papæ I.
Ferdinandi III. Imp. XVII.

DIE XII. OCTOBRIS

HABITA.

INDEX TITULORUM.

I. De Fide.

II. De Sacramentis.

III. De Baptismo.

IV. De Confirmatione.

V. De Pœnitentia.

VI. De Eucharistia.

VII. De Sacrificio Missæ.

VIII. De Extrema Unctione.

IX. De Ordine.

X. De Matrimonio.

XI. De Archi-Diaconis.

XII. De Collegiis Canonicorum & Canonissarum & Parochialibus Ecclesiis.

XIII. De Testamentis & Executoribus.

XIV. De Ecclesiis, Altaribus, Imaginibus, locisque piis.

XV. De Festorum observatione.

XVI. De Immunitate Ecclesiastica.

XVII. De Sepulturis & Exequiis.

XVIII. De Regularibus & Monialibus.

(*) Intellige: Pro Vers indicata.

Tomus IX, Concilior. German.

CHRISTOPHORUS BERNARDUS, DEI GRATIA ECCLESIAE Monasteriensis electus & confirmatus Episcopus, Sacri Romani Imperii Princeps, Burggravius in Stromberg, Dominus in Borckelobe &c. Universis & singulis Cathedralis nostrae Ecclesiae, Monasteriorum & Collegiarum, Parochialiumque Praelatis, Abbatibus, Praepositis, Prioribus, Decanis, Canonicis, Rectoribus, Curatis & non Curatis, aliisque Personis Ecclesiasticis, Civitatis & Diocesis nostrae Monasteriensis, Salutem in Domino sempiternam.

Sancta Mater Ecclesia multiplicem utilitatem Conciliorum vel Synodorum jam inde ab Apostolorum temporibus continuata, annorum serie semper experta est & agnovit, dum junctis in Domino ibidem congregatorum non minus precibus, quam animis & consiliis ea maturè ac prudenter concluduntur, & servanda proponuntur, per quæ sanæ doctrinae puritas & morum integritas in Clero & populo illibata possit conservari; Quod Sacrosancta Tridentina Oecumenica Synodus tunc facilius & felicius impetrandum duxit, si per ipsorummet Archiepiscoporum praesentiam Sessiones Synodicae cobonestarentur & diriguntur, quæ quidem in re sicut obligationem nostram agnoscimus, & promptitudinem in Nobis desiderari non posse credimus, sic quomodo ab initio regiminis Nobis a Deo concrediti, tum liberanda ab hostili praesidio patria, tum suscipiendis sumptuosa ac laboriosa sollicitudine, Imperii ac subditorum bono, itinerebus, tum sedandis, qui nuper emerferunt moribus, distracti & impediti fuimus, nemo est, qui nesciat. Unde etiam contigit omnino contra votum & intentionem nostram, multorum etiam DEI, Ecclesiae atque animarum salutem zelantium expectationem, ut nec hæc quidem Sancta Synodus, more solenni hodie indicta, eo modo, cumque tam augustis caeremoniis & indulgentiis institui & celebrari potuerit, sicut sancti ac fructuosi operis dignitas requirere, & Pontificalis Romani norma praescribere velle videtur. Ne tamen ex ea parte, qua possumus, Officio nostro Episcopali defuisse videamur, de consilio & assensu Admodum Reverendi nostri Capituli Cathedralis vobis omnibus & singulis tam praesentibus, quam absentibus per praesens insinuamus, intimamus, innovamus & mandamus serio & per meritum salutis obedientiae, omnia & singula fidem, vitam ac mores concernentia (quæ pro hic insertis de verbo ad verbum haberi volumus) quæ superioribus Synodis sive per Praedecessores nostros, & Nos, sive eorum & nostra auctoritate & commissione celebratis & habitis, ex, & in hoc loco successive infi-

nuata, intimata, innovata & mandata sunt, filialem & omni jure debitam obedientiam & paritionem per Dei gratiam expectantes.

Monemus insuper Pastores & Concionatores, ut populum sibi commissum, & auditores suos diligenter & serio cohortentur, quam enixe peccatum quodvis mortale, vel maxime autem detractionis, & murmurationis contra suos a Deo sibi praestitutos Superiores fugere & declinare, Ecclesiae etiam uti Matris spiritualis praecepta in jejuniorum praesertim & Festorum Catholica observantia adimplere teneantur, quod non difficulter suo ac aliorum merito assequuntur, si & ipsi, & qui cum ipsis sunt, de Clero licentiam censendi & syndicandi in hoc passu parcius & cautius coram Saecularibus usurpent, atque in tractandis Officiis & servitiis Divinis, tam in Missarum celebratione, & Sanctissimorum Sacramentorum administratione, quam Horarum Canonicarum & Vigiliarum pro mortuis decantatione minorem nauseam, praecipitantiam, & damnablem vilitatem deinceps præ se ferant. Quis enim non videat publica quidem hæc, sed tamen tumultuosa prece, & sordido apparatu Deum populo suo minus conciliari, plus vero ad continuanda, vel submittenda alia atque alia bellorum & malorum flagella proritari? Serviet etiam huic proposito, si precariae Missæ, quas in singulos menses usque ad finem hujus anni impresso Edicto sub dato de 21. Januarii clementissime ordinavimus & Superioribus & Pastoribus locorum devote celebrentur, populusque frequens ad hæc, prout & ad Sacramentorum frequentationem & Communionem Paschalem tuba Sacerdotali convocatus concurrat; sic enim Deus flagella iracundiæ, quæ Ecclesiae, Imperio, & Patriæ, peccatis nostris ita exigentibus non per umbram, sed eviden-

ter impendere & imminere videntur, clementer avertet.

Concludentes precamur DEUM, fontem omnis boni, Authorem & Conservatorem optimarum intentionum & actionum, ut, sicut sub Principe Nehemia post solutam captivitatem Babylo-nicam, ad restaurandum Templum & ædificandos muros Jerusalem quadra-ginta duo millia virorum, quasi vir unus, prompto ac hilari animo conve-nerunt, sic ad ædificandam & restau-randam Jerusalem spiritualem, ejusque murum, id est, Clerum, Nobiscum & cum Archi-Diaconis, qui in partem oneris Nobis a Deo adjuncti sunt, om-nies unanimiter in unum hunc scopum colliment, ut videntes abusus, & au-dientes mala, atque subodorantes peri-cula, quæ a iusto peccatorum vindice Deo non leviter timeamus, vitam quis-que suam in suo gradu & statione, Deo fideliter serviturus, in melius emendet, atque in proximis vita, zelo, & exem-plo submotis scandalis emendari officio aut charitate stimulante, veste etiam rali & Clericali ceu pædagoگو mo-nente, procuret realiter & cum effectu.

Quem in finem Paternam quoque nostram & Episcopalem Benedictionem vobis omnibus & singulis libenter impertimur, & præsen-tes manus nostræ subscriptione, & sigilli sub-impresione signari fecimus. Datum & sig-natum Monasterii anno Millesimo sexcentesimo quinquagesimo quinto, die 8. Martii.

Christophorus Bernardus mpp.

(L. S.)

Synodus Autumnalis proxima hoc an-no celebrabitur Feria III. post Sanctorum Gereonis & Victoris cum indulgentiis & solemnitatibus in Ecclesia Dei receptis, & in Pontificali Romano præscriptis, ad quam omnes & singuli, qui pro obligatione vel decore aut alio ex titulo comparere debent, cum hoc evocantur & invitantur.

CHRISTOPHORUS BER-NARDUS, DEI gratia, Episcopus
Monasteriensis, &c. &c.

Est: nihil minus sperandum videbatur, quam fore ut Decreto nostro anno 1651. con-

tra non Residentes auctoritate nostra emanato, & in singulis deinceps Synodis publicato & re-petito, tam exigua paritio deferatur, attento, quod vix quisquam non Residentium ab eo tempore, pro obligatione sibi ex jure, funda-tione & conscientia incumbente, ad deservien-dum in loco fundati Beneficii se qualificavit &c. Hinc est, quod sæpefactum Decretum denuo publicandum, & per affixionem in Choro vel Sacrastia cum expresso consensu Venerabilis Ca-pituli nostri Cathedralis faciendam vobis om-nibus & singulis insinuandum duximus, cum hac ultimata & seria declaratione, contra eos, qui bucusque personalem residentiam in locis Beneficiorum suorum facere contumaciter neglexerunt, ad privationem procedi debere realiter & cum effectu: nisi docuerint rationa-biliter, & ex causis secum esse super hoc pun-cto dispensatum. Mandantes cum hoc clemen-tissime Collegiarum & Parochialium Eccle-siarum vel Capellarum Superioribus aut Re-ctoribus seriam hanc nostram declarationem tam Patronis, quam Possessoribus non residenti-bus infra mensis spatium debite notificari, ne ad elusionem justitiæ, vel impediendum jus devolutionis, ignorantiam vel præcipitantiam, aut aliud simile quid in futurum irrevocanter prætereundum possint.

Est autem tenor Decreti, ut sequitur:

Serio & frequenter consideranda ju-dicamus, quæ Spiritu Sancto di-ctante, a S. Concilio Trident. de odiosa Beneficiorum pluralitate, ac Clericorum Resi-dentia personali, tum alibi, tum præcipue Sess. 24. Cap. 17. de Reformat. sequentibus verbis proponuntur:

" Cum Ecclesiasticus Ordo per-
" vertatur, quando unus plurium Of-
" ficia occupat Clericorum, sancte sa-
" cris Canonibus cautum fuit, nemi-
" nem oportere in duabus Ecclesiis
" conscribi. Verum quoniam multi
" improbæ cupiditatis affectu se ipsos,
" non Deum decipientes, ea, quæ bene
" constituta sunt, variis artibus elude-
" re, & plura simul Beneficia obtinere
" non erubescunt, Sancta Synodus de-
" bitam regendis Ecclesiis disciplinam
" restituere cupiens præfenti Decreto
" statuit, ut imposterum unum tantum
" Beneficium Ecclesiasticum singulis
" conferatur, quod si ad vitam ejus,
" cui confertur, honeste sustentandam
" Kkk kk 3 non

" non sufficit, liceat nihilominus aliud
 " simplex sufficiens, dummodo utrum-
 " que personalem residentiam non re-
 " quirat eidem conferri." &c.

Et hoc quidem eo diligentius ad animum & praxin revocanda sunt, cum tenor ipse foundationum, juxta mentem Fundatorum disertis verbis, & sub gravi contestatione conceptus, personalem residentiam, & Chori, & onerum in loco deservitionem exigit. Quo tamen non attento, in magno hinc inde per Ecclesias Diœcesis nostræ Monasteriensis Fundatorum Beneficiatorum numero, vix est, qui pro vocatione & obligatione sua residere & deservire deprehendatur, præsertim in Ecclesiis ruralibus, ubi tamen & major est necessitatis ratio, & amplioris occasio meriti. Hinc est, quod pro Episcopalis Officii nostri exigentia de consilio & assensu Reverendi Capituli nostri Cathedralis omnibus vobis & singulis districte & serio mandamus, ut (nisi desuper legitime vobiscum fuerit dispensatum) in Ecclesiis & locis Beneficiorum vestrorum juxta Concil. Trident., Ss. Canonum & Foundationis præscriptum personaliter resideatis, onera incumbencia per vos in loco respiciatis. Pastoribus vestris in Choro, & animarum cura, quatenus id ex mente Fundatorum ad vos pertinet, assistatis, eaque agatis & faciatis, ad quæ agenda & facienda etiam juramenti religione in investitura præstiti Deo & Ecclesiæ vos ipsos & conscientias vestras obligastis.

Sin, quod non speramus, secus aliquid aut contumaciter contra hujus Edicti nostri tenorem a quoquam actum fuerit, contra ipsum & ipsos, prout de jure & ex præscripto S. Concil. Trident. poterimus, ad fructuum & successive Beneficii privationem procedemus, & procedi faciemus, non obstantibus in contrarium iis, quæ ad eludendum ea, quæ bene constituta sunt, a variis varie adduci solent, Nobis interim, aut Vicario nostro Generali de consilio & assensu DD. Archi-Diaconorum Reverendi Capituli nostri Cathedralis in hoc puncto reservantes, quæ Episcopali dignitati & cognitioni a dicto Conc. Trident. & Ss. Canoni-

bus gratiose permittuntur. Volumus etiam clementissime, & sub arbitraria pœna demandamus, ut omnes & singuli tam curata, quam non curata Beneficia possidentes infra sex menses a præsentium insinuatione computandos, copias Foundationum, designationes Redituum, proventus Ecclesiarum, Registra obventionum, quæ pauperibus annuatim quomodocunque ministrantur; prout & stipendia Ludimagistro- rum, Custodum, Organistarum, aut aliorum quorumcunque, qui Ecclesiarum, aut pauperum ministerio deputantur, cum designatione, onerum & gravaminum in authentica forma, eaque duplici exhibeant, quarum una apud nostram Cameram Sigilli, altera apud Archi-Diaconos in futurum pro rei memoria possit asservari. Requiritur cum hoc omnes Praelatos, Archi-Diaconos, & Ecclesiarum Superiores, ut ad hanc nostram intentionem, & opus tam salutare, quam necessarium omni meliore modo concurrere, & collaborare nitantur. Cum vero paucos huic nostro Decreto paruisse deprehendamus, dicimus & declaramus per præsentem, omnes eos (juxta S. Conc. Trident. Decretum) qui infra sex menses post publicationem & insinuationem factam, ad residentiam personalem in locis suorum Beneficiorum se non qualificarunt, quarta parte reddituum, five annuarum obventionum, per Pastores colligenda, & cum consilio Superiorum ad pios usus applicanda, privandos esse, & nihilominus post lapsum sex mensium proxime ab insinuatione subsequente, si contumaciter nihilominus abesse præsumperint, ad privationem Beneficiorum, juxta dicti S. Concilii dispositionem, procedendum esse, prout privamus, & ad privationem respective procedi faciemus realiter & cum effectu. Volumusque, ut hæc nostra declaratio Pachtariis, Decimariorum, Pensionariis &c. ex ambone per Pastores publicetur. In fidem præmissorum Sigillum nostrum subimpri- mi curavimus, & manu nostra scripturam hanc roboravimus. Signatum in Urbe nostra Monasteriensi 1. Decembris anno 1651.

Hæc est nostra feria & anixa voluntas, quam humillime attendentes, & obedientissime amplectentes, & conscientis vestris juramento tempore acceptæ investitura obligatis, & pie Fundatorum intentioni probe satisfactum esse judicabitis. Datum in Civitate nostra Cæseldensi anno 1655. die 20. mensis Augusti.

Christophorus Bernardus mpp.

(L.S.)

Ordo Processionis instituendæ hic in Civitate Monasteriensis in Synodo Autumnali Feria 3. post Festum Ss. Gervonii & Victoris, & Cæremoniarum, quæ in dicta Synodo sunt ab omnibus observandæ.

Pridie, id est, die Lunæ a quinta vespertina usque ad horam septimam fiet in Cathedrali, Collegiatis & Parochialibus campanarum solemnissimus compulsus.

Eodem die Prælati, Sacerdotes, alique de Clero per Confessionem se præparabunt ad Communionem postero die ex manibus Illmi & Rmi Principis sumendam.

Feria 3tia mane medio septimæ congregabitur Clerus tum intraneus cum Crucibus & vexillis, tum extraneus in Ecclesia Cathedrali in toga & superpelliceis ad excipiendum & deducendum Illmum Principem ex aula sua ad Ecclesiam, atque in eum finem fiet hora sexta solemnissimus compulsus in Cathedrali tantum, Sacerdotes qui communicabunt, præter superpelliceum habebunt stolam ex collo hinc inde ex humeris pendentem, & Communionem sument in Sacro Illustrissimi ante Processionem.

Qui vel in Ecclesia Cathedrali, vel aliis celebrabunt, offerent requisitum testimonium peractæ devotionis, idque in ordine ad lucrandas Indulgentias plenarias.

In ipsa Processione Vicariis intranei Cleri, conjungent se Pastores foranei, eosque præcedent, quos subsequenter Collegiatis Cleri extranei, qui conjungentur Collegiatis Cleri intranei, idque sine præjudicio juris aut præcedentiæ, quam hæc vel illa Ecclesia forsitan prætereundum possit.

Agmen Processionis claudat Clerus primarius & Abbates, si in Pontificalibus procedant.

Ad Processionem invitantur Religiosi hujus Civitatis, qui tamen ea finita redire poterunt ad suas Ecclesias, dummodo ex gremio duos deputent, qui ante & post me-

ridiem Sesssionibus Synodalibus & lectioni Decretorum interfint.

Reliquiæ Ss. una cum imagine B. M. V. deportabuntur respective per DD. Prælatos, & Vicarios Ecclesiæ Cathedralis in cappis fericis.

Curandum, ut devote, graviter & exemplariter ab omnibus procedatur.

In Missa solemniter observabuntur ad *Gloria in excelsis, Credo, Sanctus, Agnus Dei*, per DD. Prælatos & Canonicos Ecclesiæ Cathedralis. circuli ad thronum Illmi Principis.

In prima Sessione Synodali ad Professionem fidei sub finem omnes una & clara voce genibus flexis dicent: *Idem ego N. N. spondeo, voveo, ac juro, sic me Deus adjuvet, & hæc sancta Dei Evangelia. In principio erat Verbum, &c.* Dum standum, sedendum, genuflectendum est, deposito vel imposito byreto, omnes simul & idem facient. Pastores curati sua nomina in Camera Sigilli inscribi curabunt, & simul eorum, quos legitime excusandos probabunt. Nemo recedet ex Civitate, nisi utraque Sesssione finita, aut licentia desuper obtenta. Qui gravamina habent in Synodo proponenda, deliberanda aut decidenda, deinceps ante celebrandam Synodum ea in scriptis offerent intra mensis spatium, ne resolutionem differre opus sit.

Divertent extranei Pastores & Clerici ad Hospitia honesta, locumque quo diverterint, in Camera una cum inscriptione nominis designabunt.

Ex clementis. & spec. Mandato Illmi & Rmi Princ. Episc. Monasteriensis.

JOANNES VAGEDES,
S. Martini Decanus, in
Spiritu. Vicar. Generalis.

*Epistola Invitatoria
ad Synodum Autumnalem
anni 1655.*

CHRISTOPHORUS BER-
NARDUS, DEI gratia, Episcopus
Monasteriensis, &c. &c.

*Juxta laudabilem hujus nostræ Diocesis
Monasteriensis consuetudinem, Syno-
dum Autumnalem, in ultima Synodo Qua-
dragesimali debite publicatam & insinuatam,*

12. mensis Octobris currentis anni, in Ecclesia Cathedrali, cum indulgentiis plenariis a Sanctissimo Domino INNOCENTIO; Divina providentia Papa X., dum viveret, concessis, assistente gratia Spiritus Sancti, & de consilio & assensu Venerabilis Capituli nostri Cathedralis solemniter celebraturi, pro Officii Nobis a Deo impositi ratione, plane necessarium duximus, omnes & singulos, qui Synodo Diocesana de jure & consuetudine, vel maxime juxta præscriptum S. Concil. Trident. interesse tenentur, sub penis sacrorum Canonum, seu aliis ad arbitrium nostrum infligendis, per præsentem valvis Ecclesiæ nostræ Cathedralis affigendas (si forte singulatim singulis intimari non possint) ad constitutum diem auctoritate Episcopali citari & convocari. Et quidem sicut in hoc, Nos, S. Matris Ecclesiæ, Ss. Patrum, & Prædecessorum institutis insistimus, sic paterne confidimus, non fore, ut siue in piis precibus, siue diligenti & obedienti comparatione quicquam in vobis desideretur, quod ad promovendam sancti operis intentionem & obtinendos uberiores fructus celestium gratiarum, sine nostra etiam admonitione, conducere, ipsimet facile judicabitis. Accedant autem omnes, præsertim qui remotius habitant, ad nostram Civitatem Monasteriensem pridie ejus diei, quo Synodus est celebranda, hoc est 11. Octobr. tum, ut ad lucrandas Indulgentias per Confessionem præviam & Communionem ex manibus nostris ipsa die Synodi sumendam (nisi tamen magis eligant Missam celebrare) se præparare possint; tum ut mature intelligant ex schedula in valvis Paradisi proponenda ordinem & modum comparandi, & procedendi in toga & superpelliceis, qui in dicta Synodo ab omnibus debet observari: Et quoniam consiliorum & actionum, quæ in Synodo tractabuntur, emolumenta spiritualia, non tantum ad Clerum, sed

& ad omnes omnino Ecclesiæ nostræ Monasteriensis subditos pervenire optamus, multum proderit, si populus cum nostro Clero, ad hunc finem preces & vota conjungat, DEOque, qui plantatis & rigatis, solus dat incrementum, intentionum & actionis futura successum commendare satagat; Unde volumus & clementissime mandamus, ut Dominica, quæ indictam Synodum præcedet, vel die opportuniore in omnibus Ecclesiis Missa de Spiritu Sancto cum decantatione Latinarum de Omnibus Sanctis populo ad hoc congregato celebretur. Ipsi vero Pastores & alii Sacerdotes post acceptas præsentem, in Missis privatis Collectam aliquam pio proposito servientem adjungant, atque in via & Civitate Monasteriensi constituti eum vivendi modum, eamque in moribus & conversatione modestiam servent, quæ faciat ad infirmioris populi exemplum & ædificationem: priusquam itineri accingantur, visitent infirmos, si quos habent, simulque eorum, & si qui infirmitate corripiantur, curam vicinioribus Sacellariis aut Religiosis commendent. Si qui forte legitime impediti fuerint, quo minus se constituto tempore ad Congregationem Synodicam sistere possint, vel scripto, vel per Procuratorem sufficiens ad hoc Mandatum habentem, coram Nobis, aut Vicario excusationis causas probabunt, quæ si fuerint insufficientes judicate, non minus contra ipsos, quam contra absentes & contumaces quoscumque per Fiscum ad penam arbitriariam procedemus, vel procedi faciemus realiter & cum effectu. In fidem præsentem manu nostra subscriptas, Sigillo quoque nostro clementissime jussimus communiri. Data in Arce nostra Wolbecensi anno 1655. in Vigilia S. Mathei Apostoli.

Christophorus Bernardus mpp.

(L.S.)

DECRETA SYNODI AUTUMNALIS MONASTERIENSIS.

IN NOMINE DOMINI JESU, AMEN.

Indictio Synodorum omnium, siue Provincialis siue Diocesanae sint, eo dirigitur, ut & propulsatis hæresum & errorum tenebris Catholice veritatis, lux candor & puritas magis magisque refulgeat, & si quæ reformatione egeant, omni meliori modo reformentur;

non equidem, quod in Provincialibus cum suo Metropolitano Episcopo, vel in Diocesanis cum suo Episcopo, Prælati, & qui de Clero sunt, idcirco congregentur, ut inconcussa veritas Fidei Catholice contra portas inferni semper prævalitura propositis ex verbo Dei, & una-

nimi

nimi Ss. Patrum sententia, atque ex sensu S. Matris Ecclesiæ, argumentis confirmetur. Sed ut ea, quæ assidente in omnibus & per omnia Spiritu Sancto, a S. Sede Apostolica omnium fidelium Magistris, Oecumenicis Conciliis, & novissime a Sancta Tridentina Synodo ad fidem explicatius profitendam, hæreses extirpandas, ad corrigendos mores, tollendos abusus, & re-stituendam Ecclesiasticam disciplinam summa libertate, diligentiaque tractata, & accurate & mature admodum definita, explicata & statuta sunt, a Clero & per Clerum a subditis, in quantum communia ad omnes, aut singula ad singulos quomodolibet pertinere dignoscuntur, pro Episcopalis Officii ratione diligenter & inviolabiliter valeant observari.

Hinc est, quod imprimis Sacrosancti Concilii Decreta tam Doctrinam Fidei, quam Reformationem vitæ ac morum respicientia, alias a laudatissimis Prædecessoribus nostris, & Sede vacante, a Venerabili Capitulo Ecclesiæ hujus Cathedralis Monasteriensis vobis insinuada, de consilio & assensu ejusdem Venerabilis Capituli Ecclesiæ nostræ Cathedralis, vobis omnibus ac singulis tam presentibus, quam absentibus, iterum ac serio, in quantum possumus & debemus, Prædecessorum ac Capituli vestigiis inherendo, insinuamus & publicamus, cum hoc vos monentes & requirentes, vobisque & vestrum cuilibet in virtute sanctæ obedientiæ districte præcipiendo mandantes, ut, quæ sequentibus Titulis ad dirigendam, & ad optatum fructum promovendam hujus sanctæ Synodi intentionem ordinata sunt, non ut verbum hominis, sed verbum & mandatum DEI, qui per servos suos Episcopos (de quorum numero nos etiam, licet indignos, in hac Ecclesia Monasteriensis esse voluit) loquitur, aure obedienti excipiat.

TITULUS I.

De Fide.

Fides, sine qua DEO nemo placere potest, basis est & fundamentum Religionis Catholicæ, quæ cum una sit, monebunt Pastores & Concionatores approbati ab Episcopo & Superioribus, & licentiam concionandi in scripto habentes, opportune importune populum suum, quam gravis error sit, imo falsa doctrina, quæ profitetur quemlibet in sua fide, qualis ea demum sit, posse salvari.

Tomus IX. Concilior. German.

Graviter monendi sunt auditores, non esse satis, si fidem veram ore profiteantur, factis autem negent, cum propter peccata etiam Regnum Dei auferatur, & detur genti facienti fructum ejus, sæpe etiam benedictio temporalis subtrahatur, & veniat super fideles male viventes multiplex maledictio.

Doceant diebus Dominicis, Festivis, aliisque, quando id ex pia consuetudine fieri solet, verbum Dei & sanam doctrinam serio, utiliter & clare. Serio, ut abstineant a convitiis, seditiosis, fabulosis, risum moventibus, & quæ important aliquam scandalum occasionem. Utiliter, ut præter necessariam articulorum fidei explicationem, proponant vitia & virtutes, poenam & gloriam cum brevitate sermonis. Clare, ut rudis præsertim populo non proponatur inania, aut difficilia, vel quæ captum audientium superant, nec ad fidelium ædificationem conducunt.

Pastores rurales, maxime si Scholæ in Parochiis non sint, ante vel post concionem recitent devote & intelligibiliter Orationem Dominicam, Salutationem Angelicam, Symbolum fidei, Præcepta Decalogi & Ecclesiæ, cum hæc a grandævus subinde ignorentur.

Lectionem Catechetica diebus Dominicis hora opportuna per se, vel Sacellanos, vel alium ad id deputatum habeant, idque sub pena arbitraria. Missionarios, aut alios Religiosos, qui in partem hujus operis a Nobis deputantur, benigne accipiant; piis munusculis juventutem alliciant, probe scientes, quantum intersit juventutem a teneris in pietate educari.

Catechismo utantur parvo Petri Canisii, Vogleri, vel eo, qui auctoritate Serenissimi & Revmi Princ. Elect. FERDINANDI Episcopi Monasteriensis glor. record. anno 16... impressus est. Catechismum Romanum a laudatissimæ mem. Prædecessore nostro JO-ANNE DE HOYA omnibus Parochis summe commendatum, Nos iisdem commendamus, & comparari demandamus; alios omnes, licet forte alibi approbatos in hac nostra Dicecesi sub poena gravissima prohibemus tam in Scholis, quam Templis.

LIII

Repre-

Reprehendendi & puniendi sunt parentes, qui filios & filias ad loca A catholicorum cum præsentissimo subversionis periculo ablegant, vel A catholicorum servitia in familiam admittunt, amatores scilicet corporum, hostes animarum in filiis, & quasi non sit hæreditas Domini, filii merces fructus ventris.

Atque sicut Typographis, Bibliopolis, Librariisque serio prohibemus, ne libros, præsertim, qui fidem & devotionem spectant, imprimant aut vendant, nisi ab ordinario aliquo Censore approbatos; sic populo frequenter indicari debet, quam non tantum periculose hæreseos venenum ex ejusmodi lectione & usu imbibatur, sed quam solícite & severe in indicibus librorum prohibitorum etiam sub censuris a sacro Conc. Trident. id inhibeatur. Quod etiam de libris lasciviam docentibus suo modo intelligi potest.

Cumque hæresis serpat ut cancer, requirimus cum hoc & monemus Archi-Diaconos, ut diligenter attendant ad eos, qui non intrantes per ostium, sed aliunde ascendentes, per dulces benedictiones, & peregrina dogmata seducunt corda innocentum, sive id publice fiat, sive clancularie, iisdem Archi-Diaconis omnem assistentiam, etiam brachii nostri secularis, si necessitas exegerit, ac desuper humillime requisiti fuerimus, offerentes.

Ludimagistri & Ludimagistræ non admittantur, nisi Catholici, nec ullos libros, nisi Catholicos, legi & prælegi permittant; præsertim ne novum Testamentum juxta versiones hæreticorum editas habeant. Instruant in solida pietate Scholares, ducant ad lectiones Catechisticas, suosque præsentia sua in modestia & officio contineant, sedulo autem curent, ut discant modum orandi & bene confitendi, ubi autem ullo modo fieri poterit, separentur Scholæ puerorum & puellarum.

Pastores monebunt populum, ut stipendia suarum prolium Magistris eo liberalius constituant, ut simul pauperes, qui minerval solvere non possunt, ab instructione necessaria non excludantur, quos cæteroquin ad de-

speratissimum vitæ genus & profligatissima scelera subinde ex instructionis defectu dolenter videmus & experimur delabi.

Negotium hoc, quam possumus, diligentissime commendamus Archi-Diaconis nostris, atque ut nostri Officiati ad hoc cooperentur, clementissime demandabimus.

Ad Fidei orthodoxæ confirmationem multum confert splendor miraculorum in sola Ecclesia Catholica jam inde ab initio perseverans. Qua tamen in re volumus observari Decretum Sacri Conc. Trident. Sess. 25. de Invocatione Sanctorum, ne sine nostra, aut Vicarii nostri approbatione & examine miracula publicentur, aut imagines ceu miraculosæ proponantur. Quod identidem de novis Reliquiis, aut insolitis imaginibus juxta Conc. Trident. mentem intelligendum erit.

Non intendimus autem derogare per hoc publico cultui aut devotioni, quæ Christianæ pietati vel etiam honestati consentanea est, & absque specie superstitionis imaginibus S. Crucis, B. MARIE Virg. aut alterius Sancti ab immemoriali tempore per hanc nostram Diocesin passim exhibetur.

Sicut & volumus fideles moneri impetrato a Deo per intercessionem Sanctorum quovis beneficio, licet id per miraculum non contigerit, gratias tamen non minus agendas esse, cum ab eo bona cuncta procedant, in cujus manu est paupertas & honestas, vita & mors, sive ea per miraculum, sive aliter a Deo veniant.

Contra Religionis virtutem, Fidei filiam, pugnat superstitio malum tanto periculosius, quo facilius decipit simpliciores sub larva pietatis, & procedit ex cæco & impatienti ad res temporales, sine reflexione ad Deum, affectu. Volumus itaque & mandamus, ut Pastores & Concionatores contra hoc vitium vehementissime invehantur, docentes imprimis superstitiosum esse expectare quemcunque effectum a quacunque re, quam res illa nec ex sua natura, nec ex institutione Divina, nec ex ordinatione, vel approbatione Ecclesiæ producere potest. Secundo id

id genus hominum, quod per superstitiona curandis hominibus vel animalibus, vel revelandis secretis aut perditis, operam suam pollicetur vel præstat, pacto aliquo explicito vel implicito a Dæmone juvari, & vitio magiæ ut plurimum obnoxium esse. Ad quam farinam etiam referendi sunt vagi isti mendicantes, quos Zingaros aut Ægyptios vocant, alique artem Astrologiæ exercentes, contra quos & Nos mediante brachio sæculari procedemus, consulentes vero ad seriam Archi-Diaconorum correctionem remittimus.

Qui signis vel artibus diabolicis contra ictus aut vulnera uruntur, additis etiam superstitionis orationibus, absolvendi non sunt in confessione, nisi signa a se rejecerint, & ab orationibus talibus serio abstinere velle admittant.

Et quia corde creditur ad justitiam, ore autem confessio fit ad salutem, sic ea, quæ circa Professionem fidei juxta PII IV. præscriptum emittendam, a S. Conc. Trid. Sess. 24. C. 12. de Reform. & Sess. 25. C. 2. de Reform. ordinata sunt, diligentissime volumus observari, hoc addito: quod etsi quis de Beneficio provissus, per Procuratorem speciale mandatum ad hoc habentem, Professionem fidei in accepta investitura aut possessione miserit, nihilominus ad residentiam & fructuum perceptionem non admittatur, nisi personaliter & per semetipsum eandem petierit.

Volumus etiam & districte præcipiendo mandamus, ut, quod laudabiliter introductum est, a Consiliariis & Officiariis nostris sæcularibus, quacunque dignitate aut nomine censeantur, prius coram Sigillifero nostro eadem Fidei professio emittatur, antequam ad juramentum solitum & administrationem admittantur, atque ut hujus factæ Professionis attestatio sit stabilis, propria manu ad matriculam, quæ in Camera Sigilli reperitur, diem & locum hujus a se factæ Professionis adscribant.

Ad externam Fidei professionem spectat, multumque augeat & promo-

Tomus IX. Concilior. German.

vet Christianam & solidam pietatem, si in Ecclesiis tam Sæcularium, quam Religiosorum, Officia Divina debite peragantur, si Processiones generales, publicæ & privatæ, ordinate & devote instituuntur, si Domus Dei, hoc est, Tempa materialia congrue orientur, Altaria sint vestita, Tabernacula, Baptisteria, & loca sacratiora eleganter nituant, suppellex Ecclesiarum sufficiens & munda sit, si in ritibus & cæremoniis sit conformitas, in cantu consonantia, sine tumultu & præcipitantia, ac demum si in omnibus locis & actionibus, quæ specialiter gratam erga Deum reverentiam, & pro ædificatione proximi, maturam pietatem exigunt, singulorum animis & auribus jugiter observetur illud: Age quod agis; væ enim nobis, si Arca Dei habitet non sub pellibus, sed sordibus, aut opus Dei facimus negligenter. Et quia in Processionibus, quæ nimis amplum circuitum habentes ad horas plures extenduntur, facile animadvertitur in confluentibus, vel devotionis fastidium, vel nimia & cum periculo valetudinis conjuncta defatigatio, vel certe symposiorum & comotationum occasio; sic prioribus Decretis nostris in Synodalibus Congregationibus antehac sæpius publicatis insistentes, volumus & mandamus circuitus hujusmodi contrahi, quantum quidem fieri potest; facileque persuadebitur populo, magis placere Deo moderatum circuitum, qui devotionem sapiat; quam longiorem, qui ex scandalosa cursitatione importat lassitudinem, & devotionem impedit.

Denique hortamur & obsecramus in Domino JESU omnes Pastores, aliosque, qui animabus curandis quomodolibet intendunt, ut ante oculos habentes exemplum piissimi & summi Pastoris, non abjiciant curam ovicularum a vero & unico orthodoxi gregis ovili periculose aberrantium, quin potius una Nobiscum satagant, ut verbo, vita, exemplo, oratione, & digna pro jure vocationis conversatione, per gratiam Dei illuminati eruantur ab erroribus universis, & ad Sanctam Matrem Ecclesiam Catholicam & Apostolicam associari mereantur.

LIII 2

TITU.

TITULUS II.

De Sacramentis.

Sacra Trident. Synodus virtutem & effectum Sanctissimorum Sacramentorum *Sess. 7. in princ.* paucis complexa est, dum dicit per eadem Sacramenta omnem veram iustitiam vel incipere, vel inceptam augeri, vel amissam reparari. Multum porro faciet ad inducendam in populo Sanctissimorum Sacramentorum frequentationem & reverentiam, si hæc doctrina Concilii & veræ iustitiæ, ad consequendam æternam salutem necessitas, pro concione, ad captum tamen populi subinde exponatur.

Traherentur hæc Mysteria a sanctis sancte, etsi enim vitio conferentis non extenuetur Sacramentorum virtus, utpote a Deo & meritis Christi dependens; tamen vix est, ut a Laicis expectari possit ad suscipiendum digna & iusta præparatio, dum irreverenter, superficialiter, aut tumultuarie materia & forma applicantur, & orationes præscriptæ sine attentione debita pronuntiantur. Et quidem nulla alia lingua, quam latina; Ritum administrandi singula, quisque Administrantium habitus esse debeat, omittimus, quia hæc ex Agenda Monaster. iussu Rmi & Serenissimi Princ. Elect. Episcopi Monast. edita, cui per omnia quisque se confirmabit, petere licebit. Proindeque alias Agendas, uti antehac factum est, sic denuo prohibemus.

Curati & Vice-Curati pro administratione Sacramentorum etiam tempore pestis & contagii a Parochianis requisiti, promptos se ac faciles præstent, & in exigendis iuribus stolæ, quæ vel ex pia consuetudine, vel Superiorum determinatione solvuntur, caveant: ne crimen aut suspicionem Simoniz, vel avaritiæ cum injuria status sui, & simpliciorum & pauperiorum scandalo incurrant.

Requirat etiam sæpedita Sacramentorum sanctitas, ut claves Tabernaculi, Fontis baptismalis, custodia sacrorum Oleorum, & Chrisamatis, penes solos Curatos sint, nullatenus vero in Custodum aut mulierum potestate,

ne aliquid eorum ad prohibitos & profanos usus, vel, quod cum horrore dicimus, ad magicas & sagarum curationes & actiones, Laicorum incuria vel negligentia impendatur.

Convenit insuper Sancta in loco sancto tractari. Unde extra necessitatem, aut sine nostra, aut Vicarii nostri in scriptis obtenta licentia, neque Baptismus solemniter, neque Matrimonium extra Ecclesiam, ne quidem in Oratoriis benedictis celebretur.

TITULUS III.

De Baptismo.

Baptismus, quia characterem imprimit, Sacramentum est irreiterabile, & janua aliorum Sacramentorum, sine quo nemo intrabit in Regnum Cælorum. Unde advigilandum Pastoribus, & curandum parentibus, ne natus infans sine Baptismo moriatur, idque sub gravi pœna.

Administretur Baptismus sub forma & materia certa, non vero dubia, si ullo modo fieri possit. Qui ob mortis periculum domi baptizati sunt, mittantur tamen opportune ad Ecclesiam pro Catechismo & Exorcismis.

Parochi librum habeant, in quo baptizatorum, parentum, compatrum, & commatrum nomina, cum designatione diei, quo Baptismus susceptus est, annotentur. Imponantur nomina Christianorum & Sanctorum ad imitationem vitæ & virtutis.

Ad levandum de sacro Fonte infantem non admittantur, nisi unus vel una tantum; vel unus & una simul, non plures, sed neque duo viri, neque duæ feminae juxta præscriptum Conc. Trid. *Sess. 24. de Reform. Matr. C. 2.* Quod si plures se ingerant, designentur unus vel duo, qui tangerant, & cognitionem spirituales contrahant, eorumque nomina tantum adscribantur.

Damnamus indiscretionem quorundam Curatorum, qui proles illegitimas ex eo baptizare nolunt, quod jura stolæ propter contradictionem nominati patris non statim solvantur, quod puniri volumus, maxime si proles sine Baptismo moreretur.

Tol.

Tollendus est abusus, dum ante Baptismum patrini & mulieres in tabernis vino adusto aut cerevisia prius se inebriant, quam ad Templum cum baptizanda prole accedant.

Ad suscipiendum infantem non alii admittantur, quam ii, de quibus certo sperari potest, quod pro obligatione contracta, & ex mente Ecclesiæ, suscepti infantis in ordine ad æternam salutem, curam habituri sint; casu quo parentes morerentur.

Puerperæ juxta laudabilem consuetudinem, ubi convaluerint, a Sacerdote in Ecclesiam introducantur.

Obstetrices non admittantur, nisi Catholicæ, & quæ bonæ vitæ habent testimonium, sintque juratæ, easque moneri volumus, ut præter materiam & formam, nihil salis, aut aliud quid adhibeant.

Conveniens est, Fontes baptismales non a mulieribus statim anni temporibus mundari, sed id fiat a Sacerdote, neque licet aquam pro Templo expurgando adhibere, sed ea fundatur in piscinam vel Sacrarium.

TITULUS IV.

De Confirmatione.

Sacramenti hujus dignitatem & effectum Pastores & Concionatores populo diligenter exponent, eo præsertim tempore, quo certa dies pro administratione & susceptione hujus Sacramenti suis in Parochiis designata publicabitur.

Optandum interim, ne infantes pro Confirmatione præsententur, sed sint tam adultæ ætatis, ut, quia propter characterem, quem imprimit, reiterari non debet, saltem meminisse possint se esse confirmatos.

De Patrinis, eorumque quoad contractam cognationem spirituales obligatione, eadem est ratio, quæ superius notata est in Baptismo. Neque tamen unus, idemque Patrinus & in Baptismo & in Confirmatione unum, eundemque suscipere potest.

Adulti per Confessionem, vel ad minus per contritionem se præparare debent ad hoc Sacramentum.

Fascias integras, mundas, & justæ magnitudinis conferant, quibus frons confirmati obligetur, nisi Episcopo aliud videatur.

Patrini ne sint Regulares, excommunicati, interdicti, facinorosi, ignorantibus rudimenta fidei, nondum confirmati. Nomina Patrinorum & confirmatorum describantur a Parochis in libro.

Puniantur, qui hæreticorum more de hoc Sanctissimo Sacramento blasphemie vel illusorie loquuntur, nec culpa vacare censendi sunt, qui per contemptum illud negligunt.

TITULUS V.

De Pœnitentia.

Pœnitentia secunda post naufragium tabula ab iis negligenda non est, qui post Baptismum in mortale peccatum lapsi sunt, tanto magis, quanto certius est sine ea, aut ejus voto hominem in tali statu morientem salvari non posse.

Magna diligentia Pastores in posterum docere debent, ut subditi contrito corde ac integre confiteantur omnia peccata mortalia, quorum post diligentem sui discussionem memoriam habent; una cum circumstantiis, quæ speciem peccati mutant, vel multum aggravant, specificando, quantum fieri poterit, quoties in illa inciderint. Et hæc quidem doctrina tum per annum frequenter, tum vel maxime fiat, cum ad Confessionem Paschalem, aut summa Festa populus disponi & præparari debet. Idem utiliter inculcabitur iis, qui aliquid aggressuri, vel passuri sunt, ubi vitæ præsens periculum occurrit. Unde laudanda & introducenda est prægnantium sollicita devotio, quæ ad dolores & pericula partus per iteratas Confessiones & Communiones se præparant.

Confessarii, quia personam Christi sustinent, & ad judicium Dei sedent, non tantum ex Authoribus probatis se sufficienter instruant, ut possint discernere inter lepram & lepram; sed & ad hunc effectum sæpe gratiam & Spiritus Sancti assistentiam pro se & suis confitentibus implorant.

Confessiones Sæcularium, etiam Sacerdotum, juxta Decretum S. Conc. Trid. *Sess. 23. de Reform. Cap. 15.* nemo, licet Regularis, audiat, nisi ad id in hac nostra Diœcesi a Nobis, aut Prædecessoribus nostris, aut in Spiritualibus Vicario obtinuerit in scriptis, examine prævio, licentiam & approbationem, nunquam ulterius, quam ad revocationem ex gravibus causis faciendam.

Confessiones audiantur in Ecclesia a Sacerdote sedente in confessionalibus sedibus, debito modo, in loco propatulo erectis, extra quas sceminarum confessiones, nisi necessitas exigat, non audiantur; confitentes autem in genua procumbant, & arma, si gestent, deponant.

Confessionales sedes, ubi nondum erectæ sunt, ante festum Nativitatis Christi, idque sub pœna, erigantur sumptibus fabricæ, vel Provisorum.

Instruat se Confessarius in Casibus Summo Pontifici, sive in Bulla *Cane Domini*, sive aliter reservatis, nec ab iis penitentem absolvere præsumat, sed si quidem illi casus publici sint, remittantur ad Sedem Apostolicam, aut alios facultatem habentes; vel si occulti sunt, remittantur ad Nos, aut Vicarium nostrum, cum illud ex declaratione Concil. Trid. indultum sit.

Porro in Casibus occultis Nobis reservatis renovamus & confirmamus Decretum Concilii Provincialis Colon. anno 1536. celebrati, jam olim anno 1616. 9. Septembris a glor. record. Prædecessore nostro FERDINANDO publicatum, quod sic habet: "In occultis delictis ex reservatione casuum compertum habemus, nonnihil mali interdum accidere, ut quod peccator non habens in promptu Sacerdotem, qui illum absolvat, confiteri vel differt, vel contemnit, vel quod minores ætate sint, vel mulieres, non facile adducantur, ut ex suis Parochiis non sine levi suspitione ad Nos, seu nostros Commissarios proficiscantur. Quocirca ut consulamus veritatis & famæ, visum Nobis est hanc potestatem nostram absolvendi a peccatis & casibus nostræ absolutioni reservatis, occultis tamen, om-

nibus Parochis nostris per Diœcesin nostram constitutis, rite vocatis & approbatis delegare."

Confessionis sigillum strictissime servetur, etiam quoad ea, quæ occasione peccatorum ante vel post absolutionem a confitentibus deteguntur, nec ea signo aut nutu; nedum verbo ante aut post mortem revelentur sub pœnis a jure constitutis.

Attendant Confessarii, quod sicut Satisfactio pars est integralis hujus Sacramenti, sic in imponendis satisfactionibus magna opus esse discretione & prudentia. Unde monitum S. Concil. Trid. *Sess. 14. Cap. 8.* memoriæ ita imprimant, ut semper animo obversetur. Ita nempe loquitur Concilium: "Debent ergo Sacerdotes Domini, quantum spiritus & prudentia suggererit, pro qualitate criminum, & penitentium facultate, salutares & convenientes satisfactiones injungere: ne, si forte peccatis conniveant, & indulgentius cum penitentibus agant, levissima quædam opera pro gravissimis delictis injungendo, aliorum peccatorum participes efficiantur. Habeant autem præ oculis, ut Satisfactio, quam imponunt, non sit tantum ad vitæ novæ custodiam, & infirmitatis medicamentum, sed etiam ad præteritorum peccatorum vindictam & castigationem: nam claves Sacerdotum non ad solvendum dumtaxat, sed & ad ligandum concessas, etiam antiqui Patres & credunt & docent."

Cum plurimarum animarum dispendio negligitur a multis Confessariis punctum Restitutionis, cum tamen non dimittatur peccatum, nisi restituatur ablatum. Unde non solum confessiones sunt frustraneæ, sed ipsi Confessarii conscientias suas per negligentiam, maxime circa rudes & simpliciores, peccato obligant.

Curent, ut Indulgentiarum thesaurus a S. Pontifice concessus, præsertim Jubilæi, aliæque gratiæ spirituales populo debite publicentur; ita tamen, si viderint, nostro, aut Vicarii nostri præscitu & licentia, prout Conc. Trid. statuit, publicari; doceantque populum

lum non ad questum, sed promovendam pietatem, & abolendas poenas temporales ejusmodi thesauros communicari, prodesseque non tantum viventibus, sed etiam animabus in purgatorio detentis posse applicari.

Et quia alma Mater Ecclesia gladium habet, quo contra summe & enormiter peccantes, vel contumaces, licet invite nec facile utitur, hoc est, excommunicationem, aliasque censuras, quæ vel a jure, vel ab homine infliguntur, necesse est, ut & in hoc casu Pastores & Concionatores diligentiam suam probent, & censurarum effectum, quantum quidem ex Laicos contingere possent, verbis seris & gravibus proponant: ne credant bruta esse fulmina, quæ non viventem tantum, sed mortuum etiam subinde retinent innodatum. Ipsi vero Clerici, si de jure aut facto censuris aut irregularitate implicitos agnoverint, de remedio absolutionis solliciti sint, ne de minoribus incident in majores, habituri Deum contumaciæ, contemptus aut negligentiae districtum vindicem.

TITULUS VI.

De Eucharistia.

Hoc Sacratissimum Sacramentum in se continet fontem omnis boni, Christum vere, realiter & substantialiter Deum & hominem.

Pastores & Concionatores docebunt, quid de hoc Sanctissimo Sacramento fide tenendum sit, juxta Canones a S. Conc. Trid. *Sess. 13. & alibi* præscriptos, de reali Christi præsentia, de Transubstantiatione, Communionem sub una vel utraque specie, Oblatione in Missa, adoratione, asservatione, circumgestatione, aliisque articulis, prout feret & dabit occasio pro qualitate Festorum.

Hanc doctrinam facilius & tenacius inculcabunt, si vitam suam sancte instituunt, & Sanctissima hæc Mysteria reverenter & devote tractent, vix enim fieri potest, ut concionatores credatur, qui vivendo aliud tenet, quam verbo doceat. Et hinc oritur illud Fidei, & Sacerdotalis status opprobrium, quod

ab Acatholico passim audimus, quomodo ipsi credere possint, quæ credenda de hoc Sanctissimo Sacramento proponuntur, cum Sacerdotes ad hæc Mysteria tractanda accedentes, si malam vitam considerent, nihil minus credere videantur.

Insuper curandum, ut Tabernaculum (quod in medio summi Altaris erigi optamus) sit decenter ornatum, in quo super corporale substratum asservetur in ciborio argenteo, ad minus intus deaurato Sanctissimum Sacramentum pro infirmis, aliisque communicaturis.

Ostenforium similiter, si ullo modo fieri potest, sive Monstrantia, cujus usus esse possit in Processionibus, sit argentea deaurata.

Particulæ minores pro communicandis, uti & Hostia major renouentur sæpius pro qualitate loci, ad minus in singulos menses, veteres autem sumantur a Sacerdote in Missa ante ablutionem.

Coram Sanctissimo Sacramento die ac noctu in Ecclesiis lumen ardeat sumptibus Parochiæ, ubi non est alia fundatio, & ad hanc consuetudinem ubique introducendam advigiletur in Synodis Archidiaconorum.

Similiter neque ex Tabernaculo ad inferius altare, vel foris ad infirmum sine lumine & campanula unquam deferatur.

Sacerdos extra Missam gestans & administrans Sacramentum, vel deportans ad infirmum, indutus sit superpelliceo & stola, Custos etiam superpelliceo indutus præcedat Sacerdotem cum lucerna ardente & campanula.

Cum Sacerdos ad infirmum vocandus est, rogentur aliqui ex vicinis, ut Sacerdotem exeuntem & redeuntem conducant cum accenso cereo, face aut lumine, sive id per se, vel per aliquem de familia feratur. Quod ab iis, qui ad Fraternalitatem Sanctissimi Sacramenti sua nomina dederunt, singulariter speramus observandum. Qui eques vel cum rheda aut curru Sacerdoti deportanti obviaverit, descendat vel ex equo aut curru Sanctissimo Sacramento & Christo ibidem præsentis genuflectendo

flectendo debitum honorem exhibiturus exemplo RUDOLPHI I. Imperatoris, aliorumque Regum & Principum, nec in hoc credat quicquam honori aut respectui suo decedere.

Cubiculum, in quo infirmus communicari debet, mundum sit, mensa decenter ornata, frondibus, floribus, gramine &c. & candela ardente.

Pro distribuenda Communione sint genuflexoria sive scamna ad pedem altarium erigenda, & mundo linteo tempore Communionis cooperta sumptibus fabricæ, vel Parochiæ.

Ablutio nunquam detur ex calice, sive is sit consecratus, sive non, ut tollatur a simplicioribus quævis ad utriusque speciei sumptionem reflexio, sed vel ex vitro, vel scypho argenteo, qui tamen ad profanos vel domesticos usus adhiberi non debet.

Ad Communionem Paschalem ab initio Quadragesimæ populus cohortandus est, quem in finem præscriptum Ecclesiæ Canonem Conc. Lateranensis de verbo hic inferendum duximus, qui sic habet: "Omnis utriusque sexus fidelis, postquam ad annos discretionis pervenerit, omnia sua solus peccata saltem semel in anno fideliter confiteatur proprio Sacerdoti, & iunctam sibi poenitentiam propriis viribus studeat adimplere. Sufficientis reverenter ad minus in Pascha Eucharistiæ Sacramentum, nisi forte de proprii Sacerdotis consilio ob aliquam rationabilem causam ad tempus ab huiusmodi perceptione duxerit abstinendum, alioqui & vivens ab ingressu Ecclesiæ arceatur, & moriens Christiana careat sepultura."

Durat hoc tempus Communionis Paschalis a Dominica *Palmarum* usque ad Dominicam *in Albis* inclusive. Detur autem in confluxu populi Communio sceminis seorsim a viris, nulli tamen nisi devote genuculanti & discincto.

Obligamus Pastores, ut requisiti ab Archi-Diaconis vel saltem in proxima Synodo post Pascha nomina non communicantium exhibeant.

Attendendum ad vagos istos mendicantes, qui ad processiones publicas

passim confluunt, ut deinceps ipsis non permittatur stipem petere, nisi coram aliquo ad id deputando docuerint de ultima Communione Paschali, cum fere notorium sit multos inveniri, qui tantquam sine Deo vivant.

Processiones, quæ cum circumstatione SSmi Sacramenti in ejus festo, vel alias sive per cæmeterium, sive per circuitum Parochiæ instituuntur, bonæ sunt & laudabiles, præsertim si fiant cum devotione debita, & pompa convenienti; attamen ne frequentia minuatur reverentiam, rarius id fieri expedit extra casum necessitatis aut utilitatis publicæ, sufficeretque in Missis precariis Ss. Sacramentum in altari exponi, & coram eo decantari Litanias de Omnibus Sanctis; abstinetur autem a delatione per cæmeterium, vel Templi interiorum circuitum.

Et quia ingratum est Deo, quicquid obtuleris neglecto eo, ad quod teneris, monendus populus, ne in longioribus Processionibus, dum voluntariam devotionem circumueundo eligunt, auditionem Sacri, ad quam diebus Festivis ex præcepto Ecclesiæ obligantur, negligant.

TITULUS VII.

De Sacrificio Missæ.

SAnam doctrinam de hoc novæ Legis Sacrificio a Christo in ultima Cæna instituto, tradit Conc. Trid. *Sess.* 22., quam populo ad captum pro concione explicari convenit, magis autem ad devote ac reverenter audiendum sacrum Missæ Officium incitari non tantum diebus Dominicis & Festivis, quando sub mortali obligat præceptum Ecclesiæ, sed & diebus ferialibus, cum certum sit per hunc actum Religionis non tantum augmentum gratiæ, sed & benedictionem temporalem a Deo obtineri.

Pastores & Sacerdotes quoad celebrandum memores sint suæ vocationis & obligationis, sive ea ex Officio, sive ex fundatione, vel Superiorum dispositione proveniat. Imo nec hac contenti ad consulendum saluti propriæ, & Sæcularium devotioni, citra obligatio-

gationem libenter & frequenter per septimanam celebrent; ne de iis dicatur: parvuli petierunt panem, & non erat, qui frangeret eis, cum id de spiritali Communione, quæ a Laicis cum Sacerdote celebrante perficitur, intelligi possit.

Calix cum patena sit argenteus, deauratus ad minus in cuppa; si stantius propter pericula aut paupertatem tolerari debet, sæpius & diligenter mundetur.

Ornamenta ac paramenta tam Sacerdotis, quam Altaris sint integra, munda, Festo, quantum fieri potest, juxta colorem convenientia. Hostiæ consecrandæ ne sint mucidæ aut veteres, vinum ne sit acidum & corruptum.

Cæremoniis in celebratione Missæ utantur Sacerdotes iis, quæ ex Rubricis Missalis Romani ad novum Missale Monasteriense translata sunt, idque tam in Missis solemnibus, quam privatis, nihil addendo vel mutando, nisi cum præcitu nostro. Atque ad id introducendum Superiores quarumvis Ecclesiarum sub pœna gravissima arbitraria obligamus, cæremonias quascunque alias, uti & preces, prætextu etiam devotionis inventas, rejicimus & prohibemus. Conc. Trid. *Seff. 22. Cap. de Observandis.*

Caveant Celebrantes a nimia præcipitantia, prout & a nimis morosa protractione, cum illa scandalum, hæc fastidium audientibus pariat.

Sacerdoti celebranti semper assistat Minister, & si quidem hoc obtineri potest, cum superpelliceo, ad minus honeste vestitus.

Sub Officio Divino caveantur & vitentur omnia, quæ sunt contra reverentiam tremendi hujus Sacrificii, ut sunt fabulæ, risus, deambulationes, pauperum clamores, & alia.

Meminerint Sacerdotes & Clerici, si vā dicatur homini, per quem scandalum venit, quid fiet Clerico vel Sacerdoti, qui minus compositæ aut devote interest Divinis, quam rudis aliquis de plebe aut populo?

In organis non adhibeantur melodia, quæ sapiunt levitatem, vel nugas sæculares.

Tomus IX. Concilior. German.

Cantiones germanicæ si extra Collegiatis & Ecclesiis in Civitatibus erectas, propter Cantorum raritatem interponi posse judicabuntur, non sint aliæ: nisi quæ continent adorationem Christi in altari & Elevatione, vel quibus ad devotionem erga hoc tam Divinum Mysterium cantantes manuducuntur.

Atque sicut pro tam ineffabili charitate, quam Christus sistendo se in altari ad verba Sacerdotis nobis exhibet, nullæ unquam gratiarum actiones sufficiunt; sic contra illos acriter pro concione dicendum, & ab Archidiaconi procedendum, qui sine causa diebus Festivis a Sacro se absentant, vel sub Sacro sæcularia in cæmeteriis tractant, vel, quod est damnabilius, in cauponis & popinis corpus & cuticulam curant.

In castris Nobilium & privatis domibus Missas legi & Eucharistiam administrari sine nostra, aut Vicarii in scriptis data licentia tum Sæcularibus, tum Religiosis Sacerdotibus prohibemus.

Qui longius ab Ecclesia Parochiali habitant, si una & eadem die omnes Divinis interesse non possint, veniant alternatim, & ne frustra veniant, volumus & mandamus sub pœna, ut hora Sacri Parochialis nunquam mutetur, vel si id ex causa fieri debeat, antecedente Festo, aut die Dominico post concionem populo insinuari & denuntiari debebit.

Sedilia, quæ nimis propinqua sunt altaribus, ita ut Celebrantem turbare aut impedire possint, tollantur. Idem de sedilibus extra Chorum ita elevatis, ut prospectum ad altare summum in aliis impediunt, intelligi volumus.

Circa fenestras juxta altare ea adhibeatur cautio, ut irruente vento, non sit periculum consecratis speciebus.

Sacerdos novellus Primitias suas celebrare non præsumat, nisi cum licentia & benedictione nostra, aut Vicarii nostri, quam neutiquam petet aut obtinebit, nisi testimonium attulerit in scripto ab alio Sacerdote sive sæculari, sive Religioso in cæremoniis bene versato, se in iisdem cæremoniis juxta Rubricam Missalis novi Monaster. vel

M m m m m Roma-

Romani sufficienter exercitatum & probatum esse. Prohibemus etiam in iisdem Primitiis sub pœna viginti marcarum convivium solenne institui, prout subinde cum musica, choris; compositionibus non sine gravi Sæcularium scandalo factum esse, dolenter intelleximus.

In omnibus Missis solemnibus & privatis post ultimam Collectam in Postcommunionem recitandam, ante conclusionem semper addantur hæc verba: *Et famulos tuos ALEXANDRUM Pontificem, FERDINANDUM Imperatorem, CHRISTOPHORUM BERNARDUM Antistitem, nostros, una cum grege sibi commisso ab omni adversitate custodi, & pacem tuam nostris concede temporibus, per Dominum nostrum &c. exceptis Missis defunctorum, & ubi concluditur per verba: Qui tecum vivit &c.*

TITULUS VIII.

De Extrema Unctione.

Sacramenti hujus a Christo instituti, & ab Apostolo Jacobo promulgati utilitatem & fructum, tanto magis necesse est fidei populo exponere, quanto magis satagente Diabolo, & dormientibus Pastoribus, ejusdem usus & pia susceptio fere exolevit.

Requirimus itaque Archi-Diáconos, ut in singulis Synodis eorum nomina a Pastoribus exigant, qui deinceps sine hujus Sacramenti susceptione morientur, ut corrigi possint, quorum culpa id accidit, sive is Pastor, sive sit Paterfamilias. Qui longius remoti habitant ab Ecclesia, si periculose decumbere videantur, petant & accipiant cum Viatico simul Extremam Unctionem.

Si seorsim a Viatico, vel absque Viatico agonizantibus ministretur, deferatur sacrum Oleum cum superpelli-
ceo, stola, lumine, sed sine tintinnabulo.

Pastores, qui ægrotos subinde, imo sæpe visitare debent, moneant eos, ut, dispositione de rebus temporalibus vel circa suos mature facta, non differant susceptionem plane ad extremum, si quidem præter fructum, quem ex opere operato expectare possunt, alium

aut uberiores consequentur; si sensibus & usu rationis integris Sacerdoti cooperentur.

Omnino extirpandus error, quem suggerente Diabolo infirmi concipiunt, desperatum esse de recuperanda valetudine, ubi hoc Sacramentum susceptum est, cum etiam ad hoc valeat: ut si quidem ita expedit homini, corporis sanitas etiam desperata restituatur.

Quibus vero Extrema Unctio administranda sit, quibus vero non, prout in aliis Sacramentis, sic & in hoc satis edocet Agenda, ad quam sit remissio.

TITULUS IX.

De Ordine.

Quamvis inter sit Ecclesiæ Dei idoneos Ministros deputari, qui in sacris Ordinibus pro sua quisque vocatione & ratione ministrent, docet usus Ecclesiæ, quæ jejunia Quatuor temporum inter alias causas etiam propterea instituit, ut per jejunium & orationem totius Ecclesiæ Ordinandi gratiam Sacramentalem non tantum accipiant; sed etiam vel maxime, ut ad bonum & ædificationem plurimorum gratiæ acceptæ bene & efficaciter cooperentur. De quo semper populus post concionem monendus est, quando jejunia Quatuor temporum publicantur. Videatur Conc. Trid. Sess. 23. per totum, quid circa hoc Sacramentum fide tenendum sit, quidque circa collationem, susceptionem & administrationem, ætatem etiam ad singulos Ordines requisitam, & qualitatem Ordinandorum advertendum, & determinatum sit, quo brevitatis causa sit remissio, præterquam, quod in examine ordinandorum earum rerum habenda sit ratio.

Meminerint vero sacris & majoribus Ordinibus initiati, quod post susceptum Subdiaconatum, ad servandam castitatem solenni voto sint obstricti, similiterque ad legendas Horas Canonicas sub peccato mortali; atque ad restitutionem, si Horas legere neglexerint, pro quota perceptorum fructuum saltem ex mente & Bullæ PII V. Pont. Maximi obligentur.

Bene-

Beneficium, five etiam Titulum patrimonii, aut alium, super quo quisque ordinatus est, sine licentia nostra, aut Vicarii nostri nemo dimittat, aut resignet, nisi de alio Beneficio realiter illi sit provisum; quod similiter sine simili consensu non resignabit, super quo ordinandi sæculares juramentum præstabunt.

Nemo petat Ordines majores, nisi docere possit, non tantum, quod titulum habeat veri, non conficti Beneficii, sed ejusdem datam & acceptam institutionem Canonicam & possessionem pacificam.

Ad Titulum mensæ nostræ deinceps nemo ordinabitur, nisi de consensu Venerab. Capituli nostri Cathedr. quod ad hoc fuerit doctum.

S. Trid. Synodus eadem *Sess. 23. Cap. 18. de Reform.* saluberrimum erigendi Seminarii modum, tanquam medium Ecclesiæ Dei utilissimum, & educandis & excolendis pro vinea Domini Operariis necessarium præscribit: quod, ut eo melius ab omnibus apprehendatur, visum est hisce Decretis Synodalibus de verbo ad verbum sub finem adjungere. Cui inhærentes, requirimus præsentium tenore, & respectu mandamus omnibus & singulis, ut singuli deinceps ad hujus Seminarii renovationem, taxam sub Antecessore nostro Serenissimo FERDINANDO glor. record. constitutam, Emonitori a Nobis designando, annuatim conferant, certo scientes, quod Nos quoque juxta mentem dicti Concilii Trid. ex fructibus integris mensæ Episcopalis partem nostram sumus soluturi.

" Coram Nobis Theodorico Scade De-
" cano, Theodorico Ketteler Thesaurario,
" Sandero Morrien Vice-Domino, Rotgero
" Dobben, & Gerardo de Plettenberg, Cano-
" nicis Ecclesiæ Monasteriensis, in Sa-
" crosancta Synodo Generali, vice & autho-
" ritate Reverendi in Christo Patris,
" Illustriusque Principis & Domini, D.
" ERICI, Episcopi Monast., Saxoniae,
" Angariæ & Westphaliæ Ducis, anno
" Domini Millesimo, quingentesimo, decimo
" octavo, feria secunda post Gereonis & Vi-
" ctoris Martyrum præsentibus, extitit
" definitum, & ab omnibus ibidem

Tomus IX. Concilior. German.

" circumstantibus approbatum, quod
" Coloni & Possessores alicujus mansi
" desolati in Diocesi Monasteriensis si-
" tuati, tenentur Presbytero seu Sacer-
" doti Ecclesiæ, in cujus Parochia talis
" mansus situatur, ministrare annonam
" missaticam, seu jus missale. In cu-
" jus rei testimonium Sigillum nostri
" Decani prædicti est appensum. Da-
" tum anno & die supra dictis."

TITULUS X.

De Matrimonio.

DE hoc magno, ut ait Apostolus, Sacramento tractat sacrum Conc. Trid. *Sess. 24.* Unde omnia, quæ illic tam in Canonibus, quam Capitibus de Reformatione conclusa, determinata, & ordinata sunt, in hac nostra Synodo per præsentem innovamus, & ad commodiorem observationem sequentia explicatius ponenda duximus.

Primo, etsi Sponsalia de futuro maneant in antiqua juris dispositione, nec per carnalem copulam subsequenter transeant in Matrimonium; fides tamen data servanda est, & ad hoc pars resilire volens, compelli potest per nostrum Officiale, nisi æquitas aut ratio in jure & facto fundata aliud suadeat.

Et quia circa Matrimonia clandestina a S. Concil. Trid. declaratum est, non tantum esse prohibita; sed aliter, quam juxta formam Concilii contracta esse nulla, nec effectum Matrimonii sortiri, sed nec proles exinde natas pro legitimis habendas. Requiritur Archi-Diaconos nostros, ut diligenter & serio advertant in eos, qui clandestina Matrimonia contrahunt, & propriis Pastoribus irrequisitis vel neglectis, coram aliis, sive intra, sive extra Diocesim, fidem matrimoniale sibi invicem dare præsumunt. Unde non tantum puniendi sunt taliter contrahentes, sed etiam ad separationem contra hujusmodi contrahentes procedendum est, usque dum coram proprio Parocho, vel alio Sacerdote ad id potestatem habente consensum repertant. *Sess. 24. de Reform. Cap. 1.* suspenditur ipso jure assistens Matrimonio Sponsorum sibi non subditorum.

M m m m 2

Puni-

Puniantur, qui sine proclamationibus, aut earum remissione in scriptis obtenta, vel qui in gradibus & casibus in Jure & Conc. Trid. prohibitis, sine exhibita dispensatione, vel extra Ecclesiam sine licentia Matrimonio jungere præsumunt.

Si super interdicto fuerit dispensatum, non permittantur tamen convivia nuptialia, choreæ, nec solemnes Sponsæ translationes, quod idem observari volumus, licet Matrimonium ante tempus interdicti contractum & solemnizatum sit, cum temporis sanctitati repugnet.

Atque ut melius & commodius, quid de Matrimonio, ejusque impedimenti a S. Concil. Trid. statutum sit, populo innotescat, ad minus semel in anno, idque in Dominica post Epiphaniam, quando legitur Evangelium de Nuptiis in Cana Galileæ, Decretum Conc. Trid. *Sess. 24. de Reform. Matrim.* lingua vernacula proponetur.

Suppeditabit etiam in hac materia instructionem Agenda Monasteriensis, alique, qui de hac re tractant Authores.

Librum habeant Parochi, in quo notentur nomina contrahentium, & duorum aut trium testium, nomen Pastoris vel Sacerdotis cum licentia assistentis, dies & locus, annotetur etiam de exhibitis dimissoriis, si alter contrahentium sit ex alia Parochia. Unde non facile vagi copulentur, nisi diligentissimo examine prævio, & habito Ordinarii ex data informatione, in scriptis consensu.

Caute etiam in Matrimoniis Militum procedatur, cum in effectu multorum non tantum vagi sint, sed atheismum præ se ferant.

Summa omnium, quæ de Sanctissimis Sacramentis ordinata sunt, hisce paucis infinuantur & concluduntur: Nolite Sanctum dare canibus, & sancti estote, quia Ego sanctus sum.

TITULUS XI.

De Archi-Diaconis.

Archi-Diaconi, quos Episcoporum oculos jura Canonica vocant,

ut officio suo rite fungantur, nec metas jurisdictionis suæ excedant, tanquam DEO & Nobis ex Decreto S. Conc. Trid. rationem reddituri, attendant, quid in visitationibus sui officii sit, & quomodo singulariter cavendum, ne sumptu graventur visitandi, quod ipsis ab eod. Conc. *Sess. 24. C. 3. de Reform.* præscribitur, quo fit remissio.

Insuper hic repetendum & innovandum duximus, quod in superioribus Synodis autoritate Prædecessorum, & nostra successive habitis, circa hoc ordinatum est sub hoc verborum tenore: "Requirimus, & in Domino adhortamur omnes & singulos DD. Abbates, Priores, Præpositos, Decanos, Archi-Diaconos, & alios quoscunque de jure vel consuetudine, jurisdictionem & subditos habentes, conjunctim & divisim, quatenus infra mensis spatium a dato præsentium proxime & immediate sequens, excessus culpabiles suorum subditorum, præsertim circa violationem dierum Festorum, & transgressionem mandatorum Ecclesiæ, qui durantebus superioribus bellis valde scandalo se incepterunt, corrigant, errantium correctionem & salutem, non vero multam præ oculis habentes; quod si multam necessitas, vel scandali ratio exigat, non minus qualitas excessus, quam status excedentium in considerationem trahatur; & tum se correctionis fructum sperare posse confidant, si ad pios usus multæ convertantur."

Et quamvis cognitio super crimine concubinitus Clericorum juxta Conc. Trid. *Sess. 25. C. 14. de Reform.* non ad Archi-Diaconos, sed Episcopum pertineat; tamen quia jam a multis annis aliter observatum est, infinuamus & innovamus Archi-Diaconis Decretum tum Conc. Trid. *loc. cit.*, tum illud, quod nostra autoritate in superioribus Synodis promulgatum est hisce verbis: *Cum pro Episcopalis & Pastoralis officii &c.* quod in fine horum Decretorum apponi curabimus, assistentiam nostram in processu clementissime offerentes.

Innovamus etiam declarationem præacti Decreti anno 1652. in Synodo Autum-

Autumni die 15. Octobris publicatam, sub hoc verborum tenore: "Quia etiam nonnulli reperiuntur, quod cum horrore dicimus, qui toties moniti, sæpius mulctati, concubinas ad se recipere præsumpserunt, vel ad huc in domibus suis, pagis & vicinis locis admittunt, foveant, & frequentant, Edicto superiore in suo robore permanente per præsentem dicimus & declaramus, si qui post has Edicti publicationes in tali ac tam scandalo crimine deprehensi fuerint, eos privilegio & licentia testandi, quomodocunque ea obtenta & concessa fuerit, per hoc excidisse, nec eorum testamenta, ultimas dispositiones & constitutiones, five in Camera Sigilli, five in Cathedrali & Collegiatis effectum & robur sortituras esse."

Cui nostro Decreto & declarationi inhærentes, per præsentem volumus, ut Archi-Diaconi per se, vel per Commissarios & Promotores probatos, & nulla antea actæ vitæ labe notatos, singulariter in eorum vitam intendant, qui in cura animarum versantur, quos non tantum ab hoc crimine, sed etiam ab omni suspitione criminis immunes esse convenit; cum ejus doctrina facile contemnatur, cujus vita despicitur. Unde moniti, dictante sic prudentia Archi-Diaconorum, seclusis excusationibus, exceptionibus & provocationibus quovis modo suspectas a se amovere debent, consulturi non tantum conscientia propriæ, & aliorum, sed & honoraturi statum suum, a quo honorem habent in Ecclesia Dei.

Archi-Diaconorum munus est, ut ea, quæ a S. Conc. Trid. & in Synodis Dicecesanis observanda publicantur, & ipsimet per se, & in se exequantur, & per alios exequi & observari procurent.

Si contigerit Parochiales Ecclesias vacare, curabunt Nobiscum Archi-Diaconi, ut quam citissime istis Ecclesiis de idoneis Successoribus provideatur, illique mox instituantur, & sic a capta possessione, & inchoata residentia prorata temporis fructibus gaudeant.

Et quia varietas & contradictio multa est circa annum gratiæ inter Executores & Successorem, suspensa quo-

ad hoc usque ad ulteriorem cum Venerabili nostro Capitulo communicationem decisione, omnino necessarium est, ut quod debitam & sufficientem deservituram anni gratiæ attinet, stet in judicio & determinatione nostra, aut Vicarii nostri cum consilio Archi-Diaconorum, non vero Executorum, qui plus nimio hæredibus favere hactenus deprehensi sunt.

Curent Archi-Diaconi, ut mortuo vel recedente Pastore statim ocularis lustratio per suum Promotorem fiat in domo dotis, & quidem si structura ruinosa sit, & culpa resederit in Pastore, ex bonis relictis curetur reparatio. Quod vel maxime in illis observetur, qui spuris splendidas domus, ceu perpetua monumenta impuritatis ædificando, habitationem Pastoralem neglexerunt. Si culpa vel onus fabricæ conservandæ residet apud Parochianos, astringantur illi.

Majori vero solitudine in fabricam Ecclesiæ, & cæmeterii, aut Sacellorum & Oratoriorum sibi sciatis intendendum.

TITULUS XII.

De Collegiis Canonorum & Canonissarum, & Parochialibus Ecclesiis.

QUæ ad hunc Titulum, & personas titulo comprehensas, earumque statum & directionem pertinent, vel ex parte superius dicta sunt, vel dicuntur inferius, unde tempori & brevitati consulentes, ad dicta & dicenda Nos referimus, præsertim vero innovamus, & per præsentem confirmamus, quæ a Serenissimo Prædecessore nostro gloriæ record. FERDINANDO circa Canonicos, Canonissas & Curatos magna prudentia & zelo juri & Conc. Trid. conformiter ordinata & publicata sunt, quæ omnia & singula ad obligandum eandem vim & robur habere volumus, quam si de verbo ad verbum his Synodalibus Decretis essent inserta.

Pro majori vero eorundem confirmatione innovamus & publicamus denuo Rescriptum contra non Residentes auctoritate nostra anno 1651. die

1. Decemb. emanatum, & in Synodis subsequentibus prædictum & intimatum, & pro superabundanti anno hoc 1655. de novo impressum, extensum, & publice per modum Edicti affixum, juxta quod stricte procedi volumus.

Singulariter vero mandamus, ut Superiores Collegiorum & Ecclesiarum procurent, ut ab omnibus sibi commissis ea servantur, quæ circa gestationem habitus Clericalis usque ad genua ad minus prominentis, & tonsuræ a Conc. Trid. *Sess. 14. C. 6. de Refor.* justissimis ex causis providentur. Contra contumaces & refractarios procedatur juxta formam ibidem expressam, alioqui negligentiam Prælatorum non tantum supplebimus, sed & puniemus.

Abstineant omnes a crapula & ebrietate, tabernis publicis, ludo taxillorum, aliisque prohibitis lusibus, usuræ, Simonia, officiis & commerciis secularibus, choreis, conspirationibus contra se invicem, vel maxime contra Prælatos & Majores, invitatione ad nuptias, aliisque, quæ sunt contra honestatem & sanctitatem Clericalem, sub pœna arbitraria pro qualitate excessus imponenda. Videatur Conc. Trident. *Sess. 22. C. 1. de Reform.* pulchre & graviter Clericos monens.

Religiosos & Sacerdotes extraneos aut ignotos, nisi de admissione & approbatione per literas a Nobis, aut Vicario nostro obtentas, doceant, nemo ad Divina peragenda admittat.

Commendamus omnibus Clericis Fraternitates & Sodalitates pias, ut, si qui forte hactenus neglexerint, in una vel pluribus, prout Spiritus Sanctus suggesserit, nomina sua inscribi faciant.

TITULUS XIII.

De Testamentis & Executoribus.

Licet ipsa definitio Testamenti secum importet liberam de bonis dispositionem, tamen cum bonorum omnium tantum simus Dispensatores cum obligatione coram Christo reddendæ rationis; non ita inhærendum est carni & sanguini, ut ipsiusmet Christi in persona pauperum, Ecclesiæ &

piarum causarum obliviscamur. Quod maxime observandum est nobis, qui de stipendio Ecclesiæ & oblationibus fidelium sustentamur, quem in finem innovamus & inculcamus vobis omnibus, quod in superioribus Synodis sæpius prædictum est, sub hoc verborum tenore: "Monemus interim & sub contestatione Divini judicii inculcamus omnibus & singulis Clericis, ut in Testamentis condendis meminerint, DEO, Ecclesiæ & pauperibus gratam vicem esse reddendam, ut si quæ eorum gratia & beneficio bona conquesta sint, Testatorum liberalitate, ad eosdem ex majori saltem parte, recurrant; nec putent ii, qui spuriis suis sub alimentorum, dotis, aut titulo fiduciariæ institutionis, aut alio, amplam hæreditatem, splendidas domos, fundos, bona immobilia, monumenta scilicet impuritatis & incontinentiæ æterna impendunt, Dei, Ecclesiæ, pauperumque vix memores, se peccati mortalis reatum, Dei vindictam, nostram etiam censuram, justitiam & conscientiam ita distante evituros, cum in derelictionem damnati coitus lex disponat, ut sit supplicium hoc parentum, ut agnoscant spurios præter alimenta statui congrua ex bonis nihil habituros." &c.

Innovamus etiam contra Executores insertam hucusque Synodalibus Decretis Constitutionem sub hisce verbis: "Requirimus omnes & singulos Testamentarios, & Executores testamentorum, Beneficiatorum defunctorum, & quarumcunque personarum Ecclesiasticarum Civitatis & Diocesis Monasteriensis, quatenus Sigilliferum Curiae nostræ prædictæ, de bonis Testatorum inventis infra mensum, de dispositione eorundem bonorum inventorum infra annum post obitum Testatoris immediate sequentem certificent & informant, eique rationem reddant, ut tenentur. Alioquin contra eosdem, prout de jure poterimus, censura Ecclesiastica mediante procedemus, & Manufideles sive Executores testamentorum, sive ultimarum voluntatum illorum, qui ultra annum decesserunt, & dicto Sigilli-

" Sigillifero nostro, de bonis Testatorum per eosdem inventis, nondum computum reddiderunt (licet tamen per Nos & nostra mandata ad hoc sæpius fuerint requisiti) pœnam arbitriam incidisse declaramus." &c.

Cæterum inter pias causas singuliter annumerari volumus Seminarium Clericorum, nec ullius Clerici testamentum acceptabitur, nisi aliquid ad hunc finem legatum sit, salva tamen cuiusvis libertate, quid, quantumque donare aut legare velit.

Executores ad inventarizationem & executionem non procedant; nisi coram Sigillifero nostro testamentum defuncti, vel saltem constitutionem exhibuerint, & licentiam exequendi in scripto obtinuerint.

Qui sine Testamento vel Executorum dispositione decedunt, horum bona per vicinum Pastorem obsignentur, usque dum Sigillifer noster certior factus, quid agendum sit de illis, pro jure Cameræ Sigilli, ad quam devoluta sunt, demandet.

TITULUS XIV.

De Ecclesiis, Altaribus, Imaginibus, locisque piis.

Pastores suos Provisores & Parochianos ex Aggæi *1mo Cap.* docebunt, quam displiceat Deo, si Templi, quæ domus Dei sunt, destructa jaceant, aut sint vetustate desolata & collapsa, ita ut subinde horrore incutiant ingredientibus. Serveretur in his reparandis consuetudo, quæ si variet, nec conveniri possit, recurratur ad decisionem Conc. Trid. *Sess. 21. C. 7. de Reform.* Omnes ad reparationem contribuere cogantur. Conc. Trid. *Sess. 7. C. 8. de Refor.*

Monemus insuper Provisores & Structores Ecclesiarum & Capellarum, quos per vos & quemlibet vestrum sub pœnis antedictis moneri præcipimus, & mandamus, quatenus opportune Ecclesias, Capellas, Cœmeteria, violatas & violata, altariaque dotata & nondum consecrata, neque benedicta & reconciliata reconciliari & consecrari procurent realiter & cum effectu. Altaria vero, quæ neque dotata, neque con-

secrata sunt, & ornari propter Ecclesiarum inopiam non possunt, prout & imagines quascunque deformes, mutilatas, aut etiam non satis approbatas amoveri, atque ad tabulatum vel supra fornecem Ecclesiarum extra conspectum populi collocari mandamus.

Circa Altarium vero amotionem, cum ea tam multis & sacris cæremoniis Deo unctione Episcopali consecrata sint, nihil attentari volumus, sine licentia nostra, aut Vicarii nostri Generalis, a quo modum petere licebit, quomodo religiose & debite talis altarium amotio facienda sit.

Imagines sculptæ aut pictæ, quæ Templis vel locis sacris inferentur, vel quarum usus erit in processionibus, ejusmodi sint, ut nihil in ipsis notetur profanum, inhonestum, sæculare, lascivum ex nuditate, vel obscenitum. Verbo, quod oculos & pias mentes offendat, quanquam posteriores, nec in domibus, nec horris Ecclesiasticorum, imo & Laicorum inveniri volumus.

Reliquiæ Sanctorum capsulis honestis & obferatis afferuntur, nunquam in eodem Tabernaculo, ad quod reponitur Sanctissimum Sacramentum.

Archi-Diaconi prout & occurrente visitatione Episcopali deputati Commissarii per se, vel alios ad id Deputatos Ecclesiasticos, aut Pastores non tantum exigant rationes, quæ fabricam Templi concernunt, & reditus pauperum, sed & Hospitalium, Leprosorium, & quorumcunque locorum pios computus audiant, & diligenter advigilent, ut seposita utilitate propria, in bonum pauperum, domuum & Ecclesiæ omnia administrentur; Quod si a Sæcularibus non admittantur, implorari assentiam nostram, concedemus.

Quæ de inventariis reddituum, paramentorum, ornamentorum &c. erigendis, & cum duplici copia authentica exhibendis antehac per Nos Pastoribus, Vicariis, aliisque Ecclesiarum Ministris, prout & Provisoribus, Ampmannis, quocunque demum nomine censeantur, Rescripto speciali demandata sunt, hic sub arbitraria pœna repetita, & innovata volumus.

Pasto.

Pastores subinde inculcent populo Decretum Conc. Trid. contra occupatores bonorum ac jurium Ecclesiæ, aut piorum locorum *Seff. 22. C. 11. de Refor.* promulgatum, & ad calcem hujus Synodi positum: cum valde timendum sit, ut superioribus annis invalescente hæresi, durantibus bellis, & Cleri negligentia, vel Laicorum avaritia multa bona ejusmodi a Magistratibus politicis, Patronis laicis, aliisque ad profanos, vel familiarum privatos usus translata sint, quamvis pennæ aquilarum sint, teste horum temporum experientia.

In alienandis, permutandis, elocandis ad longum vel brevè tempus Ecclesiæ & locorum piorum bonis, attendatur Ecclesiæ necessitas & utilitas, fiatque secundum Juris Canonici dispositionem cum consensu nostro, & Archi-Diaconi. Si secus factum sit, aut fuerit, illud nullum esse, nec officium juris mereri decernimus. Si lis moveatur Ecclesiæ, aut Possessori super bonis ad Ecclesiam spectantibus, recurratur ad Archi-Diaconum, vel etiam Vicarium nostrum, ne per potentiam opprimatur justitia, habeantque assistentiam illi, qui in jure pupillis & viduis comparantur.

TITULUS XV.

De Festorum observatione.

TAbulam Festorum tum mobilium & immobilium, tum juniorum dies Serenissimus Prædecessor noster glor. record. ERNESTUS per hanc tum temporis suam Dicecesin publicavit, quam observari & in fine hujus Synodi apponi mandamus. Accessit autem Festis diebus ex Decreto Seren. FERDINANDI Successoris sui, nostri Prædecessoris glor. record. de consensu & consilio Ven. Capituli nostri Cathedralis festum Conversionis S. Pauli, Patroni nostri, 25. Januarii ad instar diei Dominicæ celebrandum. Horum Decretis inherentes præcipimus eadem Festa & jejunia publicari, & ritu Catholicæ Ecclesiæ observari.

Si necessitas incidat, præsertim tempore messis, ut servilis labor per-

mittendus videatur, & dispensatum sit, petatur licentia a Superioribus, vel etiam casu ita exigente a Pastore loci, & detur gratis, ita tamen, ut Pastores in singulis Synodis Archi-Diaconalibus nomina designent, quibuscum, & ex quibus causis sit dispensatum.

Festum S. Angeli Custodis in Choro celebrari potest Dominica, quæ sequitur festum S. Michaëlis conformiter Ecclesiæ Metropolitanæ Colonienſi, ut detur occasio Concionatoribus cultum & beneficia Sanctorum Angelorum Custodum populo proponendi.

Meminerint Religiosi, quod juxta Conc. Trid. præscriptum in celebrandis Festis fori Episcopo & consuetudini Ecclesiæ Dicecesanæ se accommodare tenentur.

Conveniens etiam est, prout antehac in Synodis demandatum est, ut pro aliarum Dicecesum & Ecclesiarum ritu festum Dedicationis & Patroni cum Octava in singulis quibusque Ecclesiis celebretur, quod & Nos in publicis & privatis Officiis juxta Rubricam Breviarii Monaster. & morem solemnium Octavarum ab omnibus fieri volumus & mandamus. Et ut vel maxime unio omnium nostræ Dicecesis Ecclesiarum cum Ecclesia Cathedrali ceu Matre melius agnoscat, visum est, ut juxta S. Rom. Ecclesiæ dispositionem festum Dedicationis Ecclesiæ nostræ Cathedralis in hac nostra Civitate Monasterienſi ab omnibus cum Octava, extra vero Civitatem ipsa Dedicationis dies, in Choro aut Horarum lectione celebretur, translato aut anticipato S. Hieronymi festo.

Optamus & hortamur omnes Superiores, Pastores, & Concionatores, ut præter supremum Dei cultum, & ea, quæ ad Christianam perfectionem pro status & vocationis ratione pertinent, devotionem erga Beatissimam Virginem MARIAM, S. Angelum Custodem, S. Paulum, S. Josephum Nutritum Christi, qui Patronus est singularis agonizantium, S. Ludgerum Proto-Episcopum Monasteriensem, & omnes Sanctos in animis subditorum plantare, conservare, & promovere studeant.

Prohi-

Prohibemus autem districte, ne circulatores, histriones, mimi, comcediantes (ut vocant) diebus Dominicis & Festivis nugas suas in theatris publice exhibeant, ne populi devotio turbetur & distrahatur. Imo ad prævendam juventutis seductionem, cum levitatem fere instillent, actiones ejusmodi optamus plane prohiberi, Archidiaconis curam committentes.

Dies Rogationum & S. Marci celebrentur cum Processione, Litaniarum decantatione, Missa, & brevi aliqua exhortatione ac abstinencia a carnibus. Et ut populus libens & frequens intersit, in concione cohortandus est.

Nova Festa Sanctorum hætenus Calendario aut Chori Directorio nondum adscripta; licet canonizati sint, nec ad Chorum, nec ad forum introducantur, sine nostra, aut Vicarii facultate.

Festa tamen SS. Brunonis, Domini, Francisci, Norberti, Ignatii sub ritu duplici in Choro & Breviario servari posse & debere decernimus, idque ex causis gravibus, & animum nostrum moventibus.

Nundinas & mercatus publicos, qui incidunt in dies Festos, & devotionem & Officium Divinum impediunt, anticipari & transferri in diem opportunum, vel proxime sequentem generali Decreto in eum finem promulgando curabimus. Quod etiam vel maxime necessarium judicamus, si incidunt in Vigiliis summorum Festorum Paschatis, Pentecostes, aut similibus.

Serio monebuntur rudiores, ut sciant se diebus Festivis ad audiendum Sacrum obligari, licet in itinere, aut extra suam Parochiam constitui inveniantur, dummodo commoditas audiendi Sacri occurrat.

TITULUS XVI.

De Immunitate Ecclesiastica.

Cum Immunitas Ecclesiastica non tantum circa personas Dei, & Ecclesiæ servitio consecratas, sed & circa loca & bona versetur; Nos auctoritate S. Conc. Trid. Sess. 25. C. 20. de Reform. requisiti, mandamus omnibus

Tomus IX. Concilior. German.

Officialibus nostris tam Ecclesiasticis, quam sæcularibus, prout & quibuscunque Magistratibus; aut potestatem in hac nostra Dicecesi habentibus, ut Ecclesiæ & personarum Ecclesiasticarum immunitatem, Dei ordinatione constitutam, aliquo cupiditatis studio, seu inconsideratione aliqua non violent; sed debitam sacris Summorum Pontificum & Conciliorum constitutionibus observantiam præstent, prout latius dicto loco continetur.

Privilegium Canonis strictissime volumus observari, ita ut neque Clericum ad judicia sæcularia trahere liceat; neque ipsi coram sæculari Judice forum sine licentia S. Pontificis acceptare, multo minus aliquid ei imponere, quod sit contra honorem status, nisi in casibus a jure exceptis. Huic annectimus Canonem: "Si quis suadente" Diabolo, quem a nonnullis parum attendi, a multis observatur &c."

Asylum ad Ecclesias, loca pia, vel Sacerdotem Venerabile Sacramentum deferentem, aut alias observari, & in hoc casu non aliter procedi contra reos fugientes mandamus; quam jura Canonica præscribunt sub pœnis juri Canonico & Bullis Summorum Pontificum insertis, illis exceptis, qui jure novissimo per Bullam GREGORII XIV. ab hoc privilegio excluduntur.

Huic Immunitati, quæ propter sanctitatem loci, Ecclesiæ, & cœmeteriis conceditur, affine est, ut in locis hujusmodi forum vel mercatus publicus non exerceatur, maxime si Officio Divino incommodet; multo minus daretur finetis, haris & sordibus, nedum choreis & comotationibus descendari.

Bona similiter, quæ Ecclesiæ, ejusque Ministris deputata sunt, immunitate gaudere volumus, ne (quod MARTINUS V. Pontifex conquerebatur) apud quosdam Catholicos Magistratus Sacerdotum novi Testamenti deterioris conditionis factum videatur, quam profanum Sacerdotium apud Pharaonem, qui aliis in servitutem redactis, Sacerdotes & possessiones eorum in pristina libertate dimisit.

Forte etiam juxta mentem S. Caroli Borromæi abusus est, ut ad judicia

N a n n

&

& supplicia reorum populus per pulsum campanarum, per benedictionem & unctionem Episcopalem sacratæ convocetur.

TITULUS XVII.

De Sepulturis & Exequiis.

Charitas exigit Christiana, ut defunctorum non tantum animabus, sed & corporibus curam impendamus, qua in re Pastores, Sacerdotesque Sæcularibus exemplo præluere optamus.

Pastores pro concione statum animarum in purgatorio existentium, poenarumque gravitatem & acerbitatem proponunt, tum ut ipsimet in mortis periculo sive vitæ agone constituti pro propriis animabus solliciti sint, tum ne ab hæredibus & amicis negligentius suffragia & charitatis officia mortuis impendantur, tum ut viventes intelligant magnum opus misericordiæ spiritualis se præstare, quando pro animabus defunctorum orare solent, præsertim diebus Dominicis & Festivis in Processione. In quem finem introducta est pia consuetudo, ut post datum vesperi signum ad Salutationem Angelicam, fiat pulsus, quod ad memoriam defunctorum excitetur, quod volumus deinceps continuari.

Mandamus tamen, ne Pastores Exequiarum, Sepulturæ & Anniversariorum causa quicquam paciscantur, vel aliud aliquid molestius flagitando committant, præsertim circa pauperiores, quod Simoniacæ labis, vel sordidæ avaritiæ suspicionem habeat, pias tamen consuetudines servari jubemus, & si quid ultro oblatum sit, accipi permittimus.

In concionibus funebribus proponantur ea, quæ mortis memoriam refricent, ut multam miseriam, qua homo natus de muliere repletur, ob oculos ponant. Ab affectatis autem & subinde immeritis defunctorum encomiis absteineatur.

Si concio habenda sit, servetur in Templis, non vero in cœmiteriis, sed neque in sepulturis infantium, & ita passim ut hætenus, nec post prandium; sed si simul petantur & procurentur

Exequiæ, vel ad minus Missa pro defuncto.

Ubi funus a Sacerdote excipitur, cum superpelliceo, stola nigra, & aqua benedicta ad sepulchrum, servetur consuetudo, ubi vero id hætenus factum non est, sub poena demandetur.

Cœmiteria ita muris aut lignis sepiantur, ne brutis animalibus sit accessus, lapides sepulchrales in Ecclesia non eleventur ultra superficiem totius pavimenti, quod est ab utroque latere.

Intra tumbas sepulchrales nihil apponatur corporibus defunctorum, quod superstitionem sapiat.

Valde diligenter monendus populus, ne a malis hominibus in puncto apparitionis spirituum seducatur, quin potius Pastores, aut viros Religiosos consulat, quid facto opus sit.

Infantium Baptismo suscepto morientium sepultura peragatur, sine cæremoniis luctus: potius vero Sacerdos utatur stola albi coloris, adhibeatur pulsus campanarum festivus, & canatur Psalmus gaudiosus, ut in Rituali Romano.

TITULUS XVIII.

De Regularibus & Monialibus.

Et si ea, quæ ad Religiosos utriusque sexus pertinere putamus, ad proximam Synodum, ne Decretorum promulgatio nimium detineat, reservanda duxerimus, paucis tamen & Superiores monere, & ipsos Religiosos cohortari visum est.

Primo, monemus Abbates & Abbatissas, ne in præjudicium jurisdictionis nostræ Episcopalis, cui de jure vel consuetudine subjiuntur, ante obtentam a Nobis confirmationem, præsentatione per Cathedrale Capitulum nostrum prævia, iis functionibus se immisceant, quæ sine confirmatione expediri non possunt.

2do. Etsi Majores nostri (prout Bozius in libro *de signis Ecclesiæ* testatur) bene sibi & toti patriæ consultum putaverint, si in Monasteriis & Conventibus erectis multi numerantur, qui ceu Custodes super muros Jerusalem spiri-

spiritualis constituti, tota die ac nocte non tacerent laudare nomen Domini, volumus tamen, præcipiente ita Concilio Trid., non multiplicari eorum residentias, sine nostro, & Capituli nostri Cathedralis in scriptis obtento consensu, nec plures ad Monasteria sive Conventus recipi, quam vel ex redditibus, vel hætenus permissa elemosynarum collectione, sine gravamine subditorum & præcipue Pastorum possint sustentari.

3^{to}. Terminarii, qui a Superioribus ad colligendum terminum deputantur, sint viri docti, exemplares, modesti, sobrii, qui possint & velint pro temporalibus, quæ libera charitate dantur, rependere spiritualia; abstineant in cathedra ab omnibus, quæ risum promovent; apud subditos, præsertim simpliciores, servent gravitatem religiosam, nec præsumant in privatis discursibus ultra metas suæ vocationis consilia & actiones ad se non pertinentes censurare, carpere vitam & famam Cleri sæcularis, nec importunius exigant ut debitum, sed potius doceant hilarem datorem diligi a Deo, & scenerari Deo, qui miseretur pauperis.

Sacerdotes in termino abstineant ab audiendis Monialium confessionibus, nisi ad id a Nobis, vel Vicario nostro potestatem habeant in scriptis.

4^{to}. Volumus etiam, & cum hoc de consensu Venerabilis Capituli nostri Cathedralis vobis omnibus & singulis insinuamus ea, quæ in Bulla GREGORII XV. anno 1622. die 5. Februarii edita, & incipit: *Inscrutabilis*. Circa Regulares & Confessarios Monialium, nec non Administratores temporalium bonorum apud easdem Episcoporum directioni & inspectioni permittuntur.

5^{to}. In Monasteriis Monialium clausuram introduci jubemus sub eadem contestatione, tam gravi, quam necessaria, qua a S. Conc. Trid. & sacris Canonibus est demandata; onerantes super hoc Superiorum & Visitatorum conscientias. Huic anneximus, quod Spiritu Sancto dictante, pro juvandis afflictarum conscientis circa extraordinarium Confessarium aliquoties per annum Monialibus offerendum, jam

Tomus IX. Concilior. German.

ante sæpius demandatum est, & ab omnibus summe necessarium judicatur, idque sub pœna Bullæ GREGORII XV. de qua supra, insertæ.

6^{to}. Quam parum habitat Spiritus Sanctus in corpore subdito peccatis, tam parum sub vano aut curioso habitu latere præsumitur perfectio religiosa. Hinc est, quod districte præcipiendo mandamus apud Moniales quascunque non tantum habitum & colorem Ordinis juxta reformationem uniformiter introduci; sed etiam abrogari omnia, quæ contra votum sanctæ paupertatis pugnare videntur, vestes scilicet pretiosiores, annulos aureos, vela serica, & quicquid est vel invenitur simile.

7^{mo}. Idem etiam quoad conformitatem habitus observari jubemus in Conventibus Augustinianarum, eo salvo, ut dum ad laborem deputatæ exeunt, vestibus coloris grisei, nigri aut stannei uti possint. Cæteroquin in admissione, Conventu & Choro, vel quando alias cum licentia in scriptis obtenta prodeunt juxta Ordinis præscriptum & Regulam indifferenter omnes vestiantur veste lanea coloris albi, aliis, quæ in Constitutione Prædecessoris nostri JOANNIS, Bavarix Ducis, circa dictas Augustinianas continentur, in suo robore permanentibus usque ad ulteriorem dispositionem.

Insuper, quæ in superioribus Titulis de Religiosorum Concionatoribus & Confessariis disposita sunt, hic repetita & innovata decernimus.

Cæterum Processus & Mandata quoscunque & quæcunque autoritate Episcoporum Monaster. felicium recordationum, ac nostra voluntate & assensu emissos & emissæ, & pluries a sacra Synodo Generali in dicta nostra Ecclesia Monasteriensi celebrata in præsentia Prælatorum & aliorum Clericorum Civitatis & Diocesis Monasteriensis tunc ibidem congregatorum executos & executæ, una cum Statutis tam Provincialibus, quam Synodalibus in omni eorum forma, præsentibus innovamus, ipsosque & ipsa vobis universis & singulis supradictis insinuamus, intimamus & notificamus, ac eos & ea

cum & sub pœnis & censuris in iisdem contentis, & expressis firmiter & inviolabiliter observari præcipimus & mandamus, nisi in quantum ipsis per S. Concilium Trid. & novissimas Constitutiones Synodales, aut aliter est derogatum, salvis tamen in omnibus Statutis, Ordinationibus, consuetudinibus, privilegiis, & prærogativis Ecclesiæ nostræ Cathedralis, & Beneficiatorum in eadem, quibus in nullo derogatum esse volumus.

In quorum omnium & singulorum fidem ac testimonium Decreta hæc

Synodalia auctoritate nostra cum consilio & assensu Venerabilis Capituli nostri Cathedralis, modo prælecta, manu nostra subscripsimus, & Sigillo nostro fecimus communiri. Data in Episcopali Civitate nostra Monasteriensis anno Domini Millesimo, sexcentesimo, quinquagesimo quinto, die undecima mensis Octobris.

Christophorus Bernardus mpp.

(L.S.)

† *Sequuntur Epistolæ aliquot Pastorales, Synodorum loco jussu Revmi & Illmi Principis ac Domini, D. CHRISTOPHORI BERNARDI, Monast. Episcopi, in Domo Capitulari lectæ, & ex Revmi Capituli Monasteriensis Tabulario communicatæ.*

EPISTOLA I. Pastoralis,

DATA

Anno Christi MDCLVI.

CHRISTOPHORUS BERNARDUS, DEI ET APOSTOLICÆ SEDIS
GRATIA MONASTERIENSIS EPISCOPUS, S. R. I. PRINCEPS &c. &c.

SPonsus Ecclesiæ CHRISTUS JESUS, Sponsam suam ad agros invitans, videamus, inquit, si floruerint vineæ, si germinarint mala punica, si flores fructus parituriunt: Quod Nobis, qui Divina miseratione inter plurimos alios Rectores in vineis, hoc est, Episcopi in Ecclesia, tam excolendis palmitibus, quam vulpeculis, quæ vineam demoliuntur, capiendis, cum onere summo & obligatione gravissima constituti sumus, primario & singulariter dictum agnoscimus, rati nihil eorum esse negligendum, per quod obtineri possit, ut in hac vinea nostra Monasteriensis pro voto & zelo Sponsi, tam in floribus piorum desiderio, quam operum fructu, pro status & vocationis ratione ab omnibus, & ubique, quantum patitur humana fragilitas, debite respondeatur.

Proinde sicut utiliter & fructuose in hunc finem per hanc nostram Dicecesin Visitationes Episcopales hucusque per Nos duximus continuandas, idque fere gravissimis obruti negotiorum arduorum impedimentis; sic etiam hac ipsa die Synodum Episcopalem uniuerso Clero solenniter convocato & congregato, DEI gloriam, animarum salutem, Cleri honorem, patriæ bonum præ oculis & in corde habentes, celebrandam & concludendam constitueramus, visuri & audituri, num post tam multarum

Synodorum Decreta, exhortationes, visitationes tum nostras, tum Archi-Diagonales ceu flores, vinea a DEO Nobis concredita uvas, an vero labruscas parturiret & proferret, nisi præter alias causas animum nostrum moventes, pestilentis morbi contagio Civitatem hanc nostram Monasteriensem jam pridem occupans, & occupatam adhuc premens, & terrens intentionem & consilia non sine dolore nostro & vestro invertisset.

Ne tamen Episcopali nostro officio, & vestro, qui convenistis, desiderio, in hac temporum calamitate & dolendæ infectionis miseria positi, omnino defuisse videamur, innovantes & denuo confirmantes omnia & singula, quæ specialibus Edictis, vel in superioribus Synodis, præsertim vero ultima Synodo majori prælecta, publicata, ordinata & demandata sunt, cum hoc & per præsentem denuo publicamus, ordinamus & demandamus cum eo robore & obligatione, quam habent, aut habere possent, & deberent, si de verbo ad verbum præsentibus essent insertæ, & de verbo ad verbum prælegerentur & publicarentur.

Insuper quia Ordinationes Serenissimi & Rmi Principis Electoris FERDINANDI Episc. Monast. glor. memoriæ Prædecessoris nostri, anno Millesimo, sexcentesimo, decimo sexto, die nona Septembris, de consilio & præscitu Adm. Rdi Capituli nostri

Ca.

Cathedr. editæ, in Synodo majore Autum-
nali anni superioris publicatæ & confirmatæ
sunt, in quantum Constitutionibus nostris
novissimis iisdem non est derogatum, sic
ne ignorantia earum prætendi possit, volui-
mus & clementissime demandavimus eas,

quæ Parochos, & curam animarum, & Sa-
cramentorum administrationem concernunt,
per Fiscalem nostrum Ecclesiasticum ex im-
presso exemplari publice recitari. Sunt au-
tem tenoris subsequenti: *Ante omnia, &c.*
Acta in Domo Capitulari 1656.

EPISTOLA II. Pastoralis,

DATA

Anno Christi MDCLVII.

CHRISTOPHORUS BERNARDUS, DEI GRATIA ECCLESIAE
MONASTERIENSIS ELECTUS ET CONFIRMATUS EPISCOPUS, S. R. IMP.
PRINCEPS, &c. &c. VENERABILIBUS, SINCERE NOBIS DILECTIS
CURATIS, CONCIONATORIBUS ET CONFESSARIIS, SALU-
TEM IN DOMINO SEMPITERNAM.

Congruum est vocationi vestræ sanctæ,
ut quos Deus ad promovendam anima-
rum salutem Nobis in partem operis adjun-
xit, in hoc sedulo incumbatis, ut & zelus
in concionibus ad populum habendis con-
tra ea vitia se vel maxime exerat, quæ rupto
quasi aggere, in modum torrentis præfer-
tim inter simpliciore populum ita invalue-
runt, ut vix pro tam gravibus delictis
habeantur, quam alias in se malitia in illis
contenta ex ratione objecti, quod læditur,
importat: quod singulariter in blasphemiiis,
execrationibus, juramentis, aliisque, quæ
ad hoc genus peccatorum reducuntur, ani-
madvertere licet. Et quidem quo eviden-
tius constat ex verbo Dei; hujusmodi pec-
catis Deum gravissime offendi, offensumque
neglectum sui honoris, plagarum & malo-
rum accumulatione vindicare, tanto magis
mirandum esset, inter ipsos etiam Catholicos
minorem horum peccatorum rationem &
considerationem haberi, quam apud illos,
qui quidem a Fidei orthodoxæ veritate ab-
errantes, de vitandis hujusmodi scandalis
in quotidiana conversatione magis cauti sunt
& solliciti, nisi Pastorum & Concionatorum
negligentia, vel etiam dissoluta jurandi li-
bertas in iisdem nota, exemplo malo malum
foveret, & promoveret negotium.

Hortamur itaque omnes in Domino,
& serio mandamus, ut in Concionibus, Con-
fessionibus, Lectionibus catecheticis, alias-
que opportune & importune hæc vitia ex-
tirpare, & consuetudinem tam pravam a
parentibus subinde, quasi cum lacte in filios
derivatam, tollere & emendare satagant,
propositis non solum pœnis æternis & tem-
poralibus a Deo intentatis, sed etiam com-

monitione severissimæ animadversionis,
quam a Nobis & Archi-Diaconis serio &
certo habent expectare, uti patebit ex Edi-
cto, quod eum in finem typis impressum
publicabitur.

Illud quoque serio considerandum pu-
tamus Pastoribus & Concionatoribus, quo-
modo tum in Civitatibus, tum pagis con-
temptus, vel certe vilipendium præceptorum
S. Matris Ecclesiæ invalescat, cum tamen
ea sint Religionis Catholicæ pulchra sym-
bola, notasque præbeant, & indicia interio-
ris pietatis & filialis obedientiæ, quibus ad
ædificationem & bonis collucere, & malis
præluere oportet. Videre id licet in vio-
lationibus tam Festorum, quæ extra diem
Dominicum incidunt, quam abstinentiæ &
jejuniorum, quæ in Quadragesima, Vigiliis,
& quatuor temporibus, & per certos heb-
domadæ dies autoritate Ecclesiastica a Deo
accepta, etiam sub pœna anathematis in
Concilio Gangrensi (*) Can. 19. præcipiuntur.
Et certe hæc res Pastorum uti timendum est,
sordida eo deducta est, ut abstinentia Sab-
bati ob memoriam Christi sepulti & Beatif-
simæ Virginis MARIE constituta, conjuranti-
bus quasi sæcularium plurimorum animis &
auribus ad vocem præcipientis Ecclesiæ ob-
surdescuntibus, absque conscientiaë remorsu
cessare velle videatur. Assurgite Pastores
& Concionatores, ascendite in montem
Sion, annuntiate populo peccata eorum, &
inculcate auctoritatem Ecclesiæ, obligatio-
nem fidelium, nisi vano nomine filiorum
obedientiæ gloriari velint; infonet epiphona
illud: Qui non audierit Ecclesiam, sit
tibi sicut Ethnicus & Publicanus. Audiant
illud S. Bernardi: Non causaberis vigiliam
N n n n n 3 longio.

(*) Vide de hoc Concilio *Dictionnaire Portatif des Conciles*, Edit. Paris. 1758. & Chri-
stian. Willh. Franc. Walchii *Ideam completa Hist. CC. Eccles.* Lips. Edit. 1759. &c.

longiorem, si æternitatem festivitatis celestis attendens Væ, & æternum væ illis, qui pro lentis & carnis edulio primogenita vendunt diabolo &c. Cavere Pastores, ne licentia, quæ vobis five ex Decretis Synodalibus, five Superiorum permisso conceditur in dispensando, abutamini. Nunquam, nisi in casu summæ necessitatis dispensatio detur generalis, sed cum causæ & circumstantiarum cognitione singularis sit, & pro ista vice tantum, quid enim alias timendum, nisi quod vulgo dicitur, ut & dispensans & dispensatus cum licentia infernum intrent?

Quod minus frequenter & fructuose Lectione Catechetica & instructio juventutis habeatur, id non tam populo, quam Pastoribus imputandum putamus, idque ea ratione, quod ex nostra Visitatione Episcopali deprehensum sit illis in locis & Parochiis, ubi Pastores zelosi & docti sunt, nullam five in Catechismo docendo, five frequentando difficultatem & querelas deponi, nec opus esse aut necessarium injunctis pœnis & multis simpliciorum populum convocari aut cogi, quin potius videre liceat cum gaudio, statuti pro tali doctore horis non minus repleti Ecclesias a promiscuæ ætatis hominibus, quam tempore antemeridiano ad Sacrosanctum Missæ Sacrificium & Conciones Parochiales. Agite ergo Pastores, quod agitis, tractatis animas, & curatis eas, quarum pretium non exæquat mundus universus, solo Christi Sanguine æstimandas. Æqualis periculi negotium est, si negligentia & culpa vestra vel damnatur plena utens ratione, vel non debite tenera instruitur & ad bonum educatur juvenus, fere deinceps ambulatoria juxta eas vias, quas ducente Parocho feliciter, vel eodem negligenter, cæco naturæ ductu est ingressa.

Demum proderit ad promovendam in simpliciorum animis devotionem, & obtinendam frequentationem Sanctissimorum Sacramentorum, si in singulis Parochiis singularim, & in vicinioribus conjunctim, five Civitatibus, five oppidis aut pagis præ Fra-

ternitates instituuntur & erigantur, five in honorem S. Crucis, five B. MARIE Virginis vel aliorum Sanctorum, & quidem iis in locis, ubi vestigia antiquarum Fraternitatum deprehendere licet, restituantur in honorem & florem pristinum earum usus, ubi vero nullæ hætenus extiterunt, vel aggregentur vicinioribus, quæ vel in Civitatibus, vel locis celebrioribus, vel etiam apud Religiosos observantur, idque five propter Indulgentias, five propter Fraternitatem, & Sodalitatum directionem.

Docet insuper experientia, & insinuans Archi-Diaconorum querelæ, quod nondum cesset excursus simpliciorum ad Ariolos & homines de vitæ integritate & artibus prohibitis suspectos. Et quamvis Nos pro iusto zelo eosdem ditione & Diecepsi nostra jam pridem Edicto publico præscripserimus, & realiter & cum effectu eliminari demandaverimus; manet tamen & adhuc perdurat excursus five ad eos, qui adhuc forte latent, vel in viciniis commorantur, quod quidem præcaveri & impediti posse confidimus, si pro concione & in confessionibus populus de tanti peccati enormitate melius informaretur, simulque instrueretur frustra, irato vel permittente Deo, auxilium peti a Beelzebuth in Accaron, cum sit Deus in Israël.

Hæc sunt, quæ pro Episcopalis muneris nostri exigentia vobis duximus intimanda: in quibus sicut de humillima paritione vestra non dubitamus; sic ad majorem Dei gratiam obtinendam paternam Benedictionem nostram vobis libenter impertimur. In quorum fidem præsentis manu nostra subscriptas, sigillo nostro jussimus communiri. Datum in Civitate nostra Cosfeldiensi anno Millesimo, sexcentesimo, quinquagesimo septimo, die decima mensis Martii.

Christophorus Bernardus mpp.

(L. S.)

*Acta in Domo Capitulari
13tia Martii 1657.*

EPISTOLA III. Pastoralis,

DATA

Anno Christi MDCLVIII.

CHRISTOPHORUS BERNARDUS, DEI ET APOSTOLICÆ SEDIS
GRATIA SANCTÆ MONASTERIENSIS ECCLESIE EPISCOPUS,
S. R. I. PRINCEPS &c. &c.

Inter omnia Episcopalis & Principalis no-

curam & cogitationem nostram primario & unice dirigendam esse agnoscimus, ut grex Domi-

Dominicus a DEO Nobis commissus ab illicitis vitiis & concupiscentiis abstinens, & præsentis temporis pace ac prosperitate in utroque homine constanter gaudeat, & periculis mortalis vitæ ereptus, pascuis supernæ Jerusalem abundantius in ævum perfruatur.

Et quamquam non ignoremus Divinæ Majestati, cui odio est impius & impietas ejus, omne omnino peccatum displicere, attamen sicut propter leviora amicitiam cum hominibus virtute Sacramentorum, aut alias contractam (quæ magna est ejusdem fragilitatem figmenti a se conditi agnoscentis bonitas) non deponit; sic ad ea emendanda & extirpanda delicta mentis aciem intendere necesse est, propter quorum inundationem implera criminum mensura ad iracundiam justam provocatus benignissimus Pater populos, nationes & terras, bellorum, famis, pestilentiar, aliisque calamitatibus plectere & affigere consuevit, prout non solum ad hoc testimoniis sacræ Scripturæ sufficienter instrumur; sed etiam gravissimis ac luctuosis nostrorum temporum exemplis commovemur. Inter quæ non ultimo loco collocanda duximus Divini cultus neglectum, blasphemiarum crimen, execrationes, imprecationes, & passim ea, quæ prohibitione secundi Præcepti in Decalogo comprehenduntur, prout & supinam sive Pastorum, sive parentum in informanda ad pietatem & Dei & Fidei cognitionem teneriori juventute socordiam.

Eti autem in Synodo majore, & aliis successive habitis Synodalibus Congregationibus contra eos, qui in supra dictis culpabilibus deprehenderentur, seria & severa Edicta ex hoc loco promulgata, aut a Prædecessoribus nostris ad Ss. Canonum & Conciliorum conformitatem edita auctoritate nostrâ confirmata sint, quia tamen non æque apud omnes ea intelligimus observari, multos etiam nec Dei timore, nec poenarum gravitate a peccandi voluntate & transgressionis reatu arceri dolenter videmus, Summorum Pontificum, Conciliorum Canonum, & Prædecessorum Decretis, nostris etiam Constitutionibus Synodalibus inhærentes, de consilio & assensu Adm. Rdi Capituli Cathedralis per præsentis Edicti tenorem iteranda & denuo publicanda duximus.

Imprimis ad promovendam eam, quæ Deo dicatis Templis debetur, reverentiam, & ibidem exercenda externæ observantiæ officia ritu vere Catholico decentius obeunda statuimus & mandamus, ut ad Ecclesias sit humilis & devotus ingressus, quæta conversatio, devota oratio, omnes genibus flexis Ss. Sacramentum adorent, ad Nomen JESU CHRISTI Domini nostri cum exhi-

bitione reverentiæ caput inclinent, nullus in dictis Ecclesiis tumultum faciat, clamores excitet, aut propter locum aut jus sedilis impetum aut violentiam committat, absint vana & scæda colloquia, deambulationes, actus inhonesti, vel quovis modo sapierint inhonestatem, & quicquid scandalum generare Ss. Sacramento, vel Templo irreverentiam ingerere, vel Officia Divina & Concioniones perturbare posse judicatur.

Quisquis contra hæc quovis modo deliquerit, præter Divinæ ultionis acrimoniam, multam pro delicti & personæ qualitate imponendam & moderandam incurrit.

Ad cultum Divinum pertinet dierum Festorum observatio Lege Divina & Ecclesiastica multiplici fidelium emolumento instituta, unde par est eodem prout & Festivitates ex laudabili locorum consuetudine introductas, legitime ab omnibus observari, abusus vero, qui contra hanc piam ac debitam observantiam Superiorum aut Pastorum negligentia, vel etiam temporum & hominum malitia irrepsērunt, & fere palam & impune tolerantur, tolli & abrogari serio præcipimus ac mandamus, ut sunt cauponum quæstus, mercatus & negotiationes profanæ, quæ vel in dies Festos, vel Sanctorum aut Patronorum solennitates [unde antiquitus apud Catholicos nomen Missæ obtinuerunt] incidunt, & sub Officiis Divinis, sine timore Dei & magno cum præceptorum Ecclesiæ neglectu, adeoque & conscientiarum reatu tractantur.

Hinc est, quod severitatem Canonum & Constitutionum Synodaliū Decreta denuo promulgantes & confirmantes, contra abusus ejusmodi procedendum declaramus, simulque volumus & mandamus, ut, quod jam variis in locis introductum est, & sine temporalis dispendii metu & nota observatur, idem in Dicecesi & territoriis Nobis subiectis ubique introducat & fiat; scilicet ut si dies Missæ aut mercatus in diem Dominicum aut Festivum incidat, profana ista solennitas in diem feriale proximam transferatur, & sic deinceps Calendariis per Typographum nostrum imprimatur & annotetur, quod etiam speciali Rescripto mandabimus publicari.

Ad abolendum vero nefarium & execrabile blasphemiarum crimen, quod in antiqua lege Deus morte puniri mandat, quod etiam Imperialium Comitiorum jure receptum est, nunc autem propter eorum, quorum officii ratione interest, puniendi segnitiam, vel potius damnabilem defuetudinem, & mundi in maligno positi præsumptam dissolutionem, supra modum apud multos, præsertim simpliciores, invaluit, ad tollendam

etiam

etiam scandalosam, & veræ Catholicæ Fidei apud heterodoxos probrosam, jurandi, execrandi & imprecandi, & Sacrosanctis Christi Domini nostri Vulneribus, Sanguine, Sacramentis &c. ad jocum fere & sine reflexione abutendi consuetudinem, mandamus tum Pastoribus, ut enormitatem horum criminum populo tum ex textu sacrarum Scripturarum, tum Canonum & Conciliorum censuris diligenter infillant, tum iis, ad quos hoc pertinet, ut non tantum pœnis impositis, sed per successivas vices duplicatis & cumulatis pessimam hanc & detestabilem blasphemandi, jurandi, & in vanum Nomen Domini assumendi consuetudinem radicitus extirpent, & extirpari faciant sub contestatione Divini iudicii realiter & cum effectu, sin secus, reddituri Deo & Nobis debitam rationem.

Sane is fuit LEONIS X. Pont. in Conc. Lateranensi in hunc finem zelus & affectus, ut Magistratibus & cuivis privato certorum dierum Indulgentias concesserit, qui vel blasphemantes puniret, vel Superiorem competenti denunciaret, assignata eidem ex imponenda multa portione.

Quod attinet tenerioris juventutis & simplicis plebeculæ instructionem, quam in lectionibus Catecheticis promovendam & obtinendam decrevimus, renovantes omnia & singula desuper publicata & insinuata, hoc addendum duximus, ut neque in Visitationibus ordinariis, vel etiam Synodis Archidiaconalibus ea Pastorum excusatio admittatur, qua negligentiam suam per hyemis asperitatem, aëris inclementiam, viæ distantiam, famulantium incommoda, comparentium raritatem palliare & purgare nituntur, cum apud Ecclesias Parochiales in Civitatibus, oppidis & pagis sufficiens instruendorum numerus facile congregari possit, a quibus zeli Pastoralis effectum, & suscepti laboris & operis fructum gloriosum possint expectare, cum etiam apud omnes de Fide sit receptum unius animæ Christi Sanguine pretioso redemptæ, ac Pastoris diligentia conservatæ omnium omniū laborum, qui ab hominibus universis suscipi possunt, fructum esse abundantissimum. Unde contra eos ad pœnas Synodalibus Decretis impositas, vel arbitrio Superiorum cum discretione imponendas, procedi posse ac debere decernimus, iterato vobis, quorum interest, vel quibus id muneris & oneris ex officio incumbit, insinuantes, quæ in hoc puncto tum circa energumenos, tum puerorum & simpliciorum informationem in Synodo ul-

tima, Episcopali autoritate & paterna sollicitudine duximus præscribenda, obedientiam debitam a vobis, uti par est, expectantes, sunt autem tenoris subsequents: "Formula, sive methodus celebrandarum Synodorum autoritate nostra jam sæpius ex hoc loco publicatus, sicut ab Archidiaconis Ecclesiæ nostræ Cathedralis, aut eorum Commissariis laudabiliter in designatis sedibus aut regionibus ut plurimum observatur, sic ab Archidiaconis Cleri secundarii, plerisque fere in locis non sine labe contemptus & vilipendii negligitur. Cui malo occurrere volentes, statuimus pœnam quatuor florenorum aureorum tam ab ipsius Archidiaconis utriusque Cleri, aut eorum Commissariis, quam singulorum Ecclesiarum Pastoribus incurrendam, qui deinceps in hoc passu formulam a Nobis præscriptam ausus fuerit contumaciter aut præfidenter præterire, vel profanam illam hucusque non sine scandalo & status Ecclesiastici opprobrio servatam methodum præsumperit continuare."

De cætero omnia superioribus Synodis per Prædecessores nostros, & nostra antehac publicata & insinuata, per præsentium tenorem, tanquam si ea de verbo ad verbum hic infererentur, renovantes & confirmantes, vos omnes & singulos in sancta hac Synodo congregatos in Domino hortamur, ut exemplum gregis vobis commissi facti, ex animo inter Sæcularium conversationem sicut luminaria vitæ & actionum luce fulgere studeatis, Dei timorem ob oculos semper habentes, æternitatis memoriam nunquam deposituri. Quem in finem Benedictionem nostram Episcopalem vobis libenter impertimur. Data in Civitate nostra Cosfeldiensi anno a partu Virginis 1658. die 10. Octobris.

Christophorus Bernardus
mpp.

(L.S.)

Quia festum Annunciationis incidit in Feriam 3tiam post Dominicam Latere, sic Synodus Episcopalis celebrabitur in Quadragesima anni sequentis. Feria 5ta post eandem Dominicam Latere.

SYNO-

SYNODUS MONASTERIENSIS DIOECESANA,

Anno Christi MDCLIX. Alexandri VII. Papæ V.
Leopoldi Imp. I.

Sub eodem CHRISTOPHORO BERNARDO a GALEN,
Monaster. Episcopo,

CELEBRATA

FERIA V. POST DOMINICAM LÆTARE.

CHRISTOPHORUS BERNARDUS, DEI GRATIA ECCLE-
siae Monasteriensis electus & confirmatus Episcopus, S. R. I. Princeps, Burggravius in Strom-
berg, Dominus in Borckelobe &c. Universis & singulis Cathedralis nostræ Ecclesiæ, Mo-
nasteriorum & Collegatarum, Parochialiumque Prælati, Abbatibus, Præpositis,
Prioribus, Decanis, Canonicis, Rectoribus, Curatis & non Curatis, aliisque
Personis Ecclesiasticis, Civitatibus & Diæcesis nostræ Monasteriensis,
Salutem in Domino sempiternam.

Considerantes sollicitudinem nostram, quam
pro Officii nostri Episcopalis ratione, in-
serendis virtutibus, extirpandis vitis, ac Cleri
nostri torpore excitando bucusque libenter im-
pendimus, non possumus non dolere, dum ea,
quæ affectu Paterno & zelo Episcopali à Nobis
salubriter constituta, & ex hoc loco sæpius
Canonum & penarum vigore expressè adjuncto,
publicata sunt, a multis tamen minus obe-
dienter, & debite cernimus observari. An
experimentum queritur ejus, qui in Nobis
loquitur Christus? Laudamus sane illos de
Clero nostro, qui dicto ac facto parentes ad
assequendas optimas intentiones nostras, &
ad servandas salutis ovium nostrarum commo-
das præceptiones studia sua, labores & vitæ
exempla conferunt. Contra alios vero, in qui-
bus prævaricationis aut negligentia per an-
nos complures continuata culpa patet, etsi di-
strictiori severitate procedendum judicaretur,
tamen memores illius, quod Regius Psalmista
insinuat, nonnullos ita aut a natura formatos,
aut benigno gratiæ celestis instinctu disposi-
tos, ut superveniente mansuetudine corripian-
tur, quos alias nec meritum charitatis, nec
justitiæ vindicantis terror continebat in officio,
de morigeris clementissime confisi, & meliora
de aliis sperantes, ea, quæ superioribus, præ-
sertim vero posterioribus Synodis insinuata &
publicata sunt, ex assensu Rdi nostri Capituli
Cathedralis denuo in hac Synodo sub ea

dem formula & cautione, obligatione & com-
minatione paucis hisce, quæ sequuntur, tamen
adjectis, serio innovanda, insinuanda ac publi-
canda duximus, sunt autem tenoris subse-
quentis.

Relationes Archi-Diaconorum.

IN Relationibus suis expresse præ-
ter cætera antehac præscripta atten-
tentur, an servetur diebus Dominicis
Lectio Catechetica, arque ut negligenti-
a Curatorum non noceat simpliciori-
bus de familia, sive ii pueri sint &
puellæ, sive famuli & famulæ, Pastor
toties quoties intermiserit, ab Archi-
Diaconis discrete puniatur, & pro cul-
pæ qualitate, præsertim si contumaciam
intervenireprehenderint, contra
eosdem etiam ad suspensionem & pri-
vationem procedatur. Parochiani, qui
semel ad minus singulis mensibus suos
ad Catechismum non miserint, dent
unam libram ceræ, & quidem, nisi
commodius fieri posse videbitur, ha-
beat Lectio Catechetica, vel ante
summum Sacrum, vel, ubi duo Sacra
leguntur, inter primum & secundum.

Archi-Diaconi in singulis Synodis
per se, vel suos Commissarios aut Pro-
motores visitabunt Scholas, ubi eæ
sunt, & diligenter attendent, quinam

O o o o o

libri

libri a Magistris tolerentur, & quam novi Testamenti germanicam editionem Catholicam & approbatam non prohibeamus, volumus tamen, ut simul adhibeatur Catechismus parvus Canisii, & Lektionen quotidianæ & cum publica oratione inchoentur & fiantur.

Ubi Scholæ non sunt, cum Officiis nostris, & Dominis Proprietariis ineatur ratio, quomodo erigi aut dotari possint, præsertim, si quod enixe optamus, Sacerdotes se offerant ad onus instruendæ juventutis.

Inquirent sedulo, an in gradibus prohibitis Matrimonia contracta sint, & quidem si desuper vel autoritate Apostolica, vel Episcopali ordinaria, quantum scilicet de jure permittitur, non fuerit dispensatum, non tantum monendi sunt de periculo & reatu conscientiæ, cum per illicitam cohabitationem in statu peccati mortalis perderent, sed etiam si publicum sit & scandalosum hoc impedimentum, tamdiu separandi sunt, usque dum de obtenta legitima dispensatione, docuerint, dispensatione Archi-Diaconali in hoc casu nec attenda, & in se penitus invalida.

Archi-Diaconi deinceps neminem ad Beneficii simplicis sive Vicariæ investituram admittent, nisi is fundationem suæ Vicariæ in originali vel authentica copia exhibuerit, ex cujus attenta inspectione colligere licebit, an juxta tenorem fundationis præsentatus, vel actu Presbyter sit, vel infra annum ad Presbyteratum promoveri possit, qua conditione, ex mente Fundatorum requisita, deficiente rejiciantur. Idem observari mandamus cum illis, qui ad curam animarum, ad assistendum Pastoribus pro Parochiæ amplitudine vel occurrente necessitate obligantur. Illos enim non solum infra anni tempus ad Presbyterium, sed etiam pro examine ad Curam qualificados esse volumus, nisi causæ sufficientes coram Nobis, aut Vicario nostro allegentur, quare cum illis tuto possit ad tempus dispensari, utroque onere Sacrorum scilicet & curæ apud Substitutum designandum permanente.

Curabitur similiter ab iisdem Ar-

chi-Diaconis, ut intelligant, ac desuper referre possint, an simpliciores & rustici in Parochiis, antequam ad contrahendum & solemnizandum Matrimonium in facie Ecclesiæ admittantur, prius a Pastoribus vel Cooperatoribus examinati sint de iis rebus, quæ ad salutem sunt scitu necessariæ, si tamen, ut etiam antehac in Synodis publicatum est, satis de subditorum informatione aut scientia constet, examen omitti poterit, super quo conscientias Archi-Diaconorum & Pastorum oneramus.

Circa investituras eorum, qui ab A catholicis præsentationem ad curata Beneficia obtinere præsumunt, volumus, & ex gravissimis causis animum nostrum moventibus ordinamus, ut deinceps omnes & singuli, qui tales præsentationes duxerint obtinendas, prius examini pro cura animarum se fiant, in quo si admissi non fuerint, & de sua admissione coram Archi-Diacono non docuerint, nec investituram, nec jurisdictionem deinceps a Nobis, aut Vicario nostro obtinebunt. Et nisi cum tali conditione alius præsentatus fuerit intra fatalia, jus erit devolutioni.

De non Residentibus.

Decretum de non Residentibus auctoritate nostra sæpius publicatum, nec tamen cum effectu & realiter introductum innovamus, & cum clausula devolutionis tam contra non Residentes, quam Patronos quoscunque publicamus præ præsentibus, illud insuper addentes.

Primo. Quia ex actis Visitationis satis evidenter constat quarundam Vicariarum incorporationem, Pastoratibus, Scholis, Organo, aut aliis forsitan usibus factam præterdi, nec tamen de interventu autoritatis Episcopalis & Ordinariæ hucusque doctum esse, sic erit Archi-Diaconorum debitam de singulis informationem exigere, & communicatione cum nostro Vicario prævia statuere, an & quantum præteritis ejusmodi incorporationibus deinceps, citra læsionem conscientiæ, cultus Divini detrimentum, & Fundatoris præjudicium deferri possit.

Pasto-

Pastores absentium Vicariorum defervitiones & onera in se non recipient, sed nisi evidens necessitas, aut reddituum Pastoralium tenuitas extrema aliud exigat, id fiat per Sacerdotem substitutum, idque sine ulla limitatione aut prætextu observari volumus; vel maxime in illis locis, ubi cum licentia & causæ cognitione super residentia cum duobus vel tribus ejusdem Ecclesiæ Vicariis autoritate nostra dispensatum est. Et hac quidem in re ea cautio adhibenda est, ut Substitutus talis ad cooperandum suo Pastori in loco possit obligari.

Ubi Parochiæ sunt ampliores, & redditus competentes, contringantur Pastores ad alendum & habendum ex propriis mediis Sacellorum, quod eos non difficulter admissuros confidimus, si serio cogitaverint, quanto majoris meriti sit apud Deum & in omnem æternitatem bene & cum aliquo rei temporalis dispendio curasse animas, quam sit apud sæculares hæredes partim ingratos, forte etiam jure prohibitos, patrimonium Christi, eleemosynas Ecclesiæ & fidelium oblationes periculose deposuisse, uberiora etiam Nobis pro re nata & circumstantiarum consideratione in hoc puncto referantes.

Circa Missam solennem in Parochiis, præsertim ruralibus, debite & devote audiendam, præter ea, quæ antehac & in Synodo majori, aliisque subsequenter ordinata sunt, & diversis Rescriptis ad tollendos computationum, commerciorum & obstaculorum abusus serio & severe demandata sunt, quæ etiam districtissime jubemus observari, duo duximus per præsentem adjungenda. Unum, ut certa hora tam pro tempore hyemali, quam æstivo deputetur, octava scilicet pro æstivo, nona pro hyemali, qua ad audiendam Missam commode & mature præcepto Ecclesiæ satisfacturi convenient, majorque sit Pastorum & Curatorum in hac re sollicitudo, ne aut conniventia aut negligentia populus rudis ad barbariem vel atheismum tandem dilabatur. Alterum, ut ubi plures Vicariæ sunt fundatæ, licet ad Sacra per hebdomadam extra dies Dominicos & Fe-

Tomus IX. Concilior. German.

stivos celebranda, tantum obligentur, ibi licitum sit Pastoribus autoritate nostra & de assensu Archi-Diaconi Missam unam aut alteram pro amplitudine Parochiæ in dies Festivos transferre, ita ut, ubi duæ Missæ haberi possunt, una mane celebretur, ubi tres, tertia post concionem, decantato Evangelio & Symbolo semper habendam, legatur.

Multi etiam sunt in oppidis minoribus & pagis, qui nec literas novērunt, multo minus legere: ut tamen ipsis & oratio sit faciliior & fructuosior, minus vaga & distracta, incitandi imo cogendi sunt ad usum Rosarii B. MARIE Virginis non tantum in Ecclesia sub Divinis, ad quæ præcepto Ecclesiæ tenentur, sed etiam in privatis prædiis & domibus recitandum, præsertim ab iis, qui justis impedimentis, ne statutis diebus ad Officia Divina conveniant, ad domus custodiam aut alias excusati detinentur.

Hortamur in Domino & serio præcipimus Pastoribus & Confessariis, ut memores & suæ obligationis, & infirmitati & verecundiæ subditorum consulentes, siquidem ipsi surdastris sint, procurent sibi Sacellanos aut approbatos Sacerdotes, quorum opera, vel in confluxu populi circa Festa in audientis confessionibus, præsertim etiam infirmorum utantur, alioquin assignentur ipsis ab Archi-Diacono cum consilio nostri in Spiritualibus Vicarii, & de hoc specialis fiat inter cætera relatio, ubi talis necessitas, Deo permitte, deprehenditur.

Meminerint Pastores & Confessarii, ne falcem in alienam messem mittentes, subditos aliarum Parochiarum, licet ipsi ad faciendam confessionem sponte sua se offerant, audire & absolvere præsumant, cum ob defectum jurisdictionis confessiones tales invalidæ sint & nullæ, imo & ipsa absolutio sacrilega, nisi tamen ipsi vel generalem habeant licentiam & approbationem, vel potestatem a propriis confitentium Parochis.

Atque ut populum ad Sacramentorum frequentationem & Missæ auditionem efficacius alliciant, sæpius ipsi-

O o o o o 2 met

met per septimanam celebrare, & signo dato suos ad hoc convocare fatagant, ne dici possit: sicut populus, sic Sacerdos.

Mandamus etiam Pastoribus & animarum Curatoribus, ne contributionibus exigendis, sublevandis, vel ex ambone post concionem habitam denunciandis occupentur, sed illud per Præcones in cœmeteriis, vel per Custodes, Officio Divino finito, peragatur. Si quid tamen aut nostro, aut Archidiaconorum, aut Rdi nostri Capituli Cathedralis, vel etiam Cleri aut Patronorum nomine promulgandum sit, servetur consuetudo; Idem fiat circa illa, quæ insinuanda sunt de mandato Consistorii Ecclesiastici, nisi utilius fieri posse videatur per Aedituos.

De cætero omnia & singula superioribus Synodis per Prædecessores nostros, & nostra antehac publicata & insinuata Decreta, per præsentium tenorem, tanquam si ea de verbo ad verbum hic infererentur, renovantes & confirmantes, vos omnes & singulos in hac Sancta Synodo congregatos in Domino hortamur, ut tum gregis vobis a Deo ac Nobis commissi exemplum facti ex animo, tum in sortem Dei per sanctæ & Ecclesiasticæ vocationis gratiam Nobiscum vocati, inter Sæcularium conversationem sicut lu-

minaria vitæ & actionum luce fulgere studeatis Dei timorem in cordibus, in moribus gravitatem, in Divinis Officiis pietatem, erga pauperes charitatem, ac demum erga vosmetipsos sanctitatem & continentiam semper servantes, Dei honorem, proximi salutem, æternitatis memoriam ex animo nunquam deposituri.

Quem in finem abeuntes quidem corpore, præsentem autem spiritu, Nos, ac dilectos nostros subditos inter temporum horum calamitates, Sacrificiis ac precibus vestris impense commendamus; Vobis vero ad æternæ beatitudinis compendia facilius assequenda Benedictionem nostram Episcopalem paterne impertimur. Datum in Civitate nostra Cosfeldensi anno Millesimo, sexcentesimo, quinquagesimo nono, die ... mensis Martii, Episcopatus nostri Monasteriensis anno nono.

Christophorus Bernardus

mpp.

(L. S.)

*Lectum in Domo Capitulari
27. Martii 1659.*

Synodus Autumnalis celebrabitur Feria 3tia post Sanctorum Gereonis & Victoris, quæ incidit in 14tam mensis Octobris currentis anni.

SYNODUS DIOECESANA NAMURCENSIS.

Eodem anno Christi MDCLIX.

NAMURCI HABITA.

DECRETA & STATUTA

*Synodi Diœcesanæ Namurcensis, die quarta Maji anno MDCLIX.
in Ecclesia Cathedrali Sancti Albani tractari inchoatæ, & die sexta ejusdem mensis
& anni a meridie absolutæ:*

PRÆSIDENTE IN EA PER-ILLUSTRI AC REVMO IN CHRISTO PATRE AC DOMINO,
D. JOANNE A WACHTENDONCK, (*)
EPISCOPO NAMURCENSI VII.

JOANNES, DEI ET APOSTOLICÆ SEDIS GRATIA EPISCOPUS
Namurcensis, Universo Clero & Populo Civitatis & Diœcesis nostræ
Salutem in Domino.

Cum Episcopale nostrum munus exposulet, correctionem, & meliorem collapsæ disciplinæ
ut quæ pro temporum ratione ad morum restitutionem faciunt, a Nobis matura delibe-
ratione

ratione prævia per modum Statutorum Diæcesanorum ordinentur, & ordinata debite executioni mandentur: Nos, consilio probabito cum Capitulo nostro Cathedrali, decernimus per præsentem Synodo Diæcesana celebrande Dominicam post festum Inventionis S. Crucis, qua erit quarta Maji, anni præsentis. Quare dictum Capitulum nostrum Cathedrali, Admodum RR. DD. Abbates, Abbatissas, Præpositos, Capitula Ecclesiarum Collegiarum, Archi-Presbyteros rurales, Priores, Priorissas, ceterosque omnes, qui de jure vel consuetudine Synodo Diæcesana interesse debent, in Domino hortamur, ac nibilominus Sacri Generalis & Oecumenici Concilii Tridentini, ac nostra Episcopali respective auctoritatibus in virtute sanctæ obedientiæ, ac sub penis à jure statutis districte eis præcipimus, ut per semetipsos, aut si forte iusto detineantur impedimento, de quo fidem facere tenebuntur, per Procuratores suos legitimos ad præstatam Synodum Diæcesanam in Civitate Namurcensi, præscripta die, hora septima matutina, in Sacello nostro domestico tempore conveniant in habitu gravi, suoque Ordini ac Religioni convenienti, ut inde processionaliter eatur ad dictam Ecclesiam Cathedralen, & in ea audiantur post celebrationem Divini Officii & invocationem Spiritus Sancti, examinationis examinandis & perpenfis perpendendis, quæ circa præmissa statuenda censuimus, cum intimatione sive ad diem & horam præfixam præsentem fuerint, sive non, Nos autem ad

Synodi celebrationem & Statutorum derivationem ac publicationem processuros, absentium contumacia non obstante, decernentes nibilominus absentes uti præsentem ad observationem omnium illorum, quæ ibi publicabuntur, ex eo tempore obligatos, ipsosque, nisi legitime excusati fuerint, & eorum excusatio admissa, pro qualitate culpæ, & contumaciæ, justitia exigente, merito puniendos fore, prout eos, ne eorum exemplo & impunitate alii negligentes reddantur, auctoritatibus præmemoratis obligari & puniri volumus & mandamus per præsentem.

Ut autem hæc nostra litera ad omnium, quorum interest, notitiam perveniant, earum exempla per Secretarium nostrum subsignata, & contra Sigillo nostro munita, vobis Ecclesiæ nostræ Cathedralis, nec non Ecclesiarum Collegiarum omnium nostræ Diæcesis, item Parochiarum Gemblacensis, Geldoniensis, Hanutenensis, Boviniensis, Fleruensis, Wavriensis, & Braniæ Alodiensis affigi volumus, ac per hujusmodi affixionem eos omnes, quos concernunt, sic obligatos declaramus, ac si dictæ nostræ literæ, coram illis lectæ ac illis insinuatæ fuissent. Datum Namurci in Palatio nostro Episcopali anno 1659. die secunda Martii.

De mandato Per-Illustris ac
Reverendissimi Domini

H. DE QUERENDONCO,
Secretarius.

Ooo oo 3

DE-

(C) JOANNES A WACHTENDONCK, Vir quam clarus genere, tam virtute ac scientia illustris, Mechliniam natale solum habuit. Disciplinis ipsum humanioribus patria; Philosophicis excoluit Lovanium, ubi principem suos inter rivales locum est consecutus. In Doctorum J. U. postea relatus ordinem, & Mechliniensi ad S. Rumoldum, cujus Historiam edidit 1638. Jayenis Mechliniæ typis excusam, Collegio adscriptus, Decani primum, dein Præpositi dignitate, hac II. illa 10 per annos floruit; Summum quoque apud Belgas Senarum optimis juit consiliis, atque eum se quovis in officio Administratorem probavit, a cujus fide, industria, iustoque fervore tum sacra, tum profana Respublica fructus amplissimos decerperet. Carmen, quo gratulatus est *Matthiæ Hovio*, Mechlin. Archiep. Sacerdotii Jubilæum agenti; Orationes funebres, quas augustæ memoriæ *Alberti Pii*, Belgarum Principis, *Isabellæ Clæ Eugeniæ*, Hispan. Infantis, & *Balthasaris Caroli*, Hispan. Principis dixit; Statuta præsentis Synodi perquam egregia ac præceptis refera saluberrimis, quantus Poëta, Orator, Præful fuerit, testatum faciunt. Dies erat Decembris XIII. a. 1654., cum ad Cathedralam Namurcensem eveheretur; inde post annos 13. summa laude exactos, *Andree Crusenii* in Archi-Episcopatu Mechliniensi Successor renunciabatur, non sine singulari totius Diæcesis, tam insignem sibi Antistitem gratulantis plausu; sed qui brevi in luctum abiit: anno enim altero 1667. die XXV. Junii Joannes Bruxellis obiit septuagenario major; ac Mechlinia, quem solemini parabat pompa & honore vivum excipere, defunctum in æde Metropolitana sepelivit.

Vide Joann. Bapt. de Castillia in sacra Belgii Chronologia Part. II. pagg. 454. & 500. Item Cl. Joann. Franc. Foppens in Biblioth. Belgica Part. II. pag. 750.

DECRETUM,

*Quod nulli præjudicium fiat in ordine Sessio-
nis in hac Diœcesana Synodo, & ut nemo
recedat ante absolutionem illius, pro-
muntiatum a Reverendo Domino Archi-
diacono Ecclesiæ Cathedralis.*

*Per-Illustris ac Reverendissimus
Dnus Episcopus Namurcensis
statuit & declarat, si cui in hanc
Synodum admissio non contigerit suo
loco incedere vel sedere, aut alium
quempiam actum in eo gerere, non
ideo ulli jus acquiri aut acquisitum
esse, nihilque de hujusmodi jure aut
possessione detrabi aut accedere,
sed omnia in eodem statu permane-
re, quo ante hanc Synodum Diœce-
sanam inveniebantur.*

*Interdicit præterea omnibus &
singulis de Clero hic congregatis
discedere aut reverti, antequam di-
cta Synodus finita & absoluta sit,
sub pœnis per sacrum Conc. Trid.
& per Canones interminatis.*

(*) *Orationum, Synodo huic Namurcensi
in Editione Bruxell. Velpiana præmis-
sum, breve hic loci argumentum ex-
hibeo.*

I.

Orationem exhortatoriam quarta Maji,
quæ Synodi prima erat, habuit Per-
illustris ac Revmus D. EPISCOPUS in pub-
lico Virorum Amplissimorum confes-
su. Orsus eam est ab utilitate Conciliorum ab
Episcopis frequentandorum; tum calamita-
res temporum, acerbos continui belli fructus
exposuit, monuitque, remediis opus esse,
quibus multiplex curetur malum. Post au-

thor fuit, ut Clerus a se primam ipso atque
a Domo Dei curationem institueret; propo-
sitis in exemplum Josue & Esdra. Denique
per veram omnes penitentiam, ac Sacrificia
ad Deum, omnis boni consilii fontem, &
largitorem potentis auxilii recurrere secum
voluit.

II.

In Oratione, ab Adm. Rev. Domino
Antonio de Waitte, Abbate Molinensi ad 5.
Maji, secundam Synodi, Cathedrali in Ec-
clesia Namurci dicta, Pastorum explicabatur
munus; deinde hujus illustrabatur atque ad
ipsiusmet Divinitatis speciem quandam eve-
hebatur, muneris dignitas. Postremo me-
dia ejusdem, ut par est, administrandi, sa-
lubriaque monita adferebantur, inter quæ
illud D. Bernardi *Serm. de S. Joanne Bapt.*
pro coronide fuit: *Tantum lucere, vanum;
tantum ardere, parum: ardere & lucere simul;
hoc demum perfectum.*

III.

Adm. Rev. Dominus *Remigius du Lau-
ry*, Ss. Theol. & J. U. Licentiarus, Præposi-
tus, Vicarius Generalis, & Officialis Na-
murcensis, in sua, quam die 6. Maji & Syn-
odi 3. habuit, Oratione docta & nitida ab
æquissimis Ss. & Oecumenici Tridentini
Concilii laudibus descendit ad necessitatem,
ex ejusdem præscripto Diœcesanas Synodos
indicendi ferreis, quæ tum fluebant, tempori-
bus ac celebrandi. Postea docet, ideo ad-
esse Patres; quos bene sperare jubet, prop-
terea quod Conciliis Oecumenicis & Christi
Ecclesiæ ipse præsideat Spiritus S., Spiritus
veritatis ac fortitudinis. Quam doctrinam
gravissimis SS. PP. Augustini, Gregorii M.
& Ambrosii testimoniis confirmat. Tum
eamdem in spem erigit præfentes, veluti
universalis Ecclesiæ membra, quibus proin-
eundem ostendit tum ex mente Originis,
Augustini, & Leonis P. M., tum ex anti-
quissima Ecclesiæ Catholicæ praxi, & sum-
mo Christianæ Reipublicæ emolumento,
Spiritus Sanctum pariter adfuturum. Gra-
tulatatur mox Amplissimo Cœni, quod præ-
clarissima imitati sint Belgii lumina, quæ in
sacris ejusmodi Comitibus tanquam astra quæ-
dam lucidissima aliquando claruerunt; de-
mum liberali simul gravique Epilogo finem
dicendi fecit.

INDEX TITULORUM SYNODI NAMURCENSIS.

TITULUS I. De Professione Fidei.

II. De Sacramentis in genere.

III. De Sacramento Baptismi.

IV. De Sacramento Confirmationis.

V. De Sacramento Penitentiae.

VI. De Sacramento Eucharistiæ.

VII. De Sacramento Extremæ Unctionis.

VIII. De Sacramento Ordinis.

IX. De Sacramento Matrimonii.

X. De Doctrina & Predicatione verbi Dei.

XI.

XI. De Officio Divino, Cæremoniis, locis
sacris & Cæmeteriis.
XII. De Festis & Jeuniis.
XIII. De sacris Reliquiis & Imaginibus.
XIV. De Superstitione & Exorcismis.
XV. De Sede Episcopali vacante.
XVI. De Archi-Presbyteris, Pastoribus, Cu-
stodibus, Matriculariis, eorumque officiis.
XVII. De vita & honestate Clericorum, eo-
rumque correctione.

XVIII. De Beneficiis & eorum Residentia.
XIX. De Sepulturis.
XX. De Scholis.
XXI. De Seminario.
XXII. De elocatione & conservatione bono-
rum Ecclesiasticorum.
XXIII. De Regularibus & Monialibus.
XXIV. De Iudicibus delegatis & Exami-
natoribus.
XXV. De Synodo Diœcesana.

TITULUS PRIMUS. DE PROFESSIONE FIDEI.

CAPUT I.

Fides non solum ad finem, id est, beatitudinem necessaria est, sed etiam ad media, id est, opera ipsa meritoria istius finis exercenda; nullum enim opus sine fide æternæ vitæ meritum est: unde Apostolus ad Hebr. Cap. II. *Sine Fide impossibile est placere Deo.*

CAPUT II.

Fidem autem necessariam duobus modis accipimus: implicitam & explicitam; illam, qua creduntur fidei veritates non distinctæ in se ipsis, sed in aliquo communi principio, ut dum creduntur quæcunque tenet Sancta Romana Mater Ecclesia: hanc, qua in particulari creduntur ipsæ veritates fidei in se, & non in communi: implicita sola non sufficit, sed opus est utraque respective, implicita eorum, quæ tenet Ecclesia, explicita articulorum ad Divinitatem & etiam Humanitatem Christi pertinentium, quos explicitè credere tenemur, etiamsi non teneamur omnes difficultates, & sublimitates eorum penetrare.

CAPUT III.

Fidem hanc, sine qua nemo salvus fieri potest, omnes verbi Dei Præcones frequenter in concionibus suis populo inculcabunt, & pro instructione illius Symbolum Apostolorum quotannis ad aliquot Dominicas, vel e suggestu, vel in catechizando explicabunt.

CAPUT IV.

Sicut Canonici Cathedralium Ecclesiarum priusquam admittantur ad possessionem Præbendarum suarum, te-

nentur facere Professionem fidei, ita etiam ad illam præstandam, ubi hæcenus aliter obtinuit, Canonicos Collegiarum obligamus.

CAPUT V.

Superiores etiam Monasteriorum, vel Congregationum dum ad Regimen deligentur, priusquam illud assumant, Fidei professionem facient juxta Constitutionem PII IV. quæ incipit: *Injunctas nobis*, editam anno 1564.

CAPUT VI.

Sed & Lectores in Conventibus Regularium idem præstabunt coram Superioribus suis, priusquam ad docendum accedant.

CAPUT VII.

Religiosi quoque admissi ad prædicandum verbum Dei, vel confessiones audiendas.

CAPUT VIII.

Professionem autem illam fidei intendimus per ipsosmet admittendos, vel admissos fieri, & non per Procuratores ipsorum: quod si qui admissi sint, qui hoc non fecerint, mandamus Professionem per principales reiterari.

CAPUT IX.

Contra Typographos, Bibliopolas, & circumforaneos respective imprimentes, in has Provincias inferentes, aut vendentes libros prohibitos, lascivos, & per eos, quibus incumbit non visitatos vel approbatos, quorum lectione corrumpuntur juveniles animi, provisum fuit per Edicta Regia, Augustarum memoriarum CAROLI V. PHI-

PHILIPPI II. & Archi-Ducis ALBERTI annis 1526. 1529. 1531. 1540. 1544. 1550. 1570. 1610. & 1616. nec non per illud, quod publicatum fuit, super confirmatione & executione Synodi Provincialis Cameracensis anno 1587. tam quoad Professionem fidei per eos præstandam in manibus Ordinarii, vel aliorum ad hoc deputatorum, quam pœnas in iisdem contentas, quorum Edictorum iidem Deputati præfatis Typographis & Bibliopolis mentionem facient, cum Professionem excipient, ne ignorantiam prætendant, salvo jure Magistratui super hoc competente.

CAPUT X.

Sunt qui verba sacrae Scripturae ad scurrilia sæpe applicant vel in odium fidei, vel in magnum Catholicae Religionis vilipendium & contemptum, in quos mandamus per Officiarios Curia nostrae spiritualis serio animadverti, salvo jure præventionis per Judicem laicum.

CAPUT XI.

Audito, quod diversae personae saeculares præsumant legere Biblia, etiam lingua vernacula, sub prætextu facultatis sibi concessae a Confessariis suis contra inhibitionem nostram, Nos declaramus tales Confessarios illam a se facultatem non habere, proinde si quæ illis data est, vel a Prædecessoribus nostris, vel etiam a Sancta Sede, ordinamus illis, quatenus intra mensem eam Nobis exhibeant, sub pœna revocationis, ac alia arbitraria.

CAPUT XII.

Sciant Saeculares sibi non licere disputare de Fide Catholica, vel de sententiis, aut propositionibus a Sancta Sede damnatis publice vel privatim, sub pœna excommunicationis, cujus pœnae gravitatem Concionatores opportuno tempore populo significabunt.

CAPUT XIII.

Monebunt quoque populum, ut caveat a blasphemis, juramentis, execrationibus, nimis hoc tempore frequentibus, explicabuntque illi enormitates eorum, & quod, qui illis assuescunt, non facile discessunt, sed præcipites in malum ruunt, desinit esse

remedio locus, ubi quæ sunt vicia, mores fiunt.

TITULUS II.

De Sacramentis in genere.

CAPUT I.

Materia Sacramentorum non debent applicari ad alios usus, quam ad eos, ad quos ab Ecclesia destinatae sunt, unde qui aliter applicabunt, sive ad medicinam, sive contra maleficia, graviter punientur.

CAPUT II.

Nihil pro Sacramentorum usu exigendum est, si quid autem sponte datur, recipi poterit.

CAPUT III.

Non licet uti materia probabiliter tantum, nequidem in Sacramento necessario, nisi in necessitate, quando certa materia haberi non potest, quia qui sine necessitate periculo nihil agendi se exponit, graviter impingit in Sacramenti reverentiam. Alias secus, quia melius est Sacramentum probabile facere, quam Sacramentum carere.

CAPUT IV.

Materia censetur substantialiter mutata, quando mutatio tanta est, ut secundum usum & conceptum hominis non sit ejusdem nominis & rationis cum materia a Deo præscripta.

CAPUT V.

Mutatio formæ censetur substantialis, qua sensus verborum formæ, & per se a Christo intentus in forma Sacramenti ita tollitur, ut nec secundum rigorem verborum, nec secundum communem usum, vel etiam (uti hic & nunc verba adhibentur) ex communi estimatione hominum idem substantialis sensus verborum formæ maneat.

CAPUT VI.

Quando autem verba aliqua ratione mutantur, sed sensus tamen substantialis formæ non tollitur, aut pervertitur, tunc forma non censetur mutari substantialiter.

CAPUT VII.

Sciant autem omnes, se obligari uti

uti forma præscripta, siue contenta in Rituali Romano.

" sermonis tui, & nunquam tibi exci-
" dat tuæ series cautionis."

TITULUS III.

De Sacramento Baptismi.

CAPUT I.

Cum mulier proxima partui ægre se habet; & de ejusdem partu timeretur, studeat tempori Parochum accersere, & si eum habere non potest, aliquem ex Ecclesiasticis Ministris, vel alium baptizandi peritum, obstetricibus juratis & gnaris solum in necessitatis casum admissis.

CAPUT II.

Inculcent Pastores sæpius intentionem, quam debent habere Ministri in baptizanda prole.

CAPUT III.

Pastores in baptizandis pueris exposititiis vel adventitiis prompti erunt, cum protestatione tamen, quod registris manu eorum propria inferetur, quod per hoc nullum communicati istius loci præjudicium generabitur, sed quod illi manebunt obligati istis pueris alendis, qui ante Baptismum obligati erant.

CAPUT IV.

Quia proles exposititiæ, apud quas invenitur scedula collati Baptismi, sæpe baptisata non sunt, vel non valide, cum talis forte scedula per matrem affixa videatur, quæ formulæ Baptismi incapax esse potuit, ideo non obstante ista scedula, poterit Pastor loci, in quo reperietur proles, illam sub conditione de novo baptizare.

CAPUT V.

Optandum esset, ut quisque baptizatus jam adultus die anniversaria Baptismi sui, quo ex servo factus est liber, ex filio iræ filius Dei, in tanti beneficii memoriam peccata sua per confessionem expiaret, & sacra se Communionem reficeret, memor verborum Ambrosii, cum ait: "Repete, quid interroga-
" tus sis (in Baptismo,) recognosce,
" quid responderis, renuntiasti Diabo-
" lo, & operibus ejus, mundo & luxu-
" riis ejus ac voluptatibus, memor esto

Tomus IX. Concilior. German.

CAPUT VI.

Nunquam Baptisma extra casum necessitatis, nisi in Ecclesia conferatur. Exorcismi autem & cæremoniæ semper in Ecclesia, & non in privatis domibus vel oratoriis.

CAPUT VII.

Non præsumat ullus Pastor purificare puerperas prolium illegitimarum, sub pœna arbitraria.

TITULUS IV.

De Sacramento Confirmationis.

CAPUT I.

Sicut Pastores in Parochiis suis tenentur asservare Registra, quibus inscribant manu propria nomina Baptizatorum, Matrimonio junctorum, & defunctorum: ita monemus eos, ut etiam asservent registrum Confirmatorum, quod conscribent ex relatione patrinorum proles ad Confirmationem ducentium, si extra eorum Parochiam Episcopus confirmet, ne hoc Sacramentum a parvulis nondum ratione utentibus, & ita datæ Confirmationis ignaris, postea adultis reiteretur.

CAPUT II.

Pastores ante diem Confirmationis docebunt e suggestu, vel in Catechismo, quæ qualitas in patrinis, quæ in confirmandis, quæ dispositio in anima, quæ cura unius erga alterum requiratur.

CAPUT III.

Cum per Sacramentum Confirmationis invisibilis gratia conferatur, quæ confirmatus contra omnes Dæmonum insultus fortis & constans, & juxta declarationem CLEMENTIS I. perfectus Christianus efficitur, non abs erit, si quisque confirmatus adultus, quotannis etiam istius Sacramenti & characteris memoriam habeat: & in gratiarum actionem, per confessionem peccata sua eluat; & ad Sacram Synaxim accedat.

P p p p p

TITU.

TITULUS V.

De Sacramento Pœnitentia.

CAPUT I.

Confessarii sive Regulares, sive Sæculares, etiam generaliter approbati, non immisceant se audiendis confessionibus Monialium, etiam sibi subditarum, nisi ad id habeant specialem facultatem, juxta Constitutionem GREGORII XV. editam anno 1622.

CAPUT II.

Nulli Confessario licebit in hac Diœcesi illius confessiones audire, cum quo in delicto, præsertim graviore, ipse socius vel complex fuerit.

CAPUT III.

Neque poterit ullus etiam Religiosus, pœnitentem absolvere a casibus Episcopo in hac Diœcesi reservatis, sine ejus licentia oretenus vel in scriptis obrenta.

CAPUT IV.

Quicumque in una Diœcesi approbatus est ad audiendas confessiones, non potest audire confessiones in alia, sine novo examine & approbatione Ordinarii istius Diœcesis.

CAPUT V.

Et quia contingit aliquando contrarium praticari, ne id deinceps eveniat, ordinamus omnibus Regularium Superioribus, quatenus Nobis quotannis mense Januario exhibeant Catalogum Confessariorum a Nobis approbatorum, ut exinde innoscatur numerus eorum, & annon aliqui sub velamine approbationis se ingerant, sub pœna suspensionis in casum defectus.

CAPUT VI.

Permittitur Pastoribus hujus Diœcesis audire confessiones adventantium ex aliis locis, in propriis suis Ecclesiis, prout & Capellanis eorum approbatis.

CAPUT VII.

Et poterunt Pastores, qui veniunt in illorum auxilium tempore Indulgentiarum, vel turni Confraternitatum, aut alia iusta causa, etiam audire confessiones in illorum Ecclesia Parochiali.

CAPUT VIII.

Prout etiam Pastores, qui in alia Diœcesi approbati sunt, quod similiter locum habebit in Ecclesiis Regularium. Videant tamen, ut ii, quos in subsidium admittent, apti sint, scientes conscientiam suam desuper onerari.

CAPUT IX.

Non poterunt tamen Capellani non approbati pro tota Diœcesi audire confessiones extra locum suæ Ecclesiæ, sine nova approbatione.

CAPUT X.

Extra casum necessitatis nemo aliujus confessionem in domibus privatis audire præsumant, sub pœna arbitraria.

CAPUT XI.

Neque etiam in Oratoriis, in quibus Missa celebratur, nisi habita ad hoc Sanctæ Sedis, Nostre, Vicarii nostri, vel Prædecessorum nostrorum licentia.

CAPUT XII.

Si Confessarius advertat pœnitentem non sufficienter examinasse vel disposuisse conscientiam suam, moneat illum, ut exactius id faciat, vel certe eum adjuvet & disponat, & si congrue fieri possit, differat illius ulteriorem auditionem.

CAPUT XIII.

Si quæ fœmina aut puella nimis aperta aut nuda vel indecenti habitu induta, se confessionali sistat, non admittatur, sed nec juvenes, ut fœmina, compti.

CAPUT XIV.

In audiendis confessionibus admonentur Confessarii interrogare aliquando pœnitentes, an eorum peccata sint habitualia, ut deinde judicent, quid agendum sit.

CAPUT XV.

Consulent etiam Confessarii, ut pœnitentes, qui se de nocte polluerunt, die succedente a Sacra Communionem abstineant propter reverentiam Sacramenti.

CAPUT XVI.

Quia experientia comperimus varias variorum opiniones valde periculosas.

losas prodire in lucem, non sine magno animarum detrimento, ideo mandavimus hic inferi instructionem nostram, cui quisque Confessarius Diocesibus nostræ se conformare promittit, sub pœna refectionis, & in casum non servati post admissionem promissi, sub pœna suspensionis, donec eidem paruerit.

Imprimis monetur serio omnis Confessarius, ut in consulendo, iudicando & absolvendo absteineat ab opinionibus novis, periculosis, & salutis animarum destructivis, quarum catalogus traderetur Examinatoribus, per eos iisdem prælegendus, de quo infra.

Ut parce, caste, & valde caute interroget circa peccata carnis, non solum quando virgines habet confitentes, sed etiam quando conjugatos & quoscunque alios.

Ad confessionem non necessaria non misceantur in confessione, nisi quatenus ad salutarem instructionem evidenter pertineant, reliqua ut sileat pœnitens, etiam enarrare volens, moneatur a Confessario.

Complicum nomina Confessarius nunquam inquirit, uti nec ipsorum pœnitentium.

Interdicimus prolixiora colloquia in confessione seminarum, uti & invitationes earum ad nimis frequenter sibi confitendum, potius enim allaborandum est, ut serio vitam emendent, & saltem eo confitendi intervallo sint contentæ, quod Monialibus præscribitur.

Non utantur Confessarii scientia ex confessione accepta, difficulter enim id fit sine revelatione confessionis, cum sic facile soleat peccator, peccatum vel confessio prodi, aut in suspicionem venire.

Intolerabile est quosdam adeo sui oblivisci, ut etiam in conviviis referant ea, quæ in confessione audierunt, aut modum, quo quidam confitentur, maxime si peccata ipsa referant, & addant illo ipso die ea se audivisse, hoc omnes Confessarii caveant, alioquin sciant se a pœnis sacrilegii immunes non fore.

Tomus IX. Concilior. German.

Non inducant pœnitentem ad sibi soli confitendum, imo etiam volentem id promittere, vel vovere prohibeant, sed hoc potius curent, ut omnis tollatur contentio, qua quis dicat: Ego sum Pauli, ego autem Apollo, ego vero Cepha.

Confessarii caveant, ne familiares sint feminis sibi confitentibus, imo eo ipso, quo illas audiunt in confessione, sciant se ab earum familiaritate peculiariter debere abstinere.

Caveant etiam Confessarii, ne quæ commoda temporalia sibi, vel suis occasione confessionis a pœnitentibus aucupentur, neque convenit, ut ipsorum bonis temporalibus administrandis se immisceant.

Sciunt item Confessarii, Sedi Apostolicæ inter cætera esse reservata vota perpetuæ castitatis & Religionis, quoad cætera vero, & excommunicationem caveant, ne temere illa tangant, neque excedant permutando, vel absolvendo potestatem suam, & indulta illis data, quæ nihilominus Nobis communicare tenebuntur, antequam illis utantur, exceptis indultis secretis Pœnitentiariæ Romanæ.

Meminerint finaliter Confessarii Casus Episcopo reservatos esse Sodomiam, cum aliis delictis gravioribus ejus generis, raptus virginum, homicidium voluntarium & proditorium, incendium ex deliberata voluntate procuratum, Simoniam, hæresim, apostasiam, incestum cum consanguinea, vel affine usque ad secundum gradum inclusive, Sacrilegium cum Moniali, injectionem manuum violentam cum deliberato proposito, & læsione in parentes factam, sortilegium, adulterium, notorium seu publicum, & omnia delicta, quæ excommunicationem Ordinario reservatam habent.

CAPUT XVII.

Sequantur Confessarii semper, quantum possibile est, in hac materia tam ardua opinionem magis probabilem & securam, neque se fundent facile super dicto unius Doctoris Neoterici, ne aperiatur via lata, quæ ducit ad perniciem.

P p p p p 2

CAPUT

CAPUT XVIII.

Pœnitens in periculo mortis constitutus, si vox deficiat, nutibus absolutionem petens, absolvi poterit.

CAPUT XIX.

Et si pœnitens nutu deficiente, desiderium confitendi antea per alium ostenderit, etiam absolvi poterit.

CAPUT XX.

Confessarius, cui vir cordatus in platea dixerit certum pœnitentem petiisse confessionem, etsi talis cordatus præsens non fuerit, tamen pœnitentem in ejus verbo, absolvere poterit, absencia non obstante.

CAPUT XXI.

Cum iis, quos Spiritus Sanctus posuit Episcopos regere Ecclesiam Dei, & Medicos spirituales salutis ovium illis commissarum procurandæ, nihil magis cordi esse debet, quam ut Sanctissima Sacramenta, in eum finem utilissima, & respectu necessaria, plenissimo semper effectu, & absque ullo invaliditatis periculo administrentur, & in iis adhibeantur materiæ & formæ certæ, & determinatæ, ac, quantum fieri potest, securissimæ, qualis est in Sacramento Pœnitentiæ, contritio ex amore Dei super omnia, quam etiam in articulo mortis adhibendam censent illi, qui attritionem alias sufficientem & securam esse existimant: Nos securiora securis præferentes, & certa dubiis; mandamus omnibus & singulis in hac Diocesi nostra ad Sacramenti Pœnitentiæ administrationem admissis & approbatis, quatenus omnem suam industriam eo conferant, ut pœnitentes ad Sacramenti perceptionem accedentes, prævia dispositione per actus supernaturales fidei, spei, & charitatis inducant & moveant, ad veram & cordialem detestationem, & dolorem suorum peccatorum, non tam ex timore poenarum, quam ex dilectione DEI, quem, cum ex toto corde amare debuissent, maxima impietate peccando contempserunt. Si enim populus rudis sub veteri lege, qui acceperat tantum Spiritum servitutis in timore, in tanta gratiæ penuria, non poterat salvari, nisi per dilectionem Dei super omnia, nos

filii novi Testamenti, qui accepimus Spiritum adoptionis, in tanta gratiæ plenitudine, merito tanquam tales ex amore ejus, qui dilexit nos, & lavit nos in Sanguine suo, ipsa peccata super omnia mala detestari debemus, quos sic auxiliante ipso, remissionem illorum, & animarum nostrarum salutem affe- qui valeamus.

TITULUS VI.

De Sacramento Eucharistiæ.

CAPUT I.

Fidelis quisque ita paratus esse debet pro Sacra Communione recipienda, ut hujus Sacramenti fidem integra mente teneat, recteque discernat mensam a mensa, hanc Sacram ab aliis profanis, cœlestem hunc Panem a communi, & bene calleat in Communione, quæ a Laicis sub una specie sumitur, Corpus Domini etiam cum Sanguine sumi, & cum fragmento Hostiæ totum Corpus Christi in qualibet parte contineri.

CAPUT II.

Non satisfaciunt præcepto Ecclesiæ de communicando in Paschate in Parochia sua, qui extra eam, citra facultatem ab Episcopo, Vicario ejus Generali, aut Pastore proprio datam, ita communicabunt.

CAPUT III.

Neque qui communicaverint in Oratoriis domesticis citra facultatem, quæ supra.

CAPUT IV.

Omnes autem Pastores quotannis præceptum illud Ecclesiæ octiduo ante Dominicam Palmarum populo e fugestu publicabunt.

CAPUT V.

Sciant Regulares sibi non licere tempore Paschatis Communionem porrigere, nisi illis, qui durante illo tempore se in sua Parochia satisfecisse fidedigno testimonio probaverint.

CAPUT VI.

Sed nec ullo tempore se deferre posse publice aut privatim Eucharistiam ad ægros extra septa Monasterii sui.

CAPUT

CAPUT VII.

Multo minus Viaticum Sæcularibus aut Ecclesiasticis in mortis articulo existentibus, saltem nonnisi cum licentia, & de consensu expresso nostro, vel dicti Vicarii nostri Generalis, aut Pastoris loci, extra casum necessitatis.

CAPUT VIII.

Si qui ex illis præsumperint præmissis contravenire, sciant se subiacere censuris, & tam per subtractionem elemosynarum Cleri, quam ademptionem stationum eos cogendos iri ad observationem illorum.

CAPUT IX.

Qui vero defecerint communicare in Paschate in Parochia sua, aut qui Administramentes contra dispositionem Bullarum GREGORIANÆ, aut PAULIANÆ admiserint, citabuntur pro modo culpæ puniendi.

CAPUT X.

Nullus & nulla, nisi habitu decenti, & qualem decet sanctos, testi, vel testæ coram Venerabili pro Sacra Communionem recipienda audeant comparere, sub pena dimissionis.

CAPUT XI.

Inhibetur omnibus mulieribus tempore celebrationis Missæ & Laudum, quæ celebrabuntur cum Venerabili Sacramento, se inter sepimenta vel cancellos Altarium illorum sistere, propter reverentiam Sacramenti, & ne Sacerdos celebrans aut alias Venerabile tenens, earum aspectu tentetur, sub pena publicæ admonitionis, aut alia simili.

TITULUS VII.

De Sacramento Extremæ Unionis.

CAPUT I.

Sacerdos, dum ægrum visitat, vel etiam Viaticum porrigit, hoc illum monebit, ut, dum sana mente est, inungi petat, simulque demonstrabit, quam salutare sit ultro & sponte Sacramentum hoc deposci.

CAPUT II.

Ejus quoque fructus & utilitates, cum opportunum erit, aliquando explicabit.

CAPUT III.

Si accideret Parochum in visitando & ungendo viribus deficere, alijs Sacerdos si accedit, & aliunde evocatus, reliquas partes, quas Pastor non unxerit, unget, cæteras non item.

CAPUT IV.

Si per errorem Sacerdos aliud Oleum, quam infirmorum, agroto adhibuerit, puta Chrismatis aut Catechumenorum, ut errorem evadat, Olei sacri, quod infirmorum est, unctionem eidem adhibeat, & Sacramenti formam iteret.

CAPUT V.

Quoniam nihil Sacramenti gratiam magis impedit, quam alicujus peccati mortiferi conscientia, Sacerdos in eo ministrando hanc consuetudinem tenebit, ut, si fieri potest, & extra casum necessitatis, non ita inungat, quin ad minus æger confessus fuerit, vel Sacram Eucharistiam sumpserit.

CAPUT VI.

Decebit etiam corporis præparationem adhiberi, ut partes ungendæ prius abluantur, quantum commodè fieri potest, præsertim, quæ sordes magis contrahere solent, ad sacri Olei reverentiam.

TITULUS VIII.

De Sacramento Ordinis.

CAPUT I.

Sciat quisque, nullum sibi aditum ad examen pro quocumque Ordine suscipiendo patere, nisi decenti vestitu indutus, & in congruo pro sui status exigentia positus, capillitio ad mediam auræ exsecto, se coram Examinatoribus sistat.

CAPUT II.

Prima Tonsura iniciandus debite testatum faciat, se legitimo Matrimonio natum esse, aut ob natale impedimentum secum fuisse dispensatum, baptizatum, & confirmatum, & præterea se vel origine, vel habitatione, vel alia ratione Dicecesanum esse.

CAPUT III.

Adferat testimonium conversationis & morum, & quod noverit Catholicæ Fidei rudimenta.

CAPUT IV.

Nemo ad altiores gradus admittatur, quem non scientiæ spes majoribus dignum ostendat: hi vero juxta dispositionem Sac. Conc. Trid. nonnisi post annum a susceptione postremi gradus minorum Ordinum, ad majores Ordines promovebuntur, nisi necessitas aut Ecclesiæ utilitas videatur aliud exposcere.

CAPUT V.

Ante quemlibet Ordinem majorem quilibet ordinandus in loco aliquo a Sæcularibus remoto, per novem dies continuos exercitiis spiritualibus se fideliter probeat, ibique antea actæ vitæ exomologesim faciat, & per sacras meditationes, & pias orationes Dei voluntatem exquirat, & ad sacrum Ordinem suscipiendum se præparet.

CAPUT VI.

Uno mense ante ordinationis diem se præsentet, nomen & cognomen exhibeat, parentesque & habitationem designet, & si ad Subdiaconatum aspiret, Beneficium Ecclesiasticum, pensionem & patrimonium, cujus titulo ordinandus erit, subministret, quod ad minus debebit esse centum florenorum aureorum, quodque afficietur per operas legis, & examinabitur per Officiale nostrum, an sufficiens sit; promittet autem ordinandus in scriptis, quod tale Beneficium, pensionem, vel patrimonium non distrahet, nec alienabit, aut aliud quid substituet in nostri præjudicium sine nostro consensu.

CAPUT VII.

Ante singulos Ordines solemnes fiant proclamationes, ut si quis aliquod contra ordinandos noverit impedimentum, id innotescat, quarum proclamationum dicti ordinandi exhibebunt testimonium, antequam admittantur ad examen.

CAPUT VIII.

Scire debent, qui Subdiaconi fieri volunt, differentiam inter majores & minores Ordines: debent instructi esse in doctrina Sacramentorum, & specialiter in iis, quæ spectant ad Ordinem Subdiaconatus, intelligere cæremonias, quæ adhiberi debent, & solent, nec

non obligationem perpetuæ castitatis cum onere legendi Horas Canonicas.

CAPUT IX.

Ubi quis aliquem Ordinem Ecclesiasticum & majoribus susceperit, certæ Ecclesiæ adscribetur, si adscriptus non erit, ratione Beneficii, aut alias (nisi in Universitate & Seminario degat) nec ulterior Ordo ei conferetur, nisi docuerit se in ista Ecclesia injuncta sibi onera diligenter apimplete.

CAPUT X.

In Diaconatu exactius sumetur experimentum, nec enim qui veniet cum dimissoriis etiam dispensantibus super interstitiis, admittetur, nisi in eis exprimaturs causa sufficiens, propter quam dispensatum sit.

CAPUT XI.

Ad Sacerdotium, qui venient, examinabuntur particulariter super sequentibus: Quid sit Missæ Sacrificium? quis effectus Sacrificii, quæ illius partes, quæ mysteria contineat, quæ sacrarum vestium significatio, quæ in offerendo Sacrificio requirantur, ubi & quando illud celebrare non liceat, quæ dispositiones animæ & corporis præcedere debeant, quid agendum in dubiis, quæ aliquando occurrunt, quam potestatem accipiant Sacerdotes ad remittenda peccata.

CAPUT XII.

Ordinati intra quadraginta dies Primitias celebrabunt, quas tamen nemo celebrare permittatur, nisi ostensis literis Presbyteratus, & constituto per testimonium Decani loci, quod cæremonias Missæ exactissime noverit.

CAPUT XIII.

Regulares loco Tituli adferent testimonium factæ liberæ Professionis regularis.

TITULUS IX.

De Sacramento Matrimonii.

CAPUT I.

Sacramenti hujus institutionem, vim, naturam & sanctitatem Parochus, aut alius Sacerdos, cui facultas celebrandi

brandi Matrimonii data aut permiffa erit, accurate fæpe fidelibus explicabit, ut omnes intelligant, cujus rei caufa Matrimonium inftitutum fit, & quam animi præparationem & pietatem in contrahentibus requirat.

CAPUT II.

Docebit autem potiffimum hæc tria: quomodo Matrimonium fanctè contrahendum, quomodo in eo pie verifandum, quomodo in eo bene moriendum fit.

CAPUT III.

Singulariter etiam demonftrabit fideles ad Matrimonium non explendæ libidinis caufa duci oportere, ficut equum & mulum, quibus non eft intellectus, neque efferri cupiditate divitiarum; fed tum prolis fufcipiendæ gratia, quæ fanctam Catholicam Religionem colens, ad celeftium præmiorum hæreditatem Chriftianæ vitæ præceptis, pieque vivendi ufu inftituatur, tum etiam caufa vitandæ fornicationis, & ut conjuges alterius ope adjuti, facilius vitæ incommoda ferre, & fenectutis imbecillitatem fufcinere queant.

CAPUT IV.

Efti defponfi rudimentorum doctrinæ Chriftianæ ignari, non debeant arceri a contrahendo Matrimonio, nihilominus Parochi in id incumbant, ut illis fuadeant tamdiu ab illo contrahendo abstinere, donec inſtructi ſint, & neceffaria pro ſuo captu intelligant.

CAPUT V.

Defponfi ante Matrimonium contractum ſe, nec ſub eodem teſto dormire, nec ſecum mutuo carnaliter converſari poſſe monebuntur.

CAPUT VI.

Sancta Synodus damnat diſteria nonnullorum nimis petulanter aſſerentium, puellas ita ſui corporis dominas eſſe, ut promiſcue ſe prostituere poſſint, quando eis liberit.

CAPUT VII.

Animarum ſaluti conſulere volentes, pœnas pecuniarias contractibus antenuptialibus appoſitas, quarum metu contrahentes ad Matrimonium in-

viti, aut minus liberi compelluntur, improbamus, ideoque illis aſſiſtentes, & Notarios in Domino monemus, ut a tali ſtipulatione caveant.

CAPUT VIII.

Meminerint Parochi ſibi non licere vagorum hominum Matrimonio aſſiſtere, niſi re ad Ordinarium delata ab eo licentiam id faciendi in ſcriptis obtinuerint, neque ea licentia ſine cauſæ cognitione & matura deliberatione detur.

CAPUT IX.

Irritum eſt Matrimonium, quod contrahitur coram Parocho quidem loci, ſed neutrius contrahentium.

CAPUT X.

Qui quarto ex uno, & quinto ex alio conſanguinitatis vel affinitatis gradu ſe attingunt, libere contrahere poſſunt, nec ullus illis deſuper moveat difficultatem.

CAPUT XI.

Si quando ſuper ultima trium proclamationum diſpenſatum ſit, eo die, quo diſpenſatum eſt, Matrimonium contrahi non probamus, idque minus, ſi ſuper omnibus.

CAPUT XII.

Impedimento per proclamationes denunciato, non prius Parochus ad Matrimonii ſolemnifationem procedat, quam re ad Ordinarium, Vicarium Generalem, vel Officiale delata, intelligat, quid facere ea in parte debeat.

CAPUT XIII.

Parochi omnes impedimenta Matrimonii exacte noſſe, & in memoria habere ſtudeant; & ſubinde ea populo in concionibus ſuis declarare, notanter affinitatem ortam ex copula illicita impedire ad ſecundum gradum inclusive, nullam etiam cognationem ſpirituallem contrahi inter ſuſceptorem & ſuſceptricem, vel inter ſuſceptum & confirmatum ac ſuſcipientis conjugem.

CAPUT XIV.

Laudabile eſt eo die, quo contractum eſt Matrimonium, ſponſum & ſponſam a copula abſtinere.

CAPUT

CAPUT XV.

Quos Parochus ebrios adverterit, nec ad Sponsalia, nec ad Matrimonium contrahendum admittat.

CAPUT XVI.

Matrimonia in Ecclesia, quæ Sacramentorum proprius est locus, & intra Missarum solemnias, si fieri potest, contrahantur, nunquam autem a meridie, vel in domo sine speciali nostra licentia.

CAPUT XVII.

Permittimus nihilominus, ut si quis in infirmitate constitutus, in favorem legitimandæ prolis Matrimonium contrahere cupiat, & non possit ad Nos ejus desiderium commode referri, omiſſis tribus proclamationibus præſente Parocho, & duobus vel tribus testibus, etiam in privatis ædibus, dummodo aliud Canonicum impedimentum non obſiſtat, contrahere poſſit.

TITULUS X.

De Doctrina & Prædicatione verbi Dei.

CAPUT I.

Meminerint Regulares sine licentia suorum Superiorum ac benedictione Ordinarii se prædicare non posse in Ecclesiis Ordinum suorum, sed nec sine licentia Episcopi in Ecclesiis, quæ non sunt suorum Ordinum, sed nec usquam omnino Episcopo reculant, vel contradicente.

CAPUT II.

Pastores neminem ad Ecclesias suas pro concionando recipiant, nisi ostensa licentia Ordinarii in scriptis.

CAPUT III.

Ordinarium autem intelligimus non personæ, sed loci: itaque nemo in hac Diœcesi, sine nostra licentia.

CAPUT IV.

Pastoribus per se onus prædicationis obire volentibus, sciant cæteri se illis cedere debere.

CAPUT V.

Abstinebunt Concionatores ab inani- bus, difficilibus, captumque audi-

torum superantibus, & ad fidei ædificationem minus pertinentibus quæstionibus, quæ vel risum movere, vel animum a Superioribus suis avertere queant, neve passim hæreticorum argumenta apud imperitas mulierculas referant, sed tantum ea doceant, quæ ad fidem, pietatem, & concordiam faciant, & quæ omnibus necessaria sunt ad salutem.

CAPUT VI.

In quem finem conformabunt se instructioni, quæ hic subjungitur.

Imprimis inculcabunt populo cum brevitate & facilitate sermonis vitia, quæ declinare, & virtutes, quas sectari oportet, ut penas inferni evadere, & vitam æternam consequi valeat.

Explicationi Evangelii, Præceptorum Decalogi, Sacramentorum Ecclesiæ, sacrorumque rituum diligenter incumbant.

Frequentationem doctrinæ Christianæ, Festorum Ecclesiæ observantiam, Eucharistiæ & Pœnitentiæ necessitatem ac utilitatem sæpius exaggerabunt.

Omnium ætatum & ordinum, Patris & filii, mariti & uxoris, Domini & servi, Magistratus & privati officia circumspicte demonstrabunt.

Ubi corruptelas in populo maxime frequentes intellexerint, circa illarum reprehensionem sine dissimulatione versentur, ita tamen prudenter, ut neminem nominatim insectentur vel designent.

Superioribus omnibus tam Ecclesiasticis, quam Sæcularibus, etiam discipulis, a populo reverentiam deberi doceant, neque similes publice reprehendant, sed officii sui generatim tantum, si opus fuerit, admoneant.

Et quæ ad curiositatem tantum aut superstitionem spectant, vel turpe lucrum sapiunt, tanquam scandala, & fidelium offendicula vitent, & vitanda esse moneant.

Moneant etiam populum, ut frequentet suas Parochias, & saltem eas Dominicis & Festis accedat.

Diligenter item horrentur unumquemque teneri Parochiæ suæ interesse, ubi.

ubi commodè id fieri potest, ad audiendum verbum Dei.

Fucum orationis, Poëticam locutionem, verba peregrina ne sectentur.

Sacra Scriptura secundum vulgarem editionem utantur, eamque interpretentur ex convenienti SS. PP. auctoritate.

Contra abutentes graviter invehantur.

Allegorias tantum ex probatis Authoribus Ecclesiasticis adhibeant.

Authoribus apocryphis & vanis historiis non utantur.

A fabulis & earum applicationibus abstineant, nisi pro veritatis confirmatione, quandoque eas referri expedierit.

Hæreticarum opinionum argumenta nonnisi ubi necesse erit, & cautiſſime referent.

Quando autem id fiet, vel necesse erit hæreticas opiniones referre, clara redargutione, solidisque tantum argumentis eas refutant.

Nova miracula, nisi prævia approbatione Ordinarii, non promulgent.

Indulgentias item, nisi de licentia Ordinarii, publicare aut proponere caveant.

Abstineant a relatione rumorum, seu rerum novarum, nisi ex necessaria causa Episcopus, seu aliquis ex ejus Vicariis id permiserit.

Neminem, nisi de Ordinarii licentia, paupertatis nomine fidelium elemosynis e suggestu commendent.

Denique, ne cum aliis prædicaverint, ipsi reprobi efficiantur, tanta in privatis colloquiis, victu, vitæque quotidiana, gravitate, modestia & Ecclesiastica disciplina aliis præluere studeant, ut quod verbis ædificant, moribus confirmant, sicque aliquando uberes laborum suorum fructus colligere mereantur.

CAPUT VII.

Difficiliter veniunt parvuli ad Catechismum, vel ex negligentia parentum negligentium, vel ex incuria: cui providendo requirimus Magistratus cujusque loci, ut ea in parte solliciti sint, vel parvulos præmiis & mensa patrum, ubi illa sufficiet, desumendis

Tomus IX. Concilior. German.

invitando, vel parentibus negligentibus de eadem mensa gaudentibus elemosynas subtrahendo, aut alio quovis modo, juxta dispositionem Edicti super Synodo Provinc. Camerac. de anno 1578. Artic. 15. quod enim addit: Servos & ancillas instructione Catechistica egentes, per heros & heras suas ad hoc cogendas esse.

CAPUT VIII.

Non fiant promiscuæ orationes funebres ruri, sed tantum pro Dominis loci, Nobilibus, aut aliis personis eximiae qualitatis.

TITULUS XI.

De Officio Divino, Cæremoniis, locis sacris & Cæmeteriis.

CAPUT I.

Cum in Officio Divino negotium nobis sit cum Deo ipso, merito non modo statis horis ad Chorum conveniendum est, sed in eo etiam a fabulis, risibus, & aliis insolentiis omnino abstinendum sub pœna amittendæ distributionis.

CAPUT II.

Meminerint omnes Mandati Concilii Tridentini, quo in Choro ad psallendum instituto tenetur quisque in Hymnis & Canticis Dei nomen, reverenter, distincte & devote laudare, non præcipitanter, non capite cooperto, non stando, dum alter sedet, non sedendo, dum alter stat, sed uniformiter & pari modo.

CAPUT III.

Ut uniformitas cæremoniarum usus Romani ubique observetur, sequendum erit Cæremoniale Episcoporum, quod componi jussit fel. record. CLEMENS VIII. & introduci mandavit in omnes Cathedralæ & Collegiatas Ecclesias.

CAPUT IV.

Hoc vero cum fieri non possit sine Magistro Cæremoniarum, qui totus in eo sit, ut dictum Cæremoniale perlegat, & aliis rationem cæremoniarum ostendat, mandamus, ut in istis Ecclesiis, sumptu Capituli, aliquis idoneus constituatur, cui in ritibus servandis omnes parere teneantur.

Q q q q q

CAPUT

CAPUT V.

Pastores in suis functionibus curæ suæ existentes, ubi de gremio Chori sunt, distributionibus gaudebunt, prout & illi, qui in negotiis Capituli, vel Ecclesiæ.

CAPUT VI.

Qui mentaliter Horas dicit, obligationi non satisfacit.

CAPUT VII.

Purificatoriis Calicum nemo ad emungendas nares aut abstergendos sudores abutatur.

CAPUT VIII.

Procurent Archi-Presbyteri in visitationibus suis, quatenus ornamenta necessaria ad celebrationem sint munda & decentia.

CAPUT IX.

Durantibus hisce temporum miseris, ubi calices seu cuppæ argenteæ haberi non possunt, vel habitæ non esse sine periculo, & stannæ de nostra permissione adhibendæ erunt, munden-
tur illæ ad singulas quindenæ.

CAPUT X.

Summa Missa Parochialis fiat in æstate diebus Dominicis & Festivis hora octava; in hyeme hora nona, neque præsumant Pastores id tempus prævenire, aut postponere propter Sponsos, vel Dominos temporales, quocumque alio prætextu, ut in magnum communitatis præjudicium & incommodum.

CAPUT XI.

Ubi in eadem Ecclesia plures Missæ sunt, fiat in æstate prima, hora sexta, & sub ea Catechismus, in hyeme hora septima.

CAPUT XII.

In appendicibus non celebretur ea hora, qua Summum Sacrum fit in Parochia.

CAPUT XIII.

Feria quinta hebdomadæ sanctæ non pulsetur in Ecclesia Collegiata, Parochialibus, aut Monasteriis hujus Urbis Namurcensis, postquam in Cathedrali ad solemne Sacrum pulsatum fuerit, neque Sabbato sequente pulsetur in iisdem, antequam in dicta Cathedra-

drali idem actum fuerit, juxta resolutiones Sacræ Congregationis Rituum.

CAPUT XIV.

Vago & ignoto Sacerdoti non permittatur celebratio Missæ, nisi visa Ordinarii licentia.

CAPUT XV.

Cæmiteria semper sint bene conclusa, nec in illis admittantur tripudia, strues lignorum, aut sceni, non officinæ, non suppelliculia, res profanæ aut sterquilinæ, sed nec excubiæ, nisi in causâ necessitatis ad certum tempus, ac illa durante.

TITULUS XII.

De Festis & Jejniis.

CAPUT I.

Meminerint omnes exempti, etiam Regulares, se ad Festa servanda obligari, quæ Episcopus in Diocesi sua servari præceperit.

CAPUT II.

Diebus Dominicis & Festivis tempore Concionis, Summi Sacri & Vesperarum, in tabernis potantes, publicis lusibus vacantes, aut tripudiis deferantur, pro qualitate & modo scandalis porro puniendi. In quo casu & omnibus aliis servabitur Edictum ALBERTI & ISABELLÆ de anno 1607. publicatum Namurci anno 1608.

CAPUT III.

Illi quoque, qui durante Quadragesima choreas agent, & tibicines, qui illis ducendis instrumenta tangunt.

CAPUT IV.

Prout etiam omnes illi, qui nominantur per Edictum publicatum super Synodo Provinciali Cameracensi de dicto anno 1588. art. 5. 6. 7. & 8.

CAPUT V.

Non habentes licentiam arandi & carrucandi, aut alia opera servilia exercendi, quo tempore ea opus est, contentur salvo tamen in hoc, & tribus Capitulis præcedentibus. jure præventionis.

CAPUT VI.

Curent, quantum poterunt, qui ob legitimam causam a jejunio excusantur;

tur, quibusve ovorum vel carnum suis diebus vetitis permittitur, id secreto & separatim facere, ne alias exemplo suo ad violandum jejunium, cibosque prohibitos comedendum alii provocentur. Qui autem dispensant vel permittunt, nihil petant pro dispensatione aut permissione.

CAPUT VII.

Quod fieri in quibusdam locis non assuevit, mandamus per totam Diocesim servari jejunium ipsa Vigilia Pentecostes, ut corporibus per temperantiam dispositis, Spiritus Sanctus, sine cuius numine nihil est in homine, nihil est innoxium, repleat suorum corda fidelium, & sui amoris in eis ignem accendat.

CAPUT VIII.

Sicut Beatissima Virgo MARIA tertio ætatis suæ anno se præsentando in Templo, nobis insignia pietatis & devotionis reliquit exempla, & per illa nobis ostendit, nullum debere esse hominem cujuscunque qualitatibus aut sexus, qui non solum semel in vita, sed quotidie se præsentet Domino Deo, ut per merita ejusdem Virginis, in eo quem intendit vel assumptit statu, operari possit salutem animæ suæ, & tam corde, quam affectu se elevando, actiones suas in eum referre, ita Præsentationis illius celebritas ab omnibus condigne recolenda est, & ideo valde probamus, citra obligationem tamen, ut qui devotionis causa illius Præsentationis anniversarium diem tanquam Festivum honorare voluerint, id facere possint, & ut e suggestu, hujus nostræ declarationis publicatio fiat, honorantibus autem, illo die quadraginta dies de vera indulgentia in forma Ecclesiæ consueti in Domino impartimur.

TITULUS XIII.

De sacris Reliquiis & Imaginibus.

CAPUT I.

NOVÆ Reliquiæ venerationi non exponantur, nisi prius a Nobis, juxta dispositionem Concilii Tridentini recognitiæ fuerint.

Tomus IX, Concilior. German.

CAPUT II.

Inter novas Reliquias computandæ sunt, seu etiam jure censendæ, quæ antiquorum Sanctorum esse, sed recens ad Ecclesias, in quibus modo sunt, delatæ dicuntur.

CAPUT III.

Doceatur rudis populus imaginibus Christi & Sanctorum cultum & honorem, non adhiberi propter earum materiam, elegantiam, externum ornatum, vel aliquid simile, sed tantum propter eos, quos nobis repræsentant, acque ita nos in signis prototypa venerari, ut nec ipsis in signis neque imaginibus ullam fiduciam collochemus, neque Divinitatem inesse credamus.

CAPUT IV.

Si quæ imagines vel tabulæ cæsis, situ aut sordibus pene deletæ vel exsæ sint, amoveantur aut reparentur.

CAPUT V.

Imagines sacras sæculariter computas, in Templis aut Processionibus Clerus non toleret, ne oculos offendant.

CAPUT VI.

Nemo Ecclesiasticus in domibus vel hortis suis lascivas vel obscenas statuas aut imagines colloceat sub pœna arbitraria.

CAPUT VII.

Non appendantur in Templis tapetes aliquid lasciviæ præ se ferentes, & sæpius Concionatores super similibus prædicationem instituunt.

CAPUT VIII.

Reliquiæ Sanctorum vasis honestis includantur, nec ullus eas extrahat, nisi de consensu Ordinarii, vel alterius ab eo delegati.

CAPUT IX.

Non ponatur in Ecclesiis imago insolita, nisi prius ab Ordinario approbata.

CAPUT X.

In visitationibus per nos factis invenimus plures imagines sine consensu nostro aut permissione appensas arboribus, quibus trunci seu gazophylacia affixa sunt, excipiendis viatorum aut aliorum eleemosynis & oblationibus, qui.

Q q q q q

quibus illi gaudent, qui eas appende-
runt, vel hæredes eorum, magis ad
avaritiam, quam ad intentum illarum
imaginum cultum: quæ cum toleranda
non sint, mandamus intra mensem il-
los truncos seu gazophylacia in Dice-
cesi nostra tolli, nisi ibi tanto tempore
extiterint, ut hominum excedant me-
moriæ, quo casu volumus, talibus
truncis seras apponi juxta Edictum
CAROLI V. de anno 1531. art. 16.
quarum una clavis sit penes Pastorem
loci seu viæ, ubi tales trunci collocati
fuerint, altera clavis penes Officiarium
loci, ut de oblationibus ibi faciendis
postea disponatur, mediatim ad opus
Ecclesiarum Parochialium, sub qua-
rum districtu tales trunci erunt appo-
siti, mediatim ad opus Pastorum ear-
undem.

CAPUT XII.

Audivimus quosdam eo præsump-
tionis processisse, ut mandarint imprimi,
& impressa vendi quædam tan-
quam miracula, nulla alia certitudine
prævia, quam attestazione eorum, qui-
bus illa miracula contigissent, quod
cum tolerandum non sit, ordinamus
illa impressa suppressi, & inhibemus
simile quid imposterum fieri.

TITULUS XIV.

De Superstitione & Exorcismis.

CAPUT I.

QUoniam rudis populus ex igno-
rantia frequenter superstitioni-
bus inquinatur, Parochi subditos
suos diligenter de illis cavendis do-
ceant, & inter cætera supersticiosum
esse, expectare quemcunque effectum
ex quacumque re, quem nec res illa
ex natura sua, nec ex institutione Di-
vina, nec ex approbatione, vel ordina-
tione Ecclesiæ producere potest.

CAPUT II.

Nullus exorciset sine licentia Or-
dinarii in scriptis, nec utatur aliis Ex-
orcismis, quam ab Ordinario approba-
tis, nec potestate exorcisandi abutatur.

CAPUT III.

Si quis ex aliena Dicecesi in hanc
advenit exorcisaturus sine nostra li-
centia, ille deferatur, ut & hoc suis

Superioribus denuntiatur, & contra
eum procedatur per censuras, & alias
prout juris.

CAPUT IV.

Licentiam exorcisandi adeptus,
pura & nuda conscientia ad id munus
accedat, & in ista functione religiose
se gerat.

CAPUT V.

Mulieres energumena exorcismum
adhibiturus, id faciat duabus personis
probatae vitæ præsentibus, & si fieri
potest, energumena consanguineis vel
affinibus.

CAPUT VI.

Monebunt Pastores Parochianos
suos abstinere a remediis, quibus præ-
tenduntur nosci occulta, & a vulgari
consuetudine circumligandi arbores
pro ubertate fructuum & infortuniis,
patibula pro cessatione febrium, a pe-
regrinationibus per imperitias mulier-
culas suggestis, & aliis similibus.

CAPUT VII.

Monebunt etiam abominandam
esse eorum vanitatem, qui certo nu-
mero, & præscripta forma verborum
& precum afferunt certas animas sem-
per a purgatorio liberari.

TITULUS XV.

De Sede Episcopali vacante.

CAPUT I.

OEconomi Sede vacante a Capitulo
constituendi ad bona Episcopatu-
s administranda, non misceant illa,
quæ eidem Episcopatu ratione Officia-
tus Brabantia unita sunt cum bonis
aut proventibus Abbatia incorporata
S. Gerardi in Bronio.

CAPUT II.

Neque in illis proventibus sive
bonis, durante vacatione, quidquam
contribuant vel conferant ad intercen-
tionem Religiosorum istius Abbatia.

CAPUT III.

Neque excedant taxam illis ex
Abbatia proventibus ab Episcopo assigna-
tam, & pridem ad effectum dedu-
ctam sine nova ordinatione.

TITU-

TITULUS XVI.

*De Archi-Presbyteris, Pastoribus,
Custodibus, Matriculariis,
eorumque officiis.*

CAPUT I.

Imprimis ordinatur Archi-Presbyteris, sicut & antehac factum est, quatenus in visitationibus Ecclesiarum sui districtus excitent Pastores, ne unquam Dominicis & Festivis diebus intermittant, saltem Catechismum, ad minus non extra tempus messis, quin potius etiam instituunt privatim & per domos, ut populus instruatur in iis, quæ ad salutem necessaria sunt, ac simul explicant Mysteria, quæ in Missæ Sacrificio significantur, ut ita populus Missam audiens, majori cum devotione & reverentia eidem assistat, & quæ in illa geruntur, debita cum attentione perpendat.

CAPUT II.

Pastores tempore messis, & etiam illis diebus, quibus opiliones, bubulci, vel subulci in agris sunt, illos visitent ibidem, & doceant, imitaturi ea in parte vestigia Salvatoris nostri JESU CHRISTI, qui per vicos & plateas transibat evangelizare Regnum Dei.

CAPUT III.

Omnes & singuli Pastores præter Biblia sacra & egregios aliquos in Sacram Scripturam Commentatores, comparabunt sibi Concilium Tridentinum, Synodum Provinciale & Diocesanas cum probato aliquo Authore Moralem Theologiam pertractante, de quibus annue inquirent Archi-Presbyteri in dictis visitationibus suis, & negligentes Curia spirituali deferent porro puniendos.

CAPUT IV.

Reservamus Nobis repetitionem examinis Pastorum, quandocumque Nobis placuerit, & eorum suspensionem vel etiam privationem, si in isto examine minus habentes inventi fuerint, quo sic diligentius studiis incumbant, & non dedificent.

CAPUT V.

Inhibetur Pastoribus cum ancillis suis ire ad convivia vel puerperia, aut

cum illis insidere equis. sub pœna triginta florenorum, ire etiam simul ad forum vel macellum sub pœna sex florenorum irremissibiliter exequenda.

CAPUT VI.

Pastores, aut Beneficiati, cum inducentur in possessionem Curæ vel Beneficii, tenebuntur respective exhibere Archi-Presbyteris inventarium munimentorum, registorum, & bonorum Curæ seu Beneficii, si quæ habent, aut saltem intra trimestre a data possessionis sub pœna arbitraria.

CAPUT VII.

Porro, quia conveniet originalia istorum munimentorum & registorum in Archivis conservari, ideo mandamus omnia & singulis originalia habentibus, ea deponere ad manus Scribæ Officialatus Namurcensis, in eum finem intra simile tempus, reservata sibi eorum copia authentica, cui inscribent & annotabunt solutiones factas sibi & suo nomine, & eorum morte adveniente, hæredes, si Ecclesiastici sint, eam reponent, ut supra, tradendam Successori sub pœna, quod contra eos procederetur per arrestum mobilium, & alias prout juris.

CAPUT VIII.

Inhibetur Capellanis & Religiosis benedicere aquam lustralem in castris, sive aliis in locis, nisi doceant de privilegio ad hoc obtento.

CAPUT IX.

Prout etiam celebrare Missam in iisdem eo tempore, quo in Parochia celebratur Summum Sacrum.

CAPUT X.

Et quia etiam binationes alias in castris admittæ non serviunt tam communitati, quam Domino castri, ideo omnes illas revocandas duximus, & revocamus. Bene conveniat Domino, si Missam in castro suo habere voluerit, ubi id in castro licet nutrire Capellanium, aut cum alio Sacerdote non binante super eo transigere.

CAPUT XI.

Comperimus experientia multos Pastores sæpe discurrere, & evagari vel ad urbes, vel alio cum magno discrimine,

mine, & periculo animarum sibi subditarum, ideo inhibemus id in posterum fieri, nisi de nostra, Vicarii nostri, aut Archi-Presbyteri licentia, sub poena, prout supra.

CAPUT XII.

Illud unusquisque Pastor sæpe revolvat se non ad inertiam & otium, sed ad spiritualement & Ecclesiæ militantis laborem vocatum esse, & cum tam in Divinis Officiis, quam spiritualibus muniis & functionibus, quod debet tempus, insumpserit, quod reliquum est, non in rerum secularium cura, profanisque actionibus, sed in piis, sanctisque studiis sibi traducendum esse.

CAPUT XIII.

Quare monentur omnes Archi-Presbyteri, ut annuales visitationes ob-euntes, & alias diligenter inquirent, quibus rebus Pastores se impendant, ut si quos otio deditos repererint, ne nihil agendo male agere discant, eos actionibus Ecclesiastico homine dignis incumbere, & per bona opera certam suam vocationem facere procurent.

CAPUT XIV.

Cui fini inducent omnes & singulos, ut quotidie ad mediam horam lectioni Scripturæ sacræ, aut alicujus pii libri, & aliam mediam horam Divinorum Mysteriorum & maxime Passionis Christi meditationi infumant.

CAPUT XV.

Inducent etiam illos, ut quotannis opportuno tempore se recolligant, faciantque exercitia spiritualia apud eos, qui in ista arte versati sunt, quibus sic absentibus providebitur populo de Sacerdote, qui tam in concionando, celebrando, quam confessiones audiendo eorum vices suppleat.

CAPUT XVI.

Ubi cumque hactenus Pastores non sunt reducti in certas classes, qui singulis mensibus & certo statuendo die & horis convenient, ibique tractent de promovenda pietate in Deum, zelo animarum, & de scientia Pastoribus necessaria, fiat quantocius, ubi per temporum difficultates & armorum strepitus licebit, præscribentur quoque li-

bri pii tam Theologici, quos ante proximum Conventum legere tenebuntur, & in quibus examinandum, vel e quibus disputandum, & cum Confratribus conferendum erit.

CAPUT XVII.

Monentur Pastores, ut Archi-Presbytero, & aliis visitantibus, denuntient excessus commissos in suis Parochiis, cum eorum circumstantiis, diuturnitate scandali, ac delinquentium qualitate.

CAPUT XVIII.

Ex causis merito moventibus permittitur Archi-Presbyteris, ut quantumque aliquis ex Pastoribus suorum respective districtuum, ea infirmitate detinebitur, quod munia curæ suæ incumbentiæ per se obire non poterit, alium aliquem vicinum Pastorem e districtu suo substituere, qui durante aegritudine sine detrimento Parochiæ propriæ binare possit in Parochia infirmi, & functiones ejus Pastorales exercere, dummodo tamen id faciat gratis & charitative, & nisi infirmitas sit nimis diuturna, quo casu adeundus erit Episcopus.

CAPUT XIX.

Invigilent Archi-Presbyteri, ut Pastores, Vicarii, & Capellani sub districtibus suis degentes, quotannis se expurgent super adimplerione onerum Beneficiis suis, foundationibus, vel officiis suis incumbentiis, & ut intra trimestre a die possessionis exhibeant designationem limitum & terminorum, fundorum, ubi illa fundos habent, vel si redditus sunt, corporum, super quibus illi hypothecati sunt, & si obligationes, declarationem personarum debentium, ut illæ cogantur ad restitutionem sortis, aut ad realisationem, & qui in eo lapsi tempore defecerint, denuntientur.

CAPUT XX.

Volumus etiam, ut iidem Pastores, Vicarii, Capellani singulis decennis procurent renovationem districtorum limitum & terminorum, ne per obitum aliquando adjacentium & sua bona vendentium termini obscurantur.

CAPUT

CAPUT XXI.

Cum sæpe eveniat, quod infirmi diutius differendo Sacram Communionem, vel ob Medicorum defectum, vel ob silentium suum, aut amicorum, inadministrati decedant ex hac vita, & sine Sacramentis, ut in re tanti momenti melius deinceps provideatur, monebunt Pastores in principio morbi, ubi evocati fuerint, suos infirmos, ut se ad eorum receptionem disponant juxta Bullam PII V. & pro animabus illorum satagent tanquam exactam de iis in novissimo die rationem reddituri, ubi vero Religiosi audiverint confessiones infirmorum, illud Pastori significabunt.

CAPUT XXII.

Inhibemus Pastores & Matriculares simul abesse a sua Parochia.

CAPUT XXIII.

Renovamus ordinationem, qua inhibetur Ecclesiasticis conducere agros alienos, etiam fabricæ & mensæ pauperum, Altarium, Monasteriorum, vel eos excolere propriis & alienis sumptibus, longe absit eos propriis manibus seminare.

CAPUT XXIV.

Inhibemus etiam exercitium omnis mercaturæ & negotiationis toties a Canonibus interdictæ.

CAPUT XXV.

Animadvertimus permutationibus subinde factis sub pensione eandem (quæ deberet sæpe succedere in locum Tituli ad Ordines) redimi sine nostro scitu aut consensu, & exinde magnū Nobis præjudicium generari, cui malo occurrendo inhibemus omnibus & singulis permutatoriis seu resignatoriis, pensionariis suis redemptionem facere, etiam cessante obligatione tituli, & quocumque modo censeatur, sine nostro dicto consensu & scitu, sub pena censum florenorum, & alia arbitraria.

CAPUT XXVI.

Renovamus ordinationem, continentem Pastores Regulares obligari ad rescriptiones suas quotannis faciendas & transmittendas, sicut faciunt Sæculares, nisi doceant de privilegio contrario intra trimestre exhibendo.

CAPUT XXVII.

Ubi in rescriptionibus invenietur Mamburnos fabricæ & mensæ pauperum alicujus Parochiæ non reddere computum, ad Nos deferantur, ut mox certiorato Procuratore generali Brabantæ & Namurcensi respectively per eos ad redditionem compellantur, & si quis redditus computibus coram lege loci præsentibus illis, quorum intererit, superfuert ex clausura, juxta Edictum publicatum super Synodo Provinciali Camerac. dicto anno 1588. per dictos Procuratores generales aut Scabinos loci cogantur ad illius solutionem & numerationem, & pecuniæ quantocius per dictos Scabinos ad fabricæ vel mensæ pauperum respectively utilitatem applicentur.

CAPUT XXVIII.

Nulla modo permittendum est, ut Custodes Parochialium Ecclesiarum tabernas exerceant, aut vinum adustum, vel tabacum divendant.

CAPUT XXIX.

Cum ob certas rationes creatus sit a Nobis decimus tertius Archi-Presbyteratus Diocesis nostræ Genapiæ, servabitur dies Congregationis illius feria tertia post primam Dominicam Septembris, aut, illa impedita, feria quarta, idque in Ecclesia veteris Genapiæ, vel in Wafia, pro commoditate Decani.

TITULUS XVII.

De vita & honestate Clericorum, eorumque correctione.

CAPUT I.

Quia aliquorum Sacerdotum ea est vel incuria, vel negligentia, ut vel ipsi, vel alii, quando ad Ecclesiam conveniunt, non ita, sicut decet, reverenter se gerant, sed vanis sæpe colloquiis, aut aliis actibus profanis non sine scandalo intendant; ideo mandamus omnibus & singulis, quatenus juxta Constitutionem PII V. quæ incipit: *Cum primum Apostolatus officium*, eorum sit ad Ecclesiam humilis & devotus ingressus, quæta conversatio, ut piis orationibus insistant, ut genuflexi

Sacra.

Sacramentum adorent, cessent vana & inordinata colloquia, risus immoderati, & id genus similia, caveant omnes, ne verso dorso ad Sacramentum irreverenter sedeatur, aut aliquid, quod scandalum pariat, præsumatur, sub pœna arbitraria.

CAPUT II.

Sæpe animadversum est, Sacerdotes aliquos, etiam ab actibus profanis redeuntes, sine ulla præparatione prævia se ad Sacrificium celebrandum accingere, quam præparationem tamen tantopere inculcat Concil. Trid. *Sess. 13. Cap. 7.* cum ait: "Si non decet ad sacras uilas functiones accedere, nisi sancte & certe, quo magis Sanctitas & Divinitas cœlestis hujus Sacrificii comperta est viro Christiano, eo diligentius cavere ille debet, ne absque magna sanctitate & reverentia ad illud accedat, cum plura formidinis verba apud Apostolum legamus: *Qui manducat & bibit indigne, judicium sibi manducat & bibit, non dijudicans Corpus Domini.* Quare communicare vólenti, revocandum est in memoriam ejus præceptum: *Probet se ipsum homo.*" Hæc Concilium. Quod si homo Christianus probare se debet, multo magis Sacerdos, cui injungimus, quatenus ante celebrationem debite se præparet per orationes & meditationes isti fini opportunas, post Missam autem se recolligat, & aliquo temporis spatio pro beneficiis acceptis in gratiarum actione perseveret.

CAPUT III.

Non sumatur tabacum seu in fumo, seu in pulvere a Sacerdotibus ante vel in celebratione, sub pœna arbitraria.

CAPUT IV.

Neque celebretur a Sacerdotibus cum chirothecis aut manica, sub eadem pœna.

CAPUT V.

Et quia innotuit Nobis ea, quæ per Concil. Trident. constituta sunt de habitu Clericorum, non rite observari, ideo injungimus omnibus & singulis in sortem Domini vocatis, & majoribus Ordinibus insignitis, quatenus intra quindenam illi, qui in Civitatibus ha-

bitant) sibi comparent vestes descendentes, usque ad talos inclusive, renibus zona cinctis, qui vero foras profiscuntur, aut tempore hyberno ruri degunt, descendentes usque ad genua, etiam inclusive, quo sic per dispositionem illam extrinsecam ostendant intrinsecam animæ suæ, & se tanquam in specula constitutos præluere debere aliis forma, verbo & exemplo, qui defecerint termino lapsi, multabuntur pœna trium florenorum, qui ulterius contumaces, pœna graviori.

CAPUT VI.

Otio vitando, concepimus methodum distributionis temporis, cui se conformabunt Capellani & Habituali Civitatum respective ac pagorum nostræ Diœcesis, quæ hic subjungitur.

Si in Ecclesiâ, cui Capellani & Habituali deserviant, fiat Officium Matutinum, quisque eorum non infirmus aut impeditus illi intererit, & in Psalmis ac Canticis spiritualibus recitandis se promptum exhibebit.

Post absolutum Matutinum, mediam horam meditationibus impendet: si autem tunc forte quid aliud legendum vel cantandum sit, differet post absolutam Missam.

Deinde domum rediens poterit vacare negotiis, mox redire ad summam Missam, qua absoluta non impeditus, leget devotum aliquem librum usque dum ad prandium eundum erit.

A prandio, si libet, ambulabit ad horam, deinde ibit ad Vesperas, quibus finitis, quæ habet, expediet negotia, si non habet, debet se totum pietatis officii, & singulariter iis, quæ concernunt Mytheria Passionis Christi, de quibus supra & ratione, quorum nos animat S. Augustinus libro de Virginitate, cum ait: *Aspice vulnera pendentis, Sanguinem morientis, pretium vedimentis, cicatrices resurgentis, caput habet ad osculandum, brachia extensa ad amplexandum, totum corpus ad vedimendum, hæc, quanta sint, cogita, hæc in statera cordis tui appende, ut totus tibi figatur in corde, qui totus pro te fixus est in Cruce.*

A cœna faciet recollectionem & examen conscientiæ per mediam horam, ut sic se disponat ad cubile.

Ubi

Ubi non fiunt Matutina aut Vesperæ, disponent se illi, cum surgent, ad meditationem mediæ horæ, deinde ad celebrationem Missæ, postea ad negotia, mox intererunt summæ Missæ, & illa absoluta, impendent quod reliquum erit temporis lectioni, a meridie locus erit deambulationi, deinde resumptioni lectionis post recitatas Vesperas, postea vacabunt iterum negotiis suis, & deinde ad cœnam, ab illa vero facient ut supra.

Capellani pagorum cum surgent, ex quo in pagis nulla sunt Matutina, & summum Sacrum non nisi Dominicis & Festivis diebus, insument median horam meditationi, deinde legendo Officio, mox disponent se ad celebrationem Missæ, nisi Pastor aliter judicaverit, illa facta, domum redeuntes, legent ad horam aliquem pium librum, mox colendis hortis, si habeant, vel aliis exercitiis se occupabunt usque ad prandium, a meridie lectis Vesperis deambulabunt, deinde resument lectionem, & postea labore manuū. Reliqua de cœna & recollectione ut supra.

Clerici ad Ordinem aspirantes, promittent servare hanc methodum ante suam admissionem.

Id etiam præstabunt extranei Sacerdotes in Civitatibus pro aliquo tempore, vel pagis hæsurī, alioquin ad Missæ celebrationem non admittendi, & in hoc invigilabunt Archi-Presbyteri.

CAPUT VII.

Clerici, quamdiu nullo Ordine insigniti sunt, quatuor majoribus Festis ad minus Communionem sumant; sciunt autem Diaconi & Subdiaconi decere, ut singulis Dominicis & Festis Altari ministrantes, Sacram-Synaxim accipiant.

CAPUT VIII.

Clericus Sacris initiatus, aut Beneficium Ecclesiasticum obtinens, coram Iudice seculari Advocati, vel Procuratoris officio non fungatur, nisi propriam vel Ecclesiæ causam agat, aut miserabilem personarum.

CAPUT IX.

Artem quoque medendi aut tabellionarius non exerceat, nisi in casibus a jure expressis.

Tomus IX. Concilior. German.

CAPUT X.

Ab omni etiam venatione caveat, quæ cum armis aut strepitu sit, sub pœna arbitraria.

CAPUT XI.

Sicut supra inhibuitur fuit Pastoribus, ita & hic inhibemus omnibus Sacerdotibus adire convivium puerperarum, & alia ut ibi.

CAPUT XII.

Ebrietas, taberna, tabacum, irritamenta gula, non decent gentem sanctam, genus electum, Regale Sacerdotium, quare ordinamus omnibus Sacerdotibus, ut ab iis abstineant sub pœna trium florenorum in casum contraventionis eo ipso.

CAPUT XIII.

Uti in hac hominum malignitate omnis Cleri fugillandi tollatur occasio, non tantum incontinentiam, sed ornem etiam illius speciem aut suspicionem, quisque caveat. Quare si quis de Clero habeat ancillam, vel cum aliqua sic converteretur, ut obloquium exoriat, ad monitionem nostram, seu Vicarii, aut Archi-Presbyteri nostri, sub cuius districtu degit, hanc dissuere vel ab ea se sejungere teneatur, quod nisi fecerit, primo pœna librarum Flandricarum, & perseverans gravius punietur, quod etiam intelligimus de ancilla pridem male famata, & emendata.

TITULUS XVIII.

De Beneficiatis, & eorum Residentia.

CAPUT I.

Parochi jure Divino ad residendum obligantur, & nec consueverint, nec paucitate ovium, nec defectu domus propriæ a residentia eos excusari declaramus. Quare si qui non resident, mandamus iis, ut sine mora ad residentiam se conferant sub pœnis per Concil. Trid. & sacros Caneones comminatis.

CAPUT II.

Beneficiati neque ex fundatione, neque ex consuetudine, vel aliter obligati ad personalem residentiam, nihilominus onera suis Beneficiis incumbant.

R r r r

in

in Ecclesiis, ubi ea fundata sunt, plene ac debite expleri curent, alioquin hoc ipso, etiam in loco privilegiato resideant, a fructibus Beneficiorum suorum suspendantur, & suspensi maneat, donec docuerint debite de adimplerione oneris Missarum, ob cuius adimplerionis omissionem suspensi fuerant.

CAPUT III.

Beneficia in nostra Dicecesi possidentes, & sine placito a Nobis obtento, absentes a loco Beneficii sui, nec in eo residentes, monentur, quatenus intra quindenam procurent placita absentiarum suarum, exhibeantque testimoniales habitationis a Pastore, seu lege loci, in quo degunt, super vita, moribus, functionibus sive exercitiis suis, & eos singulis annis coram Nobis, seu Vicario nostro renovatas producant, ac de adimplerione onerum, ut supra, doceant sub pena arbitraria.

CAPUT IV.

Renovamus Ordinationes per Praedecessores nostros factas, de Solutione obsonii & Cathedralici.

CAPUT V.

Permittimus nihilominus illis Praelatis, qui circa hunc articulum praetendunt exemptionem, exhibere privilegia, quibus muniuntur, intra trimestre peremptorie, & sub pena non auditionis.

TITULUS XIX.

De Sepulturis.

CAPUT I.

Nemo praesumat corpora infantium non baptizatorum in Ecclesiis aut Coemeteriis benedictis sepelire.

CAPUT II.

Neque ullus sive Regularis, sive Sæcularis admittat ad sepulturam corpora defunctorum, qualiacumque illa sint, & etiam ob inopiam gratis fieri deberet, nisi Cruce præcedente, & uno saltem Sacerdote eadem comitante.

CAPUT III.

Ubi cumque quaestio erit de sepeliendo in Monasteriis, significetur id ipsum Pastori defuncti, ut juxta Edicta Principum possit hoc annotare in regi-

stro Defunctorum in eum finem confecto, & tam juxta dispositionem Conc. Trid., quam Canones conserventur ei sua jura illæsa.

CAPUT IV.

In sepeliendis mortuis seu deducendis ad Ecclesiam non poterunt Religiosi portare stolam extra Monasterii sui septa, juxta contentum Clementinæ: *Dudum de Sepulturis.*

CAPUT V.

Neque inducere aut persuadere morientibus, ut apud se eligant sepulturam, sub pena comminata in Clementina: *Cupientes de penis.*

CAPUT VI.

Renovamus Ordinationem, qua anno 1639. dicitur Pastorum regulatum Exequias soli Archi-Presbytero competere, & si illas non celebret, sua ei jura servanda fore.

CAPUT VII.

Taxa jurium funeralium Civitatis & Comitatus Namurcensis, prout illa inita & conventa est, de Mandato Regis cum consilio illius Provinciae describitur infra ad calcem Synodi, cui quisque se conformabit.

TITULUS XX.

De Scholis.

CAPUT I.

Pastores tam e suggestu, quam privatim admonebunt sæpe Parentes, ut filios suos & filias ad Scholas mittant, ubi illæ erectæ sunt.

CAPUT II.

Ubi non, ineatur methodus illis erigendis, & Magistro alendo.

CAPUT III.

In Scholis autem illis sedebunt separati masculi a puellis, & congruum foret, ubi media suppetunt, masculis virum, puellis feminam præfici.

CAPUT IV.

In Civitatibus, ubi ordinarie Scholæ Dominicales sunt, inhibemus easdem aperiri, nisi vel ante, vel post absolucum in Parochiis Divinum Officium.

TITU-

TITVLVS XXI.

De Seminario.

CAPVT I.

E Reximus in Urbe Cathedrali Seminarium, conformiter dispositioni Concilii Tridentini, efformandis Theologis prope Ecclesiam nostram de consilio & assensu Capituli nostri Cathedralis, in quo quisque in sua ad illud admissione declarabit se habere animum ad statum Ecclesiasticum, & insuper promittet, cum idoneus fuerit, id se muneris in Ecclesia Dei subiturum, quod ipsi iungemus, aut refuturum expensas, quibus Seminarium affecerit.

CAPVT II.

In Seminarium assumendus non erit minoris ætatis, quam sexdecim annorum.

CAPVT III.

Nemo amitteretur, nisi prævio examine, & singulis annis simile subibit, ut videatur an profecerit, & tunc statuatur de istis continuatione, aut dimissione.

CAPVT IV.

Admissus promittet, si ad pinguiorem fortunam venerit, se in memoriam accepti beneficii de bonis suis temporalibus recogniturum Seminarium.

CAPVT V.

Simul atque per ætatem, scientiam & alias Ordinibus suscipiendis idoneus fuerit, se ad eorum susceptionem componet per exercitia spiritualia, iussus suscipiet, ac in illis ministrabit.

CAPVT VI.

Renouamus contenta Tituli III. de Seminario, publicata per pie memorie Prædecessorem nostrum Illustrissimum Dominum BUISSERET anno 1604. ubi ait: "Bursarios docendos Cantum Gregorianum, computus Ecclesiasticos, Homilias Sanctorum, formas tradendorum Sacramentorum, cæterasque Cæremonias Ecclesiasticas, nostro, & Successorum iudicio."

CAPVT VII.

Quibus addimus regulas a Nobis præscriptas, & Domino Præsidi traditas, quibus omnes Alumni se conformabunt, sub penis in lisdem contentis.

Tomas IX. Concilior. German.

CAPVT VIII.

Et quia Concilium Trid. vult Episcopum duos Canonicos e sua Cathedrali eligere, quorum consilio in visitatione, discipulorum expulsionem & electione, ac aliis semper utatur, illi Decreto satisfaciendo ultra Revdum Adm. Dominum Gaudentium de Pollein, J. U. Licentiatum, Canonicum & Archidiaconum Namurcensem, ultimis eligis sive tabulis dicti BUISSERET sub titulo officii seu dignitatis nominatum Collatores ad Bursas ab eo fundatas, elegimus, & elegisse Nos declaramus RR. Adm. DD. Remigium de Lamy, S. Theol. & iurisque Juris Licentiatum, Præpositum Ecclesie Cathedralis, Vicarium Generalem, & Officalem nostrum Namurcensem, & Carolum Philippum de Wavre, Canonicum & Decanum Ecclesie Cathedralis.

CAPVT IX.

Similiter cum ex quatuor aliis, quorum consilio in temporali administratione, cæterisque huiusmodi utamur, duo a Nobis sint eligendi, alter e Capitulo, & alter e reliquo Clero Civitatis, id præstantes elegimus Adm. Rdm Dominum Simonem Ignatium Polchet, Archidiaconum per Gallo-Brabantiam, & Pastorem Sancti Joannis Baptistæ.

CAPVT X.

Declaramus insuper quoad duos reliquos e Capitulo electum esse Dominum Joannem Tuxlot, S. Theologiae Licentiatum, & a Clero Dominum Joannem Velain, Pastorem S. Joannis Evangeliste.

TITVLVS XXII.

De elocatione & conseruatione Bonorum Ecclesiasticorum.

CAPVT I.

E Locationes Bonorum Ecclesiasticorum, quæ anticipatis solutionibus fiunt, nullatenus Successores obligent, quocumque privilegio, vel indulto fulciantur.

CAPVT II.

Bona Ecclesie elocare non liceat ultra tempus a jure permisum, & per Synodum Provinc. Cameracensem expressum.

R r r r 2

pressum, nimirum fundos agrorum ad novem annos, pratorum ad sex, & decimas ad triennium, nisi illa cum fundis elocentur, quo casu ad sexennium poterunt elocari.

CAPUT III.

Elocationes bonorum beneficiorum a Beneficiatis initas, declaramus non durare diutius, quam pro illo anno, in quo Beneficiatus moritur, vel dimittit Beneficium, nisi elocationes factæ sint auctione publica, vel nisi contrahens a Nobis, vel Capitula, sub cuius jurisdictione illa Beneficia existunt, earum confirmationem obtineat.

CAPUT IV.

Non raro contingit bona Beneficiorum censibus vel redditibus gravatorum evinci, defectu solutionis eorum; ad id impediendum mandamus, ut singuli, qui ea gravata habent, eo tempore, quo dabunt specificationem bonorum, simul exhibeant Archi-Presbytero visitanti apochas solutionum, idque quotannis, vel saltem singulis biennis continuant, ex quo appareat illos satisfecisse ad exonerationem Successorum, sub poena arbitraria.

CAPUT V.

Bona piarum foundationum ad certos usus relicta, ad alios non transferantur, nisi de Sanctæ Sedis, Nostro, aut Regio consensu, ubi is requiritur.

CAPUT VI.

Eleemosynæ mensarum pauperum sine humano affectu, & acceptione personarum iis tantum distribuuntur, qui vere pauperes sunt, & in iis nihilominus vitæ, ac morum probitatis, cuiusque ratio habeatur, ad quem finem poterit adesse Pastor loci.

CAPUT VII.

Contra Decimatores & alios obligatos, non reparantes Ecclesias, Sacella & loca pia, neque præstantes ornamenta, procedatur exacte coram Nobis, Officialibus nostris, aut aliis a Nobis constituendis, in Districtu & Provincia Namurcensi, etiam per arrestum fructuum, Decimarum, & aliorum bonorum mobilium per eos possessorum,

juxta Concordatum initum inter Concilium Provinciale Namurcense, & Episcopum loci munitum condemnatione voluntaria; Anno 1566. signatum *Maximilianus*, & infra *van der Aa*, in Brabantia vero agatur cum Procuratore Generali ad effectum, ut supra.

TITULUS XXIII.

De Regularibus & Monialibus.

CAPUT I.

Abbates, ceterique Monasteriorum Superiores omnem curam, & diligentiam adhibeant, ut in Monasteriis sibi subjectis ea, quæ ad regulatam vitam substantiam pertinent, nullo usquam tempore relaxentur, sed fideliter observentur, ne substantia tanquam fundamento corrumpente, adificium ruat.

CAPUT II.

Atque ita diligentissime caveant, ne proprietatem, quæ tanquam apervincam Religionis exterminat, vel in minutius ullatenus admittant.

CAPUT III.

Quo autem id certius, & securius fiat, provideatur juxta dictamen Regule Religiosis de iis, quæ illis necessaria erunt.

CAPUT IV.

Religiosis promotis ad Beneficium curatum, Monasterio non subjectum, Nobis invitis, & non consentientibus per Prælatum suum Regularem illo privari, domumque revocari non potest, nisi Prælatus contrarium intendens legitimo privilegio muniretur.

CAPUT V.

Regulares Superiores, quibus aliquis Monasterii Monialium cura demandata est, provideant, ut Monialibus in potissimum Confessarii assignentur, qui non modo in casibus conscientiarum versati, sed etiam ætate proveci, & summa morum integritate probati sint, nec minorem cautionem adhibeant circa vitam, & mores sociorum iis adiungendorum.

CAPUT VI.

In omnibus Monasteriis Lectio sacra ad mensam adhibeatur.

CAPUT

CAPUT VII.

Extra horam refectionis non sit liberum Religiosis, etiam ob adventum parentum, comestationibus, aut comotationibus indulgere.

CAPUT VIII.

Mulieres ad loca regularia virorum, extra tempus processionum, sub pena excommunicationis contra illas, suspensionis contra Superiores ne admittantur.

CAPUT IX.

Non intrent claustrum mulierum viri, nisi in casu necessitatis, sub eadem pena.

CAPUT X.

Quando vero intrabunt infirmæ visitandæ vel administrandæ gratia, aut alia simili, non id facient, nisi comitibus duobus Religiosis, e senioribus in introitu, & exitu.

CAPUT XI.

Sacra Congregatio censuit, non licere Episcopis concedere licentiam mariti, fororibus, consanguineis ingrediendi Monasterium, & ex illis visitandæ causæ, vel etiam, dum facit professionem, proinde nemo a Nobis ad hoc licentiam petat, vel agere ferat, si repullam patiat.

CAPUT XII.

Nemo Religiosos fugitivos, & extra obedientiam vagantes recipere, sive vera, aut ad Sacramenta, & Ministeria Ecclesiastica admittere audeat sub pena excommunicationis.

CAPUT XIII.

Religiosi extra claustrum, vel Monasterium suum degentes, gerant habitum Regulæ suæ convenientem, ut omnibus innotescat eorum status, Professio & Religio.

CAPUT XIV.

Religiosorum Superiores non nisi graves, maturos, & pios, ac Regularis disciplina studiosos viros Novitius formandis præficient, qui eos in mortificatione, humilitate, charitate, ceterisque virtutibus probe instruant.

CAPUT XV.

Tales quoque Magistros suis Novitiis præbeant Sanctimonialium Præfata.

CAPUT XVI.

Opportunum foret Novitias Testamentum condere volentes, tantisper extra claustrum constitui (in Monasterio tamen manendo) donec id conditum sit.

CAPUT XVII.

Inhibemus omnem dotium anticipationem, ne illo medio Superior Novitiam acceptare cogatur, aut Novitia exire volens, defectu restitutionis dotis, aut molestiam patiat, aut contra voluntatem patiat.

CAPUT XVIII.

Sciatis Regulares posse Episcopum procedere contra Religiosos, prædicantes errores, & scandala.

CAPUT XIX.

Sed & illis mandare, ut proponant populo Festa, & jejunia hebdomadæ.

CAPUT XX.

Imo posse obligare Prælatum, ut puniat Religiosum delinquentem extra claustrum scandalose, idque intra tempus opportunum, alioquin illo lapsa, se eum punire posse.

CAPUT XXI.

In causa etiam hæresis, & sollicitationis mulierum, Regulares etiam exemptos Episcopo subesse.

CAPUT XXII.

Neque posse uti ullis privilegiis, si quæ habere prætenderent, nisi prius illa exhibuerint, & notificaverint eidem Episcopo.

CAPUT XXIII.

In Ecclesiis Regularium animarum curam habentium Episcopus visitare potest Sacramenta, paramenta, calices, & alia in administrando necessaria.

TITULUS XXIV.

De Judicibus delegatis & Examinatoribus.

CAPUT I.

Ad satisfaciendum Concilio Tridentino de Judicibus & Examinatoribus, huic Synodo præpositi, & ab ea probati sunt in urbe Namurcensi Judices, Rduis Dominus Remigius du

Laury, S. Theol. & Juris utriusque Licentiatius, Præpositus Ecclesiæ Cathedralis & Vicarius Generalis, R. D. D. Gaudentius de Pollein, Archi-Diaconus Namurcensis, R. D. Simon Ignatius Polcher, Archi-Diaconus Gallo-Brabantia, & D. Joannes de Franx, Officialis Brabantia. In Brabantia vero Amplissimi Domini Martinus Abbas Gemblacensis, & Bernardus Abbas Villariensis. Item Eximius Dominus Doctor Godefridus. Inter Sabim & Mosan R. D. Antonius Abbas Molienfis. Examinatores autem Domini de Vicariatu.

CAPUT II.

Meminerint hi juramenti, quo se obstringent, videantque, ut omni humano affectu semoto, munus a se susceptum recte obeant, & nihil ante & post examen, ratione illius accipiant, sub penis a dicto Concilio interminatis.

CAPUT III.

In omnibus & singulis examinibus interrogationibus, non solum consideretur examinandi scientia, sed etiam usus, ingenium, judicium & solertia.

CAPUT IV.

Nullus Examiner examinandum commender Collegæ suo.

CAPUT V.

Cautio sedula sit, ne alterius nomine quis examen subeat, & Examinatores decipiat.

TITULUS XXV.

De Synodo Diocesana.

SCiant omnia Capitula & Monasteria exempta, vel exemptionem prætendentia se ad Statuta Diocesana observanda teneri juxta resolutionem sacre Congregationis super Cap. 2. Sess. 24. de Reform.

Declaramus nihilominus Nos per præmissa Statuta non intendere derogare aut præjudicare authoritati Regiæ Sux Majestatis, & juribus illi quoquo modo competentibus, neque privilegiis aut exemptionibus, seu possessionibus subditorum ejus tam Ecclesiasticorum, etiam Regularium, quam Laicorum, si quas habent, & notanter eo-

rum, qui hæcenus se opposuerunt, & in futurum se opponere volent.

Decreta & legitime publicata sunt hæc Statuta Synodi præsentis præcipua totius Diocesis Clero, qui interrogatus: An nomine suo placeret illa per Secretarios Synodi subsignari pro majori eorum confirmatione, respondit: Placeat. Namurci die 6. Maji 1659.

Absoluta Synodo, Episcopus pronuntiavit sequens Decretum.

AD laudem Omnipotentis DEI, Beatissimæque Virginis MARIE & S. ALBANI Patroni nostri, decernimus Synodum dimissam, ac proinde cuique licitum esse, redire ad proprias Ecclesias. Hortamur autem vos, Fratres charissimi, ut tales vos præbeat in ministeriis vestris, qualis decet viros ab omni mundanorum cura segregatos, illudque maxime, cum redieritis, præstandum erit, ut populus omnis vos ab hac Synodo non mediocrem fructum reportasse intelligat, id fiet, si novo Sancti Spiritus lumine illustrati, quæ magna vis Synodorum, ac virtus est, cæteris in omni opere vestro præluere studueritis, & in omni parte officii vestri omnem diligentiam adhibueritis.

His peractis, factæ sunt acclamationes per Secretarium Synodi, Scholæ Cantorum, illi respondente cantu musico uti sequitur.

DE O Patri misericordiarum, & DEO totius consolationis, & gratia omnis laus, & gloria in sæcula sæculorum.

R. Amen, amen, amen.

Beatissimo Domino nostro, D. ALEXANDRO, Sanctæ & universalis Ecclesiæ Pontifici, Christiani nominis in omnes terrarum partes Propagatori, cunctarum gentium obedientia, pax vera, diuturna prosperitas.

R. Domini DEUS, Sanctissimum Patrem nostrum Ecclesiæ tuæ conserva, mitte ei auxilium de Supto, ut eo gubernante gentes omnes illuminentur, & quæ dispersæ sunt, in unam Ecclesiæ tuæ ovile colligantur.

Reverendissimo Domino nostro Episcopo hujus Synodi Præsuli, ejusque Ministris, salutaris vigilantia, in laboribus constantia est salis exitus.

Rc. Omnipotens DEUS, super Antistitem nostrum benedictionis tue dona multiplica.

Totius Synodi Clero, ejusque Conventui pacem, concordiam, & gratiam a Domino.

Rc. Pacem, concordiam & gratiam nobis Dominus concedat.

PHILIPPO, Regi Catholico, Religionis zelus, justitia & pacis fecunditas, & contra Christianæ Fidei hostes victoria.

Rc. Quasumus Omnipotens DEUS, ut Rex noster, qui tua miseratione suscepit Regni gubernacula, virtutum etiam omnium percipiat incrementa, quibus decenter ornatus, ad te, qui via, veritas & vita es, gratus pervenire.

Civitati & Diacefi Namurcensi tranquillitas, salus, & Divinarum rerum abundantia.

Rc. Benedic Domine filios tuos, & esto in circuitu populi tui ex hoc nunc & usque in sæculum.

Decretorum hujus Diacefis observantiam salutarem omnes, qui hic adsumus, unanimi voto a Deo honorum omnium largitore humiliter imploremus, intercedente Deipara Virgine MARIA, Domina nostra, cum Beatis Apostolis Petro & Paulo, ac Patrono Ecclesie nostre Albano, & omnibus Sanctis.

Rc. Fiat, fiat. Amen.

Absolutis acclamationibus celebratæ sunt Laudes Venerabilis Sacramenti, & post illas facta est Processio generalis, & in iis comparuit Capitulum Cathedrale cappis pretiosis indutum.

Abbates tam mitrati, quam alii, quibus peda sua præferebantur per Capellanos suos, etiam cappis ornati, Deputati Ecclesiarum Collegiarum, Archi-Presbyteri, Pastores & alii superpellicis & stolis induti, Proceres & alii Titulares cum reliquo Clero, post reditum cantatum est Te Deum laudamus, cum Collectis in gratiarum actionem, & deinde per Diaconum dictum est: Recedamus in pace.

Rc. In nomine Christi. Amen.

Acta sunt hæc in Ecclesia Cathedrali S. Albani Namurci die sexta Maji 1659.

BLONDEAU Synodi Secret.

DE ZUERENDONCQ, Secret.

Sequitur

Taxa Jurium Funeralium Civitatis & Comitatus Namurcensis.

De qua fit mentio Tit. De Sepulturis.

Art. 7.

1. **A** Rchi-Presbyter Civitatenfis celebrat ordinarie Missam defunctorum Nobilium, & eorum, quorum feretris e domo mortuaria arma (vulgo *Blason*) ad Ecclesiam præferuntur, aut in Ecclesia proponuntur, & habet pro juribus suis octo florenos, duo ejus Assistentes singuli sexdecim stuferos. Pastor loci pro Vigiliis & conductu sine Missa septem florenos cum medio, e quibus ipse sibi retinebit quinque florenos, Diaconus & Subdiaconus singuli quindecim stuferos & Matricularius viginti.

2. Choristæ cappis induti singuli decem stuferos.

3. Si domus mortuaria voluerit adhibere Musicos, dabit illis, prout convenierit.

4. In Exequiis ditiorum seu honoratiorum, si intra Chori cancellos sepeliantur, habebit Pastor sex florenos, Diaconus & Subdiaconus singuli sexdecim stuferos, Matricularius triginta duos.

5. In Exequiis eorum, qui intra Ecclesiam extra cancellos sepelientur, habebit Pastor quatuor florenos sexdecim stuferos, Diaconus & Subdiaconus singuli duodecim, Matricularius viginti quatuor.

6. Qui in cœmeterio sepelientur, dabunt Pastori triginta stuferos, Diacono & Subdiacono singulis octo stuferos, Matriculario quatuordecim.

7. Qui extra Parochiam sepelientur, non dabunt, nisi jura simplicia, & ordinaria juxta taxam & qualitates supra scriptas, sed pro comiteatu addent Pastori viginti quatuor stuferos, Matriculario sexdecim, Diacono & Subdiacono singulis decem.

8. Famuli, ancillæ, operarii, solvent universim quadraginta asses.

9. Juvenes capaces Sacramento- rum Eucharistiæ & Extreme Unctionis, solvent

solvent duas tertias jurium adultorum, nisi facti sint sui juris, quo casu integra solvent.

10. Si infra duodecimum ætatis annum moriantur, solvent dimidiata jura.

11. Parochiani extra suam Parochiam decedentes, solvent ut *Art. 7.*

De Candelis & Luminaribus.

12. Candelæ in Altari accensæ tempore Vigiliarum & Missæ possunt esse tam exigui ponderis, quam quis volet, & illæ cedent medietatem Pastori, medietatem fabricæ.

13. Ex candelis tempore Vigiliarum accensis ad feretrum, nihil habebit Pastor aut Matricularius.

14. E candelis in aliis Altaribus accensis tempore Exequiarum, nihil habebit Pastor.

15. In Missis Angelorum (si quæ sent) pro parvulis, habebunt Pastor & fabrica respective medietatem candelarum Altaris.

16. Si facies feretris apponantur, nihil ex illis cedet Pastori, sed videtur æquum, ut Ecclesia pro honorando Venerabili Sacramento duas habeat, sicut in aliis locis. Interim hoc relinquatur arbitrio hæredum vel parentum.

17. Oblationes cedent Pastori.

De Missis quadragenis & Anniversariis primis.

18. Pro Quadragesima & Anniversario primo (quod *Bout de l'an* vocant) Pastor & alii habebunt dimidiata jura Exequiarum.

De Missa Angelorum.

19. Pro Missis Angelorum, quæ sunt arbitrarie in funeribus Nobilium, & aliorum intra septennium defunctorum & inhumatorum intra cancellos Chori, solventur dimidiata jura ante taxata, quæ etiam servient pro illis, qui intra Ecclesiam, pro honestioribus, & aliis, qui in cœmiterio, & qui extra Parochiam.

20. Si Pastor curet celebrari per alium, ipse ex portione sua solvet Celebranti.

De Sepultura.

21. Si quis intra cancellos Chori inhumari desideret, & habere locum,

separatum, in quo nemo alius sepeliri possit, & super eo velit imponi lapidem monumenti, solvet pro eo semel fabricæ viginti quatuor florenos, qui vero in Ecclesia, solvet ejus dimidium.

22. Quando quis ex illius hæredibus morietur, dabit pro apertura terræ, si intra Chorum, quatuor florenos, si extra Chorum, tres.

23. Pro parvulis dabitur unus florenus, quando in Ecclesia, & octo stufferi, quando in cœmiterio.

24. Quando sepelietur quis extra Parochiam, nihil dabitur pro jure terræ.

25. Pro panno per quadragenam appenso Altari principali, & alio appenso feretro intra cancellos Chori existenti, dabitur Pastori semel summa octo florenorum.

26. Pro panno feretro appenso extra Chorum in Ecclesia, dabitur Matriculario summa quinque florenorum.

27. Relinquitur arbitrio hæredum dispendere restantiis candelarum feretri.

De sonitu Campanarum.

28. In Ecclesia Collegiata B. MARIE pro sonitu campanarum in singulas pausas, solventur (si majores pulsantur) decem stufferi, si minores, sex. In aliis Ecclesiis Parochialibus solventur sex Matriculario, qui eas dividet, uti hætenus.

Taxa funerum ruralium.

29. Quoad funera Nobilium, divitum mediocrium & operariorum, ac parvulorum, jura Decanorum, Pastorum, Matriculariorum, eadem quæ in Civitate.

Pro sonitu Campanarum.

30. Habebunt pulsatores in singulas pausas tres asses.

31. Finaliter in casum, quo super statu & conditione seu qualitate personæ oriretur controversia, ejus decisio remittetur ad Concilium Provinciale.

Catalogus opinionum,

Quarum præximè Episcopus Namurcensis interdicat Confectionis suæ Diocesis, ut in Tit. De Sacramento Pœnitentiæ, domo a S. Sede aliter ordinatum fuerit.

1. **L**icet Sacramentaliter absolvere dimidiate tantum confessos, ratione

tionē magni concursus poenitentium, qualis v. g. potest contingere in die magnæ Festivitatē, vel Indulgentiæ.

2. In rigore loquendo videtur, quod homo non teneatur unquam per totam vitam suam elicere actum amoris Dei.

3. Voluptates sensuum licite appeti posse propter se.

4. Nonnisi veniale peccatum est alterius famam sibi noxiam falso crimine elidere.

5. Famuli & famulæ domesticæ possunt occulte heris surripere ad compensandam operam suam, quam majorem judicant salario, quod recipiunt.

6. Dare temporale pro spirituali non est Simonia, quando temporale non datur tanquam pretium, sed duntaxat tanquam motivum conferendi, vel efficiendi spirituale, vel etiam quando per temporale fit solum compensatio gratuita pro spirituali, vel e contra. Et id quoque locum habet, etiamsi temporale sit principale motivum dandi spirituale, imo etiamsi sit finis ipsius rei spiritualis; sic ut illud pluris æstimetur, quam res spiritualis.

7. Quidam putant probabiliter nondum animato foetu licere abortum ad vitandum scandalum aut mortem procurare, ex quo apparet non condemnandam facile puellam abortum facientem, cum nondum est animatus foetus, ne deprehensa gravida, occidatur aut distametur.

8. Nemo tenetur occasionem proximam peccati vitare cum magno sui detrimento, unde nec concubinaris tenebitur dimittere concubinam, quæ ipsi nimis utilis est ad lucrandum bona temporalia, media negotiatione, vel etiam ad oblectamentum concubinarium, dum deficiente illa nimis ægre ageret vitam, & alia epulæ rædiq. afficerent concubinarium; & alia famula ad id nimis difficile inveniretur.

9. Licere poenitenti confitenti suo Confessario, quem crederet non daturum absolutionem, si fateretur consuetudinem peccandi, æquivocare, & negare consuetudinem cum ista clausula, ut tibi confitear.

Tomus IX. Concilior. German.

10. Si quis vel solus, vel coram aliis, sive interrogatus, sive propria sponte, sive recreationis gratia, sive quocumque alio fine juret se non fecisse aliquid, quod revera fecit, intelligendo intra se aliquid aliud, quod non fecit, vel aliam diem ab ea, in qua fecit, vel quodvis aliud addititium verum, revera non mentitur, nec est perjurus.

11. Famuli comitantes Dominum noctu, vel die ad domum concubinæ, qui sine eorum societate eo non iret, vel ferunt internuntia, vel literas, vel referunt hinc inde horam ad peccandum, vel faciunt excubias, vel custodiam, dum simul cum concubina, vel altera committit peccatum, absolvi non possunt, si consentiant in peccatum Dominorum, secus si id fieret propter temporalem commoditatem.

12. Cedentem turpiter bonis posse pro se & familia sua tuto retinere in fraudem creditorum, quantum sufficit, ne indecore vivat, licet debita, pro quibus cedit, sint ex injustitia & notorio delicto contracta.

13. In causa æquali potest Judex aliquid ab una partium accipere, ut sententiam in ejus favorem ferat.

14. Satisfacit præcepto Ecclesiæ de audiendo Sacro, qui duas ejus partes, imo quatuor simul a diversis Celebrantibus audit.

15. Licitum est quærere directè occasionem proximam peccandi pro bono spirituali, aut temporali nostro, vel proximi.

16. Non est nisi veniale, etiam absque utilitate cibo & potu usque ad vomitum se ingurgitare, nisi ex hujusmodi vomitibus gravia valetudini incommoda oriantur.

17. Neque ad culpam, neque ad poenam homicidii condemnandus est occidens eum, qui injuste aggreditur, usurpare rem, quæ est valoris unius aurei, vel minoris.

Collata cum suo originali concordant.

B. DE ROBIANO.

S s s s s

EPIS.

EPISTOLA Pastoralis

CHRISTOPHORI BERNARDI a GALEN, Monast. Episcopi,
ad Archi-Diaconos Monasterienses,

DATA

Anno Christi MDCLX.

CHRISTOPHORUS BERNARDUS, DEI ET APOSTOLICÆ SEDIS
GRATIA EPISCOPUS MONASTERIENSIS, S.R. IMP. PRINCEPS, &c. &c.

Humanarum rerum ea conditio est & natura, ut etiam, quæ optime sancita & constituta sunt, partim hominum imbecillitate & ad malum proclivitate, partim Demonis astutia paulatim deficient, & nisi cura pervigili sustententur, non tantum exiguis optimarum legum sit effectus, sed & subinde tantum erigi & emendari cœpta in deterius prolabantur.

Et quidem Nos pro impositi Episcopalis Officii ratione, non tantum in Synodo majore, sed & aliis, quæ eandem præcesserunt, & usque huc subsequutæ sunt, nihil eorum in Decretis Synodalibus nostra auctoritate & de consilio Rdi nostri Capituli Cathedralis publicatis omittendum duximus, aut omissum judicamus, quæ ad vitæ, morumque disciplinam in Clero & populo, bellorum injuria nonnihil perturbatam, in melius restituendam, ac deinceps confirmandam, imo & propagandam efficaciter conducere arbitramur, paterne sperantes, fore ut animarum a DEO Nobis commissarum salutem, ad ejusdem DEI gloriam, & solius salvificæ Religionis Catholicæ exaltationem cum certa optati successus spe consuleremus, dummodo ex morum innovatione & pietatis incremento, obedientia Superiorum decretis debita, & nostram assequeretur intentionem, & compensaret laborem, nec ullus pœnis contra delinquentes locus relinqueretur.

Expectavimus hucusque Archi-Diaconorum, quos Nobis cœu oculos Mater Ecclesia, & Canonum, Conciliorumque providentia adjunxit, Relationes, tam ex præscripto S. Concilii Tridentini, quam Synodalibus nostris Constitutionibus impositas, quibus & Nos de statu Ecclesiarum, Cleri, & animarum informemur, & informati universalem Pastorem S. Pontificem, prout tenemur, de ovium nostrarum profectu suo tempore in Domino lætificaremus, sed indignamur juste, aut saltem ex corde dolemus in re tam seria & necessaria Archi-Dia-

conorum aut Commissariorum paritionem & diligentiam desiderari.

Hinc est, quod iisdem per præsentem serio mandamus, & eosdem per meritum salutaris obedientiæ in Domino, requirimus, ut ante Synodum proximam autumnalem Decretis nostris parituri, Nobis, aut Vicario nostro in Spiritualibus Generali relationes suas plene juxta ac mature exhibeant, contra negligentes aut contumaces arbitrariam pœnam Nobis reservantes.

Archi-Diaconorum erit attendere, ne nominatus aliquis Pastor ad investituram admittatur, nisi prius ad examen pro cura personam suam stiterit, & qualificationis & approbationis suæ testimonium a nostro in Spiritualibus Vicario debite obtinerit, quo obtento, teneatur ipse Pastor post sex septimanas a die obitus Prædecessoris annum gratiæ erga salariū juxta Decreta Synodalia taxandum, deservire.

Similiter obligatos volumus Executores & hæredes defunctorum Pastorum, ut infra sex septimanas domum dotis evacuent, liberamque Successori habitationem cedant.

Pastores, qui domum dotis, dum viverent, factam rectam non servarunt, vel non inhabitarunt, & sic non inhabitando ruinæ aut ruinæ causam dederunt, teneantur in vivis aut post mortem ex relictis qualitercunque bonis negligentiam & damnum supplere, pro eo saltem modo & parte, prout in vivis obligati sunt, vel fuissent.

Pastoribus nullatenus permittatur extra domum dotis aliam habitationem eligere, nisi causa cognita aliud concedendum pro tempore & ad tempus videatur. Ubi bellorum injuria domus Pastorales combustæ sunt, adeoque præter arcas nihil restat, volumus & clementissime mandamus, ut cum consilio nostrorum Officiarum & Dominorum Proprietariorum de reedificanda domo dotis cum Parochianis prudenter, serio tamen aliquid concludatur.

Inter

Inter cætera, quorum cura Archi-Diaconis ferebat & singulariter est commissa, merito numeramus præ omnibus Lectionem Catechetica, & quia fere gravior culpa residet penes Pastores aut Sacellanos, quam Parochianos, procedatur contra negligentes singulis vicibus ad multam quatuor librarum ceræ, si medio anno neglexerint, ad suspensionem, si anno integro, ad privationem, cum intolerabilis & nimis damnosa sit in re tam gravi, & a qua animarum plurimarum salus dependet, negligentia.

Exigatur a Pastoribus, qui de vita dissolutiori antehac notam contraxerunt, scedula ultimæ & penultimæ confessionis factæ apud Confessarium, Nostra & Superiorum autoritate approbatum.

Quæ de cauponibus sæpius ordinata & publicata sunt, ut scilicet sub Missarum solemnibus & Concione Parochialis a compositionibus abtineatur, volumus etiam extendi ad horam, dum post meridiem Lectio Catechetica habebitur.

Patres & Matres familias si non ad minus semel singulis mensibus, ad istam lectionem suos five filios, five domesticos, etiam mature ætatis, vices circa personas sue familie alternando miserint, puniantur pœna arbitraria, idemque observetur circa illos, quibus propter simplicitatem instructionis Christiana est necessaria; excusabuntur tamen illi, qui mane Divinis Officiis ex præcepto Ecclesiæ affiterunt.

Ad solemnizandum Matrimonium simpliciores non admittantur a Parochis, nisi prius examinati, de iis respondendo satisfecerint, quæ necessitate mediis omnibus ad salutem scitu sunt necessaria; prout antehac idem in Synodis superioribus ordinatum & demandatum esse meminerint.

Cum Rustici tanquam rudes Religionem, & gravitatem corporalis juramenti vix satis dignoscant, tutius videtur, ut testes Synodales non ad formale juramentum, conceptis verbis emitendum obligentur, sed sufficere posset eos in vim juramenti obligari.

Abbatissæ aut Prælatæ jus præsentandi ad Archi-Diaconatus habentes, habeant suos Commissarios viros Ecclesiasticos & Sacerdotes probatos, per quos jurisdictio Archi-Diaconalis, præsertim si contra Clericos procedendum sit, administretur. Sin seque factum fuerit, quicquid immediate ab iis in publica Synodo, vel processu contra Clericos attentatum fuerit, careat omni robore & effectu, & in penam, inquisitio ad Nos, aut Vicarium nostrum devolvatur.

Tomus IX. Concilior. German.

Allaboretur ab Archi-Diaconis, quantum quidem fieri potest, ut in proxima Visitatione Archi-Diaconali formetur taxa singulorum Pastorum & Beneficiorum, & quantum communiter ex quibusvis bonis & obventionibus annuatim percipi possit, designetur. Judicamus enim clementissime posse talem informationem deinceps servire ad determinandam intricatissimam, & a pluribus annis ventilatam de annis gratiæ quæstionem.

Monemus, & in Domino præcipimus Superioribus Religioforum, præsertim Mendicantium, ut ad elemosynam colligendam, pro Terminariis, illi five Patres Sacerdotes, five Fratres laici deputentur, de quibus verisimiliter, imo certe sibi promittere possint, ex eorum conversatione nihil scandali aut sinistra existimationis in plebe aut simplicioribus oriturum, habita semper prudenti consideratione, ne Pastoribus locorum nimis onerosi deprehendantur.

Abtineant a Monialium confessionibus excipiendis, nisi specialiter ad id aut a Nobis commissionem habeant, aut examine prævio admitti & singulariter approbati sint, eo salvo, nisi ab ordinariis Monialium Confessariis vel Commissariis ter in anno juxta S. Conc. Trid. Decretum, vel alias, propter incidentem ex re nata necessitatem, cum licentia speciali, idque pro ista vice tantum requirantur.

Ad deservendos annos gratiæ non adhibeantur Religiosi, nisi consensum nostrum, aut Vicarii Generalis in Spiritualibus in scripto impetrarint, & eo impetrato ad contestandum zelum promovenda salutis animarum, aliosque suo exemplo excitandos solcite Lektionen Catecheticas diebus Dominicis instituunt, & successive continent, frequentiore usum Sanctissimorum Sacramentorum efficaciter inculcantes.


Cæterum omni meliori modo innovantes, & per expressum confirmantes omnia & singula, quæ & a Nobis, & a Prædecessoribus nostris in Synodis superioribus ordinata, publicata, & demandata sunt; Hæc etiam, quæ ex præsentis paginæ modo prælecta, vobis omnibus & singulis retinenda, observanda, & inviolabiliter custodienda, autoritate Episcopali a Deo accepta, serio demandamus, majoris meriti mensem, si obedientissime parueritis, vobis ostendentes, quam Nobis ipsis, qui pro salute vestra invigilantes, hæc duximus præcipienda. Valere in Domino JESU dilecti Fratres & Filii, Nosque, qui cum hoc Benedictionem Episcopalem vobis impertimur, & intentiones nostras, Ecclesiæ, Imperii ac Patriæ

bonum spectantes, precibus & Sacrificiis narum in Castro nostro S. Ludgeri anno
vstris sedulo adjuvare & promovete. Sig. 1660. die secunda mensis Martii.

Christophorus Bernardus mpp.

(L.S.)

Publicata sunt in Synodo Quadragesimali.



SYNODUS TORNACENSIS

Eodem anno Christi MDCLX. Alexandri VII. PP. VI.
Leopoldi I. Imp. II.

ACTA in CONGREGATIONE

QUE VULGARITER NUNCUPATUR *SYNODUS*, ET HABERI SOLET QUOLIBET
ANNO, TORNACENSIS IN PALATIO EPISCOPALI FERIA III. POST DOMINI-
CAM *MISERICORDIA DOMINI*, SICUTI ET HOC ANNO MDCLX.
MARTIS XIII. APRILIS EADEM FERIA TERTIA.

*Præsidente Ilmo & Revmo Domino FRANCISCO VILLANI
a GANDAVO, Dei & Apostolicæ Sedis gratia
Episcopo Tornacensi.*

*Assistentibus sibi RR. Admodum DD. Andrea Catulle, Presbytero, J. U. L. Archi-Diacono
majori & Vicario Generali in Spiritualibus & Temporalibus ejusdem Ilmi & Rmi Domini
Episcopi præfati. Item Gregorio Ignatio Coxce, Presbytero, J. U. L. Canonico & The-
saurario ejusdem Catbedr. Ecclesiæ. Matthia Navæo, S. Th. Doct. Can. Catbedr. Petro
Mazureel, J. U. L. Can. Catbedr. Jacobo Dalman, Penitentiario, Can. Catbedr. Ni-
casio le Febve, J. U. L. Can. & Officiali. Petro Lakier, & Joanne de Warignies,
respectively Abbatibus S. Martini, Ord. S. Benedicti, & S. Medardi, vulgo S. Marci, Ord. Can.
Regul. S. Augustini Civitatis & Diœcesis Tornacensis. † Petro van Cautere, J. U. L.
Præposito Insignis Ecclesiæ Harlebecensis. Joanne Lys, Ecclesiæ Collegiata Cort. Decano.
RR. DD. Cornelio du Ranel, Pastore S. Margaritæ, S. T. B. F. Decano Christian. Torn.
Nicolao Lamberti, S. T. L. Pastore S. Mauriti, Decano Christianit. Inf. Leonardo
Schaerts, Pastore S. Martini, Decano Christianit. Cortracensis. Francisco Martin, Pa-
store in Henvelin, Decano Christian. Seclinensis. Joanne Everardo Lessio, S. T. L. Pa-
store in Celle, Decano Christianit. S. Amandi. Joanne d'Haveloose, Pastore & Decano
Christianitatis Menenensis. Jacobo de le Ruë, S. T. B. Pastore S. Gensii, & Decano
Christianitatis Helbimensis Flandrorum. Joanne Prus, S. Th. L. Pastore in Robaix,
Decano Christian. Helb. Gallorum. Judoco Ignatio Ranst, J. U. L. Secretario.
Petro del Ruë, J. U. L. Advocato Fisc. Petro Villers, Scriba Curie
Spiritualis. Joachimo Bukelaere, & Petro Bertrand, Districtus
respectively Flandriæ & Walloniæ Promotoribus.*

Circa horam octavam matutinam per Illustr. & Rev. D. FRANCISCUM VILLANI
a GANDAVO, Episcopum Tornacensem, fuit celebratum Sacrum de Spiritu
Sancto, in Capella Episcopali sive S. Vincentii, pro hujus Congregationis prospe-
ritate & felici successu ibidem agendorum.

Quo Sacro finito, idem Revmus Dominus se recepit ad Aulam Palatii una cum Assisten-
tibus, in qua solet haberi Congregatio, ibique in primis habuit Oratiunculam,
qua præsentibus & assistentibus, nominatim Decanos Christianitatis, ad procurandum
animarum salutem & proponendum ea, quæ ad hanc rem faciunt, & ad Religio-
nis Catholicæ propagationem adhortatus fuit.

Rev.

Rev. Adm. D. *Andreas Catulle* Archidiac. Tornac. [loco Archidiac. Flandriæ, cui de more solito hoc incumbit] legit *Cap. 1. de Residentia Conc. Trid. Sess. 23.*

Dominus *Nicasius le Febvre*, Officialis, prælegit Acta Synodi five Congregationis anni 1649. quæ fuit ultima, interrupta postmodum simili Congregatione ob bella & pericula viarum, in quibus milites passim grassabantur, laus DEO, quod pace hoc anno reddita & publicata inter duos Reges; hæc Congregatio fuerit resumpta.

ARTICULUS I.

Releſto *Articulo, I.* tractante de reglamento concipiendo super observatione Festorum, & communicatione desuper habenda cum Dominis de Magistratu hujus Civitatis, & aliorum, si opus est, Magistratum; mandavit, ut conformiter (& quemadmodum factum esse intelligitur Bruxellis, & alibi) ad tenorem dicti Articuli peteretur communicatio cum præfatis Dominis de Magistratu hujus Civitatis, & casu quo Domini præfati differrent diutius, vel recusarent inire hujusmodi communicationem, & ad eos fines per suos Deputatos comparere in Palatio Episcopali, prout ab immemoriali tempore fieri consuevit, habeatur Recursus per modum querelæ ad Regem, seu ejus Concilium privatum.

II.

Ordinamus revideri instructiones, quæ alias conceptæ & impressæ fuerunt pro Confessariis jam admissis, & impoſterum admittendis, in quibus habeatur ratio Bullæ GREG. XV. & conferantur cum instructionibus, quæ in aliis Episcopatibus desuper data sunt: quod onus in se suscepit Dominus *Matthias Navvus*, Doctor & Canonicus Theologalis, ita ut deinceps quæcumque facultates ad confessiones audientas non concedantur, neque scribantur, nisi in calce dictarum instructionum, quas mandamus imprimi competenti numero statim atque per Nos approbatæ fuerint, totumque, si fieri potest, infra Festum Pentecostes proximum executioni demandetur.

III.

Quia vero per relationes veridicas Nobis pridem constitit & constat, quod Prætores, seu Ballivi cum Scabinis, conniventibus etiam Pastoribus, quibusdam, & Aëdituis, & Provisoribus mensæ pauperum durante præterita bellorum tempestate non sine sacrilegio

insumpserint & diverterint denarios nummos & redditus annuos Ecclesiæ & pauperum, solutionibus gabellarum, seu expensarum communium pagi applicare attentarunt; mandamus, ut Pastores quilibet in suis pagis diligenter inquirant circa hujusmodi abusus, atque etiam circa omnes Aëdituos & Administratores, qui computus non reddiderunt, vel computu reddito manserunt, & manent debitores, Nobisque declarationem in proxima visitatione per Nos, vel per Vicarium nostrum faciendam scripto consignent, ut ad restitutionem male impensorum, nec non solutionem debitorum, etiam implorato brachii secularis auxilio, compellantur.

IV.

Cum alias in Congregatione seu Synodo anni 1649. Art. II. salubriter constitutum fuit ob deperdita in pluribus Ecclesiis Parochialibus registra Baptizatorum & Matrimonio junctorum, ut Pastores conficerent singulis annis parvulum registram (expensis nempe a mensa Parochiali desumptis) in quo Baptizati & Matrimonio juncti describerentur, illudque tradere curarent Decanis Christianitatis in annua Congregatione Pastorum post Pascha faciendam, & Decani ea parvula registra ad Nos tuto remitterent in Archivis Episcopatus conservanda & retinenda, & nihilominus iidem Pastores aliud registram majus in folio, vel saltem in semifolio in Arca rite clausa asservarent, quod tamen hucusque a plerisque Pastoribus neglectum est, ordinamus & districte præcipimus illud omnino ab omnibus Pastoribus fieri & observari sub pœna, quod defectuosus pœna 6. florenorum multabitur, & non obstante multa, quæ sine dissimulatione a Decanis loci exigetur, iidem Pastores via juris ad supplendum isto anno defectum infra mentem a dicta Congregatione computandum, per Pro-

motorem ad Decanorum querelam & denuntiationem sub pœna alterius libræ grossorum compellantur & cogantur.

V.

Cum laudabile sit veterem & ab antiquo gestari solitum Religionis habitum, constanter & religiose retinere, hinc est, quod prohibendum duximus & prohibemus stricte, ne quis Regularium, Monialium, etiam Hospitalarium, seu alterius cujuscumque Instituti, vestem seu habitum suum Religionis vel quoad formam, vel quoad materiam innovet aut mutet, addendo vel tollendo aliquid, sine nostra in scriptis licentia, mandando Directoribus & Administratoribus Monasteriorum & Hospitalium, ut singulariter ad hoc invigilent, ac Nobis fideliter & sine mora deferant, ad hujusmodi abusibus occurrendum pœna juris ac alia arbitraria, ad quas sine dissimulatione contra Nobis subiectos autoritate, quidem ordinaria, contra exemptos potestate Nobis in hac parte delegata quantocius procedemus.

VI.

Mandamus, ut Decani Christianitatis & Pastores Ecclesiarum Parochialium, præsertim in Civitate Tornacensi, oppidis Insulensi & Contracensi, & alibi diligenter invigilent, an ex locis hæresi infectis venientes non permittant in ædibus suis fieri conventicula, quæ vocant *Prebians*, habeant vel distribuant libros vetitos, seu alia scandala committant, aut etiam alios pervertere conentur in præjudicium Orthodoxæ Fidei; maxime cum placuerit Regiæ Sux Majestati pro suo in Fidem Catholicam zelo, quoad eos præscribere modum & ordinem tum per Edictum anni 1609. ac literas ad Nos, & alios Episcopos nuper directas, quibus Officiale nostrum sese conformare absolute volumus & mandamus.

VII.

Item curent etiam Decani Christianitatis, ut Bibliopola & Ludimagistri renoveant singulis annis in manibus suis Fidei professionem, nec non visitent Officias Bibliopolarum, an non habeant libros prohibitos, sicuti & in

auctionibus publicis librorum: & casu quo repererint tales, eos per modum sequestri retineant, & ad Nos transmittant: quales sunt Scripturæ & Biblioporum vernacula lingua traducti, & denique, quoties Bibliopola recipiunt sarcinas librorum, eas aperiant præsentibus, si opus est, librorum Censuribus.

VIII.

Injungimus denuo, ut alias & omnino stricte Archi-Diaconis & Decanis Christianitatis, ut singulis annis in suis visitationibus diligenter inquirent super negligentia Pastorum, qui defectuosi sunt in catechizando, non obstantibus tot admonitionibus desuper factis, sicuti idem mandamus Promotoribus, ut eos sine conniventia procurent citari, & puniri pœnis per Prædecessores nostros statutis, quas hic renovamus, scilicet sub pœna trium florenorum pro prima vice, pro secunda sex florenorum, & postea sub pœna privationis ab administratione fructuum absque ulla dissimulatione per Officiale nostrum multari procurent. Qui quidem Promotores qualibet Feria sexta Quatuor temporum teneantur Nobis, seu Vicario nostro Generali & dictis Archi-Diaconis tradere nomina hujusmodi Pastorum, qui ob istam negligentiam citati & notati fuerunt, sub pœna, quod ipsimet Promotores pœnam pecuniariam trium florenorum incurrant, quam Dominus Sigillifer, seu ejus Clericus statim exiget, & insuper ad trimestre ab officio suspendentur, præcipiendo etiam Archi-Diaconis & Decanis Christianitatis, ut statim facta sua visitatione defectuosos hujusmodi Pastores Nobis denuntiare, & in scriptis tradere non omitant.

IX.

Vesperæ dierum Dominicorum & Festorum, quæ in quibusdam Parochiis belli tempore fuerunt omissæ, vel statim post Missam decantatæ, deinceps post meridiem circa horam secundam decantabuntur, sicuti & illæ, quæ in Sabbato & pridie majorum Solemnitatum celebrari consueverunt.

X.

X.

Mandamus quoque horas per Statuta Synodalia præfixas ad Missam Parochialem celebrandam, videlicet a Paschate usque ad festum S. Remigii circa octavam, & a festo S. Remigii usque ad Pascha circa nonam, imposterum servari sub pena unius floreni, pro quolibet defectu.

XI.

Cum non sit toleranda quorundam Aëditorum & Administratorum mensæ pauperum, sive etiam Quæstorum negligentia in computibus suis reddendis, qui jam pridem fuerunt neglecti, etiam connivente Pastore; ordinamus districtè, ut Pastor serio invigilet & procuret assignari certum diem, intra quem hujusmodi computus reddantur, & defectuosi per multas pecuniarias bonorum, vel etiam corporis apprehensionem, adhibito & implorato Dominorum temporalium brachio seculari, & in subsidium per pœnam excommunicationis a Domino nostro Officiali ferendam, ad id cogantur, sub quibus pœnis etiam volumus bona Ecclesiarum ac mensæ pauperum ob belli injuriam in contributiones, gabellas, & alias expensas ipsius pagi, vel ipsius communitatis conversâ, a Prætoribus, vel Scabinis, vel ab iis, qui ad id obligantur vel tenentur, recuperari saltem intra biennium, vel citius, si fieri potest.

XII.

Cum deceat Clericos vestium honestate, & gravitate morum, vitæ integritatem testari, ordinamus dentos, (insequendo Conc. Trident. Statutum Sess. 14. Cap. 6. quod observari omnino desideramus) ut quisque Beneficiatus, præcipue Sacris Ordinibus initiati, ac maxime Sacerdotes vestem & coronam gestent Ordini congruentes, conformiter ad Statuta Synodalia Reverendiss. Domini piæ memoriæ Prædecessoris nostri, Cap. 15. *De Clericis in genere*, idque sub pœna pecuniaria pro arbitrio nostro ad pium usum applicanda, ac alia, si opus sit, graviore.

XIII.

Cum ex antiqua consuetudine hujus Diocesis ad instantiam Magistratus

oppidorum & urbium consueverint Episcopi dispensare super esu lacticiuorum tempore Quadragesimali, demptis Cinerum & Parasceves diebus, mandamus, ut Pastores, etiam rurales, id populo e suggestu ipso die Cinerum denuntiare non omitant, & ea conditione, ut quilibet de populo juxta facultates suas in recognitionem, sive commutationem dictæ dispensationis & gratiæ, aliquam elemosynam Ecclesiæ Parochiali vel pauperibus elargiri obligetur.

XIV.

Item ex antiqua & pariter immemoriali consuetudine observatum extitit, ut expensæ faciendæ pro acquisitione campanarum, nec non refusione seu refectione, quando eas contingit, rumpi & effringi, sicuti etiam pro funibus & cordis, ac alias: ut expensis pagi seu communitati solvantur, & nullo modo ex mensa Ecclesiæ Parochialis, vel pauperum desumantur, nisi ex speciali gratia id per Nos concessum fuerit, consentientibus Pastoribus & Aëditis; mandamus, ut dicta consuetudo, tamquam rationabilis, exacte observetur.

XV.

Mandamus observari, & in quantum opus est, confirmamus & renovamus Statutum Synodale GUILBERTI DOGNI, Prædecessoris nostri Episcopi, Cap. 8. Tit. *De Parochis & eorum officio*, nempe, ut advigilent Pastores diligenter, si sui Parochiani singulis diebus Dominicis & Festivis Missæ Parochiali & Divinis intersint Officiis, & si quos tribus Dominicis continuis sine legitima causa se absentare cognoverint, ad Nos, nostramque Curiam deferant pro modo culpæ puniendos, juxta consuetudinem & ab omni immemoriali tempore in hac Dicecesi, & pluribus aliis Episcopatibus tam in Gallia, quam alibi observatam, non sine evidenti ratione & utilitate, quandoquidem multa publice in Ecclesia Parochiali denuntiantur, quæ merito ab omnibus sciri debent: prout sunt bannorum denuntiationes, Festorum & jejuniorum dies, & alia magni momenti, quæ ad Fidem & salutem animarum necessaria sunt, unde ex negligentia Parochianorum frequen-

frequentandi suas Ecclesias Parochiales eventit, quod hujusmodi denuntiatio- nes suo careant effectu, & impedimenta Matrimonii non aperiuntur, immo & a multis jejunia negliguntur, nec non plures, etiam adulti, ignorent ea præcepta, quæ ad Fidem & salutem neces- saria sunt & opportuna.

XVI.

Cum plurimum Sacerdotali de- trahat dignitati, quod plurimi Sacer- dotes inutiliter omnino vivant, sic qui- dem, ut nonnulli etiam Missam non celebrent, ad quod cessante legitimo impedimento teneantur: sed solummo- do ter, quaterve in anno celebrare con- sueverint, vel si quotidie celebrent, reliquum diei tempus colloquiis ad rem non pertinentibus, deambulationibus, frequentationibus tabernarum, ludis alearum, & vanis hujusmodi oc- cupationibus impendant, sicque ab omni literarum studio, simulque a quo- vis orationis & pietatis exercitio pe- nitus semoti vivunt, & inde in crassam & intolerabilem deveniant ignoran- tiam, & sibi & Ecclesiæ Dei inutiles reddantur, cui desidia & malo otio ut remedium aliquod adhibeamus, man- damus, ut Decani Christianitatis sin- gulis annis ejusmodi desidiosos & otio- sos Sacerdotes sistant coram Nobis, aut Vicario Generali, quando Nos in loco gratia visitationis & alias esse contin- get, ad hoc ut suæ vitæ rationem quo- ad mores & temporis insumptions reddant, nec non examen suæ quoad doctrinam capacitatis subeant, & ho- minatim, qui inter tales Sacerdotes ad- missi sunt ad confessiones audiendum: ad se sistendum, ut supra moneantur, & si opus est, cogantur. Si vero tales Sacerdotes bis, terve moniti nolint sese applicare alicui operi pio, v.g. in in- structione juventutis, Catechismoque faciendo in Schola Dominicali, aut aliis Scholis: sed continuent in vanis oc- cupationibus, ludis, seu vita otiosa, man- damus eos citari ad Curiam nostram, & per Dominum Officialem tanquam putrida membra extra reliquum cor- pus Sacerdotum nostræ Diocesis ab- scindi, hoc est, extra Diocesim relegari.

XVII.

Invigilent Decani Christianitatis, an Sacerdotes & Eremitæ, qui ple- rumque instar Iocustarum vagantur per oppida, vel civitates, vel etiam pa- gos, ut statim ad propria redire cogan- tur, observeturque Statutum alias de- super editum sub Revmo Domino Præ- decessore nostro anno 1643. Tr. 12. Cap. 12.

XVIII.

Insuper declaramus Capellanos, sive Sacerdotes domesticos, habitantes in Castris Dominorum temporalium, subiei visitationi Archi-Diaconorum & Decanorum Christianitatis, non mi- nus, quam quoscunque alios Presby- teros Nobis jure Ordinario subiectos, sicuti & Oratoria in dictis castris exi- stentia pari modo & minus subjiciantur, quam Ecclesiæ Parochiales. Si vero contingat Dominos temporales, vel eorum Capellanos non velle admit- tere hujusmodi visitationem, post mo- nitionem a Nobis, vel Vicario nostro Generali semel iterumque factam, vo- lumus & decernimus, ut tales Capel- lani a Divinis in eodem loco suspendantur, quamdiu ipsi, vel Domini tem- porales fuerint in hoc inobedientes, atque insuper dicta Oratoria interdicto Ecclesiastico subijci, ita ut non liceat per alios quoscunque Sacerdotes, etiam Regulares, ibidem celebrari sub poena suspensionis ipso facto incurren- dæ, vel etiam incarcerationis suarum personarum, de quo dicti Domini tem- porales per ipsum Visitatorem, seu Ar- chi-Diaconum, seu Decanum Christiani- tatis moneantur.

XIX.

Volentes rigoroſe observari sacros Canones de Baptismo, prohibemus iterum, uti alias, per Statuta Revmi Do- mini nostri Prædecessoris prohibitum reperimus, ne quis extra Ecclesiam & sine solemnitatibus in Mantali præ- scriptis Sacramentum Baptismi conferre præsumat: sub poena suspensionis a Di- vinis per trimestre, ac alia arbitraria, exceptis Regum, Principumque filiis, & casu necessitatis (per quem intelli- gimus evidens periculum mortis infans baptizandi) vel nisi ob rationabilem

&

& justam causam animum nostrum ad id moventem, dispensandumque esse duceremus pro brevi aliquo termino, intra quem caeremonias præfatas in Ecclesia Parochiali & loco consueto adhiberi, & suppleri sub pari suspensionis ac alia arbitraria poena ordinamus. Parentibus vero id differrentibus, Pastor, qui prolem affecuravit, eos ad id monebit sine conniventia, & Nos, vel Vicarium nostrum hujusmodi suæ monitionis certiores reddet, alias uti hujus nostræ Ordinationis transgressor punietur.

XX.

Insequendo Decreta Conc. Trid. Sess. 24. Cap. 8. nominamus pro examine Pastorum eosdem, qui adhuc in vivis existunt, & nominari fuerunt in Synodo seu Congreg. annua per Nos habita 2. Septemb. an. 1648. loco vero RR. Admodum DD. Defunctorum, videlicet Joannis Baptistæ Stratii, dum viveret, Ecclesiæ Cathedralis Decani: Gasparis van Louvetten, Archid. majoris, vulgo Torn.: Adriani Lamoraldi Villani a Gattardo, Thesaurarii: Godefridi Wendelini, Ex-

canonici & Officialis: Cornélii van den Heyden, tunc Pastoris Contracenensis, nunc in longinquis agentis; substituiimus RR. DD. Nicolaum le Febvre, J. U. L. Officiale nostrum modernum: Jacobum Brabant, S. Theol. Lic. Canonicos Ecclesiæ Cathedralis, & Cornelium du Ravel, etiam Theologum & Pastorem Ecclesiæ S. Margaritæ Civitatis Tornacenensis, & Tornacensi Decani Christianitatis.

XXI.

Deputati fuerunt Judices Synodales iidem, qui in dicta Synodo præcedenti, & in vivis existunt, loco vero defunctorum, vel alibi extra Civitatem & Diocesim nostram Torn. residentium: substituti fuerunt RR. Admodum DD. Ignatius Gregorius de Coxie, J. U. L. Thesaur. & Canon. nostræ Cathed. Ecclesiæ: Nicolaus le Febvre, Off. qui supra: Petrus de Gazier, & Joannes de Warignies, respective Monasteriorum S. Martini, Ord. S. Benedicti, & S. Nicolai seu Medardi, vulgo S. Marci, Ord. Canonic. Regularium S. Augustini Civitatis & Diocesis Tornacenensis Abbates.

NOTATIO SCRIPTORIS

AD ANNUM CHRISTI MDCLX.

De Synodis aliis, ab Illmo & Revmo FRANCISCO GUILIELMO, Comite de Wartenberg, glor. mem. celebratis.

Post Synodum, quam dedimus, Osnabrugensem Majorem, Præsidi Illmo ac Revmo Principe D. FRANCISCO GUILIELMO, a. 1628. habitam, decem omnino & quatuor alias ab eodem Præsule celebratas reperio; quas inter Osnabrugenses octo ad illam, veluti cynosuram suam, plerumque respiciunt. Accedit, quod Acta singularum ipsa, Statutaque aut desiderentur, aut certe non, nisi mutila vel redacta in compendium existant. Quare satis me facturum puto, si, quo loco, quo anno ac die Synodi istæ prodierint, delibatis obiter rebus memoria dignioribus, ex laudata sæpius Kalcoviana editione paucis hic benevolo cum Lectore communicem. Typo subjecimus Osnabrugenses præterea duas, anni 1629. alteram; alteram a. 1630. (vide pagg. 504. & 510.) quas idem dignissimus Antistes, ex Ss. Concilii Tridéntini præscripto habuit. Conversus deinde ad cognoscendum Verdenſis Diocesis statum, eundemque, quibus mediis posset, pristinae, unde per bellicos motus & heterodoxorum licentiam dejectus fuerat, integritati restituendum, Verdenſis Synodum indixit, ubi non sine stupore in Ecclesia Cathedrali tres consecratas Hostias omnino integras, illæſasque, aliis non consecratis in lignea pyxide situ squalidis atque a verminibus corrosis, tum sacram thecam, seu Solem Eucharisticum, quam Monstrantiam dicimus, ex argento, aliaque vasa sacra, tumbam denique primorum istius Ecclesiæ Episcoporum, quod cum Pontificii vestitus partes, tum liber antiquissimus, fausto simul omine inventus testabantur, venerandas complectentem exuvias repererat. Quod sane admirationis habeat non parum; cum ab infelici mutata Religionis epocha intra ipsos tres & sexaginta annos tot belli fluctibus jactata civitas fuisset, aliumque per vices, cui parcendum erat, obtinisset Gubernatorem.

Indictam celebravit Synodum Celsissimus Princeps octava Maji, Sacris operante Cardicenti Episcopo ac Suffraganeo Paderbornensi Revmo D. Joanne Pelckingio, Ord. S. Francisci, & P. Augustino Turriano S. J. Orationem Synodicam habente, sub qua Prædicantes viginti-circiter & quatuor cum Superintendente, ut vocant, comparuere. Lecta post publicam Fidei professionem Synodalia Statuta, quæ inter primo promulgabantur Concilium Trid., Breviarium Rom. & Calendarium novum Gregorianum. Altero die, jussis emigrare A catholicis; Catholicisque eorum loco Pastoribus ac Rectoribus Ecclesiarum designatis, hæc Synodus finem habuit die 8. Maji a. 1630.

Biennio post iisdem ferme *Mindensis* Ecclesiæ vultibus eadem applicuit medicamenta FRANCISCUS GUILIELMUS, promulgatam nimirum ante omnia Osnabrugensem Majorem Synodum, & Decreta quædam tam loco, quam tempori apta, solenni in Synodo die 15. Octobris publicatæ. *De Christiano, Duce Brunsvicensi, quem Comes de Schaumburg, Episcopus Catholicus, Coadjutorem sibi assumpturæ, fors alibi erit differendi locus.*

Synodo Hildesimensi a. 1633, die 23. Januarii celebrata, atque a restitutis sub ea tempora Cœnobijs ac Parochijs comparentibus illustri, præfuit FRANCISCUS pro Maximiliano Henrico, Baviaræ Duce, adhuc minorenni, seu *Commissarius*; Bonnenisibus aliquot ab anno 1629, coactis, tanquam Præpositus & Archi-Diaconus Bonnenis; Ratisbonensi 3. Julii a. 1650. habitæ, ut ejusdem Ecclesiæ Episcopus; Pluribus postmodum Osnabrug. Anno demum 1660. die 2. Aprilis, ad habendam iterum Ratisbonæ Synodum, Clero Literas dedit encyclicas, quarum exemplar profert *Cl. Lünig P. II. Spicik. Eccl. Cont. II. a pag. 885.*

SYNODUS TORNACENSIS

Anno Christi MDCLXI. Alexandri VII. Papæ VII.
Leopoldi I. Imp. III.

CONSTITUTIONES

FACTÆ IN CONGREGATIONE, QUÆ VULGARITER NUNCUPATUR *SYNODUS*, ET HABERI SOLET QUOLIBET ANNO TORNACI IN PALATIO EPISCOPALI MARTIS FERIA III. POST DOMINICAM II. POST PASCHA, QUÆ CANTATUR IN ECCLESIA, *MISERICORDIA DOMINI*; EVOCATIS ALIQUOT DE CLERO PRÆCIPUIS DIOCESES TORNACENSIS, UNA CUM OMNIBUS DECANIS CHRISTIANITATIS, SICUTI ET HOC ANNO MDCLXI. MARTIS

III. MAJI EADEM FERIA III.

Præsidente hoc anno, ob infirmitatem Illmi & Revmi D. FRANCISCI VILLANI a GANDAVO, Dei & Apostolicæ Sedis gratia Episcopi Tornacensis, ejus Vicario Generali in Spiritualibus & temporalibus R. Adm. D. ANDREA CATULLE, Presbytero, J. U. L. Archi-Diacono majori & Canonico Catbed. Torn.

Assistentibus RR. Admodum Dominis, Gregorio Ignatio Coxie, Presbytero, J. U. L. Thesaurario, &c. &c. (Iisdem ferme, qui anno superiore.)

Circâ horam octavam matutinam per Rev. Adm. D. Andream Catulle, Vicarium Generalem Illmi & Revmi Domini, fuit celebratum Sacrum de Sacro Spiritu in Capella Episcopali, seu S. Vincentii, pro felici hujus Congregationis successu, ac ibidem proponendorum salutari resolutione.

Abfolato Sacro, idem Rev. Adm. Vicarius Generalis comitantibus præfatis Assistentibus recepit sese ad Aulam Palatii Episcopalis, in qua solet haberi Congregatio, ibique

ibique RR. Adm. DD. Assistentes Oratiuncula de more ad serio amplectendam curam animarum, earumque salutem procurandam in Domino fuit adhortatus.

Postea mandavit per Rev. Adm. D. *Coxie*, loco Archid. Flandriæ absentes (qui hoc facere solet) legi Statutum de *ouere Resid. Sess. 23. Conc. Trid. Cap. 1.*

Rev. Adm. D. *Nicaſius le Febvre*, Officialis, prælegit Acta Synodi præcedentis.

ARTICULUS I.

Ordinatum fuit, ut omnino mandetur executioni id, quod præcedenti Congregatione statutum fuit circa observationem exactiorem Dominicorum & Fectorum dierum, & circa cessationem ab operibus servilibus & mercaturis exercendis, præsertim in Civitatibus, ubi præcipue & cum majori scandalo violantur, officinis passim apertis. Ad quem finem alias Reverendissimus Dominus jussit coram seipso, assistentibus sibi Archi-Diacono majore & Domino Officiali, invitari ad Palatium suum Episcopale aliquos a DD. de Magistratu Torn. deputandos, ut desuper pro faciliore executione, communicatione simul habita, providetur.

II.

Circa executionem Articuli præcedentis Synodi, quantum ad bona mensæ Parochialis & pauperum, & arrieragia debita, ipsosque redditus in solutionem Gabellarum seu expensarum communium pagi applicatos, sive impenſos, ordinatum fuit, ut offeratur libellus supplex Sux Majestati sub nomine Decanorum Christianitatis & Pastorum hujus Diocesis in Concilio ejus privato, quatenus dignetur Sua Majestas facere Edictum publicum sive Decretum, quo mandetur Ballivis, seu Prætoribus & Scabinis, Ædituis & mensæ pauperum Provisoribus seu Receptoribus, ut infra sex menses a die publicationis reddent computus more & forma consuetis de ejusmodi arrieragiis & denariis, ut præfertur in utilitatem communis expensis, sicut etiam ad hoc, ut documenta quæcumque ad Ecclesias Parochiales & mensas pauperum pertinentia, quæ apud se derinent, vel alio transulerunt, restituere, & in istis ad hoc destinatis in Ecclesiis reponere cogantur, sub duabus clavis: quarum una erit in manibus Pa-

Tornus IX. Concilior. German.

storis, alia in manibus Ædituorum & Provisorum mensæ Sancti Spiritus sive pauperum.

III.

Statutum fuit pro executione Art. IV. præcedentis Congregationis circa registra Baptizatorum & Matrimonio junctorum, & circa parvulum registrum conficiendum, & aliud registrum majus in folio, ut omnino poenæ statutz contra Pastores negligentes defectuosos in conficiendis similibus registris tam per Decanos Christianitatis, quam Archi-Diaconos, jus visitandi habentes, exigantur sine dissimulatione: quod quidem onus conficiendi similia registra, intelligitur impositum non solum Pastoribus ruralibus, sed etiam Civitatum & oppidorum.

IV.

Ex occasione, quod Articulo V. præcedentis Synodi prohibitum, stricte reperitur, ne quis Regularium ac Monialium, etiam in Hospitalibus seu Nofocomijs & Xenodochiis, cujusvis Ordinis aut Instituti, vestem seu habitum Religionis innovare aut mutare præsumant, sine licentia ejusmodi Revmi Domini Episcopi Diocesani in scriptis obtenta, quod tamen etiam novissime factum est in plurimis locis: hinc etiam prohibetur Priorissis Hospitalium, ne sibi nomen vel titulum ab antiquo attributum, v. g. Domine (vulgo *Madame*, aut Flandriæ *Mevrauwe*) arrogare præsumant: sicut inhihemus omnibus Nobis subditis, ne eas publice sic appellare vel in scriptis, seu libris annotare præsumant contra antiquam nuncupationem: *Dame prieuse*, Flandriæ: *Vrouw prieuse*, præsertim, si ab immemoriali tempore titulo tali non fuerint insignitæ. Quæ meminisse debent sese satis magno honore insigniri, dum sunt & nuncupantur servæ & ancillæ pauperum seu membrorum Christi: cum & nomen istud *Madame*, aut *Mevrauwe*

T t t t 2

sapiat

sapiat potius vanitatem sæcularem, quam modestiam regularem. Quod tamen de Abbatissis, utpote majore præminencia in Ecclesia fulgentibus, locum non habere declaramus.

V.

Salubriter institutum est Art. VI. præcedentis Synodi, ut Decani Christianitatis & Pastores Parochialium per totam quidem Diœcesim, sed maxime in Civitatibus invigilent circa externos, qui ex loels hæresi infectis sese irrepunt, & libros veritos hinc inde spargunt sub variis prætextibus: sed revera ut habeant conventicula secreta, in quibus tractant de Lutheri & Calvinii sectis & dogmatibus, & ad illa attrahere conentur simplices de populo: cui rei jam reddita pace & libertate omnibus ex Hollandia, aut aliis locis suspectis veniendi ad has partes, invigilandum est, prout continent litteræ Sux Majestatis Regiæ nuper ad omnes Episcopos Belgii directæ, ultra Edictum Serenissimorum Archid. ALBERTI & ISABELLÆ 1609. quæ hic ideo ad longum post hæc Statuta reperiuntur. (*Scriptæ Gallice.*)

VI.

Cæterum ad hunc finem tendunt etiam, quæ statuta sunt Art. VII. nempe, ut Decani Christianitatis curent ad se evocari Bibliopolas & Ludimagistros in ordine ad Professionem fidei in manibus suis quotannis faciendum & renovandum, nec non visitent Officinas Bibliopolarum (quod & iungitur Censoribus librorum) an non habeant libros prohibitos, sicuti etiam quoties adveniunt externi librorum venditores, & in auctionibus publicis: & si quos libros prohibitos reperiant, eos per modum sequestri retineant, & ad Revmum Dominum, vel ejus Vicarium Generalem transmittant: deprecantes DD. de Magistratu, ut desuper brachium suum sæculare (si opus est) Decanis & Censoribus librorum imperiantur.

VII.

Dolendum porro est, ut ad aures Revmi pervenit, quod præfati Decani & Censores Librorum nuper a quodam Magistratu (qui hic honoris causa

subticitur) fuerint impediti ad similes libros prohibitos sequestrandum, nominatim opera Caroli Molinæ, quæ tam severe, tam stricte & toties a Sancta Sede Apostolica prohibita (accedente etiam Edicto Regio) & in prima classe reposita fuerunt, sub pœna excommunicationis contra eos, qui illa legere & detinere, imo passim in Regiis Tribunalibus tamquam Juris prinipilum citare, ejusque opiniones pravas & novellas sectari, tam consulendo, quam judicando, præsertim in materia jurisdictionis, immunitatis & libertatis Ecclesiæ præsumunt, contra opiniones antiquorum Canonistarum, & famosiorum sanioris & melioris doctrinæ. Super quo condolentes & videntes plures hujus Belgii Episcopi dicti Molinæ opera passim Juris-Consultorum manibus teri, sæpius consuluerunt Sanctam Sedem, an tales possent ab excommunicationibus excusari, & an saltem opera ista non possent reformari, & sic reformata sub alio nomine imprimi. SSmus Dominus noster toties respondit, nullo modo licere quibuslibet Juris-Consultis aut Judicibus, quavis dignitate præditi sunt, ejusmodi opera legere, nec nisi igni repurgari aut reformari posse. Quapropter quia plures censuris innodati reperiuntur, ad eorum saluti consulendum, ordinatum est in hac Congregatione, ut desuper ex parte Revmi & totius Cleri Tornacensis supplicetur Sux Majestati ad hoc, ut rursus specialiter præfatum Regium Edictum renovare dignetur, adjectis etiam pœnis gravioribus mille florenorum, v. g. aut etiam confiscationis honorum vel exilii, contra eos, qui ea legere & citare, in Tribunalibus audebunt: mandando suis respectivè Fiscalibus, ut desuper invigilent, & ad similes pœnas contra transgressores concludant.

VIII.

Attento, quod continet negligentia in catechizando; iungitur Domino Officiali, ut singulo cujusque mensis die judiciali primo, invigilet & animadvertat, qui citentur Pastores, & negligentiores exemplariter & sine mora puniat: & si Promotores desuper in citando & accusando sint negligentiores,

tes, eos juxta Articulum VIII. ad pecuniam pecuniariam mulctet, ac etiam ad aliquod tempus ab officio suspendat.

IX.

Ordinatum est observari Statutum præcedentis Synodi Art. XVI. circa otiosam vitam Sacerdotum, deambulationes & frequentationes tabernarum, adeoque nullus ad sacros Ordines admittetur imposterum, nisi juxta Conc. Trid. Sess. 23. Cap. 6. alieni Ecclesiæ reperiuntur inscripti, non tantum nomine inscripto, sed re ipsa Ecclesiæ servientes, nullusque etiam imposterum in Diocesi Torn. ad sacrum Subdiacoinatus Ordinem admittatur, nisi vere & realiter possideat reditus legitimos sufficienter hypothecatos, vel alia bona stabilia in terris arabilibus, pratis, vel domibus usque ad summam centum quinquaginta florenorum annue, præsertim quoad illos, qui non excellent in aliqua Facultate Theolog. vel Juridica: & præter juramentum solitum præstent etiam juramentum speciale, quod non promiserunt retrocedere, vel non exigere bona ipsis assignata vel donata.

X.

Cum in quibusdam locis & Parochiis irrepperit abusus sive ex tolerantia, sive, quod pejus est, ex adulatione Pastorum, ut Dominis sæcularibus vel etiam eorum conjugibus detur aqua benedicta, vel etiam osculum pacis, antequam ipse Custos in habitu Clericali existens aspergatur: cum tamen ibidem in Choro repræsentet Clerum, inhibetur stricte dictis Pastoribus, vel eorum Capellanis, ne præsumant introducere similem abusum, qui vergit in dedecus Cleri, cum ex simili præeminencia Cleri, plures sententiæ latæ tam in foro Ecclesiastico, quam sæculari reperiantur, conformiter ad Rubricas Missalis & alias Ecclesiasticas Constitutiones.

XI.

Ad evitanda multa inconvenientia, mandatur stricte omnibus Pastoribus, & eorum Vicariis & Capellanis, ut ad minus singulis quindenis Hostiæ, quæ reservantur ad Communionem, mutentur, præsertim tempore hyemis.

XII.

Cum sæpe contingat conjugibus, ut mutuo consensu per modum collusionis, vel etiam ad instantiam alterutrius, divortium inter eos concedi: & sæpe veræ & legitimæ causæ divortii non cognoscantur, sed Judicem lateant; ideo mandatur Domino Officiali, vel alteri Judici forsan per Illmum & Reverendissimum deputando, ne imposterum sententiam in materia divortii ferant, nisi prius ad se evocato Domino Pastore ejusmodi partium, sive conjugum, & super causis ejusmodi divortii audito: an videlicet expediat concedi, nec ne: sicuti nunquam feratur sententia, præsertim inter conjuges adhuc ætate juvenes, vel maturos, nisi audito Promotore, qui semper stare debet contra divortium, quod est a diabolo, pro Matrimonio, quod est vinculum charitatis & conjunctionis.

XIII.

Insequendo Statuta antiqua & sæpe in Synodis prioribus ab antiquo renovata, quæ passim tempore bellorum fuerunt violata in maximum Cleri dedecus; inhibemus stricte sub pena excommunicationis ipso facto incurrendæ, ne quisquam Notarius vel Tabellio super vita & moribus Clericorum, Presbyterorum, & præsertim Pastorum, etiam instante aliquo Magistratu vel persona privata, informationes facere præsumant, sine licentia & autoritate Rmi D. Episcopi, vel ejus Vicarii Generalis, vel Officialis in scriptis obtenta: cum nonnunquam temerarie fiant, etiam nulla infamia vel clamorosa querela præcedente; unde contingit Presbyteros sæpius innocentes & antea optimæ famæ diffamari, quod est crimen maximum & restitutioni obnoxium, eoque magis periculosum, quod sub larva justitiæ præfatæ informationes fiant, cum nequidem Judicibus Ecclesiasticis hoc liceat sine tali diffamatione præcedente & clamorosa querela, quæ Judicis ordinarii & superioris Diocesani aures pulsaverit.

XIV.

Cum nihil magis inculcetur per sacros Canones, quam ut Officium Divinum in Choro rite & decenter fiat,

præsertim in Ecclesiis insignibus & Collegiatis, quodque ad aures hujus Congregationis pervenerit, quod in Ecclesiis ejusmodi Missa major five Conventualis celebretur accenso dumtaxat uno cereo, vel aliquando nullo: præcipitur, ut in majoribus Ecclesiis tempore Missæ majoris duæ ad minus candelæ ardentes in Altari summo accendantur, neque id omittatur cujusvis prætextu egestatis, five calamitatis & jacturæ bonorum, tempore belli, vel alias. Quod si thesaurariæ vel fabricæ bona id non permittant, expensæ ex massa grossâ Canoniorum & Cleri defumantur: in Parochialibus vero pro Missa majori diebus Dominicis & Festivis celebranda idem servetur, & expensæ ex mensa Ecclesiæ, vel si reditus ejusmodi mensæ non sufficiant, pro expensis his collectæ fiant.

XV.

Laudabiliter observatur in Ecclesiis Collegiatis, ut Clerici simplices, Subdiaconi & Diaconi diebus solemnioribus, v. g. Paschæ, Pentecostes, Omnium SS., Nativitatis Domini, & præcipuè Festivitatibus Dedicationis communicent e manibus Præpositi, Decani, vel Sacerdotis tunc celebrantis, quod intelligimus in aliquibus non observari: ideoque mandamus, ut Præpositi ejusmodi Ecclesiarum, ac alii quocumque nomine Superiores; seu Præfecti curent omnino hanc consuetudinem laudabilem observari.

XVI.

Insequendo Ordinationes alias factas, inhibemus omnibus Diaconis & Subdiaconis, ut, dum canunt Epistolam, vel Evangelium, & Missæ assistunt, ne Epistola decantata, vel Evangelio absoluto, sese vestibus exuere præsumant; sed assistant Missæ in habitu Diaconi vel Subdiaconi ad finem & Evangelium S. Joannis: ut postea simul cum Sacerdote celebrante se se ad Sacristiam vel Reveftiarium ordine decenti recipiant, & ibidem demum vestibus exuantur, idque sub pœna amissionis distributionum, quas pro assistentia lucrarentur, & de hoc distributor teneat notam exactam, nec unquam liceat super hoc indulgere: imo si bis terve aliquis in tali defectu repe-

riatur, a decantatione Epistolæ vel Evangelii per tres menses suspendatur.

XVII.

Denique optandum foret, ut juxta antiquissimam & laudabilem consuetudinem in hac Dicecesi, aliisque Episcopatibus ab omni hominum memoria observatam, quilibet Parochianus in sua Parochia suo proprio Parocho in Paschate confiteatur. Quia tamen hoc ab aliquo tempore toleratum fuit a nonnullis Parochis, præsertim accidente aliqua causa rationabili, ut tempore Paschali alicui Presbytero ex Ordine Mendicantium, atque etiam Societatis JESU, per Episcopum admisso, censeatur satisfecisse præcepto de confitendo, semel saltem in Paschate, si talis Parochianus adferat Confessionis factæ testimonium, & proprio Parocho cum omni humilitate tradat: attamen momentur tales Parochiani se nullo modo satisfecisse ejusmodi Communioni in Paschate de mensâ Domini, nisi illud in propria Parochia fiat: ideoque hortamur ejusmodi Regulares, ut a Dominica *Palmarum* usque ad Dominicam *in Albis* inclusive non sternant mensam in suis Ecclesiis ad communicandum: quemadmodum non ita pridem observatum extitit ad varia incommoda evitandum; meminerintque Regulares Constitutionum LEONIS XI. & GREGORII XV. in hac materia editarum: ne in aliquo auctoritatem Pastorum offendant vel usurpent, cum illis cura non incumbat Parochianorum.

XVIII.

Insequendo Decreta Conc. Trid. *Sess. 24. Cap. 8.* nominamus pro examine Pastorum eosdem, qui adhuc in vivis existunt, & nominati fuerunt in ultima Synodo, seu Congreg. annua per Nos habita 13. Aprilis 1660: quibus adjunximus Rev. Adm. D. *Eugenium Philippum de Berge*, Canonicum nostræ Cathedral., in Jure & sacra Theologia Licentiarium.

XIX.

Deputati fuerunt Judices Synodales pariter iidem, qui in dicta Synodo præcedenti: quibus adjunctus fuit Rev. Adm. D. *Joannes Catulle*, J. U. Lic. Cathedralis nostræ Canonicus.

J. RANST, Secret.

Ex Summa Statut. Synod. Torn. cit.

SYNO-

SYNODUS CAMERACENSIS

Eodem anno Christi MDCLXI.

ORDINATA

ab Illustrissimo & Reverendissimo Domino, D. GASPARE NEMIO, (*)

LXXXIV. Archi-Episcopo & Duce Cameracensi &c. &c.

In Congregatione Decanorum Christianitatis, Cameraci Kalendis

Octobris, Anno. M. DC. LXI.

Cum ea, quæ a Prædecessoribus nostris, pie memorata, fuerunt sanctissime statuta & ordinata, jam pridem bellorum injuria sint abolita, & in dissuetudinem abiierint: Nos DEI misericordia jam tandem reddita pace, Clero nostro & saluti animarum Nobis commissarum providere cupientes, complura ex illis innovare, & ad veridicam observantiam revocare, quedam nova etiam addere, statuere & ordinare decrevimus, prout decernimus, statuimus & ordinamus.

I.

In primis, cum Fides Catholicos doceat Christum Dominum in Venerabili Sacramento, vere, realiter, & substantialiter contineri: advigilent serio & diligenter omnes Pastores, ut illud sub sera honestissimo Tabernaculo reverenter recondatur: quod Tabernaculum non solum de foris sæpe mundetur, sed intus maxime, ut nec aranearum telæ, nec aliæ sordes unquam illic appareant. Et Decani in suis visitationibus, exactam hujus rei rationem & curam habeant.

II.

Pastor quilibet sacrum Fontem sub operculo & sera: Sacrum quoque Christum & Oleum, quod singulis annis statim a Dominica Resurrectionis, a Decano suo tenebitur petere, sub sera & loco honesto diligenter servet, clavemque Tabernaculi Sanctissimi Sacramenti ita custodiat, ut nemo in Sacris non constitutus, ejus copiam habere possit.

III.

Cum Altaria sint mensæ Sacrarum Oblationum DEO singulariter dicata, & sepulchra Martyrum, arque ideo in magna reverentia merito haberi debeant, non est permittendum, ut ab aliqua parte pateant, & rerum vilissimarum, imo & sordium receptacula fiant. Quare & mandamus, ut non modo a fronte, sed a posteriori quoque parte, & utroque latere obstruantur.

IV.

Ubicumque aliquod Altare consecratum est, ibidem a proximo festo Nativitatis Domini, usum altaris portatilis omnino prohibemus. Ubi vero omnia altaria adhuc sunt profanata, statim ea honestis lapidibus instruantur, & ad consecrationem debite aptentur; & interim dum consecrata non sunt, in iis tantum altaribus portatilibus celebretur, quæ sint integra & justæ magnitudinis, & de quorum consecratione constet.

V.

Mandante Sacro Concilio Tridentino Sess. 23. Decret. De observandis & evitandis in celebratione Missæ, ut Ordinarii locorum Episcopi in suis Diocesisbus interdican, ne cui vago & ignoto Sacerdoti Missas celebrare liceat; & rursus Sess. 23. Cap. 16. De Reformatione, ut nullus Clericus peregrinus sine commendationis sui Ordinarii literis ab ullo Episcopo ad Divina celebranda & Sacramenta administranda admittatur: pro

execu-

(*) Vide de hoc Præsule pag. 651. b. T.

executione tam salutarium Decretorum, iterum ordinandum duximus, & ordinamus, ut sicut ex parte nostra nulli ignoto Sacerdoti Regulari aut seculari, Missam in nostra Diocesi celebrare permittitur, nisi per literas testimoniales & commendatitias ipsius Ordinarii de falso minime suspectas, ipsum & Sacerdotem, & a Divinis non suspensum esse constiterit; ita quoque nullus omnino ejusmodi ignotum Sacerdotem ad Missam in aliqua Ecclesia, Sacello vel Oratorio intra limites nostrae Diocesis celebrandum admittat, nisi visa nostra permissione in scriptis, sub poena arbitraria.

VI.

Nemo in Sacris constitutus barbam gestet alutam. Insuper quilibet Sacerdos superius labrum ita semper refectum habeat, ut Sanguinem Christi sumpturo, non sit impedimento.

VII.

Clerici in Sacris constituti, vultu, habitu & vestitu, juxta Canonum Decreta suum ministerium & ordinem profiteantur: nec ullo modo capillitium, aut vestitum gestent, qui Laicum, aut militem potius deceat, quam Clericum.

VIII.

Pastores ad administranda Sacramenta vocati, officio suo fungi non tardent; graviter alioqui puniendi: gravissime vero, si quem negligentia ipsorum sine Baptismo, Confessione, Sacro Viatico, aut Extrema Unctione ex hac vita migrare contigerit.

IX.

Non in Sacristia, sed in loco Ecclesiae aperto & patulo foeminarum confessiones excipiantur, & dum tenebrae sunt, etiam lumen adhibeatur.

X.

Si (quod absit) Sacerdorum cum filia spirituali, quam baptizavit, vel e sacro Fonte levavit, vel in Confirmatione tenuit, aut cum muliere, cujus Sacramentalem Confessionem audivit, fornicari contingat; sciat quicumque hoc scandalum dederit, se mox deponendum, & insuper juxta sacros Canones sine conniventia puniendum.

XI.

Si quem Confessarium per tactus inhonestos, vel gravius (quod absit) contra castitatem cum aliqua persona peccare contigerit, ejusdem confessionem excipere non praesumat, & ut minus id attentare audeat, potestatem ejusmodi corream, sive complicem Sacramentaliter absolvendi omnino illi adimimus, etiam si facultatem a quibusvis casibus Nobis reservatis absolvendi obtinuerit, sub poena Can. *Si quis Sacerdos*, & Can. *Non debet*. XXX. Quasi, 1. & alias arbitraria.

XII.

Nemo exorcizare praesumat sine licentia nostra in scriptis praebentia. Ita quoque admissus non aliter foeminis exorcismum adhibebit, quam in praesentia duarum personarum probatae fidei, nec aliis exorcismis unquam utatur, quam qui in Manuali Cameracensi vel in libro Exorcismorum a Domino Eynatten, Canonico Antverpiensi, edito, continentur.

XIII.

Extra diem Natalis Domini nemo bis uno eodemque die Missam celebret, nisi ratione succursus, aut repentini morbi vicini Pastoris, vel alias ex speciali nostra licentia id ei permixtum fuerit, caveat id diligenter, ne in prioris Sacro vel ablutionem sumat (sic enim desineret esse jejunos) vel statim a sumptione Sanguinis Domini calicem abstergat (hoc enim foret Sacrilegium: sed prius infuso vino calicem plene abluat, & hoc ipsum ablutionis vinum in vitrum, vel aliud honestum vasculum infundatur, in alium diem, quo non binetur, pro ablutione sumendum.

XIV.

Formae Sacramentorum tractim ac distincte admodum pronuntientur, & in Canone Missae nihil, etiam pietatis praetextu, unquam addatur vel mutetur, & generaliter alios ritus, aliasque ceremonias, vel preces in celebratione Missarum nemo adhibeat, praeter eas, quae ab Ecclesia probatae & receptae sunt.

XV.

XV.

Curent Pastores, nec non alii, ad quos id pertinet, ut sacri calices, corporalia, purificatoria, albæ, & reliquæ vestes Sacerdotales, omniaque paramenta altaris semper sint integra & munda, sub pena arbitraria pro modo culpæ & negligentia.

XVI.

Ubicumque pyxides Sanctissimi Sacramenti cupreæ sunt aut stannæ, satagat Pastor, ut ex elemosynis Parochiorum parva saltem pyxis argentea comparetur, quæ majori pyxidi cupreæ aut stannæ imponatur: sicque inferius rotunda, instar cuppæ calicis, ut facilius ac plenius mundari queat.

XVII.

Omnino caveant Parochi, ne aliquem Sacerdotem in cura animarum sustinenda, gerendave sibi adjungant, ne quidem ad bevissimum tempus, qui se a Nobis approbatum, & ad confessiones excipiendas admissum esse in scriptis non docuerit.

XVIII.

Singuli Pastorum in proxima visitatione Decani, exhibebunt ei Concilia Tridentinum, utrumque Provinciale, & novissimum Dicecesanum Cameracense, cum proprii nominis & cognominis adscriptione in prima pagina.

XIX.

Habeat insuper quilibet Parochus duos libros, unum in quo singulorum Baptizatorum, nec non parentum & patrinatorum ac matrinarum nomina & cognomina, diemque Baptismi diligenter describat: alterum, qui nomina & cognomina Matrimonio junctorum ac testium, nec non diem contracti Matrimonii plene contineat, & uterque quotannis in visitatione a Decano examinabitur. Mandamus insuper, ut eadem registra ipsimet Pastores afferrent, non permittentes, ut Clerici sive Custodes ea habeant: quæ postmodum in Archivis reponantur.

XX.

Ebrii Sponsalia contrahere volentibus, Parochus operam suam non impendat, nec similiter suis Parochia.

Tomus IX. Concilior. German.

nis, ut post meridiem Matrimonium contrahant. Qui secus faxit, protinus citetur & puniatur.

XXI.

Quilibet Pastor sedulo advigilet circa obstetricem suæ Parochiæ, an scilicet materiam & formam Baptismi probe norit, & ignorantem debite instruat. Satagat insuper, ut Magistratus ab obstetricibus juramentum exigat, quod pueros baptizandos ante diem tertium Parochis denunciabunt, prout mandat novissima Synodus Provincialis *Tit. 6. Cap. 11.* & Edictum Regium desuper subsecutum, *Art. 9.*

XXII.

Quoniam rudis populus sæpe ex ignorantia superstitionibus inquinatur, Parochi subditos suos diligenter de iis doceant, & inter cætera superstitiosum esse, expectare quemcumque effectum a quacumque re, quam res illa, nec ex sua natura, nec ex institutione Divina, nec ex ordinatione vel approbatione Ecclesiæ producere potest. Atque graviter peccare eos, qui superstitionis remediis utuntur: nec eos solum, sed & ipsos Divinos, & qui eos consulerint, nec non dantes alta nomina (ut vocant) eisve utentes, & quicumque ad exorcizandum non admissi, exorcizare præsumperint, vel opera secularium exorcistarum usi fuerint, si ne conniventia & sine mora denuntientur.

XXIII.

Nemo extraneus Fidelium elemosynis e suggestu commendetur sine consensu nostro, seu Vicariatus nostri in scriptis.

XXIV.

Si quæ sacræ tabulæ, aut imagines, nimia vetustate, carie, situ, aut sordibus pene deletæ, aut mutilatæ, tam indecenti aspectu sint, ut contemptum potius, quam venerationem excitent, ex pie, religioseque restaurentur ab iis, quorum interest, aut si id fieri nequeat, ab Ecclesiâ tollantur.

XXV.

Cum nuperrime bellorum barbarie, spreto Dei cultu, multæ Ecclesiæ omni suppellectili sacra fuerint spolia-

V v v v v

ta,

tax, combustæ & destructæ, curent sedulo Pastores, ut expensis eorum, qui damni causam dederunt, aut quorum interest, protinus restaurentur.

XXVI.

Cum nihil æque sit necessarium, quam juventutem debite catechizari, & tamen hoc ipsum plurimis in locis vel omittatur, vel neglectum admodum peragatur: omnes & singulos Parochos, & quoscunque alios, quos ea cura tangere debet, rogamus & obsecramus per viscera misericordiæ DEI, & cum obtestatione Divini Judicii, ut huic officio suo serio satisfaciant; & non satisfacentes denuntientur.

XXVII.

Ubicumque Scholæ, præsertim Dominicales, adhuc requiruntur, vel male frequentantur, agant Decani cum Magistratibus & Præfectis locorum, ut eæ mox erigantur, & directæ, quanto citius fieri poterit, reparentur, & pauperes per subtractionem elemosynarum mensæ pauperum, alii vero aliis pœnis, liberos, aliosque domesticos suos ad Scholas Dominicales, ad Lectionem Catechisticam mittere compellantur. Eoque tempore, quo juvenus in Scholis instituitur, vel catechizatur, a tripudiis vel aliis insolentiis, quibus pueri a Scholis & Catechesi avocantur, omnino abstineatur.

XXVIII.

Cum passim in pagis tanta ignorantia multi laborent, etiam adulti, ut ne ea quidem sciant, quæ necessitate medii scitu necessaria sunt ad salutem, seu quorum notitia est medium absolute necessarium, ad obtinendam DEI gratiam & gloriam: quilibet Confessarius sedulo de iis examinet, ac instruat pœnitentes, de quorum sufficienti instructione non est certus, nec facile absolvat extra periculum mortis, antequam eos utcumque tolerabiliter illa intelligere advertat.

XXIX.

Ubicumque certa sunt jura funeralia, Pastores ea nullatenus excedant. Ubi vero hætenus ea fuerint incerta & pro discretionem Pastorum exigere consueverunt, curent Decani ea legitime

taxari, agendo desuper cum Pastore & Magistratu loci, ac Aedituis & Rectoribus mensæ pauperum: & si alicubi communi consensu illa determinari non potuerint, idipsum Nobis significetur.

XXX.

Conversatio eorum, qui de hæresi suspecti sunt, singulariter & caute a Pastoribus observetur. Et si quis libros prohibitos alicui communicaverit, aut etiam penes se habuerit, vel aliquid scandalosi quoad fidem, dixerit, aut fecerit, aut præceptis Ecclesiæ de annua Confessione, Communione in Paschate non satisfecerit, absque ulla conniventia & mora denuntietur, & quando aliquid scandalose dictum aut factum fuerit, omnes circumstantiæ scandali debite declarentur.

XXXI.

Ubicumque ab aliis, quam juratis Bibliopolis & Librariis libri, cantilenæ, ephemerides, aut similia publice venalia exponuntur, vel platearum circumferuntur, Satagent Decani & Pastores, ut auctoritate Magistratum & Præfectorum locorum id impediatur, secundum Edicta, annis M.D.L. & M.D.LVI. a CAROLO V. Imperatore & Rege PHILIPPO II. desuper edita.

XXXII.

Quilibet Decanus in suo districtu exiger Fidei professionem ab omnibus & singulis Ludimagistris; qui hætenus eam non fecerunt, etiam si Capellani fuerint, aut Custodes, tantumque doceant legere aut scribere.

XXXIII.

Decani dum inter visitandum vel aliter cognoscunt aliquos in excommunicatione infortuisse, seu per annum integrum in ea permanisse, mox eos denuntient, ut contra eosdem tanquam suspectos de hæresi procedatur, implorato etiam, si opus fuerit, brachio seculari.

XXXIV.

Non decet Clericos in sacris Ordinibus constitutos, præsertim Sacerdotes, ad Pistracum, vel ad scopum jaculari, aut in locis publicis ludere pila palma-

palmaria; quapropter quilibet deinceps ab iis abstinebit, sub pœna arbitraria.

XXXV.

Pastores, & quicumque alii Sacerdotes aut in Sacris constituti, edendi vel bibendi causa tabernam ingredientes, nisi professionis necessitate fuerint compulsi, solvent pro prima vice sex florenos, secunda vice duplum, tertia vice plebentur per carceres, & sæpius recidivi punientur tanquam incorrigibiles.

XXXVI.

Quanto magis Clericos decet mansuetudo & spiritus lenitatis, tanto gravius scandalum patitur populus, si eos ad verbera venire contigerit. Eapropter districtè mandamus omnibus & singulis Beneficiatis, vel titulo patrimonii Ordinatis, ut ab omni percussione abstineant, sub pœna gravis & exemplaris correctionis, & si ea percussio in taberna, vel cultro, aut aliis majoribus armis facta fuerit, mox percussorem carceribus mancipari, & recidivum & incorrigibilem a Divinis suspendi, ac Beneficio privari volumus.

XXXVII.

Quando aliquis excommunicatus majori excommunicatione ob notoriam percussione Clerici, vel aliam ob causam excommunicatus, nominatim denunciatus, ab Officiali absolviatur, ipsa absolutio exhibetur Pastori, & per eum populo denuntietur: & non aliter quis pro absoluto habeatur.

XXXVIII.

Decani Christianitatum singuli, primo quoque tempore sibi conficiendum debitum registrum omnium Pastorum & quorumcumque aliorum Beneficiorum sui districtus, omniumque & singulorum bonorum ad ea spectantium, nec non Missarum, censuum & reddituum, ac quorumcumque aliorum onerum tam ipsis Beneficiis, quam bonis eorum incumbendum, & ut debite id præstare valeant, mandamus omnibus & singulis, quæcumque & qualiæcumque Beneficia curata vel non curata impræsentiarum obtinentibus, ut intra annum proximum plenam &

Tomus IX, Concilior, German.

perfectam designationem omnium bonorum & fructuum suorum beneficiorum, & onerum iisdem, eorumve bonis incumbendum, a Pastore, Prætor, & Scabinis locorum subsignatum, Decano suo in scriptis tradant, sub pœna arbitraria, pro modo culpæ & negligentia.

XXXIX.

Reipsa frequentissime compertum est per Beneficiorum absentiam, fructus Beneficiorum deperdi, & onera negligi: eapropter licentiam absentia, & gratiam vel consuetudinem non residendi, nemini suffragari volumus, qui non constituerit legitime Procuratorem, & quidem Virum Ecclesiasticum Nobis subiectum, ad Nos, vel Decanum quotannis in visitatione, vel saltem ante festum S. Magni seu 19. Augusti, sufficienter docendum de Missarum & aliorum onerum adimplentione, ac de censibus & redditibus, quibus bona ipsius Beneficii gravantur, plene persolutis, aliisque similibus.

XL.

Quod olim dixit Deus per Isaiam Prophetam: *Calendas vestras, & Solemnitates vestras odit anima mea: facta sunt mihi molesta, laboravi sustinens*; multo majori ratione (proh dolor) dici potest de Festis Christianorum in plerisque locis. Atque ideo iuste timendum est, eventurum nobis, quod Divina Majestas comminata est per Prophetam Malachiam: *Dispergam super vultum vestrum sterus Solemnitatum vestrarum, & assumet vos secum. Et si a Deo respiciuntur, qui hic volunt Deum Sabbatis querere (ut inquit S. Augustinus) quanto gravius punientur, qui ipsos dies Festos inhonorant, & per opera servilia polluant.*

XLI.

Hæc & similia Pastores & alii Concionatores populo sæpe ac serio inculcent, iisdemque Festis ac Dominicis diebus opera prohibita exercentes, & tempore Concionis, summi Sacri, aut Vesperarum in tabernis potitantes, aut publicis lusbis vel tripudiis vacantes, denuntientur, pro qualitate personarum, & modo scandali puniendi.

XLII.

Cœmeteria undique clausa exstant, nec in posterum equi, vacca, porci, aliave animalia in illis pascantur, aut in loca sacra nullatenus admittantur.

XLIII.

Qui fabricæ Ecclesiæ, Hospitali vel mensæ pauperum Præfetti sunt, id munus iuste & diligenter exequantur, & quot annis computus suos reddant.

XLIV.

Decani Christianitatis singuli convocabunt omnes Eremitas sui Decanatus, iisque prælegent Ordinationes & Statuta nostra, cum mandato, ut ea exacte observent sub poena arbitraria: & qui ter puniti se non emendaverint, sine convivia habitu Eremitico exuantur.

XLV.

Utque deinceps vitam Eremiticam aggressuri, ad eam magis idonei reddantur, nullus in posterum ad habitum recipiatur, nisi post admissionem nostram in scriptis per annum integrum apud alios Eremitas a Nobis designatos habitaverit, & ita se gesserit, ut testimonio ipsorum debite commendetur.

XLVI.

Quotannis postridie Congregationis Decanorum iidem coram Officiali inibunt computum cum Promotoribus, quoad salaria sibi debita, pro capitulis informationibus: & Officialis curabit iisdem satisfieri per Promotores de adjudicatis & receptis.

XLVII.

Decani Ecclesias Decanatus sui, singulis annis, serio & exacte visitabunt, juxta instructionem suam, asta quoque suarum visitationum nitide descripta, & a se subsignata, quotannis ante Kalendas Septembris ad Nos transmittent.

XLVIII.

In singulis Capitulis legentur & inculcabuntur Ordinationes, quas legi & publicari iusserimus: & quilibet Pastorum separatim in scriptis exhibebit Decano sub abusus, defectus, &

scandala, quæ in Parochia sua observaverit.

XLIX.

Singuli Decani bis quotannis celebrabunt Capitulum Pastorum sui districtus.

Prius Capitulum servabitur intra Dominicam in *Albis* & Pentecosten, ordine & tempore sic designato.

Decani *Cameracensi* & *Valencenensi* celebrabunt illud feria quarta post Dominicam in *Albis*.

Capitula *Bellimanse* & *Hasprense* servabuntur feria secunda post Dominicam *Misericordiae*, quæ est illi post Pascha, & feria quarta proxime subsequente succedent Capitula *Castelle* & *Aosnense*.

Decani *Malbodiensi* & *S. Brictii* celebrabunt Capitula sua feria secunda post Dominicam *Pubilitate*, quæ est illi post Pascha, & illis feria quarta ejusdem septimanae succedent Capitula *Buonense* & *Cervicensi*.

Septimana immediate subsequente, seu IV. post Pascha celebrabuntur cætera quatuor Capitula, scilicet *Montense* & *Leffensi* feria secunda: & *Bincien* & *Stallense* feria quarta.

Quoad alterum Capitulum celebrandum mense Octobris, idem omnino ordo servabitur. Et quidem si Kalendæ Octobris inciderint in diem Dominicam, feriam secundam, tertiam aut quartam, Capitula *Cameracensi* & *Valencenensi* celebrabuntur feria secunda proxime sequentis septimanae. Si vero dictæ Kalendæ inciderint in feriam quintam, sextam vel diem Sabbati: præfata Capitula *Cameracensi* & *Valencenensi* celebrabuntur feria quarta immediate subsequente. Et deinde singulis feriis secunda & quarta celebrabuntur duo alia Capitula ordine subscripto: ita tamen, ut duo postrema Capitula, scilicet *Bincien* & *Stallense* demum habenda sint feria secunda post festum Animarum.

Porro aliquo festo in feriam secundam & quartam incidente, servabitur Capitulum postridie.

FINIS.

EPIS.

EPISTOLA Pastoralis

CHRISTOPHORI BERNARDI a GALEN, Monast. Episcopi,
ad Clerum in Synodo congregatum.

DATA

Eodem anno Christi MDCLXI.

CHRISTOPHORUS BERNARDUS, DEI ET APOSTOLICÆ SEDIS
GRATIA EPISCOPUS MONASTERIENSIS, S. R. IMP. PRINCEPS &c. &c.
VENERABILI CLERO CIVITATIS ET DIOCESEOS MONASTERIENSIS IN
SYNODO AUTHORITY NOSTRA CONGREGATA,
SALUTEM IN DOMINO.

Vulgatissima est, & fere omnibus nota
veritas, quod bonus Deus mala non
permitteret, nisi ex malis & sciret & vellet
elicere meliora. Sic non ita pridem vidi-
mus & experti sumus, dum nonnulli a di-
scensionum auctore ad insana bella incitati
proflunt, dispensante Authore omnis bo-
ni Deo ad majus bonum eam pacem Eccle-
siæ, Patriæ & subditis esse concessam, qua
utraque salus populi, seu suprema lex re-
gentibus posita, & obtineretur optata, &
secura stabiliretur.

Et quidem etsi pax nunquam non sit in
votis & deliciis omnium, omnino homi-
num, ita tamen fere solet accidere, ut mi-
nus bonum videatur pax continuata per
otium, quam redditā post laborem, dul-
cius scilicet munera gratiæ Divinæ prove-
niant, quæ non sine magnis sudoribus ac-
quiruntur.

Satagamus itaque in Domino Dilectissi-
mi, ne tanto celestis misericordiæ dono
videamur ingrati, sed potius vocationis no-
stræ eminentis juxta ac sanctæ memores, ad
illum unum finem intentiones, studia, &
actiones indivisa & inconcussa contentione
conferamus, ut pro sit promovendo honori
Divino, conservandæ Fidei orthodoxæ,
proximorum edificationi, novisque ac gra-
vioribus malis avertendis, restaurandæ etiam
ac firmandæ Clericali disciplinæ amplexa
opulentæ pacis multitudo.

Neque enim dubitare ullo modo possumus,
quia sicut peccatis iram Dei provocantes
superiorum annorum motus & bella sumus
experti, sic iuste & merito timeamus
pejora prioribus, si pacis tranquillitate ad
remedia correctionis non utamur; Pastores
præsertim Sacerdotes & Clerici, quos Deus
in hac mundi malignitate lucere voluit, si-
cut luminaria, verbum vitæ non doctrina so-
lum, sed & exemplo continentes.

Nostis aut certe novisse debetis, quæ
& in nostra Synodo, aliisque sive Rescriptis,
sive Pastoralibus litteris non nostro bono, sed
pro officii Episcopalis ratione, vestra autem
directione & salute, Deo inspirante, concep-
ta, serio demandata, & reperitis vicibus in-
culcata sunt, quæ, si servierint, quod singu-
lariter optavimus, vestrum omnium aut sal-
tem plurimorum profectui, aut eorum ex-
citaverint animos, qui in partem oneris
cum officio Archi-Diaconali, seu vigilantes
oculi, & honoratissimi Cooperatores Nobis
a Deo sunt adjuncti, esset, unde sibi gaude-
ret, & gratularetur cura Pastoris.

Nunc multa sunt, quæ quia non ser-
vantur, nec Nos in administratione Episco-
pali securos, nec Archi-Diaconos & Pasto-
res in tali conniventia, aut subditos in tali
inobedientiæ contumacia, coram Principe
Pastorum statuent excusatos.

Inimamur proinde & innovatius au-
thoritate Episcopali & de assensu Venerab.
Capituli nostri Cathedralis omnia & singula
antehac Synodis recurrentibus ex hoc loco
vobis præستا & demandata; & ex his pro
rei & causæ exigentia singulariter ea, quæ
sequuntur, in hac Synodo repetenda duci-
mus.

Procedatur serio contra eos, qui con-
sulunt ariolos, qui suggerunt aut applicant
superstitiosa.

Inculcetur a Concionatoribusquam gra-
viter peccent, & quanto periculo subversio-
nis se exponant, & per alios exponantur,
qui legunt libros hæreticos, audiunt Con-
ciones, interfunt illorum Divinis, serviunt
aut cohabitant illis, a quibus per parentes
seu tutores sunt revocandi sub pena arbitra-
ria & pro qualitate delicti, prout latius spe-
ciali Decreto etiam in finem a Nobis promul-
gando continetur.

VVVVV 3

Ren-

Renovetur & publicetur Edictum contra pessimam jurandi consuetudinem, & contra jurantes ad multam eatur, convenit enim pessimam illam consuetudinem districtius comprimere, quæ nulla benignitate sanari potest.

Juvenutis instructio, Scholarum erectio, & Catechismus promoveatur, habeaturque ratio absentium. Pastores, si ulla in re, in hac certe vocationis & obligationis suæ memores esse debent.

Inquiratur in Visitationibus Archidiaconalibus, de numero A catholicorum in singulis Parochialibus, & si qui ad veram Fidem conversi, aut dolo Prædicantium, aut occasione Matrimonii, aut aliter perverſi sint, designentur.

Dierum Festivorum & Jejuniorum si ve abſtinentiæ, in Sabbatis præsertim, diebusque ab Ecclesia præscriptis, observantia urgeatur, nec præsumant Pastores dispensare indifferenter & generaliter.

Diebus ferialibus Curati & Sacellani, licet non obligentur, per septimanam sæpius celebrent, frequentationem Sacramentorum Pœnitentiæ, & Eucharistiæ, & Sacri auditionem inculcent.

Infirmorum & moribundorum curam gerant. In pagis & oppidis, etiam in Civitatibus, nisi personarum qualitas aliud dicere videatur, nulli admittantur ad Matrimonii solemnisationem, nisi prius examinati in iis punctis vel articulis, quæ necessitate mediæ aut gravioris præcepti scitu necessarii sunt.

Pastores furdastri aut dimittant, aut permurent curatum Beneficium, aut habeant Sacellanum.

Uſus & fructus Extremæ Uſionis doceatur & melius introducatur, nec administretur in Parochiis a Religiosis; sicut nec Eucharistia per modum viatici, nec per eos fiant introductiones puerperarum, etiam nobilium, sub gravissima nostra indignatione.

Sacrum Missæ Officium non dicatur extra Ecclesiam, vel erectum autoritate Episcopali Oratorium, si ve a Sacerdotibus secularibus, si ve Religiosis, nisi obtenta ab ipsomet Ilmo Episcopo potestate. Ad actum tamen unum vel alterum potest peti licentia a Vicario Generali.

Pueri & puellæ, cum accedente uſu rationis participes esse poterunt S. Communionis, nunquam tamen in summis Festivitatibus ipsis prima Communio concedatur propter concursum populi, sed sæpius & bene instructi in Dominica alia aut Festo, idque cum cæremonia extraordinaria, & præmissa parvula exhortatione, pro juven-

tutis capti & astantium simpliciorum instructione communicentur.

Meminerint Sacerdotes juramenti in investitura a se præstiti de servandis oneribus a Fundatore impositis, nec putent sibi met ipsis blandientes posse proprio eorum iudicio numerum Missarum & onerum minui, sed determinationem in hoc puncto a S. Conc. Trid. Episcoporum cognitioni & definitioni reservatam, querant & exspectent.

Superiores Monialium præter ordinarium Confessarium ter in anno ad minus alium Confessarium Monialibus offerent, eumque vel ſecularem Sacerdotem a Nobis ad audiendas Monialium confessiones specialiter approbatum, aut ex Religiosis alicujus Ordinis alterius, eligendum ducimus & optamus propter graves causas.

Sacerdotes in publicis & privatis Missis Collectam contra hostes Ecclesiæ & Imperii Romani perdurate præſenti periculo, quod a Turcis imminere videtur, adjungent.

Deinceps qui ad sacrum Subdiaconatum Ordinem suscipiendum se ſiſtent, mature satis in modo legendarum Horarum ex Brevariario se ab aliis facient informari, noverintque, sicut in cantu fieri solet, sic etiam in hoc puncto sub pena reſectionis, pro qualitate tamen negligentia, se examinandos.

Concludentes. Omnia & inclyta Dei instrumenta Sacerdotes, a quibus populi beatitudo ut plurimum dependet, hortamur vos in Domino omnes & singulos, ut vitam in timore Dei, ab omni crimine & criminis suspitione liberam instituentes, gratiam, quæ in vobis est, per impositionem manuum Episcopalem, pertinaci studio & diligentia ſervare & reſuscitare, adeoque & bonis collucere, & malis morum ſanctitate præluere adnitamini.

Nos vestris intentionibus & conatibus Paterna benignitate ſemper inclinati, Episcopalem Benedictionem vobis imperitumur. Datum in Arce nostra Saffenbergenſi prima mensis Octobris anno 1661.

Chriſtophorus Bernardus mpp.

(L.S.)

Volumus etiam & ſerio mandamus, ut intra bimestre ab hac Synodo computandum, omnes & ſinguli contributionem ſuam pro Seminario si ve Alumnatu juxta taxam antiquam in Camera Sigilli ſolvant ſub pena dupli.

Synodus Quadragesimalis anni sequentis 1662. habebitur Feria 3tia post Dominicam Latære, quæ incidit in diem vigesimum primum mensis Martii, eaque celebrabitur cum ea solemnitate, & cæremoniis, quæ in Pontificali Romano præscribuntur, ad quam omnes, qui comparere quovis modo obligantur, instructi paramentis & habitu respectivè necessariis conveniant.

Lectum in Domo Capitulari 10. 8bris 1661.

EPISTOLA Pastoralis

Ejusdem CHRISTOPHORI BERNARDI a GALEN,

Monasteriensis Episcopi,

INVITATORIA AD SYNODUM,

Anno Christi MDCLXII.

CHRISTOPHORUS BERNARDUS, DEI GRATIA EPISCOPUS
MONASTERIENSIS, S. R. IMP. PRINCEPS, &c. &c.

Synodum Quadragesimalem in Autumnali debite publicatam, S. Concil. Trid. Decretis ac institutis Prædecessorum inhaerentes, vicesimo die mensis Martii in Ecclesia nostra Cathedrali, assistente Spiritu S. gratia, solemniter celebraturi, omnes & singulos, qui de quovis jure aut consuetudine ad illam comparere tenentur, per præsentium tenorem evocandos & citandos duximus, prout autoritate Episcopali & Ordinaria, sub pœna Canonum & arbitraria, contumacibus & absentibus non excusatis, infligenda, citamus & evocamus viros & audituros, quæ Nobis de consilio & assensu Ven. nostri Capituli Cathedralis ad Divini cultus, Christianæque pietatis amplificationem, ad Cleri mores & vitam juxta Canonum ac Conciliorum præscripta confirmandam, atque tollenda abusum, vitiorumque zizania, si quæ agro Dominico Nobis Divina miseratione concredito superfeminante inimico innata sunt, decernenda, proponenda & promulganda videbuntur. Quos etiam cum hoc paterne monitos volumus, ut mature & opportune ex locis Residentiæ, quibus adscripti sunt, discessuri solcite & caute ita omnia disponant, ne in absentia aliquid eorum negligatur, quod circa infirmantium curam, aut necessariam Sacramentorum per substitutos vicinosve Religiosos suscipiendam administrationem a Pastoribus debet & solet expectari.

Constituti in via & in Civitate hac nostra, quam celebrandæ Synodo destinavimus, commorantes, memores Sacerdotalis modestiæ, gravitatis & frugalitatis ab iis abstineant, quæ non tantum sacratis Deo per-

sonis, sed etiam sanctissimi status gloriæ haud levem maculam inurere judicantur, quin potius vitæ, conversationis, exemplo prælucentes fidei populo, Confessionis Sacramento expiati, ipso Synodi die aut Sacrosanctum Missæ Sacrificium celebrent, aut ex manibus nostris Sacram Communionem accepturi, ad Processionem & Officium solemne togis superpelliceis & biretis rivi Ecclesiastico vestiti congregentur.

Mandamus insuper & clementissime jubemus, ut die Dominico Synodum proximæ præcedenti populus per Pastores de habenda Synodo præmonitus & instructus, per decantationem Sacri de Spiritu Sancto, & Litaniarum adjungendas cum Clero preces excitetur, & invitetur, omnes unum hoc tota animi pietate intendentes, ut tam labores & studia nostra in præscribendo, quam vestra in obediendo alacritas ad illius cedat honorem & gloriam, in quo vivimus, movemur & sumus.

Illud etiam huic nostro Edicto addendum & inferendum statuimus, ut Festum S. Josephi, quod hoc anno in Dominicam quartam Quadragesimæ incidit, eo die ab omnibus in Choro, Officiisque Divinis sine translatione celebretur, ejusdemque tam sancti, quam potentis in mortis articulo Intercessoris cultus & invocatio pro concione ab omnibus verbi Dei Prædicatoribus efficaciter & instanter inculcentur. In quorum finem similiter de consilio & assensu Venerabilis Capituli nostri Cathedralis, eadem Dominica quarta, vulgo Latære dicta, in futurum recurrenti festo S. Josephi eisque ad aliam ordinationem habendo & celebrando destinata permanebit.

Tan-

Tandem ut Seminarii Ecclesiastici utilis pariter ac necessaria erectio, juxta Concilii præscriptum, ad effectum deducatur, volumus & clementissime mandamus, ut omnes & singuli, qui antehac sub Serenissimo FERDINANDO laudatissimo Prædecessore nostro, in singulos annos, juxta taxam in Camera Sigilli inveniendam contribuerunt, ante festum Paschatis, & hoc & subsequenti- bus annis sub pena dupli eodem modo taxam contribuant erga quietantiam in dicta

nostra Camera recipiendam realiter & cum effectu.

Confidentes de partitione & Nobis debita & vobis meritoria dabamus præsentis Edicti paginam manus nostræ subscriptione & sigilli subimpressione firmatam. Monasterii in Civitate nostra Episcopali, anno Salutis 1662. die 16. mensis Februarii.

Christophorus Bernardus mpp.

(L.S.)

SYNODUS MONASTERIENSIS

Eodem anno Chr. MDCLII. Alexandri VII. PP. VIII.

Leopoldi I. Imp. IV.

Sub Revmo & Ilmo Domino, D. CHRISTOPHORO BERNARDO,
a GALEN, Monast. Episcopo,

DIE XVII. MARTII CELEBRATA.

CHRISTOPHORUS BERNARDUS, DEI GRATIA

Episcopus Monasteriensis, S. R. Imp. Princeps &c. &c.

Insantia quotidiana & sollicitudo omnium Ecclesiarum Vas illud Electionis D. Paulini, ejusque sanctam animam ita ex omni parte pervaserat, ut licet usque ad vitæ tedium sepius affligeretur, tamen omne illud, quod fortissimus quisque laborem dixerit, ita contemneret, ita avide arriperet, tam impense tractaret, ut quasi in naturam laboris exercitia, & dolorum agmina abiisse viderentur, nec magis Solem cursus assiduus, mare inquietior æstus, cælus indefessa vertigo, quam pectus illud Apostolicum labores continui, & fere in orbem redeuntes fatigarent.

Idea hac est Præfulum Apostolicarum, Nostri, vel eo magis, qui sanctæ huic Ecclesie Monasteriensi sub patrocínio ejusdem Apostoli dispensatione Divina præsidemus.

Agnoscentis Officium nostrum & onus, quod in hac Domo DEI humeris nostris providentia summi Patrisfamilias imposuit. Et quia merito nec imprudenter timemus, ut sicut in manufactis ædificiis, aut ex imbrium infusione, aut procellarum turbine, aut ipsa antiquitate vel incuria gravioris damni, imo & totalis ruinæ periculum omne non vano prævidetur, sic etiam ex superiorum amorum concussione, & bellorum motibus, quibus nos exercere placuit Deo, quia multa vel irrepre-

runt mala, vel neglecta sunt bona, quibus nisi pervigil cura stimulando & corrigendo succurrat, dissolutio morum, disciplina Ecclesiastica laxatio, vel extrema sanctæ ædificationis subversio ut brevi subsequatur, necesse sit.

Hinc & necessarium visum est, Prædecessorum insistendo vestigiis Synodum hanc indicare, & obedienter factum est a vobis, quod ad eam a Nobis indictam hodie convenistis, non alio fine, quam ut ea tractentur & proponantur, quæ ad conservationem structurae hujus spiritualis conducere judicat usus & Ecclesie consuetudo.

Satis quidem ea, ut in superioribus Synodis constituta, sed non proinde ab omnibus & ubique observata magno certe animi dolore, majore tamen periculo eorum, qui propter Dignitatis, Officii aut Beneficii titulum ad arctam & exactam rationem Deo reddendam se norunt obligari.

Renovantes itaque de consilio & assensu Ven. nostri Capituli Cathedralis omnia & singula, quæ superioribus Synodis, sive a Nobis, sive a Prædecessoribus nostris ex hoc loco publicata & demandata fuerunt, horumque observationem auctoritate Episcopali serio exigentes, eorum, quæ negligentius urgeri, vel non satis prompte pro debita Nobis obedientia ad effe-

effectum deducta esse vel deducti cognovimus, paucis, sed serio recapitulanda & subjungenda duximus, tenore subsequenti:

Diebus Dominicis habeatur Lectio Catechistica.

Convivia eodem die quacunque ex causa non celebrentur.

Recitentur Oratio Dominica, Salutatio Angelica, Symbolum Apostolorum post Concionem Parochialem.

De Scholis erigendis, ubi ullo modo id fieri poterit, concludatur.

In Scholis discatur Catechismus parvus Canisii & modus confitendi.

Non mittantur filii aut filiae servitutz ad loca A catholicorum.

Inquiratur serio & procedatur contra supersticiosos.

Contrahantur Processiones longiores, caveaturque, ne earum occasione Sacri auditio negligatur.

Claves Tabernaculi & Baptisterii sint in potestate & custodia Curatorum, non vero Custodum aut Sacularium.

Nemo Sacerdotum sive is Sæcularis sit, siye Religiosus, sub prætextu cujusvis privilegii, sine licentia celebret extra Ecclesiam aut Oratorium ab Episcopo benedictum.

Ante Baptismum absteineatur a cauponis & vino adusto.

Conciones post Synodum Quadragesimalem singulariter dirigantur ad præparandos simpliciores pro Confectione & Communione Paschali.

Concionatores memores sui officii, dum contra vitia dicendum judicant, abstineant a taxandis personis, nec ipsimet suam in vindicandis privatis, quas apprehendunt injuriis, vindicandi libidinem auditoribus faciant manifestam, sanctam etiam concionum audiendarum obligationem aut necessitatem reddant odiosam.

Inculcetur punctus restitutionis, præsertim famæ in proximo læsæ, & dent ipsimet cautiore linguæ exemplum.

Curent etiam Pastores & Concionatores sedulo, ut sicubi scandalosus usus invaluerit, quod Sponsus & Sponsa

post contracta Sponsalia tantum de futuro, ante contractum per verba de præsentem coram Parocho, testibusque legitime Matrimonium, publice cohabitent, abusus ille tollatur, multis etiam propositis, & realiter infligendis.

Sacerdotes diligant decorem Domus Dei, Altarium, ornatum Tabernaculi, & paramentorum munditiam, & de lumine perpetuo ante Sanctissimum Sacramentum solliciti sint.

Ubi germanicæ cantiones propter Sacerdotum aut personarum qualificarum raritatem cum differentia sunt admittendæ, nihil canatur, quod sapiat Lutheranismum, sed quæ sacro Missæ Sacrificio conveniunt, & simpliciores ad orthodoxæ Fidei instructionem manuducant.

In Communione Paschali observetur præceptum Ecclesiæ, & attendatur ad vagos & mendicantes, qui non admittantur ad communem & privam eleemosynam, nisi doceant in scriptis, ubi suum Pascha celebrarint.

Extremæ Unctionis usus urgeatur & introducatur.

In Synodis Archidiaconalibus attendendum ad contrahentes in gradibus prohibitis, nec arrogant Pastores sibi licentiam, vel in unica proclamatione dispensandi.

Pastores semel ad minus in anno proponant populo Decretum Concilii Trid. de Reform. Matrimonii, præsertim de cognatione, quæ in Sacramentis Baptismi & Confirmationis contrahitur, & quod de vagis præscribitur.

Durante hac Synodo omnes inquirant pro se & vicinis, qui propter absentiam forte sunt excusati, de taxa ad Seminarium annuatim solvi solita, & intra mensis spatium solvant.

Relationes Archidiaconorum toties demandatæ edantur, Sodalitates piæ erigantur, & uniantur primariis, quæ in hac nostra Episcopali Civitate Monasteriensis sunt erectæ.

Sacerdotes ex vocatione Sancti Sancta sancte tractent, etiam ad ædificationem populi.

In Clero fervetur honestas in vestibus & capitis corona.

X x x x

In

In concionibus funeralibus servetur discretio & modus, potiusque intendatur instructioni viventium, quam immodicis laudibus defunctorum.

Scamna in Templo ita disponantur, ut etiam viri pro devotione præferantur ad elevationem in Missa genuflectant.

Rosarium introducatur, & modus illud orandi doceatur.

Caveant Sacerdotes, ne ad sacramentum consistentes, defluente ex humeris capillitio, personam potius militis, quam sacri Deo hominis præsentent.

Præcipitantiæ cantus in Officio Divino vitent Canonici & Vicarii Collegiatarum præsertim tam scandalosam, quam parum meritoriam, sciantque Deo de tumultuario isto carmine serio respondendum.

Et hæc quidem omnia superioribus Synodis sufficientissime vobis publicata esse, vobisque constare non dubitamus, iterum autem iterumque insinuanda duximus, ut officio nostro satisfacturi, vestram quoque in exequendo & parendo promptitudinem in onerosa functione nostra & hic experiamur cum gaudio, & in æterna retributione de cumulo meritorum gloriæ & beatitudinis, junctis viribus & animis & gaudiis gratulemur.

Unum addimus supradictis : Festum S. Josephi celebrabitur deinceps annis subsequituris semper Dominica *Latave*, eoque die Concionatores populo commendabunt patrocinium & invocationem hujus Sancti pro obtinendo felici ex mortali hac vita ad æternam transitu.

Festum S. Henrici Imperatoris Romani & Patroni totius Germaniæ sub ritu duplici celebrabitur 14to die mensis Julii.

Festum S. Maximi Martyris, cuius S. Reliquias Roma ab INNOCENTIO X. S. Pontifice acceptas, anno superiori in Festo Ss. Reliquiarum in Civitatem nostram Monasteriensem ad Ecclesiam Cathedralē introduximus, semper celebrabitur in Choro, & assignabitur in Calendario & Directorio legendarum Horarum fer. 2da, qua solemnitas Processio cum delatione SSmi Sacramenti habetur per hanc Civitatem.

Denum dilectissimi in Christo Fratres & Filii hortamur & obsecramus vos, ut in sortem Domini singulari privilegio vocati, in timore Domini, & casta, sancta, votoque solemniter firmata conversatione viventes, ac in omni opere bono fructificantes, honorem Dei, & animarum salutem verbo aut exemplo, ubique intendentes, auribus obedientiæ hæc, quæ vobis prælecta, & autoritate quidem Episcopali, magis autem paterno affectu demandata sunt, realiter & cum effectu impleatis, discatque a vobis exemploque vestro multitudo populi sæcularis, quem zelum honori Divino promovendo, propriæ salutis procurandæ, Nobisque ac jussis nostris obediendo debeat impendere. Nos Sacrificiis & precibus vestris commendantes, Benedictionem nostram Episcopalem vobis impertientes, dabamus præsentem Synodaliū Constitutionum cum delectu excerptam recapitulationem manus nostræ subscriptione, & Sigilli majoris subscriptione firmatam. Monasterii anno 1662. 17. mensis Martii.

Christophorus Bernardus
mpp.

(L.S.)

Acta in Synodo 21. Martii.



SYNODUS DIOECESANA COLONIENSIS, (*)

*Sub Reverendissimo & Serenissimo Principe ac Domino,
D. MAXIMILIANO HENRICO, (**) utriusque Bavariae Duce,
Colonienſi Archi-Epiſcopo,*

CELEBRATA
IN ECCLESIA METROPOLITANA
COLONIAE

Eodem anno Chriſti MDCLXII.

DIEBUS 20. 21. ET 22. MENSIS MARTII.

DECRETA SYNODALIA DIOECESIS COLONIENSIS.

PRÆFATIO

Editioni Buſſanae a. 1667., qua uſus ſum, præmiſſa.

MAXIMILIANUS HENRICUS, DEI ET APOSTOLICÆ
Sedis gratia Archi-Epiſcopus Colonienſis, S. R. Imperii Princeps Elektor, per Italiam Archi-
Cancellarius, & Sedis Apoſtolicæ Legatus Natus, Epiſcopus ac Princeps Hildeſienſis, & Leo-
dienſis, Adminiſtrator Berchtesgadenſis & Stabulenſis, Utriuſque Bavariae, Superioris Pala-
tinaſ, Weſtphaliae, Angariae & Bullonii Dux, Comes Palatinus Rheni, Landtgravius
Leuchtenbergenſis, Marchio Franchimontenſis, Comes Loſſenſis, Longienſis & Hornenſis, &c.
Venerabilibus Nobis in Chriſto dilectis ac devotis Eccleſiae noſtræ Metropolitanae Colonienſis
Præpoſito, Decano & Capitulo, nec non Abbatibus, Præpoſitis, Archi Diaconis, Collegiorum
Decanis & Ruralibus, Capitulis & Canonicis, Commendatoribus, Prioribus, Guardianis,
Rektoribus, Paſtoribus, Sanctimonialium Præſectis, Plebanis & Curatis, cæterisque
Civitatis & Diaceſis noſtræ Colonienſis Clericis & perſonis Eccleſiaſticis
tam Regularibus, quam Sæcularibus, Salutem in Domino
ſempiternam.

Inter cunctas ſolicitudines, quibus Suprema
Eccleſiae Capita, Sanctiſſimos nempe Pon-
tifices Paſtorale preſſit olim, (a) hodie-
que premit Officium, & debitum Apoſtolicæ
ſervitutis aſtringit, illa præcipua eſt, ut gregi
Dominico iſtis ſuperna diſpoſitione commiſſo
animarum cura non deſit, ne illum lupus ra-
pax, antiquus ſerpens, humani generis inimi-
cus invadat, ejusque ſanguis de iſperum (quod
abſit) clamante Propbeta (b) manibus re-
quiratur: proinde quantum ex alto permitti-
tur, pacem inferere, ſcandala removere & jur-
giorum materiam amputare nunquam non
ſtuduervunt, magno Eccleſiae bono, maximo ani-
marum

(*) Ejusdem Synodi Decreta extant pro ratione morum ac temporum annis labentibus ſic poſtulate, eaque diverſis etiam typis impreſſa. Quædam dedimus a pag. 729. h. T. Collectio illorum uberior Coloniae Agrippinae apud Joann. Anton. Kinckium a. 1661. in lucem prodiit. Bibliotheca Collegii noſtri Colon. habet illius exemplar, ſed quod titulo caret & prolegomenis.

(**) Elogium maximi hujus Archi-Epiſcopi vide ſuperius pag. 779. in quo addet Lector: Sermus ejusdem parens, poſt voces: ſe dederat.

(a) Extrav. Inter cunctas. De privileg. inter communes. (b) Ezech. 3. v. 18. & 20.

Tonius IX. Concilior. German.

marum fructum, quem DEUS Omnipotens, & clemens, cujus natura bonitas, cujus voluntas patientia, cujus opus misericordia, (c) incremento uberiori porro amplificare dignetur.

Nos quoque a tempore illo, quo Nos Divina Bonitas ad Supremam Archi-Diacesos Colonienfis Cathedram nullo nostro merito, sed ut mirabilem faceret gratiam suam, (d) qui in eum sua merita contulit, in quo meritum suffragia non invenit, dignata est provehere, quo Pallium, quod plenitudinis Officii Pontificalis insigne est, (e) a Romano Pontifice recepimus; quo vinculo Pastoralis sollicitudinis Ecclesiæ Colonienfis ligari cupimus, (f) inter curas humeris nostris incumbentes perpeti cura revolvimus, ut Sacra & Oecumenicæ Tridentina Synodo (g) insistentes, & Archi-Præsulum piissimæ memoriæ Antecessorum nostrorum pharibus retro saculis, imo proxime Decessoris nostri FERDINANDI felicissima recordationis provido regimini inbærentes, ea ubique in Ecclesiastica nostra jurisdictione spectavimus, quæ DEI gloriam, Ecclesiæ incrementum, Archi-Diacesani Ordinis & Status nostri honorem ac reverentiam, apud quascunque jurisdictioni nostræ subiectas animas promoveri possent, ac proinde studiosissime in id incumbere, ut Diacesin nostram Divini Nomini favore in diebus nostris videremus, uti erat in primævo suo flore, Ecclesiastica disciplina, quæ est morum ordinata correctio, & Regularum a Majoribus traditarum studiosa observatio, vigentem, sacris studiis, quæ post Dei cultum & inculpatos vitæ mores ad universali Ecclesiæ regimen maxime necessaria sunt, coruscantem, & omnis denique virtutis gloria rutilantem, (h) hoc est, quod profecto desideranter exquirimus, ad id nostræ mentis sedulo destinamus affectum, ac circa illud diligenti studio & studiosa diligentia vigilamus, nec ambigimus, quin ad huiusmodi nostrum desiderium assequendum saluberrimorum Statutorum sit expositio congrua, ipsorumque fidelis executio admodum opportuna.

Quapropter prout Archi-Episcopalis Officii ratio exigit, communi bono prospicere volentes, ac periculis animarum, Ecclesiarumque Archi-Episcopali nostræ jurisdictioni subiectarum dispendiis, congruis remediis (quantum Nobis ex alto conceditur) salubriter occurrere

intendentes, bonos exstimulare, errantes in viam veritatis reducere, lapsos erigere, omnes denique Deo, sua Nobis cooperante gratia, lucrifacere consultum atque perutile duximus, ut ita in quibusdam Diacesos nostræ locis, vel subditis incorrupta augetur Religio, in aliis refrigescens Officii sui cura incendatur, ut apud nonnullos, de quo dolemus ex intimis, extincta reviviscat sanctarum nostrarum Constitutionum debita observantia; Cum enim sacri Canones, tanquam Ecclesiastica vitæ amplexus, a Sanctissimis olim Pontificibus constituti, aliæque Sanctiones Apostolica Ecclesiæ universali late, omnibus omnino particularibus Ecclesiarum casibus, Provincialibus item ac Diacesanis consuetudinibus, perventis ritibus speciatim providere, omniæque particularia facta exhaustare nequaquam potuerint, hinc injecta Nobis debitum servitutis exposcit, ut quæ ad Diacesin nostram sollicite & debite gubernandam pertinent, uno ordine, succincta methodo, omnibus ac singulis cujuscunque in Hierarchia nostra Ecclesiastica functionis, gradus aut status forent, sic definiremus, ut unanimi sensu suas quisque partes ita pervageret, ne vel Hierarchiæ status, vel gradus Harmonia a quopiam turbari conspiceretur; Idque vel tanto magis hameris nostris onus incumbere dignoscimus, quod quorundam nimis rigidam, aliorum contra nimis laxam in suo statu & gradu degeneri consuetudinem animadvertimus, ut vel discretionis sæpenumero desit moderamen, vel proterva quedam prudentiæ & Religionis adsit exuberantia, ita ut dum consulere discipline, ac opus virtutis exigere volunt, (i) non compatientes naturæ, non æstimantes possibilitatem, austeriora decernant, quam possit humana conditio sustinere, eaque præstant, quæ non juvant, sed obstant ad meliora pergenti; (k) econtra vero nonnulli perantiquis suis, ut ajunt, consuetudinibus (quæ tamen verius in hac parte corruptela dicende) pertinaciter insistant, (l) adbæreantque, & effrenato quodam vivendi modo libitum pro licentia capientes, & per dissolutionis lubricum & sine ullo rationis imperio gradientes, neglecta honestatis observantia, & gravitate Ecclesiastica Religionis abjecta, vitam suam non sine Dei offensâ, propriæ salutis dispendio, & pernicioso sæpe populi talia concipientis exemplo transgunt,

(c) S. Leo serm. 2. de Nativit. Domini.

(d) S. Leo serm. 1. de Anniverf.

(e) Cap. Antiqua. de Privileg.

(f) C. Magnæ. de Voto.

(g) Sess. 24. de Refor. c. 2.

(b) Cap. Super specula. Ne Clerici vel Monachi. cap. Cum ex eo. De elect. in 6. Clementina 1. de Magistris.

(i) S. Ambrosius in Psalm. 118.

(k) S. Hieron. in Cap. 3. ad Galat.

(l) Cap. Cum tanto. De consuetud.

gant, (m) unde fit, ut qui ad reformandos huiusmodi in Nobis subditis mores & actus solertius intendere debemus, eorum defectibus vel excessibus occurramus, reformationisque accommodatè remedium apponamus. Insuper Ecclesiarum Regimen, & Deo consecratarum iisque appertinentium rerum usum, atque administrationem ita in quibusdam locis vacillare illubentes comperimus, ut Ecclesia plurimum damni, læsionis & ruinam ipsam sentire videantur, ipsaque verum Ecclesiasticarum administratione, non absque irreparabili damno passum eat, & illud, quod Ecclesiis ultro delatum erat, negligatur; Templaque, Altaria, Sacella sanctissime olim consecrata, & magna a Majoribus studio extructa & ornata suis spoliis ornamentis; quæ profecto cum animum nostrum, ut par est, non mediocriter crucient, Prædecessorum nostrorum tramitem secuti, ea, quæ ab iisdem circa hæc salubriter decreta, renovare, & alia, quæ ad rem hanc pertinere dignoscuntur, statuere, auctoritate nostra Archi-Episcopali debite cogitamus & resolvimus, neque reprehensibile iudicari debet, si secundum varietatem temporum Statuta quandoque variantur humana, præsertim cum urgens necessitas, vel evidens utilitas id exposcit, (n) quoniam ipse Deus ex his, quæ in veteri Testamento statuerat, nonnulla mutavit in novo. Præter hæc cum nonnulli habentes temporale Dominium, vel potestatis gerentes officium secularis libertatem & immunitatem Ecclesiasticam ledere ac minuire. (o) tanquam honoris & privilegii Ecclesiarum prividi moluntur, non attendentes, quod, quavis ad mantenendam immunitatem ac conservandam libertatem non modo Ecclesiarum: sed etiam Ecclesiasticarum personarum, eorumque, qui in sortem Domini vocati, plurima tam Canonica, quam legalia edita sint Statuta, & diversæ etiam a diversis nostris Antecessoribus, ac Majoribus (p) super hoc provisiones emanarint, imo immunitas hæc Dei ordinatione constituta, nihilominus excrecente malitia quorundam, qui Nomen Domini in vacuum recipere non formidant, & solo nomine se Christianos gloriantur, diversæ & innumerales tribulationes & injuriæ Ecclesiis & Ec-

clesiasticis personis frequenter & maxime his temporibus inferuntur; (q) expedit, quod auctoritate nostra (quos omnium curam & tutelam Ecclesiarum habere convenit) contra talium ausus & conamina opportunum remedium apponatur, ut Ecclesiæ non minus, quam ipsæ Ecclesiastica personæ, in plenitudine juris sui, & integritate libertatis latentur, ac detestabilis nonnullorum audacia, & insolentium nefaria temeritas, propulsetur.

Et licet per Diocesim nostram in eundem & administrandis Sacramentis solerter observatus hæctenus sit ritus, in aliis quoque Sacramentalibus agendis, defunctorum humatione, justis persolvendis, & similibus concors sit stylus & observantia; ipsorum tamen temporum vicissitudo, & quorundam iis minus probe servientium incidens negligentia, vel affectata incuria hoc etiam in genere quippiam vel obliterari, aut prædictorum rituum & avitarum consuetudinum faciem immutare facile possent, quæ omnia, sicut monet Apostolus (r), ut honeste & secundum ordinem fiant, non tam utile, quam expediens fuerit huiusmodi emergentis defectibus anticipatè prospicere, quam post vulnervatam causam medelam investigare.

Nec minus pro concredito grege, quam ejus Rectoribus juxta debitam ministerii nostri Pastoralis onus, attenta diligentia & diligenti attentione solliciti ac vigilantes circa Praelatos, Parochos, Regulares, aliasque personas Ecclesiasticas, cujuscunque gradus ac dignitatis, quos jurisdictionis nostræ & auctoritatis Archi-Episcopalis quovis modo consortes esse volumus, sui quoque Officii commonefacere necesse duximus.

Proinde vos, qui Christo proximi esse debetis, qui in Clero seu Duces & Principes ad abolendas subditorum maculas cæteris præeminetis, immaculatam & irreprehensibilem traducere vitam (s) necesse est, ut is, qui ex adverso est, vereatur nihil habens malum dicere de vobis. Si enim hi, qui in populo Dei eminent, potenti Spiritus Sancti virtute animati ac vegetati ab omni infirmitate sua convalescant, (t) ac salutari virtutum omnium unguento perfusi fuerint, fieri non potest, quin

XXX XX 3

eorum

- (m) Innocentius VI. in Bulla ad Wilbelmum Archiepisc. Colon. quæ inter ejusdem Statuta refertur pag. 177. (n) Cap. Non debet. De consanguinitate & affinit. (o) Cap. Quia. De immunit. Eccles. in 6. (p) Engelbert. Archiepisc. Colon. in Præfat. Statutorum suorum pag. 19. Concil. Trid. Sess. 25. de Reform. c. 20. (q) Engelbert. loc. cit. cap. Quia cit. (r) 1. Cor. 14. v. 40. (s) Ad Tit. 2. v. 8. (t) Octavius Frangipanus Episc. Tricaricensis ad Ferdinandum Archi-Episcopum Coloniens. Coadjutorem.

eorum virtus vicina membra corripiat, foveat & vegetet; nimirum ut quemadmodum unguentum illud, quod descendit in barbam Aaron, mox pervasit extremam vestimenti ejus oram, (u) sic Christi bonus odor, veraque pietas, ubi primos quosque Christiani populi Rectores, eorumque Cooperatores invaserit, veræque sanctitatis gustu & fructu immutaverit, mutantur mox alii omnes horum auctoritate, exemplo & vitæ merito, & de hoc dubitandum non esse monet Sacrosancta Tridentina Synodus (x); vere enim veræ virtutis cupidinem ingenerat visa toties aliena virtus; e contra vero, si ii, qui animabus curandis præpositi sunt, & oculi Episcoporum, ut loco ipsorum per Episcopatum prospicientes, quæ corrigenda viderint, corrigant, (y) in jure appellantur, factis ipsis ac vitæ actionibus, quod est veluti perpetuum quoddam prædicandi genus, se muneri suo conformes non ostendant, scandalum poterit Laicorum mentibus generari dicentium; ubi est Deus Clericorum? quod enim agitur a Prælatibus, (z) in exemplum facile trahitur a subditis, juxta quod Dominus ad Moysen ait (a): Si Sacerdos, qui est unctus, peccaverit, faciet delinquere populum. Quare Prælati & Pastores scire debent, quia si per versa unquam perpetrant, tot mortibus digni sunt, quot ad subditos suos perditionis exempla transmittunt, (b) unde necesse est, ut tanto se cautius a culpa custodiant, quanto per prava, quæ faciunt, non soli moriuntur, sed aliorum animarum, quas pravus exemplis destruxerunt, rei sunt; bonis itaque subditis bene vivere ad salutem sufficit, Prælatibus vero propria vita non sufficit, sic nempe integritas Præsentium salus est subditorum.

Quapropter attendite vobis & pretioso deposito, quod vobis concredidit, (c) illudque insigne Christi verbum, quod hinc discens, Petroque oviculas suas committens, post tertiam demum dilectionis stipulationem, promissionemque uti ultimum elogium ac memoriale fidelissime diligentissimeque inculcavit, & mente & opere tenete, quod est, Pasce agnos meos; ne sitis tanquam lupi rapaces, vulpecule vineam Domini demolientes, turpis lucri capidi in ovile irrepentes, (d) qui, ut præclare loquitur S. Augustinus (e), non querunt JE-

SUM propter JESUM, sed ut saturentur de panibus; quibus procul dubio illud, quod est apud Ezechielem (f), dicitur: *Va Pastori- bus Israel, qui pascebant semetipsos. Verum e contra illud Apostolorum Principis (g) paræneticum oculis & mentibus insistentes: Pasce- te, qui in vobis est, gregem Dei, providentes non coacte, sed spontaneæ, secundum Deum, neque turpis lucri gratia, sed voluntarie, neque ut dominantes in Cleris, sed forma facti gregis ex animo, & cum apparuerit Princeps Pastorum, percipietis immarcescibilem gloriam coronam; oportet proinde, ut qui in partem sollicitudinis nostræ assumpti, & a Deo fortissimo Zelote positi estis, quasi Custodes in vinctis, zelo zelantes assistatis Nobis; Estote in Pastoralis vestro munere strenui, in exequendis hisce Decretis indefatigati: nam parum est condere jura, nisi sint, qui ea debite executioni demandant; (h) estote veri Pastores, acerbis illas reprehensionibus horribilesque minas, quas ignavis Pastoribus non minus Prophetica, quam Evangelica & Apostolica voces uniformi consensu terribiliter intentant, vehementer borrete, quæ a vobis desiderantur, graviter adimplete, ut Dei iram declinare possitis, scientes, quod sit horrendum incidere in manus Dei viventis; (i) sit doctrina vestra spiritualis medicina populo Dei, sit odor vitæ vestræ delectamentum Ecclesiæ Christi, ut prædicatione atque exemplo edificetis domum, id est, familiam Dei, (k) quatenus nec Nos de vestra profectione, nec vos de tanti oneris susceptione damnari a Domino, sed remunerari potius mereamur.*

Quæ quidem omnia & singula, cum in Diæceses nostræ florem, vigoremque non tantum salutaria & utilia, verum ad Ecclesiastici status, totiusque Cleri conservationem per-necessaria Nobis visu sunt, officii commissi memores, jurisdictionisque Archi Episcopalis debitum exequi volentes, ad bona inferenda, prava evellenda, omnesque laudabiles Constitutiones, consuetudinesque Diæceses nostræ conformandas, & si quæ subditorum nostrorum, super quorum universalem curam & custodiam fuimus constituti, neglectu sopita, temporumque iniquitate nonnihil obfuscata sunt, resuscitanda ac reintegranda, quod Majores ac Prædeces-

sores

(u) Psal. 132. v. 2. & 3.

(x) Trid. loc. cit.

(y) Sess. 25. de Reform. c. 1.

(z) Cap. Adhæc. de Voto.

(a) Levit. 4. v. 3.

(b) S. Greg. part. 3. Past. cap. 5.

(c) S. Bern. ferm. 76. in Cant.

(d) Joan. ult. v. 15. & 16.

(e) In Cap. 6. Joan.

(f) 34. Cap. v. 2.

(g) 1. Pet. 5. a v. 2.

(h) Cap. Periculoso. §. Et quoniam, de statu Regularium in 6.

(i) Hebr. 10. v. 31.

(k) Pontificale Rom. tit. de Ordin. Presbyt.

fores nostri magno sæpe animarum fructu fecerunt, id etiam sub spe consimili a Nobis faciendum, præsertim in tanta rerum jam commemoratarum, quam deprehendimus apud nonnullos, varietate, non solum utilissimum, sed etiam omnino necessarium judicavimus.

Idcirco Nos ex prænominatis, aliisque causis rationabilibus, quæ ad id animum nostrum induxerunt, de communi consilio pariter et assensu Venerabilis Capituli nostri Metropolitanæ universum Diœcesis nostræ Clerum ad Diœceseos ejusdem Metropolitani Coloniam Agrippinam nuper congregari, Synodumque celebrari jussimus, prout tunc invocato Spiritus Sancti auxilio eandem effective celebravimus, cui etiam, prout par erat, Archi-Episcopai nostræ auctoritate Nos ipsi præsedimus, eo sine, ut succincta methodo, facili ordine, omnibus et singulis Diœceseos nostræ, quorum intererat membris, totique Clero palam faceremus, quid cuique in suo gradu, statu et ordine salubriter juxta ac utiliter observandum velimus, quod ut in oculis ac manibus pariter versaretur omnium, Constitutiones nostras Synodales auctoritate nostra prædicta publici juris facere, et prælo committere decrevimus, et in hanc formam Reverendi Nobis sincere Dilecti Georgii Pauli Stravii, Episcopi Joppenfis, nostri, dum viveret, in Pontificalibus et Spiritualibus Vicarii Generalis, opera ac studio non mediocriter adjuti redigi fecimus. Porro cum nihil aque imperii imbecillitatem prodar, quam legum multiplicitas et observantium raritas, muneris nostri est, summo id ageve studio, ut quæ tam maturo discussa

sunt judicio, tamque salubriter decreta, optatissimum fortiantur effectum. Nos itaque auctoritate ordinaria omnibus et singulis nostræ jurisdictioni subjectis, Apostolica vero etiam exemptis, ut hæc Decreta, omniacque et singula in eis contenta juxta tenorem suum, inviolabiliter et ad amissum observent et exequantur, districte mandamus atque præcipimus.

Eadem quoque Auctoritate imperamus omnibus et singulis, ad quos id spectat, ut etiam adhibitis, si necesse fuerit, censuris Ecclesiasticis, aliisque juris remediis, ac etiam invocato brachii secularis auxilio (si quorundam pertinax obstinatio aliter frangi nequeat) omnes sibi subiectos eadem observare realiter et cum effectu curent, atque compellant; ut vero eorum, quæ in hisce Decretis nostris præfiguntur, nullus ignorantiam prætereundum queat, volumus atque etiam serio præcipimus, ut omnes et singuli (quorum interest) eadem Statuta quamprimum procurent, studiose evolvant, et magna attentione ruminent, non tam ut sciant, quam ut exactissime observent, et opere adimplere satagant, frustra enim illa custodientur memoria, si non custodiantur et vita. Quapropter quotquot sive Ordinaria nostræ, sive Nobis a Sede Apostolica et Concilio Tridentino delegate jurisdictioni subiecti estis, magis satagite, ut per bona opera certam vestram vocationem et electionem (1) faciatis: hæc enim facientes non peccabitis aliquando, sic enim abundanter ministrabitur vobis introitus in Regnum æternum Domini et Salvatoris JESU CHRISTI.

DIRECTORIUM

PRO SYNODO DIOECESANA COLONIENSI

CELEBRANDA

COLONÆ IN ECCLESIA METROPOLITANA

ANNO M. DC. LXII.

DIE VIGESIMA MENSIS MARTII, ET SEQUENTIBUS.

Circa quam consideranda sunt:

Preliminaria.

Agenda appropinquante die præfixa.

Agenda prædie diei.

Prima die Synodi agenda mane et post prandium.

Secunda die Synodi mane et post prandium agenda.

Ultima die agenda.

Post Synodum agenda.

Præ.

(1) 2. Pet. 1. 7. 10. & 11.

P R E L I M I N A R I A.

I. **C**apitulum Ecclesiæ Metropolitanæ exponenda intentio de habenda Synodo, ut de ejus consilio omnia fiant.

II. Edictum de celebranda Synodo assignendum ad valvas Ecclesiæ Metropolitanæ, aliarumque Ecclesiarum celebriorum tam intra, quam extra Civitatem, & mittendum tempestive ad omnes Dioceses Prælatos, & Superiores, Archi-Diaconos, Decanos Rurales, atque per hos ad singulos Pastores.

III. Adjungendæ literæ Monitoriæ cum instructione brevi, quomodo & qualiter ante & in ipsa Synodo quisquis se gerere debeat.

IV. Tabula totius Cleri Diocesis Colonien-
sis tam exempti, quam non exempti, dummodo alias cessante exemptione interesse debeant Synodo, conficienda est, ut secundum illam omnes & singuli citari, in Synodo evocari, & absentes contumaces puniri possint.

I. **A**ppropinquante die præstituta designandus, disponendus & ornandus erit locus Synodi, itemque Altare separatum pro Venerabili Sacramento exponendo, Altare pro summa Missa, Sedes & Credentia, aliaque ordinaria pro Serenissimo juxta summum Altare, Thronus Synodalis pro Serenissimo, ornati rubeo, subsellia hinc inde pro Canonicis Metropolitanæ Ecclesiæ, ornati viridi, sedes minores pro Assistentibus, itemque propriis, qui operam suam navant in Synodo, in specie pro Directoribus & Promotoribus duobus, Secretario, atque Actuário, & Lectore, omnia colore violaceo tecta, Cathedra pro Sermocinatore & Lectore Decretorum. Ordinanda quoque loca pro Prælati mitratis, nec non Sæcularibus & Regularibus, aliisque Decanis Ruralibus, Pastoribus, & aliis in Tabula totius Cleri nominatis, idque tali ordine,

ut nullus de aliquo præjudicio justam querelæ causam habeat.

II. Designanda hospitium pro Clero extraneo, si fieri potest, apud Ecclesiasticos Ecclesiæ Metropolitanæ viciniore, eoque sine constituendus tempestive hospitiorum Præfectus, qui adventantibus loca cuilibet congrua designet, quæ sumptibus quisque propriis, triduo Synodi durante, incolat.

III. Mature providendum de personis in celebratione Synodi necessariis, quales sunt: Celebraturus Missam Synodalem prima, secunda ac tertia die.

Assistentes Serenissimo in Missa, & extra illam in Synodo.

Directores Synodi.

Cæremoniarius Synodalis.

Sermocinatores duo.

Secretarius sive Actuarius.

Lector unus, vel plures.

Cantores & Musici.

Ostiarii, & alii famuli Curfores.

IV. Aliæ quoque personæ designandæ sunt, quarum pleræque deinde in Synodo ipsa publice nominantur, videlicet:

Executores Decretorum & Promotores Synodales duo.

Judices querelarum & excusationum.

Confessarii Cleri cum potestate absolvendi a Reservatis, durante Synodo.

Judices Causarum Apostolicarum.

Examinatores Parochorum & Ordinandorum ad Curam.

Librorum Censor.

Pœnitentiarius.

Commissarii Seminarii.

Recognitores onerum & numeri Missarum.

Testes Synodales.

V. Tempestive quoque prospiciendum de illis, quæ vel typis imprimi, vel manu scribi debent.

IMPRIMENDA SUNT.

Primo, Edictum sequentis tenoris:

EDICTUM CONVOCATORIUM AD SYNODUM.

MAXIMILIANUS HENRICUS, DEI GRATIA ARCHIEPISCOPUS COLONIENSIS &c. &c. Venerabilibus Nobis in Christo dilectis ac devotis, Ecclesiæ nostræ Metropolitanæ Colonien-
sis, Præposito, Decano & Capitulo, nec non Abbatibus, Præpositis, Archi-Diaco-
nis, Collegiorum Decanis & Ruralibus, Capitulis & Canonicis, Commendatoribus,
Prioribus, Guardianis, Rectoribus, Pastoribus, Sanctimonialium Præfectis, Prioribus seu
Con-

Confessariorum, Plebanis & Curatis, aliisque Ecclesiasticis personis, tam Regularibus, quam Secularibus quibuscunque per Civitatem ac Diocesim nostram Coloniensem ubilibet constitutis, exemptis æque ac non exemptis omnibus ac singulis, quotquot de jure, vel consuetudine Synodo Diocesana Colonienfi interesse possunt ac debent, salutem in Domino sempiternam.

Etsi quod a Nobis exigit Pastoralis Officii ratio, jam inde ab initio nostra ad Metropolitanam Coloniensem Ecclesiam, cui a misericordissimo Domino, sihe meritis nostris, in Sponsum & Pastorem dñi sumus, promotionis, in eam semper curam, Deo aspirante, omni conatu ac indefessa solitudine incubuerimus, qua ratione Dominico gregi custodiam simul ac disciplinam adhiberemus, nec difficile esset advertere corruptos injuria temporum non minus, quam hominum incuria in eadem Ecclesia nostra mores Cleri simul ac populi, labefactatamque Fidem Orthodoxam, non alia ratione meliori, quam qua a sacris Canonibus, & signanter Concilio Tridentino præscripta, Majorumque ac Prædecessorum nostrorum salubri exemplo frequenter comprobata fuit, reformari atque in melius restaurari, atque ita reformata ac restaurata conservari ac stabiliiri posse, proindeque nihil magis in votis nostris ac desideriis habuerimus, quam solemnem exactamque ad præscriptum eorundem Canonum, & S. Concilii, Synodum Diocesanam celebrare, eique non solum præsidere personaliter, sed etiam folido veluti fundamento successuras deinceps annis singulis Synodos superstruere, in quibus tum ea, quæ ad Dei imprimis honorem, cultum Sanctorum, ac Divinum Officium promovendum, depravatos Cleri & populi nostri mores formandos, tollenda errores & schismata, Religionis integritatem, pietatem, disciplinamque Ecclesiasticam restauranda, viderentur conducere maturo consilio deliberate ordinarentur ac decernerentur: Ab ea tamen cogitatione frequenter, & quod, non sine magno animi dolore, experiri Nos oportuit, continuis fere impedimentis, non quidem plane revocati, plurimum tamen abstracti fuimus. Inprimis enim nostra ad Coloniensem hanc Ecclesiam proVectio in ea tempora incidit, quibus non ipsa duntaxat Ecclesia ac Diocesis nostra, sed universa propemodum Germania, ex atrocissimo plurimorum annorum bello vix aliquantulum respirans, Clericos passim videre coacta est a beneficiis & possessionibus suis exules, Pastores percussos, ovesque gregis dispersas, omni-ferme earundem congregandarum spe sublata, nisi & ferventioris ad Deum preces & constantis fiducia, ac longanimitas, ipsaque potissimum populi inexplicabilis miseria Divinum Numen

Tomus IX, Concilior. German.

ad misericordiam, ut sperare fas est, pervivissent, ac tandem post annorum aliquot curricula, Clerus Ecclesiæ & populo, atterque suis sedibus, ejusdem Numinis bonitate fuissent restituti: adeo vero etiam postliminio reversis, & antecedentium temporum difficultatibus fuerunt accisa ac pene nulla temporalium rerum (sine quibus ægre spiritualia tractantur atque subsistunt) subsidia, ut in summis illis temporum, rerumque angustiis, difficillimum profecto fuerit, Prælatos, Pastores, aliosque Diocesis nostræ Sacerdotes & Clericos, per eandem longe lateque diffusos, sumptibus, itineribus & incommodis non modicis in unum, prout in Domino optassemus, congregare non solum, sed, quod rerum tractandarum gravitas exposcebat, per dies plures extra proprii quælibet domicilii ac residentie loca, diutius in Civitate nostra distinere. Accesserunt bis impedimentis præter publica, eaque gravissima, universum Imperium Romanum contingentia negotia, etiam vicinorum Regum discordia, quibus componendis non curam ac sollicitudinem duntaxat, sed propriam quoque personam impendere necessarium habuimus:

Nunc posteaquam, singulari Dei benignitate a præfatis aliisque turbis & obsaculis nonnihil expeditos esse concessum est; Nos tempus hoc Divinæ Majestati suæ beneplacitum & acceptabile futurum rati, ejusdem gratia aspirante, mentem, animumque nostrum ipsaque cordis & animi penetralia novis, itaque fortissimis motibus pulsari sentimus, desideriumque quotidie crescenti experimur, quo tandem Prælatos, & Clerum Pastoralis nostræ sollicitudini commissos, Nobiscum in Dei nomine congregatos videre, eosdem paterne amplecti universos, atque una cum iis congregatis, Spiritu Sancto prævio ac ducente, verba salutis tractare, definire, decernere, Nobis concedatur.

Igitur in Nomine DEI Omnipotentis, Patris, & Filii, & Spiritus Sancti, deque ejusdem Sanctissimæ Trinitatis adiutorio humiliter confisi, Synodum Diocesanam Coloniensem indicendam & celebrandam esse constituimus, prout eandem de Venerabilis Decani & Capituli nostri Metropolitanæ consilio pariter & assensu indicimus, & ad DEI gloriam, Clerique ac populi nostri salutem, celebrandam esse decernimus in Civitate nostra Colonienfi,

Y Y Y Y

atque

atque in Ecclesia Metropolitana, Feria secunda post Dominicam Lætare, quæ erit vigesima mensis Martii, currentis hujus anni millesimi sexcentissimi sexagesimi secundi, cum continuatione dierum sequentium, quotquot ad res in ea tractandas erunt necessarii. Vos igitur Præpositum, Decanum & Capitulum Ecclesie nostræ Metropolitanæ prædictæ, Abbates, Præpositos, Archi-Diaconos, Decanos Collegiorum & Rurales, Capitula & Canonicos, Commendatores, Priores, Guardianos & Rectores, Pastores, Sanctimonialium Præfectos, Priores, seu Confessarios, Plebanos & Curatos, aliasque Ecclesiasticas personas, tam Regulares, quam Seculares quascunque per Civitatem & Diocesin nostram ubilibet constitutas, exemptas æque, ac non exemptas, quotquot de jure aut consuetudine Synodo Diocesana Colonienſi interesse potestis ac debetis, supradictas omnes & singulas tam Sacri Concilii Tridentini, quam Ordinaria nostra auctoritate, in Domino requirimus; hortamur & monemus, atque etiam sub penis & censuris in jam dicto Concilio expressis, & alias a jure contra inobedientes & contumaces decretis, & eisdem infligi solitis, præcipimus & mandamus, ut in diem ac locum Synodo Colonienſi Diocesana, ut præfertur, celebranda, præstituta, per vos ipsos, vel si justo impedimento fueritis detenti, de quo Nobis fidem facere teneamini, per legitimos Procuratores & Nuntios tempestive occurratis, & manè ad sonitum campanæ majoris, in habitu ac tonsura Ecclesiastica, prout unicuiqueque dignitati ac Ordini congruis, compareatis, Sacro Missæ Officio celebrato (in quo Divini Numinis opem ad hoc devote implorabitis) Nobiscum ea peracturi, quæ ad ejusdem Numinis laudem & gloriam, Ecclesie Catholice, & Diocesis nostræ Colonienſis spirituale incrementum, Cleri ac populi mores formandos, Ecclesiasticam disciplinam promovendam, restaurandam Religionis integritatem, & salutem denique animarum quomodolibet esse necessaria videbuntur vel opportuna.

Quod si, monitione ac mandato nostris non attentis, aliqui ex vobis ad Synodum a Nobis per præsentem literas legitime indictam venire, atque in eadem comparere neglexerint aut contempserint, Nos contra inobedientes & contumaces hujusmodi, penas & censuras illas, quas tum sacrum Concilium, tum jura Canonica in ejusmodi statuunt, aliasque arbitrarías infligendo, nihilominus, eorum inobedientia seu contumacia non obstante, ad Synodi celebrationem, usque ad executionem eo-

rum, quæ in ea decernerentur ac statuerentur, omnium & singulorum, procedemus & faciemus procedi. Volumus autem, ut omnes & singuli Ecclesiarum Prælati, Archi-Diacoſi & Decani, quamprimum ad eos præsens nostrum Editum pervenerit, in singulis Ecclesiis, eorundem curæ vel inspectioni commissis, ubi id commodè fieri poterit, duas ad minus hebdomadatim Missas pro felici successu Synodi, usque ad ejusdem exitum, dici procurent, populumque sedulo faciant admoneri, ut assiduis precibus a Patre Misericordiarum ac Deo totius consolationis assistentiam Sancti Spiritus efficacem Nobis imploret, qua suffulti, consilia, sermones, actionesque nostras in finem dirigamus, qui est CHRISTUS JESUS Redemptor noster, cui in sanctitate & justitia servire nos oportet omnibus diebus nostris.

Ut autem hæc literæ ad omnium, quorum interest, notitiam deveniant, earum exemplaria typis excusa, & nostro Sigillo munita valvis Ecclesiarum nostræ Metropolitanæ, nec non Collegiarum Ss. Cassii & Florentii Bonnae, S. Victoris Xantis, S. Patrocli Sylati, Sme Virginis Mariæ Dusseldorpii, S. Spiberti Cæsaris Insulæ, Sme Virginis Matris Resæ, Sme Virginis Mariæ Juliaci, Ss. Chrysanthi & Dariae Monasterii Eisthæ, S. Quirini Novesium, S. Walburgis Mesebedæ, S. Martini Kerpenæ, S. Hyppoliti in Gerresheim &c. affigi, & ad singulos Decanos Rurales destinari volumus, perque earum affixionem & insinuationem eos omnes, quos concernunt, non secus obligatos esse declaramus, quam si ipsiſmet coram prælectæ ac insinuatæ fuissent.

Secundo,

Literæ Monitoriæ

Sequentis tenoris:

Jussu & auctoritate Reverendissimi & Serenissimi Principis ac Domini nostri Clementissimi, D. MAXIMILIANI HENRICI Archi-Episcopi Colonienſis &c. omnibus & singulis de Clero Civitatis ac Diocesis Colonienſis &c. Secularibus & Regularibus, quorum interest, notum sit, postquam Serenissima sua Celsitudo per patentes suas literas sub die prima mensis Februarii hujus anni emissas, Synodum Diocesanam in Civitate Colonienſi, atque in Ecclesia ejusdem Metropolitanæ die vigesima mensis Martii anni jam dicti inchoandam, & cum continuatione dierum sequentium prosequendam ac debito fine terminandam indicxit, cupiatque & exoptet omnia

omnia in illa quam decentissime atque secundum ordinem fieri, qui deceat Congregationem Sanctorum. Hinc ejusdem Reverendissime ac Serenissime Celsitudinis suæ auctoritate & mandato morientur imprimis omnes quarumcunque Ecclesiarum Collegiatarum, nec non Conventuum ac Collegiorum Religiosorum Prælati, Rectores ac Superiores, Decani item Rurales, & Pastores, ut, juxta tenorem Archi-Episcopalis Edicti, duas ad minus Missas hebdomadatim in eorum Ecclesiis celebrari procurent, pro felici successu Synodi, usque ad ejus conclusionem.

2. Sanctimonialia autem in suis Monasteriis & Conventibus Hymnum: Veni Creator &c. cum Oratione de Spiritu Sancto, & Litanias omnium Sanctorum eadem intentione, dicant omni die in Choro post Missam Conventualem, vel hora opportuna. Deinde omnes & singuli de Clevo foraneo per præfatam Edictum citati, pro die ipsius Synodi celebrandæ circa meridiem se fiant in Civitate Colonienſi, apud Magistrum Latorum Curie nostræ Archi-Episcopalis Nicolaum Thoni, in Aula ibidem nostræ Colonienſi designatæ ad hoc præfectum, ut si qui ex illis propria, vel alias conductæ non habeant diversionia, illis a jam nominato Præfecto hospitium assignentur, durante Synodo, propriis cujusque ac moderatis sumptibus incolenda.

3. Archi-Diaconi majores & minores ad Serenissimum, ejusque Vicarum in Spiritualibus Generalem tempestive, atque ad minus octiduo ante Synodum mittant numerum ac nomina Decanatum, & Decanorum Ruralium intra fines seu terminum Archi-Diaconatum sive Regiuncularum curæ suæ commissarum, Constitutorum, nec non Collegiorum, Monasteriorum, Conventuum & Fundationum piarum.

4. Decani Rurales omnes quarto ante inchoandam Synodum die compareant personaliter, atque coram eodem nostro Vicario aliisque ad hoc deputatis deponant quam exactissime nomina Pastorum, Vice-Pastorum, seu Curatorum, Beneficiatorum quoque aliorum, etiam sine cura, in singulis Ecclesiis propria cujuslibet Decanatus existentium.

5. Pastores similiter tam suam quam quorumcunque Beneficiatorum, nec non locorum piorum in districtu Parochiæ suæ existentium nomina, ac seriem in ipsa Synodo exhibere præcipiunt.

6. In loco Synodi omnes compareant in tonsura ac habitu Ordinis, dignitate ac statui cujusvis congruente, Ecclesiæ Metropolitanae Canonici habitu Choralis albo induti, Abbates mitrati sine pedo, pluviali rubeo, ac mitra simplici (exempti tamen uti poterunt auri-purpurati) Præpositi similiter, Archi-Diaconi

& Decani Civitatis Colonienſis pluvialibus vestiti, reliqui tam Prælati, quam Canonici in habitu suo Choralis albo, Regularium Ecclesiarum Præpositi ac Superiores, nec non Rurales Decani stolis rubeis latioribus, denique Parochi stolis ordinariis, omnes vero & singuli superpelliceis mundis, & cum quadrato seu bireto decenti comparebunt, Breviarium secum, & nomen tum proprium, tum titulum Beneficii ac provisionem, aliaque superius expressa deferentes.

7. Tam Decani Rurales, quam Pastores & Curati omnes ac singuli in promptu habeant, scriptoque commonſtrent, quid, quantumcunque ex antiqua consuetudine sint pendere soliti, imprimis ad taxam ordinariam pro subsidio, deinde pro Decimatione, denique pro Cathedralico, quod tamen pro hac vice remittitur, idque juxta formulas infraſcriptas.

8. Necessarias in aliquot dierum victum, quatenus Synodus duraverit, expensas, omnes Pastores ad manum habeant, Oeconomus seu Collector in hanc rem deputato depromendas.

9. Nemo eorum, qui vocati sunt ac citati, quique huic Synodo interesse debent, per Procuratorem, nisi gravissima urgente causa, atque in procuratorio explicata, sed personaliter omnes compareant.

10. Parochi, qui Capellanos aut Vicarios non habent, pro eo tempore, quo Synodus durabit, ipsique absentes fuerint, pro servitio Ecclesiarum suarum tantisper ſurrogent Sacerdotes alios seculares, vel Regulares autoritate ordinaria approbatos.

11. Omnes & singuli de Clevo Sacerdotes, ac non Sacerdotes, quicumque Synodo intenterant, præparati sint ad Sacrificandum tempestive prima die Synodi, vel sacram Communionem sumendam ex manibus Serenissimi & Reverendissimi Domini Archi-Episcopi, quo fine, atque ut eo dignius quisque se ad sacram Synaxin præparet, unus aut plures in Ecclesiâ Metropolitana præsto erunt Confessarii, qui omnes & singulos ad se recurrentes tum antequam ipsa Synodo durante, a peccatis & censuris quibuslibet Ordinatione reservatis, absolvere possint, aliis quovis diebus non omittant Presbyteri necessitates Ecclesiæ Colonienſis DEO per Missæ Sacrificium, reliqui autem de Clevo per frequentiores preces humiliter ac devote commendare.

12. Non solum autem in ipsa Synodo, atque in Ecclesiâ, sed etiam foris in diversoribus, & in publico omnes modesto, graviter, religioseque versentur, Directoribus, Præfectis & Cereemoniaris obtemperent, ac tales ubique se præbeant, quales esse & confici decet Christi & Ecclesiæ Ministros.

13. Si quæ pro necessitate, vel decore Ecclesiæ proponenda sint ad Synodum spectantia,

Y Y Y Y Y 2

ea tempestive ad Serenissimum, ejusque Vicarium desinentur brevi scripto, ut eorum si expediens fuerit, in ipsa Synodo haberi ratio possit.

14. In Processionibus, Sessionibus, Stationibus, aliisque actionibus ea habebitur ordinis ratio, ut consuetudo cum possessione moderna pro norma sit; Decani autem Rurales, juxta ordinem suæ promotionis sedant atque incedant, omnes vero sciant, nemini ex inferiori, vel superiori cujusquam sessione præjudicium aliquod creandum fore. Formulæ autem, de quibus superius est facta mentio, sunt sequentes:

PRO DECANIS RURALIBUS.

EGO NN. Pastor in N. Decanus Christianitatis N. sub Archi-Diaconatu N. constitutus, habeo sub meo Decanatu Parochias numero NN. inter quas aliquæ sunt filiales, videlicet N. dependens a Matrice N. item N. dependens a Matrice N. Capellas N. Parochia N. sicut ex antiquis documentis constat, solvere consuevit ad taxationem tantum [NB. exprimitur quantitas monetæ] ad decimationem tantum, & ad Cathedralicum tantum.

PRO PASTORIBUS.

EGO NN. Pastor in N. sub Decanatu N. constitutus habeo Adjutores & Beneficiatos in Ecclesia mea Parochiali, imprimis N. Vicarium, N. Capellanum, N. Beneficiatum, N. Altaristam, Collatores eorundem sunt NN. item sunt intra districtum Parochiæ meæ Monasteria N. Virorum Ordinis N. item N. Virgineum Ordinis N. Capellæ, loca pia NN. mea Parochia antiquitus pendere consuevit ad taxam tantum, ad decimam tantum, ad Cathedralicum tantum. Vicarius dare consuevit ad taxam tantum, ad Decimam tantum, ad Cathedralicum tantum. Ego NN. Pastor ut supra m. pp.

Tertio, Professio Fidei Catholicæ,
quæ habetur Statutorum Synodaliū
Parte I. Tit. I.

Quarto, Acclamationes, sequen-
tis tenoris:

DE O Patri misericordiarum, & DE O totius consolationis & gratiæ omnis laus, honor & gloria in secula seculorum. fa fa fa re.

Respondent omnes: Amen, Amen, Amen.

Beatissimo Papæ ALEXANDRO, Sanctæ & Universalis Ecclesiæ Pontifici, Christiani nominis in omnes terrarum partes propagatio, cunctarum gentium obedientia, pax vera, diuturna perpetitas.

Resp. Domine Deus Sanctissimum Patrem nostrum Ecclesiæ tuæ conserva, mitte illi auxilium de Sancto, ut, eo gubernante, gentes omnes illuminentur, & quæ dispersæ sunt, in unum Ecclesiæ tuæ ovile colligantur.

Imperatori LEOPOLDO, & omnibus Principibus Christianis Catholicæ Religionis zelus, justitia & pacis fecunditas, & contra Christianæ fidei hostes victoria.

Resp. Princeps celestis terrenos Principes Catholicæ fidei, æquitatis & concordia conservatores, atque hostium nostrorum exanimatores custodi.

Reverendissimo & Serenissimo Antistiti nostro, hujus Synodi Præsidi, ejusque Ministris salutaris vigilantia, in laboribus constantia, & felix exitus.

Resp. Omnipotens Deus super Antistitem nostrum benedictionum tuarum dona multiplica.

Civitati & Diacepi Coloniensi tranquillitas, salus & Divinarum gratiarum abundantia.

Resp. Benedic Domine filios tuos & esto in circuitu populi tui ex hoc nunc & usque in seculum.

MAXIMILLANO HENRICO Archi-Episcopo & Pastori vigilantissimo, discipline Ecclesiasticæ Assertori perennes gratias.

Resp. Perennes gratias, incolumem, saluumque illum nobis Dominus diutissime custodiat atque conservet.

Totius Synodi Clero atque Conventui pacem, concordiam & gratiam a Domino.

Resp. Pacem, concordiam & gratiam semper nobis Dominus concedat.

Decretorum hujus Diacepis observantiam salutarem omnes, qui hic adsumus, unanimi voto a Deo bonorum omnium Largitore humiliter imploremus, intercedente Deipara Virgine MARIA, Domini nostra, cum Beatis Apostolis Petro & Paulo, & Beatis Patronis nostris, tribus Regibus, Felice, Nabore, Severino, Cumiberto, Annone, Evergislo, Engelberto & omnibus Sanctis.

Resp. Fiat, Fiat, Amen, Amen.

Quinto, Directorium Vistationis in Synodo, si videtur distribuendum.

Sexto, Liber Statutorum Synodaliū.

MANU

MANU SCRIBENDA.

*Primo, Tabula totius Cleri. 4.
Exemplaria.**Secundo, Ordo totius Processionis,
quæ instituetur sub initium
& finem Synodi, modo sequen-
ti:*

Quadrante ante octavam totus Clerus secularis Civitatis Colonienfis in Metropolitana Ecclesia congregatus gravi incessu accedit ad Palatium Serenissimi, ibique moratur, donec egrediente Serenissimo e suo conclavi detur signum egressus per Cæremoniarium: tum prælata Cruce Metropolitana Ecclesiæ ac Crucibus Collegiarum procedunt omnes bini & bini ad Ecclesiam, ac primo minus digni, deinde digniores usque ad Capitulum Metropolitanum exclusive; post Clerum Prælati Collegiarum Ecclesiarum, Abbates & D. Suffraganeus, & per Ministros suos curant deferri post se mitras; ante Serenissimum deferitur Crux Archi-Episcopalis, Serenissimum sequitur Capitulum Metropolitanum suo ordine. Interea dum Clerus secularis Serenissimum e Palatio deducit ad Ecclesiam, Clerus Regularis intra Ecclesiam sese disponit ad Processionem transeundo ante Ss. Tres Reges versus Capellam Beatissimæ Virginis subsistendo, donec dato signo progredi jubeatur.

Serenissimus ingressus Ecclesiam procedit, transeundo per Clerum itantem hinc inde a lateribus (cui singuli debitam faciunt reverentiam) ad sepulchrum Ss. trium Regum, inde ad Capellam Beatissimæ Virginis, ubi postquam aliquantulum oraverit, ad locum Synodalem, & in eo paratam sedem Archi-Episcopalem, ubi sedens induit indumentis Pontificalibus, & pulsantur organa.

Dum Serenissimus induitur, fit Processionis initium; & pergit Clerus Regularis, ordinè, quo in Processionibus procedere solet: PP. Capucini, PP. Recollecti, PP. Cruciferi, PP. Augustiniani, PP. Carmelitæ, PP. Minoritæ, PP. Dominicani, PP. Benedictini, Pastores Civitatis Colonienfis cum stolis rubeis: Capitulum S. Cæcilie, Capitulum S. Ursule, Capitulum Beate Mariæ Virginis in Capitulo, Capitulum S. Georgii, Capitulum Beatissimæ Virginis in Gradibus, Capitulum ad Ss. Apostolos, Capitulum S. Andree, Capitulum S. Cuniberti, Capitulum S. Severini, Capitulum S. Gereonis; postea Prælati Civitatis Colonienfis cum pluviali-

bus rubeis, Abbates quoque cottis ac pluvialibus induti cum mitra, & D. Suffraganeus cum rochetto, stola, pluviali ac mitra, deferens baculum S. Petri, tum Crux Archi-Episcopalis & post eam Serenissimus indutus alba, stola, pluviali rubri coloris, cum mitra & pedo; Prælati Metropolitana Ecclesiæ etiam pluvialibus vestitis hinc inde pluviale Serenissimi sublevantibus, aliis Ecclesiæ Metropolitanae Prælati & Canonicis immediate subsequenteribus. Mox ut Serenissimus e sede sua descendit ad Processionem, Cantores genuflexi inchoant Hymnum: *Veni Creator Spiritus*, & prosequuntur per Processionem cantando successive Responsoria de Sanctissima Trinitate, de S. Petro Apostolo, Ss. tribus Regibus.

Porro Processio dirigetur ex Metropolitana Ecclesia ante Ss. tres Reges & Capellam Beatissimæ Virginis versus portam Commentariensem transeundo ad pinguem gallinam sub porta Flaminea, per plateam portatoriam ante Aulam Coloniensem redeundo ad Ecclesiam Metropolitanam, per portam majorem juxta campanile ad locum Synodalem, & loca singulis assignata.

Sub prima Processione Clerus extraneus in locis assignatis reditum Serenissimi modestè præstolatur; quem tamen Processionem pro majori solemnitate sub finem Synodi comitari convenit.

*Tertio, Professio Fidei brevis
majusculis literis scribenda in
tabula, sequentis tenoris:*

EGO N. N. recipio, promitto, spondeo, profiteor, detestor, anathematizo, juro, ut in formula Professionis fidei modo lecta, singula singulis referendo; sic me Deus adjuvet & hæc Sancta Dei Evangelia.

In principio erat Verbum, & Verbum erat apud Deum, &c.

*Quarto, Juramentorum formula
pro Examinatoribus & Testi-
bus Synodalibus, sequentis te-
noris:*

EGO N. N. Examinatoris Officium, quod suscepi, promitto, spondeo, & juro, me fideliter & sincere, quantum in me erit, executurum, sic me Deus adjuvet & hæc Sanctorum Reliquia.

Ego N. N. Testis Synodalis a Reverendissimo Archi-Episcopo nominatus promitto, spondeo & juro, quod a modo in antea, quid

quid novi, aut audiri, aut postmodum inquisiturus sum, quod contra voluntatem Dei, aut rectam Christianitatem in regione mihi commissum factum sit: vel futurum erit, si in diebus meis venerit tantum ad meam cognitionem quocunque modo, si scivero, aut mihi indicatum fuerit, causam esse Synodalem, & ad Ministerium Reverendissimi Archi-Episcopi pertinere, quod ego nec propter timorem, nec propter premium, nec propter parentelam ultatenus celabo Reverendissimum Archi-Episcopum, aut ejus Missum, qui hoc me interrogaverit, sic me Deus adjuvet & bea Sanctorum Reliquie.

I. **P**RIDIE DIEI pulsandæ sunt campanæ majores Metropolitanae, & omnium Ecclesiarum totius Civitatis duabus horis, & vicibus, ita ut primus pulsus inchoetur post horam duodecimam, secundus sub crepusculum hora sexta, de quo tempore monendi sunt Praefecti & Custodes Ecclesiarum.

II. Omnia ad Synodum necessaria in Ecclesiam deferenda, suoque loco & ordine collocanda sunt, ut postmodum sine strepitu, tumultu aut confusione peragi possint.

III. Determinandus circuitus, per quem instituenda sit Processio Synodalis.

IV. A Directoribus & Cæremoniariis locus ipse, omnia ad Synodum celebrandam necessaria diligenter inspicienda sunt, ne quid vel deficiat, vel incongrue dispositum sit.

V. Affigendæ ad valvas Metropolitanae & aliarum Ecclesiarum schedulæ hujus tenoris:

*C*rasina die, quæ erit vigesima mensis Martii, anni Millesimi sexcentissimi sexagesimi secundi, hora septima omnes, qui Synodo interesse debent, adsint induti superpelliceis & habitu congruente in Ecclesia Metropolitana, ut exinde ordine suo procedere possint ad Palatium Serenissimi & Reverendissimi Archi-Episcopi & deducere eundem ad Ecclesiam.

VI. Similiter in Ecclesia Metropolitana affigendæ schedulæ distributionis Cleri, majusculis literis scriptæ.

Ipsa die Synodi prima.

I. **M**ane, absolutis Matutinis, ceterisque Horis Canonicis, ab hora septima usque ad octavam iterum in omnibus Ecclesiis pulsantur campanæ sicut pridie factum.

II. Interim Serenissimus in Palatio suo se

præparat cum suis Assistentibus & Ministris ad ingressum in Ecclesiam cappam indutus.

III. Totus Clerus primarius & secundarius statim post septimam congregatur in Æde Metropolitana, singuli secundum ordines in singula loca sive Sacella distributi.

IV. Quadrante ante octavam totus Clerus secularis Civitatis Colonienfis in habitu congruente gravi incessu venit ad Palatium Serenissimi, ordine, quo in Processionibus consuevit.

V. Accedentibus ad limen Palatii obviam sunt aliqui ex Ministris Serenissimi, Ecclesiastici & seculares Nobiles, qui Capitulum Metropolitanum, & Prælatos ad Aulam locumve commodum Palatii introducant, reliquo Clero inferius in atrio expectante.

VI. Egressus e conclavi suo Serenissimus cum Ministris & Assistentibus salutatur capite annuendo omnes in anteriore Aula præsentis.

VII. Tum egrediuntur omnes bini & bini, & ad Ecclesiam procedunt hoc ordine, ut præcedant cum Cruce Metropolitana Cruces Collegiarum Ecclesiarum: mox procedit Clerus, ac primo minus digni, deinde digniores; post Clerum deportatur Crux Archi-Episcopalis, quam sequitur Serenissimus cappa indutus, subsequentiibus Prælati & Canonicis Metropolitanis.

VIII. Ingresso in Ecclesiam Serenissimo, pulsantur Organa, dignior Canonicus porrigit Aspersorium quod Clerus aliquis ad manum habeat cum vase aquæ benedictæ, quo se ipsum & vicinos aspergat.

IX. Clerus in Ecclesia hinc inde stans, transeuntem Serenissimum veneratur, Serenissimus autem recte procedit ad Altare, in quo est expositum Venerabile Sacramentum, ubi procumbens in genuflexorio orat nonnihil mentaliter.

X. Fit Processio juxta ordinem præscriptum.

XI. Finita Processione, Serenissimus accendit ante Altare majus, in quo Missa celebranda, cum Ministris & Assistentibus, orat nonnihil in genuflexorio, vadit ad sedem suam, ubi paratur ad Missam more consueto, in Missa non utitur Pallio Archi-Episcopali.

XII. Missam canit Serenissimus de Spiritu S. absque ulla Commemoratione, in qua toti Clero præbet Communionem sacram. Ornatus & paramenta erunt rubra, in fine Missæ non datur benedictio, sed post Synodum.

XIII. Finita Missa, Serenissimus redit ad sedem suam, exitur Pontificalibus indumentis usque ad tuniceam inclusive, accipit pluviale, mitram & baculum. Prælati

lati retinent paramenta [id est] superpelliceum, amictum & pluviale, quibus debent esse induti tempore Synodi.

Sessio prima Synodalis.

I. **S**erenissimus vadit ad locum Synodalem in thronum sibi paratum, sedet aliquantisper mitram habens & baculum, Cruce ante ipsum & versus ejus faciem semper retenta.

II. Surgit Serenissimus deposita mitra, eoque stans, cantat Diaconus assistens: *Orate.*

III. Serenissimus se ad Altare vertit, genuflectit super genuflexorio ad hoc parato, genuflectit etiam Clerus, orat non nihil mentaliter, deinde manens genuflexus, inchoat in cantu Antiphonam: *Exaudi nos Domine* &c. ut in Pontificali.

IV. Inchoato Psalmo: *Salvum me fac* &c. sedet cum mitra, sedet etiam Clerus, alternatim cantans Psalmum.

V. Psalmo finito & repetita Antiphona, surgit Serenissimus, ac deposita mitra versus Altare dicit Orationes: *Adsumus Domine* &c. & *Omnipotens* &c. ut in Pontificali.

VI. Postea Cantores inchoant Litanias, sub quarum finem Serenissimus cum mitra & baculo stans benedicit Clero, ut in Pontificali, & iis finitis, dicit Orationem: *Da quesumus* &c. ut ibidem.

VII. Serenissimus ascendit faldistorium in plano Altaris collocatum, ibique Diacono & Subdiacono cum Thuriferario & Ceroferario accedentibus, benedicit incensum more solito.

VIII. Diaconus cantat Evangelium: *Convocatis Jesus duodecim* &c. Subdiaconus porrigit librum cum textu osculandum, Diaconus incensat.

IX. Serenissimus genuflexus sine mitra, inchoat Hymnum: *Veni Creator* &c. Finitoque primo versu, surgit, stans versus Altare usque ad totius Hymni finem.

X. Serenissimus alloquitur Clerum, dicens intelligibili voce: *Venerabiles Consacerdotes & Fratres nostri* &c. ut in Pontificali.

XI. Sermocinator accedit Serenissimum genuflexus, petit benedictionem, quam sola manu & signo Crucis dat Serenissimus, ascendit Cathedram ac breviter perorat.

XII. Lector conversus ad Synodum, dicit alta voce:

Si quis ex Clero habet querelas vel gravamina, ea postea deferat ad Judices querelarum designandos in Synodo.

XIII. Tum Lector comitatus a Cæremoniario accipit librum Decretorum, & accedens ante Serenissimum, factaque profunda inclinatione, porrigit eundem li-

brum, dein genuflexus interrogat in hunc modum:

Placetne Reverendissime & Serenissime Celsitudini Vestre, ut presentia Decreta legantur?

Annuaente Serenissimo per verbum *Placet*, surgit Lector, recipit Decreta, factaque iterum reverentia, vadit ad suggestum, in eo stans detecto capite, legit alta voce Decretum de inchoanda Synodo.

IN NOMINE PATRIS, ET FILII, ET SPIRITUS SANCTI, AMEN.

MAXIMILIANUS HENRICUS, DEI & Apostolica Sedis gratia Sanctæ Colonienſis Ecclesiæ Archi-Episcopus, S. R. Imp. Princeps Elector, Baviaræ Dux, &c. Dominus noster Clementissimus, ad DEI Omnipotentis ac Beatissimæ Virginis MARIE, nec non Sanctorum Petri & Pauli Apostolorum, aliorumque ejusdem Ecclesiæ Patronorum & Sanctorum omnium honorem & laudem Diocesanam Synodum Colonienſem incipiendam esse decernit, eamque incipit. Faxit idem DEUS Omnipotens & clemens, ut ex ea lumen & spiritum recipiant omnes, ad officia sua secundum voluntatem Dei peragenda.

XIV. Sedet dehinc Lector in cathedra seu suggestu, ac legit Decretum de modo vivendi in Synodo:

QUoniam nihil fere sæpius tam Divinis literis, quam Ecclesiasticis monumentis commendatum est Clericis, quam integritas vitæ, innocentia, Fides, Religio, pietas, aliæque virtutes, quibus domus Dei potissimum excolitur & ornatur: ideo Reverendissimus & Serenissimus Archi-Episcopus Clerum suum hic præsentem monet & per viscera misericordiæ Dei nostri obtestatur, ut cum semper, tum maxime hoc tempore, quo hæc Synodus durabit, in verbo & conversatione laicis hominibus præluceant, omni virtutum splendore juxta Monitoriales alias a sua Serenitate publicatas.

XV. Idem Lector sedens, ut prius legit & publicat Officiales ac Ministros Synodales in modum sequentem:

Reverendissimus & Serenissimus Archi-Episcopus in hac sua Synodo constituit & nominat.

I. Ex-

1. Executores Decretorum & Promotores Synodales: *Albertum Rensing*, J. U. Licentiatum, Metropolitanæ Ecclesiæ Canonicum Presbyterum Capitularem, Archi-Episcopalis Curie Officiale, *Thomam Quentel*, J. U. Doctorem, Metropolitanæ & Collegiatae S. Andreae Ecclesiarum Praepositum & Canonicum Presbyterum, ejusdemque Curie Archi-Episcopalis Sigilliferum majorem.

2. Judices querelarum & excusationum: Tres ex Metropolitana Ecclesia Canonicos Presbyteros Capitulares *Paulum Aufsenium*, Ss. Theol. Licentiatum, Vicarium in Spiritualibus Generalem, *Henricum Meringb.* & *Thomam Quentel*, J. U. Doctores.

3. Confessarios Cleri, durante Synodo cum potestate absolvendi a sibi reservatis: *Antonium Worms*, Ss. Th. Doctorem, Pastorem S. Laurentii, *Paulum Theoderici*, Ss. Th. Licentiatum, Pastorem S. Severini, *Franciscum Bossart*, Ss. Th. Doctorem, Pastorem S. Joannis in Curia, *Joannem Costerum*, Pastorem in Pasculo.

4. Notarium five Secretarium: *Theodorum Schulckenium*, Collegiatarum Ecclesiarum S. Andreae & B. MARIE Virginis in Capitolio Canonicum, Curie Archi-Episcopalis Sigilliferum minorem.

5. Magistros Cæremoniarum: *Leonardum Ingenræ*, Collegiatae Ecclesiæ Ss. Cassii & Florentii Bonnae Canonicum, *Arnoldum Flostorff*, & *Casparum Sartorium*, Metropolitanæ Ecclesiæ Vicarios.

6. Lectores: *Joannem Brewer*, Ss. Theol. Licentiatum, Collegiatae Ecclesiæ S. Georgii Canonicum, *Joannem Horn*, Ss. Theol. Licentiatum, Metropolitanæ Ecclesiæ Vicarium.

7. Procuratorem Cleri: *Joannem Bruckman*, Collegiatae Ecclesiæ B. MARIE ad Gradus Canonicum.

XVI. Mox idem Lector legit Decretum de non prejudicando, dicens:

Decernit Reverendissimus & Serenissimus Archi-Episcopus, si cui contigerit, aut contingeret, loco suo aut ordine non sedere, aut incedere, aut vocari, aut quidpiam aliud agere, propterea nemini novum jus acquiri,

nec quicquam de jure aut possessione cujusquam detrahi; sed in eo statu permanere, in quo ante hanc Synodum reperiatur.

XVII. Deinde legit Decretum de non discendo:

Omnibus præterea & singulis, qui huic Synodo de jure interesse debent, sub pena excommunicationis prohibetur, ne eorum quisquam ab hac Civitate Colontensi discedat, priusquam hæc Diocesana Synodus absoluta ac dimissa sit, nisi cum facultate Vicarii Generalis in Spiritualibus; sed eidem Synodo & Synodalibus conventionibus, actionibusque omnes & singuli sub eadem pena excommunicationis interesse jubentur.

XVIII. Subjungit Decretum de Oratione publica.

Quoniam veteris est instituti, solemnisque ritus, ut in Synodali conventionem pro publicis rebus oretur: capropter Reverendissimus & Serenissimus Archi-Episcopus decernit, ut his diebus Synodalibus in omni prece, ac præsertim in Sacrificio Missæ a Sacerdotibus oretur:

Pro Sanctissimo Domino Nostro ALEXANDRO Pontifice Maximo, & pro Ecclesiæ Catholicæ tranquillitate.

Pro Imperatore nostro LEOPOLDO.

Pro Prælati & Principibus Romani Imperii.

Pro pace & concordia inter Procères Christianos.

Pro augmento Christianæ disciplinæ in hac Civitate & Diocesi.

Pro salutare hujus Synodi successu.

Pro perpetua Cleri & populi in charitate & bonis operibus perseverantia.

Pro Ministris Ecclesiasticis.

Pro perfecta omnium, quæ hic decernentur ac statuentur, executione.

XIX. Posthæc Lector descendit e Cathedra, & una cum Promotoribus accedit Serenissimum, ibi facta reverentia debita unus ex Promotoribus facit instantiam pro facienda Professione fidei ad modum sequentem:

Reve-

Reverendissime & Serenissime Princeps ac Domine Archi-Episcopo: Cavit Sacrosanctum Concilium Tridentinum, ut omnes, qui Beneficia Ecclesiastica sunt consecuti, & qui Synodo Diocesana interesse debent, in ea Synodo, quæ primo quoque tempore celebrabitur, Fidei professionem faciant ac præsentent, prout illa Tridentina sanctione expressum; Ideo Nos hujus Synodi Promotores humiliter petimus & requirimus, sanctionem illam legi & ad illius præscriptum omnia & singula ab iis, qui tenentur, præstari.

XX. Respondente Serenissimo: Decernimus & mandamus, discedunt Promotores ad sua loca, Lector ad pulpum seu cathedram, ex qua legit Decretum de Professione fidei ex Concilio Tridentino, prout sequitur:

Ex Concilio Tridentino Sess. 25. cap. 2.

" Sacrosancta Tridentina Synodus
" præcipit Patriarchis, Primatibus,
" Archi-Episcopis & omnibus aliis, qui
" de jure vel consuetudine Concilio
" Provinciali interesse debent, ut in ipsa
" prima Synodo, post finem præsentis
" Concilii habenda, ea omnia & singula,
" quæ ab hac sancta Synodo definita &
" statuta sunt, palam recipiant, nec non
" veram obedientiam Summo Romano
" Pontifici præstent & profiteantur,
" simulque hæreses omnes a sacris Ca-
" nonibus & Generalibus Conciliis,
" præsertimque ab hac eadem Synodo
" damnatas, publice detestentur & ana-
" thematizent. Et infra:

" Cæteri vero omnes, sive in præ-
" senti, sive in futurum Beneficia Eccle-
" siastica habituri, & qui in Synodo
" Diocesana convenire debent, idem,
" ut supra in ea Synodo, quæ primo
" quoque tempore celebrabitur, fac-
" ciant & observent: alias secundum
" formam sacrorum Canonum punian-
" tur."

XXI. Prosequitur Lector:

Omnes igitur & singuli Ecclesiastica Beneficia obtinentes, vel sacris Ordinibus initiati, Fidei professionem juxta formulam a PIO IV. Pontifice præscriptam, me prælegente audiant, & tacite mecum emittant.

XXII. Quo dicto, omnes parumper extra sua loca procedunt, & Lector stans in cathedra legit Professionem fidei:

Ego N. N. firma fide credo & profiteor &c. Dum autem legitur Professio fidei, stat totus Clerus capitibus detectis.

Tonus IX. Concilior. German.

Si Serenissimus ipse velit facere Professionem fidei (quod est in ejus arbitrio) omnibus stantibus, ipse solus genuflexus faciet Professionem verbis sequentibus:

Ego MAXIMILIANUS HENRICUS Archi-Episcopus &c. ut in Pontificali.

XXIII. Post finem lectionis datur Serenissimo liber Evangeliorum, quem hinc inde tenent Diaconi duo: Mox accedunt terni aut quaterni ex Clero [Capitulo, ac dein dignioribus præcedentibus] tactis Evangelii dicunt:

Ego N. N. recipio, promitto, spondeo, profiteor, detestor, anathematizo, voveo & juro, ut in Decretis & formula Professionis fidei modo lectis, singula singulis referendo, sic me Deus adjuvet & hæc sancta Dei Evangelia.

XXIV. His peractis, Lector accedit Serenissimum, flexis genibus dicens modesta voce:

Placetne Serenitati Vestræ, ut sessio hæc Synodalis continuetur post prandium ad horam secundam?

Respondet Serenissimus: Placet.

XXV. Tum Lector ascendens suggestum, clara voce dicit, stans capite detecto:

Reverendissimus & Serenissimus Archi-Episcopus decernit ac indicit continuationem hujus primæ sessionis fore hodie post prandium ad horam secundam, in qua initium dabitur lectioni Statutorum Synodaliū.

XXVI. Mox descendit Lector & Promotores accusant contumaciam absentium his verbis:

Reverendissime & Serenissime Princeps ac Domine Archi-Episcopo: Cum jam dies vigesima mensis Martii adveniret, qua omnes & singuli Ecclesiastici Ordinis Viri Civitatis & Diocesis hujus legitime vocati, Synodo huic jam præsentem esse deberent, cumque multi non paruerint, sed usque adeo vel negligentes, vel contumaces fuerint, ut neque præsentem sint, neque iusti impediti causam vel excusationem aut Nuntium miserint: ideo pro nostri muneris ratione Nos hujus Synodi Promotores eorum contumaciam accusamus, & apud Reverendissimam Serenitatem Vestram instamus, ut citationem valvis hujus Ecclesiæ Metropolitane affigi, & cum iisdem tanquam inobedientibus agi jubeat, prout juris est, & sacrorum Canonum ratio postulat.

Respondet Serenissimus: Ita decernimus & jubemus.

XXVII. Deinde iidem Promotores conversi ad Notarium, instant pro Rogitu, his verbis:

Nos hujus Synodi Promotores requirimus te Notarium Synodalem, ut de omnibus & singulis

Z z z z z

singulis in hac sessione peractis, unum vel plura conficiat Instrumenta.

Notarius respondet: *Conficiam, adhibitis Testibus hic presentibus N. & N.*

XXVIII. Lector ascendit suggestum, & exinde legit Decretum de discessu, his verbis:

Ne quisquam ab hoc loco prius discedat, quam Reverendissimus & Serenissimus Archi-Episcopus obierit, nec vero raptim aut turbulenter, sed gravi ac decoro incessu; Capitula & Clerici Collegiatarum Ecclesiarum, ut collegiatim venerunt, ita recedant; prælata Cruce. His dictis, descendit.

XXIX. Denique Serenissimus exiit Pontificalibus indumentis, induit cappam, orat nonnihil, Clero benedicit manu duntaxat, & recedit, solo Clero Metropolitana Ecclesie comitatus usque ad Palatium, Clerus ad sua quisque domicilia.

Post recessum Cleri, Notarius affigit Edictum contra contumaces absentes ad valvas Ecclesie.

A P R A N D I O.

Continuatio primæ Sessionis.

I. **H**ora secunda pulsantur campanæ, cantatur Completorium, convenit Clerus in Ecclesiam.

II. Instante hora tertia Serenissimus a Capellano monitus, cappa indutus procedit ad Ecclesiam solo Capitulo Metropolitano comitante ac sequente, salvo quod Crux Archi-Episcopalis anteferatur, ut alias, Decanus porrigit aspergillum, ut supra, pulsantur organa: totus Clerus in suis locis stans, expectat Serenissimum, Serenissimus orat nonnihil ante Venerabile Sacramentum, vadit ad sedem suam juxta Altare majus, ubi exutus cappam, accipit amictum, stolam, pluviale, mitram & baculum, circumstantibus Canonici in habitu suo.

III. Vestitus, ut supra, Serenissimus descendit ad sedem seu thronum Synodalem, Canonici & reliqui ad sua loca.

IV. Omnibus, excepto Serenissimo, stantibus, Diaconus a dextris consistens, cantat *Orate*: & mox omnes genuflectunt, Serenissimus etiam surgit, & conversus ad Altare, dicit Orationes: *Adsumus Domine &c. & Omnipotens &c.* Ut in Pontificali.

V. Sedet postea Serenissimus, ac deinde totus Clerus. Lector accepto libro, in quo continentur Statuta, accedit Serenissimum, factaque profunda reverentia, genuflexus interrogat Serenissimum, an placeat, ut legantur, dicens:

Placetne Serenitati Vestræ, ut hæc Statuta atque Decreta legantur & publicentur, & hujusmodi lectionis & publicationis initium fiat in hac sessione?

Anniente Serenissimo per verbum *Placet*, surgit Lector, & facta iterum profunda reverentia, recedit ad suggestum, incipiens:

IN NOMINE PATRIS, ET FILII, ET SPIRITUS SANCTI.

Incipiant Decreta & Statuta Synodalia Reverendissimi & Serenissimi Principis Electoris MAXIMILIANI HENRICI, Archi-Episcopi Colonienfis, Bavaria Ducis &c. De Fide & Religione Catholica &c.

Et continuatur lectio, quousque visum fuerit Serenissimo. Quod si uni Lectori difficile erit continuo legere, poterit ipsi dari adjutor.

VI. Lecta aliqua parte Statutorum, Lector edicit Missam pro Defunctis die sequenti celebrandam, nec non Sessionem secundam Synodalem, dicens:

Reverendissimus & Serenissimus Archi-Episcopus edicit crastina die Missam solemnem esse celebrandam pro defunctis hujus Diæceseos Archi-Episcopis, & omnibus de Clero, quotquot post ultimam Synodum in Domino obierunt. Præterea decernit & indicit solemnem sessionem secundam Synodalem fore crastina die, quæ erit vigesima prima hujus mensis Martii, hora octava matutina.

VII. Promotores iterum instant contra contumaces absentes, ut supra.

VIII. Diaconus ad dextram assistens, cantat: *Orate*, & tam Serenissimus cum mitra, quam reliqui omnes genuflectunt & orant nonnihil mentaliter.

IX. Surgunt deinde omnes, & idem Diaconus cum Serenissimo conversus ad Clerum cantat:

I. **F**ratres Charissimi, toto corde ad Dominum conversti, mentes ad cælum erigamus, & invocatis sanctis Patronis nostris Petro & Paulo, tribus Regibus, Felice, Nabore, Severino, Cumberto, Annone, Evergislo, Engelberto & omnibus Sanctis devote precemur. *Orate* intimo dolore, ut Dominus peccatorum vestrorum veniam vobis concedat, negligentis indulgeat, ignorantie parcat, errata omnia condonet, quæ in Clericali disciplina & in Officiis Sacerdotalibus multiplici errore commissis; intimo charitatis affectu singuli pro Reverendissimo nostro Archi-Episcopo & omni Clero sibi commisso orate; *Orate* pro invicem, ut salvemini.

2. *Fratres charissimi, unanimes perseverate in oratione, & petite a Patre misericordiarum & Deo totius consolationis, quem credimus*

dimus esse in medio huius sacri Cetus, Spiritus Sancti dona, ut posthac digne omnes ambulent vocatione, quæ vocati sunt, ut Sacramenta digne ministrent, verbum Dei cum fructu prædicent, animas solícite curent, Religiose vivant, in patientia possideant animas suas.

3. Fratres charissimi, unanimes orate pro sanctissimo Domino nostro ALEXANDRO Papa, Christi Vicario, ut sanctam Ecclesiam sancte gubernet cum sacro Cardinalium Collegio; Orate pro sancta Catholica & Apostolica Romana Ecclesia toto orbe terrarum diffusa, ut eam Deus conservet, defendat, augent, exaltet ad honorem & gloriam suam.

Post singulas Orationes omnes ad Altare conversi, parumper orant in silentio ad tractum Psalmi *Miserere*.

X. Oratione finita, totus Clerus manet genuflexus, Serenissimus autem surgit, & dat Benedictionem solemnem, dicens: *Sit Nomen Domini benedictum* &c. sine indulgentiis.

XI. Deinde Serenissimus exiit pluviali & indutus cappa, procedit ad Palatium suum Canonici Metropolitanæ comitatus.

FINIS PRIMÆ SESSIONIS.

Seßio secunda.

I. **M**ANE hora septima datur signum campana majore, Clerus convenit in Ecclesiam, ut heri, expectans Serenissimum.

II. Serenissimus hora octava egreditur e Palatio suo ad Ecclesiam, indutus cappa, & comitatus Clero duntaxat Metropolitano, prima dignitas porrigit aspersorium, pulsatur organum, Serenissimus orat nonnihil ante Venerabile, & mox vadit ad sedem suam in Presbyterio.

III. Missa cantatur pro defunctis Episcopis & Sacerdotibus ab aliquo Canonico, in qua Serenissimus assistit cum cappa.

IV. Sub finem Missæ extenditur pannus niger ante sedem Serenissimi, qui mox induitur amictu, stola, pluviali nigri coloris & mitra simplici, Subdiaconus cum Crucæ, & Acolythi duo cum cereis stant facie contra Serenissimum versa, Sacerdos interim, qui Missam celebravit, cum Ministris, aqua benedicta, thuribulo & aspersorio descendit ad locum in Choro, ubi posita est tumba seu feretrum cum candelabris maioribus, & facit Commendationem seu Absolutionem consuetam cum Responsorio: *Libera me Domine* &c. & unica oratione: *Deus, qui inter Apostolicos* &c. interim Serenissimus apud suam sedem manens, legit Commendationem cum suis Ministris.

Tomus IX. Concilior. German.

V. Postquam Cantores dixerunt: *Requiescant in pace*, amovetur non solum pannus niger, sed etiam feretrum & candelæ, & Serenissimus mutat paramenta nigra in rubea, assumptaque mitra, descendit ad sedem Synodalem, ut heri.

VI. Diaconus cantat: *Orate*, & omnes genuflectunt cum Serenissimo, qui ad Altare conversus sine mitra, inchoat Antiphonam: *Propitius esto* &c. ut in Pontificali.

VII. Inchoato Psalmo, Serenissimus sedet resumpta mitra, sedet etiam Clerus rectis capitibus usque ad finem Psalmi: *Deus venerunt* &c.

VIII. Repetita Antiphona, Serenissimus ad Altare conversus, deposita mitra, dicit Orationem: *Nostrorum tibi* &c. ut in Pontificali.

IX. Cantatur Evangelium a Diacono, petita prius Benedictione &c. ut in Pontificali.

X. Dicitur Hymnus: *Peni Creator* &c. & Serenissimus alloquitur Clerum, si velit, dicendo: *Venerabiles* &c. ut in Pontificali.

XI. Tunc Promotores instant pro Electione Judicum & Examinatorum, his verbis:

Reverendissime & Serenissime Archi-Episcopo: Concilium Tridentinum, BONIFACII

VIII. Constitutioni inherens, decrevit, ut in Conciliis Diæcesanis aliquot personæ dignitates seu personatus habentes, seu Ecclesiarum Cathedralium Canonici designentur, quibus præter locorum Ordinarios causa Ecclesiastica ac spirituales & ad forum Ecclesiasticum pertinentes, auctoritate literarum Sedis Apostolicæ, vel Legatorum ejusdem, committantur. Decrevit insuper alia Constitutione, Examinatores singulis annis in Diæcesana Synodo ab Episcopo, vel ejus Vicario ad minus sex proponi debere, ut in Provocibilibus Ecclesiarum vacatione tres ex illis ab Episcopo deligendi cum illo examen persiciant. Quamobrem Nos huius Synodi Promotores humiliter petimus & instamus, tot personas, quot & quales Constitutiones prædictæ postulant, & alioquin ad id aptas a Vestra Serenitate designari, quæ huiusmodi munus examinandi, judicandi, ex præscripto Concilii Tridentini, exequantur.

XII. Serenissimus annuit verbo, vel signo. Et Lector ascendit suggestum, ac legit imprimis Decretum Concilii de Electione Judicum, dicens:

Ex Concilio Tridentino Seß. 25. Cap. 10.

„ **Q**UONIAM ob malitiosam petitionem suggestionem, & quandoque ob locorum longinquitatem personarum notitia, quibus causæ mandantur, usque adeo habe-

Z z z z z 2

ri

"ri non potest, hincque interdum Ju-
 "dicibus non undequaque idoneis cau-
 "sæ in partibus delegantur, statuit sa-
 "cra Synodus in singulis Conciliis Pro-
 "vincialibus aut Dicecesanis aliquot
 "personas, quæ qualitates habeant,
 "juxta Constitutionem BONIFACII
 "VIII. quæ incipit: *Statutum* &c. &
 "alioquin ad id aptas designari, ut præ-
 "ter Ordinarios locorum, iis etiam
 "posthac causæ Ecclesiasticæ ac Spiri-
 "tuales, & ad forum Ecclesiasticum
 "pertinentes, in partibus delegandæ
 "committantur, & si aliquem interim
 "ex designatis mori contigerit, substi-
 "tuat Ordinarius loci cum consilio Ca-
 "pituli alium in ejus locum usque ad
 "futuram Provinciam aut Dicecesan-
 "nam Synodum, ita ut habeat una-
 "quæque Dicecesis quatuor saltem, vel
 "etiam plures probatas personas, ac,
 "ut supra, qualificatas, quibus hujus-
 "modi causæ a quolibet Legato vel
 "Nuncio, atque etiam a Sede Aposto-
 "lica committantur: alioquin post de-
 "signationem factam, quam statim Epi-
 "scopi ad summum Romanum Ponti-
 "ficem transmittant, Delegationes
 "quæcunque aliorum Judicum, aliis
 "quamvis factæ, subreptitiæ censeantur.
 "Admonet dehinc Sancta Syno-
 "dus tam Ordinarios, quam alios
 "quoscunque Judices, ut terminandis
 "causis, quanta fieri potest brevitate
 "studeant, ac litigatorum artibus, seu
 "in litis contestatione, seu alia parte
 "judicii differenda, modis omnibus,
 "aut termini præfixione, aut compe-
 "tenti alia ratione occurrant."

*Tum additur Constitutio BONIFA-
 CII VIII.*

"**S**Tatutum &c. & *infra*: Sancimus
 "igitur, ut nullis, nisi dignitate
 "præditis aut personatum obtinenti-
 "bus, seu Ecclesiarum Cathedralium
 "Canonicis, causæ auctoritate litera-
 "rum Sedis Apostolicæ, aut Legato-
 "rum ejusdem de cætero committan-
 "tur, nec audiantur alibi, quam in
 "Civitatibus vel locis insignibus, ubi
 "possit commodè copia peritorum ha-
 "beri." *Et reliqua.*

Sacra Tridentina Synodus jubet aliquos vi-
 ros deligi, quales Summus Pontifex BO-

NIFACIUS VIII. sua Constitutione præ-
 scripsit, aptos atque idoneos, quibus cau-
 sæ ad forum Ecclesiasticum pertinentes,
 in partibus committi possint; sed &
 GREGORIUS XV. præcepit, ut Regu-
 lares sibi Conservatores ex Judicibus Syn-
 odalibus eligant, cujus Constitutionis ver-
 ba hæc sunt:

"**I**N futurum Sanctitas Sua hac ge-
 "nerali & perpetuo valitura Con-
 "stitutione statuit & decrevit, ut Ju-
 "dices Conservatores hujusmodi, sive
 "principales, sive subrogati eligi, no-
 "minari, aut deputari non possint,
 "nisi non solum habeant qualitates re-
 "quisitas & descriptas in Constitutio-
 "ne felicitis memoriæ BONIFACII Pa-
 "pæ VIII. etiam Prædecessoris sui, quæ
 "incipit: *Statutum*, &c. ita ut vel dig-
 "nitate Ecclesiastica præditi, vel Per-
 "sonatum obtinentes, vel Ecclesiarum
 "Cathedralium Canonicis existant; sed
 "etiam in Conciliis Provincialibus aut
 "Dicecesanis juxta Decretum Concilii
 "prædicti Judices electi seu designati
 "sint: Quodque deinceps literæ con-
 "servatoriæ per Sedem Apostolicam
 "concedendæ superscriptis tantum di-
 "rigantur, & quæ literæ aliter expe-
 "dientur, illæ ac deputationes hujus-
 "modi omniaque exinde sequenda,
 "nullius sint roboris vel momenti, &
 "nihilominus, qui secus, quam juxta
 "formam superius præscriptam, Con-
 "servatores hujusmodi cum effectu
 "eligere, nominare, seu deputatis uti
 "ausi fuerint, Regulares quidem voce
 "activa & passiva sint ipso jure privati,
 "adeo ut habilitationem a nemine,
 "præterquam a Romano Pontifice con-
 "sequi valeant, reliqui aliis pœnis ar-
 "bitrio Sanctitatis suæ coerceantur,
 "& prædictorum omnium Conventus,
 "Monasteria ac loca hujusmodi, eo-
 "rumque personæ ac bona careant Con-
 "servatore ad annum, ita ut illorum
 "causæ interea coram locorum Ordi-
 "nariis duntaxat cognosci ac diffiniri
 "debeant; Cæterum, ut latius pateat
 "Conservatorum hujusmodi eligendo-
 "rum facultas, Sanctitas sua admoni-
 "tos voluit omnes locorum Ordina-
 "rios, ut in Synodis Provincialibus,
 "aut Dicecesanis quamplures personas
 "ex habentibus qualitates in prædicta
 Con-

" Constitutione ejusdem BONIFACII
 " Prædecessoris contentas, & alioquin
 " ad id aptas designari procurent, &
 " si aliquem interea ex designatis mori
 " contigerit, substituat Ordinarius loci
 " cum consilio Capituli alium in ejus
 " locum usque ad futuram Provincia-
 " lem aut Diocesanam Synodum."

Et prosequitur, dicens:

UT igitur ejusmodi Decreta debite
 executioni mandentur, propo-
 nuntur pro Judicibus, quibus causæ
 Apostolicæ delegentur; sequentes Viri
 Ecclesiastici, & alias ad hoc secundum
 præfatas Constitutiones idonei, videli-
 cet: ex Ecclesia Metropolitana *Bertboldus Comes a Königseck*, Præpositus, *Franciscus Egon Comes a Fürstenberg*, Decanus, *Joannes Jacobus Comes a Königseck*, Subde-
 canus, *Salentinus Comes a Manderscheidt*,
 Chori-Episcopus, *Wilhelmus Egon Comes a Fürstenberg*, Scholasticus, *Georgius ab Eyseben*, Ss. Theologiæ Licentiatius, *Albertus Reusing*, J. U. Licentiatius, Officialis, *Adrianus de Walenburch*, J. U. Licentiatius, *Paulus Aufseinius*, Ss. Theol. Licentiatius, Vicarius in Spiritualibus Generalis, *Henricus Mering*, J. U. Doctor, *Ferdinandus Strobelius*, S. Theol. Doctor, *Joannes Francken*, J. U. Doctor, respective Prælati & Canonici Presbyteri Capitulares. Ex Clero intraneo: *Aegidius*, Abbas S. Panthaleonis, *Conradus a Lyskirchen*, Præpositus S. Cuniberti, *Thomas Quentel*, Præpositus S. Andreae, *Arnoldus Meuser*, Decanus S. Severini, *Everhardus Richartz*, Decanus S. Andreae, *Wernerus Francken*, Decanus Ss. Apostolorum, *Joannes Goldschmidt*, Decanus MARIE ad Gradus, *Theodorus Bremerius*, Decanus S. Georgii; Ex Clero extraneo, *Joannes*, Abbas Siegburgensis, *Joannes*, Abbas Steinfeldensis, *Archi-Diaconus Schleidanus*, *Joannes Mockel*, Decanus Xantenensis, *Hermanus Stephanus Schungel*, Decanus S. Patrocli Susterensis, *Joannes Henricus Schommartz*, Decanus Metchedensis.

Et Lector conversus ad Clerum, interrogat:
Placentne vobis?

Et respondent omnes: *Placent.*

Deinde idem Lector subjungit Decretum Concilii Tridentini de *Examinatoribus*, dicens:

Decretum de Examinatoribus, ex Concilio Tridentino Sess. 24. Cap. 18.

" **E**Xaminatores autem singulis an-
 " nis &c. usque ad: puniri possint.
 Et subjungit Lector:

Volens ergo Serenissimus & Re-
 rendissimus Archi-Episcopus huiusmodi Decreto satisfacere, proponit ad hoc munus hæc personas sex, quousque in futura Synodo alii nominentur, videlicet: præter Suffraganeum & Vicarium in Spiritualibus Generalem *Ferdinandum Strobelium* & *Thomam Quentel* ex Clero primario; ex Clero vero secundario *Theodorum ab Elmpt*, Canonicum S. Georgii, *Godefridum Molanum*, Canonicum S. Severini, & Pastorem S. Pauli, Ss. Theol. Doctores.

Quibus nominatis, interrogat Lector: *Placentne vobis?*

Et respondent omnes: *Placent.*

XIII. Lector quoque manens in cathedra, legit Decretum de *Testibus Synodaliibus*, his verbis:

Vetus est consuetudo, Sacrosanctis Canonum Decretis introducta, ut in Synodis Diocesanis viri aliquot vita & moribus graves ac probati deligantur, qui animadvertant diligenter, an aliquid in Urbe & Diocesi sit, quod corrigi emendarive debeat: ac si quid tale cognoverint, id Episcopo, vel Vicario, aut Visitatoribus vel Promotoribus officii significant, interrogatique de aliqua re, quæ emendationem requirat, summa integritate referant.

Huic ergo muneri proponuntur:

In Civitate,

Magister Latorum, sive Cursor.

In Diocesi,

Latores Curie Archi-Episcopalis jurati.

XIV. Pergit Lector, & legit Decretum de *Jurejurando præstando*, his verbis:

EXaminatores ac Testes Synodales promulgati accedant ante Serenissimum Archi-Episcopum, & coram eo præstent juramentum ad formam præscriptam. Nisi forte Serenissimo placuerit id præstari ad manus Vicarii sui in Spiritualibus.

XV. Accedentes ergo jurant bini, ac bini, imprimis:

Examinatores, ut supra.

Deinde *Testes Synodales*, ut supra.

ZZZ ZZ 3

Quod

Quod si Testes Synodales nolint publicari sua nomina, vel si non expedierit ea publicari, tunc illi scribuntur in schedula separata, ac sigillata sigillo Serenissimi, quæ eidem Serenissimo exhibetur, & illi postea secreto faciunt juramentum, ut *supra*.

XVI. Promotores deinde instant pro ulteriore Decretorum lectione, his verbis:

Reverendissime & Serenissime Archi-Episcope: Quoniam ea, quæ cepta sunt, legi, Clero sunt valde utilia, neque potuerint angustia temporis absolvi: Ideo Nos hujus Synodi Promotores petimus & instamus, ea, quæ desiderantur, legi, priusquam Synodus dimittatur.

Annuente Serenissimo, Lector e suggestu legit ante omnia Decretum Concilii Tridentini de *Residentia*, dicens:

Concil. Tridentin. Sess. 6. de Reform. Cap. 1.

" **S**acrofancta Tridentina Synodus omnes Patriarchalibus, &c. usque ad: salubriter expedire.

Et statim subjungit:

Ex eodem Concilio Tridentino, Sess. 23. de Reformatione Cap. 1.

" **C**um præcepto Divino &c. & in fra: Ne vero ea, quæ de *Residentia* &c. usque ad: consuetudine aboleantur.

XVII. Lectis istis Decretis Concilii, prosequitur Lector lectionem Statutorum Synodaliū ab eo loco, in quo heri desierat, dicens:

Sequitur in Statutis & Decretis Diocesana Synodi &c.

XVIII. Denique idem Lector accedens reverenter ante Archi-Episcopum, interrogat de continuanda Sessione post prandium, dicens flexis genibus:

Placetne Serenitati Vestræ, ut hæc Sessio continuetur post prandium hora secunda?

Annuente Serenissimo iterum ascendit suggestum, ac detecto capite publicat continuationem, ut *beri*.

XIX. Promotores instant contra absentes, & pro Rogitu Actorum apud Notarium, ut *beri*.

XX. Lector legit Decretum de discessu, ut *supra*.

XXI. Postremo Serenissimus exuto pluviali cappam induit, factaque brevi oratione in genuflexorio, manu tantum benedicens Clero, recedit ad Palatium, comitatus a Canonici Metropolitane Ecclesiæ, ut *beri*.

Continuatio secundæ Sessionis.

I. **P**ost prandium omnia fiunt, ut *beri*.

II. Postquam Serenissimus descenderit ad sedem seu thronum Synodalem, omnes de Clero stant capitibus detectis: Tunc Diaconus cantat: *Orate*, & omnibus genuflectentibus etiam Serenissimus conversus ad Altare mitra deposita, dicit Orationes: *Adsumus &c. & Omnipotens &c. ut in Pontificali*.

III. Sedit postea Serenissimus, nec non totus Clerus.

IV. Lector, facta Serenissimo reverentia, ascendit suggestum, & continuat lectionem Statutorum Synodaliū, ubi desierat hodie.

V. Lecta aliqua parte Statutorum, cum visum fuerit Serenissimo, indicitur Sessio tertia in diem sequentem:

Reverendissimus & Serenissimus Princeps ac Dominus Archi-Episcopus decernit & indicit Sessionem tertiam Synodalem fore crastina, quæ erit vigesima secunda mensis Martii mane hora octava.

VI. Promotores quoque instant contra contumaces absentes & pro Rogitu Notarii.

VII. Denique Diaconus a dextris assitens, cantat: *Orate*: & tam Serenissimus cum mitra, quam totus Clerus genuflexus versas Altare, orant nonnihil mentaliter. Surgunt deinde omnes, & idem Diaconus cum Serenissimo conversus ad Clerum, cantat in tono consueto.

I. **F**ratres Charissimi, unanimes orate, ut bonum, quod in nobis a Reverendissimo Antistite nostro tam incenso charitatis studio & officio requiritur, omnino exequamur, utque prompta cum eo solitudine gradientes, digne ambulemus vocatione, qua vocati sumus, omnique in opere bono crescentes, obediamus studiis Deo placitarum Orationum.

2. *Fratres Charissimi, orate pro Reverendissimo Antistite nostro, ut Divino Spiritu illustratus & roboratus una cum suis Adjutoribus & cum grege suo consequatur vitam æternam.*

3. *Fratres Charissimi, unanimes orate Christum Dominum messis hujus, ut operarios mittat in messem suam, detque omnibus hujus vineæ operariis Spiritus Sancti ignem & lumen, demumque mercedem æternam.*

VIII. Finitis Orationibus, surgit Serenissimus & Clero genuflexo dat Benedictionem solemnem, dicens: *Sit nomen Domini &c. sine Indulgentiis.*

IX. Ex.

IX. Exiit Serenissimus pluviali, & cappam indutus recedit ad Palatium, *ut heri.*

FINIS SESSIONIS SECUNDÆ.

Sessio Tertia.

I. **H** Ora septima datur signum, atque in ingressu in Ecclesiam omnia fiunt, *ut heri.*

II. Serenissimus in sede sua juxta Altare majus induitur amictu, alba, cingulo, cruce, pectorali, stola & pluviali albi coloris, mitra & baculo.

III. Officiator, qui interea paratus fuit, accedit ad Altare, & cantat Missam de Sanctissima Trinitate cum Collecta pro gratiarum actione, cui assistit Serenissimus paratus, *ut supra*, & incensatur in principio Missæ, post Evangelium & post Offertorium.

IV. In Choro omnia cantantur cantu Gregoriano, excepto *Kyrie, Gloria, Credo, Sanctus, Agnus*, quæ organo ludi, vel mufice cani debent; in fine autem Missæ non datur benedictio.

V. Post Missam Serenissimus induitur paramenti rubeis, *ut supra*, & vadit ad sedem Synodalem.

VI. Ubi nonnihil federit, dictumque fuerit: *Orate*, Serenissimus sine mitra genuflexus versus Altare, incipit Antiphonam: *Exaudi nos &c.* & subiungitur a Clero Psalmus: *Salvum me fac Deus &c.* ut in Pontificali.

VII. Finito Psalmo (sub quo Serenissimus cum mitra sedet) surgit, ac mitra deposita stans versus Altare, dicit Orationes: *Ad te Domine &c. Omnipotens &c. Deus qui &c.* imponit incensum in thuribulum, Diaconus cantat Evangelium & Serenissimus incensat, aliaque fiunt, ut in Pontificali.

VIII. Deposita dehinc mitra & baculo, Serenissimus versus Altare genuflexus, inchoat Hymnum: *Veni Creator &c.* ac primo versu finito, surgit, & stante Serenissimo versus Altare, stat similiter Clerus.

IX. Hymno finito, Serenissimus in sede sua cum mitra sedens, alloquitur Clerum, dicens: *Venerabiles &c. ut heri*, si placet, vel omiffa hac allocutione mandat fieri exhortationem brevem.

X. Post allocutionem vel sermonem, Promotores accedentes ante Serenissimum, instant pro continuatione lectionis Decretorum seu Statutorum Synodaliū, *ut supra*, & annuente Serenissimo, Lector, facta reverentia, ut moris, ascendit suggestum, profequitur lectionem, ubi desierat, donec jubeatur cessare.

XI. Manente Lectore in suggestu, Promotores faciunt instantiam pro publicatione Officialium Cleri, dicentes:

Reverendissime & Serenissime Princeps ac Domine: Ad faciliorem hujus sanctæ Coloniensis Ecclesiæ administrationem possunt assumi in partem sollicitudinis Pastoralis aliquot viri prudentes & graves, qui variis muneribus additi, Reverendissimam Serenitatem Vestram in animarum & aliarum rerum cura adjuvent. Nos igitur hujus Synodi Promotores petimus & instamus, eos de suggestu nominari, ut a Clero eorundem merita & munia cognoscantur.

XII. Jubente Serenissimo publicari Officiales, per verbum *Publicentur*, Lector eos publicat, dicens:

R Everendissimus & Serenissimus Princeps ac Dominus noster Archi-Episcopus, præter Ordinarios suos ac suæ Dioceseos Officiales seu Vicarios *Adrianum de Walenburg, Episcopum Adrianopolitanum, suum in Pontificalibus Vicarium, Albertum Rensing, J. U. Licentiatum, Archi-Episcopalis Curiae Officialem, & Paulum Aufsemium, Ss. Theol. Licentiatum, suum in Spiritualibus Vicarium Generalem, nominat imprimis: Censorem Librorum: Ferdinandum Strobelium, Ss. Theologiæ Doctorem, Metropolitanæ Ecclesiæ Canonicum Presbyterum.*

Commissarios Seminarii: *Franciscum Egon Comitem de Fürstenberg, Adrianum a Wallenburch, Paulum Aufsemium, & Ferdinandum Strobelium.*

Recognitores onerum Missarum: *ex Ecclesia Metropolitana Paulum Aufsemium, Ferdinandum Strobelium, & Thomam Quentel.*

XIII. Denique Promotores instant pro reductione Missarum, ut sequitur:

Reverendissime & Serenissime Princeps ac Domine Archi-Episcopo: Datur facultas Reverendissime & Serenissime Celsitudini Vestræ a Sacrosancto Concilio Tridentino, ut in Synodo Diocesana, rebus diligenter perspectis, possit pro sua conscientia in Ecclesiis suæ Diocesis sibi subjectis statuere circa numerum Missarum, vel ob tenuem elemosynam, vel ob magnum Missarum numerum ante Concilium Tridentinum a Testatoribus relatarum, & item a sacra Congregatione ejusdem Concilii Tridentini circa Anniversaria

ria & Officia Defunctorum, quicquid magis ad Dei honorem & cultum atque Ecclesiarum utilitatem expedire videatur. Cum autem in hac Synodo non possint omnia exacte nominari, propterea Nos hujus Synodi Promotores humillime petimus & instamus apud Serenitatem Vestram, ut committat Recognitoribus onerum Missarum antea nominatis, qui cum Vestra Serenitate, prout opus erit, eadem onera seu numerum reducant.

Serenissimus responder: *Committimus.*

XIV. Postremo Lector, petito Serenissimi beneplacito, indicit continuationem hujus Sessionis tertiae, ut supra.

XV. Promotores quoque instant contra contumaces absentes & pro Rogitu, ut supra.

XVI. Et Lector legit Decretum de discessu, ut supra.

XVII. Serenissimus autem cappam indutus nonnihil orat, dataque manu duntaxat Benedictione, recedit ad Palatium suum comitatus a Canonicis Ecclesiae Metropolitanae.

POST PRANDIUM, Continuatio Sessionis Tertiae.

I. **P**ost prandium sunt omnia, ut heri, nisi forte matutino tempore omnia potuerunt absolvi & concludi Synodus.

II. Post Orationes: *Adsumus &c. Omnipotens &c.* sedente Serenissimo in sua sede, Lector, facta debita reverentia, ascendit suggestum, & lectionem Statutorum Synodaliū usque ad finem continuat.

III. Finita lectione, Lector descendit, & totum librum Statutorum reddit Serenissimo, qui illum consignari facit Notario Synodali postea restituendum.

IV. Tunc Promotores accedentes ante Serenissimum, instant pro conclusione Synodi:

Reverendissime & Serenissime Princeps & Domine: Cum omnia, quae in hac Synodo Diaecesana agenda & tractanda erant, Divina auxiliante gratia, ad optatum finem perducta sint; ideo a Serenissima & Reverendissima Celsitudine Vestra petimus Nos hujus Synodi Promotores, ut ipsam concludere ac dimittere velit.

V. Serenissimus respondet his verbis:

Synodi nostrae Diaecesanae Colonienfis, DEO adiutore, optatum finem videmus; Quapropter eam cum gratiarum actione concludendam esse decernimus & conclusam enuntiamus.

VI. Promotores instant contra contumaces & pro Rogitu Notarii, ut supra.

VII. Lector legit nomina omnium in Synodo esse debentium, juxta tabulam totius Cleri sibi a Vicario in Spiritualibus Generali traditam, & absentes contumaces notantur.

VIII. Serenissimus adhuc cum mitra sedens, facit adhortationem Pastoralem, si placet, dicens: *Frates dilectissimi & Sacerdotes Domini &c.* ut in Pontificali.

IX. Ea finita, undique Ecclesia aperitur, cantatur *Te Deum laudamus &c.* a Clero & Musicis, & pulsantur denuo campanae omnium Ecclesiarum.

X. Serenissimus, postquam nonnihil federit, stans sine mitra conversus ad Altare, dicit Orationem: *Nulla est Domine humana &c.* ut in Pontificali. Interim distribuuntur acclamationes, ut omnes de Clero eas facere possint,

XI. Diaconus assistens, cantat *Orate*, & orationes sequentes:

1. **F**rater Charissimi, orate toto cordis affectu pro Imperatore nostro LEOPOLDO, & pro Electoribus & Principibus Romani Imperii, ut cum pace & salute communis summi exequantur, vella semper sentiant & operentur, Ecclesiae defensores se praesent, & vitam sempiternam mereantur.

2. *Frater Charissimi, orate unanimes, ut Deum spiritum Religiose observantia, det omnibus viris Regularibus hujus Diaecesis, ad salutem propriam & edificationem populorum, omnibus Monialibus ad salutem suam & aliorum.*

3. *Frater Charissimi, unanimes orate pro cunctis populis hujus Diaecesis, ut Deus conferret sanctam Fidem Catholicam, peccata eliminaret, auget devotionem, concedat abundantiam fructuum terrae ad eorum felicitatem.*

XII. Completis istis Orationibus, idem Diaconus vel Canonicus aliquis consistens ad dextram Serenissimi, cum mitra stantis, & similiter toto Clero stante directo, facit, Clero respondente, acclamationes suprapositas.

XIII. Lector ascendit suggestum, & legit Decretum de dimissione Synodi, dicens clara voce:

Ad laudem DEI Omnipotentis, Beatissimaeque Virginis MARIE, Ss. Apostolorum Petri & Pauli, aliorumque hujus sanctae Colonienfis Ecclesiae Patronorum, decernit Serenissimus & Reverendissimus Princeps ac Dominus Archi-Episcopus Synodum di-

dimissam esse, ac propterea, cuique eundem ad proprias Ecclesias. Hortatur autem omnes, ut tales se præbeant quisque in ministerio suo, prout decet Sacerdotes ab omni mundanarum rerum cura segregatos, illudque imprimis curent, ut, postquam domum redierint, cæteris in bono opere præluere studeant, quatenus populus omnis intelligat, Clerum ab hac Synodo non modicum fructum reportasse.

XIV. Totus deinde Clerus genuflectit, & Serenissimus ascendens ante Altare majus, dat Benedictionem solemnem, dicens more consueto:

Sit Nomen Domini benedictum &c.

Publicantur Indulgentiæ.

Diaconus cantat: *Recedamus in Pace.*

Clerus respondet: *In nomine Christi.*

XV. Serenissimus deponit vestimenta, solam cappam indutus, orat nonnihil ante Altare, & recedit ad Palatium comitante toto Clero, cui deinde signo Crucis benedicit, eumque dimittit in nomine Domini.

FINIS TOTIUS ACTIONIS
SYNODALIS.

ORATIO SYNODALIS.

*Serenissime ac Reverendissime
MAXIMILIANE HENRICE,
Utriusque Bavariæ Dux,
Sanctæ Coloniensis Ecclesiæ Archi-Episcopo,
S. R. Imp. Princeps Elector, Do-
mine Clementissime.*

*Illustrissimi, Admodum Reverendi,
Prænobiles Domini Præsules ac Prælati,
Venerabiles Christi Sacerdotes, cæteri-
que Clerici, atque Auditores
Humanissimi.*

INter Respublicas Orbis Christiani universas, illa est omnium præcipua, ac plane Princeps, quæ Ecclesiastica dicitur, quam idcirco D. Dionysius Areopagita, Græco vocabulo *Hierarchiam*, hoc est, Sacrum Principatum appellavit: porro, ut isti Reipublicæ, Sacer suus, arduo illo, ac prorsus Divino munere, dignus splendor constaret; eapropter Servator ac Redemptor noster CHRISTUS JESUS, insigne etiam ac

Tomus IX. Concilior. German.

omnino singulare Sacramentum instituit, quod vulgari, receptoque jam nomine Sacramentum *Ordinis* appellamus, septenis nimirum Ordinibus, tanquam suis quibusdam gradibus, ornatum, distinctumque, quorum in numero Ordinum, quotquot Archi-Episcopali autoritate citati hic adsumus, omnes censetur. At enim ergo, illud imprimis hic nobis præstandum est; primævam illam ab ipso DEO institutore suo, semel acceptam dignitatem, sacris hisce Ordinibus, per vitam, ac mores nostros, tueri uti liceat. *Serenissimus quidem Reverendissimusque Archi-Episcopus, ac Princeps Elector, Dominus noster Clementissimus*, postquam Supremo animarum nostrarum Episcopo ita volente, in curam Episcopalis sollicitudinis vocatus est, nihil unquam habuit antiquius, quam Hierarchiam hanc, sive Principatum Ecclesiasticum, omni ex parte videre quam absolutissimum, adeoque nulla impensior cura subiit animum, quam ex mente Sacrosancti Concilii Tridentini, coacta suis temporibus Synodo, Clerum suum, commissumque sibi gregem dirigere; quando autem, vel circumstrepentium adhuc bellorum turbinibus, vel vicinarum Provinciarum inter sese conflictu, æstuque, vel Pastorum exilio, vel communi Patriæ squalore exclusus, vel etiam componendis Potentissimorum Regum dissidiis, felicissime interceptus, rem tantam aggredi hæcenus non potuit; nunc rebus, uti sperari cum Dei gratia potest, utrunque compositis, enimvero ex intimis visceribus sibi gratulatur, illuxisse tandem illum diem, diem illum, quo, pro DEI Optimi Maximi gloria, pro Ecclesiæ, ac Dicecesis Coloniensis incremento, pro commissarum sibi animarum salute, superiorum annorum votis obsequi, ac statuere ea liceat, quæ ad rem Ecclesiasticam, sive stabiliendam, ubi recto adhuc talo stat; sive, ubi collapsa sit, erigendam, instaurandamque, facere videbuntur. Atque hujusmodi mentis, ac voti sui interpretem, ac testem, *Auditores*, ex hoc loco, *vobis*, esse me voluit, eandemque in rem, pauca quædam præfari jussit; quod ego, dum ut debeo, facio breviter, quæso vos, obtestorque, ut favore vestro dicentem prosequamini. Veterem omnem Legem, Sacrificia, ac Cæremonias, umbras tantum fuisse, nudasque figuras præsentis, quam tenemus Ecclesiæ, notius id est vulgo, quam ut intelligentibus recoquere oporteat; *Pontifices, Sacerdotes, Levites, Sacraria, Tabernaculum, Altaria, Templum, Victimæ & Holocausta*, nostram hanc, inquam, Ecclesiam, velut caligantis Auroræ radii suum Solem præcurrebant, præfagiebantque; at enim nubibus istis, umbrisque si purissimi Soles imperati sunt, quid responfuri denique nos

A a a a a

sumus,

fumus, si ad illorum lucem, emorientes, scilicet, semivivæ lampadis fumi, vix aliud, quam in nocte tantillum emicamus? Ut infinita alia prætereamus, unicum nobis ob oculos sit, Levitici cap. 21. *Homo de semine tuo, qui habuerit aliquam maculam, non offeret panes Deo suo*; quam illud autem districte, ac severe, de nulla, usquam macula intellectum sit, vel ex illo planissimum est, quod eodem illo Levit. 21. capite, severissima lege, res, ut videri potest levissima, Sacerdotibus interdicitur: mortuum videlicet corpus aliquod aut cadaver, ne tangerent; excipiuntur duntaxat Patris, ac matris, filii, ac filiae, fratris, ac sororis funera; præter illos cadaver tangere, aut plangere funus, etiam nefas censebatur: Nobis quidem Sacerdotibus, Ecclesiasticisque in hac lege gratia, cadaveribus attingendis, nemo interdixit; quemadmodum tamen nova hæc lex, & verissima viventis Dei Sacrificia, supra corpus, ac cadaver, alius quiddam spirant, ac sapiunt, ita si spiritum ac animam illius legis ceremonialis inspicimus, nobis sane, ista lege, in animis, ac pectoribus nostris, scelerum funera, ac foetentium cadavera vitiorum evitanda sunt, quæ quoties habemus cum plebe communia, aut homines Ecclesiastici quovis cæno, ac luto volutamur, toties ex mente Sanctorum Patrum hoc loco, contra legem attactis funeribus polluiamur, ac contaminamur; Patrum quidem, ac Matrum funera in Levitico contingere poterant, neque minus Nos, primorum parentum funeribus, sive prima labe contaminati, ac non multo post, tanquam torrente quodam abrepti, in propinqua humanæ naturæ vitia, tanquam in fratrum, ac fororum cadaveribus lapsi sumus: sicut autem in ejusmodi depravatæ vitia naturæ, ex DEI Domini ac Servatoris nostri JESU CHRISTI instituto, per salutaria novæ legis Sacramenta pugnandum est omnibus: ita profecto, peculiari quodam, ac sollicito magis magisque ardente conatu, in vitia quavis pugnandum est nobis, quotquot non e vulgo Christiani duntaxat, aut Catholici, sed Sacerdotes, sed Sacrificiis destinati censemur: adeo, ut jam labi nemo nostrum possit, quin eadem secum ruina e plebe proximum quemque involvat: id quod D. Chrysostomus, gravissima eaque severissima sententia pronuntiauit, Hom. 38. in Marthæum: *Videte*, inquit, *Sacerdotes*, *quomodo vos componatis in verbo & opere, quoniam si aliquis Christianorum peccaverit, non omnino peccat & Sacerdotes, si autem ipsi Sacerdotes fuerint in peccatis, totus populus convertitur ad peccandum; ideo unusquisque peccatorum pro suo peccato rationem reddet; Sacerdotes autem non solum pro suis, sed & pro omnium peccatis rationem red-*

dituri sunt. Est ita sane, *Auditores*, exemplo suo Sacerdotes ac Clerici, apud vulgus utramque in partem omnia possunt, aut nocere si mali sunt & improbi, aut prodesse si religiosi ac pii. Quid enim mirum, si rusticanus aliquis & agrestis homo, Divinæ Sacrificio Missæ tam negligenter intersit, ut in re sacra nihil ipse sacri præ se ferre videatur? Quid mirum inquam? quis enim illi persuaserit, quo tremore ac reverentia sacris huius Mysteriis interesse, qua cordis & animi puritate, aut exteriori etiam decore ad Sacræ Communionis accessum præparari oporteat? illi inquam, quis ista persuaserit? qui assuetus jam sit ad sacrum Altare conspiciere; e Sacerdotibus, utinam duntaxat unum aliquem, quem pridie aut inter pocula temulentum, aut in plateis, nescio, quid vacillantem notaverit! Qui continentiam eidem, ac vitæ puritatem probaveris, si te videat ipse domi, palam alentem, aut etiam obscura sub luce,prehendat obvoluto capite prorepentem ex...? Quid opus est verbis? Satis ipsi scimus, quam facile scandalo materiam vulgus inveniat, quam dein inefficax de moribus nostræ futuri sit oratio, cui pessimo exemplo tam graviter præjudicaveris, jam ipse tu vides. E prophana plebe tamen, familia si peccat laicus aliquis, peccat ille sane quidem, Divinamque Majestatem offendit quam gravissime: at in ipsa sui ruina se sistit, ac sepelitur hic lapsus, quando in nobis late sui diffusa tabe proximum quemque corripit, adeo ut jam medicria esse delicta nostra haud quaquam possint. Ezechielis cap. 8. Propheta Spiritu Domini ducitur in urbem Hierosolymitanam; videt autem plebem universam, non reptilibus modo, & sceleratissimis quibusque bestiis, sed & Adonidis turpissimo simulachro, Divinos honores offerre, quæ omnia abominaciones pessimæ vocantur, sed *conversus*, inquit sacer textus, *videbis abominaciones majores his, & introduxit me in atrium Domus Domini interius, & ecce inter vestibulum & altare, quasi viginti quatuor viri, dorsa habentes contra Templum Domini: Ergone Templo aut Altari tergum obvertere, gravius credemus, quam illa priora & pessima tot tamque nefandæ idololatricæ? pulcherrime in hunc locum D. Chrysostomus: Illa, inquit, priora, quia in atrio committebantur exteriori, secularium peccata designant, hæc autem, quæ in atrio interiori, seu sanctuario Templi, quod solis intrare Sacerdotibus fas erat, peccata devotant Ecclesiasticorum. Ergo, si sæculares homines divitias, si luxum, aut immunditiam sectantes, tanquam idola quædam suas opes, ac libidinem colant, offendunt illi sane quidem Deum, ac peccant gravissime: Sacerdotem tamen, Ecclesiasti-*

sasticumque, officii ac nominis immemorem sui, non dico in ejusmodi gravioribus, sed in minoribus etiam labi, ac altari dorsum obvertere, hoc est, robusta quadam improbitate, conscientia impura, cæco impetu, consuetudine inculcata, ad Divina sua irruere contumaciter, eaque & tractare contemptum, & peragere negligenter: hæc enim vero sunt abominationes, quas pessimis, gravissimisque pejores ac graviores appellari audivimus. Quid enim quæso, humanæ menti aut æstimationi grave adeo, & subita morte expiandum facinus commiserat Oza, propter quod percussus a Domino, ipso, quo steterat loco, corruit exanimis? Arca Dei solenni deductione plaustrum vehabatur, quod Oza & Ahio fratres agebant, Ecce tibi ad aream Nahon, recalcitrantibus bobus, arca in terram minatur, cum extendens manum Oza, ut lapidam fulciret, repente corruit emortuus: *Iratus est indignatione Dominus contra Ozam, & percussit illum super temeritate, & mortuus est juxta Arcam Dei, 2. Reg. cap. 6.* O judicia Dei abyssus multa! rem tam levem, tam acriter castigari! si enim Levita dicitur peccasse, quia nudis manibus Arcam tetigerit, quam non nisi per vestes portare licebat, si quia plaustrum imposuerit, cum ex præcepto legis humeris portare deberet; quodcumque demum hac re peccatum sit, error levis fuisse videri potest, & lapsus duntaxat in cæremoniis: & quis non etiam cum primis laudabile putet; ruituræ arcæ manum subjicere? & hoc tamen erratum, tam atroci morte debuit expiari; at enim, & Philistæi aliquando arcam nudaverant, & contra legem plaustrum impostam vexerant, nec tam acrem Dei manum sentire. Quid subesse putabimus causæ? Philistæi erant, gens prophana erant, & homines laici, quos, in Divinam suam Majestatem irreverenter aliquid egisse, haud magnopere videbatur indignari; Levitam

vero, hoc est, hominem cultui Divino specialiter destinatum, a legis præscripto vel latum unguem recedere, certa, eaque severissima morte multari debuit. In Sacrificiis antiquæ legis, cæteras inter cæremonias & hæc erat, ut ignem oblaturi Deo, non qualemcumque, sed ex Altari Holocausti acciperent; at Nadab & Abiu, recens creati Sacerdotes arreptis thuribulis, aliunde acceptum obrulerunt ignem, & incensum desuper, *offerentes coram Deo ignem alienum, egressusque ignis a Domino devoravit eos, & mortui sunt coram Domino, Levitici cap. 10.* Quia non hunc iterum errorem levem putet, quem novelli præsertim Sacerdotes, nec satis adhuc in cæremoniis versari, aut ignorantia, aut forte, ut fieri solet, turbatione aliqua commiscere? at non impune tamen fuisse videmus: magno enim vero incitamento nostro, ut immolaturi Deo Patri, non umbras istas, sed Solem ipsum, Solem justitiæ, Deum ac Dominum nostrum JESUM CHRISTUM, serio nos solliciteque circumspeciamus, ne qua ulla usquam hæreat macula. Quin agamus ergo, & pro hujus diei ac Synodi voto, quisquis sese quam diligentissime excutit, emendaturus in melius, quæ ignoranter peccaverit; imo vero, ac potius quæ prudens, videns, ac sciens peccaverit, ut videat denique, quis qualisque sit ignis, quem & conscientia ac animi sui thuribulis, Deo, velut in odorem suavitatis oblaturus sit, de promptus nimirum ex ipso Sanctuario puræ mentis ac pectoris in Deum recti, non sane ignis alienus, aut cupiditatibus effervescens mundanis, sed talis, qualem Christus ipse se mittere dicit in terram, eo scilicet, ut ardeat in pectoribus & animis videlicet nostris amoris in ipsum ferventissimi, intentionis puræ, ac conscientia candidæ, ut non tantum Sacrificia Ecclesiæ suprema, sed & omnis dirigatur oratio nostra, sicut incensum in conspectu Dei.

INDEX TITULORUM,

Qui in tribus Partibus Decretorum Synodaliū D. MAXIMILLIANI HENRICI, Archi-Episcopi Colonienſis, continentur.

PARS I.

De Fide & Religione Catholica,
Officio, cultuque Divino &
Cæremoniis.

TITULUS I. De Fide, & ad integritatem
Fidei conservandam pertinentibus.

II. De Doctrina Fidei, prædicatione verbi Dei
& Catechesi.

Tomus IX. Concilior. German.

III. De Officio Divino & Cæremoniis.

IV. De Superſtitione.

V. De Exorcismis.

VI. De Processionibus & Representationibus.

VII. De Festis.

VIII. De Reliquiis & Veneratione Sanctorum.

IX. De Imaginibus sacris.

X. De Jejunis.

A a a a a 2 PARS

P A R S II.

De Sacramentis.

- TIT. I. De Sacramentis in genere.
 II. De Sacramento Baptismi.
 III. De purificatione puerperarum.
 IV. De Sacramento Confirmationis.
 V. De Sacramento Penitentiae.
 VI. De Indulgentiis & Confraternitatibus.
 VII. De Sacramento Eucharistiæ.
 VIII. De Sacrificio Missæ.
 IX. De Sacramento Extremæ Unctionis.
 X. De Sacramento Ordinis.
 XI. De Sacramento Matrimonii.
 XII. De Ecclesiis, Altaribus & Cimiteriis.
 XIII. De Testamentis & eorum executione.
 XIV. De Sepultura & Exequiis.

P A R S III.

De statu Personarum.

- TIT. I. De vita & honestate Clericorum.
 II. De Clericis concubinariis.
 III. De Immunitate & libertate Ecclesiastica.
 IV. De Simonia.
 V. De Archi-Diaconis & Decanis ruralibus.
 VI. De Pastoribus & Vice-Pastoribus.
 VII. De congrua Pastorum sustentatione, Ecclesiarumque & adum Parochialium tum reparatione, tum adificatione.
 VIII. De Regularibus qua viris, qua feminis.
 IX. De Scholis & Magistris.
 X. De Seminario.
 XI. De Custodibus Ecclesiarum.
 XII. De bonis Ecclesiasticis rite conservandis & administrandis.
 XIII. De bonis fabricæ Ecclesiarum & mensæ pauperum.
 XIV. De sententia Excommunicationis.
 XV. De Visitatione Ecclesiarum & personarum.

DECRETORUM SYNODALIIUM DIOECESIS COLONIENSIS

P A R S I.

DE FIDE ET RELIGIONE CATHOLICA, OFFICIO CULTUQUE DIVINO, ET CÆREMONIIS.

TITULUS I.

De Fide, & ad integritatem Fidei conservandam pertinen- tibus.

CAPUT I.

- §. I. Catholicæ Fidei professionem edant Cathedralium Prælati & Canonici, nec non Curati omnes.

CUM sine Fide, quæ est sperandarum substantia rerum, & argumentum non apparentium, impossibile sit placere DEO; (a) nec nobis spes æternæ beatitudinis ulla possit affulgere; idcirco Decretis Synodalibus Colonienfibus de emitenda Fidei Orthodoxæ professione juxta formam a PIO IV. Ponti-

fice præscriptam, (b) atque antehac a Decessoribus nostris Colonienfibus Archi-Episcopis (c) sæpius publicatam, & in fine hujus Tituli subjunctam, inhaerentes, severe mandamus, ut saluberrimum Decretum Concilii Tridentini (d) de ejusdem Fidei professione in manibus Episcopi Diocesani, ejusve Vicarii Generalis, seu Officialis facienda ab omnibus & singulis, quibus de Dignitatibus, vel Ecclesiarum Cathedralium Canonicatibus, & aliis quibuscunque Beneficiis Ecclesiasticis curam

(a) Hebr. II. V. 1. & 6.

(b) Pii Papæ IV. Const. 88. Bullarii tom. 2.

(c) Synodus Colonienf. sub Ferdinando Archiep. an. 1612. post Dominicam Invocavit. tit. 1. num. 4. ac tit. 8. & eodem anno 2. Octobris tit. 2. & 19. April. an. 1627. ut. 1.

(d) Conc. Trid. Sess. 24. de Reform. c. 12.

ram animarum habentibus provifum eft; ficubi in oblivionem ac defuetudinem abierit; in memoriam, ufum & confuetudinem revocetur; præfertim cum declaret idem Concilium, quod alioquin prædicti fructus non faciant fuos, nec illis poffeffio fuffragetur.

§. II. *Collegiatarum Ecclefiarum Prælati, Decani, Canonici, Canoniffæ, Beneficiati quoque non curati, etiamfi antea eandem Profefſionem fecerint.*

Et quia temporum calamitas, & invaleſcentium hærefum malitia cogit, ut nihil prætermittatur, quod ad crediti Nobis gregis profectum, & Catholica Fidei præſidium poſſe conferre videatur: ideo etiam volumus, & ferio jubemus, ut omnes & ſinguli Dignitates, vel Canonici in Eccleſiis Collegiatis, aut in iis Vicarias, Capellanias, Sacellanias, five alia qualiacunque Beneficia, aut Officia Eccleſiaſtica quovis nomine nuncupata, deinceps aſſecturi, cæterique Sacerdotes, Clerici, Eccleſiarum Miniſtri, atque Cuſtodes ſeu Æditui, nec non Abbatiffæ, atque Canoniffæ ſæculares quarumcunque Eccleſiarum ſupradictam Fidei profefſionem in Capitulo, antequam ad poſſeſſionem, vel ad reſidentiam admittantur, faciant; etiamſi alias ipſam Fidei profefſionem emiſſent.

§. III. *Et omnes Eccleſiæ Miniſtri.*

Similiter Vicarias, Sacellanias, aut alia quæcunque Beneficia, ſeu Officia Eccleſiaſtica in Parochialibus, aut quibvis aliis Eccleſiis adepturi, item Parochialium Eccleſiarum Cuſtodes ſeu Æditui in eorum admiſſione coram ſuis Archi-Diaconis, Decanis Ruralibus, vel Paſtoribus, aut aliis, qui auctoritate noſtra eorum Eccleſias, ſeu Beneficia viſitant, quandocunque moniti fuerint, Fidei hujusce profefſionem facere teneantur.

§. IV. *Regulares quoque in Monaſteriis & Militares in Balivis & Domibus &c.*

Conſtitutionem quoque PII IV. Papæ (e) de forma Profefſionis Fidei;

a proviſis de Monaſteriis, Conventibus, & aliis locis Ordinum Regularium & Militiarum faciendæ editæ, reverenter amplectentes, declaramus eos omnes, quibus de Monaſteriis, Conventibus, Domibus, & aliis quibscunque locis Regularium quorumcunque Ordinum, etiam Militiarum, quovis nomine, vel titulo providebitur, ad eandem Fidei profefſionem emittendam obligari.

§. V. *Seculares etiam & Regulares Prælati, Concionatores & Confeſſarii.*

Univerſi itidem ac ſinguli, tam Sæculares, quam Regulares, Prælati, Concionatores, Confeſſarii, dum ad prædicandum verbum Dei, vel confefſiones audiendas approbantur, eodem modo Fidem profitebuntur. (f) Religioſi tamen ad concionandum, aut excipiendas confefſiones deinceps admittendi, hanc Fidei profefſionem coram Superioribus ſuis Regularibus (quos ad id deputamus) faciant, & de ea facta doceant, quando ſe Nobis, ſeu noſtro in Spiritualibus Vicario Generali benedicendos, vel generaliter ad concionandum, vel confefſiones audiendas admittendos ſiſtent.

§. VI. *Inſuper Ludimagiſtri, & Magiſtræ Trivialium Scholarum, & Obſtrices.*

Hanc ſimiliter Fidei profefſionem cuncti Scholarum, etiam Trivialium Magiſtri, & Magiſtræ, ac quicumque eorum Hypodidaſcali ſeu adjuutores ſunt, faciant coram Paſtore loci; nec ad Fidei profefſionem, & aperiendam Scholam admittantur, niſi eidem Paſtori fidei ſuæ integritatem, ac vitæ, morumque probitatem idoneis testimoniis abunde probarint. Obſtrices etiam ubivis locorum in manibus Paſtoris loci eandem edant Fidei profefſionem.

§. VII. *Atque omnes Profefſores, & Regentes ſtudioſorum cujuſvis facultatis.*

Quæcunque inſuper cum a PIO IV. Pontifice, (g) tum in poſtrema Synodo Colonienſi (h) de emittenda Fidei profefſione

(e) PII IV. Conſtit. 89. Bullarii tom. 2. anno 1627. tit. 1.

(b) Synodus Dicecef. Colonienſ. loco cit.

(f) Syn. Dicecef. Colon. celebrata 19. Aprilis anno 1627. tit. 1.

(g) PII IV. Papæ Conſtit. 88. Bullarii tom. 2.

Aaa aaa. 3

fessione ab omnibus & singulis Ecclesiasticis, tam Sæcularibus, quam cuiusvis Ordinis Regularibus, quarumvis Universitatum Rectoribus, Doctoribus, Gymnasiorum Regentibus, & cuiuscunque artis, ac facultatis Professoribus, antequam officiis suis fungantur, salubriter decreta sunt, hic pro infertis habeantur.

§. VIII. Et Lectores intra Claustra eandem edant.

Decretum novissimæ Synodi Dicesanæ (i) de Professione fidei a Professoribus faciendâ, etiam Lectores in Collegiis Religiosorum, Claustris Monachorum, & Conventibus Regularium obstringere decernimus: quorum tamen commoditati prospicere volentes, permittimus, ut illam præstent coram suo quique Superiore.

§. IX. Obligati facere Professionem fidei, id ipsum per seipsos, non autem Procuratores præstare tenentur.

Ad Fidei porro professionem emitendam obligati, opera Procuratoris uti non possunt, sed per seipsos id præstare debent, uti declaravit sacra Congregatio Cardinalium (k) ad dubia Concilii Tridentini resolvenda deputatorum: Hinc, qui suorum Canonicatorum, vel Beneficiorum possessionem per Procuratorem apprehendi fecerunt, antequam ad residendam, vel perceptionem fructuum eorundem admittantur, ipsi per se Fidei professionem emittant.

CAPUT II.

§. I. Doctrina Fidei subditis crebro explicanda.

Quia vero parum prodesset Superiores ac Præfectos Fidem Catholicam profiteri, nisi & populus universus a teneris annis eam imbibat, & suorum Superiorum vigilantia in eadem sincere firmiterque perseveret; monemus Prælatos omnes, Pastores & Vice-Pastores, ut per seipsos, aut alios viros doctos, Orationem Dominicam, Salutationem Angelicam, Symbolum Apostolorum, Præcepta

Decalogi, & sanctæ Matris Ecclesiæ, doctrinamque omnium Sacramentorum populo sibi commissio frequenter explicent, ac diligenter advigilent, ne forte lupus aliquis inter oves versetur aut latitet.

§. II. Eorumque familiæ studiose visitandæ, describendæ & dignoscendæ.

Quod nulla meliori ratione deprehendent, quam si studeant cognoscere vultum pecoris sui, frequentiusque visitent domos & familias sibi commissorum: nec non singulis annis universos suæ curæ commissos doli capaces describant, & in Paschate sanctissimæ Eucharistiæ Sacramentum non aliis, quam sibi aut alicui ex Confessariis auctoritate nostra approbatis, confessis administrent, & de ipsâ confessione aliis factâ fidem in scriptis (quam ipsi Confessarii dare teneantur) exigant, saltem ab iis, qui suspecti de hæresi, vel dubiæ Fidei existimantur. (l) Qui etiam si tempore Paschatis, abfuerint, quousque in propria Parochia sacram Eucharistiam sumant (nisi fidem authenticam adferant, quod peregre profecti alibi eam sumperint) ab Ecclesiæ ingressu vivi, & mortui ab Ecclesiastica sepultura juxta sacrorum Canonum præscriptum arceantur.

CAPUT III.

§. I. Visitandi Hæretici & Schismatici.

Adhæc cum hoc nostro sæculo hæreseos feracissimo, vel maxime locus sit illi B. Hilarii ad Constantium querimoniz, qua deplorat tot esse Fides, quot voluntates, tot doctrinas, quot mores, dum ita Fides scribuntur, ut volumus, aut ita, ut cupimus, intelliguntur. Ideo Parochi, Concionatores & Catechistæ omnes diligenter Auditores suos moneant, ne per liberiores cum hæreticis consuetudinem, aut familiaritatem virus eorum imbibendo, Religionis Catholicæ naufragium faciant, sed meminerint salutaris præcepti, quod morti proximus B. Antonius (teste S. Athanasio (m)) discipulis suis dedit: *Hæreticorum & Schismaticorum*

(i) Synod. Dicesan. Colon. loc. cit.

(k) Ad 12. Cap. Sess. 24. de Refor. Collect. Farinac.

(l) C. Omnis utriusque. De penit. & remiss.

(m) S. Athanasius in vita S. Antonii.

Schismaticorum venena vitæ, meumque circa eos odium sectamini, scitis ipsi, quod nullus mihi nec pacificus sermo cum iis unquam fuerit.

§. II. *Proles cum periculo Fidei non mittenda ad regiones hæresi infectas.*

Caveant proinde parentes, ne temere, vel linguæ, vel mercaturæ discedendæ causâ, liberos suos ad regiones hæresi infectas ablegant, ne forte temporale lucrum sectantes, Fidei Catholicæ, atque animæ, nullo pretio æstimabilis, iacturam & detrimentum patiantur, & sæpe mortem importent patriæ, a qua vitam acceperunt.

§. III. *Et non nisi ad Catholicorum Scholas.*

Cum nullum sit perniciosius animabus venenum, quam quod in hæreticorum scholis, & libris propinatur, omnibus & singulis Civitatis & Diocesis nostræ Colonienfis incolis severe prohibemus, ne ulla de causâ liberos, aut domesticos suos permittant cujusquam scholam etiam trivialem frequentare, quem a Nobis aut nostro Vicario in Spiritualibus Generali, Archidiaconi, vel aliis ad hoc a Nobis specialiter deputatis, approbatum esse, non constiterit: nec etiam eos, studiorum causâ, ad alium locum, Universitatem vel Academiam, quam Catholicam amandent.

CAPUT IV.

§. I. *Non simulanda Religio aliena.*

Meminerint etiam Catholici, dum hæreticorum terras peragunt, non licere quovis colore, vel nomine cum dissimulatione suæ Religionis alienam simulare, aut Ecclesiæ præcepta de observantia jejuniorum, Festorumque violare, cum scriptum sit: *Qui negaverit me coram hominibus, negabo et ego eum coram Patre meo, qui in cælis est: (n)* Quod si qui hac in re deliquisse deprehendantur, Pastores, Vice-Pastores & Concionatores, ut errorem suum agnoscant & detestentur, crebro gravitatem huius criminis pro concione explicare non intermittant.

§. II. *Exteris cibi vetiti in hospitibus non proponendi.*

Sub gravi insuper poena arbitraria prohibemus, ne quisquam hospitum, vel cauponum divertentibus ad se exteris, esum carnis, aut alterius cibi vetiti indulgeat, multo minus ultro carnes apponere præsumat.

§. III. *Modus servandus ab iis, qui invitati ad disputationes cum hæreticis lacescuntur.*

Quod si hæretici Catholicos ad certamen de Religione lacescant invitos, respondeant ipsi: talem conflictum non ad se, sed eos, qui exercitatos in Scriptura sensus habent, pertinere. Deinde insanum esse, ea in disputationem vocare, quæ multis retro centuriis annorum plenis Conciliis, toto spectante Orbe disputata, recepta, & approbata fuerunt, secundum celebrem illam S. Augustini (o) regulam: *Si quid tota per Orbem frequentat Ecclesia, id, quin ita faciendum sit, disputare velle, insolentissimæ insanie est.* Atque illos respondendi modos Pastores, Vice-Pastores, Concionatores & Catechistæ populum doceant, vel ut adducant ad eruditiores, qui ipsis respondeant, hortentur.

§. IV. *Conciones eorundem vitandæ.*

Et quoniam pestilentius est venenum, quod auribus, quam quod ore hauritur, hoc enim corpus, quod nobis cum belluis commune est, inficit; illud vero animas Dei imagine insignitas interimit: Severe omnibus nostris subditis, tam Ecclesiasticis, quam Laicis inhibemus, ne conciones hæreticorum temere adire præsumant, cum illorum *Sermo ut Cancer serpat, (p)* ac blandis verborum lenociniis innocentium corda seducat.

CAPUT V.

§. I. *Lectio librorum hæreticorum vetita.*

Cum non sufficiat sana doctrina populum imbui, (q) nisi librorum etiam, diligens habeatur ratio, ne simplices in hæreticorum libros ignari periculi incendant, & incauti ex eorum vene-

(n) Matth. 10. v. 33.

(o) S. August. Epistola 118.

(p) 1. Tim. 2. v. 17.

(q) Conc. Provinc. Colon. sub Adolpho III. Archiep. cap. Interest quoque. pag. 428. &

§. An e suggestis. pag. 488.

venenato calice mortem animæ bibant: proinde injungimus omnibus, quibus prædicandi, docendique munus creditum est, ut libros prohibitos aliquando pro concione recenseant, illos maxime, quos norunt teri vulgi manibus, aut ab abusu non procul abesse, populumque frequenter admoneant, ne quos libros domi suæ servet, aut deinceps emat, quos Episcopali auctoritate a Catholicis librorum Censoribus examinatos & approbatos esse non constat: ne quandoque pia libri inscriptione, vel qualibet alia pietatis specie, seu verborum elegantia & nitore decepti, alicujus erroris laqueis implicentur.

§. II. *Sicut & eorum aliorumque libellorum turpium retentio.*

Pari ratione libros hæreticos, (r) aut qui profitentur turpia, subditis nec legere, nec retinere licere, Pastores, Vice-Pastores, Concionatores & Catechistæ diligenter admoneant, penasque contra secus facientes in Indicibus librorum prohibitorum constitutas crebro iisdem inculcent, doceantque sub libris interdictæ lectionis etiam eos omnes comprehendi, qui licet non profiteantur hæresin, sub alio tamen argumento perniciofa spargunt dogmata.

§. III. *Uti & chartarum ac schedularum similium.*

Huc spectant chartæ, vel schedulæ, quas hæretici in Fidei Catholicæ contemptum edere consueverunt, quæ licet mole & quantitate sint exiles, scurrilibus tamen jocis, calumniis & Religionis ludibrio despectuque non cedunt maximis etiam voluminibus.

CAPUT VI.

§. I. *De judiciaria Astrologia, & hujus farina libri cavendi.*

Quandoquidem Romana Catholica Ecclesia non solum detestata semper fuerit exercitium Astrologiæ judiciaræ; & alia quæcunque super-

stitionum; divinationum, vanarum observationum, & magicarum artium genera, nec non libros, opera, tractatus &c. qui de eisdem, aut de futurorum contingentium successibus, fortuitisque casibus, aut eis actionibus, quæ ab humana voluntate pendent, certo aliquid affirmant; verum etiam gravissimis poenis temeritatem illorum, qui similibus operam dant, consulunt, usurpant, vel scriptos de eisdem libros, opera, tractatus &c. legunt, vel quomodolibet apud se retinent, voluerit puniri. Nos perniciosi ejusmodi ausibus, quantum in Nobis est, obviare cupientes, insistendo desuper editis Sanctionibus, maxime vero SIXTI V. (s) & URBANI VIII. (t) Pontificum, easdemque renovando, præcipimus omnibus & singulis Pastoribus, Vice-Pastoribus & Concionatoribus, ut in suis concionibus & privatis colloquiis, Christi fideles ab hujusmodi hominum commercio, usu & consuetudine avertant, nec non hujus delicti (quod hodie familiare multis est) magnitudinem atque penas, tam in illos, qui hanc divinatoriam artem profitentur, aut exercent, quam qui eosdem consulunt, similesque libros retinent aut legunt, decretas, sedulo ac frequenter subditis nostris, & auditoribus suis exponunt, & si quos hoc vitio notatos norint, eosdem privatim moneant, in quanto suæ salutis periculo & discrimine versentur, & ad expianda Sacramentali confessione peccata adhortentur, quod si salutarem hujusmodi monitionem contempserint, Nobis denuntientur, ut poenis a prædictis constitutionibus inflictis digne castigentur.

§. II. *Ingressus librorum faciendi.*

Parochi proinde, & Vice-Parochi juxta Decretum Synodi Diocesanæ sub Decessore nostro ADOLPHO III. Archi-Episcopo (u) habitæ, libros omnes suspensæ fidei, vel ab hæreticis corruptos, magicos, divinatorios, & quoscunque alios illicitos penitus auferant: eos vero, qui ejusmodi li-

bro

(r) Statuta Adolphi III. Archiep. Colon. pag. 490. Bullarii tom. 2.

(t) Urbani VIII. Papæ Const. 114. Bullarii tom. 4.

(u) Statuta Synodi Diocess. Colon. sub Adolpho III. Archiep. pag. 465. col. 1. in princ. Aët. 19. §. 19.

(s) Sixti V. Papæ Const. 17. Bul-

bros ipsis tradere recusarint, tanquam hoc ipso de hæresi, vel etiam magia suspectos, Nobis deferant.

§. III. *Ludi Theatrales, antequam exhibeantur, censendi.*

Insuper sub irremissibili centum florenorum aureorum pœna, pro una medietate ad pios usus fabricæ Ecclesiæ, seu mensæ pauperum loci, & altera Fisco nostro applicanda præcipitur, ne usquam locorum Civitatis, vel Diœcesis nostræ Colonienfis ludi theatrales deinceps a quoquam, priusquam ab uno ex constitutis nostris librorum Censoribus, vel ab aliis idoneis & legitimis Superioribus autoritate nostra ordinaria ad id peculiariter deputatis, pro subiectæ materiæ necessitate diligenter revîsi & permîssi fuerint, neque tunc quidem in ulla Ecclesia, neque ullibi Divinorum Officiorum tempore, exhibeantur.

CAPUT VII.

Contra blasphemantes & abutentes Sacris pœniæ decernuntur.

Pastores, Vice-Pastores & Concionatores crebrius inculcent, graviter eos peccare, qui Nomine DEI blasphemias abutuntur, qui sacræ Scripturæ verba, vel sententias ad jocos scurriles, res impuras, superstitiones, libellos-famosos, & quosvis profanos sensus impie applicant; ideoque eos, qui hoc in genere deliquerint, ut juxta præscriptum Concilii Tridentini, (x) ac PII V. Pontificis Constitutionem, (y) nec non Edictum politicæ Ordinationis Archi-Episcopatus Colonienfis (z) debite puniantur, Nobis volumus denunciari.

CAPUT VIII.

De redeuntibus ab hæresi ad Ecclesiam.

Quicumque hæresi infecti in Ecclesiæ Catholicæ gremium admitti flagitant, non tantum hæresin,

& errores omnes ejurent, atque publice Fidem Orthodoxam, juxta formam a PIO IV. Papa præscriptam, profiteantur, sed & libros prohibitos, quos apud se domi servant, Confessariis tradant, & paulatim sacras conciones audiendo, piosque libros legendo, ad sacri Chrismatis susceptionem, ac Pœnitentiæ, Sacrosanctæque Eucharistiæ frequentationem sedulo præparentur.

CAPUT IX.

§. I. *Censendi Libri & quævis chartæ.*

SANCTE & salubriter diversi Pontifices, (a) Concilium Tridentinum, (b) & iis congruenter Concilium Provinciale Colonienfe sub HERMANNO V. (c) Archi-Episcopo Colonienfi, Decessore nostro, sanxerunt, ne ulli libri, scripta, chartæ, picturæ, sculpturæ, rhythmî, cantiones, & quidquid alias ad rem librariam pertinet, sine expressa Sedis Apostolicæ, aut Episcopi Diœcesani, vel ab eo deputati in scriptis obtenta, & in libri, seu scripturæ fronte præfixa approbatione excudantur, in lucem prodeant, veneant, vel ullo pacto in Ecclesiam, & Rempublicam Christianam invehantur, spargantur, distrahantur.

§. II. *De Bibliopolis, Typographis & Librariis.*

Et licet omnes ac singulos, tum Typographos, tum Bibliopolas, Doctores, Professores, Magistros, librorum Institores in tota Civitate & Diœcesi nostra Colonienfi pro ea, qua sanctæ Sedi Apostolicæ, Concilio Tridentino, & nostris, qua Provincialibus, qua Synodalibus Conciliis, Religione, fide & observantia existunt devincti, ejusmodi Apostolicas, Provinciales, & Synodales Constitutiones sub virtute sanctæ obedientiæ, atque expressis in secus facientes gravibus censuris & pœnis in violate observasse consissi fuerimus; aliquando tamen & quidem duplici modo

(x) Conc. Trid. Sess. 4. in fin.

(y) Pii V. Papæ Constit. 5. §. 10. Bullarii tom. 2.

(z) Edictum Ordinationis politicæ Archi-Episc. Colon. an. 1596. editum pag. 1. 2. & 3.

(a) Leo X. Papa Constit. 12. Bullarii tom. 1.

(b) Conc. Trid. Sess. 4. Index librorum prohibitorum cum regulis ex Concilii Tridentini præscripto concinnatus, a Pio IV. comprobatus, Constit. 77. Bullarii tom. 2. & a Clemente VIII. Constit. 36. Bull. tom. 3.

(c) Conc. Provinc. Colon. sub Hermanno V. Archiep. part. 12. cap. 9. pag. 401.

modo delictum fuisse dolenter accepimus.

§. III. *Libros non approbatos, imagines & chartas excudentibus, vel alibi excusas vendentibus.*

Primum per Bibliopolas, Typographos, Sculptores, & librorum Infitores, qui non approbatos rite libros, imagines, chartas, ideas, rhythmos, cantiones, imo etiam reprobatis, & a Fide Orthodoxa, bonisque moribus alienas ejusmodi merces ausi fuerunt vel lucri cupiditate, vel Apostolicarum prohibitionum ignorantia, in Civitatem & Diocesim nostram Coloniensem alibi excusas importare, aut in ea excudere ipsi, aut excudendas curare.

§. IV. *Idem esto de illis, qui a deputatis librorum Censoribus non sunt approbati.*

Deinde etiam per librorum quosdam subreptitios Censores, seu Sæculares, seu Regulares, etiam Theologos & Professores, qui privata auctoritate, & Nobis, nostrisque, quibus id competit, insciis, quosdam libros & scripta approbare præsumperunt.

§. V. *Pœna contra delinquentes decreta.*

Hinc Apostolicis & Majorum nostrorum Decretis firmiter inhaerentes, omnibus & singulis Civitatis & Diocesis nostræ Colonienfis Typographis, Bibliopolis, Sculptoribus, librorum Infitoribus, cujusvis artis, facultatis & ordinis Doctoribus, Professoribus, Magistris, cantionum & rhythmorum concinnatoribus, & quibuscunque aliis ad hanc rem consilium, studium & operam conferentibus in virtute sanctæ obedientiæ, & sub censuris & penis prædictis Apostolicis, & Provincialibus Decretis insertis præcipimus, ne ullos quocunque titulo insignitos, sive Ecclesiasticos, sive profanos libros, scripta, picturas, ideas &c. sine expressa nostra, seu unius ex deputatis a Nobis librorum Censoribus licentia in scriptis obtemperata, & approbatione, neque nominibus Auctoris, Typographi, vel loci dolose suppressis, excudere, venum exponere, invehere, distrahere,

vel etiam privata auctoritate censere seu approbare audeant, vel ullo modo præsumant.

§. VI. *Contra eosdem requirendus Magistratus.*

Monemus proinde serio, & in Domino hortamur omnes & singulos quavis auctoritate, vel dignitate præditos & ornatos, ut præter librorum proscriptionem & pœnas in ejusmodi Apostolica & nostra Decreta violantes constitutas (ubi ad hos puniendos fuerint requisiti) acriter animadvertant, ut facilius ab Ecclesia Dei hæreses, & pravorum morum seminis & seges procul arceatur: ac pura Dei Religio, & morum integritas floreat & conserveatur. (*)

§. VII. *Potestas censendi libros ab aliis non usurpetur.*

Et quia subinde factum comperimus, quod Regulares quidam Auctorum tam sui, quam alterius Ordinis Religiosorum libris censuram suam præfixerint, vel eos approbarint absque nostra, aut ullius a Nobis deputati Censoris licentia, idcirco omnibus ac singulis quorumvis Ordinum Religiosis, quocunque gradu & dignitate præfulgentibus, etiam quantumvis exemptis, & aliis quibuscunque severe prohibemus, ne hac in re imposterum delinquant, sed in censendis, approbandisque libris, scriptis, picturis, imaginibus, chartis, ideis, rhythmis, & cantionibus, Constitutionibus Apostolicis, & juribus Ordinarii non violatis, intra instituti sui limites se contineant.

§. VIII. *Excutienda per Censores officina libraria.*

Ne qua ipsis nostris librorum Censoribus invitis, vel insciis, ejusmodi in Ecclesiam venenum gliscat, iisdem mandamus, ut officinas librarias, aliasque de latente simili veneno suspectas, toties, quoties ipsis visum fuerit, visitent, inspiciant, repurgent, & quidquid librorum, scriptorum, imaginum &c. legitima approbatione destitutum deprehenderint, inde adhibito etiam

(*) Hæc in Collectione Kinckiana & uberius pertractantur & nervosius, digna, quæ sub tempestatem hanc nostram adamussim observentur.

ad hoc, si opus fuerit, brachii sæcularis auxilio, proscribant, & contra eos apud quos similes libros, scripta vel imagines &c. repperint, ut jura exigunt, procedant, aut procedi faciant.

CAPUT X.

UT autem quivis in promptu habeat formulam professionis Catholicæ Fidei, hic eandem a PIO Papa IV. præscriptam subjicimus:

FORMA PROFESSIONIS FIDEI
Orthodoxæ.

Ego NN. firma fide credo, & profiteor omnia, &c.

TITULUS II.

De Doctrina Fidei, Prædicatione
verbi Dei, & Catechesi.

CAPUT I.

§. I. Notes in Concionatoribus requisitæ.

Fides infantibus in sacro Baptismo infunditur, dum ex aqua & Spiritu Sancto renascuntur: (d) adultis vero per auditum DEI verbum, ut asserit Apostolus, (e) donatur. Ea re sanctum DEI verbum, quanta fieri potest diligentia & sedulitate, ab iis est prædicandum, qui ad illud promulgandum legitime sunt vocati, & destinati: Cujusmodi in Civitate & Diocesi nostra Colonienſi sunt Pastores, Vice-Pastores, alique animarum Curatores, & Concionatores a Nobis, nostre Vicario in Spiritualibus auctoritate nostra approbati, & ad id muneris admiffi, quos non solum doctrina sacra, & rerum Theologicarum cognitione suo munere rite obeundo necessaria instructos, sed moribus honestos & graves, vita integros, infamia liberos esse volumus; memores illius apud Psalmistam: (f) *Peccatori dixit Deus: quare tu enarras justitias meas, & assumis testamentum meum per os tuum?*

§. II. Vitæ exemplo conforment se verbo.

Proinde veluti lucernas ardentes & lucentes necesse est illos esse, qui populum verbo erudire, exemplo ad imitandum provocare satagunt, potentes sermone & opère, doctrina & facto, ut quod verbis proponunt, moribus adimplendo persuaideant & confirmant: parum alioquin doctrina, & prædicatione sua, quantumvis sana, effecturi.

§. III. Alioquin nullum fructum facturi.

Si Pastor itaque, aliusve legitime vocatus, approbatus & missus verbi Dei Præco propriam animam sibi conjunctissimam non curat, quomodo curam ex animo geret aliarum? aut quomodo cum fructu alios excitabit ad charitatem Dei, rerumque cælestium desiderium, si ipsemet eo igne cælesti privatus algeat? quomodo exhortabitur alios ad temperantiam castitatisque virtutem, si ipsemet crapulæ deditus & impurus existat? quomodo commendare poterit mutua charitatem, pacem & mansuetudinem Christianam, si ipsemet lites alat, impatientia & iracundia æstuet? Quilibet ergo mores suos ita componat, tanta in privatis colloquiis, victu, quotidiano usu & consuetudine, gravitate, modestia, & Ecclesiastica disciplina aliis præluere studeat, ut ab iis, quæ verbo docet, vita non discrepet.

CAPUT II.

§. I. Facultas ad concionandum ab Episcopo
Diocesano obtinenda.

NE quis ergo minus idoneus in arduum hoc & periculosum concionandi munus se ingerat, (g) norint comprimere omnes ac singuli cujuscunque Ordinis & instituti Religiosi, quantumvis exempti, qui in Ecclesiis suorum Ordinum voluerint prædicare, quod præter Superiorum Regularium licentiam, etiam Episcopo Diocesis, in qua populo Episcopo subdito, vel palam

(d) Joan. 3. v. 3. Marc. 10. v. 14.

(e) Roman. 10. v. 14. & seq. Catechismus

Romanus ex Decr. Conc. Trid. & Pii V. Pont. Max. jussu editus in Proæmio Num. 2.

(f) Psalm. 49. v. 1.

(g) Conc. Trid. Sess. 5. de Reform. cap. 2. & Sess. 24. de Reform. cap. 4.

Gregorii XV. Papæ Constit. 18. §. 6. Bullarii tom. 3. & in d. Sess. 24. c. 4. S. Congregationis Cardinalium ejusdem Concilii Interpretum declarationis. Collectore Farin.

Iam concionaturi sunt, se sistere, & ab eo benedictionem perere teneantur: in Ecclesiis autem aliis, sine expressa facultate tam Episcopi Diocesani, quam Superiorum suorum Regularium nullo modo, nec usquam omnino, Episcopo Diocesano invito, concionari possint. Qui contraverint, noverint se juxta Canonicas Sanctiones a Nobis puniendos.

§. II. Multo magis in subiecta Episcopo Diocesano Ecclesia per subiectum sibi Clericum.

Sed neque Sacerdotibus, neque Diaconis sæcularibus, sine licentia Episcopi Diocesani, vel eo contradicente, licet prædicare. Quare Pastores, Vice-Pastores, aliæ Ecclesiarum Superiores neminem prorsus, etiam qualicunque modo exemptum Religiosum, vel sæcularem Sacerdotem, etiam alterius Parochiæ Curionem, seu Vice-Curionem, qui antequam concionandi initium faciat, nostram, nostrive Vicarii prædicti licentiam in scriptis non monstraverit, in suis Ecclesiis sinant concionari.

§. III. Ad concionandum in Monialium, quantumvis exemptarum Ecclesiis, specialis approbatio exigitur.

Adhæc declaramus nullum Sacerdotem sæcularem, vel cujusvis Ordinis, vel Instituti Regularem, etiam ejusdem, seu alterius Ordinis Superiorem, vel Prælatum, etiam quoquomodo exemptum, quamvis auctoritate nostra ordinaria ad concionandum in quibuscunque Civitatis & Diocesis nostræ Ecclesiis approbatum, in ulla cujuscunque Ordinis Monialium, quantumvis exemptarum; aut sibi, aut sui, aut alterius Ordinis Superioribus subiectarum Ecclesia, seu Capella, nisi speciatim ad id fuerit ante a Nobis, nostroque Vicario in Spiritualibus Generali approbatus, concionari posse.

§. IV. Penæ eorum, qui sine facultate prædicant.

Et ne quisquam temere secus faciat, sciant universi penes Episcopum

Diocesani veluti Sedis Apostolicae delegatum, vigore Constitutionis a GREGORIO XV. (b) Pontifice hac de re editæ, plenam esse jurisdictionem contra quoscunque exemptos, tam Sæculares, quam Regulares, contra prædicta quoquomodo delinquentes, quoties & quando opus fuerit, Ecclesiasticis censuris, & aliis pœnis libere procedendi. Ad cujusque enim Episcopi Diocesani Officium spectat providere, cui oves suas Christi Sanguine redemptionis, Divini verbi pabulo reficiendas committat.

CAPUT III.

§. I. Curati ipsimet concionentur.

UT satisfiat Concilii Tridentini Decretis, (i) singuli Parochi, Vice-Parochi, & quivis alii curam animarum gerentes, per semetipsos, quoad ejus fieri potest, omnibus per annum Dominicis Festisque fori, atque quibusdam etiam ferialibus Adventus, & Quadragesimæ diebus pro nostræ Diocesis more, munus prædicationis verbi Dei obeant, nec toti dependant a Regularibus Terminariis, ut vocant, quos non convenit e suis Monasteriis majori anni parte abesse, sed tantum tempore suarum stationum, Adventus, Quadragesimæ, diebusque aliquot solemnioribus, quibus a Pastoribus, seu Vice-Pastoribus in subsidium evocari consueverunt, Parochis autem seu Vice-Parochis, aliisque animarum Curatoribus, quoties per se in propria sua Ecclesia concionari voluerint, cæteri omnes libenter cedant.

§. II. Vel substituant idoneos.

Quandocunque vero legitime Impediti, prædicationis Officio per se ipsos fungi nequiverint, (k) id per alios idoneos Sacerdotes impleri, provida Pastoralis sollicitudine curent, ne oves Christi esuriant, neve quod Prophetæ (l) dolens queritur: *Parvuli petierunt panem, & non erat, qui frangeret eis.* Neminem tamen in munere prædicandi substituant, nisi qui prius a Nobis, vel nostro in Spiritualibus Vicario Generali

(b) Citat. Constit. §. 6.

(i) Conc. Trid. Sess. 5. de Reform. cap. 2. & Sess. 22. de Sacrif. Miss. c. 8. & Sess. 24. de Reform. c. 4. & 7.

(l) Jerem. Thren. 4. v. 4.

(k) Conc. Trid. cit. Sess. 5. c. 2.

rali fuerit approbatus, & ad id muneris admissus, suæque approbationis & admissionis testimonium scripto exhibuerit.

CAPUT IV.

§. I. *Prudenter & caute Curati linguam moderentur.*

Cum facile deleri nequeat, quod multorum cordibus publica concione imprimitur, & per sæpe accidat, ut a verbi Divini Præconibus aliquid vel inscitia, vel animi calore, quod præter Evangelii scopum est, elabatur, non sine multorum interdum offendiculo, iis incommodis providere cupientes, subiecta monita diligenter a Concionatoribus observari volumus.

§. II. *Ad salutem necessaria doceant.*

Imprimis omnes verbi Dei Præcones doceant populum, (m) quæ unicuique ad salutem non tantum scitu, sed & factu sunt necessaria, & quæ communiter Catechismo comprehensa, maxime inculcando ei breviter & nervose vitia, quæ declinare, & virtutes, quas sectari debet, ut pœnam æternam evadere, & cœlestem gloriam consequi valeat.

§. III. *Humili & utili potius, quam sublimi utantur argumento.*

Difficiliores ac subtiliores quæstiones de prædestinatione, reprobatione, & huiusmodi, (n) ex quibus plerumque nulla sit pietatis accessio, sed potius infiniti nascuntur scrupuli, non proponant, nec moveant: per ea enim, ut S. Bernardus (o) inquit: *Student magis alta, quam apta dicere, facientes apud infirmas intelligentias miraculum sui, non ipsorum salutem operantes*: præcipue vero explicationi Evangelii, Epistolæ, Symboli Apostolorum, Orationis Dominicæ, Salutationis Angelicæ, decem Præceptorum Decalogi, & quinque Præceptorum Ecclesiæ serio vacent, concionesque suas ita disponant, etiam diebus solemnioribus, ut potius Catechismum, quam concionem redoleant,

& captui audientium, quantum fieri potest, accommodent: sic enim una eademque opera oves & agnos pascent; imo juxta ejusdem S. Bernardi monitum, nusquam evidentiùs eloquentiæ suæ specimen dabunt, quam si humilem materiam tractent ornate, literati apud eruditos, simplices apud simplices, omnibus se aptent, ut omnes Christo lucrifaciant, exemplo S. Pauli, (p) qui licet sapientiam de cœlo hausitam libere docere potuisset, apud perfectos tantum tradendam censuit, apud imperfectos Christum, & hunc tantum Crucifixum.

§. IV. *Missæ & Sacramenta populo explicanda.*

Item quo fidelis populus tam ad Sacrificium Missæ audiendum, (q) quam Sacramenta suscipienda, majori cum reverentia, atque animi præparatione & pietate accedat, frequenter diebus præsertim Dominicis & Festis Sanctissimi hujus Sacrificii Mysterium, ejusque sacros ritus, nec non singulorum Ecclesiæ Sacramentorum vim & usum, præcipue vero Sacramentorum Pœnitentiæ & Eucharistiæ necessitatem, atque utilitatem, religiosamque eorundem frequentationem, juxta formam in Catechismo Romano ex Decreto Concilii Tridentini, & PII V. Pontificis jussu edito, singulis Sacramentis præscriptam sæpius explanent.

CAPUT V.

§. I. *Præceptum Paschalis Communionis in propria Ecclesia Parochiali sumenda Pastores publicent.*

Cum omnes & singuli utriusque sexus Christi-fideles, (r) qui annos discretionis attigerunt, juxta Concilii Lateranensis Constitutionem, debeant singulis annis, ut minimum in Paschate, sacram Synaxin in Ecclesia sua Parochiali sumere, nec satisfaciant, si in aliis Ecclesiis communicarint, cujuscunque etiam Ordinis, seu Instituti privilegiis gaudeant, si specialis ab-

Bbb bbb 3 sit

(m) Cons. Trid. dict. loc.

(n) Conc. Trid. Sess. 25. in princ. dec. de Purgatorio.

(o) S. Bernard. tom. 5. serm. 27. n. 2.

(p) 1. Corinth. 1. Cap. 2. v. 2.

(q) Conc. Trid. Sess. 22. de Sacrif. Missæ cap. 8. & Sess. 24. de Reform. cap. 7.

(r) C. Omnis utriusque. De penit. & remiss. Conc. Trid. Sess. 13. can. 9. & ibi declarat.

Card. Collect. Farin. Statuta Adolphi Archiep. Colon. pag. 455. col. 1. in princ.

fit Episcopi Dicecesani, vel Parochi sui consensus, uti declaravit sacra Congregatio Cardinalium Concilii Tridentini interpretum. Ea de causa quilibet Parochus, Vice-Parochus & Concionator hoc salutare sanctæ Matris Ecclesiæ præceptum e suggestu, & præcipue Dominica Passionis & aliis proxime subsequen-
 tib; quotannis publicent, ne quisquam ignorantiam prætexat: & post Dominicam in Albis singuli Pastores seu Vice-Pastores diligenter inquirent, si qui huic præcepto non satisfecerint.

§. II. *Penæ illud non adimplentium.*

Si quis autem Parochianorum huic mandato non obedierit, vel in Paschate a Parochia sua abfuerit, & reversus intra octo dies vel sponte, vel a Parocho suo ad id requisitus, se alibi in Paschate confessum, & sacra Communionem refectum esse non docuerit, mox Nobis denuntietur, & nisi legitimam excusationem attulerit, vivus ab Ecclesiæ ingressu, mortuus vero ab Ecclesiastica sepultura arceatur. Si qui autem dixerint se in Paschate alibi confessos esse, desuper testimonium a Confessario suo subscriptum exhibere teneantur: id si non habuerint, contra eos, ac si confessi non essent, procedatur.

CAPUT VI.

§. I. *Frequentanda Parochialis Ecclesia, & ad finem Missæ perseverandum.*

Adhortentur pariter populum, (r) ut frequenter ad suas Parochias, non diebus Dominicis, majoribusque fori Festis duntaxat, sed aliis etiam solemnioribus accedat, ibique sacro Missæ Officio, Concionibus & Catechesibus attente & devote audiendis usque ad finem intersit.

§. II. *Missæ æque Festivis atque Dominicis diebus integre audienda.*

Doceant quoque auditionem Missæ æque præcipi sub peccato mortali diebus fori festivis atque Dominicis: nec eos satisfacere præcepto Ecclesiæ, qui partem Sacri tantum audiunt, ac post lectum Evangelium, vel Offerto-

rium intrant, vel ante Elevationem, aut paulo post eam Ecclesia exeunt, aut qui, dum in Ecclesia Missa celebratur, fabulis, lusibus, aliisque nugis in cæmeterio, vel alibi vacant.

§. III. *Subditi ad Missam interpolato campanæ pulsu vocentur.*

Et ne ipsimet Pastores, seu Vice-Pastores aliquam ejus occasionem præbeant, volumus omnino, & sub gravi pœna arbitraria præcipimus, ut in omnibus ac singulis Curatis, & Vice-Curatis Dicecesis nostræ pagorum Ecclesiis non Collegiatis, Dominicis & festis fori diebus, statis anni temporibus; æstate quidem a festo Paschæ inchoata usque ad festum S. Remigii hora octava, hyeme vero a festo S. Remigii usque ad Pascha hora nona Missæ Parochialis Officium sine dilatione peragant. Sacrum autem matutinum æstate hora quinta, hyeme hora sexta, celebrandum curent, præmissis singulis Missis campanarum trino per dimidia-
 tæ vel quadrantis horæ spatium pulsu, ut Parochiani etiam longius distiti possint ad sacrum Missæ Officium, & verbum Dei in Ecclesia sua integre audiendum tempore adesse; neque a præfixis his a Nobis horis metu, minis, blanditiis quorumcunque particulare, cujuscunque fuerit status, aut conditionis, abducantur; nunquam vero diutius, quam horæ spatio, nisi Passio Dominica explicetur, concionentur.

§. IV. *Curent Pastores, ne famuli & ancillæ Sacrum negligant.*

Soliciti etiam sint Pastores, & Vice-Pastores, ut pauperes, mendici, famuli, ancillæ, pecorum custodes, æque alii, qui nec Parochiali concioni, nec pomeridianæ lectioni Catechetice interesse queunt, absoluta Missa matutina in his, quæ sine suæ salutis periculo ignorare nequeunt, Catechismo erudiantur.

CAPUT VII.

§. I. *Argumenta Concionum magis necessaria.*

Omnium ætatum & ordinum, utpote Parentum, Liberorum, Maritorum

(r) Conc. Trid. Sess. 24. de Reform. cap. 4.

ritorum, Uxorum, Dominorum, Servorum, Magistratus & privatorum Officia circumspicte explicant; ubi vero corruptelas in populo maxime frequentes intellexerint, circa illarum reprehensionem sine simulatione versentur: ita tamen, ut neminem nominatim insectentur, aut designent, caveantque pro Concione dicere ea, ex quibus colligi posset particularis aliqua contra privatos animi exulceratio, aut alicujus ab iis commissi criminis reprehensio, multo minus ea proferre, quæ revelatæ confessionis suspicionem etiam levissimam moveant.

§. II. *Nulli nominatim reprehendendi.*

Superioribus universis ac Magistratibus tam Ecclesiasticis, quam secularibus, non tantum bonis & modestis, sed etiam dycolis a populo reverentiam & obedientiam esse deferendam, (*) frequenter inculcent, nullatenus autem similes publice reprehendant, carpant, vel perstringant: sed officii sui generatim duntaxat, si opus fuerit, admoneant, neque aperte quempiam ita objurgent, ut intento quasi digito eum demonstrant; parcant personis, insectentur vitia; maxime vero caveant, ne in ullam Religiosam familiam aut statum Ecclesiasticum invehantur; a mutuis etiam æmulationibus, contentionibus, & aculeatis dictis, ne Parochianis & Auditoribus suis exinde sint offendiculo, abstineant.

§. III. *De bono & malo usu sacræ Scripturæ in concione.*

Si sacræ Scripturæ testimonia producenda sint, iis secundum vulgatam editionem utantur; nec sacras literas ex suo sensu, sed sanctæ Ecclesiæ (quæ columna & firmamentum est veritatis) sententia; & concordi sanctorum Patrum doctrina & auctoritate interpretentur.

§. IV. *Concionis cultus oratorius vitandus.*

Allegorias ex probatis tantum Ecclesiasticis Auctoribus desumant & imitentur. Fucum Orationis, Poeticam locutionem, & verba peregrina, aut

incertas seu apocryphas historias, vel auctores minime sectentur. Fabulis & earum allegoriis, item relatione rumorum, seu rerum novarum, nisi id subjecta materia, temporis, vel loci ratio, & emergens inde Christianæ Fidei confirmatio postularit, abstineant. Ea vero, quæ auditoribus vel risum movere, aut eorum animos a Superioribus abalienare possunt, sicuti facetias, sales, lepores, jocos, nemò pro suggestu recenseat.

§. V. *Argumenta Hæreticorum non facile pro concione tractanda.*

Hæreticarum opinionum argumenta pro concione, non nisi cum necessitas exigit, & cautissime referant, eademque solidis rationibus ad captum populi, & veram fidem stabilendam refellant & redarguant.

CAPUT VIII.

§. I. *Validi & ficti mendicij amandandi.*

REpletur ignotis, vagis & validis mendicantibus patria, quorum complures eleemosynas a fidelibus non modo impudenti importunitate, sed falsis etiam sub, & obreptiis commendationum literis, quin & ementia specie & habitu Religionis conantur extorquere; imò & Concionatorum opera in suis fictis necessitatibus publicandis abutuntur: & hi creduli persæpe ab iis decipiuntur. Ut hujusmodi fraudibus, quantum in Nobis est, obviamus, ne ullus Pastor, Vice-Pastor, Concionator quamcunque extraneam personam, paupertatis nomine Christi fidelium eleemosynis e suggestu, nisi visa prius nostra, nostrive Vicarii in Spiritualibus licentia scripto impetrata commendet, severe interdicimus.

§. II. *Eleemosynæ in templo non dentur.*

Insuper moneat Christi fideles, ne mendicis per Ecclesias perinde ac forum publicum contra loci sacri reverentiam cursitantibus, unquam in ipsis templis eleemosynas erogent, (a) nisi easdem colligendi a Nobis, seu Vicario nostro licentiam habuerint; egenis tempore Officii Divini & concionis ad fores Ecclesiæ juxta Evangelium & disci-

(*) Rom. 13. v. 1. Tit. 3. v. 1. 1. Pet. 2. v. 18.

(a) Act. 3. v. 2.

disciplinam templi Salomonici amandatis.

§. III. *Non liceat Regularibus Terminariis colligere elemosynas sine licentia Episcopi seu Vicarii Generalis.*

Prohibemus quoque cujuscunque Ordinis & sexus Regularibus mendicantibus, ne sine nostra, nostrive Vicarii in Spiritualibus facultate scripto impetrata, frumenta, carnes, vinum aliaque esculenta, vel poculenta, linum, aut simile quid colligant, aliter collecta illis auferri, & mensa pauperum loci applicari volumus: Quod ut omnibus innotescat, hoc nostrum Decretum e suggestu sæpius quotannis publicari mandamus.

CAPUT IX.

A Divinis Officiis tempore concionis abstinendum.

DUm habetur concio in aliqua Ecclesia, nemo in eadem Missam, etiam privatam celebret, nisi forte in Sacello ita ab auditorio secluso, ut nec populus, nec Concionator videre aut audire Sacrificantem, nec turbari in sua dictione vel attentione possit: sed nec Horæ Canonice decantentur, aut Cantores, Vicarii vel Canonici eas ante finem concionis incipere audeant; quod si Concionator æquo prolixior fuerit, modeste per aliquem moneatur, non autem morose, & cum strepitu in sua concione turbetur.

CAPUT X.

§. I. *Petri Canisii Catechismus ubique docendus.*

Diversitas libellorum doctrinæ Christianæ sive Catechismi magnam in discendo & docendo parit difficultatem. Ideo mandamus, ut Parochi, Vice-Parochi, ad quos Catechismi tradendi munus spectat, unum & eundem modum in discendo & docendo doctrinam Christianam ubique per Civitatem & Diocesim nostram observent, observarique faciant; eum scilicet, qui auctoritate nostra ordinaria approbato Catechismo Petri Canisii jam dudum Germanice edito continetur.

§. II. *Et desuper per Visitatores inquiretur.*

Archi-Diaconi quoque Decani Rurales, & alii auctoritate nostra deputati Visitatores, in visitationibus suis diligenter investigent, (x) an omnia, quæ ad Christianam doctrinam promovendam pertinent, diligenter & promptæ rei necessitate curentur, & si ubi defectibus occurrentibus ipsi mederi non poterunt, Nobis, aut nostro in Spiritualibus Vicario Generali denuntient. Ut autem de Pastorum, Vice-Pastorum diligentia, & ætatis tenerioris profectu Nobis constare possit, Decani Rurales quoties visitant, convocata juventure breve examen Catecheticum instituant: Quidquid vero memorabile contigisse notaverint, in Acta suarum Visitacionum Nobis, nostre in Spiritualibus Vicario intra mensem juxta Concilii Tridentini sanctionem, exhibenda referant.

TITULUS III.

De Officio Divino & Cæremoniis.

CAPUT I.

§. I. *In Divinis Officiis uniusmodi ritus & cæremonia, quoad fieri potest, observandi.*

INter Ecclesiæ Catholicæ notas haud minima est, quod una sit, proinde uno Baptismate initiatos, uno Christi Spiritu animatos, uno Christi Sanguine redemptos, unius Matris Catholicæ videlicet Ecclesiæ lacte nutritos, una ejusdem disciplina & imitatione colligari fas est, (y) ut Psalmistæ (z) in Nobis elogium: *Ecce quam bonum & quam jucundum habitare fratres in unum*: impleatur. Sed cum id locorum distantia, nationum & ingeniorum varietas in quibusdam levioribus non finant, in eo tamen toti desudamus, ut ad unum consensum omnium quam proxime accedentes, Ecclesiæ nostræ Colonienfis, quæ præ reliquis toto orbe diffusis, & olim, & tunc fidelis Romanæ Ecclesiæ filia meretur appellari, gloriam propagemus.

§. II.

(x) Conc. Trid. Sess. 24. de Reform. c. 3. §. Archi-Diaconi autem, Decani & alii inferiores &c. & §. Sed non ideo Episcopus. (y) 1. Cor. 12. (z) Psal. 132. v. 1.

§. II. *Romanæ Ecclesiæ conformes.*

Ideo non rara nos cura sollicitat, ut hæc nostra Archi-Episcopalis Ecclesia in communibus Officii Divini ritibus & cæremoniis, Horariisque precibus & Missarum Sacrificiis, illi Ecclesiæ, quæ est Mater & Magistra cæterarum omnium, conformetur; cum non possit non esse valde selectum, eximium & singulare, quod illa recipit, quæ a Spiritu Sancto certius & fidelius gubernatur, & omnium nationum studiis, ingeniis & industria excolitur & adjuvatur.

§. III. *Juxta PII V. Papæ Constitutionem.*

Quod quidem nostrum vorum, præsertim quoad Horas Canonicas, tum Sacrosanctum Concilium Tridentinum, tum PIUS V. Pontifex (a) præcipue in Nobis excitarunt, dum unicum Breviarium reliquis (quorum prima institutio non esset a Sede Apostolica approbata, vel ducentorum ante suæ desuper editæ Constitutionis datum annorum usu recepta) omnino abolitis, per universam Ecclesiam ab omnibus recipiendum esse statuerunt.

§. IV. *Disparitas in sacris Ordinibus & statibus quidem est laudanda; in cæremoniis tamen Officii Divini reprobanda.*

Et si enim ad Ecclesiæ decorem faciat, ipsam, instar sponæ, circumamictam esse varietatibus, dum alii in ea Pontifices, alii minoris Ordinis Sacerdotes, alii Diaconi, & Subdiaconi, diversorum Ordinum viri, consecrantur, atque ex multis & æternæ dignitatis membris unum Christi corpus efficitur: quia tamen unus in omnibus est Spiritus, ordinem Ecclesiæ, in Divinis potissimum Officiis ab omnibus eodem ritu, modoque custodiri convenit; (b) ne ex multitudine ac diversitate eorundem oriatur confusio, ritus primævi penitus antiquentur, ac laudata concordia uni Deo, una & ea-

dem ratione preces & laudes dicendi, & sacrificandi diffimillimo inter se, & proprio cujusque Ecclesiæ Officio discerpatur.

§. V. *Officium feriarum privata alicujus persona, vel Collegii auctoritate non est in aliud commutandum.*

Quod cum olim non sine offenculo in Civitate & Diocesi nostra Colonienſi invaluisse, quando nondum invento typorum usu, e libris manu exaratis Divina Officia peragebantur: huic malo occursum videbatur repertis typis, & per nostram Diocesin uno quodam ex pluribus collecto Breviario vulgato. Sed cum idipsum quoque lectionibus ac rubricis inusitatis, vel legitima auctoritate destitutis deformaretur, tum etiam alii subinde ratione foundationis & pietatis privatæ, neglecto communi feriarum Officio, sæpe aliud substituerent, alii nonnunquam absque justa causa de quodam Sancto in sua Ecclesia solemnem instituerent celebritatem, cujus in aliis Ecclesiis nulla extaret memoria, quin etiam neque nominis in fastis vel tabulis Ecclesiasticis fieret mentio; (c) adhuc plurimi quoties occurreret septimana, uti vocant, vacans, prætermisso feriarum Officio brevitatis ergo, preces Horarias de Patronis non ex præscripto sanctorum Patrum, sed fastidii & negligentiae causa recitarent, sicque Officium feriarum contra morem Ecclesiæ per majorem anni partem omitteretur, ut vix ulla reperirentur Breviaria, quæ quorundam temeritate ac privatorum affectu corrupta ab instituto veteri non deviant.

§. VI. *Circa Breviariorum ac Missalium repurgationem adhibita olim remedia.*

Hinc, ut tantæ varietati obviam iretur, juste & necessario in Concilio Provinciali sub HERMANNO V. (d) & in Synodo Diocesana sub ADOLPHO III. (e) Archi-Episcopis Colonien-

(a) Pii V. Papæ Constit. 64. Bullarii tom. 2. & Breviario Romano præfixa.

(b) C. Convenit. dist. 5. de Consecr.

(c) C. In die. dist. 5. de Consecr. Statuta

Henrici Archiep. Colon. Cap. 7. pag. 68.

(d) Conc. Prov. Colon. sub Hermann V. Part. 2. cap. 6. 7. & 11. pag. 50. & 352.

(e) Statuta Adolphi III. pag. 413. §. Et quia. & pag. 466. col. 2. §. Quarto Reverendiss. &c.

Tomus IX. Concilior. German.

nientibus, Antecessoribus nostris, iterum decretum fuit, Breviaria perinde ac Missalia repurganda esse, & ad sanctorum Patrum regulas pristinae dignitati, & nitore restituenda.

§. VII. *Alia sub SALENTINO & FERDINANDO Archiepisc. Colonienfis.*

Cui Decreto ut satisfaceret, Deceffores nostri SALENTINUS primum, deinde FERDINANDUS, Archiepiscopi Colonienfes, omni studio & labore, delectis ad hoc ex Clero suo doctrina pariter & pietate præstantibus viris, salubriter ordinarunt, ut Breviarium & Missale Colonienfe, denuo reformatum, & ad usum Romanum magis accommodatum, in lucem prodierint, Tutelarium interim Sanctorum Civitatis & Diocesis nostræ propriis Officiis, quibus præcipua veneratio merito debetur, retentis.

§. VIII. *Breviario & Missali reformato diversitas Officiorum Divinorum non sublata, sed potius aucta fuit.*

Veruntamen varietas & diversitas Officiorum Breviario ac Missali sic repositis non sublata, sed potius aucta videtur: dum quidam prius Breviarium a SALENTINO, alii posterius a FERDINANDO correctum receperunt, nec tamen integrum, sed ea duntaxat parte, qua ad prolixas quasdam preces, ad Officium Beatissimæ MARIE Virginis, & alia nonnulla, ad quæ ex præscripto antiqui Breviarii tenebantur omnes, non obstringit: quidam antiquum, licet omnium iudicio reformandum Breviarium, & antiqua Missalia retinere maluerunt, quam nova & emendata recipere, non obstante Archiepiscopali mandato, quo ad ea recipienda Diocesis nostræ Clerici obligabantur. Ex quibus, dum nonnulli tam Sæculares, quam Regulares paulatim Romanum Officium assumpserunt, dolenter accidit, quod præcipuorum sanctorum Patronorum Colonienfis nostræ Ecclesiæ Officia, & cultus plurimum passus fuerint detrimenti, cum eorum vel nulla, vel perpauca Officia Romanum Breviarium & Missale complectatur.

§. IX. *FERDINANDUS Archi-Episcopus Manuale quoddam SS. Patronorum Civitatis & Diocesis Colonienfis Officia & Missas continens imprimi curavit.*

Idcirco idem noster Deceffor FERDINANDUS Divinæ gloriæ & Sanctorum cultus promovendi studio, aliorum Germaniæ Archi-Episcoporum & Episcoporum pio exemplo, qui idipsum ante eum aggressi fuerant, & perfecterant, permotus, præcipuis incommodis, dum universis nondum liceret, mederi tandem cupiens, ne pietas erga Tutelares Civitatis & Diocesis nostræ Patronos apud eos, qui Romano utuntur Breviario, ac Missali, sensim flaccesceret, Manuale, ut vocant, quoddam usui Romano accommodatum, typis vulgandum, quo sola propria sanctorum Patronorum Civitatis & Diocesis Colonienfis Officia & Missæ continerentur, curavit, eademque Officia Horaria, & Missas singulari industria, zelo, & cura eorum, quibus id muneris demandatum erat, concinnata examinavit, laudavit, approbavit, ut utroque hoc casu, pro majori commoditate; Breviarium sive Romanum, sive Colonienfe legentibus prompte deserviret.

§. X. *MAXIMILIANUS HENRICUS Archi-Episcopus ad Officium Romanum recipiendum omnes paterne honoratur.*

Nos cum eandem hanc Ecclesiæ Catholicæ concordiam exoptemus, ac multum arbitremur ad Christi fidei pietatem promovendam, profuturum, si uno & eodem orandi, psallendique externo & publico ritu, Deus semper laudetur & invocetur, supra memoratis Decefforis nostri FERDINANDI Archi-Episcopi Decretis, ac Statutis inhærentes, vel eo impensius adhortamur omnes ac singulos Civitatis & Diocesis nostræ Ecclesiasticos sæculares, & utriusque sexus Regulares tam nostræ jurisdictioni subiectos, quam ab ea quoquomodo exemptos, qui ad Horas Canonicas decantandas, seu legendas obligantur, ut deinceps non diversa, sed unum idemque Breviarium & Missale Romanum ex Decreto Sacrosancti Concilii Tridentini resti-

restitutum, PII V. jussu editum, (f) deinde CLEMENTIS VIII. postremo URBANI VIII. auctoritate recognitum recipiant, atque ex eodem preces suas Horarias sive privatim legant, sive publice in Ecclesiis decantent, adeoque Rubricas & regulas in Breviario, Missali-que Romano, ac propriis prædictis sanctorum Patronorum Colonienfium Officiis & Missis præscriptas diligenter observent.

CAPUT II.

§. I. *Non licet Officium dii, vel ritum ejus mutare.*

NORiant autem universi, non posse Episcopos locorum post Constitutionem PII V. Pontificis de Breviario Romano editam, addere Calendariis etiam propriis Sanctorum Officia, nisi ea duntaxat, quæ Breviarii Romani Rubricis, jvel sacræ Rituum Congregationis, seu Sedis Apostolicæ licentia conceduntur, sicut disertis verbis sacra Rituum Congregatio declaravit, cujus Decretum hic integrum subjicimus.

§. II. *Ex sacræ Congregationis Rituum præscripto.*

SACra, inquit, Rituum Congregatio (g) declaravit & decrevit, &c.

CAPUT III.

§. I. *Officium B. Mariæ Virginis uti a PIO V. præscriptum est, privatim & publice recitetur.*

AD majorem porro Civitatis & Diocesis nostræ Ecclesiarum cum Romana consensionem, rituum-que & caeremoniarum certiore convenientiam volumus, ut quicumque ordinariæ nostræ jurisdictioni subjecti, tam Regulares, quam Sæculares ad Officium Beatissimæ MARIE Virginis, vel privatim legendum, vel in Ecclesiis publice decantandum obstringuntur, non alio, quam eo, quod PII V. Pontificis, jussu editum, & sub UR-

BANO VIII. recognitum est, utantur Officio.

§. II. *Officium Beata Mariæ Virginis reformatum imprimi curavit PIUS V.*

De Officio Beatissimæ Virginis Deiparæ ab eodem PIO V. Pontifice (h) constitutum est, ad modum sequentem:

"Cum in executionem Decretorum Sacri Concilii Tridentini &c.

CAPUT IV.

§. I. *Pro sacrorum Rituum uniformitate ubi-que introducenda in quibuscunque Ecclesiis certus deputetur caeremoniarum Magister.*

CUM sacrorum Rituum & caeremoniarum consensus, & concentus magnopere commendet Catholicæ Religionis dignitatem, & concordiam, ut ille non in quibuscunque Missarum Sacrificiis duntaxat, sed in reliquis etiam Ecclesiasticis officiis & functionibus omnibus, prout decet, adhibeatur, vehementer exoptamus: quem in finem in Domino hortamur universos Civitatis & Diocesis nostræ Ecclesiarum Prælatos, Superiores & quoscunque alios, ad quos pertinet, & in futurum pertinebit, ut in singulis tam Metropolitana, quam Collegiatis, Parochialibus, & Regularibus Ecclesiis unus vel alter pius & peritus sacrorum Rituum & caeremoniarum Ecclesiasticarum Magister, cui in ritibus & caeremoniis obedire omnes teneantur, constituatur; qui totus in eo sit, ut Romano Cæremionali diligenter evoluto; aliis, ad quos spectat, sacras caeremonias & ritus in eodem præscriptos, juxta illius modum, & normam in quibuscunque actibus ostendat & doceat.

§. II. *Pro Neomystris instruendis in singulis Decanatibus Ruralibus duo deputentur caeremoniarum periti.*

Quin etiam, ut eadem caeremoniarum, & rituum Ecclesiæ Romanæ con-

(f) Constit. Pii V. & Clementis VIII. & Urbani item VIII. Breviario Romano præfixa.
(g) Decretum sacræ Rituum Congregationis Breviario Romano præfixum: quod uberiore in Collectione uberius explicatur. In qua pariter, tribus ultimis Majoris hebdomadæ diebus quid agendum sit, fuscè proponitur.
(h) Pius V. Constit. 122. §. 2. 3. 4. 5. 6. 7. 8. 9. & 10.
Tonus IX. Concilior. German.

concordia ubique introducatur, volumus in singulis Decanatibus Ruralibus nostræ Diœcesis duos deputari, ejusmodi cæremoniarum & rituum peritos, qui Neomyſtas omnes, tam primam Deo hostiam litaturos, quam Sacramenta Ecclesiastica administraturos, eisdem cæremoniis ac ritibus debite instruant. Quapropter singuli Decani Rurales in proxima congregatione, aut Capitulo Pastorum diligenter dispeciant, qui ad hoc munus obeundum erunt idonei, eosque Nobis, nostrove Generali in Spiritualibus Vicario repræsentent, & facta per Nos, vel nostrum Vicarium prædictum eorum designatione, nemo deinceps sæcularis Sacerdos Primitias celebret, aut novellus Pastor, seu Vice-Pastor Sacramentum administret, nisi per testimonium unius ex designatis Instructoribus doceat, quod in cæremoniis & ritibus sufficienter instructus sit: & quando aliquem eorum Instructorum e visis excedere, aut locum mutare continget, volumus mox alium ei subrogari.

CAPUT V.

§. I. *Officium Divinum singulis diebus statis horis in quibuscunque Ecclesiis debite est canendum.*

Insuper sciant, qui tum in Metropolitana, tum reliquis Civitatis, & Diœcesis nostræ Ecclesiis, Prælaturas, Dignitates, Canonicatus seu Præbendas, Pastoratus, Vicarias, aliave Beneficia, vel Officia Ecclesiastica obtinent; & alii quotquot Divinis participati sunt functionibus, se ideo de altari, & Ecclesia vivere, ut Officium Ecclesiasticum debite peragant; (i) adeoque totius humani generis apud Divinam clementiam causam agant, militantisque Ecclesiæ vota, preces & laudes Deo offerant, eaque sua puritate, pietate, ac merito faciant commendatiora. Eapropter iisdem omnibus, aliisque in sacro aliquo Ordine constitutis severissime præcipimus, ut horas

Canonicas articulatum, distincte, attente ac pie singulis diebus statis horis, observato tamen dierum solemnium a ferialibus, & minus solemnibus discrimine, in Ecclesia cantent, vel minimum privatim legant, sub pœnis in sacris Canonibus expressis, aliisque arbitrariis.

§. II. *Nec a legentibus illud privatim negligendum.*

Quoniam discrimen septem præcipuarum diei horarum orationi apud Judæos olim destinatarum, imitata est subsequens Ecclesia Christi per septem horas Canonicas diem distribuendo, in memoriam, - honorem, & gratiarum actionem pro maximis a Deo beneficiis, (k) horis illis orbi concessis; optandum foret, ut sancti Petri exemplo, (l) Ecclesiastici omnes statuta precum horarum tempora, quando per occupationes licet, ex mente & præscripto Ecclesiæ diligenter obſervent, non simul omnes citra necessitatem, sed divisim suis quasque horis, ut fere in choro fit, persolventes.

§. III. *Horas Canonicas quilibet per se & juxta præscriptum Pontificum legere tenetur.*

Sane suo non satisfaciunt Officio, nec fructus faciunt suos, qui non per se, sed per alium, aut alias horas Canonicas, aut alio modo legunt, quam a Summis Pontificibus præscriptum est.

§. IV. *In quacunque Cathedrali vel Collegiata Ecclesia sacro saltem Subdiaconatus Ordine nectum initiatus, vocem in Capitulo non habeat: quid præstare teneantur ad majores Ordines promoti.*

Observanda quoque sunt duo Concilii Tridentini Decreta sequentia, (m) quorum prius sic habet: "Quicumque in Cathedrali, vel Collegiata sæculari, vel Regulari Ecclesia Divinis" mancipatus Officiis, &c.

CAPUT

(i) Conc. Provinc. Colon. sub Hermanno V. Part. 2. cap. 4. & Part. 3. cap. 10. & 13.

(k) Psalm. 118. V. 163.

(l) Act. 3. V. 1.

(m) Conc. Trid. Sess. 22. de Reform.

cap. 4. & Sess. 24. de Reform. c. 12. §. Neminem etiam &c. & §. Omnes vero Divina &c. Statuta Prov. Henrici Archiep. Colon. cap. 13. pag. 81. Statuta Wilhelmi Archiep. Colon. cap. 8. pag. 159. & Friderici Archiep. Colon. cap. 38. pag. 212. & cap. 40. pag. 213.

CAPUT VI.

Divinum Officium, uti Deo dignum est, ab omnibus peragendum.

QUum in Officio Divino cum ipso Deo, qui Rex Regum est, & Dominus Dominantium, sit nobis negotium, merito non modo statis semper horis, in Choro convenient, sed in eo etiam a fabulis, risibus, jocis, & aliis levitatibus omnino abstineant, & ita functionem illam omnes, quibus sive ex beneficio, sive ex officio incumbit, non minus supremi gradu, quam infimi obeant, ea, quæ Divinæ Majestati congruit reverentia, mente pia & attenta, corpore decenter composito, modestia gravi, & verborum pronuntiatione minime præcipiti, in Psalmis decantandis, & in medio, & fine cujuslibet Versus, quiescant non nihil, ut & Deum, quo par est, cultu honorent, & populi pietatem excitent.

CAPUT VII.

Frequens interestitia in Divinis per distributiones quotidianas procuranda est.

QUandoquidem propter inæquales Beneficiatorum proventus, aliasque ob causas, una generalis nequeat regula statui in executione Decreti Concilii Tridentini (n) de tertia parte fructuum, & quorumcunque proventuum, & obventionum in distributiones quotidianas convertenda; singula Capitula modum, & rationem id debite efficiendi concipiant, & Nobis, seu Vicario nostro in Spiritualibus Generali exhibeant, sic tamen, ut in majoribus Horis, scilicet Matutinis, summa Missa, & Vesperis multo largiores sint, quam in minoribus Horis, nec in minoribus tam exiguae, ut eæ negligantur.

CAPUT VIII.

§. I. *Distributionibus priventur absentes aut notabiliter sero venientes.*

STudeat unusquisque mox a principio, Divino Officio tam Matutino, & Vespertino, quam minorum

Horarum, ante finem primi Psalmi cujusque Officii, usque ad finem ejusdem interesse, (o) qui secus faxit, quavis collusione aut remissione exclusa, distributionibus careat: exceptis duntaxat iis, quos causæ in Constitutione BONIFACII VIII. (p) expressæ excusant, & pro præsentibus habendos, ut distributionibus gaudeant, jura decernunt. Si in quibusdam Ecclesiis ex fundatione, statuto, vel consuetudine citius interesse Divino Officio teneantur, vel diutius in eo permanere, nolimus illis esse derogatum.

§. II. *Idem de Officiis & Missis defunctorum statuitur.*

Quemadmodum distributionibus privandi sunt, qui ante finem primi Psalmi cujusque Officii, usque ad finem eidem Officio non interfunt: ita quoque eis privari volumus, qui in Missis tam de tempore, quam votivis, & anniversariis, quæ ex fundatione sine commendationibus canuntur, ante Epistolæ finem: in Vigiliis vero ante finem secundi Psalmi Vesperarum, seu Matutinarum, & in commendationibus ante finem primi Psalmi usque ad finem, vel in habitu choralis, qualem temporis & personæ conditio requirit, non interfunt.

§. III. *Anniversariarum memoriarum & fundationum liber seu index conscribatur, & conspicuo loco affigatur.*

Ne autem Anniversaria, aliæve piæ fundationes ob defectum sufficientis stipendii negligantur, aut plane intercidant, (q) volumus, ut omnes tam Collegiatarum, quam Parochialium, etiam Regularium Ecclesiarum Decani, Parochi, Vice-Parochi, & Superiores quicumque ut ea quamprimum legitime reduci curent, & sic reducta cum aliis, quibus congrui reditus sunt attributi, in peculiari anniversariarum memoriarum libro ad id conscribendo cum tabula seu indice omnium piarum fundationum, & onerum, ad quæ Beneficia, Officia, fabrica, mensa pauperum,

Ccc ccc 3

(n) Conc. Trid. Sess. 21. de Reform. cap. 3.

(o) Conc. Trid. Sess. 24. de Reform. c. 12.

§. Distributiones vero.

(p) C. unicum. de Clericis non resid. in 6.

(q) Urbani Papæ VIII. Constit. 43. & ibidem Declarationes sacræ Congregationis Cardinalium Concilii Tridentini Interpretum.

rum, Confraternitates, aut servitia istius Ecclesiæ obligantur, prout habet illarum fundatio vel reductio, cum annotatione, & specificatione diei, & mensis, quando, per quem, & pro quibus fieri, & impleri debent, nitide & correcte describant, quæ tabula continuo in Sacristia, seu alio commodiore loco conspicuo, quo populus id rescire possit, muro allixa dependeat.

§. IV. *Dicti libri seu indicis copia authentica Archi-Diaconis aut Decanis Ruralibus tradenda.*

Exemplum quoque authenticum dictæ tabulæ seu indicis anniversarium, ac fundationum, singuli Pastores, ac Vice-Pastores, tradant suis Archi-Diaconis, aut Decanis Ruralibus, qui illud cum actis suæ proximæ Visitationis Nobis, aut Vicario nostro in Spiritualibus Generali transmittant.

§. V. *Anniversaria per hebdomadam occurrentia Pastores diebus Dominicis publicent.*

Præterea singuli Pastores, & Vice-Pastores diebus Dominicis populo cum debita commendatione, pro concione omnia anniversaria & fundationes per hebdomadam occurrentia publicent, & in fundationibus præscripta observari curent.

CAPUT IX.

§. I. *Statutum de diebus recreationis abrogatur, & Bonifaciana Constitutio observari mandatur.*

ET ne dicta Constitutio BONIFACII Papæ, nec non Concilii Tridentini Decretum occasione prætexti cuiusdam de diebus recreationis statuti violetur; decernimus & declaramus ejusmodi Statutum, sicubi extat, tanquam corruptelam ex libris, & protocolis Capitulorum delendum, & expungendum esse, & loco illius observandum, quod dicta BONIFACIANA Constitutio permittitur, ut si quis ob negotia Ecclesiæ, vel ob infirmitatem corporis horis interesse nequiverit, pro præsentem in Divinis habeatur, & quotidianis distributionibus, ac præ-

sentiis, etiam manualibus, ex defunctorum exequiis seu anniversariis memoriis gaudeat, sub quibus casibus etiam eos comprehendi censemus, qui pro conservanda, aut recuperanda valetudine aerem ad breve tempus mutare, aut alias publica, seu legitima causa juxta dictam BONIFACII Constitutionem abesse coguntur.

§. II. *Quinam in negotiis Ecclesiæ occupari censeantur, & pro præsentibus habendi sint.*

Intelligimus autem in Ecclesiæ negotiis occupari non solum eos, qui Capituli, aut fabricæ suæ Ecclesiæ negotia tractant, sed & illos omnes, qui propria Dignitatum vel Præbendarum suarum munia obeunt, (*) aut Nobis, seu Successori nostro Archi-Episcopo Colonienſi, pro eo tempore existenti, Ordines conferenti, Civitatem seu Diocesim Visitanti adſunt, vel in aliis Archi-Episcopatus Colonienſis negotiis occupantur, vel aliquo ab eo missi consilium & operam suam impendunt, quos pro eo tempore, fraude & dolo seclusis, decernimus pro præsentibus reputari, & omnibus emolumentis gaudere debere, perinde ac si per se Divinis interessent. Illos quoque, qui sub Divinis Officiis, aut Missæ Sacrificium celebrant, aut ad colebrandum sese præparant, volumus pro eo tempore præsentem in Divinis reputari, modo tamen absoluto Sacrificio sine notabili mora in Chorum redeant.

§. III. *Servius ad Officium Divinum venientes nec excludendi, nec publice confundendi.*

Serius ad Officium Divinum venientes, etsi distributionibus privandi sint, libere tamen cum habitu decenti chorum intrare permittantur; nec quisquam eos manuum, vel pedum plausu, vel sibilis, aliove strepitu excipiat; si quis secus fecerit, ipse quoque distributionibus privetur, & insuper pro modo culpæ & offendiculi puniatur.

§. IV.

(*) C. De cætero. & c. Audientiam de Clericis non resid. Conc. Trid. Sess. 24. cap. 12. & ibidem Declarationes Cardinalium ejusdem Concilii Interpretum.

§. IV. *Minus decencia sub Officio Divino vitanda.*

Nemo quoque cum publice preces Horariæ cantantur, vel Sacrificium Missæ celebratur, profanum quippiam, aut ab instituto alienum legat, neque etiam dormiat, aut fabuletur, aut velut iners truncus, & mutus assistat sub pœna privationis distributionum ejus Officii, etsi semel correptus; secundo aut tertio circa præmissa deliquerit, ultra amissionem distributionum in eum gravius adinadvertatur.

CAPUT X.

§. I. *Officia Divina non mutilanda.*

UT omnia porro in Officiis Divinis cum decore, & reverentia peragantur, serio mandamus, ut Missæ Sacrificium integre, Symbolo Apostolico, Præfatione, & Oratione Dominica nunquam per organa, aut chorum decurratis vel mutilatis celebretur & decanteretur.

§. II. *In Organis, instrumentis musicis, campanisve lasciva vitanda.*

Organis item, ac quibuscunque aliis instrumentis musicis, tam in Ecclesiis, quam in Processionibus ita canatur, ut modulatione sua lascivas, impuras, militares, vel indecoras cantiones non imitentur, & ea, quæ voce canuntur, ne procul absint a mente. Quicunque tintinnabulorum & campanarum, si quæ sint ad harmoniam compositæ, curam gerunt, caveant, ne earum pulsu turpes, inhonestas, vel sæculares cantiones exprimant, sed potius hymnorum & canticorum Ecclesiæ modulationes graves, & quæ pios affectus moveant, imitentur.

§. III. *Conventus profani & Divinum Officium perturbantia in Ecclesiis non tolerantur.*

Conventus autem profani, transactiones, & quæcunque Divinum Officium possunt perturbare, aut decori ac sanctitati domus Dei officere, in templis non tolerantur. Quæ autem

ad cultum Divinum, munditiam, ornatum atque splendorem sacri loci faciunt, eadem ab omnibus diligenter observentur. (*)

TITULUS IV.

De Superstitione.

CAPUT I.

§. I. *Quanam sint vitia Superstitionis nomine comprehensa, auditores & pœnitentes doceantur.*

MUltos ignorantia, multos curiositas, multos malitia, variis jure Divino & humano severissime prohibitis superstitionibus coinquinat; ideo Pastores, Vice-Pastores, Concionatores, Catechistæ & Confessarii, auditores & pœnitentes suos diligenter de vitiis Religionis virtuti oppositis, & communi superstitionis nomine comprehensis doceant; ac generatim & frequenter inculcent, supersticiosum esse certo expectare quemcunque effectum a quacunque re, quem illa nec sua natura, nec ex Divina, vel sanctæ Ecclesiæ Catholicæ institutione, vel approbatione potest producere.

§. II. *Explicent sæpius Pastores, quam graviter sacra Scriptura quæcunque divinationum genera detestetur.*

Speciatim vero doceant, quam graviter Scriptura sacra (s) quodcunque divinationis genus detestetur; inter quas non solum eæ condemnantur, quibus dæmon expresse, sed etiam illæ, quibus tacite duntaxat invocatur; ut in Auguriis, Ominibus, Chiromantia, & Spatulamantia, quibus (Deo juste id permitte) se dæmon frequenter miscet. Cum autem soli Deo propria sit divinatio, & prænotio futurorum contingentium, æque ac secretorum cordis; dum ea homo sine Deo contendit perscrutari, (t) seque Deo superbe componit, merito sibi relictus corrui.

CAPUT

(*) In editione Kinckiana hic sequitur Titulus: De Precibus seu Oratione quadraginta horarum.

(s) Exod. 22. v. 18. Levit. 19. v. 26. & 31. ac Cap. 20. v. 6. & 27. Deut. 18. v. 10. 11. & 12.

(t) Apoc. 2. v. 23.

CAPUT II.

§. I. *Astrologia divinatoria ab Ecclesia Romana damnata est.*

Illicita autem ab Ecclesia Romana prorsus damnata est Astrologia divinatoria, per quam ex astrorum aspectu eventus, qui a libero hominis pendent arbitrio, prædicuntur: vel præteriti, præsentis, aut futuri effectus occulti denuntiantur, vel ex inspectione sideris, conceptionis, seu diei natalis, observatoque puncto nativitatis cujusque hominis, aut manuum, ac faciei lineamentis, ex mortuis apparentibus, ex galea, quam vocant nativitatis, aliisque id genus observationibus, certo de futuris hominis moribus, prospera, seu adversa fortuna, aut exitu pronuntiatur, & ex siderum positione & situ obventura prædicuntur, eaque & propensiones ad bonum, aut malum solis astris subjiciuntur, aut ex fortibus absque Divino instinctu & afflatu occulta, ut certa discernuntur.

§. II. *In interpretandis somniis magna prudentia adhibenda.*

Esti liceat ex iis somniis, quæ verosimile est a Deo, vel bono Angelo proficisci, (u) divinare; quæ fere ex adjunctis, & peculiari lumine Divino manifeste coelitus immitti discernuntur, ex diabolicis tamen somniis, quæ interdum permittit Deus, & prudentum judicio facile dignoscuntur, nullo modo fas est conjecturam facere; omne enim Nobis commercium cum dæmone, uti ruinæ nostræ semper cupidissimo hoste, est inhibendum.

CAPUT III.

§. I. *Populus docendus, quanam sint vanæ observationes.*

Dolendum est, non rudem tantum populum, sed interdum alios quoque vanis observationibus deditos, consideratione alicujus eventus fortuiti, veluti leporis in via decursu, vel corvi crocitate, conicere de prospero vel adverso successu, & inde actiones suas moderari. Quocirca Pastores, Vice-Pastores & Catechistæ sæ-

pius populum admoneant, superstitionem esse artem, per quam quibusdam orationibus, jejniis, aspectu certarum figurarum, aliisque signis, adminiculisque vanis adhibitis, ad effectus intentos, qui nullam cum iis neque ex natura rei, neque ex Dei, vel Ecclesiæ instituto proportionem habent, variæ scientiæ, seu doctrinæ absque labore acquiruntur.

§. II. *Incantationibus & ligaminibus superstitiosis nullatenus utendum.*

Gravissime tales peccare doceantur, (x) qui ad morbos, vel vulnera hominum, aut brutorum animalium curanda, sanguinem sistendum, dolores mitigandos, ad vitam, vel valetudinem conservandam, ad immunitatem a vulneribus procurandam adhibent incantationes, insufflationes, ligamina &c. scripturas, characteres, seu imagines astrologicas, preces ad certum & determinatum verborum numerum restrictas, amuleta, brevia, involucria, signa, Sanctorum etiam permixtis reliquiis, deque collo suspensis, verba sacra, preces descriptas, quæ nativam medendi vim non habere aperte constat, neque Ecclesiæ approbationem, quibus accensenda sunt medicamenta naturalia, si illis aliqua frivola tanquam necessaria adjunguntur.

§. III. *Etiamsi Crucis signum vel alia Sacra simul adhibeantur.*

Neque refert, quod interdum specie pietatis, signum Crucis, sacra verba & preces adhibeantur, quibus alia quoque vanæ & inutilia admisceantur, ignota scilicet nomina, characteres, vel spes tribuitur modo scribendi, vel ligandi, vel alia vanitas, a cultu Divino aliena conjungitur.

CAPUT IV.

§. I. *Ab omnibus diabolicis remediis penitus abstinendum.*

Execranda est quoque eorum malitia, qui herbas certo die, hora, aut ritu decerptas ad certas quasdam injurias, & pericula propulsanda valere constringunt, quique ad expellendos

(u) Daniel. 4. v. 5. ret. 26. q. 7.

(x) C. Non liceat. 26. q. 5. c. Non observetis. c. Quis æstima-

dæmones, obtinendam victoriam, præcavenda vulnera, diabolicis utuntur remediis, & altis, ut vocant, seu magicis, vel incognitis nominibus, verbis, notis, vel signis, quorum fiducia in cædes, suo & aliorum periculo, animarumque æterno damno ruunt.

§. II. *Decernuntur pœnæ in familiis utentes, & publicari mandantur.*

Cumque detestanda ista temeritas latius serpat, quam ut paternis admonitionibus possit impediri, acriori censura coercendam judicamus. Cunctis itaque Civitatis & Diocesis nostræ Pastoribus, Vice-Pastoribus & Concionatoribus mandamus, ut ter, quaterve in anno, ubi populus frequentior est in Ecclesiis, videlicet circa Festum Paschatis, Nativitatis Domini, & Dedicationis Ecclesiæ, aut, quod vocant Nundinarum, publice de suggestu denuncient, Nos omnes & singulos, qui similia diabolica remedia, & alta, seu magica, sive incognita nomina, verba, notas, vel signa gestaverint, vel aliis gestanda dederint, pœnæ excommunicationis, ipso facto incurrendæ subijcere, ejusque absolutionem Nobis reservare. Insuper per præsentis prohibemus Pastoribus, & Vice-Pastoribus supradictis sub pœnis suspensionis ab officio, ne quem in loco sacro sepeliant, qui cum istis altis, seu magicis & incognitis nominibus, verbis, notis, vel signis mortuus deprehendetur.

CAPUT V.

§. I. *Vana observationes circa certos numeros & præscriptas formas Missarum, precum vel candelarum proscribenda.*

Proscribenda pariter est eorum vana observatio, qui certo numero, & forma Missarum, precum, vel candelarum, affirmant certas designatasque animas e purgatorio semper liberari, quive certo pollicentur sine pœnitentia, & Sacramentis ex hac vita non migraturos eos, qui hunc, vel illum ex Sanctis coluerint, vel Crucem die Veneris Sancto portaverint: mo-

neantur tales, recte ipsos id facere in honorem alicujus sacri Mysterii, sed non ea certa persuasione, sic se tantum illud impetraturos, quasi deprecatio Deo grata futura non sit, nisi septem Missæ pro defuncto dicantur, septem accensis candelis, septies datis elemosynis. Non ideo tamen prohibitas censemus triginta Missas a S. GREGORIO Pontifice Maximo (y) pro defunctis institutas, & approbatas, prout & sacra Congregatio Cardinalium sacris Ritibus præpositorum desuper consultata respondit.

§. II. *Sage vero & magi maxime execrandi.*

Omnibus vero dictis magis execrandi sunt magi, atque sage, qui maleficiis corpora, non præstigiis solum, sed vere miris immutant modis, illecebris, & philtis homines ad idololatriam, aliaque scelera pelliciunt, suis incantationibus fascinant, dementant & interimunt incautos, bruta animalia necant, morbos, grandines, auras noxias, sterilitatem, dæmone ad hoc eis opitulante, inducunt, hominibus, pecoribus, & terræ frugibus nocent, in maribus vel sceminis usum Matrimonii impediunt, omniaque nocendi genera, non siderum, aut maleficiorum vi, sed dæmonum pacto & concursu machinantur.

§. III. *Sortilegi & consultores eorum severe a Magistratu puniendi.*

Ut autem detestabile hoc superstitionum & divinationum, vanarumque observationum, & scædaram artium magicarum studium, quantum in Domino possumus, extirpemus: omnes ac singulos ubivis locorum Diocesis nostræ Judices Ecclesiasticos & sæculares serio adhortamur, ut omnes, qui de rebus deperditis, aut præteritis, præsentibus, seu futuris eventibus, aliisque secretis, vel occultis consulti responsa dare cognoscuntur, suis sedibus pellant, vel protinus pellendos curent: eos autem, qui talium hominum auxilium implorant, sollicitant, pecunia redi-

(y) Gregor. Papa IV. Dialog. 55. Sacra Congregatio Rituum apud Gavan. Comment. in Rubric. Missal. Part. I. tit. 5. n. 3. lit. D.

Tomus IX. Concilior. German.

redimunt, vel super rebus amissis, aut occulta veritate cognoscenda, vel solvendis maleficijs consulunt, graviter puniant, ac multo gravius in Veneficos, Sortilegos, Ariolos, Incantatores, Pythones, Divinatores, Præstigiatores, Augures, Chiromanticos, præsertim vero illos, qui sub vulgari Ægyptiorum nomine vagantur, eorumve asseclas, aut qui se tales mentiuntur, & illorum utuntur habitu, animadvertant, eosque deportent & exterminent.

§. IV. *Ad depellenda maleficia, remedia ab Ecclesia usitata adhibenda.*

Omni itaque cura docendus populus, ut ad depellenda maleficia, eorumque vim & noxios effectus impediendos, iis utatur remedijs, quæ adversus nequitias & illusiones dæmonum, Ecclesiastica tradit auctoritas, ususque confirmavit: ea sunt sincera ad Deum conversio, frequens Sacramentorum usus, jejunium, eleemosynæ, Missæ Sacrificium, Fidei Catholicæ sæpe reperita professio, frequens recitatio Symboli Apostolici, invocatio Nominis JESU, Beatissimæ Virginis MARIE, Angeli Custodis, aliorumque Sanctorum, Litaniarum omnium Sanctorum, frequentes preces & Collectæ, signum Crucis, solennes exorcismi, sacra Imagines, Reliquiæ Sanctorum, benedictarum campanarum pulsus, Agni DEI, aqua, cereus, herbarum, sal, & alia ejusmodi usitato Ecclesiæ ritu benedicta.

§. V. *Librorum aut Scriptorum sortilegia, veneficia aut divinationes docentium lectio aut retentio prohibetur.*

Præterea libros, opera, scripta, ac tractatus, qui sortilegia, veneficia, auguria, auspicia, execrabiles incantationes, magicas præstigijs, diabolicas artes, & vanas superstitiones, ac divinationes docent, aut quomodolibet de eis tractant, a quibuscunque Christi fidelibus legi, aut retineri, severissimis sub penis in summorum Pontificum SIXTI V. (z) & URBANI VIII. (a) Constitutionibus, nec

non prohibitorum librorum Indice expressis, aliisque arbitrariis, prohibemus: sed & eosdem quantovis etiam pretio æstimentur, exemplo Ephesiorum, & juxta sacrorum Canonum, Oecumenicorumque Conciliorum præscriptum cremari, mandamus. Unde Pastores, Vice-Pastores & Concionatores frequenter populum commoneant, quam gravi se peccato talium lectione, ac multo magis eorum experimentis obstringat; quod si nihilominus aliquos, spretis nostris mandatis, ejusmodi libros, scripta, seu tractatus usurpare, legere, vel retinere deprehenderit, semel iterumque moniti, nisi dimiserint, noverint se penis gravioribus a Nobis esse puniendos.

CAPUT VI.

Pœnæ in maleficos & sortilegos decernuntur.

CUM vero nonnulli suæ conditionis obliiti, & solennis sponsonis ab iis factæ, cum in Christi gregem, per sacrum regenerationis lavacrum adsciti fuerunt; Satanæ, cui renuntiaverunt, artibus, maleficijs, superstitionibus, ac nefariis inventis operam dare non vereantur, quinimo Magistrum imitantes, qui capitali odio, quo humanum genus prosequitur, hominibus insidiari nunquam cessat, proximum variis modis lædere, animas vero suas æternam perdere non timeant, Nos ut tam exitiosa scelera a Christi fidelibus arceantur, Constitutioni GREGORII Papæ XV. adversus maleficos & sortilegos edita inhærentes, præcipimus, ut constito, quod aliquis pactum cum diabolo fecerit, & a fide apostatando maleficijs sive sortilegijs unam, seu plures personas, ita læserit, ut ex maleficio, vel sortilegio mors secuta sit; etiam primo lapsu Curia seculari tradatur debitis penis puniendus. Qui vero similiter apostatando pactum cum diabolo, ut præferat, fecerit, & maleficio, seu sortilegium commiserit, licet mors secuta non sit, infirmitas tamen, divorcium, impotentia generandi, sive animalibus, frugibus, vel alijs fructibus damnum notabile proven-

rit;

(z) Sixti V. Papæ Constit. 17. titicos. c. De Episc. audient.

(a) Urbani Papæ VIII. Constit. 113. L. Mathematicos.

rit, muro claudi, five perpetuis carceribus mancipari debeat.

TITULUS V.

De Exorcismis.

CAPUT I.

§. I. Exorcismis circumspicere utendum.

Quanquam Exorcismorum usus, ex Divina institutione, Apostolica traditione, & Ecclesiæ consuetudine, pro pellendis ex humano corpore demonibus, ædibus ab illorum infestatione liberandis, variis damnis ac malis, quæ per tempestates, animalia noxia, venena, vel alia quavis ratione inferri solent, avertendis, utilis omnino sit & salutaris; eorundem nihilominus abusus tot ac tanta peperit incommoda, ut cogamur revocare, prout præsentis Decreto omnes & singulas exorcizandi licentias verbo, vel scripto a Nobis, vel autoritate nostra concessas, revocamus.

§. II. A nemine autem sine prævia licentia.

Quare nullus in Civitate & Diocesi nostra Colonienſi, posthac sine nostra, nostrive Vicarii in Spiritualibus Generalis facultate scripto obtenta exorcizare præsumat: Quibuscunque autem deinceps a Nobis, seu prædicto nostro Vicario hujusmodi facultas dabitur, id charitatis officium afflictis sine spe lucri, omni vana gloria, & præsumptione sepositis, impendant.

§. III. Usus eorum solis Decanis Ruralibus conceditur.

Ne vero nostra hæc revocatio indigentibus incommoda sit, Ruralibus nostris Decanis, ut in omnibus districtus sui locis exorcismos adhibere queant, præsentium tenore facultatem concedimus; Pastores vero, & Vice-Pastores hac facultate curescentes hujusmodi exorcizandos ad Decanos, vel alios speciali exorcizandi potestate munitos mittant.

§. IV. Exorcizans ab Ecclesia approbatus cæremoniis tantum utatur.

Licentiam porro exorcismis utendi a Nobis, vel nostro Vicario adeptus, in ejusmodi functione graviter, Tomus IX. Concilior. German.

pie ac religiose se gerat, nec aliis, quam in Rituali Romano, seu Pastoralis Colonienſi præscriptis Exorcismis, precibus & cæremoniis, quantumcunque piæ ac bonæ appareant, utatur.

CAPUT II.

§. I. Exorcista non sit facilis ad exorcizandum.

Non temere credat Exorcista aliquem esse obsessum, intoxicatum, aut locum infestum, aut spiritum vagari, cum cæcitas & credulitas hominum millies in ejusmodi vel errarit, vel malicia fraudem texuerit, uti frequens docet etiamnum experientia. Proinde neque facile adhibeat exorcismos, nisi signis, prudenti Medicorum, suo, aliorumque Doctorum maturo judicio examinatis, perspicue constet esse energumenum, aut maleficio affectum, & multo minus morbos hominum, pecorum languores, aut damna possessionibus illata, statim incantationibus aut maleficiis attribuat, nec homines, dum id ordinarie existimant, in ista finat hædere opinione, minime vero confirmet, ne frustra remedia Ecclesiæ ad alios fines & effectus, quam ordinata sunt, cum periculo contemptus adhibeantur.

§. II. Signa mali spiritus genuina ab aliis prudenter discernenda.

Quamvis evidenter cognosci nequeat, quando homo a demone obsessus, vel maleficio sit intoxicatus, certiora tamen prioris indicia sunt; si lingua peregrina pluribus verbis loquatur, vel loquentes intelligat, si absque prævia doctrina artificiose legat, scribat aut cantet, si distantia & occulta patefaciat, vires supra ætatis seu conditionis suæ naturam exerat, præsertim, si cum remittit afflictio, nesciat, ut antea de occultis respondere; si jussus invocare Nomen Dei, aut orationes pias dicere, id facere nequeat; si horreat & contremiscat, quando, ipso inscio, adhibentur Sanctorum Reliquiæ, Crucis signum, aqua benedicta, & his similia, quæ ex probatis Authoribus Exorcista nosse studebit; proderit etiam occulte & discrete causas inquirere, ob quas dæmon putetur

ingressus, aut afflictus maleficio affectus, quæ licet aliquando sint solius Dei gloria, & afflicto augmentum meriti, ordinarie tamen causæ sunt peccata, videlicet desperatio ex amissione bonorum temporalium, nimia cum dæmonē, vel cum hominibus, qui cum eo commercium habent, familiaritas, parentum vel aliquorum de maleficio suspectorum mala dæmonis imprecatio, in superstitionem propensio, gravis alicujus criminis confessione nondum expiati, aut voluntarie in eadem omissi conscientia, & in tali statu sacræ Eucharistiæ sumptio, nimia ex scrupulis anxietas, per quam, nisi a peritis Confessariis mature occurratur, miseri homines ad varias perturbationes & desperationem adiunguntur.

§. III. *Maleficii veri indicia.*

Signa vero particularia maleficii, præter insolita symptomata & affectus corporis, accedente judicio peritorum Medicorum, ut supra, etiam sunt, si morbus, præcedentibus minis alicujus personæ suspectæ, subito fuerit exortus; si in corpus afflicti ingesta deprehendantur talia, quæ naturæ vi inferri, aut generari in eo non possunt, ut cultri, glomi, capsulæ, crines, aciculæ, ossa, ferramenta, & his similia.

§. IV. *Naturalia quidem remedia non rejicienda, primæ tamen Spiritualibus tribuenda.*

Itaque dum Exorcista compererit aliquem Energumenum, & intoxicatum esse, non rejiciat quidem naturalia remedia; sed licet primas det Spiritualibus, permittat tamen afflicto ex præscripto Medici uti medicinis idoneis ad hypochondriæ malum minuendum, ipse tamen eas non adhibeat, sed Spiritualia, quæ, ut feliciorum successum habeant, conscientia peccatorum maculis purgata in oratione ad Deum, fervente Symboli Apostolici recitatione, nec non jeuniis, aliisque carnis afflictationibus aliquot dies se exerceat, sibi que persuadeat, sine ejusmodi præparationibus, sæpe parum, aut nihil profici, juxta testimonium CHRISTI,

(b) *hoc genus in nullo potest exire, nisi in ora-*

tionē & jejuniō. Dein exorcismos juxta Ritualis Romani, vel Pastoralis Colonienfis formam præscriptos, impressiōnem signi Crucis, Reliquias Sanctorum, Agnum DEI, ut vocant, aquam & cereum benedictum, panes sacros, palmas, saleem & alia ejusmodi usitato ritu Ecclesiæ benedicta adhibeat. Sæpius vero utatur signo Crucis, sed cum reverentia & attentione rei signatæ, id est, passionis & mortis CHRISTI Domini, hoc enim vim magnam habet, & adfert homini fiduciam & defensionem, dæmoni vero terrorem incutit, eumque in fugam agit.

CAPUT III.

§. I. *Exorcista sit humilis, devotus & prudens.*

Quia non suis viribus, aut potentia, sed solius Dei misericordia, & Christi meritis nixus adversus diabolum, Dei, & humani generis infestissimum hostem, omnis Exorcista arma suscipit; hinc ab omni fastu, & vanæ gloriæ ostentatione sit alienus. Caveat adhuc in exorcismis, a ritibus & precibus ab Ecclesia non approbatis; siquidem orationes proprio ingenio compositæ, suspectæ, & non tam efficaces sunt, quam si Ecclesiæ auctoritate & jussu instituuntur. Nullis jocosis, superfluis, & nugatoriis interrogationibus, nec ad vana & curiosa edicenda diabolus adjuvet, sed solum ad ea, quæ ad rem pertinent, & ad augendam Dei gloriam, & solamen afflicti erunt convenientia, videlicet de numero, nomine spirituum obfidentium, tempore & modo, quo ingressi sunt, de causâ ingrediendi, & aliis ejusmodi: & an detineantur in corpore ob magicam aliquam operam, aut signa maleficia, vel si alibi fuerint deposita, ea manifestet, ut inventa comburantur.

§. II. *Maxime autem polleat fide & religione.*

Exorcismos igitur legat & faciat cum imperio & auctoritate, magna fide, humilitate & fervore: & quibus sacris verbis, aut signis advertit dæmonem magis urgeri, iis magis & crebrius instet; si autem viderit obfessum aliqua

(b) Marc. 9. v. 29.

aliqua corporis parte commoveri, pun-
gi, aut tumorem apparere, ibi Crucis
signum & aquam benedictam, quæ
semper in promptu esse debet, adhibe-
re non intermittat, servato tamen sem-
per decore & honestate, & salva rerum
sacrarum reverentia. Proinde si co-
ram Sacra Eucharistia fieri contingat
exorcismos, nullo modo ea corpori
Energumeni, sed Sanctorum Reliquiæ
debita cum reverentia & decore appli-
centur.

§. III. *Curet Exorcista, ne afflictus remediis
illicitis utatur.*

Quia vero dæmon, teste S. Cy-
priano, citius, vel segnius, quem ob-
fidet, deserit, prout vel fides patientis
adjuvat, vel gratia curentis aspirat:
debet Exorcista, quando jam seipsum
rite ad hoc munus disposuit, etiam cu-
rare, ut ex parte afflictæ non sit defe-
ctus. Curet itaque diligentissime, ne
afflictus, speretis Ecclesiæ ministris, ad
Magos, Ariolos, Divinatores, vel
quoscumque Laicos pro levamine re-
currat, aut remediis superstitiosis uta-
tur; unde Pastores, Vice-Pastores,
Concionatores, Catechistæ, & Con-
fessarii sapius & graviter illius peccati
malitiam, & pericula incidendi in
plena servitute ipsius dæmonis,
explicent.

§. IV. *Monitionibus contravenientes Ecclesia-
stica caveant sepultura.*

Si qui autem prædictis monitio-
nibus minus obsequantur, eos Eccle-
siastica volumus carere sepultura; nisi
ante mortem scelus suum fuerint dete-
ctati. Non permittat etiam Exorcista
ab Energumeno seu intoxicato gestari
sacra amuleta, aut brevia, nisi usitata
& examinata, propter periculum su-
perstitionis: verum omni modo con-
etur afflictum inducere ad sinceram pec-
catorum confessionem, cum vero ani-
mi dolore & peccatorum derestatione,
& digna satisfactione, ac Sacrae Eu-
charistiæ frequentiori sumptione, quia
lasciviam & dissolutam vitam sæpe ita
Deus punit, diabolo homines torquen-
di facta potestate.

§. V. *Obsessus vel maleficio affectus monen-
dus, ut magnam in Deo fiduciam
habeat.*

Moneatur quoque obsessus vel
maleficio affectus, ut dum Exorcismi
fiunt, totum se recolligat, mentem ad
Deum convertat, ac summa fide salu-
tem ab eo deposcat cum animi humili-
tate; dumque vehementius torquetur,
non diffidat de Dei auxilio, quod tem-
pore opportuno experietur.

§. VI. *Si liberetur, id Deo ascribendum: si
liberatio diutius differatur, Exorcista
afflictum consoletur.*

Quod si Exorcismi felicem suc-
cessum habeant, & Energumenus aut
maleficio affectus liberatus fuerit, Ex-
orcista Deo, a quo profectum est, &
Christi passioni, & meritis totum ad-
scribat, sibi nihil arroget. Moneat pa-
riter liberatum, ut medullitus gratias
Deo agat, & studiose peccata vitet, ne
dæmoni occasionem præbeat reverten-
di, *fiantque novissima pejora prioribus.* (c)
Si vero effectus diutius differatur; non
ideo commoveatur animo, sed conso-
letur afflictos, doceatque dæmonem
tunc gloriosissime vinci, quando cala-
mitates quascunque (Deo permitten-
te) nos affligentes, exemplo Jobi &
Sanctorum, cum patientia & obedi-
entia suscipimus de manu Domini, ad
medelam peccatorum & virtutum ex-
ercitationem. Adjiciat plures esse cau-
sas, quæ Exorcismorum efficaciam re-
morentur, ut incredulitatem, aut alia
peccata hominum; vel ut diutius a
diabolo ad Divinam opem imploran-
dam vexati, majori fide & animi fer-
vore properent, tum ut sanctæ patien-
tiæ merito, hanc a Deo immisam affli-
ctionem perferant, complurium etiam
Sanctorum exemplo, quos Deus e dæ-
mone divexari sæpe permisit.

§. VII. *Utilia remedia suggeruntur adversus
infestationes.*

Si afflictus non sit sacro Chrisma-
te confirmatus, curet eum confirma-
ri, hortetur quoque eum ad Sacrifi-
cium Missæ pie quotidie audiendum,
ad frequentes orationes, & præsertim
Fidei professionem, & Symbolum Apo-

Ddd ddd 3

stolo-

stolorum mane & interdiu sapius recitandum, propter defectum enim fidei vel fiduciæ in Deum, frequenter diabolus homines torquere permittitur; jejundet interdum, aliaque poenitentiae & pietatis opera exerceat. Moneat etiam, ut sapius seipsum aspergat aqua lustrali; quippe quæ contra demonis machinationes ex institutione Ecclesiæ benedicitur; gesserit quoque ex collo Sanctorum Reliquias, sapius Nomen JESU reverenter invocet, imploretque Sanctorum & S. Angeli Custodis opem, maxime B. MARIE Virginis, quæ caput hujus serpentis contrivit; admoneatur etiam afflictus, ut graves animi tentationes Exorcistæ patefaciat.

§. VIII. *Ad liberandas a demonis præstigiis domos poenitentiae, orationes, cæteræque virtutes incolarum conducant.*

Similiter eos, in quorum domibus demonis præstigiæ advertuntur, serio Exorcista hortetur, ut poenitentiam & peccatorum confessionem instituant, orationibus apud Deum insistant, in eumque finem etiam alios pios precum socios & adjuutores adsciscant, exclusis tamen ignotis, iisve, quos curiositas eo adduxit. Licet enim Exorcismi vim a Deo impetrandi habeant per preces seu suffragia Ecclesiæ, experientia tamen constat, efficaciam eorum, cum effectus non semper necessario consequatur, plurimum ipsius ministri, aliorumque præsentium pietate juvari.

CAPUT IV.

§. I. *Locus Exorcismorum.*

Tamet si expediat Exorcismos Energumeno, vel maleficio obnoxio in Ecclesia aut loco sacro adhiberi, idque si fieri possit, peracto Sacrificio Divino: si tamen necessitas aut honesta causa requirat, adjuratio fiat in privatis ædibus, in præsentia talium, qui afflicto precibus opitulentur.

§. II. *Mulier sola ne exorcizetur.*

Mulieri nunquam solus adhibeat Exorcismos, sed præsentibus aliquot honestis mulieribus, quæ Energumenam, dum exagitur a dæmone, teneant, & (si fieri possit) sint illius consanguineæ aut affines.

TITULUS VI.

De Processionibus & Representationibus. ()*

TITULUS VII.

De Festis.

CAPUT I.

§. I. *Dies Dominici & Festi pie transigendi.*

UT dies Festi, qui Deo colendo & pietati fovendæ, augendæve instituti sunt, religiose & accurate transigantur, (d) Pastores, Vice-Pastores & verbi Dei Præcones singulis diebus Dominicis sub concione, vel summo Sacro, dies Festos in proximam hebdomadam incidentes populo denuncient, & sæpe auditores suos, quod Festis diebus æque ac Dominicis ad Sacrosanctum Missæ Officium audiendum, atque abstinendum a servilibus operibus, sub peccato mortali omnes Christi fideles obligentur, moneant.

§. II. *Pœnæ in Festorum violatores constitutæ populo inculcentur.*

Quin & pœnas a PIO V. (e) Pontifice in Festorum violatores constitutas populo graviter inculcent: "Cum" dierum, *inquit*, Festorum observatio "ad DEI cultum maxime pertinet," &c.

§. III. *Pastores populum doceant, quomodo dies Dominici & Festi traducendi.*

Non honorantur autem, sed violantur potius dies Dominici, & Festi perniciofa consuetudine, qua plerique ab opere quidem servili & illicito abstineant, majorem tamen illorum partem deambulationibus, lusus, choreis,

(*) Vide hæc omnia pag. 729. b. Tom.

De delectu ciborum, jejuniis & diebus festis. Conc. Trid. Sess. 25. de Reform. sub fin. Conc. Prov. Colon. sub Hermanno V. Part. 9. cap. 9. & 10. pag. 391. Statuta Adolphi III. Archiep. Colon. pag. 461.

(e) Pii V. Papæ Constit. 5. §. 7.

(d) Conc. Trid. Sess. 25. de Reform. sub fin. Conc. Prov. Colon. sub Hermanno V. Part. 9. cap. 9. & 10. pag. 391. Statuta Adolphi III. Archiep. Colon. pag. 461.

reis, spectaculis; comessationibus, comportionibus, vel rationibus conficiendis, aliisque rebus profanis, seu mundi vanitatibus impendunt. Ea ut aboleatur, Pastores, Vice-Pastores, Concionatores & Catechistæ, qua ratione dies Dominici, ac Festi sint pie traducendi, auditores suos doceant: (f) videlicet iisdem diebus ab omni opere servili ita esse cessandum, ut universus populus orationibus vacet, Ecclesias frequentet, Sanctissimo Missæ Sacrificio, sacris Concionibus, cæterisque Divinis Officiis & Christianæ pietatis exercitiis diligenter intersit, quibus, tam quæ fidem attingunt, quam quæ ad vitam, & mores recte formandos, & fugienda vitia pertinent, addiscat.

§. IV. *Diebus Dominicis & Festis tabernæ sub Divinis nulli pateant.*

Quæ ut exactius ab omnibus servantur, & comessationum, atque portationum occasio præciudicetur, sub arbitraria pena omnibus Oenopolis & Cauponibus, ne Dominicis aut Festis diebus eo tempore, quo Divinum Officium peragitur, aut verbum Dei prædicatur, ullis, nisi viatoribus, cenopolia aut tabernæ aperiant, severe prohibemus; (g) omnes etiam & singulos, qui dicto tempore, cauponas & cenopolia potandi, aut aleis, chartisve ludendi causa frequentaverint, graviter puniri volumus.

CAPUT II.

§. I. *Diebus Dominicis & Festis mercatus non instituantur, nec operibus servilibus vacetur.*

UT improba hominum cupiditati modum ponamus, (h) serio prohibemus, ne in posterum ullis in locis jurisdictioni nostræ subiectis diebus Dominicis, aut aliis fori festivitatis mercatus (nisi forte rerum ad quotidianum victum necessariorum) instituantur, aut ne subditi nostri ulli operi servili, quod sine damno notabili

aut periculo differri potest, manum admoveant. Caveant igitur pannos, laneos vel lineos lavare, dealbare, tingere; oves, porcos, vel boves mactare; frumenta aut ligna equis & curribus vehere, merces etiam suas dictis Dominicis, vel Festis ante fores; vel in fenestris domorum, vel alibi venales exponere.

§. II. *Si necessitas opera servilia diebus Dominicis, vel Festis exercendi urget, licentia petenda.*

Parochi, ac Divini verbi Præcones, opifices, agricolas, vinatores, & quosunque alios operarios diligenter moneant, & sæpius inculcent per annum, ne deinceps juxta perversam quorundam consuetudinem Dominicis vel Festis diebus, etiam verno vel autumnali tempore, agros colere, seminare, aut messis, seu vindemiæ tempore fruges, & uvas colligere audeant; si quæ urgens, vel evidens exercendi alicujus operis, ac laboris necessitas incidat, facultatem ad id, a Nobis, Notrove in Spiritualibus Vicario Generali, vel Archi-Diacono loci, aut Decano Rurali impetrent. In gravi moræ periculo, sementis, messis & vindemiæ potissimum tempore (extra tamen tempus Divini Officii) Pastoribus, seu Vice-Pastoribus, ut Parochianis suis licentiam laborandi possint indulgere, permittimus.

CAPUT III.

Publicatur URBANI VIII. de diebus Festis Constitutio.

INsuper ut omnibus constet, quosnam dies Festos universus orbis Christianus solenniter ex Constitutione URBANI VIII. Pontif. (i) pro observatione Festorum edita, & universam Ecclesiam obligante, celebrare teneatur, eandem inferendam duximus.

URBA-

(f) Conc. Prov. Colon. Part. 9. cap. 9. & 10. pag. 397. Statuta Adolphi III. Archiepisc. Colon. pag. 514. §. Cum inter omnia. & seq.

(g) Statuta Adolphi III. Archiepisc. Colon. pag. 488. §. An pateant cenopolia.

(h) C. 1. de Fer. Conc. Prov. Colon. sub Nicolao Cusano Cardinale pag. 248. §. Item ut singuli.

(i) Urbani VIII. Papæ Constit. 164.

URBANUS EPISCOPUS, SERVUS
SERVORUM DEI, AD PERPETUAM
REI MEMORIAM.

§. I. *Exordium.*

Univerſa per orbem novit Eccleſia Romani Pontificis ſupremæ incumbere ſolicitudini Dominicum gregem ad æternam dirigere ſalutem, & Apoſtolica ſic explicare præcepta, ut fideles in viam mandatorum currere, & ad beatitudinem valeant feliciter pervenire.

§. II. *Cauſa hujus Conſtitutionis.*

Plurimorum ſiquidem Venerabilium Fratrum noſtrorum Archiepiſcoporum, &c.

§. III. *Dies Feſti ex præcepto obſervandi recensentur.*

Nos itaque volentes, &c. Apoſtolica auctoritate decernimus, & declaramus, inſcriptos duntaxat dies pro Feſtis ex præcepto colendos eſſe, quos nempe, vel ab initio veneranda ſacravit antiquitas, vel univerſalis Eccleſiæ probavit conſuetudo, vel omnium gentium unanimis pietas veneratur.

Dominicos ſcilicet dies totius anni, Nativitatis D. N. JESU CHRISTI, Circumciſionis, Epiphanie, Reſurrectionis cum duobus ſequentibus Feriis, Aſcenſionis, Pentecoſtes cum duobus pariter ſequentibus Feriis, Sanctiſſimæ Trinitatis, ſolemnitatis Corporis Chriſti, & Inventionis & Crucis, nec non Feſtivitatum Purificationis, Annuntiationis, Aſſumptionis, & Nativitatis Deiparæ Virginis, Dedicatio- nis S. Michaelis Archangeli, Nativitatis S. Joannis Baptiſtæ, SS. Petri & Pauli, S. Andreæ, S. Jacobi, S. Joannis, S. Thome, S. Philippi & Jacobi, S. Bartholomæi, S. Matthæi, S. Simonis & Judæ, & S. Matthei, Chriſti Domini Apoſolorum. Item S. Stephani Protomartyris, S. Innocentii, S. Laurentii Martyris, S. Silveſtri Papæ & Confeſſoris, S. Joſephi etiam Confeſſoris, & S. Annæ, Deiparæ reſpective Sponſi, ac Genitricis, ſolemnitatis omnium Sanctorum, atque unius

ex principalioribus Patronis in quocunque Regno, ſive Provincia, & alterius pariter principalioris in quacunque Civitate, Oppido, vel Pago, ubi hos Patronos haberi & venerari contigerit.

§. IV. *Ad reliquorum Feſtorum obſervationem Chriſti fideles minime tenentur.*

Ad reliquorum vero dierum obſervantiam, quos hætenus ſive in univerſa Eccleſia, ſive in quavis Natione, aut Regno, Provincia, Diceceſi, aut loco quomodocunque, ſive ex præcepto, ſive ex conſuetudine, ſive ex devotione Chriſti fideles tanquam feſtivos celebrarunt, nequaquam ex præcepto ipſos teneri dicta auctoritate tenore præſentium perpetuo etiam decernimus, & declaramus. &c.

CAPUT IV.

§. I. *Conſtitutio URBANI ab omnibus ſervari præcipitur.*

Quocirca ſicut omnibus Civitatis & Diceceſis noſtræ Colonienſis Prælatiſ, Parochiſ, Concionatoribus & Catechiſtis diſtrictè præcipimus, ut Conſtitutionem præſcriptam, pro Feſtorum obſervatione, ſibi commiſſis ſubditis vel auditoribus publicent: ita pariter optamus, ut eosdem laxato jam rigore præcepti, ſaniculis charitatis ad eorum quoque Feſtorum obſervationem ſpontaneam, quæ ſup præſcripta Conſtitutione non comprehenduntur, devinciant Regium Preſtem imitando dicentem: *Voluntarie ſacrificabo tibi &c.* (k)

§. II. *In tota Provincia Colonienſi Feſtum immaculæ Conceptionis, in Civitate vero Feſtum Ss. Uſule & Sociarum ejus ſolemniter in foro obſervari mandatur, Oppidis vero & Pagis, ut Patronum eligant, conceditur.*

Nobis vero cum prædicta Conſtitutione Apoſtolica duos Feſtos dies principaliorum Patronorum, alterum per totam Provinciam noſtram Colonienſem, Civitatibus autem, Oppidis & Pagis alterum indicere concedatur.

Hinc

(*) Ex ſimili Clementiſſima Ordinatione MAXIMILIANI FRIDERICI, hodierni noſtri Archi-Epiſcopi, abrogata ſunt a. 1770. Feſta ſeptemdecim.

(k) Pſalm. 53. V. 6.

Hinc Festum Conceptionis Immaculatæ Deiparæ Virginis Mariæ ac Domine nostræ volumus per totam Diœcesin nostram Coloniensem sub præcepto solenniter in foro etiam observari, cum qua concepta vel genita, Metropolis nostra Colonia exstructa creditur; ()* cuius etiam patrocinium tempore pacis, serpente contagio, vel annonæ caritate; bellorum vero motibus, in communi Germaniæ tot annis vastitate vel excidio, tutelam & præsentem opem desperatis in rebus sæpe sentimus, præsertim *cum gloriosissimæ mem. FERDINANDUS II. Imperator hunc ipsum Conceptionis Immaculatæ Virginis Festum diem;* ad æternam tot victoriarum memoriam ejusdem DEI Genitricis intercessione obtenturam (quas ei in acceptis ferebat) augustius Imperio toto celebrari desideraverit, prout ad hoc usque tempus etiam diligenter fuit observatum. Pro altero vero in Civitate nostra Coloniensi duntaxat, **Festum Ss. Ursulæ & Sociarum Martyrum**, mandamus eadem lege, & cultu præcipuo celebrari, ut cumulatis tot millium Virginum & Martyrum, quæ magnam Civitatis partem sanguine suo consecrarunt, deprecationibus, desideratam huic Urbi celestem defensionem, & gratiæ abundantiam DEUS Optimus Maximus elargiri dignetur. Singulis insuper Diœcesis nostræ Oppidis & Pagis, ut unum aliquem in præinserta Constitutione Apostolica non nominatum Patronum præcipuum eligere, eumque auctoritate nostra accedente ad ejusdem Constitutionis præscriptum, anniversario Festo honorare possint, indulgemus.

§. III. *Pastores advigilent, ut Festa accurate observentur, & publica Processio FERIA quarta Pentecostes non instituat.*

Cum accurata Festorum observatio curæ Pastoralis unice commendata esse debeat, idcirco severe mandamus, ut omnes & singuli Pastores diligenter advigilent, quatenus præscriptis nostris Decretis conformiter Festa omnia per Civitatem & Diœcesin nostram Coloniensem; tum etiam particularia Patronorum in singulis Oppidis & Pagis quam exactissime observentur; *stutus Tomus IX. Concilior. German.*

(*) Gelenius de magnitudine Colonie Lib. I. pag. 2.

deantque omnibus modis extirpare illam, quæ multis in locis invaluit, corruptelam violandi Feriam tertiam Pentecostes ea de causa, quod FERIA quarta Pentecostes soleant feriari, vel ob Processionem aliquam publicam, vel quod sacræ Reliquiæ propriæ, vel alienæ Ecclesiæ populo ostendantur, & vicinorum Pagorum frequenti concursu visitentur: quem abusum, cum ubivis, omnemque peccandi occasionem omnino tollere desideremus, severe prohibemus omnibus, & singulis Ecclesiarum & locorum Superioribus, ne publicam aliquam supplicationem instituant, neve sacras Reliquias deinceps quarra, sed FERIA tertia Pentecostes populo venerandas exponant, atque exhibeant: injungimusque Pastoribus, & Vice-Pastoribus vicinorum locorum, ut auditores suos moneant, ab omni prorsus opere servili & illicito FERIA tertia Pentecostes abstinendum, ac pietati vacandum esse.

CAPUT V.

Puellas frequentare tabernas prohibetur.

CUM multis dissolutionibus & malis indies causam præbeat abusus ille, quo etiam puellæ, non habita ratione verecundiæ sexui isti propriæ & necessariæ, invitæ a juvenibus diebus, præsertim Dominicis & festivis ruri tabernas passim frequentare, & choreas ducere audent: Ideo Pastores, Vice-Pastores, & Concionatores in concionibus suis strenue adversus istam corruptelam invehantur, parentesque, qui suas filias cum tanto æstimationis, ac pudoris periculo, & non modico offendiculo audere talia patiuntur, socordiæ ac negligentia suæ reprehendant.

TITULUS VIII.

De Reliquiis & Veneratione Sanctorum.

CAPUT I.

§. I. *Sicubi nova vel contigerint vel contigisse putabuntur miracula, ea minime sunt evulganda, sed significanda Episcopo.*

FIDE digno multorum testimonio ad Nos delatum est, quosdam Ecce ecc Eccle-

Ecclesiarum Rectores, dum quæstum specie pietatis velant, valde proclives esse, ut credant, vulgentque publice miraculosas hominibus curationes præstitas esse, quæ vel leviter confictæ sunt, vel cum naturæ viribus accidunt, adjunctis quibusdam minus veris ita exaggerantur, ut appareant prodigiosa: nec alio quidem fine spargant in vulgus, quam ut populi venentur concursum, & largis oblationibus locupletentur, de vero DEI cultu & honore promovendo parum alias solliciti. Huic malo gliscenti, ut quamprimum occurratur: & quod Oecumenica Synodus Tridentina (1) vehementer urget, quæstus omnis tollatur, omnibus & singulis Civitatis & Diocesis nostræ Colonienfis Abbatibus, Præpositis, Archi-Diaconis, Decanis, tam Collegialibus, quam Ruralibus, Pastoribus, Vice-Pastoribus, quarumcunque Ecclesiarum Rectoribus & Superioribus, aliisque curam animarum habentibus, serio mandamus, ut vigili cura circumspiciant, sicubi nova miracula ad alicujus Sancti, vel Sanctæ invocationem contigerint, vel contigisse putantur, ne ea promulgentur, nec populus earum publica narratione ad fidem iis certam tribuendam concitetur, antequam locorum istorum Prælati, Rectores, Parochi, vel Ecclesiarum Superiores eadem Nobis, nostrove in Spiritualibus Vicario Generali, adjuncta plenissima totius rei gestæ narratione significarint, ut matura deliberatione præmissa, diligentique veritatis examine instituto, juxta formam a Concilio Tridentino præscriptam, vel tanquam vera miracula, beneficiave cœlitus collata comprobentur, vel ut supposititia rejiciantur.

§. II. *Nondum canonizatorum, vel beatificationum Imagines cum radiis, splendoribus, seu laureolis minime proponantur, neque ad eorum sepulchra tabellæ appendantur, vel quæcunque lumina accendantur.*

Severe etiam prohibemus, ne hominum nondum a Sede Apostolica Canonizationis aut Beatificationis honore

insignitorum imagines cum radiis, splendoribus, aut laureolis ullus ullibi depingat, seu proponat, aut tabellas votivas ex cera, argentove, seu alia materia, aut etiam lychnos ad eorum sepulchras apponat, quia hæc ex Ecclesiæ Catholicæ consuetudine solent esse signa propria Sanctorum Canonizatorum, vel saltem Beatificationum, quos tota veneratur Ecclesiæ: extat hac super re Constitutio URBANI VIII. Pontificis, tenoris sequentis:

URBANUS PAPA VIII.

AD PERPETUAM REI MEMORIAM.

§. I. *Proemium.*

" Cœlestis Hierusalem cives, (m)
" quorum gloriosis natalitiis sancta lætatur Mater Ecclesiæ, &c.

CAPUT II.

§. I. *Novæ Reliquiæ non sunt exponendæ priusquam approbentur.*

ET si antiquæ Sanctorum Reliquiæ haberi debeant in honore, in quo hactenus habitæ fuerunt, novæ tamen aut ignotæ nunquam recipiendæ, minusque venerationi sunt exponendæ, nisi prius ab Episcopo Diocesano, juxta Sacrosancti Concilii Tridentini ordinationem (n) recognitæ fuerint & approbatæ. Quare deinceps nemo, quantumvis exemptus, ullas novas Reliquias a quocunque oblatas, vel undecunque acceptas, publicæ venerationi sine expressâ nostrâ, aut nostri in spiritualibus Vicarii licentia in scriptis obtenta, sub gravi pœna arbitraria exponere præsumat.

§. II. *Reliquiæ recentiores non approbatæ removeri debent a publicâ veneratione, antiquissimas approbatas fuisse præsumitur.*

Inter novas Reliquias annumerandæ seu centendæ sunt, quæ antiquorum quidem Sanctorum esse dicuntur, sed jam recens ad eas Ecclesias, in quibus modo sunt, delatæ fuerunt: ideo si quæ non approbatæ alicubi exponuntur, volumus, ut removeantur, donec a Nobis, vel nostro Vicario sint recognitæ & probatæ, exceptis iis, quas

(1) Conc. Trid. Sess. 25. de invoc. vener. & Reliq. Sanctorum.

(m) Urbani Papæ VIII. Constit. 134.

(n) Conc. Trid. loco cit.

quas ab immemorabili tempore, semperque pro veris habitas fuisse, certum habetur & exploratum.

§. III. *Sanctorum Reliquiæ debite honorantur.*

Cum non solum in propria persona sua Sancti sint honorandi, sed & in cadaveribus, aliisque Reliquiis suis (etenim sacra illa membra atque ossa viva quondam fuerunt Spiritus Sancti domicilia, ac templa, ad quorum vel attractum, vel intuitum, maxima Deus edidit prodigia, quod utriusque testamenti exemplis perspicuum est) plane convenit, ut a Christi fidelibus honeste condantur, pretiosisque loculis religiose conserventur.

§. IV. *De Sanctarum Reliquiarum usu & veneratione instruendus populus.*

Unde quo magis carpunt hæretici usum & venerationem sanctarum Reliquiarum, eo Concionatores, Parochi, cæterique, quotquot docendi munus, curamque sustinent, diligentius instruant populum de Sanctorum intercessione, utilique proinde & salutari invocatione, atque religiosa sacrarum Reliquiarum veneratione.

§. V. *Sanctorum Reliquiæ reverenter visitande.*

Eandem ob causam Christi fideles, & ut fidem suam profiteantur, seque inter mundi hujus illecebras & persecutiones, ad similem vitæ exitum accendant, sacra loca, ubi Sanctorum corpora quiescunt, & Reliquiæ servantur, Majorum suorum exemplo, pie & frequenter visitent, iisque, quem merentur honorem, impendant, ut in omnibus adversis, eorum patrocinium tanto citius & efficacius obtinere mereantur, quanto eis per hujusmodi officia & obsequia affectu, & spiritu facti fuerint viciniore.

§. VI. *Reliquiæ Sanctorum quomodo sint custodiende.*

Prælati, Rectores, alique Superiores Ecclesiarum diligentissime curent, (o) ut *Sanctorum Martyrum, &*

aliorum cum Christo viventium sancta Corpora, quæ viva fuerunt membra Christi, & templum Spiritus Sancti, ab ipso ad æternam vitam suscitanda ac glorificanda, eorumque partes quantumvis minutæ & reliquæ, ab omnibus fordibus ac pulveribus mundæ, in vasis honestis seu capsulis occlusis, ne facile exinde extrahi possint, atque juxta Pontificalis præscriptum rite prius benedictis, locoque decenti (non tamen in Tabernaculo Sanctissimi Sacramenti, aut in armario sacrarum, vestium) pie, diligentique asserventur; ne item sacrilegiis aut furto expositæ sint, neve vilescant, ac sine cultu jaceant, vel nimis irreligiose ab aliquibus tractentur.

§. VII. *Reliquiæ approbatæ in tabella designentur.*

Ut majori in veneratione habeantur apud fidem populum Sanctorum Reliquiæ, volumus, ut singularum inscriptiones, quatenus opus, renoventur, & catalogus earundem, si eæ nominatæ sint, si non nominatæ, intra duorum mensium spatium, post notitiam hujus Decreti habitam, ab Ecclesiarum cunctarum Rectoribus & Superioribus conficiatur, atque Vicario nostro in Spiritualibus mittatur: item ut appendantur tabellæ in singulis Ecclesiis, seu Capellis, quibus declaretur, quæ & quales in unâqueque Reliquiæ, judicio Ordinarii approbatæ, conserventur. Quod si plane certum sit esse alicujus Sancti Reliquias, licet incertum ejusnam in particulari, quia scedula amissa est, possunt eæ tam publice, quam privatim coli, sicut ex praxi Ecclesiarum constat.

§. VIII. *Sacræ Reliquiæ non facile, & nulla ratione extra capsam, aut a Laicis ostendi debent.*

Ad majorem vero Dei, & Sanctorum cum eo regnantium gloriam, nec non populi pietatem accendendam, (p) in Festis Sanctorum, quorum Reliquiæ elevatæ, ornatæ, & decenter inclusæ sunt, easdem in altaribus, aut aliis aptis locis exponi decet; quin eas populo passim ostendi, ac temere omnium oculis

(o) Conc. Trid. d. loco.

(p) C. Cum ex eo. De Reliq. & vener. Sanct.

lis exponi nequaquam convenit, & quidem extra capſas ſeu loculos nulla ratione, ad ſervandam majorem earum reverentiam: Si tamen vel ob magnam certorum Feſtorum celebritatem, vel ad populi devotionem excitandam, vel ad DEUM per interceſſionem Sanctorum ſuorum, & repræſentationem ſacrorum pignorum placandum, Reliquiæ hujusmodi oſtendendæ videantur, jubemus, ut non a Laicis, etiam cujuſvis dignitatis perſonis, ſed a Clericis ſacris Ordinibus initiatis, ſuperpelliceo, ac deſuper pluviali, vel minimum ſtola, pro Reliquiarum Eccleſiæ ratione indutis, accenſo lumine, ac ſine quæſtu omni exhibeantur; & in oſtendendis iis ea gravitas, reverentia & pietas adhibeatur, quæ Fidem & Religionem Chriſtianam præ ſe ferat, & intuentium animos ad omnem pietatem & reverentiam commoveat.

§. IX. *Quales Reliquiæ oſtendendæ ſint.*

Oſtendantur vero Reliquiæ ſincere, non falſæ pro veris, non incertæ & dubiæ pro certis ac probatis, non incognitæ pro cognitis, ſine ſuperſtitione omni, fraude & abuſu. Quocirca opus erit ſingulis ſchedam aliquam, e qua dignoſcantur, apponere.

§. X. *Quomodo publice in Eccleſia expoſitæ, ſint cuſtodendæ, & cuſus miniſterio attingendæ.*

Quamdiu inſignes Reliquiæ ſacræ in altari, vel alio loco erunt palam expoſitæ, tamdiu candelæ duæ accenſæ ibidem colluceant, atque ad earundem cuſtodiam, ſemper adſit Clericus majoribus initiatus Ordinibus, a vitæ morumque probitate commendatus, & ſuperpelliceo indutus: hujus enim, non laici hominis opera, miniſteriove adhibito, licet Chriſti fidelibus pietatis & religionis cauſa, Roſaria ſeu numiſmata ad ſacrarum Reliquiarum capſulas, loculoſve admovere & attingere, vel aliquas ſacras Reliquias fidelibus oſculandas porrigere.

§. XI. *Sacræ Reliquiæ vendi non poſſunt, nec ad turpem quæſtum exponi.*

Improbæ hominum cupiditati modum ponere volentes, (q) ſeveriſſime prohibemus, ne ullæ ſacræ Reliquiæ venales ſeu ad turpem quæſtum exponantur, neve Reliquiæ ſacræ extra Eccleſiam, in qua aſervantur, ad infirmos etiam cujuſcunque conſuetudinis colore, niſi per Clericos ſacris Ordinibus initiatos, idque cum debita reverentia, devotione ac pietate exportentur.

CAPUT III.

Thecæ ſacrarum Reliquiarum à quibus in Proceſſione geſtandæ.

Cum publice in Templo aut Proceſſione ſacrarum Reliquiarum thecæ geſtare ad Clericos duntaxat ſpectare videatur, (r) nunquam Reliquiæ, vel Imagines in Proceſſionibus a puerilis, ſed Clericis Eccleſiaſticis paramentis indutis (quod ejus fieri poteſt) vel ſaltem a piis, honeſtiſque viris ſæcularibus palliatis, aperto capite, & hinc inde comitantibus rædiſeris deferantur.

CAPUT IV.

Sanctorum Reliquiæ quomodo donandæ.

IN elargiendis ſacris Reliquiis hæc ratio deinceps obſerveretur, ut nemini donentur unquam, niſi ut loco ſacro reponantur, majori, aut non minori ſaltem pietatis ſtudio ibidem ſervandæ, quam ubi ante ſervabantur; notabiles vero Reliquiarum partes, ne ullus Prælatuſ, Rector Eccleſiæ, aliuſve Superior extrahere, multo minus ex Civitate & Dioceſi noſtra Colonienſi exportare, (s) aut dare transferendas alicui, ſine ſpeciali Summi Pontificis, ſeu noſtra licentiâ ſcripto obtenta præſumat, graviſſime interdiciamus; quibus id permittentibus, donationis hujus authenticæ ſimul dentur literæ, & in Indice Reliquiarum Eccleſiæ eadem donatio cum ſufficienti Reliquiarum donatarum, nec non perſonæ dantis & accipientis, ac temporis expreſſione annotetur.

TITU.

(q) Cit. c. Cum ex eo. & dict. Seſſ. 25. Part. 3. cap. 31. pag. 363.

(r) Conc. Prov. Colon. ſub Hermanno V. C. Corpora. de Conſecr. diſt. 1.

TITULUS IX.

De Imaginibus sacris.

CAPUT I.

Quæ Concilium Tridentinum & URBANUS VIII. de sacris Imaginibus sanxerunt, feruentur.

UT omnis secularis vanitas, levitas, vel inusitata quælibet forma Imaginum, aut statuarum ornatus ab Ecclesiæ moribus alienus deinceps caveatur, volumus omnino, ut exacte ea, quæ tum Sacrosancta & Oecumenica Synodus Tridentina (†) de sacris Imaginibus, tum URBANUS PP. VIII. sequenti hac super re edita Constitutione sancivit, observentur.

URBANUS PAPA VIII.

AD FUTURAM REI MEMOTIAM.

§. I. Proæmium.

" SACROSANCTA Tridentina Synodus (u) optime agnoscens, &c.

CAPUT II.

Sacrae Imagines prototypi sui causa sunt in honore, proinde eadem sint conservandæ.

IMprimis ergo statuae, & imagines Christi Salvatoris, Deiparae Virginis, & aliorum, cum non in Templis solum, sed in privatis etiam Oratoriis, Sacellis, aris, & agris haberi & retineri possint, eisque congruus honor, & veneratio habeatur, (x) eo quod effigies sint suorum prototyporum, quibus is honor recte deferretur; Idcirco in exponendis Sanctorum imaginibus studiose diligenterque curandum est, ut prototypis, quæ per illas repræsentantur, juxta veritatem historiarum, ac receptam & probatam Catholicæ & Apostolicæ Ecclesiæ traditionem, quoad ejus fieri poterit, simillimæ sint; nec pro privati cujusque genio, ad exhibendam viventis alicujus hominis effigiem genuina earum forma adulteretur. Insuper mandamus universis ac singulis Civitatis & Diocesis nostræ

Coloniensis Abbatibus, Præpositis, Archidiaconis, Decanis tam Collegialibus, quam Ruralibus, Pastoribus, Vice-Pastoribus, Rectoribus, aliisque Ecclesiarum Superioribus, ut pro concionibus quandoque fideles moneant, & commoneri faciant, cum in imaginibus veluti signis prototypa, Sanctosque, quos repræsentant, veneremur, nullam imaginibus inesse divinitatem, vel fiduciam in illis esse collocandam, neque propter ipsarum materiam, formam, elegantiam, externum ornatum, vel quid simile, sed propter eos, quos nobis repræsentant, iis honorem adhiberi.

CAPUT III.

§. I. *Ornatus Imaginum solum devotionem provocet.*

IN ornandis porro Sanctorum statuis, (y) tam eis, quæ in templis proponuntur, quam quæ in Processionibus seu Supplicationibus deportantur, ab omni procacis venustate, obsecena, pudendave nuditate, æque ac deformitate, & vano quovis ornatu abstinetur; aptissimoque ad exprimendum cujuslibet Sancti vel Sanctæ prototypum colore, scita artificis & pictoris manu ita delineentur, ut nil nisi quod pietatem, & sanctum earum prototypa imitandi desiderium provocet, in illis usquam appareat.

§. II. *Unius Sancti, ejusdemque Mysterii in Ecclesia una tantum sit Imago.*

Præterea nec Beatissimæ Virginis, nec cujusvis alterius Sancti, vel Sanctæ plures, (z) quam una cujusque mysterii imagines, seu statuae ad excitandam Sancti beatam, & utilem memoriam in uno eodemque altari, vel sæpius in una eademque Ecclesia collocentur, vel in Processionibus, aut Supplicationibus, nisi diversarum Sodalitatum fuerint, circumferantur.

Eee eee 3.

CAPUT

(†) Conc. Trid. cit. Sess. 25.

(u) Urbani VIII. Constit. 163.

(x) C. Perlarum. c. Venerabiles. de Consecr. dist. 3. Conc. Trid. loco cit.

(y) Statuta Adolphi III. Archiep. Colon. §. An unius Sancti. pag. 481.

(z) Concil. Provinc. Colon. sub Adolpho III. cap. Nihil prope tam sanctum. pag. 452. Statuta ejusdem Adolphi cit. §. An unius Sancti. & §. An eurenteriam. pag. 486.

CAPUT IV.

§. I. *In pavimento nulla sculptantur cruces, vel imagines, neque in parietibus, nisi tela lineæ, vel tabulis tectis, pingantur.*

IN pavimento Sanctorum imagines, vel cruces non efformentur, vel ubi clavis transfigi, vel uligine pluviaeque deleri, vel deformari possunt, & licet in muro ex vivo politoque lapide extructo, sacrae possit historiae exprimi, non tamen in muro vel pariete, argilla vel calce incrustato; ejusmodi enim incrustatio facile decedit, & pictas deformat imagines. Suademus autem, ut paries, aut murus hujusmodi tela lineæ, tabulisve politis, artificiosque compactis tegatur, & sic picturis exornetur.

§. II. *Cruces & statuae Sanctorum benedictæ tantum exponantur.*

Cruces & Sanctorum imagines, seu statuae, adhibitis precibus, atque caeremoniis in Pontificali praescriptis prius benedicantur, quam in Ecclesiis exponantur.

§. III. *Imagines deformatae instaurentur, mutilatae removeantur.*

Imagines & sculpturae sacrae, quae nimia vetustate, carie, fuligine sive sordibus, aut alia quavis incuria deformes specie sua intuentium oculos offendunt, & contemptum potius, quam venerationem excitant, pie religiosaeque quamprimum instaurentur, ac integritati pristinae decorique restituantur, aut si id fieri nequeat, omnino deleantur, vel incinerentur: non tamen publice, sed citra offendiculum; & cineres in Sacrario recondantur. Tabulae quoque vel statuae ab Iconomachis, aut alias ruptae, sive mutilatae, quamdiu decore & honeste non sunt reparatae, extra Ecclesias & conspectum populi seponantur.

§. IV. *Imagines insolitae, nisi approbatae in Ecclesiis non exponantur, neque in intima Altarium tabula vivorum effigies exprimantur.*

Adhuc cum tam URBANI VIII. Papae praeferta Constitutione, quam

Concilii Tridentini Decreto (2) severe prohibeatur, ne in Ecclesiis etiam exemptis, insolita imago, nisi ab Ordinario approbata, ponatur: provideant diligenter Praelati, Pastores, Vice-Pastores, alique quarumcunque Ecclesiarum Superiores ac Rectores, ut in imaginibus tam pictis, quam sculptis loco sacro jam illatis, vel posthac inferendis, nihil inordinatum, profanum, inhonestum appareat: neque in intima Altarium tabula vivorum effigies deinceps depingantur; imagines vero aliter, quam in dicta Constitutione URBANI VIII. praescribitur, pictae vel sculptae, quamprimum ad habitum & formam veterem in Ecclesia Catholica consuetam emendentur, vel ab Ecclesiis & quibuscunque aliis locis eliminantur.

§. V. *Falsae & apocryphae Imagines tollantur.*

Statuae vel imagines, quae apocryphas historias, superstitiones, fallaciaeque dogmata praeseferunt, aut erroris occasionem rudibus praebere possunt, neque in sacris, neque profanis locis sunt tolerandae. Ideo si quae ejusmodi deprehendantur, quae periti pictoris aut sculptoris manu debite corrigi, vel ab omni falsitatis indicio vindicari nequeunt, ab Ecclesiis removeantur, ac deleantur.

TITULUS X.

De Jejuniiis.

CAPUT I.

§. I. *Jejuniorum Ecclesiasticorum finis, & multiplex fructus populo saepius explicetur.*

JEjunia animabus, corporibusque curandis ab Ecclesia certis temporibus, & diebus salubriter instituta, (a) stricte volumus observari, admoneri quoque populum, cur sint indicta; nempe ut peccata expiantur, corpus in servitutem redigatur, animusque vegetius ac promptius Divinae voluntati sese subjiciat. Cum autem multum hodie antiquis Christianorum in jejuniiis exacte servandis fervor, & rigor refrigerit; praecipimus Pastoribus, Vice-Pastoribus, & verbi Dei Praedicatoribus

(2) Conc. Trid. loco cit.

(a) Conc. Prov. Colon. sub Hermanno V. Part. 9. c. 2. p. 389.

eatoribus, ut sæpius jejunia hujusmodi ab omnibus Christianis, qui ætatem habent, nisi iusta aliqua causa excusentur, sub reatu peccati mortalis esse diligenter observanda, inculcent. Præterea singulis diebus Dominicis sub concione, vel summo Sacro jejunia instanti hebdomada occurrentia, ne quispiam prætereundum possit ignorantiam, populo denuntiari non omittant.

§. II. *Differentia pleni, a semipleno jejunio: monendusque populus in jejunio non solum carniū usum, sed etiam luxum in piscibus esse cavendum.*

In denunciandis jejuniorum diebus populo diligenter quoque explicant, quæ sit jejunandi ratio, & in quo jejunium plenum seu perfectum a semipleno seu abstinencia differat; quod scilicet diebus, quibus semiplenum, seu abstinencia indicitur, esus solummodo carniū interdictus sit; sed quoad ciborum refectiōem unam, vel plures nihil ab Ecclesia præcipiatur. Quibus vero diebus plenum sive perfectum jejunium est indictum, quod non tantum ab esu carniū abstinendum, sed unica etiam per diem, eaque frugalis cibi refectiō, hora competenti sumenda sit, moneantque Pastores, Vice-Pastores, alique animarum Curatores, non abstinencia modo, sed ipsam præcepti rationem magis spectandam; adeoque non carniū solum, sed & pisciū sumptuosius, nimisque copiosis ferculis, bellariis, & immodicis potationibus merito abstinendum esse.

CAPUT II.

§. I. *Abstinencia servanda omnibus Sabbatis & feriis sextis, excepto Natali Domini in horum alterum incidente.*

Dies, in quibus ex veteri Ecclesiæ consuetudine a carniū duntaxat abstinetur, sunt omnes feriæ sextæ, & Sabbata totius anni (quos Majores nostri honori Dominicæ Passionis, & Beatissimæ Deiparæ Virginis jejunio sacros habuerunt) nisi Festum Nativitatis Domini in horum alterum inci-

dat: (b) tunc enim propter Festi excellentiam, cunctis voto non prohibitis, carnes comedere licet.

§. II. *Sabbatis etiam inter Domini Natalem & Purificationis Festum carniū abstinendum.*

Cum feriis sextis & Sabbatis carniū esus interdictus sit, districte inhibemus, ne quis etiam Sabbatis intra Natalem Domini, & Purificationem Beatæ Mariæ Virginis occurrentibus, illis vescatur, aut aliis, etiam alterius Diœcesis, eas proponat.

CAPUT III.

§. I. *Specificatio dierum, quibus jejundum est.*

Porro singulis annis per totam Civitatem & Diœcesim nostram Coloniensem ab universis ætatem habentibus, nec legitime excusatis, (c) in Quadragesima, & quatuor anni temporibus, vigiliis Nativitatis Domini, S. Matthiæ Apostoli, Pentecostes, Nativitatis S. Joannis Baptiste, Beatorum Petri & Pauli Apostolorum, S. Jacobi Apostoli, S. Laurentii Martyris, Assumptionis Beatissimæ Mariæ Virginis, S. Bartholomæi Apostoli, S. Matthæi Apostoli, Ss. Simonis & Judæ Apostolorum, Omnium Sanctorum, S. Andræ Apostoli, & S. Thomæ Apostoli jejundum est, quæ Festa, si in feriam secundam inciderint, ob lætitiā & celebritatem diei Domini, in quo memoria Resurrectionis Christi peragitur, Sabbatis proxime antecedentibus jejunatur. (*)

§. II. *Vigilia S. Joannis Baptiste incidente in diem Festum Corporis Christi, non est jejundum, sed feria antecedenti.*

De Vigilia S. Joannis Baptiste, si in Festum Corporis Christi inciderit, observetur sequens URBANI VIII. Ordinatio. (d)

URBANUS PAPA VIII.

AD PERPETUAM REI MEMORIAM.

” **C**um evenire quandoque possit, ut Vigilia S. Joannis, &c.

CAPUT

(b) C. ult. De observ. jejun.

(c) Statuta Henrici Archiep. Colon. cap. 3. pag. 67.

[*] Per Clementissimam Ordin. (de qua pag. 952.) transfertur jejunium ante Festa tam abrogata, quam non abrogata in diem Sabbati, hujusmodi Festum immediate antecedentem; nisi hoc Festum vel in ipsam diem Sabbati, vel in Fer. V. 4. Temp. incidit. Jejunium vero pro Vigilia Nativ. D. mansit diei XXIV. Dec. semper adfixum.

(d) Urbani VIII. Constit. 154.

CAPUT IV.

§. I. *Populus Dominica Quinquagesima de observando jejuniis moneatur.*

Singulis annis Dominica Quinquagesimæ Pastores; Vice-Pastores; Concionatores & Catechistæ publicent jejunium Quadragesimale, moneantque suos auditores a die Cinerum usque ad Vigiliam Paschæ inclusive, omnibus diebus, exceptis Dominicis, quibus duntaxat abstinentia servatur; etiam Festis, ac die Cænæ Domini sub reatu peccati mortalis esse jejunandum.

§. II. *Damnatur abusus ter hebdomadatim in Quadragesima jejunandi.*

Corruptelam & detestabilem abusum, quo quidam ter solummodo per hebdomadam in Quadragesima jejunare præsumunt, penitus damnamus.

§. III. *Quatuor temporum jejunia observanda sunt religiosius, sicut & Vigilia S. Matthiæ.*

Jejunium Quatuor temporum magna religione ab omnibus observandum esse, Pastores, Vice-Pastores, & verbi Dei Præcones auditores suos doceant, cum ob rationes & causas a S. LEONE Magno in sermonibus de hisce jejniis recensitas, tum quia istis temporibus sacris Ordinibus altaris Ministri initiantur: ideo merito convenit jejunia, orationes, & eleemosynas ad eum finem a fidelibus adhiberi, quatenus omnes uno spiritu efficacius Dominum exorent, ut eligendorum sortes ad Ecclesiæ suæ dirigat utilitatem, operarios idoneos in messem suam mittat, eosque septiformi spiritu suo confirmet, & omni virtute muniat. Jejunium vero Quatuor temporum, ac Vigilia S. Matthiæ, dum in Quadragesimam incidit, religiosius, quam re-

liquis diebus colendum declarent; cum duobus nominibus ad illud obligentur.

CAPUT V.

§. I. *Magistratus secularis Quadragesimali tempore nemini carnes vendere, aut apponere permittat.*

Quo jejunia accuratius observentur, Magistratus secularis Quadragesimali tempore macella omnia claudi curet, & nulli carnes hoc tempore vendendi, aut cauponibus easdem, etiam viatoribus proponendi, vel ministrandi licentiam permittat.

§. II. *Quibus ob corporis debilitatem esus carniū permittitur, etiam plures refectiōes concessæ consintur.*

Cum Ecclesiasticum jejunium duplicem contineat abstinentiam, tam a cibis vetitis, quam a secunda refectiōne; ideo cui ob corporis infirmitatem, aut debilitatem per dispensationem esus ciborum vetitorum & carniū conceditur, benigna interpretatione etiam plures refectiōes eidem concessæ censentur, cui vero aliam ob causam, ut, quia cibi Quadragesimales facile haberi non possunt, vel quia a piscibus natura abhorret, vel quia putantur noxii ejus temperamento, carniū esus indulgetur, una carniū refectiōe contentus sit.

§. III. *Soluti lege jejunii alios ad illud violandum non provocent.*

Caveant autem, quantum poterunt, qui ob legitimam causam a jejunio excusantur, illive, quibus ciborum vetitorum esus permittitur, ne alios suo exemplo ad violandum jejunium, vetitosque cibos sumendos provocent. (*)



STATU-

(*) In Collectione Kinckiana claudit Partem primam Titulus XII. de Usuris, quinque constans Capitibus.

STATUTORUM SYNODALIUM

DIOECESIS COLONIENSIS

PARS II.

DE SACRAMENTIS.

TITULUS I.

De Sacramentis in genere.

CAPUT I.

§. I. *Sacramenta sanctos Ministros exigunt.*

Cum in Ecclesia Dei nihil sanctius, excellentius, aut magis Divinum habeatur, quam novæ legis Sacramenta, seu certa nostræ salutis instrumenta, quibus verâ in fidelibus justitia gignitur, augetur, vel amissa reparatur, magnam sane in Ministro sanctitatem requirunt.

§. II. *Attentos pariter pios & circumspectos.*

Quapropter in eam curam toti incumbant Pastores, Vice-Pastores, cæterique Sacramentorum Ministri, ut Sacramentum aliquod administraturi, in rem tractandam animum intendant, nec de eis, quæ eo non pertinent, quicquam cum alio colloquantur, in ipsaque administratione non solum integre, distincte, clare, attente & devote essentialia Sacramentorum, Materiam scilicet, Formam, & actualem, vel saltem *virtualem* intentionem faciendi, quod Christus Dominus noster instituit, vel quod vera Christi Ecclesia in eo facit & servat, adhibeant; sed etiam sancta illa sancte, pie, & reverenter, orationes & quasvis alias ab Ecclesia Catholica præscriptas preces religiose, & clara voce ex libro Pastoralis seu Ritualis ob memoriæ lapsum recitando, tractent, ac legitime petentibus dispensent.

§. III. *Sacratissima Eucharistia & Olea sacra fideliter custodiantur, nec ex materia cujuspiam Sacramenti alicui quippiam tradatur.*

Et quoniam Sanctum minime dandum est canibus, (e) quilibet Parochus & Vice-Parochus sacratissimam Eucharistiam & Olea sacra in locis tutis, & vasis mundis fideliter, solciteque custodiat; ita ut impiis ac sacrilegis hominibus non facilis ad ea accessus pateat; nec ex sacra materia cujuscunque Sacramenti, ullus unquam aliquid alicui, etiam specie medicinæ, vel tollendi maleficii tradat, vel tradi permittat: neque ipse Pastor, vel Vice-Pastor materias Sacramentorum ad alium usum applicet, quam eum, quem Ecclesia definivit.

CAPUT II.

§. I. *Minister Sacramentorum sit vitæ integræ & sanctæ.*

ET si Sacramenta indigna administratione contaminari non possint, (f) utpote quorum virtus & efficacia non a probitate conferentis, sed a solo Deo, fonte & auctore omnis salutis, gratiæ ac sanctitatis dependet; multum tamen honoris, dignitatis, atque venerationis apud Christi fideles, præsertim in fide infirmos illis decedit, si eorum Ministri vitæ impurioris sint. Moneamus proinde serio & in Domino hortamur omnes Parochos, Vice-Parochos, cæterosque Sacramentorum Ministros, ut ea reverenter, mente, manuque pura tractent, ac petentibus administrent; ne de iis dicatur illud Jeremiæ: (g)

Male-

(e) Matth. 7. v. 6.

(f) C. Si justus. 30. c. Multi. 84. cum seqq. 1. quæst. 1. Conc.

Trid. Sess. 7. de Sacram. in genere, can. 12.

(g) Jerem. 48. v. 10.

Tomus IX. Concilior. German.

F f f f f f

Maledictus, qui facit opus Domini fraudulentè, seu, ut LXX. Interpretes habent, negligenter.

§. II. *Sacerdos peccati mortalis sibi conscius, vel de eo dubitans, antequam Sacramenta administret, confessionem præmittat.*

Itaque si Sacerdos peccati mortalis (quod absit) sibi conscius, aut de eo probabiliter dubius fuerit, ad Sacramentorum administrationem non accedat, nisi prius se confessione expiarit, quantum copia Confessarii, temporis, ac loci ratio parietur; alias præmissa saltem contritione, peccata sua detestetur cum firmo animi proposito prima opportunitate ea confitendi.

§. III. *Non jejunus ea non ministret.*

Si quis (quod Deus avertat) non jejunus Sacramentum aliquod administrare præsumperit, sive is Pastor, sive Sacerdos alius fuerit, pro delicti magnitudine severe puniatur.

CAPUT III.

§. I. *Populo sæpius virtus, utilitas & necessitas Sacramentorum & caeremoniarum exponantur.*

UT fidelis populus ad suscipienda Sacramenta majori cum reverentia atque animi præparatione accedat, (b) volumus omnino & mandamus, ut Pastores, & Vice-Pastores sæpe Divinorum horum Mysteriorum institutionem, usum, virtutem, utilitatem, necessitatem, & efficaciam, uti & rituum atque caeremoniarum significationes, tam in concionibus & Catechismi explicatione, quam singulorum Sacramentorum administratione juxta præscriptum Concilii Tridentini, & sanctorum Patrum, & Catechismi Romani doctrinam pro capto suscipientium, & adstantium, pie prudenterque, etiam lingua vernacula, prout occasio permittet, exponant.

§. II. *Excommunicati nominatim, denunciati, aut manifesti Clerici percussores ad Sacramenta non nisi in periculo vite, & præstita cautione admittantur.*

Nullus a Judice Ecclesiastico nominatim excommunicatus, denunciatus, aut etiam manifestus Clerici percussor, ad Ecclesiastica Sacramenta, extra mortis periculum admittatur, (i) nisi prius in scriptis, seu alias legitimo ac fide digno testimonio confiterit, cum ab eodem Judice, aut suo Superiore in foro exteriori absolutionem obtinuisse. Veruntamen in mortis periculo ad Sacramenta talis admitti potest, facta tamen prius promissione, & quoad ejus fieri potest, præstita cautione, quod si periculum evadat, statim curabit, ut ab illo Judice absolvetur.

§. III. *Hæretici, publice facinorosi, aut usurarii a Sacramentis arceantur.*

Nullus etiam hæreticus, aut publice facinorosus (k) absque legitima penitentia, nullus publice usurarius, etiam in mortis periculo constitutus, nisi usuris prius restitutis, aut saltem de eisdem restituendis firma, juxta sacrorum Canonum præscriptum præstita cautione: nullus etiam concubinarium, vel concubina, nisi se tanta loci intercapedine, ut cesset omnis incontinentiæ suspicio, separaverint: nulli demum, qui in statu illicito, aut crimine notorie publice vivunt, aut vitam turpiter transactam non detestantur, ad Ecclesiæ Sacramenta admittantur.

CAPUT IV.

§. I. *In Sacramentorum administratione præter intentionem, materiam & formam, Ecclesiæ Catholice ritus & caeremoniæ adhibeantur.*

Volumus omnino & severe præcipimus, ut quivis Parochus, Vice-Parochus, aliusve Sacerdos in cuiusque Sacramenti administratione præter *actualement* seu *virtualem* intentionem, legitimamque materiam & formam, non alios, quam approbatos Ecclesiæ Catho-

(b) Conc. Trid. Sess. 24. de Reform. cap. 7. Conc. Prov. Colon. sub Hermanno V. Part. 7. cap. 2. pag. 372. & sub Adolpho III. §. An instruant. §. An doceant. §. An circa. pag. 485.
(i) C. Excommunicatos. 11. quest. 3. cum seqq. (k) C. Quoniam. de Usuris. in 6. Statuta Sigisfridi Archiep. Colon. cap. 14. pag. 46. & 47. Statuta Wichtoldi Archiep. Colon. cap. 12. pag. 54.

Catholicæ ritus & cæremonias adhibeat, atque ita decenter, gravique actione cuncta juxta Ritualium librorum præscripta peragat; ut & tantorum Myfteriorum Majestas commendetur, & circumstantium fidelium mentes per hæc visibilia Religionis & pietatis signa, ad pietatem & rerum Divinarum, quæ in Sacramentis latent, contemplationem excitentur.

§. II. *Sacerdos ante Sacramenti administrationem cæremonias perlegat, & devote se præparet.*

Sacerdos itaque ad Sacramenti aliqujus administrationem accessurus, ritus & cæremonias pro temporis opportunitate prævideat, diligenterque perlegat; ac deinde rei sacræ, quam acturus est, meditationi paululum vacet, gratiamque digne, & cum fructu Sacramentum administrandi devotissime impleret.

§. III. *Habitum sacrum ab Ecclesia præscriptum non negligat.*

Insuper Parochus, (1) vel quivis alius ad Sacramentorum dispensationem legitime admissus Sacerdos, in omni Sacramentorum administratione quocunque anni tempore, etiam *Adventus, Quadragesimæ*, imo & *Majoris hebdomadæ* superpelliceo, ejusque destuper, quem Sacramenti ritus exposcit, coloris stola sit indutus, nisi in administrando Pœnitentiæ Sacramento occasio, consuetudo, vel locus aliud interduum suadeat.

§. IV. *Adstet omni Sacramento, Pœnitentiæ excepto, Minister secundarius honeste vestitus.*

In singulorum quoque Sacramentorum administratione (Pœnitentiæ duntaxat excepto) unus saltem decenti habitu Clericali, mundoque superpelliceo indutus, ac linguæ pariter latinæ gnarus, qui Sacerdoti totius Ecclesiæ nomine respondeat, adhibeatur Minister.

§. V. *Nihil pro Sacramentorum ministerio exigatur, sed, quod movis est, vel pie offertur, acceptetur.*

Pro Sacramentorum ministerio nihil exigatur, (m) eo peracto, si quid vel sponte, vel ex laudabili consuetudine offerri soleat, velut vitæ stipendium licite acceptari poterit; præsertim ubi potior pars victus arque sustentationis Pastoralis in oblatis fidelium consistit.

CAPUT V.

§. I. *Sacrum Chrisma & sancta Olea Presbyteri, non Laici vel feminae in vasculis mundis excipiant.*

Quamvis Decani Rurales per seipsum, aut saltem per Decanatum suorum Camerarios, vel Vicarios seu alios Presbyteros in Ecclesia nostra Metropolitana Feria V. Hebdomadæ sanctæ comparere, sacrum Chrisma, & sancta Olea e manibus Clerici, quem vocant *Camerae*, seu ad id a Nobis, vel nostro in Pontificalibus Vicario deputatorum recipere, ac dein Parochis, & Vice-Parochis suorum Decanatum distribuere teneantur; nihilominus intelligimus quosdam domi suæ hærentes per Pedellos suos homines laicos, imo etiam (quod maxime absurdum est) per submissas feminas, hæc Sancta vel petere, vel ad se per multa itinerum spatia curare deferri. Ut huius abusus & Sacrilegii periculo occurramus, omnibus ac singulis Decanis Ruralibus, & aliis, quibus id incumbit, severe præcipimus, ut ipsimet, vel eorum Camerarii, vel alii idonei substituti Sacerdotes, præfata Feria V. in Ecclesia nostra Metropolitana superpelliceo, ac desuper stola induti tempestive compareant, ac in tribus mundis & honestis vasculis saltem stanneis (nullo autem modo cupreis, neque testaceis aut vitreis) bene obturatis; quæ inter se distincta, & per incisas litteras majusculas discreta sint, excipiant.

§. II.

(1) Statuta Wilhelmi Archiep. Colon. cap. 30. pag. 182.

(m) C. Placuit. 102. 1. q. 1. c. Cum in Ecclesia. c. Ad Apostolicam. de Simon. Statuta Sifridi Archiep. Colon. cap. 6. pag. 39. Conc. Provinc. sub Hermanno V. Archiep.

Part. 8. cap. 1. pag. 387.

Tomus IX. Concilior. German.

§. II. *Sacrum Chrisma & sancta Olea gratis & iusta quantitate dispensentur.*

Hi vero, (n) quibus sacrum Chrisma, sanctaque Olea in Metropolitana nostra Ecclesia distribuendi munus injunctum est, absque ullo murmure aut contentione benigne ac gratis, omnique cum gravitate & pietate, nec non iusta quantitate illa dispensent; & quidem primo exteris & a Civitate nostra Colonienſi remotioribus, ut ad Ecclesias suas tempestive ante Vigiliam Paschæ eadem deferre, ipsaque Vigilia Fons baptismalis novo Oleo & Chrismate sacro (veteribus combustis) benedici queat.

§. III. *Distributa per Decanos Rurales, aut alias, Pastores vel alii Sacerdotes accipiant & deferant.*

Pastores etiam singuli quotannis a Decano suo Rurali, vel ex ea, unde consueverunt, Ecclesia, per se, aut alium Sacerdotem sacrum Chrisma & sancta Olea adferre non omittant, in vasculis tamen, ne error contingat, discriminatis.

§. IV. *Sicubi Sacerdotum paucitas, per Laicos honestos inclusa ligneis thebis & signata deferantur.*

Sicubi vero Parochiales Ecclesiæ extra Civitatem nostram Colonienſem non habent plures, quam unum, vel duos Sacerdotes, eosque sacro illo tempore in Passionis Dominicæ Myſteriis explicandis, aut excipiendis confessionibus occupatos, Decani Rurales, alique, quibus sacrum Chrisma, sanctaque Olea adferre & distribuere incumbit, cum reverentia sacras pyxides capſis ligneis (quarum formam Prædecessor noster FERDINANDUS Archiepiscopus Colonienſis hætenus præscripsit, & per singulos Decanos Rurales sibi subiectis Parochis exhiberi mandavit) includant. Hæc ligneas capſas ita clausas Decanorum Ruralium, & jus habentium sigillis consignent, atque ita ad Parochias subiectas per honestos viros laicos deferantur, qui ubicumque locorum fuerint, priusquam

ad proprios redeant Pastores, ea, quæ decet, veneratione, sacrum Chrisma cum Oleis custodiant, caveantque, ne in via potationibus vacent, vel quid aliud indecorum committant.

§. V. *Vetus Oleum sacrum non aboleatur, nisi allato novo, & pro eo vasculum aliud habeatur.*

Quia quolibet anno Feria V. Cœnæ Domini in nostra Ecclesia Metropolitana benedicuntur Olea sacra infirmorum, Catechumenorum, atque Chrisma, & ideo prædictorum Oleorum vascula per Pastores, seu Vice-Pastores a vetustate diligenter expurgata, ad Decanos Rurales pro recens benedicta materia recipienda deferri debeant, ne interea Dei populus Sacramentorum usu destitatur; parentur honesta & nitida quadam alia vascula, in quibus vetera pro populi necessitate tantisper conserventur, donec nova adferantur.

§. VI. *Vetera Olea sacra, quæ fluunt, lampadi Eucharistica infundantur, quæ gossipio inbarent, exurantur.*

Simul atque vero quivis Pastor, seu Vice-Pastor novum Chrisma, sanctaque Olea receperit, veteribus non utatur, (o) sed quidquid ex his liquidum superfuerit, totum lampadi in Ecclesia ante Sanctissimum Eucharistiæ Sacramentum ardenti infundat; sin bombyci vel gossipio duntaxat immixtum fuerit, super piscinam comburat.

§. VII. *Si exaruerit Oleum benedictum, vel penitus defecerit, a Superiore petatur novum.*

Si contingeret sacrum Chrisma, vel aliquod sanctorum Oleorum exarescere, aut crebro Sacramentalium usu deficere, aliud non benedictum Pastor seu Vice-Pastor non admisceat, sed benedictum a Nobis, nostrave in Pontificalibus Vicario, vel Decano suo Rurali petat.

§. VIII. *Sin haberi nequeat, gutta profana & puri affundatur, ita tamen ut benedicti major sit quantitas.*

Si vero Chrisma vel Oleum benedictum ab iis haberi non possit, (p)

ac

(n) C. Placuit, ut nullus, 102. l. q. 1. Statuta Prov. Colon. sub Henrico Archiep. cap. 26. pag. 83.

(o) C. Si quis de alio, 122. de Consecr. dist. 4.

(p) Statuta Sifridi Archiep. Colon. cap. 4. in fin. §. Item Chrisma, pag. 38.

ac proinde veteri Chrismati, sanctove Oleo deficienti, admiscendum sit Oleum non benedictum, per guttas tantum puri ac recentis Olei olivarum non consecrati instilletur, ut Oleum consecratum id, quod infunditur, copia superet; tum ita diligenter virgula permisceantur, ut nihil inde, cui non aliquid consecrari Chrismatis, vel Olei admixtum fuerit, accipi possit.

TITULUS II.

De Sacramento Baptismi.

CAPUT I.

Baptismus ultra octavum diem non deferatur.

CUM sacrum Baptisma ex institutione Christi omnibus, non modo adultis, sed & infantibus ad salutem necessarium esse, testetur ipsa veritas his verbis, *nisi quis renatus fuerit ex aqua & Spiritu Sancto, non potest introire in regnum Dei*; (g) summa ad illud tempestive riteque administrandum ac suscipiendum diligentia est adhibenda. Quamobrem sub gravi pœna arbitraria præcipimus, ne Baptismus infantium, etiam quorumcunque nobilium aut insignium personarum, ulla prorsus de causa diutius, quam ad tertium vel summum octavum a partu diem, differatur.

CAPUT II.

§. I. *Sola naturalis aqua est Baptismi Materia: modum illam benedicendi præscribit Missale.*

SCiat quilibet Pastor, & Vice-Pastor Materiam Sacramenti Baptismi esse solam aquam veram & naturalem, proinde nullo prorsus vino, aliove liquore utendum. Aquam vero ipsam non aliter, quam adhibitis ritibus & precibus in Missali Romano, seu recognito & correcto Colonienſi præscriptis adhibendam esse.

§. II. *Aqua Baptismalis sit unius solum anni, & in vase lapideo, vel plumbeo conservetur.*

Aqua fontis Baptismalis sit eo anno benedicta in Sabbato sancto Paschæ.

tis, vel in Vigilia Pentecostes, (r) quæ in vase lapideo solido, & mundo nitida & pura conservetur, & ubicunque proxime sacrum Fontem necdum extructa est piscina, citra moram extruatur, & in eam vetus, dum nova fontis aqua benedicenda est, effundatur, ipseque fons, antequam nova benedicatur, per Pastorem, vel saltem aliquem in Ordine sacro constitutum diligenter purgetur. Si forte aqua fuerit imminuta, vel non sufficiat, potest alia non benedicta admisceri, sed minori quantitate, ut infusam superet benedicta.

§. III. *Si defecerit, nova, clauso templo, benedicatur.*

Sin alicubi aquam Baptismalem corrumpi, vel vas ipsum gelu, vel aliter quomodocunque findi, atque ipsam aquam effluere, vel totam deficere contigerit, (s) Parochus, seu Vice-Parochus Vigiliam Paschæ, aut Pentecostes, ut novam aquam benedicat, non expectet, sed faciat id, quam fieri potest, citissime juxta formam in libro Pastoralis seu Ritualis præscriptam, ostiis tamen Ecclesiæ clausis, & exclusis laicis, ipsoque vasculo debite prius mundato.

§. IV. *Congelata liquefiat.*

Si aqua sit congelata, curetur, ut liquefiat: (t) si nimis frigida, potest parum aquæ non benedictæ calefieri, & misceri aquæ Baptismali in vasculo, ne noceat infantulo baptizando.

CAPUT III.

§. I. *Trina vel una aspergio fluentis aquæ, aut etiam infusio vel immersio adhibetur cum clava Formæ promuntiatione.*

Licet Baptismus, (u) vel trina aquæ ablutione, infusione, immersione & asperſione cum defluxu aquæ, quæ Sanctissimam Trinitatem, vel unicam, quæ unicam, & indivisam trium Personarum Divinitatem, & Christi Passionem designat, administrari possit,

FFF fff 3

(g) Joan. 3. v. 17. Conc. Trid. Sess. 7. de Baptismo can. 2. (r) Rituale Roman. de Sacram. Baptismi. tit. de materia Baptismi. (s) Rituale Rom. loc. cit. (t) Ibid. (u) C. de Trinit. 80. c. Propter. de Consecr. dist. 4. Rituale Roman. de Sacram. Baptismi. tit. de forma Baptismi. §. Baptismus licet. &c.

fit, priorem tamen modum propter expressiorem Sanctissimæ Trinitatis significationem convenientiorem, & velut usitatiorem retinendum censemus; ita ut trina ablutione, sive infusione caput baptizandi perfundatur, & uno eodemque tempore clare, distincte & attente Forma pronuntietur.

§. II. *Forma ad unamquamque ablutionem seu infusionem non repetatur.*

Caveat vero Baptizans, ne ad unamquamque ablutionem seu infusionem totam quoque formam repetat, sed ad dictam jam normam sub unica formæ pronuntiatione tres ablutiones vel infusiones absolvat, tantum aquæ adhibendo, ut non aspersio, sed vere ablutio reputetur, quæ baptizatum non solum superficie tenus in capillis, sed & in cute tingat.

§. III. *Extra baptisterium supra pelvim abluatur baptizandus, aqua pelvi excepta loco sacro, si piscina desit, effundatur.*

In Baptismi administratione infantes supra fontem baptismalem non teneantur, (*) sed extra eundem aqua Baptismi nitido vaseculo seu cochleari ex argento vel alio metallo (quod huic usui tantum serviat) supra caput baptizandi ab ipsomet Baptizante fundatur; quæ nisi statim in piscinam baptisterii prope ipsum fontem extructam defluat, supposita pelvi, malluvio aut alio vase ad hoc præparato excepta in ipsius baptisterii, vel Ecclesiæ sacrarium, seu piscinam, vel cæmeterium, aliumve locum honestum effundatur.

CAPUT IV.

§. I. *Obstetrices calleant formam & normam baptizandi.*

Curet Parochus, seu Vice-Parochus, ut obstetrices recte baptizandi ritum probe teneant, & servent; quem in finem eis sæpius vernacula lingua inculcent Baptismi formam, quam dum pronuntiant, aquam pariter effundant, ut morali iudicio simul fieri censeantur, ideoque priusquam

proferant: *N. Ego te baptizo &c.* aquam super baptizandum non effundant; doceatque, dum baptizant, intentionem debere esse faciendi id, quod Christus Dominus instituit, vel sancta Ecclesia Catholica facit, & servat.

§. II. *Extra necessitatem extremam proles a parentibus non baptizetur.*

Pater & Mater propriam prolem extra mortis articulum baptizare non debet, (y) neque tuncquidem, nisi alio, qui baptizare possit, absente, per quod tamen nulla cognatio, quæ Matrimonii usum impediatur, contrahitur.

CAPUT V.

§. I. *Baptizaturus decenter ad tantam functionem accedat, moneatque Paternos & Maternas, ut pie, quid agatur, attendant.*

Sacerdos itaque baptizaturus ad tanti muneris functionem, non leviter & remissè; sed sanctè graviterque accedat, ac Paternos comprimis moneat & Maternas, dum ad templum comitantur, ut jocis omnibus, fabulis, nugisque semotis pie ac religiose, quid agatur, attendant, Deoque gratias agant, qui filium iræ, & hæredem gehennæ benigne ad Sacramentum regenerationis admittit, ut filius DEI & regni cælestis hæres efficiatur.

§. II. *Parochus nomina baptizati, parentum ejus, & susceptorum in libro baptismali cum anno, mense & die annotet.*

Quilibet Parochus, seu Vice-Parochus peculiarem librum habeat, (z) in quo singulorum baptizatorum, nec non parentum, patrinorum ac matrinarum nomina & cognomina, diemque, mensem & annum Baptismi diligenter describat, annotato simul anno, mense & die nativitatis ipsius infantis. Sic enim & ætas pueri, & ejus conditio, & inter quos spiritualis cognatio contracta sit, facile dignoscetur.

§. III.

(x) Rituale Rom. loco cit. & ibidem in fin. §. Ubi vero &c. & tit. de sacris Oleis. §. Vaseculum seu cochlear &c. & §. Pelvis.

(y) C. Ad limina. 30. q. 1.

(z) Conc. Trid. Sess. 24. de Reform. Matrim. cap. 2.

§. III. *Liber baptismalis Archi-Diacono vel Decano Rurali quovis anno in visitatione exhibeatur.*

Eundem librum quotannis in visitatione Archi-Diacono vel Decano suo Rurali Pastor exhibeat, qui, extra publica belli aliaque pericula, non nisi in Sacristia loco tuto & clauso, aut fonti baptismali vicino, ubi vero completus fuerit, diligenter in Archivo Ecclesiæ custodiatur.

CAPUT VI.

§. I. *A Baptismo omne profanum abfit.*

Cum in Baptismo unusquisque operibus satanæ, ejusque pompis renuntiet, (a) Parochus subinde populum doceat, quam simplici & Christiano habitu infans ad Baptismum sit deferendus, ut nihil adhibeatur, quod mundi hujus pompam præ se ferat; cum minime deceat in ipso vitæ Christianæ limine eis studere rebus, quibus tunc solemnī sponſione renuntiatur.

§. II. *Extra Parochiam sine licentia nemo baptizetur.*

Nullus, nisi prævia licentia Pastoris, prolem suam extra Parochiam baptizari procuret, ubi vero de ejus licentia baptizata fuerit, illius testimonium Pastori adferat, qui id libro baptismali inferat. Pastores autem raro nec nisi gravi de causâ talem licentiam largiantur.

§. III. *Parochus dispiciat, an infans suæ Parochiæ sit.*

Ideo Parochus, infante ad se delato, dispiciat, an suæ Parochiæ sit: quem si alienæ deprehenderit esse, non nisi urgente necessitate baptizet, sed ad proprium Parochum remittat. Quod maxime in prolihus thoro illegitime natis observandum.

§. IV. *Parochi infantes illegitimos, vel parentibus pauperibus natos, vel sponsore destitutos baptizare non recusent.*

Adhæc sub pœna suspensionis ab officio & beneficio Pastoralī, aliaque graviore arbitraria, omnibus ac singulis Parochis, & Vice-Parochis præcipimus, ne ob id solum, quod infans

baptizandus sit illegitimus, vel ex parentibus pauperibus, vel exteris natus, nullusque pro ejus sustentatione sese Sponsor offerat, ipsum baptizare recusent, aut differant, etsi Magistratus loci, vel alii quicunque ob prædictas, vel alias similes causas infantem baptizari prohibeant.

§. V. *Matre peste correpta natus per infusionem aquæ, sine solitis caeremoniis baptizetur, periculo cessante, caeremoniæ adhibeantur.*

Quando infans peste laborans, aut eo nomine suspectus, utpote ex matre pestifero infecta morbo natus erit, baptizandus, poterit quamprimum a Pastore, seu Vice Pastore, aliove Sacerdote, si haberi valeat, domi privatae per infusionem aquæ baptizari, qui deinde, si ab omni suspitione luis liber erit, in Ecclesia sua Parochiali Parochus, seu Vice-Parochus suo sistatur, ut ex instituto Ecclesiæ Catholicæ caeremonias adhibeat.

CAPUT VII.

§. I. *Si quis prudenti judicio sub conditione baptizandus sit, ea exprimatur.*

Cum Baptismum nullo modo liceat iterare, si quis sub conditione baptizandus erit, ea sic exprimatur: *N. si non es baptizatus, ego te baptizo in nomine Patris + & Filii + & Spiritus Sancti +* nec antequam dicere inceperit: *Ego te baptizo*, aquam baptizando infundat. Hoc tamen non passim fiat, nec leviter; sed prudenter, & ubi re diligenter investigata, Baptismum non fuisse collatum, probabilis subnascitur dubitatio.

§. II. *Sal expositiis infantibus appositus incertum Baptismi signum.*

Quia sal apud pueros expositos repertus non est sufficiens, & certum Baptismi collati indicium: ideo semper absque discrimine pueri expositi sub conditione baptizentur, nisi testimoniis certioribus eosdem baptizatos esse comprobetur.

CAPUT

CAPUT VIII.

§. I. *Nunquam nisi unus vel una, & ad summum unus & una ad suscipiendum e Baptismo infantem admittantur.*

Numerus Patrinatorum a generali Tridentina Synodo (b) ad multitudine cognationis spiritualis impedimenta evitanda præscriptus sequetur a Parochis, qui proinde nunquam plures, quam unum vel unam, vel ad summum unum & unam ad infantem de Baptismo levandum admittant, hisque infantem tangendum, vel suscipiendum simul offerant, quos saltem pueros, ac sacro Chrismate confirmatos esse convenit.

§. II. *Ad tangendum infantem instar Patrinorum se ingerere volentes arceantur.*

Alios vero quantumvis Nobiles, qui majoris solemnitatis & splendoris gratia ad tangendum infantem patrinatorum instar se ingerere velint, a fonte arceant Pastores, priusquam baptizetur infans: nec ullos præter designatos, & in libro baptismali describendos vere Patrinos esse, aut ullam cognationem spirituales contrahere, diserte declarent: sicut nec Patrinus, neque etiam baptizatus contrahit cum suscipientis conjuge, cum tantum inter baptizantem, baptizatum, baptizatique Patrem & Matrem: item inter suscipientes & baptizatum, ejusque Patrem & Matrem cognatio spiritualis intercedat.

§. III. *Obligationis sue Patrimi moneantur.*

Patrinis quoque & Matrinis in memoriam revocent Pastores, quod sese apud Deum sponsores obtulerint pro baptizatis, (c) quos proinde veluti filios spirituales, dum adolescunt, per se vel idoneos Magistros diligenter instruere, fidei Catholicæ rudimenta docere, a vitiis abstrahere, & ad virtutes, vitæque honestatem sectandam frequentius hortari tenentur.

§. IV. *Infideles, vitiis infames, amentes, & minores duodecim annis ad levandos e Baptismo infantem non admittantur.*

Idcirco Parochi (d) non modo infideles, Judæos, aliosque non baptizatos, sed & hæreticos, vel de hæresi suspectos, ebriosos, publice excommunicatos, infames, annis duodecim minores, Orationem Dominicam, Salutationem Angelicam, & Fidei Symbolum ignorantes, pro baptizato respondere non valentes, (e) aut per mentis inopiam ejus, quam faciunt, sponsonis notitiam non habentes, ab infantium de fonte levatione, arcendos esse meminerint.

§. V. *Parentes proprias proles e Baptismo non levent, neque Regulares quempiam de Baptismo suscipiant.*

Pater aut mater propriam prolem e Baptismo non levet, (f) tamen mortis periculum eidem immineat, quo casu Patrinos seu Marrinos adhibere non est necesse; Monachis, Sanctimonialibus & cujusvis Ordinis vel Instituti Regularibus, etiam Abbatibus, de fonte levare infantem in jure prohibitum est.

§. VI. *Mandans, non mandatarius, cognationem contrahit.*

Dum quis infantem per Procuratorem e fonte levat, (g) non Procurator, sed ipse constituens cognationem contrahit, eoque casu tam mandans, quam mandatarius libro baptizatorum inscribatur.

§. VII. *Cognationem contrahit in necessitate sine ceremoniis baptizatum suscipiens.*

Et quia, quando Baptismus domi in necessitate confertur, non vero cum ceremoniis, quæ tunc defecerunt, in Ecclesia adhibentur, (h) cognatio contrahitur; idcirco Parochi nomen Patrinatorum in Baptizatione adhibitorum

(b) Conc. Trid. Sess. 24. de Reform. Matrim. cap. 2. c. In Catechismo 100. c. Non plures 101. c. In Baptismate 102. de Consecr. dist. 4. (c) C. Vos ante omnia 105. de Consecr. dist. 4. Conc. Prov. Colon. sub Hermanno V. Part. 7. cap. 4. pag. 576.

(d) C. In Baptismate, 102. tit. cit.

(e) Conc. Prov. Colon. d. loc.

(f) C. Non licet 103. c. Monachi 104. de Consecr. dist. 4. Conc. Prov. Colon. sub Adolpho III. cap. Quamvis, pag. 459.

(g) Sacra Congreg. Cardinalium Interpretum Conc. Trid. Sess. 24. de Reform. cap. 2. §. Baptizatum Farinac. Part. 4. pag. 69.

col. 2. §. Baptizatum.

(h) Sacra Congreg. loco cit. §. Qui in Ecclesia.

rum libro baptismali tantum inscribant.

CAPUT IX.

Baptismus sine necessitate extra Ecclesiam, quæ Baptisterium habet, non conferatur.

TAmetsi urgente necessitate, (i) quovis tempore, etiam interdicti, & cessationis a Divinis, & quovis loco Baptismus conferri possit, nihilominus cum proprius Baptismi administrandi locus sit Ecclesia, in quo vel prope quam baptismalis fons esse solet: ideo sub pœna suspensionis ab officio Pastoralis, & alias, arbitraria prohibemus, (k) ne quis Pastorum, aliorumve Sacerdotum, quantumvis exemptorum, Baptismi Sacramentum sine cæremoniis Ecclesiæ adhiberi solitis, vel in privatis ædibus, aut alio in loco, quam in Ecclesia fontem baptismalem consecratum habente, extra gravem necessitatem, conferre audeat, idque non nisi matutino tempore.

CAPUT X.

§. I. *Quid obstetrices præstare debeant, antequam ad obstetricandum admittantur.*

Magistratus hortamur in Domino, & requirimus, ne quam parturientibus ad obstetricandum concedant, nisi prius a Pastore loci, ubi obstetrix moratur, testimonium sinceræ & Catholicæ Fidei habeat, Professionemque fidei coram eodem Pastore seu Decano Rurali faciat; nec non materiam, formamque Baptismi testimonio ejusdem Pastoris probe calleat, & præter consuetum juramentum in libro Pastoralis Colonienſi præscriptum, juret, quod infantes a se excipiendos quantocius, vel saltem infra tres, aut summum octo dies baptizare curabit, & obſistentes parentes, vel amicos, mox Pastori loci denuntiabit.

§. II. *Obstetrices extra casum necessitatis non baptizent.*

Obstetrices pariter omnes serio monitas volumus, ne infantem extra

casum necessitatis baptizare audeant, baptizatum vero ad Ecclesiam, ut præscriptæ ab Ecclesia cæremoniæ adhiberi queant, prima opportunitate deferant.

§. III. *Nutrices proles non baptizatas lactandas non suscipiant.*

Inhibemus similiter, ne nutrices, proles, quas legitimo Pastoris testimonio rite baptizatas esse non constat, imposterum lactandas suscipiant.

CAPUT XI.

§. I. *Pastores hortentur populum, ut a conviviis baptismalibus abſtineat.*

AD pravam consuetudinem, (l) qua post infantium Baptismum convivia non sine incommodis celebrari consueverunt, abolendam; mandamus Pastoribus, Vice-Pastoribus & Concionatoribus, ut populum, quatenus hujusmodi conviviis abſtineat, subinde moneant & exhortentur; quod ut facilius, suaviusque impetrent, imprimis ipsi, quantumvis invitati, a dictis conviviis sese honeste subducant, modesteque excusent, scientes, quod tunc recta via gradiantur oves, quando bono exemplo præcedunt Pastores.

§. II. *Pia consuetudo recolendi quotannis diem natalem Baptismatis in usum revocetur.*

Impensius proinde desideramus, ut Religiosum illud institutum, quo olim dies Baptismi solemini abrenuntiationis sponſione insignis, quotannis a fidelibus celebrabatur, cum ad pietatis Christianæ cultum, piæque morum disciplinam non parum adjumenti adferre soleat, in usum revocetur: itaque Parochi, Vice-Parochi & Concionatores auditores suos hortentur, ut unusquisque diem illum, quo baptizatus est, non conviviorum apparatu, non luxu, non operibus tenebrarum, cum dies lucis sit, sed ardentiore prece, sacra exhomologesi & Communione,

(i) C. Si qui necessitate 16. de Consecr. dist. 4. Conc. Prov. Colon. sub Hermanno V. Part. 7. cap. 7. pag. 377. Synodus Diœc. Colon. 2. Octob. anno 1597. sub Ernesto celebrata tit. 2. num. 3.

baptizant. pag. 495. col. 2.

(k) Conc. Prov. Colon. sub Adolpho III. §. An etiam

cap. 11. pag. 375. & Adolpho III. §. Detestanda. pag. 449. sub fin.

Tomus IX. Concilior. German.

G g g g g g

ne, atque eleemosyna, si per facultates liceat, omnique charitatis opere, atque officio, & pietatis exercitatione, spiritualisque gaudii celebrare quotannis recolat, memor se, æternæ damnationis deletio chirographo, regni cœlestis designatum esse hæredem.

TITULUS III.

De Purificatione Puerperarum.

CAPUT I.

§. I. *Puerperas aliquot diebus a partu Ecclesiam non frequentare convenit.*

QUanquam in nova lege puerperæ Christianæ statim a partu gratias acturæ Templum sine peccato ingredi possint, ut INNOCENTIUS III. Pontifex respondit: (m) more tamen ab antiquis temporibus introducto, tum ob valetudinis curam, tum ob venerationem Sacrorum, & ad imitationem purissimæ Virginis MARIÆ, ab ingressu Ecclesiæ diebus aliquot abstinere.

§. II. *Puerperæ in publicum proditura primū ad Ecclesiam suam Parochialem se conferant.*

Sacris Canonibus inhærentes, veterem ac religiosum Catholicæ Ecclesiæ morem, plerisque in locis, prope collapsum in usum revocamus, quo puerperæ, confirmata a partu valetudine, in publicum proditura, antequam alio digrediantur, primum ad Ecclesiam suam parochialem se conferant, ut Domino Deo pro felicis puerperii beneficio grates referant, ejusque benedictionem consequantur.

§. III. *Puerperæ ante 25. a partu diem ad purificationem non admittantur, loco defunctæ alia mulier non substituatur.*

Volumus ergo, ut nulla omnino puerpera ante vigesimum quintum a partu diem, a proprio Parocho, seu Vice-Parocho ad purificationem, neque alibi, quam in Ecclesia admittatur, ibidemque Sacrificio Missæ intersit, & nunquam alia mulier purificanda in locum defunctæ puerperæ substituatur.

§. IV. *Femine ex illicito concubitu parientes, ad Purificationem non admittantur.*

Mulieres porro, quæ ex illicito concubitu pepererunt, in pœnam peccati, ad servandam Ecclesiæ disciplinam, a sacro hoc ritu merito arcentur: quamobrem nulli Pastori, Vice-Pastori, aliive Presbytero sub pœna suspensionis eo ipso incurrendæ, mulieres similes ad purificationem admittere liceat.

CAPUT II.

§. I. *Puerperæ ad purificationem sine pompa procedant.*

CUM in quibusdam Diocesis nostræ locis puerperæ a partu in publicum prodeuntes, numero mulierum comitatu stipatæ, ad Ecclesiam, non sine magnis impensis se conferant, sub viginti quinque florenorum aureorum pœna vetamus, ne ulla prorsus puerpera cum pluribus, quam duabus aut summum tribus feminis ad purificationem & benedictionem in Ecclesia accipiendam procedat.

§. II. *Diebus Dominicis vel Festis purificatio non instituitur; Ecclesiastici convivii, purificatis mulieribus, instructis non intersint.*

Cæterum, quia plerasque data opera diem Dominicum vel Festum, ut licentius genio indulgeant, suæ purificationi eligere inaudimus; ordinamus, ne præfatis diebus sacris mulierum purificatio instituitur. Gravissimeque interdiciamus, ne ullus Parochorum, aliorumve Sacerdotum, vel Clericorum convivium purificatis mulieribus instructa frequentet.

§. III. *Orationes purificandis destinatae cadaveri puerperæ, vel eidem infirmæ in privatis ædibus non adhibeantur.*

Damnamus ineptias nonnullorum, qui ad cadaver mulieris in partu mortuæ, antequam tumuletur, legunt orationes, quæ puerperis in Ecclesia purificandis adhibentur. Inhibemus pariter, ne quando mulieri post partum ex infirmitate periclitanti in privatis ædibus Sacramenta ministrantur, Orationes, introducendis in Ecclesiam puerperis prælegi solitæ, recitentur.

TITU.

(m) C. unic. de Purificat. post part.

TITULUS IV.

De Sacramento Confirmationis.

CAPUT I.

§. I. *In Confirmationis Sacramento robur & plenitudo Spiritus Sancti baptizato confertur.*

Sacramento Baptismatis succedit aliud, quod a SS. Patribus nunc *Confirmatio*, nunc *manus impositio*, nunc *Sacramentum Chrismatis* aut *Unctio* nominatur: cujus quidem Sacramenti virtute homini baptizato plenitudo Spiritus Sancti, & auxilium ac robur singulare confertur, quale datum est Apostolis die Pentecostes, ut Christi nomen & fidem coram Principibus mundi & orbe toto intrepide valeant profiteri.

§. II. *Ordinarius Sacramenti Confirmationis Minister est solus Episcopus jurisdictione præditus.*

Ordinarius hujus Sacramenti Minister est solus Episcopus: (n) ad legitimam autem ejus administrationem jurisdictio requiritur; hinc Episcopus solos spirituali suæ potestati subiectos confirmare debet, nisi expressa, vel saltem probabiliter præsumpta alterius Episcopi proprii licentia accedat.

CAPUT II.

§. I. *Sacramentum hoc sine gravi Sacrilegio iterari non potest.*

Sacramentum hoc, cum non tantum baptizatum in gratia per Baptismum collata, (o) ad Christi nomen fortiter confitendum, & contra omnes dæmonis, mundi, carnisque impetus animosè pugnandum corroboraret; sed etiam indelebilem animæ characterem imprimat, nunquam sine gravi Sacrilegio iterari potest.

§. II. *Confirmatis circumstantiæ Confirmationis in memoriam revocentur.*

Quia tamen frequenter evenit, ut parentibus vita defunctis pueri Confir-

mationis susceptæ nequaquam memores, (p) iterum se offerant Confirmationi; idcirco mandamus parentibus ac patrinis, ut præsertim ante rationis usum confirmatis, quando, a quo, & ubi fuerint confirmati, & a quo patrino Episcopo oblatis, sæpe in memoriam revocent, ut hac gratiæ plenitudine, quam vi Sacramenti acceperunt, ad DEI gloriam & salutem suam recte utantur, & de virtute in virtutem quotidie progrediantur.

§. III. *Pastores moneant sæpius parentes, ut suos liberos, qui annos discretionis attigerunt, ad suscipiendum hoc Sacramentum adducant.*

Cum hujus Sacramenti susceptio utilissima sit, (q) præcipimus omnibus ac singulis Civitatis & Diocesis nostræ Pastoribus, Vice-Pastoribus, Concionatoribus & Catechistis, ut parentes crebro adhortentur, quatenus suos liberos nondum confirmatos ad suscipiendum hoc Sacramentum adducant, dummodo annos, quos vocant discretionis, attigerint: tum ut ipsum Sacramentum præmissis Fidei, rectæ intentionis & aliarum virtutum actibus, majori cum reverentia, fructuque suscipiant: tum etiam ut postea melius Sacramenti suscepti possint meminisse, eviteturque illius repetendi periculum, nisi forte Episcopus Confirmans aliter judicaverit.

§. IV. *Circa Quatuor tempora, & Pentecosten Colonia, extra eum cum Episcopum adventurum noverint, confirmandi debite instruantur.*

Eapropter Pastores, Vice-Pastores, Concionatores & Catechistæ Dominicis & Festis diebus jejunia Quatuor temporum proxime antecedentibus, (r) quibus populus Coloniam, ad suscipiendum Confirmationis Sacramentum, accurrere solet, præsertim vero in Festis Pentecostes, ac quandocumque

Nos,

(n) Eugenii IV. Papæ Constit. 19. §. 11. c. Presbyteris 119. de Consecr. dist. 4. c. De his vero 3. c. Manus quoque 4. de Consecr. dist. 5. Conc. Trid. Sess. 7. de Confirm. can. 3.
 (o) Conc. Trid. Sess. 7. de Sacrament. in genere, can. 9. c. Dictum 8. & c. De homine 9. de Consecr. dist. 5. (p) Statuta Sifridi Archiep. Colon. cap. 5. in fin. pag. 38.
 (q) Statuta Sifridi Archiepisc. d. loco. Conc. Provinc. Colon. sub Hermannq V. Part. 7. cap. 9. pag. 378. (r) Catechism. Roman. Part. 2. de Sacram. Confirm. cap. 3. n. 1.

Nos, vel Vicarium nostrum in Pontificalibus adventurum, & hoc Sacramentum administraturum esse compererint, auditores suos plene instruant de omnibus, ad illud digne suscipiendum pertinentibus.

§. V. *Usus Sacramenti Confirmationis a primordio Ecclesiae fuisse, Pastores doceant.*

Et quia nostri temporis haeretici, spiritu humilitatis destituti, ridere solent, (s) quod non intelligunt, hocque Sacramentum ludibriis & cachinnis excipiunt; doceant in concionibus Pastori, Vice-Pastori & Concionatores, tam ex sacris literis, quam SS. Patrum scriptis & Conciliorum definitionibus, Confirmationem inter Sacramenta novae legis semper numeratam fuisse, usumque ejusdem ab Ecclesiae nascens viguisse exordio.

§. VI. *Quintum a Sacramento Confirmationis, vel ad tenendum in ipso Sacramento arcedi sint.*

Inter adultos vero nullus haereticus, excommunicatus, interdictus, vel gravioribus facinoribus contaminatus, aut primorum Christianae Fidei rudimentorum, videlicet Orationis Dominicae, Salutationis Angelicae, ac Symboli Apostolorum ignarus, ad percipiendum hoc Sacramentum, vel ad tenendum confirmandum se ingerat; nisi forte doctrinae sit incapax, veluti perpetuo amens, surdus, mutus, &c. quo casu tantum ad Confirmationis Sacramentum suscipiendum, nullo vero pacto ad quempiam in ipso Sacramento tenendum admittitur.

§. VII. *Confirmandi sint in statu gratiae.*

Cum Sacramentum Confirmationis ex propria sua institutione, gratiae augmentum conferat, (t) necessarium censetur, ut illud recepturus, jam ante in Dei gratia sit constitutus; idcirco volumus, ut omnes confirmandi, qui octo vel summum decem annis majores sunt, dolique capaces, ne gratiae Spiritus Sancti ponant obicem, si con-

scii sibi fuerint peccati mortalis, Confessionis Sacramentum praemittant, quo a peccatorum sordibus expurgati, velut vasa munda amplissimis Spiritus Sancti donis copiosius impleantur, & tam animae, quam corpora eorum, viva Spiritus Sancti templa efficiantur.

§. VIII. *Vel saltem actum contritionis praemittant. Pastores confirmandos deducant.*

Si tamen confirmandi temporis angustia pressi, vel alias legitime impediti Confessionem Sacramentalem praemittere nequeant, de admissis saltem peccatis praevidenter conterantur. Pastores igitur & Vice-Pastores, eorumve Vicarii, vel Sacellani, Catechistici item lectionibus Praefecti adultis confirmandis certum confitendi tempus praestituent, eosdemque ad designatam pro Confirmatione accipiendam deducant Ecclesiam, vel de eorum facta confessione atque convenienti dispositione testabuntur.

§. IX. *Confirmandi mundi & fronte libera accedant.*

Præterea Sacramenti hujus reverentia postulat, ut omnes confirmandi facie lora, & a sudore sordibusque expurgata, fronte libera, nec panno obvoluta se sistant, ut sacro perungi Chrismate decentius & commodius possint.

CAPUT III

§. I. *In Confirmatione non sit Patrinus, qui fuit in Baptismo, nec plures uno vel uno adhibeantur.*

IN Confirmatione non sit idem, qui fuit in Baptismo patrinus, (u) nisi necessitas aliud postulet, ut ea ratione confirmati amplior cura habeatur, si ejus instructio ad plures pertineat; non tamen plures, quam unus, sive vir, sive mulier, neque parentes ullum ex suis liberis in Confirmatione teneant, neque conjugum alter alterum.

§. II.

(s) Catechisin. Roman. loc. cit. Colon. Part. 7. cap. 9. pag. 377. & 378. colum. 1.

(t) C. Urje juni 6. de Consecr. dist. 5. Conc. Prov. Statuta Adolphi III. Archiep. Colon. pag. 475.

(u) C. In Catechismo 100. c. Non plures 101. de Consecr. dist. 4.

§. II. *Regulares persone pro Patrinis non assumantur.*

Monachi quoque, vel Sanctimonialiæ, aliæ cujusvis Ordinis Regulares in patrilos vel matrilos non adhibeantur: (*) obligationi enim confirmatum instruendi satisfacere nequeunt.

§. III. *Patrinus ejusdem sit sexus, cujus est confirmandus, neque ipse minor ætate.*

Patrinum ejusdem sexus, cujus est confirmandus, esse convenit, neque minorem ætate; indecorum enim est, si minor majorem monendo, vel corripiendo patris vices obeat.

§. IV. *Patrinus sit Catholicus, pubes, confirmatus & bonæ vitæ.*

Volumus autem, non quemlibet absque discrimine ad id muneris admitti; (y) sed tantum Catholicos, ætate puberes, Sacramento Confirmationis insignitos, ab omni excommunicatione liberos, vitæ, moribusque integros, & qui Christianæ Fidei rudimenta novierint, eoque anno ad Sacramentum Confessionis & Communionis accesserint; & generatim, qui in Baptismo patrinus esse prohibetur, in Confirmatione quoque non est admittendus. Veratur etiam abusus, quo patrinus rogatur obivus quilibet ignotus ac peregrinus; cum confirmatus a similibus nullum spirituale emolumentum habere possit, cujus solius gratia assumitur.

§. V. *Neque Patrinus, neque confirmandus armatus accedat, nomina minus convenientia in Confirmatione mutantur.*

Patrini ad hoc Sacramentum armis vel gladiis accincti non accedant, neque armis instructi adducantur. Curent etiam parentes, aut patrini, ut si quis ridiculum vel gentile, neque conveniens homini Christiano nomen in Baptismo acceperit, illud in nomen homini Christiano conveniens commutari.

§. VI. *Observanda a Patrinis in Confirmatione, & post Confirmationem.*

Si quandoque judicio Episcopi infantem confirmandi fuerint, portentur brachio dextro, & teneantur, atque a genuflexis Episcopo offerantur, aduti manibus ante pectus devote complicatis genuflectant. Patrini vero sive Matrinæ, a tergo manu dextra dextro humero confirmandi imposita, donec Episcopus frontem confirmandi in modum Crucis unxerit, leviterque maxillam ejus percusserit, assistant: Patrini pariter de nomine confirmandorum rogati, clara & distincta voce illud expriment: susceptoque Sacramento cum confirmatis recedentes, aliis succedentibus locum relinquunt.

§. VII. *Patrini fasciam lineam conferant, quæ per confirmatos in tertium usque diem gestitur.*

Patrini fasciam adferant lineam novam ac mundam, duobus aut tribus digitis latam, & justæ longitudinis, ut confirmatorum frontes & capita ob reverentiam sacri Chrismatis, statim ea decenter possint obligare, interposito inter fasciam & consignatum frontis locum linteolo duplicato, aut modico gossipii; caveatur, ne Patrini, confirmative manu contingant sacram Unctionem: fascia circumligata non statim deponatur, sed juxta veterem & receptam consuetudinem in tertium usque diem, vel minimum quousque Chrismatis Unctio fuerit desiccata, gestetur.

§. VIII. *Patrini munera confirmatis dare non obligantur.*

Sciant Patrini vel Matrinæ, ac etiam illi, qui fasciam confirmatorum deponunt, quod neque confirmatis, neque eorum parentibus quidquam omnino largiri teneantur, ne, quod aliquando factum esse constat, cuiquam hoc Sacramentum, iterandi præbeatur occasio.

§. IX. *Patrini ante benedictionem Episcopalem non abeant.*

Patrini & Matrinæ confirmatos apud se modeste retineant, & precibus

Ggg ggg 3 in-

(*) C. Non licet 103. - c. Monachi 104. de Consecr. dist. 4. c. Pervenit. 20. 18. quæst. 2.

(y) C. In Baptismo 102. de Consecr. dist. 4.

intenti, ultimam benedictionem ab Episcopo præstolentur.

§. X. *Ritus in solvenda confirmati fascia a Sacerdote servandus.*

Et si præstet per Pastorem, ejus Sacellanum, aut alium Sacerdotem, quam per Patrinum fasciam deponi, si tamen deponat, modum hunc servet: primo aqua munda in pelvim infundatur, deinde fasciam, adhibitoque modico sale, frontem confirmati defricet, eluat & abstergat; finita elutione, fascia una cum panniculo seu gossipio, quo unctio cooperta fuit, comburatur, conjicianturque cineres, nec non aqua lotionis in piscinam sacram, vel cœmeterium, ostuarium, profluentem, vel in ignem; aut Parochus ipsam fasciam in sacrario, aut alio loco honesto comburendam in usum cinerum sacrorum in die *Cinerum* in Quadragesima conferret. Cavendum autem est, ne in sterquilinum, vel in cœnum, aut alium immundum locum hæc aqua, ob sacri Chrismatis reverentiam effundatur; quamvis si vitta diligenter lota, in sacrario, vel alio decenti loco conservata, ad similem sacrum ritum adhiberi possit; ad profanos tamen usus applicari non debet, cum per sacri Chrismatis contactum quodammodo sit consecrata. Cæterum absque urgente causa non permittendum, ut mox post collatum Sacramentum frons confirmati abluatur, seu abstergatur.

CAPUT IV.

§. I. *Semel confirmatus, iterum confirmari non debet: de Confirmatione dubitans, Nos, vel Suffraganeum nostrum consulat.*

Cum semel confirmatus, iterum confirmari non debeat, si quem præmature parentibus orbatum, vel alium quemcunque post diligentem inquisitionem dubitare contingat, num aliquando hoc Sacramentum acceperit, is Nos, seu nostrum Suffraganeum consulat, ut sub conditione, si ita visum fuerit, confirmari valeat.

§. II. *Confirmatorum, Parentum & Patrinorum nomina inscribenda.*

Quod ne deinceps facile contingat, usque de cognitione spiritali

constare possit, Parochi & Vice-Parochi singulorum, confirmatorum, eorumque parentum, ac patrinorum seu matrinarum nomina in peculiari libro distincte describant.

§. III. *Moneantur Patrimi, quænam sit eorum obligatio.*

Parochi, Vice-Parochi & Concionatores patrinis & matrinis inculcent, ut suos filios, & filias spirituales virtutis, & Christianæ perfectionis viam ingredi hortentur, ipsosque Orationem Dominicam, Salutationem Angelicam, & Symbolum Apostolorum, nec non reliqua Fidei rudimenta doceant, vel curent saltem, ut Catechismum hebdomadatim semel adeundo, ea perdiscant.

TITULUS V.

De Sacramento Pœnitentiæ.

CAPUT I.

§. I. *Sacramenti Pœnitentiæ institutio.*

Sacramentum Pœnitentiæ Christus Dominus tunc præcipue instituit, (2) cum a mortuis excitatus insufflavit in discipulos suos, dicens: *Accipite Spiritum Sanctum: quorum remiseritis peccata, remittantur eis, & quorum retinueritis, retenta sunt.* (a) Quo tam insigni facto, & verbis, tam perspicuis potestatem remittendi, & retinendi peccata, ad reconciliandos fideles post Baptismum lapsos Apostolis, & eorum legitimis Successoribus fuisse communicatam, universorum Patrum consensus semper intellexit.

§. II. *Nullus confitens, nisi peccato oretenus expresso absolvatur.*

Ut autem virtute hujus potestatis a Christo communicata absolutio Sacramentalis impertiat, ordinarie loquendo confitens peccatis speciatim expressis, materiam clavibus subijcere debet; neque peccata per nunciium, seu literas Confessario absenti Sacramentaliter confiteri, ab eoque absente absolutionem impetrare licet: quod CLEMENS VIII. Pontifex verbis subiectis declaravit: " Sanctissimi P. N. D. CLEMENS Papa VIII. &c.

(2) Conc. Trid. Sess. 14. de Sacram. Pœnit. cap. 1.

(a) Joan. 20. Matth. 12.

" &c. (b) Auditis votis Patrum Theologorum, & re cum Illustrissimis & Reverendissimis Dominis Cardinalibus contra hæreticam pravitatem generalibus Inquisitoribus mature ac diligenter considerata, hanc propositionem, scilicet, licere per literas seu internuncium, Confessario abfenti peccata Sacramentaliter confiteri, & ab eodem absente absolutionem obtinere, ad minus uti falsam, temerariam & scandalosam damnavit ac prohibuit. Præcepitque, ne deinceps ista propositio publicis, privatisque lectionibus & concionibus & congressibus doceatur, neve unquam tanquam aliquo casu probabilis defendatur, imprimatur, aut ad praxin quovis modo deducatur, quod si quis illam docuerit, defenderit, imprimi fecerit, aut de ea disputative tractaverit (nisi forsitan impugnando) vel ad praxin directe vel indirecte deduxerit, præter excommunicationem lætæ sententiæ, quam ipso facto incurrat, & a qua non possit (præterquam in articulo mortis) ab alio quacunque etiam dignitate fulgente, etiam S. R. E. Majori Pœnitentiario, nisi a pro tempore existenti Romano Pontifice absolvi, aliis etiam pœnis arbitrio infligendis subiaceat. In generali Congregatione sanctæ Romanæ & universalis Inquisitionis habita in Palatio Apostolico in Monte Quirinali die 20. mensis Julii 1602.

§. III. Forma Absolutionis præscribitur.

Insuper volumus, & mandamus, ut omnes omnino hac a Sede Apostolica præscripta absolvendi Pœnitentes forma utantur: *Dominus JESUS CHRISTUS te absolvat: & ego auctoritate ipsius te absolvo ab omni vinculo excommunicationis, suspensionis & interdicti, in quantum possum, & tu indiges: deinde ego te absolvo a peccatis tuis, in nomine Patris & Filii & Spiritus Sancti Amen.* (c) Quod si pœnitens Laicus fuerit, verbum *suspensionis* omittatur: neque huic formæ quis-

quam aliquid, vel pietatis, vel reverentiæ causa addat, neque in ea mutet: antequam quoque detur absolutio, imponatur satisfactio.

CAPUT II.

§. I. Sacramentum Pœnitentiæ in mortale lapsus est necessarium.

Sacramentum istud non minus lapsus post Baptismum ad salutem necessarium, (d) quam nondum renatis ipse Baptismus, recte a Ss. Patribus & Oecumenica Tridentina Synodo *secunda post naufragium tabula nominatur*; quia: sicut naufragis unicum vitæ servandæ perfugium superest tabula, qua enantent, sic innocentia Baptismi perditæ, quasi fracta per peccatum mortale primæ gratiæ navi, nisi quis ad hanc pœnitentiæ tabulam confugerit, certum æternæ damnationis periculum subit. *Nisi pœnitentiam habueritis, omnes similiter peribitis: facite ergo fructum dignum pœnitentiæ.* (e)

§. II. Confessio diu non est differenda.

Hinc diligenter docendus est populus, ut mortali peccato commissio, statim de eo coneratur; deinde Sacerdoti a Nobis, nostrove in Spiritualibus Vicario ad Sacramentales Confessiones excipiendas approbato illud legitime confiteatur, & salutarem pœnitentiam sibi injectam impleat: nec confessionem ad festum usque Paschæ differat.

§. III. Merito Passions Christi Sacerdos peccata remittit.

Doceant Parochi, & Vice-Parochi suos parochianos institutionem, partes & effectum hujus Sacramenti, (f) quodque summa animi dimissione & dolore, magna que spe misericordiæ Divinæ ad latebras conscientie detegendas unumquemque oporteat accedere; declarentque remissionem peccatorum in confessione per Sacerdotis absolutionem factam, merito Sanguinis Christi perfici: siquidem post Resurrectionem suam, hoc inter prima munera passionis

(b) Clementis VIII. Papæ Constit. 27. §. 1. & seq.

(d) C. Secundo 72, de Pœnit. dist. 1. Conc. Trid. Sess. 14. de Sacram. Pœnit. can. 2.

(e) Luc. 13. v. 3. Matth. 3. v. 8. Luc. 3. v. 8.

Pœnit. cap. 1. vers. 5.

(c) Rituale Rom. de Sacram. Pœnit.

(f) Conc. Trid. Sess. 14. de Sacr.

nis suæ contulit Apostolis, (g) ut quorum remitterent peccata, iis eadem apud Deum remissa essent.

§. IV. *Numerus & circumstantia peccatorum exprimi debent.*

Moneant etiam Parochi, Vice-Parochi, Concionatores, Catechistæ parochianos suos, speciem & numerum peccatorum mortalium, quantum fieri potest; & circumstantias eorumdem, quæ speciem mutant, aut vehementer aggravant, in confessione explicandas esse.

§. V. *Sæpius in anno repetatur Confessio.*

Pastores, Vice-Pastores, Concionatores & Catechistæ sæpius hortentur pueros & minores, ut in festis solemnioribus; adultiores autem saltem quinque summis anni festivitatis, Sacramento Confessionis conscientia suæ maculas eluant, sic fiet, ut illi a teneris instructi methodum rite confitendi facilius addiscant, firmiusque retineant, & facti provectiores, minore cum difficultate sese in illa exercent: hi vero Divinæ gratiæ, adeo ipsis in adulta ætate, ob quotidiana vitæ pericula necessariæ copiam abundantius adipiscantur.

§. VI. *Medici curent, ut anima prius, quam corpori consulatur.*

Sancitum est ab INNOCENTIO III. & PIO V. (b) ut Medici ad ægrotos lecto decumbentes vocati, antequam illorum curam suscipiant, ipsos statim admoneant confessionis apud idoneum & Episcopi Diocesani auctoritate approbatum Confessarium instituendæ, neque ultra tertiam diem eos visitent, nisi forte tempus ampliandum infirmo, Confessario iustis de causis videretur, vel Medicis constiterit infirmum peccata sua confessum esse. Has salutares constitutiones diligenter observari volumus, Medicosque in Domino monemus, ut si quos ægros de hæresi suspectos, vel a fide Catholica alienos tergiversari, aut vitæ liberioris fuisse animadvertent, Pastori, seu Vice-Pastori denuncient; vel si id damno sibi

fore timeant, Parochum, seu Vice-Parochum saltem monendum curent, ut quamprimum periculose infirmum in sua parochia visitet. Idemque Religiosi, ac Religiosæ, qui ægris assistunt, præstent. Pastor autem, seu Vice-Pastor monitus, ægrum statim conveniat, & ad suscipiendum salutare Pœnitentiæ Sacramentum modis omnibus inducat, & cæteris omnibus officii sui partibus debite fungatur.

§. VII. *Puerperæ & periculose agrotantes tempestive muniantur.*

Puerperæ, & alii, quibus probabile vitæ periculum imminet, non differant salutaribus pœnitentiæ remediis se tempestive munire, ne cum corpore pariter animæ periculum incurrant; advigilent etiam studiose ad hoc Pastores & Vice-Pastores, cumque necessarium judicaverint, ultra se offerant.

§. VIII. *Consuetudo confitendi initio Quadragesimæ in usum revocetur.*

Antiquam confitendi consuetudinem initio Quadragesimæ à Christi fidelibus omnibus in usum revocari summopere exoptamus, (i) ut futura jejunia & alia pietatis opera in statu gratiæ perficiantur, & meritum indeaugeatur. Quare Pastores, Vice-Pastores, Concionatores & Catechistæ Dominica Sexagesimæ vel Quinquagesimæ adhortentur auditores suos, ut ipsis antecineralibus, vel sub initium jejunii Quadragesimæ peccata sua confiteantur; nihilo tamen minus confessionem ante Paschalem Communionem iterent. Injungimus quoque iisdem Pastoribus, Vice-Pastoribus & Confessariis, ut dicto tempore tam initio, quam sub finem Quadragesimæ, & circa solemnia Festa, sacra tribunalia adeant pœnitentes audituri.

§. IX. *Dominica Passionis præceptum Paschalis Communionis promulgetur.*

Ne quis ignorantiam præcepti de annua saltem Confessione & Communione in Paschate, ab omnibus & singulis utriusque sexus Christi fidelibus, cum ad annos discretionis pervenerint, juxta

(g) Matth. 18. v. 18. Joan. 20. v. 23. miss. Pii V. Papæ Constit. 3.

(b) C. Cum infirmitas 13. de Pœnit. & Re-
(i) Trid. Sess. 14. de Pœnit. c. 5. in fine.

juxta Concilii Lateranensis Constitutionem (k) implendi prætereunda queat, volumus quotannis tam a Sæcularibus, quam Regularibus Concionatoribus & Confessariis idipsum Dominica *Passionis* publicari, & post Dominicam in *Albis* vigilare & annotare Pastores & Vice-Pastores, quinam ex suis parochianis intra quindenam paschalem, quæ a Dominica *Palmarum* usque ad Dominicam in *Albis* inclusive numeratur, defuerint officio, eos moneri, & nisi præcepto satisfecerint, vivos a cætu fidelium, mortuos ab Ecclesiastica sepultura arceri.

§. X. *Pastores Confessionis documentum exigant.*

Ne tepidi Catholici, vel de fide suspecti facile, prout hætenus factum fuisse, cum dolore animi accepimus, dictam Ecclesiasticam legem eludant, & in fordibus suis diutius volutentur, volumus, ut Pastores & Vice-pastores, quoties similes in parochia sua commorari deprehenderint, exigant ab iis chirographum Confessarii sui, ut inde constet, ubi & quando fuerint isto anno confessi. Item in pagis, qui se dicunt in paschate alibi confessos esse, testimonio Confessarii auctoritate nostra approbati id docere teneantur: quod si non fecerint, contra eos, ut non confessos, procedatur.

CAPUT III.

§. I. *Requisita in Ministro Sacramenti Pœnitentiæ.*

Quoniam Minister Sacramenti Pœnitentiæ est solus Sacerdos, (l) qui non hominis, sed Dei judicium exercet, circa animas pretioso Christi Sanguine redemptas, dum Confessionibus pœnitentium intendit: in eo comprimis præter potestatem Ordinis, quam Presbyterio, initiatus accepit, necessario requiritur jurisdictio in pœnitentem ordinaria, vel delegata, sine qua nulla est absolutio, sicut sacra Congregatio Cardinalium Concilii Tridentini Interpretum disertis verbis, GREGORIO XV. & URBANO VIII. confirmantibus, declaravit.

§. II. *Sine Presbyterii Ordine confessiones ex-cipientes, vel Missam celebrantes, graviter puniantur.*

Idcirco Nos ut impiam & sacrilegam nefariorum hominum audaciam, qui ad sacrum Presbyteratus Ordinem non promoti, munus audiendi confessiones usurpare præsumunt, coercemus: CLEMENTIS VIII. & URBANI VIII. Sanctionibus in eos, qui non initiati Sacerdotio, Missam celebrant, vel Sacramentalem Confessionem audiunt, publicatis insistendo, decernimus, ut si quis, seu Laicus, seu Clericus sæcularis, aut cujusvis Ordinis, Congregationis, Societatis, etiam necessario exprimendæ, Religiosus, aut cujuscunque alterius Instituti, quomodocunque etiam exempti & Apostolicæ Sedi immediate subiecti, nec non Militiarum quatumcunque, etiam S. Joannis Hierosolymitani fuerit, salutis suæ immemor, eo temeritatis processerit, ut Sacerdotii charactere minime insignitus, Missam celebrare, aut Sacramentalem Confessionem audire non vereatur, ob atrocissimum hoc scelus suum, quo non tantum Catholicam veritatem, quæ solos Presbyteros dictorum Sacramentorum Ministros esse docuit, factò impugnare; sed & Sacramenti Pœnitentiæ dignitatem contemnere, atque Christi fideles cum maximo animarum periculo decipere audeat, is uti Ecclesiæ misericordia plane indignus condigne puniatur, & ab Ordinibus Ecclesiasticis, si quos habuerit, rite degradetur, absque mora Curia sæculari tradatur, Judicium sententiis debito supplicio puniendus. Quin nec hujusmodi delinquenti privilegium ætatis minoris, dummodo vigesimum annum compleverit, valeat suffragari, quo minus per præfatos Pontifices Maximos impositis pœnis subiciatur; si quis vero scenice vel ludicre mimorum modo pœnitentiam vel Eucharistiam exhibuerit, severissimis pœnis arbitrio nostro subiaceat.

§. III.

(k) C. Omnis utriusque sexus, de Pœnit. & Remiss. (l) Eugenii IV. Constit. 195. 13. Conc. Trid. Sess. 14. de Sacram. Pœnit. c. 6. & 7. & can. 10.

§. III. *Quid ad jurisdictionem accipiendam requiratur.*

Sacerdos ad dimittenda peccata fit aptus in genere per potestatem Ordinis, determinate vero per potestatem jurisdictionis; sine qua Confessiones Sacramentales excipere præsumens; præter poenam arbitrariam, eamque gravem, ipsi autoritate nostra infligendam, ab officio & beneficio suspendatur. (m) Porro nullus Sacerdos, etiam Regularis, potest confessiones sæcularium, etiam Sacerdotum, audire, nec ad id idoneus reputari, nisi aut parochiale beneficium, aut ab Episcopis per examen, si illis videbitur esse necessarium, aut alias idoneus judicetur, & approbationem obtineat.

§. IV. *Approbatus in una Diœcesi, in alia ad confessiones exponendus de novo debet approbari.*

Semel approbatus ab Episcopo unius Diœcesis, (n) etiam ab Episcopo alterius Diœcesis, in qua ad animarum curam, vel confessiones exponendus est, iterum approbari debet, nec sine ejusmodi nova approbatione, ultas quorumcumque personarum sæcularium Sacramentales Confessiones excipere potest.

§. V. *Ad curam animarum sæcularium exercendam, & eorundem, vel Monialium Confessiones excipiendas ius approbandi soli Episcopo Diœcesano competit.*

Potestas porro (o) qualemcumque Sacerdotem sæcularem aut Regularem quantumvis exemptum, vel quocunque privilegio munitum ad curam animarum sæcularium exercendam, aut Sacramentales sæcularium, aut quorumcumque Ordinum Monialium confessiones excipiendas approbandi, Episcopis tantummodo Diœcesanis competit: privilegiis contrariis, statutis, indultis & consuetudinibus etiam immemorabilibus penitus sublati.

§. VI. *Approbatio gratis detur & in scriptis habeatur.*

Hæc approbatio, gratis dando, in scriptis habeatur, ut in omnem eventum possit, maxime visitationibus, exhiberi.

CAPUT IV.

§. I. *Subjungimus & publicamus Urbani Pontificis declarationem, quæ sic habet:*

URBANUS PAPA VIII.
AD PERPETUAM REI MEMORIAM.

§. II. *Causa abrogationis.*

„ Cum, sicut accepimus, (p) ali-
„ quibus Religiosis quorundam
„ Ordinum, seu Congregationum a
„ Sede Apostolica indultum fuerit, ut
„ Sacramentales personarum sæcula-
„ rium Confessiones audire valeant,
„ etiam ab Episcopis Diœcesanis ad id
„ examinati, & approbati non fuerint;
„ nec desint, qui temere asseverent,
„ hoc ipsum privilegium cæteris quo-
„ que aliorum Ordinum Regularibus
„ competere ex amplissimis privilegio-
„ rum communicationibus, quas ab
„ eadem Sede Apostolica obtinuerunt:
„ & hinc saluberrimum sacri Concilii
„ Tridentini Decretum desuper sanc-
„ tum penitus evertatur. &c. Dat.
„ Romæ apud S. Mariam majorem sub
„ annulo Piscatoris die XII. Septemb.
„ M. DC. XXVIII. Pontificatus nostri
„ anno sexto.”

CAPUT V.

Missionarii exhibeant literas approbationis, stabilium Confessariorum & Concionatorum nomina annotentur.

„ Cum in Diœcesi nostra duplicis sint
„ conditionis Sacramenti Pœnitent-
„ iæ Ministri; stabiles nimirum, uti Pa-
„ rochi, Sacellani, Patres Conventuum,
„ & Missionarii: de utrisque nonnulla
„ videntur esse statuenda. Ac Missiona-
„ rii quidem, nonnisi exhibitis literis ap-
„ probationis suæ, ad Sacramentorum
„ administrationem admittantur. De
„ stabilibus vero decernimus, ut singuli
„ Decani Rurales, Pastores, Vice-pasto-
„ res,

(m) Conc. Trid. Sess. 23 de Reform. cap. 15.

(n) Innocent. X. Constit. 30.

(o) Gregorii Papæ XV. Constit. 18. atque ibid. Declarat. Congreg. Cardia. Conc. Trid. Interpr. desuper emanata, tum ab ipso Gregorio, tum Urbano VIII. ejus Successore approbata. Innocent. X. Papæ Constit. 30.

(p) Urbani Papæ VIII. Constit. 92.

res, alique Ecclesiarum Rectores, in Manuale hunc in finem conficiendum, ac singulis annis Nobis, seu Vicario nostro in Spiritualibus Generali, aut Archi-Diacono, sive Decano suo Rurali in visitatione exhibendum dictorum Confessariorum & Concionatorum nomina, Ordinis qualitatem, nec non nomen ejus, qui literas approbationis hujusmodi expeditiv, referant.

CAPUT VI.

§. I. Qualitates requiritæ in Ministro Sacramenti Pœnitentiæ.

AD hæc magna oportet sacri hujus Tribunalis Ministrum esse instructum scientia & prudentia, utpote, qui de rebus maximis ex tempore debet judicare. Ideo Confessarius, ut recte decernat inter lepram & non lepram, ac, tanquam peritus Medicus, animarum morbos prudenter curet, & apta cuilibet remedia applicet, fusis ad Deum orationibus, moderatione passionum, & frequenti sacræ Scripturæ, Ss. Patrum, & probatorum Authorum lectione requisitam sibi scientiam comparet, & epitomen aliquam casuum conscientiæ sibi familiarem habeat, ut occurrentibus dubiis satisfacere possit; quem in finem etiam peritiorum consilium, nulla tamen facta pœnitentis mentione, in rebus gravioribus exquirat.

§. II. Confessarius sciat casus Sedi Apostolicæ, & Episcopo Diocesano reservatos.

In specie vero sciat casus & censuras tum Sedi Apostolicæ, tum Nobis reservatos, easque diligenter observet: casus Sedi Apostolicæ reservatos præcipuos recenset Bulla *Cenæ Domini*, ac probati Auctores, qui subjiciunt alios permultos desumptos ex corpore Juris communis, & diversorum Pontificum Constitutionibus. In Diœcesi vero nostra Colonienfi Nobis hi sunt reservati, prout eos reservamus: *Apostasia, homicidium voluntarium, incendium Ecclesiæ, Sodomia, raptus Virginitatis, incestus cum consanguineis aut affinitibus in primo aut secundo gradu, aut cum sanctimonialibus, adulterium manifestum, injectio manuum violenta in parentes cum lesione, blasphemia magna, seroquæ prolata, veneficium, sortilegium, li-*

Tomus IX. Concilior. German.

gatura & omne maleficium, quo impeditur actus matrimonialis in conjugibus, perjurium manifestum.

§. III. Vota non facile commutentur, aut ab excommunicatione detur absolutio.

Sciant item Confessarii Sedi Apostolicæ inter cætera reservata esse vota: *Castitatis perpetuæ, Religionis approbatæ, Peregrinationis Romanæ, Jerusalemitanæ, & Compostellanæ*: quoad reliqua vero vota & excommunicationes, quibus eorundem permutatio sive absolutio Apostolico privilegio aut delegatione permittitur, caveant, ne temere permutando vota, vel ab iis absolvendo suam excedant potestatem.

§. IV. A casibus reservatis extra mortis periculum sine speciali facultate Confessarius non absolvat.

Nemo Sacerdotum seu sæcularium, seu cujusvis Ordinis, Congregationis, Societatis & Instituti Regularium, etiam ad confessiones sæcularium personarum audiendas legitime approbatorum, a casibus Sedi Apostolicæ, aut Nobis reservatis quempiam, extra mortis periculum, absque speciali Apostolica, seu nostra facultate absolvere præsumat: Sacerdos enim ad confessiones excipiendas generatim approbatus, nullam ab iis absolvendi habet potestatem, prout sacra Congregatio Cardinalium subjectis verbis definivit.

§. V. Decretum sacræ Congregationis Cardinalium negotiis Episcoporum & Regularium præsidendum.

" Sacra Congregatio S.R.E. Cardinalium negotiis & consultationibus Episcoporum & Regularium præposita censuit, per confirmationes privilegiorum, quas Regulares a Sede Apostolica post sacrum Concilium Tridentinum obtinuerunt, nequaquam revixisse privilegia prius ab eodem Concilio, ac deinde etiam ipsius Congregationis Decretis sublata atque extincta, si quæ habebant absolvendi a casibus Ordinario loci reservatis; quemadmodum nec indulta absolvendi a casibus contentis in Bulla, quæ in die *Cenæ Domini* legi consuevit, utpote sublata per annum

H h h h h h 2 illius

„ Illius Bullæ publicationem, vires,
 „ aut robor acquisivisse, ex subsequen-
 „ tibus privilegiorum confirmationi-
 „ bus. Ac proinde Regulares cujus-
 „ vis Ordinis, Congregationis, Socie-
 „ tatis & Instituti, etiam necessario ex-
 „ primendi; nec intra, nec extra Ita-
 „ liam in vim privilegiorum, aut con-
 „ firmationum ejusmodi, quas vel ha-
 „ ctenus obtinuerunt, vel deinceps
 „ forte obtinebunt, posse quemquam
 „ absolvere ab eisdem casibus in Bulla
 „ *Cane*, aut Ordinario loci reservatis.
 „ Ac si secus egerint, absolutiones
 „ nullas atque irritas fuisse ac fore.
 „ Ab aliis vero casibus & censuris Se-
 „ di Apostolicæ reservatis, si quidam
 „ Regulares habeant a Sede Apostolica
 „ absolviendi facultatem, illam extra
 „ Italiam minime sublatam fuisse iisdem
 „ sacrae Congregationis Decretis hac
 „ de re editis, jussu San. mem. CLE-
 „ MENTIS VIII. Quam sacrae Con-
 „ gregationis sententiam, Sanctitas sua
 „ ad se relata approbavit, mandavit
 „ que ab omnibus, ad quos pertinet,
 „ inviolabiliter observari. Romæ 17.
 „ Novembris 1628.”

§. VI. *Potestate a casibus reservatis absolven-
 di, vel in irregularitatibus & votis di-
 spensandi nemo utatur, nisi ean-
 dem exhibuerit.*

Quod si quis a dictis casibus Epi-
 scopo Diocesano reservatis absolviendi
 potestatem, vel ea majorem a Romano
 Pontifice obtinuerit, inhibemus, ne
 prius illa in nostra Diocesi utatur,
 quam eam Nobis, nostro Vicario in
 Spiritualibus Generali, aut Archi-Dia-
 cono loci examinandam exhibuerit;
 ne hoc colore sub ovina pelle lupi in
 ovile nostrum irrepant, gregemque
 nostrum dissipent ac mactent. Quod
 si legitime de tali obrenta facultate con-
 stiterit, ea non ad everfionem, sed
 ædificationem utatur, exposita pœni-
 tentibus peccatorum gravitate, & con-
 grua satisfactione, prout spiritus sug-
 gesserit, prudenter imposita, neque in
 irregularitatibus aut votis, nisi speciali
 munitus potestate, dispense.

§. VII. *Ubi, & quomodo Sedes confessiona-
 les debeant esse dispositæ.*

Ut perversis & improbis homini-
 bus omnis calumniandi occasio, quan-
 tum fieri potest, subtrahatur, manda-
 mus omnibus facultatem & licentiam
 audiendi confessiones habentibus, ut,
 sicubi erectæ nondum sunt Sedes con-
 fessionales, eas quamprimum sumpti-
 bus fabricæ in ipsa Ecclesia, loco publi-
 co & aperto curent erigi, quæ Con-
 fessarium a pœnitente utrimque asser-
 culo cancellato, seu crate perforata,
 ac pœnitentem ab aliis alio asserculo
 disjungant; extra quas nullus unquam
 Confessarius sæcularis, seu cujusvis
 Ordinis, Congregationis & Instituti
 Regularis, virorum, aut cujuscunque
 qualitatis & conditionis mulierum, seu
 puellarum, etiam Religiosarum, con-
 fessiones excipiat: surdis autem, præ-
 gnantibus, aut alia infirmitate labo-
 rantibus poterit Confessarius commo-
 dum tempus eas audiendi assignare;
 semper tamen in loco Ecclesiæ valde
 conspicuo; nec quisquam Sacerdos
 post Solis occasum, alterius sexus con-
 fessiones sine lumine audiat.

§. VIII. *Quo habitu Confessarii esse induti, &
 quid considerare debeant.*

Confessarii in sacro illo Tribunali
 modestiam & gravitatem præferant,
 sedantque superpelliceo induti, & sto-
 la a collo dependente; seu alio decenti
 habitu Presbyterali, ac memores sint,
 se agere conscientiarum Judices; ac
 Spirituales animarum Medicos, justitiæ
 simul ac misericordiæ Ministros a Deo
 constitutos esse, ut tanquam arbitri
 inter Deum; & homines, non minus
 honori Divino, quam animarum salu-
 ti consulant, nec excedant ad dextram
 vel sinistram, sive indulgentia, sive se-
 veritate; proinde non oscitantes, sed
 magna cum attentione, circumspectio-
 ne & judicio Sacramentum hoc admi-
 nistrent, & cognito pœnitentium sta-
 tu, congrua vitiis adhibeant remedia,
 & pœnitentiam salutis animarum maxi-
 me convenientem imponant.

§. IX.

§. IX. *In sola Ecclesia confessiones excipiantur, maxime mulierum, nisi necessitas aliud exegerit.*

Nulli etiam sæculari in privatis ædibus, vel in Sacristia, vel alibi, quam in sede ad hunc finem in Ecclesia dicto modo erecta, idque januis patentibus liceat confessiones, præsertim mulierum, audire, nisi gravi necessitate, aut infirmitate hoc exigente; quæ, si inciderit, Confessarius in Sacramentalibus mulierum confessionibus excipiendis cubiculi januam apertam, ejusque velum, si quod fuerit, levatum semper habeat; ita ut conspici, non autem audiri possit: Quod si forsan in celebritate aliqua extraordinaria, pœnitentium concursus plures Confessarios postulet, eo casu sacra Tribuna- lia pro tempore tunc assignanda, loco patenti in Ecclesia, & quantum fieri potest, ad normam supradictam constituantur.

§. X. *Pœnitentes genuflexi discinctis gladius consuevantur, Confessarius sedens & lecto capite confessiones excipiat.*

Sicut nullis prorsus confitentibus quacunque etiam dignitate Ecclesiastica, aut sæculari fulgentibus licitum est assidere Confessario (extra infirmitatem) sed ipsis pœnitentibus animo contrito, non quasi hominis, sed Dei sententiam de suis peccatis audituris, humiliter discinctis, si quos habent, gladiis, genuflectere; ita & Sacerdos nullius pariter, cujuscunque conditionis existat, confessionem excipiat, nisi sedens, nec aliter, quam lecto capite, pœnitentem absolvat. Insuper nec vultus austeritate, nec verborum asperitate pœnitentes deterreat, sed magna eum mansuetudine ad veram peccatorum confessionem invitet.

§. XI. *Confessarii confessiones audientes, ut alii propius accedant, non permittant.*

Non permittat Confessarius, dum unius confessionem audit, alios propius accedere, ne pœnitens, dum ab aliis audiri metuit, peccata reticeat, & Confessarius minus libere confitentes examinet: caveatque, ne tunc ea in medium proferat, vel a confitentibus

adducantur, quæ ad materiam confessionis non pertinent.

§. XII. *Pœnitentes rudiores in rebus fidei, & modo confitendi instruuntur.*

Confessarii, dum rudiores pœnitentes inveniunt, de quorum instructione in rebus fidei, & modo confitendi dubitant, ante omnia illos examinent, an fidei Catholicæ rudimentorum, aut Orationis Dominicæ, Salutationis Angelicæ, Symboli Apostolorum, Præceptorum Decalogi, & Ecclesiæ, atque peccatorum capitalium noticiam habeant, & quos horum ignaros cognoverint, si tempus suppetat, breviter, vel assignato alio commodiore, instruant de rebus fidei, & aliis ad salutem cognitu necessariis, de conscientia discussione, confessione, & dolore ad eam necessario; corripiant eorum ignorantiam, urque in posterum ea diligentius addiscant, serio commoneant. Recteque pro Officii sui munere facient Confessarii, si pœnitentem, quem vel examinandæ conscientia non vacasse, vel simplicitate nimia in hac parte laborare intelligunt, sua diligentia, & prudenti interrogatione adjuvent.

§. XIII. *Circa castitatis materiam examinandum Confessarii sint circumspecti.*

Monemus serio omnes, & singulos Confessarios, ut in examinandis confitentibus parce, & valde caute circa peccata carnis procedant, non solum dum virgines, sed etiam conjugatos, aut quoscunque coelibes audiunt, ne incautis interrogationibus peccata, quæ ignorant, vel aliter offendicula sint, & in cæteris omnibus prudentes sint, & circumspecti, eaque sinceritate & maturitate munere suo fungantur, quam & tanta ministerii Sanctitatis, & animarum salus deposcit.

§. XIV. *Circa confitentem, aut complices, non sint curiosi.*

Ut supervacanea, a Confessione aliena & extranea inter confitendum non sunt miscenda; ita multo minus a Confessario nomen complices, vel ipsius etiam pœnitentis, ejus domicilium, vel rei domesticæ status curiosè
Hhh hhh 3 inqui-

inquiratur: hæc enim affectatam curiositatem, familiaritatem, aut quæstum redolent; quin hortamur pœnitentes, ut tales Confessarios, vel prætereant, vel deserant.

§. XV. *Nemo pœnitentem inducat ad sibi soli ex voto confitendum.*

Cum puritati & tranquillitati conscientiarum modis omnibus consulendum sit, Confessariis omnibus sub pœna arbitraria, eaque gravi, prohibemus, ne quemquam ad sibi solis confitendum inducant, multoque minus voto ad id obligent; imo etiam propensis ad id vovendum, vel promittendum dissuadeant, & vetent: quin & Nos ejusmodi votum, seu promissionem, etiam juratam, a ratione alienam & imprudentem esse declaramus, & quatenus opus est, rescindimus; sed hoc potius curent, ut omnis tollatur contentio dicentium: *Ego sum Pauli, ego autem Apollo; ego vero Cepha.* (q)

CAPUT VII.

§. I. *Proprii peccati complices nemo audiat.*

UT animarum periculis, quantum in Domino possumus, occurramus, sub pœna suspensionis ipso facto incurrenda, inhibemus omnibus Confessariis, ne quis confessionem mulieris, cum qua in materia carnis peccavit, aut complicitis, aut fautoris peccati (nisi in necessitate extrema) excipiat.

§. II. *Pœnitentem ad turpia sollicitantis pœna.*

Confessarius porro, qui occasione, vel specie Sacramentalis Confessionis pœnitentem ad turpia sollicitavit, severissime puniatur juxta Constitutionem GREGORII Papæ XV. (r) cujus hæc verba sunt: "Statuimus, decernimus & declaramus, quod omnes & singuli Sacerdotes, tam sæculares, quam quorumvis etiam quomodolibet exemptorum, ac Sedi Apostolicæ immediate subsectorum Ordinum, Institutuum, Societatum & Congregationum Regulares, cujuscumque dignitatis & præminentia, aut quovis privilegio muniti existant,

" qui personas, quæcunque illæ sint, ad inhonestam, sive inter se, sive cum aliis quomodolibet perpetranda in actu Sacramentalis Confessionis, sive ante, vel post immediate, seu occasione vel prætextu confessionis hujusmodi, etiam ipsa confessione non secuta, sive extra occasionem confessionis in Confessionario, aut in loco quocunque, ubi Confessiones Sacramentales audiuntur, seu ad confessionem audiendam electo, simulantibus ibidem confessiones audire sollicitare, vel provocare tentaverint, aut cum eis illicitos & inhonestos sermones, sive tractatus habuerint, in Officio sanctæ Inquisitionis severissime, ut infra, puniantur. Et præterea omnes hæreticæ pravitatis Inquisitores, & locorum Ordinarios omnium Regnorum, Provinciarum, Civitatum, Dominiorum & locorum universi orbis Christiani in suis quæque Diocesibus & territoriis, per has nostras literas, etiam privative, quoad omnes alios, specialiter ac perpetuo Judices delegamus, ut super his contra supradictos simul, vel separatim in omnibus, prout in causis Fidei, juxta sacrorum Canonum formam, nec non Officii Inquisitionis hujusmodi constitutiones, privilegia, consuetudines & decreta diligenter inquirent, & procedant: & quos in aliquo ex hujusmodi nefariis excessibus culpabiles repperint, in eos pro criminum qualitate & circumstantiis suspensionis ab executione Ordinis, privationis Beneficiorum, dignitatum & Officiorum quorumcunque, ac perpetuæ inhabilitatis ad illa, nec non vocis activæ & passivæ, si Regulares fuerint, exilii, damnationis ad triremes, & carceres etiam in perpetuum, absque ulla spe gratiæ, aliasque pœnas decernant; eos quoque, si pro delicti enormitate graviore pœnas meruerint, debita præcedente degradatione, Curia sæculari puniendos tradant.

§. III.

(q) 1. Corinth. I. 12.

(r) Gregorii XV. Papæ Constit. 34.

§. III. *Inquisitorum arbitrio probationes permittuntur.*

" Dantes etiam facultatem Venerabilibus Fratribus nostris S. R. E. Cardinalibus, generalibus Inquisitoribus, ne delictum tam enorme, & Ecclesiæ DEI tam perniciosum, remaneat ob probationum defectum, impunitum, cum difficilis sit probationis, testibus etiam singularibus, concurrentibus præsumptionibus, iudiciis & adminiculis, delictum probatum esse arbitrio suo judicandi, & Curiaæ seculari, ut præfertur, reum tradendum esse, pronuntiandi.

§. IV. *Pœnitens sollicitantem tenetur denunciare.*

" Mandantes omnibus Confessoribus, ut suos pœnitentes, quos novérine fuisse ab aliis, ut supra, sollicitantes, moneant de obligatione denunciandi sollicitantes, seu, ut præfertur, tractantes, Inquisitoribus seu locorum Ordinariis prædictis: quod si hoc Officium prætermiserint, vel pœnitentes docuerint non teneri ad denunciandum Confessarios sollicitantes seu tractantes, ut supra, iidem locorum Ordinarii & Inquisitores illos pro modo culpæ punire non negligant.

§. V. *Feminarum cavenda familiaritas.*

Caveant itaque Confessarii, ne familiares sint foeminis sibi confitentibus; prolixiora colloquia earundem evitent, neque illas ad nimis frequenter sibi confitendum invitent.

§. VI. *Cum filia Spirituali lapsus puniatur.*

Si quis Sacerdos cum filia Spirituali, aut cum muliere, cujus Sacramentalem Confessionem audivit, fornicatus fuerit, (s) sciat se ob grave crimen commissum mox deponendum, & juxta sacros Canones, sine conniventia puniendum.

§. VII. *Rebus temporalibus pœnitentis sese non immiscet Confessorius.*

Confessarii quoque commoda temporalia sibi, vel suis occasione confessionis a pœnitentibus non aucupentur.

Neque convenit, ut ipsorum bonis administrandis se misceant, nisi pupillorum, viduarum, vel alias gravatorum conditio id poscat.

§. VIII. *Quibus neganda absolutio.*

Noverint etiam proximas occasiones mortaliter peccandi vitandas esse, easque vitare nolentibus beneficium absolutionis non esse impendendum; ut nec iis generatim, quos non habere propositum abstinendi a peccatis, aut nullum de admittis dolorem evidenter cognoscunt.

§. IX. *In pœnitentis injungendis Confessorius sit circumspiciendus.*

Confessarii sint prudentes & circumspiciendi in salutaribus injungendis pœnitentis, habita ratione status, conditionis, sexus, ætatis ac dispositionis pœnitentium, & pro peccato occulto pœnitentiam publicam non imponant, ne, dum Medici animarum videri volunt, peccatorum proditores fiant.

Ut autem sciant, quid in injungendis satisfactionibus potissimum considerandum sit, mature expendant hæc verba Concilii Tridentini: (z) " Debeant ergo Sacerdotes Domini, quantum Spiritus & prudentia suggererit, pro qualitate criminum, & pœnitentium facultate salutare & convenientes satisfactiones injungere: ne forte peccatis conniveant, & indulgentius cum pœnitentibus agant, levissima quædam opera pro gravissimis delictis injungendo, alienorum peccatorum participes efficiantur. Habeant autem præ oculis, ut satisfactio, quam imponunt, non sit tantum ad novæ vitæ custodiam & infirmitatis medicamentum; sed etiam ad præteritorum peccatorum vindictam & castigationem; nam claves Sacerdotum non ad solvendum duntaxat, sed ad ligandum concessas, etiam antiqui Patres & credunt & docent.

CAPUT VIII.

§. I. *Sigillum confessionis servetur illatum.*

Cum nihil confessionem magis suam & gratiam reddat, quam sigillum,

(s) C. Si quis Sacerdos. c. Non debet. 30. q. 1.

(z) Sess. 14. de Pœnit. c. 8.

gillum, (u) norint Confessarii id sibi strictissime servandum, nec verbo, signo, nutu, aut quovis alio modo, vel minimum veniale peccatum confitentis prodendum esse, sub pœnis degradationis, & aliis a jure salubriter præscriptis. Hoc sigillum ad ea se quoque extendit, quæ subinde occasione eorum, quæ in confessione detecta sunt, post datam absolutionem a Confessariis interrogati pœnitentes vel reperunt, vel fusiis narrant, etiam si corporis, animi, vel natalium, aut alii defectus naturales sint.

§. II. *Etiam post latam in pœnitentem mortis sententiam.*

Non ferenda quorundam est Judicum sacrilega interrogatio, qua post latam in reum mortis sententiam inquirunt ex Confessariis, siue iuste damnatus reus an non? quo casu nec minimum confessi veniale delictum, quibuslibet etiam tormentis propositis, Confessariis detegere permillum est.

§. III. *Historica in confessione acceptorum narratio prohibetur.*

Abstineant Confessarii ab omni prorsus (suppressis quamvis nominibus) historica acceptorum in confessione narratione, quæ peccata ipsa, eorumque modum, vel etiam pœnitentium in confitendo morem exhibeat: ne audientes a confitendo deterreantur.

§. IV. *Extra confessionem de confessis non agat Sacerdos.*

Observent similiter, ne cum pœnitentibus extra confessionem de peccatis in illa manifestatis, nisi petita & obtenta eorundem venia loquantur. Quod si confessus iusta ratione motus cupiat, vel consentiat peccata a se confessa revelari, tutius est, ut ipsemet pœnitens peccatum suum coram aliis manifestet, quam Confessario manifestandum committat.

§. V. *Quicumque ex confessione peccata novit, ad sigillum obligatur.*

Non solum autem Confessarius hoc sigillo tenetur, sed omnes omni-

no, qui peccata alterius ex sola confessione noverunt, siue Clerici, siue Laici, siue licite, siue illicite, etiam illi, quibus confessio a Confessario sacrilege detecta fuerit; ideoque omnibus istis severe præcipimus, ne peccata sic cognita ulli propalare audeant; qui contrarium fecerint gravissime nostro arbitrio punientur. Et quia rudis plebs hujus sigilli est ignara, ei Pastores, Vice-Pastores, Concionatores & Catechistæ hanc obligationem exponant.

§. VI. *Pœnitens Confessarii dicta non revelet.*

Pœnitentes quoque non facile referant, quæ Confessarius dixerit, suam quippe salutem impedit, qui Confessario libertatem sanctam monendi, vel increpandi, aliaque agendi, quæ sui muneris sunt, effutiendo adimit.

TITULUS VI.

De Indulgentiis & Confraternitatibus.

CAPUT I.

§. I. *Indulgentiæ quid sint.*

Magnum imbecillitatis humanæ solacium, ingens vero pœnitentium adjumentum sunt Indulgentiæ, (x) quarum dispensationem Christus S. Petro, ejusque Successoribus in ædificationem, non vero destructionem fidelium commisit & credidit, ut rite pœnitentibus, pœnæ temporalis reatus, interdum non exsoluta pœna relaxetur.

§. II. *Conditiones requisitæ pro eis lucrandis.*

Quam gratiam ut recipiamus, oportet præter seriam pœnitentiam, operisque præscripti expletionem, concessionem Indulgentiarum veram esse & certam. De qua certitudine ut constet, non nisi per locorum Ordinarios sunt publicandæ; providendumque est Archi-Episcopis & Episcopis, ut perquam accurate, ante earundem promulgationem recognoscantur & approbentur, illorumque coerceatur temeritas, qui dubiis & incertis Indulgentiis,

(u) C. Sacerdos, de Pœnit. dist. 6. c. Omnis. §. Caveat, de Pœnit. & Remiss.

(x) Trid. Sess. 25, in fine Decret. de Indulgent.

tiis, ad quæstum potius, & corrogandas eleemosynas, quam ad fidelium pietatem excitandam abutuntur.

§. III. *Abusus Confraternitatum.*

Inter quos abusus & corruptelas merito censentur Confraternitatum & Congregationum spiritualium passim sine nostra, nostrive in Spiritualibus Vicarii Generalis licentia factæ Institutiones, Erektiones, Aggregationes, & Indulgentiarum, subinde non satis probatarum, communicationes.

§. IV. *Ad hos tollendos edita Constitutio CLEMENT. VIII.*

Eapropter CLEMENS VIII. Pontifex magna sollicitudine formam instituendi, erigendi, aggregandi, & recte administrandi Sodalitates & Confraternitates, nec non Indulgentiarum thesauros communicandi præscripsit.

CLEMENS PAPA VIII.
AD PERPETUAM REI MEMORIAM.

§. I. *Singulare bujus Pontificis studium.*

Quæcumque a Sede Apostolica (y) ad promovendam Christi fidelium salutem aliquando concessa sunt, &c.

CAPUT II.

§. I. *Indulgentiarum conficiatur index, & Nobis, vel Vicario nostro in Spiritualibus examinandus offeratur.*

Sacri Concilii Tridentini, aliisque Apostolicis, & Prædecessorum nostrorum Decretis insisterendo ordinamus, atque in virtute obedientiæ Ecclesiarum quarumcunque, tam Regularium, etiam exemptorum, quam sæcularium Civitatis & Diocesis nostræ Abbatibus, Præpositis, Archidiaconis, Decanis tam Collegialibus, quam Ruralibus, Pastoribus, Vice-Pastoribus, Prioribus, Guardianis, cæterisque Superioribus & Rectoribus quibuscunque præcipimus, ut Indulgentiarum Ecclesiæ suæ conficiant indicem, addantque, quibus pietatis operibus ex sint promerendæ; insuper a quibus Indul-

gentias obtinuerint, a quo approbatæ, & ad quod tempus extendantur, perquam accurate annotent, ac Nobis, nostrove in Spiritualibus Vicario examinandas ac recognoscendas tradant; ut si revocatæ, vel ad certum jam elapsum tempus concessæ sint, seu alias expiraverint, rejiciantur, & omnis abusus, si quis irrepsit, tollatur, quæ vero legitime probabuntur, in librum peculiarem referantur, evulgentur. (z) Quin etiam ad majorem fidelium pietatem & certiores notitiam, in singulis Ecclesiis, quibus spirituales Indulgentiarum gratiæ concessæ noscuntur, earundem index in publico loco affigatur, ut cœlestes Ecclesiæ thesauros cuncti cernentes, ad pietatem moveantur.

§. II. *Non publicentur sine auctoritate Ordinarii.*

Severe prohibemus Civitatis & Diocesis nostræ Pastoribus, Vice-Pastoribus, Concionatoribus & Catechistis, (a) ne deinceps ulla Indulgentias, aut alias spirituales gratias quibuscunque, etiam exemptis Ecclesiis, Monasteriis, Collegiis, Congregationibus, Confraternitatibus, Sodalitatibus, seu quibusvis aliis locis piis, sub quovis modo & forma, aut quacumque de causa concessas publicent, aut publicari procurent absque licentia & auctoritate Ordinarii, in quarum promulgatione earundem vim & efficaciam populo proponant, ut fructum consequatur uberiorem.

§. III. *Sodalitates compotatorie abrogentur.*

Sicubi vero Sodalitates ad celebrandum solummodo anniversarium convivium, non autem ad fovendum Dei, Sanctorumque cultum deprehendantur institutæ, eas ab Ecclesia Dei prorsus removendas esse censemus; & ne diutius similibus Sodalitatum tituli atque insignia alicubi tolerentur, sub pena interdiciamus arbitraria.

TITU-

(y) Clementis VIII. Constit. 11 §. Bullarii Tom. 3.
Decret. de Indulg.

(a) Trid. Sess. 21. de Reform. c. 9.

(z) Trid. Sess. 25. de Reform.

TITULUS VII.

De Sacramento Eucharistiæ.

CAPUT I.

§. I. *St. Eucharistia religiose est offerenda, pertractanda & suscipienda.*

Sacrosanctum Eucharistiæ Sacramentum (quod non solum gratiam, ut reliqua Sacramenta, confert, (b) sed ipsummet omnis gratiæ & sanctitatis fontem, authoremque Christum Dominum admirabili modo reipsa & substantialiter continet) præ cæteris religiose habendum est, & administrandum, atque a fidelibus sancte & devote suscipiendum, reverenterque ad infirmos deportandum.

§. II. *Excellentia huius Sacramenti populo explicanda.*

Quapropter quæ in Generalibus, Provincialibusque Conciliis, ac Synodalibus Statutis ad cultum, venerationem, ac maiestatem huius Sacramenti sancita sunt, Pastores, Vice-Pastores, Concionatores & Catechistæ auditoribus suis inculcent. Ecclesiarum autem Prælati, Superiores, alique Cleri ac populi Rectores, officii, vocationisque suæ memores, opere compleant.

§. III. *Hostiæ consecratæ in Ecclesiis Parochialibus asservandæ & renovandæ.*

Variis Conciliis & Canonibus ordinatum est, (c) ut in singulis Ecclesiis Parochialibus, aliisque curam animarum habentibus Hostiæ consecratæ in Tabernaculo clave obserato pro infirmorum, aliorumque fidelium Communionem asserventur, quæ, ne vetustate corrumpantur, singulis saltem quindenis, vel si loci humiditas requirat, sæpius etiam renoventur, & novæ consecrentur.

§. IV. *St. Eucharistia asservanda in loco sacro, non tamen choro Monialium.*

Sacrosancta Eucharistia, (d) nec adorationis prætextu, nec infirmis succurrendi gratia fervetur alibi, quam in loco sacro, non tamen intra chorum,

vel septa Monasterii Monialium, sed in Ecclesia publica.

§. V. *Excepto tempore belli, aut quo hereticorum irreverens timeretur tractatio.*

Si tamen in locis sacris aut militum deprædantium, aut hæreticorum hoc Sacramentum irreverenter tractantium timeretur incurfus, in loco quocunque tuto, eoque honesto asservari posset, requisito desuper nostro, aut nostri in Spiritualibus Vicarii consensu.

§. VI. *Tabernaculum sit firmum & clausum, neque in ea Olea sacra aut Reliquiæ serventur.*

Tabernaculum, (e) in quo Sanctissimum Christi Corpus custoditur, sit firmum, & juxta cujusque Ecclesiæ facultates tam intus, quam foris decenter exornatum, in medio altaris majoris, vel alio venerationi tanti Sacramenti commodiori loco collocatum. Christinatis vero & Oleorum sanctorum vascula, sicut & Reliquiæ separatim asserventur.

§. VII. *Pyxides Tabernaculo imponendæ quot, & quales.*

In ipso Tabernaculo ciboria recludantur seu pyxides duæ, (f) in quarum majore Sacra Eucharistia asservetur, in minore ad infirmos deferatur: quas aureas esse oportet, vel argenteas, eburneas, aut minimum stanneas, easque mundas & nitidas, nequaquam vero ligneas, testaceas, aut vitreas, ob periculum fractionis, neque lapideas ob humiditatem & gravitatem, neque æneas vel cupreas propter æruginem.

§. VIII. *Pyxis sit clausa.*

Nunquam Corpus Domini in solo linteo extra clausam pyxidem, ciborium, vel calicem, aut deferatur, aut custodiatur, ipsiusque pyxididis, ciborii, aut calicis operculum pyxidi, ciborio, aut calici ita inhæreat, ut tamen si ciborium, calicem aut pyxidem cadere contingeret, non aperiretur.

§. IX.

(b) Trid. Sess. 13. de Eucharist. c. 1. 3. 6. & can. 1.

(c) C. Sane. de celeb. Miss. c. 1. de cultod. Euchar. Trid. cit. c. 6. & can. 7.

(d) Trid. Sess. 25. de Reg. c. 10.

pag. 41. col. 1. in fine.

(e) C. Sane. cit. Statuta Sifridi Archiep. Colon.

(f) Stat. Sifridi pag. 40. col. 2.

§. IX. *Corporale subternatur.*

Pyxidi, ciborio, calici, seu cui-
cunque alii vasculo, in quo Sacrosancta
Eucharistia conservatur, tam in Taber-
naculo, cui includitur, quam dum ad
excitandam populi pietatem in altari
exponitur, semper benedictum ac mun-
dum corporale sit suppositum.

§. X. *Clavis Tabernaculi a quo custo-
dienda.*

Clavis Tabernaculi nunquam in
ejusdem ostiolo, altari, aut loco vici-
no vel sacratio relinquatur; neque ulli
unquam Laico, vel Aedituo, neque
Moniali etiam credatur, quod sub ex-
communicationis pena Prædecessor
noster HERMANNUS IV. (g) ve-
tuit; sed in Ecclesiis Parochialibus a
solo Parocho, vel alio Sacerdote cum
ipsius licentia, in aliis autem Ecclesiis
tam sæcularium, quam Regularium a
Sacerdote per Superiorem speciatim
deputato custodiatur, qui diligentissi-
me advigilet, ut Tabernaculum sem-
per sit clausum, ne temeraria cujus-
piam manus ad horrenda sacrilegia con-
secratis Hostiis abutatur: neque un-
quam ab ullo in majoribus Ordinibus
non constituto aperiri seu claudi pa-
tatur.

§. XI. *Eucharistiam negligenter custo-
dientis pena.*

Si quis sacram Eucharistiam ne-
gligentius servarit, (h) per tres men-
ses juxta Canonicas Sanctiones punia-
tur; & si per ejus incuriam aliquid
nefandum contigerit, graviori subiaceat
ultioni.

§. XII. *Lamen ante Tabernaculum
alendum.*

Ob tanti Sacramenti reverentiam
in quacunque Ecclesia, tam sæculari,
quam Regulari, ubi asservabitur, per-
petuum lumen (quo significetur præ-
sens esse, qui lucem inhabitat inaccessibilem,
(i) & mentium nostrarum tenebras il-
lustrat) noctu diuque ante Taberna-
culum ardeat; fundationes in eum fi-

nem factæ strictè impleantur: (k) ad-
implere recusantes Superioribus debite
corrigendi deferantur.

§. XIII. *Sacra vasa quoties mundanda.*

Monstrantiæ, pyxides, calices &
ciboria, si argentea, aurea, vel inau-
rata sint, quotannis minimum bis, circa
festum Paschæ vel Pentecostes, ac S.
Michaëlis: si vero stannea sint, singu-
lis quindenis, aut mensibus saltem di-
ligentissime mundentur.

CAPUT II.

§. I. *Hujus Sacramenti Sanctitas frequenter
populo exponenda.*

Si neminem ad sacras functiones ac-
cedere deceat, nisi sancte, certe
quo magis viro Christiano hujus Sa-
cramenti comperta est Sanctitas atque
Divinitas, (l) eo diligentius, ne abs-
que magna reverentia & sanctitate ad
ejus perceptionem accedat, cavere de-
bet. Quapropter Parochi & verbi Di-
vini Præcones sæpius, maxime Festis
celebrioribus, quanta sit Eucharistiæ
excellencia, quanta religione, pietate,
& humili etiam corporis habitu ad Di-
vinum hoc epulum (in quo omnis spi-
ritualis dulcedo in suo fonte gustatur)
sit accedendum, populo exponant,
moneantque, ut ita seipsos probent,
& præmissa Sacramentali Confessione
Panem illum supersubstantialem fre-
quenter & devote suscipiant, ut vere
eis sit animæ vita & perpetua sanitas
mentis.

§. II. *Pueri, an, & quando ad Commu-
nionem admittendi.*

Pastores etiam & Concionatores
hortentur parentes, ut liberos, qui per
ætatis & judicii discretionem Dominici
Corporis Mysterium intelligunt, ad
ejus participationem inducant, ut cœ-
lesti hac alimonia pasti, omnium bono-
rum operum & meritum capiant in-
crementa, erroneumque esse doceant,
fideles ante decimum sextum ætatis
annum, vel priusquam ad justam Ma-
trimo-

(g) In Statut. suis pag. 274. col. 2.

(h) C. Qui bene, 94. de Consecr. dist. 2. c. 1.

(i) de custod. Euchar. (j) 1. Tim. 6. v. 16.

(k) Stat. Adolphi III. pag. 486. col. 1.

(l) Trid. Sess. 13. de Euchar. cap. 7.

Tomus IX, Concilior. German.

trimonii contrahendi ætatem pervenerint, ad sumendum hoc Sacramentum non obligari. Advigilent tamen, ne eum admittant, quem prima fidei rudimenta, quidve in sacra contineatur Eucharistia, ignorare constat.

§. III. *Præparatio ad Communionem.*

Admoneant quoque populum eam probationem necessariam esse, ut nulus peccati mortalis sibi conscius, quantumvis sibi contritus videatur, absque præmissa Sacramentali Confessione ad sacram Eucharistiam accedere debeat, nisi in periculo mortis constitutus confiteri non possit; vel copia Confessarii desit; quodque communicare volentes, naturale jejunium servare teneantur, ita ut a media nocte nihil omnino, ne quidem per modum medicinæ comederint aut biberint, infirmis tamen, de quorum periculo dubitatur, ne sine Viatico e vita discedant, exceptis.

§. IV. *Peccatoribus publicis neganda Eucharistia.*

Concubinariis, meretricibus, usurariis, inimicitias palam foventibus, aliisque peccatoribus, si tamen publici fuerint, neque concubinis, usuris & inimiciis respectively renuntiaverint, aut renuntiare serio parati fuerint, sacram Eucharistiam negandam esse decernimus.

§. V. *Prout & amentibus.*

Phrenetici seu amentes, dum rationis usu carent, aut a pietatis sensu sunt alieni, ab hoc Sacramento sunt excludendi, nisi lucida habentes intervalla pie & religiose illud sumere desiderent: (m) furiosis vero, amentibusque in fine vitæ, si ante insaniam seu amentiam, vel habentes lucida intervalla Sacramentum hoc sibi administrari petierint, & reverentiam eidem exhibuerint, dummodo vomitus, vel alterius incommodi periculum absit, devote ad illud sumendum præparatis non est denegandum; prout & ener-

gumenis, tum ut ejus virtute contra Dæmonium, quo infestantur, muniantur, tum ut ab eodem liberentur.

§. VI. *Similiter ultimo supplicio afficiendis.*

Ultimo supplicio afficiendis (n) quamvis sacra Eucharistia denegari non debeat, reverentiæ tamen tanti Sacramenti convenit, ut ante supplicii diem ipsis ministretur.

§. VII. *Quotannis publicanda Communio Paschalis.*

Quilibet Pastor & Vice-Pastor per se, vel per alium Concionatorem e suggestu quotannis populo Constitutionem Concilii Lateranensis sub INNOCENTIO III. denunciaret, (o) quæ jubet, ut quisque fidelis, postquam ad annos discretionis pervenit, omnia sua peccata, saltem semel in anno confiteatur proprio Sacerdoti, suscipiens reverenter ad minus in Pascha Eucharistiæ Sacramentum, nisi forte de proprii Sacerdotis consilio ob aliquam rationabilem causam ad tempus ab hujusmodi perceptione duxerit abstinendum, alioquin & vivens ab ingressu Ecclesiæ arceatur, & moriens Christiana careat sepultura.

§. VIII. *Eaque in propria sumenda Parochia, non vero in Ecclesiis Regularium.*

Exponant etiam, quod virtute hujus Constitutionis omnes a Dominica *Palmarum* usque ad Dominicam *in Albis* inclusive, ut præcepto Communionis Paschalis satisfaciant, de manu proprii Pastoris in Ecclesia Parochiali sacram Communionem sumere teneantur, ut Cardinalium Tridentini Interpretum Congregatio declaravit, (p) quæ etiam decrevit, non licere Regularibus in die Paschæ personis sæcularibus in ipsis etiam Monasteriis habitantibus administrare Sanctissimum Eucharistiæ Sacramentum, etiamsi ipsæ personæ sæculares alio die intra eandem quindecim præceptum Ecclesiæ de Communionem Paschali adimplevissent. Quare Regu-

(m) C. Is, qui. 26. q. 6.

(n) C. Quæsitum. 13. q. 2. c. Fures de furtis.

(o) C. Omnis utriusque. de Pœnit. & Remiss. Declarat. Cardin. Sess. 13. de Sacros. Euchar. Sac. can. 9. Stat. Adolphi III. pag. 455. col. 1. pag. 486. col. 1.

(p) Ad Sess. 15. post Canones de Euchar. §. Saltem. §. Congregatio. §. Dubitatur. §. Famuli.

Regulares aliud non præsumant, nisi speciali privilegio a Nobis tamen, nostrove in Spiritualibus Vicario prius viso & probato sese munitos esse ostenderint.

§. IX. *Puerpere a Communione Paschali non abstineant Dominica Palmarum, die Cene Domini ac festo Paschatis nullas tabernas frequentet.*

Cum abusus quibusdam in locis irrepserint, primo, ut puerperæ citra licentiam Pastoris statuto ab Ecclesia tempore Eucharistiam sumere negligant. Dein Communicantes, maxime adolescentiores filii, filiæ, famuli & famulæ, Dominica *Palmarum*, die *Cene Domini*, ac festo Paschatis publicas tabernas epulaturi iterum *in fermento veteri malitiæ & nequitie* (q) frequentent. Mandamus, ut illæ tempestive prædicto Concilio Lateranensi satisfaciant, & Paschalem Communionem domi saltem sumant, neque, donec in Ecclesiam introductæ fuerint, eam differant, nisi Parocho aliud videatur; hi a Pastoribus temporalis etiam pœnæ comminatione, ut tabernas publicas non frequentent, serio moncantur.

CAPUT III.

§. I. *Sacramenta qualiter ministranda ægrotis.*

PAstores, seu Vice-Pastores ægrotis Sacramenta Penitentiae, Eucharistiae, & Extremæ Unctionis distinctis temporibus, nisi aliud exegerit necessitas, administrent, curentque, ut ægrotantis cubiculum ab omni prorsus sordē purgetur, & mensa, si non nitida mappa, saltem alio linteo mundo honeste instrata, & effigie Christi cruci affixi, luminaribus, duobus vasculis, altero cum vino, altero cum aqua benedicta, & aspersorio ac linteo mundo ante pectus communicandi ponendo instructa præparetur, in qua supposito corporali pyxis cum Sanctissimo Sacramento collocari possit.

§. II. *Quo ritu.*

Ægrotis Parochianis, etiamsi extra præscriptos Paschales dies Sacram

Communionem sumpserint, nihilominus Paschalibus diebus illam ministrent: nunquam vero hoc Corporis Christi Sacramentum ad ægrotos, aut alios ullus Sacerdos quovis anno, etiam *Adventus*, *Quadragesima*, & *majoris hebdomade* die, nisi decenter superpelliceo ac desuper stola indutus deferat; (r) Custos quoque superpelliceo ornatus, lumen, librum Ritualem seu Pastoralem, bursam cum corporali, item linetolum purificatorium ad abstergendos digitos Sacerdotis, campanulam quoque sonantem præferat, quo populus sui officii tum erga Sanctissimum Sacramentum, tum erga infirmum admoneatur; idque observetur, etiamsi infirmus frequentius in ægitudine sua Sacrosanctam Eucharistiam sibi ex pietate deferri perat; in secus facientes gravi pœna arbitraria animadvertetur.

§. III. *Eucharistia ad ægros, cum lumine deferenda.*

Parochi, seu Vice-Parochi sibi commissos saepe hortentur, ut dum Sanctissimum hoc Sacramentum ad ægrotum deferretur, & ad Ecclesiam refertur, frequenter ac devoto rædas ardentes præferentes comitentur. Pastor autem, seu Sacerdos ejus vices gerens Sanctissimum Sacramentum ad ægrotum delaturus, signum campanæ, quo fideles ad Sacramentum comitandum invitentur, dari jubeant, semperque duo, ut minimum, cum luminibus ex ægroti vicinis Presbyterum cum Custode a templo ad ægrotum reverenter deducant, & ad Ecclesiam reducant; ad quam pietatera promovendam singulis deducentibus & reducentibus quadraginta dierum indulgentiam auctoritate nostra Archi-Episcopali impertimur.

§. IV. *Idque tempestive, si mortis immincat periculum.*

Viaticum Sacratissimi Corporis Domini ægrotantibus mature & solite ministrandum est, ne forte contingat eos tanto bono, Parochi incuria privatos decedere. Ægro dies aliquot sumpto Viatico supervivente, iterum

lii iii 3

que

(q) 1. Cor. 5. Y. 8.

(r) C. Sane. de celeb. Miss. Stat. Sifridi Archiep. Colon. pag. 40, col. 2. in fine. Stat. Wilhelmi Archiep. Colon. pag. 182. col. 2.

que communicari volente, pio ejusdem desiderio Parochus non desit.

§. V. *Infirmus vi morbi oppressus monendus, ut spiritualiter communicet.*

Parochus adveniens, si infirmum vi morbi oppressum communicare nequeat, eundem ut fide viva, quæ per dilectionem operatur, desiderium seu votum cœlestem hunc cibum sumendi concipiat, admoneat.

§. VI. *Eucharistia non deferatur de nocte, nisi urgente necessitate.*

Abusus, qui frequens esse solet, ut sub vesperum ad ægros deferatur Sanctissimum Sacramentum, tollatur, & nisi necessitas aliud suadeat, jejuni tantum Eucharistiam sumant; nunquam tamen Pastor quovis etiam nocturno tempore vocatus, infirmo Sacramenta administrare intermitat, sciatque se gravissime puniendum, si ejus culpa infirmus e vita exceßerit tam necessario non munitus Sacramento.

§. VII. *Duæ Hostiæ deferantur ad ægram.*

Ordinarie non unica, sed duæ ad minimum Hostiæ consecratæ ad ægrotum deferantur, (x) ut, una infirmo porrecta, altera ad Ecclesiam referatur, ne, Parocho ad Ecclesiam redeunte, inanem pyxidem populus adoret.

§. VIII. *Equitantes & currui insidentes ad adorandam Eucharistiam descendant.*

Cum quis Sacerdoti ad ægros Eucharistiam deferenti, aut cum eadem inde redeunti equo vel currui insidens occurrerit, statim descendat, flexisque genibus Sacramentum adoret. (z)

§. IX. *Sacerdoti longius ituro pyxis e collo pendeat.*

Quod si longius difficilisque iter ineundum, aut etiam equitandum fuerit, pyxis cum sacra Hostia bursæ decenti collo appensæ pectori alligatæ includatur, ut neque decidere, neque e pyxide sacra Hostia possit excuti.

TITULUS VIII.

De Sacrificio Missæ. (u)

TITULUS IX.

De Sacramento Extremæ Unctionis.

CAPUT I.

§. I. *Extremæ Unctionis utilitas.*

Sacramentum Extremæ Unctionis non modo Penitentia, sed & totius Christianæ vitæ consummativum est, (x) ad hoc spectatim a Christo Domino institutum, & per Jacobum Apostolum fidelibus commendatum atque promulgatum, ut sub finem vitæ, si quæ restent, peccatorum reliquias, & omnia, quæ animam mox e corpore migraturam, ab ingressu cœli remorari possunt, impedimenta tollat; adeoque hominem ad introitum regni cœlestis: nisi salutis animæ sanitas corporis magis expedierit, præparet, atque expeditam reddat; unde Sacramentum hoc a nemine negligendum est.

§. II. *Tempestive suscipienda.*

Idecirco populus tam publice in concionibus, quam privatim a Pastoribus, Vice-Pastoribus & Concionatoribus frequenter moneatur, ut adultus quisque in verisimili mortis periculo propter infirmitatem constitutus, tempestive hoc Sacramento, dum sensus & ratio adhuc viget, muniat, ut majore cum reverentia illud suscipiat, & ad actus pietatis, amoris & fiducias in DEI misericordiam eliciendos, virtute hujus Sacramenti excitetur.

CAPUT II.

§. I. *Quis sit Minister Extremæ Unctionis.*

Minister hujus Sacramenti est Sacerdos jurisdictionem habens: unde graviter peccat, qui cum nec proprius sit Pastor infirmi, nec ab Episcopo Diocesano, ejusve in Spiritualibus Vicario, nec a proprio Pastore licentiam obtinnerit, hoc Sacramentum administrare præsumit; (y) Religiosi vero,

(z) Stat. Wilhelmi Archiep. pag. 182. col. 2.

(u) Videatur hoc Tomo a pag. 740. can. 1. in Procem.

(z) Stat. Sifridi pag. 41. col. 1. sub fin.

(x) Trid. Sess. 14. de Extr. Unct. cap. 1. 2. & Clem. 1. de Privil.

vero, nisi & ipsi sint Parochi, sententiam excommunicationis Sedi Apostolicæ reservatam ipso facto incurrunt, si Clericis, vel Laicis Sacramentum Unctionis, sine Episcopi Diocesani, vel Parochi proprii licentia ministrant.

§. II. *Quando Sacerdos simplex possit inungere.*

Quod si proprius Parochus absit, vel non possit, aut hoc Sacramentum periculose ægrotanti ministrare nolit, neque etiam ad Nos, nostrumve in Spiritualibus Vicarium, aut saltem Archidiaconum ob loci distantiam, aut aliud impedimentum pro petenda licentia facilis detur accessus, tunc quivis alius idoneus autoritate nostra approbatus Sacerdos, non excommunicatus, neque suspensus licite ministrat; cum Sacramentum hoc animæ in extrema lucta perquam utile, firmissimumque contra demonis infestationes sit præsidium. (z) Sacerdos si per errorem in Extrema Unctione infirmum unxerit sacro Chrismate, vel Catechumenorum Oleo, postquam errorem adverterit, Olei sacri, quod proprium infirmorum est, Unctionem adhibeat, forma repetita, cum ex defectu materiæ Sacramentum fuerit invalidum.

§. III. *Sacerdoti longius eunti, quid faciendum.*

Quod si propter peragendum longius iter effusio timeatur, vas sancti Olei sacculo honesto, aut bursæ violacei coloris inclusum Sacerdos e collo suspendat, ut omne periculum evitetur.

§. IV. *Sacramentum Eucharistiæ & Unctionis simul ad infirmum deferendum.*

Si infirmo post peccatorum suorum confessionem mors imminere videatur, tunc cum sacro Viatico Oleum infirmorum ad eum per ipsum Sacerdotem una cum sacra Eucharistia deferri poterit, nisi alius Presbyter vel Diaconus, qui Oleum sanctum deferat, haberi possit, qui superpelliceo indutus cum Oleo sacro occulte delato sequatur Sacerdotem Viaticum portantem, ut postquam infirmus Viati-

cum sumpserit, a Sacerdote inungatur.

CAPUT III.

§. I. *Pueri an huius Sacramenti capaces.*

Cum solus baptizatus ratione utens huius Sacramenti sit capax; idcirco pueris, aut amencibus, qui ab ipso ortu nunquam mentis fuerunt compotes, non est Extrema Unctio ministranda, cum fructus huius Sacramenti non sint capaces.

§. II. *Qui modo violento perimuntur, non sunt inungendi.*

Sacramentum hoc iis conferri non potest, quibus extrinsecus gladio, suspendio, submersione, aut alias vi, mors est inferenda, quia non dicuntur infirmi; vulneratis tamen lethalliter, cum infirmis accenseantur, dari debet.

§. III. *Ultronee Pastor infirmum accedat.*

Si Pastor quempiam ex suis infirmum esse resciverit, de quo veretur, ne forte negligentia, aut malicia domesticorum aut propinquorum Sacramentis non munitus moriatur, adibit ædes infirmi etiam non vocatus, eumque de Sacramentis suscipiendis & cura salutis suæ monebit. Quod si per occupationes non liceat Pastori adesse morituro, submittat ipse, aut moneat infirmum, aut alium Sacerdotem, vel Religiosum advocari curet, qui morti propinquum in lucta contra serpenterem salutem insidiantem animet & consoletur.

§. IV. *Tumor suscepto hoc Sacramento citius moriendi improbat.*

Pastores, & Vice-Pastores graviter quoque reprehendant parum Christianum quorundam timorem, quo sibi persuadent, si inungantur, eo se citius morituros, susceptoque hoc Sacramento Testamentum condi non posse.

§. V. *Contemptor huius Sacramenti Ecclesiastica privetur sepultura.*

Quod si quis hoc Sacramentum contempserit, vel in extremis constitutus compos mentis, impendi sibi noluerit,

(z) Trid. loc. cit.

luerit, juxta Constitutionem Concilii Provincialis sub Decessore nostro ADOLPHO III. Archi-Episcopo habiti, (a) Ecclesiastica careat sepultura.

§. VI. *Post susceptam sacram Unctionem infirmo petenti rursus Sacramentum Eucharistiae & Penitentiae est administrandum.*

Consuetudo quidem ubique ferme obtinet, ut Sacramentum Extremæ Unctionis, ultimo loco inter Sacramenta, morituro conferatur, quia est Sacramentum exeuntium: (b) nihilominus post acceptam Extremam Unctionem, si infirmus aliquanto tempore vivat, & Viaticum iterum petat, ei administrari debet, ac quoties voluerit, a peccatis absolvi. Item quibus ob insaniam, furorem, gravem casum, vel alium morbum usu sensuum destitutis Sacramenta Penitentiae & Eucharistiae administrari nequeunt, Extrema tamen Unctio potest, quamvis antequam insanirent, aut loquelam amitterent, non petierint, dummodo alias bonæ vitæ fuerint.

§. VII. *In novo mortis periculo denuo quis potest iungi.*

Admoneatur etiam populus, Extremam Unctionem toties utiliter iterari posse, quoties quis in gravem & periculosum morbum relabatur, præmissa tamen semper Sacramentali Confessione & Communione, si fieri queat; non tamen in eadem ægitudine cum eodem mortis periculo, etiam ad plures menses permanente, nisi jam semel inunctus melius habere ceperit, & Medicorum judicio extra probabile seu propinquum mortis periculum fuerit constitutus.

TITULUS X.

De Sacramento Ordinis. (c)

TITULUS XI.

De Sacramento Matrimonii. (d)

TITULUS XII.

De Ecclesiis, Altaribus & Cemeteryis.

CAPUT I.

§. I. *Ecclesiæ Divino cultui dicatæ.*

Cum Ecclesiæ Divino cultui dicatæ proprie sint Sacramentorum locus, merito de illis nunc agendum, eaque ordinanda sunt, quæ a sacris Canonibus, Concilio Tridentino & Majoribus nostris accepimus, ut per eorum observantiam profana quælibet & indecentia ab omnibus Civitatis & Diocesis nostræ Ecclesiis procul arceantur.

§. II. *In solis Ecclesiis extra necessitatem celebrandum.*

Ecclesiæ autem nomine hic vulgè sumpto, intelligitur ædificium Divino cultui exercendo, ac præcipue Sacrificio Missæ Apostolica vel Episcopali authoritate deputatum; si Ecclesiæ sit diruta aut combusta, eo casu donec instauretur, in Capellis; similiter in magno populi conventu, quem Ecclesiæ non capit, item in bello pro exercitu, in longa peregrinatione per loca infidelium, sub dio vel in loco aliquo decente, (e) super viatico tamen, ut vocant, altari lapideo & consecrato, Apostolica vel nostra licentia interdum sacrificare permittitur.

§. III. *In Oratoriis privatis an liceat celebrare?*

Etiamsi cuilibet domi suæ liceat habere privatum Oratorium, in eo tamen celebrari non debet, nisi sit ad Divinum tantummodo cultum dedicatum, & authoritate nostra designatum: (f) in Oratoriis intra privatos parietes constitutis absque Summi Pontificis, nostræ consensu celebrantes debite puniuntur.

§. IV. *Absque Diocesani licentia non licet ædificare Ecclesiam.*

Nemini porro in locis ordinariæ nostræ jurisdictioni subjectis, (g) absque

(a) Pag. 456. col. 1.

(b) Trid. cit. c. 3.

(c) Videatur b. Tom. a pag. 752.

(d) Vid. b. Tom. a pag. 767.

(e) C. Sicut, c. Concedimus, de Consecr. dist. 1.

(f) Trid. Sess. 22. in Decret. de obs. in celeb. Missæ.

(g) C. Nemo, de Conf. dist. 1.

c. Cum sicut, de consecr. Eccles.

que consensu nostro, nostrive Vicarii in Pontificalibus Ecclesiam novam construere, neque aliter, quam constituta dote pro luminaribus & Ministris Ecclesiarum, atque oneribus aliis persolvendis, conceditur: si absque consensu nostro, seu nostri Vicarii quispiam Ecclesiam construxerit, nec alteri noceat, destrui quidem non debet, sed ædificans jure patronatus non gaudebit. Ecclesiam ædificari curans pro constituenda dote recte convenitur: Episcopus pariter Ecclesiam non dotatam consecrans ad dotem tenetur.

§. V. *Ecclesia cum præjudicio Parochialis non facile ædificanda.*

Cavendum similiter, (b) ne nova Ecclesia etiam Parochialis, in præjudicium antiquæ ædificetur, nisi iusta causa subit, veluti si numerus Parochianorum ita creverit, ut una Parochialis omnes non capiat, vel nimia sit distantia Parochianorum sine magno incommodo & difficultate antiquam Ecclesiam parochialem adire non valentium, aut si tam frequens sit populus, ut unus Pastor non sufficiat; tunc enim autoritate nostra nova Ecclesia, etiam invito antiquæ Ecclesiarum Rectore extrui, quin & portio competens ex redditibus & proventibus Ecclesiarum antiquarum sine præjudicio possidentis, relicta tamen ejusdem Rectori debita competentia, alioque modo eam dorandi deficiente, novæ nostro arbitrio potest assignari: imo necessitate exigente, populus ad subministrandum novo Parocho honestam vitæ sustentationem compelli potest. Illo tamen casu antiquæ Ecclesiarum jus hoc accrescit in novam, ut hujus dicatur matrix, eique a nova honos exhibendus sit; pars vero populi, quæ novæ Ecclesiarum subjicitur, a subjectione prioris absolvitur.

§. VI. *Leprosi propriam possunt habere Ecclesiam.*

Leprosi propriam Ecclesiam (i) seu Capellam cum cæmeterio & Pres-

bytero, sine præjudicio tamen antiquarum Parochiarum habeant.

CAPUT II.

§. I. *Ecclesia ab Episcopo dedicetur.*

Ecclēsia extructa quantocius a Nobis, seu Vicario nostro in Pontificalibus, vel alio Episcopo ex commissione nostra consecratur, (k) Altaria similiter in Ecclesia constituta, quæ lapidea, fixa, & stabilia esse debent, sive plura, sive unum, sive eodem die & simul cum Ecclesia, sive diversis diebus & seorsim possunt, ac debent dedicari; consecrata enim Ecclesia, hoc ipso Altaria consecrata non censentur.

§. II. *Quo die Ecclesia dedicanda, & dedicationis anniversarium servandum.*

Quolibet die sive Dominico, aut Festo, sive feriali, Ecclesia vel Altare potest consecrari. (l) Dedicatione porro Ecclesiarum quotannis solemniter est recolenda, nisi Episcopus iusta de causa, dum consecrat, alium diem anniversariæ dedicationis constituat.

§. III. *Ecclesia vel Altaria quando reconsecranda.*

Ecclesiarum vel Altaris consecratio non repetitur, (m) licet Ecclesia illæsis saltem parietibus magna ex parte corrueret. Quod si dubitetur, an Ecclesia vel Altaria consecrata sint, nec desuper scripturæ appareant, vel testes existant, consecrari debent.

CAPUT III.

§. I. *Altare aliud fixum, aliud mobile.*

Porro Altaria alia sunt mobilia, quæ de loco ad locum portantur, ideo viatica dicta; & fixa seu stabilia, quod ex lapide duro, vel opere lateritio, vel gypso, admixto cæmento constructa alicui loco, seu basi calce similive modo affixa sint. Differunt: nam illa per se consecrantur, hæc vero quatenus basi affixa sunt; ideo consecrationem amittunt, si vel loco moveantur, vel lapis

(b) C. ult. de Eccles. ædific. Trid. Sess. 21. de Reform. cap. 4.

(i) C. 2. de leprof.

(k) C. 2. de consecr. Eccles. c. 1. de Relig. domib.

(l) C. 2. cit.

(m) C. Ligneis. de consecr. Eccles. c. Solemnitates. c. Eccles. de Consecr. dist. 1.

lapis seu mensa consecrata ab inferiori structura seu stipite removeatur, (n) quia consecratio afficit conjunctionem superioris mensæ seu aræ, & inferioris stipitis. Viaticum altare non execratur a ligno, cui inclusum est, separatim, nisi in ipso ligno sigillum, seu locus sacrarum Reliquiarum includeretur.

§. II. Consecrationem amittit per notabilem fractionem.

Tam portatile, quam fixum altare amittit consecrationem notabili fractione, qualis est, si in nulla Altaris parte calix cum patena possit consistere. Ad retinendam consecrationem sufficit, si patenam capiat. In aliis licet quid fractum & ipsis etiam cornibus, in quibus unctio, fit, additum aut detractum sit, non amittitur consecratio, nisi media mensa fracta esset, qua parte calix & patena collocatur.

§. III. Reliquiæ Altaribus includendæ.

Juxta Pontificalis præscriptum, in Altari quolibet sit locus, qui sacras contineat Reliquias, & sigillum; proinde ab omnibus Ecclesiarum Prælati, Superioribus & Rectoribus providendum, ut (remotis aliis cujuscunque dignitatis & conditionis personarum corporibus, si quæ sub Altaribus sepulta sunt) antiqua consuetudo in omnibus altaribus sacras recondendi Reliquias perseveret: id enim in introitu Missæ significatur per verba: *Oramus te Domine per merita Sanctorum tuorum, quorum Reliquiæ hic sunt, &c.*

§. IV. In Ecclesiis pollutis non est celebrandum.

Innovando Decretum Synodi Dicecesanæ sub Decessore nostro HENRICO habitæ, (o) gravissime interdiximus, ne quispiam in ullis Ecclesiis, Capellis seu Sacellis pollutis & profanatis, Sanctissimum Missæ Sacrificium ante eorum reconciliationem offerat; ne vero Ecclesiæ, Sacella vel cœmeteria ejusmodi diutius maneant polluta, injungimus omnibus Ecclesiarum Su-

perioribus, Pastoribus, Vice-Pastoribus, Custodibus, Ædituis, & aliis quibuscunque de violatione & profanatione notitiam habentibus, ut eandem Nobis, nostro Suffraganeo, significent.

CAPUT IV.

§. I. Altaria portatilia ex necessitate permixta.

Altarium portatiliu[m] usum luctuosissima præteritorum motuum tempestate ad populi commoditatem aliquando permiximus, sed ne, quod gravi tunc urgente, nunc per DEI clementiam cessante causa, indultum fuit, in corruptelam degeneret, (p) præcipimus, ut, sicubi altaria sint violata, vel profanata, ea comprimunt fieri poterit, instaurentur; & sacris usibus Pontificali consecratione restituantur, altarium mobilium usu penitus interdicto.

§. II. Quanta debeant esse capacitatis.

Quod si deinceps ex gravi causa portatiliu[m] altarium usus erit permittendus, ea debent esse tantæ magnitudinis, ut hostiam & calicem commode contineant. Attendant vero singuli Sacerdotes, quibus in altaribus consecrent, ne dum in lapideis consecrare existimant, in appositis lapidi altaris asseribus sacrificent; ideo remota mappa lapidem prius inspiciant, ut norint, quo loco calix & patena sit collocanda; vetant enim sacri Canones, (q) Sacramentum Corporis & Sanguinis Domini nostri JESU CHRISTI in alio, quam lapideo altari confici.

§. III. Altaria ubique observantur, & bene muniantur.

Cum altaria sint mensæ Sacrificii Dominici & Sanctorum Martyrum sepulchra, maxima eis debetur mundities ac reverentia; quocirca oportet eadem undequaque taliter esse firmata, ne esculentorum, & poculentorum, ac ne vestium quidem sacrarum armaria sint, neque cerei, vasa, ornamenta & suppellex sacra ibi recludantur; proinde

(n) C. Si motum, de Consecr. dist. 1. c. Ligneis. c. Quod in dubiis, de consecr. Eccl.

(o) Pag. 102. col. 2. n. 12.

in priac.

(p) Stat. Hermanni IV. Archiep. Colon. pag. 275. col. 1.

(q) C. Altaria. 1. de Consecr. dist. 1.

inde severe præcipimus, ut in quibuscunque Ecclesiis non modo a fronte, sed a posteriori quoque parte, & utroque latere ubique obstruantur, & omni ex parte bene muniantur, ut nullis fordibus pateant.

§. IV. *Altaria servantur munda.*

Ne item canes antipendia seu pallia sædent, singula cancellis æneis, ferreis aut ligneis cingantur: qui semper clausi teneantur, ut nulli unquam, præterquam Sacerdoti cum Sacrificium Missæ offeret, ejusque Ministris ad altare pateat accessus, adeoque tempore Divini Officii nulli ad Presbyterium admittantur laici; neque altare propius accedant, quam decet, multo minus eidem capite, brachiis, aut alia corporis parte incumbant.

§. V. *A privatis Sacerdotibus paramenta assumantur in Sacrificia.*

Observandum diligenter illud Sacrae Rituum Congregationis insertum Romano Missali Decretum: "Paramenta non debent sumi de altari pro celebratione Missarum, cum id tantum comperat Episcopis, sive solemniter, sive privatim celebrent; inferioribus vero habentibus usum Pontificalium, non nisi quando in Pontificalibus celebrant." Quamobrem volumus omnino, ut in singulis Ecclesiis Collegiatis, Parochialibus, & aliis quibuscunque (ut primum fieri poterit) Sacrificia communis, sicuti nondum est erecta, construantur; quod si angustia loci non pariat, in eadem Ecclesia locus alius, ab altari semotus, huic usui accommodetur, in quo Sacerdotes omnes sacrificaturi, ac Diaconus & Subdiaconus in Missa ministraturi, sacris se vestibus induant, & inde ad altare procedant.

§. VI. *Ornatus Ecclesie.*

Aulæis, floribus, frondibus, aliisque decentibus ornamentis Templi parietes, pulvinaribus sedilia, cum solemniora Festa postulaverint, exornentur, & ad cultum, ornatumque domus Dei, populi pietatem & religionem excitandam conducentia ab Ecclesia-

rum Custodibus sedulo procurentur; illis autem orandis peristromata, quæ vanas & turpes historias exhibent, nullatenus adhibeantur.

CAPUT V.

§. I. *In Ecclesiis Parochialibus elemosynæ colligantur, & Gazophylacium collocetur.*

Quoniam nonnullarum Ecclesiarum Parochialium proventus adeo sunt exiles, ut necessariis expensis non respondeant, juxta antiquam & laudabilem consuetudinem, diebus Dominicis & Festis solemnioribus, collectæ in Ecclesiis elemosynæ ad istum finem applicentur; Præfecti vero una cum Pastore receptorum curam habeant, de iis tempore præfinito, exactam rationem reddituri. Ad eundem finem in dictis Ecclesiis Parochialibus collocetur Gazophylacium fera duplici clausum, cujus clavium alteram Pastor, Senior ædilis alteram custodiat.

§. II. *Ab Ecclesiis amovenda suppellectilia & frumenta.*

Tametsi propter hostiles incursus, repentina incendia, aliosve casus inopinatos suppellectilia, resque profanas Ecclesiis inferri non sit illicitum; ut nihilominus Ecclesia, non solum nomine, sed re ipsa domus Dei, & orationis censeatur, INNOCENTII III. Pontificis in Concilio Lateranensi Decretum (*) jubemus exacte observari, ut periculo & necessitate cessante rursus effertantur, nec lino, frumento, lana, panno, cibariis, cistis, hastis, ensibus, sclopetis, signis militaribus, aliisque impedimentis Tempia, Sacella, Sacraia per annum repleta, ut in quibusdam locis apparet, maneant, multo minus Sacella in eorum aut alia stabula convertantur.

CAPUT VI.

§. I. *Mendici e Templis arceantur.*

Abusus est, quod pauperes tempore Missæ, Concionum, aliorumve Divinorum Officiorum in Ecclesiis stipem colligant, siquidem ipsi oran-

(*) C. fin. de custod. Euchar.
Tomo IX. Concilior. German.

orantium pietatem frequenter interrumpunt.

§. II. *Idque ab hominibus conductis.*

Quapropter ad valvas Ecclesiæ stare jubeantur: certæ vero personæ ab omnibus ubique Superioribus, vel Administratoribus aut Præfectis Ecclesiæ & expellantur, deputentur, stipendio vel honoratio ex bonis mensæ pauperum, seu fabricæ Ecclesiæ eis attributo. Quod PIUS V. Pontifex (†) omnibus & singulis Ecclesiarum Superioribus, Rectoribus, Capitulis & Parochis, ac quibuscunque etiam Regularibus injunxit verbis sequentibus: " Pauperes quoque mendicantes, seu elemosinas petentes per Ecclesias tempore Missarum, prædicationum, aliorumque Divinorum Officiorum ire non sinant, sed eos ad valvas Ecclesiarum stare faciant sub pena duorum aureorum Capitulis infligenda pro qua libet vice, nisi eos ejici curaverint, & Parochis dimidii aurei; Religiosis etiam claustralibus siye Regularibus præcipimus in virtute sanctæ obedientiæ, ut in Ecclesiis suis deputent aliquem, qui tales ejiciat, & si negligentes fuerint, gravissime ab Ordinario corripiantur; quod si illi parere recusaverint, gravissimas penas incurrant, & pro qualitate personarum etiam corporaliter puniantur arbitrio nostro, siye Superiorum."

CAPUT VII.

§. I. *Cæmeteria muniantur & custodiantur.*

Cæmeteria muris, fossis aut sepiabus, de nocte etiam portis claudantur & muniantur, (†) ne contentiosis ac dissolutis hominibus, qui eadem sæpe profanant, nec equis, vaccis, porcis, aliisque bestiis aut feris ad illa pateat ingressus; sed nec viribus aut oleibus plantandis serviant, neque herbas; cæmeteriorum Pastoris, seu Vice-Pastoris animalia depascantur; si animalia ibidem reperta fuerint, decineantur, nec suis possessoribus, nisi floreno Coloniensi pro singulis exsoluto, re-

stituantur. In Ecclesiarum vestibulis vel cæmeteriis a colloquiis, conventionibus, cachinnis, ambulationibus, jurgiis, & id genus insolentis abstinatur.

§. II. *Non plantandæ in ipsis arbores.*

In cæmeteriis nullæ deinceps arbores fructiferæ vel aliæ plantentur; plantatæ ab Ecclesiis quibusvis ita remotæ sint, ne vel radices dilatata parietum fundamentis, vel frondes diffusæ testis aut fenestris officiant; alioquin excidantur. Vites quoque & hederæ, quæ Ecclesiarum parietibus adhærent, evellantur.

§. III. *Neque transitus, trituratio, aut lignorum strues in iis tolerentur.*

Nec sine gravi loci sacri injuria tolerari potest, ut Ecclesiæ & Cæmeteria sint viæ quasi publicæ, per quas res profanæ & onera deferantur; cum nec vas aquæ per Salomonis Templum ferre licuerit, vel ut in iis frumentum, hordeum, ligumina, instrumenta rusticæ, vel alia supellex profana reconcantur: neque ut in Ecclesiarum vestibulis aut cæmeteriis frumenta, quasi in area triturentur, fruges expandantur, strues lignorum fiant, lignave congerantur.

§. IV. *Neque mercatus, ludi, judicia &c.*

Severissime pariter ullis in Ecclesiis seu Cæmeteriis judicia secularia haberi, vel forenses denunciationes quarumcunque venditionum, aut rerum venalium deinceps fieri vetamus; ludi vero histrionum, convivia, prandia publica, symposia, tripudia, nuptiæ, Sagittariorum conventus, tympanorum pulsus, ejaculatio Sclopetorum prorsus a cæmeteriis eliminantur.

§. V. *Neque Laicorum ædes.*

Animadvertimus etiam in multis Dicecesis nostræ cæmeteriis habitationes & ædes Laicorum contra sacrorum Canonum prohibitionem & Ecclesiasticam immunitatem erectas, quas posthac in cæmeteriis ædificari nolumus, ædificatas vero dejici, prout & fimeta vaccarum aut porcorum stabula, equi-

lia

(†) Tom. 2. Bullarii Constit. 5.

(†) Statut. Sifridi pag. 45. col. 2.

lia & caulas ex cœmeteriis removeri mandamus.

§. VI. *Ossuvariorum structura.*

Ossuaria intra cœmeterium muro seu pariete, vel saltem cancellis undique septa, tectoque ac fornice, sicubi potest, operata, constituantur; in his mortuorum ossa educta tumulis ordine ponantur, ne vel a canibus aut porcis rodantur, vel ab hominibus concutiantur.

CAPUT VIII.

§. I. *Altaria absque Episcopi licentia non destruantur.*

Nullum Altare consecratum absque legitima causa & expressa Episcopi licentia, nec nisi certis precibus ac cœremoniis adhibitis destrui debet.

§. II. *Quid faciendum, si ab Ecclesia destruenda transferantur Reliquiæ.*

Quod si Ecclesia aliqua seu Capella præhabita a Nobis, vel Suffraganeo nostro licentia, destruenda sit, sacræ Reliquiæ, Corporave Sanctorum in ea recondita, aliquot ante ipsius destructionem diebus, diligenter recognita, ad aliam Ecclesiam a Nobis, nostrove Suffraganeo constitutam solemniter ritu transferantur, convocato ad hujusmodi etiam translationem (si Corpora sint, seu insignes Reliquiæ) Clero vicino & populo, ac dein Ecclesiæ seu Capellæ altaria, adhibitis precibus & cœremoniis, amoveantur.

§. III. *Amotis altaribus fidelium ossa deportentur.*

Altaribus amotis ossa fidelium exhumantur, & collecta simul reponantur, antequam exhumationis fiat initium, ante altare majus submisso oritur: postea Clero & populo concomitante ossa ad locum destinatum cum Psalmis & precibus pro defunctis effrentur, & si tempus permittat, Missæ Sacrificium pro iisdem celebretur. Denique Ecclesia seu Capella diruitur ab operariis, & in loco Ecclesiæ seu Capellæ dirutæ Crux, quæ nunquam amoveatur, erigatur, juxta Concilii

Tridentini (u) præscriptum. Idem fiat in cœmeteriis profanandis.

TITULUS XIII.

De Testamentis, & eorum executione.

CAPUT I.

§. I. *Testamenti ad mortem dilatio nota est.*

Experientia docet, quam sit periculosum, quantumque detrimenti afferat, testamentariam dispositionem ad extremum vitæ terminum differre; quapropter volumus, & injungimus omnibus Civitatis & Diœcesis nostræ Pastoribus, Vice-Pastoribus & Concionatoribus, ut subinde auditores suos serio moneant, ut ultimæ voluntatis tabulas mature condant: atque tempestive domui, rebus & bonis suis temporalibus consulant, ne instante morte ægri & anxii circa mox relinquenda magnis conficiantur molestiis non sine periculo sæpe salutis æternæ amittendæ.

§. II. *Testamentum condentes sint in statu gratiæ.*

Hortentur similiter, ut testamentum suum extra graviore noxæ conscientiam faciant, totamque dispositionem ad bonum finem dirigant, ne vanitate potius memoriæ post mortem relinquendæ, vel quovis alio sinistro ducti affectu, quam DEI & proximorum amore permoti, operis boni merito spoliarentur.

§. III. *Reconciliationis cum adversariis minervint.*

Quod si testamenta condere volentes cum aliquo, vel aliquibus publicas habeant inimicitias, non solum animus ignoscant, sed in præsentia aliorum, quod ignoverint, testatum faciant, ut cum odore virtutis decedant. Quod si alios offenderint, expedit, ut ad veniam petendam amicos destinent, & pro modo offensæ satisfaciant, reconciliationeque subsequatur. An vero inter præsentēs ea sit conficienda, prudentis judicio æstimandum relinquitur;

Kkk kkk 3

cum

(u) Sess. 21. de Reform. cap. 7. in fine.

cum inter presentes aliquando controversias componi non sit consultum; occultæ inimicitie secreto quoque dirimantur.

§. IV. *Christum faciant cohæredem.*

Quamvis Testatores numerosam habuerint prolem, vel consanguineos, meminerint tamen Christum scribere cohæredem, nisi hæreditas forte sit adeo tenuis, ut necessariis hæredibus seu liberis ad sustentationem honestam necessaria videatur, & legatis minuenda non judicetur.

§. V. *Recordentur Orphanorum & pauperum.*

Si Testatoribus nulli fuerint fratres, forores, aliive cognati indigentes, liberalioribus legatis ad pias causas animarum suarum salutem opime consulent, benefaciendo scilicet pupillis, orphanis, viduis, pauperibus, captivis, peregrinis & ægris, Ecclesiis quoque, earumque Ministris penuria laborantibus. Insuper laudabile erit debitoribus vix solvendo existentibus integrum debitum vel partem ejusdem remittere.

§. VI. *Nec non amicorum.*

Et si autem Testatores cognatos aut amicos alias locupletes magnis legatis honorare non intendant, conveniens tamen fuerit, eorundem in benevolentie signum vel exiguo legato recordari, ne decedentibus invidi aut odio fuisse æstimentur.

§. VII. *Parochiæ aliquid legetur.*

Cum D. Hieronymus verissimam censeat vulgi sententiam, qua dicitur: (x) *Divitem esse aut iniquum, aut iniqui hæredem*: Idcirco quilibet dives Deum timens animæ suæ bene providebit, si aliquam partem substantiæ piis usibus testamento relinquat; imprimis autem ut matricem & parochialem suam Ecclesiam Majorum consuetudine & pietate pro ratione fortunarum suarum pio legato honoret: sicque ignorantiam etiam quæstus iniqui sibi displicere ostendat.

§. VIII. *Confessarii operâ pietatis in genere tantum commendent.*

Confessarii, præsertim Religiosi, ut majori spiritus libertate, & fructu animas juvare possint, scriptioni testamentorum non intersint, aut Testatori nominatim suadeant, cui, aut quibus hæreditatem, vel legata relinquat; præsertim vero propriarum Ecclesiarum, Collegiorum aut Conventuum importunum patrociniū non suscipiant; pro consilio requisiti in genere opera pietatis commendent, & electionem Testatori omnino liberam relinquunt.

CAPUT II.

§. I. *Ecclesiastici in condendo testamento Ecclesiæ & pauperum memores sint.*

Meminerint Ecclesiastici, quod singulariter lex charitatis exigit, ut Ecclesiæ & pauperibus beneficiant, proinde in suprema voluntate declaranda non propinquitatem & sanguinis inclinationem moveantur, sed Ecclesiæ DEI utilitatem, pauperumque sublevamen sibi proponant.

§. II. *Amicis bona Ecclesiastica non relinquunt.*

Considerent etiam periculum suum, si mox ad Tribunal Christi rapiendi, deque omnibus usque ad extremum quadrantem rationem reddituri facultates sibi creditas ex patrimonio Christi & bonis Ecclesiasticis provenientes maluerint propinquis & consanguineis, quam Christo & ejus Ecclesiæ, atque pauperibus relinquere.

§. III. *Seminarium Archi-Episcopale habeant commendatum.*

Concilii Tridentini Decretis conformiter Seminarium Clericorum, seu Pastorum, Coloniae per Decessorem nostrum FERDINANDUM Archi-Episcopum alias fuit institutum, nonnullis annuis redditibus assignatis. Quam piam pro totius nostræ Diocesis necessitate & utilitate intentionem promovere, Seminariumque congruentibus redditibus ac proventibus dotari cupientes, illud ipsum inter cæteras pias causas,

(x) Epist. 130.

fas, & sancta opera omnibus testari volentibus commendamus.

§. IV. *Et fabricam Ecclesiæ Metropolitanæ.*

Receptam pariformiter consuetudinem certum quid relinquendi fabricæ nostræ Metropolitanæ, tanquam omnium per Dicecesin nostram matriæ Ecclesiæ, Pastores & Vice-Pastores auditoribus suis notam faciant, Executoresque moneant, ne in legato hoc solvendo negligentes sint.

CAPUT III.

§. I. *Quomodo Ecclesiastici testamenta sua condere debeant.*

ARchi-Episcopali quidem privilegio Venerabili Clero nostro in & extra Civitatem nostram Coloniensem testamenta condere, & de redditibus etiam Beneficiorum absque solemnitatibus a jure civili requisitis valide & licite disponere permittitur; inhærendo tamen Canonicis Sanctionibus, Decessorumque nostrorum Statutis & Ordinationibus, (y) volumus, ut omnes Ecclesiastici Civitatis & Dicecesis nostræ Colonienfis testamenta sua in præsentia Notarii, vel Pastoris, duorumque ad minus testium condant, vel in scriptis voluntatem suam propria manu subscriptam, signatam & oclusam Notario vel Pastori coram duobus testibus exhibeant, & in charta hujusmodi contineri ultimam suam voluntatem, declarent; Notarius vero, aut Pastor in dorso chartæ hunc actum scribat, & subsignet: dispositiones aliter factas nullas & invalidas; legata tamen ad pias causas propria Testatoris manu scripta vel subscripta sine Notario & testibus subsistere declaramus.

§. II. *Testamenta per Executores infra triginta & unum dies pro approbatione exhibeantur.*

Ne testamenta Ecclesiasticorum casusque ab inestato diu derineantur & occultentur; interea vero hæreditates expilentur, Executores post mortem Ecclesiasticorum (etiam si eisdem

de speciali gratia taxa Nobis compentens (z) remissa sit) testamenta infra triginta & unum dies Officiali ac Sigillifero majori exhibeant, approbationem petant, & juramentum de fideliter exequendo præstent; alioquin præter multam decem aureorum per Executores solvendam, autoritate Officialis & Sigilliferi majoris Promotores Officii & sententiarum Notarius elapso jam definito tempore hæreditates consignent, & expensis earundem describant.

§. III. *Sedulo attendatur, ut testamentaria dispositiones adimpleantur.*

Quandoquidem omnium ultimarum voluntatum & piarum dispositionum supremi Executores & Tutores sunt Episcopi, (a) per illos vel maxime providendum est, ut Testatorum ordinationes fideliter executioni demandentur; non raro autem accidit, quod tam Clericorum, quam Laicorum extremæ voluntates & testamenta ad pios etiam usus, legata & relicta dolosis machinationibus varie impediuntur, retardentur, aut in alios usus expendantur; idcirco Officialis & Sigillifer noster major sedulo advigilent, accuratamque curam gerant, ut Testatorum desiderio & voluntati plene satisfiat, nec ad pios usus destinata in alios impendantur.

§. IV. *Quid ante testamentorum approbationem observari debeat?*

Sigillifer noster major testamenta, codicillos & dispositiones Ecclesiasticorum diligenter examinet, & inquireat, an in forma, institutione & legatis subsistant, quales sint hæredes & legatarii, an capaces & legitimi, vel in fraudem Fisci concubinæ seu spurii directe vel indirecte instituti; si maturo examine prævio testamenta confirmanda duxerit, desuper Officiali nostro fidelem relationem faciat, qui absque ulteriori inquisitione approbationem sub sigillo Curix & manu Notarii sententiarum expediri demandet.

§. V.

(y) Statut. Friderici Archiep. Colon. §. de testam. Cleric. fol. 200. ejusdem Frider. §. Item quod Clerus secularis. fol. 202. Statut. Hermanni V. fol. 296.

(z) Statut. Hermanni §. Et nihilominus. fol. 297.

(a) Conc. Trid. Sess. 22. de Reform. cap. 8.

§. V. *Tempus reddendarum rationum determinatur.*

Executores ^(b) intra triginta & unum dies post obitum defuncti numerandos statum hæreditatis sub quadraginta aureorum Sigillifero nostro majori solvendorum, neque sine expresso nostro mandato remittendorum vel moderandorum pœna, statum hæreditatis sive inventarium legale dicto nostro Sigillifero exhibeant, consuetamque & ab HERMANNO V. Decessore nostro ^(c) constitutam taxam juxta vires inventarii solis funeralibus & debitis liquidis, vel infra mensis spatium liquidandis detractis persolvant, & testamentum infra annum continuum a die mortis computandum exequantur, ^(d) ac de executione per ipsos fideliter gesta legales rationes cum debitis justificationibus exhibeant; de annis vero gratiæ & restantiis post earundem receptionem respondeant; anno elapso Sigillifer noster executionem velut ad Nos ipso jure devolutam suppleat; in grave enim piarum causarum & Creditorum damnum, opprobrium status Ecclesiastici & dispendium salutis animarum vergit, quod Executores legalia inventaria exhibere, rationesque receptorum & expositorum multis sæpe annis reddere negligant.

§. VI. *Executores infra annum executionem non perscientium pœna.*

Omnes pariter testamentorum Executores, qui intra annum executionem sibi commissam non perfecerunt, infra mensis spatium a publicatione horum nostrorum Decretorum Synodaliū coram Officiali aut Sigillifero nostro compareant, ^(e) & computum legalem de rebus & bonis per eos receptis & expositis reddant, alioquin ultra pœnam centum aureorum, quam elapso præfixo termino incurrunt, ad excommunicationem contra eosdem procedemus.

§. VII. *Bona Ecclesiasticorum ab intestato decedentium quibus cedant.*

Si Clericus quispiam plane intestatus, vel sufficienti, & legitimo te-

stamento non condito decesserit, ^(f) ejus hæreditas per Notarium sententiarum, in præsentia tamen Promotorum Officii describatur, ex Beneficiis Ecclesiasticis provenientia juxta Ordinationem HERMANNI V. per Sigilliferum nostrum majorem administrentur, solutisque funeralibus & debitis ad usus pios in refrigerium animæ defuncti a Nobis præscribendos applicentur; patrimonialia vero hæreditibus ab intestato relinquuntur.

§. VIII. *Executorum obligatio.*

Executorum officium quamvis passim appetatur, grave sanè est & molestum: tenentur siquidem Executores non solum ultimam Testatorum voluntatem accuratissime temporibus præscriptis exequi; verum etiam in obligationem eorundem succedentes, testamenta, quorum Executores deputati fuere, debitæ executioni propiissime demandare.

§. IX. *Quid Executores circa funeralia & debitorum solutionem observare debeant.*

Justam conquerendi Creditoribus præbent occasionem Executores, dum statum & vires hæreditatis defuncti ignorantes, multos minus necessarios sumptus in funeralia profundunt, & sine Decreto Judicis proprii ducti affectibus, quin etiam proprio lucro moti nonnulla debita persolvunt; unde sæpissime provenit, ut Creditores privilegiati, tenuioris quandoque fortunæ defraudentur; gravissimæ huic corruptelæ, imo manifestæ iniquitati opportunum adhibere remedium cupientes, omnibus & singulis testamentorum Executoribus severissime inhibemus, ne viribus hæreditatis non perspectis, ullis ad honestam sepulturam omnino non necessariis expensis eandem minuant, neque antequam legitimum inventarium confectum fuerit, ex illoque constiterit, quod hæreditas omnibus debitis solvendis sit sufficiens, vel minutissimam etiam summam, in cujusvis quantumvis privilegiatissimi debiti solutionem absque ordinatione Offi-

^(b) Statuta Hermanni loc. cit.

^(c) Loc. cit.

^(d) Statuta Hermanni IV. fol.

269. pag. 2. §. Cum nil plus. Statuta Adolphi III. fol. 530.

^(e) Statut. Philippi II. §. De exequend. testam. p. 486.

^(f) Stat. Hermanni V. fol. 297.

Officialis nostri exponant; contravenientes ad restitutionem factarum non necessariarum expensarum & pecuniæ cuiusque Creditori solutæ teneri, & ultra multam iisdem pro qualitate transgressionis infligendam opportunis juris remediis volumus compelli.

§. X. *Officiali & Sigillifero approbatio testamentorum committitur.*

Archi-Diaconi, eorundemque Officiales, ac Decani Collegiarum & Christianitatum examen testamentorum & approbationem sibi non arrogent, neque sub quocunque prætextu ulla jura ab Executoribus vel hæredibus exigant; vices enim nostras in approbandis & examinandis testamentis Officiali & Sigillifero privative committimus.

TITULUS XIV.

De Sepultura & Exequiis.

CAPUT I.

§. I. *Defuncti juxta morem patriæ vestiendi.*

Corpora Christianorum, qui neque in annis innocentie decesserunt, neque Clericali militæ aut sacris Ordinibus adscripti fuere, juxta receptum in hisce regionibus morem veste lineæ induci, componantur in lectulis aut feretris sive tumbis; aut si illustres fuerint, pro ratione conditionis vestiantur: Infantes autem & pueruli indui poterunt, priusquam in tumba recludantur, veste convenienti, iisque coronæ e floribus vel herbis odoriferis contextæ virginitatis & integritatis indices imponi.

§. II. *Sepultura Ecclesiastica quinam privatur.*

Etsi autem Ecclesiastica Sepultura juxta illud Ecclesiastici (g): *Mortuo non prohibeas gratiam, sciens, quoniam omnes morimur*; nemo videatur privandus: nonnullis tamen iuste negatur, ut infidelibus, paganis, Judæis (quibus annuerantur infantes sine Baptismo mor-

tui, nec non catechumeni, quamvis pro iis preter Ecclesia, si credentes decesserint) item hæreticis, etiam si eorum hæresis primum post mortem publicetur, ipsorumque receptoribus & fautoribus, cæterisque excommunicatis nominatim denunciatis, quorum etiam ossa, si internosci possint, eruenda sunt, & procul a sacris locis abjicienda, ne ea polluant; (h) quibuscum enim non communicamus viventibus, cum iis nec mortuis communicare debemus: & qui tales scienter sepeliunt, ipso jure e cætu fidelium exturbantur.

§. III. *Usuariis publicis negatur sepultura.*

Insuper Ecclesiastica sepultura negatur usurariis publicis, (i) licet testamento usufructum restitutionem imperarint, nisi actu & re ipsa pro facultatum magnitudine, de iis restituendis idoneam cautionem juxta juris dispositionem præstiterint.

§. IV. *In torneamentis mortuis & seipso necantibus.*

Arcendi sunt etiam a sepultura sacra (k) in equestribus certaminibus, vulgo torneamentis morientes, vel sibi ex proposito & sponte, vel ex desperatione, vel iracundia mortem inferentes, nisi ante mortem signa penitentiae dederint. Secus si casu, ex insaniam, aut fatuitate seipso interemerint. Item in duello occumbentes, licet ante mortem signa penitentiae ostenderint.

§. V. *Blasphemis, in duello occisis, &c.*

Præterea Ecclesiastica sepultura (l) negatur blasphemis, impenitentibus, raptoribus, furibus & latronibus in flagranti crimine, sicut & in duello occisis.

§. VI. *Peccata in anno non consentientibus, Eucharistiam in Paschate non sumentibus.*

Similiter illi, quos publice constat peccata sua semel in anno non expiasse, (m) neque tempore Paschali Sanctissimo Eucharistiæ Sacramento re-

fectos

(g) Cap. 7. §. 37.

(h) C. Ecclesiam, de Consecr. dist. 1. c. Sacris, de Sepult. c. 2. de hæret. in 6. c. Confuisti, de consecr. Eccles. (i) C. 2. de Usur. in 6.

(k) Pius V. Constit. 48.

(l) Trid. Sess. 25. de Reform. c. 19.

(m) C. Omnis, de Pœnit. & Remiss.

Tomus IX. Concilior. German.

fectos esse, vel absque pœnitentiæ signo obiisse, Ecclesiastica sepultura privandi sunt.

§. VII. *Ultimo supplicio affectis.*

Ultimo etiam supplicio damnatis, si absque pœnitentia moriantur, sepultura non conceditur: alioquin sepeliuntur, accedente tamen Principis aut Judicis autoritate, qui subinde in exemplum & terrorem aliorum, cadavera eorum in loco supplicii inhumata remanere jubet.

§. VIII. *Tempore interdicti mortuis.*

Sed & tempore interdicti generalis omnibus in loco interdicto sepultura denegatur, exceptis Clericis servantibus interdictum, qui sine campanarum pulsatione & cessantibus solemnitatibus omnibus possunt in cœmeterio sepeliri; sin jure prohibiti funerentur, Ecclesia vel cœmeterium polluitur, reconciliarique debet, priusquam alii ibi tumulentur, & ossa eorum, si discerni queant, jubentur exhumari: hæc tamen intelligenda sunt de iis, qui absque pœnitentia decesserint, nec in articulo mortis Ecclesiæ fuerint reconciliati: nam si quis, dum in extremis ageret, legitime absolutus fuerit, ei Ecclesiastica sepultura, aliaque Ecclesiæ suffragia minime sunt neganda; pariformiter si Ecclesia vel cœmeterium subjaceat interdicto, nemo inibi sepeliri potest.

§. IX. *Extra duellum occisorum exequiæ non differendæ.*

Extra duellum occisorum exequiæ differendæ non sunt, quousque inter homicidam & defuncti hæredes conventum fuerit, ne animæ eorundem subsidio salutarium suffragiorum tam diu careant.

§. X. *Exequiæ non celebrentur pro iis, quibus sepultura non conceditur.*

Nemo autem pro iis, quorum cadaveribus Ecclesiastica denegata est sepultura, exequias celebret, sub pena suspensionis, & alias arbitraria.

CAPUT II.

§. I. *Corpora defunctorum quando & quomodo tumulanda.*

Nullum defuncti corpus, præsertim si mors repentina intervenerit, nisi post debitum temporis intervallum (nempe viginti quatuor horarum) terræ mandetur. (a) Interim corpus, donec efferatur, de more honeste compositum loco decenti cum lumine collocetur. Crux parva super pectus inter manus defuncti ponatur, aut sicubi Crux desit, manus in modum crucis componantur: interdum aspergatur aqua lustrali, præsentibus vero Sacerdotes, vel alii pro defuncto orare meminerint.

§. II. *Vulgares excubiæ abrogantur.*

Minime tolerandus est mos pessimus, qui in nonnullis Civitatis & Diocesis nostræ locis inolevit, ut cadaver, antequam ad sepulturam deferatur, a vicinis utriusque sexus adolescentulis vespere, ac nocte tota custodiatur; quamvis enim præsentia cadaveris mortalitatis hominem admonere deberet, ea tamen occasione multæ levitates, petulantia, lascivia, & enormia sæpe flagitia committuntur. Præcipimus proinde Pastoribus, Vice-Pastoribus & Concionatoribus omnibus, ut serio prohibentes tales nocturnas vigiliæ aut custodias doceant, magis expedire, ad defuncti corpus unam vel alteram piam personam, vel Religiosos vigilare, & preces pro anima defuncti ad Deum fundere, quam sub prætextu harum vigiliarum Divinam Majestatem non raro gravissime offendi.

§. III. *Innocentes ubi tumulandi.*

Parvulorum baptizatorum corpora ob vitæ innocentiam, qua adultos antecellunt, juxta vetustam & laudabilem quarundam Ecclesiarum consuetudinem non in communibus cœmeteriorum & Ecclesiarum tumulis promiscue funerentur, (o) sed in Ecclesiis aut illarum cœmeteriis, si commode fieri poterit, specialis & separatus locus designetur, in quo tumulentur.

Ordo

(a) Ritual. Rom. tit. de Exequiis. §. Nullum corpus. Ordo sepeliendi parvulos.

(o) Ritual. Rom. loc. cit. & tit.

Ordo porro sepeliendi parvulos, in Rituali Romano præscriptus, a Parochis, Vice-Parochis, & aliis Ecclesiasticis omnibus diligenter & inviolate observetur.

§. IV. *Ubi Sacerdotes & Clerici.*

Sepulchra Sacerdotum & Clericorum, cujuscunque Ordinis, a tumulis Laicorum convenit esse separata, ac decentiori loco sita, (p) eoque discrimine, ut alia pro Sacerdotibus, alia pro inferioris Ordinis Ecclesiæ Ministris sejun-
gantur.

§. V. *Usitatus sepulturæ locus sit cæmeterium benedictum.*

Ubi viget antiqua consuetudo mortuos in cæmeteriis sepeliendi, retineatur, & sicubi exolevit, restituatur. (q) Quapropter cæmeterium loco honesto autoritate nostra ad Christianorum ibidem corpora sepelienda destinato, riteque benedicto, constituatur, ut mortuorum cadavera minus ab im-
mundis vexentur spiritibus, & defuncti Sanctorum patrocinii, quorum nomini consecrata est Ecclesia, in cujus cæmeterio sepulti sunt, commendentur, participesque fiant precum, quæ pro defunctis ibidem funduntur; insuper defunctorum proximi & amici, quoties cæmeterium transeunt, ad orandum pro illis excitentur.

§. VI. *Extra quod fideles non sepeliuntur.*

Quamquam nullus Communionis fidelium particeps extra Ecclesiam aut cæmeterium rite benedictum debeat sepeliri: (r) si tamen necessitas aliud postulet, opera detur, ut, ea cessante, quamprimum corpus in locum sacrum transferatur; interim crux capiti apponatur, ad significandum, illum in Christo quiescisse.

§. VII. *Ubi mortui sepeliendi sunt, & quid sit portio Canonica.*

Communitè sepeliendi sunt mortui in Ecclesia Parochiali, (s) vel ejus-

dem cæmeterio, in qua receperunt, aut recipere debuerunt Sacramenta, nisi vel elegerint alibi sepulturam, aut alibi monumentum Majorum extet; liberum enim est cuilibet, quietis locum sibi deligere, quibus casibus detur Portio, ut vocant, Canonica Ecclesiæ Parochiali. Portio autem Canonica quandoque est quarta pars bonorum, quæ defunctus reliquerit Ecclesiæ, in qua, vel juxta quam sepeliri voluit, quandoque tertia, quandoque media, quandoque minor: ideoque in ejus quantitate definienda, loci cujusque spectanda est consuetudo, eoque sine Sancta Tridentina Synodus (t) decernit, "ut quibusque in locis, jam ante annos quadraginta, quarta, quæ funeralium dicitur, Cathedrali aut Parochiali Ecclesiæ solita esset persolvi, ac postea fuerit ex quocunque privilegio, aliis Monasteriis, Hospitalibus, aut quibuscunque locis piis concessa, eadem posthac integro jure & eadem portione, quæ antea solebat Cathedrali seu Parochiali, eidem Ecclesiæ persolvatur, non obstantibus concessionibus, gratiis, privilegiis, etiam mari magno nuncupatis, aut aliis quibuscunque." Ecclesiastici porro sæculares, nisi aliter disposuerint, in Ecclesia, in qua fuerunt beneficiati, sepeliendi sunt.

§. VIII. *Non baptizati ubi sepeliendi.*

Etsi pueruli, vel quorumcunque, etiam piissimorum hominum liberi, item catechumeni, & quicunque ex hac vita sine Baptismo migrantes, in Ecclesia seu quovis alio loco sacro minime sepeliantur; eorum corpora tamen more belluarum non sunt abjicienda, sed pro ipsis extra Ecclesiam & cæmeterium, vel saltem in aliqua cæmeterii parte locus deputandus, in quo sine ullis precibus ac solemnitate a Laico deponantur; nec quisquam ex Clero, etiam vocatus, interfuit profanæ ejusmodi sepulturæ. Abolendus etiam abusus est, quo istiusmodi in parentum, alio-

(p) Ritual. Rom. tit. de Exequiis. §. Sepulchra Sacerdotum.

§. ult. Viger.

(r) Rit. Rom. loc. cit. §. Cæterum nemo.

(s) C. 4. 8. 10. de Sepult. c. 2. eod. in 6. Clem. Dudum eod. Trid. Sess. 25. de Reform. c. 10.

(t) Loc. cit.

Tomus IX. Concilior. German.

aliorumve privatorum hortis vel domibus terræ mandantur.

§. IX. *Vespillones quid observare debeant.*

Qui humum sepeliendo in Ecclesia cadaveri egerit, caveat, ne Sacerdotibus, aut oranti populo, fabulis, clamore, vel tumultu molestus sit: sed ante lucem, vel prandii, aut cœnæ tempore, finitivæ vespertinis precibus sepulchrum aperiatur, nec sepulchrorum exuvias, quas fodiendo offendit, minus religiose tractet, neve loculos integros stimulante avaritia comminuat, tabularumque vendendarum, aut comburendarum causa cadaver excutiat.

§. X. *Sepulchrorum dispositio.*

Sepulchra aliquantulum remota sint ab Ecclesia, præsertim pro eorum cadaveribus, qui peste moriuntur, ne sepulta cadavera aërem corrumpant, aut gravem per Templum, aut cœmeteria diffundant odorem; liberaque sint a bestiis & canibus; vespillones & fossores sepulchrorum illa ut minimum sex pedes profunda fodiant, ita ut saltem duos vel tres pedes supra defuncti loculum terra congeri possit. Et in Templis quidem lapidibus, in cœmeterio autem vetustissimo Christianorum more, cruce ferrea, lapidea, aut saltem lignea, cum defuncti nominis, cognominis, tituli, diei, mensis & anni, obitus inscriptione, velut monumento sepulchra muniantur. Quibus in Ecclesia conceditur sepultura, illorum tumulus ultra terram non eleveatur, remotiorque sit ab Altari, nullatenus vero sub eodem, ejusve gradibus quispiam funeretur.

§. XI. *Qua hora sepeliendi defuncti.*

Nullus, nisi contagioso morbo defunctus, nocturno tempore, vel horis aliquot post occasum, aut ante ortum Solis sine expressa Superiorum licentia sepeliatur, sed corpus defuncti in Ecclesiam ante meridiem efferatur, & Missa celebretur, antequam sepultura tradatur, ac dein precum & aliarum cæremoniarum solemnitas adhibeatur. Quod si illius deploratio ultra undecimam producat, Pastores & Clericos

funus comituros sine ullo respectu personarum ad Ecclesiam properare & Divinum Officium inchoare sub pœna arbitraria volumus, ut tandem tot annorum corruptela sepulturas tam tarde instituendi abrogetur.

§. XII. *Cerei funeribus adhibendi, & pauperes gratis sepeliendi.*

Antiquissimus ritus Ecclesiasticus cereos accensos in exequiis & funeribus deferendi observetur, (u) pauperes vero gratis omnino sepeliantur, necessariaque luminaria in eorundem sepultura suis impensis Pastores, Vice-Pastores, aliive Sacerdotes, ad quos defuncti cura pertinet, suppeditent, vel piæ Sodalitates, ubi reperiuntur, juxta loci consuetudinem subministrant.

CAPUT III.

§. I. *Cæremoniæ probatæ in sepulturis servantur.*

SACROS ritus & cæremonias, quas ex antiquissima traditione, atque summorum Pontificum institutis sancta Mater Ecclesia in filiorum suorum sepulturis & exequiis adhibere consuevit, tanquam veræ Religionis Mysteria, Christianæque pietatis signa, ac fidelium mortuorum saluberrima suffragia, Parochi omnes & Vice-Parochi summo studio servant.

§. II. *Innocentes Ecclesiæ precibus non indigent.*

Parvuli, qui post Baptismum ante usum rationis decedunt, oratione Ecclesiæ non indigent; occasione tamen sepulturæ parvulorum, qui in albis ad Dominum rapiuntur, oretur pro defunctis precibus Ecclesiæ indigentibus.

§. III. *Ritus celebrandi exequias pro adultis.*

Cum vero exequiæ pro adultis celebrantur, Officium defunctorum juxta præscriptum Ritualis ac Missalis Romani integrum semper paramentis nigris peragatur.

§. IV. *Dominicis & Festivis diebus Missa primaria non fit funebris.*

Si quis ob urgentem necessitatem Dominico seu Festo die sit sepeliendus,

(u) Ritual. Rom. tit. de Exequiis.

us, (*) Missa propria pro defunctis celebrari poterit, dummodo ipsius Dominicæ diei seu Festi Missa Conventualis seu principalis, & Officia Divina non impediantur; nunquam enim primaria seu Conventualis Missa diebus Dominicis aut fori Festivis debet esse funebris, aut pro defunctis, sed proprio diei Dominici vel Festi Officio conformis; proindeque tunc duæ Missæ, una pro defunctis, altera de Dominico vel Festo die dicantur.

§. V. *Iusta funebria ultra sex septimanas non differantur.*

Iusta funebria, ultra sex septimanas a die obitus, nisi gravibus de causis per Nos, aut Superiores approbandis, non differantur, quibus elapsis si hæredes aut consanguinei defuncti a Pastore, seu Vice-Pastore præmoniti & requisiti, illa persolveri non curent, hæc negligentia Fiscalibus denuntietur. Hortentur etiam serio Pastores & Vice-Pastores Parochianos suos, ne convivia exequiarum, vel anniversariarum memoriarum in multas horas protrahant, nimioque potu exorbitent.

§. VI. *Quando ad feretrum servandæ cæremoniæ.*

Quod si die sepulturæ parentetur quidem, sed ob contagii metum, corruptionis periculum, aut fœtoris horrorem, corpus in Ecclesiam non deferatur, tunc corpore sepulturæ tradito, in medio Ecclesiæ feretrum, in funeris repræsentationem erigatur, circa quod exequiarum cæremoniæ servabuntur.

§. VII. *Sermones, quibus defuncti laudentur, non habendi, bene tamen breves conciones adhortatorie.*

In exequiis aut sepultura sermone funebri defunctos sine nostro, aut Superiorum præscitu deprædicare prohibemus; permittimus tamen & probamus breves adhortationes, quæ totæ ad humanam miseriam fidelium oculis proponendam, peccatorum fugam, assiduamque vigilantiam inculcandam dirigentur.

CAPUT IV.

Jura funeralia a quibus determinanda.

Tamet si jura funeralia per totam Dicecesin nostram nequeant esse uniformia; multis enim in locis sunt magna pars congruæ portionis Pastorum seu Vice-Pastorum; in quibusdam vero Pastoribus seu Vice-Pastoribus aliunde de honesta competentia provisum est; curent tamen in proximis Ecclesiarum Parochialium visitationibus Archi-Diaconi, Decani Rurales, ut in singulis Parochiis, prævia cum Pastore seu Vice-Pastore ac Magistratu, Ædilibus atque Provisoribus mensæ pauperum cujusque loci communicatione, jura tam funeralia, quam alia pastoralia determinentur.

CAPUT V.

§. I. *Semel rite sepultorum, etiam Sanctorum corpora sine Episcopi licentia non transferantur.*

Quorumcunque mortuorum corpora sub dio jacentia quantocius humentur; (y) nullius vero defuncti corpus sepulturæ semel traditum sine expressa nostra, aut Superiorum licentia exhumeretur, vel ad alium locum transferatur, multo minus Sanctorum corpora, cum ea non possint sine licentia Summi Pontificis vel Episcopi Dicecesani adhibitis precibus, ritibus & cæremoniis in Rituali Romano præscriptis, erui vel transferri.

§. II. *Quid faciendam in casu dubio.*

Corpora seu ossa mortuorum, dum fundamentum novi ædificii foditur, vel alias loco profano reperta, si post debitam inquisitionem dubium maneat, num Gentilium vel Christianorum fuerint, in ignem aut alium sordidum locum non abjiciantur; sed eodem seu alio profano loco rursus inhumantur. Reliquiis autem loco sacro recens inventis, de quibus non constat, utrum sint veræ alicujus Sancti, ab earum quidem veneratione etiam privata omnino absteineatur, neque aliis Sanctorum Reliquiis propter periculum superstitionis permisceantur; loco tamen decenti asserventur.

LII III 3

PARS

(x) Ritual. Rom. tit. de Exequiis. Concil. Provinc. Colon. pag. 362. cap. 28.

(y) Rit. Rom. tit. de Exeq. & tit. de translat. Reliq.

STATUTORUM SYNODALIUM
DIOECESIS COLONIENSIS
P A R S III.
DE STATU PERSONARUM.

TITULUS I.

De vita & honestate Clericorum.

CAPUT I.

§. I. *Clericorum vita aliis sit exemplo.*

Nihil prope optabilius, quam ut Clerici omnes Christi militiæ, Sponsæque ejus Ecclesiæ ministeriis adscripti, ea vitæ probitate, morum honestate & pietate præcellerent, ut non modo puillos non offenderent; sed cunctis exemplo virtutis prælucere. Hoc sensu Sacrosancta Tridentina Synodus, (a) " Nihil est, ait, quod alios " magis ad pietatem & DEI cultum assidue instruat, quam eorum vita & exemplum, qui se Divino ministerio dedicarunt: Cum enim a rebus sæculi in altiore sublati locum conspiciantur, in eos, tanquam in speculum, reliqui omnes oculos conjiciunt, ex iisque sumunt, quod imitentur. Quapropter sic decet omnino Clericos in sortem Domini vocatos, vitam moresque suos omnes componere, ut habitu, gestu, incessu, sermone, aliisque omnibus rebus nil nisi grave, moderatum ac religione plenum præferant: levitia etiam delicta, quæ in ipsis maxima essent, effugiant, ut eorum actiones cunctis afferant venerationem.

§. II. *Præsertim Laicis.*

Huc spectat & illud ejusdem Tridentinæ Synodi: (a) " Cum proprie " Episcoporum munus sit, subditorum " omnium vitia redarguere, hoc illis præcipue cavendum erit, ne Clerici præsertim ad animarum curam constituti, criminosi sint, neve inhonestam vitam, ipsis conniventibus du-

" cant. Nam si eos pravis & corruptis moribus esse permittant, quo pacto Laicos de ipsorum vitiis redarguent, qui uno ab eis sermone convinci possent, quod Clericos ipsis pariantur esse deteriores? qua etiam libertate Laicos corripere poterunt Sacerdotes, cum tacite sibi ipsi respondere, eadem se admisisse, quæ corripunt? Monebunt propterea Episcopi suos Clericos, in quocunque Ordine fuerint, ut conversatione, sermone, & scientia commisso sibi DEI populo præcant, memores ejus, quod scriptum est: (b) Sancti estote, quoniam ego Sanctus sum. Et juxta Apostoli vocem: (c) Nemini dent ullam offensionem, ut non videretur ministerium eorum: sed in omnibus exhibeant se, sicut Ministros DEI; ne illud Prophetæ dictum impleatur in eis: Sacerdotes DEI contaminant Sancta, & reproban legem.

§. III. *Unde proveniat, quod Clerici non bonoventur.*

Et sane quod Sacrorum Ministris debitus non tribuatur honos, non nisi vitæ nimis dissolutæ & depravatis Clericorum moribus est imputandum; quos ut pro debito Pastoralis Officii ad Ecclesiæ primitivæ integritatem & laudabilem normam, quantum cum Domino possumus, reducamus, sancte a Majoribus statuta diligenter recolenda & serio inculcanda duximus.

CAPUT

(a) Sess. 22. de Reform. c. 1.

(b) Levit. 11. v. 25. 1. Pet. 1. v. 16.

(a) Sess. 14. de Reform. in Procem.

(c) 2. Corinth. 6. v. 3.

CAPUT II.

§. I. Clerici Tonsuram & habitum statui congruum gestent.

Omnēs Clerici, (d) potissimum qui Ecclesiastico funguntur ministerio, aut Ecclesiæ bonis sustentantur, ut vere Clerici sint, & peculiari quadam ratione Dominum possidere, & a Domino possessi videantur, terrenis cupiditatibus & voluptatibus non indulgeant. Hujus eos admonet Clericalis Tonsura, Regale decus Christi Regis nostri, nostræque militiæ insignē: idcirco omnes & singuli Ordini & gradui suo convenientem gerant coronam, eamque sæpius faciant renovari, habitumque honestum statui suo congruentem gestent.

§. II. Vestis Clericorum sit coloris nigri ad genua promissa.

Et licet proprius habitus Clericorum antiquo jure nusquam determinetur, speciatim tamen Clerici omnes vestibus indecentibus & luxum præferentibus, veluti rubeis, aut viridibus manicis, aut versicoloribus, calcaribus deauratis, & aliis id genus, quæ vanitatem spirant, indui prohibentur. Omnes quippe, quod non propter necessitatem suam, sed propter venustatem accipitur, elationis habet calumniam, magnus ait Basilii; & mellissus Bernardus: (e) forma vestium, deformitatis mentium & morum indicium est; quid sibi vult, quod Clerici aliud esse, aliud videri volunt? nempe habitu milites, quæstus Clericos, actu neutrum exhibent. Nam neque pugnant ut milites, neque ut Clerici evangelizant. Cujus Ordinis sunt! cum utriusque esse cupiunt, utrumque deserunt, utrumque confundunt &c. Vereor, istos non alibi ordinandos, quam ubi nullus Ordo, sed semperiternus horror inhabitat. Omnes idcirco Clerici sæculares Beneficia Ecclesiastica possidentes, seu in Ordinibus sacris constituti, vestibus coloris duntaxat nigri utantur, neque sine veste longiore ad

genua promissa unquam foras prodeant, itinerariæ etiā vestes decentes sint, & Clericos a Laicis distinguant, Clericalemque modestiam præferant, & animum prodant omnis vanitatis & superbix mundanæ contemptorem.

§. III. Clerici abstineant a venatione, armis, officio tabellionis, chirurgia &c.

Clerici Sacris initiati, aut Beneficiati omnino abstineant ab omni venatione clamorosa, (f) nec canes ad venandum, nec accipitres aut falcones alant; aut armati, nisi ob itinerum pericula incedant, coram Judice sæculari Advocati, Procuratoris, Notarii seu tabellionis Officio non fungantur, nec causas præter proprias vel Ecclesiæ suæ agant, nisi necessitas propinquorum vel miserabilium personarum eorundem patrocinium exigit; artem quoque chirurgicam vel medicam non exerceant, neque profana officia, nisi in casibus a jure permissis; judicio sanguinis aut executioni sententiæ capitalis, nisi officii spiritualis causa non interfint.

§. IV. Familiam honestam alant, & ad bausus æquales non provocent.

Familiam honestam alant, non infames, non suspectas, aliave turpi nota laborantes personas domi suæ detineant. (g) Intempetiva convivia, longiores accubationes, ad æquales hautus provocaciones, pomeridiana symposia, & consortium quorumvis intemperantium, & male moratorum studiose declinent, concessisque sibi a Deo bonis sobrie & frugaliter utantur.

§. V. Tabernas non intrent.

Cauponas Ecclesiastici, maxime vero Beneficia curata obtinentes, (b) seu tabernas potioris sub quocunque prætextu, nisi in itinere constituti, aut idipsum cura animarum exigit, non ingrediantur, aut frequentent.

§. VI.

(d) Clem. Quoniam. de vita & honest. Cler. Trid. Sess. 14 de Reform. c. 6. Statuta Henrici Archiep. Colon. pag. 72. c. 14. (e) Relatus C. Omnis 21. q. 4. S. Bern. l. 3. de confid. c. 5. (f) C. 1. & 2. de Cler. venat. Trid. Sess. 24. de Reform. c. 12. ante fin. C. Clerici 2. de vita & honest. Cler. c. Nullus 11. q. 1. c. 1. de postulando. c. final. cod. c. Sicut accepimus. Ne Clerici vel Monachi. (g) Conc. Provinc. Colon. de anno 1536. pag. 354. c. 24. c. A crapula. de vita & honest. Cleric.

(b) C. Clerici. de vita & honest. Cleric.

§. VI. *Convivia frequentantes, quid observare debeant.*

Si quando sacrarum Primitiarum occasione, (i) aut alia honesta ex causa Sacerdotes, aliive e Clero convivia instituant, diligentem habeant status vocationisque suæ rationem: sit mensa frugalis & brevis, sanctis ac modestis condita colloquiis, a temulentia & turpitudine verborum, gestuumque quam alienissima, ludicra nulla, nullæ saltationes, choreæ aut aliæ Clericalem statum dedecentes levitates admisceantur; multo minus ipsi Clerici choreas ducant, & saltent, meminerintque ejus, quod S. Hieronymus (k) de vita Clericorum scripsit: *Facile contemnitur Clericus, qui sæpe vocatus ad prandium non recusat; nunquam petentes, raro accipimus rogati.*

§. VII. *Tempus superfluum quomodo impendant.*

Pastores & Clerici ad signum loco publico, præsertim Dominicis aut fori Festis diebus non jaculentur, pila palmaria non ludant, aut alio lusu inter vulgus se exercent; recordentur potius finis & instituti sui, & sciant, se non ad ignaviam, desidiam, aut otium, sed ad salutare Ecclesiasticæ militiæ labores vocatos esse; quapropter tempus, quod Officiis Divinis obeundis, frequentandis Ecclesiis, & corporis necessitatibus non impenditur, vanis & inutilibus miscendis colloquiis & profanis actionibus non terant, sed Divinarum literarum studiis, & celestium rerum contemplationibus, frequentique Concilii Tridentini, (l) Provincialium Synodaliūque Decretorum lectione, ac sanctis piisque Officiis traducant.

§. VIII. *Sacerdotes non occupent se negotiis secularibus.*

Cum Sacerdotum dignitas non parum vilescat, (m) quod a Nobilibus aliisve Laicis ad servitia secularia se applicari permittant, ideo ipsis sub præ-

na suspensionis a Divinis prohibemus, ne similibus negotiis servilibus vel officiis secularibus vacent, quæ impediunt, quo minus Deo militent, cui se milites probant, & addixerunt.

§. IX. *Nec in mercatura.*

Apostoli (n) sententia est, *Nemo militans Deo, implicat se negotiis secularibus: ut ei placeat, cui se probavit.* Quare nullus e Clero ullam mercaturam, negotiationem secularē, turpem quæstum aut indignum statui laborem exerceat, (o) neque decimas, census, prædia vel agros alienos ob quæstum colendos conducatur, vel accipiat. Quomodo enim, inquit S. Hieronymus, Procuratores & Dispensatores domorum alienarum, atque villarum possunt esse Clerici, qui proprias jubentur contemnere facultates?

§. X. *Juvent in manu Clerici.*

Quod si Clericus coram Judice laico testimonium dicturus sit, vel quodcumque juramentum præstiturus (quod etiam sine nostra, vel alterius Ecclesiastici Superioris licentia ei non licet) in manibus personæ Ecclesiasticæ idipsum præstet.

TITULUS II.

De Clericis Concubinariis.

CAPUT I.

Vetitus Clericis Concubinatus, maxime Prælati & Parochi.

Cum Divina justitia acrius in delicta Prælatorum & Curatorum animarum, quam subditorum animadvertat, dum ipsi, qui corrigere plebem deberent, pessimo præeunt eidem ad iniquitatem exemplo: ideo Nos serio, ac sub obtestatione Divini judicii monemus omnes & singulos, ut quo sunt in Ecclesia DEI digniore loco & ordine, eo vitam ducant integriorem & puriorem, statumque suum continentia, vitæque innocentia, & morum honestate.

(z) Statut. Adolphi III. pag. 467. §. Adhæc.

(l) Sess. 22. de Reform. c. 1. Conc. Prov. sub Hermanno V. pag. 356. c. 32.

(m) C. 2. Ne Clerici vel Monachi.

(n) 2. Tim. 2. §. 4.

(o) Clem. 1. de vita & honest. Cler. Statut. Conradi Archiep. Colon. pag. 10. c. 2. Henrici Archiep. pag. 71. c. 13.

(k) Epistola ad Nepotian.

honestate diligentius exornent: (p) quicunque vero domi concubinas, vel fœminas, earumve filias de lascivia suspēctas detinent, vel extra domum fovendo cum talibus consuetudinem habent, eas quamprimum amendant, ut nulla fœdi criminis suspicio remaneat: alioquin sciant, Nos nemini hoc in crimine parcituros; sed deinceps simpliciter & de plano, sine strepitu & figura iudicii, sola facti veritate inspecta, ad seriam ac publicam executionem contra concubenarios, scortatores, complices & fœdas lupas, ac focarias ubicunque locorum Diœcesis nostræ, pro gravitate delicti & contumaciæ, modis omnibus, etiam potestate Sedis Apostolicæ Nobis à Concilio Tridentino, (q) quoad exemptos delegata, processuros, ac procedi curaturos, adhibito, quatenus opus fuerit, brachii sæcularis subsidio, appellationibus, exemptionibus ac privilegiis quibuscunque penitus exclusis.

CAPUT II.

§. I. *Pœna concubinariorum.*

Hanc rem Concilium Tridentinum (r) accuratius persequens, ea, quæ sequuntur, constituit: "Quam turpe, ac Clericorum nomine, qui se Divino cultui addixerunt, sit indignum, in impudicitia sordibus, immundoque concubinato versari, satis res ipsa, communi fidelium omnium offensione, summoque Clericali militiæ dedecore testatur. Ut igitur ad eam, quam decet continentiam, ac vitæ integritatem Ministri Ecclesiæ revocentur; populusque hinc eos magis discat revereri, quo illos vita honestiores cognovit; prohibet Sancta Synodus quibuscunque Clericis, ne concubinas, aut alias mulieres, de quibus possit haberi suspicio, in domo vel extra detinere, aut cum iis ullam consuetudinem habere audeant, alioquin pœnis a sacris Canonibus, vel Statutis Ecclesiarum impositis puniantur. Quod si a Superioribus moniti ab iis se non

" abstinuerint, tertia parte fructuum, obventionum ac proventuum Beneficiorum suorum quorumcunque & pensionum ipso facto sint privati, quæ fabricæ Ecclesiæ, aut alteri pio loco, arbitrio Episcopi applicetur."

§. II. *Pœna Clericorum concubinas post secundam monitionem non dimittentium.*

" Sin vero in delicto eodem cum eadem, vel alia fœmina perseverantes, secundæ monitioni adhuc non paruerint, non tantum fructus omnes ac proventus suorum Beneficiorum, & pensiones eo ipso amittant, qui prædictis locis applicentur, sed etiam a Beneficiorum ipsorum administratione, quoad Ordinarius, etiam uti Sedis Apostolicæ Delegatus, arbitrabitur, suspendantur."

§. III. *Beneficiis & Officiis spoliandi.*

" Et si ita suspensi, nihilominus eas non expellant, aut cum eis etiam versentur, tunc Beneficiis, portionibus, ac officiis & pensionibus quibuscunque Ecclesiasticis perpetuo priventur, atque inhabiles ac indigni quibuscunque honoribus, dignitatibus, Beneficiis ac officiis in posterum reddantur, donec post manifestam vitæ emendationem ab eorum Superioribus cum iis ex causa visum fuerit dispensandum."

§. IV. *Excommunicandi.*

" Sed si, postquam eas semel dimiserint, intermissum consortium repetere, aut alias huiusmodi scandalosas mulieres sibi adungere ausi fuerint, præter prædictas pœnas, excommunicationis gladio plectantur."

§. V. *Appellatio non habet hic locum.*

" Nec quævis appellatio, aut emptio prædictam executionem impediatur, aut suspendatur."

§. VI. *Cognitio concubinatus ad quem spectet.*

" Supradictorumque omnium cognitio, non ad Archidiaconos, nec Deca-

(p) Conc. Trid. Sess. 24. de Reform. c. 8. Statut. Sifridi Archiep. c. 1. & 2. pag. 35. & 36. Wilhelmi Archiep. c. 1. §. 2. p. 150. (q) Sess. 25. de Reform. c. 14. (r) Loc. cit.

Thomas IX. Concilior. German.

M m m m m

"Decanos, aut alios Inferiores, sed ad Episcopos ipsos pertineat: qui si ne strepitu & figura iudicii, & sola facti veritate inspecta, procedere possint."

§. VII. *Pena Concubinarum non beneficiati.*

"Clerici vero Beneficia Ecclesiastica, aut pensiones non habentes, juxta delicti & contumaciæ perseverantiam & qualitatem ab ipso Episcopo, carceris poena, suspensione ab Ordine, ac inhabilitate ad Beneficia obtinenda, aliisve modis juxta sacros Canones puniantur."

§. VIII. *Pena Episcopi ab hoc crimine non abstinentis.*

"Episcopi quoque, quod absit, si ab hujusmodi crimine non abstinuerint, & a Synodo Provinciali admoniti, se non emendaverint, ipso facto sint suspensi: & si perseverent, etiam ad Sanctissimum Romanum Pontificem ab eadem Synodo deferantur, qui pro qualitate culpæ etiam per privationem, si opus fuerit, in eos animadvertat."

CAPUT III.

§. I. *Ecclesiastici proles suas spurias domi non alant.*

Præterea gravissime interdicimus omnibus ac singulis Ecclesiasticis, ne suas proles ex fædo concubitu susceptas, apud se retinere præsumant, nec de patrimonio Crucifixi, Veneris triumphum instituant; attendant potius ad ea, quæ CONRADUS Archiepiscopus Coloniensis Decessor noster in suo Provinciali Concilio (s) monet; ipsos nimirum, qui patrimonium Christi in usus malos cum suis peccando focariis expenderunt, teneri ad satisfaciendum Ecclesiæ, cujus bonis nequiter suis concupiscentiis, & peccati illecebris indulgendo sunt abusi.

§. II. *Earum sponsalibus aut nuptiis non intersint.*

Pariformiter severe vetamus, (t) ne Clerici, si ex illicito concubitu pro-

les habuerint, illarum Baptismo, Sponsalibus, Nuptiis, Exequiis, aut similibus actibus publicis intersint, nec in publico facile cum ipsis compareant, aut eas in plateis comitentur.

§. III. *Neque dotent aut hæredes instituant.*

Quæ a Summis Pontificibus PIO V. & SIXTO V. (u) nec non Decessoribus nostris CONRADO, SIFRIDO & THEODORICO (x) Archiepiscopis Coloniensibus de non legitimis Clericorum liberis, & horum prolibus ad hæreditates, donationes, & fructus Beneficiorum percipiendos non admittendis, salubriter sancita sunt, ea in Civitate & Dicecesi nostra præcipimus observari, & sub gravi poena arbitraria prohibemus omnibus & singulis Ecclesiasticis cujuscunque gradus, conditionis & dignitatis sunt, ne de patrimonio Christi, seu Canoniciatum, Præbendarum, Beneficiorum, aut Officiorum suorum Ecclesiasticorum fructibus suas concubinas, aut proles illegitime natas, earumve liberos dotent, aut ditent testamento, vel alio modo, expresse, vel simulate fructus Beneficiorum, quos ante mortem perceperant, aut annos gratiæ, quos vocant, eis relinquunt: nec Manifeste, aut Executores concubinæ vel spurii, vel liberis eorum, fructus Canoniciatum, Præbendarum, Beneficiorum & Officiorum suppeditent; quam in rem diligenter advigilent Superiores, ut transgressores condigne mulcentur.

§. IV. *Id facientium poena.*

Ecclesiastici testandi gratia abutentes, fructusque Beneficiorum aut Officiorum Ecclesiasticorum, quos ante mortem perceperant, aut annos gratiæ, ut vocant, aut post mortem eorum hæredibus ab Ecclesia debitos spurii vel concubinæ legantes, ex definitione Conciliorum Provincialium sub CONRADO (y) Cardinale Portuensi, Legato Apostolico, & Decessore nostro HEN-

(s) Pag. 10. circa med.

Statut. Sifridi pag. 36. c. 2.

(x) Statuta Conradi cap. 1. pag. 10. col. 1.

cap. 1. pag. 231.

(t) Conc. Prov. sub Conrado Archiep. Colon. pag. 10. c. 1.

(u) Pii V. Constit. 117. Sixti V. Constit. 100.

Statut. Sifridi cap. 2. pag. 36. Stat. Theodorici

(y) Statuta Concilii sub Conrado Card. pag. 3. & 4. §. 5.

HENRICO (2) Archi-Episcopo Coloniensi celebratorum, excommunicati habeantur, Ecclesiasticaque careant sepultura, atque legatum vel Ecclesiæ, a qua processerat, vel aliis piis locis applicetur.

§. V. *Executorum pena.*

Qui vero testamenta hujusmodi contra prædictorum Conciliorum Provincialium ordinationem exequi voluerint, aut pro spuris vel concubinis fructus Canonicatum, Præbendarum, Beneficiorum aut Officiorum Ecclesiasticorum administraverint, vel administrari fecerint, ipso facto excommunicationem incurrant; quæ poena ut Executoribus testamentorum innotescat, injungimus Sigillifero majori, ut cum testamenta vel inventaria eidem exhibebuntur, hujusce Constitutionis ipsos admoneat, maxime quando aliqua suspicio, indicium aut transgressionis argumentum apparebit.

CAPUT IV.

§. I. *Spurius an Beneficii capax.*

Jure optimo a sacris Canonibus (a) constitutum fuit, ut a Beneficiis Ecclesiasticis arceantur filii Presbyterorum, alique non legitime nati; potissimum ex causa in Concilio Tridentino (b) expressa: "Ut paternæ, inquit, incontinentiæ memoria a locis Deo consecratis, quos maxime puritas, sanctitasque decet, longissime arceatur; non liceat filiis Clericorum, qui non ex legitimo nati sunt Matrimonio, in Ecclesiis, ubi eorum Patres Beneficium aliquod habent, aut habuerunt, quodcumque etiam dissimile Beneficium obtinere, nec in dictis Ecclesiis quoquo modo ministrare, nec pensiones super fructibus Beneficiorum, quæ parentes eorum obtinent, vel alias obtinuerunt, habere. Quod si in præsentem pater & filius in eadem Ecclesia Beneficia obtinere reperiantur, cogatur filius Beneficium suum resignare, aut cum alio permutare extra Ecclesiam, intra

" trium mensium spatium: alias ipso jure eo privatus existat, & super iis quæcumque dispensatio subreptitia censeatur. Adhæc reciprocarum resignationes, si quæ posthac a parentibus Clericis in favorem filiorum fient, ut alter alterius Beneficium consequatur, in fraudem hujus Decreti & Canoniarum Sanctionum factæ omnino censeantur: nec collationes secutæ, vigore hujusmodi resignationum, seu aliarum quarumcumque, quæ in fraudem factæ fuerint, ipsi Clericorum filiis suffragentur."

§. II. *An per Pontificis dispensationem.*

Tametsi ergo filius non legitimus, per dispensationem super natalium vicio seu defectu sibi a Summo Pontifice factam, habilis efficiatur ad quæcumque etiam curata Beneficia Ecclesiastica obtinenda, (c) non tamen in Ecclesia, in qua immediate Pater ejus est, vel fuit Beneficiatus. Indignum enim est paternæ incontinentiæ memoriam fovere in locis & rebus Deo dicatis, quibus maxime competit puritas, sanctitasque. Multo minus ut Patri succedat in Beneficio, cum id nequidem legitimo Clerici filio permittatur, qui licet possit Beneficium in eadem Ecclesia obtinere, in qua Pater ejus habet, vel habuit, aut cui præest, præfuitve, (d) nequam tamen permittitur, ut Patri in eodem Beneficio proxime succedat, ne quod maxime Ecclesia detestatur, Beneficia fiant hæreditaria: "Cum in Beneficiis Ecclesiasticis ea, quæ hæreditariæ successionis imaginem referunt, sacris Constitutionibus odiosa, & Patrum Decretis, ait Concilium Tridentinum (e), sint contraria."

§. III. *Pæna negligentium executionem dictorum Decretorum.*

Cæterum, si quæ pro sædissimi concubinatoris seu pellicaratus flagitii extirpatione, (f) ex sacrorum Canonum, Oecumenici Concilii Tridentini, Constitutionumque Apostolicarum, ac Conciliorum tam Provincialium, quam Syno-

(2) Statut. Henrici pag. 81. c. 15.

(a) C. Adhæc. c. fin. de fil. Presbyt.

(b) Sess. 25. de Reform. c. 15.

(c) C. 3. 4. 10. 11. 13. 15. 16. 17. 18. de filiis Presby.

(d) Juribus cit.

(e) Loc. cit. c. 7.

(f) Locis sup. cit.

Tomus IX. Concilior. German.

M m m m m m 2

Synodaliū Colonienſium præſcripto, a Nobis decreta ſunt, illi ad quos eorum pertinet executio, neglexerint: Nos tam in iſtos tanquam ſcleris participes, & Canonicarum Sanctionum, diſciplinæque Eccleſiaſtica violatores, quam in concubenarios ſeu ſcortatores ipſos digna punitione animadvertemus, ne noſtrorum ſubditorum neglectæ emendationis, Deo vindice, penas perſolvamus.

TITULUS III.

De Immunitate & libertate Eccleſiaſtica.

CAPUT I.

§. I. Immunitas Eccleſiaſtica quid & quo jure introducta.

Immunitas Eccleſiaſtica Divina ordinatione & Canonicis Sanctionibus inducta, (g) variis poſtea ſuccedentium Pontificum, & Imperatorum Conſtitutionibus & Ediſtis roborata, & clarius expreſſa fuit; in eo autem potiſſimum, uti definivit BONIFACIUS Papa VIII. (b) conſiſtit; "ut nimirum Eccleſiæ, "Eccleſiaſticæque perſonæ, ac res ipſarum, non ſolum jure humano, quin imo & Divino a ſæcularium perſonarum exactionibus ſint immunes." Quod idem BONIFACIUS VIII. (i) Concilium Lateranenſe ſub INNOCENTIO III. & Viennenſe ſub CLEMENTE V. (k) explicatius proſequuntur, & Sacra Tridentina Synodus innovavit hiſ verbis: "Decernit itaque & præcipit, ſacros Canones, & Concilia Generalia omnia, nec non alias Apoſtolicas ſanctiones in favorem Eccleſiaſticarum perſonarum libertatis Eccleſiaſticæ, & contra ejus violatores editas, quæ omnia præſenti etiam Decreto innovat, exacte ab omnibus obſervari debere."

§. II. Collectas aut alia onera Clericis, eorumque bonis imponentes, excommunicantur in Bulla Cœnæ.

Quin etiam Romanus Pontifex in Bulla ſua quotannis in *Cena Domini* publi-

cari ſolita, excommunicat, & anathemari ſubjicit omnes, qui "Collectas, "decimas, tallias, præſtantias, & alia "onera Clericis, Prælatiſ, & aliis perſonis Eccleſiaſticis, ac eorum & Eccleſiarum, Monafteriorum, & aliorum Beneficiorum Eccleſiaſticorum bonis, illorumque fruſtibus, redditibus, & proventibus hujusmodi, absque ſimili Romani Pontificis ſpeciali & expreſſa licentia imponunt, & diverſis etiam exquisitis modis exigunt, aut ſic impoſita, etiam a ſponte dantibus & concedentibus, recipiunt. Nec non qui per ſe vel alios, directe vel indirecte prædicta facere, exequi, vel procurare, aut in eiſdem auxilium, conſilium aut favorem præſtare non verentur, cujuſcunque ſint præeminentia, dignitatis, Ordinis, conditionis aut ſtatus, etiamſi Imperiali, aut Regali præfulgeant dignitate, ſeu Principes, Duces, Comites, Barones & alii Potentatus quicunque, etiam Regnis, Provinciis, Civitatibus & terris quoquo modo Præſidentes, Conſilarii & Senatores, aut quavis etiam Pontificali dignitate inſigniti. Innovantes Decrèta ſuper hiſ per ſacros Canones, tam in Lateranenſi noviffime celebrato, quam Conciliis Generalibus edita, etiam cum cenſuris & pœnis in eis contentis."

§. III. Immunitati Eccleſiaſtica nec poteſt, nec debet ullo modo præjudicari.

Sed & URBANUS Papa VIII. (l) ſpeciali ea de re edita Conſtitutione, declaravit, per nullam contrariam conſuetudinem, aut Summorum Pontificum tolerantiam, conniventiam, & tacitum conſenſum, aut Conſtitutionum Apoſtolicarum non receptionem, aut non uſum, immunitati & libertati Eccleſiaſticæ ullatenus poſſe & debere præjudicari. (m)

§. IV. Proinde Clericis, eorumque bonis non licet ulla onera laicalia imponere.

Ex quibus conſtat, quantis ſtudiis ſupremi Orbis Antifiſtites immunitatem Eccle-

(g) Trid. Seſſ. 25. de Reform. c. 20.

(i) C. Clericis. de Immunit. Eccleſ. in 6.

(l) Tom. 4. Bullarii Conſtit. 62.

(b) C. Quamquam. de Cenſibus. in 6.

(k) C. Non minus. c. Adverſus. de Immunit.

(m) C. Adverſus. c. Quamquam. cit.

Ecclesiasticam jure Divino constitutam, voluerint illasam; unde & merito perspicere lubeat quibuscunque Principibus sæcularibus, ac quarumcunque Civitatum & locorum Dominis temporalibus, Magistratibus laicis, & Communitatibus, quod cum tributorum & collectarum indictio sit tessera jurisdictionis, & imperii in illos, a quibus illa exiguntur, teste Apostolo (n), *Necessitate*, inquit, *subditi estote, non solum propter iram, sed etiam propter conscientiam: ideo enim & tributa præstatis.* Ipsi autem nulla omnino in personas Ecclesiasticas competat jurisdictio, nullo etiam pacto, prætextu, præscriptionis aut contrariæ consuetudinis colore, ullas omnino gabellas, tributa, vectigalia, pedagia, collectas, aliaque onera etiam minutissima, quocunque tandem nomine vocentur, quibuscunque Clericorum seu personarum Ecclesiasticarum rebus & bonis, seu immobilibus, veluti terris, agris, vineis, domibus, pratis, nemoribus & possessionibus ejusmodi, seu mobilibus, uti frumento, vino, cerevisiæ, farinæ, annonæ, aliisque victualibus, ac quibuscunque fructibus & obventionibus, tum ex Beneficio, tum patrimonio provenientibus, vel donatione, aut testamento legatis, emptis, & alio quovis titulo acquisitis, citra excommunicationis penam ipso facto incurrendam, propria autoritate imponere possint; cum præmissæ Constitutiones Pontificiæ generaliter quævis Ecclesiasticorum bona, seu res proprias undecunque quæsitæ complectantur; Bulla etiam die Cenzæ Domini quotannis publicari solita, ad omne in hac materia dubium submovendum, consulto & expresse addiderit, nulla onera Clericis, Prælati, aliisque Ecclesiasticis personis, ac eorum bonis, fructibus, redditibus & proventibus imponenda, ut non tantum res Ecclesiæ, sed & ipsorum patrimonialia, & quæcunque alia bona comprehenderet; uti & Rota Romana (o) sequentibus verbis definivit: "Bona patrimonialia Clericorum, etiam laicalia, sint im-

munia ab oneribus laicalibus ob dignitatem personarum, quæ dignitas personæ influit immunitatem in ipsa bona: illa enim adhærent personæ Clerici, nec persona potest dici ple- ne & perfecte exempta, nisi etiam illius bona exempta sint. Nec de- cet, ut inquit Concilium Lateranense, (p) Ecclesiam Dei modo minus liberam esse tempore Principum Christiano- rum, quam fuerit tempore Pharaonis; qui licet Divinæ legis noticiam non haberet, tamen omnibus aliis servituti subiectis, Sacerdotes & pos- sessiones eorum in pristina libertate & immunitate dimisit."

§. V. *Immunitatem violentum penæ ad eorum hæredes extenduntur.*

Eodem etiam anathemate (q) feriuntur hæredes & successores gabellas Ecclesiasticis, eorumque bonis imponentes, easque continuantes, publicani, seu earundem conductores, ac famuli, qui jussu Dominorum eas exigunt; & insuper omnes & singuli ad restitutionem teneantur; quippe rapinam committentes, dum aliena sine legitima potestate extorquent; nam uti ait S. Augustinus (r): *Cum res aliena, propter quam peccatum est, cum reddi possit, non redditur, non agitur penitentia, sed fingitur: si autem veraciter agitur; non dimittitur peccatum, nisi restituatur ablatum.*

§. VI. *Inhiberi nequit Clericis, ut vina & frumenta sua undecunque venientia absque onere laicali non vendant.*

Unde nec per ullos Principes sæculares, (s) Dominos temporales, Magistratus laicos, aut Communitates, citra apertam immunitatis Ecclesiasticæ læsionem, ac prædictarum censurarum incursum, personis Ecclesiasticis inhiberi valet, aut debet, ne vina sua aut frumenta ex patrimonialibus, aut aliis quibuscunque earundem bonis, sive in mensura magna, seu grosso, ut vocant, sive per mensuras minutas & amphoras, libere & absque ullius gabel-

M m m m m 3 la

(n) Rom. 13. v. 6.

(o) In una Albanensi gabellæ die 28. Junii 1630. apud Dian.

Part. 5. pag. mihi 514. & 519.

(p) C. Non minus. hoc tit.

(q) Locis §. 1. cit.

(r) C. Si res 14. q. 6.

(s) Stat. Walrami Archiep. Colon. p. 110. c. 3. p. 142. c. 30.

Wilhelmi Archiep. p. 151. col. 2. §. 27.

læ onere, etiam in ædibus propriis dividendant.

§. VII. *Nec propterea obsequia necessaria ipsi neganda.*

Adhæc singulos Superiores sæculares & Laicos, & causa gabellarum a Clericis, & personis Ecclesiasticis extorquendarum, subditis suis interdunt, ne iisdem necessaria vel opportuna obsequia exhibeant, coquant, molant, vendant, ab eis emant, vel eorum agros colant &c. cum ejusmodi in derogationem libertatis Ecclesiasticæ, ut ait BONIFACIUS Papæ VIII. (†) præsumantur, excommunicationis sententiæ eo ipso incurrendæ voluit subiacere.

§. VIII. *Statuta secularium immunitati Ecclesiasticæ contraria sunt damnata.*

Proinde quævis Statuta a quibuscunque Principibus sæcularibus, (u) Dominis temporalibus, Magistratibus & Communitatibus laicis, immunitati Ecclesiasticæ quomodolibet contraria, edita & observari jussa, Pontifices Maximi gravissime sunt detestati, damnarunt, irritarunt, atque in perpetuum proscripserunt, & omni robore carere decreverunt; nec non eorum auctoribus, fautoribus, consiliariis, & scriptoribus excommunicationis pœnam inflixerunt. Sic Bulla Cane mentem sacrorum Canonum plenius explicans, excommunicat omnes & singulos, qui "Statuta, inquit (x), vel ordinationes" in genere vel in specie, quovis quæsito colore aut prætextu ordinarint, vel publicaverint, unde libertas Ecclesiastica tollitur, seu in aliquo læditur, vel deprimitur, aut quovis modo restringitur, seu Sedis Apostolicæ, aut quarumcunque Ecclesiarum juribus, quomodolibet directe vel indirecte, tacite vel expresse præjudicatur."

§. IX. *Talia sunt, quibus vetatur bona secularia Clericis & Religiosis donari, legari, relinqui vel vendi.*

Qualia censentur Statuta prohibentia, (y) ne sæcularia bona immo-

bilis donentur, legentur, vel acquirantur Ecclesiis, aut in personas Ecclesiasticas, sive Regulares transferantur, vel saltem nisi cum oneribus tributorum Laicorum, quæ uti libertati & immunitati Ecclesiasticæ omnino contraria, illicita & abroganda Canones decreverunt.

§. X. *Clerici a pontium, viarum, turrium & propugnaculorum reparatione sunt immunes.*

Præterea sacris Canonibus (z) cautum est, quod Ecclesiastici, nisi cum maximo eorundem immunitatis & libertatis præjudicio, per nullos etiam Principes sæculares, Dominos temporales, Magistratus & Communitates laicas, obligari queant ad ædificationem aut reparationem pontium, turrium, propugnaculorum, munitiorum, aggerum, littorum, mœnium, viarum, operumque publicorum Civitatum & locorum, in quibus degunt: utpote, quæ onera solis Laicis regulariter incumbunt, & regiminis politici utilitatem primario respiciunt.

§. XI. *Etiam in casu necessitatis, sub certis tamen limitationibus.*

Imo & ubi publica, (a) ac communis in his vel similibus extruendis vel reparandis, aut ratione belli ingruentis, tam Cleri, quam populi foret utilitas, vel extrema aliqua reipublicæ necessitas, in cujus incolumitate etiam Ecclesiasticorum salus consistat; ne tum quidem Clerici & Ecclesiastici ad ullam subsidiariam contributionem Laicis præstandam adigi possunt, nisi pro primo ad onus sustinendum Laici soli non sufficiant; quandoquidem Clerici & Ecclesiastici debeant duntaxat Laicis contribuere in subsidium, ubi Laicorum non suppetunt facultates, non tantum publicæ ipsorum Principum sæcularium, Dominorum temporalium, Magistratuum & Communitatum, sed etiam privatæ singulorum subditorum Laicorum. Deinde ad hujusmodi auxiliares collectas Ecclesiasticis imponendas vocetur, & consentiat Clerus Diocelsa-

(z) C. fin. de immunit. Eccles. in 6.

(x) Urbani VIII. Constit. 62. §. 15.

(z) Rota §. 4. cit.

(u) C. Noveritis, c. Gravem, de sent. excom.

(y) C. 1. de immunit. Eccles. in 6.

(a) C. Non minus, c. Adversus hoc ut.

cesanus, nec sufficeret Episcopus cum Capitulo Cathedrali; quippe quod omnes tangit, ab omnibus peculiariter debet approbari. *Præterea* opus est, (b) ut ea de re Papa prius consulatur, & ipso consulto & consentiente & non alias Ecclesiasticis licet contribuere: *Denique* requiritur, quod ad has collectas subsidarias solvendas, postquam prædictis omnibus concurrentibus indictæ fuerint, Clerici & personæ Ecclesiasticæ, non a Ministris laicis, sed ab Episcopo Diocesano, uti Superiore Ecclesiastico, constituto etiam proprio Quæstore, nulla adhibita manu laica compellantur.

§. XII. *In casu necessitatis requiritur licentia Pontificis.*

Ea autem Summi Pontificis licentia (c) ad tributa etiam minutissima, in Ecclesiasticas personas, earumque bona, ex causis prædictis decernenda adeo est necessaria, ut non solum ullis Superioribus Laicis, Magistratibus & Communitatibus, etiam minima a quibuscunque personis Ecclesiasticis sine Pontificis Maximi scitu & consensu liceat exigere, aut recipere, citra censurarum & poenarum per Sanctiones Apostolicas inflictarum incursum; sed nec volentibus quoque Clericis & Ecclesiasticis tam sæcularibus, quam quorumcunque Ordinum Regularibus in ulla tallias, collectas, gabellas & tributa Laicis contribuenda consentire, vel contribuere, sine prædicto Romani Pontificis assensu fas sit, in quos merito BONIFACIUS Papa VIII. (d) verbis sequentibus invehitur: " Et quod dolenter referimus, nonnulli Ecclesiarum Prælati, Ecclesiasticæque personæ trepidantes, ubi trepidandum non est, transitoriam pacem quærentes, plus timentes Majestatem temporalem offendere, quam æternam, talium (videlicet gabellarum & vectigalium impositorum & exactorum) abusibus non tam temerarie,

" quam improvide acquiescunt: Sedis Apostolicæ autoritate seu licentia non obtenta." Unde prædicti Pontifices Maximi (e) omnem voluntariam quoque contributionem quibusvis Ecclesiasticis, qua sæcularibus, qua Regularibus, nisi prævio consensu Pontificio, sub gravissimis, ac primum quidem excommunicationis, dein vero aliis poenis, & æternæ maledictionis interminatione prohibuerunt.

§. XIII. *Qui tamen ultra determinationem, vel ea deficiente, necessitatem extendendus non est.*

Advertant tamen Principes sæculares, Domini temporales, ac Magistratus Laici, quod dum de expressa Summi Pontificis voluntate, ob evidentem reipublicæ necessitatem vel utilitatem, aliqua collecta subsidaria Ecclesiasticis imponitur, illa non diutius, quam Pontificius assensus præscribit, vel si is non sit determinatus, non longiori tempore, quam eadem necessitas, cui subveniendæ Laicorum media non sufficiunt, durat, persistere debeat; ne concessa facultas in usurpationem transeat, ac bona Ecclesiarum & Clericorum, pauperumque Christi usibus deputata, ut inquit idem BONIFACIUS Papa VIII. (f) alio diverstantur, & stipendia pro Spiritualibus functionibus constituta, ad mundanas transferantur.

CAPUT II.

§. I. *Clerici in nullo casu ad Tribunal Laicum citari queunt.*

Cum immunitas & libertas a potestate & jurisdictione laica ex personis Ecclesiasticis, uti radice, in ipsarum res & bona defluat, (g) easdem primario & principaliter hoc privilegio gaudere necesse est; ex quibus constat, Clericos & Ecclesiasticos in nullis omnino causis, qua Civilibus, qua criminalibus, a Laico quavis etiam potestate prædito, vel Clerico & Ecclesiastico citra

(b) C. 29. de Regulis juris in 6.

(c) C. Adversus. de immun. Eccl. Extrav. Quod olim eod. inter communes, Bulla Cœnæ inter Constit. Urbani Papæ VIII. Const. 62.

§. 19. (d) C. Clericis. de Immunit. in 6.

(e) Clem. Quoniam. de Immunit.

(f) C. Non minus. hoc tit.

(g) C. 1. & seqq. 11. q. 1. per tot. c. 8. & 17. de Judic.

c. 1. 2. 4. 12. 13. de foro comp. c. Gravem. de excess. Prælat. c. Clericis. de Immunit.

in 6. Bulla Cœnæ §. 15.

citra excommunicationis poenam eo ipso incurrendam ad Tribunal laicum vocari, trahi, vel a Judice seculari judicari, multo minus ipsos, eorumque bona, jura arrestis, repressaliis, pignorationibus vexari, capi, apprehendi vel incarcerari, aut aliquam iis violentiam inferri posse, soli Judici Ecclesiastico hac potestate relicta; Laicis enim cujuscunque status, ut disertis verbis loquitur INNOCENTIUS Papa III. "Super Ecclesiis & personis" Ecclesiasticis nulla est attributa facultas, quos obsequendi manet necessitas, non autoritas imperandi. "Quo spectat aurea JOANNIS Papæ sententia: "Non a legibus publicis, "non a potestatibus seculi, sed a Pontificibus omnipotens Deus Christianæ Religionis Clericos & Sacerdotes" voluit ordinari, & discuti & recipi "de errore remeantes." Quocirca Summi Pontifices singulis annis in Bulla *Cenæ* anathemate percellunt omnes & singulos Imperatores, Reges, Principes, & quoscunque seculares, atque Laicos, eorumque Ministros, Officiarios & Consiliarios, qui "ex eorum prætenso officio, vel ad instantiam partis, aut aliorum quorumcunque personas Ecclesiasticas, Capitula, Conventus, Collegia Ecclesiarum quarumcunque, coram se ad suum Tribunal, audientiam, Cancellariam, consilium vel Parlamentum, præter juris Canonici dispositionem trahunt, vel trahi faciunt, vel procurant directe vel indirecte, quovis quæsito colore."

§. II. *Causæ Spirituales solis Judicibus Ecclesiasticis reservatæ.*

Causæ vero ad solum Tribunal Ecclesiasticum spectantes, (b) censentur imprimis illæ, quæ prorsus sunt Spirituales, veluti, quæ ad DEI cultum, Fidem orthodoxam, Sacrificium, Sacramenta Ecclesiæ, eorumque administrationem & perceptionem ac Spi-

ritualem animæ salutem, & a peccatis curationem, sacrarum Reliquiarum ac rerum venerationem, indulgentiarum, censurarum Ecclesiasticarum vim, validitatem & usum, Officia Divina, Ministrorum Ecclesiæ Ordinationem, Religiosam professionem, & alia ejusmodi quomodolibet pertinent; Ecclesiæ siquidem munus est, Fidei quæstiones decidere, de Religione cognoscere, de sana doctrina decernere, reprobamve dammare, DEI & Sanctorum cultum ordinare, & Ecclesiastica negotia, seclusis Laicis, tractare: eique soli Ecclesiasticæ claves ligandi & solvendi, a Christo sunt creditæ.

§. III. *Item causæ Ecclesiasticæ.*

Huc accedunt, (i) quæ de immunitate Ecclesiastica, Ecclesiarum, Oratoriorum & Capellarum ædificatione, restauratione, profanatione, pollutione, reconciliatione, Beneficiis item & Officiis Ecclesiasticis, jure eligendi, conferendi, instituendi, investiendi, institutos approbandi, jure patronatus, Beneficiatorum residentia, habitu, Tonsura, moribus, Ecclesiasticis functionibus & muniis, decimis, necessaria Parochorum, eorumve in animarum cura adiutorum sustentatione, nec non Processionibus, jure sepulture Christianæ, exequiis, funeralibus, anniversariis, ac testamentorum & legatorum piorum executione, arque Ecclesiarum, Oratoriorum, Sacellorum, Hospitalium & quorumcunque locorum sacrorum, & personarum Ecclesiasticarum visitatione, correctione, rationibusque facultatum Ecclesiasticarum, fabricæ cujusvis Ecclesiæ, Hospitalium, Confraternitatum, Montium pietatis, & aliorum locorum piorum reddendis controversantur.

§. IV. *Item quæstiones Sponsalitæ, ac Matrimoniales.*

Quæstiones quoque de Sponsaliorum ac Matrimonii contracti valore, (k) Judici Ecclesiastico duntaxat termini-

(b) C. 11. dist. 96: c. 8. de arbitris. c. Per venerabilem. §. Rationibus qui filii sint legitimi. c. Si inquisitionis, de hæret. in 6. Trid. Sess. 22. de Reform. cap. 8. & alibi.

(i) C. Ad Episcopos 17. q. 4. c. 1. de offic. Archid. c. Ad audientiam 1. de Eccles. ædificat. c. Significasti, de adult. c. Autoritate, de Privilegiis in 6. c. un. de consecr. Eccles. in 6. Trid. Sess. 6. c. 2. & alibi. (k) C. 4. q. 10. & seqq. de Sponsal. c. Porro, de divortio. Sess. 24. de Matrim. can. 12. & alibi.

terminandas sacri Canones primum, postmodum & Concilium Tridentinum sub anathemate reservavere hisce verbis: " Si quis dixerit, causas Matrimoniales non spectare ad Judices Ecclesiasticos, anathema sit. " Idque ad solos Episcopos Diœcesanos, ut ne quidem ullus Laicus de Matrimonio cognoscere valeat, ut est contractus etiam civilis, factus altioris Ordinis, vel dum de jure aut facto quæritur; sicuti nec de causis divortii, juramentorum vel votorum vinculo, obligatione & observantia.

§. V. *Item crimina juri Canonico contraria,*

Singula etiam crimina, quæ tantum Canonico juri adversantur, (1) uti sunt violatio jejunii, festorum & cæterorum præceptorum Ecclesiæ, & generaliter quævis delicta a Clericis & personis Ecclesiasticis perpetrata, ad unicum Tribunal Ecclesiasticum sunt referenda, ibique discutienda, & puniendi.

§. VI. *Laici nullo modo de prædictis cognoscere possint.*

Quibus omnibus causis & aliis hujusmodi cognoscendis & definiendis, nulli Principes sæculares, Domini temporales, Magistratus & Communitates, vel quicumque Laici ullo prætextu, aut quæsito colore per se vel alios directe vel indirecte, nisi cum immunitatis & libertatis Ecclesiasticæ violatione, atque animarum suarum perniciæ, sese queunt ingerere; nam si vere Catholici esse velint, Ecclesiæ filios non Præsules esse oportet, quæ rem Ecclesiasticam spectant Episcopis, eorumque Vicariis & Ministris relinquentes, quæ publicam & politicam spectant sibi retinentes: (m) alia enim Deo, alia Cæsari sunt tribuenda; eaque Ecclesiæ data est potestas, quæ Christi ovibus ipsi commissis pascendis est necessaria; quomodo *Spiritus Sanctus posuit Episcopos regere Ecclesiam DEI,*

non autem Principes, aut quoscumque Sæculares & Laicos, sed hos ipsos *lex Christi Sacerdotali subiecit potestati,* inquit S. Gregorius Nazianzenus: (n) unde a Christiana lege abscedunt, qui Christianitatem seu Ecclesiam cogunt suis legibus ancillari.

CAPUT III.

§. I. *Immunitate Ecclesiastica quænam gaudeant.*

ETSI vero hoc immunitatis Ecclesiasticæ beneficium, & fori privilegium (o) non solum quibuscunque Sacerdotibus sæcularibus & sacris Ordinibus initiatis, nec non Regularibus utriusque sexus personis Religionem aliquam approbatam professis, Novitiis etiam & conversis competat, atque etiam ad Clericos sæculares & in minoribus Ordinibus constitutos extendantur; cavit tamen Concilium Tridentinum, (p) hos a foro & potestate laica minime exemptos fore, nisi Beneficium Ecclesiasticum habeant, aut Clericalem Tonsuram deferentes, alicui Ecclesiæ de Episcopi mandato inserviant: vel in Seminario, Schola, vel Universitate de licentia ipsius Episcopi quasi in via ad majores Ordines versentur. (q) Illi vero, qui conjugati sunt, requisita Constitutionis BONIFACIANÆ servant, & insuper alius Ecclesiæ ministerio similiter addicantur. Quæ omnia & singula a Civitatis & Diœcesis nostræ Clericis accuratissime volumus observari, si immunitate, libertate & exemptione Ecclesiastica frui desiderent.

§. II. *Immunitati nullus Clericus potest renuntiare.*

Tanti porro ea Clericorum & Ecclesiasticorum a laica jurisdictione & oneribus exemptio est momenti, ut eadem neque in civilibus, neque criminalibus actionibus, (r) ne juramento quidem, tacite vel expresse per pacta aut delicta Clerici & Ecclesiastici possint

(1) C. Inquisitionis. §. Prohibemus. de hæret. in 6. & tot. tit. de Simon. Trid. Sess. 14. de Refor. c. 8. & alibi. (m) C. Si Imperator. dist. 16. (n) C. Suscipitis. dist. 10.

(o) C. De persona 11. q. 1. c. Generaliter 16. q. 1. c. Clericis. de Immunit. in 6.

(p) Sess. 23. de Reform. c. 6.

(q) C. 1. de Cleric. conjug. in 6.

(r) C. Si diligenti. c. Significasti. de foro comp.

sint renuntiare, vel derogare, & laicum sibi Judicem constituere, ejusque jurisdictionem prorogare, vel sententiam validam reddere, prout INNOCENTIUS Papa III. (r) clarissimis sequentibus expressit verbis: "Mani-
" fesse pater, quod non solum inviti
" videlicet Ecclesiastici, sed etiam vo-
" luntarii pacisci non possunt, ut sæ-
" cularia judicia subeant, cum non sit
" Beneficium hoc personale, cui re-
" nuntiari valeat, sed potius toti Col-
" legio Ecclesiastico sit publice indul-
" tum, cui privatorum pactio deroga-
" re non potest. Nec juramentum li-
" cite servari potuit, quod contra Ca-
" nonica Statuta illicitis pactioibus
" informatur.

CAPUT IV.

§. I. Immunitas localis describitur.

Immunitas demum localis Ecclesiis, earumve cæmeteriis concessa, in ius potissimum consistit, ne in ipsis lites agitentur: est enim Ecclesia domus Dei, domus orationis, quam decet omnis sanctitudo & reverentia; (t) proinde hinc omnis conclamatio, seditio, impetus, universitatum ac societatum consilia, placita, seu publica parlamenta arceri debent. (u) Similiter ab ipsis Ecclesiis & cæmeteriis abesse quascunque emptiones, venditiones, nundinarum & fori tumultus, judiciorum secularium strepitus, ac præcipue criminalium: *Assurdum est enim & crudele*, ut inquit LUCIUS Papa III. (x), *ibi judicium sanguinis exerceri, ubi est cautela refugii constituta*: ideoque Summi Pontifices (y) processus Judicum secularium ibi exercitos, & latas sententias omni firmitate carere, ipsosque Judices ab Ordinariis Diecefanis, etiam sub anathemate compescendos sancivere.

§. II. Immunitate locali gaudet omnis Ecclesia ab Episcopo erecta.

Hac autem immunitate gaudet omnis Ecclesia (z) auctoritate Epi-

scopi Diecefani erecta, & Divino cultui destinata, sive consecrata, sive non; violata etiam & non reconciliata, sive in ea Divina peracta fuerint, sive non; sive sit polluta, sive non, uti & ejusdem cæmeterium.

§. III. Etiam atria & ejusdem septa.

Quin & ad atria, porticus & septa quadraginta passuum circum Ecclesiam matricem, triginta vero in Ecclesiis minoribus, eadem immunitas extenditur; (a) adeo ut domus Ecclesiæ intra quadraginta vel triginta respectiva passus consiguat, nec non domus Episcopalis ubivis sita, omniaque loca, quæ jure Canonico Religiosa censentur, uti & Hospitalia Episcopi Diecefani auctoritate erecta, privata etiam Oratoria, ac Sacella, ab eodem Episcopo Diecefano approbata, item Religiosorum utriusque sexus domicilia, seu Monasteria cum claustri ambitu, prædicta immunitate, ex Apostolicarum sanctionum dispositione potantur.

§. IV. Ecclesia est criminisforum asylum.

Insuper sacri Canones, & Leges civiles. (b) immunitati quibuscunque Ecclesiis, Sacellis, Religiosorum asce-
teriiis, Monasteriis, cæmeteriis & locis sacris attributæ, ob eorum reverentiam tantum voluere deferri, ut etiam reis, criminosis & facinorosis ad ea confugientibus asyli, refugii & tutelæ beneficium donarint, ut ipsos inde extrahere nefas duxerint, paucis duntaxat criminibus ob eorum enormitatem exceptis, prout sequenti Constitutione GREGORIUS Papa XIV. (c) expressit.

§. V. Exceptis quibusdam casibus.

" Hac itaque nostra perpetuo va-
" litura Constitutione, omnia & quæ-
" cunque privilegia, indulta & gratias,
" tam per prædictum SIXTUM ac
" PIUM V., quam alios quoscunque
" nostros Prædecessores, aut Nosmet-
" ipsos,

(r) C. Si diligenti, cit.

(t) Matth. 21. v. 13. Psalm. 92. v. 5.

(u) C. Cum Ecclesia, de immunit. Eccles. c. Decet cod. in 6. Trid. Sess. 22. de observ. in celeb. Miss. §. Ab Ecclesiis.

(x) C. Cum Ecclesia cit.

(y) C. Decet cit.

(z) C. Cum Ecclesia. c. Ecclesiæ, hoc tit. (a) C. 6. 20. 35. 36. caus. 17. q. 4. c. Ad hæc.

de Relig. domib. (b) Juribus cit. c. Eos qui, dist. 87. c. Inter alia hoc tit. & cod.

De his, qui ad Eccles. fugiunt.

(c) Const. 7. tom. 2. Bullarii.

» ipsos, Sedemque Apostolicam, ejus-
» ve Legatos, super abducendis, vel
» extrahendis ab Ecclesiis, Monasteriis,
» Sacellis, domibus Regularibus & Sæ-
» cularibus, locisve sacris, aut religio-
» sis, aliasque in casibus a jure per-
» missis, hominibus certorum tunc ex-
» pressorum vel non expressorum cri-
» minum reis, aut fraudulentis deco-
» roribus, etiam in odium certorum
» delictorum, & pro bono, pace, &
» quieti publica, & ex causis urgen-
» tissimis ac necessariis & æquipollen-
» tibus casibus in jure expressis, atque
» ex paritate, identitate, aut majoritate
» rationis extensis, perpetuo, vel ad
» certum nondum elapsum tempus, seu
» ad vitam alicujus Principis aut bene-
» placitum, seu alias quomodolibet
» concessa, etiam iteratis aut multipli-
» catis vicibus approbata & innovata,
» ac usu recepta, literasque Apostoli-
» cas sub plumbo, aut in forma Brevis,
» seu alias quomodocunque desuper
» confectas, quarum tenores hic ha-
» beri volumus pro expressis, ac ad
» verbum insertis, sublata penitus om-
» ni differentia: ita ad unam tantum
» formam reducimus & moderamus.

§. VI. *Latrones & prædones publici non
gaudent immunitate asyli.*

» Ut Laicis ad Ecclesias, locaque
» sacra & religiosa prædicta confugien-
» tibus, si fuerint publici latrones,
» viarumque grassatores, qui itinera
» frequentata, vel publicas stratas ob-
» sident, ac viatores ex insidiis aggre-
» diuntur, aut depopulatores agrorum,
» quive homicidia & mutilationes
» membrorum in ipsis Ecclesiis, ea-
» rumve cæmeteriis committere non
» verentur, aut qui proditorie prox-
» mum suum occiderint, aut assassinii
» vel hæresis aut læsæ Majestatis in
» personam ipsiusmet Principis rei, im-
» munitas Ecclesiastica non suffrage-
» tur, sed universis & singulis Vene-
» rabilibus Fratribus nostris Patriar-
» chis, Primatibus, Archi-Episcopis,
» Episcopis, cæterisque Ecclesiarum
» & Monasteriorum Prælatiis tam sæcu-
» laribus, quam cujusvis Ordinis Re-
» gularibus districte præcipiendo man-
» damus & præcipimus, ut Laicos in

» casibus prædictis delinquentes, ad
» eorum Ecclesias, Monasteria, domos
» & alia loca supradicta sacra, seu reli-
» giosa respectu confugientes, & in
» eis se recipientes atque morantes,
» qui prædicta delicta, eorumve ali-
» quod judicio suo commisisse vide-
» buntur, quando a Curia seculari fue-
» rint requisiti, & quilibet eorum
» fuerit requisitus, Ministris & Offi-
» cialibus Curia secularis, absque ir-
» regularitatis nota, aut alicujus cen-
» suræ Ecclesiasticæ incursum tradi &
» consignari curent & faciant, & qui-
» libet eorum curet & faciat.

§. VII. *Tales absque Episcopi licentia non
extrahendi.*

» Ne autem Curia secularis præ-
» dictæ Ministri facultate illos per se
» & propria autoritate extrahendi &
» abducendi sibi olim, ut præfertur,
» attributa, & per præsentis revocata
» abutantur, volumus, dictaque au-
» thoritate decernimus & declaramus,
» ut Curia secularis, ejusque Judices
» & Officiales ab Ecclesiis, Monaste-
» riis, locisque sacris prædictis Laicum
» aliquem, ut præfertur, delinquen-
» tem, in nullo ex casibus supradictis,
» sine expressa licentia Episcopi, vel
» ejus Officialis, & cum interventu per-
» sonæ Ecclesiasticæ ab eo authorita-
» tem habentis; ad quos solos & non
» alios Episcopis inferiores, etiam si
» alii Ordinarii sint, aut nullius Diœ-
» cesis, aut conservatores ab hac Sede
» specialiter vel generaliter deputati,
» prædictam licentiam dandi facultas
» pertineat. Occurrente autem casu
» in loco exempto & nullius Diœcesis,
» tunc ad Episcopum viciniorem de-
» volvatur hæc cognitio & non ad alios,
» capere, extrahere, aut incarcerare
» non possint, nisi eo casu, quo ipse
» Episcopus & dictæ personæ Eccle-
» siasticæ requisiti illos in delictis su-
» perius expressis culpabiles tradere,
» aut capturæ & incarcerationi inter-
» venire, & assistere recusaverint;
» tuncque reverentiæ Ecclesiæ & locis
» sacris debitæ memores, prædictos
» delinquentes, minori, quo id fieri
» poterit, cum scandalo & tumultu ex-
» trahere curent.

Nnn nnn a §. VIII.

§. VIII. *Nec carceri, nisi Ecclesiastico, includendi.*

” Quodque delinquentes Laici
 ” prædicti, postquam, ut præfertur, ab
 ” Ecclesiis, locisque sacris extracti &
 ” capti fuerint, ad carceres Curia Ec-
 ” clesiasticæ reponi, & inibi sub tuto
 ” & firmo carcere ac opportuna custo-
 ” dia data illis, si opus fuerit, per
 ” Curiam sæcularem, detineri debeant,
 ” nec inde extrahi, Curiaque sæculari
 ” prædicta consignari nec tradi possint,
 ” nisi cognito prius per Episcopum,
 ” seu ab eo Deputatum, an ipsi vere
 ” crimina superius expressa commise-
 ” rint, tuncque demum de mandato
 ” Episcopi per Judicem Ecclesiasticum
 ” Curia sæculari, quacunque appella-
 ” tione postposita, consignentur.

§. IX. *Hæresis est fori Ecclesiastici tantum.*

” De crimine vero hæresis, cogni-
 ” tio ad forum Ecclesiasticum tota per-
 ” tineat, neque in ea Curia sæcularis
 ” se quoquo modo intromittat.

§. X. *Sicut & delicta Clericorum.*

” Sicuti etiam prohibemus, ne
 ” contra Ecclesiasticas personas sæcula-
 ” res, aut cujuscunque Ordinis vel
 ” Militiæ, etiam S. Joannis Hierosoly-
 ” mitani, Regulares quoquo modo
 ” etiam vigore prædictorum privile-
 ” giorum, indultorum aut concessio-
 ” num, quæ omnia ad terminos juris
 ” per præsentem reducimus, procedant
 ” aut se intromittant, illasve ab Eccle-
 ” siis, Monasteriis, domibus, locisque
 ” sacris aut religiosis, etiam in casibus
 ” in hac Constitutione expressis extra-
 ” here, abducere, capere, carcerare,
 ” aut cognoscere de criminibus ad fo-
 ” rum Ecclesiasticum pertinentibus,
 ” alias quam de jure & per privilegia
 ” eisdem Ordinibus, aut Militiis con-
 ” cessa permittitur, quomodolibet præ-
 ” sumant.

§. XI. *Huius Constitutioni contravenientium pena.*

” Quod si quis quacunque digni-
 ” tate & autoritate præditus, præmis-

” forum, aut alio quovis prætextu,
 ” quicquam præter aut contra hujus
 ” nostræ Constitutionis tenorem atten-
 ” tare præsumperit, declaramus, eum
 ” ipso facto censuras & poenas eadem
 ” incurrere, quæ contra libertatis, ju-
 ” ris & immunitatis Ecclesiasticæ vio-
 ” latores per sacros Canones & Conci-
 ” liorum Generalium, nostrorumque
 ” Prædecessorum Constitutiones sunt
 ” promulgatae.”

§. XII. *Eadem Archiepiscopali autoritate servanda mandatur.*

Quam Constitutionem Pontificiam
 Nos quoque ab omnibus Civitatis &
 Diocesis nostræ Prælati, Præpositi,
 Archidiaconi, Decani tam Collegia-
 libus, quam Ruralibus, Pastoribus, Vi-
 ce-Pastoribus, & quibuscunque cum
 sæcularibus, tum quorumvis Ordinum
 Superioribus Regularibus, & quibus-
 vis Laicis, quacunque potestate, præ-
 rogativa, gradu, dominio & nomine
 præditis, in præmissorum casuum even-
 tibus sub prædictis poenis & aliis ar-
 bitrio nostro addendis, inviolate ubi-
 vis observari jubemus.

§. XIII. *Adbortatio Archiepiscopalis.*

Denique sacri Concilii Tridentini
 (d) exemplo, singulis Imperatores,
 Reges, Principes, Respublicas & Do-
 minos temporales ac sæculares obte-
 stantis, ut sese murum ponant pro do-
 mo Israel, & quæ sanctæ decreta sunt,
 sæcularis brachii auxilio tueantur, me-
 mores se a Deo sanctæ Fidei, Ecclesiæ-
 que Catholicæ Protectores constitutos,
 eoque majori in temporalibus potesta-
 te præditos esse, ut debitam sacris Con-
 stitutionibus observantiam præstent,
 & quæ Ecclesiastici juris sunt, tanquam
 Dei præcipua, ejusque patrocinio te-
 cta venerentur, nec ab ullis maxime
 Ministris suis lædi patiantur, sed seve-
 re in eos, qui illius libertatem, immu-
 nitatem atque jurisdictionem impe-
 diunt, animadvertant, quos etiam ipsi
 in pietate, Religione & Ecclesiarum
 protectione præcant; Nos pariter quos-
 cunque in Civitate & Diocesi nostra
 Principes sæculares, Dominos tempo-
 rales, Magistratus & Communitates
 laicas,

laicas, eorumque substitutos Præfectos & locum tenentes in Domino hortamur, ut pietatis Majorum, qui etiam in bellis contra Barbaros & paganos Cleri immunitatem reveriti, tuitique sunt, non impigri imitatores, supradictis Canonicis ac Pontificiis sanctionibus, uti filios obedientiæ docet, morem gerentes, jura immunitatis, libertatis & exemptionis Ecclesiasticæ, quibusvis Ecclesiis, Oratoriis, Sacellis, Cæmeteriis, Monasteriis, Religiosis domibus & locis sacris, ac Clericis, personisque Ecclesiasticis, & earum rebus atque bonis Divina ordinatione concessæ, facta & recta conservare, nec in ullo deinceps, sicuti Summi Pontifices decrevere, violare, vel etiam easdem personas Ecclesiasticas ullis talliis, gabellis, vectigalibus & tributis velint gravare, memores, quod Ecclesiastici veri sint Dei servi, in Divinis elogiis aliquando Dii, aliquando Angeli appellati, solis Superioribus Ecclesiasticis subditi, & in quos laica potestas nulum habet imperium: sed in sortem Domini sint electi, ut pro populo Deum interpellent, ejusque peccata precibus & Sacrificiis deleant, (e) ideoque ab omni onere & seculari exactiōne liberos esse oportere; certi alioquin, si secus fecerint, non solum jacturam patientur bonorum propriorum, qui usurpata potestate dominari quærunt in alienis, sed etiam gravissimorum peccatorum rei, & ad eorundem gabellarum inique perceptarum restitutionem obligabuntur; insuper censuris innodati manent, a quibus absolutio soli Pontifici Maximo per Bullam *Cenæ* reservatur, pariterque æternæ damnationi, nisi respuerint, deinceps abstinerint, & contra fas exacta restituerint, atque absolutionem obtinuerint, sint futuri obnoxii.

TITULUS IV.

De Simonia.

CAPUT I.

§. I. Simonia peccatum est gravissimum.

Simonia jam inde ab Apostolorum temporibus in lege Evangelica

damnata fuit, ut ex responso S. Petri ad Simonem colligitur, qui cum pecunia Apostolis oblata potestatem peteret per impositionem manuum conferendi Spiritum Sanctum, ab eodem S. Petro (f) audivit: *Pecunia tua tecum sit in perditionem: quoniam donum Dei existimasti pecunia possideri*; est enim peccatum longe gravissimum, & Ecclesiæ perniciosissimum, ut merito a sacris Canonibus (g) *heresis Simoniacæ, execrabile flagitium, turpissimum lucrum, instar publici criminis, ut læsæ Majestatis puniendum* nominetur: hinc enim Beneficia sæpius indignis conferuntur, electiones injustæ fiunt, Prælaturæ immeritis committuntur, qui docti non tondere gregem, sed deglubere, nati non docere, sed perdere.

§. II. Et hoc tempore frequentissimum.

Et quamvis hoc Simoniacæ vitium sit plane detestabile, non tamen idem est minus frequens hoc potissimum ævo, quo usque adeo hominum improbitate & insatiabili cupiditate, pro dolor! invaluit, præsertim in Beneficiis Ecclesiasticis, ut non pauci hoc tempore Clerici & Ecclesiastici inveniantur ejus reatu obstricti.

§. III. Cujus gravitas ab omnibus dignoscenda.

Ut ergo omnes & singuli Prælati, Præpositi, Archi-Diaconi, Decani & Capitula, alique Beneficiorum Collatores & Patroni, Clerici quoque Ecclesiastici & sæculares scdissimi hujus peccati malitiam & turpitudinem evidentius cognoscant, & cautius fugiant, summam ostendendum duximus, quibus modis præcipue circa Beneficia enorme hoc scelus parretur.

§. IV. Simonia quid sit, & quando committatur.

Simonia igitur consistit in voluntate emendi, & vendendi rem spiritua-lem, vel ei annexam, sive pecunia, sive re quavis immobili aut mobili, pretio æstimabili; unde Simoniacum est quicquam exigere, recipere, vel

Nnn nnn 3

dare

(e) Exod. 22. v. 8. 9. 28. Psalm. 81. v. 6. Malach. 2. v. 7. C. Sacerdotibus 11. q. 1. c. Duo sunt 12. q. 1. c. Ipsi Sacerdotes 1. q. 1.

(f) Act. 8. v. 19. & 20.

(g) C. 3. 13. 28. 1. q. 1. c. 6. de Simonia.

dare pro electione, confirmatione, præsentatione, nominatione, collatione, institutione, investitura ad quas-cunque dignitates & Beneficia, atque Officia quævis Ecclesiastica, deque iis Provisorum in possessionem inductione; sed & damnata est quævis contraria in hisce consuetudo, cum præter Simoniacam pravitatem etiam sordidissimæ avaritiæ speciem præferat.

§. V. *Tridentini Decretum.*

Quod inter cætera reformationis capita Concilium Tridentinum (b) notans his verbis innovavit: "In pluribus Ecclesiis tam Cathedralibus, quam Collegiatis & Parochialibus, ex earum Constitutionibus, aut ex prava consuetudine observari intelligitur, ut in electione, &c."

§. VI. *Decretum PII P.*

Idipsum expressioribus etiam verbis, & severissimis sub penis supradicti Concilii Tridentini Sanctionem declarando & confirmando prohibuit PIUS Papa V. (i) quævis privilegia, consuetudines, & quarumlibet Ecclesiarum Statuta & juramenta contraria revocando, & hac sua Constitutione rescindendo.

PIUS PAPA V.

AD PERPETUAM REI MEMORIAM.

§. VII. *Exordium.*

"Durum nimis & incommodum arbitramur, quod Ecclesiarum Ministri in iis, quæ ad ipsorum sustentationem suppeditant, dispendia patiantur. Quocirca cum hanc ad rem simulque prohibendam ab Ecclesia Dei avaritiæ pravitatem, editas antehac Sanctiones minime satis esse intelligimus, novo Constitutionis subsidio providere."

§. VIII. *Refert Pontifex Tridentini Decretum minus observatum fuisse.*

"Cum itaque alias, ex plurium Ecclesiarum Cathedralium & Collegatarum Constitutionibus, aut ex prava consuetudine observari intelli-

geretur, ut in electione, &c. Datum Romæ apud Sanctum Petrum, anno Incarnationis Dominicæ millesimo, quingentesimo, septuagesimo. Pridiæ Cal. Junii, Pontificatus nostri anno quinto."

CAPUT II.

§. I. *Simonia triplex, mentalis, conventionalis, & realis.*

Quoniam vero Simonia non solum committitur re, sed etiam verbis & signis ac voluntate: hinc ex tribus, quæ ad eam plene constituendam concurrunt, videlicet proposito interno, pactione externa verbis vel signis indicata, & ejusdem executione tres sortitur species, quarum una *Mentalis*, *Conventionalis* altera, & tertia *Realis* a sacris Canonibus nuncupatur. *Mentalis* est, si quis spe remunerationis accipiendæ Beneficium Ecclesiasticum conferat, alioquin non collaturus: quæ collatio Simoniacæ est, etiam omni pacto implicito & explicito destituta, *Conventionalis* dicitur, cui subest pactum implicitum dandi temporale pro spirituali, non tamen re tradita consummatum: ea non tantum fit verbis expressis & directis, sed etiam obscuris & obliquis: interdum autibus vel solo pretio oblato donationis specie, ex circumstantiis tamen adverti potest. *Realis* consistit in pactione consummata, tradita scilicet re spirituali & ipso pretio.

§. II. *Quibus additur quarta, scilicet confidentialis.*

Præmissis tribus Simonia species PIUS IV. & V. (k) Summi Pontifices quartam videlicet *Confidentialem* adjecere, a spe & fiducia, quæ ei subest, sic vocatam, dum alicui Beneficium Ecclesiasticum simplex aut curatum, sæculare vel Regulare, seu per electionem, confirmationem, præsentationem, institutionem, resignationem cum certa confidentia, seu expresso; aut tacito pacto procuratur, ea lege, ut ipse elapso aliquo tempore ipsimet cedenti, conferenti vel confirmanti &c.

(b) Sess. 24. de Reform. c. 14.

(k) Tom. 2. Bullarii Constit. 85.

(i) Constit. 104. Bullarii Tom. 2.

ti &c. vel alteri resignet, vel pensionem aut fructus ex eo præstet.

§. III. *Damnata a PIO IV. & V.*

Hanc porro Simoniam confidentialem gravissimis adjectis pœnis primo damnavit PIUS Papa IV. quas PIUS V. renovavit, & confirmavit sequentibus verbis:

§. IV. *Ejus prætextu multe fraudes committebantur.*

" Veruntamen propter improbas
" multorum cupiditates prædictas, &c.
" Datum Romæ apud Sanctum Petrum, anno Incarnationis Domini-
" cæ, Millesimo, quingentesimo, sexa-
" gesimo nono, Kal. Junii, Pontifica-
" tus nostri anno quarto. "

CAPUT III.

§. I. *Simoniacorum pœna.*

UT porro nefariis hisce ambitio-
rum hominum ausibus & impiis
Beneficia Ecclesiastica acquirendi arti-
bus obviaretur, atque execrabile illud
Simoniacæ scelus, quod, uti ait PASCHA-
LIS Pontifex (1), adeo grave est, ut
omnia crimina ad illius comparisonem
quasi pro nihilo reputentur, tandem
eradicaretur, in eo potissimum Sum-
morum Pontificum desudavit studium,
severissimis in Simoniacos statutis pœ-
nis, (m) scilicet, ut is, qui eligendo,
præsentando, confirmando, conferen-
do aut instituendo Beneficium Eccle-
siasticum, Simoniam commiserit, ipso
facto incurrat excommunicationem Se-
di Apostolicæ reservatam. Dein om-
nis electio, præsentatio, confirmatio,
collatio aut quævis alia dispositio ad
dignitates seu quævis Beneficia & Offi-
cia Ecclesiastica, irrita sit & nulla, nul-
lumque proviso jus, aut titulum tri-
buat; sed illis ipso jure sit privatus, &
fructus perceptos, sub animæ suæ pe-
riculo restituere teneatur, uti decre-
vit PIUS Papa V. (n) sequentibus ver-
bis: " Qui dignitates Ecclesiasticas
" Simoniacæ acquisiverit, illis sit ipso
" jure privatus, & in futuram inhabi-
" lis ad eas & quascunque alias obti-

" nendas: qui Beneficium aut Officium
" Ecclesiasticum Simoniacæ adeptus
" fuerit, illis similiter sit ipso jure pri-
" vatus, & ad fructuum omnium,
" quos perceperit, restitutionem te-
" neatur, & perpetuo sit inhabilis ad
" ea, & quæcunque Beneficia Ecclesia-
" stica obtinenda. " Quin non solum
sic Simoniacæ provisos, (o) sed & illi,
qui in hujusmodi Simoniacæ Beneficio-
rum procuratore mediatores fuerunt,
excommunicationis pariter censura in-
nodati existant, a qua non nisi a Sum-
mo Pontifice absolvi queant, præter-
quam in mortis articulo constituti.

§. II. *Pœna Simonia confidentialis.*

Præter hæc PIUS IV. & V. præ-
nominati Pontifices sanxerunt, ut qui
Beneficia Ecclesiastica per *Confidentialem*
Simoniam adeptus fuerit, præter di-
ctas pœnas, etiam eo ipso privatus sit
omnibus Beneficiis, ac pensionibus ob-
tentis; atque Beneficia in confidentiam
collata & accepta, Sedi Apostolicæ sint
reservata, ut ab Inferioribus conferri
nequeant; fructus quoque percepti
Cameræ Apostolicæ applicentur.

§. III. *Eadem pœna innovantur.*

Easdem pœnas Nos omnibus tam
Civitatis, quam Diocesis nostræ ejus-
vis conditionis vel status Collatoribus,
Patronis Ecclesiasticis, Clericis & Lai-
cis quibuscunque in memoriam revo-
candas duximus, & intentata iis male-
dictione æterna inhibemus, ne quis-
quam in posterum contra præmissarum
Constitutionum Apostolicarum dispo-
sitionem ullos conatus, tractatus, in-
tercessionem, pactiones, nundinationes
consequendi, emendi vel vendendi Be-
neficia Ecclesiastica, inire præsumat;
secus autem facientes, pœnis per præ-
dictas Sanctiones inflictis subjacere,
aliisque arbitrariis ad cæterorum terro-
rem districte puniendos, nec non sub-
secutas quascunque provisiones, ele-
ctiones, nominationes, confirmationes
& dispositiones de Beneficiis sic Si-
moniacæ obtentis ex prædictarum Apo-
stolicarum Constitutionum præscripto
irritas declaramus.

TITU.

(1) C. fin. 1. q. 7.

(m) C. Cum detestabile. de Simonia. X. inter Comm.

(n) Tom. 2. Bullarii Const. 5.

(o) C. Cum detestabile. cit.

TITULUS V.

De Archi-Diaconis & Decanis Ruralibus.

CAPUT I.

§. I. *Archi-Diaconorum, præcipue in Diœcesi Colonienſi fundata eſt authoritas.*

Archi-Diaconorum tam in sacris Canonibus, quam præcipue in Diœcesis noſtræ Colonienſis Statutis, & Ordinationibus (p) fundata, & antiquiſſima eſt authoritas; nam & ipſi in partem ſollicitudinis noſtræ a Nobis vocati, in regiunculis curæ ſuæ commiſſis, formandis, & reformandis Cleri, ac populi moribus, incumbere debent, & advigilare, ne quid forſan erroneæ doctrinæ adverſus fidem Catholicam ſerpat, ut inutilibus, ignariſque Miniſtris Eccleſiæ non impleantur, ſed expurgentur, immeritis curata Beneficia, aut Eccleſiaſtica munera non conferantur; atque univerſim ſtrenuos, ſollicitosque Eccleſiaſticæ militiæ ſe præbere excubitores, ut vere dicantur, & ſint oculi Episcoporum: ad quod unice conducet, ſi ipſi imprimis Archi-Diaconi doctrina, vitæ, morumque integritate, zelo, ac pietate ſtudeant cæteris præcellere, & Eccleſiaſticis aliis, maximeque Parochis, & Curatis, exemplo præſſe, ac prodeſſe conſilio. Caveant ergo, ne munera potius, quam ſpiritualia ſubditorum noſtrorum commoda reſpiciant, neque cum delinquentibus diſſimulent; aut affectu, amore, vel cujuſvis quæſtus ambitu ſeduci ſe patiantur: cum ipſi delinquentium rationem coram Deo reddituri ſint.

§. II. *Archi-Diaconi in Viſitationibus exquiſitam diligentiam adhibeant.*

Archi-Diaconi deinceps in ſuis quiſque diſtrictibus, (q) vice & authoritate noſtra ſingulis trienniis ordinariæ, extra ordinem vero, toties, quoties expedire judicaverint, Parochiales Eccleſias, & Curatas, nec non Capellas, Xenodochia, Noſocomia, Hoſpitalia, Confraternitates, Scholas & ejusmodi pia loca viſitant, viſitationis Decreta faciunt, ac publicent, (r) quæ correctione digna invenerint, emendent, & exceſſus puniant; ipſa tamen viſitationis acta integra, una cum Decretis, poſtquam perfectæ fuerint, intra meſtre, ut & cætera majoris momenti in viſitatione, vel alias occurrentia ad Nos referre teneantur: nullatenus autem impediunt, quo minus noſter in ſpiritualibus Vicarius Generalis eaſdem Eccleſias, loca, & perſonas, etiamſi per ipſos Archi-Diaconos, etiam eodem anno, viſitatas, toties, quoties ipſi conducere viſum fuerit, viſitet, quæ corrigenda fuerint, corrigat, & exceſſus puniat; niſi prius fuerint debite puniti, & emendati. A Monasteriorum autem, quemadmodum & Collegiarum Eccleſiarum in ſuis diſtrictibus conſtitutarum, & quorumvis locorum Regularium cujuſcunque Ordinis, & ſexus, viſitationibus Archi-Diaconi abſtinere debent: in cæteris eo diligentiffime colliment, ut vitia, & crimina corrigant, & evelant, omniaque ſecundum ſacros Canones, Oecumenicorum Conciliorum, atque Sanctorum Pontificum Conſtitutiones, noſtraque tam Provincialia, quam Synodalia Statuta, non obiter, & perfunctorie, ſed exquiſitiſſima cura peragant.

§. III.

- (p) C. Adhæc. de offic. Archid. & toto tit. Statuta Concil. ſub Conrado Card. pag. 3. §. 3. pag. 5. §. 11. pag. 5. & 6. §. 12. pag. 6. §. 14. Statuta Sifridi pag. 47. §. 15. Statuta Wichboldi pag. 51. §. 1. pag. 55. §. 12. & 13. Statut. Henrici pag. 77. §. 2. pag. 81. §. 12. Conc. Prov. pag. 343. c. 12. & 13. pag. 344. c. 15. pag. 407. c. 19. 20. 21. Statuta Adolphi III. pag. 432. & 433. §. Porro. pag. 434. §. Jam quod paſſim. pag. 438. §. Non alias ſane melius. pag. 478. & 479. §. An Praepoſiti ſeu alii Prælat. & ſeqq. pag. 484. §. Et analiqui. pag. 508. col. 1. pag. 510. col. 1. & 2. & ſæpius in mandato per Adolphum anno 1550. pag. 525. col. 1. pag. 538. §. 6. interrogati ſunt. Decreta Synodi ſub Ferdinando Archiep. pag. 11. c. 3. §. Si Paſtores.
- (q) C. Archi-Diaconus. de Offic. Archidiacon. & c. Mandamus eodem.
- (r) Statuta Concilii ſub Conrado Card. §. 3. Statuta Wichboldi fol. 55. §. 12. .

§. III. *Finis, & scopus Visitationum.*

Scopum vero Visitationis hunc præcipuum esse meminerint, ut ad mentem Concilii Tridentini (s), sana, orthodoxaque doctrina, & fides, expulsi hæresibus, remotis abusibus, & erroribus inducatur, & stabiliatur, boni mores inserantur, ac plantentur, pravi corrigantur, populus cohortationibus, & admonitionibus ad Religionem, pacem, & virtutes accendatur, Clerus reformetur, cæteraque omnia ad fidelium fructum constituentur.

§. IV. *Visitatores quoad sumptus Visitandis graves non sint.*

Licet olim a Conciliis Lateranensi, & Lugdunensi, ac deinde Provincialibus Colonienfis præscriptus fuerit visitationis, & procurationis modus, hodie tamen ad Decretum Tridentinæ Synodi revocandus est; (t) contra cuius præscriptum caveant Archi-Diaconi, & Decani Rurales, alique quicumque Visitatores, ne occasione visitationis cuiquam, comitatu, aut sumptu sint graves, sed contenti modico famulatio, & mediocribus alimentis, frugaliter, ac moderate pro Visitandorum conditione ministrandis occasione iustarum querelarum non præbeant.

§. V. *Nulla causa a subministratione procurationis excuset.*

A necessariis autem sumptibus præstandis, quos procuracionem Canones vocant, (u) nulla Ecclesia, vel Monasterium, ne quidem ob temporis præscriptionem, exemptionem prætereundum potest: subjectionem enim, & obedientiam significat, quæ contra Prælatum a subdito præscribi nequit: nemo siquidem, teste Apostolo (x), cogitur suis militare stipendiis, ac merito qui spiritualia seminat, carnalia meret;

ideo licet Ecclesia aliqua, a longissimo etiam tempore, nullam procuracionem Visitanti suppeditaverit, eandem tamen, nisi de exemptione a procuracione, per speciale Summi Pontificis privilegium doceat, subministrare tenetur.

CAPUT II.

§. I. *Cognitio causarum etiam ad Archi-Diaconos pertinet.*

Archi-Diaconi quatuor principales nostræ Dicecesis, (y) tanquam perpetui nostri in certis, limitatisque districtibus Vicarii, in omnibus, & singulis Beneficialibus, Matrimonialibus, reliquisque Ecclesiasticis causis, in prima instantia cumulative cum nostro Officiali, non tamen privative, Judices competentes sunt; easdemque, quæ judicalem requirunt indaginem, Decani Rurales, tam de jure communi, ordinationeque Statutorum Ecclesiæ nostræ Colonienfis, quam etiam ex antiquissima consuetudine, ad tribunal nostri Officialis, vel Archi-Diaconi remittere tenentur & obligantur. Monemus vero Archi-Diaconos, eorundemve Officiales, ne jurisdictione hac abutantur, sed in causis coram ipsis introductis, & introducendis solam iusticiam, ejusdemque fidelissimam administrationem præ oculis habentes, debito jûris ordine servato procedant, reformationi Curix nostræ Archi-Episcopalis sese conforment, (z) & in ferendis Decretis, & sententiis, relaxandisve censuris non passione, odio, aut amore ducantur, aut spe lucri consequendi moveantur, verum causas, omni humano seposito respectu, expedite terminent; Appellatione tamen ad Nos, nostrumve Officiale semper salva.

§. II.

(s) Conc. Trid. Sess. 24. de Reform. c. 3.

(t) C. Cum Apostolus. de Censib. 2. eod. tit. in 6. Conc. Trid. Sess. 24. de Reform. c. 3. §. Ideoque modesto content. Concil. Prov. Colon. sub Hermanno V. Part. 14. c. 29. pag. 408. & sub Adolpho III. pag. 440. §. Semper mansit, col. 1.

(u) C. Cum Apostolus in princ. & §. Prohibemus. c. Cum instantia. c. Cum venerabilis. c. Procuracione. de Censib. c. Conquerente. de offic. Jud. ordinarii. c. Cum non liceat. c. Cum ex officio. de Præscript.

(x) 1. Corinth. 9. v. 4. 7. 9. 11. 12. 13. 14. & ad Galat. 6. v. 6. Conc. Prov. loc. cit.

(y) Statuta Adolphi III. fol. 537.

(z) Statuta Wilhelmi fol. 55. §. 13.

§. II. *Quales esse debeant Officiales Archidiaconales.*

De qua fideli iustitiæ administratione, (a) ut securiores simus, mandamus Archidiaconis, ut in Officialibus viros bonæ conversationis, integræ famæ, sedulos, industrios, sufficientis doctrinæ, & iurium peritos deputent, qui digni sint, ut officio Judicum fungantur, & quibus iudicandi munus tuto committi possit.

§. III. *Archidiaconorum circa Synodos obligatio.*

Ad Archidiaconos etiam spectat sedulo curare, ut Canonica Sanctiones, & Leges Ecclesiasticæ, nec non Provincialia, ac Diocesana Statuta executioni demandentur, & ab omnibus inviolabiliter observentur: (b) compareant proinde ipsimet Archidiaconi in omnibus Diocesanis Synodis, singulis quoque annis peculiares in suis districtibus Synodos indicant, in quibus singuli Decani Rurales, ac Parochi regicularum conveniant, ut quæ communiter omnes tangunt, ibidem publicentur, atque observanda proponantur: cujuslibet autem Synodi acta ad Nos in forma authentica transmittantur.

§. IV. *Absentia a Parochia non facile concedenda, idoneique Coadjutores Pastoribus deputandi.*

Parochis facultatem absentiae diuturnioris a sua Parochia, sine gravissimis causis, non concedant: & quamvis vacante Parochia aliquando Vicarium, quousque de successore fuerit provisum, atque etiam Pastoribus, aut Rectoribus Ecclesiarum curatarum minus peritis, aut idoneis Coadjutores, aut Vicarios, cum assignatione partis fructuum deputare possint; non tamen alios, quam qui legitime sunt approbati, & examinati.

CAPUT III.

§. I. *Archidiaconis ius investimenti competit.*

Quamvis Archidiaconis competit, ut sibi præsentatos de Parochialibus Ecclesiis investiant; (c) ad præcavenda tamen animarum pericula, iisdem, ac aliis, ad quos ius investimenti pertinet, serio præcipimus, ut diligenter in vitam, & mores præsentandorum inquirent, neque quempiam spe lucri investiant, aut pro investitura, jura æquo majora exigant.

§. II. *Divino Officio non satisfacientium redditus qualiter applicandi, & quid Archidiaconis observandum sit.*

Si Pastores, aut alii Beneficiati Divino Officio non satisfaciant, (d) redditus, juxta ratam temporis, ad reparationem Ecclesiæ, Beneficii, vel Altaris, aut ad pios usus Archidiaconi applicant; omniaque, & singula, quæ jura Canonica, Synodales, & Provinciales Constitutiones iisdem concedunt, & permittunt, exerceant; advertant tamen, ut limites sibi præscriptos non transgrediantur, aut jurisdictionem ipsis a sacris Canonibus attributam, aut a nostris Antecessoribus, vel Nobis communicatam, excedant, ne auctoritatem a nostris Antecessoribus, & Nobis ipsis concessam restringere, vel penitus revocare, & contra excedentes, & jurisdictionem nostram usurpantes, ad condignas penas procedere cogamur.

§. III. *Archidiaconi ante administrationem suorum officiorum quid præstare debeant.*

Noverint Archidiaconi, & Decani, qua Collegiales, qua Rurales, quod ne minimum quidem jurisdictionis actum exercere, aut aliquam Civitatis, vel Diocesis nostræ Ecclesiam, locumve pium, seu personam Ecclesiasticam visitare, corrigere, seu punire possint, nisi a Nobis approbati, & confirmati fuerint.

(a) Statuta Adolphi III. pag. 434. §. Jam quod passim.

(b) Statuta sub Card. Conrado §. 14. Conc. Prov. fol. 407. c. 19. & c. 20. per tot.

(c) Statuta Wichboldi fol. 51. §. 1. Statuta Prov. Henrici fol. 81. §. 12. Conc. Provinc. Colon. Part. 1. cap. 11. in verbis: Patroni tam Ecclesiastici. & cap. 12. in verbis: Nec contenti.

(d) Statut. Synodi sub Ferdinando pag. 11. §. Si Pastores.

fuerint, & in manibus nostris Professionem fidei Catholicæ, obedientiæ, fidelitatisque iuramentum præstiterint, sub pœna suspensionis ab Archi-Diaconatu, Beneficiis, ac Officiis Ecclesiasticis, aliaque arbitraria.

CAPUT IV.

§. I. *Munus Decanorum Ruralium.*

Decani Rurales ab iis quoque abstinere, quæ Archi-Diaconorum facultatem excedunt; ad eodem proprie pertinet, Capitula Pastorum, & Vice-Pastorum quædam, ante Pentecosten, loco consueto, cum Pastoribus regiuncularum suarum celebrare, atque in illis post Missam, per eos de Spiritu Sancto decantatam, Constitutiones Apostolicas, Provincialia, ac Synodalia, & deinceps hæc nostra Decreta, ac Statuta; præsertim vero, quæ Parochorum, & Curatorum vitam, mores, ac munus tangunt, prælegere, aut prælegenda curare, & quemlibet ad eorum observantiam sedulo adhortari, difficultatibus Pastorum pia consolatione, & adiutorio mederi, & si quid dissidii inter illos ortum fuerit, benevole sopire, quosve muneris suo deesse cognoscunt, Nobis, Archi-Diacono loci, aut Fiscalibus deferre, ut pro ratione defectus opportuna in negligentes remedia decernantur.

§. II. *Capitula qualiter instituenda.*

Hæc ipsa porro Capitula sic instituantur, ut non ad comestationem, & comportionem, sed ad tractandum de rebus Ecclesiasticis, ac Spiritualibus indicta esse appareat: prandia, si quæ fiant, non in tabernis, aut diversoriis publicis, sed apud loci Pastorem, seclusis exteris, & secularibus, instituantur frugalia & moderata, ut neque crapulæ sit locus, neque excessivis sumptibus, aut scandalo: ad necessarias autem Capitulorum huiusmodi expensas Pastores, & Vice-Pastores absentes (etiam si legitime fuerint excusati) æque ac præsentem concurrant, ac contribuant conformiter ordinationi Prædecessoris nostri HERMANNI IV. Archi-Episcopi. (e)

§. III. *Decani Rurales in suis Parochiis resideant.*

Quæ de sacri Chrismatis, sanctorumque Oleorum deportatione, distributione, & conservatione ordinata sunt, ea a Decanis Ruralibus volumus quam exactissime observari: & cum Decanorum Ruralium quoad curam animarum eadem sit, & potior quidem, conditio, quæ Pastorum, utpote qui non solum sæcularium sibi commissorum, sed etiam Parochorum sui districtus, censentur esse Pastores & Curati; ideo ipsi continuo in suis parochiis, vel saltem, exigente id ratione muneris, intra Decanatum suorum limites residere personaliter debent, sub pœna tum privationis officii Decanalis, tum alia graviiori arbitrio nostro infligenda.

§. IV. *Periculose laborantes invitant.*

Ordinamus pariter, ut de singulorum sibi creditorum salute solliciti, sicubi aliquem e suæ regiunculæ, seu Decanatus Pastoribus, Sacerdotibus, aut Beneficiatis periculose laborare intellexerint, ad eum sine mora se conferant, moneantque, ut saluti suæ consulens, ad Sacramenta Ecclesiæ recipienda se disponat; dein adhortentur, ut testamentum legitime condant, si id non fecerit prius, atque ad felicem, salutaremque ex hac vita egressum, piis ad Deum suspiriis, ac orationibus, se componat.

§. V. *Quid post mortem Parochorum a Decanis Ruralibus præstandum sit.*

Quod si Parochum quempiam, aut Curatum decedere contigerit, cujusvis etiam Ordinis, aut Instituti Regularis sit, curent mox omnium ab ipso relictorum indicem, seu inventarium confici, ut invasionibus, & expilationibus non fiant obnoxia, atque ex iis possit, tum piis Legatis, tum Creditoribus alijs, ipsique Ecclesiæ Parochiali, fabricæ, aut mensæ pauperum satisfieri. Quidquid ad Parochiam ipsam, Ecclesiam, fabricam, aut Archivium pertinet, inventum fuerit, separetur, & suis quæque locis, aut personis

(e) Pag. 276. §. Item mandat.

Tonus IX. Concilior. German.

sonis consignentur. Denique & curam gerant Decani Rurales, ut coram Sigillifero nostro majori testamenta defunctorum Pastorum, Vice-pastorum, & Beneficia in Ecclesiis parochialibus habentium, & hæreditatum per eos relictarum, computus, & rationes per Executores exhibeantur.

CAPUT V.

§. I. *Advigilandum, ne quispiam ad curam animarum se intrudet non examinatus, & legitime approbatus.*

Summo studio advigilent, tam Archi-Diaconi, quam Decani Rurales, ne quis Sacerdos sæcularis, aut Regularis, etiam quomodolibet exemptus, in Beneficium aliquod parochiale, seu curatum, vel exercitium curæ animarum, quocunque etiam colore, vel titulo sese intrudet, absque prævio examine, & legitima approbatione: aliter autem, & sine examine, & legitima approbatione admitti, instituti, aut investiti, noverint se a pastoralis cura, quam non legitime subierunt, ipso facto suspensos esse, & si quos eo nomine fructus perceperint, restituendos Ecclesiæ, a qua provenerunt; utque re ipsa restituant, autoritate nostra, adhibito etiam, si opus fuerit, brachio sæculari compellendos, aliaque insuper pœna, pro culpæ modo, puniendos esse.

§. II. *Absque examine, approbatione, licentia, & institutione se ingerentes denuntientur.*

Quod si quis eo temeritatis processerit, ut sine omni prorsus examine, approbatione, licentia, institutione, ac titulo in curam animarum se ingesserit, Nobis, aut Officiali nostro denuntietur, ut tanquam indignus privilegiis Clericalis Ordinis, sæculari Magistratui puniendus tradatur. Eadem quoque cura advertant Decani Rurales, ne quis vagus, aut peregrinus, vel alias ignotus Clericus, aut Sacerdos, etiam Regularis, absque literis testimonialibus sui Ordinis a Nobis visis, & probatis, vel sine nostra licentia, ad Divina celebranda, vel administranda Sacramenta, aut ad prædicandum Dei

verbum admittatur, & ut Pastores ac Vice-pastores ejusmodi literas, ac licentiam ante admissionem exigant.

CAPUT IV.

§. I. *Otium vel maxime vitandum.*

Cum otium non sit aliud, nisi hominis vivi sepultura, & vitiis plurimorum lerna, Decani Rurales opportune, & importune singulos regimuræ suæ Pastores, & reliquos Ecclesiasticos moneant, ut illud devitent, & execrentur; singulis, vel saltem alternis diebus Missam celebrent, singulis item Dominicis, & Festis vespas decantent, sedulo se etiam studiis, lectioni Sacræ paginæ, piorumque librorum applicent.

§. II. *In visitatione quid Decani Rurales inquirere debeant.*

Ut autem Decani Rurales cujusque Pastoris, & Vice-Pastoris vitam, mores, genium, & occupationes melius cognoscant, ab iis, dum visitant, serio rationem distributionis temporis exigant, inquirantque, quibus se studiis occupent, an, & quos libros spirituales legant, an singulis diebus, aut quoties in septimana, an ex obligatione, aut pietate celebrent, an singulis diebus aliquid temporis orationi mentali, qua velut cœlesti cibo spiritus reficitur, impendant, an conscientiam suam quotidie statuto tempore examinent.

§. III. *Valetudinariis exercitiis præscribuntur.*

Sicubi vero aliquos invenerint, quorum corporis constitutio non permittit, ut continuo studiis vacent, adhortentur illos, ut sæpius Parochias suas obeant, sanos, & ægros, etiam non vocati, piis discursibus foveant, obvios pueros circa res Catecheticas examinent, & ignorantes instruant.

§. IV. *Decani Rurales de Pastoribus sui districtus salute specialem curam habeant.*

Denique, Decani Rurales de Pastoribus, & Vice-Pastoribus sui districtus salute, ac profectu Spirituali solliciti, diligenter eorum vitæ, morum, &

& doctrinæ curam gerant; ideoque præter visitationes ordinarias, data occasione sæpius etiam per annum Parochias sui districtus infpiciant, & præcipue indagent, an Pastores, seu Vice-Pastores apud oves suas resideant, pie, laudateque vivant, suo, ut decet, fungantur munere; præsertim Dominicis & Festis diebus Sacrum canant, concionentur, Catechesi juventutem imbuant, & Ecclesiastica Sacramenta, quacunque diei, ac noctis hora requirantur, pie, prompteque administrent.

TITULUS VI.

De Pastoribus & Vice-Pastoribus.

CAPUT I.

§. I. Pastores quales esse debeant.

Diligenter Nobis est providendum, ut Pastores & Vice-Pastores hoc esse inviantur, quod dicuntur, & omnes, quotquot in hac nostra Dicecesi tam ruri, quam in urbibus hoc nomine censentur, idonei sint, quibus cura animarum tuto credatur, & ipsi *forma facti gregis*, (f) non ad solam speciem externam; sed magna animi sedulitate ac sollicitudine eundem non minus honesta, probæque vitæ exemplo, quam pabulo sanæ doctrinæ pascant.

§. II. Vacantibus Parochialibus indilate providendum.

Vacantibus igitur Ecclesiis Parochialibus volumus, ut, quam fieri potest, citissime de idoneis Pastoribus provideatur, illique mox instituantur: cumque ex dilata, vel suspensa parochialis Ecclesiæ collatione, provisione, seu præsentatione, & institutione salus populi periclitetur; quæcunque in Concilii Tridentini Decretis, (g) & PII V. Constitutionibus statuta, decreta, & ordinata sunt, observari volumus, declarantes omnes, & singulos, quibus jus conferendi, providendi, præsentandi, & instituendi competit, ad collationem, provisionem, præ-

sentationem, & institutionem, intra tempus ibidem præfixum faciendam, teneri, & obligatos esse.

§. III. Designatio reddituum Beneficii Decana Rurali tradenda.

Quæcunque, & qualiacunque Beneficia curata, & non curata in Ecclesiis parochialibus obtinentes, qui plenam, atque perfectam omnium fructuum, & reddituum designationem intra decem annos ultimo elapsos, Archi-Diacono, vel Decano suo Rurali non tradiderunt, intra sex menses proximos id sub pœna arbitraria, pro modo negligentia infligenda, præsentent. In quem finem Aediles, Magistri fabricarum Ecclesiarum, Provisores mensarum pauperum, & bonorum Ecclesiæ parochialis administrationem habentes, copiam authenticam suis Pastoribus, aut Vice-Pastoribus communicent.

§. IV. Sacellani ad curam animarum approbandi.

Cum non solum Pastoribus, & Vice-Pastoribus, sed etiam eorum Sacellanis, aliisque in Pastoralis munere Adjutoribus, ob populi frequentiam, vel Parochiæ latitudinem vel aliam legitimam causam, in subsidium ad functiones pastorales exercendas assumptis, cura animarum incumbat; nullus Pastorum, seu Vice-Pastorum Civitatis, seu Dicecesis nostræ cujusquam Sacellani, Capellani, & Adjutoris opera in pastoralis sua functione, vel ad Confessiones Sacramentales, brevissimo etiam tempore, excipiendas, utatur, qui præter testimoniales legitimæ ordinationis suæ literas, scripto non docuerit, se sufficienti examine, pro tanto munere rite obeundo, reperiri fuisse idoneum.

CAPUT II.

§. I. Pastores ab omnibus suis non debent abesse.

Curati, & Vice-Curati, omnesque alii, quibus animarum cura commissa est, (h) non possunt, neque debent

(f) 1. Pet. 5. 5. Trid. Sess. 23. de Reform. c. 2. Sess. 25. de Reform. c. 9. Constit. cit. §. 5. & 7.

(g) Sess. 24. de Reform. c. 18. (h) Trid. Sess. 23. de Reform. c. 1.

beat oves suas, etiam metu periculi, vel pestis, deferere, vel aliorum negotiorum causa alio discedere, nisi Christiana charitas, urgens necessitas, debita obedientia, aut evidens Ecclesiæ utilitas eos abesse postulaverint.

§. II. *Nisi ex justa causa.*

Quod si justa de causa abesse debeant a sua Parochia, ultra tres, quatuorve dies feriatos non absint; quod tempus, si prorogandum sit, a Decano Rurali licentiam flagitent, quam illi non nisi ad duas, vel tres hebdomadas extendant; diuturniorem vero a Nobis postulare, & scripto obtinere teneantur; ac tum quidem, & quandoeunque, & quamdiu ipsos abesse contigerit, alteri Sacerdoti autoritate nostra ad hoc approbato, curam ovium suarum, cum debita mercedis, aut fructuum portionis assignatione fideliter committant; idque sub pœnis privationis omnium fructuum, & emolumentorum, aliisque gravioribus, tam ex Tridentini Concilii (i) præscripto, quam arbitrio nostro infligendis.

§. III. *Non tamen ultra bimestre, nec diebus hic expressis.*

Volumus insuper, ut Curatis, & Vice-Curatis juxta ejusdem Concilii Decretum (k) singulis annis ultra bimestre, sive continuum, sive interruptum abesse non indulgeatur; neque diebus solemnibus, *Nativitatis, & Resurrectionis Dominicæ, Pentecostes, Corporis Christi, Dedicationis, & Patronorum Ecclesiæ*: Dominicis item *Adventus & Quadragesimæ*, quando maxime oves relici, & Pastoris præsentia in Domino gaudere debent, concedatur.

§. IV. *Pena secus facientium.*

Si vero quis ultra bimestre absuerit, noverit, se peccati reatum incurrisse, & pro rata temporis absentia fructus non facere suos, nec tuta conscientia (alia etiam declaratione non secuta) posse retinere; sed fabricæ Ecclesiæ, aut pauperibus loci erogare teneri, nisi ex gravi causa, per Nos cognita, & probata diutius emanendi li-

centiam in scripto sese obtinuisse ostendat.

§. V. *Quæ etiam ad Sacellanos extenditur.*

Eodem Decreto Capellanos, & Sacellanos, qui Pastores, seu Vice-Pastores in suis functionibus adjuvant, comprehendi, eosque nec ad unum diem, nisi Pastore, seu Vice-Pastore præmonito, & consentiente, abesse volumus.

§. VI. *Cautela in pestiferorum confessionibus audiendis adhibenda.*

Pastor, Vice-Pastor, seu quivis alius Sacerdos autoritate nostra approbatus, peste, vel alio contagioso morbo laborantium confessiones auditurus, ante omnia, si fieri possit, provideat, ut in loco patenti, & aëre non infecto sit constitutus: adeoque infirmi, si absque gravi eorundem incommodo fieri queat, vel cubiculum, aut domum ad confitendum egrediantur, vel saltem ad fenestram, Parocho foris expectante, sese deferri procurent; proderit etiam pestis tempore, pro confessione monere fideles, ut qui sani sunt, ad sacram Confessionem in Ecclesia peragendam mature accedant.

§. VII. *Pastoribus alio se recipere coactis quid faciendum.*

Si metu persecutionis adacti (l) Pastores, & Vice-Pastores gregem suum deferere, & alio migrare cogantur, id absque nostro, vel Superiorum consensu, & loci, quo sese recipiant, specificatione, non fiat, neque eo eventu minorem Ecclesiasticæ, quam propriæ suppellectilis curam gerant.

§. VIII. *Officium Divinum.*

Præ cæteris vero curent Parochi, Vice-Parochi & alii, quibus animarum cura incumbit, domui suæ bene præesse, ita, ut non tantum ipsi, sed & eorum familiæ a vitæ, morumque integritate commendentur; scientes quod *hominum ducatum non debeat suscipere, qui nescit homines bene vivendo præire, ne qui ad hoc eligitur, ut aliorum culpas corrigat, quod rescare debuit, ipse committat*: (m) pro-

(i) Loc. cit.

(k) Loc. cit.

(l) Trid. cit. c. 6.

(m) S. Greg. 34. moral. cap. 30.

proinde munere suo rite fungentur, si oves suas agnoscant, pro iis incruentum Missæ Sacrificium Deo offerant, verbi Divini pabulo, Sacramentorum administratione, omnium bonorum operum exemplo easdem pascant, pro ipsarum salute, cum opus est, animam suam ponere parati.

§. IX. *Ægros sedulo invisant.*

Ægrotos diligenter invisant, nec, donec vocentur, exspectent; sed ultro accurrentes eosdem consolentur, ad patientiam hortentur, & ad Sacramenta administranda, proposita eorum utilitate, ac necessitate sese paratos offerant, & in unoquoque realis perceptionis desiderium salutari admonitione excitent; denique omnibus omnia facti, aliarumque miserabilium personarum curam paternam gerant, easque crebro visitent, ac temporali, spiritualique solatio sublevent.

§. X. *Diffidia component, ac rudes instruant.*

Inimicitias, aut rixas, si quas inter Parochianos, præcipue conjuges, intercedere cognoverint, omni ratione, ac studio, ne immortales fiant, componere ac sedare nitantur, rudes in fide Catechesi imbuant, & cætera pastoralia munia diligentissime peragant: scientes, quod juxta veridica Prophetarum oracula, (n) a severissimo omnium Judice Deo, pereuntium animarum sanguis de manu Sacerdotum sit requirendus. Quis enim ignorat excellentiam animæ vel unius, pro qua sanguinem suum profudit Dei Filius? & tamen cheu! quot animarum millia, Sacerdotum, Curatorum, seu Vice-Curatorum pereunt incuria?

CAPUT III.

§. I. *Pastores pro infirmorum visitatione, & Sacramentorum administratione nihil exigant.*

MUltis in locis corruptelam quandam inolevisse experientia Nos docuit, dum Pastores, seu Vice-Pastores ad visitandos ægrotos evocati, stipendium efflagitare soleant, cumque

non pauci, dum male habent, eosdem accerere vereantur; idcirco Pastoribus, aliisque animarum Curatoribus, ut ob infirmorum visitationem, Viatici, aut Extremæ Unctionis administrationem nihil omnino exigant, severe mandamus.

§. II. *Hoc Decretum aliquoties in anno publicent.*

Proinde Pastores, & Vice-Pastores hoc nostrum Decretum, simul atque ad illorum pervenerit notitiam, fidelibus aliquoties in anno e suggestu promulgent. Archi-Diaconi dum visitant, stipendium exigere deprehenso puniant; Decani vero Rurales eosdem Nobis, aut Officiali nostro puniendos denuntient.

§. III. *Fructus Sacrificii populo a Pastoribus quando applicandus.*

Pastores, & Vice-Pastores, aut eorum Vicarii summum Sacrum Dominicis, & Festis diebus in Ecclesia decantandum, populi tum spirituali, tum corporali saluti potissimum applicent; quos singulis, vel alternis non Festivis diebus, pro sua sibique commissorum salute, Divinum Missæ Sacrificium immolare, atque ad hoc ab Archi-Diaconis, & Decanis Ruralibus excitari optamus, ut indies sibi, concreditoque gregi in spiritualibus, & temporalibus favorem cœlestem cumulent auctiorem; nam Authore B. Bonaventura: (o) *Sacerdos legitime non impeditus ex negligentia celebrare omittens: tunc, quantum in se est, privat Ss. Trinitatem laude & gloria, Angelos letitia, peccatores venia, justos subsidio, & gratia, in purgatorio existentes refrigerio, Ecclesiam Christi spirituali beneficio, seipsam medicina, & remedio contra quotidiana peccata, & infirmitates.*

CAPUT IV.

§. I. *Sacra pro defunctis suis fratribus a Pastoribus merito celebranda.*

Faterna postulat charitas, ut quos in vita laborum habuimus socios & participes, post mortem Christianæ pietatis officio prosequamur: idcirco omnes Pastores, & Vice-Pastores hortamur,

(n) Ezech. 3. v. 18.

(o) De præparat. ad Miss. c. 3.

tamur, ut mortuo Pastore, seu Vice-Pastore, reliqui ejusdem Decanatus Ruralis, seu districtus quamprimum ipsis de obitu constiterit, sanctissimo Missæ Sacrificio animæ ejusdem subveniant.

§. II. *Idem a Decanis Ruralibus præstandum.*

Decano autem Rurali mortuo præter Pastores, & Vice-Pastores ipsius Decanatus, etiam cæteri Decani Rurales parentare teneantur.

§. III. *Publica vitia a Pastoribus denun-
tianda.*

Parochi, (p) & Vice-Parochi omnia, & singula publica scelera, vel crimina, notoriosque populi, vel Cleri excessus; potissimum vero si Clericus, vel Ludimoderator aliquod delictum correctione dignum committat, vel Laicus fidem, & Religionem Catholicam, & Ecclesiæ Statuta notorie violat, & saltem semel in anno, in Festo Paschatis, proprio Sacerdoti non confiteatur, & juxta ritum Catholicæ Ecclesiæ Sacramentum Eucharistiæ ab eo non percipiat, Ecclesiam suam parochialem debitis temporibus non frequenter, ab apostatis aliisque sectariis Sacramenta percipiat, clandestinum, aliasve illicitum Matrimonium contrahat, aut ab alio, quam suæ Parochiæ Pastore, aut Sacellano, sine præcedentibus tribus proclamationibus, debito tempore in facie Ecclesiæ solemnizari faciat: vel adulter, aut concubiniarius, aut usurarius manifestus, vel reatu perjurii irretitus, vel Sacramentorum, & Ecclesiasticarum censurarum contemptor sit, & in incestu, hæresi, blasphemia, sacrilegio, effractionibus, & violationibus Ecclesiarum, cæmeteriorum, & immunitatum, delictisque similibus perseveret, viva voce, vel in scriptis, si non palam, saltem occulte, & secrete, Officiali, vel Sigillifero, vel Fiscalibus nostris, sine ulla dissimulatione, vel conniventia referant, & significant.

§. IV. *Scabini Synodales in Parochiis eligendi.*

Idcirco studiose curent, ut in suis Parochiis Scabini Synodales, viri probe Catholici, honestissimi, & integerrimi eligantur, qui cum prædictis vitiis & criminibus indagandis, tum etiam in reddendis fabricæ Ecclesiæ, mensæ pauperum, & Sodalitatum rationibus adhibeantur.

§. V. *Ad Parochias recens commigrantium vita exploranda.*

Ab omnibus quoque, & singulis ad suas Parochias commigrantibus, quorum vitam, & fidem aliunde cognitam non habuerint, exigant ea de re literas testimoniales ultimi ipsorum Pastoris, seu Vice-Pastoris, quæ si non exhibeantur, Superioribus idipsum inveniunt, ut ad eas procurandas compellantur.

CAPUT V.

§. I. *Opera servilia Ecclesiasticis interdicta.*

Dolenter intelleximus, nonnullos Ecclesiasticos, & Pastores adeo sui subinde esse oblitos, ut veste etiam Clericali exuta, per agros discurrere, currus fimo onerare, vehere, agriculturam exercere, & id genus aliis servilibus operibus, avaritiæ, aut quæstus gratia vacare; quin & intra domesticos parietes tam viliter sese gerere non erubescant, ut sæcularibus, & aliis sint offendiculo: quibus præcipimus, ut gravitatis, quæ Sacerdotes decet, memores, ab his omnibus sub pœna suspensionis ab Officio, & Beneficio, aliaque graviore arbitraria sibi temperent; non tamen prohibere intendimus, quo minus debito tempore, & loco, honesta corporis exercitatione otium devitent.

§. II. *Sicut & ludus alearum.*

Sacerdotes, maxime quibus animarum cura incumbit, memores sacrorum Canonum; (q) ad aleas, & taxillos non ludant, nec hujusmodi, aut aliis vetitis ludis intersint, sed tempus illud pro colloquio potius, & lectione sacro-

(p) Reform. Jurisd. Colon. pag. 7. §. Ut quæ crimina & excessus.

(q) C. Clerici 15. de vit. & honest. Cleric.

sacrorum librorum, atque historiarum transigant.

CAPUT VI.

§. I. *Parochias per Regulares administrari non conducit.*

Quamvis Monachi, & Regulares Canonici Parochias, easque potissimum, quæ Monasteriis suis annexæ sint, administrare possint: quia tamen multi Superiores experientia cognoverunt, ad Regularis vitæ institutum parum conducere, ut Professos extra Monasterium suum in parochiis sinant commorari;

§. II. *Sed per idoneos, & approbatos sæculares Sacerdotes.*

Hinc & Nos expedire judicamus, ut parochialia, aliaque curata Beneficia Civitatis, & Diocesis nostræ, tam Metropolitanæ, seu Collegiatis, seu aliis Ecclesiis, seu dignitatibus, vel Monasteriis, seu Collegiis, aut piis locis quibuscunque perpetuo unita, & incorporata, quam non unita, & incorporata deinceps per idoneos auctoritate nostra approbatos sæculares Sacerdotes, non vero Regulares regantur; exceptis tamen iis, qui specialibus privilegiis sunt muniti: Monachi vero, & quicunque alii Regulares, etiam Canonici, si ad sæculares Ecclesiæ parochiales suo Monasterio non unitas promoti sint, inde auctoritate nostra removeantur, & ad suum Monasterium remittantur; nec facile ulli Religiosi extra Monasteria sua in Parochiis habitare permittantur; ne hac ratione ipsa idoneis personis destituantur, ambitioni porta aperiatur, illisque proprietatis, otii, mollioris ac dissolutioris vitæ ansa præbeatur.

§. III. *Regularis Beneficium curatum obtinens, socium secum habeat sui Ordinis, & habitum, ac coronam gerens regularem.*

Quod si Canonicus Regularis, vel alius cujuscunque Ordinis Religiosus alicui parochiali Ecclesiæ seu curato Beneficio sæculari, causa necessitatis, vel utilitatis Ecclesiæ, seu curæ anima-

rum, & idoneorum Sacerdotum sæcularium penuria id exigente, deque consensu sui Superioris, prævia nostra examinatione, & approbatione sit præficiendus, is adjunctum sibi Socium Regularem habeat; *Melius enim est duos esse simul, quam unum; habent enim emolumentum societatis suæ: si unus ceciderit, ab altero fulciatur. Væ soli: quia cum ceciderit, non habet sublevantem se: (r)* nec non Ordinis sui habitum, & coronam regularem retineat: idemque non nisi ad tempus, & arbitrio nostro amovendus, & ad Monasterium suum remittendus, curam animarum istiusmodi parochialis Ecclesiæ, seu curati Beneficii sæcularis administret.

§. IV. *Quid Pastores, antequam Regulares concionari, aut Mendicantes elemosynas colligere permittant, observare debeant.*

Insuper nullus Pastorum, seu Vice-Pastorum Regularem quemcunque, cujuscunque Ordinis, vel Instituti fuerit, ad Catechesin tradendam, concionandum, Sacramentales Confessiones audiendum, aut Stationes obeundum, nisi obedientiæ literas a suo Superiore obtentas, ac testimoniales suæ admissionis, & approbationis ad simile munus exequendum auctoritate nostra munitas, ostenderit, admittere audeat, vel ullam inusitatum Stationem, a quocunque Terminario usurpari, vel solitam ad tempus deferri permittat. Si quis vero Mendicantium, dum extra Monasterium suum elemosynas colligit, scandalo, vel offendiculo fuerit, is Nobis denunciatur. Ad tollendum autem omnes abusus, & confusiones, quilibet Pastor, aut Vice-Pastor communicatione cum loci Magistratu, Æditui, Magistris fabricæ Ecclesiæ, Provisoribus mensæ pauperum, Primoribus, ac Senioribus Parochiæ prævia, numerum, & dies Stationum describi curet, descriptionemque servata illius copia, Nobis transmittat.

§. V. *Sedilia locis congruis collocata amoveantur.*

Nobilium, vel aliorum sedilia in Ecclesiis, præsertim Parochialibus, prope

(r) Eccles. 4. v. 10.

Tomus IX. Concilior. German.

prope Altare, seu in Presbyterio collocata, non parvam causant deformitatem, & crebris jurgiis, litibusque occasionem præbent: quare omnibus, ac singulis Civitatis, & Diœcesis nostræ Pastoribus, Vice pastoribus, Ædilibus, Provisoribus, & aliis parochialium Ecclesiarum Præfectis, ac Ministris mandamus, ne in posterum Nobis inconsultis, in Ecclesiis sedilia, multoque minus in Choro earundem collocari permittant; imo si quæ forte incongruis locis hætenus in Ecclesiis posita fuerunt, amoveri faciant.

TITULUS VII.

De congrua Pastorum sustentatione, Ecclesiarumque, & ædium Parochialium tum reparatione, tum ædificatione.

CAPUT I.

§. I. *Modus subveniendi Parochiis tenuioribus.*

Sacro sancta Tridentina Synodus (s) victum, ac vestitum, necessariamque sustentationem Pastoribus, & Vice-Pastoribus non deesse exoptans, iis hoc Decreto providit: "In parochialibus Ecclesiis, quarum fructus adeo exigui sunt, ut debitum nequeant oneribus satisfacere, curabit Episcopus, si per Beneficiorum unionem, non tamen Regularium, id fieri non possit, ut primitiarum, vel decimarum assignatione, aut per Parochianorum symbola, ac collectas, aut qua commodiori ei videbitur ratione, tantum redigatur, quod pro Rectoris, ac parochiæ necessitate decenter sufficiat."

§. II. *Assignatur tertia pars fructuum.*

Nec non ut "Beneficia Ecclesiastica curata, (t) quæ Cathedralibus, Collegiatis, seu aliis Ecclesiis, vel Monasteriis, Beneficiis, seu Collegiis, aut piis locis quibuscunque perpetuo unita, & annexa reperiuntur, ab Ordinariis locorum, annis singulis visitentur: qui solcite providere pro-

"curent, ut per idoneos Vicarios, etiam perpetuos, nisi ipsis Ordinariis pro bono Ecclesiarum regimine aliter expedire videbitur, ab eis cum tertiæ partis fructuum, aut majori, vel minori, arbitrio ipsorum Ordinariorum, portione etiam super certa re assignanda, ibidem deputandos, animarum cura laudabiliter exerceatur; appellationibus, privilegiis, exemptionibus, etiam cum Judicum deputatione, & illorum inhibitionibus quibuscunque in præmissis minime suffragantibus."

§. III. *Congrua portio a PIO P. determinata.*

Præterea ut certius constaret, quid, & quantum Pastoribus, seu Vice-Pastoribus, seu perpetuis Vicariis Parochialium Ecclesiarum, quæ Cathedralibus, aliisve Ecclesiis, Abbatibus, dignitatibus, mensis Capitularibus, vel quibuscunque Monasteriis, Collegiis, Beneficiis, aliisve locis piis perpetuo annexa sunt, aut ab iis dependent, & vicaria opera, Sacerdotum secularium, vel Regularium regi, & administrari consueverunt, pro portione annua sit assignandum, PIUS V. (u) sancivit, eam non debere esse majorem centum, nec minorem quinquaginta scutorum annuorum summa, computatis omnibus, etiam incertis, emolumentis, & aliis obventionibus communiter percipi solitis, nisi Vicariis plus, sive in quantitate, aut quoto fructuum; pecuniaque numerata, fundo, seu alia re stabili assignari solitum fuisset.

§. IV. *Prædicta portio ad centum Imperiales declaratur.*

Quoniam vero a tempore editæ hujus PIANÆ Constitutionis monetæ valor plurimum fuit immutatus, annonæ, victus, & rerum ad usum quotidianum necessariarum pretium valde crevit; hinc summam quinquaginta scutorum, qua non minorem PIUS Papa V. Parochis, Vice-Parochis, aut Vicariis perpetuis, & in cura animarum Adjutoribus pro portione congrua voluit assignari, in Civitate, & Diœce-

fi

(s) Sess. 24. de Reform. c. 13.

(u) Tom. 2. Bullarii, Constit. 47.

(t) Trid. Sess. 7. de Reform. c. 7.

si nostra Colonienſi ad centum daleros Imperiales declaramus, & extendimus, niſi Parochiæ magnitudo, noſtro, noſtrive in Spiritualibus Vicarii judicio majorem ſummam exigeret.

§. V. *Quibus incumbat idoneos Vicarios in Eccleſiis Parochialibus conſtituere.*

Quod ſi Prælati, aliive Inferiores, quorum Monaſteriis, Collegiis, vel Prælaturis Eccleſiæ Parochiales annexæ ſunt, idoneos ad curam animarum gerendam Vicarios intra legitimum tempus non conſtituerint, Nos illorum defectum ſupplentes, authoritate Nobis a Concilio Tridentino attributa, de idoneorum Vicariorum nominatione, & congruentis portionis fructuum aſſignatione providebimus; ne animarum cura negligatur, vel Beneficia ipſa Eccleſiaſtica debitis defraudentur obſequiis; appellationibus, privilegiis, exemptionibus quibuſcunque, etiam cum Judicum ſpecialium deputatione, & illorum inhibitionibus in præmiſſis nemini ſuffragantibus.

§. VI. *Beneficia curata non uniantur.*

Ut debitæ Parochorum, & Vice-Parochorum ſuſtentioni melius impoſterum proſpectum ſit, Concilium Tridentinum. (x) ſtatuit: " Ut in unionibus quibuſlibet, ſeu ex ſupra-diſtis, ſeu aliis cauſis faciendis, Eccleſiæ Parochiales Monaſteriis quibuſcunque, aut Abbatiis, ſeu dignitatibus, ſive Præbendis Eccleſiæ Cathedralis, vel Collegiæ, ſive aliis Beneficiis ſimplicibus, aut Hoſpitalibus, Militiſve non uniantur, & quæ unitæ ſunt, revideantur ab Ordinariis."

CAPUT II.

§. I. *Eccleſiarum reparatio commendatur Paſtoribus.*

PAſtores, & Vice-Paſtores diligenter etiam curent, (y) ut Parochiales Eccleſiæ, per deputatos fabricæ Magiſtros, ſartæ teſtæ conſerventur:

ſi quæ vero bellorum, aut temporum injuria, ſint dirutæ, vel collapsæ, quantocyus, ne populus ad alienas Parochias, majore ſui incommodo, conſugere cogatur, reſtaurentur.

§. II. *Unde illa præſtanda.*

Ut reparationi, & reedificationi Eccleſiarum promptius conſuleretur, in primæva bonorum Eccleſiaſticorum diſpoſitione, una portio fabricæ earundem fuit aſſignata: quæ ſi deficiat, aut impenſis reparationis impar ſit, decimas percipientes neceſſaria ſubminiſtrare obligantur: æquum enim eſt, ut lucro gaudentes, onus ei annexum etiam ſubeant. Quæ ſi non ſufficiant, ſacri decrevere Canones, (z) ut ejusdem Eccleſiæ Beneficiati, pro rata reddituum, deductis ad victum, & veſtitum decentem requiſitis, contribuant, & demum ad collectas Parochianorum recurratur.

§. III. *Ad quem ſpectet reparatio navis Eccleſiæ, turris & Chori.*

Verum longiſſimo uſu receptum, & in plerisque Diœceſis noſtræ locis obſervatum eſt, ut qui decimas majores percipit ad Eccleſiæ Parochialis navim, loci communitas ad turrim cum omnibus & ſingulis ipſius Eccleſiæ appendicibus, Paſtor ad Chorum conſervandum, & reparandum teneantur, quam conſuetudinem, uti laudabilem præcipimus obſervari.

CAPUT III.

§. I. *Paſtores in domo Eccleſiæ proxima habitent.*

PAſtores, aliique Curati, quo muneris ſui partibus rite, prout tenentur, ſatiſfaciant, ad reſidendum apud oves ſuas jure Divino obligantur; (a) " Cum præcepto Divino mandatum ſit omnibus, quibus animarum cura commiſſa eſt, oves ſuas agnoſcere, pro his Sacrificium offerre, verbiſque Divini prædicatione, Sacramentorum adminiſtratione, ac bono-

(x) Seſſ. 24. de Reform. c. 13. §. In unionibus.

(y) Trid. Seſſ. 7. de Reform. c. 8.

Seſſ. 21. de Reſor. c. 7.

(z) C. 1. & c. De his, de Eccleſ. ædificat. Trid. c. 7. cit.

(a) Concil. Trid. Seſſ. 23. de Reform. c. 1.

Tomus IX. Concilior. German.

" bonorum omnium operum exemplo
 " pacere, pauperum, aliarumque mi-
 " serabilium personarum curam pater-
 " nam gerere, & in cætera munia pa-
 " storalia incumbere, quæ omnia ne-
 " quaquam ab iis præstari, & impleri
 " possunt, qui gregi suo non invigi-
 " lant, neque assunt, sed mercena-
 " riorum more deserunt: " Idcirco
 non solum intra Parochiæ suæ limites
 habitent, verum etiam, quantum com-
 mode fieri poterit, domos pastorales
 Ecclesiæ proximas habeant, & in iis
 pernoctent.

§. II. Si domus Pastoralis desit, talem
 conducant.

Quod si domus pastoralis non ex-
 tet, domum aliam honestam condu-
 cant, aut si familiam non alant, habi-
 tationem Ecclesiæ parochiali vicinam,
 minime vero diversorium publicum,
 aut suspectæ familiæ domicilium eli-
 gant; interim cum suis parochianis de
 modo, & ratione domus pastoralis
 quantocyus ædificandæ deliberent; pro
 singulorum siquidem parochianorum
 animarum salute, vel maxime necessa-
 rium est, habere Parochum suum, seu
 Vice-Parochum noctu, & interdium
 in Parochia assidue residentem, &
 præsentem.

§. III. Domus Pastorum annue visitentur,
 ac reparentur.

Cum plerumque parochiani in
 ædificandis ædibus pastoralibus red-
 dantur difficiliores, ex quo Curati,
 seu Vice-Curati conservationem dicta-
 rum ædium, cum gravi damno negle-
 xerint, & negligant: Idcirco deinceps
 (postquam per Parochianos debite fue-
 rint reparatæ, vel ædificatæ) sub æsti-
 matione, a iuratis Scabinis Synodali-
 bus faciendâ, Pastori, vel Vice-Pasto-
 ri tradantur, quam hæredes sub obli-
 gatione omnium bonorum præstare te-
 nebuntur; præcipimus insuper, ut Ar-
 chi-Diaconi, & Decani Rurales ædes
 pastorales sæpius visitent, in iisdem
 restauranda, auctoritate nostra reparari
 jubeant, inobedientesque Nobis de-
 nuntient, ut ex eorundem redditibus
 necessariæ reparationis impensæ defun-
 mantur, & contumaces præteritæ ne-

gligentia etiam poenas luant: si vero
 ad restaurationem obligati Pastores,
 vel Vice-Pastores, ea non facta ex hac
 vita migrarint, vel Beneficiis suis re-
 nunciarint, mobilia tamdiu detinean-
 tur, ne quidpiam ex hæreditate, sive
 hæredibus, sive legatariis extradatur,
 donec expensæ ad reparationem requi-
 sitæ subministratæ fuerint.

§. IV. Pastor instituendus indicem bonorum
 mobilium domus Pastoralis, & orna-
 mentorum Ecclesiæ, cui exhibere
 debeat.

Nullus porro Pastorum, seu Vice-
 Pastorum in pastorum suo institatur,
 qui non bonorum mobilium in domo
 pastorali inventorum, similiter calicum,
 vestimentorum, ornamentorum, li-
 brorum, & quorumcunque instrumen-
 torum, & supellectilium Ecclesiasti-
 carum indicem, cum designatione om-
 nium in ædibus pastoralibus destructo-
 rum, dirutorum, aut deperditorum
 sese intra semestre Nobis, aut Vicario
 nostro in Spiritualibus Generali, vel
 Archi-Diacono loci, aut Decano suo
 Rurali exhibiturum se sponderit,
 sub viginti quinque florenorum au-
 reorum poena secus facientibus infli-
 genda.

TITULUS VIII.

De Regularibus, qua viris, qua
 feminis.

CAPUT I.

§. I. Promiscua Novitiorum receptio Religio-
 ni noxia.

Collapsæ Regularis disciplinæ resti-
 tutioni illud imprimis magnum
 avertit impedimentum, quod in quibus-
 dam Monasteriis, iis præsertim, quæ
 majori indigent reformatione, Religio-
 nis candidari sine delectu recipiantur:
 unde fit, ut quamvis Pontifices Maxi-
 mi variis Constitutionibus male affe-
 ctas radices evellere studeant, infru-
 ctuosa tamen recens profitentium ger-
 mina magis succrescant.

§. II. Huic malo occurrit CLEMENS VIII.

Propterea Regulares omnes, ad
 primævum suæ Religionis institutum
 revo-

revocaturus CLEMENS Papa VIII. (b) præclara de receptione, & institutione Novitiorum Decreta publicavit.

CAPUT II.

Saluberrima Decreta præscribuntur.

” CUM ad Regularem, inquit, disciplinam in singulis Religiosorum Monasteriis propagandam, Novitiorum institutio maxime utilis sit ac necessaria, &c. ”

CAPUT III.

§. I. *Nemo virginem ad ingressum Religionis cogat.*

INsuper, cum Religionis ingressus, præcipue in virginibus, & mulieribus debeat esse liber, & voluntarius, ejusmodi personæ invitæ in Monasterium non detrudantur. Sancta enim Synodus Tridentina (c) ” anathematizavit omnes, & singulas personas, cujuscunque qualitatis, vel conditionis fuerint, tam Clericos, quam Laicos, sæculares, vel Regulares, arque etiam qualibet dignitate fungentes, si quomodocunque coegerint virginem aliquam, vel viduam, aut aliam quamcunque mulierem invitam, præterquam in casibus in jure expressis, ad ingrediendum Monasterium, vel ad suscipiendum habitum cujuscunque Religionis, vel ad emittendam professionem; quique consilium, auxilium, vel favorem dederint, quique scientes eam non sponte ingredi Monasterium, aut habitum suscipere, aut professionem emitte, quoquo modo eidem actui, vel præsentiam, vel consensum, vel auctoritatem interposuerint. ”

§. II. *Nec ingredi volentem impediunt.*

Sed nec parentes proles suas, neque alii Religionem ingredi, & Divino servitio se mancipare cupientes præpediant, aut a pio proposito avocent, cum dicta Synodus Tridentina similiter sub anathemate id prohibeat hisce verbis: ” Simili quoque anathemati subijcit eos, qui sanctam virginum,

” vel aliarum mulierum voluntatem vel accipiendi, vel voti emittendi, quoquo modo sine justa causa impedierint. Eaque omnia, & singula, quæ ante professionem, vel in ipsa professione fieri oportet, servantur non solum in Monasteriis Episcopo subiectis, sed & in aliis quibuscunque. ”

§. III. *Virgines ante vestitionem, & professionem examinentur.*

Urget vero Concilium Tridentinum, ut voluntas puellæ, quæ major duodecim annis habitum Regularem assumit, tam ante susceptionem habitus, quam ante emissionem professionis exploretur: ” Libertati professionis virginum Deo dicandarum prospiciens Sancta Synodus, statuit, atque decernit, ut si puella, quæ habitum Regularem suscipere voluerit, major duodecim annis sit, non ante eum suscipiat: nec postea ipsa, vel alia promissionem emittat, quam exploraverit Episcopus, vel eo absente, vel impedito, ejus Vicarius, aut aliquis eorum sumptibus ab eis deputatus, virginis voluntatem diligenter, an coacta, an seducta sit, an sciat, quid agat: et si voluntas ejus pia, ac libera cognita fuerit, habueritque conditiones requisitas juxta Monasterii illius, & Ordinis Regulam, nec non Monasterium fuerit idoneum, libere ei profiteri liceat, cujus professionis tempus, ne Episcopus ignoret, teneatur Præfecta Monasterio eum ante mensem certiorum facere; quod si Præfecta certiorum Episcopum non fecerit, quamdiu Episcopo videbitur ab officio suspensa sit. ”

§. IV. *Tridentini Decreto parendum.*

Ut huic Tridentino Decreto pareatur, sub dictæ suspensionis ab Officio pœna, quibuscunque Abbatissis, Priorissis, Præfectis, & quovis alio nomine nuncupatis Superioribus, quorumcunque Monasteriorum Monialium Civitatis, & Diœcesis nostræ, quantumvis Regularibus subiectarum,

PPP PPP 3

vel

(b) Tom. 2. Bullarii, Conf. 83.

(c) Sess. 25. de Regular. c. 18.

vel alias a jurisdictione nostra exemptarum, serio mandamus, ne ullam deinceps puellam ad habitum Regularem, vel professionem admittant, nisi Vicarius noster in Spiritualibus Generalis, seu alius a Nobis, vel ab eo deputatus, tam ante susceptionem habitus, quam ante professionem Regularem diligenter examinaverit, & exploraverit ipsius puellæ voluntatem, cæteraque, quæ dictum Concilium Tridentinum jubet, præstiterit.

§. V. *Examen ubi instituendum.*

Examen, vel extra septa Monasterii ante cancellos, seu ferreas crates omnibus arbitris, aliis Monialibus, & Confessario remotis, vel si Examinatori iusta de causa ita visum fuerit, extra septa Monasterii in Ecclesia, vel alio loco libero, & religioso, præsentibus Notario, testibusque idoneis, ac duabus honestis, ac gravibus Matronis, puellæ neque consanguinitate, neque affinitate conjunctis, neque alio quovis modo suspectis instituitur, & a Notario articulatum exceptum, ac nitide, & correcte descriptum, in Monasterii Archivo, ut de libera examinata voluntate perpetuo constet, diligenter affervetur.

§. VI. *Tempus professionis significandum.*

Ne autem tempus professionis Nos, aut Vicarium nostrum, seu auctoritate nostra Deputatum lateat, illud Abbatissa, Priorissa, Præfecta, seu quovis alio nomine Superior cujusunque Monasterii, uno ante ipsam professionem mense sub pœna suspensionis ab officio, per Concilium Tridentinum decretæ Nobis significare teneatur; ejusmodi autem examen, neque Vicarius noster in Spiritualibus Generalis, neque ullus alius auctoritate nostra deputatus, si legitime requisitus fuerit, ultra mensis spatium instituere differat.

§. VII. *Vestienda vestibus non induatur pretiosis.*

Indecorum est, virgines, quæ mundum relinquere decreverunt, ipso

die suscipiendi habitus religioso, mundanas vanitates magis sectari, quam ante unquam sectatæ fuerant, vestibusque pretiosis, etiam mutuo acceptis, & monilibus ad vanam ostentationem exornatæ, a parentibus, & propinquis cum pompa, instar sæcularis sponsæ, ad Monasterium deduci; & quia periculum est, ne hujusmodi splendor alienationem a sancto proposito pareat, qualiscunque virgo, posthac in sacra Religione vestienda, sola modeste ad Monasterium se conferat, atque ipso vestis religiosa induenda die, absque omni pompa, & superbo vestitu ex penetralibus Monasterii, habitu, quo in schola Monasterii constituta, vel antea diebus solemnioribus consueverat, ad sacram Communionem accedere, in publicum vestienda procedat.

§. VIII. *Pueruli JESU statua ipsi non præferatur.*

Nulli item virgini religioso habitu investienda, aut professionem emissura, pueruli JESU statua præferatur, sed ipsamet potius manibus propriis, virginum omnium Sponsi Christi Domini e cruce pendentis imaginem gestet.

§. IX. *Nec sumptuosa instituantur convivia.*

Innovamus quoque Regulares personas, tam exemptas, quam non exemptas concernentia in Synodis Diocesanis Colonienfis sub ERNESTO (d) & FERDINANDO, (e) aliisque Archiepiscopis Colonienfis promulgata Decreta, speciatim ad abusum, circa apparatus, & sumptus prandiorum, in susceptione, aut professione Regularium tollendos pertinentia, a PAULO V. Pontifice Maximo confirmata.

§. X. *Consuetudo contraria tollatur.*

Sicut enim pro receptione Monachi, aut Monialis, etiam paupertatis Monasterii causa, nihil exigere potest, (f) ita valde indecorum est, in die vestis assumenda, aut professionis magnos sumptus in convivia profundi.

Qua-

(d) Pag. 8. tit. 3. per tot. pag. 28. tit. 6. per tot. Archiep. pag. 31. 32. 33. 34. & 35. de Simon.

(e) Decreta Synodi sub Ferdinando

(f) C. Non satis. c. Veniens. c. Quoniam.

Quapropter Decretis Synodalibus prædictis (g) inhærendo, præcipimus, ut Abbates, & Abbatissæ, alique Monasteriorum Superiores, e Monasteriis, & domibus suis hanc consuetudinem tanquam detestabilem corruptelam, & abusum ab URBANO IV. Papa (b) damnatum prorsus tollant, & eliminant, parentibusque, vel consanguineis, quantumvis ultro petentibus, ut sumptuosa convivia, maxime suscipiendi habitus die, instituunt, non permittant.

§. XI. *Renunciatio ab iisdem facta, quomodo sit nulla.*

" Nulla quoque renunciatio (quemadmodum sancivit Concilium Tridentinum (i)) " aut obligatio ante facta, etiam cum juramento, vel in favorem cujuscunque causæ piæ, valeat, nisi cum licentia Episcopi, sive ejus Vicarii fiat, intra duos menses proximos ante professionem, ac non alias intelligatur effectum suum sortiri, nisi secuta professione: aliter vero facta, etiam si cum hujus favoris expressa renunciatio, etiam jurata, sit irrita, & nullius effectus."

§. XII. *Quid ex bonis Novitii tribuendum Monasterio ante professionem.*

" Neque ante professionem, (k) excepto victu, & vestitu Novitii, vel Novitiæ illius temporis, quo in probatione est, quocunque prætextu, a parentibus, vel propinquis, aut Curatoribus, ejus Monasterio aliquid ex bonis ejusdem tribuatur, ne hac occasione discedere nequeat, quod totam, vel majorem partem substantiæ suæ Monasterium possideat, nec facile si decesserit, id recuperare possit; quin potius præcipit Sancta Synodus sub anathematis pœna, dantibus, & recipientibus, ne hoc ullo modo fiat; & ut abeuntibus ante professionem omnia restituantur, quæ sua erant. Quod ut recte fiat, Episcopus, etiam per censuras Ecclesiasticas, si opus fuerit, compellat." Proinde Nos tum Concilii ejusdem, tum Decessorum nostro-

rum ERNESTI, & FERDINANDI (l) Archi-Episcoporum Decretis inhærendo, omnia, ac quæcunque Statuta, & consuetudines, quæ libertati professionis Novitii, vel Novitiæ quoquo modo officere possunt, penitus tollimus, & abrogamus.

§. XIII. *Professio ante elapsum probationis annum est nulla.*

Tamet si professio (m) sive tacita, sive expressa, aut emissio trium substantialium votorum in Religione approbata, non nisi post integrum annum continuæ probationis, in habitu religioso exactum, & decimum sextum ætatis annum expletum, fieri queat, & antea facta sit irrita; nihilominus anno probationis durante, si Novitia, vel Novitius curandæ valetudinis causâ, cum licentia Superiorum suorum e Monasterio, retento habitu religioso, exierit, ac deinde revertatur, eodem tempore professionem valide emittere, perinde, ac si nunquam egressus fuisset. Imo si expleto Novitiatu anno, ante professionem aliquis e Monasterio abierit, postea rediens, ac receptus ad profitendum absque nova probatione admitti potest.

§. XIV. *Novitii ante Professionem Sacramentum Confirmationis suscipiant.*

Nulli Novitii, vel Novitiæ ad Regularem cujusvis Ordinis professionem, nisi sacro Chrismate prius confirmati, admittantur; studiose enim curandum est, ne qui Omnipotenti DEO peculiariter consecrandi sunt, sine hisce militiæ Christianæ Symbolis illi militent; ne vero Sponsa Christi confirmanda in publicum prodire debeat, potius illam Episcopus intra Monasterii septa accedat.

CAPUT IV.

§. I. *Exactam substantialium observantiam procurare quibus incumbat.*

Abbatessæ porro, Magistri Generales, provinciales Ministri, Priores, Guardiani, Rectores, ceterique quorumlibet Monasteriorum, Conventuum,

(g) Loc. cit.

(b) C. Sane. X. de Simon. inter côm.

(i) Sess. 25. de Regul. c. 16.

(k) Trid. cit.

(l) Loc. cit.

(m) Trid. cit. c. 15.

tuum, & Collegiorum utriusque sexus Superiores, omnem curam, ac diligentiam adhibeant, ut in Monasteriis, Conventibus, & Collegiis sibi subiectis, ea, quæ ad Regularis vitæ substantiam pertinent, cujusmodi sunt obedientiæ, paupertatis, & castitatis, aliaque Ordinum, & Institutorum pecuniaria vota ac præcepta, nullo unquam tempore relaxentur; si enim illa, quæ bases sunt ac fundamenta totius Regularis disciplinæ, exacte non fuerint conservata, totum corruat ædificium, necesse est.

§. II. *Decretum CLEMENTIS VIII.*

Qua de re CLEMENS Papa VIII. valde necessaria præscripsit Decreta, quæ pro majori Religiosorum notitia & exactiori eorundem observatione publicamus.

CAPUT V.

§. I. *Diligens Chori frequentatio omnibus inculcatur.*

"Nullus omnino prætextu cujus-
cunque privilegii, vel Superioritatis, etiam Generalatus, a fer-
vicio Chori censeatur immunis, &c."

CAPUT VI.

§. I. *Obedientia Superioribus præstanda.*

Religiosi obedientiæ, qua Superioribus suis obstringuntur, exactissimam habeant rationem, & plane intolerandum est, nonnullos quandoque scientiæ opinione, senii, Officiorum administratorum, aliisque quæsitis titulis, æquo animosiores reddi, adeoque subinde inolescere, ut excussis salutaris obedientiæ habenis, suis Superioribus resistere, vel clandestinis machinationibus, & susurrationibus eorum honori, & observantiæ, non sine maximo eorum autoritatis apud alios sæpe contemptu, detrudere audeant, ad coercendam ejusmodi proterviam, Superiores, implorato etiam nostro, si opus fuerit, vel suorum Generalium, aut Provincialium subsidio, tales disciplinæ monasticæ eversores, ad exemplum aliorum, sine ulla dissimulatione, capere etiam, ubi temeri-

tas mitiorem pœnam respuit, puniant, & compescant.

§. II. *In ea Novitii maxime exercendi.*

Ad præcavendum hoc malum, Novitii probationis suæ tempore, in virtute obedientiæ ita exerceantur, ut iis reliquo vitæ decursu in omnibus & frænum, & calcar sit.

§. III. *Castitas illibate custodienda.*

Castitatis quoque diligentissima habenda est cura, proinde omnes, vel ad minimum naufragii ejusdem periculum ducentes occasiones caute vitentur, singulaque ad ejus tutelam servientia studiose observentur, ab omni aspectu, colloquio, consuetudine, & familiaritate disparis sexus abstineatur, foemina omnes ab ambitu, refectorio, dormitorio, & aliis inferioribus locis Monasterii virorum penitus excludantur.

§. IV. *Castitatem violentis pena.*

Præstitam Deo fidem sacrilega incontinentia violans, ad vindictam criminis, & aliorum terrorem, secundum Regulam, & Statuta Ordinis, atque Canonicas Sanctiones graviter puniatur.

§. V. *Pena sollicitantium aut violentium Moniales.*

Quicumque pudicitiam Sanctimonialium cujuscunque Ordinis ausu sacrilego sollicitare præsumpserit, ab officio, si Clericus fuerit, si Laicus a perceptione Corporis Domini, Decreto Concilii sub CONRADO Cardinali Portuensi celebrati, (n) noverit se esse suspensum. Si quis vero Sanctimonialium aut violaverit, aut extra Monasterium eduxerit, aut cum multorum offensione, diu publice detinuerit, vel etiam sic detentam precibus, vel minis, atque violentia Monasterio, undeeducta erat, restituerit, ipso facto sententia excommunicationis a Prædecessore nostro HENRICO (o) lata tandem se innodatum agnoscat, donec Deo de peccatis, Nobis autem, atque ipsi Monasterio de injuria, atque vituperio

(n) Pag. 6. c. 13.

(o) Pag. 37. c. 17.

rio plene satisfecerit, ac veniam, & absolutionis beneficium a Nobis obtinuerit.

§. VI. *Pœna lapsæ Monialis.*

Sanctimonialis autem in peccatum carnis publicæ, vel notorie lapsa, maxime, quæ Monasterio exierit, juxta Statuta Conciliorum sub CONRADO, Cardinali Portuensi, Legato Apostolico, & sub Decessore nostro HENRICO habitorum, (p) præter pœnam carceris, ubi per abstinentiam cibi, & potus, aliasque corporis castigationes, pro discretionem Abbatissæ, Priorissæ, seu Magistræ &c. punienda est; ulterius ad officium aliquod in Monasterio non admittatur, sed in pœnam delicti sine velo incedat, ultima tam in claustrum maneat, quam in choro, omnique voce in Capitulo, in tractatibus, & electionibus quibuscunque sit penitus destituta, donec ob laudabilem suam vitam, ac testimonium, & intercessionem totius Monasterii sui, a Nobis, vel suo Superiore ad præmissa, vel ex parte, vel ex toto restitui mereatur.

CAPUT VII.

§. I. *Claustrum servanda.*

Lubrica ad incontinentiam via, (q) quæ plurimis apostatandi occasionem præbuit, singulos singulorum Ordinum Superiores, Nobis etiam tacentibus, monet, ut in commissis sibi Cœnobiis clausuram servari, atque ubi collapsa est, in integrum restitui curent: ideoque rarissime Religiosis, quorum officii non est, extranea negotia curare, Monasterii septa egredi permittant. Familiaritatem, & comestationes cum secularibus, Religiosis, potissimum Sanctimonialibus, cujuscunque Ordinis & Regulæ præscindant, iisdem peregrinandi, parentes, consanguineos, aut amicos visendi, apud illos prandia frequentandi, Bacchanalia, Martialia, & Festivas Ecclesiarum dedicationes celebrandi, baptizati infantes conviviis assistendi, aliorumque negotia curandi licentiam non concedant.

§. II. *Quales pro concionibus, & elemosynis colligendis emittendi.*

Dispiciant etiam, quosnam, & ad quos pro concionibus, & colligendis elemosynis emittant, quibus districte præcipiant, ut in populi conspectu, non tantum sana doctrina, sed moribus pariter Religiosam vitam decentibus ita effulgeant; ut proximo ædificationi, Ecclesiæ, & Ordini sint honori, nullique vel minimum scandalum præbeant.

§. III. *Terminariis quæ servanda.*

Religiosi Terminarii gravitate morum, & Missionarii zelo præditi sint, qui, dum stationes suas obeunt, vel collectas faciunt, nunquam diutius morerentur, quam necessitas postulat; nec unquam ultra terminum ipsis præfixum e Monasteriis, seu Conventibus suis emanent: nec alibi, quam apud loci Pastorem, seu Vice-Pastorem, seu honestum aliquem incolam (quibus ratione expensarum precibus, vel pretio satisfaciant) hospitentur: nunquam autem in taberna, vel diversorio, vel hospitio publico, sive soli, sive cum aliis divertant; (r) qui secus fecerint, a Parochis, vel Vice Parochis, ad petendam elemosynam in parochiis suis juxta HERMANNI IV. Prædecessoris nostri Statutum (s), nequaquam sine expressa nostra, nostrive in Spiritualibus Vicarii licentia in scriptis obtenta admittantur. Quod si Pastor, seu Vice-Pastor loci, hac in re deprehendatur reus, tribus florenis Rhenensibus multabitur.

§. IV. *Causam dissolutionis Superiores ab iis tollant.*

Proinde Regularium Terminarium Superiores in Domino monemus, ut omnis dissolutionis causam suis subditis adimant, ne Nos illos, qui suo exemplo plus destruunt, quam prædicatione ædificant, tanquam inutiles in vinea Domini operarios, a suis terminis, & a munere prædicandi, & elemosynas colligendi amovere cogamur.

§. V.

(p) Loc. cit. (q) Clemens VIII. Const. 60. Conc. Prov. Col. sub Hermanno V. p. 397.

(r) C. Cum ex eo, de Pœnit. & Remiss.

(s) Pag. 367.

Tomus IX. Concilior. German.

§. V. *Monialium clausura sit perpetua.*

Quo Sanctimonialium autem videntur incontinentiæ pericula, & Christo Domino consecrata corporis, spiritusque sanctitas, illibata servetur, nihil fere religiosius Sacrosancta Synodus Tridentina (t), Constitutionem BONIFACII Papæ VIII. (u) renovans, commendat Episcopis, nihil etiam magis formidanda comminatione mandat, quam quod de clausura in Monialium Cœnobiis vel restituenda, vel conservanda serio statuit: "Universis enim" Episcopis sub obtestatione Divini iudicii, & interminatione maledictionis æternæ præcipit, ut in omnibus Monasteriis sibi subiectis, ordinaria, in aliis vero Sedis Apostolicæ auctoritate, clausuram Sanctimonialium, ubi violata fuerit, diligenter restituat, & ubi inviolata est, observari maxime procurent: inobedientes, atque contradictores per censuras Ecclesiasticas, aliasque pœnas, quacunque appellatione postposita, compescerent, invocato etiam ad hoc, si opus fuerit, auxilio brachii sæcularis." Nos, ne nostro officio hac in parte defuisse videamur, comminatamque maledictionem æternam (quod absit) incurramus, omnes Monasteriorum Sanctimonialium Civitatis & Diœcesis nostræ Colonienſis Superiores sub eadem obtestatione, & comminatione moneamus, ut tam salutare Decretum summo studio exequantur, ne Nos ad dictas censuras, aliasque pœnas, aut brachium sæculare adhibendum, procedere compellamur.

CAPUT VIII.

§. I. *Religiosi raro egrediantur & visitentur.*

Sicut ad clausuram, & solitudinem pertinet, ut Religiosi non nisi necessitate exeant, ita ad eandem quoque spectat, ne a quibusvis, aut quolibet tempore invisantur. Qua in re graviter a multis peccatur: reperire enim est quorundam Monasteriorum portas, quibusvis accedentibus, semper patere, aut si clausæ sint, pulsantibus permitti, ut sine præscitu, aut consensu

Superioris, Religiosorum cellas petant, longeque liberius, quam in sæcularium domibus, aut Principum aulis, cuiusvis, quosvis accedendi facultatem indulgeri.

§. II. *Mulieribus ad claustra virorum non pateat accessus, nec econtra.*

In quibusdam similiter virorum Monasteriis, sive per communem portam, sive per Templum, quandoque usque ad Fratrum cellas, mulieribus patet accessus: in Monialium pariformiter Cœnobiis non solum virginibus, & mulieribus, verum etiam viris, & adolescentibus ante cancellos, imo & in Monasterii penetralibus, ipsisque refectoriis, cum Sponsis Christi, virginibus velatis confabulari, comedere, joculari permittitur. Et quasi vinum, & adolescentia non satis magna forent voluptatis incentiva, quandoque etiam instrumenta musica adhibentur, ut virgines illæ mundum non reliquisset, sed mutasse duntaxat, & castitatis, aliaque vota ad provocandam iram Dei, propriamque salutem manifestissimo æternæ damnationis periculo exponendam, emisisse videantur.

§. III. *Monasteriis virorum præficiatur Portarius.*

Qui gravissimi, & periculossimi abusus, ut penitus eradicentur, in singulis virorum Monasteriis certus janitor moribus, & ætate maturus, fidelis, & mansuetus ad Monasterii portam constituatur, qui, ut porta semper clausa sit, observe, & ad Religiosorum colloquium admitti petentes, Monasterii Superiori deferat, ejusdemque mandato, an admittendi sint, se conformet.

§. IV. *Moniales secularibus loquantur velata.*

Præterea cum in Statutis Decessoris nostri ADOLPHI III. (x) habeatur, ut Moniales, ne quidem virorum conspectibus pateant, optamus laudabilem morem, qui in quibusdam virginum Monasteriis observatur, ut velum sit ante cancellos, ubi ad colloquendum cum extraneis conveniunt, in

(t) Sess. 25. de Regular. c. 5.

(u) C. 1. de statu Reg. in 6.

(x) Pag. 49.

in omnibus introduci; Parentes vero, fratres, & sorores, fratrum quoque uxores, ac eorundem & sororum filios, ut aliquando videant, si soli compareant, permittimus. Eos tamen, ut monet D. Hieronymus (y), sic videant, ut per eos alios non videant, quorum vultus cordi hæreant, & tacitum vivat sub pectore vulnus.

§. V. *Templum Sanctimonialium sit extra ambitum clausuræ.*

Si quæ sint virginum Monasteria, quorum Templum, aut Sacellum ita constitutum est, ut Sacerdos celebraturus illud ingredi non possit, nisi intrando, aut transeundo Monasterii clausuram, ineatur ratio, secundum quam aliter de huiusmodi Oratorio disponatur; interim per circuitum, vel alia via Sacerdoti in Templum permittatur ingressus. Quod si omnino fieri non possit, nullus ibidem ad celebrandum admittatur, nisi qui a Nobis, aut nostro in Spiritualibus Vicario specialem desuper facultatem obtinuerit.

§. VI. *Sacerdos celebrans apud virgines non jentet.*

Sacerdos, qui in virginum Monasteriis celebraverit, nequaquam ibidem sumet jentaculum; quod si adeo pauper sit, ut non habeat domi, quod manducet, ideoque Moniales in eo Christum pascere cupiant, vel jubeant eum redire ad prandium, & ante cancellos, ubi solent tractari hospites, religiose ipsum reficiant, vel potius alia elemosyna ejus indigentia, pro sua facultate subveniant.

§. VII. *Modus admittendi Sacerdotes, Confessarios, Medicos, & Operarios intra clausuram.*

Quando Sacerdos, aut Confessorius ad Sacramenta, aliave charitatis officia ægrotantibus Monialibus impendenda, Monasterium Monialium ingredi cogitur: item quando Medicus, Chirurgus, Pharmacopola, Operarii, vel quicumque alii viri ad necessariam operam in huiusmodi Monasteriis præstandam, sunt admittendi, Præfecta

Monasterii, aut ejus Vicaria, cum duabus senioribus, & discretis Monialibus ab ipsa Præfecta deputandis, eosdem ingredientes, & intra septa clausuræ hærentes semper comitetur, adeo ut ab illarum præsentia sese separare nequeant; caveatur autem diligentissime, ne quæ sola velata, vel non velata operariis manum adjutricem præbeat, & curiosa spectatrix operis assistat.

§. VIII. *Colloquia Monialium cum sæcularibus quomodo instituenda.*

Ne puritas cordis sæcularium conversatione fœdetur, Moniales a familiaribus virorum, mulierum, aut puellarum sæcularium colloquiis abstineant; nimia siquidem sæcularium familiaritas spiritum pietatis extinguit, & infinitas animi molestias, atque distractiones generat. Nulla propterea Monialium, ne quidem Abbatissa, Priorissa, vel alia Superior sola cum solis extraneis, sed alia Moniali arbitra ac teste semper præsentem loquatur, nisi interdum Præfectæ Monasterii, expedire visum fuerit, ut colloquium solius, cum personis Ecclesiasticis, aut Religiosis de rebus animam, & conscientiam concernentibus, permittatur.

CAPUT IX.

§. I. *Convictorum habitatio sit distincta.*

SI quæ Monasteria Convictores alant, eorum habitatio a Religiosorum ita distincta sit, ut commoditatem majorem extraneis ipsos accedendi, aut cum iis colloquendi, nisi obtenta a Superiore facultate non habeant; ne furtive per illos adferri, aut nunciari curent, quæ Superior, si sciret, non permetteret; & ne ex iis intelligant, quid foris agatur, quæ, inquit D. Benedictus (z), plurima destructio est.

§. II. *Convictores a Religiosorum refectorio arceantur.*

Convictores ad commune Religiosorum refectorium non admittantur, nisi raro & in summis Festivitatibus. Monasterii Præfectus, ut absque noxa vivant, & Ecclesiæ præceptis satisf-

(y) Epist. ad Rustic.

(z) C. 67. Regulæ.

Tomus IX. Concilior. German.

risfaciant, nihilque quod Monasterio infamiam possit conciliare, committant, diligenter advigilet, delinquentes pro ratione culpæ corrigat, neque solum allaboret, ut a peccatis, & criminibus abstineant, sed etiam in operibus bonis & virtutibus proficiant.

§. III. *Magna de Convicticibus debet esse cura.*

Eadem de virginibus in convictu apud Moniales existentibus debet esse sollicitudo, maximeque cura, ut minutiora etiam peccata vitent, & in via perfectionis indies progrediantur, clausuramque servant; vestitum earundem convenit esse modestum, non sumptuosum, aut splendidum, ne vel ipsæ puellæ vanitate mundi inescant, vel Moniales aliquas assumpti habitus religiosi penitere incipiat.

§. IV. *Convictices sumptus solvant, & libertatis suæ in electione status admoneantur.*

Ne puellarum sæcularium in Monasteriis educatio occasionem avaritiæ præbeat, aut illarum conscientias scrupulum causet; sumptibus parentum, nisi vere pauperes sint, usque ad annum probationis alantur, & vestiantur, & vel maxime, dum ad discretionis annos pervenerunt, circumspicte sæpius moneantur, quod nec Novitiæ, nec Religiosæ sint, sed plenam libertatem statum vel religiosum, vel sæcularem eligendi habeant, instruanturque de methodo prudenter in deligendo statu deliberandi, & resolvendi.

CAPUT X.

§. I. *Silentium servandum, literæ clanculum non scribende.*

AD bonum solitudinis monasticæ in ipso Monasterio perfecte consequendum, pertinet silentium: hujus igitur habenda est diligens quoque ratio, curandumque, ne Religiosi inter se crebrius, quam eorum Statuta permittunt, colloquantur; nec alios, quam ad eos in sancto proposito confirmandos utiles, sermones misceant, sollicitèque advigilandum, ne aliqui, aut clam literas ab aliis accipiant, aut ad alios ferendas curent.

§. II. *Religiosi, qui multos habent consanguineos, ad alia loca transferantur.*

Religiosi, qui in loco, ubi degunt, multos habent consanguineos, a quibus frequenter & importune visitantur, aut quos frequentius invisere coguntur, ad aliud ejusdem Ordinis Monasterium mittantur. Quod ut inposterum, quantum fieri potest, præaveatur, cæteris paribus, potius assumendi erunt ad ordinem, qui in loco, ubi Monasterium situm est, nullos, aut quam paucissimos, quam qui multos, & potentes habent consanguineos; quotidiana enim experientia complures Monasteriorum Præfectos docuit, inde dissolutionem disciplinæ religiosæ ortam fuisse, unde emolumenta temporalia sperabantur. Quod si tamen tales aliquando assumere erunt, ad aliud ejusdem Ordinis Monasterium destinentur; frustra siquidem ad perfectionem vitæ Christianæ contenditur, quamdiu illud humani affectus vinculum non inciditur, quo quis carni, & sanguini minus ordinate colligatur. Qua de re amici in admissione Novitiæ, ne offendantur, erunt admonendi.

§. III. *Strepitus judiciarii in Monasteriis prohibeantur.*

Ut quieti, & tranquillitati Monasticæ plenissime consulatur, in Monasteriis strepitus judiciarios, vel arbitramenta fieri prohibemus; nam ab hujusmodi strepitu, & diversorum hominum conventu, maxime cum insolentes ministros, mulieres vanas, & earum petulantes pedissequas aliquando eis adesse, & ea occasione per Monasterium vagari contingat, Monasteria volumus prorsus esse libera & immunia.

§. IV. *In Monasterio omnia sint vite disposita.*

In ipso Monasterio omnia sint ita ordinata, ut nihil reperiat, quod internam animorum quietem, ac unionem cum Deo aliqua ratione perturbare valeat. Quo imprimis spectat, ut fenestræ, & foramina, e quibus extra Monasterium prospici possit, vel literæ, aut quidvis aliud foris accipi,

aut

aut foras mitti, obstruantur; deinde ut ostia interioris clausuræ, & dormitorium statim horis claudantur, & aperiantur, ne Religiosi per Monasterium vagabundi, & otiosi discurrant; item ne sæculares per templum claustrum loca intrare possint. Habenda insuper est ratio, ut talis constituatur custos, de quo nulla possit esse suspicio, quod extraneos per Templum ad colloquendum cum Religiosis admittat, aut ipsemet hac in parte peccet. Curandum præterea, ne Religiosi absoluto Divino Officio eos, quos velint, in Templo convenire queant, multo minus, ut Templum exeant, & vel in ostio transeuntes observent, vel ad vicinos confabulandi gratia procedant.

§. V. *Monasteria ruinosa ad urbes transferantur.*

Ad colendam arctius solitudinem, multa utriusque sexus Monasteria procul ab urbibus, in agris, & sylvis fuerunt exstructa, quæ si iniquitate temporum, malorum hominum prædæ, & aliis facinoribus sine ulla custodia exposita, aut ita destructa existant, ut fine maximis sumptibus restaurari nequeant, aut bellorum calamitatibus, vel mala bonorum administratione eo redacta sint, ut reditus vix pauculis personis sustentandis sufficiant, expedire judicamus, ut Religiosi illorum Monasteriorum sese ejusdem Ordinis Monasteriis in urbibus constitutis, de nostro consensu conjungant, aut si hoc fieri nequeat, desolata potius in urbibus loca emant, quam ea, quæ extra urbes instauraturi essent, iisdem periculis exponantur, tum ne dubia meliorum temporum expectatione in talibus Monasteriis disciplina profus collabatur.

CAPUT XI.

§. I. *Modus excipiendi hospites.*

Hospites in virorum Monasteriis a Religioso modesto, ac gravi ad hoc deputato benigne excipiantur; maxime Religiosorum consanguinei, & juxta Regulam in mensa Abbatis, Præpositi, Prioris, vel Guardiani, vel alio

honesto loco, advocatis, si ita Superiori videbitur, iis, quorum causa venerint, tractentur; sit autem mensa frugalis, ebrietas, & provocationes ad æquales haustus prorsus vitentur, initioque refectionis ex devoto libello aliquid legatur; unde inter prandendum, aut cœnandum piorum discursuum sumatur occasio, ne ad otiosa, aut quod pejus est, ad detractiones lingua prolatur.

§. II. *Quibus extra mensam non propinetur haustus.*

Absolute prandio, vel cœna, ut viri Religiosi religiose hospites tractent, vinum amplius non propinetur; turpe enim, & ignominiosum nimis est, viros Religiosos, ac professione sanctos, in similibus subinde sæculares luxu, ac dissolutione superare, sibi que persuadere, quod non liberaliter exceperint hospites, ac convivas, nisi illos ebrios dimiserint.

§. III. *In mensa Superioris adhibeatur lectio.*

Mensam Abbatis, & cujusunque alterius Superioris lectio sacra, & sobrietatis virtus semper exornent; tum ut vitæ, & morum integritate, ac sobrietate subditis præluceat, tum ut una cum cibo corporali, spiritali quoque alimonia, si qui adsint convivæ, reficiantur, cognoscantque, Monasteria scholas esse, in quibus mortificationi carnis, non voluptati studeatur.

§. IV. *Monialibus non licet cum aliis extra cancellos prandere.*

In Sanctimonialium Monasteriis locus hospitibus tractandis conveniens, seclusus a Claustro depuretur, ubi amici, potissimum consanguinei Monialium (si id necessitas, aut honestas poscat) decenter, & honeste, frugaliter tamen excipiantur: ad locum hunc nulli Monialium, imo ne Abbatissæ quidem extra cancellos pateat accessus, sed ante eosdem cum amicis colloquantur; serventur similiter ea, quæ virorum Monasteriis de hospitalitate, ac temperantia servanda a Nobis, atque etiam Monialium Monasteriis, de modo excipiendi hospites, a Dece-

foribus nostris ERNESTO, ac FERDINANDO Archi-Episcopis Germanico idiomate salubriter præscripta sunt.

CAPUT XII.

§. I. *In confessione, & sumptione Eucharistiæ quæ servanda.*

In expiatione conscientiarum, & humili peccatorum confessione, ac Sanctissimæ Eucharistiæ frequentatione, id observetur, quod cujusque Ordinis Regulæ, ac probatæ consuetudines requirunt: sciant interim omnes Superiores Decretum CLEMENTIS Papæ VIII. (2) de casuum reservatione, eorundemque absolutione strictissime sibi servandum esse, quod ne quinquam lateat, hic subjicimus.

§. II. *Casus Regularium Superioribus reservati.*

” Sanctissimus Dominus noster,
” qui jam pridem accurate perpenderit,
” ac re ipsa comperit, quod reservatio
” facultatis absolvendi Religiosos prænitentes, a peccatis quibusdam gravioribus, nisi Superiores admodum prudentes, ac moderate illa utantur, nonnullos infirmiores, qui interdum Superiori suo conscientia maculas detegere formidant, adducere posset in æternæ damnationis periculum, & spiritualis remedii desperationem; ideo ut huic malo Sanctitas sua opportune prospiceret, decrevit, ut nemo ex Regularium Superioribus peccatorum absolutiones sibi reservet, exceptis iis, quæ sequuntur, aut omnibus, aut eorum aliquot, prout subditorum utilitati expedire prudenter in Domino judicaverit: veneficia, incantationes, sortilegia, apostasia a Religione, sive habitu dimisso, sive retento, quando eo pervenerit, ut extra septa Monasterii, seu Conventus fiat egressio: nocturna ac furtiva e Monasterio, seu Conventu egressio, etiam non animo apostatandi facta: proprietas contravotum paupertatis, quæ sit peccatum mortale, juramentum falsum in judicio Regulari seu legitimo:

” procuratio, auxilium, seu consilium
” ad abortum faciendum post animatum foetum, etiam effectu non secuto: falsificatio manus, aut sigilli
” Officialium Monasterii, aut Conventus, furtum de rebus Monasterii, seu Conventus in ea quantitate, quæ sit peccatum mortale, lapsus carnis voluntarius opere consummatus:
” Occisio, aut vulneratio, seu gravis percussio cujusque personæ, malitiosum impedimentum, aut retardatio, aut apertio literarum a Superioribus ad inferiores, & ab inferioribus ad Superiores. Si quod aliud præterea peccatum grave pro Religionis conservatione, aut pro conscientia puritate reservandum videbitur, id non aliter fiat, quam Generalis Capituli in toto Ordine, aut Provincialis in Provincia matura discussione & consensu. Non liceat Superioribus Regularium confessiones subditorum audire, nisi quando peccatum aliquod reservatum admiserint, aut ipsimet subditi sponte, ac proprio motu ab iis petierint. Superiores in singulis domibus deputent duos, tres, aut plures Confessarios pro subditorum numero majori, vel minori, lique sint docti, prudentes, ac charitate præditi, qui a non reservatis eos absolvant, & quibus etiam reservatorum absolutio committatur, quando casus occurrerit, in quo eam debere committi, ipse imprimis Confessarius judicaverit. Tam Superiores pro tempore existentes, quam Confessarii, qui ad Superioritatis gradum fuerint promoti, caveant diligentissime, ne ea noticia, quam de aliorum peccatis in confessione habuerunt, ad exteriorem gubernationem utantur: licebit tamen Superioribus determinare poenitentias graves quibusdam peccatis, etiam non reservatis a Confessariis imponendas, quæ subditos ab hujusmodi perpetrandis cohibere possint. Atque ita per quoscunque Regularium Superiores, quicumque illi sint, observari mandavit. Non obstantibus Constitutionibus & Ordinationibus

(2) Extat hoc Decretum sub Urbani VIII. Constitutionibus 28.

" nationibus Apostolicis, ac cujusvis
 " Concilii, & etiam generalibus De-
 " cretis, nec non consuetudinibus,
 " etiam ab immemorabili tempore ob-
 " servatis, aut Regulis in Generalibus,
 " seu Provincialibus Capitulis editis, sta-
 " tutis, & consuetudinibus, etiam Apo-
 " stolica autoritate confirmatis, pri-
 " vilegiis, indultis, & concessionibus
 " quorumcunque, quorum tenores
 " hic pro expressis haberi voluit, cæ-
 " terisque in contrarium facientibus
 " quibuscunque. Datum Romæ apud
 " S. Petrum, die 26. mensis Maji an-
 " no Domini 1593."

§. III. *Superiore facultatem a casibus reserva-
 tis absolvendi negante, Confessarius ab-
 solvere potest.*

" Sanctitas sua deinceps declara-
 " vit, & declarat, ut si hujusmodi Re-
 " gularium Confessariis casus alicujus
 " reservari facultatem petentibus, Su-
 " perior dare noluerit, possint nihilo-
 " minus Confessarii illa vice Peniten-
 " tes Regulares, etiam non obtenta a
 " Superiore facultate, absolvere."

§. IV. *Confessarii Monialium sunt ap-
 probandi.*

Porro & GREGORIUS XV. (a)
 declarat, nullum Sacerdotem sæcula-
 rem, vel cujusvis Ordinis, vel Institu-
 ti Regularem, etiam Superiorem, &
 quomodolibet exemptum, licet Epi-
 scopali autoritate ordinaria ad sæcula-
 rium confessiones excipiendas appro-
 batum, ullarum cujuscunque Ordinis
 Monialium, quantumvis exemptarum,
 aut sibi, vel ejusdem Ordinis Superio-
 ribus subjectarum, confessiones, sive
 ordinarias, sive extraordinarias audire
 posse, nisi speciatim ad id fuerit ante
 ab Episcopo Diocesano approbatus,
 quam declarationem cum plurima
 contineat Regularibus præcipue cogni-
 tu necessaria, subjungendam duximus
 & publicandam.

CAPUT XIII.

GREGORIUS EPISCOPUS,
 SERVUS SERVORUM DEI, AD PER-
 PETUAM REI MEMORIAM.

§. I. *Ad Ecclesiastica Sacramenta ministran-
 da, & in Monasteriis Monialium ver-
 bum DEI prædicandum idonei
 assumantur.*

" INscrutabili DEI providentia uni-
 " versalis Ecclesiæ regimini, &c."

CAPUT XIV.

§. I. *Dubia ex prædicta Constitutione orta
 solvantur a sacra Congregatione.*

Ortis subinde super præinserta Con-
 stitutione GREGORIANA du-
 biis, sacra Congregatio Cardinalium
 ad dubia Concilii Tridentini declaran-
 da Deputatorum consulta respondit in
 hæc verba: " Sacra Congregatio Car-
 " dinalium Concilii Tridentini inter-
 " pretem, censuit Constitutionem san-
 " mem. GREGORII XV. (b) de ex-
 " emptorum privilegiis, nequaquam
 " subijcere Regulares exemptos, qui-
 " bus cura animarum personarum sæ-
 " cularium non incumbit, Episcopo-
 " rum jurisdictioni in his, quæ Sacra-
 " mentorum administrationem concer-
 " nunt, nisi cum in Sacramentis per-
 " sonis sæcularibus administrandis ii-
 " dem Regulares delinquant."

§. II. *Quenam altaria Ecclesiarum Regula-
 rium visitare possit Episcopus.*

*Ad primum propterea dubium, An
 liceat Episcopis visitare altaria Regula-
 rium Ecclesiarum, quibus cura ani-
 marum personarum sæcularium non in-
 cumbit, aut loca, ubi in eisdem Eccle-
 siis asservatur Sanctissimum Eucharis-
 tiæ Sacramentum, vel ubi audiuntur
 confessiones personarum sæcularium?*
 Respondit: " Episcopis non licere in
 " vim ejusdem Constitutionis visitare
 " altaria Ecclesiarum Regularium, qui-
 " bus non incumbit animarum cura
 " personarum sæcularium, nec loca,
 " ubi in eisdem Ecclesiis asservatur
 " Sanctissimum Eucharistiæ Sacramen-
 " tum, vel ubi confessiones persona-
 " rum sæcularium audiuntur."

§. III.

(a) Constit. 18.

(b) Tom. 3. Bullarii post Gregorii XV. Papæ Constit. 18.

§. III. *Quid eisdem circa confessiones audien-
das præscribere valeat.*

Ad secundum, An Episcopi possint Regularibus præscribere, ut certis tantum in locis, ac temporibus, aut certarum personarum confessiones audiant, vel alias illorum privilegia restringere, ac moderari in Sacramentis administrandis? Respondit: "Hac in parte Constitutionem nihil novi juris induxisse, nec ullam novam auctoritatem Episcopis in Regulares attribuisse: id vim ipsius Constitutionis non posse Episcopos Regularibus præscribere, ut certis tantum in locis, ac temporibus, aut certarum personarum confessiones audiant, vel alias illorum privilegia in Sacramentis administrandis restringere, aut moderari. Quod si aliunde Episcopis hujusmodi facultas competat, illam non fuisse ab eadem Constitutione sublatam."

§. VI. *An facultas hæc extendatur in personas nullius Diœcesis.*

Ad tertium, An facultas Episcopis per Constitutionem attributa in exemptos, tam sæculares, quam Regulares, intelligatur etiam tributa in personas nullius Diœcesis? Censuit "ejusmodi facultatem non intelligi tributam Episcopis in personas nullius Diœcesis."

§. V. *An competat aliis Prælati.*

Ad quartum, An eadem facultas competat aliis inferioribus Prælati proprium territorium, ac jurisdictionem quasi Episcopalem habentibus? Respondit: "Non competere."

§. VI. *An per Gregorianam jus confirmandi Abbatissas Episcopis attributum sit.*

Ad quintum, An per eandem Constitutionem in illis verbis: "Possit Episcopus, una cum Superioribus Regularibus quarumcunque Abbatissarum electionibus per se, vel per alium interesse, ac præsidere," jus Abbatissas confirmandi Episcopis attributum censeatur? Respondit: "Jus confirmandi Abbatissas minime fuisse

"se Episcopis per Constitutionem attributum."

§. VII. *An omnes Confessores Monialium ad petendam approbationem Episcopalem, & subeundum examen obligentur.*

Ad sextum, An Confessores Monialium ante editam constitutionem deputati debeant ab Episcopo examinari, & approbari? Respondit: "Confessores quidem extraordinarios Monialium nullatenus posse post Constitutionem, illarum confessiones audire, nisi prius ab Episcopo Diœcesano idonei judicentur, & approbentur. Ordinarios vero Confessores ante Constitutionis publicationem deputatos posse, durante triennio ab eorum deputatione inchoando, pergere in confessionibus Sanctimonialium audiendis, absque alio examine, & approbatione Episcopi; quod si contingat, ut illorum facultas a Sede Apostolica ultra triennium prorogetur, tunc debere eos ab Episcopo examinari, & approbari."

§. VIII. *Quid de Superioribus Regularibus ante publicationem Constitutionis deputatis statuendum sit.*

Ad septimum, An Superiores Regulares similiter ante ipsius Constitutionis publicationem electi, seu deputati, alia indigeant Episcopi approbatione, pro confessionibus Sanctimonialium sibi subiectarum audiendis? Respondit: "Superiores electos, seu deputatos ante ipsius Constitutionis publicationem, quibus alioquin facultas comperat audiendi confessiones Monialium sibi subiectarum, posse, durante eorum officio, pergere sine alia Episcopi approbatione, in confessionibus audiendis illarum tantum, quæ sponte, ac proprio motu id ab iis petierint. At vero, eos, qui post Constitutionem eligentur, aut quoquo modo deputabuntur, vel qui in eorum Officiis, seu dignitatibus, expleto jam tempore a Constitutionibus cujusque Ordinis, vel alias legitime præfinito, ad aliud tempus confirmabuntur, nequaquam posse Sanctimonialium confessiones audi-

"dire, nisi prius a Diecefano Episcopo idonei iudicati, atque approbati fuerint."

§. IX. *An confessiones ab illis post publicationem exceptæ nullæ sint.*

Ad octavum, An confessiones, quas audiunt Superiores Regulares electi, seu deputati, vel confirmati, post publicationem, & scientiam tenoris dictæ Bullæ, non obrenta Episcopi approbatione sint nullæ, atque irritæ, nec ne? Respondit; "Confessiones hujusmodi nullas, atque irritas esse."

§. X. *An generaliter approbati pro confessionibus, Monialium confessiones etiam audire possint.*

Ad nonum, An Regulares generaliter ab Episcopo approbati ad confessiones personarum secularium audient, censeantur etiam approbati ad audiendas confessiones Monialium sibi subiectarum? Respondit; "Regulares generaliter ab Episcopo approbati ad confessiones personarum secularium audient, nequaquam censeri approbati ad audiendas confessiones Monialium sibi subiectarum, sed egere quoad hoc speciali Episcopi approbatione."

§. XI. *An approbatus ad audiendas confessiones Monialium unius Monasterii, alterius audire valeat.*

Ad decimum, An Regularis ad audiendas confessiones Monialium unius Monasterii ab Episcopo approbatus, confessiones Monialium alterius Monasterii audire possit? Respondit; "Regularis ad audiendas confessiones Monialium unius Monasterii ab Episcopo approbatus, minime posse audire confessiones Monialium alterius Monasterii."

§. XII. *An pro una vice approbati, absque nova licentia pluries Monialium confessiones audire possint.*

Ad undecimum, An Confessores Regulares extraordinarii semel ab Episcopo deputati, & approbati ad audiendas Monialium confessiones pro una vice infra annum, ad præscriptum sacri Concilii Tridentini, possint virtute

Tomus IX. Concilior. German.

dictæ approbationis pluries, tanquam Confessores extraordinarii, earundem confessiones audire, absque nova Episcopi licentia? Respondit; "Confessiones extraordinarias semel deputatos, atque approbatos ab Episcopo ad Monialium confessiones pro una vice audiendas, haud posse pluries, in vim approbationis ejusmodi, illarum confessiones audire, sed ab Episcopo toties esse approbandos, quoties casus deputationis contigerit."

§. XIII. *An Episcopus causam amotionis Confessorum, & Administratorum Superioribus Regularibus significare obligetur.*

Ad duodecimum. Cum in eadem Constitutione statutum sit, ut liceat Episcopo ex rationabili causa Superiores Regulares admonere, ut amoveant Confessores Monialium, atque Administratores bonorum, ad earundem Monialium Monasteria pertinentium, iisque Superioribus id facere detestantibus, habeat Episcopus facultatem prædictos Confessores, & Administratores amovendi, quoties, & quando opus esse judicaverit, an ejusmodi causam Episcopus Superioribus Regularibus significare teneatur? Respondit; "Non teneri ejusmodi causam significare Superioribus Regularibus, sed hoc relinqui arbitrio, & prudentiæ Episcoporum, quorum conscientiam sacra Congregatio serio oneravit, ne facultate sibi in hac parte attributa quoquo modo abutantur, ejus rei in districto DEI iudicio rationem reddituri."

§. XIV. *An jurisdictio Episcopalis contra Religiosos in omnibus delictis sit fundata.*

Ad decimum tertium. An eadem Constitutio, qua parte supponit Episcopi jurisdictioni Regulares delinquentes circa personas degentes intra septa Monasteriorum Monialium, aut circa clausuram, vel bonorum administrationem eorundem Monasteriorum, habeat locum in omnibus delictis, an vero solum in notoriis, & cum scandalo populi? Respondit; "Constitutionem habere locum in omnibus delictis,

R r r r r

" Etis, non autem in notoriis tantum,
" & cum populi scandalo."

§. XV. *Decreta Congregationis Apostolica auctoritate confirmata.*

Quæ sacræ Congregationis responsa ad se relata fel. recordat. GREGORIUS XV. & URBANUS VIII. in omnibus approbarunt.

§. XVI. *Quando pariri possit Regulares ad electionem Abbatissæ non præmonito, vel non expectato Episcopo procedentes.*

Exorto etiam dubio, an liceat Episcopo in vim Constitutionis GREGORII XV. de exemptorum privilegiis, punire Regulares, qui ad Abbatissæ electionem procedunt, ante tempus ipsi Episcopo significatum, aut die electionis eidem nullatenus prænuntiata? Sacra Congregatio Cardinalium Concilii Tridentini Interpretum Respondit: " Regulares ex eadem Constitutione
" ita demum teneri Episcopo significare diem electionis Abbatissæ, eumque usque ad præfixitum tempus expectare, si antea expresse ipse declaraverit, se uti velle facultate sibi hac in parte attributa, Abbatissarumque electionibus per se, vel per alium interesse, ac præsidere. Post eam vero declarationem licere Episcopo animadvertere in Regulares, qui ante tempus significatum, aut die electionis eidem non prænuntiata, ad Abbatissæ electionem procedunt."

§. XVII. *INNOCENTIUS X. Gregorianam Constitutionem, & Cardinalium Declarationes confirmavit.*

Præmissæ etiam Cardinalium Declarationes, & GREGORII XV. Constitutio, ex INNOCENTII X. (c) Summi Pontificis Constitutione in causa Angelopolitana jurisdictionis in Indiis Occidentalibus novæ Hispaniæ, non tantum roborantur, sed & alia complura notatu digna dubia huc spectantia resolvuntur, cujus proinde verba subjicimus.

CAPUT XV.

§. I. *Controversie inter Episcopum Angelopolitanum, & Religiosos Societatis JESU, super munere prædicationis, & secularium confessionibus.*

" CUM, sicut accepimus, aliquæ
" fuerint ortæ differentiæ, inter
" Venerabilem Fratrem JOANNEM
" Episcopum Angelopolitanum sive
" populi Sanctorum Angelorum in Indiis Occidentalibus ex una, & dilectos filios Clericos Regulares Societatis JESU ex altera partibus; de,
" & super munere prædicationis verbi
" Dei tam in propriis eorundem Clericorum Regularium, petita solum
" Episcopi benedictione, quam in alienis Ecclesiis petita, & obtenta ab eodem Episcopo Diocesano licentia exercendi; nec non super confessionibus Laicorum audiendis prævio examine, sive approbatione ejusdem
" Episcopi Diocesani, quæ dicti Clerici Regulares in vim privilegiorum prædictæ Societati, Apostolica auctoritate concessorum, sibi proprio jure licere prætendebant, & desuper in partibus fuerit deventum ad plures actus judiciales, & pro parte Clericorum Regularium hujusmodi ad electionem Conservatorum privilegiorum hujusmodi: Nobisque tam dicti JOANNIS Episcopi, quam eorundem Clericorum Regularium nomine, pro sopiendis differentiis hujusmodi quædam dubia decisionem differentiarum præfatarum, nec non jurisdictionem Ordinariorum in exemptos, & ipsorum Clericorum Regularium exemptionem a jurisdictione Ordinarii concernentia fuerint proposita, ad quæ ambæ partes responderi, & quid desuper observandum sit, auctoritate nostra Apostolica statui, & stabiliri desiderabant."

§. II. *A Summo Pontifice examinanda committuntur Cardinalibus, aliisque Prælatibus.*

" Nos qui omnium fidelium, & præsertim Ecclesiasticorum quieti libenter incumbimus, differentias prædictas

(c) Tom. 4. Bullarii, Conf. 30.

” dictas, totumque negotium particu-
 ” lari Congregationi aliquorum Ve-
 ” nerabilium Fratrum nostrorum S. R.
 ” E. Cardinalium, & dilectorum Ro-
 ” manæ Curiae Prælatorum examinan-
 ” dum commissimus, qui auditis sæ-
 ” pius Procuratoribus prædicti JO-
 ” ANNIS Episcopi; nec non Procu-
 ” ratoræ generali Societatis prædictæ,
 ” negotio mature discussio, omnibus
 ” dubiis, & petitionibus hinc inde
 ” propositis responderunt, prout se-
 ” quitur; videlicet: ”

§. III. *Quid desuper responderunt.*

” Sacra Congregatio a Sanctissi-
 ” mo Domino nostro deputata super
 ” controversiis vententibus inter Epi-
 ” scopum Angelorum in Indiis Occi-
 ” dentalibus, & Religiosos Societatis
 ” JESU, sæpius auditis Procuratori-
 ” bus ab eodem Episcopo ad urbem
 ” ablegatis; nec non ipsius Societatis
 ” Procuratore generali, negotioque
 ” accurate discussio, censuit prædictos
 ” Religiosos nequaquam posse in Ci-
 ” vitate, & Diocesi Angelopolitana
 ” personarum sæcularium confessiones
 ” audire, sine approbatione Episcopi
 ” Diocesani, nec verbum Dei prædi-
 ” care in Ecclesiis sui Ordinis, non
 ” petita ipsius benedictione, nec in
 ” aliis Ecclesiis sine ejus licentia, nec
 ” in Ecclesiis, etiam sui Ordinis, ipso
 ” contradicente, & contravenientem
 ” ab Episcopo, tanquam Sedis Apo-
 ” stolice delegato, coerceri, & puni-
 ” ri posse, etiam censuris Ecclesiasti-
 ” cis, in vim Constitutionis sancti
 ” mem. GREGORII XV. quæ inci-
 ” pit: *Inscrutabili DEI providentia*, Ac
 ” proinde memoratis Religiosis, qui
 ” hujusmodi approbationem, ac licen-
 ” tiam se obtinuisse non docuerint, po-
 ” tuisse Episcopum, seu ejus Genera-
 ” lem Vicarium præcipere sub pœna
 ” excommunicationis lata sententiæ,
 ” ut a confessionibus audiendis, & ver-
 ” bi Dei prædicatione abstinere, nec
 ” ob eam causam licuisse dictis Reli-
 ” giosis, quasi a manifestis injuriis, &
 ” violentiis eligere Conservatores, eos-
 ” que, ut præfertur, electos, in Epi-
 ” scopum, ejusque Vicarium Genera-
 ” lem indebite, ac nulliter excommu-

Tomus IX, Concilior, German.

” nicationem fulminasse. Cæterum S.
 ” Congregatio serio in Domino horta-
 ” tur, ac monet Episcopum, ut Chri-
 ” stianæ mansuetudinis memor, erga
 ” Societatem JESU, quæ laudabili suo
 ” Instituto in Ecclesia Dei tam fructuo-
 ” se laboravit, ac sine intermissione la-
 ” borabat, paterno se gerat affectu,
 ” eamque in regimine Ecclesiæ suæ
 ” perutilem adjutricem agnoscens, be-
 ” nigne foveat, ac pristinæ suæ beno-
 ” volentiæ restituat; quemadmodum
 ” sacra Congregatio ipsum facturum
 ” confidit, sibi quoque certo pollicetur,
 ” cum ejus zelum, pietatem, ac Pa-
 ” storalem sollicitudinem compertam
 ” habeat. Datum Romæ die 16. April.
 ” anno 1648. ”

§. IV. *Ac diversa dubia hinc inde proposita resolverunt.*

” Et præmissorum occasione pro
 ” parte prædicti JOANNIS Episcopi,
 ” nec non Religiosorum Societatis
 ” JESU in eadem Congregatione pro-
 ” posita fuerunt diversa dubia, de man-
 ” dato Sanctissimi resolvenda, quæ
 ” quidem sacra Congregatio sæpius au-
 ” ditis Procuratoribus ab eodem Epi-
 ” scopo ad urbem missis; nec non Pro-
 ” curatore Generali ipsius Societatis,
 ” negotioque mature perpenso, ad fin-
 ” gula dubia ab utraque parte propo-
 ” sita, respondit ordine, quo sequi-
 ” tur. ”

§. V. *Dubia ex parte Episcopi Angelo-
 politani.*

Primo. An in casu, quo Episcopus
 præcipiat Decreta aliqua Concilii Tri-
 dentini a Regularibus observari, &
 executioni demandari, Regulares qui-
 cunque, etiam Societatis JESU, sub
 prætextu, quod hujusmodi præcepta
 infringant sua privilegia, possint elige-
 re Conservatores? Congregatio re-
 spondit; ” Si Episcopus præcipiat Re-
 gularibus, etiam Societatis JESU,
 ut Decreta aliqua Concilii Tridenti-
 ni observent, ac exequantur in illis
 casibus, in quibus per ipsum Conci-
 lium, vel Constitutiones Apostoli-
 cas Regulares exempti subjiunguntur
 jurisdictioni, & correctioni Episco-
 pi, minime licere ipsis Regularibus
 R r r r r 2 ob

" ob eam causam Conservatores eligere."

Secundo. An quando Ordinarius procedit juris ordine servato, adversus Regulares prædictos in casibus, in quibus per Concilii Tridentini, vel Constitutiones Apostolicas ipsi subji-ciuntur, possint Conservatores Judices assignare? respondit; " Ut ad primum, non posse."

Tertio. An Regularibus, etiam Societatis JESU, asserentibus se habere privilegia, quo minus obediant Episcopo in executione Decretorum Juris communis, Concilii Tridentini, Constitutionum Apostolicarum, Ordinarii debeant ipsis adhibere fidem absque exhibitione hujusmodi privilegiorum? respondit; " Ordinarios non teneri hujusmodi asseritioni fidem adhibere, absque integrali privilegiorum exhibitione."

Quarto. An in casu, quo Regulares quicunque, etiam Societatis JESU, exhibeant aliqua privilegia, & Ordinarii judicent ea non suffragari casui, de quo agitur, & ad rem non facere, Regulares præfati possint, & debeant provocare ad Summum Pontificem, vel in partibus Indiarum remotissimis ad Metropolitanum, sive Ordinarium viciniorem, vel potius possint hoc casu eligere Judices Conservatores? respondit; " Si verba privilegiorum sint obscura, & ambigua, non licere recurrere ad Metropolitanum, vel viciniorem Episcopum, nec Conservatores eligere, sed Summum Pontificem pro interpretatione esse ad-eundum."

Quinto. Utrum Constitutio fel. record. GREGORII XV. (d) circa Conservatores Regularium publicata anno 1621. cum declarationibus Eminentissimorum sacre Congregationis Concilii Tridentini Interpretum desuper editis, æque afficiat, & comprehendat Religiosos Societatis JESU, ac reliquos regulares, ita ut omnia alia prædictæ Societatis privilegia fuerint reducta ad terminos dictæ Constitutionis, & sic impostum debeant ab iis

eligi Conservatores, juxta formam, & tenorem prædictæ Constitutionis? respondit; " Hujusmodi Constitutionem cum declarationibus, ut prætenditur, editis, æque afficere Religiosos Societatis JESU, atque aliorum Ordinum, & Conservatores ad illius præscriptum esse eligendos, non obstantibus quibusvis privilegiis, quippe quæ omnia sunt redacta ad terminos ipsius Constitutionis."

Sexto. An Regulares prædicti gravati ære alieno, vel ad ratiocinia, vel testamentorum Executores, possint conveniri coram Ordinario, si Conservatores non nominaverint intra tempus habile ab Ordinario præscriptum? respondit; " Regulares in causis præfatis coram Ordinario loci esse convenientes, si ad præscriptum Constitutionis sanctæ mem. GREGORII XV. Conservatores non elegerint, ipsumque electionis documentum intra præfixitum tempus in actis Curie ipsius Ordinarii non exhibuerint, ac dimiserint."

Septimo. An dicti Regulares, Conservatores sive ad jura, sive ad privilegia tuenda assumentes, teneantur ante exercitium Commissionis præfate cautionem coram Ordinario, sive alio Judice competente, de judicio sisti, & judicatum solvendo, casu quo in lite sive causa succubuerint? respondit; " Non teneri."

Octavo. An quando Episcopi jura, vel decimas Cathedralium adversus Regulares prædictos dote sua spoliantes Ecclesias coram Judice competente tuentur, librosque, memorialia, & allegationes producant, jus Ecclesiarum Cathedralium exprimentes, & acquisitiones religiosorum, aliaque id generis adnumerantes, hujusmodi scriptorum occasione possint regulares nominare Conservatores, prætendentes injuriam sibi inferri, in referendo immoderatas acquisitiones? respondit; " Si Episcopi pro tuendis juribus Cathedralium Ecclesiarum coram Judice competente hujusmodi scripta producant, & regularium immoderatas

" ratas acquisitiones veraciter, & mo-
 " deste referant, non licere regulari-
 " bus ob eam causam ad Conservatores
 " recurrere."

Nono. Utrum Regularis quicunque, etiam Societatis JESU, possit administrare Sacramentum Pœnitentiæ sæcularibus absque licentia Episcopi Diœcesani, etiam si in aliena Diœcesi approbatus sit? respondit; "Regulares, etiam Societatis JESU, in una Diœcesi ab Episcopo approbatos ad confessiones personarum sæcularium audiendas, nequaquam posse in alia Diœcesi hujusmodi confessiones audire, sine approbatione Episcopi Diœcesani."

Decimo. An Episcopus contra dictos regulares audientes in sua Diœcesi confessiones sæcularium, absque sua approbatione, vel Concionatores absque licentia Episcopi intra, & extra proprias Ecclesias, possit procedere, eos a talibus ministeriis removendo, sive præceptis, & aliis juris remediis coercendo? respondit; "Eisdem regularibus, qui confessiones personarum sæcularium audiunt, sine approbatione Episcopi loci, vel prædicant in Ecclesiis sui Ordinis, non petita illius benedictione, aut in aliis Ecclesiis absque ipsius licentia, vel in Ecclesiis, etiam sui Ordinis, ipso contradicente, posse Episcopum in vim Constitutionis fel. record. GREGORII XV. quæ incipit: *Inscrutabili Dei providentia*, tanquam Sedis Apostolicæ delegatum, administrationem Sacramenti Pœnitentiæ, ac munus prædicationis interdicere, easque juris remediis coercere, & punire."

Undecimo. An quando Episcopo constat dictas licentias obtentas non fuisse, ipse possit præcipere, ut, donec licentiam intra præscriptum tempus exhibeant, a tali ministerio abstineant, & an requirendus sit per Episcopum pro his exhibendis Provincialis in alia Diœcesi, vel longissime existens, vel ipsi regulares Confessarii, vel eorum Superiores ejusdem Diœcesis, in qua prædicta exercent? respondit; "Posse Episcopum sic præcipere, nec pro hujusmodi licentiis requirendum

" esse Provinciale, sed satis esse ipsos
 " religiosos requirere, aut eorum Superiores in Diœcesi Episcopi existentes."

Duodecimo. An, si contingat, ut aliquis prædictorum regularium insurgat contra Episcopum in propria Diœcesi, maledictis, cum scripto, vel dicto populum scandalizando, possit ab Episcopo puniri, & qua animadversio; & quid si hujusmodi delinquens transiverit ad aliam Diœcesin, hoc casu servandum sit? & qua pœna puniendus sit regularis, qui commorans in una Diœcesi spargat famulos libellos contra Ordinarium alterius Diœcesis? respondit; "Si regularis intra claustra degens, extra ea in casibus in dubio expressis, ita notorie deliquerit, ut populo scandalo sit, Episcopo instante teneri Superiorem regularem, infra tempus ab Episcopo præsentem, severe illum punire, ac de punitione Episcopum certiores facere: alioquin sic delinquentem ab Episcopo puniri posse, ad præscriptum Concilii Tridentini *Cap. 14. Sess. 25. de Regul.* Quod si delinquens ad aliam Diœcesim migraverit, servandum esse, quod præcipitur in Constitutione sanctæ mem. CLEMENTIS VIII. (e) incipiente: *Suscepti muneris ratio.*

Decimo tertio. An Conservatores nominati, & electi a Regularibus prædictis, ante exercitium suæ jurisdictionis, teneantur authenticum documentum exhibere coram Ordinario, sub pœna nullitatis actuum? respondit; "Utique teneri."

Decimo quarto. An privilegia, quæ sunt contra jurisdictionem Ordinarii, & quibus gaudent, & gaudere prætendunt regulares prædicti, debeant Episcopis notificari, sive insinuari? respondit; "Regulares teneri hujusmodi privilegia Episcopo exhibere, si eis uti voluerint."

Decimo quinto. An prædia rustica, metallorum fodinæ, saccari officinæ a Regularibus Societatis, vel aliis possessa, vel aliæ domus sæculares, in quibus videlicet, unus, vel duo regulares

Rrr rrr 3

tantum

(e) Tom. 3. Bullarii, Constit. 39.

tantum commorantur, gaudeant privilegio Collegiorum, seu Conventuum? respondit; "Non gaudere."

Decimo sexto. Utrum Regulares prædicti apothecas quarumcunque mercium, macella, & similia, præsertim prope Collegia, sive Conventus exercentes, possint ab Ordinario sub censuris inhiberi, ne hujusmodi exerceant? respondit; "Non posse Episcopum hoc prohibere Regularibus exemptis, sed si in præmissis ita notorie delinquant extra claustra, ut populo scandalo sint, servandum esse, quod dictum est supra in responsione ad duodecimum."

Decimo septimo. Utrum Regulares, etiam Patres JESUITÆ, in suis prædiis, opificinis, aliisque suis domibus secularibus, sitis intra limites Parochialium ad se non spectantium, possint administrare Sacramentum Baptismatis, solemnis Matrimonii, Extremæ Unctionis, & Eucharistiæ in Festo Paschatis, famulis, mercenariis, rusticis, sive aliis id genus hominibus secularibus, absque Ordinarii vel Parochi licentia? respondit; "Non posse."

Decimo octavo. Utrum Patres Societatis in Civitatis, & Dicecesi Angelorum possint conservare vasa sacra, Altaria, & similia, in quibus unctio requiritur? respondit idem; "Non posse."

§. VI. *Dubia pro parte Religiosorum Societatis JESU.*

Pro parte Religiosorum Societatis JESU proposita fuerunt infra scripta dubia:

Primo. An Episcopi in partibus Indiarum possint ex integro totum unum Monasterium vel Collegium ab audiendis confessionibus suspendere? respondit; "Episcopos Indiarum posse quidem omnibus simul unius Monasterii, vel Collegii Confessariis admere facultatem audiendi confessiones personarum secularium, etiam inconsulta sacra Congregatione Episcoporum & Regularium negotiis præposita, cum Decretum ab ea editum sub die 20. Novembris 1615. ex intentionis defectu, & convenientia

"morali non extendatur ad Regiones illas, tam longe ab urbe distitas. Verum ab hac generali suspensione, quæ vix sine scandalo, & animarum pernicie contingere potest, abstinendum esse Episcopis, nisi gravissima subsistente causa, super quo sacra Congregatio illorum conscientias graviter voluit esse oneratas."

Secundo. An Episcopus Regularem pro confessionibus semel approbatum, sine nova causa suspendere possit ab ipsis confessionibus audiendis? Respondit; "Regulares alias libere ab Episcopo, prævio examine approbatos ad audiendas confessiones personarum secularium, ab eodem Episcopo suspendi non posse, sine nova causa, eaque ad confessiones ipsas pertinet."

Tertio. An Bulla PII V. 34. in ordine Tom. 2. Bullarii concessa, instante, & supplicante Serenissimo Rege Catholico, non ad peritionem Regularium sit revocata, in Bullis Summorum Pontificum, in quibus exemptiones Regularium mitigantur? Respondit; "Agendum cum Sanctissimo, an velit declarare Bullam non esse revocatam: illam tamen non suffragari, nisi in locis, ubi est defectus Parochorum."

Quarto. An Episcopus possit cum censuris procedere contra Regulares exemptos, si inobedientes fuerint in confessionibus audiendis, vel prædicatione verbi Dei, & hoc, an vigore Concilii Tridentini, vel per quem Canonem? Respondit; "Posse procedere, non quidem in vim Concilii Tridentini, sed in vim Constitutionis GREGORII XV. quæ incipit: *Inscrutabili Dei providentia.*"

Quinto. An licentia audiendi Confessiones, & prædicandi, ab Episcopo per literas missivas, an solum per literas patentes Cancellariæ concedi possit? Respondit; "Posse concedi, etiam per literas missivas, vel oretenus, si ita Episcopo videbitur."

Sexto. An talis licentia oretenus sine scriptis concedi possit? Respondit; "ut ad proximum."

Septimo. An facultas eligendi Conservatores concessa Societati a GREGORIO XIII. suffragetur illis in locis, in quibus non adsunt Judices Synodales? Respondit; " Ubi non adsunt Judices Synodales, privilegium GREGORII XIII. non suffragari, quoad hoc, ut Societas non teneatur ex illis eligere Conservatores, dummodo tamen in reliquis servetur forma Constitutionis GREGORII XV. hac de re editæ. "

Octavo. An Conservatores Societatis, Vicarios Generales Episcoporum autoritate Apostolica per sententiâs, censuras, & pœnas Ecclesiasticas compellere possint virtute Bullæ GREGORII XIII. incipientis; *Equum reputamus*, &c. Datum ultima Februarii 1574. ? Respondit; " Posse a manifestis injuriis, & violentiis eos compescere, etiam censuris, & pœnis Ecclesiasticis. Datum Romæ die 16. Aprilis 1648. "

§. VII. Confirmantur præmissa.

" Quapropter ut præmissa firmius subsistant, & inviolabiliter observentur, Nobis pro parte JOANNIS Episcopi hujusmodi fuit humiliter supplicatum, ut illa autoritate Apostolica confirmare de benignitate Apostolica dignaremur. Nos igitur dicti JOANNIS Episcopi votis hac in re annuere, illumque specialibus favoribus, & gratis prosequi volentes, & eundem JOANNEM Episcopum a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium duntaxat consequendum, harum serie absolventes, & absolutum fore censentes, hujusmodi supplicationibus inclinati, præinserta responsa, seu resolutiones autoritate prædicta, tenore præsentium confirmamus, & approbamus, illisque Apostolicæ firmitatis vim, & robur adjicimus, & inviolabiliter observari mandamus, salva tamen semper in præ-

" missis autoritate dictæ Congregationis. "

§. VIII. Decretum irritans.

" Decernentes sic, & non aliter in præmissis per quoscunque Judices ordinarios, & delegatos, etiam causarum Palatii Apostolici Auditores, ac S. R. E. Cardinales, etiam de latere Legatos, judicari, & diffiniri debere, ac irritum, & inane, si quid secus a quoquam, quavis autoritate scienter, vel ignoranter contigerit attentari. "

§. IX. Clausula derogatoria.

" Non obstantibus Apostolicis, ac universalibus, Provincialibusque, & Synodalibus Conciliis editis, generalibus, & specialibus Constitutionibus, & Ordinationibus, nec non Ecclesiæ Angelopolitanæ, ac Societatis prædictæ, etiam juramento, confirmatione Apostolica, vel alia quavis firmitate roboratis statutis, & consuetudinibus, privilegiis quoque, indultis, & literis Apostolicis eidem Ecclesiæ, & Societati, sub quibuscunque verborum tenoribus, & formis, ac cum quibusvis, etiam derogatoriis derogatoriis, aliisque efficacioribus, & insolitis clausulis, ac decretis, etiam irritantibus, etiam motu proprio, ac etiam constitutorialiter, & alias quomodolibet in contrarium præmissorum quomodolibet concessis, confirmatis, & innovatis. Quibus omnibus, & singulis, etiam si pro sufficienti illorum derogatione, de illis eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores præsentibus pro plene, & sufficienter expressis haberi. illis alias in suo robore permansuris, ad effectum præmissorum specialiter, & expresse derogamus, ceterisque contrariis quibuscunque. Datum Romæ apud S. Mariam

" MARIAM Majorem sub annulo Pisca-
toris, die XIV. Maji M. DC. XLVIII.
" Pontificatus nostri anno quarto."

CAPUT XVI.

§. I. *Quales Monialibus præficiendi Con-
fessarii.*

ITaque deinceps Superiores omnes,
quibus cura Monasteriorum Sancti-
monialium incumbit, omni sollicitudine,
ac studio provideant, ut Monialibus ii
potissimum Confessarii ordinarii, seu
Directores a Nobis, nostro Vicario
in Spiritualibus Generali ad id specia-
tim approbati, assignentur, qui non
modo in casibus conscientie probe ver-
sati, sed etiam ætate proveci, mo-
rum integritate, ac discretione sint
probat.

§. II. *Monialibus ter in anno Confessarius ex-
traordinarius concedatur.*

Ut vero anxietati conscientiarum
subveniat, Decretis Conciliorum tam
Generalis Tridentini (f), quam Pro-
vincialium Colonienſium (g) inha-
rendo; volumus, ut cujusvis Mona-
sterii Sanctimonialium Superior, præ-
ter ordinarium ipsarum Confessarium,
minimum ter in anno offerat eis alium
extraordinarium sæcularem, aut Regu-
larem, a Nobis, vel nostro Vicario in
Spiritualibus Generali prius idoneum
judicatum, & ad id specialiter appro-
batum, cui omnes se fittere tenean-
tur, & confiteri, quæ voluerint, po-
terunt.

§. III. *Moniales extra Monasterium consti-
tutæ non absolvantur, nisi Ordinis sui
signum gerant.*

Confessarius Sanctimonialium,
quæ ex Monasteriis suis violentia ali-
qua sunt expulſæ, vel alias legitima
autoritate extra Monasterium suum
degunt, eas non absolvat, nisi dum
inter Catholicos morantur, capitis sal-
tem sui integumentum ex Regulæ, ac
Ordinis sui præscripto gerant, ac reli-
quo habitu humilitatem, ac contemp-
tum sæculi præferant. Hortentur

etiam eas, atque consiliis juvent, ut
silentium, solitudinem, fugam sæculi,
jejunia Ordinis, paupertatem, ac sub
idoneæ personæ directione obedi-
tiam, & reliqua Ordinis peculiaria Sta-
tuta, quantum fieri potest, servant,
habitationem pariter suam, si non in
Monasteriis, saltem apud DEI timore
præditos habeant, qui ipsas authorita-
te suo in Officio continere possint.

CAPUT XVII.

§. I. *Regulares frequenter communicent.*

Religiosi omnes, etiam Donati,
seu Oblati, & Conversi, quos
vocant, & quotquot Religionis habi-
tum gerunt, (b) si non frequentius,
singulis saltem mensibus, & celebri-
oribus præterea CHRISTI, Beatæ MA-
RIÆ, nec non præcipuorum Sanctorum
Ordinis, Civitatis, & Diœcesis nostræ,
quam incolunt, Patronorum Festivita-
tibus, Confessionem peccatorum faci-
ant, & Sacrosanctam Eucharistiam
sumant; ut eo salutari præsidio, ad om-
nes dæmonis oppugnationes fortiter
superandas se muniant, atque quod
eorundem vocatio vel maxime exigit,
tanquam Noë, Job, & Daniel, adver-
sus omnes ingruentes populo Dei mi-
serias, & ærumnas, ceu firmissimas ar-
ces sese opponant.

§. II. *Ministri Altaris quoties communicare
debeant.*

Ministri Altaris in minoribus Or-
dinibus constituti, non tantum singu-
lis mensibus, aliisque Festivitatibus,
sed singulis etiam diebus Dominicis
secundum Statuta Deceſſoris nostri
CONRADI Archi-Episcopi (i) com-
municent; decet enim eos, qui ad Sa-
cerdotium aspirant, & Sacris Operan-
ti ceu terrestres Angeli assistunt, ut
frequentiori Corporis Christi Commu-
nione se ad hoc sancte disponant.

CAPUT XVIII.

§. I. *Crebra ad Religiosos fiat exhortatio.*

Utilissima est ad perfectionem ac-
quirendam crebrior apud Reli-
giosos

(f) Sess. 25. de Regular. c. 10.
III. pag. 455. col. 2.
Sess. 25. de Regul. c. 10.

(g) Sub Hermanno V. pag. 396. c. 8. sub Adolpho
(b) Clem. Ne in agro. §. Sane. de statu Monach. Trid.
(i) Pag. 15.

giosos exhortatio, per quam cognoscant, quantumcunque in via perfectionis proficiant, semper tamen sibi superesse, quod quaerant, ne (ut ait D. LEO (k)) *ab itineris nondum finiti intentione cessantes, ibi incidant descendi periculum, ubi proficiendi deposuerint appetitum.*

§. II. *Eaque ad vitæ Regularis perfectionem potissimum dirigatur.*

Exhortationes, quæ ad Regulares tam viros, quam mulieres instituentur, ad perfectionem vitæ Regularis potissimum dirigantur: ut omnes scopum vitæ suæ, quæque ad eam perfectius instituendam requiruntur, eo melius insequantur.

§. III. *Lectio sacra adhibeatur in mensa.*

Huic quoque argumento accommodata sit lectio sacra, quæ tempore prandii, & cœnæ secundum Regulam, ac Statuta servanda est, leganturque libri spirituales, qui ad excitandum, & reficiendum Religiosorum spiritum præcipue conducunt.

§. IV. *Etiam in mensa Laicorum.*

Neque tantum ubi Sacerdotes, & Clerici, sed etiam ubi Religiosi Laici, seu Conversi sese reficiunt, adhibeatur lectio, aut si eodem cum Sacerdotibus loco comedant, sub finem, aut initium mensæ, ex pio aliquo libello Germanico capitulum legatur, ex quo & illi spiritualement capere queant utilitatem.

§. V. *Concionatores a quibus abstinere debeant.*

Contentiones, suggillationes, & altercationes a sугgestu plane absint; quamvis causæ earundem multæ, ac magnæ videantur; ex istis enim non solum Dei, populi que offensio, sed etiam cultus Divini oritur perturbatio. Proinde omnes verbi Dei Præcones ab obstinationibus, convitiis, & iis, ex quibus colligi posset particularis aliqua animi passio, aut alicujus ab aliquo commissi criminis reprehensio, omnino

abstineant. Quod si inter diversi Ordinis Religiosos, vel etiam inter Parochos, & Ordinum Regularium Concionatores aliqua exorta fuerit dissensio, (l) caveant, ne in concionando auditoribus suis ulla alienioris animi signa prodant (mirum enim, quantum sæculares homines offendat Religiosorum virorum discordia) sed utrique legitimos Superiores, aut arbitros Ecclesiasticos adeant, qui sua autoritate controversias amicabiliter componant.

CAPUT XIX.

§. I. *Dissidia inter Parochos, & Regulares tollantur.*

UT omnis inter Parochos, & Regulares dissidium, quæ in hac Germaniæ partibus ratione verbi Dei, & audiendæ Missæ, diebus Dominicis, & Festivis, nec non Communionis Paschalis hætenus exorta fuere, occasio præscindatur, necessarium & opportunum duximus iisdem in memoriam revocare Sanctionem SIXTI IV. Pontificis, (m) inter cætera statuentis in hæc verba: "Quod Fratres mentes non prædicent, populos Parochianos non teneri audire Missam in eorum Parochiis diebus Festivis, & Dominicis; cum jure sit cautum illis diebus Parochianos teneri audire Missam in eorum Parochiali Ecclesia, nisi forsitan ex honesta causa ab ipsa Ecclesia se absentarent &c. Quodque etiam ipsi Fratres in sermonibus eorum non detrahant Prælati, & Rectoribus Parochialium Ecclesiarum. Nec etiam populos a suarum Ecclesiarum Parochialium frequentia & accessu abstrahant, sive retrahant quoquo modo. Et vice versa ipsi Rectores, & Prælati aliquo modo non detrahant Mendicantibus, sed illum favorem, quem possunt, iis impendant, & in omnibus, & per omnia præstent, ita ut vera unitas, & perfecta charitas inter eos ostendatur &c. Injungentes Archiepiscopis, Episcopis, Plebanis, Rectoribus

(k) Serm. 2. Quadrag.

(l) Conc. Prov. Colon. sub Hermanno V. pag. 360. c. 8.

(m) C. Vices. de Treuga & pace. X. inter com. Trid. Sess. 22. in Decreto de observ. in celebrat. Missæ. §. Moneant. & Sess. 24. de Refor. c. 4. §. Moneatque Episcopus.

"ribus, Curatis, nec non Prioribus,
"Guardianis, & singulis Fratribus Or-
"dinum Mendicantium sub pœna ex-
"communicationis latæ sententiæ,
"quam contrafacientes, & quemlibet
"eorum contrafacientem incurrere vo-
"lumus eo ipso, a qua absolvi ne-
"queant, nisi de expresso consensu
"partis læsæ, & debita satisfactione
"prævia, inviolabiliter observent, &
"quantum in iis est, ab aliis observari
"faciant "

§. II. *Decretum CLEMENTIS VIII.*
quod observari mandatur.

Exorta hac super re in Belgio in-
ter Parochos, & Regulares controver-
sia CLEMENS VIII. Papa, Octavio
Frangipano Mirtho, suo & Apostolicæ
Sedis per Germaniam inferiorem, &
Belgarum Provincias Nuntio, rescripsit
sequenti tenore: "Venerabilis Frater,
"Salutem & Apostolicam Benedictio-
"nem. Significatum fuit Nobis nu-
"per, non sine gravi animi nostri mo-
"lestia, nuper in Oppido Duacensi,
"Atrebatensis Diœcesis, nonnullos Pa-
"rochos maximo cum fidelium scan-
"dalo, tum docendo, & concionando,
"tum omnes reprehensionibus, & cen-
"surarum Ecclesiasticarum commina-
"tionibus perterrendo, Christi fideles
"avertere, ne Festis diebus ad Eccle-
"sias Fratrum Ordinis Mendicantium,
"atque Collegii Societatis JESU, pro
"Missis audiendis accedere, & ne etiam
"Quadragesimali & Paschali tempore
"Fratribus dictorum Ordinum, ac
"Presbyteris Societatis JESU peccata
"sua confiteri possent, ausos fuisse:
"affirmantes ipsis Christi fidelibus tam
"de jure, quam de consuetudine pro-
"hibitum esse, in aliis, quam Pa-
"rochialibus Ecclesiis, Missas diebus Fe-
"stis audire: nec licere illis Quadra-
"gesimali, & Paschali tempore aliis,
"præterquam propriis Parochis pec-
"cata sua confiteri; unde maximam
"in fidei populo exortam fuisse ani-
"morum perturbationem accepimus.
"Contra enim Fratres Ordinis Prædi-
"catorum, & Conventualium, ac Pres-
"byteri dictæ Societatis, privilegiis
"Apostolicis suffulti, tum privatim,
"tum publice in concionibus contra-

"rium usum in Ecclesia Dei receptum,
" & permissum, ac a S. Patribus, Oe-
"cumenicisque Conciliis approbatum
"defendere conati fuerunt. Rem au-
"tem eo protractam fuisse intellexi-
"mus, ut graves inde dissensiones
"inter dictos Parochos, & Presbyte-
"ros Societatis JESU subortæ fuerint.
"Quod autem Nos gravius affecit,
"illud inprimis fuit, quod Venerabi-
"les Fratres, Archi-Episcopus Came-
"racensis, & Episcopus Atrebatensis,
"inconsulta Sede Apostolica, nego-
"tium hoc in disceptationem, tum
"etiam in iudicium fortaffis apud sæ-
"cularem Curiam deduxerunt. At
"Nos, ne graviora scandala suborian-
"tur, paterne consulere, & celeri re-
"medio prospicere volentes: causam,
" & causas hujusmodi, si quæ coram
"quocunque Judice introducta repe-
"riantur, ad Nos harum serie avo-
"cantes, illasque penitus extinguen-
"tes, ac perpetuum desuper tum Pa-
"rochis, tum aliis prædictis silentium
"imponentes præsentî nostro Decreto
"sancimus, licere Sæcularibus, Chri-
"stique fidelibus univèrsis libere Mis-
"sas diebus Dominicis, & aliis majo-
"ribus Festis audire in Ecclesiis tam
"Fratrum Prædicatorum, quam alio-
"rum Mendicantium, nec non etiam
"Collegii Societatis JESU juxta illo-
"rum privilegia, & antiquas consue-
"tudines, dummodo in contemptum
"Parochialium Ecclesiarum non fa-
"ciant. Et tam dictis Fratribus Præ-
"dicatoribus, & Presbyteris dictæ So-
"cietatis, quam aliis privilegiatis præ-
"dictis, quibus id a Sede Apostolica
"indultum est, idoneis tamen, & ab
"Ordinario approbatis peccata sua
"etiam Quadragesimali, & Paschali, &
"quovis alio tempore confiteri licite
"posse: dummodo tamen iidem Chri-
"sti fideles Sacramentum Eucharistiæ
"die Festo Paschatis Resurrectionis,
"in propria Parochia, ab eodem Pa-
"rocho sumant. Proinde tibi per præ-
"sentes committimus, & mandamus,
"ut præsens nostrum Decretum præ-
"dictis Archi-Episcopo Cameracensi,
" & Episcopo Atrebatensi notum fac-
"cias; iisdemque auctoritate Aposto-
"lica mandes, ut illud in prædicto
"Oppi-

» Oppido Duacensi, & ubicunque opus
 » fuerit, publicari, & observari faciant:
 » utque Parochos in eorum officio
 » contineant, illosque ab avocatione
 » populi ab Ecclesiis privilegiatorum,
 » ac etiam a propositionibus, quibus
 » tollitur populo libertas audiendi
 » Missas in Ecclesiis privilegiatorum
 » supradictis diebus, ac confitendi pec-
 » cata sua, etiam in Paschate, ipsis pri-
 » vilegiatis, abstinere faciant. Ipsis
 » vero privilegiatis eadem autoritate
 » præcipias, ut in concionibus, & Ca-
 » techismis populum ipsum, tum ad
 » reverentiam Parochorum, tum ad
 » eorum Missas, præsertim Dominicis,
 » & aliis solemnibus Festis diebus au-
 » diendas: tum ad decimas, resque
 » alias Ecclesiis debitas solvendas fre-
 » quenter moneant, & adhortentur.
 » Ac denique omnem huiusmodi con-
 » troversæ occasionem præscindere,
 » & tollere, & Christi fidelium ani-
 » mos ad unionem, & quietem tradu-
 » cere cures: omniaque præmissa pub-
 » licari, & exequi, adjectis etiam cen-
 » suris Ecclesiasticis, & aliis tibi bene
 » visis poenis, opportunisque omni-
 » bus juris, & facti remediis adhibitis,
 » mandes, & facias. In contrarium
 » facientibus non obstantibus quibus-
 » cunque. Datum Romæ apud S. Pe-
 » trum, sub annulo Piscatoris, die 22.
 » Decembris 1592. Pontificatus nostri
 » anno primo." Etsi autem non mi-
 » nus Regulares, quam Sæculares tam
 » salutaribus ordinationibus merito pa-
 » rere debuissent, graviter tamen acce-
 » pimur, Regularium aliquos in Urbe,
 » & Dicecesi nostra non solum clandesti-
 » nis persuasione Parochianos a suis
 » Parochis, & Parochia, ab auditione
 » verbi Divini, & Missa suarum Parochia-
 » rum, diebus Dominicis, & Festivis,
 » Communionem quoque Paschali abstra-
 » here, sed & Pastoribus in faciem re-
 » sistere, & publice ex suggestu prædi-
 » care, neminem Parochianorum unquam
 » teneri in sua Parochia verbum Dei, &
 » Missam audire, neque Communionem
 » Paschalem ibidem sumere, ita ut ali-
 » qui e Parochianis hac persuasione moti,
 » intra tres, vel quatuor annos in Eccle-
 » sia sua Parochiali non videantur; imo
 » eo audaciæ, procedere, ut a nostris,

Tomus IX. Concilior. German.

Nobisque immediate subiectis Pastori-
 bus doctrinam e suggestu traditam,
 carpere, & sugillare; vitam etiam eo-
 rundem, & mores reprehendere au-
 deant. Quod cum non sit aliud, quam
 Sanctionibus Apostolicis reniti, autho-
 ritatem nostram vilipendere, Ecclesiæ
 Hierarchiam dissolvere, oves a suo
 Pastore alienare, Pastores in partem
 oneris a Nobis vocatos confundere, &
 eorum jura, auctoritatemque convellere.
 Hinc in vim prædictarum Con-
 stitutionum Apostolicarum omnes, &
 singulos quorumcunque Ordinum Su-
 periores, Abbates, Prælatos, Priores,
 Guardianos, Rectores, Præfectos hor-
 tamur, & districte sub poenis in ipsis
 Constitutionibus Apostolicis insertis iis-
 dem præcipimus, ne ipsi per se, vel
 suos, deinceps in Civitate, & Dicecesi
 nostra, clam, vel palam Parochianos a
 frequentanda Parochia, verbo Dei,
 Missæque ibidem audienda dehortari;
 aut persuadere non teneant in sua Pa-
 rochia Communionem Paschalem perci-
 pere, multo minus arrogata, inani ta-
 men auctoritate, in eorum vitam, mo-
 res, & doctrinam inquirere præsumant.
 Quin præcipimus Regularibus,
 ut in Concionibus, & Catechismis po-
 pulum ipsum, tum ad reverentiam Pa-
 storum, tum ad eorum Missas, præ-
 sertim Dominicis, & aliis solemnibus
 Festis diebus audiendas, tum ad deci-
 mas, resque alias Ecclesiis debitas sol-
 vendas, moneant, & adhortentur.

CAPUT XX.

§. I. *Religiosi Curati Synodis Diœcesanis, &
 Capitulis interesse teneantur.*

UT Religiosi, qui Ecclesiis Paro-
 chialibus præficiuntur, perfe-
 ctius cognoscant, quæ ad salutem ani-
 marum in Synodis nostris Colonien-
 sibus ordinantur, decernimus etiam
 eos, ad ipsas Synodos, & ad Capitula
 Archi-Diœcesalia, nec non Decano-
 rum Ruralium, in quibus Synodi, seu
 Ordinationes nostræ publicantur, esse
 convocandos, & cogendos.

§. II. *Religiosus Curatus a Prælato non revocetur invito, & infcio Ordinario.*

Cum Religiosus ad Beneficium curatum promotus (n) non possit invitatus, & Nobis non consentientibus, per Prælatum suum Regularem pro libitu Beneficio illo privari, & ad Monasterium revocari, tum, ut inquit Provinciale Concilium Colonienſe, (o) quia periculosa est frequens personarum mutatio, tum quia aliquando minus idonei surrogari solent: idcirco severe inhibemus omnibus, ac singulis Abbatibus, Præpositis, Prioribus, aliisque Regularium Præfectis, ne quemquam sui Ordinis Religiosum semel præsentatum, & ad curam animarum auctoritate nostra admissum, absque causa legitima a Nobis cognita, nostroque prævio consensu ad Monasterium retrahant; iis exceptis, quibus idipsum virtute legitimorum privilegiorum, Nobis tamen prius probandorum, conceditur.

§. III. *Bona quæcunque a Religioso acquisita Monasterio cedunt.*

Quæcunque Religiosus Ecclesiæ Parochiali præfectus, vel ex piorum oblationibus, aliisque elemosynis, vel Pastoralibus iuribus, aut fructibus acquirit, ea omnia, dummodo a largientibus in alios Ecclesiæ usus non sint oblata, excepto tenui victu, & humili vestitu, prout religiosam paupertatem decet, Monasterio, in quo professus fuerit, cedunt, eique fideliter tradenda sunt.

CAPUT XXI.

§. I. *Nova Monasteria sine Ordinarii licentia non erigantur.*

AD Regularem disciplinam restituendam, & augendam, Concilium Tridentinum (p) non minus salubriter, quam prudenter vetuit, de cætero nova Monasteria, vel domus tam virorum, quam mulierum, etiam Mendicantium, sive bona immobilia eis possidere liceat, sive non, erigi si-

ne Episcopi, in cujus Diœcesi construenda sunt, licentia prius obtenta. Quomodo autem Episcopus licentiam huiusmodi ipsis impertiri debeat, GREGORIUS XV. Pontifex subjectis præscripsit verbis:

GREGORIUS PAPA XV.

§. II. *Juxta Constit. GREG. XV.*

» Cum alias fel. record. CLEMENS
» Papa VIII. (q) decreverit, Ordinarios
» locorum licentiam ad novos Con-
» ventus cujuscunque, præsertim Men-
» dicantium, Ordinis, in Civitatibus,
» & locis eorum Ordinariæ jurisdictioni
» ni subiectis erigendos, impertiri non
» posse, nisi vocatis, &c.

CAPUT XXII.

§. I. *URBANUS VIII. dictas Constitutiones extendit.*

INsuper URBANUS Papa VIII. (r) quascunque facultates a Romanis Pontificibus Decessoribus suis, Monasteria, Conventus, vel alia loca Regularia, servata duntaxat sacrorum Canonum, & Concilii Tridentini Decretorum forma, de sola Ordinarii licentia, seu etiam non servata forma, & absque licentia huiusmodi erigendi, & instituendi, quæ suum nondum fortitæ sunt effectum, revocavit, & abrogavit, nec non omnium Regularium Superioribus, sub privationis vocis activæ, ac passivæ, & Officiorum quorumcunque, & inhabilitatis ad illa, & alia obtinenda; atque etiam excommunicationis ipso facto incurrendis pœnis prohibuit, ne facultatum huiusmodi revocatarum, sive alio prætextu, nova Monasteria, Conventus, vel alia loca Regularia, nisi de expressa Episcoporum Diœcesanorum licentia, ac servatis sacrorum Canonum, Concilique Tridentini, & supradictis CLEMENTIS VIII. ac GREGORII XV. Pontificum Constitutionibus recipere, erigere, seu alias quomodolibet instituere, seu incepta finire præsumant; sicut fusius cognoscere est ex sequentibus ipsius URBANI Papæ verbis:

§. II.

(n) C. Cum & plantare, de Privileg. §. In Ecclesiis. c. unic. de Capel. Monach. in 6. Trid. Sess. 25. de Regul. c. 11.

(o) Sub Hermanao V. pag. 366. c. 13.

(p) Sess. 25. de Regul. c. 3.

(q) Tom. 3. Bullarii, Constit. 31.

(r) Urbani VIII. Constit. 27. Bullarii Tom. 4.

§. II. *Et facultates Regularibus desuper concessas revocat.*

"Sicut Nobis innotuit, &c.

§. III. *Et ne illis utantur, prohibet.*

"Præterea Ordinum, etiam Men-
dicantium, Congregationum, So-
cietatum, &c."

§. IV. *Numerus Religiosorum pro erigendis novis Monasteriis præscribitur.*

Idem URBANUS Pontifex (r) in alia Constitutione, postquam onera Missarum celebrandarum reduci, moderari, vel commutari Regularibus prohibuisset, atque Religiosorum numerum ex uniuscujusque Monasterii, Conventus, vel domus regularis redditibus, elemosynis, & obventionibus sustentandum præscripisset, subiungit: "Deinceps vero Monasterium, Conventus, Domus, Congregatio, vel Societas Religiosorum, seu Regularium nullibi recipiatur, nisi, præter alia ad id requisita, in singulis ejusmodi locis duodecim saltem Fratres, aut Monachi, seu Religiosi degere, & ex redditibus, & consuetis elemosynis, detractis omnibus detrahendis competenter sustentari valeant, ad præscriptum Decreti fel. rec. GREGORII XV. hac de re editi, alioquin Monasteria, & loca hujusmodi posthac recipienda, in quibus duodecim Religiosi, ut supra, sustentari, atque inhabitare non poterunt, & actu non inhabitaverint, Ordinarii loci visitationi, correctioni, atque omnimodæ jurisdictioni subiecta esse intelligantur."

CAPUT XXIII.

§. I. *Religiosus extra Monasterium degens, si delinquat, a quo corrigendus.*

Si quis Regularium, (t) aut cum fœminis familiariter, & periculose habitaverit, vel alia ratione extra Monasterium suum degens deliquerit, nullo privilegio Ordinis sui tutus censeatur, quo minus ab Ordinario loci, tanquam a Sede Apostolica delegato, se-

cundum Canonicas Sanctiones visitari, puniri, & corrigi valeat.

§. II. *Intra Monasterium degens, si delinquat, a quo puniendus.*

Qui vero in Monasterio degit, (u) & extra illud ita notorie deliquerit, ut populo scandalo sit, & Episcopo instante, intra tempus ab ipso præscriptum digna pœna a suo Superiore non fuerit punitus, Superior suo privetur officio, & in delinquentem Episcopus advertat, uti decrevit CLEMENS Papa VIII. sequenti sua Constitutione: (x)

CAPUT XXIV.

CLEMENS PAPA VIII.

§. I. *Exordium.*

"Suscepti muneris ratio postulat, ut ea, &c. (Sequuntur 4. §§., quibus continetur Constitutio.)

§. VI. *In correctione rigor lenitate temperandus.*

Abbates, Priores, Guardiani, Rectores, & alii Superiores Regularium in correctionibus eum modum teneant, ut nec disciplinam sine misericordia, nec misericordiam sine disciplina reliquissè videantur; (y) sed sit in iis juste consulens misericordia, & pie sapiens disciplina; cum plus agat aliquando erga corrigendos clementia, quam nimia severitas, plus admonitio, quam comminatio, plus charitas, quam potestas.

CAPUT XXV.

§. I. *Regularis ad alium Ordinem translatus, incapax est Beneficii secularis curati.*

Quia Regulares de uno ad alium Ordinem translati, facile a suo Superiore licentiam extra Monasteria commorandi solent obtinere, ex quo vagandi, & apostatandi tribuitur occasio; ex sacra Synodi Tridentini (z) definitione delaramus; quod nemo cujuscunque Ordinis Prælatus, vel Superior vigore cujusvis facultatis aliquem ad habitum, & professionem ad-

Sss sss 3 mittere

(r) Const. 45. §. 14. (t) Trid. Sess. 6. de Reform. c. 3. (u) Trid. Sess. 25. de Reg. c. 14.

(x) Tom. 3. Bullarii, Const. 9. (y) Conc. Trid. Sess. 13. de Reform. c. 1.

(z) Sess. 14. de Reform. c. 11.

mittere possit, nisi, ut in Ordine ipso, ad quem transfertur, sub Superioris sui obedientia in clauistro perpetuo maneat, ac tali lege translatus, ad quæcunque Beneficia sæcularia, etiam curata, omnino incapax censeatur.

§. II. *Aliqui Superiores Apostatas reducere non satagunt.*

Licet nihil sit, (a) quod Ecclesiæ faciem magis hac tempestate deformet, quam apostatarum a Fide, & sacra Religione multitudo, eorumque impura vita, impiaque contra Religiosorum Ordines, & Ecclesiam Catholicam studia; quidam tamen Regulares Prælati, & Superiores, quorum conniventia, facilitate, vel etiam nimia austeritate huiusmodi apostasiæ contigerunt, ob commissarum sibi animarum interitum, nullo intrinsecus dolore tangi videntur, nullaque cura oves erraticas, ceu drachmam perditam, aut filium prodigum quarunt.

§. III. *E Monasteriis fugitivi Parochiis non præficiendi.*

Nonnullos etiam ex ejusmodi apostatis, seu fugitivis, deposito habitu regulari, Ecclesias obtinere parochiales, easque tanquam veros Pastores administrare, vel alias tanquam sæculares Presbyteros, quæ ad curam animarum pertinent, exercere intelleximus.

§. IV. *Sed ad Monasteria revocandi.*

Qua in re licet Archi-Diaconorum, & Decanorum ruralium desideretur vigilantia: non minus tamen Religiosorum Prælatos culpandos censemus, qui oves perditas non requirant; quos proinde per obsecrationem Divini judicii monemus, ut nihil intermittant, quod ad reducendos fugitivos facere posse arbitrabuntur, & in recipiendis quidem eis, ita disciplinam temperent, ut rigor cum mansuetudine, judicium cum misericordia, severitas cum lenitate misceantur. Ut autem cognoscant, quæ illorum hac in parte sit obligatio, Decreta a sacra Cardinalium Concilii Tridentini Interpretum Con-

gregatione, jussu URBANI Papæ VIII. (b) de Regularibus apostatis, ejectis, & fugitivis edita, censuimus inferenda.

§. V. *Decreta S. Congregationis de Regularibus ejectis & fugitivis.*

" Sacra Congregatio Cardinalium
" Concilii Tridentini Interpretum, Regularium ejectorum, & fugitivorum
" statui consulere, illorumque scandala
" submovere, & succrescentem numerum
" frangere, operæ pretium existimans, auditis Religionum Superioribus, reque diligentissime pensata, communicato etiam consilio
" cum S. D. N. URBANO VIII. atque
" ex peculiari Sanctitatis suæ facultate,
" infra scripta Decreta edidit.

§. VI. *Arctiorem Religionem ingressuro, quid observandum.*

" Ut apostatandi opportunitas Regularibus præripiatur, statuit, ut de cætero nullus permittatur ad arctiorem Religionem transire, nisi prius Superiori legitime constiterit, eam Religionem paratam esse illum recipere, qui licentiam petit, tumque Regularis recta se transferat ad arctiorem. &c."

CAPUT XXVI.

§. I. *Quinam ad alia Monasteria mittendi, aut carceribus mancipandi.*

SI qui sint fugitivi Religiosi, quos vel propter scandalum, vel aliam ob causam ad Monasterium recipere non fuerit consultum, illi vel mittantur ad aliud ejusdem Ordinis Monasterium, vel ad ingrediendum strictiorem Ordinem inducantur. Si autem nulla ratione ad frugem meliorem reduci queant, aut toties, & taliter deliquerint, ut secundum Regulam, aut Statuta Ordinis non sint recipiendi; Prælati advigilent, ne extra Monasterium relictæ populi fiant seductores. Quapropter expediet eos potius perpetuis carceribus mancipari, ne quod metuendum est, alios secum in æternam damnationem trahant: aspera quidem hæc, sed brevis pœnitentia forte eos ad beatam

tam

(a) Statut. Adolphi III. Archiep. Colon. pag. 443. & seq.

(b) Constit. 28. Tom. 4. Bullarii.

tam refrigerii mansionem perducet, qui suæ relictæ voluntati, certo in abyssum inferni erant demergendi.

§. II. *Rebellium apprehensioni Magistratus secularis afficit.*

Idcirco vestigiis Prædecessoris nostri ADOLPHI III. (c) inhærentes, Christianos Principes, Magistratus seculares, & quotquot potestatem coercendi habent, requirimus, ut suo ministerio ad laudem DEI, & Ecclesiæ salutem perfungentes, obstinatos Apostatas, & Sanctimoniales, in suis sordibus, & rebellionem hærentes, seductores quoque fidelis populi, postquam ab Ecclesiastico Magistratu ad hoc requisiti fuerint, potenti manu capiant, tradantque suis Superioribus, aut Monasteriis penitentiae salutari submittendos.

§. III. *Pena recipientium fugitivos.*

In usum porro revocantes, quæ a prædicto Prædecessore nostro ADOLPHO III. (d) aliisque in pœnam apostatarum, & inobedientium decreta fuerunt; præcipimus, ne quis cujuscunque itatus, vel conditionis fuerit, Monachos, vel Monachas, fugitivos, vel fugitivas, & extra Superiorum suorum obedientiam, evagantes, quos noverit certa aliorum relatione, aut Superiorum testimonio, vel alio quovis modo esse tales, recipere, fovere, aut ad Sacramenta, vel Ecclesiastica Ministeria admittere ausit, sub pœna excommunicationis, quam ipso facto incurrat. Quin & ipsi Religiosi, cujuscunque autoritatis, & dignitatis fuerint, cum Religiosis apostatis, & inobedientibus, sub eadem pœna non communicent, nisi ad effectum eos convertendi, & ad penitentiam inducendi.

§. IV. *Religiosis foris degentibus an favcant dispensationes, quas prætendunt.*

Religiosi, qui autoritate literarum Apostolicarum, vel dispensatione in Curia Romana, aut a Legato, vel Nuntio Apostolico obtemperata, se extra Monasteria suâ manere posse præten-

dunt, nullum ex hujusmodi literis sentiant patrocinium, nisi a Nobis, & suis Superioribus fuerint examinata, & approbata; alias vero illos, haud secus quam publicos apostatas haberi, vitari, & Superioribus suis cum rebus omnibus, quas habent, tradi volumus. (e)

§. V. *Apostatarum conversio orationibus juvetur.*

Quamvis Apostatæ ob pœnam excommunicationis, quam apostatando incurrunt, tanquam abscissa a corpore membra, nullum ex communibus Ecclesiæ, & Ordinis sui orationibus, aliisque meritis habeant fructum; sed traditi sint Satanæ in interitum carnis, ut spiritus salvus fiat, peculiaribus tamen orationibus adjuvandi sunt, ut Deus det illis penitentiam ad cognoscendam veritatem, & respiciant a Diaboli laqueis, a quo captivi tenentur ad ipsius voluntatem. (f)

§. VI. *Capitulum disciplinæ diligenter servetur.*

Ad corrigenda vero, quæ aut negligentia, aut infirmitate, vel etiam malitia contra Regulam & Constitutiones Ordinum perpetrata sunt, efficax & accommodatum remedium semper habitum fuit Capitulum *Disciplina*. Id, si alicubi negligatur, aut si rarius, quam Regula, & Statuta præscribunt, observetur; vel si quid, quod ad primam ejus formam, & institutionem pertinet, in eo desideretur, id ipsum Præfectorum, aut Superiorum vigilantia, cura, & sollicitudine, quamprimum emendetur; negligentes hac in parte, aut remissi, in visitatione, & in Capitulis Ordinis Generalibus, aut Provincialibus corrigantur.

§. VII. *Præscripta Decreta a Religiosis servanda.*

Denique omnes, ac singulos quorumcunque Monasteriorum, Conventuum, & Collegiorum Abbates, Priores, Guardianos, Rectores, Præfectos, & Superiores in virtute obedientiæ, quam vel in confirmatione suæ electionis, vel in consecratione Sacerdotalis Ordinis Pontifici Maximo, sive Nobis velut

(c) Pag. 447. (d) Pag. 416. & 443.

(f) 2. Tim. 2. Y. 25. & 26.

(e) Stat. Adolphi III. pag. 447. & 448.

velut Episcopo suo Diocesano promiserunt, monemus, ut ex definitionibus Oecumenicorum Conciliorum, Summorum Pontificum Constitutionibus, & Decretis, ad ipsorum salutem, & Ordinis cujuslibet conservationem, honorem, atque utilitatem præscripta, tanquam obedientiæ filii exequi, ac perficere contendant: alioquin si ea, vel non curaverint, vel negligenter distulerint, Nos in Monasteriis, Conventibus, & locis Regularibus jurisdictioni nostræ subiectis, autoritate Ordinaria, in exemptis autem autoritate Apostolica eadem inviolate observari faciemus.

TITULUS IX.

De Scholis, & Ludimagistris.

CAPUT I.

§. I. *Scholarum utilitas.*

PLurimum interest, ut pueri, puellæque recte erudiantur. Juventutis enim institutio tanti momenti est, ut ab ea totius propemodum Reipublicæ Christianæ salus dependeat. Ideo curent Pastores, & Vice-pastores, ut quamprimum pro sexus utriusque pueris, latinæ, & germanicæ Scholæ, in singulis Diocesis nostræ Urbibus, oppidis, & pagis, saltem frequentioribus, erigantur, & temporum injuria collapsæ restituantur, agantque cum Præfectis, & locorum Primariis, ut ex loco commodo, & Ecclesiæ vicino constituentur; & rationem ipsis Ludimagistris de annuis stipendiis providendi incant; mediis vero Ludimagistros alendi deficientibus ipsi Parochi, & Vice-parochi, eorumve Vicarii, seu Sacellani exemplo Salvatoris nostri, qui parvulos ad se venire (g) hortatus est, & blande venientes excepit, Dei & proximi amore pueros instruunt.

§. II. *Magistri probati juventuti præficiantur.*

Cæterum Scholis Ludimagistri Catholici, pii, eruditi, & bene morati, ac tales, ad quorum vivendi rationem tanquam ad normam puerorum vita, ac mores componi possint, præ-

ficiantur; & nullus in posterum Ludimagister, Hypodidascalus, seu adjutor ad docendum publice, vel privatim assumatur, nisi qui exhibitis idoneis Catholicæ Fidei, doctrinæ, vitæque testimonialibus, per Nos, nostrumve Vicarium in Spiritualibus Generalem, Archi-Diaconum, aut Decanum Ruralem, aut saltem loci Pastorem, vel Vice-Pastorem examinatus, juventuti instituendæ idoneus repertus fuerit, atque orthodoxæ Fidei professionem emiseric.

§. III. *Juventus bonis moribus, & Catechismo Canisii instituenda.*

Ludimoderatores hujusmodi commissos sibi discipulos, sive latinam, sive germanicam addiscant linguam, non tantum literis, sed ante omnia fundamentis Catholicæ Religionis, bonis moribus, aliisque piis, & honestis exercitiis mane, meridie, vespere, & de die fieri consuetis sedulo imbuant. Quo fine Ludimagistri, vel Ludimagistræ, antequam ad instruendam juventutem admittantur, coram Pastore, seu Vice-Pastore loci promittant, quod Catechismo Petri Canisii, vel alio auctoritate nostra approbato utentur, puerosque verecundiam, modestiam, pietatem erga Deum, & parentes, erga Magistratum Ecclesiasticum, & sæcularem reverentiam, & obedientiam docebunt; remedium siquidem hoc ad fidem orthodoxam integerrime tuendam, ac prævæ Religionis prohibenda contagia est efficacissimum.

§. IV. *Libri hæretici, & impuri non permittantur.*

Nulli Ludimagistri, vel Ludimagistræ, nec quicunque eorum Hypodidascali, seu adjutores libros hæreticos, turpia, aut obscæna continentes, vel a Nobis, nostrisque librorum Censoribus ordinariis non approbatos, discipulis suis proponere, prælegere, seu explicare audeant; sed & advertant, ne pueri similes legant; blandum enim incautis virus facile instillatur; secus facientes, vel exemplo vitæ, offendiculo esse deprehensi, nisi moniti resipuerint, a docendi munere protinus amoveantur.

§. V.

(g) Marc. 10. Y. 14.

§. V. *Pietas juventuti infillitur.*

Ludimagistri, seu Hypodidascali comprimis discipulos ad Sacrosanctum Missæ Sacrificium quotidie pie audiendum; statis vero diebus, & horis ad lectionem Catechetica deducant, diligenterque ipsos modum mane, meridie, ac vespere pie orandi, mensæ benedicendi, ac dein gratias agendi, Sacerdoti item sacrificanti inserviendi, ac peccata sua confitendi doceant; iis autem, qui annos discretionis attigerint, methodum sese ad sacram Communionem rite, religioseque disponendi tradant. Ut a teneris discipuli puram, & inviolatam semper retineant conscientiam, & regnum Dei quærant, Ludimagistratores attendant, ut frequentius in anno, præcipue vero circa quinque anni Festa solemniora, videlicet: *Paschæ, Pentecostes, Assumptionis Gloriosissimæ Virginis MARIÆ, omnium Sanctorum, & Nativitatis Domini*, ipsis præsentibus confiteantur, vel saltem factæ tunc confessionis a singulis testimonium Confessarii exigant, simulque advigilent, ut adultiores sacra Synaxi sæpius reficiantur, & in suis Parochiis communicent.

§. VI. *Pauperes, etiam minervalibus, & præmiis juvandi.*

Ad tollendam occasionem pauperibus conquerendi, quod defectum mediorum proles eorum Scholas frequentare nequeant, Provisores mensæ pauperum Ludimagistris dimidium ejus, quod ditiores pendunt pro pauperibus, solvant. Item ex eleemosynis mensæ pauperum libros ad discendum necessarios subministrent, curentque, ne unquam ipsis desint Catechismi, & præmiola tempore Catechesios distribuenda: nam persæpe humano affectu dominante, pauperibus præteritis, & neglectis soli ditiorum liberi munusculis ad diligenter studendum animantur.

TITULUS X.

De Seminario.

CAPUT UNICUM.

§. I. *Archi-Episcopalis Seminarium instauratio & promotio summe utilis.*

MAXIMUM conservandæ Catholicæ Religionis, & restituendæ Ecclesiasticæ disciplinæ præsidium Patres Oecumenici Concilii Tridentini^(b) in pia sæcularium Clericorum educatione collocarunt, ut optimis moribus & sufficienti doctrina instructi, verbo, & exemplo Christiano populo præesse pariter, ac prodesse possent; ideoque serio omnibus Archi-Episcopis, Episcopis, aliisque Ecclesiasticis Superioribus inculcarunt, ut de erigendo per Dioceses suas Clericorum Seminario essent solliciti, ubi conquisiti bonæ indolis adolescentes, ad animarum curam suscipiendam, in omni virtutum, & scientiarum genere instituerentur. Quapropter FERDINANDUS Archi-Episcopus, Prædecessor noster, piissimæ Patrum dicti Concilii intentioni satisfacere cupiens, pro suo in Catholicam Religionem zelo, ejusmodi Seminarium in Civitate nostra Colonensi erexit: sed ob varias, quæ postea secutæ sunt, temporum injurias, & rerum difficultates, laudabiliter ceptus conatus continuari, & optatos fructus producere non potuit: Nos proinde vestigiis ejusdem inhaerentes, Seminarium hoc ad Catholicam Fidem fovendam, augendamque restaurare, ac totis viribus promovere unice desiderantes, illud stabiliendum, confirmandum, & augendum esse censuimus; prout maturo desuper cum Venerabilibus Decano, & Capitulo nostro Metropolitano præhabito consilio, ad DEI Omnipotentis gloriam, Sanctæ Ecclesiæ Catholicæ incrementum, & animarum salutem, assignatis eidem, certis annuis proventibus, locoque habitationis a Decano & Capitulo nostro præfato, in usum Seminarium specialiter donato, restauramus, ac ipsius institutionem sub certis Regulis, ac legibus a Nobis præscriptis confirmamus, & stabilimus.

Quo-

(b) Sess. 23. de Reform. c. 18.
Tomus IX. Concilior. German.

Quocirca hortamur omnes in Domino, ut ad tam salutare institutum omni conatu concurrant, mediaque suggerant, & conferant, ut indies majus sumat incrementum.

§. II. *Seminarii Inspectores.*

Ut autem ejusdem Seminarii conservationi, bonoque tam in his, quæ ad Alumnorum institutionem, & disciplinam, quam quæ ad victum, vestitum, aliaque hujusmodi necessaria pertinent, opportunius consulatur, & oblata Seminario pecuniæ, redditus, & legata diligentius administrentur, certos e Clero nostro sæculari spectatæ virtutis viros, in ipsius Seminarii Inspectores, Directores, Provisores, Præfidem, & Oeconomum de consensu Capituli nostri deputavimus, quos ut Seminarii bona, & facultates bene impendantur diligentissime advigilatu-
ros, plane confidimus.

§. III. *Inspectoribus reddendus computus.*

Volumus etiam, ut Seminarii Præfides, & Oeconomus quotannis circa Vernum tempus, administrationis, & Oeconomix suæ coram nostris ad id deputatis Inspectoribus, Directoribus, & Provisoribus fideliter rationes reddant, simulque de Alumnorum in virtutum, ac doctrinarum studiis, moribus, & pietate progressu accuratam relationem faciant. Mandamus pariter Seminarii Inspectoribus, Directoribus, Provisoribus, Præfidi, & Oeconomo, ut omnium reddituum, proventuum, jurium, obventionum, & emolumentorum, nec non disciplinæ domesticæ diligentem curam habeant; Regulas, ac leges Seminarii exacte faciant observari, & Nobis singulis annis de statu totius Seminarii exactam informationem transmittant.

TITULUS XI.

De Custodibus Ecclesiarum.

CAPUT I.

§. I. *In Custodes quinam assumendi.*

AD Custodum, seu Campanariorum munus alii non admittantur, quam viri Catholici, Dei timore

præditi, & pii, vitæ honestæ, boni nominis & famæ, latinæ linguæ, & cantus Gregoriani periti, ut cum Parochis Divinum Officium decenter decantare valeant. Corpore insuper sint integro, non autem mutilo, manco, seu enormiter deformi.

§. II. *Custodibus pro instructione pauperum merces solvenda.*

Qui si Ludimagistrorum munere fungantur, & juventutem erudiant, Magistri fabricæ Ecclesiarum, respectu pauperum, quos docebunt gratis, aliquam ipsis portionem ex redditibus fabricæ Ecclesiæ, vel bonis mensæ pauperum labori proportionatam persolvant.

§. III. *Laudabile est, si Sacerdos juventutem instruat.*

Pastore vero loci, vel Vice-pastore, Sacellano, aliove Sacerdote auctoritate nostra ad id approbato hanc juventutis docendæ, instituendæque, provinciam appetente, is alteri non Clerico, seu Custodi præferatur; maxima etenim in Rempublicam, & privatos commoda ex bona juventutis institutione redundare solent; illis autem juventutis docendæ munus non assestantibus Custos, dummodo sit idoneus, cuicunque alii sæculari præferatur.

§. IV. *Ludimagistri ante admissionem Professionem fidei emittant.*

Ad Ludimagistri munus reperti idonei, præmissa professione fidei Catholicæ, prævioque obedientiæ & reverentiæ Pastori, seu Vice-pastori exhibendæ juramento admittantur.

§. V. *Admittendi rerum sibi creditarum cautionem præsentent.*

Ante admissionem, etiam judicio Pastoris, & Ædilium idoneam cautionem, pro sacra suppellectile, vasis, ornamentis, vestimentis Ecclesiasticis, linteis Altarium, cunctisque utensilibus Ecclesiæ ipsorum curæ & custodiæ committendis præsentent; horum omnium, & singulorum accuratam specificationem iisdem, dum admittuntur, a loci Pastore, seu Vice-Pastore descriptam in

in forma authentica tradatur, quam subscribant, & de specificatis se responsuros, officiumque per seiplos administraturos spondeant.

§. VI. *Custodes Parocho semper sint ad manum, Divinisque in superpelliceo assistant.*

Quavis hora sint parati, ut Pastoribus, Vice-Pastoribus, eorumque Vicariis serviant. Sine Pastoris, seu Vice-Pastoris licentia a parochia non abint: exeuntes domesticis, si quos habeant, vel Pastori, aut vicino, quo vadant, indicent; sub Officio Divino, & administratione Sacramentorum superpelliceo mundo semper induti Pastoribus, seu Vice-Pastoribus assistant, & interserviant.

CAPUT II.

§. I. *Offia Ecclesiæ diligenter observent.*

Custodes ostiorum Ecclesiæ diligentem curam habeant, ea debitis temporibus aperiant, ac finito Divino Officio claudant; maxime si per templa, quibus serviunt, quasi per plateam publicam transitus fiat; aut non tam orationis, quam ambulationis causa eo homines convenire soleant.

§. II. *Diebus ferialibus offia minora tantum aperiant.*

Diebus ferialibus non integras valvas, sed minimas duntaxat templi januas aperiant, quas ita componant, ut onera portantibus transitus non pateat; indecentissimum enim est, domus Domini soli orationi, Sacrificiis, Sacramentorum usui, & sacræ doctrinæ consecratas in vias publicas converti.

§. III. *Tota quotannis purgetur.*

Et quia domum Dei vel maxime mundam esse convenit, Custodes, quotannis minimum semel integras Ecclesias, Capellas, & Sacelli ab omni pulvere, atque aranearum telis expurgent, nec non in tectis, concamerationibus, pavimentis, ostiis, seris, aliis-

que similibus debitam conferrent munditiam; parietes autem ad altitudinem fenestrarum, ipsasque fenestras, & Sacrosancta Altaria, eorumque lacunaria, integumenta, & sacras imagines quater minimum in anno, circa Nativitatem nimirum, & Resurrectionem Dominicam, Assumptionem gloriosæ Virginis MARIÆ, ac sancti Patroni, seu Tutelarum Ecclesiæ Festivitatem mudent.

§. IV. *Impedimenta suis quaque locis reponenda.*

Feretra, seu vehicula, quibus in supplicationibus Sanctorum Reliquiæ, ac imagines portantur, & fulcra, quibus in medio Templi certis diebus exponuntur, sediliaque, & scamna pro Sodalitatibus, & lectione Catechetica destinata, aliaque impedimenta taliter seponant, ut decori domus DEI non officiant. Nunquam autem Ecclesias, nisi finitis Officiis Divinis, & foribus Templi clausis mudent, vel ornent.

§. V. *Reliquia, & vasa sacra profanis manibus non contrectentur.*

Sedulo advigilent, ne Sanctorum Reliquiæ sacrilegiis, aut furto expostæ sint, neve abjiciantur, vel sine reverentia tractentur, neque eas, aut sacros calices, patenas, aliaque vasa, corporalia, pallas, purificatoria, nisi in sacris Ordinibus constituti fuerint, attingere audent. (i)

§. VI. *Aqua lustralis quo ritu benedicenda.*

Tamet si ipso die Paschatis, & Pentecostes in Ecclesiis, ubi fons Baptismalis consecratur, Christi fideles aqua pridie in fonte Baptismi benedicta, & ante infusionem sancti Olei, & sacri Chrisomatis inde hausta aspergantur; aliis tamen Dominicis Missam celebraturus, vel alius Sacerdos alba, & superpelliceo, desuperque stola indutus præparatum salem, & aquam mundam in Sacristia, vel Ecclesia ex Decreto S. ALEXANDRI Papæ ac Martyris (k) benedicat, eaque populum aspergat.

§. VII.

(i) Concil. Provinc. Colon. sub Hermanno V. Part. 3. cap. ult.

(k) C. Aquam. de Consecrat. distinct. 3.

Tomus IX. Concilior. German.

§. VII. *Ea singulis septimanis renovanda.*

Attendant quapropter Sacrificæ, & Custodes, seu Aeditui, ne ullis in Ecclesiis, præsertim parochialibus, vas cum aqua hujuscemodi lustrali, antecedente Dominica benedicta unquam desit: eamque singulis hebdomadibus in aquiminariis, & amulis renovandam diligenter curent, aquiminaria, & amulas mudent, & ne quis faciem, manus, vel aliud quidquam in his abluat, aut ex iis canes bibant, studiosè provideant, ex elapsa hebdomada reliquum in sacrarium, vel cœmeterium effundant.

§. VIII. *Campanarum cura habenda.*

Custodum etiam est campanas diebus Sabbatinis, & profectis meridie, & vesperi pulsare, atque campanarum sono Ecclesiæ Ministros, aliosque Christi fideles ad Officium Divinum, verbumque Dei audiendum statuto tempore convocare, campanarum pariter curam gerere, & si quid contrafactum, aut quod frangi facile possit, deprehenderint, Pastoribus, Vice-Pastoribus & Aëdilibus significare.

§. IX. *In Sacrificia quæ observanda.*

Custodes sacrificiam, seu sacrarium feminas nunquam ingredi, multo minus Altaria, seu tabulas eorum superiores pedibus calcare patiantur. In singulis quoque sacrificiis lavacrum cum aqua pura, & duo munda lintea, unum quo ante, alterum quo post peractum Sacrificium, Sacerdotes manus tergant, suspendant.

CAPUT III.

§. I. *Celebrantium paramenta sint munda & integra.*

AD Custodis præterea officium pertinet, præparare vestes Sacrificantium, amictum, seu superhumera, albam, cingulum, manipulum, stolam, planetam seu casulam: ex sint omnes integræ, munda, ab Episcopo, vel alio, cui per Sedem Apostolicam id licet, benedictæ, ac tales, ut cum honore, ac decore Divinis usibus servire queant. Vestes laceras refici faciant.

§. II. *Casula, & dalmatica ejusdem materia non separantur in usu.*

Casulas ad Divinum Officium solemnius obeundum ordinatas, quibus dalmaticæ ex eadem materia confectæ respondent, quando sine Diacono, & Subdiacono sacrificatur, non exponant.

§. III. *Hostiæ curentur recentes, & vinum purum.*

Hostias in singulos saltem menses novas, recentes, nitidas & integras in pyxide munda conclusas, vinumque naturale de vite purum, non acetosum aut corruptum procurent.

§. IV. *Aqua recens in poculo servetur pro Sacrificio.*

Aquam in usum Sacrificii limpida, aut recens hauftam, non in lavacro, aut situla, in quam urceolos, aut ampullas immergunt; sed in mundo, & decenter cooperto angusti oris poculo, huic duntaxat usui destinato, fervent, ex quo illam in ampullas infundant.

§. V. *Post Sacrum quid faciendum incumbat Custodibus.*

Absoluto Missæ Sacrificio cereos extinguant, & ut Altaris lintea a pulvere, & sordibus diutius pura conserventur, superiorem ejus mappam corio, vel alia crassiori tela coloris alterius tegant, expositaque ornamenta sive lintea, sive lanea, vel ex pretiosiori materia sint, ab omni pulvere, & macula, si quam forte contraxerint, expurgent, ordinateque complicata in vestiarii scriptis, vel alibi decenter recondant.

§. VI. *Sacra vasa, & linea supellex sæpius mundanda.*

Urceolos, seu ampullas, pyxides, candelabra, & cætera vasa argentea, ænea, ac stannea, singulis saltem bimestribus, aut etiam crebrius diligenter abluant, superpellicea, lintea, mappas Altarium, Cruces, imagines, reliquamque sacram supellectilem semper mundam, & nitidam exhibeant, ac proinde, quoties opus fuerit, per annum lavent, & purgent.

§. VII.

§. VII. *Sacra vasa, & purificatoria a quo eluenda.*

Calices porro, patenas, vasa sacrorum Oleorum solus Sacerdos, aut Clericus majoribus Ordinibus initatus; vel si is desit, ipse Parochus expurget. Corporalia, pallas, & purificatoria primum Sacerdos, vel Clericus in sacris Ordinibus constitutus lavet, dein aliæ honestæ personæ accuratius eluant. Aqua vero, qua Sacerdos ea abluit, non in plateam, sed in piscinam, vel sacrarium effundatur.

§. VIII. *Corporalia, & purificatoria cruce signentur.*

Quandoquidem res Divino cultui dicatæ, usibus profanis adhiberi non debeant, idcirco, juxta antiquam Ecclesiæ consuetudinem, corporalia, & Altarium lintea in quatuor angulis; pallas vero, & purificatoria in medio Crucis signo rubei, aut cærulei coloris muniantur, seu acu pingantur; ut ab aliis profanis linteis dignoscantur.

§. IX. *Vestes sacræ detrita comburantur.*

Corporalia, pallas, purificatoria, & alia Ecclesiæ ornamenta vetustate detrita comburant. Cineres in sacram piscinam, fossas pavimentorum Ecclesiæ, aliumve locum honestum, ubi nullus est transitus, effundantur; fundus tamen tabernaculi parte corporalis detriti operiri poterit.

§. X. *Oblata fidelium ad Altaria non recipiantur a feminis.*

Quæ fideles stationum, vel alio quovis tempore ad Altaria offerre solent, nusquam ne in Monasteriis quidem, aut Collegiis virginum femina recipiat.

§. XI. *Custodes in Choro cum aliis canant.*

Cum Divinum cantatur Officium, Editui una cum aliis devote concinant; alias autem reverenter, & pie, prout Sacerdorum, ac Ecclesiæ Ministrorum decet, assistant, vel flexis genibus, una cum Sacerdotibus, Diaconis, aliisque Clericis, ac Dei Ministris

preces Ecclesiæ, tota mente Deo offerant.

CAPUT IV.

§. I. *Reverentiæ meminerint.*

Adituis Divina non vilescant Mysteria; sed Sacramentis salutis nostræ fontibus honorem debitum deferant. Absit ab iis stulta persuasio, quasi privilegio muneris sui, ab honore, & adoratione interiore, & exteriori Deo præstanda eximantur; quin fides eorum viva excitetur, ac augeatur, charitas, & pietas in Deum incalescat tanto vehementius, quanto Divini erga Nos amoris, ac fervoris Mysteriis, & Sacramentis propinquius assistunt.

§. II. *Maxime erga Eucharistiam.*

Quare quotiescunque tabernaculum Sanctissimi Sacramenti, aut Summum Altare transeunt, faciem reverenter ad illud convertant, ac flexo poplite Deum supplices adorent, quod etiam in transitu Ss. Sacramenti, dum sacra Communio distribuitur, observent.

§. III. *Mane, vespere, & meridie dent signum Salutationis Angelicæ.*

Custodes quoque ex antiqua, & laudabili Ecclesiæ consuetudine (1), mane, meridie, & vespere ad excitandam Incarnationis, Passionis, & Dominicæ Resurrectionis memoriam; Christique fideles ad orationem incitandos, campanæ majoris pulsu dent signum Salutationis Angelicæ.

§. IV. *Vespere dent signum ad orandum pro defunctis.*

Quia sancta, & salubris est cogitatio pro defunctis exorare, ut a peccatis solvantur, (m) idcirco Decretum Synodi Diocesis Colonienfis sub Prædecessore nostro FERDINANDO Archi-Episcopo habitæ (n) confirmantes; præcipimus, ut in omnibus, & singulis Civitatis, & Diocesis nostræ Ecclesiis, Oratoriis, & Sacellis, post vespertinum pulsus, diversæ campanæ signo, ubi plures sunt, ejusdem autem, ubi una duntaxat existit, fidelis populus orationis pro defunctis fundendæ admoneatur;

Ttt ttt 3

(1) Conc. Prov. Colon. sub Theodorico Archiep. p. 235.

(m) 1. Machab. 12. §. 46.

(n) Anno 1627. 19. April. pag. 15.

Curentque Decani tam Collegiales, quam Rurales, & quicumque alii Superiores, cum hujus nostri mandati ad eos notitia pervenerit, quantocyus in suis Ecclesiis, Oratoriis, & Sacellis pium hunc morem introduci.

§. V. *Indulgentiæ Salutationem Angelicam prædicto tempore Orantibus concessæ.*

Ut vero hæc devotio indies crescat, & augeatur exemplo THEODORICI Archi-Episcopi Colonienfis, Decefforis nostri (o), omnibus utriusque sexus contritis, & confessis, qui ad Salutationis Angelicæ signum, mane, meridie, ac vesperti datum, preces ad Deum fuderint, ac pro Ecclesiæ necessitate ad honorem, & memoriam Incarnationis, Passionis, & Dominicæ Resurrectionis pie oraverint, de celestibus Ecclesiæ thesauris quadraginta dies de injuncta iis pœnitentia, toties, quoties id fecerint, benigne relaxamus.

§. VI. *In Summa Missa ad elevationem S. Hostiæ detur signum.*

Custodes in summa Missa ad elevationem Sanctissimi Corporis, & sanguinis Dominici dent signum campanæ, ut populus vota, desideriaque sua ad placandam iram Divinam, una cum Sacerdote celebrante dirigat.

§. VII. *Suborta æris tempestate, pulsantur campanæ.*

Concitata denique æris tempestate, campanas juxta pium Ecclesiæ morem pulsare non omittant, tum ad æreærum malignitatem tempestatum, & diabolicas machinationes depellendas, tum ut Christi fideles ad Dei misericordiam, & ab imminente periculo liberationem, piis orationibus implorandam, impetrandamque invitentur.

§. VIII. *Dum verno tempore campanæ pulsantur, insolentiae caveantur.*

Provideant autem, ne, dum tempore verno pro repellendis æris injuriis campanæ vesperti, noctu, vel mane pulsantur, in templis compotationes tolerantur, aliæque insolentiæ,

quibus Dei ira potius accenditur, quam placatur, exercentur.

TITULUS XII.

De bonis Ecclesiasticis rite conservandis, & administrandis.

CAPUT I.

§. I. *Bona Ecclesiæ non facile alienanda.*

Magna a Prælati, aliisque Ecclesiasticis diligentia adhibenda est, ut quæ Ecclesiis, vel Majorum pietate donata, vel Antecessorum suorum industria sunt acquisita, bene conserventur; cavendum vero, ne bona Ecclesiarum permutentur, oppignorentur, vendantur, vel alienentur, nisi evidens id suadeat utilitas, vel inevitabilis exigat necessitas, Decretumque Judicis ordinarii accedat, & solemnitates a jure requisitæ exacte observentur: quin potius sedulo laborandum, ut Ecclesiæ subtrahæ, vel non legitime alienata vindicentur, & recuperentur.

§. II. *Ablata Ecclesiis restituenda.*

Et quia ob suppressa, vel deperdita monumenta, & documenta plurima Ecclesiarum bona, & jura ab aliis injuste detinentur, & usurpantur, partes Officii nostri Archi-Episcopalis adimplere cupientes, omnibus, ac singulis Civitatis, & Diœcesis nostræ subditis, maxime vero Satrapis, Prætoribus, Scabinis, Secretariis, Scribis, antiquorum censuum, & jurium Receptoribus, ac Notariis serio mandamus, ut si quam notitiam, aut suspicionem habeant, aut quacunque occasione acquirent, Ecclesiarum jura, bona, vel redditus ab aliis occupata hætenus, vel adhuc usurpari, desuper Nobis accuratam faciant relationem, ut prævia diligenti inquisitione, Ecclesiæ restituantur, & hujusmodi usurpatores condigna pena afficiantur: moneamus eosdem sub obtestatione Divini judicii, ut Ecclesiis, aut piis locis debita integre, & prompte persolvant, aliisve bono exemplo præluceant; nullatenus autem vel minimum ipsis prædetineant; quin potius implorati contra similes Præderentores Ecclesiasticis, &

& locorum piorum Inspectoribus sine ulla tergiversatione assistant. Si enim, qui in actibus Apostolorum (p) sponte sua omnia Deo devoverant, propter modicam subtractionem subita morte perierunt, & pecunia eorum pie promissa, sed non integre oblata, illis exitium attulit corporis & animæ, quanto magis timendum est, ne gravius puniantur, qui Deo debita subtrahunt, negant, aut supprimunt.

§. III. *Bonorum Ecclesiæ injusti Possessores excommunicantur.*

Ut vero omnibus innotescat, quam graviter peccent, qui Christi patrimonium usurpant, volumus, ut Pastores, Vice-Pastores, & Concionatores, Concilii Tridentini Decretum (q) contra Occupatores quorumcunque bonorum, & jurium Ecclesiasticorum suis Auditoribus, minimum bis in anno, nempe ad Evangelium *de villico iniquo*: & quo jubemur *reddere Deo, quæ Dei sunt*, inculcent, quem in finem Decretum illud inferendum censuimus: " Si quem Clericorum, vel Laicorum, inquit, quacunque is dignitate, etiam Imperiali, aut Regali præfulgeat, in tantum malorum omnium radix cupiditas occupaverit, ut alicujus Ecclesiæ, &c. "

§. IV. *Decimæ Ecclesiæ solvendæ.*

Similiter ut constet, quanta sit decimarum Ecclesiæ reddendarum obligatio, præcipimus iisdem Pastoribus, Vice-Pastoribus, & Concionatoribus, ut subsequens ejusdem Concilii Tridentini Decretum (r), maxime paulo ante messem e suggestu promulgent: " Non sunt ferendi, qui variis artibus decimas Ecclesiis obvenientes subtrahere moliuntur, &c. "

CAPUT II.

§. I. *Beneficiati reddituum suorum indicem erigant.*

Pro accuratori autem bonorum Ecclesiasticorum conservatione, universi, ac singuli tam in Metropolitana nostra, quam Collegiatis Ecclesiis Civitatis, & Diocesis nostræ Vicarii,

alique Beneficio, vei Officio Ecclesiastico gaudentes, Curati, & non Curati, residentes, & non residentes monimenta, literas originales, fundationum suarum Vicariarum, Beneficiorum, & Officiorum, atque omnium bonorum ad Vicarias, Beneficia, & Officia spectantium intra annum a monitione computandum, una cum clero, & distincto eorum bonorum, censuum, omniumque proventuum, & onerum indice, plenaque designatione limitum, & hypothecarum, & quidem si a quindecim annis confectus sit index, a persona publica, præsentibus duobus saltem testibus renovato, Decanis, & Capitulis suis sub pena quatuor florenorum aureorum exhibeant; cujus duo exempla authentica ab eadem publica persona conscribantur; unum cum aliis Ecclesiæ monimentis, & documentis in communi Capituli Archivo, seu tuiore parte Ecclesiæ, firmo in scrinio in hunc usum parato, sub tribus clavibus varie fabricatis; quarum unam Prælatus Ecclesiæ, alteram senior Canonicus Presbyter, ac tertiam senior Canonicus Diaconus habeat, conservetur; & si Archivum, seu Scrinium ejusmodi erit aperiendum, clavium Custodes ipsi compareant: alterum vero exemplum, Vicariarum, Beneficiorum, & Officiorum Possessores sibi reservent, illudque quotannis Decano, & Capitulo Ecclesiæ suæ, nec non deputatis a Nobis Visitatoribus, tempore ab iis præfigendo, addito novissimo, & legali statu bonorum dictarum Vicariarum, Beneficiorum, & Officiorum præsentare, illosque indices authenticos Successoribus suis gratis relinquere, & in testamentis suis, ut ab Executoribus suis iisdem fideliter tradantur, serio cavere teneantur. Ubi mentionatæ literæ, monimenta, seu documenta vetustate nimia corrupta sunt, expensis Vicariorum, Beneficiatorum, & Officiatorum describantur: ubi nulli, aut imperfecti existunt indices, statim perficiantur.

§. II.

(p) Cap. 5.

(q) Sess. 22. de Refor. c. 11.

(r) Sess. 25. de Refor. c. 12.

§. II. *Beneficium etiam non curatum in Ecclesia Parochiali adepturus, Archi-Diacono, vel Decano Rurali reddituum sui Beneficii indicem tradat.*

Quemadmodum promotus ad Pastoratum, antequam ejus possessionem adeat, vel curam animarum suscipiat, inter alia se Archi-Diacono, vel Decano suo Rurali, intra certum tempus descriptionem omnium bonorum, fructuum, reddituum, proventuum, jurium, & emolumentorum universorum ejusdem sui Pastoratus, nominatis in ea hypothecis, limitibus, & terminis, traditurum jurare obligatur; ita quoque deinceps quodcunque Beneficium non curatum in Ecclesia aliqua parochiali adepturus, intra annum post apprehensam possessionem Archi-Diacono, vel Decano Rurali, cujus visitationi subest, plenam & perfectam descriptionem omnium bonorum, & reddituum ejusdem sui Beneficii, adjecta hypothecarum, limitum, & terminorum designatione tradet, & idipsum se præstiturum jurabit, antequam ad possessionem admittatur.

§. III. *Indici addantur onera, quibus Beneficia gravantur.*

Ne Ecclesiastica bona annuis censibus, aliisque oneribus gravata, defectu solutionis ipsorum Beneficiatorum culpa deperdantur; omnes, & singuli quotquot Beneficio curato, vel non curato gaudent, vel gaudebunt, dum Archi-Diacono, vel Decano bonorum, & proventuum ad sua Beneficia spectantium indicem tradunt, censuum, & aliorum quorumcunque onerum descriptionem addant. Quin & onera, quibus bona Beneficiorum gravata sunt, persoluta esse tempore visitationis, apochis exhibitis, vel aliis idoneis testimoniis docebunt.

§. IV. *Indicem acceptum Archi-Diaconi, & Decani Rurales mittant Archi-Episcopo.*

Singuli Archi-Diaconi, & Decani Rurales, indice accepto, eundem describi faciant, & pro sua informatione retineant, copiamque authenticam ejusdem, adjuncta specificatione onerum,

ad quæ Beneficiati tenentur, Nobis transmittant.

§. V. *Indices imperfecti perficiantur cum specificatione hypothecarum.*

In Collegiis, Ecclesiis, aliisque locis piis, ubi vel nulli, vel minus perfecti foundationum, bonorum, & reddituum reperiuntur indices, iidem conficiantur, aut perficiantur: in quibus non tantum numerus, & descriptio agrorum, seu terrarum arabilium, pratorum, sylvarum, hortorum, vivariorum, & cæterorum emolumentorum specificetur, & hypothecæ quoque censuum, & reddituum, una cum earundem possessoribus, limitibus pariter, & terminis exprimantur; ubi vero indices, seu registra quidem sunt, sed a decem, vel quindecim annis legitime non renovata, intra proximum annum debite renoventur.

§. VI. *Fiat quoque mentio, unde obligatio solvendi redditus oriatur, & specificentur anni elocationis.*

Ut a Majoribus in pios usus donata conserventur, & necessarium non sit post obitum Beneficiatorum novas designationes reddituum ex aliorum dictis, & depositionibus conficere, antiquis indicibus, & monumentis vel deperditis, vel fraudulenter suppressis: Pastores, Vice-Pastores, & quotquot Beneficia & Officia Ecclesiastica possident, conficiant libellos, in quibus annuos proventus annotent, causasque obligationum & contractus, vigore, quorum redditus recipiunt, adscribant; annorum quoque numerum, præsertim quoad bona, quæ ad longum tempus elocata sunt, adjungant. Libelli hi ab Archi-Diaconis, Decanis, aliisque Visitatoribus nostris lustrentur, ac Successoribus relinquuntur.

§. VII. *Ecclesiastici Testatores Ecclesiasticum nominent Executorem.*

Ut conservationi monumentorum, & indicum ad Ecclesias, Vicarias, aliasque Beneficia, & Officia Ecclesiastica spectantium magis sit prospectum, omnes Ecclesiastici semper aliquam personam Ecclesiasticam in Executorem sui testamenti nominent, alioqui Archi-Episco-

Episcopali nostra autoritate per nostrum Officialem Executor Ecclesiasticus deputetur.

§. VIII. *Pastores jura sua diligenter exigant.*

Curent Pastores, Vice-Pastores, Custodes, & qualescunque Ecclesiarum Ministri, ut antiqua, & consueta jura a parochianis, aliisque debita persolvantur: utque iis in locis, ubi populus a solutione tali præstanda, negligentia Pastorum, seu Vice-Pastorum, aut alia de causa defuevit, ad veterem consuetudinem, implorato, si opus fuerit, brachio sæculari, revocetur.

§. IX. *Et quidem in natura, vel vero valore.*

Ne porro his juribus ex modo solutionis aliquid decedat; census, ac reditus quorumcunque frumentorum, leguminum, vini, olei, ceræ, pullo- rum, caponum, anserum, & similes Collegiis, Beneficiis, fabricis Ecclesiarum, mensis pauperum, ac quibuscunque piis locis debiti in natura quotannis, aut saltem in pecunia juxta verum valorem persolvantur: quos absque nostro, nostrive Officialis Decreto, & causâ prius mature examinata redimi nolumus, redemptiones aliter factas nullas declarantes. Quoad decimas autem, ne loca, termini, & jura earum deperdantur, aut saltem obsecurentur, Pastores, Vice-Pastores, & omnes, qui eas ab Ecclesia acceptas possident, omnino advigilent, ut illæ curru decimali circumeunte colligantur; & a contractibus, per quos collectioni ejusmodi præstatur impedimentum, omnino abstineant.

§. X. *Bona caduca Beneficiis Ecclesiasticis maneant.*

Si bonorum ad parochiales Ecclesias, aut quæcunque Beneficia, sive Officia Ecclesiastica pertinentium directum dominium, ob neglectam solutionem Canonum, vel alias in jure fundatas causas, cum utili consolidetur, Pastores, Vice-Pastores, Beneficia, vel Officia Ecclesiastica possidentes, illa nullatenus sibi approprient, aut de iis disponant; sed ipsi Ecclesiis, Benefi-

ciis aut Officiis acquisita maneant; contrahentes arbitrio nostro punientur, & ab illorum detentoribus, tanquam bona Ecclesiastica injuste detinentibus, vindicabuntur.

§. XI. *Reductio fundationum, a quo fieri debeat.*

Piæ fundationes ad certos, & determinatos usus factæ, aliis etiam piis usibus per Administratores earum propria autoritate non applicentur: sed si quæ ob earum tenuitatem, juxta voluntatem Fundatorum impleri nequeant, ideoque reductione opus sit, vel bona illarum ad alios meliores, aut magis necessarios usus converti expediat, ad sanctam Sedem Apostolicam, aut Nos, juxta sacros Canones recurratur.

CAPUT III.

§. I. *Elocatio bonorum Ecclesiasticorum, ad quot annos fieri debeat.*

Cum diuturna observantia comper- tum sit, quantum Ecclesiis detrimenti locatione rerum Ecclesiasticarum ad longum tempus inferatur: statui- mus, ut decimæ Capitulorum, Collegiorum, Monasteriorum, aliorumque piorum locorum, vel Beneficiorum Ecclesiasticorum, ultra sexennium; curtes vero, ac terræ arabiles ultra novennium, seu ut in his regionibus, ab immemorabili tempore fieri consuevit, ad annos duodecim, ita tamen, ut utrique parti singulis respectively trienniis, & sexenniis permixtum contractui renuntiare, non elocentur.

§. II. *Elocatio fiat plus offerenti & petita cautione.*

Bona ad Capitula, Monasteria, Pastoratus, Capellas, aliaque Beneficia Ecclesiastica, nec non fabricas Ecclesiarum, mensas pauperum, aliasque piæ fundationes, ac pia loca spectantia, post tres promulgationes debite factas, publice, & secundum æquitatem plus offerenti, petitaque idonea a conductoribus cautione, elocentur. Si a publicam elocationem propter collusionem incolarum loci, vel ob aliam justam causam, elocantibus fore damno verosimiliter appareat, ommissis pro-

mulgationibus, bona poterunt elocari; non minoris tamen, quam bona vicina ejusdem naturæ, & conditionis elocantur, nec aliter, quam accepta idonea cautione.

§. III. *Elocationes anticipatis solutionibus non fiant.*

Elocationes bonorum quorumcunque Beneficiorum Ecclesiasticorum anticipatis solutionibus nunquam fiant: & si quæ fuerint factæ, easdem nullas & irritas, nec Successores ullatenus obligare, etiamsi quocunque privilegio, vel indulto fulciantur, juxta Concilii Tridentini Decretum (s) declaramus; vetamusque, ne ulli Ecclesiastici pendentes Beneficiorum fructus, aut proventus currentes quovis colore, vel causa vendant, aut elocent, nisi dilata in tempus, quo fructus erunt a solo separati, aut annus cessit, solutione, ne iisdem cedentibus, aut decedentibus Successores illis priventur, & Ecclesia debitis muneribus destituatur.

§. IV. *Neque ea conditione, ut statim notabilis summa solvatur.*

Abusus est nullatenus tolerandus, quod subinde Ecclesiastici Beneficiorum suorum bona ad multos annos exigua pensione elocant, ea conditione, ut statim conductor notabilem summam pecuniæ solvat; quæ elocationes cum in maximum præjudicium Successorum cedant, si currentibus earundem annis elocatores moriantur; hæredes ipsorum ad restitutionem pecuniæ anticipatæ, juxta proportionem annorum cessorum teneri declaramus.

§. V. *Omnis occasio perpetuarum elocationum vitetur.*

Improbamus pariter, & prohibemus a nonnullis fieri solitas elocationes, cum facultate conductoribus data in fundis conductis ædificandi & plantandi ea conditione, ut finitis elocationis annis ædificata, & plantata per peritos æstimentur, conductoribus pretium restituatur, aut elocationis terminus producat: illæ siquidem causam perpetuarum elocationum sæ-

piissime præbent, & in gravissimum damnum Successorum vergunt.

§. VI. *In locum arborum cæduarum aliæ plantentur.*

Demum universis Parochis, Vice-Parochis, aliisque Beneficiariis mandamus, ut in locum arborum cæduarum, quæ vel vetustate, vel aliter pereunt, aut debito tempore cæduntur, alias plantari faciant: arbores vero non cæduæ, absque speciali nostra, nostrive Officialis licentia non cædantur, pretiumque inde proveniens ad augmentum, & utilitatem Beneficiorum, aut refectionem ædificiorum eorundem applicetur; & in locum earum aliæ plantentur.

TITULUS XIII.

De bonis fabricæ Ecclesiarum, & mensæ pauperum.

CAPUT I.

§. I. *Fabricæ Ecclesiarum, aliisque piis locis quinam præficiendi.*

Fabricæ Ecclesiarum, mensæ pauperum, Xenodochiis, aliisque piis locis Magistri, Provisores, atque Administratores viri Catholici, providi, idonei, ac boni testimonii, quique domui suæ bene præesse sint comperti, qui sciant, velint, valeantque loca ipsa, bona eorum, ac jura, instar Tutorum, & Curatorum conservare, præficiantur; non prodigi, lufui, ac computationibus dediti, nullatenus autem hæretici, vel de hæresi suspecti. Teneantur iidem singulis annis (t), vel saltem ubi tenuiores sunt proventus, singulis bienniis, Archi-Diacono, Decano Rurali, aut saltem Pastori, seu Vice-pastori loci, tanquam nostris hac in parte deputatis, rationes accuratas receptorum & expositorum ad Archivum Ecclesiæ reponendas, una cum exacta reddituum non solutorum designatione reddere. Omni decennio singillatim limites agrorum, terrarum arabilium, pratorum, sylvarum, & bonorum ad pia loca pertinentium exprimantur; addaturque designatio fundorum, & ædium oppignoratarum Ecclesiæ,

(s) Trid. Sess. 25. de Reform. cap. 11.

(t) Trid. Sess. 25. de Reform. cap. 8. & 10.

clesiæ, ædiumque & fundorum iisdem adfitorum, & vicinorum; ante administrationem etiam coram Pastore, vel Vice-pastore jurent se fideliter, & utiliter officio suo functuros. Insuper Magistri fabricæ Ecclesiarum, Administratores Hospitalium, mensæ pauperum, similiumque foundationum Curatores, cautionem ad minus fidejussoriam proportionatam reductibus per ipsos administrandis præstent, nisi aliud, attenta qualitate personarum, Archidiaconis, Decanis Ruralibus, aut Pastoribus visum fuerit.

§. II. *Duo sint Administratores, nec ultra biennium maneant.*

Duo sint eodem tempore ejusmodi bonorum Ecclesiæ Administratores, alter Magister fabricæ, alter Provisor mensæ pauperum, & Sodalitatum, nec ultra biennium, nisi rursus legitime electi juramentum renovent, in officio continentur.

§. III. *Pro vestantibus reductibus certus Receptor deputetur.*

Ad emonendos a multis annis restantes reductus a Pastore, vel Vice-pastore, Magistris fabricæ, & provisoribus mensæ pauperum, constituatur specialis Receptor, qui erga condignam mercedem eosdem diligenter exigat, & colligat, desuperque rationes reddat.

§. IV. *Stato tempore rationem non reddentes, mulcentur.*

Certi quoque dies ad audiendas rationes constituentur, in quibus ad easdem reddendas obligati in loco destinato compareant, & computus exhibeant sub pœna duorum florenorum aureorum.

§. V. *Computationibus ad minimum adfit Pastor.*

Archidiaconi, Decani Rurales, vel saltem Pastores loci, non tantum fabricarum, & mensarum pauperum, sed etiam Hospitalium, domorum orphanorum, Confraternitatum, ac quorumcunque locorum piorum rationibus interfint; (u) an reductus diligen-

ter emoneantur, & bona fideliter administrantur, observent.

CAPUT II.

§. I. *Provisoriis quænam observanda.*

Quoniam bona Ecclesiarum, mensæ pauperum, Sodalitatum, aliorumque piorum locorum merito omni sollicitudine conservanda sunt, idcirco quæcunque circa censuum, ac proventuum Ecclesiasticorum venditiones, solutiones, elocationes mandavimus observari, ad eadem observanda Magistros fabricarum Ecclesiæ, provisos mensarum pauperum, administratores bonorum sodalitatum, & ejusmodi locorum piorum obstringimus.

§. II. *Quænam ab iis procuranda.*

Meminerint Magistri fabricæ suarum esse partium, omnes census, ac reductus fabricæ Ecclesiæ diligenter exigere, colligere, recipere, fideliterque expendere; Ecclesiæ, turris, campanarum, sacrorum vasorum, ornamentorum, instrumentorum, ac vestium, aliarumque rerum, præcipue ad fabricam pertinentium curam habere; nullas autem Magistri fabricæ vendant, cædant, multo minus donent arbores, vel in privatos usus convertant ex sylvis, cœmeteriis, aliisque locis Ecclesiæ, sub pœna restitutionis quadrupli, & alia arbitraria; si vero eas cædi necessitas exigat, vel evidens Ecclesiæ utilitas suadeat, pretium earundem, addito die, anno, & causa venditionis rationibus inferatur.

§. III. *Lis nulli, infcio Parocho, intendatur.*

Processum nullum Ecclesiam, vel ejusdem bona concernentem Magistris fabricæ Ecclesiarum, seu provisos mensæ pauperum, absque Pastorem, Vice-pastorem, & primariorum loci virorum consilio, consensuque incipiant.

§. IV. *Eleemosynæ quando, & quibus dandæ.*

Eleemosynæ, ac proventus mensarum pauperum, vere pauperibus, ac pro-

(u) Trid. sup. cit.

Tomus IX. Concilior. German.

probis, ordinatis diebus, maxime Dominicis, ac Festivis post summum Sacrum, & Concionem, quibus omnes interfint, distribuuntur; ante Festum vero Nativitatis JESU CHRISTI, & paschæ Provisores mensa pauperum nomina eorundem Pastoribus, seu Vice-pastoribus exhibeant, ut in ipsorum vitam, ac mores, & an præcepto Ecclesiæ de Communione paschali satisfecerint, inquirant: in distribuendis siquidem elemosynis non tantum inopia, sed viæ etiam, ac morum ratio habenda est.

§. V. *Ad Hospitalia quinam non sint ad mittendi.*

Hospitalia, in subsidium peregrinorum erecta, histrionibus, aleatoribus, aliisque id genus hominibus non pateant; nec in iis viri cum feminis versari permittantur, etiam si se Matrimonio conjunctos esse asseverent: quia sub hoc colore Hospitalia sæpe in lupanaria fuisse conversa, deprehensum est.

§. VI. *In pauperibus ulitur Christus.*

Quicumque locorum piorum administrationem, procuracionemve suscipiunt, geruntque, illud in primis cogitare debent, se ad curam pauperum, pupillorum, viduarum, senum, ægritudine laborantium, peregrinorum, & aliorum aliena ope indigentium diligentissime, & patientissime sustinendam obligari, Christumque in extremo judicii die rigidissimam desuper rationem exacturum, misericordiam, operam, opem, beneficia & officia illis collata liberalissime quasi sibi facta remuneraturum; molestias autem, & injurias iisdem illatas, malamque redituum in ipsorum usus destinatorum administrationem severissime puniaturum.

TITULUS XIV.

De sententia Excommunicationis.

CAPUT I.

§. I. *Excommunicationis effectus a secularibus non impediatur.*

Cum excommunicationis gladius, veluti Ecclesiastica disciplina

nervus, a Christo Ecclesiæ concessus sit (*), quo contumaces & rebelles a Sacramentorum administratione, perceptione, & Christi fidelium communionem separantur, indignum est, & plane intolerandum, laicos quosdam Magistratus Judicibus Ecclesiasticis quoad usum jurisdictionis hujusmodi obicem nonnunquam ponere, & injicere impedimenta: quos proinde sub obtestatione Divini judicii districte monemus, & hortamur, ut quæ in vindictam, & correctionem iniquitatum ab Ecclesiasticis legitime decernuntur, neque impediunt ipsi, neque ab Officialibus, & Ministris suis impediri, aut convelli pariantur; quin potius eadem secularis brachii subsidio promoveant, ac tueantur.

§. II. *Censura circumspicte feratur.*

Judex vero Ecclesiasticus, cum parce admodum, caute, & circumspicte, excommunicationem in eos duntaxat, qui aliis opportunioribus juris mediis corrigi nequeant, ferre debeat: eapropter Decreto Concilii Tridentini (y) inhaerentes, prohibemus omnibus, & singulis Judicibus Ecclesiasticis, ne facile, aut leviter hoc spiritali gladio, sed aliis, sicubi commode fieri poterit, tum in procedendo, ac definiendo, tum exequendo juris remediis utantur. Nam sicut ægra membra, tunc demum a sano sunt corpore rescanda, cum corporis saluti alia ratione consuli non valet; ita anathematis gladio nemo a corpore Ecclesiæ est praeiciendus, quamdiu aliis sanari remediis potest.

§. III. *Excommunicati monendi, ut resipiscant.*

Et quia sententia excommunicationis in quemquam ferenda non est, ut pereat, sed ut poenitentia ductus emendetur; Pastores, Vice-pastores, & Concionatores anathematis vinculo ligatos serio admoneant, ut habita salutis suæ ratione resipiscant, & corpori, a quo sua culpa sunt præcisi, præstita satisfactione, & emendatione restituantur. Si qui vero pertinaces per integrum annum in excommunicatione infortuerint, tanquam Ecclesiasticæ potestatis

(*) Trid. Sess. 25. de Reform. cap. 3.

(y) Cap. 3. cit.

statis contemptores, de hæresi suspecti habeantur.

CAPUT II.

§. I. *Modus excommunicandi præscriptus a Canonibus est observandus.*

Porro modum excommunicandi a Canonicis Sanctionibus præscriptum norint Judices, qui ea potestate pollent. Pastores autem singulis diebus Dominicis, dum populus frequens ad Divina confluit, si qui sint per sententiam a reliquorum communione præcisi, eosdem clara voce nomenent, obligationemque ipsorum conversationem vitandi significent, ut hoc etiam adhibito remedio citius sese Ecclesiæ reconciliare fatagant; erubescunt enim vel maxime ab Ecclesiæ communione præcisi, dum se tanquam bonorum congressu, & convictu indignos ab omnibus vitari vident.

§. II. *Publice denunciati a Christi fidelibus vitentur.*

Omnes, & singuli Christi fideles juxta Canonicas, & Apostolicas Sanctiones a consortio per Ecclesiasticam sententiam publice denunciatorum abstineant, omnemque eorum conversationem devitent; (z) sicut & illorum, qui ob Clerici manifestam percussionem similem censuram incurrerunt. Qui vero ab eorum societate & familiaritate se continere noluerint, tanquam manifeste criminis fautores severe puniuntur.

§. III. *Excommunicati non absolviendi, nisi a Judice, vel ejus Superiore.*

S. CALISTUS Papa & Martyr (a) non tantum vetuit communionem cum excommunicatis, sed & eorum quemquam absolvi, nisi causa cognita parti læsæ fuerit satisfactum. Quare absolutio ab excommunicatione non nisi a Judice, qui sententiam tulit, vel a Superiore ejus concedi potest: præterquam in mortis articulo, quo permittitur cuivis Sacerdoti facultas absolviendi ab omnibus criminibus, & cen-

suris, etiam Apostolicæ Sedi reservatis, dummodo absolvendus habeat propositum sincerum, quod, si pristinae sanitati restituitur, in contumacia non sit persistere, & tam Judici, quam parti læsæ intra mensis spatium satisfacere.

TITULUS XV.

De Visitatione Ecclesiarum & personarum.

CAPUT I.

§. I. *Vita mala Ecclesiasticorum Ecclesiæ Dei valde perniciofa est.*

Si attentius consideretur, unde fidei corruptio, pietatis tepor, morum & disciplinæ dissolutio in Ecclesiam Dei irrepperit, id vel inde potissimum processisse apparebit, quod illi, qui (ut INNOCENTIUS III. Pontifex (b) illos appellat) in sortem, five hæreditatem Domini sunt adsciti, a vitæ, & vocationis suæ tramite deviantes fiant filii, qui suam matrem iniquitatis suæ armis impugnant.

§. II. *Hinc frequentes Visitationes instituendæ.*

Quibus malis eradicandis nullum efficacius potest adhiberi remedium, quam quod & antiqua Concilia ordinarunt, & Sacrosanctum Oecumenicum Tridentinum (c) saluberrime præscripsit, crebra scilicet Ecclesiarum visitatio.

§. III. *Quid ante visitationem Episcopalem a Decanis Ruralibus præstandum.*

Quæ ut majori cum fructu instigatur, Decani Rurales, vel illi, quibus id muneris delegatum fuerit, antequam Episcopus visitationem incipiat, aliquot diebus præcedant, parochias visitandas lustrent, viamque minoribus ac levioris momenti causis disculis præparent (d), ne Episcopus, seu ab eo deputati Visitatores similibus negotiis detineantur, & diutius hære cogantur; sed ubique locorum vi-

Vvv vvv 3 sitatio.

(z) C. Si quis suadente 17. q. 4. (a) C. Excommunicatos 11. q. 3. c. 23. de Appellat. c. 23. de V. S. (b) C. Cum secundum. de Præbend. (c) Sess. 24. de Refor. c. 3. (d) Statuta Adolphi III. pag. 474. §. Verum cum latissima sit.

sitationem expedite peragere, & absolvere possint.

§. IV. *Visitatores visitandis exemplo bono præluceant.*

Cum nihil potentius sit exemplo, vitæque laudabilis efficacior sit, quovis de virtute sermone, præsertim in iis, qui præsent; (e) integritas enim præsentium salus est subditorum, & eorum tanta communiter apud subditos est auctoritas, ut etiam ipsorum vitia imitentur, idcirco ne Visitatores, dum subditis nostris debent exhibere medicamenta salutis, lethalia venena propinent, prius domos suas reformant, mores & vitam ad sacrorum Canonum, Concilii Tridentini, Constitutionum Apostolicarum, & Decretorum Synodali præscripta componant: *Si quis enim domui suæ præesse nescit, quomodo Ecclesie Dei diligentiam habeat* (f), inutilibus sumptibus per Visitandos subministrandis nemini graves sint, sed contenti modico famulatio studeant, quam celerrime, debita tamen cum diligentia visitationes absolvere, (g) neque ipsi, aut quisquam suorum quidquam procuracionis causa pro visitatione accipiant, multo minus exigant.

CAPUT II.

§. I. *Quid Visitatoribus observandum sit.*

DEcani Rurales, alique autoritate nostra deputati Visitatores (h), assumpto Notario, qui Sacerdos sit, aut saltem Clericus non conjugatus, parochias suorum districtuum, aut ad Visitandum a Nobis ipsis commissas, cum Capellis, Xenodochiis, Hospitalibus, & Confraternitatibus solertissime perspiciant, de fide, vita, moribus, doctrina, & administratione Parochorum, Vice-parochorum, Vicariorum, Capellanorum, aliorumque Beneficiatorum, nec non Magistrorum fabricæ Ecclesiarum, Ædiliū, provisorum Hospitalium, ac mensarum pauperum, Ludimagistrorum, & Custodum, reliquorumque incolarum diligentissime

disquirant, errores, vitia, & crimina corrigant & evellant, eorumque loco virtutes, ac bonos mores inducant, inserant, & promoveant, paternaque charitate & Christiano zelo omnes amplectantur, aliud nihil, quam DEI honorem, & lucrum animarum quærant, omniaque exactissima cura peragant prophetice comminationis memores: *Maledictus, qui facit opus Dei negligenter.* (i)

§. II. *Quid Visitatoribus investigandum.*

Archi-Diaconi, Decani, Commisarii & alii Visitatores nostri exacte investigent (k), num Pastores, Vice-Pastores, eorumque Vicarii, Sacellani, Capellani & Adjutores, quibus animarum cura incumbit, pro verbo Dei prædicando, Confessionibus excipiendis, aliisque Sacramentis Ecclesiasticis ministrandis autoritate nostra juxta Concilii Tridentini, & Summorum Pontificum Sanctiones examinati, & approbati, Fideique professionem fecerint.

§. III. *Super quibus ulterior specialis inquisitio facienda.*

Inquirant speciatim, an Pastores, & Vice-pastores, ac reliqui Sacerdotes, & Ministri Ecclesiarum honeste vivant, an singuli, ad quos Sacramentorum administratio, & animarum cura spectat, in Parochiis suis resideant, ac pernotent, utrum pastoralia munia per semetipsos diligenter obeant, Dominicis ac Festis fori diebus Catecheticeam lectionem servant, juventutem etiam extra Catechesin instruant, verbum Dei cum fructu parochianorum prædicent, Missæ Sacrificium frequenter offerant, Sacramenta sedulo administrent, & ægros visitent, an quacun- que diei, ac noctis hora ad Sacramenta animarum salutis necessaria ministranda requisiti, statim se paratos ac promptos exhibeant, neque prætexendo horam importunam, tempus intempestivum, aut aliam occupationem tergiversentur, aut ob convivium se excusent, an ipsorum negligentia parochia-

ni

(e) Conc. Trid. Sess. 6. de Reform. c. 1. Conc. Prov. Colon. sub Hermanno V. Part. 14. c. 4. pag. 405. (f) 1. Tim. 3. §. 5. (g) Conc. Trid. Sess. 24. de Reform. c. 8.

(h) Conc. Trid. Sess. 7. de Reform. c. 8. Sess. 21. de Reform. c. 8. Sess. 22. de Reform. c. 8.

(i) Jeremias 28. §. 10.

(k) Conc. Prov. Colon. Part. 14. pag. 405. cap. 9.

ni absque Baptismo, Confessione, sacro Viatico, aut Extrema Unctione ex hac vita migraverint, an piis Testatorum voluntatibus, foundationibus, legatis, eleemosynis, & oneribus parochiarum, Beneficiorum, & Officiorum Ecclesiasticorum satisfiat: advertant etiam, utrum Ecclesiæ, vel domus pastorales, vel Sacellarum reparatione egeant, an cœmeteria bene oclusa sint; neque Sacramentalium ornamentorum, sacræ suppellectilis Ecclesiarum, & Scholarum visitationem prætermittant; accurate pariter attendant, an Synodalia nostra Decreta & Statuta observentur.

§. IV. *Major pars districtus ad minimum singulis annis visitetur.*

Quamvis desiderandum foret, ut in singulis districtibus visitationes annue instituerentur: si tamen latitudo districtus idipsum non permittat, Decani Rurales saltem majorem partem visitando absolvant, & reliquam subsequenti anno visitent; (1) acta autem cujusque visitationis nitide, ac recte descripta ad Nos, vel Vicarium nostrum Generalem in Spiritualibus intra mensem, a die absolutæ visitationis computandum, transmittant, ut non tantum Ecclesiarum statum cognoscamus, sed & collapsa erigere, vitiosa emendare, deformia nitore suo restituere possimus.

§. V. *Dies ad visitandum deputatus notificetur.*

Ut autem tam utile, & necessarium opus accuratiori diligentia peragatur, (m) Visitaturus parochiam ali-

quam, diem visitationi designatum, & adventus sui Pastori, seu Vice-pastori Ecclesiæ visitandæ notificet, moneatque, ut omnibus, & singulis ad parochiam spectantibus visitatio promulgetur, precesque ad Deum fundantur, ut visitatio ad honorem, & gloriam Omnipotentis, fidelisque populi salutem cedat.

§. VI. *Pastor Visitatorem in Ecclesia expectet.*

Pastor, seu Vice-pastor præstituta visitationis hora in Ecclesia cum Beneficiatis, Custode, Ludimagistro, Edilibus, Magistro fabricæ Ecclesiæ, provisor mensæ pauperum, & Scabinis Synodalibus compareat, claves tabernaculi sanctissimi Sacramenti, sacrorum Oleorum, Baptisterii, sacrarum Reliquiarum, Sacristiæ, Capellarumque, si quæ sint, paratas habeat, ibidemque Visitatoris adventum prætoletur.

§. VII. *Visitationi invocatio Spiritus Sancti præmittatur.*

Visitator ingressus Ecclesiam visitandam, sacro Missæ Officio celebrato, Spiritus sancti gratiam invocet; quo peracto materiam visitationem incipiat, & deinde ad personalem (*) juxta formam, quam imprimi mandavimus, & accuratissime observari volumus, procedat, omnique diligentia eo collimet, ut visitatio ad majorem DEI gloriam, extirpationem vitiorum, eradicationem abusuum, reformationem Ecclesiasticorum, & Ecclesiæ Ministrorum, fidelisque populi ædificationem vergat, prout in Domino confidimus, & optamus. (**)

FINIS TOMI IX. CONCIL. GERMAN.



ADNO-

(1) Concil. Trid. Sess. 24. de Reformat. cap. 3.

(m) Concil. Provinc. Colon. sub Hermanno V. Part. 14. c. 7. pag. 405.

(*) De utraque Visitatione actum b. Tom. a pag. 682.

(**) Ueberior Collectio Titulos habet Part. 3. XVII. quos inter Titulus V. de triplici Vicario Generali & cujusque officio ac potestate: Item Titulus IX. de Juramentis & Statutis Ecclesiarum.



ADNOTATIO AD LECTOREM.

Supereſt Tomus X. & is ſupremus, quem priorum rursus Tomorum ad normam exigendum, digereundumque, hæc cum Prolegomenis partes component:

I. Explanatio Historica de Episcopatibus in Germania a Sæculo XVI. suppressis, novisque dein erectis, ad Chartam Chorographicam modernæ Germanicarum Ecclesiarum Hierarchiæ.

II. Synodi ex Hartzhemianis Collectis reliquæ.

III. Omissarum breve Supplementum.

IV. Index Statutorum omnium, in tota hac Collectione contentorum, *Tom. VII. pag. 814.* promissus.

Hæc Te, benevole Lector, scire volui.

Fave & Vale.



